


সঙ্গীত, সচিত্র ও বিশুদ্ধ
অষ্টাদশশতাব্দী

No.

কাশীরামদাস-মহাভারত

প্রথম খণ্ড

(আদি-সভা-বন-বিরাট-উত্তরাংশ)



[কাশীরামদাসের সংকীর্ণ জীবনী-সংবলিত কৃষিকা, সম্পাদকের নিবেদন,
মহাভারত-পাঠের সংশোধন এবং উল্লিখিত গ্রন্থের সঙ্গীত অংশ,
অসমীয়া-পাঠের সংশোধন এবং উল্লিখিত গ্রন্থের সঙ্গীত অংশ,
মহাভারত-পাঠের সংশোধন এবং উল্লিখিত গ্রন্থের সঙ্গীত অংশ,
এবং নতুন প্রচ্ছদ-সংশোধিত]

54-
R-1

ঐ ১০৮ স্বামী সন্তোষ বাবাজী মহারাজের ঐচ্ছাপািত

শ্রীবিনোদলাল চক্রবর্তী, এম. এ.সি.

সম্পাদিত ও সংশোধিত।

02/R.L.
274.5923

চক্রবর্তী, চাটাজি এণ্ড কোং লিমিটেড,

পুস্তকবিক্রেতা ও প্রকাশক,

১৫ নং বক্স রোড, কলিকাতা।

মুদ্রণ-কাল, ১৯৫৬ সাল।

প্রকাশক—

শ্রীমুকুন্দলাল চক্রবর্তী, এম. এস. সি.

চক্রবর্তী, চার্টার্ড এণ্ড কোং লিমিটেড্

১৫নং কলেজ রোয়াড, কলিকাতা।

৫১৭৭/৮

54
— R-1.

সম্পাদকের নিবেদন

মহর্ষি বেদব্যাস-বচিত মহাভারত এবং মহর্ষি বাস্কীক-রচিত রামায়ণ সংস্কৃত-সাহিত্য-ভাণ্ডারের দুইটি অমূল্য রত্ন। খ্রিস্টাব্দে কোনও ভাষায় রামায়ণ-মহাভারতের তুল্য গ্রন্থ আছে কিনা সন্দেহ। হিন্দু-সমাজের নৈতিক, সুাধ্যাত্মিক ও সামাজিক শিক্ষার ক্ষেত্রে এই দুইখানি গ্রন্থের প্রভাব অতুলনীয়। এই দুইখানি গ্রন্থের মধ্যে আবার প্রসঙ্গের প্রাচুর্য্য ও বৈচিত্র্যে মহাভারতই শ্রেষ্ঠ। মহাভারতের বিশেষ বিশেষ দিকগুলির বিষয়গুলির মধ্যে শান্তিপর্বে সাম, দান, ভেদ ও বিসময়ক রাজনৈতিক উপদেশের তুলনা আর কুত্রাপি পাওয়া যায় কিনা সন্দেহ। জগতের সর্বশ্রেষ্ঠ অধ্যাত্ম-গ্রন্থ শ্রী বঙ্গীতা এই মহাভারতের-ই অংশভূত ভীষ্মপর্বের অন্তর্গত কয়েকটি অধ্যায়। মহাভারতে বর্ণিত ভীষ্মের প্রতিজ্ঞা ন ও ব্রহ্মচর্যা, যুধিষ্ঠিরের সত্যানিষ্ঠা, অর্জুনের বীরত্ব, ভীষ্মের শৌর্য্য, কর্ণের দানশীলতা, পাণ্ডারী ও দ্রোণদীর পতিভক্তিদধীচির আত্মত্যাগ, একলব্য ও উপমহ্যার গুরুভক্তি এবং কুন্তীদেবী ও বিদুরের ভগবত্বক্তি সভ্যসমাজকে আবহমানকাল উচ্চতম প্রেরণা দিয়া আসিতেছে। ইহার এক-একটি প্রসঙ্গ-অবলম্বনে এক-একখানি অদুপম গ্রন্থ রচিত হইতে পারে। ভারতভূমিতে এমন কোন বিষয়ের ধারণা করা যায় না, বাহা মহাভারতে স্থান পায় নাই। একটি দ-বচন আছে যে, "বাহা নাই ভারতে, তাহা নাই ভারতে"। এইরূপ জনশ্রুতি আছে যে, পুরাকালে মহর্ষি কদা তুলসীদেবের একদিকে চারিবেদ এবং অন্যদিকে এই ভারত-গ্রন্থ স্থাপন করেন, তাহাতে এই গ্রন্থ বেদ-চতুষ্টয়ের অপেক্ষা শ্রেষ্ঠ হওয়ার তাহার ইহাকে "মহাভারত"-নামে অভিহিত করেন।

কালক্রমে সংস্কৃতভাষা আর জনসাধারণের নিত্য-ব্যবহৃত ভাষা রহিল না। বিভিন্ন প্রদেশে ভিন্ন ভিন্ন প্রাণেশভাষা সংস্কৃতভাষার স্থান গ্রহণ করিল। ফলে সংস্কৃতভাষার রচিত মূল রামায়ণ-মহাভারতের রসাবাদনের আনন্দে জনসাধারণ বঞ্চিত হইল। বাঙ্গালাভাষাভাষীর সহজবোধ্য বাঙ্গালা পরায়চ্ছন্দে কবি কৃত্তিবাস রামায়ণ কবি কালীদাস দাস মহাভারত রচনা করিয়া বাঙ্গালীর এই অভাব দূর করিলেন। এই দুই গ্রন্থ আর চাণ্ডী পূর্বের রচিত হইলেও আজিও তাহা চির-নুতন এবং রাজার প্রাসাদে, দরিদ্রের পর্ণকুটারে ও সুদীর সুদীধানার পরিচালিত হইয়া আবাল-বৃদ্ধবনিতাকে অতি মূল্যবান শিক্ষা ও নির্মল আনন্দ দান করিতেছে।

বাঙ্গালদেশ রাজনৈতিক উদ্বেগান্বিত জন্ত বহুবৎসর হইতে বহু বিতর্ক হইতেছিল। সর্বশেষ স্বাধীনতা-লাভেররূপ বাঙ্গালার দুই-তৃতীয়াংশ স্বতন্ত্র-রাষ্ট্রের অন্তর্ভুক্ত হইয়াছে। পশ্চিমবঙ্গের বাহিরে অবস্থিত অংশগুলির বাঙ্গালী ভীষণ সঙ্কটের সম্মুখীন। ঐ সকল স্থানের বাঙ্গালীর ক্রটি ও ভাবার শোপলাধনের প্রেবল প্রচেষ্টা চলি এই আক্রমণ প্রতিরোধের জন্ত তত্তৎ-স্থানীয় বাঙ্গালীগণকে মাতৃভাষার ভিত্তি সুদৃঢ় করিতে হইবে এবং তাহা হইলে বাঙ্গালী-সাহিত্যের, বিশেষ করিয়া বাঙ্গালী রামায়ণ ও মহাভারতের ব্যাপক-চর্চা একান্ত প্রয়োজন। বঙ্গের বৃহত্তর বাঙ্গালার ঘরে ঘরে এই মহাভারতের বহুল-প্রচারণার উদ্দেশ্যে "প্রকাশকলণ এই বর্তমান সংস্করণ করিলেন। পাশ্চাত্য-জগতের ধর্ম ও নীতিহীন বিভিন্ন ভাবধারার প্রভাব বাঙ্গালার সামান্যে ঘোরতর বিপ্লবের সৃষ্টি করিয়াছে। এতদুপরি চলতিজের কুক্ষিপূর্ণ শিক্ষার নৈতিক চরিত্রের ক্রমবর্ধন পল্লিক্রান্ত হইতেছে। লোকসমাজের এই ক্রম দূর করিতে হইলে পূর্ব-প্রচলিত কথকতা এবং মহাভারত-পাঠের পুনঃপ্রবর্তন নিত্য প্রয়োজন।

ন সংকলন, মূল্যবান গ্রন্থ। পুস্তকের সহিত প্রাচীন পুঁথির কিছু কিছু পাঠ্য
 বাঙ্গালী সংস্করণ করিয়া অথবা পাঠ্য

কাশীরাম দাসের কাব্যের মধ্যে মধ্যে যে জোড়াতালির অঙ্গভূতি আছে, তাহার অনেকগুলিই পূর্ববর্তী সংস্করণে : এড়াইয়া গিয়াছিল। সেইগুলির সংশোধনে যত্ববান হওয়া গিয়াছে। কয়েকটি উদাহরণ এখানে প্রদত্ত হইল।

বর্তমান-চলিত অনেক সংস্করণে উদ্যোগপর্কে শ্রীকৃষ্ণের দোতাকাব্যে বিরাট-নগর হইতে হস্তিনা-বাজা-প্রসঙ্গ

বিরাট-নগর তরি চলিলা সে কাঞ্চীপুরী
বামে করি মগধের দেশ।
কাঞ্চন-নগর দিয়া কাশীরাজ্য এড়াইয়া
ব্রহ্মদেশে আসে হ্রস্বীকেশ ॥

এখানে হঠাৎ ব্রহ্মদেশের নামোল্লেখ অপ্রাসঙ্গিক; যেহেতু মূল মহাভারতে এখানে বৃক্শলের উল্লেখ আছে। সুতরাং বর্তমান সংস্করণে মূলের নামই গ্রহণ করা হইয়াছে।

আদিপর্কে ভীমের বিষপান-প্রসঙ্গে আধুনিক সংস্করণগুলিতে একটি পাঠ আছে “প্রমাণ-কুটী”—“ব্রাহ্মগণ চলে প্রমাণ-কুটীরে”। পুরানো বটতলার বইয়ে পাঠ ছিল “সব ব্রাহ্মগণ চলে প্রমাণ-কোটিতে” এখানে “প্রমাণ-কোটিতে” এবং “প্রমাণ-কুটীরে” দুইটিই নিত্যন্ত ভ্রান্ত পাঠ। শুদ্ধপাঠ হইবে “প্রমোদ-কুটীতে” বা “প্রমোদকুটীরে” বর্তমান সংস্করণে এই সংশোধিত পাঠই দেওয়া হইয়াছে।

দ্রোণপর্কে অশ্বখামার সহিত শিখণ্ডীর যুদ্ধ-প্রসঙ্গে আছে,—

যমদণ্ড-নামে বাণ পুরিল সন্ধান।
দেখিয়া শিখণ্ডী ভয়ে হৈল কম্পমান ॥
বায়ুগতি ছুটে বাণ কি কহিব কথা।
সকুণ্ডল কাটি পাড়ে শিখণ্ডীর মাথা ॥

কিন্তু কর্ণপর্কে পুনরায় কর্ণের সহিত শিখণ্ডীর যুদ্ধ বর্ণিত আছে,—

রাজারে রাখিতে আসে যত যোদ্ধগণ।
ভীমসেন ধুষ্টদ্যুম্ন দ্রুপদ-নন্দন ॥
শিখণ্ডী নকুল সহদেব কাশীপতি।
শিশুপাল-পুত্র আসে অতি-শীঘ্রগতি ॥
একেবারে অস্ত্র এড়ে কর্ণের উপর।
সব অস্ত্র নিবারিল কর্ণ ধমুর্ধর ॥

আবার সৌপ্তিকপর্কে বর্ণিত আছে যে,—

কাটিলেক মহাবীর শিখণ্ডীর মুণ্ড।

মূল মহাভারতে শিখণ্ডীর মিদম বর্ণিত হইয়াছে সৌপ্তিকপর্কে অশ্বখামার সহিত কাশীরাম দাসের মহাভারতের প্রচলিত সংস্করণগুলির সম্পাদকগণের চোখ এড়াইয়া গিয়াছিল। সুতরাং বর্তমান সংস্করণে এই ভ্রান্ত পাঠই দেওয়া হইয়াছে।

আদিপর্বে ধৃতরাষ্ট্রের পুত্রগণের নাম কশীরাম দাস বাহা দিয়াছেন, তাহার সহিত মূল মহাতারও একত্ব নামক
 মিল নাই। এত সংস্করণে নাম-ভালিকা মূল-মহাতারও-অনুযায়ী সংশোধন করিয়া দেওয়া ইহা হইছে।

কলিকাতা বিশ্ববিদ্যালয়ের বাংলা-সাহিত্যের খ্যাতনামা অধ্যাপক ডক্টর হুমুয়ার সেন, এম্. এ., পি. এইচ.-ডি. মহাশয় এই সংস্করণের ভূমিকা বচনা করিয়া প্রেছের সৌষ্ঠব-বৃদ্ধি কবিরাজেন। এইজন্য আমি তাঁহার নিকটে ধন্য। ডক্টর সেন কাশীরাম দাসের জীবনী এবং তাঁহার রচিত মহাতারত-কাব্য-সম্বন্ধে ঐ ভূমিকার যে আলোচনা করিয়াছেন, ঐ বিষয়ে তুদতিরিক্ত আর কিছু বলিবার প্রয়াস আমার পক্ষে দৃষ্টতা মাত্র।

বইখানিকে ব্যাপ্যসম্বন্ধ নির্ভর ও শোভনভাবে প্রকাশ-বিষয়ে বিশেষ যত্ন ও পরিশ্রম করিয়াছেন শ্রীযুক্ত
সুকুমারলাল চক্রবর্তী, এম্. এন্-সি., শ্রীযুক্ত বসাপতি বসোপাধ্যায় ও পণ্ডিত শ্রীযুক্ত ত্রিপতিসুন্দার মিত্র কাব্য-ব্যাকরণতীর্থ।
কানীয়ার দাপের মহাভারতের এই নতুন সংস্করণ-প্রকাশের কৃতিত্ব অনেকটা ইঁহাদেরই শ্রোণ্য। বর্তমান সংস্করণ
পাঠক-সাঠিক'-সাধারণের কাছে আদরগীর হইলে সম্পাদক ও প্রকাশকগণের শ্রম ও অর্থব্যয় সার্থক হইবে।

कलिकाता, }
 १ला वैशाख, १७८७ साल । }

जन्मदिन क

ইন্দ্ৰাণী নামেতে দেশ পূৰ্বাপর স্থিতি
 ষাদশ-নামেতে তীর্থ বহে ভাগীরথী ।
 কায়স্থ-কুলেতে জন্ম, বাস সিঙ্গী গ্রাম
 প্রিয়ঙ্কর দাস-পুত্র সুধাকর নাম ।
 তৎপুত্র কমলাকান্ত কৃষ্ণদাস-পিতা
 কৃষ্ণদাসাশুজ গদাধর-জ্যেষ্ঠভ্রাতা ।

গদাধর 'জগন্নাথ-মঙ্গল' কাব্যে স্বীয় বংশপবিচর ভালো করিয়াই দিরাছেন । গদাধর লিখিয়াছেন,—

ভাগীরথী-তটে বাটী ইন্দ্ৰায়ণী নাম
 তার মধ্যে প্রতিষ্ঠিত গণি সিঙ্গি গ্রাম ।
 অগ্রদ্বীপ গোপীনাথ রায়-পদতলে
 নিবাস আমার সেই চরণকমলে ।
 তাহাতে শাণ্ডিল্য গোত্রের দেব দৈত্যারি
 দামোদর পুত্র তার সদা সেবে হরি ।
 ছবরাজ শুভরাজ তাহার নন্দন
 ছবরাজ-পুত্র হৈল মীনকেতন ।
 তাহার নন্দন হৈল নাম ধনঞ্জয়
 তাহা হৈতে হৈল এই তিনটি তনয় ।
 রঘুপতি ধনপতি দেব নরপতি
 রঘুপতি-পঞ্চপুত্র প্রতিষ্ঠিত-মতি ।
 প্রিয়ঙ্কর সুরেশ্বর কেশব সুন্দর
 চতুর্থে শ্রীমুখ দেব পঞ্চমে শ্রীধর ।
 প্রিয়ঙ্কর হৈতে হৈল এ পঞ্চ উদ্ভব
 যত সুধাকর মধু শ্রীরাম রাঘব ।
 সুধাকর-নন্দন এ তিন পরকাশ
 শ্রীমন্ত কমলাকান্ত দেব চণ্ডীদাস ।
 দেব শ্রীকমলাকান্ত তেজিয়া নিবাস
 জগন্নাথ দেখিয়া সে ওড়ে কৈল বাস ।
 কমলাকান্তের হৈল এ তিন কোণ্ডর
 প্রথমে শ্রীকৃষ্ণদাস শ্রীকৃষ্ণকিঙ্কর ।
 দ্বিতীয়ে শ্রীকালীদাস ভক্ত ভগবান্
 রচিল পাঁচালী-ছন্দে ভারত-পুরাণ ।
 তৃতীয় কনিষ্ঠ দীন গদাধর দাস
 জগৎমঙ্গল-কথা করিল প্রকাশ ।

কমলাকান্ত উত্তর রাঢ়ের পৈতৃক নিবাস পরিত্যাগ করিয়া উড়িষ্যা বসবাস করিলেন। সেখানে উড়িষ্যা বলিতে এখনকার দিনের দক্ষিণ রাঢ়ের অনেকটা বুঝাইত। কমলাকান্ত বাস করিয়াছিলেন হরিশ্রীপুরে। এই গ্রাম এখন ময়ূরভঞ্জের অন্তর্গত। কাশীরামের জন্ম কোথায় হইয়াছিল, বলিতে পারি না। তবে গ্রাম-পড়া এইখানেই হইয়াছিল বলিয়া মনে হয়। হরিশ্রীপুর-নিবাসী শিকা-(অর্থবা দীক্ষা)-গুরু অভিরাম (বা) মুখটির আশীর্ব্বাদ লাভ করিয়া ভারত-পাচালী-রচনার প্রবৃত্তি হইয়াছিলেন, একথা কাশীরাম লিখিয়াছেন।

হরিশ্রীপুর-গ্রাম সর্ব্বগুণধাম
পুরুষোত্তম-নন্দন মুখটি অভিরাম' ।
কাশীদাস বিরচিল তাঁর আশীর্ব্বাদে
সদা চিত্ত রহে যেন বিজ্ঞপাদপদ্মে ।

কবিত্ব-শক্তি কাশীরামের বংশগত ছিল। তাঁহার প্রপিতামহের এক অমুজ শ্রীমুখের পুত্রাস গোবিন্দ-মঙ্গল-কাব্য রচনা করিয়াছিলেন। ইনি হরিশ্রীপুরের নিকটেই বাস করিতেন। সুতরাং উড়িষ্যার কাশীরামের বংশের যোগাযোগ বহুকাল পূর্বে হইতেই ছিল। কাশীরামের অগ্রজ কৃষ্ণদাস শৈশব হইতে কৃষ্ণভক্তি-পছন্দিতেন। যৌবনে ইনি সংসার ত্যাগ করিয়া বৈষ্ণব-পরিব্রাজক হইয়া যান এবং শ্রীমদ্ভাগবত-অবলম্বনে শ্রীকৃষ্ণবিষয় রচনা করেন। কনিষ্ঠ গদাধর দাস কটকে থাকিয়া স্বন্দ-পুরাণের উৎকল-খণ্ড-অনুসারে জগন্নাথদেবের মাহাত্ম্য 'জগন্নাথ-মঙ্গল' বা 'জগৎ-মঙ্গল' লিখিয়াছিলেন। জগন্নাথ-মঙ্গলের রচনা শেষ হইয়াছিল ১৬৪৩ খ্রীষ্টাব্দে, শাহজাহানেশ্বর রাজ্যাক্ষে।

রাজ-চক্রবর্তী শাহ-জাহাঁ দিল্লিপতি
ধর্ম্মস্থানে তোষণ করিল বসুমতী ।
রাজ্যের হইল পতি সন পঞ্চদশ
মহান্ প্রতাপী হয় বৈরজয়যশ ।
উৎকলে উত্তম গণি কটক নগর
মাখনপুরেতে গ্রাম তাহার ভিতর ।
বিষয়ীর বাড়ী স্থিতি সেই বরস্থান
হুর্গাদাস চক্রবর্তী পড়িল পুরাণ ।

কাশীরাম ছিলেন বৈষ্ণব-বংশের সন্তান। তাঁহার কাব্যে বৈষ্ণবোচিত ভক্তিরসের প্রাচুর্য্য আছে। ইহা সেকালে সাহিত্যে যুগধর্ম্মের প্রভাবের ফলও বটে।

৩। কাশীরামের কাব্য

অমুজ গদাধর দাসের জগন্নাথ-মঙ্গল কাব্যে কাশীরামের ভারত-পাচালীর উল্লেখ আছে, সুতরাং কাশীরামের রচনাকাল ১৬৪৩ খ্রীষ্টাব্দের পূর্বে বাইবে। আদিপর্ব্বের একটি পুথির শেষে এই কালজ্ঞাপক পয়ার আছে হইয়াছিল।

শকাব্দ বিধুমুখ রহিলা তিমগুণে
ক্লান্তিগী-নন্দন আঁছে জলনিধি-সনে ।

এটি আদিপর্বের রচনা-সমাপ্তি-কাল হইতে পারে, লিপি-সমাপ্তি কালও হইতে পারে। রচনা-সমাপ্তি-কাল নির্ণয় করিয়া ত্রিযুক্ত বোগেশচন্দ্র রায় হিসাব করিয়া পাইয়াছেন ১৫২৪ শকাব্দ অর্থাৎ ১৬০২-০৩ খ্রীষ্টাব্দ। এই হিসাবের সমর্থন মিলিতেছে একটি বিরাটপর্বের পুঁথির পুঁথিকার। ইহাতে রচনা-সমাপ্তি-কাল আছে ১৫২৬ শকাব্দ অর্থাৎ ১৬০৪-০৫ খ্রীষ্টাব্দ,—

চন্দ্র বাণ পক্ষ ঋতু ঋক সমুচ্চয়

বিরাট হইল সাজ কাশীরাম কয়।

১৬০৪ খ্রীষ্টাব্দে বিরাটপর্ব শেষ হইলে তাহার দুই বৎসর পূর্বে আদিপর্বের রচনা-সমাপ্তি-কাল হিসাবে অনুমান হইবে।

বাঙ্গালা পক্ষে অনেক কবিই ভারত-পাঁচালী লিখিয়াছিলেন। কিন্তু তাহার কোনটাই ব্যঙ্গদেশ-বিষয়িত সংস্কৃত মহাভারতের অনুবাদ অথবা যথাযথ অনুসরণ নয়। কাশীরাম দাসের মহাভারতও তাহা নয়। এই কাব্যে অত্যন্ত পুরাণ-গ্রন্থ হইতেও কিছু কিছু কাহিনী গ্রহণ করা হইয়াছে। কয়েকটি কাহিনী আবার বাঙ্গালা দেশের নিজস্ব গল্প। অবশেষপর্ব গোটাটাই প্রায় জৈমিনীর-সংহিতার অনুসরণ। কোচবিহার রাজসভার পুরাণ-পাঠক কবি অনিচ্ছসহায় সম্বন্ধীয় বক্ত পরবর্তী কালের কোন ভারত-পাঁচালীর কবি সংস্কৃত মহাভারত প্রত্যক্ষ করিয়াছিলেন বলিয়া বোধ হয় না। সকলেই কথকের মুখে শোনা কথা পক্ষে গাঁথিয়া গিয়াছেন। তাই কাশীরাম লিখিয়াছেন,—

ঋতুমাত্র কহি আমি পাঁচালীর ছন্দ

রসিক-সুজন-পিয়ে সুধামকরঙ্গ।

কৃতিবাদের ত্রীরাম-পাঁচালীর মত কাশীরাম দাসের ভারত-পাঁচালী বাঙ্গালা সাহিত্যের সর্বজনীন কাব্য। ধনি দরিদ্র, পণ্ডিত-মুর্থ, বৃদ্ধ-বৃদ্ধা, তরুণ-তরুণী, বালক-বালিকা সকলের কাছেই রামায়ণ ও মহাভারত-কাহিনীর সমান সমাদর। মহাভারতের মধ্যে চমৎকারজনক কাহিনীর অসংখ্য নাই। সুতরাং শিশুমনের খাদ্য ইহাতে বঞ্চিতই আছে। বীরবীরের উদ্দীপনা ও কারুণ্যের আকর্ষণ গলায়নুনার মত পাশাপাশি বহিয়া আসিয়া ভারত-মহাভাগের বিশিষ্ট আছে। বয়স্ক নরনারীর কাছে তাহা পরম উপাদেয়। পণ্ডিত ইহাদ মধ্যে প্রাচীন ইতিহাস ও দর্শনের অনেক স্তম্ভ ও মূল কথাই পাটবেন। অন্যরূপে মোক্ষলাভের পন্থীর রাজসভার মহাভারত-পাঠ চিরকালই চলিয়া আসিয়াছে। দরিদ্র-ব্যক্তি মহাভারত পড়িয়া শুনিয়া তাহার প্রতিদিনের দুঃপৈন্যের কথা ক্ষণকালের জন্য ভুলিতে পারে। বৃদ্ধ-বৃদ্ধা মহাভারত পড়িয়া পরলোকের পাথরের সন্ধান পায়। সুতরাং বাঙ্গালার মহাভারত আহা ও ঔষধ দুই-ই।

বাঙ্গালা দেশের সামাজ্য, অশিক্ষিত ব্যক্তির ধর্ম ও নীতির মূল স্তম্ভগুলি অবগত আছে। বাঙ্গালাদেশের বাহিরে নিরক্ষর ব্যক্তির যতটা নিরেট, অজ্ঞ ও মূঢ়, বাঙ্গালী তেমন কখনই নয়। ইহার কারণ এই নয় যে, বাঙ্গালা দেশে শিক্ষার কোন বিশেষ ব্যবস্থা ছিল বা বাঙ্গালীর লেখাপড়া শিখিবার বিশেষ কোন সুযোগ বা সুবিধা ছিল। ইহার কারণ এই যে, অশিক্ষিত বাঙ্গালী চিরকালই রামায়ণ ও মহাভারত-পাঁচালী শুনিয়া আসিয়াছে গায়ক-কথকের মুখে। কালের গতিকে যখন পুরাণ-পাঠক, মহাভারত-কথক ও রামায়ণ-গায়ক লুপ্ত হইয়া আসিল, তখন ভাষার স্থান অবিকার করিল বটভলার ছাপা কৃতিবাগ-কাশীরামের কাব্য। বটভলার রামায়ণ-মহাভারত বাঙ্গালীর সংসারের একটি অপরিহার্য দ্রব্য হইয়া উঠিল। মাতৃভক্ত ও গাভীহৃদ পান করিয়া যেমন বাঙ্গালী-সন্তানের দেহ বুদ্ধিলাভ করিয়াছে, তেমনি রামায়ণ-মহাভারতের পুণ্যরস পান করিয়া তাহার জগৎ-মন পরিণতি লাভ করিয়াছে। তাই ভারতবর্ষের মধ্যে সাধারণ বাঙ্গালী ধর্ম ও নীতিশিক্ষার এতটা অগ্রসর হইতে পারিয়াছে। গীতার পাণ্ডিত্য, গান্ধীর মানসিক দৃঢ়তা, লক্ষণের ব্রাহ্মত্ব, সুবিষ্ণুর দ্যাবির্ভ: বাঙ্গালীকে শিশুকাল হইতে যে শিক্ষা দিয়াছে, তাহা কোন বিভাগে

কোনকালে সহজে পাওয়া যায় না। কুল-কলেজের শিক্ষার পথ নীরস ও কঠিন, তাহা ঔষধ বটে, তবে কুইনীর মত তিক্ত। রামায়ণ-মহাভারতের শিক্ষা গল্পছলে উপদেশ, তাহা ঔষধ নিশ্চয়ই, তবে চিনির প্রলেপ দেওয়া পিল, আহা! মিষ্ট এবং পরিণামে হিতকর।

কাশীরাম দাসের মহাভারতকে ভাগীরথী-প্রবাহের সঙ্গে তুলনা করা চলে। ইহাতে অনেক কালের বহু রসধারামিশ্রিয়াছে এবং শতাব্দীর পর শতাব্দী ধরিয়া কাশীরামের নাম ও স্মৃতিকে পুণ্যময় করিয়া দিয়া বাঙ্গালী জনগণের চিন্তাক্ষেত্র আর্দ্র ও উর্বর করিয়া আসিতেছে। শ্রীরাম-পাঁচালীর মত ভারত-পাঁচালীর আবৃত্তি ধর্ম্যমুগ্ধানের অঙ্গ ছিল না। ইহা প্রধানতঃ কথকতার রীতিতে পাঠ করা হইত। তাই ভারত-পাঁচালীর আসরে অহিন্দুরও স্থান ছিল প্রথম হইতেই এবং বাঙ্গালী হিন্দুর মত বাঙ্গালী মুসলমানও কর্ণবট তরিয়া ভারত-রস পান করিয়া আসিয়াছে। পূর্বেই বলিয়াছি যে, ভারত-পাঁচালীর পতন হইয়াছিল মুসলমান-অভিজ্ঞানের দরবারে পঞ্চদশ শতাব্দীর একেবারে শেষে অথবা ষোড়শ শতাব্দীর প্রারম্ভে। তাহার পর দীর্ঘ তিন শতাব্দী পার হইয়া দেখি, কলিকাতা কলিকাতাবাজারের মুসলমান-দোকানদার নিজের পড়িবার জন্ত কাশীরাম দাসের ভারত-পাঁচালীর পুঁথি নকল করিয়া লইতেছে। তাই আবার বলিতেছি, কাশীরাম দাসের মহাভারত পুঁথি বাঙ্গালী সাহিত্যের সর্বজনীন কাব্য।

কাশীরামের কাব্যকে! পুঁথি সাহিত্যের মধ্যেই বা ফেলি কেন বাঙ্গালী ভাষায় কোন আধুনিক কাব্য এত সহজবোধ্য ও সর্বজনগ্রাহ্য? কাশীরামের কাব্য প্রাচীনও নয় এবং আধুনিকও নয়, ইহা সার্বকালিক, কৃত্তিবাসের রামায়ণ-পাঁচালীর মত। এই ছই মহাকাব্য আবহমানকাল বাঙ্গালীর শিশু-মন গল্পরসে রসায়িত করিয়া, তাহার তরুণ-চিত্তে কর্তব্যের স্পৃহা জাগাইয়া এবং তাহার প্রবীণ-হৃদয়ে পরলোকেব আশ্বাস বহন করিয়া আনিয়া তাহার জীবন-পথকে সর্বাবস্থায় সহজসুন্দর করিয়াছে।

৪। কাশীরাম দাসের মহাভারতের সংস্করণ

কাশীরামের ভারত-পাঁচালীর অল্প-কিছু অংশ মুদ্রিত হইয়াছিল হাল্‌হেডের বাঙ্গালী ব্যাকরণে। এই ব্যাকরণ ইংরেজী ভাষায় লেখা, ছাপা হইয়াছিল হুগলিতে ১৭৭৮ খ্রীষ্টাব্দে। শ্রীরামপুর মিশন প্রেসে আদিপর্ক ছাপা হইয়াছিল ১৮০৩ খ্রীষ্টাব্দে। এই প্রেসে কাশীরামের সমগ্র কাব্য মুদ্রিত হইয়াছিল ১৮৩৬ খ্রীষ্টাব্দে সংস্কৃত কলেজের সুপ্রসিদ্ধ অধ্যাপক জয়গোপাল তর্কালঙ্কারের সম্পাদনায়। শ্রীরামপুর মিশন প্রেসের ছাপা সংস্করণ দুইটির ও বর্তমানে প্রচলিত সংস্করণগুলি কিছু কিছু পাঠ তুলনামূলক আলোচনার জন্ত উদ্ধৃত করিয়া দেওয়া গেল।

(১)

১৮০৩ খ্রীষ্টাব্দের সংস্করণ

তবে পুনঃ পুনঃ ধুটুয়্য মহাবলে
লক্ষ্য বিজিব্বারে বলে ক্ষত্রিয়-সকলে
শুনিয়া উঠিলা তবে কুরুবংশপতি
ধনুর নিকটে গেল ভীষ্ম মহামতি।
তুলিয়া ধনুকে ভীষ্ম দিয়া বামজাম্বু
ছলে ধরি নোয়াইল মহাবল ধনু।

১৮৩৬ খ্রীষ্টাব্দের সংস্করণ

পুনঃ পুনঃ ধুটুয়ায় স্বয়ংবর-স্থলে
লক্ষ্য বিদ্ধিবারে বলে ক্ষত্রিয়-সকলে ।
তাহা শুনি উঠিলেন কুরুবংশপতি
ধনুর নিকটে যান ভীষ্ম মহামতি ।
তুলিয়া ধনুকে ভীষ্ম দিয়া বামজামু
জলে ধরি নজ করিলেন মহাধনু ।

আধুনিক সংস্করণগুলিতে ১৮৩৬ খ্রীষ্টাব্দে ছাপা বইয়েরই পাঠ গ্রহীত হইয়াছে । কেবল শেষ ছত্রে “নজ” হইয়াছে “নত” ।

(২)

১৮০৩ খ্রীষ্টাব্দের সংস্করণ

অর্জুন চলিয়া যান ধনুকের ভিত্তে
দেখি দ্বিজগণ সব লাগিল পুচ্ছিতে ।
কোথাকারে যাহ দ্বিজ কিসের কারণ
সভা হৈতে উঠি যাহ কোন্ প্রয়োজন ।
অর্জুন বলিল যাহি লক্ষ্য বিদ্ধিবারে
প্রসন্ন হইয়া সবে আজ্ঞা দেহ মোরে ।
শুনিয়া হাসিল যত ব্রাহ্মণ-মণ্ডল
কথ্যারে দেখিয়া দ্বিজ হইল পাগল ।

১৮৩৬ খ্রীষ্টাব্দের সংস্করণ

অর্জুন চলিয়া যান ধনুকের ভিত্তে
দেখিয়া ত দ্বিজগণ লাগে জিজ্ঞাসিতে ।
কোথাকারে যাহ দ্বিজ কিসের কারণ
সভা হৈতে উঠি যাহ কোন্ প্রয়োজন ।
অর্জুন বলিল যাহি লক্ষ্য বিদ্ধিবারে
প্রসন্ন হইয়া সবে আজ্ঞা দেহ মোরে ।
শুনিয়া হাসিল যত ব্রাহ্মণ-মণ্ডল
কথ্যারে দেখিয়া দ্বিজ হইল পাগল ।

আধুনিক সংস্করণ

অর্জুন চলিয়া যান ধনুকের ভিত্তে
 দেখিয়া সে দ্বিজগণ লাগে জিজ্ঞাসিতে ।
 কোথাকারে যাও দ্বিজ, কিসের কারণে
 সভা তৈতে উঠি যাহ কোন প্রয়োজনে ।
 অর্জুন বলেন, যাই লক্ষ্য বিদ্ধিবারে
 প্রসন্ন হইয়া সবে আজ্ঞা দেহ মোরে ।
 শুনিয়া হাসিল যত ব্রাহ্মণ-মণ্ডল
 কহ্যারে দেখিয়া দ্বিজ হইল পাগল ।

উপরের উদ্ধৃত অংশগুলি হইতে বুঝা যাইবে যে অধুনাতন সংস্করণগুলি মোটামুটিভাবে শ্রীরামপুর মিশন প্রেসে ছাপা বিত্তীয় সংস্করণের পাঠই অনুসরণ করিয়াছে ।

বর্তমান সংস্করণে প্রচলিত অন্ত্যন্ত সংস্করণের ভ্রম-প্রমাদ অনেকাংশে সংশোধন করিয়া সম্পাদক মহাশয় মহাভারতের অতি প্রয়োজনীয় সংস্কার সাধন করিয়াছেন । এই সংস্করণ পাঠকমহলে সমাদর লাভ করিলে গুণগ্রাহিতারই পরিচয় পাওয়া যাইবে । কাগজের হ্রস্বপাতা ও মুদ্রণের হ্রস্বপাতাব দিনেও প্রকাশকগণের বইখানিকে সর্বদাঙ্গুল করিবাব চেষ্টা বিশেষ প্রশংসনীয় ।

২৭নং গোয়াবাগান লেন,
 কলিকাতা ।
 ১লা বৈশাখ, ১৩৫৬ সাল ।

}

শ্রীসুকুমার সেন

সূচীপত্র

প্রথম খণ্ড

বিষয়	পৃষ্ঠা	বিষয়	পৃষ্ঠা
মঙ্গলাচরণ	১১/০	১৮। ইন্দ্রের প্রতি বালধিলাদির অতিসম্পাত	২৭
দশাবতার-স্তোত্র	১১৮/০	১৯। শেষ-সাপের তপস্যা, ভূভার-গ্রহণ, বাহুকির	
গ্রন্থ-সূচনা	১৮৮/০	চিন্তা এবং জরৎকারের সহিত জরৎকারীর	
		বিবাহ	৩১
আদিপর্ব		২০। পরীক্ষিতের ব্রহ্মশাপ	৩৪
১। সৌতিমুনির নৈমিষারণ্যে আগমন ও		২১। পরীক্ষিতের নিকট তক্ষকের আগমন	৩৬
শৌনকাদি ঋষিগণের সহিত কথোপকথন	১	২২। ভবৎকারের পত্নী-ত্যাগ	৩৮
২। ভৃগুবংশ-পরিচয়	২	২৩। আশ্বিকের জন্ম	৪০
৩। ভৃগুবংশীয় কুরু সর্প-হিংসা	৪	২৪। উপমহু ও অরুণির উপাখ্যান	৪২
৪। জরৎকারের উপাখ্যান	৫	২৫। উত্তরের উপাখ্যান	৪৪
৫। সর্পগণের উৎপত্তি, অরুণের জন্ম, কক্ষ ও		২৬। জনমেজয়ের সর্প-যজ্ঞের-মন্ত্রণা	৪৬
বিনতার উল্লেখ-প্রদর্শন	৭	২৭। জনমেজয়ের সর্প-যজ্ঞ	৪৭
৬। সমুদ্র-মহান-কথা	৮	২৮। যজ্ঞস্থানে আশ্বিকের আগমন	৪৯
৭। নাবদ-কর্তৃক মহাদেবের নিকট সমুদ্রমন্তনের		২৯। আশ্বিক-কর্তৃক সর্প-যজ্ঞ-নিবারণ	৫০
সংবাদ-প্রদান	১১	৩০। জনমেজয়ের ধর্মহিংসা	৫১
৮। সমুদ্র-মহান-স্থানে মহাদেবের আগমন	১২	৩১। জনমেজয়ের নিকট ব্যাসের আগমন	৫২
৯। পুনর্বার সিদ্ধ-মহান ও মহাদেবের বিবপান	১৩	৩২। জনমেজয়ের অশ্বমেধ-যজ্ঞ	৫৩
১০। অমৃতের নিমিত্ত সুরাশ্বরের যুদ্ধ ও শ্রীকৃষ্ণের		৩৩। ব্যাসের পুনরাগমন ও জনমেজয়ের প্রতি	
মোহিনী-রূপ-ধারণ	১৬	ভারত-প্রবণের উপদেশ	৫৪
১১। মোহিনীর সহিত হরের মিলন	১৭	৩৪। মহর্ষিবৈশম্পায়ন-কর্তৃক শ্রীমহাভারত-	
১২। সুধাবটন ও রাহু-কেতুর বিবরণ	১৯	পাঠ আরম্ভ	৫৬
১৩। নাগগণের প্রতি কক্ষের অতিসম্পাত ও		৩৫। পরশুরাম-অবতার	৫৬
বিনতার দাসীত্বের বিবরণ	২১	৩৬। দেব-দানবাদের ভূতলে জন্মগ্রহণ	৫৭
১৪। কক্ষ ও বিনতার ঘোটক-পরীক্ষা	২১	৩৭। শকুন্তলার উপাখ্যান	৬০
১৫। গরুড়ের জন্ম ও হৃষ্যের রণে অকর্ণের সারথ্য-		৩৮। দ্রুমহ-বাহার সহিত শকুন্তলার বিবাহ	৬৩
কার্যে নিয়োজন	২২	৩৯। চন্দ্রবংশের বিবরণ	৬৬
১৬। সুধা আনিতে গরুড়ের বর্গে গমন	২৩	৪০। শুক্রের নিকট কচের বিদ্যাশিক্ষা	৬৭
১৭। গজ-কূর্মেয় বিবরণ	২৫	৪১। কচ ও দেববানীর পরস্পর অতিশাপ	৬৯

বিষয়	পৃষ্ঠা	বিষয়	পৃষ্ঠা
৪২। বৃষপর্ক-কল্পা শর্দিষ্ঠার দাসীত্বের বিবরণ	৭০	৬৮। দ্রোণের নিকট অর্জুনের প্রতিজ্ঞা এবং	
৪৩। দেবযানীর বিবাহ	৭৪	পাণ্ডব ও ধার্তরাষ্ট্রগণের অস্ত্র-শিক্ষা	১৩৮
৪৪। যযাতির প্রতি শুক্রের অভিশাপ	৭৭	৬৯। দ্রোণ-কর্তৃক পাণ্ডব ও ধার্তরাষ্ট্রগণের অস্ত্র-	
৪৫। পুত্রের জরাগ্রহণ ও যযাতির যৌবনপ্রাপ্তি	৭৯	শিক্ষার পরীক্ষা	১৪০
৪৬। যযাতির স্বর্গ-গমন	৮২	৭০। ধৃতরাষ্ট্রের সম্মুখে দ্রোণ-কর্তৃক রাজপুত্রগণের	
৪৭। পুরুবংশ-কথন	৮৪	অস্ত্র-শিক্ষার পরীক্ষা	১৪২
৪৮। মহাভিষ-রাজার প্রতি ব্রহ্মার অভিশাপ		৭১। অর্জুনের ধনুর্বেদ শিক্ষা দর্শন করিয়া	
এবং শাস্ত্রহুর উৎপত্তি	৮৬	রঙ্গস্থলে কর্ণের প্রবেশ	১৪৪
৪৯। অষ্টবহুর পৃথিবীতে জন্ম-বিবরণ	৮৮	৭২। দ্রোণাচার্য্যের দক্ষিণা-প্রার্থনা ও প্রাপ্তি	১৬৮
৫০। শাস্ত্রহু-পুত্র দেবভ্রাতার পুনরায়গমন ও যুবরাজ		৭৩। যুদ্ধটির যৌবরাজ্যে অভিষেক, ধৃতরাষ্ট্রের	
হওন এবং মৎস্যগন্ধা-দর্শনে শাস্ত্রহুর		ক্ষোভ ও গণিকের রাজনীতি	১৫০
বিহ্বলতা	৯০	৭৪। পাণ্ডবগণের বারণাবত-গমন	১৫৩
৫১। মৎস্যগন্ধার উৎপত্তি ও ব্যাসদেবের জন্ম	৯৩	৭৫। জতুগৃহদাহ	১৫৯
৫২। সভ্যবতীর বিবাহ	৯৬	৭৬। পাণ্ডবগণের নিকট চিডিদ্বার আগমন	১৬৪
৫৩। বিচিত্রবীর্ষ্যের জন্ম, বিবাহ ও মৃত্যু এবং		৭৭। হিড়িম্ব-রাক্ষস-বধ ও ব্যাসের উপদেশে এক-	
ধৃতরাষ্ট্রাদির উৎপত্তি	৯৭	চক্রা-নগরীতে গমন	১৬৬
৫৪। বিছরের জন্ম-বিবরণ	১০৫	৭৮। পাণ্ডবগণের একচক্রা-নগরে বাস ও	
৫৫। ধৃতরাষ্ট্র, পাণ্ডু ও বিছরের বিবাহ ও		বক-বধ-বৃত্তান্ত	১৭০
কর্ণের জন্ম	১০৭	৭৯। ধৃষ্টদ্যুম্ন ও দ্রোপদীর উৎপত্তি-কথন	১৭৫
৫৬। গান্ধারীর শত-সন্তান-প্রসব	১১১	৮০। অর্জুন-অন্ধারপর্ণ-সংবাদ এবং	
৫৭। দ্রুপদাদিক পরিভ্যাগ করিতে বিছরের		তপতী-সংবরণোপাখ্যান	১৭৭
উপদেশ ও হুঃশলার জন্ম-বিবরণ	১১৩	৮১। বিশ্বামিত্র-বশিষ্ঠ-বিরোধ ও কল্যাণপাদ-	
৫৮। যুগন্ধপী ঋষিকুমারের প্রতি পাণ্ডুর শরাঘাত		রাজার উপাখ্যান	১৮২
ও শতশূর-পর্কতে অবস্থিতি	১১৪	৮২। কৃতবীর্ষ্য চবিত ও ভৃগুপুত্র ঔর্ষের বৃত্তান্ত	
৫৯। পুত্রোৎপাদনে কৃত্তীর প্রতি পাণ্ডুর অহুমতি	১১৮	এবং বাডুবানল ও দাবানলের উৎপত্তি	১৮৮
৬০। যুদ্ধটির দিগ জন্ম	১২০	৮৩। দ্রোপদীর স্বয়ংবর	১৯৩
৬১। নকুল ও সহদেবের জন্ম	১২৩	৮৪। দ্রোপদীর সভায় আগমন	১৯৭
৬২। পাণ্ডু-রাজের মৃত্যু ও মাজীর সহগমন	১২৪	৮৫। দ্রোপদীর রূপ-বর্ণন	১৯৭
৬৩। সভ্যবতীর প্রাণত্যাগ	১২৭	৮৬। রাজাদিগের লক্ষ্যভেদে উদ্রোগ	১৯৮
৬৪। ভীমের বিবপান	১২৮	৮৭। ভাহুমতীর স্বয়ংবর	২০০
৬৫। কৃপাচার্য্যের জন্ম-বিবরণ	১৩২	৮৮। শ্রীকৃষ্ণ-বলরামের কথোপকথন	২০২
৬৬। দ্রোণাচার্য্যের উৎপত্তি	১৩৩	৮৯। সকলকে লক্ষ্যভেদ করিতে ধৃষ্টদ্যুম্নের	
৬৭। কুরুবালকদিগের বাণ্যকীর্ষা	১৩৫	আহ্বান	২০৪
		৯০। অর্জুনের লক্ষ্যভেদে গমন	২০৭

বিষয়	পৃষ্ঠা	বিষয়	পৃষ্ঠা
৯১। অর্জুনের লক্ষ্যবিন্দু-করণ	২০৯	১২০। সভ্যভার্যার প্রতি ইচ্ছার স্তব	২৬৭
৯২। অর্জুনের সহিত রাজগণের যুদ্ধ	২১২	১২১। সভ্যভার্যার ব্রতান্ত	২৬৮
৯৩। বিজয়গণের সহিত ক্ষত্রগণের যুদ্ধ	২১৫	১২২। শ্রীকৃষ্ণকে দান পাইয়া নারদের গমন	২৬৯
৯৪। কর্ণের সহিত অর্জুনের যুদ্ধ	২১৮	১২৩। নারদকে শ্রীকৃষ্ণ-পরিমাণে ধনদান	২৭০
৯৫। যুদ্ধে বিমুখ হইয়া রাজাদিগের পলায়ন	২২০	১২৪। সুভদ্রার গাধার্ক-বিবাহ	২৭১
৯৬। রাজাদিগের যুদ্ধভঙ্গের বিবরণ	২২১	১২৫। অর্জুন-সহ সুভদ্রার বিবাহে বলরামের	
৯৭। ভীষ্মের যুদ্ধে রাজপরিবারদিগের ত্রাস	২২৩	অসম্মতি	২৭৪
৯৮। অর্জুনের সহিত দ্রৌপদীর কুন্তকারণের গমন	২২৫	১২৬। দৈবকী-রোহিণী-সহ বলরামের কথোপকথন	২৭৫
৯৯। কুন্তীর নিকটে রামকৃষ্ণের গমন	২২৭	১২৭। দুর্যোধনের কস্তা লক্ষণার স্বরণের	২৭৬
১০০। দ্রুপদরাজের খেদ এবং দৃষ্টান্তের প্রবোধ	২২৮	১২৮। শাশ্বতের বন্ধন-সংবাদ লইয়া নারদের	
১০১। দ্রুপদরাজপুরে পাণ্ডবদিগকে আনয়ন	২৩০	দ্বারকা-গমন	২৭৯
১০২। যুধিষ্ঠিরকে দ্রুপদের পরিচয়-জিজ্ঞাসা	২৩১	১২৯। সুভদ্রা-বিবাহ-কারণ সভ্যভার্যার মহাচিন্তা	
১০৩। দ্রুপদরাজের নিকট মুনিগণের আগমন	২৩৩	ও অর্জুনের হস্তিনায় দূত-প্রেরণ	২৮০
১০৪। দ্রৌপদীর পঞ্চাশমী হইবার কারণ	২৩৪	১৩০। দুর্যোধনের বরবেশে দ্বারকায় গমন	২৮২
১০৫। দ্রৌপদীর পূর্ষ-ব্রতান্ত	২৩৫	১৩১। অর্জুনের সুভদ্রা-হরণ	২৮৩
১০৬। কেতকীর প্রতি সুরভীর অভিলাষ	২৩৭	১৩২। বাদবগণের অর্জুনের পশ্চাদ্ভাবন	২৮৫
১০৭। পঞ্চপাণ্ডবের সহিত দ্রৌপদীর বিবাহ	২৪০	১৩৩। বলরামের নিকট অর্জুনের রণভয়-সংবাদ	২৮৬
১০৮। পাণ্ডবদিগের বিবাহ বার্তা শ্রবণ করিয়া		১৩৪। বলরামের সহিত শ্রীকৃষ্ণের কথোপকথন	২৮৮
দুর্যোধনাদির মন্ত্রণা	২৪২	১৩৫। দুর্যোধনের অভিমানে স্বদেশ-যাত্রা ও	
১০৯। ভীষ্ম, দ্রোণ ও বিহুরের সদ-যুক্তিদান	২৪৩	পাথের সহিত সুভদ্রার বিবাহ	২৮৯
১১০। হস্তিনায় পাণ্ডবগণকে আনিতে বিত্তরের		১৩৬। সুভদ্রার সহিত অর্জুনের ইন্দ্রপ্রস্থে গমন,	
পাকাল-গমন	২৪৬	অভিমন্ত্রার জন্ম এবং দ্রৌপদীর গর্ভে	
১১১। সন্দ-উপস্থলের বিবরণ ও পাণ্ডবদের		পঞ্চ-পাণ্ডবের পুত্রোৎপত্তি	২৯০
দ্রৌপদী-সঙ্ঘকে নিয়ম-নির্ধারণ	২৪৭	১৩৭। খাণ্ডব-বন-দাহন	২৯১
১১২। অর্জুনের নিয়মভঙ্গ ও বনে গমন	২৫০	১৩৮। ইন্দ্রাদি দেবতার সহিত অর্জুনের যুদ্ধ ও	
১১৩। সুভদ্রার বিবাহের কন্ত সভ্যভার্যার ও		ময়দানবাদের পরিজ্ঞান	২৯৫
অর্জুনের কথোপকথন	২৫৬	১৩৯। মল্লপাল-ঋষির উপাখ্যান	২৯৯
১১৪। পারিজাত-হরণ-ব্রতান্ত	২৫৮	১৪০। আদিপর্বেয় কলশ্রুতি	৩০২
১১৫। সভ্যভার্যার মানভঞ্জন	২৫৯		
১১৬। শ্রীকৃষ্ণের সুরপুরী-গমন	২৬২		
১১৭। শ্রীকৃষ্ণের সহিত ইন্দ্রের যুদ্ধ	২৬৩		
১১৮। মহাদেবের যুদ্ধস্থলে গমন	২৬৪		
১১৯। ইন্দ্রকে লইয়া গরুড়ের কৃষ্ণের নিকট			
আগমন ও কৃষ্ণের ক্রোধ-নিবারণ	২৬৫		

সভাপর্ষ

- ১। ময়দানব-কর্তৃক সভা-নির্ধারণ
- ২। যুধিষ্ঠিরের সভার নারদের আগমন ও

জিজ্ঞাসা-বিবিধ উপদেশ-প্রদান

বিষয়	পৃষ্ঠা	বিষয়	পৃষ্ঠা
৩। নারদ-কর্তৃক লোকপালগণের সভা-বর্ণন	৩১০	৩২। যজ্ঞান্তে হুৰ্যোধনের গৃহে গমন	৩৭১
৪। যুধিষ্ঠিরের রাজস্বয়-যজ্ঞ-চিত্রা ও শ্রীকৃষ্ণের নিকট দূত-প্রেরণ	৩১৪	৩৩। পাশা খেলিবার মন্ত্রণা	৩৭৬
৫। গোবিন্দ-যুধিষ্ঠির-সংবাদ	৩১৫	৩৪। যুধিষ্ঠিরের সহিত শকুনির প্রথমবার দ্যুতক্রীড়া ও শকুনির জয়	৩৭৯
৬। জরাসন্ধের জয়-বৃত্তান্ত	৩১৬	৩৫। ধৃতরাষ্ট্রের প্রতি বিহ্বলের উক্তি	৩৮০
৭। ভীষ্মকুনকে লইয়া শ্রীকৃষ্ণের গিরিভ্রজে প্রবেশ	৩১৯	৩৬। ভাতৃগণ ও দ্রোণদীকে পণ রাখা এবং যুধিষ্ঠিরের পরাজয়	৩৮২
৮। জরাসন্ধের সহিত ভীষ্মের যুদ্ধ	৩২০	৩৭। পঞ্চ-পাণ্ডবকে সভায় নিম্নাসনে উপবিষ্ট-করণ	৩৮৩
৯। জরাসন্ধ-বধ ও রাজগণের কারামোচন	৩২৩	৩৮। দ্রোণদীকে আনিতে প্রাতিহাসিকের গমন	৩৮৫
১০। অর্জুনের দিগ্বিজয়-যাত্রা	৩২৫	৩৯। দ্রোণদীর প্রশ্ন	৩৮৭
১১। ভীষ্মের দিগ্বিজয়	৩২৮	৪০। দুঃশাসনের দ্রোণদী-সমীপে গমন ও তাঁহার কেশ্যকর্ষণ-পূর্বক সভায় আনয়ন	৩৮৮
১২। সহদেবের দিগ্বিজয়	৩৩০	৪১। সভাজন-প্রতি বিকর্ণের উত্তর	৩৯০
১৩। নকুলের দিগ্বিজয়	৩৩২	৪২। দ্রোণদী-কর্তৃক শ্রীকৃষ্ণের স্তুতি ও দুঃশাসন- কর্তৃক দ্রোণদীর বস্ত্রহরণ	৩৯২
১৪। যুধিষ্ঠিরের রাজস্ব-বর্ণন	৩৩৩	৪৩। দুঃশাসনের রক্তপানে ভীষ্মের প্রতিজ্ঞা	৩৯৪
১৫। ইন্দ্রপ্রস্থে শ্রীকৃষ্ণের আগমন	৩৩৩	৪৪। বিহ্বর-কর্তৃক বিরোচন ও স্তম্ভবা ব্রাহ্মণের প্রসঙ্গ	৩৯৪
১৬। রাজস্বয়-যজ্ঞ-প্রসঙ্গ	৩৩৫	৪৫। দ্রোণদীর অপমানে ভীষ্মের ক্রোধ	৩৯৬
১৭। রাজস্বয়-যজ্ঞ-আরম্ভ	৩৩৬	৪৬। হুৰ্যোধনের উরুভঙ্গে ভীষ্মের প্রতিজ্ঞা	৩৯৭
১৮। দেবলোকে নিমন্ত্রণ করিতে অর্জুনের যাত্রা	৩৪০	৪৭। ধৃতরাষ্ট্রের নিকট দ্রোণদীর বরলাভ	৩৯৮
১৯। পাতালে পার্শ্বের যাত্রা	৩৪২	৪৮। কর্ণবাক্যে ভীষ্মের ক্রোধ	৪০০
২০। ক্রপদ-রাজের আগমন	৩৪৫	৪৯। পাণ্ডবগণের নিজরাজ্যে গমন	৪০১
২১। হিড়িম্বা ও ঘটোটকচের আগমন	৩৪৬	৫০। পাণ্ডবগণের মুক্তিহেতু ধৃতরাষ্ট্র-স্থানে হুৰ্যোধনের বিবাহ	৪০২
২২। দ্রোণদী ও হিড়িম্বার কোন্দল	৩৪৭	৫১। পুনর্বার দ্যুতক্রীড়া ও যুধিষ্ঠিরের পরাজয়	৪০৩
২৩। দক্ষিণ ও পূর্বদিকের বিভীষণের অপমান	৩৪৯	৫২। কোরববধে পাণ্ডবগণের প্রতিজ্ঞা	৪০৪
২৪। শ্রীকৃষ্ণ-কর্তৃক চারিজন রাজার প্রাণদান	৩৫৩	৫৩। পাণ্ডবদিগের বনবাস-গমনোত্তোগ	৪০৬
২৫। উত্তর-পশ্চিম-দিকের বিভীষণের অপমান	৩৫৫	৫৪। দ্রোণদীর বেশ দেখিয়া কুন্তীর বিবাহ	৪০৭
২৬। শ্রীকৃষ্ণের বিশ্বরূপ-দর্শনে সর্বলোকের মুচ্ছা	৩৫৮	৫৫। যুধিষ্ঠিরাদির বন-প্রস্থান ও ধৃতরাষ্ট্রের প্রশ্ন	৪০৮
২৭। রাজগণের যজ্ঞ-সভায় প্রবেশ	৩৬১	৫৬। কুরুপভায় নারদ-ঋষির আগমন	৪১০
২৮। শিশুপালের কুরুনিন্দা	৩৬২		
২৯। শিশুপালের প্রতি যুধিষ্ঠির ও ভীষ্মের বাক্য	৩৬৪		
৩০। ভীষ্ম-কর্তৃক শিশুপালের জয়কথন ও শিশুপালের ক্রোধ	৩৬৭		
৩১। শিশুপাল-বধ ও যুধিষ্ঠিরের রাজস্বয়-যজ্ঞ- সমাপন	৩৬৯		

বিষয়

পৃষ্ঠা

বিষয়

পৃষ্ঠা

বনপর্ষ

১।	পাণ্ডবদিগের বনবাসে ঐশাণ্যের খেদ	৪১৩
২।	যুধিষ্ঠিরের স্বর্গ্যারাধনা ও বরলাভ	৪১৬
৩।	ধৃতরাষ্ট্র-কর্তৃক বিজয়ের অপমান ও যুধিষ্ঠিরের নিকট বিজয়ের গমন	৪১৭
৪।	ধৃতরাষ্ট্রের সহিত বিজয়ের পুনঃসন্নিধান ও ধৃতরাষ্ট্রের প্রতি ব্যাসদেবের হিতোপদেশ	৪১৮
৫।	মৈত্রেয়-মুনির আগমন ও ভর্যোধানকে অভিশাপ-প্রদান	৪২১
৬।	কিন্মীর-বধোপাখ্যান	৪২২
৭।	কাম্যকবনে পাণ্ডবদিগের নিকট শ্রীকৃষ্ণাদির গমন	৪২৪
৮।	শাব্দ-দৈত্যের সহিত কাম্যদেবের যুদ্ধ	৪২৬
৯।	শ্রীকৃষ্ণের যুদ্ধে শাব্দদৈত্য-বধ	৪২৯
১০।	শ্রীবৎস-রাজের উপাখ্যান	৪৩২
১১।	শ্রীবৎস-রাজের নিকট শনি ও লক্ষ্মীর আগমন	৪৩৩
১২।	শ্রীবৎস-রাজের বিচার ও শনির কোপ	৪৩৪
১৩।	শ্রীবৎস-রাজ ও রাণী চিন্তার বন-গমন	৪৩৫
১৪।	শ্রীবৎসের প্রতি শনির বাক্য	৪৩৮
১৫।	চিন্তার সহিত শ্রীবৎসের কথা	৪৪০
১৬।	শ্রীবৎস-রাজের কাঠুরিয়া-আগলে অবস্থিতি	৪৪০
১৭।	বণিক-কর্তৃক চিন্তাকে হরণ	৪৪৩
১৮।	শ্রীবৎস-রাজের রোদন এবং চিন্তার অশেষণ	৪৪৪
১৯।	স্মৃতি-আশ্রমে শ্রীবৎস রাজের অবস্থিতি	৪৪৫
২০।	শ্রীবৎস-রাজের মালিনী-আগলে অবস্থিতি	৪৪৭
২১।	শ্রীবৎস রাজের সহিত ভ্রাতার বিবাহ	৪৪৮
২২।	শ্রীবৎস-রাজের সহিত চিন্তাদেবীর বিলন	৪৫১
২৩।	পূর্ণমুর্তিতে শনির আবির্ভাব ও রাজা শ্রীবৎসকে বরদান	৪৫৪
২৪।	হুই ভাণ্ডার সহিত শ্রীবৎস-রাজের স্বস্বাস্থ্যে গমন	৪৫৫

২৫।	শ্রীকৃষ্ণের দ্বারকার এহান	৪৫৭
২৬।	পাণ্ডবগণের বৈতবনে গমন ও মার্কণ্ডেয়-মুনির আগমন	৪৫৭
২৭।	শ্রৌণদীর পরিতাপ-বাক্য	৪৫৯
২৮।	যুধিষ্ঠির-শ্রৌণদী-সংবাদ	৪৬০
২৯।	ঐয়ের প্রতি শ্রৌণদীর উক্তি	৪৬২
৩০।	ঐয়ের প্রতি ভীমের বাক্য	৪৬৩
৩১।	ভীমের প্রতি যুধিষ্ঠিরের প্রবোধ-বাক্য	৪৬৩
৩২।	অর্জুনের শিব-আরাধনার্থ হিমালয়ে গমন	৪৬৫
৩৩।	কিরাতক্লমী মহাদেবের সহিত অর্জুনের যুদ্ধ ও অর্জুনের পাণ্ডপাত-অবলাভ	৪৬৭
৩৪।	অর্জুনের ইন্দ্রাণ্যে গমন	৪৭০
৩৫।	ইন্দ্রসভার উর্ধ্বশী প্রভৃতির নৃত্য-গীত	৪৭১
৩৬।	অর্জুনের প্রতি উর্ধ্বশীর অভিশাপ	৪৭২
৩৭।	ইন্দ্রাণ্যের লোমশ-ঋষির আগমন	৪৭৪
৩৮।	সজয়ের মুখে পাণ্ডবগণের বিক্রম শুনিয়া ধৃতরাষ্ট্রের বিলাপ	৪৭৫
৩৯।	অর্জুনের নিমিত্ত পাণ্ডবদিগের আক্ষেপ	৪৭৬
৪০।	নলরাজের উপাখ্যান	৪৭৮
৪১।	দময়ন্তীর স্বয়ংবর	৪৭৯
৪২।	দময়ন্তীর নল-বরণ	৪৮২
৪৩।	নল-পুত্রের দ্যুতক্রীড়া	৪৮৩
৪৪।	নল-দময়ন্তীর বনগমন ও নলের দময়ন্তী-ত্যাগ	৪৮৪
৪৫।	সর্পকবলে দময়ন্তী এবং দময়ন্তীর কোপানলে ব্যাধ-ভয়	৪৮৭
৪৬।	দময়ন্তীর পতি-অশেষণ ও সুবাহু-নগরে সৈরিক্রীড়া-বেশে অবস্থান	৪৮৮
৪৭।	কর্কোটক-নাগের হুষ্টি ও তাহার দংশনে নলের বিকৃতাকার	৪৯১
৪৮।	ঋতুপর্ণাণ্যে নলরাজের বাহক নামে অবস্থিতি	৪৯২
৪৯।	বিদর্ভ-কুণ্ডলী ভীমের নল-দময়ন্তীর উদ্দেশ ও চেদিরাজ্যে দময়ন্তীর লঙ্ঘনপ্রাপ্তি	৪৯৩

বিষয়	পৃষ্ঠা	বিষয়	পৃষ্ঠা
৫০। দময়ন্তীর পিতালায়ে আগমন এবং নলাঘেষণে ‘চতুর্দিকে রুত-প্রেরণ	৪৯৪	৬৯। ভীমের পদ্মাঘেষণে গমন ও হনুমানের সহিত সাক্ষাৎ	৫২২
৫১। দময়ন্তীর পুনঃ-স্বয়ংবর-শ্রবণে ঋতুপর্ণের বিদর্ভে যাত্রা ও নলের দেহ হইতে কলিরত্যাগ	৪৯৫	৭০। বক্ষগণের সহিত ভীমের যুদ্ধ ও সৌগন্ধিক পুষ্পাহরণ	৫২৭
৫২। ঋতুপর্ণ-রাজের সহিত নলের বিদর্ভ-নগরে প্রবেশ	৪৯৮	৭১। ভীমাঘেষণে যুধিষ্ঠিরাদির যাত্রা	৫২৯
৫৩। নলের সহিত দময়ন্তীর মিলন	৫০০	৭২। জটাসুর-বধ এবং পাণ্ডবদিগের বদরিকাপ্রসঙ্গে যাত্রা	৫৩১
৫৪। ঋতুপর্ণ-রাজের স্বদেশে প্রত্যাগমন ও নৈলয় পুনর্বার রাজ্যপ্রাপ্তি	৫০১	৭৩। পাণ্ডবদিগের বদরিকাপ্রসঙ্গ হইতে গন্ধমাদন-পর্বতে যাত্রা	৫৩২
৫৫। জনমেজয়ের বৈশম্পায়নকে কাম্যক-বনস্থ পাণ্ডবগণের বৃত্তান্ত-জিজ্ঞাসা	৫০৩	৭৪। ইন্দ্রাণ্ডে অর্জুনের সপ্ত-বর্গ- দর্শনার্থ যাত্রা	৫৩৫
৫৬। মহর্ষি নারদের যুধিষ্ঠিরের নিকট আগমন ও তীর্থস্থানের ফল-বর্ণন	৫০৪	৭৫। নিবাতকবচ-বধ	৫৩৭
৫৭। ত্রীক্ষেত্র-তীর্থ-মাহাত্ম্য	৫০৫	৭৬। অস্ত্রশিক্ষা করিয়া অর্জুনের পুনর্মর্ত্যলোকে আগমন	৫৩৯
৫৮। ইন্দ্রাণ্ড হইতে লোমশ-মুনির কাম্যক-বনে আগমন	৫০৬	৭৭। যুধিষ্ঠিরের নিকটে অর্জুনের অস্ত্রলাভ- বৃত্তান্ত-কথন	৫৪১
৫৯। যুধিষ্ঠিরাদির তীর্থযাত্রা ও অগস্ত্যোপাখ্যান	৫০৮	৭৮। যুধিষ্ঠিরের নিকটে ইন্দ্রাদি-দেবের আগমন	৫৪৪
৬০। অগস্ত্যযাত্রার বিবরণ ও বিদ্যা-পর্বতের দর্প-চূর্ণ	৫১১	৭৯। যুধিষ্ঠিরের ভ্রাতৃগণ-সহ কাম্যক- বনে যাত্রা	৫৪৫
৬১। বৃত্রাসুর-বধের জ্ঞাত দধীচি-মুনির অস্ত্রদান	৫১২	৮০। দ্রুপদ্যোথনের সপরিবারে প্রভাস- তীর্থে গমন	৫৪৭
৬২। বৃত্রাসুরের সহিত দ্রুপদগণের যুদ্ধ ও বৃত্রাসুর-বধ	৫১২	৮১। দ্রুপদ্যোথনের সৈন্ত-দর্শনে ভীমার্জুনের রণসজ্জা ও যুধিষ্ঠিরের সাঙ্ঘনা	৫৫০
৬৩। অগস্ত্যমুনির সমুদ্রপান এবং দেবগণের যুদ্ধে অস্ত্রগণের নিধন	৫১৩	৮২। দ্রুপদ্যোথনের সৈন্তসহ চিত্রসেন- গন্ধর্কের যুদ্ধ	৫৫৩
৬৪। সগরবংশোপাখ্যান এবং কপিলের শাপে সগরসন্তানগণ-ভস্ম	৫১৫	৮৩। যুদ্ধে চিত্রসেন-গন্ধর্কের জয় এবং নারীগণের সহিত দ্রুপদ্যোথনের বন্ধন	৫৫৫
৬৫। ভগীরথের ভূতলে গলা-আনয়ন ও সগর-বংশ-উদ্ধার	৫১৮	৮৪। ধর্মাজ্ঞায় ভীমার্জুনের যুদ্ধসজ্জা এবং নারীগণের সহিত দ্রুপদ্যোথনের যুক্তি	৫৫৮
৬৬। পরশুরামের দর্পচূর্ণ	৫২০	৮৫। দ্রুপদ্যোথনের সপরিবারে স্বদেশে প্রস্থান	৫৬০
৬৭। শ্রেন-কপোতের উপাখ্যান	৫২০	৮৬। হস্তিনার সশিখা দুর্য্যাসার আগমন	৫৬২
৬৮। ঔশীনরের বর্গারোহণ	৫২২	৮৭। কাম্যক-বনে যুধিষ্ঠিরের নিকট দুর্য্যাসার আগমন	৫৬৬

বিষয়	পৃষ্ঠা
৮৮। যুধিষ্ঠিরের শ্রুতশ্রবণে শ্রীকৃষ্ণের কাম্যক-বনে আগমন	৫৬৯
৮৯। দ্রুপদার পারণ	৫৭০
৯০। দ্রুপদার মনোভ্রম-শ্রবণে কর্ণের প্রবোধ-বাক্য	৫৭৬
৯১। দ্রুপদার মন্ত্রগায় জয়দ্রথের দ্রোপদী-হরণে যাত্রা	৫৭৯
৯২। দ্রোপদী হরণে ভীমহস্তে জয়দ্রথের অপমান	৫৮১
৯৩। জয়দ্রথের শিবারণ্যায় যাত্রা	৫৮৪
৯৪। জয়দ্রথের হস্তিনায় আগমন	৫৮৭
৯৫। যুধিষ্ঠিরের নিকটে মার্কণ্ডেয়-মুনির আগমন	৫৮৮
৯৬। জয়-বিজয়ের অভিলাষ এবং হিরণ্যাক-হিরণ্যকশিপুর জন্ম	৫৯০
৯৭। প্রহ্লাদ-চরিত্র	৫৯৩
৯৮। নৃসিংহ-অবতার ও হিরণ্যকশিপু-বধ	৫৯৬
৯৯। রাবণ ও কুন্তকর্ণকর্ণে জয়-বিজয়ের দ্বিতীয়-বার জন্ম	৫৯৭
১০০। শ্রীরাম প্রভৃতির জন্ম ও শ্রীরামের সীতাসহ বিবাহ	৫৯৯
১০১। দশরথের মৃত্যু ও শ্রীরামাদির পঞ্চবটীতে অবস্থান	৬০৪
১০২। সীতাহরণ ও শ্রীরামেব পঞ্চ-বানরের সহিত মিলন	৬০৭
১০৩। শ্রীরামের লঙ্কার প্রবেশ ও যুদ্ধ	৬০৯
১০৪। রাবণ-বধ	৬১১
১০৫। সাবিত্রী-উপাখ্যান	৬১৩
১০৬। সাবিত্রীর সহিত সত্যবানের বিবাহ	৬১৬
১০৭। সত্যবানের মৃত্যু এবং যমের নিকটে সাবিত্রীর বরপ্রাপ্তি	৬১৮
১০৮। সত্যবানের পুনর্জীবন	৬২২
১০৯। যুধিষ্ঠিরের কাম্যক-বন-ত্যাগ এবং দ্রোণদীর অহঙ্কার-বিবরণ	৬২৩

১১০। অকালে আত্মের বিবরণ ও দ্রোণদীর দর্পচূর্ণ	৬২৫
১১১। যুধিষ্ঠিরের শ্রুতশ্রবণে অবস্থিতি	৬২৯
১১২। যুধিষ্ঠিরের ধর্ম-পরীকার জন্ত বকস্মণী ধর্মের ছলনা ও জল আনিতে ভীমের গমন	৬৩০
১১৩। ভীমাধেবধে অর্জুনের গমন	৬৩১
১১৪। ভীমাধ্বন-অধেবধে নকুলের যাত্রা	৬৩২
১১৫। ভীমাধ্বন ও নকুলের অধেবধে সহদেব ও দ্রোণদীর যাত্রা	৬৩২
১১৬। ভ্রাতৃগণ ও দ্রোণদীর অধেবধে রাজা যুধিষ্ঠিরের গমন	৬৩৩
১১৭। রাজা যুধিষ্ঠিরের আক্ষেপ	৬৩৪
১১৮। যুধিষ্ঠিরের প্রতি ধর্মের চারি-প্রদ- জিজ্ঞাসা ও যুধিষ্ঠিরের উত্তর-দান	৬৩৬
১১৯। যুধিষ্ঠিরের প্রতি ধর্মের ছলনা	৬৩৭
১২০। ধর্মের নিকটে যুধিষ্ঠিরের বরলাভ ও কৃষ্ণসহ চারিভ্রাতার পুনর্জীবন-প্রাপ্তি	৬৩৮
১২১। ব্যাসদেবের আগমন এবং অজ্ঞাত- বাসের পরামর্শ	৬৩৯

বিরটিপর্ষ

১। ব্যাস-বন্দনা	৬৪১
২। পঞ্চ-পাণ্ডবের অজ্ঞাত-বাসের মন্ত্রণা	৬৪১
৩। পঞ্চ-পাণ্ডবের বিরটি-সভার প্রবেশ	৬৪৬
৪। বিরটিপুরে দ্রোণদীর প্রবেশ ও বিরটি-মহিষী হৃদেয়ার সহিত কথোপকথন	৬৪৯
৫। দ্রোণদীর কপ-বর্ণন	৬৪৯
৬। দ্রোণদীর সহিত হৃদেয়ার কথোপকথন	৬৫০
৭। শকর-যাত্রা ও ভীমের মল্লযুদ্ধ	৬৫১
৮। দ্রোণদীর সহিত কীচকের সাক্ষাৎ ও মিলন-বাহা	৬৫২
৯। ভীমের সহিত দ্রোণদীর কীচক-বধের মন্ত্রণা	৬৫৭

বিধির	পৃষ্ঠা	বিষয়	পৃষ্ঠা
১০। কীচক-বধ	৬৫২	৩৪। অর্জুনের সহিত কর্ণের সংগ্রাম ও পলায়ন	১০০
১১। কীচকের শবদাহে ভাহার উনশত ভ্রাতার মৃত্যু ও দাহ	৬৬২	৩৫। সংগ্রামস্থলে দেবগণের আগমন	১০৪
১২। দ্রৌপদীকে দোষিয়া পুরজনের ভয়	৬৬৩	৩৬। অর্জুনের সহিত কুপাচার্যের যুদ্ধ ও পলায়ন	১০৪
১৩। পাণ্ডবগণের অশ্বেষে চর্যোধ্যানের চর-প্রেরণ	৬৬৫	৩৭। অর্জুনের সহিত দ্রোণাচার্যের যুদ্ধ ও পরাভব	১০৫
১৪। গোধন-হরণার্থে স্নানার্থ-রাজের যাত্রা	৬৬৮	৩৮। অশ্বখামার যুদ্ধ	১০৭
১৫। ভীম-কর্ষক স্নানার্থের পরাজয় ও বিরাতের বন্ধন-যুক্তি	৬৭১	৩৯। কর্ণের পুনঃ যুদ্ধ ও পলায়ন	১০৮
১৬। উত্তর-গোগৃহে কুরুসৈন্তের গমন ও গোধান-হরণ	৬৭৩	৪০। ভীষ্মের যুদ্ধ ও পলায়ন	১১০
১৭। কুরুসৈন্তের সহিত যুদ্ধে অর্জুন-সহ উত্তরের গমন	৬৭৬	৪১। চর্যোধ্যানের সহিত অর্জুনের যুদ্ধ ও কুরুসৈন্তের মোহ	১১২
১৮। অর্জুনের সম্বন্ধে কৌরবদিগের অহুমান	৬৭৮	৪২। রণভূমে চামুণ্ডার আগমন	১১৪
১৯। উত্তরের ভয় ও অর্জুন-কর্ষক আশ্রয়-প্রদান	৬৭৯	৪৩। চর্যোধ্যানের যুদ্ধটুচ্ছেদন ও কুরু- সৈন্তের নানা-দ্রববস্থা	১১৫
২০। কৌরবগণের অর্জুন-বিষয়ক পরস্পর তর্ক	৬৭৯	৪৪। শমীবৃক্ষতলে অর্জুনের পূর্ববেশ-ধারণ	১১৭
২১। অর্জুনের সহিত উত্তরের শমীবৃক্ষ-নিকটে গমন ও উত্তরের অন্ত্র-বিষয়ে প্রশ্ন	৬৮১	৪৫। বিরাত-রাজের স্বগৃহে আগমন ও যুধিষ্ঠিরের সহিত পাশাক্রীড়া	১১৭
২২। অর্জুনের ধনঞ্জয়-নামের কারণ ও গাছারী- সহ কুন্তীর শিবপূজা লইয়া বিবাদ	৬৮৩	৪৬। বিরাত-রাজের নিকট উত্তর-গোগৃহের যুদ্ধ-বর্ণনে উত্তরের কর্তিত-বচন	১২০
২৩। অর্জুনের অজ্ঞাত নামের বিবরণ	৬৮৬	৪৭। বিরাত-সিংহাসনে যুধিষ্ঠিরের রাজা হওন, অজ্ঞাত-বাস-মোচন ও বিরাতের সহিত পরিচয়	১২১
২৪। ব্রাহ্মণ-মাহাত্ম্য	৬৮৭	৪৮। উত্তরার সহিত অভিমত্ব্যর বিবাহ	১২৫
২৫। অর্জুনের অবশিষ্ট নামের ও ক্রীষ্ণের বিবরণ	৬৮৮		
২৬। অর্জুনের রণসজ্জা ও উদ্বোধনে কুরুগণের বালাহুবাদ	৬৯০		
২৭। চর্যোধ্যানের বক্তৃতা	৬৯২		
২৮। কর্ণের আশ্রয়প্রার্থা	৬৯৩		
২৯। কুপাচার্যের বক্তৃতা	৬৯৩		
৩০। অশ্বখামা-কর্ষক কর্ণ ও চর্যোধ্যানকে ভৎসনা	৬৯৪		
৩১। দ্রোণের সহিত কর্ণের বাগ্বিত্ত্বতা ও ভীম-কর্ষক সাঙ্ঘনা-দান	৬৯৫		
৩২। অর্জুনের যুদ্ধে আগমন ও গোধান-মোচন	৬৯৬		
৩৩। অর্জুন-কর্ষক উত্তরের নিকট কুরুসৈন্তের পরিচয়-প্রদান	৬৯৯		

উত্তোগপর্ব

১। চর্যোধ্যানের প্রতি ভীষ্মাদির উপদেশ-প্রদান	১২৭
২। ইন্দ্রের জন্ম ও তৎকর্ষক ওকপন্নী- হরণ ও গোতমের অভিলাষ	১৩০
৩। রাজ্যলভার্থ পাণ্ডবদের পরামর্শ ও মোমা-পুরোহিতকে হতিনার প্রেরণ	১৩৩
৪। কুরুসভার ধোম্যের প্রবেশ ও কৌরবগণের প্রতি উক্তি	১৩৬
৫। যুদ্ধ-রাজের উপাখ্যান	১৩৮

বিষয়	পৃষ্ঠা	বিষয়	পৃষ্ঠা
৬। ধৃতরাষ্ট্রের প্রতি বিহ্বলের হিতোপদেশ	৭৪৩	১৯। শ্রীকৃষ্ণের হস্তিনার আগমন-সংবাদে	
৭। বলি-বামনোপাখ্যান	৭৪৫	কৌরবগণের পরামর্শ	৭৮২
৮। অধিষ্ঠিত তপস্তা ও বিকৃত-স্ব	৭৪৭	২০। হস্তিনা বাইতে পথে প্রজাপন-কর্তৃক	
৯। ধৃতরাষ্ট্র-কর্তৃক পাণ্ডবদের নিকট		শ্রীকৃষ্ণের স্তব	৭৮৪
সঙ্করকে প্রেরণ	৭৫৩	২১। হস্তিনার শ্রীকৃষ্ণের উপস্থিতি	৭৮৬
১০। বাতাপি-পক্ষীর ইতিহাস	৭৫৭	২২। বিহ্বলের গৃহে কৃতীসহ শ্রীকৃষ্ণের সাক্ষাৎকার	৭৮৭
১১। দ্রুপদ্যোথনের নিমন্ত্রণে রাজগণের		২৩। শ্রীকৃষ্ণের নিকটে কৃতীর রোদন	৭৮৯
আগমন ও যুদ্ধসজ্জা	৭৫৯	২৪। শ্রীকৃষ্ণের প্রতি বিহ্বলের স্তব ও তাঁহার	
১২। কুরুক্ষেত্রে যুদ্ধসজ্জা করিতে যুধিষ্ঠিরের অহুমতি-		গৃহে শ্রীকৃষ্ণের ভোজন	৭৮৯
প্রদান ও কুরুক্ষেত্রের উৎপত্তির কথা	৭৬১	২৫। কৌরবের সভায় শ্রীকৃষ্ণের পুনরাগমন	৭৯২
১৩। শ্রীকৃষ্ণের নিকটে দ্রুপদ্যোথন-কর্তৃক উল্কে		২৬। ধৃতরাষ্ট্রের নিকটে সনৎকুমার মূর্খির আগমন	৭৯৭
দূতরূপে প্রেরণের মন্ত্রণা	৭৬৬	২৭। পাণ্ডব-সভায় শ্রীকৃষ্ণের আগমন ও সঙ্গীতে	
১৪। দ্বারকায় শ্রীকৃষ্ণের নিকট উল্কে গমন	৭৬৯	পাণ্ডবদের কুরুক্ষেত্রে গমন	৭৯৯
১৫। উল্কে হস্তিনার প্রত্যাগমন ও দ্রুপদ্যোথনের		২৮। কুরুক্ষেত্রের কুরুক্ষেত্রে যাত্রা	৮০১
দ্বারকাগমন	৭৭০	২৯। উল্কে নিকট দ্রুপদ্যোথন-কর্তৃক বিভ্রাণ-	
১৬। নারায়ণী-সেনা লইয়া দ্রুপদ্যোথনের হস্তিনার		তপস্বীর উপাখ্যান-কীর্তন	৮০৩
প্রত্যাগমন	৭৭৩	৩০। দ্রুপদ্যোথন-দূত উল্কে প্রতি পাণ্ডবগণের	
১৭। অর্জুনের মনোহঃখে শ্রীকৃষ্ণের প্রবোধ-বাক্য	৭৭৫	উক্তি	৮০৫
১৮। শ্রীকৃষ্ণ ও যুধিষ্ঠিরের যুক্তি এবং নমুচি-		৩১। কর্ণ-কৃতী-সংবাদ	৮০৭
দানবের উপাখ্যান	৭৭৭		

চিত্র-সূচী

(প্রথম খণ্ড)

বিষয়	পৃষ্ঠা	বিষয়	পৃষ্ঠা
১। মহারাজ জনমেজয়ের মহাভারত-প্রবণ	৫৬	৬। দ্রুতপ্রা-হরণ	২৮৬
২। কচ ও দেবযানী	৭০	৭। শিশুপাল-বধ	৩৭০
৩। ভীষ্মের প্রতিজ্ঞা	৯৬	৮। দ্রোণদীর বস্ত্রহরণ	৩৯৩
৪। ভীষ্মের সুধাকুণ্ড-পান	১৩০	৯। ক্রিান্তার্জুন	৪৬৮
৫। দ্রোণদীর দ্রবংবর-সভায় অর্জুনের লক্ষ্যভেদ	২১০	১০। ভগীরথের গর্ভা-মানস	৫১৯

বিষয়	পৃষ্ঠা	বিষয়	পৃষ্ঠা
১১। শ্রীরামের হরধনুর্ভঙ্গ	৬০২	১৫। সাবিত্রী-সভাবাদ্	৬১৯
১২। রাম-সীতার বিবাহ	৬০৩	১৬। কীচক-বধ	৬৬১
১৩। পরশুরামের দর্পচূর্ণ	৬০৪	১৭। উত্তরের শমীকাকারোহণ ও অস্ত্রবিষয়ে প্রশ্ন	৬৮১
১৪। রাম-রাক্ষা	৬১২	১৮। শ্রীকৃষ্ণের কপট-নিজা	৭৭১

মঙ্গলাচরণম্

অখণ্ড-মণ্ডলাকারং ব্যাপ্তং যেন চরাচরম্ ।
তৎপদং দশিতং যেন তস্মৈ ত্রীশুরবে নমঃ ॥ ১ ॥

বাগীশাছাঃ স্ত্রমনসঃ সৰ্বার্থানামুপক্ৰমে ।
যং নহা কৃতকৃত্যঃ স্ত্যস্তং নমামি গজাননম ॥ ২ ॥

শুক্রাস্তরধরং বিকুং শশিবর্ণং চতুৰ্ভুজম্ ।
প্রসন্নবদনং ধ্যায়েৎ সৰ্ববিঘ্নোপশাস্তয়ে ॥ ৩ ॥

বন্দে বোধয়সং নিত্যং গুরুং শঙ্কর-রূপিণম্ ।
যমাপ্রিতো হি বক্রোহপি চন্দ্রঃ সৰ্বত্র বন্দ্যতে ॥ ৪ ॥

নমো ধৰ্ম্মায় মহতে নমঃ কৃষ্ণায় বেধসে ।
ব্রাহ্মণেশ্যো নমস্কৃত্য ধৰ্ম্মং বন্দ্যে সনাতনম ॥ ৫ ॥

ব্যাসং বশিষ্ঠ-নস্তারং শঙ্করঃ পৌত্রমকল্যাণম্ ।
পরশরাস্বজং বন্দে শুকভাতং তপোনিধিম্ ॥ ৬ ॥

ব্যাসায় নিমুরূপায় ব্যাসরূপায় বিষ্ণবে ।
নমো বৈ ব্রহ্মবিধয়ে বাশিষ্ঠায় নমো নমঃ ॥ ৭ ॥

যং ব্রহ্মা বরুণেন্দ্ররুদ্রমরুতঃ স্তম্বস্তি দিব্যৈঃ স্তবৈ-
বেদৈঃ সাজপদক্রমোপনিষদৈর্গায়ন্তি যং সামগাঃ ।
ধ্যানাবস্থিততদগভেন মনসা পশ্যন্তি যং যোগিনো-
যন্তাস্তং ন বিতঃ সুরাসুরগণা দেবায় তস্মৈ নমঃ ॥ ৮ ॥

মুখং করোতি বাচালং পঙ্খং লঙ্ঘয়ন্তে গিরিম্ ।
যৎকৃপা তসহং বন্দে পরমানন্দমাদবম্ ॥ ৯ ॥

নিম্নগানানং যথা গজা দেবানামূচ্যন্তো যথা ।
বৈষ্ণবানানং যথা শঙ্কুঃ পুরাণানামিদং তথা ॥ ১০ ॥

বন্দে রামায়ণে চৈব পুরাণে ভারতে তথা ।
আদ্যবন্তে চ মধ্য চ হরিঃ সৰ্বত্র গীয়তে ॥ ১১ ॥

ভারায়ণং নমস্কৃত্য নরকৈব নরোত্তমম্ ।
দেবীং সরস্বতীং ব্যাসং ততো জয়মুদীরয়েৎ ॥ ১২ ॥

দশাবতার-স্তোত্রম্

প্রায়-পয়োধি-জলে মৃতবানসি বেদম্ ।
বিহিত-বহিষ্ক-চরিত্রমখেদম্ ॥

কেশব মৃত-মীনরীর ।
জয় জগদীশ হরে ॥ ১ ॥

ক্টিরিতি বিপুলভরে ভব ভিষ্ঠতি পৃষ্ঠে ।
ধরণী-ধরণ-কিণ-চক্র-গরিষ্ঠে ॥

কেশব মৃত-কূর্মশরীর ।
জয় জগদীশ হরে ॥ ২ ॥

বসতি দশন-শিখরে ধরণী ভব লগ্না ।
শশিনি কলঙ্ক-কলেব নিমগ্না ॥

কেশব মৃত-শূক-রূপ ।
জয় জগদীশ হরে ॥ ৩ ॥

ভব কর-কমলবরে মখমমুত-শৃঙ্গম্ ।
দলিত-হিরণ্যকশিপু-ভস্ম-ভৃঙ্গম্ ॥

কেশব মৃত-নরহরিরূপ ।
জয় জগদীশ হরে ॥ ৪ ॥

ছলয়সি বিক্রমণে বলিমমুত বামন ।
পদ-মখ-লীর-অনিত-জন-পাবন ॥

কেশব মৃত বামনরূপ ।
জয় জগদীশ হরে ॥ ৫ ॥

ক্ষত্রিয়-কৃষিরময়ে জগদপগতপাম্ ।
অপয়সি পয়সি শমিত-ভবতাপম্ ॥

কেশব মৃত কৃষ্ণপতিরূপ ।
জয় জগদীশ হরে ॥ ৬ ॥

বিভরসি দিঙ্কু-রূপে দিকৃপতি-কমনীয়ম্ ।
দশমুখ-মৌলি-বলিং-রমনীয়ম্ ॥

কেশব মৃত-রাামশরীর ।
জয় জগদীশ হরে ॥ ৭ ॥

বহসি বগুবি বিশদে বসনং জলদাতম্ ।

হলহতি-ভীতি-মিলিত-মমুনাতম্ ॥

কেশব ধৃত-হলধররূপ ।

জয় জগদীশ হরে ॥ ৮ ॥

নিশ্চয়সি যজ্ঞবিধেরহহ শ্রুতিজাতম্ ।

সদয়-হৃদয় দর্শিত-পশুঘাতম্ ॥

কেশব ধৃত-বুদ্ধশরীর ।

জয় জগদীশ হরে ॥ ৯ ॥

শ্রেষ্ঠনিবহ-নিধনে কলয়সি করবালম্ ।

ধুমকেতুমিব কিমপি করালম্ ॥

কেশব ধৃত-কঙ্কশরীর ।

জয় জগদীশ হরে ॥ ১০ ॥

শ্রীজয়দেবকবেরিদমুদিতমুদারম্ ।

শৃণু স্তবদং শুভদং ভবসারম্ ॥

কেশব ধৃত-দশবিধরূপ ।

জয় জগদীশ হরে ॥ ১১ ॥

বেদাস্তদ্বরেতে জগন্তি বহতে ভুগোলমুদবিভ্রতে,

দৈত্যং দারয়তে বলিং ছলয়তে ক্ষত্রকয়ং কুর্ক্বতে ।

পৌলস্ত্যং জয়তে হলং কলয়তে কারুণ্যমাত্মতে,

শ্রেষ্ঠান্ মুচ্ছয়তে দশাকৃতিকৃতে কৃষ্ণায় তুভ্যং নমঃ ॥ ১২ ॥

গ্রন্থ-সূচনা



সর্বশাস্ত্র-বীজ হরিণাম দু'অক্ষর ।
আদি-অন্ত নাহি, তাহা বেদে অগোচর ॥
শ্রুতমহ পুস্তক ভারত-নাম-ধর ।
যার নাম লইলে নিম্পাপ হয় নর ॥
পরশর-সুত-মুখে হইল সম্ভব ।
অমল কমল দিব্য ত্রৈলোক্য-দুর্লভ ॥
গীতা-অর্থ কৈল তাহে সুগন্ধি নির্মাণ ।
কেশর রচিত তাহে বিবিধ আখ্যান ॥
ভরিতে সঙ্কতি সেই প্রচণ্ড-তপনে ।
ভারত-পঙ্কজ ফুটে যার দরশনে ॥
সুজন সুবুদ্ধিলোক হইয়। ভ্রমর ।
ভারত-পঙ্কজ-মধু পিয়ে নিরন্তর ॥
বিপুল বৈভব ধর্ম জ্ঞানের প্রকাশ ।
কলির কলুষ যত হয় ত বিনাশ ॥
যটিলক্ষ শ্লোকে ব্যাস ভারত রচিল ।
ত্রিশ-লক্ষ শ্লোক ভার দেবলোকে দিল ॥
সুরলোকে পড়িল নারদ উপোদন ।
ইন্দ্র-আদি দেবগণ করেন শ্রবণ ॥
পঞ্চদশ-লক্ষ শ্লোক পরম-যতনে ।
অসিত-দেবল-মুখে পিতৃলোকে শুনে ॥
শুকদেব-মুখে শুনে গন্ধর্বাদি ঋক্ষ ।
মহাভারতের শ্লোক চতুর্দশ-লক্ষ ॥
লক্ষশ্লোক প্রচারিল হেথা মর্ত্যপুরে ।
সংসার-মরক হৈতে উদ্ধারিতে নরে ॥
বৈশম্পায়ন কহে, অম্বোজয় শুনে ।
পরম-পবিত্র কথা র্যাসের রচনে ॥
চারি-বেদ বহু-শাস্ত্র একভিতে কৈল ।
ভারত-সহিত মুনি তুলেতে তুলিল ॥

ভারতে অধিক, তেঁই হইল ভারত । *
 বিবিধ পুরাণ-গ্রন্থ যাহার সম্রত ॥
 সুরাসুর নাগলোক এ-ভিন-ভুবনে ।
 সংসারের মধ্যে যত হৈল পুণ্যজনে ॥
 সবার চরিত্র এই ভারত-ভিতর ।
 যাহার অবগে হয় পাপহীন নর ॥
 সর্বশাস্ত্র-মধ্যে হয় প্রধান গণন ।
 দেবগণ-মধ্যে যথা দেব-মারুগণ ॥
 নন্দনদীগণ যেন অবশেষে সাগর ।
 সকল পুরাণ-কথা ভারত-ভিতর ॥
 অনেক-কঠোর-তপে ব্যাস মহামুনি ।
 রচিত বিচিত্র-গ্রন্থ ভারত-কাহিনী ॥
 শ্লোকচ্ছন্দে গ্রন্থ তবে রচিলেন ব্যাস ।
 গীতিচ্ছন্দে কহে তাহা কবি কাশীদাস ॥

— .

* পুরাকালে মহাবিগণ একসময় তুলাদণ্ডের একদিকে চারিবেদ ও অষ্টাদিকে এই ভারত-গ্রন্থ স্থাপিত করেন; তাহাতে এই গ্রন্থ মহাশেষ ও ভারবশেষ বেদ-চতুষ্টয় অপেক্ষা শ্রেষ্ঠ হওয়ার মহাবিগণ ইহাকে “মহাভারত” বলিয়া নির্দেশ করেন ।

সটীক, সচিত্র ও বিশুদ্ধ
অষ্টাদশ-শতাব্দী
কাশীরামদাস-মহাভারত

আদিপর্ব

নারায়ণঃ নমস্তুভ্য নরকৈব সরোত্তমঃ ।

দেবীং সরস্বতীকৈব ততো জরমুখীরয়েৎ ॥ *

১। সৌতিমুনির নৈমিষারণ্যে আগমন ও শৌনকাদি
ঋষির সহিত কথোপকথন ।

শৌনকাদি মুনিগণ নৈমিষ-কাননে^১ ।

দ্বাদশ বৎসর যজ্ঞ করেন যতনে ॥

লোমহর্ষণের পুত্র সৌতি^২ নাম-ধর ।

ব্যাস-উপদেশে সর্বশাস্ত্রেতে তৎপর ॥

ভ্রমিতে-ভ্রমিতে গেল নৈমিষ-কাননে ।

শৌনকাদি মুনি যজ্ঞ করে যেইখানে ॥

মুনিগণে প্রণমিল সূতের নন্দন ।

আশীর্বাদ করি সবে দিলেন আসন ॥

সৌতিকে দেখিয়া তবে কন মুনিগণ ।

কোথা হৈতে হৈল সৌতি তব আগমন ॥

কোথায় বা এতকাল করিলা যাপন ।

সবিস্তারে কহ সবে করিব শ্রবণ ॥

মুনিগণ প্রশ্ন শুনি সূতের নন্দন ।

সবিনয়ে করপুটে করেন বর্ণন ॥

* নারায়ণঃ (নারায়ণকে), নরম্ (নর নামক মুনিকে), সরোত্তমঃ (সর্বোত্তম অবতারকে), দেবীং সরস্বতীং (বাসুদেবী সরস্বতীকে), নমস্তুভ্য (নমস্কার করিয়া), ততো: (তার পরে), জরম্ (পুষ্ক-ইতিহাসাদি,—অর্থাৎ মহাভারত);—নীলকণ্ঠ বলিয়াছেন, মহাভারতের অষ্ট নাম ‘জর’ উদীরয়েৎ (পাঠ করিবে) ।

১। বরাহ পুরাণে আছে,—বিষ্ণু নিমেষমাংসে যে-বনে অমর বিনাশ করেন সেই বনের নাম নৈমিষ-অরণ্য । বহু পুরাণে আছে,—কলিযুগে আগমন প্রাকালে শৌনকাদি ঋষিগণ ব্রহ্মাকে লিঙ্গাসা করিলেন, কোন্ হাঙ্গে থাকিয়া কলিদোষ যুগে হইয়া জীবিকুর ব্যানধারণা করা যাইতে পারে । ব্রহ্মা হর্ষাসক্ত এক চক্ষু বন্ধ করিয়া নিকোপ করিলেন, ও ঋষিগণকে বলিলেন, এই চক্ষুর পক্ষাদুসরণ কর । যেখানে ইহার প্রান্তভাগ পড়িবে সেই স্থানে থাকিয়া বিষ্ণুর আরাধনা করিলে কলিদোষ স্পর্শ করিবে না । চক্ষুর বেগি (প্রান্ত) এই অরণ্যে স্থির্ণ (পতিত) হইয়াছিল বলিয়া এই অরণ্যের নাম নৈমিষারণ্য । লক্ষ্য শহরের ৪৫ মাইল দূরে গৌরীতীর বামতটে অবস্থিত । বর্তমান নাম—নিমসার ।

২। যিনি কত্রিরের ঠরসে ব্রাহ্মণের গর্ভে জন্মগ্রহণ করেন, তিনি হত । হতগণ পুরাণ-পাঠক ছিলেন । লোমহর্ষণ ছিলেন হত-কাতীর । হতের পুত্র সৌতি ।

মহারাজ জন্মেজয়—পরীক্ষিৎ-পুত্র ।
 সর্পকুল বিনাশিতে কৈলা সর্প-সত্রঃ ॥
 সেই যজ্ঞে মুনিশ্রেষ্ঠ শ্রীবৈশম্পায়নঃ ২ ।
 ব্যাস-বিরচিত কথা করান শ্রবণ ॥
 সেখানে শ্রবণ করি ভারত-আখ্যান ।
 যাহার শ্রবণে নর পায় দিব্যজ্ঞান ॥
 নানা তীর্থ পর্যটন করি অবশেষে ।
 উপনীত হইয়াছি তোমা সবা পাশে ॥
 সূর্য্যায়ির সমতেজাঃ তোমা সর্ব্বজন ।
 ব্রহ্মরূপে অবতীর্ণ নৈমিষ-কানন ॥
 ধর্ম্ম-ইতিহাস কিংবা পুরাণ-কাহিনী ।
 কি কথা শুনিতে চাহ, কহ মহামুনি ॥
 আদেশ করুন আমি করিব কীর্তন ।
 যাহার শ্রবণে সর্ব্ব-পাপ-বিমোচন ॥
 শোনক কহিল শুনি সৌতির বচন ।
 তোমার পিতার ছিল সর্ব্বশাস্ত্র-জ্ঞান ॥
 নানা-চিত্র-বিচিত্র কথন পুরাতন ।
 তাঁর মুখে বহুশাস্ত্র করেছি শ্রবণ ॥
 তাঁর পুত্র তুমি, তাই জিজ্ঞাসি তোমায় ।
 ভৃগুবংশ সমুৎপন্ন কি রূপেতে হয় ॥

২। ভৃগুবংশ-পরিচয় ।

সৌতি বলে অবধান কর মুনিগণ ।
 কহিব অপূর্ব্ব কথা ব্যাসের রচন ॥

ব্রহ্মার নন্দন হৈল ভৃগু মহামুনি ।
 পুলোমা নামেতে কন্যা তাঁহার গৃহিণী ॥
 গর্ভবতী পুলোমায় রাখি নিজ ঘরে ।
 ভৃগু মহামুনি গেল স্নান করিবারে ॥
 হেনকালে আসে তথা দৈত্য একজন ।
 ভৃগুপত্নী হরিবারে করিয়া মনন ॥
 কামে নিপীড়িত চিত্ত তার অতিশয় ।
 কন্যা দিল ফলমূল কিছু নাহি লয় ॥
 বলেতে ধরিব বলি বিচারিয়া মনে ।
 গৃহে প্রবেশিতে দেখে দীপ্ত হৃতাশনে ৩ ॥
 অগ্নিপানে চাহি বলে দানব দুরন্ত ।
 কহ বৈশ্বানর ৪ তুমি জান আদি-অন্ত ॥
 ইহার জনক পূর্ব্বে বরিলেক মোরে ।
 বিবাহ না দিয়া মোরে দিলেক ভৃগুরে ॥
 কদাচারী ভৃগু নাহি করিল বিচার ।
 বিবাহ করিল কন্যা বরণ আমার ৫ ॥
 মিথ্যা না কহিও তুমি কহ সত্যবাণী ।
 ন্যায়মতে এই কন্যা কাহার গৃহিণী ॥
 দানবের কথা শুনি অগ্নি হৈল ভীত ।
 কেমনে কহিবে মিথ্যা হইল চিন্তিত ॥
 সত্য যদি কয়, কন্যা লইবে দানব ।
 ভাবিয়া তাহার প্রতি বলে জলোদ্ভব ৬ ॥
 জানি আমি, অগ্রে তুমি পুলোমা কন্যায় ।
 বরণ করেছ, ইহা কভু মিথ্যা নয় ॥

১। সর্প-যজ্ঞ ।

২। বিশ্ণু অর্থাৎ প্রজাগণকে পালন করেন যিনি, তিনি বিশম্প । বিশম্প-বংশীয় ব্যক্তি বৈশম্পায়ন, ব্যাসদেবের শিষ্য মহাভারত-বক্তা মুনি ।

৩। হৃত (হোমায়িতে নিক্ষিপ্ত দ্রুতাদি) অশন (খাদ্য) বাহার,—অগ্নি ।

৪। বিশ্বানরের (স্বর্গের) পুত্র,—অগ্নি । অথবা, বিশ্বনরের কর্ত্তরে অনলরূপে বিরাজ করে যে,—অগ্নি ।

৫। আমার বরিত অর্থাৎ প্রার্থিত ।

৬। জল হইতে উদ্ভব বাহার,—অগ্নি, বাড়বাড়ি ।

কিস্ত বিধিমতে তব বিভা না হইল ।
 তেঁই এ কন্যার পিতা ভৃগুরে অঁপিল ॥
 বেদমন্ত্র পাঠ করি আমার গোচর ।
 বিবাহ করিল কন্যা ভৃগু মুনিবর ॥
 তথাপি ন্যায়েতে কন্যা তোমার ঘরগী ।
 কহিলাম সত্য কথা যাহা আমি জানি ॥

অগ্নির বচন শুনি দানব দুর্ব্বার ।
 নিমেষে ধরিল এক বরাহ আকার ॥
 বলে ধরি কন্যা ল'য়ে চলিল তখন ।
 ভয়েতে বিহ্বল কন্যা করয়ে রোদন ॥
 তার গর্ভে ছিল যেই ভৃগুর নন্দন ।
 উঠিল গজ্জিয়া শুনি মাতার ক্রন্দন ॥
 গর্ভচ্যুত হ'য়ে পুত্র হইল বাহির ।
 সেহেতু চ্যবননামে খ্যাত মহাবীর ॥
 দৃষ্টিমাত্রে ভৃগুপুত্র রাক্ষস দুর্জনে ।
 দণ্ডমাত্রে ভস্মাভূত কৈল সেই স্থানে ॥
 ভৃগুর ঘরগী কোলে করি নিজ স্নতে ।
 চলিল আশ্রমে তবে কাঁদিতে-কাঁদিতে ॥
 হেনকালে আইল তথায় পদ্মযোনিং ।
 তাহারে সাস্তুনা দিল কহি প্রিয়বাণী ॥
 ক্রন্দনে বহিল অশ্রুজল পুলোমার ।
 তাহাতে জন্মিল নদী আশ্চর্য ব্যাপার ॥
 ভৃগুপত্নী আশ্রমের পানে যত যায় ।
 সেই নদী পিছু-পিছু পথ করি ধায় ॥
 দেখিয়া বিস্ময়-চিত্ত হইলেন বিধি ।
 নাম তার রাখিলেন 'বধূসরা' নদী ॥
 পুত্রবধূ গৃহে রাখি গেল প্রজাপতি ।
 পুত্রকোলে রহে তথা কন্যা দুঃখমতী ॥

হেনকালে স্নান করি আসে ভৃগু তথা ।
 জিজ্ঞাসিল কেন তার চিত্ত-বিকলতা ॥
 স্বামীরে দেখিয়া কন্যা করিয়া রোদন ।
 কহিলেক যতেক দানব-বিবরণ ॥
 তোমার তনয় এই কৈল প্রতিকার ।
 দানবে মারিয়া মোরে করিল উদ্ধার ॥

এত শুনি পুনঃ ভৃগু হেতু জিজ্ঞাসিল ।
 কি কাবণে দানব আসি তাহারে হরিল ॥
 কন্যা বলে, আচম্বিতে আসি দুর্ভয়মতি ।
 আমাবে দেখিয়া জিজ্ঞাসিল অগ্নিপ্রতি ॥
 সত্য কহ বৈশ্বানর, কহ সত্যবাণী ।
 বিধিমতে এই কন্যা কাহার গৃহিণী ॥
 যত্বপি বিবাহ-হেতু ভৃগুর রমণী ।
 অগ্নি বলে, তা' না হ'লে তোমার ঘরগী ॥
 বৈশ্বানর-বাক্যে মোরে হরিল দুর্জনে ।
 শুনিয়া হইল ভৃগু ক্রোধে অচেতন ॥
 আজি হইতে সর্ব্বভুক হও হতশন ।
 বলিয়া শাপিল তবে ভৃগু তপোধন ॥
 ত্রাসিত অনল শুনি ভৃগুর বচন ।
 স্কাতেবে দ্বিজবরে করে নিবেদন ॥
 কোন দোষে মুনিবর শাপ দিলা মোরে ।
 বলিয়াছি যাহা জানি তাহা দানবেরে ॥
 জানিয়া-শুনিয়া মিথ্যা বলে যেই জন ।
 ইহকালে নিন্দা, অশেষ নরকে গমন ॥
 উভয় সপ্তম কুলে নরকে প্রবেশে ।
 জানিয়া আমারে শাপ দিলা বিনা দোষে ॥
 অতঃপর বৈশ্বানর দেবগণ লৈয়া ।
 ব্রহ্মারে সকল কথা নিবেদিল গিয়া ॥

ভ্রম্মা বলে আমি দুঃখ না ভাবিও মনে ।
সকলি হইবে শুদ্ধ তোমার স্পর্শনে ।
ভ্রম্মার বচনে আমি সন্তুষ্ট হইয়া ।
পুনরপি জগতেতে ব্যাপিল আসিয়া ॥
ভৃগুবংশ-উপাখ্যান রচে বেদব্যাস ।
পাঁচালী আকারে তাহা কহে কাশীরাম ॥

৩। ভৃগুবংশীয় ককর সর্প-হিংসা ।

সৌতি বলে অবধান কর মুনিগণ ।
এইরূপে ভৃগুপুত্র হইল চ্যবন ॥
প্রমতি নামেতে হইল চ্যবন-তনয় ।
তাহার তনয় হৈল রুরু মহাশয় ॥
প্রমদরা ভার্য্যা তার পরমা স্তন্দরী ।
যাহার জননী হন মেনকা অপ্সরী ॥
কত কালে মৈল কন্যা সর্পের দংশনে ।
দেখি শোকাকুল হৈল যত বন্ধুগণে ॥
ভার্য্যার মরণ-শোকে প্রমতি-নন্দন ।
একাকী অরণ্য মধ্যে করয়ে ক্রন্দন ॥
মুনির ক্রন্দন দেখি যত দেবগণ ।
দেবদূত পাঠাইল প্রবোধ-কারণ ॥
দেবদূত বলে রুরু কান্দ কি কারণে ।
মরিল তোমার ভার্য্যা আয়ুর বিহনে ॥
ইহার উপায় আর নাহিক ত্রিলোকে ।
আছয়ে উপায় এক কহিব তোমাকে ॥
আপনি অর্দ্ধেক আয়ু যদি দেও তারে ।
তবে পাবে নিজ ভার্য্যা কহিনু তোমারে ॥
অর্দ্ধ আয়ু দিব রুরু কৈল অঙ্গীকার ।
জীউক সে ভার্য্যা মোর কর প্রতিকার ॥

১। চৌকা সাপ ।

এত শুনি দেবদূত রুরুকে লইয়া ।

যমের ভবনে গেল বিমানে চড়িয়া ॥
যমেরে শ্বহিল দূত সব বিবরণ ।
অর্দ্ধ আয়ু ত্রীকে দিল প্রমতি-নন্দন ॥
ধর্ম্মরাজ বলে পাবে তোমার গৃহিণী ।
যাও যাও নিজালয়ে যাও শ্বিজমণি ॥
ধর্ম্মবলে প্রমদরা জীবন পাইল ।
দেখিয়া প্রমতি-পুত্র সানন্দ হইল ॥
প্রতিজ্ঞা করিল রুরু ক্রোধে ততক্ষণে ।
মারিব ভূজঙ্গ যত দেখিব নয়নে ॥
হাতে দণ্ড ভ্রমে রুরু সর্প-অশ্বেষণে ।
মারিল অনেক সর্প না যায় গণনে ॥

একদিন ভ্রমে মুনি অরণ্য-ভিতর ।

দেখিলেক মহাসর্প অতি ভয়ঙ্কর ॥
সর্প দেখি দণ্ড ল'য়ে যায় মারিবারে ।
দেখিয়া ভুগুভা ডাকি বলে উচ্চৈঃস্বরে ॥
কি দোষ করিনু আমি তোমার সদনে ।
অহিংসক জনে মার কিসের কারণে ॥
রুরু বলে দোষ-গুণ না করি বিচার ।
সর্প পেলে সংহারিব প্রতিজ্ঞা আমার ॥
ভুগুভ বলেন আমি নামমাত্র সাপ ।
অহিংসক হিংসনে জন্মায় মহাপাপ ॥
এতেক শুনিয়া রুরু ভাবিয়া তখন ।
জিজ্ঞাসিল কহ তুমি কোন্ মহাজন ॥
সর্প বলে ছিনু আমি মুনির কুমার ।
খগম-নামেতে সখা ছিলেন আমার ॥
তালপত্রে সর্প এক করিয়া রচন ।
সখারে দিলাম ছুঁড়ি রহস্য-কারণ ॥

সৰ্প দেখি মোহ গেল মুনিক তনয় ।
 ক্ৰোধ কৰি শাপ মোরে দিল মহাশয় ॥
 বিষহীন সৰ্প রচি ভয় দিলে মনে ।
 বিষহীন সৰ্প হৈয়া থাকহ কাননে ॥
 অচিৰে হইবে মুক্ত শুন শ্রাণসখা ।
 রুদ্রসহিত যত দিনে হবে দেখা ॥
 শ্রমতির পুত্র তুমি ভৃগুবংশে জন্ম ।
 ব্রাহ্মণ হইয়া কেন কর ক্ষত্র-কৰ্ম ॥
 ব্রাহ্মণের কৰ্ম নহে লোকের হিংসন ।
 স্বল্প দোষে দেখ মোর দুৰ্গতি-লক্ষণ ॥
 “অহিংসা পরম ধৰ্ম” করহ পালন ।
 ভয়াৰ্ত্ত জনেৰে রক্ষ করিয়া যতন ॥
 পূৰ্বে রাজা জন্মেজয় সৰ্প-যজ্ঞ কৈল ।
 দয়ায় সৰ্পের কুলে ব্রাহ্মণ রাখিল ॥
 আন্তিক নামেতে দ্বিজ জরংকর-হৃত ।
 যাহার চরিত্র-কথা শুনিতে অদ্বুত ॥

রুদ্র বলে কহ শুনি আন্তিক-আখ্যান ।

কিমতে নাগের কুল কৈল পরিত্রাণ ॥
 কি কারণে সৰ্প-যজ্ঞ কৈল জন্মেজয় ।
 কহ শুনি মুনিকর খণ্ডক বিশ্বয় ॥
 মুনিকহে সেই কথা করিয়া বিস্তার ।
 শুনিবারে চিত্ত যদি আছয়ে তোমার ॥
 মুনিকগণে জিজ্ঞাসিলে কহিবে সকল ।
 আজ্ঞা দেও যাব আমি আপনাব স্থল ॥
 এত বলি দিব্য-মূৰ্তি হইল তৎক্ষণে ।
 অন্তৰ্ধান হৈয়া মুনিক গেল নিজস্থানে ॥
 বিশ্বয় জন্মিল, রুদ্র মনোদুঃখ-তাপে ।
 আপনাব গৃহে আসি জিজ্ঞাসিল বাপে ॥

শ্রমতি বলেন আমি সব তাহা জানি ।
 অস্তিকের উপাখ্যান অদ্বুত কাহিনী ॥
 মহাভারতের কথা অমৃতের ধার ।
 শ্রবণের স্তম্ভ ইহা বিনা নাহি আর ॥
 কাশীৰাম দাসের শ্রাণম সাধুজনে ।
 পাইবে পরম শ্রীতি যাহার শ্রবণে ॥

৪। অরংকর উপাখ্যান ।

জিজ্ঞাসিল রুদ্র তবে জনকের স্থানে ।

সৰ্প-যজ্ঞ জন্মেজয় কৈল কি কারণে ॥
 শ্রমতি বলেন বৎস কর অবধান ।
 সৰ্প-বধ-যজ্ঞ কথা অপূৰ্ব আখ্যান ॥
 যাযাবর-শ্রেষ্ঠ ছিল জরংকর মুনিক ।
 যোগেতে পরম যোগী বামুদ্রক জানি ॥
 স্বচ্ছন্দে ভ্রমিয়া গেল দেশ-দেশান্তর ।
 উল্লভ উন্নতবেশ, সদা অনাহার ॥
 একদা অরণ্য-মধ্যে ভ্রমে তপোধন ।
 দেখিলেক গৰ্ভ এক অদ্বুত কখন ॥
 তারি মধ্যে দেখয়ে মনুষ্য কত জন ।
 এক উলামূল^১ ধরি রহে সৰ্বজন ॥
 উৰ্দ্ধপাদ নিম্নমুখ আছে লম্বমান ।
 পদাঙ্গুলে ধরি আছে উলা-মূলখান ॥
 অপূৰ্ব দেখিয়া জিজ্ঞাসিল মুনিকর ।
 কি কারণে এত দুঃখ তোমা সবাচার ॥
 যে-উলার মূল ধরিয়াছ সৰ্বজন ॥
 মুখিক খুঁড়িছে মূল না দেখ নয়নে ॥
 একগোটা মূলমাত্র দৃঢ় আছে ভূণে ।
 এখনি ছিঁড়িবে উহা ইন্দুর-দংশনে ॥

১। উদ্ভেদের শিকড়। সংস্কৃত মহাভারতে আছে—বীরপত্তন (আ. ১০।১৬)। ইহার অৰ্থ উল্লভমূল—বেনার
 মূল, বধ বধ।

তবে ত পড়িবে সবে গর্ভের ভিতর ।
 এত শুনি পিতৃগণ করিল উত্তর ॥
 যাযাবর-বংশে আমা সবার উৎপত্তি ।
 নির্বংশ হইলু তেঁই হৈল হেন গতি ॥
 ঋষি বলে বংশে কেহ নাহি কি তোমার ।
 বংশরক্ষা করি করে সবার উদ্ধার ॥
 পিতৃগণ বলে মাত্র আছে একজন ।
 মূর্থ ছুরাচার সেই অতি অভাজন ॥
 না করিল কুলধর্ম বংশের রক্ষণ ।
 জরৎকার নাম তার শুন মহাজন ॥

এত শুনি জরৎকার বিস্ময় হইয়া ।
 আমি জরৎকার বলি কহিল ডাকিয়া ॥
 কি করিব আজ্ঞা মোরে কর পিতৃগণ ।
 যে আজ্ঞা করিবে তাহা করিব পালন ॥

পিতৃগণ বলে কর বনিতা-গ্রহণ ।
 পুত্র জন্মাইয়া কর বংশের রক্ষণ ॥
 সর্বশাস্ত্রে বিজ্ঞ তুমি তপস্যা-তৎপর ।
 পুত্রবশ্তে যেই ধর্ম তোমার গোচর ॥
 মহাপুণ্য করি লোক না যায় যথায় ।
 পুত্রবান্ লোক সব সেই স্থানে যায় ।
 সে-কারণে বিবাহ করহ মুনিবর ।
 পুত্র জন্মাইয়া আমা সবে রক্ষা কর ॥

পিতৃগণ-বাক্য শুনি বলে জরৎকার ।
 যাচি' বিভা না করিব প্রতিজ্ঞা আমার ॥
 মম নাম-অনুরূপ কন্যা যদি রয় ।
 সেই কন্যা যদি মোরে যাচি' কেহ দেয় ॥

সেই কন্যা তবে আমি করিব গ্রহণ ।
 বিবাহ করিব তব মঙ্গল-কারণ ॥
 তাহার গর্ভেতে যেই জন্মিবে কুমার ।
 তোমা সবাকারে সেই করিবে উদ্ধার ॥
 শুনি অসুধান হৈল যত পিতৃগণ ।
 শূন্যেতে ডাকিয়া তবে বলিল বচন ॥
 বিভা করি জরৎকার জন্মাও সন্ততি ।
 সন্তান জন্মিলে হবে বংশের সদগতি ॥
 যেই বেনামূল সবে ছিলাম ধরিয়া ।
 তুমি আছ তেঁই মূল আছে ত লাগিয়া ।
 মুষিকে খুঁদিতে ছিল মুষিক সে নয় ।
 মুষারূপে আপনি সে ধর্ম মহাশয় ॥

তাহা শুনি জরৎকার করিল গমন ।
 বহুদেশ-দেশান্তর করেন ভ্রমণ ॥
 পিতৃগণ-আজ্ঞা শুনি চিন্তে অনুক্ষেণে ।
 যাচি কন্যা দিবে কেহ নাহি কি ভুবনে ।
 মহাবনে প্রবেশ করিল জরৎকার ।
 কন্যা কার আছে দেহ বলে তিনবার ॥
 আছিল তথায় বাহুকির অনুচর ।
 মুনির সন্দেশ কহে বাহুকি-গোচর ॥

এত শুনি বাহুকির আনন্দ অপার ।
 ভগিনী সহিত গেল যথা জরৎকার ॥
 মুনিবরে ফণিবর করে নিবেদন ।
 আমার ভগিনী মুনি করহ গ্রহণ ॥
 মুনি বলে এই কন্যা কোন্ নাম ধরে ।
 সত্য করি কহ মিথ্যা না ভাঙিহ মোরে ॥

১। সংস্কৃত মহাভারতে বাহুকির ভগিনী ও যাযাবরবংশীয় মুনি,—এই দুইজনের নামই 'জরৎকার'। সংস্কৃতে এই শব্দটি জীলিঙ্গ ও পুংলিঙ্গ—দুইই হয়। কিন্তু কাশীরাম বাদালায় লিঙ্গভেদ করিতে গিয়া জরৎকার, জরৎকার ও জরৎকারী—এই তিন রূপ গ্রহণ করিয়াছেন। ২। ভাঁড়াইও না, মিথ্যা কহিও না।

মোর নামে হয় যদি ভগিনী তোমার ।
 বিবাহ করিব তবে কৈনু অঙ্গীকার ॥
 বাহুকি বলিল নাম ধরে জরংকারী ।
 তোমার লাগিয়া জন্ম লয়েছে সুন্দরী ॥
 যত্নে রাখিয়াছি আমি তোমার কারণে ।
 তোমার আজ্ঞায় আনিলাম এতদিনে ॥
 এত বলি কন্যা দিয়া গেল ফণিবর ।
 শুনি নাগলোকে হৈল আনন্দ বিস্তর ॥
 মহাভারতের কথা শুধা হৈতে শুধা ।
 কর্ণপথে কর পান যাবে ভবক্ষুধা ॥
 বহু চিত্রকথা^১ যত কাশী বিরচিত ।
 অমর-কিম্বর-নর-নাগের চরিত ॥
 বিবিধ বিপদ খণ্ডে যাহার শ্রবণে ।
 আত্মশুদ্ধি বংশবৃদ্ধি পাপ বিমোচনে ॥
 স্ববাহিত ফল হয় ইথে নাহি আনন্দ ।
 হরিপদে মতি হয় জন্মে দিব্যজ্ঞান ॥
 এই কথা শ্রবণে সকল পাপ নাশে ।
 গীতচ্ছন্দে বিরচিত তাহা কাশীদাসে ॥

১। সর্পগণের উৎপত্তি, অরুণের জন্ম, কক্র ও
 বিনতার উচ্চৈঃশ্রবা দর্শন ।

মুনিগণ বলে কহ ইহার কারণ ।
 ভগিনীকে দিল নাগ কোন্ প্রয়োজন ॥
 মুনি হেতু কি কারণে কন্যার উৎপত্তি ।
 বিস্তারিয়া সব কথা কহ পুনঃ সৌতি ॥
 সৌতি বলে অবধান কর মুনিগণে ।
 বাহুকি দিলেন ভয়ী যাহার কারণে ॥

দক্ষের দুহিতা কক্র-বিনতা সুন্দরী ।
 স্বামী কশ্যাপেরে তোষে বহু সেবা করি ॥
 ভুষ্ঠ হ'য়ে বলে মুনি মাগ দৌড়ে বর
 ইহা শুনি কক্র বলে যুড়ি দুই কর ॥
 সহস্রেক নাগ হ'বে আমার নন্দন ।
 এই মোর বাহু পূর্ণ কর তপোধন ॥
 বিনতা মাগিল বর কশ্যাপের পায় ।
 দুই গোটা পুত্র মোরে দেহ মহাশয় ॥
 কক্র-পুত্র হ'তে বলী হইবে নন্দন ।
 হাসিয়া কশ্যাপ বর দিল ততক্ষণ ॥
 মুনি বরে দুই জন হৈল গর্ভবতী ।
 দৌড়ে আশ্বাসিয়া বনে গেল মহামতি ॥
 কতদিনে দুইজনে প্রসব হইল ।
 সহস্রেক ডিম্ব কক্রদেবী প্রসবিল ॥
 দুই ডিম্ব প্রসবিল বিনতা সুন্দরী ।
 রাখিল সকল ডিম্ব স্বর্ণপাত্রে ভরি ॥
 পঞ্চশত বৎসরে জন্মে নাগগণ ।
 মুনি-বরে পায় কক্র সহস্র নন্দন ॥
 বিনতা দেখিয়া তাপ পাইলেন মনে ।
 এককালে ডিম্ব প্রসবিল দুইজনে ॥
 সহস্র পুত্রের কক্র হইল জননী ।
 মোর পুত্র না জন্মিল কি হেতু না জানি ॥
 এত ভাবি এক ডিম্ব বিনতা ভাঙ্গিল ।
 তাহা হ'তে রক্তবর্ণ পুত্র জনমিল ॥
 অর্দ্ধাঙ্গ-বিহীন হৈল পক্ষীর আকার ।
 ক্রোধ করি জননীকে বলিল কুমার ॥
 পরপুত্র দেখি হিংসা-কাতর হৃদয় ।
 অকালে ভাঙ্গিলা ডিম্ব পূর্ণ নাহি হয় ॥

অঙ্গহীন করি যোরে জন্মাইলা তুমি ।
 তে কারণে জননী শাপিব তোমা আমি ॥
 যে ভগিনী-পুত্র দেখি হিংসা হৈল মনে ।
 তাহার হইয়া দাসী রহ চিরদিনে ॥
 এই ডিগ্ধে আছে যেবা পুরুষ-রতন ।
 তাহা হৈতে হবে তব শাপ-বিমোচন ॥
 মহাবীর্যবন্ত বীর এই ডিগ্ধে রয় ।
 অকালে আমার প্রায় না ভাঙ্গিও তা'য় ॥
 আপনি হইবে ভগ্ন সহস্র বৎসরে ।
 এত বলি প্রবোধ করিল জননীরে ॥

হেনমতে যায় দিন, দৈবের ঘটনে ।
 কদ্রু আর বিনতা দেখিল এক স্থানে ॥
 উচ্চৈঃশ্রবা অশ্ববর পরম হৃন্দর ।
 সূর্য্যের কিরণ নিন্দিত তার কলেবর ॥
 নানা রত্ন-অলঙ্কার অঙ্গেতে ভূষণ ।
 মহাবীর্যবন্ত অশ্ব পবন-গমন ॥
 সমুদ্রে-মহানে সেই অশ্বের উৎপত্তি ।
 এত শুনি মুনি জিজ্ঞাসিল সৌতি প্রতি ॥
 সমুদ্রে-মহান হৈল কিসের কারণ ।
 কহ শুনি বিস্তারিয়া সূতের নন্দন ॥

৬। সমুদ্র-মহান কথা ।

সূত বলে অবধান কর মুনিগণ ।
 যেহেতু হইল পূর্ব্বে সমুদ্রে-মহান ॥
 ব্রহ্মারে কহিল পূর্ব্বে দেব গদাধর ।
 দেবাসুরগণ লইয়া অথহ সাগর ॥
 অমৃত উত্তীর্ণ হ'বে সাগর-মহানে ।
 দেবগণ অমর হইবে স্থাপানে ॥

যত মহৌষধি আছে পৃথিবী ভিতরে ।
 উদ্ধার করহ সব, মথিয়া সাগরে ॥
 মন্থন-দণ্ডের লাগি মন্দারে আনিয়া ।
 সমুদ্রের মাঝখানে ফেল তারে নিয়া ॥
 বিষ্ণুর পাইয়া আজ্ঞা যত দেবগণ ।

মন্দর পর্ব্বত যথা করিল গমন ॥
 অতিউচ্চ গিরিবর পরশে গগন ।
 উর্দ্ধে উচ্চ একাদশ সহস্রযোজন ॥
 উপাড়িতে বহু চেষ্টা কৈল দেবগণ ।
 না পারিয়া নিবেদিল বিষ্ণুর সদন ॥
 বিষ্ণুর আজ্ঞাতে সে অনন্ত মহীধর ।
 উপাড়িয়া ভূজবলে আনিল মন্দর ॥
 সমুদ্রের তীরে সব গেল দেবগণে ।
 মন্দরে ধারণ লাগি বলিল বরুণে ॥
 বরুণ বলিল গিরি বড়ই বিস্তার ।
 মোর শক্তি নাহি, ধরি এই মহাভার ॥
 মন্দর ধারণ লাগি আছয়ে উপায় ।
 মোর জলে কূর্ম্ম আছে অতি মহাকায় ॥
 এত শুনি দেবগণ কূর্ম্মে আরাধিল ।

মন্দর ধরিতে কূর্ম্ম অঙ্গীকার কৈল ॥
 কূর্ম্মপৃষ্ঠে গিরিবরে করিয়া স্থাপন ।
 বাহুকি-নাগের দড়ি করিল যোজন ॥
 পুচ্ছেতে ধরিল দেব, মুখে দৈত্যগণ ।
 আরম্ভ করিল সিদ্ধ করিতে মন্থন ॥
 গিরি-ঘরষণে নাগ ছাড়য়ে নিঃশ্বাস ।
 ধূম উপজিল তাহে, ব্যাপিল আকাশ ॥
 সেই ধূমে হৈল যত মেঘের জনম ।
 রুষ্টি করি স্রবণে খণ্ডাইল জ্রম ॥
 ত্রিভুবন কম্পাশ্রিত সাপের গর্জনে ।
 অনেক মরিল দৈত্য বিষের জ্বলনে ॥

মন্দরের আন্দোলে বরুণ কম্পমান ।
জলের নিবাসী সব ত্যজিল পরাণ ॥
পর্বতের বৃক্ষ জ্বলে মূল ঘরমণে ।
পর্বত-নিবাসী পোড়ে তাহার আগুনে ॥
দেখিয়া করিল দয়া দেব পুরন্দর^১ ।
আজ্ঞায় বরিষে মেঘ পর্বত-উপর ॥
নির্ব্বাপিত হয় অগ্নি জলবরিমণে ।
ঔষধের বৃক্ষ পিষ্ট হৈল ঘরমণে ।
তাহাতে যতেক রস সমুদ্রে পড়িল ।
সেই রস-পরশনে জলচর জী^২লং ॥
হেনমতে দেব-দৈত্য সমুদ্রে মথিল ।
অনেক হইল শ্রম অমৃত নহিল ॥
ব্রহ্মারে কহিল তবে সব দেবগণ ।
তোমার আজ্ঞায় হৈল সমুদ্র-মস্থল ॥
অমৃত না মিলে হয় পরিশ্রম সার ।
পুনঃ মথিবারে শক্তি নাহি সবাকার ॥

এত শুনি ব্রহ্মা নিবেদিল নারায়ণে ।

অশক্ত হইল সবে সমুদ্র-মস্থলে ॥
তোমা বিনা সিদ্ধি মথে কাহার শক্তি ।
এত শুনি অঙ্গীকার করিলা ত্রীপতি^৩ ॥
সব দেবগণ তবে বিষ্ণু-তেজ পাইয়া ।
পুনরপি সিদ্ধি মথে মন্দর ধরিয়া ॥
হেনমতে দেবাসুর মথন করিতে ।
বিজরাজঃ জন্ম তবে হৈল আচম্বিতে ॥
সুধাংশু ঘোড়শ-কলা নাম ধরে সোম^৪ ।
ছুই লক্ষ যোজনে করিল স্থিতি ব্যোম ॥

দরশনে অখিল জনের হৈল তৃপ্তি ।
যোজন পঞ্চাশ কোটি ব্রহ্মাণ্ডেতে দীপ্তি ॥
দেখি হরষিত হৈল সুরাসুর-নর ।
পুনরপি মথে সিদ্ধি ধরিয়া মন্দর ॥
তবে ত জম্বিল হস্তী নাম ঐরাবত^৫ ।
খেত অঙ্গ চতুর্দন্ত আকার পর্বত ॥
মদিরা উঠিল, উঠে অশ্ব উচ্চৈঃশ্রবা^৬ ।
পারিজাত^৭ পুষ্পবৃক্ষ সুরপুরী-শোভা ॥
অমৃতের কমণ্ডলু লইয়া বাঁ কাঁথে ।
ধন্বন্তরি^৮ উঠিলেন, সুরাসুর দেখে ॥
কৌন্তভ রতন উঠে, দেখে দেবগণ ।
আনন্দেতে পুনঃ সিদ্ধি করয়ে মথন ॥
মন্দরের আন্দোলন ক্ষীরোদ-সিদ্ধিমাখ^৯ ।
না পারিল সহিতে বরুণ মহারাজ ॥
পাত্রমিত্রগণ ল'য়ে করিল বিচার ।
কিমতে মথন রবে কহ ত বিস্তার ॥

মন্ত্রী বলে উপায় শুনহ মোর বাণী ।

শরণ লইবে চল দেব চক্রপাণি^{১০} ॥
জনমিল যেই কণ্ঠা কমল-কাননে ।
তাহা দিয়া পূজা কর দেব-নারায়ণে ॥
পূর্ব্ব নাম ছিল তাঁর লক্ষ্মী হরিপ্রিয়া ।
মুনি শাপভ্রষ্ট হৈয়া জম্বিল আসিয়া ॥
তাহার কারণে সিদ্ধি হইল মথন ।
নিবারণ হবে লক্ষ্মী পেলে নারায়ণ ॥

শুনি তবে জলরাজ বিলম্ব না কৈল ।

দিব্য-রত্ন দিয়া চতুর্দোল সাজাইল ॥

১। দেবরাজ ইন্দ্র । ২। জীবিত হইল । ৩। ত্রী-র (লক্ষ্মীর) পতি, নারায়ণ । ৪। বিজের রাজা, চন্দ্র ।
৫। চন্দ্র । ৬। ঐরাবৎ [ইরা (=জল + আছে অর্থে বহু, =জলময়, জীং ঐরাবতী) + অব্যর্ভে ক, =সমুদ্র-মস্থলে জল
হইতে উদ্ধৃত হতী । ৭। উচ্চৈঃ শ্রবঃ (=কর্ণ) বান, সমুদ্রমস্থলে উদ্ধৃত ঐ নামের উচ্চকর্ণবৃত্ত বোতা । ৮। পারী (সমুদ্র)
হইতে জাত ঐ নামের সুরতর । ৯। দেববৈত । ১০। বাহার পাণিতে (হতে) চক্র আছে, নারায়ণ ।

আপনি লইল স্বর্গে পুত্রের সহিতে ।
 নারীগণ চামর চুলায় চারিভিতে ॥
 সহস্রকণায় ছত্র শিরে ধরে শেষ^১ ।
 বাহির হইলা সিদ্ধ হইতে জলেশ^২ ॥
 রূপেতে করিল আলো এ-তিন ভুবন ।
 মলিন হইল সূর্য্য আদি জ্যোতির্গণ^৩ ॥
 কমল জিনিয়া অঙ্গ অতি কোমলতা ।
 কমল-বদন, চক্ষু কমলের পাতা ॥
 বিভূজা, কমলদন্তা, চড়ি চতুর্দোলে ।
 করকমলেতে ধৃত যুগল কমলে ॥
 যুগল কমল-পদ কমল-আসনে ।
 বিদ্যুৎ-বরণী নানা রত্ন বিভূষণে^৪ ॥
 স্বাবর-জঙ্গম^৫ ক্রিতি^৬ সমুদ্রে আকাশ ।
 দরশনে সবাংকার হইল উল্লাস ॥
 জীবাত্মা-বিহনে যথা হয় মৃত তনু ।
 তদ্বৎ ত্রৈলোক্য ছিল বিনা লক্ষ্মীজন্ম^৭ ॥
 দেবকন্যা নাগকন্যা মনুষ্য অপ্সরী ।
 ছলাহলি শব্দেতে পুরিল তিন পুরী ॥
 চুন্দুভির শব্দে নৃত্য করে বরাদনা ।
 ত্রৈলোক্যেতে জয় জয় হইল ঘোষণা ॥
 ব্রহ্মা ইন্দ্র আদি যত অমরমণ্ডল ।
 করযোড়ে প্রণমি পড়িল ভূমিতল ॥
 চতুর্দিকে স্তুতি করে দেব-ঋষিগণ ।
 উত্তরিল। সন্নিকটে দেব-নারায়ণ ॥
 প্রণমিয়া বরুণ পড়িল কত দূরে ।
 আজ্ঞামাত্র উঠি দাণ্ডাইল যোড়করে ॥

কৃতাজলি করি বলে যুদ্ধ-মন্দ-ভাষে ।
 স্তুতি করে নারায়ণে অশেষে-বিশেষে ॥
 ভূমি সূক্ষ্ম ভূমি স্থূল ভূমি সর্বরূপী ।
 ব্রহ্মা বিষ্ণু মহেশ্বর ভূমি জগদ্ব্যাপী ॥
 স্বাবর-জঙ্গম ভূমি সিদ্ধ ধরাধর^৮ ।
 আকাশ পাতাল ভূমি দেব নাগ নর ॥
 তোমার সৃজন দেব এ-তিন ভুবন ।
 স্থানে-স্থানে আমি জনে কৈলা নিয়োজন ॥
 ইন্দ্রে স্বর্গ, যমে দিলা সংযমনীপুর^৯ ।
 কুবেরে কৈলাস দিলা ধনের ঠাকুর ॥
 জলমধ্যে আমারে করিয়া দিলা স্থিতি ।
 তব আজ্ঞায় চিরকাল করি যে বসতি ॥
 কোন দোষে দোষী নহি তব রাঙা পদে ।
 তবে কেন আমি এত পড়িছু প্রশাদে ॥
 দ্বিতীয় স্রমের সম মন্দর পর্বত ।
 মোর পুর-মধ্যেতে মখিল অবিরত ॥
 যোজন পঞ্চাশকোটি যে পৃথ্বী বিস্তার ।
 হেন ক্রিতি তিলবৎ শিরে রহে ঝাঁর ॥
 অবিরত সেই স্থল মছে সেই শেষ^{১০} ।
 সুরাসুর ত্রৈলোক্যেতে ঘর্ষণ বিশেষ ॥
 জীবজন্তু নানাজাতি ছিল যত জন ।
 একটিও না রহিল লইয়া জীবন ॥
 ভাঙ্গিল আমার পুর হৈল লণ্ডভণ্ড ।
 না জানি কাহার দোষে মোর হৈল দণ্ড ॥
 এতকাল ছিল বাস সিদ্ধ-জল-মাঝ ।
 কোথায় রহিব এবে কহ দেবরাজ ॥

১। শেষ নাগ, বাহুকি। ২। জলাবিপত্তি বরণ। ৩। গ্রহনক্ষত্রাদি। ৪। রত্নমণ্ডল। ৫। অমর। ৬। ক্রিয়। ৭। লক্ষ্মীজন্ম। ৮। স্বর্গ। ৯। ইন্দ্র। ১০। শেষ। ১১। পৃথ্বী। ১২। লক্ষ্মী-মহা। ১৩। বরকে যে বরণ করে, পর্বত। ১৪। বনপুর। ১৫। বাহুকি।

এতেক বিনতি যদি করিল বরণ ।
 শুনিয়া করুণাময় হৈলা সকরণ ॥
 আশ্বাসি বলেন হরি শুন জলেশ্বর ।
 না করহ চিন্তা কিছু, না করিহ ডর ॥
 হুর্কাসার শাপে লক্ষ্মী ছাড়ি নিজ স্থল ।
 তিনপুর ত্যজি প্রবেশিল সিদ্ধ-জল ॥
 হতলক্ষ্মী হ'রে কষ্ট পায় সর্বজন ।
 সমুদ্রে মখিল সবে তাহার কারণ ॥
 লক্ষ্মী যদি পাইল তবে মথনে কি কাজ ।
 বিশেষ তোমার রূপ হৈল জলরাজ ॥
 এত বলি মথন করিল নিবারণ ।
 শুনি হুটমতি হৈল বরণ তখন ॥
 সর্বরক্তসার যেই ত্রৈলোক্য-চূড়ান্ত ।
 গোবিন্দের গলে মণি দিলেন কৌন্তভ ॥
 চন্দ্র-সূর্য-প্রভা জিনি যাহার কিরণ ।
 নারায়ণ বক্ষঃস্থলে হৈল স্থশোভন ॥
 লক্ষ্মী দিয়া প্রণমিয়া গেলেন জলেশ ।
 মথন নিবারি চলিলেন হৃষীকেশ ॥
 মহাভারতের কথা অমৃত লহরী ।
 একমনে শুনিলে তরয়ে ভববারি ॥

৭। নারদ কর্তৃক মহাদেবের নিষ্ঠুর সমুদ্রবহনের
 সংবাদ প্রদান ।

হুঁহুহু যক্ষ রক্ষ ভূজঙ্গ কিম্বর ।
 সবে সিদ্ধ মখিল না জানে মাত্র হর ॥
 দেখিয়া নারদ মুনি হৃদয়ে চিন্তিত ।
 কৈলাসে হরের ঘরে হৈল উপনীত ॥

প্রণমিল শিব দুর্গা দৌহার চরণ ।
 আশীষ করিয়া দেবী দিলেন আসন ॥
 নারদ বলেন আমি হিন্দু হুঁহুহুহু ।
 শুনিমু মখিল সিদ্ধ যত হুঁহুহুহু ॥
 বিষ্ণু পায় কমলা, কৌন্তভ মণি আদি ।
 ইন্দ্র উচ্চৈঃশ্রবা ঐরাবত গজনিধি ॥
 নানারত্ন পায় লোক, জল জলধর ।
 অমৃত অমরবৃন্দ কমলতরুণর ॥
 নানাধাতু মহৌষধি পায় নরলোক ।
 এই হেতু হৃদয়ে জগিল বড় শোক ॥
 স্বর্গ মর্ত্য পাতালে আছয়ে বত জনে ।
 সবে ভাগ পাইল কেবল তোমা বিনে ॥
 সে কারণে তব্ব নিতে আইলাম হেথা ।
 সবার ঈশ্বর তুমি বিধাতার বাত ॥
 তোমাতে না দিয়া ভাগ সবে বাঁটি লৈল ।
 এই হেতু মোর চিতে ধৈর্য নাহি রৈল ॥
 এতেক নারদ মুনি বলিল বচন ।
 শুনি কিছু উত্তর না কৈল ত্রিলোচন ॥
 তাহা দেখি ক্রোধে সকম্পিতা ত্রিলোচনা ॥
 নারদে কহে তবে করিয়া ভণ্ডনা ॥
 কাহারে এতেক বাক্য বল মুনিবর ।
 বৃক্ষে বসিলে কেহ না পায় উত্তর ॥
 কঠেতে হাড়ের মালা বিছুষণ ধার ।
 কৌন্তভাদি মণিরত্নে কি কাজ তাহার ॥
 কি কাজ চন্দনে যার বিছুষণ ধূলি ।
 অমৃতে কি কাজ যার ভক্ষ্য সিদ্ধিগুলি ॥
 মাতঙ্গে কি কাজ যার বলদ-বাহন ।
 পারিজাতে কিবা কাজ ধুতুরাভরণ ॥

সকল চিস্তি মোর অঙ্গ জরজর ।
 সর্বের বৃত্তান্ত সব জান মুনিবর ॥
 জানিয়া উহারে দক্ষ পূজা না করিল ।
 সেই অভিমানে তনু ত্যজিতে হইল ॥
 দেবীবাক্য শুনি হাসি বলে ভগবান্ ।
 যে বলিল হৈমবতি, কিছু নহে আন ॥
 বাহন ভূষণে মোর কিবা প্রয়োজন ।
 —তাই তাহা, যাহা ত্যজে অন্ম জন ॥
 বিজ্ঞ করিয়া বশ মাগি নিল দাস্য ।
 কন অশ্বর পটাস্বর দিব্য বাস্য ॥
 যুগ্মকরি ব্যাঘ্রচর্ম্য কেহ না লইল ।
 তেঁই মোর বাঘাস্বর পরিতে হইল ॥
 অগুরু চন্দন নিল কুঙ্কম কস্তুরি ।
 বিভূতি না লয়, তেঁই বিভূষণ ধরি ॥
 মণিরত্নহার নিল মুকুতা প্রবাল ।
 কেহ না লইল তেঁই আছে হাড়মাল ॥
 ধুতুরাকুম্ভ নাহি লয় কোন জন ।
 তেঁই কর্ণে ধুতুরা করিষু বিভূষণ ॥
 রথ গজ আদি লইল যত পরিচ্ছদ ॥
 কেহ নাহি লয় তেঁই আছেয়ে বলদ ॥
 প্রথমেতে দক্ষ মোরে অবজ্ঞা করিল ।
 অজ্ঞান তিমিরে দক্ষ মোহাচ্ছন্ন ছিল ॥
 চিনিত না মোরে, তেঁই পূজা নাহি কৈল ।
 তার সমুচিত দণ্ড ততক্ষণে পাইল ॥
 পশুর-সদৃশ হৈল ছাগলের মণ্ড ॥
 মূত্রপূরীষেতে পূর্ণ হৈল যজ্ঞকুণ্ড ॥

ব্রহ্মা বিষ্ণু ইন্দ্র যম বরুণ তপন ।
 মোরে না পূজিয়া দেবি, আছে কোনজন ॥
 স্বর্গ মর্ত্য পাতালেতে দেখে জীবগণে ।
 আমা ছাড়া কেহ আছে এ-তিন ভুবনে ?
 দেবী বলে দারাপুত্রে গৃহী যেই জন ।
 তাহার না শোভে মুখে এ-সব কারণ ॥
 বিভূতি-বৈভব-বিছা সঞ্চয়ে যতনে ।
 সংসারে বিমুখ ইথে আছে কোনজনে ॥
 সংসারেতে যেই জন বিমুখ ইথে হয় ।
 কাপুরুষ সেই জনে সর্বলোকে কয় ॥
 ব্রহ্মা-বিষ্ণু-ইন্দ্র তোমা কেমন পূজিত ।
 ত্রিভুবনে সে-সকল হইল বিদিত ॥
 রত্নাকর মথি সবে নিল রত্নধন ।
 কেহ না পুছিল তোমা করিয়া হেলন ॥
 পার্শ্বতীর হেন বাক্য শুনিয়া শঙ্কর ।
 ক্রোধেতে অবশ অঙ্গ কাঁপে থরথর ॥
 কাশীরাম কহে কাশীপতি ক্রোধমুখে ।
 রূষভে সাজাতে আজ্ঞা করিল নদীকে ॥
 মহাভারতের কথা অমৃত-সমান ।
 কাশীরামদাস কহে শুনে পুণ্যবান ॥

৮। সমুদ্র-মহন-স্থানে মহাদেবের আগমন ।

পার্শ্বতীর কটুভাষ, শুনি ক্রোধে দিগ্বাসঃ,
 টানিয়া বাঙ্কিল বাঘবাসঃ ।
 বাসুকিনাগের দড়ি, কাঁকালে বাঙ্কিল বেড়ি,
 করে ভুলি নিল নাগপাশঃ ॥

১। ভক্ত । ২। অন্নান অশ্বর (চিরউজ্জ্বল বজ্র), পটবজ্র (রেশমী বজ্র) ও অজ্ঞাত দিব্য বজ্র (উৎকৃষ্ট বজ্র) ।

৩। যানবাহনাদি । ৪। দিক্ হইয়াছে বাস (বজ্র) যার, দিগম্বর মহাদেব । ৫। বাঘহালের বজ্র । ৬। নাগরূপ রত্ন-অশ্ববিশেষ ।

কপালেতে শশিকলা, গলে শোভে হাড়মালা,
করযুগে কঙ্ক-কঙ্কণ^১ ।
ভানু, বৃহস্তানু^২, শশী, ত্রিবিধ প্রকারে ভূষি,
ক্রোধে যেন প্রলয়কিরণ ॥
আর যেন হেমকুটে^৩, আকাশে লহরী উঠে,
বেগে গঙ্গা-মধ্যে জটাভূটে^৪ ।
রতনমণির আভা, কোটিচন্দ্র মুখশোভা,
ফণি-মণি বিরাজে মুকুটে ॥
গলে দিল হাড়পাশ, টঙ্কারি পিণাকচাপ^৫
ত্রিশূল খটাঙ্গ^৬ নিলা করে ।
সাজিল শিবের সেনা, যক্ষ রক্ষ অগণনা,
প্রেত ভূত ভূচর খেচরে^৭ ॥
আগে ধায় যত দানা, কাক্ষেতে ত্রিশিরবাণা^৮,
মুখরবে মহা কোলাহল ।
ডম্বুরুর ডিমি ডিমি, আকাশ পাতালভূমি,
কম্প হৈল ত্রৈলোক্যমণ্ডল ॥
বৃষভ সাজায়ে বেগে, আনি নন্দী দিল আগে,
নানা রত্নে করিয়া ভূষণ ।
ক্রোধে কাঁপে ভূতনাথ, যেন কদলীর পাত,
অতি শীঘ্র কৈল আরোহণ ॥
আগু দলে সেনাপতি^৯, ময়ূর-বাহনে গতি,
শক্তি^{১০} করে দেব যড়ানন^{১১} ।

গণেশ চড়িয়া যুগ^{১২}, করে ধরি পাশাঙ্কুশ,
দক্ষিণ ভাগেতে ক্রোধমন ॥
বামে নন্দী মহাকাল, করে শূল গলে মাল,
পাছে ভূঙ্গী ধায় তিন পাদে^{১৩} ।
চলিলেন দেবরাজ, দেখিয়া শিবের সাজ,
তিন লোক গণিল প্রমাদে ॥
কণেকে কীরোদকূলে, উত্তরিলা দলবলে,
যথা সিদ্ধ মথে সুরাসুরে ।
কহে কাশীদাস, দেবে দ্রুততর গতি সবে, ।
প্রণময়ে দেখিয়া ঠাকুর ॥

২। পুনর্বার সিদ্ধ-বহন ও মহাদেবের বিবপান ।^{১৪}

করঘোড়ে দাঁড়াইল সব দেবগণে ।
শিব বলে মথ সিদ্ধ থামাইলে কেনে ?
ইন্দ্র বলে মথন হইল দেব শেষ ।
নিবারিয়া আপনি গেলেন হরীকেশ^{১৫} ॥
একে ক্রোধে আছিলেন দেব মহেশ্বর ।
তরুণি ইন্দ্র-বাক্যে কম্পে কলেবর ॥
শিব বলে এত গর্ব তোমা সবাচার ।
আমারে হেলন কর করি অহঙ্কার ॥
রত্নাকর মথি রত্ন নিলা সবে বাঁটি ।
কেহ চিন্তে না করিলা আছয়ে ধূর্জটি^{১৬} ॥

১। কঙ্ক-সাপের খোলস, তাহার দ্বারা নির্মিত বলয় । ২। ভানু—কান্তি, দেবকান্তি, অথবা অগ্নিনিঃসৃত কিরণ ।
বৃহৎ ভানু (কিরণ) যার, অগ্নি । ৩। ভূষিত হইয়া অর্থাৎ দেবকান্তি হুবা ও অগ্নি এই তিনের সম্বারে । ৪। হিমালয়ে
উত্তরে অবস্থিত বর্ণময় শৃঙ্গযুক্ত পর্বত । বিপুলকার মহাদেবের কপালে অগ্নি ও চন্দ্রকলা উদ্ভল হইয়া উঠিয়াছে । ইহা
তাঁহাকে বর্ণশৃঙ্গ হেমকূট পর্বতের মত দেখাইতেছে । আবার তাঁহার জটামধ্য গলার লহরী উঠিয়াছে । ৫। জটাসমূহ
৬। পিনাক নামক ধনু,—এই অস্ত্র মহাদেবের নাম “শিনাকী” । ৭। শিবের অস্ত্রবিশেষ । ৮। আকাশচাঙ্গী সহচরগণ
৯। বাণা—পতাকা । ত্রিশূলের মত যে পতাকার তিনটি শৃঙ্গ অগ্রভাগ, তাহা ত্রিশিরবাণ । ১০। কাড়িকের । ১১। কাড়িকেরের
অস্ত্র । ১২। হর হুধ বাহার—কাড়িকের । ১৩। হুবিক । ১৪। ভূঙ্গী ত্রিগদযুক্ত শিবানুচর । ১৫। হরীকেশ (ইন্দিরের) কেশ
(দৈবর)—বিহু । ১৬। হু (বিবতায়ভূত) জট (জটা) বাহার, অথবা, হুবর্ণ জটা বাহার—শিব ।

বা কিছু করিলা তাতে নাহি দেখে মন ।
 এবে মণিবার আজ্ঞা করহ হেলন ?
 এতেক বলিলা যদি দেব-মহেশ্বর ।
 ভয়েতে অমর যত না করে উত্তর ॥
 নিঃশব্দে রহিল যত দেবের সমাজ ।
 কেরঘোড়ে বলয়ে কশ্যপ মুনিরাজ ॥
 অবধান কর দেব পার্শ্ববর্তী কাস্ত ।
 কহিব কীরোদ-সিদ্ধ-মথন-বৃত্তান্ত ॥
 করজাত মাল্য চূর্ব্বাসার গলে ছিল ।
 সুহ সেই মাল্য মুনি ইন্দ্রগলে দিল ॥
 বিবাজ আরোহণে ছিল পুরন্দর ।
 সেই মাল্য দিল তার দস্তের উপর ॥
 সহজে মাতঙ্গ অমুকণ মদে মত্ত ।
 পশুজাতি নাহি জানে মালা মুনিদত্ত ॥
 শুণ্ডে জড়াইয়া মালা ফেলিল ভূতলে ।
 দেখিয়া চূর্ব্বাসা ক্রোধে অগ্নি হেন স্বলে ॥
 অহঙ্কারে ইন্দ্র যোরে অবজ্ঞা করিল ।
 মোরদত্ত পুষ্পরাজ ছিঁড়িয়া ফেলিল ॥
 সম্পদে হইয়া মত্ত তুচ্ছ কৈল যোরে ।
 দিল শাপ “লক্ষ্মীহত হও” পুরন্দরে ॥
 ব্রহ্মশাপে লোকমাতাং প্রবেশিল জলে ।
 লক্ষ্মী-বিনা কষ্ট হৈল ত্রৈলোক্যমণ্ডলে ॥
 লক্ষ্মীর কারণে ব্রহ্মা কৃষ্ণে নিবেদিল ।
 সমুদ্রে মথিতে আজ্ঞা নারায়ণ কৈল ॥
 ঝই হেতু কীরোদ মথিল পুরন্দর ।
 শেষে মথনের দড়ি, মথনিঃ মন্দর ॥
 অনেক উৎপাত হৈল বরুণের পুরে ।
 লক্ষ্মী দিয়া স্তব আসি কৈল গদাধরে ॥

নিবারিয়া মথন গেলেন নারায়ণ ।
 পুনঃ তুমি আজ্ঞা কর মথন কারণ ॥
 বিষ্ণু-বলে বলীমান আছিল অমর ।
 এবে বিষ্ণু-বিনা সবে শ্রাস্ত-কলেবর ॥
 দ্বিতীয়ে মথনদড়ি নাগরাজ শেষ ।
 সাক্ষাতে আপনি দেব দেখে তার ক্লেশ ॥
 অঙ্গের যতেক হাড় সব কৈল চূর ।
 সহস্র-মুখেতে লাল বহিছে প্রচুর ॥
 বরুণের যত কষ্ট না যায় কথন ।
 আর আজ্ঞা নাহি কর করিতে মথন ॥
 শিব বলে আমি হেতু মথ একবার ।
 আগমন অকারণ না হোক আমার ॥
 শিববাক্য কার শক্তি লজ্জিবারে পারে ।
 পুনরপি মথন করিল সুরাসুরে ॥
 প্রমেতে কাতরকায় ক্রান্ত সর্বজন ।
 ঘনখাস বহে যেন আগুনের কণা ॥
 অত্যন্ত ঘর্ষণে তবে মন্দর পর্বত ।
 স্ততপ্ত হইয়া উঠে মহা-অগ্নিবৎ ॥
 ছিন্দি খণ্ড খণ্ড হৈল নাগের শরীর ।
 কীরোদসমুদ্রে সব বহিল রুধির ॥
 অত্যন্ত ঘর্ষণ নাগ সহিতে নারিল ।
 সহস্রমুখের পথে গরল বহিল ॥
 সিদ্ধু-ঘর্ষণায়ি, শেষ নাগের গরল ।
 দেবের নিখাস-অগ্নি, মন্দর-অনল ॥
 চারি অগ্নি মিশ্রিত হইয়া এক হৈল ।
 সিদ্ধু হ’তে আচম্বিতে বাহিরে আসিল ॥
 প্রাতঃ হৈতে দিনকর তেজ যেন বাড়ি ।
 দাবানল তেজে যেন শুষ্ক বন পোড়ি ॥

মৃগাস্তের কালে যেন সমুদ্রের জল ।
 মুহূর্ত্তেকে ব্যাপিলেক সমুদ্রে সকল ॥
 দহিল সবার অঙ্গ বিষের জ্বলনে ।
 রহিতে না পারি ভঙ্গ দিল সর্বজনে ॥
 পলায় সহস্র-চক্ষু কুবের, বরুণ ।
 অষ্টবহু^১, নবগ্রহ^২, অশ্বিনী-নন্দন^৩ ॥
 অশ্বর, রাক্ষস, যক্ষ যত ছিল আর ।
 সকলের মনেতে লাগিল চমৎকার ॥
 পলাইয়া গেল যত ত্রৈলোক্যের জন ।
 বিষম বদনে তবে চাহে ত্রিলোচন ॥
 দূরে থাকি দেবগণ সবে করে স্তুতি ।
 রক্ষা কর ভূতনাথ অনাথের গতি ॥
 তোমা বিনা রক্ষাকর্তা নাহি দেখি আন ।
 সংসার হইল নষ্ট তোমা বিগ্ৰহান^৪ ॥
 রাখ রাখ বিশ্বনাথ বিলম্ব না সয় ।
 ক্ষণেক রহিলে আর, হইবে প্রলয় ॥
 দেবের বিবাদ দেখি কাকূতি-বচন ।
 বিষে-দগ্ধ হয় সৃষ্টি দেখি ত্রিলোচন ॥
 বিশেষ চিন্তিয়া পূর্বকৃত অঙ্গীকার ।
 এবার মথনে সিদ্ধু-রত্ন যে আমার ॥
 আপন অর্জিত রত্নে সৃষ্টি করে নাশ ।
 দেখিয়া চিন্তিয়া আগু হন কৃতিবাস^৫ ॥

দূরে থাকি হরহর দেখে কোড়কে ।
 করিলেন বিষপান একই চুমুকে ॥
 সমুদ্রে জিনিয়া বিষ আকাশ পরশে ।
 আকর্ষণ করি হর নিলেন গথুবে ॥
 অঙ্গীকার-পালন—স্বধর্ম্ম দেখাবারে ।
 কণ্ঠেতে রাখেন বিষ, না লন উদরে ॥
 নীলবর্ণ কণ্ঠ-আভা-পায় বিশ্বনাথ ।
 নীলকণ্ঠ নামে তেঁই হইল বিখ্যাত ॥
 আশ্চর্য্য দেখিয়া যত ত্রৈলোক্যের জন ।
 কৃতাজ্জলি করি হরে করেন স্তবন ॥
 তুমি ব্রহ্মা বিষ্ণু শিব ধনের ঈশ্বর^৬ ।
 যম সূর্য্য বায়ু সোম^৭ তুমি বৈশ্বানর^৮ ॥
 তুমি শেষ বরুণ নক্ষত্র বহু^৯ রুদ্র^{১০} ।
 তুমি স্বর্গ ক্রিতি অধঃ^{১১} পর্ব্বত সমুদ্রে ॥
 যোগ জ্ঞান বেদ শাস্ত্র তুমি যজ্ঞ জপ ।
 তুমি ধ্যান ধারণা তুমি সে উগ্রতপ ॥
 ক্ষণমাত্রে নিবারিলা এ মহাপ্রলয় ।
 কি করিব আজ্ঞা কর দেব যুতুয়^{১২} ॥
 এত শুনি আজ্ঞা দিল দেব মহেশ্বর ।
 রাখ নিয়া যথাস্থানে পর্ব্বত মন্দর ॥
 মথন নিবৃত্ত কর নাহি আর কাজ ।
 অনেক পাইলে কষ্ট দেবের সমাজ ॥

১। ইন্দ্র। ২। বর, ধ্রুব, সোম, সাবিত্র, অনল, অনিল, প্রতাপ, প্রভাস। যতাহরে—বর, ধ্রুব, সোম, বিষ্ণু, অনিল, অনল, প্রতাপ ও প্রভব। ৩। সূর্য্য, চন্দ্র, মঙ্গল, বুধ, বৃহস্পতি, শুক্র, শনি, রাহু, কেতু। ৪। অশ্বমুখিণী সংজ্ঞা নামক সূর্য্যপত্নী আশ্বিন ও রেবতী নামক দুই যমজ পুত্র। ইঁহারা চিকিৎসা-বিভাগ অধিতীয় ছিলেন। ইঁহারা রেবতী ছিলেন। ৫। তোমার পুত্রে। ৬। কৃষ্টি (বাহুদান) বাস (বস্ত্র) বার,—মহাধেব। ৭। কুবের। ৮। চন্দ্র। ৯। অগ্নি। ১০। অষ্টবহু। ১১। কণ্ঠ+রত্ন=যে রোমন করিতেছে; ব্রহ্মা যখন পটিকাধ্যে চিন্তায়, সেই সময় তাঁহার ললাট হইতে এক বালক আবির্ভূত হইয়া রোমন করিতে করিতে ছুটাহুট করিতে লাগিল। ব্রহ্মা তাঁহাকে রোমনে দিব্য হইতে বলিলেন, এবং তাঁহাকে রত্ন, শর, তব, ইশান, গন্তপতি, ভীম, ঊর্ধ্ব, মহাধেব—এই অষ্ট নামে অভিহিত করিলেন। যতাহরে অঙ্গ, একপাশ, অহিহর, শিবাকী, অপজাকিত, ত্র্যম্বক, মহেশ্বর, হৃদাকপি, পদ্ম, হর ও ইশ্বর,—এই একাদশ সপ্‌দেবতা। ১২। পাতাল।

এত শুনি আনন্দিত হৈল দেবগণ ।
 মন্দর লইতে সবে করিল যতন ॥
 অমর তেত্রিশ কোটি অম্বর যতেক ।
 মন্দর তুলিতে যত্ন করিল অনেক ॥
 কারো শক্তি নহিল তুলিতে গিরিবর ।
 তুলিয়া লইল গিরি শেষ বিষধর ॥
 যথাস্থানে মন্দর থুইল ল'য়ে শেষ ।
 নিবারিয়া সবে গেল যার যেই দেশ ॥
 কাশীরামদাস কহে করিয়া মিনতি ।
 অমুক্ষণ নীলকণ্ঠ পদে রহে মতি ॥
 মহাভারতের কথা শুধা হৈতে শুধা ।
 করিলে শ্রবণে পান যায় ভব-ক্ষুধা ॥

১০। অমৃতের নিমিত্ত সুরাসুরের যুদ্ধ ও শ্রীকৃষ্ণের
 মোহিনীরূপ ধারণ ।

মুনিগণ বলে শুন সূতের নন্দন ।
 শুনিতাম যে-কথা সে অদ্ভুত কখন ॥
 অমর অম্বর মিলি সমুদ্রে মথিল ।
 দেবগণ নিল যত রত্ন উপজিল ॥
 রত্নের বিভাগ কেন না পায় অম্বর ।
 কহ শুনি সূতপুত্র কারণ মধুর ॥
 সৌতি বলে দৈত্যগণ একত্র হইয়া ।
 দেবগণ হৈতে শুধা লইল কাড়িয়া ॥
 ছল্লারিয়া বলে সবে একি অবিচার ।
 আমাদের ভাগ্যে দেখি শ্রমমাত্র সার ॥
 সবাকার শ্রম হৈল ক্ষীরোদ-মথনে ।
 যা কিছু উঠিল সব নিল দেবগণে ॥

ঐরাবত হস্তী নিল বাজী উচ্চৈঃশ্রবা ।
 লক্ষ্মী কৌশ্তভাদি মণি শতচন্দ্র-আভা ॥
 সকল লইল যেন শিশুগণে ভাণ্ডি ।
 তারপরে আরও নিতে চায় সুধাহাণ্ডি ॥
 এত বলি কাড়িয়া লইল দৈত্যগণ ।
 দেব-দৈত্যে কলহ হইল ততক্ষণ ॥
 মধ্যস্থ হইয়া হর কলহ ভাঙ্গিল ।
 দেব-দৈত্যগণ প্রতি ডাকিয়া বলিল ॥
 অকারণে দ্বন্দ্ব সবে কর কি কারণ ।
 সবার অর্জিত সুধা লহ সর্বজন ॥
 শিবের বচনে দ্বন্দ্ব নিবৃত্ত হইল ।
 কে বাঁটিয়া দিবে সুধা সকলে কহিল ॥
 হেনকালে নারায়ণ ধরিয়া স্ত্রীবেশ ।
 ধীরে-ধীরে উপনীত হইলা সেই দেশ ॥
 রূপেতে হইল আলো চতুর্দশ পুর ।
 সুবর্ণে রচিত তাঁর চরণে নৃপুর ॥
 কোকনদ^১ জিনি পদ, মনোহর গতি ।
 যে-চরণে জম্বিনেন গঙ্গা-ভাগীরথী ॥
 যার গঞ্জে মকরন্দ^২ ত্যজি অলিবৃন্দ^৩ ।
 লাখে-লাখে পড়ে ঝাঁকে পেয়ে মধুগন্ধ ॥
 যুগ্ম উরু রক্তাতরু^৪, চারু দুই হাত ।
 মধ্যদেশ হেরি ক্রেশ পায় যুগনাথ^৫ ॥
 নাভিপদ্ম জিনি পদ্ম অপূর্ব নির্মাণ ।
 কুচযুগ ভরা বুক দাড়িষ প্রমাণ ॥
 ভুজসম ভুজসম যুগাল জিনিয়া ।
 সুরাসুর মূর্ছাতুর যাংহায়ে হেরিয়া ॥
 পদ্মদল জিনি কর চম্পক অঙ্গুলি ।
 নখবৃন্দ জিনি ইন্দুপ্রভা গুণশালী ॥

কোটিকাম জিনি শ্রাম বদন-পঙ্কজ ।
 মনোহর গুণধর গরুড়-অগ্রজ ॥
 নাসিকায় লজ্জা পায় শুক-চঞ্চুখানি ।
 নেত্রদ্বয় শোভা পায় নীলপদ্ম জিনি ॥
 পুষ্পচাপ হরে দাপ্ত্র ভ্রমর-ভঙ্গিমা ।
 গালে প্রাতঃ-দীননাথ দিতে নারে সীমা ॥
 পীতবাসে উপহাসে স্থির-সৌদামিনী ।
 দন্তপাঁতি করে দ্যুতি মুক্তার গাঁথনি ॥
 দীর্ঘ কেশ পৃষ্ঠ-দেশে বেণী লম্বমান ।
 আচম্বিতে উপনীত সব বিঘ্নমান ॥
 দৃষ্টিমাত্রে সর্বগাত্রে কাম-অগ্নি দহে ।
 হ্রস্বর কেহ সেই তাপ নাহি সহে ॥
 সবে মুর্ছাগত হৈল দেখিয়া মোহিনী ।
 কতক্ষেণে চেতন পাইয়া শূলপাণি ॥
 মোহিনীর প্রতি তিনি একদৃষ্টে চান ।
 দুই ভুজ প্রসারিয়া ধরিবারে যান ॥
 কন্ঠা বলে যোগী তোর কেমন প্রকৃতি ।
 ঘনাইয়া আইস বুড়া হ'য়ে ছদ্মমতি ॥
 এত বলি নারায়ণ যান শীঘ্রগতি ।
 পাছে-পাছে ধাইয়া চলেন পশুপতি ॥
 হর বলে হরিণাক্ষি মুহূর্ত্তেক রহ ।
 দাঁড়াইয়া ভূমি মোরে এক কথা कह ॥
 কে তুমি কোথায় থাক কাহার নন্দিনী ।
 কি হেতু আইলা ভূমি कह সত্যবাণী ॥
 ত্রৈলোক্যের মধ্যে যত আছে রূপবতী ।
 তব পদনথ নিন্দে সবাকার জ্যোতিঃ ॥

দুর্গা লক্ষ্মী সরস্বতী শচী অরুন্ধতী° ।
 উর্ব্বশী মেনকা রম্ভা ত্রিলোকমা রতি ॥
 নাগিনী মাহুযী দেবী ত্রৈলোক্যবাসিনী ।
 সবে মোরে জানে, আমি সবাকারে জানি ॥
 ব্রহ্মাণ্ডে আছহ কভু না শুনি না দেখি ।
 কোথা হ'তে আইলা সত্য कह শশিমুখি ॥
 কন্ঠা বলে বুড়া তোর মুখে নাহি লাজ ।
 মোর পরিচয়ে তোর হবে কোন কাজ ॥
 তৈল বিনা ছাই অঙ্গে, শিরে জটাভার ।
 তাম্বুল-বিহনে দন্ত স্ফটিক° -আকার ॥
 বসন না মিলে পরিধান বাঘছড়ি° ।
 দীঘল হাতের নথ, পাকা গোঁপ-দাড়ি ॥
 অঙ্গের দুর্গন্ধে উঠে মুণ্ডেতে বমন ।
 না জানি আছয়ে কিনা বদনে দশন ॥
 মোর অঙ্গগন্ধে দেখ ব্রহ্মাণ্ড পূরিত ।
 অঙ্গের ছটাতে দেখ ত্রৈলোক্য দীপিত ॥
 কোন্ লাজে চাহ মোরে করিতে সম্ভাষ ।
 কি সাহসে বল দেখি আইস মোর পাশ ॥

১১। মোহিনীর সহিত হরের মিলন ।

হর বলে, হরিণাক্ষি কেন দেহ তাপ ।
 মোর সহ কভু তোর নাহিক আলাপ ॥
 ত্রৈলোক্যের মধ্যে যত আছে মহাপ্রাণী ।
 সবার ঈশ্বর আমি শুন বরাননি ॥

১। কুলধনু। ২। দর্প। ৩। মহামুনি বশিষ্ঠের পত্নী। ইনি সত্যশিরোমণি। সেইজন্য স্বামীর সহিত নন্দ্রলোককে গমন করিয়াছেন ও সন্তানসমূহে স্থান পাইয়াছেন। ৪। শুভ্র বহু পাখর। ৫। ব্যাকচর্ম। 'ছড়' = ছাল; উদা.—অভাগী হুসরা পরে হরিণের ছড়।—কবিকল্প।

ব্রহ্মার পঞ্চম শির নখেতে ছেদিল^১ ।
 বহুকাল সেবি বিষ্ণু অভয় পাইল^২ ॥
 ইন্দ্র যম বরুণ কুবের হতাশন ।
 সব লোকপাল^৩ করে মোর আরাধন ॥
 জ্ঞানযোগে মৃত্যু আমি করিলাম জয় ।
 আমার নয়নানলে কাম^৪ ভস্ম হয় ॥
 মহামায়া বল যারে ত্রৈলোক্যমোহিনী ।
 বিষ্ণু-অংশে জাত গঙ্গা ত্রিপথগামিনী ॥
 দাসী হ'য়ে সেবে মোর চরণ-অশ্রুজে ।
 মনোমত বর লভে, মোরে যেই ভজে ॥
 ত্যজ মান মনোরমা করহ সন্তাষ ।
 আমারে ভজিলে হবে সিদ্ধ অভিলাষ ॥
 কন্যা বলে যোগী তোরে জানিনু এখনে ।
 তোরে ত মহেশ বলি বলে সর্বজনে ॥
 ব্যর্থ জপ-তপ তোর, ব্যর্থ যোগ-জ্ঞান ।
 ব্যর্থ তোর পঞ্চমুখে রামনাম-গান ॥
 ব্যর্থ জটা, ভস্ম মাথা, ব্যর্থ তুই যোগী ।
 ভণ্ডতা করিয়া সবে জানাসু বৈরাগী ॥
 কামিনী দেখিয়া এত হইয়া বিহ্বল ।
 নিজ গুণ-ব্যাখ্যা তোর কিসে এত বল ॥
 হর বলে, মনোরমা কর অবধান ।
 তব অঙ্গ দেখি মোর লোপ হৈল জ্ঞান ॥

করিলাম এক কাম দহন নয়নে ।
 কোটি কাম জ্বলিতেছে তব চক্ষু-কোণে ॥
 তপ জপ যোগ জ্ঞান নিরুত্তি বৈরাগ্য ।
 এ-সকল কৰ্ম্মে যদি হয় শ্রেষ্ঠ ভাগ্য ॥
 তবে বাঞ্ছা হয় তুমি করহ পরশ ।
 আলিঙ্গন দেহ তুমি হইয়া হরষ ॥
 যতেক করিনু তপ জপ হরিনাম ।
 জটা ভস্ম দিগ্‌বাস শাশানে যে ধাম ॥
 তার সমুচিত ফল মিলাইল বিধি ।
 এতকালে পাইলাম তোমা হেন নিধি ॥
 সর্বকৰ্ম্ম সমর্পণ করিনু চরণে ।
 কৃপা করি আলিঙ্গন দেহ বরাননে ॥
 হরবাক্য শুনি হাসি বলে হয়গ্রাব^৫ ।
 অপ্রাপ্য দ্রব্যের কেন বাঞ্ছা কর শিব ॥
 সর্ব কৰ্ম্ম ত্যজিবারে পারে যেই জন ।
 অন্যমনা না হবে, আমাতে একমন ॥
 কায়মনোবাক্যে করে আমারে ভজন ।
 সে-জনেরে যাচি আমি দিব আলিঙ্গন ॥
 শিব বলে করি এই সত্য অঙ্গীকার ।
 আজি হৈতে তোমা বিনা নাহি জানি আর ॥
 ত্যজিলাম সর্ব-কৰ্ম্ম ভার্য্যা-পুজগণ ।
 সেবিব তোমার পদ দেহ আলিঙ্গন ॥

১। পৌরাণিক যুগে শিব ছিলেন চতুর্ভুজ, আর ব্রহ্মা ছিলেন পঞ্চমুখ। শিব দেববিরোধকালে শ্রেষ্ঠত্বগর্ভী ব্রহ্মার একটি মুণ্ড নখে ছিঁড়িয়া নিক্ষেপ হন পঞ্চমুখ, আর ব্রহ্মাকে করেন চতুর্ভুজ।—কাশীখণ্ড। অথবা,—ব্রহ্মা বীর কভা সরস্বতীর রূপদর্শন লালসায় চতুর্ভুজ হন, ও তাঁহার পাপবাসনা একপ প্রবল হয় যে, তাঁহার সমস্ত পুণ্য নষ্ট হইয়া যায়, এবং তৎপরিবর্তে পঞ্চমুখের সৃষ্টি হয়। কিন্তু পঞ্চমুখের সৃষ্টি-ব্যাপারে যে লজ্জা জড়িত ছিল তাহাতে তিনি তাঁহার পঞ্চমুখ দেখাইতে লজ্জাবোধ করিতেছিলেন, এবং লজ্জা ঢাকিবার জন্ত পঞ্চমুখ জটাকালে ঢাকিয়া রাখেন। শিব ব্রহ্মার আচরণে জ্বল হইয়া তাঁহার পঞ্চমুখ ছিন্ন করিয়া নিক্ষেপ লন।—মৎস্কপুরাণ। ২। এক সময়ে দেবগণ অশুরদিগের দ্বারা নিগৃহীত হইয়া বিষ্ণুর শরণাপন্ন হন। বিষ্ণু দেবতাদিগের জয়ের জন্ত শিবের আরাধনা করিতে থাকেন এবং শিবকে সন্তুষ্ট করিবার জন্ত শিবের সহস্রনামের এক-একটি নাম লইয়া মন্ত্রপাঠপূর্বক সহস্র পদ দ্বারা পূজা করিতে থাকেন। শিব বিষ্ণুর তত্ত্ব পরীক্ষার জন্ত একটি পদ অগ্ৰহণ করেন। বিষ্ণু একটি পদ কম আছে দেখিয়া নিজের এক চক্ষু উৎপাটন করিয়া পূজা করিতে গেলে শিব সন্তুষ্ট হইয়া তাঁহাকে বর দিতে চাহিলেন। বিষ্ণু তাঁহার নিকট অমরনাশকারী অস্ত্র চাহিলেন। শিব তাঁহাকে অভয় দিয়া অমর-চক্র দান করিলেন।—শিবজ্ঞান। ৩। শিব, কুবের, ইন্দ্র, বরুণ, অগ্নি, বায়ু, যম ও দৈত্য-ভ—এই অষ্টদিকপাল। ৪। মদন। ৫। বিষ্ণুভিবরূপ শালগ্রাম। যে শালগ্রাম শিলার ২ দ্বার, চক্র, গদা, অমর-চক্র আছে, তাহাকে হয়গ্রাব শালগ্রাম বলে। নারায়ণ।

কন্যা বলে কেন এত করছ ছলন ।
কেননে ত্যজিবা তুমি ভার্যা-পুঞ্জগণ ॥
এক ভার্যা রাখিয়াছ জটীর ভিতর ।
আর ভার্যা করিয়াছ অর্ধ কলেবর ॥

হর বলে হরিণাক্ষি কেন হেন কহ ।
ত্যজি কপটতা মোরে কর অনুগ্রহ ॥
কি ছার সে নারী, পুঞ্জ, নাম লহ তার ।
শত গঙ্গা দুর্গা নহে নিছনি তোমার ॥
দাসী হ'য়ে সেবিবে সে আমি হব দাস ।
কৃপা করি বরাননে পূর মোর আশ ॥
যদি তুমি নিশ্চয় না দিবা আলিঙ্গন ।
আমার বধের দোষী হবে এইক্ষণ ॥
নেউটিয়া মোর পানে চাহ চারুমুখে ।
হের মরি ত্রিশূল মারিয়া নিজ বুকে ॥
এত বলি ত্রিশূল নিলেন ভূতনাথ ।
উলটি হাসিয়া তবে বলেন শ্রীনাথ ॥
বুঝিলাম গঙ্গাধর তোমার যে জ্ঞান ।
কামে বশ হ'য়ে চাহ ত্যজিবারে প্রাণ ॥
ধৈর্য্য ধর ত্যজ খেদ চিত্ত কর স্থির ।
দিব আলিঙ্গন তুমি না ত্যজ শরীর ॥
নাহি জান বিশ্বনাথ আমার হৃদয় ।
ভকত-জনেরে আমি দিই যে অভয় ॥
যে-জন যেমন কাম মাগে মোর স্থান ।
দিই তারে তাহা, কভু হয় নাহি আন ॥

বিশেষ আমাকে পূর্বের মাগিয়াছ তুমি ।
অর্ধ অঙ্গ দিব অঙ্গীকার কৈনু আমি ॥
এত বলি আলিঙ্গন দিতে জগন্নাথ ।
আইস বলিয়া বিস্তারেন দুই হাত ॥
আলিঙ্গনে যুগল শরীর হৈল এক ।
অর্ধ ভস্ম ভূষা হৈল, চন্দন অর্ধেক ॥
অর্ধ জটাজুট, অর্ধ চিকুর চাঁচর ॥
অর্ধেকে কিরীট, অর্ধে ফণী ফণাধর ॥
কস্তুরী তিলক, অর্ধ, অর্ধ শশিকলা ।
অর্ধ গলে হাড়মালা, অর্ধে বনমালা ॥
মকর-কুণ্ডল^১ কর্ণে, কুণ্ডলী-কুণ্ডল^২ ।
শ্রীবৎসলাঙ্ঘন^৩ অর্ধ, শোভিত গরল ॥
অর্ধ মলয়জ^৪, অর্ধ ভস্ম-কলেবর ।
অর্ধ বাঘাস্বর-কটা^৫ অর্ধ পীতাম্বর ॥
এক পদে ফণী, একে কনক নুপুর ।
ভিন্ন করে^৬ শঙ্খ-চক্র, ত্রিশূল-ভদ্রুর ॥
এক ভিতে দুর্গা, এক ভিতে লক্ষ্মী সাজে ।
কাশীদাস স্মরে সেই চরণ-সরোজে ॥

—

১২। হৃদাঘটন ও রাহ-কেতুর বিবরণ ।
সৌতি বলে সাবধানে শুন মুনিগণ ।
কহিনু অপূর্ব হরিহরের মিলন ॥
দেবগণ-রক্ষা হেতু দেব ভগবান ।
পুনরপি আইলেন সবা-বিদ্যমান ॥

১। তুলনা। ২। নুপ কিরাইরা। ৩। চাঁচর=হুজি, চিকুর=কেশ। ৪। হুহুট। ৫। লগন (হৃদাঘটন)।
তিলক। ৬। মকরাকৃতি কর্ণদ্বয়। ৭। কুণ্ডলীকৃত সর্পের মত কর্ণদ্বয়। ৮। শ্রীবৎস=বিক্রম বকঃহলাহ দক্ষিণাবর্ত
নোমাবলী। শ্রীবৎসচিকুর। ৯। মলয়জ=মলয় কলেবর=চন্দনচর্চিত দেহ। ১০। কোমর। ১১। দুই বিভিন্ন হস্তে।

হেথা সুরাসুরে সবে পাইয়া চেতন ।
 কোথা কন্যা কোথা কন্যা করে অব্বেষণ ॥
 হেনকালে সেই স্থানে দেখে নারায়ণ ।
 এই এই বলিয়া ধাইল সর্বজন ॥
 চতুর্দিক হইতে ধাইল সুরাসুর ।
 কন্যারে বেড়িল সবে করি লক্ষ্যপূর্য্য ॥
 চিত্তের পুত্তলি প্রায় রহে সর্বজন ।
 ততক্ষণে নারায়ণ বলেন বচন ॥
 এই ক্ষীর-সিন্ধু মধ্যে আমার বসতি ।
 মোহিনী আমার নাম মায়াতে উৎপত্তি ॥
 সহিতে নারিনু অনুরূপ কলরব ।
 কি হেতু কলহ কর তোমরা এ-সব ॥
 এত শুনি কহিতে লাগিল সর্বজন ।
 অসুর-অমর-দ্বন্দ্ব অমৃত-কারণ ॥
 ভাল হৈল তোমা সহ হইল মিলন ।
 আপনি থাকিয়া দ্বন্দ্ব কর নিবারণ ॥
 বাঁটি দেহ সুধা, দ্বন্দ্ব হোক সমাধান ।
 তুমি যে করিবা তাহা না করিব আন ॥
 কন্যা বলে এত দ্বন্দ্ব আমার কি কাজ ।
 কভু না মধ্যস্থ হ'ব সুরাসুর মাঝ ॥
 আমার বিধান যদি নাহি লয় মনে ।
 সবে ক্রোধ করিলে কি করিব তখনে ॥
 তাহা শুনি ডাকি তবে বলে সর্বজন ।
 সত্য করি না লজ্জিব তোমার বচন ॥
 এতেক সবার মুখে শুনি দৃঢ়বাণী ।
 কহিতে লাগিল তবে দেব চক্রপাণি ॥
 তোমা সবাচার বাক্য না করিব আন ।
 আনি দেহ সুধাভাণ্ড আমা বিদ্যমান ॥

দুই পংক্তি হইয়া বৈসহ সর্বজন ।
 একভিতে দৈত্য, একভিতে দেবগণ ॥
 মায়াবীর মায়াতে মোহিত সর্বজন ।
 সুধাভাণ্ড আনিয়া দিলেক ততক্ষণ ॥
 দুই পংক্তি বসিল লইয়া পাত্রাসন ।
 কাঁখে সুধাভাণ্ড কন্যা করেন বটন ॥
 দেবতার জ্যেষ্ঠ ভাগ বলেন মোহিনী ।
 দেবে সুধা বিতরিতে যুক্তি আগে মানি ॥
 দৈত্যগণ বলিল যেমত তব মতি ।
 শুনিয়া বাঁটেন সুধা তবে লক্ষ্মীপতি ॥
 ইন্দ্র যম কুবের আদিত্য হতাশন ।
 ইত্যাদি তেত্রিশ কোটি যত দেবগণ ॥
 সবাকারে ক্রমে সুধা বাঁটিয়া মোহিনী ।
 অবশেষে যত ছিল খাইল আপনি ॥
 হেনকালে ডাকিয়া বলেন রবিশঙ্কি ।
 হের দেখ রাহু-দৈত্য সুধা খায় আসি ॥
 শুনি হৃদর্শনে আজ্ঞা দেন নারায়ণ ।
 দুইখান করিয়া কাটিল ততক্ষণ ॥
 তথাপিহ না মারিল সুধাপান-হেতু ।
 মুখ হইল রাহু, কলেবর হৈল কেতু ॥
 দৈত্য মারি সুধাভাণ্ড করিল গোপন ।
 দেখি ক্রোধে কম্পাশ্বিত হৈল দৈত্যগণ ॥
 মারহ অমরগণে বলিয়া উঠিল ।
 প্রলয়কালেতে যেন সিদ্ধু উথলিল ॥
 নানা অস্ত্র-শস্ত্র সবে বরিষে প্রচুর ।
 কে বর্ণিতে পারে যুদ্ধ কৈল সুরাসুর ॥
 সুধাপানে বলবান্ যতেক অমর ।
 মথনেতে দৈত্যগণ ক্লান্ত কলেবর ॥

না পারিয়া ভঙ্গ দিয়া গেল সৰ্ব্বজন ।
আপন আলায়ে চলি গেল দেবগণ ॥
ভারতের পুণ্যকথা শুনে পুণ্যবান্ ।
কাশীরাম কহে কলিভয়ে পরিত্রাণ ॥

১৩। নাগগণের প্রতি কঙ্কর অভিসম্পাত ও
বিনতার দাসীদ্বয়ের বিবরণ ।

শৌনকাদি মুনিগণ সৌতিরে পুছিল ।
কঙ্কর আর বিনতায় কি প্রসঙ্গ হৈল ॥
সৌতি বলে দুই জন দেখি তুরঙ্গম ।
সৰ্ব্ব-স্বলক্ষণ অশ্ব অতি মনোরম ॥
কঙ্কর বলে, বিনতা দেখহ অশ্ববর ।
কি স্তম্ভর কৃষ্ণবর্ণ পরম স্তম্ভর ॥
বিনতা কহিল, অশ্ব খেতবর্ণ ধরে ।
কৃষ্ণবর্ণ কিসে দেখ, কহ দেখি মোরে ॥
কঙ্কর বলে, কৃষ্ণবর্ণ হয় অশ্ববর ।
ইথে দুই জনে হইল বিতণ্ডা বিস্তর ॥
কঙ্কর বলে, বিনতা কোন্দলে কি কারণ ।
দুই জনে এস সবে করি কিছু পণ ॥
দাসী হ'য়ে থাকিবেক যেই জন হারে ।
নির্ণয় করি দৌড়ে চলি গেল ঘরে ॥
অন্ত গেল দিনমণি দৃষ্টি নাহি চলে ।
কল্য আসি তুরঙ্গম দেখিব সকালে ॥
সহস্রেক পুঞ্জ কঙ্কর আনিল ডাকিয়া ।
কহিল বৃন্তাস্ত যত পুঞ্জ বসাইয়া ॥
পুঞ্জগণ বলে মাতা কি কৰ্ম করিলে ।
খেতবর্ণ উচ্চৈঃশ্রবা খ্যাত ভূমণ্ডলে ॥
কঙ্কর বলে অশ্ব যদি ধবল আকার ।
কৃষ্ণাঙ্গ যেমতে হয় কর প্রতিকার ॥

বিনতার সহ আমি করিয়াছি পণ ।
হারিলে হইব দাসী না হয় খণ্ডন ॥
এত শুনি নাগগণ বিরস-বদন ।
মায়ের চরণে তবে করে নিবেদন ॥
যেমন জননী তুমি, তেমন বিনতা ।
কপটেতে দিব দুঃখ ভাল নহে কথা ॥
শুনিয়া কুপিল কঙ্কর দিল শাপবাণী ।
জন্মেজয়-যজ্ঞে ভস্ম হৈবে সব ফণী ॥
কঙ্কর শাপ দিল যদি, আনন্দিত ধাতা ।
ইন্দ্র সহ আনন্দিত যতেক দেবতা ॥
বিষম দুৰ্জয় ফণী লোক-হিংসা করে ।
আনন্দে কুসুমরুষ্টি করে পুরন্দরে ॥
বিষের জ্বলনে লোক হয় যে বিনাশ ।
রক্ষা-হেতু ব্রহ্মা মন্ত্র করিল প্রকাশ ॥
দিব্য-মন্ত্র গারুড়ি দিল কশ্যপেরে ।
কশ্যপ হইতে প্রচারিত মর্ত্যপুরে ॥
মহাভারতের কথা অমৃত সমান ।
কাশীরামদাস কহে শুনে পুণ্যবান ॥

১৪। কঙ্কর ও বিনতার ঘোটক পরীক্ষা ।

মায়ের বচন শুনি নাগগণে ভয় ।
শীঘ্রগতি গেল যথা উচ্চৈঃশ্রবা হয় ॥
তুরঙ্গের পুচ্ছ ছিল ধবল-বরণ ।
ঢাকিল তাহার বর্ণ যত নাগগণ ॥
নিঃশ্বাসেতে কৃষ্ণ-অঙ্গ হৈল উচ্চৈঃশ্রবা ।
লুকাইল পূর্বের ধবল ইন্দু-আভা ॥
হেথায় বিনতা কঙ্কর উঠিয়া প্রভাতে ।
সংশয়ে আকুল গেল তুরঙ্গ দেখিতে ॥

পথে যেতে সমুদ্রে দেখিল দুইজনে ।
 পর্বত-আকার তাহে জলচরগণে ॥
 শতেক যোজন কেহ বিংশতি যোজন ।
 কুস্তীর কচ্ছপ মৎস্য আদি জন্তুগণ ॥
 হেনমতে কৌতুক দেখিয়া দুইজনে ।
 উচ্চৈঃশ্রবা অশ্ব যথা করিল গমন ॥
 নিকটেতে গিয়া দৌহে করে নিরীক্ষণ ।
 কৃষ্ণবর্ণ সেই অশ্ব অতি স্থলক্ষণ ॥
 দেখিয়া বিনতা হৈল বিষণ্ণ-বদন ।
 অঙ্গীকার কৈল সপত্নীর দাসীপণ ॥

১৫। গরুড়ের জন্ম ও সূর্য্যের রথে অরুণের
 গারখ্যকার্যে নিয়োজন ।

হেনমতে দাসীপণে আছেন বিনতা ।
 মহাবীর গরুড়ের জন্ম হৈল হেথা ॥
 ডিম্ব ফাটি বাহির হইল আচম্বিতে ।
 দেখিতে-দেখিতে কায় লাগিল বাড়িতে ॥
 প্রাতঃ হৈতে ক্রমে যেন সূর্য্যতেজ বাড়ি ।
 বনে অগ্নি দিলে যথা দশদিকে বেড়ি ॥
 কামরূপী বিহঙ্গম মহাভয়ঙ্কর ।
 নিঃশ্বাসে উড়িয়া যায় যতক শিখর ॥
 বিদ্যুৎ-আকার অঙ্গ লোহিত লোচন ।
 ক্ষণমাত্রে মুণ্ড গিয়া ছুঁইল গগন ॥
 যুগান্তের অগ্নি যেন দেখে সর্ব্বজনে ।
 হুয়াহুয় কম্পমান তাহার গর্জ্জনে ॥
 অগ্নি হেন জানি সবে করি যোড় কর ।
 অগ্নির উদ্দেশে স্তব করিল বিস্তর ॥

অগ্নি বলে আমাকে ঐ-স্ততি কর কেনে ।
 আপনা সংবর বলি বলে দেবগণে ॥
 দেবতার স্তবে অগ্নি কন হাস্য করি ।
 অকারণে ভীত কেন দৈত্যকুল-অরি ॥
 আমি নহি, কশ্যপের বিনতানন্দন ।
 সর্ব্বলোক-হিতকারী হিংস্রক-হংসন ॥
 না করিহ ভয় কেহ থাক মম সঙ্গ ।
 আনন্দিত হ'য়ে সবে দেখহ বিহঙ্গ ॥
 অগ্নির বচন শুনি যত দেবগণ ।

যোড়হাত করি করে গরুড়ে স্তবন ॥
 হেন রূপ দেখি তব অতি ভয়ঙ্কর ।
 সংবর করুণা করি বিনতাকোঙর ॥
 তোমার তেজেতে দেখ চক্ষু যায় জ্বলি ।
 ভীষণ গর্জ্জনে লাগে কর্ণধরে তালি ॥
 কশ্যপের পুত্র তুমি হও দয়াবান্ ।
 নিজ তেজ সংবরহ, কর পরিত্রাণ ॥
 দেবতার স্তবে তুষ্ট হৈল খগেন্দ্র ।
 আশ্বাসিয়া সংবরিল নিজ কলেবর ॥

তবে পক্ষিরাজ বীর অরুণে লইয়া ।
 আদিত্যের রথে তারে বসাইল গিয়া ॥
 বিষম সূর্য্যের তেজে পোড়ে ত্রিভুবন ॥
 অরুণের আচ্ছাদনে হৈল নিবারণ ॥
 মুনিগণ বলে কিবা ইহার কারণ ।
 কোন্ হেতু ত্রিভুবন দহায় তপন ॥
 সৌতি বলে যেইকালে দেব জনার্দন ।

স্বরগণে সুধারশি করেন বণ্টন ॥
 গোপনে বসিয়া রাহ অমৃত খাইল ।
 দিবাকর নারায়ণে দেখাইয়া দিল ॥

সূর্য্যের বচনে তবে দেব নারায়ণ ।
 চক্রেতে রাহুর মুণ্ড করেন ছেদন ॥
 সূর্য্যের হইল পাপ তাহার কারণে ।
 ক্রোধে রাহু গ্রাসে তাঁরে পাপগ্রহ দিনে ॥
 সূর্য্যের হইল ক্রোধ যত দেবগণে ।
 ডাকিয়া বলিল তবে সবার কারণে ॥
 সবে দেখে কৌতুক আমারে করে গ্রাস ।
 এই হেতু সৃষ্টি আমি করিব বিনাশ ॥
 আপনার তেজেতে পোড়াব ত্রিভুবন ।
 এত চিন্তি মহাতেজ ধরিল তপন ॥
 দেবগণ নিবেদিল ব্রহ্মার গোচর ।
 ত্রৈলোক্য দহিতে তেজ কৈল দিনকর ॥
 ব্রহ্মা বলে ভয় নাহি কর দেবগণ ।
 ইহার উপায় এক করিব রচন ॥
 কশ্যপের পুত্র হবে বিনতা-উদরে ।
 রবি-তেজ নিবারিবে সেই মহাবীরে ॥
 কত দিন কষ্ট সহি থাক সর্ব্বজনে ।
 এত বলি প্রবোধিয়া গেল দেবগণে ॥
 ভারতের পুণ্যকথা পুণ্যবান শুনে ।
 পাঁচালী প্রবন্ধে কাশীরামদাস ভণে ॥

১৬। সূৰ্য্য আনিতে গরুড়ের বর্ণে গমন ।

অরুণে লইয়া তবে বিনতা-নন্দন ।

সূর্য্যরথে যত্ন করি করিল স্থাপন ॥

অশ্ব-দড়ি কড়িয়ালা ধরি বামহাতে ।

অরুণ সারথি হইয়া বসিল সে-রথে ॥

সূর্য্যরথে সহোদরে রেখে পক্ষিরাজ ।

জননীর ঠাঞি গেল ক্ষীরসিদ্ধু-মাঝ ॥

দুঃখিত জননী দেখি মলিন-বদন ।

মায়ের চরণে গিয়া করিল বন্দন ॥

পুত্রে দেখি বিনতার খণ্ডিল বিষাদ ।

স্নেহবাক্যে গরুড়েরে করে আশীর্বাদ ॥

হেনকালে কত্র ডাকি বলে বিনতারে ।

রম্যবীপে ল'য়ে চল কাঙ্খে করি মোরে ॥

রম্যক বীপেতে মোর পুত্রের আলয় ।

হরিতে লইয়া চল বিলম্ব না সয় ॥

কত্ররে লইল কাঙ্খে বিনতা সুন্দরী ।

নাগগণে গরুড় লইল কাঙ্খে করি ॥

নাগগণে কাঙ্খে করি গরুড় উড়িল ।

চক্ষুর নিমিষে সূর্য্যমণ্ডলে চলিল ॥

সূর্য্যের কিরণে পোড়ে যত নাগগণ ।

নাগমাতা দেখে, পুড়ি মরিছে নন্দন ॥

পুড়ি মরে নাগগণ নাহিক উপায় ।

আকুল হইয়া কত্র স্নারে দেবরায় ॥

ত্রৈলোক্যের নাথ তুমি দেব শচীপতি ।

আমার কুমারগণে কর অব্যাহতি ॥

বহুবিধ স্বতি কৈল কত্র পুরন্দরে ।

ইন্দ্র ডাকি আজ্ঞা কৈল সব জলধরে ।

আজ্ঞামাত্রে মেঘগণ ঢাকিল আকাশ ।

জলরূপে করিয়া ভরিল দিক্‌পাশ ॥

তবে খগপতি সব লৈয়া নাগগণে ।

রম্যক-বীপেতে গিয়া পৌঁছে ততক্ষণে ॥

নাগের আলয় দ্বীপ অতি মনোহর ।

কাঙ্কনে মণ্ডিত গৃহ প্রবাল প্রস্তুত ॥

ফলে-ফুলে স্তোভিত চন্দনের বন ।

মলয় অগন্ধি বায়ু বহে অমুকুণ ॥

আপনার আলয়ে বসিল নাগগণ ।
 গরুড় চাহিয়া তবে বলিল বচন ॥
 উড়িবার বড় শক্তি আছেয়ে তোমার ।
 চড়িয়া তোমার কান্ধে করিব বিহার ॥
 আর এক দ্বীপে ল'য়ে চল খগেশ্বর ।
 শুনিয়া গরুড় গেল মায়ের গোচর ॥

গরুড় বলিল মাতা কহ বিবরণ ।
 পুনঃ কেন কান্ধে নিতে বলে নাগগণ ॥
 প্রভু যেন আজ্ঞা করে সেবা করিবারে ।
 কি হেতু এমন আজ্ঞা করে বারে-বারে ॥
 একবার কান্ধে কৈনু তোমার আজ্ঞায় ।
 পুনঃ কান্ধে নিতে বলে, সহনে না যায় ॥

বিনতা বলেন পুত্র দৈবের লিখন ।
 আমি তার দাসী, তুমি দাসীর নন্দন ॥

গরুড় বলিল মাতা কহ বিবরণ ।
 তুমি তার দাসী হৈলা কিসের কারণ ॥
 বিনতা কহিল পূর্বের সপত্নীর সনে ।
 উচ্চৈঃশ্রবা তরে হই পরাজিতা পণে ॥
 সেই হৈতে দাসীবৃত্তি করি তার আমি ।
 তে কারণে দাসীপুত্র হৈলে বাপু তুমি ॥
 এত শুনি মহাক্রোধ করিল স্তম্ভিত ।
 সঘনে নিশ্বাস ছাড়ে চক্ষু রক্তবর্ণ ॥
 মায়ে এড়ি গেলা সর্প-মায়ের নিকটে ।
 কক্রর অগ্রেতে বীর কহে করপুটে ॥
 আজ্ঞা কর জননী গো করি নিবেদন ।
 কিরূপে মায়ের হয় দাসীত্ব-মোচন ॥

কক্র বলে মুক্ত যদি করিবে জননী ।
 স্রলোক হৈতে স্রুধা মোরে দেহ আনি ॥

তাহা শুনি খগবর আনন্দিত অতি ।
 মায়ের নিকটে বীর গেল শীঘ্রগতি ॥
 যে বলিল সর্পমাতা মায়ের কহিল ।
 না ভাবিহ মাতা, দুঃখ-অবসান হৈল ॥
 এখনি আনিব স্রুধা চক্ষু পালটিতে ।
 ক্ষুধায় উদর জ্বলে দেহ কিছু খেতে ॥
 জননী বলিল যাহ সমুদ্রের তীরে ।
 খাও গিয়া তথা বৈসে যত নিশাচরে ॥
 কিন্তু কহি তথা এক দ্বিজবর আছে ।
 বুঝিয়া খাইবা বাপু, দ্বিজে খাও পাছে ॥
 অবধ্য ব্রাহ্মণ-জাতি কহিনু তোমায়ে ।
 ক্ষুধায় আকুল বাছা খাও পাছে তারে ॥
 অগ্নি সূর্য্য বিষ হৈতে আছে প্রতিকার ।
 ব্রাহ্মণের ক্রোধে বাছা নাহিক নিস্তার ॥

গরুড় বলিল যদি তাদৃশ ব্রাহ্মণ ।
 কিবা চিহ্ন ধরে দ্বিজ কেমন বরণ ॥
 বিনতা বলিল তুমি ক্ষুধায় আকুল ।
 চিনিয়া খাইতে দুঃখ পাইবে বহুল ॥
 খাইতে তোমার কষ্ট জন্মিবে যখন ।
 নিশ্চয় জানিবে পুত্র সেই সে ব্রাহ্মণ ॥
 এত বলি বিনতা করিল আশীর্ব্বাদ ।
 যাহ পুত্র অমৃত আনহ অপ্রমাদ ॥
 ইন্দ্র যম আদিত্য কুবের হতাশন ।
 তোমায়ে জিনিতে শক্ত নহে কোনজন ॥
 এত বলি খগবরে করিল মেলানি ॥
 মায়ে প্রণমিয়া বীর উড়িল তখন ॥
 গরুড় উড়িতে তিন ভুবন কাঁপিল ।
 প্রলয়ের কালে যেন সিদ্ধ উথলিল ॥

পাথসাটে পর্বত উড়িয়া যায় দূরে ।
 গর্জনে লাগিল তালী স্রাস্র-নরে ॥
 কৈবর্তের দেশ দেখি মুখ বিস্তারিল ।
 নিশ্বাস সহিতে সব মুখে প্রবেশিল ॥
 আছিল ব্রাহ্মণ এক তাহার ভিতরে ।
 অগ্নির সমান জ্বলে গরুড় উদরে ॥
 গরুড় স্মরিল তবে মায়ে বচন ।
 ভাকিয়া বলিল শীত্র নিঃসর ব্রাহ্মণ ॥
 ব্রাহ্মণ বলিল নিঃসরিব কি প্রকারে ।
 ভাৰ্য্যা মোর পুড়ি মরে তোমার উদরে ॥
 কৈবর্তিনী ভাৰ্য্যা মোর প্রাণের সমান ।
 ভাৰ্য্যার বিহনে আমি না রাখিব প্রাণ ॥
 গরুড় বলিল মোর দ্বিজ বধ্য নহে ।
 ত্বরিতে নিঃসর অগ্নি বাবৎ না দহে ॥
 ধরিয়া ভাৰ্য্যার হাত এস হে বাহিরে ।
 এত শুনি ধরি দ্বিজ কৈবর্তীর করে ॥
 লইয়া আপন ভাৰ্য্যা হইল বাহির ।
 অন্তরীক্ষে উড়িল গরুড় মহাবীর ॥
 হেনকালে গরুড়েরে কশ্যপ দেখিল ।
 আশীৰ্বাদ করিয়া কুশল জিজ্ঞাসিল ॥
 গরুড় বলিল পিতঃ আছি যে কুশলে ।
 সকলি কুশল মাত্র ভক্ষ্য নাহি মিলে ॥
 মায়ে বচনে খাইলাম নিশাচর ।
 না হইল ক্ষুধাশান্তি পুড়িছে উদর ॥
 বিমাতার বাক্যে যাই অমৃত আনিতে ।
 ক্ষুধায় অবশ তনু, জ্বলি অন্তরেতে ॥
 তুমি আর কিছু মোরে দেহ খাইবারে ।
 ভাল করি দেহ গো উদর যেন পূরে ॥
 কশ্যপ বলিল তবে শুন পুত্রবর ।
 দেবনরে বিখ্যাত আছয়ে সরোবর ॥

গজ-কুম্ব দুইজন তথা যুদ্ধ করে ।
 তাহার রক্তাস্ত শুন আমার গোচরে ॥

১৭। গজ-কুম্বের বিবরণ ।

দিভাবস্তু স্প্রতীক দুই সহোদর ।
 মহাধনে ধনী দৌহে মূনির কোণ্ডর ॥
 শত্রুগণ দৌহা মধ্যে ঘটাইল ভেদ ।
 ধনের কারণে দৌহে হইল বিচ্ছেদ ॥
 স্প্রতীক কনিষ্ঠ সে পৃথক্ হইল ।
 আপনার সমুচিত বিভাগ মাগিল ॥
 শত্রুগণ বলিল,—অনেক ধন আছে ।
 আপন উচিত ভাগ ছাড়ি দেহ পাছে ॥
 সেকারণে সদা তোমা হিতকথা কই ।
 তোমারি মঙ্গল তরে, স্বার্থপর নই ॥
 বিভাবস্তু জ্যেষ্ঠ কহে এ-ভাগ উহার ।
 অকারণে দ্বন্দ্ব করে সহিত আমার ॥
 দৌহাকারে এইমত কহে শত্রুগণে ।
 বহুদিন এইমত দ্বন্দ্ব দুই জনে ॥
 নিত্য আসি স্প্রতীক মাগিবারে ধন ।
 ক্রোধে বিভাবস্তু শাপ দিল ততক্ষণ ॥
 যে-কিছু তোমার ভাগ তাহা দিখু আমি ।
 না লইয়া দ্বন্দ্ব কর পরবাক্যে তুমি ॥
 নিত্য আসি বিসম্বাদ কর মম সনে ।
 দিখু শাপ গজ হৈয়া থাক গিয়া বনে ॥
 স্প্রতীক বলে মোরে ভাগ নাহি দিয়া ।
 শাপ দিলে বল মোরে কিসের লাগিয়া ॥
 তুমিও কচ্ছপ হও জলের ভিতরে ।
 দুই জনে দুই শাপ দিলেক দৌহারে ॥
 গজ গেল অরণ্যে, কচ্ছপ গেল জলে ।
 ভাই সহ বিসম্বাদ হৈলে হেন ফলে ॥

পরবাক্যে ভাই সব করে যে বিবাদ ।
 অতি ক্রোধে জন্মে তার, হয় যে প্রমাদ ॥
 সেই সে কচ্ছপ আছে জলের ভিতর ।
 যুড়িয়া যোজন দশ তার কলেবর ॥
 তাহার বিপ্লব দেহ করিবর ধরে ।
 নিত্য আসি যুদ্ধ করে সরোবর-তীরে ॥
 সেই গজ-কূর্ম গিয়া করহ ভক্ষণ ।
 সর্বত্র মঙ্গল হবে বিনতানন্দন ॥
 ত্রিভুবন পরাজয়ী হও মহাবীর ।
 ব্রহ্মা বিষ্ণু শিব তব রাখুন শরীর ॥

কশ্যপের আজ্ঞা পেয়ে গরুড় সত্বর ।

চক্ষুর নিম্নে গেল যথা সরোবর ॥
 অন্তরীক্ষ হৈতে দেখে বিনতাকোণ্ডর ।
 বন হৈতে বাহির হইল গজবর ॥
 সরোবর তীরে আসি করিল গর্জন ।
 ক্রোধ করি কূর্ম দেখা দিলেক তখন ॥
 দুই জনে মহাযুদ্ধ করহে না যায় ।
 অন্তরীক্ষে থাকি তাহা দেখে খগরায় ॥
 এক নখে গজ ধরি কূর্ম আর নখে ।
 চক্ষুর নিম্নে উড়ি গেল তপোলোকে ॥
 কোথায় খাইব বসি, তাবে মনে-মনে ।
 নানাজাতি বৃক্ষ দেখে পরশে গগনে ॥
 রোহিণ নামেতে বৃক্ষ অতি উচ্চতর ।
 তখন গরুড়ে ডাকি বলিল উত্তর ॥
 মোর ডাল দেখ শতযোজন বিস্তার ।
 হুঁহু হ'য়ে ইথে বসি করহ আহার ॥
 বৃক্ষের বচন শুনি বিনতানন্দন ।
 ডালেতে বসিল গিয়া করিতে ভক্ষণ ॥
 ভাঙ্গিল বৃক্ষের ডাল গরুড়ের ভরে ।
 বালখিল্য মুনিগণ তাহে তপ করে ॥

শাখা ধরি অধোমুখে আছে মুনিগণ ।
 দেখিয়া হইল ভীত বিনতানন্দন ॥
 ভূমিতে ফেলিলে ডাল মরিবেক মুনি ।
 চৌটেতে ধরিল ডাল মনে ভয় গণি ॥
 চৌটেতে ধরিল ডাল, গজ-কূর্ম নখে ।
 উড়িয়া বেড়ায় পক্ষী উপায় না দেখে ॥
 বহুদিন গরুড় উড়িল হেনমতে ।
 কশ্যপে দেখিল গন্ধমাদন-পর্বতে ॥
 গরুড়ের মুখে ডাল দেখি বিপরীত ।
 বালখিল্য মুনিগণ তাহে বিলম্বিত ॥
 কশ্যপ বলেন পুত্র করিলা কি কাজ ।
 হের দেখ ডালে আছে মুনির সমাজ ॥
 অন্তর্গত প্রমাণ ষাটি-সহস্র ব্রাহ্মণ ।
 উপায় করহ, ক্রোধ নহে যতক্ষণ ॥
 তবে ত কশ্যপ মুনি যোড় করি কর ।
 মুনিগণ প্রতি স্ততি করিলা বিস্তর ॥
 এই ত গরুড় করে সবাংকার হিত ।
 তে কারণে ক্রোধ তারে না হয় উচিত ॥
 কশ্যপের স্তবে তুষ্ট হ'য়ে ঋষিগণ ।
 হিমগিরি 'পরে সবে করিল গমন ॥
 তবে খগেশ্বর জিজ্ঞাসিল কশ্যপেরে ।
 কোথায় ফেলিব ডাল আজ্ঞা কর মোরে ॥
 কশ্যপ বলিল, যাহ বাসহীন গিরি ।
 জীবজন্তু নাহি সেই পর্বত-উপরি ॥
 কশ্যপের আজ্ঞাক্রমে বীর খগেশ্বর ।
 ফেলিল সে ডাল ল'য়ে পর্বত-উপর ॥
 গজ-কূর্ম খাইলেক পর্বতে বসিয়া ।
 অমৃত আনিতে যায় তৃপ্তমনা হৈয়া ॥
 মহাতেজে গগনে উঠিল মহাবল ।
 পাথসাটে উড়ি গেল পর্বত সকল ॥

দিনকরে আচ্ছাদিল, হৈল অন্ধকার ।
 অমর-নগরে হৈল উৎপাত অপার ॥
 উৎপাত নির্যাত হইছে ঘনে ঘন ।
 ঘোর বায়ু মেঘে করে রক্ত বরিষণ ॥
 এত দেখি ইন্দ্র বৃহস্পতিরে পুছিল ।
 এত অমঙ্গল কেন স্বর্গেতে হইল ॥
 বৃহস্পতি বলিল তোমার পূর্ব পাপে ।
 আইসে গরুড় পক্ষী অদ্ভুত প্রতাপে ॥
 সুধার কারণে আসে বিনতানন্দন ।
 অবশ্য লইবে সুধা জিনি দেবগণ ॥
 এত শুনি কুপিত হইল পুরন্দর ।
 ততক্ষণে আজ্ঞা দিল ডাকি অনুচর ॥
 পাইয়া ইন্দের আজ্ঞা যত দেবগণ ।
 সসজ্জ হইল সবে করিবারে রণ ॥

মুনিগণ বলে শুন সন্তের নন্দন ।
 ইন্দের হইল পাপ কিসের কারণ ॥
 কশ্যপ ব্রাহ্মণ-শ্রেষ্ঠ বিদিত ভুবনে ।
 তাঁর পুত্র পক্ষী হৈল কিসের কারণে ॥
 কামরূপী পক্ষী সেই মহাবলবন্ত ।
 কি হেতু হইল কহ পূর্বের বৃত্তান্ত ॥

সৌতি বলে সেই কথা কহিতে বিস্তর ।
 সংক্ষেপে কহি যে কিছু শুন সারোদ্ধার ॥
 মহাভারতের কথা অমৃত-সমান ।
 কাশীরামদাস কহে শুনে পুণ্যবান ॥

১৮। ইন্দের প্রতি বালখিল্যাদির অভিসম্পাত ।
 পূর্ব্বতে কশ্যপ মুনি যজ্ঞ আরম্ভিল ।
 দেব ঋষি-গন্ধর্ব্বাদি যত কেহ ছিল ॥

যজ্ঞের সাহায্য দানে করিয়া মনন ।
 যজ্ঞকর্ত্ত আনিবারে প্রবেশিল বন ॥
 ভাঙ্গিয়া লইল কর্ত্ত মাথার উপর ।
 পর্ব্বত-প্রমাণ বোকা নিল পুরন্দর ॥
 শীত্র কর্ত্ত ফেলি আইল হুরমণি ।
 পথেতে দেখিল যত বালখিল্য মুনি ॥
 পলাশের পত্র ল'য়ে মাথার উপরে ।
 অকূষ্ঠ-প্রমাণ সবে যায় ধীরে-ধীরে ॥
 পথে যেতে সবে এক গোকুর^২ দেখিয়া ।
 পার হৈতে নাহি পারে আছে দাণ্ডাইয়া ॥
 তাহা দেখি হাসিতে লাগিল দেবরাজ ।
 দেখিয়া করিল ক্রোধ মুনির সমাজ ॥
 উপহাস করিলি করিয়া অহঙ্কার ।
 ব্রাহ্মণেরে নাহি চেন যত দুরাচার ॥
 বালখিল্য মুনিগণ এতক ভাবিল ।
 অম্ম ইন্দ্র করিবারে যজ্ঞ আরম্ভিল ॥
 ইন্দ্র হৈতে শতগুণ বলিষ্ঠ হইবে ।
 কামরূপী মহাকায় ত্রৈলোক্য জিনিবে ॥
 হেনমতে যজ্ঞ করে যত মুনিগণ ।
 শুনিয়া কশ্যপে ইন্দ্র করে নিবেদন ॥
 শীত্রগতি গেল তেঁহ যজ্ঞের সদন ।
 মুনিগণ প্রতি তবে বলিল বচন ॥
 দেবরাজ পুরন্দর ব্রহ্মারে সেবিল ।
 দেবের ঈশ্বর করি ব্রহ্মা নিয়োজিল ॥
 অম্ম ইন্দ্র হেতু যজ্ঞ কর কি কারণ ।
 ব্রহ্মার বচন চাহ করিতে লজ্জন ॥
 ব্রহ্মার বচন রাখ হও সবে শ্রীত ।
 আজ্ঞা কর মুনিগণ যে হয় উচিত ॥

বালখিল্য বলে যজ্ঞে পাই বহু কষ্ট ।
 রাখিলে তোমার বাক্য সব হৈবে নষ্ট ॥
 কশ্যপ বলিল নষ্ট হবে কি কারণ ।
 হউক পক্ষীন্দ্র যে জিনিবে ত্রিভুবন ॥
 মুনিগণে সাস্ত্রাইয়া বলে সুররাজে ।
 উপহাস করু আর নাহি কর দ্বিজে ॥
 ব্রাহ্মণ দেখিয়া নাহি কর অহঙ্কার ।
 ব্রাহ্মণের ক্রোধে কার নাহিক নিস্তার ॥
 এত বলি দেবরাজে করেন মেলানি ।
 বিনতারে কহেন কশ্যপ মহামুনি ॥
 সফল করিলা ব্রত শুন গুণবতি ।
 তোমার গর্ভেতে হবে খগেন্দ্র-উৎপত্তি ॥
 এত শুনি বিনতার আনন্দ বিস্তর ।
 হেনমতে পক্ষী হৈল কশ্যপ-কোণ্ডর ॥
 তবে ত গরুড়-বীর গেল সুরালয় ।
 ভয়ঙ্কর মূর্তি দেখি সবে পায় ভয় ॥
 যে-দেবের হাতে ছিল যেই প্রহরণ ।
 চতুর্দিকে করিতে লাগিল বরিষণ ॥
 শেল শূল জাঠা শক্তি ভূষণ্ডি তোমর ।
 পরিষ পরশু চক্রে মুঘল মুদগর ॥
 প্রলয়ের মেঘ যেন করে বরিষণ ।
 ঝাঁকে-ঝাঁকে অস্ত্ররষ্টি করে দেবগণ ॥
 কামরূপী পক্ষিরাজ নির্ভয়-শরীর ।
 দেবের চরিত্র দেখি হাসে মহাবীর ॥
 জ্বলন্ত অনল যেন ঘৃত দিলে বাড়ে ।
 গরুড়ের তেজ বাড়ে যত অস্ত্র পাড়ে ॥
 জিনিয়া মেঘের শব্দ গরুড়-গর্জন ।
 দেবের চরিত্র দেখি ভাবে মনে মন ॥
 ইন্দ্র-আদি দেবগণ সবাই অবোধ ।
 না জানিয়া আমা সঙ্গে বাড়ায় বিরোধ ॥

সবারে মারিতে পারি চক্ষুর নিমেষে ।
 সাধিব আপন কার্য, কি কাজ বিনাশে ॥
 এত চিন্তি ততক্ষণে বিনতানন্দন ।
 পাখসাটে পুরাইল ধূলায় গগন ॥
 পবনেরে আঞ্জা দিল দেব পুরন্দর ।
 ধূলা উড়াইয়া তুলি ফেলাও সত্তর ॥
 ইন্দের আঞ্জায় ধূলা উড়ায় পবন ।
 পুনঃ আসি গরুড়ে বেড়িল সর্বজন ॥
 চতুর্দিকে নানা অস্ত্র করে বরিষণ ।
 দেখিয়া ঋষিল বীর বিনতানন্দন ॥
 পাখসাটে মারে কারে বিদারিল নখে ।
 চোটেতে চিরিয়া ফেলে যে পড়ে সন্মুখে ॥
 সবার মস্তক হইল রক্তে পরিপূর্ণ ।
 ভাঙ্গিল মস্তক কারো অস্থি হৈল চূর্ণ ॥
 পাখসাটে উড়াইয়া ফেলে চারিদিকে ।
 দক্ষিণে পলায় কেহ, কেহ পূর্বভাগে ॥
 পশ্চিমে দ্বাদশ রবি পলাইল ডরে ।
 অশ্বিনীকুমার দৌহে পলায় উত্তরে ॥
 পুনঃপুনঃ আসি যুদ্ধ করে দেবগণ ।
 প্রাণপণ করে সবে স্বধার কারণ ॥
 কামরূপী বিহঙ্গম, বলে মহাবল ।
 অতিক্রোধে হৈল যেন জ্বলন্ত অনল ॥
 প্রলয় অনল যেন দহে সর্বজনে ।
 সহিতে না পারি ভঙ্গ দিল দেবগণে ॥
 দেবতা তেত্রিশ কোটি জিনিয়া সমরে ।
 চন্দ্রলোকে উত্তরিল নিমেষ ভিতরে ॥
 চন্দের নিকটে গিয়া দেখে মহাবল ।
 চতুর্দিকে বেড়িয়াছে জ্বলন্ত অনল ॥
 অগ্নি দেখি উপায় করিল খগবর ।
 স্বর্ণেরে অঙ্গ হৈয়া প্রবেশে ভিতর ॥

অগ্নি পার হৈয়া তবে দেখে খগেশ্বর ।
 তীক্ষ্ণ সুরধার চক্র ভ্রমে নিরন্তর ॥
 মক্ষিকা পড়িলে তাতে হয় শতখান ।
 হেন চক্র গরুড় দেখিল বিদ্যমান ॥
 সূচিকা-প্রমাণ রন্ধু ছিল চক্রমাঝ ।
 ততোধিক ক্ষুদ্র তথা হৈল পক্ষীরাজ ॥
 চক্র পার হৈয়া তবে বিনতানন্দন ।
 অমৃত গ্রহণ কৈল আনন্দিত মন ॥
 ঢাকিয়া লটল স্থব পাখার ভিতরে ।
 অতিবেগে তথা হৈতে চলিল সত্তরে ॥
 কামরূপী মহাকায় বিনতানন্দন ।
 সেনাপে বাইতে ইচ্ছা করিল তখন ॥
 চক্র-অগ্নি লজ্জিয়া আইসে খগবর ।
 এ রস-কোতুক^১ দেখি ক্রোধে চক্রধর^২ ॥
 অন্তরীক্ষে আইল যথা বিনতানন্দন ।
 ছুই জনে যুদ্ধ হৈল না যায় কখন ॥
 চতুর্ভুজে চারি অস্ত্রে যুঝে নারায়ণ ।
 পাখসাটে পক্ষিবর করে নিবারণ ॥
 আঁচড়-কামড় আর মারে পাখসাট ।
 ভগ্ন হয় গোবিন্দের হৃদয়-কপাট ॥
 অনেক হইল যুদ্ধ লিখনে না যায় ।
 তুফ হ'য়ে গরুড়ে বলেন দেবরায় ॥
 তোমার বিক্রমে তুফ হইলু খেচর ।
 মনোমত মাগ তুমি দিব আমি বর ॥
 গরুড় বলিল যদি তুমি দিবা বর ।
 তোমা হৈতে উচ্ছেতে বসিব নিরন্তর ॥
 অজর অমর হ'ব অজিত সংসারে ।
 বিষু কন যাহা ইচ্ছা দিলাম তোমারে ॥

বর পেয়ে ছুটচিতে বলে খগেশ্বর ।
 আমি বর দিব তুমি মাগ গদাধব ॥
 গোবিন্দ বলেন যদি দিবা তুমি বর ।
 আমার বাহন তুমি হও খগেশ্বর ॥
 গরুড় বলিল মম সত্য অঙ্গীকার ।
 নিশ্চয় বাহন আমি হইব তোমার ॥
 উচ্চস্থলে বসিবার গরুড়ে দিয়া বর ।
 ক্রীহরি বলেন বৈস রণের উপর ॥
 এইমত দোহাকারে দোহে বর দিয়া ।
 তথা হৈতে চলে বীর অমৃত লইয়া ॥
 পবন অধিক হয় গরুড়ের গতি ।
 দৃষ্টিমাত্রে সুরলোকে গেল মহামতি ॥
 আছিল পরম ক্রোধে দেব পুরন্দর ।
 মহাতেজে মারে বজ্র গরুড়-উপর ॥
 হাসিয়া গরুড় বলে শুন দেবরাজ ।
 বজ্র অস্ত্র ব্যর্থ হৈলে পাবে বড় লাজ ॥
 মুনি-অস্থি জাত^৩ অস্ত্র অব্যর্থ সংসারে ।
 শত বজ্র হ'লে মোর কি করিতে পারে ॥
 তথাপি মুনির বাক্য করিতে পালন ।
 একগুটি পর্ণ^৪ দিব তোমার কান^৫ ॥
 এত বলি এক পাখা চৌটে উপাড়িয়া ।
 ইন্দ্র মারে বজ্র তাতে দিল ফেলাইয়া ॥
 দেখিয়া বিস্ময়াপন্ন দেব পুরন্দর ।
 সবিনয়ে বলে তবে শুন খগেশ্বর ॥
 তোমার চরিত্র দেখি হইলাম প্রীত ।
 সখ্য করিবারে চাহি তোমার সহিত ॥
 গরুড় বলিল যদি ইচ্ছা কর তুমি ।
 আজি হৈতে হইলাম তব সখা আমি ॥

ইন্দ্র বলে সখা এক করি নিবেদন ।
তোমার তেজের কথা না যায় কখন ॥
কত বল ধর তুমি কহ সত্য ক'রে ।
তোমার বিক্রম দেখি তিনলোকে ডরে ॥

ইন্দের বচন শুনি বলে পক্ষিরাজ ।
আপনি আপন গুণ কহিবারে লাজ ॥
তুমি সখা জিজ্ঞাসিলে কহিতে যুয়ার্য ।
আমার বলের কথা শুন দেবরায় ॥
সাগর সহিত ক্রিতি এক পক্ষে করি ।
আর পক্ষে তোমা সহ অমর-নগরী ॥
দুই পক্ষে লইয়া উড়িব বায়ুতরে ।
শ্রম না হইবে মম সহস্র বৎসরে ॥
শুনিয়া হইল স্তব্ধ দেব পুরন্দর ।
ইন্দ্র বলে ইহা সত্য মানি খগেশ্বর ॥
যতক বলিলা সব সম্ভবে তোমাতে ।
এক নিবেদন সখা কহি আরবারে ॥
অমৃত লইয়া যাও কিসের কারণ ।
ফিরে দেহ আমা সবে করি আকিঞ্চন ॥

স্বপর্ণ কহিল শুন দেব বজ্রপাণি ।
দাসীপণে বদ্ধ আছে আমার জননী ॥
সুখা ল'য়ে দিতে যদি পারি সর্পগণে ।
তবে ত জননী মুক্ত হবে দাসীপণে ॥
এই হেতু সুখা ল'য়ে যাই নাগলোকে ।
যথায় জননী কাল করেন অস্থখে ॥

ইন্দ্র বলে হেন কথা যুক্তিযুক্ত নয় ।
মহাদুর্ভাগগণ সৃষ্টি করে ক্ষয় ॥
তোমার যে শত্রু হয় সে শত্রু আমার ।
শত্রুকে অমৃত দিতে না হয় বিচার ॥

হেন জনে সুখা দিবে কিসের কারণ ।
অপর উপায়ে মায়ে করহ মোচন ॥
জগতের প্রাণ রাখ আমার বচন ।
সদয় হইয়া সুখা কর প্রত্যর্পণ ॥

গরুড় বলিল সখা এ নহে বিচার ।
মায়ের অগ্রেতে করিয়াছি অঙ্গীকার ॥
এখনি আনিব সুখা বলিয়াছি বাণী ।
কেমনে অমৃত ছাড়ি যাই বজ্রপাণি ॥
তবে এক যুক্তি সখা করহ শ্রবণ ।
তব বাক্য রবে, হবে মায়ের মোচন ॥
সুখা ল'য়ে দিব আমি যত সর্পদলে ।
সুযোগ বুঝিয়া তুমি হরিবে কোশলে ॥
পেয়ে সুখা নাহি পাবে দুষ্ক নাগগণ ।
লাভে হৈতে হবে মার দাসীস্ব-মোচন ॥
এই যুক্তি মনে লয় সখা স্বরপতি ।
শুনি দেবরাজ হৈল হরষিত অতি ॥
ইন্দ্র বলে তুষ্ট হই তোমার বচনে ।
বরে ইচ্ছা থাকে যদি মাগ মম স্থানে ॥
গরুড় বলিল আমি কি মাগিব বর ।
আমার অসাধ্য কিবা ত্রৈলোক্য-ভিতর ॥
তথাপি করিব রক্ষা সখা তব বাক্য ।
বর দেহ ফণী যেন হয় মম ভক্ষ্য ॥
কপটেতে দুষ্কগণ মায়ে দুঃখ দিল ।
তথাস্ত বলিয়া ইন্দ্র তারে বর দিল ॥

বর পেয়ে তথা হৈতে চলে খগেশ্বর ।
ছায়ারূপে সঙ্গে চলিলেন পুরন্দর ॥
পথে যেতে ইন্দ্র জিজ্ঞাসে কণেক্ষণ ।
এখন স্মৃঢ় করি বলহ বচন ॥

যথায় রাখিবা স্নান, যবে লব আমি ।
মোর সহ স্নান পাছে পুনঃ কর তুমি ॥
হাসিয়া গরুড় ইন্দ্রে করিল নির্ভয় ।
তথাপি ইন্দ্রের চিন্তে প্রত্যয় না হয় ॥

তথা হৈতে চলে বীর তারা যেন ছুটে ।
নাগলোকে গেল বীর চক্ষুর নিমিষে ॥
ডাক দিয়া আনিল যতেক নাগগণে ।
হের স্নান আনিলাম দিব সর্বজনে ॥
দাসীহে মোচন হোক আমার জননী ।
এত শুনি আনন্দিত হৈল সব ফণী ॥
ফণিগণ বলিলেক আর নাহি দায় ।
দাসীহে মোচন করিলাম তব মায় ॥

এত শুনি হৃষ্টচিত্ত বিনতানন্দন ।
নাগগণে ডাকি তবে বলিল বচন ॥
স্নান করি শুচি হৈয়া এস সর্বজন ।
আনন্দিত হ'য়ে স্নান করহ ভক্ষণ ॥
এই দেখ স্নান রাখি কুশের উপর ।
এত বলি স্নান থুয়ে গেল থগেশ্বর ॥
গরুড়ের বাক্যে সবে করে স্নান দান ।
হেথা স্নান ল'য়ে ইন্দ্র হৈল অন্তর্দান ॥
শুচি হৈয়া আসিল যতেক নাগগণ ।
অমৃত না দেখি হৈল বিরস-বদন ॥
জানিল হরিয়া স্নান দেবরাজ নিল ।
সবে মেলি সেই কুশ চাটিতে লাগিল ॥
তীক্ষ্ণধারে সকলের জিহ্বা হৈল চীর ।
সেই হৈতে দুই জিহ্বা হইল ফণীর ॥
পবিত্র হইল কুশ স্নান-পরশনে ।
নিষ্ফল সকল কণ্ঠ কুশের বিহনে ॥
গরুড়-বিক্রম আর বিনতা-মোচন ।
নাগের নৈরাশ আর অমৃত-হরণ ॥

এ-সব রহস্য কথা শুনে যেই জনে ।
আমুর্ষণ রুজি তার হয় দিনে-দিনে ॥
পুত্রার্থীর পুত্র হয় ধনার্থীর ধন ।
যাহাতে প্রসন্ন হয় বিনতানন্দন ॥
আদিপর্ব ভারতের গরুড়-জন্মকথা ।
কাশীরামদাস কহে পাঁচালিতে গাঁথা ॥

১২। শেষ শাপের তপস্বী, ভূতার-গ্রহণ, বাহুবলি চিত্রা
এবং জরৎকারুর সহিত জরৎকারীর বিবাহ ।

শোনকাদি মুনি বলে সূতের নন্দন ।
শুনিলু গরুড়-কথা অমৃত কথন ॥
কক্ষর হইল একসহস্র কুমার ।
কোন কণ্ঠ কৈল কিবা নাম সবাংকার ॥
সোতি বলে কতেক কহিব মুনিগণ ।
কিছু নাম কহি শ্রেষ্ঠ ফণী যত জন ॥
শেষ জ্যেষ্ঠ মহোদর, দ্বিতীয় বাহুবলি ।
ঐরাবত তক্ষক কর্কট সিংহ-আঁখি ॥
বামন কালিয় এলাপাত্র মহোদর ।
কুণ্ডল অনীল নীল বৃত্ত অকর্কর ॥
মণিমাগ আপূরণ আর্ধ্যক উগ্রক ।
স্বরাযুধ দধিমুখ কলস-পোতক ॥
কৌরব্য কুটর আপু কাম্বল তিত্তিরি ।
হেনমত নাগ সব কত নাম করি ॥
সর্ব হৈতে শ্রেষ্ঠ জ্যেষ্ঠ শেষ বিষধর ।
জিতেন্দ্রিয় সুপণ্ডিত ধর্ম্মোত্তম তপস্বর ॥
ভাই সব দুরাচার দেখি নাগরাজ ।
বিশেষ মায়ের শাপ ভাবি হৃদিমাঝ ॥
তাজিয়া সকলে গেল তপ করিবারে ।
নানা-তীর্থ করি শেষ ভ্রময়ে সংসারে ॥

হিমালয় আশ্রয় করিল নাগবর ।
 অত্যন্ত কঠোর তপ করে নিরন্তর ॥
 তার তপ দেখি তুচ্ছ হৈল প্রজাপতি ।
 ব্রহ্মা বলে তপ কেন কর ফণিপতি ॥
 স্ববাস্তিত বর মাগি করহ গ্রহণ ।
 করযোড়ে শেষ তবে কৈল নিবেদন ॥
 আমি কি কহিব বল তোমার গোচর ।
 তুচ্ছ চুরাচার মোর যত মহোদর ॥
 গরুড় আমার ভাই বিনতানন্দন ।
 তার সহ কলহ করয়ে অনুক্ষণ ॥
 বলেতে সমর্থ কেহ নহে সম তার ।
 নিষেধ না শুনে কেহ করে অহঙ্কার ॥
 সদাই কপট কস্য লোকের হিংসন ।
 অহঙ্কারী কুপথী যতেক ভ্রাতৃগণ ॥
 সেই হেতু সকলের সংসর্গ ছাড়িয়া ।
 শরীর ত্যজিব আমি তপস্থা করিয়া ॥
 পুনঃ যেন সংসর্গ না হয় সব সনে ।
 মরিব তপস্থা করি তাহার কারণে ॥

বিরিঞ্চি বলেন শেষ, না ভাব এমন ।

তুচ্ছের সংসর্গ তব হইবে মোচন ॥
 ধর্ম্মেতে তৎপর তুমি, বলে মহাবল ।
 আপনার তেজে ধর পৃথিবীমণ্ডল ॥

ব্রহ্মার বচনে শেষ পৃথিবী ধরিল ।
 গরুড় সহিত ব্রহ্মা মৈত্র করাইল ॥
 ব্রহ্মার আজ্ঞায় গিয়া পাতাল-ভিতর ।
 তথা থাকি পৃথিবী ধরিল বিষধর ॥
 তুচ্ছ হৈয়া ব্রহ্মা তারে কৈল নাগরাজা ।
 নাগলোকে দেবলোকে সবে করে পূজা ॥

হেনমতে শেষ সব ত্যজি ভ্রাতৃগণে ।
 একাকী রহিল তেঁহ ব্রহ্মার বচনে ॥
 শেষ যদি গেল তবে বাহুকি চিন্তিত ।
 মায়ের শাপেতে হয় অত্যন্ত দুঃখিত ॥
 সব ভ্রাতৃগণ লৈয়া করেন যুক্তি ।
 মায়ের শাপেতে ভাই না দেখি নিষ্কৃতি ॥
 জনকের শাপেতে আছেয়ে প্রতিকার ।
 জননীর শাপে নাহি দেখি যে উদ্ধার ॥
 ক্রোধ করি জননী যখন শাপ দিল ।
 পিতৃ-পিতামহ সবে স্বীকার করিল ॥
 জন্মেজয়-যজ্ঞ হবে অবশ্য সংহার ।
 এখন তাহার ভাই কর প্রতিকার ॥
 এতেক বচন যদি বাহুকি বলিল ।
 যার যেই যুক্তি আসে কহিতে লাগিল ॥
 এক নাগ বলে আমি ব্রাহ্মণ হইব ।
 জন্মেজয়-যজ্ঞে আমি ভিক্ষা নাগি লব ॥
 আর নাগ বলে আমি রাজগন্ত্রী হৈয়া ।
 না দিব করিতে যজ্ঞ মন্ত্রণা করিয়া ॥
 আর নাগ বলে কোন্ বিচিত্র সে-কথা ।
 কেমনে করিবে যজ্ঞ, খাব যজ্ঞ-হোতাং ॥
 নহিলে খাইব সব ব্রাহ্মণে ধরিয়া ।
 দ্বিজ-বিনা যজ্ঞ হবে কেমন করিয়া ॥
 অশ্রু বলে আরে ভাই এ নহে বিচার ।
 ব্রাহ্মণ-হিংসিলে ভাই নাহিক নিস্তার ॥
 বিপদে পড়িলে লোক বিপ্রে দান করে ।
 বিপ্র তুচ্ছ হ'লে ভাই সর্ব্বারিষ্ঠ হরে ॥
 আর নাগ বলে আমি জলধর হৈয়া ।
 নিবারিব যজ্ঞ-অগ্নি বারি বরষিয়া ॥

আর নাগ বলে আমি বিপ্ররূপ ধরি ।
যতেক যজ্ঞের শস্য লব চুরি করি ॥
কেহ বলে মোরা সবে একত্র হইয়া ।
অনিবার যজ্ঞাগার থাকিব বেড়িয়া ॥
যাহারে দেখিব তারে করিব ভক্ষণ ।
ভয়েতে করিবে রাজা যজ্ঞ-নিবারণ ॥
এতেক বলিল যদি সব নাগগণে ।
বাহুকি বলিল নাহি রুচে মম মনে ॥
আমা সবা মারিবারে দৈব-শক্তি ধরে ।
কাহার ক্ষমতা ভাই তাহারে নিবারে ॥
ইহার উপায় কিছু নাহি দেখি আর ।
অবশ্য সর্পের কুল হইবে সংহার ॥

এলাপত্র-নামে সর্প ছিল একজন ।
বাহুকির বাক্য শুনি কহিল তখন ॥
মায়ের বচন কভু নহে ত লঙ্ঘন ।
যত যুক্তি কৈলে সবে সব অকারণ ॥
মায়ের বচন আর দৈবের লিখন ।
অবশ্য হইবে যজ্ঞ, না যায় খণ্ডন ॥
পাণ্ডুবংশে জন্মেজয় হইবে উৎপত্তি ।
তাঁর যজ্ঞ হিংসিবেক কাহার শক্তি ॥
আছয়ে উপায় এক শুন সর্বজন ।
সাবধানে শুন সবে ব্রহ্মার বচন ॥
পুত্রগণে যখন জননী শাপ দিল ।
দেবগণ তখনি ব্রহ্মাকে জিজ্ঞাসিল ॥
হেন শাপ কেহ দেয় আপন নন্দনে ।
আর কোন্ জন হেন আছয়ে ভুবনে ॥
ব্রহ্মা বলে অবধান কর হরগণ ।
পরের অহিতকারী সদা সর্পগণ ॥

বিনষ্ট হইলে তার। রহিবে সংসার ।
নতুবা সর্পের বিষে হৈবে ছারখার ॥
তবে ধর্ম্য অশ্লুগত যেই নাগ হবে ।
জন্মেজয়-যজ্ঞে মাত্র সেই রক্ষা পাবে ॥
শুন সবে আছে এক উপায় তাহার ।
যাযাবর-বংশে জন্ম লবে জরংকার ॥
তাঁহার বিবাহ হবে জরংকারী সনে ।
বাহুকির ভয়ী সেই বিখ্যাত ভুবনে ॥
তার গর্ভে জন্মিবেন আস্তিক কুমার ।
সেই পুত্র নাগকুল করিবে নিস্তার ॥
এইরূপে ব্রহ্মা আজ্ঞা কৈল নাগগণে ।
এ-সকল কথা আমি শুনেছি শ্রবণে ॥
আর যত প্রকার করহ ভাইগণ ।
না হইবে ফল কিছু সব অকারণ ॥
সেই জরংকারী যেই ভগিনী সবার ।
জরংকারে বিভা দিলে হইবে নিস্তার ॥

এতেক বলিল এলাপত্র বিষধর ।
সাধু সাধু করি সবে করিল উত্তর ॥
তবে দেবাসুরে মিলি সমুদ্রে মথিল ।
তাহার মথন-দড়ি বাহুকি হইল ॥
ভুষ্ট হ'য়ে দেবগণ ব্রহ্মারে বলিল ।
বাহুকি হইতে সিদ্ধ মথন হইল ॥
মাতৃশাপে বাহুকির দহে কলেবর ।
আজ্ঞা কর পিতামহ থণ্ডে যেন ডর ॥
ব্রহ্মা বলে জরংকারী ভগিনী তাহার ।
তার পুত্র করিবেক নাগের নিস্তার ॥
বাহুকি শুনিয়া হৈল আনন্দিত মন ।
জরংকার জন্ম চর কৈল নিয়োজন ॥

১। পরিভ্রাজক বংশ; যাহারা ইতস্ততঃ ভ্রমণ করিয়া বেড়ায়। মহাভারতে আছে জরংকার “যাযাবরাণাং প্রবরঃ”। জরংকার পূর্বপুরুষগণ জরংকারকে নিজ পরিচয়দানকালে বলিয়াছিলেন, “যাযাবরা নাম বরষষঃ।” কোন কোন সংস্করণে আছে—“কটীচাক্ষ বংশে জরংকার যে নন্দন।”

চরগণে বলিলেন থাকি অশ্রুতে ।
 জরংকারু-আজ্ঞা হৈলে কহিবে ঝরিতে ॥
 যাহা জিজ্ঞাসিল, সৌতি বলে মুনিগণে ।
 জরংকারুর বিভা হ'ল জরংকারী সনে ॥
 মহাভারতের কথা অমৃত-লহরী ।
 ভক্তিতরে বর্ণন করিব যত পারি ॥
 ইহার শ্রবণে যত সুখ হবে নরে ।
 তাদৃশ নাহিক সুখ ত্রৈলোক্য-ভিতরে ॥
 কাশীরাম দাসের সদাই এই মন ।
 নিরবধি বাঞ্ছে সদা ভারত-শ্রবণ ॥

২০। পরীক্ষিতের ব্রহ্মশাপ।

সৌতি বলে এইরূপে গেল বহুকাল ।

পাণ্ডুবংশে হইল পরীক্ষিত মহীপাল ॥
 মহাপুণ্যবান্ রাজা প্রতাপে মিহির ।
 কুপাচার্য্য-শিক্ষায় সকল শাস্ত্রে ধীর ॥
 সর্বগুণযুত রাজা সদা সত্যব্রত ।
 যুগযুগে প্রিয় বনে ভ্রমে অবিরত ॥
 দৈবে একদিন রাজা বিচ্ছিন্ন হরিণে ।
 পলায় হরিণ, পিছু ধাইল আপনে ॥
 পরীক্ষিত-বাণে জীয়ে কাহার জীবন ।
 পলাইয়া গেল যুগ দৈব-নিবন্ধন ॥
 বহুদূরে অরণ্যে পশিল নরবর ।
 দেখিতে না পায় যুগ অরণ্য-ভিতর ॥
 তৃষ্ণায় আকুল বড় হ'য়ে পরীক্ষিত ।
 গো-চারণ-স্থানে এক হৈল উপনীত ॥
 উপনীত হ'য়ে তথা দেখিবারে পান ।
 বৎসগণ করিতেছে গাভী-দুগ্ধ পান ॥

তাহাদের মুখস্থতঃ যত ফেনরাশি ।
 বসিয়া করেন পান যৌনে এক ঋষি ॥
 ঋষিবরে দেখি নৃপ-করি সম্বোধন ।
 ক্ষুধায় কাতর হ'য়ে কহেন বচন ॥
 আমি পরীক্ষিত রাজা শুন তপোধন ।
 মম বিদ্ধ যুগ এক কৈল পলায়ন ॥
 কোন্ পথে গেল যুগ ব'লে দাও মোরে ।
 ক্ষুধায় তৃষ্ণায় ক্লান্ত হ'য়েছি অন্তরে ॥
 যৌনব্রতধারী মুনি না কহে বচন ।
 ভূপতি জিজ্ঞাসা তবু করে কণেক্ষণ ॥
 যৌনব্রতে আছে মুনি রাজা নাহি জানে ।
 উত্তর না পেয়ে রাজা ক্রুদ্ধ হৈল মনে ॥
 একে ত রাজ্যের রাজা, দ্বিত্যে অতিথি ।
 উত্তর না দিল চুষ্ট কেমন প্রকৃতি ॥
 এত ভাবি নৃপতি কুপিত হইল মনে ।
 মৃতসর্প ছিল দৈবে তার সম্মিথানে ॥
 ধনুহলে ধরি সর্প গলে জড়াইল ।
 অশ্ব-আরোহণে রাজা হস্তিনায় গেল ॥
 ব্রহ্মণের পুত্র মুনি শৃঙ্গীনাথ ধরে ।
 কুশনামে তার লখা বলিল তাহারে ॥
 কিবা গর্ভ কর আপনারে না জানিয়া ।
 তব বাপে রাজা দণ্ডে, বনে দেখ গিয়া ॥
 এত শুনি গেল শৃঙ্গী দেখিবারে বাপ ।
 গলায় দেখিল বোড়ি আছে মৃত সাপ ॥
 ক্রুদ্ধ হৈল শৃঙ্গী যেন জ্বলন্ত অনল ।
 রাজ্যারে দিলেক শাপ হাতে করি জল ॥
 আজি হৈতে সপ্ত দিনে পরীক্ষিত নৃপে ।
 তক্ষকে দংশিবে স্থির মন এই শাপে ॥

4479/5

R-আদালত

02/R-L

৩৫

এত বলি পরীক্ষিতে বলি ব্রাহ্মণ।
 পুত্রের শুনিয়া শাপ দ্বিজে হৈল তাপ ॥
 যৌনভঙ্গে দ্বিজবর করয়ে বিলাপ।
 অবোধ সন্তান তুমি দিলে মনস্তাপ ॥
 অবোধ সন্তান তুমি করিলে কি কৰ্ম।
 ক্রোধে তপ নষ্ট হয় প্রবল অধৰ্ম ॥
 নৃপতিরে শাপ-দান উচিত না হয়।
 রাজার প্রতাপে সব রাজ্য রক্ষা পায় ॥
 রাজার আশ্রয়ে যজ্ঞ করে দ্বিজগণ।
 যজ্ঞ কৈলে বৃষ্টি হয় ফলে শস্যধন ॥
 দুই-দৈত্য-চৌর-ভয় রাজার-বিহনে।
 রাজ্য-রক্ষা-হেতু খাতা সজিল রাজনে ॥
 রাজা দশ শ্রোত্রিয় সমান বেদে বলে।
 হেন নৃপে শাপ দিয়া কুকৰ্ম করিলে ॥
 অন্য হেন রাজা নহে রাজা পরীক্ষিত।
 পিতামহ-সম রাজা, স্বধৰ্ম পণ্ডিত ॥
 ব্রতধারী বলি যোরে রাজা নাহি জানে।
 ক্ষুধার্ত আইল রাজ্য আমার সদনে ॥
 না করিলু গৃহধৰ্ম দিলা তবে সাপ।
 ক্ষমা করি পুত্র তারে ঘৃণাও সস্তাপ ॥

এত শুনি বলে শূদ্রী বাপের গোচরে।
 যে-কথা বলিলু পিতা নারি খণ্ডিবারে ॥
 সহজে বচন মম খণ্ডন না যায়।
 যে-শাপ দিলাম ইহা খণ্ডিবার নয় ॥

এত শুনি মুনিবর হইলা চিন্তিত।
 বুঝে মুনি শাপ কহু না হবে খণ্ডিত ॥
 গৌরমুখ নামে শিশু আনিল ডাকিয়া।
 পাঠাইল নৃপস্থানে সকল কহিয়া ॥
 আজ্ঞা পেয়ে মেল শীত্র হস্তিনানগর।
 প্রবেশ করিল গিয়া বধা নৃপবর ॥

ব্রাহ্মণে দেখিয়া রাজা পাত্ত-অৰ্থ্য দিল।
 কোথা হইতে আগমন বলি জিজ্ঞাসিল ॥
 ব্রাহ্মণ বলিল রাজা শুন সাধবানে।
 যুগয়া কারণ তুমি পিয়াছিলি মনে ॥
 যে-দ্বিজের গলে জড়াইলে মৃত সাপ।
 অজ্ঞান তাহার পুত্র-ক্রোধে দিল শাপ ॥
 পুত্র শাপ দিল, তাহা পিতা নাহি জানে।
 সে-কারণ আমি পাঠাইল তব স্থানে ॥
 বহু-বহু শ্রীতিবাক্য পুত্রেরে কহিল।
 শাপ প্রত্যাহারে পুত্র রাজি নাহি হ'ল ॥
 সাত দিনে হবে তব তক্ষক-দংশন।
 জানিয়া উপায় শীত্র করহ রাজন্ ॥

বজ্রাঘাত হৈল শুনি ব্রাহ্মণ-বচন।
 আপনারে নিন্দা করি বলয়ে রাজন্ ॥
 করিলাম কোন কৰ্ম দুই কদাচার।
 ব্রাহ্মণে হিংসিছু আমি না করি বিচার ॥
 আপন মরণ রাজা নাহি চিন্তে মনে।
 ব্রাহ্মণের তাপ-হেতু নিন্দয়ে আপনে ॥
 ধ্যানেতে ছিলেন মুনি আগে নাহি জানি।
 যে-দণ্ড হইল মম সত্য করি মানি ॥
 মুনিরাজে জানাইও আমার বিনয়।
 দৈবে যাহা করে তাহা খণ্ডন না হয় ॥
 এত বলি ব্রাহ্মণেরে করিয়া মেলানি।
 মন্ত্রণা করয়ে যত মন্ত্রিগণ আনি ॥
 তক্ষকে দংশিবে সপ্ত দিবস ভিতরে।
 কি করি উপায় শীত্র জানাহ আমারে ॥

মন্ত্রিগণ বলে রাজা কর অবধান।
 মঞ্চ এক উচ্চতর করহ নিৰ্মাণ ॥
 উচ্চ এক স্তম্ভে মঞ্চ করিল রচন।
 চতুর্দিকে জাগিয়া রহিল মন্ত্রিগণ ॥

সর্পের গুণীন যত আছে সংসারে ।
 চতুর্দিকে রাখিলেক যোজন বিস্তারে ॥
 বেদবিজ্ঞ বিপ্র যত সিদ্ধ-বাক্য যার ।
 শত শত চতুর্দিকে রহিল রাজার ॥
 তাহে বসি দান-ধ্যান করে নৃপবর ।
 হরিগুণ শুনে রাজা ধর্ম্মেতে তৎপর ॥
 মহাভারতের কথা অমৃত সমান ।
 কাশীরাম দাস কহে শুনে পুণ্যবান ॥

২১। পরীক্ষিতের নিকট তক্ষকের আগমন ।

দৌতি বলে অবধান কর মুনিগণ ।
 এমত উপায় বহু কৈল মন্ত্ৰিগণ ॥
 কাশ্যপ নামেতে মুনি সর্পমন্ত্ৰে গুণী ।
 রাজারে দংশিবে সর্প লোকমুখে শুনি ॥
 ধন ধর্ম্ম যশ পাব ভাবি দ্বিজবর ।
 হুঁরা করি গেল দ্বিজ হস্তিনানগর ॥
 তক্ষক আইসে বৃদ্ধ ব্রাহ্মণের রূপে ।
 বটবৃক্ষতলে দেখা পাইল কাশ্যপে ॥
 তক্ষক বলিল দ্বিজ এলে কোথা হৈতে ।
 কোথাকারে যাও বড় গমন হুঁরিতে ॥
 কাশ্যপ বলেন পরীক্ষিৎ নরবর ।
 আজি তারে দংশিবে তক্ষক বিষধর ॥
 সেকারণে যাই আমি রাজার সদনে ।
 মন্ত্ৰবলে রক্ষা আমি করিব রাজনে ॥
 তক্ষক বলিল, তুমি অবোধ ব্রাহ্মণ ।
 কার শক্তি আছে রাখে তক্ষক-দংশন ॥
 ফিরি নিজ গৃহে যাও শুন দ্বিজবর ।
 অকারণ লব্ধা পাবে সভার ভিতর ॥
 কাশ্যপ বলিল শুন গুরুমন্ত্ৰবলে ।
 রাখিতে পারি যে আমি তক্ষক দংশিলে ॥

শুনিয়া তক্ষক ক্রুদ্ধ হৈল অতিশয় ।
 আমিই তক্ষক বলি দিল পরিচয় ॥
 নিবারিতে পার যদি আমার দংশন ।
 এই বৃক্ষ দংশি, দেখি করহ রক্ষণ ॥
 কাশ্যপ বলিল তুমি দংশ তরুবর ।
 মন্ত্ৰবলে রাখি দেখ তোমার গোচর ॥
 এতেক কাশ্যপ-বাক্য তক্ষক শুনিয়া ।
 দংশিলেক তরুবর যায় ভস্ম হৈয়া ॥
 লাফ দিয়া ভস্মমুষ্টি কাশ্যপ ধরিল ।
 দেখ মোর মন্ত্ৰবল তক্ষকে বলিল ॥
 মন্ত্ৰ পড়ি ভস্মমুষ্টি গর্তেতে ফেলিল ।
 দৃষ্টিমাত্র সেইক্ষণে অঙ্কুর হইল ॥
 ছুই পত্র হ'য়ে হৈল দীর্ঘ তরুবর ।
 শাখা-পত্র পূর্বের যথা আছিল হৃন্দর ॥
 দেখিয়া তক্ষক হৈল বিষম-বদন ।
 কাশ্যপে চাহিয়া বলে বিনয়-বচন ॥
 পরম পণ্ডিত তুমি গুণে মহাগুণী ।
 তোমার চরিত্র লোকে অদ্বিত কাহিনী ॥
 রাখিতে আছে শক্তি দেখি নু তোমার ।
 কেবল আমার বিমে কৈলা প্রতীকার ॥
 আমারে রাখিতে পার আছে শক্তি ।
 রাখিতে নারিবা পরীক্ষিৎ নরপতি ॥
 পূর্বের্তে দংশিল তারে ব্রাহ্মণের বিষ ।
 যেই বিষে ভয় করে দেব জগদীশ ॥
 ভৃগুমুনি-পদাঘাতে করি কৃতাজ্জলি ।
 বহু স্তব করে বিষু, পাছে দেয় গালি ॥
 ব্রাহ্মণের গালিতে কলঙ্কী শশধর ।
 ব্রাহ্মণের গালিতে ভগাঙ্গ পুরন্দর ॥
 আর যত জন আছে দেখ পৃথিবীতে ।
 হেন জন কে না ডরে বিপ্রের গালিতে ॥

ব্রহ্মশাপে বিরোধ করিতে যদি মন ।
তবে তথাকারে ভূমি করহ গমন ॥
যশ লভিবারে যদি যাবে দ্বিজবর ।
না পারিলে লজ্জা পাবে সত্যার ভিতর ॥
ধন ইচ্ছা করি যদি যাহ তথাকারে ।
আমি দিব যাহা নাহি রাজার ভাণ্ডারে ॥

এতেক বচন যদি তক্ষক বলিল ।
শুনিয়া কাশ্যপ-দ্বিজ মনেতে ভাবিল ॥
ভাল বলে ফণিবর লয় মোর মন ।
ব্রহ্মশাপে বিরোধ নাহিক প্রয়োজন ॥
নিশ্চয় জানিষু আয়ু নাহিক রাজার ।
চিন্তিয়া তক্ষক-বাক্য করিল স্বীকার ॥
কাশ্যপ বলিল আমি দরিদ্র ব্রাহ্মণ ।
তবে আর কেন যাব পাই যদি ধন ॥
যাইতাম ধন ধর্ম্য যশের কারণে ।
ব্রহ্মশাপ-বিরোধে হইল ভয় মনে ॥
ভূমি যদি দেহ ধন যাইব ফিরিয়া ।
এত শুনি ফণী মণি-দিলেক লইয়া ॥
যাহার পরশে হয় লৌহাদি কাঞ্চন ।
হুট হৈয়া বাহুড়িল দরিদ্র ব্রাহ্মণ ॥
বাহুড়ি কাশ্যপ গেল চিন্তে ফণিবর ।
নৃপতির কথা লোকে বলে পরম্পর ॥
কেহ বলে নৃপতিরে ব্রহ্মশাপ দিল ।
সপ্তম দিবস আজি আসি পূর্ণ হৈল ॥
কেহ বলে রাজা বড় করিল উপায় ।
এক স্তম্ভে মঞ্চ করি বসিয়াছে তায় ॥
কাহার নাহিক শক্তি যাইতে তথায় ।
কেমনে তক্ষক গিয়া দংশিবে রাজায় ॥

নানাবিধ মধৌষধি আছে চারিভিতে ।
গুণিগণ শূন্যপথ রুখিল মস্ত্রোতে ॥
পরম্পর এক কথা বলে সর্বজন ।
শুনিয়া চিন্তিল চিন্তে কক্ষর নন্দন ॥
সহচরগণ প্রতি বলিল বচন ।
ব্রাহ্মণের মূর্তি তবে ধর সর্বজন ॥
কেবল যাইতে নাহি ব্রাহ্মণের মান ।
ব্রাহ্মণের মূর্তি তবে ধর সর্বজন ॥
ফল-ফুলে আশীর্বাদ করিয়া রাজারে ।
এই ফল-গুটি লৈয়া দিবা তাঁর করে ॥
শীঘ্রগতি না যাইবা যাবে ধীরে-ধীরে ।
চিন্তিতে না পারে যেন রাজ-অমুচরে ॥

এত বলি ফল-মধ্যে করিল আশ্রয় ।
শুনিয়া সকল নাগ বিপ্রমূর্তি হয় ॥
সেই ফল নানাপুষ্প হাতে করি নিল ।
যথা মঞ্চে নরপতি তথায় চলিল ॥
ব্রাহ্মণের রোধ নাই রাজার দুয়ারে ।
ফলফুলে আশীষ করিল নরবরে ॥
আনন্দে নৃপতি তার ফলফুল নিল ।
খুঁত ফল দেখি রাজা নখে বিদারিল ॥
ক্ষুদ্র এক পোকা তাহে লোহিত বরণ ।
কৃষ্ণবর্ণ মুখ তার দেখিল রাজানু ॥
হেনকালে নৃপতি বলিল মস্ত্রিগণে ।
ব্রহ্মশাপে মুক্ত আজি হই সাত দিনে ॥
মুহূর্তেক অন্ত হৈতে আছে দিনমণি ।
ব্রহ্মশাপ ব্যর্থ হইল অমৃত কাহিনী ॥
এই হেতু আশঙ্কিত হইতেছে মন ।
অব্যর্থ ব্রাহ্মণ-শাপ হইল খণ্ডন ॥

এই পোকা তক্ষক হউক এইক্ষণ ।
 দংশক আমারে, রবে ব্রাহ্মণ-বচন ॥
 এতেক বলিয়া পোকা মৃত্যুকে রাখিল ।
 শুনিয়া যতেক মন্ত্রী না হোক বলিল ॥
 হেনমতে রাজা মন্ত্রী করয়ে বিচার ।
 ততক্ষণে তক্ষক ধরিগ্ন নিজাকার ॥
 প্রলয়ের মেঘ ঘেন করয়ে গর্জ্জন ।
 শব্দ শুনি ভয়েতে পলায় মন্ত্রিগণ ॥
 ভয়কর মূর্তি দেখি সব লাগে ডর ।
 জড়াইল লাস্তুলে রাজার কলেবর ॥
 সহস্রেক ফণা ধরে ছত্রের আকার ।
 শব্দ করি ব্রহ্মতালু দংশিল রাজার ॥
 নৃপতিরে দংশিয়া চলিল অন্তরীক্ষে ।
 রক্তপান্য-আভা-তমু দেখে সর্বলোকে ॥
 রাজা-সহ মঞ্চ জ্বলে বিয়ের আগুনে ।
 কান্দে মন্ত্রিগণ সব রাজার বিহনে ॥
 অন্তঃপুরে শুনিয়া কান্দয়ে সর্বজন ।
 প্রেতকর্ম রাজার করিল ততক্ষণ ॥
 অমিহোত্রী^১ ঘূতে তমু করিল দাহন ।
 শ্রাদ্ধ শাস্তি কৈল তার বিহিত ব্রাহ্মণ ॥
 মন্ত্রিগণ-সহ যুক্তি করি সব প্রজা ।
 তাঁর পুত্র জন্মেজয়,—তাঁরে কৈল রাজা ॥
 বয়সে বালক শিশু বড় বুদ্ধিমন্ত ।
 পরাক্রমে জন্মেজয় দুইফের দুরন্ত ॥
 রাজার দেখিয়া যত গুণ, মন্ত্রিগণ ।
 কাশীরাজ-কন্যা সহ করিল বরণ ॥

বপুষ্টমা নামে কাশীরাজের নন্দিনী ।
 নানারত্নে ভূষিয়া দিলেন নৃপমণি ॥
 বিভা করি জন্মেজয় আসে গৃহে লইয়া ।
 চিরদিন ক্রীড়া করে আনন্দিত হৈয়া ॥
 এক পত্নী বিনা তার অশ্বে নাহি মন ।
 উর্বশী সহিত যেন বুধের নন্দন^২ ॥
 নাগের চরিত্র, আর কাশ্যপের কর্ম ।
 পরীক্ষিৎ-স্বর্গবাস, জন্মেজয় জন্ম ॥
 এ-সব রহস্য-কথা শুনে ঘেই জন ।
 বংশবৃদ্ধি ধনবৃদ্ধি হরিপদে মন ॥
 সর্বাঙ্কিত ফল পায় কহিলেন ব্যাস ।
 সর্বপাপে মুক্ত হয় পুণ্যের প্রকাশ ॥
 আদিপর্বের ভারত অমৃতবৎ কথা ।
 কাশীরাম দাস কহে পাঁচালির গাঁথা ॥

২২। অরৎকারক পত্নীত্যাগ ।

শোনকাদি মুনি বলে শুন সূতসূত ।
 কহিলা সকল কথা শ্রবণে অমৃত ॥
 জরৎকার মুনিরে বাহুকি ভগ্নী দিল ।
 কহ শুনি আন্তিকের কিসে জন্ম হৈল ॥
 সৌতি বলে জরৎকার বিবাহ করিয়া ।
 পুনর্ব্বার বনে-বনে বেড়ায় ভ্রমিয়া ॥
 একদা ভগ্নীরে ডাকি বাহুকি কহিল ।
 কহ ভগ্নি, মুনি-সহ কি কথা হইল ॥
 রক্ষণাবেক্ষণ মুনি করে কি তোমার ।
 সত্য করি কহ তুমি অগ্রেতে আমার ॥

১। নিত্যহোমকর্তা, সাধিক । সাধিকগণ প্রত্যহ প্রাতঃকালে ও সন্ধ্যাকালে হোম করেন । কাহারও এই হোমযজ্ঞ একমাসে, কাহারও যাবজ্জীবন অল্পটানে উদ্‌যাপন হয় । কাহারও যাবজ্জীবন হোম করেন, কাহারও হোমায়ি সময়ে রক্ষা করেন । অজ্ঞে এই অগ্নিহোম কাহারও দাহকার্য্য হয় । ২। পুত্রবধা—চক্রবর্ত্তীয় নৃপতি—উর্ব্বশীকে পত্নীরূপে প্রাপ্ত হন । উর্ব্বশী নিজাববরণের অভিলাষে মনুষ্য-ভোগ্য হইরাছিলেন ।

জরৎকারু বলে আমি মুনি নাহি দেখি ।
কোথা যায় কোথা থাকে বঞ্চি যে একাকী ॥

এত শুনি বাহুকির বিষম বদন ।

আর দিনে মুনির পাইল দরশন ॥
বাহুকি বলেন মুনি কর অবধান ।
তোমাকে আপন ভগ্নী করিলাম দান ॥
রাখিয়াছিলাম যত্নে তোমার কারণ ।
বিবাহ করিয়া তারে করিবে পালন ॥
মুনি বলে মোর চিতে বিবাহ না ছিল ।
পিতৃগণ-হুঃখে বিভা করিতে হইল ॥
গৃহে বাস করিতে না লয় মোর মন ।
শরীরে না সহে মোর কাহার বচন ॥
তোমার ভগিনী সত্য করুক গোচরে ।
কখন না কোন বাক্য বলিবে আমারে ॥
যদি বলে, ত্যজিব, আমার সত্যবাণী ।
বাহুকি বলিল, সত্য যাহা বল মুনি ॥
অপ্রিয় যে কাজ যদি মম ভগ্নী করে ।
নিশ্চয় তখনি ত্যাগ করিবে তাহারে ॥
তবে ত বাহুকি গৃহ নির্মাণ করিয়া ।
বহু মণিরত্নে তাহা দিলেন ভরিয়া ॥
বহু সেবা করে কন্তা জানি মুনি-মন ।
করঘোড়ে সম্মুখেতে থাকে অনুক্ষণ ॥
যখন যে আজ্ঞা করে জরৎকারু মুনি ।
আজ্ঞামাত্র সেই কৰ্ম্ম করয়ে নাগিনী ॥
হেনমতে বহু সেবা করে প্রতিদিনে ।
দৈবে এক দিন দেখে দিবা-অবসানে ॥
নিদ্রাভুক্ত পত্নী-উরু 'পরে শির দিয়া ।
শয়ন করিছে মুনি অচেতন হৈয়া ॥

নিদ্রা যায় মুনি, হৈল সন্ধ্যার সময় ।
দেখিয়া নাগিনী মনে ভাবিলেক ভয় ॥
অন্ত গেল দিনকর সন্ধ্যা যায় বৈয়া ।
না বলিলে ক্রোধ মোরে করিবে জাগিয়া ॥
নিদ্রাভঙ্গ হৈলে পাছে ক্রোধ করে মুনি ।
হইল পরম চিন্তা এত সব গণি ॥
যাহা করে করিবেক পরে মুনিরাজ ।
সন্ধ্যা-ধর্ম্ম না রাখিলে হইবে অকাজ ॥
অবহেলে যেই বিজ সন্ধ্যা নাহি করে ।
পঞ্চ মহাপাপ জন্মে তাহার শরীরে ॥
এত ভাবি জরৎকারী বলিল ডাকিয়া ।
উঠ সন্ধ্যা কর প্রভু, সন্ধ্যা যায় বৈয়া ॥
নিদ্রা ভঙ্গ হৈল, মুনি উঠে মহাকোপে ।
লোহিত-বরণ-মুখ, অধরোষ্ঠ কাঁপে ॥
অমান্য করিলি মোরে করি অহঙ্কার ।
এই দোষে তোর মুখ না দেখিব আর ॥
জরৎকারী বলে প্রভু মোর নাহি দোষ ।
অকারণে মোর প্রতি কেন কর রোষ ॥
সন্ধ্যা বহি যায় প্রভু সূর্য্য খেল অন্ত ।
সন্ধ্যাহীনে যত পাপ জ্ঞানহ সমস্ত ॥
সে-কারণে নিদ্রাভঙ্গ করিছু তোমার ।
তবে ত্যাগ কর, দোষ বুঝিয়া আমার ॥
মুনি বলে না বুঝিয়া না কহিবি কথা ।
আমি সন্ধ্যা না করিলে সন্ধ্যা যাবে কোথা ॥
অরে অরে সন্ধ্যা তোর কেমন বিচার ।
মোরে না বলিয়া যাহ এত অহঙ্কার ॥
সন্ধ্যা বলে মুনিরাজ না করিহ ক্রোধ ।
এই ত রয়েছে রাখি তব উপরোধ ॥

মুনি বলে নাগিনী শুনিলি নিজ কানে ।
অবজ্ঞা করিলি মোরে কি সামান্য জ্ঞানে ॥
নিশ্চয় ত্যজিয়া তোরে যাই আমি বন ।
পুনরপি না দেখিব তোর এ-বদন ॥

মুনির নির্ধাত বাক্য শুনিয়া হৃন্দরী ।
কাঁদিতে-কাঁদিতে কহে চরণেতে ধরি ॥
না জানিয়া করিলাম প্রভু অপরাধ ।
এবার ক্ষমহ মোরে করহ প্রসাদ ॥
ভাই সব শুনি মোর হইবে নিরাশ ।
তোমাতে দিলেক ভাই করি বড় আশ ॥
মাতৃশাপে ভ্রাতৃ-মনে বড় ছিল ভয় ।
তোমাতে আমাকে দিয়া খণ্ডিল সংশয় ॥
তোমার ঔরসে যেই হইবে নন্দন ।
তাহা হৈতে রক্ষা পাবে মোর ভ্রাতৃগণ ॥
বংশ না হইতে তুমি যাহ যে ছাড়িয়া ।
ভ্রাতৃগণে প্রবোধিব কি বোল বলিয়া ॥
নিশ্চয় ছাড়িয়া যদি যাবে তুমি মোরে ।
শরীর ত্যজিব আমি তোমার গোচরে ॥

এত শুনি সদয় হইল মুনিবর ।
আশ্বাসিয়া কন্যার উদরে দিল কর ॥
অস্তি অস্তি বলিয়া বুলায় গর্ভে হাত ।
এই গর্ভে আছে পুত্র নাগকুলনাথ ॥
এই গর্ভে আছে যেই পুরুষ-রতন ।
তোমার আমার কুল করিবে রক্ষণ ॥
চিন্তা ছাড়ি যাহ প্রিয়ে নিজ ভ্রাতৃগণে ।
ভ্রাতৃগণে প্রবোধিবা যেন হুঃখী নহে ॥
বলিলাম বাক্য মোর কভু মিথ্যা নয় ।
ত্যজিলাম তোমাতে যে জানিহ নিশ্চয় ॥

এত বলি আশ্বাসিয়া নিজ বনিভায় ।
গৃহত্যাগি পুনঃ মুনি যান তপস্রায় ॥
অব্যর্থ ব্রাহ্মণবাক্য অন্তরেতে গগি ।
মুনিবরে কিছু আর না কহে নাগিনী ॥
মস্তকে বন্দিয়া ব্রাহ্মণের পদরজ ।
কহে কাশীরাম দাস গদাধরাগ্রজ ॥

২৩। আশ্বিকের অগ্নি ।

ত্যজিয়া পত্নীর পাশ, মুনি গেল। বনবাস,
পত্নীকে রাখিয়া একাকিনী ।
অশ্রুজলপূর্ণ মুখে, করাঘাত হানে বৃকে,
ভ্রাতৃস্থানে চলিল নাগিনী ॥
ক্রন্দন করয়ে স্বশা, মুখে না আইসে ভাষা,
দেখিয়ে বাহুকি চমকিত ।
নাগরাজ আশ্বাসিয়া, স্বশারে জিজ্ঞাসে গিয়া,
কান্দ কেন হইয়া হুঃখিত ॥
ভ্রাতার বচন শুনি, কহে গদগদ-বাণী
আপনার যত বিবরণ ।
অবধান কর ভাই, কিছু মোর দোষ নাই,
মুনিরাজ ছাড়ি গেল বন ॥
বজ্রের সদৃশ বাণী, ভগিনীর বাক্য শুনি,
নাগরাজ বিষণ্ণ-বদন ।
একেত মায়ে শাপে, সর্বদা শরীর কাঁপে,
তাহে পুনঃ হৈল চুঃখিত ॥
কহ ভগ্নী কহ মোরে, জিজ্ঞাসিতে লজ্জা করে,
আপনি জানহ সব কথা ।
মাতৃশাপে ভ্রাতৃগণে, বড় ভয় ছিল মনে,
উপায় করিয়া দিল ধাতা ॥

মুনি-বীৰ্য্যে গৰ্ভে তব, হবে পুত্র-সমুদ্ভব, উল্লসিত নাগরাজা, ভগিনীর করে পূজা,
 নাগকুল করিবে সে ত্রাণ । নানা রত্নে করি বিক্ৰীত ।
 তাহার কারণে তোরে, চিরদিন রাখি ঘরে, দিব্য বস্ত্র অলঙ্কার, বহু ভক্ষ্য উপহার,
 জরৎকারে করিলাম দান ॥ তার তরে করে নিয়োজিত ॥
 না হইতে বংশধর, ত্যজিলেন মুনিবর, তবে ভুজঙ্গম-পতি, পুছে জরৎকারী প্রতি,
 মাতৃশাপে সদা চিন্তে মন । কহ তুমি ইহার কারণ ।
 সম্ভান উদরে তোর ধরেছ কি ? অগ্রে যোর কহ সত্য জরৎকারী, কি দোষ তোমার হেরি,
 কহ শুনি সত্য বিবরণ ॥ মুনিরাজ ছাড়ি গেল বন ॥
 জিজ্ঞাসিতে লজ্জা হয়, তবু না পুছিলে নয়, আমি তাঁরে ভাল জানি, বড় উগ্র সেই মুনি,
 বড় দায় আমা সবাংকার । বিনা দোষে ত্যজিবারে পারে ।
 সত্য করি কহ মোরে, কহিলে কি মুনিবরে, দেখাইয়া কিবা দোষ, করিলেক এত রোষ,
 যে কারণে বিবাহ তোমার ॥ একা গৃহে ছাড়ি গেল তোরে ॥

ভ্রাতার বচন শুনি, মলজ্জিতা হৃদদনী, জরৎকারী বলে ভাই, শুন তবে বলি ভাই,
 কহিতে লাগিল অধোমুখে । আজিকার দিন অবসানে ।
 যতেক কহিলে তুমি, সব তত্ত্ব জানি আমি, শির দিয়া মোর উরে, নিদ্রা গেল মুনিবরে,
 বিচারিয়া কহিলু মুনিকে ॥ অন্ত গেল তপন গগনে ॥
 মুনি যবে যায় ছাড়ি, চরণ-যুগলে পড়ি, সন্ধ্যাভঙ্গ হয় মুনি, মনে আমি ভয় গণি,
 বংশ-হেতু কৈলু নিবেদন । জাগরণে পাছে ক্রোধ করে ।
 সদয় হইয়া মুনি, অস্তি অস্তি বলে বাণী, সন্ধ্যাহীন যেই দ্বিজ, সর্প হেন দীনতেজ,
 এই গৰ্ভে হইবে নন্দন ॥ এ-কারণে জাগালাম তাঁরে ॥
 তোমার যতেক ভ্রাতৃ, আমার যতেক পিতৃ, জাগি রক্তমুখ কোপে, দেখিয়া হৃদয় কাঁপে
 দুই কুল হইবে উদ্ধার । বলে গোরে অবজ্ঞা করিলি ।
 এতেক বলিয়া মোরে, মুনি গেল দেশান্তরে, আমি সন্ধ্যা না করিতে সন্ধ্যা যাবে কোন্ মতে,
 নিবারিয়া ক্রন্দন আমার ॥ সন্ধ্যারে ডাকিল ইহা বলি ॥
 ত্যজ ভাই মনস্তাপ, দূর হবে মাতৃশাপ, সন্ধ্যা মনে ভয় পাই, বলে আমি যাই নাই,
 কভু নাহি মিথ্যা কহে মুনি । আছি যে তোমার উপরোধে ।
 জরৎকারী ইহা কয়, যেন সুধারূটি হয়, সন্ধ্যার বচন শুনি, ত্যাগ করি গেল মুনি
 আনন্দেতে নাচে সব ফণী ॥ এইমাত্র মম অপরাধে ॥

মুনির চরিত্রে শুনি, বিশ্বয় মানিল ফণী,
 ভগিনীরে তোষে যুহুভাসে ।
 ভাল হৈল গেল দ্বিজ, দুঃখ না ভাবিহ, নিজ
 থাক গৃহে পরম সন্তোষে ॥
 সহশ্রেক সহোদর, আর যত অনুচর,
 সহশ্রেক বধূর সহিত ।
 সেবিবে তোমায় পায়, সর্বদা ঈশ্বরী-প্রায়
 মোর গৃহে থাক অচিস্তিত ॥
 এত বলি ফণীবর, ডাকি সব সহোদর
 নিয়োজিল তাহার সেবনে ।
 হেনমতে জরংকারী, সর্বদুঃখ পরিহরি,
 রহিলেন ভ্রাতার ভবনে ॥
 গর্ভ বাড়ে অহনিশি, শুরূপক্ষে যেন শশী,
 প্রসবিল সময়-সংযোগে ।
 পরম সুন্দরকায় শিশু পূর্ণশশী প্রায়,
 দেখি আনন্দিত সব নাগে ॥
 রূপে গুণে অনুপম, আস্তিক থুইল নাম,
 গর্ভকালে কহি গেল পিতা ।
 শৈশব হইতে স্তত, সকল গুণেতে যুত,
 বেদ-বিদ্যা-ব্রতে পারগতা ॥
 আস্তিকের জন্মকথা, অপূর্ব ভারত-গাঁথা,
 শুনিলে অধর্ম নাশ হয় ।
 কমলাকান্তের স্তত, হেতু সজনের প্রীত,
 বিরচিল কাশীরাম দাস ॥

২৪। উপমহ্য ও আকর্ষিত উপাখ্যান ।

সৌতি বলে অপূর্ব শুনহ মুনিগণ ।

কহিব বিচিত্র কথা পুরাণ-বচন ॥

ছিলেন আয়োদ-ধোম্য ঋষি একজন ।

ভাঁর স্থানে তিন শিষ্য করে অধ্যয়ন ॥

উপমহ্য শিষ্যে ঋষি গাভী কৈল দান ।

গুরু আজ্ঞা পেয়ে শিষ্য তাহারে চরান ॥

কত দিনে বলে গুরু কহ শিষ্যবর ।

বড় পুষ্ট দেখি যে তোমার কলেবর ॥

কিবা খাও কোথা পাও কহ সত্য বাণী ।

শুনিয়া বলেন শিষ্য করি যোড়পাণি ॥

গাভীগণ দোহনান্তে পিয়ে বৎসগণ ।

পশ্চাতে খাই যে আমি করিয়া দোহন ॥

গুরু বলে এতদিনে সব জানা গেল ।

এই হেতু বৎসগণ দুর্বল হইল ॥

আর তুমি না করিহ কভু হেন কাজ ।

গাভী দুহি খাও তুমি নাহি ভয় লাজ ॥

গুরু আজ্ঞা শুনি শিষ্য গেল গাভী লৈয়া ।

কতদিনে পুনঃ বিপ্র কহিল ডাকিয়া ॥

উচিত কহিতে শিষ্য না হইও রুষ্ট ।

পুনশ্চ তোমারে বড় দেখি হৃষ্টপুষ্ট ॥

গাভী-দুগ্ধ পুনঃ বুঝি তুমি কর পান ।

শিষ্য বলে গোসাঞি করহ অবধান ॥

যেই দিন হৈতে তুমি করিলা বারণ ।

ভিক্ষা মাগি নিত্য করি উদর পূরণ ॥

গুরু বলে ভিক্ষা করি পূরহ উদরে ।

এবে ভিক্ষা করি সব আনি দিও মোরে ॥

এত শুনি গাভী লৈয়া গেল দ্বিজবর ।

পুনঃ জিজ্ঞাসিল কত দিবস অন্তর ॥

কহ শিষ্য বড় পুষ্ট দেখি তব কায় ।

কি খাইয়া হইয়াছ কহিবা আমায় ॥

শিষ্য বলে গাভী রাখি অরণ্য-ভিতর ।

রক্ষক রাখিয়া আমি যাই যে নগর ॥

দিবসের যত ভিক্ষা দিই তব ঘরে ।

সন্ধ্যাতে মাগিয়া ভিক্ষা ভরি যে উদরে ॥

হাসিয়া বলিল গুরু এ কোন্ বিচার।
 শ্রেষ্ঠ ভিক্ষা কর ভূমি রাত্রে আপনার ॥
 রাত্রিদিবা যত পাও আনি দিবা মোরে।
 এত শুনি গাভী লৈয়া গেল বন ঘোরে ॥
 ক্ষুধায় আকুল তনু ভ্রমে বনে বন।
 অর্কের^১ কোমল পত্র করয়ে ভক্ষণ ॥
 বড়ই দুর্বল হৈল শীর্ণ হৈল কায়।
 দেখিতে না পায় তবু গোধন চরায় ॥
 ভ্রমিতে-ভ্রমিতে দেখ দৈবের লিখন।
 নিরুদক-কূপ মধ্যে পড়িল ত্রাঙ্গণ ॥
 সমস্ত দিবস গেল হৈল সন্ধ্যাকাল।
 গৃহেতে না আইল যত গোধনের পাল ॥
 শিষ্যে না দেখিয়া গুরু ছঃখিত অন্তর।
 অশ্বেষণে গেল দ্বিজ অরণ্য-ভিতর ॥
 কোথা গেল উপমন্যু ডাকে দ্বিজবর।
 উপমন্যু বলে আমি কূপের ভিতর ॥
 গুরু বলে কূপ-মধ্যে পড়িলা কিমতে।
 উপমন্যু বলে চক্ষে না পাই দেখিতে ॥
 অর্কপত্র খাইয়া নয়ন অন্ধ হৈল।
 শুনিয়া আচার্য্য তবে উপদেশ কৈল ॥
 দেববৈद्य অশ্বিনীকুমার দুইজন।
 শীঘ্র কর দ্বিজবর তাঁদের স্মরণ ॥
 এত শুনি দ্বিজ বহু স্তবন করিল।
 তৎক্ষণে দুই চক্ষু নির্মল হইল ॥
 কূপ হৈতে উঠিয়া ধরিল গুরুপদ।
 সজু হইয়া গুরু কৈল আশীর্বাদ ॥

চারি বেদ যত শাস্ত্র জানহ সকলে।
 যাহ দ্বিজ নিজ গৃহে পরম কুশলে ॥
 আজ্ঞা পেয়ে গেল দ্বিজ আত্মাদিত মনে।
 সর্বশাস্ত্রে জ্ঞান হৈল গুরুর বচনে ॥
 আরুণি নামেতে শিষ্য ছিল আর জন।
 ডাকি তারে মুনি আজ্ঞা কৈল ততক্ষণ ॥
 ধাত্মক্ষেত্রে জল সব যাইছে বহিয়া।
 যত্ন করি আলি বাঁধ জল রাখ গিয়া ॥
 আজ্ঞামাত্র আরুণি যে করিল গমন।
 আলি বাঁধিবারে বহু করিল যতন ॥
 দম্ভেতে খুদিয়া মাটি বাঁধালেতে ফেলে।
 রাখিতে না পারে মাটি অতি বেগ জলে ॥
 পুনঃপুনঃ শিষ্যবর করিল যতন।
 না পারিল ক্ষেত্রজল করিতে বন্ধন ॥
 জল বহি যায় গুরু পাছে ক্রোধ করে।
 আপনি শুইল দ্বিজ বাঁধাল উপরে ॥
 সমস্ত দিবস গেল হইল রজনী।
 না আইল শিষ্য দ্বিজ চলিল আপনি ॥
 ক্ষেত্র-মধ্যে গিয়া ডাক দিল দ্বিজবর।
 শিষ্য বলে শুয়ে আছি বান্ধের উপর ॥
 বহু যত্ন করিলাম না রহে বন্ধন।
 আপনি শুলাম বান্ধে তাহার কারণ ॥
 শুনিয়া বলিল গুরু এস হে উঠিয়া।
 শীঘ্র আসি গুরুপায় প্রণামিল গিয়া ॥
 কেদারাংশ ভাঙ্গি তব হইল উদয়^২।
 আজি হ'তে তব নাম উদালক রয় ॥

১। অর্কশ গাছের। ২। মহাভারতে আছে, আরুণি এই কেদারবণ অর্থাৎ ক্ষেত্রের আলি ভঙ্গ করিয়া উঠিয়া-
 -ছিলেন বলিয়া গুরু তাঁহার নাম দিয়াছিলেন 'উদালক'। উদ্—দারি ষাড্ + অক, (র = ল)। উদাররতি উদানেন কেদারাংশ
 ভঙ্গ্যতি উদালকঃ।

আশীষ করিয়া গুরু করিল কল্যাণ ।
চারি বেদ ষট্ শাস্ত্র হোক তব জ্ঞান ॥
এত বলি বিদায় করিল দ্বিজবর ।
প্রণাম করিয়া শিষ্য গেল নিজ ঘর ॥

২৫। উতক্বেব উপাখ্যান ।

উতক্বে বেদেরা^১ শিষ্য পড়ে গুরু স্থানে ।
কতদিনে যায় গুরু যজ্ঞ-নিমন্ত্রণে ॥
উতক্বে বলিল গুরু থাক তুমি ঘর ।
কিছু নষ্ট নাহি হয় থাকিবা গোচর ॥
এত বলি গেল দ্বিজ যথঃ যজ্ঞস্থান ।
কত দিনে গুরুপত্নী কৈল ঋতুস্থান ॥
উতক্বে ডাকিয়া তবে ব্রাহ্মণী বলিল ।
তোমাকে সমর্পি গৃহ তব গুরু গেল ॥
কোন দ্রব্য নষ্ট যেন নহে কদাচন ।
ঋতু নষ্ট হয় তুমি করহ রক্ষণ ॥
শুনিয়া বিস্ময়চিন্ত হইল উতক্বে ।
উদ্বিগ্ন বসিয়া ভাবে হৃদয়ে আতক্বে ॥
কি করিব কি হইবে ইহার উপায় ।
গৃহরক্ষা-হেতু গুরু রাখিল আমায় ॥
ঋতুরক্ষা-কর্ম্ম এই না হয় আমার ।
পরদার মহাপাপ তাহে গুরুদার ॥
এত চিন্তি ব্রাহ্মণীরে না দিল উত্তর ।
ব্রাহ্মণ আইল কত দিবস অন্তর ॥
উতক্বের প্রতি রোষ ব্রাহ্মণীর জাগে ।
একান্তে ব্রাহ্মণী কহে ব্রাহ্মণের আগে ॥
দিবে গুরু-দক্ষিণা উতক্বে যেইক্ষণে ।
পাঠাইবে তাহাকে আমার সন্নিধানে ॥

উতক্বে করেছে যত্নে গৃহের রক্ষণ ।
জানি মুনি উতক্বে বলিল ততক্ষণ ॥
যাহ দ্বিজ সর্বশাস্ত্র হও তুমি জ্ঞাত ।
শুনিয়া উতক্বে কহে করি যোড় হাত ॥
আজ্ঞা কর গৌসাই দক্ষিণা কিছু দিব ।
গুরু বলে তব পাশে কিছু না মাগিব ॥
দেহ তবে তব গুরুপত্নী যাহা মাগে ।
এত শুনি গেল শিষ্য গুরুপত্নী-আগে ॥
দক্ষিণা জানিতে চাহে করি যোড়পাণি ।
হৃদয়ে চিন্তিয়া তবে বলিল ব্রাহ্মণী ॥
পৌষ-ভূপ-মহিষীর শ্রবণকুণ্ডল ।
আনি দিলে পাই তব দক্ষিণা সকল ॥
সপ্তদিন ভিতরে আনিয়া দিবে মোরে ।
না আনিলে দিব শাপ কহিলাম তোরে ॥
এত শুনি উতক্বে গুরুরে নিবেদিল ।
যাহ হে নির্বিঘ্নে দ্বিজ, গুরু আজ্ঞা দিল ॥
গুরুকে প্রণাম করি উতক্বে চলিল ।
কতদূর পথে এক বৃষভ দেখিল ॥
পুরীষ ত্যজিয়া বৃষ আছে দাঁড়াইয়া ।
উতক্বে দেখিয়া বৃষ বলিল ডাকিয়া ॥
হের দেখ বল মোর উতক্বে ব্রাহ্মণ ।
হইবে তোমার প্রিয় করহ ভক্ষণ ॥
উতক্বে বলিল হেন নহে কদাচন ।
পথে হেন অসম্মানে কিবা প্রয়োজন ॥
বৃষ বলে অসম্মান নহে দ্বিজবর ।
তোমার গুরুর দিব্য খাণ্ড এ গোবর ॥
গুরু-দিব্য শুনি দ্বিজ ভাবিল বিস্তর ।
গোবর ভক্ষণ করি চলিল সত্বর ॥

তথা হৈতে চলি গেল পৌষ-নৃপ-ঘর ।
 মাগিল কুণ্ডলযুগ্ম নৃপতি-গোচর ॥
 নৃপ পাঠাইল দ্বিজের রাণীর সদনে ।
 কর্ণ হৈতে কুণ্ডল দিলেন ততক্ষণে ॥
 কর্ণ হৈতে কুণ্ডল কাটিয়া দিল রাণী ।
 পাইয়া কুণ্ডল চলি গেল দ্বিজমণি ॥
 যেইক্ষণে দ্বিজ হাতে কুণ্ডল পাইল ।
 সেইক্ষণে তক্ষক তাহার সঙ্গ নিল ॥
 পরশ করিতে দ্বিজ নাহিক শক্তি ।
 পাছে-পাছে যায় ধরি সম্যাসী-মুরতি ॥
 কত পথে উতরু দেখিয়া সরোবর ।
 স্নানেতে নামিল বস্ত্র খুইয়া উপর ॥
 বসন ভিতরে দ্বিজ কুণ্ডল খুইল ।
 ছিদ্র পেয়ে তক্ষক কুণ্ডল হরে নিল ॥
 উতরু দেখে থাকি জলের ভিতরে ।
 সম্যাসী কুণ্ডল লৈয়া পশিল বিবরে ॥
 ত্যজিয়া যে স্নান দ্বিজ ধায় মুক্তচুল ।
 বিবরের দ্বারে দেখে না পশে আঙ্গুল ॥
 উপায় না দেখি মুনি বিবাদিত মন ।
 নখেতে বিবর-দ্বার করয়ে খনন ॥
 এ সকল বৃত্তান্ত জানিল পুরন্দর ।
 ব্রাহ্মণের দুঃখে দুঃখী হইল অন্তর ॥
 সেই দণ্ডে নিজ বজ্র কৈল নিয়োজন ।
 বিবরের দ্বার মুক্ত হৈল ততক্ষণ ॥
 পাতালে উতরু গিয়া প্রবেশ করিল ।
 লিখিতে ফুরায় কথা যতেক দেখিল ॥
 চন্দ্র-সূর্য্য-গতায়াত গ্রহতারাগণ ।
 ঋণ বর্ষ ষড়্‌ঋতু সবার সদন ॥
 অনেক ভ্রমিল দ্বিজ পাতাল ভিতরে ।
 না দেখিয়া সম্যাসীকে চিন্তিত অন্তরে ॥

হেনকালে অশ্বরূপে বলে বৈদ্যনর ।
 হে উতরু ব্রাহ্মণ আমার বাক্য ধর ॥
 গুরু জ্ঞানে মোরে ভূমি করহ বিশ্বাস ।
 জ্যেষ্ঠঃ হবে মোর গৃহে করত বাতাস ॥
 গুরু-নাম শুনি দ্বিজ বিলম্ব না কৈল ।
 কিছু না পাইয়া মুখে গৃহে ফুঁক দিল ॥
 গৃহে ফুঁক দিতে ধূম বাহিরিল মুখে ।
 ধূময় সকল করিল নাগলোকে ॥
 প্রলয়ের প্রায় হৈল ঘোর অন্ধকার ।
 বিস্মিত হইয়া নাগ করিল বিচার ॥
 বাহুকি প্রভৃতি যত জ্যেষ্ঠ নাগগণ ।
 কি হেতু হইল ধূম জিজ্ঞাসে কারণ ॥
 চরমুখে বৃত্তান্ত পাইল ততক্ষণ ।
 তক্ষকে আনিয়া বহু করিল গর্জন ॥
 দেহ শীঘ্র কুণ্ডল ব্রাহ্মণ হোক স্মৃখী ।
 এত বলি দ্বিজ ভুক্ত করিল বাহুকি ॥
 কুণ্ডল পাইয়া দ্বিজ গেল অশ্বস্থানে ।
 পৃষ্ঠে করি অশ্ব ল'য়ে ধুইল ব্রাহ্মণে ॥
 সপ্ত দিন পূর্ণে আসি গুরুর গৃহেতে ।
 দেখে গুরুশ্রী ক্রোধে আছে জল হাতে ॥
 মুখেতে নিগত হৈতে ছিল শাপবাণী ।
 হেনকালে উতরু দিলেন যুগ্মমণি ॥
 কুণ্ডল পাইয়া হক্টা ব্রাহ্মণী হইল ।
 উতরু সকল কথা গুরুকে কহিল ॥
 গুরু বলে যেই বৃষ দিলেন গোবর ।
 বৃষ নহে অমৃত দিলেন পুরন্দর ॥
 সম্যাসীর বেশে যেই লইল কুণ্ডল ।
 তক্ষক বিবরদ্বারে গেল রণাতল ॥
 অশ্বরূপে যে তোমার কৈল উপকার ।
 অশ্ব নহে অগ্নি ইষ্ট সহজে আমার ॥

এত শুনি উত্কের মনে হৈল তাপ ।
 বিনাদোষে হুংখ মোরে দিল দুৰ্দ্ধ সাপ ॥
 তার সমুচিত ফল দিব আমি তারে ।
 এত শুনি বিদায় মাগিল দ্বিজবরে ॥
 গুরু প্রদক্ষিণ করি করিল গমন ।
 যথা রাজা জন্মেজয় চলিল ব্রাহ্মণ ॥
 ব্রাহ্মণ দেখিয়া রাজা করিল বন্দন ।
 জিজ্ঞাসিল দ্বিজবরে কেন আগমন ॥
 দ্বিজ বলে নৃপতি করহ কোন্ কৰ্ম্ম ।
 পিতৃবৈরী না নাশিলে নহে পুত্রধৰ্ম্ম ॥
 চণ্ডাল তক্ষক নাগ বড় চুরাচার ।
 দংশিল তোমার বাপে বিখ্যাত সংসার ॥
 তাহার উচিত রাজা করিতে যুয়ায় ।
 সৰ্পকুল বিনাশিতে করহ উপায় ॥

উত্ক বচন শুনি রাজা জন্মেজয় ।
 মস্ত্রিগণে জিজ্ঞাসিল মানিয়া বিষয় ॥
 কহ সত্য মস্ত্রিগণ ইহার কারণ ।
 তক্ষক-দংশনে হৈল পিতার মরণ ॥
 ব্রহ্মশাপে মরিলেক পিতা হেন জানি ।
 তক্ষক এমন কৈল কভু নাহি শুনি ॥
 রাজার এমত বাক্য শুনি মস্ত্রিগণ ।
 কহিতে লাগিল তবে কথা পুরাতন ॥
 মহাভারতের কথা অমৃত-সমান ।
 কাশীদাস কহে সাধু সদা করে পান ॥

২৬। অনমেজয়ের সৰ্পযজ্ঞের মরণ ।

মস্ত্রিগণ বলে রাজা কর অবধান ।
 প্রতাপে তোমার পিতা পাণ্ডব-সমান ॥
 যুগ্মা-কারণে রাজা ভ্রমে বনে বন ।
 একদিন হৈল তথা দৈব নির্বন্ধন ॥

বিজিয়া হরিণ রাজা পাছে-পাছে ধায় ।
 আচম্বিতে দ্বিজ এক দেখিল তথায় ॥
 ক্ষুধায় আকুল রাজা জিজ্ঞাসিল তাঁরে ।
 মোনে ছিল মুনি কিছু না কহে রাজারে ॥
 দৈবে এক মৃত সৰ্প নৃপতি দেখিল ।
 ক্রোধে ল'য়ে মুনি-গলে জড়াইয়া দিল ॥
 অনন্তর নরবর স্বরাজ্যে আসিল ।
 কিছু না বলিল মুনি মোনেতে রহিল ॥
 শৃঙ্গী-নামে ঋষিপুত্র শুনি ক্রোধে শাপে ।
 সপ্তম দিবসে নৃপে দংশিবেক সাপে ॥
 পুত্র শাপ দিল পিতা হুংখিত হইয়া ।
 রাজারে জানায় তবে দূত পাঠাইয়া ॥
 বার্তা পেয়ে করিলেন ভূপতি উপায় ।
 সপ্তম দিবস কথা কহি শুন রায় ॥
 কাশ্যপ নামেতে মুনি সৰ্পমস্ত্রে গুণী ।
 রাজারে দংশিবে সৰ্প লোক মুখে শুনি ॥
 রাখিতে আসিতে ছিল হস্তিনানগরে ।
 পথে দেখা পাইল তক্ষক বিষধরে ॥
 নিজ-নিজ গুণ পরীক্ষিতে দুইজনে ।
 ভ্রম হইয়া গেল বৃক্ষ তক্ষক-দংশনে ॥
 কাশ্যপের মস্ত্রে বৃক্ষ পুনশ্চ জন্মিল ।
 তক্ষক দেখিয়া মনে বিষয় মানিল ॥
 আপন মাথার মণি ল'য়ে ফণিবর ।
 ফিরাইল দ্বিজে দিয়া করি সমাদর ॥
 ধন পেয়ে দরিদ্র ব্রাহ্মণ বাহুড়িল ।
 কপটে তক্ষক আসি রাজারে দংশিল ॥

এত শুনি নৃপ জিজ্ঞাসিল আরবার ।
 সত্য কহ শুনিয়া করিব প্রতিকার ॥
 কাশ্যপে তক্ষকে কথা হইল যখন ।
 এ সকল বার্তা শুনিলেক কোন জন ॥

মস্ত্রিগণ বলে সর্প যে-রক্ষ দংশিল ।
 কাষ্ঠ-হেতু সেই রক্ষে দ্বিজ এক ছিল ॥
 রক্ষের সহিত সেই ভস্ম যে হইল ।
 পুনঃ রক্ষ সহ দ্বিজ জীবন লভিল ॥
 দেখিল শুনিল যত কহিল নগরে ।
 এত শুনি নৃপতি কচালে করে করে ॥
 সঘনে নিশ্বাস ছাড়ে করয়ে ক্রন্দন ।
 গদ-গদ-ভাষে রাজা বলেন বচন ॥
 মন্ত্রবিৎ কাশ্যপের আশ্চর্য্য ক্ষমতা ।
 নিশ্চয় বাঁচিত পিতা, না হৈত অঘুতা ॥
 দারুণ তক্ষক সর্প তারে ফিরাইল ।
 তক্ষক আমার বৈরী এবে জানা গেল ॥
 বিপ্রের বচনে আসি করিল দংশন ।
 কাশ্যপেয়ে ফিরাইল কিসের কারণ ॥
 ধন দিয়া করে লোক পর-উপকার ।
 ধন দিয়া মোর বাপে করিল সংহার ॥
 পুনর্ব্বার রাজা কহে শুন মস্ত্রিগণ ।
 সত্য কহিলেক যত উত্কর্ষ ব্রাহ্মণ ॥
 উত্কর্ষের প্রিয়কার্য্য করিতে সাধন ।
 নিশ্চয় করিব পিতৃবৈরী-নির্য্যাতন ॥
 নাশিব নাগের কুল প্রতিজ্ঞা আমার ।
 পিতৃ-কার্য্য সাধি হইব পিতৃধ্বংসে পার ॥
 এত বলি পুরোহিত আর দ্বিজগণে ।
 আহ্বান করিয়া রাজা কহেন যতনে ॥
 সর্প বিনাশিতে চেষ্টা হইল আমার ।
 সবংশে সকল নাগ করিব সংহার ॥
 বিষজ্বালা সহি যথা পুড়ে মোর বাপ ।
 সেইরূপে অগ্নিতে পোড়াও সব সাপ ॥
 বিপ্রগণ বলে রাজা আছয়ে উপায় ।
 সর্প সংহারিতে যজ্ঞ কর কুরুরায় ॥

তোমার নামেতে মন্ত্র আছে পুরাণেতে ।
 তোমা বিনা নাহি হবে অন্তের সাধ্যেতে ॥
 এত শুনি নরপতি আনন্দিত মন ।
 আজ্ঞা দিল মস্ত্রিগণে যজ্ঞের কারণ ॥
 রাজার পাইয়া আজ্ঞা যত মস্ত্রিগণ ।
 যজ্ঞের যতেক দ্রব্য আনিল তখন ॥
 পত্রোতে লিখিল দ্রব্য বলে মস্ত্রিগণে ।
 দেশ-দেশান্তর হৈতে আনিল যতনে ॥
 সঙ্কল্প করিল রাজা শাস্ত্রের বিধান ।
 শিল্পকার যজ্ঞস্থান করিল নিৰ্ম্মাণ ॥
 যজ্ঞকুণ্ড করিল সে শিল্পী বিচক্ষণ ।
 রাজারে ভবিষ্য-কথা কৈল নিবেদন ॥
 দেখিলাম রাজা যজ্ঞ পূর্ণ না হইবে ।
 ব্রাহ্মণ হইতে যজ্ঞে বিঘ্ন যে ঘটবে ॥
 শুনি নরপতি তবে বলে দ্বারিগণে ।
 যজ্ঞকালে আসিতে না দিবা কোনজনে ॥
 মহাভারতের কথা অমৃত সমান ।
 কাশীরাম দাস কহে শুনে পুণ্যবান ॥

২৭। জনযজ্ঞের সর্ব্বমঙ্গল ।

দ্রুত বস্ত্র যব ধাত্য কাষ্ঠ রাশি-রাশি ।
 আনাইল রাজা যজ্ঞে হ'য়ে অভিলষী ॥
 হোতা চণ্ডভার্গব নামেতে দ্বিজবর ।
 সদাচার ত্রুতী দ্বিজ আইল বিস্তর ॥
 ঋষি সে নারদ ব্যাস মার্কণ্ড পিঙ্গল ।
 উদ্দালক শৌনক আইল যে দেবল ॥
 বিপ্রগণ বেদমন্ত্রে অনল জ্বালিল ।
 লইয়া নাগের নাম যজ্ঞাহতি দিল ॥
 পর্ব্বত-প্রমাণ অগ্নি দেখি লাগে ভয় ।
 মন্ত্রবলে কুণ্ডে সর্প পড়ি ভস্ম হয় ॥

আকাশে থাকিয়া যেন মেঘে রুষ্টি করে ।
 রুষ্টিধারাবৎ পড়ে অগ্নির উপরে ॥
 হাহাকার শব্দ হৈল নগরে নগরে ।
 প্রলয়-সমুদ্রে-শব্দে কান্দে উচ্চৈঃস্বরে ।
 আপন ইচ্ছায় উঠে আকাশ উপরে ।
 নানাবর্ণ নাগ পড়ে কুণ্ডের ভিতরে ॥
 কেহ অথ কেহ উষ্ট্রে কেহ হস্তী প্রায় ।
 কেহ কৃষ্ণ কেহ পীত কেহ সিতকায় ॥
 জলমধ্যে গর্ভমধ্যে কোটরে প্রবেশে ।
 মন্ত্রে টানি বাঙ্কি আনে যজ্ঞের প্রদেশে ॥
 একশত দুইশত পঞ্চশত শির ।
 পর্বত জিনিয়া কারো বিপুল শরীর ॥
 মন্ত্ৰকে লাস্কুল ফিরে জিহ্বা লড়বড়ি ।
 কাতর হইয়া কেহ যায় গড়াগড়ি ॥
 সঘনে নিশ্বাস ছাড়ে হইয়া কাতর ।
 মহানাদে পড়ে সব অনল ভিতর ॥
 দুর্গন্ধ হইল যত পূরিল সংসার ।
 অদ্বুত দেখিয়া সবে হৈল চমৎকার ॥
 যখন প্রতিজ্ঞা কৈল রাজা জন্মেজয় ।
 ইন্দ্র-স্থানে ভয়ে নিল তক্ষক আশ্রয় ॥
 কহিল ব্রহ্মাস্ত্র সব যজ্ঞের কারণ ।
 জন্মেজয়-যজ্ঞে করে সর্পের নিধন ॥
 প্রাণভয়ে শরণ হইল সুরেন্দ্ররে ।
 শুনিয়া অভয় তারে দিল পুরন্দরে ॥
 নির্ভয় হইয়া তথা তক্ষক রহিল ।
 এখানে নাগের কুল উৎসব হইল ॥
 যজ্ঞে ভগ্ন হয় যত নাগের সমাজ ।
 চমকিত হইল বাহুকি নাগরাজ ॥
 ভয়েতে কম্পিত-তনু ঘূর্জা ঘনঘন ।
 ভগিনীরে স্বরিতে করিল নিবেদন ॥

দেখহ ভগিনী সব নাগের সংহার ।
 নিশ্চয় নিকট যুত্ব দেখি যে আমার ॥
 নাগবংশ রক্ষা-হেতু তোমার নন্দনে ।
 কহিয়া, রাখহ শেষ আছে যত জনে ॥
 মায়ের শাপেতে যেই চিন্তে ছিল ভয় ।
 সেইকাল হৈল এই নাগের প্রলয় ॥

ভ্রাতারে আকুল দেখি কান্দিয়া নাগিনী ।
 পুত্রেরে ডাকিয়া কহে সক্রমণ বাণী ।
 ভ্রাতৃগণে আমার হইল মাতৃ-শাপ ।
 সেই হেতু আমায় পাইল তোর বাপ ॥
 মম ভ্রাতৃগণ হয় মাতুল তোমার ।
 এ মহাপ্রলয়ে প্রাণ রাখহ সবার ॥
 আস্তিক বলিল মাতা কান্দ কি কারণে ।
 যে আজ্ঞা করিবা তাহা পালিব এক্ষণে ॥
 জরংকারী বলে যজ্ঞ করে জন্মেজয় ।
 মন্ত্ৰ-বলে সকল ভুজঙ্গ করে ক্ষয় ॥
 মরিছে মাতুলবংশ করহ উদ্ধার ।
 তোমা বিনা রাখে কেহ নাহি হেন আর ॥

আস্তিক বলিল মাতা না কর বিবাদ ।
 এখনি খণ্ডিব আমি নাগের প্রমাদ ॥
 বাহুকিরে বল ভূমি হইতে নির্ভয় ।
 এখনি করিব ত্রাণ নাহিক সংশয় ॥
 মাতুলে নির্ভয় করি চলিল ছরিত ।
 জন্মেজয়-যজ্ঞস্থানে হৈল উপনীত ॥
 প্রবেশ করিতে দ্বারী নাহি দেয় তারে ।
 ক্রোধেতে আস্তিক কহে, কম্পে ওষ্ঠাধরে ॥
 ত্রাণগণে হেলন কর যুঢ় দুরাচার ।
 নাহি জান এই হেতু হইবে সংহার ॥
 আস্তিকের ক্রোধ দেখি দ্বারী কম্পমান্ ।
 দ্বার ছাড়ি প্রাণমিল হ'য়ে সাবধান ॥

তথা হৈতে আন্তিক গেলেন যজ্ঞস্থান ।
বেদধ্বনি করি সভা কৈল কম্পমান ॥
সভার ব্রাহ্মণগণে করিল বন্দন ।
নৃপতিরে বলে তবে আশীষ বচন ॥
মহাভারতের কথা অমৃত-লহরী ।
কাশীরাম কহে সাধু পিয়ে কর্ণ-ভরি ॥

—

২৮। যজ্ঞস্থানে আন্তিকের আগমন ।

আইল আন্তিক মুনি, করি মহাবেদধ্বনি,
নৃপতিরে করিল কল্যাণ ।
ধন্য যত চন্দ্রবংশ, হেন পুত্র অবতঃসঃ,
কল্পমধ্যে না দেখি সমান ॥
দেখেছি শুনেছি কত, যজ্ঞ হৈল যত-যত,
কারে দিব ইহার তুলনা ।
যজ্ঞ কৈল ইন্দ্র যম, কুবের বরুণ সোম,
আর যত, না যায় গণনা ॥
যুধিষ্ঠির পাণ্ডুপতি, বাহুদেব মহামতি,
শ্বেতবাহু নহষ যযাতি ।
মাক্ষাতা মরুত-ভূপ, নানাযুগে প্রতিরূপ,
দিলীপ সগর দাশরথী ॥
ইক্ষ্বাকু ভরতাজ্ঞ, রাজা শিবি শিখিধ্বজ,
নানা যজ্ঞ করিল বহুল ।
কেহ শত কেহ ত্রিশ, কেহ যষ্টি কেহ বিশ,
এক যজ্ঞ নহে সমতুল ॥
পুত্র ২-সহ ব্যাস ঋষি, যাহার সভায় বসি,
যজ্ঞ-হেতু শিষ্যগণ লৈয়া ।
সাক্ষাৎ হইয়া যায়, বৈশ্বানর হবিঃ খায়,
শিখা যায় প্রদক্ষিণ হৈয়া ॥

ধন্য ত্রীজনমেজয়, নাহি হবে, নাহি হয়,
তুলনা নাহিক ভূমণ্ডলে ।
ধর্ম্মে যেন যুধিষ্ঠির, ধর্ম্মকর্ষেদে রঘুবীর,
কীতি ভগীরথ সমতুলে ॥
তেজে সূর্য্যসমপ্রভ, রূপে যেন কামদেব,
ব্রতচারী ভীষ্মের সমান ।
ধর্ম্মেতে বায়্মীকি মুনি, ক্রমাতে বশিষ্ঠ গণি,
বিভবেতে যেন মরুতানঃ ॥
আন্তিক-বচন শুনি, জন্মেজয় নৃপমণি,
মস্ত্রিগণে বলেন বচন ।
বালক দ্বিজের স্তত, কথা কহে বুদ্ধমত,
যত-যত পূর্ব পুরাতন ॥
যাহা মাগে দিব আমি, গো-অম্বকাঞ্চন ভূমি,
এ-দ্বিজের পুরাইব আশ ।
মাগ শিশু যেই মনে, মনোনীত মম স্থানে,
এত বলি করিল আশ্বাস ॥
এত শুনি হোভৃগণ, নৃপে করে নিবেদন,
নহে এই দানের সময় ।
যজ্ঞ পূর্ণ নাহি করি, তক্ষক সে পিতৃ-অরি,
যাবৎ অনলে ভস্ম নয় ॥
শুনি রাজা বলে দ্বিজে, রাখিয়াছ কোন্ কাজে,
অগ্র্যাপিও তক্ষক ভীষণ ।
দ্বিজ বলে নৃপমণি, তক্ষক দারুণ ফণী,
দেবরাজে লয়েছে শরণ ॥
শুনিয়া নৃপতি কোপে, দশনে অধর চাপে,
বলিল যতেক দ্বিজগণে ।
ইন্দ্র রাখে মোর অরি, তাঁহারে সহিত করি,
তক্ষকেও লও হতাশনে ॥

ভূপতির আঞ্জা পেয়ে, শ্রবদণ্ড হাতে ল'য়ে,
 দ্বিজগণ মন্ত্র উচ্চারিল ।
 বিশ্বেশ্বর মন্ত্রের তেজে, সঙ্গে ল'য়ে নাগরাজে,
 দেবরাজ আকাশে আসিল ।
 অঙ্গুরা অঙ্গুর যত, বাতুগীতে সবে রত,
 মন্ত্রপাশে হইয়া বন্ধিত ।
 কমলাকান্তের হৃত, হেতু স্বজনের প্রীত,
 কানীরাম দাস-বিরচিত ॥

২২। আস্তিক-কর্ষক সর্পযজ্ঞ-নিবারণ ।

সূর্য্যমণ্ডলেতে শুনি নৃত্য-গীত-নাদ ।

যত যজ্ঞহোতৃগণ গণিল প্রমাদ ॥
 ভূপতির ক্রোধে করিলাম কোন্ কাজ ।
 সর্ব্বনাশ হৈল আজি মরে দেবরাজ ॥
 এত চিন্তি হোতৃগণ করিল বিচার ।
 ইন্দ্রে ছাড়ি তক্ষকে আকর্ষে আরবার ॥
 তক্ষক সর্পকে ইন্দ্র উত্তরীয়ে ভরি ।
 শরণ-রক্ষণ-হেতু আছে কান্ধে করি ॥
 রাখিতে নারিল ইন্দ্র করিয়া যতন ।
 মন্ত্র বলে ইন্দ্র হৈতে ছুটিল বন্ধন ॥
 আইসে তক্ষক নাগ করিয়া গর্জন ।
 সঘনে নির্গত ঘোর নিশ্বাস-পবন ॥
 মূর্ত্তিমান্ বায়ু যেন ফিরয়ে আকাশে ।
 অবশ হইয়া নাগ অন্তরীক্ষে আসে ॥
 মাতুল অনলে গোড়ে আস্তিক জানিল ।
 অন্তরীক্ষে তিষ্ঠ তিষ্ঠ আস্তিক বলিল ॥
 শূন্যেতে রহিল সর্প আস্তিকের বোলে ।
 তক্ষক সঘনে কাঁপে ব্রহ্ম-মন্ত্র-বলে ॥

আস্তিক বলিল রাজা হও কৃপাবান ।
 আঞ্জা কর ভূপতি মাগি যে আমি দান ॥
 রাজা বলে দ্বিজ-শিশু বৈসহ সভায় ।
 যা মাগিবে দিব আমি ব'লেছি তোমায় ॥
 পিতৃবৈরী সংহারিয়া করি যজ্ঞপূর্ণ ।
 তোমার বাসনা যাহা পূরাইব তুর্ণ ॥
 আস্তিক বলিল যদি তক্ষকে নাশিবে ।
 তবে তুমি কিবা আর মোরে দান দিবে ॥
 আস্তিকের বাক্য শুনি মানি চমৎকার ।
 রাজা বলে যাহা চাহ দিব আমি আর ॥
 আস্তিক বলিল রাজা কর অবধান ।
 ইহা বিনা তোমারে না মাগি অন্য দান ॥
 রাজা বলে দ্বিজ হেন না বলিহ আর ।
 মোর পিতৃবৈরী সে তক্ষক দুরাচার ॥
 তার হেতু মৈল দেখ ভুজঙ্গসকল ।
 তারে না মারিলে যত্ন সকলি বিফল ।
 তাহার নিধনে তুমি না হও বাধক ।
 অন্য যাহা ইচ্ছা মোরে মাগহ বালক ॥
 আস্তিক বলিল রাজা তুমি সুপণ্ডিত ।
 তোমারে বুঝাবে অন্তে না হয় উচিত ॥
 আয়ুঃশেষে যমে নিল তোমার জনকে ।
 অকারণে অপরাধী করহ তক্ষকে ॥
 অসংখ্য ভুজঙ্গগণ করিলা সংহার ।
 অহিংসক জনে মার নহে সুবিচার ॥
 দ্বিতীয় ইন্দ্রের সভা দেখি যে তোমার ।
 নিষেধ না করে কেহ জীবের সংহার ॥
 আস্তিক বলিল যদি এতেক বচন ।
 রাজারে বলিল তবে যত সভাজন ॥

আপনি বলিলা ব্যাস ডাকিয়া রাজারে ।
 প্রবোধ করহ ভূপ হিজের কুমারে ॥
 নিবৃত্তি করহ যজ্ঞ সবে বলে ডাকি ।
 ব্রাহ্মণ-বালকে রাজা না কর অমুখী ॥
 নিবৃত্ত নিবৃত্ত বলি হৈল মহাধ্বনি ।
 নিষেধ করিল যজ্ঞ ভূপতি আপনি ॥
 সর্পযজ্ঞ নরেন্দ্র করিল নিবারণ ।
 আস্তিকের পূজা কৈল দিয়া বহু ধন ॥
 নানা দান পেয়ে তুষ্ট হ'য়ে দ্বিজগণ ।
 নিজ-নিজ দেশে সব করিল গমন ॥
 আস্তিকে বলিল রাজা করিয়া মেলানি ।
 অশ্বমেধকালেতে আসিবে দ্বিজমণি ॥
 তবে ত আস্তিক গেল আপনার ঘর ।
 কহিল ব্রতান্ত মাতা-মাতুল-গোচর ॥
 শুনিয়া বাহুকি নাগ হৈল আনন্দিত ।
 নাগলোকে উৎসব হইল অপ্রমিত ॥
 যতেক আছিল নাগ একত্র হইয়া ।
 পূজা কৈল আস্তিকের বহু রত্ন দিয়া ॥
 পুনর্জন্মদাতা ভূমি নাহিক সংশয় ।
 বর দিব মাগ ভূমি যেই মনে লয় ॥

আস্তিক বলিল যদি সবে দিবে বর ।
 এই বর মাগি আমি সবার গোচর ॥
 প্রাতঃ-সন্ধ্যাকালে যেই মোর নাম লবে ।
 নাগগণ হৈতে তার ভয় নাহি রবে ॥
 আমার চরিত্র যেই করিবে শ্রবণ ।
 নাগ হৈতে কভু ভীত না হবে সে-জন ॥
 এ-সব নিয়ম যেই করিবে লজ্জন ।
 সত্য কহি হবে তার নিশ্চয় মরণ ॥
 ফাটিবেক শির যেন শিরীষের ফল ।
 আস্তিকের বাক্য যেই করিবে নিষ্ফল ॥

বরদান করিলাম বলে নাগগণে ।
 নিকটে না যাব কেহ তোমার স্মরণে ॥
 আদিপর্ব ভারতের নানা উপাখ্যান ।
 কাশীরাম দাস কহে শুনে পুণ্যবান ॥

৩০ । অনমেজয়ের ধর্ম্মহিংসা ।

মৌতি বলে তবে পরীক্ষিতের নন্দন ।
 ডাকিয়া আনিল যত পাত্রমিত্রগণ ॥
 সবারে বলিল রাজা করিয়া বিলাপ ।
 দূর না হইল মম হৃদয়ের তাপ ॥
 আপনার চিতে আমি করিষু বিচার ।
 দ্বিজ-বিনা শত্রু মোর কেহ নাহি আর ॥
 ধর্ম্মশীল তাত মোর জগতে বিখ্যাত ।
 বিনা অপরাধে শাপ পেলেন নির্ধাত ॥
 পিতৃবৈরী বিনাশিতে বহু চেষ্টা ছিল ।
 তাহে পুনঃ দ্বিজ আসি বাধক হইল ॥
 শাপেতে মরিল পরীক্ষিত নরবর ।
 মারিতে রাখিল পুনঃ তরুণ পামর ॥
 মোর রাজ্যে বসিয়া এতেক অহঙ্কার ।
 দ্বিজের কুরীতি অঙ্গে সহ্য নহে আর ॥
 ক্রোধানলে মোর অঙ্গ হ'তেছে দাহন ।
 হেন মনে হয় সব মারিব ব্রাহ্মণ ॥
 পূর্বে কান্তবীৰ্য্য করিলেন দ্বিজধ্বংস ।
 উদর চিরিয়া মারিলেন ভৃগুবংশ ॥
 সেই মত দ্বিজসব করিব সংহার ।
 যাহা হোক এই সত্য বচন আমার ॥
 নৃপতির বাক্য শুনি সবে স্তব্ধ হৈল ।
 পাত্রমিত্রগণ তাহে উত্তর না দিল ॥
 রাজা বলে কেহ কেন না দেহ উত্তর ।
 মিত্রগণ বলে শুন নৃপতি-প্রবর ॥

বিষম বখিয়া বাক্য না আসে মুখেতে ।
 কে দিবে এ যুক্তি রাজা বিপ্র-বিনাশিতে ॥
 কহিল। যে কার্ত্তবীৰ্য্য^১ মারিল ব্রাহ্মণ ।
 তার সমুচিত দণ্ড বিখ্যাত ভুবন ॥
 সেই ভুগুবলে জাত রাম^২ ভগবান্ ।
 ক্ষত্রিয়-শোণিতে ক্ষিতি করাইল স্নান ॥
 ক্ষত্র বলি পৃথিবীতে না রহিল আর ।
 ব্রাহ্মণ-ওরসে পুনঃ হইল সঞ্চার ॥
 বচনে সৃজন যাঁর বচনে পালন ।
 ক্ষণেকেতে করে ভঙ্গ যাঁহার বচন ॥
 অগ্নি-সূর্য্য কালসর্পে আছে প্রতিকার ।
 ব্রাহ্মণের ক্রোধে রাজা নাহিক নিস্তার ॥
 এক যুক্তি চিন্তেতে আইসে নৃপমণি ।
 উপায় করিয়া বিপ্রবীৰ্য্য কর হানি ॥
 কুশোদকে বিপ্রের পবিত্র হয় অঙ্গ ।
 কুশ-বিনা হইবেক কৰ্ম্ম-অঙ্গ-ভঙ্গ ॥
 হীনতেজ হৈবে দ্বিজ হবে কৰ্ম্মহীন ।
 পশ্চাৎ করিব দক্ষ ধর্ম্মে হইলে ক্ষীণ ॥
 রাজা বলে ভাল যুক্তি কৈলে সর্ব্বজন ।
 এমতে নাশিব দ্বিজ নিল মম মন ॥
 এত শুনি নরপতি দূতগণে আনে ।
 আজ্ঞা করি ডাকিয়া আনিল কোড়াগণে ॥
 সব কোড়াগণ^৩ তোরা চতুর্দিকে যাহ ।
 পৃথিবীর কুশ যত খুদিয়া ফেলহ ॥

মস্ত্রিগণ বলে রাজা এ নহে বিচার ।
 রাজা নষ্ট করে কুশ, ঘৃষিবে সংসার ॥
 না খুদিলে মরিবেক,—করিব উপায় ।
 যত দুহু গুড় মধু আনি দেহ তায় ॥
 এই সব দ্রব্য ঢালিবেক কুশমূলে ।
 স্বাদে পিপীলিকা গিয়া খাইবে সকলে ॥
 পিপীলিকা কুশমূল কাটিয়া ফেলিবে ।
 কার্য্যসিদ্ধ হৈবে, হিংসা কেহ না জানিবে ॥
 শুনিয়া নৃপতি আজ্ঞা দিল ততক্ষণ ।
 চারিদিকে চলিল যতেক দূতগণ ॥
 রাজ্যে-রাজ্যে বার্তা কৈল যত অনুচরে ।
 নাশিল সকল কুশ দেশদেশান্তরে ॥
 মন্তকে বন্দিয়া ব্রাহ্মণের পদরজ ।
 কহে কাশীরাম দাস গদাধরাগ্রজ ॥

৩১। জনমেজয়েব নিকট ব্যাসেব আগমন ।

কুশ না মিলিল দ্বিজ হৈল চমৎকার ।
 স্থানে-স্থানে বসি সবে করিল বিচার ॥
 যে কারণে ঘটিল জানিল ব্যাসমুনি ।
 নৃপতিরে বুঝাবারে চলিল আপনি ॥
 ব্যাসে দেখি আনন্দিত জন্মেজয় রাজা ।
 পাণ্ড-অর্ঘ্য দিয়া তাঁর করে বহু পূজা ॥
 আলীকর্বাদ করি মুনি বসিয়া আসনে ।
 নৃপতিকে জিজ্ঞাসিল মধুর বচনে ॥

১। ইনি মাহিমতী পুরীর অধিপতি । ইঁহার নাম অর্জুন । ইঁহার পিতার নাম কৃতবীৰ্য্য বলিয়া ইনি কার্ত্তবীৰ্য্য বা কার্ত্তবীৰ্য্যার্জুন নামে পরিচিত । যুগ্মযাত্র গমন করিয়া একদা ভৃগুবংশীয় জমদগ্নি মুনির আশ্রমে উপনীত হইলে মুনিবর কামধেনুর সাহায্যে সসৈন্ত ইঁহাকে পরিতোষসহকারে ভোজন করান । কামধেনুর একগুণ গুণ দেখিয়া তিনি মুনির নিকট হইতে উহা বলপূর্ব্বক অপহরণ করিয়া লইয়া যান । ইঁহার কলে তিনি জমদগ্নিহৃত পরশুরামের হস্তে নিহত হন ।
 ২। পরশুরাম—পিতৃহত্যার প্রতিশোধ গ্রহণের জন্য কার্ত্তবীৰ্য্যের পুত্রগণ পরশুরামের অমুণহিতিতে তাঁহার পিতা জমদগ্নিকে একশবার অজ্ঞাঘাত করিয়া নিহত করেন । ইহাতে ক্ষুব্ধ হইয়া ইনি কার্ত্তবীৰ্য্যের পুত্রগণকে প্রথমে সংহার করিয়া পরে একশবার পৃথিবী নিঃক্ষত্রিয়া করিয়াছিলেন । ৩। বনকগণ, যাহারা গর্ভ বোঁড়ে ।

বদরিকাশ্রমে শুনিলাম সমাচার ।
 ত্রাস্রাণের হিংসা কর, কিমত বিচার ॥
 সর্বধর্ম্যে বিজ্ঞ তুমি পণ্ডিত সূজন ।
 তবে কেন হেন কর্মে প্রবর্তিলা মন ॥
 যাঁর ক্রোধে যত্নকুল হইল বিধ্বংস ।
 যাঁর ক্রোধে নষ্ট হয় সগরের বংশ ॥
 যাঁর ক্রোধে কলঙ্কী হইল কলানিধি ।
 যাঁর ক্রোধে লবণ হইল জলনিধি ॥
 পূর্বেতে যতেক তব পিতামহগণ ।
 যাঁরে সেবি বিজয়ী হইল ত্রিভুবন ॥
 হেন জনে হিংস তুমি কিসের কারণ ।
 শুনিয়া বলিল রাজা নিজ নিবেদন ॥
 বিনা অপরাধে বাপে কৈল ভ্রমরাশি ।
 পিতৃবৈরী মারিতে বাধক হৈল আসি ॥
 এই হেতু বড় তাপ অন্তরে আমার ।
 নিজদুঃখ নিবেদন অগ্রেতে তোমার ॥
 ব্যাসদেব বলেন ধৈর্য্য ধর নররাজ ।
 ক্রোধে ধর্ম্য নষ্ট হয়, সিদ্ধ নহে কাজ ॥
 ত্রাস্রাণেরে ক্রোধ রাজা কর অকারণ ।
 ভবিষ্যৎ খণ্ডন না হয় কদাচন ॥
 তোমার পিতার জন্ম হইল যখন ।
 গণিয়া কহিল যত শাস্ত্রবিজ্ঞ জন ॥
 নানা-যজ্ঞ-ধর্ম্য করিবেক অপ্রমিত ।
 ভূজঙ্গদংশনে মৃত্যু হইবে নিশ্চিত ॥
 আমার বচনে স্থির হও গুণাধার ।
 পিতৃ-হেতু দুঃখ চিন্তা না করিহ আর ॥
 কে খণ্ডিতে পারে রাজা দৈবের নির্বন্ধ ।
 না বুঝিয়া কেন কর দ্বিজসহ দ্বন্দ্ব ॥

ব্যাসের মুখেতে শুনি এতেক বচন ।
 ভাবি পরে কুশ-হিংসা কৈল নিবারণ ॥
 মহাভারতের কথা অমৃত সমান ।
 কাশীরাম দাস কহে শুনে পুণ্যবান ॥

৩২ । জনমেজয়েন অশ্বমেধ যজ্ঞ ।

রাজা বলে অকারণ করিলাম এত ।
 কোটি অহিংসক সর্প করিলাম হত ॥
 এ পাপ-নরক হৈতে না দেখি নিস্তার ।
 কহ মুনি কিমতে ইহাতে হব পার ॥
 জ্ঞাতি-বধ করি পূর্বে পিতামহগণ ।
 অশ্বমেধ করি পাপে হইল মোচন ॥
 আমিও করিব সেই বাজিমেধ যজ্ঞ ।
 শুনি নিষেধিল ব্যাস সকল শাস্ত্রজ্ঞ ॥
 রাজা বলে মুনি কেন করহ নিষেধ ।
 পিতৃ-পিতামহ মোর কৈল অশ্বমেধ ॥
 অক্ষম জানিয়া বুঝি কর নিবারণ ।
 নিশ্চয় করিব যজ্ঞ এই মম পণ ॥
 মুনি বলে ক্ষম্য তুমি সকল কর্ম্মতে ।
 বাজিমেধ নাহি রাজা এ কলিযুগেতে ॥
 মাংসশ্রোদ্ধ সম্রাস গোমেধ অশ্বমেধ ।
 দেবর হইতে পুত্র কলিতে নিষেধ ॥
 অবশ্য করিব যজ্ঞ বলে মহারাজ ।
 মোর বিদ্র ক্রিতে কে আছে ক্ষতিমাঝ ॥
 মুনি বলে করহ যে তব মনে লয় ।
 কিমতে কহিব, যাহা বেদে নাহি কয় ॥
 এত বলি মুনিরাজ হৈল অন্তর্দ্বান ।
 নৃপতি করিল তবে যজ্ঞের বিধান ॥

যজ্ঞ-অশ্ব নিয়োজিল সেনাপতিগণ ।
 বহুদেশ-দেশান্তর করিল ভ্রমণ ॥
 সম্পূর্ণ বৎসর অশ্ব পৃথিবী ভ্রমিল ।
 যত রাজগণ বলে জিনিয়া আনিল ॥
 যত মুনি দ্বিজগণ ছিল ভ্রমণে ।
 নিমন্ত্রণ করিয়া আনিল যজ্ঞস্থলে ॥
 বপুষ্টমা রাণীসহ আছে নৃপবর ।
 অসিপত্রভ্রত আচরিয়া সংবৎসর ॥
 হইল বৎসর পূর্ণ চৈত্র-পূর্ণিমাতে ।
 কাটিয়া তুরঙ্গ রাজা ফেলিল অগ্নিতে ॥
 দ্বিজগণ বেদশব্দে পুরিল গগন ।
 শৃঙ্গমণ্ডলেতে থাকি দেখে দেবগণ ॥
 অশ্বমেধ পূর্ণ হয় কলিযুগমাঝ ।
 বেদনিন্দা-ভয়েতে কম্পিত দেবরাজ ॥
 কাটাগ্নিতে অশ্বের যে আছে অবশেষ ।
 মায়াবলে ইন্দ্র তাহে করিল প্রবেশ ॥
 সভামধ্যে নৃত্য করে তুরঙ্গের মুণ্ড ।
 দেখিয়া আশ্চর্য্য বড় হৈল সভাখণ্ড ॥
 রাণীসহ নৃপতি আছয়ে সভামাঝ ।
 নাচে মুণ্ড সভাখণ্ড পাইলেক লাজ ॥
 যতেক সভার লোক অধোমুখ হৈল ।
 ব্রাহ্মণ-কুমার এক হাসিয়া উঠিল ॥
 পুনঃ পুনঃ তালি মারে হাসে খল খল ।
 দেখিয়া হইল রাজা জলন্ত অনল ॥
 রাজার সম্মুখে ছিল খড়্গ খরশাণ ।
 দ্বিজপুত্রে কাটিয়া করিল দুইখান ॥
 হাহাকার শব্দ হৈল যজ্ঞের শালায় ।
 চতুর্দিকে দ্বিজগণ পলাইয়া যায় ॥

ব্রহ্মঘাতী মহাপাপী এই ছুরাচার ।
 দেখিলে হইবে পাপ বদন ইহার ॥
 যতদূর পর্য্যন্ত ইহার অধিকার ।
 ততদূর দ্বিজের বসতি নাহি আর ॥
 অশ্বমেধ যজ্ঞ নাম করিয়া আনিল ।
 ব্রাহ্মণের মাংস খায় এবে জানা গেল ॥
 ফেলহ ইহার দ্রব্য যা আছে যথায় ।
 এত বলি সভা ছাড়ি দ্বিজগণ যায় ॥
 ব্রাহ্মণ-ঘাতীর মুখ দেখা অনুচিত ।
 রাজগণ যথাতথা গেল চতুর্ভিত ॥
 দ্বিজ ক্রুদ্ধ বৈশ্য শূদ্র ছিল যত জন ।
 সব গেল একমাত্র আছয়ে রাজন ॥
 কাশীরাম দাস কহে পাঁচালীর গাঁথা ।
 শ্রবণে সুধার ধারা ভারতের কথা ॥

৩৩। ব্যাসের পুনরাগমন ও জনমেজয়ের ঐতি
 ভারত-শ্রবণের উপদেশ ।

অস্তুর্য্যামী সর্ব্বজ্ঞ শ্রীবেদব্যাস মুনি ।
 বর্ণনা না যায় যিনি অপ্রমিত গুণী ॥
 সত্যবতী-হৃদয়-নন্দন মুনি ব্যাস ।
 যঁার মুখচন্দ্র তিন ভুবন-প্রকাশ ॥
 যঁার মুখ-পঙ্কজ-গলিত-সুধাধার ।
 পাপেতে তরিল প্রাণী এ ভব-সংসার ॥
 কনক-পিঙ্গল জটা বিরাজিত শিরে ।
 কৃষ্ণসার-চর্ম্ম পরিধান কলেবরে ॥
 অশ্বরেং অশ্বরিং যে ভারতঃ বাঁধে কাঁখে ।
 দক্ষিণে বামেতে পাছে মুনি লাখে-লাখে ॥

১। যে ভ্রতে স্বামী ও স্ত্রী ব্রহ্মচর্য্য পালন করিয়া নির্দিষ্ট দীর্ঘকাল যাবৎ উভয়ের মধ্যে তীক্ষ্ণধারযুক্ত অসি রাখিয়া
 উপবেশন ও শয়ন করেন । ২। বহু । ৩। বস্ত্র দ্বারা আচ্ছাদন করিয়া । ৪। বেদব্যাস-স্মৃতিত মহাভারত ।

জানিয়া রাজার কষ্ট সদয়-হৃদয় ।
 উপনীত সেখানে যেখানে জন্মেজয় ॥
 অধোমুখে আছে রাজা হ'য়ে শোকাবেশ ।
 ব্যাসে দেখি লজ্জাবান্ হইল বিশেষ ॥
 মুনি বলে অভিমান ত্যজ নরপতি ।
 মোর বাক্য না শুনিয়া হৈল হেন গতি ॥
 ব্যাসের বচনে রাজা পাইয়া আশ্বাস ।
 চরণে পড়িয়া কহে গদগদ ভাষ ॥
 আমা হেন নিন্দিত নাহিক সংসারে ।
 তোমার বচন নাহি শুনি অহঙ্কারে ॥
 তার সমুচিত ফল এই পাইলাম ।
 দুরন্ত নরক-সিদ্ধু-মাখে পড়িলাম ॥
 কৃপা কর মুনিরাজ পড়িছু চরণে ।
 তোমা বিনা তারে মোরে নাহি অশ্রুজনে ॥
 ত্যজিল আমারে ভ্রাতা মন্ত্রী যতজন ।
 ত্যজিলেক যত দ্বিজ পুরোহিতগণ ॥
 পাপী ব'লে কেহ মোর নিকটে না আসে ।
 আপনি আইলা কৃপা করি স্নেহবশে ॥
 আজ্ঞা কর মুনিরাজ কি করি এখন ।
 পাপ-সিদ্ধু হৈতে মোরে করহ তারণ ॥
 মুনি বলে চিন্তে দুঃখ না ভাবিহ আর ।
 হইবে নিষ্পাপ ধর বচন আমার ॥
 ব্রহ্মবধ-আদি পাপ সব হবে ক্ষয় ।
 অশ্বমেধ-ফল পাবে নাহিক সংশয় ॥
 এক লক্ষ শ্লোকে মহাভারত-রচন ।
 শুচি হ'য়ে এক মনে করহ শ্রবণ ॥
 খণ্ডিবেক পাপ-তাপ নাহিক সংশয় ।
 মোর বাক্য ধর পরীক্ষিতের তনয় ॥
 কৃষ্ণবর্ণ চন্দ্রাতপ বান্ধহ উপর ।
 তার তলে ভারত শুনহ নরবর ॥

মহাভারতের কথা কীর্তন করিতে ।
 কৃষ্ণবর্ণ-ত্যাগি শুরু হইবে নিশ্চিতে ॥
 তব পিতৃ-পিতামহগণের চরিত ।
 বিবিধ অপূর্ব কথা ভারতে গ্রথিত ॥
 মহাপুণ্যপ্রদ তত্ত্ব অতুল সংসারে ।
 করহ শ্রবণ, মুক্ত হবে পাপভারে ॥
 এত শুনি নৃপমণি আনন্দিতমতি ।
 ভক্তিতরে মুনিবরে করিল প্রণতি ।
 বলিল আমার প্রতি যদি কৃপাবান্ ।
 আপনি শুনাও তবে ভারত-আখ্যান ॥
 কি হেতু আমার পিতৃ-পিতামহগণ ।
 জ্ঞাতিসহ যুদ্ধ করি হইল নিধন ॥
 আপনি আছিল। দেব সে-সব সময় ।
 তবে কেন বিপদে হইল সব ক্ষয় ॥
 কহ মোরে মুনিবর ইহার কারণ ।
 চিরদিন শুনিতে উৎসুক মম মন ॥
 মুনি বলে ভারতের কথন বিস্তার ।
 কহিবারে অবসর নাহিক আমার ॥
 মুনিশ্রেষ্ঠ শিষ্যশ্রেষ্ঠ এই তপোদান ।
 ভারতে আমার সম ক্রীবেশম্পায়ন ॥
 শুনহ ইহার মুখে ভারত-আখ্যান ।
 'যে আজ্ঞা' বলিয়া রাজা করেন সন্মান ॥
 এত বলি মুনিরাজ গেল নিজস্থান ।
 অনুমতি দিয়া শিষ্যে বর্ণিতে পুরাণ ॥
 অনন্তর নৃপবর ব্যাসের বচনে ।
 কৃষ্ণবর্ণ চন্দ্রাতপ করে ততক্ষণে ॥
 তার তলে বসে রাজা ল'য়ে মন্ত্রীগণ ।
 চারি জাতি নগরেতে শ্রেষ্ঠ যত জন ॥
 পূজা করে মুনিবরে নানা উপচারে ।
 বিনয়-বচনে ভূপ জিজ্ঞাসেন তাঁরে ॥

মহাভারতের কথা অমৃত-সমান ।


কাশীরাম বিরচিল শুনে পুণ্যবান্ ॥

৩৪ । মহর্ষি বৈশম্পায়ন কর্তৃক
শ্রীমহাভারত-পাঠ আরম্ভ ।

তবে শ্রীজনমেজয় মুনিরে পাইয়া ।
জিজ্ঞাসিল পুণ্য-কথা বিনয় করিয়া ॥
জগতে বিখ্যাত যে বৈশম্পায়ন মুনি ।
কহিতে লাগিল তত্ত্ব ভারত-কাহিনী ॥
প্রথমে বন্দিল গুরু ব্যাস মহামুনি ।
যাঁহার রচিত গ্রন্থ ভারত-কাহিনী ॥
খণ্ডয়ে অশেষ পাপ যাহার শ্রবণে ।
সকল যজ্ঞের ফল পায় ততক্ষণে ॥
রাজা হ'য়ে শুনিলে সর্বত্র হয় জয় ।
ব্রাহ্মণে শুনিলে যায় নরকের ভয় ॥
বৈশ্য শূদ্র শুনিলে খণ্ডয়ে সব দুঃখ ।
অপুত্রক শুনিলে দেখয়ে পুত্রমুখ ॥
রাজভয় শত্রুভয় পথিভয় আদি ।
বিবিধ দুর্গত খণ্ডে, আর যত ব্যাধি ॥
মোক্ষশাস্ত্র বলি যেই ব্যাসের রচিত ।
সম্পূর্ণ সকল রসে করিল বর্ণিত ॥
ইহার শ্রবণে যত হুত লভে নর ।
তার সম ফল নাহি স্বর্গের উপর ॥
ইহলোকে আয়ুর্ধন্য অস্তে স্বর্গে যায় ।
ধর্ম-অর্থ-কাম-মোক্ষ চতুর্বিধ পায় ॥
শুচি হৈয়া মন দিয়া শুনে যেই জন ।
নাহিক সংশয় ইথে ব্যাসের বচন ॥
একলক্ষ শ্লোকে এই ভারত-নির্ণাণ ।
নানা ধর্মচিত্র ও বিচিত্র উপাখ্যান ॥

৩৫ । পরশুরাম-অবতার ।

হরি হরি শব্দ করি শুন একচিত্তে ।
প্রথমেতে সবারকার রক্ষা যেই মতে ॥
পৃথিবীর মধ্যে ক্ষত্র হইল অপার ।
মহামত্ত হ'য়ে সবে করে কদাচার ॥
লোকহিংসা সহিতে না পারি জনার্দন ।
ভৃগুবংশে হইলেন প্রকাশ তখন ॥
করেতে কুঠার জমদগ্নির কুমার ।
নিঃক্ষত্র করিল ক্ষিতি তিন-সপ্তবার ॥
ক্ষত্র ব'লে ক্ষিতিমধ্যে না রাখিল রাম ।
মারিল দুষ্কের শিশু ক্ষত্র যার নাম ॥
ব্রাহ্মণেরে রাজ্য দিয়া গেল তপোবন ।
বিপ্রগৃহে প্রবেশিল ক্ষত্র-পত্নীগণ ॥
রাজকর্ম বিপ্রগণে সম্ভব না হয় ।
সে-কারণে সমুৎপন্ন ক্ষেত্রজ তনয় ॥
ক্ষত্র-ক্ষেত্রে বিপ্রবীর্যে হইল কুমার ।
পুনঃ ক্ষিতিমধ্যে হৈল ক্ষত্রিয়-প্রচাৰ ॥
নিষ্পাপ হইল সবে পরম ধার্মিক ।
ধর্ম্মেতে বাড়িল বংশ হইল অধিক ॥
ধর্ম্মেতে করিল সবে প্রজার পালন ।
রাজ্যে না রহিল আর অকাল মরণ ॥
নিজ-নিজ রুত্তিতে করেন সবে কর্ম্ম ।
ব্রাহ্মণ ক্ষত্রিয় বৈশ্য শূদ্রে যেই ধর্ম্ম ॥
পাপের প্রসঙ্গ নাহি ধর্ম্মেতে তৎপর ।
সাগর অবধি ক্ষিতি পূর্ণ হৈল নর ॥
স্বর্গের বৈভবে পূর্ণ হৈল ক্ষিতিমাঝ ।
রাজগণ হইল দ্বিতীয় দেবরাজ ॥
অনন্তর যতেক দানব-দৈত্যগণ ।
দেব হৈতে পরাভূত হইল যখন ॥



স্থখ-ভোগ-স্থান ক্রিতি দেখি মনোরম ।
 ভোগের কারণে নিল মনুষ্য-জনম ॥
 জন্মিয়া পৃথিবীমধ্যে হইল প্রবল ।
 তপ জপ যজ্ঞদান হিংসিল সকল ॥
 দানবের ভার ধরা না পারি সহিতে ।
 ব্রহ্মারে জানায় গিয়া বিষাদিত-চিত্তে ॥
 কাতরে কহেন সব বিনয়-বচনে ।
 অবিরল অশ্রুজল ঝরে ছনমনে ॥
 ক্রিতির রোদন দেখি কমল-আসন ।
 পৃথিবীকে কহিলেন প্রবেশ-বচন ॥
 না কর ক্রন্দন তুমি স্থির কর মন ।
 উপায়ে তোমার কার্য্য করিব সাধন ॥
 তোমার বিকলে আমি সব দেবগণে ।
 নররূপে জন্মাইব অমর-নিধনে ॥
 এত বলি পৃথিবীকে করিয়া মেলানি ।
 দেবগণ লৈয়া যুক্তি করে পদ্মঘোনি ॥
 প্রবল অমরগণে হৈল ক্রিতিভার ।
 হরি বিনা কার শক্তি করিতে সংহার ॥
 চল সবে কহি গিয়া দেব-নারায়ণে ।
 এত বলি ব্রহ্মা-সহ যত দেবগণে ॥
 উৰ্দ্ধ-বাহু করি স্তুতি করে প্রজাপতি ।
 কৃপা কর নারায়ণ অনাথের গতি ॥
 সর্ব্বভূত-আত্মা তুমি সবার জীবন ।
 তোমার আত্মায় স্থষ্ট হইল ভুবন ॥
 হেন স্থষ্টি নাশ করে দানব প্রবল ।
 তোমা বিনা রক্ষা নাহি মজিল সকল ॥
 কাতর হইয়া ব্রহ্মা করিলেন স্তুতি ।
 করিলেন অনুজ্ঞা কৃপায় লক্ষ্মীপতি ॥

তোমার বচনে ব্রহ্মা হৈব অবতার ।
 আপনি ঋষি আমি অবনীৰ ভার ॥
 নিজ-নিজ অংশ লৈয়া যত দেবগণ ।
 সবে জন্ম লও গিয়া মনুষ্য-ভুবন ॥
 এতেক আকাশবাণী শুনি প্রজাপতি ।
 ততক্ষণে আত্মা দিল দেবগণ-প্রতি ॥
 দেবতা গন্ধৰ্ব্ব আর যত বিদ্যাধরে ।
 সবে জন্ম লহ গিয়া ধরণী-ভিতরে ॥
 ব্রহ্মার আদেশ পেয়ে যত দেবগণ ।
 অবনীৰ মাঝে গিয়া জন্মিল তখন ॥
 দেবতা দানব মৈত্ৰ্য একত্র হইল ।
 শুনি জন্মেজয় রাজা মুনিরে কহিল ॥
 কোন্ জন মৈত্ৰ্য ইথে কেবা দেবনর ।
 বিশেষে আমাকে সব কহ মুনিবর ॥

৩৬। দেব-দানবদির ভূতলে জন্মগ্রহণ ।

মুনি বলে শুন পরীক্ষিতের নন্দন ।
 যেমনে হইল শুন স্থষ্টি-সংঘটন ॥
 ব্রহ্মার মানস-পুত্র^১ হৈল ছয় জন ।
 ছয় জন হৈতে শুন জন্মে ত্রিভুবন ॥
 মরীচি ব্রহ্মার পুত্র ত্রিভুগতে জানি ।
 তাঁর পুত্র হইল কণ্ডপ মহামুনি ॥
 ত্রয়োদশ কন্যা নিজ দক্ষ প্রজাপতি ।
 কণ্ডপে করেন দান হ'য়ে দ্বৈতমতি ॥
 দক্ষের দুহিতৃগণ ধরে যেই নাম ।
 একে-একে বলি শুন নৃপ গুণধাম ॥

১। মরীচি, অত্রি, অদিয়া, পুলহ ও ক্রতু এই ছয়জন ব্রহ্মার মানস-পুত্র ।

অদিতি কপিলা দনু কঙ্ক মুনি ক্রোধা ।
 দনায়ু সিংহিকা কালা দিতি আর প্রধা ॥
 বিশ্বা আর বিনতা যে তেরজন গণি ।
 তেরজনে যত জন্মে শুন নৃপমণি ॥
 অদিতির গর্ভে হৈল আদিত্য দ্বাদশ ।
 ষাঁহার কিরণে এই প্রকাশে দিবস ॥
 ধাতা মিত্র অংশ ভগ বরুণ অর্ঘ্যমা ।
 ত্বষ্টা বিষ্ণু বিবস্বান পৃষা শক্রনামা ॥
 সবিতা নামেতে পুত্র দশমেতে গণি ।
 দ্বাদশ আদিত্য এই শুন নৃপমণি ॥
 হিরণ্যকশিপু হৈল দিতির তনয় ।
 দেবের পরম শত্রু প্রতাপে দুর্জয় ॥
 হিরণ্যকশিপু-পুত্র হৈল পঞ্চজন ।
 প্রধান প্রহ্লাদ পুত্র ত্রৈলোক্যপাবন ॥
 তিন পুত্র হৈল তাঁর মহামুর্দ্ধর ।
 বিরোচন কুন্ত আর নিকুন্ত স্তম্বর ॥
 বিরোচন-পুত্র হৈল বলি মহাশয় ।
 তাঁর পুত্র বাণ বীর ভুবনে দুর্জয় ॥
 মহাকাল নাম তাঁর শিবের কিঙ্কর ।
 সহস্রেক ভূজেতে ভূষিত কলেবর ॥
 দনুর নন্দন হৈল দানবসকল ।
 গণনে চল্লিশ জন বলে মহাবল ॥
 বিপ্রচিতি শম্বর পুলোমা অশ্বপতি ।
 এবশ্বিধ বহু নাম দানবেতে খ্যাতি ॥
 ইহাদের পুত্র-পৌত্র হৈল অগণন ।
 স্বর্গ মর্ত্য-পাতাল ব্যাপিত ত্রিভুবন ॥
 চারি পুত্র জন্ম লয় সিংহিকা-উদরে ।
 ক্রুরকর্ম্য বলি তারা খ্যাত চরাচরে ॥
 তাহাদের সর্ব্বজ্যেষ্ঠ রাহু নাম ধরে ।
 চক্রে কাটি দুই অঙ্গ কৈল চক্রধরে ॥

দনায়ুর চারি পুত্র হইলেক ক্রমে ।
 বিখ্যাত বিষ্ণুর বল বীর ব্রত নামে ॥
 ক্রোধ-বিনাশন-আদি কালার নন্দন ।
 দেবের অবধ্য তারা বিখ্যাত ভুবন ॥
 বিনতার ছয় পুত্র অরুণ আরুণি ।
 তাক্ষ্যারিষ্টনেমি আর গরুড় বারুণি ॥
 সর্ব্বশ্রেষ্ঠ গরুড় সে কেশব-বাহন ।
 পক্ষীর ঈশ্বর হৈল পদ্মগনাশন ॥
 কঙ্কর নন্দন হৈল অনন্ত বাহুকি ।
 ইত্যাদি কঙ্কর পুত্র সহস্রেক লিখি ॥
 অনুরক্তা আকীরাদি বিশ্বার দুহিতা ।
 প্রধানা নন্দিনীগণ জগতে বিদিতা ॥
 অলম্বুষা মিশ্রকেশী রক্তা তিলোত্তমা ।
 সুবাহু সুরতা আদি লোকে অনুপমা ॥
 হাং হাং নামে পুত্র গন্ধর্ব্বের রাজা ।
 কপিলার পুত্রগণে সবে করে পূজা ॥
 ব্রাহ্মণ অমৃত গবী কপিলা-উদরে ।
 যাহার মহিমা-গুণ বিখ্যাত সংসারে ॥
 চিত্ররথ আর যত অঙ্গর কিঙ্করে ।
 কাশ্যপ কপিল জন্মে ক্রোধার উদরে ॥
 মুনির উদরে জন্মে ষোড়শ কুমার ।
 মৌনেয় গন্ধর্ব্ব বলি খ্যাত ত্রিসংসার ।
 অগ্নিরা ব্রহ্মার পুত্র তাঁর তিন স্ত ।
 বৃহস্পতি উতথ্য সম্বর্ত্ত গুণযুত ॥
 পৌলস্ত্য মুনির পুত্র বিখ্যাত সংসার ।
 বিশ্বশ্রবা নামে পুত্র সর্ব্বগুণাধার ॥
 কুবেরাদি যক্ষ যত তাঁহার নন্দন ।
 রাক্ষস রাবণ কুন্তকর্ণ বিভীষণ ॥
 অত্রির নন্দন হৈল অনেক ব্রাহ্মণ ।
 ক্রতুর নন্দন হৈল যজ্ঞের কারণ ॥

ত্রাকার দক্ষিণাঙ্কুঠে দক্ষ প্রজাপতি ।
 বামাঙ্কুঠে পঞ্চাশং কঙ্কার উৎপত্তি ॥
 ত্রাকার দক্ষিণ হস্তে ধর্ম মহাশয় ।
 দশ কন্যা দক্ষের করিল পরিণয় ॥
 কীর্ত্তি লক্ষ্মী ধৃতি মেধা পুষ্টি জ্ঞান ক্রিয়া ।
 বুদ্ধি লজ্জা মতি এই দশ ধর্ম-প্রিয়া ॥
 তিন পুত্র ধর্মের শুনহ সেই নাম ।
 সর্বঘটে স্থিত তাঁরা শয় হর্ষ কাম ॥
 কামের বনিতা রতি প্রাপ্তি-পতি শয় ।
 হর্ষের রমণী নন্দা এই তার ক্রম ॥
 অশ্বিন্যাদি কন্যা সপ্তবিংশ দাক্ষায়ণী ।
 বিবাহ-কারণ চন্দ্রে দিল দক্ষমুনি ॥
 ত্রাকার তনয় মনু বিখ্যাত ভুবন ।
 প্রজাপতি নামে তাঁর জন্মিল নন্দন ॥
 সেই প্রজাপতি পুত্র বহু অক্টজন্য ।
 বহুর নন্দন হৈল দেব হতাশন ॥
 বিশ্বকর্মা আদি বহু বহুর কুমার ।
 মৃগ সিংহ ব্যাঘ্র আদি সন্ততি তাঁহার ॥
 যত কহিলাম পূর্ব সৃষ্টির সঞ্চার ।
 প্রত্যক্ষ শুনহ তবে নাম-অবতার ॥
 দানব-প্রধান বিপ্রচিহ্নিত মহাতেজা ।
 জরাসন্ধ নামে হৈল মগধের রাজা ॥
 হিরণ্যকশিপু দৈত্য দিতির কুমার ।
 শিশুপাল নামে জন্মে পৃথিবী-মাঝার ॥
 শল্য সে হইল পূর্বের সংহ্লাদ যে ছিল ।
 অনুহ্লাদ আসি মর্ত্যে ধৃত্যকৈতু হৈল ॥
 বাঙ্কল আসিয়া হৈল ভগদত্ত নামে ।
 কালনেমি হৈল কংস সে মথুরা-ধামে ॥

শরভ নামেতে দৈত্য পৌরব হইল ।
 উগ্রসেন নামেতে গরিষ্ঠ নাম নিল ॥
 দীর্ঘজিহ্ব নামে দৈত্য হৈল কাশীরাজা ।
 মণিমান হৈল ব্রহ্মাসুর মহাতেজা ॥
 কালকেতু নামে বক্ষ ছিল মৎস্যদেশে ।
 হরিদশ্ব হৈল রুদ্রা ভীষ্মক-ওরষে ॥
 কীচক কলিঙ্গ বৃষসেন মহাবলে ।
 কালকেতুগণ আসি জন্মিল ভূতলে ॥
 ব্রহ্মস্পতি-অংশে হৈল দ্রোণ মহাশয় ।
 বশিষ্ঠের শাপে বহু গন্ধার তনয় ॥
 রুদ্র-অংশে কৃপাচার্য্য অজয় অমর ।
 বহু-অংশে সাত্যকি দ্রুপদ নৃপবর ॥
 কৃতবর্মা বিরাট গন্ধর্ব্ব-অংশে জন্ম ।
 ধর্ম-অংশে হৈতে হৈল বিচুরের জন্ম ॥
 সুবাহু গন্ধর্ব্ব ধৃতরাষ্ট্রে কুরুপতি ।
 সিদ্ধি ধৃতি কুন্তী মাদ্রী গান্ধারী সে মতি ॥
 ধর্ম-অংশে জন্মিলেন বুধিষ্ঠির রাজা ।
 বায়ু-অংশে জন্মিলেন ভীম মহাতেজা ॥
 দেবরাজ-অংশে জন্ম নিল ধনঞ্জয় ।
 অশ্বিনীকুমার হৈতে মাদ্রীর তনয় ॥
 চন্দ্র আসি হৈল অভিমন্যু মহাবীর ।
 কাম হৈতে প্রচ্যুত বিখ্যাত যদুবীর ॥
 বহুদেবে দয়া করি দয়াময় হরি ।
 তাঁর গৃহে জন্মিলা গোলোক পরিহারি ॥
 শেষ অংশে জন্ম হৈল রোহিণীনন্দন ।
 দ্রুপদের কূলে জন্মে দ্রৌপদী তখন ॥
 আপনি আসিয়া কলি হৈল দুর্্যোধন ।
 পৌলস্ত্যের অংশে জন্মে আর ভ্রাতৃগণ ॥

একাদিক শত পুত্র ধৃতরাষ্ট্র হৈতে ।
 শুনহ সবার নাম কহিব ক্রমেতে ॥
 সর্বজ্যেষ্ঠ দুৰ্য্যোধন যুযুৎসু তৎপর ।
 দুঃশাসন দুঃসহ দুঃশল বীরবর ॥
 প্রথম দুশ্মুখ তথা বিবিশতি বীর ।
 বিকর্ণ ত্রীজলসন্ধ স্থলোচন ধীর ॥
 বিন্দ অমুবিন্দ ত্রীদুর্ধ্ব স্থবাহক ।
 স্থপ্রধ্বর্ষ চুর্ধ্বর্ষণ দ্বিতীয় দুশ্মুখ ॥
 চুর্ধ্বর্ষণ আর যে কর্ণ চিত্র তার পর ।
 উপচিত্র পরেতে চিত্রাঙ্ক নামধর ॥
 চারুচিত্র অঙ্গদ চুর্মদ অনন্তর ।
 চুশ্রধ্বর্ষ বিবিৎসু বিকট সম আর ॥
 উর্গনাভ পদ্মনাভ নন্দনামধর ।
 উপনন্দ সেনাপতি স্থসেন কুণ্ডোদর ॥
 মহোদর চিত্রবাহু চিত্রবর্মা ধীর ।
 স্থকর্মা দুর্বিরোচন অয়োবাহু বীর ॥
 মহাবাহু চিত্রচাপ নামে স্থকুণ্ডল ।
 ভীমবেগ বলাকী অগ্রজ ভীমবল ॥
 ত্রীভীমবিক্রম উগ্রায়ুধ ভীমশর ।
 কনকায়ুঃ তথা দৃঢ়ায়ুধ তার পর ॥
 দৃঢ়কর্মা দৃঢ়কত্র সোমকীর্তি বীর ।
 অনুদর জরাসন্ধ দৃঢ়সন্ধ ধীর ॥
 সত্যসন্ধ সহস্রবাহু উগ্রশ্রবাঃ খ্যাত ।
 উগ্রসেন ক্ষেমমূর্তি সেনানী অপরাজিত ॥
 পণ্ডিতক বিশালাক্ষ দুরাধন বীর ।
 দৃঢ়হস্ত স্থহস্ত বাতবেগ ধীর ॥
 স্থবর্কঃ আদিত্যকেতু বহ্মাশী অপর ।
 নাগদন্ত অনুযায়ী কবচী তৎপর ॥
 জানহ নিসঙ্গী দণ্ডী আর দণ্ডাধার ।
 ধমুগ্রহ উগ্র তথা ভীমরথ আর ॥

বার বীরবাহু অলোদ্রুপ নামধেয় ।
 অভয় সে রৌদ্রকর্মা দৃঢ়রথ জেয় ॥
 অনাধ্ব্য কুণ্ডভেনী বিরাবী তৎপর ।
 স্থদীর্ঘলোচন দীর্ঘবাহু অনন্তর ॥
 মহাবাহু ব্যুটোরু যে তাহার অনুজ ।
 জানহ কনকাসদ পরেতে কুণ্ডজ ॥
 চিত্রক সে মহারথ হয় অতঃপর ।
 ইত্যাদি-ক্রমেতে এই শত সহোদর ॥
 বৈশ্রা-পুত্র যুযুৎসু সে হয় শতোপরি ।
 একা সহোদরামাত্র দুঃশলা স্থন্দরী ॥
 জ্যেষ্ঠ-অনুক্রমে করিলাম এ রচন ।
 ভারতে যেমন আছে ব্যাসের বচন ॥
 শত এক স্তত ধৃতরাষ্ট্রের হইল ।
 দুঃশলারে জয়দ্রথ বিবাহ করিল ॥
 অংশ-অবতার-কথা প্রত্যক্ষ প্রকাশ ।
 বিরচিল পাঁচালী-প্রবন্ধে কাশীদাস ॥

৩৭ । শকুন্তলার উপাখ্যান ।

মুনিবর বলে শুন পরীক্ষিৎ-স্ত ।
 ভরতবংশের কথা কথনে অদ্রুত ॥
 দুহস্ত-নামেতে রাজা জগতে বিদিত ।
 তাঁহার মহিমা কথা না হয় বর্ণিত ॥
 সংসারে আসিয়া বহুক্ষরা ভোগ করে ।
 ধর্ম্মেতে পৃথিবী পালে দুর্ভেদে সংহারে ॥
 মহাপরাক্রান্ত রাজা রূপগুণবন্ত ।
 পৃথিবীতে একচ্ছত্র করিল দুহস্ত ॥
 যুগয়াতে বড় রত মহাধনুর্ধর ।
 যুগয়া করিতে গেল বনের ভিতর ॥

হস্তী হয় পদাভিক না যায় গণন ।
 সসৈশ্বে বেড়িল রাজা এক মহাবন ॥
 সিংহ ব্যাঘ্র ভল্লুক বরাহ যুগগণ ।
 অনেক মারিল রাজা না যায় গণন ॥
 যতেক রাজার সৈশ্ব মারি যুগচয় ।
 শকটে পুরিল, কেহ কাঙ্ছে করি লয় ॥
 কোন-কোন জন তথা খায় পুড়াইয়া ।
 তবে অশ্ব বনে গেল সে বন ছাড়িয়া ॥
 হিরণ্য-নামেতে বন অতি মনোরম ।
 চৈত্রেবন-সমান সে মূনির আশ্রম ॥
 নানাজাতি বৃক্ষ তথা ফুলফল ধরে ।
 নানাজাতি পক্ষী তথা সদা নাদ করে ॥
 মধুচক্র ডালে-ডালে আছে তরুগণে ।
 বায়ু-তেজে পুষ্পবৃষ্টি হয় অনুক্ষণে ॥
 নানাপক্ষিগণ তাহে সদা ক্রীড়া করে ।
 পক্ষী নহে কারো ভক্ষ্য মূনিরাজ-ডরে ॥
 মালিনী-নামেতে নদী দেখিয়া নিকটে ।
 মূনিগণ বৈসেন তাহার দুই তটে ॥
 অমিহোত্র-ধুম গিয়া পরশে গগন ।
 ব্রাহ্মণ-বদনে হয় বেদ-উচ্চারণ ॥
 মূনির আশ্রম বুঝি দুহস্ত নৃপতি ।
 ডাকিয়া বলেন রাজা সৈশ্বগণ-প্রতি ॥
 মূনি সস্তাষিয়া আমি না আসি যাবৎ ।
 এইখানে সর্বজন থাকহ তাবৎ ॥
 এত বলি নরপতি পুরোহিত লৈয়া ।
 কথের আশ্রমে রাজা উত্তরিল গিয়া ॥
 প্রবেশ করিল গিয়া মূনি-অস্তঃপুরে ।
 দেখিল যে কথ নাই, চিন্তে নৃপবরে ॥

হেনকালে শকুন্তলা মূনির নন্দিনী ।
 পাণ্ড-অৰ্ঘ্য দিয়া তুষ্ট কৈল নৃপমণি ॥
 দেখিয়া কন্টার রূপ নৃপতি মোহিত ।
 জিজ্ঞাসিল কন্যা-প্রতি কামে হতচিত ॥
 দুহস্ত নৃপতি আজি শুন হৃদয়নি ।
 হেথা আইলাম আজি ভেটিবারে মূনি ॥
 কোথায় গেলেন মূনি কহ ত হৃদয়নি ।
 তুমি বা কাহার কন্যা কহ সত্য করি ॥
 কন্যা বলে গেল পিতা ফলের কারণ ।
 মুহূর্তেক রহ এথা আসিবে এখন ॥
 মূনির নন্দিনী আমি শুন নৃপবর ।
 এত শুনি নরপতি করিল উত্তর ॥
 তোমার সদৃশ রূপ কোথাও না দেখি ।
 মূনিকন্যা সত্য তুমি কহ শশিমুখি ।
 পরমতপস্বী মূনি ফলমুলাহারী ।
 দারাত্যাগী জিতেদ্রিয় মহাত্মাচারী ॥
 তাঁহার তনয়া তুমি হইলা কিমতে ।
 কহ সত্য হৃদয়নি আমার সাক্ষাতে ॥
 কন্যা বলে শুন মম জন্মের কাহিনী ।
 যেমতে হইলু আমি মূনির নন্দিনী ॥
 বিশ্বামিত্র মূনি জান বিখ্যাত সংসারে ।
 চিরদিন তপস্যা করেন অনাহারে ॥
 তাঁর তপ দেখি কম্পমান পুরন্দর ।
 আমার ইন্দ্রহ লবে এই মূনিবর ॥
 সর্বদেবগণ মিলি ভাবে নিরস্তর ।
 মেনকারে ডাকি বলে দেব পুরন্দর ॥
 রূপে-গুণে তব তুল্য নাহি ত্রিভুবনে ।
 মম কার্য সিদ্ধ কর আপনার গুণে ॥

বিশ্বামিত্র-তপেতে কম্পিত মম কায় ।
 তাঁর তপ ভঙ্গ কর করিয়া উপায় ॥
 শুনিয়া মেনকা অতি বিষম্বদন ।
 গোড়হাত করি ইন্দ্রে করে নিবেদন ॥
 সংসারে বিখ্যাত বিশ্বামিত্র মহাঋষি ।
 মহাতেজা ক্রোধী সেই পরমতপস্বী ॥
 বশিষ্ঠের শতপুত্র প্রকারে মারিল ।
 ক্ষত্র-ক্ষেত্রে জন্মি তব ব্রাহ্মণ হইল ॥
 কৌশিকীনামেতে নদী আজ্ঞাতে স্থজিল ।
 সহজা-তনয়ে পূর্বের প্রাণদান দিল ॥
 দ্বিতীয় করিল সৃষ্টি বিখ্যাত জগতে ।
 আপনি করহ ভয় বাঁহার তপেতে ॥
 তাঁর তপ নষ্ট করে হেন কোন্ জন ।
 কর্ম না হইবে, হবে আমার মরণ ॥
 অগ্নি-সূর্য্য-সম তেজ যুগল নয়নে ।
 তাঁহার তপস্তা ভঙ্গ করে কোন্ জনে ॥
 তোমার বচন আমি লজ্জাবারে নারি ।
 তব কার্য্য সিদ্ধ হোক আমি বাঁচি মরি ॥
 কামদেব বায়ু দেহ আমার সহায় ।
 তবে যেনমতে হয় করিব উপায় ॥
 ইন্দ্র আজ্ঞা কৈল সঙ্গে যাহ দুইজন ।
 দেবরাজ-আজ্ঞা পেয়ে চলিল তখন ॥
 হেমন্ত পর্ব্বতে বৈসে সেই মুনিবর ।
 মুনি দেখি মেনকার কাঁপিল অন্তর ॥
 অতিশয় স্তবেশা হইয়া বিদ্বাধরী ।
 মুনির নিকটে ক্রীড়া করে মায়া করি ॥
 হেনকালে বায়ু বহে অতি খরতর ।
 উড়াইয়া বস্ত্র তার ফেলিল অন্তর ॥
 আস্তে-ব্যস্তে উঠিয়া মেনকা বস্ত্র ধরে ।
 বিবিধ প্রকারে পবনেরে নিন্দা করে ॥

এ সকল কৌতুক দেখিল মুনিবর ।
 শরীরেতে ভেদিল কামের পঞ্চশর ॥
 মেনকা ধরিয়া মুনি নিল নিজদেশে ।
 কামে মত্ত নিত্য করে শৃঙ্গার-বিশেষ ॥
 হেনমতে বহুদিন গেল ক্রীড়ারসে ।
 তপ-জপ সকলি ত্যজিল কামবশে ॥
 একদিন সন্ধ্যাকালে বিশ্বামিত্র মুনি ।
 সন্ধ্যা-হেতু বলে শীত্রে জল দেহ আনি ॥
 শুনিয়া মেনকা হাসি বলিল বচন ।
 এতদিনে ভাল সন্ধ্যা হইল স্মরণ ॥
 এত শুনি মুনি হৈল কুপিত-অন্তর ।
 দেখিয়া মেনকা ভয়ে পলায় সত্বর ॥
 হইয়াছিল যে গর্ভ মুনির গুঁড়সে ।
 অরণ্যে প্রসব করি গেল নিজদেশে ॥
 মুনি-তপ নষ্ট করি গেল নিজস্থানে ।
 আমারে ফেলিয়া গেল নির্জন্ম কাননে ॥
 সিংহ-ব্যাত্র পশুগণ কেহ না হিংসিল ।
 পক্ষিগণ বেড়িয়া যে আমারে রহিল ॥
 তপস্তা করিতে কথ গেল সেই বনে ।
 অনাথা দেখিয়া তাঁর দয়া হৈল মনে ॥
 গৃহে আনি পালন করিল মুনিবর ।
 তেঁই আমি তাঁর কন্যা শুন দণ্ডধর ॥
 শকুনে বেড়িয়াছিল নিকুঞ্জ-কাননে ।
 শকুন্তলা নাম মুনি রাখে সেকারণে ॥
 মম জন্মকথা এক মুনি জিজ্ঞাসিল ।
 কহিলেন কথ তাঁরে, তাহে জানা গেল ॥
 আদিপর্ব্বের দিব্য শকুন্তলা-উপাখ্যান ।
 কাশীরাম দাস কহে শুনে পুণ্যবান ॥

৩৮। দুঃখ রাজার সহিত শকুন্তলার বিবাহ।

রাজা বলে কহা তুমি পরমা হৃদয়ী ।
রাজযোগ্যা ধনি তুমি হও মোর নারী ॥
গাছের বাকল ত্যজি পর পটবাস ।
রত্ন-অলঙ্কার পর যেই অভিলাষ ॥
এত শুনি লজ্জিতা হইয়া শকুন্তলা ।
মুহুর্তে নৃপতিকে কহিতে লাগিলা ॥
শুন রাজা আমি করিলাম অঙ্গীকার ।
পিতা আসি সম্প্রদান করিবে আমার ॥
রাজা বলে মুনিবর বিলম্বে আসিবে ।
কণ্ঠে বিলম্ব হৈলে মম মৃত্যু হৈবে ॥
বেদোক্ত বিবাহ হয় অষ্টম প্রকার ১ ।
গান্ধর্ব বিবাহ লিখে ক্ষত্রিয়-আচার ॥
আপনি বিবাহ কর যতপি আমারে ।
মুনির বচনে দোষ না হবে তোমারে ॥
রাজার বিনয়-বাক্য শকুন্তলা শুনি ।
রাজারে বলিল সত্য কর নৃপমণি ॥
বেদের বিহিত যদি আছে পূর্বাপর ।
গান্ধর্ব বিবাহ হবে শুন নৃপবর ॥
আমার উদরে যেই জন্মিবে কুমার ।
সত্য কর তুমি তারে দিবে রাজ্যভার ॥
রূপমুগ্ধ ভূপতি করিল অঙ্গীকার ।
গান্ধর্ব বিবাহ তবে হইল দৌহার ॥
তবে নরপতি বলে কহ্যারে চাহিয়া ।
রাজ্যেতে লইব তোমা লোক পাঠাইয়া ॥
এত বলি নরপতি করিল গমন ।
পথে যেতে নরপতি ভাবে মনে মন ।

কি বলিবে মুনিরাজ আসি নিজঘরে ।
দুঃখান্ত নিতান্ত ভীত ভাবিয়া অন্তরে ॥
সসৈন্তে আপন দেশে গেল নরপতি ।
কতকণ্ঠে গৃহে এল মুনি মহামতি ॥
স্বপ্ন হৈতে ফলভার ভূমিতে থুইল ।
শকুন্তলা এস, বলি মুনি ডাক দিল ॥
লজ্জায় মলিন কহা নহিল বাহির ।
দেখিয়া বিস্মিত চিত্ত হইল মুনির ॥
ধ্যানেতে জানিল মুনি যত বিবরণ ।
হাসিয়া কহ্যার প্রতি বলিল বচন ॥
আমারে হেলন করি কৈলা এই কর্ম ॥
দুঃখান্ত নৃপতিসহ করিলা অধ্যক্ষ ॥
ক্ষমিলাম তোরে আমি করেছি পালন ।
না করিহ ভয় চিন্তে স্থির কর মন ॥
সর্বিনয়ে কহা বলে যুড়ি দুই কর ।
করিনু দুঃখ মোরে ক্ষম মুনিবর ॥
যোগ্যপাত্র সেই সে দুঃখান্ত নৃপবর ।
গান্ধর্ব বিবাহে তারে করিলাম বর ॥
ক্ষমহ রাজার দোষ আমারে দেখিয়া ১
এত শুনি মুনিবর বলিল হাসিয়া ॥
ক্ষমিলাম নৃপতিরে তোমার কারণ ।
ইচ্ছামত বর তুমি করহ প্রার্থন ॥
ইহা শুনি অতিথীরে শকুন্তলা কয় ।
বাঞ্ছা যদি বর দিবে পিতা মহাশয় ॥
প্রসন্ন হইয়া দেহ এই বর তবে ।
অভুল প্রতাপে ধরা শাস্ত্রক পৌরবে ॥
রাজ্যচ্যুত অথবা অধ্যক্ষপরাণ ।
পুরুবংশীয়েরা যেন না হয় কখন ॥

শকুন্তলা-মুখে তবে শুনি এই বাণী ।
 তথাস্ত বলিয়া বর দিলা মহামুনি ॥
 হেনমতে মুনিগৃহে আছে শকুন্তলা ।
 বিস্মৃত হইল রাজা রাজভোগে ভোলা ॥
 কতকালে প্রসব করিল শকুন্তলা ।
 পরম সুন্দর পুত্র শশী যোলকলা ॥
 দিনে দিনে বাড়ে পুত্র মুনির ভবনে ।
 ছয় বর্ষ পূর্ণ হৈল রাজা নাহি জানে ॥
 মহাপরাক্রান্ত বীর হৈল শিশুকালে ।
 সিংহব্যাগ্রহস্তী ধরি আনে পালে-পালে ॥
 তার পরাক্রম দেখি মুনি চমৎকার ।
 দমনক বলি নাম দিলেন তাহার ॥
 শকুন্তলা-সহ মুনি করিল বিচার ।
 যুবরাজ-যোগ্য পুত্র হইল তোমার ॥
 পুত্র-সহ যাহ তুমি রাজার আশ্রয় ।
 পিতৃগৃহে বাস আর সম্ভব না হয় ॥
 ধর্মকর্ম অপযশ হয় কুচরিত্র ।
 পিতৃগৃহে বহুধর্ম্যে না হয় পবিত্র ॥
 এত বলি শিষ্য এক দিলেন সংহতি ।
 পুত্র-সহ পাঠাইল যথা নরপতি ॥
 দুঃস্বপ্ন নৃপতি বৈসে হস্তিনানগরে ।
 শকুন্তলা গেল যথা আছে নৃপবরে ॥
 পাত্রেমিত্রে-সহ রাজা আছেন বসিয়া ।
 পুত্র আগে করি তথা উত্তরিল গিয়া ॥
 রাজারে চাহিয়া শকুন্তলা কহে বাণী ।
 এই পুত্র তোমার দেখহ নৃপমণি ॥
 পূর্বের প্রতিজ্ঞা রাজা করহ স্মরণ ।
 তপোবনে গিয়াছিলে যুগয়া-কারণ ॥
 আপনার সত্য রাজা করহ পালন ।
 পুত্রে কোলে করি রাজা তোমার মন ॥

শুনি সভাসদলোক বিস্ময়-অস্তর ।
 হাসিয়া দুঃস্বপ্ন রাজা করিল উত্তর ॥
 কোথাকার তপস্বিনী কাহার নন্দিনী ।
 কোনকালে পরিচয় আমি নাহি জানি ॥
 এত শুনি শকুন্তলা হইলা লজ্জিত ।
 ক্রোধেতে অধর-ওষ্ঠ সঘনে কম্পিত ॥
 পুনঃ ক্রোধ সম্বরিয়া বলে শকুন্তলা ।
 পূর্বসত্য পাসরিলা রাজভোগে ভোলা ॥
 কি বাক্য বলিলে রাজা নাহি ধর্মভয় ।
 তুমি হেন মিথ্যা বল, উচিত না হয় ॥
 দৈবে সেই সব কথা কেহ নাহি জানে ।
 আপনি ভাবিয়া রাজা দেখ মনে-মনে ॥
 জানিয়া শুনিয়া মিথ্যা কহে যেই জন ।
 সহস্র বৎসর হয় নরকে গমন ॥
 লুকাইয়া যেই জন করে পাপকর্ম ।
 লোকে না জানিল, কিন্তু জানিল যে ধর্ম ॥
 চন্দ্র সূর্য বায়ু অগ্নি মহী আর জল ।
 আকাশ শমন ধর্ম জানয়ে সকল ॥
 দিবা রাত্রি সন্ধ্যা প্রাতঃ নরবৃন্তি জানে ।
 ধর্ম্যধর্ম ফল তারে দেয় ত শমনে ॥
 মিথ্যা হেন বল রাজা কড় ভাল নহে ।
 মিথ্যা হেন পাপ নাহি সর্বশাস্ত্রে কহে ॥
 পতিব্রতা নারী আমি না কর হেলন ।
 আমারে নীচের প্রায় না ভাব রাজন্ ॥
 পুত্ররূপে জন্মে পিতা ভার্য্যার উদরে ।
 শাস্ত্রেতে প্রমাণ আছে, জানে চরাচরে ॥
 সেকারণে ভার্য্যারে জননী-সমা দেখি ।
 করিলা বিস্তর দোষ আমারে উপেক্ষি ॥
 অর্কেক শরীর ভার্য্যা সর্বশাস্ত্রে লেখে ।
 ভার্য্যা-সম বন্ধু রাজা নাহি কোন লোকে ॥

পরম সহায় সখা পতিব্রতা নারী ।
 যাহার সহায়ে রাজা সর্ব ধর্ম করি ॥
 ভাৰ্য্যা-বিনা গৃহ শূণ্য অরণ্যের প্রায় ।
 বনে ভাৰ্য্যা সঙ্গে থাকে গৃহস্থ বলায় ॥
 ভাৰ্য্যাহীন লোকে কেহ না করে বিশ্বাস ।
 সর্বদা দুঃখিত সেই সর্বদা উদাস ॥
 ভাৰ্য্যাবস্ত লোক ইহকাল বঞ্চে স্তখে ।
 মরণে সংহতি হৈয়া তারে পরলোকে ॥
 স্বামীর জীবনে ভাৰ্য্যা আগে যদি মরে ।
 পথ চাহি থাকে ভাৰ্য্যা স্বামি-অমুসারে ॥
 মরিলে স্বামীরে উদ্ধারিয়া লয় স্বর্গে ।
 হেন নীতিশাস্ত্র রাজা কহে স্রবর্গে ॥
 ভাৰ্য্যা হৈতে নরপতি দেখে পুঞ্জমুখ ।
 যাহা হৈতে লোক-সব ভুঞ্জে নানা স্থখ ॥
 ভাৰ্য্যা-বিনা পুঞ্জ করে কাহার শক্তি ।
 দেব ঋষি মুনি আদি যত মহামতি ॥
 পুঞ্জের সমান রাজা নাহিক সংসারে ।
 জন্মমাত্র মুখ দেখি পিতা-মাতা তরে ॥
 পিণ্ডদানে পুঞ্জ তারে করয়ে উদ্ধার ।
 হেন নীতি কহে রাজা বেদেতে ব্রহ্মার ॥
 চতুষ্পদে গাভী শ্রেষ্ঠ দ্বিপদে ব্রাহ্মণে ।
 অধ্যানে গুরু শ্রেষ্ঠ পুঞ্জ আলিঙ্গনে ॥
 ধূলায় ধূসর পুঞ্জে করি আলিঙ্গন ।
 হৃদয়ের সর্বদুঃখ হয় ত খণ্ডন ॥
 হেন পুঞ্জ দাঁড়াইয়া তোমার সম্মুখে ।
 আলিঙ্গন কর রাজা পরম কৌতুকে ॥
 অবজ্ঞা না কর রাজা, নীচপুঞ্জ নহে ।
 ইহার মহিমা যত মুনিগণে কহে ॥
 শত শত করিবেক অশ্বমেধ যাগ ।
 সসাগরা ধরায় হইবে রাজ্যভাগ ॥

উজ্জ্বল করিবে বংশ এই ত নন্দন ।
 প্রত্যক্ষে দেখহ রাজা দ্বিতীয় তপন ॥
 পিতারে না দেখি পুঞ্জ সদা ভাবে দুঃখ ।
 সেকারণে দেখিতে আইল তব মুখ ॥
 আলিঙ্গন দিয়া তোম আপন কুমারে ।
 দুঃখ নাহি, ত্যজ কিংবা রাখহ আমারে ॥
 বিশ্বামিত্র পিতা মোর মেনকা জননী ॥
 প্রসবিয়া বনে গেল থুয়ে একাকিনী ॥
 জননী ত্যজিল পূর্ব, তুমি ত্যজ এবে ।
 তোমারে বলিব কি মরিব এই ভাবে ॥
 নিশ্চয় মরিব আমি নাহি তাহে দুঃখ ।
 এ-পুঞ্জ বিচ্ছেদে মোর বিদরিছে বুক ॥
 এত যদি শকুন্তলা বিনয় করিল ।
 শুনিয়া নৃপতি তবে প্রভাত্তর দিল ॥
 অকারণে পুনঃপুনঃ কহ কি আমারে ।
 তোমার বচন শুনি কেবা অন্ধা করে ॥
 তোমার জনক যদি বিশ্বামিত্র মুনি ।
 মেনকা অপ্সরা বেশ্য তোমার জননী ॥
 বিশ্বামিত্র লোভী বলি জানে ত্রিজগতে ।
 জন্মিয়া ক্ষত্রিয়বীর্যে গেল বিপ্রপথে ॥
 বেশ্য বলি মেনকারে কেবা নাহি জানে ।
 বেশ্যার প্রকৃতি তোর থণ্ডিবে কেমনে ॥
 বেশ্যাগর্ভে জন্ম তোর বেশ্যার প্রকৃতি ।
 এই পুঞ্জ সেই মত লহে মোর মতি ॥
 মিথ্যা-প্রবঞ্চনা করি প্রভার আমারে ।
 যাহ কিংবা থাক, কেহ না জিজ্ঞাসে তোরে ।
 শকুন্তলা কহে রাজা কহ বিপরীত ।
 দেবলোকে নিন্দা কর, নহে ত উচিত ॥
 মেনকা অপ্সরা তারে পূজে দেবগণে ।
 বিশ্বামিত্র মহাঋষি কেবা নাহি জানে ॥

তোমায় আমার রাজা অন্তর তেমন ।
 হুমেরু সরিষা হ'তে বৃহৎ যেমন ॥
 মম মাতা স্বর্গবাণী তুমি বৈস ক্ষিতি ।
 স্বর্গে মর্ত্যে সমতুল কর নরপতি ॥
 আমার দেখহ শক্তি আপন নয়নে ।
 এখনি যাইতে পারি যথা ইচ্ছা মনে ॥
 ইন্দ্র-যম-কুবের-ভুবন-আদি করি ।
 মুহূর্ত্তেকে চরাচর ভ্রমিবারে পারি ॥
 যত নিন্দা কর সহি স্বামীর কারণে ।
 আপনা না জান, নিন্দা কর অন্তরজনে ॥
 কুরূপ মনুষ্য রাজা নিন্দে সর্বলোকে ।
 যতক্ষণ দর্পণেতে মুখ নাহি দেখে ॥
 সত্যসম পুণ্য রাজা নাহিক তুলনা ।
 মিথ্যা হেন পাপ নাহি কহে মুনিজন ॥
 হেন মিথ্যাবাদী তুমি হইলে নিশ্চয় ।
 তোমার নিকটে থাকা উচিত না হয় ॥
 এত বলি শকুন্তলা চলিল সত্তর ।
 হেনকালে শব্দ হয় আকাশ-উপর ॥
 “যতেক বচন সত্য বলে শকুন্তলা ।
 শকুন্তলা-বাক্য রাজা না করিও হেলা ॥
 সতী-পতিব্রতা এই তোমার ঘরগী ।
 তুমি এই তনয়ের পিতা নৃপমণি ॥
 স্বামী বলি শকুন্তলা তোমারে ক্ষমিল ।
 শকুন্তলা-ক্রোধে তব নাহি হৈবে ভাল ॥
 বংশের তিলক রাজা এই সে নন্দন ।
 আমার বচনে কর রক্ষণ-ভরণ ॥
 ভরত বলিয়া নাম রাখহ ইহার ।
 ইহা হইতে বংশোদ্ধল হইবে তোমার ॥”
 দুহস্ত নৃপতি শুনে মস্ত্রি-পুরোহিত ।
 এতেক আকাশবাণী হৈল আচম্বিত ॥

রাজা বলে, মস্ত্রিগণ, করিলা শ্রবণ ।
 সকলি ত জানি, আমি নহি বিস্মরণ ॥
 জানিয়া না জানি আমি, লোকাচারে ভরি ।
 লোকে বলিবেক এই কোথাকার নারী ॥
 একারণে আমি ভাণ্ডিলাম মস্ত্রিগণে ।
 বেশ্যা বলি ইহারে জানিল সর্বজনে ॥
 এত বলি শীত্র উঠি দুহস্ত রাজন্ ।
 শকুন্তলার হস্তে ধরি ফিরায়ে তখন ॥
 মহানন্দে নরপতি পুত্র লৈল কোলে ।
 শত শত চুষ দিল বদন-কমলে ॥
 শকুন্তলা কৈল রাজা রাজ-পাটেশ্বরী ।
 পরম কৌতুকে চিরদিন রাজ্য করি ॥
 কতদিনে বৃদ্ধকালে দুহস্ত রাজন্ ।
 ভরতেরে রাজ্য দিয়া গেল তপোবন ॥
 পৃথিবীতে মহারাজ হইল ভরত ।
 অশ্বমেধ যজ্ঞ আদি করে শত শত ॥
 লক্ষ-পদ্ম স্তব্ধ ব্রাহ্মণে দিল দান ।
 দাতা যে নাহিক কেহ ভরত-সমান ॥
 সঙ্গারী পৃথিবী শাসিল ভুজবলে ।
 অগ্ন্যপি ভারত-ভূমি ঘোষে ভূমণ্ডলে ॥
 তাঁর বংশে যত-যত হইল নৃপতি ।
 ভারতের বংশ বলি পাইল স্খ্যাতি ॥
 ভারতের উপাখ্যান যেই নর শুনে ।
 আয়ুর্ধর্ষ-পুণ্য তার বাড়ে দিনে দিনে ॥
 আদিপর্ব ভারত রচিল বেদব্যাস ।
 পাঁচালী-প্রবন্ধে কহে কাশীরাম দাস ॥

৩২। চন্দ্রবংশের বিবরণ ।

জন্মেজয় বলে, কহ মুনি মহামতি ।
 চন্দ্রবংশে ভারতের হইল উৎপত্তি ॥

চন্দ্র হৈতে বংশ হৈল কিমত প্রকারে ।
 সে-সকল কথা মুনি, শুনাও আমারে ॥
 মুনি বলে, শুন পরীক্ষিতের নন্দন ।
 কহিব সকল কথা করহ শ্রবণ ॥
 ভাল ভাল জিজ্ঞাসিলা ভারত-আখ্যান ।
 সোমবংশ-চরিত্র করহ অবধান ॥
 মরীচি ব্রহ্মার পুত্র বিখ্যাত সংসার ।
 কশ্যপ নামেতে পুত্র হইল তাঁহার ॥
 তাঁহার নন্দন হৈল সূর্য্য মহাশয় ।
 বৈবস্বত নামে হৈল তাঁহার তনয় ॥
 তাঁহার নন্দিনী ইলা বিখ্যাত জগতে ।
 ইলাগর্ভে পুরুষা বুধের বীর্য্যেতে ॥
 চন্দ্রের নন্দন বুধ বিখ্যাত সংসার ।
 পুরুষা মহারাজা তাঁহার কুমার ॥
 অষ্টাদশ বোপে ভেঁই হৈল নরপতি ।
 চিরদিন ক্রীড়া করে উর্ব্বশী-সংহতি ॥
 নৃপতি হইল আয়ু তাঁহার তনয় ।
 তাঁর পুত্র হইল নহষ মহাশয় ॥
 স্বর্গে ইন্দ্র হৈল রাজা আপনার গুণে ।
 সর্পযোনি পেয়েছিল ব্রাহ্মণ-বচনে ॥
 যযাতি নৃপতি হৈল তাঁহার কুমার ।
 যযাতির গুণ যত কহিতে অপার ॥
 শুক্রশাপে জরাগ্রস্ত তাঁহার শরীর ।
 পুত্রে জরা দিয়া রাজ্য করিল স্থবীর ॥
 ৪০। শুক্রের নিকট কচের বিভাশিক্ষা ।
 জন্মেজয় বলে, কহ ইহার কারণ ।
 শুক্রস্থানে কোন্ দোষ করিল রাজন্ ॥
 কি-কারণে শাপ দিল ভৃগুর কুমার ।
 সে-সব চরিত্র কহ করিয়া বিস্তার ॥

১। বংশতিত্ত্ব ।

মুনি বলে, অবধান কর নরবর ।
 দেবাসুরে মহাযুদ্ধ হয় নিরন্তর ॥
 নিজ-নিজ হিত দোহে বাঞ্ছা করি মনে ।
 পুরোহিত নিয়োজন কৈল দুই জনে ॥
 বৃহস্পতি পুরোহিত করেন বাসব ।
 দৈত্যবংশে পুরোহিত হইল ভার্গব ॥
 যুদ্ধে রত দৈত্যবধ করে যত দেবে ।
 সকল জীমান শুক্র মন্ত্রের প্রভাবে ॥
 সঞ্জীবনী-মন্ত্রে ভৃগুপুত্রের অভ্যাস ।
 যত মরে, তত জীয়ে নাহিক বিনাশ ॥
 যুদ্ধে যত দেবগণ হইত নিধন ।
 নারিতেন বাঁচাইতে অগ্নিরা-নন্দন ॥
 শুক্রের প্রতাপে দেবগণ চমৎকার ।
 ইন্দ্র-আদি দেবগণ করেন বিচার ॥
 কচ নামে ছিল বৃহস্পতির নন্দন ।
 তাঁহারে বলিল তবে সব দেবগণ ॥
 সঞ্জীবনী-মন্ত্র জানে ভৃগুর নন্দন ।
 উপায় করিয়া কর সে মন্ত্র গ্রহণ ॥
 বৃষপর্ব্বপুরে হয় শুক্রের বসতি ।
 তোমা বিনা যাইতে না পারে কোন কৃতি ॥
 শিষ্য হইয়া শুক্রস্থানে কর অধ্যয়ন ।
 দেবযানি তাঁর কহা করিবে সেবন ॥
 এত যদি বলিল সকল দেবগণ ।
 বৃষপর্ব্ব-পুরে কচ করিল গমন ॥
 শুক্রের চরণে কচ করি নমস্কার ।
 প্রত্যক্ষিতে পরিচয় দিল আপনার ॥
 অগ্নিরার পৌত্র আমি জীবের নন্দন ।
 পড়িবারে আইলাম তোমার সদন ॥

এত শুনি শুক্র তাঁরে দিলেন আশ্বাস ।
 পড়াব সকল শাস্ত্র যেই অভিলাষ ॥
 শুক্রের আশ্বাসে কচ আনন্দিত মন ।
 ব্রহ্মচার্য-আদি বিদ্যা করেন পঠন ॥
 বিবিধ প্রকারে কচ শুক্রে সেবা করে ।
 ততোধিক সেবে কচ তাঁহার কন্ঠারে ॥
 করঘোড়ে থাকে কচ দেবযানী-আগে ।
 অবিলম্বে আনে কচ কন্ঠা যাহা মাগে ॥
 নৃত্য-গীত-বাঞ্চে সদা তোষে তাঁর মন ।
 আজ্ঞাবর্তী হৈয়া পাশে থাকে অনুক্ষণ ॥
 হেনমতে পঞ্চশত বৎসর যে গেল ।
 গাভী রাখিবারে শুক্র কচে নিয়োজিল ॥
 গোধন-রক্ষণে কচ নিত্য যায় বনে ।
 দৈত্যগণ তাঁহারে দেখিল একদিনে ॥
 জানিত কচেরে দেবগুরুর নন্দন ।
 মায়া করি আসিয়াছে মস্ত্রের কারণ ॥
 তবে সব দৈত্যগণ কচেরে ধরিয়া ।
 তীক্ষ্ণ খড়্গে খণ্ড-খণ্ড করিল কাটিয়া ॥
 অস্থিমাংস যতেক শাদ্দুলে খাওয়াইল ।
 কচে মারি দৈত্যগণ নিজঘরে গেল ॥
 সন্ধ্যাকালে গাভীগণ প্রবেশে নগরে ।
 কচ নাহি গাভীগণ প্রবেশিল ঘরে ॥
 কচ নাহি দেবযানী হইল চিস্তিত ।
 কান্দিয়া পিতার ঠাই জানায় হরিত ॥
 গোধন ফিরিল গৃহে কচ না আইল ।
 সিংহ-ব্যাত্র কিংবা দৈত্যে তাঁহারে মারিল ॥
 কচের বিহনে আমি ত্যজিব জীবন ।
 এত বলি দেবযানী করেন ক্রন্দন ॥
 শুক্র বলে, দেবযানি, না কর ক্রন্দন ।
 মন্ত্রবলে কচে আমি জীয়াব এখন ॥

এস কচ বলি শুক্র তিন ডাক দিল ।
 মস্ত্রের প্রভাবে কচ আসি উত্তরিল ॥
 কচে দেখি দেবযানী আনন্দিত-মন ।
 জিজ্ঞাসিলা কোথায় আছিলি এতক্ষণ ॥
 কচ বলে দৈত্যগণ আমারে মারিল ।
 প্রসন্ন হইয়া গুরু পুনঃ জীয়াইল ॥
 এত শুনি দেবযানী পিতারে কহিল ।
 গোধন-রক্ষণ-হেতু নিষেধ করিল ॥
 ভারতের কথা হয় শ্রবণে অমৃত ।
 পাঁচালী-প্রবন্ধে কাশীদাস-বিরচিত ॥

৪১। কচ ও দেবযানীর পরস্পর অভিলাষ ।

তবে কতদিনে কচে বলে দেবযানী ।
 দেব আরাধিব কিছু পুষ্প দেহ আনি ॥
 আজ্ঞা পেয়ে গেল কচ পুষ্প আনিবারে ।
 পুনরপি দেখি তারে ধরিল অস্তরে ॥
 তিলেক প্রমাণ কৈল খড়্গেতে কাটিয়া ।
 স্নেহে ভাজে অস্থি-মাংস একত্র করিয়া ॥
 তবে সব দৈত্যগণ করিল বিচার ।
 অন্যজনে খেলে তার নাহিক নিস্তার ॥
 পুনঃ জীয়াইবে শুক্র মস্ত্রের প্রভাবে ।
 কচ প্রাণ পাবে আর তার প্রাণ যাবে ॥
 এতেক বিচার করি যত দৈত্যগণ ॥
 করাইল সুরাসহ শুক্রেরে ভোজন ॥
 পুনরপি দেবযানী বাপে জিজ্ঞাসিল ।
 পুষ্প আনিবারে কচ কাননেতে গেল ॥
 এতক্ষণ হৈল পিতা কচ না আইল ।
 হেন বুঝি দৈত্যগণ পুনশ্চ মারিল ॥
 নিশ্চয় মরিব পিতা কচে না দেখিয়া ।
 পুনরপি তারে পিতা দেহ জীয়াইয়া ॥

শুক্র বলে, দেবযানি, না কর বিলাপ ।
মৃত-জন-হেতু কেন কর পরিতাপ ॥
ব্রহ্মা ইন্দ্র চন্দ্র সূর্য্য মরিলে না জীয়ে ।
তার হেতু কেন মর ক্রন্দন করিয়ে ॥

দেবযানী বলে, পিতা, যাহা কহ তুমি ।
নিশ্চয় মরিব কচে না দেখিলে আমি ॥
কচের যতেক গুণ কহিতে না পারি ।
কচের সৌজন্য পিতা পাসুরিতে নারি ॥
আজি হৈতে এই মোর সত্য অঙ্গীকার ।
শরীর ত্যজিব আমি করি অনাহার ॥
এত বলি দেবযানী করিছে ক্রন্দন ।
প্রবোধিয়া শুক্র বলে মধুর বচন ॥
কন্যা-প্রবোধিয়া শুক্র ভাবিল অন্তরে ।
ধ্যানে দেখে কচ আছে আপন-উদরে ॥
শুক্র বলে, কচ, তুমি কহ বিবরণ ।
আমার উদরে আইলা কিসের কারণ ॥
কচ বলে, আমারে মারিল দৈত্যগণ ।
করাইল স্ত্রাসহ তোমারে ভক্ষণ ॥
জ্ঞান নাহি টুটে মম তব অধ্যয়নে ।
কেমনে বাহির হ'ব ভাবিতেছি মনে ॥
এত শুনি শুক্র তবে বলে আরবার ।
তোমারে বাহির কৈলে আমার সংহার ॥
বাহির না করিলে ব্রাহ্মণ-বধ হয় ।
মরণ হইতে বড় বিপ্রবধে ভয় ॥
ব্রহ্মা আদি দেবগণ আছে যতজন ।
ব্রহ্মবধ-পাপে নয় কাহারো মোচন ॥
এত ভাবি কচে শুক্র বলিল বচন ।
নিশ্চয় দেখি যে পুত্র, আমার মরণ ॥
সঞ্জীবনী-মন্ত্র আমি দিতেছি তোমারে ।
বাহির হইয়া তুমি জীয়াইবে মোরে ॥


এত বলি মন্ত্র দিল ভৃগুর নন্দন ।
গর্ভে থাকি কচ করে মন্ত্র অধ্যয়ন ॥
তবে দৈত্যগুরু নিজকরে খড়্গ লৈয়া ।
বাহির করিল কচে উদর চিরিয়া ॥
বাহির হইল কচ শুক্র ত্যজে প্রাণ ।
পুনরপি জীয়াইল মন্ত্র করি ধ্যান ॥
তবে মহাক্রুদ্ধ হৈল ভৃগুর নন্দন ।
স্বরা-প্রতি শাপ দিল মুনি ততক্ষণ ॥
ব্রাহ্মণ হইয়া যেই করে স্বরাপান ।
থাকুক পানের কাজ লয় যদি ভ্রাণ ॥
অধ্যায়ক ব্রহ্মঘাতী বলিব সে-জনে ।
ব্রহ্মতেজ নষ্ট তার হৈবে সেইক্ষণে ॥
ইহলোকে অপূজিত হৈবে সেই জন ।
মরিলে নরকমধ্যে হইবে গমন ॥
তবে শুক্র ডাকি বলে দৈত্যগণ-প্রতি ।
মম শিষ্যে মারিলে যে এ কেমন রীতি ॥
আজি হৈতে কচে পুনঃ কেহ না হিংসিবে ।
এই বাক্য হেলা কৈলে বড় দুঃখ পাবে ॥
কচেরে কহিল শুক্র আশ্বাস করিয়া ।
যথাস্থখে বিহরহ নির্ভয় হইয়া ॥
শুক্রের বচনে কচ নির্ভয় হইল ।
নানাবিদ্যা ব্রহ্মচর্য্য অধ্যয়ন কৈল ॥
অধ্যয়নশেষে বৃহস্পতির তনয় ।
দেবযানী-স্থানে গেল মাগিতে বিদায় ॥
আজ্ঞা কর, দেবযানি, যাই নিজদেশে ।
চিতে অনুগ্রহ মোরে রাখিহ বিশেষে ॥
এত শুনি দেবযানী বিষণ্ণবদন ।
কচেরে ডাকিয়া তবে বলেন বচন ॥
দেখহ আমার কচ যৌবন-সময় ।
তোমারে দেখি যে যোগ্য, কর পরিণয় ॥

শুনিয়া বিষয়ে কহে জীবের কুমার ।
 হেন অনুচিত বাক্য না বলিহ আর ॥
 গুরুর তনয়া তুমি আমার ভগিনী ।
 এমত কুৎসিত কেন বল দেবযানি ॥
 দেবযানী বলে, তুমি না কর খণ্ডন ।
 তোমারে করিতে বিভা হইয়াছে মন ॥
 ম'রেছিল। তুমি জীয়ালাম বারে বার ।
 মোর বাক্য নাহি রাখ কেমন বিচার ॥
 পূর্বের সৌহৃদ্য রাখ জীবের নন্দন ।
 এত শুনি কচ হৈল বিষম-বদন ॥
 কচ বলে, দেবযানি, এ নহে উচিত ।
 তোমায় আমার হেন না হয় পীরিত ॥
 যেই শুক্র হইতে তোমার জন্ম হয় ।
 সেই শুক্র হইতে আমার জ্ঞানোদয় ॥
 সহোদরা হও তুমি সহজে আমার ।
 কিমতে এমত বল বাক্য কদাচার ॥
 আজ্ঞা কর যাই আমি আপন-আলয় ।
 শুনি দেবযানী কোপ করে অতিশয় ॥
 নারী হয়ে বারে বারে করিছু বিনয় ।
 না রাখ আমার বাক্য তুমি দুরাশয় ॥
 যত বিদ্যা তোরে পড়াইল মোর বাপে ।
 সকল নিষ্ফল তোর হবে মম শাপে ॥
 কচ বলে, দেবযানি, করিলা কি কৰ্ম্ম ।
 বিনা দোষে শাপ দিলা নহে এই ধৰ্ম্ম ॥
 উত্তেজনাবশে যত বল অনুচিত ।
 সে কারণে দিব শাপ ইহার বিহিত ॥
 ব্রাহ্মণের শ্রেষ্ঠ শুক্র, তুমি কহা তাঁর ।
 মোর শাপে ক্ষত্রভর্তা হইবে তোমার ॥
 মোরে শাপ দিলা তুমি, না যাবে খণ্ডন ।
 বিকল হইবে, যাহা করিছু পঠন ॥

আমি পড়াইব যত মোর শিষ্যগণে ।
 সে-সবার ফললাভ হৈবে অধ্যাপনে ॥
 এত বলি কচ গেল ইস্তের নগর ।
 কচে দেখি আনন্দিত সকল অমর ॥
 কহিল সকল কচ যত বিবরণ ।
 নিঃশঙ্ক হইয়া যুদ্ধ করে দেবগণ ॥
 দেব-দৈত্য-যুদ্ধ-কথা না যায় লিখন ।
 এতেক শুনিলা দেবযানীর কথন ॥
 মহাভারতের কথা ব্যাসের রচিত ।
 পাঁচালী-প্রবন্ধে কাশীরাম-বিরচিত ॥

৪২ । রূপক-কথা শম্ভিষ্ঠার দাসীঘের
 বিবরণ ।

জন্মেজয় জিজ্ঞাসিল যুড়ি দুই কর ।
 অনন্তর কি হইল কহ মুনিবর ॥
 মুনি বলে, অবধান কর নৃপমণি ।
 কচের বিরহ-দুঃখে রহে দেবযানী ॥
 তবে কতদিন পরে রূপকর্ষপুরে ।
 কন্যাগণ মিলি গেল স্নান করিবারে ॥
 শম্ভিষ্ঠা-নামেতে রূপকর্ষার কুমারী ।
 স্নানেতে চলিল দাসীগণ সঙ্গে করি ॥
 শুক্রকন্যা দেবযানী চলিল সংহতি ।
 একত্রে চলিল সবে স্নানেতে যুবতী ॥
 চৈত্রেরথ-নামে বনে আছে সরোবর ।
 জলক্রীড়া করে সবে তাহার ভিতর ॥
 নিজ-নিজ বস্ত্র-সব রাখি তার কূলে ।
 উন্মত্তা হইয়া সবে ক্রীড়া করে জলে ॥
 হেনকালে খরতর বহিল পবন ।
 একত্রে করিল যত সবার বসন ॥



কবি ল. লবণ্যনি

• বিদ্যা • ১৯৮০ • ফল মৌসুমি

• কল নিখিল • ১৯৮০ • ফল মৌসুমি

আমিষপত্র, পৃষ্ঠা ৭০

জলক্রীড়া করিয়া উঠিল কন্যাগণ ।
 চিনিয়া পরিল সব আপন বসন ॥
 শশ্মিষ্ঠা দৈত্যের কন্যা উঠি শীঘ্রগতি ।
 শুক্রজার বস্ত্র পরে হইয়া বিস্মৃতি ॥
 দেবযানী বলে, তোর এত অহঙ্কার ।
 শূদ্রী হৈয়া বস্ত্র তুই পরিস্ আমার ॥
 দেবযানী-বাক্য শুনি শশ্মিষ্ঠা কুপিল ।
 দেবযানী চাহি তবে ক্রোধেতে বলিল ॥
 তোমায় আমার দেখ অনেক অন্তর ।
 মোর অন্ন খেয়ে রক্ষা কর কলেবর ॥
 মোর বাপে তোর বাপ সদা স্তুতি করে ।
 মোরে হেন বাক্য বল কোন্ অহঙ্কারে ॥
 অতিক্রুদ্ধ তোরে আমি করি যে গণনা ।
 মোর সঙ্গে দ্বন্দ্ব কর, না চিন আপনা ॥
 বলিতে-বলিতে ক্রোধ অধিক বাড়িল ।
 বলে ধরি কূপে দেবযানীরে ফেলিল ॥
 দেবযানী কূপে ফেলি গেল নিজাগার ।
 মরিল কি বাঁচিল সে, না দেখিল আর ॥
 দৈবের নির্বন্ধ কেবা খণ্ডিবারে পারে ।
 সেই বনে গেল রাজা যুগ মারিবারে ॥
 যুগযুগে রত বড় নহষ-নন্দন ।
 সসৈন্যে যযাতি রাজা গেল সেই বন ॥
 তৃষ্ণায় পীড়িত হৈল যযাতি রাজন ।
 জল-অশ্বেষণে ভ্রমে সব সৈন্যগণ ॥
 ভ্রমিতে-ভ্রমিতে দেখে কূপের ভিতর ।
 পড়িয়াছে কন্যা এক পরম সুন্দর ॥
 আন্তেব্যস্তে লোক গিয়া জানায় রাজারে ।
 শুনিয়া নৃপতি তবে এল তথাকারে ॥
 অতি পুরাতন কূপ আচ্ছন্ন ভূগেতে ।
 চন্দ্রসম কন্যা এক পড়িয়াছে তাতে ॥

রাজা বলে, কন্যা, কহ নিজ-বিবরণ ।
 কূপে পড়িয়াছ তুমি কিসের কারণ ॥
 দ্বিতীয় চন্দ্রের প্রায় ত্রৈলোক্য-মোহিনী ।
 কি নাম ধরহ তুমি কাহার নন্দিনী ॥
 রাজার বচন শুনি বলে দেবযানী ।
 দেবযানী নান মোর শুক্রের নন্দিনী ॥
 আমার বৃত্তান্ত রাজা কহিব পশ্চাতে ।
 আগে নরপতি, মোরে তোল কূপ হৈতে ॥
 কুলীন পণ্ডিত তুমি দেখি মহাজন ।
 মহাতেজোবস্ত দেখি রাজার লক্ষণ ॥
 করে ধরি তোল মোরে না করি বিচার ।
 বিষম প্রমাদ হৈতে করহ উদ্ধার ॥
 এত শুনি নৃপতি বলিল আরবার ।
 তোমার বচন চিতে না লয় আমার ॥
 ব্রাহ্মণের শ্রেষ্ঠ শুক্র তুমি কন্যা তাঁর ।
 দ্বিতীয় দেখি যে তব যৌবন-সঞ্চার ॥
 সেকারণে তোমারে ছুঁইতে না য়ায় ।
 কন্যা বলে, রাজা, দোষ নাহিক তাহার ॥
 অন্ধকূপে পড়িয়াছি মোর প্রাণ যায় ।
 হরিতে উদ্ধার করি প্রাণ রাখ রায় ॥
 এত শুনি নরপতি কন্যার বচন ।
 কন্যার দক্ষিণ হস্ত ধরি ততক্ষণ ॥
 করে ধরি নরপতি উপরে তুলিল ।
 কন্যা উদ্ধারিয়া রাজা নিজদেশে গেল ॥
 হেনকালে ঘূর্ণিকা-নায়েতে সহচরী ।
 সম্মুখে দেখিল তারে শুক্রের কুমারী ॥
 কান্দিয়া কহিল যত দুঃখ আপনার ।
 পিতারে জানাহ গিয়া মোর সমাচার ॥
 পুনঃ নগরেতে নাহি করিব গমন ।
 কোন্ লাজে লোকমাঝে দেখাব বদন ॥

চলি যাহ ঘূর্ণিকা গো, কহ পিতৃ-স্থান ।
 তাঁহাকে কহিয়া আমি ত্যজিব পরাণ ॥
 স্বরিতে জানাহ বাপে শুন গুণবতি ।
 এত শুনি ঘূর্ণিকা চলিল শীঘ্রগতি ॥
 করযোড়ে ঘূর্ণিকা বলিছে সবিনয় ।
 দেবযানী-বৃত্তান্ত শুনহ মহাশয় ॥
 শ্মশ্রুতা-সহিত গেল স্নান করিবারে ।
 বলেতে শ্মশ্রুতা কূপে ফেলাইল তাঁরে ।
 এত শুনি শুক্র হৈল বিরস-বদন ।
 দেবযানী দেখিবারে করিল গমন ॥
 দেখে শুক্র দেবযানী বনের ভিতরে ।
 হেঁট-মুখে বসি আছে চ'ক্ষে জল ঝরে ॥
 বস্ত্র দিয়া দৈত্যগুরু মুছান বদন ।
 জিজ্ঞাসিল বার্তা কিবা কহ বিবরণ ॥
 কোনকালে তুমি যে করিয়াছিলে পাপ ।
 তাহার কারণে তুমি পেলে এত তাপ ॥
 পাপ হৈতে দুঃখ পায় না হয় খণ্ডন ।
 শুনি দেবযানী বলে করুণ-বচন ॥
 পাপ নাহি জানি গো যাবৎ মম জ্ঞান ।
 কহি যত বিবরণ কর অবধান ॥
 ঋষপর্বকন্যা মোরে বলেতে ধরিয়া ।
 কূপে ফেলাইয়া ঘরে গেল যে চলিয়া ॥
 শূদ্রী হৈয়া মোর বস্ত্র করিল পিঙ্কন ।
 কতক কহিব যে কহিল কুবচন ॥
 মোর বাপে স্তুতি শুক্র করে অনুব্রতে^১ ।
 কুটুম্ব-সহিত খাও মোর ধন হৈতে ॥
 পুনঃপুনঃ কহিলেক যাহা আসে মুখে ।
 তার বাক্য বজ্র হেন বাজিয়াছে বুকে ॥

শুক্র বলে, দেবযানি, ত্যজ মনস্তাপ ।
 ক্রোধে লোক ভ্রষ্ট হয়, ক্রোধে হয় পাপ ॥
 অক্রোধের সম পুণ্য নাহিক সংসারে ।
 সর্বধর্মে ধার্মিক সে, ক্রোধে যে সম্বরে ॥
 শতেক বৎসর তপ করে যেই জন ।
 অক্রোধি-সহিত সম নহে কদাচন ॥

দেবযানী বলে, পিতা, আমি সব জানি ।
 অপমান কৈল মোর দৈত্যের নন্দিনী ॥
 সর্পের দংশনে যেন বিধে অঙ্গ দয়ঃ ।
 কার্ঠে-কার্ঠে ঘর্ষণে যেমন অগ্নি হয় ॥
 ততোধিক পিতা মম দহে কলেবর ।
 না হয় নিবৃত্তি সদা দহিছে অন্তর ॥

কন্যার বচন শুনি ভুগুর নন্দন ।
 ঋষপর্ব-দৈত্য-স্থানে করিল গমন ॥
 ঋষপর্বের চাহি শুক্র বলিল বিশেষ ।
 অন্যত্র যাইব ত্যজি তোমার এদেশ ॥
 পাপী ছুরাচার যেই হিংসা করে লোকে ।
 পুণ্যবান্ জন তার নিকটে না থাকে ॥
 জানিয়া শুনিয়া পাপ করে যেই জন ।
 অনুরূপ দুঃখ পায় না যায় খণ্ডন ॥
 তারে না ফলিলে তার পুত্র-পৌত্রে ফলে ।
 ব্যর্থ নাহি হয়, জেন' বিধি বেদে বলে ॥
 ব্রাহ্মণের শ্রেষ্ঠ বৃহস্পতির নন্দন ।
 পুনঃপুনঃ তুই তারে করিলি নিধন ॥
 মম কন্যা দেবযানী, তোর কন্যা তারে ।
 নিক্ষেপিল বধিবারে কূপের মাঝারে ॥
 নারীবধ ব্রহ্মবধ কৈলে বারে বার ।
 সহজে অশ্রু তুই দুষ্টি ছুরাচার ॥

কিলে পাপীর কাছে নিত্য পাপ বাড়ে ।
 কারণে সাধুজন পাপিনঙ্গ ছাড়ে ॥
 বলি ভৃগুহৃত চলিল সত্বর ।
 যে ধরি বসাইয়া বলে দৈত্যোৎসব ॥
 আমি পাপিষ্ঠ আমি বড় চুরাচার ।
 পনার গুণে প্রভু কর প্রতিকার ॥
 তি-ধন-রাজ্য-প্রাণ-কুটুম্বাদি করি ।
 এবং আমার দ্রব্যে তুমি অধিকারী ॥
 গুণ গোলাগ্রি যদি ছাড়ি যাবে মোরে ।
 প্তির সহিত আমি পশিব সাগরে ॥
 শুক্র বলে, তুমি গিয়া প্রবেশ সাগরে ।
 ার ত্যজহ কিংবা যাও দেশান্তরে ॥
 ণের সদৃশ হয় আমার কুমারী ।
 হার অপ্রিয় আমি করিবারে নারি ॥
 বোধ করিতে যদি পার দেবযানী ।
 ব ক্রান্ত হই আমি, শুন দৈত্যমণি ॥
 এত শুনি দৈত্যরাজ বিনয় করিয়া ।
 হে দেবযানীর অগ্রেতে দাঁড়াইয়া ॥
 ল কুর্কম্ব মোর ক্ষম অপরাধ ।
 য় হইয়া মোরে দেহ ত প্রসাদ ॥
 বযানী বলে, রাজা, বুঝহ অন্তরে ।
 বে সে প্রসন্ন আমি হইব তোমারে ॥
 শ্রীষ্ঠা তোমার কন্যা বড়ই দুর্ভাগী ।
 হরীসহ তারে কর মোর দাসী ॥
 ত শুনি দৈত্যরাজ কৈল অঙ্গীকার ।
 ইক্ষণে আনি অগ্রে দিব ত তোমার ॥
 ত বলি ধাত্রী পাঠাইল অন্তঃপুরে ।
 শ্রীষ্ঠারে বার্তা ধাত্রী কহিল সত্বরে ॥

ক্রোধ করি যায় শুক্র নগর ত্যজিয়া ।
 সে-কারণে রাজা মোরে দিল পাঠাইয়া ॥
 না মানে প্রবোধ কারো ভৃগুর নন্দন ।
 কেবল তাঁহার ক্রোধ তোমার কারণ ॥
 অতএব শীঘ্র তুমি যাহ তথাকারে ।
 তোমারে লইতে রাজা পাঠাইল মোরে ॥
 কন্যা বলে, যাহে হৈবে জ্ঞাতির কুশল ।
 প্রবোধিয়া শুক্রাচার্য্যে করিব নিশ্চল ॥
 এত বলি যায় কন্যা ধাত্রীর সংহতি ।
 যথায় আছেন পিতা দৈত্য-অধিপতি ॥
 সহস্রেক দাসী-সঙ্গে চড়ি চতুর্দোলে ।
 পিতার সম্মুখে গিয়া দাঁড়াইল তলে ॥
 রূপবর্ষ বলে, কন্যা, দৈবের লিখনে ।
 দেবযানী-কাছে তুমি থাক দাসীপণে ॥
 শ্রীষ্ঠা বলেন, পিতা, যে আজ্ঞা তোমার ।
 হইলাম দাসী আমি কর্মে আপনার ॥
 এত শুনি উত্তর করিল দেবযানী ।
 কিমতে হইবা দাসী তুমি ঠাকুরাণী ॥
 তোর বাপে মোর বাপ সদা স্তুতি করে ।
 তোমা-দত্ত অঙ্গে রাখিয়াছি কলেবরে ॥
 হেনজনে তুমি দাসী হইবে কেমনে ।
 শুনিয়া উত্তর কন্যা দিল ততক্ষণে ॥
 জ্ঞাতির কুশল আর পিতার বচন ।
 ছুই ধর্ম্য রাখিতে করিনু দাসীপণ ॥
 ইহাতে আমার লজ্জা তিলেক নহিবে ।
 তথাচ রাজার কন্যা সবাই বলিবে ॥
 পরে শুক্র-দেবযানী গেল নিজঘর ।
 সঙ্গেতে শ্রীষ্ঠা গেল সহ-পরিচর্য্য ॥

আদিপর্বে হয় দেবযানীর আখ্যান ।
কাশীদাস বলে সব অমৃত-সমান ॥

৪০। দেবযানীর বিবাহ ।

হেনমতে নানারঙ্গে বঞ্চে দেবযানী ।
দাসীভাবে সেবে তারে দৈত্যের নন্দিনী ॥
কতদিনে দেবযানী শশ্মিষ্ঠা লইয়া ।
সহস্রেক দাসীগণ সংহতি করিয়া ॥
চৈত্রেরথ-নামে বন অতি মনোহর ।
নানারঙ্গে ক্রীড়া করে তাহার ভিতর ॥
কেহ নাচে, কেহ গায়, কেহ দেয় তালি ।
নানা বাজারস্তে কেহ দেয় হলাহলি ॥
কিশলয়-শয্যায় শয়ানা দেবযানী ।
পদসেবা করে তাঁর দৈত্যের নন্দিনী ॥
হেনকালে সেই বনে দৈবের লিখন ।
যযাতি নৃপতি এল যুগয়া-কারণ ॥
কন্যাকে দেখিয়া জিজ্ঞাসিল নৃপমণি ।
কি নাম ধরহ তুমি, কাহার নন্দিনী ॥
এত শুনি দেবযানী করিল উত্তর ।
দৈত্যগুরু শুক্র-নামে খ্যাত চরাচর ॥
তাঁহার তনয়া আমি নাম দেবযানী ।
শশ্মিষ্ঠা আমার সখী দৈত্যেশ-নন্দিনী ॥
তুমি কিবা নাম ধর, কাহার নন্দন ।
এধাকারে এলে তুমি কোন্ প্রয়োজন ॥
শুনিয়া কন্যার বাক্য বলেন নৃপতি ।
নহস-নন্দন আমি নামেতে যযাতি ॥
ব্রাহ্মচার্যশীল আমি বিখ্যাত সংসারে ।
যুগয়া-কারণে আইলাম এধাকারে ॥

দেবযানী বলে, আমি ভালমতে জানি ।
তোমার বংশের কথা অমৃত কাহিনী ॥
পরম-সুন্দর তুমি বলে মহাতেজা ।
ব্রাহ্মচার্যবিজ্ঞ তুমি ধর্মশীল রাজা ॥
পূর্বে কূপ হৈতে তুমি তুলিলা আমারে ।
পুরুষ হইয়া তুমি ধরিয়াছ করে ॥
একণে আমারে বিভা কর নরপতি ।
সহস্রেক দাসী পাবে আমার সংহতি ॥
তোমার বংশেতে কেহ বিভা নাহি করে ।
হাতে ধরি লৈয়া যায় কন্যা নিজঘরে ॥
একণে আমার হস্ত ধরি লহ তুমি ।
স্বেচ্ছায় তোমারে রাজা বরিলাম আমি ॥

রাজা বলে, জানি শুক্র তপঃকল্পতরু
ব্রাহ্মণের শ্রেষ্ঠ আর দৈত্যগণ-গুরু ॥
তাঁহার নন্দিনী তুমি বন্দিতা আমার ।
সেকারণে যোগ্য আমি না হই তোমার ॥
তোমা বিভা করিবারে বড় মনে ভয় ।
শুক্র-ক্রোধে হবে মোর জীবন-সংশয় ॥
সপের বিষের তেজে একজন মরে ।
ব্রাহ্মণের ক্রোধ-বিষে সবংশে সংহারে ॥
দেবযানী বলে, রাজা, কি ভয় তোমার ।
অযাচকে যাচি দিলে দোষ নয় তার ॥
রাজা বলে, শুক্র যদি দেন অনুমতি ।
তবে বিভা করিবারে পারি গুণবতি ॥
এত শুনি দেবযানী রাজার উত্তর ।
ভাবিয়া চিন্তিয়া গেল পিতার গোচর ॥
পিতারে কহিল কন্যা যত বিবরণ ।
যযাতি নৃপতি এল যুগয়া-কারণ ॥
মহাধর্মশীল রাজা নহু-তনয় ।
তাঁরে সম্প্রদান কর মোরে মহাশয় ॥

শুনিয়া কন্ঠার বাক্য বলে শুক্রাচার্য্য ।
 যযাতিকে দিব তোমা এ নহে আশ্চর্য্য ॥
 এত বলি দৈত্যগুরু চলে শীত্ৰগতি ।
 দেবযানী-সহ গেল যথা নরপতি ॥
 শুক্রে দেখি নরপতি প্রগতি করিল ।
 কৃতাজ্জলি হইয়া সম্মুখে দাঁড়াইল ॥
 শুক্র বলে, শুনহ যযাতি নৃপমণি ।
 এই দেবযানী হয় আমার নন্দিনী ॥
 স্বেচ্ছামত ইহারে বিবাহ কর তুমি ।
 করে ধরি সম্প্রদান করিতেছি আমি ॥
 রাজা বলে, ধন্যধর্ম্ম জানহ আপনি ।
 ক্ষত্রিয়ের যোগ্য নহে ব্রাহ্মণনন্দিনী ॥
 শুক্র বলে, আছে দোষ বলে বেদবাণী ।
 ব্রাহ্মণতনয়া তিন বর্ণের জননী ॥
 তথাপিহ বিভা কর আজ্ঞায় আমার ।
 মম তপোবলে দোষ খণ্ডিবে তোমার ॥
 এক বাক্য আমার শুনহ নৃপমণি ।
 শর্ম্মিষ্ঠা দেখহ এই দৈত্যের নন্দিনী ॥
 মম কন্যা দেবযানী-সেবিকা এ হয় ।
 দাসীভাবে দেখিবে যে সকল সময় ॥
 এত বলি সম্প্রদান কৈল দেবযানী ।
 শুক্রে প্রণমিয়া দেশে গেল নৃপমণি ॥
 শর্ম্মিষ্ঠার সহ এক সহস্র যুবতী ।
 অশোকবনেতে রাজা দিলেন বসতি ॥
 যথাযোগ্য ভক্ষ্য-ভোজ্য-বসন-ভূষণ ।
 প্রত্যক্ষে সবারে রাজা কৈল নিয়োজন ॥
 দেবযানী হইল প্রধান পাটেশ্বরী ।
 হেনমতে ক্রীড়া করে দিবস-শরৎকাল ॥
 ধরিল প্রথম গর্ভ শুক্রে নন্দিনী ।
 দশমাসে প্রসব করিল দেবযানী ॥

দ্বিতীয়র চন্দ্রসম হইল নন্দন ।
 নন্দনের যত্ন নাম রাখিল রাজন্ ॥
 কতদিন পরে দেখ দৈবের যে গতি ।
 দৈত্যকন্যা শর্ম্মিষ্ঠা হইল ঋতুমতী ॥
 ঋতুমান করি কন্যা চিন্তিত মানসে ।
 স্বামিহীন হইলাম নিজ কর্ম্মদোষে ॥
 বৃথা জন্ম গেল মোর এ নব-যৌবনে ।
 পুত্রহীনা হইলাম বঞ্চি দাসীপণে ॥
 হরি হরি বিধি মোরে হইলে নিষ্ঠুর ।
 কোন্ কর্ম্ম লভিলাম জন্মি মর্ত্যপুর ॥
 ভাগ্যবতী দেবযানী যৌবনসময় ।
 লভিল আপন স্বামী পাইল তনয় ॥
 এতেক বিবাদ করি ভাবে মনে-মনে ।
 পুত্র-বর মাগি লব যযাতি রাজনে ॥
 দেবযানী সখী মোর হয় ত ঈশ্বরী ।
 তাঁহার ঈশ্বর হৈলে মোর অধিকারী ॥
 যদি পাই একান্তে নৃপতি-দরশন ।
 ঋতুদান মাগি ল'ব এই লয় মন ॥
 যযাতি যে সত্যব্রত বিখ্যাত সংসারে ।
 যা-কিছু যে চাহে, তাহা অন্যথা না করে ॥
 এতেক চিন্তিতে দেখ দৈবের লিখন ।
 আইল নৃপতি তথা বিহার-কারণ ॥
 নানা-বৃক্ষ-ফল-ফুলে শোভে রম্য বন ।
 একাকী ভ্রময়ে তথা যযাতি রাজন্ ॥
 হেনকালে শর্ম্মিষ্ঠা রাজ্যারে একা দেখি ।
 সন্নিহিতে গিয়া প্রণমিল শশিমুখী ॥
 কৃতাজ্জলি হইয়া সম্মুখে দাঁড়াইল ।
 সবিনয়ে দৈত্যবালা কহিতে লাগিল ॥
 উপেন্দ্র মহেন্দ্র চন্দ্র জলেন্দ্র প্রায় ।
 সর্ব্বগুণে নৃপতি তোমারে গণি তায় ॥

আমারে নৃপতি তুমি জান ভালমতে ।
 শুনহ প্রার্থনা এক করি যে তোমাতে ॥
 কামভাবে তোমারে না করি নিবেদন ।
 ঋতুরক্ষা কর মোর ধর্মের কারণ ॥
 রাজা বলে, ইহা না कहিও কদাচন ।
 শুক্রেণ বচন তব নাহি কি স্মরণ ॥
 দেবযানী-বিবাহে বলিল বারে বারে ।
 দাসীভাবে সর্বকালে দেখিতে তোমারে ॥
 শুক্রেণ বচন কেবা খণ্ডাইতে পারে ।
 কি শক্তি আমার বল পরশি তোমারে ॥
 কন্যা বলে, রাজা, তুমি পরম-পণ্ডিত ।
 তোমারে বুঝাব আমি না হয় উচিত ॥
 বিবাহের কালে, সর্বধন-অপহারে ।
 কোতুকেতে, আর নারী-সহিত বিহারে ॥
 প্রাণের সংশয়ে যদি মিথ্যা কেহ কহে ।
 এই পঞ্চ-স্থানে মিথ্যা পাপহেতু নহে ॥
 দেবযানী তোমারে বরিল যেই ক্ষণে ।
 আমার বরণ রাজা হৈল সেই দিনে ॥
 একে সখী দেবযানী দ্বিতীয়ে ঈশ্বরী ।
 তাঁর ভর্তা তুমি মম হৈলা অধিকারী ॥
 রাজা বলে, নহে এই ধর্মের বিচার ।
 মিথ্যা-বাক্য কভু নাহি শোভে যে রাজার ॥
 লোকে মিথ্যা পাপ কৈলে দণ্ড দেয় রাজা ।
 রাজা মিথ্যাবাদী হৈলে লোকে নাহি পূজা ॥
 কন্যা বলে, রাজা, নহে অধর্ম আচার ।
 ভার্য্যা, পুত্র, দাসেতে স্বামীর অধিকার ॥
 ঈশ্বরী-ঈশ্বর তুমি আমার ঈশ্বর ।
 সে-কারণে তোমারে মাগিহু পুত্রবর ॥
 কন্যার বচন শুনি সত্য-ধর্মনীতি ।
 হৃদয়ে ভাবিয়া তবে কহে নরপতি ॥

রাজা বলে, পূর্বের করিয়াছি অঙ্গীকার ।
 যে যাহা মাগিবে, দিব, প্রতিজ্ঞা আমার ॥
 সে-কারণে তোমার পুরাব অভিলাষ ।
 এত বলি গেল রাজা শ্মশ্রুতার পাশ ॥
 ঋতুদান শ্মশ্রুতারে দিল নরপতি ।
 কেহ না জানিল, গেল আপন-বসতি ॥
 রাজার ঔরসে গর্ভ শ্মশ্রুতা ধরিল ।
 দশমাস দশদিনে পুত্র প্রসবিল ॥
 পরম-সুন্দর হৈল রাজার নন্দন ।
 হস্তপদে চক্র শোভে কমললোচন ॥
 শ্মশ্রুতার পুত্র হৈল লোকে হৈল শব্দ ।
 বার্তা পেয়ে দেবযানী হৈল মহাস্তব্ধ ॥
 আশ্চর্য্য শুনি যে পুত্র হইল কিমতে ।
 শ্মশ্রুতার গৃহে তবে চলিল ত্বরিতে ॥
 দেবযানী বলে, সখি, করিলে কি কর্ম ।
 কামে মত্ত হৈয়া নষ্ট কৈলে সতীধর্ম ॥
 শ্মশ্রুতা বলেন, সখি, দৈবের লিখন ।
 মোর ঋতুকালে আসে ঋষি একজন ॥
 কামভাবে তাঁহারে না করিহু কামনা ।
 পুত্রদান দিয়া মোরে গেল সেই জনা ॥
 দেবযানী বলে, সখি, কহ সত্য-কথা ।
 কি নাম ঋষির বল তাঁর বাস কোথা ॥
 শ্মশ্রুতা বলেন, ঋষি পরম-সুন্দর ।
 মহাতেজ ধরে ঋষি যেন দিবাকর ॥
 তাঁরে জিজ্ঞাসিতে শক্তি হইবে কাহার ।
 সে-কারণে নাম-গোত্র না জানি তাঁহার ॥
 দেবযানী বলে, সখি, তুমি ভাগ্যবতী ।
 ঋষিবরে হৈল পুত্র চন্দ্রসম দ্যুতি ॥
 এত বলি দেবযানী গেল অন্তঃপুরে ।
 হেনমতে তার কত দিবস-অন্তরে ॥

দেবযানী প্রসবিল দ্বিতীয় কুমার ।
 তুর্কস বলিয়া নাম রাখিল তাহার ॥
 দেবযানী প্রসবিল এ-ছই নন্দন ।
 যদু আর তুর্কস বিখ্যাত সর্বজন ॥
 শশ্মিষ্ঠার গর্ভে জন্মে রাজার গুণসে ।
 তিনপুত্র হৈল নাম শুন সবিশেষে ॥
 জ্যেষ্ঠ ভ্রাতৃ অনু তার দ্বিতীয় কুমার ।
 কনিষ্ঠ হইল পুরু সর্বগুণাধার ॥
 রাজার কুমার সব বাড়ে দিনে-দিনে ।
 ঋষি হৈতে পুত্র হয় দেবযানী জানে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৪৪। যযাতির প্রতি শুক্রের অভিষাণ ।

হেনমতে কতদিনে যযাতি নৃপতি ।
 বিহারে চলিল দেবযানীর সংহতি ॥
 নানারূপে অশোভিত অশোকের বন ।
 ফল-ফুলে অগন্ধি, স্নানাদে পক্ষিগণ ॥
 দেবযানীসহ ক্রীড়া করে নৃপবর ।
 শশ্মিষ্ঠা আইল সেই বনের ভিতর ॥
 শশ্মিষ্ঠার তিন পুত্র বাপেরে দেখিয়া ।
 রাজার নিকটে সবে আইল ধাইয়া ॥
 হৃন্দর কুমার তিন দেখি দেবযানী ।
 জিজ্ঞাসিল, কার পুত্র কহ নৃপমণি ॥
 মৌনেতে রহিল রাজা না দিল উত্তর ।
 কুমারগণেরে তবে পুছিল সত্ত্বর ॥
 কি নাম তোমরা ধর, কাহার নন্দন ।
 সত্য কহ, এখায় আইলা কি কারণ ॥

দেবযানী বলে যদি এতেক বচন ।
 প্রত্যেকে আপন নাম কহে তিনজন ॥
 শশ্মিষ্ঠা-নামেতে আশা-সবাংকার মাতা ।
 রাজাকে দেখায়ে বলে এই মোর পিতা ॥
 এত বলি গেল তিনে রাজার নিকটে ।
 প্রণিপাত করি দাঁড়াইল করপুটে ॥
 দেবযানী-ভয়ে রাজা কিছু না বলিল ।
 বিরস-বদনে তিন শিশু বাহুড়িল ॥
 এত শুনি দেবযানী অরুণ-লোচন ।
 শশ্মিষ্ঠারে ডাকি তবে বলেন বচন ॥
 পূর্বে যে কহিলি তুই আমার গোচরে ।
 ‘ঋষি এক পুত্রদান দিলেন আমারে’ ॥
 এক্ষণে তোমার কথা হইল বিদিত ।
 শশ্মিষ্ঠা শুনিয়া তাহা হইল বিস্মিত ॥
 করযোড় করিয়া শশ্মিষ্ঠা কহে বাণী ।
 ধর্ম্য নাহি ঘাটিং আমি শুন ঠাকুরাণী ॥
 তুমি মোর ঈশ্বরী তোমার রাজা পতি ।
 সেকারণে মোর ভর্তা হৈল নরপতি ॥
 সেবিকার পুত্রগণ তোমার সেবক ।
 ক্রোধ পরিহর মোর দেখিয়া বালক ॥

দেবযানী বলে, তুমি সেবিকা হইয়া ।
 মোর স্বামী ভোগ কর ভয় না চিন্তিয়া ॥
 ক্রোধে দেবযানী তবে রাজা-প্রতি বলে ।
 শুক্রবাক্য লঙ্ঘন করিলে অবহেলে ॥
 গুরুবাক্য লঙ্ঘি কর সেবিকা-গমন ।
 জানিলাম মহাপাণী তুমি হে রাজন ॥
 আর না রহিব আমি তোমার সদন ।
 এত বলি দেবযানী করেন ক্রন্দন ॥

কান্দিতে কান্দিতে যায় জনকের ঘর ।
 বিনয় করিয়া রাজা বুঝান বিস্তর ॥
 রাজার বিনয়-বাক্য না শুনিল কানে ।
 দেখিয়া নৃপতি বড় ভয় পায় মনে ॥
 পাছে নাহি চাহে ক্রোধে যায় শীঘ্রগতি ।
 পাছে-পাছে নরপতি চলিল সংহতি ॥
 শূক্রে সন্মুখে গিয়া হৈল উপনীত ।
 প্রণাম করিয়া কহে রাজার চরিত ॥

অবধান কর পিতা, মোর নিবেদন ।
 অধর্ম প্রবৃত্ত হইল যযাতি রাজন ॥
 তোমার নিয়ম-বাক্য করিয়া হেলন ।
 শর্মিষ্ঠারে পত্নীভাবে করিল গ্রহণ ॥
 তিনপুত্র জন্মাইল তাহার উদরে ।
 দুর্ভাগ্য করিল মোরে রাজা অবিচারে ॥
 আমার উদরে দুই পুত্র জন্মাইল ।
 এথায় তোমার বাক্য হেলন করিল ॥

কন্যার বচন শুনি ভৃগুর নন্দন ।
 ক্রোধ করি রাজারে বলিল ততক্ষণ ॥
 সর্বধর্মজ্ঞাত তুমি পরম-পণ্ডিত ।
 মম বাক্য লজ্জা রাজা, নাহি হবে হিত ॥
 গুরুবাক্য নাহি মান করি অহঙ্কার ।
 এই পাপে অঙ্গে জরা হইবে তোমার ॥

শুনিয়া শূক্রে শাপ কল্পিত-হৃদয়ে ।
 করযোড় করি রাজা বলিল বিনয়ে ॥
 মোর কোন্ শক্তি প্রভু তোমারে লজ্জিতে ।
 সর্ব ধর্মাদর্শ মুনি, গোচর তোমাতে ॥
 সত্য কহি তব পাশে, শুন তপোধন ।
 পত্নীভাবে শর্মিষ্ঠারে না করি গ্রহণ ॥

ঋতুদান শর্মিষ্ঠা যাচিল বারংবার ।
 সে-কারণে ঋতুরক্ষা করিলাম তার ॥
 ঋতুরক্ষা-তরে নর হইয়া প্রার্থিত ।
 না করিলে মহাপাপে হয় নিপতিত ॥
 নপুংসক হৈয়া জন্ম লয় ক্ষিতিতলে ।
 নরকের মধ্যে গিয়া পড়ে অন্তকালে ॥
 ঋতুদান করিলাম করি ধর্মভয় ।
 আর মোর অঙ্গীকার জান মহাশয় ॥
 যে যাহা মাগিবে, নাহি করি প্রত্যাখ্যান ।
 সেকারণে দিখু যে মাগিল ঋতুদান ॥

শূক্রে বলে, ধর্মভয় করিলা বিচার ।
 মোর বাক্যে ভয় নাহি এত অহঙ্কার ॥
 এতেক বলিবামাত্র ভৃগুর নন্দন ।
 রাজার শরীরে জরা হইল তখন ॥
 অশক্ত হইল রাজা, শূক্রে হৈল কেশ ।
 মুখেতে না সরে বাক্য হৈল বুদ্ধবেশ ॥
 আপনার অঙ্গ দেখি নৃপতি বিস্ময় ।
 যোড়হাতে কহে পুনঃ করিয়া বিনয় ॥
 অতৃপ্ত যৌবন মোর, অতৃপ্ত কামনা ।
 তব কন্যা দেবযানী প্রথম-যৌবনা ॥
 হইলাম বঞ্চিত এ সংসারের স্ত্রুতে ।
 কৃপায় শাপাস্ত-আজ্ঞা কর প্রভু মোকে ॥
 শূক্রে বলে, মম বাক্য না হয় খণ্ডন ।
 ভোগ করিবারে রাজা, আছে যদি মন ॥
 আপনার জরাবস্থা দিয়া অন্যজন ।
 সাংসারিক স্ত্রুখভোগ করহ আপনে ॥
 রাজা বলে, আছে মোর পাঁচটি কুমার ।
 যেই জরা লবে, তারে দিব রাজ্যভার ॥

শুক্ৰ বলে, জরভার লবে যেই জন ।
দীর্ঘায়ু হইবে সেই রাজ্যের ভাজন^১ ॥
বংশবৃদ্ধি হবে আর রাজ্যে হবে রাজা ।
পরম-পণ্ডিত হবে বলে মহাতেজা ॥
শুক্ৰের পাইয়া আজ্ঞা যযাতি রাজন্ ।
দেবযানীসহ দেশে করিল গমন ॥
যযাতি-চরিত্র-কথা শ্রবণে অমৃত ।
পাঁচালী-প্রবন্ধে কাশীদাস-বিরচিত ॥

৪৫। পুত্রর অরা-গ্রহণ ও যযাতির যৌবনপ্রাপ্তি ।

দেশে আসি নৃপতি বসিল সিংহাসনে ।
জ্যেষ্ঠ পুত্র যদুরে বলিল ততক্ষণে ॥
শুক্ৰশাপে জরা বাপু, হইল শরীরে ।
যৌবনের ভোগে মম মন নাহি পূরে ॥
জ্যেষ্ঠ পুত্র হও তুমি পরম-পণ্ডিত ।
খণ্ডিতে পিতার দুঃখ হয় ত উচিত ॥
সেকারণে মম জরা লহ রে শরীরে ।
তোমার যৌবন পুত্র, দেহ ত আমারে ॥
সহস্র বৎসর-অন্তে পাইবে যৌবন ।
এত শুনি যদু হৈল বিরস-বদন ॥
জরা-সম দুঃখ পিতা, নাহিক সংসারে ।
অন্ন-পান-হীন শক্তি না থাকে শরীরে ॥
শরীর কুৎসিত হয়, লোকে উপহাসে ।
হেন জরা লৈতে মোর মনে নাহি আসে ॥
আর চারি পুত্র পিতা আছয়ে তোমার ।
তাহা স্বাকারে জরা দেহ আপনার ॥

শুনিয়া হইল ক্রুদ্ধ যযাতি রাজন্ ।
জ্যেষ্ঠ পুত্র হৈয়া তুমি হৈলা অভাজন ॥
তোর বংশে রাজা নাহি হবে কোনকালে ।
জ্যেষ্ঠ হৈয়া তুমি মোর কুপুত্র হইলে ॥

তাহার অনুজ নাম তুর্বহু স্তম্ভর ।
তাহারে আনিয়া জিজ্ঞাসিল নৃপবর ॥
শুক্ৰশাপে জরা হৈল না যায় খণ্ডন ।
জরা ল'য়ে দেহ পুত্র, আপন যৌবন ॥
সহস্র বৎসর পরে বৎস, পুনর্বার ।
তোমারে যৌবন দিয়া ল'ব জরাভার ॥
তুর্বহু বলিল পিতা, জরা বড় দুঃখ ।
আচারে বর্জিত, যায় সংসারের স্তম্ভ ॥
হেন জরা লৈতে মোর নাহি লয় মতি ।
শুনিয়া কুপিত অতি হৈল নরপতি ॥
পুত্র হৈয়া পিতৃবাক্যে কর অনাদর ।
এই পাপে স্নেহহীন হইবে দণ্ডধর ॥
তব বংশে যতেক হইবে পুত্রগণ ।
মুর্থ হৈয়া করিবেক অভক্ষ্য-ভক্ষণ ॥

দেবযানী-দুই-পুত্র না শুনিল বাণী ।
শশ্বিষ্ঠার পুত্রগণে ডাকিল আপনি ॥
শশ্বিষ্ঠার জ্যেষ্ঠ পুত্র দ্রুহ্য নাম ধরে ।
মধুর-বচনে রাজা বলিল তাহারে ॥
অর্পিয়া আমারে পুত্র তোমার যৌবন ।
শাপসহ জরাভার করহ গ্রহণ ॥
দ্রুহ্য বলে, রাজা, জরা বহু দোষ ধরে ।
অন্যের থাকুক কাজ বাক্য নাহি সরে ॥
না পারিব সহিতে যে জরার যন্ত্রণা ।
অশ্রুতে করহ আজ্ঞা লবে সেই জনা ॥

শুনিয়া ক্রোধেতে রাজা বলিল তখন ।
 পুত্র হৈয়া পিতৃবাক্য করিলা লঙ্ঘন ॥
 চারিজাতি ভেদ নাহি রহিবে যথায় ।
 তব বংশধর রাজ্য করিবে তথায় ॥
 যতেক করিবা আশা হইবে নিরাশ ।
 কড় পূর্ণ না হইবে তব অভিলাষ ॥

অনু বলি পুত্র তাঁর ক্রোধের সোদর ।
 তাহারে ডাকিয়া তবে বলে নৃপবর ॥
 মম জরা লহ বাপু, কর পুত্র-কাজ ।
 শুনিয়া বলয়ে অনু, শুন মহারাজ ॥
 জরাসম দুঃখ নাই জগৎ-সংসারে ।
 সদাই অশুদ্ধ দেহ থাকে অনাচারে ॥
 যে-কিছু খাইলে জীর্ণ না হয় উদরে ।
 ছেন জরা লৈতে পিতা, না বল আমারে ॥
 রাজা বলে, তুমি পুত্র, বড় ছরাচার ।
 পুত্র হৈয়া বাক্য তুমি লজ্জিলা আমার ॥
 যতেক জরার দোষ কহিলা আপনে ।
 সেই সব দুঃখ তুমি ভুঞ্জ অনুক্ষেণে ॥
 তোমার ঔরসে পুত্র যতেক হইবে ।
 যৌবন-কালেতে তারা সবাই মরিবে ॥

তবে ত নৃপতি বড় হইয়া চিন্তিত ।
 সবার কনিষ্ঠ পুত্রে ডাকিল স্বরিত ॥
 সব হৈতে প্রিয় তুমি কনিষ্ঠ নন্দন ।
 প্রিয়কর্ম কর, রাখ আমার বচন ॥
 শুক্রশাপে জরা হৈল আমার শরীরে ।
 ভৃগু নাহি পাই স্থখে জানাই তোমাতে ॥
 পুত্র-কর্ম কর, দেহ আপন যৌবন ।
 সহস্র বৎসর পরে করিব অর্পণ ॥
 মম জরা-দুঃখ পুত্র লহ নিজ কায় ।
 স্বীকার করিলে তুমি মম দুঃখ যায় ॥

পিতার বচন শুনি কহে যোড়করে ।
 তোমার বচন রাজা কে লজ্জিতে পারে ॥
 পুত্র হৈয়া পিতৃবাক্য না রাখে যে-জন ।
 ইহলোকে অপযশ নরকে গমন ॥
 তব জরা দেহ পিতা আমার শরীরে ।
 আমার যৌবন পিতা ভুঞ্জ কলেবরে ॥

এতেক শুনিয়া রাজা হরষিত-মন ।
 মুখে চুষ দিয়া পুত্রে বলেন বচন ॥
 বংশবৃদ্ধি হবে তব, ধর্ম্মেতে তৎপর ।
 তোমার বংশেতে হবে রাজ্যের ঈশ্বর ॥
 এতেক বলিয়া শুক্রে করিয়া স্মরণ ।
 পুরু-অঙ্গে জরা থুয়ে পাইল যৌবন ॥
 যৌবন পাইয়া তবে যযাতি রাজন্ ।
 সদা ধর্ম্মকর্ম করে, না যায় লিখন ॥
 যজ্ঞ-হোমে তুষ্ট করি যত দেবগণে ।
 পিতৃগণে তুষ্ট কৈল শ্রাদ্ধাদি তর্পণে ॥
 দানেতে তুষিল দ্বিজ দরিদ্র ভিক্ষুক ।
 স্থপালনে প্রজাগণে দিল বড় স্থখ ॥
 অভ্যাগত অতিথি তুষিল নৃপবর ।
 প্রতাপে নাহিক দুষ্ট রাজ্যের ভিতর ॥
 কামরসে কামিনীগণেরে রাজা তোষে ।
 সুহৃদ-বান্ধব-মন্ত্রী তোষে প্রিয়-ভাষে ॥
 হেনমতে রাজ্য করে সহস্র বৎসর ।
 পূর্ববাক্য স্মরণ করিল নৃপবর ॥
 জরায় পীড়িত পুত্রে দেখিয়া নৃপতি ।
 আপনারে ধিকার করেন মহামতি ॥
 আপনার জরা দিয়া দিখু পুত্রে দুঃখ ।
 পুত্রের যৌবনে আমি ভুঞ্জিলাম স্থখ ॥
 লোভেতে পুত্রের কষ্ট না দেখি নয়নে ।
 কামতোগে মত্ত আমি, দুঃখিত নন্দনে ॥

কাম্যকের কামপূর্ণ না হয় কখন ।
যত ভুঞ্জে, তত বাড়়ে, নহে তৃপ্ত মন ॥
এত চিন্তি নরপতি বলিল নন্দনে ।
বহু ভোগ করিলাম তোমার যৌবনে ॥
পুত্রকর্ম্ম করি শ্রীত করিলা আমারে ।
তোমার মহিমা যত ঘূষিবে সংসারে ॥
আপন যৌবন লহ, জরা দেহ মোরে ।
ছত্রদণ্ড দিব আমি তোমার উপরে ॥

এত বলি জরা নিল নহষ-নন্দন ।
পুরুষ হইল প্রাপ্তি আপন যৌবন ॥
পুরু রাজা হবে বলি দিলেন ঘোষণা ।
পাত্র মিত্র অমাত্য ডাকিল সর্ব্বজনা ॥
ব্রাহ্মণ ক্ষত্রিয় বৈশ্য শূদ্র যত প্রজা ।
রাজ্যেতে যতেক বৈসে আনাইল রাজা ॥
পুরু-অভিষেক দেখি যত প্রজাগণ ।
কহিতে লাগিল ভূপে করি সম্বোধন ॥
নানাশাস্ত্রে বিজ্ঞ তুমি নহষ-নন্দন ।
জ্যেষ্ঠ-পুত্র-বিহ্বমানে বল কি কারণ ॥
কনিষ্ঠ হইবে রাজ-ছত্র-অধিকারী ।
এ কেমন যুক্তি মোরা বুঝিতে না পারি ॥
সর্ব্বগুণ-যুত যত্ন পরম-সুন্দর ।
তার বিহ্বমানে পুরু কেন রাজ্যেস্থর ॥
ধর্ম্মনীতি যত তুমি জান মহাশয় ।
কনিষ্ঠে করিবা রাজা কোন্ শাস্ত্রে কয় ॥

প্রজাগণ-বচন শুনিয়া নৃপবর ।
সর্ব্বজনে সম্ভাষিয়া করিল উত্তর ॥
মাতা-পিতৃ-বাক্য যেই পুত্র নাহি রাখে ।
তারে পুত্র বলে, হেন কোন্ শাস্ত্রে লেখে ॥
পুরুকে জানি যে আমি আপন-কুমার ।
আর পুত্র অকারণ হইল আমার ॥

পরম-পণ্ডিত পুরু জানে সর্ব্বধর্ম্ম ।
রাখিয়া আমার বাক্য কৈল পুত্র-কর্ম্ম ॥
জরায় পীড়িত আমি মাগিছু যৌবন ।
মম বাক্য না রাখিল অশ্রু চারিজন ॥
পণ্ডিত হুবুজি পুরু করিল স্বীকার ।
সহস্র বৎসর নিল মোর জরাভার ॥
সেকারণে রাজ্যভারে পুরু যোগ্য হয় ।
হেন পুরু রাজা হবে, ধর্ম্ম কেন নয় ॥

প্রজাগণ বলে, শুক্র জগতে বিদিত ।
তাঁহার দৌহিত্রগণ সংসারে পুঞ্জিত ॥
তাঁদেরে না দিয়া অশ্রু দিবা অধিকার ।
হইলে শুক্রের ক্রোধ নাহিক নিস্তার ॥
রাজা বলে, শুক্রে করিয়াছি নিবেদন ।
যেই জরা লইবে, সে রাজ্যের ভাজন ॥
শুক্র বলে, যেই পুত্র লবে জরাভার ।
আপনার রাজ্যে তারে দিবা অধিকার ॥
প্রজাগণ বলে, কিছু কহিতাম' আর ।
শুক্র-আজ্ঞা হইয়াছে, নাহিক বিচার ॥
মাতা-পিতৃ-বাক্য যেই করয়ে পালন ।
তারে পুত্র বলি হেন কহে মুনিগণ ॥
রাজ-যোগ্য হয় পুরু ধর্ম্মেতে তৎপর ।
সবার স্বীকারে পুরু হয় দণ্ডধর ॥

এত যদি বলিল সকল প্রজাগণ ।
অভিষেক করিল পুরুকে ততক্ষণ ॥
ছত্র-দণ্ড দিল তবে নৃপতি যযাতি ।
পুত্রে শিক্ষা করাইল যত রাজনীতি ॥
আদিপর্ব্বের বিচিত্র যযাতি-উপাখ্যান ।
কাশীরাম দাস কহে, শুনে পুণ্যবান ॥

৪৬। বসন্তির স্বর্গ-গমন।

লইল নৃপতি পরে জরাব্যাপি অঙ্গে।

রাজ্য ত্যজি গেল বনে মুনিগণ-সঙ্গে ॥

কঠিন তপস্যা রাজা করে নিরন্তর।

ফল-মূলাহার করে বনের ভিতর ॥

অতিথির পূজা রাজা করয়ে তথায়।

হেনমতে সহস্র বৎসর তথা যায় ॥

উল্লুহুতি-ব্রত করি বঞ্চে বহুক্রেশে।

ফল-মূল-আহার ত্যজিল অবশেষে ॥

জলপান ত্যজিয়া করিল বাতাহার।

তপস্যায় হৈল রাজা অশ্বিনিসার ॥

হেনমতে গেল দুই সহস্র বৎসর।

পঞ্চায়ি করিল বৎসরের নৃপবর ॥

যোগে বসি শরীর ত্যজিল মহারাজ।

দিব্যরথে চড়ি গেল ইন্দ্রের সমাজ ॥

তথা হৈতে ব্রহ্মলোকে গিয়া নরপতি।

দশলক্ষ বর্ষ ব্রহ্মলোকে করে স্থিতি ॥

ব্রহ্মলোক হৈতে রাজা আসে ইন্দ্রস্থানে।

কপটে জিজ্ঞাসে ইন্দ্র তাঁর বিদ্যামানে ॥

জরায় পীড়িত তুমি ছিলে গুণাধার।

জরা নিল পুরু তব কনিষ্ঠ কুমার ॥

কোন্ নীতি শিখাইলা তারে মহারাজ।

কেন বা ছাড়িয়া এলে ব্রহ্মার সমাজ ॥

রাজা বলে, শুন শিখালাম যে তাহারে।

রাজনীতি বিধিযত শাস্ত্র-অনুসারে ॥

রাজচ্ছত্রে দিয়া আমি কহিষু নন্দনে।

পৃথিবীতে শ্রেষ্ঠ যত শুন একমনে ॥

ক্রোধী নাহি হয় যেই ক্রোধ করাইলে।

গালি দিলে যেই জন কিছু নাহি বলে ॥

পরদুঃখে দুঃখী যেই, পর-উপকারী।

মধুর কোমল বাক্য বলে যুছ করি ॥

মর্থ্যকথাও পরেরে না বলে কোনকালে।

কাপট্য-কুবৃতিহীন, সদা সত্য বলে ॥

নিজে ক্রোধ সহি করে পরে পরিজ্ঞাণ।

পৃথিবীতে শ্রেষ্ঠ নাহি তাহার সমান ॥

এসব লোকের বাক্য শুনিয়া শ্রবণে।

পুত্রসম করিয়া পালিবা প্রজাগণে ॥

দরিদ্রের দুঃখকষ্ট বিনাশিবা ধনে।

বিপ্রগণে ভূষিবা বিপুল শ্রদ্ধাদানে ॥

উত্তম করিয়া বন্ধুগণেরে ভূষিবা।

চোর-দস্য-দুষ্কলোক রাজ্যে না রাখিবা ॥

দয়া করি পালিবা অনাথ-বৃদ্ধ-জনে।

অবহেলা না করিবা অতিথি-সেবনে ॥

অবশেষে পুত্র-করে দিয়া রাজ্যভার।

তপস্যা করিবা করি ফলমূলাহার ॥

ইন্দ্র বলে, রাজা, তুমি পরম-পণ্ডিত।

তোমার যতক ধর্ম না হয় বর্ণিত ॥

ইন্দ্রলোক ব্রহ্মলোক ভ্রম নিজহৃথে।

তোমার সদৃশ নাহি দেখি ব্রহ্মলোকে ॥

কি পুণ্য করিলা তুমি জন্মিয়া সংসারে।

কহ নৃপবর, ইচ্ছা আছে শুনিবারে ॥

রাজা বলে, বৃষ্টিধারা গণিবারে পারি।

আমার পুণ্যের কথা কহিবারে নারি ॥

স্বর্গ-মর্ত্য-পাতালে না দেখি হেন জন।

আমার সহিত তার করি যে গণন ॥

১। চারিবিধে চারি অরি ও উর্ধ্ব স্বর্গ—এই পঞ্চ অরির মধ্যে সাধনা করে যে। ২। চিত্তবৃত্তিরোধপূর্বক জীবাত্মা ও পরমাত্মার সংযোগ সাধন করিয়া। ৩। মর্থ্যভাবী কথা।

শুনিয়া হাসিয়া বলে ইস্র দেবরাজ ।
 আপনা প্রশংস, নিন্দ দেবের সমাজ ॥
 এই পাপে কীণপুণ্য হইলা যযাতি ।
 তোমারে না শোভে আর স্বর্গের বসতি ॥
 স্বর্গ হৈতে চ্যুত হও, বলে পুরন্দর ।
 বিস্মিত হইয়া তবে বলে নৃপবর ॥
 কহিলাম বাক্য আমি আর না নেউটে ।
 ভুক্তি আপন কর্ম আছে যে ললাটে ॥
 এক নিবেদন মোর তোমার গোচরে ।
 কৃপা করি দেবরাজ, আজ্ঞা কর মোরে ॥
 পুণ্যবান লোক যত আছে যেই পথে ।
 সেই পথে পড়ি, আজ্ঞা কর শটীপতে ॥
 ইস্র বলে, রাজা, তব বুদ্ধি নাহি ঘটে ।
 নিজগুণে পুনঃ স্বর্গে আসিবা নিকটে ॥
 এতেক বলিতে তবে পড়িল রাজন্ ।
 আকাশ হইতে যেন পড়িল তপন ॥
 হেনকালে শৃঙ্গে অষ্টকাদি চারিজনং ।
 ডাক দিয়া বলে, রহ, পড়ে কোন্ জন ॥
 পুণ্যবান-আজ্ঞা কভু না হয় খণ্ডন ।
 শূন্যেতে হইল স্থিত যযাতি-রাজন্ ॥
 অষ্টক বলিল, তুমি কোন্ মহাজন ।
 কোন্ নাম ধর তুমি, কাহার নন্দন ॥
 সূর্য-অগ্নি-চন্দ্র-তেজ দেখি যে তোমার ।
 স্বর্গ হৈতে পড় কেন, না বুঝি বিচার ॥
 রাজা বলে, নাম আমি ধরি যে যযাতি ।
 পুরুর জনক আমি নহব-সন্ততি ॥
 পুণ্যবান জনে আমি করিহু অমান্য ।
 সেই হেতু হইল আমার কীণপুণ্য ॥

ধনহীনে পৃথিবীতে বহুগণ ত্যজে ।
 পুণ্যহীনে স্বর্গে ত্যজে দেবের সমাজে ॥
 অষ্টক বলিল, তুমি আছিল কোথায় ।
 কি কারণে চ্যুত হইলা কহিবা আমার ॥
 রাজা বলে, মর্ত্যেতে ছিলাম মহারাজা ।
 পৃথিবীর লক্ষ রাজা সবে কৈল পূজা ॥
 পুজ্যে রাজ্য দিয়া পুনঃ গেলাম কাননে ।
 তপ আচরিলাম যে পরম যতনে ॥
 শরীর ত্যজিয়া স্বর্গে হইল গমন ।
 স্বর্গভোগ করিলাম না যার কখন ॥
 সহস্র বৎসর তথা স্বর্গভোগ করি ।
 তথা হৈতে গেলাম যে ইস্রের নগরী ॥
 ইস্রের অমরাবতী নাহি পাঠান্তরঃ ।
 নানাভোগ করিলাম সহস্র বৎসর ॥
 তথা হৈতে ব্রহ্মলোকে হৈল মোর গতি ।
 দশলক্ষ বৎসর হইল তথা স্থিতি ॥
 নন্দনাদি বন তথা কি কব সে কথা ।
 অপ্সরার সহ ক্রীড়া করিলাম তথা ॥
 কামরূপী হইয়া বেড়াই যথা-তথা ।
 দৈবে ইস্র একদিন জিজ্ঞাসিল কথা ॥
 ইস্রে কহিলাম আপনার পুণ্যচর ।
 তথা হইতে সেকারণে পড়ি মহাশয় ॥
 অষ্টক বলিল, কহ, শুনি মহামতি ।
 স্বর্গ হৈতে পড়িলে হইবে কোন্ গতি ॥
 রাজা বলে, কীণপুণ্য হয় যেই জন ।
 ভৌম-নরকের মধ্যে পড়ে ততক্ষণ ॥
 রজোবীৰ্য্যযুত হ'য়ে পুনঃ দেহ ধরে ।
 দ্বিপদ-চৌপদ হয় বোনি-অনুসারে ॥

পশু কীট পতঙ্গ বিবিধ যোনি পায় ।
 গৃধ্র-শিবাগণ তারে পুনঃপুনঃ খায় ॥
 পুনঃপুনঃ জন্ম হয়, পুনঃপুনঃ মরে ।
 নিজকর্ণে গতায়াত খণ্ডিবারে নারে ॥

অষ্টক কহিল, তবে কহ সবাচারে ।
 এ-ঘোর নিরয়ে নরে তরে কি প্রকারে ॥
 রাজা বলে, তপঃ-শাস্তি-দয়া-দানফলে ।
 এ সব স্বর্গের ভোগ হয় অবহেলে ॥
 যজ্ঞ-হোম-ব্রত করে অতিথি-সেবন ।
 গুরু-বিজ্ঞ সেবা করে দেব-আরাধন ॥
 দৈবাধীন হুখ-দুঃখে সদা সমজ্ঞান ।
 তবে ত নরক হৈতে পায় পরিত্রাণ ॥

অষ্টক বলিল, তুমি বড় পুণ্যবান্ ।
 এখায় নাহিক কেহ তোমার সমান ॥
 চিরদিন এখায় থাকহ মহাশয় ।
 নিশ্চিন্ত হইয়া থাক নাহি ইন্দ্র-ভয় ॥
 রাজা বলে, কীর্ণপুণ্য রহিতে না পারি ।
 স্বর্গেতে রহিতে আর নহি অধিকারী ॥

শুনিয়া অষ্টক, শিবি, বহু, প্রতর্দন ।
 রাজারে ডাকিয়া তথা বলে চারিজন ॥
 আমা-সবাকার পুণ্য যতক আছেয় ।
 সেই পুণ্যে হেথা তুমি রহ মহাশয় ॥
 রাজা বলে, পরদ্রব্য না করি গ্রহণ ।
 কৃপণের বৃত্তি এই শুন মহাজন ॥
 শিবি রাজা বলে, তুমি তৃণগাছি দিয়া ।
 আমা সবাকার পুণ্য লহ ত কিনিয়া ॥
 রাজা বলে, যা কহ ছাওয়ালেরা ভাষ ।
 তৃণ দিয়া ল'ব পুণ্য, লোকে উপহাস ॥

এত শুনি বলে অষ্টকাদি চারিজন ।
 নিশ্চয় এখায় যদি না রহ রাজন্ ॥
 তোমার সহিত তবে যাব চারিজন ।
 যথায় নৃপতি তুমি করিবা গমন ॥
 এতেক বচন যদি তাহারা বলিল ।
 দিব্যমুষ্টি পঞ্চরথ সেখানে আইল ॥
 পঞ্চরথে চড়িয়া চলিল পঞ্চজন ।
 ইন্দ্রের অমরাবতী করিল গমন ॥

বৈশম্পায়ন বলে, শুন জনমেজয় ।
 সেই চারিজন তাঁর কন্যার তনয় ॥
 কন্যার পুত্রের পুণ্যে তরিল যযাতি ।
 পুনরপি স্বর্গে রাজা করিল বসতি ॥
 যযাতি-চরিত্র-কথা অমৃত-আধার ।
 শ্রবণে মধুর নাহি সমান ইহার ॥
 শ্রদ্ধাযুক্ত হৈয়া ইহা যে করে শ্রবণ ।
 ধন-ধর্ম-যশ লভে ব্যাসের বচন ॥
 হৃদয়ে নিখিল জ্ঞান হয় ত উদিত ।
 পাঁচালী-প্রবন্ধে কাশীদাস-বিরচিত ॥

৪৭। পুরুবংশ-কথন ।

জন্মেজয় বলে, স্বর্গে গেল নৃপবর ।
 পুরুকে করিল রাজা রাজ্যের ঈশ্বর ॥
 আর চারি পুত্রে শাপ দিল নরপতি ।
 কি কর্ম করিল তারা, কহ মহামতি ॥
 যুনি বলে, যত্ন হৈতে জন্মিল যাদব ।
 তুর্কস হইতে হৈল যবন-উদ্ভব ॥
 দ্রুহ্য হইতে বন্ধিত হৈল ভোজবংশ ।
 অমুর ঔরসে জন্মে স্নেহ-অবতংস ॥

পুরুষ ঔরসে জন্ম হইল গৌরব ।
 বীর বংশে আপনার হ'য়েছে উদ্ভব ॥
 তপ-জপ-যজ্ঞ-ব্রত-ধর্ম্মেতে তৎপর ।
 পুরুষ যতেক কর্ম্ম লোক-অগোচর ॥
 পুরু-রাজপাটেশ্বরী পৌষ্ঠী নাম ধরে ।
 তিন পুত্র জনমিল তাহার উদরে ॥
 প্রবীর প্রধান পুত্রে দিল রাজ্যভার ।
 শূরসেনী নামে কন্যা বনিতা তাঁহার ॥
 তাঁর পুত্র মনহ্য হইল নরবর ।
 তিন পুত্র হৈল তাঁর পরম-সুন্দর ॥
 তিন পুত্র মধ্যে হৈল রাজা সংহনন ।
 মিত্রকেশী গর্ভে জন্মিলেক দশজন ॥
 অনারুণি ভূপতির পুত্র মতিনার ।
 তনু-আদি চারি পুত্র হইল তাঁহার ॥
 ঈলিন তাঁহার পুত্র বলে মহাতেজা ।
 তাঁর পঞ্চ পুত্রেতে ছদ্মস্ব হৈল রাজা ॥
 শকুন্তলা ভার্যা তাঁর বিখ্যাত সংসার ।
 ভরত-নামেতে পুত্র হইল তাঁহার ॥
 ভরতের গুণ-কর্ম্ম কহিতে বিস্তার ।
 ভরদ্বাজ-বরে হৈল ভূমন্ত্য কুমার ॥
 সুহোত্র বলিয়া রাজা তাঁহাতে উৎপত্তি ।
 তাঁর পুত্র হস্তী নামে পায় প্রতিপত্তি ॥
 বসাইল আপনার নামেতে নগর ।
 হস্তিনা বলিয়া নাম ভুবন-ভিতর ॥
 অজমীঢ় মহারাজ হস্তীর নন্দন ।
 তাঁর পুত্র রাজা হৈল নাম সংবরণ ॥
 সংবরণ-রাজ্যকালে হৈল অনারুণি ।
 হুভিক হইল লোকে লুপ্তপ্রায় সৃষ্টি ॥

পাঞ্চাল-দেশের রাজা বলে নিল দেশ ।
 সংবরণ করিলেন বনেতে প্রবেশ ॥
 সিদ্ধুনদীকূলে হিমাশয়ের নিকটে ।
 সহস্র বৎসর তথা রহিল সঙ্কটে ॥
 কৃপা করি বশিষ্ঠ সহায় হৈল তাঁর ।
 পুনরপি রাজ্যপ্রাপ্তি হইল তাঁহার ॥
 নানা-যজ্ঞ-দান তবে করিল নৃপতি ।
 তাঁর জায়া সূর্য্যকন্যা নামেতে তপতী ॥
 তাঁহার নন্দন কুরু বিখ্যাত ভূতলে ।
 কুরুক্ষেত্র নির্মাইল নিজ-বাহুবলে ॥
 জন্মেজয় আদি করি পঞ্চ পুত্র তাঁর ।
 ধৃতরাষ্ট্র রাজা জনমেজয়-কুমার ॥
 প্রতীপ-নামেতে ধৃতরাষ্ট্রের নন্দন ।
 তিন পুত্র হৈল তাঁর বিখ্যাত ভুবন ॥
 দেবাপি, শাস্তুনু আর বাহ্লিক নাম ধরে ।
 তিন পুত্র খ্যাত হইল ভুবন-ভিতরে ॥
 জ্যেষ্ঠ পুত্র দেবাপি সম্রাস-ধর্ম্ম নিল ।
 শিশুকালে সেই পুত্র অরণ্যে পশিল ॥
 শাস্তুনু দ্বিতীয় পুত্র হৈল নরপতি ।
 গঙ্গাগর্ভে তাঁর পুত্র ভীষ্ম মহামতি ॥
 বিবাহ না করে ভীষ্ম বংশ না হইল ।
 সত্যবতী কন্যারে পিতাকে বিভা দিল ॥
 তাঁর গর্ভে শাস্তুনুর যুগল কুমার ।
 চিত্রাঙ্গদ দ্বিতীয় বিচিত্রবীর্য্য আর ॥
 গন্ধর্ব্বের মারিল চিত্রাঙ্গদ বীরবর ।
 সে-রাজ্যে বিচিত্রবীর্য্য হৈল দণ্ডধর ॥
 বংশ না হইতে তাঁর হইল নিধন ।
 পুনর্ব্বংশবৃদ্ধি কৈল ব্যাস তপোধন ॥

১। ভরতের তিন মহিষীর গর্ভে নয় জন পুত্র হয়। তাহারা অশমার্ঘ বলিয়া মাৎশাণে বিনষ্ট হয়। পরে পুত্রের অন্য বজ করিয়া মহর্ষি ভরদ্বাজের এসাদে ভরতের এই পুত্রের জন্ম হয়।

ধৃতরাষ্ট্র, পাণ্ডু আর বিহুর যে নামে ।
 ধৃতরাষ্ট্রপুত্র হৈল একশত ক্রমে ॥
 ভ্রাতৃবন্ध তাঁরা সবে হইল সংহার ।
 বংশরক্ষাহেতু হৈল পাণ্ডুর কুমার ॥
 দেববরে পঞ্চপুত্র পাণ্ডুর হইল ।
 ষাঁদের মহিমা-যশে পৃথিবী পুরিল ॥
 যুধিষ্ঠির ভীম আর বীর ধনঞ্জয় ।
 নকুল পঞ্চম সহদেব মহাশয় ॥
 অর্জুনের পুত্র হৈল স্তম্ভা-উদরে ।
 যৌবনে মরিল তেঁহ ভারত-সমরে ॥
 তাঁর ভার্য্যা উত্তরা আছিল গর্ভবতী ।
 পরীক্ষিৎ মহারাজ তাঁহাতে উৎপত্তি ॥
 আপনি হইলা ভূমি তাঁহার নন্দন ।
 তোমার নন্দন এই দেখ দুইজন ॥
 শতানীক আর শঙ্কু দুই সহোদর ।
 অশ্বমেধদত্ত শতানীকের কোঙর ॥
 কুরুবংশ সবিস্তারে যেই জন শুনে ।
 আনুর্ঘ্যশঃ-পুণ্য তার বাড়ি দিনে দিনে ॥
 আদিপর্ব ভারতের ব্যাসের রচন ।
 কাশীরাম দাস কহে, শুনে সাধুজন ॥

৪৮। মহাভিষ রাজার প্রতি ব্রহ্মার অভিশাপ এবং
 শান্তনুর উৎপত্তি ।

জন্মেজয় বলে, যুনি, কহ আরবার ।
 সংক্ষেপে কহিলা, কহ করিয়া বিস্তার ॥
 ত্রৈলোক্যপাবনী গঙ্গা বিষু-মংশে জন্ম ।
 শান্তনুর ভার্য্যা শুনি, এ অদ্ভুত কৰ্ম্ম ॥

যুনি বলে, শুন কহি তাহার কারণ ।
 মহাভিষ-নামে রাজা ইক্ষ্বাকুনন্দন ॥
 ইন্দ্রের সম্মতে যজ্ঞ করিল বিস্তার ।
 সহস্রেক অশ্বমেধ কৈল নৃপবর ॥
 দেব-ঈজ-দরিদ্রে ভূষিল মহামতি ।
 দানেতে পৃথিবী পূর্ণ কৈল নরপতি ॥
 ব্রহ্মলোকে গেল রাজা যজ্ঞপুণ্যকলে ।
 ব্রহ্মার সহিত তথা বৈসে কুতূহলে ॥
 বহুকাল তথায় আছয়ে নরপতি ।
 একদিন দেখ রাজা, দৈবের যে গতি ॥
 ধ্যানেন্তে আছেন ব্রহ্মা বসিয়া আসনে ।
 সম্মুখে বেষ্টিত যত সিদ্ধ-মুনিগণে ॥
 ব্রহ্মার সভার ভূল্য নাহি পাঠান্তর ॥
 সবে তথা চতুমুখ গৌর-কলেবর ॥
 দক্ষ-আদি প্রজাপতি ইন্দ্র-আদি দেবে ।
 দেব-ঋষি-মুনিগণ নিত্য আসি সেবে ॥
 সভা করি বসিয়াছে যুনির সমাজ ॥
 তথায় আছয়ে মহাভিষ মহারাজ ॥
 গঙ্গাদেবী আইলেন ব্রহ্মার সদন ।
 হেনকালে তেজোবস্ত বহিল পবন ॥
 বায়ুতেজে জাহ্নবীর উড়িল বসন ।
 দেখি হেঁট মুণ্ড করিলেন সিদ্ধগণ ॥
 অপূর্ব গঙ্গার অঙ্গ দেখিয়া সঘনে ।
 মহাভিষ রাজা দেখে নিশ্চল-নয়নে ॥
 মহাভিষ রাজা অতি রূপে অনুপম ।
 তাঁর দিকে গঙ্গাদেবী চান অবিরাম ॥
 দৌহার দেখিয়া দৃষ্টি কহে প্রজাপতি ।
 যোর লোকে আসি রাজা করিলা অনীতি ॥

ব্রহ্মলোকে আসি কর মনুষ্য-আচার ।
মর্ত্যে জন্ম ল'রে ভোগ কর পুনর্ব্বার ॥
পুনরপি এখায় আসিবা পুণ্যবলে ।
সোমবংশে গিয়া জন্ম লহ ভূমণ্ডলে ॥

ব্রহ্মার পাইয়া আজ্ঞা চিস্তে নরপতি ।
তথা হৈতে পতন হইল শীত্ৰগতি ॥
সোমবংশে মহারাজ প্রতীপ আছিল ।
মহাভিষ রাজা তাঁর গৃহে জন্ম নিল ॥
বাহুড়িল গঙ্গা করি ব্রহ্মা দরশন ।
পথেতে দেখিল আসে বহু অষ্টজন ॥
বিরস-বদন গঙ্গা দেখি বহুগণে ।
জিজ্ঞাসিল, তোমরা চিন্তিত কি কারণে ॥
বহুগণ বলে, চিন্তা করি নিজদোষে ।
বশিষ্ঠ দিলেন শাপ সবে মহারোষে ॥
পৃথিবীতে জন্ম হবে কাঁপিছে অন্তর ।
বিশেষে মনুষ্যযোনি নরক দুস্তর ॥
উপায় না দেখি কিছু, ভাবি সে-কারণ ।
ভাল হৈল তব সঙ্গ হৈল দরশন ॥
কোটি কোটি পাপী পাপে করহ উদ্ধার ।
আমা-সবাকার ভূমি কর প্রতীকার ॥

গঙ্গা বলে, কি করিব, কহ সন্নিধান ।
যা করিব অঙ্গীকার, না করিব আন' ॥
বহুগণ বলে, মর্ত্যে জন্মিব নিশ্চয় ।
নরযোনি জন্মিতে হ'তেছে বড় ভয় ॥
আপনি মনুষ্যলোকে হ'রে রাজরাণী ।
আমা সবাকার ভূমি হও গো জননী ॥
আর এক নিবেদন করি যে তোমারে ।
জন্মবাত্র ভাসাইয়া দিও তব নীরে ॥

বহুগণ-বাক্যে গঙ্গা স্বীকার করিল ।
শুনি অষ্টবহু তবে আনন্দিত হৈল ॥
কুরুবংশে আছিল প্রতীপ-নামে রাজা ।
ধর্ম্মেতে তৎপর বড় তপে মহাতেজা ॥
দেবাপি-নামেতে তার প্রথম নন্দন ।
অল্পকালে সম্রাসী হইয়া গেল বন ॥
দেবাপি-বিহনে রাজা হৈল পুত্রহীন ।
গঙ্গাজলে থাকে সদা বয়সে প্রবীণ ॥
তপ-জপ-ব্রত করে বেদ-অধ্যয়ন ।
বৃদ্ধকালে নরপতি রূপেতে মদন ॥
তাঁর রূপ-গুণ দেখি প্রীতি যে পাইল ।
জল হৈতে গঙ্গাদেবী বাহির হইল ॥
জাহ্নবীর রূপে নিন্দে এত তিন ভুবন ।
দ্বিতীয় চন্দ্রের যেন হইল কিরণ ॥
দক্ষিণ উরুতে গিয়া বসিল রাজার ।
দেখিয়া বিস্মিত হৈল কোরবকুমার ॥
রাজা বলে, কি করিব, কি বাঞ্ছা তোমার ।
সত্য করি কহ, যেই বাঞ্ছা আপনার ॥
কন্যা বলে, কুরুক্ষেত্র, ভূমি মহামতি ।
তোমারে ভজিহু আমি, হও মোর পতি ॥
স্ত্রী হইয়া পুরুষে ভজয়ে যদি নারী ।
পুরুষ না ভজিলে সে হয় পাপকারী ॥
রাজা বলে, পরদার আমি নাহি ভজি ।
পরদার পরশিলে নরকেতে যজি ॥
কন্যা বলে, নাহি আমি পরের গৃহিণী ।
দেবকন্যা আমি, মোরে ভজ নৃপমণি ॥
রাজা বলে, কন্যা, নাহি বল হেন বাণী ।
দক্ষিণ উরুতে বৈসে, পুত্রবধূ গণি ॥

পুরুষের বাম উরু ভাষ্যার আসন ।
 বুঝিয়া এমত বাক্য কহ কি কারণ ॥
 সে-কারণে তোমাতে বধূর মধ্যে গণি ।
 কেমনে করিব ভার্য্যা, অনুচিত বাণী ॥
 গঙ্গা বলে, রাজা, তুমি ধর্ম্ম-অবতার ।
 তোমার মহিমা যত বিখ্যাত সংসার ॥
 তোমার বচনে আমি হইলু স্বীকার ।
 বরিব তোমার পুত্রে এই অঙ্গীকার ॥
 আমার নিয়ম এই শুন মহারাজ ।
 নিষেধ না করিবে আমার প্রিয়কাজ ॥
 তবে সে তোমার পুত্রে করিব বরণ ।
 এত বলি অন্তর্দ্বান হইল তখন ॥

কন্যার বচনে রাজা আনন্দিত হৈল ।
 পুত্র হবে বলি রাজা ভার্য্যারে কহিল ॥
 ভার্য্যা-সহ ব্রতচার করিলেন ভূপ ।
 কতদিনে জন্মে তাঁর পুত্র অনুরূপ ॥
 দশমাস দশদিনে হইল কুমার ।
 রাজীবলোচন মুখ চন্দ্রের আকার ॥
 শাস্তশীল পুত্র, নাম শাস্তনু ধুইল ।
 তাঁহার অনুজ-নাম বাহ্লীক রাখিল ॥
 দিনে দিনে বাড়ে তাঁর যুগল তনয় ।
 কতদিনে দেখি পুত্র-যৌবন-সময় ॥
 শাস্তনুর নিকটেতে আসি নৃপবর ।
 রাজনীতি ধর্ম্ম-শিক্ষা দিলেন বিস্তর ॥
 একদিন পুত্রে ডাকি কহিল রাজনু ।
 বিশ্বৃত না হও বৎস, আমার বচন ॥
 একদা শুনহ পুত্র, বিধির বিধানে ।
 আসিল হুন্দরী এক মম সন্নিধানে ॥
 বধুরূপে তাতে আমি করিলু বরণ ।
 অঙ্গীকার করি কন্যা করিল গমন ॥

পরিচয়ে দেবকন্যা জানিলু তাঁহার ।
 তোমার সদনে যদি আসে পুনরায় ॥
 ভজিবে তাঁহারে যদি সে তোমাতে বরে ।
 নিষেধ না করিবে, সে যেই কর্ম্ম করে ॥
 স্বীকৃত হইল পুত্র পিতার বচনে ।
 শাস্তনুরে রাজ্য দিয়া রাজা গেল বনে ॥
 মহাভারতের কথা অমৃতের ধার ।
 কাশী কহে, শুনি ভববারি হই পার ॥

৪২। অষ্টবছর পৃথিবীতে জন্ম-বিবরণ ।

হস্তিনানগরে রাজা শাস্তনু হইল ।
 ক্রমে তাঁর গুণরাশি পৃথিবী পুরিল ॥
 ধর্ম্মেতে ধার্ম্মিক রাজা মহাধর্ম্মদর ।
 যুগয়া করিয়া ভ্রমে বনের ভিতর ॥
 জাহ্নবীর দুই তটে ভ্রমে রাজা একা ।
 পাইল দৈবেতে তথা জাহ্নবীর দেখা ॥
 পদ্মের কেশর-বর্ণ সুস্নিত-বসনা ।
 রূপেতে নিন্দিত যত বিদ্যাধরাজনা ॥
 আশ্চর্য্য কন্যার রূপ শাস্তনু দেখিয়া ।
 জিজ্ঞাসিল নরপতি-নিকটেতে গিয়া ॥
 কে তুমি দেবের কন্যা অঙ্গরী কিম্বারী ।
 কিংবা নাগকন্যা হও, কিংবা বিদ্যাধরী ॥
 অনুপম রূপ ধর, বলিতে না পারি ।
 তোমাতে মজিল মন হও মোর নারী ॥

কহা বলে, রাজা, ভার্য্যা হইব তোমার ।
 এক নিবেদন আছে নিয়ম আমার ॥
 আমার নিয়ম যদি করিবা পালন ।
 তবে নরপতি, তোমা করিব বরণ ॥

আপন-ইচ্ছায় আমি করিব যে-কাজ ।
 আমারে নিষেধ না করিবা মহারাজ ॥
 যেদিন বলিবে মোরে কোন কুবচন ।
 সেদিন হইতে নাহি পাবে দরশন ॥
 ত্যাগ করি তোমায়ে যাইব নিজস্থান ।
 স্বীকার করিল রাজা তাঁর বিদ্যমান ॥
 যে-কিছু তোমার ইচ্ছা কর নিজস্থখে ।
 কখন নিষেধ-বাক্য না আনিব মুখে ॥
 রাজার বচনে গঙ্গা স্বীকার করিল ।
 গঙ্গারে লইয়া রাজা হস্তিনা আইল ॥
 দিব্য-রত্ন-ভূষণ-বসন আনি দিল ।
 যতনে ভার্য্যার মন তুষিতে লাগিল ॥
 অনুগত হইয়া থাকেন নরপতি ।
 মনঃস্থখে কেলি করে গঙ্গার সংহতি ॥
 মুনিশাপে বহুগণ জন্ম নিল আসি ।
 জন্মিল গঙ্গার পুত্র যেন পূর্ণশশী ॥
 পুত্র দেখি শাস্ত্রমুর আনন্দিত-মন ।
 নানা-দান নানা-যজ্ঞ করয়ে রাজন্ ॥
 এথা পুত্র ল'য়ে গঙ্গা গেল গঙ্গাজলে ।
 জলেতে ডুবিয়া মর, পুত্রপ্রতি বলে ॥
 দেখিয়া শাস্ত্রমুর হৈল বিরস-বদন ।
 ভয়েতে গঙ্গারে কিছু না কহে বচন ॥
 তবে কতদিনে আর এক পুত্র হইল ।
 সেইমত করি গঙ্গা জলে ডুবািল ॥
 পূর্ব-সত্য-ভয়ে রাজা কিছু নাহি বলে ।
 নিরন্তর দহে তনু পুত্র-শোকানলে ॥
 এক ছুই তিন চারি পাঁচ ছয় সাত ।
 একে-একে গঙ্গাদেবী করিল নিপাত ॥
 পুত্রশোকে শাস্ত্রমুর দহে কলেবর ।
 কতদিনে হইল জন্ম অষ্টম কোত্তর ॥

পুত্র লৈয়া গঙ্গাদেবী যান নিজ-জলে ।
 ত্রুড় হইয়া নরপতি গঙ্গাপ্রতি বলে ॥
 হেন মায়াবিনী ভূমি এলে কোথা হৈতে ।
 তব সম নিন্দিতা না দেখি পৃথিবীতে ॥
 আপনার গর্ভে যেই জন্মিল কুমার ।
 কেমনে এমন পুত্রে করিলে সংহার ॥
 পাষাণ শরীর তোর বড়ই নিদ্রয় ।
 এত বলি কোলে নিল আপন-তনয় ॥
 গঙ্গা বলে, পুত্রবাছা কৈলে নরপতি ।
 পূর্বের নিয়ম পূর্ণ হৈল মহামতি ॥
 তোমায়-আমায় আর নাহি দরশন ।
 এ-পুত্র পালহ রাজা করিয়া যতন ॥
 আমি পরিচয় তবে দিব নরপতি ।
 আমি ত জাহ্নবী তিনলোকে মোর গতি ॥
 আমার উদরে হৈল যত পুত্রগণ ।
 বশিষ্ঠের শাপে এই বহু অষ্টজন ॥
 মুনি-শাপে বহুগণ হইয়া কাতর ।
 আমারে মিনতি করি মাগিলেক বর ॥
 গর্ভেতে ধরিব বলি করি অঙ্গীকার ।
 সেকারণে হইলাম বনিতা তোমার ॥

রাজা বলে, কহ, শুনি পূর্ব-বিবরণ ।
 বহুগণে বশিষ্ঠ শাপিল কি-কারণ ॥
 গঙ্গা বলে, সেই কথা শুন নরপতি ।
 বরুণের পুত্র সে বশিষ্ঠ মহামতি ॥
 হিমালয় পর্বতে মুনির তপোবন ।
 নানা-ফল-ফুলেতে শোভিত তরুগণ ॥
 দক্ষকন্যা সুরভি সে কশ্যপ-গৃহিণী ।
 কামদুবা দেখু হৈল তাঁহার নন্দিনী ॥
 সেই দেখু প্রাপ্ত হৈল বরুণনন্দন ।
 বৎসের সহিত থাকে মুনির সদন ॥

দৈববশে একদিন বহু অষ্টজন ।
 ভার্ঘ্যার সহিত তথা করিল গমন ॥
 আপন-আপন-ভার্ঘ্যা-সহ অষ্টজনে ।
 জীড়া করি ভ্রমে সবে মূনির কাননে ॥
 দিব্যবহু-ভার্ঘ্যা কামদুখা গবী দেখি ।
 একদৃষ্টে চাহে কহ্মা অনিমিষ-অংশি ॥
 হৃন্দর দেখিয়া গবী কহিল স্বামীরে ।
 কাহার হৃন্দর গাভী দেখ বনে চরে ॥
 দিব্যবহু বলে, এই বশিষ্ঠের গাভী ।
 কশ্যপের অংশে জন্ম, জননী হুরভী ॥
 ইহার যতেক গুণ কহনে না যায় ।
 এক পল চুন্ধ যদি নরলোক পায় ॥
 পান কৈলে জীয়ে দশ সহস্র বৎসর ।
 হুচির-যৌবন থাকে শরীর নির্জর ॥
 স্বামীর বচন শুনি বলিল হৃন্দরী ।
 এ গাভীর চুন্ধ যদি হয় হিতকারী ॥
 নরলোকে সখী এক আছয়ে আমার ।
 উশীনর-কহ্মা জিতবতী নাম তার ॥
 তাহার কারণে ভূমি গাভী দেহ মোরে ।
 যতপি তোমার স্নেহ থাকয়ে আমারে ॥
 বিনয় করিয়া কহ্মা বলে বারে-বারে ।
 স্ত্রীবশ হইয়া বহু ধরিল গাভীরে ॥
 ভার্ঘ্যা-বোলে গাভী ধরে পাছু না গণিল ।
 কামদুখা দেখু লয়ে নিজগৃহে গেল ॥
 কতকণে মূনিবর আইল আশ্রমে ।
 গাভী না দেখিয়া মূনি তপোবনে ভ্রমে ॥
 না পাইল গাভী মূনি ভ্রমিল বিস্তর ।
 কেবা নিল গাভী, মূনি চিস্তিত-অন্তর ॥
 ধ্যান করি দেখে তবে বরণ-নন্দন ।
 জানিল, হরিল গাভী বহু অষ্টজন ॥

ক্রোধেতে বশিষ্ঠ শাপ দিল ততক্ষণে ।
 নরযোনি গিয়া জন্ম লহ অষ্টজনে ॥
 বশিষ্ঠ দিলেন শাপ, শুনি বহুগণে ।
 করযোড়ে স্তুতি করে মূনি-বিদ্যমান ॥
 মূনি বলে, মোর বাক্য না হয় খণ্ডন ।
 বৎসরের গর্ভবাসে রবে সাতজন ॥
 বৎসরে-বৎসরে ক্রমে হইবে মুক্তি ।
 সবে না হইবে তাহে একই স্বকৃতি ॥
 তোমা-সবা-মধ্যে গাভী নিল যেই জনে ।
 নরলোকে রহি মুক্ত হবে চিরদিনে ॥
 মূনিশাপে বহুগণ হইয়া কাতর ।
 স্তুতি করি আমারে মাগিল এই বর ॥
 জন্মমাত্র আমা-সবে ডুবাইবে জলে ।
 অঙ্গীকার করিলাম তা-সবার বোলে ॥
 সেকারণে ভার্ঘ্যা আমি হইনু তোমার ।
 এই ত কুমার রাজা, বহু-অবতার ॥
 মায়ের বিহনে পুত্র দুঃখিত হইবে ।
 সেকারণে আমার সহিত পুত্র যাবে ॥
 পালন করিয়া হুত যৌবন-সঞ্চারে ।
 তোমায় আনিয়া দিব কত দিনান্তরে ॥
 এত বলি হুত লৈয়া হৈল অন্তর্দান ।
 কান্দিতে কান্দিতে রাজা গেল নিজস্থান ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৫০। শান্তনু-পুত্র দেবব্রতের পুনরাগমন ও যুবরাজ
 হওন এবং যশস্তপস্বী-দর্শনে শান্তনুর বিমলতা ।

জন্মেজয় বলে, কহ, শুনি মূনিবর ।
 কি করিল শান্তনু-নৃপতি অভঃপর ॥

মুনি বলে, অবধান কর নরবর ।
 শাস্ত্রমূর গুণ যত খ্যাত চরাচর ॥
 গঙ্গার শোকেতে রাজা হইল কাতর ।
 নিরন্তর ভাৰ্য্যা-গুণ ভাবে নৃপবর ॥
 গঙ্গার ভাবনা বিনা অশ্রু নাহি মনে ।
 বিবাহ না করে রাজা নবীন-যৌবনে ॥
 হেনমতে বহুদিন আছে নরপতি ।
 নানা-দান-যজ্ঞ রাজা করে নিতি নিতি ॥
 সত্যবাদী জিতেন্দ্রিয় ধৰ্ম্মেতে তৎপর ।
 দেবাসুর-নর-পূজ্য যেন পুরন্দর ॥
 তেজে দিনকর-সম শাস্ত্র যেন ইন্দু ।
 ক্ষমায় পৃথিবী রাজা, গুণে পূর্ণ-সিদ্ধ ॥
 গতিতে পবন রাজা, দুঃখগণে যম ।
 রূপেগুণে ধৰ্ম্মকৰ্ম্মে কেহ নাহি সম ॥
 দুঃখী অন্ধ অথর্কের হৈল মাতাপিতা ।
 ধৰ্ম্মেতে তৎপর রাজা কল্লতরু-দাতা ॥
 রাজার পালনে প্রজা দুঃখ নাহি জানে ।
 ধন্য ধন্য বলি খ্যাত হৈল ত্রিভুবনে ॥
 বৎসর শতেক যষ্টি গেল হেনমতে ।
 একদিন গেল রাজা যুগয়া করিতে ॥
 একা রথে ভ্রমে রাজা ভাগীরথী-তীরে ।
 আচম্বিতে দেখে, গঙ্গা বহে হাঁটু নীরে ॥
 ছয় ঋতু বহে গঙ্গা গহন-গভীর ।
 আচম্বিতে দেখে রাজা রুদ্ধগতি নীর ॥
 আশ্চর্য্য দেখিয়া রাজা ভাবে মনে-মনে ।
 তদন্ত জানিতে তবে গেল ততক্ষণে ॥
 কত দূরে দেখে রাজা এক মহাবীর ।
 কামদেব জিনি রূপ সুন্দর-শরীর ॥
 হাতে ধনুঃশর, বসি আছে মহাবল ।
 শরজালে বাড়িয়াছে জাহ্নবীর জল ॥

দেখিয়া শাস্ত্রমূ হৈল বিস্মিত-বদন ।
 রাজা দেখি জলে বীর প্রবেশে তখন ॥
 জলে প্রবেশিল, তাহা শাস্ত্রমূ দেখিয়া ।
 বসিল তথায় রাজা চিন্তিত হইয়া ॥
 শাস্ত্রমূ দেখিয়া গঙ্গা হইল সদয় ।
 বাহির হইল আগে লইয়া তনয় ॥
 পূর্বরূপ ত্যজি গঙ্গা অশ্রুযুক্তি ধরি ।
 নৃপতিরে ডাকি বলে জহ্নু কুমারী ॥
 কি কারণে চিন্তা ভ্রমি করহ রাজন ।
 হের দেখ, লহ রাজা, আপন-নন্দন ॥
 আমা হৈতে পাইলা যে অষ্টম কুমার ।
 দেবব্রত নাম ধরে তনয় তোমার ॥
 এ-পুত্রের গুণ রাজা না যায় কথনে ।
 অস্ত্র-শস্ত্র শিক্ষা কৈল বশিষ্ঠের স্থানে ॥
 দেবগুরু-নৈত্যগুরু-সম শাস্ত্রে জ্ঞান ।
 অস্ত্রবিদ্যা জানে স্কণ্ডরামের সমান ॥
 সংসারে যতেক বিদ্যা নীতিশাস্ত্র-ধর্ম্ম ।
 এ-পুত্রের অগোচর নহে কোন কৰ্ম্ম ॥
 তোমাতে দিলাম পুত্র, লহ মহারাজ ।
 অভিষেক করিয়া করহ যুবরাজ ॥
 এত বলি গেল গঙ্গা অন্তর্দান-গতি ।
 পুত্র পেয়ে আনন্দিত হৈল নরপতি ॥
 পুত্র লৈয়া গেলা রাজা আপন-নগরে ।
 আনন্দিত পুরজন দেখি পুত্রবরে ॥
 রাজার সহিত যত মন্ত্রী সমাজ ।
 শুভক্ষণ দেখি তাঁরে করে যুবরাজ ॥
 পুত্র পেয়ে সব দুঃখ পাসরিল রাজা ।
 আনন্দিত হইল রাজ্যের যত প্রজা ॥
 পুত্রে অধিকার দিয়া শাস্ত্রমূ-ভূগতি ।
 যুগয়া করিয়া ভ্রমে অচিন্তিত-মতি ॥

স্বচ্ছন্দে যুগয়া করি প্রমে নরবীর ।
 একদিন গেল রাজা যমুনার তীর ॥
 কালিন্দীর তীরে করে যুগ-অবেশণ ।
 হুগন্ধ-সহিত তথা বহিল পবন ॥
 গন্ধে আমোদিত রাজা চারিভিতে চায় ।
 কিসের হুগন্ধ আসে না জানিল রায় ॥
 গন্ধ-অনুসারে তবে যায় নরপতি ।
 আচম্বিতে তরগীতে দেখিল যুবতী ॥
 পরমা সুন্দরী কন্যা জিনি বিত্যাধরী ।
 কিরণে উজ্জ্বল রূরে যমুনার বারি ॥
 যুগল-খঞ্জন-সম কন্যার নয়ন ।
 বিকচ-কমল প্রায় তাহার বদন ॥
 বচনে জিনিল মত্ত কোকিলের ভাষা ।
 কুসুমের কবরীভার হুচারু হুকাশ ॥
 কন্যা দেখি নৃপতিরে পীড়িল মদন ।
 আশু হৈয়া কন্যা-প্রতি জিজ্ঞাসে রাজন ॥
 কোন্ জাতি হও তুমি, কোথা তব ধাম ।
 কাহার নন্দিনী তুমি, কিবা তব নাম ॥
 কন্যা বলে, আমি দাস-রাজের দুহিতা ।
 ধর্মার্থে বাহি যে নৌকা, আজ্ঞা দিল পিতা ॥
 কন্যার বচনে রাজা গেল শীঘ্রগতি ।
 যথায় কন্যার পিতা দাসের বসতি ॥
 রাজা দেখি মৎস্যজীবী উঠিল দ্বিরিতে ।
 রত্ন-সিংহাসন লৈয়া দিলেক বসিতে ॥
 করযোড়ে দাস-রাজ রাজ-প্রতি কয় ।
 কি-হেতু আইলা আজ্ঞা কর মহাশয় ॥
 রাজা বলে, আইলাম তোমার এ-স্থান ।
 তোমার যে কন্যা আছে, মোরে কর দান ॥

দাস বলে, মোর বংশে যদি ভাগ্য থাকে ।
 তবে মোর কন্যা দান করিব তোমাকে ॥
 যদি থাকে কন্যার কপালে সুলিখন ।
 যথাযোগ্য বর পায় ধর্ম-নিবন্ধন ॥
 তুমি কুরু-বংশধর বিখ্যাত সংসারে ।
 একমাত্র নিবেদন আছয়ে তোমারে ॥
 সত্য কর, ধর্মপত্নী করিবে কন্যায় ।
 তবে কন্যা-সম্প্রদান করিব তোমায় ॥
 আমার কন্যার যেই হইবে কুমার ।
 সেইজনে দিবে তুমি রাজ্য-অধিকার ॥
 রাজা বলে, হেন কর্ম করিতে না পারি ।
 দেবভ্রত পুত্র মোর রাজ্য-অধিকারী ॥
 এমত বিবাহে মোর নাহি প্রয়োজন ।
 উঠিয়া নৃপতি দেশে করিল গমন ॥
 যেইক্ষণ হৈতে কন্যা দেখিল রাজন ॥
 অনুক্ষণ চিন্তে রাজা নহে বিস্মরণ ॥
 নিরন্তর নরনাথ রহে অধোমুখে ।
 কন্যার ভাবনা ভাবি রহে মনোদুঃখে ॥
 পিতারে চিন্তিত দেখি দুঃখিত তনয় ।
 জিজ্ঞাসিল, চিন্তা কেন কর মহাশয় ॥
 পৃথিবীতে কোন্ কর্ম তোমার অসাধ্য ।
 যক্ষ-রক্ষ-সুরাসুর সবে তব বাধ্য ॥
 আজ্ঞা কর, এখনি সাধিয়া দিব কাজ ।
 কি-কারণে অনুক্ষণ চিন্তে মহারাজ ॥
 পুত্রের বচন শুনি বলে নরপতি ।
 যে-কারণে চিন্তা মোর, শুনহ হুমতি ॥
 কুরুকুল মহাবংশ বিখ্যাত সংসার ।
 হেন বংশধর তুমি একই কুমার ॥

১। কুরুকার চকল পকিবিপেব; কুরুবীরসিংহের মরনের উপমাৱল বলিয়া কবিপ্রসিদ্ধি আছে। ২। প্রকৃত।

৩। বীষয়-বাসের।

জীবন-যৌবন পুত্র চিরকাল নয় ।
 কদাচিৎ তোমার বিপদ যদি হয় ॥
 তবে ত কোঁরবংশ হইবে বিনাশ ।
 এই হেতু চিন্তে তাপ, না করি প্রকাশ ॥
 যাবৎ আছহ তুমি বংশেতে নন্দন ।
 সহস্র কুমারে আর কোন্ প্রয়োজন ॥
 সংসারে যতেক ধর্ম্য কহে পদ্মযোনি ।
 বংশরক্ষা-ধর্ম্য ষোল কলায় যে গণি ॥
 বংশহীন লোকে ধর্ম্য-কল নাহি ফলে ।
 বিবাহ না করি, তুমি থাকিলে কুশলে ॥
 তোমা-বিদ্যমানে আর কি কাজ বিবাহে ।
 কাম-পাপাচার শুধু পূর্ণ হয় যাহে ॥
 তথাপি আছয়ে পূর্ব্ব, কহে মুনিগণ ।
 এক পুত্র পুত্র নহে বংশের কারণ ॥
 এই হেতু চিন্তা মোর হয় নিরবধি ।
 উপায় না দেখি পুত্র, ইহার ঔষধি ॥

পিতার এতেক বাক্য করিয়া শ্রবণ ।

দেবভ্রত গেল, যথা বিজ্ঞ মস্ত্রিগণ ॥
 কহিল পিতার কথা যত মস্ত্রিগণে ।
 শুনিয়া সকল মন্ত্রী বলিল তখনে ॥
 যুগ্মা করিতে রাজা গিয়াছিল বন ।
 পদ্মগন্ধা কন্যা-সনে হৈল দরশন ॥
 তার হেতু তার বাপে বলিলে বচন ।
 নাহি দিল কন্যা সেই তোমার কারণ ॥

মস্ত্রিগণ-স্থানে শুনি এতেক বচন ।

রথে চড়ি তথাকারে করিল গমন ॥
 ততক্ষণে দেবভ্রতে দেখিয়া ধীবর ।
 রাজার বিধানে পূজা কৈল বহুতর ॥
 দেবভ্রত বলে, রাজা, তুমি ভাগ্যবান ।
 আমার জনকে তুমি দেখ কন্যাদান ॥

এত শুনি ঘোড়হাতে বলিল ধীবর ।
 মোর নিবেদন এক অবধান কর ॥
 দাস বলে, মোর কন্যা বিখ্যাত ভুবনে ।
 তাহার মহিমা যত বলে মুনিগণে ॥

এত শুনি রাজা জন্মেজয় জিজ্ঞাসিল ।

ধীবর সে কন্যারত্ন কেমনে পাইল ॥
 সহজে কৈবর্ত-জাতি নীচমধ্যে গণি ।
 তার ঘরে হেন কন্যা কি কারণে মুনি ॥
 মুনিবর বলে, রাজা, কর অবধান ।
 সে-কন্যার গুণ-কর্ম্ম শুনহ বিধান ॥
 মৎস্যের উদরে জন্ম ব্যাসের জননী ।
 দয়া করিলেন তারে পরাশর-মুনি ॥
 মহাভারতের কথা অমৃতের ধার ।
 কাশী কহে, শুনি ভববারি হয় পার ॥

১১। মৎস্যগন্ধার উৎপত্তি ও ব্যাসদেবের জন্ম ।

ছাপর যুগেতে রাজা নামে পরিচর ।

সত্যশীল ধর্ম্মবস্ত্র তপেতে তৎপর ॥
 সকল ত্যজিয়া রাজা ধর্ম্মে দিল মন ।
 কঠিন তপস্যা বনে করে অমুক্ষণ ॥
 শিরে জটা বৃক্ষের বন্ধল-পরিধান ।
 কড় ফল-মূল খায়, কড় অম্বুপান ॥
 কখন গলিত পত্র, কড় বাতাহার ।
 বৎসরেক নৃপতি করিল অনাহার ॥
 গ্রীষ্মকালে চতুর্দিকে ছালি হত্যাশন ।
 উর্দ্ধপদে তার মধ্যে রহেন রাজন্ ॥
 হেনমতে তপ করে সহস্র বৎসর ।
 তাঁর তপ দেখিয়া ত্রাসিত পুরন্দর ॥
 ঐরাবতে চড়িয়া চলিল দেবরাজ ।
 যথা তপ করে রাজা অরণ্যের মাঝ ॥

ডাক দিয়া বলে ইস্ত্র, শুন নৃপবর ।
 দেখিয়া তোমার তপ সবে পাইল ডর ॥
 নিবর্ত, কঠোর তপ না কর রাজন ।
 এত বলি দিল ইস্ত্র দিব্য-আভরণ ॥
 বৈজয়ন্তী মালা দিল নৃপতির গলে ।
 ছত্রেদণ্ড দিল আর শ্রবণ-কুণ্ডলে ॥
 চেদী-নামে রাজ্যে করি অভিষেক তাঁরে ।
 রাজ্য করি দেবরাজ গেল নিজপুরে ॥
 চেদীরাজ্যে নৃপতি হইল পরিচর ।
 নানাবিধ যজ্ঞ-দান করে নিরন্তর ॥
 অযোনিসম্ভবা কন্যা পৰ্ব্বতে পাইল ।
 পরমা হৃন্দরী দেখি বিবাহ করিল ॥
 নানা-ক্রীড়া করে রাজা ভার্য্যার সহিত ।
 কতদিনে ঋতুকাল হৈল উপনীত ॥
 ঋতুস্নান করিল রাজ্যের পাটেশ্বরী ।
 পবিত্রে হইল তবে স্নান-দান করি ॥
 সেইদিন পিতৃলোক কহিল রাজায় ।
 যুগমাংসে প্রাক্ক আজি কর মহাশয় ॥
 পিতৃগণ-আজ্ঞা পেয়ে রাজা পরিচর ।
 যুগয়া করিতে গেল অরণ্য-ভিতর ॥
 মহাবনে প্রবেশিল যুগ-অশ্বেষণে ।
 ঋতুয়তী ভার্য্যা তাঁর সদা পড়ে মনে ॥
 যুগয়া করয়ে রাজা নাহি তাহে মন ।
 অমুক্ষণ ভার্য্যা মনে হয় ত স্মরণ ॥
 কামহেতু বীর্য্য তাঁর হইল স্থলিত ।
 দেখিয়া নৃপতি চিন্তে হইল চিন্তিত ॥
 হাতেতে সঞ্চান-পক্ষী আছিল রাজার ।
 পত্রে করি দিল বীর্য্য স্থানেতে তাহার ॥

এই বীর্য্য লৈয়া দিবে পাটেশ্বরী-স্থানে ।
 এত বলি নরপতি পাঠায় সঞ্চানে ॥
 চলিল সঞ্চান-পক্ষী রাজার আজ্ঞাতে ।
 আর এক সঞ্চান দেখিল শূন্যপথে ॥
 ভক্ষ্যদ্রব্য বলিয়া তাহারে ছৌ মারিল ।
 অন্তরীক্ষে যুগল-সঞ্চানে যুদ্ধ হৈল ॥
 পক্ষিস্থান হৈতে রেত পড়িল সে-কালে ।
 অন্তরীক্ষ হৈতে পড়ে যমুনার জলে ॥
 দীর্ঘিকা নামেতে ছিল স্বর্গ-বিদ্যাদরী ।
 মুনিশাপে ছিল জলে হইয়া শফরী ॥
 সেই বীর্য্য শফরী যে করিল ভক্ষণ ।
 খণ্ডন না যায় কভু দৈবের ঘটন ॥
 সেই হৈতে দশমাসে ধীবরের জালে ।
 পড়িল প্রবীণ মৎস্য তুলিলেক কূলে ॥
 কূলেতে তুলিতে মৎস্য প্রসব হইল ।
 মুনিশাপে মুক্ত হৈয়া নিজদেশে গেল ॥
 গর্ভে তার ছিল স্ত্রী আর এক স্ত্রী ।
 দেখিয়া ধীবরগণ মানিল অদ্ভুত ॥
 যুগল-সন্তান তবে নিল কোলে করি ।
 যথা রাজা পরিচর চেদী-অধিকারী ॥
 অপূর্ব দেখিয়া রাজা বিস্মিত হইল ।
 কৈবর্তে তনয়া দিয়া তনয়ে লইল ॥
 অপুত্রক রাজা পুত্রে করিল পালন ।
 মৎস্যরাজ বলি নাম করিল ঘোষণ ॥
 কন্যা ল'য়ে ধীবর আইল নিজঘরে ।
 বহু যত্ন করি তারে পালিল ধীবরে ॥
 রূপেতে তাহার সম নাহি পাঠান্তর ।
 সবে দোষ, মৎস্যগন্ধ তার কলেশ্বর ॥

দুর্গক্ষেতে কেহ তার নিকটে না যায় ।
 দেখিয়া ধীর-রাজ চিস্তিল উপায় ॥
 যমুনার জলে পথ গহন-কাননে ।
 সেই পথে নিত্য পার হয় মুনিগণে ॥
 কন্ধ্যারে বলিল ভূমি থাক এইখানে ।
 ধর্ম-অর্থ্য পার কর যত মুনিগণে ॥
 পিতৃ-আজ্ঞা পেয়ে কন্ধ্যা থাকিল তথায় ।
 নিরন্তর মুনিগণে পার করে নায় ॥
 মহামুনি পরাশর শক্তির কুমার ।
 তীর্থ-যাত্রা করি তিনি যান পুনর্ব্বার ॥
 আচম্বিতে পরাশর এল সেই পথে ।
 কৈবর্তকুমারী-কন্যা দেখিল নৌকাতে ॥
 অনিন্দিত অঙ্গ তার প্রথম-যৌবন ।
 মত্ত-কোকিলের স্বর জিনিয়া বচন ॥
 তাহার লাবণ্য দেখি মোহ গেল মুনি ।
 জিজ্ঞাসিল, কন্যে, তুমি কাহার নন্দিনী ॥
 কন্যা বলে, আমি দাসরাজের কুমারী ।
 মাতাপিতা নাম দিল মৎস্যগন্ধা করি ॥
 মুনি বলে, কন্যে, তুমি ভুবন-মোহিনী ।
 আমারে ভজহ, আমি পরাশর মুনি ॥

এত শুনি কন্যা বলে, যুড়ি দুই কর ।
 কন্যা-জাতি প্রভু আমি নহি স্বতন্তর ॥
 সহজে কৈবর্ত-কন্যা হই নীচজাতি ।
 অঙ্গেতে দুর্গন্ধ মোর দেখ মহামতি ॥
 দুর্গক্ষেতে নিকটে না আসে কোন জনে ।
 আমারে পরাশ মুনি, করিবা কেমনে ॥
 তাহাতে কুমারী আমি বিবাহ না হয় ।
 কিমতে ভজিব, আজ্ঞা কর মহাশয় ॥


এত শুনি হাসিয়া বলেন পরাশর ।
 আমি বর দিব কন্যে, নাহি তোমর ভর ॥
 মৎস্যের দুর্গন্ধ আছে তোমর কলেবরে ।
 পদ্মগন্ধ হইবেক আমার এ বরে ॥
 অনুঢ়া আছহ তুমি প্রথম-যৌবনে ।
 সদা এইরূপে থাক আমার বচনে ॥
 বলিলা, তোমার জন্ম কৈবর্তের ঘরে ।
 মহারাজ বিবাহ করিবে মম বরে ॥
 এতেক বচন যদি সে মুনি বলিল ।
 পূর্ব্বগন্ধ ত্যজি কন্যা পদ্মগন্ধা হৈল ॥
 অত্যন্ত হৃন্দরী হৈল মুনিরাজ-বরে ।
 আপনা নেহারে কন্যা হরিশ-অস্তরে ॥
 পুনরপি বলে কন্যা যুড়ি দুই কর ।
 খণ্ডিতে কাহার শক্তি তোমার উত্তর ॥
 যমুনার দুই তটে আছে লোকজন ।
 যমুনার জলে নৌকা আছে অগণন ॥
 ইহার উপায় প্রভু, চিন্তহ আপনি ।
 লোকেতে প্রচার যেন না হয় কাহিনী ॥
 শক্তি পুত্র পরাশর মহাতপোধন ।
 যোগবলে কুজ-ঘটিকা করিল সৃজন ॥
 যমুনার মধ্যে দ্বীপ হইল তখন ।
 পদ্মগন্ধা-কন্ধ্যা মুনি করিল রমণ ॥
 সেইকালে গর্ভ হৈল কন্যার উদরে ।
 ব্যাসদেব জন্মিলেন বিখ্যাত সংসারে ॥
 দ্বীপে জন্ম-হেতু তাঁর নাম দ্বৈপায়ন ।
 চারি ভাগ কৈল বেদ, ব্যাস সে কারণ ॥
 জন্মমাত্র জননীয়ে বলেন বচন ।
 আজ্ঞা কর মাতা, আমি যাই তপোবন ॥

যখন তোমার কিছু হবে প্রয়োজন ।
 আসিব তোমার ঠাই করিলে স্মরণ ॥
 জননীর আঁজা পেয়ে ব্যাস তপোধন ।
 তপস্বী-কারণে বনে করিলা গমন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৫২। সত্যবতীর বিবাহ ।

জন্মেজয় বলে, তবে কহ মুনিবর ।
 পিতামহে কোন্ বাক্য বলিল দীবর ॥
 মুনি বলে, দাসরাজ বিবিধ বিধানে ।
 বিনয়পূর্বক বলে শাস্ত্রনুন্দনে ॥
 পূর্বেতে তোমার পিতা এসেছিল এথা ।
 কন্যার কারণে কহিলেন এই কথা ॥
 এক্ষণে আপনি তুমি কহ মহাশয় ।
 মোর কর্মদোষে ইহা ঘটন না হয় ॥
 রূপেতে তোমার পিতা কামদেবে জিনে ।
 কুরুকুল মহাবংশ বিখ্যাত ভুবনে ॥
 হেন বংশে দিব কন্যা ভাগ্য নাহি করি ।
 তবে এক কথা আছে, এই হেতু ডরি ॥
 দেবব্রত বলে, কহ, আছে কোন্ কথা ।
 মম বশ হৈলে তাহা করিব সর্বথা ॥
 দাস বলে, যুবরাজ, কর অবধান ।
 যে কারণে নৃপে নাহি করি কন্যাদান ॥
 কন্যাদান করিলে শাস্ত্রনু নরবরে ।
 বৈরানল প্রদ্বলিত হইবে যে পরে ॥
 তোমা হেন পুত্র যাঁর রাজ্যের ভাজন ।
 তাঁর কি উচিত পুনঃ পত্নীর গ্রহণ ॥

তোমার মহিমা যত বিখ্যাত সংসারে ।
 তোমার ক্রোধেতে ইন্দ্র-আদি দেব ভরে ॥
 এতেক শুনিয়া বলে গন্ধার নন্দন ।
 অনুমানে বুঝিলাম তোমার বচন ॥
 যতেক কহিলা তুমি, নহে অপ্রমাণ ।
 নাহিক কন্ডার দুঃখ আমা-বিদ্যমান ॥
 সেকারণে সত্য আমি কহি দাস-রাজ ।
 অবধানে শুন যত ক্ষত্রিয়-সমাজ ॥
 পিতার বিবাহ-হেতু করি অঙ্গীকার ।
 আজি হৈতে রাজ্যে মম নাহি অধিকার ॥
 তোমার কন্ডার গর্ভে হবে যে কুমার ।
 হস্তিনানগরে সেই পাবে রাজ্যভার ॥
 দাসরাজ বলে, তব অব্যর্থ-বচন ।
 আর এক মহাশয়, আছে নিবেদন ॥
 তুমি সত্য করিলে, তা করিবা পালন ।
 পাছে ঘন্ব করে পিছে তব পুত্রগণ ॥
 সেকারণে ভয়াব্বিত আমার অন্তর ।
 এত শুনি দেবব্রত করিল উত্তর ॥
 আমি ত্যাগ করিলাম যদি রাজ্যভার ।
 পুত্র-হেতু ভয় কেন হইল তোমার ॥
 তোমার অগ্রেতে আমি করি অঙ্গীকার ।
 বিবাহ না করিব যে প্রতিজ্ঞা আমার ॥
 দেবব্রত এইমত বচন কহিল ।
 দেবতা-গন্ধর্ব্ব-নরে বিস্মিত হইল ॥
 ধন্য ধন্য শব্দে সবে চারিভিতে ডাকে ।
 হেন কর্ম কেহ নাহি করে নরলোকে ॥
 যত বিদ্যাদরী আর অঙ্গরী অঙ্গর ।
 ঝাঁকে ঝাঁকে পুষ্পরুষ্টি করে নিরন্তর ॥
 স্বর্গ হৈতে ডাক দিয়া বলে দেবগণ ।
 ভয়ঙ্কর কর্ম কৈল শাস্ত্রনুন্দন ॥



ভাষ্যের প্রতিভা

ভাষ্যের প্রতিভা হইবে যে স্থান
এ স্থান নগরে সহ পাবে বাজানার ॥

ভাষ্যের প্রতিভা হইবে যে স্থান
এ স্থান নগরে সহ পাবে বাজানার ॥

আমি পদ, পৃষ্ঠা—১০

দেবাস্থনরে এই কৰ্ম অমুণাম ।
 ভৱকৰ কৰ্ম কৈলা, ভীষ্ম তব নাম ॥
 সত্য কৰি কন্যা ল'য়ে দিবা জনকেৱে ।
 আজি হৈতে সত্যবতী-নাম কহা ধৰে ॥
 ভীষ্মেৰ প্ৰতিজ্ঞা শুনি কৈবৰ্ত্তেৰ পতি ।
 ভীষ্মে আনি নিবেদিল কহা সত্যবতী ॥
 সত্যবতী দেখি ভীষ্ম বলে ষোড়হাতে ।
 নিজগৃহে চল মাতা, চড় আসি ৰথে ॥
 কন্যা ল'য়ে বায় ভীষ্ম ৰথ-আৰোহণে ।
 হস্তিনানগৰে প্ৰবেশিল ততক্ষণে ॥
 ব্ৰাহ্মণ কক্ৰিয় তথা যত ৰাজা ছিল ।
 অপূৰ্ব শুনিয়া সবে দেখিতে আইল ॥
 ধন্য ধন্য বলিয়া ডাকয়ে সৰ্ব্বজনে ।
 ভীষ্ম ভীষ্ম বলি ৰব হইল ভুবনে ॥
 কন্যা লৈয়া দিল ভীষ্ম পিতাৰ পোচৰ ।
 দেখিয়া শাস্তনু হৈল বিস্মিত-অন্তৰ ॥
 তুষ্ট হ'য়ে বৰ তবে দিলেন নন্দনে ।
 ইচ্ছামৃত্যু হবে তব আশাৰ বচনে ॥
 ভীষ্ম-জন্ম-কৰ্ম আৰ গঙ্গাৰ চৰিত্ৰে ।
 অপূৰ্ব ভাৱত-কথা ত্ৰৈলোক্য-পবিত্ৰে ॥
 এ-সব ৰহস্য-কথা যেই নৱ শুনে ।
 শৰীৰ নিষ্পাপ হয়, শাস্তি লভে মনে ॥
 ব্যাসেৰ ৰচিত চিত্ৰে অপূৰ্ব ভাৱত ।
 কাশীৰাম দাস কহে পাঁচালীৰ মত ॥

৫৩। বিচিত্ৰবীৰ্য্যেৰ জন্ম, বিবাহ ৩ বৃহা

এবং বৃত্ৰহাৰ্দ্দ্যেৰ উৎপত্তি ।

সত্যবতী লভি ৰাজা আনিপৰ্ণ-মনে ।

অমুকণ কৰে ব্ৰীড়। সত্যবতী-গনে ॥

তবে কতদিনে ৰাজা হৈল পৰ্বতী ।
 দশমাসে প্ৰসব কৰিল সত্যবতী ॥
 পৰমহুন্দৰ পুত্ৰ মুখ-কোকনদ^১ ।
 হুন্দৰ দেখিয়া নাম ৰাখে চিত্ৰোদ্ভদ ॥
 তাৰ কতদিনেতে দ্বিতীয় পুত্ৰ হৈল ।
 বলিয়া বিচিত্ৰবীৰ্য্য তাৰ নাম ধূল ॥
 সত্যবতী-গৰ্ভে হৈল মুগল কুমাৰ ।
 পৰম-হুন্দৰ যেন কাম-অবতায় ॥
 কতদিন-অন্তৰে শাস্তনু নৃপবৰ ।
 ত্যজিলেন অশ্বেশে ভৌতিক কলেবৰ ॥
 ৰাজ্যৰ মৰণে দুঃখী হৈল সৰ্বজন ।
 ভীষ্ম সত্যবতী হৈল শ্ৰেষ্ঠাকাৰুল মন ॥
 বালক-কুমাৰ দুই পিতাৰ বিহনে ।
 আপনি দৌহাৰে ভীষ্ম পালেন বতনে ॥
 চিত্ৰোদ্ভদ-উপৰে ধৰিল হুত্ৰদণ্ড ।
 আপনি পালেন ভীষ্ম মহাৰাজ্যধণ্ড ॥
 কতদিনে চিত্ৰোদ্ভদ হইল যুবক ।
 মহাধৰ্ম্মৰূপ হৈল প্ৰতাপে পাবক ॥
 আপন-সদৃশ কেহ না দেখে নৱনে ।
 একৰথে চড়ি বীৰ সবাঁকাৰে জিনে ॥
 দেবতা গন্ধৰ্ব্ব যক্ষ দৈত্য নৱ নাগে ।
 হেন জন নাহি—সুখে চিত্ৰোদ্ভদ-আগে ॥
 হেনমতে একে একে জিনিল সকল ।
 একৰথে ভ্ৰমে বীৰ পৃথিৱী-মণ্ডল ॥
 চিত্ৰোদ্ভদ-নামে এক গন্ধৰ্ব্ব-ঈশ্বৰ ।
 কুৰুক্ষেত্ৰে তাহাৰে ভেটিল নৱবৰ ॥
 সত্যবতী-নদী-তীৰে হইল সময় ।
 বৰ্ষজন্ম ব্যাপি মুহু হৈল ষোড়শৰ ॥

মায়াবী গন্ধর্ব্ব শেষে নিজ মায়াবলে ।
 চিত্রোদ্ভবদে মারি গেল গগনমণ্ডলে ॥
 চিত্রোদ্ভব-বধ শব্দ হইল নগরে ।
 ধরিল বিচিত্রবীৰ্য্য রাজচ্ছত্রে শিরে ॥
 তাঁর বিভা-হেতু চিস্তে ভীষ্ম নিরস্তর ।
 শুনে কাশীরাজ করে কণ্ঠা-স্বয়ংবর ॥
 একেবারে তিন কণ্ঠা করে স্বয়ংবর ।
 একথা হইল সব রাজার গোচর ॥
 স্বয়ংবর শুনি ভীষ্ম চলিল দ্বরিত ।
 একরথে কাশীধামে হৈল উপনীত ॥
 দেখিল, অনেক রাজা আছে স্বয়ংবরে ।
 রাজরাজেশ্বর যত পৃথিবী-উপরে ॥
 হেনকালে বলে ভীষ্ম সভার ভিতর ।
 আমার বচন শুনি কাশীর ঈশ্বর ॥
 আমার অমুক্ত আছে শাস্ত্রশূন্য-নন্দন ।
 তার হেতু তব কন্যা করিছু বরণ ॥
 এত বলি তিন কন্যা রথে চড়াইল ।
 পুনরপি রাজগণে ডাকিয়া বলিল ॥
 স্বয়ংবর হৈতে কন্যা বলে যাই লৈয়া ।
 যার শক্তি থাকে, যুদ্ধ করহ আসিয়া ॥
 ভীষ্মের বচন শুনি যত রাজগণ ।
 নানা অস্ত্র ল'য়ে সবে ধায় ততক্ষণ ॥
 মাতঙ্গে ভুরঙ্গে কেহ, কেহ চড়ি রথে ।
 শতপুরা করিয়া বেড়িল চারিভিতে ॥
 শেল শূল জাঠা শক্তি যুগল যুদ্ধার ।
 নানাবিধ অস্ত্র ফেলে ভীষ্মের উপর ॥
 যুদ্ধভূমিতে হৈল সব অন্ধকারময় ।
 না দেখয়ে ভীষ্ম-বীর আছয়ে কোথায় ॥

শীত্ৰহস্ত ভীষ্ম-বীর গঙ্গার কোণর ।
 বশিষ্ঠ-মুনির শিক্ষা যমের দোসর ॥
 শরজালে আপনারে দেখি আচ্ছাদিত ।
 শরে-শরে সব অস্ত্র কৈল নিবারিত ॥
 কাটিয়া সকল অস্ত্র গঙ্গার কুমার ।
 নিজ-অস্ত্রে রাজগণে করিল প্রহার ॥
 কাটিল কাহার মুণ্ড কুণ্ডল-সহিত ।
 অ্রবণ কাটিল কারো দেখি বিপরীত ॥
 শরীর ত্যজিল কেহ ভূমিতলে পড়ি ।
 রত্ন-অলঙ্কার সব যায় গড়াগড়ি ॥
 বামহস্ত-সহিত ধনুক ফেলে কাটি ।
 বুকেতে বাজিয়া কেহ করে ছট্‌ফটি ॥
 পড়িল সকল সৈন্য পৃথিবী আচ্ছাদি ।
 করিল গঙ্গার পুত্র ঋণে রক্তনদী ॥
 বিমুখ হইল কেহ না রহে সম্মুখে ।
 ধন্য ধন্য ভীষ্ম বলি রাজগণ ডাকে ॥
 ভঙ্গ দিয়া পলাইল যত রাজগণ ।
 চলিল আপন-দেশে শাস্ত্রশূন্য-নন্দন ॥
 কন্যা লৈয়া যায় ভীষ্ম শাস্ত্ররাজ দেখে ।
 তিষ্ঠ তিষ্ঠ বলি ভীষ্মে পুনঃপুনঃ ডাকে ॥
 হস্তিনী-কারণে যথা ক্রোধে হস্তিবর ।
 ধাইয়া আইল তথা শাস্ত্র নৃপবর ॥
 ক্রোধেতে আকর্ণ পুরি মহাধনুর্ধর ।
 দিব্য-অস্ত্র প্রহারিল ভীষ্মের উপর ॥
 নেউটিয়া ভীষ্মবীর নিল শরাসন ।
 শাস্ত্র-ভীষ্ম দুইজনে হৈল মহারণ ॥
 দুই সিংহে যুঝে যেন পর্ব্বত-উপর ।
 দুই হুগে যুঝে যেন গোষ্ঠের ভিতর ॥

ক্রোধেতে নিধুম অগ্নি যেন ভীষ্ম-বীর ।
 ছুই বাণে কাটে তার সারথির শির ॥
 চারি অশ্ব কাটিয়া কাটিল রথধ্বজ ।
 ধমুক কাটিল তার গঙ্গার অঙ্গজ ॥
 অশ্ব রথ সারথি ধমুক কাটা গেল ।
 ক্রমে বাট বাহি শাঙ্করাজ পলাইল ॥
 কাতর দেখিয়া তারে দিল প্রাণদান ।
 না মারিল অস্ত্র আর গঙ্গার সন্তান ॥
 সংগ্রামে জিনিয়া তবে চলে মতিমান ।
 কন্যা লৈয়া নিজদেশে করিল পয়ান ॥
 আনন্দিত সব লোক হস্তিনাপুরের ।
 বিবাহ উদ্যোগ কৈল বিচিত্রবীর্ঘ্যের ॥
 পুরোহিত আনিয়া করিল শুভক্ষণ ।
 আইল যতেক বিজ্ঞ বিবাহ-কারণ ॥
 বরের নিকটে তিন কন্যা বসাইল ।
 অশ্ব-নামে জ্যেষ্ঠা কন্যা তখন कहিল ॥
 সর্বশাস্ত্রে বিজ্ঞ তুমি শাস্ত্র-নন্দন ।
 তোমারে করি যে আমি এক নিবেদন ॥
 সভামধ্যে দেখিয়া সকল রাজগণে ।
 শাস্ত্রে বরিতে আমি করিয়াছি মনে ॥
 পিতার সম্মতি আছে দিবেন শাস্ত্রে ।
 আমার বিবাহ দেহ আনিয়া তাঁহারে ॥
 ব্রাহ্মণ-সভাতে কন্যা এতেক कहিল ।
 বিচার করিয়া ভীষ্ম তাহারে ত্যজিল ॥
 পুনর্ব্বার গেল কন্যা শাস্ত্রের সদন ।
 শাঙ্করাজ বলে, তোরে না করি গ্রহণ ॥
 কান্দিস্না ভীষ্মের স্থানে পুনঃ সে আইল ।
 তুমি বলে নিলে, তেজি শাঙ্ক তেমাগিল ॥

তবে ভীষ্ম বলে, তুই বড় চরাচর ।
 পুনঃ না লইব তোরে ধর্ম্মের বিচার ॥
 এত শুনি হৈল কন্যা পরম চুঃখিত ।
 সেইখানে অগ্নিকুণ্ড করিল স্থাপিত ॥
 অগ্নি প্রদক্ষিণ করি করিল প্রবেশ ।
 ভীষ্মের বধের হেতু কামনা বিশেষ ॥
 অশ্বিকা ও অশ্বালিকা যুগল হৃন্দরী ।
 রূপেতে দৌহার নিন্দে স্বর্গবিদ্ভাধরী ॥
 বিচিত্রবীর্ঘ্যেরে সেই ছুই কন্যা দিল ।
 শটী ভিলোক্তমা যেন দেবেন্দ্রে পাইল ॥
 সহজে বিচিত্রবীর্ঘ্য নবীন বয়েস ।
 যুগল কন্যার সহ শৃঙ্গার-বিশেষ ॥
 অল্পকালে যক্ষ্মাকাশ তাহার ঘটিল ।
 অনেক উপায় ভীষ্ম তাহার করিল ॥
 বহু যত্ন করি রক্ষা নারিল করিতে ।
 মরিল বিচিত্রবীর্ঘ্য পুত্র না জন্মিতে ॥
 শোকেরে আকুল হৈল যত বধুগণ ।
 বধুসহ সত্যবতী করেন ক্রন্দন ॥
 অগ্নিহোত্র-মধ্যেতে করিল প্রেতকর্মা ।
 যথা পূর্ব্বাপর আছে ক্রতুয়ের ধর্ম্ম ॥

তবে সত্যবতী আসি গঙ্গার নন্দনে ।
 कहিতে লাগিল তাঁরে করিয়া ক্রন্দনে ॥
 কুরুকুল মহাবংশ পৃথিবী-ঈশ্বর ।
 এ বংশ ধরিতে পুত্র, তুমি একেশ্বর ॥
 রাজা হৈয়া রাজ্য রাখ, পাল প্রজাগণ ।
 পুত্র জন্মাইয়া কর বংশের রক্ষণ ॥
 কুরুকুল অন্ত যায় করহ তারণ ।
 তোমা বিনা রক্ষা-হেতু নাহি অন্যজন ॥

নরক হইতে উদ্ধার পিতৃগণে ।
 সর্বশাস্ত্র ধর্ম বাপু, জানহ আপনে ॥
 অপুত্রক তব ভাই হইল নিধন ।
 অপুত্রক আছে তব ভ্রাতৃবধূগণ ॥
 অবিরোধ ধর্ম বাপু, আছে পূর্বাপর ।
 পুত্র জন্মাইয়া কর বংশের উদ্ধার ॥

এতক শুনিয়া বলে শাস্ত্রমু-নন্দন ।
 বেদের সদৃশ মাতা, তোমার বচন ॥
 আমার প্রতিজ্ঞা মাতা, জানহ আপনে ।
 অঙ্গীকার করিলাম তোমার কারণে ॥
 জিজ্ঞাসবনে কেহ যদি দেয় অধিকার ।
 তথাপি না লব রাজ্য, সত্য অঙ্গীকার ॥
 যাবৎ শরীরে হোর আছেয়ে পরাণ ।
 না ছুঁইব রামা^১, মম সত্য নহে আন ॥
 দিনকর ত্যজে তেজ, চন্দ্র শীত ত্যজে ।
 ধর্ম সত্য ত্যজে, পরাক্রম দেবরাজে ॥
 ত্যজিবারে পারয়ে এ সব কদাচন ।
 তবু সত্য নাহি ত্যজে গঙ্গার নন্দন ॥

সত্যবতী বলে, পুত্র আমি সব জানি ।
 তোমার মহিমা গুণ কহে হর-মুনি ॥
 আমার বিবাহে যে করিলা অঙ্গীকার ।
 সকল জানি যে আমি প্রতিজ্ঞা তোমার ॥
 তথাপি বিপদে ত্রাণ কর কোনমতে ।
 আপনি উপায় কর কুলধর্মহিতে ॥
 বিপদে সেবতা পুছে বৃহস্পতি-হানে ।
 দৈত্যগণ যুক্তি পুছে হৃগুর নন্দনে ॥
 তোমা বিনা আমি জিজ্ঞাসিব কার কাছে ।
 যেমত জানহ, কর, বাহে কংশ কাঁচে ॥

দৈব-বিধি-ধর্ম পুত্র, তোমাতে গোচর ।
 ধর্ম-অবিরোধে পুত্র, বংশরক্ষা কর ॥
 এত বলি সত্যবতী করয়ে ক্রন্দন ।
 নিবর্তিয়া^২ পুনঃ বলে গঙ্গার নন্দন ॥
 ক্ষত্র হৈয়া যেই জন প্রতিজ্ঞা না পালে ।
 অপযশ ঘোষে তার এ মহীমণ্ডলে ॥
 কুলবংশ-রক্ষা-হেতু করিব বিধান ।
 পূর্বাপর আছে, কহি, কর অবধান ॥
 জমদগ্নিহৃত রাম^৩ পিতার কারণে ।
 দশশত-ভুজধর মারিল অর্জুনে^৪ ॥
 প্রতিজ্ঞা করিয়া ক্ষত্র করিল সংহার ।
 নিকজা করিল ক্ষিতি তিনসপ্তবার ॥
 ক্ষত্র আর না রহিল পৃথিবী-ভিতরে ।
 ক্ষত্রনারীগণে প্রবেশিল বিপ্রঘরে ॥
 বেদেতে পারগ যেই পবিত্র ব্রাহ্মণ ।
 তাহার ঔরসে বংশ করিল রক্ষণ ॥
 বেদ-বিধি দ্বিজগণ ধর্ম্মেতে বুঝিয়া ।
 বুদ্ধি কৈল ক্ষত্রবংশ ঋতুদান দিয়া ॥
 ক্ষত্রকেত্রে জন্ম হৈল ব্রাহ্মণ-ঔরসে ।
 যার ক্ষেত্র, তার পুত্র, বেদে হেন তাষে ॥
 বিপ্র হৈতে ক্ষত্র-জন্ম আছে পূর্বাপর ।
 অদূষিত কর্ম এই ধর্ম্মের উত্তর ॥

আর পূর্বকথা মাতা, কহি যে তোমারে
 উতখ্য-নামেতে ঋষি বিখ্যাত সংসারে ॥
 তাঁহার কনিষ্ঠ দেব-গুরু বৃহস্পতি ।
 মমতা নামেতে কণ্ঠা উতখ্য-যুবতী ॥
 কামেতে পীড়িত তারে ধরে বৃহস্পতি ।^৫
 মমতা ডাকিয়া বলে, বৃহস্পতি-প্রতি ॥

তার কর্ম দেখিয়া যতেক অধিগণ ।
 বিচার করিয়া সবে বলিল বচন ॥
 নিকটে বসতি-যোগ্য নহে ছুরাচার ।
 ধর্ম্মাধর্ম্ম কোন জ্ঞান নাহিক ইহার ॥
 এত বলি হুনিগণ উত্তথ্য-নন্দনে ।
 সবে হতাতুর করে, কেহ নাহি জানে ॥
 পত্নীর বিরাগ-পাত্রে ক্রমে দ্বিজবর ।
 পুণ্ড্রমত প্রাণেবী না করে সমাদর ॥
 সেবা-ভক্তি নাহি করে নাহি শুনে কথা ।
 অনাদর করে সদা, মর্থে দেয় ব্যথা ॥
 তাহা দেখি দীর্ঘতম্য জিজ্ঞাসে কারণ ।
 কিসের লাগিয়া মোরে কর অবতন ॥
 প্রাণেবী কহিল, দেখ বিচারিয়া মনে ।
 স্বামী যে ভার্য্যার ভর্তা ভরণ-পোষণে ॥
 জন্মাক হইয়া তুমি জগতে জন্মিলে ।
 ভরণ-পোষণ মম কিছু না করিলে ॥
 চিরকাল বহি তব সম্ভানের ভার ।
 অতঃপর না পারিব শুন বলি আর ॥
 আপন-সম্ভানে তুমি করহ পালন ।
 যথায় আমার ইচ্ছা করিব গমন ॥
 পত্নীর বচনে ক্রুদ্ধ হ'য়ে দ্বিজবর ।
 প্রাণেবীরে সম্ভাষিয়া কহে অতঃপর ॥
 দিতেছি বিপুল অর্থ করহ গ্রহণ ।
 পুনশ্চ না কহ হেন পরম-বচন ॥
 আর এই শাপ আমি অর্পিতাম তোরে ।
 কল্পকূলে জন্ম হবে অধলিপাত্তরে ॥
 পত্নী বলে, অর্থে মম নাহি প্রয়োজন ।
 চুঃখের নিদান অর্থ অনর্থ-কারণ ॥

১। বিহার দ্বার প্রবেশ। ইনি প্রবেশী-শাস্ত্রী এক দ্বার দ্বারা কন্যাকে বিবাহ করিয়া তাহার পুত্র গৌতমকে কন্যাকে
পুত্রের ভব বিদ্যা প্রদান করিয়া তাহার পুত্রকে ২। দ্বারপ্রবেশ। ইহার দ্বিতীয় দ্বারের দ্বারা গৌতম পুত্রকে

পুত্রগণসহ দ্বিজ তোমাতে হে আর ।

নারিব পালিতে এই কহিলাম সার ॥

এত শুনি দীর্ঘতমা কহেন বচন ।

অষ্টাবধি এই বিধি করিষু স্থাপন ॥

নারীজাতি জীবিত থাকিবে যতদিন ।

ততদিন হয়ে রবে পতির অধীন ॥

পতিবাক্যে অবহেলা কভু না করিবে ।

প্রাণপণে পতি-প্রিয়-কার্য আচরিবে ॥

জীবিত থাকিতে পতি অথবা মরণে ।

অপর পুরুষে নারী যদি ভাবে মনে ॥

নিরয়গামিনী হবে কহিলাম সার ।

পতিভিন্ন গতি আর নাহি অবলার ॥

সংসারের হৃথভোগে কিছুমাত্র আর ।

পতিহীনা নারীর না রবে অধিকার ॥

এ-সব নিয়ম যেবা করিবে লঙ্ঘন ।

তাহার অংশে পূর্ণ হইবে ভুবন ॥

এত যদি কহে দীর্ঘতমা দ্বিজবর ।

ক্রোধেতে আকুল তাঁর পত্নীর অন্তর ॥

পুত্রগণে কহে, লয়ে এই পাতকীরে ।

সত্বরে ভাসায়ে দেহ জাহ্নবীর নীরে ॥

মাতার বচনে তবে যত পুত্রগণ ।

গঙ্গাতে ফেলিল বাপে করিয়া বন্ধন ॥

ভেলার বন্ধনে ভাসি গেল বহুদূর ।

দৈবেতে দেখিল তারে বলি মহাশূর ॥

ধরিয়া আনিল ভেলা, দেখিল ব্রাহ্মণ ।

জিজ্ঞাসিল তাঁহার যতেক বিবরণ ॥

কহিল সকল কথা উত্তথ্যানন্দন ।

বলি বলে, আমি তোমা করিষু বরণ ॥

কোর বংশবৃদ্ধি কর নিজ তপোবলে ।

স্বীকার করিল দ্বিজ দৈত্যপতি-হলে ॥

গৃহে আনি দ্বিজবরে করিল অর্চন ।

হৃদেয়া রাগীকে ডাকি বলিল বচন ॥

এই দ্বিজে ভক্তি কর, বংশের উন্নতি ।

দ্বিজ হ'তে হইবেক, আছে হেন নীতি ॥

অন্ধ দেখি হৃদেয়া করিল অনাদর ।

শূদ্রা দাসী পাঠাইল যথা দ্বিজবর ॥

দ্বিজের ঔরসে তার হইল পুত্রগণ ।

চারিবেদ ঘটশাস্ত্র করে অধ্যয়ন ॥

হেনকালে বলি গেল দ্বিজের ভবন ।

জিজ্ঞাসিল, এই সব আমার নন্দন ॥

দ্বিজ বলে, এরা নহে কুমার তোমার ।

শূদ্রা-গর্ভে জন্মে হৈল আমার কুমার ॥

অন্ধ দেখি আমারে তোমার পাটেখরী ।

না আইল মোর স্থানে অনাদর করি ॥

এত শুনি বলি গেল নিজ-অন্তঃপুরে ।

কহিল সকল কথা হৃদেয়া রাগীরে ॥

তবে ত চলিল রাগী স্বামীর আদেশে ।

তিন পুত্র জন্মাইল দ্বিজের ঔরসে ॥

অঙ্গ বঙ্গ কলিঙ্গ এ তিন পুত্র-নাম ।

পৃথিবীর মধ্যে রাজা হইল অমুপাম ॥

অঙ্গদেশে বঁসাইল জ্যেষ্ঠ পুত্র অঙ্গে ।

কলিঙ্গে কলিঙ্গদেশে বঙ্গদেশে বঙ্গে ॥

হেনমতে দ্বিজ হৈতে ক্ষত্রিয়-উৎপত্তি ।

পূর্ব্বাপর আছে এই কহি বেদনীতি ॥

তোমার বিচারে যেই আইসে জননি ।


পাত্র-মিত্রগণে তবে শীত্র ডাকি আনি ॥

মস্ত্রি-পুরোহিত লৈয়া করহ বিচার ।

ভরতবংশের হেতু কর প্রতিকার ॥

সত্যবতী বলে, পুত্র, ভূমি ধর্ম্মাচারী ।

তোমার বচন আমি বেদভূল্য ধরি ॥



ভাঁমের স্খাকু শু-পান

একে বুঝানো থাকে প্রথম স্থান
 শাক লাভী, স্পন্দন / ভাল বুঝে ।
 এবে এ-ক শু শু শান সে বরিল ।"

মোর পূর্ব-বিবরণ কহি যে তোমায় ।
 যখন ছিলাম আমি পিতার আলয় ॥
 ধর্ম পিতা বাহে নৌকা যমুনার জলে ।
 একদিন কৌতুকে গেলাম সেই স্থলে ॥
 দৈবে সেই দিনে মহামুনি পরাশর ।
 মহাতেজা জ্যোতির্ময় দেখি লাগে ডর ॥
 কহিবার যোগ্য পুত্র, নহে ত তোমারে ।
 সে মুনির কর্ম পুত্র, অদ্বুত সংসারে ॥
 মৎস্যের দুর্গন্ধ মোর শরীরে আছিল ।
 আজ্ঞামাত্রে সেই ত মুগন্ধি দেহ হৈল ॥
 কুজ্জাতি সৃজিয়া মুনি কৈল অন্ধকার ।
 মহাভয়ে বলীভূত হইলাম তাঁর ॥
 তাঁহার ঔরসে মোর হইল নন্দন ।
 দ্বীপমধ্যে পুত্র মোর হৈল ততক্ষণ ॥
 জন্মমাত্র তার কর্ম লোকে অনুপাম ।
 দ্বীপে জন্ম হৈল, তেঁই দ্বৈপায়ন নাম ॥
 বেদ চতুর্ভাগ কৈল, ব্যাস সে-কারণে ।
 কৃষ্ণ-নাম বলি কৃষ্ণ-অঙ্গের কারণে ॥
 জন্মমাত্র পুত্র তবে যায় তপোবন ।
 আমারে বলিয়া গেল এই ত বচন ॥
 স্বরিতে আসিব আমি করিলে স্মরণ ।
 কতকালে পুত্র মোর ব্যাস তপোধন ॥
 তোমার সম্মতি হৈলে করি যে স্মরণ ।
 তুমি আমি কহি তারে বংশের কারণ ॥
 করযোড় করি বলে শাস্ত্রমুনন্দন ।
 তবে চিন্তা কর মাতা, কিসের কারণ ॥
 ধর্ম-অর্থ-কাম আছে, নাহিক বিচার ।
 কুলশ্রেয়ঃ কর্ম এই সম্মত আমার ॥

তোমার কুমার মাতা, ব্যাস তপোধন ।
 শীঘ্রগতি কর মাতা, তাঁহারে স্মরণ ॥
 ভীষ্মের বচনে দেবী করিল স্মরণ ।
 দেবগণমধ্যে এথা ব্যাস তপোধন ॥
 নানাশাস্ত্র ধর্ম কহিছেন দেবস্থানে ।
 উৎকর্ষা জন্মিল তাঁর মাতার স্মরণে ॥
 সেইক্ষণে আসি তথা হৈল উপনীত ।
 দেখি ভীষ্ম পুত্রা তাঁরে কৈল বিধিমত ॥
 চিরদিনে সত্যবতী দেখিয়া নন্দন ।
 আলিঙ্গন দিয়া পুত্রে করেন ক্রন্দন ॥
 নয়নেতে নীর ঝরে, দুখ ঝরে স্তনে ।
 স্তনদুখে স্নান করাইল তপোধনে ॥
 মায়ের রোদন দেখি বিস্মিতবদন ।
 কমণ্ডলু-জল মুখে করিল সেচন ॥
 নিবারিয়া ক্রন্দন বলেন ব্যাসমুনি ।
 কেন ডাকিয়াছ, আজ্ঞা করহ জননি ॥
 করিব তোমার প্রিয়, আজ্ঞা দেহ মোরে ।
 কি কর্ম অসাধ্য তব সংসার-ভিতরে ॥
 সত্যবতী কহে, পুত্র, কহিতে অশেষ ।
 আমার দুঃখের কথা, নাহি পরিশেষ ॥
 শিশুপুত্র রাখি স্বামী গেল স্বর্গবাস ।
 গন্ধর্ব্বেরে জ্যেষ্ঠপুত্রে করিল বিনাশ ॥
 কনিষ্ঠ বালকে ভীষ্ম পালন করিল ।
 কাশীরাজ ছই কন্যা বিবাহ যে দিল ॥
 বংশ না হইতে তার হইল নিধন ।
 বিধবা যুগল বধু নবীন যৌবন ॥
 কুরুকুল অন্ত যায়, নাহি রাজ্যস্বামী ।
 এ শোকসাগরে পুত্র, পড়িয়াছি আমি ॥

উপায় না দেখি, তোমা করিহু স্মরণ ।
 উপায়ে আমার বংশ করহ রক্ষণ ॥
 পিতামাতা হৈতে হয় সন্তান-সন্ততি ।
 এক বিনা অশ্বে নহে সন্তান-সঙ্গতি ১ ॥
 তুমি পুত্র যেমন, তেমন দেবব্রত ।
 ইহার উপায় কর দৌহার সম্যত ॥
 আমার বিবাহে ভীষ্ম করিল স্বীকার ।
 বংশ না করিব, নাহি লব অধিকার ॥
 সেকারণে তোমা বিনা না দেখি উপায় ।
 আপনি উদ্ধার কর, কুল অন্ত যায় ॥
 ব্যাস বলে, জননি, করিহু অঙ্গীকার ।
 করিব পালন আজ্ঞা যে হয় তোমার ॥
 সত্যবতী বলে, তব আছে ভ্রাতৃজায়া ।
 চঞ্চল-চপলাং রূপে কিবা বরকায়া ২ ॥
 আপন ঔরসে তারে দেহ পুত্রদান ।
 ইহা বিনা উপায় না দেখি আমি আন ॥
 ব্যাস বলে, মাতা, তুমি ধর্ম্মেতে তৎপর ।
 ধর্ম্মের বিহিত এই আছে পরম্পরা ॥
 তোমার বচন আমি করিব পালন ।
 রাজ্যহিতে তব কুল করিব রক্ষণ ॥
 আর এক নিবেদন শুনহ জননী ।
 পবিত্রে হইতে বধু বলহ আপনি ॥
 সম্পূর্ণ বৎসর এক ব্রত আচরিবে ।
 দান-যজ্ঞ-হোম করি পবিত্রে হইবে ॥
 তবে ত পরশ অঙ্গ করিব তাহার ।
 দেবভুল্য পরাক্রম হইবে কুমার ॥

সত্যবতী বলে, পুত্র বিলম্ব না সয় ।
 অরাজকে রাজ্য নষ্ট, দস্যু-চোর-ভয় ॥
 মায়ের বচনে বলে ব্যাস তপোধন ।
 মোর ভয়ঙ্কর মূর্তি হবে দরশন ॥
 সেই মূর্তি দেখি বধু সহিবারে পারে ।
 সুপুত্র হইবে তবে তাহার উদরে ॥
 আসিব বলিয়া তবে গেল মূনি ব্যাস ।
 সত্যবতী গেল তবে অশ্বিকার পাশ ॥
 মধুর বচনে তারে বলে সত্যবতী ।
 আমার বচন বধু, কর অবগতি ॥
 মঞ্জিল ভরত-বংশ নাহিক উপায় ।
 বংশরক্ষা-হেতু বধু, কহি যে তোমায় ॥
 যে উপায় বলে মোরে গঙ্গার কুমার ।
 সেই ত উপায় আছে নিকটে তোমার ॥
 আমার বচনে তুমি কর অঙ্গীকার ।
 পুত্র জন্মাইয়া কর বংশের উদ্ধার ॥
 অর্দ্ধরাত্রে আসিবেন তোমার ভাস্কর ।
 ভজিবা তাহারে তুমি ভয় করি দূর ॥
 আপনে থাকিয়া তবে দেবী সত্যবতী ।
 বিবিধ কুস্মে তার শয্যা দিল পাতি ॥
 পুনঃপুনঃ কহি দেবী গেল নিজস্থান ।
 অর্দ্ধরাত্রে ব্যাসদেব করিল প্রয়াণ ॥
 কৃষ্ণবর্ণ অঙ্গ সুপিঙ্গল জটাভার ।
 ভয়ঙ্কর মূর্তি যেন ভৈরব আকার ॥
 দেখি মহাভয়ে রাণী মুদিল নয়ন ।
 তবে ব্যাসমুনি হৈল বিস্মিতবদন ॥

১। মাতা ও পিতার মধ্যে একের অভাব হইলে সন্তান-উৎপত্তি সম্ভব নহে। ২। বিদ্যায়।

* পাঠান্তর—সত্যবতী বলে, তব আছে ভ্রাতৃবধু।

পরম পবিত্র রূপ তিনি পূর্ণবিশু।

রজনী বঞ্চিয়া মুনি কৈল স্নানদান ।
 প্রাতঃকালে সত্যবতী গেল তাঁর স্থান ॥
 সত্যবতী বলে, পুত্র, কহ বিবরণ ।
 ব্যাস বলে, পালিলাম তোমার বচন ॥
 মহাবলবন্ত মাতা হইবে কুমার ।
 অযুত হস্তীর বল হইবে তাহার ॥
 কেবল হইবে অন্ধ জননীর দোষে ।
 শত পুত্র হইবে যে তাহার ঔরসে ॥
 সত্যবতী বলে, পুত্র, হৈল অকারণ ।
 কুরুকুলে অন্ধ রাজা না হবে শোভন ॥
 আর এক পুত্র কর বংশের ধারণ ।
 অঙ্গীকার করি গেল ব্যাস তপোধন ॥
 তবে দশমাস পরে ধৃতরাষ্ট্র হৈল ।
 যুগল নয়ন অন্ধ, মুনি যাহা কৈল ॥
 পরে যবে অশ্বালিকা কৈল ঋতুস্নান ।
 পুনঃ ব্যাসে সত্যবতী করিল আস্থান ॥
 পূর্বভয়ে অশ্বালিকা না মুদিল আঁখি ।
 শরীর পাণ্ডুরবর্ণ হৈল মুনি দেখি ॥
 তবে ব্যাস মহামুনি মায়েরে কহিল ।
 আমারে দেখিয়া বধু পাণ্ডুরবর্ণ হৈল ॥
 সেকারণে হবে পুত্র পাণ্ডুর-বরণ ।
 এত বলি গেল চলি ব্যাস তপোধন ॥
 সত্যবতী বলে, পুত্র, কর অবধান ।
 আর এক পুত্র দেহ গন্ধর্ব্ব-সমান ॥
 মায়ের বচনে ব্যাস স্বীকার করিল ।
 অন্তর্দ্বান হ'য়ে মুনি নিজস্থানে গেল ॥
 বৎসরেক বয়স হইল পাণ্ডুবীর ।
 অপূর্ব্ব-গঠন রূপ পাণ্ডুর শরীর ॥
 পুনরপি এল ব্যাস মাতার স্মরণে ।
 ভয়ে অশ্বালিকা নাহি গেল তাঁর স্থানে ॥

সেবিকা আছিল তাঁর পরমা সুন্দরী ।
 পাঠাইল মুনি-স্থানে সুবেশাদি করি ॥
 নবীন ঘোবন তার, হয় শূদ্রজাতি ।
 মুনির চরণে বহু করিল ভক্তি ॥
 সন্তুষ্ট হইয়া মুনি বলিল তাহারে ।
 ধর্ম্মবস্ত পুত্র হবে তোমার উদরে ॥
 পরম-পণ্ডিত হবে নরিতে প্রধান ।
 বর দিয়া গেল ব্যাস আপনার স্থান ॥
 মুনি-বরে গর্ভ তার হইল উৎপত্তি ।
 আপনি জন্মিল আসি ধর্ম্ম মহামতি ॥
 মহাভারতের কথা শ্রবণে অমৃত ।
 কাশীদাস কহে, সাধু পিয়ে অবিরত ॥

৫৪। বিহুরের জন্ম-বিবরণ ।

জন্মেজয় বলে, মুনি, কহ বিবরণ ।
 যম আসি জন্ম নিল কিসের কারণ ॥
 মুনি বলে, মাণ্ডব্য-নায়েতে মুনিবর ।
 সত্যবস্ত ধর্ম্মশীল তপেতে তৎপর ॥
 বহুকাল তপ করে বৃক্ষমূলে বসি ।
 উর্দ্ধবাহু মৌনব্রত সদা উপবাসী ॥
 হেনমতে চিরকাল আছে মুনিবর ।
 দৈবে একদিন তথা নগর-ভিতর ॥
 চুরি করি নগরেতে চোরগণ যায় ।
 নগররক্ষকগণ পাছে-পাছে ধায় ॥
 পলাইতে নাহি পারে যত চোরগণ ।
 মুনির আশ্রমে প্রবেশিল সর্ব্বজন ॥
 নানাত্রব্য নগরেতে যা করিল চুরি ।
 মুনির আশ্রমে সব রাখিলেক পুরি ॥

তার পাছে এল যত রাজচরগণ ।
 মুনিরে দেখিয়া জিজ্ঞাসিল ততক্ষণ ॥
 এই পথে আগে-আগে চোরগণ এল ।
 দেখিয়াছ, মহাশয়, কোন্ পথে গেল ॥
 কিছু না বলিল মুনি, ছিল মৌনব্রতে ।
 হেনকালে দেখে দ্রব্য সেই আশ্রমেতে ॥
 ভ্রমিতে ভ্রমিতে তথা দেখে চোরগণ ।
 চোরগণে ধরি তবে করিল বন্ধন ॥
 রাজচরগণ তবে করিল বিচার ।
 জানিল, সকল কৰ্ম্ম এই বাম্নার ॥
 লোকেরে ভণ্ডিতে করে তপের আরম্ভ ।
 ইহারে বন্ধন কর, না কর বিলম্ব ॥
 চোরগণ-সহিত বান্ধিয়া নিল তাঁরে ।
 চোর ধরিলাম বলি জানায় রাজারে ॥
 রাজা আজ্ঞা দিল, শূলে দেহ সৰ্ব্বজনে ।
 নগর-বাহিরে শূলে দিল ততক্ষণে ॥
 মাণ্ডব্যেরে শূলে দিল চোরের সহিতে ।
 চিরদিন আছে মুনি বসিয়া শূলেতে ॥
 একদিন মুনিগণ দেখিল তাঁহারে ।
 দেখিয়া পরম চিন্তা হৈল সবাকাবে ॥
 মুনিগণ মিলি তবে সে শূল ধরিল ।
 অনেক যতনে উপাড়িতে না পারিল ॥
 জিজ্ঞাসিল মুনিগণ মাণ্ডব্যের প্রতি ।
 কোন্ পাপে মুনি, তব এতেক দুর্গতি ॥
 মাণ্ডব্য বলিল, আমি বহু-পাপকারী ।
 কোন্ পাপে হেন শাস্তি বলিতে না পারি ॥
 মুনিগণ কথা কহে, শুনিল ভূপতি ।
 শূলেতে আছরে মুনি, রাজা ভীত অতি ॥

স্বকুটুম্ব-সহ সে আইল শীঘ্রগতি ।
 অশেষ-বিশেষে মুনিবরে করে স্তুতি ॥
 না জানিয়া কৰ্ম্ম হেন করিলু ছফর ।
 অধম দেখিয়া মোরে ক্রম মুনিবর ॥
 রাজা তাঁরে নানাবিধ করিল বিনয় ।
 দয়ী কৰ্ম্মি মুনিরাজ হইল সদয় ॥
 তবে নরপতি সেই শূল উপাড়িল ।
 মুনি-অঙ্গ হৈতে শূল কাড়িতে লাগিল ॥
 অনেক যতন কৈল নহিল বাহির ।
 দেখিয়া বিস্মিত চিত্ত হৈল নৃপতির ॥
 বাহিরে যতেক ছিল, কাটিয়া ফেলিল ।
 ভিতরে যে কিছু ছিল, ভিতরে রহিল ॥
 তথাপিহ দুঃখ মনে নাহিক মুনির ।
 নাহিক বেদনা চিন্তে প্রফুল্ল-শরীর ॥
 মুনিগর্ভে যুক্ত শূল লোকে অসম্ভাব্য ।
 সেই হৈতে নাম হয় সে অগীমাণ্ডব্য ॥
 একদিন মুনিবর ভাবিল অন্তরে ।
 কোন্ পাপে ধৰ্ম্ম শাস্তি দিলেন আমারে ॥
 ধৰ্ম্মস্থানে এর হেতু জানিতে হুয়ায় ।
 কোন্ পাপে হেন গতি করিল আমার ॥
 তবে মুনিবর গেল ধৰ্ম্মের সদন ।
 কহিল তাঁহারে সব নিজ-বিবরণ ॥
 কহ ধৰ্ম্মরাজ মোরে কারণ ইহার ।
 কোন্ দোষে হেন শাস্তি করিলা আমার ॥
 ধৰ্ম্মরাজ বলে, তুমি বালক-বয়সে ।
 বালক-সহিত ছিলা বাল্যক্রীড়ারসে ॥
 একদিন ক্ষুদ্রে এক পতঙ্গ ধরিল ।
 ঈষীকাতে তার গুছে তুমি শূল দিলা ॥

তাহার উচিত শাস্তি পাইলা আপনি ।
 যাহা করি, তাহা ভুঞ্জি, কহে বেদবাণী ॥
 এত শুনি মহাক্রোধে বলে তপোধন ।
 মম তপোবল আমি দেখাই এখন ॥
 অল্পদোষে হেন শাস্তি, এ তব বিচার ।
 তাহাতে বালক-বুদ্ধি কি জ্ঞান আমার ॥
 বাল্যকালে অল্পদোষে এ দণ্ড তোমার ।
 এমত করিলে তবে মজিবে সংসার ॥
 এই হেতু নরলোকে শূদ্রঘোনি-মাঝ ।
 অবশ্য লভিবে জন্ম, শুন ধর্মরাজ ॥
 অদ্যাবধি আমি এই দণ্ডের কারণ ।
 করিতেছি এইরূপ নিয়ম স্থাপন ॥
 পাঁচ বর্ষ* পর্য্যন্ত যতেক করে পাপ ।
 তোমার সদনে তার নাহিক সস্তাপ ॥
 এত বলি মুনিরাজ চলিল আশ্রম ।
 তাঁর শাপে শূদ্রঘোনি পাইলেন যম ॥
 পরম-পণ্ডিত বুদ্ধি ধর্মের আচার ।
 কুরুতে বিদুররূপে যম-অবতার ॥
 আদিপর্বের ভারতের বিদুর-উৎপত্তি ।
 কাশী কহে, যাহা শুনি খণ্ডয়ে বিপত্তি ॥

৫৫। ঋতরাষ্ট্র, পাণ্ডু ও বিদুরের বিবাহ
 ও কর্ণের জন্ম ।

হেনমতে কুরুবংশে তিন পুত্র হৈল ।
 অহনিশ নানাদান নানায়জ্ঞ কৈল ॥
 তিন পুত্রে ভীষ্মবীর করেন পালন ।
 নানা-অস্ত্র-শস্ত্র-শাস্ত্র করান পাঠন ॥

কতদিনে দেখি সবে যৌবন-সময় ।
 বিবাহ-কারণ চিন্তে গঙ্গার তনয় ॥
 যদুবংশে হুবল-নামেতে নৃপমণি ।
 গাঙ্গারী নামেতে কন্যা তাঁহার নন্দিনী ॥
 ভগবানে আরাধিয়া কন্যা পায় বর ।
 একশত পুত্র হবে মহাবলধর ॥
 বার্তা পেয়ে ভীষ্মবীর দূত পাঠাইল ।
 হুবল-রাজেরে দূত সকল কহিল ॥
 বিচিত্রবীর্যের পুত্র ধৃতরাষ্ট্র নাম ।
 কুরুবংশে বিখ্যাত ভুবনে অনুপাম ॥
 তাঁর হেতু বরিবারে তোমার কুমারী ।
 ভীষ্মবীর পাঠাইল মোরে শীত্র করি ॥
 শুনিয়া গাঙ্গাররাজ ভাবে মনে-মনে ।
 কুরুকুল মহাবংশ বিখ্যাত ভুবনে ॥
 সকল সম্পদ দেখি অন্ধমাত্র বর ।
 না দিলে কুপিত হবে ভীষ্ম কুরুবর ॥
 এতেক বিচার করি গাঙ্গার-রাজন ।
 বিবাহের দ্রব্য করিলেন আয়োজন ॥
 হস্তী হয় রথ রত্ন শকটে পুরিয়া ।
 দাস দাসী গো মহিষ বিপুল করিয়া ॥
 শকুনিরে সঙ্গে দিল, অনেক ব্রাহ্মণ ।
 চতুর্দোলে কন্যা দিল করিয়া সাজন ॥
 গাঙ্গারী শুনিল, অন্ধবরে সমর্পিল ।
 আপন দুর্ভাগ্য ভাবি চিন্তে ক্রমা দিল ॥
 শুক্ল পটবস্ত্র দেবী শতপুরং করি ।
 আপন-নয়ন-যুগ বাঞ্ছিল হৃন্দরী ॥
 পতি-গতি অনুসরি মুদিল নয়ন ।
 পতিব্রতা গাঙ্গারীর জগতে ঘোষণ ॥

শকুনি চলিল তবে ভগিনী-সংহতি ।
 হস্তিনা-নগরে উত্তরিল শীঘ্রগতি ॥
 ধৃতরাষ্ট্রে সমর্পিল ভগিনী-রতন ।
 নানারত্ন-অলঙ্কারে করিয়া ভূষণ ॥
 হস্তী অশ্ব রথ রত্ন করি বহুদান ।
 শকুনি আপন-দেশে করিল প্রয়াণ ॥
 জ্যেষ্ঠের বিবাহ দিয়া গঙ্গার নন্দন ।
 পাণ্ডুর বিবাহ-হেতু সচিস্তিত মন ॥
 শূর নামে যাদব কৃষ্ণের পিতামহ ।
 কুন্তিভোজ নৃপতিরে বড় অনুগ্রহ ॥
 পিতৃদ্বন্দ্ব-পুত্র কুন্তে^১ অপুত্রক দেখি ।
 পালিবারে দিল কন্যা পৃথা শশিমুখী ॥
 পৃথারে আনিয়া বলে কুন্তি-নরপতি ।
 অতিথি-শুশ্রূষা তুমি কর গুণবতী ॥
 পিতৃ-আজ্ঞা পেয়ে কন্যা পুঞ্জে অতিথিরে ।
 কতকালে আইল দুর্বাসা তার ঘরে ॥
 মুনিরাজে দেখি কন্যা পাণ্ড-অর্থ্য দিল ।
 আপনার হস্তে দুই পদ প্রক্ষালিল ॥
 রত্নময় খাটে তবে করায় শয়ন ।
 মিষ্টান্ন পকান্ন দিয়া করায় ভোজন ॥
 করযোড় করি কুন্তি মুনি-আগে রয় ।
 দেখিয়া সম্ভব হৈল মুনি-মহাশয় ॥
 তুষ্ট হৈয়া বলিল দুর্বাসা মহামুনি ।
 এক মন্ত্র দিব তোমা লহ সুবদনি ॥
 মন্ত্র জপি যেই দেবে করিবা স্মরণ ।
 তোমার অগ্রেতে সে আসিবে ততক্ষণ ॥
 এত বলি মন্ত্র দিয়া গেল মুনিবর ।
 মন্ত্র পেয়ে পৃথাদেবী হরিষ-অন্তর ॥

পরীক্ষা করিতে তবে ভোজের নন্দিনী ।
 মন্ত্র জপি স্মরণ করিল দিনমণি ॥
 পৃথার স্মরণে তথা এল দিনকর ।
 সূর্য্য দেখি পৃথা হৈল বিরস-অন্তর ॥
 করযোড় করি কুন্তি প্রণাম করিল ।
 সবিনয়ে পৃথাদেবী বলিতে লাগিল ॥
 দুর্বাসার মন্ত্র আমি পরীক্ষা-কারণ ।
 শেষে^২ না গণিয়া করি তোমারে স্মরণ ॥
 অপরাধ করিলাম অজ্ঞানে মোহিত ।
 বামাজাতি সদা দোষ ক্ষমিতে উচিত ॥
 সূর্য্য বলে, ব্যর্থ নহে মূনির বচন ।
 ব্যর্থ নহে কহে, কভু মম আগমন ॥
 প্রথম লইয়া মন্ত্র ডাকিলা আমারে ।
 তব মন্ত্র ব্যর্থ হবে না ভজিলে মোরে ॥
 পৃথা বলে, দেখ মম শৈশব-বয়স ।
 করিলে কুৎসিত কর্ম্ম রবে অপযশ ॥
 দিনকর বলে, ভয় না করিহ মনে ।
 মোর হেতু দোষ তব না হবে ভুবনে ॥
 প্রবোধিয়া পৃথারে সে অনেক প্রকার ।
 বর দিয়া গেল সূর্য্য ভুঞ্জিয়া শৃঙ্গার ॥
 তাঁর বীর্য্যে গর্ভে এক হইল নন্দন ।
 জন্ম হৈতে অক্ষয়-কবচ-বিভূষণ ॥
 জ্রবণে কুণ্ডল শোভে সুবর্ণমণ্ডিত ।
 পুঞ্জে দেখি পৃথাদেবী হইল বিস্মিত ॥
 লোক-খ্যাত হবে বলি হইল বিরস ।
 কূলেতে কলঙ্ক কর্ম্ম, লোকে অপযশ ॥
 এতেক চিন্তিয়া পৃথা পুঞ্জে লৈয়া কোলে ।
 তাড়কুণ্ডে করি ভাসাইয়া দিল জলে ॥

এক সূত সদা করে যমুনা় স্নান ।
 ভাসি যায় তাত্তকুণ্ণ দেখে বিতম্বান ॥
 ধরিয়া আনিয়া দেখে স্তম্ভর কুমার ।
 আনন্দে লইয়া গেল গৃহে আপনার ॥
 রাধা-নামে ভার্য্যা তার পরমা স্তম্ভরী ।
 অপুত্রক আছিল পুণিল পুত্র করি ॥
 বহুসেন নাম করি খুইল তাহার ।
 দিনে-দিনে বাড়ি যেন চন্দ্রের আকার ॥
 সর্বশাস্ত্রে বিশারদ হৈল মহাবীর ।
 অহর্নিশ আরাধন করয়ে মিহির ॥
 জিতেস্ত্রিয় মহাবীর ত্রিতে অনুরত ।
 ব্রাহ্মণেরে দান বীর দেয় অনুব্রত ॥
 যেই যাহা চাহে, দিতে নাহি করে আন ।
 প্রাণ কেহ নাহি চায়, তেঞি রহে প্রাণ ॥
 তাহারে দেখিয়া সাধু দেব পুরন্দর ।
 পুত্রহিতে মায়ায় ব্রাহ্মণ-কলেবর ॥
 কুণ্ডল-কবচ-দান মাগিল তাহারে ।
 ততক্ষণে অঙ্গ কাটি দিল পুরন্দরে ॥
 তীক্ষ্ণ ক্ষুরে কাটে তিন অঙ্গ আপনার ।
 সেই হৈতে কর্ণ-নাম ঘোষয়ে সংসার ॥
 সন্তুষ্ট হইয়া ইন্দ্র বলে, লহ বর ।
 একাঙ্গী মাগিয়া নিল কর্ণ ধনুর্ধর ॥
 একাঙ্গী নামেতে অস্ত্র জানে ত্রিভুবন ।
 যাহাকে প্রহারে, তার অবশ্য মরণ ॥
 কর্ণ নাম দিয়া ইন্দ্র গেল নিজপুর ।
 সেই হৈতে কর্ণ-নামে ঘোষে তিন পুর ॥
 ভোজের নন্দিনী পৃথা রহে পিত্রালয়ে ।
 স্বয়ংবরা হইল সে যৌবন-সময়ে ॥

নিমন্ত্রিয়া আনে পিতা যত রাজগণে ।
 আইল সকল রাজা তাঁর নিমন্ত্রণে ॥
 বসিল সকল রাজা যার যেই স্থান ।
 মধ্যেতে বসিল পাণ্ডু ইন্দ্রের সমান ॥
 গ্রহগণমধ্যে যেন শোভে দিনকর ।
 পাণ্ডুতেজে আচ্ছাদিল যত নৃপবর ॥
 পাণ্ডুরে দেখিয়া পৃথা উল্লসিত-মন ।
 গলে মালা দিয়া তাঁরে করিল বরণ ॥
 ভোজরাজ পাণ্ডুর করিল সসন্মান ।
 নানারঙ্গে ভূষিয়া করিল কন্যাদান ॥
 রাজগণ চলি গেল যে যার নগরে ।
 কুন্তী লৈয়া পাণ্ডু এল আপনার ঘরে ॥
 পুরন্দর-কোলে যেন পুলোমা-নন্দিনী ।
 রজনীপতির কোলে শোভিতা রোহিণী ॥
 হস্তিনানগরে লোক হৈল হরষিত ।
 স্থানে-স্থানে নগরে হইল নৃত্য-গীত ॥
 তবে কতদিনে ভীষ্ম বিচারিয়া মনে ।
 বংশবৃদ্ধি-হেতু আর বিবাহ-কারণে ॥
 শল্য-নামে রাজা আছে মদ্রের ঈশ্বর ।
 পৃথিবীতে বিখ্যাত অতুল গুণধর ॥
 তাঁহার ভগিনী আছে পরমা স্তম্ভরী ।
 বার্তা পেয়ে গেল ভীষ্ম তাঁহার নগরী ॥
 শল্যরাজ শুনিল ভীষ্মের আগমন ।
 আগুসরি নিজগৃহে নিল ততক্ষণ ॥
 বিধিমতে গঙ্গাপুত্রে পুঞ্জিল তখন ।
 জিজ্ঞাসিল, কোন কার্যে এখা আগমন ॥
 ভীষ্ম বলে, ভূমি রাজা, বিখ্যাত সংসার ।
 বন্ধুত্ব করিতে ইচ্ছা হ'য়েছে আমার ॥

তোমার ভগিনী আছে, কহে সর্বজন ।
 ভ্রাতার নন্দনে মম কর সমর্পণ ॥
 হাসিয়া বলেন শল্য, বিধি মিলাইল ।
 কে জানে, এমত ভাগ্য আমার যে ছিল ॥
 একমাত্র নিবেদন আছে আমার ।
 পূর্বাপর আছে আমার কুলাচার ॥
 ঠেলিতে না পারি, কৈল পিতামহ পিতা ।
 তোমারে কহিতে যোগ্য নহে সেই কথা ॥
 তব স্থানে ধন লই, নহি যে নির্জন ।
 কেবল চাহি যে কুলধর্মের লক্ষণ ॥
 শল্যের বচনে ভীষ্ম বুঝিল কারণ ।
 কুলধর্মরক্ষা-হেতু কর্তব্য যতন ॥
 ইন্দ্রপ্রতি প্রজ্ঞাপতি বলিল বচন ।
 দোষকর্ম কুলধর্ম না করি লঙ্ঘন ॥
 আপন-কুলের ধর্ম করিবে পালন ।
 নাহিক তাহাতে দোষ বেদের বচন ॥
 এত বলি ভীষ্ম দিল অমূল্য রতন ।
 সাত কুন্ত পূর্ণ করি দিলেন কাঞ্চন ॥
 অশ্ব রথ গজ দিল বিচিত্র বসন ।
 ধনলাভে শ্রীত হৈল মদ্রেয় নন্দন ॥
 নানারত্নে ভূষিয়া ভগিনী আনি দিল ।
 মাদ্রী লৈয়া ভীষ্মদেব নিজদেশে গেল ॥
 পাণ্ডুর বিবাহে মহা উৎসব করিল ।
 দেখিয়া মাদ্রীর রূপ পাণ্ডু হুটু হৈল ॥
 যুগল বনিতা পাণ্ডু দেখিয়া সমান ।
 ছুই ভার্য্যা সমভাব নাহি ভেদজ্ঞান ॥
 তবে পাণ্ডু কতদিনে সবার অগ্রেতে ।
 প্রতীক্ষা করিল দিগ্বিজয় করিতে ॥
 পদাতি রথাস্থ গজ চতুরঙ্গ দলে ।
 সাজিয়া পশ্চিমদিকে গেল মহাবলে ॥

দশার্ণ-দেশের রাজা পূর্ব-অপরাধী ।
 তাহারে জিনিয়া পায় বহুরত্ননিধি ॥
 মগধ-রাজ্যেতে জিনি মদ্রেয় রাজা ।
 মিথিলা-ঈশ্বর কাশীচণ্ড মহাতেজা ॥
 জ্বলদয়িসম তেজে পাণ্ডু মহামতি ।
 একে-একে জিনিল সকল নরপতি ॥
 তবে ত সকল রাজা একত্র হইয়া ।
 পাণ্ডুর সহিত যুদ্ধ করিল আসিয়া ॥
 না পারিয়া ভঙ্গ দিল যত নৃপবর ।
 পাণ্ডুরে পূজিয়া তবে দেয় রাজকর ॥
 হস্তী ঘোড়া রথ গবী বিবিধ রতন ।
 আর কত ধন দিল, না যায় গণন ॥
 রাজগণে জিনি পাণ্ডু ল'য়ে রাজকর ।
 আপনার রাজ্যে গেল হস্তিনানগর ॥
 পাণ্ডুর মহিমা-যশে পৃথিবী পূরিল ।
 পূর্বেতে ভরত রাজা যে কর্ম করিল ॥
 পাণ্ডু-প্রতি বড় শ্রীত গঙ্গার নন্দন ।
 আশীর্বাদ করি করে মস্তক-চুম্বন ॥
 তবে একে একে পাণ্ডু সবারে বন্দিল ।
 যতেক আনিল দ্রব্য ধৃতরাষ্ট্রে দিল ॥
 ধন পেয়ে ধৃতরাষ্ট্র করিল সম্মান ।
 নানাযন্ত্র করিয়া করিল বহুদান ॥
 অশ্বমেধ-যজ্ঞ বহু ধৃতরাষ্ট্র কৈল ।
 হস্তী হয় গো কাঞ্চন ভূমি দান দিল ॥
 ধৃতরাষ্ট্রে দিয়া পাণ্ডু রাজ্য-অধিকার ।
 যুগয়াতে রত সদা বনেতে বিহার ॥
 কুন্তী-মাদ্রী-সহ রাজা থাকে সদা বনে ।
 যথা থাকে, তথা যেন হস্তিনা-ভুবনে ॥
 তবে কতদিনে ভীষ্ম বিদূর-কারণ ।
 দেবক-রাজের কন্যা করিল বরণ ॥

দবক-রাজের কন্যা নামে পরাশরী ।
 রূপেতে নিন্দিত যত স্বর্গ-বিদ্যাধরী ॥
 হোদধর্মশীল এই বিদুর হইতে ।
 দ্রুমিল নন্দনগণ সে কন্যা-গর্ভেতে ॥
 পতার সমান তারা অতি নত্র-ধীর ।
 দসামান্য গুণশালী ধর্ম্মেতে স্থস্থির ॥
 হরুবংশবৃদ্ধি-কথা যেই নর শুনে ।
 চার বংশবৃদ্ধি হয় ব্যাসের বচনে ॥
 হাভারতের কথা অমৃত-সাগর ।
 পাঁচালী-প্রবন্ধে কাশী কহে নিরন্তর ॥

৫৬। গান্ধারী বশত সন্তান-প্রসব ।

কহিলেন মুনি, শুন নৃপমণি,
 পূর্ব-পিতামহ-কথা ।
 ব্যাস তপোনিধি, পূজে নিরবধি,
 গান্ধারী হ্রবল-সুতা ॥
 তাঁর সেবাবশে, বর দিল ব্যাসে,
 হইয়া হরিষযুত ।
 মহাবলবান, স্বামীর সমান,
 পাইবা শতেক সুত ॥
 পরম হরিষে, কতেক দিবসে,
 গর্ভ ধরিল গান্ধারী ।
 বিশ্রামস যায়, প্রসব না হয়,
 চিতে চিস্তিত হৃন্দরী ॥
 হেনকালে ধ্বনি, আচম্বিতে শুনি,
 কুস্তীর পুত্র হইল ।
 শুনিয়া গান্ধারী, আপনা পাসরি,
 মুর্ছিত হৈয়া পড়িল ॥

পুত্র হৈলে জ্যেষ্ঠ, রাজ্যে হবে জ্যেষ্ঠ,
 কুরুকূলে হবে রাজা ।
 কুস্তী ভাগ্যবতী, পাইল সন্ততি,
 সবাই করিবে পূজা ॥
 আমি অভাগিনী, পরম পাপিনী
 কর্ম্মফল আপনার ।
 দ্বিভৎসর হৈল, কিছু না জন্মিল,
 পরিভ্রমমাত্র সার ॥
 প্রসবি যদ্যপি, ভাবনা তথাপি,
 সহজে হইবে দাস ।
 হেন অনুমানে, দূঢ় কৈল মনে,
 করিব গর্ভ বিনাশ ॥
 লোহার মুদগারে, আপন উদরে,
 নির্ধাত করিয়া হানে ।
 পাইয়া আঘাত, গর্ভ হৈল পাত,
 ধূতরাষ্ট্র নাহি জানে ॥
 নাহি পদ মুণ্ড, সবে মাংসপিণ্ড,
 গান্ধারী প্রসব হৈল ।
 ডাকাইয়া দাসী, চিতে ঘৃণা বাসি,
 ফেলাইতে ইচ্ছা কৈল ॥
 জানিয়া কারণ, মুনি বৈশাম্বয়ন,
 আসি হৈল উপনীত ।
 বলে ক্রোধ করি, শুন গো গান্ধারী
 একি কৈলে অবিহিত ॥
 জানি সর্ব্ব ধর্ম্ম, কর হেন কর্ম্ম,
 তোমার উচিত নহে ।
 হিংসা মহাক্রোধ, অধর্ম্ম অশেষ,
 আপনা-আপনি দহে ॥

শুনিয়া বচন,	লঙ্কিত-বদন,	এত বলি ঋষি,	হিমালয়বাসী,
কহে করষোড় করি ।		গেল হিমালয়ে চলি ।	
তোমার বচন,	হইল লঙ্ঘন,	তবে কতদিনে,	হৈল দুর্ঘ্যোধনে,
এ বড় বিস্ময় হেরি ॥		মূর্ত্তিমন্ত যুগ কলি ॥	
তুমি দিলা বর,	শতেক কুমার,	ভীম যেই দিনে,	জন্মিল কাননে
হবে বলি আশা ছিল ।		সেই দিনে দুর্ঘ্যোধন ।	
যুগল বরষে,	মহাশ্রম-ক্রেশে,	জনম-মাত্রেকে,	ঘন ঘন ডাকে
মাংসপিণ্ড জনমিল ॥		যেন গর্দভ-গর্জনে ॥	
বলে ব্যাসমুনি,	শুন হুবদনি,	তার ডাক শুনি,	ভাবি গৃধ্রধনি,
মোর বাক্য অন্য নয় ।		গৃধ্রগণ সবে ডাকে ।	
হুঃখ পরিহর,	মোর বাক্য ধর,	কুক্কর-শৃগাল,	ডাকে পালে পাল
হইবে শত তনয় ॥		নগর পুরিল কাকে ॥	
শত কুন্ত করি,	স্বতে তাহা ভরি,	বহে তপ্ত-বাত,	সঘনে নির্ধাত,
মাংসপিণ্ড সিঞ্চ জলে ।		দশদিক্ যায় পুড়ি ।	
এত বলি মুনি,	সিঞ্চিলা আপনি,	মুদিল মিহির,	বরিষে রুধির,
মাংসপিণ্ড করি কোলে ॥		বনবনা হয় গিরি ॥	
শীতল জলেতে,	সিঞ্চিতে সিঞ্চিতে	এ সব চরিত,	দেখি বিপরীত,
যেন বিধি নিরমিল ।		চিন্তিত কৌরবপতি ।	
এক মাংসপিণ্ড,	হৈল খণ্ড খণ্ড	ভীষ্ম মহামতি,	বিদূর প্রভৃতি,
একাধিক শত হৈল ॥		আনাইল শীত্ৰগতি ॥	
অঙ্গুলীর পর্ব,	প্রায় হৈল খর্ব্ব,	সবার অগ্রেতে,	লাগিল কহিতে,
স্বতকুন্তে লৈয়া তুলে ।		ধৃতরাষ্ট্র গুণাধার ।	
তবে তপোধন,	হৃদুত বচন,	শব্দ শুনা গেল,	পাণ্ডুপুত্র হৈল,
গাঙ্ধারী দেবীরে বলে ॥		বংশের জ্যেষ্ঠকুমার ॥	
এই কুন্তগণে,	রাখিবা যতনে,	রাজা হবে সেহ,	নাহিক সন্দেহ,
নাহি হও উত্তরোল ।		মোর মন তাহে স্থখী ।	
আগন-ইচ্ছায়,	জানাহ রাজার,	মোর পুত্র হৈতে,	অতি বিপরীতে
নাহি ভাজ মোর বোল ॥		বহু অমঙ্গল দেখি ॥	

বিধান ইহার, করিয়া বিচার,
কহ মোরে সর্বজন ।
রাজার বচন, শুনে সর্বজন,
বিদুর কৈল তখন ॥
ভারত-সঙ্গীত, ভুবন-মোহিত,
কেবল অমৃতনিধি ।
কাশীরাম কয়, খণ্ডে যমভয়,
পান করি নিরবধি ॥

৫৭। হৃষ্যধনকে পরিত্যাগ করিতে বিদুরের
উপদেশ ও হুঃশলার অঙ্গ-বিবরণ ।

বিদুর বলেন, তবে শুন মহারাজ ।
যত অমঙ্গল দেখি ভাল নহে কাজ ॥
ইথে প্রায়শ্চিত্ত রাজা কিছু নাহি আর ।
তবে সে মঙ্গল হয়, ত্যজ এ কুমার ॥
কুলের অন্তক রাজা এ পুত্র তোমার ।
ইহাকে পালিলে দুঃখ পাইবা অপার ॥
নিজ-কুল-হিত যদি চিন্তহ রাজন্ ।
এক উন হৌক তব শতেক নন্দন ॥
কুলঙ্গার এই শিশু তোমার যে হৈল ।
নিশ্চয় জানিহ এই অধর্ম জন্মিল ॥
কুলের কারণ রাজা, ত্যজি একজন ।
কুলত্যাগ করি রাজা, প্রামের কারণ ॥
প্রাম ত্যজি শুন রাজা, জনপদহিতে ।
পৃথিবীকে ত্যজি রাজা, আপনা রাখিতে ॥
হেন নীতিশাস্ত্র রাজা, আছে পূর্বাপর ।
জ্যেষ্ঠপুত্র মারি বংশ রাখ নৃপবর ॥

এতেক বচন যদি বিদুর বলিল ।
পুত্রস্নেহে ধৃতরাষ্ট্র হেলন করিল ॥
তবে আর উনশত হইল নন্দন ।
হেনমতে হৈল ভাই একশত জন ॥
একশত পুত্র হৈল কন্যা এক গণি ।
শুনি মুনিবরে জিজ্ঞাসিল নৃপমণি ॥
আপনি বলিলা ব্যাসদেবের যে বরে ।
একশত পুত্র হবে গান্ধারী-উদরে ॥
অধিক হইল কন্যা কিসের কারণ ।
ইহার বৃত্তান্ত মোরে কহ তপোধন ॥
মুনি বলে, শুন তব, ত্রীজনমেজয় ।
যখন বিভাগ করে ব্যাস-মহাশয় ॥
সতী পতিব্রতা দেবী স্তবল-নন্দিনী ।
মনেতে বাঞ্ছিল, এক কন্যা দেহ মুনি ॥
শুনিয়াছি, ত্রীলোকের কন্যা পীরিতি ।
দানেতে অক্ষয় স্বর্গ আছে হেন নীতি ॥
শত-পুত্র-বর দিল ব্যাস মহামুনি ।
নাহিক সন্দেহ পুত্র হইবে এখনি ॥
কায়মনোবাক্যে যদি হই আমি সতী ।
পতিব্রতা হই আমি, পতি মোর গতি ॥
ব্রাহ্মণেরে গাভী দিয়া থাকি কোটি-কোটি ।
তবে মোর ইথে কন্যা হবে একগুটি ॥
ব্রত-তপ ক'রে থাকি গুরুর সেবন ।
যদি কভু গুজ থাকি দেব-দ্বিজগণ ॥
গান্ধারী-মানস আর বিধির সৃজন ।
মাংসপিণ্ড ব্যাস যবে করিল সিঞ্চন ॥
একশত এক ভাগ মাংসপিণ্ড হৈল ।
দেখি মহামুনি ব্যাস গান্ধারীকে কৈল ॥

আমার বচন বধু, কভু মিথ্যা নয় ।
 এই দেখ পাইলাম শতেক তনয় ॥
 একখানি অধিক যে সুবল-নন্দিনী ।
 তোমার মানস হৈতে হৈল একখানি ॥
 শুনি হরষিতা হৈল সুবল-দুহিতা ।
 সেকারণে অধিক হইল এক স্ত্রীতা ॥

অন্যা ধৃতরাষ্ট্র-ভার্য্যা বৈশ্ণব কুমারী ।
 বহুসেবা ধৃতরাষ্ট্রে করিল সুন্দরী ॥
 তাহার উদরে হৈল একই নন্দন ।
 যুযুৎসু বলিয়া নাম জানে সর্বজন ॥
 হেনমতে একোত্তর-শত সহোদর ।
 সবে মহাবলবন্ত পরম সুন্দর ॥
 বিবাহ করিল সবে রাজার কুমারী ।
 জয়দ্রথে সমর্পিল দুঃশলা-সুন্দরী ॥
 কোরবের জন্মকথা কহিলাম সব ।
 বলি, শুনি, পাণ্ডবের যেমতে উদ্ভব ॥
 মহাভারতের কথা অমৃত-লহরী ।
 একমনে শুনিলে তরয়ে ভববারি ॥
 ইহার শ্রবণে যত সুখ লভে নর ।
 নাহিক তেমন সুখ ত্রৈলোক্য-ভিতর ॥
 পাঁচালী-প্রবন্ধে কাশী রচিলা পয়ার ।
 অবহেলে শুনে যেন সকল সংসার ॥
 শুনি শুনি ওরে ভাই, হ'য়ে একমন ।
 অপূর্ব ভারত-গাথা ব্যাসের রচন ॥

৫৮। যুগরূপী ঋষিকুমারের প্রতি পাণ্ডুর শরাঘাত
 ও শতশৃঙ্গ পরীতে অবস্থিতি ।

চিরকাল বৈসে পাণ্ডু বনের ভিতর ।
 সঙ্গে ছুই ভার্য্যা আর কত অনুচর ॥

১। অগত্য ঋষি ।

নিরন্তর ভ্রমে পাণ্ডু যুগ-অশেষণে ।
 পর্বতকন্দরে ঘোর মহাশালবনে ॥
 সিংহ ব্যাত্র হস্তী খড়্গী ভল্লুক শূকর ।
 পাইয়া পাণ্ডুর শব্দ যায় বনাস্তর ॥
 হেনমতে একদিন দেখে নৃপবর ।
 হরিণীযুথের মধ্যে যুগ একেশ্বর ॥
 কিন্দম নামেতে সেই ঋষির কুমার ।
 যুগরূপ ধরি করে যুগীতে বিহার ॥
 যুগে দেখি কুরুপুত্র প্রহারিল শর ।
 তীক্ষ্ণশরে ভেদিল ঋষির কলেবর ॥
 শরাঘাতে ঋষিপুত্র করে ছটফটি ।
 যুগীর উপর হৈতে ভূমে পড়ে লুটি ॥
 ডাক দিয়া ঋষিপুত্র পাণ্ডু-প্রতি বলে ।
 ধার্মিক পণ্ডিত হইয়া কি কর্ম করিলে ॥
 মূর্থ দুরাচার যেই হিংসা করে পরে ।
 পরম শত্রুকে হেন সময়ে না মারে ॥

পাণ্ডু বলে, যুগ, তুমি নিন্দ কি কারণ ।
 ক্ষত্রধর্ম্মে যুগ মারি, পাই হে যখন ॥
 কুন্ত্যোনি করিলেন ভক্ষ্য যুগগণ ।
 দেবঋষি-ভক্ষ্য-হেতু যুগের স্রজন ॥
 রিপুসম যুগে অস্ত্র করিব প্রহার ।
 নীতিশাস্ত্র কহে হেন ক্ষত্রিয়-আচার ॥

ঋষি কহে, যুগবধ ক্ষত্রিয়ের ধর্ম্ম ।
 রমণে বিরোধ করা মহাপাপকর্ম্ম ॥
 কুরুবংশে জন্ম কর হেন অনুচিত ।
 রতিরসে জানী, সর্বশাস্ত্রেতে পণ্ডিত ॥
 রাজা হ'য়ে নিজে কর হেন পাপাচার ।
 রাজা যদি পাপ করে মজিবে সংসার ॥
 ঋষির নন্দন আমি তপের সাগর ।
 সকল ত্যজিয়া থাকি বনের ভিতর ॥

মৃগরূপে করি আমি হরিণী-রমণ ।
 হেনকালে ভূমি মোরে করিলা নিধন ॥
 ব্রাহ্মণ বলিয়া ভূমি না জান আমারে ।
 সেইহেতু ব্রহ্মবধ নহিবে তোমারে ॥
 মৃগদেহ মারিলা ইহাতে পাপ নয় ।
 এই পাপ, মারিলা যে মৈথুন-সময় ॥
 এইহেতু শাপ আমি দিতেছি রাজন্ ।
 মৈথুন-সময়ে হবে তোমার মরণ ॥
 আমি যথা অশুচিতে যাই পরলোকে ।
 এই মত অশুচিতে লবে যম তোকে ॥
 স্বর্গেতে যাইতে শক্তি নহিবে তোমার ।
 কভু মিথ্যা নহিবেক বচন আমার ॥

এত বলি ঋষিপুত্র ত্যজিল জীবন ।
 দেখিয়া পাণ্ডুর হইল বিষম বদন ॥
 শোকেতে আকুল হৈয়া করেন ক্রন্দন ।
 প্রদক্ষিণ করি মৃত ঋষির নন্দন ॥
 ভাব্যাসহ কান্দেন যেমন বন্ধুশোকে ।
 অশেষ-বিশেষে রাজা নিন্দে আপনাকে ॥
 কেন হেন বড় কুলে হইল উদ্ভব ।
 আপনার কর্মভোগ করে লোকসব ॥
 শুনিয়াছি, পিতা করিলেন কদাচার ।
 কামলোভে অল্পকালে তাঁহার সংহার ॥
 তাঁর ক্ষেত্রে জন্ম মম সহজে অধম ।
 দুর্ভবুন্ধি দুরাচার তেঁই ব্যতিক্রম ॥
 রাজনীতি ধর্ম কত আছয়ে সংসারে ।
 সব ত্যজি ভ্রমি মৃগ-বধ-অনুসারে ॥
 সমুচিত ফল তার হৈল এতকালে ।
 খণ্ডন না হয়, কর্ম-অনুসারে কলে ॥
 আজি হৈতে ত্যজিলাম সংসার-বিষম ।
 শরীর ত্যজিব তপ করিয়া নিশ্চয় ॥

একাকী হইয়া পৃথ্বী করিব ভ্রমণ ।
 সকল ইন্দ্রিয়গণে করিব দমন ॥
 কুন্তী-মাত্রী-প্রতি রাজা বলিছে বচন ।
 হস্তিনানগরে দৌহে করহ গমন ॥
 ভীষ্ম জ্যেষ্ঠতাত আর মাতা-ঠাকুরাণী ।
 সত্যবতী পিতামহী, অন্ধ-নৃপমণি ॥
 বিদূর প্রভৃতি যত স্নহদ-সকল ।
 যা দেখিলা, শুনিলা, কহিবা অবিকল ॥
 এত শুনি দুইজনে করেন ক্রন্দন ।
 কান্দিতে কান্দিতে কহে করুণ-বচন ॥
 কি দোষে আমরা দোষী তোমার চরণে ।
 হস্তিনানগরে যেতে বল কি কারণে ॥
 তোমা-বিনা শরীর ধরিব কোন্ কাজে ।
 কিবা ফল পাইব থাকিয়া গৃহমাঝে ॥
 তোমা-বিনা রাজা, গতি নাহি মো'সবার ।
 তোমার যে গতি, সেই গতি দৌহাকার ॥
 তপস্বী করিব দৌহে তোমার সংহতি ।
 তোমার সেবায় রাজা, পাইব সদগতি ॥
 ফলাহারী হৈব করি ইন্দ্রিয় নিগ্রহ ।
 নানাতীর্থ স্বচ্ছন্দে ভ্রমিব তব সহ ॥
 হেনমত আশ্রম আছয়ে সম্যাসেতে ।
 ধর্মপত্নী দৌহে, দোষ নাহিক ইহাতে ॥
 নিশ্চয় নৃপতি যদি না লবে সংহতি ।
 ক্ষণেক রহিয়া যাহ, শুন নরপতি ॥
 তোমার অগ্রেতে মোরা পশিব আগুনে ।
 স্বচ্ছন্দে গমন কর যেখানে-সেখানে ॥
 অনেক বিনয় করি কান্দে দুইজন ।
 দেখিয়া ব্যাকুলচিত্ত হইল রাজন্ ॥
 পাণ্ডু বলে, নিশ্চয় সহিত যদি যাবে ।
 তোমরা অশেষ ক্লেশ অরণ্যেতে পাবে ॥

গাছের বাকল পর, ত্যজহ বসন ।
 শিরে জটা ধর আর ত্যজ আভরণ ॥
 ফলমূলাহারী হও, ত্যজ দিব্যহার ।
 লোভ মোহ কাম ত্যজ ক্রোধ অহঙ্কার ॥
 স্বামীর বচন শুনি তবে দুইজন ।
 ততক্ষণে পরিত্যাগ করে আভরণ ॥
 গলা হৈতে থুলে সবে স্তবর্ণের হার ।
 শ্রবণ-কুণ্ডল ত্যজে সূর্য্যদীপ্তি যার ॥
 চরণ-নুপুর আর করেন কঙ্কণ ।
 বসন-ভূষণ-আদি যত আভরণ ॥
 কবরী এলায়ে কৈল শিরে জটাভার ।
 নৃপতির অগ্রে দিল সব অলঙ্কার ॥

দেখিয়া নৃপতি মনে পাইল বিস্ময় ।
 দৌহার দেখিয়া বেশ বিদরে হৃদয় ॥
 তবে রাজা ত্যজিলেন নিজ-অলঙ্কার ।
 করিয়া সকল ত্যাগ তপস্বি-আচার ॥
 রত্ন-অলঙ্কার বিজে করিলেন দান ।
 তপস্বী করিতে রাজা করেন প্রস্থান ॥
 অনুচরগণ যত আছিল সংহতি ।
 সবা করে বলিলেন পাণ্ডু-নরপতি ॥
 হস্তিনানগরে সবে করহ গমন ।
 সবা করে কহিবা আমার বিবরণ ॥
 যজ্ঞে প্রবোধিবা সবে মায়ের ক্রন্দনে ।
 ধৃতরাষ্ট্রে প্রবোধিবা মধুর-বচনে ॥
 পাণ্ডুর বচন যত শুনি সর্ব্বজন ।
 হাহাকার-শব্দ করি করয়ে ক্রন্দন ॥
 মথনে নিঃশ্বাস, মুখে কাতর-বচন ।
 হস্তিনানগরে সবে করিল গমন ॥
 একে-একে সবারে কহিল সমাচার ।
 শুনি পুরলোক সবে করে হাহাকার ॥

অন্তঃপুরে উঠিল ক্রন্দন-মহারোল ।
 প্রলয়কালেতে যেন সাগর-কল্লোল ॥
 গাঙ্গেয় বিদুর আদি আর যত জন ।
 পাণ্ডুর শোকেতে করে সকলে ক্রন্দন ॥
 শুনি ধৃতরাষ্ট্র রাজা অত্যন্ত অশ্রির ।
 নাহি রুচে অন্ন-জল, না হন বাহির ॥
 রত্নময় পালঙ্ক ছাড়িয়া নৃপবর ।
 ভূমে গড়াগড়ি যায় শোকেতে কাতর ॥
 হেনমতে রোদন করিছে বন্ধুগণ ।
 হেথা পাণ্ডু প্রবেশিল গহন কানন ॥
 চৈত্ররথ-নামে বন অতি সে বিস্তার ।
 গন্ধর্ব্ব অঙ্গুর তথা করিছে বিহার ॥
 সে-বন ত্যজিয়া যান নৈমিষ-কানন ।
 বহু নদনদী-দেশ করিয়া লঙ্ঘন ॥
 তিনজনে হিমালয়ে করে আরোহণ ।
 তথা হৈতে চলিলেন ত্রীগন্ধমাদন ॥
 তথায় আছে ইন্দ্রদ্যুম্ন সরোবর ।
 মহাপুণ্য-তীর্থ যাহা বাঞ্ছিত অমর ॥
 তাহে স্নান করিয়া গেলেন তিনজন ।
 শতশৃঙ্গ পর্ব্বতে করেন আরোহণ ॥
 মহাউচ্চ গিরিবর দেখিতে উত্তম ।
 অনেক তপস্বি-ঋষিগণের আশ্রম ॥
 পর্ব্বত পাইয়া রাজা আনন্দিত মন ।
 তপস্বী করেন তথা সহ ঋষিগণ ॥
 করেন কঠোর তপ তথা তিনজন ।
 দিনশেষে ফলমূল করেন ভক্ষণ ॥
 বরষা আতপ শীত সহি কালধর্ম্ম ।
 তিনের শরীর হৈল সার অস্থিচর্ম্ম ॥
 ঘোর তপ দেখিয়া বাখানে ঋষিগণ ।
 তপস্যাতে সিদ্ধ হইলেন তিনজন ॥

স্বর্গেতে যাইতে শক্তি হৈল, হেন বাসি ।
 তথা হৈতে গেলেন প্রশমি যত ঋষি ॥
 অতি উচ্চ গিরিবর পরশে গগন ।
 স্বর্গেতে যাইতে করিলেন আরোহণ ॥
 পথেতে দেখেন সব দেবতার স্থান ।
 নানারঙ্গে বিভূষিত বিচিত্র বিমান ॥
 দেখেন গঙ্গার মধ্যে প্রবল তরঙ্গ ।
 দেবকন্যাগণ তথা করে ক্রীড়ারঙ্গ ॥
 কোন স্থানে দেখিলেন পর্বত-উপর ।
 জলধরগণে বৃষ্টি করে নিরন্তর ॥
 তাহার অন্তরেতে অগম্য ভূমি দেখি ।
 আছুক অন্তর কাজ, যেতে নারে পাখী ॥
 তিনজনে দেখিলেন তথা ঋষিগণ ।
 ডাক দিয়া ঋষিগণ বলেন বচন ॥
 কোথাকারে যাহ হে তোমরা তিনজন ।
 অগম্য বিষম ভূমি যাহ কি কারণ ॥
 কোথা তব ধাম, ওহে, কহিবে নিশ্চয় ।
 কিবা নাম, কোথা হৈতে আইলে হেথায় ॥
 ঋষিগণ-বচনে বলেন নরপতি ।
 পাণ্ডু-নামে আমি কুরুবংশেতে উৎপত্তি ॥
 অপুত্রক হইলাম নিজকর্মদোষে ।
 সংসার ত্যজিয়া আমি যাই স্বর্গবাসে ॥
 শুন শুন মহামুনি, করি নিবেদন ।
 আমার স্বরূপ-কথা করিব জ্ঞাপন ॥
 মর্ত্যেতে মানব-জন্ম হইল আমার ।
 কিন্তু ঋণ-দায় হৈতে না পাই নিস্তার ॥
 সংসারের মধ্যে ঋণ শুন মুনিবর ।
 বিস্তারিয়া সব কথা কহি বরাবর ॥

চারি ঋণ লইয়া মনুষ্য দেহ ধরে ।
 ঋণ হৈতে পার হৈলে মুক্ত কলেবরে ॥
 যজ্ঞ করি দেব ঋণে হইবেক পার ।
 মুনি-ঋণে মুক্ত হবে করি ত্রতাকার ॥
 পিতৃ-ঋণে মুক্ত হয় পুত্র জন্মাইয়া ।
 মনুষ্য-ঋণেতে পার অতিথি সেবিয়া ॥
 ঋণে পার হইলাম আমি তিন স্থানে ।
 সবে না হইলু পার পিতৃগণ-ঋণে ॥
 আপন কুকর্ম-ফল না হয় খণ্ডন ।
 শরীর ত্যজিতে আমি যাই সে-কারণ ॥
 ঋষিগণ বলে, তুমি পণ্ডিত সুজন ।
 ধার্মিক হুঁবুন্ধি সর্বশাস্ত্রে বিচক্ষণ ॥
 পুত্রহীন জন স্বর্গে যাইতে না পারে ।
 দ্বারপালগণ তথা দ্বাররক্ষা করে ॥
 অকারণে তথাকারে যাও নরপতি ।
 কদাচিত্ না পাইবা স্বর্গেতে বসতি ॥
 শুন ওহে মহারাজ, আমার বচন ।
 মর্ত্যেতে জন্মিলে হয় অবশ্য মরণ ॥
 পৃথিবীতে জন্ম হয় মহাপুণ্যফলে ।
 তাহার বৃত্তান্ত আমি কহিব সকলে ॥
 পৃথিবীতে বহু দান-পুণ্য লোকে করে ।
 বহু তপ-জপ করে সংসার-ভিতরে ॥
 পুত্রহীন হৈলে স্বর্গে যাইতে না পারে ।
 হেন নীতি-শাস্ত্রে কহে বেদের বিচারে ॥
 স্বর্গেতে যতেক বৈসে দেব-সিদ্ধ-ঋষি ।
 মর্ত্যে পুত্র জন্মাইয়া সবে স্বর্গবাসী ॥
 এত শুনি বলে রাজা বিনয়-বচন ।
 কি করিব, মোরে আজ্ঞা কর উপোদন ॥

কহ মুনিবর মোরে উপায় ইহার ।
 অবশ্য পালিব আমি, করি অঙ্গীকার ॥
 মুনিগণ বলে, রাজা, থাক এই স্থানে ।
 হইবেক পুত্র তব দেব-বরদানে ॥
 দিব্যচক্রে মোরা সব করি দরশন ।
 মহাবীর্যবন্ত হবে তব পুত্রগণ ॥
 ঋষিগণ-বচনে নিবর্তে নরপতি ।
 শতশৃঙ্গ গিরিবরে করেন বসতি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

—

৫২। পুত্রোৎপাদনে কুন্তীর প্রতি পাণ্ডব অহুতি ।

কুন্তীরে বলেন তবে পাণ্ডু-নৃপবর ।
 আপনি শুনিলা মুনিগণের উত্তর ॥
 দেব হৈতে পুত্র হবে, উক্তি দেবতার ।
 আপনি করহ কুন্তী, বিধান ইহার ॥
 যুগ-ঋষি-শাপে শক্তি নাহিক আমার ।
 উপায় করিয়া পিতৃধণে কর পার ॥
 আর হেন আছে পূর্ব-শাস্ত্রের বিধান ।
 বিবরিয়া কহি তাহা কর অবধান ॥
 স্বয়মুৎপাদিত পুত্র, সহজ-নন্দন ।
 নতুবা কাহারে পুত্র দেয় কোন্ জন ॥
 মূল্যদানে পোষ্য করে পুত্রসম করি ।
 আপনি প্রবেশে কেহ অন্নহেতু মরি ॥
 পুত্রহীন কোনজন কণ্ঠা করে দান ।
 তার পুত্র হইলে সে হয় পুত্রবান ॥
 নতুবা স্বামীর আজ্ঞা লৈয়া কোনজনে ।
 আপনা সদৃশ কিংবা উচ্চজন-স্থানে ॥

তাহাতে জন্মিলে হয় আপন-নন্দন ।
 পূর্বাপর আছে হেন ত্রক্ষার বচন ॥
 সেই অনুসারে আমি বংশের কারণ ।
 আজ্ঞা করি, কর তুমি বংশের রক্ষণ ॥
 কুন্তী বলে, রাজা, তুমি পরম-পণ্ডিত ।
 কি কারণে কহ তুমি বচন কুৎসিত ॥
 আমি ধর্মপত্নী, তুমি ধর্মজ্ঞ আপনে ।
 তোমা-বিনা অন্ম জনে না দেখি নয়নে ॥
 তুমি বল, শ্রেষ্ঠ হৈতে জন্মাই নন্দনে ।
 তোমা হৈতে শ্রেষ্ঠ কেবা আছে ত্রিভুবনে ॥
 পূর্বে শুনিয়াছি, রাজা, কহে মুনিগণ ।
 ব্যাধিতাং রাজা ছিল পৌরবনন্দন ॥
 মহারাজ ব্যাধিতাং ধর্ম্মেতে তৎপর ।
 যজ্ঞ করি তুমিলেক যতেক অমর ॥
 তাঁর দক্ষিণায় তুষ্ট হৈল দ্বিজগণ ।
 বাহুবলে জিনিল সকল রাজগণ ॥
 ভদ্রা যে তাঁহার ভার্য্যা পরমা সুন্দরী ।
 রাজারে সেবয়ে সদা পুত্র ইচ্ছা করি ॥
 কামনায় তাঁহার কামুক নরবর ।
 তাঁহার সঙ্গমে ব্যাধিযুক্ত কলেবর ॥
 যক্ষাকাশ-রোগে রাজা হইল নিধন ।
 ভদ্রা হৈল শোকের সাগরে নিমগন ॥
 স্বামী বিনা ভার্য্যা জীয়ে, দিক্ তার প্রাণ ।
 স্বামী বিনা ঘর-দ্বার শ্মশান-সমান ॥
 স্বামীর বিহনে নারী জীয়ে যেই জনা ।
 নিত্য-নিত্য ভুঞ্জে সেই বিবিধ যন্ত্রণা ॥
 স্বামিপুত্রহীনা নারী লোকে অনাদর ।
 গণনা না করে কেহ মনুষ্য-ভিতর ॥
 হেনমতে ভদ্রা বহু করিছে ক্রন্দন ।
 ডাকিয়া তাঁহারে শব বলে ততক্ষণ ॥

না কান্দহ ভদ্রা, তুমি উঠি যাহ ঘরে ।
 আমি জন্মাইব পুত্র তোমার উদরে ॥
 শবের বচনে ভদ্রা গেল নিজস্থান ।
 শবেরে রাখিল করি অতি সাবধান ॥
 ঋতুযোগে ভদ্রা তবে শবের সঙ্গমে ।
 সপ্ত পুত্র উদরে ধরিল ক্রমে-ক্রমে ॥
 শব-স্বামী হৈতে ভদ্রা পুত্র জন্মাইল ।
 হেনমত আছে, পূর্বের মুনিরা কহিল ॥
 তুমিহ এখন রাজা যোগ কর মনে ।
 আমার উদরে জন্ম করাহ নন্দনে ॥

পাণ্ডু বলে, মানুষে সে না হয় সম্ভব ।
 দৈববলে শব হৈতে পুত্রের উদ্ভব ॥
 সেইরূপ শক্তি কুন্তী, নাহিক আমার ।
 পূর্ব-ধর্ম-উক্তি কুন্তী, কহি শুন আর ॥
 পূর্বেরে না ছিল কুন্তী এ সব নিয়ম ।
 যারে ইচ্ছা হয় যার, করিত সঙ্গম ॥
 ইচ্ছামত স্ত্রীগণ যাইত যথাস্থানে ।
 না ছিল বিরোধ পূর্বের ত্রক্ষার স্বজনে ॥
 নিয়ম করিল ঋষিপুত্র একজন ।
 তাহার বৃত্তান্ত কহি শুন দিয়া মন ॥

উদালক-নামে এক মহাতপোধন ।
 শ্বেতকেতু নাম ধরে তাঁহার নন্দন ॥
 মাতাপিতৃ-কোলে ক্রীড়া করে অনুরূপ ।
 হেনকালে আসে তথা মুনি একজন ॥
 কামাতুর হৈয়া মুনি ধরে তার মায় ।
 স্বামিপুত্র-পাশ হৈতে ধরি ল'য়ে যায় ॥
 বিন্মিত হইয়াশিশু চাহে পিতৃপানে ।
 ক্রোধযুখে জিজ্ঞাসিল জনকের স্থানে ॥

কোথা হৈতে আসে দ্বিজ বড় ছুরাচার ।
 জননীরে ল'য়ে যায় কোথায় আমার ॥
 শুনিয়া বচন মুনি করেন প্রাবোধ ॥
 পূর্বাপর আছে বাপু, না করিহ ক্রোধ ॥
 যার যারে ইচ্ছা, ভুঞ্জে, বাধা নাহি তার ।
 নাহিক বিরোধ, হেন সৃষ্টি বিধাতার ॥
 শুনিয়া হইল শিশু অধিক কুপিত ।
 এ-হেন কুৎসিত কর্ম বিধির স্বজিত ॥
 সৃষ্টি করে প্রজাপতি, নিয়ম না জানে ।
 হেন অনুচিত কর্ম করে সে কারণে ॥
 আজি হৈতে সৃষ্টিমধ্যে করিব নিয়ম ।
 দেখ পিতা, আজি মম তপঃ-পরাক্রম ॥
 নিজ-নিজ স্বামী ভার্য্যা ত্যজি যেই জন ।
 পরনারী পরস্বামী করিবে গমন ॥
 সংসারে যতেক পাপে হইবেক পাপী ।
 নরক হইতে পার না হবে কদাপি ॥
 স্ত্রী হইয়া স্বামীর বচন নাহি শুনে ।
 স্বামী যদি নিয়োজয় বংশের রক্ষণে ॥
 অবজ্ঞায় স্বামিকার্য্যে করে অনাদর ।
 চিরকাল মজে সেই নরক-ভিতর ॥
 হেনমতে মুনি-পুত্র নিয়ম করিল ।
 পূর্বমত ত্যজি তাই হেনমত হৈল ॥
 আর পূর্বকথা কুন্তী, শুনহ বচন ।
 সূর্য্যবংশে ছিল নামে সৌদাম-রাজন ॥
 মদয়ন্তী ভার্য্যা তাঁর পরমা সুন্দরী ।
 অপত্য-বিরহে দৌহে সদা চিন্তা করি ॥
 বশিষ্ঠের স্থানে ভার্য্যা নিযুক্ত করিল ।
 মুনির গুণে তাঁর শ্রেষ্ঠ পুত্র হৈল ॥

আমা-সবাকার জন্ম জানহ আপনে ।
 ব্যাণ করিলেন যথা পিতার বিহনে ॥
 বংশহেতু হেনকন্ত আছে পূর্বাপর ।
 বিস্ময় না কর ইথে ধর্মের উত্তর ॥
 সেই হেতু আমি আজি কহি যে তোমায়ে ।
 পুত্রার্থে নাহিক শক্তি, কি বল আমায়ে ॥
 কৃতাজলি করি কুন্তী নিবেদি তোমায়ে ।
 পুত্র জন্মাইতে কর আপনি উপায় ॥

রাজার কাতর-বাক্যে কুন্তীভোজ-সুতা ।
 কহিতে লাগিল পূর্ব আপনার কথা ॥
 বাল্যকালে পিতৃগৃহে ছিলাম যখন ।
 অতিথি-সেবনে ছিল মম নিয়োজন ॥
 অকস্মাৎ আইল দুর্বাসা মুনিবর ।
 মুনিরে সেবন করিলাম সুবিস্তর ॥
 পরম-পণ্ডিত সেই মুনি-মহাশয় ।
 সেবাবশে আমা-প্রতি হইলা সদয় ॥
 মন্ত্র দিয়া আমায়ে কহিল সেই মুনি ।
 যেই দেবে ইচ্ছা তব হবে, স্রবদনি ॥
 এই মন্ত্র পড়ি তাঁরে করিবা আহ্বান ।
 অবিলম্বে সে দেব আসিবে তব স্থান ॥
 যেই বর ইচ্ছা কর, পাবে সেই বর ।
 এত বলি দুর্বাসা গেলেন দেশান্তর ॥
 এখন যেমত আজ্ঞা কর দণ্ডর ।
 আজ্ঞা কর, দেবস্থানে মাগি পুত্রবর ॥
 যে তোমায়ে কহিলাম পুত্রের বিধান ।
 আজ্ঞা কর, কোন্ দেবে করিব আহ্বান ॥

রাজা বলে, মুনি যদি দিয়া থাকে বর ।
 তবে কেন রূথা চিন্তা করহ অস্তর ॥
 হোম যজ্ঞ পূজা করি ষাঁহার উদ্দেশে ।
 নানাভ্রতে অর্চি ষাঁরে অতিশয় ক্রেশে ॥

তথাপি দেবের নাহি পাই দরশন ।
 উদ্দেশে মাগি যে বর, যার যেই মন ॥
 হেন দেব-সাক্ষাতে চাহিবা তুমি বর ।
 শুভকার্যে স্রবদনি, বিলম্ব না কর ॥
 দেবতার মধ্যে জ্যেষ্ঠ ধর্ম-মহাশয় ।
 সর্বপাপ হরে ষাঁর লইলে আশ্রয় ॥
 সেই ধর্মদেবে তুমি করহ আহ্বান ।
 পুত্রবর কুন্তী, তুমি মাগ তাঁর স্থান ॥
 ধর্মবস্ত হইবেক তেঁই সে কুমার ।
 মহাবলবস্ত হবে সর্বগুণাধার ॥
 নিয়ম করিয়া ধর্ম করহ স্মরণ ।
 আজিকার, বিলম্ব না সহে একক্ষণ ॥
 স্বামীর বচনে কুন্তী করিল স্বাকার ।
 স্বামী প্রদক্ষিণ করি করে নমস্কার ॥
 আদিপর্ব ভারতের ব্যাসের রচিত ।
 পরম-পবিত্র পুণ্য শ্রবণে অমৃত ॥
 আয়ুর্ষশঃ-পুণ্য বাড়ি যাহার শ্রবণে ।
 পাঁচালী-প্রবন্ধে কাশীরাম দাস ভণে ॥

৬০ । যুধিষ্ঠিরাদির জন্ম ।

মুনি বলে, শুন কুরুকুল-অধিকারী ।
 বৎসরেক গর্ভ যবে ধরিল গাঙ্কারী ॥
 সেই ত সময়ে তবে ভোজের নন্দিনী ।
 পূর্বের মন্ত্র-বর দিল যে দুর্বাসা মুনি ॥
 সেই মন্ত্র জপি ধর্ম করিল আহ্বান ।
 তৎক্ষণে আইল ধর্ম কুন্তী-বিদ্যমান ॥
 ধর্মের সঙ্গমে হৈল গর্ভের উৎপত্তি ।
 পরম-সুন্দর পুত্র প্রসবিল সতী ॥

ইন্দ্র-চন্দ্র-সম কাস্তি তেজে দিবাকর ।
উজ্জ্বল করিল শতশৃঙ্গ গিরিবর ॥
দিন দুই প্রহরেতে পুণ্যতিথিযুত ।
অতি শুভক্ষণেতে জন্মিল কুন্তীহৃত ॥
সেই ক্ষণে ধ্বনি শুনি আকাশ-উপর ।
সকল ধাম্মিকশ্রেষ্ঠ এই পুত্রবর ॥
সত্যবাদী জিতেন্দ্রিয় হবে মহারাজা ।
জগতের লোকে তাঁরে করিবেক পূজা ॥
এতক আকাশবাণী শুনিয়া রাজনু ।
কুন্তীরে ডাকিয়া পুনঃ বলেন বচন ॥
শুনিলা আকাশবাণী, বলে দেবগণ ।
ধাম্মিক স্রবুদ্ধি শান্ত হইবে নন্দন ॥
ধাম্মিকে গণি যে শ্রেষ্ঠ ব্রাহ্মণ-ভিতর ।
কজ্রিয়ে প্রধান গণি বলিষ্ঠ কোঙর ॥
সেকারণে অম্ব দেবে ভজ পুনর্ব্বার ।
যাঁহা হৈতে হইবেক বলিষ্ঠ কুমার ॥

রাজার বচনে কুন্তী ভাবে মনে-মনে ।
দেবগণ-মধ্যে দেখি বলিষ্ঠ পবনে ॥
মন্ত্র জপে কুন্তী করি বায়ুর উদ্দেশ ।
সেইক্ষণে বায়ু তথা করিল প্রবেশ ॥
বায়ুর সঙ্গমে পুত্র লভিল জনম ।
জন্মাত্র তাহার শুনহ পরাক্রম ॥
পুত্র এসবিয়া কুন্তী কোলে লৈতে চায় ।
তুলিতে নারিল, ভারী পর্ব্বতের প্রায় ॥
কিছুমাত্র ভূমি হৈতে তুলিল যতনে ।
সহিতে না পারি ভার ফেলে ততক্ষণে ॥
অশক্তা হইয়া ফেলে পর্ব্বত-উপরে ।
শতশৃঙ্গ পর্ব্বত কাঁপিল ধরধরে ॥
শিলা-বৃক্ষ গিরিশৃঙ্গ হৈল চূর্ণময় ।
বালকের শব্দে পায় গিরিবাসী ভয় ॥

সিংহ-ব্যাঘ্র-মহিষাদি ষত পশুগণ ।
পর্ব্বত ত্যজিয়া সবে গেল অম্ব বন ॥
হেনকালে শূন্যবাণী শুনি ততক্ষণ ।
শুন কুন্তী, পাণ্ডু, এই তোমার নন্দন ॥
যতেক বলিষ্ঠ আছে পৃথিবী-ভিতর ।
সবা হৈতে শ্রেষ্ঠ এই মহাবলধর ॥
নির্দয় নিষ্ঠুর এই দুষ্কজন-রিপু ।
অস্ত্রেতে অভেদ্য এই বজ্রময় বপু ॥
দেখিয়া-শুনিয়া পাণ্ডু বিস্মিত হইল ।
দেখিয়া তনয় কুন্তী আশ্চর্য্য মানিল ॥
পুনরপি কুন্তীরে বলেন নৃপবর ।
এইমতে জন্ম হৈল যুগল কোঙর ॥
এক হৈল ধাম্মিক নির্দয় আর জন ।
সর্ব্বগুণযুত এক জন্মাহ নন্দন ॥

কুন্তী বলে, হেন পুত্র হইবে কেমনে ।
সর্ব্বগুণ-পুত্র পাব কার আরাধনে ॥
ইহা শুনি পাণ্ডু জিজ্ঞাসিল মুনিগণে ।
সর্ব্বগুণযুত দেব আছে কোন জনে ॥
তাঁরে আরাধিয়া আমি লভিব নন্দন ।
এত শুনি বলিল যতেক মুনিগণ ॥
সর্ব্বগুণযুত দেখ ইন্দ্র দেবরাজ ।
তাঁহারে ভজিলে রাজা, সিদ্ধ হবে কাজ ॥
ইন্দ্রের উদ্দেশে তপ কর নৃপবর ।
নিয়ম করিয়া রাজা, কর সংবৎসর ॥
বিনা তপে নহে ভুঙ্ক দেব পুরন্দর ।
এত শুনি তপ আরম্ভিল নৃপবর ॥
উর্দ্ধবাহ একপদে রহে দাঁড়াইয়া ।
সংবৎসর করে তপ বায়ু আহাରିয়া ॥
তপে ভুঙ্ক বাসব যে আইল তথায় ।
কহিলেন পাণ্ডুরে শুনহ কুরুরায় ॥

আপন-বাহিত ফল মাগ মহাশয় ।
 সর্বগুণযুত দিব তোমাতে তনয় ॥
 বর দিয়া হুরপতি হৈলা অন্তর্দান ।
 তপ নিবন্তিয়া পাণ্ডু গেল নিজস্থান ॥
 কুন্তীয়ে কহিল পাণ্ডু হরিশ-অন্তর ।
 ভুট্ট হ'য়ে মোরে বর দিল পুরন্দর ॥
 স্ববাহিত ফল রাজা, হইবে তোমার ।
 সর্বগুণযুত তুমি পাইবা কুমার ॥
 তপশ্চায়ে করিলাম প্রসন্ন বাসবে ।
 মুনিমস্ত্রে স্মরণ করহ তাঁরে তবে ॥

স্মরণ করিল কুন্তী স্বামীর বচনে ।
 দেবরাজ কুন্তীপাশে আইল তৎক্ষণে ॥
 সঙ্গম করিয়া ইন্দ্র দিয়া গেল বর ।
 ইন্দের ঔরসে জন্ম হইল কোঙর ॥
 জাতমাত্র শূন্যবাণী হইল গভীর ।
 হরাস্তরে এই পুত্র হবে মহাবীর ॥
 অদিতির যেমন তনয় নারায়ণ ।
 তেমতি তোমার কুন্তী, হইবে নন্দন ॥
 পরাক্রমে হবে তুল্য কার্তবীর্য্যাজ্জুন ।
 তিনলোকে বিখ্যাত হইবে পুত্রগুণ ॥
 পৃথিবীর লক্ষ রাজা জিনি বাহুবলে ।
 যুধিষ্ঠিরে অভিষেক করিবে ভূতলে ॥
 ভ্রাতৃসহ করিবেক তিন অশ্বমেধ ।
 ভৃগুরাম-সদৃশ শিখিবে ধনুর্বেদ ॥
 শিখিবেক দিব্য-অস্ত্র দিব্যমন্ত্রমতে ।
 এ-পুত্র না জানে, হেন নাহিক জগতে ॥
 পিতৃলোকে উদ্ধারিবে এই পুত্রবর ।
 ঋগুবে দহিয়া এ ভূমিবে বৈশ্বানর ॥

এতেক আকাশবাণী হৈল শ্রুত হৈতে ।
 অমর-কিম্বর সব আইল দেখিতে ॥

ইন্দ্রসহ আইল যতেক দেবগণ ।
 চন্দ্র সূর্য্য পবন শমন হুতাশন ॥
 দেখিতে আইল যত গন্ধর্ব্ব-কিম্বর ।
 সিদ্ধ-ঋষিগণ যত অঙ্গরী-অঙ্গর ॥
 একাদশ রুদ্র উনপঞ্চাশ পবন ।
 অশ্বিনীকুমার আর বিশ্বাবহুগণ ॥
 যতেক অমরগণ আইল সম্বর ।
 মহাকলরব হৈল শূন্যের উপর ॥
 দক্ষ-আদি প্রজাপতি আইল দেখিতে ।
 দেবাজনা যতেক আইল নৃত্য-গীতে ॥
 গন্ধর্বেতে গীত গায়, নাচে বিতাদরী ।
 ঝাঁকে ঝাঁকে পুষ্পরুষ্টি আচ্ছাদিল গিরি ॥
 দেবগণ ঋষিগণ করিয়া কল্যাণ ।
 নিবন্তিয়া গেল সবে যার যেই স্থান ॥
 হরষিত হৈল পাণ্ডু, ভোজের নন্দিনী ।
 সর্বদুঃখ পাসরিল পুত্রগুণ শুনি ॥
 তবে কতদিনে পাণ্ডু একান্তে বসিয়া ।
 কুন্তী-প্রতি বলিলেন একান্ত ভাবিয়া ॥
 আমার পুত্রের বাঞ্ছা পূর্ণ নাহি হয় ।
 পুনরপি কহিতে তোমাতে যোগ্য নয় ॥
 চতুর্থ পুরুষে নারী হয় যে স্বৈরিনী ।
 পঞ্চম পুরুষে হৈলে বেশ্যামধ্যে গণি ॥
 সেকারণে তোমাতে না কহিতে যুয়ায় ।
 পুত্রবাঞ্ছা পূর্ণ হয়, না দেখি উপায় ॥
 হেনমতে কুন্তীসহ কথোপকথনে ।
 পুত্রচিন্তা নরবর সদা ভাবে মনে ॥
 মহাভারতের কথা অমৃত-সমান ।
 একমনে শুনিলে বাড়য়ে দিব্য-জ্ঞান ॥

৬১। নকুল ও সহস্রবের জন্ম।

একদিন পাণ্ডু-নৃপে একান্তে দেখিয়া ।
বলিতে লাগিল মাদ্রী নিকটেতে গিয়া ॥
কুরুবংশে তিনবধু যে আছে সম্প্রতি ।
ইতিমধ্যে দুইজন হৈল পুত্রবতী ॥
শুনিলাম গান্ধারীর শতক নন্দন ।
প্রত্যক্ষে কুন্তীর পুত্র দেখি তিনজন ॥
অভাগিনী আমি ইথে হইনু বঞ্চিত ।
তোমায় কি কব, মম কর্মের লিখিত ॥
দয়া করি কুন্তী যদি অনুগ্রহ করে ।
মন্ত্র জপি পুত্রবর লব দেববরে ॥
সহজে সতিনী কুন্তী কি বলিতে পারি ।
দেয় বা না দেয়, আমি চিন্তে ভয় করি ॥
আপনি বলহ যদি কুন্তীরে এ-কথা ।
তোমার বচন নাহি করিবে অন্যথা ॥
মাদ্রীর বচন শুনি বলে নরবর ।
মম চিন্তে এই কথা জাগে নিরন্তর ॥
কভু সেই স্বামি-বাক্য না করে হেলন ।
অবশ্য করিবে মম বাক্যের পালন ॥
তোমারে প্রকাশ আমি পূর্বে নাহি করি ।
শুন, কি না শুন তুমি, হও ধর্মনারী ॥
এখন আপনি তুমি কহিলা আমারে ।
তোমার কারণে আমি কহিব কুন্তীরে ॥
মম বাক্য কুন্তী কভু না করিবে আন ।
মাদ্রীরে কহিয়া রাজা যান কুন্তীস্থান ॥
কুন্তীরে একান্তে পেরে কহেন নৃপতি ।
কুলের কল্যাণ-হেতু কহি, শুন সতী ॥
ইন্দ্র পাইয়া ইন্দ্র নিত্য যজ্ঞ করে ।
যশের কারণে আর শাস্ত্র-অনুসারে ॥

বেদে তপে পারগ হইয়া ষিঙ্গগণ ।
তথাপিহ করে তাঁরা গুরুর সেবন ॥
সতী পতিব্রতা যেই অতি সুচরিত ।
তাহার যতেক ধর্ম জানিহ নিশ্চিত ॥
সেই হেতু কুন্তী, আমি কহি যে তোমারে ।
মাদ্রীরে উদ্ধার কর এ ভবসংসারে ॥
মাদ্রীর বংশের হেতু করহ উপায় ।
তার পুত্র হৈবে তব পুত্রের সহায় ॥
এতেক শুনিয়া কুন্তী কহিল রাজায় ।
একবার দিব মন্ত্র তোমার আজ্ঞায় ॥
মাদ্রীরে ডাকিয়া তবে কুন্তী পাণ্ডুপ্রিয়া ।
মন্ত্র বলি দিল তারে প্রসন্ন হইয়া ॥
একবার দিবে রাণী বলেন বচন ।
চিন্তিত হইয়া মাদ্রী ভাবে মনে-মন ॥
একবার বিনা কুন্তী না দিবেক আর ।
কি উপায়ে হবে তবে অধিক কুমার ॥
হৃদয়ে ভাবিয়া মাদ্রী যুক্তি কৈল সার ।
দেবমধ্যে যুগ্ম হয় অশ্বিনীকুমার ॥
অশ্বিনীকুমারদ্বয়ে করিল স্মরণ ।
মন্ত্রের প্রভাবে দৌহে এল ততক্ষণ ॥
তাঁহার ঔরসে গর্ভ হইল সঞ্চারণ ।
প্রসবিল মাদ্রীদেবী যুগল কুমার ॥
জন্মমাত্র হয় শব্দ আকাশ-উপরে ।
রূপে-গুণে শোভা দৌহে করিবেক নরে ॥
হেনমতে ক্রমে পঞ্চ-নন্দন হইল ।
পর্বতনিবাসী ঋষি আদি নাম দিল ॥
জ্যেষ্ঠ-হেতু নাম তার হৈল যুধিষ্ঠির ।
ভয়ঙ্কর মূর্তি, তেঁই হৈল ভীমবীর ॥
তৃতীয় অর্জুন নাম থল ঋষিগণ ।
চতুর্থ নকুল নাম মাদ্রীর নন্দন ॥

সহদেব নাম পায় পঞ্চম কুমার ।
 দিনে দিনে বাড়ি যেন দেব-অবতার ॥
 সিংহগ্রীব, সিংহচক্ষু, মাজা সিংহসম ।
 মহাবীৰ্য্যবন্ত পঞ্চসিংহের বিক্রম ॥
 পঞ্চপুত্র নৃপতির দেখিতে সুন্দর ।
 উজ্জ্বল করিল শতশৃঙ্গ গিরিবর ॥
 পুত্র নিরখিয়া রাজা হরষিত-মন ।
 হরষিতা কুন্তী-মাদ্রী দেখিয়া নন্দন ॥
 পুত্রসঙ্গ তিনজন তিলেক না ছাড়ে ।
 কণেক না করে রাজা নয়নের আড়ে ॥
 হেনমতে পঞ্চপুত্রে করেন পালন ।
 একদিন কুন্তী-প্রতি বলেন রাজন্ ॥
 পুত্র-সুখ-সম নাহি সংসার-ভিতর ।
 বঞ্চিত সকল সুখে পুত্রহীন নর ॥
 রাজ্যবস্ত্র ধনবস্ত্র বিদ্যাবস্ত্র জন ।
 পুত্র-বিনা হয় তার সব অকারণ ॥
 ইহকালে সুখদায়ী লোকেতে গৌরব ।
 পরকালে নিস্তারয়ে নরক রৌরব ॥
 ভাগ্যবস্ত্র ধৃতরাষ্ট্র শতপুত্র-পিতা ।
 সে কারণে কহি, শুন ভোজের চুহিতা ॥
 পুনরপি মন্ত্র দেহ মদ্রতনয়ারে ।
 বহুপুত্রে বহুসুখ হয় এ-সংসারে ॥
 শুনিয়া বলেন কুন্তী যুড়ি দুই কর ।
 আর না করিবা আজ্ঞা, শুন নৃপবর ॥
 পরম কপটী মাদ্রী দেখহ আপনে ।
 একবার মন্ত্র সে পাইয়া মম স্থানে ॥
 তাহে জন্মাইল মাদ্রী যুগল-নন্দনে ।
 মাদ্রীরে আমার ভয় হয় সে-কারণে ॥

কৃতাজ্জলি করি আমি নিবেদি তোমারে ।
 মাদ্রীর কারণে আর না কহ আমারে ॥
 মৌনী রহিলেন পাণ্ডু কুন্তীর বঁচনে ।
 আর পুত্রবাঞ্ছা ত্যাগ করিলেন মনে ॥
 পাণ্ডবের জন্মকথা অপূর্ব-কথন ।
 স্ববাহিত ফল লভে শুনে যেই জন ॥
 ব্যাসের বচন ইথে নাহিক সংশয় ।
 পাঁচালী-প্রবন্ধে কাশীরাম দাস কয় ॥

৬২। পাণ্ডুরাজের মৃত্যু ও মাদ্রীর সহগমন ।

সুখেতে থাকেন রাজা পুত্রের সহিত ।
 ঋতুরাজ বসন্ত হইল উপনীত ॥
 বসন্ত-কালেতে বন হইল শোভিত ।
 নানাবৃক্ষগণ সব হইল পুষ্পিত ॥
 পলাশ চম্পক আশ্রয় অশোক কেশর ।
 পারিভদ্র কেতকী করবী পুষ্পবর ॥
 হৃদে আনন্দিত পাণ্ডু দেখিয়া কানন ।
 গহন-নিকুঞ্জবনে করেন ভ্রমণ ॥
 কুন্তীসহ পুত্রগণে রাখিয়া মন্দিরে ।
 মাদ্রীসহ ভ্রমে রাজা অরণ্য-ভিতরে ॥
 রাজার সহিত মাদ্রী, কুন্তী নাহি জানে ।
 গহন-কাননমধ্যে ভ্রমে দুইজনে ॥
 সঙ্গিতে যুবতী ভার্য্যা বসন্ত-পবন ।
 চিরদিন বিরহেতে মাতিল মদন ॥
 মদনের শরে হৈল অবশ রাজন্ ।
 সঘনে মাদ্রীর রূপ করে নিরীক্ষণ ॥
 বিকচ-কমল-সম স্ফটিক-বদন ।
 জীবণ পরশে চারু পঙ্কজ-নয়ন ॥

যুগল-দাড়িষ-সম দুই পয়োধর ।
 বিপুল-নিতম্ব-ভারে গমন মন্থর ॥
 অধর অরুণ জিনি জিনি বন্ধুজীব ।
 পুষ্পধনু-ধনু জিনি ভুরু, কন্থগ্রীব ॥
 তিলফুল জিনি নামা পিকে জিনে ভাষে ।
 যুগল-নিন্দিত ভুজ কৌমুদী-স্বহাসে ॥
 কিবা রূপ অপরূপ নাভিকূপ তার ।
 দেহগন্ধে নলিনীর টুটে অহঙ্কার ॥
 ডমরু জিনিয়া কটি জিনি যুগপতি ।
 গজরাজ রাজহংস জিনি মন্দগতি ॥
 মুক্তা জিনি দন্তরাজি জিনি কুন্দকলি ।
 পদনখে কত চন্দ্র করে সদা কেলি ॥
 সতত মধুরভাবে বরিষয়ে স্রধা ।
 নিরখিয়া পাণ্ডুর জন্মিল রতিস্ফুধা ॥
 মদনে অবশ রাজা হ'য়ে অচেতন ।
 হইলেন বিন্মৃত সে মুনির বচন ॥
 নিবৃত্ত হইতে শক্তি নহিল রাজার ।
 মাদ্রীকে ধরিয়া বলে করেন শৃঙ্গার ॥
 নিবর্ত্ত নিবর্ত্ত বলে মদ্রের নন্দিনী ।
 অতি উচ্চৈঃস্বরে করে হাহাকার-ধ্বনি ॥
 হস্ত-পদ-আশ্ফালনে ছটফট করে ।
 কঠোর-বচনে মাদ্রী ভৎসে নৃপবরে ॥
 যুগধ্বি-শাপ প্রভু, নাহিক স্মরণ ।
 কণ্ঠেকে প্রমাদ হবে, জান ত কারণ ॥
 তথাপি মদনরসে হইয়া বিভোল ।
 পাণ্ডু নাহি শুনিল মাদ্রীর যত বোল ॥
 কালেতে যে করে, তাহা কে খণ্ডিতে পারে ।
 পরম-পণ্ডিত-বুদ্ধি কালেতে সংহারে ॥
 স্বরূপে জানহ ভূমি এ-সব বচন ।
 জানিয়া-শুনিয়া কেন করহ এমন ॥

সঙ্গম করিতে রাজা মাদ্রীর সহিত ।
 ঋষিশাপে মৃত্যু আসি হৈল উপনীত ॥
 শরীর ত্যজেন রাজা, দেখিল স্তম্ভরী ।
 ক্রন্দন করিছে মাদ্রী হাহাকার করি ॥
 এখানে ভোজের কথা উচাটিত-মন ।
 মাদ্রীর সহিত নাহি দেখয়ে রাজন ॥
 হইল অনেক বেলা, গেল কোথাকারে ।
 পুত্রসহ গেল কুন্তী দেখিতে রাজারে ॥
 কতদূর যাইতে শুনিল উচ্চধ্বনি ।
 হাহাকার-শব্দে কান্দে মদ্রের নন্দিনী ॥
 শব্দ-অনুসারে যায় অতি শীঘ্রগতি ।
 দেখিল কান্দিছে মাদ্রী, কোলে নরপতি ॥
 বজ্রঘাত মুণ্ডে যেন হৈল আচম্বিতে ।
 মূর্ছিতা হইয়া কুন্তী পড়িল ভূমিতে ॥
 সঘনে নিঃশ্বাস ছাড়ে উচাটন-মন ।
 কান্দিয়া মাদ্রীর প্রতি বলিছে বচন ॥
 কি কৰ্ম করিল। মদ্রকণ্ঠে, স্বামী বধি ।
 তব কৰ্মে কান্দিব দহিব নিরবধি ॥
 কেন একা এলে ভূমি রাজার সংহতি ।
 কি-হেতু নিবৃত্ত না করিলে নরপতি ॥
 যদি এই বনে সঙ্গে আনিতে নন্দন ।
 তবে কেন নৃপতির হইবে নিধন ॥
 হেন কৰ্ম জানি ভূমি করিল। কেমনে ।
 হারালে গুণের স্বামী মাতিয়া মদনে ॥
 যুগধ্বি-শাপ তোর না ছিল স্মরণে ।
 সকল ভীজিয়া বনে বধ এ-কারণে ॥
 অনিমিষে থাকি আমি রাজার রক্ষণে ।
 সঙ্গে আসিয়াছ ভূমি, জানিব কেমনে ॥
 আপনা থাইয়া মোর কৈলে হেন গতি ।
 হারাইব কেন স্বামী থাকিলে সংহতি ॥

বড়ই নিম্নিতা তুই পতি-বিঘাতিনী ।

তোর জন্য হইলাম আমি অনাথিনী ॥

মাত্রী বলে, কুন্তী, মোরে নিন্দ অকারণ ।

বার বার তাঁরে আমি করেছি বারণ ॥

দৈবে যাহা করে, খণ্ডে হেন কোন্ জন ।

না রাখি আমার বাক্য ঘটিল মরণ ॥

কুন্তী বলে, ভাবী কর্ম না যায় খণ্ডন ।

সম্প্রতি শুনহ তুমি আমার বচন ॥

পঞ্চপুত্র পালন করিহ ভালমতে ।

অনুমৃত্যু হৈব আমি রাজার সহিতে ॥

মাত্রী বলে, হেন তুমি না বল আমারে ।

তিলেক না জীব আমি না হেরি রাজারে ॥

তোমার বিলম্বে এতক্ষণ আছে প্রাণ ।

এখনি শরীর ত্যজি যাব প্রভু-স্থান ॥

আমার যৌবনে প্রভু তৃপ্ত নাহি হয় ।

আমা-সহ রমণে যঁহার হৈল ক্ষয় ॥

তঁাহার সংহতি আমি কভু না ছাড়িব ।

স্বামি-সহ দেহ আমি এখনি ত্যজিব ॥

তোমার নিকটে করি এক নিবেদন ।

বিদায় তোমার স্থানে মাগি যে এখন ॥

পুনঃপুনঃ তোমারে এ করি পরিহার ॥

যতনে পালিবা ছুটি কুমার আমার ॥

ইহা বিনা আর কিছু না কহি তোমারে ।

বিভেদ না ভেব দু'টি আমার কুমারে ॥

মাতা-পিতৃ-বিনা পুত্র সহজে অনাথ ।

তুমি সর্ববন্ধু জেন', তুমি মাতা তাত ॥

এতেক বলিয়া মাত্রী নিঃশব্দ হইল ।

নিবিড় করিয়া শবে আলিঙ্গন কৈল ॥

আলিঙ্গন করি মাত্রী ত্যজিল পরাণ ।

শুনি শতশৃঙ্গবাসী এল সেই স্থান ॥

ঋষিগণ মিলিয়া এ করিল বিচার ।

পুত্রসহ ছিল পাণ্ডু আশ্রমে সবার ॥

এখানে শরীর ত্যাগ করিল রাজন ।

অনাথ হইল কুন্তী, শিশু পঞ্চজন ॥

রাজপুত্রগণ-স্থিতি না শোভে কাননে ।

দেশেতে লইয়া রাখ পাণ্ডু-পুত্রগণে ॥

তবে সবাচার ধর্ম থাকে হেন বাসিন্ ॥

বিচার করিল এই শতশৃঙ্গবাসী ॥

মৃত শব কাঙ্ছে করি লহ চরগণ ।

পুত্রসহ কুন্তী ল'য়ে যাহ ঋষিগণ ॥

অল্পদিনে গেল কুন্তী হস্তিনানগরে ।

প্রবেশ করিল সবে নগর-ভিতরে ॥

রাজ-অন্তঃপুরেতে হইল সমাচার ।

কুন্তীসহ এল পঞ্চ পাণ্ডুব কুমার ॥

ভীষ্ম সোমদত্ত আর বাহ্লীক বিচুর ।

ধৃতরাষ্ট্র-আদি যত বৈসে অন্তঃপুর ॥

সত্যবতীসহ বধু গান্ধারী-সুন্দরী ।

গৃহেতে বৈসেন আর যত বৃদ্ধা নারী ॥

ঋষিগণে প্রণমিয়া দিলেন আসন ।

কহিতে লাগিল বার্তা যত ঋষিগণ ॥

শতশৃঙ্গ পর্বতে ছিলেন পাণ্ডুবাজ ।

ব্রহ্মচর্য্য করিলেন ঋষির সমাজ ॥

দেববরে পঞ্চপুত্র হইল তাঁহার ।

কালেতে তাঁহারে কালে করিল সংহার ॥

মদ্রকন্যা অতিথন্যা ভুবনে মানিতা ।

হইলেন অনুমৃত্যু পাণ্ডুর বনিতা ॥

এই কুস্তী-সহ দেখ পুত্র পঞ্চজন ।
পাণ্ডু-মাদ্রী দৌহার এ রহিত-জীবন ॥
যেহত বিচার হয় করহ বিধান ।
এত বলি মুনিগণ করিল প্রস্থান ॥

এত শুনি রোদন করেন সর্বজন ।

হাহাকার-শব্দ মুখে কাতর-বচন ॥
সত্যবতী কান্দে আর তাঁহার জননী ।
ভীষ্ম ও বিদুর কান্দে অন্ধ-নৃপমণি ॥
নগরের লোকসব করয়ে ক্রন্দন ।
বাল-বৃদ্ধ-তরুণী কান্দয়ে সর্বজন ॥
ক্রন্দনের শব্দ উঠে গগন-উপরে ।
মহাকোলাহল হৈল হস্তিনানগরে ॥
তবে ধৃতরাষ্ট্র বলে বিদুরে ডাকিয়া ।
ছুই শব দন্ধ কর গঙ্গাতীরে লৈয়া ॥
যেইমত রাজবিধি আছে পূর্বাপর ।
শুনিয়া বিদুর তবে হইল সঙ্কর ॥
ছুই শব কান্দে করি লয় ক্ষত্ৰগণে ।
চতুর্দোল বিভূষিত বিবিধ বিধানে ॥
উপরে ধরিল ছত্র যথা রাজনীত ।
শত শত চামর ঢুলায় চারিভিত ॥
অগুরু-চন্দনকাষ্ঠ আনিল বিস্তর ।
কলসী-কলসী ঘৃত আনে থরেথর ॥
মন্ত্র পড়ি বিজগণ পাবক জ্বালিয়া ।
অগ্নিহোত্র^১ রাজার করিল দাহক্রিয়া ॥
পঞ্চভাই দিল পিণ্ড ক্ষত্রিয়-বিধান ।
দ্বাদশ দিবসে করে অগ্নিশাস্তি দান ॥
স্বর্ণদান ভূমিদান করে গাভীদান ।
কাঞ্চন-রতন-দান বিবিধ বিধান ॥

মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৬৩। সত্যবতীর প্রাণত্যাগ ।

তবে কতদিনে তথা আসে বেদব্যাস ।

একান্তে কহেন মুনি জননীর পাশ ॥
অবধানে শুন মাতা আমার বচন ।
ধর্মকাল গেল, হৈল পাপ-উপাসন ॥
তোমার বংশেতে হবে বড় দুরাচার ।
কপট হইবে সবে, হবে পাপাচার ॥
হিংসা-অহঙ্কার-পাপে মজ্জিবে সকল ।
পৃথিবী হরিবে শত্রু, যেঘে অল্পজল ॥
ধর্ম লুপ্ত হইবেক, যত যজ্ঞাচার ।
দ্বৈষ-হিংসা পরস্পরে করিবে বিস্তার ॥
ধৃতরাষ্ট্র-কপটে হইবে কুলক্ষয় ।
ধর্ম ত্যজি নর লবে অধর্ম-আশ্রয় ॥
সে-কারণে মাতা আমি কহি যে তোমায় ।
কুলক্ষয় নয়নে না দেখিতে যুয়ায় ॥
গৃহ ত্যজি জননি, চলহ তপোবন ।
সংসার ত্যজিয়া মাতা তপে দেহ মন ॥

এত বলি ব্যাসমুনি হৈল অন্তর্দ্বান ।

শুনি সত্যবতী চিত্তে চিস্তেন বিধান ॥
ছুই বধু ডাকিয়া আনিল নিজপাশ ।
কহিতে লাগিল, যত কহিলেন ব্যাস ॥
তোমার নন্দন বধু, করিবে দুর্নীতি ।
কপট হিংসক হবে, করিবে দুষ্কৃতি ॥
কুলক্ষয় হইবেক তার কদাচারে ।
এসব শুনিয়া আমি জানাই তোমারে ॥

সে কারণে এবে আমি যাই তপোবনে ।
 করহ বিধান বধু, যেবা লয় মনে ॥
 শুনিয়া যুগল-বধু চলিল সংহতি ।
 ভীষ্মে আনি সব কথা कहিলেন সতী ॥
 অন্তঃপুরে ছিল যত বৃদ্ধা নারীগণ ।
 সত্যবতীসহ সবে গেল তপোবন ॥
 ফলমূলাহারী হৈয়া তপ আচরিল ।
 যোগে মন দিয়া সবে শবীর ত্যজিল ॥
 মহাভারতের কথা অমৃত-সমান ।
 পাঁচালী-প্রবন্ধে তবে কাশীরাম গান ॥

৬৪। ভীষ্মের বিষপান ।

মুনি বলিলেন, রাজা, শুন অনন্তরে ।
 পুত্রসহ কুন্তীদেবী রহে অন্তঃপুরে ॥
 কোঁরব পাণ্ডব ভাই পঞ্চোত্তর-শত ।
 বেদ-শাস্ত্র-অধ্যয়নে সবে পারগত ॥
 বালকের ক্রীড়া যত আছয়ে সংসারে ।
 ক্রীড়ায় উত্তম সবে সদা ক্রীড়া করে ॥
 ক্রীড়ারসে বলে শ্রেষ্ঠ পঞ্চ সহোদর ।
 সবার অধিক বলে বীর বৃকোদর ॥
 মহাবলবন্ত ভীম সাক্ষাৎ শমন ।
 তাহার সদৃশ নাহি ভাই একজন ॥
 ধাইতে পবনসম, সিংহসম ইাকে ।
 আশ্ফালনে গজসম, মেঘসম ডাকে ॥
 যেই দিক্ দিয়া ভীম বেগে যায় চলি ।
 দশ-বিশে ভূমে ফেলে ভূজাশ্ফালে ঠেলি ॥
 ক্রোধে সব সহোদর ধরে একেবারে ।
 অবহেলে বৃকোদর শরীর ঝাঁকারে ॥
 কতদূরে পড়ে সব অচেতন হৈয়া ।
 পৃষ্ঠে গায় নাসিকায় রক্ত যায় বৈয়া ॥

দুই হস্তে ধরে বীর সবাকার কর ।
 চক্রাকার করিয়া ভ্রমায় বৃকোদর ॥
 প্রাণ যায় যায় বলি পরিত্রাহি ডাকে ।
 মৃতকল্প দেখি তবে ভীম সবে রাখে ॥
 জলমধ্যে ক্রীড়া করে যত ভ্রাতৃগণ ।
 একেবারে ধরে ভীম দশ-দশ জন ॥
 জলের ভিতরে ডুবে চাপি দুই কাঁখে ।
 মৃতকল্প করি ছাড়ে, প্রাণমাত্র রাখে ॥
 ভয়েতে ভীষ্মের কেহ না যায় নিকটে ।
 জলেতে দেখিলে ভীষ্মে সবে থাকে তটে ॥
 ফল-হেতু উঠে সবে বৃক্ষের উপরে ।
 তলে থাকি বৃক্ষে ভীম চরণ প্রহারে ॥
 চরণের ঘায় বৃক্ষ করে ধর-ধর ।
 ফলসহ ভূমে পড়ে সব সহোদর ॥
 বালক-কালেতে ভীম মহাপরাক্রম ।
 ভীষ্মেরে বালকগণ দেখে যেন যম ॥
 দুর্ব্যোধন দেখি হৈল পরম-চিন্তিত ।
 বালক-কালেতে বল ধরে অপ্রমিত ॥
 বয়োধিক হইলে হইবে মহাবল ।
 ইহার জীবনে নাই আমার কুশল ॥
 হৃদে চিন্তি দুর্ব্যোধন করিল বিচার ।
 ভীষ্মেরে মারিব, হেন যুক্তি করে সার ॥
 ভীষ্মে মারি চারি ভাই রাখিব বাঙ্কিয়া ।
 তবে ত ভূঞ্জিব রাজ্য নিষ্কণ্টক হৈয়া ॥
 বালক-কালেতে করে এমত বিচার ।
 যে-কালে না জানে লোক হিংসা-অহঙ্কার ।
 তবে অনুচরে ডাকি বলে দুর্ব্যোধন ।
 গঙ্গাতীরে আছে যথা গহন-কানন ॥
 তাহাতে বিচিত্র স্থল করহ নির্মাণ ।
 উত্তমবরণ ঘর কর স্থানে-স্থান ॥

চর্য্য-চূষ্য-লেখ-পেয় শকটে পুরিয়া ।
সকল গৃহের মধ্যে পূর্ণ কর গিয়া ॥
আজ্ঞামাত্র করে সব অনুচরগণ ।
তবে ভ্রাতৃগণেরে ডাকিল দুর্ঘোষধন ॥
আজি চল ভাই-সব যাই গঙ্গাজলে ।
জলক্রীড়া করিব পরম কুতূহলে ॥
উত্তম বিহার করি আহার-সহিতে ।
ভক্ষ্যদ্রব্য আছে সব প্রমোদ-কুটিতে ॥

শুনিয়া সম্মত হইলেন যুধিষ্ঠির ।
করিব সলিল-ক্রীড়া চল গঙ্গাতীর ॥
পঞ্চোত্তর-শত ভাই একত্রে হইয়া ।
রথ-গজ-অশ্ব-যানে চলে আরোহিয়া ॥
প্রমোদ-কুটিতে তবে চলে দুর্ঘোষধন ।
অতি মনোহর স্থল, বিচিত্র কানন ॥
অনুচরগণ সব চলিল সহিতে ।
সব ভাই মিলি গেল প্রমোদ-কুটিতে ॥
একত্রে হইয়া সবে আসনে বসিল ।
নানাদ্রব্য উপচার খাইতে লাগিল ॥
উপচার পূরি করে অঞ্জলি-অঞ্জলি ।
একজন মুখে দেয় আর জন তুলি ॥
হেনমতে ক্রুর কুরূপতি দুর্ঘোষধনে ।
কালকূটং দিল দুই ভীমের বদনে ॥
পুনঃপুনঃ তথিপর দিল উপচার ।
ভক্ষণে সন্তুষ্ট ভীম আনন্দ অপার ॥
কালকূট পান করিলেন বৃকোদর ।
দুর্ঘোষধন হৈল বড় হরিষ-অস্তর ॥
এইরূপে দুর্ঘোষধন করে ব্যবহার ।
ইহার বৃত্তান্ত কেহ নাহি জানে আর ॥

তবে ভ্রাতৃগণ সবে গেল গঙ্গাজলে ।
জলক্রীড়া আরম্ভিল মহাকুতূহলে ॥
কেহ উঠে, কেহ ডুবে, কেহ ফেলে জল ।
ক্রীড়ায় হইল ক্রমে ভীম হীনবল ॥
জলক্রীড়া করি শ্রান্ত হৈল সর্বজন ।
প্রমোদ-কুটিতে পুনঃ করিল গমন ॥
দিব্যবস্ত্র পরি বিভূষিল অলঙ্কার ।
উপচার-দ্রব্য যত করিল আহার ॥
রত্নময় পালঙ্কেতে করিল শয়ন ।
ক্রীড়াশ্রমে নিদ্রাগত ভাই সর্বজন ॥
বিষেতে জারিত ভীম হৈল অচেতন ।
সবে নিদ্রা গেল, মাত্র জাগে দুর্ঘোষধন ॥
অচেতন ভীমেরে দেখিয়া কুরূপতি ।
হস্তপদ বন্ধন করিল শীঘ্রগতি ॥
ধরিয়া ফেলিল তবে গঙ্গার সলিলে ।
নাহিক শরীরে জ্ঞান জারিল গরলে ॥
ভাসিয়া-ভাসিয়া ক্রমে নাগের ভবন ।
উপনীত হৈল ভীম ঘোর অচেতন ॥
বিপুল শরীর দেখি বেড়ে নাগগণ ।
ক্রোধে চতুর্দিকে সবে করিল দংশন ॥
নাশিল শ্বাবর বিষ জঙ্ঘম বিষেতে ।
চেতন পাইয়া ভীম চাহে চতুর্ভিতে ॥
বিস্মিত হইয়া ভীম ভাবে মনে-মনে ।
কোথায় আসিনু একা ছাড়ি ভ্রাতৃগণে ॥
বন্ধন দেখিয়া তবে মানিল বিষ্ময় ।
কে মোরে বাঙ্কিল, হেতু না জানি নিশ্চয় ॥
অবহেলে ছিঁড়ে হস্ত-পদের বন্ধন ।
মুখ্যাঘাতে প্রহারে যতক নাগগণ ॥

ভীমের মুষ্টির স্পর্শে বজ্রের সমান ।
 পলায় সকল নাগ লইয়া পরাণ ॥
 দুই চারি নাগ তবে একত্র হইয়া ।
 ভাবিতে লাগিল সবে একত্র বসিয়া ॥
 কেহ বলে, শুন ভাই, আমার বচন ।
 আমার দংশনে বাঁচে, নাহি হেন জন ॥
 আর নাগ বলে, ভাই, যায় বুঝি প্রাণ ।
 শীঘ্র করি কর, ভাই, যা হয় বিধান ॥
 একত্র হইয়া চল জানাব রাজ্য ।
 অবশ্য করিবে রাজা ইহার উপায় ॥
 বাহুকির আগে গিয়া করে নিবেদন ।
 নাগকুল নাশিল মনুষ্য একজন ॥
 মনুষ্যের আচরণ না দেখি তাহার ।
 অনুমানে বুঝি ইন্দ্র নর-অবতার ॥
 বন্ধনেতে ছিল এথা আইল ভাসিয়া ।
 ক্রোধে সব নাগগণে ফেলিল মারিয়া ॥
 অচেতন ছিল পূর্বে পাইল চেতন ।
 সবে পলাইল শুনি তাঁহার গর্জন ॥
 যা ঘটিল, নৃপবর, কহিনু বিস্তার ।
 না জানি ইহার তত্ত্ব, করহ বিচার ॥
 শুনিয়া বাহুকি নাগ চলিল ছরিত ।
 পাছে-পাছে যত নাগ চলিল সহিত ॥
 মহাপরাক্রম ভীম আছে যেইখানে ।
 দিবাচক্ষু বাহুকি জানিল ততক্ষণে ॥
 পবন-ওরসে জন্ম কুন্তীর নন্দন ।
 মধুর-বচনে ভীমে করে সম্ভাষণ ॥
 আমার নাতির নাতি হও বৃকোদর ।
 কি করিব তব শ্রিয়, করহ উত্তর ॥
 ধনরত্ন লহ তুমি, যাহে তব মন ।
 এত শুনি বলিল যতেক নাগগণ ॥

তোমার পরম বন্ধু যদি এ-কুমার ।
 ভক্ষ্য-ভোজ্য দিয়া তুষ্টি জন্মাও ইহার ॥
 ধনরত্নে ইহার নাহিক প্রয়োজন ।
 ইহার পরম প্রীতি পাইলে ভোজন ॥
 ইহারে লইয়া গৃহে করহ গমন ।
 যাহাতে এ তৃপ্ত হয়, করহ রাজন ॥
 এত শুনি ফণিরাজ লৈয়া বৃকোদরে ।
 গৃহে লৈয়া বসাইল পালঙ্ক-উপরে ॥
 নাগের আলয়ে আছে সুধাকুণ্ডচয় ।
 ভীমে বলে, কর পান, যত মনে লয় ॥
 সহস্র হস্তীর বল এককুণ্ড-পানে ।
 যত ইচ্ছা, তত পান করহ এক্ষণে ॥
 একে বৃকোদর, তাহে পরিশ্রম-সুধা ।
 তাহে লোভী, অপূর্ব পাইল কুণ্ডসুধা ॥
 একে-একে অর্ধ কুণ্ড পান সে করিল ।
 চলিতে নাহিক শক্তি, উদর পূরিল ॥
 রত্নময় পালঙ্কেতে করিল শয়ন ।
 হেথা নিদ্রা-অবসানে কুরুপুঞ্জগণ ॥
 গৃহেতে যাইব, হেন করিল বিচার ।
 রথে অশ্বে গজে যানে চড়ে যে যাহার ॥
 ভ্রাতৃগণে ডাকিয়া কহেন যুধিষ্ঠির ।
 সবে আছে, কেবল না দেখি ভীমবীর ॥
 ফলহেতু ভীম কিবা গিয়াছে কাননে ।
 গঙ্গাজলে গেল কিংবা বিহার-কারণে ॥
 ভীমের উদ্দেশ্য ভাই, কর সর্বজন ।
 চতুর্দিকে ভ্রাতৃগণ গেল ততক্ষণ ॥
 কেহ গেল গঙ্গাতীরে, কেহ বনভাগে ।
 ভীম ভীম বলি কেহ ডাকে চতুর্দিকে ॥
 না পাইয়া বাহুড়িল যত ভ্রাতৃগণ ।
 ভীমেরে না পাই ভাই, বলে সর্বজন ॥

শুনি যুধিষ্ঠির হৈল বিরস-বদন ।

কোথাকারে গেল ভীম, না জানি কারণ ॥

কেহ বলে, বৃকোদর ছিল এইক্ষণ ।

কেহ বলে, আগে ঘরে করিল গমন ॥

অসম্ভব যুধিষ্ঠির উঠিয়া সত্ত্বর ।

গৃহে গিয়া দেখেন জননী একেশ্বর ॥

মায়ে দেখি জিজ্ঞাসেন ধর্মের কোণ্ডর ।

গৃহে কি এসেছে মাতা, ভাই বৃকোদর ॥

গৃহের মধ্যেতে নাহি দেখি কি-কারণে ।

কিংবা কোথা পাঠাইলে, বুঝি অনুমানে ॥

ভীমে না দেখিয়া মোর স্থির নহে মতি ।

ভীমের কুশল মাতা, কহ শীঘ্রগতি ॥

জলস্থল দেখিলাম কানন-নগরে ।

কোথাও না পাইলাম ভাই বৃকোদরে ॥

শুনিয়া বিষমমনা হুয়ে ভোজস্বতা ।

বলিলেন, ভীম নাহি আইলেক এথা ॥

কোথাকারে ভীম তবে করিল গমন ।

শীঘ্র গিয়া বিদুরে জানাও পুত্রগণ ॥

আইল বিদুর তবে কুস্তীর আদেশে ।

বিদুরে বলেন কুস্তী গদগদ-ভাবে ॥

ভ্রাতৃ-সহ গেল ভীম ক্রীড়ার কারণে ।

সবে এল, বৃকোদর না আইল কেনে ॥

দুষ্ট দুর্ব্যোধন তারে দেখিতে না পারে ।

ক্রুরমতি নিল্লজ্জ সে মারিয়াছে তারে ॥

নিশ্চয় মারিল ভীমে করিয়া মন্ত্রণা ।

হৃদয় অস্থির, চিন্তে হইল যন্ত্রণা ॥

বিদুর কহিল, কুস্তী, এ কথা না কহ ।

আর চারি পুত্রের জীবন যদি চাহ ॥

দুষ্টমতি দুর্ব্যোধন বড় দুরাচার ।

ছিদ্র-কথা শুনিলে করিবে অত্যাচার ॥

এত শুনি কুস্তীদেবী করেন ক্রন্দন ।

ভূমে গড়াগড়ি যায় ভাই চারিজন ॥

ভীমের শোকেতে বড় পাইয়া সন্তাপ ।

অধোমুখে কান্দে তবে করিয়া বিলাপ ॥

কণেক চিন্তিয়া তবে কহিল বিদুর ।

না কর ক্রন্দন, সবে শোক কর দূর ॥

ব্যাসের বচন ভুমি ভুলিলা এখন ।

পৃথিবীতে অবধ্য পাণ্ডব পঞ্চজন ॥

ব্যাসের বচন কুস্তী, কভু মিথ্যা নয় ।

এখনি আসিবে ভীম নাহিক সংশয় ॥

এত বলি প্রবোধিয়া গেল নিজঘর ।

শোকাকুলমতি সেই চারি সহোদর ॥

হেথা নাগলোকে নিদ্রা যায় বৃকোদর ।

নিদ্রাভঙ্গ হৈল অষ্টদিবস-অন্তর ॥

ভীমে সচেতন দেখি বলে নাগগণ ।

আপন-আলয়ে ভুমি করহ গমন ॥

অষ্টদিন হৈল কেহ বার্তা নাহি জানি ।

চারি ভাই শোকাকুল কান্দয়ে জননী ॥

এত বলি নাগগণ নানারত্ন দিয়া ।

কান্দে করি প্রমোদ-কূটিতে থুল লৈয়া ॥

তথা হৈতে চলে বীর মত্ত-গজ-গতি ।

আপন-মন্দিরে উত্তরিল শীঘ্রগতি ॥

মায়ে প্রণমিয়া প্রণমিল যুধিষ্ঠিরে ।

তিন ভাই আলিঙ্গিয়া চুষ দিল শিরে ॥

আনন্দিত যুধিষ্ঠির দেখি বৃকোদরে ।

হরিষে চক্ষুর জল বহে দরদরে ॥

জিজ্ঞাসেন, কোথা ভাই, এতদিন ছিল।

আমা-সবা পরিহারি কেমনে রহিলা ॥

শুনিয়া কহিল ভীম সব বিবরণ ।

যে-প্রকারে দুর্ব্যোধন করিল বন্ধন ॥

সম্বেদন বলিয়া বিষ দিল মম মুখে ।
 গঙ্গাজলে ভাসিয়া গেলাম নাগলোকে ॥
 নাগের দংশনে মম চেতনা হইল ।
 কৃপায় বাহুকি-নাগ বহুধন দিল ॥
 এত বলি রত্নসব দিল মাতৃস্থানে ।
 চমকিত যুধিষ্ঠির সেই বিবরণে ॥
 যুধিষ্ঠির বলিলেন, ভাই চারিজন ।
 এই সব কথা যেন কেহ নাহি শুনে ॥
 দুর্ব্যোধন-দুর্ষে কেহ না কর বিশ্বাস ।
 একা হৈয়া কেহ নাহি যাবে তার পাশ ॥
 হেনমতে বিচার করিয়া পঞ্চজন ।
 সেই হেতে বাল্যক্রীড়া করিল বর্জন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৬৫। কৃপাচার্যের জন্ম-বিবরণ ।

মুনিবরে কহে পরীক্ষিতের কুমার ।
 বিস্তারিয়া কহ য়োরে, ঘুঁচুক আঁধার ॥
 তারপর কি করিল পাণ্ডবের স্বামী ।
 তব মুখে শুনিয়া কৃতার্থ হই আমি ॥
 মুনি বলে, শুন রাজা, পাণ্ডব-চরিত্র ।
 যাহার প্রবণে হয় জগৎ পবিত্র ॥
 তবে কতদিনে ভীষ্ম গঙ্গার নন্দন ।
 অশ্রুশিক্ষা-হেতু নিয়োজিল পৌত্রগণ ॥
 সর্বশাস্ত্রে বিশারদ কৃপাচার্য নাম ।
 শরদ্বান-ঋষিপুত্র হস্তিনাতে ধাম ॥

পঞ্চোত্তর-শত ভাই কৌরব-পাণ্ডব ।
 কৃপাচার্য ধনুর্বেদ শিখাইল সব ॥
 জন্মেজয় বলে, কহ, শুনি মহাশয় ।
 ক্ষত্রধর্ম কৈল কেন ব্রাহ্মণ-তনয় ॥
 মুনি বলে, নরপতি, কর অবধান ।
 গৌতম-ঋষির পুত্র নাম শরদ্বান ॥
 শরদ্বান নাম হৈল শরসহ জন্ম ।
 ধনুর্বেদে রত হৈল ত্যজি দ্বিজ-কর্ম ॥
 বেদশাস্ত্র না পড়িল, ধনুর্বেদে মন ।
 তপোবনমধ্যে তপ করে অমুকুণ ॥
 তাঁর তপ দেখিয়া সশঙ্ক শতক্রতু ।
 সৃজিলেন উপায় সে তপোভঙ্গ-হেতু ॥
 জানপদীং দেবকন্যা দিল পাঠাইয়া ।
 যথা তপ করে, তথা উত্তরিল গিয়া ॥
 কন্যা দেখি শরদ্বান হৈল হতৈর্ধৈর্য ।
 ধনুঃশর খসিল স্থলিত হৈল বীর্য ॥
 স্থলিত হইতে মুনি হৈল সচেতন ।
 সে-বন ত্যজিয়া মুনি গেল অন্যবন ॥
 যাইতে ঋষির বীর্য পড়িল ভূতলে ।
 দুই ঠাই হইয়া পড়িল সেই স্থলে ॥
 তপস্বী ঋষির বীর্য কভু নষ্ট নয় ।
 একগুটি কন্যা হৈল একটি তনয় ॥
 শাস্ত্রনু-নৃপতি গেল যুগয়া-কারণে ।
 ভ্রমিতে-ভ্রমিতে গেল সেই তপোবনে ॥
 অনাথ যুগলশিশু দেখি অমুচরে ।
 আস্তেবাস্তে জানাইল রাজার গোচরে ॥
 শুনিয়া গেলেন রাজা ভাবি চমৎকার ।
 দেখেন, রোদন করে কুমারী-কুমার ॥

ধনুঃশর আছে, আর আছে কৃষ্ণচর্ম্ম^১ ।
 অমুমানে জানিলেন ঋষির এ কর্ম্ম ॥
 গৃহে আনি দৌহাকারে করেন পালন ।
 কতদিনে আসি শরদ্বান্ তপোধন ॥
 শরদ্বান্ বলে, রাজা, তুমি ধর্ম্মময় ।
 কৃপায় পোষিলা মোর তনয়া-তনয় ॥
 সে-কারণে নাম রাখিলাম দৌহাকার ।
 কৃপ-কৃপী বলি যেন ঘোষয়ে সংসার ॥
 তবে শরদ্বান্-মুনি আপন-নন্দনে ।
 নানা-অস্ত্রবিদ্যা শিখাইল দিনে-দিনে ॥
 পরে দ্রোণাচার্য্য হস্তে করে সমর্পণ ।
 দ্রোণাচার্য্য সর্ব্বশাস্ত্র করায় জ্ঞাপন ॥
 ধনুর্বেদে কৃপসম নাহিক মানুষে ।
 অল্পকালে আচার্য্য বলিয়া লোকে ঘোষে ॥
 কুরুবংশ যদুবংশ অরু-রুক্ষিবংশে ।
 আর যত রাজগণ বৈসে দেশে-দেশে ॥
 সবে ধনুর্বেদ শিক্ষা করে কৃপস্থানে ।
 কৃপগুরু বলি নাম ব্যাপিল ভুবনে ॥
 পরে ভীষ্ম মহাবীর চিস্তিলেন মনে ।
 বিশেষ কি-মতে শিক্ষা হবে পৌত্রগণে ॥
 এত ভাবি দ্রোণেই করেন সমর্পণ ।
 দ্রোণাচার্য্য সর্ব্বশাস্ত্র করায় জ্ঞাপন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৬৬। দ্রোণাচার্য্যের উৎপত্তি।

রাজা বলিলেন, মুনি, কর অবধান ।
 কার পুত্র দ্রোণাচার্য্য, কোথা অবস্থান ॥

ধনুর্বেদ শিখাইল তারে কোন্ জন ।
 কুরুদেশে গুরু হইলেন কি-কারণ ॥
 ব্যাসশিষ্য মুনিবর সর্ব্বশাস্ত্র-জ্ঞানী ।
 কহিতে লাগিল দ্রোণাচার্য্যের কাহিনী ॥
 ভরদ্বাজ মহামুনি খ্যাত ভূমণ্ডলে ।
 একদিন স্নানার্থ গেলেন গঙ্গাজলে ॥
 অন্তরীক্ষে চলি যায় ঘূতাটী অঙ্গরা ।
 পরমা স্তম্ভরী হয় অঙ্গরাতে বরা^২ ॥
 দক্ষিণ-পবনে তার উড়িল বসন ।
 করিলেন মুনি তার অঙ্গ দর্শন ॥
 দেখিয়া তাঁহার চিত্তে হইল উদ্বেগ ।
 পঞ্চশর-শরের^৩ অধিকতর বেগ ॥
 নাহি হেন জন যারে না মোহে কামিনী ।
 স্থলিত হইল রেত চিস্তাস্থিত মুনি ॥
 সম্মুখে দেখিয়া দ্রোণী^৪ রাখিলেন তায় ।
 দ্রোণী-মধ্যে পুত্র জন্ম হইল স্বরায় ॥
 পুত্রে দেখি ভরদ্বাজ হরিষ-অন্তর ।
 পুত্রে লৈয়া গেলেন সে আপনার ঘর ॥
 দ্রোণীতে জন্মিল পুত্র, তেঁই দ্রোণ-আখ্যা ।
 বেদ-বিদ্যা-সর্ব্বশাস্ত্র করালেন শিক্ষা ॥
 ছিলেন পৃথত-নামে পাঞ্চাল-রাজন্ ।
 দ্রুপদ বলিয়া নাম তাঁহার নন্দন ॥
 ভরদ্বাজ-মুনির আশ্রমে সদা যায় ।
 সমান-বয়স দ্রোণ-সহিত খেলায় ॥
 এক ঠাঞি দুইজনে করে অধ্যয়ন ।
 ক্রীড়া করে এক ঠাই ভোজন-শয়ন ॥
 তিলেক না রহে দৌহে না হইলে দেখা ।
 পরস্পর হইল দৌহার দৌহে সখা ॥

১। কৃষ্ণসার-মৃগের চর্ম্ম । ২। বৈশম্পায়ণ । ৩। শ্রেষ্ঠ । ৪। পঞ্চশর = মদন, পঞ্চশর-শর = মদনের বাণ ।

৫। কলস ।

তবে কতদিনে রাজা পৃথক মরিল ।
 পাঞ্চাল-দেশেতে রাজা দ্রুপদ হইল ॥
 স্বর্গেতে গেলেন ভরদ্বাজ তপোধন ।
 তপস্যা করিতে দ্রোণ যান তপোবন ॥
 কতদিনে দ্রোণাচার্য্য পিতৃ-আজ্ঞা মানি ।
 বিবাহ করেন কৃপাচার্য্যের ভগিনী ॥
 পরমা স্তন্দরী কন্যা ত্রুতে অনুভূতা ।
 যজ্ঞহোমে তপে নির্ভা, সতী পতিব্রতা ॥
 যজ্ঞ-তপ-ফলে তাঁর হইল নন্দন ।
 জন্মমাত্র করিলেক অশ্বের গর্জন ॥
 হেনকালে আচম্বিতে হৈল শূন্যবাণী ।
 জন্মমাত্র পুত্র করিলেক অশ্বধ্বনি ॥
 অশ্বখামা নাম তার হবে সে-কারণে ।
 দীর্ঘজীবী হবে আর পূর্ণ সর্বগুণে ॥
 পুত্রে দেখি দ্রোণাচার্য্য হরষিত-মন ।
 নানাবিদ্যা তারে করালেন অধ্যাপন ॥
 তবে কতদিনে দ্রোণ করেন শ্রবণ ।
 জমদগ্নিস্বতের দানের বিবরণ ॥
 নানারত্ন-ধন বিপ্রে দিতেছেন দান ।
 পৃথিবীতে শব্দ হৈল দানের বাধান ॥
 মহেন্দ্র-পর্বত-মধ্যে রামের নিলয় ।
 তথায় গেলেন ভরদ্বাজের তনয় ॥
 দ্রোণে দেখি জিজ্ঞাসেন ভৃগুর নন্দন ।
 কোথা হৈতে আইলেন, কিবা প্রয়োজন ॥
 দ্রোণ বলিলেন, মোর দ্রোণাচার্য্য নাম ।
 জনক আমার ভরদ্বাজ গুণধাম ॥
 বহু দান কর ভূমি, শুনি লোকমুখে ।
 বার্তা পেয়ে আইলাম তোমার সম্মুখে ॥

পূর্ণ করি ধন দিবা আমারে হে রাম ।
 স্বকুটুম্ব-সহ যেন পুরে মনস্কাম ॥
 শুনিয়া বলেন জমদগ্নির নন্দন ।
 সব ধন দিয়া আমি এই যাই বন ॥
 হেনকালে এলে ভূমি ব্রাহ্মণ-কুমার ।
 কোন্ দেব্য দিয়া ভূষ্টি করিব তোমার ॥
 পৃথিবীর মধ্যে মম নাহি অধিকার ।
 কশ্যপে দিলাম আমি সকল সংসার ॥
 আছে মাত্র প্রাণ আর ধনুঃশর দ্রোণ ।
 যাহা ইচ্ছা, মম স্থানে মাগি লহ ধন ॥
 দ্রোণাচার্য্য মাগিলেন তবে ধনুর্বাণ ।
 মন্ত্রসহ অস্ত্র দেন ভৃগুর সন্তান ॥
 ধনুর্বেদে নিপুণ হইয়া দ্রোণাচার্য্য ।
 পরে চলিলেন তিনি দ্রুপদের রাজ্য ॥
 অত্যন্ত দরিদ্র দ্রোণ না মাগেন কারে ।
 পুত্রের দেখিয়া কষ্ট ভাবেন অন্তরে ॥
 বালক-কালের সখা দ্রুপদ-রাজন্ ।
 তাঁর স্থানে গেলে হবে দারিদ্র্য-ভঞ্জন ॥
 এত ভাবি গেল দ্রোণ পাঞ্চাল-নগর ।
 উত্তরেন যথায় দ্রুপদ-নরবর ॥
 পিঙ্গুন মলিন জীর্ণ কটিমাত্র ঢাকে ।
 সর্বদেহ শীর্ণ-কৃষ্ণ দারিদ্র্যের পাকে ॥
 রাজারে বলেন দ্রোণ, শুন মহারাজ ।
 আমি তব সখা, হেথা আসিয়াছি আজ ॥
 এত শুনি নরপতি কটাক্ষেতে চায় ।
 নয়ন লোহিতবর্ণ, কহে কম্পকায় ॥
 কোথাকার দ্বিজ, ভূমি দরিদ্র ভিক্ষুক ।
 অজ্ঞান বাতুল কিংবা হইবা দুশ্মুখ ॥

আমি মহারাজ হই, পাঞ্চাল-ঈশ্বর ।
কোন লাজে সখা বল সভার ভিতর ॥
ধনীর নির্ধন-সখা কভু না যায় ।
হ্রনরলোকে কভু সখ্য নাহি হয় ॥
কোথা সখ্য হইয়াছে নৃপতি-ভিক্ষুকে ।
সমানে-সমানে সখ্য যায় অতিস্থখে ॥
উত্তমে-অধমে সখ্যে নাহি হয় স্থখ ।
অধমে-উত্তমে হৃন্দে সেইরূপ দুখ ॥
কোথা হৈতে এলে তুমি দরিদ্র এখানে ।
দেখেছি কি, না দেখেছি, নাহি পড়ে মনে ॥

এতক শুনিয়া তাঁর নিষ্ঠুর-উত্তর ।
অভিमानে দ্রোণের কম্পিত কলেবর ॥
সর্ববৎ শ্বাস বহে, নেত্র দুটি শোণ্য ।
মুহূর্ত্তেক স্তব্ধ হৈয়া রহিলেন দ্রোণ ॥
পুনশ্চ না দেখিলেন রাজার বদন ।
না বলিয়া কারে কিছু করিলা গমন ॥
শ্যালক-আলয়ে যান হস্তিনানগর ।
দ্রোণে দেখি কৃপাচার্য্য হরিষ-অন্তর ॥
দারা-পুত্র-সহ দ্রোণ থাকেন তথায় ।
হেনমতে গুপ্তবেশে কতদিন যায় ॥
মহাভারতের কথা অমৃত-সন্মিত ।
পাঁচালী-প্রবন্ধে কাশীরাম-বিরচিত ॥

৬৭। কুরুবালকদিগের বাল্যক্রীড়া ।

একদিন তথা যত কুরুপুত্রগণ ।
নগর-বাহিরে ক্রীড়া করে সর্বজন ॥

একগোটা লৌহভাঁটা ভূমিতে ফেলিয়া ।
হাতে দণ্ড করি তাহা যায় তাড়াইয়া ॥
হেন লৌহভাঁটা তবে দৈব-নির্বন্ধনে ।
নিরুদক কূপमध्ये পড়িল তাড়নে ॥
কূপেতে পড়িল দেখি সকল কুমার ।
তাহা তুলিবারে যত্ন করিল অপার ॥
কিস্ত কিছুতেই কৃতকার্য্য না হইল ।
হতাশ হইয়া সবে ভাবিতে লাগিল ॥
লজ্জিত হইল সবে মলিন-বদন ।
হেনকালে আইলেন দ্রোণ তপোধন ॥
শুরুবেশ শুরুকেশ স্কন্ধেতে উত্তরী ।
শ্যামল দেহের বর্ণ গতি মত্তকরী ॥
শিশুগণে দেখি দ্রোণ বিরস-বদন ।
জিজ্ঞাসেন, মনোদুঃখ কিসের কারণ ॥

এতক শুনিয়া বলে যতক কুমার ।
ধিক্ কল্পকুলে জন্ম আমা সবাকার ॥
ধিক্ প্রাণ, ধিক্ ধনু, ধিক্ অধ্যয়ন ।
ভাঁটা উদ্ধারিতে শক্ত নহি কোন জন ॥
হের দেখ জলহীন কূপের মাঝারে ।
পড়িয়াছে লৌহভাঁটা পাই দেখিবারে ॥

এত শুনি দ্রোণাচার্য্য বলেন হাসিয়া ।
কূপ হৈতে ভাঁটা দেখ দিতেছি তুলিয়া ॥
এই ঈষিকার তেজে করিব উদ্ধার ।
ভোজ্য দিয়া ভূষ্টি তবে করিবা আমার ॥
একবাক্য হৈয়া তবে কর অঙ্গীকার ।
অবশ্য উদ্ধারি দিব লৌহভাঁটা যার ॥

এত শুনি বৃষ্টিধির ধর্ম্মের নন্দন ।
দ্রোণাচার্য্য-প্রতি তবে বলেন বচন ॥

কূপ হৈতে ভাঁটা পার করিতে উদ্ধার ।
ভোজনের কথা কিবা, সকলি তোমার ॥
কৃপাচার্য্য-সঙ্গেতে ভুঞ্জহ নানা হুথ ।
এত গুণী দ্বিজবর, ভোজনে কি হুথ ॥

দ্রোণ বলিলেন, সবে থাক স্থিররূপে ।
এই ত অঙ্গুরী আমি ফেলি এই কূপে ॥
অঙ্গুরী তুলিব আর উদ্ধারিব ভাঁটা ।
এত বলি আনিলা ঈষিকা একগোটা ॥
মন্ত্র পড়ি দ্রোণাচার্য্য ঈষিকা মারিল ।
মন্ত্রতেজে লৌহভাঁটা সকলি ভেদিল ॥
পুনঃপুনঃ তথিপর মারেন আবার ।
ঈষিকা-ঈষিকা যুড়ি হৈল দীর্ঘাকার ॥
ঈষিকার মূল তবে দ্রোণ ধরি করে ।
আকাশে তুলিল, ভাঁটা উঠিল উপরে ॥
আশ্চর্য্য হইয়া সবে মানিল বিস্ময় ।
তবে ধনুর্বাণ ল'য়ে দ্রোণ-মহাশয় ॥
মন্ত্র পড়ি অঙ্গুরী-উপরে বাণাঘাতে ।
শরসহ অঙ্গুরী উঠিল আসি হাতে ॥

দেখিয়া ছুফর কর্ম সকল কুমার ।
জিজ্ঞাসিল দ্বিজবরে মানি পরিহার ॥
কোথা হৈতে এলে, দ্বিজ, কোথায় নিবাস ।
কি-কারণে আগমন, করহ প্রকাশ ॥
অদ্বুত তোমার কর্ম লোকে অনুপাম ।
কহ, শুনি দ্বিজবর, কিবা তব নাম ॥
আজ্ঞা কর, দ্বিজবর, যেই লয় মন ।
যে আজ্ঞা করিবা, তাহা করিব এখন ॥
এতেক বচন যদি শিশুগণ কৈল ।
শুনিয়া সন্তুষ্ট দ্বিজশ্রেষ্ঠ যে হইল ॥

দ্রোণ বলে, শুন সবে আমার উত্তর ।
মম সমাচার কহ ভীষ্মের গোচর ॥
রূপ-গুণ আমার কহিবা তাঁর স্থান ।
আপনি জানিয়া ভীষ্ম করিবে সন্মান ॥

এত শুনি শীত্রগতি যতেক কুমার ।
পিতামহ-আগে কহে সব সমাচার ॥
বুদ্ধ এক দ্বিজবর শ্যামবর্ণ ধরে ।
তঁাহার যতেক গুণ বিদিত সংসারে ॥
নাম-ধাম করিলাম জিজ্ঞাসা তাঁহারে ।
কহিলেন তোমার গোচরে কহিবারে ॥

এত শুনি গঙ্গাপুত্র চিন্তিত-হৃদয় ।
জানিলেন এতাদৃশ অন্ত কেহ নয় ।
দ্রোণাচার্য্য বিনা ইহা অন্তে নাহি জানে ।
আইলেন দ্রোণ, জানিলাম এ-বিধানে ॥
কুরুবংশ-যোগ্য গুরু মিলে এতদিনে ।
দ্রোণের সন্ধানে ভীষ্ম চলিল আপনে ॥
দ্রোণে দেখি প্রণমিল গঙ্গার নন্দন ।
আশীর্ব্বাদ করি দ্রোণ দেন আলিঙ্গন ॥
ভীষ্ম বলিলেন, কহ আপন-কল্যাণ ।
বড় ভাগ্য কুরুবংশে দ্রোণ-অধিষ্ঠান ॥
এতেক শুনিয়া ভরদ্বাজের নন্দন ।
কহিতে লাগিল সব আত্ম-বিবরণ ॥
তপোবনে থাকি, বহু করি তপঃক্লেশ ।
ফলমূল্যাহারী, ধরি জটাবন্ধবেশ ॥
এইরূপে বহুদিন থাকি তপোবন ।
হেনকালে পিতৃবাক্য হইল শ্রবণ ॥
বংশহেতু কতদিনে পিতৃ-আজ্ঞা পেয়ে ।
গৌতমী কূপের ভয়ী করিলাম বিয়ে ॥

জন্মিল তাহার গর্ভে একটি নন্দন ।
 অশ্বখামা নাম তার দিল দেবগণ ॥
 কতদিনে ক্রীড়াকাল পাইল কুমার ।
 শিশুগণ-সঙ্গে সদা করয়ে বিহার ॥
 আচম্বিতে একদিন আইল ধাইয়া ।
 আমার অগ্রেতে কহে কান্দিয়া-কান্দিয়া ॥
 গাভীদুগ্ধ পান করে সকল বালক ।
 সেইমত দুগ্ধ দেহ আমারে জনক ॥
 অনেক রোদন করি মাগিল নন্দন ।
 দুগ্ধহেতু করিলাম বহু পর্যটন ॥
 গাভীর কারণে ভ্রমিলাম বহুস্থান ।
 দানশীল কেহ না করিল গাভীদান ॥
 নাহি চাহিলাম কোন অধমের স্থান ।
 গাভী না পাইয়া গৃহে করিছু প্রস্থান ॥
 গৃহে আসি দেখিলাম বালকের দল ।
 আনিয়াছে পাত্রে ভরি পিটালির জল ॥
 পিটালির জল সবে দুগ্ধ বলি দিল ।
 আনন্দিত হৈয়া শিশু তাহা পান কৈল ॥
 সকল বালকগণ নৃত্য করে রঙ্গে ।
 অশ্বখামা নাচিতে লাগিল শিশুসঙ্গে ॥
 ইহা দেখি শিশুগণ বলাবলি করে ।
 যার পুত্র পিষ্টোদক^১ পিয়ে হর্ষভরে ॥
 দুগ্ধপান কৈলু বলি নাচিছে সঘনে ।
 ধিক্ ধিক্ শত ধিক্ ধনহীন দ্রোণে ॥
 শিশুগণ উপহাস তাহারে করিল ।
 পুনরপি আসি পুত্র আমারে কহিল ॥
 পুত্রের বচন শুনি চিত্তে হৈল তাপ ।
 গৌতমী শুনিয়া বহু করিল বিলাপ ॥

বহুমতে বিলাপিয়া ভাবে মনে-মন ।
 আপন কর্মের ফল না হয় লজ্জন ॥
 ধিক্ তপ, ধিক্ জন্ম, ধিক্ পরিজন ।
 ধিক্ জপ-ধ্যান মোর ধিক্ এ-জীবন ॥
 ধিক্ ধিক্ আমারে, অধিক্ ধিক্ দ্রোণে ।
 পৃথিবীতে গৃহবাসী ধিক্ ধনহীনে ॥
 এতেক ভাবিয়া পূর্ব^২ হইল স্মরণ ।
 বালককালের সখা পৃথতনন্দন ॥
 অত্যন্ত সৌহৃদ্য ছিল তাহার সহিত ।
 পাঞ্চালে গেলাম ভাবি পূর্বের পিরীত ॥
 সখা বলি সম্ভাষণ করি দ্রুপদেৱে ।
 শুনিয়া অনেক নিন্দা করিল আমারে ॥
 কোথায় দরিদ্র তুমি, আমি নৃপমণি ।
 তব সঙ্গে সখ্য কবে আমি নাহি জানি ॥
 পুনঃপুনঃ বলে কত নিষ্ঠুর-বচন ।
 সেবকে বলিল দেহ একটি ভোজন ॥
 এতেক নিষ্ঠুর-বাক্য শুনিয়া তাহার ।
 ক্রণেক বিলম্ব তথা না করিছু আর ॥
 ভেদিলেক মর্ম মম তাহার বচনে ।
 এ প্রতিজ্ঞা করিলাম তথির কারণে ॥
 আইলাম প্রতিজ্ঞা করিয়া নিজচিত্তে ।
 নিকটে কহিব তাহা তোমার সম্মতে ॥
 সেই-হেতু আইলাম হস্তিনানগর ।
 কি করিব তব শ্রীতে^৩, কহ বীরবর ॥
 ভীষ্ম বলিলেন, ভাগ্য বড়ই আমার ।
 অতএব এথায় করিলা আশুসার ॥
 এই কুরুজাজল^৪ কোরব-অধিকার ।
 রাজ্য অর্থ পরিবার সব আপনার ॥

১। পিটালিগোলা জল । ২। পূর্বকথা । ৩। শ্রীতির জন্য । ৪। গদা-মহাদার অন্তর্ভুক্ত উত্তর-ভাগস্থিত
 বনলক্ষ্মি । দিল্লী ও মীরট-বিভাগ কুরুবংশীয়দের বাসস্থান ছিল ।

পৌত্রগণে সমর্পিয়া দিল হাতে-হাতে ।
 পাণ্ডব-কৌরব পঞ্চোত্তর-শত হুতে ॥
 পৌত্রগণে সমর্পি তোমার বিদ্যমান ।
 কৃপা করি সবাঁকারে দেহ দিব্য-জ্ঞান ॥
 এত বলি ভীষ্ম তবে পূজি বহুতর ।
 রহিবারে দিলা দিব্য-রত্নময় ঘর ॥
 মহাভারতের কথা অমৃত-সমান ।
 কাশীরাম কহে, সদা শুনে পুণ্যবান ॥

৬৮। দ্রোণের নিকট অর্জুনের প্রতিজ্ঞা এবং পাণ্ডব
 ও ধার্মরাষ্ট্রগণের অস্ত্রশিক্ষা

তবে দ্রোণাচার্য্য সব রাজপুত্রে লৈয়া ।
 কহিতে লাগিল তবে একান্তে বসিয়া ॥
 অস্ত্রবিদ্যা সবারে করাব অধ্যয়ন ।
 শিক্ষা করি মম বাক্য করিবা পালন ॥
 আমার যে বাঞ্ছা আছে, শুন সব শিষ্য ।
 সত্য কর তোমরা, তা' করিবা অবশ্য ॥
 দ্রোণের বচন শুনি যত শিষ্যগণ ।
 নিঃশব্দ হইল সবে, না কহে বচন ॥
 অর্জুন বলেন, করি সত্য-অঙ্গীকার ।
 করিব পালন, হয় যে আজ্ঞা তোমার ॥
 অর্জুন-বচনে দ্রোণ হরিষ-অন্তরে ।
 আলিঙ্গিয়া চুম্ব দিল মস্তক-উপরে ॥
 একান্তে বলেন দ্রোণ করি অঙ্গীকার ।
 শিষ্য না করিব কারে সদৃশ তোমার ॥
 তবে দ্রোণাচার্য্য লৈয়া যত শিষ্যগণ ।
 সর্ব্বদা করান নানা-অস্ত্র-অধ্যয়ন ॥
 অস্ত্র-শিক্ষা করে কুরু-পাণ্ডব-কুমার ।
 রাজ্যে-রাজ্যে গেল দ্রোণ-গুরু-সমাচার ॥

যত রাজপুত্রগণ শিক্ষার কারণ ।
 হস্তিনানগরে সবে কৈল আগমন ॥
 বৃষ্ণিবংশ যদুবংশ অঙ্গ-ভোজ-আদি ।
 আর যত রাজগণ সাগর-অবধি ॥
 যত যত রাজপুত্র না যায় গণন ।
 দ্রোণ-স্থানে আসে অস্ত্র-শিক্ষার কারণ ॥
 কর্ণ মহাবীর অধিরথের নন্দন ।
 সদা দুর্যোধানের সে অনুগত জন ॥
 সেহ অস্ত্র দ্রোণ-স্থানে করে অধ্যয়ন ।
 হেনমতে বহুশিষ্য হইল ঘটন ॥
 শিক্ষাহেতু শিষ্যগণ থাকে নিরস্তর ।
 নিজপুত্রে পড়াইতে নাহি অবসর ॥
 সবারে কহেন দ্রোণ কপট করিয়া ।
 গঙ্গাজল আন কমণ্ডলুতে ভরিয়া ॥
 কমণ্ডলু ল'য়ে যত রাজপুত্রগণ ।
 জল আনিবারে সবে করিল গমন ॥
 একান্তে পাইয়া দ্রোণ পুত্রে শিক্ষা দেন ।
 এসব বৃত্তান্ত মাত্র অর্জুন জানেন ॥
 বরুণ-নামেতে অস্ত্র ধনুকে সাধিয়া ।
 কমণ্ডলু দিল লৈয়া জলেতে পুরিয়া ॥
 জল আনিবারে যায় যত শিষ্যগণ ।
 অস্থখামা অর্জুন করেন অধ্যয়ন ॥
 অহর্নিশ পার্শ্বের নাহিক অবসর ।
 নাহি নিদ্রা প্রাপ্তি, সদা হাতে ধনুঃশর ॥
 নিরবধি গুরুপদ করেন সেবন ।
 কৃতাজ্জলি সদা স্তুতি বিনয়-বচন ॥
 পার্শ্বের সৌজন্ম দেখি দ্রোণ বড় প্রীত ।
 বহুবিদ্যা অর্জুনে দিলেন অপ্রমিত ॥
 তবে একদিন তথা গুরু-দ্রোণ স্থানে ।
 আইল নিবাদ এক শিক্ষার কারণে ॥

হিরণ্যধনুর পুত্র একলব্য নাম ।

দ্রোণের চরণে আসি করিল প্রণাম ॥

যোড়হাত করি বলে বিনয়-বচন ।

শিক্ষা-হেতু আইলাম তোমার সদন ॥

দ্রোণ বলিলেন, তুমি হও নীচজাতি ।

তোমা শিক্ষা করাইলে হইবে অখ্যাতি ॥

অনেক বিনয়ে বলে নিষাদ-নন্দন ।

তথাপি তাহারে না করান অধ্যয়ন ॥

দ্রোণাচার্য্য-মুখে যবে নিষ্ঠুর শুনিল ।

দগুৎ করিয়া অরণ্যে প্রবেশিল ॥

নিষাদের বেশ ত্যজি হৈল ব্রহ্মচারী ।

জটা-বন্ধ-পরিধান, ফলমুলাহারী ॥

মুত্তিকার দ্রোণ এক করিয়া রচন ।

নানাপুষ্প দিয়া তাঁরে করয়ে পূজন ॥

নিরন্তর একলব্য হাতে ধনুঃশর ।

সর্বমস্ত্র-অস্ত্র জ্ঞাত হৈল ধনুর্ধর ॥

তবে কতদিন পরে কৌরবনন্দন ।

সেই বনে গেল সবে যুগয়া-কারণ ॥

কেহ রথে, কেহ গজে, কেহ তুরঙ্গমে ।

সঙ্গেতে চলিল পরিবার ক্রমে-ক্রমে ॥

যুগয়ানিপুণ গুণী লইয়া সংহতি ।

মহাবনে প্রবেশ করিল শীঘ্রগতি ॥

যুগয়া করিছে যত রাজার কোঙর ।

হেনকালে পাণ্ডবের এক অনুচর ॥

করিয়া কুকুর সঙ্গে যায় পাছে পাছে ।

উতরিল যথায় নিষাদপুত্র আছে ॥

মুত্তিকা-পুতলি-আগে করি যোড়কর ।

বসিয়াছে ব্রহ্মচারী হাতে ধনুঃশর ॥

শব্দ করে কুকুর দেখিয়া ব্রহ্মচারী ।

চারিভিতে ভ্রমে তারে প্রদক্ষিণ করি ॥

কুকুরের শব্দে তার ভঙ্গ হৈল ধ্যান ।

ক্রোধে কুকুরের মুখে মারে সপ্ত বাণ ॥

না মরিল কুকুর, না হৈল মুখে ঘা ।

অলক্ষিতে কুকুরের রুধিলেক রা' ॥

কুকুর নিঃশব্দে ধায় মুখে সপ্তশর ।

কতকণে গেল সবে কুমার-গোচর ॥

কুকুরের মুখে শর আশ্চর্য্য দেখিয়া ।

জিজ্ঞাসিল অনুচরে বিস্মিত হইয়া ॥

এ-হেন অদ্বুত কৰ্ম্ম কভু নাহি শুনি ।

বহুবিদ্যা জানি, হেন বিদ্যা নাহি জানি ॥

লজ্জায় মলিন হৈল যত ভ্রাতৃগণ ।

চল যাই, দেখিব, বিচ্ছিন্ন কোন্ জন ॥

অনুচর লৈয়া গেল যথা ব্রহ্মচারী ।

দেখিল, বসিয়া আছে ধনুঃশর ধরি ॥

জিজ্ঞাসিল, কহ তুমি কোন্ মুহাজন ।

কার স্থানে এ-বিদ্যা করিল অধ্যয়ন ॥

ব্রহ্মচারী বলে, মম একলব্য নাম ।

গুরু-দ্রোণ-স্থানে অস্ত্রবিদ্যা শিখিলাম ॥

শুনিয়া বিস্ময় মানে যতেক কুমার ।

অর্জুন শুনিয়া চিন্তা করেন অপার ॥

যুগয়া সংবরি তবে যত ভ্রাতৃগণ ।

দ্রোণস্থানে করিলেন সব নিবেদন ॥

বিনয়ে কহেন পার্থ বিরস-বদন ।

আমারে বঞ্চনা কেন কৈলা ভগবন্ ॥

পূর্ব্বতে আমার কাছে কৈলা অঙ্গীকার ।

তব সম প্রিয়শিষ্য নাহিক আমার ॥

তোমার সদৃশ বিদ্যা না দিব কাহারে ।
এখন ছলনা প্রভু করিলা আমারে ॥
পৃথিবীতে যেই বিদ্যা অগোচর নরে ।
হেন বিদ্যা শিখাইলে নিষাদকুমারে ॥

অৰ্জুনের বাক্যে দ্রোণ মানিল বিন্ময় ।

কর্ণকের জন্ম হন চিস্তিত-হৃদয় ॥
অৰ্জুনেরে বলেন, সে আছে কোন্ স্থানে ।
শীঘ্রগতি চল, তথা যাব দুইজনে ॥

দ্রোণ ধনঞ্জয় দৌড়ে করিলা গমন ।
দ্রোণে দেখি আস্তে-বাস্তে নিষাদনন্দন ॥
দূরে থাকি ভূমে লুটি প্রণাম করিল ।
কৃতাজ্ঞলি হইয়া অগ্রেতে দাণ্ডাইল ॥
নিষাদ-নন্দন বলে মধুর-বচনে ।
আজ্ঞা কর, গুরু, হেথা কোন্ প্রয়োজনে ॥
দ্রোণ বলিলেন, যদি তুমি শিষ্য হও ।
তবে গুরুদক্ষিণা আমারে আজি দেও ॥
একলব্য বলে, প্রভু, মম ভাগ্যবশে ।
রূপা করি আপনি আইলা এই দেশে ॥
এ-দ্রব্য সে-দ্রব্য নাহি করহ বিচার ।
সকল দ্রব্যোতে হয় গুরু-অধিকার ॥
যে-কিছু মাগিবা, প্রভু, সকলি তোমার ।
আজ্ঞা কর, গুরু, করিলাম অঙ্গীকার ॥

দ্রোণ বলিলেন, যদি আমারে ভূষিবে ।
দক্ষিণ-হস্তের বৃদ্ধ অঙ্গুলিটি দিবে ॥
গুরু-আজ্ঞা-পালনে সে বিলম্ব না কৈল ।
ততক্ষণে কাটিয়া অঙ্গুলি তাঁরে দিল ॥
ভুট্ট হইলেন দ্রোণ আর ধনঞ্জয় ।
মনে জানিলেন, গুরু আমারে সদয় ॥

তাহার কঠোর কৰ্ম দেখি দুইজন ।
প্রশংসা করিয়া দেশে করিল গমন ॥
মহাভারতের কথা অমৃত-লহরী ।
কাশী কহে, শুনিলে তরয়ে ভববারি ॥

৬৯। দ্রোণ-কৰ্ত্তক পাণ্ডব ও ধার্মরাত্ত্রীগণের
অস্ত্রশিক্ষা পরীক্ষা ।

তবে কতদিনে দ্রোণ বিদ্যা পরীক্ষিতে ।
কাঠেতে নিশ্চিয়া পক্ষী রাখেন বৃক্ষেতে ॥
একে-একে ডাকিলেন যত শিষ্যগণে ।
আইলেন যুধিষ্ঠির আগে সেইক্ষণে ॥
ধনুঃশর দিয়া দ্রোণ যুধিষ্ঠির-করে ।
ভাস-পক্ষী দেখাইয়া কহেন তাঁহারে ॥
ঐ দেখ ভাস-পক্ষী বৃক্ষের উপর ।
উহারে করিয়া লক্ষ্য ধর ধনুঃশর ॥
যেইক্ষণে মোর আজ্ঞা হইবে বাহির ।
সেইক্ষণে কাটিবা উহার তুমি শির ॥
এত শুনি ধনুঃশর যুড়ি যুধিষ্ঠির ।
ভাস-পক্ষি-পানে দৃষ্টি করিলেন স্থির ॥
ডাকিয়া বলেন দ্রোণ কুস্তীর কুমারে ।
কোন-কোন জনে তুমি পাও দেখিবারে ॥
ধর্ম বলিলেন, ভাস দেখি বৃক্ষোপরে ।
ভূমিতে তোমারে দেখি আর সহোদরে ॥
এত শুনি দ্রোণ তাঁরে অনেক নিশ্চিয়া ।
ছাড় ছাড় বলি ধনু নিলেন কাড়িয়া ॥
দুর্যোধন-শতভাই বীর বৃকোদর ।
একে-একে সবারে দিলেন ধনুঃশর ॥

যেইরূপ কহিলেন ধর্ম্মের নন্দন ।
 সেইমত কহিল যতেক ভ্রাতৃগণ ॥
 সবাকারে বহু নিন্দা করি দ্রোণবীর ।
 ধনু লৈয়া ঠেলা মারি করেন বাহির ॥
 ধনুঃশর দেন গুরু অর্জুনের হাতে ।
 বক্ষে ভাস দেখাইয়া কহেন অগ্রেতে ॥
 নির্গত হইবামাত্র মম মুখে বাণী ।
 নিঃশব্দে কাটিবা মুণ্ড ধনুঃশর হানি ॥
 গুরুবাক্যে তখনি টানিয়া ধনুগুণ ।
 পক্ষিপ্রতি দৃষ্টি করি রহেন অর্জুন ॥
 কতক্ষণ থাকি দ্রোণ বলেন অর্জুনে ।
 কোন্-কোন্ জনে তুমি দেখহ নয়নে ॥
 অর্জুন বলেন, আমি অন্তে নাহি দেখি ।
 বক্ষ্মধ্যে সবে দেখিবারে পাই পাখী ॥
 হৃষ্ট হৈয়া দ্রোণ পুনঃ বলেন বচন ।
 বিরূপ ভাসের অঙ্গ কর নিরীক্ষণ ॥
 অর্জুন বলেন, আর ভাসে নাহি দেখি ।
 কেবল দেখি যে মুণ্ডসহ দুই আঁখি ॥
 দ্রোণ বলিলেন, অস্ত্রে কাট পক্ষিশির ।
 না ক্ষুরিতে বাক্যমাত্র কাটে পার্থবীর ॥
 দ্রোণাচার্য্য নিরখিয়া হরষিত-মন ।
 আলিঙ্গিয়া পুনঃপুনঃ করেন চুম্বন ॥
 প্রশংসা করেন দ্রোণ অর্জুনে অপার ।
 দেখি চমৎকৃত হৈল সকল কুমার ॥

তবে একদিন দ্রোণ যান গঙ্গাস্নানে ।
 সঙ্গে করি লইলেন নিজ-শিষ্যগণে ॥
 জলে নামিলেন গুরু, তটে শিষ্যগণ ।
 কুন্তীরে ধরিল তাঁরে বিকট-দর্শন ॥

শক্তিসত্ত্বে মুক্ত নাহি হইয়া আপনে ।
 ডাক দিয়া বলিলেন যত শিষ্যগণে ॥
 আমারে কুন্তীর ধরি লৈয়া যায় জলে ।
 এই ডুবাইল মোরে, বাঁচাও সকলে ॥
 দ্রোণের বচনে সবে চমৎকৃত হৈল ।
 আন্তে-ব্যস্তে যে যাহার অস্ত্র লৈয়া গেল ॥
 দ্রোণের মুখেতে তবে নাহি সরে বাণী ।
 অলক্ষিতে পঞ্চবাণ মারিল ফাল্গুনি ॥
 খণ্ড খণ্ড হইল কুন্তীর-কলেবর ।
 মরিল কুন্তীর, ভাসে জলের উপর ॥
 জল হৈতে উঠি দ্রোণ ধরিয়া অর্জুনে ।
 বার বার তুমিল চুম্বন-আলিঙ্গনে ॥
 তুমিয়া দিলেন অস্ত্র নাম ব্রহ্মশির ।
 অস্ত্র দিয়া বলিলেন দ্রোণ মহাবীর ॥
 এই অস্ত্র প্রহারিবে দেবতা-রাক্ষসে ।
 কদাচিত্ অস্ত্র নাহি ছাড়িবে মানুষে ॥
 দেখিয়া গুরুর এত অর্জুনে সন্মান ।
 ক্রোধে দুর্ব্যোধন হৈল অনল-সন্মান ॥
 হেনমতে দ্রোণাচার্য্য যত শিষ্যগণে ।
 নানা-বিদ্যা শিখাইলা পরম যতনে ॥
 রথ-আরোহণে দৃঢ় হন যুধিষ্ঠির ।
 গদায় নিপুণ দুর্ব্যোধন-ভীমবীর ॥
 তুরঙ্গে নকুল হৈল, সহদেব কুন্ত্য ॥
 হেনমতে হইলেন সবে বিদ্যাবন্ত ॥
 ইন্দ্রের নন্দন হইল ইন্দ্রের সমান ।
 সকল বিদ্যায় তার হইল বাঞ্ছন্য ॥
 রথ গজ অশ্ব ভূমি সর্বত্র অভয়াস ।
 ধনু খড়্গ গদা আদি সকলি প্রকাশ ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান ॥

৭০। ধৃতরাষ্ট্রের সম্মুখে দ্রোণ-কর্তৃক
রাজপুত্রগণের অস্ত্রশিক্ষার পরীক্ষা ।

সর্বশিষ্যগণ যবে হইল প্রথর ।

দ্রোণ চলিলেন যথা অঙ্ক-নৃপবর ॥

ভীষ্ম কৃপাচার্য্য আদি যত ক্ৰতুগণ ।

সভাতে কহেন ভরষাজের নন্দন ॥

বিদ্যায় পারগ হৈল সকল কুমার ।

সাক্ষাতে পরীক্ষা কর বিদ্যা সবা কার ॥

এত শুনি ধৃতরাষ্ট্র আনন্দিত-মন ।

বিদুরে ডাকিয়া আজ্ঞা করেন তখন ॥

রত্নভূমি-সজ্জাদি করহ শীঘ্রগতি ।

যেইরূপ আচার্য্য করেন অনুমতি ॥

রাজ-আজ্ঞা পাইয়া বিদুর ততক্ষণে ।

আদেশ করেন যত অনুচরগণে ॥

চৌদিকে সোমরঃ এক স্রপ্রশস্ত স্থান ।

রত্নভূমি তার মাঝে করিল নিৰ্ম্মাণ ॥

চতুর্দিকে নিৰ্ম্মাইল উচ্চ গৃহগণ ।

নানারত্নে গৃহসব করিল মণ্ডন ॥

রাজগণ-বসিবারে তথির উপর ।

বিচিত্র পালঙ্ক-শয্যা থুইল বিস্তর ॥

রাজনারীগণ-হেতু কৈল ভিন্ন স্থল ।

সর্বজন-হেতু মঞ্চ নির্ম্মে স্নকোমল ॥

হেনমতে রত্নভূমি করিয়া নিৰ্ম্মাণ ।

জানাইল বিদুর সে ধৃতরাষ্ট্র-স্থান ॥

শুভদিন করিয়া চলিল সর্বজন ।

কৃপাচার্য্য ধৃতরাষ্ট্র গঙ্গার নন্দন ॥

বাহ্লীক চলিল সহপুত্র সৌমদত্ত ।

আর যত রাজগণ এল শত-শত ॥

গান্ধারী জ্বলন্ত কুন্তী-আদি করি ।

আইল সকল যত অস্তঃপুর-নারী ॥

রথ-গজ-অশ্ব-পৃষ্ঠে মঞ্চের উপরে ।

লক্ষপুত্র করিয়া বসিল দেখিবারে ॥

নানাবাণ্ড বাজে, শব্দে কর্ণে লাগে তালি ।

প্রলয়কালেতে যেন সিংহুর কল্লোলি ॥

হেনকালে আইলা আচার্য্য-মহাশয় ।

তারামধ্যে হৈল যেন চন্দ্রের উদয় ॥

শুক্রবাস শুক্রকেশ শুক্রপুষ্পমালে ।

সর্বাস্ত্রে লেপিত শুক্রমলয়জং ভালে ॥

পুত্রসহ গুরু দাণ্ডাইয়া সভামাঝে ।

আজ্ঞা কৈল আসিবারে পাণ্ডব-অগ্রজে ॥

সভাতে প্রবেশ করিলেন যুধিষ্ঠির ।

বিকচ-পঙ্কজঃ-মুখ, নিশ্মল-শরীর ॥

টঙ্কারিয়া ধনুগুণ সজ্জি দিব্য শর ।

মহাশব্দে প্রহারিল লোকে ভয়ঙ্কর ॥

এক অস্ত্রে বহু অস্ত্র করেন সৃজন ।

বায়ব্য-অনল-আদি বহু অস্ত্রগণ ॥

ধন্য ধন্য করি সবে করিল বাধান ।

সবে বলে, কেহ নাহি ইহার সমান ॥

নিবর্তিয়া যুধিষ্ঠিরে দ্রোণ তপোধান ।

আজ্ঞা করিলেন এস ভীম-দুর্য্যোধন ॥

গদাহাতে এল তবে দুই মহাবীর ।

মল্লবেশে রত্নমাটি-ভূষিতঃ-শরীর ॥

মাথায় মুকুট, পরিধান বীরধড়া^১ ।
 দুইভিতে দৌহে যেন পর্বতের চূড়া ॥
 গদা হাতে করি ভ্রমে করিয়া মণ্ডলী^২ ।
 দৌহার হুকার-শব্দে কর্ণে লাগে তালি ॥
 দুই মল্ল-গজ^৩ যেন শুণ্ডে জড়াজড়ি ।
 চরণে-চরণে যুগে-যুগে তাড়াতাড়ি^৪ ॥
 দৌহার দেখিয়া কর্ম লোকে ভয়ঙ্কর ।
 অন্তে-অন্তে কথা হয় সভার ভিতর ॥
 কেহ বলে, মহাবলী বীর বৃকোদর ।
 কেহ বলে, ভীম হৈতে বলী কুরুবর ॥
 হেনমতে দুই পক্ষ হইল সভায় ।
 উঠিল প্রলয়-শব্দ^৫ কথায়-কথায় ॥
 ধৃতরাষ্ট্র গান্ধারী পাণ্ডবগণ-মাতা ।
 তিনজনে বিদুর সে কহে সব কথা ॥
 বুঝিয়া লোকের মর্ম্ম^৬ দ্রোণ-মহাশয় ।
 আজ্ঞা করিলেন, দৌহে নিবৃত্ত যে হয় ॥
 মধ্যে গিয়া দাঁড়াইল গুরুর নন্দন ।
 নিবৃত্ত হইল দৌহে ভীম-দুর্য্যোধন ॥

তবে আজ্ঞা কৈলা গুরু অর্জুনে আসিতে ।
 আইলেন ধনঞ্জয় ধনুঃশর-হাতে ॥
 নবজলধরপ্রায় অঙ্গের বরণ ।
 পূর্ণশশধর-মুখ রাজীবলোচন ॥
 দেখিয়া মোহিত হৈল যত সভাজন ।
 কেহ বলে, আইলেন কুন্তীর নন্দন ॥
 কেহ বলে, পাণ্ডুপুত্র পাণ্ডব-মধ্যম ।
 কেহ বলে, কুরুশ্রেষ্ঠ রিপুগণ-ঘম ॥

বীর ধর্ম্মশীল সাধু সর্বলোকে বলে ।
 এঁর সম বীর্য্যবান্ নাহি ভূমণ্ডলে ॥
 এইমত কথা বলে সকলে সভাতে ।
 ধন্য ধন্য বলি শব্দ হৈল আচম্বিতে ॥
 শব্দ শুনি ধৃতরাষ্ট্র বিদুরে পুছিল ।
 কি-হেতু এমন শব্দ সভাতে উঠিল ॥
 বিদুর বলেন, রাজা, আইল অর্জুন ।
 সভাসদ সকলে প্রশংসে তার গুণ ॥
 শুনি ধৃতরাষ্ট্র প্রশংসিলেন অপার ।
 কুরুবংশে ভাগ্য মম এমত কুমার ॥
 ধন্য কুন্তী, হেন পুত্র গর্ভেতে ধরিল ।
 যাহার মহিমা যশ সভাতে পুরিল ॥
 শুনি কুন্তীদেবী হৈল আনন্দিত-মন ।
 স্তনয়ুগে অবৈ^৭ দুহ্ম সজল-নয়ন ॥
 তবে পার্থ মহাবীর সভামধ্যে গিয়া ।
 চমকিত কৈল সভা ধনু টঙ্কারিয়া ॥
 মারিল অনল-অস্ত্র, জ্বলিল অনল ।
 অগ্নি পরশিল গিয়া গগনমণ্ডল ॥
 দেখিয়া সকল লোক মানিল বিস্ময় ।
 চতুর্দিকে দেখে সব হৈল অগ্নিময় ॥
 যুড়িয়া বরুণবাণ কুন্তীর কুমার ।
 নিবস্তিল অগ্নিবৃষ্টি বর্ষি জলধার ॥
 বায়ু-অস্ত্রে নিবারিল জল-বরিষণ ।
 আকাশ-অস্ত্রেতে বায়ু করেন বারণ ॥
 সাধিয়া পর্বত-অস্ত্রে সৃজে গিরিবর ।
 পর্বত করেন চূর্ণ মারি বজ্রশর ॥

১। বারের পরিধের বস্ত্র। ২। চক্র, যুদ্ধের পূর্বে আশালন করিতে-করিতে চক্রাকারে ভ্রমণ। ৩। রণহতী, ঐরাবত হাতী। ৪। ঠোকাঠুকি প্রহার করা এইরূপ অর্থে। ৫। ভীষণ চীৎকার-শব্দ (যেমন,— প্রলয় পবন, প্রলয় ঘেব)। ৬। যনের কথা, মর্ম্ম বুঝিয়া—(লোকে দুই পক্ষ অবলম্বন করিয়া উত্তেজিত হইয়াছে, তাহাদের) মনোগত উত্তেজনার পরিচয় পাইয়া। ৭। কথিত হয়।

ভূমি-অস্ত্রে নির্মাণ করেন ভূমণ্ডল ।
 সিদ্ধু-অস্ত্রে জলপূর্ণ করেন সকল ॥
 অন্তর্দান-অস্ত্র মারি হইলেন লুকি ।
 কোথায় আছেন পার্থ, কেহ নাহি দেখি ॥
 কভু রথে ধনঞ্জয়, কভু ভূমি-পরে ।
 বাদিমার বাজি যেন ফেরেন সত্বরে ॥
 হেনমতে নানাবিছা অর্জুন প্রকাশে ।
 ধন্য ধন্য বলি সর্ব সভাসদে ভাষে ॥
 নিবর্ত্তি সর্ব বিছা ইন্দ্রের নন্দন ।
 বাহুস্ফোটে করিলেন বজ্রের নিঃস্বন ॥
 সেই শব্দে সবার কর্ণেতে লাগে তালি ।
 গুরু-আগে রহিলেন করি কৃতাজলি ॥
 মহাভারতের কথা অমৃত-অর্ণবে ।
 কাশীরাম কহে, শুনি তরি যায় ভবে ॥

৭১। অর্জুনের ধনুর্ধ্বজ-শিক্ষা দর্শন করিয়া
 রজস্থলে কর্ণের প্রবেশ ।

অর্জুনের বিছা যদি হৈল সমাধান ।
 রজভূমি-মধ্যে কর্ণ হৈল আগুয়ান ॥
 শাতকুন্তঃ জিনি তাঁর অঙ্গুর বরণ ।
 অ্রবণ পরশে দিব্য পঙ্কজ-নয়ন ॥
 অ্রবণে কুণ্ডলযুগ দীপ্ত-দিবাকর ।
 অভেদ্য কবচে আবরিত কলেবর ॥
 দুইদিকে দুই তৃণ, বামে ধরে ধনু ।
 আজানুলম্বিত ভুজ মুগঠিত তনু ॥
 অবজিয়া বলে কর্ণ লক্ষি সর্বজনৈ ।
 বালকের ক্রিয়া-প্রায় ইহা ভাবি মনে ॥

কর্ণের বচন শুনি লোকে চমৎকার ।
 কেহ বলে, হবে এই দেবের কুমার ॥
 কেহ বলে, এই বীর পরম-সুন্দর ।
 অঙ্গুর-প্রধান কিংবা দেব-পুত্রন্দর ॥
 গন্ধর্ব্ব কিম্বদ কিংবা না জানি নিশ্চয় ।
 আচম্বিতে কোথা হৈতে আইলা দুর্জয় ॥
 দেখিবার তরে লোক করে হুড়াহুড়ি ।
 ঠেলাঠেলি একের উপরে আর পড়ি ॥
 কেহ বলে, এই বীর হবে বৈশ্বানর ।
 আচম্বিতে সমুদিত যেন দিবাকর ॥

তবে কর্ণ মহাবীর সূর্য্যের নন্দন ।
 অর্জুনে চাহিয়া বলে করিয়া গর্জন ॥
 যতেক করিলা ভূমি সভার ভিতর ।
 তাহা হৈতে বিদ্যা আমি জানি বহুতর ॥
 দেখিয়া আমার বিছা মানিবে বিস্ময় ।
 অসংখ্য আমার বিদ্যা সংখ্যা নাহি হয় ॥
 এত শুনি সর্বলোক বিষণ্ণ-বদন ।
 দুর্য্যোধন শুনি হৈল আনন্দিত-মন ॥
 বিরস-বদন হৈল বীর ধনঞ্জয় ।
 এত শুনি আজ্ঞা দেন দ্রোণ-মহাশয় ॥
 কোন্ বিছা জানহ, সভার আগে কহ ।
 শুনি, কর্ণ মহাবীর, ঘুচাও সন্দেহ ॥
 প্রকাশিল নানা-অস্ত্র লোক-অগোচর ।
 করিয়াছিলেন যত পার্থ ধনুর্ধ্বর ॥
 দেখিয়া সবার মনে বিস্ময় জন্মিল ।
 দুর্য্যোধন নিরখিয়া প্রফুল্ল হইল ॥
 ভ্রাতৃগণমধ্যে বসি ছিল দুর্য্যোধন ।
 অতিশীঘ্র উঠিয়া করিল আলিঙ্গন ॥

১। বেদের খেলা, ঐন্দ্রজালিকের ইন্দ্রজাল । ২। বাহুর আঁকোটে অর্থাৎ আঁখাত-শব্দে; যন্ত্রগণ আঁকালম-কালে
 যে বাহুর উপর চপেটাখাত করে সেই শব্দে; তালটোকার শব্দে । ৩। বজ্রধ্বনি । ৪। শাতকুন্ত—সুবর্ণ ।

ধন্য ধন্য বীর ভূমি, ছিলা কোন্ দেশে ।
 এখায় আইলা ভূমি মম ভাগ্যবশে ॥
 ক্রিতিমধ্যে যত ভোগ আছয়ে আমার ।
 আজি হৈতে সে সকলে তব অধিকার ॥
 কর্ণ বলে, সত্য আমি করি অঙ্গীকার ।
 আজি হৈতে দাস আমি হইবু তোমার ॥
 কেবল আছয়ে এই এক নিবেদন ।
 অৰ্জ্জুনের সঙ্গে ইচ্ছা করিবারে রণ ॥
 এতেক বলিল যদি কর্ণ মহাবীর ।
 ক্রোধে ধনঞ্জয় অতি-কম্পিত-শরীর ॥
 অৰ্জ্জুন বলিল, তোরে কে ডাকিল এথা ।
 কে বলে কহিতে তোরে সভা-মাঝে কথা ॥
 অনাহুত আসি হৃদয় করিস্ সভায় ।
 ইহার উচিত ফল পাবি রে স্বরায় ॥
 নাহি জিজ্ঞাসিতে যেবা বলয়ে বচনে ।
 আপনি আসিয়া খায় বিনা নিমন্ত্রণে ॥
 ঘোর নরকেতে গতি পায় সেইজন ।
 সেই গতি মম স্থানে পাইবি এখন ॥
 কর্ণ বলে, ধনঞ্জয়, কর্ণ পরিহর ।
 সভার সম্মুখে আসি ভূমি অস্ত্র ধর ॥
 বীর্য্যেতে অধিক যেবা, তারে বলি রাজা ।
 ধর্ম্মবন্ত লোক বীর্য্যবন্তে করে পূজা ॥
 হীনলোকপ্রায় কেন দেহ গালাগালি ।
 অস্ত্রে-অস্ত্রে হৃদয় কর, তবে জানি বলী ॥
 মম সঙ্গে রণে জিন, তবে জানি বীর ।
 দ্রোণগুরু-অগ্র্যেতে কাটিব তব শির ॥
 এতেক শুনিয়া দ্রোণ ঘৃণিত-নয়ন ।
 আশ্রয় দেন অৰ্জ্জুনেরে কর গিয়া রণ ॥
 এত শুনি অসজ্জ হইয়া ধনঞ্জয় ।
 ধনুগুণ টঙ্কারিয়া করেন প্রলয় ॥

সপক্ষ হইল পৃষ্ঠে চারি সহোদর ।
 কৃপাচার্য্য দ্রোণাচার্য্য ভীষ্ম বীরবর ॥
 আগু হৈল কর্ণবীর হাতে ধনুঃশর ।
 সপক্ষ হইল কুরু-শত-সহোদর ॥
 আর যত মহারথী যোদ্ধা লক্ষ-লক্ষ ।
 কেহ পাণ্ডবের পক্ষ, কেহ কুরুপক্ষ ॥
 পুঞ্জস্নেহে গগনে আসেন পুরন্দর ।
 অৰ্জ্জুনে করিল ছায়া যত জলধর ॥
 কর্ণভিতে কম তাপ করেন তপন ।
 অসজ্জ হইল সবে করিবারে রণ ॥
 সকুল বীর কর্ণে দেখি বিগমানে ।
 কুন্তীদেবী চিনিলেন আপন-নন্দনে ॥
 পুঞ্জ-পুঞ্জে বিবাদ দেখিয়া কুন্তীদেবী ।
 ঘন-ঘন মুর্ছা যান মনে তাপ ভাবি ॥
 হেনকালে কৃপাচার্য্য বলেন ডাকিয়া ।
 সর্বলোক শুনে, কহে কর্ণেরে চাহিয়া ॥
 এই পার্শ্ববীর হয় পৃথার নন্দন ।
 কুরু-মহাবংশে জন্ম বিখ্যাত ভুবন ॥
 তোমার সহিত আজি করিবেক রণ ।
 ভূমি কহ, কোন্ বংশ, কাহার নন্দন ॥
 জ্ঞাত হৈলে দৌহাকার করাইব রণ ।
 সমবংশ হৈলে যুদ্ধ হয় অশোভন ॥
 নাহি অপমান তাহে জয়-পরাজয়ে ।
 ইতরের সহ রাজপুত্র না যুঝয়ে ॥
 কেবা তব মাতাপিতা, কহ বীরবর ।
 বল, শুনি কোন্ রাজ্যে ভূমি অধীশ্বর ॥
 শুনিয়া কৃপের কর্ণ এতেক বচন ।
 হেঁটমুণ্ড হৈল বীর বিরস-বদন ॥
 না দিল উত্তর কিছু কর্ণ মহাবল ।
 রুষ্ট হৈলে ছিন্ন যেন কমলের দল ॥

ক্রুপেরে চাহিয়া বলে রাজা দুর্ঘ্যোধন ।
 বিবিধ বিধানে রাজা, শাস্ত্রের বচন ॥
 সহজ বংশজ^১, আর লোকে যারে পূজে ।
 সবাই হৈতে যেই জন বীর্যবন্ত তেজে ॥
 যেইজন জানে সৈন্যচালনা-সম্মান ।
 তার সনে রণ সাজে, আছে এ-বিধান ॥
 রাজা হইলে পার্থ যদি করিবেক রণ ।
 আজি আমি কর্ণে রাজা করিব এখন ॥
 অঙ্গদেশে^২ কর্ণ আজি হবে দণ্ডধর ।
 এত বলি আজ্ঞা দিল ডাকি অনুচর ॥
 অভিষেক-দ্রব্য আনাইল ততক্ষণে ।
 বসাইল কর্ণ-বীরে কনক-আসনে ॥
 শিরেতে ধরিল ছত্র রতনে মণ্ডিত ।
 রাজগণ চামর তুলায় চারিভিত ॥
 কনক-অঞ্জলি^৩ সব ফেলিল নিছিয়া^৪ ।
 ভীষ্ম-দ্রোণ রহিলেন বিস্মিত হইয়া ॥
 তবে কর্ণ মহাবীর প্রসন্ন-বদন ।
 দুর্ঘ্যোধন-প্রতি বলে হৈয়া হৃষ্টমন ॥
 অঙ্গদেশে দিলে মোরে তুমি রাজা করি ।
 যে আজ্ঞা করিবে, তাহা প্রাণপণে করি ॥
 দুর্ঘ্যোধন বলে, অন্যে নাহি প্রয়োজন ।
 হইব তোমার সখা, এই মম মন ॥
 অচল সৌহৃদ্য ইচ্ছি তোমার সহিতে ।
 এই মম বাঞ্ছা, আজ্ঞা কর তুমি, মিতে ॥
 কর্ণ বলে, সখা, মম হৃদয় বচন ।
 পরম-স্নেহেতে দৌড়ে করে আলিঙ্গন ॥

হেনকালে অধিরথ জাতিতে সারথি ।
 লোকমুখে শুনে, পুত্র হৈল নরপতি ॥
 বয়সে অত্যন্ত বৃদ্ধ চলে যষ্টিভরে ।
 উঠিতে-পড়িতে বুড়া যায় দেখিবারে ॥
 বৃদ্ধ দেখি সব লোক ছাড়ি দিল পথ ।
 সভামধ্যে প্রবেশ করিল অধিরথ ॥
 অধিরথে দেখি কর্ণ আস্তে-ব্যস্তে উঠি ।
 প্রণাম করিল শির ভূমিতলে লুটি ॥
 কর্ণ প্রণামিল অধিরথের চরণে ।
 দেখিয়া বিস্ময় মানিলেন সভাজনে ॥

পাণ্ডব জানিল কর্ণ সূতের^৫ নন্দন ।
 উপহাস করি ভীম বলিল বচন ॥
 অর্জুন-সহিতে রণে তুই শক্তিমন্ত ।
 এখন সে জানিলাম তোর আদি-অন্ত ॥
 ওরে কর্ণ, তুই অধিরথের নন্দন ।
 এতক্ষণ না জানি এ-সব বিবরণ ॥
 সভাতে সম্মুখে কার্য কর জাতিমত ।
 হাতেতে প্রবোধ-বাড়ি^৬ চালা গিয়া রথ ॥
 আরে নরোধম তোর কিমত যোগ্যতা ।
 অঙ্গদেশে রাজা হ'স, এ অদ্ভুত কথা ॥
 যজ্ঞের নিকটে যদি শুনী^৭ কড়ু যায় ।
 সেই যজ্ঞভাগ হবি কুকুরী কি পায় ॥
 ভীমবাক্য শুনি কাঁপে কর্ণের অধর ।
 নিঃশ্বাস ছাড়িয়া কর্ণ চাহে দিনকর ॥
 এত শুনি মহাক্রুদ্ধ হৈল দুর্ঘ্যোধনে ।
 অগ্রে গিয়া বলে দস্তে মেঘের গর্জনে ॥

১। স্বভাবতঃ উচ্চবংশজাত। ২। মহারাজ বলির এক পুত্রের নাম ছিল অঙ্গ। তাঁহার নামানুসারে অঙ্গরাজ্য স্থাপিত হয়। ৩। মালিক দান। ৪। উপহার দিল। ৫। সারথি। ৬। প্রবোধ—চাঞ্চ। ৭। কুকুরী।

সখা করিলাম কর্ণে সভার ভিতর ।
 এ-কথা কহিতে যোগ্য নহ বৃকোদর ॥
 শ্রেষ্ঠ বলি ক্ষত্রমধ্যে, বলিষ্ঠ যে-জন ।
 শুবক্ত-নদীর অন্ত পায় কোন্ জন ॥
 জল হৈতে শীতল যে না শুনি শ্রবণে ।
 তাহাতে জন্মিয়া অগ্নি দহে ত্রিভুবনে ॥
 দ্বীচিব হাড়েতে বজ্রের হৈল জন্ম ।
 দৈত্যে ও দানবে দলো করে শূরকর্ম ॥
 কান্তিকেয়-জন্ম কেহ দৃঢ় নাহি জানে ।
 কেহ বলে শিব হৈতে, কেহ বা আগুনে ॥
 গঙ্গার নন্দন কেহ, বলে কৃত্তিকার ॥
 জন্মের নিয়মে নহে পূজ্য সবাংকার ॥
 বিপ্র হৈতে ক্ষত্র-জন্ম সর্বকাল জানি ।
 ক্ষত্র হৈয়া বিপ্র হৈল বিশ্বামিত্র-মুনি ॥
 কলসে জন্মিল দ্রোণ, রূপ শরবনে ।
 বশিষ্ঠ বৈষ্ণার পুত্র কেবা নাহি জানে ॥
 তোমা সবাংকার জন্ম জানি ভালমতে ।
 তুমি নিন্দা কর মিত্রে আমার অগ্রেতে ॥
 কর্ণেরে কিরূপ বলি লয় তোর মনে ।
 ক্ষিত্রিমধ্যে আছে কেহ এমত লক্ষণে ॥
 সকুল-কবচ যাহার কলেবর ।
 তোর চিত্তে লয় অধিরথের কোণ্ডর ॥
 প্রত্যক্ষ দেখহ কর্ণে সম দিবাকরে ।
 ব্যাক্র কভু জন্ম লয় যুগীর উদরে ॥
 কর্ণ রাজা হৈলে অঙ্গদেশ কোন্ ছার ।
 কর্ণে শোভে সকল-পৃথিবী-অধিকার ॥

কর্ণ-বাহুবীৰ্য্যে সবে করিবেক পূজা ।
 আমা-সহ অমুগত হবে সর্ব রাজা ॥
 এতেক কহিল সভা-মধ্যে দুৰ্য্যোধন ।
 হাহাকার শব্দ হৈল সভাতে তখন ॥
 কেহ বলে, ভেদাভেদ হৈল ভ্রাতৃগণ ।
 কেহ বলে, হ্রস্ব আর নহে নিবারণ ॥
 কেহ বলে, কুরুকুল আজি হৈল অন্ত ।
 কেহ বলে, পাণ্ডুকুল মজিল সমস্ত ॥
 অন্ত গেল দিনকর, রজনী-প্রবেশে ।
 রাজগণ চলি গেল যার যেই দেশে ॥
 কর্ণ-হস্ত ধরিয়া চলিল দুৰ্য্যোধন ।
 সঙ্গেতে চলিল ভাই একশতজন ॥
 পঞ্চভাই পাণ্ডব চলেন নিজস্থান ।
 আগে-পাছে পরিবার করিল প্রয়াণ ॥
 হরষিতা কুন্তীদেবী জানিয়া কারণ ।
 অঙ্গদেশে রাজা হৈল আমার নন্দন ॥
 দুৰ্য্যোধন হরষিত হইল নির্ভয় ।
 নিরবধি কম্প হৈত দেখি ধনঞ্জয় ॥
 তাজিল অর্জুন-ভয় কর্ণেরে পাইয়া ।
 যুধিষ্ঠির ভীত অতি কর্ণেরে দেখিয়া ॥
 কর্ণ-সম বীর নাহি আর যে সংসারে ।
 এই ভয় জাগে সদা ধর্ম্মের অন্তরে ॥
 আদিপর্ব ভাষতের ব্যাস-বিরচিত ।
 কাশীরাম দাস কহে রচিয়া সঙ্গীত ॥

১। মলন করে। ২। কান্তিকেয়ের জন্ম-সম্বন্ধে ঐক কথা কেহ বলিতে পারে না। কেহ বলে শিবের পুত্র, কেহ বলে অগ্নির পুত্র। কেহ বলে তাঁহার মাতা—গঙ্গা, কেহ বলে কৃত্তিকা। কিন্তু তাহা হইলে কি হয়,—তাঁহার বীরত্ব কে অস্বীকার করিতে পারে? কান্তিকেয়ের জন্মকথা এইরূপ—অগ্নি হরপার্কটীর রতিবির ঘটাইলে শিববীৰ্য্য অগ্নিতে মিলিষ্ট হয়। অগ্নি তাহা ধারণ করিতে অক্ষম হইয়া গঙ্গাজলে নিক্ষেপ করেন। সেখানে কৃত্তিকা প্রভৃতি ছয় নক্ষত্র তাঁহাকে গোপনে লালন-পালন করেন। সেজন্য তাঁহার নাম হয় কান্তিকেয়।—হৃদয়পুরাণ। ৩। কেহ উচ্চবংশে বা নিরবংশে জন্মেতু পূজ্য বা অপূজ্য হয় না। তাঁহার গুণানুসারেই সে পূজ্য বা অপূজ্য হয়। ৪। সঙ্গীত মনোহরিত-সম্পন্ন।

৭২। দ্রোণাচার্যের দক্ষিণা-প্রার্থনা ও শান্তি।

কতদিনে দ্রোণাচার্য শিষ্যগণ-প্রতি।

আমারে দক্ষিণা দেহ, বলেন হুমতি ॥

দ্রোণ বলিলেন, শুনি পার্থ, চুর্যোধন।

রত্ন-আদি ধনে মম নাহি প্রয়োজন ॥

পাঞ্চাল-ঈশ্বর খ্যাত দ্রুপদ-ভূপতি।

রণে জিনি আন তারে বাক্সিয়া সম্প্রতি ॥

বিশেষে প্রতিজ্ঞা কৈল কুন্তীর নন্দন।

পূর্বের সত্য কৈল না রুহিতে অধ্যয়ন ॥

যেহাতে পারহ আন করিয়া বন্ধন।

আমার দক্ষিণা এই, শুনি শিষ্যগণ ॥

এতেক শুনিয়া যুধিষ্ঠির চুর্যোধন।

বলিলেন সৈন্যগণে সাজিতে তখন ॥

রথ গজ অশ্ব সাজে পদাতি বহুল।

সাজ সাজ বলি ধ্বনি হইল তুমুল ॥

সৈন্যগণ সাজিল দেখিয়া ধনঞ্জয়।

একা রথে চড়ি যায় নির্ভয়-হৃদয় ॥

করপুটে জ্যেষ্ঠেরে করেন নিবেদন।

তুমি তথাকারে যাবে কিসের কারণ ॥

আমা হৈতে কর্ম যদি না হয় সাধন।

তবে প্রভু, পাঠাইও অন্য কোনজন ॥

এতেক বলিয়া পার্থ হইয়া সত্বর।

কণেক প্রবেশ কৈল পাঞ্চাল-নগর ॥

দ্রুপদ পাইল অর্জুনের সমাচার।

আজ্ঞা কৈল সৈন্য সাজিবারে আপনার ॥

দ্রুপদ চিন্তিত অতি না জানি কারণ।

অর্জুন আসিল হেথা, কিবা প্রয়োজন ॥

মন্ত্রী পাঠাইয়া দিল অর্জুন-গোচর।

মন্ত্রী বলে অর্জুনে করিয়া ঘোড়কর ॥

কহ কুরুবর, তব কেন আগমন।

আজ্ঞা কর, কোন্ কর্ম করিব সাধন ॥

রাজার প্রাসাদে চল, লহ রাজপূজা।

তোমা-দরশনে বড় ইচ্ছা করে রাজা ॥

অর্জুন বলেন, সব হবে ব্যবহার ॥

রাজারে জানাও এই সংবাদ আমার ॥

অতিথির যত পূজা পাইলাম আমি।

কেবল আমারে আসি যুদ্ধ দেহ তুমি ॥

সসৈন্যে আসিতে বল সংগ্রামের স্থলে।

নহিলে অনিষ্ট বড় হইবে পাঞ্চালে ॥

কহিলেক মন্ত্রী গিয়া রাজার গোচর।

শুনি ক্রোধে কম্পিত দ্রুপদ-নৃপবর ॥

ক্লেদ হৈয়া হেন বাক্য সহে কার প্রাণে।

চতুরঙ্গদলে রাজা আসে ততক্ষণে ॥

অশ্ব গজ রথ তার না যায় গগনে।

সসৈন্যে বেড়িল গিয়া পাণ্ডুর নন্দনে ॥

বসিয়া আছেন পার্থ নিঃশঙ্ক-হৃদয়।

নানা-অস্ত্র বরিষণ করে সৈন্যচয় ॥

অস্ত্র-বরিষণ দেখি উঠিল অর্জুন।

আকর্ণ পুরিয়া টঙ্কারিল ধনুগুণ ॥

দ্রোণের চরণ ভাবি এড়ে দিব্য-শর।

মুহূর্ত্তেকে আচ্ছাদিল দেব-দিবাকর ॥

আষাঢ়-জ্যৈষ্ঠ যথা নবজলধর।

শরবৃষ্টি পড়ে তথা সৈন্যের উপর ॥

রথী কাটা গেল যদি, পলায় সারথি।

দন্ত কাটা গেল যদি, পলাইল হাতী ॥

পলায় তুরঙ্গ কাটা গেলে আসোয়ারা^১ ।
 পদাতি পলায়, হাত কাটা গেল যার ॥
 পলাইল যতজন, পাইল জীবন ।
 আর যত সৈন্য রণে হৈল নিধন ॥
 হতসৈন্য হইয়া পলায় নরপতি ।
 পাছু থাকি ডাকি বলে পার্থ মহারথী ॥
 নির্ভয় হইয়া রাজা বাহুড়^২ দ্রুপদ ।
 আমার নিকটে তব নাহিক বিপদ ॥
 প্রাণভয়ে যেই জন ভঙ্গ দেয় রণে ।
 নাহিক তাহার ভয় আমার সদনে ॥
 আমি চাহি গুরুবাক্য করিতে পালন ।
 নিশ্চয় লইব ধরি, না হয় খণ্ডন ॥

বাহুড়িল নরপতি অর্জুন-বচনে ।
 হইল দারুণ যুদ্ধ দ্রুপদ-অর্জুনে ॥
 মন্ত্র পড়ি দিব্য-অস্ত্র এড়িলা অর্জুন ।
 কাটিল তখনি দ্রুপদের ধনুগুণ ॥
 ধনু কাটা গেল, রাজা লাগিল চিস্তিতে ।
 ধরিলেন অর্জুন তাঁহার দুই হাতে ॥
 নিজরথে চড়াইয়া করেন গমন ।
 হেনকালে সম্মুখে আইল দুর্যোধন ॥
 চতুরঙ্গদলে আসে কৌরব-সৈন্য ।
 দ্রুপদে দেখিল পার্থ-রথের উপর ॥
 দুর্যোধন বলে, পার্থ, নহিল শোভন ।
 গুরু-আজ্ঞা দ্রুপদে করে বন্ধন ॥
 এত বলি পার্থরথে উঠি দুর্যোধন ।
 হস্তপদ দ্রুপদের করিল বন্ধন ॥
 ভূমে চালাইয়া নিল করে কেশ ধরি ।
 সেইমতে উত্তরিল দ্রোণ-বরাবরি ॥

ফেলাইল দ্রুপদে দ্রোণের চরণে ।
 দ্রুপদে দেখিয়া দ্রোণ বলেন তখনে ॥
 হেদে রে দ্রুপদ, তোর সৈন্য গেল কোথা ।
 কোথা তোর প্রজাগণ, নবদগ্ধতা ॥
 পুনরপি হাসিয়া বলেন গুরু দ্রোণ ।
 স্থির হও, ভয় নাই আমার সদন ॥
 জাতিতে ব্রাহ্মণ আমি, ক্ষণস্থায়ী ক্রোধ ।
 বিশেষে বাল্যের সখা, চিতে উপরোধ ॥
 পূর্বের বচন সখা, হয় কি স্মরণ ।
 সেবকে বলিলা দিতে একটি ভোজন ॥
 একগণে সমান মোরা হৈনু দুইজন ।
 এবে সখা বলিবা কি আমারে রাজন ॥
 বাল্যকালে করেছিলা যেবা অঙ্গীকার ।
 আমি রাজা হৈলে রাজ্য অর্দ্ধেক তোমার ॥
 পালিতে নারিলা তুমি আপন-বচন ।
 এবে সব রাজ্যে হৈল আমার শাসন ॥
 তুমি না পালিলা, আমি চাই পালিবারে ।
 অর্দ্ধেক পাঞ্চাল-রাজ্য দিলাম তোমারে ॥
 গঙ্গার দক্ষিণ-তীরে কর অধিকার ।
 উত্তর-তটের রাজ্য সকলি আমার ॥
 অর্দ্ধ-অর্দ্ধ-রাজ্য এই দৌহার সমান ।
 পুনঃ সখা হও, যদি হও যত্ববান ॥
 এত শুনি বলিল দ্রুপদ-নৃপবর ।
 পরম-মহৎ তুমি ভুবন-ভিতর ॥
 যে আজ্ঞা করিলা, তাহা স্বীকার আমার ।
 তুমি হও সখা মোর, আমিও তোমার ॥
 দ্রোণ কহিলেন, তব যুঁচুক বন্ধন ।
 মুক্ত হ'য়ে যাও তুমি দ্রুপদ-রাজন ॥

সহজে ক্ষত্রিয়জাতি ক্রমা নাহি মনে ।
 দেশে নাহি গেল রাজা অতি অভিমানে ॥
 ভাগীরথী-তীরে বৈসে মা কন্দীনগরে ।
 তথায় রহিল দুঃখ ভাবিয়া অন্তরে ॥
 দ্রোণেরে জিনিব আমি কেমন উপায়ে ।
 কুরুকুল-আদি শিষ্য যাহার সহায়ে ॥
 বলেতে নহিব শক্ত দ্রোণের সংহতি ।
 এইমত চিন্তে সদা দ্রুপদ-ভূপতি ॥
 ধৃতরাষ্ট্রপুত্র দুষ্টমতি দুর্ব্যোধন ।
 আমারে সভাতে নিল করিয়া বন্ধন ॥
 দ্রোণ-দুর্ব্যোধন দুই বধের কারণ ।
 যজ্ঞ করিবারে দ্বিজ কৈল নিযোজন ॥
 দ্বিজপ্রোক্ত-মন্ত্র-বিনা নাহিক উপায় ।
 এত ভাবি যজ্ঞ করে পাঞ্চালের রায় ॥
 অর্দ্ধেক পাঞ্চাল ভাগীরথীর দক্ষিণে ।
 তার অধিকারী হৈল দ্রুপদ-রাজনে ॥
 অহিচ্ছত্রা নামে ভূমি গঙ্গার উত্তর ।
 অর্দ্ধেক পাঞ্চালে দ্রোণ হ'লেন ঈশ্বর ॥
 মহাভারতের কথা অমৃত-সমান ।
 একমনে শুনিলে বাড়য়ে দিব্যজ্ঞান ॥

৭০। যুধিষ্ঠিরের যৌবরাজ্যে অভিষেক, ধৃতরাষ্ট্রের
 কোত ও কণিকের বাজনীতি ।

মুনি বলিলেন, রাজা, কর অবধান ।
 অনন্তর শুন পিতামহ-উপাখ্যান ॥
 ধৃতরাষ্ট্র নরপতি বুঝিয়া বিধান ।
 যুবরাজ করিতে করেন অনুমান ॥
 কুরুকুলে জ্যেষ্ঠ কুন্তীপুত্র যুধিষ্ঠির ।
 সকল জনের প্রিয় ধর্ম্মশীল ধীর ॥ -

যুধিষ্ঠিরে অভিষেকি কৈল যুবরাজ ।
 পাইল পরম প্রীতি সকল সমাজ ॥
 যুধিষ্ঠির-সৌজন্যেতে সবে রৈল বশে ।
 পৃথিবী হইল পূর্ণ ধর্ম্মপুত্র-যশে ॥
 ভীমার্জুন দুই-ভাই রাজাঙ্গ। পাইয়া ।
 চতুর্দিকে রাজগণে বেড়ায় শাসিয়া ॥
 জিনিল অনেক দেশ, কত লব নাম ।
 বহু-রাজ-সহ হৈল অনেক সংগ্রাম ॥
 উত্তর, পশ্চিম, পূর্ব, জম্বুদ্বীপ-আদি ।
 জিনিয়া আনিল দৌহে বহুরত্ননিধি ॥
 কুরুকুল-ক্রমে যাহা অনায়ত্ত ছিল ।
 ভীমার্জুন দুই ভাই আয়ত্ত করিল ॥
 হস্তিনানগর নানারত্নে পূর্ণ কৈল ।
 দুই সহোদর-যশে পৃথিবী পুরিল ॥
 নকুল দুর্জয় যোদ্ধা সর্ব্বগুণে ধীর ।
 কোরব-কুমার-মধ্যে স্নন্দর-শরীর ॥
 সহদেব হৈল মন্ত্রী অতুল ভুবনে ।
 সর্ব্বজ্ঞ হইল দেব-গুরু-আরাধনে ॥
 পাণ্ডবের প্রশংসা করয়ে সর্ব্বজন ।
 ক্ষিতি-মাকে ধন্য-ধন্য হইল ঘোষণ ॥
 কুরুবংশে কুলক্রমে যত রাজা হৈল ।
 পাণ্ডব-সূর্য্যোতে যেন তারা আচ্ছাদিল ॥
 দিনে-দিনে বাড়ে তেজ শুরূপকে শশী ।
 পাণ্ডবের কীর্ত্তি লোকে গায় অহর্নিশি ॥
 ধৃতরাষ্ট্র শুনিয়া হইল ছদ্মমতি ।
 পাণ্ডবের যশঃকীর্ত্তি বাড়ে নিতি নিতি ॥
 বিধির লিখন কেবা পারে খণ্ডাইতে ।
 সংশয় হইল অন্ধ-নরবর-চিত্তে ॥
 মম পুত্রগণ-গুণ কেহ নাহি বলে ।
 পাণ্ডবের যশ প্রচারিল ভূমণ্ডলে ॥

এই সব ভাবনা করয়ে অনুক্ষণ ।
 শয়নে নাহিক নিদ্রা, না রুচে ভোজন ॥
 কুরুবংশে বৃদ্ধমন্ত্রী জাতিতে ব্রাহ্মণ ।
 কণিকেরে ডাকি আনাইল ততক্ষণ ॥
 একান্তে কণিকে আনি বলিল তাহাকে ।
 পরম-বিশ্বাসী তেঞি ডাকাই তোমাকে ॥
 দিবানিশি আমার হৃদয়ে নাহি স্তথ ।
 তোমার মন্ত্রণা-বলে খণ্ডবে সে-দুখ ॥
 পাণ্ডবের যশঃকীর্তি বাড়ে দিনে-দিনে ।
 চিত্ত স্থির নহে মম ইহার কারণে ॥
 ইহার উপায় তুমি বলহ সত্ত্বর ।
 কণিক শুনিয়া তবে করিল উত্তর ॥
 আমার বচন যদি রাখ নররায় ।
 খণ্ডবে সকল চিন্তা, হইবে বিজয় ॥
 ধৃতরাষ্ট্র বলে, তুমি যা কর বিচার ।
 মম দৃঢ়বাক্য—সেই কর্তব্য আমার ॥

কণিক বলিল, রাজা, শুন রাজনীত ।
 পূর্বাপর আছে হেন শাস্ত্রের বিহিত ॥
 দোষ যদি নাও থাকে, তবু দিবে দণ্ড ।
 আত্মবশ করিবেক সব রাজ্যখণ্ড ॥
 আত্মছিদ্রে লুকাইবে পরম-যতনে ।
 পরচ্ছিদ্রে পাইলে ধরিবে ততক্ষণে ॥
 সময় বুঝিয়া রাজা করিবেক কৰ্ম্ম ।
 ক্ষণে গুপ্ত, ক্ষণে ব্যক্ত, হয় যথা কৰ্ম্ম ॥
 দুর্বল যদিও শত্রু, দয়া নাহি করি ।
 শরণ লইলে তবু না রাখিবে বৈরী ॥
 বালক যদিও শত্রু, না করিবে জ্ঞাণ ।
 ব্যাধি অগ্নি রিপু ঋণ একই সমান ॥

ব্যাধিশেষ রিপুশেষ আর ঋণশেষ ।
 অগ্নিশেষ রাখিলে দহয়ে অবশেষ ॥
 এই হেতু শেষ কভু কারে। না রাখিবে ।
 অবশেষ থাকিলে যে ইহার বাড়িবে ॥
 শত্রুকে বলিষ্ঠ দেখি বলিবে বিনয়ে ।
 অপমান বহুরেশ সহিবে হৃদয়ে ॥
 সনাই থাকিবে তারে কক্ষিতে করিয়া ।
 সময় পাইলে মারি ভূমে আছাড়িয়া ॥
 পূর্বের বৃত্তান্ত এক শুন নরপতি ।
 বনেতে শৃগাল বৈসে বিজ্ঞ সর্বদীতি ॥
 সিংহ ব্যাত্র নকুল ও মুষিক শৃগাল ।
 পঞ্চজন সখা বনে আছে চিরকাল ॥
 একদিন বনে চরে একটি হরিণী ।
 অতিশয় মাংস দেহে, আছয়ে গর্ভিণী ॥
 শৃগাল দেখিল, সিংহ যুগের ঈশ্বরে ।
 যত্ন করি মৃগী নাহি পারে ধরিবারে ॥
 শৃগাল বলিল, তবে শুন সখাগণ ।
 ধরিব হরিণ, শুন আমার বচন ॥
 বলেতে সমর্থ কেহ নহিবে তাহার ।
 মুষিক হইতে তারে করিব সংহার ॥
 শ্রান্ত আছে হরিণী শুইবে কোনস্থান ।
 ধীরে ধীরে মুষা, তথা করহ প্রয়াণ ॥
 দূরে থাকি যাবে তথা করিয়া স্ফুড়ঙ্গ ।
 নিঃশব্দে যাইবে, যেন না জানে কুরঙ্গ ॥
 স্ফুড়ঙ্গ-ফুকে২ তার চরণ যুথায় ।
 কাটিবা পদের শির করিয়া উপায় ॥
 পদশির কাটা গেলে অশক্ত হইবে ।
 অবহেলে সিংহ তারে অবশ্য ধরিবে ॥

এত শুনি সম্মত হইল সর্বজন ।
 যা' বলিল জম্বুক^১ করিল ততক্ষণ ॥
 কাটা গেল পদ-শির মুষিক-দংশনে ।
 হীনশক্তি যুগী সিংহ ধরিল তখনে ॥
 হরিণ পড়িল, সবে হরিষ-বিধান^২ ।
 শৃগাল আপন-চিত্তে করে অনুমান ॥
 বুদ্ধিবলে যুগী আমি করিলাম হত ।
 সিংহ-ব্যাঘ্র খেলে মাংস আমি পাব কত ॥
 সকল খাইতে মাংস করিব উপায় ।
 প্রযত্ন করিয়া দেখি, যে হয় সে হয় ॥

ইহা ভাবি শৃগাল করিয়া যোড়কর ।
 নীতি বুঝাইয়া কহে সবার গোচর ॥
 দেখ দৈবযোগে আজি পড়িল হরিণ ।
 মাংসশ্রাব করি আজি পিতৃলোক-দিন^৩ ॥
 স্নান করি শুচি হৈয়া সবে এস গিয়া ।
 ততক্ষণ যুগে আমি থাকি আগুলিয়া ॥
 বুদ্ধিমন্ত শৃগালের যুক্তি-অনুসারে ।
 ততক্ষণে গেল সবে স্নান করিবারে ॥
 সব হৈতে শ্রেষ্ঠ সিংহ বলিষ্ঠ বিশেষে ।
 গিয়া স্নান করি এল চক্ষুর নিমেষে ॥
 স্নান করি আসি সিংহ দেখয়ে জম্বুকে ।
 অত্যন্ত বিরসে বসি আছে হেঁটমুখে ॥

সিংহ বলে, সখে, কেন বিরস-বদন ।
 স্নান করি এস শীঘ্র, করিব ভক্ষণ ॥
 শৃগাল কহিল, সখা, কি কহিব কথা ।
 মুষিকের বচনে জন্মিল বড় ব্যথা ॥
 যখন আপনি গেলা স্নান করিবারে ।
 কুবচন বলে যে, কহিতে লজ্জা করে ॥

মহাবলী সিংহ বলি বলে সর্বজন ।
 আমি মারিলাম যুগ, করিবে ভক্ষণ ॥
 সিংহ বলে, হেন বাক্য সহে কোন্ জন ।
 কোন্ ছার মুখা, হেন বলিবে বচন ॥
 না খাইব মাংস আমি, খাউক আপনি ।
 নিজ-বীর্যবলে যুগ ধরিব এখনি ॥
 হেন বাক্য বলে, তার মুখ না দেখিব ।
 আপন-অর্জিত বস্ত্র আপনি খাইব ॥

এত বলি গেল সিংহ গহন-কাননে ।
 স্নান করি ব্যাঘ্র তবে আইল সে-স্থানে ॥
 আন্তে-ব্যস্তে কহে শিবা, শুন প্রাণসখা ।
 ভাগ্যেতে তোমার সিংহ না পাইল দেখা ॥
 দৈবাৎ তোমারে ক্রোধ হইয়াছে তার ।
 নাহি জানি, কে কহিল কিবা সমাচার ॥
 এখনি গেলেন তেঁহ তোমা ধরিবারে ।
 আমারে বলিল, তুমি না বলিহ তারে ॥
 চিরকাল সখা তুমি, না বলি কেমনে ।
 বুঝিয়া করহ কার্য্য যেন লয় মনে ॥

এতক শুনিয়া ব্যাঘ্র শৃগাল-বচন ।
 হৃদয়ে বিস্মিত হৈয়া ভাবে মনে-মন ॥
 নাহি জানি, কোন্ দোষ করিলাম তার ।
 ক্রোধ করিয়াছে কেন, না বুঝি বিচার ॥
 মহাচিন্তাকুল হ'য়ে ভাবিতে লাগিল ।
 কি করিব, কোথা যাব, অন্তরে ভাবিল ॥
 হেথায় থাকিলে বড় পড়িব প্রমাদে ।
 স্থান ত্যাগিয়া যাব, কি কাজ বিবাদে ॥

এত বলি ব্যাঘ্র প্রবেশিল ঘোর বনে ।
 কতক্ষণে মুষিক আইল সেই স্থানে ॥

মুখিকে দেখিয়া শিবা যুড়িল ক্রন্দন ।
 এস সখা, তোমা সহ করি আলিঙ্গন ॥
 কেন হেন নকুলের হইল কুমতি ।
 ছাড়িতে নারিল পূর্ব-আপন-প্রকৃতি ॥
 আচস্থিতে সর্প-সঙ্গে হৈল তার দেখা ।
 যুদ্ধে হারি তার কাছে হৈল তার সখা ॥
 স্নান করি এখানে আসিল দুইজন ।
 সর্পেরে না দিলু মাংস করিতে ভক্ষণ ॥
 পঞ্চজন মিলি মোরা মারিলাম মৃগী ।
 এখন নকুল আনে আর এক ভাগী ॥
 সখা না পাইল ভাগ, নকুল কুপিল ।
 তোমারে ধরিয়া খেতে নকুল বলিল ॥
 দুইজন মিলি গেল তোমা খুঁজিবারে ।
 হেথা এলে ধরিও বলিয়া গেল মোরে ॥

এত শুনি মুখিকের উড়িল পরাণ ।
 অতিশীঘ্র পলাইয়া গেল অন্তস্থান ॥
 হেনকালে নকুল আসিয়া উপনীত ।
 ক্রোধে শিবা কহে তারে সময়-উচিত ॥
 সিংহ-আদি তিনজন করিল সমর ।
 আশা-সহ যুদ্ধে হারি গেল বনাস্তর ॥
 তোর শক্তি থাকে যদি, আসি কর রণ ।
 নহিলে পলাও তুমি লইয়া জীবন ॥
 সহজে নকুল ক্ষুদ্রে, শিবা বলবান ।
 বিনাযুদ্ধে পলাইয়া গেল অন্তস্থান ॥
 হেনমতে চারি ঠাঞি চারি বুদ্ধি কৈল ।
 বুদ্ধিতে সবারে জিনি নিজে মৃগ খাইল ॥

কণিক বলিল, রাজা, কর অবধান ।
 এমত করিলে রাজা হয় রাজ্যবান ॥

বলিষ্ঠে বুদ্ধিতে জিনি মারিবেক বলে ।
 লুপ্তজনে ধন দিয়া মারিবেক ছলে ॥
 শত্রুরে পাইলে রাজা কভু না ছাড়িবে ।
 বিশ্বাস জন্মায়ে তার কৌশলে মারিবে ॥
 জানিবে, যে-শত্রু মম জীবনের বৈরী ।
 তাহারে মারিবে আনাইয়া দিব্য করি ॥
 ছলে-বলে শত্রুকে পাঠাবে যম-ঘর ।
 বেদের বচন ইহা শুন নৃপবর ॥
 বিশ্বাসিয়া দিব্য করি মারি শত্রুসব ।
 নাহিক ইহাতে পাপ, কহেন ভাগব ॥
 বিশ্বাস করিয়া করে শত্রুরে পালন ।
 অর্থতরী-গর্ভ যেন বিনাশ-কারণ ॥
 এ-সব বুঝিয়া রাজা করহ উপায় ।
 এবে না করিলে শেষ, দুঃখ পাবে রায় ॥
 এত বলি কণিক চলিল নিজঘর ।
 চিস্তিতে লাগিল মনে অন্ধ-নৃপবর ॥
 পুণ্যকথা ভারতের শুনিলে পবিত্র ।
 কাশীরাম দাস কহে, অদ্ভুত চরিত্র ॥

৭৪। পাণ্ডবগণের বারণাবন্ত-গমন ।

জন্মেজয় বলে, কহ, শুনি মুনিবর ।
 ঘুঁচুক মনের ধঙ্ক, কহ সবিস্তর ॥
 মুনি বলে, শুন পরীক্ষিতের নন্দন ।
 কহিব অপূর্ব আমি ভারত-কথন ॥
 যুধিষ্ঠির যুবরাজ, স্ত্রী সর্বজন ।
 স্থানে-স্থানে বিচার করয়ে প্রজাগণ ॥
 ধর্মশীল যুধিষ্ঠির দয়ার সাগর ।
 পুত্রভাবে দেখে রাজা অমাত্য-কিঙ্কর ॥

যুধিষ্ঠির রাজা হৈলে সবে স্থখে থাকে ।
 রাজার নন্দন, রাজ্য সম্ভবে তাঁহাকে ॥
 ভীষ্ম রাজা নহিলেন সত্যের কারণ ।
 ধৃতরাষ্ট্র না হইল অন্ধ-নিবন্ধন ॥
 পূর্বেতে ছিলেন রাজা পাণ্ডু মহাশয় ।
 বিধি এই আছে, রাজপুত্র রাজা হয় ॥
 বিশেষ রাজার যোগ্য পাত্র যুধিষ্ঠির ।
 সত্যবাদী জিতেন্দ্রিয় স্বেচ্ছা স্বধীর ॥
 চল গিয়া বলি, প্রজা আছি যে যতেক ।
 যুধিষ্ঠিরে রাজা কর করি অভিষেক ॥
 হাট বাট নগরে চত্বরে এই কথা ।
 দুর্ঘ্যোধন শুনিয়া পাইল বড় ব্যথা ॥
 বিরস-বদনে গেল পিতার গোচর ।
 দেখিল জনক বসি আছে একেশ্বর ॥
 সক্রোধে পিতারে বলয়ে দুর্ঘ্যোধন ।
 সাবধানে শুন, যাহা কহে প্রজাগণ ॥
 নগরে শুনিলু আমি আশ্চর্য্য বচন ।
 অবধান কর, রাজা, করি নিবেদন ॥
 অবজ্ঞায় অনাদর করিল তোমারে ।
 পতি ইচ্ছা করে সবে কুন্তীর কুমারে ॥
 ধৃতরাষ্ট্র অন্ধ, সেই রাজযোগ্য নয় ।
 যুধিষ্ঠিরে রাজা কর, সে রাজতনয় ॥
 এইমত বিচার করয়ে সর্বজন ।
 রাজপুত্র যুধিষ্ঠির হইবে রাজন ॥
 তাহার নন্দন হৈলে হবে সেই রাজা ।
 আমা সবাকারে আর না গণিবে প্রজা ॥
 ধিক্ দেহ, ধিক্ আমি, ধিক্ মোর জন্ম ।
 ধিক্ আত্মা, ধিক্ শিক্ষা, ধিক্ মোর কৰ্ম্ম ॥

নাহি আর প্রয়োজন এ-ছার জীবনে ।
 নিশ্চয় মরিব আজি তব বিদ্যমানে ॥
 অকারণে জন্মে যেই পরভাগ্যজীবী ।
 অকারণে আমারে এ ধরিল পৃথিবী ॥
 এতেক শুনিয়া রাজা পুত্রের বচন ।
 হৃদয়ে বাজিল শেল, চিস্তিত রাজন ॥
 কি করিব, কি হইবে, চিন্তে মনে-মনে ।
 হেনকালে আসে তথা দুষ্কৃত্তিগণ ॥
 দুঃশাসন কর্ণ আর শকুনি দুঃশ্রুতি ।
 বিচারিয়া কহে কথা অন্ধরাজ-প্রতি ॥
 পাণ্ডবের ভয় রাজা, তবে দূরে যায় ।
 বাহির করিয়া দেহ করিয়া উপায় ॥

কর্ণেক চিন্তিয়া বলে অশ্বিকানন্দনে ।

কিমতে বাহির করি পাণ্ডুপুত্রগণে ॥
 যখন আছিল পাণ্ডু পৃথিবীতে রাজা ।
 সেবকের মত মোর করিত সে পূজা ॥
 নামমাত্র রাজা সেই, আমি দিলে খায় ।
 নিরবধি সমর্পয়ে যথা যাহা পায় ॥
 মম আজ্ঞাবর্তী হৈয়া ছিল অনুক্ষণ ।
 তার মত ভাই কারো না হবে কখন ॥
 তাহার অধিক হয় তার পুত্রগণ ।
 আজ্ঞাবর্তী হৈয়া মম থাকে অনুক্ষণ ॥
 দেবপ্রায় আমারে যে সেবে যুধিষ্ঠির ।
 কোন্ দোষ দিয়া তারে করিব বাহির ॥
 অবিচার করি যদি আমি তার সনে ।
 অবশ্য ফলিবে মোরে, শুন মন্ত্রিগণে ॥
 অহিংসক জনেরে হিংসয়ে যেই জন ।
 অবশ্য তাহার হয় নরকে পতন ॥

হিংসা-সম পাপ নাহি, জানে সর্বজনে ।
দয়া-বিনা ধর্ম নাহি এ তিন ভুবনে ॥
বিশেষে বলিষ্ঠ হয় পঞ্চ সহোদর ।
তার অনুগত যত আছেয়ে কিঙ্কর ॥
পিতৃ-পিতামহ তার পালিল সবারে ।
নাহি হেন শক্তি মোর বল্য করিবারে ॥

দুর্যোধন বলে, যাহা कहিলে প্রমাণ ।
জানিয়া পূর্বেতে আমি করিছু বিধান ॥
যত রথী মহারথী আছে ভাতৃগণ ।
সবারে করিব বশ দিয়া বহুধন ।
সেবকগণের প্রতি নাহিক বিচার ।
চিন্তিতে বুঝিয়া কার্য্য কর আপনার ॥
একবাক্য कहি, পিতা, কর অবধান ।
আছেয়ে অপূর্ব অতি অনুপম স্থান ॥
নগর বারণাবত দেশের বাহির ।
ভাতৃ-মাতৃ-সহ তথা যাক যুধিষ্ঠির ॥
এথা আমি নিজরাজ্য স্ববশ করিলে ।
এস্থানে আসিবে পুনঃ কতদিন গেলে ॥

ধৃতরাষ্ট্র বলেন, যে করিলা বিচার ।
নিরবধি এই চিতে জাগয়ে আমার ॥
পাপকর্ম্ম বলি ইহা প্রকাশ না করি ।
গুপ্তে ইহা রাখিলাম লোকাচারে ভরি ॥
ভীষ্ম-দ্রোণ-কৃপ-বিভুরের ধর্ম্মচিত ।
এ-কথা স্বীকার না করিবে কদাচিৎ ॥
এই চারিজন্য যদি না করে স্বীকার ।
কার্য্যসিদ্ধি হবে বল কিমত প্রকার ॥

এত শুনি পুনরপি বলে দুর্যোধন ।
তাহার যেমন ভীষ্ম, আমার তেমন ॥

অধর্ম্ম নাহিক হয়, ধর্ম্মার্থ বিচার ।
ইহাতে নাহিক পাপ, শুন कहি সার ॥
অশ্বখামা গুরুপুত্র মম অনুগত ।
দ্রোণ কৃপ অশ্বখামা ইহাতে সম্মত ॥
বিভুর সর্বাংশে সেবা করে পাণ্ডবে ।
সেই বা সহজে একা কি করিতে পারে ॥
তুমিও চিন্তহ পিতা উপায় ইহার ।
পাণ্ডব থাকিতে নিদ্রা নাহিক আমার ॥

ধৃতরাষ্ট্র বলে, যদি করি বলাৎকার ।
অপযশ ঘুষিবেক সকল সংসার ॥
এমন উপায় করি করহ মন্ত্রিগণ ।
আপন-ইচ্ছায় যায় নগর বারণা ॥

এত শুনি দুর্যোধন চলিল সত্বরে ।
নানারত্ন লৈয়া গেল মন্ত্রীদেব ঘরে ॥
তবে দুর্যোধন দিয়া বিবিধ রতন ।
ক্রমে-ক্রমে বশ করে যত মন্ত্রিগণ ॥
শিখাইল মন্ত্রিগণে কপট করিয়া ।
নগর বারণাবত উত্তম বলিয়া ॥
অনুকূণ कह সব সন্মুখে-বিমুখে ।
নগর বারণাসম নাহি ইহলোকে ॥

দুর্যোধন-দুষ্টবুদ্ধি পেয়ে মন্ত্রিগণ ।
সেইমত বলিতে লাগিল অনুকূণ ॥
কতদিনে হৈল শিবরাত্রি চতুর্দশী ।
রাজার নিকটে বলে মন্ত্রিগণ বসি ॥
নগর বারণাবত পুণ্যক্ষেত্র গণি ।
প্রত্যক্ষে বৈসেন তথা দেব শূলপাণি ॥
এক মন্ত্রী বলে, সে ভুবন-মনোরম ।
নগর বারণাবত জগতে উত্তম ॥

আর মন্ত্রী বলে, তার নাহিক তুলনা ।

অমর-কিন্নর তথা থাকে সর্বজন ।

মহাতীর্থ মহাস্থান ভুবন-মোহন ।

নিত্য-কৃত্য করে আসি যত দেবগণ ॥

হেনমতে মন্ত্ৰিগণ বলিল বচন ।

বিধির লিখন কর্ম না যায় খণ্ডন ॥

যুধিষ্ঠির বলেন, সে পুণ্যক্ষেত্রবর ।

দেখিব বারণাবত কেমন নগর ॥

এত শুনি ধৃতরাষ্ট্র আনন্দিত মন ।

হৃদয়ে কপট, মুখে অমৃত-বচন ॥

ইচ্ছা যদি হয় তথা করিতে বিহার ।

সঙ্গে করি লৈয়া যাহ যত পরিবার ॥

জননী-সহিতে তথা পঞ্চ-সহোদর ।

যথাস্থখে বিহরহ বারণানগর ॥

ধনরত্ন সঙ্গে লহ, যেই মনে লয় ।

কিছুদিন বঞ্চি তথা এসো নিজালয় ॥

এত যদি ধৃতরাষ্ট্র বলে বারে-বার ।

স্বীকার করেন তবে ধর্ম্মের কুমার ॥

দেখিবারে ইচ্ছামাত্র হইল আমার ।

এখনি যাইতে বলে সহ-পরিবার ॥

ধৃতরাষ্ট্র-আজ্ঞাবহ ধর্ম্মের নন্দন ।

তঁার আজ্ঞা কদাপি না করেন লঙ্ঘন ॥

যাইব বারণাবত করি অঙ্গীকার ।

ধৃতরাষ্ট্র-চরণে করেন নমস্কার ॥

বিজ্ঞ-মন্ত্ৰিগণে তবে করিয়া সম্ভাষ ।

যুধিষ্ঠির চলিলেন জননীর পাশ ॥

দেখি দুর্য্যোধন হৈল হরিম-অস্তর ।

* মন্ত্রী পুরোচনে তবে ডাকিল সম্বর ॥

জাতিতে যবন দুর্য্যোধনের বিশ্বাসী ।

একান্তে আনিয়া তারে কহে যুধি ভাষি ॥

তোমার সমান নাহি মন্ত্রীর ভিতরে ।

পরম-বিশ্বাসী তেঁই ডাকি হে তোমারে ॥

তোমার সহিত আমি করি যে বিচার ।

জনমধ্যে ইহা যেন না হয় প্রচার ॥

নগর বারণাবতে পাণ্ডুপুত্র যায় ।

তারা না যাইতে আগে যাইবা তথায় ॥

রাসভ-সংযুক্ত রথে করি আরোহণ ।

অতি শীঘ্র তুমি তথা করহ গমন ॥

উত্তম দেখিয়া স্থল করিয়া আশ্রয় ।

অগ্নিগৃহ বিরচিবা যেন ব্যক্ত নয় ॥

স্তম্ভ বিরচিয়া তাহা পুরাইবে ঘূতে ।

শগ-সর্জ্জরসে গৃহ হইবে করিতে ॥

মধ্যে-মধ্যে দিয়া বাঁশ ঘূতে পূর্ণ করি ।

যেই মতে অগ্নি দিলে নিবারিতে নারি ॥

এমত রচিবা, কেহ লক্ষিতে না পারে ।

নানাচিত্র বিরচিবা লোক-মনোহরে ॥

জতুগৃহ বেড়িয়া করিবে অস্ত্রঘর ।

মঞ্চ বিরচিয়া অস্ত্র রাখিবে ভিতর ॥

জতুগৃহ হ'তে যদি কড়ু পায় ত্রাণ ।

অস্ত্রগৃহে অস্ত্রে কাটি হারাইবে প্রাণ ॥

তার চতুর্দিকে তবে খুদিবে গভীর ।

লক্ষ্মে যেন পার নাহি হয় ভীমবীর ॥

সময় বুঝিয়া অগ্নি দিবে সে আলয়ে ।

একত্র থাকিবে সবে, সেই ত সময়ে ॥

ছুরিতে চলিয়া যাহ না কর বিলম্ব ।

শীঘ্রগতি কর গিয়া গৃহের আরম্ভ ॥

দুর্যোধন-আজ্ঞা পেয়ে মন্ত্রী পুরোচন ।

বাহন যুড়িল রথে পবন-গমন ॥

ক্লমধ্যে উত্তরিল বারগানগর ।

গৃহ বিরচিতে নিয়োজিল নিশাচর ॥

যেমত করিয়া কহিলেন দুর্যোধন ।

ততোধিক গৃহ বিরচিল পুরোচন ॥

ভ্রাতৃ-সহ যুধিষ্ঠির সহিত-জননী ।

সবরুদ্ধস্থানে যান মাগিতে মেলানি ॥

বাহুলীক গাঙ্গেয় দ্রোণ কুপ সোমদত্ত ।

গান্ধারী-সহিত গৃহে নারীগণ যত ॥

একে-একে সবা-স্থানে মাগিয়া বিদায় ।

প্রণমিল পুরোহিত-বিপ্রগণ-পায় ॥

পাণ্ডবের মেলানি দেখিয়া দ্বিজগণ ।

ধৃতরাষ্ট্রে নিন্দে বহু কহে কুবচন ॥

দুষ্কবুদ্ধি ধৃতরাষ্ট্রে হইল কুমতি ।

সেকারণে হেন কর্ম করিছে অনীতি ॥

সত্যবুদ্ধি ধর্মশীল পাণ্ডুপুত্রগণ ।

বাহির করিয়া দেয় দুষ্ক দুর্যোধন ॥

হেন ছার নগরে রহিতে না যুয়ায় ।

যথা যান যুধিষ্ঠির, যাইব তথায় ॥

ইহার রাজ্যেতে যদি থাকে কোনজন ।

পাপিষ্ঠ হইবে সেই রাজার মতন ॥

কুরুকুলে মহাপাপী এই দুরাচার ।

ইহার পাপেতে হৈবে সকল সংহার ॥

ধৃতরাষ্ট্র করে যদি হেন দুরাচার ।

কেমনে সহেন ইহা গঙ্গার কুমার ॥

তার। সহিবেক সবে, যারা দুষ্কচিত ।

মোরা না সহিব, সঙ্গে যাইব নিশ্চিত ॥

এত বলি দ্বিজগণ চলিল সংহতি ।

দারা-পুত্র-পরিবার ল'য়ে শীতলগতি ॥

আগুসরি বিদূর গেলেন কত দূরে ।

যুধিষ্ঠিরে কহিলেন স্নেহ-ভাষাচারে ॥

যেতেছ বারগাবতে পঞ্চ-সহোদর ।

সাবধানে থাকিবে, আছে তথা ডর ॥

স্বযোনি-অন্তকং যেই শীতলের রিপু ।

সাবধানে তাহাতে রাখিবা সবে বপু ॥

এত বলি বিদূর করিলা আলিঙ্গন ।

স্নেহবশে শিরে ধরি করিলা চুম্বন ॥

নয়নের নীর ঝরে ভাষে গদগদে ।

যুধিষ্ঠির-পঞ্চভাই প্রণমিল পদে ॥

বাহুড়িয়া বিদূর চলিল নিজালয় ।

বারগা গেলেন পঞ্চ পাণ্ডুর তনয় ॥

প্রবেশ করেন গিয়া নগর-ভিতর ।

আগুসরি নিল যত নগরের নর ॥

হেনকালে পুরোচন করে নমস্কার ।

ভূমিষ্ঠ হইয়া যথা রাজ-ব্যবহার ॥

করযোড় করি দুষ্ক পুরোচন কহে ।

হেথায় রহিলা কেন, চল নিজগৃহে ॥

পূর্ব হৈতে আছে হেথা পুরীর নির্মাণ ।

মনোহর দিব্যস্থান স্বর্গের সমান ॥

কুবের-ভাস্করে জিনি পুরীর গঠন ।

নাহিক মর্ত্যের মাঝে ইহার মতন ॥

১। বিদায়। ২। নিজের উৎপত্তিস্থান (কাঠ) বিনাশক। ৩। স্বযোনি = নিজ উৎপত্তিস্থান। কাঠে-কাঠে বর্ষণে অগ্নি উৎপন্ন হয়। সেইজন্য অগ্নির উৎপত্তিস্থান কাঠ। অগ্নি সেই কাঠকে দূষ করে। তাই অগ্নি স্বযোনি-অন্তক = নিজ-উৎপত্তিস্থান-বিনাশক। শীতলের রিপু = শৈত্যের শত্রু = অগ্নি। স্বযোনি-অন্তক.....বপু = নিজ উৎপত্তিস্থান-বিনাশক যে অগ্নি, সেই অগ্নি হইতে সকলে ভোমরা নিজেদের দেহ সাবধানে রাখিবে। বিদূর কৌশলে যুধিষ্ঠিরকে সাবধান করিয়া দিতেছেন যে, ভোমরা যেখানে যাইতেছ, সেখানে ভোমাদের আগুন হইতে বিপদের সম্ভাবনা আছে। ৪। কিরিয়া।

তব আগমন শুনি করিনু মগুন^১ ।
 বিলম্ব না কর তুমি, দিন শুভক্ষণ ॥
 এত শুনি ছুট হইয়া পঞ্চ-সহোদরে ।
 জননী-সহিত গিয়া প্রবেশেন ঘরে ॥
 বিচিত্র-নির্মাণ মনোহর সে আলয় ।
 দেখি ছুট হইলেন ধর্ম্মের তনয় ॥
 তবে কতক্ষণে পুরী করি নিরীক্ষণ ।
 ভীমে ডাকি যুধিষ্ঠির বলেন তখন ॥
 গৃহের পরীক্ষা করি লহ বৃকোদর ।
 মম মনে বিশ্বাস না হয় এই ঘর ॥
 বৃকোদর লইলা সে ঘরের আশ্রণ ।
 জানিলেন ঘর জড়-সূতের নির্মাণ ॥
 বৃকোদর বিস্মিত কহেন যুধিষ্ঠিরে ।
 জড়-সূত-শণ-তৈল-গন্ধ পাই ঘরে ॥
 প্রত্যেকে অগ্নির ঘর ইথে নাহি আন ।
 আমা সবা দহিবারে ক'রেছে নির্মাণ ॥
 পথে দেখিলাম যত অনুচরগণ ।
 এই সব দ্রব্য এনেছিল সর্বজন ॥
 যুধিষ্ঠির বলেন, সে প্রমাণিত হৈল ।
 আসিতে যবনভাষে^২ বিদুর বলিল ॥
 বিশ্বাস করিয়া সবে থাকিলে এ ঘরে ।
 অচেতন হৈবা সবে যবে নিদ্রাভরে ॥
 তখন অনল ইথে দিবে পুরোচন ।
 হেন বুদ্ধি করিয়াছে ছুট দুর্ঘ্যোধন ॥
 ভীম বলে, ইহা যদি অনলের ঘর ।
 পুনরপি যাই চল হস্তিনানগর ॥
 যুধিষ্ঠির বলেন, এ নহে সুবিচার ।
 এই কথা লোকে তবে হইবে প্রচার ॥

দুর্ঘ্যোধন বিচার করিবে নিজচিত্তে ।
 নিশ্চয় আমার কার্য্য পারিল জানিতে ॥
 সৈন্যগণে সাজি ছুট করিবেক রণ ।
 তার হাতে সর্বসৈন্য সর্বরত্নধন ॥
 কি কাজ বিবাদে ভাই, না যাব তথায় ।
 নির্ধন নিঃসৈন্য আমি, নাহিক সহায় ॥
 সাবধান হৈয়া এই গৃহেতে বসিব ।
 আমরা যে জানি, ইহা কারে না বলিব ॥
 পঞ্চভাই একত্র না রব কোনস্থলে ।
 হেথা হৈতে পলাইব কিছুদিন গেলে ॥
 অনুক্ষণ মৃগয়া করিব পঞ্চজন ।
 পথ-ঘাট জ্ঞাত হৈব বন-উপবন ॥
 সব জ্ঞাত হৈব, ইহা কেহ নাহি জানে ।
 হেনমত বিচারি রহিল ছয়জনে ॥

হেথায় আকুলচিত্ত বিদুর হুমতি ।
 নিরন্তর অনুশোচে পাণ্ডবের প্রীতি ॥
 কিমতে বাহির হৈবে জড়গৃহ হ'তে ।
 পলাইবে, যেন কেহ না পারে লক্ষিতে ॥
 বিচারিয়া বিদুর করিল অনুমান ।
 খনক আনিল, জানে সূড়ঙ্গ-নির্মাণ ॥
 খনক স্রবুজি বড় বিদুরে বিশ্বাস ।
 সকল কহিয়া পাঠাইল ধর্ম্মপাশ ॥
 খনক করিল যুধিষ্ঠিরে নমস্কার ।
 ধীরে ধীরে কহে বিদুরের সমাচার ॥
 পাঠাইল বিদুর আমাকে তব কাছে ।
 তুমি খনিবার বিদ্যা আমার যে আছে ॥
 একান্তে কহিল মোরে ডাকি নিজপাশ ।
 শত্রুপক্ষ বলি যদি কর অবিশ্বাস ॥

অতএব এই চিহ্ন কহিল আমারে ।
আসিতে কি স্নেহভাষা কহিল তোমারে ॥
যাহে জন্ম, তাহে ভঞ্জে, শীতল বিনাশে ।
ইহার আছয়ে ভয়, যাহে যেই দেশে ॥

শুনি যুধিষ্ঠির তারে দিলেন আশ্বাস ।
জানিলাম তোমারে, নাহি অবিশ্বাস ॥
বিদুরের প্রিয় ভূমি, তেঞি পাঠাইল ।
ভূমি যে বিদুর-ভুল্য আজি জানা গেল ॥
আমা-সবাকার ভাগ্যে হৈলে উপনীত ।

অবধানে দেখে দুর্ভেদ-কৌরব-চরিত ॥
শগ-জতু-মৃত-বীশ-সংযোগে রচিত ।
যন্ত্রের খিলনি করি গৃহ চতুর্ভিত ॥
ক'রে চতুর্দিকে গর্ত গভীর-বিস্তার ।
অক্ষৌহিণী-বলে পুরোচন রাখে দ্বার ॥
এইরূপে পড়িয়াছি বিপদ-বন্ধনে ।
উপায় করিয়া মুক্ত কর ছয়জনে ॥
লোকে যেন নাহি জানে সব বিবরণ ।
হেন বুদ্ধি কর ভূমি, হও বিচক্ষণ ॥

শুনিয়া খনক তবে করিল উত্তর ।
খুদিতে লাগিল গর্ত গৃহের ভিতর ॥
সুড়ঙ্গের মুখে দিল কপাট উত্তম ।
উপরে মৃত্তিকা দিয়া কৈল ভূমিসম ॥
চতুর্দিকে ছিল গর্ত গহন-গভীর ।
ততোধিক তথায় খনিল মহাবীর ॥
গঙ্গাতীর পর্য্যন্ত সুড়ঙ্গ খনি গেল ।
সম্পূর্ণ করিয়া কার্য্য আসি নিবেদিল ॥
শুনিয়া হরিষচিত্ত পঞ্চ-সহোদর ।
প্রণমিয়া খনক চলয়ে নিজঘর ॥
পুনরপি কহে পূর্ব-বিদুর-বচন ।
চতুর্দশী-রাত্রে অগ্নি দিবে পুরোচন ॥

সাবধান হইয়া থাকিবে ছয়জন ।
এত বলি খনক চলিল ততক্ষণ ॥
বিদুরে কহিল গিয়া সব বিবরণ ।
বারণাবতেতে যত কৈল প্রকরণ ॥
খনকের মুখে বার্তা বিদুর পাইল ।
শুনিয়া বিদুর বড় সন্তুষ্ট হইল ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৭৫। জতুগৃহদাহ ।

হেনমতে তথায় রহিল ছয়জন ।
মৃগয়া করিয়া ভ্রমে বন-উপবন ॥
বৎসরেক জতুগৃহে করিল নিবাস ।
পুরোচন জানিল যে, জন্মেছে বিশ্বাস ॥
পুরোচন-মন বুঝি ধর্ম্মের নন্দন ।
ভ্রাতৃগণে আনিয়া বলেন ততক্ষণ ॥
আমা-সবে বিশ্বাসী জানিল পুরোচন ।
সাবধান হইয়া থাকিব ছয়জন ॥
আজি রাত্রে অগ্নি দিবে বুঝি পুরোচন ।
বিদুরের কথা ভাই চিস্তহ এখন ॥

ভীম বলে, দিবসে করিতে নারে বল ।
রাত্রি হৈলে পাবে দুর্ভেদ আপনার ফল ॥
কুন্তীদেবী শুনিয়া বলেন পুত্রগণে ।
পলাইয়া কোথায় ভ্রমিবে বনে-বনে ॥
স্বমতে করাও আজি ব্রাহ্মণ-ভোজন ।
ক্ষুধিত বিপ্রেণে তোষ দিয়া বহুধন ॥
জননীর আজ্ঞায় আনিল দ্বিজগণ ।
কুন্তীদেবী করাইল ব্রাহ্মণ-ভোজন ॥
ভোজন করিয়া দ্বিজ গেল সর্বজন ।
অমহেতু আইল যতক দুঃখিগণ ॥

পঞ্চপুঞ্জসহ এক নিষাদ-রমণী ।
 অন্নহেতু এল, যথা কুন্তী-ঠাকুরাণী ॥
 পুঞ্জগণে দেখি কুন্তী জিজ্ঞাসেন তায় ।
 আপন-দুঃখের কথা নিষাদী জানায় ॥
 তার দুঃখে হইলেন কুন্তী দুঃখান্বিতা ।
 তথায় রহিল স্নেহে নিষাদবনিতা ॥
 দিনকর অন্ত গেল নিশা প্রবেশিল ।
 যথাস্থানে সর্বলোক শয়ন করিল ॥
 পরিবারসহ গৃহে শুল পুরোচন ।
 কতরাতে হইল নিদ্রায় অচেতন ॥
 বৃকোদরে আভা দেন ধর্ম্মের নন্দন ।
 পুরোচন-দ্বারে অগ্নি দেহ এইক্ষণ ॥
 বৃকোদর পুরোচন-দ্বারে অগ্নি দিল ।
 অগ্নি দিয়া মাতৃসহ গর্ত্তে প্রবেশিল ॥
 অস্ত্রগৃহে জতুগৃহে দিয়া হতাশন ।
 স্নড়ঙ্গ প্রবেশ কৈল পবননন্দন ॥
 মাতৃসহ পঞ্চভাই অতি-শীঘ্র চলে ।
 হেথা জতুগৃহ ব্যাপ্ত হইল অনলে ॥
 অগ্নির পাইয়া শব্দ গ্রামবাসিগণ ।
 জল ল'য়ে চতুর্দিকে ধায় সর্বজন ॥
 নিকটে যাইতে শক্তি নহিল কাহার ।
 চতুর্দিকে ভ্রমে লোক করি হাহাকার ॥
 জতু-স্নত-তৈল-গন্ধ চতুর্দিকে যায় ।
 জতুগৃহ বলিয়া লোকেরা জ্ঞান পায় ॥
 দুর্ভিক্ষ ধ্বংসে কষ্ট কৈল ছুরাচার ।
 কপটে দহিল পঞ্চ পাণ্ডুর কুমার ॥
 ধর্ম্মশীল পঞ্চভাই নহে অপরাধী ।
 সর্বগুণনিধি জিতেন্দ্রিয় সত্যবাদী ॥

তবে সবে জানিল পুড়িল পুরোচন ।
 ভাগ্য-ভাগ্য বলিয়া বলয়ে সর্বজন ॥
 নির্দোষ-জনের হিংসা করে যেই জন ।
 এইরূপ শাস্তি তারে দেন নারায়ণ ॥
 এত বলি কান্দে যত নগরের লোক ।
 পাণ্ডবের গুণ স্মরি করে বহু শোক ॥
 জননী-সহিত হেথা পাণ্ডুর নন্দন ।
 স্নড়ঙ্গ-বাহিরে আসি প্রবেশিল বন ॥
 ঘোর অন্ধকার নিশা, গহন-কানন ।
 কাঁটাপূর্ণ বনপথে যায় ছয়জন ॥
 রাজার কুমার সব, রাজার গৃহিণী ।
 তাহে অন্ধকার নিশা, পথ নাহি চিনি ॥
 চলিতে অশক্ত কুন্তী, ধর্ম্ম-যুধিষ্ঠির ।
 ধনঞ্জয় মাদ্রৌপুত্র কোমল-শরীর ॥
 কত দূরে গিয়া কুন্তী হন অচেতন ।
 শীঘ্রগতি যাইতে না পারে পঞ্চজন ॥
 তবে বৃকোদর নিল মায়ে স্কন্ধে করি ।
 দুই কক্ষে মাদ্রৌপুত্র, হস্তে দৌহা ধরি ॥
 বায়ুবেগে যান ভীম লৈয়া পঞ্চজনে ।
 বৃক্ষ-শীলা চূর্ণ হয় ভীমের চরণে ॥
 অতি-শীঘ্রগতি যায় ভীম মহাবীর ।
 নিশাযোগে উত্তরিল জাহ্নবীর তীর ॥
 গভীর গঙ্গার জল অতি সে বিস্তার ।
 দেখি হৈল চিস্তিত কেমনে হৈব পার ॥
 চিস্তিতা ভোজের পুত্রী পঞ্চ-সহোদর ।
 গঙ্গাজল পরিমাণ করে বৃকোদর ॥
 হেনকালে দিব্য এক আইল তরণী ।
 পবন-গমনা তাহে শোভে পতাকিনী ॥

নোকায় কৈবর্ত বিদুরের অনুচর ।
না পাইয়া পঞ্চ ভায়ে চিস্তিত-অস্তর ॥
দূরে থাকি কৈবর্ত করিল নমস্কার ।
কহিতে লাগিল বিদুরের সমাচার ॥
আমারে পাঠায়ে দিল পরম-যতনে ।
তোমা-সবে পার করিবারে নৌকাযানে ॥
অবিশ্বাসী নহি আমি, বিদুরের জন ।
সঙ্কেতে আমারে পাঠাইল সে-কারণ ॥
যখন আইলা সবে বারণানগর ।
স্নেহভাষে তোমা-সে কহিল উত্তর ॥
যাহে জন্ম, তাহে ভঞ্জে, শীতল বিনাশে ।
ইহার আছয়ে ভয়, যাহে যেই দেশে^১ ॥
এই চিহ্ন বলে মোরে আসিবার কালে ।
পাঠাইল পার করিবারে গঙ্গাজলে ॥

তাহার বচন শুনি বিশ্বাস জন্মিল ।
ছয়জন গিয়া নৌকা-আরোহণ কৈল ॥
চালাইল নৌকা তবে পবন-গমনে ।
পুনরপি কহে দাস বিদুর-বচনে ॥
বিদুর বলিল এই করুণা-বচন ।
হেথা থাকি শিরোস্ত্রাণ, করি আলিঙ্গন ॥
কতকাল অজ্ঞাতে বঞ্চহ কোনস্থানে ।
দুঃখ-ক্লেশ সহি কর কালের হরণে ॥
কহিতে কহিতে সবে হৈলা গঙ্গাপার ।
মাতাসহ কূলে উঠে পাণ্ডুর কুমার ॥

বলেন কৈবর্ত-প্রতি ধর্ম্মের নন্দন ।
বিদুরে কহিবা গিয়া মম নিবেদন ॥

বিষম প্রমাদ হৈতে হইলাম পার ।
তোমা হৈতে পাণ্ডবের বন্ধু নাহি আর ॥
তোমার উপায়হেতু রহিল জীবন ।
পুনঃ ভাগ্য হইলে হইবে দরশন ॥
এত বলি কৈবর্তেরে করিল মেলানি ।
বনেতে প্রবেশ কৈল প্রভাত-রজনী ॥
গঙ্গার দক্ষিণে যান কুন্তীর নন্দন ।
ধীবর করিল তবে উত্তরে গমন ॥
এস্থানে প্রভাত হৈলে নগরের লোক ।

জতুগৃহ-নিকটে আসিয়া করে শোক ॥
জল দিয়া নিবাইল, যে ছিল অনল ।
ভস্ম উলটিয়া সবে নিরখে সকল ॥
দ্বারমধ্যে দেখিল পুড়িল পুরোচন ।
তাহার হৃদয় যত ভাই-বন্ধুগণ ॥
অস্ত্রগৃহে পুড়িল যতক অস্ত্রধারী ।
প্রত্যেকে প্রত্যেক ভস্ম দেখিল বিচারি ॥
জতুগৃহ-দ্বারে তবে গেল ততক্ষণ ।
দেখিল অনলে দগ্ধ আছে ছয়জন ॥
দেখিয়া সকল লোক হাহাকার করে ।
গড়াগড়ি দিয়া পড়ে ভূমির উপরে ॥
হায় হায় কোথা কুন্তী-মাতীর নন্দন ।
নিরখিয়া সর্বলোক করয়ে ক্রন্দন ॥
এই কক্ষ করিল পাপিষ্ঠ দুর্ঘোষন ।
জতুগৃহ করিতে আইল পুরোচন ॥
দুর্ভবুদ্ধি ধৃতরাষ্ট্র সেও ইহা জানে ।
কপট করিয়া দগ্ধ কৈল পুত্রগণে ॥

১। যে কাঠে-কাঠে বর্ষণে অগ্নির জন্ম, সেই কাঠই তাহার ভক্ষ্য । অগ্নি শীতলতা নষ্ট করে । যে-দেশে তোমরা যাইতেছ, সেই দেশে ইহার অর্ধাৎ এই অগ্নির ভয় আছে । সুধিষ্টিরাদি যখন বারণাবতে আসেন, তখন এইরূপ কৌশলপূর্ণ বাক্যে বিদুর তাঁহাদিগকে সাবধান করিয়া দিরাছিলেন ।

এইক্ষণে আমা-সবাকার এই কাজ ।
 লোক পাঠাইয়া দেহ হস্তিনার মাঝ ॥
 ধৃতরাষ্ট্রে ব'লো, না করিহ কিছু ভয় ।
 মনোবাঞ্ছা পূর্ণ তোর হৈল দুরাশয় ॥
 হস্তিনানগরে দূত গেল শীঘ্রগতি ।
 জানাইল সমাচার অন্ধরাজ-প্রতি ॥
 জতুগৃহে ছিলা কুন্তী-পাণ্ডুর নন্দন ।
 নিশাযোগে অগ্নি তাহে দিল কোন্ জন ॥
 পুত্রসহ কুন্তীদেবী হইল দাহন ।
 পরিবারসহ দন্ধ হৈল পুরোচন ॥
 এত শুনি ধৃতরাষ্ট্রে শোকে অচেতন ।
 ক্রণেক নিঃশব্দ হৈয়া করিল ক্রন্দন ॥
 হা হা কুন্তী যুধিষ্ঠির ভীম ধনঞ্জয় ।
 হা হা সহদেব আর নকুল দুর্জয় ॥
 আজি জানিলাম আমি পাণ্ডুর নিধন ।
 ভ্রাতৃশোক না ছিল এ-সবার কারণ ॥
 বিবিধ বিলাপ করে অন্ধ-নরবর ।
 সমাচার গেল অন্তঃপুরীর ভিতর ॥
 গান্ধারী প্রভৃতি ছিল যত নারীগণ ।
 শোকেতে আকুল সবে করয়ে ক্রন্দন ॥
 ভীষ্ম দ্রোণ কৃপাচার্য্য বাহ্লীক বিদুর ।
 পাণ্ডবের যুত্ব্য শুনি শোকেতে আতুর ॥
 নগরের লোকসব কান্দয়ে শুনিয়া ।
 পাণ্ডবের গুণসব হৃদয়ে স্মরিয়া ॥
 কেহ ডাকে যুধিষ্ঠির, কেহ বৃকোদর ।
 কেহ ধনঞ্জয়, কেহ মাজীর কোঙর ॥
 হা হা কুন্তী বলি কেহ করয়ে ক্রন্দন ।
 এইমত নগরে কান্দয়ে সর্বজন ॥
 তবে ধৃতরাষ্ট্রে আঁক করিল বিধান ।
 ব্রাহ্মণেরে দিল বহু ধেনু-রত্ন দান ॥

এখায় পাণ্ডবগণ ভুক্তি অতিক্রম ।
 হিড়িম্বের অরণ্যেতে করিল প্রবেশ ॥
 পথশ্রম আর ভয়-ক্ষুধা-তৃষ্ণা-যুত ।
 কহেন ডাকিয়া কুন্তী-প্রতি পঞ্চযুত ॥
 বহুদূর আইলাম অরণ্য-ভিতর ।
 তৃষ্ণায় আকুল নাহি চলে কলেবর ॥
 যাইতে না পারি আর বিনা জলপানে ।
 কিছুক্ষণ বিশ্রাম করহ এই স্থানে ॥
 এত শুনি যুধিষ্ঠির বলেন বচন ।
 না জানি মরিল, কিংবা জীয়ে পুরোচন ॥
 দুই দুরাচার দুর্ব্যোধনের মন্ত্রণা ।
 এই সমাচার পাছে কহে কোন জনা ॥
 তবে ত সাজিয়া দলে আসিবে হেথায় ।
 কি করিব তবে পুনঃ, কহ ত উপায় ॥
 ভীম বলে, নিঃশব্দে থাকহ এইখানে ।
 পশ্চাতে যাইব তৃপ্ত হৈয়া জলপানে ॥
 অশ্রু সবজনেরে রাখিয়া বটমূলে ।
 জল-অন্বেষণে ভীম ভ্রমে নানাস্থলে ॥
 জলচর-শব্দ বীর শুনি কতদূরে ।
 শব্দ-অনুসারে গেল জল আনিবারে ॥
 জলেতে নাথিয়া ভীম কৈল স্নানপান ।
 জল লইবারে ভীম নাহি পায় স্থান ॥
 পাত্র না পাইয়া ভীম বস্ত্র ভিজাইল ।
 বসনে করিয়া জল লইয়া চলিল ॥
 দুই ক্রোশ গিয়াছিল জলের কারণ ।
 ক্ষণমাত্রে পুনঃ এল পবননন্দন ॥
 বটমূলে আসিয়া দেখিল বৃকোদর ।
 মাতৃসহ নিদ্রা যায় চারি সহোদর ॥
 ধূল্যয় ধূসর হৈয়া ভূমিতে শয়ন ।
 দেখিয়া বিলাপ করে পবন-নন্দন ॥

বল্লদেব-ভগিনী যে কুস্তীভোজ-সুতা ।
 বিচিত্রবীৰ্য্যের বধু পাণ্ডুর বনিতা ॥
 বিচিত্র-পালঙ্কোপরি শয্যা মনোহর ।
 নিদ্রা নাহি হয় যঁার তাহার উপর ॥
 হেন মাতা গড়াগড়ি যায় ভূমিতলে ।
 হরি হরি বিধি হেন লিখিল কপালে ॥
 কমল-অধিক যার কোমল শরীর ।
 চেন ভাই ভূমিতে লোটায় যুধিষ্ঠির ॥
 তিন-লোক-ঈশ্বরের যোগ্য যেই জন ।
 সহজ-মনুষ্যপ্রায় ভূমিতে শয়ন ॥
 অৰ্জ্জুন-সমান বীৰ্য্যবন্ত কোন্ জন ।
 হেন ভাই কৈল হায় ভূমিতে শয়ন ॥
 স্পন্দর নকুল সহদেব অনুপাম ।
 বীৰ্য্যবন্ত বুদ্ধিমন্ত সর্বগুণধাম ॥
 এরূপ দুর্গতি নাহি হয় কোনজনে ।
 দুষ্কবুদ্ধি জ্ঞাতি দুৰ্য্যোধনের কারণে ॥
 আপদে তরয়ে লোক জ্ঞাতির সহায় ।
 বনে যেন বৃক্ষে-বৃক্ষে বাতে রক্ষা পায় ॥
 দুৰ্য্যোধন কুলাঙ্গার হৈল জ্ঞাতি-বৈরী ।
 গৃহ ত্যজি যার হেতু বনে বনচারী ॥
 দুৰ্য্যোধন কর্ণ আর শকুনি দুশ্মতি ।
 ধৃতরাষ্ট্র সেও দুষ্ট করিল অনীতি ॥
 ধর্ম্মেরে না করে ভয়, রাজ্যে লুক্ক মন ।
 পাপেতে নিমগ্ন হৈল দুষ্ট দুৰ্য্যোধন ॥
 পুণ্যবলে নহে, দুষ্ট জীয়ে দৈববলে ।
 কোন্ দেব বরদায়ী হৈল কোন্ কালে ॥
 হেন কদাচার নাহি করে কোনজন ।
 দৈবের নির্বন্ধ কভু না হয় খণ্ডন ॥

হেন কর্ম্ম ধৃতরাষ্ট্র আপনি করিলে ।
 বিধিমতে শাস্তি আমি দিব যথাকালে ॥
 জ্যেষ্ঠ শ্রেষ্ঠ, দুষ্ট ধৃতরাষ্ট্র মহারাজা ।
 তাহাকে নিষেধ করে নাহি হেন রাজা ॥
 এই পাপে কৌরবেরে করিব নিধন ।
 অবশ্য মারিব তার শতেক নন্দন ॥
 এত দুঃখ সহ কেন ঈশ্বর্য্য আমার ।
 কটাক্ষেতে আজ্ঞা পেলে করি যে সংহার ॥
 মহাধর্ম্মশীল তুমি ধর্ম্মেতে তৎপর ।
 তেত্রিঃ এত দুঃখ পাও গুণের সাগর ॥
 সে-কারণে আজ্ঞা না করেন যুধিষ্ঠির ।
 গদার বাড়িতে তার লোটাতে শরীর ॥
 কোন্ মন্ত্র মহৌষধি কৈল কোন্ জন ।
 সে-কারণে রহে দুষ্ট তোমার জীবন ॥
 ধর্ম্মাত্মা যুধিষ্ঠির না করে পাপাচার ।
 সে-কারণে এত দুঃখ আমা-সবাকার ॥
 কোন্ কর্ম্মে অশক্ত যে হই মোরা সব ।
 তবু আজ্ঞা না করেন মারিতে কৌরব ॥
 কহিতে-কহিতে ক্রোধ হৈল রুকোদরে ।
 দুই চক্ষু লোহিত কচালেং দুই করে ॥
 পুনঃ ক্রোধ সংবরিয়া দেখে ভ্রাতৃগণে ।
 নিদ্রাভঙ্গ না করেন বিচারিয়া মনে ॥
 জাগিয়া রহিল ভীম বটবৃক্ষমূলে ।
 চারি ভাই মাতা নিদ্রা যাতেন বিভোলে ॥
 হেনকালে হিড়িম্ব-নামেতে নিশাচর ।
 বিপুল-বিস্তার-কায় লোকে ভয়ঙ্কর ॥
 দন্তপাটি বিদাকাটিং জিহ্বা লহলহ ।
 দীর্ঘকর্ণ, রক্তবর্ণ, চক্ষু কুপগৃহ ॥

১। আমার ঈশ্বরভূত পুত্রা জ্যেষ্ঠজাতা যুধিষ্ঠির । ২। রণভার । ৩। বিদা—একপ্রকার কবিরাজ । ইহার গায়ে দৌধ-নির্মিত কাণ্ডি লাগানো থাকে । হিড়িম্বের দাঁতগুলি সেই কাণ্ডির মত ।

কৃষ্ণ-অঙ্গ অতি ব্যঙ্গ্য শিরা দীর্ঘতর ।
সেইকালে ছিল শালবৃক্ষের উপর ॥
পেয়ে গন্ধ হ'য়ে অঙ্গ চতুর্দিকে চায় ।
চন্দ্রপ্রভা মুখ-শোভা জলরুহং প্রায় ॥
সুশোভন ছয়জনে দেখি বটমূলে ।
হৃষ্টমতি ভগ্না-প্রতি নিশাচর বলে ॥
চিরদিন ভক্ষ্যহীন থাকি উপবাসে ।
দৈবযোগে দেখ আগে আইল মানুষে ॥
সুপ্রভাত, অকস্মাৎ মাংস উপনীত ।
ছয়জনে মোর স্থানে আনহ হরিত ॥
নাহি ভয়, নিজালয়, যাহ শীঘ্রগতি ।
মোর বনে কোন্ জন বিরোধিবে সতী ॥
ভ্রাতৃকথা শুনি তথা চলিল রাক্ষসী ।
বীরবর বুকোদর যথা আছে বসি ॥
মহাভারতের কথা অমৃত-সমান ।
কাশীরাম দাস কহে শুনে পুণ্যবান ॥

৭৬। পাণ্ডবগণের নিকট হিড়িম্বার আগমন ।

নিশাচরী দূরে থাকি, বীর বুকোদরে দেখি,
শরীর নেহালে ঘন-ঘন ।
কিবা স্নেহের চূড়া, যেন শালক্রম-কৌড়া,
শশিমুখ পঙ্কজ-নয়ন ॥
সিংহের বিক্রমধর, ভুজযুগ করিকর,
কন্যকর্ণাং খগবর-নাসা ।
অঙ্গ নিরখিয়া ক্ষণে, মাতিল অনঙ্গবাণে,
মনে চিন্তে হিড়িম্বের স্বসা ॥

এমন স্তম্ভর রূপে, নাহি দেখি ইহলোকে,
যক্ষ-রক্ষ-মনুষ্য-ভিতরে ।
মম ভাগ্যহেতু বিধি, মিলাইল হেন নিধি,
স্বামী আমি করিব ইহারে ॥
ভাই মোর ছুরাচারী, এ-হেন পুরুষ মারি,
মাংস থাইবেক মনঃস্থখে ।
ইহারে রাখিয়া আমি, বরিয়া করিব স্বামী,
চিরকাল বঞ্চিব কোঁতুকে ॥
এতেক কামনা করি, কামরূপা নিশাচরী,
দিব্যরূপা হইল কামিনী ।
পূর্ণচন্দ্র মুখখানি নয়ন কুরঙ্গ-জিনি,
স্তনযুগবরা নিতম্বিনী ॥
কামের কাম্যুক ভুরু, তিলফুল নাসা চারু,
ত্রুটিযুগ-নিন্দিত গুণিনী ।
করিকর-যুগ উরু, স্তম্ভর কদলীতরু,
মস্ত-বর-মাতঙ্গ-চলনী ॥
চম্পক-কুসুম-আভা, অঙ্গের বরণ-শোভা,
কটাক্ষে মোহিত মুনি-মন ।
আসিয়া ভীমের পাশে, সলজ্জিত যুত্বভাবে,
কহে যেন কোকিল-ভাবণ ॥
কহ-তুমি কোন্ জন, কোথা হৈতে আগমন,
কি-হেতু আইলা এই বন ।
দেবতার মূর্তি-প্রায়, ভূমিতলে নিদ্রা যায়,
কেবা হয় এই চারিজন ॥
নিদ্রা যায় নিরুপমা, স্তম্ভরী ঘনশ্যামা,
এ-রামা তোমার কেবা হয় ।
এ-ঘোর দুর্গমবনে, নিদ্রা যায় অচেতনে,
নাহি জ্ঞান রাক্ষস-আলয় ॥

তিলেক নাহিক ডর, যেন আপনার ঘর, বড় দুষ্ঠ মম ভ্রাতা, এখনি আসিবে এথা,
অতিশয় দেখি দুঃসাহস । সাবধান হইতে জানাই ।
এই বন-অধিকারী, পাপ-আত্মা ছুরাচারী, জাগাইয়া সর্বজনে, মোর পৃষ্ঠে আরোহণে,
ভয়ঙ্কর হিড়িম্ব-রাক্ষস ॥ লইয়া যাইব অস্ত্র ঠাই ॥
হয় সে আমার ভ্রাতা, মোরে পাঠাইল এথা, ভীম বলে, ভ্রাতা মায়, স্তখে শুয়ে নিদ্রা যায়,
তোমা সব ধরিয়া লইতে । কেন নিদ্রা করিব ভঞ্জন ।
মনুষ্যাদিজন-বৈরী, মাংসলোভী পাপকারী, তোর ভাই কোন্ ছার, কেবা ভয় করে তার,
ইচ্ছা করে তোমায়ে খাইতে ॥ আমি তারে না করি গণন ॥
দেখিয়া তোমার অঙ্গ, দহিছে অনঙ্গ অঙ্গ, কীটজ্ঞান করি রক্ষ, দেবতা-গন্ধর্ব্ব-যক্ষ
স্বামী করি বরিনু তোমায়ে । নাহি সহে মোর পরাক্রম ।
মিথ্যা নাহি কহি আমি, বুঝি কার্য্য কর স্বামি, হের, দেখ স্থলোচনি, আমার যুগলপানি,
সাবধান হও রাক্ষসেরে ॥ দেখিয়া করয়ে ভয় যম ॥
আজ্ঞা কর এইক্ষণে, ল'য়ে যাই অস্ত্রস্থানে, যাহ বা থাকহ এথা, মনে লয় যেই কথা,
পর্ব্বত-কন্দরে অস্ত্র বনে । কর, চিন্তে যেই অভিলাষ ।
হিড়িম্বার মুখে শুনি, মেঘের নিনাদবাণী, নতুবা তথায় গিয়া, ভায়ে দেহ পাঠাইয়া
রুকোদর কহে ততক্ষণে ॥ কি করিবে আসি মোর পাশ ॥
দেখি তোরে স্থলক্ষণী, কহিস্ অনীতি-বাণী, ভীম-হিড়িম্বাতে কথা বিলম্ব দেখিয়া হেথা,
এই কথা না বলিস্ লোকে । হিড়িম্ব হইল ক্রোধমন ।
নহি হেন ছুরাচারী, মাতা ভ্রাতা পরিহরি, অতি-ভয়ঙ্কর-মূর্তি, কালান্তের সমবর্তী^১,
স্ত্রী লইয়া যাইব কোতুকে ॥ আসে ঘোর করিয়া গর্জ্জন ॥
সবারে রাক্ষসমুখে, দিয়া আমি যাব স্তখে, দেখি মহা ভয় করি, ত্রস্ত হৈয়া নিশাচরী,
তোমায়ে লইয়া অস্ত্রস্থান । সক্রোধে কহে রুকোদরে ।
কহিতে এমন কাজ, মুখে তোর নাহি লাজ, হের, দেখ মোর ভাই, যেন ঘোর মহাবাই,^২
কামশরে হইলি অজ্ঞান ॥ আইসে ছরস্ত্র ক্রোধভরে ॥
এত শুনি নিশাচরী, কহে যোড়কর করি, নির্দয় নিষ্ঠুরতর, থাইল অনেক নর,
মুছ-মুছ মধুর-বচনে । দেখিয়াছি আমি বিদ্যমান ।
আজ্ঞা কর মহাশয়, যে তোমার প্রিয় হয়, বিলম্ব না কর ভূমি, বিশেষে রাক্ষস-ভূমি,
প্রাণপণে করিব এক্ষণে ॥ মায়াবী, অধিক বলবান ॥

বিলম্ব না কর প্রভু, অজ্ঞা মোরে দেহ তবু,
 গৃষ্ঠে করি লই সবাকারে ।
 উড়িব পবনভরে, যথা বল, তথাকারে,
 লৈয়া যাব নিমেষ-ভিতরে ॥
 হিড়িম্বে দেখিয়া উগ্র, হিড়িম্বারে দেখি ব্যগ্র
 হাসি বলে পবন-নন্দন ।
 স্থির হও স্তবদনি, কি ভয় কর গো ধনি,
 বসি দেখে কৌতুক এখন ॥
 আশ্রক তোমার ভাই, মুহূর্ত্তেকে মোর ঠাই,
 প্রাণ দিবে পতঙ্গ-সমান ।
 এইমাত্র হবে তোকে, মজিবি ভ্রাতার শোকে,
 ইহা বই নাহি দেখি আন ॥
 ভারত-সঙ্গীত-রস, শ্রবণেতে পুণ্য-যশ,
 সদা-শুভ পরম-পবিত্র ।
 কলির কলুষ-নাশ, বিরচিল কাশীরামদাস,
 আদিপর্বে পাণ্ডব-চরিত্র ॥

৭৭। হিড়িম্ব-রাক্ষস-বধ ও ব্যাসের উপদেশে
 একচক্রা নগরীতে গমন ।

ভীম-হিড়িম্বাতে হয় কথোপকথন ।
 দূরে থাকি হিড়িম্ব করয়ে নিরীক্ষণ ॥
 বসিয়াছে হিড়িম্বা ভীমের বামদিকে ।
 ভুবনমোহন রূপ বিদ্যুৎ বলকে ॥
 কবরী বেড়িয়া দিব্য কুন্তলের মালা ।
 মাণিক-প্রবাল-মুক্তা-হার শোভে গলে ॥
 বসন-ভূষণ দিব্য নুপুর-কঙ্কণ ।
 স্বর্গবিজ্ঞানী মোহে নবীন-যৌবন ॥

প্রিয়ভাবে যেমন দম্পতী কথা কয় ।
 দেখিয়া হিড়িম্ব ক্রোধে জ্বলে অতিশয় ॥
 ভগিনীকে ডাক দিয়া বলয়ে হিড়িম্ব ।
 এই-হেতু এতক্ষণ তোমার বিলম্ব ॥
 ধিক্ তোমার জীবনে কুলের কলঙ্কিনী ।
 মনুষ্য-স্বামীতে লোভ করিলি পাপিনী ॥
 মম ক্রোধ তোমার হইল পাসরণ ।
 মম ভক্ষ্যে ব্যাঘাত করিলি সে-কারণ ॥
 এই-হেতু আগে তোরে করিব সংহার ।
 পশ্চাতে এ-সব জনে করিব আহার ॥
 এত বলি যায় হিড়িম্বারে মারিবারে ।
 নয়ন লোহিত, দন্ত কড়মড় করে ॥
 ভীম বলে, রাক্ষস! রে তোমার লাজ নাই ।
 ভগিনীকে পাঠাইলি পুরুষের ঠাই ॥
 তুই পাঠাইলি, তেঁই আইল এখায় ।
 মদনের বশ হৈয়া ভজিল আমায় ॥
 কামপত্নী আমার হইল তোর স্বাস ।
 মোর বিজ্ঞমানে দুষ্ঠ বলিস্ দুর্ভাষা ॥
 মরিবারে চাস্ রে করিস্ অহঙ্কার ।
 এইক্ষণে পাঠাইব যমের দুয়ার ॥
 মাতা ভ্রাতা শুইয়া যে নিদ্রায় বিভোল ।
 নিদ্রোভঙ্গ হইবেক, না করিস্ গোল ॥
 ভীমের বচনে সে রাক্ষস নাহি থাকে ।
 উর্দ্ধবাহু যায় মারিবারে হিড়িম্বাকে ॥
 হাসিয়া কুন্তীর পুত্র দুই হাতে ধরে ।
 এক টানে লয় অষ্ট-ধনুক^১ -অস্তুরে ॥
 মহাবল রাক্ষস আপন হাত কাড়ি ।
 বৃকোদরে ধরিলেক করিয়া আঁকাড়ি ॥

বায়ুর নন্দন ভীম অতি ভয়ঙ্কর ।
 পরম আনন্দ যার পাইলে সমর ॥
 মত্ত যুগপতি যেন ক্ষুদ্রযুগে ধরে ।
 পুনরপি টানিয়া লইল কতদূরে ॥
 দুইজনে টানাটানি ধরি ভুঞ্জে-ভুঞ্জে ।
 শুণ্ডে-শুণ্ডে টানাটানি যেন গঞ্জে-গঞ্জে ॥
 দুই মেঘ যেন মুণ্ডে-মুণ্ডে তাড়াতাড়ি ।
 সঘনে নিঃশ্বাস ছাড়ে, দস্ত কড়মড়ি ॥
 দুই মত্ত সিংহ যেন করে সিংহনাদ ।
 মেঘের নিঃশ্বন যেন, বজ্রের নিনাদ ॥
 দৌঁহাকারে আশ্ফালনে ভাঙ্গে রুক্মণ ।
 পলায় কাননবাসী ত্যজিয়া কানন ॥
 কানন পুরিল শব্দে দৌঁহার গর্জনে ।
 নিদ্রাভঞ্জে উঠিয়া বসিল পঞ্চজনে ॥
 বসিয়াছে হিড়িম্বা নিন্দিত-বিদ্যাধরী ।
 দেখিয়া বিস্মিত হৈল ভোজের কুমারী ॥
 আশ্চর্য্য দেখিয়া কুন্তী উঠি শীঘ্রগতি ।
 যুছুভাবে জিজ্ঞাসেন হিড়িম্বার প্রতি ॥
 কে তুমি, কোথায় হৈতে আইলা গো এথা ।
 অঙ্গুরী নগিনী কিংবা বনের দেবতা ॥
 হিড়িম্বা প্রণাম করি কুন্তী-প্রতি বলে ।
 জাতিতে রাক্ষসী আমি, নিবাস এ-স্থলে ॥
 এই বননিবাসী হিড়িম্বা নিশাচর ।
 মহাযোদ্ধা বীর সে, আমার সহোদর ॥
 পঞ্চপুত্রসহ তোমা ধরি লইবারে ।
 ভাই মোরে পাঠাইয়া দিল এথাকারে ॥
 পরম-সুন্দর দেখি তোমার তনয় ।
 কামে বশ হৈয়া আমি ভজিছু তাহায় ॥
 বিলম্ব দেখিয়া এথা আসে মোর ভাই ।
 তোমার পুত্রের সহ যুঝে দেখ তাই ॥

হিড়িম্বার মুখে শুনি এতেক উত্তর ।
 চারিভাই ভীম-স্থানে চলিল সত্বর ॥
 ভীম-হিড়িম্বের যুদ্ধ না হয় বর্ণনা ।
 যুগল-পর্বত-প্রায় দেখি দুইজনা ॥
 যুদ্ধ-ধূলি-ধূসর দৌঁহার কলেবর ।
 কুণ্ডলিতে আচ্ছাদিল যেন গিরিবর ॥
 দুই ভিতে দৌঁহাকারে টানে দুইজনে ।
 নিঃশ্বাস-পবন-ঝড়ে উড়ে রুক্মণে ॥
 ডাক দিয়া যুধিষ্ঠির বলেন বচন ।
 রাক্ষসেরে ভয় ভাই না কর এখন ॥
 তোমা-সহ রাক্ষসের হইল বিবাদ ।
 নিদ্রায় ছিলাম, এত না জানি প্রমাদ ॥
 সবে মিলি রাক্ষসেরে করিব সংহার ।
 এত শুনি বলে ভীম পবন-কুমার ॥
 কি কারণে সন্দেহ করহ মহাশয় ।
 এইক্ষণে বিনাশিব রাক্ষস-দুর্জয় ॥
 পথিক লোকের প্রায় দেখ দাণ্ডাইয়া ।
 এত বলি দিল লাফ ভুজ প্রসারিয়া ॥
 অর্জুন বলেন, বহু করিলে বিরুদ্ধ ।
 রাক্ষসের যুদ্ধে হৈল বহু পরিশ্রম ॥
 বিজ্ঞাম করহ তুমি থাকিয়া অন্তরে ।
 আমি বিনাশিব ভাই চুফি নিশাচরে ॥
 অর্জুন-বচনে ভীম অধিক কুপিল ।
 চুলে ধরি হিড়িম্বেরে ভূমিতে ফেলিল ॥
 চড় আর চাপড় মুষ্টিক পদাঘাত ।
 পশুবৎ করি তারে করিল নিপাত ॥
 মধ্যদেশ ভাঙ্গিয়া করিল দুইখান ।
 দেখাইল নিয়া সব ভ্রাতৃ-বিদ্যমান ॥
 পরস্পর আলিঙ্গন পঞ্চ-সহোদরে ।
 প্রশংসিল ভ্রাতৃগণ বীর বুকোদরে ॥

অৰ্জুন বলিল তবে চাহি যুধিষ্ঠিরে ।
 এই ত নিকটে গ্রাম, নহে আছে দূরে ॥
 এই সমাচার যদি শুনে কোনজন ।
 লোক-মুখে বার্তা তবে পাবে চূৰ্য্যোধন ॥
 সেকারণে ক্ষণেক রহিতে না যুয়ায় ।
 শীত্র চল অন্তঃস্থানে ত্যজিয়া এথায় ॥
 এতেক বিচারি তবে ভাই পঞ্চজন ।
 মাতার সহিত শীত্র করয়ে গমন ॥
 হিড়িম্বা চলিল তবে কুন্তীর সংহতি ।
 তাহাকে দেখিয়া ক্রোধে বলয়ে মারুতি^১ ॥
 সহজে রাক্ষসজাতি নানামায়া ধরে ।
 ধরিয়া মোহিনী-বেশ ভাঙে সবাকারে ॥
 আপন-স্বভাব কভু ছাড়িতে না পারে ।
 সময় পাইয়া আমা পারে মারিবারে ॥
 সহজে ভ্রাতার বৈর সাধিবার মনে ।
 আমার সংহতি এই চলে সে-কারণে ॥
 একচড়ে করি তোরে ভ্রাতার সংহতি ।
 এত বলি মারিবারে যায় ক্রোধমতি ॥
 যুধিষ্ঠির বলে, ভীম, নহে ধৰ্ম্মাচার ।
 অবধ্যা স্ত্রীজাতি কেন করিবা সংহার ॥
 মহাবল হিড়িম্বেরে করিল সংহার ।
 তোমা বধিবারে শক্তি আছে কি ইহার ॥
 যুধিষ্ঠির-বচনে থামিল বৃকোদর ।
 হিড়িম্বা কুন্তীরে কহে হইয়া কাতর ॥
 কায়মনোবাক্যে মোর সত্য-অঙ্গীকার ।
 তোমা-বিনা মোর গুরু অন্ত নাহি আর ॥
 তোমা-না ভুলাইব প্রপঞ্চ-বচনে^২ ।
 স্ত্রীলোকের মৰ্ম্মপীড়া জানহ আপনে ॥

কামবশ হৈয়া আমি অজ্ঞান হইনু ।
 আপন কুলের ধৰ্ম্ম ভ্রাতৃত্যাগ কৈনু ॥
 সব ত্যজি মজিলাম তোমার নন্দনে ।
 এক্ষণে অনাথা আমি নিলাম শরণে ॥
 শরণাগতেরে ক্রোধ না হয় উচিত ।
 আপনি করহ দয়া দেখিয়া দুঃখিত ॥
 সদাই সেবিব আমি তোমার চরণে ।
 বহু সঙ্কটেতে আমি উদ্ধারিব বনে ॥
 আজ্ঞা কর আমা ভজিবারে বৃকোদরে ।
 নহিলে ত্যজিব প্রাণ তোমার গোচরে ॥
 কৃতাজ্ঞ করি আমি করি যে বিনয় ।
 নহিলে অধৰ্ম্ম তব হইবে নিশ্চয় ॥

হিড়িম্বা এতেক যদি বলিল বচন ।
 দয়াময় যুধিষ্ঠির কহেন তখন ॥
 সত্য বলে হিড়িম্বা, নাহিক ইথে আন ।
 শরণ লইল যেবা করি তারে ত্রাণ ॥
 চলি যাহ হিড়িম্বা লইয়া বৃকোদর ।
 যথাস্থখে কর ক্রীড়া বনের ভিতর ॥
 পুনরপি আমা-সব নিকটে মিলিবা ।
 আপনার সত্যবাক্য কভু না লজিবা ॥
 ধৰ্ম্মের পাইয়া আজ্ঞা অতি হৃষ্টমন ।
 ভীমে ল'য়ে হিড়িম্বা চলিল ততক্ষণ ॥
 শূন্যপথে লইয়া চলিল নিশাচরী ।
 নানাবনে-উপবনে ভ্রমে ক্রীড়া করি ॥
 যথা মন করে, তথা যায় মুহূর্ত্তেকে ।
 নদ-নদী-মহাগিরি ভ্রমে কৌতুকে ॥
 নিত্য-নিত্য নববেশ ধরে অল্পপাম ।
 হেনমতে বহুদিন ক্রীড়া অবিরাম ॥

কতদিনে ঋতুযোগে হৈল গর্ভবতী ।
 ভয়ঙ্করমূর্তি পুত্র হইল উৎপত্তি ॥
 জন্মমাত্র যুবক হইল মহাবীর ।
 যক্ষ-রক্ষ-সুরাসুরে বিপুল-শরীর ॥
 নানাবর্ণ^১ ঘটবৎ^২ উৎকচ^৩ স্ক্রুলাকার ।
 ঘটোৎকচ^৪ নাম তেঁই ভীমের কুমার ॥
 মহাবলবান্ হৈল হিড়িম্বা-নন্দন ।
 ইন্দ্র-শক্তি একাঙ্গীর যে হবে ভাজন ॥
 ঘটোৎকচ মাতৃসহ মন্ত্রণা করিয়া ।
 কৃতাজ্জলি কহে দৌহে দণ্ডবৎ হৈয়া ॥
 আঞ্জা কর, যাব আমি আপন-আলয় ।
 স্মরিলে আসিব, এই রহিল নিশ্চয় ॥
 আঞ্জা পেয়ে মাতাপুত্রের করিল গমন ।
 উত্তরদিকেতে গেল আপন-ভবন ॥

পাণ্ডবেরা চলিলেন সহিত জননী ।
 একস্থানে না থাকেন একই রজনী ॥
 পরিধানে বন্ধ শোভে, শিরে জটভার ।
 কোথাও ব্রাহ্মণ, কোথা তপস্বি-আকার ॥
 পথে লোকজন দেখি লুকায়েন বনে ।
 শীঘ্রগতি যান কোথা কহে নাহি জানে ॥
 ত্রিগর্ভ-পাঞ্চাল-মৎস্যাদিক যত দেশ ।
 ভ্রমিলেন বহুক্লেশ সহিয়া বিশেষ ॥

হেনমতে ভ্রমেন সে পাণ্ডুপুত্রগণ ।
 আচম্বিতে আইলেন ব্যাস-তপোধন ॥
 ব্যাসে দেখি কুন্তীদেবী পুত্রের সহিতে ।
 কৃতাজ্জলি প্রণমিয়া দাঁড়ান অগ্রেতে ॥
 ব্যাসের সাক্ষাতে কুন্তী করেন ক্রন্দন ।
 বহু বিলাপিয়া দেবী বলেন বচন ॥

নিবর্তিয়া তাঁরে ব্যাস কহিলেন বাণী ।
 আমারে কি বল তুমি, সব আমি জানি ॥
 অধর্ম করিল ধৃতরাষ্ট্র-পুত্রগণ ।
 বহু সঙ্কটেতে ভ্রমিতেছ বনে-বন ॥
 যত কৈল, অগোচর নাহিক আমায় ।
 সে-কারণে দেখিবারে এলাম এখান ॥
 দুঃখ না ভাবিহ বধু, স্থির কর মন ।
 অচিরে হইবে তব দুঃখ-বিমোচন ॥
 তব পুত্রগণ-গুণ না জানহ তুমি ।
 মম অগোচর নাহি, সব আমি আমি ॥
 ধর্মবলে বাহুবলে জিনিবে সকলে ।
 বিভব করিবে সাগরাস্ত-ভূমণ্ডলে ॥
 এক্ষণে যা বলি আমি, শুনে সাবধানে ।
 বহুদুঃখ পেলে, বহু ভ্রমিলা কাননে ॥
 নিকটে নগর এই একচক্রা-নাম ।
 কতদিন রহি তথা করহ বিশ্রাম ॥
 গুপ্তবেশে এইখানে থাক ছয়জনে ।
 তাবৎ থাকহ আমি না আসি যতদিনে ॥
 এত বলি ব্যাস সবে লইয়া সংহতি ।
 নগরে ব্রাহ্মণ-গৃহে দিলেন বসতি ॥
 ব্রাহ্মণের গৃহে রহিলেন ছয়জন ।
 স্বস্থানে গেলেন ব্যাস মহাতপোধন ॥
 পুণ্যকথা ভারতের অমৃত-সমান ।
 কাশীরাম দাস কহে, শুনে পুণ্যবান্ ॥

১। বিবিধ বর্ণের দেহ। ২। ঘটবৎ=করিরূপের মত। ৩। উৎকচ=কেশশূন্য। ৪। ঘটের (করিরূপের ভায়) উৎকচ (কেশশূন্য) যাঁহা বলিয়া এইরূপ নাম।

৭৮। পাণ্ডবগণের একচক্রা নগরে বাস ও
বকবধ-বৃত্তান্ত।

অজ্ঞাতে ব্রাহ্মণ-গৃহে পাণ্ডুপুত্রগণ।
নগরে ভ্রমেন নিত্য ভিক্ষার কারণে ॥
ভিক্ষা করি আসি সবে দিবা-অবসানে।
যাহা কিছু পান, দেন জননীর স্থানে ॥
জননী করিয়া পাক দেন সবাকারে।
অর্দ্ধেক বাঁটিয়া দেন বীর বৃকোদরে ॥
মাতা সহ অর্দ্ধ খান চারি সহোদর।
তথাপি নহেন তৃপ্ত বীর বৃকোদর ॥

হেনমতে বিপ্রগৃহে বঞ্চে অতিক্রমণে।
ভিক্ষা করে অনুদিন ব্রাহ্মণের বেশে ॥
একদিন গৃহেতে রহিল বৃকোদর।
ভিক্ষাতে গেলেন আর চারি সহোদর ॥
আচম্বিতে বিপ্রগৃহে মহাশব্দ শুনি।
বিলাপ করিয়া কান্দে ব্রাহ্মণ-ব্রাহ্মণী ॥
করুণহৃদয়া কুন্তী সহিতে নারিয়া।
কহেন নিকটে বৃকোদরেরে ডাকিয়া ॥
এতদিন বিপ্রগৃহে আছি যে অজ্ঞাতে।
পরম সাহায্য বিপ্র করিল বিপত্তে ॥
এখন বিপদগ্রস্ত হইল ব্রাহ্মণ।
অবশ্য বিপদে তাঁরে করহ রক্ষণ ॥
উপকারী জনে যেবা সাহায্য না করে।
পরলোকে পাপ হয় অযশ সংসারে ॥

ভীম বলিলেন, মাতী, জিজ্ঞাস ব্রাহ্মণে।
শক্তি-অনুসারে রক্ষা করিব তৎক্ষণে ॥
ভীমের আশ্বাস পেয়ে যান কুন্তীদেবী।
বৎসের বন্ধনে যেন ধায় ত হ্রস্বি ॥
ব্রাহ্মণের ঘরে কুন্তী করিয়া গমন।
দেখেন ব্যাকুল হৈয়া কাঁদিছে ব্রাহ্মণ ॥

ব্রাহ্মণ কাতর হ'য়ে বলে ব্রাহ্মণীরে।
এই হেতু পূর্বে কত বলিষু তোমাতে ॥
রাক্ষসের উপদ্রব যেই দেশে হয়।
সে-দেশে বসতি কভু উপযুক্ত নয় ॥
মাতা-পিতা-স্নেহে তুমি লজ্জিলা বচন।
তাহার উচিত দুঃখ পাইলা এখন ॥
কি করিব উপায় না দেখি যে ইহার।
কোন বুদ্ধি করিব না দেখি প্রতিকার ॥
তুমি ধর্মপত্নী হও আমার গৃহিণী।
সর্বধর্ম-বিশারদা স্নেহ-প্রদায়িনী ॥

বিশেষে বালক পুত্র আছে যে তোমার।
তোমা-বিনা মুহূর্তেক না জীবৈ কুমার ॥
অরণ্যের প্রায় দুঃখ হবে তোমা-বিনে।
জীয়ন্তে হইবে মরা তোমার মরণে ॥
আপনা রাখিয়া তোমা দিব রাক্ষসেরে।
অপযশ হবে মোর সংসার-ভিতরে ॥
অপূর্ব-সুন্দরী এই কন্যা স্তবদনী।
কন্যারে রাক্ষসে দিলে অপযশ গণি ॥
কন্যা-জন্ম হৈলে পিতৃলোকে করে আশ।
দান কৈলে সদাকাল হয় স্বর্গবাস ॥
ইহা লৈয়া দিব আমি রাক্ষস-ভক্ষণে।
ধিক্ ধিক্ তবে মোর কি কাজ জীবনে ॥
আপনি যাইব আমি রাক্ষসের স্থানে।
এত বলি কান্দে দ্বিজ সজল-নয়নে ॥

ব্রাহ্মণী বলেন, প্রভু, কেন দুঃখ ভাব।
তোমরা থাকহ সুখে, আমি তথা যাব ॥
তুমি যদি যাও তথা, একে হবে আর।
একেবারে মরিবে সকল পরিবার ॥
আমি সহ্যতা হব তোমার মরণে।
• অনাথ হইবে কন্যা-পুত্র দুইজনে ॥

তবে কদাচিৎ যদি রাখিব জীবন ।
 কি-শক্তি আমার শিশু করিতে পালন ॥
 তোমা-বিনা অনাথ হইব তিনজনে ।
 অনাথের বহুকষ্ট হবে দিনে-দিনে ॥
 দরিদ্রে দেখিয়া তবে অকুলীন জন ।
 এই কন্যা বরিবেক দিয়া কিছু ধন ॥
 অল্পকালে এই পুত্র হইবে ভিক্ষুক ।
 কুলধর্মে আর বেদে হইবে বিমুখ ॥
 বলিষ্ঠ দুর্জনে লোক কামে মুগ্ধ হইয়া ।
 হরিয়া লইবে মোরে অনাথা দেখিয়া ॥
 বিবিধ দুর্গতি হবে তোমার বিহনে ।
 অনুচিত তোমার যাইতে সে-কারণে ॥
 অপত্য-নিমিত্ত তুমি করিলা সংসার ।
 কন্যা-পুত্র দুই গুটি হ'য়েছে তোমার ॥
 কন্যাদান কর আর পড়াও বালকে ।
 পুনর্ব্বার বিবাহ করিয়া থাক স্নেহে ॥
 আমা-বিনা গৃহস্থালী হবে আরবার ।
 তোমার বিহনে সব হবে ছারখার ॥
 ভার্য্যার পরম ধর্ম্ম স্বামীর পূজন ।
 স্বামী বিনা অকারণ নারীর জীবন ॥
 সঙ্কটে তারয়ে স্বামী দিয়া আপনাকে ।
 ভুঞ্জয়ে অক্ষয় স্বর্গ যশ ইহলোকে ॥
 তপ-জপ-যজ্ঞ-ব্রত নানাবিধ দান ।
 স্বামীর প্রসাদে লভে সর্ব্বত্র সম্মান ॥
 সর্ব্বধর্ম্ম আছে ইথে শাস্ত্রের বিহিত ।
 রাক্ষসের ঠাঞি আমি যাইব নিশ্চিত ॥
 ব্রাহ্মণী এতেক যদি করিল উত্তর ।
 গলে ধরি উঠেঃস্বরে কান্দে দ্বিজবর ॥
 স্বামীর ক্রন্দন দেখি কান্দয়ে ব্রাহ্মণী ।
 মা-বাপের দশা দেখি কন্যা বলে বাণী ॥

অনাথের প্রায় দৌহে কঁাদ কি কারণ ।
 ক্রন্দন সংবর শুন, মম নিবেদন ॥
 রাক্ষসের ঠাই যদি জননী যাইবে ।
 জননী-বিচ্ছেদে এই বালক মরিবে ॥
 পিণ্ডস্থান যাবে আর হবে কুলক্ষয় ।
 সে-কারণে মাতার যাইতে বিধি নয় ॥
 জন্ম হৈলে কন্যারে অবশ্য ত্যাগ করে ।
 বিধির সৃজন ইহা, খণ্ডিতে কে পারে ॥
 বিধিতে মোরে পিতা অন্যে দিবে দান ।
 এক্ষণে রাক্ষসে দিয়া দৌহে পাও ত্রাণ ॥
 আমা হেন কত হবে তোমরা থাকিলে ।
 সে-কারণে মোরে দিয়া বঞ্চ কুতূহলে ॥
 হইলে আমার পুত্র তারিবে পশ্চাতে ।
 সম্প্রতি তারিয়া আমি যাইব নিশ্চিত ॥

এতেক শুনিয়া কান্দে ব্রাহ্মণ-ব্রাহ্মণী ।

তিনজনে গলাগলি কান্দে উচ্চধ্বনি ॥
 এমত শুনিয়া পুত্র তিনের ক্রন্দন ।
 মুখে হস্ত দিয়া করে সবারে বারণ ॥
 হাতে এক তৃণ লৈয়া বলে সেই শিশু ।
 রাক্ষসের ভয় তোরা না করিস্ কিছু ॥
 রাক্ষসে মারিব এই তৃণের প্রহারে ।
 কোথা আছে দেখাইয়া দেহ দেখি তারে ॥
 বালকের বচন শুনিয়া তিনজন ।
 হাসিতে লাগিল তারা তাজিয়া ক্রন্দন ॥

ক্রন্দন নিবৃত্ত দেখি ভোজের নন্দিনী ।

বলেন ব্রাহ্মণ-প্রতি সকলুণ বাণী ॥
 মৃতের উপরে যেন স্নান-বরিষণে ।
 জিজ্ঞাসেন কুন্তীদেবী মধুর-বচনে ॥
 কি কারণে ক্রন্দন করহ তিনজন ।
 জানিলে হইলে সাধ্য করিব মোচন ॥

দ্বিজ বলে, যেই হেতু করি যে ক্রন্দন ।
 মনুষ্যের শক্তি নাহি করিতে মোচন ॥
 এই নগরেতে আছে বক-নিশাচর ।
 অত্যন্ত ছরন্ত সেই রাজ্যের ঈশ্বর ॥
 যক্ষ-রক্ষ-ভূত-প্রেত-পরচক্র ১-ভয় ।
 তার ভুজবলে হেথা কিছু নাহি রয় ॥
 নগরের মধ্যে হেথা আছে যত নর ।
 করিল নির্ণয় এই রাক্ষসের কর ॥
 পায়স-পিষ্টক-অন্ন পুরি শকটেতে ।
 এক নর আর দুই মহিষ সহিতে ॥
 ভক্ষ্যহেতু এই কর দিতে হয় তার ।
 বহুকালে ঘরপ্রতি পড়ে একবার ॥
 এই বলি যদি নাহি দেয় কোনজন ।
 সকুটস্থ-সহ তারে করে সে ভক্ষণ ॥
 আজি তার পঞ্চকং হইল মম ঘরে ।
 কি করিব, কি হইবে, বাক্য নাহি সরে ॥
 এই ভার্যা কন্যা পুত্র আছি চারিজন ।
 কারে দিব বলিদান করি এ ভাবনা ॥
 মনুষ্য কিনিয়া দিব নাহি হেন ধন ।
 হুহুদ-কুটুস্থ দিতে নাহি লয় মন ॥
 কারো মায়া ভোগ্যগিতে নারে কোনজন ।
 সবে মিলি যাব, ভাগ্যে যা থাকে লিখন ॥
 ব্রাহ্মণের এতেক কাতর-বাক্য শুনি ।
 সদয়-হৃদয়ে বলে ভোজের নন্দিনী ॥
 ভয় ত্যজ দ্বিজবর, না কর ক্রন্দন ।
 সকুটস্থ যাবে কেন রাক্ষস-সদন ॥

পঞ্চপুত্র আছে মম শুন হে ব্রাহ্মণ ।
 এক পুত্রে দিব আমি তোমার কারণ ॥
 ব্রাহ্মণ বলিল, ভাল করিলা বিচার ।
 অতিথি ব্রাহ্মণ আছ আশ্রয়ে আমার ॥
 আপনার প্রাণহেতু করিব এ-কর্ম ।
 লোকে অসম্ভব ইহা, মজ্জিবেক ধর্ম ॥
 আত্মা দিয়া দ্বিজে রাখি, বেদে হেন কয় ।
 দ্বিজ দিয়া আত্মরক্ষা উচিত না হয় ॥
 অজ্ঞানে ব্রাহ্মণ-বধে নাহি প্রতিকার ।
 সজ্ঞানে করিব হেন কর্ম ছুরাচার ॥

কুস্তী কহিলেন, যাহা কহ দ্বিজমণি ।
 মম অগোচর নহে সব আমি জানি ॥
 লোকের বেদনা মম না সহে পরাগে ।
 বিশেষে ব্রাহ্মণ-দুঃখ সহিব কেমনে ॥
 দ্বিজ বলে, হেন বাক্য না বলিহ মোরে ।
 এ-পাপ ভুঞ্জিব আমি যুগ-যুগান্তরে ॥
 নিঃশব্দে বলেন কুস্তী, শুন দ্বিজবর ।
 আমার তনয়গণ মহার্শাস্ত্রধর ॥
 রাক্ষসে খাইবে হেন না করিব মনে ।
 রাক্ষস সংহার কৈল মম বিদ্যমানে ॥
 বেদ-বিদ্যা-বুজিবলে মম পুত্রগণে ।
 পৃথিবীতে নাহিক জিনিতে কোন জনে ॥
 শতপুত্র থাকিলে কি পুত্রে অনাদর ।
 ভয় ত্যজি অন্ন-বলি করহ সত্বর ॥
 কুস্তীর অদ্ভুত বাক্য শুনিয়া তখন ।
 হৃতদেহে দ্বিজ যেন পাইল জীবন ॥

১। শক্রভয় । ২। পকারেত, পাঁচজনের মিলিত পরামর্শ ও নির্ধারণ (অর্থাৎ পাল) । ৩। অন্নপূর্ণ রাক্ষস ।
 অর্থাৎ কুস্তী বলিলেন, “আমার পুত্র তোমাদের পরিবর্তে খাইবে । কিন্তু অন্ন প্রভৃতি অন্ন যে সব রাক্ষসের দিতে হইবে, তাহা
 লম্বন প্রদত্ত কর ।”

দ্বিজে সঙ্গে করি কুন্তী করিলা গমন ।
 ভীমে গিয়া জানাইলা সব বিবরণ ॥
 মায়ের বচনে ভীম করেন স্বীকার ।
 হরিষে ব্রাহ্মণ গেল গৃহে আপনার ॥
 কতক্ষণে আইলেন ভাই চারিজন ।
 যুধিষ্ঠির শুনিলেন সব বিবরণ ॥
 একান্তে ধর্মের পুত্র ডাকিয়া মাতারে ।
 জিজ্ঞাসা করেন, ভীম যাবে কোথাকারে ॥
 তোমার আদেশে কিংবা আপন-ইচ্ছায় ।
 কাহার বুদ্ধিতে হেন করিলা উপায় ॥

কুন্তী বলে, আমার বচনে বৃকোদর ।
 বিপ্রের কারণে আর রাখিতে নগর ॥
 ধর্ম-কীর্তি আছে ইথে নাহি অপযশ ।
 বিশেষ ব্রাহ্মণ-রক্ষা পরম পৌরষ ॥

এত শুনি যুধিষ্ঠির কহেন বিরসে ।
 কোন্ বুদ্ধে মাতা হেন করিলা সাহসে ॥
 এমন দুষ্কর নাহি শুনি ইহলোকে ।
 মাতা হৈয়া পুত্রে দেয় রাক্ষসের মুখে ॥
 পুত্রের ভিতর পুত্র, কি কব বিশেষে ।
 সবে প্রাণ রাখিয়াছি যাহার আশ্বাসে ॥
 ভিক্ষা মাগি প্রাণ রাখি যথা তথা বাস ।
 পুনঃ রাজ্য পাব বলি যার বলে আশ ॥
 যার ভুজবলে নিদ্রা না যায় কোরবে ।
 যার তেজে জড়ুগৃহে রক্ষা পাই সবে ॥
 স্বন্ধে করি নিল সবে হিড়িম্বক-বনে ।
 হিড়িম্ব মারিয়া কৈল সবার রক্ষণে ॥
 হেন পুত্র দিলা তুমি রাক্ষস-ভক্ষণে ।
 আমরা বাঁচিব আর কিসের কারণে ॥

গর্ভে ধরি হেন কর্ম কেহ নাহি করে ।
 বেদেতে নাহিক, নাহি সংসার ভিতরে ॥
 রাজার দুহিতা তুমি রাজার মহিষী ।
 দুঃখ পেয়ে হতবুদ্ধি, হৈলা বনবাসী ॥
 কুন্তী বলে, যুধিষ্ঠির, না ভাবিহ তাপ ।

মম অগোচর নহে ভীমের প্রতাপ ॥
 অযুত হস্তীর বল ধরে কলেবরে ।
 ভীমে জয় করে হেন নাহিক সংসারে ॥
 জন্মকালে পরাক্রম দেখেছি তাহার ।
 প্রসবিয়া নিতে শক্তি নহিল আমার ॥
 কিছুমাত্র ভুলি, পুনঃ ফেলাইনু তলে ।
 গিরিশৃঙ্গ চূর্ণ হৈল ভীমের আশ্রমালে ॥
 বারণাবতেতে তুমি দেখিলা নয়নে ।
 চারি হস্তী ভুল্য যে তোমরা চারিজনে ॥
 আমা সহ সবারে লইল স্বন্ধে করি ।
 হিড়িম্বা বরিল বনে হিড়িম্ব সংহারি ॥
 ভীমপরাক্রম পুত্র আমি জানি ভালে ।
 রাক্ষস-সংহার হবে ভীম ভুজবলে ॥
 ভীতজনে ভয়ে ত্রাণ করে যেই জন ।
 তার সম পুণ্যবান্ নহে কোন জন ॥
 বিশেষ গো-বিপ্র হেতু দিবে নিজ প্রাণ ।
 আপনাকে দিয়া দ্বিজে করিবেক ত্রাণ ॥
 রাজ্য-রক্ষা দ্বিজ-রক্ষা আর যে পৌরষ ।
 হেনকর্ম্ম কেন তুমি হইলা বিরস ॥

মায়ের এতেক শুনি সুনীতি বচন ।
 ধন্য ধন্য বলিলেন ধর্মের নন্দন ॥
 পরদুঃখে দুঃখী তুমি দয়ালু-হৃদয় ।
 তোমা-বিনা হেন বুদ্ধি অন্তের কি হয় ॥

পর-পুত্র-ত্রাণ-হেতু নিজ-পুত্র দিলা ।
 ব্রাহ্মণেরে এ-সঙ্কটে রক্ষণ করিলা ॥
 তোমার পুণ্যেতে মাতা তরিবে বিপদে ।
 রাক্ষসে মারিবে ভীম তোমার প্রসাদে ॥
 আর এক কথা মাতা কহ দ্বিজবরে ।
 এ-সব প্রচার যেন না করে অশ্বরে ॥

তবে কুন্তী কহিলেন তবু সে-ব্রাহ্মণে ।
 বলিসম্ভা করি দ্বিজ দিল ততক্ষণে ॥
 নিশাকালে বৃকোদর শকটে চড়িয়া ।
 যথা বৈসে বনে বক, উত্তরিল গিয়া ॥
 রে রে বক নিশাচর আইস সত্বর ।
 এত বলি অন্ন খান বীর বৃকোদর ॥
 নাম ধরি ডাকাতে ক্রোধেতে থর-থর ।
 বক-বীর আসে যেন পর্বত-শিখর ॥
 মহাকায় মহাবেশ মহাভয়ঙ্করে ।
 চলিতে বিদরে ক্ষিতি চরণের ভরে ॥
 অন্ন খান বৃকোদর, দেখে বিগ্ৰহমান ।
 ক্রোধে দুই চক্ষু যেন অরুণ-সমান ॥
 ডাক দিয়া বলে বক ওরে চুটমতি ।
 মনুষ্য হইয়া কেন করিস্ অনীতি ॥
 সকুটুম্ব ব্রাহ্মণে থাইব তোর দোষে ।
 এত বলি নিশাচর ধরে অতি রোষে ॥
 রাক্ষসের বাক্য ভীম না শুনিয়া কানে ।
 পৃষ্ঠ দিয়া তারে, অন্ন পূরেন বদনে ॥
 দেখি ক্রোধে নিশাচর করয়ে গর্জ্জন ।
 উর্জ্ববাহু করি ধায় অতি ক্রোধমন ॥
 দুই হাতে বজ্রসম পৃষ্ঠেতে প্রহারে ।
 তথাপি ভ্রুক্বেপ নাহি বীর বৃকোদরে ॥
 পৃষ্ঠে যে রাক্ষস মারে সহেন হেলায় ।
 পায়লাষ খান বীর বসি নিঃশঙ্কায় ॥

দেখিয়া অধিক ক্রোধ হৈল নিশাচরে ।
 বৃক উপাড়িয়া হানে ভীমের উপরে ॥
 তথাপিহ অন্ন খান হাসি বৃকোদর ।
 বামহস্তে কাড়িয়া নিলেন তরুবর ॥
 পুনঃ মহাবৃক উপাড়িল নিশাচর ।
 গর্জ্জিয়া মারিল বৃক ভীমের উপর ॥
 ভোজনান্তে বৃকোদর করি আচমন ।
 বৃক উপাড়েন এক ঘোর-দরশন ॥
 বৃকে বৃকে যুদ্ধ হৈল না যায় কথনে ।
 উৎসন্ন হইল বৃক, না রহিল বনে ॥
 শিলাবৃষ্টি করে দৌহে দৌহার উপর ।
 বাহু-বাহু যুদ্ধ হৈল দেখি ভয়ঙ্কর ॥
 মুণ্ডে-মুণ্ডে বৃকে-বৃকে ভুঞ্জে-ভুঞ্জে তাড়ি ।
 জড়াজড়ি করি দৌহে যায় গড়াগড়ি ॥
 যুদ্ধেতে হইল শ্রান্ত বক নিশাচর ।
 রাক্ষসে ধরিল বীর কুন্তীর কোণ্ডর ॥
 বামহস্তে দুই জামু, ডানহস্তে শির ।
 বৃকে জামু দিয়া টানিলেন ভীমবীর ॥
 মধ্যে-মধ্যে ভাঙ্গিয়া করেন দুইখান ।
 মহাশব্দ করি বক ত্যজিল পরাণ ॥
 আর যত আছিল বকের অনুচর ।
 ভয়ে পলাইয়া সবে গেল বনান্তর ॥
 নগর-নিকটে ভীম বকে ফেলাইয়া ।
 মাতৃ-ভ্রাতৃ-স্থানে সব কহিলেন গিয়া ॥
 হরষিত কুন্তীদেবী ডাকি যুধিষ্ঠিরে ।
 আলিঙ্গিয়া প্রশংসা করেন বৃকোদরে ॥
 রজনী প্রভাত হৈল উদিত তপন ।
 বাহির হইল যত নাগরিকগণ ॥
 দেখিয়া সকল লোক হইল চমৎকার ।
 পাড়িয়াছে বক যেন পর্বত-আকার ॥

কেহ বলে এ-কর্ম করিল কোন জন ।
 কেহ বলে নিকটক হৈল সর্বজন ॥
 পরম-দুরন্ত বক সদা হিংসা করে ।
 আপনার পাপে চুষ্ট এতদিনে মরে ॥
 তবে কহে বিচারিয়া নগরের জন ।
 তদন্ত করহ বকে কে কৈল নিধন ॥
 কালিকার ভোজ্য যার আছিল পঞ্চক ।
 সেই বলিবারে পারে বকের অন্তক ॥
 ব্রাহ্মণের ঘরে বলি জানিল নির্গীত ।
 সবে মিলি ব্রাহ্মণেরে ডাকিল স্বরিত ॥
 জিজ্ঞাসিল ব্রাহ্মণেরে সব বিবরণ ।
 ব্রাহ্মণ বলিল শুন ইহার কারণ ॥
 কালিকার পঞ্চক আছিল মম ঘরে ।
 আমাকে শোকার্ত দেখি এক দ্বিজবরে ॥
 সদয় হইয়া দিল আমারে অভয় ।
 বলি লইয়া বক-স্থানে গেল মহাশয় ॥
 সেই দ্বিজবর বকে করিল সংহার ।
 এ রাজ্যের সেই দ্বিজ করিল নিস্তার ॥
 এত শুনি মহাহুঙ্ক হৈল সর্বজন ।
 ব্রাহ্মণেরে মহাপূজা করিল তখন ॥
 আনন্দে ব্রাহ্মণ এল আপনার ঘরে ।
 দেবতুল্য দ্বিজবর পূজে পাণ্ডবেরে ॥
 মহাভারতের কথা অমৃতের ধার ।
 কাশী কহে শুনি ভববারি হবে পার ॥

১০। ষষ্ঠ্যয় ও দ্রৌপদীর উৎপত্তি-বর্ণন ।

হেনমতে দ্বিজগৃহে কত দিন যায় ।
 আচম্বিতে এক দ্বিজ আইল তথায় ॥

বিবিধ দেশের কথা কহে তপোধন ।
 পঞ্চপুত্র-সহ কুন্তী করেন ভ্রমণ ॥
 দ্বিজ বলে, করিলাম দেশ-পর্যটন ।
 বহু নদী তীর্থক্ষেত্র না যায় গণন ॥
 দেখিলাম আশ্চর্য্য যে পাঞ্চালনগরে ।
 মহোৎসব দ্রুপদ-কন্যার স্বয়ংবরে ॥
 দ্রুপদ-রাজের কন্যা কৃষ্ণা নাম ধরে ।
 রূপে-গুণে তুল্য নাহি পৃথিবী-ভিতরে ॥
 অযোনি-সম্ভবা কন্যা জন্ম যজ্ঞ হৈতে ।
 যাজ্ঞসেনী নাম তেজি বিখ্যাত জগতে ॥
 দ্রুপদের পুত্র এক রূপ-গুণধাম ।
 দ্রোণে বিনাশিতে জন্ম ধৃষ্টদ্যুম্ন-নাম ॥

এত শুনি জিজ্ঞাসেন পাণ্ডুপুত্রগণ ।
 কহ শুনি দ্বিজবর ইহার কারণ ॥
 দ্বিজ বলে, পূর্বে দ্রোণ দ্রুপদের মিত ।
 কত দিনে কলহ হইল আচম্বিত ॥
 অভিমানে গেল দ্রোণ হস্তিনানগরে ।
 অস্ত্রশিক্ষা করালেন কৌরব-কোঙরে ॥
 শিক্ষা-অস্ত্রে শিষ্যগণে দক্ষিণা মাগিল ।
 দ্রুপদ-রাজেরে বাঙ্কি আনিতে কহিল ॥
 কুন্তীপুত্র অর্জুন গুরু-আজ্ঞা পাইয়া ।
 দ্রুপদ-রাজেরে বাঙ্কি দিলেন আনিয়া ॥
 অর্জুরাজ্য ল'য়ে দ্রোণ হইলেন মিত ।
 মুক্ত করি দ্রুপদে দিলেন স্বরিত ॥
 অভিমানে দ্রুপদে না রুচে অমঙ্গল ।
 কেমনে মারিব চিন্তে দ্রোণ-মহাবল ॥
 এই ত ভাবনা বিনা অশ্রু নাহি মন ।
 সদা গঙ্গাতীরে রাজা করেন ভ্রমণ ॥

যাজ-উপযাজ-নামে ছুই সহোদর ।
 বেদেতে বিখ্যাত দৌহে ব্রাহ্মণ-কোঙর ॥
 উপযাজে রূপদ দেখিল একদিনে ।
 বহু পূজা-ভক্তি কৈল তাঁহার চরণে ॥
 বিনয়-মধুর ভাষে যুড়ি ছুই কর ।
 উপযাজ-প্রতি বলে পাঞ্চাল-ঈশ্বর ॥
 দশকোটি ধেনু দিব অসংখ্য স্তবর্ণ ।
 যাহা চাহ দিব আমি করি মন পূর্ণ ॥
 মম ইষ্টকর্ম এই শুন মহাশয় ।
 দ্রোণ-নামে আছে ভরদ্বাজের তনয় ॥
 অস্ত্রধারী তার তুল্য নাহি ক্ষিত্রমাঝে ।
 পৃথিবীতে নাহি হেন তার সনে যুঝে ॥
 দ্বিতীয় পরশুরাম-সম পরাক্রমে ।
 হেন বুদ্ধি কর তারে জিনি যে সংগ্রামে ॥
 কক্রের অজেয় শক্তি হইয়াছে তার ।
 তপোমন্ত্রবলে তার কর প্রতিকার ॥
 হেন যজ্ঞ কর হয় আমার নন্দন ।
 যার ভূজবলে দ্রোণ হইবে নিধন ॥
 উপযাজ বলে, মম এই যুক্তি লয় ।
 ব্রাহ্মণের বধ-কর্ম উচিত না হয় ॥
 দ্বিজের এতেক বাক্য শুনিয়া রাজন্ ।
 পুনঃ বহু স্তুতি করি বলিল বচন ॥
 রূপদেব বিনয় দেখিয়া দ্বিজবর ।
 প্রসন্ন হইয়া বলে শুন দণ্ডবর ॥
 মম জ্যেষ্ঠ ভাই যাজ পরম-তপস্বী ।
 বেদেতে পারগ সদা অরণ্যনিবাসী ॥
 প্রার্থনা তাঁহার স্থানে করহ রাজন্ ।
 তিনি করিবেন তব হুঃখ-বিমোচন ॥

উপযাজ-বাক্যে গেল যাজের সদন ।
 প্রণমিয়া সকলি করিল নিবেদন ॥
 সদয় হইয়া যাজ করিল স্বীকার ।
 যজ্ঞ আরম্ভিল তবে পৃষত-কুমার^১ ॥
 রাণী সহ ব্রত আচরিল নরবর ।
 যজ্ঞে পূর্ণাহুতি দিতে জম্বিল কোঙর ॥
 অগ্নিবর্ণ হৈল বীর হাতে ধনুঃশর ।
 অঙ্গেতে কবচ ধরে মাথায় টোপর ॥
 সব্যহস্তে^২ ধরে খড়্গ লোকে ভয়ঙ্কর ।
 পুত্র দেখি আনন্দিত পাঞ্চাল-ঈশ্বর ॥
 তবে সেই যজ্ঞমাধ্যে কন্যার উৎপত্তি ।
 জন্মমাত্রে দশদিক্ করে মহাহুতি ॥
 নীলোৎপল-আভা অঙ্গে, অমরাবর্ণিনী^৩ ।
 নিফলক-ইন্দু-জ্যোতি^৪, গীনঘনস্তনী ॥
 অঙ্গের সৌরভ এক যোজন ব্যাপিত ।
 সুরাসুর-যক্ষ-রক্ষ-গন্ধর্ব্ব-বাস্তি^৫ ॥
 পুত্র-কন্যা ছুই জন যজ্ঞেতে জম্বিল ।
 হেনকালে আকাশে আকাশবাণী হৈল ॥
 এ-কন্যার জন্মে হবে ভার-নিবারণ ।
 ইহা হৈতে হবে সব কক্রিয় নিধন ॥
 কুরুবংশ-ক্ষয় হবে এ কন্যা হইতে ।
 এই পুত্র জন্ম হৈল দ্রোণ বিনাশিতে ॥
 এতেক আকাশবাণী শুনি সর্ব্বজন ।
 জয় জয় শব্দ কৈল পাঞ্চালের গণ ॥
 যত বীর যোদ্ধা গণ ছাড়ে সিংহনাদ ।
 মহানন্দে রূপদেব ঘুচিল বিষাদ ॥
 কন্যা-তনয়ের নাম থুইল তখন ।
 ধৃষ্টদ্যুম্ন বলি পুত্রে ডাকে সর্ব্বজন ॥

১। পৃষতের পুত্র রূপদ । ২। সব্যহস্তের অর্থ বাম ও দক্ষিণ হইই হয় ; কিন্তু এখানে দক্ষিণহস্তে । ৩। অমরাবর্ণিনী
 হুর্দ্বাদলভায়া । ৪। নিফল চক্রের ভায় জ্যোতির্বিদ্যে ।

কৃষ্ণ-অঙ্গে কৃষ্ণ নাম থুইল তখনি ।
 পিতৃনামে দ্রোপদী, যজ্ঞেতে যাজ্ঞসেনী ॥
 সম্প্রতি হইবে সে-কন্য়ার স্বয়ংবর ।
 দেখিতে আইল যত রাজরাজেশ্বর ॥
 দ্বিজমুখে শুনিয়া এতেক সমাচার ।
 যাইতে হইল চেষ্টা তথা সবাচার ॥
 পুত্রগণ-চিত্ত জানি ভোজের নন্দিনী ।
 সবাচার প্রতি দেবী কহেন আপনি ॥
 বহুদিন করিলাস এস্থানে বসতি ।
 একস্থানে বহুদিন নাহি শোভে স্থিতি ॥
 পূর্বমত ভিক্ষা ইথে না মিলে এখন ।
 বড় দয়ামন্ত শুনি পাঞ্চাল-রাজন ॥
 চল যাব তথাকারে যদি লয় মন ।
 শুনিয়া স্বীকার করিলেন ভ্রাতৃগণ ॥
 পুত্রসহ কুন্তীদেবী করেন বিচার ।
 হেনকালে আইলেন ব্যাস-সদাচার ॥
 প্রণাম করেন তাঁরে ভোজের নন্দিনী ।
 পঞ্চভাই প্রণমেন লোটায় ধরণী ॥
 আশীর্বাদ করিলেন মুনি সবাচারে ।
 পরম্পর মিষ্টবাক্য হৈল শিষ্টাচারে ॥
 মহাভারতের কথা অমৃত-লহরী ।
 কানী কহে, সাধুজন পিয়ে কর্ণ ভরি ॥

৮০। অর্জুন-অঙ্গারপর্ণ-সংবাদ এবং তপতী-
 সংবরণোপাখ্যান ।

মুনি বলিলেন, শুন পঞ্চ-সহোদর ।
 ভ্রপদ-নৃপতি করে কন্যা-স্বয়ংবর ॥

পৃথিবীতে বৈসে যত রাজরাজেশ্বর ।
 স্বয়ংবরে এল সবে পাঞ্চাল-নগর ॥
 অমৃত রচিল লক্ষ্য পাঞ্চালের পতি ।
 সে-লক্ষ্য কাটিতে নাহি কাহারো শক্তি ॥
 অর্জুন কাটিবে লক্ষ্য সভার মাঝার ।
 পাঞ্চালের কন্যা-প্রাপ্তি হইবে তাহার ॥
 শীঘ্রগতি যাহ তথা, না কর বিলম্ব ।
 চারিদিন হৈল স্বয়ংবরের আরম্ভ ॥

এত বলি বেদবাস গেলেন স্বস্থান ।

কুন্তীসহ পঞ্চভাই করেন প্রস্থান ॥
 অস্তহিত হইলেন ব্যাস-তপোধন ।
 উত্তরমুখেতে যান পাণ্ডুপুত্রগণ ॥
 দিবানিশি চলিলেন নাহিক বিশ্রাম ।
 নানাদেশ নদ-নদী লজ্জিলেন গ্রাম ॥
 আগে যান ধনঞ্জয় ঘোর রজনীতে ।
 অঙ্ককার-হেতু ধরি দেউটি করেতে ॥
 কতক্ষণে উত্তরেন জাহ্নবার তীরে ।
 স্ত্রীসহ গন্ধর্ব্ব এক তথায় বিহরে ॥
 পাণ্ডবের শব্দ শুনি বলে ডাক দিয়া ।
 বড় অহঙ্কার দেখি মনুষ্য হইয়া ॥
 প্রয়াগ-গঙ্গার মধ্যে আমার আশ্রয় ।
 রাত্রিকালে আসি জীয়ে, হেন কে আছয় ॥
 যক্ষ-রক্ষ-দানব-পিশাচ-ভূতগণ ।
 নিশাকালে অধিকারী এই সব জন ॥
 বিশেষে অঙ্গারপর্ণ নাম মোর খ্যাত ।
 নিশ্চয় আমার হাতে হইবে নিপাত ॥

পার্থ বলিলেন, শাস্ত্র না জান দুর্ম্মতি ।

জাহ্নবীর জলে স্নানে কিবা দিবা রাত্তি ॥

অকাল হইল তাহে কিবা তোরে ভয় ।
 তোমা হ'তে অশক্ত যে সে তোরে ডরায় ॥
 গঙ্গার মহিমা নাহি জান মৃঢ়মতি ।
 স্বর্গেতে অলকনন্দা, ভূমে ভাগীরথ ॥
 পিতৃলোকে বৈতরণী, অধো ভোগবর্তী ।
 অকাল স্রুকা ল নাহি, সদা লোকগতি ॥
 হেন গঙ্গাস্নান রুদ্ধ করহ অজ্ঞান ।
 ইহার উচিত ফল পাবে মম স্থান ॥
 অর্জুনের বাক্যে কোপে গন্ধর্ব-ঈশ্বর ।
 ধনুঃ টঙ্কারিয়া এড়ে সপ্নময় শর ॥
 হাতেতে উলুকা^১ ছিল, ইন্দ্রের নন্দন ।
 তাহে করিলেন তার অস্ত্র-নিবারণ ॥
 ডাকিয়া বলেন পার্থ, শুন রে গন্ধর্ব ।
 এই অস্ত্র বলেতে করিতেছিলি গর্ব ॥
 তোর বাণ নিবারিনু সহ মোর বাণ ।
 এই বাণে লইব তোমার আজি প্রাণ ॥
 পূর্বের দ্রোণাচার্য্য অস্ত্র দিলেন আমারে ।
 এড়িলাম অস্ত্র এত, রাখ আপনারে ॥
 এত বলি এড়িলেন অস্ত্র ধনঞ্জয় ।
 গন্ধর্বের রথ পুড়ি হৈল ভস্মময় ॥
 পলায় গন্ধর্বপতি রণে ভঙ্গ দিয়া ।
 অর্জুন ধরেন চুলে পাছে-পাছে গিয়া ॥
 স্বামীর দেখিয়া হেন সঙ্কট সময় ।
 নারীগণ গেল যথা ধর্ম্মের তনয় ॥
 গন্ধর্বের ভার্য্যা কুন্তীনসী নাম ধরে ।
 যুধিষ্ঠির-পায়ে ধরি বিনয় সে করে ॥
 সাধুজন-শ্রেষ্ঠ তুমি ধর্ম্ম-অবতার ।
 তোমার আশ্রয়ে দুঃখ খণ্ডে সবাকার ॥

পরম-সঙ্কট হৈতে মোরে কর ত্রাণ ।
 সহস্র সতানে মোর স্বামী দেহ দান ॥
 কামিনীর ক্রন্দন দেখিয়া পাণ্ডুপতি ।
 অর্জুনে করেন আশ্রয়, ছাড় শীঘ্রগতি ॥
 ধর্ম্মের পাউসা আশ্রয় ছাড়ে ধনঞ্জয় ।
 গন্ধর্ব বলয়ে তবে করিয়া বিনয় ॥
 মোরে প্রাণদান যদি দিলা মহাশয় ।
 করিব তোমার শ্রীতি উচিত যে হয় ॥
 অদ্যুত চাক্ষুষী-বিদ্যা^২ আছে মোর স্থানে ।
 এ-বিদ্যা জানিলে লোক সর্বজনে জানে ॥
 মনু পূর্বের এই বিদ্যা দিলেন চন্দ্রে।
 বিশ্বাবস্তু^৩ চন্দ্রস্থানে, সে দিল আমারে ॥
 মনু্য-অধিক আমি সেই বিদ্যা হৈতে ।
 সেই বিদ্যা দিব আমি তোমারে শ্রীতিতে ॥
 ভাই-প্রতি শত অশ্ব দিব আমি আর ।
 সেই অশ্ব শ্রান্ত নহে স্রমিলে সংসার ॥
 পূর্বের ইন্দ্র ব্রতাস্ত্রবে বজ্র প্রহারিল ।
 অস্ত্রের মুণ্ডে বজ্র শতখান হৈল ॥
 স্থানে-স্থানে সেই বজ্র কৈল নিয়োজন ।
 সব হৈতে শ্রেষ্ঠ বজ্র ব্রাহ্মণ-বচন ॥
 শূদ্রগণ কন্ম করে, বজ্র তারে সেই^৪ ।
 বৈশ্বগণ দান করে, বজ্র তারে কহি ॥
 ক্ষত্রিয় খুইল বিদ্যা রথের বাজিতে ।
 সে-কারণে দিব অশ্ব তোমার যে হিতে ॥
 অর্জুন বলেন, তুমি হারিলা সমরে ।
 তব স্থানে লব অস্ত্র, না শোভে আমারে ॥
 গন্ধর্ব বলিল, যাতে সর্বলোকে জানে ।
 হেন বিদ্যা জানি তুমি তাজ কি-কারণে ॥

১। বশাশ। ২। যে বিদ্যা প্রত্যক্ষ বাহ্য ইচ্ছা, তাহাই দেখিতে পারা যায়। ৩। গন্ধর্ববিশেষ—ইহার স্ত্রী মেদকা, কস্তা প্রমথরা। ৪। সেই।

অৰ্জুন বলেন, আমি জানি সৰল ।
 ভয় পেয়ে এতক বিনয় কেন বল ॥
 গন্ধৰ্ব বলেন, আমি জানি যে তোমারে ।
 তপতীঃ হইতে জন্ম বিখ্যাত সংসারে ॥
 তোমার পুরুষকারণ জানি ভালমতে ।
 গুরু-দ্রোণে জানি, তিনি খ্যাত ত্রিজগতে ॥
 তবু কুশিলাম রাতে, আমান বিষয় ।
 বিশেষ স্ত্রীসহ মম ক্রীড়ার সময় ॥
 স্ত্রীসহিত ক্রীড়াতে অবজ্ঞা যব করে ।
 বলাবল নাহি বুঝি, রুদ্ধ করি তাবে ॥
 অনাহুত অনাঘ্নেয় যেই দ্বিজগণ ।
 তাহাবে করি যে বন্ধ নিশার কারণ ॥
 আর যত জাতি আমি পাই নিশাকালে ।
 অবশ্য সংহার করি মোর শরানলে ॥
 পুরোহিত কিংবা দ্বিজ সঙ্গিতে কবিষা ।
 গৃহ হৈতে বাহিরায় দেবতা স্মরিয়া ॥
 সৰ্বত্র মঙ্গল তার যায় মথাকারে ।
 নাহিক আমার শক্তি হিংসিতে তাহারে ॥
 জিতেন্দ্রিয় ধাম্বিক তোমরা পঞ্চজন ।
 আমারে জিনিতে শক্ত হৈল। সে-কারণ ॥
 মোর বাক্য তাপত্য^১ শুনহ এইক্ষণে ।^২
 সকল নিষ্ফল পুরোহিতের কারণে ॥
 আপন-মঙ্গল বাঞ্ছা করে যেইজন ।
 কভু না লজিবে পুরোহিতের বচন ॥
 সহজেতে পুরোহিত সদা হিতকারী ।
 পুরোহিতে ভজি ইন্দ্র স্বর্গ-অধিকারী ॥
 অৰ্জুন বলেন, শুন, বলি যে তোমারে ।
 তাপত্য বলিয়া কেন বলিলা আমারে ॥

জননী আমার কুন্তী আছেন সংহতি ।
 তাপত্য বলিলা, বল, কেবা সে তপতী ॥
 গন্ধৰ্ব বলিল, শুন ইহাব কারণ ।
 তব পূর্ববংশকথা শুন দিয়া মন ॥
 আছিল সূর্যের কন্যা নামেতে তপতী ।
 ত্রৈলোক্যেতে তাঁব সমা নাহি রূপবতী ॥
 গৌবন-সময়ে তাঁবে দেখি দিনকব ।
 চিন্তিলেন নাহি দেখি কন্যা-যাগ্য বর ॥
 হোমার উপর-বংশে রাজা স বরণ ।
 নিরবধি করিতেন সূর্য্যের পূজন ॥
 উপবাস নিয়ম করেন চিবকাল ।
 তাহাতে হইল তুষ্ট দেব-লোকপাল ॥
 সূর্য্যের সেবায় স বরণ মহারাজা ।
 রূপে অনুপম হৈল, বলে মহাতেজা ॥
 তাঁর রূপগুণে তুষ্ট হইল দিনকর ।
 মনে চিন্তে, এই হবে তপতীর বর ॥
 তবে কতদিনে সংবরণ নৃপবর ।
 যুগয়া করিতে গেল অরণ্য-ভিতর ॥
 একা অশ্বে চড়িয়া ভ্রময়ে বনে-বনে ।
 বহুশ্রমে অশ্ব মরে জলের বিহনে ॥
 অশ্বহীন, পদব্রজে ভ্রমে নরবর ।
 দিক্ জানিবারে উঠে পর্বত-উপর ॥
 পর্বত-উপরে দেখে কন্যা নিরূপমা ।
 বিদ্যুতের পুঞ্জ, কিংবা কাঞ্চন-প্রতিমা ॥
 কন্যার রূপের তেজে দীপ্ত করে গিরি ।
 দেখিয়া নৃপতি চিন্তে আপনা পাসরি ॥
 সফল আমার জন্ম, বলে নৃপবর ।
 হেন রূপ দেখিলাম চক্ষুর গোচর ॥

১। সূর্য্যকন্যা, মাতা—ছায়া, সংবরণ রাজার সহিত ইহার বিবাহ হইলে, ইহার গর্ভে কুরুবংশের জন্ম হয় । অৰ্জুন এই কুরুবংশসম্বৃত ।
 তাপত্য—তপতী + অপত্যার্থে ক্য, তপতীর বংশসম্বৃত, কুরুবংশীয় । ২। শক্তি, সামর্থ্য ।

পূর্বেতে নৃপতি যত দেখিল স্ত্রীগণে ।
 সবাকারে নিন্দা রাজা করে নিজমনে ॥
 ত্রিভুবন-রূপ কিবা বিধাতা মথিল ।
 সবাকার শ্রেষ্ঠ করি ইহারে নিম্মিল ॥
 অনিমেঘ-চক্ষু রাজা করে নিরীক্ষণ ।
 চিত্রের পুত্তলি-প্রায় হইল রাজন্ ॥
 কতক্ষণে পাশে গিয়া মৃদু-মিষ্ট-ভাষে ।
 মদনে পীড়িত রাজা কন্ডারে জিজ্ঞাসে ॥
 রাজা বলে, কহ, শুনি মন্থথমোহিনি ।
 নির্জ্ঞান-কাননে কেন আছ একাকিনী ॥
 রাতুল-চরণ কিবা যুগপদ-চার ।
 তাহাতে স্থাপিত তব যুগ্ম-রস্তা-উরু ॥
 নিতম্ব কুঞ্জরকুন্ত, কঁকালি ত সরু ।
 নয়ন খঞ্জন-যুগ, কামচাপ-ভুরু ॥
 স্থপীন যুগল কুচ কন্দর্প-ভবন ।
 ভুজঙ্গ-যুগল-ভুজ হৃন্দর জঘন ॥
 অনিন্দিত অঙ্গ কন্যে, দেখিয়া তোমার ।
 পরাইতে বাঞ্ছা করে রত্ন-অলঙ্কার ॥
 কে বা তুমি দেবকন্যা অথবা অপ্সরী ।
 নাগিনী, মানুষী, কিংবা হবে বা কিম্বরী ॥
 কত দেখিয়াছি চক্ষুে শুনিয়াছি কানে ।
 এ-হেন অপূর্বরূপ না দেখি নয়নে ॥
 কে তুমি, কাহার কন্যা, কহ শশিমুখি ।
 কি-হেতু পর্ব্বতমাধ্যে আছহ একাকী ॥
 চাতকের প্রায় মম কর্ণ করে আশা ।
 তৃপ্তি কর কর্ণ মম, কহি এক ভাষা ॥
 বিবিধ বিনয় করি ভূপতি কহিল ।
 কিছু না বলিয়া কন্যা অন্তর্হিত হৈল ॥
 মেঘের উপরে যেন বিদ্যুৎ লুকায় ।
 উন্মত্ত হইয়া রাজা চারিদিকে চায় ॥

কন্যারে না দেখি রাজা হৈল অচেতন ।
 ভূমে গড়াগড়ি যায় রাজা সংবরণ ॥
 অন্তরীক্ষে থাকি তাহা তপতী দেখিল ।
 ডাক দিয়া তপতী সে রাজারে বলিল ॥
 কি-কারণে অচেতন হৈলা নৃপবর ।
 উঠহ নৃপতি, তুমি যাহ নিজ ঘর ॥
 কন্যার এতক বাক্য শুনিয়া রাজন্ ।
 মৃত-কলেবরে যেন পাইল চেতন ॥
 চেতন পাইয়া রাজা উর্জমুখে চায় ।
 অন্তরীক্ষে দেখে কন্যা বিদ্যুতের প্রায় ॥
 রাজা বলে, কামশরে দহিল শরীর ।
 ইচ্ছা করি ধৈর্য্য ধরি, চিত্ত নহে স্থির ॥
 তোমার বদন দেখি অন্য নাহি মনে ।
 গরলে ব্যাপিল যেন ভুজঙ্গ-দংশনে ॥
 তোমা-বিনা অন্যে দেখি রাখিব জীবন ।
 কদাচিত্ নহে হেন, অবশ্য মরণ ॥
 পাইলাম প্রাণ শুনি তোমার বচন ।
 অনুগ্রহ কৈলা মোরে হেন লয় মন ॥
 মোর প্রতি দয়া যদি হইল তোমার ।
 আলিঙ্গন দিয়া প্রাণ রাখহ আমার ॥
 কন্যা বলে, নরপতি এ নহে বিচার ।
 আমাকে প্রার্থনা কর নিকটে পিতার ॥
 পরিচয় আমার শুনহ নরপতি ।
 সূর্য্যকন্যা আমি, নাম ধরি যে তপতী ॥
 তপঃক্লেশ-ব্রত কর সূর্য্য-আরাধন ।
 সূর্য্য দিলে আমারে সে পাইবা রাজন্ ॥
 এত বলি তপতী হইল অন্তর্দ্বান ।
 পুনঃ পড়ে নরপতি হইয়া অজ্ঞান ॥
 হেথা রাজমন্ত্রী সব সৈন্যগণ লৈয়া ।
 ভ্রময়ে সকল বন নৃপে না দেখিয়া ॥

পর্বত-উপরে তবে দেখে নরবরে ।
 পড়ি' আছে অজ্ঞান-মোহিত-কলেবরে ॥
 শীতল সলিল অঙ্গে সিঞ্জে মস্ত্রিগণ ।
 ধরি বসাইল তবে করিয়া যতন ॥
 চৈতন্য পাইয়া রাজা চারিদিকে চায় ।
 মস্ত্রিগণে দেখি কিছু না বলিল রায় ॥
 কন্যার ভাবনা বিনা অণু নাহি মনে ।
 বিদায় করিল রাজা যত সৈন্যগণে ॥
 বৃদ্ধমন্ত্রী এক রাজা রাখিল সংহতি ।
 সূর্য্যের উদ্দেশে তপ করে নরপতি ॥
 উৰ্দ্ধপদে অধোমুখে সদা উপবাসে ।
 একচিতে তপ করে সূর্য্যের উদ্দেশে ॥
 তবে চিতে অনুমানি রাজা সংবরণ ।
 পুরোহিত বশিষ্ঠেরে করিল স্মরণ ॥
 আইল বশিষ্ঠ-মুনি রাজার স্মরণে ।
 রাজার দেখিয়া ক্লেশ চিন্তে মুনি মনে ॥
 তপতী-কারণে তপ, তপন-সেবন ।
 জানি মুনিরাজ চিতে ভাবিল তখন ॥
 অন্তরীক্ষে উঠি গেল আকাশ-মণ্ডলে ।
 দ্বিতীয় ভাস্কর-তেজ য়ার তপোবলে ॥
 কৃতাঞ্জলি করি সূর্য্যে করিল প্রণাম ।
 সবিনয়ে জানাইল আপনার নাম ॥
 ভাস্কর বলেন, মুনি, কহ সমাচার ।
 কোন্ প্রয়োজনে এলে আলয়ে আমার ॥
 কোন্ কার্য্যে অভিলাষ বলহ আমারে ।
 হৃদয় হ'লেও তবু ভুবিব তোমারে ॥
 প্রণমিয়া বশিষ্ঠ কহেন পুনর্ব্বার ।
 যম এই নিবেদন গোচরে তোমার ॥

ভরতবংশের রাজা নাম সংবরণ ।
 রূপে-গুণে অনুপম বিখ্যাত-ভুবন ॥
 তোমার ভজনে রাজা বড় অনুরত ।
 চিরকাল সংবরণ তব অনুগত ॥
 তার বিবাহার্থে দেহ তোমার তনুজা ।
 তপতী-নামেতে এই সাবিত্রী-অনুজা ॥
 অযোগ্য না হয় রাজা উর্ব্বাচী' প্রধান ।
 এই-হেতু যেই আজ্ঞা করহ বিধান ॥
 ভাস্কর বলেন, তুমি মুনিতে প্রধান ।
 নাহি কেহ ক্ষত্রিয়ে সংবরণ-সমান ॥
 তপতী-সমান কন্যা নাহিক ভুবনে ।
 তিনস্থানে শ্রেষ্ঠ যে তোমর। তিনজনে ॥
 তোমার বচন আমি না করিব আন ।
 তপতী-কন্যারে দিব সংবরণে দান ॥
 এত বলি কন্যা লৈয়া কৈল সমর্পণ ।
 কন্যা লৈয়া মুনিরাজ করিল গমন ॥
 তপতীরে দেখি তপ ত্যজি নৃপবর ।
 বশিষ্ঠকে স্তব করে করি যোড়কর ॥
 তবে ঋষি দৌহার বিবাহ করাইল ।
 রাজারে রাখিয়া মুনি নিজাশ্রমে গেল ॥
 বশিষ্ঠের আজ্ঞা লৈয়া সেই মহাবনে ।
 তপতীরে ল'য়ে ক্রীড়া করে সংবরণে ॥
 যেই বৃদ্ধমন্ত্রী ছিল রাজার সংহতি ।
 তাঁরে রাজ্যভার দিয়া পাঠায় নৃপতি ॥
 বিহার করয়ে রাজা পর্ব্বত-উপর ।
 তপতী-সহিত ক্রীড়া দ্বাদশ-বৎসর ॥
 এধায় রাজার রাজ্যে অনারুণি হৈল ।
 দ্বাদশ-বৎসর ইন্দ্র রাষ্ট্রি না করিল ॥

বৃক্ষ আর শস্য যত গেল ভস্ম হৈয়া ।
 পশু-পক্ষি-আদি প্রাণী মরিল পুড়িয়া ॥
 দুর্ভিক্ষ হইল রাজ্যে হয় ডাকা-চুরি ।
 কেহ করে নাহি মানে, হয় পাপাচারী ॥
 কুটুম্ব-বান্ধব-প্রতি কেহ নাহি চায় ।
 যতেক মনুষ্যগণ হৈল শবপ্রায় ॥
 হীনশক্তি রহিল পড়িয়া স্থানে-স্থান ।
 স্থানে-স্থানে অস্থিপুঞ্জ পর্বত-প্রমাণ ॥
 হাহাকার-রব-বিনা অথ নাহি শুনি ।
 দেশান্তরে গেল লোক পরমাদ গণি ॥
 রাজ্যের এতেক কষ্ট রাজা নাহি জানে ।
 আইলেন বশিষ্ঠ সে-দেশে কতদিনে ॥
 রাজ্যভঙ্গ দেখিয়া চিন্তিত মূনিবর ।
 রাজারে আনিতে যান পর্বত-উপর ॥
 বার্তা পেয়ে অনুতাপ করিল রাজন্ ।
 তপতী-সহিত দেশে করিল গমন ॥
 দেশে আসি যজ্ঞ-দান করে নৃপবর ।
 তবে রুষ্টি করিলেন দেব পুরন্দর ॥
 পুনঃ শস্য জন্মিল সানন্দ প্রজাগণ ।
 পূর্ববত রাজ্য পুনঃ কৈল সংবরণ ॥
 তপতী-সহিত ক্রীড়া করে চিরকাল ।
 তপতীর গর্ভে হইল কুরু মহীপাল ॥
 কুরুর যতেক কন্ম না যায় লিখন ।
 কুরুবংশ-নাম খ্যাত হইল সে-কারণ ॥
 পুরোহিত বশিষ্ঠের সাহায্য-কারণ ।
 পাইলেন ধন্য-অর্থ-কাম সংবরণ ॥
 তপতীর গর্ভজাত কুরু-নরবর ।
 তোমরা যাঁহার বংশে পঞ্চ-সহোদর ॥
 তাপত্য বলিয়া তেঁই বলি যে তোমারে ।
 পূর্ববংশ-কথা এই খ্যাত চরাচরে ॥

শুনিয়া হরিষ হৈল পার্থ ধনুর্ধর ।
 পুনঃ জিজ্ঞাসিল, কহ গন্ধর্ব-ঈশ্বর ॥
 সংবরণ-নূপে রক্ষা করিলেন যিনি ।
 কে তিনি বশিষ্ঠ ? কহ তাঁর কথা, শুনি ॥
 গন্ধর্ব বলিল, সে বিখ্যাত তপোধন ।
 বশিষ্ঠের গুণ-কন্ম না যায় কখন ॥
 কাম-ক্রোধে জিনে হেন নাহি ত্রিভুবনে ।
 হেন কাম-ক্রোধ সেবে মূনির চরণে ॥
 বিশ্বামিত্র বহু তাঁর ক্রোধ করাইল ।
 তথাপিহ মূনি তাঁরে কিছু না কহিল ॥
 ইক্ষ্বাকু-বংশের রাজা যাঁর বুদ্ধিবলে ।
 নিকটকে বৈভব ভুঞ্জিল ভূমণ্ডলে ॥
 মহাভারতের কথা অমৃত সমান ।
 কাশীরাম দাস কহে, শুনে পুণ্যবান ॥

— — —

৮১। বিশ্বামিত্র-বশিষ্ঠ-বিবোধ ও কন্যাশপাট

বাজাব উপাখ্যান

জিজ্ঞাসেন ধনঞ্জয় অদ্বুত-কথন ।
 বিশ্বামিত্র-বশিষ্ঠে কলহ কি-কারণ ॥
 গন্ধর্ব কহিল, শুন কথা পুরাতন ।
 কান্যকূজ-দেশে গাধি-নামেতে রাজন্ ॥
 তাঁর পুত্র বিশ্বামিত্র সর্বগুণযুত ।
 বেদ-বিদ্যা-বুদ্ধিবলে ভুবনে অদ্বুত ॥
 একদিন সসৈন্যেতে গাধির নন্দন ।
 মহাবনে প্রবেশিল যুগয়া-কারণ ॥
 মারিল অনেক যুগ বনের ভিতর ।
 যুগয়ায় শ্রান্ত বড় হৈল নৃপবর ॥
 ক্ষুধায় পীড়িত, বড় হৈল পরিশ্রম ।
 ভ্রমিতে-ভ্রমিতে গেল বশিষ্ঠ-আশ্রম ॥

মনোহর স্থল দেখি হৈল হৃষ্টমন ।
উত্তরিল যথায় বশিষ্ঠ তপোধন ॥
রাজারে দেখিয়া পাণ্ড-অর্থ্য দিয়া মুনি ।
অতিথি-বিধানে পূজা করিলেন তিনি ॥
রাজার যতেক সৈন্যে পরিশ্রান্ত দেখি ।
নন্দিনী-ধেনুর প্রতি বলিলেন ডাকি ॥
দেখহ রাজার সৈন্য অতিথি আমার ।
যেই যাহা চাহে, তাহে তুষ্টি কর তার ॥
বশিষ্ঠের আজ্ঞা পেয়ে সুরভি-নন্দিনী^১ ।

সংসারে যাহার কৰ্ম্ম অদ্বুত-কাহিনী ॥
ছঙ্করে বিবিধ দ্রব্য করিল সৃজন ।
চর্য্য-চর্য্য-লেখ-পেয় নানা-রত্ন-ধন ॥
বস্ত্র অলঙ্কার মালা কুসুম চন্দন ।
বিচিত্র পালঙ্ক আর বসিতে আসন ॥
যেই যাহা মাগে, তাহা পাষ ততক্ষণে ।
পাইল পরম-তৃপ্তি যত সৈন্যগণে ॥
গাভীর দেখিয়া কৰ্ম্ম বিস্মিত রাজন্ ।
বশিষ্ঠ-মুনিরে বলে গাধির নন্দন ॥
এই গাভী মুনিরাজ দান কর মোরে ।
এককোটি গাভী দিব স্বর্গে মণ্ডি খুরে ॥
নতুবা সকল রাজ্য লহ তপোধন ।
হস্তী অশ্ব পদাতিক যত সৈন্যগণ ॥
বশিষ্ঠ বলেন, নাহি দিতে পারি দান ।
দেবতা-অতিথি-হতু আছে মম স্থান ॥

রাজা বলে, মুনি, তুমি জাতিতে ব্রাহ্মণ ।
ব্রাহ্মণের হেন দ্রব্যে নাহি প্রয়োজন ॥
হেন দ্রব্য মুনিবর রাজাকে যে সাজে ।
কি করিবা তুমি ইহা, থাক বনমাঝে ॥

গাভী নাহি দিবে যদি আপন-ইচ্ছায় ।
নিশ্চয় লইব গাভী জানাই তোমায ॥
মাগিলে না দিবে গাভী, ল'য়ে যাব বলে ।
ক্ষত্র-কৰ্ম্ম আমার, লইব ছলে-বলে ॥
বশিষ্ঠ বলেন, তুমি অধিকারী দেশে ।
বশিষ্ঠ ক্ষত্রিয়-সৈন্য সহায় বিশেষে ॥
যাহা ইচ্ছা, কর শীঘ্র, না কর বিচার ।
সহজে তপস্বী দ্বিজ, কি শক্তি আমার ॥
শুনি বিশ্বামিত্র বলে, ওরে সৈন্যগণ ।

কামধেনু ল'য়ে চল করিয়া বন্ধন ॥
শুনি যত সৈন্যগণ গলে দিল দড়ি ।
চালাইল কামধেনু পাছে মাঝে বাড়ি ॥
প্রহারে পাড়িত গাভী তবু নাহি যায় ।
উদ্ধমুখে সজলাক্ষে মুনিপানে চায় ॥
মুনি বলে, নন্দিনি, কি চাহ মম ভিতে ।

তোমার যতেক কষ্ট দেখি ত চ'ক্ষেতে ॥
তপস্বী ব্রাহ্মণ আমি, কি করিতে পারি ।
বলে তোমা ল'য়ে যায় রাজ্য-অধিকারী ॥

তবে রাজসৈন্যগণ বৎসকে ধরিয়া ।
আগে লৈয়া যায় তারে গলে দড়ি দিয়া ॥
বৎসকে ধরিয়া লয় কান্দয়ে নন্দিনী ।
ডাক দিয়া বলে তবে, দেখ মহামুনি ॥
উপরোধ না মানিল যদি দুর্ফলোকে ।
কি করিব মুনি, আজ্ঞা করহ আমাকে ॥
মুনি বলে, আমি তোমা ত্যাগ নাহি করি ।
বলে লৈয়া যায় রাজা, কি করিতে পারি ॥
নিজ-শক্তি-বলে যদি পার রহিবারে ।
তবে সে রহিতে পার, কি কব তোমায়ে ॥

মুনিরাজ-মুখে যদি এতেক শুনিল ।
 অতিক্রোধে ভয়ঙ্কর তনু বাড়াইল ॥
 উর্দ্ধমুখ করি গাভী হাস্যরবে ডাকে ।
 নানাজাতি সৈন্য বাহিরায় লাখে-লাখে ॥
 পহ্লব নামেতে জাতি নানা-অস্ত্র হাতে ।
 পুচ্ছ হৈতে বাহির হইল আচম্বিতে ॥
 মূত্রেতে পাইল জন্ম যত ব্যাধগণ ।
 দুই পার্শ্বে জন্ম নিল কিরাত-যবন ॥
 জন্মিল অনেক সৈন্য মুখের ফেনাতে ।
 নানাজাতি স্লেচ্ছ হৈল চারি-পদ হৈতে ॥
 নানা-অস্ত্র লইয়া ধাইল সর্বজন ।
 দুই সৈন্য দেখাদেখি হইল ভিড়ন ॥
 বিশ্বামিত্র-সৈন্যগণ যতেক আছিল ।
 একজন-প্রতি তারা পঞ্চজন হৈল ॥
 সহিতে না পারি রণ বিশ্বামিত্র-সেনা ।
 রাজ-বিগ্ৰহানে ভঙ্গ দিল সর্বজনা ॥
 পড়িল অনেক সৈন্য রক্তে বহে নদী ।
 মুনিসৈন্য রাজসৈন্য-পাছে যায় খেদি^১ ॥
 পলায় সকল সৈন্য পিছে নাহি চায় ।
 বশিষ্ঠের সর্বসৈন্য পাছে খেদি যায় ॥
 বনের বাহির করি গাধির কুমারে ।
 বাহুড়িয়া^২ সৈন্যগণ মুনিরে জোহারে^৩ ॥
 তবে বিশ্বামিত্র বড় মনে অভিমান ।
 মুনির নিকটে এত পাই অপমান ॥
 অদ্ভুত দেখিয়া কণ্ঠ মনে-মনে গণে ।
 সর্বশ্রেষ্ঠ ব্রাহ্মণ জানিহু এতক্ষণে ॥
 ধিক্ ক্ষত্রজাতি, মম ধিক্ রাজপদে ।
 একই তপস্বী হিজে না পারি বিবাদে ॥

এ-জন্ম রাখিয়া আর কোন্ প্রয়োজন ।
 তপস্বী করিয়া আমি হইব ব্রাহ্মণ ॥
 ব্রাহ্মণ হইব কিংবা যায় যাক্ প্রাণ ।
 এত চিন্তি বিশ্বামিত্র করে সংবিধান^৪ ॥
 দেশে পাঠাইয়া দিল যত সৈন্যগণে ।
 তপস্বী করিতে গেল গহন কাননে ॥
 বিশ্বামিত্র-তপঃ-কথা অদ্ভুত-কথন ।
 যাঁর তপে তাপিত হইল ত্রিভুবন ॥
 গ্রীষ্মকালে চতুর্ভিতে জ্বলি হুতাশন ।
 উর্দ্ধপদে তার মধ্যে থাকেন রাজন্ ॥
 নাকে-মুখে রক্ত বহে, ঘোর দরশন ।
 অস্থি-চর্ম্ম-সার-মাত্র, আহার পবন ॥
 বরিষা-কালেতে যথা সদাই বরিষে ।
 যোগাসন করি রাজা তথায় নিবসে ॥
 অহর্নিশ জলধারা বরিষে উপর ।
 স্থাবর^৫-সদৃশ হৈয়া থাকে নৃপবর ॥
 শীতকালে হীনবস্ত্র রহে নিরাশ্রয় ।
 হেমন্ত-পর্বতে, যথা হিম বরিষয় ॥
 এইরূপে তপ করে সহস্র বৎসর ।
 তপে তুষ্ট হৈয়া ব্রহ্মা দিতে এল বর ॥
 ব্রহ্মা বলে, বর মাগ, গাধির নন্দন ।
 বিশ্বামিত্র বলে, কর আমারে ব্রাহ্মণ ॥
 বিরিঞ্চি বলেন, তব ক্ষত্রকুলে জন্ম ।
 কেমনে হইবা হিজ, দুষ্কর এ-কর্ম্ম ॥
 অন্য বর চাহ তুমি, যেই লয় মন ।
 বিশ্বামিত্র বলে, অন্তে নাহি প্রয়োজন ॥
 ব্রহ্মা বলে, আর জন্মে হইবা ব্রাহ্মণ ॥
 এক্ষণে যা চাহ, তাহা মাগহ রাজন্ ॥

বিশ্বামিত্রে বলে, আমি অন্য নাহি চাই ।

হয় প্রাণ যাক্, নয় ব্রাহ্মণস্ব পাই ॥

এত শুনি প্রজাপতি করিলা গমন ।

পুনঃ তপ আরম্ভিল গাধির নন্দন ॥

উর্দ্ধ দুই বাহু করি উর্দ্ধমুখ হৈয়া ।

একপদে অঙ্গুলিতে রহে দাণ্ডাইয়া ॥

শুষ্ক-কাষ্ঠমত সে হইল নরবর ।

কেবল আছয়ে প্রাণ মজ্জার ভিতর ॥

তাঁর তপে মহা-তাপ হৈল তিনলোকে ।

ইন্দ্রাদি দেবতা ভয় হইল সবাকে ॥

সহিতে নারিয়া ব্রহ্মা আসি আর বার ।

বলিলেন, মাগ বর, গাধির কুমার ॥

বিশ্বামিত্রে বলে, আমি মাগিয়াছি পূর্বে ।

ব্রাহ্মণ করহ, যদি মোরে বর দিবে ॥

এড়াইতে নারিয়া সৃষ্টির অধিকারী ।

বিশ্বামিত্রে-গলে দেন আপন-উত্তরী ॥

বর দিয়া প্রজাপতি করিলা গমন ।

বিশ্বামিত্রে-মুনি হৈল মহাতপোধান ॥

কেহ নহে তপস্তায় তাঁহার সমান ।

সদা মনে জাগে বশিষ্ঠের অপমান ॥

অরাঅর-নাগ-নর বশিষ্ঠকে পূজে ।

অধা পান করিল সহিত দেবরাজে ॥

বশিষ্ঠের অপমান সদা জাগে মনে ।

বশিষ্ঠের ছিত্র খুঁজি ভ্রমে অনুক্ষণে ॥

ইক্ষাকুবংশেতে রাজা সর্বগুণধাম ।

সংসারেতে বিখ্যাত কল্যাণপাদ নাম ॥

পুরোহিত তাঁহার বশিষ্ঠ তপোধান ।

যজ্ঞহেতু তাঁহারে করিল নিমন্ত্রণ ॥

বশিষ্ঠ বলেন, কিছু আছে প্রয়োজন ।

রাজা বলে, যজ্ঞ আমি করিব এক্ষণ ॥

মুনি না আইল, রাজা হৈল ক্রোধমন ।

বিশ্বামিত্রে যজ্ঞ-হেতু কৈল নিমন্ত্রণ ॥

বিশ্বামিত্রে সঙ্গে লৈয়া আইসে রাজন ।

পথেতে ভেটিল শক্তি, বশিষ্ঠ-নন্দন ॥

রাজা বলে, পথ ছাড়ি' দেহ মূনিবর ।

শক্তি বলে, মোরে পথ দেহ নরেশ্বর ॥

রাজা বলে, রাজপথ জানে সর্বজন ।

পথ ছাড়, যাব আমি যজ্ঞের কারণে ॥

শক্তি বলে, দ্বিজ-পথ বেদের বিহিত ।

পথ ছাড়ি দেহ মোরে, যাইব স্মরিত ॥

এইমতে বোলাবুলি' দু'জনে হইল ।

কেহ না ছাড়িল পথ, তুপতি কুপিল ॥

হাতেতে প্রবোধবাড়ি' আছিল রাজার ।

ক্রোধে মূনি-অঙ্গে রাজা করিল প্রহার ॥

প্রহারে জর্জর শক্তি, রক্ত পড়ে ধারে ।

ক্রোধ-চ'ক্ষে চাহিয়া বলিল নৃপবরে ॥

উত্তম-বংশেতে জন্ম, করিস্ অনীতি ।

ব্রাহ্মণেরে হিংসা তুই করিস্ দুশ্মতি ॥

এই পাপে মম শাপে হও নিশাচর ।

মনুষ্যের মাংসে তোর পুরুষ উদর ॥

শাপ শুনি ব্যস্ত হৈল স্তম্ভাস-নন্দন ॥

কৃতাজলি করি বলে বিনয়-বচন ॥

হেনকালে বিশ্বামিত্রে পেয়ে অবসর ।

রাজ-অঙ্গে নিয়োজিল এক নিশাচর ॥

রাক্ষস-শরীর হৈল রাজা, হতজ্ঞান ।

দেখি বিশ্বামিত্রে মূনি হৈল অন্তর্জ্ঞান ॥

সম্মুখে পাইয়া শক্তি ধরিল রাজন ।
 ব্যাত্র যেন পশু ধরি করয়ে ভক্ষণ ॥
 মোরে শাপ দিলা দুর্ক, ভুঞ্জ তার ফল ।
 বধিয়া ঘাড়ের রক্ত খাইল সকল ॥
 শক্তিকে খাইয়া মূর্তি হৈল ভয়ঙ্কর ।
 উন্নত হইয়া ভ্রমে বনের ভিতর ॥
 দেখি বিশ্বামিত্র-মুনি ভাবিল অন্তর ।
 রাক্ষসে লইয়া সঙ্গে গেল মুনিবর ॥
 যথা আছে বশিষ্ঠের শতেক কুমার ।
 কাল পেয়ে বিশ্বামিত্র দেয় ফল তার ॥
 একে-একে সর্বজনে দেখাইয়া দিল ।
 রাক্ষস সবারে ধরি ভক্ষণ করিল ॥
 বশিষ্ঠ আসিয়া গৃহে দেখে শূন্যময় ।
 শতপুঞ্জ না দেখিয়া মানিল বিশ্বয় ॥
 ধ্যানেতে জানিল, যত বিশ্বামিত্র কৈল ।
 শক্তি-সহ শতপুঞ্জ রাক্ষসে ভক্ষিল ॥
 শতপুঞ্জ-শোকে তাঁর দহয়ে শরীর ।
 অতি ধৈর্য্যবস্ত, তবু হইল অস্থির ॥
 আপনার মরণ বাঞ্ছিয়া মুনিবর ।
 শোকাকুল প্রবেশিল সমুদ্রে-ভিতর ॥
 সমুদ্রে দেখিয়া তাঁরে রাখি গেল কূলে ।
 মরণ না হৈল যদি সমুদ্রের জলে ॥
 অত্যাচ্ছ পর্বতে গিয়া উঠিল সে মুনি ।
 তথা হৈতে শোকাকুল পড়িল ধরণী ॥
 বিংশতি-সহস্র ক্রোশ উচ্চ হৈতে পড়ি ।
 ভুলারাম-পরে মুনি যায় গড়াগড়ি ॥
 তাহাতে নহিল মৃত্যু, চিন্তে মূনিরাজ ।
 প্রবেশ করিল গিয়া অনলের মাঝ ॥
 যোজন-প্রসর অগ্নি পরশে আকাশে ।
 শীতল হইল অগ্নি মূনির পরশে ॥

তবে মুনি প্রবেশিল অরণ্য-ভিতর ।
 নানাপশু ব্যাত্র হস্তী ভল্লুক শূকর ॥
 বশিষ্ঠে দেখিয়া সবে পলাইয়া যায় ।
 হেনমতে কৈল মুনি অনেক উপায় ॥
 মরণ নহিল, মুনি ভ্রমিল সংসার ।
 কতদিনে আসে মুনি গৃহে আপনার ॥
 একশত পুঞ্জ নাই দেখি মুনিবর ।
 পুঞ্জশোকে অবশ হইল কলেবর ॥
 চতুর্দিকে অনুক্ষণ বেদ-অধ্যয়ন ।
 নানাশাস্ত্র পঠন করিত পুঞ্জগণ ॥
 এ-সব চিন্তিয়া মুনি অধিক তাপিত ।
 গৃহমধ্যে প্রবেশিতে নাহি চায় চিত ॥
 পুনরপি বশিষ্ঠ চলিল দেশান্তর ।
 মরিতে উপায় মুনি করে নিরন্তর ॥
 দেখিল একটি নদী অত্যন্ত গভীর ।
 লক্ষ লক্ষ ভয়ঙ্কর আছয়ে কুস্তীর ॥
 তাহে পড়িবার তরে ইচ্ছা কৈল মুনি ।
 হেনকালে পাছু হৈতে শুনে বেদধ্বনি ॥
 বিস্মিত হইয়া মুনি উলটিয়া চায় ।
 শক্তি-ভার্য্যা অদৃশ্যস্তী দেখিল তথায় ॥
 যোড়হাত করি বলে শক্তির বনিতা ।
 তোমার সংহতি প্রভু আইলাম হেথা ॥
 মুনি বলে, সঙ্গে আর আছে কোন্ জন ।
 শত-শত বেদধ্বনি করে উচ্চারণ ॥
 শক্তির কণ্ঠের প্রায় শুনিলাম স্বর ।
 এত শুনি বলে দেবী বিনয়ে উত্তর ॥
 শক্তির নন্দন আছে আমার উদরে ।
 দ্বাদশ বৎসর বেদ অধ্যয়ন করে ॥
 এত শুনি বশিষ্ঠ হইল হৃষ্টমন ।
 বংশ আছে শুনি নিবর্তিল তপোধন ॥

বধু সঙ্গে লইয়া চলিল পুনঃ ঘর ।
 হেনকালে ভেটিল রাক্ষস নরবর ॥
 নির্জন গহনবনে থাকে নিরস্তর ।
 বহু-নর-পশু খেয়ে পূর্ণিত উদর ॥
 নৃপতি কল্যাণপাদ দেখি বশিষ্ঠেরে ।
 মুখ মেলি ধাইল মুনিরে গিলিবারে ॥
 বিপরীত-মূর্তি দেখি হাতে কাষ্ঠখণ্ড ।
 তৃতীয় প্রহবে যেন তপন প্রচণ্ড ॥
 নিকটে আইল মূর্তি অতি ভয়ঙ্কর ।
 দেখি অদৃশ্যস্তী দেবী কাঁপে থর-থর ॥
 শ্বশুরে ডাকিয়া বলে, শুন মহাশয় ।
 মৃত্যু উপস্থিত, হের রাক্ষস দুর্জয় ॥
 রাক্ষসের হাতে দেখি নিকট মরণ ।
 তোমা-বিনা রাখে ইথে নাহি হেন জন ॥

বশিষ্ঠ বলিল, বধু, না করিহ ভয় ।
 নৃপতি কল্যাণপাদ, রাক্ষস এ নয় ॥
 এতেক বলিতে চুপ্ত আইল নিকটে ।
 মুনিকে গিলিতে যায় দশন বিকটে ॥
 মুনির হুঙ্কারেতে রহিল কতদূরে ।
 কমণ্ডলু-জল মুনি ফেলিল উপরে ॥
 রাজ-অঙ্গ হৈতে হৈল রাক্ষস বাহির ।
 রাহু হৈতে যেন হৈল বাহির মিহির ॥
 পূর্বজ্ঞান হৈল, রাজা পাইল চেতন ।
 কৃতাজ্জলিপুটে করে বশিষ্ঠে স্তবন ॥
 অধম পাপিষ্ঠ আমি, পাপে নাহি অন্ত ।
 দয়া কর মুনিরাজ, তুমি দয়াবন্ত ॥
 মুনি বলে, যাহ শীঘ্র অযোধ্যা-নগরে ।
 কদাচিত্ অমাত্য না করহ বিজেরে ॥

রাজা বলে, আজি হৈতে তোমার কিঙ্কর ।
 তব আজ্ঞাবর্তী আমি হব নিরস্তর ॥
 সূর্য্যবংশে জন্ম হোর হৃদাস-নন্দন ।
 হেন কর, যোরে নাহি নিম্নে কোনজন ॥
 এত বলি নৃপবর আজ্ঞা যে পাইয়া ।
 অযোধ্যা-নগরে পুনঃ রাজা হৈল গিয়া ॥
 বধুসহ বশিষ্ঠ আইল নিজঘর ।
 কতদিনে জন্মিল সে মুনি পরাশর ॥
 পৌঞ্জে দেখি বশিষ্ঠের শোক দূরে গেল ।
 অতিযত্নে মুনিরাজ বালকে পুষিল ॥
 শিশুকাল হৈতে পরাশর মহামুনি ।
 পিতা ব'লে বশিষ্ঠেরে জানিত আপনি ॥
 একদিন পরাশর মায়ের গোচরে ।
 পিতৃ-সম্বোধন করি ডাকে বশিষ্ঠেরে ॥
 শুনি অদৃশ্যস্তী শোক করিল প্রচুর ।
 রোদন করিয়া পুঞ্জে বলেন মধুর ॥
 পিতৃহীন পুত্র তুমি বড় অভাগিয়া ।
 পিতামহে পিতা বলি ডাক কি লাগিয়া ॥
 যেই কালে ছিলা তুমি আমার উদরে ।
 তোমার জনকে বনে খায় নিশাচরে ॥

মায়ের মুখেতে শুনি এতেক বচন ।
 বিশেষ মায়েরে দেখি শোকেতে মগন ॥
 ক্রোধেতে শরীর কম্পে, লোহিত-লোচন ।
 কি করিবে, হৃদয়ে চিন্তিল তপোধন ॥
 এত বড় নিদারুণ নির্দয় বিধাতা ।
 রাক্ষসের হাতে বিনাশিল যোর পিতা ॥
 আজি তার সর্ব্বসৃষ্টি করিব নিধন ।
 না রাখিব ত্রিলোকে তাহার একজন ॥

এত যদি মনে কৈল শক্তির কুমার ।
 বশিষ্ঠ জানিল এ-সকল সমাচার ॥
 মধুর-বচনে তারে করেন প্রবোধ ।
 অকারণে তাত, তুমি কারে কর ক্রোধ ॥
 ব্রাহ্মণের ধর্ম এই না হয় উচিত ।
 ক্ষমা-শাস্তি ব্রাহ্মণের, বেদের বিহিত ॥
 কর্ম-অমুরূপে শক্তি হইল নিধন ।
 তার প্রতি অমুশোচ্য কর অকারণ ॥
 কার এত শক্তি তারে মারিবারে পারে ।
 কর্ম-অমুরূপ ফল ভুঞ্জয়ে সংসারে ॥
 ক্রোধ-শাস্তি কর, বাপু, তবে দেহ মন ।
 অকারণে সৃষ্টি কেন করিবা নিধন ॥
 মহাভারতের কথা অমৃত-লহরী ।
 শুনিলে অধর্ম ক্ষয়, পরলোকে তরি ॥

১২। কৃতবীৰ্য্য-চরিত ও ভৃগুপুত্র ঔর্ষের বৃত্তান্ত
 এবং বাড়বানল ও দাবানলের উৎপত্তি ।

বশিষ্ঠ বলেন, তবে শুন পরাশর ।
 পূর্বের বৃত্তান্ত কহি তোমার গোচর ॥
 কৃতবীৰ্য্য-নামে ছিল এক নরবর ।
 পুত্রসম প্রজা পালে পৃথিবী-ভিতর ॥
 ভৃগুবংশে ব্রাহ্মণ তাঁহার পুরোহিত ।
 নানায়জ্ঞ-ক্রিয়া রাজা কৈল অপ্রমিত ॥
 সর্বধন দিয়া রাজা গেল স্বর্গবাসে ।
 ধনহীন হৈল, যেই রাজা হৈল দেশে ॥
 ভৃগুবংশ-দ্বিজগণে আনিল ধরিয়া ।
 মাগিল, যতেক ধন দেহ ফিরাইয়া ॥

ভয়ে তবে বিপ্রগণ বলিল বচন ।
 যার গৃহে যত আছে, দিব সব ধন ॥
 এত শুনি ছাড়ি দিল সর্বদ্বিজগণে ।
 গৃহে আসি বিচার করিল সর্বজনে ॥
 রাজভয়ে কোন দ্বিজ সর্বধন দিল ।
 কেহ-কেহ কত ধন পুঁতিয়া রাখিল ॥
 কতধন দিল লৈয়া রাজার গোচর ।
 অল্পধন দেখিয়া রুখিল নরবর ॥
 অমুচর হৈতে ভেদ পাইল রাজন ।
 পুঁতিয়া রেখেছে ঘরে ধন দ্বিজগণ ॥
 সসৈন্যেতে ঘর-সব গিয়া যে বেড়িল ।
 যত ধন পৌঁতা ছিল, বাহির করিল ॥
 ধন দেখি ক্রোধ কৈল যত ক্ষত্রগণ ।
 ব্রাহ্মণে মারিতে আজ্ঞা করিল রাজন ॥
 হাতে খড়্গ করিয়া যতেক রাজবল ।
 যতেক ব্রাহ্মণগণে কাটিল সকল ॥
 বাল-বৃদ্ধ-যুবা সর্ব যতেক আছিল ।
 চুঞ্চপোষ্য বালকাদি সকলি মারিল ॥
 গর্ভবতী স্ত্রীগণের চিরিয়া উদর ।
 মারে বহু দ্বিজশিশু চুষ্ট নরবর ॥
 মহাকলরব হৈল ব্রাহ্মণ-নগরে ।
 প্রাণ লৈয়া স্ত্রীগণ পলায় দেশান্তরে ॥
 এক ভৃগুপত্নী যে আছিল গর্ভবতী ।
 স্বামি-বংশ-রক্ষা-হেতু বিচারিল সতী ॥
 উদর হইতে গর্ভ উদ্ধতে থুইয়া ।
 ক্ষত্রগণ-ভয়ে তিনি যান পলাইয়া ॥
 যতেক ক্ষত্রিয়গণ বেড়িল তাহারে ।
 যাইতে না হৈল শক্তি পূর্ণ-গর্ভ-ভরে ॥

মহাভয়ে প্রসব হইল সেইখানে ।
 দশ-সূৰ্য্য-প্রায় তেজ ধরয়ে নন্দনে ॥
 দৃষ্টিমাত্র ক্ষত্রগণ সবে অন্ধ হৈল ।
 কত-শত ক্ষত্র পুড়ি ভস্ম হৈয়া গেল ॥
 ঘোড়াহাতে স্ততি করে যত ক্ষত্রগণ ।
 ব্রাহ্মণীয়ে কহে বহু বিনয়-বচন ॥
 পুত্রে কহি ব্রাহ্মণী সবারে চক্ষু দিল ।
 প্রাণ লৈয়া ক্ষত্রগণ পলাইয়া গেল ॥
 পিতৃপিতামহ সৰ্ব্ব হইল সংহার ।
 মহাত্মক হৈল শুনি শুণ্ডর কুমার ॥
 মহাছুৰ্দ্ধ ক্ষত্রগণ কৈল অবিচার ।
 অনাথের প্রায় দ্বিজে করিল সংহার ॥
 বিধাতার দুৰ্দ্ধ কৰ্ম্ম জানিহু এখন ।
 এই-হেতু বিনাশ করিব ত্রিভুবন ॥
 এত চিন্তি তপস্বী যে করে মুনিবর ।
 অনাহারে তপ যষ্টি-সহস্র বৎসর ॥
 তাঁর তপে তাপিত হইল ত্রিভুবন ।
 হাছাকার কলরব করে সৰ্ব্বজন ॥
 দেবগণ মিলি যুক্তি করিয়া তখন ।
 নিবারণ-হেতু পাঠাইলা পিতৃগণ ॥
 ঔৰ্ব্ব-প্রতি পিতৃগণ বলিলা বচন ।
 এত ক্রোধ কর বাপু, কিসের কারণ ॥
 আমা-সবা-হেতু দুঃখ ভাবহ অন্তরে ।
 আমা-সবে মারিবারে কার শক্তি পারে ॥
 কাল উপস্থিত হৈল কৰ্ম্মের লিখন ।
 সেকারণে ক্ষত্র-করে হইল মরণ ॥
 আপনার মনে জানি, কমা দেহ মনে ।
 হেন অবিহিত কৰ্ম্ম কর কি-কারণে ॥

শম দম কমা তপ ব্রাহ্মণের ধৰ্ম্ম ।
 আমা-সবে নাহি রুচে তব ক্রোধকৰ্ম্ম ॥
 পিতৃগণ-বচন শুনিয়া ঔৰ্ব্ব-মুনি ।
 কহেন, কহিলা যত, আমি সব জানি ॥
 পূৰ্বে আমি ক্রোধে করিলাম অঙ্গীকার ।
 তপস্বী করিয়া সৃষ্টি করিব সংহার ॥
 বিশেষে ক্ষত্রিয়গণ হৈল দুরাচার ।
 দুৰ্দ্ধে শাস্তি নাহি দিলে মজ্জিবে সংসার ॥
 দুৰ্দ্ধলোকে যোগ্য-শাস্তি যদি নাহি পায় ।
 সংসারের যত লোক সেই পথে যায় ॥
 অপ্রমিত কুকৰ্ম্ম করিল ক্ষত্রগণ ।
 অন্নদোষে বিনাশিল অনেক ব্রাহ্মণ ॥
 যখন ছিলাম আমি জননী-উদরে ।
 ক্ষত্রভয়ে মাতা মোর এড়িলেন উরে ॥
 আর যত ব্রাহ্মণী পাইয়া গৰ্ভবতী ।
 উদর চিরিয়া মারিলেক দুৰ্দ্ধমতি ॥
 অনাথের প্রায় করি মারিল সবারে ।
 সে-সব স্মরিয়া মম হৃদয় বিদরে ॥
 হেন দুৰ্দ্ধজনে যদি শাস্তি না পাইবে ।
 এইমত দুৰ্দ্ধাচার ত্যাগ কে করিবে ॥
 শক্তি আছে, শাস্তি নাহি দেয় যেই জন ।
 কাপুরুষ বলি তার সংসারে ঘোষণ ॥
 এই-হেতু ক্রোধ মম হইল অপার ।
 নিবৃত্ত না হবে ক্রোধ না করি সংহার ॥
 ঔৰ্ব্ব-প্রতি পুনরপি বলে পিতৃগণ ।
 নিবৃত্ত করহ ক্রোধ, শাস্ত কর মন ॥
 ক্রোধ-ভুল্য মহাপাপ নাহিক সংসারে ।
 তপ-জপ-জ্ঞান সব ক্রোধেতে সংহারে ॥

১। ঔৰ্ব্ব ঐবির পুত্র (ঔৰ্ব্ব+অণত্যার্থে ক), অথবা, উরুভেদ করিয়া কব বাহার (ঔৰ্ব্ব+ক)। ২। উদর হইতে আকর্ষণ করিয়া উরুতে রাখিলেন। ৩। উরে—উরুতে।

বিশেষে যতির ক্রোধ চণ্ডাল-গণন ।
 এ-সব গণিয়া ক্রোধ কর সংবরণ ॥
 আমরা তোমার পিতৃগণ গুরুজন ।
 আমা-সবাকার বাক্য না কর লঙ্ঘন ॥
 নিবৃত্ত করিতে যদি নাহিক শক্তি ।
 উপায় কহি যে এক, শুন মহামতি ॥
 ত্রৈলোক্য-জনের প্রাণ জলের ভিতরে ।
 জল-বিনা মুহূর্তেক না বাঁচে সংসারে ॥
 সে-কারণে জলমধ্যে এড় ক্রোধানল ।
 জলে হিংসিলে হিংসা পাইবে সকল ॥
 ওঁর্ব্ব বলে, না লজিব সবার বচন ।
 সমুদ্রে থুইল ক্রোধ ভৃগুর নন্দন ॥
 অত্ৰাপি মুনির ক্রোধ অনলের তেজে ।
 দ্বাদশ-যোজন নিতি পোড়ে সিদ্ধুমাঝে ॥
 বশিষ্ঠ বলেন, তাত, পূর্ব্বের কাহিনী ।
 এত অপরাধ ক্রমা কৈল ওঁর্ব্ব-মুনি ॥
 এত শুনি পরাশর ক্রোধ শাস্ত কৈল ।
 রাক্ষসে মারিব বলি প্রতিজ্ঞা করিল ॥
 রাক্ষস আমার বাপে করিল ভক্ষণ ।
 পিতৃবৈরী নিশাচরে করিব নিধন ॥
 রাক্ষস বলিয়া না থুইব পৃথিবীতে ।
 পরাশর-মুনি ইহা স্থির কৈল চিতে ॥
 বশিষ্ঠের শক্তিতে না হইল বারণ ।
 রাক্ষস-বধের যজ্ঞ কৈল আরম্ভণ ॥
 পরাশর-যজ্ঞকথা অন্তত-কথন ।
 যে-যজ্ঞে হইল সব রাক্ষস-নিধন ॥
 রাক্ষসের চুর্কাচার জানিয়া সকল ।
 পরাশর-মুনি হৈল জ্বলন্ত অনল ॥

বেদমন্ত্রে অগ্নি স্থালি কৈল অঙ্গীকার ।
 সঙ্কল্প করিল সব-রাক্ষস-সংহার ॥
 যজ্ঞের অনল গিয়া উঠিল আকাশে ।
 মন্ত্রে আকর্ষিয়া যত আনয়ে রাক্ষসে ॥
 পর্ব্বত নগর সিদ্ধু কাননাদি গ্রাম ।
 দ্বীপ-দ্বীপান্তরে যথা রাক্ষসের ধাম ॥
 লক্ষ-লক্ষ কোটি-কোটি অর্ব্বদ-অর্ব্বদে ।
 হাহাকার কলরব করিয়া শব্দে ॥
 পুঞ্জ-পুঞ্জ হৈয়া পড়ে অগ্নির ভিতরে ।
 ব্যাকুল হইয়া কেহ কান্দে উচ্চৈঃস্বরে ॥
 মহাতেজ মহাকায় মহাভয়ঙ্কর ।
 কারো সপ্তমুণ্ড কারো অষ্টাদশ কর ॥
 বিকট-দশন, রক্ত-লোমাবলি-দেহ ।
 কূপ-সম চক্ষুতে বহয়ে ঘন-লোহ ॥
 পর্ব্বত-আকার কেহ জিহ্বা লহ-লহ ।
 বিপুল উদর কারো দেখি শুকদেহ ॥
 কেহ-কেহ প্রবেশিল পর্ব্বত-গহবরে ।
 প্রাণভয়ে কোনজন বৃক্ষ চাপি ধরে ॥
 কেহ প্রবেশয়ে গিয়া সমুদ্রে-ভিতরে ।
 পাতালে প্রবেশে কেহ, যায় দিগন্তরে ॥
 কর্কটং -সিংহেতে যেন সলিল বরণে ।
 লিখনে না যায় যত অনলে প্রবেশে ॥
 দশদিকে কলরব হৈল হাহাকার ।
 প্রলয়কালেতে যেন মজয়ে সংসার ॥
 আকুল হইয়া কেহ শরীর আছাড়ি ।
 ভয়েতে কম্পয়ে তনু, যায় গড়াগড়ি ॥
 কোন-কোন রাক্ষসের নাহিক রক্ষণ ।
 যজ্ঞে লৈয়া আসে মন্ত্রে করিয়া বন্ধন ॥

পরশর-যজ্ঞে হৈল রাক্ষস-সংহার ।
 পৌলস্ত্য পাইল এ-সকল সমাচার ॥
 পৌলস্ত্য-নামেতে সেই ব্রহ্মার-নন্দন ।
 ষাঁর সৃষ্টি হৈল যত নিশাচরগণ ॥
 সৃষ্টি-নাশ হইল, চিস্তিত মুনিবর ।
 যথা যজ্ঞ করে মুনি, চলিল সঙ্ঘর ॥
 পৌলস্ত্যেরে দেখিয়া উঠিল মুনিগণ ।
 বসিবারে দিল দিব্য কনক-আসন ॥
 চিতে ক্রোধ করিয়া বসিল মুনিবর ।
 পরাশরে চাহি মুনি করিল উত্তর ॥
 বড় যশ উপার্জিল শক্তির নন্দন ।
 যজ্ঞেতে রাক্ষসগণে করিলা নিধন ॥
 বেদ-শাস্ত্র জ্ঞাত হৈয়া কর হেন কৰ্ম্ম ।
 কোন্ বেদশাস্ত্রে আছে, পরহিংসা ধৰ্ম্ম ॥
 পৃথিবীতে দ্বিজ নাহি তোমার বিচারে ।
 আর কোন দ্বিজ কেহ তপ নাহি করে ॥
 তোমার বিচারে শক্তি ছিল হীনজন ।
 সে-কারণে কৈল তাঁরে রাক্ষসে ভক্ষণ ॥
 মৃত্যু বলি সংসারে আছেয়ে বড় ব্যাধি ।
 ত্রৈলোক্যে না পাই বাপু, ইহার ঔষধি ॥
 শত-বৎসরেতে, কেহ সহস্র-বৎসরে ।
 শরীর ধরিলে লোক অবশ্য যে মরে ॥
 ব্যাঘ্র-হস্তি-হাতে, কিংবা জলে ডুবি মরে ।
 শত-শত ব্যাধি আরো আছেয়ে সংসারে ॥
 যথায় যাহার মৃত্যু কৰ্ম্ম-নিবন্ধন ।
 কার শক্তি আছে, তাহা করয়ে খণ্ডন ॥
 সকল জানহ তুমি শাস্ত্র-অনুসারে ।
 জানিয়া এমন কৰ্ম্ম কর অবিচারে ॥

বিশেষে আপন-দোষে শক্তির নিধন ।
 মহাক্রোধ হৈল অল্পদোষের কারণ ॥
 আপনার মৃত্যু তবে আপনি সৃজিল ।
 নৃপতিরে শাপ দিয়া রাক্ষস করিল ॥
 অল্পদোষে মহাক্রোধ দ্বিজে অনুচিত ।
 সেই পাপে মৃত্যু তাঁর কৰ্ম্ম-নিবন্ধিত ॥
 রাক্ষসের কোন্ দোষ বুঝিলা আপনে ।
 অসংখ্য রাক্ষস ভক্ষ্য কৈলা অকারণে ॥
 যে-কৰ্ম্ম করিলা তুমি দ্বিজের এ নয় ।
 দ্বিজ-ক্রোধ হৈলে ক্ষণে হইবে প্রলয় ॥
 ক্রোধ করি দ্বিজ যদি সংসার নাশিবে ।
 কাহার শক্তি তবে পৃথিবী রাখিবে ॥
 ক্রোধ শাস্ত কর বাপু, আমার বচনে ।
 হতশেষ যেই আছে, করহ রক্ষণে ॥
 আমার বচন যদি মনোরম নহে ।
 জিজ্ঞাসহ বশিষ্ঠে তোমার পিতামহে ॥
 বশিষ্ঠ কহেন, সত্য কহিলেন মুনি ।
 পূর্বেই কহিলু বাপু, এ-সব কাহিনী ॥
 অকারণে হিংসাক্ষে উপজিল পাপ ।
 এ-সব করিলে কিন্তু পুনঃ পাবে তাপ ॥
 ক্রোধ ত্যাগ কর, ছাড় লোকের হিংসন ।
 পৌলস্ত্য-মুনির বাক্য করহ পালন ॥
 এত শুনি পরাশর কৈল সমাধান ।
 বহুযজ্ঞে কৈল যজ্ঞ-অগ্নির নির্বাণ ॥
 নিরুত্ত না হৈল অগ্নি পূর্ব-অঙ্গীকারে ।
 সঙ্কল্প করিল সর্ব-রাক্ষস-সংহারে ॥
 আহুতি না পেয়ে অগ্নি প্রবেশিল বনে ।
 অতাপি অনল উঠে কানন-মহনে ॥

গন্ধর্ব্ব বলিল, শুন পাণ্ডুর নন্দন ।
 কহিলাম এ-সকল কথা পুরাতন ॥
 বশিষ্ঠের ক্রমা-সম নাহিক সংসারে ।
 বিশ্বামিত্র সংহারিল শতেক কুমারে ॥
 তথাপি তাঁহারে মূনি ক্রোধ না করিল ।
 যম হৈতে লৈতে পারে, তবু না আনিল ॥
 কারণ বুঝিয়া মূনি অতি ক্রমাবান্ ।
 নৃপতি কল্যাণপাদে দিল পুত্রদান ॥
 যে-রাজা হইল হেতু শত-পুত্র-নাশে ।
 তাঁরে পুত্রবান্ কৈল আপন গুরসে ॥
 অৰ্জুন বলেন, কহ ইহার কারণ ।
 কি-কারণে হেন কৰ্ম্ম কৈলা তপোধন ॥
 একে ত পরের দারা দ্বিতীয়ে অগম্য ।
 কি-কারণে বশিষ্ঠ করিলা হেন কৰ্ম্ম ॥
 গন্ধর্ব্ব বলিল, শুন তার বিবরণ ।
 শক্তি শাপে নিশাচর হইল রাজন্ ॥
 ক্ষুধায় তৃষ্ণায় সমাকুল কলেবর ।
 ভক্ষ্য-অনুসারে ফিরে অরণ্য-ভিতর ॥
 হেনকালে দেখে পথে ব্রাহ্মণী-ব্রাহ্মণ ।
 রাজারে দেখিয়া পলাইল দুইজন ॥
 দেখিয়া ব্রাহ্মণে গিয়া ধরিল নৃপতি ।
 ভয়েতে বিলাপ করে ব্রাহ্মণ-যুবতী ॥
 কাতর হইয়া বলে বিনয়-বচন ।
 পৃথিবীর রাজা তুমি হুদাস-নন্দন ॥
 তোমার বংশেতে সবে দ্বিজের কিঙ্কর ।
 ব্রাহ্মণেরে বধ না করহ নরবর ॥
 আজি মোর প্রথম হ'য়েছে ঋতুস্নান ।
 বংশরক্ষা-হেতু মোরে স্বামী দেহ দান ॥

অতিশয় ক্ষুধার্ত হ'য়েছে যদি তুমি ।
 আমারে ভক্ষণ কর, ছাড় মোর স্বামী ॥
 এতেক কাতরে যদি ব্রাহ্মণী বলিল ।
 সহজে অজ্ঞান রাজা শুনি না শুনিল ॥
 ব্যাত্র যেন পশু ধরি করয়ে ভক্ষণ ।
 ঘাড় ভাঙ্গি রক্তপান কৈল ততক্ষণ ॥
 ব্রাহ্মণের মৃত্যু দেখি ব্রাহ্মণী বিকল ।
 আনিয়া বনের কাষ্ঠ জালিল অনল ॥
 অগ্নি প্রদক্ষিণ করি ডাকি বলে নৃপে ।
 ওরে দুষ্ঠ দুরাচার, শুন মোর শাপে ॥
 মোর ঋতু ভুঞ্জিতে না পাইলেন স্বামী ।
 এইমত নিরাশ হইবা দুষ্ঠ তুমি ॥
 স্ত্রীস্পর্শ করিলে তোর অবশ্য মরণ ।
 এ-শাপ দিলাম তোরে, নহিবে খণ্ডন ॥
 সূর্য্যবংশ-রক্ষা-হেতু বলি উপদেশে ।
 বংশরক্ষা হবে তোর ব্রাহ্মণ-গুরসে ॥
 এত বলি ব্রাহ্মণী পড়িল অগ্নিমাঝ ।
 দ্বাদশ-বৎসর বনে ফিরে মহারাজ ॥
 বশিষ্ঠ হইতে মুক্ত হইয়া রাজন্ ।
 সচেতন হৈয়া দেশে করিল গমন ॥
 স্নান দান জপ হোম করিল নৃপতি ।
 শয়ন করিতে গেলা যথা মদয়ন্তী ॥
 মদয়ন্তী বলে, রাজা, নাহিক স্মরণ ।
 ব্রাহ্মণী দিলেন শাপ দারুণ-বচন ॥
 স্ত্রীস্পর্শ করিলে তব হইবে মরণ ।
 সে-কারণে মোর অজ্ঞ না হোঁও রাজন্ ॥
 রাণীর বচনে নিবর্ত্তিল নরপতি ।
 বংশরক্ষা-কারণে চিন্তিল মহামতি ॥

বশিষ্ঠ হইতে হয়ে শুনি লোকমুখে ।
 ভাৰ্য্যা-নিয়োজন কৈল বশিষ্ঠ-মুনিকে ॥
 বশিষ্ঠ-ঔরসে তাঁর হইল সন্ততি ।
 সূৰ্য্যবংশ রাখিল বশিষ্ঠ মহামতি ॥
 এত শুনি অৰ্জ্জুন হইল হৃষ্টমন ।
 গন্ধৰ্বেরে বলিলেন বিনয়-বচন ॥
 এ-সব শুনিয়া মম ব্যগ্র হৈল মন ।
 পুরোহিত-যোগ্য কোথা পাইব ব্রাহ্মণ ॥
 রাজগণ পূৰ্বে যত পুরোহিত-তেজে ।
 বহু সঙ্কেটেতে রক্ষা পায় ক্রিতিমাথে ॥
 গন্ধৰ্ব বলিল, যদি পুরোহিতে মন ।
 দেবল-ঋষির ভ্রাতা ধোম্য তপোধন ॥
 পুরোহিত করি তাঁরে করহ বরণ ।
 সৰ্ব্বকার্য্য সিদ্ধ হবে তাঁহার কারণ ॥
 এত শুনি পার্থ হয় প্রসন্ন-বদন ।
 অগ্নি-বাণ দিলা তারে পার্থ ততক্ষণ ॥
 যত অস্ত্র দিয়াছিল গন্ধৰ্ব অৰ্জ্জুনে ।
 পার্থ বলিলেন, ইহা থাকুক এক্ষণে ॥
 কার্য্যকালে অস্ত্র-সব মাগিব তোমারে ।
 তখনি এ-অস্ত্র-প্রাপ্তি হইবে আমারে ॥
 এত শুনি গন্ধৰ্ব হইল হৃষ্টমন ।
 একে-একে পঞ্চভায়ে কৈল আলিঙ্গন ॥
 বিদায় হইয়া গেল আপন-আলয় ।
 উৎকোচক-তীর্থে গেল কুন্তীর তনয় ॥
 পুরোহিত করি ধোম্যে করিল বরণ ।
 উল্লাসেতে বলে ধোম্য আশীষ-বচন ॥
 ধোম্যসহ পঞ্চভাই পাঞ্চালে চলিল ।
 পথেতে যাইতে বহু ব্রাহ্মণে দেখিল ॥

দ্বিজগণ বলে, কে তোমরা পঞ্চজন ।
 কোথা হৈতে আসিতেছ, কোথায় গমন ॥
 যুধিষ্ঠির বলিলেন, একচক্রা হৈতে ।
 পঞ্চভাই যাইতেছি জননী-সহিতে ॥
 দ্বিজগণ বলে, চল মোদের সংহতি ।
 কন্যা-স্বয়ংবর করে পাঞ্চালের পতি ॥
 বহুদেশ হৈতে তথা আসে দ্বিজগণ ।
 বহুধন দিতেছেন ঋণদ-রাজন ॥
 স্বয়ংবর দেখিব, পাইব বহুধন ।
 আমা-সবা-সংহতি চলহ পঞ্চজন ॥
 তোমা-পঞ্চজনে যেন দেবের কুমার ।
 অপরূপ-রূপ দেখি তোমা-সবাকার ॥
 তোমা-পঞ্চজনে যদি পাঞ্চালী দেখিবে ।
 মনে হেন লয়, তোমা অবশ্য বরিবে ॥
 তোমা-পঞ্চ-মাঝে কৃষ্ণা বরিবে কাহারে ।
 দেখিয়া বিস্ময় তার জন্মিবে অন্তরে ॥
 এত বলি দ্বিজগণ চলিল সহিত ।
 পাঞ্চাল-নগরে তবে হৈল উপনীত ॥
 আদিপর্বের উত্তম বশিষ্ঠ-উপাখ্যান ।
 কাশীরাম দাস কহে, শুনে পুণ্যবান ॥

১৩। দ্রৌপদীর স্বয়ংবর ।

পাঞ্চাল-নগরে পঞ্চ পাণ্ডুর তনয় ।
 কুন্তকার-গৃহমধ্যে করেন আশ্রয় ॥
 ভিক্ষা করি আনি তথা ব্রাহ্মণে ধোম্যে ॥
 হেনমতে কতদিন রহেন সে-দেশে ॥

স্বয়ংবর-সজ্জা করে পাঞ্চাল-ঈশ্বর ।
 অদ্ভুত করিল লক্ষ্য লোকে অগোচর ॥
 যখন জন্মিলা কন্যা দ্রৌপদী-সুন্দরী ।
 তখন করিল চিত্তে পাঞ্চালাধিকারী ॥
 এ-কন্যার যোগ্য বর বীর ধনঞ্জয় ।
 এ-কন্যার যোগ্য পাত্র আর কেহ নয় ॥
 জতুগৃহে মরিল যে পাণ্ডুর নন্দন ।
 হেনমতে ধ্বনি হৈল, ঘোষে সর্বজন ॥
 দ্রুপদ বলিল, ইহা চিত্তে নাহি লয় ।
 দেব হৈতে জন্মে পঞ্চ পাণ্ডুর তনয় ॥
 বহুদেশে দূত গিয়া কৈল অন্বেষণ ।
 না পাইয়া পাণ্ডবেরে চিস্তিত রাজন ॥
 হেন ধনু কৈল, যাহা কেহ নাহি দেখে ।
 শূন্যেতে রাখিল লক্ষ্য অসম্ভব লোকে ॥
 মস্ত্র-বিরচিত যন্ত্র রাখে মধ্যপথে ।
 পঞ্চশরসহ ধনু থুইল সভাতে ॥
 যন্ত্রের দ্রুপথে শর যুড়ি এ-ধনুকে ।
 যে বিদ্বিবে লক্ষ্য, কন্যা ভজিবে তাহাকে ॥
 করিল দ্রুপদ-রাজ এইমত পণ ।
 রাজগণে সর্বত্র করিল নিমন্ত্রণ ॥
 সাগর-অবধি যত রাজগণ বৈসে ।
 সসৈন্যে আইল সবে পাঞ্চালের দেশে ॥
 রথ অশ্ব পদাতিক না যায় গণনা ।
 চতুর্দিকে মহাশব্দ বিবিধ বাজনা ॥
 জল স্থল পর্বত কানন নদ নদী ।
 দশদিক্ যুড়িয়া আইসে নিরবধি ॥
 ধ্বজ-ছত্রে-পতাকা য ঢাকিল মেদিনী ।
 লোকমুখে কলরবে কিছই না শুনি ॥
 নগর-ঈশানভাগে পাঞ্চাল-ঈশ্বর ।
 রচিল বিচিত্রে-সভা লোকে মনোহর ॥

চতুর্দিকে পরিসর মঞ্চ বিরচিতল ।
 বিবিধ-বসন-মণি-রতনে মণ্ডিল ॥
 কৈলাসশিখর যেন দেখিতে সুন্দর ।
 রাজগণ-রহিবারে বিরচিত ঘর ॥
 স্বর্ণ রজত মণি মুকুতা প্রবাল ।
 মঞ্চ বেষ্টি বিরচিত স্বর্ণের জাল ॥
 গুবাক কদলী রোপিলেক স্থানে-স্থানে ।
 উচ্চ-নীচ কাটি কৈল একই সমানে ॥
 চন্দনের ছড়াতে নাশিল সব ধূলি ।
 স্নগন্ধি-কুসুম-গন্ধে মত্ত সব অলি ॥
 স্থানে-স্থানে রাখিল বিচিত্র সিংহাসন ।
 বিচিত্র উত্তম শয্যা, বিচিত্র বসন ॥
 চর্য্য চূষ লেহ পেয় নানা উপচার ।
 মিষ্টান্ন পকান্ন যত দ্রব্য স্তূপাকার ॥
 দধি দুগ্ধ ঘৃত মধু লিখনে না যায় ।
 ভাণ্ডার ভরিয়া সব রাখিলেন রায় ॥
 এইমতে সভা কৈল পাঞ্চাল-সুপতি ।
 দ্বিজগণ-সঙ্গে গেল পাঞ্চাল-বসতি ॥
 বসিল যতেক রাজা যথাযোগ্য স্থানে ।
 পুরন্দর-সভা যেন অমর-ভুবনে ॥
 মঞ্চের উপরে বৈসে যত রাজগণ ।
 নানাচিত্র-বিচিত্র বিবিধ বিচূষণ ॥
 শ্রবণে কুণ্ডল-মণি, গলে মুক্তাহার ।
 মাথায় মুকুট, অঙ্গে নানা-অলঙ্কার ॥
 রূপবস্ত্র, কুলবস্ত্র, বলে মহাবলী ।
 সর্ব্বশাস্ত্রে বিশারদ, সর্ব্বগুণশালী ॥
 আইল যতেক রাজা না যায় বর্ণনা ।
 চতুরঙ্গ-বলেতে লইয়া নিজসেনা ॥
 ধৃতরাষ্ট্র-নৃপতির শতেক কুমার ।
 দুর্যোধন-দুঃশাসন-সহ যত আর ॥

ভীষ্ম দ্রোণ দ্রোণী কৰ্ণ কৃপ গৌমত ।
 কোটি-কোটি রথ অশ্ব পদাতিক মতা ॥
 জরাসন্ধ জয়ৎসেন রাজা চক্রসঙ্গ ।
 ভোজরাজ শল শাষ বৎসরাজ অঙ্গ ॥
 শকুনি সৌবল বৃহদল মহাবীর ।
 কোশলরাজের পুত্র যুদ্ধে মহাবীর ॥
 অংশুমান্ চেকতান কাশীদণ্ডধর ।
 শিশুপাল খেত শঙ্খ বিরাট উত্তর ॥
 প্রতিভূতি পুণ্ডরীক বাহুদেব রাজা ।
 রুদ্রাস্তদ রুদ্ররথ রুদ্রী মহাতেজা ॥
 শতভাই কলিঙ্গ-নৃপতি-অনুগত ।
 বিন্দ অমুবিন্দ চিত্রসেন জয়দ্রথ ॥
 নীলধ্বজ শ্রীবৎস ভূপতি সত্রোজিৎ ।
 চিত্রে উপচিত্রে দূর্ব্বানন্দে সহিত ॥
 বৃহৎকত্র উলুক কৈতব জলসন্ধ ।
 ভগদত্ত চক্রসেন শূরসেন চন্দ্র ॥
 চিত্রাঙ্গদ শুভাঙ্গদ শিরসিবাহন ।
 মহারাজ শল্য এল মদ্রে নন্দন ॥
 ভুরি ভুরিঞ্জবা কেতু হুশর্মা সঞ্জয় ।
 গোশূঙ্গ বাহুলীক দীর্ঘশ্রু প্রাজ্ঞোদয় ॥
 যথাযোগ্য স্থানেতে বসিল মঞ্চোপর ।
 শরতের কালে যেন শোভে শশধর ॥
 দ্রৌপদীর স্বয়ংবর জানিয়া অমর ।
 দেখিবারে ইন্দ্রসহ আইল সঙ্ঘর ॥
 ইন্দ্র যম কুবের বরুণ হুতাশন ।
 দেবতা তেজ্রিশকোটি গন্ধর্ব্ব চারণ ॥
 সিদ্ধ বিদ্যাধর ঋষি অপ্সর-অপ্সরী ।
 নৃত্য-গীত-বাণেতে যেমন স্বর্গপুরী ॥

গরুড়-বাহনে আইলেন জগন্নাথ ।
 পাণ্ডব-বিবাহ-হেতু নিজবংশ-সাথ ॥
 কামপাল কামদেব কামের নন্দন ।
 গদ শাখ চারুদেব সাত্যকি সারণ ॥
 বিদুরথ কৃতবর্মা পৃথু সঙ্ঘবর্ষ ।
 ঝিল্লীপিণ্ডারক শঙ্কু আর গবেষণ ॥
 অক্রুর উদ্ধব কক আর উশীনর ।
 বাতপতি আশাবহ শমীক তৎপর ॥
 শূন্যে রহিলেন খগপতি-আরোহণে ।
 করিলেন শঙ্খধ্বনি স্বয়ং নারায়ণে ॥
 পাঞ্চজন্য-শঙ্খনাদে ত্রৈলোক্য পুরিল ।
 পৃথিবীর যত বায়ু সব লুকাইল ॥
 যত রাজগণ সভামধ্যে বসে ছিল ।
 গোবিন্দ আগত দেখি সন্ত্রমে উঠিল ॥
 ভীষ্ম দ্রোণ কৃপ সত্যসেন সত্রোজিৎ ।
 শল্য ভুরিঞ্জবা ক্রথ কোশিক সহিত ॥
 কৃতাজ্জলি করি শিরে দণ্ডবৎ কৈল ।
 দেখি দুই রাজগণ যতেক হাসিল ॥
 শিশুপাল আর শাষ রুদ্রী দস্তবজ্র ।
 জরাসন্ধ-সহ যত রাজা দুইচক্র ॥
 কেহ বলে, কারে সবে করিলা প্রণাম ।
 গোপ-হৃত কিবা তব পুরাইবে কাম ॥
 করতালি দিয়া হাসি বলে শিশুপাল ।
 সব হৈতে ভাল শঙ্খ বাজায় গোপাল ॥
 ডেঁই সে ক্রপদ বরিয়াছেন ইহারে ।
 বায়ু করগণ-সহ বায়ু করিবারে ॥
 জরাসন্ধ বলে, ভীষ্ম, কৃষি জ্ঞানবান্ ।
 তোমা হেন জন কেন হইল অজ্ঞান ॥

এ-সভার মধ্যেতে করহ হেন কর্ম ।
গোপহুতে প্রণাম কি ক্ষত্রিয়ের ধর্ম ॥
নন্দগোপ-গৃহেতে আছিল চিরকাল ।
গোপ-অন্ন খাইয়া রাখিত গরুপাল ॥
সর্বলোকজ্ঞাত খ্যাতি ভারত-ভূমিতে ।
জানিয়া এমন কর্ম করিলা কি-মতে ॥

ভীষ্ম বলিলেন, এত তত্ত্ব নাহি জানি ।
পুরাতন স্ত্রানী বৃদ্ধলোক-মুখে শুনি ॥
গোপালের চরিত্রে বেদের অগোচর ।
অন্য কে কহিতে পারে ত্রৈলোক্য-ভিতর ॥
ব্রহ্মাণ্ড বলি যে এক চতুর্দশ লোকে ।
বিরাট-পুরুষ ধরে এক লোমকূপে ॥
তিল-অর্দ্ধকোটি সে ব্রহ্মাণ্ড ধরে গায় ।
এমত বিরাট, যাঁর নিঃশ্বাসে প্রলয় ॥
সেই প্রভু আপনি গোপাল-অবতার ।
মায়াজালে মনুষ্যদেহ, দেব নিরাকার ॥
লীলায় হইল যাঁর চরাচর জন ।
নাভি-কমলেতে স্রষ্টা করিল সৃজন ॥
ললাটে জন্মিল রুদ্রে, চক্ষুতে তপন ।
মনেতে জন্মিল চন্দ্রে, নিঃশ্বাসে পবন ॥
ব্রহ্ম কীট হইতে যতেক মহীপাল ।
সর্বভূতে মায়ারূপে আছয়ে গোপাল ॥
হর্ভা কর্তা বিধাতা পুরুষ সনাতন ।
তঁহে সে মন্তকে বন্দে গোপাল-চরণ ॥
পঞ্চমুখে অনুক্ষণ প্রণমে মহেশ ।
চারিমুখে বিধাতা, সহস্রমুখে শেষ ॥
হেন জনে প্রশমিতে আমি কি হে গণি ।
অজ্ঞানেতে হেন কথা কহ নৃপমণি ॥

১। ব্রহ্মা। ২। বাঁধার।

৩. “না জানিয়া বলি, চিতে না ভাবিও ছুঁছি।”—পাঠান্তর।

ভীষ্মের বচন শুনি হাসে জরাসন্ধে ।
কোন্ মুঢ়বাক্যে ভূমি পড়িয়াছ ধন্ধে ॥
যখন মারিল চুষ্ঠ আমার জামাতা ।
তখন না শুনিলাম এ-দুরন্ত কথা ॥
ভয়েতে মথুরা ত্যজি গেল সিদ্ধুতীরে ।
সেই ত দিবসে মাত্র পলাইল ডরে ॥
কহ ভীষ্ম, এই যদি দেব নারায়ণ ।
আমার ভয়েতে পলাইল কি কারণ ॥
ভীষ্ম বলিলেন, সে-সকল জানি আমি ।
না জানিয়া বলী* চিতে না ভাবিছ তুমি ॥
পূর্বে ছিলে রাজা ভূমি দৈত্য-অধিপতি ।
কৃষ্ণহস্তে মরিলে পাইবে দিব্যগতি ॥
সে-কারণে নারায়ণ তোমা না মারিল ।
না জানিয়া বলভদ্রে মারিতে চাহিল ॥
শূন্যবাণী শুনি তোমা না মারিল প্রাণে ।
অষ্টাদশ বার হারি পলাইল রণে ॥
এত শুনি জরাসন্ধ ক্রোধে রক্ত-অঁখি ।
পুনশ্চ বলেন ভীষ্ম ক্রোধমুখ দেখি ॥
কি-হেতু করহ তাপ মগধ-প্রধান ।
এই আমি এথা হৈতে যাই অন্যস্থান ॥
কৃষ্ণনিন্দা-স্থানে আমি তিলেক না থাকি ।
নিন্দকেরে মারি, কিংবা সে-স্থান উপেক্ষি ॥
এত বলি তথা হৈতে যান অন্যস্থান ।
কাশীরাম বিরচিল, শুনে পুণ্যবান ॥

৮৪। দ্রৌপদীর সভায় আগমন।

হেনমতে তথায় ঘোড়শ দিন গেল।

যবে লক্ষ রাজা আসি সভায় বসিল ॥

তবে রাজা দ্রুপদ আনিয়া ধাত্রীগণ।

আজ্ঞা কৈল দ্রৌপদীরে করিতে সাজন ॥

পাইয়া রাজার আজ্ঞা সর্বধাত্রীগণ।

নানা-অলঙ্কারে অঙ্গ করিল ভূষণ ॥

নানা-পুষ্পে সাজাইল যেখানে যা সাজে।

ঘোড়শ-কলাতে যেন শোভে দ্বিজরাজে ১ ॥

পুরোহিত দ্রৌপদীর পড়িল মঙ্গল।

যাত্রা কৈল সভামধ্যে পূজিয়া অনল ॥

সভামধ্যে যখন দ্রৌপদী উপনীত।

দেখি যত রাজগণ হইল মুচ্ছিত ॥

কামাগ্নি দহিল চিত্ত, হৈল অচেতন।

চিত্তের পুত্তলি-প্রায় রহে রাজগণ ॥

কেহ-কেহ সেই স্থলে পড়িল ঢলিয়া।

গড়াগড়ি যায় কেহ অজ্ঞান হইয়া ॥

সচেতন হৈয়া কেহ নাহি চায় আর।

কেহ কেহ জীবন বাথানে ২ আপনার ॥

ধন্য এ-জীবন যাহে দেখিলু এ-রূপ।

পাইব এ-কন্ঠা, চিতে করে কোন ভূপ ॥

হেনমতে রাজগণ বিস্ময় মানিল।

পয়ারের ছন্দে কাশীরাম বিরচিল ॥

৮৫। দ্রৌপদীর রূপ-বর্ণন।

পূর্ণ-সুধাকর,

জিনিয়া হৃন্দর,

রামরস্তা-তরু,

চারু যুগ্ম-উরু,

বিকচ-কমল-মুখ।

দেখি নিন্দে হাত হাতী।

গজমতি ভূবা,

ভিলকুল-নাগা,

হৃকুশ উদর,

নিতম্ব হৃন্দর,

দেখি হুনিমন-সুখ ॥

কুন্দকলি দন্ত-পাঁতি ॥

নেত্র-যুগ মৌন,

দেখিয়া হরিণ,

লাজে দৌহে গেল বন ৩।

হুচারু ভ্রু-ভঙ্গ,

দেখিয়া অনল,

নিন্দে নিজ-শরাসন ॥

প্রবাল-ক্রী-ধর,

বিরাজে অধর,

পুরব-অরুণ ভালে।

মধ্যে কাদম্বিনী,

স্থির সৌদামিনী,

সিন্দূর চিকুরজালে ॥

তড়িং-মণ্ডল,

কর্ণেতে কুণ্ডল,

হিমাংশু-মণ্ডল আড়ে।

দেখি কুচকুন্ত,

লজ্জায় দাড়িম্ব,

হৃদয় ফাটিয়া পড়ে ॥

কণ্ঠ দেখি কবু ৪,

প্রবেশিল অনু ৫,

অগাধ-অনুধি ৬-মাথে।

নিম্নিত শৃণাল,

ভুজ দেখি ব্যাল ৭,

প্রবেশিল বিলে ৮ লাজে ॥

মাজা দেখি ক্ষীণ,

প্রবেশে বিপিন,

করি-অরি ৯ হরি ১০ লাজে।

করে কোকনদ,

পাইল বিবাদ

নথরেতে দ্বিজরাজে ॥

কনক-কঙ্কণ,

করে বনু বনু,

চরণে নুপুর হংস ১১।

জঘন হৃন্দর,

বিহার-কন্দর,

স্বর্ণ-কাঞ্চী-অবতংস ১২ ॥

১। চন্দ্র। ২। প্রাণশো করে। ৩। বন শব্দের অর্থ অরণ্য ও জল। ৪। নখ। ৫। জল। ৬। স্নেহ।

৭। নর্প। ৮। গর্ভে। ৯। হস্তীর নখ। ১০। সিংহ। ১১। হংসপাখি। ১২। ভূষণ।

নীল স্নেহামল, শরীর অমল,
 কমলে গঠিত অঙ্গ ।
 ভারের কারণ হীন আভরণ,
 সহজে মোহে অনঙ্গ ১ ॥
 কমল-বদন, কমল-নয়ন,
 কমল-গঞ্জিত গণ্ড ।
 স্বিকর কমল, কমলাঞ্জিতল,
 ভুজ কমলের দণ্ড ॥
 মন্দ-মন্দ বায়, যোজনেক যায়,
 অঙ্গের কমল-গন্ধ ।
 হইয়া উন্নত, ধায় চতুর্ভিত,
 কমল-মধুপ-বৃন্দ ॥
 কুরুকুল-ধ্বংসে, কমলার অংশে,
 সৃজিল কমলজাতং ২ ।
 কমলা-বিলাসী ৩, বন্দি কহে কাশী,
 কমলাকান্তের স্ত ॥

৮৬। রাজাদিগের লক্ষ্যভেদে উত্তোগ ।

দ্রৌপদীর রূপ দেখি মোহে নৃপগণ ।
 শীত্ৰগতি সকলে উঠিল ততক্ষণ ॥
 ছড়াছড়ি করি সবে যায় বায়ুবেগে ।
 সবে বলে রহ, লক্ষ্য আমি বিক্সি আগে ॥
 স্নহদে-স্নহদে তবে উপজিল দ্বন্দ্ব ।
 ধনুকে বেড়িয়া দাঁড়াইল নৃপবৃন্দ ॥
 তবে মগধের পতি জরাসন্ধ রাজা ।
 রাজচক্রবর্তী ক্ষত্রকুলে মহাতেজা ॥

১। মদন । ২। অর্থাৎ বিহীন নাতিগর বহিতে উৎপন্ন । সেই অর্থাৎ কুরুকুল-ধ্বংসের পর লক্ষীর অংশে দ্রৌপদীকে
 সৃষ্টি করিয়াছেন । ৩। লক্ষীর বরত-বিক্সি ।

কাঁকারিল পুনঃপুনঃ ধনুক তুলিয়া ।
 ছলে দিতে গেল গুণ ধনু নোয়াইয়া ॥
 অতিশয় ছুরানম ধনুকের ভরে ।
 মূর্ছা গেলা নরপতি পড়ি কতদূরে ॥
 তবে ছুর্য্যোধন দস্ত করিয়া বহল ।
 ধনু ধরে জামু পাতি নোয়াইতে হল ॥
 মুখে রক্ত উঠিল কম্পিত-কলেবর ।
 মূর্ছা গেলা দূরে পড়ি, ধুলায় ধূসর ॥
 তবে মৎস্ত-অধিপতি বিরাট-রাজনে ।
 ঠেলাঠেলি করি ধনু নিল প্রাণপণে ॥
 দূরে থাক লক্ষ্যভেদ, তুলিতে নারিল ।
 হাসিয়া স্তম্ভা রাজা ধনু কাড়ি নিল ॥
 কক্ষারে দেখিয়া বুড়া থাইলি কি লাজ ।
 লক্ষ্য বিক্সিবার ছলে হাসালি সমাজ ॥
 তুলিবার নাহি শক্তি, বিক্সিবারে চাও ।
 এই মুখে মৎস্তদেশে রাজভোগ খাও ॥
 এত বলি শীত্ৰগতি তুলিলেক ধনু ।
 দেখিয়া কীচক-বীর ক্রোধে কাঁপে তনু ॥
 কতদূরে ত্রিগুর্ভেদে ফেলিল ঠেলিয়া ।
 চাপড় মারিয়া ধনু লইল কাড়িয়া ॥
 পায়ে চাপি ধরি ধনু গুণ দিতে চায় ।
 কতদূরে পড়িল হইয়া মৃতপ্রায় ॥
 মন্ত-দশসহস্র-মাতঙ্গ-পরাক্রম ।
 ধনুকেতে দিতে গুণ না হইল ক্রম ॥
 শিশুপাল মহারাজ চেদির জঁম্বর ।
 বড় লজ্জা পাইল সে সভার ভিতর ॥
 লজ্জাভয়ে প্রাণপণে নোয়াইল ধনু ।
 না পারিল গুণ দিতে হীনবীর্য-তনু ॥

ধনুহলে চিবুক লাগিয়া উলটিল ।
 কত দূরে রাজগণ-উপরে পড়িল ॥
 মুকুট ভাঙ্গিল, তনু হৈল মহাকীর্ণ ।
 যতপ্রায় হইয়া রহিল দণ্ড-তিন ॥
 তবে একে-একে যত নৃপতি-সকল ।
 রুম্বী ভগদত্ত শল্য শাস্ত্র মহাবল ॥
 বাহ্লীক-কলিঙ্গ-কাশী-ভোজ-নরপতি ।
 চন্দ্রসেন মদ্রসেন পৌরব প্রভৃতি ॥
 সত্যসেন স্রসেন রোহিত বৃহৎল ।
 দীর্ঘপিজ্জকেশী দম্ভবক্র মহাবল ॥
 বলবন্ত কুলবন্ত ক্ষত্রিয়-প্রধান ।
 লক্ষ-লক্ষ নরপতি সবে বলবান্ ॥
 একে-একে সবাই বুঝিল পরাক্রম ।
 ধনু নোয়াইতে কেহ না হইল ক্ষম ॥
 প্রাণপণে তুলিতে দুর্জয় মহাধনু ।
 পরিভ্রমে সবে হৈল হতবীর্য্য-তনু ॥
 কোথায় ধনুক পড়ে, কোথায় আপনি ।
 কোথা পড়ে কুণ্ডল মুকুট রত্নমণি ॥
 কাহারো ভাঙ্গিল হাত ঘাড় স্কন্ধ নাকে ।
 মুখে রক্ত উঠে কারো ঝলকে-ঝলকে ॥
 হাহাকার করে কেহ ভূমিতলে পড়ি ।
 ধূলায় ধূসর-তনু যায় গড়াগড়ি ॥
 বড়-বড় নৃপতির দেখি অপমান ।
 ভয়ে আর না হইল কেহ আগ্রহান ॥
 প্রথমে বিজিব বলি হৈল মহাগোল ।
 লজ্জায় কাহারো মুখে নাহি আর বোল ॥
 দম্ভ করি উঠিয়া বসিল অধোমুখে ।
 লজ্জিত হইয়া পৃষ্ঠ করিয়া ধনুকে ॥

অজেয় জানিয়া সবে বিপুল ধনুক ।
 যত কক্ককুল সবে হইল বিমুখ ॥
 রাজগণ যখন হইল ভঙ্জিয়ান্ ।
 করঘোড় করি বলে পাঞ্চাল-প্রধান ॥
 অবধান কর যত রাজার সমাজ ।
 স্বয়ংবর করিয়া যে পাইলাম লাজ ॥
 নিমন্ত্রিয়া আনিলাম যত রাজগণ ।
 না হইল কার্য্যসিদ্ধি করি প্রাণপণ ॥
 সবে বলে, রাজা, তব না বুঝি চরিত ।
 কভু নাহি দেখি হেন ধনু বিপরীত ॥
 বহুস্থানে এমত আছয়ে লক্ষ্য-পণ ।
 লক্ষ্য বিদ্ধি লইয়াছে সবে কন্ধ্যাগণ ॥
 ঈদৃশ ধনুক কভু নাহি দেখি শুনি ।
 ধনুর্ভরে মুর্ছা গেল সব নৃপমণি ॥
 বিদ্ধিবার কার্য্য থাক, গুণ দিতে নারি ।
 আমা-সবে বিড়ম্বিতে ক'রেছ চাতুরী ॥
 বহুধনু দেখিয়াছি আমা-সবে জানে ।
 হেন ধনু দেখি নাই, শুনি নাই কানে ॥
 মদ্ররাজ পূর্বে কন্ধ্যা-স্বয়ংবর কৈল ।
 যোজনেক উচ্চ রাধাচক্র ক'রেছিল ॥
 ধনুকেও গুণ দিল কোন-কোন জনা ।
 লক্ষ্য বিদ্ধি বাহুবদেব লভিল লক্ষণা ॥
 ভগদত্ত-নৃপতির কন্ধ্যা ভানুমতী ।
 এইমত পণ সেই করিল নৃপতি ॥
 দুর্জয় ধনুক কৈল জানে সর্বজন ।
 সে-ধনু নহিবে এই ধনুর তুলনা ॥
 তাহাতেও গুণ দিয়াছেন রাজগণে ।
 লক্ষ্য বিদ্ধি কর্ণ কন্ধ্যা দিল দুর্ব্যোধনে ॥

জন্মেজয় জিজ্ঞাসিল মুনি-সম্বোধনে ।
 কহ, মুনি, কর্ণ লক্ষ্য বিদ্বিল কেমনে ॥
 কহ, শুনি ভানুমতী-স্বয়ংবর কথা ।
 কোন্ কোন্ রাজগণ গিয়াছিল তথা ॥
 মহাভারতের কথা অমৃত-লহরী ।
 কাশী কহে, শুনিলে তরয়ে ভববারি ॥

৮৭। ভানুমতীর স্বয়ংবর ।

মুনি বলে, অবধান কর নরপতি ।
 প্রাগ্জ্যোতিষে ভগদত্ত-কন্যা ভানুমতী ॥
 নৃপতি করিল সেই কন্যা-স্বয়ংবর ।
 নিমজ্জিয়া আনাইল সব নৃপবর ॥
 দুৰ্য্যোধন-শত-ভাই ভীষ্ম কর্ণ দ্রোণ ।
 কলিঙ্গ কামদ মৎস্য পাঞ্চাল-নন্দন ॥
 শাল্ব শিশুপাল দম্ভবক্র পুরোজিৎ ।
 জয়দ্রথ মদ্রে-শল্য কোশল-সহিত ॥
 রাজচক্রবর্তী জরাসন্ধ মহাতেজা ।
 স্বয়ংবরে গেল আশী-সহস্রেক রাজা ॥
 হেনমতে রাজগণ করিল গমন ।
 ভগদত্ত-নৃপতি করিল নিবেদন ॥
 এইমত মৎস্য-লক্ষ্য উচ্চার্ক-যোজন ।
 এই ধনুর্বাণে বিদ্বিবেক যেই-জন ॥
 সেই লভিবেক মম কন্যা ভানুমতী ।
 এত বলি কন্যা আনাইল শীঘ্রগতি ॥

ভানুর প্রকাশে যথা তিমির-বিনাশ ।
 ভানুমতী-রূপে তথা করিল প্রকাশ ॥
 দেখিয়া মোহিত হৈল যত রাজগণ ।
 ষোড়শ-কলাতে যথা চন্দ্রের শোভন ॥
 তবে যত রাজগণ উঠে একে-একে ।
 কারো শক্তি গুণ দিতে নহিল ধনুক ॥
 জরাসন্ধ মহারাজ ধনুক লইয়া ।
 বহুকষ্টে দিল গুণ ধনু নোয়াইয়া ॥
 লক্ষ্যের উদ্দেশে বাণ এড়িল নৃপতি ।
 নহিল বিদ্বিতে লক্ষ্য তাহার শক্তি ॥
 লক্ষ্য পরশিয়া বাণ পড়িল স্তূতলে ।
 পেয়ে লাজ ধনু সেই হাতে হৈতে ফেলে ॥
 যত যত রাজগণ হইল বিমুখ ।
 কারো শক্তি নোয়াইতে নারিল ধনুক ॥
 সবারে বিমুখ দেখি প্রাগ্জ্যোতিষপতি ।
 করঘোড়ে কহে সব নৃপতির প্রতি ॥
 কাহা হৈতে নহিল আমার প্রয়োজন ।
 আজ্ঞা কর কোন্ কর্ম করিব এখন ॥
 রাজগণ বলে, শক্তি নাহি মো'সবার ।
 উপায় করহ চিন্তে, যে হয় বিচার ।
 যে পারিবে, সে লইবে তোমার কুমারী ।
 কার শক্তি হবে, কিছু বলিতে না পারি ॥
 এত শুনি কহিতে লাগিল ভগদত্ত ।
 অস্ত্রধারী হইয়া আছয়ে ইথে যত ॥
 ব্রাহ্মণ কজ্জয় বৈশ্য শূদ্র চারিজাতি ।
 যে বিদ্বিবে লক্ষ্য, সে লভিবে ভানুমতী ॥
 এই ভাষা পুনঃপুনঃ বলিল রাজনু ।
 শুনিয়া উঠিল তবে বীর বৈকর্তন্য ॥

আকর্ণ পুরিয়া ধনু দিলেন টকার ।
 লক্ষ্যের উদ্দেশে বাণ করিল প্রহার ॥
 মহাপরাক্রম কর্ণ হয় দৃষ্টিভেদী ।
 একবাণে মৎস্যচক্র ফেলাইল ছেদি ॥
 দেখি হৃষ্টমতি তবে হৈল ভানুমতী ।
 কর্ণগলে মালা দিতে যায় শীত্ৰগতি ॥
 পিছু হৈয়া মাল্য দিতে কর্ণ নিবারিল ।
 দেখিয়া সকল রাজা বিস্মিত হইল ॥
 রহ রহ বলি ডাকে জরাসন্ধ রাজা ।
 শুনিয়া কুপিল সূর্য্যপুত্র মহাতেজা ॥
 কর্ণ বলে, বিজ্জিলাম লক্ষ্য এ-সভাতে ।
 ভানুমতী আইল আমারে মাল্য দিতে ॥
 মিত্রহেতু আমি তারে করিছু বারণ ।
 তুমি নিবারহ তারে কিসের কারণ ॥
 জরাসন্ধ বলে, অর্জুনাগী হই আমি ।
 যোর গুণ-দেয়া ধনু বিজ্জিয়াছ তুমি ॥
 গুণ দিলে ধনুকে অর্জেক হয় তার ।
 হয়, নয়, বুঝ সবে করিয়া বিচার ॥

এত শুনি কহিল যতেক নরপতি ।

সত্য কহিলেন জরাসন্ধ মহীপতি ॥
 গুণদাতা জনের অর্জেক অধিকার ।
 ভানুমতী-উপরেতে স্বামিস্ব দৌহার ॥
 এক্ষণে ইহার এই দেখি যে বিধান ।
 দৌহাকার মধ্যে যেবা হবে বলবান ॥
 ভানুমতী কন্যা লভিবেক সেইজন ।
 এইমত কহিল যতেক রাজগণ ॥

শুনি কর্ণ ডাকি বলে জরাসন্ধ-প্রতি ।

মিথ্যা বন্দ অকারণে কর নরপতি ॥
 বহুকষ্টে দিলা গুণ করি প্রাণপণ ।
 বিজ্জিবারে লক্ষ্য তবু নহিলে ভাজন ॥

কন্যালাভে বন্দ এবে কর অকারণে ।
 ইহার উচিত ফল পাবে মম স্থানে ॥
 গুণ দিতে ধনু আমি পারি শতবার ।
 হেন লক্ষ্য বিজ্জিবারে কি শক্তি তোমার ॥
 আবার তথায় লক্ষ্য রাখ পুনঃ লৈয়া ।
 পুনঃ আমি বিজ্জিব ধনুকে গুণ দিয়া ॥
 নতুবা আইস দৌহে করিব সমর ।
 এত বলি ডাকে বীর কর্ণ ধনুর্ধর ॥

শুনিয়া ধাইল জরাসন্ধ নরপতি ।

দৌহাকারে দৌহে অস্ত্রে বিদ্ধে শীত্ৰগতি ॥
 নানা-অস্ত্র কর্ণবীর করে বরিষণ ।
 নিবারয়ে তাহা বৃহদ্রথের নন্দন ॥
 প্রাণপণে ঘোরযুদ্ধ হইল দৌহার ।
 ধনু ছাড়ি গদা লৈল মগধ-কুমার ॥
 গদাযুদ্ধে অধিক কুশল মহারথ ।
 গদাঘাতে চূর্ণ সে করিল কর্ণরথ ॥
 সারথি-তুরঙ্গ-রথ-আদি চূর্ণ হৈল ।
 লাফ দিয়া কর্ণবীর ভূমিতে পড়িল ॥
 আর রথে চড়ি অস্ত্র করে বরিষণ ।
 সেই রথ চূর্ণ তবে করিল তখন ॥
 মার মার বলিয়া ভীষণ ঘোরডাকে ।
 বায়ুবোগে গদা বীর ফিরায় মন্তকে ॥
 মেঘের বর্ষণাধিক কর্ণ অস্ত্র এড়ে ।
 গদায় চৈকিয়া অস্ত্র ধুলি হৈয়া পড়ে ॥
 হেনমতে কতক্ষণ হইল সমর ।
 ক্রোধে দিব্য-অস্ত্র এড়ে কর্ণ ধনুর্ধর ॥
 খণ্ড-খণ্ড করি গদা কটিয়া ফেলিল ।
 আর গদা লৈয়া বীর কর্ণে প্রহারিল ॥
 সেই গদা কাটি কর্ণ কৈল খান-খান ।
 আর গদা লৈল পুনঃ মগধ-প্রধান ॥

পুনঃ পুনঃ জরাসন্ধ যত গদা লয় ।
 তিল-তিল করি কাটে সূর্য্যের তনয় ॥
 বহু গদা কাটা গেল, গদা নাহি আর ।
 কর্ণ-প্রতি বলে তবে মগধ-কুমার ॥
 আমি অস্ত্রহীন, তুমি হও অস্ত্রধারী ।
 অস্ত্র ত্যজি এস দৌহে বাহুবল করি ॥
 শুনি কর্ণ সেইক্ষণে ছাড়ি ধনুঃশর ।
 বাহুবল করে দৌহে ভূমির উপর ॥
 মুণ্ডে-মুণ্ডে ভুজ-ভুজ বৃকে-বৃকে তাড়ি ।
 চরণে-চরণে ছান্দি যায় গড়াগড়ি ॥
 পদাঘাত করাঘাত মুষ্টির প্রহার ।
 চট-চট শব্দে বাজে অস্ত্রে দৌহাকার ॥
 কোথায় পড়িল রক্ত-কণ্ঠহার ছিঁড়ি ।
 মাথার মুকুট গেল চূর্ণ হ'য়ে উড়ি ॥
 দৌহাকার সংগ্রাম যে না হয় বিরাম ।
 পূর্ব্বে সীতা-হেতু যথা রাবণ-শ্রীরাম ॥
 বসন্ত-সময়ে যেন হস্তিনী-কারণ ।
 দুই মত্ত দস্তাবল করে মহারণ ॥
 সূর্য্যের নন্দন কর্ণ সূর্য্য-পরাক্রম ।
 ক্রোধমূর্ত্তি দেখি যেন কালান্তক যম ॥
 ভুজবলে জরাসন্ধে পাড়ে ভূমি-পরে ।
 বৃকে হাঁটু দিয়া তার গলা চাপি ধরে ॥
 জরাসন্ধ-সঙ্কট দেখিয়া রাজগণ ।
 হাহাকার করিয়া করিল নিবারণ ॥
 হারি অপমান পেয়ে মগধের পতি ।
 আপনার দেশে গেল হ'য়ে দুঃখমতি ॥
 তবে ভানুমতী লৈয়া ভানুর নন্দন ।
 দুর্ব্বোধন-আগে লৈয়া দিল ততক্ষণ ॥

হুটু হৈয়া দুই মিতে করে কোলাকুলি ।
 ভানুমতী-সহ গেল নিজদেশে চলি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৮৮। শ্রীকৃষ্ণ-বলরামের কথোপকথন ।

জিজ্ঞাসিল জন্মেজয়, কহ, মুনিবর ।
 তবে পুনঃ কি করিল পাঞ্চাল-ঈশ্বর ॥
 মুনি বলে, অবধান কর, নৃপমণি ।
 পুনঃ পুনঃ রাজগণ বলে কটুবাণী ॥
 উপহাস করিবারে নৃপতি-মণ্ডলে ।
 মিথ্যা স্বয়ংবর করি নিমন্ত্রি আনিলে ॥
 আমা-সবা-মধ্যে বিদ্রোহ নাহি হেন জন ।
 কহ বিদ্রোহারে, তব যারে লয় মন ॥
 রাজগণ-বাক্য শুনি দ্রুপদ-কুমার ।
 ডাকিয়া বলিল তবে ভিতরে সভার ॥
 ক্ষত্রকূলে আছহ সভাতে যতজন ।
 যে বিদ্রোহে, তারে কৃষ্ণা করিবে বরণ ॥
 হোক বা না হোক রাজা, না করি বিচার ।
 লভিবেক কৃষ্ণা, লক্ষ্য বিদ্রোহে শক্তি যার ॥
 পুনঃ পুনঃ ধৃষ্টদ্যুম্ন সবাকার আগে ।
 এইমত বচন বলিল ক্ষত্রভাগে ॥

তবে রামঃ দৃষ্টি করে কৃষ্ণের বদন ।
 ইঙ্গিত বুঝিয়া তাঁরে বলে নারায়ণ ॥
 আমা-সবাকার ইথে নাহি কিছু কাজ ।
 অকারণে সভায় উঠিয়া পাব লাজ ॥

বলভদ্র বলে, তবে রহি কি-কারণ ।
 ব্যর্থ স্বয়ংবর কৈল পাঞ্চাল-রাজন ॥
 নিমন্ত্রিয়া আনাইল একলক্ষ রাজা ।
 বিংশতি-দিবস সবাকারে করে পূজা ॥
 কোন রাজা নোয়াইতে নারিল ধনুক ।
 তোমা হেন জন যাতে হইল বিমুখ ॥
 আর বা সংসার-মধ্যে আছে কোন জন ।
 এ-লক্ষ্য বিক্রিয়া কন্ডা করিবে গ্রহণ ॥
 চল, অকারণে আর কেন রহি ইপি ।
 পঞ্চদশ-দিন ছাড়িয়াছি দ্বারাবতী ॥

গোবিন্দ বলেন, আজিকার দিন রহ ।
 লক্ষ্য বিক্রিবার দেব, কোঁতুক দেখহ ॥
 যে বিক্রিবে, ইতিমধ্যে নাহি কোন ব্যক্তি ।
 এই লক্ষ্য বিক্রিবারে আছে কার শক্তি ॥
 যত-যত রাজা বৈসে ত্রৈলোক্য-মণ্ডলে ।
 ইন্দ্র যম বরুণ কুবের দিকপালে ॥
 এ-লক্ষ্য বিক্রিতে সবে একজন ক্ষম ।
 মনুষ্য-লোকেতে শ্রেষ্ঠ মহাপরাক্রম ॥

শুনিয়া বলেন রাম বিস্মিত-বদন ।
 কহ কৃষ্ণ, এমত আছেয়ে কোন জন ॥
 তিনলোকে বীর নাহি তাহার সমান ।
 নরে শ্রেষ্ঠ তোমা-বিনা কেবা আছে আন ॥
 তোমা-আমা হৈতে শ্রেষ্ঠ আছে যে মনুষ্য ।
 আশ্চর্য্য শুনিয়া মোর চিতে পায় হাস্য ॥
 অবর্ণিতরূপা কৃষ্ণা লক্ষ্মী-স্বরূপিণী ।
 পূর্ণ-চন্দ্র-জিনি মুখ, জাতিতে পদ্মিনী^১ ॥

এ-কন্ডা লভিবে যেই পুরুষ-উত্তম ।
 কহ কৃষ্ণ, কেবা সেই তোমা হৈতে ক্ষম ॥

গোবিন্দ বলেন, দেব, কর অবধান ।
 এ-লক্ষ্য বিক্রিতে পার্থ-বিনা নাহি আন ॥
 ইন্দ্রের নন্দন সেই পাণ্ডব-মধ্যম ।
 লক্ষ্য বিক্রিবারে মাত্র সেইজন ক্ষম ॥
 রাম বলিলেন, শুনি গোবিন্দের কথা ।
 তবে কৃষ্ণ, কি-হেতু রহিবে আর এথা ॥
 এ-তিন-লোকের মধ্যে কেহ না পারিল ।
 যে পারিবে, ষাদশ বৎসর সে মরিল ॥
 আশ্চর্য্য লাগিল মম শুনি তব ভাষ ।
 অনুমানে বুঝি, কৃষ্ণ, কর উপহাস ॥
 অগ্নিমধ্যে পুড়িল যে পাণ্ডুর নন্দন ।
 তাহা বিনা লক্ষ্য বিক্রে, নাহি হেন জন ॥
 তবে কে বিক্রিবে লক্ষ্য, কহ নারায়ণ ।
 কি-হেতু রহিতে বল, না বুঝি কারণ ॥

কৃষ্ণ বলে, পাণ্ডু-পুত্র পুড়ি নাহি মরে ।
 মহাবীর্যবন্ত তারা অবধ্য সংসারে ॥
 দেব হৈতে হৈল পঞ্চ কুন্তীর কুমার ।
 ভূমিভার নিবারিতে জন্ম সবাকার ॥
 তা-সবে মারিতে পারে কাহার শক্তি ।
 কতকাল গুপ্তে গোড়াইল যথি-তথি ॥
 এই সভামধ্যে আছে তারা পঞ্চজন ।
 শুনিয়া বিস্মিত হৈল রোহিণী-নন্দন ॥
 রাম বলিলেন, কহ অদ্ভুত-কথন ।
 শুনিয়া আশ্চর্য্যযুক্ত হৈল মম মন ॥

১। মীলোক গুণান্বয়ে চারি শ্রেণীতে বিভক্ত; পদ্মিনী, চিত্রিণী, শখিনী, হৃষিকী। তন্মধ্যে পদ্মিনী সর্ব্বশ্রেষ্ঠ।
 পদ্মিনীর লক্ষণ—

“ভবতি কন্যলনেত্রা মালিকা স্তনরজ্জা অবিরল-হৃচ্চক্ষুঃ দীর্ঘকেশী কৃশাঙ্গী ।

হৃৎবচন-হৃদয়ী বৃত্যঙ্গিতাহরজা সকল-ভয়-দ্রবেণা পদ্মিনী পথগতা” ।

অগ্নিতে মরিল পুড়ি, বিখ্যাত ভুবনে ।

এতকাল কোন্ দেশে বঞ্চিল গোপনে ॥

কোন্ বেষে কোন্‌খানে আছে পঞ্চজন ।

পার্থ লক্ষ্য বিদ্ধিতে না উঠে কি-কারণ ॥

এত শুনি বলিতে লাগিল যদুবীর ।

হের দেখে দ্বিজ-সভা-মধ্যে যুধিষ্ঠির ॥

এক্ষণে কেমনে বা উঠিবে ধনঞ্জয় ।

লক্ষ্য বিদ্ধিবারে তারে কেহ নাহি কয় ॥

যখন ব্রাহ্মণগণে রূপদ বলিবে ।

লক্ষ্য বিদ্ধিবারে পার্থ তখনি উঠিবে ॥

শুনিয়া চাহেন রাম যুধিষ্ঠির-পানে ।

পিঙ্গল-মলিন-বস্ত্র বিরস-বদনে ॥

তৈল-বিনা তাত্রবর্ণ লোমাবলি চুলি ।

মাথে তালপত্র-ছত্র, স্কন্ধে ভিক্ষা-মূলি ॥

রাম বলিলেন, কৃষ্ণ, কব অবধান ।

ধর্ম্মশ্রেষ্ঠ যুধিষ্ঠির লোকেতে বাখান ॥

তবে কেন হেন গতি দেখি যুধিষ্ঠিরে ।

অনাহারে মহাক্লিষ্ট দুঃখিত-শরীরে ॥

রাজা দুর্ঘ্যোধনে দেখি অভুল-বিভব ।

সভায় বসিয়া আছে, দ্বিতীয় বাসব ॥

গোবিন্দ বলেন, অবধান মহাশয় ।

পাপাত্মা সে দুর্ঘ্যোধন জানিহ নিশ্চয় ॥

পাপেতে পাপীর ধনবৃদ্ধি হয় নিতি ।

পশ্চাতে হইবে সম্মুখেতে বিনশ্চতি ॥

কালেতে অবশ্য জয় লভে ধর্ম্মজন ।

দুঃখ-ভ্রুৎ কতকাল দৈবের লিখন ॥

কৃষ্ণের এতেক বাক্য শুনি যদুগণ ।

সবাই ত্যজিল লক্ষ্য বিদ্ধিবার মন ॥

মহাভারতের কথা অমৃত-সমান ।

কাশীরাম দাস ভণে, শুনে গুণ্যবান্ ॥

৮৯। সকলকে লক্ষ্যভেদ করিতে দুইদ্বয়ের

আজ্ঞান ।

পুনঃ পুনঃ ধৃষ্টদ্যুম্ন স্বয়ংবর-স্থলে ।

লক্ষ্য বিদ্ধিবারে বলে কক্রিয়-সকলে ॥

তাহা শুনি উঠিলেন কুরু-বংশ-পতি ।

ধনুক-নিকটে যান ভীষ্ম মহামতি ॥

তুলিয়া ধনুকে ভীষ্ম দিয়া বামজানু ।

হলে ধরি নত করিলেন মহাধনু ॥

বল করি ধনু তুলি গঙ্গার কুমার ।

আকর্ণ পুরিয়া ধনু দিলেন টঙ্কার ॥

মহাশব্দে মোহিত হইল সর্বজন ।

উচ্চৈঃস্বরে বলিলেন গঙ্গার নন্দন ॥

শুনহ পাঞ্চাল আর যত রাজভাগ ।

সবে জান, আমি দারা করিয়াছি ত্যাগ ॥

কন্যাতে আমার নাহি কিছু প্রয়োজন ।

আমি লক্ষ্য বিদ্ধিলে লইবে দুর্ঘ্যোধন ॥

এত বলি ভীষ্ম বাণ যুড়েন ধনুকে ।

হেনকালে শিখণ্ডীকে দেখেন সম্মুখে ॥

ভীষ্মের প্রতিজ্ঞা আছে খ্যাত-চরাচর ।

অমঙ্গল দেখিলে ছাড়েন ধনুঃশর ॥

শিখণ্ডী রূপদ-পুত্র নপুংসক-জাতি ।

তার মুখ দেখি ধনু ত্যজে মহামতি ॥

তবে ত সভাতে ছিল যত রাজগণ ।

পুনঃ ডাক দিয়া বলে পাঞ্চাল-নন্দন ॥

ব্রাহ্মণ কক্রিয় বৈশ্য শূদ্র নানাজাতি ।

যে বিদ্ধিবে, লবে সেই কৃষ্ণা গুণবতী ॥

এত শুনি উঠিলেন দ্রোণ-মহাশয় ।

শিরেতে উষ্ণীষ শোভে শুভ্র অতিশয় ॥

শুভ্র-বলয়জ-লিপ্ত শুভ্র সর্ব-অঙ্গ ।

হস্তে ধনুর্বাণ শোভে, পৃষ্ঠেতে নিবদ্ধ ॥

ধনুক লইয়া দ্রোণ বলেন বচন ।
 যদি আমি এই লক্ষ্য বিদ্ধি কদাচন ॥
 আমি-যোগ্য নহে এই দ্রুপদ-কুমারী ।
 সখার কুমারী হয়, আপন ঝিয়ারী ॥
 দুৰ্য্যোধনে কস্তা দিব, যদি লক্ষ্য হানি ।
 এত বলি ধনুক তুলিয়া বামপাণি ॥
 টঙ্কারিয়া গুণ পুনঃ বলেন আচার্য্য ।
 থসাইয়া দিব গুণ এ কোন্ আশ্চর্য্য ॥
 বিদ্ধিতে যে শক্ত, তার গুণেতে কি ভয় ।
 দুই-স্থানে অধিকারী দুৰ্য্যোধন হয় ॥
 তেজি গুণ ঘুচাইতে নাহি প্রয়োজন ।
 বিশেষ ভীষ্মের দন্ত, নহে অন্তর্জন ॥
 তবে দ্রোণ লক্ষ্য দেখে জলের ছায়াতে ।
 অপূর্ব রচিত লক্ষ্য দ্রুপদ-নৃপেতে ॥
 পঞ্চকোশ উজ্জ্বলিত স্বর্ণ-মংস্ত আছে ।
 তার অর্দ্ধপথে রাধাচক্র ফিরিতেছে ॥
 নিরবধি ফিরে চক্র অজুত-নির্মাণ ।
 মধ্য রক্ত আছে, মাত্র যায় একবাণ ॥
 উজ্জ্বল দৃষ্টি কৈলে মংস্তে না পাই দেখিতে ।
 জলেতে দেখিতে পাই চক্র-ছিদ্র-পথে ॥
 অধোমুখে চাহিয়া থাকিবে মংস্ত-লক্ষ্য ।
 উজ্জ্বল বাণ বিদ্ধিবেক, শুনিতে অশক্য ॥
 টানিয়া ধনুক দ্রোণ জলচ্ছায়ে চায় ।
 দেখিয়া হৃদয়ে চিন্তা করে যদুরায় ॥
 পরশুরামের শিষ্য দ্রোণ-মহাবল ।
 নানাবিধা-অস্ত্র-শস্ত্র-প্রয়োগে কুশল ॥
 বিশেষে সবার গুরু দ্রোণ ধনুর্বেদ ।
 সকল লোকেতে খ্যাত, দৃষ্টে করে ভেদ ॥

এ যে লক্ষ্য বিদ্ধিবে, বিচিত্র নহে কথা ।
 একগি বিদ্ধিবে লক্ষ্য, নাহিক অন্তথা ॥
 হৃদর্শন-চক্রে আচ্ছাদন চক্রধর ॥
 মংস্ত-লক্ষ্য ঢাকি রহে সেই চক্রধর ॥
 তবে দ্রোণাচার্য্য বাণ আকর্ণ পুরিয়া ।
 চক্র-ছিদ্রপথে বিদ্ধে জলেতে চাহিয়া ॥
 মহাশব্দে উঠে বাণ গগন-মণ্ডলে ।
 হৃদর্শনে ঠেকিয়া পড়িল ভূমিতলে ॥
 লজ্জিত হইয়া দ্রোণ ছাড়িল ধনুক ।
 সভাতে বসিল গিয়া হ'য়ে অধোমুখ ॥
 বাপের দেখিয়া লজ্জা ক্রোধে তবে দ্রোণি ॥
 তুলিয়া লইল ধনু ধরি বামপাণি ॥
 ধনু টঙ্কারিয়া বীর চাহে জলপানে ।
 আকর্ণ পুরিয়া চক্র-ছিদ্র-পথে হানে ॥
 গজ্জিয়া উঠিল বাণ উদ্ধার সমান ।
 রাধাচক্রে ঠেকিয়া হইল থান-থান ॥
 দ্রোণ দ্রোণি দৌছে যদি বিমুখ হইল ।
 বিষম লজ্জার ভয়ে কেহ না উঠিল ॥
 তবে কর্ণ মহাবীর সূর্য্যের নন্দন ।
 ধনুক-নিকটে শীঘ্র করিল গমন ॥
 বামহস্তে ধরি ধনু দিয়া পদভর ।
 থসাইয়া গুণ পুনঃ দিল বীরবর ॥
 টঙ্কারিয়া ধনুকে যুড়িল বীর বাণ ।
 উজ্জ্বল অধোমুখে পুরিয়া সন্ধান ॥
 ছাড়িলেন বাণ, বায়ুসম বেগে ছুটে ।
 জ্বলন্ত অনল ঘন অন্তরীক্ষে উঠে ॥
 হৃদর্শন-চক্রে ঠেকি চূর্ণ হ'য়ে গেল ।
 তিলবৎ হ'য়ে বাণ ভূতলে পড়িল ॥

লজ্জা পেয়ে কর্ণ ধনু ভূতলে ফেলিয়া ।
 অধোমুখ হ'য়ে সভামধ্যে বসে গিয়া ॥
 ভয়ে ধনুপানে কেহ নাহি চাহে আর ।
 পুনঃ পুনঃ ডাকি বলে দ্রুপদ-কুমার ॥
 দ্বিজ হোক, ক্ষত্র হোক, বৈশ্য-শূদ্র-আদি ।
 চণ্ডাল প্রভৃতি লক্ষ্য বিজ্ঞিবেক যদি ॥
 লভিবে দ্রৌপদী সেই, দৃঢ় মোর পণ ।
 এত বলি ঘন ডাকে পাঞ্চাল-নন্দন ॥
 কেহ আর নাহি যায় ধনুকের ভিতে ।
 একবিংশ দিন তথা গেল হেনমতে ॥
 দ্বিজসভা-মধ্যে বসিয়াছে যুধিষ্ঠির ।
 চতুর্দিকে বেষ্টি বসিয়াছে চারি বীর ॥
 আর যত বসিয়াছে ব্রাহ্মণ-মণ্ডল ।
 দেবগণ-মধ্যে যেন শোভে আখণ্ডল ॥
 নিকটেতে ধৃষ্টদ্যুম্ন পুনঃ পুনঃ ডাকে ।
 লক্ষ্য আসি বিজ্ঞহ, যাহার শক্তি থাকে ॥
 যে লক্ষ্য বিজ্ঞিবে, কত্যা লবে সেই বীর ।
 শুনি ধনঞ্জয় চিত্তে হইলা অস্থির ॥
 বিজ্ঞিবে বলিয়া লক্ষ্য, করি হেন মনে ।
 যুধিষ্ঠির-পানেতে চাহেন অনুরণে ॥
 অর্জুনের চিত্ত বুঝি কহেন ইঙ্গিতে ।
 আজ্ঞা পেয়ে ধনঞ্জয় উঠেন দ্বরিতে ॥
 অর্জুন চলিয়া যান ধনুকের ভিতে ।
 দেখিয়া সে দ্বিজগণ লাগে জিজ্ঞাসিতে ॥
 কোথাকারে যাহ দ্বিজ, কিসের কারণে ।
 সভা হৈতে উঠি যাহ কোন্ প্রয়োজনে ॥
 অর্জুন বলেন, যাই লক্ষ্য বিজ্ঞিবারে ।
 প্রসন্ন হইয়া সবে আজ্ঞা দেহ যোরে ॥

শুনিয়া হাসিল যত ব্রাহ্মণ-মণ্ডল ।
 কত্বারে দেখিয়া দ্বিজ হইল পাগল ॥
 যে-ধনুকে পরাভব পায় রাজগণ ।
 জরাসন্ধ শল্য দ্রোণ কর্ণ দুর্যোধন ॥
 তাহে লক্ষ্য বিজ্ঞিতে এ চাহে কোন্ লাজে ।
 ব্রাহ্মণেতে হাসাইল ক্ষত্রিয়-সমাজে ॥
 বলিবেক ক্ষত্র যত, লোভী দ্বিজগণ ।
 হেন বিপরীত আশা করে সে-কারণ ॥
 বহুদূর হৈতে আসিয়াছে দ্বিজগণ ।
 বহু আশা করিয়াছে, পাবে বহুধন ॥
 সে-সব হইবে নষ্ট তোমার কর্ম্মেতে ।
 অসম্ভব আশা কেন কর দ্বিজ, ইথে ॥
 অনর্থ না কর, বৈস আসিয়া ব্রাহ্মণ ।
 এত বলি ধরি বসাইল দ্বিজগণ ॥
 পুনঃ পুনঃ ডাকি বলে দ্রুপদ-তনয় ।
 শুনিয়া অধীরচিত্ত বীর ধনঞ্জয় ॥
 পুনঃ উঠিবারে পার্শ্ব করিলেন মতি ।
 হেনকালে শঙ্খনাদ করেন ত্রীপতি ॥
 পাঞ্চজন্ত-শঙ্খনাদে ত্রৈলোক্য পূরিল !
 দুষ্ঠ রাজগণ শব্দ শুনি স্তব্ধ হৈল ॥
 শঙ্খনাদ শুনি পার্শ্ব লভেন উল্লাস ।
 ভয়াভূর জনে যেন পাইল আশ্বাস ॥
 উঠ-উঠ ধনঞ্জয়, ডাকে শঙ্খবর ।
 লক্ষ্য ভেদি দ্রৌপদীরে লভহ সত্ত্বর ॥
 গোবিন্দ-ইঙ্গিতে উঠে ইন্দ্রের নন্দন ।
 পুনঃ গিয়া ধরিলেন যত দ্বিজগণ ॥
 দ্বিজগণ বলে, দ্বিজ হইলে বাতুল ।
 তব কর্ম্ম দেখি মজ্জিবেক দ্বিজকুল ॥

দেখিলে হাসিবে যত চুই কক্সগণ ।
বলিবেক, লোভী এই যত দ্বিজগণ ॥
সভা হৈতে সবাকারে দিবে খেদাইয়া ।
পাবার থাকুক কার্য্য, লইবে কাড়িয়া ॥
এত বলি ধরাধরি করি বসাইল ।
দেখি ধর্ম্মপুত্র দ্বিজগণেরে কহিল ॥

কি-কারণে দ্বিজগণ কর নিবারণ ।
যার যত পরাক্রম, সে জানে আপন ॥
যে-লক্ষ্য বিদ্বিতে ভঙ্গ দিল রাজগণ ।
শক্তি না থাকিলে তথা যাবে কোন্ জন ॥
বিস্মিতে না পারিলে আপনি পাবে লাজ ।
তবে নিবারণে আমা-সবার কি-কাজ ॥

যুধিষ্ঠির-বাক্য শুনি ছাড়ি দিল সবে ।
ধনুর নিকটে যান ধনঞ্জয় তবে ॥
হাসিয়া কক্সিয় যত করে উপহাস ।
অসম্ভব কর্ম্মে দেখি দ্বিজের প্রয়াস ॥
সভামধ্যে ব্রাহ্মণের মুখে নাহি লাজ ।
যাহে পরাজিত হৈল রাজার সমাজ ॥
স্বরাস্ত্র-বিজয়ী যে বিপুল ধনুক ।
তাঁহে লক্ষ্য বিদ্বিবারে চলিল ভিক্ষুক ॥
কন্যা দেখি দ্বিজ কিবা হইল অজ্ঞান ।
বাড়ুল হইল কিংবা করি অনুমান ॥
কিংবা মনে করিয়াছে, দেখি একবার ।
পারিলে পারিব, নহে কি ক্ষতি আমার ॥
নির্ম্মজ ব্রাহ্মণে মোরা অল্পে না ছাড়িব ।
উচিত যে শাস্তি হয়, অবশ্য তা দিব ॥
কেহ বলে, ব্রাহ্মণেরে না বল এমন ।
সামান্য মনুষ্য বুঝি না হবে এ-জন ॥

দেখ দ্বিজ মনসিঙ্গ-জিনিয়া যুরতি ।
গম্যপত্র-যুগ্মনেত্র পরশয়ে ঐতি ॥
অনুপম তনু শ্যাম নীলোৎপল-আভা ।
মুখরুচি কত শুচি করিয়াছে শোভা ॥
সিংহগ্রীব বক্ষুজীব অধরের তুল ।
খগরাজ্য পায় লাজ নাসিকা অতুল ॥
দেখ চারু যুগ্ম-ভুরু ললাট প্রসর ।
কি সানন্দগতি মন্দ, মত্ত-করিবর ॥
ভুজযুগে নিম্নে নাগে আজানুলম্বিত ।
করিকর-যুগবর-জানু স্খলিত ॥
বুক-পাটা, দন্তুচ্ছটা জিনিয়া দামিনী ।
দেখি এরে ধৈর্য্য ধরে, কোথা কে কামিনী ॥
মহাবীর্য্য যেন সূর্য্য জলদে আবৃত ।
অগ্নি-অংশু যেন পাংশুজালে আচ্ছাদিত ॥
মনে লয় এইক্ষণে বিদ্বিবেক লক্ষ্য ।
কাশী ভণে, কৃষ্ণ-জনে কি-কর্ম্ম অশক্য ॥

২০। অর্জুনের লক্ষ্যভেদে গমন ।

এইমত রাজগণ করিছে বিচার ।
ধনুর নিকটে গেল কুন্তীর কুমার ॥
প্রদক্ষিণ করিয়া ধনুকে তিনবার ।
শিবদাতা শিবে করিলেন নমস্কার ॥
বামকরে ধরি ধনু তুলিলা অর্জুন ।
নোয়াইয়া ফেলিলেন কর্ণদন্ত গুণ ॥
পুনঃ গুণ দিয়া পার্থ দিলেন টঙ্কার ।
সে-শব্দে কর্ণেতে তালি লাগিল সবার ॥

১। কর্ণ। চক্ষু হইট যেম কাণ স্পর্শ করিয়াছে। ২। বাঁহুলি ফুল। ৩। গরুড়। ৪। হৃদয়-পেশীবৃত্ত।
৫। অনেক হাই দ্বারা; আভয়ের বীড়ি খেল হাই দ্বারা আচ্ছাদিত। ৬। মদলকর্ড।

গুরু প্রণমিব বলি চিস্তেন হৃদয় ।
 সাক্ষাৎ কিরূপে হবে, অজ্ঞাত-সময় ॥
 পূর্বের গুরু দ্রোণাচার্য্য কহিলা আমারে ।
 বাহু যদি আমারে প্রণাম করিবারে ॥
 আগে এক অস্ত্র মারি কর সম্বোধন ।
 অস্ত্র অস্ত্র মারি পায় করিবা বন্দন ॥
 সেই-অনুসারে পার্থ চিস্তিলেন মনে ।
 ভূমিতলে নাহি স্থান লোকের ভিড়নে ॥
 বিশেষ সবারে বিদ্যা দেখাবার তরে ।
 শূন্যে স্থাপিলেন অস্ত্র পবনের ভরে ॥
 দুই অস্ত্র মারিলেন ইন্দ্রের নন্দন ।
 বরুণ-অস্ত্রেতে ধৌত করিল চরণ ॥
 আর অস্ত্র প্রণাম করিল গিয়া পায় ।
 আশীর্ব্বাদ করিলেন দ্রোণাচার্য্য তায় ॥
 বিন্মিত হইয়া দ্রোণ চিস্তেন তখন ।
 মম প্রিয়শিষ্য এই হবে কোন জন ॥
 কুরুশ্রেষ্ঠ পিতামহ গঙ্গার কুমার ।
 তাঁরে পার্থ করিলেন শত নমস্কার ॥
 দ্রোণ বলিলেন, দেখ শাস্তনু-তনয় ।
 লক্ষ্যবেদ্ধা ব্রাহ্মণ তোমাতে প্রণময় ॥
 ভীষ্ম বলে, আমি ক্ষত্র, ও হয় ব্রাহ্মণ ।
 আমারে প্রণাম করে কিসের কারণ ॥
 দ্রোণ বলে, বিজ এই না হয় কদাপি ।
 ক্ষত্রকুলশ্রেষ্ঠ এই ছদ্ম-বিজরূপী ॥
 যেই বিদ্যা দেখাইল তোমা-বিদ্যামানে ।
 মম শিষ্য-বিনা ইহা অস্ত্রে নাহি জানে ॥
 বড়-বড় রাজা ইহা কেহ নাহি জানে ।
 এ-বিদ্যা পাইবে কোথা ভিক্ষুক ব্রাহ্মণে ॥

বিশেষে তোমাকে যে করিল নমস্কার ।
 তোমার বংশেতে জন্ম নিশ্চয় ইহার ॥
 এখনি বিদিত ইহা হবে মুহূর্ত্তেকে ।
 কতক্ষণ লুকাইবে জ্বলন্ত পাবকে ॥
 ভীষ্ম কহে, আমি হৃদে তাই ভাবিতেছি ।
 পূর্বের আমি ইহারে কোথায় দেখিয়াছি ॥
 নিরখিয়া ইহার স্মৃতি চন্দ্রমুখ ।
 কহেন না যায়, কত জন্মিতেছে স্মৃতি ॥
 কহ কহ গুরু, যদি জানহ ইহারে ।
 কেবা এ, কাহার পুত্র, কিবা নাম ধরে ॥
 দ্রোণাচার্য্য বলেন, কহিতে আমি পারি ।
 স্বপক্ষ বিপক্ষ দেখি চিত্তে কিছু ডরি ॥
 বিশেষে অনেকদিন মরিল যে-জনে ।
 দূঢ় করি তার নাম লইব কেমনে ॥
 ভীষ্ম বলে, কহ গুরু, কি ভয় তোমার ।
 কে মরিল বহুদিন, কিবা নাম তার ॥
 দ্রোণ বলে, যে-বিদ্যা এ দেখাল সভায় ।
 পার্থ-বিনা মম ঠাই কেহ নাহি পায় ॥
 পূর্বের আমি পার্থ-আগে কৈনু অঙ্গীকার ।
 শিষ্যে না করিব কেহ সমান তোমার ॥
 সেই-হেতু এ-বিদ্যা দিলাম ধনঞ্জয়ে ।
 আমারে দিলেন যাহা ভৃগুর তনয়ে ॥
 অশ্বখামা-আদি ইহা কেহ নাহি জানে ।
 তেঁই পার্থ বলি এরে লয় মম মনে ॥
 শুনিয়া পার্থের নাম ভীষ্ম শোকাকুল ।
 নয়নের জলে তিতে অঙ্গের চুকুল ॥
 কি বলিলা আচার্য্য, করিলা কোন্ কৰ্ম্ম ।
 জালিলা নির্বাণ-অগ্নি, দক্ষ কৈলা মৰ্ম্ম ॥

ইন্দ্র-বৎসর নাহি দেখি, শুনি কামে ।
আর কি দেখিব সেই পাণ্ডুপুত্রগণে ॥

এত বলি ভীষ্মদেব করেন ক্রন্দন ।
দ্রোণ বলিলেন, ভীষ্ম, ত্যজ শোকমন ॥
নিশ্চয় জানিহ এই কুন্তীর নন্দন ।
দেব হৈতে জন্মিল পাণ্ডব পঞ্চজন ॥
পাণ্ডুপুত্র মরিয়াছে, কহে সর্বজনে ।
সে-কথায় আমার প্রত্যয় নহে মনে ॥
বিদুরের মন্ত্রণায় তারা গেল তরি ।
এই কথা ভাবি আমি দিবস-শর্বরী ১ ॥
হেন নীতি উক্ত আছে, মুনিগণ বলে ।
পাণ্ডবের মরণ নাহিক ক্ষতিতলে ॥
এত শুনি ভীষ্মবীর ত্যজিল ক্রন্দন ।
দুইজনে কল্যাণ করেন হৃদয়ন ॥
যদি এই কুন্তীপুত্র হইবে ফাল্গুনি ।
লক্ষ্য বিধি প্রাপ্ত হৌক দ্রুপদ-নন্দিনী ॥

তবে পার্থ প্রণমেন কৃষ্ণে যোড়হাতে ।
পাঞ্চজন্ম-শঙ্খবাণ্ড হয় যেই ভিতে ॥
দেখিয়া কল্যাণ-বাক্য কহেন শ্রীপতি ।
হাসিয়া বলেন তবে বলভদ্র-প্রতি ॥
অবধানে হের দেখ রেবতী-রমণ ২ ।
তোমারে প্রণমে পার্থ ইন্দ্রের নন্দন ॥
কল্যাণ করহ, যেন পার্থ বিদ্রে লক্ষ্য ।
শুনি বলভদ্রের কল্পিত হৃদি-বক্ষ ॥

রাম বলিলেন, পার্থ বিদ্রিবেক লক্ষ্য ।
কন্যা লৈয়া যাইবারে না হইবে শক্য ॥
একা ধনঞ্জয়, এত সকল বিপক্ষ ।
সৈন্যেতে আসিয়াছে রাজা একলক্ষ ॥


অশুপমরূপা কন্যা অনঙ্গমোহিনী ।
সবাকার হরিয়াছে মন সৈ ভামিনী ॥
এই-হেতু সবাই করিবে প্রাণপণ ।
কন্যা লাগি বন্দ করিবেক রাজগণ ॥
বিশেষ ত্রাঙ্গণ বলি পার্থে সবে জানে ।
এত লোকে কি করিবে পার্থ একজনে ॥
কৃষ্ণ বলে, অন্যায় করিবে দুষ্টগণ ।
তুমি আমি আছি হেথা কিসের কারণ ॥
মম বিদ্যমান করিবেক অত্যাচার ।
জগন্নাথ-নাম তবে কি-হেতু আমার ॥
জগৎ-জনের আমি অস্তে হই ত্রোতা ।
দুর্বলের বল আমি সর্বফলদাতা ॥
যদি আমি সমুচিত ফল নাহি দিব ।
তবে কেন জগন্নাথ এ-নাম ধরিব ॥
সুদর্শন ছেদিব সকল দুষ্টমতি ।
পূর্বে যথা নিঃকন্ডিয়া কৈলা ভৃগুপতি ॥
বিশেষ করিতে নাশ অবনীর ভার ।
তেঞি অবনীতে জন্ম হ'য়েছে আমার ॥
গোবিন্দের বাক্যে রাম চিন্তাশ্রিত-মনে ।
অর্জুনে আশীষ করে কৃষ্ণের বচনে ॥
মহাভারতের কথা অমৃত-সহরী ।
কাশা কহে, শুনিলে যে সর্বপাপে তরি ॥

১১। অর্জুনের লক্ষ্যবিদ্র-করণ ।

তবে পার্থ প্রণমেন ধর্মের চরণে ।
যুধিষ্ঠির বলিলেন চাহি বিজগণে ॥
লক্ষ্যাবেদ্ধা ত্রাঙ্গণ প্রণমে কৃতাজলি ।
কল্যাণ করহ তারে ত্রাঙ্গণ-মণ্ডলী ॥

শুনি দ্বিজগণ বলে স্বস্তি-স্বস্তি-বাণী ।
 লক্ষ্য বিদ্ধি প্রাপ্ত হৌকি দ্রুপদ-নন্দিনী ॥
 ধনু লৈয়া পাঞ্চালে বলেন ধনঞ্জয় ।
 কি বিদ্ধিব, কোথা লক্ষ্য, বলহ নিশ্চয় ॥
 ধৃষ্টদ্যুম্ন বলে, এই দেখহ জলেতে ।
 চক্রচ্ছিন্নপথে মৎস্য পাইবে দেখিতে ॥
 কনকের মৎস্য, তার মাণিক-নয়ন ।
 সেই মৎস্যচক্ষু বিদ্ধিবেক যেইজন ॥
 হইবে বল্লভ সেই মম ভগিনীর ।
 এত শুনি জলে দেখে পার্থ মহাবীর ॥
 উর্দ্ধবাহু করিয়া আকর্ণ টানি গুণ ।
 অধোমুখ করি বাণ ছাড়েন অর্জুন ॥
 সূদর্শন জগন্নাথ করেন অন্তর ।
 মৎস্যচক্ষু ছৌদলেক অর্জুনের শর ॥
 মহাশব্দে মৎস্যে যদি হইলেক পার ।
 অর্জুনের সম্মুখে আইল পুনর্বার ॥
 আকাশে অমরগণ পুষ্পবৃষ্টি কৈল ।
 জয়-জয়-শব্দ দ্বিজসভামধ্যে হৈল ॥
 বিদ্ধিল-বিদ্ধিল বলি হৈল মহাধনি ।
 শুনিয়া বিস্ময়াপন্ন সব নৃপমণি ॥
 হাতেতে দধির পাত্র ল'য়ে পুষ্পমালা ।
 দ্বিজেরে বরিতে যায় দ্রুপদের বালা ॥
 দেখিয়া বিস্মিত হৈল যত নৃপমণি ।
 ভাকিয়া বলিল, রহ-রহ যাজ্ঞসেনী ॥
 ভিক্ষুক দরিদ্র এ, সহজে হীনজাতি ।
 লক্ষ্য বিদ্ধিবারে কোথা ইহার শক্তি ॥
 মিথ্যা গোল কি-কারণে কর দ্বিজগণ ।
 গোল করি কহা কোথা পাইবে ব্রাহ্মণ ॥
 ব্রাহ্মণ বলিয়া চিত্তে উপরোধ করি ।
 ইহার উচিত ফল সদ্য দিতে পারি ॥

পঞ্চক্রোশ উর্দ্ধে লক্ষ্য শূন্যতে আছয় ।
 বিদ্ধিল কি না বিদ্ধিল, কে করে নির্ণয় ॥
 বিদ্ধিল-বিদ্ধিল বলি লোকে জানাইল ।
 কহ দেখি, কোথা মৎস্য, কেমনে বিদ্ধিল ॥
 তবে ধৃষ্টদ্যুম্নসহ যত দ্বিজগণ ।
 নির্ণয় করিতে জলে করে নিরীক্ষণ ॥
 শিফে বলে বিদ্ধিয়াছে, দুফে বলে নয় ।
 ছায়া দেখি কি-প্রকারে হইবে প্রত্যয় ॥
 শূন্য হৈতে মৎস্য যদি কাটিয়া পাড়িবে ।
 সাক্ষাতে দেখিলে তবে প্রত্যয় জন্মিবে ॥
 কাটি পাড় মৎস্য, যদি আছয়ে শক্তি ।
 এইরূপে কহিল যতক দুইমতি ॥
 শুনিয়া বিস্মিত হৈল পাঞ্চাল-নন্দন ।
 হাসিয়া অর্জুন-বীর বলেন তখন ॥
 অকারণে মিথ্যা-দ্বন্দ্ব কর কেন সবে ।
 মিথ্যা কহি শুভ ফল কেহ নাহি লভে ॥
 কতক্ষণ জলের তিলক রহে ভালে ।
 কতক্ষণ রহে শিলা শূন্যতে মারিলে ॥
 সর্বকাল দিবস-রজনী নাহি রয় ।
 মিথ্যা মিথ্যা, সত্য সত্য, লোকে খ্যাত হয় ॥
 অকারণে মিথ্যা বলি করিলে ভণ্ডন ।
 লক্ষ্য কাটি পাড়িব, দেখুক সর্বজন ॥
 একবার নয়, বলি সম্মুখে সবার ।
 যতবার বলিবে, বিদ্ধিব ততবার ॥
 এত বলি অর্জুন নিলেন ধনুঃশর ।
 আকর্ণ পুরিয়া বিদ্ধিলেন দৃঢ়তর ॥
 সুরাসুর নাগ নর দেখয়ে কোতুকে ।
 কাটিয়া পাড়িল লক্ষ্য সবার সম্মুখে ॥
 দেখিয়া বিস্ময় মানে যত রাজগণ ।
 জয়-জয়-শব্দ করে সকল ব্রাহ্মণ ॥



জ্যোৎস্নার স্বপ্নাবলম্বিত অঙ্কনের লক্ষ্যভেদ

"উদ্ভাসিত করি। তানয় তানি তু।

অধোমুখ করি বৎ চাট্টেন অতঃপর।"

দাদিপুর, পৃষ্ঠা-২১০

হাতে দধিপাত্র-মালা দ্রৌপদী-হৃন্দরী ।

পার্শ্বের নিকটে গেলা কৃতাজ্জলি করি ॥
দধিমালা দিতে পার্শ্ব করেন বারণ ।
দেখি অমুমান করে যত রাজগণ ॥
একজন-প্রতি আর জন দেখাইল ।
হের দেখে বরিতে ব্রাহ্মণ নিবেধিল ॥
সহজে দরিদ্র দ্বিজ, অন্ন নাহি মিলে ।
ছিন্ন চর্ম্মপাছুকা যুগল-পদতলে ॥
অতি সে দরিদ্র, জীর্ণবস্ত্র পরিধান ।
তৈল-বিনা শির দেখে জটার আধান^১ ॥
হেনজন-গৃহে নাহি রাজকন্যা শোভে ।
এই-হেতু বরিতে না দিল ধনলোভে ॥
ব্রহ্মতেজে লক্ষ্য বিক্ষিলেক তপোবলে ।
কি করিবে কন্যা, যার অন্ন নাহি মিলে ॥
ধনের প্রয়াস আছে ব্রাহ্মণের মনে ।
চর পাঠাইয়া তত্ত্ব লহ এইক্ষণে ॥

এত বলি রাজগণ বিচার করিয়া ।
অর্জুনের স্থানে দূত দিলা পাঠাইয়া ॥
দূত বলে, অবধান কর দ্বিজবর ।
রাজগণ পাঠাইল তোমার গোচর ॥
উদ্ভাদের কথা দ্বিজ, করি নিবেদন ।
তোমা-সম কর্ম্ম নাহি করে কোনজন ॥
দুর্য্যোধন রাজা এই কহেন তোমায়া ।
মুখ্যপাত্র করি তোমা রাখিব সভায়া ॥
বহুরাজ্য-দেশ ধন নানারত্ন দিব ।
একশত দ্বিজকন্যা বিবাহ করাব ॥
আর যাহা চাহ, দিব, নাহিক অন্যথা ।
যোরে বশ কর দিয়া অ্রপদ-দুহিতা ॥

শুনিয়া অর্জুন-বীৰ অগ্নিপ্রায় জ্বলে ।

দুই-চক্ষু রক্তবর্ণ চর-প্রতি বলে ॥
ওহে দ্বিজ, যেইমত বলিলা বচন ।
অন্যজ্ঞাতি নহ, তুমি অবধ্য ব্রাহ্মণ ॥
সে-কারণে মোর ঠাই পাইলা জীবন ।
এ-কথা কহিয়া বাঁচে অন্য কোন্ জন ॥
আর তাহে দূত ভুনি, কি দোষ তোমার ।
নম দূত হ'য়ে তথা যাহ পুনর্ব্বার ॥
দুর্য্যোধন-আদি যত কহ রাজগণে ।
অভিলাষ তা-সবার থাকে যদি ধনে ॥
আমি দিব তা-সবারে পৃথিবী জিনিয়া ।
কুবেরের নানারত্ন দিব যে আনিয়া ॥
তোমা-সবাকার ভাৰ্য্যা মোরে দেহ আনি ।
এই কথা সবাস্থানে কহিবা আপনি ॥

শুনিয়া সত্বরে তবে গেল দ্বিজবর ।

কহিল বৃভাস্ত্র সব রাজার গোচর ॥
জ্বলন্ত-অনলে যেন ঘূত দিল ঢেলে ।
এত শুনি রাজগণ ক্রোধে তারে বলে ॥
দেখ হেন মতিচ্ছন্ন হৈল বাগ্মনার ।
হেন বুঝি, লক্ষ্য বিক্রি করে অহঙ্কার ॥
রাজগণে বলে হেন বচন কুংসিত ।
দিবারে উচিত হয় শাস্তি সমুচিত ॥
রাজগণে এতাদৃশ কুংসিত-বচন ।
প্রাণে আশা থাকিতে কহিবে কোন্ জন ॥
দ্বিজজ্ঞাতি বলিয়া মনেতে করে দাপ ।
হেন জনে মারিলে নাহিক কিছু পাপ ॥
এমন কর্দর্য্যভাষা কার প্রাণে সহে ।
বিশেষ এ-স্বয়ংবর ব্রাহ্মণের নহে ॥

কল্প-স্বয়ংবর, ইথে দ্বিজের কি-কাজ ।
 দ্বিজ হ'য়ে কন্যা লবে, কল্পকূলে লাজ ॥
 এমত कहিয়া যদি রহিবে জীবন ।
 এইমতে দুই তবে হবে দ্বিজগণ ॥
 সে-কারণে ইহারে যে কমা করা নয় ।
 অন্য স্বয়ংবরে যেন এমত না হয় ॥
 দেখহ দুর্দৈব এই ক্রপদ রাজার ।
 আমা-সবে নাহি মানে করি অহকার ॥
 মহারাজগণে ত্যজি বরিল ব্রাহ্মণে ।
 এমন কুৎসিত-কর্ম্ম সহে কার প্রাণে ॥
 অমর-কিষ্কর-নরে যে-কন্যা বাঞ্ছিত ।
 দরিদ্র ব্রাহ্মণে দিবে একি অনুচিত ॥
 মারহ ক্রপদে আজি সহিত তনয় ।
 মার এই ব্রাহ্মণেরে, বধে নাহি ভয় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১২। অর্জুনের সহিত রাজগণের যুদ্ধ ।

যার যেবা অস্ত্র ল'য়ে যত রাজগণ ।
 জরাসন্ধ শল্য শাশ্ব কর্ণ দুর্য়োধন ॥
 শিশুপাল দম্ভবক্র কাশী-নরপতি ।
 কুরু ভগদত্ত ভোজ কলিঙ্গ প্রভৃতি ॥
 চিত্রসেন মদ্রসেন চন্দ্রসেন রাজা ।
 নীলধ্বজ রোহিত বিরাট মহাতেজা ॥
 ত্রিগুণ্ত কীচক বাহু বাহু নৃপাল ।
 অনুপেন্দ্র মিত্রবৃন্দ সুষেণ ভূপাল ॥

যার যে লইয়া অস্ত্র ভূপতি-মণ্ডল ।
 নানা-অস্ত্র ফেলে যেন বরষার জল ॥
 খট্টাপ ত্রিশূল জাঠি ভূষণী তোমর ।
 শেল শূল চক্র গদা মুষল যুদ্ধগর ॥
 প্রলয়ের মেঘ যেন সংহারিতে সৃষ্টি ।
 তাদৃশ নৃপতিগণ করে অস্ত্রবৃষ্টি ॥
 দেখিয়া দ্রৌপদী-দেবী কম্পিত-হৃদয় ।
 অর্জুনে চাহিয়া তবে কহে সবিনয় ॥
 না দেখি যে দ্বিজবর, ইহার উপায় ।
 বেড়িলেক রাজগণে সমুদ্রের প্রায় ॥
 ইথে কি করিবে মম পিতার শক্তি ।
 জানিলাম নিশ্চয় যে নাহিক নিষ্ফ্রুতি ॥

অর্জুন বলেন, তুমি রহ মম কাছে ।
 দাঁড়াইয়া নির্ভয়ে দেখহ রহি পাছে ॥
 কৃষ্ণা বলিলেন, দ্বিজ, অপূর্ব-কাহিনী ।
 একা তুমি কি করিবে, লক্ষ নৃপমণি ॥
 হাসিয়া অর্জুন বলে, দেখ গুণবতী ।
 একা আমি বিনাশিব সব নরপতি ॥
 একার প্রতাপ তুমি না জানহ সতি ।
 একা সিংহে নাহি পারে অজার সংহতি ॥
 একেশ্বর গরুড় সকল পক্ষী নাশে ।
 একেশ্বর পুরন্দর দানব বিনাশে ॥
 একা ব্যাত্ত্র নাশ করে লক্ষ যুগ ক্ষুদ্রে ।
 একা শেষ বিষধর মথিল সমুদ্রে ॥
 একা হনুমান্ যেন দহিলেক লঙ্কা ।
 সেইমত নৃপগণে নাশিব, কি শঙ্কা ॥
 এত বলি অর্জুন কৃষ্ণারে আশ্বাসিয়া ।
 ধনুগুণ সন্ধান করেন টঙ্কারিয়া ॥

তবে ত দ্রুপদ-রাজ পুত্রের সহিত ।
 দুইদুই শিখণ্ডী সহিত সহ্যজিৎ ॥
 মুহূর্ত্তেক যুদ্ধ করি নারিল সহিতে ।
 ভঙ্গ দিয়া সৈন্যে পলায় চতুর্ভিতে ॥
 একেশ্বর অর্জুনে বেড়িল নৃপগণ ।
 দেখি ওষ্ঠ কামড়ায় পবন-নন্দন ॥
 অনুমতি লইতে রাজার পানে চায় ।
 দেখিয়া সম্মত হইলেন ধর্ম্মরায় ॥
 যুধিষ্ঠির বলে, ভাই, অনর্থ হইল ।
 একলক্ষ রাজা একা অর্জুনে বেড়িল ॥
 শীঘ্র যাহ ভীমসেন, আনহ অর্জুনে ।
 দ্বন্দ্ব করিবার কিছু নাহি প্রয়োজনে ॥
 পাইয়া জ্যেষ্ঠের আজ্ঞা ধায় বৃকোদর ।
 উপাড়িয়া নিল এক দীর্ঘ তরুবর ॥
 অতি-উচ্চ তরুবরে নিষ্পত্র করিয়া ।
 বায়ুবেগে সৈন্য়মাধ্যে প্রবেশিল গিয়া ॥
 ক্ষত্রগণ-চেষ্ঠা দেখি ক্রোধে দ্বিজগণ ।
 পাছে-পাছে ভীমের ধাইল সর্ব্বজন ॥
 হের দেখ ক্ষত্রিয় পাপিষ্ঠ দুরাচার ।
 সভামধ্যে লক্ষ্য দ্বিজ বিক্ষিণ আমার ॥
 লক্ষ্য বিদ্ধিবারে শক্য নহিল তখন ।
 এবে দ্বন্দ্ব করে হেরি একাকী ব্রাহ্মণ ॥
 এমত অন্যায় বল কার প্রাণে নয় ।
 যুদ্ধ করি প্রাণ দিব, যত দ্বিজ কয় ॥
 মারিব মরিব আজি, করিব সমর ।
 হেন কর্ম্ম সহিবে কাহার কলেবর ॥
 এত বলি দ্বিজগণ দণ্ড ল'য়ে করে ।
 যুগচর্ম্ম দৃঢ় করি বান্ধে কলেবরে ॥

লক্ষ-লক্ষ ব্রাহ্মণ ধাইল বায়ুবেগে ।
 হাতে চৈত্র্য করিয়া নৃপতিগণ-আগে ॥
 দেখিয়া বলেন পার্শ্ব করি কৃতাজ্জলি ।
 শিরেতে লইয়া দ্বিজগণ-পদধূলি ॥
 তোমরা আইলা দ্বন্দ্বে কিসের কারণ ।
 দাণ্ডাইয়া কোতুক দেখহ সর্ব্বজন ॥
 যাহারে করহ ভঙ্গ মুখের বচনে ।
 তাহার সহিত দ্বন্দ্ব নহে সুশোভনে ॥
 তোমা-সবাকার মাত্র চরণ-প্রসাদে ।
 দুইক্ষত্রগণেরে মারিব অপ্রমাদে ॥
 যে-প্রকার দুষ্টিচার করিয়াছে সেবে ।
 তাহার উচিত শাস্তি এইক্ষণে পাবে ॥
 এত বলি দ্বিজগণে করি নিবারণ ।
 রাজগণ-প্রতি ধায় ইন্দ্রের নন্দন ॥
 হাসিয়া বলেন রাম*, দেখ ভগবান* ।
 পূর্বে যাহা কহিয়াছি, হৈল বিঘ্নমান ॥
 এই দেখ, লক্ষ রাজা একত্র হইয়া ।
 বেড়িলেক অর্জুনে বহুদৈন্ত লৈয়া ॥
 একা পার্শ্ব নিবারিবে কত শত জনে ।
 প্রতিকার ইহার যে না দেখি নয়নে ॥
 প্রতিজ্ঞা করিল সবে মিলি রাজগণে ।
 দ্বিজে মারি কণ্ঠ্য দিবে রাজা দুর্ঘ্যোথনে ॥
 রামের বচন শুনি কুপিত গোবিন্দ ।
 নয়ন-যুগল যেন বিকচাবিন্দ* ॥
 ক্ষণেক রহিয়া কৃষ্ণ করেন উত্তর ।
 যা বলিলা, সত্য দেখ, যাদব-ঈশ্বর ॥
 একলক্ষ নৃপতি বেড়িল একত্রে ।
 কিরূপে জিনিবে সেই মনুষ্য-পরাণে ॥

অৰ্জুনের পরাক্রম জ্ঞাত নহ তুমি ।
 মুহূর্ত্তে জিনিতে পারে সমাগরা ভূমি ॥
 মনুষ্য যতক আর স্রাস্র-সহ ।
 অৰ্জুনের সঙ্গে যদি করয়ে কলহ ॥
 মদমত্ত করী যথা কদলী-কাননে ।
 মুহূর্ত্তে দলিবে পার্থ তুচ্ছ রাজগণে ॥
 কহিলা যে, প্রতিজ্ঞা করিল রাজগণে ।
 দ্বিজে মারি কত্কা দিবে রাজা দুৰ্য্যোধনে ॥
 নরে কোথা করে চন্দ্র ধরিবারে পারে ।
 ব্যাঘ্রমুখ-আমিষ শৃগাল কোথা ধরে ॥
 তবে যদি অৰ্জুনের ন্যূনতা দেখিব ।
 হৃদর্শন-চক্রে আমি সবারে ছেদিব ॥

শুনি রাম হইলেন সভয়-অস্তুর ।
 নিজশিষ্য দুৰ্য্যোধন অতি-প্রিয়তর ॥
 পাণ্ডবের শত্রু, ক্রোধ আছয়ে অস্তুরে ।
 এই ছল করি কৃষ্ণ পাছে বধ করে ॥
 চিস্তিয়া বলেন কৃষ্ণে রেবতী-রমণ ।
 আমা-সবাকার দ্বন্দ্ব নাহি প্রয়োজন ॥
 বিশেষ আপনি বল, পার্থ মহাবল ।
 মুহূর্ত্তেকে জিনিবেক নৃপতি-সকল ॥
 সেই কথা পরীক্ষা করিব এইক্ষণে ।
 অন্তরে থাকিয়া যুদ্ধ দেখিব দু'জনে ॥

গোবিন্দ বলেন, আমি রণে না যাইব ।
 তব আজ্ঞা কখন না লঙ্ঘন করিব ॥
 একা পার্থে জিনে, হেন নাহি ত্রিভুবনে ।
 হয়, নয়, এখনি দেখিবা বিদ্যমানে ॥
 সুর্য্যকোণে টলে যদি, শ্রমে সিদ্ধুজল ।
 শীতল হইয়া যদি যায় দাবানল ॥

পাশ্চমে উদয় যদি দিনমাণ হবে ।
 তথাপি অৰ্জুনে কেহ রণে না পারিবে ॥
 গোবিন্দের মুখে শুনি এতেক বচন ।
 নিঃশব্দে রহিলা রাম হইয়া বিমন ॥
 একলক্ষ নৃপতি বেড়িল চতুর্দিকে ।
 না করে সম্ভ্রম পার্থ, সিংহ যেন যুগে ॥
 হিমাদ্রি-পর্বত-প্রায় স্থির মহাবীর ।
 সমুদ্র-সদৃশ বুদ্ধি পরম-গভীর ॥
 জন্তুগণমধ্যে যেন কালান্তক যম ।
 ইন্দের নন্দন বীর ইন্দ্র-পরাক্রম ॥
 বৃক্ষ যেন বৃষ্টিধারা মাথা পাতি লয় ।
 তাদৃশ অৰ্জুন-অঙ্গে বাণবৃষ্টি হয় ॥
 অপূর্ব সমর দেখি যতক অমর ।
 অৰ্জুন-কারণে হৈল চিস্তিত-অস্তুর ॥
 একা পার্থ কোটি-কোটি বেড়িল বিপক্ষ ।
 হাতে আছে তিন বাণ বিদ্বিবারে লক্ষ্য ॥
 পুত্রের সাহায্য-হেতু দেবরাজ তুর্ণ্য ।
 পাঠাইয়া দিল তুণ অন্ত্রগণ-পূর্ণ ॥
 বৈজয়ন্তী মালা ইন্দ্র দিলেন প্রদাদ ।
 হস্ত হৈয়া অৰ্জুন ছাড়েন সিংহনাদ ॥
 টঙ্কারিয়া ধনুক এড়েন অন্ত্রগণ ।
 নিমিষেকে শরবৃষ্টি করেন বারণ ॥
 যেন মহাবাতাসে উড়ায় মেঘমালা ।
 সমুদ্র-লহরী যেন নিবারিল বেলা ॥
 শিশুগণমধ্যে যেন করে গেণ্ডুগোলা ॥
 যুদ্ধে বীর তাদৃশ করেন নানাখেলা ॥
 দাবায়ি নিবৃত্ত যেন হৈল বৃষ্টিজলে ।
 নিমেষে করেন পার্থ শান্ত সে-সকলে ॥

মহাভারতের কথা স্বপ্নসিদ্ধমত ।
কাশীরাম কহে, সাধু পিয়ে অবিরত ॥

২০। বিজয়গের সহিত ক্ষত্রগের হৃদ ।

প্রলয়ের কালে যেন উথলে সাগর ।

মার-মার-শব্দে ডাকে যত নৃপবর ॥
চতুর্দিকে সবাঁকার মুখে এই রব ।
মারহ মারহ এই দুষ্ক-দ্বিঙ্গব ॥
সিংহনাদ শঙ্খধ্বনি মুখে ঘোরনাদ ।
শুনিয়া ত্রাক্ষণগণ গণিল প্রমাদ ॥
যুধিষ্ঠিরে চাহিয়া বলয়ে দ্বিজসব ।
হের দেখ, অন্তে যেন উথলে অর্ণব ॥
উঠ-উঠ দ্বিজবর, চলহ সত্তর ।
নির্ভয়ে র'য়েছ, মনে নাহি কিছু ডর ॥
মারবার হেতু দুষ্ক সঙ্গ অনিচ্ছলা ।
আপনি মরিল, সব-দ্বিজে দুঃখ দিলা ॥
ক্ষত্ররাজগণ-সহ হইল বিবাদ ।
আছুক দক্ষিণা, প্রাণে পড়িল প্রমাদ ॥
পলাহ পলাহ দ্বিজ, চলহ সত্তর ।
অনর্থ করিল আজি এই দ্বিজবর ॥
ক্ষত্রিয়ের কর্ম কি ত্রাক্ষণগণে শোভে ।
রাজকন্যা দেখি লক্ষ্য বিক্ষিলেক লোভে ॥
এথায় রহিয়া আর নাহি প্রয়োজন ।
ওই শুন দ্বিজে মার, ডাকে ক্ষত্রগণ ॥
পলাহ পলাহ দ্বিজ চলহ সত্তর ।
এত বলি সকলে ধরিল দ্বিজবরে ॥

প্রাণ ল'য়ে পলাইল যতেক ত্রাক্ষণ ।
উর্দ্ধমুখে ধাইয়া পলায় মুনিগণ ॥
বিংশতি-সহস্র শিষ্য লইয়া মার্কণ্ড ।
পঞ্চ-দশ-শত-শিষ্য ল'য়ে ধায় কোণ্ড ॥
দ্বাবিংশ-সহস্র শিষ্য ল'য়ে যান ব্যাস ।
ধাইল পৌলস্ত্য-মুনি হ'য়ে উর্দ্ধবাস ॥
ষষ্টি-দশ-শত-শিষ্য পলায় দুর্বাসা ।
দ্বাদশ-সহস্রে গর্গ, নাহি ক্ষুরে ভাষা ॥
পঞ্চবিংশ-সহস্রেতে পরাশর মুনি ।
চতুর্দিকে ধায় সবে, নাহি সরে বাণী ॥
দ্বন্দ্ব দেখি হরষিত দ্বন্দ্বপ্রিয় ঋষি ।
ঘন করতালি দিয়া নাচেন উল্লাসী ॥
লাগ-লাগ বলিয়া সঘনে ডাক ছাড়ে ।
ক্ষণে-ক্ষণে সকল রাজারে গালি পাড়ে ॥
ব্যর্থ ক্ষত্রকুলে জন্ম, ব্যর্থ তোমা সব ।
একা দ্বিজ করিল সকলে পরাভব ॥
কন্যা লৈয়া যায় যদি দরিত্র ত্রাক্ষণ ।
কোন্ লাজে লোক-মাঝে দেখাবি বদন ॥
এত বলি উর্দ্ধবাহ নাচে তপোধন ।
বাধিল তুমুল যুদ্ধ না যায় লিখন ॥
সবাঁকার অস্ত্র কাটি ইন্দ্রের নন্দনে ।
করেন প্রহার নিজ-অস্ত্রে রাজগণে ॥
কাহারো কাটিল ধনু, কারো কাটে গুণ ।
কাহারো কাটিল খড়্গ, কারো কাটে তুণ ॥
কাহারো কাটিল রথ, কাহারো সারথি ।
কাহারো কাটিল শব শেল শূল শক্তি ॥
নিরস্ত্র করিয়া তবে যত রাজচয়ে ।
দশ-দশ-বাণ বিক্ষে সবার হৃদয়ে ॥

মুখে যুগ্ম, ভুজে চারি, চারি যুগ্মপায় ।
 মুচ্ছিত হইয়া সবে গড়াগড়ি যায় ॥
 রথ ফিরাইল যত রথের সারথি ।
 ভঙ্গ দিল চতুর্দিকে যত নরপতি ॥
 পাছু-পানে চাহি পার্শ্ব কৃষ্ণারে আখাসে ।
 পাছে থাকি কর্ণ-বীর খল-খল হাসে ॥
 কি-কর্ম করিস্ দ্বিজ, মুখে নাহি লাজ ।
 পরনারী সম্ভাবহ কেন সভামাঝ ॥
 আপনার ভার্যা আগে করহ ব্রাহ্মণ ।
 তবে কৃষ্ণ-সহ কর কথোপকথন ॥
 কারে কহি এ অদ্ভুত উপহাস-কথা ।
 ভিক্ষুক হইয়া ইচ্ছে রাজার দুহিতা ॥
 নেউটিয়া^১ দেখি পার্শ্ব রাখার নন্দনে ।
 কহিলেন, নহ কেন অগ্রসর রণে ॥
 আরে কর্ণ দুবাচার, ধন্য তোর প্রাণ ।
 জীবিত আছিস্ তুই খেয়ে মম বাণ ॥
 কর্ণ বলে, দ্বিজবর, বুঝি ভাষা কহ ।
 কোন্ দেশে ঘর তব, যোরে না জানহ ॥
 ব্রাহ্মণ বলিয়া আমি করি উপরোধ^২ ।
 কোন্ জন জীয়ে, আমি করিলে রে ক্রোধ ॥
 কর্ণ-বাক্য শুনি পার্শ্ব কহিলেন তারে ।
 দ্বিজ আমি, এই কথা কে বলিল তোরে ॥
 যুদ্ধভয় করি বুঝি কহ এই কথা ।
 দুর্ব্যোধনে ভাণ্ডি রাজ্য খাও তুমি বৃথা ॥
 ক্ষত্রনীতি আছে হেন শাস্ত্রের বিহিত ।
 নাহি যুদ্ধ তার সনে, যেই রণে ভীত ॥
 ক্ষত্রনীতি আছে এই শাস্ত্রের বিধান ।
 যুদ্ধেতে ব্রাহ্মণ গুরু একই সমান ॥

তুমি বড় ধর্ম্মপর, ব্রহ্মবধে ভয় ।
 তেত্রি একজনে বেড়িলা রাজচয় ॥
 হারিয়া এখন বল করি উপরোধ ।
 কে বলিল তোমারে করিতে শাস্ত ক্রোধ ॥
 যত শক্তি আছে তব, নাহি কর ক্ষমা ।
 ব্রাহ্মণ বলিয়া তুমি না জানিহ আমা ॥
 অর্জুনের বাক্য শুনি কর্ণ কোপে জ্বলে ।
 নানাবিধ অস্ত্র বীর পার্শ্বোপরি ফেলে ॥
 কর্ণ-ধনঞ্জয়ে যুদ্ধ নাহি পাঠাস্তর^৩ ।
 হাতে হুক উপনীত বীর বৃকোদর ॥
 মার-মার বলি অস্ত্র ফেলে রাজগণ ।
 আঘাত-প্রাণে যেন মেঘে বরিষণ ॥
 মুঘল যুদ্ধার শেল শূল শক্তি জাঠি ।
 গদা চক্র পরশু ভূষণী কোটি-কোটি ॥
 মার-মার বলি সবে চতুর্দিকে ডাকে ।
 রুষ্টিবৎ নানা-অস্ত্র ফেলে ঝাঁকে ঝাঁকে ॥
 শরজালে আচ্ছাদিত বীর বৃকোদর ।
 কুণ্ডলিতে আচ্ছাদয়ে যেন গিরিবর ॥
 বায়ুর নন্দন ভীম বায়ু-পরাক্রম ।
 অজায়ুধ-মধ্যে যেন ব্যাত্ত করে ক্রম^৪ ॥
 পরম-আনন্দ যার পাইলে সমর ।
 এত অস্ত্র-প্রহারেও না হয় কাতর ॥
 সংগ্রাম, আহার আর রমণী-রমণে ।
 তিন ঠাই ভঙ্গ যার না হয় কথনে ॥
 অনলের তেজ যেন স্নাত দিলে বাড়ে ।
 ক্রোধেতে উথলে ভীম যত অস্ত্র পড়ে ॥
 জন্তুগণমধ্যে যেন যুগান্তের অন্ত^৫ ।
 ভীম বিহরয়ে রণে যেন সন্ধ্যাকান্ত^৬ ॥

১। কিরিয়া। ২। ক্ষমা। ৩। হুলসা। ৪। গরবেণ। ৫। রহা, বহ (অতঃ-অর্থে)।
 ৬। ক্রম। কালের তিন পন্থী—দিন, রাত্রি ও পন্থা।

প্রলয়ের মেঘরাজি জিনিয়া গর্জন ।
 বৃক ঘুরাইয়া অস্ত্র করে নিবারণ ॥
 আখালি পাখালি বীর মারে বৃক-বাড়ি ।
 সহস্র-সহস্র রথী মরে ভূমে পড়ি ॥
 ভাঙ্গিল অনেক রথ আর রথ-ধ্বজ ।
 লক্ষ-লক্ষ ঘোড়া মরে লক্ষ-লক্ষ গজ ॥
 দক্ষিণ-বামেতে বীর ধায় আগে-পাছে ।
 মুহূর্ত্তেকে বহুসৈন্য নিপাতিল গাছে ॥
 মুখ তুলি বৃকোদর যেই-ভিতে চায় ।
 পলায় সকল সৈন্য, তুলা যেন বায় ॥
 সিদ্ধুজল মছে যেন পর্বত-সম্মর ।
 পদ্মবন ভাঙ্গে যেন মত্ত-করিবর ॥
 যুগেন্দ্র বিহরে যেন গজেন্দ্র-মণ্ডলে ।
 দানবের মধ্যে যেন দেব আখণ্ডলে ॥
 দণ্ড-হাতে যেন যম, বজ্র-হাতে ইস্ত্র ।
 খেদাড়িয়া লৈয়া যায় যত নৃপবন্দ ॥
 যেইদিকে বৃকোদর সৈন্যে যায় খেদি ।
 ছুই-দিকে তট যেন মধ্যে হয় নদী ॥
 যতেক আছিল সৈন্য, রক্তে হৈল রাজা ।
 খরস্রোতে রক্ত বহে, ভাঙ্গে যেন গঙ্গা ॥
 ব্যাভ্র যেন খেদি যায় ছাগলের পাল ।
 পলায় সকল রাজা নাহি বান্ধে আল ॥
 সন্ধেতে থাকয়ে যার সদা নৃপবন্দ ।
 বিংশ-অকৌহিণীপতি ধায় জরাসন্ধ ॥
 একাদশ-অকৌহিণীপতি দুর্ঘ্যোদন ।
 সপ্ত-অকৌহিণীপতি বিরাট-রাজন ॥
 পঞ্চ-অকৌহিণীপতি ধায় শিশুপাল ।
 নব-অকৌহিণীপতি কলিঙ্গ ভূপাল ॥

বিন্দ-অমুবিন্দ চারি-অকৌহিণীপতি ।
 কোথা গেল রথ-গজ-তুরঙ্গ-পদাতি ॥
 একা-একা প্রাণ লৈয়া সবাই পলায় ।
 আইল-আইল বলি পিছে নাহি চায় ॥
 মুকুট পড়িল খসি, হাতের ধনুক ।
 তুলিয়া লইতে কেহ নাহি বান্ধে বুক ॥
 উর্দ্ধাশেষে ধায় সব পিছে নাহি দেখে ।
 মার-মার বলিয়া সে ভীমসেন ডাকে ॥
 শরণ নিলেও তারে মারে আছাড়িয়া ।
 পলাইলে রক্ষা নাই মারয়ে তাড়িয়া ॥
 পলায় নৃপতিগণ না দেখি নিষ্কৃতি ।
 গর্জিয়া উঠিল তবে মদ্র-অধিপতি ॥
 নানা-অস্ত্র প্রহারয়ে ভীমের উপর ।
 কোপে বৃক প্রহারেন বীর বৃকোদর ॥
 বৃকের প্রহারে রথ চূর্ণ হৈয়া গেল ।
 লাফ দিয়া শল্যরাজ ভূমিতে পড়িল ॥
 হয় রথ চূর্ণ হৈল বৃকের প্রহারে ।
 গদা লৈয়া পড়ে শল্য ভূমির উপরে ॥
 গদাহস্তে শল্য-রাজ তরুহস্তে ভীম ।
 দৌহাকার মহাযুদ্ধ হইল অসীম ॥
 কোতুক দেখয়ে সব থাকিয়া অন্তরে ।
 মণ্ডলী করিয়া দৌহে চারিদিকে ফিরে ॥
 পর্বত-উপরে যেন পর্বত পড়িল ।
 যত রাজগণ সব অদ্রুত মানিল ॥
 পর্বত-উপরে যেন বজ্রাঘাত হৈল ।
 সেইমত দৌহাকার শব্দেতে পূরিল ॥
 পর্বত পড়য়ে যেন পর্বত-উপরে ।
 মহাশব্দে প্রহারে দৌহার কলেবরে ॥

উভ মত্তহস্তী যেন পর্বত-উপর ।
 উভ মত্তবৃষ যেন গোষ্ঠের ভিতর ॥
 শ্রলয়ের মেঘ যেন দৌহার গর্জন ।
 ঘন-ঘন হুঙ্কারে কাঁপে সর্বজন ॥
 বিপরীত দৌহার দস্তুর কড়মড়ি ।
 ভূমিকম্প চরণে, চলনে তড়বড়ি ॥
 এইমত কতক্ষণ হইল সময় ।
 ক্রোধে ওষ্ঠ কামড়ায় বীর বৃকোদর ॥
 বৃকের প্রহারে রথ চূর্ণ হইয়া যায় ।
 দেখিয়া সকল রাজা ভয়েতে পলায় ॥
 ঘুরাইয়া বৃক প্রহারিল সব্যস্ব-হাতে ।
 খনিয়া পড়িল গদা গুরুতর-ঘাতে ॥
 নিরস্ত্র হইল শল্য কিছু নাহি আর ।
 লাফ দিয়া ধরে তারে পবন-কুমার ॥
 শল্যে ধরিল ভীম ভূমে ফেলি বৃকে ।
 পায় ধরি তাহারে ঘুরায় অন্তরীক্ষে ॥
 দেখিয়া হাসয়ে যত ব্রাহ্মণ-মণ্ডলী ।
 টিটকারী দিয়া নাচে দিয়া করতালি ॥
 আরে দুই ক্ষত্রগণ, যে-কর্ম করিলা ।
 তাহার উচিত ফল হাতেতে পাইলা ॥
 দয়া প্রকাশিয়া তবে যতক ব্রাহ্মণ ।
 ছাড়-ছাড় বলিয়া করিল নিবারণ ॥
 এই মন্ত্ৰপতি সদা ব্রাহ্মণে সেবয় ।
 সে-কারণে মারিবারে উচিত না হয় ॥
 শল্য হৈল মৃতপ্রায়, লুপ্ত তার জ্ঞান ।
 আর দুই-তিন পাকে ছাড়িত পরাণ ॥
 শুনি ভীম অনেক দ্বিজের উপরোধ ।
 বিশেষে মাতুল জানি ত্যাগ কৈল ক্রোধ ॥

মৃতপ্রায় করিয়া শল্যে ছাড়ি দিল ।
 দেখিয়া সকল রাজা বিস্ময় মানিল ॥
 বাহ্যযুদ্ধে শল্যে জিনে নাহিক সংসারে ।
 এক হলধর আর বৃকোদর পারে ॥
 মনুষ্যের কর্ম নয় জানিয়া নিশ্চয় ।
 ভীমের সম্মুখে আর কেহ নাহি রয় ॥
 প্রাণ ল'য়ে পলায় যতক নরবর ।
 খেদাড়িয়া পাছে ধায় বীর বৃকোদর ॥
 মহাভারতের কথা সুধাসিদ্ধমত ।
 কাশীরাম কহে, সাধু পিয়ে অবিরত ॥

২৪। কর্ণের সহিত অর্জুনের যুদ্ধ ।

অর্জুন-কর্ণের যুদ্ধ লোকোতে ভীষণ ।

করিলেন যুদ্ধ যেন শ্রীরাম-রাবণ ॥
 যেন বৃত্র-বৃত্রহাৎ মাধব-উমাধব ॥
 বালি-সুগ্রীবোতে কিংবা গজেন্দ্র-কচ্ছপে ॥
 নানা-অস্ত্র দুইজনে দৌহারে দেখায় ।
 দূরে থাকি রাজগণ দাণ্ডাইয়া চায় ॥
 ক্রোধে ধনঞ্জয় বীর অভুল-প্রতাপ ।
 একবাণে সৃজিলেন শত-শত সাপ ॥
 মহাশব্দে আসে সর্প যুড়িয়া আকাশ ।
 দেখিয়া নৃপতিগণে লাগিল তরাস ॥
 হাসিয়া গরুড়-অস্ত্র এড়ে বীর কর্ণ ।
 সকল ভুজঙ্গে ধরি গরাসেঃ স্তম্ভর্ণ ॥
 শত-শত খগবর উড়য়ে আকাশে ।
 ভুজঙ্গে গিলিয়া পার্শ্বে গিলিবারে আসে ॥

১। ভানহাতে । ২। যজ্ঞহর-হননকারী ইজ । ৩। বিহু ও মহাদেব । উমাধব-উমার ধব (-বাতী)-মহাদেব ।
 ৪। প্রাণ করে । ৫। গরুড় ।

অগ্নি-অস্ত্র এড়ি পার্থ সৃজেন অনল ।
 আগুনে পক্ষীর পক্ষ পুড়িল সকল ॥
 ঝাঁকে ঝাঁকে অগ্নিবৃষ্টি কর্ণের উপর ।
 দেখি কর্ণ এড়িলেক অস্ত্র জলধর ॥
 রুষ্টি করি নিবারণ কৈল বৈশ্বানর ॥
 মুঘলধারায় জল বর্ষে পার্শ্বোপর ॥
 পুনরপি ধনঞ্জয় পুরিয়া সন্ধান ।
 রুষ্টি নিবারিতে এড়িলেন দিব্য-বাণ ॥
 বায়ু-অস্ত্র মহাবীর পুরিয়া সন্ধান ।
 উড়াইল মেঘ-অস্ত্র পার্থ বলবান ॥
 বায়ু-অস্ত্রে উড়াইল যত মেঘচয়ে ।
 মহাবাতে কাঁপাইল রবির তনয়ে ॥
 সন্ধানিঃ আকাশ-অস্ত্র সংহারিল বাত ।
 এইমত দুইজনে হয় অস্ত্রাঘাত ॥
 সূচীমুখ অর্দ্ধচন্দ্র পরশু তোমর ।
 জাঠা-জাঠি শক্তি শেল মুঘল মুদগর ॥
 নানা-অস্ত্র ফেলে দৌহে যেবা যত জানে ।
 মুঘলধারায় যেন বরিষে শ্রাবণে ॥
 ঢাকিল সূর্য্যের তেজ না দেখি যে আর ।
 দিবা-দুই-প্রহরে হইল অন্ধকার ॥
 আকাশে প্রশংসা করে যতেক অমর ।
 বিস্মিত নৃপতি যত দেখিয়া সমর ॥
 বিস্মিত হইয়া কর্ণ বলয়ে বচন ।
 কহ তুমি বিপ্রবেশি, সত্য কি ব্রাহ্মণ ॥
 কিংবা কৃষ্ণালাভে ছদ্মরূপে সহস্রাক্ষ ॥
 কিংবা তুমি জগন্নাথ ॥ কিংবা বিরূপাক্ষ ॥
 কিংবা তুমি ধনুর্বেদ কিংবা তুমি রাম ॥
 কিংবা তুমি জীবন্ত পাণ্ডবার্জুন নাম ॥

এত-জন-মাঝে তুমি বল কোন্ জন ।
 যোর ঠাই অন্য কেবা জীয়ে এতক্ষণ ॥
 এত শুনি হাসিয়া বলেন ধনঞ্জয় ।
 কি-লাভ আমার তোরে দিলে পরিচয় ॥
 মম পরিচয়ে তোর হবে কোন্ কাজ ।
 দরিত্র ব্রাহ্মণ আমি, তুই মহারাজ ॥
 একা দেখি বেড়িলা লইয়া লক্ষ-লক্ষ ।
 হারি পরিচয় মাগ হইয়া অশক্য ॥
 যদি প্রাণে ভয় হয়, যাহ পলাইয়া ।
 কাতরে না মারি আমি, দিলাম ছাড়িয়া ॥
 অর্জুনের বাক্য শুনি আরুণি কুপিত ।
 অরুণ-নয়ন-যুগ্ম ১০ ঘোরে বিপরীত ॥
 অরুণ-অঙ্গজ ১১ বীর অরুণ-প্রতাপে ।
 অরুণ-সদৃশ বাণ বলাইল চাপে ॥
 আকর্ণ পুরিয়া কর্ণ এড়িলেক বাণ ।
 অর্দ্ধপথে অর্জুন করেন খান-খান ॥
 যত অস্ত্র ফেলে কর্ণ তত অস্ত্র কাটি ।
 নিরস্ত্র করিয়া অস্ত্র এড়েন কিরীটা ১২ ॥
 চারিবাণে কাটেন রথের চারি হয় ।
 সারথি কাটেন তার বীর ধনঞ্জয় ॥
 বিরথ হইল কর্ণ যুদ্ধের ভিতর ।
 দেখি হাহাকার করে সব নৃপবর ॥
 কর্ণরক্ষাহেতু সবে বেড়িল অর্জুনে ।
 অর্জুন করেন অস্ত্র-বরিষণ রণে ॥
 বরিষার কালে যেন বরিষয়ে মেঘে ।
 দিনকর-তেজ যেন সব ঠাই লাগে ॥
 সবাকার অঙ্গে অস্ত্র করেন প্রহার ।
 সহস্র-সহস্র বীরে করিল সংহার ॥

১। মেঘ। ২। অগ্নি। ৩। কর্ণকে। ৪। সন্ধান করিয়া, বোজনা করিয়া। ৫। ইজ। ৬। বিহু। ৭। মহাবেশ।
 ৮। পরভার। ৯। 'অর্দ্ধচন্দ্র-ধনুর্বেদ' পূজ কর্ণ। ১০। রত্নবর্ণ হই চক্ষু। ১১। পুং। ১২। অর্ধদণ্ড।

কাহারো কাটেন মুণ্ড কুণ্ডল-সহিত ।
 নাসা-শ্রুতি কাটেন দেখিতে বিপরীত ॥
 ধনুক-সহিতে কারো কাটে বামহাত ।
 গড়াগড়ি যায় কেহ বৃকে বাজি ঘাত ॥
 ভাজ্যমাসে পাকা-তাল পড়ে যেন ঝড়ে ।
 পুঞ্জ-পুঞ্জে স্থানে-স্থানে মুণ্ড কাটি পাড়ে ॥
 ভীষণ-দশন হস্তী পর্বত-আকার ।
 মুঘল-মুদগর বান্ধা শুণ্ডে সবাকার ॥
 নবমেঘঘটা যেন শোভে ভূমিতলে ।
 পার্শ্ববাণে হস্তী সব গড়াগড়ি বুলে ॥
 লক্ষ-লক্ষ তুরঙ্গ সারথী রথ-রথী ।
 অৰ্দ্ধদ-অৰ্দ্ধদ কত পড়িল পদাতি ॥
 অনন্ত ফণীন্দ্র যেন মথৈ সিদ্ধজল ।
 দুই-ভাই রাজগণে মথিল সকল ॥
 রক্তে বহে নদী, ঠাট্ রক্তেতে সাঁতারে ।
 রক্তমাংসাহারী ধায় ঘোর-রব ক'রে ॥
 বিন্ময় মানিয়া চিত্তে যত রাজগণ ।
 জানিল মনুষ্য নহে এই দুইজন ॥
 এত ভাবি নিরুত্ত হইল রাজগণ ।
 দুই-ভাই আনন্দে করেন আলিঙ্গন ॥
 চতুর্দিক্ হইতে আইল হিজগণ ।
 জয়-জয় দিয়া কহে আশীষ-বচন ॥
 মহাভারতের কথা অমৃতের ধার ।
 ইহলোকে পরলোকে মহা-উপকার ॥
 কাশীরাম দাস কহে পাঁচালীর ছন্দ ।
 সজ্জন রসিক সাধু পিয়ে মকরন্দ ॥

২৫ । যুদ্ধে বিবৃথ হইয়া রাআদিগের পলায়ন ।
 দশ-দশ-যোজনে চৌদিকে হৈল খেলা ॥
 আড়ে-দীর্ঘে শতক্রোশ রক্তে হইল কারা ॥
 হিজ্জে মার-মার বলি পূর্বে শব্দ হৈল ।
 সেই ভয়ে যতক ব্রাহ্মণ পলাইল ॥
 উর্দ্ধখাস বীনবাস আউদর-চুলি ॥
 দণ্ড-কমণ্ডলু পড়ে, নাহি লয় তুলি ॥
 ফেলে চন্দ্রপাছুকা ও স্বক্ক হৈতে ছাতা ।
 মুগচন্দ্র ফেলে কেহ, ছিঁড়িল পইতা ॥
 বায়ুবেগে ধায় সব, পাছে নাহি চায় ।
 চতুর্দিকে লক্ষ-লক্ষ ব্রাহ্মণ পলায় ॥
 পশ্চাৎ হইল যুদ্ধে কক্র ভঙ্গিয়ান্ ।
 বর্ণনে না যায় রাজগণের পয়ান ॥
 কোথা রথ, কোথা গজ, কোথা সৈন্যগণ ।
 কেবল লইয়া প্রাণ ধায় রাজগণ ॥
 যে-দিকে যে পারে যেতে, সে গেল সে-দিকে ।
 পলায় পশ্চিমবাসী রাজা পূর্বমুখে ॥
 উত্তরের রাজা যে, সে দক্ষিণেতে গেল ।
 পথাপথ নাহি জ্ঞান, যে-দিকে পারিল ॥
 ভিড়াভিড়ি পরস্পরে নাহি পায় স্থল ।
 চাপাচাপি করি কত সৈন্য গেল তল ॥
 হুড়াহুড়ি ঠেলাঠেলি না পাইয়া পহ ।
 একে চাপি আরে যায় যেই বলবন্ত ॥
 রুষ উষ্ট্র হয় হস্তী সেনা অগণন ।
 রথ-রথী সারথি পলায় ভীত-মন ॥
 রথের উপরে বেগবন্ত আসোয়ার ॥
 অবস্থা হইল যত, কি কব তাহার ॥

ঠেলাঠেলি চাপাচাপি অর্ধসৈন্য মৈল ।
 স্থানে-স্থানে যতদেহ স্তূপাকার হৈল ॥
 একপদ কাটা কারো, কাটা দুই ভুজ ।
 প্রহারে কাহারো পৃষ্ঠ হইয়াছে কুজ ॥
 সর্বদা বহিয়া পড়ে শোণিতের ধার ।
 মুক্ত কেশ, ভয় দেহ, কান কাটা কার ॥
 আড়ে-গুড়ে ঝাড়ে-ঝোড়ে অরণ্যে পশিয়া ।
 জলেতে পড়িয়া কেহ যায় সাঁতারিয়া ॥
 ক্ষত্রে দেখি ব্রাহ্মণ পলায় উত্তরড়ে ।
 দ্বিজে দেখি ক্ষত্রিয় লুকাই ঝাড়ে-ঝোড়ে ॥
 দ্বিজের ক্ষত্রিয়-ভয়, ক্ষত্রের দ্বিজ-ভয় ।
 দ্বিজ ক্ষত্রবেশ ধরে, ক্ষত্র দ্বিজ হয় ॥
 ধনুর্বাণ ফেলিল হাতের গদা শূল ।
 মাথার মুকুট ফেলি মুক্ত কৈল চুল ॥
 ভুলিয়া লইল ছত্রদণ্ড কমণ্ডল ।
 ধনুর্বাণ ভুলি নিল ব্রাহ্মণসকল ॥
 প্রাণ-ভয়ে কেহ গিয়া ডুবি রহে জলে ।
 কেহ কাঁটাবনে পৈশে, কেহ বৃক্ষডালে ॥
 মড়ার ভিতরে কেহ মড়া হৈয়া রহে ।
 দূর-দূরান্তরে গিয়া ভয়ে স্থির নাহে ॥
 ভাঙ্গিল রাজ্যের ঘর-দেউল-প্রাচীর ।
 বৃকলতা চূর্ণ হৈল প্রাসাদ-মন্দির ॥
 পাঞ্চালের রাজ্যে না রহিল বৃক ঘর ।
 কেবল পাইল রক্ষা দ্রুপদ-নগর ॥
 মহাভারতের কথা অমৃত-সমান ।
 কানীরাং দাস কহে, সাধু করে পান ॥

২৬। রাআবিগের যুদ্ধ-ভয়ের বিবরণ ।

আশ্চর্য্য শুনিয়া তবে রাজা অশ্রুজয় ।
 জিজ্ঞাসিল মুনিবরে করিয়া বিনয় ॥
 কহ মুনিবর, পুনঃ অমৃত এ-কথা ।
 পৃথিবীর রাজগণ মিলেছিল তথা ॥
 অসংখ্য অর্ধসৈন্য যায় গগন ।
 সকলে দলিল সেই ভাই দুইজন ॥
 না চাহি দ্রুপদ-নৃপে হেন অবিহিত ।
 ক্ষত্র হ'য়ে পলাইল রণে হৈয়া ভীত ॥
 ক্ষত্রিয় সমূহ মধ্যে ছাড়িয়া কন্যারে ।
 কি বুঝিয়া পলাইয়া গেল কি-প্রকারে ॥
 কোথা গেল ধর্ম্মরাজ সহ-মাদ্রীহত ।
 কোথা গেল যদুগণ, ক্রীরাং-অচ্যুত ॥
 ভাঙ্গিল প্রাসাদ বৃক পাঞ্চাল-নগর ।
 কিমতে রহিল কুন্তী কুন্তকার-ঘর ॥
 প্রাণ লৈয়া দেশান্তরে গেল প্রজাগণ ।
 অন্তঃপুরে কি হইল না জানি এক্ষণ ॥
 কহ শুনি অপূর্ব্ব-কথন মুনিরাজ ।
 শুনিতে উল্লাস বড় হয় হৃদি-মাঝ ॥
 মুনি বলে, রহস্য শুনহ, কুরুরাজ ।
 যখন বেড়িল আসি ক্ষত্রিয়-সমাজ ॥
 করিল অনেক যুদ্ধ দ্রুপদ-নৃপতি ।
 ধৃষ্টদ্যুম্ন-সত্যজিৎ-শিখণ্ডী-সংহতি ॥
 শিশুপাল-সহ সত্যজিৎ-সংগ্রাম ।
 শিখণ্ডী-বিরাতে যুদ্ধ লোকে অনুপাম ॥
 তিন-অকৌহলী বলে কৈল মহারণ ।
 অনেক সংগ্রাম কৈল করি প্রাণপণ ॥

জরাসন্ধ-সহিত দ্রুপদ-নরপতি ।
 ধৃষ্টদ্যুম্ন কৈল যুদ্ধ কীচক-সংহতি ॥
 দুর্যোধনে ডাকি বলিলেন দ্রোণাচার্য্য ।
 নিবর্তহ, দ্বিজ-সঙ্গে যুদ্ধে নাহি কার্য্য ॥
 ব্রাহ্মণ বিধিল লক্ষ্য সবার বিদিত ।
 তাহার সহিত যুদ্ধ না হয় উচিত ॥
 অবিহিত কর্ম কৈলে ধর্ম্মে নাহি সঙ্গ ।
 অধর্ম্মে প্রবৃত্ত হৈলে কড় জয় নহে ॥
 অনাথ-দুর্ব্বল-জনে কৃষ্ণ বলবান্ ।
 দুষ্ক-কর্ম্ম ভাল নহে তাঁর বিদ্যমান ॥
 গরুড়-আরুঢ় হ'য়ে আছেন ত্রীপতি ।
 তাঁর বলে যুদ্ধে বীর, হেন লয় মতি ॥
 যাবৎ না হন ক্রুদ্ধ দেব হৃষীকেশ ।
 চল, ভালে ভালে প্রাণ লৈয়া যাই দেশ ॥
 ভীষ্ম বাহা বলিলেন, হইল বিদিত ।
 কুন্তীপুত্র পার্থ এই জানহ নিশ্চিত ॥
 অচল-পর্ব্বত-প্রায় দাঁড়াইয়া আছে ।
 কারো শক্তি নাহিক যাইতে তার কাছে ॥
 মনুষ্যেতে কার শক্তি বিধে হেন লক্ষ্য ।
 কার শক্তি নিবারয়ে এতেক বিপক্ষ ॥
 শরতের মেঘ যেন উড়ায় পবনে ।
 বড়-বড় রাজগণ ভঙ্গ দিল রণে ॥
 ভীষ্ম বলিলেন, দ্রোণ, যাইব কেমনে ।
 লক্ষ রাজা বেড়িলেক একই ব্রাহ্মণে ॥
 পরার্থে দ্বিজার্থে সাধু ত্যজয়ে জীবন ।
 হেনকথা নীতিশাস্ত্রে কহে সর্ব্বক্ষণ ॥
 সাক্ষাতে দেখিয়া ইহা যাইব কেমনে ।
 রাখিব ব্রাহ্মণে আজি মারি রাজগণে ॥

তোমাকেও হেন কর্ম্মে না চাহি আচার্য্য ।
 প্রাণপণে করে লোক স্বজাতি-সাহায্য ॥
 হের দেখ হীনাত্ম দুর্ব্বল দ্বিজগণ ।
 প্রাণপণে ধাইতেছে জাতির কারণ ॥
 দ্বিজ নহে, এ যদি সে কুন্তীর নন্দন ।
 কিরূপে সঙ্কটে রাখি করিব গমন ॥
 দ্রোণ কহে, একা পার্থ হয় ইথে ক্ষম ।
 বিশেষে বুঝিব আজি পার্থের বিক্রম ॥
 এই সে অর্জুন রণে করে পরাক্রম ।
 হের দেখ বন্ধু তার দুষ্কগণ-যম ॥
 মুহূর্ত্তেকে সবাকারে করিবে সংহার ।
 এইখানে রহিবারে ভদ্র নাহি আর ॥
 হের দেখ বেগে আসে হাতে তরুণবর ।
 অশ্ব কেহ নহে এই, বীর যুদ্ধোদর ॥
 জানি আমি ভালমতে ইহার চরিত ।
 নাহি পরাপর-জ্ঞান যুদ্ধে বিপরীত ॥
 পূর্ব্বের বালক বলি নাহি ভাব ভীমা ।
 পিতামহ বলিয়া না উপেক্ষিবে তোমা ॥
 জতুগৃহে পোড়াইলা, ক্রোধ আছে তাতে ।
 হের দেখ এইদিকে আসে গাছহাতে ॥
 চল শীঘ্র, নহিলে হইবে পরমাদ ।
 বৃক্ষবাড়ি খেতে বুঝি আছে তব সাধ ॥
 ভীষ্ম চলিলেন শুনি দ্রোণের বচন ।
 দুর্যোধন প্রভৃতি লইয়া সৈন্যগণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

১৭। ভীষের যুদ্ধে রাজপরিবারবিসের ভাস।

ভীষের ভৈরব-নাদ, ভয়ঙ্কর মুক্তি।

হাতে বৃক্ষ, যেন যুগ-অন্ত-সমবর্তী।

ভঙ্গ দিয়া রাজগণ খায় চতুর্ভিত।

মহারোল নগরে হইল অপ্রমিত।

হেনকালে আইল পুরের একজন।

দ্রৌপদীর আগে কহে করিয়া ক্রন্দন।

দেখ সৈন্যভঙ্গ যেন সিদ্ধ উৎখলিল।

নগরের ঘর-ঘার সকলি ভাঙ্গিল।

প্রাণ ল'য়ে দেশান্তরে গেল প্রজাগণ।

অন্তঃপুরে কি হইল, না জানি এক্ষণ।

ধনে-প্রাণে রাজ্য-দেশ সবার সহিত।

তোমার কারণে রাজা মজিল নিশ্চিত।

শুনিয়া কাতরা হৈলা দ্রুপদ-নন্দিনী।

জনকের ঠাঞি শীঘ্র পাঠায় কেশিনী।

যাহ শীঘ্র কেশিনি, জনকে গিয়া কহ।

তজ যুদ্ধ, আপনার কুটুম্ব রাখহ।

আপনার প্রাণ রাখ আর আজগণ।

দারা বধু রক্ষা কর, রক্ষ পরিজন।

আপনা রাখিলে তাত, সকলি পাইবা।

আমার লাগিয়া কেন সবংশে মজিবা।

যে-পণ করিয়াছিলা, হইল পূর্ণিত।

ভ্রাক্ষণ বিক্লিল লক্ষ্য সবার বিদিত।

মম ভাল-মন্দ এবে তোমায়ে না লাগে।

ভ্রাক্ষণের হইলাম, আছি তাঁর আগে।

যাহ শীঘ্র, না রহিও, আমার শপথ।

শুনিয়া দ্রৌপদী-বার্তা ব্যথিত দ্রুপদ।

পুত্রগণে আনি কহে সঙ্কর-বাণী।

যতেক কহিলা পাঠাইলা যাজ্ঞসেনী।

চলি যাহ পুত্রগণ, সংবরহ রণ।

এ-সৈন্য-সাগর কে করিবে নিবারণ।

সমান-সহিতে যে সংগ্রাম হুশোভন।

না শোভে পতঙ্গ-প্রায় অগ্নিতে মরণ।

বিশেষ না জানি অন্তঃপুর-ভদ্রাভদ্র।

সৈন্যগণ-কোলাহল প্রলয়-সমুদ্রে।

আপনার প্রাণ রাখ, রাখ পুরজন।

আমি হেথা রহি বিজ্ঞ-সাহায্য-কারণ।

যুদ্ধ করি প্রাণ আমি ত্যজি আপনার।

কৃষ্ণার যে-গতি আজি, সে-গতি আমার।

ধূক্‌ধূম্ন বলে, পিতা, যুখে নাহি লাজ।

ভগিনীকে ছাড়ি যাব সংগ্রামের মাঝ।

হেন প্রাণ রাখি আর কোন্ প্রয়োজন।

কোন্ লাজে দেখাইব লোকে এ-বদন।

যারি কিংবা মরি আজি, করিব সমর।

তুমি যাহ, রাখ গিয়া আপনার ঘর।

পুত্রের বচন শুনি বলয়ে দ্রুপদ।

কৃষ্ণা পাঠাইল বলি আপন শপথ।

যতদিন কৃষ্ণা হইয়াছে মম গৃহে।

কভু নাহি লজি আমি, কৃষ্ণা যাহা কহে।

বৃহস্পতি-সম-বুদ্ধি কৃষ্ণা শশিমুখী।

যাহার মন্ত্রণাবলে রাজ্যে আমি স্থখী।

কৃষ্ণা যে কহিলা যুদ্ধ করিতে বারণ।

তোমা-সবে যেতে কহি তখির কারণ।

ধূক্‌ধূম্ন বলিল, তোমরা যাহ ঘর।

কৃষ্ণার রক্ষণে আমি আছি একেশ্বর।

এত বলি প্রবোধি পাঠায় সবাকারে ।
 পুনঃ ধৃষ্টদ্বান্স গিয়া প্রবেশে সমরে ॥
 করিল অনেক যুদ্ধ কীচক-সংহতি ।
 গদাঘাতে ধৃষ্টদ্বান্সে করিল বিরথী ॥
 গদার প্রহারে তার লুপ্ত হৈল জ্ঞান ।
 হাত হৈতে খসিয়া পড়িল ধনুর্বাণ ॥
 নিরস্ত্র বিরথ হৈল দ্রুপদ-নন্দন ।
 দ্বিজগণ-মধ্যে পশি রাখিল জীবন ॥
 কান্দয়ে দ্রৌপদী তবে করিয়া বিলাপ ।
 না জানি যে কিবা হৈল, বৃদ্ধ মম বাপ ॥
 না জানি যে কিবা হৈল মাতৃ-ভ্রাতৃগণ ।
 বহু বিলাপিয়া দেবী করেন ক্রন্দন ॥

কৃষ্ণার রোদন দেখি কন ধনঞ্জয় ।
 কি-হেতু কান্দহু দেবি, কারে তব ভয় ॥
 কৃষ্ণা বলে, নিজ-ভরে নাহি করি তাপ ।
 মম হেতু সবংশে মজিল মম বাপ ॥
 পার্থ বলে, কি হইবে করিলে বিবাদ ।
 অভয়-পুরুষ হয় গোবিন্দের পাদ ॥
 এ-মহাবিপদ-সিদ্ধি তরিতে তরণী ।
 গোবিন্দকে স্মরণ করহ যাঙ্গসেনী ॥

অর্জুনের বাক্যে কৃষ্ণা স্মরে জগন্নাথ ।
 হে কৃষ্ণ, আপদ-হর্তা সবাকার তাত ॥
 তোমা-বিনা রাখে মোরে নাহি হেন জন ।
 আমারে বিপদে রক্ষা কর নারায়ণ ॥
 পিতা মাতা রাখ মোর, রাখ ভ্রাতৃগণে ।
 রাজ্য-দেশ রাখ মোর যত প্রজাগণে ॥
 তুমি মম সত্য পাল, আমি যদি সতী ।
 সবে জিনি মোরে ল'ক দ্বিজ মম পতি ॥
 দ্রৌপদীর আপদ জানিয়া জগন্নাথ ।
 নাহি ভয়, বলিয়া তুলিলা বামহাত ॥

দ্রৌপদীয়ে আশ্বাসি বাজান পাঞ্চজন্ম ।
 শব্দেতে নিঃশব্দ হৈল যত রিপুসৈন্য ॥
 যত যত্নগণে ডাকি বলেন গোবিন্দ ।
 এই দেখ অর্জুনে বেড়িল রাজবৃন্দ ॥
 সৈন্যগণ-গতায়াতে ভাঙ্গিল নগর ।
 যত্ন করি রাখ সবে পাঞ্চালের ঘর ॥
 শুনিয়া সাত্যকি গদ প্রচ্যুত সারণ ।
 গোবিন্দে চাহিয়া বলে করিয়া গর্জন ॥
 এই যদি ধনঞ্জয় কুন্তীর কুমার ।
 তুমি তার প্রিয়বন্ধু বলয়ে সংসার ॥
 এ-মহাসঙ্কট-মধ্যে পড়িয়াছে একা ।
 আর কোন্‌কালে তুমি হবে তার সখা ॥
 তুমি ক্ষমা কৈলে না ক্ষমিব আমি-সব ।
 মারিয়া ক্ষত্রিয়গণে রাখিব পাণ্ডব ॥
 এত বলি চলে সবে যুদ্ধ করিবারে ।
 প্রবোধিয়া বাহুবল রাখে সবারে ॥
 এতক্ষণে মারিতাম আমি রাজগণ ।
 যুদ্ধ করিবারে রাম করেন বারণ ॥
 রামের বচন কেবা লজ্জিবারে ক্ষম ।
 বিশেষে বুঝিব আজি অর্জুন-বিক্রম ॥
 ত্রিভুবন-লোক যদি হয় একত্রিত ।
 অর্জুনে জিনিতে নারে, কহিনু নিশ্চিত ॥
 অহুখী না হও কিছু অর্জুন-কারণ ।
 পাঞ্চাল-নগর গিয়া করহ রক্ষণ ॥

কৃষ্ণের বচনে যত যাদব-ভূপাল ।
 রক্ষা-হেতু গেল সবে নগর পাঞ্চাল ॥
 অস্ত্রশস্ত্রহাতে প্রতিঘরে প্রতিজন ।
 প্রজাগণে রক্ষিল নিবারি সৈন্যগণ ॥
 কুন্তীর বসতি কুন্তকার-কর্ণশাল ।
 রক্ষা-হেতু যান তথা শ্রীরাম-গোপাল ॥

মহাভারতের কথা শ্রুতাসিদ্ধমত ।
কাশীরাম কহে, সাধু পিয়ে অবিরত ॥

২৮। অর্জুনের সহিত দ্রৌপদীর কুন্তকারালয়ে
গমন ।

মুনি বলে, অবধান কর, জন্মেজয় ।
জিনিলা সকল সৈন্য ভীম-ধনঞ্জয় ॥
সমস্ত দিবস গেল, হৈল সন্ধ্যাকাল ।
ধীরে-ধীরে গেলেন ভার্গব-কর্ণশাল ॥
দৌহার পশ্চাতে চলে দ্রুপদ-নন্দিনী ।
মত্তহস্তি-পাছে যেন চলিল হস্তিনী ॥
চতুর্দিকে বেষ্টিত যতক দ্বিজগণ ।
কেমনে বাহির হৈব, চিন্তে ছুইজন ॥
কৃতাজলি হ'য়ে পার্থ বলে দ্বিজগণে ।
বিদায় হই যে আজি সবাকার স্থানে ॥
অর্জুনের বাক্য শুনি বলে দ্বিজগণ ।
এমত অপ্রিয় দ্বিজ, বল কি-কারণ ॥
তোমা-দৌহা-সঙ্গ না ছাড়িব কদাচন ।
না জানি কি করিবেক যত ক্ষত্রগণ ॥
নিশাকালে তোমা-দৌহে নিঃসখা দেখিয়া ।
দৌহে মারি দ্রৌপদীকে লইবে কাড়িয়া ॥
দৌহারে বেড়িয়া সবে থাকি চতুর্ভিতে ।
যাবৎ না শুনি, ক্ষত্র নাহি এ-দেশেতে ॥
পার্থ বলে, সে-ভয় না কর দ্বিজগণ ।
আজি যাহ, কালি সবে হইবে মিলন ॥
অনেক প্রকারে পুনঃ পুনঃ বুঝাইল ।
তথাপিহ দ্বিজগণ সঙ্গ না ছাড়িল ॥
দ্বিজগণমধ্যে ছিল ধৌম্য-তপোধনে ।
ডাকিয়া নিবৃত্তে কহে বত দ্বিজগণে ॥

কোথাকারে যাহ সবে এ-দৌহা-সংহতি ।
চিনিলে কি এই দৌহে হয় কোন্ জাতি ॥
কিবা দৈত্য, কিবা দেব, রাক্ষস-কিন্নর ।
কাহার তনয় দৌহে, কোন্ দেশে বর ॥
ইহার সংহতি তবে কোন্ প্রয়োজন ।
যথা ইচ্ছা, তথাকারে করুক গমন ॥
ধৌম্যবাক্য শুনি সবে ভীত হৈল মনে ।
দৌহাকার সংহতি ছাড়িল দ্বিজগণে ॥
দ্বিজগণমধ্যে বীর ধূমুচ্যুত ছিল ।
ভগিনীর মমতা সে ছাড়িতে নারিল ॥
গুপ্তবেশে পাছে-পাছে চলিল সংহতি ।
মেঘে ঘোর অন্ধকার কৃষ্ণপক্ষ-রাতি ॥
হেনকালে যুধিষ্ঠির সঙ্গে দুই-ভাই ।
যাইতে ভার্গব-গৃহে মিলেন তথাই ॥
হেথা কুন্তকার-গৃহে ভোজের নন্দিনী ।
সমস্ত দিবস গেল, আইল রজনী ॥
না দেখিয়া পুত্রগণে কান্দেন ব্যাকুলে ।
ক্ষণে উঠে, ক্ষণে বৈসে, ভাসে অশ্রুজলে ॥
এতক্ষণ না আইল কি-হেতু, না জানি ।
কার সহ হৃদয় ভীম করিছে আগনি ॥
চতুর্দিকে শুনি যে সৈন্যের কোলাহল ।
দ্বিজগণে মার-মার ডাকিছে সকল ॥
অনুকণ হৃদয়-বিনা ভীম নাহি জানে ।
আজি বুঝি বিরোধ করিল কারো সনে ॥
এইহেতু দ্বিজে কিবা মারে ক্ষত্রগণ ।
বহু বিলাপিয়া কুন্তী করেন রোদন ॥
হেনকালে উত্তরিল পঞ্চ-সহোদর ।
হৃদয়চিতে মায়েরে ডাকিছে বুকোদর ॥
আজি মাতা সারাদিন হুঃখ যে পাইলা ।
উপবাসে মহাক্লেশে দিন গোড়াইলা ॥

অনেক কলহ আজি হইল জননী ।
 সে-কারণে হৈল মাতা, এতেক রজনী ॥
 রাত্রিতে মিলিল ভিক্ষা, দেখ আসি মাতা ।
 কুস্তী বলে, বাঁটিয়া লহ রে পঞ্চভ্রাতা ॥
 তোমা-সবাকার বাক্য কর্ণে শুনি হুধা ।
 আনন্দ-সাগরে ডুবি গেল মম ক্ষুধা ॥
 আশ্ন রে সোনার চাঁদ, ওরে বাছাধন ।
 নিকটে এস রে, দেখি সবার বদন ॥
 এত বলি শীত্র কুস্তী হইয়া বাহির ।
 একে-একে চুম্বিলেন সবাকার শির ॥
 সবার পশ্চাতে দেখে দ্রুপদ-নন্দিনী ।
 পূর্ণশশধরমুখী গজেন্দ্র-গামিনী ॥
 তাঁরে দেখি কুস্তী জিজ্ঞাসেন পঞ্চহুতে ।
 কেবা এ-হুন্দরী দেখি সবার পশ্চাতে ॥
 ভীম বলে, জননি, এ দ্রুপদ-দুহিতা ।
 একচক্রা-নগরে শুনিলা যার কথা ॥
 ইহার কারণে বহু বিরোধ হইল ।
 তোমার প্রসাদে জয় সর্বত্র ঘটিল ॥
 এই ভিক্ষা-হেতু মাতা, হইল রজনী ।
 অম্বা ভিক্ষা করিলে মিলিত অন্নপানি ॥
 কুস্তী বলিলেন, শুন, কহি, পঞ্চভাই ।
 কহিলাম কি-কথা অগ্রেতে জানি নাই ॥
 কেন হেন বল পুত্র, কি-কর্ম করিলা ।
 কহ্যারে আনিয়া কেন ভিক্ষা যে বলিলা ॥
 ভিক্ষা জানি বলি, বাঁটি লহ পঞ্চজন ।
 কিমতে আমার বাক্য করিবে লজ্জন ॥
 বেদের সমান হয় মায়ের বচন ।
 এত কহি কুস্তীদেবী করে বিলাপন ॥
 তারপরে দ্রোপদীকে কুস্তী ধরি হাতে ।
 সুখিষ্ঠির-আগে কহে কান্দিতে-কান্দিতে ॥

সর্বধর্ম্মাধর্ম্ম তাত, তোমার গোচর ।
 শুনিয়াছ, আমি করিলাম যে উত্তর ॥
 পুত্র হ'য়ে মোর বাক্য লজ্জিবে কিমতে ।
 না লজ্জিলে বিপরীত হইবে শুনিতে ॥
 যেমতে লজ্জন নাহি হয় মম বাণী ।
 ধর্ম্মচ্যুতা নাহি হয় দ্রুপদ-নন্দিনী ॥
 বুঝিয়া বিধান তাত, করহ আপনি ।
 এত বলি কান্দে দেবী চ'ক্ষে বহে পানি ॥
 মায়ের বচন শুনি ধর্ম্মের নন্দন ।
 ব্যাসের বচন পূর্ব করিল শ্রবণ ॥
 একচক্রা-নগরে বলিলা ব্যাস-মুনি ।
 পূর্বের দ্বিজকন্যারে যে কৈলা শূলপাণি ॥
 পঞ্চস্বামী হবে তোর, না হয় খণ্ডন ।
 সেই কন্যা কৃষ্ণা-নামে জন্মিলা এখন ॥
 চিন্তিয়া বলিল মায়ে আশ্বাস-বচন ।
 তোমার বচন মাতা না হবে লজ্জন ॥
 অর্জুনের চিত্ত তবে বুঝিবার তরে ।
 অর্জুনেরে কহিলেন ধর্ম্ম-নৃপবরে ॥
 বড় কর্ম্ম করিলা, পাইলা বহুকষ্ট ।
 লক্ষ্য বিধি লক্ষ রাজা করিলা হে ভ্রষ্ট ॥
 বহুকষ্টে প্রাপ্ত হৈলে দ্রুপদ-নন্দিনী ।
 শুভকর্ম্মে বিলম্ব না করা ভাল মানি ॥
 ডাকাইয়া আনিয়া ধোম্যাদি দ্বিজগণ ।
 বিভা আজি কর ভাই, করি শুভকরণ ॥
 কৃতাজ্জলি হইয়া কহেন ধনঞ্জয় ।
 অবিহিত কি-হেতু বলহ মহাশয় ॥
 লোকে-বেদে নিন্দে যেই কর্ম্ম দুরাচার ।
 বিবাহ তোমার আগে হইবে আমার ॥
 প্রথমে তোমার হবে, ভীম তার পাছে ।
 অনন্তরে আমার, শাস্ত্রেতে হেন আছে ॥

পার্বাক্য শুনি ধর্ম হ'য়ে ছুটেন ।
 শিরে চুম্ব দিয়া করিলেন আলিঙ্গন ॥
 কুস্তকাংশলে যবে করেন প্রবেশ ।
 হেনকালে আইলেন রাম-হৃষীকেশ ॥
 মহাভারতের কথা অমৃত-সমান ।
 শুনিলে অধর্ম খণ্ডে, বৈকুণ্ঠে প্রয়াণ ॥

২২। কুস্তীর নিকটে রামকৃষ্ণের গমন ।

জন্মেজয় বলে, মুনি, তোমার প্রসাদে ।
 অপূর্ব-ভারত-কথা শুনি অগ্রমাদে ॥
 গোবিন্দের বড় কৃপা পিতামহগণে ।
 তারপর কি হইল শুনিব অবগণে ॥
 মুনি বলে, নরবর কর অবধান ।
 অপূর্ব ব্যাসের গাথা ভারত-আখ্যান ॥
 প্রণাম করিয়া দৌহে কুস্তীর চরণে ।
 আপনার পরিচয় দেন দুইজনে ॥
 শুনি শূরসেন-সুতা^১ দৌহে করি কোলে ।
 দৌহারে করান স্নান নয়নের জলে ॥
 কোথা ছিল তাত, মোর অঙ্কলার^২ নড়ি^৩ ।
 হাপুতির^৪ পুত^৫ তোরা, দরিদ্রের কড়ি ॥
 দ্বাদশ-বৎসর আজি মুখ নাহি দেখি ।
 অনুক্ষণ কান্দিয়া দুর্বল হৈল আঁখি ॥
 আজিকার রাত্রি মোর হৈল সুপ্রভাত ।
 দ্বাদশ-বর্ষের কষ্ট আজি গেল তাত ॥
 কহ তাত, সবার কুশল-সমাচার ।
 তোমার মায়ের আর আমার ভ্রাতার ॥
 দ্বাদশ-বৎসর হৈল নাহি দেখি শুনি ।
 কেবা মরে, কেবা জীয়ে, কিছুই না জানি ॥

নাহি জানি তোমার এতেক নিষ্ঠুরতা ।
 না জানি যে এতেক নির্দয় তোর পিতা ॥
 গহন-কাননে ভ্রমি আর কত দেশ ।
 দ্বাদশ-বৎসর কেহ না করে উদ্দেশ ॥
 কৃষ্ণ কহিলেন, দেবি, ত্যজ মনস্তাপ ।
 না ভুলিলে না খণ্ডে পূর্বের পাপাপাণ^৬ ॥
 গৃহদাহে মরিল, শুনিয়া এই কথা ।
 সাতদিন অন্ন-জল না ছুঁলেন পিতা ॥
 আমারে যে পাঠালেন বৃক্ষিতে কারণ ।
 বিদুরের স্থানে শুনিলাম বিবরণ ॥
 দ্বাদশ-বৎসর কষ্ট অরণ্যে পাইলে ।
 তোমা স্মরি তাত সদা ভাসে অশ্রুজলে ॥
 শত্রুভয়ে তোমার না অশ্বেষণ কৈলা ।
 মন-আত্মা তব প্রতি সদা পড়ি ছিলা ॥
 কিন্তু কি করিব, বল, বিধির লিখন ।
 কেহ নাহি পারে তাহা করিতে লঙ্ঘন ॥
 শোক না করহ দেবি, দুঃখ হইল শেষ ।
 কালি কিংবা পরশ চলহ নিজদেশ ॥
 কুস্তীরে প্রণাম করি যান ধর্মপাশ ।
 করপুটে প্রণমিয়া করেন সন্তাষ ॥
 শীত্র উঠি ধর্মহৃত করে আলিঙ্গন ।
 দৌহাকার অশ্রুজলে ভাসে দুইজন ॥
 স্নেহভরে দৌহারে না ছাড়ে দুইজন ।
 বহুকণ দৌহা-মুখে না সরে বচন ॥
 তবে পঞ্চভাই রাম-কৃষ্ণে সম্বোধিয়া ।
 যতেক পূর্বের কষ্ট কহেন বসিয়া ॥
 কহেন সকল কথা ধর্মের নন্দন ।
 জতুগৃহ যে-প্রকারে হইল দাহন ॥

বিদুরের মন্ত্রণাতে যেমতে উদ্ধার ।
 রাক্ষসের মুখে রক্ষা হৈল যে-প্রকার ॥
 বনে-বনে দেশে-দেশে তপস্বীর বেশ ।
 দ্বাদশ-বৎসর যত পাইলেন ক্লেশ ॥
 একে-একে কহেন সকল বিবরণ ।
 শুনি আশ্বাসিয়া বলে দেবকী-নন্দন ॥
 দুই ধৃতরাষ্ট্র, নষ্ট তার পুত্রগণ ।
 সমুচিত ফল তারা পাইবে এখন ॥
 যদি প্রীতে বাঁটিয়া না দেয় রাজ্যভার ।
 সকলে মিলিয়া তারে করিব সংহার ॥

যুধিষ্ঠির বলিলেন, দেব দামোদরে ।
 কিমতে জানিলা, যোরা কুন্তকার-ঘরে ॥
 কৃষ্ণ ক'ন, যে-কর্ম্ম করিল তব ভাই ।
 মনুষ্য করিবে হেন, ক্ষতিমাঝে নাই ॥
 বিনা-ভীমার্জুন অশ্রে করিতে না পারে ।
 সেই-সূত্রে জানিলাম, আছ এই ঘরে ॥

যুধিষ্ঠির বলিলেন, আজি সুপ্রভাত ।
 তেঞি আজি নয়নে দেখিষু জগন্নাথ ॥
 একমাত্র বড় ভয় হ'তেছে অন্তরে ।
 সবে জ্ঞাত হৈল, আমি কুন্তকার-ঘরে ॥
 বিশেষে তোমার হইয়াছে আগমন ।
 এ-সকল বার্তা পাছে শুনে দুর্ধ্যোধন ॥

গোবিন্দ বলেন, রাজা, ভয় কর কারে ।
 শত দুর্ধ্যোধন তোমা কি করিতে পারে ॥
 তিনলোক সহায় করিয়া যদি আসে ।
 মুহূর্ত্তেকে নিবারিব চকুর নিমিষে ॥
 সপ্তবংশ-সহ আমি যজ্ঞসেন-সখা ।
 সবারে করিবে জয় ভীমার্জুন একা ॥

যুধিষ্ঠির বলেন যে, তাহারে না গণি ।
 জ্যেষ্ঠতাত ধৃতরাষ্ট্রে বড় ভয় মানি ॥
 আজিকার রজনী বঞ্চিব এই দেশে ।
 যেই চিতে লয় কালি করিব দিবসে ॥
 এত বলি মেলানি^১ করিল দুইজনে ।
 বিদায় হইয়া যান রাম-নারায়ণে ॥
 ধৃষ্টদ্যুম্ন মহাবীর ক্রপণ-কুমার ।
 অন্তরালে থাকি শুনে সব সমাচার ॥
 কৃষ্ণ-সহ আসে যবে ভাই পঞ্চজন ।
 ভয়ীয়েহে পিছে-পিছে করিল গমন ॥
 সমস্ত দেখিল বীর থাকি অলক্ষিতে ।
 পিতারে জানাতে গেল ঘরিত-গতিতে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১০০। ক্রপণরাজের খেদ এবং ধৃষ্টদ্যুম্নের প্রবেশ ।

হেথা যজ্ঞসেন^২ রাজ যজ্ঞসেনী^৩-শোকে ।
 ভূমে গড়াগড়ি দিয়া কান্দে অধোমুখে ॥
 রাজারে বেড়িয়া কান্দে যত মন্ত্রিগণ ।
 পুত্রগণ কান্দে আর অন্তঃপুরজন ॥
 হেনকালে ধৃষ্টদ্যুম্ন উত্তরিল তথা ।
 রাজা বলে, একা দেখি, কৃষ্ণা মম কোথা ॥
 হরি হরি বিধি মোর কৈল হেন গতি ।
 অবহেলে হারাইনু কৃষ্ণা গুণবতী ॥
 কহ পুত্র, কৃষ্ণার কুশল-সমাচার ।
 কোথা গেল লক্ষ্যবেদ্ধা ব্রাহ্মণ-কুমার ॥
 একা ঘিজে বেড়েছিল যত রাজগণ ।
 কহ পুত্র, সংগ্রামে জিনিল কোন্ জন ॥

সর্বনাশ করিলেন ব্যাল মুনিবর ।
 তাঁর বাক্যে কৃষ্ণার হইল স্বয়ংবর ॥
 ধনুর্বাণ দিল লক্ষ্য করিয়া নির্মাণ ।
 বলিলেন, পার্থ-বিনা না পারিবে আন ॥
 মম কর্মদোষে মুনিবাক্য মিথ্যা হৈল ।
 কালে বিপরীত ফল আমাতে কলিল ॥
 কহ বাপু, কৃষ্ণা রাধি আইলা কোথায় ।
 কৃষ্ণা ছাড়ি কোন্ মুখে আইলা এথায় ॥
 হা কৃষ্ণা, হা কৃষ্ণা, মম প্রাণের তনয়া ।
 এত বলি পড়ে রাজা মূর্ছাগত হৈয়া ॥
 ধৃষ্টদ্যুম্ন বলে, আর না কান্দ রাজন্ ।
 সকল মঙ্গল রাজা, ত্যজ দুঃখমন ॥
 ব্যাসের বচন রাজা, কভু মিথ্যা নয় ।
 তোমার মানস পূর্ণ হইল নিশ্চয় ॥
 শুনি কহ-কহ বলি উঠিল রাজন্ ।
 কিমতে হইল সত্য ব্যাসের বচন ॥
 ধৃষ্টদ্যুম্ন বলে, অবধানে শুনি পিতা ।
 কহনে না যায় সেই ব্রাহ্মণের কথা ॥
 শতপুর করিয়া বেড়িল রাজগণ ।
 সবারে জিনিল সেই একক ব্রাহ্মণ ॥
 সহায় হইল তার এক দ্বিজ আর ।
 হুরাহুর-মাণুষ্যে সদৃশ নাই তার ॥
 হাতে বৃক্ষ এল, যেন বজ্রহস্তে ইন্দ্র ।
 ভঙ্গ দিয়া পলাইল যতেক নরেন্দ্র ॥
 এইমত যুদ্ধে ভাত, হইল রজনী ।
 দুইজন-সঙ্গে চলি গেলা যাক্সসেনী ॥
 এ-দৌহার সহ ভাত, আর তিনজন ।
 পথেতে ঘাইতে হৈল সবার মিলন ॥

ভার্গবের কাম্বেশাল-আশ্রয়ে আছিল ।
 পঞ্চজন মিলিয়া তথায় চলি গেল ॥
 স্ত্রী এক আছিল তথা পরমা হৃন্দরী ।
 তাঁর রূপে বিনা দীপে ঘর আলো করি ॥
 জননী হইবে তাঁর বুঝি অভিপ্রায় ।
 তিন-ভাই কৃষ্ণা-সহ রাখিয়া তথায় ॥
 তত রাত্রে গেল দৌড়ে ভিকার কারণ ।
 ভিক্ষা করি আনি দিল করিতে রন্ধন ॥
 রন্ধন করিলা কৃষ্ণা চক্ষুর নিমিষে ।
 মাতা তার সাদরে বলিল প্রিয়ভাবে ॥
 আশে-পাশে ভাকিয়া আইস পুত্রগণ ।
 উপবাসী অতিথি থাকয়ে কোনজন ॥
 অতিথিরে দিয়া যেই অবশেষ থাকে ।
 দুই-ভাগ করি কৃষ্ণা, বাঁটহ তাহাকে ॥
 একভাগ দেহ হের ইহার গোচর ।
 আর একভাগ কৃষ্ণা পঞ্চভাগ কর ॥
 চারিভাগ দেহ এই চারি-বিঘমানেরে ।
 একভাগ দ্রৌপদী, করহ দুই স্থানে ॥
 তুমি অর্দ্ধ লহ, মোরে দেহ অর্দ্ধ আনি ।
 সেইমত বাঁটিয়া দিলেক যাক্সসেনী ॥
 এত যদি পুনঃ পুনঃ জননী কহিল ।
 ক্রোধে এক দ্বিজ তবে মাতারে বলিল ॥
 এত রাত্রে অতিথিরে পাইব কোথায় ।
 ভুক্তিয়া থাকিবে কিংবা থাকিবে নিদ্রায় ॥
 আজিকার ভিক্ষা মাতা, অতিরেক্য নহে ।
 বিশেষে যুদ্ধের প্রমে পেটে অগ্নি দহে ॥
 আজিকার দিনে মাতা, অতিথি রহুক ।
 ভয়েতে জননী বলে, হউক হউক ॥

পুনঃ বলে অতিথির ভাগ দেহ মোরে ।
 কালি প্রাতে যত ইচ্ছা দিও অতিথিরে ॥
 দেহ দেহ বলি পুনঃ ডাকিল জননী ।
 সেইরূপে আনিয়া দিলেন যাক্সসেনী ॥
 গ্রাস-দুই-তিনে তাহা সকলি খাইল ।
 মণ্ডা আন, মণ্ডা আন বলি ডাক দিল ॥
 না পাইয়া মণ্ডা ক্রোধে কটাক্ষেতে চায় ।
 মনে হয়, দ্রৌপদীরে মারিলেক প্রায় ॥
 মণ্ডা না পাইয়া মনে জন্মে মহাক্রোধ ।
 ক্ষুধানলে তনু জ্বলে, না মানে প্রবোধ ॥
 মাতা বলে, তাত, আজি মোর দোষ খণ্ড ।
 নূতন রাক্ষসী আজি না রাখিল মণ্ডা ॥
 মায়ের বচনে বহুমতে শাস্ত হৈল ।
 ভোজন-শেষেতে তবে আচমন কৈল ॥
 ভোজন করিয়া চাহে শয়ন করিতে ।
 সবার কনিষ্ঠে বলে শয্যা পাতি দিতে ॥
 সবার উপরে শয্যা করিল মাতার ।
 পঞ্চভাতা-শয্যা কৈল পদনীচে তাঁর ॥
 সবার চরণতলে কৃষ্ণা শয্যা পাতি ।
 হুঁকা হৈয়া শুইল দ্রৌপদী গুণবতী ॥
 শুইয়া যে-সব তারা করিল কথন ।
 তাহে জানিলাম ছদ্ম^১, না হয় ব্রাহ্মণ ॥
 মহাভারতের কথা সুধার-সাগর ।
 কাশীরাম কহে, সদা শুনে সাধু নর ॥

১০১। ঋণদরাজপুত্র পাণ্ডবদিগকে আনয়ন ।

শুনিয়া ঋণদরাজ আনন্দিতমনে ।
 উঠি ঋষি রাত্রি পোহাইল জাগরণে ॥

পূর্বভিতে দেখি রাজা অরুণ-উদয় ।
 পুরোহিত-দ্বিজে কহে করিয়া বিনয় ॥
 কুন্তকারশালে তুমি যাহ শীত্ৰগতি ।
 পরিচয় লহ, তারা হয় কোন্ জাতি ॥
 রাজার পাইয়া আজ্ঞা চলিল ব্রাহ্মণ ।
 ব্রাহ্মণে দেখিয়া প্রণমিল পঞ্চজন ॥
 যুধিষ্ঠিরে চাহিয়া বলয়ে দ্বিজমণি ।
 সত্যশীল ধর্ম্য তুমি বুঝি অনুমানি ॥
 যাহা জিজ্ঞাসিব, নাহি করিবা ভণ্ডন ।
 পরিচয় ইচ্ছে তোমা ঋণদ-রাজন ॥
 ঋণদরাজের এই মানস আছিল ।
 দ্রৌপদী-কুমারী তাঁর যে-দিনে জন্মিল ॥
 কুরুবংশে পাণ্ডুরাজ সখা প্রিয়তর ।
 তাঁর পুজে কন্যা দিব, চিস্তিল অস্তুর ॥
 গৃহদাহে মাতৃসহ মৈল পঞ্চভাই ।
 সবে এই কথা কহে, প্রত্যয় না যাই ॥
 ব্যাসসহ যুক্তি করি লক্ষ্য কৈল পণ ।
 বিনা-পার্থে বিদ্বিতে নারিবে অন্যজন ॥
 এইহেতু মনে বড় আছয়ে সন্দেহ ।
 কে তুমি, কাহার পুত্র, পরিচয় দেহ ॥

ধর্ম্য কহে, পরিচয়ে কোন্ প্রয়োজন ।
 জাতির নির্ণয় নাহি, লক্ষ্য কৈলে পণ ॥
 সেই পণে এই কন্যা আনিল জিনিয়া ।
 এক্ষণে কি কাজ আর জাতি জিজ্ঞাসিয়া ॥
 পুরোহিত বলে, তাহা কে লজ্জিতে পারে ।
 পরিচয় দিয়া শ্রীত করহ রাজারে ॥

যুধিষ্ঠির বলে, গিয়া কহ নৃপবরে ।
 হীনজাতি-জন লক্ষ্য বিদ্বিতে কি পারে ॥

শুনি পুরোহিত গিয়া ঋপদে কহিল।

পরিচয় না পাইয়া নৃপতি চিন্তিল ॥

পুত্রগণসহ তবে বিচার করিয়া।

ছয়খানি রথ তবে দিল পাঠাইয়া ॥

পুত্রে পাঠাইল আগুসরি লইবারে।

রথ লৈয়া ধুষ্টদুস্ম গেল তথাকারে ॥

চিহ্ন জিনিবারে পথে ধুইল রাজনু।

পাশা-কৌড়া বেদবিদ্যা-পুরাণ-পঠন ॥

ধান্য যব নানাশস্য রাখে দুই-ভিতে।

ধনুকাদি নানা অস্ত্র তুণের সহিতে ॥

নট-নটী নৃত্য করে, বন্দী করে গান।

চারিভিতে স্তম্ভজিত অশ্ব-গজ-যান ॥

রথ লৈয়া ধুষ্টদুস্ম গেল শীঘ্রগতি।

সবিনয়ে বলে তবে ধর্মরাজ-প্রতি ॥

পাঠাইলা নরপতি পরম-আদরে।

কৃষ্ণাসহ পঞ্চভাই চল তথাকারে ॥

শুনি ধর্মরাজ নাহি বিলম্ব করিয়া।

পঞ্চভাই পঞ্চরথে চড়িলেন গিয়া ॥

আর রথে কৃষ্ণা-সহ ভোজের নন্দিনী।

বাজিল বিবিধ বাণ্য হুমঙ্গল-ধ্বনি ॥

দুই-ভিতে নানারত্ন ধুইল রাজনু।

কোনভিতে না চাহিল ভাই পঞ্চজন ॥

বিচারে জানিল যত পাত্রমিত্রগণ।

সামান্য না হয় এই ভাই পঞ্চজন ॥

তাঁহাদের কর্ম দেখি সবার বিশ্বয়।

লোকে বলে ছদ্ম-দ্বিজ, মনুষ্য এ নয় ॥

যথায় ঋপদভূপ রত্নসিংহাসনে।

বেষ্টিত হইয়া যত পাত্রমিত্রগণে ॥

তথা আসি উপস্থিত ভাই পঞ্চজন।

উঠিয়া আপনি রাজা কৈল সম্ভাষণ ॥

কুন্তীসহ দ্রৌপদীরে অন্তঃপুরে নিল।

নারীগণ হনুধ্বনি করিতে লাগিল ॥

মহাভারতের কথা শ্রবণে মঙ্গল।

কাশীরাম কহে, নর লভে পুণ্যফল ॥

১০২। যুধিষ্ঠিরকে ঋপদে পরিচয়-জিজ্ঞাসা।

বসিল ঋপদরাজ পুত্রের সহিত।

পাত্রমিত্রগণ আর দ্বিজ-পুরোহিত ॥

পঞ্চজন-মুখচন্দ্র করি নিরীক্ষণ।

হরষিত হ'য়ে তবে বলেন বচন ॥

কে তোমরা, কোথা বাস, কহ সত্যবাণী।

কে তব জনক বল, কে তব জননী ॥

মনুষ্য-লোকের প্রায় নাহি লয় মনে।

আকৃতি-প্রকৃতি দেব-তুল্য পঞ্চজনে ॥

রূপে পঞ্চজনেই না দেখি শ্রেষ্ঠাশ্রেষ্ঠ।

সবার সমান রূপ জ্যেষ্ঠ কি কনিষ্ঠ ॥

কিংবা ইন্দ্র চন্দ্র কাম অশ্বিনীকুমার।

ইহা-মধ্যে হবে, চিত্তে হ'তেছে আমার ॥

আর যত ধর্ম-কর্ম সত্যসম নহে।

মিথ্যা-সম পাপ নাহি সর্বশাস্ত্রে কহে ॥

সর্বধর্মার্থ ধর্ম তোমা-সবার গোচর।

কহ সত্য, খণ্ডুক মনের মতাস্তর ॥

এত শুনি বলেন ধার্মিক যুধিষ্ঠির।

সজল-জলদ যেন বচন গভীর ॥

মোরা পঞ্চ পাণ্ডুপুত্র, কর মন স্থির।

এই দোহে ভীষ্মার্জুন, আমি যুধিষ্ঠির ॥ ১০৩

এ নকুল সহদেব জানহ নৃপতি ।
 অন্তঃপুরে মাতা কুন্তী সহিত পার্শ্বতী ॥
 এত শুনি নৃপতির হইল উল্লাস ।
 আপনা পাসরে, মুখে নাহি সরে ভাষ ॥
 কদম্ব-কুম্ভ-সম রোমাঞ্চ শরীর ।
 হরিষে বিশ্বয়ে বহে ছ'নয়নে নীর ॥
 শীঘ্রগতি উঠি রাজা করে আলিঙ্গন ।
 একে-একে সম্ভাষিল ভাই পঞ্চজন ॥
 রাজা বলে, পূর্বভাগ্য আমার যে ছিল ।
 সেই ফলে মনের কামনা পূর্ণ হৈল ॥
 কহ, শুনি তাত, সেই-সব বিবরণ ।
 গৃহদাহে মৈলে সবে, কহে সর্বজন ॥
 যুধিষ্ঠির বলেন, সে গৃহদাহ নয় ।
 জৌগৃহ করিল পুরোচন পাশায় ॥
 বিদুরের মন্ত্রণায় তরিলু তাহাতে ।
 শুনিয়া দ্রুপদ-রাজ বলে ক্রোধচিতে ॥
 এত বড় নির্দয় সে অন্ধ-নৃপরাজ ।
 নাহি ধর্মভয়, নাহি লোকভয়-লাজ ॥
 ধর্ম্মেতে রাখিলা তোমা সে-সব সঙ্কটে ।
 মরিবেক পাণ্ডিগণ আপন কপটে ॥
 গৃহদাহে মৈল বলি কহে সর্বজন ।
 জৌগৃহ করিল বলি শুনি যে একণ ॥
 এ-সকল কষ্ট চিতে না ভাবিহ আর ।
 মম রাজ্য-ধন বাপু, সকলি তোমার ॥
 তবে কতক্ষণান্তরে বলয়ে বচন ।
 বিবাহ করহ পার্শ্ব, করি শুভক্ষণ ॥
 শুনিয়া করেন মানা ধর্ম্মের কুমার ।
 রাজা বলে, বাহা হয় বিচার তোমার ॥
 তুমি কিংবা বৃকোদর কিংবা ধনঞ্জয় ।
 কিংবা ছুইজন এই মাতীর তনয় ॥

যুধিষ্ঠির বলেন যে, মায়ের বচনে ।
 দ্রৌপদীকে বিবাহ করিব পঞ্চজন ॥
 যুধিষ্ঠির-বাক্য শুনি বিস্মিত নৃপতি ।
 অধোমুখ হৈয়া তবে নিরিখয়ে ক্ষিতি ॥
 কুন্তীপুত্র-শ্রেষ্ঠ তুমি, ধর্ম্ম-অবতার ।
 তুমি হেন বল, আমি কি বলিব আর ॥
 বহুপতি ধরে সতী, নাহি দেখি ক্ষিতি ।
 লোকে-বেদে নাহি শুনি স্ত্রীর বহুপতি ॥
 পূর্বের সাধুগণ সব যাহা নাহি করে ।
 সম্প্রতি ধার্ম্মিক সব তাহা না আচরে ॥
 এমত অদ্বুত-কথা কভু নাহি শুনি ।
 ইতরের প্রায় কেন কহ হেন বাণী ॥
 যুধিষ্ঠির বলিলেন, এ-কথা প্রমাণ ।
 পূর্ব-সাধুগণ-পথ কে করিবে আন ॥
 লোকে-বেদে যাহা কহে, জানিহ রাজন ।
 গুরুজন-বাক্য কভু না করি লঙ্ঘন ॥
 লোকমত কর্ম্ম রাজা, করিব সর্বথা ।
 কিন্তু গুরুজন-বাক্যে না করি অম্মথা ॥
 লোক-মধ্যে গুরু শ্রেষ্ঠ, গুরুতে জননী ।
 মাতৃবাক্য কেমনে লঙ্ঘিব নৃপমণি ॥
 মাতা মম গুরুদেব ইস্টদেব জানি ।
 মাতার বচন আমি বেদভুল্য মানি ॥
 মাতার বচন লঙ্ঘে যেই দুরাচার ।
 যতেক শ্রুতি-কর্ম্ম নিষ্ফল তাহার ॥
 যুধিষ্ঠির-বাক্য শুনি বিস্মিত দ্রুপদ ।
 অধোমুখ হ'য়ে বৈসে গগিয়া বিপদ ॥
 কতক্ষণে উত্তর করিল নরপতি ।
 নারিনু এ-বিধি দিতে, না আছে শক্তি ॥
 তুমি আর ধৃষ্টদ্যুম্ন পুরোহিত-সহ ।
 এ-কথা বিচার করি আমরা সে কহ ॥

মহাভারতের কথা শুধাসিদ্ধমত ।
কাশীরাম কহে, সাধু পিণ্ডে অবিরত ॥

১০৩। ঋপদরাজের নিকট মুনিগণের আগমন ।

অস্তুৰ্য্যামী সৰ্ব্বজ্ঞ যতক মুনিগণ ।
পাণ্ডব-বিবাহ-হেতু কৈলা আগমন ॥
শিষ্যসহ পরাশর মহাতপোবল ।
জমদগ্নি জৈমিনি ত্রীঅসিত দেবল ॥
কৌণ্ডমুনি মাণ্ডব্য ভার্গব জরদগ্ব ।
গৰ্গমুনি পৰ্ব্বত অগস্ত্য জলোদ্ভব ॥
তুৰ্ব্বাসা লোমশ আজিরস তপোধন ।
শিষ্য-ষষ্টি-সহস্রে আইল দ্বৈপায়ন ॥
যতক আইল মুনি, লিখনে না যায় ।
দ্বাগ্নী সব আসি দ্রুত দ্রুপদে জানায় ॥
শুনিয়া দ্রুপদরাজ শীত্ৰগতি উঠি ।
আগুসরি প্রণমিল ভূমে শির লুটি ॥
গললগ্নীকৃতবাসে করি সম্ভাষণ ।
বসিবারে সবে দিল উত্তম-আসন ॥
পাত্ত-অৰ্ঘ্য-ধূপ-দীপ-গন্ধে কৈল পূজা ।
যোড়হাতে দাঁড়াইল পাঞ্চালের রাজা ॥
আমার ভাগ্যের কথা কহনে না যায় ।
সে-কারণে মুনিগণ আইলা এথায় ॥
আছিল সন্দেহ এই বিবাহ-কারণ ।
বিধিদাতা সংসারে তোমরা সৰ্ব্বজন ॥
যে বিধান কহিবা, বিধান সেইমত ।
বিচারিয়া সব কথা দেহ অভিমত ॥
মুনিগণ বলে, শুন, ইহা কি কহিব ।
পূৰ্বে যে ধাতার সৃষ্টি, তাহা কি খণ্ডাব ॥

কৃষ্ণার বিবাহ-হেতু এই নিরূপণ ।
ঘটিবে যে পঞ্চপতি বিধির লিখন ॥
সুরভির শাপ আর পশুপতিবরে ।
পঞ্চপতি পাবে সতী কহিনু তোমারে ॥
মুনিগণ-মুখে শুনি এতেক বচন ।
মৌনী হৈয়া রহিলেন দ্রুপদ-রাজন ॥
দুষ্কৃত্যন্ন বলে, এ-ত নাহিক সংসারে ।
লোকে যাহা নাহি, তাহা করি কি-প্রকারে ॥
লোকনিন্দ্য-কৰ্ম্মে লোকে করে উপহাস ।
এমন নিন্দিত-কৰ্ম্মে কহ কেন ভাষা ॥
যুধিষ্ঠির বলিলেন, অন্য নাহি জানি ।
মায়ের বচন যে অধিক বেদবাগী ॥
মুনিগণ-মুখে শুনিয়াছি পূৰ্ব্ব-বাগী ।
জটিল ব্রাহ্মণ ছিল সৰ্ব্বশাস্ত্রজ্ঞানী ॥
যত বিজগণে তিনি করান পঠন ।
সৰ্ব্বশাস্ত্র বেদাগম গ্রন্থ ব্যাকরণ ॥
পড়াইয়া পিছে দেন এই উপদেশ ।
যত শাস্ত্র হৈতে শুন কহি সবিশেষ ॥
মাতার যে আজ্ঞা যত্নে করিবে পালন ।
না করিবে দ্বিধা, ইহা বেদের বচন ॥
লোক-বেদ হৈতে গুরু শ্রেষ্ঠ, আমি জানি ।
সৰ্ব্বগুরু হৈতে শ্রেষ্ঠ মানি যে জননী ॥
জননী আমারে আজ্ঞা দেন এইমত ।
পঞ্চজনে বাঁটি লহ অন্য-ভিক্ষা-মত ॥
ধৰ্ম্মাধৰ্ম্ম বলি তাহা কে বুঝিতে পারে ।
অধৰ্ম্মেতে আছে ধৰ্ম্ম, ধৰ্ম্মে পাপ করে ॥
অধৰ্ম্ম-কৰ্ম্মেতে মম মন নাহি রয় ।
এ-কৰ্ম্ম করিতে মম চিত্তে বড় লয় ॥

সে-কারণে বুঝি এই ধর্ম-আচরণ ।

১০৪ । দ্রৌপদীর পঞ্চস্বামী হইবার কারণ ।

বিশেষ খণ্ডিতে নারি মায়ের বচন ॥

অনন্তরে বলিতে লাগিল বৃকোদর ।

কার শক্তি লজ্জিবেক ধর্মের উত্তর ॥

বেদ-শাস্ত্র-লোক আমি সবার বাহির ।

আমা-সবাকার ধাতা কর্তা যুধিষ্ঠির ॥

আমরা না মানি শাস্ত্র, কিংবা অগ্রজনে ।

ধর্ম-আজ্ঞা পালন যে করি প্রাণপণে ॥

কে লজ্জিবে, যে আজ্ঞা করেন যুধিষ্ঠির ।

অনেক সহিষ্ণু এ-পাঞ্চাল-নৃপতির ॥

পুনঃ পুনঃ ধর্মবাক্য করেন হেলন ।

অন্যজন হৈলে আজি নিতাম জীবন ॥

সম্বন্ধে স্বশুর ইনি গুরুমধ্যে গণি ।

তাই ক্রোধানল শাস্ত হইল আপনি ॥

লোকে-বেদে বলে যদি, নহে ভীত মন ।

আজি হৈতে সর্বশাস্ত্রে করহ লিখন ॥

ধর্মপুত্র যুধিষ্ঠির যে-আজ্ঞা করিবে ।

কাহার আছয়ে শক্তি, কে তাহা দূষিবে ॥

হেনকালে শুনি কুন্তী হইল বাহির ।

কুতাজ্জলি বন্দে সব চরণ মূনির ॥

ব্যাসের চরণ ধরি সকরণে কয় ।

আমারে নিস্তার কর মিথ্যা-বাক্যে ভয় ॥

যেই বলে যুধিষ্ঠির, বল সেই কথা ।

যেমতে আমার বাক্য না হয় অন্যথা ॥

মুনি বলে, ত্যজ ভয়, না কর ক্রন্দন ।

অলঙ্ঘ্য তোমার বাক্য, না হবে লঙ্ঘন ॥

মহাভারতের কথা সুধার সাগর ।

কাশীরাম দাস কহে, শুনে সাধু নর ॥

ব্যাস বলে, সব তত্ত্ব জান মূনিগণ ।

শুনহ দ্রুপদরাজ পূর্ব-বিবরণ ॥

ত্রৈতাযুগে দ্বিজকন্যা আছিল দ্রৌপদী ।

পতিবাঞ্ছা করি শিবে পূজে নিরবধি ॥

রচিয়া মৃত্তিকা-লিঙ্গ নানাপুষ্প দিয়া ।

মৃত-মধু-উপচারে বাহ্য বাজাইয়া ॥

অবশেষে প্রণমিয়া পড়ি ক্ষিতিতলে ।

‘পতিং দেহি, পতিং দেহি’ পঞ্চবার বলে ॥

হেনমতে বহুকাল পূজয়ে মহেশ ।

তুষ্ট হৈয়া বর তারে দেন ব্যোমকেশ ॥

পঞ্চস্বামী হৈবে তোর পরম-সুন্দর ।

শুনিয়া বিস্ময় মানি কহে যোড়কর ॥

কেন হেন উপহাস কর শূলপাণি ।

লোক-বেদ-বহির্ভূত অপূর্ব-কাহিনী ॥

শঙ্কর বলেন, কহে, কি দোষ আমার ।

স্বামিবর তুমি যে মাগিলা পঞ্চবার ॥

অকারণে কেন কহে, করহ রোদন ।

কখনো খণ্ডন নহে আমার বচন ॥

হইবে তোমার স্বামী পঞ্চ-মহারথী ।

তথাপিহ ক্ষিতিমধ্যে বলাইবা সতী ॥

পৃথিবীতে যুধিবেক তোমার চরিত্র ।

তব নাম নিলে লোক হইবে পবিত্র ॥

এত বলি অন্তহিত হইলেন হর ।

গঙ্গাজলে গিয়া কহা ত্যজে কলেবর ॥

পুনঃ সেই কহা জন্মে কাশীরাজ্যে ।

সেই জন্মে পতিহীন যৌবন-সময়ে ॥

না হইল বিবাহ যৌবনকাল গেল ।

আপনারে তিরস্কারি তপ আরম্ভিল ॥

হিমাদ্রি-পর্বতে তপ করে অমুকুণ ।
 তপস্তা দেখিয়া চমৎকৃত দেবগণ ॥
 নিকটে আইলা সবে দেখিয়া অমুত ।
 ধর্ম ইন্দ্র পবন অশ্বিনীযুগ-সুত ॥
 জিজ্ঞাসিল কহে, তপ কর কি-কারণে ।
 এমত কঠোর তপ এ-নব-যৌবনে ॥
 স্বামী ইচ্ছি তপ যদি কর বরাননে ।
 যারে ইচ্ছা বর তুমি আমা-পঞ্চজনে ॥
 এত শুনি চাহে কন্যা পঞ্চজন-পানে ।
 সবার সমান-রূপ দেখিল নয়নে ॥
 কাহারে বরিব, হেন বলিতে নারিল ।
 অধোমুখ হৈয়া কন্যা নিঃশব্দে রহিল ॥
 কন্যার হৃদয়-কথা জানি পঞ্চজন ।
 পঞ্চজনে বর তারে দিলা ততক্ষণ ॥
 ত্যজ তপ, এই দেহ ত্যজ কন্যে, তুমি ।
 আর জন্মে আমরা হইব তব স্বামী ॥
 এত বলি অন্তহিত হৈলা দেবগণ ।
 তপস্তা করিয়া কন্যা ত্যজিল জীবন ॥
 সেই কন্যা তব গৃহে হইল দ্রৌপদী ।
 অযোনিসম্ভবা জন্ম লৈল যজ্ঞ ভেদি ॥
 ধর্ম বায়ু ইন্দ্র আর অশ্বিনী-যুগল ।
 পঞ্চ-অংশে জন্মিল পাণ্ডব-মহাবল ॥
 পাণ্ডবের হেতু কৃষ্ণা ধাতার সৃজন ।
 পূর্বের নির্বন্ধ ইহা, কে করে খণ্ডন ।
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ।

১০৫। দ্রৌপদীর পূর্ববৃত্তান্ত ।

অগস্ত্য বলেন, সত্য কহিলেন ব্যাস ।
 আমি যাহা জানি, শুন, কহি সে আভাষ ॥
 পুরাকালে যম এক যজ্ঞ আরম্ভিল ।
 যমের অহিংসা-হেতু প্রাণী না মরিল ॥
 মনুষ্যে পুরিল ক্ষিতি, দেবে ভয় হৈল ।
 সবে আসি ব্রহ্মারে সকলি নিবেদিল ॥
 শুনি ব্রহ্মা চলিলেন ল'য়ে দেবগণে ।
 যথা যজ্ঞ করে যম নৈমিষ-কাননে ॥
 ব্রহ্মারে দেখিয়া যম উঠি সম্ভাষিল ।
 কি-কর্ম করহ বলি ধাতা জিজ্ঞাসিল ॥
 সৃষ্টির উপরে আছে তব অধিকার ।
 পাপ-পুণ্য বুঝি দণ্ড দিবে সবাকার ॥
 তাহা ছাড়ি তুমি আসি যজ্ঞে দিলা মন ।
 যম বাক্য লজ্জিতেছ, ইহা বা কেমন ॥
 শুনিয়া কহেন যম করি ঘোড়পাণি ।
 অশক্ত হইনু এই কর্মে পদ্মযোনি ॥
 যত দেবগণ-মধ্যে আমি হৈনু চোর ।
 ত্রিভুবন-উপরে বিষয় দিলা মোর ॥
 ত্রৈলোক্যের রাজা হৈয়া দেব-পুরন্দর ।
 তিনি যজ্ঞ করিবারে পান অবসর ॥
 কুবের বরুণ যজ্ঞ ইচ্ছা কৈলে করে ।
 অবকাশ মুহূর্তেক নাহিক আমারে ॥
 এই কর্ম করিবারে না পারিব আর ।
 অন্য কোনজনে দেহ এই কার্যভার ॥
 না পারিব পাপ-পুণ্য করিতে নির্ণয় ।
 কার কত কাল আয়ু, নির্ণীত না হয় ॥

যমের বচনে স্তম্ভিত প্রজাপতি ।
সেইকালে কায় হৈতে করিল উৎপত্তি ॥
লেখনী দক্ষিণ-করে, তালপত্র বামে ।
জাতিতে কায়স্থ হৈল, চিত্রগুপ্ত-নামে ॥
যমেরে বলেন, তুমি রাখ সাথে এরে ।
যখন যা জিজ্ঞাসিবা, কহিবে তোমারে ॥
যাহার যে-কর্ম তুমি জানিতে পারিবে ।
ব্যথিরূপ হৈয়া তারে বিনাশ করিবে ॥
নিজ-নিজ কর্মফল ভুঞ্জিবে সংসার ।
তথাপি সবার 'পরে তব অধিকার ॥

ব্রহ্মার বচনে যম প্রবোধ পাইয়া ।
সঞ্জীবনী-পুরে যান যজ্ঞ সমাপিয়া ॥
যমে প্রবোধিয়া সবে যথাস্থানে চলে ।
যাইতে কনকপদ্ম দেখে গঙ্গাজলে ॥
সহস্র-সহস্র পুষ্প ভাসি যায় স্রোতে ।
দেখিয়া বিস্ময় হৈল সবাংকার চিতে ॥
অম্লান-কমলপুষ্প, গন্ধে মন মোহে ।
তদন্ত জানিতে ইন্দ্র ধর্মরাজে কহে ॥
ইন্দের আজ্ঞায় ধর্ম গেলা শীত্ৰগতি ।
বহুক্ষণ নাহি দেখি চিন্তে হ্রপতি ॥
তাহার পশ্চাতে বায়ু চলিল স্বরিত ।
তাহার বিলম্ব দেখি হইল চিন্তিত ॥
তাহার পশ্চাতে পাঠাইল দুইজন ।
চলি গেল শীত্ৰগতি অশ্বিনী-নন্দন ॥
হইল অনেকক্ষণ নাহি বাছড়িল ।
ইন্দ্র হ্রপতি তথা আপনি চলিল ॥
তদন্ত জানিতে তবে গেল হ্রপতি ।
হিমালয়ে গঙ্গাকূলে কান্দিছে যুবতী ॥

কনক-কমল হয় তার অশ্রুজলে ।
খরস্রোতে ভাসি যায় মন্দাকিনী-জলে ॥
কন্য়ারে দেখিয়া জিজ্ঞাসিল দেবরাজ ।
কে তুমি, কি-হেতু কান্দ, কহ নিজকাজ ॥
নয়ন কুরঙ্গ, বিশ্ব জিনিয়া অধর ।
নিধূম জ্বলন্তানল অঙ্গ মনোহর ॥
মুখ তব নিন্দে ইন্দ্র, মধ্যা যুগনাথে ।
চারু ভুরু, যুগ্ম-উরু নিন্দে হস্তিহাতে ॥
কি-কারণে আপনি কান্দহ একাকিনী ।
আমারে বরহ, যদি থাক বিরহিণী ॥

কন্যা বলে, আমি হই দক্ষের নন্দিনী ।
ছাড়িয়া সংসার-স্বথ জন্ম-তপস্বিনী ॥
মোরে হেন কহিতে তোমারে না যুয়ায় ।
পাপচ'ক্ষে চাহিলে অনেক কষ্ট পায় ॥
এইমত আমারে কহিল চারিজন ।
তা-সবার কষ্ট যত, না যায় কখন ॥

ইন্দ্র বলে, কহ তারা আছয়ে কোথায় ।
কন্যা বলে, যদি ইচ্ছা, আইস তথায় ॥
কন্যার সংহতি গেল দেব-পুরুষের ।
পর্বত-উপরে দেখে পুরুষ সুন্দর ॥
কেতকী বলিল, দেব, আমি তপস্বিনী ।
এ-জন আমারে বলে উপহাস-বাণী ॥

শিব বলিলেন, মুঢ়, না দেখে নয়নে ।
প্রতিফল ইহার পাইবা মম স্থানে ॥
এই গিরিবর তুমি তোলা পুরুষের ।
হরের আজ্ঞায় ইন্দ্র তোলে গিরিবর ॥
পর্বতের গহ্বরে হরের কারাগার ।
চরণে নিগড়ৎ বান্ধা আছয়ে সবার ॥

১। যমপুরীতে। ২। যমপুরী উদ্ধল আত্মনের ভার। ৩। কষ্ট (সিংহের কটকে নিশে)। ৪। বাতীর ভণ্ডকে।

৫। লোহার শিকল, বেড়ী।

ধর্ম বাহু অশ্বিনী-কুমার দুইজন ।
 চারিজনে দেখি ভীত সহস্রলোচন ॥
 করযোড়ে বহু স্তব করিলেন হরে ।
 তুষ্ট হৈয়া সদানন্দ বলেন তাঁহারে ॥
 তোমার স্তবেতে মোর হইল সন্তোষ ।
 তোমা-হেতু কমিলাম এ-চারির দোষ ॥
 বিষ্ণুর সদনে লৈয়া যাব তোমা-সব ।
 তাঁর আজ্ঞামত কর্ম করিবে বাসব ॥

এত বলি সবে লৈয়া যান ত্রিলোচন ।
 ধ্বংসোপে যথায় আছেন নারায়ণ ॥
 কহিলেন সকল কেতকী-বিবরণ ।
 শুনি করিলেন আজ্ঞা শ্রীমধুসূদন ॥
 ইন্দ্র পাইয়া তোর নাহি খণ্ডে লোভ ।
 মর্ত্যে জন্ম লৈয়া ভুঞ্জ, যত আছে ক্ষোভ ॥
 কক্ষফল অবশ্য ভুঞ্জয়ে, যাহা করি ।
 হইবে তোমার ভার্যা কেতকী-সুন্দরী ॥
 পঞ্চজন জন্ম লহ গিয়া নরযোনি ।
 কেতকী হইবে তোমা-পঞ্চের ভামিনী ॥
 তোমা-সবা-প্রীতিহেতু আমিও জন্মিব ।
 ছাপরে ক্ষত্রিয়-দর্প নিঃশেষ করিব ॥

এত বলি দুই কেশ দিলেন মাধব ।
 মহেশ চলিল সঙ্গ লইয়া বাসব ॥
 মাধবের কেশ লৈয়া আসিলা মহেশ ।
 শূর কৃষ্ণ দুই হৈলা রাম-ছবিকেশ ॥
 ক্রিতিভার-নাশহেতু পাণ্ডব-জনম ।
 সাক্ষাতে দেখহ রাজা, পঞ্চ-ইন্দ্রসম ॥
 সেই দেবী কেতকী হইলা যাজ্ঞসেনী ।
 শুনহ ঋপদ এই পূর্বের কাহিনী ॥

দ্রৌপদী-বিবাহে হৈল ঋপদ অধীর ।
 কাশী কহে, শিববরে পূর্বের আছে স্থির ॥
 মহাভারতের কথা অমৃত-সমান ।
 কাশীরাম কহে, সদা শুনে পুণ্যবান ॥

১০৬ । কেতকীর প্রতি হুরতীর অভিলাষ ।

ঋপদ কহিল, কহ, শুনি তপোধন ।
 কার কন্যা কেতকী, তাপদী কি-কারণ ॥
 কি-হেতু রোদন কৈল গজাভীরে বসি ।
 ইহার বৃত্তান্ত মোরে কহ মহাশয়ি ॥

অগস্ত্য বলেন, শুন তাহার কাহিনী ।
 সত্যযুগে ছিলা তেঁহ নক্ষের নন্দিনী ॥
 না করিল বিভা সে, সম্যাস-ধর্ম নিল ।
 হিমালয়-মন্দিরে শঙ্করে নিবেদিল ॥
 তোমার নিলয়ে আমি তপস্যা করিব ।
 তুমি আজ্ঞা দিলে আমি নির্ভয়ে থাকিব ॥
 হর বলিলেন, থাক এই গিরিবরে ।
 আমার নিকটে থাক, কি ভয় তোমায়ে ॥
 পুরুষ হইয়া তোমা যে করে সন্তোষ ।
 শীঘ্র তুমি তাহারে আনিবা মম পাশ ॥
 হরের আশ্বাস পেয়ে কেতকী রহিল ।
 একাসনে ধ্যানেন্তে জন্ম গোড়াইল ॥

দৈবে তথা একদিন আইল হুরতী ।
 পাছে পঞ্চযগু ধায় দেখি সেই গাভী ॥
 পঞ্চযগু ধায় এক হুরতীর পাছে ।
 যশে-যশে মহাযুদ্ধ কেতকীর কাছে ॥

যশোর গর্জনে কেতকীর ধ্যান ভাঙ্গে ।
 পঞ্চযশু দেখিল সে সুরভীর সঙ্গে ॥
 দেখিয়া কেতকী তবে ঈষৎ হাসিল ।
 কেতকী হাসিল, তাহা সুরভী জানিল ॥
 উপহাস বুঝিয়া হৃদয়ে হৈল তাপ ।
 ক্রুদ্ধ হৈয়া গোমাতা তাহারে দিল শাপ ॥
 নাহিক ইহাতে লজ্জা গরুজাতি আমি ।
 নরযোনি হ'য়ে তোর হবে পঞ্চস্বামী ॥
 পুনঃ পুনঃ জন্ম তোর হৈবে নরযোনি ।
 দুই-জন্ম বৃথা তোর যাবে বিরহিণী ॥
 তৃতীয় জন্মেতে হৈবে স্বামী পঞ্চজন ।
 লক্ষ্মী-অংশ পেয়ে হবে শাপ-বিমোচন ॥
 একজন-অংশে তারা হৈবে পঞ্চজন ।
 ভেদাভেদ নহিবেক সবে একমন ॥

কেতকী পুছিল তাঁরে করি যোড়হাত ।
 অল্পদোষে এত বড় শাপিলা নির্ঘাত ॥
 কতকালে হৈবে মোর শাপ-বিমোচন ।
 এক-অংশে কাহার হইবে পঞ্চজন ॥
 শাপ দিলা, তবে আমি চাহি জানিবারে ।
 ইহার তদন্ত মাতা, বলহ আমারে ॥
 সুরভী বলিল, শুন তাহার কারণ ।
 এক-ইন্দ্র-অংশেতে হইবে পঞ্চজন ॥
 ব্রতাসুর-নাম ঝুটী-মুনির নন্দন ।
 পরাক্রমে জিনিলেক সকল ভুবন ॥

সুররাজ রণে যবে তারে সংহারিল ।
 ঝুটী-মুনি মহাক্রোধে আগুন হইল ॥
 আজি সংহারিব ইন্দ্রে, দেখ সর্বজন ।
 নহে মোর তপোব্রত সবি অকারণ ॥
 ব্রহ্মঘাতী বিশ্বাসঘাতকী ছুরাচার ।
 কিমতে বহিছে ধর্ম এ-পাপীর ভার ॥
 ত্রিশিরস্ পুত্র মোর তপেতে আছিল ।
 অনাহারী মৌনব্রতী, কারে না হিংসিল ॥
 হেন পুত্রে মারে মোর দুই ছুরাচার ।
 বিশ্বাস জন্মায়ে তারে করিল সংহার ॥
 আজি দৃষ্টিমাত্রে ভস্ম করিব তাহারে ।
 এত বলি মুনিবর ধায় ক্রোধভরে ॥
 দুই-পাটি দস্ত ঘন করে কড়মড় ।
 সুরাসুর দেখিয়া পলায় উভরড় ॥

বায়ু বলিলেন, ইন্দ্র, নিশ্চিন্ত আছহ ।
 ক্রোধাশ্বিত ঝুটী-মুনি আইসে দেখহ ॥
 করে কর কচালে, উরুতে মারে চড় ।
 ক্ষিতি কাঁপে চলিতে, চরণ তড়বড় ॥
 দীঘল জটিল দাড়ি করে নড়বড় ।
 সঘনে গর্জয়ে যেন ঘন গড়গড় ॥
 নাসার নিঃশ্বাস যেন প্রায়ের ঝড় ।
 নেত্রানলে পোড়ে বন, শুনি চড়চড় ॥
 ঘন-ঘন জিহ্বা ধরি দিতেছে কামড় ।
 ভুজ্জে ঠেকি ভাঙ্গে বৃক্ষ শুনি মড়মড় ॥

১। ইনি ঝুটী-মুনির পুত্র; ইঁহার নাম বিশ্বরূপ । কোনও সময়ে ইন্দ্র বৃহস্পতিকে অপমানিত করিলে তিনি মনোহুঃখে ইন্দ্রকে পরিত্যাগ করেন । তাহাতে ইন্দ্র দৈত্যগণের উপদ্রবে স্বর্গভ্রষ্ট হইয়া শেষে ব্রহ্মার উপদেশে বিশ্বরূপকে পৌরোহিত্যে বরণ করেন এবং স্বর্গ পুনঃপ্রাপ্ত হন । ইনি যজ্ঞকালে তিনটি মন্তক ধারণ করিতেন বলিয়া ইঁহার নাম হয় ত্রিশিরাঃ । ইঁহার স্বাভাবিকরূপ দৈত্যবংশ ছিল । সেই স্বাভাবিকরূপের প্রতি ঐতিবশতঃ ইনি যজ্ঞকালে গোপনে তাহাদিগকে যজ্ঞাংশ দিতেন । ইন্দ্র তাহার এই অভ্যাস-কার্য্যে ক্রুদ্ধ হইয়া ইঁহার মন্তক ছেদন করেন ।

মম বাক্যে সুরপতি, বাহনে না চড় ।
 আগু হৈয়া অর্জুপথে পায়ে গিয়া পড় ॥
 দুই-হাতে বন্দি তাঁর চরণ ধরহ ।
 গলায় কুঠারি বান্ধি দস্তে খড় লহ ॥
 নতুবা পলাও শীঘ্র আইল নিয়ড় ৷
 রহিলে নাহিক রক্ষা, কহিলাম দড় ॥

শুনি ভয়ে ইস্র-আত্মা করে ধড়ফড় ।
 না ক্ষরে মুখেতে বাক্য হৈল যেন জড় ॥
 কোথায় লুকাব, হেন না দেখি আহড় ৷
 আত্মা কৈল আনিবারে যত হস্তী ঘোড় ॥
 ঐরাবত-আদি যত হস্তী বড়-বড় ।
 চতুর্দিকে বেড়িয়া রাখিল যেন গড় ॥
 স্বর্গার দেখিয়া ক্রোধ ইস্র পায় ত্রাস ।
 কোথা যাব, রক্ষা পাব গেলে কার পাশ ॥
 নিকটেতে ইস্রের আছিল চারিজন ।
 ধর্ম, বায়ু আর দুই অশ্বিনী-নন্দন ॥
 চারি-জনে চারি-আত্মা করিলেন দান ।
 অপর আত্মারে দিল নিজদেহে স্থান ॥
 এইরূপে স্বর্গা-মুনি হৈতে পেয়ে ডর ।
 পঞ্চাশি পঞ্চ-আত্মা কৈল পুরন্দর ॥

হেনকালে উপনীত স্বর্গা-মহাঋষি ।
 দৃষ্টিমাত্র পুরন্দরে কৈল ভস্মরাশি ॥
 ইস্রে ভস্ম করিয়া বলিল ইস্রাসনে ।
 আমি ইস্র বলিয়া ঘোষিল দেবগণে ॥

কেতকীর প্রতি তবে সুরভী বলিল ।
 হেনমতে ইস্র তবে পঞ্চাশি হৈল ॥
 সেই পঞ্চ-অংশ হৈতে হৈবে পঞ্চজন ।
 তুমি তার ভার্য্যা হৈবে, না হয় থগুন ॥

কেতকী বলিল, কহ, শুনি গো জননী ।
 কিমতে পাইল প্রাণ পুনঃ বজ্রপাণি ॥
 গাভী বলে, স্বর্গা ইস্রে করিয়া সংহার ।
 আপনি লইল স্বর্গে ইস্র-অধিকার ॥
 দেবগণ গিয়া তবে কহিল ব্রহ্মারে ।
 ইস্র-বিনা থাকিতে না পারি স্বর্গপুরে ॥
 ভাঙ্গিল ইস্রের সভা দেবের নগর ।
 নৃত্য-গীত নাহি করে অঙ্গরা-অঙ্গর ॥
 অনুক্ষণ হইল অম্বর-উপদ্রব ।
 এইহেতু রহিতে না পারিলাম সব ॥

এত শুনি ব্রহ্মা পাঠাইলা নারদে ।
 নারদ কহিল সব স্বর্গার গোচরে ॥
 ইস্রহ লইয়া মুনি, কর ইস্রকার্য্য ।
 ইস্র-বিনা উপদ্রুত হৈল স্বর্গরাজ্য ॥
 মুনি বলে, ইস্রহে কি মম প্রয়োজন ।
 জপ-তপ-ব্রতে মম যায় অনুক্ষণ ॥
 যাহার ইস্রহে ইচ্ছা, লউক সে-জন ।
 স্বর্গার এ-কথা শুনি বলে তপোধন ॥
 ইস্রেরে স্থজিল ধাতা স্থষ্টির কারণ ।
 ইস্র-বিনা ইস্রহ করিবে কোন্ জন ॥
 আপনি ইস্রহ যদি না করিবা মুনি ।
 ক্রোধ ত্যজি জিয়াইয়া দেহ বজ্রপাণি ॥
 বিধাতার স্থষ্টি রাখ, আমার বচন ।
 শুনিয়া স্বাকার করিলেন তপোধন ॥
 ইস্রভস্ম যাহা ছিল, অথৈ আনি দিল ।
 শাস্তদৃষ্টে চাহি স্বর্গা তাঁরে জীয়াইল ॥
 হেনমতে দেবরাজ পুনঃ পায় প্রাণ ।
 কহিলাম তোমাতে এ কথন পুরাণ ॥

এত বলি সুরভী গেলেন নিজ-স্থান ।
চিন্তিয়া কেতকী চিন্তে করিতেছে ধ্যান ॥
গঙ্গাতীরে বসি কান্দে পড়ে অশ্রুজল ।
তাহে জন্ম হয় দিব্য-কনক-কমল ॥

এতেক বলিতে স্বর্গে দুন্দুভি বাজিল ।
আকাশে থাকিয়া ডাকি দেবতা কহিল ॥
কহেন অগস্ত্য যাহা, কিছু নহে আন ।
পঞ্চ-পাণ্ডবের হেতু কৃষ্ণার নিশ্চয়ণ ॥
শীঘ্র কর শুভকর্ম, সুরপতি ডাকে ।
এত বলি পুষ্পবৃষ্টি করে ঝাঁকে ঝাঁকে ॥
ইন্দ্র পাঠাইয়া দিল দিব্য-আভরণ ।
কেয়ুর কুণ্ডল হার বলয় কঙ্কণ ॥
অম্মান-অশ্বর পারিজাত পুষ্পরাজ ।
চিত্ররথসহ দিল অঙ্গনা-সমাজ ॥

হেনকালে আইলেন রাম-নারায়ণ ।
হারকা-নিবাসী যত স্ত্রী-পুরুষগণ ॥
বিবাহ-মঙ্গল-দ্রব্য বহুদেব লৈয়া ।
স্ত্রীগণ-সহিতে এল গরুড়ে চড়িয়া ॥
আইল দেবকী-দেবী রোহিণী রেবতী ।
ক্লান্তিগী কালিন্দী সত্যভামা জাম্ববতী ॥
নাগজিহী মিত্রবৃন্দা ভদ্রা সুলক্ষণা ।
আর যত যছুনারী, কে করে গণনা ॥
নানারত্ন আনিল ভূষণ-অলঙ্কার ।
দশকোটি অশ্ব, দশকোটি রথ আর ॥
দশকোটি মাতঙ্গ, বৃষভ অগগন ।
উষ্ট্র-ধর-শকটে পূর্ণিত করি ধন ॥
সকলি দিলেন কৃষ্ণ ধর্মের নন্দনে ।
সে-সব রাখেন ভীম আনন্দিত-মনে ॥
মাড়ুলী-মাড়ুলে প্রণমনে পঞ্চজনে ।
একে-একে সস্তায়েন যত যছুগণে ॥

নিকটের রাজগণ পাইয়া বারতা ।
যৌতুক-সামগ্রী লৈয়া শীঘ্র এল তথা ॥
যারে যেই সম্ভাষ করিল সর্বজন ।
আদরে করিল পূজা দ্রুপদ-রাজন ॥
মহাভারতের কথা অপ্রমিত সুধা ।
কাশী কহে, পান কর, যাবে ভবক্ষুধা ॥

১০৭। পঞ্চপাণ্ডবের সহিত দ্রৌপদীর বিবাহ ।

মুনিগণ দেবগণ আইল সভায় ।
বিবাহের আজ্ঞা দিল পাঞ্চালের রায় ॥
পঞ্চভায়ে বসাইলা পঞ্চ-সিংহাসনে ।
হরিদ্রা-পিটালি-গন্ধ দিল প্রতিজনে ॥
পঞ্চ-তীর্থ-জল আনি স্নান করাইল ।
ইন্দ্রের ভূষণে সবে বিভূষিত হৈল ॥
বিবাহ-মঙ্গল-মত হইয়া সবেশ ।
রত্নবেদী-মধ্যস্থলে করিলা প্রবেশ ॥
সিংহাসনে বসাইল দ্রৌপদী-সুন্দরী ।
পঞ্চভায়ে সাতবার প্রদক্ষিণ করি ॥
পঞ্চজন-অগ্রে বেদীমধ্যে বসাইল ।
পঞ্চভাই-হস্তে-হস্তে বন্ধন করিল ॥
কৃষ্ণা-বাম-বৃদ্ধাঙ্গুলী যুধিষ্ঠির-হস্ত ।
তর্জনীতে বৃকোদর, মধ্যাঙ্গুলে পার্থ ॥
নকুল অনামাঙ্গুলে, কনিষ্ঠে কনিষ্ঠ ।
ক্রমে পঞ্চজনে কৃষ্ণা করাইল দৃষ্ট ॥
দুন্দুভি-নিবাসে নৃত্য করে বিজ্ঞাধরী ।
হলাহলী মঙ্গল করয়ে নরনারী ॥
পাঞ্চজন্ম বাজান আপনি নারায়ণ ।
লক্ষ-লক্ষ শঙ্খ বাজে, বায়ু অগগন ॥
কল্যাণ করিল যত দেব-ঋষিগণ ।
ষিজেরে দক্ষিণা দিল, না যায় লিখন ॥

হেনমতে সম্পূর্ণ করিয়া শুভকার্য ।
 প্রভাতে চলিয়া গেল যে যাহার রাজ্য ॥
 মুনিগণ দ্বিজগণ গেল নিজস্থান ।
 দ্বারাবতী চলিলেন রাম-ভগবান্ ॥
 পথে যেতে বিদুরে স্মরিল যদুমণি ।
 পাণ্ডবের বার্তা দিতে গেলেন আপনি ॥
 কৃষ্ণে দেখি বিদুর আনন্দজলে ভাসে ।
 পাণ্ড-অর্থ্য দিয়া তাঁরে পূজিল বিশেষে ॥
 দ্বাদশ-বৎসর হেথা নাহি গতায়ত ।
 বড় ভাগ্য, কি-হেতু হস্তিনা জগন্নাথ ॥
 কহ, কিছু জান যদি পাণ্ডবের বার্তা ।
 কোন্ দেশে কোন্ রূপে আছে তারা কোথা ॥
 মরিল বাঁচিল কিছু না জানি তদন্ত ।
 কেবল ভরসা এই, সবে ধর্মবস্ত ॥
 হা হা কুন্তী, হা হা ধর্মপুত্র যুধিষ্ঠির ।
 তোমা না দেখিয়া আছে এ-পাপশরীর ॥
 এত বলি বিদুর পড়িল মুচ্ছা হৈয়া ।
 দুই-হাতে ধরি কৃষ্ণ বসান তুলিয়া ॥
 হাসিয়া বিদুরে তবে কহে জগন্নাথ ।
 ভাল বার্তা লহ তুমি হৈয়া খুল্লতাত ॥
 পাণ্ডবের বিবাহ যে ত্রৈলোক্য জানিল ।
 একলক্স রাজা দলবলে এসেছিল ॥
 কালি রাত্রে বিবাহিতা হৈলা যাক্ষসেনী ।
 পঞ্চ-পাণ্ডবের ভার্য্যা তিনি একাকিনী ॥
 আমিও ছিলাম সব-কুটুম্ব-সংহতি ।
 শুভকর্ম সমাপিয়া যাই দ্বারাবতী ॥
 শুনিয়া বিদুর বড় আনন্দিত হৈয়া ।
 গোবিন্দ-চরণ বন্দে ভ্রমে লোটাইয়া ॥

এ-কথা এক্ষণে হরি, না কহিও আর ।
 শুনি ছুটলোকে পাছে করে কুচিচার ॥
 হাসিয়া বলেন কৃষ্ণ, ডরহ কাহারে ।
 সবে পলাইয়া এল পাণ্ডবের ডরে ॥
 ভীমার্জুন-পরাক্রম অতুল তুলে ।
 একলক্স নৃপতি জিনিল অবহেলে ॥
 বিদুরে প্রবোধি চলি গেলা ভগবান্ ।
 বিদুর স্মরিত গেল ধৃতরাষ্ট্র-স্থান ॥
 বিদুর বলেন, আজি শুভরাত্রি হৈল ।
 দ্রুপদ-নন্দিনী কৃষ্ণা কুরুকুলে এল ॥
 এইমাত্র শুভবার্তা পেয়ে আমি আজ ।
 আপনারে জানাতে আইলুম মহারাজ ॥
 ধৃতরাষ্ট্র শুনি কহে আনন্দে বিভোর ।
 আগুসরি আন গিয়া পুত্রবধু মোর ॥
 নানারত্ন ফেল দুর্ঘ্যোধনে নিছিয়া ॥
 আগুসরি আন কৃষ্ণা রতনে ভূষিয়া ॥
 বিদুর বলিল, রাজা, হেথা বধু কোথা ।
 যুধিষ্ঠিরে বরিলেক দ্রুপদ-দুহিতা ॥
 ধৃতরাষ্ট্র শুনি যেন শেল বাজে বৃকে ।
 ততোধিক ভাগ্য বলি বলে রাজা মুখে ॥
 দুর্ঘ্যোধন হইতে অধিক যুধিষ্ঠির ।
 শুভবার্তা শুনি ছুট হইল শরীর ॥
 কহ, শুনি বিদুর, আছয়ে তারা কোথা ।
 কার ঠাঞি পাইলা হে এ-সব বারতা ॥
 বিদুর বলেন, কৃষ্ণা কৈল লক্ষ্যপণ ।
 লক্ষ্য বিক্ষিলেক রাজা, ইন্দ্রের নন্দন ॥
 তব মুখে শুনি কথা আনন্দ অপার ।
 বিদুর কহিছে মন বুঝিয়া রাজার ॥

কল্যাণেতু বহু দ্বন্দ্ব কৈল রাজা সব ।
 ভীমার্জুন করিল সবারে পরাভব ॥
 মুনিগণ দেবগণ একত্রে হইয়া ।
 পঞ্চভাই পাণ্ডবে কৃষ্ণারে দিলা বিয়া ॥
 যদুবংশসহ গিয়াছিলেন ত্রীপতি ।
 কহি বার্তা আমারে গেলেন ঝারাবতী ॥
 এত বলি বিদুর গেলেন নিজস্থান ।
 অধোমুখে অন্ধরাজ মনে করে ধ্যান ॥
 মহাভারতের কথা অমৃত-সমান ।
 কাশীরামদাস কহে, শুনে পুণ্যবান ॥

১০৮ । পাণ্ডবদিগের বিবাহ-বার্তা শ্রবণ করিয়া
 দুর্যোধনাদির যন্ত্রণা ।

বার্তা শুনিবার পর তৃতীয় দিবসে ।
 ভগ্নদণ্ড দুর্যোধন উত্তরিল দেশে ॥
 যাবার সময়ে গেল দশ-অকৌহিনী ।
 পঞ্চ-অকৌহিনী-সহ এল নৃপমণি ॥
 কারো রথে নাহি ধ্বজা, দস্তী দস্ত-কাটা ।
 কেহ ক্ষতপদাদি কুবুজ বোঁচা হুঁটা ॥
 কারো মুখে নাহি কথা, মুখ অতিমান ।
 নাহিক চামর-ছত্রে, নাহিক নিশান ॥
 বাপের চরণে গিয়া নমস্কার কৈল ।
 আপীর্বাদ করি অন্ধ বার্তা জিজ্ঞাসিল ॥
 কহ তাত, সুখিষ্ঠির-সহিত মিলিলা ।
 ছলাছলি করিয়া সম্প্রীতে বিয়া দিলা ॥
 কিরূপে পাণ্ডবসহ হইল মিলন ।
 আইল কি তব সঙ্গে পাণ্ডুপুত্রগণ ॥

শুনি দুর্যোধন-কর্ণে লাগে চমৎকার ।
 লক্ষ্যবেষ্টা দ্বিজ নহে, পাণ্ডুর কুমার ॥

কর্ণ বলে, কি-কথা কহিলা মহাশয় ।
 হেন বাক্য কি-মতে ক্ষুরিত মুখে হয় ॥
 আমার পরম-শত্রু পাণ্ডুর নন্দন ।
 জানিলে কি আমি, জীয়ে ভাই পঞ্চজন ॥
 ছদ্ম দ্বিজবেশ ধরি ভাগিল আমারে ।
 দ্বিজবধ ভয় করি ক্ষমিলাম তারে ॥
 জানিতাম যদি, তবে মারিতাম প্রাণে ।
 পাণ্ডুপুত্র ব'লে শুনি তোমার বদনে ॥
 দুর্যোধন বলে, ইহা জানিব কেমনে ।
 এতকাল জীয়ে আছে পাণ্ডুপুত্রগণে ॥
 ধিক্-ধিক্ পুরোচন, মৈল ভালে পুড়ি ।
 কি করিল কার্য্য, লজ্জা দিল ক্ষতি যুড়ি ॥
 এক্ষণে কি হইবেক ইহার উপায় ।
 শিয়রে বসিল শত্রু শমনের প্রায় ॥
 এই সন্নিকটে যদি উপায় নহিবে ।
 পশ্চাতে ইহার জন্ত অনর্থ ঘটবে ॥
 লোক পাঠাইয়া দেহ দ্রুপদের স্থানে ।
 নিভূতে কহুক গিয়া পাঞ্চাল-রাজনে ॥
 সহস্রেক রথ দিব, সহস্রেক হাতী ।
 অর্দ্ধরাজ্য ভোগ কর আমার সংহতি ॥
 সখ্য হৈবে তব পুত্র ধৃষ্টদ্যুম্ন-সহ ।
 আমার পরম-শত্রু পাণ্ডবে মারহ ॥
 নতুবা পাঠাই যে স্বরূপা নারীগণ ।
 রহুক পাণ্ডব-সহ, করুক কথন ॥
 দ্রৌপদীরে তাদের হউক অনাদর ।
 তবে ক্রোধ করিবে দ্রুপদ-নরবর ॥
 নহে হৃদয়েদী বিজে পাঠাই তথায় ।
 পঞ্চভাই-মধ্যে ভেদ বাহাতে ঘটায় ॥
 পঞ্চভাই-মধ্যে যদি বিচ্ছেদ করিব ।
 কোন্ হার পাণ্ডুপুত্র, নিমিষে ক্ষমিব ॥

নতুবা যাউক এক অন্তঃপুর-লোক ।
কাঁচুক সবার অগ্রে কহি পূর্বশোক ॥
তবে তারে পাণ্ডুপুত্র করিবে বিশ্বাস ।
বিষ দিয়া বৃকোদরে করুক বিনাশ ॥
ভীম-বিনা পাণ্ডবেরা হইবে অনাথ ।
কর্ণযুদ্ধে কে যাইবে অর্জুনের সাথ ॥

দুর্যোধন-বচন শুনিয়া কর্ণ বলে ।

কিছু নাহি লাগে চিন্তে, যতেক কহিলে ॥
রাজ্য-রত্নে দ্রুপদের লোভ জন্মাইবে ।
ত্রৈলোক্য পাইলে সে না পাণ্ডবে ত্যজিবে ॥
একে ত জামাতা আর দ্বিতীয়ে বনিষ্ঠ ।
একণে কি দ্রুপদের আছে পূর্বদৃষ্ট ॥
হৃহস্তেদৌ দ্বিজ দ্বারা কি করিতে পারি ।
ভেদ না হইল পঞ্চস্বামী একনারী ॥
ভীমেরে মারিতে পারে আছে কোন্ জন ।
কত না করিলা, গৃহে আছিল যখন ॥
বিষ দিলা, নানাযন্ত্রে গর্ত খনি ছিলা ।
অবশেষে জতুগৃহে দাহন করিলা ॥
করিলা অনেক চেষ্টা, কি-ফল তাহার ।
একণে হইল তার অনেক সহায় ॥
নারীগণ কি করিবে পাণ্ডবের ঠাই ।
কটাক্ষেও পরস্ত্রী ঐ দেখে পঞ্চভাই ॥
যতেক উপায় বল, নাহি লয় মনে ।
বিনা দ্বন্দ্ব সাধ্য নহে পাণ্ডুর নন্দনে ॥
যাবৎ না আইসেন কৃষ্ণ যত্নবলে ।
যাবৎ না পায় বার্তা নৃপতি-সকলে ॥
রজনীর মধ্যে গিয়া নগর বেড়িব ।
সপুত্র-দ্রুপদ-সহ পাণ্ডবে মারিব ॥

কর্ণের বচন শুনি অন্ধ-নৃপথর ।

‘সাধু সাধু’ বলিয়া প্রথমে বহুতর ॥

এ-বিচার করিতে তোমারে বোধ্য দেখি ।
তবু ভীম বিদূর দ্রোণেরে আন ডাকি ॥
সে-সবার মত দেখি, কি করে যুক্তি ।
এত বলি সবারে আনিল শীত্রগতি ॥
মহাতারতের কথা অমৃত-সমান ।
কানীরাম কহে, সাধু সদা করে পান ॥

১০১। ভীম, দ্রোণ ও বিদূরের সঙ্-বুদ্ধিদাম ।

রাজার আদেশে এল যত মন্ত্রিগণ ।

ভীম দ্রোণ কৃপাচার্য্য দ্রোণের নন্দন ॥
ভুরিভ্রবা সোমদত্ত বাহুবীক বিদূর ।
কুলে শীলে বুদ্ধিবলে খ্যাত তিনপুর ॥
ধৃতরাষ্ট্র বলে, অবধান জ্যেষ্ঠতাত ।
শুনি যে পাণ্ডব জীয়ে আছে কুন্তী-সাথ ॥
এতকাল কোথা ছিল লুকাইয়া, কেন ।
কিছু ত ইহার আমি না বুঝি কারণ ॥
হেন বুঝি চিন্তে, প্রায় আমারে আক্রোশ ।
আমি সে-সবার স্থানে নাহি করি দোষ ॥
তবে কেন গুপ্তবেশে পাঞ্চালে থাকিয়া ।
বিভা কৈল পঞ্চভাই মোরে না বলিয়া ॥
কহ, কি করিব এবে বিধান ইহার ।
শুনিয়া কহেন তারে গঙ্গার কুমার ॥

তব পুত্রাধিক তোমা সেবে ত পাণ্ডব ।

তুমি ভায় পুত্রাধিক করিতে গৌরব ॥
কি বুঝি হইল তব, না জানি কারণ ।
পাঠালে বারণাঘতে পাণ্ডুপুত্রগণ ॥
না জানি, তথায় কিবা কৈল পুরোচন ।
জতুগৃহে দগ্ধ কৈল, বলে সর্বজন ॥
ত্রিভুবন যুড়ি মম অকীৰ্তি হইল ।
আপনি থাকিয়া ভীম এতেক করিল কল্ল

যদবধি জভুগৃহ হইল দাহন ।
 তোমা-পানে নাহি চাহি মেলিয়া নয়ন ॥
 জননী-সহিত জীয়ে পাণ্ডুর কুমার ।
 ইহার অধিক রাজা, কি ভাগ্য তোমার ॥
 অপযশ অধর্ম সকলি তব গেল ।
 তোমার পূর্বের ধর্ম উদিত হইল ॥
 এক্ষণেতে এই কর্ম করহ রাজন ।
 পাণ্ডুপুত্রগণ-সঙ্গে করহ মিলন ॥
 আমি একা নাহি বলি সবার বিচার ।
 যথা তুমি, তথা পাণ্ডু-নৃপতি আমার ॥
 যথা কুন্তী, তথা বধু গান্ধার-নন্দিনী ।
 যথা যুধিষ্ঠির, তথা দুর্যোধনে গণি ॥
 ইথে ভেদাভেদে ভদ্র নাহিক রাজন ।
 পাণ্ডুপুত্র-সহ তব দ্বন্দ্ব কি-কারণ ॥
 তার পিতা পাণ্ডু ছিল পৃথিবীর রাজা ।
 তাহার সকল সৈন্য-রাজ্য-ধন-প্রজা ॥
 সে জীয়েন্তে তাহারে ত্যজিবে কোন্ জন ।
 তব হিত-হেতু তাই বলি হে রাজন ॥
 অর্দ্ধরাজ্য দিয়া কর পাণ্ডবেরে বশ ।
 পৃথিবী যুড়িয়া রাজা, হৈবে তব যশ ॥
 কীর্তি রাখ, নরপতি, কীর্তি বড় ধন ।
 হতকীর্তি অভাজন জীয়েন্তে মরণ ॥
 রহুক নৃপতি, কীর্তি যাবৎ ধরণী ।
 যত পূর্ব-দোষ খণ্ডিবেক নৃপমণি ॥

ভীষ্মের বচন-অন্তে বলিলেন গুরু ।

সর্বগুণবান তুমি যেন কলতরু ॥
 আপনার হিতাহিত বিচার-কারণ ।
 মৃতরাষ্ট্রে আনিয়াছে যত মন্ত্রিগণ ॥
 সে-কারণে হিতকথা চাহি কহিবার ।
 শুনহু কজ্রিয়গণ, মম এ-বিচার ॥

ধর্ম অর্থ যশঃ শ্রেয়ঃ সবার কল্যাণ ।
 সব কহিলেন গঙ্গাপুত্র মতিমান ॥
 এক্ষণেতে এই কর্ম করহ তুপাল ।
 প্রিয়বদ-জনে এক পাঠাহ পাঞ্চাল ॥
 বিবাহ-সামগ্রী লৈয়া মঙ্গল-বাজন ।
 নানা-অলঙ্কার-দ্রব্য করিয়া সাজন ॥
 দ্রৌপদীকে তুমিবে বিবিধ অলঙ্কারে ।
 নানারঙ্গে তুমিবেক পঞ্চ-সহোদরে ॥
 পুনঃপুনঃ সন্তোষিয়া কুন্তীরে কহিবে ।
 পূর্ব-দুঃখ স্মরি যেন ক্লান্ত না হইবে ॥
 দ্রুপদ-রাজের জন্ম দেহ বহুধন ।
 প্রত্যক করিবে তাহা পাণ্ডুপুত্রগণ ॥
 হেনজনে পাঠাহ সুশীল সত্যবাদী ।
 পাণ্ডব তোমাতে যেন না হয় বিবাদী ॥

ভীষ্ম-দ্রোণ যদি বাক্য এতেক বলিলা ।

ক্রোধমুখে বৈকর্তন উত্তর করিলা ॥
 ভাল মন্ত্রী আনিলা মন্ত্রণা করিবারে ।
 সবাই শত্রুর অংশ, খ্যাত এ-সংসারে ॥
 মুখেতে সুহৃদু তব, অন্তরেতে আন ।
 যা কহিল, বুঝহ করিয়া অনুমান ॥
 ধন-জন-সম্পদ এ-সবার ভিতরে ।
 সবাকারে দিয়াছ, না দিয়াছ কাহারে ॥
 তথাপি পাণ্ডব-অংশ, তোমার আহিত ।
 জিহ্বায় অন্তর-বার্তা হ'তেছে বিদিত ॥
 রাজা হৈয়া যেই-জন আপনা না বুঝে ।
 দুর্ভিক্ষ-মন্ত্রণাতে সবংশেতে মজে ॥

শুনি ক্রোধে বলে ভরষাজের কুমার ।

ওরে দুই, শুনি, কহ তোর কি-বিচার ॥
 কলহ করিতে প্রায় চাহ সব-সহ ।
 নিকট বাজহু প্রায় যেতে যমগৃহ ॥

ভালমতে জানি আমি তোর বীরপণা ।
 দেখিল পাঞ্চালরাজ্যে তাহা সর্বজননা ॥
 লক্ষরাজ-সহ একা বেড়িলি অর্জুনে ।
 পলাইয়া গেলি, তেঞি রহিলি জীবনে ॥
 হেন-জন-সহ ঘন্ব চাহ করিবারে ।
 তোর মত নির্লজ্জ না দেখি এ-সংসারে ॥
 কিমতে কহিব আমি এমত বিচার ।
 মহাক্ষয় হইবে যাহে, সবার সংহার ॥

এত শুনি বলিলা বিদুর মহামতি ।
 কি-হেতু নির্বাক হৈয়া আছ নরপতি ॥
 আপনি না বুঝ কেন করিয়া বিচার ।
 ভীষ্ম-দ্রোণ-সম কেবা হিতার্থী তোমার ॥
 এ-দৌহার সম গুণী কেবা ভূমণ্ডলে ।
 বিচারে অমর-গুরু, তেজে আখণ্ডলে ॥
 ধর্ম্মেতে সাক্ষাৎ ধর্ম্ম, ত্রিভুবনে খ্যাত ।
 শীলতায় পূর্ব্বে যেন ছিল রঘুনাথ ॥
 তব মন্দ ভীষ্ম কভু মুখে নাহি ভাসে ।
 সর্বদা তোমার হিত সর্বলোকে ঘোষে ॥
 এ-দৌহার বাক্য চৈলে ছুট অধোগামী ।
 কি-কারণে উত্তর না দেহ রাজা, তুমি ॥
 ভীষ্ম-দ্রোণ যা বলেন, সবার স্বীকার ।
 ইহা না করিয়া চাহ কি করিতে আর ॥
 কলহ করিতে বুঝি চাহ নরপতি ।
 কে যুঝিবে তব পক্ষে অর্জুন-সংহতি ॥
 এই কর্ণ-দুর্যোধন স্বদৈশ্য-সংহতি ।
 পাঞ্চালেতে ছিল আরো লক্ষ নরপতি ॥
 সবারে করিল জয় পার্শ্ব একেশ্বর ।
 শুনিয়া থাকিবে যাহা কৈল বুঝোদর ॥
 অত্রহীন বৃক্ষ ল'য়ে প্রবেশিয়া রণ ।
 একলক্ষ নৃপদৈশ্য করিল মথন ॥

একণে সহায় হৈবে সেই রাজগণ ।
 সশস্ত্র করিবে যুদ্ধ ভাই পঞ্চজন ॥
 সহায়-সর্বস্ব যার মন্ত্রী বিশ্বপতি ।
 আর যত যদুগণ বৈসে দ্বারাবর্তী ॥
 মাতুল-নন্দন বলভদ্র সখা যার ।
 শ্বশুর-দ্রুপদ-সহ যতেক কুমার ॥
 বিশেষে তোমার দেখ যত রথিগণ ।
 ভালমতে জান কিবা সবাংকার মন ॥
 আমি জানি সবে হৈবে পাণ্ডব-সহায় ।
 ঘন্ব ইচ্ছা কর তুমি কার ভরসায় ॥
 আর বার্তা তুমি নাহি জান নরপতি ।
 রাজ্যের যতেক লোক করয়ে যুক্তি ॥
 পাণ্ডুপুত্র জীয়ে আছে শুনিয়া শ্রবণে ।
 সবাই বাসনা করে সদা মনে-মনে ॥
 সবে ইচ্ছা করে, রাজা, যুধিষ্ঠিরে পতি ।
 তার সহ ঘন্ব ভদ্র নাহি মহামতি ॥
 সহজে এ-শিশুগণ, কি জানে বিচার ।
 মম বাক্য শুন রাজা, হিত যে তোমার ॥
 জতুগৃহে পোড়াইলা, লজ্জিত অন্তরে ।
 সব দোষ গেল পুরোচনের উপরে ॥
 প্রিয়বাক্যে হেথায় আনহ পাণ্ডুহৃতে ।
 যুচিবেক লজ্জা, যশ যুঝিবে জগতে ॥
 বিদুরের বচনেতে ধৃতরাষ্ট্র বলে ।
 যা বলিলা বিদুর, আমার মনে নিলে ॥
 পাণ্ডবে প্রবোধে, হেন নাহি অশ্রুজন ।
 আপনি বিদুর, তুমি করহ গমন ॥
 এতেক বলিলা যদি অন্ধ-নরপতি ।
 শুনিয়া সে সভাজন হৈল হস্তমতি ॥
 মহাভারতের কথা অমৃত-লহরী ।
 কানীরাবদাস কহে, শুনি ভবে তরি ॥

১১০। হস্তিনায় পাণ্ডব আনিতে বিহুরের
পাঞ্চাল-গমন।

কণমাত্র বিহুর না বিলম্ব করিল।
বহু ধনরত্ন লৈয়া পাঞ্চালে চলিল ॥
একে-একে সবাকারে সম্ভাষে বিহুর।
কুন্তীসহ বসিয়াছে যত অন্তঃপুর ॥
দ্রৌপদীয়ে ভূমিল বিবিধ অলঙ্কারে।
নানারত্নে ভূষিলেক পঞ্চ-সহোদরে ॥
বিহুরে দেখিয়া বড় হরিষ ঋপদ।
সূর্যের উদয়ে যেন ফুটে কোকনদ ॥
পঞ্চভায়ে দেখিয়া বিহুর-মহাশয়।
আনন্দে নয়ন-জলে ভাসিল হৃদয় ॥
বিহুর-চরণে প্রণমিল পঞ্চজন।
কুশল জিজ্ঞাসা কৈল যত বন্ধুগণ ॥
বিহুর কহিল যত কুশল-সংবাদ।
একে-একে জ্ঞানাল সবার আশীর্বাদ ॥
বিহুরে লইয়া তবে ঋপদ-রাজন।
মিষ্টান্ন-পকান্নে তাঁরে করান ভোজন ॥
ভোজনান্তে সর্বলোক বসিল সভাতে।
ঋপদে বিহুর তবে লাগিল কহিতে ॥
পাণ্ডবে বরিল রাজা, তোমার নন্দিনী।
বড় আনন্দিত হৈল ধৃতরাষ্ট্র শুনি ॥
তোমা হেন বন্ধু রাজা, বড় ভাগ্যে পায়।
সে-কারণে সম্ভাষিতে পাঠান আমায় ॥
বহু কহিলেন ভীষ্ম গঙ্গার নন্দন।
তোমা-সহ সম্বন্ধেতে শ্রী ত হৈল মন ॥
প্রিয়সখা তোমা-করিয়া আলিঙ্গন।
পুনঃপুনঃ বৈলা ভরষাজের নন্দন ॥

বহুদিন দেখি নাহি পাণ্ডুপুত্রগণে।
সবাই উষ্মি বড় এই সে কারণে ॥
গান্ধারী প্রভৃতি যত কুরুকুল-নারী।
দেখিবারে উত্তরোল তোমার কুমারী ॥
পাণ্ডবেরা বহুদিন হ'য়েছে হাবাস'।
দীর্ঘদিন নাহি বন্ধুগণের সম্ভাষ ॥
আমারে ত এইমত কহে নরপতি।
যাইতে পাণ্ডবগণে আপন-বসতি ॥
ঋপদ বলিল, ভাগ্য আমার আছিল।
কুরু-মহাবংশ-সহ কুটুম্বিতা হৈল ॥
যা বলিল বিহুর, সে মোর মনোনীত।
পাণ্ডবের নিজগৃহে যাইতে উচিত ॥
জ্যেষ্ঠতাত ধৃতরাষ্ট্র জনক-সমান।
তাঁর সেবা পাণ্ডবের হয় ত বিধান ॥
ভয় আছে তথা যদি, হেন কর মনে।
তোমা-সবে বিরোধিবে বল কোন্ জনে ॥
তথাপিহ নহে আর হস্তিনায় স্থিতি।
থাণ্ডবপ্রস্থেতে গিয়া করহ বসতি ॥
ঋপদের বচন শুনিয়া পঞ্চজন।
মাতৃসহ বিদায় হ'লেন ততক্ষণ ॥
রথে চড়ি গেলেন দ্রৌপদী-সমস্থিত।
হস্তিনানগরে যান বিহুর-সহিত ॥
পাণ্ডব হস্তিনা আসে, শুনি প্রজাগণ।
বাল-বৃদ্ধ-যুবা ধায় দর্শন-কারণ ॥
লজ্জা-ভয় ত্যজি ধায় কুলের যুবতী।
উজ্জ্বাসে চলি যায় নারী গর্ভবতী ॥
যষ্টি-ভর করিয়া চলিল যত বুড়ী।
পাণ্ডবেরে দেখিতে করয়ে হুড়াহুড়ি ॥

পঞ্চ-ভাই গেলেন যেখানে জ্যেষ্ঠতাত ।
একে-একে তাঁহারে করেন প্রণিপাত ॥
কুন্তীসহ অন্তঃপুরে গিয়া যাজ্ঞসেনী ।
একে-একে সম্ভাষেন কৌরব-রমণী ॥

তবে ধৃতরাষ্ট্র বলে ভাই পঞ্চজনে ।
হস্তিনা-বসতি তব নহে স্থশোভনে ॥
থাণ্ডবপ্রস্থেতে যাহ পঞ্চ-সহোদর ।
অৰ্দ্ধরাজ্য ভোগ কর ইন্দ্রের সোসর ॥

শুনি যুধিষ্ঠির করিলেন অঙ্গীকার ।
থাণ্ডবপ্রস্থেতে সবে কৈলা আগুসার ॥
পাণ্ডবের আগমন জানি যদুবর ।
বলভদ্র-সঙ্গে যান হস্তিনানগর ॥
ধৃতরাষ্ট্র যে বলিলা পাণ্ডবের প্রতি ।
থাণ্ডবে রহিতে কৃষ্ণ দেন অনুমতি ॥
বলভদ্র জনাৰ্দ্দন পঞ্চ-সহোদর ।
শুভক্ৰমে করিলেন আরম্ভ নগর ॥
প্রাচীর হইল উচ্চ আকাশ-সমান ।
চতুর্দিকে গড়খাই সমুদ্র-প্রমাণ ॥
উচ্চ উচ্চ মন্দির করিল মনোরম ।
কিবা সে অমরাবতী-ভোগবতী'-সম ॥
প্রাচীর-উপরে সব অস্ত্র পূর্ণ কৈল ।
ভক্ষ্য-ভোজ্য-পদাতিক-প্রজাগণ খুল ॥

কুবের-ভাণ্ডার জিনি পুরাইল ধন ।
শুল্কবর্ণে সর্বগৃহ বিচিত্র শোভন ॥
বেদজ্ঞ ব্রাহ্মণগণ কজ্র-বৈশ্য-জাতি ।
নগরের মধ্যে সবে করিল বসতি ॥
পাঠক লেখক বৈদ্য চিকিৎসক-জন ।
সদেগোপ বণিক-জাতি যত শ্রেয়গণ ॥

বসিল সকল লোক নগর-ভিতরে ।
পাণ্ডব-নগরে বৈসে, ইন্দ্রে নাহি ডরে ॥
স্থানে-স্থানে নগরে রোপিল বৃক্ষগণ ।
পিল্ললী কদম্ব আত্ম পনস কাঞ্চন ॥
জম্বীর পলাশ তাল তমাল বকুল ।
নাগেশ্বর কেতকী চম্পক রাজফুল ॥
পাটলি খদির বেল বদরী করবী ।
পারিজাত আমলকী পর্কটি মাধবী ॥
কদলী গুবাক নারিকেল স্থখর্জুর ।
নানাবিধ বৃক্ষ শোভে যেন হরপুর ॥
স্থানে-স্থানে খোদাইল দীঘি-পুষ্করিণী ।
জলচর-পক্ষিগণ সদা করে ধ্বনি ॥
দ্বিতীয় ইন্দ্রের পুর দেখি স্থশোভন ।
ইন্দ্রপ্রস্থ নাম রাখিলেন নারায়ণ ॥
পাণ্ডবেরে স্থাপি তথা হলধর-হরি ।
বিদায় লইয়া যান ষারকানগরী ॥
পাণ্ডবের রাজ্যপ্রাপ্তি শুনে যেই-জন ।
স্থানভ্রষ্ট স্থান পার, দারিদ্র্য-খণ্ডন ॥
আদিপর্ব ভারতের ব্যাস-বিরচিত ।
পাঁচালী-প্রবন্ধে কাশীরাম গায় গীত ॥

১১১। হৃৎ-উপস্থলের বিবরণ ও পাণ্ডবদের জৌপদী-
সম্বন্ধে নিয়ম-নির্ধারণ ।

জন্মেজয় বলে, মুনী, কর অবধান ।
শুনিবারে ইচ্ছা বড় ইহার বিধান ॥
পঞ্চ-ভাই এক-স্রোতে কিমতে চলিল ।
বিভেদ নাহিল, দিন কিমতে বঞ্চিল ॥

মুনি বলে, নরপতি, শুন সাবধানে ।
ইন্দ্রপ্রস্থে গেল যবে ভাই পঞ্চজনে ॥
কতদিনে হইল নারদ-আগমন ।
কৃষ্ণা-সহ পাণ্ডব পূজিল শ্রীচরণ ॥
করষোড় করি দাণ্ডাইলা ছয়জন ।
বসিবারে আজ্ঞা মুনি দিলেন তখন ॥

নারদ বলেন, শুন পাণ্ডুর নন্দন ।
এক-পত্নী-পতি যে তোমরা পঞ্চজন ॥
ভাই-ভাই বিভেদ করিয়া থাক পাছে ।
স্ত্রী-হেতু বিরোধ হয়, পূর্বের হেন আছে ॥
হৃন্দ-উপহৃন্দ বলি দুই ভাই ছিল ।
নারী-হেতু দুই ভাই যুদ্ধ করি মৈল ॥
যুধিষ্ঠির বলিলেন, কহ মুনিবর ।
কি-হেতু করিল যুদ্ধ দুই মহোদর ॥

নারদ বলেন, পূর্বের কশ্যপ-নন্দন ।
হিরণ্যকশিপু হিরণ্যাক্ষ দুইজন ॥
নিরুস্ত অশ্বর হিরণ্যাক্ষ-দৈত্যবংশে ।
হৃন্দ-উপহৃন্দ দুই তাহার ঔরসে ॥
মহাবল দুই ভাই মহাকলেবর ।
অশ্বরকূলেতে শ্রেষ্ঠ মহাভয়ঙ্কর ॥
দুই ভাই এক-বাক্য একই জীবন ।
তিলেক বিচ্ছেদ নাহি হয় ত কখন ॥
দুইজনে মিলি তবে যুক্তি কৈল সার ।
তপোবলে করিব ত্রৈলোক্য অধিকার ॥
বিক্রমহীধরে গিয়া তপ আরম্ভিল ।
অনেক বৎসর বায়ু-আহারে রহিল ॥
অনাহারে বহু তপ কৈল দুইজন ।
যতেক কঠোর কৈল না যায় গণনা ॥
দৌহার কঠোর তপ দেখি পিতামহ ।
ডাকিয়া বলেন, মনোমত বর লহ ॥

দুই ভাই বলে, বিধি, করহ অমর ।
বিরিঞ্চি বলেন, দৌহে মাগ অশ্ববর ॥
দুই ভাই বলে, মোরা অশ্ব নাহি চাই ।
তবে তপ ত্যজি, যবে এই বর পাই ॥
বিধাতা বলেন, জন্ম হইলে মরণ ।
মরণ-বিধান কিছু কর দুইজন ॥
দৈত্য বলে, পরহস্তে নহিবে মরণ ।
পরম্পর ভেদ হৈলে হইবে নিধন ॥

স্বস্তি বলি বর দিয়া গেলেন বিধাতা ।
হৃন্দ-উপহৃন্দ গেল, নিজগৃহ যথা ॥
ত্রৈলোক্য জিনিতে সৈন্তে সাজিল অশ্বর ।
নানাবিধ অস্ত্র লৈয়া গেল হরপুর ॥
অমর জানিল, ব্রহ্মা দিয়াছেন বর ।
ছাড়িয়া অমরাবতী হইল অন্তর ॥
বিনা-যুদ্ধে পলাইয়া গেল দেবগণ ।
ইন্দ্রপুরে ইন্দ্র স্ব করিল দুইজন ॥
যক্ষ-রক্ষ-গন্ধর্ব্ব জিনিল নাগালয়ে ।
সবে পলাইয়া গেল দুই-দৈত্যভয়ে ॥
যজ্ঞ হোম ত্রুত আর দ্বিজ-মুনিগণ ।
একে-একে উচ্ছিন্ন করিল দুইজন ॥
দেবকন্যা নাগকন্যা অঙ্গরা কিম্বরী ।
ত্রৈলোক্যে পাইল যত অপূর্ব্ব-হৃন্দরী ॥
সে-সবারে ধরিয়া আনিল নিজঘরে ।
যখন যাহারে ইচ্ছা, তখনি বিহরে ॥
যে-দেবের যে বাহন-ভূষা-অলঙ্কার ।
সর্ব্বরঙ্গে পূর্ণ কৈল আপন-ভাণ্ডার ॥

স্থান-ভ্রষ্ট হৈয়া যত দেব-ঋষিগণ ।
ব্রহ্মাকে সকলে গিয়া কৈল নিবেদন ॥
শুনিয়া কণেক ব্রহ্মা চিন্তিত-হৃদয় ।
বিশ্বকর্মা-প্রতি কহিলেন মহাশয় ॥

মনোহরা নারী এক করহ সৃজন ।
 ভুলনা না হয় যেন এ-তিন ভুবন ॥
 সেইক্ষণে বিশ্বকর্মা মহাবিচক্ষণ ।
 বিধাতার আজ্ঞা পেয়ে করিল সৃজন ॥
 ত্রৈলোক্য-ভিতরে যত রূপবস্ত ছিল ।
 সর্বরূপ হৈতে রূপ তিল-তিল নিল ॥
 অপূর্ব-সুন্দরী নারী করিয়া রচন ।
 ব্রহ্মার অগ্রেতে লৈয়া দিল ততক্ষণ ॥
 যে-সব দেবতা সেই কন্যা-পানে চাহে ।
 যেই অঙ্গ পড়ে দৃষ্টি, সেই অঙ্গ রহে ॥
 ব্রহ্মা বলিলেন, নাহি এ-রূপের সীমা ।
 তিল-তিল আনি কৈল, নাম তিলোত্তমা ॥
 তবে করযোড়ে কন্যা ধাতা-অগ্রে কয় ।
 কি করিব, আজ্ঞা মোরে কর মহাশয় ॥
 বিরিঞ্চি বলেন, সুন্দ-উপসুন্দ শূর ।
 তপোবলে দুই দৈত্য নিল তিনপুর ॥
 ভেদ হৈলে দুই ভাই হইবে সংহার ।
 উপায় করিয়া ভেদ করাহ দৌহার ॥
 পাইয়া ব্রহ্মার আজ্ঞা চলিল সুন্দরী ।
 দেবমণ্ডলীকে কন্যা প্রদক্ষিণ করি ॥
 কন্যা দেখি মোহিত হইল ত্রিলোচন ।
 চারিভিতে চারিগোটা হইল বদন ॥
 যেইদিকে চায়, মুখ সেইদিকে রয় ।
 পূর্বসহ পঞ্চমুখ হৈলা মৃত্যুঞ্জয় ॥
 মদনে পীড়িত হৈয়া চাহে পুরন্দরে ।
 দশশত চক্ষু হৈল তাঁর কলেবরে ॥
 আর যত দেবগণ একদৃষ্টে চায় ।
 ধৈর্য্যহারা হৈল সবে দেখিয়া কন্যায় ॥

দেবগণ বলে, শ্রদ্ধা, কার্য্য-সিদ্ধ হৈবে ।
 ইহারে দেখিয়া কোন্ জন না ভুলিবে ॥
 তবে তিলোত্তমা গেল যথা দুইজন ।
 ক্রৌড়া করে দুই ভাই লইয়া স্ত্রীগণ ॥
 কোটি-কোটি দৈত্যগণ সহ পরিবার ।
 অশ্ব গজ রথ সৈন্য পূর্ণিত ভাণ্ডার ॥
 লক্ষ-লক্ষ বিদ্যাধরী ল'য়ে দুইজনে ।
 বিদ্যাগরিমধ্যে ক্রৌড়া করে হৃষ্টমনে ॥
 রক্তবস্ত্র পরি তিলোত্তমা বিদ্যাধরী ।
 নানা-পুষ্প তোলে সেই পর্বত-উপরি ॥
 ধীরে-ধীরে যথা দৈত্য, করিল গমন ।
 দূরে থাকি কন্যারে দেখিল দুইজন ॥
 বলে মত্ত, বরে মত্ত, মত্ত মধুপানে ।
 কন্যা দেখি লীল্যগতি উঠে দুইজনে ॥
 জ্যেষ্ঠ সুন্দ ধরিল কন্যার সব্য কর ।
 বামহস্ত ধরিল কনিষ্ঠ সহোদর ॥
 অতি আনন্দিত সুন্দ কন্যারে দেখিয়া ।
 হাত ছাড়, ভাই-প্রতি বলিল ডাকিয়া ॥
 মোর ভার্য্যা তোমার গুরুর মধ্যে গণি ।
 উহারে ধরহ তুমি, কেমন কাহিনী ॥
 উপসুন্দ বলে, এরে বরিয়াছি আমি ।
 ভ্রাতৃবধু হয় এই, ছাড়ি দেহ তুমি ॥
 সুন্দ বলে, আগে আমি দেখিখু কন্যারে ।
 উপসুন্দ বলে, কন্যা ব'রেছে আমারে ॥
 ছাড় ছাড় বলি দৌহে গালাগালি করে ।
 ক্রুদ্ধ হ'য়ে দুই ভাই নেহালা দৌহারে ॥
 মধুপানে কামবাণে হইল অজ্ঞান ।
 ক্রোধে দুইজনে হইল অগির সমান ॥

ভয়ঙ্কর দুই গদা ধরি ততক্ষণ ।
 দৌঁহাকারে প্রহার করিল দুইজন ॥
 যুগল-পর্বত-প্রায় পড়ে ছুই-বীর ।
 খসিয়া পড়িল যেন যুগল-মিহির ॥
 আর যত দৈত্যগণ এ-সব দেখিয়া ।
 কালরূপা কন্যা জানি গেল পলাইয়া ॥

দেবগণ-সহ ব্রহ্মা আসিয়া তখন ।
 কন্যারে দিলেন বর করিয়া বর্ণন ॥
 সূর্য্যের কিরণে তুমি থাক নিরন্তর ।
 কেহ যেন নাহি দেখে তব কলেবর ॥
 তপ যজ্ঞ ভঙ্গ হৈবে তোমার কারণে ।
 ধ্বংস হৈবে লোকে তোমা-দরশনে ॥
 সেই-হেতু সূর্য্য-অংশু-মধ্যে তুমি রহ ।
 এত বলি অন্তরে গেলেন পিতামহ ॥

নারদ বলিল, শুন ধর্ম্ম-নৃপবর ।
 তুমি জান, অতি প্রীত পঞ্চ-সহোদর ॥
 এইমত প্রীত তারা ছিল দুইজন ।
 হেন গতি দৌঁহাকার নারীর কারণ ॥
 মহাবংশে জন্মিলা তোমরা পঞ্চজন ।
 বিভেদ না হয় যেন ভার্য্যার কারণ ॥
 এত শুনি পঞ্চভাই নারদ-গোচরে ।
 সমান নির্বন্ধ কর, বলে ষোড়শেরে ॥
 বৎসরেক কৃষ্ণা থাকিবেক এক-গৃহে ।
 অশ্রুজন সেইকালে অধিকারী নহে ॥
 কৃষ্ণা-সহ দেখে যদি ভাই অশ্রুজনে ।
 দ্বাদশ বৎসর সেই যাইবে কাননে ॥
 এ-নির্বন্ধ করিলেন ব্রহ্মার নন্দন ।
 হেনমতে কৃষ্ণা-সহ বঞ্চে পঞ্চজন ॥

মহাভারতের কথা স্থধার সাগর ।
 কাশীরামদাস কহে, শুনে সাধু নর ॥

১১২। অর্জুনের নিয়মভঙ্গ ও বনে গমন ।

তবে কতদিনে সেই রাজ্যের ভিতরে ।
 ব্রাহ্মণের গাভী হরি ল'য়ে যায় চোরে ॥
 কাতরে ব্রাহ্মণ কহে অর্জুনের পাশ ।
 থাকিয়া তোমার রাজ্যে হৈল সর্ব্বনাশ ॥
 গালি দেয় ব্রাহ্মণ যতেক আসে মনে ।
 সসঙ্কোচে পার্থ সেই জিজ্ঞাসে ব্রাহ্মণে ॥
 কি-হেতু কান্দহ দ্বিজ, কহ বিবরণ ।
 দ্বিজ বলে, অস্ত্র লৈয়া চল এইক্ষণ ॥
 হরিয়া আমার গাভী যায় দুর্ভাগ ।
 শীঘ্রগতি চল, তারা গেল এতক্ষণ ॥
 দ্বিজের বচন শুনি ধনঞ্জয়-বীর ।
 আস্তে-ব্যস্তে চলিলেন আয়ুধ-মন্দির ॥
 দৈবযোগে অস্ত্রগৃহে কৃষ্ণা-যুধিষ্ঠির ।
 দূরে থাকি জানি পার্থ হ'লেন বাহির ॥
 দ্বিজ বলে, অস্ত্র ল'য়ে শীঘ্রগতি চল ।
 উচ্চৈঃস্বরে কান্দে দ্বিজ, চ'ক্ষে পড়ে জল ॥
 দ্বিজের রোদন দেখি পার্থে হৈল ভয় ।
 কি করিব, চিন্তে চিন্তা করে ধনঞ্জয় ॥
 গৃহে প্রবেশিলে দুঃখ হৈবে বহুতর ।
 দ্বাদশ-বৎসর যাব অরণ্য-ভিতর ॥
 ব্রাহ্মণের চক্ষুজল যত ভূমে পড়ে ।
 ততবার মহাপাপ মম শিরে চড়ে ॥
 দ্বিজ-দুঃখ ভাঙ্গিলে হইবে বড় কর্ম্ম ।
 বিনাক্রোশে উপার্জন করু নহে ধর্ম্ম ॥

এত ভাবি অর্জুন গেলেন অস্ত্রঘরে ।
 হস্তে ধনু লৈয়া বীর চলেন সত্বরে ॥
 দ্বিজসহ গেলেন যথায় চোরগণ ।
 চোরে মারি আনি দেন বিপ্রে'র গোধন ॥
 দ্বিজ প্রবোধিয়া আসি কহেন ফাল্গুনি ।
 শুন নিবেদন মম, ধর্ম-নৃপমণি ॥
 অতিক্রম করিলাম লজ্জিয়া সময় ।
 বনবাসে যাব, আচ্ছা কর মহাশয় ॥
 রাজা কন, কেন হেন কহ, ধনঞ্জয় ।
 পূর্বেতে নারদ-ঋষি কৈলা যে-সময় ॥
 কনিষ্ঠ-ভায়ে'র সঙ্গে কৃষ্ণ যদি থাকে ।
 জ্যেষ্ঠভাই বনে যাবে, তাহা যদি দেখে ॥
 তুমি মম কনিষ্ঠ, ইহাতে দোষ নাই ।
 কেন হেন অপ্রিয়-বচন বল ভাই ॥
 পার্থ বলিলেন, স্নেহে বল মহাশয় ।
 কপট এ-কর্ম্মে প্রভু, মম মত নয় ॥
 সত্যে বিচলিত হই, নাহি চাহে মন ।
 আচ্ছা কর, মহারাজ, যাব আমি বন ॥
 এত বলি পার্থ করিলেন নমস্কার ।
 মাতা ভ্রাতা সখা মন্ত্রী ছিল যত আর ॥
 সবারে বিদায় মাগি গেলেন কানন ।
 যত বন্ধুগণ হৈল বিরস-বদন ॥
 অর্জুনের সহিত চলিল দ্বিজগণ ।
 পৌরাণিক কথকাদি গায়ক চারণ ॥
 মহাবনে প্রবেশ করিলা মতিমান ।
 বহু-বহু পুণ্যতীর্থে কৈলা স্নান-দান ॥
 কতদিনে হরিদ্বারে করিয়া গমন ।
 দেখিয়া হ'লেন ছষ্ট পাণ্ডুর নন্দন ॥

স্নান করি অগ্নিহোত্র করে দ্বিজগণ ।
 গঙ্গায় প্রবেশি পার্থ করেন তর্পণ ॥
 তর্পণ সমাপি আসে অগ্নিহোত্র-স্থানে ।
 জল হৈতে নাগকন্যা ধরিল অর্জুনে ॥
 বলে ধরি ল'য়ে গেল আপন-মন্দির ।
 উত্তম আশ্রয় তথা দেখে পার্থবীর ॥
 অগ্নিহোত্র জ্বলে তথা দেখি ধনঞ্জয় ।
 সেই অগ্নি পূজিলেন কুন্তীর তনয় ॥
 নিঃশঙ্ক হৃদয় পার্থ নাহি ভ্রম-ভয় ।
 কন্যারে বলেন, এই কাহার আশ্রয় ॥
 কি নাম ধরহ তুমি, কাহার কুমারী ।
 কি-কারণে আমারে আনিলা এই পুরী ॥
 কন্যা বলে, ঐরাবত-নাগরাজ-অংশে ।
 কোরব্য-নামেতে নাগ এই পুরে বৈসে ॥
 তার কন্যা আমি যে উলুপী মোর নাম ।
 তোমারে দেখিয়া মোরে পীড়িলেক কাম ॥
 আনিলাম তোমারে যে, এই সে কারণ ।
 তোমারে ভজিব, তৃপ্ত কর মোর মন ॥
 পার্থ বলিলেন, কন্তো, না জান কারণ ।
 ব্রহ্মচারী আমি ভ্রমি সতত কানন ॥
 দ্বাদশ-বৎসর আমি ক'রেছি নিয়ম ।
 কিমতে লজ্জিব তাহা, নাহি কোন ক্রম ॥
 কন্যা বলে, সব তত্ত্ব আমি ভাল জানি ।
 কৃষ্ণ-হেতু নিয়ম করিলা মহামুনি ॥
 অন্য-স্ত্রীতে নাহি দোষ, শুন মহাশয় ।
 তাহে আত্মা আমি, কর ধর্ম্মের সঞ্চয় ॥
 আর্ভজন আমি, বাছা করি যে তোমারে ।
 ধর্ম্ম আছে, পাপ ইথে নাহিক সংসারে ॥

অমুগত-জন আমি কহিনু নিশ্চয় ।
 এক-পুত্র-দান মোরে দেহ মহাশয় ॥
 রমণী হইয়া তোমা করিনু বরণ ।
 অধর্ম্য হইবে যদি করহ হেলন ॥
 হৃদয়ে বিচারি পার্থ কন্যার বচন ।
 স্বধর্ম্য বুঝিয়া তারে করেন রমণ ॥
 একনিশা বঞ্চি তথা পার্থ মহাবীর ।
 প্রাতঃকালে গঙ্গা হৈতে হ'লেন বাহির ॥
 বিস্মিত হইয়া দ্বিজগণ জিজ্ঞাসিল ।
 প্রত্যক্ষে বৃত্তান্ত পার্থ সকলি কহিল ॥
 তবে দ্বিজগণ-সহ কুন্তীর নন্দন ।
 হিমালয় পর্বতে করেন আরোহণ ॥
 অগস্ত্য-নামেতে বট বশিষ্ঠ-আশ্রমে ।
 বহুতীর্থে স্নান পার্থ করিলেন ক্রমে ॥
 পৃথিবী দক্ষিণাবর্ত করি হেন গণি ।
 পূর্ব-সিদ্ধুতীরে বীর গেলেন আপনি ॥
 গয়া-গঙ্গা-প্রয়াগ-নৈমিষারণ্য-আদি ।
 পৃথিবীতে যত তীর্থ, যত নদ-নদী ॥
 অঙ্গ-বঙ্গ-মধ্যেতে যতেক তীর্থ বৈসে ।
 স্নান করি চলিলেন কলিঙ্গ-প্রদেশে ॥
 কলিঙ্গে না পশিল, বাছড়ে দ্বিজগণ ।
 কলিঙ্গে পশিলে ভ্রষ্ট হয় ত ব্রাহ্মণ ॥
 কলিঙ্গ-নগরে পশিলেন ধনঞ্জয় ।
 ক্রমে-ক্রমে দেখিলেন যত তীর্থচয় ॥
 সমুদ্রের তীরেতে মহেন্দ্র গিরিবর ।
 মণিপুর-নামে এক আছয়ে নগর ॥
 চিত্রভানু-নামে রাজা রাজ্য-অধিকারী ।
 চিত্রাঙ্গদা নাম ধরে তাহার কুমারী ॥

দেবের বাঞ্ছিতা কন্যা পূর্ণা রূপে-গুণে ।
 নগরে বিহরে কন্যা, দেখিল অর্জুনে ॥
 কন্যা দেখি মোহিত হইল ধনঞ্জয় ।
 শীঘ্রগতি গেলেন সে রাজার আশ্রয় ॥
 পার্থ বলিলেন, রাজা, কর অবধান ।
 তোমার কুমারী মোরে দেহ আজি দান ॥
 রাজা বলে, কে তুমি, কোথায় তব ঘর ।
 কোন্ বংশে জন্ম তব, কাহার কোঙর ॥
 তীর্থবাসী জন হৈয়া বাঞ্ছ রাজহুতা ।
 কেমন সাহসে তুমি কহ এই কথা ॥
 অর্জুন বলেন, আমি পাণ্ডুর তনয় ।
 কুন্তীগর্ভে জন্ম মম, নাম ধনঞ্জয় ॥
 এত শুনি শীঘ্রগতি উঠিয়া রাজন ।
 আলিঙ্গন করি দিল বসিতে আসন ॥
 রাজা বলে, এতদূরে এলে কি-কারণ ।
 বিশেষিয়া কহিলেন পৃথার নন্দন ॥
 রাজা বলে, মোর ভাগ্যে আইলা হেথায় ।
 মম বিবরণ কিছু কহিব তোমায়া ॥
 প্রভঞ্জন-নামে রাজা মম পূর্ববংশে ।
 পুত্রবাঞ্ছা করি রাজা সেবিল মহেশে ॥
 প্রসন্ন হইয়া বর দিলেন ঈশ্বর ।
 তব বংশে হৈবে রাজা, একই কোঙর ॥
 কুলক্রমে এক ভিন্ন দ্বিতীয় নহিবে ।
 যে পুত্র হইবে, সেই রাজ্যে রাজা হৈবে ॥
 পূর্ববতে এমত বর দিলেন ধুর্জটি ।
 পুত্র না হইল মম হৈল কন্যাগুটি ॥
 পুত্রবৎ করি কন্যা করি যে পালন ।
 মম রাজ্যে রাজা হৈতে নাহি আর জন ॥

সেইহেতু করিলাম মনে এ-বিচার ।
কন্ডা দিব যারে, তারে দিব রাজ্য-ভার ॥
কুরুবংশে শ্রেষ্ঠ তুমি, না শোভে এ-কথা ।
এক সত্য কর, তবে দিব আমি হুতা ॥
ইহার গর্ভেতে যেই জ্যেষ্ঠপুত্র হৈবে ।
সেই সে আমার রাজ্যে রাজত্ব করিবে ॥
সত্য করিলেন পার্থ, রাজা কন্ডা দিল ।
বর্ষত্রয় তথা তাঁরে রহিতে হইল ॥

পরে পার্থ চলিলেন দক্ষিণ-সাগর ।
স্নান-দান সর্বত্র করেন বীরবর ॥
একস্থানে উপনীত হৈলা ধনঞ্জয় ।
পঞ্চ-তীর্থ বলি তারে মুনিগণে কয় ॥
অশ্বমেধ-ফল স্নানে হয় ত বিশেষে ।
অন্ধ হৈয়া পড়ি আছে, কেহ না পরশে ॥
বিস্মিত হইয়া পার্থ জিজ্ঞাসেন লোকে ।
হেন তীর্থ লোকে না পরশে কোন্ পাকে ১ ॥
মুনিগণ বলে, এই পুণ্যতীর্থ গণি ।
কুস্তীরের ভয়ে কেহ না পরশে পানি ॥
শুনিয়া গেলেন স্নানে কুস্তীর নন্দন ।
নিধেখিল তাঁহারে যাইতে সর্বজন ॥
সৌভদ্র-নামেতে তীর্থে পশি ধনঞ্জয় ।
স্নান করিলেন বীর নিঃশঙ্ক-হৃদয় ॥
শব্দ শুনি কুস্তীরিণী আইল নিকটে ।
অর্জুনের পায়ে ধরে দশন বিকটে ॥
বলে ধরি কূলে তারে অর্জুন তুলিলা ।
গ্রাহরূপে ত্যজি কন্ডা তখন হইলা ॥
অদ্ভুত মানিয়া জিজ্ঞাসেন পার্থবীর ।
কে তুমি, কি-হেতু হইলা কুস্তীর-শরীর ২ ॥

কন্ডা বলে, আমি বর্গা-নামেতে অপ্সরী ।
কুবেরের ইচ্ছা মোরা পঞ্চ-বিদ্যধরী ॥
সুবেশা হইয়া যাই যথা ধনেশ্বর ।
পথে দেখি, তপ করে এক দ্বিজবর ॥
চন্দ্র-সূর্য্য-সম-তেজ মহাতপোধন ।
অহঙ্কারে তাঁহারে করিহু বিড়ম্বন ॥
তপোভঙ্গ করিবারে গেলু তাঁর পাশ ।
নৃত্য-গীত-বাণ বহু হাস্ত-পরিহাস ॥
তথাপিহ বিচলিত নহিল ব্রাহ্মণ ।
ক্রোধে শাপ মো-সবারে দিল ততক্ষণ ॥
অনেক বৎসর থাক গ্রাহরূপ ধরি ।
করিলাম বহু স্তুতি করযোড় করি ॥
অবধ্যা অবলা-জাতি জানিয়া অন্তরে ।
বধাধিক শাস্তি দিলা আমা-সবাকারে ॥
ব্রাহ্মণের শীল শাস্ত সর্বশাস্ত্রে জানি ।
দয়ায় শাপান্ত আজ্ঞা কর মহামুনি ॥
মুনি বলে, গ্রাহ হৈবে তীর্থের ভিতরে ।
তবে মুক্ত হৈবে, যবে তোলে কোন নরে ॥
ব্রাহ্মণের বাক্য শুনি মোরা পঞ্চজন ।
বাহুড়িয়া যাই ঘরে হইয়া বিমন ॥
আচম্বিতে দেখিহু নারদ-তপোধন ।
জানাইহু তাঁহারে আপন-বিবরণ ॥
নারদ বলেন, নাহি হইও বিমন ।
পঞ্চ-তীর্থে গ্রাহরূপে থাক পঞ্চজন ॥
তীর্থযাত্রা-কারণে আসিবে ধনঞ্জয় ।
তাঁহার পরশে মুক্ত হইবে নিশ্চয় ॥
সত্য হৈল, যে বলিল ব্রাহ্মার-কুমার ।
তোমার পরশে মুক্তি হইল আমার ৩ ॥

চারি-তীর্থে চারি-সখী আছে যে আমার ।

কৃপা করি তাহাদেবো করহ উদ্ধার ॥

বিনয় শুনিয়া পার্থ হ'য়ে দয়াবান্ ।

চারি-তীর্থে চারিজনৈ করিলেন ত্রাণ ॥

মুক্ত হৈয়া নিজস্থানে গেল পঞ্চজন ।

নিষ্কণ্টক কৈলা তীর্থ পাণ্ডুর নন্দন ॥

পুনঃ বীর মণিপূরে করেন গমন ।

চিত্রাঙ্গদা-সহ পুনঃ হইল মিলন ॥

চিত্রাঙ্গদা-গর্ভে জন্ম দিলেন নন্দন ।

নাম রাখিলেন তার শ্রীবজ্রবাহন ॥

কতদিন রহি তথা পুঞ্জ রাজ্য দিয়া ।

তীর্থ ভ্রমিবারে গেলা সে-রাজ্য ছাড়িয়া ॥

গৌর্গাঙ্গাদি-তীর্থে স্নান করি ক্রমে-ক্রমে ।

প্রভাস-তীর্থেতে যান ভারত-পশ্চিমে ॥

প্রভাসে আগত পার্থ কুন্তীর কুমার ।

দ্বারকায় গোবিন্দ শুনিয়া সমাচার ॥

অতিশীঘ্র করিলেন তথায় গমন ।

প্রভাসে অর্জুন-সহ হইল মিলন ॥

আলিঙ্গন করিয়া উভয়ে পরস্পর ।

উভয়ের হইল উত্তর-প্রভুত্তর ॥

অর্জুনে লইয়া পরে দেবকী-নন্দন ।

রৈবত-পর্বতে তবে করিলা গমন ॥

গোবিন্দের আজ্ঞায় যতেক যদুগণ ।

রৈবত-পর্বতে পূর্বের ক'রেছে গমন ॥

অতিশয় মনোহর গিরিবর গণি ।

নানাধাতু-বিরাজিত মরকত-মণি ॥

নানাজাতি বৃক্ষ নানা ফলফুলে শোভে ।

নানাজাতি পুষ্পসব আমোদে সৌরভে ॥

নানাজাতি পশু ক্রীড়ে, নানাপক্ষিরব ।

পর্বত দেখিয়া হৃষ্ট যতেক যাদব ॥

কৃষ্ণ-বাক্য শুনিয়া দ্বারকাবাসী সব ।

রৈবতক-পর্বতে করয়ে মহোৎসব ॥

বাল-বৃদ্ধ-যুবা আর নর-নারীগণ ।

নানাবাণ-নৃত্য-গীত করে অমুক্ষণ ॥

নানারত্নে মণ্ডিল যতেক তরুণগণ ।

শ্বেত পীত রক্ত নীল বিবিধ-বসন ॥

শ্বেত-কৃষ্ণ চামর রাখিল প্রতিডালে ।

প্রবাল-মুকুতা-ঝারা বাঞ্চে ইন্দ্রজালে ॥

উগ্রসেন বহুসেন অফুর উদ্ধব ।

জয়সেন কামদেব সকল বান্ধব ॥

বলভদ্র চারুদেয় সাত্যকি সারণ ।

গদ উপগদ যে দারুক প্রহ্মাঘন ॥

ঝিল্লি উপঝিল্লি যত সপ্ত-বংশ-নারী ।

উদ্যান ভ্রমিতে সবে চলে আগুসরি ॥

দেবকী রোহিণী ভদ্রা রেবতী ও রতি ।

ভীষ্মক-নন্দিনী সত্যভামা জাম্ববতী ॥

নাগজিতী কালিন্দী লক্ষণা রত্নভূষা ।

ভদ্রাবতী মিত্রবৃন্দা বাণপুত্রী উষা ॥

চন্দ্রাবতী প্রভাবতী প্রভৃতি কামিনী ।

ষোড়শ-সহস্র এল কৃষ্ণের রমণী ॥

রৈবতক-পর্বতে যে করেন বিহার ।

হেনকালে উপনীত ইন্দের কুমার ॥

অর্জুন আইল বলি শুনি এই কথা ।

আগুসরি আনিবারে সবে গেল তথা ॥

কৃষ্ণ-ধনঞ্জয় আরোহেন একরথে ।

দৌহে এক মূর্তি, কেহ না পারে চিনিতে ॥

দৌহে নীলঘনশ্যাম অরুণ-অধর ।
কিরীট-কুণ্ডল-হার শোভে গীতাস্বর ॥
কেহ বলে কৃষ্ণে পার্থ, পার্শ্বে বলে হরি ।
দৌহায়ুর্তি দেখিয়া বিস্মিত নরনারী ॥

তবে ধনঞ্জয় বীর রথ হৈতে উলি ।

লইলেন শ্রীবহুদেবের পদধূলি ॥
আলিঙ্গেন বহুদেব শিরে চুষ দিয়া ।
যতেক বৃত্তান্ত পার্থ, কহ বিবরিয়া ॥
অর্জুন বলিল সব নিজ-বিবরণ ।
নারদ-নিয়ম-হেতু ভ্রমি তীর্থগণ ॥
বহুদেব বলে, থাক আমার আলায় ।
দ্বাদশ-বৎসর পূর্ণ যতদিনে হয় ॥
উগ্রসেন বলভদ্র সত্যক সাত্যকী ।
একে-একে সম্ভাষেন পরম-কৌতুকী ॥
লইয়া চলিল সবে রৈবতক গিরি ।
সম্ভাষিতে আইল যতেক যদুনারী ॥
অঘ্য দিয়া সর্বজন কল্যাণ করেন ।
পরম-আনন্দে সবে শুভ জিজ্ঞাসেন ॥
মাভুলানীগণে পার্থ প্রণাম করিয়া ।
যথাযোগ্য সম্ভাষণ করে নত্ব হৈয়া ॥

হেনকালে হুভদ্রা সে বহুদেবহুতা ।

নবীন যুবতী সর্ব-রূপ-গুণযুতা ॥
কুরুবক-পুষ্প শোভে হুঁচাঁচর চূলে ।
মৌদামিনী খেলে যেন জলদের কোলে ॥
দেহগন্ধে মকরন্দ ত্যজি অলিভূলে ।
চুহুদিকে বঙ্করিয়া অনুক্ষণ বুলে ॥
হুই গুণ মণ্ডিত, কুণ্ডল শ্রুতিমূলে ।
চন্দ্রজ্যোতি-গজমোতি শোভে নাসা-হলে ॥
বদন নিন্দয়ে চাঁদে, নাসা তিলফূলে ।
কটাক্ষের চাহনিতে মুনি-মন ভূলে ॥

কুচযুগ সমপূর্ণ ঢেকেছে দুকূল ।
মধ্যদেশ যুগঙ্গন নহে সমভূল ॥
জঘন সরস ঘন নর্তন অভূলে ।
হেরি মুগ্ধ হয় কাম চরণ-অঙ্গুলে ॥
নিতম্ব কুঞ্জরকুস্ত জিনিয়া বিপুল ।
জাতী-যুথী-হার পরে মালতী-বকুল ॥

তারে দেখি পার্থ জিজ্ঞাসেন গোবিন্দেরে ।

কেবা এ-সুন্দরী সখা, সবার্কার 'পরে ॥
অনুচা এ-কণ্ঠা বলি লয় মোর মন ।
শুনিয়া বলিল তবে শ্রীমধুসূদন ॥
বহুদেব-হুতা, হয় আমার ভগিনী ।
সারণের সহোদরা হুভদ্রা-নামিনী ॥
বিবাহ না হয়, নাহি মিলে যোগ্য-বর ।
শুনিয়া লজ্জিত অতি পার্থ-ধনুর্ধর ॥
অর্জুনের মুখ দেখি হুভদ্রা মুচ্ছিত ।
অজ্ঞান হইয়া ভূমে পড়ে আচম্বিত ॥

সত্যভামা বলে, ভদ্রা, না আইস কেনে ।

সবে গেল, একাকী বসিলা কি-কারণে ॥
হুভদ্রা বলিল, দেবি, মোরে ধরি লহ ।
কণ্টক ফুটিল পায়, বাহির করহ ॥
শুনি সত্যভামা ধরি তুলিলেন হাতে ।
নাহিক কণ্টকাঘাত দেখেন পদেতে ॥
সত্যভামা বলেন, কি-হেতু ভাঁড়াইলা ।
নাহিক কণ্টকাঘাত কেন বা পড়িলা ॥

নিম্বতে হুভদ্রা কহে, কি কহিব সখি ।

যে-কণ্টক ফুটিল, কোথায় পাবে দেখি ॥
অর্জুনের নয়ন-চাহনী তীক্ষ্ণশর ।
আজি অঙ্গ আমার করিল জর-জর ॥
দেখ মোর অঙ্গ-তাপ, ঘন কম্পমান ।
ছটফট করে তনু, বাহিরায় প্রাণ ॥

ছাড় সত্যভামা, আমি না পারি যাইতে।

এত বলি অৰ্জুনেরে লাগিল দেখিতে ॥

সত্যভামা বলে, ভদ্রা, খাইলি কি লাজ।

রাখিলি কলঙ্ক নিরুলঙ্ক-কুলমাঝ ॥

পিতা বহুদেব, ভাই রাম-নারায়ণ।

তিন-লোক-মধ্যে যাঁরে পূজে সর্বজন ॥

ইহা সবাকারে লজ্জা দিতে তুমি চাহ।

দেখিয়া পুরুষে প্রাণ ধরিতে নারহ ॥

অন্য কি অনুঢ়া কন্যা নাহি রাজকূলে।

পরপুরুষেরে দেখি কার মন ভুলে ॥

তোমা হৈতে নির্লজ্জা না হয় অন্যজনে।

ধৈর্য ধর, চল ঘরে, পাছে কেহ শুনে ॥

এতেক নির্ভর সত্যভামা-বাক্য শুনি।

সকরুণে কহে ভদ্রা চ'ক্ষে বহে পানি ॥

ধিক্-ধিক্ ব্যর্থ নারী-জন্ম এ-ভূতলে।

পরবশ, দহে তনু বিরহ-অনলে ॥

সত্যভামা বলেন, কি নিন্দিস্ কামিনী।

নারীরূপা দেখ ক্ষতি সংসার-ধারিণী ॥

স্ত্রী হইতে হৈল পূর্বের সৃষ্টির সৃজন।

শক্তিরূপে রক্ষা করে সবার জীবন ॥

স্ত্রীর নাম প্রথমেতে মঙ্গল-কারণ।

লক্ষ্মী আগে বলয়ে, পশ্চাতে নারায়ণ ॥

শঙ্কর ছাড়িয়া আগে ভবানীর নাম।

রাম-সীতা নাহি বলে, বলে সীতা-রাম ॥

গৃহিণী থাকিলে লোকে বলে তারে গৃহী।

সংসারে দেখহ নারী-বিনা কেহ নাহি ॥

স্ত্রী হইতে হয় ভদ্রা, সবার উৎপত্তি।

স্ত্রী-বিনা রক্ষিতে বংশ কাহার শক্তি ॥

সুভদ্রা বলিলা, সত্য কহিলে সকল।

কিস্তি যে পুরুষ-বিনা জীবন বিফল ॥

সত্যভামা বলে, নাহি হও উত্তরোলি।

তোমার বিবাহ দিব, স্থির হও বলি ॥

উত্তম-বংশজ হৈবে বলিষ্ঠ পণ্ডিত।

পরম-সুন্দর হৈবে তব মনোনীত ॥

ভদ্রা বলে, যত কহ, নাহি করি জ্ঞান।

এখনি ত্যজিব প্রাণ তোমা-বিগ্ৰহান ॥

কৌরব-বংশীয় যে পাণ্ডব বলবান।

ধনঞ্জয়-বিনা আমি নাহি দেখি আন ॥

আজি যদি ধনঞ্জয়ে আমারে না দিবে।

নিশ্চয় আমার বধ তোমারে লাগিবে ॥

সত্যভামা বলে, দেবি, চল এইক্ষণ।

রজনীতে পার্শ্বসহ করাব মিলন ॥

সত্যভামা-মুখে শুনি বচন সরস।

চলিল সুভদ্রা চিতে পাইয়া হরষ ॥

মহাভারতের কথা অমৃত-লহরী।

কাশীরামদাস কহে, পিও কর্ণ ভরি ॥

১১৩। সুভদ্রার বিবাহের অন্ত সত্যভামা ও
অৰ্জুনের কথোপকথন।

তবে নিশাকালে সত্রাজিতের নন্দিনী।

একান্তে কহেন কান্তে ভদ্রার কাহিনী ॥

তোমার ভগিনী ভদ্রা ত্যজিবেক প্রাণ।

তার হেতু আপনি করহ অবধান ॥

যতক্ষণ দেখিয়াছে পার্শ্বের বদন।

এক তিল নাহি ছাড়ে আমার সদন ॥

বলে মোরে, অৰ্জুনেরে দেহ পতি করি।

নহে নারী-বধ দিব তোমার উপরি ॥

গোবিন্দ বলেন, আমি ভাবিতেছি মনে।

আসিয়াছে অৰ্জুন এখানে বহুদিনে ॥

কোন ধনে সম্ভব করিব অর্জুনে।
 ভাল হৈল স্ত্রভদ্রারে দান দিব তারে ॥
 করাইব বিবাহ দৌহার যে-প্রকারে ।
 আজি নিশি তুমি বোধ করাহ ভদ্রারে ॥
 সত্যভামা বলে, নহে বিলম্বের কথা ।
 আজি নিশি পার্শ্ব-বিনা মরিবে সর্বথা ॥
 গোবিন্দ বলেন, তাহা মোর সাধ্য নয় ।
 কর গিয়া যেমতে সঙ্কট নাহি হয় ॥

সত্যভামা বুঝি তবে শ্রীকৃষ্ণের মতি ।
 স্ত্রভদ্রারে ল'য়ে যান যথা পার্শ্ব-রথী ॥
 দুয়ার করিয়া বন্ধ কনক-কপাটে ।
 শুইয়া আছেন পার্শ্ব রত্নময় খাটে ॥
 অর্জুন অর্জুন বলি ডাকেন শ্রীমতী ।
 কে তুমি বলিয়া জিজ্ঞাসেন মহামতি ॥

সত্যভামা বলিলেন, সত্রাজিৎ-সুতা ।
 ঘুচাহ কপাট, কিছু আছে গুপ্তকথা ॥
 অর্জুন বলেন, হৈল অর্দ্ধেক রজনী ।
 এত রাত্রে আইলেন কি-হেতু আপনি ॥
 যদি কার্য ছিল, পাঠাইতা দূতগণ ।
 আজ্ঞামাত্রে করিতাম তথায় গমন ॥
 ইহা না করিয়া তুমি আইলা আপনি ।
 যে আজ্ঞা করিবা, কল্য করিব তখন ॥

সত্যভামা বলে, পার্শ্ব, দূত-কর্ম নয় ।
 সে-কারণে আপনি আসিছু ধনঞ্জয় ॥
 তোমার কণ্ঠের কথা শুনিয়া শ্রবণে ।
 না হইল নিদ্রা মম মহাতাপ মনে ॥
 এক ভার্য্যা পঞ্চভাই, কি সুখ-বিলাস ।
 যেই-হেতু দ্বাদশ-বৎসর বনবাস ॥
 সেই-হেতু আইলাম হৃদয়ে বিচারি ।
 আমি দিব আর এক পরমা সুন্দরী ॥

অর্জুন বলেন, এত স্নেহ কর মোরে ।
 পালিব সকল আজ্ঞা গোবিন্দ-গোচরে ॥
 সত্যভামা বলিলেন, বিলম্ব কি-কাজ ।
 গান্ধর্ব-বিবাহ কর রজনীর মাঝ ॥
 পার্শ্ব বলিলেন, কহ অদ্যুত এ-কথা ।
 কেবা সে সুন্দরী হয়, কাহার দুহিতা ॥
 না জানিয়া না শুনিয়া তদন্ত তাহার ।
 বিবাহ করিতে বল, কেমন বিচার ॥
 সত্যভামা বলিলেন, ঘুচাহ দুয়ার ।
 আনিয়াছি কন্যা, দেখ চ'ক্ষে আপনার ॥
 যদুকুলজাতা কন্যা প্রথম-মৌবনা ।
 ত্রৈলোক্যমোহিনী-রূপে, বিদ্যুৎ-বরণা ॥

অর্জুন বলেন, এ কি আমার শক্তি ।
 বলভদ্রে জনার্দন যদুকুলপতি ॥
 তাঁদের আজ্ঞাতে আমি লইব যাদবী ।
 লজ্জা মম করাইতে চাহ মহাদেবী ॥
 দেবী বলিলেন, ইহা করিবা কেমনে ।
 মন বান্ধিয়াছে কৃষ্ণ ঔষধের গুণে ॥
 পাঞ্চালের কন্যা জানে মহৌষধি-গাছ ।
 একতিল পঞ্চস্বামী নাহি ছাড়ে পাছ ॥
 যে লোভে নারদবাক্য করিলা হেলন ।
 দ্বাদশ-বৎসর ভ্রমিতেছ বনে-বন ॥
 ইহাতে তোমার লজ্জা কিছু নাহি হয় ।
 কিমতে করিবা বিভা, দ্রৌপদীর ভয় ॥

পার্শ্ব বলিলেন, দেবি, না নিন্দ দ্রৌপদী ।
 ত্রিজগৎ-জনে খ্যাত তব মহৌষধি ॥
 ষোড়শ-সহস্র-শত-অষ্ট-পাটরাণী ।
 সব হৈতে কোন গুণে তুমি মোহাগিনী ॥
 অপুত্রা কি রূপহীনা হীনকুলজাত ।
 রুগিণী প্রভৃতি অন্য পাটরাণী সাত ॥

ঔষধের গুণে হরি তোমারে ভরান ।
 তোমার সাক্ষাতে চ'ক্ষে অন্যে নাহি চান ॥
 দিব্যরত্ন-বসন-ভূষণ-অলঙ্কার ।
 যেখানে যা পান কৃষ্ণ, সকলি তোমার ॥
 অন্যজনে দিলে তুমি পরাণ না ধর ।
 কহ মহাদেবি, ইহা কোন্ গুণে কর ॥
 রুক্ষিণীয়ে দেন কৃষ্ণ এক পারিজাত ।
 তাহাতে করিলে যাহা, জগতে বিখ্যাত ॥
 জন্মেজয় জিজ্ঞাসেন মুনিরে যতনে ।
 কহ, শুনি পারিজাত-হরণ কেমনে ॥
 কিহেতু হইল দ্বন্দ্ব রুক্ষিণী-সহিত ।
 শুনিবারে ইচ্ছা হয় ইহার চরিত ॥
 মহাভারতের কথা অমৃতের ধার ।
 কাশী কহে, ইহা বিনা শ্রুত নাহি আর ॥

১১৪। পারিজাত-হরণ-বৃত্তান্ত ।

মুনি কহে, শুন কুরুবংশ-চূড়ামণি ।
 পারিজাত-হরণের অপূর্ব কাহিনী ॥
 এককালে নারায়ণ বিহার-কারণ ।
 করিলেন রৈবতক-পর্বতে গমন ॥
 হেনকালে তথায় নারদ উপনীত ।
 বাজাইয়া বীণা গাহি কৃষ্ণ-গুণ-গীত ॥
 পারিজাত-পুষ্প বাঁধা ছিল যে বীণাতে ।
 দিল তপোধন তাহা গোবিন্দের হাতে ॥
 পরম-সুন্দর পুষ্প দেবের দুর্লভ ।
 যোজন পর্য্যন্ত যায় যাহার সৌরভ ॥
 দেখি আনন্দিত-চিত্ত হৈলা হবীকেশ ।
 পুষ্প দিয়া রুক্ষিণীয়ে করেন শ্রবণ ॥
 একে ত রুক্ষিণী দেবী ত্রৈলোক্যমোহিনী ।
 পারিজাত-শ্রবণে শোভিল সবে জিনি ॥

নারদ ক্রণে ক করি কথোপকথন ।
 বিদায় হইয়া চলিলেন তপোধন ॥
 কলহে সানন্দ বড় ব্রহ্মার নন্দন ।
 পথে মুনি যাইতে চিস্তেন মনে-মন ॥
 সত্যভামা-অগ্রে কহি পারিজাত-কথা ।
 শুনিয়া কি বলে দেখি সত্রাজিৎ-সুতা ॥
 এত চিন্তি গিয়া মুনি দ্বারকানগর ।
 সত্যভামা-গৃহে যান হইয়া সত্বর ॥
 মুনি দেখি সত্যভামা করিয়া বন্দন ।
 পাণ্ড-অর্ঘ্য অর্পিলেন, বসিতে আসন ॥
 কোথা গিয়াছিল মুনি, জিজ্ঞাসেন সতী ।
 কহেন করুণ-বাক্যে মুনি মহামতি ॥
 গিয়াছিলু আজি আমি ইন্দ্রের নগর ।
 পুষ্প দিয়া আমারে পূজিল পুরন্দর ॥
 নরের অদৃষ্ট পুষ্প, দেবের দুর্লভ ।
 দিলা ইন্দ্র মোরে বহু করিয়া গৌরব ॥
 পুষ্প দেখি হৈল মনে চিন্তার উদয় ।
 ইন্দ্র বা উপেন্দ্র বিনা অন্যযোগ্য নয় ॥
 সে-কারণে পুষ্প আনি দিলাম কৃষ্ণেরে ।
 পুষ্প দেখি ত্রীগোবিন্দ আনন্দ অন্তরে ॥
 সেইক্রণে রুক্ষিণীয়ে আনি জগন্নাথ ।
 নিজহস্তে পরাইয়া দিলা পারিজাত ॥
 সে-পুষ্পে ভূষিতা হৈয়া ভীষ্মক-দুহিতা ।
 রূপে ত্রৈলোক্যের নারী করিলা বিজিতা ॥
 সব হৈতে প্রেয়সী তোমারে আমি জানি ।
 এবে জানিলাম কৃষ্ণ-প্রেয়সী রুক্ষিণী ॥
 মুনির এতক বাক্য শুনিয়া সুন্দরী ।
 চিত্তের পুতলি-প্রায় রহে ধ্যান করি ॥
 ছিঁড়িয়া ফেলিলা, কণ্ঠে ছিল যেই হার ।
 যুচাইয়া ফেলেন অঙ্গের অলঙ্কার ॥

ছিঁড়িল পুষ্পেৰ মাল্য, খসিল কুন্তল ।
হাহাৰু কৰিয়া পড়েন ভূমিতল ॥
সতীৰ দেখিয়া কষ্ট মনে-মনে হাসি ।
ৰৈবতক-পৰ্বতেতে বেগে যান ঋষি ॥
ৰুহ্মিণীৰ গৃহে কৃষ্ণ কৰেন ভোজন ।
হেনকালে উপনীত তথা তপোধন ॥
গোবিন্দ কহেন, মুনি, কহ সমাচাৰ ।
পুনঃ হেথা আগমন কি-হেতু তোমাৰ ॥

মুনি বলে, অবধান শ্ৰীমধুসূদন ।
দ্বাৰকানগৰে গিয়াছিলাম এখন ॥
সত্যভামা জিজ্ঞাসিল তোমাৰ বাৰতা ।
প্ৰসঙ্গে-প্ৰসঙ্গে হৈল পাৰিজাত-কথা ॥
এমত হইবে বলি জানিব কেমনে ।
ৰুহ্মিণীৰে দিলা পুষ্প শুনিয়া শ্ৰবণে ॥
সেইকণে মুৰ্ছাপন্ন পড়িল ধৰণী ।
হাহাৰু কৰি কান্দে কৰি উচ্ছ্বাসনি ॥
ছিঁড়িয়া ফেলিল যত বসন-ভূষণ ।
কপালেতে কৰাঘাত কৰে ঘনে-ঘন ॥
যত সখীগণ মিলি কৰয়ে প্ৰবোধ ।
না শুনয়ে কিছুই, দ্বিগুণ বাড়ে ক্ৰোধ ॥
প্ৰাণ যাক্, প্ৰাণ যাক্, এইমাত্ৰ ডাকে ।
দেখিয়া এলাম শীত্ৰ কহিতে তোমাকে ॥

শুনিয়া গোবিন্দ চিত্তে মানিলা বিন্ময় ।
কি কৰিব, কি হইবে, চিন্তেন হৃদয় ॥
পাৰিজাত-পুষ্প-হেতু অনৰ্থ ভাবিয়া ।
ৰুহ্মিণীৰে শ্ৰীকৃষ্ণ কহেন প্ৰবোধিয়া ॥
কি কৰিব, বৈদৰ্ভি, আপনি কৰ কৰ্ম্ম ।
ভূমি জান, যেমন চৰিত্ৰ সত্যভামা ॥
ক্ৰোধেতে আপন-প্ৰাণ পাৰে ছাড়িবাৰে ।
তোমাৰ প্ৰসাদী পুষ্প দেহ ভূমি তাৰে ॥

শুনিয়া ৰুহ্মিণী বড় হইলেন দুঃখী ।
গোবিন্দেৰ প্ৰতি কহে হ'য়ে অধোমুখী ॥
দিয়া পুষ্পৰাজ পুনঃ লইবা মূৰাৰি ।
সহজে দুৰ্ভগা আমি, কি কৰিতে পাৰি ॥
মোৰে পুষ্প দিলা বলি পুড়িছে অন্তৰে ।
মৰুক পুড়িয়া, কেন পুষ্প দিব তাৰে ॥
ৰুহ্মিণীৰ বাক্য শূনি চিন্তেন শ্ৰীহৰি ।
নাৰদেৰে জিজ্ঞাসেন, উপায় কি কৰি ॥
কোথায় পাইলা পুষ্প, কহ মুনিবৰ ।
নাৰদ কহেন, আছে স্বৰ্গে তৰুৱৰ ॥
ইন্দ্ৰেৰ ৰক্ষকগণ কৰয়ে ৰক্ষণ ।
তাহাতে নন্দন-বন কৰয়ে শোভন ॥
মাগিয়া পাঠাও পুষ্প সহস্ৰলোচনে ।
তব নাম শুনিলে দিবেন সেইকণে ॥

গোবিন্দ বলেন, মুনি, যাহ ভূমি তথা ।
মোৰ নাম লৈয়া ইন্দ্ৰে কহ এই কথা ॥
কীৰোদ-মথনে পুষ্প হ'য়েছে উৎপত্তি ।
একথা কেন ভোগ ভূমি কৰ শচীপত্তি ॥
দেহ পাৰিজাত, তাহে মোৰ ভাগ আছে ।
না দিলে হৃদয়ে পুষ্প দুঃখ পাবে পাছে ॥
প্ৰথমেতে সম্প্ৰীতে মাগিহ তপোধন ।
না দিলে এ-সব পাছে কহিবা কখন ॥
এত বলি নাৰদে পাঠান নাৰায়ণ ।
দ্বাৰাবতী যান সত্যভামাৰ কাৰণ ॥
মহাভাৰতৰ কথা অমৃত-লহৰী ।
কাশীৰাম কহে, সাধু পিয়ে কৰ্ণ ভৰি ॥*

১১৫। সত্যভামাৰ মানভজন ।

পড়ি আছে সত্যভামা ভূমিৰ উপৰ ।
মুক্তকেশী গড়াগড়ি ধলায় ধূসৰ ॥

বসন-ভূষণ ভিজে নয়নের জলে ।
 শশিকলা যেমন পতিতা ভূমিতলে ॥
 চতুর্দিকে ব্যজনী ধরিয়া সখিগণ ।
 হৃগন্ধ সলিল সিঞ্চে, চাপয়ে চরণ ॥
 সঘনে নিঃশ্বাস বহে, হস্ত দেয় নাকে ।
 দেখিয়া কৃষ্ণের অশ্রু নয়নে না থাকে ॥
 আপনি ব্যজনী লৈয়া সখী-হস্ত হৈতে ।
 মন্দ-মন্দ বায়ু কৃষ্ণ লাগিলা করিতে ॥
 গোবিন্দের আগমনে উজলিল ধাম ।
 বড় ঋতু লৈয়া যেন উপনীত কাম ॥
 আশোদিত হৈল গৃহ অঙ্গের সৌরভে ।
 ধাইল সহস্র অলি গুন্-গুন্-রবে ॥
 অচেতন ছিলা দেবী, পাইলা চেতন ।
 সৌরভে জানিলা, গৃহে কৃষ্ণ-আগমন ॥
 উচ্চৈঃস্বরে কান্দে, ক্রোধে চক্ষু নাহি মেলে ।
 ক্রণেক থাকিয়া যত সখীগণে বলে ॥
 কে দহে আমার অঙ্গ হতাশন-বায় ।
 রুস্বিগী-বান্ধব কিবা আইল এখায় ॥

এত বলি শিরে মারে কঙ্কণের ঘাত ।
 দুই হস্তে হস্ত ধরিলেন জখন্নাথ ॥
 কেন হেন বল রুস্বিগীর পতি বলি ।
 সত্যভামা-প্রাণ আমি চাহ চক্ষু মেলি ॥
 আমার কি অপরাধ না পাই ভাবিয়া ।
 কি-হেতু এতেক কষ্ট দাও প্রাণপ্রিয়া ॥
 এত বলি তুলি কৃষ্ণ বসান ধরিয়া ।
 মুছাইয়া দেন মুখ নিজ-বস্ত্র দিয়া ॥
 এতেক বিনয়-বাক্য গোবিন্দের শুনি ।
 কান্দিতে-কান্দিতে কহে আধ-আধ-বাণী ॥

মুখেতে তোমার স্মৃতি, হৃদয়ে নিষ্ঠুর ।
 এবে জানিলাম তুমি কত বড় ক্রুর ॥
 পারিজাত-পুষ্পরাজ অতুল-স্বাস ।
 রুস্বিগীরে দিলা মোরে করিয়া নিরাশ ॥
 কার শক্তি সহিবে এতেক অপমান ।
 এক্ষণি ত্যজিব প্রাণ তোমা-বিগ্ধমান ॥

গোবিন্দ কহেন, প্রিয়ে, ত্যজহ বিলাপ ।
 কি-ছার সে পারিজাত, কেন কর তাপ ॥
 এক-পুষ্প-হেতু তব ক্রোধ এত গুরু ।
 তোমারে আনিয়া দিব পুষ্প-সহ তরু ॥

শুনি দেবী সত্যভামা উল্লসিত-মন ।
 হাসিয়া চাহেন কৃষ্ণে মেলিয়া নয়ন ॥
 আসনে বসান দেবী উঠি যদুনাথে ।
 পদ তাঁর প্রক্ষালিল হৃগন্ধ জলেতে ॥
 ভোজন করান কৃষ্ণে পরম হরিষে ।
 তাম্বুল যোগান দেবী বসি বামপাশে ॥
 রত্নময় পালঙ্কেতে করিলা শয়ন ।
 আনন্দেতে রজনী বঞ্চিলা দুইজন ॥
 প্রভাতে উঠিয়া কৃষ্ণ কৈলা স্নান-দান ।

হেনকালে উপনীত ব্রজার সন্তান ॥
 কলহ-বিছার বিজ্ঞ হৃদয়প্রিয় ঋষি ।
 কহেন কৃষ্ণের আগে গদগদ ভাষি ॥
 কি আর কহিব কথা, কহিবারে লাজ ।
 যতেক কহিল মোরে শুন দেবরাজ ॥
 ‘শুন-শুন দেবগণ কখন অছূত ।
 নারদ আইল হ’য়ে গোপালের দূত ॥
 দেবের ছন্দ পারিজাত পুষ্পরাজ ।
 মনুষ্যের হেতু মাগে, মুখে নাহি লাজ ॥

এত অহঙ্কার কেন গোপালের হৈল ।
 পূর্বের বৃত্তান্ত বুঝি সব পাসরিল ॥
 কংসভয়ে নন্দগৃহে ছিল লুকাইয়া ।
 গোপন চরা'ত নিত্য গোপান্ন খাইয়া ॥
 একদিন চুরি করি খেয়েছিল ননৌ ।
 হাতে বান্ধি মারিলেক নন্দের ঘরগী ॥
 বুঝ অশ্ব সর্প বক করিল সংহার ।
 সেইহেতু দেখি তার এত অহঙ্কার ॥
 জরাসন্ধ-ভয়ে স্থান না পেয়ে সংসারে ।
 লুকাইয়া রহে গিয়া সমুদ্র-ভিতরে ॥
 হেনজনে পারিজাত-পুষ্পে হৈল সাধ ।
 নাহি দিলে বলিয়াছে করিবে প্রমাদ ॥
 হেন কটু-উত্তর কি মোর প্রাণে সহে ।
 কি করিব দূত, আর অন্তজন নহে ॥
 যাহ-যাহ নারদ, না থাক মম কাছে ।
 কহ গিয়া, করুক সে যত শক্তি আছে ॥'

নারদের মুখে শুনি এতেক বচন ।
 ক্রোধেতে ঘৃণিত হৈল যুগল-লোচন ॥
 গোবিন্দ বলেন, ইন্দ্র হইয়াছে মত্ত ।
 আপনি করিল লঘু আপন-মহত্ত্ব ॥
 আজি চূর্ণ করিব তাহার অহঙ্কার ।
 চলহ, সাক্ষাতে তুমি দেখ আপনার ॥
 সে-সকল কখন হইল পাসরণ ।
 গোপকুলেতে ইন্দ্রে দূর করিষু যখন ॥
 সাতদিন কৈল, যত ছিল পরাক্রম ।
 না হইল গোপকুলে পূজা লৈতে ক্ষম ॥
 এত অহঙ্কার স্রবপুরে করি স্থিতি ।
 উচ্চস্থলে নিবসে সে, আমি রহি ক্ষিতি ॥

আর অহঙ্কার, চড়ে ঐরাবতোপরে ।
 আর অহঙ্কার, বজ্র-অস্ত্র ধরে করে ॥
 আর অহঙ্কার তার, সহস্র-লোচন ।
 মত্ততা তাহার দূর করিব এখন ॥
 স্রবপুর হইতে পাড়িব ভূমিতলে ।
 প্রহারে ভাঙ্গিব গজরাজ-কুন্তললে ॥
 অব্যর্থ মুনির অস্থি, সেই তার বাজ ।
 ব্যর্থ করি হাসাইব দেবের সমাজ ॥
 ভাঙ্গি বন সমূলে আনিব পারিজাত ।
 দেখি, রক্ষা কেমনে করিবে শচীনাত ॥

এত বলি গোবিন্দ স্মরিলা খগেশ্বরে ।
 অগ্রে দাঁড়াইল খগরাজ যোড়-করে ॥
 শ্রীকৃষ্ণ বলেন, যাব ইন্দ্রের নগর ।
 আনিব হেথায় পারিজাত-তরুবর ॥
 গরুড় বলিল, প্রভু, তুমি যাও কেনে ।
 আজ্ঞা দিলে যাই আমি ইন্দ্রের ভবনে ॥
 নন্দন-বনের সহ পুষ্প পারিজাত ।
 এইক্ষণে হেথা আনি দিব জগন্নাথ ॥
 গোবিন্দ বলেন, ইহা সম্ভবে তোমাতে ।
 কিন্তু আমি তারে লঘু করিব সাক্ষাতে ॥

এত বলি গোবিন্দ নিলেন প্রহরণ ।
 কৌমোদকী-গদা খড়্গ চক্র-সুদর্শন ॥
 শাঙ্গ ধনু ধরি তাহে চড়াইয়া গুণ ।
 অর্পিলেন গরুড়ে অক্ষয় যুগ্মতুণ ॥
 বেশ-ভূষা করি পরে' কিরীট-কুণ্ডল ।
 মেঘেতে শোভিল যেন মিহির-মণ্ডল ॥
 কণ্ঠেতে ভূষণ গজমুকুতার হার ।
 ঝিকিমিকি করে যেন বিছাৎ-আকার ॥

বক্ষঃস্থলে রত্নরাজ কোন্তভ শোভিত ।
কোটি মনোভব হয় দেখিয়া মুচ্ছিত ॥
অঙ্গদ বলয় আর কেয়ূর ভূষণ ।
আঁটিয়া পরেন গীতবরণ-বসন ॥
সর্ব্বাঙ্গে লেপন কৈলা চন্দন-কস্তুরী ।
কাঁকালেতে বন্ধন করেন খড়্গা-ছুরি ॥
হইলেন গরুড়ের আরুঢ় জগন্নাথ ।
সত্যভামা বলেন যাইব আমি সাথ ॥
দেখিব ইন্দ্রের পুরী, কেমন ইন্দ্রাণী ।
কিরূপে তোমার সহ যুঝে বজ্রপাণি ॥

শুনি হরি তবে তাঁরে বসালেন বামে ।
আনিলেন ডাকিয়া সাত্যকি আর কামে ॥
দৌহারে বলেন কৃষ্ণ, চল মোর সঙ্গে ।
ইন্দ্র-সহ সমর দেখহ আজি রঙ্গে ॥
কৃষ্ণ-আজ্ঞা পেয়ে খণ্ডে করি আরোহণ ।
চলিলেন ইন্দ্রসহ রণে চারিজন ॥
হেনকালে বলভদ্র প্রভৃতি ষাদব ।
বলিল, তোমার সহ যাব মোরা সব ॥
গোবিন্দ বলেন, থাক দ্বারকা-রক্ষণে ।
শূন্য জানি আসি কি করিবে দুর্ফলগণে ॥
এত বলি প্রবোধিয়া সবারে রাখিলা ।
চলহ বলিয়া আজ্ঞা গরুড়েরে দিলা ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১১৬। শ্রীকৃষ্ণের সুরপুরী-গমন ।

নারদ বলিলা, তবে শুন নারায়ণ ।
অদিতি কহিল যত কুণ্ডল-কারণ ॥

নরক^১ আনিল বলে অদিতি-কুণ্ডল ।
লুটিয়া অমরাবতী অমরী-সকল ॥
পৃথিবীর পুত্র হয় নরক-দুর্নতি ।
তারে না মারিলে নহে স্বর্গেতে বসতি ॥

শুনিয়া গোবিন্দ তথা করিলা গমন ।
বিনাশি নরকাসুরে লভে কন্যাগণ ॥
ষোড়শ-সহস্র কন্যা দেবের কুমারী ।
এককালে করিলেন বিবাহ মুরারি ॥
অদিতির কুণ্ডল দিলেন অদিতিরে ।
তথা হৈতে চলিলেন অমর-নগরে ॥
নন্দন-কানন-মধ্যে হৈয়া উপনীত ।
দেখেন কুন্তুমরাজ, গন্ধে আশোদিত ॥
সাত্যকিরে বলেন, আনহ তরুবর ।
শুনিয়া সাত্যকি তথা গেলেন সত্তর ॥
বৃক্ষ-রক্ষা-হেতু তথা ছিল বহু রক্ষ ।
হাতে অস্ত্র লইয়া ধাইল লক্ষ-লক্ষ ॥

সাত্যকি বলিল, প্রাণ যদি সবে চাহ ।
না করহ হৃদয়, ইহা ইন্দ্রেরে জানাহ ॥
ধাইয়া ইন্দ্রের ঠাই সবে গিয়া কহে ।
চল শীঘ্র দেবরাজ, বিলম্ব না সহে ॥
গরুড়-আরুঢ় যে মনুষ্য তিনজন ।
পারিজাত লইল ভাঙ্গিয়া সব বন ॥

শুনিয়া ইন্দ্রের চিতে হইল স্মরণ ।
পারিজাত লইতে আইলা নারায়ণ ॥
থর-হর-কলেবর ক্রোধে কাঁপে শত্রু ।
সহস্র-লোচন ফিরে যেন কালচক্র ॥
নানা-অস্ত্র লইয়া সম্মুখে কৈল সাজ ।
হাতে বজ্র লইয়া চলিল দেবরাজ ॥

শচী বলে, যাব আমি সংহতি তোমার ।
দেখিব, কিরূপ যুদ্ধ হইবে দৌহার ॥
শুনি ইন্দ্র বসাইল বামে আপনার ।
জয়দেব সখা আর জয়ন্ত কুমার ॥
ঐরাবতে আরোহণ কৈলা চারিজন ।
চালাইয়া দিলা গজ, যথা মারায়ণ ॥
মহাভারতের কথা অমৃত-লহরী ।
কাশীরাম কহে, শুনি ভববারি তরি ॥

১১৭। শ্রীকৃষ্ণের সহিত ইন্দ্রের যুদ্ধ ।

অস্ত্রে-অস্ত্রে দুইজনে মজিলা^১ বিরোধে ।
উপেন্দ্রাণী দেখিয়া ইন্দ্রাণী বলে ক্রোধে ॥
কহ সত্যভামা, কেন এত গর্ব তোর ।
আসিয়াছ লইতে ভূষণ-পুষ্প মোর ॥
মর্যাদা থাকিতে আগে যাহ বাছড়িয়া ।
যথা ছিল পারিজাত, তথায় রাখিয়া ॥
বামন হইয়া চাহ ধরিতে চন্দ্রমা ।
দিব প্রতিকূল আজি, ভাঙ্গিব গরিমা ॥
সত্যভামা বলে, শচী, মিছে কর গর্ব ।
পরাক্রম তোমার যে জানি আমি সর্ব ॥
শাশুড়ীর কুণ্ডল নরক নিল বলে ।
নারিলে আনিতে তাহা কহি আখণ্ডলে ॥
লুটিয়া-পুটিয়া স্বর্গ কৈল ছারখার ।
রাখিবারে না পারিল স্বামী যে তোমার ॥
মারিয়া নরকাসুরে ভাঙ্গি তার পুরী ।
অদিতির কুণ্ডল আনিয়া দিল হরি ॥
পারিজাত-পুষ্পে তোর কোন্ অধিকার ।
বধনে জমিল পুষ্প, ভাগ সবাকার ॥

তুমি পুষ্প-ভূষণ করিবা একা কেনে ।
দেখ আজি লৈয়া যাব, রাখহ কেনে ॥
শচী-সত্যভামা দৌহে করিছে কোন্দল ।

মুখে বস্ত্র দিয়া হাসে দেবতা-সকল ॥
আনন্দে লহর তুলি নারদ-মুনি হাসে ।
শুনি পুরন্দর কাঁপে অতিশয় রোমে ॥
উপেন্দ্র-ইন্দ্রের যুদ্ধ হয় দেবধামে ।
ত্রিভুবন চমৎকৃত দৌহার সংগ্রামে ।
নানা-অস্ত্র দুইজন করেন প্রহার ।
পৃথিবীর মধ্যে পড়ে উদ্ধার আকার ॥
দর্পক^১-জয়ন্তে যুদ্ধ কি দিব তুলন ।
শরজালে দুইজনে ছাইল গগন ॥
সাত্যকি তুলিল তরু গরুড়-উপর ।
তার সহ জয়দেব করয়ে সমর ॥

খগেন্দ্রে-গজেন্দ্রে যুদ্ধ না যায় বর্ণন ।
গর্জনে বদীর হৈল ত্রৈলোক্যের জন ॥
দশন-শুণ্ডেতে গজ গরুড়ে প্রহারে ।
গরুড় গজেন্দ্র-শুণ্ড নখেতে বিদারে ॥
গরুড়ের নখাঘাতে গজেন্দ্র অস্থির ।
খণ্ড-খণ্ড হৈয়া বহে সর্বাস্থে রুধির ॥
না পারিল শূন্যেতে রহিতে গজবর ।
অজ্ঞান হইয়া পড়ে ভূমির উপর ॥
সর্বাস্থে রুধির বহে, কল্মষ কলেবর ।
পড়িল মাতঙ্গরাজ পর্বত-উপর ॥
হস্তীর চাপনে গিরি অর্দ্ধ গেল তল ।
পর্বত-উপরে স্থির হৈল আখণ্ডল ॥

ইন্দ্র বলে, গর্ব কৃষ্ণ, না করহ তুমি ।
সমরেতে ন্যূন হৈয়া পড়ি নাই আমি ॥

বাহন অশ্বির হৈল গরুড়-আঘাতে ।
 তুমি-আমি চল যুদ্ধ করিব ভূমিতে ॥
 ইন্দ্র-বাক্য শুনি হাসি বলে ভগবান্ ।
 যথায় তোমার ইচ্ছা যাব সেইস্থান ॥
 পুনরপি মুখামুখি হইল সমর ।
 যত অস্ত্র এড়ে ইন্দ্র, কাটে দামোদর ॥
 সর্ব-অস্ত্র ব্যর্থ হয়, মনে পেয়ে লাজ ।
 অতিক্রোধে প্রহারিল বজ্র দেবরাজ ॥
 গোবিন্দ বলেন তবে গরুড়ের প্রতি ।
 দেখ, বজ্র-অস্ত্র প্রহারিল সুরপতি ॥
 চক্রেতে কাটিতে পারি তিল-তিল করি ।
 মুনিবাক্য ব্যর্থ হবে, এই-হেতু ডরি ॥
 ইহার উপায় তুমি কর খগেশ্বর ।
 এক-পক্ষ দেহ ফেলি বজ্রের উপর ॥
 চৌটেতে উপাড়ি পক্ষ গরুড় ফেলিল ।
 পক্ষ চূর্ণ করি বজ্র বাহড়ি চলিল ॥
 একবার বিনা বজ্র আর নাহি চলে ।
 দেখিয়া বিস্ময় বড় হৈল আখণ্ডে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

১১৮। মহাদেবের যুদ্ধস্থলে গমন ।

গোবিন্দ-ইন্দ্রের রণ নাহি অবসান ।
 ত্রিলোকের লোক শব্দে হয় হতজ্ঞান ॥
 দেখিয়া নারদ-মুনি হইয়া চিস্তিত ।
 ক্ষীরোদে কশ্যপ-স্থানে গেলেন স্থরিত ॥
 নারদ বলেন, আছ কশ্যপ, কি-কাজে ।
 প্রমাদ ঘটাল তব পুত্র দেবরাজে ॥
 অজ্ঞান হইয়া করে কৃষ্ণ-সহ রণ ।
 না মারেন কৃষ্ণ, তেজি জীয়ে এতক্ষণ ॥

দেবরাজ পরাক্রম করিলেন সব ।
 নিজ-অস্ত্র অদ্যাপি না ছাড়েন মাধব ॥
 হৃদর্শন যতপি ছাড়েন নারায়ণ ।
 কাটিবেন ইন্দ্রেতে রাখিবে কোন্ জন ॥
 শুনিয়া কশ্যপ-মুনি সচিস্তিত-মন ।
 কেমনে দৌহার দ্বন্দ্ব হৈবে নিবারণ ॥
 দৌহার মধ্যস্থ শিব-বিনা অন্যে নারে ।
 এত চিস্তি কশ্যপ করেন স্ততি হরে ॥
 কশ্যপের স্তবে তুষ্ট হ'য়ে ত্রিলোচন ।
 যুদ্ধ-স্থানে চলিলা করিতে নিবারণ ॥
 খগেন্দ্রে উপেন্দ্র ও গজেন্দ্রে ইন্দ্ররাজ ।
 যোগেন্দ্রে রুষেন্দ্রারূঢ় দাঁড়াইল মাঝ ॥
 হর বলে, ত্রীহরি, করহ অবধান ।
 তব সহ সমরে কি ইন্দ্র বলবান্ ॥
 দেবরাজ করি তুমি করিলা স্থাপিত ।
 এক্ষণে নিগ্রহ তারে না হয় উচিত ॥
 গোবিন্দ বলেন, ইন্দ্র স্বর্গভোগ করে ।

এক পারিজাত-বৃক্ষ না দেয় আমারে ॥
 স্বতন্ত্র তাহার উপাঞ্জিত নহে ফুল ।
 ক্ষীরোদ মথিয়া পায় সুরাসুরকুল ॥
 মথনের দ্রব্যে সবাকার ভাগ আছে ।
 বিশেষে বামন আমি, জন্ম তার পাছে ॥
 ঐরাবত উচ্চৈঃশ্রবা স্বর্গে যত সুখ ।
 সকল ইন্দ্রের ভূষা, আমি সে বিমুখ ॥
 একমাত্র পারিজাত-বৃক্ষ আমি মাগি ।
 উচিত কি তার দ্বন্দ্ব করা ইহা লাগি ॥

গোবিন্দের মুখে শুনি এতেক বচন ।
 ইন্দ্রস্থানে চলিলেন দেব পঞ্চানন ॥
 গিরীশ বলেন, ইন্দ্র, হইলা অজ্ঞান ।
 না জানহ নারায়ণ পুরুষ-প্রধান ॥

ঠার সহ কর দ্বন্দ্ব, নাহিক কল্যাণ ।
মম বাক্যে সুরপতি কর সমাধান ॥
পারিজাত চাহে যদি যদুবংশপতি ।
পুষ্প দিয়া সম্প্রীত করহ সুরপতি ॥

ইন্দ্র বলে, পশুপতি, কর অবধান ।
ঐবাবত-উচ্চৈঃশ্রবা-আদি যত যান ॥
শচী বজ্র পারিজাত নন্দন-কানন ।
ইহাতে ইন্দ্রত্ব মম স্বর্গের ভূষণ ॥
পারিজাত লৈবে যদি দেবকৌ-কুমার ।
স্বর্গতে ইন্দ্রত্ব মোর কি রহিল আর ॥

মহেশ বলেন, হরি খর্ব্ব-অবতারে ১ ।
তোমার কনিষ্ঠ ভাই অদিতি-উদরে ॥
কনিষ্ঠের ভাগ মাগিলেন নারায়ণ ।
দেহ পুষ্পরাজ, হৌক দ্বন্দ্ব-নিবারণ ॥

ইন্দ্র বলে, তব বাক্য না করিব আন ।
আমার কনিষ্ঠ-ভাই যদি ভগবান ॥
জ্যেষ্ঠ-কনিষ্ঠেতে যথা আছে ব্যবহার ।
তা' না করি চাহে কেন বল করিবার ॥
না করিয়া মান্য মোরে ল'য়ে যায় বলে ।
বলে নিল বলিয়া ঘুষিবে ভ্রমণ্ডলে ॥

এত শুনি বলে শিব গোবিন্দে চাহিয়া ।
তাজ ক্রোধ যদুনাথ, আমারে দেখিয়া ॥
অজ্ঞানে হইল মত্ত দেব, সুরপতি ।
সেই-হেতু করে যুদ্ধ তোমার সংহতি ॥
আপনি ইন্দ্রত্ব ভূমি দিয়াছ উহারে ।
বিবিধ উৎপাতে রাখিয়াছ বারে-বারে ॥
আপন-রোপিত যদি বিষযুক্ত হয় ।
ছেদিতে আপন-হস্তে সমুচিত নয় ॥

পারিজাত-পুষ্প ল'য়ে যাহ, বাধা নাই ।
মান্য করি লহ ইন্দ্রে, হয় জ্যেষ্ঠভাই ॥
আমার বচন দেব, করহ পালন ।
শিববাক্যে স্বীকার করেন নারায়ণ ॥
গেলেন গোবিন্দে ল'য়ে শিব ইন্দ্র স্থানে ।
প্রণাম করেন হরি কনিষ্ঠ-বিধানে ॥
হৃষ্ট হ'য়ে দেবরাজ কৃষ্ণে কোল দিয়া ।
পারিজাত-বৃক্ষ দিল নিয়ম করিয়া ॥
যাবৎ থাকিবা ভূমি অবনী-মণ্ডলে ।
তাবৎ থাকিয়া পুষ্প আসিবেক চ'লে ॥
এত বলি দেববাজ স্বর্গতে চলিল ।
সত্যভামা চাহি তবে ইন্দ্রাণী হাসিল ॥
মহাভারতের কথা অমৃত-সমান ।
কাশীরাম কহে, সাধু সদা করে পান ॥

১১৯ । ইন্দ্রকে লইয়া গরুড়ের কৃষ্ণের নিকট আগমন
ও কৃষ্ণের ক্রোধ-নিবারণ ।

শচী-হাসি দেখি সত্যভামা-অভিমান ।
গোবিন্দে চাহিয়া বলে, কর অবধান ॥
প্রণাম করিলা ভূমি ইন্দ্রের চরণে ।
হাসিয়া চাহিয়া মোবে দেখায় নয়নে ॥
যে প্রতিজ্ঞা কৈল শচী, হইল সম্পূর্ণ ।
ব'লেছিল গর্ব আজি করিব যে চূর্ণ ॥
কি-কারণে এমত করিলা জগন্নাথ ।
না হয়, না পাইতাম পুষ্প-পারিজাত ॥
হাসিয়া বলেন প্রভু কমললোচন ।
এইহেতু সতি, কেন হও দ্বন্দ্ব-মন ॥

দেখিছ যতক প্রাণী এ-তিন-ভুবনে ।

আমা হৈতে বিভিন্ন নহেক কোনজনে ॥

আপনারে নমস্কার করি যে আপনে ।

ইহাতে তোমার লজ্জা হৈল কি-কারণে ॥

সত্যভামা বলে, তার প্রতিজ্ঞা পূরিলা ।

আপন-প্রতিজ্ঞা দেব, বিস্মৃত হইলা ॥

‘সহস্র-লোচনে দিব ধুলির অঞ্জন ।

ভাঙ্গিব ইন্দ্রের গর্ব’, কহিলা তখন ॥

কক্রিয়-প্রতিজ্ঞা না পালিলে ধর্ম নহে ।

বিশেষে শচীর হাসি দেখি অঙ্গ দহে ॥

কৃষ্ণ বলে, আমার প্রতিজ্ঞা নহে স্থির ।

ভক্তেরে বিক্রীত দেবি, আমার শরীর ॥

না পারি শিবের বাক্য করিতে লঙ্ঘন ।

ইন্দ্র-অপরাধ ক্ষমিলাম সে-কারণ ॥

সত্যভামা বলে, আমি অভক্ত তোমার ।

সে-কারণে ক্রোধে দহে শরীর আমার ॥

গোবিন্দ বলেন, ভুমি ক্রোধ ত্যজ মনে ।

এক্ষণে লোটাও ইন্দ্রে তোমার চরণে ॥

সত্যভামা আশ্বাসিয়া দেবকী-তনয় ।

ডাকিয়া বলেন, শুন দেব-মৃত্যুঞ্জয় ॥

তোমার বচন আমি লজ্জিতে না পারি ।

তাহার কারণে আমি ইন্দ্রে মান্য করি ॥

ইন্দ্রেতে আমাতে কিবা সম্বন্ধ-নির্ণয় ।

কত অবতার মম ধরণীতে হয় ॥

হিরণ্যাক্ষ হিরণ্যকশিপু দুইজন ।

প্রতাপেতে ল’য়েছিল সকল ভুবন ॥

মারিলাম তাহারে হইয়া অবতার ।

নিষ্কণ্টক স্বর্গেতে দিলাম অধিকার ॥

ধর্ম্যবলে বলি ল’য়েছিল ত্রিভুবন ।

ছলিয়া পাতালে রাখি করিয়া বন্ধন ॥

দুইপদে ব্যাপিলাম ব্রহ্মাণ্ড-সকল ।

নিষ্কণ্টক করিয়া দিলাম আশ্বপুল ॥

কুম্ভকর্ণ রাবণ রাক্ষস-অধিপতি ।

সকলে জানহ, ইন্দ্রে কৈল যেই গতি ॥

তাহারে মারিষু আমি রাম-অবতারে ।

নিষ্কণ্টক করি স্বর্গ দিলাম তাহারে ॥

উদায়-আমায় শিব, কিসের সম্বন্ধ ।

এই বাক্য তাহারে বলহ সদানন্দ ॥

ভূমিতলে লোটাওয়া সহস্রলোচনে ।

পড়ুক প্রণাম করি সতীর চরণে ॥

তবে তার অপরাধ করি আমি দূর ।

নহিলে এখনি অন্যে দিব স্বর্গপুর ॥

কহিলেন এ-সকল ইন্দ্রে মহেশ্বর ।

শুনি ইন্দ্র ক্রোধেতে কম্পিত-কলেবর ॥

না করে স্বীকার, শিব কহেন কৃষ্ণেরে ।

গরুড়ে ডাকিয়া কৃষ্ণ বলেন সত্বরে ॥

যাহ বীর খগেশ্বর, পাতাল-ভুবন ।

আন গিয়া শীত্বে বিরোচনের নন্দন ॥

বলিরে করিব আজি স্বর্গ-অধিপতি ।

সাধুসেবা-গুণে বলি আমাতে ভক্তি ॥

গরুড় ইন্দ্রের সখা, ইন্দ্রে বড় প্রীত ।

গোবিন্দ-চরণে পড়ে সখার নিমিত্ত ॥

সবিনয়ে বচন বলয়ে খগেশ্বর ।

অদিতির সত্য পাসরিলা চক্রধর ॥

মহেশ্বরে বলিরে করিবা অধিকারী ।

এক্ষণে বলিরে ডাক কি-কারণে হরি ॥

কোন্ ছার ইন্দ্র, প্রভু, তারে এত কেনে ।
দেখি আমি, তোমারে কেমনে নাহি মানে ॥

এত বলি আপনি চলিলা খগেশ্বর ।
কহিলা, অজ্ঞান কেন হও পুরন্দর ॥
যাঁহার পালন-সৃষ্টি, সৃজন যাঁহার ।
যেই প্রভু তোমারে দিয়াছে অধিকার ॥
তার আজ্ঞা লজ্জা তুমি করি অবহেলা ।
দেখিয়া না দেখ চ'ক্ষে, ইন্দ্রপদ-ভোলা ॥
আইস তোমার দোষ ক্ষমা করাইব ।
সতীর চরণতলে তোমা ফেলাইব ॥
আমার বচনে যদি না মান প্রবোধ ।
বলি ইন্দ্রপদ লৈবে বাড়িবেক ক্রোধ ॥

খগেন্দ্রের বাক্য শুনি চিন্তে মগ্ধবান্ ।
বুঝিলাম মোরে ক্রোধ কৈলা ভগবান্ ॥
ত্রৈলোক্যের নাথ প্রভু দেব-নারায়ণ ।
অজ্ঞান হইয়া তাঁর সঙ্গে কৈনু রণ ॥
গরুড়ে বলিলা ইন্দ্র, শুন সখা, তুমি ।
গোবিন্দে বাড়ানু ক্রোধ না জানিয়া আমি ॥

খগেশ্বর বলে, সখা, শুন মম বাণী ।
মোর সহ আসি শাস্ত কর চক্রপাণি ॥
আইস তোমার দোষ করাইব ক্ষমা ।
নারায়ণ-সম্মুখে লইয়া যাব তোমা ॥
এত বলি গরুড় করিয়া হাতাছাতি ।
সত্যভামা-পদতলে ফেলে সুরপতি ॥
পড়ি তার সহস্র-লোচনে লাগে ধূলি ।
দেখিতে না পায় ইন্দ্র, হাতাড়িয়া বুলি ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান্ ॥

১২০। সত্যভামার প্রতি ইঞ্জের ভব ।

সতী-আগে কতদূরে, করয়ুগ দিয়া শিরে
প্রণমি পড়িল দেবরাজ ।
স্তব করে সুরপতি, অষ্টোক্ত লোটায়ে ক্ষিতি,
সহ যত অমর-সমাজ ॥
তুমি লক্ষ্মী সরস্বতী, রতি সতী অরুন্ধতী,
পার্বতী সাবিত্রী বেদমাতা ।
তুমি অধঃ ক্রিতি স্বর্গ, তুমি দাতা চতুর্ভুজ,
সৃষ্টি-স্থিতি-প্রলয়-বিধাতা ॥
অনাদি-পুরুষ-প্রিয়া, কে জানে তোমার ক্রিয়া,
মায়াতে মনুষ্য-দেহ-ধারী ।
তুমি বিধাতার ধাতা, সবাংকার অন্নদাতা,
আমি তোমা কি বর্ণিতে পারি ॥
বেদপতি বহু খেদে, না পাইল চারিবেদে,
আগমে না পায় পঞ্চানন ।
তুমি মোরে দিলা সর্ব, তেঞি মোর হৈল গর্ব,
না ভজিনু তোমার চরণ ॥
করহ এ-দীনে রূপা, তুমি দেবী বুদ্ধিরূপা,
সুমতি-কুমতি-প্রদায়িনী ।
তুমি শূণ্য জল স্থল, পৃথিবী পর্বতানল,
সর্বগৃহে জননী-রূপিণী ॥
শরণ লইনু পদে, ক্ষমা কর অপরাধে,
অজ্ঞান-দুর্মতি কর দূর ।
সম্পদে হইয়া মত্ত, না জানিনু তব তত্ত্ব,
না চিনিনু আপন-চাকুর ॥
এত বলি সুরপতি, পুনঃ লুটি পড়ে ক্ষিতি,
ধূলায় ধূসর কেশপাশ ।
কিরীট কুণ্ডল হার, ছত্রদণ্ড অলঙ্কার,
ধূলি লোটে আলু-থালু বাস ॥

ধূলিতে লুপ্তিত-তনু, নয়নে পুরিল রেণু,
 দেখিতে না পায় পুরন্দর ।
 দেখি চিতে দিল ক্ষমা, আজ্ঞা কৈল সত্যভামা,
 ইন্দ্রে উঠাও থগেশ্বর ॥
 মন্দাকিনী-জল দিয়া, চক্ষু ধৌত কর গিয়া,
 নিশ্বল হইবে চক্ষু তবে ।
 শুনিয়া সতীর বাণী, লৈয়া মন্দাকিনী-পানী,
 স্নান করাইল যে বাসবে ॥
 নয়ন নিশ্বল হৈল, ঐরাবতে আরোহিল,
 ইন্দ্র গেল লইয়া বিদায় ।
 ল'য়ে পুষ্প-পারিজাত, নারদে করিয়া সাথ,
 দ্বারকা গেলেন যত্নরায় ॥
 মহাভারতের কথা, শ্রবণে বিনাশে ব্যথা,
 অধর্ম-সকল পায় নাশ ।
 কমলাকান্তের স্তত, স্নজনের শ্রীতিযুত,
 বিরচিল কাশীরাম দাস ॥

১২১। সত্যভামার ব্রতরস্তু ।

রোপিলেন পারিজাত সত্যভামা দ্বারে ।
 নানারত্নে বাঙ্কিলেন মূল তরুবরে ॥
 শত-শত রবি-শশী যেন করে শোভা ।
 পৃথিবী যুড়িয়া তার দীপ্ত হৈল আভা ॥
 উপরে চাঁদোয়া বাঙ্কে দিয়া রত্নবাস ।
 তার তলে কৃষ্ণসহ করেন বিলাস ॥
 হেনকালে আগত নারদ-মুনিবর ।
 দেখি সত্যভামা স্তব করেন বিস্তর ॥
 নারদ বলেন, দেবি, কি করি বাঞ্ছান ।
 না হইবে, নাহি হয় তোমার সমান ॥

দেবের দুর্লভ যেই পুষ্প-পারিজাত ।
 তোমার ছুয়ারে রোপিলেন জগন্নাথ ॥
 এক্ষণে করহ দেবি, ইহার যে কাজ ।
 অবহেলে তোমার হইবে ব্রতরাজ ॥
 যে ব্রত করিলে হয় স্বামি-সোহাগিনী ।
 জন্ম-জন্ম হইবে গোবিন্দ তব স্বামী ॥
 ব্রহ্মাণ্ড-দানের ফল পায় যেই ব্রতে ।
 কর সেই ব্রত যশ ঘোষিবে জগতে ॥
 এ-ব্রত করিয়াছিল পুলোমা-নন্দিনী ।
 সোহাগে আগুণি হৈল ইন্দ্রের ইন্দ্রাণী ॥
 পর্বত-নন্দিনী পূর্বের এই ব্রত করি ।
 পাইলেন শিবের অর্দ্ধাঙ্গ মহেশ্বরী ॥
 আর কৈল স্বাহাদেবী অগ্নির গৃহিণী ।
 যার ফলে হইল সে অগ্নি-সোহাগিনী ॥
 শুনি সত্যভামা ধরে মুনির চরণে ।
 সেই ব্রত প্রভু, মোরে-করাহ এক্ষণে ॥
 নারদ বলেন, লহ কৃষ্ণ-অনুমতি ।
 শ্রীকৃষ্ণ নহেন যে কেবল তব পতি ॥
 নাহি জান দেবি, তুমি এ-ব্রত-বিধান ।
 বৃক্ষেতে বাঙ্কিয়া স্বামী দিতে হৈবে দান ॥
 সত্যভামা বলে, হেন কহ কেন মুনি ।
 মোরে বিরোধিবে, হেন কে আছে সতিনী ॥
 করিব গোবিন্দে দান, যে বিধি আছেয় ।
 কৃষ্ণে জিজ্ঞাসিব, ইথে কি আছে সংশয় ॥
 মুনি বলে, তবে আর বিলম্ব কি-কাজ ।
 শীঘ্র কেন আরম্ভ না কর ব্রতরাজ ॥
 একলক্ষ ধেনু চাহি, খাত লক্ষ-পৌটিং ।
 দক্ষিণ-সামগ্রী কর স্বর্ণ-লক্ষ-কোটি ॥

বসন-ভূষণ-দান ষোড়শ-বিধান ।
 অশ্ব রথ গজ রুম যত রত্ন-যান ॥
 নারদের বাক্যমত সব আয়োজন ।
 শুভদিনে করিলেন ত্রৈত আরম্ভণ ॥
 গোবিন্দেরে একান্তে কহেন সমাচার ।
 হাসিয়া সতীরে কৃষ্ণ করেন স্বীকার ॥
 নিমজ্জিয়া আনেন যতক মুনিগণ ।
 পৃথিবীর মধ্যে যত বৈসেন ব্রাহ্মণ ॥
 করিল ত্রৈতের সজ্জা যে ছিল বিহিত ।
 বসেন নারদ-মুনি হৈয়া পুরোহিত ॥
 পারিজাত-বৃক্ষেতে বান্ধিয়া হৃষীকেশে ।
 সত্যভামা বসিলেন হাতে তিল-কুশে ॥
 রুক্মিণী প্রভৃতি ষোল-সহস্র রমণী ।
 অভিমানে সবাকার চ'ক্ষে বহে পানি ॥
 সত্যভামা করিলেন দান জগন্নাথে ।
 স্বস্তি বলি নারদ নিলেন ধরি হাতে ॥
 মহাভারতের কথা অমৃত-সমান ।
 কাশীরাম কহে, সদা শুনে পুণ্যবান ॥

১২২। ত্রীকৃষ্ণকে দান পাইয়া নারদের গমন ।

দান পেয়ে নারদ নাচেন বাহু তুলে ।
 যতক দক্ষিণা পান, দেন দ্বিজকুলে ॥
 নারদ দ্বারকানাথে লৈয়া যান ধরি ।
 শুনিয়া দ্বারকা-শুদ্ধ ধায় নরনারী ॥
 পারিজাত-বৃক্ষ হৈতে খসান বক্ষন ।
 গোবিন্দে বলেন সব ফেল আভরণ ॥
 এখন গোপাল, আর এ-বেশে কি-কাজ ।
 তপস্বী হইলা, ধর তপস্বীর সাজ ॥

কিরীট ফেলিয়া শিরে ধর পিঙ্গজটা ।
 কনক-পইতা ফেলি লহ যোগপাটা ॥
 কনক-মুকুতা-হার ফেলি বনমালা ।
 গীতাম্বর ফেলিয়া পরহ বাঘছালা ॥
 মুনির বচনে সব ত্যজি সেইকণ ।
 ধরেন তপস্বী-বেশ দৈবকী-নন্দন ॥
 চাতেতে করিয়া বীণা, কঁাধে যুগছালা ।
 পাছে-পাছে যান যেন সম্ম্যাসীর চেলা ॥
 দেখিয়া কৃষ্ণের বেশ কান্দে সর্বজন ।
 উগ্রসেন বনুদেব করেন ক্রন্দন ॥
 কান্দয়ে যাদব যত নারী আর শিশু ।
 থাকুক অন্তর কথা কান্দে বন্যপশু ॥
 বাল-বৃদ্ধ যুবা কান্দে ভূমিতলে পড়ি ।
 দৈবকী রোহিণী কান্দে দিয়া গড়াগড়ি ॥
 রুক্মিণী প্রভৃতি ষোল-সহস্র রমণী ।
 পাছে-পাছে কান্দি চলে যতক কামিনী ॥
 নারদ বলেন, তোমা-সবে যাহ কোথা ।
 রুক্মিণী বলেন, কৃষ্ণ ল'য়ে যাবে যথা ॥
 নারদ বলেন, তব কিবা প্রয়োজন ।
 নানাস্থানে ভ্রমি আমি তপস্বী ব্রাহ্মণ ॥
 রুক্মিণী বলেন, কৃষ্ণদান পেলে মুনি ।
 র্যোতুক পাইলা ষোল-সহস্র রমণী ॥
 মুনি বলে, রুক্মিণী, না কর মিছা দ্বন্দ্ব ।
 পাছে ক্রোধ না কর বলিলে ভাল-বন্দ ॥
 যখন করিল দান সত্রাজিৎ-সুতা ।
 তখন ত কেহ না কহিলা কোন কথা ॥
 তার আগে কহিবারে নহিলে ভাজন ।
 আমার সহিত তব কোন্ প্রয়োজন ॥

রুক্মিণী বলেন পুনঃ, শুন মুনিরায় ।
 সত্যভামা দিল দান, আমার কি তায় ॥
 প্রাণনাথে ল'য়ে যাহু আমা-সবাকার ।
 কহ মুনি, আমরা রহিব কোথা আর ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১২৩। নারদকে শ্রীকৃষ্ণ-পরিমাণে ধনদান ।

গোবিন্দে লইয়া নারদ-মুনি যান ।
 বিষণ্ণ-বদনা হৈয়া সত্যভামা চান ॥
 ঘন পড়ে, উঠি ধায় বাতুল-সমান ।
 দুই-হাতে আগুলিয়া মুনিরে রহান ॥
 বুঝিনু নারদ-মুনি চতুরালি তোর ।
 ভাণ্ডাইয়া লৈয়া যাও প্রাণপতি মোর ॥
 বালকে ভাণ্ডায় যেন হাতে দিয়া কলা ।
 কাচ দিয়া লৈয়া যাও কাঞ্চনের মালা ॥
 শিলা দিয়া লৈয়া যাও পরশ-রতন ।
 শুধু কায় দিয়া যাও লইয়া জীবন ॥
 না চাহি যে ব্রত, না চাহি যে ফল তার ।
 ফিরাইয়া প্রাণনাথে দেহ ত আমার ॥
 মুনি বলে, সত্যভামা, সত্যভ্রষ্টা হৈলা ।
 সবাকার সাক্ষাতে গোবিন্দে দান দিলা ॥
 এক্ষণে কহিছ ব্রতে নাহি প্রয়োজন ।
 দান লইয়াছি আমি, দিব কি-কারণ ॥
 একক দেখিয়া চাহ বল করিবারে ।
 মোর ঠাঞি লইতে কাহার শক্তি পারে ॥
 এত বলি নারদ ঘুরান দুই অঁাখি ।
 কম্পিত-শরীরে দেবী মুনি-মুখ দেখি ॥
 সত্যভামা বলে, তব ক্রোধে নাহি ভরি ।
 বড় ক্রোধ হইলে ফেলিবে ভস্ম করি ॥

গোবিন্দ-বিচ্ছেদে মরি, সেই মোর স্থখ ।
 না দেখিব কৃষ্ণ-মুখ, এই বড় দুখ ॥
 এক কথা কহি, অবধান কর মুনি ।
 পূর্বে যে বলিলা ব্রত করিল ইন্দ্রাণী ॥
 পার্শ্বতী করিল আর স্বাহা অগ্নিপ্রিয়া ।
 তারা পুনঃ স্বামী পেলে কেমন করিয়া ॥

নারদ বলেন, সর্বভুকু হতাশন ।

চারি-মুখে ধরে তার প্রচণ্ড কিরণ ॥
 তাহারে লইয়া সতি, কি করিব আমি ।
 সে-কারণে স্বাহারে ফিরায়ে দিনু স্বামী ॥
 পার্শ্বতীর পতি রুদ্রে বলদ-বাহন ।
 হাড়মালা ভস্ম মাখে, অঙ্গে ফণিগণ ॥
 নিরন্তর ভূত-প্রেত লৈয়া তার খেলা ।
 না নিলাম তাহারে করিয়া অবহেলা ॥
 শচীপতি পুরন্দর সহস্রলোচন ।
 ত্রৈলোক্য-পালিতে ধাতা কৈলা নিয়োজন ॥
 কভু ঐরাবতে, কভু উচ্চৈঃশ্রবাঃ রথে ।
 বিনা-বাহনেতে ইন্দ্র না পারে চলিতে ॥
 তারে না নিলাম আমি ইহার লাগিয়া ।
 তথাপিহ আছে স্বর্গে আমার হইয়া ॥
 তোমার এ স্বামী কৃষ্ণ, রূপে নাহি সীমা ।
 তিন-লোক-মধ্যে দিব কাহাতে উপমা ॥
 যথায় যাইব, তথা সঙ্গে করি লব ।
 অনুক্ষণ দিবানিশি নয়নে দেখিব ॥
 জনমে-জনমে মম এই বাঞ্ছা ছিল ।
 অনেক তপের ফলে বিধি মিলাইল ॥
 নয়ন মুদিয়া সদা ধ্যান করি যাঁকে ।
 তাঁহাকে পাইয়া হাতে দিব কি তোমাকে ॥
 করিতেছি যাঁর চিন্তা মনে নিরবধি ।
 দরিদ্র কি ছেড়ে দেয় পেলো মহানিধি ॥

ব্রতের কারণে ছাড়ি দিলা কৃষ্ণধনে ।

সর্বব্রত-ফল আছে কৃষ্ণের চরণে ॥

কৃষ্ণেরে ত্যজিলা দেবি, তুমি অকাতরে ।

দরিদ্র নারদ কিস্ত ত্যজিতে না পারে ॥

এ-কথা শুনিয়া সতী হ'লেন মুচ্ছিতা ।

নাহি জ্ঞান, সত্যভামা যুতা কি জীবিতা ॥

দেখিয়া সতীর কষ্ট কৃষ্ণ হৈল দয়া ।

নারদেরে বলেন, ছাড়হ মুনি মায়া ॥

নারদ বলেন, কৰ্ম্ম ভুঞ্জুক আপন ।

তোমাং ত্যজিয়া দিল ব্রতফলে মন ॥

শ্রীকৃষ্ণ বলেন, অজ্ঞ সহজে শ্রীজাতি ।

কোথায় পাইবে জ্ঞান তোমার যেমতি ॥

শরীরে নাহিক প্রাণ, হেন লয় মনে ।

যোগবলে আস্মা মুনি, দেহ এইক্ৰণে ॥

সতী-কষ্ট দেখিয়া মুনির চমৎকার ।

উঠহ বলিয়া ডাকিলেন বারেবার ॥

মুনির আশ্বাসে দেবী পাইয়া চেতন ।

উঠিয়া ধরেন পুনঃ মুনির চরণ ॥

নারদ বলেন, দেবি, এক কৰ্ম্ম কর ।

দান দিয়া লৈতে চাহ, অধৰ্ম্ম দুস্তর ॥

গোবিন্দে তৌলিয়া দেহ আমারে রতন ।

পাইবা ব্রতের ফল শাস্ত্রেতে যেমন ॥

শুনি সত্যভামা মনে পাইয়া উল্লাস ।

পুত্রগণে ডাকিয়া কহেন যুদুভাষ ॥

করহ তুলের সম্ভা যে আছে বিহিত ।

যম গৃহ হৈতে রত্ন আনহ স্বরিত ॥

আজ্ঞা পেয়ে কামাদি যতক পুত্রগণ ।

কনক-নির্মিত তুল কৈল ততক্ষণ ॥

একভিতে বসাইল দৈবকী নন্দনে ।

আর ভিতে চাপাইল যত রত্নধনে ।

সত্যভামা-গৃহে রত্ন যতক আছিল ।

তুলে চড়াইল, তবু সমান নহিল ॥

রুক্ষিণী কালিন্দী নাগজিতী জাম্ববতী ।

সবে গৃহ হৈতে রত্ন আনে শাস্ত্রগতি ॥

চড়াইল তুলে তবু সমতুল নহে ।

ষোড়শ-সহস্র কণা নিজধন বহে ॥

কৃষ্ণের ভাণ্ডারে ধন কুবের জিনিয়া ।

স্বরা করি চড়াইল তুলে সব লৈয়া ।

না হয় কৃষ্ণের সম, অপরূপ-কথা ।

স্বারকাবাসীর ধন যার ছিল যথা ॥

শকটে উষ্ট্রেতে রূষে বহে অনুক্ষণ ।

নহিল কৃষ্ণের সম দেখে সর্বজন ॥

পর্বত-আকার চড়াইল রত্নগণে ।

ভূমি হৈতে তুলিতে নারিল নারায়ণে ॥

দেখি দেবী সত্যভামা করেন রোদন ।

ক্রোধমুখে বলেন নারদ তপোধন ॥

উপেন্দ্রাণী বলিয়া বলা'স এই মুখে ।

রত্নে জুখি উদ্ধারিতে নারিল স্বামীকে ॥

শিশু-প্রায় পুনঃপুনঃ করিস্ রোদন ।

এমন ধনের গর্বে কিবা প্রয়োজন ॥

বক্রচক্ষু করি পুনঃ কহে তপোধন ।

হেনজন হেন-ব্রত করে কি-কারণ ॥

এবে জানিলাম ধন না পারিলে দিতে ।

উঠ বলি নারদ ধরেন কৃষ্ণহাতে ॥

শুনি সত্যভামা-মুখে উড়িল যে ধূলি ।

ভূমে গড়াগড়ি যায়, সবে মুক্তচুলী ॥

হেনমতে কান্দে সব যাদবী-যাদব ।
 হৃদয়ে চিন্তিয়া তবে বলেন উদ্ধব ॥
 ক'হেছেন নিজমুখে কৃষ্ণ গুণধাম ।
 কৃষ্ণ হ'তে গুরু অতি হয় কৃষ্ণনাম ॥
 চিন্তিয়া বলিল, সব মোর বোল ধর ।
 যত রত্ন আছে, তুলে ফেলাহ সত্ত্বর ॥
 একেক ব্রহ্মাণ্ড যাঁর এক লোমকূপে ।
 কোন্ দ্রব্যে সম করি তৌলিবা তাঁহাকে ॥
 এত বলি আনি এক তুলসীর দাম ।
 তাহে দুই অক্ষর লিখিল কৃষ্ণনাম ॥
 তুলের উপরে দিল তুলসীর পাত ।
 নীচে হৈল তুলসী, উদ্ধেতে জগন্নাথ ॥
 দেখি উল্লাসিতা হৈলা সকল রমণী ।
 সাধু-সাধু বলিয়া হইল মহাধ্বনি ॥

কৃষ্ণ নাম-গুণের নাহিক বেদে সীমা ।
 বৈষ্ণবে সে জানে কৃষ্ণনামের মহিমা ॥
 শ্রীকৃষ্ণ হইতে কৃষ্ণনাম-ধন বড় ।
 জগহ কৃষ্ণের নাম চিত্ত করি দৃঢ় ॥
 কৃষ্ণ-কৃষ্ণ বলিলে পাইবা কৃষ্ণদেহ ।
 কৃষ্ণের মুখের বাক্য, না কর সন্দেহ ॥
 নামপত্রে লৈয়া মুনি তুষ্ট হ'য়ে যান ।
 সত্যভামা রত্নসব ব্রাহ্মণে বিলান ॥
 ভক্তের নিকটে সদা বাঁধা ভগবান্ ।
 কাশী কহে, ভক্ত নাহি নারদ-সমান ॥
 কৃষ্ণ হ'তে কৃষ্ণনাম অধিক যে হয় ।
 কাশী কহে, জপি যেন মরণ-সময় ॥
 বিশ্বস্তর যিনি, তাঁরে রতনে ওজন ।
 কাশী কহে, হীনবুদ্ধি যত নারীজন ॥

পারিজাত-হরণের এই বিবরণ ।
 এক্ষণে ক'হিব তবে হুভদ্রা-হরণ ॥

মহাভারতের কথা অমৃতের ধার ।
 শুনিলে অধর্মী যায় হেলে ভবপার ॥
 পারিজাত-হরণে হরির রসকথা ।
 শ্রবণে শুনিলে ঘুচে সংসারের ব্যথা ॥
 পুরুষ শুনিলে হয় কৃষ্ণপদে মন ।
 পতি-সোহাগিনী হয় শূনি নারীজন ॥
 আয়ুধ-বংশ বাড়ে সর্বত্র কল্যাণ ।
 কাশীরাম কহে তাহা করিয়া প্রমাণ ॥

১২৪। হুভদ্রার গাঙ্কর-বিবাহ ।

অতঃপর জিজ্ঞাসিল রাজা জন্মেজয় ।
 পিতামহ-কথা কহ শূনি মহাশয় ॥
 বলেন বৈশম্পায়ন, শুন নরপতে ।
 ভদ্রা-পার্শ্বে স্বয়ংবর হইল যেমতে ॥
 বলেন এতেক যদি বীর ধনঞ্জয় ।
 সত্যভামা তাঁহারে কহেন সবিনয় ॥
 ঔষধ করিবে পার্শ্ব, স্ত্রীর এই বিধি ।
 পুরুষ হইয়া তুমি কৈলে কি ঔষধি ॥
 ভগ্নতা করিয়া হইয়াছ ব্রহ্মচারী ।
 মহৌষধি শিখিয়াছ ভুলাইতে নারী ॥
 অর্জুন বলেন, স্তুতি করি সত্যভামা ।
 নিশা শেষ, নিদ্রা যাই, কর আজি ক্ষমা ॥
 জিতেন্দ্রিয় সত্যবাদী ব্রহ্মচারী আমি ।
 তীর্থযাত্রা করি দেশ-দেশান্তরে ভ্রমি ॥
 মিথ্যা-অপবাদ কেন দিতেছ আমারে ।
 শুনিলে আমারে নিন্দা করিবে সংসারে ॥
 বুঝিয়া পার্শ্বের মন উঠেন ভারতী ॥

হুভদ্রা বলেন, কহ কোথা যাহ সতী ॥
 সতী বলে, আইসহ করিব উপায় ।
 এত বলি ভদ্রা লৈয়া গেলেন আলয় ॥

নানা-মায়া জানে মায়াবতী কামপ্রিয়া ।
 সত্যভামা শীঘ্র তারে আনেন ডাকিয়া ॥
 গোপনে কহেন সব ভদ্রার চরিত্র ।
 রতি বলে, ঠাকুরাণি, এ-কোন বিচিত্র ॥
 জিতেন্দ্রিয় ব্রহ্মচারী, পার্থ গর্ব করে ।
 অস্থিচর্ম্মী অনাহারী পারি মোহিবারে ॥
 এত বলি সিন্দূর পড়িয়া দিল ভালে ।
 মস্ত্র পড়ি দিল ছুই নয়নে কজ্জলে ॥
 যাহ দেবি, এক্ষণে যাইতে পাবে বাট ।
 হস্ত দিলে ঘুচিবেক দ্বারের কপাট ॥
 শুনিয়া রতির বাক্য সানন্দ হইয়া ।
 পুনরপি ভদ্রা তথা উত্তরিল গিয়া ॥
 হস্ত দিতে কপাটের অর্গল ঘুচিল ।
 অর্জুন-সম্মুখে গিয়া ভদ্রা দাঁড়াইল ॥
 ঘোড়শ-কলাতে যেন শোভিত চন্দ্রমা ।
 চিত্রকর-চিত্র যেন কনক-প্রতিমা ॥
 কে তুমি বলিয়া জ্ঞোথে উঠিল ফাস্তুনি ।
 স্ত্রী নহিলে কাটিতাম খড়েগতে এখনি ॥
 যাহ শীঘ্র হেথা হৈতে প্রাণ লৈয়া বেগে ।
 নহিলে নাসিকা-কান কাটিব এ-খড়েগ ॥
 এত বলি উঠিলেন হাতে লৈয়া ছুরি ।
 দেখিয়া স্ত্রভদ্রা-অঙ্গ কাঁপে থরথরি ॥
 সিঁথিতে সিন্দূর তার, নয়নে কজ্জল ।
 দেখিয়া পড়েন পার্থ হইয়া বিহ্বল ॥
 হরিল পার্থের জ্ঞান কামের হিম্মোলে ।
 তখন উঠিয়া তারে করিলেন কোলে ॥
 আইস-আইস বৈস, ওহে প্রাণসখি ।
 তোমার বদন-পূর্ণ-চন্দ্রমা নিরখি ॥
 নহি-নহি করি ভদ্রা বস্ত্রে মুখ ঢাকে ।
 জাতিনাশ কর কেন, ছাড়-ছাড় ডাকে ॥

ধনঞ্জয়, তোমার কিমত ব্যবহার ।
 অনুচা কণ্ঠ্যারে কেন কর বলাৎকার ॥
 বলেন বাহিরে থাকি সত্রাজিৎ-সুতা ।
 কহ পার্থ, গণ্ডগোল কে করিছে হেথা ॥
 স্ত্রভদ্রা বলেন, সখি, দেখ না আসিয়া ।
 আমারে অর্জুন-বীর ধরে কি লাগিয়া ॥
 সত্যভামা বলে, পার্থ, অনুচা এ-নারী ।
 কি-মতে ধরহ বলে হ'য়ে ব্রহ্মচারী ॥
 বহুদেব-সুতা হয়, কৃষ্ণের ভগিনী ।
 কেন হেন কৰ্ম্ম কর, ধার্ম্মিক আপনি ॥
 বসেন বিনয়বাক্য পার্থ-বীরবর ।
 অনন্ত নারীর মায়া, কি বুঝিবে নর ॥
 তোমার অশেন মায়া বিধি-অগোচর ।
 আমি কি বুঝিব, নারিলেন দামোদর ॥
 না জানিয়া তব আজ্ঞা করিহু লজ্জন ।
 ক্রমহ, তোমার পায় লইহু শরণ ॥
 অর্জুনের স্তবে তুচ্ছ হইয়া ভারতী ।
 হাসি বলে, ভীত নাহি হও মহামতি ॥
 যা হইল, অর্জুন, বুঝিহু তব কৰ্ম্ম ।
 গান্ধর্ব্ব-বিবাহ কর, আছে ক্ষত্রধৰ্ম্ম ॥
 পাঁচ-সাত সখী মিলি দিলা হলাহলি ।
 দৌহাকার গলে দৌহে মালা দিলা তুলি ॥
 হেনমতে দৌহার বিবাহ করাইয়া ।
 সত্যভামা গোবিন্দে বলেন সব গিয়া ॥
 সত্যভামা বলেন, যে-আজ্ঞা কৈলে তুমি ।
 গান্ধর্ব্ব-বিবাহ দিয়া আইলাম আমি ॥
 কালি প্রাতে কর গিয়া বিবাহের কাজ ।
 দূত পাঠাইয়া আন কুটম্ব-সমাজ ॥
 অতএব বলি যে বিলম্ব নাহি সয় ।
 গোবিন্দ বলেন, মম সেই মত হয় ॥

কিস্ত বলভদ্র নহে অৰ্জুনেতে প্রীত ।
পার্শ্বে দিতে তাঁহার নহিবে মনোনীত ॥
সত্যভামা বলেন যে, উপায় কি করি ।
উপায় করিব বলি বলেন ক্রীহরি ॥
মহাভারতের কথা অমৃত-সমান ।
কাশীরাম কহে, সাধু সদা করে পান ॥



১২৫। অৰ্জুন-সহ স্ত্রভদ্রার বিবাহে বলরামের অসম্মতি ।

প্রভাতে উঠিয়া সবে করি স্নান-দান ।
একত্রে বসিল সব যাদব-প্রধান ॥
উগ্রসেন বহুদেব সাত্যকি উদ্ধব ।
অক্রুর সারণ গদ মুঘলী মাধব ॥
প্রসঙ্গে কহেন তবে দেব নারায়ণ ।
সুভদ্রা দেখিয়া মম স্থির নহে মন ॥
বিবাহের যোগ্যা যে অবিবাহিতা থাকে ।
অস্পৃশ্য তাহার অঙ্গ-জল বলে লোকে ॥
অনুচা কুমারী যদি হয় ঋতুমতী ।
উভয়তঃ সপ্তকুল হয় অধোগতি ॥
কুলেতে কলঙ্ক হয়, সংসারেতে লাজ ।
এ-কারণে কন্যা দিতে না করিবে ব্যাজ ॥
সপ্তম-বৎসরে কন্যা দিলে ফল পায় ।
অতঃপর ইহাতে না বিলম্ব যুয়ায় ॥
ভদ্রার সম্বন্ধ-যোগ্য না দেখি যে আর ।
মম চিত্তে লয় এক কুস্তীর কুমার ॥
রূপে গুণে কুলে শীলে বলে বলবান ।
যোগ্যপাত্র পার্শ্ব, করিয়াছি অনুমান ॥

শুনি বহুদেব তাহা করেন স্বীকার ।
যা বলিল কৃষ্ণ, চিত্তে লইল আশার ॥

সাত্যকি বলিল, যদি কুলে ভাগ্য থাকে ।
তবে ত পাইবে ভদ্রা স্বামিরূপে তাঁকে ॥
অৰ্জুন-সমান যোগ্য না দেখি ভূতলে ।
ভাল-ভাল বলি বলে যাদব-সকলে ॥

সবার এতেক বাক্য শুনি হলধর ।
রক্তচক্ষু করি ক্রোধে করেন উত্তর ॥
কেন চিন্তা কর সবে সুভদ্রা-কারণে ।
তার হেতু বর আমি চিন্তিয়াছি মনে ॥
কৌরবকুলেতে শ্রেষ্ঠ রাজা দুর্যোধন ।
উচ্চকুল বলি খ্যাত, বিখ্যাত ভুবন ॥
বলে জিনে যত-দশ-সহস্র-বারণ ।
রূপেতে কন্দর্পে জিনে, ধনে বৈশ্রবণ ॥
অৰ্জুনেরে শতাংশ না গণি তার গুণে ।
না বুঝিয়া হেন বাক্য বল কি-কারণে ॥
দূত পাঠাইয়া দেহ হস্তিনানগর ।
দুর্যোধনে ল'য়ে হেথা আসুক সত্বর ॥
শুভদিন করহ করিতে শুভকার্য্য ।
রাজগণে আনাইব হৈতে সর্ব্বরাজ্য ॥

এই বাক্য যতপি বলেন হলধর ।
অধোমুখ হ'য়ে কেহ না দিল উত্তর ॥
কতক্ষণে বলরাম ডাকি দূতগণে ।
রাজ্যে নিমন্ত্রণ লিখি দেন জনে-জনে ॥
দুর্যোধনে লিখেন সকল সমাচার ।
স্বসজ্জ হইয়া এস, বিভা যে তোমার ॥
মহাভারতের কথা অমৃত-লহরী ।
কাশীরাম কহে, শুনি যায় ভবে তরি ॥



১২৬। দৈবকী-রোহিণী-সহ বলরামের কথোপকথন।

দিবা অবশান হৈল সন্ধ্যার সময়।
উঠি গেল যদুগণ যে যার আলয় ॥
সত্যভামা জিজ্ঞাসেন গোবিন্দের প্রীতি।
বিবাহে বিলম্ব কেন কর প্রাণপতি ॥
গোবিন্দ বলেন, সখি, কিসের বিবাহ।
পার্শ্ব নাম শুনিয়া রামের জলে দেহ ॥
বলেন যে, বর করিয়াছি দুর্ব্যোধনে।
পাঠাইয়া দিলা দূত তাঁর সন্নিধানে ॥

শুনি সত্যভামা হৈয়া চমকিত চিতে।
বসিলেন অধোমুখ করিয়া ভূমিতে ॥
বলিলেন, কহ দেব, কি হবে এখন।
অনর্থ হইল এবে হুভদ্রা-কারণ ॥
অর্জুন শুনিলে পাছে যায় পলাইয়া।
ভগিনীরে দিবা কিহে অন্যবরে বিয়া ॥
উপায় না করি কেন মৌনেতে রহিলে।
হেন বুঝি, কলঙ্ক করিবা যদুকুলে ॥

গোবিন্দ বলেন, দেবি, কেন কর গোল।
করিব উপায় আমি নহ উত্তরোল ॥
সত্যভামা বলে, বিলম্বের কথা নহে।
কেহ যদি এই কথা রামে গিয়া কহে ॥
এই লজ্জা-ভয়ে মম হইতেছে কাঁপ।
না দেখাব মুখ আর, জলে দিব ঝাঁপ ॥
স্ত্রীলোকেতে স্ত্রীলোকের জানরে বেদন।
শাশুড়ীর আগে আমি করি নিবেদন ॥

এত বলি উঠি গেলা দৈবকী-সদন।
কহিলেন যতেক হুভদ্রা-বিবরণ ॥
শুন-শুন ঠাকুরাণি, করি নিবেদন।
কুললজ্জা-ভয়ে মম স্থির নহে মন ॥

হুভদ্রা আসক্তা হৈল বীর ধনজয়ে।
বলিল, নহিলে প্রাণ ছাড়িব নিশ্চয়ে ॥
গান্ধর্ব-বিবাহ আমি দিলাম দৌহার।
এবে শুনি, অশ্রু-বর হইবে তাহার ॥

শুনিয়া দৈবকী-দেবী হইয়া বিস্মিত।
বলভদ্র-গৃহে যান রোহিণী-সহিত ॥
দৈবকী বলেন, তাত, শুন হলপাণি।
অর্জুনে না দেহ কেন হুভদ্রা ভগিনী ॥
রূপে গুণে কুলে শীলে সকলে বাধান।
কুটুম্ব কুটুম্ব হৈবে, কেন কর আন ॥
রাম বলে, জননি, না'বুঝি কেন কহ।
পাণ্ডব-জনম কথা সকলি জানহ ॥
আমার কুটুম্ব-যোগ্য নহে ধনঞ্জয়।
অযোগ্য-সম্বন্ধে মাতা, সব নষ্ট হয় ॥
এইহেতু দুর্ব্যোধনে পাঠাইয়া দূত।
নিকলঙ্ক সর্বযোগ্য হয় কুরুহৃত ॥
তিন-লোকে বিখ্যাত, পাণ্ডব জারজাত।
হেনজনে দিতে চাহ হুভদ্রা কিমত ॥

রোহিণী বলেন, তাত, সবার বিচার।
পিতা ভ্রাতা তোমার যতেক জ্ঞাতি আর ॥
কি-হেতু সবার বাক্য করহ হেলন।
অর্জুনের দিতে ভদ্রা সবাংকার মন ॥
সাধু ধর্মশীল পার্শ্ব, গুণী সর্বগুণে।
তারে নাহি দিয়া ভদ্রা দিবা অশ্রুজনে ॥
যে কহ, সে কহ, তাত, ক্রোধ কর ভূমি।
কল্যা-প্রাতে পার্থেরে হুভদ্রা দিব আমি ॥

শুনিয়া মায়ের বাক্য কম্পিত-অধর।
তাত্র দুই-চক্ষু যেন জলে বৈশানর ॥
বাড়ুলের প্রায় মাতা, কহিছ বচন।
অশ্রু হৈলে কোথা তার রহিত জীবন ॥

গোবিন্দের কথা যত করিলা স্বীকার ।
জাতি-কুল গোবিন্দের নাহিক বিচার ॥
ভক্তি করি দুই-কথা যেইজন কয় ।
না বিচারে ভাল-মন্দ, সেই বন্ধু হয় ॥
কল্য তার পুঞ্জে দুর্ঘ্যোধন দিল স্নাত ।
নাহিক তিলেক স্নেহ নব-কুটুম্বিতা ॥
শিষ্য বলি তারে অতিস্নেহ আমি করি ।
এইহেতু সবে ক্রুদ্ধ তাহার উপরি ॥
কার শক্তি দিতে পারে ভদ্রা অর্জুনেরে ।
যাহ মাতা, আর কিছু না বল আমারে ॥
এতেক রামের বাক্য শুনি দুইজনে ।
উঠি গেল তথা হৈতে বিষম-বদনে ॥

জন্মেজয় জিজ্ঞাসিল, মুনিরাজ, শুন ।
কোন কৃষ্ণ-পুঞ্জে কন্যা দিল দুর্ঘ্যোধন ॥
না কহিলা মুনি, মোরে ইহার কখন ।
বড় ইচ্ছা শুনিবারে, কহ তপোধন ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১২৭। দুর্ঘ্যোধনের কথা লক্ষ্মণার স্বয়ংবর ।

মুনি বলে, অবধান কর নৃপবর ।
দুর্ঘ্যোধন-নৃপতির কন্যা-স্বয়ংবর ॥
ভানুমতী-গর্ভে জন্মে একই চুহিতা ।
রূপে-গুণে অনুপমা সর্ব-গুণযুতা ॥
ভুবনমোহিনী কন্যা সর্বমূলকণা ।
সে-কারণে নাম তার রাখিল লক্ষ্মণা ॥
যুবতী হইল কন্যা দেখি নরবর ।
হৃদয়ে চিস্তিয়া তবে কৈল স্বয়ংবর ॥

নিমন্ত্রিয়া আনাইল যত রাজগণে ।
পৃথিবীর মধ্যে বৈসে যত ক্ষত্রগণে ॥
আইল যতেক রাজা কত লব নাম ।
রূপবন্ত গুণবন্ত কুলে অনুপাম ॥
রথ গজ অশ্ব সেনা না হয় গণন ।
বিবিধ-বাঘের শব্দে বধির শ্রবণ ॥
ধ্বজ-ছত্র-পতাকায় ঢাকিল মেদিনী ।
চরণ-ধূলিতে আচ্ছাদিল দিনমণি ॥
সবাকারে দুর্ঘ্যোধন করিল সম্মান ।
বসিল নৃপতিগণ যার যেই স্থান ॥

নারদের মুখে বার্তা পেয়ে শাস্ত্র-বীর ।
শুনিয়া কন্যার রূপ হইল অস্থির ॥
একেখর রথে চড়ি করিল গমন ।
কিমতে পাইব কন্যা চিন্তে মনে-মন ॥
অলক্ষিতে একান্তে রহিল রথোপরে ।
হেনকালে বাহির করিল লক্ষ্মণারে ॥
অনুপম-মুখ তার জিনি শরদিন্দু ।
বলমল কুণ্ডল কমল-প্রিয়বন্ধু ॥
তরুণ-অরুণ-জিনি অধর-রঞ্জমা ।
ক্রান্ত অনঙ্গ-চাপ জিনিয়া ভঙ্গিমা ॥
খঞ্জন-গঞ্জন-চক্ষু অঞ্জনে রচিত ১ ।
শুকচক্ষু-নাসা, শ্রুতি গৃধিনী-নিন্দিত ॥
বিপুল নিতম্ব, গতি জিনিয়া মরাল ।
কটিতে কিঙ্কিণী, পদে নৃপুর রসাল ॥
নিধুমায়ি-শিখা কিংবা রচিল বিদ্যুতে ।
বাল-সূর্য উদিত হইল পূর্বভিতে ॥
দৃষ্টিমাত্রে রাজগণ হারায় চেতন ।
দেখি জাম্ববতীস্নতে পীড়িল মদন ॥

শীঘ্রগতি ধরি হাতে ভুলিলেন রথে ।
 চালাইয়া দিল রথ ঝারকার পথে ॥
 ধর-ধর বলিয়া ধাইল সেনাসব ।
 নানা-অস্ত্র লৈয়া ধায় যতেক কৌরব ॥
 কৃষ্ণের নন্দন শাস্ত্র কৃষ্ণের সমান ।
 টঙ্কারিয়া ধনুগুণ এড়ে দিব্য-বাণ ॥
 কাটিল অনেক সৈন্য চক্ষুর নিমিষে ।
 নাহিক ভ্রতঙ্গ বীর, যুঝে অনায়াসে ॥
 হস্তী অশ্ব রথ রথী পড়ে সারি-সারি ।
 মারিল যতেক যুদ্ধে, লিখিতে না পারি ॥
 ভয়েতে সম্মুখে তার কেহ নাহি রয় ।
 ক্রোধে আগু হৈয়া বলে সূর্য্যের তনয় ॥
 বালক হইয়া তোর এত অহঙ্কার ।
 কন্যা হরি লৈয়া যাসু অগ্রেতে আমার ॥
 প্রতিফল ইহার পাইবি এইক্ষণে ।
 এত বলি কর্ণ-দীর এড়ে অস্ত্রগণে ॥
 ইন্দ্রজাল-অস্ত্র এড়ে সূর্য্যের নন্দনে ।
 নিবারিতে নারি শাস্ত্র পড়িল বন্ধনে ॥
 ধরিল-ধরিল চোর বলি শব্দ হৈল ।
 কাট-কাট বলিয়া নৃপতি আজ্ঞা দিল ॥
 আমা লজ্জে এই চোর অগ্রেতে আমার ।
 দক্ষিণ-মশানে লৈয়া কাট শির তার ॥
 নৃপতির আজ্ঞা পেয়ে ধায় চুঃশাসন ।
 মারিতে-মারিতে নিল করিয়া বন্ধন ॥
 কর্ণ-প্রতি জিজ্ঞাসিল রাজা দুর্য্যোধন ।
 চিনিলা কি এই চোর কাহার নন্দন ॥
 কর্ণ বলে, মহারাজ, এত গর্ব্ব কার ।
 চোর-পুজ-বিনা চুরি কে করিবে আর ॥

দুর্য্যোধন শুনিয়া কম্পিত-কলেবর ।
 কড়মড় দশনে, কচালে করে কর ॥
 গোকুলেতে বাড়িল গোপের অশ্ব খেয়ে ।
 ক্ষত্রকূলে কেহ কন্ডা নাহি দেয় বিরে ॥
 চুরি করি সব ঠাই এইমত লয় ।
 সহজে চোরের জাতি কিবা লাজ-ভয় ॥
 সর্ব্বত্র করিয়া চুরি বাড়িয়াছে মন ।
 নাহি জানে হরস্ত এ যমের সদন ॥
 সভাতে এমত লজ্জা দিলেক আমায় ।
 কাট লৈয়া চোরে, নাহি বিলম্ব যুয়ায় ॥
 এতেক বলিল যদি রাজা দুর্য্যোধন ।
 ‘কে চোর’, জিজ্ঞাসা করে ধর্ম্মের নন্দন ॥
 দুর্য্যোধন বলে, যুধিষ্ঠির মহারাজ ।
 তোমার কি অগোচর সেই চোররাজ ॥
 ভাই-ভাই বলি যারে বলহ আপনি ।
 গোকুলে করিল চুরি গোকুল-কামিনী ॥
 বিদর্ভে করিল চুরি ভীষ্মক-দুহিতা ।
 পুজ কাম কৈল চুরি বজ্রনাভম্বতা ॥
 পৌজ চুরি করিলেক বাণের নন্দিনী ।
 এ-তিন পুরুষে চোর বিখ্যাত ধরণী ॥
 শুনিয়া বিষম-মুগ্ধ হৈল ধর্ম্মরাজ ।
 কৃষ্ণনিন্দা শুনিয়া দুঃখিত হৃদিমাঝ ॥
 ধর্ম্ম বলিলেন, ভাই না হয় উচিত ।
 গোবিন্দের নিন্দা করা সবার বিদিত ॥
 যে পারে করিতে চুরি, সেই চুরি করে ।
 কাহার ক্ষমতা কৃষ্ণে কি করিতে পারে ॥
 দুর্য্যোধন বলে, ভাল কৈলা ধর্ম্মরাজ ।
 যাহা হইতে আমার ভুবনে হৈল লাজ ॥

মোর কন্ঠা চুরি করি লয় দুরাচার ।
 তার নিন্দা করিলে এ উত্তর তোমার ॥
 যুধিষ্ঠির কহে, কন্ঠা কে করিল চুরি ।
 আন দেখি তাহারে চিনিতে যদি পারি ॥
 দুৰ্য্যোধন বলে, চোরে কোন্ কার্য্য এথা ।
 যে-কেহ হউক, শীত্র কাট তার মাথা ॥
 যুধিষ্ঠির বলে, যদি কৃষ্ণের নন্দন ।
 তারে বধি ভাল কি হইবে দুৰ্য্যোধন ॥
 কৃষ্ণ বৈরী হৈলে ভাই, রক্ষা আছে কার ।
 কুরুকূলে বাতি দিতে না রাখিবে আর ॥
 ইন্দ্র যম বরুণ কুবের পঞ্চানন ।
 কৃষ্ণ ক্রোধ করিলে রাখিবে কোন্ জন ॥
 দুৰ্য্যোধন বলে, যদি তুমি ডরাইলে ।
 ইন্দ্রপ্রস্থে যাহ প্রাণ লৈয়া এই কালে ॥
 এখনি শরণ গিয়া লহ কৃষ্ণ-ঠাই ।
 মারিব দুষ্করে আমি, কারে না ডরাই ॥
 দুৰ্য্যোধন-বাক্য তবে শুনি বৃকোদর ।
 পাইয়া জ্যেষ্ঠের আজ্ঞা ধাইল সত্বর ॥
 মশানেতে দুঃশাসন ধরি শাস্ত্রচূলে ।
 কাটিবারে তারে বীর হস্তে খড়্গ তোলে ॥
 বায়ুবেগে বৃকোদর উত্তরিল গিয়া ।
 হস্ত হইতে খড়্গ তার লইল কাড়িয়া ॥
 তাহারে কহিল, তোর কিমত বিচার ।
 কাটিবারে আনিয়াছ কৃষ্ণের কুমার ॥
 ধর্ম্মরাজ আজ্ঞা কৈলা লইতে বাহুড়ি ।
 এত বলি ছিঁড়িল সে বন্ধনের দড়ি ॥
 হাতে ধরি কোলে করি লইল শাস্ত্রে ।
 শাস্ত্রে দেখি যুধিষ্ঠির কহেন সাদরে ॥

জাম্ববতী-নন্দন হে বৎসল আমার ।
 চুস্থিয়া নিলেন কোলে ধর্ম্মের কুমার ॥
 দেখি ক্রোধে দুৰ্য্যোধন কাঁপে থর-থরে ।
 দেখ-দেখ বলিয়া বলয়ে সবাকারে ॥
 দেখ ভীষ্ম দ্রোণ কৃপ আপন-বিদিত ।
 নিরস্তর কহ যে, পাণ্ডব তব হিত ॥
 কুলের কলঙ্ক যেই অধর্ম্ম-আচার ।
 হেনজনে মারিতে সহায় হৈল তার ॥
 যুধিষ্ঠির বলে, ভাই, দেখ দুৰ্য্যোধন ।
 এ-রূপ এ-সভা-মধ্যে আছে কোন্ জন ॥
 যদু-মহাকূলে জন্ম কৃষ্ণের কুমার ।
 কৃষ্ণপুত্র দিব কন্ঠা কুলের আমার ॥
 ইহাকে না দিয়া কন্ঠা আর কারে দিবে ।
 বরপূর্বা হৈল কন্ঠা, কলঙ্ক রটিবে ॥
 কে আর করিবে বিভা পৃথিবী-মণ্ডলে ।
 সভাতে দেখিল, শাস্ত্র করিলেক কোলে ॥
 দুৰ্য্যোধন বলয়ে, তোমার নাহি দায় ।
 এইমত গৃহে আমি রাখিব কন্যায় ॥
 মারিব দুষ্করে, তুমি ছাড় শীত্রগতি ।
 ভীম বলে, দুৰ্য্যোধন হৈলে ছদ্মমতি ॥
 কি দেখিয়া এত গর্ব্ব হইল তোমার ।
 কৃষ্ণপুত্র মারিবা যে অগ্রেতে আমার ॥
 কে আসে আসুক, দেখি তাহার বদন ।
 গদাঘাতে দেখাইব যমের সদন ॥
 এত বলি গদা লৈয়া বীর বৃকোদর ।
 চক্রপ্রায় ঘুরায় সে মস্তক-উপর ॥
 ভীমের বচন শুনি দুৰ্য্যোধন ক্রোধে ।
 কাড়ি সহ বলি আজ্ঞা দিল সব যোধে ॥

দুর্যোধন-আজ্ঞাতে যতেক সহোদর ।
হাতে গদা করি সব ধাইল সত্বর ॥
ব্যাত্তের সম্মুখে যেতে ছাগে যেন শক।
দেখি ধায় বুকোদর সদা রণরঙ্গা ॥

ভীষ্ম দ্রোণ কহে দাণ্ডাইয়া মধ্যস্থানে ।
আপনা-আপনি তাত, দ্বন্দ্ব কর কেনে ॥
বন্দী করি রাখ শাস্ত্রে মোদের গৃহেতে ।
বুঝিয়া ইহার দণ্ড করিব পশ্চাতে ॥
দুর্যোধনে বলে ভীষ্ম, কৃষ্ণের এ স্তত ।
শ্রুতমাত্রে যদ্বলে আসিবে অচ্যুত ॥
কৃষ্ণপুত্র বন্দী করি রাখ মম স্থানে ।
না মার ইহারে রাজা, আমার বচনে ॥
ইহারে এক্ষণে যদি প্রাণেতে মারিবে ।
গোবিন্দ করিলে ক্রোধ অনর্থ ঘটিবে ॥
যুদ্ধ করি গোবিন্দে করিবে পরাজয় ।
তবে ত মারিবে এরে, ঘরেতে আছয় ॥

যুধিষ্ঠির বলিলেন ভাল-ভাল বলি ।
দুর্যোধন বলে, দেহ চরণে শিকলি ॥
চরণে নিগড় দিয়া নিল গঙ্গাস্নত ।
নিজ-নিজ-গৃহে সবে চলিল ছরিত ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১২৮। শাস্ত্রের বন্ধন-সংবাদ লইয়া নারদের
চারকা-গমন ।

বন্ধনে রছিল শাস্ত্র কৃষ্ণের নন্দন ।
বার্তা দিতে চলিলেন নারদ তখন ॥

কহেন গোবিন্দ-প্রতি গদ-গদ-কথা ।
শুনহ গোবিন্দ, পুত্র শাস্ত্রের বারতা ॥
দুর্যোধন-দুহিতার স্বয়ংবর-কালে ।
স্বয়ংবর-স্থানে তারে শাস্ত্র হরি নিলে ॥
যুদ্ধ করি ইন্দ্রজালে বন্দী তারে কৈল ।
কতেক কহিব দেব, যতেক মারিল ॥
কাটিতে লইয়া গেল দক্ষিণ-মশানে ।
যুধিষ্ঠির রাখিলেন দিয়া ভীমসেনে ॥
অনেক করিল দ্বন্দ্ব তাহার সহিতে ।
বদ্ধ করি রাখিয়াছে ভীষ্মের গৃহেতে ॥
ক্ষুধায় আকুল শাস্ত্র, আর নানা ক্লেশ ।
বিবিধ-অস্ত্রের ঘাতে প্রাণমাত্র শেষ ॥
তোমায়ে যতেক গালি দিল দুর্যোধন ।
আমি কি কহিব, যত করেছি শ্রবণ ॥

শুনি কৃষ্ণ হইলেন ক্রোধেতে অস্থির ।
সেইক্ষণে যদুসৈন্যে হইলা বাহির ॥
এই সব বৃত্তান্ত শুনিয়া হলধর ।
দুর্যোধন-হেতু তাপ করেন বিস্তর ॥
ক্রোধে যাইতেছে কৃষ্ণ সাজি সেনাগণে ।
সবংশেতে মারিবেন আজি দুর্যোধনে ॥

এত চিন্তি আপনি রেবতীপতি গিয়া ।
ত্রীপতিরে কহিছেন বিনয় করিয়া ॥
তুমি তথাকারে যাবে কিসের কারণ ।
আমি গিয়া পুত্র-বধু আনিব এক্ষণ ॥
ইত্যাদি অনেকবিধ কৃষ্ণে বুঝাইয়া ।
আপনি গেলেন রাম কৃষ্ণেরে রাখিয়া ॥
হস্তিনা-নগরে রাম হৈয়া উপনীত ।
দুর্যোধনে দূত পাঠাইলেন ছরিত ॥

না বুঝিয়া দুর্ঘোষাধন, এ-কর্ম তোমার ।
 বন্ধ করি রাখ গৃহে কৃষ্ণের কুমার ॥
 যে দোষ হইল, ক্ষমিলাম সে তোমার ।
 বধু-পুত্রের আনি দেহ গোচরে আমার ॥
 দুর্ঘোষাধন শুনি এত দূতের বচন ।
 ক্রোধে থরহর-অঙ্গ, করয়ে গর্জ্জন ॥
 যে বাক্য বলিলা, আমি গুরু বলি মানি ।
 অন্যজন হৈলে সেই দেখিত এখনি ॥
 পাঠাইল পুত্রেরে হেথা চুরির লাগিয়া ।
 এবে বলে, পুত্র-বধু দেহ পাঠাইয়া ॥
 কে পুত্র-বধুকে তার দিবে পাঠাইয়া ।
 লজ্জা নাহি, তেঞি হেন পাঠায় কহিয়া ॥
 যাহ দূত, কহ গিয়া এ-বাক্য আমার ।
 ভালে-ভালে নিজগৃহে যাহ আপনার ॥
 দূত গিয়া কহিল সকল বিবরণ ।
 শুনি ক্রোধে হলধর ঘূর্ণিত-নয়ন ॥
 ক্রোধে হলী মুখল নিলেন তুলি হাতে ।
 লাফ দিয়া রথ হৈতে পড়েন ভূমিতে ॥
 ক্রোধে থরহর-অঙ্গ পদ নাহি চলে ।
 ধরগীতে লাঙ্গল দিলেন সেই স্থলে ॥
 রাজা প্রজা পাত্র মন্ত্রী সহিত সকলে ।
 নগর-সহিত যেন পড়ে গঙ্গাজলে ॥
 হস্তিনানগর পঞ্চযোজন-বিস্তার ।
 রামের লাঙ্গলে উঠে হইয়া বিদার ॥
 দেখি হাহাকার-শব্দ হইল নগরে ।
 উর্দ্ধ্বাশে ধায় সবে রামের গোচরে ॥
 ভীষ্ম দ্রোণ কুপ আর বিদুর-সংহতি ।
 শতভাই দুর্ঘোষাধন পাণ্ডব প্রভৃতি ॥

করযোড়ে করুণ-বচনে করে স্তুতি ।
 রক্ষা কর বলদেব, রেবতীর পতি ॥
 তুমি ব্রহ্মা, তুমি বিষ্ণু, তুমি মহেশ্বর ।
 অনাদি-নিধান তুমি, ব্যাপ্ত চরাচর ॥
 তুমি ক্রোধী হৈলে ভস্ম হইবে সংসার ।
 তোমার ক্রোধেতে এ-হস্তিনা কোন্ ছার ॥
 যুবা বৃদ্ধ শিশু গো ব্রাহ্মণ নারী রয় ।
 বিশেষে তোমার বধু লক্ষ্মণা আছয় ॥
 ক্ষমা কর, কৃপাময়, পড়ি যে চরণে ।
 এইবার রাখ প্রভু, দয়া করি মনে ॥

এতেক সবার স্তুতি শুনি বলরাম ।
 রাখিলেন লাঙ্গল, হইল ক্রোধ সাম্য ॥
 ততক্ষণে দুর্ঘোষাধন শাস্ত্রেরে লইয়া ।
 নানা-অলঙ্কারে অঙ্গ ভূষিত করিয়া ॥
 লক্ষ্মণা-সহিতে নিল দৌহে করি রথে ।
 বিবিধ যৌতুক দিল রামের অগ্রেতে ॥
 দেখিয়া সানন্দ হৈল রেবতী-রমণ ।
 পুত্র-পুত্রবধু ল'য়ে করেন গমন ॥
 মহাভারতের কথা অমৃত-সমান ।
 কাশীরাম কহে, সাধু সদা করে পান ॥

১২৯। শ্রুতহা-বিবাহ-কারণ সত্যভামার মহাচিন্তা
 ও অর্জুনের হস্তিনায় দূত-প্রেরণ ।

শুনি বলে, অবধান করহ নৃপতি ।
 রামবাক্য শুনি দৌহে হৈল দুঃখমতি ॥
 অধোমুখে বসিলেন দৈবকী-রোহিণী ।
 সতী বলে, সর্বনাশ হৈল ঠাকুরাণি ॥

না দিলে মরিবে পার্থ, মারিবেক ক্রোধে ।
 আর কত মরিবেক তা'-সহ বিরোধে ॥
 মরিবে অনেক লোক হুভদ্রা-কারণ ।
 এক্ষণে না হয় কেন হুভদ্রা-মরণ ॥
 গরল খাউক কিংবা প্রবেশুক জলে ।
 সকল অরিষ্ট খণ্ডে হুভদ্রা মরিলে ॥
 তার সহ আমি করি জলেতে প্রবেশ ।
 সংসারেতে লোকলজ্জা স্ত্রীবধ-বিশেষ ॥
 এতেক ভাবিয়া দেবী ব্যাকুল-পরাণ ।
 উঠি পুনঃ যান সতী গোবিন্দের স্থান ॥
 দৈবকী-রোহিণী দেবী कहিলেন যত ।
 গোবিন্দে করান সতী তাহা অবগত ॥

গোবিন্দ বলেন, প্রিয়ে, ভয় কি তোমার ।
 উপায় করিব ইথে, সে ভার আমার ॥
 দূত পাঠাইয়া তুমি আন ধনঞ্জয় ।
 সতী বলে, আমি যাই, দূত-কর্ম নয় ॥
 একাকিনী যান সতী পার্থের সদনে ।
 দেখেন হুভদ্রা-সহ আছেন শয়নে ॥
 সত্যভামা বলেন, কি নিশ্চিন্ত আছহ ।
 এতেক প্রমাদ পার্থ, কিছু না জানহ ॥

পার্থ বলিলেন, দেবি, কিসের প্রমাদ ।
 যাহার সহায় দেবি, তব যুগ্মপাদ ॥
 পার্থেরে লইয়া সতী যান কৃষ্ণস্থান ।
 হস্তে ধরি পালঙ্কে বসান ভগবান্ ॥

গোবিন্দ বলেন, সখা, কর অবধান ।
 পিতৃ-আজ্ঞা তোমাতে হুভদ্রা দিতে দান ॥
 লাক্ষ্মী বলেন, আমি দিব দুর্ঘোষনে ।
 এত বলি দূত পাঠাইলা সেইখানে ॥

কি হইবে কহ সখা, উপায় ইহার ।
 শুনি হাসি বলিলেন কুন্তীর কুমার ॥
 এই-কথা-হেতু সখা, চিন্তা কেন মনে ।
 তোমার প্রসাদে আমি জিনি ত্রিভুবনে ॥
 যুধ্যপতি-যুধ্যঞ্জয়-ইন্দ্রে নাহি ডরি ।
 কামপাল্য কত শক্তি ধরেন ত্রীহরি ॥
 দাণ্ডাইয়া আপনি দেখুন হলধর ।
 হুভদ্রারে ল'য়ে যাব সবার গোচর ॥

ত্রীকৃষ্ণ বলেন, হৃদয়ে নাহি প্রয়োজন ।
 লুকাইয়া ভদ্রা ল'য়ে করহ গমন ॥
 মম রথে চড়ি যাহ যুগয়ার ছলে ।
 হুভদ্রারে পাঠাইব স্নান-হেতু জলে ॥
 সেইকালে ল'য়ে তুমি করিবা গমন ।
 পশ্চাতে করিব শাস্ত রেবতী-রমণ ॥
 এতেক বলিলা যদি দৈবকী-কুমার ।
 অর্জুন বলেন, দেব, যে-আজ্ঞা তোমার ॥

হেনমতে বিচার করিল দুইজন ।
 নিজগৃহে চলে পার্থ করিতে শয়ন ॥
 প্রভাতে উঠিয়া পার্থ করি স্নান-দান ।
 কি করিব, বসিয়া করেন অনুমান ॥
 এতেক অনর্থ হৈবে রাম-সহ রণ ।
 কিছু না জানেন রাজা ধর্মের নন্দন ॥
 এত চিন্তি ইন্দ্রপ্রস্থে দূত পাঠাইয়া ।
 লিখিলেন সমস্ত বৃত্তান্ত বিবরিয়া ॥
 আমাকে হুভদ্রা দিতে কৃষ্ণের মানস ।
 কামপাল হইলেন তাহাতে বিরস ॥
 তাহে কৃষ্ণ বলিলেন, লহ লুকাইয়া ।
 ইহার বিহিত আজ্ঞা দেহ পাঠাইয়া ॥

শুনি বলি পাঠাইলা ধর্ম্মের নন্দন ।
পাণ্ডবের সখা-বল-বুদ্ধি নারায়ণ ॥
তিনি বলিবেন যাহা, করিবে সে-কাজ ।
শুনি পার্থ সানন্দ হ'লেন হৃদিমাক ।

হেনমতে সপ্ত-নিশা গত হয় তথা ।

হেথা রাজা দুর্যোধন শুনিল বারতা ॥
ধৃতরাষ্ট্র গান্ধারী হরিষ সর্বজন ।
কৃষ্ণের ভগিনীপতি হৈবে দুর্যোধন ॥
দেশ-দেশ হইতে আনায় বন্ধুগণ ।
বিবাহ-সামগ্রী-হেতু করে নিয়োজন ॥
স্থানে-স্থানে বসি সবে করেন বিচার ।
দুর্যোধনে পাণ্ডবের ভয় নাহি আর ॥
এই কথা অহনিশ চিন্তে মনে-মন ।
আজি হৈতে নির্ভয় হইল দুর্যোধন ॥
পাণ্ডবের কেবল সহায় নারায়ণ ।
দুর্যোধন-আত্মবন্ধু হইল এক্ষণ ॥

দ্রোণ বলে, কৃষ্ণের কুটুম্ব নাহি প্রীত ।

নাহি তাঁর পরাপর, তন্তজন-হিত ॥
বিদুর কহেন, কথা আশ্চর্য লাগয় ।
কৃপাচার্য বলে, ইহা কদাচিৎ নয় ॥
দুর্যোধনে অপ্রীত গোবিন্দ-মহাশয় ।
এমত হইবে কৰ্ম্ম, মনে নাহি লয় ॥
দূতস্থানে জিজ্ঞাসিল সব বিবরণ ।
সকল বৃত্তান্ত দূত কহিল তখন ॥
দ্বারকাতে আছেন অৰ্জ্জুন কুন্তীমুত ।
তাহারে স্তভদ্রা দিব, বলেন অচ্যুত ॥
পাণ্ডবে অপ্রীত রাম, না করে স্বীকার ।
দুর্যোধনে দিব, বলে রোহিণী-কুমার ॥
গোবিন্দের চিত্ত নহে দুর্যোধনে দিতে ।
না হয় নির্ণয় কিছু, যা হয় পশ্চাতে ॥

ভীষ্ম বলে, দুর্যোধন পাবে লজ্জা-মাত্র ।
যে কেহ করুক বিভা, মোরা বরযাত্র ॥
মহাভারতের কথা অমৃত-সমান ।
কাশীরাম কহে, সদা শুনে পুণ্যবান ॥

১৩০ । দুর্যোধনের বরবেশে দ্বারকায়
গমন ।

দুর্যোধন দূত পাঠাইল ধর্ম্মস্থানে ।
সকলে আসিবা মম বিবাহ-কারণে ॥
শুনিয়া ধর্ম্মের পুত্র বিস্মিত-অন্তর ।
সহদেবে ডাকি জিজ্ঞাসেন নরবর ॥
অৰ্জ্জুন লিখিল পূর্ব্বে ভদ্রা-বিবরণ ।
দুর্যোধন নিমন্ত্রণ লিখিল এক্ষণ ॥
অনর্থের প্রায় কথা লয় মম মনে ।
কহ সহদেব, ইথে হইবে কেমনে ॥

সহদেব বলেন, শুনহ নরনাথ ।

স্তভদ্রার বিবাহ হইল দিন-সাত ॥
সত্যভামা দিলেন বিবাহ লুকাইয়া ।
কৃষ্ণের আজ্ঞায় বলরামে না কহিয়া ॥
রামের বাসনা ভদ্রা দিতে দুর্যোধনে ।
দুর্যোধন যাইতেছে রামের বচনে ॥
ইহার উচিত বিধি করিবা আপনি ।
তার হেতু চিন্তিত না হৈবা নৃপমণি ॥
যুধিষ্ঠির বলেন, এ লজ্জার বিষয় ।
আমার যাইতে তথা উচিত না হয় ॥
না গেলে হইবে দুঃখী রাজা দুর্যোধন ।
আপনি সটেন্দ্রে ভীম, করহ গমন ॥

পাইয়া রাজার আজ্ঞা বীর বৃকোদর ।

পাঁচ-অক্ষৌহিণী-বলে চলেন সত্বর ॥

আনন্দেতে দুৰ্য্যোধন বরবেশ ধরে ।
 রত্নময়-চতুর্দোলে আরোহণ করে ॥
 নানা-শব্দে বাণ্ড বাজে, না হয় বর্ণনা ।
 হয় হস্তী রথ পদাঃ কে করে গণনা ॥
 দুৰ্য্যোধন-বেশ দেখি ভীমে হৈল ক্রোধ ।
 ডাকিয়া বলেন, তোরা সবাই অবোধ ॥
 হেথা হৈতে দ্বারকা আছেয়ে দূর-দেশ ।
 এইখানে কি-হেতু করিলি বরবেশ ॥
 দুঃশাসন বলে, কহ কি-দোষ ইহাতে ।
 দেখিতে না পার যদি, আইস পশ্চাতে ॥
 ভীম বলে, ভাল-মন্দ বুঝিবা হে শেষে ।
 কোন্-কন্ঠা বিবাহিতে যাহ বরবেশে ॥
 তোমার নিকটে দূত পরখ আইল ।
 স্তম্ভদ্রা-বিবাহ আজি সপ্তাহ হইল ॥
 অকারণে সভামধ্যে গিয়া পাবে লাজ ।
 তেঞি ত বলিনু বরবেশে নাহি কাজ ॥
 পাছু কেন যাব আমি, যাই তব আগে ।
 এতবলি সসৈন্যে চলিল বীর বেগে ॥
 বিস্মিত শকুনি কর্ণ দুৰ্য্যোধন শুনি ।
 ভীষ্ম দ্রোণ বিদুর করেন কানাকানি ॥
 দুঃশাসন বলে, যে বলিল বুকোদর ।
 সত্য হেন লাগে প্রায় সবার অন্তর ॥
 জান না কি, ভীমের যেমত বুদ্ধি খল ।
 বরবেশ দেখি আত্মা হইল বিকল ॥
 বাতুলের প্রায় বলে, যা আইসে মুখে ।
 চলে শীঘ্র, দেখি দৃশ্য শেল বাজে বৃকে ॥
 কর্ণ-দুৰ্য্যোধন বলে, সত্য এই কথা ।
 এ-বৈভব দেখিতে কেমনে রহে হেথা ॥

এত বিচারিয়া সবে করিল গমন ।
 তিনদিনে গেল পথ শতেক যোজন ॥
 রাজা দুৰ্য্যোধন তবে করিয়া যুক্তি ।
 পত্র লিখি পাঠাইলা দূত দ্বারাবতী ॥
 রোহিণীনকত্র মেঘঃ অক্ষয়-তৃতীয়া ।
 দ্বিতীয় প্রহরে কল্য উত্তরিব গিয়া ॥
 করহ কন্ঠার অধিবাস আজি রাত্টি ।
 কালি রাত্রি বিবাহের শ্রেষ্ঠ লগ্ন-তিথি ॥
 দূত গিয়া দিল পত্র মুঘলীর হাতে ।
 পত্র পড়ি বলরাম কহেন সভাতে ॥
 করহ ভদ্রার গন্ধ-অধিবাস আজি ।
 নিকটে আইল রাজা দুৰ্য্যোধন সাজি ॥
 মহাভারতের কথা অমৃত-সমান ।
 কাশীরাম কহে, সদা শুনে পুণ্যবান ॥

১০১। অৰ্জ্জুনের স্তম্ভদ্রা-হরণ।

বলভদ্র-আজ্ঞা পেয়ে যত নারীগণ ।
 পিঠালি-হরিদ্রা লৈয়া কৈলা উদ্বর্তন ॥
 তৈল-আমলকী-গন্ধ মাখাল কুস্তলে ।
 স্নান করিবারে গেল সরস্বতী-কূলে ॥
 কৃষ্ণের ইঞ্জিত পেয়ে দেবী-সত্যবতী° ।
 ভদ্রা সহ গেল ল'য়ে অনেক যুবতী ॥
 অৰ্জ্জুনে ডাকিয়া তবে বলে নারায়ণ ।
 শুনিলে কি অৰ্জ্জুন, আইল দুৰ্য্যোধন ॥
 ভদ্রা-অধিবাস-হেতু রাম আজ্ঞা দিল ।
 স্নান-হেতু তারে সরস্বতী পাঠাইল ॥
 যুগয়ার ছলে চড়ি যাহ মম রথে ।
 স্তম্ভদ্রারে ল'য়ে তুমি যাহ সেই পথে ॥

দারুকে ডাকিয়া কৃষ্ণ কহেন ইঙ্গিতে ।
অৰ্জুনে লইয়া তুমি যাহ মম রথে ॥
যা কিছু কহিবে পার্থ, না কর অন্যথা ।
যথায় বলিবে রথ লৈয়া যাবে তথা ॥

পাইয়া কৃষ্ণের আজ্ঞা দারুক সত্বর ।
সাজাইয়া আনে রথ অৰ্জুন-গোচর ॥
হুসজ্জ হইয়া পার্থ লৈয়া ধনুঃশরে ।
খড়্গ ছুরি গদা শূল চক্র লৈয়া করে ॥
কৃষ্ণরথে আরোহণ করি মহাবীর ।
চালাইয়া দেন রথ সরস্বতী-তীর ॥
যথা ভদ্রা করে স্নান নারীগণ-মাঝে ।
ধীরে-ধীরে তথা পার্থ গেল পদব্রজে ॥
ধরিয়া ভদ্রারে তুলি চড়াইয়া রথে ।
চালাইয়া দেন রথ ইন্দ্রপ্রস্থ-পথে ॥
হাহাকারে ডাকিল যতেক কন্যাগণ ।
হুভদ্রারে হরি লয় কুস্তীর নন্দন ॥
শব্দ শুনি বেগে ধায় সভাপাল সব ।
ধর-ধর বলি ডাকে, আরে রে পাণ্ডব ॥
আরে পার্থ, মতিচ্ছন্ন হইল তোমারি ।
কেমন সাহস তোর, হেন গৃহে চুরি ॥
না পলাহ বলি তার পাছেতে ডাকিল ।
শৃগালের শব্দে যেন সিংহ নেউটিল ॥
ধনুঃশর্প টঙ্কারিয়া স্বজি শরজাল ।
নিমিষে কাটেন তিন-লক্ষ সভাপাল ॥
সভাপালে মারিয়া চালায়ে দিলা রথ ।
নিমিষে গেলেন পার্থ দশক্রোশ পথ ॥
হুভদ্রা-হরিল-বার্তা শুনিয়া শ্রবণে ।
চতুর্দিকে ধাইয়া আইল সর্বজনে ॥

কেহ স্নানে, কেহ দানে-ভোজনে-শয়নে ।
যে যথা আছিল, ত্যজি ধায় সর্বজনে ॥
চড়িতে তুরগ-রথে না হইল কাল ।
ক্রোধে বলভদ্রের কাঁপয়ে করপদ ।
যুগল-নয়ন যেন ক্ষুট-কোঁকনদ ॥
ধর-ধর-বিনা শব্দ নাহি কারো মুখে ।
ধর-ধর গিয়া বলে যারে আগে দেখে ॥
কামদেব যাইয়া চড়িল মীনধ্বজে ।
সাতকোটি রথ সঙ্গে নবকোটি গজে ॥
ধর গিয়া বলি আজ্ঞা দিল বলরাম ।
সবার অগ্রেতে গিয়া উত্তরিল কাম ॥
সারণ আইল সঙ্গে কোটি-রথ-সাথে ।
গজ অশ্ব পদাতিক নানা-অস্ত্র-হাতে ॥
কূপ বৃন্দ উপগদ কৃতবর্মা ধীর ।
যে যাহার সৈন্য লৈয়া ধায় যজুবীর ॥
গদ শাস্ত্র ধাইল লইয়া বহুসেনা ।
পাইয়া রামের আজ্ঞা ধায় সর্বজনা ॥
ধর গিয়া বলি আজ্ঞা দেন হলধর ।
সসৈন্যে সারণ বীর চলিল সত্বর ॥
উগ্রসেন বসুদেব সাত্যকি উদ্ধব ।
রামের নিকটে এল যতেক যাদব ॥
ক্রোধে বলভদ্র-তনু কাঁপে থর-থর ।
ফুলিয়া হইল তনু যেমন মন্দর ॥
শ্রলয় মেঘের শব্দ কঠোর গর্জনে ।
অঙ্গ হৈতে বনমালা ছিঁড়িল তখন ॥
রাম বলে, পাণ্ডবের এত গর্ব হৈল ।
কুকুরে যজ্ঞের হবি ভুঞ্জিতে ইচ্ছিল ॥

চণ্ডাল হইয়া ইচ্ছা করিল ত্রাঙ্গণী ।
 গারুড়ি^১ -অজ্ঞাত যেন ধরে কালফণী ॥
 যে-পুরে সূর্যোন্দু-বায়ু মন্দতেজে রয় ।
 যে-পুরে আসিতে শক্তি শমনের নয় ॥
 হের হের ছন্নমতি হৈল দুরাচার ।
 চুরি করি ল'য়ে যায় ভগিনী আমার ॥
 এই দোষে তারে আজি মারিব সমুলে ।
 বাতি দিতে না রাখিব পাণ্ডবের কুলে ॥
 তাহাকে মারিব, যে জন্মিবে তার বংশে ।
 পৃথিবী খুঁজিয়া তারে মারিব সবংশে ॥
 ইন্দ্রপ্রস্থ-মাটি আজি তাড়িয়া লাঙ্গলে ।
 ফেলাইয়া দিব ল'য়ে সমুদ্রের জলে ॥
 ইন্দ্র যম কুবেের বরণ পঞ্চানন ।
 কার শক্তি মম শত্রু করিবে রক্ষণ ॥
 জানি আমি পাণ্ডবের অতি মন্দরীতি ।
 না জানিয়া করে কৃষ্ণ তার সহ শ্রীতি ॥
 অন্তঃপুরে দেয় তারে রহিবারে স্থান ।
 নহে কেন এতেক হইবে অপমান ॥
 যত স্নেহ করিছু, শুধিল তার গুণ ।
 ভগিনী হরিয়া মুখে দিল কালি-চূণ ॥
 প্রতিফল ইহার পাইবে দুষ্টি আজি ।
 এত বলি সক্রোধে চলিল রাম সাজি ॥
 বামেতে লাঙ্গল ধরি দক্ষিণে মুঘল ।
 বজ্রহস্তে শোভা যেন পায় আখণ্ডল ॥
 কৃষ্ণ ডাক বলি দূতে দিল পাঠাইয়া ।
 সে প্রিয়সখার কৰ্ম দেখুক আসিয়া ॥
 মহাভারতের কথা অমৃত-সমান ।
 কাশী কহে, সাধুজন সদা করে পান ॥

১৩২ । বানবংশের অর্জুনের পশ্চাদ্ভাবন ।
 গদ শাস্ত্র চারুদেয় সাত্যকি সারণ ।
 চালাইয়া দিল রথ পবন-গমন ॥
 না পলাও, শুন পার্থ, ডাকে ষট্‌গণ ।
 শুনিয়া দারুক পার্থ কহেন তখন ॥
 ফিরাও দারুক রথ, ডাকে ক্ষত্রগণে ।
 না দিয়া উত্তর তার যাইব কেমনে ॥
 দারুক বলিল, পার্থ, কহ কি অদ্যুত ।
 গোবিন্দ-অধিক দেখি গোবিন্দের সূত ॥
 ত্রৈলোক্যে অজ্ঞেয় অপ্রমিত পরাক্রম ।
 প্রলয় সমুদ্রসম আসে যেন যম ॥
 ইহাদের সহ যুদ্ধ না হয় উচিত ।
 সময় বুঝিয়া যুঝি, আছে ক্ষত্রনীত ॥
 এ-কর্মে আমার শক্তি নহে কদাচন ।
 পলাইতে যথা চাহ, বলহ একগণ ॥
 যথা আজ্ঞা কর, রথ লইব সত্বর ।
 ইন্দ্রপ্রস্থে লৈব কিংবা ইন্দ্রের নগর ॥
 কুবেের বরণ যম ইন্দ্রের সদনে ।
 যথায় কহিবা, রথ লইব একগণে ॥
 কেবল না পারি আমি রথ ফিরাইতে ।
 কিমতে করাব যুদ্ধ যাদব-সহিতে ॥
 কৃষ্ণগুঞ্জে প্রহারিবা চড়ি এই রথে ।
 মম শক্তি নহিবে ভুরগ চালাইতে ॥
 পার্থ বলে, দারুক, এ নহে ব্যবহার ।
 যুদ্ধ-হেতু ডাকিতেছে পশ্চাতে আমার ॥
 নহে ক্ষত্রধর্ম ইহা, যাব এড়াইয়া ।
 বিশেষে আমার পিছে আইল তাড়িয়া ॥
 হেন অপযশ মম ঘূষিবে ভুবনে ।
 শৃগালের প্রায় যাব, কি-কাজ জীবনে ॥

কৃষ্ণপুত্র আহুক, আপনি কৃষ্ণ আসে ।
 কিংবা যুধিষ্ঠির ভীম সমরে প্রবেশে ॥
 যুদ্ধেতু আমরা ডাকিবে ক্ষত্র হৈয়া ।
 যেই হোক সংগ্রাম করিব বাহুড়িয়া ॥
 নিশ্চয় জানিনু, তুমি যদুকুলহিত ।
 নারিবে সারথি-কৰ্ম করিতে উচিত ॥
 অবিশ্বাস তোমাতে, বিশেষে রণস্থলী ।
 ফেলাহ প্রবেধবাড়ি, ছাড় কড়িয়ালীং ॥
 চালাইব রথ আমি, করিব সমর ।
 এত বলি বাড়ি কাড়ি লইল সত্তর ॥
 পাশ-অস্ত্রে দারুকেরে রাখিয়া বন্ধনে ।
 বাঙ্কিলেন রথন্ত্রে আপন-দক্ষিণে ॥
 এক পদে কড়িয়ালি, আর পদে বাড়ি ।
 ধনুগুণ টঙ্কারিয়া রহিলা বাহুড়ি ॥

ভদ্রা বলে, মহাবীর, এত কষ্ট কেনে ।

আজ্ঞা কর আমরা, চালাই অশ্বগণে ॥
 এই রথে সত্যভামা রুক্মিণীর সঙ্গে ।
 তিনপুর ভ্রমণ করিনু মহারঙ্গে ॥
 স্নেহে যোরে সত্যভামা সঙ্গে করি লয় ।
 সারথি হইয়া আমি চালাতাম হয় ॥
 আমার নৈপুণ্য দেখি দেব-দামোদর ।
 ধনু-ধনু বলি ব্যাখ্যা করেন বিস্তর ॥
 আজ্ঞা কর, রথ চালাইব কোন্ পথে ।
 এত বলি কড়িয়ালি বাড়ি নিল হাতে ॥
 চালাইয়া দিল রথ, বায়ুবেগে চলে ।
 না দেখিতে গেল রথ আদিত্য-মণ্ডলে ॥
 তথা হৈতে চালাইয়া দিল হয়বর ।
 রথের চঞ্চল-গতি অতি-মনোহর ॥

প্রদক্ষিণ করিয়া যতেক সৈন্যগণ ।
 সৈন্যমধ্যে ভ্রমে যেন নর্তক খঞ্জন ॥
 বিদ্যাদ-বরগী ভদ্রা, পার্থ জলধর ।
 বিদ্যাতের প্রায় পশে মেঘের ভিতর ॥
 দৃষ্টিমাত্রে যতেক যাদব-বীরগণ ।
 মুচ্ছিত হইয়া রথে পড়ে সর্বজন ॥
 অনেক মারেন সেনা পার্থ ধনুর্ধর ।
 কোটি-কোটি রথী পড়ে, অসংখ্য কুঞ্জর ॥
 রক্তে নদী বহে, সবে রক্তেতে সঁাতারে ।
 কালসম দেখি পার্থে ভঙ্গ দিল ডরে ॥
 কামদেব সারণ বিচারি মনে-মন ।
 রামের নিকটে দূত করিল প্রেরণ ॥
 মহাভারতের কথা অযুত-সমান ।
 কাশীরাম দাস কহে, শুনে পুণ্যবান ॥

১৩০। বলরামের নিকট অর্জুনের রণজয়-সংবাদ ।

সসৈন্যে বাহির হইলেন বলরাম ।
 হেনকালে দূত আসি করিল প্রণাম ॥
 উজ্জ্বল কহে বার্তা কান্দিতে-কান্দিতে ।
 নাহি আর রক্ষা প্রভু, অর্জুনের হাতে ॥
 সুভদ্রা চালায় রথ না পাই দেখিতে ।
 কখন আকাশে উঠে, কখন ভূমিতে ॥
 কখন লুকাই মেঘে, ক্ষণে শূন্য-মাঝে ।
 নর্তক-খঞ্জন-প্রায় ঘন ফেরে তেজে ॥
 ঘন-ঘন সৈন্যমধ্যে ফণিবৎ চলে ।
 ঘন প্রদক্ষিণ করে, মৎস্য যেন জলে ॥
 দক্ষিণে-বামেতে রথ বায়ুবেগে ছুটে ।
 ক্ষণে-ক্ষণে থাকি সূর্য্যমণ্ডলেতে উঠে ॥



সুভদ্রাচর

“আজ্ঞা কর, রথ চালাইব কোন পথে

এও বলি কড়িয়ালি বাড়ি নিল হার।”

আদ্যপক, ১৮-১৮৬

যুদ্ধ করে পার্থ সব-সৈন্যের সম্মুখে ।
কোনু ঠাই থাকে, তারে কেহ নাহি দেখে ॥
নানাবিধ অস্ত্রগণ ধনঞ্জয় ফেলে ।
অগ্নি-অস্ত্রে কোথাও পোড়ায় দাবানলে ॥
কোনখানে বায়ুতে ফেলায় সৈন্যগণ ।
কোথাও ভূজঙ্গ-অস্ত্র করে বরিষণ ॥
কোনখানে জলরূষি, শীতে কাঁপে তনু ।
কোনখানে শরজালে না দেখি যে ভানু ॥
সেই সে সবারে মারে, কেহ তারে নারে ।
যতেক মারিল সৈন্য, কে কহিতে পারে ॥
যুদ্ধ দেখি সবার লাগিল চমৎকার ।
বার্তা দিতে পাঠাইল যতেক কুমার ॥

মুঘলী বলেন, দূত, কহ সত্যকথা ।
এমত তুরগ-রথ পাইল সে কোথা ॥
দূত বলে, যাদবেন্দ্র কহিবারে ভয় ।
গোবিন্দের রথোপরে স্ত্রীবাতি হয় ॥
সারথি দারুক বাস্কি আছে পড়ি রথে ।
সুভদ্রা চালায় রথ দেখিনু সাক্ষাতে ॥
দূতমুখে বলভদ্র শুনি এই কথা ।
ভূমিতলে বসিলেন করি হেঁটমাথা ॥
অভিমানে রামের নয়নে বহে জল ।
অঙ্গের কস্তুরী-গন্ধ ভাসয়ে সকল ॥
সর্বদা বহিয়া তাঁর পড়ে কালঘাম ।
যহুগণে চাহিয়া বলেন বলরাম ॥

গোবিন্দ যে করায় আমার অপমান ।
আপনি সারথি দিল অশ্ববর-যান ॥
অর্জুনের কি শক্তি যে, হেন কর্ম করে ।
না বুঝিয়া দোষী আমি করি অর্জুনে ॥
আমার সম্মুখে কহে কপট-বচন ।
কোনু লাজে দেখাইবে আমারে বদন ॥

দুর্যোধনে ডাকাইলু বিবাহ-কারণ ।
অধিবাস-হেতু বসিয়াছে দ্বিজগণ ॥
এত বলি অধোমুখে বসিলেন রাম ।
হেনকালে আইলেন নবঘনশ্যাম ॥
ভূমে পড়ি বলদেবে করেন প্রণাম ।
ক্রোধে তাঁর প্রতি না চাহেন বলরাম ॥
গোবিন্দ বলেন, কেন ক্রোধ কর আমি ।
তব পদে কোনু দোষে অপরাধী আমি ॥
উগ্রসেন বলে, তুমি করিলা কুকর্ম ।
ভদ্রা নিতে পর্থে বল, নহে এই ধর্ম ॥
নিজ-রথ-তুরঙ্গ সারথি দিলা তারে ।
তোমাতে না দিয়া দোষ দিব আর কারে ॥
গোবিন্দ বলেন, ইহা জানে সর্বজন ।
সেই রথে চড়ি পার্থ ভ্রমে অনুক্ষণ ॥
কিহতে জানিব যে সুভদ্রা লবে হরি ।
নর-মায়া বুঝিবারে আমি নাহি পারি ॥
ইথে অকারণে প্রভু আগারে অক্রোশ ।
ভদ্রা যদি বাহে রথ, দারুক কি-দোষ ॥
কহ সত্য পুনঃ দূত, দারুকের কথা ।
কিরূপে দারুক আছে অর্জুনের সেথা ॥
দূত বলে, দারুক আপন-বশে নাই ।
বন্ধন করিয়া তারে রাখিল গোসাঞি ॥
শ্রীকৃষ্ণ বলেন, শুন যতেক যাদব ।
এই কথা বুঝহ করিয়া অনুভব ॥
আদিপর্ব ভারতের বিচিত্র আখ্যান ।
কাশীরাম দাস কহে, শুনে পুণ্যবান ॥

১৩৪। বলরামের সহিত ত্রীকৃষ্ণের কথোপকথন।

পুনরপি কহে দূত করি যোড়হাত।
 কি-কারণে নিঃশব্দে রহিলা যত্নাথ্য।
 আজ্ঞা দেহ, আমি এবে করিব কি-কাজ।
 বার্তা-হেতু পাঠাইল কুমার-সমাজ।
 কামদেব মহাবীর যাদব-প্রধান।
 তিন-লোক-মধ্যে যাঁর অব্যর্থ-সন্ধান।
 তিল-তিল গেল কাটা শর-ধনুগুণ।
 একগুটি নাহি অস্ত্র, শূন্য হৈল ভূণ।
 শাস্ত্র গদ সারণ যতেক বীর আর।
 যাদবে অক্ষত-তনু নাহিক কাহার।
 কাহার নাহিক ধ্বজ, কাহার সারণি।
 কাহার নাহিক রথ, হ'য়েছে পদাতি।
 কাহার নাহিক অস্ত্র, কারো ধনুগুণ।
 সবারে করিল জয় একাকী অর্জুন।
 পাঠাইয়া দেহ অস্ত্র রথ অশ্ব আর।
 আপনি চলহ, কিংবা দৈবকী-কুমার।
 মোর বাক্য শুন প্রভু, দেখিহু যা চ'ক্ষে।
 নারিবে কুমারগণ অর্জুনের শক্যে।
 স্নেহেতে অর্জুন নাহি মারে শিশুগণে।
 তেঞি এতক্ষণ প্রভু, জীয়ে সর্বজনে।
 গোবিন্দ বলেন, আমি জানি অর্জুনেরে।
 যুদ্ধে তারে জিনে, হেন না দেখি সংসারে।
 ইন্দ্র যম কুবের বরুণ পঞ্চানন।
 অর্জুনে জিনিবে, হেন নাহি অন্যজন।
 কি করিবে তাহার এ-সব শিশুগণে।
 যা কহিলা সত্য, পার্থ নাহি মারে প্রাণে।

১। বলরাম।

তাহার সহিত দ্বন্দ্ব না হয় উচিত।
 অর্জুন ত নাহি কিছু করে অবিহিত।
 কৃষ্ণের ধর্ম আছে শাস্ত্রের গোচরে।
 বলেতে বিবাহ করে, প্রশংসে তাহারে।
 তবে দোষ কি করিল বীর ধনঞ্জয়।
 আপন-ভগিনী-কর্ম্ম দেখ মহাশয়।
 অর্জুনে তাহার যদি নাহি ছিল মন।
 তবে কেন তার অশ্ব চালায় এক্ষণ।
 না জানে কি ধনঞ্জয় তোমার মহিমা।
 এক্ষণি ভাস্কিতে পার তাহার গরিমা।
 কিন্তু পার্থে জীয়েন্তে না ধরিতে পারিবা।
 অনেক করিলে শক্তি প্রাণেতে মারিবা।
 হুভদ্রা না জীব তবে, ত্যজিবে জীবন।
 কহ দেব, ইথে হৈবে কি-কর্ম্ম-সাধন।
 এক্ষণে আমার এই মত মহাশয়।
 সবাকার মত, যদি তব আজ্ঞা হয়।
 প্রিয়বদ একজন যাক আপনার।
 প্রিয়বাক্যে ফিরাইতে কুন্তীর কুমার।
 এক্ষণে আনিয়া তারে করাহ বিবাহ।
 সম্প্রীতে হুভদ্রা তুমি তারে সমর্পহ।
 সকল মঙ্গল হৈবে, লোকেতে সম্মান।
 মম চিন্তে ইহা বিনা নাহি লয় আন।
 কৃষ্ণের এতেক বাক্য শুনি হলধর।
 ক্রোধ সংবরিয়া তবে করিলা উত্তর।
 আমারে কি আর জিজ্ঞাসহ অকারণ।
 করহ আপনি, যাহা লয় তব মন।
 যাহা চিন্তে করিয়াছ, তাহাই হইবে।
 তুমি যা কহিবা, তাহা কে অশ্র করিবে।

তব বাক্য যদি আমি না করি হেলন ।
এমত ছুঃসহ লজ্জা হৈবে কি-কারণ ॥
আপনি সাত্যকি ভূমি করহ গমন ।
আনহ অৰ্জ্জুনে কহি মধুর-বচন ॥
এত বলি সাত্যকিরে পাঠাইয়া দিলা ।
সেইক্ষণে রথে চড়ি সাত্যকি চলিলা ॥
আদিপর্ব ভারতের বিচিত্র আখ্যান ।
কাশীরাম কহে, সাধু সদা করে পান ॥

—

১০৫। দুৰ্য্যোধনের অভিমানে বদেশ যাত্রা ও পার্শ্বের
সহিত হস্তদ্বার বিবাহ ।

তবে রাজা দুৰ্য্যোধন সব-সৈন্য লৈয়া ।
যাদব-সৈন্যের মধ্যে উত্তরিল গিয়া ॥
শুনিল নিলেন পার্শ্ব হস্তদ্বার হরিয়া ।
মহাক্রোধে দুৰ্য্যোধন উঠিল গর্জ্জিয়া ॥
হে কৃপ, হে পিতামহ, আচার্য্য, বিদুর ।
সাক্ষাতে দেখহ কৰ্ম্ম তনয় পাণ্ডুব ॥
যে কন্যা-নিমিত্ত রাম আনিলেন মোরে ।
দেখহ দুষ্কের কৰ্ম্ম, হরিল তাহারে ॥
মোর দোষাদোষ সব জ্ঞাত হৈলা সবে ।
এক্ষণে মারিব দেখ, কে রাখে পাণ্ডবে ॥
কর্ণ বলে, মহারাজ, বসি দেখ ভূমি ।
আজ্ঞা দিলে অৰ্জ্জুনে বাঞ্ছিয়া আনি আমি ॥
শুনি আজ্ঞা দিল তারে গাঙ্কারী-নন্দন ।
শীঘ্র ধায় কর্ণ-বীর লোহিত-লোচন ॥

বৃকোদর বলে, কোথা যাস্ সূত-হৃত ।
অৰ্জ্জুনে ধরিতে যাস, শুনিতে অদ্বৃত ॥
হরাসুর-যক্ষ যারে না পারে সমরে ।
তাহারে ধরিতে যাস, লজ্জা নাহি করে ॥

অরে মূৰ্খ চুরাচার, এত অহঙ্কার ।
এমত প্রতিজ্ঞা কর অগ্রেতে আমার ॥
মম হস্তে রহে যদি তোমার জীবন ।
তবে পার্শ্ব-সহ ভূমি কর গিয়া রণ ॥
এত বলি লাফ দিয়া পড়িল ধরণী ।
গদা ফিরাইয়া যান, যেন দণ্ডপাণি ॥

বিদুর বলিল, শুন, তাত দুৰ্য্যোধন ।
পার্শ্ব-সহ দ্বন্দ্ব তব কিবা প্রয়োজন ॥
বরণ করিয়া তোমা আনিল যে-জন ।
তঁার ঠাই আগে গিয়া জিজ্ঞাস কারণ ॥
যেমত সে কহিবে, করিবে সেই রীত ।
পার্শ্ব-সহ কলহ তোমার অনুচিত ॥
ভীষ্ম-দ্রোণ বলিলেন, এই সুবিচার ।
যে আনিল, তঁার ঠাই জান একবার ॥
অনেক কহিয়া দ্বন্দ্ব করিল বারণ ।
দ্বারাবতী চলিল নৃপতি দুৰ্য্যোধন ॥

হেনকালে উপনীত হইল সাত্যকি ।
মধুর-কোমল-ভাষে পার্শ্ব বলে ডাকি ॥
ক্রোধ ত্যজ, ধনঞ্জয়, কি-হেতু আক্রোশ ।
না জানিয়া শিশু-সব করিয়াছে দোষ ॥
তোমার সহিত দ্বন্দ্ব কৈল না জানিয়া ।
রাম-কৃষ্ণ মন্দ বলিলেন তা' শুনিয়া ॥
এ-কারণে শীঘ্রগতি পাঠালেন মোরে ।
প্রবোধিয়া তোমারে বাহুড়ি লইবারে ॥
একত্র বসিয়া যত বৃষ্ণি-ভোজগণ ।
হস্তদ্বাকে তোমারে করিবে সমর্পণ ॥

এতেক বিনয়-বাক্য সাত্যকির শুনি ।
তাজিয়া সংগ্রাম শাস্ত হ'লেন ফাক্তনি ॥
দুৰ্য্যোধন শুনি অভিমানেতে রহিল ।
সসৈন্যে আপন-দেশে বাহুড়ি চলিল ॥

তবে পার্থ দারুকে করিয়া কৃতাজ্জলি ।
সবিনয়ে কহিতে লাগিল মহাবলী ॥
যথা কৃষ্ণ, তথা তুমি, ইথে নাহি আন ।
করিলাম অপরাধ ক্ষম মতিমান ॥

দারুকে কহিল, পার্থ, কৈলে বড় কৰ্ম্ম ।
বন্ধন এ নহে মম, রক্ষা কৈলে ধৰ্ম্ম ॥
তুমি যদি আমারে না করিতে বন্ধন ।
কোন্ লাঞ্জে দেখাতাম রামেরে বদন ॥
এইমত লহ মোরে সাক্ষাতে তাঁহার ।
নহিলে রামের ক্রোধ হইবে অপার ॥

অৰ্জুন বলেন, ইহা না হয় উচিত ।
তোমার বন্ধনে কৃষ্ণ হবেন কুপিত ॥
চিত্তে ভাবিবেন রাম কপট বন্ধন ।
এত বলি মুক্ত করি দিলেন তখন ॥
তবে যত যত্নগণ সম্বলিত হইয়া ।
লইল অৰ্জুন-বীরে আদর করিয়া ॥
ভীষ্ম দ্রোণ কৃপাচার্য্য বিদূর স্মৃতি ।
ভুরিভ্রবা সোমদত্ত বাহ্লীক প্রভৃতি ॥
সর্বসৈন্য লৈয়া ভীম যায় পার্থ-আগে ।
পশ্চাতে যাদব কাম-আদি বীরভাগে ॥

আশুসরি লইলেন দেব-নারায়ণ ।
হুলাহুলি দিল যত যত্ননারীগণ ॥
রত্নময়-আসনে দৌহারে বসাইয়া ।
বেদ-অনুসারে তবে করাইল বিয়া ॥
বহুদেব করিলেন ভদ্রা-সম্প্রদান ।
যতেক যৌতুক দিলা নাহি পরিমাণ ॥
পুণ্যকথা ভারতের শুনে পুণ্যবান ।
পৃথিবীতে নাহি স্তম্ব ইহার সমান ॥
সুভদ্রা-হরণ-কথা শুনে যেই নর ।
মনোবাঞ্ছা পূর্ণ তার, ব্যাসের উত্তর ॥

কাশীরাম দাস কহে, শুন সাধু ভাই ।
ভারত-শ্রবণে মহা-পাতক এড়াই ॥

১৩৬ । স্তম্ভহার সহিত অৰ্জুনের ইন্দ্রপ্রস্থে গমন,
অভিমুখ্যর অগ্নি এবং দ্রৌপদীর গর্ভে পঞ্চ-
পাণ্ডবের পুত্রোৎপত্তি ।

অনন্তর অৰ্জুন প্রভাসতীরে গিয়া ।
দ্বাদশ-বৎসর-শেষ তথায় বঞ্চিয়া ॥
তবে পুনঃ কতদিন রহি দ্বারাবতী ।
ইন্দ্রপ্রস্থে ফিরিলেন সুভদ্রা-সংহতি ॥
যুধিষ্ঠির-চরণে করেন প্রণিপাত ।
ধৰ্ম্ম আশীর্বাদ কৈলা শিরে দিয়া হাত ॥
কুন্তী-ভীমে প্রণমেন পার্থ সবিনয়ে ।
আলিঙ্গন কৈলা দুই মাত্রীর তনয়ে ॥
দ্রৌপদীকে সম্ভাষিতে যান অন্তঃপুর ।
পার্শ্বে দেখি হৈল তাপ কৃষ্ণার প্রচুর ॥
অধোমুখে রহিলেন অভিমান-ভরে ।
কতক্ষণ পরে পার্থ বলে মিস্ত্রস্বরে ॥
কি-হেতু আমারে প্রিয়ে হইলা বিমুগ্ধ ।
কোন্ দোষ দেখি মম মনে হৈল দুখ ॥
দ্বাদশ-বৎসর-অন্তে হইল মিলন ।
ইহাতে অপ্রিয় কেন, না বুঝি কারণ ॥

দ্রৌপদী বলিল, পার্থ, না দহ শরীর ।
হেথা হৈতে গেলে মোর চিত্ত হয় স্থির ॥
মোর স্থানে তোমার কি আর প্রয়োজন ।
যথায় যাদবী, তথা করহ গমন ॥
নবগ্রহি পেলে যেন পূর্বগ্রহি হেলা ।
আমারে বিস্মৃত হৈলা পেয়ে নববালা ॥

শুনিয়া কহেন পার্থ হইয়া লজ্জিত ।
তুমি হেন কহ, দেবি, না হয় উচিত ॥

তোমা-বিনা অর্জুনের কে আছে সংসারে ।
 লক্ষ-স্রী হ'লেও তুমি সবার উপরে ॥
 আমরা যে পঞ্চ-ভাই সকলি তোমার ।
 ভদ্রা-হেতু কর ক্রোধ, না বুঝি বিচার ॥
 ইহা শুনি দ্রোপদীর পরম উল্লাস ।
 প্রিয়-বাক্যে দুইজনে হইল সন্তোষ ॥

আইলেন কতদিনে রাম-নারায়ণ ।
 সঙ্গিতে বিবিধরত্ন দাস-দাসীগণ ॥
 অশ্ব হস্তী ধেনু বৃষ বিবিধ যৌতুক ।
 কৃষ্ণে দেখি ধর্ম্মরাজ পরম কৌতুক ॥
 আলিঙ্গন শিরোস্ত্রাণ লৈয়া দুইজনে ।
 পরস্পর সন্তোষণ করে প্রীতমনে ॥
 তুষ্টে রহি কিছুদিন পাণ্ডব-সেবায় ।
 বলভদ্র যান, কৃষ্ণ রহেন তথায় ॥

তবে কতদিনে ভদ্রা হৈলা গর্ভবতী ।
 পরম-সুন্দর পুত্র প্রসবিল। সতী ॥
 দ্বিতীয় চন্দ্রের জ্যোতিঃ অঙ্গের বরণ ।
 রূপেতে করিল আলো সকল ভুবন ॥
 রূপেতে-বীর্য্যেতে হৈল জনক-সমান ।
 দ্বিজগণ নাম দিল করি অনুমান ॥
 অ-ভী ভয়হীন আর সুন্দর-শরীর ।
 মনুষ্যানু ক্রোধপর অতিশয় বীর ॥
 সে-কারণে অভিমন্যু দিলা তার নাম ।
 পশ্চাতে কহিব, যত তার গুণগ্রাম ॥
 দ্রোপদীর পঞ্চপুত্র পঞ্চজন হৈতে ।
 সবে পিতৃভুল্য হৈল রূপেতে গুণেতে ॥
 অনুমান করি নাম দিলা দ্বিজগণ ।
 প্রতিবিন্দ্য নাম হৈল ধর্ম্মের নন্দন ॥
 হতসোম নাম বৃকোদর-সুত হৈল ।
 ঐতকর্ত্তি বলি নাম পার্থসুতে দিল ॥

শতানীক নাম হৈল নকুল-তনয় ।
 ঐতকর্ত্ত্য। সহদেব-সুত-নাম হয় ॥
 এই পঞ্চ নাম ধরে পঞ্চের সন্তান ।
 রূপ-গুণ-বল-বীর্য্যে জনক-সমান ॥
 পাণ্ডবের বংশবৃদ্ধি হৈল এইমত ।
 পুত্রমুখ দেখি সবে হৈলা আনন্দিত ॥
 পাণ্ডবের বংশবৃদ্ধি শুনে যেইজন ।
 বংশবৃদ্ধি হয় তার, ব্যাসের বচন ॥
 ভারত-শ্রবণে কিছু না থাকে আপদ ।
 দুঃখ-শোক দূর হয়, বাড়য়ে সম্পদ ॥
 কাশীরাম দাস কহে, শুন সারোদ্ধার ।
 ইহা বিনা সংসারেতে সুখ নাহি আর ॥

১৩৭। ঋগ্বেদ-বন-দাহন ।

তবে কত দিনান্তরে পার্থ-নারায়ণ ।
 গ্রীষ্মকালে যান দৌহে ক্রীড়ার কারণ ॥
 যমুনার জলে গিয়া করেন বিহার ।
 রুক্ষিণী সুভদ্রা সঙ্গে বহু পরিবার ॥
 যমুনার কূলে করি উত্তম আলায় ।
 ভক্ষ্য-ভোজ্য আনিলেন নানা-দ্রব্যচয় ॥
 ক্রীড়া-অস্ত্রে আসনে বসিলা দুইজন ।
 হেনকালে বিপ্রবেশে এল হতাশন ॥
 মাথায় ত্রিজটা শোভে, পিঙ্গল-নয়ন ।
 উত্তপ্ত-কাঞ্চন-জিনি অঙ্গের বরণ ॥
 কৃষ্ণার্জুন-অগ্রে দাঁড়াইল হতাশন ।
 দৌহারে আশীষ করি বলয়ে বচন ॥
 যদুকুলশ্রেষ্ঠ তুমি, কুরুকুল-সার ।
 ত্রিভুবনে নাহি দেখি সমান দৌহার ॥
 এইহেতু আসিয়াছি দরিদ্র ভ্রাত্মণ ।
 দুইজনে মিলি মোরে করাহ ভোজন ॥

হাসিয়া কহেন পার্থ, কহ বিচক্ষণ ।
কোন ভক্ষ্য দিলে তৃপ্ত হইবা এক্ষণ ॥
ভক্ষ্য-হেতু এত চাটু বল কি-কারণ ।
যা-কিছু মাগহ ভক্ষ্য, দিব এইক্ষণ ॥
আশ্বাস পাইয়া বলে অগ্নি-মহাশয় ।
আমি অগ্নি বলি দিল নিজ-পরিচয় ॥
ব্যাধিযুক্ত বহুকাল আমার শরীর ।
নির্ব্যাধি করহ মোরে পার্থ মহাবীর ॥
খাণ্ডব-বনেতে সর্বজীবের আলয় ।
সেই বন ভক্ষ্য মোরে দেহ ধনঞ্জয় ॥
হুরাহুর-যক্ষ-রক্ষ-পশু-পক্ষিগণ ।
যতেক আছেয়ে তাহে, করাহ ভোজন ॥

এত শুনি জিজ্ঞাসিল রাজা জন্মেজয় ।

কহ, মুনিরাজ, মম খণ্ডাহ বিস্ময় ॥
কি-হেতু হইল ব্যাধিযুক্ত হতাতন ।
কিসের কারণে চাহে খাণ্ডব-দাহন ॥

মুনি বলে, শুন নৃপ, পূর্বের কাহিনী ।
সত্যযুগে আছিল খেতকি-নৃপমণি ॥
যজ্ঞ-বিনা অম্ম কৰ্ম না জানে কখন ।
নিরন্তর যজ্ঞ করে লইয়া ব্রাহ্মণ ॥
বহুকাল যজ্ঞ রাজা করে হেনমত ।
সহিতে না পারে কষ্ট দ্বিজগণ যত ॥
যজ্ঞ ত্যজি দ্বিজগণ করিলা গমন ।
বিনয় করিয়া রাজা বলিলা বচন ॥
পতিত নহি যে আমি, নহি কোন দোষী ।
কোন হেতু যজ্ঞ মম না করহ ঋষি ॥

দ্বিজগণ বলে, ভূপ, না দুষি তোমারে ।

শক্তি নাহি মো'সবার যজ্ঞ করিবারে ॥
অপ্রমিত যজ্ঞ তব নাহি হয় শেষ ।
সহিতে না পারি আর অগ্নিতাপ-ক্লেশ ॥

নয়ন নীরস হৈল, লোমহৌন অঙ্গ ।

শরীর নিরন্ত হৈল, সদা অগ্নিসঙ্গ ॥

দ্বিজগণ-বচন শুনিয়া নরপতি ।

করিল অনেকবিধ সবিনয় স্তুতি ॥

দ্বিজগণ বলে, রাজা, বল অকারণ ।

তব যজ্ঞ করে, হেন না দেখি ব্রাহ্মণ ॥

ত্রিদশ-ঈশ্বর শিবে সেবহ রাজন্ ।

তাঁহা-বিনা যজ্ঞ করে নাহি হেন জন ॥

দ্বিজগণ-বাক্যে রাজা তপ আরম্ভিল ।

অনেক কঠোর তপে মহেশে সেবিল ॥

শিব তুষ্ট হইয়া বলেন, মাগ বর ।

রাজা বলে, কৃপা যদি কৈলা মহেশ্বর ॥

মম যজ্ঞ করে, হেন নাহিক ব্রাহ্মণ ।

আপনি আমার যজ্ঞ কর পঞ্চানন ॥

হাসিয়া বলেন শিব, শুন মহারাজ ।

মম কৰ্ম নহে, যজ্ঞ ব্রাহ্মণের কাজ ॥

যজ্ঞফল যাহা চাহ, মাগহ রাজন্ ।

শুনিয়া নৃপতি বলে বিনয়-বচন ॥

না করিয়া যজ্ঞ, ফল নহে স্ত্রশোভন ।

কি উপায়ে যজ্ঞ করি, কহ ত্রিলোচন ॥

মহেশ কহেন, তব যজ্ঞে এত মন ।

মম অংশে আছে এক দুর্বাসা ব্রাহ্মণ ॥

তাহারে লইয়া যজ্ঞ কর নরবর ।

যজ্ঞের সামগ্রী গিয়া করহ সত্ত্বর ॥

দুর্বাসার যোগ্য যজ্ঞ করহ বিধান ।

যেইমতে রক্ষা পায় দুর্বাসার মান ॥

শিব-আজ্ঞা পেয়ে রাজা গেল নিজ-ঘর ।

সংগ্রহে যজ্ঞের দ্রব্য দ্বাদশ-বৎসর ॥

সম্পূর্ণ সামগ্রী করি জানাইল হরে ।

শিব করিলেন আজ্ঞা দুর্বাসা-মুনিরে ॥

শিবের আঙ্কায় হৈল ক্রোধ তপোধনে ।
 ছিদ্রে কিছু পেলে আজি নাশিব রাজনে ॥
 এত অহঙ্কার করে খেতকি-রাজন ।
 যজ্ঞ-হেতু করিল আমারে আবাহন ॥
 মনে ক্রোধ করিয়া চলিল মুনিবর ।
 যজ্ঞ করিবারে গেল সহ দণ্ডধর ॥
 যজ্ঞ আরম্ভিল তবে মহাতপোধন ।
 যখন যা মাগে মুনি, যোগান রাজন ॥
 খেতকি রাজার যজ্ঞ অভুল সংসারে ।
 দুর্ব্বাসা আহতি দেয় মুঘলের ধারে ॥
 দ্বাদশ-বৎসর যজ্ঞ কৈল অবিরাম ।
 তিন-লোক চমৎকৃত শুনি যজ্ঞনাম ॥
 সেই হবি খাইয়া হইল মন্দানল ।
 ব্যাধিযুক্ত অগ্নিদেব হইল দুর্ব্বল ॥
 অগ্নিদেব চলিলেন ব্রহ্মার সদন ।
 ব্রাহ্মারে আপন-দুঃখ কৈলা নিবেদন ॥
 বিরিকি বলেন, লোভে এ-দুঃখ পাইলা ।
 বহু হবি খেয়ে তুমি ব্যাধিযুক্ত হৈলা ॥
 ইহার ঔষধ আছে, শুন হতাশন ।
 খাণ্ডব-বনেতে আছে নানা জীবগণ ॥
 যদি পার সেই বন দগ্ধ করিবারে ।
 তবে ত না রবে রোগ তব কলেবরে ॥
 ব্রহ্মার বচন শুনি স্তপ্রচণ্ড-বেগে ।
 খাণ্ডব-বনেতে অগ্নি চলিলেন রেগে ॥
 অতি-শীঘ্র উপনীত হ'য়ে সেইখানে ।
 জ্বলিয়া উঠিল অগ্নি ভীষণ-গর্জনে ॥
 খাণ্ডবে আছিল বহু জীবের আলয় ।
 অনল দেখিয়া সবে মানিল বিস্ময় ॥
 কোটি-কোটি মত্তহস্তী সহিত হস্তিনী ।
 নিবাইল অগ্নিকুণ্ড শুণ্ডে জল আনি ॥

বড়-বড় সর্প-সব মহা-ভয়ঙ্কর ।
 পঞ্চশত-সপ্ত-অষ্ট-দশ-কণাধর ॥
 মুখেতে করিয়া জল নিবায় অনল ।
 যে যত আছিল জীব, যার যত বল ॥
 নিহৃত হইল অগ্নি নারিল দহিতে ।
 বহুবার উপায় করিল হেনমতে ॥
 খাণ্ডব দহিতে শক্ত নহে হতাশন ।
 ক্রোধচিন্তে গেল পুনঃ ব্রহ্মার সদন ॥
 বিনয় করিয়া বহু বলে বিরিকিরে ।
 না হইল মম শক্তি বন দহিবারে ॥
 মুহূর্ত্তেক চিন্তিয়া বলিলা প্রজাপতি ।
 না করিহ ভয় অগ্নি, স্থির কর মতি ॥
 ব্রহ্মা বলিলেন, আর না দেখি উপায় ।
 স্থির হৈয়া থাক তুমি, কাল গত-প্রায় ॥
 ইহার উপায় এক কহি তোমা সার ।
 সাবধান হ'য়ে শুন বচন আমার ॥
 নর-নারায়ণ জন্মিবেন মহীতলে ।
 খাণ্ডব দহিবা, দৌহে সহায় হইলে ॥
 ব্রহ্মার বচনে অগ্নি স্থির করি মন ।
 বহুকাল রোগযুক্ত রহিল তেমন ॥
 হইলে দ্বাপর-শেষে দৌহে অবতার ।
 ব্রহ্মার সদনে অগ্নি গেল পুনর্ব্বার ॥
 পাইয়া ব্রহ্মার আঙ্কা দেব-হতাশন ।
 অতিশীঘ্র গেলা, যথা নর-নারায়ণ ॥
 অগ্নির বচনে পার্শ্ব করেন স্বীকার ।
 আশ্বাস পাইয়া অগ্নি বলে আরবার ॥
 সে-বন দহিতে বিদ্রোহ আছে বহুতর ।
 বনের রক্ষক সদা দেব-পুরন্দর ॥
 অর্জুন কহেন, দেবে নাহি মম ভয় ।
 বহু ইন্দ্র আসে, তবু করিব বিজয় ॥

মম যোগ্য ধনুর্বাণ নাহি হতাশন ।
 ইন্দ্র-সহ যুদ্ধযোগ্য নাহি অস্ত্রগণ ॥
 অবশ্য বিরোধ হৈবে দেবরাজ-সঙ্গ ।
 তার যুদ্ধ-যোগ্য রথ নাহিক তুরঙ্গ ॥
 দেবরাজ-ইন্দ্র-সহ বিরোধ হইবে ।
 ত্রিভুবন-লোক তার সাহায্য করিবে ॥
 সাহায্য করিতে হৈলে নাহি অস্ত্রচয় ।
 উপায়-বিহনে সিদ্ধি কভু নাহি হয় ॥
 শ্রীকৃষ্ণের বাহুবল সহিবারে পারে ।
 হেন অস্ত্র নাহি তাঁরো হস্তের মাঝারে ॥
 আপনি চিন্তহ তুমি ইহার উপায় ।
 খাণ্ডব দহিতে মোরা হইব সহায় ॥
 এত শুনি ধ্যান করি চিন্তে হতাশন ।
 সখা বরুণেরে তবে করিলা স্মরণ ॥
 অগ্নির স্মরণে আইলেন জলেধর ।
 বরুণে দেখিয়া নিবেদিলা বৈদ্যনর ॥
 এমত সময়ে সখা কর উপকার ।
 চন্দ্রদত্ত রথ আছে আলায়ে তোমার ॥
 অক্ষয় যুগল তুণ, গাণ্ডীব ধনুক ।
 এ-সকল দিলে মম খণ্ডে সব চুখ ॥
 শুনিয়া বরুণ আনি দিলা শীঘ্রগতি ।
 আরো আপনার পাশ দেন জলপতি ॥
 সুরাসুর-পূজিত গাণ্ডীব মহাধনু ।
 কপিধ্বজ-রথজ্যোতি জিনি চন্দ্র-ভানু ॥
 শুক্লবর্ণ চারি-অশ্ব রথে নিয়োজিত ।
 অক্ষয় যুগল তুণ অস্ত্রে স্ত্রশোভিত ॥
 শ্রীকৃষ্ণে করিয়া স্তব দেব-হতাশন ।
 কোমোদকী গদা দিল, চক্র-সুদর্শন ॥

এই দুই দিব্য-অস্ত্র অতুল সংসারে ।
 তোমা-বিনা অন্যজনে শোভা নাহি করে ॥
 রথে চড়িলেন দৌহে নিজ-নিজ-সাজে ।
 গোবিন্দ গরুড়ধ্বজে, পার্থ কপিধ্বজে ॥
 শতেক যোজন বন খাণ্ডব বিস্তার ।
 লাগিল অনল, উঠে পর্বত-আকার ॥
 দুইভিতে বনের থাকেন দুইজন ।
 নিঃশঙ্কে দহয়ে বন দেব-হতাশন ॥
 প্রলয়ের মেঘ যেন শুনি গড়গড়ি ।
 নানাবিধ বৃক্ষ পোড়ে শুনি চড়বড়ি ॥
 নানাজাতি পশু পোড়ে, নানা-পক্ষিগণ ।
 নানাজাতি পুড়িয়া মরয়ে নাগগণ ॥
 প্রাণভয়ে কোনজন পলাইয়া যায় ।
 অস্ত্রেতে কাটিয়া সব অগ্নিতে ফেলায় ॥
 সিংহনাদ করি বলবন্ত কোনজন ।
 গর্জিয়া বাহির হৈল করিবারে রণ ॥
 কৃষ্ণার্জুন বাণে কাটি ফেলে ততক্ষণ ।
 হরষিত হতাশন করয়ে ভঙ্গণ ॥
 যক্ষ রক্ষ কিম্বদানব বিছাধর ।
 অনেক পুড়িয়া মরে অরণ্য-ভিতর ॥
 ভার্য্য-পুত্র-সহ কেহ করে আলিঙ্গন ।
 আকুল হইয়া কেহ করয়ে রোদন ॥
 শীঘ্রগতি গিয়া কেহ পড়ে জলমাঝে ।
 জলজন্তু-সহ ভস্ম হয় অগ্নিতেজে ॥
 জলেতে পুড়িয়া মরে শফরী কচ্ছপ ।
 বনেতে পুড়িয়া মরে বনবাসী সব ॥
 সিংহ ব্যাঘ্র ভল্লুক বরাহ যুগগণ ।
 মহিম শার্দূল খড়্গগৌ না যায় লিখন ॥

অসংখ্য কুঞ্জর পোড়ে দীর্ঘ-দীর্ঘ-দন্ত ।
 জম্বুক শশক নকুলের নাহি অন্ত ॥
 নানাজাতি নাগ পোড়ে গর্জিয়া আগুনে ।
 শত-পঞ্চ-দশ ফণা ধরে কোনজনে ॥
 পর্বত-আকার অঙ্গ, গমনে পবন ।
 নানাজাতি পুড়িয়া মরয়ে পক্ষিগণ ॥
 আকাশে উড়য়ে কেহ পবনের তেজে ।
 অর্জুন কাটিয়া বাণে ফেলে অগ্নিমাঝে ॥
 আকুল যতেক জীব করে কলরব ।
 মহাশব্দ হৈল, যেন উথলে অর্ণব ॥
 পর্বত-আকার অগ্নি উঠিল আকাশে ।
 স্বর্গবাসী দেবগণ পলায় তরাসে ॥
 ভয়েতে লইল সবে ইন্দ্রের শরণ ।
 দেবরাজে জানাইল খাণ্ডব-দাহন ॥
 তোমার পালিত বন দহে হতাশন ।
 অগ্নির সহায় হৈল নর দুইজন ॥
 এত শুনি কুপিত হইল দেবরাজ ।
 যুঝিবারে চলে ল'য়ে দেবের সমাজ ॥
 মহাভারতের কথা অমৃত-লহরী ।
 কাহার শক্তি তাহা বর্ণিবারে পারি ॥
 ঋতমাত্র কহি আমি রচিয়া পয়ার ।
 শুনি অবহেলে তরে ভব-পারাবার ॥
 শ্লোকচ্ছন্দে সংস্কৃতে বিরচিলা ব্যাস ।
 খাণ্ডব-দাহন-কথা, শ্রবণে উল্লাস ॥
 আদিপর্ব ভারতের শুনে সাধুজনে ।
 পাঁচালী-প্রবন্ধে কাশীরাম দাস ভণে ॥

১৩৮ । ইজাদি দেবতার সহিত অর্জুনের যুদ্ধ ও
 মরদানবাদের পরিত্রাণ ।
 অতিক্রোধে পুরন্দর, চড়ে ঐরাবতোপর,
 বজ্র করে, ছত্র শোভে শিরে ।
 কোপেতে সহস্র-অঁখি, লোহিত-বরণ দেখি,
 আজ্ঞা দিল যত অনুচরে ॥
 যত আছ দেবগণ, ল'য়ে নিজ-প্রহরণ,
 আইসহ আমার পশ্চাতে ।
 শুনি মনে পায় হাস, তিলেক না করে ত্রাস,
 মম বন পোড়ায় কি-মতে ॥
 সহায়-জনের সহ, বিনাশিব হব্যবাহ,
 এত বলি চলে বজ্রপাণি ।
 পরিবার-সহ যত, উচ্চৈঃশ্রবাসে ঐরাবত,
 চারি-মেঘ চৌষটি মেঘিনী ॥
 যক্ষারূঢ় মহামতি, চলিলা ধনের পতি,
 ভয়ঙ্কর গদা করি করে ।
 মহিষে যুতুর নাথ, লোকাস্তক দণ্ডহাত,
 চলিলা সহিত-সহচরে ॥
 নিজ-নিজ-যানারোহ, চলিলা যতেক গ্রহ,
 অষ্ট-বহু অশ্বিনী-কুমার ।
 পবন ধমুক ধরি, যুগে আরোহণ করি,
 ইন্দ্র-সহ হৈলা আগুসার ॥
 চড়িয়া মকরধ্বজে চলিলা জলের রাজে
 পাশ-অস্ত্র শোভে সব্যকরে ।
 শিখিপূর্থে আরোহণ শক্তিধর ষড়ানন
 চলিলা খাণ্ডব রক্ষিবারে ॥
 এইমত গুটি-গুটি দেবতা তেত্রিশ-কোটি
 গেলা বন-রক্ষার কারণে ।
 আইলা গরুড়-পক্ষী সঙ্গে লক্ষ-লক্ষ পক্ষী
 রক্ষাহেতু নিজ-জ্ঞাতিগণে ॥

চিত্তে বহু অমুরাগ আইলা অনন্ত-নাগ
 কোটি-কোটি ভূজঙ্গ-সংহতি ।
 আইল তক্ষক-সেনা ধরে শত-শত ফণা
 বিষরুষ্টি-পূর্ণা কৈল ক্ষিতি ॥
 যক্ষ রক্ষ ভূত দানা সহ নিজ-নিজ-সেনা
 নানা-অস্ত্র শেল শূল লৈয়া ।
 এমত লিখিব কত ত্রিভুবনে আছে যত
 রহে সবে আকাশ যুড়িয়া ॥
 তবে দেব-পুরন্দরে আজ্ঞা দিল জলধরে
 রুষ্টি করি নিবাহ অনল ।
 আজ্ঞামাত্রে অতিবেগে সংবর্তাদি চারিমেঘে
 মুঘল-ধারায় ঢালে জল ॥
 প্রলয়কালের রুষ্টি মজাইতে যেন সৃষ্টি
 শিলা-জলে ছাইল আকাশ ।
 মহাঘোর ডাক ছাড়ে বনুঝনা ঘন পড়ে
 তিন-লোকে লাগিল তরাস ॥
 দেখি পার্শ্ব মহাবল না পড়িতে রুষ্টিজল
 শোষক-বায়ব্য অস্ত্র এড়ে ।
 শূন্যে অস্ত্র উঠে রোষে শোষকে সলিল শোষে
 বায়ব্যে সকল মেঘ উড়ে ॥
 মেঘে হৈল পরাজয় অতি-ক্রোধে হরিহর
 বজ্র হানে শ্রীকৃষ্ণ-অর্জুনে ।
 জানি নর-নারায়ণে বজ্র না চলিল রণে
 বাহড়ি আইল ইন্দ্রস্থানে ॥
 তবে ক্রোধে দেবরাজ অস্ত্রব্যর্থ পেয়ে লাজ
 উপাড়িয়া আনিল মন্দর ।
 হুহুকার-শব্দে ছাড়ে যেন স্বর্গ ছিঁড়ি পড়ে
 আইসে মন্দর-গিরিবর ॥

ইন্দ্রপুত্র দিব্যশিক্ষা, ভরদ্বাজ-পুত্র-দীক্ষা,
 অজৈয় গাণ্ডীব ধরে ধনু ।
 শীত্ৰহস্তে এড়ি বাণ, গিরি করে খান-খান,
 চূর্ণ করে যেন ক্ষুদ্র-রেণু ॥
 পর্বত ফেলিল ছেদি, চমকিত জঙ্ঘভেদীং,
 নানা-অস্ত্র করে বরিষণ ।
 অনেক করিছে রণ, নিবারিতে হতাশন,
 কে করিবে তাহার গণন ॥
 বায়ু অগ্নি ভিন্দিপাল, ইন্দ্রজাল ব্রহ্মজাল,
 পরশু মুদগার শেল শূল ।
 চক্রবাণ জাঠা-জাঠি, নানা-অস্ত্র কোটি-কোটি
 অর্ধচন্দ্র তোমর ত্রিশূল ॥
 তবল সাবল সাক্ষী, ক্ষুরপা বেণব টাঙ্গি,
 কুঠার পটিশ বহুতর ।
 ভল্ল শেল শব্দভেদী, কুস্ত খড়্গ রিপুচ্ছেদী,
 সূচীমুখ খট্টাক বিস্তর ॥
 যেন রুষ্টি ঘোর ঘনে, ইন্দ্র ফেলে অস্ত্রগণে
 সব নিবাবেন ধনঞ্জয় ।
 অগ্নিতে পত্তঙ্গ প'ড়ে, যেন ভস্ম হ'য়ে উড়ে
 ক্ষণমাত্রে হৈল সব ক্ষয় ॥
 অগ্নি রাখে নারায়ণ, পার্শ্ব করে মহারণ,
 হুরাসুর সবারে নিবাবে ।
 দেখি অর্জুনের কাজ, সবিস্ময় দেবরাজ
 হুরাসুর আগু নহে ডরে ॥
 দেখি দেব-ভঙ্গিয়ান, ক্রোধে হৈল আগুয়ান
 গর্জিয়া গরুড়-মহাবীর ।
 বজ্র-সম দশ-নখে চলিল বিস্তারি মুখে
 গিলিবারে পার্শ্বের শরীর ॥

আকাশে গরুড়-পাখী আইসে তখন দেখি যে-অস্ত্রে যে-অস্ত্রে বারে' যথোচিত পার্থ মারে
 দিব্য-অস্ত্র এড়ে ধনঞ্জয় । দৃষ্টিমাত্রে করিল সংহার ।
 ব্রহ্মাশির নামে বাণ পূর্বের গুরু কৈলা দান দেখিয়া সমস্ত যক্ষ কম্পিত হৃদয়-বক্ষ
 সকল হইল অগ্নিময় ॥ অতিক্রোধে বলে মার-মার ॥
 গর্জে ব্রহ্মাশির-অস্ত্র গরুড় হইল ত্রস্ত অস্ত্র ব্যর্থ দেখি কোপে দশনে অধর চাপে
 পলাইল শ্রেষ্ঠ বিহঙ্গম । গদা ল'য়ে ধায় ধনেশ্বর ।
 নিজ-পরিবার-সঙ্গ গরুড় দিলেক ভঙ্গ পার্থ এড়ে বজ্রশর বাজিল হৃদয়োপর
 ক্রোধে ধায় যত ভুজঙ্গম ॥ খসিয়া পড়িল গদাবর ॥
 বিস্তারি সহস্র-ফণ, শ্বাস বহে সমীরণ, চিন্তিয়া আপন-মনে বিমুখ হইয়া রণে
 গর্জনে শ্রবণে লাগে তাল । রণ ত্যজি চলিলা সত্বর ।
 বক্রমুখ দশ-শত, বিষ বর্ষে অবিরত, সংগ্রামে পাইয়া লাজ বাহুড়িলা যক্ষরাজ
 যেন কর্কটের' মেঘমালা ॥ সহ যত নিজ-পরিচর ॥
 ফাল্গুনি জানিল ফণী, গাণ্ডীব-ধনুক টানি, এইমতে ধনঞ্জয় সমর করিয়া জয়
 পিপীলিকা' নামে বাণ এড়ে । দেবতার করেন দুর্গতি ।
 নানাবর্ণে নানারূপে, পিপীলিকা এক চাপে, দেখি যত দেবগণ অতি-বিষাদিত-মন
 সকল ভুজঙ্গে গিয়া বেড়ে ॥ পরস্পরে করেন যুক্তি ।
 শিশী নামে দিব্য-শর এড়ে পার্থ ধনুর্ধর এইমত ক্রমে-ক্রমে - অরুণ বরুণ যমে
 লক্ষ-লক্ষ হইল ময়ূর । সবে আসি করিলা সংগ্রাম ।
 উড়িল আকাশ-মার্গে খণ্ড-খণ্ড করি নাগে সত্য-আদি চারিযুগে নহিল, না হবে আগে°
 রক্তমাংস বরিষে প্রচুর ॥ স্তর-নরে যুদ্ধ অনুপাম ॥
 নারিল সহিতে রণ পাছু হৈল ফণিগণ যুদ্ধে হৈল পরিশ্রম, চূর্ণ হৈল পরাক্রম,
 আশু হৈল যক্ষের ঈশ্বর । যক্ষগণ হইল বিমুখ ।
 কোটি-কোটি যক্ষ-সাথে ভয়ঙ্কর গদা হাতে বহু-জ্ঞাতিগণ-বধে, আইল পরম-ক্রোধে,
 টঙ্কারিয়া নিল ধনুঃশর ॥ নির্বাণ করিতে হতভুক° ॥
 ঘন সিংহনাদ ছাড়ে নানাবর্ণে অস্ত্র এড়ে রাক্ষস-দানব-দানা, ভূত-প্রেত-অগণনা,
 মুহূর্ত্তেকে কৈলা অন্ধকার । অপ্সর-কিন্নর-বিদ্রাধর ।
 না দেখি দিবসপতি যেন অমাবস্তা-রাতি মুখেতে উলকা জ্বলে, মহারোলে কোলাহলে,
 শরজালে ঢাকিল সংসার ॥ পিশাচের সৈন্য ভয়ঙ্কর ॥

১। আরণ মাসের । ২। নিবারণ করে । ৩। ভবিষ্যতে । ৪। অগ্নি ।

বিবিধ আয়ুধ ধরে,	ভয়ঙ্কর-গদা করে,	উপায় না দেখি আর,	থাণ্ডবাঘি হৈতে পার,
কেহ ল'য়ে পর্বত-পাষাণ ।		শুন পুত্র, আমার বচন ।	
মার-মার করি ডাকে,	বৃক্ষ ধরি লাখে-লাখে,	প্রবেশহ মোর পেটে,	যদিহ আমারে কাটে,
ধায় কেহ বিস্তারি বয়ান' ॥		ভুমি যাহ লইয়া জীবন ॥	
দেখি দানবের সৈন্য,	বাজাইয়া পাঞ্চজন্ম,	মাতার বচন ধরে,	উদরে প্রবেশ করে,
স্বদর্শন এড়েন মুরারি ।		বায়ুভরে উড়িল নাগিনী ।	
তেজে চক্র শত-চণ্ড,	ক্ষণমাত্রে লণ্ড-ভণ্ড,	অস্তুরীক্ষে যায় উড়ে,	পার্শ্বের সম্মুখে পড়ে,
করেন দানবগণে মারি ॥		দুই অস্ত্র এড়িলা ফাল্গুনী ॥	
রাক্ষস-পিশাচচয়,	বাণে কাটি ধনঞ্জয়,	এক অস্ত্রে কাটে মুণ্ড,	কাটে পুচ্ছ তিনখণ্ড,
কৈলা বীর অগ্নির তর্পণ ।		নাগিনী পড়িল ভূমিতলে ।	
লিখিবারে পারি কত,	সংগ্রামে পড়িল যত,	অশ্বসেন উড়ি যায়	পার্শ্ব না দেখিতে পায়
ভঙ্গ দিল, ছিল যতজন ॥		ইন্দ্র মোহ কৈল মায়াজালে ॥	
এইমত পুনঃপুনঃ,	সুরাসুর-নাগগণ,	দেখি পার্শ্ব মহাক্রুদ্ধ,	পুনঃ ইন্দ্র-সহ যুদ্ধ,
সংগ্রাম করিল অবিরাম ।		শরজালে ছাইল মেদিনী ।	
হেনকালে বন-মাঝ,	তক্ষক পন্নগরাজ,	ইন্দ্রার্জুনে মহারণ,	চমকিত ত্রিভুবন,
তার স্তত অশ্বসেন-নাম ॥		আচম্বিতে হৈল শূন্যবাণী ॥	
সখা করি হরিহয়ে',	- তক্ষক থাণ্ডবালয়ে,	না কর, না কর দ্বন্দ্ব,	কেন হৈলে মতিধন্য,
থাকে সহ-নিজ-পরিজন ।		সংবর সংবর দেবরাজ ।	
গৃহে রাখি ভার্যাপুত্র,	গিয়াছিল কুরুক্ষেত্রে,	এই নর-নারায়ণে,	সংগ্রাম করিয়া জিনে,
সেইকালে কঙ্কর নন্দন ॥		নাহি হেন ব্রহ্মাণ্ডের মাঝ ॥	
আচম্বিতে বন দহে,	বেড়িলেক হব্যবাহে',	কোন প্রয়োজন-হেতু	যুদ্ধ কর শতক্রতু,
মাতা-পুত্রে গণিল প্রমাদ ।		অপমান-পরিশ্রম সার ।	
উপায় না দেখি আশু,	কোলেতে করিয়া শিশু,	যার হেতু চিন্তা আছে,	কুরুক্ষেত্রে আগে গেছে,
ফণিপ্রিয়া করয়ে বিষাদ ॥		তব সখা কশ্যপ-কুমার ॥	
হেথা অগ্নি, নাহি ত্রাণ,	বাহিরিলে যাবে প্রাণ,	শূন্যবাণী শুনি ইন্দ্র,	সহ যত সুরবৃন্দ,
অগ্নিতে ফেলাবে শরে হানি ।		সমরেতে হইল বিরত ।	
হৃদয়ে ভাবিয়া দুঃখ,	চাহিয়া পুত্রের মুখ,	স্বর্গে গেলা সুরপতি,	নাগগণ ভোগবতী,
কান্দি কহে তক্ষক-গৃহিণী ॥		যথাস্থানে গেল আর যত ॥	

নিষ্কণ্টকে হতাশন, দহয়ে খাণ্ডব-বন, শব্দ শুনি ধনঞ্জয়, ডাকি বলে নাহি ভয়,
নানাবিধ পশুগণ পোড়ে । ভীত হ'য়ে ডাকে কোন্ জন ।
ভক্ষ্য-ভক্ষক একঠাই, কেহ কারে চাহে নাই, অর্জুন অভয় দিল, হৃদর্শন বাছড়িল,
ভয়ে বিপরীত-ডাক ছাড়ে ॥ অভয় দিলেন হতাশন ॥
কৃষ্ণর কেশরি-কোলে, মুগ-বাস্ত্র একস্থলে, দানব-জীবন রহে, সর্বভুক্ বন দহে,
মুখিক মার্জ্জার-সহ বৈসে । সকলি করিল ভস্মময় ।
একত্র মণ্ডুক-নাগে, সঞ্জন না চায় কাগে, মনোভীষ্ট করি ভোগ, খণ্ডিল অগ্নির রোগ,
যুষ্টি'-ঘণ্টি' শাদ্দূল-মহিবে ॥ সঙ্কল্পে তরিল ধনঞ্জয় ॥
প্রলয় অনল-তাপে ভ্রমে সদা লাফে-লাফে, বিহৃত খাণ্ডব-বন, নানাবিধ বৃক্ষগণ,
উঠে বড় রক্ষের উপরে । নানা-জাতি আছিল ওষধি ।
ভল্লুক নকুল যত, শিবাগণ শত-শত, পশু-পক্ষী নাগ যত, লিখনে লিখিব কত,
প্রবেশয়ে বিবর-ভিতরে ॥ রাক্ষস-দানব-যক্ষ-আদি ॥
জলেতে যতেক বৈসে, অগাধ সলিলে পৈশে, যতেক খাণ্ডববাসী, পুড়ি হৈল ভস্মরাশি,
খেচর আকাশে উড়ি যায় । কেবল রহিল ছয়-জন ।
কোথাও নাহিক ত্রাণ, হতাশন লয় প্রাণ, আদিপর্ব ব্যাস-কৃত, পাঁচালী-প্রবন্ধে গীত,
কৃষ্ণার্জুন কাটেন সবায় ॥ কাশীরামদাস-বিরচন ॥
হেনকালে ময়-নামে, আছিল তক্ষক-ধামে,
নমুচি-দানব-সহোদর ।
ভয়ে পলাইয়া যায়, পাছে খেদি অগ্নি ধায়, জন্মেজয় বলে, মুনি, কহ বিবরণ ।
যেই ভিতে দেব দামোদর ॥ অগ্নিতে পাইল রক্ষা কোন্ ছয়-জন ॥
দানবে দেখিয়া হরি, দানবগণের অরি, শুনিলাম ভুজঙ্গ-দানব-বিবরণ ।
মহাচক্র হৃদর্শন এড়ে । অগ্নিতে বাঁচিল কেবা আর চারি-জন ॥
পাছে ধায় হতাশন, মহাচক্র হৃদর্শন, মুনি বলে, শুন রাজা, কথা পুরাতন ।
দানব-ঈশ্বরে গিয়া বেড়ে ॥ মন্দপাল-নামে এক ছিল তপোধন ॥
কাতরে ডাকয়ে ময়, রক্ষা কর ধনঞ্জয়, ধার্মিক তপস্বী জিতেদ্রিয় মহাবীর ।
ত্রৈলোক্য-বিজয়ী কুন্তীহৃত । তপ করি যথাকালে তাজিলা শরীর ॥
বেড়িলেক মহাচক্র, ক্ষুদ্র মীনে যেন নর, তপঃক্লেশ-ফলে ঋষি গেলা স্বর্গবাস ।
পিছে অগ্নি যেন যমদূত ॥ স্বর্গে বসি সর্বহুখে হইলা নিরাশ ॥

আর যত স্বর্গবাসী নানা-স্থখে স্থখী ।
 স্বর্গেতে থাকিয়া মুনি চিন্তে বড় দুঃখী ॥
 দুঃখচিন্তে জিজ্ঞাসিলা পুণ্যবান্ জনে ।
 স্বর্গে মম দুঃখ দূর নহে কি-কারণে ॥
 কোন্ কৰ্ম্ম আমি না করিনু ক্ষিতিতলে ।
 কি-হেতু স্বর্গেতে মম স্থখ নাহি মিলে ॥
 দেবগণ বলে তাঁরে, শুন তপোধন ।
 পৃথিবীতে দান-ব্রতে পুণ্য-উপার্জন ॥
 দান-যজ্ঞ-ব্রত করে পৃথিবী-মণ্ডলে ।
 সেথা যাহা করে, স্বর্গে ভুঞ্জে সেই ফলে ॥
 ভূমিতে জন্মিয়া কৰ্ম্ম বহুল করিলা ।
 সেই-পুণ্যফলে তুমি স্বর্গবাসী হৈলা ॥
 কিন্তু সেথা তুমি পুত্র নাহি জন্মাইলে ।
 সে-কারণে দুঃখ-তাপ মনেতে পাইলে ॥
 পৃথিবীতে পুত্রোৎপত্তি যেজন না করে ।
 পুণ্যনাশে অন্তে যায় নরক-ভিতরে ॥
 বহু পুণ্যকৰ্ম্ম করে, বহু করে দান ।
 নরকে প্রবেশে, যদি নহে পুত্রবান্ ॥
 স্বর্গবাসে দুঃখ তুমি পাও সে-কারণ ।
 অন্তোপায় নাহি ইথে, শুন তপোধন ॥
 এত শুনি মন্দপাল চিন্তিলা অন্তরে ।
 স্বর্গবাসে দুঃখ মম না সহে শরীরে ॥
 পুনঃ গিয়া জন্ম লৈব পৃথিবী-ভিতরে ।
 পুত্র জন্মাইয়া স্বর্গে আসিব সহরে ॥
 কোন্ যোনি হৈলে হবে ঝটিতি সন্তান ।
 পক্ষিয়োনি হৈব বলি চিন্তে মতিমান্ ॥
 ততক্ষণে দেবদেহ তাজি দ্বিজবর ।
 পক্ষিয়োনি প্রাপ্ত হৈলা সংসার-ভিতর ॥

শার্ঙ্গকের মূর্ত্তি ধরি শার্ঙ্গিকা-উদরে ।
 চারিপুত্র মন্দপাল উৎপাদন করে ॥
 শার্ঙ্গিকারে' চারি-পুত্র করিয়া অর্পণ ।
 লপিতার' কাছে মুনি করিলা গমন ॥
 কতদিনে থাণ্ডবেতে লাগিল দহন* ।
 ধ্যানেনেত জাশিলা মন্দপাল তপোধন ॥
 চারি-পুত্র শিশু তার, পক্ষ নাহি উঠে ।
 হেনকালে অগ্নিমধ্যে পড়িল সঙ্কটে ॥
 অগ্নিতে তরিতে শিশু না দেখি উপায় ।
 পুত্ররক্ষা-হেতু মুনি ধ্যানেনেত ধোয়ায় ॥
 সঙ্কল্প করিলা আজি শ্রীকৃষ্ণ-পাণ্ডবে ।
 এক জীব না রাখিবে এই ত থাণ্ডবে ॥
 অগ্নি যদি রাখে, তবে জীয়ে পুত্রগণ ।
 এত ভাবি করে দ্বিজ অগ্নিরে স্তবন ॥
 তুমি ধাতা, তুমি ইন্দ্র, তুমি বৃহস্পতি ।
 সকল দেবের মুখ, সর্বদেবে স্থিতি ॥
 চরাচরে যত বৈসে, তোমাতে বিদিত ।
 হব্য-কব্য যত কিছু, ত্রিগুণ-ব্যাপিত ॥
 তুমি ক্রুদ্ধ হৈলে কারো নাহিক নিস্তার ।
 তিলমাত্রে ভস্ম কর নিখিল সংসার ॥
 ব্রাহ্মণের ইষ্ট তুমি, হও কৃপাবান্ ।
 চারিগুটি পুত্রে মোর দেহ প্রাণদান ॥
 দ্বিজ-স্ততিবশে অগ্নি দিলেন অভয় ।
 শুনি মন্দপাল হৈলা সানন্দ-হৃদয় ॥
 থাণ্ডবে লাগিল অগ্নি মহাভয়ঙ্কর ।
 শার্ঙ্গিকা পুত্রের সহ চিন্তিত-অস্তর ॥
 বালক অজাতপক্ষ এই চারিজন ।
 কি উপায়ে পুত্র-সবে করিব রক্ষণ ॥

সকলুগে বলে তবে পুত্র-চারিজন ।
 এই গর্তে প্রবেশ করহ এইক্ষণে ॥
 প্রচণ্ড অনল উঠে পর্বত-আকার ।
 আর কোন উপায়েতে না দেখি নিস্তার ॥
 নাহিক এমন শক্তি আমার শরীরে ।
 চারিজনে ল'য়ে আমি পলাই অচিরে ॥
 অশক্ত অজাতপক্ষ তোরা চারিজন ।
 গর্তমধ্যে প্রবেশিয়া রাখহ জীবন ॥
 শিশু বলে, প্রবেশিব গর্তেতে কেমনে ।
 গর্তমধ্যে মুখা আছে বিকট-বদনে ॥
 শার্ঙ্গিকা বলিল, মুখা লইল সন্ধানে ।
 ক্ষণপূর্বে নিল এই মোর বিগ্ৰহমানে ॥
 পুত্রগণ বলে, গর্তে বড়ই সংশয় ।
 একে অঙ্ককার ঘোর, মুখা-সর্পভয় ॥
 অদৃশ্য-স্থানেতে যেতে মন নাহি সরে ।
 কপালে আছয়ে যাহা, লজ্জন কে করে ॥
 বাহিরে থাকিলে যদি পুড়িব অনলে ।
 সর্বপাপে মুক্ত হৈব, শাস্ত্রে ইহা বলে ॥
 কশ্ম-অনুসারে ফল ভুঞ্জিব এক্ষণ ।
 তুমি অগ্ন্যস্থানে যাহ লইয়া জীবন ॥
 অনেক মধুর বাক্য শার্ঙ্গিকা বলিল ।
 তথাপিহ চারি-শিশু গর্তে নাহি গেল ॥
 শিশু-সব কহে, মাতা, কেন কর হৃন্দ ॥
 তোমায়-আমায় মাতা, কিসের সম্বন্ধ ॥
 মাযামোহে পড়ি কেন হারাও জীবন ।
 আপনি থাকিলে কত পাইবে নন্দন ॥
 নিজশক্তি থাকিতে মরহ কেন পুড়ি ।
 আইসে অনল দেখ, শীঘ্র যাহ উড়ি ॥
 অনল হইতে যদি পাইব নিস্তার ।
 তোমার সহিত দেখা হবে পুনর্ব্বার ॥

পুত্রের বচন শুনি শার্ঙ্গিকা উড়িল ।
 কানন দহিয়া তবে পাবক আইল ॥
 প্রচণ্ড অনল, তাহে মহাবায়ু বহে ।
 পর্বত-আকার জীবজন্তুগণে দহে ॥
 দেখিয়া কাতর সব মূনির নন্দন ।
 জরিতারি-নামে জ্যেষ্ঠ সারিস্থক দ্রোণ ॥
 স্তম্ভমিত্র-নামে চারি মূনির নন্দন ।
 অগ্নি-প্রতি ঘোড়করে করে নিবেদন ॥
 আকুল হইয়া চারিজনে করে স্তুতি ।
 তুমি দেব লোকপাল সর্বলোকগতি ॥
 বালক অজাতপক্ষ মোরা চারিজন ।
 উপায় না দেখি কিছু বাঁচাতে জীবন ॥
 সঙ্কটে ছাড়িয়া চলি গেল। মাতা তাত ।
 তুমি কৃপা কর প্রভু, দেখিয়া অনাথ ॥
 অনেক করিল স্তুতি শিশু-চারিজন ।
 তুষ্ট হৈয়া বলিলেন দেব-হুতাশন ॥
 না করিহ ভয় মন্দপালের তনয় ।
 পূর্বে আমি তোমাদের দিয়াছি অভয় ॥
 আমি হৈতে ভয় না করিহ চারিজন ।
 যে বর মাগহ, দিব, করিলাম পণ ॥
 শিশুগণ বলে, যদি হৈলা কৃপাবান ।
 মনোনীত বর দেহ, মাগি তব স্থান ॥
 এখানে আছয়ে দুষ্ট যতেক মার্জ্জার ।
 আমাদেরে গ্রাসিবারে আসে অনিবার ॥
 তা'-সবারে ভস্ম যদি কর দয়াময় ।
 তবে ত আমরা সবে হইব নির্ভয় ॥
 সহাস্ত্রে কহেন তবে দেব হুতাশন ।
 নির্ভয়ে করহ সবে জীবন-যাপন ॥
 এত বলি সর্বভুক শিশু-চারিজনে ।
 রক্ষিয়া দহিল বন ব্রহ্মার বচনে ॥

কৃষ্ণার্জুন-বিক্রমে বিমুখ দেবগণ ।
 নিবারিতে না পারিল খাণ্ডব-দাহন ॥
 আশ্চর্য্য মানিয়া তবে দেব পুরন্দর ।
 দেবগণে সঙ্গে লৈয়া গগন-উপর ॥
 কহিলেন কৃষ্ণ আর অর্জুনে ডাকিয়া ।
 তোমরা উভয়ে আজ একত্র মিলিয়া ॥
 যে-কর্ম্ম করিলা, তাহা অদ্বিত-কথন ।
 দেবের দুষ্কর ইহা, ছার নরগণ ॥
 তোমাদের পরাক্রম করি দরশন ।
 সাতিশয় হইলাম আনন্দিত-মন ॥
 এইহেতু এক-বাক্য বলি যে এখন ।
 মনোমত বর মাগ, শুন দুইজন ॥

অর্জুন বলেন, বর দিবা সুরেশ্বর ।

দিব্য-অস্ত্র-ভূগ তবে দেহ পুরন্দর ॥
 ইন্দ্র বলে, দিব অস্ত্র কতদিন গেলে ।
 যখন করিবে তুষ্ট শিবে তপোবলে ॥

শ্রীকৃষ্ণ বলেন, বর মাগি যে তোমায় ।

অর্জুনের সনে যেন বিচ্ছেদ না হয় ॥
 তুষ্ট হ'য়ে বর দিয়া গেলা পুরন্দর ।
 কৃষ্ণার্জুনে বিদায় করিলা বৈশ্বানর ॥
 তবে কৃষ্ণার্জুন আর দানব-ঈশ্বর ।
 তিনজন প্রদক্ষিণ কৈলা বৈশ্বানর ॥
 বর দিয়া হুতাশন গেলা নিজালয় ।
 তুষ্ট হ'য়ে চলে কৃষ্ণ, পার্থ আর ময় ॥
 পুণ্যকথা ভারতের শুনিলে পবিত্র ।
 গোবিন্দের লীলারস, পাণ্ডব-চরিত্র ॥
 ব্যাস-বিরচিত এই ভারত স্তম্ভর ।
 যাহার শ্রবণে হয় পাপহীন নর ॥

কাশীরাম দাস কহে রচিয়া পয়ার ।
 অবহেলে শুনে যেন সকল সংসার ॥
 ইন্দ্রাগী-নামেতে দেশ পূর্ব্বাপর-স্থিতি ।
 দ্বাদশ-নামেতে তীর্থ' বহে ভাগীরথী ॥
 কায়স্থ-কুলেতে জন্ম, বাস সিঙ্গীগ্রাম ।
 প্রিয়ঙ্করদাস-সুত স্বেধাকর নাম ॥
 তৎসুত কমলাকান্ত কৃষ্ণদাস-পিতা ।
 কৃষ্ণদাসানুজ গদাধর-জ্যেষ্ঠভ্রাতা ॥
 কাশী কহে নতি করি সাধুর চরণে ।
 হইবে নির্মল-জ্ঞান ভারত-শ্রবণে ॥
 স্বেধাসিন্ধু ভারত এ ব্যাস-বিরচন ।
 এতদূরে আদিপর্ব্ব হৈল সমাপন ॥

১৪০। আদিপর্ব্বের ফলশ্রুতি ।

আনন্দেতে বেদসিন্ধু করিয়া মগ্নন ।
 পৃথিবীর লোকগণ-উদ্ধার-কারণ ॥
 রচিলেন ব্যাসদেব ভারত-চন্দ্রমা ।
 ত্রিভুবনে নাহি দিতে যাহার উপমা ॥
 শ্রীহরি-বিচিত্র-কথা যাহাতে প্রকাশ ।
 যে-ভারতে চারিবেদ পেয়েছে বিকাশ ॥
 সে-ভারত কথা যেই করয়ে শ্রবণ ।
 বিষ্ণুপদে মতি তার রহে অনুক্ষণ ॥
 করয়ে সাত্বিক-দান নর বহুশ্রমে ।
 বেদবিদ্যা বিতরণ করে পুণ্যক্রমে ॥
 তাহার অধিক ফল ভারত-শ্রবণে ।
 মহাভারতের তুল্য নাহি ত্রিভুবনে ॥
 যত ফল অষ্টাদশ-পুরাণ-শ্রবণে ।
 তত মহাফল লভে ভারত-শ্রবণে ॥

বিষুভক্তি জন্মে, হয় সৰ্ব-পাপ-নাশ ।
 অবহেলে যায় নর স্বৰ্গের আবাস ॥
 শুদ্ধচিত্তে পড়ে কিংবা শুনে ভক্ত-স্থানে ।
 ধন-ধৰ্ম্ম-যশ-আয়ু বাড়ে দিনে-দিনে ॥
 আদিপৰ্বে কুরু-পাণ্ডবের বংশ-কথা ।
 শুনি বংশ বাড়ে তার নাহিক অন্তথা ॥
 যত-যত মহামুনি সংসার-ভিতর ।
 সব হৈতে শ্ৰেষ্ঠ হন ব্যাস-মুনিবর ॥
 তাঁর মুখপদ্ম হৈতে যার নিঃসরণ ।
 সেই সে ভারত, নাহি তাহার তুলন ॥
 তুল্যদণ্ডে একদিকে চারিবেদে দিয়া ।
 অন্তদিকে ভারতেরে দেন চাপাইয়া ॥
 তোল করি ছিলা পূৰ্বে যত ঋষিগণ ।
 ভারত হইলা ভারী করিলা দৰ্শন ॥
 বিস্মিত হইয়া তবে যত ঋষিগণ ।
 'শ্রীমহাভারত'-নাম রাখিলা তখন ॥

দিবাভাগে পাপ করি পড়ে ভক্তিতরে ।
 সন্ধ্যাকালে পাপ তার যায় চলি দূরে ॥
 নিশাকালে কদাচিৎ যদি পাপ হয় ।
 পলায় সে-সব পাপ প্রভাত-সময় ॥
 যাহা কিছু আছে এই ভারত-ভিতরে ।
 অন্য কোন গ্রন্থে তাহা থাকিবারে পারে ॥
 কিন্তু এই গ্রন্থ-মাঝে যাহা না দেখিবে ।
 পৃথিবীর কোন গ্রন্থে তাহা না মিলিবে ॥
 যা-কিছু কহিনু আমি, সাধু-মহাশয় ।
 ব্যাসবাক্য ইহা, ইথে নাহিক সংশয় ॥
 ভারতে যা আছে, তাহা আছে ভারতে ।
 ভারতে যা নাহি, তাহা নাহিক জগতে ॥
 ভারতের যত কথা পরম-পবিত্র ।
 গোবিন্দের লীলারস পাণ্ডব-চরিত্র ॥
 কালীরাম দাস কহে, শুন সারোদ্ধার ।
 ইহা বিনা স্থখ নাহি সংসার-মাঝার ॥

কাশীরামদাস-মহাভারত

সভাপর্ব

নারায়ণং নমস্কৃত্য নরকৈব নরোত্তমম্ ।

দেবীং সরস্বতীকৈব ভক্তো জয়মুদীরয়েৎ ।

১। ময়দানব-কৰ্জুক সভা-নির্বাণ ।

জন্মেজয় বলে, মুনি, কর অবধান ।
কৃষ্ণসহ পিতামহ দানব-প্রধান ॥
থাগুব দহিয়া ইন্দ্রপ্রস্থে উত্তরিয়া ।
কি-কি-কৰ্ম্ম করিলেন, কহ বিস্তারিয়া ॥
শুনিতে আমার চিত্তে পরম আনন্দ ।
তব মুখে শুনিয়া ঘূচুক মনধন্ধ ॥
বৈশম্পায়ন বলেন, শুন নৃপবর ।
অগ্নি-সত্যে পার হৈলা পার্শ্ব ধনুর্ধর ॥
ধৰ্ম্মরাজে কহিলেন সব বিবরণ ।
পরম-আনন্দে রাজা কৈলা আলিঙ্গন ॥
লক্ষ-লক্ষ ধেনু স্বর্গ দ্বিজে দিল দান ।
ময়দানবের বহু করেন সম্মান ॥
পাণ্ডবের মহাকীৰ্ত্তি ব্যাপিল সংসার ।
রিপুগণে শুনি লাগে অতি চমৎকার ॥

হেনমতে নানা-স্থখে থাকেন পাণ্ডব ।

অনুদিন যজ্ঞ-দান করে মহোৎসব ॥

মুনি বলে, শুন পরীক্ষিতের নন্দন ।

ভারতের সভাপর্ব বিচিত্র-কথন ॥

শ্রীকৃষ্ণ-পার্শ্বের অগ্রে করি যোড়কর ।

বিনয় করিয়া বলে দানব-ঈশ্বর ॥

সুদর্শনচক্রে ভয় করে তিনলোকে ।

উদ্ধারিলে হেন চক্র হইতে আমাকে ॥

প্রচণ্ড-অনল-মুখে কৈলে পরিত্রাণ ।

আজি হৈতে তোমা-দৌহে অর্পিতাম প্রাণ ॥

কি করিব, আশ্রা যোরে কর মহাশয় ।

তব শ্রীতি-হেতু মম ব্যাকুল হৃদয় ॥

অৰ্জুন বলেন, যাহ দানব-ঈশ্বর ।

রাখিও আমাতে শ্রীতি তুমি নিরন্তর ॥

ময় বলে, যাবৎ না করি তব কৰ্ম্ম ।

তাবৎ রহিবে মম মানসে অধৰ্ম্ম ॥

দানব-কূলের শ্রেষ্ঠ বিশ্বকর্মা আমি ।
 করিব অবশ্য, যাহা আজ্ঞা কর তুমি ॥
 পার্থ বলে, কিছু আমি না চাহি তোমারে ।
 যা পারহ, কর শ্রীত দেব-দামোদরে ॥
 করষোড়ে বলে ময় কৃষ্ণের গোচর ।
 কি করিব, আজ্ঞা কর, দেব-দামোদর ॥
 হৃদয়ে চিন্তিয়া কৃষ্ণ বলেন বচন ।
 দিব্য-সভা দেহ এক করিয়া রচন ॥
 হেন সভা কর, যাহা কেহ নাহি দেখে ।
 আশ্চর্য্য মানিবে সুরাসুর তিনলোকে ॥
 কৃষ্ণের আদেশে ময় আনন্দিত হৈল ।
 নির্মিতে স্নন্দর সভা শীত্ৰগতি গেল ॥
 কনক-রচিত চিত্রে-বিচিত্রে-নিৰ্ম্মাণ ।
 নানাগুণযুত যেন দেবতার স্থান ॥
 চৌদিকে সহস্র-দশ-ক্ৰোশ-পরিসর ।
 সুরাসুর-নাগ-নর সর্ব্ব-অগোচর ॥
 রচিয়া বিচিত্র সভা দানব-প্রধান ।
 সবিনয়ে জানাইল কৃষ্ণ-বিদ্যমান ॥
 যুধিষ্ঠির কৃষ্ণ পার্থ প্রশংসে দানবে ।
 দেখিতে গেলেন সভা মহামহোৎসবে ॥
 দ্বিজগণে পায়সাম করান ভোজন ।
 নানা-রত্ন দান দেন রজত-কাঞ্চন ॥
 শুভক্ষণে করিলেন প্রবেশ সভায় ।
 পাণ্ডব সপরিবারে রহেন তথায় ॥
 বহুদিন রহি কৃষ্ণ পাণ্ডবের শ্রীতে ।
 পিতৃ-দরশনে যাব, করিলেন চিতে ॥
 পিতৃষসা কুন্তীর বন্দিতা দুই-পাদ ।
 আলিঙ্গিয়া ভোজ্যহতা করে আশীর্ব্বাদ ॥
 স্নতদ্রো-ভগিনী-স্থানে করিয়া গমন ।
 গদগদ-যুত্বাক্যে সজল-নয়ন ॥

কহেন রুক্ষিণীকান্ত ভদ্রা প্রবোধিয়া ।
 স্নেহেতে চক্ষুর জল পড়িছে ঝরিয়া ॥
 সেবিবে শাশুড়ী কুন্তীদেবীর চরণে ।
 সখীভাবে সর্ব্বদা বঞ্চিবে কৃষ্ণাসনে ॥
 তত্ত্বকথা কহিয়া চলেন গদাধরে ।
 প্রণমিয়া ভদ্রাদেবী কান্দে উচ্চৈঃস্বরে ॥
 ভদ্রারে প্রবোধি কৃষ্ণ গিয়া কৃষ্ণা-পাশে ।
 বিনয়ে কহেন তাঁকে যুত্ব-মন্দভাষে ॥
 প্রাণের অধিকা মম স্নতদ্রো-ভগিনী ।
 সদাকাল স্নেহ তারে করিবে আপনি ॥
 দ্রৌপদীরে সম্ভাষণ করি নারায়ণ ।
 ধোম্য-পুরোহিত-সহ করি সম্ভাষণ ॥
 যুধিষ্ঠিরে কহিলেন করি নমস্কার ।
 আজ্ঞা কর, গৃহে আমি যাব আপনার ॥
 শুনিয়া ধর্ম্মের পুত্র বিষণ্ণ-বদন ।
 কৃষ্ণে আলিঙ্গন করে সজল-লোচন ॥
 ভীমার্জ্জুন-সহিত হইল কোলাকুলি ।
 কৃষ্ণে প্রণমিল মাদ্রীপুত্র মহাবলী ॥
 শুভ তিথি-নক্ষত্র গণক জানাইল ।
 বেদ-বিধি ত্রাঙ্গণ মঙ্গল উচ্চারিল ॥
 দারুক গরুড়ধ্বজ করিয়া সাজন ।
 গোবিন্দের অগ্রে ল'য়ে দিল ততক্ষণ ॥
 যাত্রা শুভ যাঁর নাম করিলে স্মরণ ।
 তিনি যাত্রা করিলেন করি শুভক্ষণ ॥
 স্নেহে কৃষ্ণ-সহ পঞ্চ পাণ্ডুর নন্দন ।
 খগপতিধ্বজে আরোহিলা ছয়জন ॥
 দিব্যছত্র ধরে মাথে পবন-তনয় ।
 তুলান চামর শুভ্র বীর ধনঞ্জয় ॥
 করষোড়ে অগ্রে দুই মাদ্রীর নন্দন ।
 কৃষ্ণ-যুধিষ্ঠিরে দৌহে মিস্ট-আলাপন ॥

রথ চালাইয়া দিল দারুক সারথি ।
 যোজনান্তে গিয়া ধর্ম্মে কহিলা শ্রীপতি ॥
 নিবর্ত্তহ মহারাজ, যাহ নিজালয় ।
 আমাতে রাখিহ সদা সদয়-হৃদয় ॥
 আলিঙ্গন করে পার্থ সজল-নয়ন ।
 বহুকষ্টে নিবৃত্ত হইল পঞ্চজন ॥
 মন-আত্মা পাণ্ডবের কৃষ্ণ-সহ গেল ।
 কেবল শরীর ল'য়ে পাণ্ডব ফিরিল ॥
 বিরস-বদনে বাহুড়িলা পঞ্চজন ।
 গেলেন দ্বারকা-পুরে দ্বারকা-রমণ ॥

তবে ময় বলে খনঞ্জয়-বিদ্যমান ।
 মম মনোমত সভা নহিল নিষ্ঠাণ ॥
 আজ্ঞা কর, যাব আমি মৈনাক-পর্ব্বতে ।
 কৈলাস-উত্তরে হিমালয়-সম্মিহিতে ॥
 রুষপর্ব্বা নামে ছিল দানবের পতি ।
 ত্রিলোক শাসিয়া তথা করিল বসতি ॥
 করিলাম তার সভা পূর্ব্বতে নিষ্ঠাণ ।
 নানা-রত্ন-মণিময় আছে সেই স্থান ॥
 এ-তিন-লোকেতে যত দিব্য-রত্ন ছিল ।
 নানা-রত্নে নানা-শস্ত্রে গৃহ পূর্ণ কৈল ॥
 কোমোদকী-গদা-তুল্য আছে গদাবর ।
 সে-গদার যোগ্য হন বীর বৃকোদর ॥
 যেমন গাণ্ডীব-ধনু তব হস্তে সাজে ।
 হেন গদাবর আছে বিন্দুসরোমাঝে ॥
 বরণে জিনিয়া রুষপর্ব্বা দৈত্যেশ্বর ।
 দেবদত্ত-শঙ্খ সে পাইল মনোহর ॥
 যার শব্দ শুনি দর্প ত্যজে রিপুগণ ।
 সে-শঙ্খ তোমাতে হয় বিশেষ শোভন ॥

এই-সব দ্রব্য আছে বিন্দু-সরোবরে ।
 আজ্ঞা কর, গিয়া আমি আনিব সহরে ॥
 অর্জ্জুন বলেন, যদি করিয়াছ মনে ।
 যাহা চিত্তে লয়, তাহা করহ আপনে ॥
 ইহা শুনি চলিল দানবরাজ ময় ।
 কৈলাসের উত্তরেতে হেমন্ত-তনয় ॥
 ভাগীরথী-হেতু রাজা ভগীরথ যথা ।
 বহুকাল ক'রেছিল তপস্যা সর্ব্বথা ॥
 নর-নারায়ণ শিব যম পুরন্দর ।
 করিলেন যজ্ঞ যথা অনেক বৎসর ॥
 যথা স্রষ্টা করিলেন সৃষ্টির কল্পনা ।
 বহু-গুণবস্ত্র সেই, না হয় বর্ণনা ॥
 ময় গিয়া সব-দ্রব্য বাহির করিল ।
 রাক্ষস-কিম্বরগণ শিরে করি নিল ॥
 দেবদত্ত-শঙ্খ নিল, গদা অনুপাম ।
 যত রত্ন নিল, তার কত লব নাম ॥
 ভীমে গদা দিল, শঙ্খ দিল অর্জ্জুনেরে ।
 দেখি আনন্দিত হৈলা দুই সহোদরে ॥
 কনক বৈদ্যুর্মণি মুকুতা প্রবাল ।
 মরকত স্ফটিক রক্ত-চিত্রে-ঢাল ॥
 স্ফটিকের স্তম্ভ-সব চিত্রে-মণি-হীরা ।
 সর্ব্বগৃহে লম্বে মণি-মুকুতার ঝাড়া ॥
 বসিবার স্থান-সব কৈল রত্ন ছেদি ।
 বিচিত্রে-রচন কৈল নানামত বেদী ॥
 ক্রীড়াগৃহ উপবন করে স্থানে-স্থান ।
 কত দিব্য-সরোবর করয়ে নিষ্ঠাণ ॥
 খেত-রক্ত-নীলপদ্ম তাহাতে রোপিল ।
 জল-মাধ্যে স্থানে-স্থানে কুমুদ শোভিল ॥

ডাঙ্ক-ডাঙ্কী হংস শত-শত অলি ।
 কারণব চক্রবাক সদা করে কেলি ॥
 কোনস্থানে শোভে পুষ্পবাটী মনোহর ।
 পিয়ে মধু ঝঙ্কারিয়া ভ্রমরী-ভ্রমর ॥
 সরোবর-চারি-পার্শ্বে বৃক্ষ সারি-সারি ।
 গান করে কোকিল-কোকিলা শুক-সারী ॥
 পুচ্ছ মেলি সারি-সারি নাচে শিখিগণ ।
 মৃগ-মৃগী মহানন্দে করে বিচরণ ॥
 চন্দ্রাতপে শোভে চন্দ্র সূর্য্য তারাগণ ।
 অপরূপ রূপ হেরি লজ্জিত-গগন ॥
 জলে স্থলভ্রম হয়, স্থলে জলভ্রম ।
 উচ্চে নিম্ন, নিম্নে উচ্চ এই বোধক্রম ॥
 বিবিধ আশ্চর্য্য বস্তু কৈলা শত-শত ।
 কি কব সভার শোভা দানব-রচিত ॥
 নানাজাতি বৃক্ষ-সব ফল-ফুলে শোভে ।
 ভ্রময়ে ভ্রমরগণ মকরন্দ-লোভে ॥
 ভানু-বৃহদ্বানু জিনি পূর্ণচন্দ্র-প্রভা ।
 সুরাসুরে অপূর্ব্ব করিল ময় সভা ॥
 উচ্চ-নীচ বুঝিয়া ভ্রময়ে বিজ্ঞলোকে ।
 বিশেষে বিপর্য্যগণ চ'ক্ষে নাহি দেখে ॥
 একমাসে সভা ময় করিয়া রচন ।
 কুস্তী-পুঞ্জ যুধিষ্ঠিরে কৈলা নিবেদন ॥
 সভা দেখি আনন্দিত হইয়া রাজন্ ।
 আনিলেন দেখাইতে পরিবারগণ ॥
 দশ-লক্ষ ব্রাহ্মণেরে করান ভোজন ।
 আনন্দ-সাগরে মথ ভাই পঞ্চজন ॥
 মৃত দুহু অন্ন জল যত সব ভক্ষ্য ।
 হরিণ-বরাহ-মেষ কাটে লক্ষ-লক্ষ ॥

যে-জন যে-ভক্ষ্যে ভৃগু, তাহা সে পাইল ।
 ভোজনান্তে দ্বিজগণ স্বস্তি উচ্চারিল ॥
 দ্বিজগণ স্বস্তি-শব্দে পরম-উল্লাসে ।
 নানা-রত্ন দান পেয়ে চলিল সন্তোষে ॥
 কত মুনিগণ তবে ধর্ম্ম-পুঞ্জ-প্রীতে ।
 আশ্রম করিয়া রহিলেন সে সভাতে ॥
 অসিত দেবল সত্য সর্পমালী ঋষি ।
 মহাশিরা অর্কবাহু স্মিত্র তপস্বী ।
 মৈত্রেয় শুনক বলি স্মাস্ত্র জৈমিনী ।
 পৈল কৃষ্ণদ্বৈপায়ন-চারি-শিষ্য গণি ॥
 জাতুকর্ণ শিখাবান পৈঙ্গ অম্পুহোম্য ।
 কৌশিক মাণ্ডব্য মার্কণ্ডেয় বক ধোম্য ॥
 জজ্ঞাবজু রেভ্য কোপবেগ পরাশর ।
 পারিজাত সত্যপাল শাণ্ডিল্য প্রবর ॥
 গালব কোণ্ডিন্য সনাতন বক্রমালী ।
 বরাহ সাবর্ণ ভৃগু কালাপ ত্রৈবলি ॥
 ইত্যাদি অনেক ঋষি না যায় গণন ।
 সত্যবাদী জিতেন্দ্রিয় সর্ব্ব-তপোধন ॥
 যুধিষ্ঠির-সভাতে থাকেন অহনিশি ।
 পুরাণ-প্রস্তাব-ধর্ম্ম নানা-কথা ভাষি ॥
 পৃথিবীতে বৈসে যত মুখ্য-কৃত্তগণ ।
 যুধিষ্ঠির-সভায় থাকেন অনুরূপ ॥
 যুগ্মকেতু বিবর্দ্ধন কুন্তি উগ্রসেন ।
 সূর্য্য সূর্য্য কৃতবর্মা জয়সেন ॥
 অঙ্গ-বঙ্গ-কলিঙ্গ-মগধ-অধিপতি ।
 প্রতাপ্য সূর্য্যনা ভোজ বৈদেহ প্রভৃতি ॥
 বহুদান চেকিতান মালবাধিকারী ।
 কেতুমান জয়ন্ত সুষেণ-দণ্ডধারী ॥

মৎশরাজ ভীষ্মক কেকয় শিশুপাল ।
 হুমিত্রে যবনপতি শল্য মহাশাল ॥
 বৃষ্ণি-ভোজ-যদুবংশী যতক কুমার ।
 ইত্যাদি অনেক রাজা গণিতে অপার ॥
 অর্জুনের স্থানে অস্ত্র-শিক্ষার কারণ ।
 জিতেদ্রিয়-বৃদ্ধি হ'য়ে থাকে সর্বক্ষণ ॥
 চিত্রসেন তুশুর গন্ধর্ব্ব-অধিপতি ।
 অঙ্গর কিম্বর নিজ-অমাত্য-সংহতি ॥
 নৃত্য-গীত-বাণরসে পাণ্ডবেরে সেবে ।
 বিরথিকে সেবে যেন ইস্ত্র-আদি দেবে ॥
 না হইল, না হইবে আর সভাস্তর ।
 হেনমতে বঞ্চে হুঞ্চে পঞ্চ-সহোদর ॥
 সভাপর্কের উত্তম সভার অনুবন্ধ ।
 কাশীরাম কহে রচি পাঁচালী-প্রবন্ধ ॥

২। যুধিষ্ঠিরের সভায় নারদের আগমন ও জিজ্ঞাসাচ্ছলে
 বিবিধ উপদেশ-প্রদান ।

মুনি বলে মহাশয়, শুন শ্রীজনমেজয়,
 হেনমতে নিবসে পাণ্ডব ।
 একদিন আচম্বিত, শ্রীনারদ উপনীত,
 সর্বত্র-গমন মনোজব ॥
 ধ্যান-জ্ঞান-যোগযুজ্য, অমর-অমর-পূজ্য,
 চতুর্বেদ জিহ্বাগ্রেতে বৈসে ।
 ব্রহ্মার অঙ্গ্রেতে জন্ম, বিজ্ঞ যত ব্রহ্মকর্ম,
 ব্রহ্মাণ্ড ভ্রমেন অনায়াসে ॥
 পরমার্থ অনুবন্ধি, বিজ্ঞেয় বিগ্রহ-সন্ধি,
 কলহ-গায়নে বড় প্রীত ।
 শিরেতে পিঙ্গল-জটা, ললাটে পিঙ্গল-ফোঁটা,
 অরণে কুণ্ডল হুশোভিত ॥

মুখে হরিনাম অবে, ভুজ্জ্বল বীণার রবে,
 গতি মন্দ জিনিয়া মাতঙ্গ ।
 বারিঙ্গ-নয়ন-যুগে, বহে বারি যেন মেঘে,
 পুলকে কদম্ব-পুষ্প-অঙ্গ ॥
 শরদিন্দু-মুখাস্থজ, আজামুলস্থিত ভুজ,
 প্রোজ্জ্বল-অনল-দীপ্ত-কায় ।
 পরিধান কৃষ্ণাজিন, সঙ্গে মুনি কতজন,
 উপনীত পাণ্ডব-সভায় ॥
 দেখিয়া নারদ-ঋষি, যে ছিল সভায় বসি,
 সন্ত্রমে উঠিল ততক্ষণে ।
 আস্তে-বাস্তে ধর্ম্মহুত, সহোদরগণযুত,
 প্রণাম করেন শ্রীচরণে ॥
 হৃগন্ধ উদক দিয়া, পদযুগ প্রক্ষালিয়া,
 বসিতে দিলেন সিংহাসন ।
 যথা-শিষ্ঠ-ব্যবহারে, পাণ্ড-অর্য্য দিয়া তাঁরে,
 ভক্তিভাবে করেন পূজন ॥
 তবে মুনি স্নেহবশে, জিজ্ঞাসেন যদুভাসে,
 কহ রাজা, ভদ্র আপনার ।
 কুলের কোলিক কর্ম, ধন-উপার্জন-ধর্ম্ম,
 নিবিঘ্নেতে হয় কি তোমার ॥
 সাধু-বিজ্ঞ যতজন, অনুরক্ত মস্ত্রিগণ,
 এ-সবার রাথ কি বচন ।
 মস্ত্রণা অনেক-সহ, একক ত না করহ,
 কার্য্যে কি রাখহ মুখ্যগণ ॥
 ভক্ষ্যদ্রব্য যথাযথ, ন্যায়মূল্যে কিনহ ত,
 না রাখহ দ্বিজের দক্ষিণা ।
 তব অনুরক্ত যত, ভয়ে কি শরণাগত,
 ছুঃখ ত না পায় কোনজন ॥

বিজ্ঞ-যোগ্য পুরোহিত, দৈবজ্ঞ জ্যোতিষবিদ,
আছে ত বৈদ্য-চিকিৎসক ।

অনাথ-অতিথি-লোকে, অনল-ব্রাহ্মণ-মুখে,
সদা দেহ যত-অমোদক ॥

রাজ্যের যতেক রাজা, পায় যথোচিত পূজা,
সবে অনুগত তো তোমার ।

ধন-ধান্য-বহুমত, উদক আয়ুধ যত,
পূর্ণ করিয়াছ তো ভাণ্ডার ॥

প্রাতঃকালে নিদ্রাবশ, বৈকালেতে ক্রীড়ারস,
আলস্য-ইন্দ্রিয়-নিবারণ ।

ধর্ম-কর্ম্যে ধনব্যয়, কর নিত্য উপচয়,
পুত্রবৎ পাল প্রজাগণ ॥

এরূপে অনেক নীতি, জিজ্ঞাসিল মহামতি,
পুনঃপুনঃ ব্রহ্মার নন্দন ।

শুনি ধর্ম-অধিকারী, কহেন বিনয় করি,
প্রণমিয়া মূনির চরণ ॥

যে-কিছু কহিলা তুমি, যথাশক্তি করি আমি,
জ্ঞাত যাহা ছিলাম পূর্বেতে ।

শুনিয়া তোমার স্থান, বিশেষ জন্মিল জ্ঞান,
যত্নেতে করিব আজি হৈতে ॥

অবধান তপোধন, করি এক নিবেদন,
চরাচর তোমার গোচর ।

এই সভা মনোহর, অমুরূপ মূনিবর,
দেখেছ কি ব্রহ্মাণ্ড-ভিতর ॥

যুধিষ্ঠির-বাক্য শুনি, ঈষৎ হাসিয়া মূনি,
কহেন সকল বিবরণ ।

তোমার সভার প্রায়, মনুষ্য-লোকেতে রায়,
নাহি দেখি, শুনহ রাজন্ ॥

ব্রহ্মার বিচিত্র সভা, যে-বা কৈলাসের প্রভা,
ইন্দ্র-যম বরুণের পুরী ।

দেখিয়াছি যথা-তথা, মনুষ্যে অদ্ভুত-কথা,
শুন কহি, ধর্ম-অধিকারী ॥

রাজা বলে সবিনয়, কহ মূনি-মহাশয়,
সে-সকল সভার বিধান ।

প্রসার-বিস্তার কত, বর্ণ-গুণ ধরে যত,
প্রত্যক্ষে শুনিব তব স্থান ॥

দিব্য-সভাপর্ব-কথা, বিচিত্র ভারত-গাঁথা,
শুনিলে অধর্ম হয় নাশ ।

গোবিন্দ-চরণে মন, সমর্পিয়া অনুক্ষণ,
বিরচিলা কাশীরাম দাস ॥

৩। নারদ-কর্তৃক লোকপালগণের সভা-বর্ণন ।

নারদ বলেন, রাজা, কর অবধান ।

ইন্দ্রের সভার কথা কহি তব স্থান ॥

দেবশিল্পী পটু বিশ্বকর্মা নিয়োজিয়া ।

নির্ম্মাইল সভা ইন্দ্র সুন্দর করিয়া ॥

বিবিধ বিধান চিত্র কোটিচন্দ্র-প্রভা ।

দেব-ঋষি ব্রহ্ম-ঋষি ধাম্মিকের সভা ॥

উচ্চে পঞ্চ-ক্রোশ, শত-যোজন বিস্তার ।

শচী-সহ ইন্দ্র সদা করেন বিহার ॥

সেই সভা শূন্যপথে পারয়ে থাকিতে ।

যথা ইচ্ছা, পারে তাহা যাইতে-আসিতে ॥

জরা-শোক-ভয় নাহি সতত আনন্দ ।

ইন্দ্রের আশ্রয়ে সদা থাকে হরবৃন্দ ॥

পবন-কুবের-আদি সিদ্ধ-সাধ্যগণ ।

অগ্নান-কুহুম-বস্ত্র সবার ভূষণ ॥

অষ্টবহু নবগ্রহ ধর্ম্য কাম অর্ধ ।
জলদ বিদ্যুৎ সপ্তবিংশ কৃষ্ণবহু^১ ॥
যজ্ঞ মন্ত্র দক্ষিণা আছয়ে যুতিমন্ত ।
দেব-ঋষি পুণ্যবস্ত লিখিতে অনন্ত ॥
দেবতা তেত্রিশ-কোটি সেবে পুরন্দরে ।
বর্ণিতে না পারি, সভা যত গুণ ধরে ॥
হরিচ্ছন্দ্র নরপতি আছয়ে তথায় ।
আর যত নরপতি লিখনে না যায় ॥

নারদ বলেন, শুন পাণ্ডব-প্রধান ।
শমন-রাজের সভা কর অবধান ॥
দীর্ঘ-প্রস্থে শত-শত-যোজন-বিস্তার ।
আদিত্য-সমান প্রভা, গতি কামাচার^২ ॥
নহে শীত, নহে তপ্ত, নাহি শোক-দুঃখ ।
প্রেমময়, নাহি হিংসা, সদাকাল সুখ ॥
কতেক কহিব, তথা যতেক নিবসে ।
সংক্ষেপে কহিব কিছু, শুনহ বিশেষে ॥
যযাতি নহু পুরু মাক্ষাতা ভরত ।
কৃতবীর্য্য কার্ত্তবীর্য্য সুনীথ সুরথ ॥
শিবি মৎস্য বহীনর নল বৃহদ্রথ ।
শকুন্ত উপরিচর রঘু ভগীরথ ॥
শ্রুতশ্রবা পৃথুলাশ্ব পৃথু প্রতর্দন ।
পৃষদশ্ব সদশ্ব শরভ বহুমন ॥
প্রহ্লাদ সৃঞ্জয় বেণ ঐল উশীনর ।
পুরুকুৎস দিবোদাস বাহ্লীক সগর ॥
শশবিন্দু কঙ্কসেন নৃপতি কেকয় ।
জনক ত্রিগর্ত্ত বার্ত্ত জয় জম্বেজয় ॥
দিলীপ লক্ষ্মণ অজ্ঞ অশ্বরীষ রাম ।
ভীমজানু পৃথুবেগ করক্কম-নাম ॥

শত ধৃতরাষ্ট্র আছে, ভীষ্ম দুইশত ।
শত ভীষ্ম কৃষ্ণার্জুন শত আরো কত ॥
প্রতীপ শান্তনু পাণ্ডু জনক তোমার ।
কতেক কহিব, তথা যত আছে আর ॥
অশ্বমেধ-যজ্ঞ-আদি বহুদানফলে ।
যত পুণ্যবস্ত, তথা বসেন সকলে ॥
বরুণের সভা কহি কর অবধান ।
অপূর্ব্ব সভার শোভা বিচিত্র বাধান ॥
বিশ্বকর্মা বিরচিলা সভা অনুপাম ।
সমুদ্রের মধ্যে সে পুঙ্করমালী নাম ॥
শত-শত-যোজন বিস্তার-দৈর্ঘ্য তার ।
নানা-রত্ন বহু-বর্ণ কহিতে বিস্তার ॥
নিবসে বরুণ তথা বারুণী-সহিত ।
পুঞ্জ-পোজ্ঞ পাত্র-মিত্র-সহ-পুরোহিত ॥
দ্বাদশ-আদিত্য আর নাগগণ যত ।
বাহুকি তক্ষক কর্কোটক ঐরাবত ॥
সংহ্লাদ প্রহ্লাদ বলি নমুচি দানব ।
বিপ্রচিহ্নি কালকেয় হুম্মুখ সরভ ॥
যুতিমন্ত চারি-সিদ্ধ আরো নদীগণ ।
জাহ্নবী যমুনা সিদ্ধ সরস্বতী শোণ ॥
চন্দ্রভাগা বিপাশা বিতস্তা ইরাবতী ।
শতদ্রু সরযু আরো নদী চর্ম্মধতী ॥
কিম্পুনা বিদিশা কৃষ্ণবেধা গোদাবরী ।
নর্ম্মদা বিশল্যা বেধা লাক্সলী কাবেরী ॥
দেবনদী মহানদী ভারবী ভৈরবী ।
ক্ষীরবতী দুগ্ধবতী লোহিতা সুরভি ॥
করতোয়া গণ্ডকী আদ্রোয়ী শ্রীগোমতী ।
ঝুমঝুমি স্বর্ণরেখা নদী পদ্মাবতী ॥

মূর্তিমতী হইয়া তথায় আছে সবে ।
 পুষ্করিণী-তড়াগাদি বরুণেরে সেবে ॥
 চারি-শেষ বৈসে তথা সহ-পরিবার ।
 কহিতে না পারি তত, যত বৈসে আর ॥
 কুবেরের সভা রাজা, কর অবধান ।
 কৈলাস-শিখরে বিশ্বকর্ম্মার নির্মাণ ॥
 শতেক-যোজন দীর্ঘ, বিস্তার স্তুরি ।
 নিবসে গুহক-যক্ষ-কিন্নর-কিন্নরী ॥
 চিত্রসেনা রস্তা ইরা ঘৃতাচী মেনকা ।
 চারুনেত্রী উর্বশী বুধুদা চিত্ররেখা ॥
 মিশ্রকেশা অলম্বুষা অম্পরারা যত ।
 নৃত্য-গীত-বাণে তোষে কুবেরে সতত ॥
 পুত্র নলকুবর, আরো যে মন্ত্ৰিগণ ।
 মণিভদ্রে শ্বেতভদ্রে ভদ্রে স্নলোচন ॥
 গন্ধর্ব্ব কিন্নর যক্ষ আছে লক্ষ-লক্ষ ।
 ভূত প্রেত পিশাচ দানব দৈত্য রক্ষ ॥
 ফলকক্ষ ফলোদক তুষ্টরু প্রভৃতি ।
 হাहा হুহু বিশ্বাবস্তু চিত্রসেন কৃতী ॥
 চিত্ররথ মহেন্দ্র মাতঙ্গ বিদ্যাধর ।
 বিভীষণ থাকে সদা সহ-সহোদর ॥
 আছয়ে পর্ব্বতগণ মূর্তিমন্ত হৈয়া ।
 হিমাদ্রি মৈনাক গন্ধমাদন মলয়া ॥
 আমিও থাকি যে, আমা-তুল্য বহু আছে ।
 উমা-সহ সদানন্দ সদা তাঁর কাছে ॥
 নন্দী ভৃঙ্গী গণপতি কার্তিক রুঘব ।
 পিশাচ খেচর দানা শিবাগণ সব ॥
 আরো যত আছে, তাহা কহিতে কে পারে ।
 কহিব ব্রহ্মার সভা শুন অতঃপরে ॥

পুরাকালে দেবযুগে দেব-দিবাকর ।
 ভ্রমেন মনুষ্য-লোকে হ'য়ে দেহধর ॥
 আচম্বিতে আমারে দেখিলা মহাশয় ।
 দিব্যচক্ষুে জানিয়া নিলেন পরিচয় ॥
 ব্রহ্মার সভার গুণ কহিলা আমারে ।
 শুনিয়া হইল ইচ্ছা সভা দেখিবারে ॥
 জিজ্ঞাসিলু তাঁহারে করিয়া সবিনয় ।
 কিমতে ব্রহ্মার সভা মম দৃশ্য হয় ॥
 বলিলেন, সহস্র-বৎসর ত্রতী হৈয়া ।
 করহ কঠোর তপ হিমালয়ে গিয়া ॥
 শুনি করিলাম তপ সহস্র-বৎসর ।
 পরে পুনঃ আইলেন দেব-দিবাকর ॥
 আমা সঙ্গে করিয়া গেলেন ব্রহ্মপুরী ।
 দেখিলাম যাহা, তাহা কহিতে না পারি ॥
 তার অন্ত নাহিক, নাহিক পরিমাণ ।
 ব্রহ্মার মানসী-সভা, তাঁহার নির্মাণ ॥
 চন্দ্র-সূর্য্য-তেজ নিম্নে সভার কিরণে ।
 শূন্যেতে শোভিছে সভা বিনাবলম্বনে ॥
 তথায় থাকিয়া বিধি করেন বিধান ।
 প্রজাপতিগণ থাকে তাঁর সম্মিধান ॥
 প্রচেতা মরীচি দক্ষ পুলহ গৌতম ।
 অঙ্গিরা অথর্ব্ব ভৃগু সনক কর্দম ॥
 কশ্যপ বশিষ্ঠ ক্রতু প্রহ্লাদ পুলস্ত্য ।
 বালখিল্য ভরদ্বাজ মাণ্ডব্য অগস্ত্য ॥
 বিদ্যা বায়ু অন্তরীক্ষ আত্মা ক্রতুগণ ।
 রূপ তেজ পৃথ্বী জল শব্দ স্পর্শ মন ॥
 গন্ধর্ব্ব-সকল আছে মূর্তিমন্ত হৈয়া ।
 আয়ুর্বেদ চন্দ্র তারা সূর্য্য সন্ধ্যা ছায়া ॥

ধর্ম অর্থ কাম মোক্ষ কান্তি শান্তি ক্ষমা ।
 অষ্ট-বহু নবগ্রহ শিব-সহ উমা ॥
 চতুর্বেদ ষট্শাস্ত্র তন্ত্র ত্রুতি স্মৃতি ।
 চারিযুগ বর্ষ মাস দিবা-সহ রাত্রি ॥
 সাবিত্রী ভারতী লক্ষ্মী অদिति বিনতা ।
 ভদ্রা ষষ্ঠী অরুন্ধতী কঙ্ক নাগমাতা ॥
 যুতিমন্ত হইয়া আছেন নারায়ণ ।
 ইন্দ্র যম কুবের বরুণ হুতাশন ॥
 আমার কি শক্তি, তাহা বর্ণিবারে পারি ।
 নিত্য আসি সেবে সবে সৃষ্টি-অধিকারী ॥
 এত সভা দেখিয়াছি আমি এ-নয়নে ।
 তব সভা-ভূল্য নাহি মনুষ্য-ভুবনে ॥
 যুধিষ্ঠির বলিলেন, তুমি মনোজব ।
 শুনলাম তোমার প্রসাদে এই-সব ॥
 এক বাক্যে বিস্ময় হইল মম মনে ।
 যতেক নৃপতি সব যমের ভবনে ॥
 একা হরিশ্চন্দ্র কেন ইন্দ্রের আশ্রয় ।
 কোন্ পুণ্য-দানফলে, কহ মহাশয় ॥
 যমালয়ে মম পিতা দেখিলেন যবে ।
 আমার বারতা কিছু কহিলেন তবে ॥
 নারদ বলেন, শুন পাণ্ডব-প্রধান ।
 সূর্য্যবংশে শ্রেষ্ঠ হরিশ্চন্দ্রের আখ্যান ॥
 একরথে জিনিয়া লইল মর্ত্যপুর ।
 বাহুবলে হৈল সপ্তদ্বীপের ঠাকুর ॥
 রাজসূয়-যজ্ঞ হরিশ্চন্দ্র সে করিল ।
 যত রাজবৃন্দ ছিল, আজ্ঞায় আইল ॥
 অনেক ব্রাহ্মণ আসে যজ্ঞের সদন ।
 প্রতিদ্বিজে সেই রাজা করিল পূজন ॥
 শাস্ত্রমত দক্ষিণা যে বলিলা ব্রাহ্মণ ।
 পঞ্চগুণ করি তাঁরে দিলেন রাজন্ ॥

সব রাজা হৈতে সে করিল বড়-কাজ ।
 সেই-পুণ্যে স্বর্গে রহে ইন্দ্র-সভামাঝ ॥
 আর যত রাজা রাজসূয়-যজ্ঞ কৈল ।
 সম্মুখ-সংগ্রাম করি যাহারা মরিল ॥
 যোগিগণে যোগে নিজদেহ ত্যাগ করে ।
 সেই-সব লোক বৈসে ইন্দ্রের নগরে ॥
 কহি, শুন তোমার পিতার সমাচার ।
 যমালয়ে দেখা হৈল সহিত তাঁহার ॥
 কহিয়াছিলেন তিনি করিয়া বিনয় ।
 ধর্ম্মরাজ যুধিষ্ঠির আমার তনয় ॥
 অনুগত তার বীর্য্যবস্ত্র ভ্রাতৃগণ ।
 যাহার সহায় কৃষ্ণ কমললোচন ॥
 পৃথিবীতে তাহার অসাধ্য কিছু নয় ।
 রাজসূয়-যজ্ঞ তার অবহেলে হয় ॥
 এই রাজসূয় যদি করে ধর্ম্মরাজে ।
 হরিশ্চন্দ্র প্রায় থাকি ইন্দ্রের সমাজে ॥
 তোমার জনক ইহা কহিল আমারে ।
 যে হয় উচিত, রাজা, করহ বিচারে ॥
 সর্ব্বযজ্ঞ হৈতে শ্রেষ্ঠ রাজসূয় গণি ।
 বহুবিস্ময় হয় ইথে, আমি ভাল জানি ॥
 ছিদ্র পেয়ে যজ্ঞনাশ রিপুগণ করে ।
 যজ্ঞ-হেতু রাজগণ যুদ্ধ করি মরে ॥
 যেমতে মঙ্গল হয়, কর নরপতি ।
 আমারে বিদায় কর, যাব দ্বারাবতী ॥
 এত বলি প্রস্থান করেন মুনিবর ।
 ত্রীকৃষ্ণ-দর্শন-হেতু দ্বারকানগর ॥
 সভাপর্কের অনুপম সভার বর্ণন ।
 কাশীরাম দাস কহে, শুন সাধুজন ॥

৪। সুবিষ্ঠির রাজসূয়-যজ্ঞ-চিন্তা ও শ্রীকৃষ্ণের

নিকট দূতপ্রেরণ।

মুনি-মুখে বার্তা শুনি ।
 চিন্তাস্থিত নৃপমণি ॥
 অন্ম নাহি লয় মনে ।
 কহে ভ্রাতৃ-মন্ত্ৰিগণে ॥
 নারদ বলেন যত ।
 পিতৃ-আজ্ঞা এইমত ॥
 যজ্ঞ রাজসূয় তায় ।
 যাতে ইন্দ্রপদ পায় ॥
 এ-যজ্ঞ কর্তব্য হয় ।
 কি সবার মনে লয় ॥
 শুনি ভ্রাতৃ-মন্ত্ৰিগণ ।
 স্বীকারিল সৰ্ব্বজন ॥
 চিন্তা কর কোন্-হেতু ।
 কর রাজসূয়-ক্রতু ॥
 কি-কার্য্য অসাধ্য আছে ।
 কেবা বিরোধিবে পাছে ॥
 মন্ত্ৰিগণ-বাক্য শুনি ।
 বিচারেন নৃপমণি ॥
 যে-কৰ্ম্ম যাহে না শোভে ।
 সে-কৰ্ম্ম করিলে তবে ॥
 পাছে হয় বিড়ম্বনা ।
 নিন্দা করে সৰ্ব্বজন ॥
 বিশেষে বিষম যজ্ঞ ।
 সৰ্ব্বলোক নহে যোগ্য ॥
 ইহা আগে না প্রকাশি ।
 গোবিন্দে আগে জিজ্ঞাসি ॥
 কর্তব্য কি অকর্তব্য ।
 হরির হইলে শ্রব্য ॥

যদি দেন অনুমতি ।
 এ-যজ্ঞে হইব ত্রতী ॥
 ইহা চিন্তি নরপতি ।
 দূত পাঠাইলা তথি ॥
 সে-দূত সত্বর হ'য়ে ।
 দ্বারকা প্রবেশে গিয়ে ॥
 কৃষ্ণে করি নমস্কার ।
 কহে ধৰ্ম্ম-সমাচার ॥
 তোমার দর্শন-বিনে ।
 কুন্তীপুত্র দুঃখী মনে ॥
 এ-কথা শুনিবা-মাত্র ।
 গোবিন্দ তোলেন গাত্র ॥
 বৈনতেয়-আরোহণে ।
 যান ইন্দ্রসেন-সনে ॥
 দিনকর যায় অস্তে ।
 উপনীত ইন্দ্রপ্রস্থে ॥
 কৃষ্ণ আইলেন পুরে ।
 শুনি হর্ষ নৃপবরে ॥
 ভ্রাতৃ-মন্ত্ৰী পাঠাইল ।
 অগ্র হৈয়া কৃষ্ণে নিল ॥
 ধৰ্ম্মে নমস্কার করি ।
 সস্তাষণ কৈলা হরি ॥
 তবে ধৰ্ম্ম-নরপতি ।
 কৃষ্ণে পূজে ভক্তমতি ॥
 বসিলেন সবে তথা ।
 চন্দ্রের মণ্ডলী যথা ॥
 শ্রীহরি-চরণদ্বয়ে ।
 যে ভাবে সদা হৃদয়ে ॥
 তার চরণসরোজে ।
 সদা কাশীরাম ভজে ॥

৫। গোবিন্দ-যুষ্টিয়-সংবাদ।

বলেন গোবিন্দ-প্রতি ধর্মের কুমার।

নারদে কহিলেন জনক আমার ॥
রাজসূয়-মহাযজ্ঞ দুর্ভাগ্য সংসারে।
যুষ্টিয়ে কহ রাজসূয় করিবারে ॥
এইহেতু যজ্ঞ-বাহু হইল আমার।
শুন এই কথা, কৃষ্ণ, কহি সারোদ্ধার ॥
পরম্পর আমারে হুহুদ বলে সবে।
কেহ প্রীতে, কেহ হিতে, কেহ ধনলোভে ॥
যে যত বলেন, নাহি লয় মম মনে।
যতক্ষণ নাহি শুনি তোমার বদনে ॥
বুঝিয়া সন্দেহ প্রভু, ভাঙ্গহ আমার।
কর্তব্যাকর্তব্য যাহা তোমার বিচার ॥
পাণ্ডবের গতি তুমি পাণ্ডবের পতি।
তোমা-বিনা পাণ্ডবের নাহি অন্তগতি ॥

গোবিন্দ বলেন, তুমি সর্বগুণবান্।

পৃথিবীর মধ্যে রাজা, কে তব সমান ॥
যোগ্য হও রাজা, তুমি যজ্ঞ করিবারে।
এক নিবেদন আমি করিব তোমারে ॥
আমি যাহা কহি, তাহা জান ভালমতে।
এক-লক্ষ রাজা চাহি এ-মহাযজ্ঞেতে ॥
মগধ-ঈশ্বর জরাসন্ধ শ্রেষ্ঠ রাজা।
পৃথিবীর যত রাজা করে তারে পূজা ॥
তাহারে না মানে, হেন নাহি ক্ষতিমাঝে।
বলেতে বাঙ্কিয়া আনে, যে-জন না ভজে ॥
তাহার সহায় যত দুষ্ঠ-রাজগণ।
শিশুপাল দম্ববক্র নৃপতি-যবন ॥

পুণ্ডরীক বাহুদেব কোশল-ঈশ্বর।
রুম্বী ভগদত্ত রাজা মহাবলধর ॥
এমত অনেক যত দুষ্ঠ নরপতি।
সদাকাল প্রায় থাকে তাহার সংহতি ॥
ইক্ষ্বাকু-ইলার বংশে যত রাজগণ।
জরাসন্ধে না ভজিল যত-যত-জন ॥
তার ভয়ে নিজদেশে রহিতে নারিয়া।
উত্তর-দেশেতে সবে গেল পলাইয়া ॥
জরাসন্ধ-দুই-কন্যা অস্তি-প্রাপ্তি বলি।
কংসের বনিতা দৌহে, আমার মাতুলী ॥
স্বামীর নিধনে বাপে গোহারি করিল।
সসৈন্তে মগধপতি মথুরা বেড়িল ॥
অসংখ্য তাহার সৈন্য কে গণিতে পারে।
ক্ষয় নহে মারিলেও শতেক বৎসরে ॥
রাম আমি দুই-ভাই করিনু সংহার।
সেইহেতু সাজি আসে অষ্টাদশ-বার ॥
তবে চিন্তে বিচার করিনু সর্বজন।
মথুরা-বসতি আর নহে সুশোভন ॥
নিরন্তর দুইকন্যা কহিবেক বাপে।
পুনঃ রাজা জরাসন্ধ আসিবেক কোপে ॥
এমত বিচারি সবে মথুরা ত্যজিয়া।
দূরদেশ দ্বারকায় রহিলাম গিয়া ॥
সেই যুদ্ধে না আইল যত রাজগণে।
বন্দী করি রাখিয়াছে আপন-ভবনে ॥
পশুসম করি সব রাখিয়াছে রাজা।
সবাকারে বলি দিবে রুদ্ধে করি পূজা ॥
ছিয়াশীটি ভূপ বন্দী আছে বন্দিশালে।
তব যজ্ঞ হয় রাজা, সবে মুক্ত হৈলে ॥

জরাসন্ধে বিনাশিলে সৰ্ব্ব সিদ্ধ হয় ।
 নিষ্কণ্টকে যজ্ঞ তবে কর মহাশয় ॥
 জরাসন্ধ জীয়ন্তে না হয় কোন কাজ ।
 তারে মারি বশ কর ভূপতি-সমাজ ॥
 হইবে বিপুল যশঃ সংসার-ভিতরে ।
 আমার মন্ত্রণা এই কহিনু তোমায়ে ॥

এতেক বলেন যদি কমললোচন ।
 কৃষ্ণেরে কহেন রাজা ধর্মের নন্দন ॥
 সমুচিত যতেক কহিলা মহাশয় ।
 ইহা না করিলে যজ্ঞ কি-প্রকারে হয় ॥
 শাস্তি আচরণ আমি করিয়া প্রথমে ।
 পৃথিবীর রাজা-সবে বাধ্য করি ক্রমে ॥
 পশ্চাতে করিব জরাসন্ধের উপায় ।
 মোর মনে এই লয়, কহিনু তোমায়ে ॥

ভীমসেন বলে, নাহি লয় মম মনে ।
 প্রথমে মারিব বৃহদ্রথের নন্দনে ॥
 তারে মারি মুক্ত যদি করি রাজগণ ।
 যজ্ঞে বিঘ্ন করে তবে, নাহি হেন জন ॥
 রাজা হ'য়ে শাস্তি ভজে, লক্ষ্মী নাহি পায় ।
 পূর্বরাজগণ-কর্ম কহি, শুন রায় ॥
 বাহুবলে ভরত শাসিল ভূমণ্ডল ।
 মাক্ষাতা-নৃপতি কর ত্যজিল সকল ॥
 প্রতাপেতে কার্ত্তবীৰ্য্যে ঘোষে জগজ্জন ।
 ভগীরথ খ্যাত করি প্রজার পালন ॥

শ্রীকৃষ্ণ বলেন, রাজা, কর অবগতি ।
 যেমতে হইবে হত মগধের পতি ॥
 সৈন্যে সাজি তাহারে নারিবে কদাচিত্ ।
 অসংখ্য দুর্দাস্ত সৈন্য যাহার সহিত ॥
 ভীমার্জ্জনে দেহ রাজা, আমার সংহতি ।
 উপায়ে করিব হত মগধের পতি ॥

শুনিয়া বলেন রাজা ধর্মের তনয় ।
 যতেক কহিলা, মম চিত্তে নাহি লয় ॥
 মহারাজ জরাসন্ধ রাজচক্রবর্তী ।
 যাহারে করেন ভয় ইন্দ্র হরপতি ॥
 যার ভয়ে জগন্নাথ মথুরা ত্যজিয়া ।
 পশ্চিম-সমুদ্রতীরে রহিলেন গিয়া ॥
 তোমরা উভয়ে চক্ষু, কৃষ্ণ মম প্রাণ ।
 সন্ধটেতে পাঠাইব, না হয় বিধান ॥
 হেন যজ্ঞে প্রয়োজন নাহিক আমার ।
 সম্যাসী হইয়া পাছে ভ্রমিব সংসার ॥

এত শুনি তখন কহেন ধনঞ্জয় ।
 না বুঝিয়া কেন হেন বল মহাশয় ॥
 চিরজীবী নহে কেহ সংসার-ভিতর ।
 যুদ্ধ না করিয়া কেহ আছে কি অমর ॥
 বিনা দুঃখে-সন্ধটেতে নহে কোন কর্ম ।
 অকর্ম-বিহীন রাজা, রুখা তার জন্ম ॥
 এ-উপায়ে কর্ম যদি না হয় সাধন ।
 পশ্চাতে করিবা তাহা, যাহা লয় মন ॥
 এতেক বলেন যদি ইন্দ্রের নন্দন ।
 সাধু বলি প্রশংসা করেন নারায়ণ ॥
 সভাপর্ব্ব সুধারস জরাসন্ধ-বধে ।
 কাশীরাম দাস কহে, গোবিন্দের পদে ॥

৬। জরাসন্ধের অন্ত-বৃত্তান্ত ।

ধর্মরাজ বলেন, বলহ নারায়ণ ।
 জরাসন্ধ-নাম তার কিসের কারণ ॥
 কত বল ধরে সেই, পেল কার বর ।
 তোমা হিংসি রক্ষা পেল, বিস্মিত-অন্তর ॥
 গোবিন্দ বলেন, রাজা, কর অবধান ।
 জবাসন্ধ-বিবরণ কহি তব স্থান ॥

মগধ-দেশের রাজা নাম বৃহদ্রথ ।
 অগণিত সৈন্যগণ গজবাজী রথ ॥
 তেজে সূর্য্য, ক্রোধে যম, ধনে যক্ষপতি ।
 রূপে কামদেব রাজা, ক্ষমাগুণে ক্ষিতি ॥
 নিরস্তুর যজ্ঞ করে অন্যে নাহি মন ।
 দুইকন্যা দিল তারে কাশীর রাজন ॥
 পুত্রার্থী পুত্রোষ্ঠি-যজ্ঞ করে মহীপাল ।
 না হইল পুত্র তার, গেল যুবা কাল ॥
 আপনারে ধিকার করিয়া নরপতি ।
 রাজ্য ত্যজি বনে চলে ভার্য্যার সংহতি ॥
 গৌতম নন্দন চণ্ডকৌশিক যে ঋষি ।
 পরম-তপস্বী তিনি, সদা বনবাসী ॥
 বহুদেশ ভ্রমিয়া মগধে উপনীত ।
 আত্মরক্ষতলে রাজা দেখে আচম্বিত ॥
 ভার্য্যা-সহ প্রণমিলা মুনির চরণ ।
 মুনি জিজ্ঞাসিলা, রাজা কোথায় গমন ॥
 করঘোড়ে বলে রাজা বিনয়-বচন ।
 মম দুঃখ অবধান কর তপোধন ॥
 বহুকষ্ট করিলাম রাজ্যে হ'য়ে রাজা ।
 সমুচিত-বিধানেন্তে পালিলাম প্রজা ॥
 ধনে-জনে আর মন নাহি তপোধন ।
 সর্ব্বশূন্য দেখি মুনি, বিনা-পুত্র-ধন ॥
 এইহেতু রাজ্য ত্যজি যাই বনবাস ।
 তপস্তা করিব গিয়া লইয়া সম্যাস ॥
 রাজার বিনয় শুনি গৌতম-নন্দন ।
 ধ্যানেতে বসিয়া মুনি চিন্তে ততক্ষণ ॥
 হেনকালে দৈবে সেই আত্ম-রক্ষ হৈতে ।
 অকস্মাৎ এক আত্ম পড়িল ভূমিতে ॥
 আত্ম ল'য়ে মুনিবর হৃদে লাগাইল ।
 হরিষে রাজার করে অর্পিয়া কহিল ॥

এ-ফল খাইতে দেহ প্রধানা ভার্য্যারে ।
 গুণবান্ পুত্র হৈবে তাহার উদরে ॥
 বাঙ্কা পূর্ণ হৈল রাজা, যাহ নিজঘর ।
 এত শুনি আনন্দিত হৈল নরবর ॥
 মুনিরে প্রণমি রাজা নিজালয়ে গেল ।
 দুই-ভার্য্যা সমান, দৌহারে বাঁটি দিল ॥
 দুইভাগ করি দৌহে করিল ভক্ষণ ।
 এককালে গর্ভবতী হৈলা দুইজন ॥
 একত্র প্রসব দৌহে কৈল এককালে ।
 আনন্দে নিরখে দৌহে সেই দুই-বালে ॥
 এক চক্ষু নাসা কর্ণ, এক পদ কর ।
 অর্দ্ধ-অর্দ্ধ অঙ্গ দেখি বিস্মিত-অস্তর ॥
 হৃদয়ে হানিয়া কর বিবাদে বলিল ।
 দশমাস গর্ভভার বৃথা বহা গেল ॥
 নিরাশ হইয়া দৌহে ঘৃণা করি মনে ।
 ফেলাইয়া দিতে আজ্ঞা কৈলা দাসীগণে ॥
 সেইক্ষণে ফেলাইয়া দিল দাসীগণ ।
 জরা-নামে রাক্ষসী আইল ততক্ষণ ॥
 সদাই শোণিত-মাংস আহার তাহার ।
 সংসারের গর্ভপাতে তার অধিকার ॥
 রাজগৃহে গর্ভপাত শুনিয়া ধাইল ।
 অর্দ্ধ-অর্দ্ধ অঙ্গ দেখি বিস্ময় মানিল ॥
 আপন-নয়নে ইহা কখন না দেখে ।
 দুই-হাতে দুইখান ধরিয়া নিরখে ॥
 রহস্য দেখিতে দুই সংযুক্ত করিল ।
 আচম্বিতে দুই-অঙ্গ একত্র হইল ॥
 উঙা-উঙা করি কান্দে মুখে হাত ভরি ।
 আশ্চর্য্য দেখিয়া চিন্তে ভাবে নিশাচরী ॥
 না হবে উদর পূর্ণ ইহারে খাইলে ।
 নৃপতি হইবে ভুফু এ-পুত্র পাইলে ॥

এত চিন্তি কোলে করি লইল নন্দন ।
 মেঘের গর্জন-জিনি শিশুর নিঃশ্বন ॥
 মনুষ্যের মূর্তি ধরি জরা নিশাচরী ।
 রাজার সম্মুখে গেল পুঞ্জ কোলে করি ॥
 নৃপতিরে কহিল সকল বিবরণ ।
 হের, ধর, লহ রাজা আপন-নন্দন ॥
 পুঞ্জ পেয়ে উল্লসিত হইল নৃপতি ।
 তবে জিজ্ঞাসিল রাজা রাক্ষসীর প্রতি ॥
 কে তুমি, কোথায় বাস, কি তোমার নাম ।
 কার কন্যা, কার ভার্য্যা, কোথা তব ধাম ॥
 এত স্নেহ মম প্রতি কিসের কারণে ।
 আমারে এমত করে নাহি ত্রিভুবনে ॥
 রাজার বচন শুনি বলে নিশাচরী ।
 গৃহদেবী নাম দিলা সৃষ্টি-অধিকারী ॥
 দানব-বিনাশে মোর হইল স্বজন ।
 সর্বগৃহে থাকি রাজা, রক্ষার কারণ ॥
 পুঞ্জ-পৌঞ্জ-সহ মোরে যে গৃহস্থ পুঞ্জে ।
 বিবিধ-বৈভব-সুখ মোর বরে ভুঞ্জে ॥
 আমারে সপুঞ্জা নবযৌবনা করিয়া ।
 যে-জন রাখিবে গৃহভিত্তিতে আঁকিয়া ॥
 জায়া-সুত-ধন-ধাত্তে সদা তার ঘর ।
 পরিপূর্ণ থাকিবেক, শুন রাজ্যেশ্বর ॥
 নিরুপেক্ষে তাহার বালকগণ বাড়ে ।
 দুর্গতি অলক্ষ্মী ব্যাধি না থাকে নিয়ড়ে ১ ॥
 তব গৃহে পূজা রাজা, পাই অনুক্ষণ ।
 তেঁই রক্ষা করিলাম তোমার নন্দন ॥
 সমুদ্রে শোষণে রাজা মোর এই পেটে ।
 স্নেহে-সদৃশ মাংস খাইলে না আঁটে ॥

তব গৃহে পূজা লভি সন্তোষ আমার ।
 এইহেতু রাখিলাম তোমার কুমার ॥
 এত বলি রাক্ষসী চলিল নিজস্থান ।
 পুঞ্জ পেয়ে নরপতি মহাহর্ষবান্ ॥
 জাতকর্ম বিধিমত করিল রাজন্ ।
 অনুমান করি নাম দিল দ্বিজগণ ॥
 জরায় সন্ধিত-হেতু নাম জরাসন্ধ ।
 দিনে-দিনে বাড়ে যেন শুরূপক্ষে চন্দ্র ॥
 কতদিনে বৃহদ্রথ পুঞ্জ রাজ্য দিয়া ।
 ভার্য্যা-সহ বনে গেল ব্রহ্মচারী হৈয়া ॥
 জরাসন্ধ রাজা হৈল বলে মহাবল ।
 নিজ-ভুজ-পরাক্রমে শাসে ভূমণ্ডল ॥
 দুই সেনাপতি হংস-ডিম্বক তাহার ।
 অবধ্য সকল অস্ত্রে, অভেদ-আকার ॥
 তিনজনে মহাবীর অজেয় সংসারে ।
 চতুর্থ জামাতা কংস মহাবল ধরে ॥
 মম হস্তে ভোজপতি যবে হৈল হত ।
 তথা হৈতে গদা প্রহারিল বাহুদ্রথ ২ ॥
 শতেক-যোজন গদা এল আচম্বিতে ।
 মথুরা কম্পিত যেন গিরি-বজ্রাঘাতে ॥
 সংগ্রামে সাজিয়া এল অষ্টাদশ-বার ।
 ত্রয়োদশ-অক্ষৌহিনী-সহ-পরিবার ॥
 হংস-নামে এক রাজা ছিল সঙ্গৈ তার ।
 বলভদ্র-হাতে তার হইল সংহার ॥
 মরিল-মরিল হংস হৈল এই শব্দ ।
 শুনিয়া মগধ-লোক হইলেক স্তব্ধ ॥
 ডিম্বক করিত সেই রাজ্যের রক্ষণ ।
 শুনিল সংগ্রামে হৈল ভ্রাতার নিধন ॥

সহিতে নারিল, শোকে হইল অস্থির ।
 ডুবিয়া যমুনা-জলে ত্যজিল শরীর ॥
 জরাসন্ধ-সহ তবে হংস গেল ঘর ।
 শুনিল, মরিল শোকে ডুবিয়া সোদর ॥
 ভ্রাতৃশোকে হংস আর ক্ষণে না রহিল ।
 যমুনার জলে সেও ডুবিয়া মরিল ॥
 হেনমতে ডুবিয়া মরিল দুইজন ।
 একমাত্র জরাসন্ধ আছে দুর্জয় ॥
 সংগ্রামে জিনিতে তারে নাহিক ভুবনে ।
 উপায় আছে এক চিন্তিয়াছি মনে ॥
 মল্লযুদ্ধ-বিনা তার না হয় নিধন ।
 বৃকোদর বাহুবলে করিবে সাধন ॥
 আমার হৃদয় যদি জান মহাশয় ।
 আমার বচনে যদি করহ প্রত্যয় ॥
 পৌরুষে বিভব যদি বাঞ্ছ নরপতি ।
 ভীমার্জুনে দেহ রাজা, আমার সংহতি ॥
 কৃষ্ণের বচন শুনি ধর্ম্মের নন্দন ।
 একদৃষ্টে চান ভীমার্জুনের বদন ॥
 হৃৎমুখ দুইভাই দেখি নরপতি ।
 কহেন মধুর-বাক্যে গোবিন্দের প্রতি ॥
 কি-কারণে এমত বলিলা যদুরায় ।
 তোমা-বিনা পাণ্ডবের কি আছে উপায় ॥
 লক্ষ্মী পরাশ্রুত যারে, সে তোমা না জানে ।
 সহজে পাণ্ডববন্ধু খ্যাত ত্রিভুবনে ॥
 তব নাম নিলে ভয় নাহি ত্রিজগতে ।
 তার কি আপদ, যার থাকিবা সঙ্কটে ॥
 এত বলি নরপতি দুই-ভায়ে ল'য়ে ।
 গোবিন্দের করেতে দিলেন সমর্পিয়ে ॥

মহাভারতের কথা অমৃতের ধার ।
 কাশীরাম দাস কহে রচিয়া পয়ার ॥

৭। ভীমার্জুনকে লইয়া শ্রীকৃষ্ণের
 গিরিভ্রমে প্রবেশ ।

শুভক্ষণ করিয়া চলেন তিনজন ।
 স্নাতক বিশ্রের বেশ করিয়া ধারণ ॥
 পদ্মসর লজ্জি গিরি কালকূট আর ।
 গণ্ডকী শর্করাবর্ত্ত বিষম দুষ্কার ॥
 সরযু অযোধ্যা আর নগর মিথিলা ।
 ভাগীরথী সরস্বতী যমুনা আইলা ॥
 পার হৈয়া পূর্বমুখে যান তিনজনে ।
 মগধ-রাজ্যেতে উত্তরিল। কতদিনে ॥
 চৈতরথ-আদি করি পঞ্চগোটা গিরি ।
 তাহার মধ্যেতে বৈসে গিরি ব্রজপুরী ॥
 অনুপম দেশ সেই দেখিতে সুন্দর ।
 ধন-ধান্য-গো-মহিষে শোভিত নগর ॥
 ভীমার্জুনে বলেন গোবিন্দ মহামতি ।
 এই পঞ্চগিরি-মধ্যে নগর বসতি ॥
 পঞ্চ-পর্বতের কথা শুন দুইজন ।
 শত্রু দেখি ষাররুদ্ধ হয় ততক্ষণ ॥
 আর এক আশ্চর্য্য আছে দুয়ারেতে ।
 তিনগোটা ভেরী শব্দ করে আচম্বিতে ॥
 শত্রু দেখি ভেরী শব্দ করয়ে যখন ।
 সজাগ হইয়া সেনা করয়ে সাজন ॥
 শত্রুব্যাপী ও অর্কুদ দুই নাগবর ।
 যার ভয়ে রিপু নাহি প্রবেশে নগর ॥

মহারথিগণ সবে রক্ষা করে দ্বার ।
 উহার উপায় এক করহ বিচার ॥
 অর্জুন বলেন, ভৈরী রৈল মোর ভাগে ।
 ত্রীকৃষ্ণ বলেন, নিবারিব দুই-নাগে ॥
 ভীম বলিলেন, মোর পর্বতের ভার ।
 অন্তপথে যাব পুরে, না যাইব দ্বার ॥
 এইরূপ বিচারিয়া তবে তিনজন ।
 দ্বার ত্যজি করিলেন গিরি-আরোহণ ॥
 নাগের কারণ দেব কৃষ্ণ মহামতি ।
 খগরাজে স্মরণ করেন শাস্ত্রগতি ॥
 আইল ভুজঙ্গ-রিপু কৃষ্ণের স্মরণে ।
 এ-তিন-ভুবন কাঁপে যাহার গর্জনে ॥
 ভয়েতে ভুজঙ্গ দুই প্রবেশে পাতালে ।
 কৃষ্ণেরে মেলানি মাগি খগপতি চলে ॥
 ভৈরী-প্রতি অর্জুন এড়িল শব্দভেদী ।
 এক-অস্ত্রে তিন-ভৈরী ফেলিলেন ছেদি ॥
 চৈত্যগিরি-পৃষ্ঠে করিলেন আরোহণ ।
 রিপু দেখি গিরিবর করয়ে গর্জনে ॥
 গিরিশৃঙ্গ ধরি ভীম উপাড়িয়া করে ।
 অচল করিল বজ্রযুগ্মির প্রহারে ॥
 পর্বত লজিয়া কৈল নগরে প্রবেশ ।
 সুরপুর-সম দেখে জরাসন্ধ-দেশ ॥
 হাট-বাট নগর চত্বর মনোহর ।
 বিবিধ-পদরা বৈসে নগর-ভিতর ॥
 স্নগন্ধি-কুসুম-মাল্য দেখি স্তম্ভোভন ।
 বলে ল'য়ে তিনজন করেন ভূষণ ॥
 পূর্বদ্বার লজিয়া গেলেন তিনজন ।
 অন্তঃপুরে যাইতে ব্রাহ্মণে নাহি মানা ॥
 তিনদ্বার লজি পরে যান অন্তঃপুর ।
 যথা আছে মহীপাল জরাসন্ধ-পুর ॥

যজ্ঞে দীক্ষা লইয়াছে যজ্ঞেতে তৎপর ।
 উপবাসী ত্রতী হ'য়ে আছে একেশ্বর ॥
 কেবল ব্রাহ্মণগণ আছে তথাকারে ।
 না ডাকিলে অন্ত্রজন যাইতে না পারে ॥
 তিন-দ্বিজে দেখি রাজা উঠি ঘোড়াহাতে ।
 আগুসরি অভ্যর্থনা করে বিধিমতে ॥
 বসিবারে দিলা দিব্য-কনক-আসন ।
 স্বস্তি-স্বস্তি বলিয়া বৈসেন তিনজন ॥
 তিনের মুরতি রাজা করে নিরীক্ষণ ।
 শালবৃক্ষ-কোঁড়া যেন অঙ্গের বরণ ॥
 আজানুলম্বিত ভুজ ভুজঙ্গ-আকার ।
 অস্ত্রচিহ্ন লেখা আছে অঙ্গের সবাকার ॥
 ভূষণ বিবিধ-মাল্য দেখিয়া রাজন ।
 নিন্দা করি বলিতে লাগিল ততক্ষণ ॥
 ত্রতী বিপ্র হ'য়ে কেন হেন অনাচার ।
 স্নগন্ধি-চন্দন-মাল্য অঙ্গের সবাকার ॥
 মুনিগণ কহে আর আমি জানি ভালে ।
 ব্রাহ্মণ কখন মাল্য নাহি পরে গলে ॥
 পরিধানে বহুবিধ বিচিত্র-বসন ।
 বিপ্রদেহে অস্ত্রচিহ্ন কিসের কারণ ॥
 সত্য কহ, তোমরা যে হও কোন্ জাতি ।
 কি-হেতু আইলা বল আমার বসতি ॥
 দ্বিজ-বিনা আসে হেথা, নাহি অন্ত্রজন ।
 চোররূপে আসিয়াছ, লয় মম মন ॥
 চৈত্যগিরি-শৃঙ্গ ভাঙ্গি এলে বুঝি প্রায় ।
 রাজদ্রোহ-দণ্ড-ভয় নাহিক তোমায় ॥
 কি-হেতু আইলা, কোন্ ভিক্ষা-অনুসারে ।
 কোন্ বিধিমতে পূজা করি সবাকারে ॥
 এত শুনি বাহুদেব বলেন বচন ।
 গম্ভীর নিনাদ যেন জলদ-গর্জনে ॥

পুষ্পালায় সদা রাজা, লক্ষ্মীর আশ্রয় ।
লক্ষ্মীপ্রিয় কশ্মে বল কার বাহ্য নয় ॥
দ্বারে না আউলা, হেন বলিলে রচন ।
শত্রুগৃহ-দ্বারে মোরা না যাই কখন ॥
কোনরূপে শত্রুগৃহে যাই মহারাজ ।
যেই-হেতু আসিয়াছি, করিব সে-কাজ ॥
জরাসন্ধ বলে, মোর না হয় স্মরণ ।
কিবা হেতু শত্রু মোর তোমা তিনজন ॥
না হিংসিতে যেইজন আসি হিংসা করে ।
তার সম পাপী নাহি সংসার ভিতরে ॥
কারো হিংসা নাহি করি, আমি মনে জানি ।
কিমতে তোমরা শত্রু, কহ দেখি শুনি ॥

গোবিন্দ বলেন, তুমি কহ বিপরীত ।
তোমার যতেক হিংসা জগতে বিদিত ॥
পৃথিবীর রাজা সবে বান্ধিয়া আনিলে ।
পশুসম রাখিয়াছ নিজ-বন্দিশালে ॥
মহাদেবে বলি দিবা, শুনিবু শ্রবণে ।
বল দেখি, হেন কশ্ম করে কোন্ জনে ॥
নাহি দেখি, নাহি শুনি, হেন বিপরীত ।
জ্ঞাতিগণে বলি দিবা, অধর্ম-চরিত ॥
আর্তের পীড়ন আর অধর্মাচরণ ।
জ্ঞাতিহিংসা দেখিতে না পারি কদাচন ॥
এইহেতু আসিয়াছি তোমার সদন ।
কতবার দেখিয়াছ, নহে কি স্মরণ ॥
ত্রয়োবিংশ অকৌহিনী অষ্টাদশ-বার ।
হারি পলাইলা, সৈন্য করিসু সংহার ॥
সেই কৃষ্ণ আমি বহুদেবের নন্দন ।
পাণ্ডুপুত্র ভীমার্জুন এই দুইজন ॥
আপনার হিত যদি বাঞ্ছা রাজন ।
আমার বচনে রাজা, ছাড় রাজগণ ॥

নহে যুদ্ধ কর রাজা, আমার সংহত ।
দুই-কশ্মে যেবা ইচ্ছা হয় তব মতি ॥
শ্রীকৃষ্ণের বচনে জ্বলিল জরাসন্ধ ।
অশেষ-বিশেষ গোবিন্দে বলে মন্দ ॥
পূর্বকথা বিস্মরণ হইল তোমায় ।
যুদ্ধে পলাইয়া গেলে শৃগলের প্রায় ॥
পৃথিবী ছাড়িয়া গেলে সমুদ্রে-ভিতরে ।
কভু নাহি শুনি পুনঃ আসিতে নগরে ॥
এখন তোমাকে দেখি আপনার দেশে ।
করিলে অদ্যুত কশ্ম কেমন সাহসে ॥
দর্প করি কহিলে ছাড়িতে রাজগণ ।
কাহার শরীরে সহে এমত বচন ॥
ভুজবলে বান্ধি আনিল'ম রাজগণে ।
সঙ্কল্প ক'রেছি, বলি দিব ত্রিলোচনে ॥
পূর্বকথা তব বুঝি নাহিক স্মরণ ।
যাহ গোপসুত, লজ্জা নাহি কি-কারণ ॥
সংগ্রাম মাগিলা, তার না বুঝি কারণ ।
তোমা ছার-সহিত যুঝিবে কোন্ জন ॥
ভীমার্জুন দৌড়ে দেখি অতুল-বয়স ।
ইহাদের সহ যুদ্ধে হবে অপযশ ॥
মারিলে পৌরুষ নাহি, হালিলে অযশ ।
পলাও বালকদ্বয়, না কর সাহস ॥
গোপালের বলে বুঝি করিলা উত্তম ।
না জানহ, জরাসন্ধ কৃতান্তের যম ॥

এতেক বলিল যদি জরাসন্ধ কোপে ।
ক্রোধে বীর-বৃকোদর-অধরোষ্ঠ কাঁপে ॥
গোবিন্দ বলেন, মিথ্যা না কর বড়াই ।
তোমার বিচারে তব সম কেহ নাই ॥
সে-কারণে হীনবল দেখি রাজগণে ।
বলে ধরি মারিবারে চাহ অকারণে ॥

তার অমুরূপ ফল পাইবা নিকটে ।
 দূর কর দর্প, আজি পড়িবা সন্ধটে ॥
 ইচ্ছা যদি, না করিবা আমা-সনে রণ ।
 এ-দৌহার মধ্যে তব যারে লয় মন ॥
 বালক বলিয়া চিতে না করিহ ভূমি ।
 কণেকে জানিবা, আগে যাহ যুদ্ধভূমি ॥

জরাসন্ধ বলে, যদি ইচ্ছিলে মরণ ।
 রণ-বাঞ্ছা করিলে, করিব আমি রণ ॥
 কিরূপে করিবা রণ, কহ দেখি শুনি ।
 এত শুনি তাহারে কহেন চরুপাণি ॥
 বিধির নিয়ম এই ক্ষত্ৰধশ্মে গিহি ।
 সৈন্তে-সৈন্তে রথে-রথে কিংবা একা-একী ॥
 একাকী করহ যুদ্ধ, ইচ্ছা যার সনে ।
 গদাযুদ্ধ মল্লযুদ্ধ যাহা লয় মনে ॥

শুনিয়া বলিছে বৃহদ্রথের কুমার ।
 ভুজবলে মহামত করি অহঙ্কার ॥
 সহজে বালক এরা, বিশেষ অর্জুন ।
 হীনবল-সহ যুদ্ধ না করে নিপুণ ॥
 কোমল বালক-প্রায় দেখি যে নয়নে ।
 কিছুমাত্র বৃকোদরে লয় মম মনে ॥
 ভীমের সহিত আজি করিব সমর ।
 এত বলি উঠিল মগধ-দণ্ডধর ॥
 দুইগোটা গদা রাজা আনিল তখনি ।
 এক দিল ভীমে, এক লইল আপনি ॥
 নগর-বাহিরে গেল, রঙ্গভূমি যথা ।
 ধাইল নগরলোক শুনি যুদ্ধকথা ॥
 কৌতুক দেখেন কৃষ্ণ থাকিয়া অন্তরে ।
 নৃপতি যুঝায় যেন যুগল মল্লেরে ॥
 অপূর্ব সংগ্রাম করে ভীম-জরাসন্ধ ।
 বিস্তারে রচিয়া কহি যমকের ছন্দ ॥

সভাপূর্বক স্থধারস জরাসন্ধ-বধে ।
 কাশীরাম কহে স্মরি গোবিন্দের পদে ॥

৮। জরাসন্ধের সহিত ভীমের যুদ্ধ ।

অপূর্ব সংগ্রাম, না হয় বিরাম,
 হৈল জরাসন্ধ-ভীমে ।
 গজরাজ-নক্রে, বৃত্রাসুর-শক্রে,
 যেমত রাবণ-রামে ॥
 কেশ-বাস সারি, করে গদা ধরি,
 দুইজন হৈল আগে ।
 কর্কশ-বচন, করিছে ভৎসন,
 দুইজন মত্ত রাগে ॥
 আরে রে পাণ্ডব, কোথা রে খাণ্ডব,
 আইলা মগধদেশে ।
 নিকট মরণ, এই সে কারণ,
 দৈবে বাক্তি আনে পাশে ॥
 শুনিয়া ওর্জুন, করিয়া গর্জন,
 বলিছে কুস্তীর হুত ।
 তোমারে শমন, করিল স্মরণ,
 আসিষু হইয়া দূত ॥
 ক্রোধে বৃকোদর, কম্পে কলেবর,
 গিরিবর যেন কাঁপে ।
 মণ্ডলী করিয়া, স্থরিত ফিরিয়া,
 করাঘাত করে দাপে ॥
 বিপরীত নাদ, পড়িল প্রমাদ,
 শ্রবণে লাগিল তালা ।
 দম্ভ কড়মড়, খাসে বহে ঝড়,
 উড়ি যায় মেঘমালা ॥

করে-করে ছান্দি, পদে-পদে বাঁধ, যেন ঘি-বারণ, করিণী-কারণ,
দুইজনে দৌঁছে টানে । যুঝয়ে পৰ্ব্বত-মাঝে ।

কণে দৌঁছে ছাড়ি, শিরে-শিরে তাড়ি, যেন ঘি-ব্বধে, স্বরভীর লোভে,
হৃদয়ে-হৃদয়ে হানে ॥ গোষ্ঠের ভিতর যুঝে ॥

লোহিত-নয়ন, লোহিত-বদন, কার্তিক-প্রথমে, প্রতিপদ-ক্রমে,
নেহারে সন্ধ্যাপ-দৃষ্টি । অহনিশ দৌঁছে রণে ।

দস্ত কড়মড়, মারিছে চাপড়, হৈল চতুর্দশী, কহে দাস কাশী,
বজ্র-সম চড়-মুষ্টি ॥ বিজ্রাম না লয় কণে ॥

উরুতে জ্বনে, ছান্দি সঘনে, উমে গড়াগড়ি যায় ।

শ্রমজল অঙ্গে, রণধূলি-সঙ্গে, ঢাকিল দৌঁহার গায় ॥

রুধিরে জর্জর, দৌঁহা-কলেবর, অস্তর হইয়া কণে ।

ক্রোধে কায় কম্পে, পুনঃপুনঃ ঝাম্পে, দৌঁহা-'পরে দুইজনে ॥

ঘোর-নাদ উঠে, দৌঁহা-বাহুশ্ফোটে, গভীর-গর্জনে গর্জে ।

পদে হু বিদরে, চাপিয়া অধরে, তর্জ্জনী তুলিয়া তর্জে ॥

সে দৌঁছে দৌঁহারে, গদার প্রহারে, হৃদি-ভুজ-শির-পিঠে ।

ঘোরতর রণ, দেখি সর্বজন, গদাঘাতে অগ্নি উঠে ॥

কেহ নহে উন, ধরি পুনঃপুনঃ, হৃদয়ে হৃদয় চাপে ।

ভুজে-ভুজে ভিড়ি, ভূমিতলে পড়ি, পুনঃ দৌঁছে উঠে লাফে ॥

৯। অরাসন্ধ-বধ ও রাজগণের
কারাবোচন ।

অহনিশ চতুর্দশ-দিবস সংগ্রাম ।

নিঃশ্বাস ছাড়িতে দৌঁছে না করে বিজ্রাম ॥

অনাহারে পীড়িত দৌঁহার কলেবর ।

নিস্তেজ হইল বৃহদ্রথের কোণ্ডর ॥

অচল হইল অঙ্গ হরিলেক স্তান ।

তথাপিহ দাণ্ডাইয়া রহে বিজ্রামান ॥

পবন-নন্দন ভীষ্ম মহাপরাক্রম ।

এত যুদ্ধে শরীরে তিলেক নাহি শ্রম ॥

ডাকিয়া বলেন কৃষ্ণ, কি দেখহ আর ।

এইকালে শত্রু কেন না কর সংহার ॥

কৃষ্ণের বচনে ক্রোধ করি বৃকোদর ।

দুই পায় ধরি ফেলে ভূমির উপর ॥

পুনরপি ধরে তারে কুন্তীর কুমার ।

দুই পায় ধরিয়া ভ্রমার চক্রাকার ॥

শতপাক ভ্রমাইয়া ফেলে ভূমিতলে ।

বকঃস্থল চাপিয়া বসিল মহাবলে ॥

কণ্ঠে জামু দিয়া বুকে বজ্রমুষ্টি ধারে ।

গুরুতর গর্জনেতে কম্পে ধরাধরে ॥

রাজ্যের যতেক লোক হৈল যুতপ্রায় ।
কাহারো বচন কেহ শুনিতে না পায় ॥
গর্ভবতী-স্ত্রীর গর্ভ পড়িল খসিয়া ।
হস্তি-অশ্ব-আদি পশু যায় পলাইয়া ॥
যথাশক্তি বুকোদর করেন প্রহার ।
তথাপি না হয় জরাসন্ধের সংহার ॥

আশ্চর্য্য দেখিয়া ভীম বলেন কৃষ্ণেরে ।
যথাশক্তি করিলাম প্রহার ইহারে ॥
ইহার মরণে আমি না দেখি উপায় ।
এত শুনি ডাকিয়া বলেন যদুরায় ॥
পূর্বে সন্ধি कहিয়াছি, কেন বিস্মরণ ।
সেই ছিদ্বে হৈবে জরাসন্ধের নিধন ॥
বুকোদরে দেখাইয়া দিলেন ত্রীনাথ ।
দুই-করে ধরি চিরিলেন বেণাপাত ॥
দেখিয়া হ'লেন হুটু কুস্তীর নন্দন ।
পুনরপি ধৈয়ে যান করিয়া গর্জন ॥
বজ্রমুষ্টি প্রহারিয়া ফেলেন ভূতলে ।
সিংহ যেন যুগে ধরি ফেলে অবহেলে ॥
একপদ পদে চাপি একপদে কর ।
হুকারিয়া টানিলেন বীর বুকোদর ॥
মধ্যখানে চিরিয়া করেন দুইখান ।
জন্মকাল-অঙ্গ-প্রাপ্তে হারাইল প্রাণ ॥

জরাসন্ধ পড়িল সহর্ষ নারায়ণ ।
আনন্দেতে তিনজনে কৈলা আলিঙ্গন ॥
রাজ্যের যতেক লোক প্রমাদ গণিল ।
জরাসন্ধ-সুত সহদেব-নাথে ছিল ॥
ভয়েতে কম্পিত-তনু পাত্রে-মিত্র লৈয়া ।
গোবিন্দের চরণেতে পড়িল আসিয়া ॥
কর যুড়ি বহুমতে করিল স্তবন ।
তোমার মহিমা শুভ্র, জানে কোন্ জন ॥

তুমি ব্রহ্মা, তুমি বিষ্ণু, তুমি মহেশ্বর ।
তুমি শক্তি, তুমি মুক্তি, তুমি পুরন্দর ॥
তুমি চন্দ্র, তুমি সূর্য্য, তুমি বৈশ্বানর ।
তুমি বায়ু, জলেশ্বর, তুমি চরাচর ॥
আমি অতি মূঢ়মতি, নাহি জানি তোমা ।
চারিবেদে নাহি জানে তোমার মহিমা ॥

এইরূপে সহদেব কৈল বহুস্ততি ।
ঈষৎ হাসিলা তবে দেব-যদুপতি ॥
আশ্বাসিয়া গোবিন্দ অভয় তারে দিল ।
মগধ-রাজ্যেতে তারে দণ্ড ধরাইল ॥
বন্দিশালে আছিল যতেক রাজগণ ।
একে-একে ঘুচাইল সবার বন্ধন ॥
নানারত্নে সবাঝারে করিল তোষণ ।
করঘোড়ে স্ততি করি কহে রাজগণ ॥
সদয়-হৃদয় তুমি, সেবক-রঞ্জন ।
দুর্ব্বলের বল, গর্বি-গর্বি-বিনাশন ॥
অনাথের নাথ তুমি, হিংসকের অরি ।
ধর্ম্মের পালনে মর্ত্যে অবতীর্ণ হরি ॥
কে বর্ণিতে পারে গুণ, বেদে অগোচর ।
সদা যোগে-ধ্যানে যারে না পায় শঙ্কর ॥
যত দুঃখ দিল জরাসন্ধ-নৃপবরে ।
সকল সফল হৈল ভাবি যে অন্তরে ॥
অভয়-পঙ্কজপদ দেখি নু নয়নে ।
বদনে অমৃত-ভাষা শুনি নু শ্রবণে ॥
বলে জরাসন্ধ প্রভু, করিল বন্ধন ।
এতদিনে বলি দিত যত রাজগণ ॥
কৃপায় সবারে প্রভু, করিলা উদ্ধার ।
এ-কর্ম্ম তোমায়ে প্রভু, নহে কিছু ভার ॥
আজ্ঞা কর, আমরা করিব কিবা কার্য্য ।
গোবিন্দ বলেন, সবে যাহ নিজরাজ্য ॥

রাজসূয় করিবেন ধর্মের নন্দন ।
 সেই যজ্ঞে সহায় হইবা সর্বজন ॥
 এতশুনি রাজগণ করে অঙ্গীকার ।
 প্রণমিয়া দেশে সবে গেল যে যাহার ॥
 তবে জরাসন্ধ-রথ আনি নারায়ণ ।
 তিনজনে আরোহণ করেন তখন ॥
 অপূর্ব সুন্দর রথ লোক-অগোচর ।
 সেই রথে চড়ি পূর্বে দেব-পুরন্দর ॥
 দলিলা দানবগণে উনশতবার ।
 যোজন পর্য্যন্ত দৃষ্ট হয় ধ্বজ যার ॥
 ইন্দ্র হৈতে পেল বহু মগধ-ঈশ্বরে ।
 বহু হৈতে বৃহদ্রথ, সে দিল কুমারে ॥
 সেই রথে আরোহিয়া যান তিনজন ।
 গোবিন্দ গরুড়ে তবে করিলা স্মরণ ॥
 বসিবারে আজ্ঞা করিলেন ধ্বজোপরে ।
 খগপতি ধ্বজ রথ ঘোষে চরাচরে ॥
 শঙ্খধ্বনি করিয়া চলিলা শীঘ্রগতি ।
 ইন্দ্র প্রস্থে উপনীত তিন মহামতি ॥
 যুধিষ্ঠির চরণে করিয়া নমস্কার ।
 একে-একে কহেন সকল সমাচার ॥
 মহানন্দে যুধিষ্ঠির করি আলিঙ্গন ।
 গোবিন্দে অনেক পূজা করেন তখন ॥
 জরাসন্ধ-রথ আর অমূল্য-রতন ।
 কৃষ্ণেরে দিলেন রাজা হ'য়ে হৃষ্টমন ॥
 সেই রথে আরোহিয়া দেব-দামোদর ।
 মেলানি মাগিয়া যান দ্বারকা-নগর ॥
 পুণ্যকথা ভারতের শুনিলে পবিত্র ।
 গোবিন্দের লীলারস পাণ্ডব-চরিত্র ॥

সভাপত্রের স্থানসমুদায়-বন্দে ।
 কাশীরাম দাস কহে, গোবিন্দের পদে ॥

১০। অর্জুনের দিগ্বিজয়-বাজা ।

করি কৃতাজ্জলি, পার্থ মহাবলী,
 কহেন রাজার আগে ।
 আজ্ঞা কর রায়, করিব উপায়,
 রাজসূয়-যজ্ঞতাগে ॥
 অতুল কাম্বুক, গাণ্ডীব-ধনুক,
 অক্ষয় তুণ যুগল ।
 রথ কপিধ্বজ, দেবদত্তাস্থক ১,
 চারি তুরঙ্গ ধবল ॥
 অপ্রাপ্য সংসারে, দেব বাজা করে,
 হেলায় মিলিল মোরে ।
 এ-সবার গুণে, যশ-উপার্জনে,
 শাসিব সব রাজারে ॥
 অগম্য যে পথ, কুবের পালিত,
 উত্তরে যাইব আমি ।
 শুনিয়া বচন, স্নেহ-আলিঙ্গন,
 করেন পাণ্ডব-স্বামী ॥
 করি শুভক্ষণ, আনি দ্বিজগণ,
 বেদ-বেদাঙ্গ যে জানে ।
 মঙ্গল-বচনে, মাধব-স্মরণে,
 মঙ্গল করে বিধান ॥
 রথ-গজ-বাজী, সেনাগণে সাজি,
 চলিল কটক-সাথে ।
 পূর্বদিকে ভীম, নকুল পশ্চিম,
 দক্ষিণে কনিষ্ঠ-ভ্রাতা ॥

অর্জুনের সেনা,	খেত-পীত নানা,	অফ-অহর্নিশ,	দৌহে উপবাসী,
বিবিধ-বাজন বাজে ।		বিপ্রায় না করে ক্ষণে ।	
শঙ্খের নিঃশব্দ,	গজের বৃংহণ,	দেখি ভগদত্ত,	রণে মহামত্ত,
শুনি কম্প ক্ষিতিমাঝে ॥		হাসিয়া বলে অর্জুনে ॥	
প্রথমে প্রবেশে,	কুলিন্দের দেশে,	নিবর্তহ রণ,	ইন্দ্রের নন্দন,
হেলায় জিনিল তারে ।		তুমি হও সখা-সুত ।	
কালকূট বজ্র,	জিনিয়া আনর্ত,	তোমার জনক,	ত্রিদশ-পালক,
হুমণ্ডল নৃপবরে ॥		সখা মম পুরুহুত ॥	
শাকল সূচীপে,	প্রতিবিদ্যা-নৃপে,	মনে ছিল ভ্রম,	তোমার বিক্রম,
জিনিল ক্ষণেকে রণে ।		জানিলাম এতদিনে ।	
প্রাগ্জ্যোতিষ-ধাম,	ভগদত্ত-নাম,	কিসের কারণ,	কর তুমি রণ,
বিখ্যাত রাজা ভুবনে ॥		হেথায় আইলা কেনে ॥	
তার যত সেনা,	না যায় গণনা,	বলে ধনঞ্জয়,	ধর্মের তনয়,
কিরাত কাননবাসী ।		কুরুকূলে হন রাজা ।	
বিপরীত মুখ,	সুধৃত ধনুক,	করিলেন ক্রতু,	চাহি এই-হেতু,
গুঞ্জাধার গলে ভূষি ॥		দিবা তাঁরে কিছু পূজা ॥	
করি কেশ গুটি,	বান্ধি উর্দ্ধ-ঋটি,	যদি মোর প্রতি,	হইয়াছে শ্রীতি,
বেষ্টিত বৃক্ষের লতা ।		তবে নিবেদন করি ।	
রণ-অভিলাষে,	ধায় সবে রোষে,	ক্ষম মম দোষ,	দেহ কিছু কোষ,
শুনিয়া সংগ্রাম-কথা ॥		প্রাগ্জ্যোতিষ-অধিকারী ॥	
ঘোর ডাক পাড়ে,	নানা-অস্ত্র ছাড়ে,	হরিষে রাজন,	দিল বহুধন,
হইল উভয়ে রণ ।		পার্থেরে পূজি বিশেষে ।	
ভগদত্ত-রাজ,	পুরুন্দরাস্বজ,	ল'য়ে তার পূজা,	পার্থ মহাতেজা,
মুখামুখি দুইজন ॥		চলিলেন অন্তদেশে ॥	
দৌহে ধনুর্ধর,	ফেলে নানা-শর,	বিবিধ-পর্কতে,	নৃপ শতে-শতে,
যাহার যতেক শিক্ষা ।		কতেক লইব নাম ।	
মারুত অনল,	সূর্য্য বহু জল,	দিয়া ধনরাশি,	কেহ মিলে আদি,
বিবিধ-মস্ত্রোতে দীক্ষা ॥		কেহ বা করে সংগ্রাম ॥	

উলুকের পতি,	বৃহস্পতি,	ইন্দ্রের কোণ্ডর,	ইন্দ্র-সম-সর,
করিল অনেক রণ ।		মারিলেক বহু যক্ষ ।	
মোদাপুর ধাম,	দেবক স্তম্ভাম,	পলাইল ডরে,	কহিল কুবেরে,
তিনে দিল বহুধন ॥		পুরে পশিল বিপক্ষ ॥	
রাজা সেনাবিন্দু,	দিল রক্ত-সিদ্ধু,	শুনি বৈশ্রবণ,	ল'য়ে বহু-ধন,
পৌরব-পর্বত-রাজা ।		পুঞ্জিল পাণ্ডুর স্রুতে ।	
লোহিত-মণ্ডল,	রাজা মহাবল,	স্নেহভাষে তায়,	করিল বিদায়,
করিল অনেক পূজা ॥		পার্ব যান তথা হৈতে ॥	
ত্রিগর্ত-মণ্ডলে,	জিনি বীর হেলে,	নগর হাটক,	নিবাসী গুহক,
সিংহপুরে সিংহরাজে ।		জিনি পাইলেন ধন ।	
বাহুলীক দরদ,	রাজা কোকনদ,	ল'য়ে রক্ত-ধন,	সানন্দিত-মন,
বৈসে কামগিরি মাঝে ॥		চলে অর্জুন তখন ॥	
অপূর্ব সে-দেশে,	নানাবর্ণ অশ্বে,	মানস যে সরং,	তথা বীরবর,
শুক-ময়ূরের রঙ্গে ।		দেখি হইলেন সুখী ।	
হর্ষে ধনঞ্জয়,	নিল অশ্চয়,	অমর-নগরী,	অঙ্গরী-কিন্নরী,
বিবিধ-রতন সঙ্গে ॥		কোটি-কোটি শশিমুখী ॥	
নৃপতি যবন,	কৈল মহারণ,	জিতেস্ত্রিয় বীর,	পার্ব মহাবীর,
হারিয়া ভজিল আসি ।		নাহি চান কারো পানে ।	
ভুবনে অপূর্ব,	দিল বহুদ্রব্য,	সেই সরোবাসী,	ছিল বহু ঋষি,
নানাবর্ণে রাশি-রাশি ॥		আশীষ করে অর্জুনে ॥	
তবে একে-একে,	জিনিয়া সবাকৈ,	তথা হৈতে চলি,	যান কুতূহলী,
উঠিল হেমন্ত-গিরি ।		অতিশয় শীত্ৰগামী ।	
তাহে যত ছিল,	হেলায় জিনিল,	সংগ্রামে প্রচণ্ড,	তেজেতে মার্ত্তণ্ড,
গন্ধর্ব-দানব-পুরী ॥		জিনিয়া ভারত-ভূমি ॥	
পর্বত কৈলাস,	কুবেরের বাস,	তাহার উত্তর,	যান বীরবর,
যক্ষ-রক্ষ কোটি-কোটি ।		হরিবর্ষ-নায়ে খণ্ড ।	
মানুষ-কিন্নর,	করিল সমর,	দেখি দ্বারপাল,	ধায় পালে-পাল,
হ'লেন জয়ী কীরীটা ॥		হাতে করি লৌহদণ্ড ॥	

দেখিয়া মানুষে, সর্বজন হাসে,
 অতি-অপরূপ বাসি ।
 বিস্মিত-অস্তুরে, কহে অর্জুনেরে,
 তুমি যে বড় সাহসী ॥
 মানব-শরীরে, আসিলে এথারে,
 কভু নাহি দেখি-শুনি ।
 নিবর্ত্তহ তুমি, অগম্য এ-ভূমি,
 কাহার শক্তি জিনি ॥
 ভারত-দিগন্ত, এলে শক্তিমন্ত,
 ভূমি কি ভ্রান্ত হইলে ।
 এ-পুর-উত্তর, কুরু নগর,
 এথায় কি-হেতু আইলে ॥
 দেখিতে না পাবে, যুদ্ধ কি করিবে,
 নাহি নরলোক-গতি ।
 কুস্তীর নন্দন, শুনিয়া বচন,
 বলেন দ্বারীর প্রতি ॥
 ধর্ম-নরবর, কজ্রিয়-ঈশ্বর,
 আমি তাঁর অনুচর ।
 তোমা না লজ্জিব, পুরে না পশিব,
 দেহ কিছু মোরে কর ॥
 শুনি ততক্ষণ, দ্বারপালগণ,
 অনেক রতন দিল ।
 ল'য়ে ধনঞ্জয়, সানন্দ হৃদয়,
 দক্ষিণ-মুখেতে গেল ॥
 আসিবার কালে, বহু-মহীপালে,
 জিনিয়া নিলেন কর ।
 বাঞ্চ-কোলাহলে, চতুরঙ্গ-দলে,
 চলিল নিজ-নগর ॥

মর্গ-মরকত, কনক-রজত,
 মুক্তা-প্রবাল-রাশি ।
 বিবিধ-বসন, গবাদি-বাহন,
 ল'য়ে কত দাস-দাসী ॥
 জয়-জয়-শব্দে, শব্দের নিনাদে,
 ইন্দ্রপ্রস্থে প্রবেশিল ।
 ইস্তের আশ্রজ, ত্যজি যুদ্ধসাজ,
 ধর্মরাজ-অগ্রে গেল ॥
 ভূমিতলে পড়ি, ছুই কর যুড়ি,
 দাণ্ডাইয়া কতদূরে ।
 করিয়া বিনয়, কহে ধনঞ্জয়,
 জয়বার্তা যুধিষ্ঠিরে ॥
 তোমার প্রতাপে, উত্তরের নৃপে,
 সবে আনলাম বশে ।
 সবে দিল কর, দেখ নৃপবর,
 পাইলাম যে-যে-দেশে ॥
 হরিষে রাজন, করি আশ্রয়,
 ভূষিলেন যুদ্ধভাষে ।
 আনিলেন যাধা, কোষে রাখি তাহা,
 পার্থ গেলা নিজবাসে ॥
 বীর ধনঞ্জয়, করি দিগ্বিজয়,
 ধরেন বিজয়-নাম ।
 কাশীরাম ভণে, শুনে যেইজনে,
 পুরে তার মনস্কাম ॥

১১। ভীষ্মের দিগ্বিজয় ।

পূর্বদিকে বৃকোদর বহুদৈত্য লৈয়া ।
 পাঞ্চাল-নগরে বীর উত্তরিল গিয়া ॥
 দ্রুপদ-নৃপতি হৃদে পাইয়া সন্তোষ ।
 রাজা যুধিষ্ঠির-হেতু দিলা বহুকোষ ॥

তথা হৈতে চলিলেন কুন্তীর কুমার ।
 বিদেহ-নগরে যান গণ্ডকীর পার ॥
 সে-দেশ জিনিয়া যান দশার্ণ-প্রদেশে ।
 সুধবানুপতি আসি পূজিল বিশেষে ॥
 তাঁর প্রতি হ'য়ে শ্রীত বীর রুকোদর ।
 সেনাপতি করিলেন সৈন্যের উপর ॥
 অশ্বমেধেশ্বর মহারাজ রোচমানে ।
 পরাজিত করিলেন সমর-প্রাঙ্গণে ॥
 রোচমানে পরাজিত করিয়া স্বরিতে ।
 পূর্বদেশ অধিকার লাগিল করিতে ॥
 পুলিন্দের নরপতি স্মিত্রিকে জিনি ।
 চেদিরাজ্যে প্রবেশিল পাণ্ডব-বাহিনী ॥
 যুধিষ্ঠির-আজ্ঞা আছে আসিবার কালে ।
 সম্প্রীতে মিলিহ ভাই, রাজা শিশুপালে ॥
 সেইহেতু শাস্তভাবে যান রুকোদর ।
 বার্তা শুনি শিশুপাল আইল সত্বর ॥
 আলিঙ্গন করিয়া কুশল জিজ্ঞাসিল ।
 দৌহে দৌহাকার নিজ-বারতা কহিল ॥
 গৃহে লৈয়া শিশুপাল বহুমান্য করি ।
 ত্রি-দশ-দিবস^১ রাখিলেন নিজপুরী ॥
 মহানন্দে রাজকর দেন শিশুপাল ।
 পরে জয় করে জেগীমান মহীপাল^২ ॥
 তথা হৈতে বীরবর গেল সে কোশলে ।
 পরাজিত করিলেন রাজা বৃহদলে ॥
 অযোধ্যা-নগরে রাজা দীর্ঘযজ্ঞ নাম ।
 তাহার সহিত বড় হইল সংগ্রাম ॥
 একদিন-সংগ্রামেতে তাহারে জিনিয়ে ।
 উত্তর-কোশলে যান ধন-রত্ন ল'য়ে ॥

তথাকার রাজগণে জিনি কুন্তীহৃত ।
 মল্লদেশে নিল কর পাঠাইয়া দূত ॥
 ভল্লাটের চতুর্দিকে শুক্তিমান গিরি ।
 সুবাহু-নামেতে রাজা কাশী-অধিকারী ॥
 সুপার্ব-নিকট রাজপতি ক্রোধ-আদি ।
 একে-একে সবে জিনি নিল রত্ননিধি ॥
 বৎসুদেশ-ভূপতিরে জিনি রুকোদর ।
 গেলেন উত্তরমুখে নিষাদ-নগর ॥
 শর্ম্মক-বর্ম্মকগণে জিনি মহাবীর ।
 জনক মিথিলাপতি মণিমস্ত ধীর ॥
 হেলায় জিনিয়া ক্রমে এতেক নৃপতি ।
 গিরিব্রজে শীঘ্র গেলা ভীম মণামতি ॥
 সহদেব নরপতি ল'য়ে বহুধন ।
 পূজা কৈল রুকোদরে করিয়া স্তবন ॥
 পুণ্ড্রাধিপ বাসুদেব কোশিকীর কূলে ।
 তথাকারে গেল বীর চতুরঙ্গ-দলে ॥
 তাহারে জিনিয়া রত্ন পাইল বহুত ।
 বঙ্গেতে সমুদ্রসেনে জিনে কুন্তীহৃত ॥
 চন্দ্রসেন রাজারে জিনিয়া মহাবীর ।
 আর যত রাজা বৈসে সমুদ্রের তীর ॥
 দিগন্ত পর্য্যন্ত ভীম জিনি রাজগণ ।
 পুনঃ গেল ইন্দ্রপ্রস্থে ল'য়ে বহুধন ॥
 অশুর-চন্দন ভোট-কঞ্চল-বসন ।
 লক্ষ-লক্ষ লইল মাতঙ্গ-বাজগণ ॥
 কনক রজত মুক্তা মাণিক্য প্রবাল ।
 নানাজাতি পশু সঙ্গ যায় পালে-পাল ॥
 সব নিবেদিল গিয়া ধর্ম্ম-নৃপবরে ।
 প্রণমিয়া সকলি কহিল বোড়করে ॥

আনন্দিত ধর্মসুত করি আলিঙ্গন ।
কহিলেন ভাণ্ডারে রাখিতে সব-ধন ॥
বৃকোদর চলিলেন আপনার বাস ।
ভীম-দিগ্বিজয় ভণে কাশীরাম দাস ॥

১২। সহদেবের দিগ্বিজয় ।

যাম্যদিকে সহদেব সৈন্যগণে লৈয়া ।
শুরসেন-রাজ্যে আগে উত্তরিল গিয়া ॥
প্রীতিভরে বহরত্ন দিল নরপতি ।
মৎস্যদেশে হেলায় জিনিল মহামতি ॥
অধিরাজ দস্তবক্র মহাবলধর ।
সংগ্রামে জিনিয়া বীর নিল বহু কর ॥
অকুমার হুমিত্রে জিনিল দুই নৃপে ।
গোশূদ্রে জিনিল বীর নিষাদ-অধিপে ॥
শ্রেণীমান্ন রাজাকে জিনিল অবহেলে ।
কুস্তিভোজ-রাজ্যে গেলা চতুরঙ্গ-দলে ॥
রাজা কুস্তিভোজ সহদেবের শাসন ।
শিরোধার্য করিলেন হ'য়ে প্রীতমন ॥
অবস্তী-নগরে বিন্দ-অনুবিন্দ রাজা ।
নানা-ধন দিয়া সহদেবে কৈল পূজা ॥
বিদর্ভ-নগরে চলি গেলা পাণ্ডুসুত ।
ভীষ্মক-নৃপতি-স্থানে পাঠাইলা দূত ॥
ভীষ্মক জানিল ইহা গোবিন্দের প্রীত ।
নানারত্নে সহদেবে পূজে যথোচিত ॥
কান্তার-কোশলাধিপ নাটকেয় আর ।
হেরষ মারুধ আর যুগ্মগ্রাম সার ॥
বাতাধিপ পাণ্ড্যদেশ জিনিল সকল ।
কিঙ্কিয়া প্রবেশ কৈল তবে মহাবল ॥

মৈন্দ ও দ্বিবিদ-নামে দুই কপিপতি ।
পরসৈন্য দেখিয়া ধাইল শীঘ্রগতি ॥
শিলা-বৃক্ষ লইয়া সহিতে কপিগণ ।
বানর-অনুষ্যে তথা হৈল মহারণ ॥
সপ্ত-দিবারাত্র যুদ্ধ সহদেব-সনে ।
দেখি দুই কপিপতি প্রীত হৈল মনে ॥
জিজ্ঞাসিল কে তুমি, আইলা কি-কারণ ।
সহদেব কহিল সকল বিবরণ ॥
বানর বলিল, এই কিঙ্কিয়া-নগরী ।
অনুষ্যের কি শক্তি যে, ইথে হয় অরি ॥
ধর্মপুত্র যুধিষ্ঠির যজ্ঞ আরম্ভিবে ।
আমি কর নাহি দিলে যজ্ঞে বিঘ্ন হবে ॥
সে-কারণে দিব ধন, লৈতে পার যত ।
এত বলি রত্নরাজি দেয় শত-শত ॥
যত রত্ন পেল বীর, দিল পাঠাইয়া ।
মাহিষ্মতীপুরে বীর উত্তরিল গিয়া ॥
মাহিষ্মতীপুরে ছিল নীল-নামে রাজা ।
পরপক্ষ শুনিয়া ধাইল মহাতেজা ॥
সহদেব-সহিত হইল মহারণ ।
নীল-ভূপতির সেনাপতি হুতাশন ॥
বিপক্ষ দেখিয়া অগ্নি নিজ-মূর্তি ধ'রে ।
সর্ব-সৈন্য দহে সহদেবের গোচরে ॥
দাবানলে বন যেন করয়ে দহন ।
দেখিয়া বিস্ময় মানে পাণ্ডুর নন্দন ॥

জন্মেজয় বলে, কহ ইহার কারণ ।
যজ্ঞেতে বাধক কেন হৈল হুতাশন ॥
মুনি বলে, নীলরাজ সদা যজ্ঞ করে ।
তাহার তনয়া আগে পূজে বৈশ্বানরে ॥

যতক্ষণ নাহি পূজে তাহার নন্দিনী ।
 ততক্ষণ প্রত্নলিত নাহি হয় অগ্নি ॥
 বিশ্বাধর-মুখ-চন্দ্র দেখিয়া তাহার ।
 কামানলে দহে অঙ্গ অগ্নি-দেবতার ॥
 দ্বিজমূর্তি হৈয়া অগ্নি গেল তার পাশে ।
 মধুর-বচন বলি কন্ঠারে সম্ভাষে ॥
 শুনিয়া নৃপতি ক্রোধে হইল প্রচণ্ড ।
 আজ্ঞা কৈল করিবারে পরদার-দণ্ড ॥
 ক্রোধেতে আপন-মূর্তি ধরে বৈশ্বানর ।
 আন্তে-ব্যস্তে উঠি স্তব করে নরবর ॥
 হৃষ্ট হ'য়ে কন্ঠাদান ভূপতি করিল ।
 সম্ভুষ্ট হইয়া অগ্নি রাজারে বলিল ॥
 বর মাগ নরপতি, যেবা লয় মনে ।
 রাজা বলে, সন্না মম থাকিবা সদনে ॥
 পরচক্র যেন মোরে নহে বলবান্ ।
 এই বর মাগি, আজ্ঞা কর ভগবান্ ॥
 সম্ভুষ্ট হইয়া অগ্নি বর দিল তায় ।
 কন্ঠা-সহ বৈশ্বানর রহিল তথায় ॥
 যতেক নৃপতি আসে না জানি এমন ।
 মাহিষ্মতী-পূরে গেলে অবশ্য মরণ ॥
 ভয়েতে তথায় আর কেহ নাহি যায় ।
 নিকটকে রাজ্য ভুঞ্জে নীল-নররায় ॥
 সহদেব-সৈন্য দহে দেব-হুতাশন ।
 সহিতে না পারি ভঙ্গ দিল সর্বজন ॥
 অচল পর্বত-প্রায় মদ্রহুতাহত ।
 বিশ্বয় মানিল বীর দেখিয়া অমৃত ॥
 হৃদয়ে চিস্তিল এই দেব হুতাশন ।
 অস্ত্র-শস্ত্র ত্যজি বীর করয়ে স্তবন ॥
 জাতবেদা, বেদ-হেতু তোমার উৎপত্তি ।
 পাণহস্তা তব নাম, সর্ব্বঘটে স্থিতি ॥

রুদ্রগর্ভ জলোদ্ভব বায়ুসখা শিখী ।
 চিত্রভানু বিভাবস্থ নাম পিত্র-আধি ॥
 তোমা আরাধিলে ভুঙ্ক দেব-পিতৃগণ ।
 যুধিষ্ঠির যজ্ঞ করে এই সে কারণ ॥
 নিজ-ভক্তে বিষয় করা নহে সমুচিত ।
 জগতে বিখ্যাত তুমি, সবা-কার হিত ॥
 সহদেব-স্তুতিবশে দেব হুতাশন ।
 নিবর্তিয়া শাস্ত্রমূর্তি হইল তখন ॥
 আশ্বাসিয়া সহদেবে বলে বৈশ্বানর ।
 উঠ-উঠ পাণ্ডুপুত্র, না করিহ ডর ॥
 এই নীলরাজপুর আমার রক্ষণে ।
 তব সেনা দহিলাম এই সে কারণে ॥
 তুমি প্রিয়পাত্র মম, ক্ষমিহু তোমারে ।
 জানিবে, তোমার কার্য্য করিব সাদরে ॥
 রাজারে বলিলা, পূজা কর সহদেবে ।
 নানারত্ন-ধন দিয়া পরম-গৌরবে ॥
 তবে নীলরাজ তারে পূজিল বিশেষে ।
 তথা হৈতে গেল বীর ত্রিপুরের দেশে ॥
 কৌশিক-স্বরাষ্ট্র-ভোজ-কটকে পশিল ।
 ভীষ্মক-নন্দন রুদ্র-সহ যুদ্ধ হৈল ॥
 যুদ্ধে হারি দিল কর বহুরত্ন-ধন ।
 শূর্পাকর দেশে গেল দণ্ডক-কানন ॥
 সমুদ্রের তীরে শ্লেচ্ছ-কিরাত-বসতি ।
 ক্ষণমাত্রে সবারে জিনিল মহামতি ॥
 রাক্ষস আছয়ে বহু তাহার দক্ষিণে ।
 অনেকে মারিল বীর পাণ্ডুর নন্দনে ॥
 তথা হৈতে গেল বীর দেশ দীর্ঘকর্ণ ।
 অতিদীর্ঘ দুই কর্ণ, শরীর বিবর্ণ ॥
 কালমুখ-হুম্বমুখ-কোলগিরি-আদি ।
 বহু রাজা জিনিয়া আনিল রত্ন-নিধি ॥

তাত্ত্বীপ রামগিরি জিনি অবহেলে ।
 একপাদ-দেশে গেল অতি কুতূহলে ॥
 রাজ্যের যতক লোক সবে একঠ্যাঙ্গ ।
 অস্ত্র-ধনু হাতে করি চলে যেন ব্যাঙ্গ ॥
 সঞ্জয়স্তী-নগরীর ভূপতিকে জিনি ।
 কর্ণাট কলিঙ্গ পাণ্ড্য যত নৃপমণি ॥
 দ্রাবিড় কেরল ওড় আটবীর রাজা ।
 দূতমুখে শুনি সবে আসি কৈল পূজা ॥
 সেতুবন্ধ-দক্ষিণে সমুদ্রতীরে গিয়া ।
 বিভীষণ-কাছে দূত দিল পাঠাইয়া ॥
 সময় বুঝিয়া তবে রাক্ষস-ঈশ্বর ।
 আজ্ঞা ল'য়ে ধন-রত্ন দিল বহুতর ॥
 তথা হৈতে নিবন্তিল মাদ্রীর নন্দন ।
 আনন্দেতে ইস্ত্র প্রস্থে করিল গমন ॥
 ধন-রত্ন নিবেদিল ধর্মের নন্দনে ।
 কহিল সকল বার্তা; আনন্দিত-মনে ॥
 দক্ষিণে পাণ্ডব-জয় যেই-জন শুনে ।
 সর্বত্র তাহার জয়, কাশীরাম ভণে ॥

১৩। নকুলের দিগ্বিজয় ।

পশ্চিম-দিকেতে তবে গেলেন নকুল ।
 গজ-বাজি-রথ-রথি-পদাতি বহুল ॥
 সিংহনাদ শঙ্খধ্বনি ধনু-ক-টঙ্কার ।
 রথের নির্ঘোষে স্তব্ধ সকল সংসার ॥
 রোহিতক-দেশে ছিল যেই নরপতি ।
 প্রথমে হইল যুদ্ধ তাহার সংহতি ॥
 রাজার সমরসথা ময়ূর-বাহন ।
 তাহার যতক সৈন্য সব শিখিগণ ॥
 অপ্রমিত-যুদ্ধ কৈল নকুলের সঙ্গে ।
 যেমত সংগ্রাম হয় নকুল-ভুজঙ্গে ॥

ক্রোধেতে বায়ব্য অস্ত্র নকুল এড়িল ।
 মহাবাতাঘাতে শিখী ভয়ে পলাইল ॥
 অনল-অস্ত্রেতে বীর পোড়াইল পাখা ।
 ভঙ্গ দিল সব শিখী, রাজা হৈল একা ॥
 ভয় পেয়ে কর আনি দিলেন রাজন্ ।
 তথা হৈতে বীরবর করিল গমন ॥
 মালব শৈরীষ শিবি বর্বর পুষ্কর ।
 এ-সব দেশেতে ছিল যত নৃপবর ॥
 একে-একে সব-নৃপে জিনিল নকুল ।
 দিগন্তে গেলেন বীর সিঙ্খনদী-কুল ॥
 সরস্বতী-তটে আছে যতক রাজন্ ।
 সবারে জিনিল বীর মাদ্রীর নন্দন ॥
 থরক কণ্টক আর পঞ্চনদ-দেশ ।
 জিনিয়া সৌতিকপুর করিল প্রবেশ ॥
 বৃন্দারক-দ্বারপাল-আদি নরপতি ।
 প্রতিবিন্ধ্য-রাজা-আদি সকল নৃপতি ॥
 যেখানে যে নরপতি যতজন বৈসে ।
 আনাইল দূত পাঠাইয়া দেশ-দেশে ॥
 দ্বারকা-নগরে তবে পাঠাইল দূত ।
 শুনিয়া হ'লেন হৃষ্ট দেবকীর সূত ॥
 ধর্ম-আজ্ঞা পেয়ে কৃষ্ণ শিরোপরি করি ।
 পাঠাইল বহুধন শকটেতে ভরি ॥
 একে-একে সর্বদেশে জিনিয়া নকুল ।
 মদ্রদেশে গেল, যথা আপন-মাতুল ॥
 শল্য-নরপতি তবে শুনি সমাচার ।
 ভাগিনেয়ে আনি দেয় বহু পুরস্কার ॥
 প্রীতি-আচরণে তাঁরে আনিলেন বশে ।
 সমুদ্রের তীরে তবে গেল স্নেহদেশে ॥
 দারুণ দুর্দাস্ত তথা নিবসে যবন ।
 সবারে জিনিয়া বীর লইলেক ধন ॥

বড়-বড় রাজগণ যথা-যথা বৈসে ।
 সবারে জিনিল বীর চক্ষুর নিমিষে ॥
 একে-একে জিনিল সকল নৃপবরে ।
 করদাতা করিয়া চলিল নিজ-ঘরে ॥
 বহুধন জিনিয়া লইল মহামতি ।
 বহয়ে প্রচুর ধন যত মত্তহাতী ॥
 জয়-জয় শব্দ করি বীর কোলাহলে ।
 প্রবেশিলা ইন্দ্রপ্রস্থে চতুরঙ্গ-দলে ॥
 দেশে-দেশে জিনিয়া আনিল যত ধন ।
 ধর্মের নন্দনে আসি কৈল নিবেদন ॥
 যত ধন-রত্ন সব ভাণ্ডারে রাখিয়া ।
 সম্মুখে দাঁড়াল বীর কৃতাজলি হৈয়া ॥
 আজ্ঞা ল'য়ে গেল বীর আপন-আলয় ।
 পৃথিবী আনিল বশে ধর্মের তনয় ॥
 পাণ্ডব-বিজয়-কথা শুনে যেইজন ।
 সর্বত্র তাহার জয়, যথায় গমন ॥
 সভাপর্ক সুধারস ব্যাস-বিরচিত ।
 কানীরাং দাস কহে, রচিয়া সঙ্গীত ॥

ব্যাধিত্তর অগ্নিতর নাহি সেই-দেশে ।
 ধর্মহৃত স্বয়ং ধর্ম যে-দেশে নিবসে ॥
 ধন-ধান্য-জনে পূর্ণ হইল সংসার ।
 ধন্য-ধন্য-বিনা ধর্মি নাহি শুনি আর ॥
 ধনাগারে নাহি ধন রাখিবার স্থান ।
 অর্কব্দ অর্কব্দ গাভী দুগ্ধ করে দান ॥
 ঐশ্বর্য্য-প্রাচুর্য্য দেখি ধর্মের নন্দন ।
 ভাবিলা যজ্ঞের এই অতি-শুভক্ষণ ॥
 ভ্রাতা মন্ত্রী হুহুদ যতেক বজ্রগণ ।
 যজ্ঞ কর মহারাজ, বলে সর্বজন ॥
 পৃথিবীর যত রাজা মিলিল তোমারে ।
 তোমার অসাধ্য নাহি এই চরাচরে ॥
 যজ্ঞের সময় এই শুভ মহাশয় ।
 সময়ে না করিলে না হয় ফলোদয় ॥
 এইমত নৃপ-প্রতি বলে সর্বজন ।
 হেনকালে উপনীত কৃষ্ণ সনাতন ॥
 সভাপর্ক ভারতের অপূর্ব্ব-কথন ।
 কাশী কহে, একমনে শুন সর্বজন ॥

১৪। সুধীরের রাজত্ব-বর্ণন ।

করদায়ী করি যত নৃপতি-মণ্ডলে ।
 ধর্মরাজ আরস্তিল যজ্ঞ কুহুহলে ॥
 সত্যপ্রিয়, ধর্মরক্ষা, প্রজার পালন ।
 দুই চোর দস্যু আর বৈরীর শাসন ॥
 নিরবধি যজ্ঞ-মহোৎসব হয় দেশে ।
 সময় জানিয়া তথা জীমূতা বরিষে ॥
 বহু-দুগ্ধবতী গাভী, শস্য চতুর্গণ ।
 স্বপনেও প্রজাগণ না জানে বিগুণ ॥

১৫। ইন্দ্রপ্রস্থে শ্রীকৃষ্ণের আগমন ।

শারদ-কমল-পত্র, অরুণ-মুগল নেত্র,
 প্রতিমূলে মকর-কুণ্ডল ।
 বিকসিত মুখপদ্ম, কোটি-স্বধাকর-সম্মত,
 ওষ্ঠাধর অরুণ-মণ্ডল ॥
 তনুরুচি নীলাম্বুজ, আজানুলম্বিত ভূজ,
 ঘোরতর-তিমির-বিনাশ ।
 মস্তকে মুকুট-শোভা, শত-দিবাকর-প্রভা,
 কনক-বরণ পীতবাস ॥

যুগ্মপদ কোকনদ, অখিল-অভয়-প্রদ, পাণ্ডব-নক্ষত্রমাঝ, কৃষ্ণ যেন দ্বিজরাজ,
 স্মরণে হরয়ে ভববাদ । বসিল সভায় সর্বজন ।
 যেই পদ অহর্নিশ, ধ্যানে ধ্যায় অজ ঈশ, বসিয়া গোবিন্দ-পাশে, যুধিষ্ঠির যুহুভাসে,
 শুক ধ্রুব নারদ প্রহ্লাদ ॥ কহিছেন বিনয়-বচন ॥
 পাদপদ্ম মোক্ষনিধি, যাহে জন্মে স্মরনদী, তব অনুগ্রহ-বলে, এ-ভারত-ভূমিতলে,
 ত্রিভুবন-পবিত্র-কারণ । না রহিল অসাধ্য আমার ।
 যাঁর পদচিহ্ন পেয়ে, অন্তরে অভয় হ'য়ে, আমি না করিতে যত্ন, মিলিল অনেক রত্ন,
 কালীয় বিহরে যথামন ॥ নাহি স্থল থুইতে ভাণ্ডার ॥
 অঘ বক কেশী কংস, দুর্ভজন-দর্প-ধ্বংস, নিশ্চয় আমারে যদি, রূপা আছে গুণনিধি,
 বৃষ্ণিবংশ সার্থক করিল । দ্রব্যসব রাখি কোন্ স্থলে ।
 স্বভক্ত-কুমুদ-ইন্দু, পাণ্ডবগণের বন্ধু, শুনিয়া তোমার মুখে, তুষিব অমরলোকে,
 নিজরূপে অখিল সৃজিল ॥ দ্বিজহস্তে সমর্পি সকলে ॥
 চড়িয়া গরুড়-ধ্বজে, অগণিত অশ্ব-গজে, পিতৃ-আজ্ঞা হৈতে তরি, স্বর্গকাম নাহি করি,
 চতুরঙ্গদলে যত্নবলে । তব পদাস্থজ মাগি ভিক্ষা ।
 ধর্মরাজ-প্রীতি-হেতু, লইয়া রতনসেতু^১, ওহে প্রভু মহাভূজে, শুনি তব মুখাস্থজ,
 আসিলেন বাণ্ড-কোলাহলে ॥ লইব যজ্ঞের আমি দীক্ষা ॥
 পাঞ্চজন্তু-নাদ শুনি, নগরে হইল ধ্বনি, যদি লয় তব মন, আজ্ঞা কর জনার্দন,
 হরি আইলেন ইন্দ্রপ্রস্থে । নিমন্ত্রিয়া আনি নৃপবর ।
 শুনি ধর্ম-অধিকারী, পাঠাইল আশুসরি, রাজার বিনয় শুনি, কোমল-গস্তীর-বাণী,
 ভ্রাতৃ-মন্ত্রিগণে আস্তে-ব্যস্তে ॥ আশ্বাসি কহেন গদাধর ॥
 ভীম পার্শ্ব অনুভ্রজি, গোবিন্দে যড়জেং পূজি, এ-মহীমণ্ডল-মাঝ, যত আছে মহারাজ,
 লইয়া গেলেন নিজ-ধাম । তব গুণে বশ হৈবে সবে ।
 ধর্মের নন্দনে দেখি, ত্রীকৃষ্ণ দূরেতে থাকি, আমার পরম-ভাগ্য, নিষ্কণ্টকে কর যজ্ঞ,
 ভূমে লুটি করেন প্রণাম ॥ রাজসূয় তোমারে সম্ভবে ॥
 অসংখ্য অমূল্য ধন, করিলেন বিতরণ, আমা হৈতে যেই হয়, আজ্ঞা কর মহাশয়,
 অশ্ব গজ গাভী অগণিত । আর যত আছে যত্নগণ ।
 ধর্ম আনন্দিত হৈয়া, কৃষ্ণে আলিঙ্গন দিয়া, ভ্রাতৃ-মন্ত্রি-বন্ধুমাঝে, যে-কর্ম যাহারে সাজে,
 পূজিলেন যেমত বিহিত ॥ স্থানে-স্থানে করি নিয়োজন ॥

১। রত্ন-রাজি । ২। হস্তমাদি যট-অঙ্গ দ্বারা (বাহুদয়, কট ও মস্তক) প্রণাম করিয়া ; দ্বিতীয়তঃ গোবৃন্দ, গোময়, দধি, হুঙ্গ, ঘৃত ও গোমোচনা এই ছয় মাকল্য-দ্রব্য দ্বারা পূজা করিয়া ।

গোবিন্দের আজ্ঞা পেয়ে, ভূপতি সানন্দ হ'য়ে,
কৃতাজ্জলি করেন স্তবন ।
তখন জানি যে আমি, যখন আইলা তুমি,
মনোবাঞ্ছা হইল সাধন ॥
তোমাতে যে ভক্তি ঋদ্ধি, ভক্তবাঞ্ছা করে সিদ্ধি,
ভক্তজনে তুমি কৃপাবান্ ।
কাশীরাম বলে, যদি, তরিবা এ-ভবনদী,
ভজ সাধু, দেব-ভগবান্ ॥

১৬। রাজহর-বজ-প্রসঙ্গ ।

তবে রাজা যুধিষ্ঠির হ'য়ে হৃষ্টমন ।
সহদেবে ডাকি আজ্ঞা করেন তখন ॥
ধোম্য-পুরোহিত-স্থানে জিজ্ঞাসহ আগে ।
রাজসূয়-যজ্ঞেতে যতেক দ্রব্য লাগে ॥
যে-কিছু কহেন ধোম্য, কর সমাবেশ ।
দ্বিগুণ করিয়া দ্রব্য করহ বিশেষ ॥
পৃথিবীতে আছেন যতেক রাজগণ ।
সবাক্ষবে সবাকারে কর আমন্ত্রণ ॥
দ্বিজ কুল বৈশ্য শূদ্র এই চারি-জাতি ।
নিমন্ত্রিতে দূতগণ যাউক ঝটিতি ॥
ইন্দ্রসেন বিশোক ও অর্জুন-সারথি ।
তিন-জনে সংগ্রহ করুক ভক্ষ্য-বিধি ॥
ব্রাহ্মণগণের প্রিয়কার্য সাধিবারে ।
আন ভাল-ভাল বস্ত্র কাতারে-কাতারে ॥
চর্ব্য চুষ্য লেহ্য পেয় কর বহুতর ।
রস-গন্ধ-আদি যত দ্রব্য মনোহর ॥
যে যাহা চাহিবে, তাহা না করিবা আন ।
শীঘ্রগতি নিয়োজন কর স্থানে-স্থান ॥

১। ঐশ্বর্য, জীয়ক্তি ।

দ্বিজগণে নিমন্ত্রিতে সত্যবতী-সুত ।
রাজ্যে-রাজ্যে প্রেরণ করুন নিজদূত ॥
সহদেবে আজ্ঞা দিয়া ধর্ম-নরপতি ।
পুনরপি কৃষ্ণে আনি জিজ্ঞাসে যুক্তি ॥
আপনি বুঝিয়া আজ্ঞা কর নারায়ণ ।
কোন্-কোন্ জনেরে করিব নিমন্ত্রণ ॥
পূর্বেতে নারদ-মুনি সভাতে কহিল ।
হরিচন্দ্র রাজা রাজসূয়-যজ্ঞ কৈল ॥
সপ্তদ্বীপা পৃথিবীতে বৈসে যতজন ।
সবাকারে আনিল করিয়া নিমন্ত্রণ ॥

শ্রীকৃষ্ণ বলেন, হরিচন্দ্রের যে যাগ ।

তাহা হৈতে বিশেষ করহ মহাভাগ ॥
তাঁর যজ্ঞে এল যত পৃথিবী-রাজন ।
ত্রিভুবন-লোক তুমি কর নিমন্ত্রণ ॥
ইন্দ্র-যম-বরুণ কুবের-আদি-স্বরে ।
আর যত দেবগণ বৈসে সুরপুরে ॥
পাতালেতে নাগরাজ শেষ বিষধর ।
পৃথিবীতে বৈসে যত রাজরাজেশ্বর ॥
যুধিষ্ঠির বলিলেন, কর অবধান ।
কোন্ দূত নিমন্ত্রিতে যাবে কোন্ স্থান ॥
করিতে দেবেন্দ্র-আদি দেবে নিমন্ত্রণ ।
স্বর্গেতে যাইতে শক্ত হৈবে কোন্ জন ॥

গোবিন্দ বলেন, নাই অন্যের শক্তি ।

দেবে নিমন্ত্রিতে যাবে পার্থ মহারথী ॥
অগ্নিদত্ত রথ যেই কপিধ্বজ-নাম ।
চারি খেত-অশ্ব বার লোকে অনুপাম ॥
সে-রথের অগম্য নাহিক ত্রিভুবনে ।
তিনলোক ভ্রমিবারে পারে একদিনে ॥

সেই রথে চড়ি পার্থ, করহ গমন ।
 উত্তর-দিকেতে গিয়া কর নিমন্ত্রণ ॥
 পর্বতে যে আছে রাজা কানন-ভিতরে ।
 মনুষ্যের কিবা সাধ্য, পক্ষী যেতে নারে ॥
 সে-সকল রাজগণে করি নিমন্ত্রণ ।
 কৈলাস-পর্বতে যাবে, যথা বৈশ্রবণ্য ॥
 তাঁরে নিমন্ত্রিয়া তথা উপদেশ লবে ।
 মনুষ্য-অগম্য স্বর্গ, কেমনেতে যাবে ॥
 ইন্দ্রসহ ইন্দ্রপুরে যত দেবগণ ।
 দেব-ঋষি ব্রহ্ম-ঋষি বৈলে যতজন ॥
 সবে নিমন্ত্রিয়া যাহ বরুণের পুরী ।
 তথা হৈতে যাহ, যথা মৃত্যু-অধিকারী ॥
 তব কশ্মে আসিবেক ত্রৈলোক্য-মণ্ডল ।
 বিশেষ তোমারে স্নেহ করে আখণ্ডল ॥
 প্রতিমাত্র যজ্ঞে করিবেন আগমন ।
 ইন্দ্র এলে না আসিবে, নাহি হেনজন ॥
 দেবতা গন্ধর্ব্ব দৈত্য সিদ্ধ সাধ্য ঋষি ।
 পর্বত-সমুদ্রে যত অস্তরীক্ষ-বাসী ॥
 যারে দেখ, তাহারে করিবা নিমন্ত্রণ ।
 লক্ষা গিয়া বিভীষণে করিবা বরণ ॥
 পরম-বৈষ্ণব হয় রাক্ষসের পতি ।
 মম ভক্ত অনুরক্ত ধার্মিক হুমতি ॥
 বার্তা পেয়ে সেইক্ষণে পাঠাইবে চর ।
 দূতমুখে নিমন্ত্রিলে আসিবে সত্বর ॥
 তথাপি যাইবে ভূমি অন্যে নাহি কাজ ।
 ইন্দ্রের সদৃশ গণি রাক্ষসের রাজ ॥
 নিমন্ত্রিয়া তাঁরে ভূমি আইস সত্বরে ।
 আর যে-যে নরপতি দুর্ভবুজি ধরে ॥

নিমন্ত্রণ পেয়ে যে না আসিবে এখায় ।
 বন্ধন করিয়া শীত্র আনিবে তাহায় ॥
 আর তিনদিকেতে যাউক দূতগণ ।
 মহীপালগণে করিবারে নিমন্ত্রণ ॥
 এতেক বলেন যদি দেব-দামোদর ।
 শীত্রগামী দূতগণে ডাকেন সত্বর ॥
 রাজগণে লিখিলেন যজ্ঞ-বিবরণ ।
 দ্বিজ কুল বৈশ্য শূদ্র আছে যত-জন ॥
 নিজ-নিজ-রাজ্য হৈতে সকলে আসিবে ।
 রাজসূয়-যজ্ঞে আসি উৎসব দেখিবে ॥
 এইরূপে তিন-দিকে পাঠাইয়া দূত ।
 উত্তরে করেন যাত্রা নিজে ইন্দ্রহুত ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১৭। রাজহর-যজ্ঞ-আরম্ভ ।

পাইয়া রাজার আজ্ঞা মদ্রহুতাহুত ।
 আনাইল শিল্পিগণে পাঠাইয়া দূত ॥
 নানারত্ন দিল সবে বিরচিত ঘর ।
 কোটি-কোটি শিল্পিগণ গড়ে নিরস্তর ॥
 দেবের মন্দির যেন রত্নেতে নির্ম্মিত ।
 হেম-রত্ন-মুকুতায় করিল মণ্ডিত ॥
 এক-এক পুরমধ্যে শত-শত ঘর ।
 তাহাতে রাখিল ভোজ্য-পেয় বহুতর ॥
 আসন বসন শয্যা রাখে গৃহে-গৃহে ।
 বাগী-কুপ জলপূর্ণ, গন্ধে মন মোহে ॥
 কনক-রজত-পাত্রে করিতে ভোজন ।
 প্রতিপুরে নিয়োজিল ভৃত্য-শত-জন ॥

লক্ষ-লক্ষ-গৃহ কৈল মনোহর স্থল ।
নানারূপ রোপিল সহিত-ফুলফল ॥
দিব্য-দিব্য কৈল গৃহ চারি-বর্ণ-ক্রম ।
অপূর্ব নির্মাণ কৈল লোকে অমুপম ॥
পেয়-ভোজ্য নিয়োজিল ইন্দ্রসেন-আদি ।
অষ্টদিক্ হৈতে দ্রব্য আসে নিরবধি ॥
হস্তী উষ্ট্র শকটে আইসে লক্ষ-লক্ষ ।
বৃষভে নৌকায় আসে যত দ্রব্য ভক্ষ্য ॥
রাত্রি দিবা সায়াং প্রাতঃ নাহিক বিজ্ঞাম ।
নানাদিক্ হৈতে আসে দ্রব্য অবিরাম ॥
ময়-বিরচিত সভা অপূর্ব-নির্মাণ ।
স্বরাস্তর-মুনি করে যাহার বাধান ॥
তথিমধ্যে ধর্মরাজ যজ্ঞ আরম্ভিল ।
দ্বিজ-মুনিগণ সব দীক্ষা করাইল ॥
আপনি ব্রহ্মাঙ্ক করিলেন বৈশ্যায়ন ।
সামগ হইল ধনঞ্জয়-তপোধন ॥
হোতা হৈল ধোম্য, পৈল, আর দ্বিজগণ ।
অন্য-অন্য কর্মে অন্য-মুনি-নিয়োজন ॥
নকুলেরে কহিলেন ধর্ম-নরপতি ।
হস্তিনা-নগরে তুমি যাহ শীত্রগতি ॥
ভীষ্ম দ্রোণ জ্যেষ্ঠতাত বিদুর-সহিত ।
কৃপ অশ্বখামা দুর্যোধন স-সুহৃৎ ॥
বাহ্লীক সঞ্জয় ভূরিশ্রাব্য সোমদত্ত ।
শত-ভাই কর্ণ-সহ রাজা জয়দ্রথ ॥
গান্ধারী প্রভৃতি রাজপত্নী-সমুদায় ।
আর যে আইসে স্নেহ করিয়া আমায় ॥
শীত্রগতি গিয়া তুমি আনহ সবারে ।
চলিল নকুল-বীর হস্তিনা-নগরে ॥

যজ্ঞের সংবাদ জানাইল সবাকারে ।
বাল-বৃদ্ধ-নারী-আদি যত কুরুপুরে ॥
হৃষ্টচিত্ত হইয়া চলিল সর্বজন ।
দ্বিজ কত্র-বৈশ্য-শূদ্র-আদি প্রজাগণ ॥
রাজসূয় যজ্ঞ শুনি আনন্দিত হৈয়া ।
চলিল সকল-লোক হস্তিনা ছাড়িয়া ॥
হস্তী রথ অশ্ব পত্তি করিয়া সাজন ।
চতুরঙ্গ-দলেতে চলিল কুরুগণ ॥
ইন্দ্রপ্রস্থে প্রবেশিল নকুল-সহিত ।
দেখি যুধিষ্ঠির জিজ্ঞাসেন হিতাহিত ॥
ভীষ্ম দ্রোণ বিদুর বাহ্লীক অন্ধরাজে ।
আগুসরি আনিলেন আপন-সমাজেং ॥
সবারে কহেন পার্শ্ব বিনয়-বচন ।
এ-কার্য আপন, হেন করিবে গণন ॥
পিতামহে বলিলেন ধর্মের তনয় ।
আপনি বিধান বুঝি কর মহাশয় ॥
যাহা হৈতে যেই কার্য হইবে সাধন ।
স্থানে-স্থানে সে সবারে কর নিয়োজন ॥
ভীষ্ম যুধিষ্ঠির-সহ করিয়া বিচার ।
উপযুক্ত বুঝিয়া দিলেন কর্তব্যভার ॥
কর্তব্যাকর্তব্য ভীষ্ম-দ্রোণে অধিকার ।
দুর্যোধনে সমর্পিল সকল ভাণ্ডার ॥
ভক্ষ্য-ভোজ্য-অধিকার দেন দুঃশাসনে ।
ব্রাহ্মণ-পূজার ভার গুরু-নন্দনে ॥
রাজগণে গৃহিবারে দিলেন সঞ্জয়ে ।
দ্বিজেরে দক্ষিণা দিতে কৃপ-মহাশয়ে ॥
দান দিতে দিলেন কর্ণেরে অধিকার ।
আপনি নিলেন কৃষ্য পরিচর্যা-ভার ॥

ধৃতরাষ্ট্র সোমদত্ত প্রতীপ-কোঙর ।
 তিনজন গৃহকর্তা হৈল সর্বেশ্বর ॥
 সভা রাখিবারে দ্বারী কৈল নিয়োজন ।
 পূর্বদ্বারে নিয়োজিল মহারথিগণ ॥
 সহস্র-সহস্র রথী সঙ্গে তরবার ।
 মহাবীর ইন্দ্রসেন রাখে পূর্বদ্বার ॥
 উত্তর-দ্বারেতে অনিরুদ্ধে নিয়োজিল ।
 ঘাইট-সহস্র যোদ্ধা তার সঙ্গে দিল ॥
 সাত্যকিরে দক্ষিণ-দ্বারেতে নিয়োজিল ।
 বিংশতি-সহস্র রথী সঙ্গেতে রহিল ॥
 পশ্চিম-দ্বারেতে বীর ধৃতরাষ্ট্রহৃত ।
 তার সঙ্গে দিল রথী যুগল-অযুত ॥
 হাতেতে নিগড়ং বেতে ল'য়ে সর্বজন ।
 নানা-অস্ত্র ল'য়ে করে দ্বারের রক্ষণ ॥
 বলাবল বুঝিবারে রহে বৃকোদর ।
 একলক্ষ রথী সঙ্গে ভ্রমে নিরন্তর ॥
 রাজগণ-আগমন জ্ঞাত করিবারে ।
 অধিকার দিল দুই মাদৌর কুমারে ॥
 এইমত সবা করে করি নিয়োজন ।
 আরম্ভ করেন যজ্ঞ ধর্মের নন্দন ॥

দূত-মুখে নিমন্ত্রণ পেয়ে রাজগণ ।
 সসৈন্যে করিল সব তথা আগমন ॥
 বিজ-কজ-বৈশ্য-শূদ্র ল'য়ে চারি-জাতি ।
 স্ব-স্ব-রাজ্য হৈতে যত আসে নরপতি ॥
 নানাবর্ণ-নানারত্ন যে-রাজ্যে যে হয় ।
 পাণ্ডবের প্রীতি-হেতু সঙ্গে করি লয় ॥
 কেহ-কেহ নিল রত্ন পৌরুষ-কারণ ।
 ধর্মযজ্ঞ বুঝি কেহ নিল বহুধন ॥

হস্তী উষ্ট্র বৃষভ শকট নৌকা পুরি ।
 নানাবর্ণ কত রত্ন লিখিতে না পারি ॥
 খেত পীত লোহিত অমূল্য যত শিলা ।
 মাণিক্য বৈদূর্য্য মণি মরকত নীলা ॥
 প্রবাল মুকুতা হীরা স্তবর্ণ বিশাল ।
 বিচিত্র-বসন কত নানাবর্ণ শাল ॥
 কীটজ লোমজ নানাবর্ণে বিরচিত ।
 হস্তী অশ্ব রথ পতি গাভী অগণিত ॥
 চতুর্দল করি নিল দিব্য-নারীগণ ।
 উজ্জ্বল-শ্যামল-অঙ্গ কুরঙ্গ-লোচন ॥
 অগুরু-চন্দন-কাষ্ঠ কুঙ্কুম কস্তুরী ।
 নানাবর্ণ-পক্ষী নিল পিঞ্জরেতে পুরি ॥
 এইমত কর ল'য়ে যত রাজগণ ।
 দূতমুখে শুনাযাত্র করেন গমন ॥
 উত্তরে হিমাদ্রি, পূর্বে সমুদ্র-অবধি ।
 দক্ষিণেতে লঙ্কা, পশ্চিমেতে সিন্ধুনদী ॥
 দিবা নিশি পথ বাহি যায় দলে-দলে ।
 পৃথিবীর সর্বলোক ইন্দ্রপ্রস্থে চলে ॥
 হস্তী অশ্ব রথ পতি নানা-বাচস্পতি ।
 ধ্বজ-ছত্র-পতাকায় ঢাকিল মেদিনী ॥
 জল-স্থল উচ্চ-নীচ নাহি দেখি ক্রিতি ।
 দিবারাত্র অবিশ্রাম লোক-গতাগতি ॥
 চতুর্দিক্ হ'তে আসে যত রাজগণ ।
 সভাদ্বারে উপনীত হৈল সর্বজন ॥

সবাকারে অভ্যর্থনা করি ধনঞ্জয় ।
 যথাযোগ্য রহিবারে দিলেন আশ্রয় ॥
 হিমাদ্রি-সমুদ্রাবধি যত দ্বিজ বৈসে ।
 লিখনে না যায়, কত অহর্নিশ আসে ॥

রাজসূয়-যজ্ঞবার্তা শুনিয়া অবশে ।
 দেখিতে আইল কত বিনা-নিমন্ত্রণে ॥
 জলবাসী স্থলবাসী পর্বত-নিবাসী ।
 লক্ষ-লক্ষ যোগী আসে আর সিদ্ধ-ঋষি ॥
 দ্রোণপুত্র অশ্বখামা পূজে দ্বিজগণে ।
 রহিবারে দিব্যগৃহ দিল সর্ব্বজনে ॥
 এককোটি দ্বিজ অশ্বখামা-পরিবার ।
 দ্বিজগণে পূজে সবে দিয়া উপহার ॥
 আইল অনেক ক্রতু, বৈশ্য বহুতর ।
 আইল অনেক শূদ্র শ্রেষ্ঠ যত নর ॥
 দুঃশাসন-সহ থাকে বহু পরিবার ।
 রন্ধন করিল কোটি-কোটি সূপকার ॥
 পরিবেষণেতে ব্যস্ত বহু-সূপকার ।
 গৃহে-গৃহে স্থানে-স্থানে রন্ধন-ব্যাপার ॥
 স্থানে-স্থানে ক্ষণে-ক্ষণে ভ্রমে দুঃশাসন ।
 সামগ্রী যোগায় যত অনুচরগণ ॥
 পায়স পিষ্টক অন্ন ঘৃত দুগ্ধ দধি ।
 মনোহর পঞ্চাশ-ব্যঞ্জন যথাবিধি ॥
 চারি-জাতি পৃথক্-পৃথক্ সবে ভুঞ্জে ।
 স্বর্ণের পাত্রে ভুঞ্জ যত নৃপ-দ্বিজ ॥
 খাও-খাও লও-লও এইমাত্র শুনি ।
 কারো মুখে নাহি সরে অন্য কোন বাণী ॥
 বিচিত্র-পালঙ্ক-শয্যা, বিচিত্র-আসন ।
 কুঙ্কম কস্তুরী মাল্য অগুরু-চন্দন ॥
 কপূর তাম্বুল আর বাহাতে যে শ্রীত ।
 কোথা হৈতে কেবা আনি দেয় আচম্বিত ॥
 স্বর্গে ইস্ত্র-সহ আছে যত দেবগণ ।
 পাতালে ভুজঙ্গরাজ আর বিভীষণ ॥
 দেব দৈত্য দানব গন্ধর্ব্ব যক্ষ রক্ষ ।
 সিদ্ধ সাধ্য ভুজঙ্গ পিশাচ প্রেতপক্ষ ॥

কিম্বদন্তে বানর নর যত বৈসে ক্ষিতি ।
 যজ্ঞের সদনে সবে আসে দিব্যরাতি ॥
 অদ্ভুত ষাপর-যুগে যজ্ঞ আরম্ভিল ।
 না হইবে ক্ষতিমাঝে, পূর্বে না হইল ॥
 সময় বুঝিয়া কৃষ্ণ কহেন বচন ।
 ধর্ম্মরাজে অভিষেক কর মুনিগণ ॥
 কৃষ্ণের বচন শুনি উঠি মুনিগণ ।
 নানাভীর্ষ-জল ল'য়ে ধৌম্য-বৈপায়ন ॥
 অদিত দেবল জামদগ্ন্য পরাশর ।
 স্নানমন্ত্র পড়ে আর যত দ্বিজবর ॥
 স্নান করাইলা ব্যাস শুভক্ষণ জানি ।
 অগ্নান-বসন দিল চিত্ররথ আনি ॥
 শিরেতে ধবল-ছত্র সাত্যকি ধরিল ।
 চেনির ঈশ্বর তবে পাগ যোগাইল ॥
 হুকোদর পার্শ্ব দৌহে করেন ব্যঞ্জন ।
 চামর চুলায় দুই মাত্রীর নন্দন ॥
 অবস্তীর রাজা চর্ম্মপাদুকা পরাল ।
 খড়্গ-ছুগী ল'য়ে শল্য অগ্রে দাণ্ডাইল ॥
 চেকিতান শর-ভূগ লইয়া বামেতে ।
 কাশীর ভূপাল ধনু ল'য়ে দক্ষিণেতে ॥
 নারদাদি-মুনি-মুখে বেদ-উচ্চারণ ।
 দ্বিজগণ-স্বস্তি-শব্দ পরশে গগন ॥
 গন্ধর্বেষে গীত গায়, নাচয়ে অঙ্গরী ।
 পাঞ্চজন্ম পুরিলেন আপনি ত্রিহরি ॥
 শঙ্খের নিনাদ গিয়া গগন পুরিল ।
 সভাতে যতেক ছিল চলিয়া পড়িল ॥
 ত্রীকৃষ্ণ সাত্যকি পঞ্চ পাণ্ডুর নন্দন ।
 পাঞ্চাল-নন্দন এই ছাড়ি অক্কেজন ॥
 শঙ্খনাদে মুচ্ছাপন্ন পড়িল চলিয়া ।
 ধর্ম্মপুত্র নিবারণ করেন দেখিয়া ॥

বৈপায়ন-আদি মুনি ধোম্য-পুরোহিত ।
 অভিষেক করিলেন বেদের বিহিত ॥
 সভাপূর্বে হুধারস রাজসূয়-কথা ।
 কাশীরাম দাস রচে, ভারতের গাথা ॥

১৮। দেবলোকে নিমন্ত্রণ করিতে অর্জুনের বাত্রা ।

জন্মেজয় বলে, শুনিলাম সাধারণ ।
 কোন্ দিক্ হৈতে এল কোন্-কোন্ জন ॥
 কতসৈন্য সঙ্গে এল কত কর লৈয়া ।
 পিতামহে কোন্ রূপে ভেটিল আসিয়া ॥
 দেব নিমন্ত্রিতে পার্থ করিলেন গতি ।
 কিরূপে আইল তথা দেব পশুপতি ॥
 বিস্তারিয়া কহ মুনি, ভাঙ্গ মনোধঙ্ক ।
 পিতামহগণ-কথা যেন মকরন্দ ॥

মুনি বলে, নরপতি, কর অবধান ।
 অল্প-কিছু কহি, শুন প্রধান-প্রধান ॥
 কপিধ্বজ-রথে পার্থ করে আরোহণ ।
 পবনের বেগ জিনি চলে অশ্বগণ ॥
 যতেক পর্বত-পৃষ্ঠে যত রাজা বৈসে ।
 সবে নিমন্ত্রিয়া যান পর্বত কৈলাসে ॥
 কুবেরে কহেন পার্থ সর্ব-বিবরণ ।
 ধর্ম্ম-রাজসূয়-যজ্ঞে করিবা গমন ॥
 যক্ষ-রক্ষ-গন্ধর্ব্ব-কিম্বর-আদি করি ।
 আর যত মহাজন বৈসে এই-পুরী ॥
 প্রত্যেকে সবारे আমি কৈনু নিমন্ত্রণ ।
 সবে ল'য়ে যজ্ঞস্থানে করিবা গমন ॥
 কুবের স্বীকার করে অর্জুন-বচনে ।
 যাইব তোমার যজ্ঞে সহ-নিজগণে ॥

কুবেরের বাক্যে শ্রীত হৈয়া ধনঞ্জয় ।
 কৃতাজ্জলি কহে পুনঃ করিয়া বিনয় ॥
 ইন্দ্রের নিকটে যাব করিতে বরণ ।
 কোন্ পথে যাব, সঙ্গে দেহ জাতজন ॥
 কুবের করিল আজ্ঞা চিত্রসেন-প্রতি ।
 অর্জুনের সঙ্গে যাহ, যথা সুরপতি ॥
 আজ্ঞামাত্র চিত্রসেন চলে শীঘ্রগতি ।
 কপিধ্বজ-রথে বৈসে হইয়া সারথি ॥

সেখান হইতে যান ইন্দ্রের নন্দন ।
 কত দূরে দেখিলেন হরের ভবন ॥
 জিজ্ঞাসেন ধনঞ্জয়, কাহার এ-পুরী ।
 চিত্রসেন বলে, হেথা বৈসে ত্রিপুরারি ॥
 যজ্ঞ-হেতু নিমন্ত্রণ কর ত্রিলোচনে ।
 সর্ব্বকার্য্য সিদ্ধ হবে হরের গমনে ॥
 এত শুনি ধনঞ্জয় নামি রথ হৈতে ।
 উপনীত হন হর-গৌরীর অগ্রেতে ॥
 হরেরে করেন স্তুতি কুস্তীর নন্দন ।
 হর বলিলেন, বর মাগ, যাহে মন ॥
 অর্জুন বলেন, দেব, ধর্ম্মের নন্দন ।
 রাজসূয়-যজ্ঞ করে, করিবা গমন ॥
 হাসিয়া পার্শ্বভী-হর করেন স্বীকার ।
 এক্ষণি চলিনু যোরা যজ্ঞেতে তোমার ॥
 শঙ্কর বলেন, গিয়া হইব সহায় ।
 নির্বিঘ্নে তোমার যজ্ঞ সাঙ্গ যেন হয় ॥
 পার্শ্বভী বলেন, যাব যজ্ঞের সদনে ।
 যজ্ঞেতে আসিবে, যত বৈসে ত্রিভুবনে ॥
 সবে হুখা হইবেক প্রসাদে আমার ।
 অন্নপূর্ণা নাম মম বিখ্যাত সংসার ॥
 এই নাম ল'য়ে তব সুপকারগণ ।
 অন্নদ্রব্যে হুতুণ করিবে বহুজন ॥

অক্ষয় অব্যয় হবে অমৃত-সমান ।
 আর যার যাচ্ছে প্রীতি, পাবে বিভ্রমান ॥
 হর-পার্বতীর বর পেয়ে ধনঞ্জয় ।
 প্রণমিয়া চলিলেন সানন্দ-হৃদয় ॥
 চিত্রসেন বাছে রথ পবন-গমনে ।
 ক্রণমাত্র উপনীত ইন্দ্রের ভবনে ॥
 প্রণাম করেন পার্থ ভূমিষ্ঠ হইয়া ।
 পার্শ্বে আলিঙ্গন ইন্দ্র দিলেন উঠিয়া ॥
 আপনার কোলে বসাইয়া দেবরাজ ।
 জিজ্ঞাসেন, কহ তাত, কি তোমার কাজ ॥
 অর্জুন বলেন, দেব, তোমাতে গোচর ।
 রাজসূয় করিছেন ধর্ম-নরবর ॥
 সেই-যজ্ঞে অধিষ্ঠান করিবা আপনি ।
 আর যত স্বর্গে বৈসে হ্র-সিদ্ধ-মুনি ॥
 ইন্দ্র বলে, যজ্ঞেতে করিব আশুসার ।
 তুমি না আসিতে পূর্বের ক'রেছি বিচার ॥
 এই দেখ হুসজ্জিত যত দেবগণ ।
 চারি-মেঘ, অষ্টহস্তী, সকল পবন ॥
 স্বর্গের যতেক দ্রব্য পৃথিবী-দুর্ভাভ ।
 তব যজ্ঞ-হেতু দেখ সাজাইলু সব ॥
 একগি চলিলু আমি যজ্ঞের সদন ।
 ভূমি যাহ, অন্তর্জনে কর নিমন্ত্রণ ॥
 ইন্দ্রমুখে শুনি পার্থ আনন্দিত-মন ।
 প্রণমিয়া অন্তরীক্রে করেন গমন ॥
 পৃথিবী-দক্ষিণে সূর্য্যাস্তের ভবন ।
 তথাকারে চলিলেন ইন্দ্রের নন্দন ॥
 চিত্রসেন বাছে রথ পবনের গতি ।
 যুহুর্ভেকে উত্তরিল, যথা প্রেতপতি ॥

প্রণমিয়া বসিলেন অর্জুন সত্যয় ।
 আশীষ করিয়া যম জিজ্ঞাসেন তায় ॥
 কোন্ হেতু হেথা তব হৈল আগমন ।
 কি করিব প্রিয়, কহ ইন্দ্রের নন্দন ॥
 অর্জুন বলেন, দেব, কর অবধান ।
 রাজসূয়-যজ্ঞস্থলে হৈবা অধিষ্ঠান ॥
 তোমার পুরীতে নিবসয়ে যতজন ।
 সবাকারে ল'য়ে যজ্ঞে করিবা গমন ॥
 স্বীকার করেন যম পার্থের বচনে ।
 পুনরপি জিজ্ঞাসেন অর্জুন শমনে ॥
 নারদ কহেন তব সভার কথন ।
 নিবসে এখানে, মর্ত্যে মরে যতজন ॥
 শুনিয়াছি প্রত্যক্ষে পিতার বিবরণ ।
 সেই বার্তা পেয়ে রাজসূয়-আরম্ভন ॥
 এখন সে-সব জনে না করি দর্শন ।
 কোথায় আছেন বল যম পিতৃগণ ॥
 হাসিয়া বলেন যম তবে অর্জুনেরে ।
 যুতজনে দেখিবারে পাবে কি-প্রকারে ॥
 জীবে-মৃত্যু কোনস্থলে নাহি দরশন ।
 শুনিয়া বিস্ময়াপন্ন পাণ্ডুর নন্দন ॥
 যমে নিমন্ত্রিয়া বীর মাগিল মেলানি ।
 বরুণ-আলয়ে যান বীর-চূড়ামণি ॥
 পশ্চিমদিকেতে জলপতির আলয় ।
 তথাকারে চলিলেন বীর ধনঞ্জয় ॥
 বরুণে কহেন পার্থ যজ্ঞ-বিবরণ ।
 ধর্ম্যযজ্ঞ-স্থানে ভূমি করিবা গমন ॥
 তোমার পুরেতে আর যতজন বৈসে ।
 সবাকে লইয়া সঙ্গে যাবে যম বাসে ॥

বরুণ বলিল, যজ্ঞে করিব গমন ।
 যজ্ঞেতে লইব, পুরে আছে যতজন ॥
 কেবল দানব-দৈত্যে নাহি অধিকার ।
 যত-যত-জন আছে নিলয়ে আমার ॥
 তাহা-সবে লইবারে যদি আছে মন ।
 আপনি তথায় গিয়া কর নিমন্ত্রণ ॥

বরুণ-বচনে তবে যান ধনঞ্জয় ।
 কতদূরে ভেটিল দানবরাজ ময় ॥
 ময় জিজ্ঞাসিলে পার্থ কহেন সকল ।
 পূর্ব-উপকার স্মরি আনন্দে বিহ্বল ॥
 এথায় নিবসে দৈত্য যতেক দানব ।
 বলেন, আমার যজ্ঞে ল'য়ে যাবে সব ॥
 এত শুনি ময় তাঁকে বলিল বচন ।
 সবারে লইয়া যজ্ঞে করিব গমন ॥
 ভুমি চলি যাহ, যথা আছে প্রয়োজন ।
 শুনিয়া অর্জুন তারে কৈলা আলিঙ্গন ॥

তথা হৈতে যান পার্থ পৃথিবী-দক্ষিণে ।
 লঙ্কাপুরে নিমন্ত্রিতে রাজা বিভীষণে ॥
 রথ চালাইয়া দিল, তারা যেন ছুটে ।
 কতক্ষণে উত্তরিল লঙ্কার নিকটে ॥
 ইন্দ্র-ধম-পুরী যেন বিচিত্র-নির্মাণ ।
 রাক্ষসের লঙ্কাপুরী তাহার সমান ॥
 পুরী দেখি বড় প্রীত বীর ধনঞ্জয় ।
 চলিলেন যথা বিভীষণের আশ্রয় ॥
 সিংহাসনে বসেছিল রাক্ষস-ঈশ্বর ।
 প্রণাম করেন গিয়া ইন্দ্রের-কোণ্ডর ॥
 জিজ্ঞাসেন বিভীষণ, ভুমি কোন্ জন ।
 পার্থ তাঁরে পরিচয় দিলেন তখন ॥
 রাজসূয়-যজ্ঞ করিছেন যুধিষ্ঠির ।
 তোমা নিমন্ত্রিতে কহিলেন যদুবার ॥

অর্জুনের মুখে শুনি ছট্‌চট হৈয়া ।
 বসাইল ধনঞ্জয়ে আলিঙ্গন দিয়া ॥
 তব যজ্ঞে যাইব, দেখিব নারায়ণ ।
 সঙ্গিতে লইব, পুরে বৈসে যতজন ॥
 ভুমি যাহ, যথা তব থাকে প্রয়োজন ।
 এই চলিলাম আমি যজ্ঞের সদন ॥

বিভীষণে নিমন্ত্রিয়া ইন্দ্রের কুমার ।
 ইন্দ্রপ্রস্থে নিজ-পুরে যান পুনর্ব্বার ॥
 রাজগণ-নিমন্ত্রণে দূতগণ গেল ।
 শ্রুতমাত্র নৃপগণ সকলে আসিল ॥
 দূতবাক্যে হেলা করি না আসে যে-জন ।
 অর্জুন আনেন তারে করিয়া বন্ধন ॥
 সভাপর্বে স্বধারস রাজসূয়-কথা ।
 কাশীরাম দাস কহে স্বধাসিদ্ধু গাথা ॥

১১। পাতালে পার্শ্বের যাত্রা ।

জিজ্ঞাসেন অর্জুনের দেব-নারায়ণ ।
 কহ কারে-কারে ভুমি কৈলা নিমন্ত্রণ ॥
 শুনিয়া অর্জুন নিবেদিলেন যতেক ।
 পুস্তক বাহুল্য হয় লিখিলে ততেক ॥
 করিলেন কুবেরাদি সবে নিমন্ত্রণ ।
 প্রত্যেক বৃত্তান্ত সব কহেন তখন ॥
 গোবিন্দ বলেন, যাহ পাতাল-ভুবন ।
 নাগরাজ শেষে গিয়া কর নিমন্ত্রণ ॥
 স্বর্গে ইন্দ্র দেবরাজ, পাতালে বাহুকি ।
 তোমা-বিনে অণ্ডে যায়, এমন না দেখি ॥

বাহুকি আইলে যজ্ঞ হইবে সম্পূর্ণ ।
 বিলম্ব না কর সখা, যাহ ভূমি তুর্ণ্য ।
 গোবিন্দের বচনেতে বিলম্ব না করি ।
 পাতালে গেলেন পার্থ দিব্যরথে চড়ি ॥
 উপস্থিত হইলেন নাগের আগয় ।
 চৌদিকে বেষ্টিত ফণী শেষ-মহাশয় ॥
 দশ-শত ফণা ধরে মস্তক-উপর ।
 তিলবৎ ফণাতে শোভিত চরাচর ॥
 কূর্মপৃষ্ঠে উপবিষ্ট রতনে বেষ্টিত ।
 হৃষ্টমনে পার্থ তথা হৈলা উপনীত ॥
 নাগরাজে প্রণাম করেন ধনঞ্জয় ।
 করঘোড় করিয়া রহেন সবিনয় ॥
 শেষ জিজ্ঞাসেন, কেন তব আগমন ।
 প্রত্যকে কহেন পার্থ সর্ব-বিবরণ ॥
 রাজসূয়-নিমিত্ত তোমার নিমন্ত্রণ ।
 সুররাজ-সহ যাবে দেব সর্বজন ॥
 ব্রহ্মা-শিব-ইন্দ্র-আদি যত দিকপতি ।
 সেই যজ্ঞে অধিষ্ঠিত হবেন সম্প্রতি ॥
 সেইহেতু আইলাম তোমার ভবন ।
 রাজসূয়-মহাযজ্ঞে করিবা গমন ॥
 হাসিয়া কহেন শেষ শুন ধনঞ্জয় ।
 তব যজ্ঞে আছেন গোবিন্দ-মহাশয় ॥
 হর্ভা কর্তা সেই প্রভু বিধি বিধাতার ।
 সর্বযজ্ঞ-ফল পায় দরশনে যাঁর ॥
 যথা কৃষ্ণ বিদ্যমান, তথা সর্বজন ।
 ব্রহ্মা-শিব-আদি যত দিকপালগণ ॥
 অকারণ আমা-সবাকারে নিমন্ত্রণ ।
 সেই কৃষ্ণে ভালমতে করহ অর্চন ॥

অনন্ত ব্রহ্মাণ্ডে আছে কত-শত প্রাণী ।
 কত ব্রহ্মা-শিব-ইন্দ্র, কত শেষ-ফণী ॥
 সকলে হইবে তুষ্ট তাঁরে তুষ্ট কৈলে ।
 শাখাপত্র তুষ্ট যেন মূলে জল দিলে ॥
 অর্জুন বলেন, দেব, কর অবধান ।
 যতক কহিলা তুমি বেদের প্রমাণ ॥
 নিজ-বশ নহি, সবৈ তাঁর মায়াবন্ধ ।
 জানিয়া-শুনিয়া পুনঃ হয় মায়াবন্ধ ॥
 পুনঃ নাগরাজ বলে অর্জুনে চাহিয়া ।
 আসিলে আমারে নিতে কিছু না জানিয়া ॥
 মস্তক-উপরে আমি ধরি যে সংসার ।
 আমি গেলে যজ্ঞে, কে ধরিবে ক্রিতিভার ॥
 অর্জুন বলেন, কৃষ্ণ কহেন আমারে ।
 যজ্ঞ পূর্ণ হৈবে, তুমি গেলে তথাকারে ॥
 ক্রিতিভার-হেতু যদি করহ বিচার ।
 তুমি যাহ, আমি লৈব পৃথিবীর ভার ॥
 এত শুনি বিস্ময় মানিয়া বিষধর ।
 হাসিয়া অর্জুন-প্রতি করিল উত্তর ॥
 পৃথিবী ধরিবে, হেন করিলে স্বীকার ।
 ছাড়িহু পৃথিবী, বাক্য পাল আপনার ॥
 এত শুনি ধনঞ্জয় লইয়া গাণ্ডীব ।
 করঘোড়ে প্রণমিয়া শিবদাতা শিব ॥
 ভক্তিভাবে কৃষ্ণনাম করিয়া স্মরণ ।
 শিরে দ্রোণাচার্য্য-পদ করিয়া বন্দন ॥
 অদ্বুত স্তম্ভন-অস্ত্র লৈয়া তুণ হৈতে ।
 যুড়েন গাণ্ডীবে অস্ত্র ক্রিতি বসাইতে ॥
 ধরেন ধরণী, শেষ স্বতন্ত্র হইল ।
 দেখিয়া সকল নাগ আশ্চর্য্য মানিল ॥

তবে শেষ যত নাগে লইয়া সংহতি ।
 রাজসূয়-যজ্ঞস্থানে গেলা শীঘ্রগতি ॥
 বাহুকি আসিল আর কৌরব্য তক্ষক ।
 নহুয কর্কট ধূতরাষ্ট্র জরদাব ॥
 কোপন কালীয় ত্রিকপূর্ণ ধনঞ্জয় ।
 অজ্যক উগ্রক দুর্ঘট রুষ্ঠ মহাশয় ॥
 নীল শঙ্খমুখ শঙ্খপিণ্ড বক্রদন্ত ।
 কলিচূড় পিঙ্গচক্ষু কালমহাবন্ত ॥
 লক্ষ-লক্ষ-পুত্র-পৌত্র-সহিতে চলিল ।
 দেখিয়া সকল লোক আশ্চর্য্য মানিল ॥
 পাঁচ-সাত শির কারো ঘট-সপ্ত-শত ।
 সহস্র-মস্তক কারো, আকার-পর্বত ॥
 নিজ-পরিবারে মিলি চলে ফণিরাজ ।
 হেথায় সুরেন্দ্রালায়ে দেবের সমাজ ॥
 ঐরাবতে অরোহেন, বজ্র শোভে করে ।
 মাতলি ধরয়ে ছত্র মস্তক-উপরে ॥
 অষ্টবহু, নবগ্রহ, অশ্বিনী-কুমার ।
 দ্বাদশ-আদিত্য, রুদ্রে একাদশ আর ॥
 ঊনপঞ্চাশদ্বায়ু, সাতাশ হুতাশন ।
 যজ্ঞ মন্ত্র পুরোধা দক্ষিণা দণ্ড ক্ষণ ॥
 যোগ তিথি করণ নক্ষত্র রাশিগণ ।
 চারি-মেঘ বিদ্যুৎ-সহিত সৈন্যগণ ॥
 গন্ধর্ব্ব কিম্বর যত অঙ্গরা-অঙ্গর ।
 দেব-ঋষি ব্রহ্ম-ঋষি চলিল বিস্তর ॥
 বশিষ্ঠ পৌলস্ত্য ভৃগু পুলহ অঙ্গিরা ।
 পরাশর ক্রতু দক্ষ লোমশ সূরীরা ॥
 অসিত দেবল কোণ্ড শুক সনাতন ।
 মার্কণ্ড মাণ্ডব্য ঋষ জয়ন্ত কোপন ॥

ইত্যাদি যতেক ঋষি ইন্দ্রপুরে থাকে ।
 ইন্দ্রসহ যজ্ঞস্থানে চলে লাখে-লাখে ॥
 চড়িয়া পুষ্পকরথে ধনের ঈশ্বর ।
 সঙ্গিতে চলিল যক্ষ গন্ধর্ব্ব কিম্বর ॥
 চিত্ররথ ভূম্বর অঙ্গিরা গুণনিধি ।
 বিশ্বাবসু-মহেন্দ্র-মাতঙ্গ-সুর-আদি ॥
 ফলকর্ণ ফলোদক চিত্রক লোত্রক ।
 লিখনে না যায়, যত চলিল গুহ্যক ॥
 স্নতাচী উর্ব্বশী চিত্রা রম্ভা চিত্রসেনী ।
 চারুনেত্রো মিশ্রকেশী বুধদা মোহিনী ॥
 চিত্রেখেণা অলম্বুবা সুরভি সমাচী ।
 পোনিকা কদম্বা অশ্মা শূদ্রা রুচি শুচি ॥
 লক্ষ-লক্ষ বিদ্যাধরী নৃত্য-গীত-নাদে ।
 কুবেরের সহ সবে চলিল আহ্লাদে ॥
 যজ্ঞ দেখিবারে চলে যত মহীধর ।
 হিমাঙ্গি কৈলাস খেত নীল গিরিবর ॥
 কালগিরি হেমকূট মন্দর মৈনাক ।
 চিত্রগিরি রামগিরি গোবর্দ্ধন-শাখ ॥
 চিত্রকূট বিদ্য্য গন্ধমাদন স্তবল ।
 ঋষ্যশৃঙ্গ শতশৃঙ্গ মহেন্দ্র ধবল ॥
 রৈবতক যত গিরি, গিরি মুনি-শিল ।
 কামগিরি খণ্ডগিরি গিরিরাজ নীল ॥
 লক্ষ-লক্ষ গিরিবর দেবরূপ ধরি ।
 যক্ষরাজ-সহ গেল যজ্ঞ-অনুসরি ॥
 বরুণ চলিল নিজ-অমাত্য-সহিত ।
 মূর্ত্তিমন্ত সপ্ত-সিদ্ধ, যতেক সরিৎ ॥
 গঙ্গা সরস্বতী শোণ দিনকর-সুতা ।
 চিত্রগালা প্রেতা বৈভরণী পুণ্যযুতা ॥

চন্দ্রভাগা শীলাবতী সরযু লোহিতা ।
 দেবনদী মহানদী মদাম্বী সখিতা ॥
 ভৈরবী ভারবী নদী আর বহুমতী ।
 মেঘবতী গোমতী যে আরো সৌরবতী ॥
 নৰ্মদা অজয় ব্রাহ্মী ব্রহ্মপুত্র কংস ।
 তুমুল কমলা শিবা কোলামুক বংশ ॥
 গণ্ডকী নৰ্মদা ফল্গু সিদ্ধু করতোয়া ।
 স্বর্ণরেখা পদ্মাবতী শতনৈত্রী জয়া ॥
 ঝুমঝুমি দামোদর কালিন্দী গিরিপুত্রী ।
 সিদ্ধিকা কাবেরী ভদ্রা-নদী গোদাবরী ॥
 ইত্যাদি অনেক নদ-নদী-সরোবর ।
 বাপী-ব্রহ্ম-তড়াগাদি ধরি কলেবর ॥
 যজ্ঞস্থানে গেল সবে বরুণ-সংহতি ।
 মহিষ-বাহনে চড়ি চলে প্রেতপতি ॥ •

পিতৃগণ দূতগণ দণ্ড মুহূৰ্ত্ত পাশ ।
 আইল অমরবৃন্দ যুড়িয়া আকাশ ॥
 অমৃত দ্বাপরযুগে হৈল যজ্ঞরাজ ।
 না হইল কভু যাহা অবনীৰ মাথ ॥
 মনু-আদি করি রাজা না যায় লিখন ।
 যযাতি নহু বশু মাঙ্কাতা-রাজন ॥
 দিলীপ সগর ভগীরথ দশরথ ।
 কৃতবীৰ্য্য কার্তবীৰ্য্য হুৱথ ভরত ॥
 ইত্যাদি অনেক হৈল চন্দ্র-সূর্য্য-কুলে ।
 রাজসূয় অশ্বমেধ করিল বহলে ॥
 উদ্দেশেতে যেই দেবে করে আরাধন ।
 কর ল'য়ে আইলেন সেই দেবগণ ॥
 মহেশ-পার্বতী দৌহে কৈলা আগমন ।
 অলঙ্কিতে রহে, নাহি দেখে কোনজন ॥
 দক্ষিণে ত্রিশূল শোভে জটাভার শিরে ।
 চরণ পরশে দাড়ি, শিলা বামকরে ॥

এইরূপে সদাশিব সবাকারে রাখে ।
 যতদূর যজ্ঞস্থল, সব ঠাই থাকে ॥
 যত-যতজন আসে যজ্ঞের সদনে ।
 ছায়াৰূপে অন্নদা তোষেন সৰ্ব্বজনে ॥
 যার যেই বাঞ্ছা, তারে আপনি যোগায় ।
 যে-দ্রব্য যে ইচ্ছে, তাহা সেইক্ষণে পায় ॥
 অশ্ব-আরোহণে করে খর-করবাল ।
 ঊনকোটি দানা ল'য়ে আসে ক্ষেত্রপাল ॥
 শত কোটি দৈত্য ল'য়ে আসে দৈত্য ময় ।
 দুই-সহোদরে আসে বিনতা-তনয় ॥
 দেব দৈত্য নাগ যক্ষ আসে সৰ্ব্বজনে ।
 প্রজাপতি আইলেন হংস-আরোহণে ॥
 অন্তরীক্ষে থাকিয়া দেখেন চতুমুখ ।
 প্রজাপতিগণ-সহ যজ্ঞের কোঁতুক ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২০। ব্রহ্ম-রাজের আগমন ।

দূতমুখে বার্তা পায় পাঞ্চালাধিকারী ।
 হুহিতা হইবে মম রাষ্ট্র-পাটেশ্বরী ॥
 ধৃষ্টদ্যুম্ন শিখণ্ডাদি হ'য়ে হুহুচিহ্নিত ।
 যজ্ঞ-অঙ্গ-দ্রব্য-সব সাজায় স্তরিত ॥
 চতুর্দশ-সহস্র সেবকী মনোরমা ।
 হুধাংশুবদনা পদ্মনয়না হুশ্চামা ॥
 সঙ্গতে লইল দাস-দাসী-সমুদায় ।
 সহস্রেক গাভী নিল স্বর্ণে মণি কায় ॥
 যুগল-সহস্র বাজী গতি বায়ুসম ।
 বহ-বহ-দ্রব্য নিল বাছিয়া উত্তম ॥

সর্বরাজ্য দিব, হেন বিচারিল মনে ।
 ভাৰ্য্যা-সহ চলে রাজা যজ্ঞের সদনে ॥
 চতুরঙ্গ-দলে আর প্রজা চারি-জাতি ।
 নানাবাণ্ড-শব্দে যায়, কম্পে বহুমতী ॥
 ইন্দ্রপ্রস্থে উপনীত হৈল পূৰ্ব্ব-দ্বারে ।
 বেত্র দিয়া ইন্দ্রসেন রাখিল তাহারে ॥
 রহ-রহ ক্ষণেক পাঞ্চাল-অধিকারী ।
 রাজাজ্ঞা পাইলে দ্বার ছাড়িবারে পারি ॥
 এখনি আসিবে সহদেব ধনুর্ধর ।
 তাঁর হাতে বার্তা দিব রাজার গোচর ॥
 ইন্দ্রসেন-বচনেতে রহে নৃপবর ।
 হেনকালে আইলেন মাদ্রীর কোণ্ডর ॥
 দ্রুপদে দেখিয়া গেল রাজার গোচর ।
 ধর্মরাজে জানাইল শিরে দিয়া কর ॥
 বহু-রত্ন আনিল, অনেক দাসী-দাস ।
 গাভী অশ্ব হস্তী উষ্ট্র, নানাবর্ণ বাস ॥
 আজ্ঞা পেলে আসি হেথা করে দরশন ।
 শুনিয়া দিলেন আজ্ঞা ধর্মের নন্দন ॥
 হস্তী অশ্ব গাভী-আদি যত রত্ন-ধন ।
 দুর্যোধন-ভাগুরীরে কর সমর্পণ ॥
 দাস-দাসী সমর্পে দ্রৌপদীর স্থানে ।
 পুত্র-সহ হেথা ল'য়ে আইস রাজনে ॥
 আজ্ঞা পেয়ে সহদেব করিল তেমতি ।
 যেইমত আজ্ঞা করিলেন নরপতি ॥
 সপুত্র ভিতরে গেল পাঞ্চাল-ঈশ্বর ।
 সঙ্গিতে চলিল রুত-শত নৃপবর ॥
 সভাপার্বের রাজসূয়-মহাযজ্ঞ-কথা ।
 কাশী কহে, শুন সবে, যাবে ভবব্যথা ॥

২১। হিড়িম্বা ও ঘটোৎকচের আগমন ।

মহাবীর ঘটোৎকচ হিড়িম্বা-তনয় ।

পাইয়া যজ্ঞের বার্তা সানন্দ-হৃদয় ॥
 হিড়িম্বক-বনেতে তাহার অধিকার ।
 তিন-লক্ষ রাক্ষস তাহার পরিবার ॥
 হয় হস্তী রথেতে করিয়া আরোহণ ।
 যজ্ঞহেতু নানারত্ন করিয়া সাজন ॥
 নানাবাণ্ডে উপনীত যজ্ঞের সদন ।
 অদ্বুত রাক্ষসী মায়া করিয়া রচন ॥
 ধবল-মাতঙ্গ-পৃষ্ঠে করি আরোহণ ।
 ঐরাবত-পৃষ্ঠে যেন সহস্রলোচন ॥
 মাথায় মুকুট মণি-রত্নেতে মণ্ডিত ।
 সারি-সারি শ্বেতছত্র শোভে চতুর্ভিত ॥
 কৃষ্ণ-শ্বেত-চামর ঢুলায় শত-শত ।
 পার্শ্বতীয় হস্তী অশ্ব, নানাবর্ণ রথ ॥
 উত্তর-দ্বারেতে উপনীত ভীমহুত ।
 চতুর্দিকে ছড়াছড়ি দেখিয়া অদ্বুত ॥
 কেহ বলে, ইন্দ্র চন্দ্র কিংবা প্রেতপতি ।
 অরুণ বরুণ কিংবা কোন মহামতি ॥
 কেহ বলে, দেবরাজ এ যদি হইত ।
 সহস্র লোচন তবে অঙ্গিতে থাকিত ॥
 কেহ বলে, এই যদি হইত শমন ।
 গজ না হইয়া হৈত মহিম-বাহন ॥
 কেহ বলে, এই যদি হৈত জ্ঞাতাশন ।
 তবে সে হইত ছাগ ইহার বাহন ॥
 বরুণ হইলে হৈত বাহন মকর ।
 সপ্ত-অশ্ব-রথ হৈত হৈলে দিবাকর ॥

এত বলি লোক সবে কল্পিছে বিচার ।

গজ হৈতে নামিলেন হিড়িম্বা-কুমার ॥

প্রবেশ করিতে তারে নিবারে দ্বারেতে ।
 জিজ্ঞাসিল, কেবা তুমি, এলে কোথা হৈতে ॥
 পরিচয় দেহ, বার্তা জানাই রাজারে ।
 রাজাজ্ঞা পাইলে পাবে ঘাইতে ভিতরে ॥
 ঘটোৎকচ বলে, আমি ভীমের অঙ্গজ ।
 হিড়িম্বার গর্ভে জন্ম, নাম ঘটোৎকচ ॥
 এত শুনি অনিরুদ্ধ কৈল সম্ভাষণ ।
 রহিতে উদ্ভয় স্থান দিল ততক্ষণ ॥
 সহদেব कहিলেন গোচরে রাজার ।
 জননী-সহিত এলো হিড়িম্বা-কুমার ॥
 আজ্ঞা করিলেন ধর্ম্ম, আন শীঘ্রগতি ।
 মাতারে পাঠাও তার যথায় পার্শ্বতী ॥
 যত দ্রব্য আনিয়াছে, দেহ দুর্ব্যোধনে ।
 আজ্ঞা পেয়ে সহদেব গেল সেইক্ষণে ॥
 হিড়িম্বারে পাঠাইল স্ত্রীগণ-ভিতর ।
 ঘটোৎকচে ল'য়ে গেল রাজার গোচর ॥
 হিড়িম্বারে দেখি চমকিত অন্তঃপুরী ।
 রূপেতে নিন্দিত যত স্বর্গ-বিদ্যাধরী ॥
 অলঙ্কারে বিভূষিত অনিন্দিত-অঙ্গ ।
 বিনামেঘে স্থির যেন তড়িৎ-তরঙ্গ ॥
 কেহ বলে, হবে বুঝি মদন-মোহিনী ।
 কেহ বলে, হবে বুঝি নগেন্দ্র-নন্দিনী ॥
 কেহ বলে, হবে বুঝি লক্ষ্মী-ঠাকুরাণী ।
 কেহ বলে, হবে বুঝি শচী মহেন্দ্রাণী ॥
 কেহ বলে, মেঘে ছাড়ি হইয়া মানিনী ।
 ভূমিতলে আসি দেখা দিলা সৌদামিনী ॥
 কুন্তীর চরণে গিয়া প্রণাম করিল ।
 আশীর্ব্বাদ করি কুন্তী বসিতে বলিল ॥
 যথায় দ্রৌপদী-ভদ্রা রত্ন-সিংহাসনে ।
 হিড়িম্বা বসিল গিয়া তার মধ্যস্থানে ॥

অহঙ্কারে দ্রৌপদীয়ে সম্ভাষ না কৈল ।
 দেখিয়া পার্শ্বতীদেবী অন্তরে কুপিল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২২। দ্রৌপদী ও হিড়িম্বার কোন্দল ।

কৃষ্ণা বলে, নহে দূর থলের প্রকৃতি ।
 আপনি প্রকাশ পায়, যার যেই রীতি ॥
 কি আহার, কি বিহার, কোথায় বসতি ।
 কিরূপ আচার তোর, না জানি প্রকৃতি ॥
 পূর্বে শুনিয়াছি আমি তোর বিবরণ ।
 তোর সহোদরে ভীম করিল নিধন ॥
 ভ্রাতৃবৈরী জনে কেহ না দেখে নয়নে ।
 কামাতুরা হ'য়ে তুই ভজিলি সে-জনে ॥
 সতত ভ্রমিসু তুই, যথা লয় মন ।
 একে কুপ্রকৃতি, তায় নাহিক বারণ ॥
 অশ্বেষিয়া ভ্রমিসু, ভ্রমরী যেন মধু ।
 সভামধ্যে বসিলি হইয়া কুলবধু ॥
 মর্য্যাদা থাকিতে কেন না বাসু উঠিয়া ।
 আপন-সদৃশ স্থানে বৈস তুমি গিয়া ॥

কুপিল হিড়িম্বা দ্রৌপদীর বাক্যজালে ।

দুইচক্ষু রক্তবর্ণ কৃষ্ণাপ্রতি বলে ॥
 অকারণে পাঞ্চালি, করিসু অহঙ্কার ।
 পরে নিন্দ, নাহি দেখ ছিদ্রে আপনার ॥
 কুরূপ-কুৎসিত-লোকে নিন্দে ততক্ষণ ।
 যতক্ষণ দর্পণেতে না দেখে বদন ॥
 তোমার জনকে পূর্বে জানে সর্ব্বজন ।
 বান্ধিয়া আনিয়া পার্শ্ব করিল লাজনা ॥
 যেইজন করিলেক এত অপমান ।
 কোন্ লাজে হেনজনে দিল কন্ডাদান ॥

আমি যে ভজিনু ভীমে, দৈবের নিবন্ধ ।
 পশ্চাতে আমার ভাই করিলেক দ্বন্দ্ব ॥
 সহিতে না পারি মৈল করিয়া সংগ্রাম ।
 বীরধর্ম করিল লোকেতে অনুপাম ॥
 শত্রুরে যে ভজে, তার বলি ক্রীত-জন্ম ।
 সংসারে বিখ্যাত তোর জনকের কর্ম ॥
 আমার সপত্নী তুমি, আমি না তোমার ।
 তোর বিবাহের আগে বিবাহ আমার ॥
 পঞ্চজন কুন্তী-ঠাকুরাণীর নন্দন ।
 পঞ্চপুত্রে আছি মোরা বধু নয়জন্য ॥
 একা রাজ্যভোগ কর হ'য়ে পাটরাণী ।
 দিনেক দেখিয়া মোরে হইলে মানিনী ॥
 ঐশ্বর্য্য ভুঞ্জহ সর্ব্ব তুমি স্বতস্তুরা^১ ।
 অষ্টজনে অর্দ্ধমাত্র নাহি দেখি মোরা ॥
 তথাপি আমারে দেখি অঙ্গে হৈল জরা ।
 কি-হেতু নিদ্দিস্ মোরে বলি স্বতস্তুরা ॥
 পুত্র মোর হিড়িম্বক-বনের ঈশ্বর ।
 পুত্র-গৃহে থাকিলে কি হয় স্বতস্তুর ॥
 বাল্যকালে পিতা রক্ষা করয়ে কন্যাকে ।
 নারীকে যৌবনকালে স্বামী সদা রাখে ॥
 বৃদ্ধকালে পুত্র রাখে, আছে হেন নীত ।
 বিশেষ আমার পুত্র পৃথিবী-পুজিত ॥
 মাভুলের রাজ্যমধ্যে হইয়া ঈশ্বর ।
 বাহুবলে শাসিল যতেক নিশাচর ॥
 স্নেহের-অবধি বৈসে যতেক রাক্ষস ।
 একেশ্বর মোর পুত্র সবে কৈল বশ ॥

রাজসূয়-যজ্ঞবার্তা লোকমুখে শুনি ।
 যতেক রাক্ষসগণ করে কানাকানি ॥
 রাক্ষসের বৈরী যত পাণ্ডু-পুত্রগণ ।
 চল সবে, যজ্ঞ নষ্ট করিব এখন ॥
 বকের অমাত্য ভ্রাতা আছে যতজন ।
 মোর সহোদর হিড়িম্বের বন্ধুগণ ॥
 এই ত বিচার তারা অনুক্ষণ করে ।
 এ-সকল বার্তা আসে পুত্রের গোচরে ॥
 চরমুখে জানিল কুচক্রী যতজন ।
 যুদ্ধ করি সবাকারে করিল বন্দন ॥
 লৌহপাশে বন্দি করি রাখে কারাগারে ।
 যাবৎ সারিয়া যজ্ঞ না আইসে ঘরে ॥
 আর যত পৃথিবীতে বৈসে নিশাচর ।
 সবারে জিনিয়া বলে আনিলেক কর ॥
 সাক্ষাতে দেখে কৃষ্ণা, মোর পুত্রপ্রভা ।
 মোর পুত্রে শোভিতেছে পাণ্ডবের সভা ॥
 এতেক হিড়িম্বা যদি বলে কটুস্তর ।
 কহিতে লাগিল কৃষ্ণা কুপিত-অস্তর ॥
 পুনঃপুনঃ যতেক কহিস্ পুত্রকথা ।
 পুত্রের করিস্ গর্ব্ব, থাও পুত্রমাথা ॥
 কর্ণের একান্নো অস্ত্র বজ্রের সমান ।
 তার ঘাতে তোর পুত্র ত্যজিবে পরাণ ॥
 পুত্রের শুনিয়া শাপ হিড়িম্বা কুপিল ।
 ক্রুদ্ধ হ'য়ে হিড়িম্বা কৃষ্ণারে শাপ দিল ॥
 নির্দোষে আমার পুত্রে দিলে তুমি শাপ ।
 তুমিও পুত্রের শোকে পাবে বড় তাপ ॥

১। পাণ্ডবদিগের নবট পত্নীর নাম দ্ব্যাজমে নিয়ে দেওয়া হইল—ক্রোশনী (পঞ্চ-পাণ্ডবের); দেবকী (যুধিষ্ঠির); হিড়িম্বা ও বলদমা (ভীম); সূতজা, চিত্রাঙ্গদা ও উলূপী (অর্জুন); কামেয়মতী (মহল); বিজয়া (সহদেব)। ২। স্বাধীনা।

যুদ্ধ করি মরি পুত্র বাবে স্বর্গবাস ।
বিনা-যুদ্ধে তোর পঞ্চপুত্র হৈবে নাশ ॥
এত বলি ক্রোধ করি হিড়িম্বা চলিল ।
আপনি উঠিয়া কুন্তী দৌহে শাস্তাইল ॥
মহাভারতের কথা শ্রুধামিচ্ছু-প্রায় ।
পাঁচালী-প্রবন্ধে কাশীরাম দাস গায় ॥

২৩। দক্ষিণ ও পূর্বদ্বারে বিভীষণের
অপমান ।

পার্শ্বমুখে বার্তা পেয়ে রাক্ষস-সৈন্যর ।
হরিষেতে রোমাঞ্চিত হৈল কলেবর ॥
বহুদেব-গৃহে জন্মিলেন নারায়ণ ।
সেই কথা অনুকণ কহে মুনিগণ ॥
নিরস্তুর চিত্ত ব্যগ্র যারে দেখিবারে ।
আপনি ডাকেন তিনি দয়া করি মোরে ॥
সর্ব-তত্ত্ব-অন্তর্যামী ভকত-বৎসল ।
অনুগত-জনে দেন মনোমত ফল ॥
তাঁর অনুগত আমি বুঝি নু কারণ ।
করিলেন নিজ-ভক্ত বলিয়া স্মরণ ॥

এত ভাবি বিভীষণ হস্তচিত্ত হৈয়া ।
যতেক শ্রুদগুণে বলিল ডাকিয়া ॥
শীঘ্রগতি সম্ভব হও নিজ-পরিবারে ।
আমার সহিত চল কৃষ্ণে ভেটিবারে ॥
দিব্য-রত্ন আছে যত আমার ভাণ্ডারে ।
সব রত্ন-ধন লহ, দিব দামোদরে ॥
লোচনে দেখিব আজি কমল-লোচন ।
জন্মাবধি-কৃত পাপ হবে বিমোচন ॥
এত বলি রথে আরোহিল লক্ষ্মণর ।
সঙ্গেতে চলিল লক্ষ-লক্ষ নিশাচর ॥

বাজায় বিবিধ-বাত্ত রাক্ষসী-বাজনা ।
শত-শত শ্বেতচ্ছত্র না যায় গণনা ॥
দক্ষিণ-দ্বারেতে উত্তরিল বিভীষণ ।
মিশামিশি হইল রাক্ষস-নরগণ ॥
বিকৃত-আকার যত নিশাচরগণ ।
বিশ্ময়-মানিয়া সবে করে নিরীক্ষণ ॥
ছুই-তিন মুখ কারো অশ্বপ্রায় মুখ ।
বক্র-দন্ত-নাসা দেখি, চক্ষু যেন কূপ ॥
রথ হৈতে ভূমিতে নামিল বিভীষণ ।
যজ্ঞস্থান দেখি হৈল বিস্মিত-বদন ॥
আদি-অন্ত নাহি, লোক চতুর্দিক্ বেড়ি ।
উচ্চ-নীচ জল-স্থল আছে লোক যুড়ি ॥
কোথায় দেখে একপদ নরগণ ।
দীর্ঘকর্ণ দেখে কোথা বিবর্ণ-বদন ॥
কোথায় কিরাত-শ্লেচ্ছ বিকৃত-আকার ।
কৃষ্ণ-অঙ্গ, তাত্ত্বকেশ, দেখে কত আর ॥
কোথায় অমরগণ নানা-ক্রীড়া করে ।
রাক্ষস দানব দৈত্য অনেক বিহরে ॥
সিদ্ধ সাধ্য ঋষি যোগী অনেক ব্রাহ্মণ ।
বিবিধ-বাহনে কোথা যমদূতগণ ॥
কোটি অশ্ব, কোটি হস্তা, কোটি-কোটি রথ ।
স্থানে-স্থানে নৃত্য-গীত হয় অবিরত ॥
অপূর্ব দেখিয়া সবে ভাবে মনে-মন ।
এ-হেন অদ্ভুত চ'ক্ষে না দেখি কখন ॥
যে দেব-দানবে বৈরী আছেয়ে সদায় ।
হেন দেব-দানবেতে একত্র খেলায় ॥
যে ফণি-গরুড়ে কভু নাহি হয় দেখা ।
একত্র খেলায়, যেন ছিল পূর্বের সখা ॥
রাক্ষস পাইলে নরে করয়ে ভক্ষণ ।
মনুষ্যের আজ্ঞা বহে নিশাচরগণ ॥

অমৃত মানিয়া রাজা যুখে দিল হাত ।
 জানিল এ-সব মায়া করেন ত্রীনাথ ॥
 দুইভিতে দেখে রাজা অনিমেঘ-আঁখি ।
 তিন-ভুবনের লোক একটাই দেখি ॥
 কে পারে আনিয়া দেয়, নাহিক নির্বন্ধ ।
 আসন-ভোজন-পানে সবার আনন্দ ॥
 পরিবার-লোক তার রাখি নিজ রথে ।
 ঠেলাঠেলি পদত্রেজে গেল কত পথে ॥
 আশু আর গম্য নহে যাইতে কাহারে ।
 থাকুক অন্তের কাজ পিপীলিকা নারে ॥
 কতদূরে আছে দ্বার নাহি চলে দৃষ্টি ।
 রাজগণ দাণ্ডাইয়া আছে পৃষ্ঠাপৃষ্ঠি ॥
 দুইভিতে দ্বারিগণ মারিতেছে বাড়ি ।
 একদৃষ্টে আছে সবে দুই-কর যুড়ি ॥
 পথ না পাইয়া দাণ্ডাইল বিভীষণ ।
 অস্তুর্যামী জানিলেন সব নারায়ণ ॥
 কে আইল, কে খাইল, কেবা নাহি পায় ।
 প্রতিজনে জিজ্ঞাসা করেন যদুরায় ॥
 দূরে থাকি নিরখিলা রক্ষঃ-অধিপতি ।
 দিব্যজ্ঞানে জানিলেন এই লক্ষ্মীপতি ॥
 অষ্টাঙ্গ লুটায়ৈ স্তুতি করে করযোড়ে ।
 বারিধারা নয়নেতে অবিশ্রান্ত পড়ে ॥
 দেখিয়া নিকটে তার গিয়া নারায়ণ ।
 দুই-হাতে ধরি দেন প্রীতি-আলিঙ্গন ॥
 স্তুতি করে বিভীষণ যুড়ি দুইকর ।
 আনন্দে চ'ক্কের জল খরে নিরন্তর ॥
 নানারত্ন নিবেদিয়া রাখে ভূমিতলে ।
 পুনঃপুনঃ ধরি পড়ে চরণকমলে ॥
 যতেক আনিলা রাজা বিবিধ-রতন ।
 গোবিন্দের আগে ল'য়ে দিলা তত্তক্ষণ ॥

করযোড় করি বলে রাক্ষসের রাজ ।
 আজ্ঞা কর জগন্নাথ, করিব কি-কাজ ॥
 গোবিন্দ বলেন, আসিয়াছ যেই কাজে ।
 মম সঙ্গে চল ভেটিবারে ধর্মরাজে ॥
 বিভীষণ বলে, কর্ম সম্পন্ন হইল ।
 তোমার পদারবিন্দ নয়ন দেখিল ॥
 তোমার কোমল-অঙ্গে দৃঢ়-আলিঙ্গন ।
 পিতামহ-বাঞ্ছিত যে, অণু কোন্ জন ॥
 লক্ষ্মীর চুল্লভ মোরে করিলা প্রসাদ ।
 চিরকাল-বিচ্ছেদের খণ্ডিল বিষাদ ॥
 সম্পূর্ণ মানস হৈল, সিদ্ধ হৈল কাজ ।
 এখন কি করি, আজ্ঞা কর যদুরাজ ॥
 গোবিন্দ বলেন, যে করিল আবাহন ।
 যার দূত-সঙ্গে পূর্বের পাঠাইলে ধন ॥
 যার নিমন্ত্রণে ভূমি আসিলে এথায় ।
 চলহ ভেটাই সেই ঠাকুরে তোমায় ॥
 বিভীষণ বলে, পূর্বের কৈলা দূতগণ ।
 পাণ্ডবের যজ্ঞে অধিষ্ঠিত নারায়ণ ॥
 তব দ্রোহী হইব, না দিলে তারে কর !
 অণু কি, তোমার নামে দিব কলেবর ॥
 চিরকাল-অদর্শনে আছি অপরাধী ।
 আপনি ডাকিলা, হেন ঘটাইলা বিধি ॥
 বিশ্বের ঠাকুর ভূমি, মনে হেন জানি ।
 তোমার ঠাকুর আছে, নাহি আমি মানি ॥
 যা হোক, আমার প্রভু ভূমি-বিনা নাই ।
 প্রয়োজন নাই মোর অন্তজন-ঠাই ॥
 গোবিন্দ বলেন, ধর্মপুত্র যুধিষ্ঠির ।
 যঁার দরশনে হয় নিম্পাপ শরীর ॥
 সত্যবাদী জিতেদ্রিয় সর্বগুণধাম ।
 এ-তিন-ভুবনে খ্যাত আছে যঁার নাম ॥

প্রতাপে যাঁহারে ইন্দ্র-আদি কর দিল ।
 কর দিয়া ফণীন্দ্র শরণ আসি নিল ॥
 উত্তরে উত্তর-কুরু, পূর্বে জলনিধি ।
 পশ্চিমেতে আমি, দক্ষিণেতে তোমা-আদি ॥
 নাহি দিল, না আসিল, নাহি হেনজন ।
 সাক্ষাতে নয়নে তুমি দেখহ এখন ॥
 দেবতা গন্ধর্ব্ব যক্ষ রক্ষ কপি ফণী ।
 মনুষ্য আসিল যত, আছয়ে অবনী ॥
 অষ্টাশী-সহস্র দ্বিজ নিত্য গৃহে ভুঞ্জে ।
 ত্রিশ-ত্রিশ দাস সেবে এক-এক দ্বিজে ॥
 উর্দ্ধরেতা সহস্র-দশেক সদা সেবে ।
 আছেন যতেক দ্বিজ, কে অন্ত করিবে ॥
 অবিরাম রক্ষনাদি হয় স্থানে-স্থান ।
 লক্ষ-লক্ষ বিপ্রগণ ভুঞ্জে একস্থান ॥
 একলক্ষ দ্বিজ যবে করেন ভোজন ।
 একবার শঙ্খনাদ হয় সে তখন ॥
 হেনমতে মুহুমুহুঃ হয় শঙ্খধ্বনি ।
 চতুর্দিকে শঙ্খরবে কিছুই না শুনি ॥
 তিন-পদ্ম-অযুত মাতঙ্গ দৌর্ঘদন্ত ।
 তিন-পদ্মযুত রথ, তুরঙ্গ অনন্ত ॥
 লক্ষ-নৃপতির পতি কে পারে গণিতে ।
 চারি-জাতি যতেক নিবসে পৃথিবীতে ॥
 অর্দ্ধেক রক্ষনে ভুঞ্জে, অর্দ্ধেক আমায় ।
 কার শক্তি বর্ণে তাহা, নহেক সামান্য ॥
 একজন অসম্বন্ধ নাহিক ইহাতে ।
 খাও-খাও, লও-লও-ধ্বনি চারিভিতে ॥
 মনু-আদি যত হৈল পৃথিবীর পতি ।
 হেন কর্ম করিবারে না হৈল শক্তি ॥
 যতদূর পর্য্যন্ত নিবসে প্রাণী যত ।
 হেনজন নাহি, যুধিষ্ঠিরে নহে জ্ঞাত ॥

স্মরণে স্মৃতি হয়, নিষ্কাশ দর্শনে ।
 প্রণামে পরম-গতি আমার সমানে ॥
 হেনজনে নাহি জানে তোমা-হেন জন ।
 শীত্রগতি চল, ল'য়ে করাব দর্শন ॥
 বিভীষণ বলে, প্রভু, কহিলা প্রমাণ ।
 মম নিবেদন কিছু কর অবধান ॥
 পূর্বে পিতামহ-মুখে শুনিয়াছি আমি ।
 অনন্ত ব্রহ্মাণ্ডে তুমি সবার স্বামী ॥
 ব্রহ্মা-ইন্দ্র-পদ তব কটাক্ষেতে হয় ।
 এ-কর্ম অসাধ্য নহে তোমার কৃপায় ॥
 মম পূর্ব-বিবরণ জান গদাধর ।
 তপশ্চা করিয়া আমি মাগিলাম বর ॥
 স্মরিব তোমার নাম, সেবিব তোমাতে ।
 তব পদ-বিনা শির না নোয়াব কারে ॥
 যথায় লইয়া যাবে, সংহতি যাইব ।
 কদাচিত্ অন্তর্যজনে মায়া না করিব ॥
 এত বলি বিভীষণ চলিলা সংহতি ।
 পাছে যায় বিভীষণ, অগ্রেতে ক্রীপতি ॥
 চট্-চট্-শব্দেতে চৌদিকে পড়ে ছাট ।
 গোবিন্দে নিরখি সবে ছাড়ি দিল বাট ॥
 দ্বারের নিকটে উত্তরিলে নারায়ণে ।
 পশিতে সাত্যকি নিবারিল বিভীষণে ॥
 গোবিন্দ বলেন, দ্বারে না রাখ ইহায়ে ।
 স্বদেশে যাবেন শীত্র ভেটিয়া রাজ্যারে ॥
 সাত্যকি বলেন, প্রভু, জানহ আপনি ।
 আজ্ঞা-বিনা যাইতে না পারে বজ্রপাণি ॥
 হের দেখ জগন্নাথ, দ্বারেতে বারিত ।
 যত রাজরাজেশ্বর থাকে বাধ্যভিত ॥
 অংসাদেশ-অধিপতি বিরাট-নৃপতি ।
 শূরসেন দম্ভবজ্র হুমিহ প্রস্থতি ॥

অগণিত-সৈন্য য়াঁর ধনে নাহি অস্ত ।
 কর ল'য়ে ঘারে আছে মাসেক পর্য্যন্ত ॥
 শ্রেণিমস্ত হুকুমার নীলধ্বজ রাজা ।
 একপদ কলিঙ্গ নৈষধ মহাতেজা ॥
 কিঙ্কিজ্যা-ঈশ্বর দেখ, সিদ্ধকূলবাসী ।
 গৌশুঙ্গ ভ্রমণ আর রুক্মী ঔড়দেশী ॥
 ইহা-সবাকার সঙ্গে শত-পঞ্চশত ।
 কোটি-কোটি গজ-বাজী, কোটি-কোটি রথ ॥
 নানারত্ন-ধন নিজ-পরিবার ল'য়ে ।
 ঘারেতে আছেন দেখ বারিত হইয়ে ॥
 নৃপতি সহস্র-ত্রিশ আছে এই ঘারে ।
 জন-কত রাজামাত্র গিয়াছে ভিতরে ॥
 পুরুজিৎ নামে রাজা পাণ্ডব-মাতুল ।
 রাজ-আজ্ঞা পেয়ে তবে লইল নকুল ॥
 তার সঙ্গে গেল জন-কত নৃপবর ।
 দেখিয়া বড়ই ক্রুদ্ধ হৈল রুকোদর ॥
 মাতুলে রাখিয়া আর অন্য রাজগণে ।
 ঢেকা মারি তাড়াইয়া দেন ততক্ষণে ॥
 আজ্ঞা-বিনা ছাড়িবারে নারি কদাচন ।
 আজ্ঞা আনি লৈয়া যাহ রাজা বিভীষণ ॥
 এত শুনি ক্রুদ্ধ হৈয়া গেলেন গোবিন্দ ।
 চুই-চক্ষু দেখি যেন রক্ত-অরবিন্দ ॥

তথা হৈতে চলি যান সহ-লক্ষ্যপতি ।
 পূর্ব্বঘারে উপনীত আপনি ত্রীপতি ॥
 মহাবীর ঘটোৎকচ হিড়িম্বা-কুমার ।
 তিনলক্ষ রাক্ষসেতে রক্ষা করে ঘর ॥
 কৃষ্ণেরে দেখিয়া সবে পথ ছাড়ি দিল ।
 বেত্র দিয়া বিভীষণে ঘারে নিবারিল ॥
 গোবিন্দ বলেন, ইনি লক্ষ্যর ঈশ্বর ।
 ব্রহ্মার প্রপৌত্র, রাবণের সহোদর ॥

রাজদরশন-হেতু যাবেন স্থরিত ।
 হেনজনে ঘারে রাখা না হয় উচিত ॥
 ঘটোৎকচ বলে, শুন দেব-চক্রপাণি ।
 আমি কি করিব, ভূমি জানহ আপনি ॥
 বাইশ-সহস্র রাজা আছে এই ঘারে ।
 জন-কত রাজামাত্র গিয়াছে ভিতরে ॥
 ব্রহ্মার প্রপৌত্র দেব, অনেক এসেছে ।
 চুই-তিনদিন ঘারে অপেক্ষি র'য়েছে ॥
 ব্রহ্মার প্রপৌত্র দেব, কশ্যপ-কোঙর ।
 মহা-মহা-নাগসঙ্গে শেষ-বিষ্ণুর ॥
 সহস্র-বদন শোভে নাগ-অধিকারী ।
 এইখানে ছিল তেঁহ দিন-চুই-চারি ॥
 হের, দেখ রাজগণ দাণ্ডাইয়া আছে ।
 একদৃষ্টে বুকে হস্ত, নাহি চায় পাছে ॥
 গিরিব্রজ-পুরপতি-জরাসন্ধ-স্বত ।
 জয়সেন মহারাজ বহুসৈন্যযুত ॥
 নব-কোটি রথ, নব-কোটি মন্তহাতী ।
 যষ্টি-কোটি তুরঙ্গম, অসংখ্য পদাতি ॥
 নানারত্ন আনিলেন নানা-যানে করি ।
 হস্তিনী-গর্দভ-উষ্ট্র-শকট-উপরি ॥
 অহর্নিশ নৌকা বাহে, সংখ্যা নাহি জানি ।
 য়াঁর নৌকা ত্রিশ-ক্রোশ ঢাকে গঙ্গাপানি ॥
 বিংশতি-সহস্র রাজা সংহতি করিয়া ।
 ঘারেতে আছেন দেখ বারিত হইয়া ॥
 শিশুপাল রাজা দেখ চেদির ঈশ্বর ।
 যাহার সহিত পঞ্চশত নরবর ॥
 তিনকোটি হস্তী সঙ্গে, তিনকোটি রথী ।
 নবকোটি আসোয়ার বায়ুসম গতি ॥
 নানা-যানে করি নানারত্ন সঙ্গে লৈয়া ।
 ঘারেতে আছেন দেখ বারিত হইয়া ॥

দীর্ঘযজ্ঞ রাজা দেখে অযোধ্যার পতি ।
 তিনকোটি রথ সঙ্গে, তিনকোটি হাতী ॥
 সপ্তশত নরপতি সংহতি করিয়া ।
 কর ল'য়ে দ্বারে আছে বারিত হইয়া ॥
 কাশীরাজ দেখে এই কাশীর ঈশ্বর ।
 কোশলের রাজা বৃহৎসল-নৃপবর ॥
 সুবাহু-সুপার্শ্ব-ক্রুথ-কৌশিকাদি রাজা ।
 মদ্রসেন চন্দ্রসেন পার্শ্ব মহাতেজা ॥
 সুবর্ণ সুমিত্র রাজা সুমুখ শর্ম্মক ।
 মণিমন্ত দণ্ডধর, নৃপতি বর্ম্মক ॥
 পুণ্ডরীক-বাহুদেব-জরদগব-আদি ।
 করিল মেদিনী ব্যাপ্ত সমুদ্রে-অবধি ॥
 এ-সবার সঙ্গে রাজা শত-সপ্তশত ।
 লিখনে না যায়, কত গজ বাজী রথ ॥
 যে-দেশে যে-রত্ন জন্মে, তাহা কর লৈয়া ।
 দ্বারেতে আছেন দেখে বারিত হইয়া ॥
 উপরুজ্জ অত্যন্ত হয়েন যেইজন ।
 রাজারে জানায় গিয়া তাঁর বিবরণ ॥
 তবে যদি ধর্ম্মরাজ দেন অনুমতি ।
 যাঁরে আজ্ঞা দেন, সেইজন করে গতি ॥
 মুহূর্ত্তেক রহি মাত্র দরশন পায় ।
 শীত্রগতি পুনঃ আনি রাখয়ে হেথায় ॥
 রাজার খসুর দেব, দ্রুপদ-নৃপতি ।
 দিনেক রহিল পরিজনের সংহতি ॥
 রাজ-আজ্ঞা পেয়ে তবে ছাড়ে দ্রুপদেরে ।
 তাঁর সঙ্গে রাজা কত পশিল ভিতরে ॥
 সেইহেতু পিতা মোরে করিলেন ক্রোধ ।
 খসুরের কিছু না রাখিল উপরোধ ॥
 বাহির করিয়া দিলা সেই রাজগণে ।
 দ্বারিগণ-প্রতি বড় রুষ্ট হৈলা মনে ॥

পূর্বে ইন্দ্রসেন ছিল এই দ্বারে দ্বারী ।
 এই দোষে তাহারে দিলেন দূর করি ॥
 রাখিলেন মোরে দ্বারে অনেক কহিয়া ।
 আজ্ঞা-বিনা ইন্দ্র এলে না দিবে ছাড়িয়া ॥
 এইহেতু জগন্নাথ, ভয় লাগে মনে ।
 আজ্ঞা-বিনা কিরূপেতে ছাড়ি বিভীষণে ॥
 রাখি হেথা আন রাজ-অনুমতি হরি ।
 জানাতে রাজারে আমি শক্তি নাহি ধরি ॥
 নকুল আইসে কিংবা অনুজ তাহার ।
 বার্তা জানাইতে এ-দৌহার অধিকার ॥
 বুঝিয়া আপনি কর যে হয় বিচার ।
 ক্রণেক থাকহ, নহে যাহ অন্তদ্বার ॥
 এত শুনি কৃষ্ণ তারে নিন্দিয়া অপার ।
 ক্রোধ করি চলিলেন উত্তর-দুয়ার ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২৪ । শ্রীকৃষ্ণ-কর্তৃক চারিজন রাজার
 প্রাণদান ।

বিভীষণে সঙ্গে করি যান গদাধর ।
 কতদূরে দেখিলেন ভীম-অনুচর ॥
 চারিজন নৃপতিরে করিয়া বন্ধন ।
 কেশে ধরি কোপভরে যায় চারিজন ॥
 জিজ্ঞাসেন মাধব, তোমরা কোন্ জন ।
 এ-চারিজনে কে কহিলে বন্ধন ॥
 দূতগণ বলে, মোরা ভীমের কিস্কর ।
 দুর্ভকর্ম্ম কৈল এই চারি নৃপবর ॥
 যেত আর লোহিত-মণ্ডল-নরপতি ।
 অবধানে জগন্নাথ, কর অবগতি ॥

এ-দৌহার দেশ প্রভু, সমুদ্রের তীরে ।
 পার্থ জিনি কর-সহ আনিল দৌহারে ॥
 না বলিয়া এখন যাইতেছিল দেশে ।
 অর্দ্ধপথ হৈতে মোরা আনি ধরি কেশে ॥
 হের দেখ জগন্নাথ, এই দুইজনে ।
 উপহাস কৈল চুই দরিদ্র ব্রাহ্মণে ॥
 এইহেতু চারিজনে আনিমু বান্ধিয়া ।
 আজ্ঞা করিলেন ভীম শূলে দিতে নিয়া ॥

এত শুনি কৃষ্ণ ফিরাইল চারিজনে ।
 রুকোদর কোথা, জিজ্ঞাসেন দূতগণে ॥
 আগে-আগে যায় দূত, পিছে গদাধর ।
 কতদূরে দেখিলেন, আসে রুকোদর ॥
 একলক্ষ-রথি-সহ ভ্রমে সর্বস্বল ।
 সবাংকার তত্ত্ব করে ভীম মহাবল ॥
 ভীমের নিকটে উত্তরিল নায়ায়ণ ।
 কহিলেন, মুক্ত করি দেহ চারিজন ॥
 কর্ম-হেতু এ-সবারে কৈলে আবাহন ।
 অনাদর এখন করহ কি-কারণ ॥
 কর্ম যদি করিবে হইয়া মহাতেজা ।
 ক্ষুদ্রলোকে নিমন্ত্রিলে করিবেক পূজা ॥
 দুষ্ক-শিষ্ট আসিয়াছে বহু কর্মস্থলে ।
 কর্মে বহুবিঘ্ন হয় ক্ষমা না করিলে ॥

রুকোদর বলে, শুন দেবকী-নন্দন ।
 দোষমত শাস্তি যদি না পায় দুর্জন ॥
 আর সবে ক্রমে-ক্রমে সেই পথ লয় ।
 কহ, ইথে কর্মপূর্ণ কেমনেতে হয় ॥
 দুষ্টে ক্ষমা করিতে না পারি কদাচন ।
 দুষ্টাচারী নাহি ছাড়ে নিজ-দুষ্ক-পণ ॥
 দুষ্টজনে নিজতেজ যদি না দেখায় ।
 অবজ্ঞা করয়ে আর কর্ম-ধ্বংস হয় ॥

ইহার সহিত পূর্বের পরিচয় কোথা ।
 তেজ হৈতে দেখ যত আসিয়াছে হেথা ॥
 সূক্ষ্ম লভয়ে যদি শাস্তি-আচরণে ।
 জতুগৃহ হৈতে মুক্ত হইলু যখনে ॥
 ভিক্ষা মাগি থাইলাম পঞ্চ-সহোদর ।
 এমত না মিলে, যাহে পূরয়ে উদর ॥
 গোবিন্দ কহিলো, সেই শাস্তি-আচরণে ।
 ক্রমে-ক্রমে সূক্ষ্ম লভিলে এতদিনে ॥

পুনশ্চ কহেন কৃষ্ণ কমললোচন ।
 শুন-শুন ভীমসেন, আমার বচন ॥
 তোমার শাস্তির শব্দে ত্রৈলোক্য পুরিল ।
 তেত্রি দেখ তিন-লোক একত্র মিলিল ॥
 শাস্তি না আচরি তুমি এ-কর্ম করিলে ।
 কহ ভীম, যজ্ঞপূর্ণ হইবে কি ভালে ॥
 অম্মা কর্ম নহে, এই রাজসূয়-সত্র ।
 একলক্ষ রাজা আসি হ'য়েছে একত্র ॥
 নাহি জান এর মধ্যে আছে ভাল-মন্দ ।
 একচক্র হ'য়ে যদি সবে করে দ্বন্দ্ব ॥
 কহ মোরে, তখন কি উপায় করিবে ।
 প্রমাদ ঘটিবে, আর যজ্ঞ নষ্ট হবে ॥
 পৃথিবীর লোক-সব করিলে বিরোধ ।
 কত-কত জনে তুমি করিবা প্রবোধ ॥
 পাতালে রহিল গিয়া পার্থ ধনুর্ধর ।
 দ্বন্দ্ব করিবারে তুমি সবে একেশ্বর ॥

কৃষ্ণের বচন শুনি বলে রুকোদর ।
 তব যোগ্য কথা নহে, দেব-দামোদর ॥
 একলক্ষ রাজা যে বলিলো নায়ায়ণ ।
 প্রত্যক্ষিতে দেখিলাম আমি সর্বজন ॥
 অজাবূথ লাগে যেন ব্যাঘ্রের নয়নে ।
 সেইমত রাজগণে লাগে মোর মনে ॥

বন্দ করিবারে সবে হৈলে একদিকে ।
কাহারো নাহিক দায়, রৈল মম ভাগে ॥
সসৈন্তে আগত একলক্ষ নৃপবর ।
মুহুর্তেকে দলিবারে পারি একেশ্বর ॥
মনুষ্যে কি গণি, যদি তিন-লোক হয় ।
একেশ্বর সবারে করিব পরাজয় ॥
যার জয় ইচ্ছে দেব, তোমা-হেন জনে ।
তারে পরাজিত করে নাহি ত্রিভুবনে ॥

গোবিন্দ বলেন, সব সম্ভবে তোমারে ।
তোমা-সহ বিরোধ করিতে কেবা পারে ॥
ইহা-সবাকারে ছাড় আমার বচনে ।
এবে দণ্ড কর, যেবা করে দুষ্কপণে ॥
এত বলি মুক্ত করি দেন চারিজন ।
তথা হৈতে যান চলি ল'য়ে বিভীষণে ॥
মহাভারতের কথা অমৃত-লহরী ।
কাশী কহে, শুনিলে তরয়ে ভববারি ॥

২৫। উত্তর-পশ্চিম-দ্বারে বিভীষণের
অপমান ।

যাইতে যাইতে কৃষ্ণ কন বিভীষণে ।
বহু রাজা দেখিয়াছ, শুনেছ শ্রবণে ॥
এমত সম্পদ কি হ'য়েছে কোনজনে ।
আমা-হেন জনে রাখে যার দ্বারিগণে ॥
তিন-ভুবনের লোক একত্র মিলিল ।
ইন্দ্র-আদি করি সবে যাঁরে কর দিল ॥
বিভীষণ বলে, দেব, এ নহে অদ্বুত ।
ইহা হৈতে রাজসূয় হ'য়েছে বহুত ॥
হরিশ্চন্দ্র মহারাজ এ-যজ্ঞ করিল ।
সপ্তদ্বীপ-লোক সব একত্র হইল ॥

আর-আর যত রাজা পৃথিবীতে ছিল ।
ইন্দ্র-আদি দেবে জিনি নানা-যজ্ঞ কৈল ॥
একমাত্র পাণ্ডবের বাখানি বিশেষ ।
আপনি এতেক স্নেহ কর হৃষীকেশ ॥
ব্রহ্মাদি দেয়ায় প্রভু, তোমা দেখিবারে ।
এ বড় আশ্চর্য্য, তুমি ভ্রম দ্বারে-দ্বারে ॥
তোমার চরিত্র প্রভু, কি বুঝিতে পারি ।
নিশিষে করহ ইন্দ্রে পথের ভিখারী ॥
ব্রহ্মপদ তব কাছে কীটের সমান ।
যারে যাহা কর, তাহা কে করিবে আন ॥
ইন্দ্র-আদি-পদ প্রভু, না করি গণন ।
তব পদে ভক্তি যার, সেই মহাজন ॥
ভক্তিতে পাণ্ডব বশ করিয়াছে তোমা ।
তেঞি দ্বারে দ্বারী রাখে, তারে কর ক্ষমা ॥
কি-কারণে জগন্নাথ, এত পর্য্যটন ।
দ্বারে-দ্বারে ভ্রম প্রভু, কোন্ প্রয়োজন ॥
দৈবেতে এ-দ্বারিগণ না ছাড়ে আমারে ।
মম প্রয়োজন কিছু নাহিক ভিতরে ॥
মানস হইল পূর্ণ, সিদ্ধ হৈল কার্য্য ।
আজ্ঞা হৈলে মহাপ্রভু, যাই নিজরাজ্য ॥

বিভীষণ-বাক্য শুনি বলে চক্রধর ।
কত আর কহিব তোমারে লক্ষেশ্বর ॥
সর্ব্বধর্ম্ম জান তুমি, বিচারে পণ্ডিত ।
তুমি হেন কথা কহ, না হয় উচিত ॥
নিমন্ত্ৰণ করিল যে, তারে না ভেটিয়া ।
যদি যাহ, জিজ্ঞাসিলে কি বলিব গিয়া ॥
তব আগমন এবে সবে জ্ঞাত হৈল ।
লোকে বলিবেক, সেই কৃষ্ণে ভেটি গেল ॥
হেন অগকীর্তি মম চাহ কি-কারণ ।
কণেক রহিয়া কর রাজদমনন ॥

এইরূপে পথে দৌঁছে কথোপকথনে ।
 উত্তর-দুয়ারে উত্তরিলেন দুজনে ॥
 উত্তর-দুয়ারে দ্বারী কামের নন্দন ।
 গোবিন্দে দেখিয়া আসি করিল বন্দন ॥
 শ্রীকৃষ্ণ বলেন, যাই রাজার গোচর ।
 ধর্মরাজে ভেটাইব রাক্ষস-ঈশ্বর ॥
 অনিরুদ্ধ বলে, দেব, রহ মুহূর্তেক ।
 এখনি মাতীর পুত্র হেথা আসিবেক ॥
 তাঁর হাতে জানাইব রাজার গোচর ।
 আজ্ঞা পেলে ল'য়ে যাবে রাক্ষস-ঈশ্বর ॥
 গোবিন্দ বলেন, তুমি না জান ইঁহারে ।
 ক্ষণেক উচিত নহে রাখিতে দুয়ারে ॥
 রাবণের সহোদর লঙ্কা-অধিপতি ।
 রাক্ষসের রাজা ইনি, ব্রহ্মার যে নাতি ॥
 এত শুনি হাসি বলে কামের নন্দন ।
 কেন হেন কহ দেব, জানিয়া কারণ ॥
 প্রত্যক্ষে দেখহ দেব, যতেক নৃপতি ।
 অনেক দিবস হৈল, দ্বারে কৈল স্থিতি ॥
 প্রাগ্দেশ-অধিপতি রাজা ভগদত্ত ।
 নবকোটি রথ সঙ্গে, কোটিগজ মত্ত ॥
 বিংশতি-সহস্র রাজা ইঁহার সংহতি ।
 ঐরাবত-সম যাঁর আরোহণে হাতী ॥
 নানারত্ন-কর দেখ সঙ্গেতে করিয়া ।
 বহুদিন দ্বারে আছে বারিত হইয়া ॥
 বাহুলীক বৃহন্ত আর হুদেব কুন্তল ।
 সিংহরাজ হুশর্মা রোহিত বৃহৎসল ॥
 কামদেব কামেশ্বর রাজা কামসিদ্ধু ।
 ত্রিগর্ত দরদ-শিরঃ মহারাজ সিদ্ধু ॥

এ-সবার সঙ্গে রাজা শত-পঞ্চাশত ।
 ত্রিশকোটি মত্তহস্তী, ত্রিশকোটি রথ ॥
 যেই দেশে নাহি শক্তি বিহঙ্গ যাইতে ।
 সে-সকল রাজা দেব, দেখহ সাক্ষাতে ॥
 নানারত্ন-কর ল'য়ে দ্বারে বসি আছে ।
 বৎসর-অবধি হৈল, কেহ নাহি পুছে ॥
 পুত্রপৌত্র ব্রহ্মার এসেছে কতজন ।
 প্রপৌত্র আইল যত, কে করে গণন ॥
 ইন্দ্র চন্দ্র জলেশ কৃতান্ত দিনকর ।
 ব্রহ্ম-ঋষি দেব-ঋষি আইল বিস্তর ॥
 চিত্ররথ গন্ধর্ব্ব তুম্বকু হাহা হুহু ।
 বিশ্বাবসু-আদি-সহ বিদ্যাধর বহু ॥
 যক্ষরাজ-সহ এল, কত ল'ব নাম ।
 আসিয়াছে, আসিতেছে, নাহিক বিরাম ॥
 দুই-একদিন সবে দ্বারেতে রহিল ।
 পাইয়া রাজার আজ্ঞা সম্ভাষণে গেল ॥
 বিনা-আজ্ঞা ছাড়ি দিলে দুঃখ পাই পাছে ।
 রাজদ্রোহী কর্মে দেব, বহুবিস্ম আছে ॥
 দোষ-গুণ বুঝিতে ভীমের অধিকার ।
 ভীম ক্রোধ করিলে নাহিক প্রতিকার ॥
 বুঝিয়া করহ দেব, যে হয় বিচার ।
 কি-শক্তি আমার, আজ্ঞা-বিনা ছাড়ি দ্বার ॥

এত শুনি কৃষ্ণ তারে নিন্দিয়া অপার ।
 ক্রোধ করি চলিলেন পশ্চিম-দুয়ার ॥
 গোবিন্দ বলেন, রাজা, দেখ বিদ্যমান ।
 পৌত্র হ'য়ে মোরে নাহি করিল সম্মান ॥
 নাহিক উহার দোষ, কর্ম এইরূপে ।
 ইন্দ্র-যম ভয় করে ভীমের প্রতাপে ॥

অল্পদোষে দেয় দণ্ড, ক্রোধ নিরস্তুর ।
 শ্রুতিমাত্র দেয় শাস্তি, নাহি পরাপর ॥
 চলহ, পশ্চিম-দ্বারে আছে দুর্ঘোষণ ।
 আমা দেখি কদাচ না করিবে বারণ ॥
 আর কহি বিভীষণ, না হও বিশ্বাসিত ।
 যখন করিবে দৃষ্টি ধর্ম-নরপতি ॥
 ভূমিষ্ঠ হইয়া তুমি প্রণাম করিবে ।
 নৃপতির আজ্ঞা পেলো তখন উঠিবে ॥

বিভীষণ বলে, প্রভু, নহে কদাচন ।
 নিবেদন করিয়াছি মম বিবরণ ॥
 পূর্ব হৈতে তব পদে বিক্রীত-শরীর ।
 তব পদ-বিনা অন্তে না নোয়াব শির ॥

এত শুনি গোবিন্দ ভাবেন মনে-মনে ।
 করিয়াছি কুর্কর্ম আনিয়া বিভীষণে ॥
 বিভীষণ যদি দণ্ডবৎ না করয় ।
 সভাতে পাইবে লজ্জা ধর্মের তনয় ॥
 এত চিন্তি জগন্নাথ করেন বিচার ।
 ব্রহ্মাদি হইবে নত, এবা কোন্ ছার ॥
 যজ্ঞারম্ভ কৈল রাজা আমার বচনে ।
 আমি যজ্ঞেত্বর বলি জানে সর্বজনে ॥
 ব্রহ্মাদি করিল যজ্ঞ ব্রহ্মাণ্ড-ভিতর ।
 কোন যজ্ঞ নাহি হবে এ-যজ্ঞ-উপর ॥

এত চিন্তি জগন্নাথ সহ-বিভীষণ ।
 পশ্চিম-দ্বারেতে যান, যথা দুর্ঘোষণ ॥
 দুর্ঘোষণ-নৃপতির দুই অধিকার ।
 দ্রব্যের ভাণ্ডারী, আর রক্ষা করে দ্বার ॥
 অসংখ্য ভাণ্ডার যেন শোভে গিরিবর ।
 কনক রজত মুক্তা প্রবাল প্রস্তর ॥

অমূল্য কীটজ-চীর লোমজ-বসন ।
 কস্তুরী, দশন-হস্তী, শৃঙ্গী অগণন ॥
 চতুর্দিক্ হইতে আসিছে যেন-যন ।
 আষাঢ়-শ্রাবণে যেন হয় বরিষণ ॥
 দরিদ্র-ভিক্ষুক-দ্বিজ-ভট্ট-আদি যত ।
 বিদুরের সম্মত দিতেছে অমূল্যত ॥
 যত-দ্রব্য আসে, তত দিতেছে সকল ।
 পুনঃপুনঃ আসে যেন জোয়ারের জল ॥
 কতজনে কত দেয়, নাহি পরিমাণ ।
 অদরিদ্রা কৈলা পৃথ্বী দিয়া বহুদান ॥
 উনশত-ভ্রাতৃ-সহ নিজ-পরিবার ।
 দুর্ঘোষণ-দ্বারী রাখে পশ্চিম-দুয়ার ॥
 গোবিন্দেরে নিরখিয়া বলে দুর্ঘোষণ ।
 কহ, কোন্ হেতু দাণ্ডাইলা নারায়ণ ॥
 গোবিন্দ বলেন, ইনি লঙ্কার ঈশ্বর ।
 যাইতে নিবারে কেন তোমার কিঙ্কর ॥

দুর্ঘোষণ বলে, কৃষ্ণ, নাহি তার দোষ ।
 আপনি জানহ প্রভু, ভীমের আক্রোশ ॥
 হের দেখ জগন্নাথ, দ্বারেতে আছয় ।
 পশ্চিম-দিকেতে বৈসে যত রাজচয় ॥
 শিরসি-দেশের রাজা দেখহ রোহিত ।
 শতসংখ্য রাজা আছে ইহার সহিত ॥
 পঞ্চকোটি হস্তী সঙ্গ, দশকোটি রথ ।
 যার সৈন্য ঘুড়িয়াছে দশক্রোশ পথ ॥
 নানা-যান করিয়া বিবিধ-রত্ন লৈয়া ।
 দ্বারেতে আছয়ে সব বারিত হইয়া ॥
 মালব-ঈশ্বর শিবি পুঙ্কর-নৃপতি ।
 পঞ্চশত রাজা আছে দৌহার সংহতি ॥

এককোটি রথ আর গজ কোটি-সাত ।
 কত অশ্ব আছে, কেবা করে দৃষ্টিপাত ॥
 নানাবর্ণ-রত্ন ল'য়ে দুয়ারেতে আছে ।
 দুই-তিন মাস হৈল কেহ নাহি পুছে ॥
 দ্বারপাল-রাজ আর রাজা বৃন্দারক ।
 প্রতিবিদ্য নরপতি অমরকণ্টক ॥
 এ-সবার সঙ্গে রাজা শত-পঞ্চশত ।
 লিখনে না যায়, যত গজ বাজী রথ ॥
 চারিজাতি প্রজা এল নানা-কর লৈয়া ।
 দ্বারেতে আছেয়ে সবে বারিত হইয়া ॥
 চিত্রসেন-রাজ দেখে গন্ধর্ব্ব-সৈন্য ।
 ত্রিশকোটি রথ, ত্রিশকোটি যে কুঞ্জর ॥
 নানারত্ন আনিল, নাহিক তার ওর ১ ।
 এ-সবার পাছে যেন দাণ্ডাইয়া চোর ॥
 বহুদেব-সহ আসে যত যদুবীর ।
 মদ্রেশ্বর শল্য যে মাভুল নৃপতির ॥
 আজ্ঞা পেয়ে মাদ্রীপুত্র লইল ভিতরে ।
 তথাপিহ দুইদিন রহিলেক দ্বারে ॥
 আসিবা-মাত্রেতে চাহ লৈয়া ভেটিবার ।
 আজ্ঞা-বিনা কিরূপে ছাড়য়ে দ্বারী দ্বার ॥
 এইরূপে আসিবেক মাদ্রীর নন্দন ।
 কণ্ঠমাত্র এথায় বৈসহ নারায়ণ ॥
 এত বলি দুর্ব্বোধন দিল সিংহাসন ।
 দুই-সিংহাসনে বসিলেন দুইজন ॥

কে বুঝিতে পারে জগন্নাথের চরিত ।

অখিল ব্রহ্মাণ্ড যঁার মায়ায় মোহিত ॥
 ধন্য রাজা ইন্দ্রদ্যুম্ন, জন্ম শুভকালে ॥
 হেন প্রভু বশ কৈল আপনার গুণে ॥

ধন্য রাজা, অশ্বমেধ কৈল শত-শত ।
 ধন্য রাজা, কঠোর তপশ্চা কৈল যত ॥
 কেহ যজ্ঞ ব্রত করে বিভব-কারণ ।
 ইন্দ্রপদ বাঞ্ছে কেহ, কুবেরের ধন ॥
 তিনলোক-মধ্যে ইন্দ্রদ্যুম্নের বাখানি ।
 কত ইন্দ্রপদ যঁার কর্ম্মের নিছনি ॥
 যঁাহার যশের গুণে পূরিল সংসার ।
 ক্ষতিমধ্যে খণ্ডাইল যম-অধিকার ॥
 যাবৎ ব্রহ্মাণ্ড, আর যাবৎ ধরণী ।
 করিল অদ্বুত-কীৰ্ত্তি নিস্তারিতে প্রাণী ॥
 গোহত্যা-স্ত্রীহত্যা-আদি করে যে নারকী ।
 অবহেলে স্বর্গে যায় কৃষ্ণমুখ দেখি ॥
 জন্মে-জন্মে কাশী-আদি নানা-তীর্থ-সেবা ।
 তপঃক্লেশ-যজ্ঞ ব্রত সদা করে যেবা ॥
 কৃষ্ণমুখ তারা যদি না করে দর্শন ।
 বিফল তাদের তপ, তীর্থ-পর্যটন ॥
 শ্রীমুখ না দেখে যেবা থাকিতে নয়ন ।
 সংসারেতে নরযোনি তার অকারণ ॥
 পঞ্চ-মহাপাতকী শ্রীমুখ যদি দেখে ।
 কোটি-কল্প-পাপ তার শরীরে না থাকে ॥
 জগন্নাথ-মুখপদ্ম যে করে দর্শন ।
 জগন্নাথ-নাম যেবা করয়ে স্মরণ ॥
 পৃথিবীর মধ্যে তাঁর সফল জীবন ।
 কাশীরাম প্রণময় তাঁহার চরণ ॥

২৬। শ্রীকৃষ্ণের বিষ্ণুরূপ-দর্শনে সর্বলোকের মুক্তি ।

তবে রাজা জন্মেজয় মূনিরে পুছিল ।
 কহ, শুনি অনন্তরে কি প্রশঙ্গ হৈল ॥

মুনি বলে, শুন পরীক্ষিতের নন্দন ।
 বিভীষণ-সহ বসিলেন নারায়ণ ॥
 পরিশ্রম হ'য়েছিল পদত্রজে চলি ।
 চতুর্দিকে বিশেষে লোকের ঠেলাঠেলি ॥
 চৌদিকে অযুত-ক্রোশ সভা-পরিসর ।
 ভ্রমিয়া দৌহার শ্রান্ত হৈল কলেবর ॥
 সিংহাসন-উপরে বসিল দুইজন ।
 হেনকালে উপনীত মাত্রীর নন্দন ॥
 গোবিন্দে দেখিয়া বীর কৈল নমস্কার ।
 ডাকি কৃষ্ণ জিজ্ঞাসেন সব সমাচার ॥
 দুই-তিন-দিন নাহি রাজ-সম্ভাষণ ।
 কহ দেখি সহদেব, সব বিবরণ ॥

সহদেব বলে, শুন দেব-দামোদর ।
 তুমি গেলে আসিলেন যতক অমর ॥
 সকলের হইয়াছে রাজ-দরশন ।
 তব পদ দেখিবারে আছে সর্বজন ॥
 দেববৃন্দ লইয়া আছয়ে দেবরাজ ।
 তুমি গেলে ভেটিবেক দেবের সমাজ ॥
 এত শুনি উঠিলেন শ্রীবৎসলাঞ্ছন ।
 তাঁহার সহিত গেল নিকষা-নন্দন ॥
 সভামধ্যে প্রবেশ করেন নারায়ণ ।
 গোবিন্দে নিরখিয়া উঠে সর্বজন ॥
 মণ্ডলী করিয়াছিল বেদীর উপরে ।
 কৃষ্ণে দৃষ্টিমাত্র সবে পড়ে ভূমি-পরে ॥
 কতদূরে পড়ি গেল করি কৃতাজলি ।
 মহাবাতাঘাতে যেন পড়িল কদলী ॥
 দেবতা গন্ধর্ব্ব আর অপ্সর কিম্বর ।
 দেব-ঋষি ব্রহ্ম-ঋষি রক্ষ খগবর ॥

একজন বিনা আর যে ছিল যথায় ।
 কতদূরে পড়ে সবে হ'য়ে নতকায় ॥
 শতেক সোপানোপরে ধর্ম্মের নন্দন ।
 পঞ্চাশং সোপানে উঠেন নারায়ণ ॥
 বিশ্বরূপ প্রকাশেন দেব-জনার্দন ।
 যে-রূপ দেখিয়া মুগ্ধ হৈল পদ্মাসন ॥
 সহস্র-মস্তকে শোভে সহস্র-নয়ন ।
 সহস্র-মুকুট-মণি কিরীট-ভূষণ ॥
 সহস্র-শ্রবণে শোভে সহস্র-কুণ্ডল ।
 সহস্র-নয়নে রবি সহস্র-মণ্ডল ॥
 বিবিধ আয়ুধ শোভে সহস্রেক করে ।
 সহস্র-চরণে শোভে কত শশধরে ॥
 সহস্র-সহস্র যেন সূর্য্যের উদয় ।
 শ্রীবৎস-কৌণ্ডভগ্নি-শোভিত-হৃদয় ॥
 গলে দোলে আজ্ঞামূলস্থিত বনমালা ।
 পীতাম্বর শোভে, যেন মেঘেতে চপলা ॥
 শঙ্খ চক্র গদা পদ্ম আর শাস্ত্রধনু ।
 নানাবর্ণ-মণিমুক্তা-বিভূষিত-তনু ॥
 সহস্র স্বয়ম্ভু-শম্ভু আছে করযোড়ে ।
 শত-শত-মুখে তারা স্ততিবাণী পড়ে ॥
 সহস্র সহস্র-চক্ষু বৃকে দিয়া হাত ।
 সহস্র সহস্র-অংশু করে প্রণিপাত ॥
 বিশ্বপতি-বিশ্বরূপ দেখে দেবগণ ।
 চকিত হইয়া সবে হৈল অচেতন ॥
 অন্তরীক্ষে থাকি ধাতা বিশ্বরূপ দেখি ।
 নিমিষে চাহিয়া মুদিলেন অষ্ট-অঁখি ॥
 অজ্ঞান হইয়া ধাতা আপনা পাসরে ।
 করযোড় করি শেষে পড়ে কতদূরে ॥

লুকায়ে ছিলেন শিব যোগিরূপ হৈয়া ।

চরণে পড়িল বিশ্বরূপ নিরখিয়া ॥

ইন্দ্র যম কুবের বরুণ হুতাশন ।

চন্দ্র সূর্য্য খগ নাগ গ্রহ-রাশিগণ ॥

যেই যথা ছিল, সব পড়ে ধরা-’পরি ।

অচেতন হ’য়ে সবে যায় গড়াগড়ি ॥

সকলে পড়িল যদি করি প্রণিপাত ।

যুধিষ্ঠির চাহি কন প্রভু-জগন্নাথ ॥

করযোড় করি বলে দেব-নারায়ণ ।

পূর্ব্বভিতে মহারাজ, কর দরশন ॥

কমণ্ডলু জপমালা যায় গড়াগড়ি ।

পড়িয়াছে চতুর্খুখ অষ্টভুজ যুড়ি ॥

তঁাহার পশ্চাতে দেখ প্রজাপতিগণ ।

কর্দম-কণ্ঠপ-দক্ষ-আদি যতজন ॥

ব্রহ্মার দক্ষিণে দেখ যোগী প্রমথেশ ।

ত্রিলোচন পঞ্চানন প্রণমে মহেশ ॥

কাত্তিক গণেশ দেখ তঁাহার পশ্চাৎ ।

স্তুতি করি প্রণময়ে, ধন্য তুমি তাত ॥

সহস্র-নয়নে বহে ধারা অগণন ।

হের দেখ, প্রণমিছে সহস্রলোচন ॥

ষাদশ-আদিত্য আর দেব শশধর ।

কুজ বুধ আর গুরু শুক্র শৈলেশ্বর ॥

রাহু কেতু অগ্নি বায়ু বহু অষ্টজন ।

মেঘ বার তিথি যোগ ঋষি ঋক্ষগণ ॥

দেব-ঋষি ব্রহ্ম-ঋষি রাজ-ঋষিগণে ।

প্রণাম করিছে সবে তোমার চরণে ॥

যাম্যভিতে মহারাজ, কর অবগতি ।

প্রণাম করিছে পড়ি যত্ন-অধিপতি ॥

পশ্চিমেতে অবধান কর নৃপবর ।

করযোড়ে পড়িয়াছে জলের ঈশ্বর ॥

সিদ্ধগণ-সহ দেখ যত নদ-নদী ।

যতেক দানব-দৈত্য অমর-বিবাদী ॥

হের দেখ মহারাজ, সহস্র সোদর ।

সহস্র-মন্তক ধরে শেষ-বিষধর ॥

প্রণাম করিছে তোমা ভ্রামতলে পড়ি ।

সহস্র-মন্তকে ধূলি, যায় গড়াগড়ি ॥

উত্তরেতে মহারাজ, কর অবধান ।

প্রণাম করিছে তোমা যক্ষের প্রধান ॥

ধবল-গন্ধর্ব্ব-অখ দিয়া চারিশত ।

হের দেখ প্রণমিছে অই চিত্ররথ ॥

গন্ধর্ব্ব কিম্বর যক্ষ অপ্সরা অপ্সর ।

গড়াগড়ি যায় দেখ ভূমির উপর ॥

তার বামভাগে দেখ রাক্ষসের শ্রেষ্ঠ ।

শ্রীরামের মিত্র হয়, রাবণ-কনিষ্ঠ ॥

হের অবধান কর কুন্তীর কোণ্ডর ।

দুই-সহোদরে দেখ খগের ঈশ্বর ॥

ভীষ্ম দ্রোণ দেখ ধৃতরাষ্ট্র জ্যেষ্ঠতাত ।

উগ্রসেন যজ্ঞসেন শল্য মদ্রনাথ ॥

বহুদেব-বাহুদেব-আদি যতজন ।

তব পদে প্রণাম করিছে সর্ব্বজন ॥

পৃথিবীতে নাহি রাজা, তোমার তুলনা ।

কে করিতে পারে তব গুণের বর্ণনা ॥

ব্রহ্মাণ্ড পুরিল রাজা, তব কীৰ্ত্তি-বশ ।

তব গুণে মহারাজ, হইলাম বশ ॥

কৃষ্ণের বচন শুনি রাজা যুধিষ্ঠির ।

ভয়েতে আকুল রাজা কম্পিত-শরীর ॥

নয়ন-যুগলে পড়ে চারিধারা নীর ।

মুহুর্মুহু অচেতন হন যুধিষ্ঠির ॥

ধৈর্য্য ধরি বলে রাজা গদগদ-বচন ।

অকিঞ্চন-জনে প্রভু, এত কি-কারণ ॥

তোমার চরণে মম অসংখ্য প্রণাম ।
 অবধানে নিবেদন শুন ঘনশ্রাম ॥
 তড়িৎ-জড়িত পীত কোষেয় বসন ।
 শ্রীবৎস-লাঙ্ঘিত বণু, কোঁস্তুভ-ভূষণ ॥
 শ্রবণে পরশে চক্ষু পুণ্ডরীকপাত ।
 বিষ্ণু বিশ্বরূপ প্রভু, সর্বলোকনাথ ॥
 সংসারে আছেন যত পুণ্যবান-জন ।
 সতত বন্দয়ে প্রভু, তোমার চরণ ॥
 তব পদ সবাংকার বন্দিবারে আশা ।
 আকাঙ্ক্ষায় মাগিবারে না করি ভরসা ॥
 যদি বর দিবা, এই করি নিবেদন ।
 অনুক্ষণ বন্দি যেন তোমার চরণ ॥
 এ সব অনিত্য, যেন বাদিয়ার বাজি ।
 তোমার বিষম মায়া কিবা শক্তি বুঝি ॥

গোবিন্দ বলেন, রাজা, সবে কম তুমি ।
 ভক্তিমূল্যে তোমাতে বিক্রীত আছি আমি ॥
 আমার নিয়মে বর্ভে, আমাতে ভকত ।
 বলেতে তাহাকে আমি করি এইমত ॥
 ব্রহ্মা-আদি দেবরাজ সম নহে তার ।
 প্রত্যক্ষ দেখহ যত চরণে তোমার ॥
 তব তুল্য প্রিয় মম নাহিক ভুবনে ।
 আমিও প্রণাম করি ভক্তের চরণে ॥

এত বলি জগন্নাথ পড়িয়া ধরণী ।
 করপুটে কহিলেন কত স্তুতিবাণী ॥
 মোহিলেন মায়াবশে পুনঃ নারায়ণ ।
 যতেক দেখিল, সব হৈল পাসরণ ॥
 মাতুল-নন্দন হেন দেখিয়া অচ্যুতে ।
 সহদেবে কৈল আজ্ঞা, বলহ উঠিতে ॥
 সহদেব ডাকি বলে, উঠ নারায়ণ ।
 আজ্ঞা হৈল, নিবেদন কর প্রয়োজন ॥

আজ্ঞা পেয়ে গোবিন্দ উঠেন ততক্ষণ ।
 বুকে হাত দিয়া কৃষ্ণ কহেন বচন ॥
 বহুদিন হৈল আছে দেব-ঋণপতি ।
 আজ্ঞা হৈলে যায় সবে আপন-বসতি ॥
 ভারত-মণ্ডলে বৈসে যত নরপতি ।
 বহুদিন হৈল সবে দ্বারে করে স্থিতি ॥
 বিদায় হইয়া গেলে যত দেবগণ ।
 রাজগণ আসি তবে করিবে দর্শন ॥
 ইতিমধ্যে অবিলম্বে যাক নিজদেশ ।
 বিদায় করহ শীঘ্র নাগরাজ শেষ ॥
 যজ্ঞস্থানে নাগরাজ আছে সাতদিন ।
 সপ্তদিন হৈল, সখা অন্ন-জল-হীন ॥
 বুঝিয়া শুঝিয়া নাগ কৈল অবিচার ।
 সখার উপরে দিল ধরণীর ভার ॥
 এতেক কহিলা যদি দেব-জগৎপতি ।
 লজ্জায় মলিন-মুখ শেষ নাগপতি ॥
 তবে অনুমতি কৈল ধর্ম্মের নন্দন ।
 যার যেই ভাগ ল'য়ে গেল দেবগণ ॥
 পুণ্যকথা ভারতের স্তনিলে পবিত্র ।
 রাজসূয়-যজ্ঞকথা অদ্ভুত-চরিত্র ॥
 কাশীরাম দাস কহে রচিয়া পয়ার ।
 যাহার শ্রবণে হয় পাপের সংহার ॥

২৭। রাজগণের যজ্ঞ-সভায় প্রবেশ ।

ধর্ম্মরাজ আজ্ঞা তবে দিলা ততক্ষণ ।
 চারিদ্বারে আছয়ে যতেক রাজগণ ॥
 সভামধ্যে সবাংকারে আসহ লইয়া ।
 যত রত্ন ভাণ্ডারেতে সব সমর্পিয়া ॥
 আজ্ঞামাত্র আইলেন যত রাজগণ ।
 ধর্ম্মরাজে প্রণমিয়া রহে সর্বজন ॥

বসিবারে আজ্ঞা দিলা ধর্মের নন্দন ।
 যথাযোগ্য-স্থানে তবে বসে সর্বজন ॥
 পৃথিবীর রাজগণ বসিল যখন ।
 ইন্দ্রসভা জিনি শোভা হইল তখন ॥
 নারদ দেখিয়া সভা হৃদয়ে ভাবিয়া ।
 কহিলেন ব্যাসদেবে একান্তে বসিয়া ॥
 যতেক দেখহ বসিয়াছে রাজগণ ।
 নিজে-নিজে যুদ্ধ করি হইবে নিধন ॥
 অল্পদিনে খণ্ডিবেক পৃথিবীর ভার ।
 পরস্পর মারি সবে হইবে সংহার ॥
 নারদের মুখে শুনি এতেক বচন ।
 বিস্ময় মানিয়া চিত্তে চিন্তে তপোধন ॥
 হইবে অদ্বুত, হেন বিচারিল মনে ।
 দুইজন বিনা না জানিল অন্তজনে ॥
 ভূবন-বিখ্যাত হয় ব্যাস মহামুনি ।
 রচিলা বিচিত্রে যিনি যজ্ঞের কাহিনী ॥
 মহাভারতের কথা অমৃত-সমান ।
 কাশী কহে, ব্যাস-পদ হৃদে করি ধ্যান ॥

২৮। শিশুপালের কৃকনিকা ।

মুনি বলে, শুন পরীক্ষিতের নন্দন ।
 সুধাসম রাজসূয়-যজ্ঞের কখন ॥
 যুধিষ্ঠির সমাপন করিলেন যাগ ।
 তুষ্ট করিলেন দিয়া যার যেই ভাগ ॥
 সাক্ষাতে লইল পূজা দেব-পিতৃ-লোকে ।
 ব্রাহ্মণে দক্ষিণা দিতে কহিলেন রূপে ॥
 ব্রাহ্মণেরে দিতে রূপাচার্য্য রূপাবান্ ।
 যতেক দক্ষিণা দিল, নাহি পরিমাণ ॥
 যে-রাজ্য হইতে এল যত দ্বিজগণ ।
 সে-রাজ্যের রাজা এনেছিল যত ধন ॥

তাহার দ্বিগুণ করি দক্ষিণা যে দিল ।
 আনন্দেতে দ্বিজগণ দেশেতে চলিল ॥
 এক দ্বিজ দুই চারি লইয়া রাখাল ।
 দেশেতে চালায়ে দিল গাভী-বৎসপাল ॥
 কেহ অশ্ব-গজ-পৃষ্ঠে, কেহ চড়ি রথে ।
 রত্নেতে শকট পূরি ল'য়ে চলে সাথে ॥
 দক্ষিণা পাইয়া দেশে গেল দ্বিজগণ ।
 যুধিষ্ঠিরে চাহি ভীষ্ম বলেন বচন ॥
 বহুদূর হইতে আইল রাজগণে ।
 বৎসর হইল পূর্ণ তোমার ভবনে ॥
 সবাচারে পূজা কর বিবিধ-বিধানে ।
 যজ্ঞপূর্ণ হৈল, সবে যাউক ভবনে ॥
 যথাযোগ্য জানি রাজা, পূজ্য ক্রমে-ক্রমে ।
 শ্রেষ্ঠজন জানি আগে পূজহ প্রথমে ॥
 এত শুনি যুধিষ্ঠির ভীষ্মের বচন ।
 ভাল বলি সহদেবে করেন স্মরণ ॥
 আজ্ঞামাত্র সহদেব তখনি আইল ।
 অর্ঘ্যপাত্র ল'য়ে করে সম্মুখে দাঁড়াল ॥
 যুধিষ্ঠির জিজ্ঞাসেন, কহ পিতামহ ।
 কাহাকে পূজিব আগে, শ্রেষ্ঠ কেবা কহ ॥
 ভীষ্ম বলে, বৃষ্ণিবংশে বিষ্ণু-অবতার ।
 উদ্দেশে মহেন্দ্র-আদি পূজা করে যাঁর ॥
 সর্ব-অগ্রে অর্ঘ্য দেহ চরণে তাঁহার ।
 যিনি তুষ্ট হৈলে তুষ্ট সকল সংসার ॥
 ভকত-বৎসল সেই কৃপা-অবতার ।
 তাঁর অগ্রে অর্ঘ্য পায়, হেন নাহি অংগ ॥
 পরে অর্ঘ্য দেহ বীর, রাজগণ-শিরে ।
 এত শুনি আনন্দিত সহদেব-বীরে ॥
 অর্ঘ্য দিয়া গোবিন্দ-চরণ-পূজা কৈল ।
 হৃদ্যচিত্ত হ'য়ে কৃষ্ণ হস্ত পাতি নিল ॥

কৃষ্ণে পূজি আনন্দিত পাণ্ডুপুত্রগণ ।
 সহিতে নারিল দমঘোষের নন্দন ॥
 জ্বলন্ত-অনলে যেন ঘৃত দিল ঢালি ।
 ভীষ্ম-আদি সবাকারে ক্রোধে পাড়ে গালি ॥
 রাজসূয়-যজ্ঞ-পূর্ণ কৈল কুরুবর ।
 দেখিয়া কৃষ্ণের পূজা চেদির ঈশ্বর ॥
 ক্রোধেতে কম্পিত অঙ্গ বলে বার-বার ।
 ওহে ভীষ্ম, এ তোমার কিমত বিচার ॥
 সভাতে আছেন রাজা, রাজার কুমার ।
 পৃথিবীর যত রাজা দ্বারেতে তোমার ॥
 এ-সব থাকিতে পূজ রুষিকুলোদ্ভব ।
 সহজে বালক-বুদ্ধি, কি জানে পাণ্ডব ॥
 রাজসূয়-যজ্ঞে অগ্রে পূজিবেক রাজা ।
 কোন্ রাজপুত্র কৃষ্ণ, তারে কৈলা পূজা ॥
 কোন্ রূপে পূজাযোগ্য হয় দামোদর ।
 কহ শুনি, ওহে ভীষ্ম, সভার ভিতর ॥
 বয়োবৃদ্ধ দেখি যদি চাহ পূজিবারে ।
 দ্রুপদরে ছাড়ি কেন পূজহ ইহারে ॥
 বিশেষ আছেন বহুদেব মহামতি ।
 পিতৃ-অগ্রে পুজ্জ পূজা, কহ কোন্ রীতি ॥
 যদি বা পূজিবে ইথে আচার্য্যের ক্রমে ।
 দ্রোণে ত্যজি কৃষ্ণে কেন পূজিলে প্রথমে ॥
 ঋষি বলি পূজিবারে যদি কর মন ।
 গোপালে পূজহ কেন ত্যজি দ্বৈপায়ন ॥
 রাজক্রমে পূজিবারে চাহ নরবর ।
 দুর্ব্যোধনে ত্যজি কেন পূজ দামোদর ॥
 যোদ্ধাশ্রেষ্ঠে পূজিবারে যদি ছিল মন ।
 কর্ণবীরে ছাড়ি কেন পূজ নারায়ণ ॥
 ভার্গবের প্রিয়শিষ্য কর্ণ মহাবীর ।
 ভুজবলে জিনিল নৃপতি পৃথিবীর ॥

অশ্বখামা কূপ শল্য ভীষ্মক-নৃপতি ।
 আমা-আদি করি রাজা আছে মহামতি ॥
 গণিলে কাহার মধ্যে এই গোপালেরে ।
 কি বুঝিয়া অর্থ্য দিলে সভার ভিতরে ॥
 প্রিয়বন্ধু বলি যদি কৃষ্ণে কৈলে পূজা ।
 তবে কেন নিমন্ত্রি আনিলে সর্ব রাজা ॥
 ক্ষত্রিয়-মধ্যেতে এই পৃথিবী-ভিতরে ।
 এমত অন্তায় কেহ কভু নাহি করে ॥
 অর্থগর্বে ভুজবলে কৈলে হেন বাসি ।
 ভয়ে কিংবা লোভে মোরা-সবে নাহি আসি ॥
 ধর্ম বাঞ্ছা করিয়াছে ধর্মের নন্দন ।
 ধর্মকার্য্য-হেতু সবে কৈল আগমন ॥
 নিমন্ত্রিয়া আনি শেষে কর অপমান ।
 আজি হৈতে ধর্ম তোর হৈল সমাধান ॥
 হে গোপাল, তোহর বদনে নাহি লাজ ।
 কেমনে লইলে অর্থ্য এ-সবার মাঝ ॥
 শুনী যেন হবি খায় পাইয়া নির্জনে ।
 কোন্ তেজে অমান্য করিলি রাজগণে ॥
 এ-সভায় তোর পূজা হৈল বড় শোভা ।
 নপুংসক-জনের হইল যেন বিভা ॥
 অন্ধ-স্থানে অন্ধ যেন জিজ্ঞাসয়ে পথ ।
 সভামাঝে তোর পূজা হৈল সেইমত ॥
 দুষ্ট ভীষ্ম, দুষ্ট কৃষ্ণ, দুষ্ট এ-রাজন্ ।
 দুষ্টের সভায় নাহি রহি কদাচন ॥
 যেই ছার সভায় সৃজনে অপমান ।
 ক্ষণমাত্র তথায় না রহে জ্ঞানবান ॥
 এত বলি উঠিয়া চলিল শিশুপাল ।
 সঙ্গিতে চলিল দুষ্ট কতক ভূপাল ॥
 অশ্বিল-ব্রহ্মাণ্ড-পতি যেই বনমালী ।
 কাশী বলে, শিশুপাল, তাঁরে দাও গালি ॥

মহাভারতের কথা অমৃত-দমান ।
কাশীরাম দাস কহে, শুনে পুণ্যবান ॥

২৯। শিশুপালের প্রতি বৃষ্টির ও ভীষ্মের বাণ্য ।

শীত্ৰগতি যুধিষ্ঠির ত্যজি সিংহাসন ।
শিশুপাল-প্রতি কহে মধুর-বচন ॥
এ-কর্ম তোমার যোগ্য নহে চেদীশ্বর ।
যজ্ঞ হৈতে ল'য়ে যাও সব নৃপবর ॥
কি-কারণে নিন্দা কর গঙ্গার নন্দনে ।
আপনি দেখহ বড়-বড় রাজগণে ॥
কৃষ্ণের পূজায় কারো নাহি অপমান ।
মুনিগণ-আদি সবে সানন্দ-বিধান ॥
পিতামহ জানেন যে গোবিন্দের তত্ত্ব ।
প্রথমে পূজিয়া তাঁরে রাখেন মহত্ব ॥
ভীষ্ম বলিছেন, শুন ধর্ম-গুণাধার ।
শান্তিযোগ্য নহে দমঘোষের কুমার ॥
কৃষ্ণপূজা করিবারে নিন্দে যেই-জন ।
সে-জনারে মাঝ না করিও কদাচন ॥
দুর্ভবুন্ধি শিশুপাল অতি-অল্প-জ্ঞান ।
রাজগণ-মধ্যে দেখি পশুর সমান ॥
পূজা করে কৃষ্ণপদ ত্রৈলোক্য-অবধি ।
আমি কিসে গণ্য, যাঁরে পূজা করে বিধি ॥
বহু-বহু-জ্ঞানবুদ্ধ-লোক-মুখে শুনি ।
কৃষ্ণের মহিমা নাহি জানে পদ্মযোনি ॥
জন্ম হৈতে ইঁহার মহিমা অগোচর ।
আমি কি বলিব, সব খ্যাত চরাচর ॥
পূর্বে সাধুজন সবে করিয়াছে পূজা ।
পৃথিবীর রাজমধ্যে শ্রেষ্ঠ এই রাজা ॥
বিপ্রমধ্যে পূজা পায় স্তান-বৃদ্ধগণ ।
কৃত্তমধ্যে পূজা পায় বলবান-জন ॥

বৈশ্রামধ্যে পূজা পায় ধনী ধান্য-ধনে ।
শূদ্রমধ্যে পূজা পায় বয়োধিক-জনে ॥
যত কৃত্তগণ আছে সভার ভিতরে ।
কোন জন না জানেন দেব-দামোদরে ॥
কোন রূপে ন্যূন কৃষ্ণ এ-সভার মাঝ ।
কুলে-বলে কৃষ্ণ-তুল্য আছে কোন রাজ ॥
দান যজ্ঞ ধর্ম আর কীর্তি সম্পদেতে ।
সংসারের যতগুণ আছয়ে কৃষ্ণেতে ॥
সংসারের যত কর্ম যে-জন করয় ।
গোবিন্দে সন্মিলে সর্ব সিদ্ধ হয় ॥
অচিন্ত্য-অব্যক্ত কৃষ্ণ আদি সনাতন ।
সর্বভূতে আত্মরূপে আছে যেই-জন ॥
আকাশ পৃথিবী তেজ সলিল মরুৎ ।
সংসারে যতেক সব কৃষ্ণে প্রতিষ্ঠিত ॥
অল্পবুদ্ধি শিশুপাল কিছু নাহি জানে ।
কৃষ্ণপূজা নিন্দা করে তাহার কারণে ॥
এতেক বলেন যদি গঙ্গার নন্দন ।
সহদেব বলিতে লাগিল ততক্ষণ ॥
অপ্রমেয় পরাক্রম যেই নারায়ণ ।
হেন প্রভু পূজিবারে নিন্দে যেইজন ॥
তাহার মন্তকে আমি বামপদ দিয়া ।
এ-সবার মধ্যে তারে বলিব ডাকিয়া ॥
রাজচর্য্যা-বুদ্ধি-বলে অধিক কে আছে ।
কৃষ্ণ হৈতে এ-সবার মধ্যে আগে-পাছে ॥
এতেক বলিল যদি মাদ্রৌর নন্দন ।
স্বত দিলে প্রজ্বলিত ঘেন হত্যাশন ॥
শিশুপাল-আদি যত দুর্ভ নৃপগণ ।
ক্রোধভরে গম্ভিরা উঠিল ততক্ষণ ॥
যজ্ঞনাশ কর, আর মারহ পাণ্ডব ।
বৃষ্ণিবংশ মার, আর মারহ মাধব ॥

এত বলি রাজগণ মহা-কোলাহলে ।
 প্রলয়-সময়ে যেন সমুদ্রে উথলে ॥
 রাজগণ-আড়ম্বর দেখি ধর্ম্মরায় ।
 পিতামহে বলে, কহ ইহার উপায় ॥
 নৃপতি-সমুদ্রে এই ক্রোধে উথলিল ।
 না দেখি কুশল মম, অনর্থ ঘটিল ॥
 ইহার বিধান মোরে কহ মহাশয় ।
 রাজগণ রক্ষা পায়, যজ্ঞপূর্ণ হয় ॥

ভীষ্ম বলিলেন, রাজা, না করিহ ভয় ।
 প্রথমে ক'হেছি আমি ইহার উপায় ॥
 গোবিন্দে আরাদনা করে যেই-জনে ।
 তাহার কাহারে ভয় এ-তিন-ভুবনে ॥
 এ-সব কুকুর-সম দেখি রাজগণ ।
 ইথে সিংহপ্রায় দেখি দেবকী-নন্দন ॥
 যতক্ষণ সিংহ নিদ্রা হৈতে নাহি উঠে ।
 গর্জ্জয়ে কুকুরগণ তাহার নিকটে ॥
 যতক্ষণ গোবিন্দ না করে অবধান ।
 ততক্ষণ গর্জ্জবেক এ-সব অজ্ঞান ॥
 শিশুপাল-পক্ষ হৈয়া গর্জ্জে যতজন ।
 তাহারা যাইবে শীঘ্র শমন-সদন ॥
 অগ্নি দেখি পতঙ্গ বিক্রম যত করে ।
 ক্ষণমাত্রে ভস্ম হয় পরশি অগ্নিরে ॥
 সৃষ্টি-স্থিতি-লয় করা যাঁহার স্বভাব ।
 মুঢ় শিশুপাল কিছু না জানে সে-ভাব ॥

ভীষ্মের বচন শুনি দমঘোষ-স্বত ।
 কটুবাচ্যে নিন্দা করি বলিল বহুত ॥
 বৃদ্ধ হৈলি, নাহি লজ্জা, ওরে কুলান্নার ।
 প্রাণভয়-বিভীষিকা দেখাও সবার ॥
 বৃদ্ধ হৈলে লোকে প্রায় মতিচরম হয় ।
 ধর্ম্মহ্যুত-কথা ডেঁই কহ দুরাশয় ॥

কুরুগণ-মধ্যে তোমা দেখি এইমত ।
 অন্ধ যেন অন্ধস্থানে জিজ্ঞাসয়ে পথ ॥
 কৃষ্ণের বড়াই নাহি কর বহুতর ।
 তাহার মহিমা যত, কার অগোচর ॥
 তার আগে কহ, নাহি জানে যেই-জন ।
 জ্ঞীলোক পুতনা দুষ্ট করিল নিধন ॥
 কার্ঠের শকটখানা দিল ফেলাইয়া ।
 পুরাতন বৃদ্ধ দুটা ফেলিল ভাঙ্গিয়া ॥
 বৃষ-অশ্ব মারিয়া হইল অহঙ্কার ।
 ইন্দ্রজাল করি কংসে করিল সংহার ॥
 সপ্তদিন গোবর্দ্ধন ধরিল বোলয় ।
 এ-সব তোমার চিন্তে, মোর চিন্তে নয় ॥
 বল্লভকের ছত্র-প্রায় লাগে মোর মনে ।
 বড় বলি কহে যত মুঢ় গোপগণে ॥
 সাধুজন-সঙ্গে তোর নাহিক মিলন ।
 শুন আমি কহি, যে কহিল সাধুজন ॥
 জ্ঞীজাতি গো দ্বিজ আর অন্ন খাই যার ।
 এ-সকলে কদাচিত না করি প্রহার ॥
 জ্ঞীলোক পুতনা মারে, বৃষ মারে গোষ্ঠে ।
 কংসেরে মারিল, যার অর্দ্ধ-অন্ন পেটে ॥
 গো-নারী-মাতুলঘাতী পাপী দুরাচার ।
 হেনজনে কর স্তুতি, আরে কুলান্নার ॥
 তোর কর্ম্মে পাণ্ডবের হৈবে বড় তাপ ।
 ধর্ম্মহ্যুত হৈলি তুই দুষ্টমতি পাপ ॥
 আপনারে ধর্ম্মজ্ঞ বলিস্ লোকমাঝ ।
 ইহার যতক কর্ম্ম শুন, সর্ব্বরাজ ॥
 কাশীরাজ-কন্যা অশ্বা শাষে ব'রেছিল ।
 এই দুষ্ট গিয়া তারে হরিয়া আনিল ॥
 বার্তা জানি পুনঃ তারে করিল বর্জন ।
 শাষরাজ শুনি তারে না কৈল গ্রহণ ॥

তবে কন্যা প্রবেশিল অনল-ভিতরে ।
 স্ত্রী বধিয়া মহাপাপী খ্যাত চরাচরে ॥
 আরে ভীষ্ম, তোর ভাই স্বধর্ম্মেতে ছিল ।
 সুপথে বিচিত্রবীর্য্য জন্ম গৌয়াইল ॥
 সে মরিল, তার ভার্য্যা দিয়া অন্যজনে ।
 তুই দুরাচার জন্মাইলি পুত্রগণে ॥
 ব্রহ্মচারী আপনারে বলাইস্ লোকে ।
 হেন ব্রহ্মচর্য্য করে বহু নপুংসকে ॥
 কোনরূপে তব শ্রেয়ঃ নাহি দেখি আমি ।
 দান-যজ্ঞ ব্রত ব্যর্থ কর অধোগামী ॥
 বেদপাঠ ধ্যান ব্রত যোগ যাগ দান ।
 ইহা সবে নাহি হয় অপত্য-সমান ॥
 সর্ব্বদোষ কুলাঙ্গার, আছে তোর স্থান ।
 অনপত্য বৃদ্ধ আর কুপথ-বিধান ॥
 পূর্বে শুনিয়াছি আমি হংস-বিবরণ ।
 তাহার সদৃশ ভীষ্ম, তোর আচরণ ॥
 হংসযুথমধ্যে এক বৃদ্ধ-হংস থাকে ।
 ধর্ম্ম-কর্ম্ম কর সদা, বলে সর্ব্বলোকে ॥
 অহর্নিশ হংসগণে ধর্ম্মকথা কয় ।
 ধার্ম্মিক জানিয়া সবে তার বাক্য লয় ॥
 হংসগণ যায় যবে আহার-সন্ধানে ।
 সবে কিছু-কিছু আনে তাহার ভোজনে ॥
 আপন-আপন ভিন্ন রাখিয়া তথায় ।
 বিশ্বাস করিয়া সবে চরিয়া বেড়ায় ॥
 ক্রমে-ক্রমে ভিন্ন-সব করিল ভক্ষণ ।
 দেখি শোকাবুল হৈল যত হংসগণ ॥
 এক হংস বুদ্ধিমন্ত তাহাতে আছিল ।
 বৃদ্ধ-হংস ভিন্ন থায়, প্রকারে জানিল ॥

ক্রোধে সব হংস তারে করিল নিধন ।
 সেই-হংস-মত ভীষ্ম, তব আচরণ ॥
 বৃদ্ধ-হংসে হংস যথা করিল নিধন ।
 সেরূপে মারিবে তোরে যত রাজগণ ॥
 আরে ভীষ্ম, জ্ঞানহারা হলি বৃদ্ধকালে ।
 যে-গোপজাতির নিন্দা করয়ে সকলে ॥
 বৃদ্ধ হ'য়ে তারে তুই করিস্ স্তবন ।
 দিক্ কল্প, ভীষ্ম-নাম ধর অকারণ ॥
 রাজা জরাসন্ধ ছিল রাজচক্রবর্তী ।
 কদাচিৎ না যুঝিল ইহার সংহতি ॥
 গোপজাতি বলি ঘৃণা কৈল নরবর ।
 তার ভয়ে ঘর কৈল সমুদ্র-ভিতর ॥
 দেশের বাহিরে, যেন যবনের জাতি ।
 যুদ্ধে স্থির নহে, যেন শৃগাল-প্রকৃতি ॥
 কপটে মারিল জরাসন্ধ-নৃপবরে ।
 দ্বিজরূপে গেল দুষ্ক পুরীর ভিতরে ॥
 ইহার জাতির আমি না পাই নির্গয় ।
 কভু কল্প, কভু গোপ, কভু দ্বিজ হয় ॥
 কহ ভীষ্ম, এই যদি দেব-জগৎপতি ।
 তবে কেন ক্রণে-ক্রণে হয় নানাজাতি ॥
 এই সে আশ্চর্য্য-বোধ হইতেছে মনে ।
 ধর্ম্ম অসম্মার্গে চলে তোমার বচনে ॥
 দুর্দৈব হইবে, যার তুই বুদ্ধিদাতা ।
 তোর বুদ্ধিদোষে রাজসূয় হৈল বৃথা ॥
 শিশুপাল ভীষ্মে করু বলিল অপার ।
 শুনি ক্রোধে জ্বলিলেন পবন-কুমার ॥
 দুই-চক্ষু রক্তবর্ণ দস্ত কটমটি ।
 সর্ব্বান্ন ঘামিল ক্রোধে ললাটে অকুটি ॥

রক্তমুখ-বিকৃত, অধরে দন্তচাপ ।
 সিংহাসন হৈতে বীর উঠে দিয়া লাফ ॥
 যুগান্তের যম যেন সংহারিতে সৃষ্টি ।
 শিশুপাল-উপরে খাইল ক্রোধদৃষ্টি ॥
 দুই-হস্ত ধরে তার গঙ্গার নন্দন ।
 কান্তিকে ধরিল যেন দেব-ত্রিলোচন ॥
 বহুবিধ মিষ্টভাষে ভীমে নিবারিল ।
 সমুদ্র-তরঙ্গ যেন কূলে লুকাইল ॥
 না পারিল ভীম হস্ত করিতে মোচন ।
 জলে নিবারিল যেন দৌণ্ড-ছত্ৰাশন ॥
 দুই শিশুপাল তবে অল্পজ্ঞান করি ।
 ক্ষুদ্র-মুগ দেখি যেন হাসয়ে কেশরী ॥
 ডাকি বলে আরে রে, রহিল কি-কারণ ।
 হস্ত ছাড় ভীষ্ম, কেন কর নিবারণ ॥
 কোতুক দেখুক যত নৃপতি-সকলে ।
 দহিব পতঙ্গ-সম মম ক্রোধানলে ॥
 ভীমে নিবারিয়া কহে গঙ্গার নন্দন ।
 শুন এই শিশুপাল-জন্ম-বিবরণ ॥
 মহাভারতের কথা অমৃতের ধার ।
 কাশী কহে, শুনি তরে ভব-পারাবার ॥

৩০ । ভীষ্ম-কর্তৃক শিশুপালের জন্মকথন ও
 শিশুপালের ক্রোধ ।

চেদিরাজ-গৃহে জন্ম হইল যখন ।
 চারি-গোটা হস্ত হৈল, আর ত্রিলোচন ॥
 জন্মমাত্রে ডাকিলেক গর্দভের প্রায় ।
 বিপরীত দেখি কম্প লাগে বাপ-মায় ॥
 জাতমাত্র ত্যজিবারে কৈল তায় মন ।
 আচম্বিতে শুনে শূন্তে আজ্ঞারী-বচন ॥

শ্রীমন্ত বলিষ্ঠ এই হইবে নন্দন ।
 না করিহ ভয়, কর ইহারে পালন ॥
 বিপরীত দেখি যদি চিন্তা কর মনে ।
 ইহার কারণ কিছু শুন সাবধানে ॥
 সেইজন এই শিশু করিবে সংহার ।
 দুই-ভুজ লুকাইবে পরশে যাহার ॥
 চতুর্ভুজ হ'য়েছিল চেদির নন্দন ।
 রাজ্যে-রাজ্যে শুনিল যতেক রাজগণ ॥
 আশ্চর্য্য শুনিয়া সবে যায় দেখিবারে ।
 দশ বিশ রাজা নিত্য যায় তার পুরে ॥
 সবাভাবে দমঘোষ করয়ে অর্চন ।
 সবাকার কোলে দেয় আপন-নন্দন ॥
 তবে কতদিনে শুনি হেন বিবরণ ।
 দেখিতে গেলেন তথা রাম-নারায়ণ ॥
 গোবিন্দের পিতৃমসা ইহার জননী ।
 তাঁর গৃহে উপস্থিত রাম যদুমণি ॥
 দেখি পিতৃমসা করে বহু সমাদর ।
 হৃষ্টচিত্তে ভুঞ্জাইল দুই সহোদর ॥
 স্নেহেতে বালকে ল'য়ে দিল কৃষ্ণকোলে ।
 অমনি দু-হস্ত খসি পড়ে ভূমিতলে ॥
 কপালের নয়ন কপালে লুকাইল ।
 দেখিয়া ইহার মাতা শঙ্কিতা হইল ॥
 করযোড় করি বলে দেব-দামোদরে ।
 এক বর মাগি বাপা, আজ্ঞা কর মোরে ॥
 ভয়ে কম্পমান হৈল আমার শরীর ।
 তুমি ভয় ভাঙ্গিলে অন্তর হয় স্থির ॥
 শ্রীকৃষ্ণ বলেন, মাতা, না ভাবিও মনে ।
 কোন বর, আজ্ঞা কর, দিব এইক্ষণে ॥
 মহাদেবী বলে, মোরে এই বর দিবা ।
 এ-পুত্রের অপরাধ-শত যে ক্ষমিবা ॥

বহু অপরাধ এই করিবে তোমার ।
 মোরে দেখি অপরাধ ক্ষমিবা ইহার ॥
 কৃষ্ণ বলে, না লজ্জিব বচন তোমার ।
 শত-অপরাধ আমি ক্ষমিব ইহার ॥
 অবশ্য ক্ষমিব দোষ একশত-বার ।
 তোমার অগ্রেতে মাতা, করি অঙ্গীকার ॥

পূর্বে হইয়াছে এইরূপেতে নির্বন্ধ ।
 মুঢ় শিশুপাল ছুই-চক্ষু-স্থিতে অন্ধ ॥
 তোমারে ডাকিছে চুষ্ট যুদ্ধের কারণ ।
 তব কর্ম নহে ইহা, কুস্তীর নন্দন ॥
 শ্রীকৃষ্ণের অংশ কিছু আছেয়ে ইহার ।
 সে-কারণে ইহা-সহ যুদ্ধ না যায় ॥
 হে বৎস, কে আছে হেন সংসার-ভিতরে ।
 কাহার শক্তি, মোরে গালি দিতে পারে ॥
 যত কুবচন বলে এই কুলান্নারে ।
 হীনবীর্য হৈলে সেহ নারে সহিবারে ॥
 বিষ্ণু-অংশ আছে কিছু ইহার শরীরে ।
 তাই তৃণবৎ মানে আমা-সবাকারে ॥
 নিজ-অংশ লইবারে চাহে নারায়ণ ।
 এর যত গালি সহি তাহার কারণ ॥

ভীষ্মের এতেক বাক্য শুনি চৌদীশ্বর ।
 হাশ্ব-পরিহাস করি বলয়ে উত্তর ॥
 ভাল হৈল শত্রু মোর নন্দ্রের নন্দন ।
 তোর এত স্তুতি তারে কিসের কারণ ॥
 লোকের বর্ণনা যথা করে ভট্টগণ ।
 এত যদি কর ভূমি পরের স্তবন ॥
 যত স্তুতি কৈলে ভূমি নন্দ্রের নন্দনে ।
 অস্বজনে কৈলে বর পেতে এতক্ষণে ॥
 বাহুবীক-রাজেরে যদি করিতে স্তবন ।
 মনোমত বর তবে পাইতে এক্ষণ ॥

মহাদাতা কর্ণবীর বিখ্যাত সংসারে ।
 রাজা জরাসন্ধ হারে যাঁহার সমরে ॥
 অ্রবণে কুণ্ডল ধীর দেবের নির্মাণ ।
 অভেদ্য-কবচ অঙ্গে সূর্য্য-দীপ্তিমান ॥
 অঙ্গ-রাজ্যেশ্বর সেই দানে অকাতর ।
 কর্ণে স্তুতি করিলে যে পেতে ভাল বর ॥
 দ্রোণদ্রৌণি পিতাপুত্র বিখ্যাত সংসারে ।
 মুহূর্ত্তেকে ভূমণ্ডল পারে জিনিবারে ॥
 রাজগণ-মধ্যে চূর্য্যোধন মহাবল ।
 সাগরাস্ত পৃথিবী যাঁহার করতল ॥
 ভগদত্ত জয়দ্রথ ভীষ্মক দ্রুপদ ।
 কুলী দস্তবক্র মৎস্ত কলিঙ্গ কামদ ॥
 বুধসেন বিন্দ-অনুবিন্দ কৃপাচার্য্য ।
 এ-সবার স্তুতি কৈলে বড় হৈত কার্য্য ॥
 ধিক্ ধিক্ বুদ্ধি তব, বলিব কি আর ।
 ভুলিঙ্গ পক্ষীর সম চরিত্র তোমার ॥

ভুলিঙ্গ বলিয়া পক্ষী হিমাদ্রিতে থাকে ।
 তাহার সংবাদ শুনিয়াছি লোকমুখে ॥
 যত পক্ষিগণে সেই উপদেশ দেয় ।
 সাহসিক-কর্ম্ম ভাই, কভু ভাল নয় ॥
 সাহসিক-কর্ম্মে ভাই, চুঃখ পাই পাছে ।
 শুধু মোর বাক্য নয়, শাস্ত্রে হেন আছে ॥
 হেনরূপ পক্ষিগণে কহে অনুকণ ।
 তাহার যে কর্ম্ম, তাহা শুন সর্ব্বজন ॥
 আহা করিয়া সিংহ থাকয়ে শুইয়া ।
 ভুলিঙ্গ থাকয়ে তার নিকটে বসিয়া ॥
 কতক্ষণে হাই উঠে সিংহের মুখেতে ।
 ভক্ষ্যমাংস লাগি থাকে তাহার দস্তেতে ॥
 অতিশীঘ্র সেই মাংস কাড়ি ল'য়ে খায় ।
 নিজকর্ম্ম এইরূপ, অন্যেরে শিখায় ॥

সিংহের রূপাতে রহে ভুলিঙ্গ-জীবন ।
ইঞ্জিতে মারিতে পারে যদি করে মন ॥
সেইমত রাজগণ ক্ষমিছে তোমারে ।
ক্রোধ কৈলে তখনি পাঠাত যমঘরে ॥

অসহ এ-কটুবাণ্য শুনি ভীষ্মবীর ।
কহেন কম্পিত-অঙ্গ হইয়া অস্থির ॥
আরে মূর্থ দুরাচার শুন ক্রুরমন ।
কৃষ্ণে স্তুতি করি, হেন বলিলি বচন ॥
চতুর্বেদে চতুমুখ যাঁর গুণ গায় ।
পঞ্চমুখে স্তুতি যাঁরে করে মহাজয় ॥
সহস্র-বদনে শেষ যাঁরে করে স্তুতি ।
চরাচরে আর যত বৈসে মহামতি ॥
যাহার জিহ্বাতে নাহি কৃষ্ণ-গুণগান ।
সংসারেতে পাপী সেই পশুর সমান ॥
ক্ষুদ্রে যে মনুষ্য আমি, হই অল্পমতি ।
আমি কি করিতে পারি কৃষ্ণগুণস্তুতি ॥
আরে পাপ, বলিলি, ক্ষমিছে রাজগণ ।
সে-কারণে রহিয়াছে তোমার জীবন ॥
এ-সভার মধ্যে দেখি যত রাজগণে ।
তৃণহেন দেখি আমি সবারে নয়নে ॥

এত যদি বলিলেন গঙ্গার নন্দন ।
ক্রোধেতে নৃপতি-সব করিছে গর্জ্জন ॥
সাধু-রাজগণ শুনি হইল হরষ ।
দুষ্ট-রাজগণ সব বলয়ে কর্কশ ॥
গর্বিত দুশ্মতি এই ভীষ্ম পাপাচার ।
পশুর মতন এরে করহ সংহার ॥
কেহ বলে, ইচ্ছামৃত্যু-অহঙ্কার ধরে ।
বান্ধিয়া অনলে ল'য়ে পোড়াও ইহারে ॥

হাসিয়া বলেন ভীষ্ম, শুন রাজগণ ।
মুখের চাপল্য সব কর অকারণ ॥

পদ দিয়া কহি আমি সবাকার শিরে ।
যার মৃত্যু-ইচ্ছা আছে, আইস সমরে ॥
পূজায় সম্ভুক্ত এই দৈবকী-নন্দন ।
সমরে ডাকুক, যার নিকট মরণ ॥
গোবিন্দের অংশ আছে শিশুপাল-দেহে ।
সেই-অংশ শ্রীগোবিন্দ যাবৎ না লহে ॥
তাবৎ পর্য্যন্ত সব হ'য়ে থাক স্থির ।
পশ্চাতে পাঠাব সব যমের মন্দির ॥
ভীষ্মের বচনে ত্রুঙ্ক হ'য়ে শিশুপাল ।
ক্রোধে ডাক দিয়া বলে, আরে রে গোপাল ॥
তোর সহ বিনাশিব পাণ্ডুর নন্দনে ।
তোরে পূজা কৈল যেই ত্যজি রাজগণে ॥
মহাভারতের কথা অমৃত-লহরী ।
কাশীরাম কহে, সাধু পিয়ে কর্ণ ভরি ॥

৩১। শিশুপাল-বধ ও ষ্টিষ্ঠিরের রাজহর-
যজ্ঞ-সমাপন ।

এত বলি শিশুপাল করয়ে গর্জ্জন ।
হাসিয়া বলেন তবে কমললোচন ॥
যতেক নৃপতিগণ, শুন দিয়া মন ।
যত দোষ করিয়াছে এই দুষ্কজন ॥
যাদবীর গর্ভে জাত এই দুরাচার ।
নিরবধি করিছে যাদব-অপকার ॥
পূর্বে এককালে আমি দ্বারকা হইতে ।
প্রাগজ্যোতিষপুরে গিয়াছিলাম দৈবেতে ॥
এই দুষ্ক শুনিলেক, আমি নাহি ঘরে ।
সসৈন্তে গেল এ-দুষ্ক দ্বারকা-নগরে ॥

রাজা উগ্রসেন ছিল রৈবত-পর্বতে ।
 মাতুলের উপরোধ না ধরিল চিতে ॥
 লুঠিয়া হারকাপুরী গেল দুরাশয় ।
 কহ শুনি, হেন কৰ্ম্ম কার প্রাণে সয় ॥
 তবে কতদিনে পিতা অশ্বমেধ কৈল ।
 সঙ্কল্প করিয়া যজ্ঞ-তুরঙ্গ ছাড়িল ॥
 যদুগণে নিয়োজিল অশ্বের রক্ষণে ।
 ঘোড়া হরি ল'য়ে গেল এই ত দুৰ্জ্জনে ॥
 ইহার অন্তরে তবে শুন সৰ্ব্বজনে ।
 সৌবীরেতে মহোৎসব হৈল কতদিনে ॥
 বক্রনামে যাদবের ভার্য্যা গুণবতী ।
 তারে বলে হরি নিল এই পাপমতি ॥
 আরো কহি, শুন সবে এ-দুষ্ট-কাহিনী ।
 ভদ্রা-নামে কন্যা ছিল যাদব-নন্দিনী ॥
 সেই ভদ্রা-কন্যা বহুরাজে ব'রেছিল ।
 মায়ার প্রবন্ধে দুষ্ট তারে হরি নিল ॥
 মাতুলের কন্যা হয়, ভগিনী ইহার ।
 তারে হরি ল'য়ে গেল এই দুরাচার ॥
 ইত্যাদি ইহার দোষ, কহিব কতেক ।
 সাক্ষাতে দেখিলে হয় বিদিত প্রত্যেক ॥
 করিলাম সে-সকল দোষের মার্জন ।
 শুধু পিতৃষসা-সহ সত্যের কারণ ॥
 সাক্ষাতে শুনিলে সবে, যে মন্দ বলিল ।
 সৰ্ব্বজনে শুনিলে যে, এই ভাল হৈল ॥
 পরোক্ষের কথা যত শুনিলে শ্রবণে ।
 প্রত্যক্ষের যত কৰ্ম্ম দেখে বিদ্যমানে ॥
 বহু সহিলাম আর সহিবারে নারি ।
 যুত্বাপথ চাহে আজি এই পাণাচারী ॥
 আর শুন রাজগণ, এ-দুষ্টের কথা ।
 লক্ষ্মীকলা কল্পিণী ভীষ্মক-নৃপহতা ॥

বিবাহ করিতে তারে করিলেক মন ।
 শূদ্রে যেন চাহে বেদ করিতে পঠন ॥
 শিশু যেন চন্দ্রমারে চাহে ধরিবারে ।
 কুকুরে যজ্ঞের হবি যেন ইচ্ছা করে ॥
 এতেক বলেন যদি শ্রীমধুসূদন ।
 শিশুপালে নিন্দা করে যত রাজগণ ॥
 কৃষ্ণের বচন শুনি শিশুপাল হাসে ।
 গোবিন্দের নিন্দা করে অশেষ-বিশেষে ॥
 নির্লজ্জ, তোমাংরে আমি কি বলিব আর ।
 তোমার দুৰ্জ্জয় যত বিদিত সংসার ॥
 ভীষ্মকের কন্যা মোরে করিল বরণ ।
 বহুদিন হয় নাহি, জানে সৰ্ব্বজন ॥
 হরিয়া লইলি তারে রাজসভা হৈতে ।
 পুনঃ সেই কথা কহ নির্লজ্জ, মুখেতে ॥
 কহ কৃষ্ণ, দেখিয়াছ, শুনেছ শ্রবণে ।
 বরপূৰ্ব্বা কন্যা হরিয়াছে কোন্ জনে ॥
 তোমা-বিনা পৃথিবীতে ক্ষত্রিয়-ভিতরে ।
 কে ক'রেছে হেন কৰ্ম্ম, বলহ আমাংরে ॥
 গোকুলে করিলি কত, জানে সৰ্ব্বজনা ।
 হরিলি যে পরদার যত ব্রজাঙ্গনা ॥
 কিবা তোর ক্রিয়া-কৰ্ম্ম, কি তোর আচার ।
 সভাতে কহিস পুনঃ করি অহঙ্কার ॥
 কহিলি যে, বহুদোষ ক্ষমিয়াছি আমি ।
 দোষ না ক্ষমিয়া মোর কি করিবে তুমি ॥
 ক্ষম বা করহ ক্রোধ, যেই লয় মতি ।
 কি শক্তি তোমার যে, করিবা আমা-প্রতি ॥
 এতেক বলিল যদি চেদীর ঈশ্বর ।
 শুনি হৃদশনে আজ্ঞা দিলেন ত্রীধর ॥
 মহাচক্র হৃদশনে অগ্নি-হেন জ্বলে ।
 শিশুপাল-শির কাটি ফেলে ভূমিতলে ॥



ଅଂକ୍ଷର ଶିଳା

ସଂଖ୍ୟା ୧୫୦୦ ଓ ୧୦୦

ଅଂକ୍ଷର ଶିଳା ଶିଳା

বজ্রাঘাতে চূর্ণ যেন হৈল গিরিবর ।
 দেখিয়া স্তম্ভিত হৈল সব ক্রিতিশ্বর ॥
 শিশুপাল-অঙ্গতেজ হইয়া বাহির ।
 আকাশে উঠিল, যেন দ্বিতীয় বিহির ॥
 একদৃষ্টে দেখিছেন যত রাজগণে ।
 পুনঃ আসি প্রণমিল কৃষ্ণের চরণে ॥
 শ্রীকৃষ্ণ-চরণে লীন হৈল আচম্বিত ।
 তাহা দেখি সভাজন হইল বিস্মিত ॥
 বিনা-মেঘে গগনেতে বরিষয়ে জল ।
 কম্পিত নির্ঘাত-শব্দে হৈল চলাচল ॥
 আর যত রাজগণ গর্জিতে আছিল ।
 ভয়েতে আকুল হ'য়ে সবে লুকাইল ॥
 অধর কামড়ে কেহ ঠারাঠারি করে ।
 কোন-কোন রাজা স্ততি করে গোবিন্দে ॥

সহোদরগণে বলিলেন যুধিষ্ঠির ।
 সৎকার করহ শিশুপালের শরীর ॥
 শিশুপালপুত্রে করি চেনির ঈশ্বর ।
 ধর্ম্মরাজে নিবেদিল যত নৃপবর ॥
 সম্পূর্ণ হইল যজ্ঞ, সিদ্ধ হৈল কাজ ।
 লক্ষ-রাজ-উপরেতে হৈলে মহারাজ ॥
 তোমার মহিমা যত, কি কব বিশেষ ।
 আজ্ঞা হৈলে যাই সবে নিজ-নিজ-দেশ ॥

নৃপতিগণের বাক্য শুনি ধর্ম্মরায় ।
 কহিলেন ভ্রাতৃগণে পূজহ সবায় ॥
 যথাযোগ্য মাণ্ড্য করি ভূমিপতিগণে ।
 আগুসরি কত পথ যাহ জনে-জনে ॥
 রাজার আজ্ঞায় নানাবিধ রত্ন দিয়া ।
 পাঠাইল রাজগণে সন্তুষ্ট করিয়া ॥
 মহাভারতের কথা হৃদায় সাগর ।
 অবগতে যাহার নিম্পাপ হয় নর ॥

রাজসূর-যজ্ঞপূর্ণ শিশুপাল-বধে ।
 কাশীরাম দাস কহে গোবিন্দের পদে ॥

৩২ । যজ্ঞাঙ্গে হৃষ্যোদনের গৃহে গমন ।

রাজগণ নিজ-রাজ্যে করিল গমন ।
 ধর্ম্মরাজে কহিলেন দেব-নারায়ণ ॥
 আজ্ঞা কর, দ্বারকায় যাই মহাশয় ।
 তব যজ্ঞ পূর্ণ হৈল, মম ভাগ্যোদয় ॥
 অপ্রমাদে কর রাজ্য পাল প্রজাগণ ।
 হৃহদ-কুটুম্ব-লোক করহ পালন ॥
 এত বলি ধর্ম্ম-সহ দেব নারায়ণ ।
 কুন্তীস্থানে গিয়া করিলেন নিবেদন ॥
 আজ্ঞা কর, যাই আমি দ্বারকা-ভবনে ।
 হইল সাত্রাজ্য-লাভ তব পুত্রগণে ॥
 কুন্তী বলিলেন, তাত, এ নহে অদ্ভুত ।
 যাহারে কিঞ্চিৎ দয়া করহ অচ্যুত ॥
 এত বলি কৃষ্ণশিরে করেন চুষ্মন ।
 প্রণাম করেন হরি ধরিয়া চরণ ॥
 দ্রৌপদী-হৃভদ্রা-সহ করি সস্তাষণ ।
 একে-একে সস্তায়েন ভাই পঞ্চজন ॥
 শুভক্ৰমে রথে চড়ি যান দ্বারাবতী ।
 কৃষ্ণের বিচ্ছেদে হুঃখী ধর্ম্ম-নরপতি ॥

হেনমতে নিজদেশে গেল সর্ব্বজন ।

ইন্দ্রপ্রস্থে রহিল শকুনি-হৃষ্যোদন ॥
 বাহ্মা বড় ধর্ম্মরাজ-সভা দেখিবারে ।
 কতদিন বঞ্চে তথা কুরু-নৃপবরে ॥
 শকুনি-সহিত সভা নিত্য-নিত্য দেখে ।
 দিব্য-মনোহর-সভা মনোহর লোকে ॥

নানারঙ্গ-বিরচিত যেন দেবপুরী ।
 দেখিয়া বিস্ময়াপন্ন কুরু-অধিকারী ॥
 অমূল্য-রতনে বিমণ্ডিত গৃহগণ ।
 এক-গৃহ-তুল্য নহে হস্তিনা-ভুবন ॥
 দেখি রাজা দুর্যোধন অন্তরে চিস্তিত ।
 একদিন দেখ তথা দৈবের লিখিত ॥
 মাতুল-সহিত বিহরয়ে নরবর ।
 ক্ষটিকের বেদী দেখে, যেন সরোবর ॥
 জল জানি নরপতি গুটায় বসন ।
 পশ্চাৎ জানিয়া বেদী লজ্জিত রাজন ॥
 তথা হৈতে কতদূরে গেল নরবর ।
 লজ্জায় মলিন-মুখ কাঁপে থর-থর ॥
 ক্ষটিক-মণ্ডিত বাপী ভ্রমে না জানিল ।
 স-বসন দুর্যোধন বাপীতে পড়িল ॥
 দেখিয়া হাসিল সবে যত সভাজন ।
 ভীম পার্থ আর দুই মাদ্রীর নন্দন ॥
 দেখিয়া দিলেন আজ্ঞা রাজা ভ্রাতৃগণে ।
 ধরিয়া তুলিল বাপী হৈতে দুর্যোধনে ॥
 আদ্র-বস্ত্র ত্যজি তবে পরাইল বাস ।
 নিবৃত্ত করাল যত লোক-জন-হাস ॥
 অভিমানে কাঁপে দুর্যোধন-কলেবর ।
 বাহির হইল তবে চিস্তিত-অস্তর ॥
 ক্রোধেতে চলিল তবে গান্ধারী-কুমার ।
 ভ্রম হৈল, দেখিবারে না পায় ছয়ার ॥
 স্থানে-স্থানে প্রাচীরেতে ক্ষটিক-মণ্ডন ।
 দ্বার-বোধে সেইদিকে চলে দুর্যোধন ॥
 ললাটে প্রাচীর বাজি পড়িল ফুতলে ।
 দেখিয়া হাসিল পুনঃ সভার সকলে ॥
 তাহা দেখি শৌভ্রগতি ধর্মের কুমার ।
 নকুলে পাঠায়ে দিল দেখাইতে দ্বার ॥

নকুল ধরিয়া হস্ত করিল বাহির ।
 অভিমানে দুর্যোধন কম্পিত-শরীর ॥
 ক্ষণমাত্র তথায় না বিলম্ব করিল ।
 যুদ্ধিষ্ঠির-আজ্ঞা মাগি রথে আরোহিল ॥
 মাতুল-সহিত তবে চলিল হস্তিনা ।
 ঘনবাস, হেঁটমাথা হইয়া বিমনা ॥
 কত-কথা শকুনি বলয়ে দুর্যোধনে ।
 উত্তর না পেয়ে জিজ্ঞাসিল ততক্ষণে ॥
 সঘনে নিঃশ্বাস কেন, মলিন-বদন ।
 অত্যন্ত চিস্তিত-চিত্ত কিসের কারণ ॥
 দুর্যোধন বলে, মামা, শুন সাবধানে ।
 হৃদয় দহিছে মম এই অপমানে ॥
 পাণ্ডবের বশ হৈল পৃথিবী-মণ্ডল ।
 একলক্ষ নরপতি খাটে ছত্রতল ॥
 ইন্দ্রের বৈভব জিনি ঐশ্বর্য অপার ।
 কুবেরের কোষ জিনি পুণিত ভাণ্ডার ॥
 এ-সব দেখিয়া মোর শুকাইল কায় ।
 সরোবর-জল যেন নিদাঘে শুকায় ॥
 আর দেখ আশ্চর্য মাতুল-মহাশয় ।
 শ্রেষ্ঠ কীৰ্ত্তি করিলেক কুন্তীর তনয় ॥
 শিশুপালে বিনাশ করিল নারায়ণ ।
 একভাষা কেহ না কহিল রাজগণ ॥
 হৃদয় করিবারে সবে আছিল সংহতি ।
 সে মরিলে লুকাইল সব নরপতি ॥
 পাণ্ডবের তেজে ছন্ন হৈল রাজগণে ।
 ক্ষত্র হ'য়ে সহে হেন কাহার পরাণে ॥
 আর অপরূপ ভূমি দেখিলেক চোখে ।
 কত রত্ন ল'য়ে দ্বারে রাজগণ থাকে ॥
 বৈশ্য যেন কর ল'য়ে থাকে দাণ্ডাইয়া ।
 পশিতে না দেয়, দ্বারে রাখে আঙুলিয়া ॥

এ-সব দেখিয়া মম চিত্ত নহে স্থির ।
 অভিমানে শীর্ণ হৈল আমার শরীর ॥
 ভাই হ'য়ে ক্ষমা মম নহিল সেরূপে ।
 দহিছে মাতুল, অঙ্গ আমার এ-তাপে ॥
 নিশ্চয় করিয়া আমি কহি যে তোমারে ।
 কিংবা জলে পশি, কিংবা অনল-ভিতরে ॥
 অথবা মরিব আমি খাইয়া গরল ।
 সহিতে না পারি, অঙ্গ দহে চিস্তানল ॥
 বৈরীর সম্পদ যদি হীনলোক দেখে ।
 সেহ সহিবারে নারে, সদা পোড়ে শোকে ॥
 আশা-হেন লোক তাহা সহিবে কেমনে ।
 এরূপ শত্রুর বৃদ্ধি দেখিয়া নয়নে ॥
 বলাধিক যুধিষ্ঠির, আমি হীনবল ।
 সাগরান্ত-ধরা তার অধীন সকল ॥
 কি কহিব মাতুল, সকলি দৈববশ ।
 কি কহিব রূপ-গুণ সৌভাগ্য-পৌরুষ ॥
 বনে জন্ম হৈল পঞ্চ পাণ্ডুর নন্দন ।
 হস্তিনা আইল যেন বনবাসী জন ॥
 পিতৃহীন দুঃখিত বঞ্চিল মম ঘরে ।
 কতক উপায় করিলাম মারিবারে ॥
 বিফল হইল চেষ্টা যত্ন-সমুদায় ।
 দিনে-দিনে বৃদ্ধি পায় পদ্বন-প্রায় ॥
 দেখহ মাতুল, হেন দৈবের কারণ ।
 এত হীন হৈল ধৃতরাষ্ট্র-পুত্রগণ ॥
 পৃথার নন্দন হাসে আমাকে দেখিয়া ।
 কিমতে রাখিব তনু এ-তাপ সহিয়া ॥
 এই-সব কথা তুমি কহিও জনকে ।
 না যাইব গৃহে আমি, পশিব পাবকে ॥
 এতেক বলিল যদি রাজা দুর্যোধন ।
 শকুনি বলিল, ক্রোধ কর নিবারণ ॥

যুধিষ্ঠিরে কদাচিৎ না হিংসিবে মনে ।
 তব শ্রীতি বাঞ্ছে সদা ধর্ম্মের নন্দনে ॥
 যে-কিছু বিভাগ দিলে করি বিবেচন ।
 তাহাতে সম্বন্ধে হৈল ধর্ম্মের নন্দন ॥
 উপায় কতক তুমি করিলে মারিতে ।
 ধর্ম্মবলে মুক্ত তারা হইল তাহাতে ॥
 জতুগৃহে মুক্ত হ'য়ে পাঞ্চালেতে গেল ।
 সভামাঝে লক্ষ্য বিদ্বি দ্রোপদী লভিল ॥
 সহায় দ্রুপদ হৈল ধৃষ্টদ্যাম্ন-বীর ।
 রাজচক্রবর্তী হৈল রাজা যুধিষ্ঠির ॥
 সদাগরা পৃথিবী আনিল ছত্রতলে ।
 যতেক করিল, সব নিজ-ভুজবলে ॥
 ইথে কেন হও তুমি তাপিত-হৃদয় ।
 তব অংশ হৈতে তারা কিছু নাহি লয় ॥
 গাণ্ডীব-ধনুক যুগ্ম-অক্ষয়-তুগীর ।
 পাবকে খাণ্ডবে তুমি লভে পার্শ্ববীর ॥
 অগ্নি হৈতে ময়েরে করিল পরিত্রাণ ।
 সে দিলেক দিব্য-সভা করিয়া নির্মাণ ॥
 নিজ-পরাক্রমেতে করিল ক্রতুরাজ ।
 তুমি কেন তাহে তাপ কর হৃদিমাঝ ॥
 তুমিও করহ সব নিজ-ভুজবলে ।
 তুমি কোন্ অসমর্থ এই ধরাতলে ॥
 কহিলে যে, কেহ নাহি আমার সহায় ।
 তব অনুগত যত, কহি শুন রায় ॥
 শতভাই তোমার প্রচণ্ড মহারথ ।
 তাহাদের প্রতাপের কি কহিব কথা ॥
 ভীষ্ম দ্রোণ কূপ কর্ণ অশ্বখামা-বীর ।
 তুরিঞ্জবা সোমদত্ত প্রতাপে মিহির ॥
 জয়দ্রথ বাহ্লীক ও আমরা থাকিতে ।
 তোমা বাধা দিতে কেবা আছে পৃথিবীতে ॥

ভূমিও পৃথিবী শাসি সঞ্চর রতন ।
 কোন্ কর্মে হীন ভূমি, চিস্ত সে-কারণ ॥
 দুর্ঘ্যোধন বলে, আগে জিনিব পাণ্ডবে ।
 পাণ্ডবে জিনিলে মম বশ হৈবে সবে ॥
 শকুনি বলিল, ভাল বিচারিলা মনে ।
 সংগ্রামে জিনিবে কেবা পাণ্ডুপুত্রগণে ॥
 পুত্রসহ দ্রুপদ সহায় নারায়ণ ।
 ইন্দ্র নারে জিনিবারে পাণ্ডুর নন্দন ॥
 জিনিবারে এক বিদ্যা আছে মম স্থান ।
 জিনিবারে চাহ যদি, লহ সেই জ্ঞান ॥
 দুর্ঘ্যোধন বলে, কহ মাতুল জ্ঞমতি ।
 হেন বিদ্যা আছে যদি, দেহ শীঘ্রগতি ॥
 বিনা-অস্ত্র-প্রহারে পাণ্ডবগণে জিনি ।
 কহ শীঘ্র, মাতুল, আনন্দ হোক শুনি ॥
 শকুনি বলিল, এই শুন দুর্ঘ্যোধন ।
 পাশায় নিপুণ নহে ধর্ম্মের নন্দন ॥
 তথাপিহ ইচ্ছা বড় পাশা খেলিবারে ।
 মোর সহ খেলি জিনে, নাহিক সংসারে ॥
 ক্ষত্রনীতি আছে হেন, যতপি আহুয় ।
 কিবা দূতে, কিবা যুদ্ধে বিমুখ না হয় ॥
 কদাচিত্ যুধিষ্ঠির বিমুখ না হবে ।
 খেলিলে তোমার জয় অবশ্য ঘটিবে ॥
 পিতারে এ-সব কথা কহ গিয়া বেগে ।
 মম শক্তি নহিবে কহিতে তাঁর আগে ॥
 এইরূপ বিচার করিয়া দুইজনে ।
 হস্তিনানগরে প্রবেশিল কতক্ষণে ॥
 ধৃতরাষ্ট্র-চরণে করিল নমস্কার ।
 আশীষ করিয়া জিজ্ঞাসিল সমাচার ॥

নিঃশব্দেতে রহিল নৃপতি দুর্ঘ্যোধন ।
 কহিতে লাগিল তবে স্ববল-নন্দন ॥
 জ্যেষ্ঠপুত্র তব রায়, সর্ব্বগুণবান্ ।
 হেন পুত্রে কেন তব নাহি অবধান ॥
 দিনে-দিনে ক্ষীণ হয়, জীর্ণ-জীর্ণ-অঙ্গ ।
 রক্তহীন দেখি যে, শরীরবর্ণ পিঙ্গ ॥
 নাহি বুঝি, কি-কারণে হেন মনস্তাপ ।
 মঘনে নিঃশ্বাস, যেন দগ্ধাত সাপ ॥
 ধৃতরাষ্ট্র বলে, কহ, শুনি দুর্ঘ্যোধন ।
 অঙ্গ তব হীনবল কিসের কারণ ॥
 শকুনি বলিল যত, শুনিহু শ্রবণে ।
 কি-দুঃখ তোমার, কিছু নাহি বুঝি মনে ॥
 কে আছে তোমার শত্রু, কার এত বল ।
 কোন্ হুখে হীন ভূমি, হইলে দুর্ব্বল ॥
 ধনে-জনে-সম্পদেতে কে আঁটে তোমায় ।
 কোন্ জন আছে হেন বীর বহুধায় ॥
 দিব্য-ভক্ষ্য, দিব্য-বস্ত্র, দিব্য-নারীগণ ।
 রতন-মণ্ডিত মনোহর গৃহগণ ॥
 কি তব অসাধ্য, অনুশোচ কি-কারণ ।
 এত শুনি কহিতে লাগিল দুর্ঘ্যোধন ॥
 সকল বিভব আমি করি যে প্রমাণ ॥
 গণি ইহা কাপুরুষ-জনের সমান ॥
 মোর মনস্তাপ পিতা, কহি তব স্থান ।
 যত্ন নাহি, জীয়ে আছি কঠিন-পরায়ণ ॥
 শত্রুর সম্পদ পিতা, দেখিয়া নয়নে ।
 না হয় শরীর পুষ্ট, না তৃপ্তি-ভোজনে ॥
 পাণ্ডবের লক্ষ্মী যেন দীপ্ত দিনকর ।
 সেই তাপে দহিতেছে মম কলেবর ॥

পাণ্ডব-সম্পদ-ভুল্য নাহি দেখি শুনি ।
 কহিতে না পারি পিতা, তাহার কাহিনী ॥
 অষ্টাশী-সহস্র-দ্বিজ নিত্য ভুঞ্জে গৃহে ।
 স্ববর্ণের পাত্রে ভুঞ্জে, সুরমন মোহে ॥
 পৃথিবীর রাজগণ নানারত্ন লৈয়া ।
 বৈশ্যগণ-প্রায় থাকে দ্বারে দাণ্ডাইয়া ॥
 রাজসূয়-যজ্ঞ তাত, করিল যখন ।
 না জানি যে, কত দ্বিজ করিল ভোজন ॥
 মুহূর্ত্তেকে পিতা, একলক্ষ দ্বিজ ভুঞ্জে ।
 একলক্ষ পূর্ণ হৈলে এক শত্ব বাজে ॥
 হেনমতে মুহূর্ত্তঃ বাজে শত্বগণ ।
 অহর্নিশ শত্ব বাজে, না যায় গণন ॥
 শত্বশব্দ শুনি মম চমকিত-মন ।
 ধনের কতেক পিতা, করিব বর্ণন ॥
 সে সব দেখিয়া চমৎকার লাগে মনে ।
 ইহার উপায় পিতা, করহ আপনে ॥
 পাণ্ডবেরে জিনি, হেন যা থাকে উপায় ।
 বিনা-হুন্দেরে পাই যদি, আজ্ঞা কর রায় ॥
 পাশক্রীড়া জানে ভাল মাতুল শকুনি ।
 পাশায় পাণ্ডব-লক্ষ্মী লৈব সব জিনি ॥
 এতেক শুনিয়া বলে অন্ধ-নরবর ।
 বিদুরে জিজ্ঞাসি দিব তোমারে উত্তর ॥
 বুদ্ধিদাতা বিদুর সে মস্ত্রি-চূড়ামণি ।
 মম অনুগত বড়, কহে হিতবাণী ॥
 তাঁরে না জিজ্ঞাসি আমি কহিবারে নারি ।
 করিবারে যদি হয়, তাঁর বাক্যে পারি ॥
 দুর্য্যোধন বলে, যদি বিদুরে কহিবে ।
 বিদুর শুনিলে সে এখনি নিবারণে ॥

তাঁর বাক্য শুনি নাহি করিবা অশ্রুধা ।
 আমার মরণ ইথে হইবে সর্ব্বধা ॥
 আমি মরি, বঞ্চ স্ত্রুথে বিদুর-সহিত ।
 নির্ভর-বচনে অন্ধ হইল চুঃখিত ॥
 দুর্য্যোধন-মন বুঝি আশ্বাস করিল ।
 খেল পাশা, বলি তারে অন্ধ আজ্ঞা দিল ॥
 বহুস্তম্ভে বহুরত্নে কর এক ঘর ।
 চারি-গোটা দ্বার তার কর পরিসর ॥
 নিশ্চয় করিয়া গৃহ কহিবে আমারে ।
 এত বলি রাজা শাস্ত করিল পুঞ্জেরে ॥
 মহাবিচক্ষণ হয় বিদুর স্তম্ভিত ।
 জানিয়া অন্ধের স্থানে গেলা শীঘ্রগতি ॥
 বিদুর বলিল, রাজা, না কর বিচার ।
 শুনি চিত্তে বড় ক্রোভ হইল আমার ॥
 পুঞ্জ-পুঞ্জে ভেদ না করিহ কদাচন ।
 সর্ব্বনাশ করে দ্যুতে, বিদিত ভুবন ॥
 দৈবে যাহা করে, তাহা কে খণ্ডিতে পারে ।
 ধৃতরাষ্ট্র বলে, কিছু না বল আমারে ॥
 ভীষ্ম আর আমি থাকি স্মায় বিচারিব ।
 কদাচিত পুঞ্জ-পুঞ্জে দ্বন্দ্ব না করাব ॥
 পশ্চাতে হইবে, যেই আছয়ে নিয়তি ।
 দৈব বলবান, কেবা রোধে তার গতি ॥
 এখনি স্মরিত ভূমি ইন্দ্রপ্রস্থে গিয়া ।
 এথাকারে যুধিষ্ঠিরে আনহ ডাকিয়া ॥
 ধর্ম্মরাজে না কহিবে এই বিবরণ ।
 এত শুনি ক্ষত্যা^১ হৈল বিষণ্ণ-বদন ॥
 বিদুর কহিল, রাজা, না করিলা ভাল ।
 জানিলাম আজি হৈতে সর্ব্বনাশ হৈল ॥

এত বলি বিদূর হইলা ক্ষুণ্ণমতি ।
 ভীষ্ম-স্থানে জানাইতে গেলা শ্রীশ্রগতি ॥
 সভাপৰ্ব্ব-স্বধারস-পাশা-অনুবন্ধে ।
 কাশীরাম দাস কহে পাঁচালি-প্রবন্ধে ॥

৩৩। পাশা খেলিবার মন্ত্রণা ।

জন্মেজয় বলে, কহ, শুনি মুনিবর ।
 কি-হেতু হইল পাশা অনর্থের ঘর ॥
 পিতামহ পিতামহী দুঃখ যাহে পাইল ।
 কেবা খেলা প্রবর্তিল, কেবা নিবর্তিল ॥
 কোন্-কোন্ জন ছিল সভার ভিতর ।
 যেই পাশা হৈতে হৈল ভারত-সমর ॥
 মূনি বলে, শুন পরীক্ষিতের তনয় ।
 ক্তাবাক্য শুনি অন্ধ চিস্তিত-হৃদয় ॥
 দৃঢ় করি জানিল এ-কৰ্ম্ম ভাল নয় ।
 একান্তে ডাকিয়া রাজা দুর্য্যোধনে কয় ॥
 হে পুত্র, কদাচ তুমি না খেলিহ পাশা ।
 এ-কৰ্ম্মে বিদূর নাহি করয়ে ভরসা ॥
 স্নবুদ্ধি বিদূর মম অহিত না ইচ্ছে ।
 তাঁর বাক্য না শুনিলে দুঃখ পাবে পিছে ॥
 বৃহস্পতি চাহে যথা দেবরাজহিত ।
 সেইরূপ ক্তা মম, জানিও নিশ্চিত ॥
 গুরুর অধিক পুত্র, বিদূর-মন্ত্রণা ।
 বিচক্ষণ ক্তা কুরুবংশেতে গণনা ॥
 স্রকুলে বৃহস্পতি, কুরুকুলে ক্তা ।
 বৃষ্ণিকুলে উদ্ধব, স্নবুদ্ধি জ্ঞানদাতা ॥
 বিদূর কহিল, পাশা অনর্থের ঘর ।
 দ্যুত হৈতে ভেদাভেদ আছে স্রগোচর ॥
 জ্ঞাতভেদ হৈলে বাপা, হয় সর্বনাশ ।
 বিদুরের বাক্য শুনি হৈল মোর আশ ॥

মাতা-পিতা তুমি যদি মান দুর্য্যোধন ।
 না খেলাও পাশা তুমি, শুনহ বচন ॥
 পরম-পণ্ডিত তুমি, না বুঝহ কেনে ।
 কি-কারণে হিংসা কর পাণ্ডুর নন্দনে ॥
 কুরুকুলে জ্যেষ্ঠ-শ্রেষ্ঠ যুধিষ্ঠিরে গণি ।
 হস্তিনানগর কুরুকুল-রাজধানী ॥
 যুধিষ্ঠির-বর্ভমানে পাইলে হস্তিনা ।
 তুমি যাহা দিলে, তাহা নিল পঞ্চজন ॥
 ইন্দ্রের সমান পুত্র, তোমার বৈভব ।
 নরযোনি হ'য়ে কার এমত সম্ভব ॥
 ইথে অনুশোচ পুত্র, কিসের কারণ ।
 কি-হেতু উদ্বেগ তব, কহ দুর্য্যোধন ॥
 দুর্য্যোধন বলে, পিতা, সমর্থ হইয়া ।
 অহঙ্কার নাহি যার শত্রুকে দেখিয়া ॥
 কাপুরুষ-মধ্যে গণ্য হয় হেনজন ।
 বিশেষ ক্ষত্রিয়-জাতি, জানহ আপন ॥
 মোর এ-ঐশ্বর্য্য পিতা গণি সাধারণ ।
 এইমত সম্পদ ডুঞ্জয়ে বহুজন ॥
 কুন্তীপুত্র-লক্ষ্মী যেন দীপ্ত-হৃতাশন ।
 দেখি মোর হয় প্রাণ আছে এতক্ষণ ॥
 পৃথিবী ব্যাপিল পিতা, পাণ্ডবের যশ ।
 যতেক নৃপতি পিতা, হৈল তার বশ ॥
 যুহু ভোজ বৃষ্ণি আর অন্ধক সাত্ত্বত ।
 শৌরসেনী কুকুর এ-সপ্তবংশ-সাথ ॥
 যুধিষ্ঠির-বচনে সদাই কৃষ্ণ খাটে ।
 সমস্ত ভূপতি কর দেয় করপুটে ॥
 আর করিলেক কত কপট পাণ্ডব ।
 মম স্থানে ধন-রত্ন রাখিলেক সব ॥
 পূর্বে নাহি শুনি পিতা যে-রত্নের নাম ।
 সে-সকল দেখিলাম যুধিষ্ঠির-ধাম ॥

নানাবর্ণ রত্ন-সব, না যায় কখন ।
 সিন্ধুমধ্যে গিরিমধ্যে জন্মে যত ধন ॥
 ধরামধ্যে বৃক্ষমধ্যে জীবের অঙ্গেতে ।
 সর্বরত্ন আছে পিতা, তার ভাগ্যরেতে ॥
 লোমজ পটুজ চীর বিবিধ-বসন ।
 গজদন্ত-বিরচিত দিব্য-সিংহাসন ॥
 হস্তী অশ্ব উষ্ট্র গাভী মেঘ আর অজা ।
 নানাবর্ণে আনি দিল নানাদেশী রাজা ॥
 শ্রামলা তরুণী দিব্যরূপা দীর্ঘকেশী ।
 সহস্র-সহস্র দাসী পরম-রূপসী ॥
 দেখিতে-দেখিতে ভ্রান্ত হৈল মম মন ।
 অপমান কৈল যত, শুনহ কারণ ॥
 মায়া-সভা-মধ্যে কিছু না পারি বুঝিতে ।
 ক্ষটিকের বেদী হেরি জলভ্রম চিতে ॥
 জল জানি তুলিলাম পিঙ্কন-বসন ।
 দেখিয়া হাসিল মোরে যত সভাজন ॥
 তথা হৈতে কতদূরে দেখি জলাশয় ।
 ক্ষটিক বলিয়া ভায় মনোভ্রম হয় ॥
 পড়িলাম মহাশব্দে সবস্ত্র তাহাতে ।
 চতুর্দিকে লোকগণ লাগিল হাসিতে ॥
 ভীম ধনঞ্জয় আর যত সভাজন ।
 দ্রৌপদীর সহিত যতেক নারীগণ ॥
 সর্বজন আমারে করিল উপহাস ।
 যুধিষ্ঠির পরিবারে দিল অন্ত-বাস ॥
 বলিল কিঙ্করগণে বস্ত্র আনিবারে ।
 পরাইল বাপী হৈতে তুলিয়া আমারে ॥
 কার প্রাণে সহে পিতা, এত অপমান ।
 আর যে করিল পিতা, কর অবধান ॥
 স্থানে-স্থানে ক্ষটিকের নির্মিত প্রাচীর ।
 দার হেন বুঝিলাম আসিতে বাহির ॥

মন্তকে বাজিল ঘাত, পড়িলু ক্ষতিতে ।
 দুই মাদ্রৌপুত্র আসি তুলিল ত্রিতে ॥
 মম দুঃখে দুঃখিত হইল দুইজন ।
 হাতে ধরি দেখাইল চুয়ার তখন ॥
 এত অপমান পিতা, সহে কার প্রাণে ।
 কহ কি সহিতে পারে, নারে হীনজনে ॥
 এইহেতু হৈল পিতা, মোর অপমান ।
 হয় তার লক্ষ্মী লই, নয় যাক প্রাণ ॥
 ধৃতরাষ্ট্র বলে, পুত্র, হিংসা বড় পাপ ।
 হিংসাকারী জন পুত্র, পায় বড় তাপ ॥
 অহিংসক পাণ্ডবের না করহ হিংসা ।
 শান্ত হৈয়া থাক পুত্র, পাইবে প্রশংসা ॥
 সেইমত যজ্ঞ করিবারে যদি মন ।
 কহ পুত্র, নিমন্ত্রণ করি রাজগণ ॥
 আমার গৌরব করে সব নৃপবরে ।
 ততোধিক রত্ন দিবে আনি মোর করে ॥
 ইহা না করিয়া যাহা করহ বিচার ।
 অসং-মার্গেতে গেলে দৃষিবে সংসার ॥
 পরদ্রব্য দেখি হিংসা না করে যে-জন ।
 স্বধর্ম্মেতে বঞ্চে সদা সন্তোষিত-মন ॥
 স্বকর্ম্মে উদ্যোগী যারা পর-উপকারী ।
 সদাকাল হুখে বঞ্চে, কি-দুঃখ তাহারি ॥
 পর নহে, নিজ-ভাই পাণ্ডুর নন্দন ।
 ঘেযভাব তাহাদেরে না কর কখন ॥
 পাণ্ডবের যশ যত নিজ বলি জানি ।
 যথোচিত ভোগ কর, মনে প্রীতি মানি ॥
 তোমারে করয়ে স্নেহ ধর্ম্মের নন্দন ।
 ঘেযভাব তার প্রতি না কর কখন ॥
 দুর্ঘ্যোজন বলে, পিতা, প্রজ্ঞাবান নহি ।
 বহু শুনিয়াছি বলি শাস্ত্রকথা কহি ॥

সে-জন কি জানে পিতা, শাস্ত্রের বিবাদ ।
 চাটু যেন নাহি জানে পিষ্টকের স্বাদ ॥
 রাজা হ'য়ে এক আজ্ঞা নহিল বাহার ।
 তারে রাজা নাহি বলি শাস্ত্র-অনুসার ॥
 রাজা হ'য়ে সন্তোষ না রাখিবে কখন ।
 ধনে-জনে শাস্তি না রাখিবে কদাচন ॥
 শত্রুকে বিশ্বাস নাহি কর কদাচন ।
 নমুচি দানবে যথা সহস্র-লোচন ॥
 এক-পিতা হৈতে হৈল দৌহার উৎপত্তি ।
 বহুকাল প্রীতি ছিল নমুচি-সংহতি ॥
 সমরে তাহারে ইন্দ্র করিল সংহার ।
 নিকটকে ভোগ করে অদিতি-কুমার ॥
 শত্রু অল্প যদি, তবু নাশের কারণ ।
 মূল্যহ বন্দীক যেন গ্রাসে তরুণগণ ॥
 জ্ঞাতিমধ্যে ধনে-জনে যেনা বলবান্ ।
 ক্ষত্রমধ্যে সেই শত্রু গণি যে প্রধান ॥
 আপনি জানিয়া কেন করহ বঞ্চন ।
 নিশ্চয় জানিহু, চাহ আমার নিধন ॥
 পুনঃ ধৃতরাষ্ট্র বহু-মধুর-বচনে ।
 নিবারিতে না পারিয়া পুত্র দুর্ঘ্যোধনে ॥
 দৈবের নির্বন্ধ জানি বিচুরে ডাকাল ।
 যুধিষ্ঠিরে আন গিয়া, বলি আজ্ঞা দিল ॥
 বিচুর বলিল, রাজা, শ্রেয়ঃ নহে কথা ।
 কুলনাশ হবে জানি মনে পাই ব্যথা ॥
 অন্ধ বলে, মোরে ভূমি না বলিহ আর ।
 দৈববশ দেখি এই সকল সংসার ॥
 নারিল বিচুর আজ্ঞা করিতে হেমন ।
 রথে চড়ি ইন্দ্রপ্রস্থে করিল গমন ॥

বিচুরের সমাগম করি দরশন ।
 যথাবিধি পূজা করিলেন পঞ্চজন ॥

জিজ্ঞাসা করেন, কহ ভদ্র-সমাচার ।
 কি-কারণে অশুচিস্ত দেখি যে তোমার ॥
 বিচুর বলেন, রাজা, চল হস্তিনায় ।
 বিলম্ব না কর, ধৃতরাষ্ট্রের আজ্ঞায় ॥
 আর যে বলিল, তাহা শুনহ স্মৃতি ।
 তব সভা-তুল্য সভা করিয়াছে তথি ॥
 ভ্রাতৃগণ-সহ মম সভা দেখে আদি ।
 দ্যুত-আদি ক্রীড়া কর সভামধ্যে বসি ॥
 সভায় বসিলে মম তৃপ্ত হয় মন ।
 এইহেতু পাঠাইল আমারে রাজন্ ॥
 যুধিষ্ঠির বলে, দ্যুত অনর্থের ঘর ।
 দ্যুতক্রীড়া ইচ্ছে যত জ্ঞানভ্রষ্ট নর ॥
 যে হৌক, সে হৌক, আমি অধীন তোমার ।
 কি কার্য্য করিব, মোরে কহ সমাচার ॥
 বিচুর বলেন, দ্যুত অনর্থের মূল ।
 দ্যুতেতে অনর্থ জন্মে, ভ্রষ্ট হয় কুল ॥
 করিলাম অন্ধরূপে অনেক বারণ ।
 আমারে পাঠাল তবু না শুনি বচন ॥
 বুঝিয়া করহ রাজা, বাহা শ্রেয়ঃ হয় ।
 বাহ বা না বাহ তথা, যেনা চিন্তে লয় ॥
 ধর্ম্ম বলিলেন, আজ্ঞা দিল। কুরুপতি ।
 গুরু-আজ্ঞা ভঙ্গ কৈলে নরকে বসতি ॥
 ক্ষত্রিয়ের ধর্ম্ম তাত, জানহ যেমন ।
 দ্যুতে কিংবা যুদ্ধে যদি করে আবাহন ॥
 বিশেষে আমার সত্য-প্রতিজ্ঞা-বচন ।
 দ্যুতে কিংবা যুদ্ধে নহি বিযুথ কখন ॥
 এত বলি যুধিষ্ঠির সহ-ভ্রাতৃগণ ।
 দ্রৌপদীকে কহিয়া গেলেন ততক্ষণ ॥
 দৈবপাশে বান্ধি যেন লোকে ল'য়ে যায় ।
 কৃতাসহ পঞ্চভাই যান হস্তিনায় ॥

ধূতরাষ্ট্র ভীষ্ম দ্রোণ কৃপ সৌমদত্ত ।
গান্ধারী-সহিত অন্তঃপুর-নারী যত ॥
একে-একে সবাকারে করি সন্তাষণ ।
রজনী বঞ্চে ন তথা স্নেহে পঞ্চজন ॥
পুণ্যকথা ভারতের দ্যুত-অনুবন্ধ ।
কাশীরাম কহে রচি পয়ার-শ্রবন্ধ ॥

৩৪। যুধিষ্ঠিরের সহিত শকুনির প্রথমবার
দ্যুতক্রীড়া ও শকুনির জয়।

রজনী-প্রভাতে পঞ্চ পাণ্ডুর নন্দন ।
স্নেহে দিব্য-সভামধ্যে করিল গমন ॥
একে-একে সন্তাষণ করি সর্বজনে ।
বসিলেন অপূর্ব কনক-সিংহাসনে ॥
হেনকালে শকুনি আনিল পাশাসারি ।
যুধিষ্ঠিরে বলে তবে প্রবঞ্চনা করি ॥
পুরুষের মনোরম দ্যুতক্রীড়া জানি ।
দ্যুতক্রীড়া কর আজি ধর্ম-নৃপমণি ॥
যুধিষ্ঠির বলে, পাশা অনর্থের ঘর ।
কল্প-পরাক্রম ইথে না হয় গোচর ॥
কপট এ-কর্ম, ইহা দোষের আধার ।
অনীতি-কর্মেতে মন না যায় আমার ॥
শকুনি বলিল, পাশা স্নবুদ্ধির কর্ম ।
দ্যুত কিংবা যুদ্ধ এই কল্পিয়ের ধর্ম ॥
যুদ্ধেতে অজ্ঞাতি জ্ঞাতি নাহিক বিচার ।
হীনজাতি যবনাদি করয়ে প্রহার ॥
পাশায় সমান-সহ বুদ্ধির সময় ।
কল্পধর্ম আছে হেন, বলে মুনিবর ॥
যুধিষ্ঠির বলে, পাশা অনর্থের মূল ।
অধর্ম করিয়া মোরে না জিন মাতুল ॥

অন্ত নাহি মনে মম বিজসেবা-বিনা ।
এ-কর্ম মাতুল, আমি না করি কামনা ॥
শকুনি বলিল, তুমি যাও নিজ-স্থানে ।
পণ্ডিতে-পণ্ডিতে ক্রীড়া, পণ্ডিত সে জানে ॥
যদি দ্যুতক্রীড়া-ইচ্ছা নাহিক তোমার ।
নিবর্তিয়া গৃহে তবে যাহ আপনার ॥
যুধিষ্ঠির বলে, যবে ডাকিলা আমারে ।
সত্য মম না টলিবে পাশার সমরে ॥
সত্য আমি খেলিব পাশার আবাহনে ।
হারিলে তোমার পণ দিবে কোন্ জনে ॥
মেরুভূল্য আমার যে আছে বহুধন ।
চারি-সমুদ্রের মধ্যে যতেক রতন ॥
দুর্যোধন বলে, মম মাতুল খেলিবে ।
সর্বরত্ন দিব আমি, যতেক হারিবে ॥
এইরূপে দুইজনে পাশা আরম্ভিল ।
দেখিবারে সর্বজন সভাতে বসিল ॥
ধূতরাষ্ট্র ভীষ্ম দ্রোণ কৃপ মহামতি ।
চিত্তে অসন্তোষ অতি বিদূর প্রভৃতি ॥
ধর্ম বলিলেন, পণ রহিল আমার ।
ইন্দ্রপ্রস্থে যত মম রত্নের ভাণ্ডার ॥
ঈদৃশ তোমার ধন কোথা দুর্যোধন ।
হাসি বলে, কোথা হৈতে দিবে এই পণ ॥
দুর্যোধন বলে, মম আছেয়ে অনেক ।
অবশ্য অর্পিব আমি, জিনিবে যতেক ॥
নির্ণয় করিয়া সারি ফেলিল শকুনি ।
কটাক্ষে সকল রত্ন লইলেক জিনি ॥
ক্রোধে যুধিষ্ঠির পুনঃ রাখিলেন পণ ।
কোটি-কোটি মহাবল যত অশ্বগণ ॥
শকুনি হাসিয়া ফেলি জিনিলাম কয় ।
কি পণ রাখিবা আর, কহ মহাশয় ॥

যুধিষ্ঠির বলে, মোর রথ অগণন ।
 নানারত্নে বিভূষিত মেঘের গর্জ্জন ॥
 শকুনি হাসিয়া বলে ডাকি ততক্ষণ ।
 হের দেখ জিনিলাম রাখ অন্তপণ ॥
 ধর্ম বলিলেন, হস্তিবৃন্দ যে আমার ।
 জৈবদন্ত মহাকায়, বলেতে দুর্ব্বার ॥
 সব-হস্তী রাখি পণ, পুনঃ খেল পাশা ।
 জিনিলাম শকুনি বলিয়া কহে ভাষা ॥
 যুধিষ্ঠির বলে, মোর আছে দাসীগণ ।
 সহস্র-সহস্র নানারত্নে বিভূষণ ॥
 সবার সৌজন্য বড় ব্রাহ্মণ-সেবাতে ।
 রাখিলাম পণ তাহা এবার পাশাতে ॥
 শকুনি ফেলিয়া পাশা বলয়ে হাসিয়া ।
 অন্তপণ কর, হের নিলাম জিনিয়া ॥
 ধর্ম বলে, গন্ধর্ব্বাখ আছে অগণন ।
 তিলেক না হয় শ্রম ভ্রমিলে ভুবন ॥
 চিত্ররথ-গন্ধর্ব্ব তুরঙ্গ আনি দিল ।
 এবার দ্যুতেতে সেই অশ্ব পণ রৈল ॥
 হাসিয়া বলয়ে তবে হুবল-কুমার ।
 অশ্বগণে জিনিলাম, রাখ পণ আর ॥
 যুধিষ্ঠির বলে যে, আছয়ে যোদ্ধৃগণ ।
 মহারথিমধ্যে করি সে-সবে গণন ॥
 এইবার দ্যুতে আমি রাখিলাম পণ ।
 জিনিমু, হাসিয়া বলে গান্ধার-নন্দন ॥
 এইমত প্রবর্তিল কপট দেবন ।
 একে-একে হারিলেন ধর্ম সর্ব্বধন ॥
 দ্যুতক্রীড়া ভারতের অপূর্ব্ব-কথন ।
 কাশী কহে, কুরুকুল-ধ্বংসের কারণ ॥

৩৫। ধৃতরাষ্ট্রের প্রতি বিহ্বরের উক্তি ।

দেখিয়া ব্যাকুল হৈল বিহ্বরের মন ।
 ধৃতরাষ্ট্রে ডাকি তবে বলিছে বচন ॥
 আমি যত বলি, তব মনে নাহি লয় ।
 মৃত্যুকালে রোগী যেন ঔষধ না খায় ॥
 ওহে অন্ধরায়, তুমি হইলা কি স্তব্ধ ।
 জন্মকালে এই পুত্র কৈল খরশব্দ ॥
 তখনি বলিমু আমি সকল বিস্তার ।
 কুরুকুল-ক্ষয়হেতু হইল কুমার ॥
 না শুনিলা মম বাক্য করিয়া হেলন ।
 সে-সব রাজন্, ব্যক্ত হ'তেছে এখন ॥
 সংহার-রূপেতে এই আছে তব ঘরে ।
 স্নেহেতে ভুলিয়া নাহি পাও দেখিবারে ॥
 দেব-গুরু-নীতি রাজা, কহি সে তোমারে ।
 মধু-হেতু মধুলোভী উঠে বৃক্ষোপরে ॥
 নাহিক পতন-ভয় মধুর কারণ ।
 সেইরূপ মত্ত হইয়াছে দুর্ঘ্যোধন ॥
 মহারথিগণ-সহ করয়ে বৈরিতা ।
 পশ্চাতে জানিবে, এবে নাহি শুন কথা ॥
 এইরূপ কংসভোজ হইল উৎপত্তি ।
 সপ্তবংশ পিতার নাশিল দুষ্কৃতি ॥
 উগ্রসেন-আদি সবে করি এ-প্রকার ।
 গোবিন্দের হাতে তবে হইল সংহার ॥
 সপ্তবংশ স্তখে বৈসে গোবিন্দ-সংহতি ।
 মম বাক্য মান রাজা, পাবে বড় শ্রীতি ॥
 শীঘ্রগতি পার্থে আজ্ঞা করহ রাজন্ ।
 দুর্ঘ্যোধনে রাখুক সে করিয়া বন্ধন ॥
 নির্ভয়ে পরম-স্তখে থাকহ নৃপতি ।
 কাক-হস্তে ময়ূরের না কর দুর্গতি ॥

শিবাহস্তে সিংহের না কর অপমান ।
 শোকসিদ্ধি মধ্যে রাজা, না কর প্রয়াণ ॥
 যে-পক্ষী প্রসব করে অমূল্য-রতন ।
 মাংসলোভে তারে নাহি খায় বিজ্ঞজন ॥
 স্বর্ণের স্বক রাজা, রোপিয়া যতনে ।
 স্বকরক্ষা কৈলে পুষ্প পাই অনুদিনে ॥
 যে হইল, এখন নিবর্ত্ত নরপতি ।
 পুত্রগণে কেন কর যমের অতিথি ॥
 এ-পঞ্চজনের সহ কে করিবে রণ ।
 কহ শুনি রাজা, তব আছে কোন্ জন ॥
 দিকপাল-সহ যদি আসে বজ্রপাণি ।
 পাণ্ডবে জিনিতে নারে, তোমা কিসে গণি ॥
 হে ভীষ্ম, হে দ্রোণ, কৃপ, নাহি শুন কেনে ।
 সবে মিলি রঙ্গ দেখ, বুঝিলাম মনে ॥
 অগাধ-সমুদ্রে নৌকা না ডুবা হলে ।
 সবে মিলি যমগৃহে যাইতে বসিলে ॥
 অক্রোধী অজাতশত্রু ধর্মের তনয় ।
 যে-কণে করিবে ক্রোধ ভীষ্ম-ধনঞ্জয় ॥
 যমজ যুগল যবে করিবেক ক্রোধ ।
 কে আছে সহায় তব করিতে প্রবোধ ॥
 হে অন্ধ, পাশাতে যত লইলে বশাত ।
 বুঝি কি, ইহাতে তোমার নাহি হাত ॥
 কপট করিয়া তাহে কোন্ প্রয়োজন ।
 আজ্ঞামাত্রে দিত সব ধর্মের নন্দন ॥
 এই শকুনিরে আমি ভালমতে জানি ।
 কপট কুবুদ্ধি খলগণ-চূড়ামণি ॥
 কোথায় পর্বতপুর ইহার নিবাস ।
 কে আনিল এখায় করিতে সর্বনাশ ॥

বিদায় করহ, ঘরে যাক আপনার ।
 উঠ গো শকুনি, পাশা করি পরিহার ॥
 সভাতে এতেক যদি বিদূর বলিল ।
 জলন্ত-অনলে যেন দ্বুত ঢালি দিল ॥
 দুর্ব্যোধন বলে, আমি তোমা না জিজ্ঞাসি ।
 কার হ'য়ে কহ ভাষা সভামাঝে বসি ॥
 জিজ্ঞাসিতে হৃদয়-ওষ্ম মনুষ্যের জানি ।
 সদাকাল চাহ তুমি ধৃতরাষ্ট্র-হানি ॥
 পাণ্ডুপুত্র প্রিয় তব সর্বলোকে জানে ।
 নিকটে না রাখি কভু শত্রু-হিতজনে ॥
 উঠিয়া যথায় ইচ্ছা যাহ আপনার ।
 এখায় উচিত থাকা না হয় তোমার ॥
 কুজনেরে যদি রাখে করিয়া যতন ।
 তথাপি অসৎ-পথে করিবে গমন ॥
 সভামধ্যে যতেক কহিলা তুমি ভাষা ।
 অশ্রু হ'লে নাহি থাকে জীবনের আশা ॥
 যতই তোমার আমি করি পূজা-মান ।
 তত অনাদর মোরে কর হেয়জ্ঞান ॥
 সভামধ্যে কহ কথা যেন স্বয়ং প্রভু ।
 হেন কুবচন কেহ নাহি কহে কভু ॥
 বিদূর বলেন, আমি না কহি তোমায়ে ।
 ধৃতরাষ্ট্র-দুঃখ দেখি হৃদয় বিদরে ॥
 তোরে কি কহিব, ধৃতরাষ্ট্র নাহি শুনে ।
 গতায়ু-জনেতে কভু হিত নাহি মানে ॥
 আমারে কি-হেতু তুমি জিজ্ঞাসিবে কথা ।
 জিজ্ঞাসহ নিজহৃদয় লোক পাণ্ডা যথা ॥
 এত বলি নিঃশব্দ যে ক্ষণ-মহাশয় ।
 পুনঃ আরম্ভিল পাশা স্বেচ্ছা-তনয় ॥

সভাপর্ব ভারতের বিচিত্র-আখ্যান ।
কাশী কহে পয়্যারেতে, শুনে পুণ্যবান ॥

৩৬। ভ্রাতৃগণ ও ভ্রোপদীকে পণ রাখা এবং
যুধিষ্ঠিরের পরাজয় ।

শকুনি বলিল চাহি ধর্মের নন্দন ।
সর্বস্ব হারিলা আর কি রাখিবা পণ ॥
যুধিষ্ঠির বলে, মম অসংখ্য-রতন ।
চারিদিক্‌-মধ্যে আছে যৌর যতধন ॥
অমৃত নিযুত যত ধর্ম মহাধর্ম ।
পদ্ম শঙ্খ করি অন্ত আছে যত সর্ব ॥
সকলি রাখিযু পণ এবার সারিতে ।
জিনি লইলাম বলে গান্ধারের হুতে ॥
যুধিষ্ঠির বলেন যে, আছে পশুগণ ।
গাভী উষ্ট্র খর আর মেঘ অগণন ॥
সবে রাখিলাম পণ এবার দ্যুতেতে ।
জিনিলাম বলি কহে স্ববলের হুতে ॥
যুধিষ্ঠির বলিলেন, পণ রাখি আমি ।
আমার শাসিত আছে যত রাজ্যভূমি ॥
ভ্রাতৃগণের ভূমি-গৃহ ছাড়িয়া রতন ।
এবার দেবনে আমি রাখিলাম পণ ॥
শকুনি বলিল, আমি জিনিযু সকল ।
আর কি আছে, পণ রাখ মহাবল ॥
ধর্ম দেখিলেন, ধন কিছু নাহি আর ।
কুমারগণের অঙ্গে যত অলঙ্কার ॥
সকলি রাখিলা পণ, জিনিলা শকুনি ।
দেখিয়া চিস্তিত বড় ধর্ম-নৃপমণি ॥
শকুনি বলিল, কহ কি আর বিচার ।
বিচারি রাখেন পণ ধর্মের কুমার ॥

কিতিমধ্যে সুবিখ্যাত নকুল সুদীর ।
কামদেব জিনি রূপ, সুন্দর-শরীর ॥
সিংহগ্রীব পদ্মপত্র যুগল-নয়ন ।
এবার সারিতে নকুলেরে রাখি পণ ॥
কপটে শকুনি বলে, বলি সারোদ্ধার ।
তব প্রিয়ভাই এই পাণ্ডুর কুমার ॥
কেমনে ইহারে পণ রাখিবা দেবনে ।
এত বলি ফেলি পাশা লইলেক জিনে ॥
ধর্ম বলে, সহদেব ধর্মজ্ঞ পণ্ডিত ।
আমার পরমপ্রিয় জগতে বিদিত ॥
এবার সারিতে সহদেবে রাখি পণ ।
জিনিলাম বলি কহে গান্ধার-নন্দন ॥
কপট-চাতুরী-বাক্যে বলিল শকুনি ।
আর কি আছে, পণ রাখ, নৃপমণি ॥
বৈমাত্রেয় দুইভায়ে হারিলা সারিতে ।
ভীষ্মার্জুনে হারিবে না, লয় মম চিতে ॥
ধর্মরাজ বলে, তব দেখি দুঃসংকতি ।
ভ্রাতৃভেদ-ভাষা কেন কহ মন্দমতি ॥
যোরা পঞ্চভাই হই একই পরাণ ।
কি বুঝিয়া হেন বাক্য কহিলা অজ্ঞান ॥
ভীত হ'য়ে শকুনি বলিছে সবিনয় ।
সহজে পাশায় মত সজ্ঞনেও হয় ॥
মত হৈলে অবক্তব্য-বাক্য আসে মুখে ।
তুমি শ্রোষ্ঠ গরিষ্ঠ, কহহ দোষ মোকে ॥
পুনঃ যুধিষ্ঠির তবে করেন উত্তর ।
তিনলোক-খ্যাত যে আমার সহোদর ॥
হেলে তরি পরমৈশ্বর সাগরের প্রায় ।
যেই দুই-বীর-কর্ণধারের কৃপায় ॥
হেলায় জিনিলা দেবরাজে ভুজবলে ।
অগণিত গুণ যার খ্যাত কিতিতলে ॥

এ-কশ্মেতে পণযোগ্য নহে হেন নির্ধি ।
তথাপিহ রাখি পণ অক্ষক্রৌড়া-বিধি ॥
শকুনি ফেলিয়া পাশা জিনিলাম বলে ।
ধনঞ্জয়ে জিনি ছুট হয় কুরুদলে ॥
ধর্ম বলিলেন, পণ রাখি এইবার ।
বলেতে মনুষ্যালোকে সম নাহি যার ॥
ইন্দ্র যথা দৈত্য দলি পালে সুরগণে ।
সেইমত পালে ভীম পাণ্ডুর নন্দনে ॥
এ-পাশায় পণযোগ্য নহে হেন ধন ।
তথাপিহ রাখি পণ দৈব-নিবন্ধন ॥
জিনিলাম বলি তবে বলিল শকুনি ।
আর কি আছয়ে, পণ রাখ নৃপমনি ॥

এত শুনি বলিলেন ধর্মের নন্দন ।
আমি আছি মাত্র এবে মোরে রাখি পণ ॥
জিনিয়া শকুনি বলে কপট-আচার ।
পাপকর্ম করিলা হে কুন্তীর কুমার ॥
ক্রপদ-কুমারী পণ রাখহ এবার ।
জিনিয়া করহ রাজা, আপন-উদ্ধার ॥
এ-সকল থাকিতে আপনা নাহি হারি ।
আপনা থাকিলে হয় বহুধন-নারী ॥
রাজা বলে, মামা, না সম্ভবে এই কথা ।
কিমতে রাখিব পণ ক্রপদ-দুহিতা ॥
রূপেতে লক্ষ্মীর সম যাহার বর্ণনা ।
অসংখ্য যাহার গুণ না হয় গণনা ॥
মম সৈন্তসিঙ্হু-সম না হয় বর্ণন ।
প্রত্যক্ষ সবার হিতচেষ্টা অনুক্ষণ ॥
বিজ-কল্প দাস-দাসী যত পশুগণ ।
সবারে জননীরূপে করয়ে পালন ॥
হেন স্ত্রী রাখিব পণ, হেন নহে মতি ।
কপট করিয়া বলে শকুনি চর্য্যতি ॥

লক্ষ্মী-অবতার রাজা, তোমার গৃহগী ।
তাঁর ভাগ্যে কদাচিত্ পড়ে পাশা জানি ॥
হারিলা আপনা রাজা, করহ উদ্ধার ।
আপনা হইতে বড় নাহি কেহ আর ॥
বিপদে পড়িলে বুদ্ধি হারায় পশিত ।
শকুনি-বচন রাজা মানিলেন হিত ॥

এতক শুনিয়া কহিলেন যুধিষ্ঠির ।
পাশা ফেল পুনর্ব্বার, সেই পণ স্থির ॥
এতক শুনিয়া ছুট পাশা ফেলাইল ।
হাসিয়া শকুনি বলে, জিনিলা জিনিলা ॥
শুনি কর্ণ দুর্ঘোষন হাসে খল-খল ।
মহা-আনন্দিত কুরু-সোদর-সকল ॥
বিপরীত-কর্ম দেখি ভাবে সভাজন ।
ভীষ্ম দ্রোণ কৃপ হৈল, সজল-নয়ন ॥
বিমর্ষ বিদুর বসিলেন অধোমুখে ।
জ্ঞানবন্ত-লোক স্তব্ধ হৈল মহাশোকে ॥
ছুট হ'য়ে ধৃতরাষ্ট্র ডাকিয়া বলিল ।
কে জিনিলা, কে জিনিলা, ব'লে জিজ্ঞাসিল ॥
বহুকালে প্রকাশিল কুটিল-আচার ।
না পারিল লুকাইতে ধৃতরাষ্ট্র আর ॥
এইমতে সকলি হারেন ধর্ম্মরায় ।
সভাপর্ষ-সুধারস কাশীরাম গায় ॥

৩৭ । পঞ্চ-পাণ্ডবকে সভায় নিয়াগমনে
উপবিষ্ট-করণ ।

হাসিয়া বলিল তবে সূর্য্যের নন্দন ।
দেখহ ইহার হৈল দৈব-বিড়ম্বন ॥
আমা-সবা-মধ্যেতে তোমারে দিল লাজ ।
উপহাস কৈল পেয়ে আপন-সমাজ ॥

এই ভীমার্জুন দেখে মাত্রীর নন্দন ।
 পুনঃপুনঃ তোমা দেখি হাসে সর্বজন ॥
 বাতুল দেখিয়া যথা হাসে সভাজনে ।
 সেইমত কৈল তোমা আপন-ভবনে ॥
 সেই অধর্মের ফলে দেখে নৃপমণি ।
 দাস করি বান্ধিয়া দিলেক দৈবে আনি ॥
 দাস হৈল যুধিষ্ঠির-ভ্রাতৃ-সমুদায় ।
 সমতুল নহে দাস বসিতে সভায় ॥

দুর্যোধন বলে, সখা, উত্তম কহিলে ।
 আত্মা দিল, যুধিষ্ঠিরে লহ সভাতলে^১ ॥
 দাস হৈল, দাসস্থানে থাক পঞ্চজন ।
 সবার কাড়ি লহ বস্ত্র-আভরণ ॥
 বুঝিয়া আপনি সখা, করহ বিধান ।
 পঞ্চজনে নিযুক্ত করহ স্থানে-স্থান ॥
 যে-কর্ম্মে যে যোগ্য, তারে কর নিয়োজন ।
 এতেক শুনিয়া বলে দুই বৈকর্তন ॥

দৈব হ'তে বহুজন ভৃত্য-কর্ম্ম করে ।
 বিনা-কর্ম্মে কেবা আছে সংসার-ভিতরে ॥
 নিজবৃত্তিমত কর্ম্ম করয়ে আজন্ম ।
 রাজা রাজকর্ম্ম করে, ভৃত্য ভৃত্যকর্ম্ম ॥
 ভৃত্য হৈল পঞ্চজন, করুক স্বকাজ ।
 যে-কর্ম্মে যে যোগ্য, তারে দেহ মহারাজ ॥
 আমার যা অভিযত, কর অবধান ।
 পঞ্চজনে নিয়োজিত কর স্থানে-স্থান ॥
 হুকুমল-অঙ্গ রাজা ধর্ম্মের তনয় ।
 অন্যকর্ম্মে ইহার ক্ষমতা নাহি হয় ॥
 তান্মুলের^২ সেবাতে করহ নিয়োজন ।
 পান ল'য়ে সন্নিধানে রবে অনুক্ষণ ॥

হৃষ্টপুষ্ট বৃকোদর হয় বলবান ।
 সে-কারণে মম মনে লয় এই জ্ঞান ॥
 বৃকোদরে চতুর্দোল কর সমর্পণ ।
 অনায়াসে ভার সবে, করিবে বহন ॥
 স্কন্ধে করি লৈবে তোমা সহ-ভ্রাতৃগণ ।
 স্বচ্ছন্দে যাইবে, যথা করিবা গমন ॥
 অর্জুনেরে এই সেবা দেহ মহাশয় ।
 আমি অনুমানি, যদি তব মনে লয় ॥
 বস্ত্র-অলঙ্কার-আদি সমর্প অর্জুনে ।
 ল'য়ে তব পুরোভাগে রবে অনুক্ষণে ॥
 তব হিতপ্রিয় দুই মাত্রীর তনয় ।
 এ-দৌহারে দুই-সেবা দেহ মহাশয় ॥
 দুইভিতে তোমার থাকিবে দুইজন ।
 চামর লইয়া সদা করিবে ব্যজন ॥
 এ-পঞ্চ-সেবায় পঞ্চ কর নিয়োজন ।
 আনিয়া করুক কৃষ্ণ গৃহে দাসীপন ॥

এতেক বলিল যদি কর্ণ দুরাচার ।
 হাসিয়া বলেন তবে গান্ধারী-কুমার ॥
 দুর্যোধন বলে, সখা, বলিলা উত্তম ।
 যে-বিধান করিলা, সে মম মনোরম ॥
 ইঞ্জিত করিয়া জানাইল ভ্রাতৃগণে ।
 সভানিলে লইয়া বসিও পঞ্চজনে ॥

আজ্ঞামাত্র ততক্ষণে যত ভ্রাতৃগণ ।
 উঠ-উঠ বলি কহে কর্কশ-বচন ॥
 কোন্ লাজে রাজ্যগনে আছহ বসিয়া ।
 আপনার যোগ্য-স্থানে বৈস সবে গিয়া ॥
 দুঃশাসন উঠাইল ধর্ম্মে করে ধরি ।
 চল-চল বলি ডাকে পৃষ্ঠে ঢেকা^৩ মারি ॥

ক্রোধেতে ধর্মের পুত্র কাঁপে কলেবর ।
 চক্ষু রক্তবর্ণ, লোহ বহে বরবর ॥
 বিপরীত মানহীন দেখি যুধিষ্ঠির ।
 ক্রোধে থর-থর কম্পমান ভীমবীর ॥
 ভৈরব-গর্জনে গর্জে দম্ব কড়মড়ি ।
 যেমন প্রলয়কালে হয় মড়মড়ি ॥
 যুগান্তের যম যেন সংহারিতে সৃষ্টি ।
 অরুণ-আকার চক্ষু, চাহে একদৃষ্টি ॥
 নাকে ঝড় বহে, যেন প্রলয়-সমান ।
 মহাবীর ভীমসেন কর্ণ-পানে চান ॥
 দেখিয়া কোরবগণ পায় বড় শঙ্কা ।
 হাতে গদা করি ভীম উঠে রণরঙ্গা ॥
 মাথায় ফিরায় গদা চক্রের আকার ।
 চরণের ভরে ক্ষিতি হয় ত বিদার ॥
 ক্রোধমুখ করি দুঃশাসন-পানে ধায় ।
 অনুমতি লইবারে ধর্ম-পানে চায় ॥
 হেঁটমাথা যুধিষ্ঠির দেখিয়া ভীমেরে ।
 বুঝিয়া অর্জুন গিয়া ধরিলেন তাঁরে ॥

অর্জুন বলেন, ভাই, না কর অনীতি ।

কি-হেতু হেলন কর ধর্ম-নরপতি ॥
 দিকপাল-সহ যদি আসে দেবরাজ ।
 আর যত বীর বৈসে ত্রৈলোক্যের মাঝ ॥
 ধর্মেরে করিবে হেন আমরা থাকিতে ।
 যুধিষ্ঠিরকে পাঠাইব যমের ঘরেতে ॥
 কোন্ ছাত্র এরা-সব, তৃণ-হেন গণি ।
 এখনি দহিতে পারি, কারে নাহি মানি ॥
 বিনা-ধর্ম-আজ্ঞায় নাহিক ভাই শক্তি ।
 তাহে কোন্ ভদ্র, যাহে ধর্মেরে অভক্তি ॥

দম্ব-কর্ম ধর্মের নাহিক অভিপ্রায় ।
 সে-কারণে এ-কর্ম না করিতে যুগায় ॥
 অর্জুনের বচনে হইল শাস্ত ক্রোধ ।
 ফেলিলেন গদা ভীম মানি উপরোধ ॥
 আভরণ পরিধান যতক আছিল ।
 পঞ্চভাই আপনা-আপনি সব দিল ॥
 সভা ত্যাগ করিয়া নিকৃষ্ট ধূল্যাসনে ।
 অধোমুখে বসিলেন ভাই পঞ্চজনে ॥
 হেনকালে দুহু কর্ণ কহিল বচন ।
 দ্রৌপদী আনিতে দূত করহ প্রেরণ ॥
 শুনি দুর্য়োধন তবে বিহুরে ডাকিল ।
 হাস্ত-উপহাসে তবে কহিতে লাগিল ॥
 তবে রাজা ধৃতরাষ্ট্র বুঝিয়া বিচার ।
 সভা ত্যজি চলিলেন গৃহে আপনার ॥
 কালী কহে, দুর্য়োধন কুকর্ম করিলে ।
 নিজদোষে কুরুকুল মজাতে বসিলে ॥
 মহাভারতের কথা অমৃতের ধার ।
 পিয়ে হেলে ত'রে বাবে ভব-পারাবার ॥

৩৮। দ্রৌপদীকে আনিতে প্রাতিকাষীর
 গমন ।

তবে রাজা দুর্য়োধন আনন্দিত-হৃতি ।
 ডাকিয়া বলিল তবে বিহুরের প্রতি ॥
 বিষাদিত কেন বসিয়াছ অধোমুখে ।
 হেন বুঝি, দুঃখী বড় পাণ্ডবের দুঃখে ॥
 উঠ-উঠ, বাহ শীত্র ইস্ত্রপ্রস্থে চলি ।
 আপনি আইস হেথা লইয়া পাকালী ॥

অন্তঃপুরে আছয়ে যতক দাসীগণ ।
 তা-সবার সহিত করুক দাসীপন ॥
 এত শুনি বিহুর কম্পিত-কলেবর ।
 ক্রোধমুখে ছুর্য্যোধনে করিল উত্তর ॥
 মন্দবুদ্ধি মতিচ্ছন্ন, না বুঝিস্ কিছু ।
 করালি ব্যাত্রেয়ের ক্রুদ্ধ হ'য়ে যুগশিশু ॥
 বিষ সংবরিয়া বসিয়াছে বিষধর ।
 অঙ্গুলি না পুর তার মুখের ভিতর ॥
 কেমনে এ-দুর্ঘট-ভাষা মুখেতে আনিলি ।
 কৃষ্ণা তব দাসী হৈবে, কুলে দিলি কালি ॥
 দ্রৌপদীতে তোমার কিসের অধিকার ।
 সবাই না বুঝ কেন করিয়া বিচার ॥
 আপনা হারিল পূর্ব্ব ধর্ম্মের কুমার ।
 অশ্রুজন-উপরে কিসের অধিকার ॥
 অশ্রুর উপরে তার প্রভুপনা কিসে ।
 আর তার চারি স্বামী আছয়ে বিশেষে ॥
 যোর বোল যদি তোর নাহি লয় মনে ।
 জিজ্ঞাসিয়া দেখ যত বৃদ্ধ-মন্ত্রিগণে ॥
 এই বৃদ্ধ অন্ধরাজ হুটু হইয়াছে ।
 লোভেতে হইল ছন্ন, নাহি দেখে পাছে ॥
 নিকটে আইল মহা, কে করে বারণ ।
 ফুল ধরি যেন বেণু-বৃক্ষের মরণ ॥
 দ্যুতেতে অধর্ম্ম বড় হয় অকল্যাণ ।
 জানিয়া না করে কভু কোন মতিমান ॥
 শুকাইলে খণ্ডে অস্ত্রাঘাতের বেদন ।
 ব্যাধ্যাত নাহি খণ্ডে যাবৎ-জীবন ॥
 পাশাতে জিনিয়া বড় সানন্দ-হৃদয় ।
 চিত্তে কর পাণ্ডবের হৈল অলময় ॥

শ্রীমন্ত জনের হয় অলময় কিসে ।
 কি তার সহায় নাই এই মহাদেশে ॥
 কোথা হয় শ্রীরহিত শ্রীমন্ত-সুজন ।
 জলেতে পাষণ নাহি ভাসে কদাচন ॥
 অলাবু না ডুবে কভু জলের ভিতর ।
 কখন অগতি নহে বিযুভক্ত নর ॥
 পুনঃপুনঃ কহিলাম আমি হিতবাণী ।
 না শুনিলা, যত্নকাল হৈল হেন জানি ॥
 নিশ্চয় হইল দেখি তিনকূল ধ্বংস ।
 শাস্তুনু-বাহুলীক-অন্ধ নৃপতির বংশ ॥
 পাত্র-মিত্র ইষ্ট-পুত্র-সহিতে মজিবে ।
 আমার এ-সব কথা পশ্চাতে ফলিবে ॥
 এইরূপ বিহুর কহিল বহুতর ।
 শুনি ছুর্য্যোধন তারে নিমিল বিস্তর ॥
 প্রাতিকাশী আছিল সম্মুখে দাণ্ডাইয়া ।
 তারে আশ্রা দিল রাজা নিকটে ডাকিয়া ॥
 যাহ তুমি, দ্রৌপদীকে আন এইক্ষণে ।
 পাণ্ডবের ভয় তুমি না করিহ মনে ॥
 বিহরের বোলে কিছু না করিহ ভয় ।
 সর্ব্বকাল বিহরের ভয়ার্ত্ত হৃদয় ॥
 আর কুশভাব আছে বিহরের চিত্তে ।
 ধৃতরাষ্ট্র কুংসা কহে পাণ্ডবের দ্বিতে ॥
 আদেশ পাইয়া তবে চলে প্রাতিকাশী ।
 ইন্দ্রপ্রস্থে প্রবেশ করিল শীঘ্রগামী ॥
 যথায় পুর্ব্বীর মধ্যে দ্রৌপদী-সুন্দরী ।
 দ্রৌপদীর আগে কহে করঘোড় করি ॥
 অবধান মতাদেবি, শুনহ বিধান ।
 রাজা যুধিষ্ঠির হৈল দ্যুতে হতজ্ঞান ॥

সর্ব্বশ্ব হারিল দ্যুতে তোমা-আদি করি ।
তোমা নিতে আজ্ঞা দিল কুরু-অধিকারী ॥
মৃতরাষ্ট্রে গৃহে চল, কর যথাকর্ম্ম ।
বার্তা শুনি দ্রৌপদীর বিদারিল মর্ম্ম ॥
সভাপর্ক ভারতের হৃদয় সাগর ।
কাশীরাম কহে, সদা পিয়ে সাধু নর ॥

পাঠাইল দ্রৌপদী আম-রে জিজ্ঞাসিতে ।
কোন্ পণ প্রথমে করিলা রাজা, দ্যুতে ॥
প্রথমে আপনা, কি হারিলা যাজ্ঞশ্রী ।
শুনি মুগ্ধ হইলেন ধর্ম্ম-নৃপমণি ॥
রহিলা নীরবে বসি, নাহি সরে বাণী ।
মনে বুঝি কিছু না বলিল প্রাতিকামী ॥

প্রাতিকামি-প্রতি ক্রোধে বলে কুরুবরে ।
যাহ প্রাতিকামি, কিবা জিজ্ঞাস উহারে ॥
সভামধ্যে লইয়া আইস দ্রৌপদীরে ।
আদিয়া করুক শ্রীমৎ সভার ভিতরে ॥
আসি জিজ্ঞাসুক সেই, যেই লয় মনে ।
করুক আদিয়া শ্রীমৎ ল'য়ে সভাজনে ॥
এত শুনি প্রাতিকামী হইল চুঃখিত ।
পুনঃ দ্রৌপদীর স্থানে চলিল স্থরিত ॥
করঘোড়ে প্রাতিকামী বলে সবিশাদ ।
অবধান মহাদেবি, হইল প্রমাদ ॥
অন্ত হৈল কুরুফল বুঝিলাম মনে ।
সভাতে তোমারে লৈতে বলিল যখনে ॥
দ্রৌপদী বলিল, শুন সঞ্জয় নন্দন ।
ধর্ম্মরাজ কি বলেন, কি-বা দুর্হোদন ॥
প্রাতিকামী বলে, রাজা কিছু না বলিল ।
সভাতে লইতে দুর্হোদন আজ্ঞা দিল ॥
দ্রৌপদী কহিল, তুমি বলিলা প্রমাণ ।
বংশনাশ-হেতু বিধি করিল বিধান ॥
যাহ প্রাতিকামি, গিয়া জিজ্ঞাস রাজায় ।
নিশ্চয় কি তাঁর মন যাইতে তথায় ॥
এত শুনি প্রাতিকামী চলিল সঙ্কর ।
রাজারে কহিল আসি কৃষ্ণার উত্তর ॥

৩৯। দ্রৌপদীর প্রশ্ন।

দ্রৌপদী বলেন, হেন কভু নাহি শুনি ।
রাক্ষপুত্র হারিয়াছে আপন-গৃহিণী ॥
যুধিষ্ঠির ধীরবুদ্ধি, কভু মত্ত নয় ।
এই কক্ষ দ্যুতে, হেন মনে নাহি লয় ॥
প্রাতিকামী বলে, দেবি, মিথ্যা কভু নয় ।
গ্রহবশে খেলিলেন ধর্ম্মের তনয় ॥
একে-একে সর্ব্বশ্ব হারিযা নববর ।
আপনারে হারিলেন সহ-সহোদর ॥
পশ্চাতে তে'মারে হারিলেন নৃপমণি ।
এত শুনি বলিলেন দ্রুপদ-নন্দিনী ॥
যাহ প্রাতিকামি, গিয়া জিজ্ঞাস রাজারে ।
প্রথমে আপনা কিংবা হারিল আমারে ॥
হারিয়া থাকেন যদি প্রথমে আপনা ।
তবে গিয়া জিজ্ঞাসহ সভাসদু জনা ॥
তবে যদি সভাস্থলে সবে গেতে কয় ।
আপন-ইচ্ছায় তবে যাইব নিশ্চয় ॥
এত শুনি প্রাতিকামী চলিল সঙ্কর ।
সভায় জিজ্ঞাসে গিয়া ধর্ম্ম-নৃপবরে ॥

তবে রাজা যুধিষ্ঠির ভাবিয়া অন্তরে ।
 দুর্ঘ্যোধন-যত্ন দেখি কৃষ্ণা আনিবারে ॥
 বিচারিয়া বলিলেন, কহ দ্রৌপদীয়ে ।
 দৈবের নির্বন্ধ কল্প কে খণ্ডিতে পারে ॥
 সত্য-বিনা মম চিত্তে অন্ত নাহি লয় ।
 ধর্মরক্ষা করুক সে আসিয়া সভায় ॥
 প্রাতিকামি-প্রতি তবে দুর্ঘ্যোধন বলে ।
 ক্রোধে ছুই-চক্ষু তার অগ্নি-হেন জ্বলে ॥
 ভাল তোরে পাঠানু আনিতে দ্রৌপদীয়ে ।
 পুনঃপুনঃ ফিরি কেন এস হেথাকারে ॥
 আমি যাহা বলি, তাহা নাহি লয় মনে ।
 পুনঃপুনঃ আইস দ্রৌপদী-দূতপনে ॥
 যাহ শীঘ্র, দ্রৌপদীয়ে আনহ এস্থানে ।
 এত শুনি প্রাতিকামী ভীত হৈল মনে ॥
 পুনরপি ইন্দ্রপ্রস্থে চলিল সত্বরে ।
 কতক দুরেতে গিয়া ভাবিল অন্তরে ॥
 কি-কণে আইনু আজি রাজার নিকটে ।
 সে-কারণে পড়িলাম এমন সঙ্কটে ॥
 পাছে ক্রোধ করে কৃষ্ণা দেখিলে এবার ।
 পাণ্ডব করিলে ক্রোধ নাহিক নিস্তার ॥
 মম সঙ্গ কৃষ্ণা যদি এবার না আসে ।
 দুর্ঘ্যোধন মহাক্রোধ করিবে বিশেষে ॥
 বিচারিয়া বাহুড়িল সঞ্জয়-নন্দন ।
 করযোড়ে বলে দুর্ঘ্যোধনের সদন ॥
 তব আজ্ঞাবশে যাই কৃষ্ণা আনিবারে ।
 না আসিলে কি করিব, আজ্ঞা কর যোরে ॥
 মহাভারতের কথা অযুত-সমান ।
 কাশীরাম দাস কহে, শুনে পুণ্যবান ॥

৪০। দুঃশাসনের দ্রৌপদী-সদীপে গমন ও তাহার

কেশাকর্ষণ-পূর্বক সভায় আনয়ন ।

শুনি দুঃশাসনে ডাকি বলে দুর্ঘ্যোধন ।

পাণ্ডবেরে ভয় করে সঞ্জয়-নন্দন ॥

এ-কর্মের যোগ্য নহে এই অল্পমতি ।

ভূমি গিয়া দ্রৌপদীয়ে আন শীঘ্রগতি ॥

সভামধ্যে কেশে ধরি আনহ তাহারে ।

নিন্তেজ হয়েছে শত্রু, কি আর বিচারে ॥

আজ্ঞামাত্র দুঃশাসন চলিল দ্বরিত ।

দ্রৌপদীর অন্তঃপুরে হৈল উপনীত ॥

দ্রৌপদীয়ে চাহি ডাকি বলে দুঃশাসন ।

চলহ দ্রৌপদী, আজ্ঞা করিল রাজন ॥

পাশায় তোমার স্বামী হারিল তোমারে ।

দুর্ঘ্যোধনে ভজ্ঞ এবে ত্যজি যুধিষ্ঠিরে ॥

দুষ্টবুদ্ধি দুঃশাসনে দেখি গুণবতী ।

সক্রোধবদন আর বিকৃত-আকৃতি ॥

ভয়েতে দেবীর অঙ্গ কাঁপে থর-থর ।

শীঘ্রগতি উঠি গেলা ঘরের ভিতর ॥

স্ত্রীগণের মধ্যে দেবী ভয়ে লুকাইল ।

দেখি দুঃশাসন ক্রোধে পাছু গোড়াইল ॥

গৃহদ্বারে কুন্তীদেবী ভূজ প্রসারিয়া ।

সবিনয়ে দুঃশাসনে বলিলা চাহিয়া ॥

কহ দুঃশাসন, এই কেমন বিহিত ।

দ্রৌপদী ধরিতে চাহ, না বুঝি চরিত ॥

কুলবধু ল'য়ে যাবে সভার মাঝার ।

কুলের কলঙ্ক-ভয় নাহিক তোমার ॥

শুনি দুঃশাসন ক্রোধে উঠিল গর্জিয়া ।

ছুই-হাতে কুন্তীরে সে ফেলিল ঠেলিয়া ॥

অচেতন হ'য়ে দেবী পড়িল ভূতলে ।

দুঃশাসন ধরিলেক দ্রৌপদীর চুলে ॥

যেই কেশ রাজসূয়-যজ্ঞের সময় ।

মস্তজলে সিঞ্চিলেন ব্যাস-মহাশয় ॥

তাহা ধরি পুর হৈতে আনে শীত্ৰগতি ।

দেখিয়া কান্দয়ে যত পুরের যুবতী ॥

কেশে ধরি লৈয়া যায় পবনের বেগে ।

চলিতে চরণ ভূমে লাগে কি না লাগে ॥

নাগিনী বিকল যথা গরুড়ের মুখে ।

ছট্‌ফট্‌ করে দেবী, ছাড়-ছাড় ডাকে ॥

আরে মন্দমতি, কেন না দেখ নয়নে ।

রজঃস্বলা আছি আর একই বসনে ॥

দুঃশাসন বলে, ভূমি ছাড় হেন আশ ।

রজঃস্বলা হও, কিংবা হও একবাস ॥

পূর্ব-অহঙ্কার এবে না করিহ মনে ।

সভাতে লইতে আজ্ঞা করিল রাজনে ॥

কৃষ্ণা বলে, গুরুজন আছেন সভাতে ।

কিমতে দাঁড়াব আমি তাঁদের অগ্রেতে ॥

না লহ সভাতে মোরে, কর পরিহার ।

আরে মন্দমতি, কেশ ছাড়হ আমার ॥

কেন হেন জ্ঞানহারা হলি রে অবোধ ।

সর্বনাশ হবে হৈলে পাণ্ডবের ক্রোধ ॥

ইন্দ্র সখা হৈলে তবু রক্ষা না পাইবি ।

কণ্মাত্রে যম-গৃহে সবংশে যাইবি ॥

ধর্ম্মে বন্ধ হ'য়েছেন ধর্ম্ম-নরপতি ।

ভ্রাতৃ-উপরাধে বশ চারি মহামতি ॥

এইহেতু এতক্ষণ তোমার জীবন ।

এখনো যে রক্ষা পাও হৈলে নিবারণ ॥

কৃষ্ণার বচন শুনি দুঃশাসন হাসে ।

পুনঃ আকর্ষিয়া দুই টান দিল কেশে ॥

ঝাঁকরি সবলে তাঁরে নিল সভাস্থল ।

উচ্চৈঃস্বরে কান্দে কৃষ্ণা হইয়া বিহ্বল ॥

উপড় হইয়া চাহে ভূমি ধরিবারে ।

না লহ সভাতে মোরে, বলয়ে কাতরে ॥

বড়-বড় জন দেখি আছেন সভায় ।

হেন একজন নাহি, এককথা কয় ॥

কেহ তোর দুর্ক্সুজ্জি না করে নিবারণ ।

চিত্র-পুস্তলিকা-মত আছে সভাজন ॥

এই ভীষ্ম দ্রোণ দেখি আছেন সভাতে ।

ধার্ম্মিক এ-দুই বড়, খ্যাত পৃথিবীতে ॥

স্বধর্ম্ম ছাড়িল এরা, হেন লয় মনে ।

মম এত দুঃখ কেন না দেখে নয়নে ॥

বাহুলীক বিদুর ভূরিপ্রবা সোমদন্ত ।

ধর্ম্মশীল জানি সবে, অতুল মহত্ত্ব ॥

কুরুকুল সব ভ্রষ্ট হইল নিশ্চয় ।

একজন কেহ এক-ভাষা নাহি কয় ॥

এত বলি কান্দে দেবী সজল-নয়নে ।

কাতর হইয়া চাহে স্বামিগণ-পানে ॥

দ্রৌপদী-কাতর দৃষ্টি দেখিয়া পাণ্ডব ।

স্বত পেলে যেইমত জ্বলে জলোদ্ভব ॥

রাজ্য দেশ ধন জন সকলি হারিল ।

তিলমাত্র তাহাতেও তাপিত না হৈল ॥

দ্রৌপদী-কাতরমুখ দেখিয়া নয়নে ।

কুস্তকার পণ যেন পোড়ায় আগুনে ॥

দুঃশাসন টানে ঘন কেশেতে আকর্ষি ।

পরিহাস করি কেহ বলে আন দাসী ॥

সাধু দুঃশাসন, বলে রাধেয়-শকুনি ।

সজল-নয়নে কান্দে ক্রপদ-নন্দিনী ॥

ছঃশাসন টানে ধরি দ্রৌপদীর কেশ ।
কাশী কহে, কুরুকুল হইবে নিঃশেষ ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৪১। সত্যজন-প্রতি বিকর্ণের উত্তর ।

দ্রৌপদী যতেক কহে, কেহ নাহি শুনে ।
ভীষ্মবীর প্রভাতের দেন কতক্ষণে ॥
কহিতে না পারি আমি ইহার বিধান ।
ধর্ম সূক্ষ্ম বিচারিয়া কহিতে প্রমাণ ॥
অন্যদ্রব্যে অন্তের নাহিক অধিকার ।
দ্রব্যমধ্যে গণ্য হয় ভার্য্যা কিংবা আর ॥
আপনা হারিলা আগে ধর্মের নন্দন ।
পশ্চাতে হারিলা কৃষ্ণা, জানে সর্বজন ॥
দ্রুপদ-নন্দিনী পঞ্চ-পাণ্ডবের নারী ।
একা যুধিষ্ঠির তাহে নহে অবিকারী ॥
রাজ্যদেশ ধন-জন সব যদি যায় ।
যুধিষ্ঠির-মুখে নাহি মিথ্যা বাহিরায় ॥
হারিল বলিয়া মুখে বলিয়াছে বাণী ।
কি কহি ইহার বিধি, কিছু নাহি জানি ॥
এত বলি নিঃশব্দে রহেন ভীষ্ম ধীর ।
যুধিষ্ঠিরে চাহি বলে বৃকোদর-বীর ॥
ওহে মহারাজ, কভু দেখেছ নয়নে ।
আপন ভার্য্যাকে হারে বল কোন জনে ॥
কপট-জুয়াড়ি হইয়াছে বহুজন ।
ধাকয়ে তা-সবারও বেশ্যা-নারীগণ ॥

সে নারীগণেও তারা নাহি রাখে পণ ।
তুমি মহারাজ, কর্ম করিলা যেমন ॥
রাজ্য দেশ ধন জন হারিলা যতেক ।
ইহাতে তোমায় ক্রোধ না করি তিলেক ॥
আমা-সহ সকলে তোমার অবিকার ।
যাহা ইচ্ছা কর, নারি অন্য করিবার ॥
এই সে হৃদয়ে তাপ সংবরিতে নারি ।
পাশায় রাখিলা পণ কৃষ্ণা-হেন নারী ॥
তব কৃত কর্ম রাজা, দেখহ নয়নে ।
দ্রৌপদীরে পরিহাস করে হীনজনে ॥
এইহেহু তোমারে জন্মিল বড় ক্রোধ ।
ক্ষুদ্রলোক কহে ভাষা, নাহি কিছু বোধ ॥
ধনঞ্জয় বলে, ভাই, কি বোল বলিলে ।
নৃপে হেন ভাষা নাহি কহ কোনকালে ॥
আজি কেন বলিলে রাজ্যবে কটুবাণী ।
তব মুখে হেন বাক্য কভু নাহি শুনি ॥
পরম পণ্ডিত তুমি ধর্মজ্ঞ যে গণি ;
শত্রুর কপটে ছন্ন হৈলে হেন মানি ॥
সদাই শত্রুর ভাই এই যে কামনা ।
ভাই-ভাই বিচ্ছেদ হউক পঞ্চজন ॥
শত্রুর কামনা পূর্ণ কর কি-কারণ ।
জ্যেষ্ঠ শ্রেষ্ঠ মহারাজে না কর হেলন ॥
রাজ্যারে বলিলে হেন কি দোষ দেখিয়া ।
দ্যুত আরম্ভিল শত্রু কপটে ডাকিয়া ॥
আপন-ইচ্ছায় রাজা না খেলেন দ্যুত ।
ডাকিলে না খেলিলে হবেন ধর্মদ্যুত ॥
ধর্মোবে রাখিতে ধর্ম খেলে ধর্ম সারি ।
শকুনি কপটে জিনে অধর্ম আচরি ॥

ভীম বলে, ধনঞ্জয়, না বলিহ আর ।
 হীন-জন-প্রভু না পারি সহিবার ॥
 কৃষ্ণ-বিনা অন্য প্রভু নাহিক আমার ।
 দুই-ভুজ কাটিয়া ফেলিব আপনার ॥
 নীচের প্রভু আজি দেখি যে নয়নে ।
 তবে ভুজ রাখি আর কোন্ প্রয়োজনে ॥
 যাহ সহদেব, শীঘ্র অগ্নি আন গিয়া ।
 অগ্নিমধ্যে দুট-ভুজ ফেলিব কাটিয়া ॥

এইরূপে পঞ্চভাই তাপিত-অস্তুর ।

দুঃখের অনলে দহে সর্ব্ব-কলেবর ॥
 বিকর্ণ-নামেতে ধৃতবাস্তুর তনয় ।
 পাণ্ডবের দুঃখ দেখি দুঃখিত-হৃদয় ॥
 বিশেষে কৃষ্ণার ক্রেশ নাহিল সহিতে ।
 সভাজনে চাহি বীর লাগিল কহিতে ॥
 সভামধ্যে আছ বড়-বড় রাজগণে ।
 দ্রৌপদীরে প্রভুত্ব নাহি দাও কেনে ॥
 পুনঃপুনঃ দ্রৌপদী যে কহিছে সভায় ।
 সভাসদ লোকে হেন বৃত্তিতে যুগায় ॥
 সভায় থাকিয়া যদি বিচার না করে ।
 সহস্র-বৎসর পচে নরক-ভিতরে ॥
 এই ভীষ্ম ধৃতরাষ্ট্র বিচুর হুমতি ।
 কুরুকূলে হর্তা কর্তা এই তিন কৃতী ॥
 এ-তিনজনের বাক্য কে করে হেলন ।
 তোমরা উত্তর নাহি দেহ কি-কারণ ॥
 এই দ্রোণাচার্য্য-কৃপ শ্রেষ্ঠ বিজ্ঞকূলে ।
 কজকূলে আচার্য্য যে খ্যাত জ্ঞানশূলে ॥
 তোমরা সকলে ভয় করহ কাহারে ।
 উত্তর না দেহ কেন দ্রৌপদীর তরে ॥
 আর যে আছেয়ে হেথা বহু রাজগণ ।
 বুঝিয়া উত্তর নাহি দেহ কি-কারণ ॥

পুনঃপুনঃ দ্রৌপদী জিজ্ঞাসে সবাকারে ।
 যার যেই চিন্তে আসে, বলহ তাহারে ॥

এইমত পুনঃপুনঃ বিকর্ণ কহিল ।
 একজন সভাস্থলে উত্তর না দিল ॥
 কাহারো মুখেতে নাহি পাইয়া উত্তর ।
 ক্রোধভরে বিকর্ণ কচালে করে কর ॥
 নিঃশ্বাস ছাড়িয়া পুনঃ কহে সভাজনে ।
 উত্তর না দেহ সবে কিসের কারণে ॥
 তোমরা যে কেহ কিছু না দিলা উত্তর ।
 আমি কিছু কহি, শুন সব নরবর ॥
 নৃপতির চারি-ধর্ম্ম হ'য়েছে সৃজন ।
 যুগয়া দেবন দান প্রজার পালন ॥
 এই যে নৃপতি ধর্ম্ম দেবনে পশিল ।
 ইচ্ছানুখে নহে, সবে কপটে ডাকিল ॥
 যুধিষ্ঠির দ্রৌপদীরে নাহি রাখে পণ ।
 কপটে কহিল দুষ্টি স্ববল-নন্দন ॥
 আগে নরপতি আপনাকে হারিয়াছে ।
 কৃষ্ণার উপর তার কি প্রভুত্ব আছে ॥
 বিশেষে সমান কৃষ্ণা এ-পঞ্চজনার ।
 একা ধর্ম্ম-নৃপতির নাহি অধিকার ॥
 সে-কারণে দ্রৌপদী পাশায় নহে জিত ।
 তোমরা কি বল, শুনি, যম এই চিত ॥

বিকর্ণ-বচন শুনি যত সভাজন ।

সাধু সাধু বলি সবে বলয়ে বচন ॥
 বিকর্ণ-বচন শুনি কর্ণ ত্রুঙ্ক হৈল ।
 দুর্ব্বোধনে চাহি তবে কহিতে লাগিল ॥
 অনেক বিচার-বুদ্ধি দেখি যে ইহার ।
 অগ্নি কাঠে জন্মিয়া সংহার করে তার ॥
 সেইমত অগ্নিরূপে এই তব কূলে ।
 হেন অপরূপ কহিলেক সভাস্থলে ॥

এ-সভার যত লোক কিছু নাহি জানে ।
 কেহ না কহিল, এ কহিল সে-কারণে ॥
 সবে জানে কৃষ্ণা জিতা হইয়াছে পণে ।
 বুঝিয়া উত্তর নাহি দেয় কোনজনে ॥
 বালক হইয়া সভামধ্যেতে আসিল ।
 বৃদ্ধের সমান নীতি-বচন কহিল ॥
 কি জানহ ধর্ম তুমি, কি জান বিচার ।
 কৃষ্ণা জিতা নহে যে, সে কেমন প্রকার ॥
 যুধিষ্ঠির যখন সর্ব্বশ্ব কৈল পণ ।
 জিনিল পাশায় তাহা স্থবল-নন্দন ॥
 সর্ব্বশ্বের বাহির কি দ্রৌপদী-সুন্দরী ।
 বিশেষ কহিল যবে গাঙ্গারাবিকারী ॥
 দ্রৌপদীরে রাখ পণ ডাকিয়া বলিল ।
 শুনি যুধিষ্ঠির কেন নিরুত না হৈল ॥
 আর যে কহিলা কৃষ্ণা একবস্ত্রা হয় ।
 সভামাঝে ইহারে না আনিতে যুয়ায় ॥
 কি তার গৌরব গুরু, কিবা ভয়-লাজ ।
 বেশ্যাজনে কিবা লজ্জা আসিতে সমাজ ॥
 যতেক সংসার এই বিধাতা সৃজিল ।
 ভার্য্যার একই স্বামী বিধান করিল ॥
 ছুই স্বামী হৈলে তারে বলি দ্বিচারিণী ।
 পঞ্চস্বামী হৈলে তারে বেশ্যামধ্যে গণি ॥
 সভায় আসিবে বেশ্যা, লজ্জা তার কিসে ।
 এমত বিচার মম মনেতে আইসে ॥
 দুর্ঘ্যোধন বলে, এই শিশু অল্পমতি ।
 কি জানে বিচার-তত্ত্ব, ধর্ম সূক্ষ্মগতি ॥
 দুঃশাসনে আচ্ছা তবে দিল দুর্ঘ্যোধন ।
 পাণ্ডবগণের আন বস্ত্র-আভরণ ॥

দ্রৌপদীর বস্ত্র আর যত অলঙ্কার ।
 ঝটিতি আনিয়া দেহ অগ্রেতে আমার ॥
 এত শুনি ততক্ষণে পঞ্চ-সহোদর ।
 বস্ত্র-অলঙ্কার ফেলি দিলেন সত্ত্বর ॥
 একবস্ত্র-পরিহিতা দ্রৌপদী-সুন্দরী ।
 দুঃশাসন টানিতেছে বসনেতে ধরি ॥
 ছাড়-ছাড় বলি কৃষ্ণা ঘন ডাক ছাড়ে ।
 সভামধ্যে ধরি তাঁর অঙ্গ-বস্ত্র কাড়ে ॥
 সঙ্কটে পড়িয়া কৃষ্ণা সজল-নয়নে ।
 আকুল হইয়া ডাকে শ্রীমধুসূদনে ॥
 সভাপর্ষ ভারতের অযুত-লহরী ।
 কাশী কহে, শুনি নর তরে ভববারি ॥

৪২ । দ্রৌপদী-বর্জুক শ্রীকৃষ্ণের ভূতি ও

দুঃশাসন-বর্জুক দ্রৌপদীর বস্ত্রহরণ ।

ওহে প্রভু কৃপাসিদ্ধ, অনাধ-জনের বন্ধু,
 অখিলের বিপদ-ভঞ্জন ।
 এই যে সভার মাঝ, ইথে নিবারিতে লাজ,
 তোমা-বিনা নাহি অশ্রুজন ॥
 যে প্রভু পালিতে সৃষ্টি, সংহার করিতে ঋষ্টি
 পুনঃপুনঃ হন অবতার ।
 তাঁহার চরণ-ছায়া, স্মরিয়া সঁপিছু কায়,
 অনাধার কর প্রতিকার ॥
 বিষ-অগ্নি-সিদ্ধুজলে, মত্তহস্তি-পদতলে,
 যেই প্রভু রাখিলা প্রহ্লাদে ।
 তাঁহার চরণযুগে, দ্রৌপদী শরণ মাগে,
 রক্ষা কর বিষম প্রমাদে ॥



এ পল্লীর বহুহরৎ

তাপ - মাতে হেঁচে, বিবধ-ব ন ম'।
 ০০ পল্লীতে সন্ধ্যা যো'।
 ৭০ চাশিন নাতো, তপে বসন ব'ড়,
 আকাশন করি সন্ধ্যা গাঁও।

ষাঁহার উজ্জ্বল চক্র, কাটিয়া মন্তক নক্র,
 নিস্তার করিল গজরাজে ।
 বল করে ছুরাশয়ে, শরণ নিলাম ভয়ে,
 তাঁহার চরণপদ্ম-মাঝে ॥
 যেই প্রভু ঈষদক্ষে ১, কৃপায় সংসার রক্ষে,
 নাচয়ে যে কণাধর-মুণ্ডে ।
 তাঁহার চরণ-রঙ্গ, স্মরিয়া সঁপিছু অঙ্গ,
 রাখ প্রভু, দুষ্ঠ-কুরুদণ্ডে ॥
 যে প্রভু কপটে ছিলি, পাতালে লইল বলি,
 নির্ভয় করিয়া শটীপতি ।
 তাঁহার ত্রিপাদ-পদ্ম, ত্রিপথ-গামিনী-সদ্য,
 তাহা-বিনা নাহি মোর গতি ॥
 পরশি যে পদধূলা, অনেক কালের শিলা,
 দিব্যরূপা অহল্যা হইল ।
 জলনিধি করি বন্ধ, বিনাশিল দশস্কন্ধ,
 দ্রৌপদী শরণ তাঁর নিল ॥
 যে প্রভু পর্বত ধরি, গোকুলের গোপ-নারী,
 রক্ষা কৈলা ইন্দ্রের বিবাদে ।
 বেদশাস্ত্র-লোকে খ্যাত, পতি-পুত্রগণ-সাথ,
 পাণ্ডুধ্ব রাখহ প্রমাদে ॥
 সকলি ষাঁহার সৃষ্টি, সংসারে ষাঁহার দৃষ্টি,
 মোর ছুঃখ কেন নাহি দেখ ।
 বলিষ্ঠ দুর্জয়-জনে, পীড়ন করিছে জেনে,
 এ-সঙ্কটে কেন নাহি রাখ ॥
 নৃসিংহ বামন হরি, বিষ্ণু হৃদদর্শনধারী,
 মুকুন্দ মুরারি মধুহারী ।
 নারায়ণ বিষ্ণু রাম, ইত্যাদি যতেক নাম,
 ঘন ভাকে রূপদ-কুমারী ॥

দ্রৌপদী আকুল জানি, অস্থির সে চক্রপাণি,
 ষাঁর নাম বিপদ-ভঞ্জন ।
 ধর্মরূপে জগৎপতি, রাখিতে এলেন সতী,
 সত্যধর্ম করিতে পালন ॥
 আকাশ-মার্গেতে র'য়ে, বিবিধ-বসন ল'য়ে,
 দ্রৌপদীয়ে সর্বনে^২ যোগায় ।
 যত ছুঃশাসন কাড়ে, ততেক বসন বাড়ে,
 আচ্ছাদন করি সর্বগায় ॥
 লোহিত-পিঙ্গল-পীত, নীল-শ্বেত-বিরচিত,
 নানা-চিত্র-বিচিত্র বসনে ।
 বিবিধ বর্ণের শাড়ী, ছুঃশাসন ফেলে কাড়ি,
 পুঞ্জ-পুঞ্জ হৈল স্থানে-স্থানে ॥
 পর্বত-প্রমাণ বাস, দেখি লোকে লাগে ত্রাস,
 চমৎকার হইল সভাতে ।
 কড় নাহি দেখি শুনি, সভাজন বলে বাণী,
 ধন্য ধন্য রূপদ ছহিতে ॥
 ধন্য গর্গ মহামুনি, নিস্তার করিতে প্রাণী,
 বাছিয়া থুইল কৃষ্ণনাম ।
 যে নাম লইলে তুণ্ডে, বিবিধ দুর্গতি খণ্ডে,
 হেলে লভে স্ববাস্তিত কাম^৩ ॥
 মনুষ্য যে নাম স্মরি, ভবসিদ্ধ যায় তরি,
 খণ্ডে যুহুপতি-দণ্ড-দায় ।
 কণেক যে নাম জপি, অশেষ পাপের পাপী,
 সকল ধর্মের ফল পায় ॥
 ভারত-অমৃত-কথা, ব্যাস-বিরচিত গাথা,
 অবহেলে যেইজন শুনে ।
 ছন্তর সংসারে তরি, যায় সেই স্বর্গপুরী,
 কাশীরাম দাস-বিরচনে ॥

৪৩। দুঃশাসনের রক্তপানে ভীমের প্রতিজ্ঞা ।

অদ্ভুত দেখিয়া সভাজন হৈল স্তব্ধ ।
সাধু-সাধু দ্রৌপদী, চৌদিকে হৈল শব্দ ॥
পূর্বের কভু নাহি শুনি, না দেখি নয়নে ।
দূর্য্যোধনে বহু নিন্দা করে সভাজনে ॥

ভ্রাতৃগণ-মধ্যে বসি ছিল বৃকোদর ।
মহানাদে গজ্জি উঠে সভার ভিতর ॥
অধরোষ্ঠ কম্পয়ে, কম্পয়ে কর-পদ ।
ঘূর্ণিত নয়নযুগ যেন কোকনদ ॥

সভা-শব্দ নিবারিয়া কহে সর্ব্বজনে ।
মোর বাক্য শুন, যত আছে রাজগণে ॥
সত্য করি কহি আমি সবার অগ্রেতে ।
যাহা কহি, তাহা যদি না পারি করিতে ॥
পিড়-পিতামহ গতি না পান কখন ।
কুরু-কূলধম এই দুষ্ট দুঃশাসন ॥
রণমধ্যে বন্ধঃ এর করিয়া বিদার ।
করিব রুধির-পান, প্রতিজ্ঞা আমার ॥

শুনিয়া সভার লোক হইল কম্পিত ।
এ চাহে উহার মুখ হ'য়ে চমকিত ॥
তবে দুঃশাসন বড় হইল লজ্জিত ।
পুঞ্জ-পুঞ্জ বস্ত্র দেখি হইল বিস্মিত ॥
পরিজ্ঞাস্ত হ'য়ে শেষে বদে ভূমিতলে ।
মলিন-বদন হৈল যত কুরুদলে ॥
যত সাধুজন সবে করয়ে রোদন ।
ধিক্ ধৃতরাষ্ট্র, নিন্দা করে সর্ব্বজন ॥
আপনিও অন্ধ, অন্ধপুত্র জন্মাইল ।
কুরুবংশে কখন না এমন হইল ॥
তবে ত বিদুর নিবারিয়া সর্ব্বজনে ।
সভাজনে চাহিয়া বলেন ততক্ষণে ॥

এ-সভার মধ্যে আছ যত রাজগণ ।
বুঝি এক-বাক্য নাহি বল কি-কারণ ॥
ভয়াৰ্ত্ত হইয়া যদি আসে সভামাঝে ।
সভাজন-উচিত যে, তার ন্যায় বুঝে ॥
সভাতে থাকিয়া যেই বিচার না করে ।
সে যায় অধর্ম্ম-সহ নরক-ভিতরে ॥
সভাপক্ষ-সুধারস ব্যাসের বচন ।
কাশীরাম কহে, সদা পিয়ে সাধুগণ ॥

৪৪। বিদুর কর্তৃক বিরোচন ও সুধম্মা
ব্রাহ্মণের প্রসঙ্গ ।

বিদুর কহিল পুনঃ, শুন সভাজন ।
প্রহ্লাদ-দৈত্যের পুত্র নাম বিরোচন ॥
অঙ্গিরা-ঋষির পুত্র সুধম্মা-নামেতে ।
দুইজনে কোন্দল হইল আচম্বিতে ॥
বিরোচন বলে, নাহি রাজার সমান ।
সুধম্মা বলেন, দ্বিজ সবার প্রধান ॥
এইহেতু কোন্দল করিল দুইজন ।
ক্রুদ্ধ হ'য়ে পণ করিলেন ততক্ষণ ॥
যে হারিবে, অম্বো তার লইবে পরাণ ।
চল, সাধুজন-স্থানে জিজ্ঞাসি বিধান ॥
বিরোচন বলে, জিজ্ঞাসিব কার স্থানে ।
দ্বিজ বলে, চল তব পিতার সদনে ॥
দুইজনে এই যুক্তি করি সমাধান ।
শীত্রগতি চলি গেল দৈত্যরাজ-স্থান ॥

সুধম্মা বলিল, শুন দৈত্যের প্রধান ।
মোর সহ দ্বন্দ্ব কৈল তোমার সন্তান ॥
পণ কৈল যে হারিবে, হারাবে পরাণ ।
সত্য করি কহ তুমি ইহার বিধান ॥

বিজপুত্রে রাজপুত্রে শ্রেষ্ঠ কোন্ জন ।
 শুনিয়া বিশ্বয় মানে প্রহ্লাদের মন ॥
 চিতে ভাবে, সত্য কৈলে হারিবে কুমার ।
 কেমনে কহিব মিথ্যা, নরক দুর্ব্বার ॥
 এত চিন্তি জিজ্ঞাসিল কণ্ঠপের স্থান ।
 কহ মুনিবর, মোরে ইহার বিধান ॥
 অম্বর-স্বরের ধর্ম্য তোমার গোচর ।
 কেমনে হইবে শ্রেয়ঃ বলহ উত্তর ॥

কণ্ঠপ বলেন, যেবা বিপন্ন হইয়া ।
 মহাত্ম্যে সভামধ্যে পড়য়ে আসিয়া ॥
 সভামধ্যে থাকে যেই সাধু মহাজন ।
 ন্যায় করি তার তাপ করে নিবারণ ॥
 সভায় থাকিয়া যেবা না করে বিচার ।
 নরক হইতে তার নাহিক নিস্তার ॥
 যে অন্যায়-পক্ষে কহে, হয় অধোগতি ।
 ইহলোকে মহাদুঃখ পায় নিতি-নিতি ॥
 হৃদয়ের শেল তার কদাচ না টুটে ।
 অর্থশোক পুত্রশোক অবিলম্বে ঘটে ॥
 অধর্ম্মীর পক্ষ হ'য়ে কহে যেইজন ।
 তার দুই-পাদ পাপ সে করে গ্রহণ ॥
 অধর্ম্মী জানিয়া যেই নিন্দা নাহি করে ।
 এক-পাদ পাপ তার শরীরেতে ধরে ॥
 সাক্ষী হ'য়ে যেইজন পক্ষ হ'য়ে কয় ।
 শতেক পুরুষ-সহ নরকে পড়য় ॥

কণ্ঠপের স্থানে শুনি এতেক বিধান ।
 পুত্রমুখ চাহি বলে দৈত্যের প্রধান ॥
 তারে শ্রেষ্ঠ বলি, যারে করি যে বন্দন ।
 তেঁই তোমা হৈতে শ্রেষ্ঠ স্তম্ভা ব্রাহ্মণ ॥
 আমার হইতে শ্রেষ্ঠ অগ্নিবাকে গণি ।
 তব মাতা হৈতে শ্রেষ্ঠা ইহার জননী ॥

পুত্রে এত বলিয়া স্তম্ভা-প্রতি কয় ।
 তোমার অধীন আজি বিরোচন হয় ॥
 মারহ রাখহ ভূমি, যেই তব মন ।
 যাহা ইচ্ছা কর, নাহি করি নিবারণ ॥
 এত শুনি ভুষ্ট হ'য়ে বলে তপোধন ।

দ্বিগুণ লভুক আয়ু তোমার নন্দন ॥
 কখনও তাপ নহে সত্যবাদী জনে ।
 সে-কারণে তব পুত্র বাড়ুক কল্যাণে ॥
 এত বলি স্তম্ভা আপন গৃহে গেল ।
 সভাজনে চাহি ক্ষত্যা এতেক বলিল ॥
 তথাপি উত্তর নাহি দিল কোনজন ।
 দুঃশাসনে বলে তবে সূর্য্যের নন্দন ॥
 আনহ ধরিয়া দানী, কার মুখ চাহ ।
 সভামধ্যে আনি তারে গৃহে ল'য়ে যাহ ॥
 শুনিয়া দ্রৌপদী-দেবী কাঁপে থরথরে ।
 স্বামিগণ-পানে চাহি কান্দে উচ্চৈঃস্বরে ॥
 অধোমুখে র'য়েছেন ভাই পঞ্চজনে ।
 দ্রৌপদী যতেক ডাকে, শুনিয়া না শুনে ॥
 স্বামিগণে অধোমুখ দেখি যাক্সসেনী ।
 সভাজনে চাহি বলে শিরে কর হানি ॥
 পূর্বেতে উত্তম কর্ম্ম আমার না ছিল ।
 এইহেতু বিধাতা আমারে দুঃখ দিল ॥
 পূর্বে পিতৃগৃহে মম স্বয়ংবর-কালে ।
 আমারে দেখিয়াছিল নৃপতি-সকলে ॥
 আর কভু আমারে না দেখে অম্বজন ।
 আজি পুনঃ সেই সভা করিল দর্শন ॥
 চন্দ্র-সূর্য্য-বায়ু-আদি আমারে না দেখে ।
 কুরুর সভায় আজি দেখে সর্বলোকে ॥
 চন্দ্র-সূর্য্য নিরখিলে যারা ক্রোধ করে ।
 আমার এ-দুর্গতি সে-সবার গোচরে ॥

যত গুরুজনে আমি করি নমস্কার ।
 একবাক্য বল সবে করিয়া বিচার ॥
 দ্রুপদ-নন্দিনী আমি পাণ্ডব-গৃহিণী ।
 সখা মম যাববেন্দ্র গদাচক্রপাণি ॥
 কুরুকুলে শ্রেষ্ঠ ধর্ম-সবর্ণা-মহিষী ।
 কহিতেছে এরা মোরে হইবারে দাসী ॥
 আশ্রয় কর আমারে যে ইহার বিধান ।
 আর ক্লেশ নাহি সহে আমার পরাণ ॥

শুনিয়া উত্তর দেন গঙ্গার নন্দন ।
 পুনঃপুনঃ কল্যাণি, জিজ্ঞাস কি-কারণ ॥
 দ্রোণ-আদি বৃদ্ধ যত আছেন সভায় ।
 কাহারো জীবন নাহি, সবে যুতপ্রায় ॥
 যুতজনে জিজ্ঞাসিলে কি পাবে উত্তর ।
 ধর্ম-বিনা সখা নাহি, ধর্মাশ্রয় কর ॥
 বহুকষ্টযুত নহে, ধার্মিক যেজন ।
 ধর্মবলে করে সব শত্রুর নিধন ॥
 দাসীযোগ্যা অযোগ্যা যে জিজ্ঞাস বিধান ।
 কহি আমি, শুন দেবি, মোর অহুমান ॥
 তুমি দাসী হৈবে, যুধিষ্ঠিরের স্বীকার ।
 যুধিষ্ঠিরে জিজ্ঞাসহ ইহার বিচার ॥
 জিতা কি অজিতা তুমি কহিবা আপনে ।
 নির্ণয় করিতে ইহা নারে অন্যজনে ॥
 সভাপূর্বে স্বধারস পাণ্ডার নির্ণয় ।
 ব্যাস-বিরচিত গীত কাশীরাম কয় ॥

— — —

১৫। দ্রোণদীর অপমানে ভীষের কোষ ।
 সভামধ্যে যাজ্ঞসেনী করেন ক্রন্দন ।
 কেশে ধরি ছুঃশাসন টানে ঘনে-ঘন ॥
 হাসিয়া দ্রোপদী-প্রতি বলে চুর্ঘ্যোদন ।
 কেন অকারণে ক্রুদ্ধা, করহ রোদন ॥

তোর স্বামী যুধিষ্ঠির হারিলেক তোরে ।
 পুনঃপুনঃ কিবা আর জিজ্ঞাস সবারে ॥
 অনুমানে বুঝি তোর এই মনে লয় ।
 একা যুধিষ্ঠির তোর অধিকারী নয় ॥
 বলুক এ-চারি স্বামী সম্মুখে সবার ।
 তোর 'পরে নাহি ধর্ম-পূর্ণ-অধিকার ॥
 মিথ্যাবাদী যুধিষ্ঠির কহুক চারিজন ।
 এইক্ষণে হয় তবে তোমার মোচন ॥
 নতুবা কহুক নিজে ধর্মের কুমার ।
 কৃষ্ণার উপরে নাহি একা-অধিকার ॥

এত যদি বলিল নৃপতি চুর্ঘ্যোদন ।
 ভাল-ভাল বলিয়া কহিল সভাজন ॥
 শুনিলারে রাজগণ আছে কুতূহলে ।
 কি বলে ধর্মের পুত্র, ভীম কিবা বলে ॥
 কিবা বলে ধনঞ্জয়, মাত্মীর নন্দন ।
 পঞ্চজন-মুখ সবে করে নিরীক্ষণ ॥
 নিঃশব্দে নৃপতিগণ একদৃষ্টে চায় ।
 কহিতে লাগিল ভীম চাহিয়া সভায় ॥

চন্দনে লেপিত ভুজ ভুলি সভামাঝে ।
 কহিতে লাগিল, যেন কেশরী গরজে ॥
 এই রাজা যুধিষ্ঠির পাণ্ডবের পতি ।
 পাণ্ডবগণের নাহি ইহা বিনা গতি ॥
 ইনি যদি নহিবেন পাণ্ডব-ঈশ্বর ।
 এতক্ষণ বাঁচে কভু কৌরব পামর ॥
 মহারাজ যুধিষ্ঠির হারিল আপনা ।
 ঈশ্বর হইল দাস, দাসী কি গণনা ॥
 যুধিষ্ঠির জিত হৈলে জিনিলা সবারে ।
 কাহার শক্তি, ইহা খণ্ডিবারে পারে ॥
 আর কহি, শুন চুর্ঘ্য কৌরব-সকল ।
 আমি জীতে তো-সবার নাহিক মজল ॥

যেইক্ষণে ধর্মরাজে বসালি হুতলে ।
 যেইক্ষণে ধরিলি রূপদ-স্বতা-চূলে ॥
 সেইক্ষণে আয়ুঃশেষ তোমা-সবাকার ।
 কুটি-কুটি করি সবে করিব সংহার ॥
 হের দেখ যমদণ্ড মোর দুই-ভুজ ।
 শচীপতি না জীয়ে পড়িলে ইথিমাঝে ॥
 পর্বত করিব চূর্ণ, তোমা গণি কিসে ।
 নির্মূল করিতে পারি চক্ষুর নিমিষে ॥
 ধর্মপাশে বদ্ধ এই ধর্মের নন্দন ।
 তেঞি মৃত্যুভিগণ জীয়ে এতক্ষণ ॥
 আর তাহে পুনঃপুনঃ অর্জুন নিবারে ।
 এখনি দেখাই যদি রাজা আজ্ঞা করে ॥
 সিংহ যেন ক্ষুদ্র যুগে করয়ে সংহার ।
 তেমতি নাশিব ধৃতরাষ্ট্রের কুমার ॥
 কহিতে-কহিতে ভীম ক্রোধে কম্পকায় ।
 নয়নে সঘনে অগ্নিকণা বাহিরায় ॥
 ভীষ্ম-দ্রোণ-বিভুরাদি বলে মহাবাগী ।
 সকলি সম্ভবে তোমা, ক্ষম বীরমণি ॥
 ভারতের পুণ্যকথা অমৃত-লহরী ।
 শুনিলে অধর্ম খণ্ডে ভবসিদ্ধু তরি ॥
 ব্যাস-বিরচিত গাথা ভারত-কথন ।
 পাঁচালী-প্রবন্ধে কাশীরাম-বিরচন ॥

৪৬। দুর্যোধনের উরুতলে ভীষ্মের প্রতিজ্ঞা ।

বীর বৃকোদর যবে নিঃশব্দ হইল ।
 কৃষ্ণা-প্রতি কর্ণবীর কহিতে লাগিল ॥
 তিনজন ধনের উপরে প্রভু নহে ।
 সেবক রমণী শিশু, শাস্ত্রে হেন কহে ॥
 দাস হৈল যুধিষ্ঠির, ভার্য্যা তুই তার ।
 দাসভার্য্যা দাসী হয়, বিদিত সংসার ॥

দাসী হৈলি, দাসীকর্ম কর যথোচিত ।
 প্রবেশহ ধৃতরাষ্ট্র-গৃহেতে স্থরিত ॥
 তোর প্রভু হৈল ধৃতরাষ্ট্র-পুত্রগণ ।
 তোর অধিকারী নহে পাণ্ডুব নন্দন ॥
 যারে তোর ইচ্ছা হয়, ভজহ তাহারে ।
 পাণ্ডবেরা আর তোরে নিবারিতে নাারে ॥
 বৃকোদর শুনিয়া কর্ণের কটুভর ।
 নিঃশ্বাস ছাড়িয়া সে কচালে করে কর ॥
 ক্রোধে দুই-চক্ষু যেন রক্ত-কুমুদিনী ।
 কর্ণ-পানে চাহি গর্জে যেন কাদম্বিনী ॥
 আরে যুগ, যে উত্তর করিলি মুখেতে ।
 ইহার উচিত ফল পাবি মোর হাতে ॥
 ধর্মপাশে বদ্ধ এই ধর্ম-অধিকারী ।
 সে-কারণে তোরে কিছু বলিতে না পারি ॥
 যুধিষ্ঠির-প্রতি বলে কৌরব-প্রধান ।
 তুমি কেন নাহি কহ ইহার বিধান ॥
 চারি-ভাই তব বাক্যে সদা অবস্থিত ।
 আপনি বলহ, কৃষ্ণা জিত কি অজিত ॥
 যুধিষ্ঠির অধোমুখ শুনি সে বচন ।
 নয়নে বসন দিয়া ঢাকেন বদন ॥
 যুধিষ্ঠিরে অধোমুখ দেখি দুর্যোধন ।
 কর্ণভিতে চাহে বড় প্রফুল্ল-বদন ॥
 ভীষ্মে আড়ে চাহি করি কৃষ্ণারে দর্শন ।
 আপনার উরু হৈতে তুলিল বদন ॥
 গজশৃগু-সদৃশ, উলট রক্তাতরু ।
 সকল লক্ষণযুত বজ্রসম উরু ॥
 মদগর্বে দুর্যোধন কৃষ্ণারে দেখায় ।
 দেখি বীর বৃকোদর ক্রোধে কম্পকায় ॥
 ভীম বলে, যত আছ, শুন সভাজনে ।
 এইরূপ দুর্ভিক্ষ দেখিলা নয়নে ॥

যেই উরু দেখাইল সভার ভিতর ।
ভারত-কুলের পশু নির্লজ্জ পামর ॥
বজ্রনম সুদারুণ করি গদাঘাত ।
রণমধ্যে উরু ভাঙ্গি করিব নিপাত ॥
করলাম এ-প্রতিজ্ঞা, না পালিব যবে ।
পিতৃ পিতামহ গতি নাহি পান তবে ॥
ভীমের প্রতিজ্ঞা শুনি কাঁপিত-আকার ।
সভাতে বিচুর তবে কহে আরবার ॥
আমি দেখি কুরুকূলে রক্ষা নাহি আর ।
ভীম-ক্রোধদিক্ষু হৈতে নাহিক নিস্তার ॥
মহাভারতের কথা অমৃত-সমান ।
কাশীরাম কহে, সদা শুনে পুণ্যবান ॥

অকস্মাৎ ঘর, দহে বৈশ্বানর,
আচ্ছন্ন হইল ধূমে ।
বহে তপ্ত-বাত, সঘনে নির্ঘাত,
ঝঞ্ঝনা পড়য়ে ভূমে ॥
বিহনে বারিদ, বরিষে শোণিত,
সদা ক্ষিতি কম্পমান ।
দেউল প্রাচীর, যতেক মন্দির,
ভাঙ্গি পড়ে স্থানে-স্থান ॥
দেখি বিপরীত, চিত উচাটিত,
ধর্মভীত বৃদ্ধজন ।
ভীষ্ম দ্রোণ ক্রতা, শূবল দুহিতা,
অন্ধে কৈল নিবেদন ॥
শুন কুরুরায়, অন্তকাল প্রায়,
নিকট হইল দেখি ।

৪৭। ধৃতরাষ্ট্রের নিকট দ্রৌপদীর বরলাভ ।

কান্দে যাজ্ঞসেনী, তিতিল অবনী,
নয়নের নীরধারে ।
চতুর্দিকে যত, কৌরব উন্মত্ত,
নানা-উপহাস করে ॥
এ-হেন সময়ে, অন্ধের আলয়ে,
নানা-অমঙ্গল দেখি ।
বায়স-শকুনি, করে ঘোরধ্বনি,
ডাকয়ে পেচক-পাখী ॥
গৃহে অগ্নি হয়, শুনো শিবাচয়,
প্রবেশ করিয়া ডাকে ।
ভাঙ্গে রথধ্বজ, পড়ি মরে গজ,
হাছাকার রব লোকে ॥

অতি-অকুশল, অলক্ষ্মী কেবল,
তোমার গৃহেতে পেখি ॥
তোমার নন্দন, দুষ্ট দুর্ঘ্যোধন,
বহু-পাপ-কর্ম কৈল ।
ক্রপদ দুহিতা, সতী পতিব্রতা,
সভামাঝে আনাইল ॥
যতেক করিল, দ্রৌপদী সহিল,
সবাকার উপরোধ ।
শীঘ্র কর রায়, ইহার উপায়,
ঘুচাও সতীর ক্রোধ ॥
শুনি অন্ধরায়, ব্যাকুল-হৃদয়,
আনাইল যাজ্ঞসেনী ।
মধুব-সস্তাষে, বহু শ্রীতি-ভাষে,
কহে অন্ধ-নৃপমণি ॥

বধুগণ মধ্যে, তোমা গাণ সাধেরা , দ্রোপদী বলিল, কৃপা যদি হৈল,
 শ্রেষ্ঠা হুশীলা হুত্রতা । মাগি যে তোমার পায় ।
 তোমার চরিত্র, পরম পবিত্র, সশস্ত্র-বাহন, আর চারি-জন,
 ত্রিজগতে হৈলে খ্যাতা ॥ করহ মুক্ত সবায় ॥
 দেখ বধু মোকে, কণ্ঠের বিপাকে, দিমু এই বর, মাগহ অপর,
 পুত্রগণ দুই হৈল । যেই লয় মনে তব ।
 লোকে অপকীৰ্ত্তি, জগতে দুৰ্ব্বৃতি, তুমি কুলান্দ্রয়, মম ভাগ্যোদয়,
 পুত্রগণ যত কৈল ॥ যে বর মাগিবে, দিব ॥
 দিল বহু দুঃখ, দেখি মম মুখ, মাগহ তৃতীয়, যেই তব প্রিয়,
 ক্ষমহ দ্রুপদ-সুতা । দিতে না করিব আন ।
 তুমি না ক্ষমিলে, আমি দুঃখ পেল, করি কৃতাজলি, বলেন পাঞ্চালী,
 পশ্চাতে পাইবে ব্যথা ॥ কর রাজা, অবধান ॥
 দূর কর রোষ, হইয়া সন্তোষ, দুই বর পাই, আর নাহি চাই,
 মাগ বর মম স্থান । লোভ না জন্মাহ মোরে ।
 মাগ মাগো, বর, ক্ষম কটুতর, জ্ঞানিজন-স্থান, শুনেছি বিধান,
 হ'য়ে প্রসন্ন-বয়ান ॥ কহি যে তাহা তোমারে ॥
 শুনিয়া হৃন্দরী, করযোড় করি, বৈশ্য মাগিবেক, সব বর এক,
 মাগিল বর তখন । ক্ষত্র লবে দুই-বর ।
 পাণ্ডবের গতি, ধর্ম-নরপতি, বিজের কুমার, লবে তিনবার,
 দাসত্ব কর মোচন ॥ শাস্ত্রে কহে মুনিবর ॥
 ধর্ম মহারাজ, হয় ক্রিতিমাক, যেই মম কাজ, দিলা মহারাজ,
 দাস বলি ক্রিতিতলে । আর কি লইব বর ।
 আমার নন্দনে, যেন শিশুগণে, শুনি অন্ধরাজ, পেয়ে বড় লাজ,
 দাসত্ব নাহি বলে ॥ প্রশংসিল বহুতর ॥
 তথাস্ত বলিয়া, সানন্দ হইয়া, করি যোড়পাণি, বলে যাক্সসেনী,
 পুনঃ বলে মাগ বর । শুন আমার বচন ।
 নহে এক-বর, তব যোগ্যতর, মুক্ত হই তবে, পুণ্য থাকে যবে,
 মাগ তুমি অশ্ব-বর ॥ পুনঃ অর্জিবেক ধন ॥

বাক্-চাতুরীতে ভাই, নাহি প্রয়োজন ।

উঠ ভাই, সব শত্রু করিব নিধন ॥

পৃথিবীর ভার আজি করিব নির্মূল ।

নিপাত করিব আজি কৌরবের কুল ॥

কহিতে-কহিতে ক্রোধে কম্পে ভীম-অঙ্গ ।

জ্বলন্ত-অনল যেন নয়ন-তরঙ্গ ॥

নয়ন-তরঙ্গ হৈতে অগ্নি বাহিরায় ।

ভয়ঙ্কর-মূর্তি, যুগান্তের যম-প্রায় ॥

ভীমের আজ্ঞাতে উঠিলেন তিনজন ।

ধনঞ্জয় আর দুই মাদ্রীর নন্দন ॥

সম্মুখে দেখিল ভীম লোহার মুদগর ।

তুলিয়া লইতে যায় বীর বৃকোদর ॥

বুঝিয়া বিষম হুন্দ ধর্মের নন্দন ।

দুই-হস্ত তুলি ভীমে করেন বারণ ॥

যুধিষ্ঠির-আজ্ঞা ভীম লজ্বিতে না পারে ।

ক্রোধ নিবারিল তবে চারি সহোদরে ॥

মহাভারতের কথা অমৃত-সমান ।

কাশী কহে, শুনিলে জনমে দিব্যজ্ঞান ॥

৪২। পাণ্ডবগণের নিজরাজ্যে গমন ।

তবে ধর্ম-নরপতি জ্যৈষ্ঠতাত-আগে ।

সবিনয়ে মিষ্টভাষে কহে করযুগে ॥

আজ্ঞা কর তাত, কিবা করি মোরা-সব ।

তোমার শাসনে সদা বঞ্চয়ে পাণ্ডব ॥

শুনিয়া কৌরবপতি অন্তরে লজ্জিত ।

শাস্ত কৈল যুধিষ্ঠিরে করি বহু-শ্রীত ॥

সাধুজন-শ্রেষ্ঠ তুমি ধর্মজ্ঞ পণ্ডিত ।

তোমারে বুঝাব কিবা, জ্ঞান সর্বনীত ॥

সাধুজন-কর্ম কভু হুন্দে না প্রবেশে ।

নিজগুণ নাহি বলে, পরগুণ ঘোষে ॥

গুণাগুণ কহে যেই, সে হয় মধ্যম ।

সদা আত্মগুণ কহে, সেই সে অধম ॥

বংশের তিলক তুমি কুরুকুলনাথ ।

দুর্য্যোধন-দোষ যত ক্ষমা কর তাত ॥

আমা আর গান্ধারীর দেখিয়া বদন ।

সব ক্ষম, যত দুঃখ দিল দুঃখগণ ॥

কুরুকুলশ্রেষ্ঠ তুমি পরম-ভাজন ।

বালকের দোষ ক্ষম পাণ্ডুর নন্দন ॥

যে-দ্যুত করিল পূর্ব্ব, কেহ নাহি করে ।

পুত্র, বলাবল মিত্রামিত্র বুঝিবারে ॥

ভালমতে তোমারে জানিনু এতদিনে ।

কি দুঃখ কৌরবকূলে তোমার পালনে ॥

ভীমার্জুন-রক্ষা আর ক্ষতের মন্ত্রণা ।

দ্রৌপদী-সতীর গুণ না হয় বর্ণনা ॥

আমার ভারত-বংশ করিল উজ্জ্বল ।

যার কীর্তি যুধিবেক ত্রৈলোক্য-মণ্ডল ॥

যাহ তাত, নিজরাজ্য কর অধিকার ।

পালহ আপন-দেশ-প্রজা-পরিবার ॥

এত বলি পঞ্চজনে করিল মেলানি ।

প্রণমিয়া গেলেন সংহতি যাজ্ঞসেনী ॥

সভাপর্ব্ব-সুধারস ব্যাস-বিরচিত ।

শুনিলে অধর্ম্ম খণ্ডে, পরলোক-হিত ॥

৫০। পাণ্ডবগণের মুক্তিহেতু ধৃতরাষ্ট্র-স্থানে
হুৰ্য্যোধনের বিবাদ ।

শুনি জন্মেজয় জিজ্ঞাসেন মুনিবরে ।
কহ শুনি, কি প্রসঙ্গ হৈল তদন্তরে ॥
কেন বনে চলিলেন পিতামহগণ ।
শুনিবারে ইচ্ছা বড়, কহ তপোধন ॥
মুনি বলে, পঞ্চভাই ইন্দ্রপ্রস্থে গেলে ।
করঘোড়ে দুঃশাসন হুৰ্য্যোধনে বলে ॥
যতেক করিলা, সব বৃদ্ধ বিনাশিল ।
যে-সব জিনিলা, তারে পুনঃ তাহা দিল ॥
হুৰ্য্যোধন দুঃশাসন রাধেয় শকুনি ।
অতি-শীঘ্র গেল, যথা অন্ধ-নৃপমণি ॥
হুৰ্য্যোধন বলে, তাত, অনর্থ করিলা ।
বন্দী করি দুষ্ক-সিংহে পুনঃ ছাড়ি দিলা ॥
বৃহস্পতি ইন্দ্রকে যে কহিলেন নীত ।
তুমি কি না জান তাহা, তোমার বিদিত ॥
যেমতে পারিবে, শত্রু করিবে নিধন ।
বুদ্ধে যুদ্ধে শত্রুকে না ক্ষমি কদাচন ॥
পাণ্ডব হইতে জিনিলাম যত ধন ।
বাহুড়িয়া দেহ তারে কিসের কারণ ॥
সেই ধনে বশ সব করিব রাজারে ।
রাজা সখা হইলে মারিব পাণ্ডবে ॥
স্নেহ করি পুনঃ সব দিলা তুমি তারে ।
এখন কি পাণ্ডুপুত্র ক্ষমিবে আমারে ॥
ক্রোধে সর্ববৎ হয় পাণ্ডুপুত্রগণ ।
যত করিলাম, না ক্ষমিবে কদাচন ॥
সকল ক্ষমিবে তাত, তোমার পীরিতে ।
ক্রোধদীর কষ্ট না ক্ষমিবে কদাচিত ॥
সৈন্ত সাজাইতে তারা গেল নিজদেশ ।
যুদ্ধ-হেতু আসিবেক করি সমাবেশ ॥

সশস্ত্রে থাকিলে রথে পাণ্ডুপুত্রগণ ।
জিনিতে না হবে শত্রু এ-তিন-ভুবন ॥
আর শুন তাত, যবে যুদ্ধ হ'য়ে যায় ।
মুহূৰ্হঃ পার্থবীর গাণ্ডীব দেখায় ॥
দক্ষিণ-বামেতে দুই তুণ ঘন দেখে ।
সঘনে নিঃশ্বাস ছাড়ে হস্ত দিয়া নাকে ॥
অত্যন্ত গর্জিয়া যাইতেছে বৃকোদর ।
ঘন গদা লোফয়ে, কচালে করে কর ॥
স্নেহেতে ভুলিয়া তাত, করিলা কি কাজ ।
মোর ক্রেশ-হেতু হৈলা স্বয়ং মহারাজ ॥
শুনিয়া অস্থির-চিত হৈলা কুরুরায় ।
অন্ধ বলে, কি হইবে কি করি উপায় ॥

হুৰ্য্যোধন বলে, তাত, আছয়ে উপায় ।
পুনঃ পাশা প্রবর্তিয়া করহ নির্ণয় ॥
যে হারিবে, দ্বাদশ-বৎসর যাবে বন ।
বৎসরেক অজ্ঞাত রহিবে, এই পণ ॥
বৎসর-অজ্ঞাত-বাস-মধ্যে জ্ঞাত হয় ।
পুনরপি বনবাস, অজ্ঞাত নিশ্চয় ॥
ত্রয়োদশ-বৎসর পাণ্ডব গেলে বন ।
পৃথিবীর যত রাজা করিব আপন ॥
অজ্ঞাত হইতে যদি হইবেক পার ।
হীনবল হৈবে তবে, করিব সংহার ॥
ইহা বিনা উপায় নাহিক মহাশয় ।
আজ্ঞা কর আনিবারে পাণ্ডুর তনয় ॥

শুনি অন্ধ আজ্ঞা দিল প্রাতিকামী-প্রতি ।
যাহ শাস্ত্র, ফিরি আন ধর্ম্ম-নরপতি ॥
পথে কিংবা ইন্দ্রপ্রস্থে যথায় ভেটিবে ।
মম আজ্ঞা বলি পুনঃ আনহ পাণ্ডবে ॥
ইহা শুনি আসিল যতেক মন্ত্রিগণ ।
বিদ্রুহ-বিকর্ণ-আদি আসিল তখন ॥

গাঙ্গারী শুনিয়া কথা আসে শীঘ্রগতি ।
 সবিনয়ে বলে সতী অন্ধরাজ-প্রতি ॥
 শুনিলাম রাজা, পুনঃ পাণ্ডবে ডাকিলে ।
 বৃদ্ধকালে কি বুদ্ধি তোমারে দৈব দিলে ॥
 সাক্ষাতে দেখিলে যত পাণ্ডব-দুর্গতি ।
 পুনঃ পাশা-খেলা-হেতু দিলে অনুমতি ॥
 দ্রৌপদীর প্রতি করে এত অত্যাচার ।
 ক্রমা করে দুই সতী, না করে সংহার ॥
 নাহি বুঝ দুই দুর্ঘোষনের প্রকৃতি ।
 ইহার কথায় রাজা, হৈলে ছদ্মমতি ॥
 এ-পাপিষ্ঠ যবে আসি জন্মে মোর গেহে ।
 কুকুর-শৃগাল-কাক-শব্দে কম্প দেহে ॥
 ইহার বিকট শব্দ শুনিয়া তখন ।
 অলক্ষণ জানি ক্রতা বলিল বচন ॥
 সর্বনাশ-হেতু হৈল এ-দুই-কুমার ।
 ইহার বিনাশ-বিনা নাহি প্রতিকার ॥
 উনশত পুঞ্জ রাখি ইহারে মারিয়া ।
 নিকটকে পাল রাজ্য জ্ঞাতি-পুত্র লৈয়া ॥
 এ-পাপীর স্নেহে ভুলি তাহা না করিলে ।
 সবংশে মজিবে রাজা, দেখো শেষকালে ॥
 বিহুরের বচনে করিলে অনাদর ।
 তার কল নরবর, ভুঞ্জিবে সত্ত্বর ॥
 বিহুরের বাক্যে মোর বিশেষ সম্মতি ।
 দস্তে তৃণ করি রাজা, করি যে মিনতি ॥
 পুনঃ অক্ষতীড়া-হেতু আদেশ না দিবে ।
 আদেশিলে শেষে রাজা, সবংশে মজিবে ॥
 যাহা ইচ্ছা করুক পাপিষ্ঠ দুর্ঘোষন ।
 তুমি না শুনিও এই দুইকের বচন ॥
 সতী আমি, সতী-বাক্য অন্যথা না হয় ।
 পুনঃ পাশা খেলিলেই কুরুকুল ক্ষয় ॥

এত শুনি তীয় যোগে কুপ সৌমদত্ত ।
 বাহ্যিক বিহুর মন্ত্রী বিকর্ণাদি যত ॥
 একে-একে পুনঃপুনঃ সবে নিষেধিল ।
 পুঞ্জবশ হ'য়ে রাজা শুনি না শুনিল ॥
 কারো বাক্য না শুনিল কুরু-অধিকারী ।
 কহিতে লাগিল পুনঃ গাঙ্গারী-সুন্দরী ॥
 উপস্থিত হয় যবে অস্তিম-সময় ।
 হিতবাক্য নাহি শুনে, কাশীরাম কয় ॥
 কাশী কহে সভাপর্কের দ্যুত-অনুবন্ধ ।
 কুরুকুল-ক্ষয়-হেতু বিধির নির্বন্ধ ॥

৫১। পুনর্বার দ্যুতক্রীড়া ও বৃথিত্বের
 পরামর্শ ।

গাঙ্গারী কহিছে, রাজা, কর অবধান ।
 শিশুর বচনে কেন হও হতজ্ঞান ॥
 যখন জন্মিল এই দুই দুর্ঘোষন ।
 বিপরীত শব্দেতে কম্পিত সর্বজন ॥
 বিহুর কহিল এরে করহ সংহার ।
 এরে মারি রাখ রাজা, বংশ আপনার ॥
 এ-পাপিষ্ঠ-স্নেহে না শুনিল ক্রতাবাণী ।
 সেই কাল উপস্থিত হৈল নৃপমণি ॥
 সর্বনাশ-হেতু রাজা, উদ্ভব ইহার ।
 পুঞ্জরূপে আছে সবে করিতে সংহার ॥
 ইহার বচন না শুনহ কদাচন ।
 নিবৃত্ত হইল আমি, না জ্ঞান এখন ॥
 বৃদ্ধ হ'য়ে তুমি কেন হও অশ্রমতি ।
 আপনি জানহ তুমি দুইকের প্রকৃতি ॥
 এখনি ত্যজহ কুলাকার দুর্ঘোষন ।
 এরে ত্যজি নিজ-বংশ রাখহ রাজন ॥

মম শাক্য নাহি শুনি পুঞ্জবশ হবে ।
 আপনি আপন-বংশ সকলি মজাবে ॥
 ধনে-বংশে বৃদ্ধি হইয়াছে হে রাজন ।
 সর্বনাশ কর প্রভু, কিসের কারণ ॥
 সম্প্রতি স্থখের হেতু কর হেন কাজ ।
 পশ্চাতে কি হবে, নাহি গণ মহারাজ ॥
 অধর্মে অর্জিত লক্ষ্মী সমুলেতে যায় ।
 ছুট-সহস্রাশে প্রভু, মহাছুঃখ পায় ॥
 চরণে ধরিয়া প্রভু, কহি যে তোমারে ।
 পুনঃ আজ্ঞা না কর আনিতে পাণ্ডবেরে ॥
 ধৃতরাষ্ট্র বলে, শুন স্ববল-নন্দিনী ।
 আমারে বুঝাহ কিবা, আমি সব জানি ॥
 কুরু-অন্তকাল জানি হইল নিশ্চয় ।
 আমার শক্তিতে দ্যুত নিবৃত্ত না হয় ॥
 যে হউক, সে হউক পাছে, দৈবের লিখন ।
 আসিয়া খেলুক পুনঃ পাণ্ডুর নন্দন ॥
 স্বামীর শুনিয়া এত নির্ভুর বচন ।
 গৃহে গেল গান্ধারী যে মলিন-বদন ॥
 আজ্ঞা পেয়ে প্রাতিকামী গেল ততক্ষণে ।
 পথেতে ভেটিল পঞ্চ পাণ্ডুর নন্দনে ॥
 যুধিষ্ঠিরে প্রাতিকামী কহে যোড়হাতে ।
 জ্যেষ্ঠতাত-আজ্ঞা তব বাহুড়ি যাইতে ॥
 পুনঃ পাশা খেলাইতে বলে কুরুবীর ।
 শুনিয়া বিস্মিত হইলেন যুধিষ্ঠির ॥
 ধর্ম বলে, দৈববশ শুন ভ্রাতৃগণ ।
 মম শক্তি নাহি, লজ্জি অন্ধের বচন ॥
 বিশেষে আমার ধর্ম জান ভ্রাতৃগণ ।
 আহ্বানিলে দ্যুতে যুদ্ধে না ফিরি কখন ॥
 চল ভ্রাতৃগণ, সবে যাইব নিশ্চয় ।
 বংশজয়-কাল বিধি করিল নির্ণয় ॥

এত বলি ভ্রাতৃগণে লইয়া সংহতি ।
 পুনঃ আসি সভাস্থলে বসে নরপতি ॥
 শকুনি বলিল, দেখ ধর্মের নন্দন ।
 অন্ধরাজ আজ্ঞা করে, খেল করি পণ ॥
 যে হারিবে, দ্বাদশ-বৎসর বনে যাবে ।
 অজ্ঞাত-বৎসর-এক গুপ্তবেশে রবে ॥
 অজ্ঞাত-বৎসর-মধ্যে ব্যক্ত যদি হয় ।
 পুনরপি বনবাস অজ্ঞাত উভয় ॥
 ত্রয়োদশ-বৎসর হইবে যদি পার ।
 পুনরপি লইবেক রাজ্য যে যাহার ॥
 এই ত নিয়ম করি দ্যুত আরম্ভিল ।
 যতেক হুহুদগণ বারণ করিল ॥
 যুধিষ্ঠির বলেন, বারণ কি-কারণ ।
 সম্মত না হবে কেন আমা-হেন জন ॥
 একে ত আহ্বান আর গুরুর আদেশ ।
 ধার্মিক না ছাড়ে ধর্ম, যদি হয় রেশ ॥
 এত বলি যুধিষ্ঠির দ্যুত আরম্ভিল ।
 দৈবের নির্বন্ধ দেখ শকুনি জিনিল ॥
 হারিলেন ধর্মপুত্র কপট-পাশায় ।
 সভাপর্ক স্বধারস কাশীরাম গায় ॥

৫২। কৌরববধে পাণ্ডবগণের প্রতিজ্ঞা ।

বিলম্ব না করিলেন ধর্ম-নরপতি ।
 ততক্ষণে করিলেন অরণ্যেতে গতি ॥
 বসন-ভূষণ-আদি সকল ত্যজিয়া ।
 মুনিবেশ ধরিলেন বাকল পরিয়া ॥
 হেনকালে দুঃশাসন উপহাসচ্ছলে ।
 সভামধ্যে দ্রুপদ-কন্যার প্রতি বলে ॥

মূৰ্খ রাজা যজ্ঞসেন কি কৰ্ম কৰিল ।
 দ্রৌপদীর মত কন্যা ক্রীবে সমর্পিল ॥
 শুন ওহে যাজ্ঞসেনি, মোর বাক্য ধর ।
 কোথা দুঃখ পাবে গিয়া কানন-ভিতর ॥
 এই কুরুজন-মধ্যে যারে মনে লয় ।
 তাহারে ভজিয়া হুখে থাকহ আলয় ॥

এইরূপে পুনঃপুনঃ বলে দুরাচার ।
 গর্জিয়া নেউটি কহে পবন-কুমার ॥
 রে দুৰ্হ, নিকট-মুখ্য জানিলি আপন ।
 সেইহেতু কহিস্ এহেন কুবচন ॥
 এ-সব বচন আমি করাব স্মরণ ।
 রণমধ্যে তোরে আমি পাইব যখন ॥
 নখেতে শরীর তোর করিব বিদার ।
 নির্মূল করিব সখা যতেক তোমার ॥
 শত-সহোদর-সহ লোটাইব ক্রিতি ।
 ইহা না করিলে যেন না পাই সদগতি ॥

এতেক কহিয়া তবে যায় বৃকোদর ।
 সিংহাসন হইতে উঠিল কুরুবর ॥
 যেইরূপে চলি যায় পবন-নন্দন ।
 সেইরূপে হাসি চলে দুৰ্হ দুৰ্য্যোধন ॥
 নেউটিয়া বৃকোদর পাছু-পানে চায় ।
 উপহাস জানিয়া ক্রোধেতে কম্পে কায় ॥
 রে দুৰ্হ, উচিত ফল পাইবি ইহার ।
 সে-কালে এ-সব কথা স্মরাব তোমার ॥
 পদ দিয়া এইরূপে তোমার মস্তকে ।
 চলিয়া যাবার কালে স্মরাব তোমাকে ॥
 তোরে সংহারিব, তোর যত বন্ধু-সখা ।
 শতভাই তোমার মারিব আমি একা ॥

কর্ণেরে মারিবে পার্শ্ব, গর্ব কর যার ।
 সহদেব শকুনিরে করিবে সংহার ॥
 এত বলি বৃকোদর নিঃশব্দেতে রয় ।
 সভামধ্যে বলেন ডাকিয়া ধনঞ্জয় ॥
 যতেক প্রতিজ্ঞা কর, সব অকারণ ।
 ত্রয়োদশ-বৎসরান্তে যদি নহে রণ ॥
 ত্রয়োদশ-বৎসরান্তে যদি হয় রণ ।
 তবে ত তোমার আজ্ঞা করিব পালন ॥
 কর্ণেরে মারিব যুদ্ধে পতঙ্গের মত ।
 সহায়-সম্বন্ধী তার আছে আর যত ॥
 হিমাদ্রি টলিবে, সূর্য্য ত্যজিবে কিরণ ।
 তথাপি প্রতিজ্ঞা মম না হবে লঙ্ঘন ॥
 শুন, যত রাজগণ আছ সভাস্থলে ।
 আজি হৈতে ত্রয়োদশ-বৎসরান্তকালে ॥
 কোঁতুক দেখিবা সবে, যুদ্ধ হয় যদি ।
 কোঁরবের শোণিতে পুরাব নদ-নদী ॥
 যদি কড়ু দিব্যজ্ঞান জন্মে দুৰ্য্যোধনে ।
 বিনত হইয়া পড়ে ধর্ম্মের চরণে ॥
 তবে ত প্রতিজ্ঞা যত সকলি বিফল ।
 আনন্দে বঞ্চিবে তবে কোঁরব-সকল ॥

তবে সহদেব কহে চাহিয়া শকুনি ।
 রে দুৰ্হ গান্ধার-পুত্র, শুন মোর বাণী ॥
 কপটেতে পাশা ভুই করিলি রচন ।
 পাশা নহে প্রহারিলি তীক্ষ্ণ-অস্ত্রগণ ॥
 মম তীক্ষ্ণ-অস্ত্রাঘাত যুদ্ধেতে দেখিবে ।
 সবাক্কেবে মম হস্তে বিনষ্ট হইবে ॥
 ভীমের আদেশ কড়ু নহিবে লঙ্ঘন ।
 অবশ্য আমার হাতে তোমার নিধন ॥

সহসা নকুল উঠি বলে সভাস্থলে ।
 এবে মন দিয়া শুন নৃপতি-সকলে ॥
 ধর্মপুত্র-আজ্ঞা আর কৃষ্ণার সম্মতি ।
 নিঃশেষ করিব কুরুসৈন্য-সেনাপতি ॥
 এত বলি চলিলেন পাণ্ডুপুত্রগণ ।
 ধৃতরাষ্ট্র-স্থানে যান বিদায়-কারণ ॥
 মহাভারতের কথা অমৃত-সমান ।
 শুনিলে নিষ্পাপ হয়, জন্মে দিব্যজ্ঞান ॥

৫৩। পাণ্ডবদিগের বনবাস-গমনোত্তোগ ।

বিনয় করিয়া কহিছেন ধর্মরায় ।
 ধৃতরাষ্ট্র-আদি যত ছিলেন সভায় ॥
 ভীষ্ম দ্রোণ কৃপাচার্য্য বিদুর সঞ্জয় ।
 সৌমদত্ত ভুরিষ্রবা প্ৰবত-তনয় ॥
 একে-একে সবারে বলেন ধর্মরায় ।
 আজ্ঞা কর, বনে যাই, মাগি যে বিদায় ॥
 লজ্জায় মলিন সবে, মাথা না তুলিল ।
 মনে-মনে সর্বজন কল্যাণ করিল ॥
 বিদুর কহেন, তবে সজল-নয়ন ।
 খণ্ডাইতে পারে কেবা দৈব-বিড়ম্বন ॥
 কিছুদিন কষ্টভোগ করহ কাননে ।
 কুন্তীকে রাখিয়া যাও আমার ভবনে ॥
 একে বৃদ্ধা আর তাহে রাজার কুমারী ।
 যোগ্যা নহে, কুন্তী এবে হবে বনচারী ॥
 ধর্ম বলিলেন, ভূমি জনক-সমান ।
 তব আজ্ঞা কুরুকূলে কে করিবে আন ॥
 বিশেষে পাণ্ডব-গুরু জানে সর্বজন ।
 মম শক্তি নাই, তাহা করিব হেলন ॥

ধাকুন জননী তাত, তোমার আশ্রয় ।
 আর কি করিব, আজ্ঞা কর মহাশয় ॥
 বিদুর বলেন ভূমি সর্বধর্মজ্ঞাতা ।
 অধর্ম্যে হইলে জিত, না পাইও ব্যথা ॥
 আমি কি করিব, তাত, তোমাতে গোচর ।
 তুলনা নাহিক দিতে পঞ্চ-সহোদর ॥
 পরম-সঙ্কটে যেন ধর্মচ্যুত নহে ।
 এই উপদেশ মম যেন মনে রহে ॥
 কল্যাণে আসিও সত্য করিয়া পালন ।
 পুনঃ তোমা দেখি যেন যুড়ায় নয়ন ॥
 এত বলি বিদুর হইল শোকাকুল ।
 বনে যেতে পঞ্চভাই হ'লেন আকুল ॥
 জটাবন্ধ পঞ্চভাই করেন ভ্রূষণ ।
 তবে ত দ্রৌপদী-দেবী দেখি স্বামিগণ ॥
 ত্যজিয়া ভ্রূষণ-বস্ত্র-পিঙ্গুন-সকল ।
 লম্বিত চাঁচর কেশ, পিঙ্গুন বাকল ॥
 রাজ্য ত্যজি অরণ্যেতে যান ধর্মরায় ।
 শূনি হস্তিনার লোক স্ত্রী-পুরুষে ধায় ॥
 পাণ্ডবের বেশ দেখি কান্দে সর্বজন ।
 বাল বৃদ্ধ যুবা কান্দে যত নারীগণ ॥
 ভ্রূমে গড়াগড়ি দিয়া কান্দে বিজগণ ।
 আমা-সবাকারে কেবা করিবে পালন ॥
 নগর পুরিল যে রোদন-কোলাহলে ।
 হস্তিনা কর্দম হৈল নয়নের জলে ॥
 পঞ্চপুত্র বনে যায় বধু গুণবতী ।
 বার্তা শূনি কুন্তীদেবী আসে শীঘ্রগতি ॥
 দূর হৈতে দেখি কুন্তী তনয়-সকলে ।
 মুচ্ছিতা হইয়া দেবী পড়িল ভূতলে ॥
 আলুখালু কেশভার, স্থগিত বসন ।
 শিরে করাঘাত করি করেন রোদন ॥

দেখিয়া বধূর বেশ হইল বাতুলী ।
দাণ্ডাইয়া চাহে যেন চিত্রের পুতলী ॥
ক্লেবক রহিয়া কহে গদ-গদ-ভাষ ।
সভাপর্ক স্বধারস গায় কাশীদাস ॥

৫৪ । দ্রৌপদীর বেশ দেখিয়া কুন্তীর বিবাদ ।

মনে হয় দুঃখ, পূর্ণচন্দ্রমুখ,
কি-হেতু মলিন দেখি ।
অগ্নান-অম্বর, দিল যে কিম্বর,
বাকল তাহা উপেক্ষি ॥
মাণিক-মঞ্জরী, হার শতনরী,
তোমার হৃদয়ে সাজে ।
ছিল অনুরাগ, তাহা কৈলা ত্যাগ,
দিল যে রাক্ষসরাজে ॥
যুগল কঙ্কণ, অমূল্য-রতন,
করেতে শোভিত ছিল ।
কাড়ি নিল কেবা, নাহি দেখি সে-বা,
যক্ষপতি যাহা দিল ॥
অতুল অঙ্গুরী, দিলা যে তাহারি,
অনেক যতন করি ।
দিলা কোন্ দ্বিজ, তেঁই নাহি সাজে,
কি বলিব সে মাধুরী ॥
মঞ্জরী হৃন্দর, দিল যাহা কর,
উত্তর-কুরুর পতি ।
কেন নাহি শুনি, সে ললিত-ধ্বনি,
কি করিলা গুণবতী ॥
যাক পাছে সর্ব, কোন্ ছার দ্রব্য,
তোমার আপদ লৈয়া ।
বিরস-বদন, সজল-নয়ন,
দেখিয়া বিদরে হিয়া ॥

হরে মোর ক্ষুধা, তোমার সে স্নেহ,
বচনে কেবল মধু ।
তুলি অধোমুখ, খণ্ড মোর দুঃখ,
কহ শুনি প্রাণবধু ॥
হেন লয় চিতে, স্বামিগণ-প্রীতে,
কৈলা বধু, হেন বেশ ।
দুঃশাসন-দোষে, কৌরব-বিনাশে,
মুক্ত কৈলা প্রায় কেশ ॥
ধন্য তব কৃপা, ক্ষতি নহে সমা,
দ্বন্দ্ব না করিলা ক্রোধে ।
নিন্দাজীবী সব, সুবল-সম্ভব,
তেঁই কৈলা উপরোধে ॥
না করহ মান, তাবি নহে আন,
ধাতা নারে খণ্ডিবারে ।
পাল সত্য-ধর্ম, কর সাধুকর্ম,
ধর্ম রাখে ধার্মিকেরে ॥
তুমি সত্যজিতা, সতী পতিব্রতা,
আমি কি করাব শিক্ষা ।
সহ-স্বামিগণ, যাইতেছ বন,
মাগি আমি এক ভিক্ষা ॥
কনিষ্ঠ নন্দন, আমার জীবন,
তুমি জান ভালমতে ।
সহজে বালক, বনে পাবে শোক,
সদা দেখিবা স্নেহেতে ॥
স্বকুমার দেহ, প্রাণাধিক স্নেহ,
আপনি করিবা তুমি ।
কুন্তী ইহা বলি, যেমন বাতুলী,
মুর্ছিতা পড়িলা তুমি ॥

বিচিত্র সঙ্গীত, শ্রবণে অমৃত,
 পাণ্ডবের বনবাস ।
 কাশীরাম কহে, সর্বপাপ দহে,
 পুরাণে কহিল ব্যাস ॥

৫৫। যুধিষ্ঠিরাদির বন প্রস্থান ও ধৃতরাষ্ট্রের প্রস্থ।

শাশুড়ীর দুঃখ দেখি দ্রৌপদী কাতর ।
 সচেতন করি কহে যুড়ি দুইকর ॥
 উঠ উঠ মহাদেবি, না বাড়াহ শোক ।
 কৰ্ম করি শোচনা না করে জ্ঞানিলোক ॥
 আজ্ঞা কর, বনে যাব সহ-স্বামিগণ ।
 যে-আজ্ঞা করিবে তুমি, করিব পালন ॥
 এত বলি স্বামি-সহ চলে বনবাস ।
 তপ্ত অশ্রুজল বহে, মুক্ত কেশপাশ ॥
 পাছু গোড়াইয়া যায় ভোজের নন্দিনী ।
 পুত্রগণে দেখি দেবী বক্ষে হানে পাণি ॥
 হেঁটমুখে দাণ্ডাইল পঞ্চ-সহোদর ।
 চতুর্দিকে হাসে যত কৌরব-বর্ষর ॥
 রোদন করয়ে যত হৃহদ হৃজন ।
 পঞ্চভাই বিবর্জিত বস্ত্র-আভরণ ॥
 দেখিয়া কুন্তীর শোকসাগর উথলে ।
 গদগদভাবে কহে ভাসি অশ্রুজলে ॥
 নির্দোষ নিম্পাপ সত্যাচারী যে উদার ।
 তার হেন দশা, বিধি, এ কোন্ বিচার ॥
 ইহা-সবাকার কিছু না দেখি অধর্ম ।
 হেন বুঝি, এই পাপ, মম গর্ভে জন্ম ॥
 অজানী পাণিনী আমি আজন্ম-দুখিনী ।
 মম দোষে এত দুঃখ, মনে অনুমানি ॥

তেজে বীর্য্যে বুদ্ধে ধর্ম্যে কেহ নহে ন্যূন ।
 ত্রিজগতে খ্যাত মোর পুত্র-গণগুণ ॥
 হেন বীর্য্যবশ্তে বৈরী বেড়ি চারিপাশে ।
 রাজ্য-ধন কাড়ি ল'য়ে দেয় বনবাসে ॥
 পূর্ব্ব যদি জানিতাম এ-সব বারতা ।
 শতশৃঙ্গ হইতে কি আসিতাম হেথা ॥
 বড় ভাগ্যবান পাণ্ডু, স্বর্গবাসে গেল ।
 পুত্রদের এত দুঃখ চ'ক্ষে না দেখিল ॥
 সঙ্গে গেল ভাগ্যবতী মদ্রের নন্দিনী ।
 আমি না গেলাম সঙ্গে অধম্যাপাণিনী ॥
 তাহার সদৃশ তপ আমি না করিনু ।
 পাপহেতু কষ্ট আমি ভুঞ্জিতে রহিনু ॥
 লোভেতে রহিনু পুত্রগণেরে পালিতে ।
 তাহার উচিত ফল এ-দুঃখ দেখিতে ॥
 হে পুত্র, আমারে ছাড়ি না যাহ কাননে ।
 কৃষ্ণা, তুমি মোরে ছাড়ি বঞ্চিবা কেমনে ॥
 বিধি মোরে বান্ধিলা এ-দুঃখের নিগড়ে ।
 সেইহেতু পাপ আয়ু আমারে না ছাড়ে ॥
 হায় পাণ্ডু মহারাজ, ছাড়িলা আমারে ।
 অনাথ করিয়া সাধু-সুপুত্রগণেরে ॥
 ওরে পুত্র সহদেব, ফিরি চাহ মোরে ।
 কেমনে আমার মায়া ছাড়িলা অন্তরে ॥
 তিলেক না বাঁচি তোমা না দেখি নয়নে ।
 কেমনে রহিবে প্রাণ তোমার বিহনে ॥
 ভাই-সব যদি সত্য না পারে ছাড়িতে ।
 সবে যাক, তুমি রহ আমার সহিতে ॥
 হেনমতে কুন্তীদেবী করেন রোদন ।
 প্রবোধিয়া প্রণমিয়া যায় পঞ্চজন ॥
 প্রবোধ না মানে কুন্তী, যায় গোড়াইয়া ।
 বিদূর কহেন তাঁরে বহু বুঝাইয়া ॥

ধরিয়া লইয়া গেল আপনার ঘরে ।
কুন্তী সহ কান্দে যত নারী অন্তঃপুরে ॥
নগরের লোক যত করয়ে ক্রন্দন ।
ঘরে-ঘরে কান্দে যত কুলবধুগণ ॥
বাল বৃদ্ধ যুবা কান্দে শিশুগণ পিছু ।
ক্রন্দনের শব্দ বিনা নাহি শুনি কিছু ॥
নগরেতে হাহাশব্দ ক্রন্দনের রোল ।
প্রলয়-কালেতে যেন সাগর-কল্লোল ॥

শুনিয়া হইল ব্যগ্র অন্ধ-নৃপমণি ।
ঈশ্রগতি বিদুরে সে ডাকাইয়া আনি ॥
ধৃতরাষ্ট্র বলে, শুন মস্ত্রি-চূড়ামণি ।
মগরেতে মহাশব্দ ক্রন্দনের ধ্বনি ॥
হেন বুঝি কান্দে সবে পাণ্ডব-কারণ ।
কহ শুনি কিরূপেতে যায় তারা বন ॥

কৃত্য বলে, যুধিষ্ঠির যায় হেঁটমুখে ।
সবিষাদ-চিত্তেতে বসনে মুখ ঢাকে ॥
তুই বাহু বিস্তারিয়া যায় বুকোদর ।
অর্জুনের অশ্রুজল বহে নিরন্তর ॥
নকুল যাইছে ছাই সর্বাক্ষে মাথিয়া ।
সহদেব যায় মুখে কর আচ্ছাদিয়া ॥
ক্রপদ-নন্দিনী যায় সবার পশ্চাতে ।
এলাইত কেশভার, কান্দিত-কান্দিত ॥
ধোঁম্য-পুরোহিত সঙ্গে করে বেদধ্বনি ।
বিষাদিত-চিত্ত অতি কুশমুষ্টি-পাণি ॥

ধৃতরাষ্ট্র বলে, কহ ইহার কারণ ।
এরূপে পাণ্ডব কেন যাইতেছে বন ॥
বিদুর বলেন, রাজা, কহি, দেহ মন ।
কপটে সর্বস্ব নিল তব পুত্রগণ ॥
এমত করিল, তবু নহে বিচলিত ।
সদা যুধিষ্ঠির তব পুত্রগণে ঐত ॥

কদাচিৎ ভস্ম যদি হয় নেত্রানলে ।
এইহেতু হেঁটমুখে ঢাকিয়া অঞ্চলে ॥
ভীম বলে, মম সম নাহিক বলিষ্ঠ ।
সংসারেতে যত বীর, সকলের শ্রেষ্ঠ ॥
ইহার উচিত শাস্তি করিব আসিয়া ।
এত বলি যায় বীর ভুজ প্রসারিয়া ॥
অর্জুনের অশ্রুজল বহে অনিবার ।
সেইমত বরষিবে অস্ত্র তীক্ষ্ণধার ॥
এইমত ভস্ম আমি করিব বৈরীরে ।
সে হেতু নকুল ভস্ম মাখিল শরীরে ॥
প্রত্যক্ষিতে ভবিষ্যৎ সহদেব জানে ।
বংশনাশ জানি হস্ত দিয়াছে বদনে ॥
যাজ্ঞসেনী দেবী যায় করিয়া রোদন ।
এইমত কান্দিবেক শত্রু নারীগণ ॥
কুশহস্ত হ'য়ে যায় ধোঁম্য তপোধন ।
সঙ্কল্প করিয়া কুরুশ্রাদ্ধের কারণ ॥
নগরের লোক-সব করিছে রোদন ।
আমা-সবাকার প্রভু যাইতেছে বন ॥
সঘনে কম্পিত ভূমি, দেখ নৃপমণি ।
বিনা-মেঘে সঘনে যে শুনি বজ্রধ্বনি ॥
সহসা গ্রাসিল রাজ্য দেব-দিবাকর ।
উল্লাপাত বজ্রাঘাত শুনি নিরন্তর ॥
অকস্মাৎ ভাঙ্গি পড়ে দেউল-প্রাচীর ।
কণে-কণে রাজ্য, কম্পি উঠয়ে শরীর ॥
এ-সকল চিহ্ন রাজ্য, কৌরব-বিনাশে ।
কেবল হইল রাজ্য, তব কৰ্ম্মদোষে ॥
মহাভারতের কথা অমৃত-লহরী ।
কাশী কহে, শুনিলে তরয়ে ভববারি ॥

৫৬। কুরুলভায় নারদ-ঋষির আগমন ।

হেনকালে উপনীত ব্রাহ্মার তনয় ।

সভামধ্যে কহেন নারদ মহাশয় ॥

আজি হৈতে চতুর্দশ-বৎসর সময় ।

শ্রীকৃষ্ণ-সহায়ে করিবেক কুরুক্ষয় ॥

সবাই মরিবে দুর্ঘ্যোধন-অপরোধে ।

নিঃকন্ডা হইবে ক্ষিতি ভীমার্জুন-ক্রোধে ॥

এত বলি মুনিবর কৈল অন্তর্দ্বান ।

শুনি কর্ণ-দুর্ঘ্যোধন হৈল কম্পমান ॥

নারদের কথা শুনি হইল অস্থির ।

অকূল-সমুদ্রে যেন ডুবিল শরীর ॥

উপায় না দেখি ইথে, কি হইবে গতি ।

বিচারি শরণ নিল দ্রোণ মহামতি ॥

পাণ্ডবের ভয়ে প্রভু, কম্পয়ে শরীর ।

আপনি অভয় দিলে হয় মন স্থির ॥

দ্রোণ বলে, পাণ্ডুপুত্র অবধ্য আমার ।

দেব হৈতে জাত পঞ্চ পাণ্ডুর কুমার ॥

পাণ্ডব দেবতা, আমি হই যে ব্রাহ্মণ ।

ব্রাহ্মণের পূজ্য দেব, জানে সর্বজন ॥

তথাপি করিব আমি, যতেক পারিব ।

তোমা-সবাকারে আমি ত্যাগ না করিব ॥

দুর্জয় পাণ্ডব-সব যাঁইতেছে বন ।

চতুর্দশ-বৎসরে করিবে আগমন ॥

ক্রোধে আসিবেন তাঁরা সবার উপর ।

নিশ্চিত দেখি যে, ঘোর হইবে সমর ॥

শরণ-পালন-হেতু তোমা-সবাকার ।

নিশ্চয় কহি যে, ভদ্র নাহিক আমার ॥

যতেক করিলে, সর্ব্ব আমার কারণ ।

নিশ্চয় হইল দেখি আমার মরণ ॥

দ্রুপদের যজ্ঞে ধৃষ্টদ্যুম্নের উৎপত্তি ।

আমার মরণ-হেতু বিখ্যাত সে ক্ষিতি ॥

সেইদিন হৈতে ভয় হ'য়েছে আমায় ।

বৃন্দ হৈলে পাণ্ডবের হইবে সহায় ॥

চতুর্দশ-বৎসরান্তে অবশ্য মরণ ।

বুঝি যাহে জ্যেষ্ঠঃ হয়, শীঘ্র দেহ মন ॥

যজ্ঞ-দান-ব্রত সব করহ ত্বরিত ।

ধর্ম্ম-বিনা সখা নাহি পরকাল-হিত ॥

এ-সুখ-সম্পদ যেন তালচ্ছায়াবৎ ।

ইহা জানি শীঘ্র সবে ধর ধর্ম্মপথ ॥

তোমা-সবাকার মৃত্যু হৈল সেইকালে ।

কৃষ্ণকে সভায় যবে ধরিয়া আনিলে ॥

পাঞ্চাল-নন্দিনী কৃষ্ণা হন লক্ষ্মী-অংশ ।

সদা যাঁরে সখীরূপে রাখে জীবীকেশ ॥

তাঁরে কৃষ্ণ কষ্ট নাহি দিবে কদাচিত্ ॥

না ক্ষমিবে পাণ্ডব দ্রোপদী-প্রবোধিত ॥

ত্রয়োদশ-বৎসরান্তে রক্ষা নাহি আর ।

ভীমার্জুন-হস্তে হৈবে সবার সংহার ॥

সে-কারণে তার সহ কলহ না রুচে ।

এখনি করহ শ্রীতি, যদি প্রাণ বাঁচে ॥

এত শুনি ধৃতরাষ্ট্র বিচুরে কহিল ।

মম মনে নাহি লয় বিপদ ঘুচিল ॥

এইক্ষণে শীঘ্রগতি করহ গমন ।

ফিরিয়ে আনহ শীঘ্র পাণ্ডুপুত্রগণ ॥

যদি তারা সত্যভঙ্গ করিবারে নারে ।

ভাল বেশ করি যাক অরণ্য-ভিতরে ॥

বস্ত্র-আভরণ পরি রথ-আরোহণে ।
 সংহতি লইয়া যাক দাস-দাসীগণে ॥
 সঞ্জয় এতেক শুনি বলিল তখন ।
 সর্ব-পৃথী পেলো রাজা, কি-হেতু শোচন ॥
 ধৃতরাষ্ট্র বলে, মম চিত্ত নহে স্থির ।
 বহুত করি, ধৈর্য্য না ধরে শরীর ॥
 সঞ্জয় বলিল, শাস্ত এখন নহিবে ।
 যখন এ-সব রাজা, নির্মূল হইবে ॥
 তখন হইবে শাস্ত, শুনহ রাজন ।
 কতমতে তোমারে না বুঝা তখন ॥
 ভীষ্ম-দ্রোণ-বিদুরাদি কহিল বিস্তর ।
 তবু পাশা খেলাইলে অনর্থের ঘর ॥
 হেন বিপর্য্যয় কভু নাহি শুনি কানে ।
 কুলবধু চুলে ধরি সভামধ্যে আনে ॥
 তখন কি আপনি সভায় নাহি ছিলে ।
 আপনার বংশ তুমি আপনি নাশিলে ॥
 ধৃতরাষ্ট্র বলে, কিছু মম সাধ্য নয় ।
 দৈবে যাহা করে, তাহা শাস্ত কিসে হয় ॥
 যখন যেমন হয়, বিধি তাহা করে ।
 কুবুদ্ধি কুপথী করি দুঃখ দেয় তারে ॥
 অধর্ম্ম যে কর্ম্ম, তাহা বুঝে যেন ধর্ম্ম ।
 অর্থকর বুঝে নর অনর্থের কর্ম্ম ॥
 হীনকর্মে কাল যায়, বুঝিবারে নারে ।
 কুবুদ্ধি করিয়া নরে কালবুদ্ধি ধরে ॥
 সেইমত কুবুদ্ধি আমারে দিল কালে ।
 আশু-পাছু বিচার না করিলাম হেলে ॥
 অযোনিসম্ভবা জন্ম কমলা-অংশেতে ।
 তারে হেন কে করিবে সজ্ঞান থাকিতে ॥

সাধুপুত্র পাণ্ডবেরে দিল বনবাস ।
 এই চারি দুষ্কৃত্য হৈতে হৈল সর্বনাশ ॥
 অশক্ত না হয় বলে পঞ্চ-সহোদর ।
 যুহুর্ভেকে জিনিবারে পারে চরাচর ॥
 ধর্ম্মপাশে বন্দী হৈয়া মোরে বড় মানে ।
 সে-কারণে না মারিল এই দুষ্কৃত্যগণে ॥
 নতুবা সে ভীমার্জুন চাহি ধর্ম্মযুথ ।
 সহিত না নীরবেতে এ-দারুণ দুখ ॥
 ভৃত্যাসনে বসাইল সভার ভিতর ।
 এই দুষ্কৃত্য কত কৈল কটুস্তর ॥
 রজস্বলা দ্রৌপদী, পিঙ্গন একবাসে ।
 সভামধ্যে আনিলেক ধরি তার কেশে ॥
 ক্রোধ করি যদি কৃষ্ণা চাহিত নয়নে ।
 তখনি হইত ভস্ম এই দুষ্কৃত্যগণে ॥
 সে ক্ষমিল, না ক্ষমিবে দেব হৃষীকেশ ।
 নিশ্চয় সঞ্জয়, মোর বংশ হৈল শেষ ॥
 গান্ধারী-সহিত মোর পুত্রবধূগণ ।
 দ্রৌপদীর দুঃখ দেখি করিছে ক্রন্দন ॥
 অগ্নিহোত্র গৃহে ছিলা যতেক ব্রাহ্মণ ।
 কৃষ্ণার ধরিল কেশ, করিয়া শ্রবণ ॥
 ক্রোধ করি লৌহদণ্ড অগ্নিতে ফেলিল ।
 ‘ধৃতরাষ্ট্র-বংশনাশ হউক’ বলিল ॥
 আচম্বিতে ঘরে-ঘরে উঠিল আগুন ।
 চতুর্দিকে মহাশব্দ করয়ে শব্দন ॥
 হাহাকার শব্দ করে যত বৃদ্ধগণ ।
 বিদুর কহিল মোরে সব বিবরণ ॥
 ধিক্-ধিক্ হুর্যোধনে, ধিক্ শকুনিরে ।
 কপট-পাশায় দুঃখ দিল পাণ্ডবেরে ॥

না সহিবে পাণ্ডব এ-সব অপমান ।
 পাপবুদ্ধে বংশ মোর হৈল অবসান ॥
 কৃষ্ণ যার অনুকূল, কি তার বিপদ ।
 ভীমার্জুন মাদ্রৌত কৈকেয় দ্রুপদ ॥
 ধৃষ্টদ্যুম্ন-সাত্যকি-শিখণ্ডী-আদি করি ।
 থাকুক অন্তের কার্য্য, ইন্দ্র যারে ডরি ॥
 কে এ-সব-সহ যুঝে সম্মুখ-সমরে ।
 কে আছে সহায় মোর, নিবারে এদেরে ॥
 অনুক্ষণ অক্ষরাজ ভাবেন অন্তরে ।
 এ-শোকসাগরে দুর্ঘট ডুবাইল মোরে ॥
 দ্রৌপদীয়ে বর দিয়া সন্তুষ্টা করিলু ।
 যুধিষ্ঠিরে প্রবোধিয়া দোষ ক্ষমাইলু ॥
 নিজবধ-হেতু পুনঃ পাশা খেলাইল ।
 মম বশ নহে, দৈবে বিবাদ বাধিল ॥
 পাণ্ডবের হস্তে আর নাহিক নিস্তার ।
 নিজকর্ম্ম-দোষে এরা হইবে সংহার ॥

জরাসন্ধে বধ কৈল ভীম অবহেলে ।
 কুরুবংশ-রক্ষা নাহি ভীম যিহ্নে এলে ॥
 এইরূপে ধৃতরাষ্ট্র কহে মহাশোকে ।
 সভা ছাড়ি নিজস্থানে যায় সর্বলোকে ॥
 বনবাসে দিল অন্ধ স্নেহাঙ্ক হইয়া ।
 শেষে অনুতাপ করে বিপদ চিন্তিয়া ॥
 বনে চলে দ্রৌপদী পাণ্ডব পঞ্চজন ।
 কাশী কহে, কুরুকুল-নাশের সূচনা ॥
 শ্রীকৃষ্ণ সহায় যাঁহাদের অনুক্ষণ ।
 তাঁহাদের দুঃখ নাহি কোথাও কখন ॥
 যথা রহু কৃষ্ণ-সহ পঞ্চ-সহোদর ।
 কৃষ্ণ-দৃষ্টি থাকে সদা তাঁদের উপর ॥
 মহাভারতের কথা অমৃত-লহরী ।
 কাহার শক্তি তাহা বর্ণিবারে পারি ॥
 কাশীরাম দাস কহে, শুন সর্বজন ।
 সভাপর্ব সমাপ্ত, পাণ্ডব গেল বন ॥

সভাপর্ব সম্পূর্ণ ।

কাশীরামদাস-মহাভারত

বনপর্ব

নারায়ণং নমস্কৃত্য নরকৈব নয়োস্তুমম্ ।
দেবীং সরস্বতীকৈব ভক্তো জয়মুদীরয়েৎ ॥

১। পাণ্ডবদিগের বনবাসে প্রভাগের
খণ্ড ।

জন্মেজয় বলে, কহ, শুনি তপোধন ।

পূর্বপিতামহ-কথা অদ্ভুত-কথন ॥
কপটে জিনিয়া তাঁর নিল রাজ্য-ধন ।
বহু ক্রোধ করাইল বলি কুবচন ॥
কলহের পথ কুরু করিল সৃজন ।
অতঃপর কি করিলা পিতামহগণ ॥
ইন্দ্রের বৈভব-সুখ সকলি ত্যজিয়া ।
কেমনে সহিল দুঃখ বনেতে রহিয়া ॥
পতিব্রতা মহাদেবী ক্রপদ-নন্দিনী ।
কিরূপে বঞ্চিল দুঃখে, কহ, শুনি মূনি ॥
কি আহার, কি বিহার দ্বাদশ-বৎসর ।
কোন্-কোন্ বনে গেলা, কোন্ গিরিবর ॥
বৈশম্পায়ন বলেন, শুনহ রাজন্ ।
কপটে সকলি নিল রাজা দুৰ্য্যোধন ॥
ক্ষমাবস্ত দয়াবস্ত রাজা যুধিষ্ঠির ।
হস্তিনানগর হৈতে হ'লেন বাহির ॥

নগর-উত্তরমুখে চলেন পাণ্ডব ।
চতুর্দিকে ধাইল রাজ্যের প্রজা-সব ॥
যেইমত ছিল যেই, সে ধায় স্থরিত ।
পাণ্ডবে বেড়িয়া সবে রহে চতুর্ভিত ॥
ভীষ্ম দ্রোণ কৃপাচার্য্য বিদুরের প্রতি ।
ধিকার ও তিরস্কার করে নানাজাতি ॥
ধৃতরাষ্ট্রে ভয় নাহি কেহ করে আর ।
ক্রোধে গালি পাড়ে, মুখে যা আসে যাহার ॥
পাপিষ্ঠ রাজার রাজ্যে কি ছার বসতি ।
সবে মিলি যাব মোরা পাণ্ডব-সংহতি ॥
যে-দেশে শকুনি মন্ত্রী, রাজা দুৰ্য্যোধন ।
তথায় বসতি নাহি করে সাধুজন ॥
পাপিষ্ঠ হইলে রাজা প্রজা স্থখী নয় ।
কুলধর্ম্ম-ক্রিয়া তার সব নষ্ট হয় ॥
মহাক্রোধী অৰ্ধলোভী মানী কদাচারী ।
নির্দয় সূহৃৎ-শত্রু মহাপাপকারী ॥
হেন দুৰ্য্যোধন-মুখ কভু না দেখিব ।
চল সবে, পাণ্ডবের সহিত রহিব ॥

এত বলি প্রজাগণ কৃতাজ্জলি করি ।
 সবিনয়ে বলে ধর্ম্মরাজ-বরাবরি ॥
 আমা-সবে ছাড়ি কোথা যাইবে রাজন্ ।
 তুমি যথা যাবে, তথা যাব সর্ব্বজন ॥
 তোমার সর্ব্বশ্ব ছলে জিনিল কোঁরব ।
 উদ্ভিগ্ন হইয়া হেথা আসি মোরা সব ॥
 তব হিতে হিত মানি, তব দুঃখে দুঃখী ।
 তব হুথ হৈলে মোরা সবে হই স্ত্রী ॥
 আমা-সবাকারে নাহি কর নিবারণ ।
 তোমার সংহতি মোরা সবে যাব বন ॥
 রাজ্যেতে হইল মহাপাপী অধিকারী ।
 এ-কারণে মোরা সবে হ'ব বনচারী ॥
 জল ভূমি বস্ত্র তিল পবন যেমন ।
 পুষ্প-সহবাসে ধরে স্তগন্ধ মোহন ॥
 পাপীর সংসর্গে পাপ বাড়ে নিতি-নিতি ।
 পুণ্যবুদ্ধি হয় পুণ্যবানের সংহতি ॥
 পুণ্য করিবার শক্তি নাহি মো-সবার ।
 পুণ্যভাগী হ'ব সঙ্গে থাকিলে তোমার ॥
 বহুপুণ্য করি দুর্ব্বোধনের সংহতি ।
 তথাপি তাহার পাপে নাহি অব্যাহতি ॥
 রাজ্যপাপে প্রজাদের পাপ বাড়ে নিতি ।
 যাইব তোমার সঙ্গে, কি আর বসতি ॥
 দরশনে পাপ হয় অশনে-শয়নে ।
 ধর্ম্মাচার নষ্ট হয় এ রাজার সনে ॥
 যেমন সংসর্গ, ফল সেইমত হয় ।
 তেঁই সে আমরা বনে যাইব নিশ্চয় ॥
 সমস্ত সদগুণ করে তোমাতে নিবাস ।
 তেঁই তব সহিতে থাকিতে করি আশ ॥
 প্রজাদের হেনবাক্য শুনি যুধিষ্ঠির ।
 কহিলেন মিষ্টবাক্য কোমল গভীর ॥

ভাগ্যবস্ত্র মোরা সবে জানিগু এখন ।
 সে-কারণে এত স্নেহ কর সর্ব্বজন ॥
 আমি যাহা কহি, তাহা অন্য না করিবে ।
 আমারে সম্ভ্রম করি সকলে মানিবে ॥
 পিতামহ ভীষ্ম ধৃতরাষ্ট্র জ্যেষ্ঠতাত ।
 কুন্তী মাতা ইঁহার করেন অশ্রুপাত ॥
 ইহা-সবাকার শোক কর নিবারণ ।
 দেশে থাকি সবাকারে করহ পালন ॥
 যুধিষ্ঠির-মুখে শুনি এতেক বচন ।
 হাহাকার করি নিবস্তিল প্রজাগণ ॥
 অনগ্নি-সাগ্নিক-শিষ্য-সহ দ্বিজগণ ।
 পাণ্ডবের পাছু-পাছু চলে সর্ব্বজন ॥
 শশস্ত্র পাণ্ডবগণ রথ-আরোহণে ।
 প্রজাগণে প্রবোধিয়া চলিলেন বনে ॥
 উত্তর-মুখেতে যান জাহ্নবীর তটে ।
 রম্যস্থান দেখিয়া রহেন মহাবটে ॥
 দিনকর অন্ত গেল, প্রবেশে শর্ব্বরী ।
 সেই রাত্রি নির্ব্বাহিল জলস্পর্শ করি ॥
 চতুর্দিকে দ্বিজগণ অগ্নিহোত্র জ্বালি ।
 বেদধ্বনি-পুণ্যরবে পূরে বনস্থলী ॥
 রজনী প্রভাত হৈল, উঠি সর্ব্বজন ।
 ঘোরবনে করিলেন গমন তখন ॥
 চতুর্দিকে মুনিগণ চলিল সংহতি ।
 দেখিয়া বলেন তবে ধর্ম্ম-নরপতি ॥
 রাজ্যহীন ধনহীন হইলাম আমি ।
 ফলমূল্যাহারী আমি হই বনগামী ॥
 আমা-সনে বহু দুঃখ পাবে দ্বিজগণ ।
 বিশেষ বনেতে ভয়ঙ্কর পশুগণ ॥
 হবে যত দুঃখ শুন তোমা সবাকার ।
 সে-পাপে হইবে নষ্ট মম ধর্ম্মাচার ॥

দ্বিজ-কণ্ঠে দুঃখ-প্রাপ্ত হন দেবগণ ।

কি ছার মনুষ্য তুচ্ছ আমা-হেন জন ॥

নিবর্তিয়া দ্বিজগণ বাহুড় নগরে ।

আমার বিনয় এই তোমা-সবাকারে ॥

দ্বিজগণ বলে, কোথা যাইব নৃপতি ।

তোমার যে গতি, আমা-সবার সে গতি ॥

আমা-সবা-পোষণেতে ত্যজ মনোভয় ।

করিব ভক্ষণ আনি ফল-মূল-চয় ॥

যুধিষ্ঠির বলে, আমি দেখিব কেমনে ।

মম সহ রহি দুঃখ পাবে দ্বিজগণে ॥

ধিক্ রাজা ধৃতরাষ্ট্র, দুষ্ক-পুঞ্জগণ ।

এত বলি অধোমুখে রহেন রাজন্ ॥

শৌনক-নামেতে ঋষি বুঝান রাজারে ।

স্বললিত শাস্ত্র বলি বিবিধ-প্রকারে ॥

শোকস্থান সহস্র, শতেক ভয়স্থান ।

মুহুমান তাহে হয়, যে মূৰ্খ-অজ্ঞান ॥

পণ্ডিত-জনের তাহে নহে মুগ্ধ মন ।

তুমি-হেন লোক শোক কর কি-কারণ ॥

ধন উপার্জ্জয়ে লোক বন্ধুর কারণে ।

বন্ধুতে হরিল ধন, কি কাজ বিমনে ॥

অর্থহেতু উদ্বেগ ত্যজহ নরপতি ।

অনর্থের মূল অর্থ, কর অবগতি ॥

উপার্জ্জনে যত কষ্ট, ততেক পালনে ।

ব্যয়ে হয় যত দুঃখ, ক্ষয়েতে দ্বিগুণে ॥

অর্থ যার থাকে, তার সদা ভীত মন ।

তার বৈরী রাজা অগ্নি চোর বন্ধু-জন ॥

অর্থ হৈতে মোহ হয়, অহঙ্কার পাপ ।

অত্যন্ত উদ্বেগ হয়, সদা মনস্তাপ ॥

এ-কারণে অর্থচিন্তা ত্যজহ রাজন্ ।

সৰ্ব্ব পূর্ণ হলে তৃষ্ণা নহে নিবারণ ॥

যাবৎ শরীরে প্রাণ, তৃষ্ণা নাহি টুটে ।

সাধুজন এই তৃষ্ণা জ্ঞান-অস্ত্রে কাটে ॥

সন্তোষ সাধুর অস্ত্র তৃষ্ণা-নিবারণ ।

ইন্দ্র-সম-অর্থে তুষ্ট নহে জ্ঞানিজন ॥

অনিত্য এ-ধন-জন, অনিত্য সংসার ।

ইহার মায়াতে ডুবি ক্লেশমাত্র সার ॥

এইসব মোহে মুগ্ধ হয় যতজন ।

অচিন্তিত কোথা দেখিয়াছ হে রাজন্ ॥

ধৰ্ম্ম করিবারে যদি উপার্জ্জয়ে ধন ।

বিচলিত হয় মন ধনের কারণ ॥

মহারাজ, জ্ঞান ধন-পাপ পঙ্কমত ।

পঙ্কেতে নামিলে তনু হয় পঙ্কায়ত ॥

নিশ্চয় হইবে দুঃখ সে-পঙ্ক ধুইতে ।

সাধু সেই, যেই নাহি নামে সে-পঙ্কেতে ॥

ধৰ্ম্মে যদি প্রয়োজন থাকয়ে রাজন্ ।

এ-সকল পাপ-তৃষ্ণা কর কি-কারণ ॥

শৌনক-বচন শুনি কহে নরপতি ।

তৃষ্ণা কিছু নাহি মম রাজ্য-ধন-প্রতি ॥

বিপ্রেয় ভরণ-হেতু চিন্তা করি মনে ।

গৃহাশ্রমে অতিথিরে না পূজি কেমনে ॥

গৃহাশ্রমী হইয়া বঞ্চিত যেইজন ।

অতিথি যা মাগে, তাহা দিবে ততক্ষণ ॥

তৃষ্ণার্তকে জল দিবে, ক্ষুধার্তে ভোজন ।

নিজোহুরে শয্যা দিবে, শ্রান্তকে আসন ॥

অতিথি আসিলে দ্বারে করিবে যতন ।

আগুসরি উঠিয়া করিবে সম্ভাষণ ॥

যে-জন না করে ইহা গৃহস্থ হইয়া ।
 বৃথা হয় দান-যজ্ঞ-ধর্ম-আদি ক্রিয়া ॥
 আমি-হেন লোক ইথে বাঁচিব কেমনে ।
 এইহেতু মহাতাপ পাই আমি মনে ॥
 শৌনক বলিল, রাজা, চিন্তা দূর কর ।

ধর্মকে শরণ লহ, শুন নৃপবর ॥
 ইন্দ্র চন্দ্র আদিত্য অপর দিকপালে ।
 ত্রৈলোক্য-জনেরে তাঁরা ধর্মবলে পালে ॥
 তুমিহ করহ রাজা, তপ-আচরণ ।
 তপোবলে দ্বিজগণে করহ পালন ॥

এত শুনি যুধিষ্ঠির চিন্তিত-হৃদয় ।
 ধোম্য-পুরোহিতে ডাকি কহে সবিনয় ॥
 দ্বিজগণ চলিলেন আমার সংহতি ।
 কেমনে পোষিব সবে, কহ মহামতি ॥
 ক্রণেক চিন্তিয়া কহে ধোম্য তপোধন ।
 ত্যজ ভয়, কর রাজা, সূর্যের সেবন ॥
 সংসার-পালন-কর্তা দেব দিবাকর ।
 সূর্যের প্রসাদে কার্য্য হবে নৃপবর ॥
 এত বলি দীক্ষা দিয়া ধোম্য তপোধন ।
 অষ্টোত্তর-শত নাম করান শ্রবণ ॥
 মহাভারতের কথা অমৃত-সমান ।
 কাশী কহে, শুনি নর লভে দিব্যজ্ঞান ॥

২। যুধিষ্ঠিরের স্বর্ঘ্যারামনা ও বরলাভ ।

মহারাজ যুধিষ্ঠির সেবেন ভাস্কর ।
 ত্রতী হ'য়ে নানাপুষ্পে পূজেন বিস্তর ॥
 অষ্টোত্তর-শত নাম জপেন ভূপতি ।
 দণ্ডবৎ প্রণমিয়া করে নানা-স্তুতি ॥

তুমি প্রভু লোকপাল, লোকের পালন ।
 চতুর্দিক দীপ্ত করে তোমার কিরণ ॥
 অমর কিম্বর-আদি রাক্ষস-মাণুষে ।
 সর্বসিদ্ধ হয় দেব, তব কৃপাবশে ॥
 এইকপে বহু স্তব করেন রাজন্ ।
 আসিলেন তথা মূর্ত্তিমান্ বিকর্ত্তন ॥

বলিলেন, চিন্তা ত্যজ ধর্মের কুমার ।
 সিদ্ধ হবে নরপতি, কামনা তোমার ॥
 ত্রয়োদশ বৎসর যাবৎ রাজ্যহীনে ।
 যত চাহ, তত পাবে মোর বরদানে ॥
 লহ এই তাত্ত্বস্থালী কুন্তীর কুমার ।
 রাক্ষিবে দ্রৌপদী ইথে না করি আহার ॥
 ফল-মূল-শাক-আদি যা-কিছু আনিবে ।
 অন্নমাত্র রন্ধনেতে অধ্যয় হইবে ॥
 দ্রুপদ-নন্দিনী কৃষ্ণা লক্ষ্মী-অবতার ।
 বনমধ্যে আজি হৈতে তার সব ভার ॥
 কিন্তু এক-বাক্য কহি শুন সর্বজনে ।
 সকলে সম্মুখ হবে তাহার রন্ধনে ॥
 তাহার পাকের দ্রব্য অব্যয় হইবে ।
 যত চাহ, তত পাবে, কিছু না টুটিবে ॥
 আনন্দে সকল লোক থাকিবে কাননে ।
 তাহার প্রমাণ কহি, শুন সাবধানে ॥
 যাবৎ দ্রৌপদী-দেবী না করে ভক্ষণ ।
 অক্ষয় রন্ধন তার রবে ততক্ষণ ॥

নিয়মের কথা এই কহিলু তোমাতে ।
 সম্পূর্ণ সকল দ্রব্য হবে মোর বরে ॥
 এত বলি অন্তর্হিত দেব-দিনকর ।
 হৃষ্ট হ'য়ে সবারে বলেন নৃপবর ॥

এমত পাইল বর সূর্য্য-আরাধনে ।
বনে যান ধর্ম্মরাজ সঙ্গে দ্বিজগণে ॥
কাম্যক-বনেতে প্রবেশিল নরপতি ।
ভ্রাতা পুরোহিত পুরলোকের সংহতি ॥
ভারত-পুরাণ-কথা পাপের বিনাশ ।
বনপর্ব বিরচিল কাশীরাম দাস ॥

৩। ধৃতরাষ্ট্র-কর্তৃক বিহরের অপমান ও যুধিষ্ঠিরের
নিকটে বিহরের গমন ।

বনে চলিলেন পঞ্চ পাণ্ডব নন্দন ।
চিন্তাকুল অন্ধরাজ স্থির নহে মন ॥
মন্ত্রিরাজ বিদুরে আনিল ডাক দিয়া ।
জিজ্ঞাসিল ধৃতরাষ্ট্র মধুর বলিয়া ॥
বিচারে বিদুর, তুমি ভার্গবের প্রায় ।
পরম-ধরমবুদ্ধি আছয়ে তোমায় ॥
কুরুবংশে তোমার বচনে সবে স্থিত ।
কহ শুনি বিচারিয়া, যাহে মম হিত ॥
অরণ্যে গেলেন পঞ্চ পাণ্ডুর নন্দন ।
যাহে শ্রেষ্ঠ যুক্তি হয়, করহ এখন ॥
যেমনে আমার বশ হয় সর্ব্বজন ।
যে রূপে স্বচ্ছন্দে স্থখে রহে পুত্রগণ ॥
বিদুর বলেন, রাজা, কর অবধান ।
ধর্ম্ম হ'তে বিজয় হইবে সর্ব্বস্থান ॥
নিরুত্তিতে পাই ধর্ম্ম, ধর্ম্মে সব পাই ।
ধর্ম্মসেবা কর রাজা, কোন চিন্তা নাই ॥
তোমার উচিত রাজা, এ কর্ম্ম এখন ।
নিজপুত্র ভ্রাতৃপুত্র করহ পালন ॥

সে-ধর্ম্ম ডুবিল রাজা, তোমার সভায় ।
দুর্দ্দমতি দুর্ঘ্যোধন শকুনি-সহায় ॥
সত্যশীল যুধিষ্ঠিরে কপটে জিনিল ।
কুলবধু বিবসনা সভাতে করিল ॥
তুমি ত তখন নাহি করিলে বিচার ।
এবে কি উপায় বলি, না দেখি যে আর ॥
আছে যে উপায় এক, যদি কর রায় ।
সবংশে স্থখেতে থাক, বলি হে তোমায় ॥
পাণ্ডবের যত-কিছু নিলে রাজ্যধন ।
তাহাদেরে আনি শীঘ্র দেহ এইকণ ॥
দ্রৌপদীকে দুঃশাসন কৈল অপমান ।
বিনয় করিয়া চাহ ক্ষমা তার স্থান ॥
কর্ণ-দুর্ঘ্যোধনে কর পাণ্ডবের প্রীতি ।
এই কর্ম্মে হবে তব সাতিশয় হিত ॥
তুমি কৈলে যদি নাহি মানে দুর্ঘ্যোধন ।
তবে ত তাহারে রাখ করিয়া বন্ধন ॥
পূর্ব্ব যত বলিলাম, করিলে অশ্রুতা ।
এখন যে বলি রাজা, রাখ এই কথা ॥
জিজ্ঞাসিলে, সেইহেতু কহি এ-বিচার ।
ইহা ভিন্ন অন্য নাহি উপায় ইহার ॥
বিদুর-বচন শুনি অন্ধরাজ কয় ।
যতেক বলিলে, তাহা কিছু ভাল নয় ॥
আপনার হিত-হেতু জিজ্ঞাসিনু নীত ।
তুমি যত বল, তাহা পাণ্ডবের হিত ॥
আপনার যুক্তিভেদ আপন-নন্দন ।
তারে দুঃখ দিব পর-পুত্রের কারণ ॥
এবে জানিলাম তব কুটিল বিচার ।
তোমাতে বিশ্বাস আর নাহিক আমার ॥

অসতী নারীরে যদি করয়ে পালন ।
 বহুমতে রাখিলে সে না হয় আপন ॥
 পাণ্ডবের হিত তুমি করহ এখন ।
 যাহ বা থাকহ তুমি, যাহা লয় মন ॥
 এত শুনি উঠিল বিদুর-মহাশয় ।
 ডাকি বলে, কুরুবংশ মজিল নিশ্চয় ॥
 শুন ওহে মহারাজ, বচন আমার ।
 আমারে অহিত-জ্ঞান হইল তোমার ॥
 পশ্চাতে জানিবে রাজা, এ-সব বচন ।
 ঠেকিবে যখন দায়ে, জানিবে তখন ॥
 এত বলি শীঘ্র করি বিদুর চলিল ।
 আর দুই-এক বাক্য ক্রোধেতে বলিল ॥
 চিতে মহাতাপ-হেতু না গেল মন্দির ।
 হস্তিনা-নগর হ'তে হইল বাহির ॥
 যথা বনে আছে পঞ্চ পাণ্ডুর নন্দন ।
 শীঘ্রগতি তথাকারে করিল গমন ॥
 যুধিষ্ঠির ছিল কাম্য-কানন-ভিতর ।
 যুগচন্দ্র পরিধান, সঙ্গে সহোদর ॥
 চতুর্দিকে সহস্র-সহস্র দ্বিজগণ ।
 ইন্দ্রেণে বেড়িয়া যেন আছে দেবগণ ॥
 কতদূরে বিদুরে দেখিয়া কুরুনাথ ।
 ভ্রাতৃগণে বলে, ঐ আইল খুল্লতাত ॥
 কি-হেতু বিদুর এল, না বুঝি বিচার ।
 পুনঃ কি বিচার কৈল স্তবল-কুমার ॥
 পুনঃ কিবা পাশা-হেতু দিল পাঠাইয়া ।
 রাজ্য হ'তে আমি কিছু না আসি লইয়া ॥
 কেবল আয়ুধ-মাত্র আছয়ে আমার ।
 আয়ুধ জিনিয়া নিতে ক'রেছে বিচার ॥
 পঞ্চভাই করিছেন বিচার এমত ।
 হেনকালে উপনীত বিদুরের রথ ॥

যথাযোগ্য পরস্পর করি সম্ভাষণ ।
 জিজ্ঞাসেন যুধিষ্ঠির কুশল-বচন ॥
 আমরা আইলে বনে অন্ধ কি কহিল ।
 বিদুর কহেন, শুন যে-কথা হইল ॥
 কুরুবংশ-হিত-হেতু জিজ্ঞাসেন মোরে ।
 সেইমত স্মৃতি দিলাম আমি তাঁরে ॥
 যতেক কহিনু আমি সবাচার হিত ।
 অন্ধরাজ শুনি তাহা বুঝে বিপরীত ॥
 রোগিজনে যথা দিব্য-পথ্য নাহি রুচে ।
 যুবা নারী বৃদ্ধস্বামী যথা নাহি ইচ্ছে ॥
 ক্রুদ্ধ হ'য়ে আমারে বলিল কুবচন ।
 যাহ বা থাকহ, তোমা নাহি প্রয়োজন ॥
 সে-কারণে তাঁরে ত্যজি আইলাম বন ।
 তোমা-সবাকারে বনে করিতে পালন ॥
 ভাল হৈল, অন্ধরাজ ত্যজিল আমারে ।
 তোমা-সবা-সহ স্তখে থাকিব কান্তারে ॥
 তবে ত বিদুর বহু কহিল স্নানীত ।
 যুধিষ্ঠির-পঞ্চভাই লইয়া সহিত ॥
 বনপর্ব্ব রচিলেন অপূর্ব্ব অমৃত ।
 কাশীরাম কহে, সাধু পিয়ে অনুব্রত ॥

৪। ধৃতরাষ্ট্রের সহিত বিদুরের পুনর্মিলন ও
 ধৃতরাষ্ট্রের প্রতি ব্যাসদেবের
 হিতোপদেশ ।

হস্তিনা ত্যজিয়া ক্ষত্যা গেল বনমাঝ ।
 শুনিয়া আকুলচিত হৈল অন্ধরাজ ॥
 নাহি রুচে অন্ন-জল অশন-শয়ন ।
 অতিবেগে সভামধ্যে করেন গমন ॥
 যাইতে মূর্ছিত হ'য়ে ভূমিতে পড়িল ।
 সঞ্জয় প্রভৃতি সবে ধরিয়া তুলিল ॥

চেতন পাইয়া বলে সঞ্জয়ের প্রতি ।
বিদূর আছয়ে কোথা, ডাক শীত্ৰগতি ॥
পরম-ধার্মিক ভাই, মম হিতে রত ।
তাহার বিচ্ছেদে আমি আছি যতমত ॥
কুবচন বলিলাম আমি পাপমুখে ।
এতক্ষণ প্রাণ সে ত রাখে বা না রাখে ॥
শীত্ৰগতি যাহ, নাহি বিলম্ব করহ ।
বিদরে হৃদয় মম ত্বরিতে আনহ ॥

এত শুনি সঞ্জয় চলিল সেইক্ষণ ।
বনে যথা আছে পঞ্চ পাণ্ডুর নন্দন ॥
যথোচিত পূজা করি সবাকার প্রতি ।
বিদুরে চাহিয়া তবে বলয়ে ভারতী ॥
শুনহ আমার বাক্য বিদূর হুমতি ।
হস্তিনা-নগরে তুমি চল শীত্ৰগতি ॥
শীত্ৰ চল এইক্ষণে, বিলম্ব না সয় ।
তোমা-বিনা অন্ধরাজ জীবন-সংশয় ॥

এত শুনি যুধিষ্ঠির করেন সম্প্রীত ।
রথে চড়ি দুইজন চলিলা ত্বরিত ॥
বিদূর আইল পুনঃ, শুনিল রাজন্ ।
শিরেতে চূষন করি দিলা আলিঙ্গন ॥
বলিল, পূর্বের দোষ ক্ষমহ আমার ।
এত বলি অনেক করিল পুরস্কার ॥
বিদূর বলেন, রাজা, হইলাম কান্ত ।
আপনি আমার গুরু, পরম সন্তোস্ত ॥
আপনি করুন ক্ষমা, ইহা আমি চাই ।
আজ্ঞা-ছাড়া হ'তে কভু মম শক্তি নাই ॥
যেহত তোমার পুত্র, পাণ্ডব তেমন ।
কিন্তু তারা দুঃখী, ইথে পোড়ে মম মন ॥
বিদূর আইল শুনি রাজা দুর্ঘ্যোধন ।
ডাকাইয়া আনাইল কর্ণ-দুঃশাসন ॥

শকুনি-সহিতে তবে সভায় বসিল ।
কতক্ষণে দুর্ঘ্যোধন বাক্য প্রকাশিল ॥
অন্ধ-ভূঁপতির মন্ত্রী, পাণ্ডবের হিত ।
বিদূর আইল দেখ মন্ত্রণা-পণ্ডিত ॥
যাবৎ বিদূর না ফিরায় তাঁর মন ।
পাণ্ডবে আনিতে আজ্ঞা না দেন রাজন্ ॥
তাবৎ মন্ত্রণা কর ইহার উপায় ।
যেহতে কুস্তীর পুত্র আসিতে না পায় ॥
পুনঃ যদি হস্তিনায় দেখিব পাণ্ডবে ।
নিশ্চিত আমার বাক্য কহি, শুন সব ॥
গরল খাইব কিংবা প্রবেশিব জলে ।
অথবা ত্যজিব প্রাণ অস্ত্রে বা অনলে ॥

শকুনি বলিল, শুন আমার বচন ।
কদাচিৎ না আসিবে পাণ্ডুপুত্রগণ ॥
সত্যবাদী যুধিষ্ঠির ক'রেছে সময় ।
ত্রয়োদশ-বৎসর যাবৎ পূর্ণ নয় ॥
তাবৎ হস্তিনা না আসিবে কদাচন ।
না শুনিবে তারা ধৃতরাষ্ট্রের বচন ॥
শুনিয়া বৃদ্ধের বাক্য যদি পুনঃ আসে ।
আমরা করিব পুনঃ সেই পণ শেষে ॥
কর্ণ বলে, মম চিত্তে এই যুক্তি আসে ।
দুঃখিত পাণ্ডবগণ আছে বনবাসে ॥
জটাচীর বন-ক্লেশ শোকেতে আতুর ।
সহায়-সম্পাদ্ যত আছে বহুদূর ॥
চতুরঙ্গদলে গিয়া বেড়িব পাণ্ডবে ।
এ-সময় মারিলে সকল রিষ্টি যাবে ॥

দুর্ঘ্যোধন বলে, সাধু মন্ত্রণা তোমার ।
করিলে মন্ত্রণা এক সংসারের সার ॥
আজ্ঞা দিল নরপতি সাজিতে সবারে ।
রথ-গজ-তুরঙ্গমে চলিল সত্বরে ॥

সাজিয়া সকল-সৈন্তে কোঁরব চলিল ।
 অন্তর্যামী ব্যাসের সে গোচর হইল ॥
 হস্তিনা-নগরে মুনি করেন গমন ।
 পথে দুর্ঘ্যোধন-সহ হইল মিলন ॥
 বাহুড়িয়া চল বলি আজ্ঞা দেন মুনি ।
 দুর্ঘ্যোধন বাহুড়িল মুনিবাক্য শুনি ॥
 ধৃতরাষ্ট্র-নিকটেতে যান দ্বৈপায়ন ।
 যথোচিত পূজা তাঁর করিলা রাজন্ ॥

মুনি বলে, ধৃতরাষ্ট্র, করিলে কি কৰ্ম্ম ।
 বৃদ্ধ হ'য়ে বুদ্ধিদোষে করিলে অধৰ্ম্ম ॥
 মন্দবুদ্ধি পুত্র তব দুষ্ক ছুরাচারী ।
 রাজ্যলোভে হইল সে পাণ্ডবের অরি ॥
 পাণ্ডব-সহায় যেই, জান ভালমতে ।
 বিধাতার ধাতা হৰ্তা কর্তা ত্রিজগতে ॥
 তাঁহার অপেক্ষা তুমি না করিলে মনে ।
 বনবাসে পাঠাইয়া দিলে পুত্রগণে ॥
 আপনার হিত যদি চাহ রাজা, মনে ।
 পাণ্ডবের নিকটে পাঠাও দুর্ঘ্যোধনে ॥
 একাকী পাণ্ডব-সহ ভ্রমুক কাননে ।
 মন্দ-চিন্তা না করুক, না হিংসুক মনে ॥
 ইহাতে পাণ্ডব যদি হয় প্রীতিমান্ ।
 তবে তব শতপুত্র পাইবে কল্যাণ ॥

ধৃতরাষ্ট্র বলে, দেব, কহিলে উত্তম ।
 আমারে না রুচে, যত কৈল কুলাধম ॥
 ভীষ্ম-দ্রোণ-বিদুর-গান্ধারী-আদি করি ।
 কারো বাক্য না শুনিল দুষ্ক ছুরাচারী ॥
 দুর্ঘ্যোধন-স্নেহ আমি না পারি ছাড়িতে ।
 তেঁই হেন কৰ্ম্ম করি কালবশ হৈতে ॥

মুনি বলে, নহে ইহা ধর্ম্মের আচার ।
 এরূপ কৰ্ম্মেতে নাহি সম্মতি আমার ॥

পুত্র-স্নেহ-সম রাজা, নাহিক সংসারে ।
 বিশেষ দুর্বল-পুত্রে বড় স্নেহ করে ॥
 তুমি যথা মম পুত্র, পাণ্ডুও তেমন ।
 যুধিষ্ঠির যেমন, তেমন দুর্ঘ্যোধন ॥
 বিশেষতঃ পাণ্ডবে অধিক স্নেহ হয় ।
 পিতৃহীন, সদা পায় দুঃখ অতিশয় ॥
 পুর্বের বৃত্তান্ত-কথা শুনহ রাজন্ ।
 গো-মাতা সুরভি আর সহস্রলোচন ॥
 সুরভি রোদন করে হইয়া বিহ্বল ।
 ক্লিষ্ট হ'য়ে তারে জিজ্ঞাসিল আখণ্ডল ॥
 কহ, কি-কারণে মাতা, করহ রোদন ।
 দেবে নরে কিংবা নাগে বিপদ ঘটন ॥
 সুরভি কহিল, নাহি বিপদ কাহার ।
 শুন, যেইহেতু দুঃখ হইল আমার ॥
 দুর্বল আমার পুত্রে যুড়ি লাঙ্গলেতে ।
 হীনশক্তি বৃদ্ধ বড়, না পারে চলিতে ॥
 মারিছে কৃষক বড়, পুচ্ছমূল মোড়ে ।
 বলিষ্ঠ অপর এক চলে উভরড়ে ॥
 শক্তি নাহি তার সঙ্গে যাইতে ইহার ।
 পাপিষ্ঠ কৃষক বড় করিছে প্রহার ॥
 এইহেতু রোদন যে করি নিরন্তর ।
 শুনিয়া উত্তর করিলেন পুরন্দর ॥
 এইহেতু দেবি, তুমি করিছ রোদন ।
 কিন্তু দেখ, স্থানে-স্থানে লক্ষ বৃষগণ ॥
 বৃষকে কৃষকগণ করয়ে প্রহার ।
 তা-সবারে স্নেহ কেন না হয় তোমার ॥
 সুরভি বলেন, এই অশক্ত দুর্বল ।
 ইহা দেখি চিত্ত মোর হইল বিকল ॥

এত শুনি দেবরাজ মেঘে আজ্ঞা দিল ।
 জল-বৃষ্টি করি সব পৃথিবী পুরিল ॥

কৃষক ত্যজিয়া কৃষি করিল গমন ।
 হুৱভি বলেন, সাধু সহস্রলোচন ॥
 এইমত পালন করহ সবাঁকারে ।
 বনবাসে হইল দুৰ্বল কলেবরে ॥
 শুন রাজা, পূৰ্বে হেন হ'য়েছে বিধান ।
 তবে ধৰ্ম্ম রহে, সব দেখিলে সমান ॥
 যদি ধৰ্ম্ম চাহ, রাখ আমার বচন ।
 নিজপুত্র সম কর পাণ্ডবে পালন ॥
 মহাভারতের কথা অমৃত-মাগর ।
 কাশী কহে, আনন্দেতে পিয়ে সৰ্ব্ব নর ॥

৫। মৈত্রেয়-মুনির আগমন ও দুর্যোধনকে
 অভিলাপ প্রদান ।

ধৃতরাষ্ট্র বলে, মুনি, করি নিবেদন ।
 মোরে যদি স্নেহ হয়, শুন তপোধন ॥
 আপনি বুঝাও দুৰ্য্যমতি দুর্যোধন ।
 ব্যাস বলে, আমি না কহিব কদাচন ॥
 এইক্ষণে আসিবে মৈত্রেয় তপোধন ।
 কহিবে সকল হিত, শুনহ রাজন্ ॥
 তব হিত বুঝাইয়া কহিবেন তিনি ।
 তাঁরে শ্রীত না করিলে শাপ দিবে মুনি ॥
 এত বলি ব্যাস চলি গেলা নিজালয় ।
 উপনীত হইল মৈত্রেয় মহাশয় ॥
 যথোচিত পূজা তাঁর ধৃতরাষ্ট্র কৈল ।
 স্নান হ'য়ে বসিয়া কুশল জিজ্ঞাসিল ॥
 ধর্মি বলে, বহুতীর্থ করিমু ভ্রমণ ।
 দেখিমু কাম্যক-বনে পাণ্ডুপুত্রগণ ॥
 জটাতীর-বিভূষিত, ভক্ষ্য ফলমূল ।
 তপস্বীর বেশ, সঙ্গে তপস্বী বহুল ॥

তথায় শুনিমু এই-সব সমাচার ।
 তব পুত্র দুর্যোধন কৈল কদাচার ॥
 এইহেতু শীঘ্র আইলাম হেথাকারে ।
 কুরুবংশ-হিত-হেতু বুঝাব তোমারে ॥
 ভীষ্ম আর তুমি কুরুবংশের প্রধান ।
 হেন কর্ম কেন হয় তোমা-বিদ্যমান ॥
 কুরুবংশে সবাঁকার স্বধর্ম্ম স্মৃতি ।
 হেন বংশে অপযশ করিল দুৰ্ম্মতি ॥
 এইহেতু সভা তব না শোভে রাজন্ ।
 এত বলি কহে মুনি চাহি দুর্যোধন ॥
 মূৰ্খ নহ দুর্যোধন, বড় কুলে জন্ম ।
 তবে কেন হেনরূপ করিলে অধর্ম্ম ॥
 পাণ্ডবের হিংসা কর হইয়া অজ্ঞান ।
 না জানহ সখা যার পুরুষ-প্রধান ॥
 কহ শুনি, হীন কিসে পাণ্ডুপুত্রগণে ।
 ধনে-জনে-ধর্ম্মে সবে বিজয়ী ভুবনে ॥
 অমৃত-কুঞ্জর-বল বুকোদর ধরে ।
 হিড়িম্বক-বক-আদি নাশিল সমরে ॥
 কিম্বারে মারিল ভীম পশিতে কাননে ।
 ইন্দ্রে পরাজিল পার্থ খাণ্ডব-দাহনে ॥
 হেন-জন-সহ বাদ কর দুর্যোধন ।
 মম বাক্যে কর শ্রীতি, নতুবা মরণ ॥
 মুনির এতেক কথা শুনি কুরুনাথ ।
 অভিমানে উরুদেশে করে করাঘাত ॥
 মৌনেতে থাকিয়া ভূমি করে নিরীক্ষণ ।
 উত্তর না পেয়ে ক্রোধে কহে তপোধন ॥
 আরে দুৰ্য্য, মম বাক্য করিলি হেলন ।
 ইহার উচিত ফল করহ শ্রবণ ॥
 যেইস্থানে অভিমানে কৈলি করাঘাত ।
 ইথে গদা মারি ভীম করিবে নিপাত ॥

শুনিয়া ব্যাকুল হৈল অন্ধ-নরপতি ।
 মূনির চরণ ধরি কারল মিনতি ॥
 আজ্ঞা কর মুনিরাজ, নহক এমন ।
 সদয় হইয়া তবে বলে তপোধন ॥
 ত্রয়োদশ-বৎসরাস্তে তব পুজগণ ।
 রাজ্য দিয়া ভজ্ঞে যদি ধর্মের চরণ ॥
 তবে হেন নহিবেক শুনহ রাজন্ ।
 না করিলে মম বাক্য নহিবে লজ্জন ॥
 তবে ধৃতরাষ্ট্র হৈল মলিন-বদন ।
 জিজ্ঞাসিল, কহ, শুন কিম্বার-নিধন ॥
 কিরূপে পাণ্ডুর স্ত্রী মারিল কিম্বারে ।
 কোথায় বসতি তার, কত বল ধরে ॥
 মূনি বলে, আমি আর না বসি হেথায় ।
 দুর্ঘোষাধন স্থখী নহে আমার কথায় ॥
 শুনিলারে ইচ্ছা যদি আছয়ে তোমার ।
 বিদুরে জিজ্ঞাস, পাবে সব সমাচার ॥
 এত বলি মহামুনি করিল গমন ।
 বিদুরে জিজ্ঞাসে তবে অম্বিকা-নন্দন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৬। কিম্বার-বধোপাখ্যান ।

ধৃতরাষ্ট্র কহে, কহ বিদুর স্ত্রজন ।
 কিরূপে করিল ভীম কিম্বার-নিধন ॥
 এত শুনি উঠি গেল দুই দুর্ঘোষাধন ।
 ক্রতা বলে, শুন রাজা, কিম্বার-নিধন ॥
 যে-কর্ম করিল রাজা, বীর বৃকোদর ।
 করিতে না পারে কেহ স্রাস্ত্র-নর ॥
 হেথা হৈতে পাণ্ডবেরা যবে গেল বন ।
 পাইল তৃতীয়-দিনে কাম্যক-কানন ॥

সেই বনে নিবসে কিম্বার নিশাচর ।
 দেবের অবধ্য, পরাক্রমে পুরন্দর ॥
 নিঃশব্দে পাণ্ডবগণ যান কাম্যবন ।
 ধাইল মনুষ্য দেখি রাক্ষস দুর্জ্জন ॥
 দুই-হস্তে আগুলিল পাণ্ডবের পথ ।
 হনুমান-অগ্রে যেন মৈনাক-পর্বত ॥
 রাক্ষসী মায়ায় কৈল ঘোর অন্ধকার ।
 মুখ মেলি আসে যেন গিলিতে সংসার ॥
 নাকের নিঃশ্বাসে উড়ি যায় তরুগণ ।
 চতুর্দিকে পশুগণ করয়ে গর্জ্জন ॥
 পাণ্ডব দেখিল, আসে রাক্ষস দুর্জ্জন ।
 ভয়েতে দ্রৌপদী-দেবী মূদিল নয়ন ॥
 ব্যস্ত হ'য়ে পঞ্চজন-মধ্যে লুকাইল ।
 অস্ত্র ধরি বৃকোদর আত্মতা করিল ॥
 জানিয়া রাক্ষসী মায়া ধোম্য তপোধন ।
 রক্ষোহ্ন মস্ত্রেতে কৈল মায়া-নিবারণ ॥
 অন্ধকার গেল, দৃষ্ট হৈল নিশাচর ।
 জিজ্ঞাসা করেন তারে ধর্ম-নৃপবর ॥
 কি নাম, কে তুমি, হেথা এলে কি-কারণ ।
 কি করিব প্রীতি তব, কহ প্রয়োজন ॥
 কিম্বার বলিল, আমি নিশাচর-জাতি ।

কাম্যক-অরণ্য-মধ্যে আমার বসতি ॥
 মনুষ্য তপস্বী খাষি যত বিপ্রগণ ।
 যারে পাই, ধ'রে করি উদর-পূরণ ॥
 দৈবে মোরে ভক্ষ্য আমি মিলাইল বিধি ।
 দরিদ্র পাইল যেন মহারত্ন-নিধি ॥
 কে তুমি, কোথায় যাহ, কিবা নাম শুনি ।
 কি-কারণে কাম্যবনে এ-ঘোর-রজনী ॥
 সুধিষ্ঠির বলে, আমি পাণ্ডুর নন্দন ।
 আমি ধর্ম, এই মম ভাই চারিজন ॥

রাজ্যভ্রষ্ট হ'য়ে মোরা আসিনু হেথায় ।
কিছুদিন কাটাইব তোমার আশ্রয় ॥
ভাল-ভাল বলি বলে দুই নিশাচর ।
যাহারে খুঁজিয়া ফিরি দেশ-দেশান্তর ॥
মোর ভ্রাতা একচক্রা-নগরেতে ছিল ।
এই দুই ভীম তারে সংহার করিল ॥
ব্রাহ্মণের গৃহে দুই ছিল দ্বিজবেশে ।
সেইহেতু সদা আমি আমি দেশে-দেশে ॥
আমার পরম-সখা হিড়িম্বা মারিল ।
তার স্বসা হিড়িম্বাকে বিবাহ করিল ॥
রাক্ষসের বৈরী ভীম, জানে সর্বজন ।
মম হস্তে হবে তার অবশ্য মরণ ॥
ভীম-রক্তে করি বক-ভ্রাতার তর্পণ ।
অগ্নিতে পোড়ায় মাংস করিব ভোজন ॥

রাক্ষসের হেন রূঢ়-বচন শুনিয়া ।
বেগে ভীম একরূক্ষ আনে উপাড়িয়া ॥
গাণ্ডীব-ধনুকে গুণ দিলা ধনঞ্জয় ।
তারে নিবারিয়া ভীম নিশাচরে কয় ॥
ভ্রাতৃ সখা-শোকে দুই করিস্ বিলাপ ।
আজি তাহা-সবা-সহ করাব আলাপ ॥
মুহূর্তেক রহ দুই, পলাইস্ পাছে ।
বকেব দোসর করাইব এই গাছে ॥

এত বলি প্রহারিল বীর বৃকোদর ।
বৃকোদরে বজ্র যেন মারে পুরন্দর ॥
না কম্পিল রাক্ষস, অটল গিরিবর ।
দক্ষ-কার্ঠদণ্ড হানে ভীমের উপর ॥
দণ্ড নিবারিল ভীম সব্য-পদাঘাতে ।
পদ্যবন ভাঙ্গে যেন মাতঙ্গ কোপেতে ॥
করাঘাতে পদাঘাতে মুণ্ডে-মুণ্ডে বাড়ি ।
আঁচড় কামড় চড় ভুজ্জে-ভুজ্জে তাড়ি ॥

দৌহার উপরে দৌহে বজ্রমুষ্টি মারে ।
শরবনে অগ্নি যেন চড়-চড় করে ॥
হেনমতে মুহূর্তেক হইল সময় ।
মহাভয়ঙ্কর, যেন দানব-অমর ॥
কৌরবের প্রতি ক্রুদ্ধ, আর মগ্ন দুঃখে ।
তাহে আরো নিশাচর পড়িল সম্মুখে ॥
ক্ষুধিত গরুড় যেন ভুজঙ্গ পাইল ।
জলন্ত অনলে যেন পতঙ্গ পড়িল ॥
ভয়ঙ্কর-বেশে ভীম করিল দলন ।
বলবন্ত রাক্ষস সহিল কতক্ষণ ॥
অতিক্রোধে ভীমসেন ধরিল রাক্ষসে ।
পৃষ্ঠে জামু দিয়া পুনঃ ধরে পদে কেশে ॥
মধ্যেতে ভাসিয়া তারে কৈল দুইখান ।
মহানাদ করি তুই ত্যজিল পরাণ ॥
হুই হ'য়ে চারি-ভাই দিল আলিঙ্গন ।
সাধু-সাধু প্রশংসা করিল মুনিগণ ॥

দ্রৌপদীয়ে আশ্বাসিয়া কহে বৃকোদর ।
এইমত সব শত্রু যাবে যমঘর ॥
এইরূপে কিম্বারে মারিল বৃকোদর ।
তথায় যখন যাই শুন নৃপবর ॥
পথে দেখি পড়িয়াছে পর্বত-প্রমাণ ।
জিজ্ঞাসিনু আমি তবে মুনিগণ-স্থান ॥
মুনিমুখে শুনিলাম সর্ব-বিবরণ ।
শুনিয়া নিঃশব্দ হৈল অম্বিকা-নন্দন ॥
পাণ্ডুপুত্র-কথা শুনি হৈল ছম্ভজান ।
নিঃশ্বাস ছাড়িল রাজা হ'য়ে চিন্তাবান ॥
অরণ্য-পর্বের কথা অমৃত-সমান ।
কাশীরাম দাস কহে, সাধু করে পান ॥

৭। কাম্যকবনে পাণ্ডবদিগের নিকট
শ্রীকৃষ্ণাদিব গমন।

বনে যদি গেল পঞ্চ পাণ্ডুর-নন্দন।
দেশে-দেশে এই বার্তা পায় রাজগণ ॥
ভোজ-বৃষ্টি-অঙ্ককাদি যত নৃপগণ।
কৃষ্ণের সহিত গেল কাম্যক-কানন ॥
পাঞ্চাল-রাজের পুত্র সহ-অনুগত।
ধৃষ্টদ্যুম্ন ধৃষ্টকেতু আর বন্ধু যত ॥
যুধিষ্ঠিরে বেড়ি সবে বসে চতুর্ভিত।
পাণ্ডবের বেশ দেখি হইল বিস্মিত ॥
যুধিষ্ঠিরে সম্বোধিয়া কহেন ত্রিপতি।
কেমন আছেন এই অরণ্যে সম্প্রতি ॥

শুনিয়া কৃষ্ণের কথা ক'ন যুধিষ্ঠির।
তোমাতে দেখিয়া মন হইল স্থস্থির ॥
শুন হে কেশব, তুমি কর অবগতি।
তোমার অসীম কৃপা পাণ্ডবের প্রতি ॥
স্নেহশীল সদা তুমি আমা-সবা-প্রতি।
বিপদে সম্পদে রক্ষিতেছ বিশ্বপতি ॥
সর্বদাই কর তুমি মোদিগে স্মরণ।
তাই মোরা-সবে আছি জীবিত এখন ॥
কুশ্মমাতা থাকি যথা জলের ভিতর।
জীবিত রাখয়ে তার শাবক-নিকর ॥

আত্মদুঃখ কহিতে লাগিল পঞ্চজন।
হেন কৰ্ম করিল পাপিষ্ঠ দুর্যোগ্যধন ॥
সে-জন বধের যোগ্য কহে ধর্ম্মনীত।
গোবিন্দ বলেন, ইহা আমার বিহিত ॥
ক্রোধেতে কম্পিত অঙ্গ কমললোচন।
সবিনয়ে ধনঞ্জয় করে নিবেদন ॥

ধর্ম্মেতে ধার্ম্মিক তুমি হও সত্যবাদী।
সদয়-হৃদয় তুমি বিধাতার বিধি ॥
অক্রোধী অলোভী তুমি, দীনে ক্ষমাবন্ত।
তোমার এতেক ক্রোধ, না পাই তদন্ত ॥
নারায়ণ-রূপে তুমি হইলা তপস্বী।
করিলা তপস্যা গন্ধমাদনে নিবসি ॥
পুষ্কর-তীরেতে দশ-সহস্র বৎসর।
একপদ বাতাহার উল্লু ছুই-কর ॥
বদরিকাশ্রমে তুমি শতেক-বৎসর।
দেবমানে তপশ্চর্যা কৈলা দামোদর ॥
কৃপায় করহ তুমি সবার পালন।
ইঙ্গিতে করহ ক্ষয়, ইঙ্গিতে সৃজন ॥
তুমি ত নিগুণ, কিন্তু গুণেতে পূরিত।
হেন ক্রোধ দেখি তব হইলু বিস্মিত ॥
এতেক বলেন যদি বীর ধনঞ্জয়।
তঁাহারে কহেন তবে দেবকী-তনয় ॥
তোমায় আমায় কিছু নাহিক অন্তর।
আমি নারায়ণ ঋষি, তুমি হও নর ॥
পাণ্ডবে আমায় আর নাহি ভেদলেশ।
সহিতে না পারি আমি পাণ্ডবের ক্লেশ ॥
যে তোমাতে দ্বেষ করে, দ্বেষে সে আমারে।
তোমাতে যে স্নেহ করে, সে মোরে আদরে ॥
তুমি হও আমার হে, আমি যে তোমার।
যে-জন তোমার পার্থ, সে-জন আমার ॥
এতেক বলেন কৃষ্ণ কমললোচন।
ভাল-ভাল বলিয়া কহিল রাজগণ ॥
হেনকালে উপনীত দ্রুপদ-নন্দিনী।
কৃষ্ণের অগ্রেতে বলে করি যোড়পাণি ॥

অসিত-দেবল-মুখে শুনিয়াছি আমি ।
 নাভিকমলেতে অঁকি সজিয়াছ তুমি ॥
 আকাশ তোমার শির, পাতাল চরণ ।
 পৃথিবী তোমার কটি, অজি গিরিগণ ॥
 শিব-আদি যত যোগী তোমাতে ধোয়ায় ।
 তপস্বী করিয়া তপ সমর্পে তোমায় ॥
 সৃষ্টি-স্থিতি-প্রলয় ইঙ্গিতে তব হয় ।
 সবার ঈশ্বর তুমি মুনিগণে কয় ॥
 অনাথের নাথ তুমি, নিধনের ধন ।
 সে-কারণে তব পাশে করি নিবেদন ॥
 দুঃখ-দুঃখ কহিতে সবার তুমি স্থান ।
 মম দুঃখ কহি কিছু, কর অবধান ॥
 পাণ্ডবের ভার্য্যা আমি দ্রুপদ-নন্দিনী ।
 তব প্রিয়সখী আমি, অর্জুন-ভামিনী ॥
 হেন নারী কেশে ধরি লইল সভায় ।
 চূর্ভাষা কহিল যত, কহনে না যায় ॥
 স্ত্রীধর্ম্মে ছিলাম আমি একবস্ত্র পরি ।
 অনাথার প্রায় বলে লয় কেশে ধরি ॥
 যদুবংশ পাঞ্চাল পাণ্ডবগণ জীতে ।
 দাসীকর্ম্ম বিধিমতে বলিল করিতে ॥
 ভীষ্ম দ্রোণ ধৃতরাষ্ট্র ছিল বিচ্যমান ।
 সবে বসি দেখিলেন মোর অপমান ॥
 সবে বলে পাণ্ডুপুত্র বড় বলবন্ত ।
 এত-দিনে সে-সবার পাইলাম অন্ত ॥
 ধর্ম্মপত্নী আমি, হেন কহে সর্ব্বলোকে ।
 এই পঞ্চজন সভামধ্যে বসি দেখে ॥
 ধিক্ ধিক্ ভীম-বীর, ধিক্ ধনঞ্জয় ।
 অকারণে গাণ্ডীব-ধনুক কেন বয় ॥
 পূর্বেতে এমন আমি শুনেছি বিধান ।
 স্ত্রী-কষ্ট না দেখে কতু থাকি বিচ্যমান ॥

হীনবলা হৈলে ভার্য্যা রাখে তারে স্বামী ।
 সে-কারণে এ-সবার নিন্দা করি আমি ॥
 পুত্ররূপে জন্মে লোকে ভার্য্যার উদরে ।
 সেইহেতু জায়া বলি বলয়ে ভার্য্যারে ॥
 ভার্য্যা ভীতা হৈলে লয় স্বামীর শরণ ।
 শরণ যে লয়, তারে করয়ে রক্ষণ ॥
 নিলাম শরণ আমি এ-পঞ্চজনারে ।
 কেন এরা রক্ষা নাহি করিল আমারে ॥
 বক্ষ্যা নহি দেব, আমি হই পুত্রবতী ।
 পুত্রমুখ চাহি না করিল অব্যাহতি ॥
 হীনবীর্য্য নহে মোর যত পুত্রগণ ।
 মহাতেজা, তব পুত্র প্রহ্লাদ যেমন ॥
 তবে কেন দুষ্কের সহিল হেন কর্ম্ম ।
 কপটে জিনিল মিথ্যা করিয়া অধর্ম্ম ॥
 দাসরূপে সভাতলে বসি সবে দেখে ।
 মোর অপমান করে যত দুষ্ঠলোকে ॥
 গাণ্ডীব বলিয়া ধনু ধনঞ্জয় ধরে ।
 পৃথিবীতে গুণ দিতে কেহ নাহি পারে ॥
 ধনঞ্জয় কিংবা ভীম আর পার তুমি ।
 তবে কেন এত সহে, নাহি বুঝি আমি ॥
 ধিক্ ধিক্ মম নাথ পাণ্ডুপুত্রগণ ।
 এত করি অত্যাধি জীয়ে দুর্ঘ্যোজন ॥
 বাণ্যকাল হ'তে যত করে সেইজন ।
 অগোচর নহে সব, জান নারায়ণ ॥
 কপটে বিষের লাড়ু ভীমে খাওয়াইল ।
 হস্ত-পদ বান্ধি গঙ্গাজলে ফেলি দিল ॥
 জতুগৃহ করিয়া রহিতে দিল স্থান ।
 ধর্ম্ম হৈতে অগ্নিতে পাইল পরিত্রাণ ॥
 রাজ্য-ধন ল'য়ে তবে পাঠাইল বনে ।
 এতক সহিল কষ্ট কিসের কারণে ॥

সভায় বসিয়া দেখে স্বামী পঞ্চজন ।

দুঃশাসন হরে মম পিঙ্কন-বসন ॥

এতেক বলিয়া কৃষ্ণ বলে সর্বজনে ।

তোমরা আমার নহ, জানিহু এক্ষণে ॥

থাকিলে কি হবে পতি সভার ভিতরে ।

এতেক দুর্গতি মম ক্ষুদ্রলোকে করে ॥

এতেক বলিয়া কৃষ্ণ কান্দে উচ্চৈঃস্বরে ।

বারিধারা নয়নেতে অনিবার বরে ॥

পুনঃ গদগদ-বাক্যে বলয়ে পার্শ্বতী ।

নাহি মোর তাত-ভ্রাতা, নাহি মোর পতি ॥

তুমি অনাথের নাথ বলে সর্বজনে ।

চারি-কর্ণে আছি নাথ, তোমার রক্ষণে ॥

সম্বন্ধে গৌরবে স্নেহে আর প্রভুপণে ।

দাসীজ্ঞানে মোরে প্রভু, রাখিবা চরণে ॥

গোবিন্দ বলেন, সখি, না কর ক্রন্দন ।

তোমার ক্রন্দনে মম স্থির নহে মন ॥

তোমারে বিবস্ত্রা যবে করে দুঃশাসন ।

শ্রীমধুসূদন বলি ডাকিলে যখন ॥

তখনি হ'য়েছে মম প্রাণে মহাঘাত ।

যাবৎ কপটা দুষ্ঠ না হয় নিপাত ॥

যেইমত কৃষ্ণ তুমি করিছ রোদন ।

এইমত কান্দিবে সে-সবার স্ত্রীগণ ॥

তোমার সাক্ষাতে আমি কহি সত্য করি ।

না করিলে বৃথা বাহুদেব নাম ধরি ॥

আকাশ ভাঙ্গিয়া পড়ে, শিলা জলে ভাসে ।

অনল শীতল হয়, সপ্তসিদ্ধি শোষে ॥

তথাপি আমার বাক্য না হইবে আন ।

দিনকত কল্যাণি, থাকহ সাবধান ॥

এতেক শুনিয়া কহিলেন ধনঞ্জয় ।

কৃষ্ণের বচন দেবি, কভু মিথ্যা নয় ॥

যাহা কহিলেন কৃষ্ণ, হবে সেইমত ।

অকারণে কান্দ কেন অজ্ঞানের মত ॥

স্বসার ক্রন্দন দেখি ধৃষ্টদ্যুম্ন বীর ।

সজল-নয়নে কহে, কম্পিত-শরীর ॥

এতেক লাঞ্ছনা কেবা ক্ষত্র হ'য়ে সয় ।

নিকটে না ছিনু আমি, কুরু-ভাগ্যোদয় ॥

তথাপি কোরবগণে করিব সংহার ।

শুন যত রাজগণ প্রতিজ্ঞা আমার ॥

যেই দ্রোণ গুরু বলি গর্ব্ব করে মনে ।

মম ভার রৈল তারে সংহারিতে রণে ॥

পিতামহ ভীষ্ম যে অজ্ঞেয় তিনলোকে ।

তাঁহাকে মারিতে ভার রৈল শিখণ্ডীকে ॥

সূতপুত্র অর্জুনের না ধরিবে টান ।

ভীমহস্তে শতভাই ত্যজিবে পরাণ ॥

জগতে গোবিন্দাশ্রিত আমরা যে সব ।

ইন্দ্রকে জিনিতে পারি, কি ছার কোরব ॥

এত বলি করে কর কচালে পাঞ্চাল ।

প্রতিজ্ঞা করয়ে জনে-জনে মহীপাল ॥

অরণ্য-পর্ব্বের কথা শ্রবণে অমৃত ।

কাশীরাম কহে, সাধু গিয়ে অনুব্রত ॥

৮। শাৰ-দৈত্যের গহিত কামদেবের বৃদ্ধ ।

মধুর-বচনে তবে ক'ন জগন্নাথ ।

যুধিষ্ঠির-অগ্র্যে ঘোড় করি পদ্যাহাত ॥

দ্বারকা ছাড়িয়া আমি দূরে নাহি গেলে ।

নিবৃত্ত করিতে আসিতাম দ্যুতকালে ॥

অন্ধেরে নিবৃত্ত করিতাম শাস্ত্র ব'লে ।

পাশা-আদি নীচকর্মে বহু দোষ ফলে ॥

হর্যাপান দ্যুতক্রীড়া যুগ্মা রমণী ।

এ-চারি অনর্থ-হেতু, করে লক্ষ্মীহানি ॥

বিশেষে দেবন দোষ ধর্মশাস্ত্রে কয় ।
 পাশায় এ-সব দোষ এককণ্ঠে হয় ॥
 বিধিতে দ্যুত করিতাম নিবারণ ।
 না শুনিলে রণ করিতাম সেইকণ ॥
 নতুবা পাশাকে চক্রে করিতাম ছেদ ।
 আমি হেথা থাকিলে না হ'তো ভেদাভেদ ॥
 এ-সকল বৃত্তান্ত কহিল যুযুধান^১ ।
 শ্রুতমাত্র নৃপতি, এলাম তব স্থান ॥
 তোমার এ-বেশ, বনে ফল-মূল্যহার ।
 তব দুঃখ নয় রাজা, সকলি আমার ॥
 যুধিষ্ঠির বলিলেন, শুন নারায়ণ ।
 আসিতে বলিষ্য এত কিসের কারণ ॥
 মুহূর্ত্তেকে ভ্রমিবারে পার তিনপুর ।
 তোমার হস্তিনাপুর কত আর দূর ॥

গোবিন্দ বলেন, রাজা, নহে অপ্রমাণ ।
 যেই-হেতু নাহি আসি, কর অবধান ॥
 শাল্য-নামে মহাবল দৈত্যের ঈশ্বর ।
 সসৈন্যে বেড়িয়াছিল দ্বারকানগর ॥
 তব রাজসূয় হ'তে গেলাম যখন ।
 সবারে পীড়িল দুষ্ঠ করি মায়া-রণ ॥
 আমার সহিত যুদ্ধ হ'ল বহুতর ।
 বহুক্ষেপে মারিলাম তারে নরেশ্বর ॥

এত শুনি যুধিষ্ঠির পুনঃ জিজ্ঞাসিল ।
 কহ শুনি, শাল্য কেন দ্বারকা হিংসিল ॥
 তোমার সহিত কেন বৈরিতা হইল ।
 কার হিত-কারণ সে দ্বারকা আইল ॥
 কোন্ মায়া ধরে দুষ্ঠ, করে কত রণ ।
 বিস্তারি আমারে কহ শ্রীমধুসূদন ॥

গোবিন্দ বলেন, শুন পাণ্ডুর নন্দন ।
 তব রাজসূয়-যজ্ঞ অনর্থ-কারণ ॥
 শিশুপাল আমা হৈতে হইল নিধন ।
 সেই বৈরবৃক্ষ-বীজ হইল রোপণ ॥
 শিশুপাল-বিনাশন শুনি দৈত্যেশ্বর ।
 সসৈন্যে বেড়িল আসি দ্বারকা-নগর ॥
 দ্বারকার লোক তার আগমন শুনে ।
 উগ্রসেন-আদি সবে সাজিলেন রণে ॥
 দ্বারকা পশিতে যত নৌকাপথ ছিল ।
 সকল স্থানের নৌকা ডুবাইয়া দিল ॥
 লোহার কণ্টক-সব পোতাইল পথে ।
 ক্রোশেক পর্য্যন্ত বিষ রাখিল জলেতে ॥
 ধন-রত্ন রাখে সব গর্তের ভিতর ।
 রক্ষক উদ্ধব উগ্রসেন নৃপবর ॥
 আসিতে যাইতে লোক করে নিবারণ ।
 বিনা-চিহ্নে তথা নাহি চলে কোনজন ॥
 চিহ্ন পেলে রক্ষকেরা ছাড়ি দেয় পথ ।
 দৈত্যভয়ে অরপুর রাখে যেইমত ॥
 সৌভপতি^২ আইল সে চতুরঙ্গ-দলে ।
 পৃথিবী কম্পিত হ'ল সৈন্য-কোলাহলে ॥
 চতুর্দিকে দ্বারকা সে রহিল বেড়িয়া ।
 বহুসৈন্য জলস্থল রহিল যুড়িয়া ॥
 চৈত্যবৃক্ষ দেবালয় বন্যাক শ্মশান ।
 এইসব ছাড়ি দৈত্য বেড়ে সর্বস্থান ॥
 দেখিয়া দৈত্যের সৈন্য বৃষ্টিবংশগণ ।
 বাহির হইল সবে করিবারে রণ ॥
 চারুদেশ্য গদশাস্ত্র প্রচ্যুত সারণ ।
 সসৈন্যে বাহির হৈল করিবারে রণ ॥

কেমরুদ্ভি-নামেতে শাল্বে সেনাপতি ।
 সে যুদ্ধ করিল শাস্ত্র-কুমার-সংহতি ॥
 মহাবল শাস্ত্র জ্ঞানবতীর নন্দন ।
 অস্ত্রবুষ্টি কৈল, যেন জল-বরিষণ ॥
 সহিতে না পারি রণে ভঙ্গ দিয়া গেল ।
 কেমরুদ্ভি-ভঙ্গ দেখি সৈন্য পলাইল ॥
 বেগবান্-শ্রামে দৈত্য আছিল তাহাতে ।
 আশু হ'য়ে যুদ্ধ দিল শাস্ত্রের সহিতে ॥
 শাস্ত্রের হস্তেতে মহাগদা যে আছিল ।
 তাহার প্রহারে বেগবান্ সে পড়িল ॥

দানব বিবিক্ত্য-নামে আসি গোড়াইল ।
 চারুদেষ্ণ সহ তার মহাযুদ্ধ হৈল ॥
 মহাবীর চারুদেষ্ণ রুষ্ণিগী-তনয় ।
 অগ্নিবাণে সকলি করিল অগ্নিময় ॥
 সেই বাণে ভস্ম হৈল বিবিক্ত্য অশ্বর ।
 যার ভয়ে সদাই কম্পিত হ্রস্পুর ॥

সেনাপতি পড়িল, পলায় সেনাগণ ।
 সৈন্যভঙ্গ দেখি শাল্বে আইল তখন ॥
 জিনিয়া মেঘের ধ্বনি তাহার গর্জ্জন ।
 দেখি ভয়যুক্ত হৈল দ্বারকার জন ॥
 সৌভ-নামে পুরী তার কামচর-গতি ।
 ক্রণেকে আকাশে উঠে, ক্রণে বৈসে ক্ষিতি ॥
 অশ্ব-রথ-পদাতিক না যায় গণন ।
 বিষম আয়ুধ ধরে যত সেনাগণ ॥
 শাল্বে দেখি বিকম্পিত হৈল সব বীর ।
 বাহির হইল কাম নির্ভয়-শরীর ॥
 নির্ভয় হইল যত দ্বারকার জনে ।
 আইল মকরধ্বজ রথ-আরোহণে ॥

অপ্রমিত যুদ্ধ হৈল শাল্বে সংহতি ।
 অঞ্জন-পর্বত-তুল্য শাল্বে দৈত্যপতি ॥
 মর্শ্বেভেদী বাণ এক প্রচ্যুত ছাড়িল ।
 কবচ ভেদিয়া শাল্বে-হৃদয়ে ভেদিল ॥
 মুচ্ছিত হইয়া শাল্বে রথেতে পড়িল ।
 দেখিয়া যাদব-বল চৌদিকে বেড়িল ॥
 হাহারবে কান্দয়ে যতক দৈত্যগণ ।
 কতক্ৰণে শাল্বে-রাজ পাইল চেতন ॥
 গর্জ্জি উঠি দিল শাল্বে ধনুকে টঙ্কার ।
 পলায় যাদব-বল শুনি শব্দ তার ॥
 বহু-মায়া জানে শাল্বে মায়ার নিধান ।
 কামদেবে প্রহারিল তীক্ষ্ণ-তীক্ষ্ণ বাণ ॥
 মোহ হৈল প্রচ্যুত মায়ার-অস্ত্রাঘাতে ।
 মুচ্ছিত হইয়া কাম পড়িলেন রথে ॥

কামদেব-মূর্ছা দেখি দারুক-সন্ততি ।
 রথ ফিরাইয়া পলাইল শীঘ্রগতি ॥
 কতক্ৰণে সচেতন হৈল মম স্তত ।
 সারথিরে নিন্দা করি বলয়ে বহুত ॥
 কি-কর্ম করিলে তুমি দারুক-নন্দন ।
 মম রথ ফিরাইলে কিসের কারণ ॥
 শাল্বে দেখি ভয় বুঝি হৈল হৃদিমাঝ ।
 সে-কারণে সারথি, করিলে হেন কাজ ॥
 রক্ষিবংশ সমরে বিমুখ কোন্ কালে ।
 কেবা অগ্রসর হবে মম শরজালে ॥

স্তত বলে, ভয় কিছু নাহিক আমার ।
 শরাঘাতে রথে মুচ্ছা হইল তোমার ॥
 রথি-মূর্ছা দেখি রথ ফিরায় সারথি ।
 নাহিক তাহাতে দোষ, আছে হেন নীতি ॥

বিশেষ গরিষ্ঠ বাক্য শুনিয়া তাহার ।

জয়ং হাসিয়া কহে রুক্মিণী-কুমার ॥
আর কভু না করিহ কৰ্ম্ম হেনমত ।
জীবন্ত থাকিতে রথী না ফিরাও রথ ॥
রুক্মিবংশে হেনরূপ কভু নাহি হয় ।
কি বলিবে শুনি জ্যেষ্ঠভ্রাত-মহাশয় ॥
কি বলিবে গদাশ্রজ জনক আমার ।
তোমা হ'তে রুক্মিবংশে হইল দিক্কার ॥
কি বলিবে সাত্যকি বা উদ্ধব শুনিয়া ।
মৃত্যু ইচ্ছা করি আমি এ-সব গণিয়া ॥
পাছে-পাছে শাস্ত্র মোরে প্রহারিবে শর ।
পলাইয়া যাব আমি স্ত্রীগণ-ভিতর ॥
দেখিয়া হাসিবে সব রুক্মিকুলনারী ।
পলাইয়া গেল বলি বহু নিন্দা করি ॥
এ-কৰ্ম্ম হইতে মৃত্যু শতগুণে ভাল ।
দ্বারকার ভার পিতা মোরে সমপিল ॥
রাজসূয়-যজ্ঞে গেলা আমারে রাখিয়া ।
কি বলিবে তাত মোরে এ-সব শুনিয়া ॥
শীত্র বাহুড়াহ রথ দারুক-নন্দন ।
এখনি যে সৌভপুরী করিব নিধন ॥

কামের এতেক বাক্য শুনিয়া সারথি ।

রণমুখে রথ চালাইল শীত্রগতি ॥
শাস্ত্রের যতেক সৈন্ত, না যায় গণন ।
কামের সম্মুখে নাহি রহে কোনজন ॥
মারিল বহুং সৈন্ত, না যায় গণনা ।
রক্তে কলকলি উঠে, আর উঠে ফেনা ॥
সৈন্তভঙ্গ দেখিয়া কুপিল দৈত্যপতি ।
নানা-অস্ত্র প্রচ্যুত্রে প্রহারে শীত্রগতি ॥
পুনঃপুনঃ মায়াবী সে হানে নানা-শর ।
সব শর ছেদ করে কাম ধনুর্ধর ॥

পরে ক্রোধে শম্বরারি নিল দিব্য বাণ ।

চন্দ্র-সূর্য্য-তেজঃ যাহে দেখি বিদ্যমান ॥
বাণমুখে উঠে অগ্নি বলকে-বলকে ।
অস্তরীক্ষবাসিগণ ধায় চতুর্দিকে ॥
অস্ত্র দেখি দেবগণ করে হাহাকার ।
শীত্র পাঠাইল তথা ব্রহ্মার কুমার ॥
বায়ুবেগে আসিলেন নারদ ঋটিতি ।
সবিনয়ে কহিলেন কামদেব-প্রতি ॥
সংবরহ এই অস্ত্র, কৃষ্ণের নন্দন ।
এই অস্ত্রে রক্ষা নাহি পায় ত্রিভুবন ॥
দৈত্যরাজ শাস্ত্র কভু তব বধ্য নয় ।
স্বহস্তে মারিবে এরে দৈবকী-তনয় ॥
এত শুনি হৃষ্ট হ'য়ে তুণে অস্ত্র থুল ।
এ-সব কারণ শাস্ত্র সকলি জানিল ॥
রণ ত্যজি সৌভপুরে উত্তরিল গিয়া ।
নিজরাজ্যে গেল তবে দ্বারকা ত্যজিয়া ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৯। ব্রীক্‌শের বৃদ্ধে শাস্ত্রদৈত্য-বধ ।

তব যজ্ঞ সাক্ষ যবে হ'ল নরপতি ।
হেথা হ'তে আমি ত গেলাম দ্বারাবতী ॥
লগ্ন-ভগ্ন-প্রায় দেখি দ্বারকা-ভবন ।
ক্ষীণকণ্ঠে করে সব বেদ-উচ্চারণ ॥
পুষ্পোদ্যানে তরুগণে লগ্ন-ভগ্ন দেখি ।
জিজ্ঞাসিলু তাপচিত্তে কৃতবর্মা ডাকি ॥

সকল কহিল তবে হৃদিক-নন্দন ।
 আছোপাস্ত যতক শাল্লের বিবরণ ॥
 শুনিয়া হৃদয়ে তাপ হইল অপার ।
 ঘরে প্রবেশিতে চিত্ত নহিল আমার ॥
 কামপাল কামদেব আলক প্রভৃতি ।
 সবারে কহিনু, যেন রাখে দ্বারাবতী ॥
 হইলাম কিছু-সৈন্ত লইয়া বাহির ।
 শাল্ল-সহ যুদ্ধে যাই সিদ্ধনদ-তীর ॥
 তথা শুনিলাম, শাল্ল আছে সিদ্ধুমাঝে ।
 সিদ্ধুমাঝে প্রবিষ্ট হইনু সেই সাজে ॥
 পাঞ্চজন্য শঙ্খনাদ শুনিয়া আমার ।
 হাসিয়া ডাকিয়া বলে শাল্ল দুরাচার ॥
 তোমারে দেখিতে গেলু দ্বারকা-নগরে ।
 না দেখি তোমারে ফিরি আসিলাম ঘরে ॥
 ভাগ্য মোর, আপনি আইলে হেথাকারে ।
 এখনি তোমারে পাঠাইব যমদ্বারে ॥

এত বলি এড়িলেক লক্ষ-লক্ষ বাণ ।
 গদা চক্র শেল শূল অস্ত্র খরশাণ ॥
 সব কাটিলাম আমি চোখ-চোখ-শরে ।
 মায়ার উঠিল শাল্ল আকাশ-উপরে ॥
 আকাশে উঠিয়া শাল্ল বহুমায়া কৈল ।
 দিবারাত্র নাহি জানি, অন্ধকার হৈল ॥
 কোটি-কোটি বাণ যে এড়িল দুষ্কমতি ।
 না দেখি রথের ঘোড়া, রথের সারথি ॥
 শৈব-সুগ্রীবাদি অশ্ব হইল অচল ।
 ডাকিল দারুক মোরে হইয়া বিহ্বল ॥
 দারুকের অঙ্গ দেখি শরেতে জর্জর ।
 তিলমাত্র অক্ষত নাহিক কলেবর ॥

শক্তিহীন, সর্ব্বাঙ্গে বহিছে রক্তধার ।
 চিত্তে চিন্তা হৈল দুঃখ দেখিয়া তাহার ॥
 হেনকালে দ্বারকা-নিবাসী একজন ।
 সম্মুখে আসিয়া কহে করিয়া ক্রন্দন ॥
 কি করহ বাহুদেব, চল শীঘ্রগতি ।
 ক্ষণমাত্র রহিলে মজ্জিবে দ্বারাবতী ॥
 শাল্লরাজ আসি আজি দ্বারকা-নগরে ।
 যুদ্ধ করি মারিলেক তোমার পিতারে ॥
 শীঘ্র করি উগ্রসেন দিল পাঠাইয়া ।
 মজিল দ্বারকাপুরী, রক্ষা কর গিয়া ॥

এত শুনি চিত্তে বড় হইল বিস্ময় ।
 পিতৃশোকে তাপ বড় জন্মিল হৃদয় ॥
 বলভদ্র-প্রহ্লাদ-সাত্যকি-আদি করি ।
 মহাবীরগণ সবে রক্ষা করে পুরী ॥
 এ-সব থাকিতে বহুদেবেরে মারিল ।
 সবাই মরিল, হেন সত্য জানা গেল ॥
 এ-তিন থাকিতে যদি দেবরাজ আসে ।
 নাহিক তাঁহার শক্তি দ্বারকা প্রবেশে ॥
 মায়াতে সকলি, হেন জানিলাম মনে ।
 পুনঃ যুদ্ধ আরম্ভ করিনু শাল্ল-সনে ॥
 আচম্বিতে দেখি শাল্ল-সৌভপুরী হ'তে ।
 কেশপাশযুক্ত পিতা পড়েন ভূমিতে ॥
 চতুর্দিকে দৈত্যগণ করিছে প্রহার ।
 দেখিয়া আমরা সব করি হাহাকার ॥
 দেখিয়া এ-সব ক্রৌড়া ব্যাকুল হইয়া ।
 জ্ঞানচ'ক্ষে চাহিলাম বিস্ময় মানিয়া ॥
 দেখিলাম সব মিথ্যা, স্বপ্নেতে যেমন ।
 মায়াতে অস্তর কৈল, এ-সব সৃজন ॥

কিস্ত কিসে ঘুচাইব অম্বরের মায়া ।
 না জানি কোথায় শাল আছে লুকাইয়া ॥
 তবে কতক্ষণে শব্দ শুনি আচম্বিতে ।
 মার-মার বলিয়া ডাকয়ে পূর্বভিতে ॥
 শব্দ-অনুসারে এড়িলাম শব্দভেদী ।
 যতেক মায়াবী দৈত্যে ফেলিলাম ছেদি ॥
 খণ্ড-খণ্ড হইয়া পড়িল দিগ্ধ-জলে ।
 কুন্তীর মকর মৎস্য ধরি সব গিলে ॥
 নিঃশব্দ হইল সব, পড়িল দানব ।
 আর কতক্ষণে শুনি দশদিকে রব ॥
 করিলাম গান্ধর্ব-অস্ত্রের নিক্ষেপণ ।
 মায়া দূর হৈল, শাল দিল দরশন ॥
 সৈন্য হত দেখিয়া দৈত্যের অধিপতি ।
 সে প্রাগ্‌জ্যোতিষপুরে গেল শীত্রগতি ॥
 তথা হৈতে বহুসৈন্য লইয়া আসিল ।
 অন্ধকার করি দৈত্য গিরি বরষিল ॥
 অনেক প্রকারে তাহা নারি নিবারিতে ।
 দেখিয়া বিস্ময় হৈল আমার মনেতে ॥
 ডুবিল আমার রথ পর্বত-চাপনে ।
 হাহাকার করয়ে আকাশে দেবগণে ॥
 মোরে না দেখিয়া ব্যাকুলিত দেবগণ ।
 আর মিত্রগণ যত করেন রোদন ॥
 বজ্রের প্রসাদে পুনঃ পাই পরিত্রাণ ।
 বজ্র-অস্ত্রে খণ্ড-খণ্ড হইল পাষণ ॥
 পর্বত কাটিয়া আমি হইনু বাহির ।
 জলদ-পটল হৈতে যেমন মিহির ॥
 পুনঃ শাল নানা-অস্ত্র করে বরিষণ ।
 যোড়হাতে দারুক করিল নিবেদন ॥

মায়ার পুতলি এই অম্বর দুঃস্থ ।
 হৃদর্শন এড়ি প্রভু, দৈত্য হবে অন্ত ॥
 দানবের সৌভপুরী রবে যতক্ষণ ।
 ততক্ষণ নহিবেক শাল্বেয় নিধন ॥
 হৃদর্শন এড়ি শীত্র কাট সৌভপুর ।
 তবে ত নিহত হবে মায়াবী অম্বর ॥
 একথা শুনিয়া ত্যাগ করিলাম চক্র ।
 দেখি দৈত্য হয় ব্যস্ত, সচকিত শক্র ॥
 আকাশে উঠিল চক্র সূর্য্যর সমান ।
 সৌভপুরী কাটিয়া করিল খান-খান ॥
 পুনরপি হৃদর্শন বাহুড়ি আইল ।
 শাল্বেরে কাটিতে পুনঃ অনুজ্ঞা লইল ॥
 গজ্জিয়া উঠিল চক্র গগন-মণ্ডলে ।
 প্রলয়ের কালে যেন শত-সূর্য্য জ্বলে ॥
 দেখি হরাস্বর সব হইল অজ্ঞান ।
 শালদৈত্যে কাটি চক্র করে খান-খান ॥
 অবশিষ্ট যত দৈত্য গেল পলাইয়া ।
 ফিরিয়া আসিনু আমি স্বদৈন্য লইয়া ॥
 এইহেতু আসিতে না পারিনু রাজন ।
 আপনার যুত্থাপথ কৈল দুর্ঘোষন ॥
 তুমি সত্যবাদী, সত্য করিবে পালন ।
 সেইহেতু দুর্ঘোষন জীয়ে এতক্ষণ ॥
 ত্রয়োদশ-বৎসরান্তে হইবে সংহার ।
 ইন্দ্র-আদি সখা হৈলে রক্ষা নাহি তার ॥
 শুন ধর্ম্ম-মহীপাল আমার বচন ।
 গ্রহদোষ হৈতে দুঃখ পায় সাধুজন ॥
 অবনীতে ছিল পূর্বে ত্রীবৎস-নৃপতি ।
 শনি-কোপে দুঃখ তিনি পাইলেন অতি ॥

চিন্তাদেবী ভাৰ্য্যা তাঁর লক্ষ্মী-অংশে জন্ম ।
 পৃথিবীতে খ্যাত আছে তাঁহাদের কৰ্ম্ম ॥
 দ্রৌপদৌর কিবা দুঃখ, শুন নৃপবর ।
 ইহা হৈতে চিন্তা দুঃখ পাইল বিস্তর ॥
 দৈবতে এ-সব হয়, শুন মহীপাল ।
 আপন-অৰ্জ্জিত কৰ্ম্ম ভুঞ্জি চিরকাল ॥
 এবে দুঃখ পাও রাজা, দৈবের বিপাকে ।
 না নিন্দ ঈশ্বরে তুমি, নিন্দ আপনাকে ॥
 মূল-কৰ্ম্ম-ফলাফল ভুঞ্জয়ে তাহাতে ।
 কৰ্ম্ম-অনুসারে জীব ভাস্ত হয় যাতে ॥

শুনিয়া কৃষ্ণের কথা অতি মনোহর ।
 কহিছেন যুধিষ্ঠির ঘোড় করি কর ॥
 কহ প্রভু, শ্রীবৎস-নৃপতি কোন্ জন ।
 কোথায় নিবাস তাঁর, কাহার নন্দন ॥
 চিন্তাদেবী কার কন্যা, কহ নারায়ণ ।
 কিরূপে পাইল দুঃখ, কহ বিবরণ ॥
 রাজপুত্র হ'য়ে দুঃখী আমার সমান ।
 আর কেবা ছিল পৃথিবীতে বিদ্যমান ॥
 কহ-কহ জগন্নাথ, শুনিতে আনন্দ ।
 মুখপদ্ম হ'তে করে বাক্য-মকরন্দ ॥
 বনপৰ্ব্ব ব্যাস-ঋষি করিল প্রকাশ ।
 ভাষায় রচিল তাহা কাশীরাম দাস ॥

১০। শ্রীবৎস-রাজের উপাখ্যান ।

শ্রীকৃষ্ণ বলেন, রাজা, করহ শ্রবণ ।
 শ্রীবৎস-রাজের কথা অপূৰ্ব্ব-কথন ॥
 পূৰ্বে চিত্ররথ ছিল পৃথিবীর পতি ।
 তৎপরে শ্রীবৎস হয় তাঁহার সন্ততি ॥

একচ্ছত্র ধরণী শাসিল নরপতি ।
 রতিপতি-সম রূপে, বুদ্ধে বৃহস্পতি ॥
 সমাগরা বহুধরা শাসি বাহুবলে ।
 সকল করিল রাজা নিজ-করতলে ॥
 রাজসূয় অশ্বমেধ করে শত-শত ।
 দানেতে দরিদ্রগণে তোষে অবিরত ॥
 অপ্রমিত গুণ তাঁর বর্ণন না যায় ।
 ধার্মিক তাঁহার তুল্য নাহিক ধরায় ॥
 যে যাহা প্রার্থনা করে, তাহা দেন তারে ।
 দেহরক্ষা-হেতু প্রাণ নাহি দেন কারে ॥
 চিত্রসেন-রাজকন্যা তাঁহার মহিষী ।
 চিন্তা-নামে পতিব্রতা পরম-রূপসী ॥
 শত-শত চান্দ্রায়ণ, কত মহাদান ।
 করিয়াছে কেবা হেন চিন্তার সমান ॥
 রাজা-রাণী ধৰ্ম্ম-কৰ্ম্ম যা করে যখন ।
 ঈশ্বরে অর্পণ করে হ'য়ে শুদ্ধমন ॥
 একগুণ দান করি শতগুণ পায় ।
 এইরূপে শ্রীবৎসের কতকাল যায় ॥
 শুন সে অপূৰ্ব্ব-কথা, ধর্ম্মের নন্দন ।
 তৎপরে হইল যাহা দৈবের ঘটন ॥

একদিন লক্ষ্মী আর শনি-মহাশয় ।
 উভয়েতে বাগ্‌যুদ্ধ হয় অতিশয় ॥
 লক্ষ্মী কহে, আমি শ্রেষ্ঠা সকল সংসারে ।
 স্বর্গ-মর্ত্য-পাতালেতে কে ছাড়ে আমারে ॥
 কেমনে বলিলে শনি, তুমি শ্রেষ্ঠজন ।
 ত্রিভুবন-মধ্যে তোমা কে করে অর্চন ॥
 এইরূপে দুইজনে হৈল অকৌশল ।
 পণ করি দুইজনে আসে ভূমণ্ডল ॥

লক্ষ্মী কহে, ত্রিবেঙ্গ-নৃপতি বিচক্ষণ ।
ইহার মধ্যস্থ তবে হউক সে-জন ॥
সূর্য্যপুঞ্জ^১ সিদ্ধকণ্ঠ্য^২ উভয়ে ষরিত ।
রাজার পুরেতে আসি হন উপস্থিত ॥
ত্রিবেঙ্গ-নৃপতি যান স্নান করিবারে ।
দুইজন উপনীত দেখিলেন দ্বারে ॥
দেখি ব্যস্ত নরপতি রহে যোড়করে ।
প্রণাম করিয়া কহে মুহু-মুহু-স্বরে ॥
কি-কারণে আগমন হ'য়েছে এ-স্থানে ।
শনি কহে, কার্য্য আছে তব সম্মিথানে ॥
আমা দৌহাকার মধ্যে জ্যেষ্ঠ কোন্ জন ।
বিচারিয়া কহ রাজা, তুমি বিচক্ষণ ॥

এত শুনি কহে রাজা বিনয়-বচনে ।
শীমাংসা করিব কল্য, যাহা লয় মনে ॥
এই বাক্য কহি দৌহে করেন বিদায় ।
স্নান করি নিজালয়ে আসিলেন রায় ॥
রাগীরে কহিল রাজা এই বিবরণ ।
শুনিয়া হইল রাগী বিষণ্ণ-বদন ॥
অমরে-অমরে দ্বন্দ্ব করি দুইজনে ।
মনুষ্যে মধ্যস্থ মানি আসে কি-কারণে ॥
ভাল ত লক্ষণ রাজা, নহে এ-সকল ।
না জানি, কি হয়, বুঝি মম কর্ম্মফল ॥
রাজা বলে, চিন্তাদেবি, চিন্তা কর মিছা ।
হইবে যখন যাহা, ঈশ্বরের ইচ্ছা ॥
কাল বলবান্ দেবি, জানিহ নিশ্চয় ।
কালপ্রাপ্ত হৈলে নর যুভ্যবশ হয় ॥
এমত চিন্তায় গত দিবস-শরৎকালী ।
কাশীরাম কহে, সাধু শুনে কর্ণ ভরি ॥

১১। ত্রিবেঙ্গ-রাজের নিকট শনি ও
লক্ষ্মীর আগমন ।

প্রভাতে উঠিয়া রাজা, লইয়া সকল প্রজা,
মজ্জণা করেন এই সার ।
বচন নাহিক কবে, অথচ বিচার হবে,
ইথে ভার ইস্ট দেবতার ॥
এত বলি অনুচরে, আজ্ঞা দেন নরবরে,
আন দুই দিব্য-সিংহাসন ।
এক স্বর্ণে বিনির্ম্মিত, অন্য রৌপ্যে বিরচিত,
দুই-পার্শ্বে দুয়ের স্থাপন ॥
আসনের নানা-সাজ, সাজাইয়া মহারাজ,
আপনি বসিল মধ্যস্থলে ।
কমলা শনির সাথে, আসিল বৈকুণ্ঠ হ'তে
বসিলেন আসন বিমলে ॥
সন্মুখে দাঁড়ায়ে রাজা, বিধিমত করি পূজা,
প্রকাশিয়া মহতী ভকতি ।
কৃতাজ্জলি প্রণিপাতে, দাঁড়াইল যোড়হাতে,
বহুবিধ করিলেন স্তুতি ॥
হইয়া আহ্লাদযুতা, বসিলা জলধি-স্থতা,
স্বর্ণচ্ছত্রে সিংহাসনোপরে ।
বামে শনি-মহাশয়, আসন রক্ততমর,
রবি-শশী যেন তমো হরে ॥
বসিলেন তিনজনে, নানা-কথা-আলাপনে,
রাজার পীযুষ-বাক্য শুনি ।
সংসার-সাগরে সেতু, জীব তরবার হেতু,
রচিলেন ব্যাস মহামুনি ॥

কাশীরাম দাসে কয়, তরিবারে ভব-ভয়,
না হইবে জঠর-যন্ত্রণা ।
কৃষ্ণ-নাম কর সার, জনম না হবে আর,
মম বাক্য শুন সর্বজন ।

১২। শ্রীবৎস-রাজের বিচার ও
শনির কোপ ।

দুই সিংহাসনে তবে বসি দুইজন ।
কথার প্রসঙ্গে নৃপে জিজ্ঞাসে তখন ॥
কহ তুপ, এ-দুয়ের শ্রেষ্ঠ কোন্ জন ।
শুনিয়া হাসিয়া রাজা বলেন বচন ॥
আসন-ছত্রেতে বিধি বুঝি লহ মনে ।
বামে বসে সাধারণ, প্রধান দক্ষিণে ॥
শুনি শনি হন অতি কোপাশ্রিত-মন ।
মানমুখ হ'য়ে তিনি করেন গমন ॥
লক্ষী কহিলেন, তুষ্টা করিলে আশায় ।
অচলা হইয়া র'ব তোমার আলয় ॥
আশীর্বাদ করি দেবী করেন গমন ।
বিষয় হইয়া রাজা ভাবেন তখন ॥

এরূপে শ্রীবৎস-রাজ বঞ্চে কতদিন ।
ছিত্রে-অশ্বেষণে শনি ভ্রমে অনুদিন ॥
শুন রাজা যুধিষ্ঠির ধর্ম-অবতার ।
দৈবতে কুগ্রহ ঘটে শ্রীবৎস-রাজার ॥
জ্ঞান করি সিংহাসনে বসে নরপতি ।
হেনকালে শুন রাজা, দৈবের কুগতি ॥
তথা কৃষ্ণবর্ণ এক কুকুর আসিয়া ।
সেই জল অকস্মাৎ খাইল চাটিয়া ॥

এই ছিত্রে দেখি শনি প্রবিষ্ট হইল ।
ক্রমে-ক্রমে বুদ্ধিহ্রাস ঘটিতে লাগিল ॥
বিষম শনির কোপ বাড়ি অনুদিন ।
ক্রমে রাজা হৈল সব বিভবাদিহীন ॥
অকস্মাৎ পড়ে গৃহ মন্দির-প্রাচীর ।
শতশত মঞ্চ ভাঙ্গে, সুন্দর মন্দির ॥
অকস্মাৎ কোনস্থানে অগ্নিদাহ হয় ।
দিবস-রজনী প্রায় সব ধুমময় ॥
বিনা-মেঘে রক্তবৃষ্টি হয় চতুর্দিকে ।
অকস্মাৎ উল্কাপাত কালপর্ণি ডাকে ॥
দিবসে প্রকাশে যত নক্ষত্র-মণ্ডল ।
ধূমকেতু খসি পড়ে অতি-অমঙ্গল ॥
শনি-কোপানলেতে পড়িল নৃপবর ।
রাজ্যরক্ষা নাহি হয়, উৎপাত বিস্তর ॥
গজ বাজী পদাতি মরিল লক্ষ-লক্ষ ।
গাভী-বৎস পশুপক্ষী নাহি পায় ভক্ষ্য ॥
অকস্মাৎ রথধ্বজ ভাঙিতে লাগিল ।
দাবানল আসি যেন অরণ্য দহিল ॥
শ্রীবৎসের রাজ্যে শনি ঘটান প্রমাদ ।
যুবক-যুবতী হয় হরিষে বিষাদ ॥
কাক শিবা শকুনি গৃধ্রিনী নাচে রঙ্গে ।
ভূত প্রেত দৈত্য দানা পিশাচের সঙ্গে ॥
বিপদ-সাগরে পড়ি শ্রীবৎস নৃপতি ।
রোদন করিয়া ফেরে শুন মহামতি ॥

রাজার নিকটে আসি যত প্রজাগণ ।
এই দুঃখে দুঃখী হ'য়ে করয়ে রোদন ॥
কোথা বা যাইব আর, কোথা বা রহিব ।
অনাহারে মহাকষ্টে কেমনে বাঁচিব ॥

তিন-দিব্যরাত্র রাজা নগরে শ্রমিয়া ।
 ঘরে-ঘরে দেখিলেন সকলে চাহিয়া ॥
 ভয়েতে কাতর রাজা, হৈলা মুহুমান ।
 বিলাপ করিয়া রাণী হইল অস্ত্রান ॥
 রাজা বলে, কান্দ কেন পাগলের প্রায় ।
 জনম হইলে মৃত্যু নিশ্চিত ধরায় ॥
 স্বকীয় কৰ্ম্মের ভোগ হয় হে আমার ।
 কেন বা রোদন ইথে কর প্রিয়ে, আর ॥
 সমাগরা পৃথিবীর পতি যেইজন ।
 তাহার এমন দশা দৈবের ঘটন ॥
 দৈবে যাহা করে, তাহা কে করে অন্যথা ।
 ঈশ্বরের ইচ্ছা হেন, খেদ কর বৃথা ॥
 আমার একান্ত ভার তাঁহার উপর ।
 আমি কি করিব চিন্তা, কর্তা ত ঈশ্বর ॥
 বনপর্ব ভারতের ব্যাসের কথন ।
 কাশীরাম দাস কৈল পয়ারে রচন ॥

১৩। শ্রীবৎস-রাজ ও রাণী চিন্তার বনগমন ।

এইরূপ বিবেচনা করিল ভূপতি ।
 ত্রিপঙ্কের পরে তাঁর স্থির হৈল মতি ॥
 শনি দুঃখ দিবেন আমারে এইমতে ।
 উপায় ইহার এই, ভাবি জগন্নাথে ॥
 চিন্তাদেবি, কর তুমি কিঞ্চিৎ সঞ্চয় ।
 হীরা মুক্তা মণি স্বর্ণ, যাহা মনে লয় ॥
 প্রবাল প্রস্তর আর যত জহরত ।
 বহুমূল্য অল্লভার এমত রজত ॥
 সঞ্চয় করিয়া লহ বিচিত্র-বসন ।
 অস্ত-বস্ত্র দিয়া সব কর আচ্ছাদন ॥

শুনি রাণী কাঁথা এক করিল তখন ।
 কাঁথার ভিতরে রাখে বহুমূল্য ধন ॥

রাজা বলে, শুন রাণী আমার বচন ।
 শনিদোষে মজিল সকল রাজ্যধন ॥
 কেবল আছয়ে মাত্র জীবন দৌহার ।
 এখন উপায় কিছু নাহি দেখি আর ॥
 পিত্রালয়ে যাও তুমি, রাখ হে জীবন ।
 যথা-তথা আমি কাল করিব কেপণ ॥
 শনিত্যাগ হয় যদি কখন আমার ।
 তব সহ মিলন হইবে পুনর্ব্বার ॥

এত শুনি চিন্তাদেবী লাগিল কহিতে ।

না যাব বাপের বাড়ী, রহিব সঙ্কেতে ॥
 পিতৃগৃহে যাইবার সময় এ নয় ।
 হাসিবেক শত্রুগণ, সে-দুঃখ না সয় ॥
 দুঃখের সময়ে তব থাকিব সংহতি ।
 যা হবে তোমার গতি, আমার সে-গতি ॥
 তব সঙ্গে থাকি আমি সেবিব ও-পদ ।
 আমি সঙ্গে থাকিলে না ঘটিবে বিপদ ॥
 গৃহিণী থাকিলে সঙ্গে গৃহস্থ বলায় ।

উভয়ে যেখানে থাকে, তথা স্নেহ পায় ॥
 শনির দোষেতে তুমি আমারে ছাড়িবে ।
 চিন্তার করিয়া চিন্তা দুঃখ ত পাইবে ॥

শুনিয়া রাণীর কথা নৃপতি দুঃখিত ।

আশ্বাস করিয়া এই করিল নিশ্চিত ॥
 শুন ধর্ম্ম-অবতার অদ্ভুত-বচন ।
 শ্রীবৎস শনির কোপে করিল ঘেমন ॥
 অর্দ্ধরাত্রিকালে তবে উঠি নরপতি ।
 রাণীরে লইয়া সঙ্গে যান শীঘ্রগতি ॥

এইকালে লক্ষ্মাদেবী আসিয়া তথায় ।

সদয়া হইয়া এই বলেন রাজায় ॥
 যথায় থাকিবে, তথা করিব গমন ।
 কায়ার সহিত যথা ছায়ার মিলন ॥

কিছুকাল দুঃখ তুমি এহেতে পাইবে ।

পুনর্ব্বার নিজরাজ্যে ঈশ্বর হইবে ॥

এক্ষণে বিদায় রাজা, হইলাম আমি ।

শুভক্ষণে বনপথে হও অগ্রগামী ॥

অতিশয় ঘোর-রাত্রে যান নররায় ।

চিন্তার সহিত কাঁথা করিয়া মাথায় ॥

গৃহের বাহিরে কড়ু না যায় যে-জন ।

সেই চিন্তা পদত্রেজে করিল গমন ॥

কণ্টক-অঙ্কুর যত ফুটে তাঁর পায় ।

অতিক্রম্যে পতি-সহ দ্রুতগতি যায় ॥

দুর্গম নির্জ্জন-বনে প্রবেশ করিল ।

তার মধ্যে মায়ানদী দেখিতে পাইল ॥

অকুল-সমুদ্রে-প্রায়, পার নাহি তার ।

তুপতি করেন চিন্তা, কিসে হব পার ॥

নদীর কূলেতে বসি কাঁদে দুইজন ।

হায় বিধি, মম ভাগ্যে এই কি লিখন ॥

কর্ণধাররূপে শনি আসিয়া তখন ।

ভয়নোকা ল'য়ে ঘাটে দিল দরশন ॥

মন্দ-মন্দ বাহে তরী, চলে বা না চলে ।

নোকা দেখি নরপতি কাণ্ডারীরে বলে ॥

ছরা করি পার করি দেহ হে কাণ্ডারী ।

বিলম্ব না সহে, দুঃখ সহিতে না পারি ॥

নাবিক আসিয়া কহে, তুমি কোন্ জন ।

রমণী-সহিত রাত্রে কোথায় গমন ॥

হরিয়া কাহার নারী কোথা নিয়া যাও ।

পরিচয় দেহ আগে, কূলেতে দাঁড়াও ॥

রাজা বলে, শুনিয়াছ শ্রীবৎস-নৃপতি ।

সেই আমি, এই মম ভার্য্যা চিন্তা-সতী ॥

আমার কুদিন হয় দৈবের ঘটনে ।

পত্নী সঙ্গে করি তাই আসিয়াছি বনে ॥

শুনি শনি কহিলেন, বুঝেছি বিস্তার ।

তাল-ও-বেতালসিদ্ধ আছিল তোমার ॥

তারা সবে কোথা গেল বিপত্তি-সময় ।

কোথা গেল মন্ত্রিবর্গ, কহ মহাশয় ॥

রাজা বলে, ভাই-বন্ধু যত পরিবার ।

বিপত্তি-সময়ে সঙ্গী নহে কেহ কার ॥

অসার সংসার এই মায়ামদে ম'জে ।

সকল করয়ে নষ্ট, ধর্ম্মপথ ত্যজে ॥

আমার-আমার বলে, কেহ কারো নয় ।

‘কশ্য মাতা, কশ্য পিতা’ শাস্ত্রে এই কয় ॥

কেবা কার পতি-পুত্র, কেবা বন্ধুজন ।

মায়াবদ্ধ হ'য়ে প্রাণী করিছে ভ্রমণ ॥

আপনার রক্ষা হয়, যদি রাখে ধর্ম্ম ।

আপনার নাশ হয় করিলে কুকর্ম্ম ॥

আমার সর্ব্বদা হয় ধর্ম্মেতে বাসনা ।

কায়মনোবাক্যে এই করি যে ভাবনা ॥

শুনিয়া হাসিয়া শনি কহে পুনর্ব্বার ।

অতিজীর্ণ ভয় নোকা দেখহ আমার ॥

দুইজন হ'লে যেতে পারে পরপারে ।

তিনজন জীর্ণতরী পারে কি না পারে ॥

আপনি স্তবুদ্ধি বট, দেখ বর্ত্তমান ।

বিবেচনা করি রাজা, কর অনুমান ॥

কান্তারে লইয়া আগে পার হও তুমি ।

কান্তা যদি লহ, তবে কাঁথা রাখ তুমি ॥

শুনিয়া নাবিক-বাক্য করেন বিচার ।

কাঁথা পার করি আগে, শেষে হব পার ॥

রাজা-রাগী দুইজনে ধরিয়া কাঁথায় ।

যতনে তুলিয়া দেন শনির নৌকায় ॥

কাঁথা ল'য়ে সূর্য্যপুত্র বাহিয়া চলিল ।

দেখিতে-দেখিতে মায়ানদী শুকাইল ॥

শ্রীবৎস-নৃপতি খেদে করে হায়-হায় ।
 যে-সকল দেখিলাম, ভোজবাজি-প্রায় ॥
 বুঝিলাম এ-সকল শনির চাতুরী ।
 মায়া করি ধন যম করিলেক চুরি ॥
 দেখিলে সাক্ষাতে রাগী, বঞ্চনা শনির ।
 হৃদয় চঞ্চল মোর, নাহি হয় স্থির ॥
 চিস্তিয়া কহেন রাজা, করিব গমন ।
 উঠিতে নাহিক শক্তি, না চলে চরণ ॥
 বহুকষ্টে গমন করিয়া ছুইজন ।
 প্রবেশ করেন শেষে চিত্রধ্বজ-বন ॥

হেনকালে সেই-স্থানে হইল প্রভাত ।
 পূর্বদিকে সমুদিত দেব-দিননাথ ॥
 ক্ষুধার্ত তৃষ্ণার্ত দৌহে কাতর-হৃদয় ।
 রম্যস্থান দেখি রাগী নৃপতিরে কয় ॥
 চলিতে না পারি নাথ, করি নিবেদন ।
 বিশ্রাম করহ এই-স্থানে এইক্ষণ ॥
 জলে-স্থলে নানা-দিব্য-পুষ্প বিকসিত ।
 এইস্থানে কর স্নান, আছ ত ক্ষুধিত ॥
 ভার্য্যারে কাতরা দেখি ব্যথিত-অন্তর ।
 বন হৈতে কল-পুষ্প আনেন সত্তর ॥
 উভয়ে করিয়া স্নান ইচ্ছপূজা করি ।
 কুড়াইয়া আনে বহু সুপক বদরী ॥
 উভয়ে খাইল জল, শ্রান্তি হৈল দূর ।
 গমন করিতে শক্তি হইল প্রচুর ॥
 নানাস্থান এড়াইল পর্বত-কানন ।
 নদ-নদী-বন কত করি পর্য্যটন ॥
 তমাল পিয়াল শাল বৃক্ষ নানাজাতি ।
 মল্লিকা মালতী বক চম্পক প্রভৃতি ॥

বদরী খজুর জম্বু পলাশ রসাল ।
 নারিকেল গুবাক দাড়িম আর তাল ॥
 কদলী বয়ড়াফল আর আমলকী ।
 কদম্ব অশ্বথ বট নিম্ব হরীতকী ॥
 জারুল পারুল বেল প্রিয়ঙ্গু অগুরু ।
 রক্তসার চন্দন বাদাম দেবদারু ॥
 ইত্যাদি অনেক বৃক্ষে নানা-পক্ষিগণ ।
 ব্যাত্রাদি হিংস্রক কত করিছে ভ্রমণ ॥
 যুগেন্দ্রে গজেন্দ্রে উষ্ট্রে গণ্ডার কাসর^১ ।
 ঘোটক গোধিকা খর ভল্লুক শূকর ॥
 শত-শত পশু দেখে বনের ভিতর ।
 বিকট-দশন দেখে অতি-ভয়ঙ্কর ॥
 ভূচর খেচর কত, কে করে গণন ।
 অতি-ঘোর-বন দেখি চিস্তিত রাজন্ ॥
 মনে-মনে বলে, রক্ষা কর লক্ষ্মীপতি ।
 সংসারের সার ভূমি, অগতির গতি ॥
 দয়া কর দীননাথ করুণানিধান ।
 বিষম-সঙ্কটে প্রভু, কর পরিত্রাণ ॥
 তোমা-বিনা রক্ষা করে, নাহি হেনজন ।
 আমার ভরসামাত্র তোমারি চরণ ॥
 গোবিন্দ গোপাল গিরিধারি গদাধর ।
 ত্রাণ কর এইবার, হ'য়েছি কাতর ॥

এইরূপ বলি রাজা স্মরে চক্রপাণি ।
 অকস্মাৎ তথা এই হৈল দৈববাণী ॥
 “যতদিন নৃপ, ভূমি থাকিবে কাননে ।
 থাকিব তোমার সঙ্গে রক্ষার কারণে ॥”
 শুনিয়া আনন্দ বড় হইল রাজার ।
 বনমধ্যে ভ্রমে সদা নির্ভয়-আকার ॥

একদিন বনমধ্যে করে দরশন ।
 মৎস্যঘাতী ধীবর আসিছে কত-জন ॥
 ধীবরে দেখিয়া মৎস্য করেন যাচন ।
 কিছু মৎস্য দেহ, আজি করিব ভোজন ॥
 জেলে বলে, কুকর্ণেতে ধরি জাল করে ।
 কিছুই না পাইলাম, ফিরে যাই ঘরে ॥

রাজা বলে, শুন সবে আমার বচন ।
 পুনর্ব্বার ফেল জাল, পাইবে এখন ॥
 তাল-বেতালেগে তবে স্মরেন শ্রীবৎস ।
 সকলে ফেলিয়া জাল পায় বহু-মৎস্য ॥
 চতুর ধীবর জাল করিয়া বিস্তার ।
 পুনর্ব্বার ফেলে জাল করিয়া স্বীকার ॥
 পাইয়া অনেক মৎস্য কৈবর্তের গণ ।
 জানিল সাধক বটে এই দুইজন ॥
 সাদরে শকুল-মৎস্য দিল নৃপতিরে ।
 মৎস্য পেয়ে নৃপবর কহেন রাগীর ॥
 ক্ষুধার্ত হ'য়েছি রাগী, কাতর জীবন ।
 মৎস্য পোড়াইয়া দেহ, করিব ভোজন ॥

শুনিয়া কহেন রাগী যে-আজ্ঞা তোমার ।
 মাছপোড়া খেলে হয় শনি-প্রতিকার ॥

অপূর্ব্ব-কাহিনী রাজা, করহ শ্রবণ ।
 কি মায়ায় শনি মৎস্য করিল হরণ ॥
 হরিষে-বিষাদে রাগী অনল জ্বালিল ।
 যতন করিয়া সেই মৎস্য পোড়াইল ॥
 মৎস্য দগ্ধ করি চিন্তা চিন্তা করে মনে ।
 মৎস্য-পোড়া রাজহস্তে দিব বা কেমনে ॥
 ক্ষীর ছানা নবনী যে করিত ভোজন ।
 বনে আসি দগ্ধ-মৎস্য খাবে সেইজন ॥

কিরূপেতে এই ছাই খাওয়াব তাঁথারে ।
 শতেক ব্যঞ্জন হৈত যাহার আহারে ॥
 এতক চিন্তিয়া চিন্তা মৎস্য ল'য়ে করে ।
 খুইয়া আনিব বলি গেল সরোবরে ॥
 জলেতে খুইতে পোড়া-মৎস্য পলাইল ।
 ইহা দেখি চিন্তাদেবী কান্দিতে লাগিল ॥
 হাহাকার করি রাগী কান্দে বিনাইয়া ।
 কি বলিবে মহারাজ একথা শুনিয়া ॥
 কে দেখেছে, কে শুনেছে, পোড়া-মৎস্য বাঁচে ।
 কি হইবে মম ভাগ্যে, না জানি কি আছে ॥
 শুনিয়া বিশ্বাস নাহি করিবে ভূপতি ।
 একে ত ক্ষুধার্ত রাজা, হবে ত্রুষ্ণ অতি ॥
 বলিবেন, তুমি মৎস্য ক'রেছ ভরুণ ।
 পলাইল বলি এবে কর প্রতারণ ॥
 হায় বিধি, এত দুঃখ দিলে যে আমায় ।
 এখনো র'য়েছে প্রাণ, নাহি কেন যায় ॥
 এত ভাবি চিন্তাদেবী কান্দিতে-কান্দিতে ।
 সকল বৃত্তান্ত কহে রাজার সাক্ষাতে ॥
 শুনিয়া হাসিয়া রাজা রাগীরে কহিল ।
 এ-বড় আশ্চর্য্য-কথা শুনিতে হইল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১৪। শ্রীবৎসের প্রতি শনির বাক্য ।

অন্তরীক্ষে থাকি শনি, কহিছে আকাশবাণী,
 শুন-শুন শ্রীবৎস-নৃপতি ।
 আমি ছোট, লক্ষী বড়, তুমি কহিয়াছ দড়,
 তার শাস্তি পাইবে সম্প্রতি ॥

করি সম্পদের গর্ব, আমারে করিলে খর্ব, স্বয়ং লক্ষ্মী গীতাসতী, পতি-অমুগতা অতি,
 আমি তব কি করিতে পারি । শুন হে দুর্গতি যত তাঁর ।
 যই লক্ষ্মী দিলে মোরে, সে-কথা কহিব কারে, কাননে পতির সহ, ভুঞ্জিবারে পাণগ্রহ,
 শুন দুঃখমতি মন্দকারী ॥ গেল বনে দীনের আকার ॥
 পণ্ডিত-ধার্মিক-জ্ঞানে, এসেছি তব স্থানে, পর্বত-কানন-পথে, বঞ্চিল স্বামীর সাথে,
 তুমি ত করিবে হুবিচার । পরে তাঁরে হরে দশানন ।
 কপট চাতুরী করি, মম গুণ পরিহরি, রাজ্য-ধন-স্বামী ছাড়ি, গেলেন রাবণবাড়ী,
 দুঃখ তুমি দিয়াছ অপার ॥ বাস হৈল অশোক-কানন ॥
 কি কব দুঃখের কথা, স্মরণে মরমে ব্যথা, আর কিছু বলি শুন, দেবদেব পঞ্চানন,
 রহিবেক হৃদয়ে আমার । সতী-কন্যা অর্দ্ধ-অঙ্গ য়ার ।
 আসন বলিয়া শ্রেষ্ঠ, লক্ষ্মীরে বলিলে জ্যেষ্ঠ, সতী মৈলে কুন্তিবাস, দক্ষযজ্ঞ করে নাশ,
 এবে লক্ষ্মী কোথায় তোমার ॥ ছাগমুখ দক্ষের আকার ॥
 করিয়াছি রাজ্যনাশ, অপর অরণ্যে বাস, সতী দেহ ত্যাগ ক'রে, জন্মে হিমালয়-ঘরে,
 শেষে এই স্ত্রী-ভেদ করিব । সর্ব-হেতু মম মায়াজাল ।
 শুন রাজা বলি তোরে, তবে ত চিনিবি মোরে, আমারে হেলন করি, ইন্দ্র স্বর্গ পরিহরি,
 নহে মিথ্যা, যে কথা বলিব ॥ ভগ্নাঙ্গ রহিল কতকাল ॥
 শুন-শুন মহারাজ, ধরিয়া বিবিধ সাজ, মম সহ বাদ করি, বৈকুণ্ঠবিহারী হরি,
 দেব-দৈত্য-নাগ-আদি গণে । কীটরূপ ধারণ করিলা ।
 অবধ্য সর্বত্রগামী সর্বঘটে থাকি আমি, ঘুচিল বৈকুণ্ঠলীলা, গণকী-পর্বতে শিলা,
 অতিশয় পূজ্য ত্রিভুবনে ॥ দেবমানে বহুকাল ছিল ॥
 শুন হে শ্রীবৎস-ভূপ, ত্রেতাযুগে রামরূপ, বলি দৈত্য-অধিপতি, স্বর্গ রসাতল ক্ষিতি,
 হইল প্রভুর অবতার । ত্রিভুবন অধিকার ক'রে ।
 এক-ব্রহ্ম চারি-অংশে, জন্মিলেন রঘুবংশে, হেলন করিল মোরে, পাতালে লইয়া তারে,
 রাজা দশরথের কুমার ॥ বদ্ধ করি রাখি কারাগারে ॥
 দশরথ ধর্ম্মাচার, দিলা তাঁরে রাজ্যভার, স্বর্গ মর্ত্য রসাতল, সর্বত্র আমার বল,
 আমি তাঁরে পাঠাই কানন । সবে করে আমারে গুজন ।
 অমুক্ত-লক্ষ্মণ-সাথে, প্রবেশে গহন-পথে, তোর কাছে অন্ন আমি, তুই পৃথিবীর স্বামী,
 জটা-বৃদ্ধ করিয়া ধারণ ॥ লক্ষ্মী তোর দেখিব কেমন ॥

এতেক কহিয়া শনি, হইল আকাশগামী,
 স্বপ্নে যেন শুনিল রাজন্ ।
 চিস্তিয়া বুঝিল মৰ্ম্ম, শনির যতেক কৰ্ম্ম,
 হৈল রাজা নিরানন্দ-মন ॥
 অরণ্য-পৰ্বেষের কথা, হৃথ-শাস্তি-মোক্ষদাতা,
 রচিলেন মহামুনি ব্যাস ।
 রচিল পাঁচালি-ছন্দে, মনের আবেগানন্দে,
 কৃষ্ণদাসানুজ কাশীদাস ॥

১৫। চিন্তার সহিত শ্রীবৎসের কথা ।

শুনিয়া আকাশবাণী শনির ভারতী ।
 ডাকিয়া বলিল রাজা চিন্তাদেবী-প্রতি ॥
 যতেক কহিল শনি, প্রত্যক্ষ হইল ।
 রাজ্যনাশ বনবাস সৰ্ব্বনাশ কৈল ॥
 বিবাদ করিয়া যদি দৌহে না আসিবে ।
 তবে কেন চিন্তাদেবি, এমত হইবে ॥
 আমার কুদিন হৈল বিধির ঘটনা ।
 নৈলে কেন হৃদ করি আসিবে দুঃখনা ॥
 ভাবিয়া চিস্তিয়া দেবি, কি হইবে আর ।
 নিজ-কৰ্ম্মার্জিত ফল হয় ভুঞ্জিবার ॥
 কারণ-করণ-কর্তা দেব-গদাধর ।
 আমার একান্ত ভার তাঁহার উপর ॥
 ধৰ্ম্মে বিচলিত-মন নহে ত আমার ।
 নিজকৰ্ম্মে দুঃখ পাই, কি-দোষ তাঁহার ॥
 চিন্তায়ুক্ত হ'য়ে রাজা ভ্রমেন কানন ।
 ফল-মূল-আহারেতে করেন যাপন ॥
 ধৰ্ম্মচিন্তা করে রাজা, স্মরে বিধাতায় ।
 এইরূপে পঞ্চবর্ষ নানা-দুঃখ পায় ॥
 সহাভারতের কথা অমৃত-সমান ।
 কাশীদাস কহে, শুনে পুণ্যবান ॥

১৬। শ্রীবৎস-রাজের কাঠুরিয়া-আলয়ে অবহিতি

শুন-শুন ধৰ্ম্মরাজ, অপূৰ্ব-কথন ।
 কাননে বঞ্চেচ চিন্তা শ্রীবৎস-রাজন্ ॥
 পূৰ্ব্বমত ফলমূল না মিলে তথায় ।
 কানন ত্যজিয়া রাজা নগরেতে যায় ॥
 নগর-উত্তরভাগে ধনীৰ বসতি ।
 তথায় বসতি মোর নাহি লয় মতি ॥
 দুঃখী হ'য়ে ধনাঢ্যের নিকটে না যাবে ।
 দরিদ্রে দেখিয়া মোরে অবজ্ঞা করিবে ॥
 দুঃখীর সমাজে থাকি কাটাইব কাল ।
 পাছে ধনী ঘৃণা করে, এ বড় জঞ্জাল ॥

এত বলি দক্ষিণে চলিল মহাশয় ।

শত-শত-ঘর তথা কাঠুরিয়া রয় ॥
 রাজা-রাণী তথাকারে হন উপনীত ।
 দেখিয়া সন্ত্রমে তারা জিজ্ঞাসে স্বরিত ॥
 কহ তুমি, কেবা হও, কোথায় বসতি ।
 কি-হেতু আসিলে দৌহে, কহ শীঘ্রগতি ॥
 শুনিয়া সবার বাক্য কহে নৃপবর ।
 মোর সম দুঃখী নাহি পৃথিবী-ভিতর ॥
 বহুদুঃখ পেয়ে আমি আইনু হেথায় ।
 তোমরা করিলে কৃপা, তবে দুঃখ যায় ॥
 শুনি আশ্বাসিয়া তারা কৈল অঙ্গীকার ।
 করিব তোমার হিত, প্রতিজ্ঞা সবার ॥
 কাঠুরিয়া-জাতি মোরা, কাষ্ঠ বেচি-কিনি ।
 নিত্য আনি, নিত্য খাই, দুঃখ নাহি জানি ॥
 সঙ্গে থাকি কাষ্ঠ বেচি প্রত্যহ আনিবে ।
 এ-কৰ্ম্মে নিযুক্ত হ'লে দুঃখ না রহিবে ॥

শুনি আনন্দিত হন শ্রীবৎস-রাজন্ ।

ভাল ভাল, এই কৰ্ম্ম করিব এখন ॥

হেনমতে কাঠুরিয়া-ঘরে ছুইজন ।
 রহিল গোপনে রাজা নিরানন্দ-মন ॥
 কাঠুরিয়াগণ-ভাৰ্য্যা যতেক আছিল ।
 চিস্তার সৌজন্ম হেরি সবে বশ হৈল ॥
 নানা-কৰ্ম্ম নানা-ধৰ্ম্ম করান শ্রবণ ।
 শুনিয়া সন্তুষ্ট হৈল সবা-কার মন ॥
 সবা-সঙ্গে সখীভাবে রহে রাজরাণী ।
 শিষ্টালাপে থাকে সদা দিবস-রজনী ॥
 কাঠুরিয়াগণ প্রাতে চলিল কাননে ।
 রাজারে ডাকিল সবে, এস যাই বনে ॥
 শুনিয়া চলেন রাজা সবার সংহতি ।
 ঘোর-বনে প্রবেশ করিল শীঘ্রগতি ॥
 কাঠুরিয়াগণ কাষ্ঠ ভাঙ্গিল অনেক ।
 বড়-বড় বোঝা সবে বাঙ্কিল যতেক ॥
 ফল-মূল-পত্র-পুষ্প নিল সৰ্ব্বজন ।
 আমি কি লইব, চিতে চিস্তিল রাজন্ ॥
 নিন্দিত না হয় কৰ্ম্ম, ক্লেশ না সহিব ।
 অথচ আপন-কৰ্ম্ম প্রকারে সাধিব ॥
 চিনিয়া লইল রাজা চন্দনের সার ।
 কাঠুরিয়া-সঙ্গে-সঙ্গে চলিল বাজার ॥
 বাজারে ফেলিল বোঝা কাঠুরিয়া-কুল ।
 গৃহিলোক আসি সবে করি নিল মূল ॥
 কেহ পায় চারি-পণ, কেহ আটপণ ।
 কেহ বা বেচিয়া কেনে খাণ্ড-প্রয়োজন ॥
 চন্দনের কাষ্ঠ ল'য়ে শ্রীবৎস-রাজন্ ।
 বেচিবারে যায় তবে বণিক-সদন ॥
 দিব্য-চন্দনের সার পেয়ে সদাগর ।
 করিয়া উচিত-মূল্য দিলেক সত্তর ॥

তহা ছুই-চারি রাজা বেচিয়া পাইল ।
 অপূৰ্ব বিচিত্রে দ্রব্য কিনিয়া লইল ॥
 ঘৃত তৈল চালি ডালি লবণ সৈন্ধব ।
 মশলা মিষ্টান্ন দধি কিনিলেন সব ॥
 শাক সুপা তরকারী যতেক পাইল ।
 ভাল মৎস্য-মাংস রায় যত্ন করি নিল ॥
 কিনিয়া অশেষ দ্রব্য লৈয়া নরপতি ।
 গৃহেতে আনিয়া দিল যথা চিস্তাসতী ॥
 রাণী-প্রতি কহে রাজা বিনয়-বচন ।
 কাঠুরিয়া-বন্ধুগণে কর নিমন্ত্রণ ॥
 শুনিয়া সন্তুষ্ট হৈল চিন্তা মহারাণী ।
 বিচিত্র করিয়া পাক করিল তখনি ॥
 লক্ষ্মী-অংশে জন্ম তাঁর, লক্ষ্মী-স্বরূপিণী ।
 চক্ষুর নিমেষে পাক কৈল চিন্তারাণী ॥
 স্নান-দান করি রাজা আসিয়া সত্তর ।
 দেখিল সকল পাক হ'য়েছে স্তম্ভর ॥
 রাণী বলে, সবা-কারে ডাকহ রাজন্ ।
 সকল রন্ধন হৈল, করাহ ভোজন ॥

এত শুনি নরপতি ডাকে সবা-কারে ।
 আনন্দিত হ'য়ে সবে এল ভুক্তিবারে ॥
 একত্র হইয়া যত কাঠুরিয়াগণ ।
 ভোজনে বসিল সবে অতি-হৃষ্টমন ॥
 রাণী অন্ন আনি দেন, পরশে রাজন্ ।
 ক্রমে-ক্রমে পরশিল, ভুঞ্জে সৰ্ব্বজন ॥
 সুধা-সম্ম অন্ন-পান খায় সৰ্ব্বজন ।
 ধন্য-ধন্য ধনি হৈল কাঠুরে-ভবন ॥
 শ্রদ্ধা-পূরকারে সবে বিদায় করিয়া ।
 পশ্চাতে ভুক্তিল রাজা হৃষ্টমন হৈয়া ॥

এইরূপে কতদিন বখিলা তথায় ।
 একদিন শুন যুধিষ্ঠির মহাশয় ॥
 বাণিজ্য করিতে এক সদাগর যায় ।
 চালাইয়া তরী সাধু আসিল তথায় ॥
 অকস্মাৎ তরী তার চড়াতে লাগিল ।
 হায়-হায় করি কান্দে, কি হৈল, কি হৈল ॥
 হেনকালে শুন রাজা, দৈবের ঘটন ।
 গণক হইয়া শনি আইল তখন ॥
 হস্তে লাঠি, পুঁথি কাঁখে এহাচার্য্য হৈয়া ।
 সাধুর মঙ্গল-কথা কহিল আসিয়া ॥
 শুন মহাজন, এবে স্থির কর মন ।
 তোমার তরণী বন্ধ হৈল যে-কারণ ॥
 তব নারী নবগ্রহে করেন অর্চন ।
 অবজ্ঞা করিয়া তুমি আইলে পাটন ॥
 সেইহেতু তব তরী হৈল হেনরূপ ।
 কহিনু যতেক কথা, জানিবে স্বরূপ ॥

মহাজন কহে কথা করিয়া প্রণতি ।
 অমৃত-অধিক শুনি তোমার ভারতী ॥
 ব্রাহ্মণ বলেন, শুন আমার বচন ।
 যেমতে তোমার তরী চলিবে এখন ॥
 এই গ্রামবাসী কাঠুরিয়া যতজন ।
 নিমজিয়া আনহ তাদের ভার্য্যাগণ ॥
 সকলে আসিয়া তারা পরশিবে তরী ।
 তার মধ্যে পতিব্রতা আছে এক নারী ॥
 সেই আসি যেইক্ষণে ছুঁইবে তরণী ।
 কহিনু স্বরূপ, তরী ভাসিবে তখনি ॥

এ-কথা কহিয়া শনি করিল গমন ।
 শুনি আনন্দিত হৈল সেই মহাজন ॥

শুনিয়া উপায় সাধু চিন্তা করে মনে ।
 পাইনু পরম-তত্ত্ব দৈবের ঘটনে ॥
 কিঙ্করে ডাকিয়া সাধু কহিল সত্বরে ।
 কাঠুরিয়া-পত্নীগণে আনহ সাদরে ॥
 শুনিয়া সাধুর আজ্ঞা কিঙ্কর চলিল ।
 স্তব-স্ততি করি সবাকারে আমন্ত্রিল ॥
 সহজেতে হীনজাতি অতি-অল্পজ্ঞান ।
 সাধু-নিমন্ত্রণ পেয়ে আনন্দ-বিধান ॥
 যতেক কাঠুরে-ভার্য্যা নিমন্ত্রণ শুনি ।
 হরিষ-অস্তরে সবে চলিল তখনি ॥
 যেখানে নদীর ঘাটে আটক তরণী ।
 সেইখানে উত্তরিল যতেক রমণী ॥
 কমলা অমলা গেল আর কলাবতী ।
 কোশল্যা রোহিণী চলে আর মালাবতী ॥
 রেবতী কৈকেয়ী উমা রত্না তিলোত্তমা ।
 হরপ্রিয়া চিত্রাবতী রাধা সতী শ্যামা ॥
 যশোদা যমুনা জয়া বিমলা বিজয়া ।
 আর বর্ষী গয়া গঙ্গা কালিন্দী অভয়া ॥
 চপলা চঞ্চলা ধায় চণ্ডালী কেশরী ।
 পদ্মাবতী অরুন্ধতী সাবিত্রী মঞ্জরী ॥
 একে-একে সবে তরী পরশ করিল ।
 জনে-জনে মান লৈয়া বিদায় হইল ॥
 কারো হৈতে সিদ্ধ নহে সাধু-প্রয়োজন ।
 বুঝিল, হইল মিথ্যা গণক-বচন ॥
 কত-নারী আইল, না এল কত-জন ।
 কিঙ্করে জিজ্ঞাসে সাধু তাহার কারণ ॥
 কিঙ্কর কহিল, সবে আসিয়াছে রায় १ ।
 এক নারী না আইল স্বামীর মানায় ॥

শুনি সাধু মনে কৈল, সেই সাধী তবে ।
তিনি এলে মোর তরী অবশ্য চলিবে ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১৭। ষণিক-কর্তৃক চিন্তাকে হরণ ।

তবে সাধু হর্ষযুত গলে বস্ত্র দিয়া ।
যথা আছে চিন্তা-সতী, উত্তরিল গিয়া ॥
কাতর হইয়া অতি সাধু কহে বাণী ।
আমারে করহ রক্ষা, ওগো ঠাকুরাণি ॥
সাধুরে দেখিয়া চিন্তা কহে চুঃখমতি ।
আমাকে যাইতে মানা কৈলা মোর পতি ॥
কি কহিবে মহারাজ আসিয়া ভবনে ।
ভাবিয়া-চিন্তিয়া রাণী স্থির কৈল মনে ॥
কাতর শরণাগত যেইজন হয় ।
তাঁহারে করিলে রক্ষা ধর্মের সঞ্চয় ॥
বেদে শাস্ত্রে মুনিমুখে শুনিয়াছি আমি ।
প্রাণ দিয়া রাখয়ে শরণাগত প্রাণী ॥
যাহা কন মহারাজ এ-কথা শুনিয়া ।
সহিব সকল কথা শরণ মাগিয়া ॥

এত ভাবি চিন্তাদেবী হুটুচিন্তা হৈয়া ।

চলিলেন তবে রাণী ঈশ্বরে স্মরিয়া ॥
উপনীত হন, যথা সদাগর-তরী ।
করযোড়ে কহে দেবী প্রদক্ষিণ করি ॥
যদি আমি হই সতী পতি-অনুগত ।
তবে যেন ভাসে তরী, কহিনু সর্ব্বথা ॥
এত বলি সেই তরী পরশ করিতে ।
ভাসিয়া চলিল তরী দক্ষিণ-মুখেতে ॥
দেখি সদাগর হৈল হরষিত-মন ।
জানিল মনুষ্য নহে এই নারীজন ॥

যদি মোর নৌকা কড়ু আটক হইবে ।
ইহাকে লইলে সঙ্গে তখন চলিবে ॥
এত ভাবি চিন্তারে তুলিল নৌকা'পরে ।
দেখ রাজা যুধিষ্ঠির, দৈবে কি না করে ॥
শুনি ধর্ম-নৃপমণি কহে কৃষ্ণ-প্রতি ।

অমৃত-অধিক শুনি তোমার ভারতী ॥
বলহ চিন্তার শেষে হৈল কোন্ গতি ।
কিরূপে রহিল কোথা শ্রীযৎস-নৃপতি ॥
এত শুনি কহেন শ্রীযশোদা-কুমার ।

শুন মহারাজ, কহি বিশেষ ইহার ॥
অতিদুঃখে শোকাকুল কাতর-অস্তরে ।
ঈশ্বর স্মরিয়া দেবী কান্দে উচ্চৈঃস্বরে ॥
কেন আমি আইলাম আপনা খাইয়া ।
কান্দিয়া আকুল চিন্তা এ কথা ভাবিয়া ॥
সূর্য্যপানে চাহি দেবী যোড় করি হাত ।
বহু স্তব করে চিন্তা করি প্রণিপাত ॥
দয়া কর দীননাথ, অখিলের পতি ।
মোর রূপ লহ দেব, দেহ কু-আকৃতি ॥
জরায়ুত অঙ্গ প্রভু, দেহ শীত্ৰগতি ।
এত বলি কান্দে দেবী লোটাইয়া ক্ষিতি ॥
দেখি দেব ভাস্করের দয়া উপজিল ।
'ভয় নাই, ভয় নাই' বাণী নিঃসরিল ॥
চিন্তাদেবী-রূপ দেব করিল হরণ ।
গলিত-ধবল-মূর্ত্তি দিল ততক্ষণ ॥

এইরূপে নৌকায় রহিল চিন্তাসতী ।

বাহিয়া চলিল সাধু মহাহুটমতি ॥
এখায় কানন হ'তে আসি নিজালয় ।
শুশ্রূ-ঘর দেখি রাজা মানিল বিস্ময় ॥
কান্দিয়া অস্থির রাজা না দেখি চিন্তার ।
সকাতরে পড়সীরে জিজ্ঞাসেন রায় ॥

মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১৮। শ্রীবৎস-রাজের রোদন এবং চিন্তার
অবেষণ ।

হৃদয় কাতর অতি, শ্রীবৎস-ধরণীপতি,
পড়ুনীরে জিজ্ঞাসে বারতা ।
কহ সবে সমাচার, কোথা চিন্তা সে আমার,
না হেরিয়া পাই মনে ব্যথা ॥
রাজার বিনয় শুনি, পড়ুনী কহিছে বাণী,
ওহে ধীর পণ্ডিত স্তম্ভন ।
কহি শুন বিবরণ, এই ঘাটে একজন,
আইল ধনাঢ্য মহাজন ॥
তাহার কর্ণ্মেতে ঘটে, তরুণী আটক ঘাটে,
বিধাতা তাহারে বিড়ম্বিল ।
আসি সেই মহাজন, কহিলেন স্ববচন,
যত নারী, সবারে ডাকিল ॥
গৌরব করিয়া সাধু, লইয়া কাঠুরে-বধু,
ক্রমে-ক্রমে তরী ছোঁয়াইল ।
না ভাসিল সেই তরী, পুনঃপুনঃ যত্ন করি,
তোমার চিন্তারে ল'য়ে গেল ॥
বজ্রসম বাণী শুনি, মূর্ছাগত নৃপমণি,
লোটায়ে পড়িল ধরাতলে ।
ক্ষণেকে চেতন পায়, বলে রাজা হায়-হায়,
কেন হেন ঈশ্বর করিলে ॥
আমার কর্ণ্মের পাশ, রাজ্য ত্যজি বনবাস,
নারী-সঙ্গে আইনু কাননে ।
ধন-রত্ন যত আনি, সকলি হরিল শনি,
অবশেষ ছিনু ছুই-প্রাণে ॥

তাহাতে করিল আন, দুইজন দুই-স্থান,
শনি দিল বহুদুঃখ মোরে ।
বিষাদে তাপিত মন, এই চিন্তা অমুকুণ,
ভয়ে রক্ষা কে করিবে তারে ॥

এত চিন্তি নরপতি, শোকেতে কাতর অতি,
চলিল নদীর তটে-তটে ।
জিজ্ঞাসিল জনে-জনে, শ্বাবর-জঙ্গমগণে,
মনুষ্য যতেক দেখে ঘাটে ॥
বিবিধ-কানন-মাঝ, খুঁজিলেন মহারাজ,
না পাইল চিন্তার উদ্দেশ ।
বহুদেশ নানা-স্থানে, নদ-নদী-উপবনে,
ভ্রমে রাজা পেয়ে বহুক্লেশ ॥
ক্ষুধা-তৃষ্ণা-অনাহারে, মহাকষ্টে নৃপবরে,
শেষমাত্র ছিল প্রাণ তাঁর ।
শুন ধর্ম্ম-মহাশয়, সকলি দৈবেতে হয়,
সর্বকর্ম্ম ইচ্ছা বিধাতার ॥
চিন্তানন্দ-নামে বনে, রাজা গেল সেইস্থানে,
তথা ছিল সুরভি-আশ্রম ।
অপূর্ব-বিচিত্র-শোভা, সুরাসুর-মনোলোভা,
তথা যেতে সভয় শমন ॥
নানাপশু নানাপক্ষ, একস্থানে লক্ষ-লক্ষ,
ভক্ষ্য-ভোজ্যে রহে একস্থল ।
বিচিত্র তড়াগ-বাণী, পুষ্করিণী কতরূপী,
তাহে শোভে কনক-কমল ॥
অপূর্ব কানন-শোভা, নানাপুষ্প মনোলোভা,
ষড়ঋতু শোভিত তথায় ।
কেহ কারে নাহি ভরে, স্তম্ভে সবে ঘর করে,
নিঃশব্দে রহিল তথা রায় ॥

রাজা পুণ্যবান্ অতি, জানিয়া গোমাতা সতী,
উপনীত হইল তথায় ।
কাশীরাম দাস গায়, বিকলে জনম যায়,
ভজ হরি, তবে নাহি ভয় ॥

১২। সুরভি-আশ্রমে শ্রীবৎস-রাজের অবস্থিতি ।

সুরভি জিজ্ঞাসা করে, তুমি কোন্ জন ।

রাজা বলে, শুন মাতা, মোর নিবেদন ॥
অবনীতে মহীপতি ছিলাম মা আমি ।
শ্রীবৎস আমার নাম প্রাগদেশস্বামী ॥
আনন্দেতে করিতাম প্রজার পালন ।
কতদিনে শুন মাতা, দৈবের ঘটন ॥
একদিন শনি-সঙ্গে জলধি-তনয়া ।
মম স্থানে আসে দৌহে বিরোধ করিয়া ॥
বিচার করিলু আমি ধর্ম্মশাস্ত্র ধরি ।
বিপরীত বুঝি শনি হৈল মম অরি ॥
রাজ্য-ধন সব শনি করিল বিনাশ ।
অবশেষে চিন্তা-সহ আসি বনবাস ॥
বনবাসে মহাক্রোধে বঞ্চি দুইজনে ।
চিন্তাকে হারানু মাতা নির্জ্ঞন বিপিনে ॥

সুরভি এতেক শুনি কহে রাজা-প্রতি ।

ভয় নাই, থাক রাজা, আমার বসতি ॥
যতদিন গ্রহ মন্দ আছয়ে তোমার ।
ততদিন মোর হেথা থাক গুণাধার ॥
এখানে শনির ভয় নাহিক রাজন্ ।
হেথা থাকি কর রাজা, কালের হরণ ॥
পুনঃ বহুমতীপতি হবে নৃপবর ।
চিন্তাসতী পাবে কত-দিবস-অন্তর ॥
এ-বন ছাড়িয়া নাহি যাইও কোথায় ।
এক-ধার দুখ আমি ভুঞ্জাব তোমায় ॥

এ-বন ছাড়িয়া যদি যাও নররায় ।
অবশ্য পড়িবে তুমি শনির মায়ায় ॥
রাজা বলে, মাতা, হয় যে-আজ্ঞা তোমার ।
রহিলাম, যতদিন দুঃখ নহে পার ॥
এরূপে শ্রীবৎস-রায় রহিল তথায় ।

শুনহ অপূর্ব কথা ধর্ম্মের তনয় ॥
ইচ্ছামত নন্দিনী সে যত দুখ খায় ।
দুধারের দুখেতে ধরণী ভিজ়ে যায় ॥
সেই দুখে মৃত্তিকা ভিজ়ায়ে কাদা করি ।
দুই-হাতে মহারাজ দুই-পাট ধরি ॥
শ্রীবৎস-নৃপতি চিন্তাদেবী নাম অরি ।
তাল-ও-বেতাল-সিদ্ধ মনেতে বিচারি ॥
যুগ্মপাট যুক্ত করি গঠয়ে রাজন্ ।
এরূপে কতেক পাট করয়ে রচন ॥
ঈশ্বরের ধ্যানে করি কালের হরণ ।
সহস্র-সহস্র পাট করিল গঠন ॥
স্থানে-স্থানে শত-শত স্তূপাকার করি ।
এমতে শ্রীবৎস বঞ্চে দিবস-শর্ব্বরী ॥

কত-দিনান্তরে শুন ধর্ম্ম-মহাশয় ।

পুনর্ব্বার পড়ে রাজা শনির মায়ায় ॥
সেই মহাজন যায় বাহিয়া তরণী ।
কূলেতে থাকিয়া দেখে শ্রীবৎস আপনি ॥
মহাজন-প্রতি রাজা বলিল ডাকিয়া ।
শুন-শুন সদাগর কূলেতে আসিয়া ॥
নৃপতির উচ্চরব শুনি মহাজন ।
শীঘ্র করি কূলে তরী লইল তখন ॥
পাইয়া সাধুর আজ্ঞা নায়ের নফর ।
শ্রীবৎসের কাছে তরী আনিল সত্বর ॥
মুহূর্ত্তাবে কহে রাজা বিনয়-বচন ।
শুন মহাজন, তুমি যোর বিবরণ ॥

বড়বংশে জন্মিলাম পূর্ব-ভাগ্যবলে ।
 এবার হইল নষ্ট নিজ-কর্মফলে ॥
 কারে কি বলিব আমি, কি করিতে পারি ।
 ঈশ্বরের ইচ্ছা যাহা, খণ্ডাইতে নারি ॥
 তুমি যদি দয়া করি এই কর্ম কর ।
 তবে ত তরিব আমি বিপদ-সাগর ॥
 কতকগুলি স্বর্ণপাট করিয়াছি আমি ।
 তুলে যদি ল'য়ে যাও নৌকা'পরে তুমি ॥
 যে-দেশে বাগিজে তুমি করিছ পয়ান ।
 সেইদেশে তব সঙ্গে করিব প্রস্থান ॥
 স্বর্ণপাট বেচি যদি পাই কিছু ধন ।
 তবে ত বিপদে তরি এই নিবেদন ॥

রাজার বিনয়-বাক্য শুনি মহাজন ।
 কিস্তরে করিল আজ্ঞা, ল'য়ে এস ধন ॥
 রাজাকে কহিল সাধু, শুন মহাশয় ।
 আইস আমার সঙ্গে, নাহি কিছু ভয় ॥
 ছুট হ'য়ে নরপতি উঠে নৌকা'পরে ।
 স্বর্ণপাট ব'য়ে আনে যতেক নফরে ॥
 ভুট হ'য়ে সদাগর বাহিল তরগী ।
 কি কব শনির মায়া, শুন নৃপমণি ॥

কপট-পায়ণ সেই সদাগর ছিল ।
 এই দুষ্ট-চিন্তা দুষ্ট অন্তরে করিল ॥
 মিলাইল যদি ধন দৈবেতে আমাকে ।
 সুচাই মনের ব্যথা বধিয়া ইহাকে ॥
 এতেক ভাবিয়া মনে দুষ্ট-দুরাচার ।
 রাজাকে ধরিয়া ফেলে সাগর-মাঝার ॥
 রাজাকে ধরিয়া দুষ্ট করিল বন্ধন ।
 জাহি-জাহি করি রাজা করিছে স্মরণ ॥
 কোথা তাল-বেতাল বান্ধব দুইজন ।
 এ-মহাবিপদে কর আমারে তারণ ॥

কোথা গেলে চিন্তাদেবি, আমারে ছাড়িয়া ।
 আমার দুর্গতি প্রিয়ে, দেখ না আসিয়া ॥
 সেই নৌকা'পরে ছিল চিন্তা পতিব্রতা ।
 কান্দিয়া উঠিল রাগী শুনি প্রভু-কথা ॥
 যখন ধরিয়া নৃপে ফেলিল সাগরে ।
 আইল বেতাল-তাল নিদ্রারূপ ধ'রে ॥
 তাল রক্ষা কৈল চক্ষু, বেতাল সে ভেলা ।
 ভাসিয়া নৃপতি যায় যেন রাশি তুলা ॥
 সেইক্ষণে চিন্তাদেবী বালিশ যোগায় ।
 বালিশে আলিস রাখি নৃপ ভাসি যায় ॥

শুনহ আশ্চর্য্য কথা ধর্ম্মের তনয় ।
 বহুকাল জলে ভাসি সৌতিপুরে যায় ॥
 সৌতিপুরে মালাকার-জায়ার ভবনে ।
 আসিয়া লাগিল শুক-পুষ্পের উদ্ভানে ॥
 বহুকাল শুক ছিল যত পুষ্পবন ।
 রাজ-আগমনে পুষ্প ফুটিল তখন ॥
 রাজ-দরশনে পুনঃ জীব সঞ্চারিল ।
 পূর্বমত সব পুষ্প বিকসিত হৈল ॥
 অশোক কিংশুক নাগ ফুটিল বকুল ।
 গন্ধরাজ চাঁপা ফুটে জারুল পারুল ॥
 শেফালি-সেউতী-আদি নানাজাতি ফুল ।
 ফুটিল যতেক পুষ্প নাহি সমতুল ॥
 পুষ্পগন্ধে অলিকূল ধায় মধু-আশে ।
 কোকিল-কোকিলা গান করিছে হরষে ॥
 ষড়ঋতু আসি তথা হৈল উপনীত ।
 শর-ধনু-সহ কাম তথায় উদিত ॥
 পূর্বমত বনশোভা হইল বিস্তর ।
 কর্মাস্তর হইতে মালিনী এল ঘর ॥
 আশ্চর্য্য দেখিয়া বড় ভাবিছে মালিনী ।
 ইহার কারণ কিবা, কিছই না জানি ॥

বন দেখি হুঁতী অতি মালীর রমণী ।
 কুসুমকাননে শীত্রে প্রবেশিল ধনী ॥
 একে-একে নিরখিয়া চতুর্দিকে চায় ।
 হেনকালে শ্রীবৎসকে দেখিল তথায় ॥
 কন্দর্প-আকার এক পুরুষ-সুন্দর ।
 দেখিয়া মালিনী কহে করি ঘোড়কর ॥
 কোথা হৈতে এলে তুমি, কোন্ মহাজন ।
 সত্য করি কহ বাছা, মোর নিবেদন ॥
 মালিনী-বিনয় শুনি তবে নৃপমণি ।
 কহিতে লাগিল রাজা আপন-কাহিনী ॥
 বাণিজ্যে আইনু আমি করিতে ব্যাপার ।
 ডিঙ্গা-ডুবি হ'য়ে দুঃখ হইল আমার ॥
 ভাগ্যহেতু প্রাণ পাই, তেঁই আসি কূল ।
 আমার ভাবনা মিথ্যা, ভবিতব্য মূল ॥
 শুনিয়া মালিনী কহে, শুন মহাশয় ।
 থাকহ আমার ঘরে, নাহি কিছু ভয় ॥
 শুভগ্রহ হৈল তব, দুঃখ-অবসান ।
 নহে কেন নৌকা-ডুবে পাইলে পরাণ ॥
 আর কেহ নহি বাপু, বন্ধি একাকিনী ।
 মোর গৃহে ভাগিনেয়-ভাবে থাক তুমি ॥
 এমতে রহিল তথা শ্রীবৎস-ভূপতি ।
 শুনহ অপূর্ব কথা ধর্ম্ম-মহামতি ॥
 বনপর্বের শ্রীবৎসের পুণ্য-উপাখ্যান ।
 কাশীরাম দাস কহে, শুনে পুণ্যবান ॥

২০। শ্রীবৎস-রাজের মালিনী-আলয়ে অবস্থিতি ।

মালিনীর বাণী শুনি, আনন্দিত নৃপমণি,
 তুষ্ট হ'য়ে গেল সেই বাসে ।
 আয়োজন আনি দিল, নৃপতি রঞ্জন কৈল,
 বঞ্চে রায় কোঁতুক-বিশেষে ॥

এইরূপে নৃপবর, রহিল মালিনী-ঘর,
 আছে রায়, কেহ নাহি জানে ।
 শুন ধর্ম্ম-মহাশয়, শুভকাল যবে হয়,
 শুভ তার হয় দিনে-দিনে ॥

অপূর্ব বিধির কর্ম্ম, কেবা তার বুঝে মর্ম্ম,
 স্বজন পালন পুনঃ পাত্য ।
 একবার হয় অংশ, আরবার করে ধ্বংস,
 কর্ম্মযোগে করে যাতায়াত ॥

পুনঃ জন্মে, পুনঃ মরে, এইরূপে ফিরে-ফিরে,
 তথাচ না বুঝে মৃঢ়-জন ।
 লোভ ক'রে অপহরে, কুকর্ম্ম কতেক করে,
 মাধু-কর্ম্ম না করে কখন ॥

আশ্চর্য্য শুনহ রাজা, সেইদেশে মহাতেজা,
 বাহুদেব-নামে নৃপবর ।
 ভক্তা-নামে তাঁর কন্ঠা, রূপে-গুণে মহী ধন্যা,
 সৌজন্যেতে দ্রোপদী-সোসর ॥

রূপ-গুণ বর্ণিবারে, কার শক্তি, কেবা পারে,
 তিলোত্তমা-জিনি রূপবতী ।
 কন্ঠায় পৃথিবী-সম, লক্ষণেতে লক্ষী-স্রম,
 তপে যেন অগ্নি-স্বাহাসতী ॥

জন্মাবধি কৰ্ম্ম তাঁর, শুন-শুন গুণাধার,
 হরগৌরী করে আরাধন ।
 কঠোর করিল যত, বিস্তারিয়া কব কত,
 আরাধয়ে করি প্রাণপণ ॥
 স্তবে ভূচ্চা হৈমবতী, ডাকি বলে ভদ্রা-প্রতি,
 বর মাগ চিতে ঘাধা লয় ।
 শুনিয়া রাজার হুতা, হইল আনন্দযুতা,
 প্রণমিয়া করযোড়ে কয় ॥
 শুন মাতা ব্রহ্মময়ি, গতি নাই তোমা বই,
 তরাইতে হবে এ-দাসীরে ।
 বর যদি দিবে তুমি, শ্রীবৎস-নৃপতি স্বামী,
 এই বর দেহ মা আমারে ॥
 তুচ্ছ হ'য়ে হরপ্রিয়া, কহিলেন, আশ্বাসিয়া,
 তব ভাগ্যে হবে নৃপবর ।
 তত্ত্বকথা কহি শুন, আসিয়াছে সেইজন,
 রম্ভাবতী মালিনীর ঘর ॥
 তারে বরমাল্য দিয়া, স্থখে ঘর কর নিয়া,
 বর দিনু বাঞ্ছামত তব ।
 বর পেয়ে নৃপহুতা, হইয়া আনন্দযুতা,
 পূজে দেবী করিয়া উৎসব ॥
 শ্রীবৎস-চিন্তার কথা, আরণ্য-পৰ্ব্বতে গাঁথা,
 শুনিলে অধৰ্ম্ম হয় নাশ ।
 কমলাকান্তের হুত, সজ্জনের মনঃপূত,
 বিরচিল কাশীরাম দাস ॥

২১। শ্রীবৎস-রাজের সহিত ভদ্রার বিবাহ ।

শুন ধৰ্ম্ম-মহারাজ করহ শ্রবণ ।
 মালিনী-ভবনে বঞ্চে শ্রীবৎস-রাজন ॥
 মালা গাঁধি করে রাজা কালের হরণ ।
 ফুল-কল-জলে রাজা পূজে নারায়ণ ॥

কায়মনোবাক্যে রাজা ধৰ্ম্মে নাহি ত্যজে ।
 আপনা গোপন করি রহে ধৰ্ম্মকাজে ॥
 শুন ধৰ্ম্ম-মহীপাল অপূৰ্ব্ব-কথন ।
 ভদ্রাবতী কন্যার যতক বিবরণ ॥
 ভোজনে ব'সেছে বাহুদেব-মহীপাল ।
 পরশিতে আসে ভদ্রা হাতে স্বর্ণখাল ॥
 রাণী-জ্ঞান করি রাজা করে পরিহাস ।
 কান্দিয়া কহিল ভদ্রা জননীর পাশ ॥
 শুন রাণী ক্রোধচিত্তে করেন গমন ।
 ভৎসিয়া নৃপতি-প্রতি কহিছে বচন ॥
 ওহে মহারাজ, তুমি রাজমদে মজি ।
 সকল করিলে নষ্ট ধৰ্ম্মপথ ত্যজি ॥
 পরকালবন্ধু ধৰ্ম্ম, তাহে করি হেলা ।
 বিষয়ে হইলে মত্ত রাজভোগে ভোলা ॥
 জ্ঞান না যে মহারাজ, আছয়ে শমন ।
 কি বোল বলিবে তাকে, না ভাব এখন ॥
 এমন কুকৰ্ম্ম রাজা, কেহ না আচরে ।
 আপনার তনয়ারে পরিহাস করে ॥
 হুপাত্র আনিয়া যদি কর কন্যা-দান ।
 চিরদিন স্থখভোগ, বৈকুণ্ঠেতে স্থান ॥
 ইহা না করিয়া তারে কর পরিহাস ।
 ধিক্-ধিক্ রাজা, তব জীবনে কি-আশ ॥
 এমত শুনিয়া রাজা রাণীর বচন ।
 লজ্জিত হইয়া নৃপ কহিছে তখন ॥
 ওহে মহাদেবি, শুন আমার বচন ।
 মিথ্যাবাদে মোরে তুমি করিছ লাঞ্ছন ॥
 এতবড় যোগ্য কন্যা আছে মম ঘরে ।
 একদিনও মহাদেবি, না কহ আমারে ॥
 ধৰ্ম্মে হেলা নাহি আমি করি যে কথন ।
 জানেন আমার মন সেই নারায়ণ ॥

আজি আমি কন্ঠ্য করিব স্বয়ংবর ।
 এত বলি বাহিরে চলিল নৃপবর ॥
 ডাকাইয়া পাত্র-মন্ত্রী আনিয়া সকল ।
 সবারে কহিল আমন্ত্রণ ভূমণ্ডল ॥
 ইচ্ছাবরী হইবেক আমার নন্দিনী ।
 আনন্দিত হৈল সবে এই কথা শুনি ॥
 আজ্ঞা পেয়ে নিমন্ত্রণ করিল সবার ।
 যত দূর পাইলেক মনুষ্য-সঞ্চার ॥
 নিমন্ত্রণ পাইয়া যতেক রাজগণ ।
 বাহুদেব-রাজ্যে সবে কৈল আগমন ॥
 নিরবধি আসে রাজা, কত লব নাম ।
 কলিঙ্গ তৈলঙ্গ আর সৌরাষ্ট্র স্বধাম ॥
 দ্রাবিড় মগধ মৎস্য কর্ণাট-ভূপাল ।
 গুজরাট মহারাষ্ট্র কাশ্মীর পাঞ্চাল ॥
 চতুরঙ্গ-দলে আসে যত নৃপগণ ।
 উপযুক্ত বাস দিল করি নিরুপণ ॥
 স্থির হইল সবে পেয়ে রম্যস্থান ।
 ভক্ষ্য-ভোজ্য যত দিল, নাহি পরিমাণ ॥
 কেবা খায়, কেবা লয়, কেবা দেয় আনি ।
 খাও-খাও, লও-লও, এইমাত্র শুনি ॥
 আড়ে-দৌর্ধ্রে দশক্ৰোশ পুরী-পরিমাণ ।
 প্রতিমঞ্চে প্রতি-রাজ্য করে অধিষ্ঠান ॥
 সবাকারে বিধিমতে পূজিল রাজন্ ।
 আনন্দ-সাগর-নীরে ভাসে রাজগণ ॥
 নানা-কথা-আলাপনে বসে সর্বজন ।
 অধিবাস-হেতু রাজা করিল গমন ॥
 কন্ঠ্য-অধিবাস করে ষষ্ঠ্যাদি-অর্চন ।
 ষোড়শ-মাতৃকা-পূজা গন্ধাধিবাসন ॥
 অগ্নি পূজি গেল রাজা সভায় তখন ।
 শালিনীর মুখে শুনে ত্রীবৎস-রাজন্ ॥

শুনিয়া দেখিব ব'লে বাঞ্ছা কৈল চিত্তে ।
 রাজকন্ঠ্য ইচ্ছাবরী হয় কোন্ পাণ্ড্রে ॥
 সুসজ্জিত রাজগণ সভাস্থ হইল ।
 কদম্ব-তরুর মূলে ত্রীবৎস বসিল ॥
 মনোযোগ কর রাজ্য, ধর্ম্মের নন্দন ।
 বিধির নির্বন্ধ কর্ম্ম কে করে খণ্ডন ॥
 হস্তে চন্দনের পাত্র মাল্যের সহিত ।
 সভামধ্যে ভদ্রাবতী হৈল উপনীত ॥
 ভদ্রার রূপের কথা বর্ণন না যায় ।
 তিলোত্তমা শচীদেবী তার তুল্য নয় ॥
 লক্ষ্মী-অংশে জন্মি ভদ্রা আইলা অবনী ।
 রাজার ঋণেতে মুক্তি বাঞ্ছি নারায়ণী ॥
 সভামধ্যে আসি ভদ্রা করে নিবেদন ।
 এ-সভাতে দেব-দ্বিজ আছ যতজন ॥
 সকলের পদে আমি করি নমস্কার ।
 আজ্ঞা কর, পাই আমি পতি আপনার ॥
 এত বলি চতুর্দিকে করে নিরীক্ষণ ।
 হেনকালে শূন্যবাণী হইল তখন ॥
 কদম্ব-তরুর তলে তোমার ঈশ্বর ।
 যার লাগি কৈলে তপ দ্বাদশ-বৎসর ॥
 শুনি স্মিতমুখী ভদ্রা করিল গমন ।
 যথায় বসিয়া আছে ত্রীবৎস-রাজন্ ॥
 নিকটেতে গিয়া ভদ্রা প্রদক্ষিণ ক'রে ।
 দিলেক চন্দন-মাল্য চরণ-উপরে ॥
 দণ্ডবৎ করি ভদ্রা রহে দাণ্ডাইয়া ।
 যতেক সভার লোক উঠিল হাসিয়া ॥
 ছি ছি করি দুষ্ট যত নিমিল অপার ।
 শিষ্টজন কহে, এই কর্ম্ম বিধাতার ॥
 কাহার ইচ্ছায় কিবা পারে হইবারে ।
 বিধির নির্বন্ধ কেহ খণ্ডাইতে পারে ॥

কাষার সহিত যেন ছাষার গমন ।
কৰ্ম্মের নিৰ্ব্বন্ধ এই জানিবে তেমন ॥
এইরূপে কথার আলাপে সৰ্ব্বজন ।
যার যেই দেশে যাত্রা কৈল রাজগণ ॥

রাজা বাহুদেব চিত্তে অনুতাপ করি ।
শীত্রগতি উঠি যান নিজ-অন্তঃপুরী ॥
কান্দিয়া কহেন রাজা মহাদেবী-স্থান ।
ভদ্রার কপালে হেন কৈল ভগবান্ ॥
এত রাজগণ ছিল, না বরিল কায্য ।
অন্ত্যজ দেখিয়া চিত্ত মজাইল তায় ॥
পুরুষে-পুরুষে মোর রহিল অখ্যাতি ।
হেন ইচ্ছা হয় মোর গলে দিই কাতি ॥

রাণী কহে, মহারাজ, করহ শ্রবণ ।
তব চিন্তা, মম চিন্তা, সব অকারণ ॥
হইবে যখন যাহা, ঈশ্বরের ইচ্ছা ।
তুমি আমি যত চিন্তি, এ-সকল মিছা ॥
হেলায় স্বজন যাঁর, হেলায় সংহার ।
বুঝিবে তাঁহার মায়া, হেন শক্তি কার ॥
ভদ্রা-তনয়ার বুদ্ধি দিয়াছেন তিনি ।
চিন্তা করি কি করিব এবে তুমি-আমি ॥

রাণীর প্রবেশ-বাক্য শুনিয়া রাজন্ ।
মন্ত্রীকে ডাকিয়া আজ্ঞা করিল তখন ॥
বাহিরে আবাস করি দেহ ত ভদ্রার ।
ভক্ষ্য-ভোজ্য দেহ শীত্র যাহা চাহি তার ॥
পুরীর ভিতর আর নাহি প্রয়োজন ।
হ'য়েছে সভার মধ্যে মন্তক-মুণ্ডন ॥
ভদ্রাকন্যা-মুখ আমি না দেখিব আর ।
বিধাতা করিল মোর অন্তঃপুর সার ॥

এতকাল ভগবতী করি আরাধন ।
কুজাতি-কুরূপ-বরে বরিল এখন ॥
এ-সব ভাবিয়া নাহি রুচে অন্নজল ।
ইচ্ছা করি আজি মরি প্রবেশি অনল ॥
লোকমাঝে মুখ দেখাইব কোন্ লাজে ।
এ-ছার জীবন মোর থাকে কোন্ কাজে ॥
হায়-হায় বিধি কেন কৈলা হেনরূপ ।
ভদ্রাকন্যা লাগি এল কত-শত ভূপ ॥
কারে না বরিয়া কৈল দরিদ্রে বরণ ।
এমত ভাবিয়া রাজা কান্দিয়ে তখন ॥

রাণী বলে মহারাজ, হৈলে হতজ্ঞান ।
করণ-কারণ-কর্তা সেই ভগবান্ ॥
হেলায় স্বজন যাঁর, হেলায় সংহার ।
কে বুঝিতে পারে চিত্তে চরিত্র তাঁহার ॥
তুমি-আমি কৰ্ম্মপাশে আছি যে বন্ধনে ।
মাযার কারণ এত চিন্তা করি মনে ॥
কেবা কার ভাই-বন্ধু কেবা কার পিতা ।
অনর্থের হেতু-মাত্র বিষয়কামিতা ॥
মায়া-মোহ ত্যজ রাজা, ধৰ্ম্ম কর সার ।
যাহা হৈতে সংসার-সমুদ্রে হবে পার ॥

এইমতে বুঝাইয়া মহিষী রাজনে ।
বাহির-উদ্ধানে গেল ভদ্রা-সম্মিধানে ॥
দেখিল আছয়ে ভদ্রা স্বামি-বিদ্যমানে ।
ইষ্টলাভে মুগ্ধা, নাহি চাহে কারো পানে ॥
দেখিয়া রাণীর হৈল অতিশয় দুঃখ ।
কোলে নিয়া নিজবস্ত্রে মুছাইল মুখ ॥
জামাতা-কন্যাকে নিয়া বাহির-আবাসে ।
রাখি দৌহাকারে তোষে মধুর-সস্তাষে ॥

এই গৃহে থাক ভদ্রা, না ভাবিহ দুঃখ ।
কতদিন গত হৈলে পাবে বড় সুখ ॥
গৌরী-আরাধনা-ফল মিথ্যা না হইবে ।
কিছুদিন পরে ভদ্রা, রাজরাণী হবে ॥
এইরূপে নন্দিনীকে তুষি মহারাণী ।
ভিতর-মহলে যান, যথা নৃপমণি ॥
রাজা বলে, মোর ভদ্রা গেল কোথাকারে ।
রাণী বলে, রেখে এমু বাহির-মন্দিরে ॥
ভক্ষ্যভোজ্য নিয়োজিত করি দিল লোকে ।
নিত্য-নিত্য পুরী হ'তে ল'য়ে দিবে তাকে ॥
এইমতে দুইজন রহিল বাহিরে ।
দেখ রাজা যুধিষ্ঠির, দৈবে কি না করে ॥
বনপর্বে অপূর্ব শ্রীবৎস-উপাখ্যান ।
কাশী কহে, শুনিলে জন্ময়ে দিব্যজ্ঞান ॥

২২। শ্রীবৎস-রাজের সহিত চিন্তাদেবীর
মিলন ।

শ্রীবৎসের দুঃখ-কথা কহে যদুরায় ।
পঞ্চভাই জিজ্ঞাসেন কাতর-হৃদয় ॥
দ্রৌপদী কহেন, দেব, কহ পুনর্ব্বার ।
চিন্তার কি হৈল গতি কেমন-প্রকার ॥
কিরূপে ভদ্রারে ল'য়ে বঞ্চিল রাজন্ ।
কহ দেব, শুনিতে ব্যাকুল বড় মন ॥
শ্রীকৃষ্ণ বলেন, সবে শুন সেই কথা ।
রাজগৃহে মানহীন, বঞ্চে রাজা তথা ॥
পরগৃহে বঞ্চে পর-অশ্নেতে পালিত ।
জীবনে তাহার ধিক্, মরণ উচিত ॥

কঠেতে বঞ্চে রাজা দিবস-রজনী ।
সাস্থনা করেন ভদ্রা কহি প্রিয়বাণী ॥
বহুকাল গেল দুঃখ, আছে অল্পকাল ।
অচিরে পাইবে রাজ্য, শুন মহীপাল ॥
জ্ঞানবান্ লোকে কভু কাতর না হয় ।
স্থির হ'য়ে কৰ্ম্ম করে, ঈশ্বরে ধোয়ায় ॥
দেখ রায় কৰ্ম্ম-অমুসারে দুঃখ-সুখ ।
ধৰ্ম্মে উপার্জ্জয়ে সুখ অধৰ্ম্মেতে দুখ ॥
ইহা বুঝি মহারাজ, শাস্তচিত্ত হও ।
নিরবধি রাম-নাম বদনেতে লও ॥
না জানহ মহাশয়, আছয়ে শমন ।
ইহা জানি নরপতি, তত্ত্বে দেহ মন ॥
ভদ্রার বিনয়-বাক্য শুনিয়া রাজন্ ।
অহর্নিশ করে রাজা ঈশ্বর-স্মরণ ॥
এরূপে দ্বাদশ বর্ষ হৈল অবশেষ ।
শনি-ভোগ হৈল গত, শুভেতে প্রবেশ ॥
হেনকালে একদিন শ্রীবৎস-রাজন্ ।

ভদ্রা-প্রতি কহে রায় মধুর-বচন ॥
তব বাপে কহি কিছু কৰ্ম্ম দেহ মোরে ।
ক্ষীরোদ-নদীর তটে দান সাধিবারে ১ ॥
শুনিয়া ইঙ্গিতে ভদ্রা মায়েরে কহিল ।
রাণীর ইঙ্গিতে রাজা সেইক্ষণে দিল ॥
পাইয়া নৃপের আজ্ঞা শ্রীবৎস-নৃপতি ।
নদীকূলে বসে রাজা হইয়া জগাতি ২ ॥
শত-শত মহাজন নৌকা বাহি-যায় ।
তল্লাসী লইয়া তারে পুনঃ ছাড়ি দেয় ॥
দেখ রাজা যুধিষ্ঠির, দৈবের ঘটনে ।
কতদিনে সেই সাধু আইসে ঐ-স্থানে ॥

দেখিয়া তরুণী তার শ্রীবৎস চিনিল ।
 আটক করিয়া তরী ঘাটেতে রাখিল ॥
 নিজ-জনে আজ্ঞা দিল শ্রীবৎস তখন ।
 নৌকা হৈতে কূলে তোল আছে যত ধন ॥
 আজ্ঞামাত্র স্বর্ণপাট যতক আছিল ।
 তরী হৈতে নামাইয়া কূলে উঠাইল ॥
 দেখি সদাগর গিয়া নৃপে জানাইল ।
 তোমার জামাতা মোর সর্ব্বস্ব লুটিল ॥
 শুনি রাজা ক্রোধচিত্তে জামাতারে বলে ।
 কি-হেতু সাধুর সব স্বর্ণপাট নিলে ॥

শ্রীবৎস বলেন, রাজা, করহ শ্রবণ ।

সাধু নহে, এই বেটা ছুফ-মহাজন ॥
 এই স্বর্ণপাট যদি করে দুইখান ।
 তবে ত উহার স্বর্ণ হবে সপ্রমাণ ॥
 শুনি সদাগরে ডাকি কহেন নৃপতি ।
 স্বর্ণপাট দুই-খণ্ড কর শীঘ্রগতি ॥
 একখানি পাট যদি দুইখানি হয় ।
 তবে ত তোমার স্বর্ণ হইবে নিশ্চয় ॥

এ-কথা শুনিয়া সাধু কুঠার আনিয়া ।

খুলিতে করিল যত্ন স্বর্ণপাট নিয়া ॥
 খুলিতে নারিল সাধু, মহালজ্জা পায় ।
 তবে ত শ্রীবৎস-রাজ কহিছে সভায় ॥
 খুলিতে নারিল সাধু, পাইলে প্রমাণ ।
 আমি খুলি স্বর্ণপাট করি দুইখান ॥
 স্বর্ণপাট হাতে করি শ্রীবৎস-রাজন ।
 তাল-বেতালে-তবে করেন স্মরণ ॥
 স্মরণ করিবামাত্র দুইখান হয় ।
 দেখিয়া সভার লোক মানিল বিস্ময় ॥
 সজ্জমে উঠিয়া রাজা করি ঘোড়কর ।
 কহে, বাপু, কেবা তুমি হও মায়াদর ॥

দেবতা গন্ধর্ব্ব যক্ষ কিংবা নাগ নর ।

মায়া করি ভদ্রা নিতে এলে গুণাকর ॥
 বুঝি মোর ভদ্রার ভাগ্যের নাহি সীমা ।
 সত্য করি কহ বাপু, না ভাণ্ডিহ আমা ॥
 শ্বশুরের বাক্য শুনি শ্রীবৎস-নৃপতি ।

কহিতে লাগিল তবে মধুর-ভারতী ॥

শুন-শুন মহারাজ, মম নিবেদন ।

অধমে উত্তমে বিধি করে কি মিলন ॥

সমানে-সমানে ধাতা করান সংযোগ ।

সুখ-দুঃখ হয় রাজা, শরীরের ভোগ ॥

মৃত্যু-সম বনে দুঃখ দ্বাদশ-বৎসর ।

শনির পীড়নে আসি তোমার নগর ॥

বিধাতা-নির্ব্বন্ধে করি ভদ্রাকে গ্রহণ ।

ভয় নাহি, মহারাজ, নহি নীচ-জন ॥

শুন নরপতি, তুমি মোর নিবেদন ।

প্রাগ্‌দেশ-পতি আমি শ্রীবৎস-রাজন ॥

চিরদিন ধর্ম্ম-ন্যায়ে রাজ্য পালি আমি ।

দৈব-বিড়ম্বনা মম শুন রাজা, তুমি ॥

একদিন শনি-সহ জলধি-কুমারী ।

হন্দ করি আসে দৌহে আমা-বরাবরি ॥

লক্ষ্মী কহে, আমি শ্রেষ্ঠা সকল সংসারে ।

শনি বলে, আমি শ্রেষ্ঠ যত চরাচরে ॥

এইমত হন্দ করি আসি দুইজন ।

যোরে জিজ্ঞাসিল, কহ শ্রেষ্ঠ কোন্ জন ॥

শুনিয়া হৃদয়ে মোর হৈল বড় ভয় ।

কাহারে কহিব শ্রেষ্ঠ, কহিতে সংশয় ॥

উভয়ে কহিলু কল্য আসিহ প্রভাতে ।

ইহার প্রমাণ কালি বুঝিব মনেতে ॥

বিদায় হইয়া দৌহে করিল গমন ।

আমার ভাবনা হৈল, কি করি এখন ॥

কেবা ছোট, কেবা বড়, কহিতে না পারি ।

অনেক ভাবিয়া চিন্তে অনুমান করি ॥

স্বর্ণ-রৌপ্য-সিংহাসন রাখি দুইথান ।

দুইভিতে সিংহাসন, মধ্যে মম স্থান ॥

সভা করি উপবিষ্ট রহিনু তথায় ।

দুইজন আইলেন প্রভাত-সময় ॥

দৌহে দেখি সমভ্রমে বসাই ঝটিতি ।

কাতর-অন্তরে দৌহে করি বহু-স্ততি ॥

তুচ্ছ হ'য়ে দুইজন বৈসে সিংহাসনে ।

বামে শনি বসে আর কমলা দক্ষিণে ॥

আমাকে জিজ্ঞাসে দৌহে সহাস্ত-বদন ।

শুনিয়া উত্তর আমি করিনু তখন ॥

আপনা-আপনি দৌহে ভাবি দেখ মনে ।

বামে বৈসে সাধারণ, শ্রোষ্ঠ সে দক্ষিণে ॥

এত শুনি ক্রোধী হ'য়ে শনি মহাশয় ।

অল্লদোষে গুরুদণ্ড দিল সে আমায় ॥

রাজ্যনাশ বনবাস স্ত্রীবিচ্ছেদ কৈল ।

মরণ-অধিক দুঃখ আমারে সে দিল ॥

শ্রীবৎস-মুখেতে শুনি এতেক ভারতী ।

ব্রহ্ম হ'য়ে বাহু-রাজ উঠে শীঘ্রগতি ॥

যোড়হাত করি রাজা করেন স্তবন ।

কমহ আমার দোষ অজ্ঞাত-কারণ ॥

শুভক্ষণে ভদ্রা-কন্যা কুলে জন্ম লৈল ।

তার লাগি আজি তব দর্শন মিলিল ॥

সার্থক সেবিল গৌরী আমার নন্দিনী ।

এতদিনে আপনারে ধন্য বলি মানি ॥

ধন্য মোর কুলে ভদ্রা তনয়া হইল ।

ঘরে বসি তোমা হেন বর মিলাইল ॥

এতদিন আছিলাম হইয়া অন্ধির ।

অমৃতে-সিক্ত আজি হইল শরীর ॥

পূর্ব-জন্মার্জিত পুণ্য কতেক আছিল ।

সেই ফলে ভদ্রা-কন্যা তোমারে পাইল ॥

কাতর হইয়া রাজা পড়িল ধরণী ।

শ্রীবৎস কহিছে, তবে শুন মম বাণী ॥

লঘুজনে এতাদৃশ নহে ত উচিত ।

শীঘ্র করি মহারাজ, চিন্ত মম হিত ॥

বন্ধনে আছেন মম চিন্তা নৌকা-পরে ।

তারে মুক্ত করি রাজা, আনহ সত্বরে ॥

শুনি বাহু-নরপতি উঠে শীঘ্রগতি ।

পাত্র-মিত্রগণ সবে চলিল সংহতি ॥

নদীতীরে গিয়া দেখে নৌকার উপরে ।

চিন্তাদেবী আছে তথা কাতর-অন্তরে ॥

কহিতে লাগিল রাজা চিন্তাদেবী-প্রতি ।

দুঃখকাল গেল মাতা, উঠ শীঘ্রগতি ॥

তোমার বিচ্ছেদে দুঃখী শ্রীবৎস-রাজন ।

উঠ মাতা, গিয়া হও মিলিত দুজন ॥

জরায়ুত চিন্তা-অঙ্গ দেখিয়া রাজন ।

জিজ্ঞাসিল চিন্তা-প্রতি তাহার কারণ ॥

পলিত গলিত কেন পতিব্রতা-দেহ ।

জরায়ুক্ত অঙ্গ কেন, বিস্তারিয়া কহ ॥

শুনি চিন্তা কহিতে লাগিল মুদুভাষে ।

জরায়ুক্ত-অঙ্গ-কথা শুন ইতিহাসে ॥

এই সদাগর যায় বাণিজ্য করিতে ।

আটক হইল তরী দৈবের দোষেতে ॥

দৈবজ্ঞ ইহায়ে কয়, সতী যে রমণী ।

সে ছুঁইলে তরী তব চলিবে এক্ষণি ॥

কাঠুরে-রমণীগণ যতেক আছিল ।

ক্রমে-ক্রমে সদাগর সবে আনাইল ॥

সকলে ছুঁইল তরী, না হৈল উদ্ধার ।

পশ্চাতে আমারে গিয়া ডাকে বারবার ॥

বিস্তর বিনয় করি আমারে কহিল ।
 কাতর দেখিয়া মোর দয়া উপজিল ॥
 দয়া করি উদ্ধারিয়া দিখু যদি তরী ।
 দুষ্ঠ-দুরাচার চিতে দুষ্ঠবুদ্ধি করি ॥
 আমারে তুলিয়া নিল নৌকার উপর ।
 ভয় পেয়ে অঙ্গ মম কাঁপে থর-থর ॥
 অতিভয়ে সূর্য্যদেবে করিলাম স্তুতি ।
 স্তবে তুষ্ট হইলেন সূর্য্য মম প্রীতি ॥
 আমি কহিলাম দেব, মোর রূপ লহ ।
 জরায়ুত-অঙ্গ এবে মোরে দান দেহ ॥
 স্তবে তুষ্ট হ'য়ে বর দিলা সেইক্ষণ ।
 মায়া-অঙ্গ দিয়া মোরে কহিল তখন ॥
 স্মরণ করিবামাত্র নিজরূপ পাবে ।
 চিন্তা না করিহ চিন্তা, মহারণী হবে ॥
 দৈবে এহ ঘুচিলে পাইবে নৃপবর ।
 কিছুদিন শুদ্ধচিত্তে ভাবহ ঈশ্বর ॥
 শুন মহারাজ, মম জরার ভারতী ।
 দুঃখ শুনি কান্দে তবে বাহু-নরপতি ॥
 ভূমি সতী পতিব্রতা পতি-অমুরতা ।
 ত্রিভুবনে তব গুণ স্মরিবেক মাতা ॥
 সূর্য্যের চিন্তায় চিন্তা স্বরূপ পাইল ।
 যেমন পূর্ব্বের রূপ, তেমন হইল ॥

রাজা কহে, চতুর্দোল আন শীত্ৰগতি ।
 চিন্তা কহে, চ'লে যাই প্রভুর বসতি ॥
 এত বলি পদব্রজে চলিলেন সতী ।
 যথায় উদ্বেগ-চিত্ত শ্রীবৎস-নৃপতি ॥
 নিকটে যাইয়া চিন্তা প্রদক্ষিণ করে ।
 প্রণিপাত করি কহে স্বামি-বরাবরে ॥

দেখি তবে আস্তে-বাস্তে উঠিয়া রাজনে ।
 বামপার্শ্বে বসাইল নিজ-সিংহাসনে ॥
 চিরদিন বিচ্ছেদেতে ছিল দুইজন ।
 দৌহার মিলনে দৌহে আনন্দিত-মন ॥
 প্রেমাবেশে অবশ হইল দুইজন ।
 পুনঃ-পুনঃ আলিঙ্গন, বদন-চুষন ॥
 বিনোদ-শয্যায় রাজা করিল শয়ন ।
 চিন্তা-ভ্রদ্রা পদ-সেবা করে দুইজন ॥
 নানা-হাসে নানা-রসে শ্রীবৎস-রাজন ।
 অতি-আনন্দেতে করে নিশা-সমাপন ॥
 প্রভাত-সময়ে বার দিয়া বাহুরাজা ।
 শ্রীবৎস-চিন্তারে তবে করে বহু-পূজা ॥
 আনন্দেতে সভাস্থলে বসে সর্ব্বজন ।
 নানা-শাস্ত্র-আলাপন করে জনে-জন ॥
 ভারত-পঙ্কজ-রবি মহামুনি ব্যাস ।
 পাঁচালী-প্রবন্ধে কহে কাশীরাম দাস ॥

২০। পূর্ণগুণিতে শনির আবির্ভাব ও রাজা শ্রীবৎসকে
 বরদান ।

প্রভাতে বাহক রাজা, লইয়া যতেক প্রজা
 বসিয়াছে আনন্দ-বিধানে ।
 এ হেন সময়ে শনি, কহিছে আকাশবাণী,
 শুন সভাপাল সর্ব্বজনে ॥
 দেবতা গন্ধর্ব্ব যক্ষ, সকল আমার পক্ষ,
 সকলে আমারে শ্রেষ্ঠ জানে ।
 বিদ্যাধরী বিদ্যাধর, রাক্ষস কিম্বদন্ত নর,
 সবে মানে, শ্রীবৎস না মানেন ॥

মনুষ্য হইয়া মোরে, অত্যন্ত অবজ্ঞা করে,
কত স'ব ছুঁয় তাহার ।

স্বরাশ্রয় যারে ডরে, মনুষ্য অবজ্ঞা করে,
বুঝ সবে করিয়া বিচার ॥

কহিতে-কহিতে শনি, আইলেন মর্ত্যভূমি,
যথা সভামধ্যে সর্বজন ।

আরক্ত-পিঙ্গল-বর্ণ, রূপ যেন তপ্তশর্প,
পরিধান সুরক্ত বসন ॥

তেজোময় দেখি আভা, উজ্জ্বল হইল সভা,
অতি-ভয় পায় সভাজন ।

আস্তে-ব্যস্তে সর্বজনে, দাণ্ডাইল বিচ্যুতমনে,
করঘোড়ে করয়ে স্তবন ॥

তুমি সকলের সার, তোমা-বিনা নাহি আর,
ত্রিভুবন করয়ে পূজন ।

সর্বঘণ্টে থাক তুমি, তুমি সকলের স্বামী,
নবগ্রহরূপী জনার্দন ॥

আমি মূর্থ মুঢ়জন, কি জানি তোমার গুণ,
জ্ঞানহীন তোমা-রে না চিনি ।

বারেক করহ দয়া, ত্যজিয়া কপট মায়া,
বরদাতা হও মহামানী ॥

এরূপে শ্রীবৎস-ভূপ, স্তব করে বহুরূপ,
স্তবে ভুঁই হ'য়ে শনি কয় ।

শুন ওহে মহারাজা, করহ আমার পূজা,
আর তব নাহি কিছু ভয় ॥

দেশে যাহ নরবর, একচ্ছত্র রাজ্যেশ্বর,
রবে দশ-হাজার বৎসর ।

পুত্র পাবে শত-জন, কন্যারক্ত মহাধন,
অস্ত্রে বাস বৈকুণ্ঠ-নগর ॥

মম সহ করি বাদ, হৈল তব এ-প্রমাদ,
পৃথিবীতে রহিল ঘোষণ ।

যে তোমার নাম লবে, তার মনোব্যথা যাবে,
শুন ওহে শ্রীবৎস-রাজন ॥

শ্রীবৎসকে দিয়া বর, অস্তুহিত শনৈশ্চর,
গেল শনি বৈকুণ্ঠ-ভুবনে ।

ভবার্ণবে ভয় বাসি, বন্দনা করিল কাশী,
বনপর্কে শ্রীবৎস-রাজনে ॥

২৪। ছই ভাষ্যার সহিত শ্রীবৎস-রাজের
স্বরাজ্যে গমন ।

যুধিষ্ঠির বলিলেন, শুন গদাধর ।
বরদাতা হ'য়ে শনি গেল অতঃপর ॥

কি করিল বাহু-রাজা শ্রীবৎস-নৃপতি ।
বিস্তারিয়া সেই-কথা কহ লক্ষ্মীপতি ॥

শ্রীকৃষ্ণ কহেন, রাজা, কর অবধান ।
বর দিয়া শনি যবে গেল নিজস্থান ॥

আনন্দিত বাহুরাজ পুত্রের সহিত ।
করাইল সভাতে বিবিধ নৃত্যগীত ॥

নানা-বাণ-মহোৎসব প্রতি-ঘরে-ঘরে ।
হাস্য-পরিহাসে কেহ পাশাক্রীড়া করে ॥

অস্ত্র লোফালুফি করে ধামুকী তবকী ।
কেহ ভোজবিছা খেলে চ'ক্ষে দিয়া ঝাঁকি ॥

বাণের আলাপ কেহ করে কোন স্থানে ।
কেহ নাচে, কেহ গায় আনন্দ-বিধানে ॥

রোপাইল সারি-সারি গুবাক-কদলী ।
চন্দনের ছড়া দিয়া নাশিলেক ধূলি ॥

দিব্যরত্ন-অলঙ্কারে বেশভূষা করে ।
 অগুরু-চন্দন চুয়া পুষ্পমাল্য পরে ॥
 যতনে পরয়ে কেহ উত্তম-বসন ।
 কোন নারী ছরা করি করিল রন্ধন ॥
 চর্ক্য-চুষ্য-লেখ-পেয় করি আয়োজন ।
 কোন-কোন স্থানে হয় ব্রাহ্মণ-ভোজন ॥
 নগরের মধ্যে এই হইল ঘোষণ ।
 মালিনীর গৃহে ছিল শ্রীবৎস-রাজন ॥
 ধন্য বাহু-রাজ ঘরে ভদ্রা জন্মেছিল ।
 যাহা হৈতে বাহুরাজ শ্রীবৎসে পাইল ॥

এইরূপে মহানন্দে রহে সর্বজন ।
 কতদিন বঞ্চে তথা শ্রীবৎস-রাজন ॥
 একদিন প্রভাতে করিয়া স্নান-দান ।
 যায় রাজা সানন্দে শ্বশুর-সম্মিধান ॥
 করযোড় করি কহে শ্রীবৎস-রাজন ।
 অবধান কর রায়, মোর নিবেদন ॥
 আজ্ঞা কর, নিজদেশে করিব গমন ।
 বহুদিন দেখি নাই জ্ঞাতি-বন্ধুগণ ॥
 বাহুরাজ বলে, বাপু, কি-কথা कहিলে ।
 পূর্বপুণ্যফলে বিধি তোমারে মিলালে ॥
 এই রাজ্যে রাজা তাত হইবে আপনি ।
 কি-কারণে হেন কথা কহ নৃপমণি ॥

রাজা কহে যত কহ স্নেহের কারণ ।
 অগ্নি আমি নিজ রাজ্যে করিব গমন ॥
 নিশ্চিত বুঝিয়া মন কহ-নৃপবর ।
 সারথিরে আজ্ঞা তবে করিল সত্বর ॥
 আজ্ঞামাত্র সারথি চলিল শীঘ্রগতি ।
 সাজাইয়া রথ শীঘ্র আনিল সারথি ॥

রাজা বলে, সৈন্যগণ, সাজ সর্বজন ।
 শ্রীবৎস कहিল রায় নাহি প্রয়োজন ॥
 দক্ষিণ-সমুদ্রে-পারে আমার বসতি ।
 কেমনে যাইবে সৈন্য, তব ঘোড়া হাতী ॥
 রাজা বলে, কেমনে যাইবে তুমি তথা ।
 শ্রীবৎস বলিল, রাজা, উপায় দেবতা ॥

তাল-বেতালেরে রাজা করিল স্মরণ ।
 স্মরণমাত্রেরে তারা আসে দুইজন ॥
 হাসিয়া कहিল দৌহে, কি আজ্ঞা করহ ।
 শ্রীবৎস कहিল, মোরে নিজ-রাজ্যে লহ ॥
 শ্বশুরে প্রণাম করি উঠে রথোপরে ।
 চিন্তা-ভদ্রা বলি নৃপ ডাকিল সত্বরে ॥
 জনক-জননী-পদে বিদায় মাগিল ।
 চিন্তা-ভদ্রা দৌহে আসি রথে আরোহিল ॥
 চুড়ায় বসিল তাল-বেতাল-সারথি ।
 বায়ুবেগে যায় রথ স্থললিত গতি ॥
 নিমেষে উত্তরো দশ-হাজার যোজন ।
 রাজা কহে, কহ তাল, এই স্থান কোন্ ॥
 তাল কহে, ঐ দেখে স্মরতি আশ্রম ।
 कहিতে कहিতে পায় কাঠুরে ভবন ॥
 তাল কহে, মহারাজ, কর অবধান ।
 পোড়া-মৎস্য জলে গেল, দেখে সেই স্থান ॥
 ভাঙ্গা নায়ে শনি আসি কাঁথা হ'রে নিল ।
 নিমেষেতে সেই স্থান পশ্চাৎ হইল ॥
 ক্রমে উপনীত আসি আপন ভবন ।
 তাল কহে, নিজ-রাজ্যে আইলা রাজন ॥
 রথ হৈতে রাজা রাণী নামি তিনজন ।
 পদভ্রজে ধীরে-ধীরে করেন গমন ॥

শুনিল নগর-লোক, আইল রাজন্ ।
 মৃত-শরীরেতে যেন পাইল জীবন ॥
 বামপাশে ছুই-রাণী সিংহাসনে রাজা ।
 পাত্র-মিত্র সবে আসি করিলেক পূজা ॥
 পূর্বের স্বেচ্ছা-বন্ধু যতক আছিল ।
 ক্রমেতে আসিয়া সবে একত্র হইল ॥
 বান্ধব সানন্দ, নিরানন্দ রিপুগণ ।
 পূর্বমত রাজ্য রাজা করেন শাসন ॥
 চিন্তা-ভদ্রা ছুই-রাণী পরম-সুশীলা ।
 ক্রমে-ক্রমে শতপুত্র দৌহে প্রসবিলা ॥
 ছুই-রাণী-গর্ভে জন্মে ছুই-কন্যা-ধন ।
 অমৃততে অভিষিক্ত হইল রাজন্ ॥
 বহুকাল রাজ্য করে শ্রীবৎস-রাজন্ ।
 ধন্য-কর্ম্ম করে যত না যায় বর্নন ॥
 রাজসূয় অশ্বমেধ করে বার-বার ।
 দানেতে দরিদ্র কেহ না রহিল আর ॥
 দীর্ঘকাল রাজ্য করে পরম-কৌতুকে ।
 অন্তঃকালে রাণী-সহ গেল বিয়ুহলোকে ॥
 অতএব যুধিষ্ঠির করি নিবেদন ।
 দৈবাবধী কশ্মে শোক করা অকারণ ॥
 শ্রীবৎস-চরিত্র আর শনির মাহাত্ম্য ।
 যেবা শুনে, যেবা পড়ে, সে হয় পবিত্র ॥
 কদাচ শনির কোপ তাহারে না হয় ।
 শাস্ত্রের বচন এই, নাহিক সংশয় ॥
 যে-জন শনির কোপে পড়ে একবার ।
 পদে-পদে ঘটে মহা-বিপদ তাহার ॥
 কাশীরাম দাস কহে, শাস্ত্রের বিধান ।
 না করয়ে কহে যেন শনি-অপমান ॥
 যে-জন শনির পূজা করে বারমাস ।
 বাড়িয়ে সম্পদ তার, কহে কাশীদাস ॥

২৫। শ্রীকৃষ্ণের দ্বারকায় প্রস্থান ।

এত বলি জগন্নাথ মাগেন মেলানি ।
 সবাকারে সম্ভাষণ কৈলা চক্রপাণি ॥
 হৃভদ্রা-সৌভদ্র দৌহে সঙ্গেতে করিয়া ।
 দ্বারকায় গেলা হরি রথ চালাইয়া ॥
 ধৃষ্টদ্যুম্ন ল'য়ে ভাগিনেয় পঞ্চজন ।
 সসৈন্তে পাঞ্চাল-দেশে করিল গমন ॥
 আর যেই ছুই-ভার্য্যা পাণ্ডবের ছিল ।
 নিজ-নিজ-ভ্রাতৃসহ পিত্রালয়ে গেল ॥
 পুণ্য-কথা ভারতের শুনে পুণ্যবান ।
 পৃথিবীতে স্থখ নাহি ইহার সমান ॥
 কাশীরাম দাস কহে, শুন সর্বজন ।
 ভক্তিভরে কর সবে ভারত-শ্রবণ ॥

২৬। পাণ্ডবগণের বৈতবনে গমন ও মার্কণ্ডেয়-
 মুনির আগমন ।

দ্বারকা-নগরে চলিলেন যদুপতি ।
 যুধিষ্ঠির কহিলেন ভ্রাতৃগণ-প্রতি ॥
 দ্বাদশ-বৎসর আমি নিবসিব বনে ।
 যোগ্যস্থান দেখি, যথা বঞ্চি হৃষ্টমনে ॥
 বহু-মৃগ-পক্ষী থাকে, ফল-পুষ্পরাশি ।
 সজল স্থস্থল, যথা আছে সিদ্ধ-ঋষি ॥
 অর্জুন বলেন, সর্ব তোমার গোচর ।
 মুনিগণ হৈতে ভূমি জ্ঞাত চরাচর ॥
 বৈত-নামে মহাবন অতি মনোরম ।
 সাধু-সিদ্ধ-ঋষি-আদি মুনির আশ্রম ॥
 তথায় চলহ সবে, যদি লয় মন ।
 এত শুনি আজ্ঞা দেন ধর্ম্মের নন্দন ॥

নিজ-নিজ-যানারোহে চলেন পাণ্ডব ।
 সঙ্গিতে চলিল যত দ্বিজ-মুনি সব ॥
 দ্বৈত-কাননের গুণ না যায় বর্ণন ।
 গন্ধর্ব্ব-চারণ থাকে মুনি অগণন ॥
 তমাল কদম্ব শাল শিরীষ পিয়াল ।
 অর্জুন খর্জুর জম্বু আত্র সুরমাল ॥
 পারিজাত বকুল চম্পক কুরুবক ।
 নানাজাতি পশু হস্তিগণ মরুবক ॥
 ময়ূর-কোকিল-আদি পক্ষী সদা ভ্রমে ।
 বড়-খুঁতুয়ুক্ত বন লোক-মনোরমে ॥
 দেখিয়া উল্লাসযুক্ত পাণ্ডবের মন ।
 আশ্রম করিল তথা যত মুনিগণ ॥
 সেই বনে ছিল যত তাপস-ব্রাহ্মণ ।
 যুধিষ্ঠিরে আসি সবে করে সম্ভাষণ ॥

হেনকালে আসে মার্কণ্ডেয় মুনিবর ।
 জ্বলদগ্নি-সম তেজ দিব্য-জটাধর ॥
 প্রণমিয়া যুধিষ্ঠির দিলেন আসন ।
 যুধিষ্ঠিরে দেখিয়া হাসেন তপোধন ॥
 দেখিয়া বিস্ময়-চিত্ত কহেন ভূপতি ।
 কি-হেতু হাসিলা, কহ মুনি মহামতি ॥
 যত ঋষিগণ দুঃখী দেখিয়া আমারে ।
 তোমার কি-হেতু হাস্য, না বুঝি অন্তরে ॥
 যুঁহুহাস্য করি মুনি বলেন তখন ।
 যে-হেতু হইল হাস্য, শুনহ রাজন্ ॥
 তুমি যথা মহারাজ, ভাষ্যার সংহতি ।
 সর্ব্বভোগ ত্যজি বনে করিছ বসতি ॥

এইরূপে পূর্ব্বের রাম রঘুর নন্দন ।
 জানকী-সহিত আর অমুজ লক্ষ্মণ ॥
 পিতৃসত্য পালিবারে করি বনবাস ।
 অবহেলে দশস্কন্ধে করিলেন নাশ ॥
 অপ্রমেয়-বল-গুণ রাম রঘুপতি ।
 সত্যে কভু বিচলিত নহে মহামতি ॥
 তিন-পুর জিনিতে ইঙ্গিতমাত্রে পারে ।
 সত্যের কারণে শিরে জটাভার ধরে ॥
 তাদৃশ দেখি যে রাজা, তুমি সত্যবাদী ।
 মহাবল ধর্ম্মবস্ত সর্ব্বগুণনিধি ॥
 তবু বনে দুঃখ ভুঞ্জ সত্যের কারণ ।
 বিধির নির্বন্ধ নাহি খণ্ডে কদাচন ॥
 যখন যা ধাতা আনি করয়ে সংযোগ ।
 ধর্ম্মপথে থাকি সাধু করে তাহা ভোগ ॥
 বলে শক্ত হৈলে সত্য নাহিক ত্যজিবে ।
 বিধির নির্বন্ধ কস্ম কভু না লজিবে ॥
 বড়-বড় মত্তহস্তী পর্ব্বত-আকার ।
 পরাক্রমে দলিবারে পারয়ে সংসার ॥
 তথাপিহ পশু হ'য়ে বিধি-বশে থাকে ।
 কিমতে খণ্ডিতে পারে তোমা-হেন লোকে ॥
 ধন্য মহারাজ, তুমি পাণ্ডুরনন্দন ।
 তোমার গুণেতে পূর্ণ হৈল ত্রিভুবন ॥
 এত বলি মুনিরাজ আশীষ করিয়া ।
 আপন-আশ্রম-প্রতি গেলেন চলিয়া ॥
 মহাভারতের কথা অমৃত-লহরী ।
 কাশী কহে, শুনিলে তরয়ে ভববারি ॥

২৭। জ্যোতীর পরিতাপ-বাক্য।

দ্বৈতবন-মধ্যে পঞ্চ পাণ্ডুর নন্দন।
ফল-মূল্যহার জটা-বঙ্কল-ভূষণ ॥
একদিন বসি কৃষ্ণা যুগিষ্ঠির-পাশে।
কহিতে লাগিল দুঃখ সঙ্করণ-ভাষে ॥
এ-হেন নির্দয় ছুরাচার দুর্ব্যোধন।
কপট করিয়া তোমা পাঠাইল বন ॥
কিছুমাত্র তব দোষ নাহি তার স্থানে।
এ-হেন দারুণ কৰ্ম্ম করিল কেমনে ॥
কঠিন হৃদয় তার লৌহেতে গঠিল।
তিলমাত্র তার মনে দয়া না জন্মিল ॥
তোমার এ-গতি কেন হৈল নরপতি।
সহনে না যায়, মোর সন্তাপিত মতি ॥
রতনে ভূষিত শয্যা, নিদ্রা না আইসে।
এখন শয়ন রাজা, তীক্ষ্ণধার কুশে ॥
কন্তুরী-চন্দনে লিপ্ত হৈত কলেবর।
এখন সে তনু হায় ধূলায় ধূসর ॥
মহারাজগণ যার বসিত চৌপাশে।
তপস্বি-সহিতে এবে তপস্বীর বেশে ॥
লক্ষ-লক্ষ রাজা যার স্বর্ণপাত্রে ভুঞ্জে।
এবে ফলমূল ভক্ষ্য অরণ্যের মাঝে ॥
এই সব ভ্রাতা তব ইন্দ্রের সমান।
ইহা-সবা-প্রতি নাহি কর অবধান ॥
মলিন-বদন ক্লিষ্ট দুঃখেতে দুর্বল।
হেঁটমুখে থাকে সদা ভীম মহাবল ॥
ইহা দেখি রাজা, তব নাহি জন্মে দুখ।
সহনে না যায়, মম কাটিতেছে বুক ॥
ভীম-সম পরাক্রমে নাহি ত্রিভুবনে।
কণমাঝে সংহারিতে পারে কুরুগণে ॥

সকল ত্যজিল রাজা, তোমার কারণ।
কিমতে এ-সব দুঃখ দেখহ রাজন্ ॥
এই যে অর্জুন কার্তবীর্য্যের সমান।
যাহার প্রতাপে সুরাসুর কম্পমান ॥
পৃথিবীতে বৈসে যত রাজরাজেশ্বর।
রাজসূয়ে খাটাইল করিয়া কিঙ্কর ॥
দুঃখ-চিন্তা করে সদা মলিন-বদনে।
ইহা দেখি রাজা, তাপ নাহি তব মনে ॥
সুকুমার মাদ্রীস্থত দুঃখী অধোমুখ।
ইহা দেখি রাজা তব, নাহি জন্মে দুঃখ ॥
ধৃষ্টদ্যুম্নস্বসা আমি দ্রুপদ-নন্দিনী।
ভুমি হেন মহারাজ, আমি হই রাণী ॥
মম দুঃখ দেখি রাজা, তাপ না জন্ময়।
ক্রোধ নাহি তব মনে জানিনু নিশ্চয় ॥
ক্ৰজ হ'য়ে ক্রোধ নাহি, নাহি হেনজন।
তোমাতে নাহিক রাজা, ক্রজিয়-লক্ষণ ॥
সময়েতে যেই-বীর তেজ নাহি করে।
হীনজন বলে রাজা, তাহারে প্রহারে ॥

এই অর্থে পূর্বের রাজা, আছয়ে সংবাদ।
দৈত্যপতি বলি-প্রতি বলিছে প্রহ্লাদ ॥
করযোড়ে বলি জিহ্বাসিল পিতামহে।
ক্ষমা-তেজ উভয়ের ভাল কারে কহে ॥
সর্বধর্ম্ম-অভিজ্ঞ প্রহ্লাদ মহামতি।
কহিতে লাগিল শাস্ত্রমত পৌত্র-প্রতি ॥
সদা ক্ষমী না হইবে, সদা তেজোবন্ত।
সদা ক্ষমা করে, তার দুঃখে নাহি অন্ত ॥
আছুক শত্রুর কার্য্য, মিত্র নাহি মানে।
অবজ্ঞা করিয়া নারী বাক্য নাহি শুনে ॥
কার্য্যে অবহেলা করে, নাহি করে ভয়।
যথাস্থানে বাহা করে, ক্রমে হয় লয় ॥

বলে অশ্রু হরি লয় তার ভার্যাগণ ।
 অতি-ক্ষমাশীল দেখি করয়ে হেলন ॥
 অতি-ক্ষমাশীল দেখি ভার্যা নাহি মানে ।
 সে-কারণে সদা ক্ষমা ত্যজে বুধগণে ॥
 দোষমত দণ্ড দিবে শাস্ত্র-অনুসারে ।
 মহাক্লেশ পায় সে, যে সদা ক্ষমা করে ॥
 ক্ষমার কারণ তবে শুন নরপতি ।
 একবার ক্ষমা করে মূর্খজন-প্রতি ॥
 নির্বুদ্ধি অজ্ঞানে ক্ষমা করি একবার ।
 দুইবার কৈলে দোষ, দণ্ড দিবে তার ॥
 দুইবারে ক্ষমা কেহ না করে রাজন ।
 কত দোষ তোমার না কৈল চূর্যোধান ॥
 সে-কারণে ক্ষমা রাজা, না কর তাহারে ।
 তেজঃকালে কর তেজ, ক্ষমা ফেল দূরে ॥
 মহাভারতের কথা অমৃত-সমান ।
 কাশীরাম কহে, ইহা বিনা নাহি আন ॥

২৮। যুধিষ্ঠির-দ্রৌপদী-সংবাদ ।

দ্রৌপদীর বাক্য শুনি ধর্ম-নরপতি ।
 করেন উত্তর তার ধর্মশাস্ত্র-নীতি ॥
 ক্রোধ-সম পাপ দেবি, নাহিক সংসারে ।
 প্রত্যক্ষে শুনহ, ক্রোধ যত পাপ ধরে ॥
 গুরু-লঘু-জ্ঞান নাহি থাকে ক্রোধকালে ।
 অবক্তব্য-কথা লোকে ক্রোধ হৈলে বলে ॥
 আছুক অন্তর কার্য, আত্মা হয় বৈরী ।
 বিষ খায়, ডুবে মরে, অঙ্গে অস্ত্র মারি ॥
 সে-কারণে বুধগণ সদা ক্রোধ ত্যজে ।
 অক্রোধ যে-জন, তারে সর্বলোকে পূজে ॥

ক্রোধে পাপ, ক্রোধে তাপ, ক্রোধে কুলক্ষয় ।
 ক্রোধে সর্বনাশ হয়, ক্রোধে অপচয় ॥
 জপ তপ সন্ন্যাস ক্রোধীর অকারণ ।
 রজোগুণে ক্রোধে বিধি করিল সৃজন ॥
 হেন ক্রোধে যেইজন জিনিবারে পারে ।
 ইহলোক পরলোক অবহেলে তারে ॥
 সময়েতে তেজ দেখাইবে সমুচিত ।
 ক্রোধে মহাপাপ না করিবে কদাচিৎ ॥
 ক্ষমা-সম ধর্ম দেবি, অন্ত-ধর্ম নয় ।
 পূর্ব্বোক্তে কণ্ঠপ-মুনি করিল নির্ণয় ॥
 অষ্টাঙ্গ বেদাঙ্গ যজ্ঞ মহাদান ধ্যান ।
 ক্ষমায় জনের সর্বদা দীপ্যমান ॥
 পৃথিবীকে ধরিয়াছে ক্ষমাবন্ত জনে ।
 আমা-সম জন ক্ষমা ত্যজিবে কেমনে ॥
 সে-হেতু দ্রৌপদী, সদা ত্যজ ক্রোধ-মন ।
 অশ্বমেধ-ফল লভে, অক্রোধী যে-জন ॥
 চূর্যোধান না ক্ষমিল, আমি না ক্ষমিব ।
 এইকণে কুরুবংশ সকলি মজাব ॥
 কুরুবংশ দেখ দেবি, মম পুণ্যভার ।
 মম ক্রোধ হৈলে বংশ হইবে সংহার ॥
 ভীষ্ম-দ্রোণ-বিভীষ্মাদি বুঝাইবে সবে ।
 চূর্যোধান সেই কথা না শুনিবে যবে ॥
 আপনার দোষে তারা হইবে সংহার ।
 পূর্ব্ব করিয়াছি আমি এমত বিচার ॥
 কৃষ্ণ বলে, সেই বিধাতারে নমস্কার ।
 যেইজন হেনরূপ করিল সংসার ॥
 সেইজন যাহা করে, সেইমত হয় ।
 মনুষ্যের শক্তি-বলে কিছু সাধ্য নয় ॥
 যজ্ঞ দান তপ ব্রত বহু আচরিলে ।
 দ্বিজসেবা দেবপূজা কতই করিলে ॥

ধিক্-ধিক্, বিধি তার কৈল হেন গতি ।
 ধৰ্ম্মহেতু পঞ্চভাই পাইলে দুর্গতি ॥
 ধৰ্ম্মহেতু সব ত্যজি আইলে বনেতে ।
 চারি-ভাই আমাকেও পারহ ত্যজিতে ॥
 তথাপিহ ধৰ্ম্ম নাহি ত্যজিবে রাজন ।
 কায়ার সহিত যেন ছায়ার গমন ॥
 যেইজন রাখে ধৰ্ম্ম, ধৰ্ম্ম তারে রাখে ।
 নাহিক সন্দেহ ইথে, শুনি ব্যাসমুখে ॥
 তোমারে না রাখে ধৰ্ম্ম কিসের কারণে ।
 এই ত বিশ্বয়-খেদ হয় মম মনে ॥
 তোমার যতেক কৰ্ম্ম বিখ্যাত সংসার ।
 সৰ্বক্ষিতীশ্বর হ'য়ে নাহি অহঙ্কার ॥
 শ্রেষ্ঠজন হীনজন দেখহ সমান ।
 সহাস্তবদনে সদা কর নানা-দান ॥
 লক্ষ লক্ষ বিপ্রগণ স্বর্ণপাত্রে ভুঞ্জে ।
 আমি করি পরিচর্যা সেবা-হেতু দ্বিজে ॥
 দিতাম স্তবর্ণপাত্রে দ্বিজে আজ্ঞামাত্রে ।
 এখন বনের ফল ভুঞ্জ বনপত্রে ॥
 রাজসূয়-অশ্বমেধ-আদি যজ্ঞ সব ।
 স্তবর্ণ-গো দন-আদি-দান-মহোৎসব ॥
 সে-সব করিতে বুদ্ধি হইল তোমায় ।
 সৰ্ব্বশ হারিলে রাজা, কপট-পাশায় ॥
 যে-বনের মধ্যে রাজা, চোর নাহি থাকে ।
 তথায় নিযুক্ত বিধি করিল তোমাকে ॥
 এখন সে-ধৰ্ম্ম ভুমি করিবে কেমনে ।
 রাজ্যহীন, ধনহীন, বসতি কাননে ॥
 ধিক্ বিধাতারে, যেই করে হেন কৰ্ম্ম ।
 দুর্ব্যোধন দুর্ভাচার করিল আজন্ম ॥
 তাহারে অর্পণ কৈল পৃথিবীর ভোগ ।
 তোমাতে ঘটিল বিধি এমন সংযোগ ॥

যুধিষ্ঠির কহে, কৃষ্ণা, উত্তম কহিলে ।
 কেবল করিলে দোষ, ধৰ্ম্মেরে নিন্দিলে ॥
 আমি যত কৰ্ম্ম করি, ফলাকাঙ্ক্ষা নাই ।
 যাহা করি সমর্পি যে ঈশ্বরের ঠাঁই ॥
 কৰ্ম্ম করি যেইজন ফলাকাঙ্ক্ষী হয় ।
 বণিকের মত সেই বাণিজ্য করয় ॥
 ফললোভে কৰ্ম্ম করে, লুন্স বলি তারে ।
 লোভে পুনঃপুনঃ পড়ে নরক-দুস্তরে ॥
 এই ত সংসারসিদ্ধি, উন্মি কত তায় ।
 হেলে তারে সাধুজন ধৰ্ম্মের নৌকায় ॥
 ধৰ্ম্ম-কৰ্ম্ম করি ফলাকাঙ্ক্ষা নাহি করে ।
 ঈশ্বরেতে সমর্পিলে অবহেলে তারে ॥
 ধৰ্ম্মফল বাঞ্ছা করি ধৰ্ম্ম-গর্ব্ব করে ।
 ধৰ্ম্মের করিয়া নিন্দা অধৰ্ম্ম আচরে ॥
 এইসব জনগণে পশুমধ্যে গণি ।
 বৃথা জন্ম যায় তার, পায় পশুযোনি ॥
 ধৰ্ম্মশাস্ত্র-বেদনিন্দা করে যেইজন ।
 তির্য্যকের মধ্যে তারে করয়ে গণন ॥
 পুনঃপুনঃ তির্য্যগ্-যোনিতে জন্ম হয় ।
 নরক হইতে তার কভু পার নয় ॥
 শিশু হ'য়ে ধৰ্ম্মচর্যা করে যেইজন ।
 বৃদ্ধের ভিতর তারে করয়ে গণন ॥
 প্রত্যক্ষে দেখহ কৃষ্ণা, ধৰ্ম্ম যাহা কৈল ।
 সপ্তবৎসরের আয়ু মার্কাণ্ডেয় ছিল ॥
 ধৰ্ম্মবলে সপ্তকল্প জীয়ে মুনিরাজ ।
 আর যত দেখ মুনি-ঋষির সমাজ ॥
 মুখে যাহা কহে, তাহা হয় সেইকণ ।
 ধৰ্ম্মবলে ভ্রমিবারে পারে ত্রিভুবন ॥
 ইন্দ্র-চন্দ্র-নক্ষত্রাদি যত স্বর্গবাসী ।
 ধৰ্ম্ম আচরিতা সবে স্বর্গমধ্যে বসি ॥

তপ জপ যজ্ঞ দান ত্রুত শ্রেষ্ঠাচার ।
 বাঞ্ছা না করিলে নাহি ফল পায় তার ॥
 আমারে বলিলে তুমি, সদা কর ধর্ম ।
 আজন্ম আমার দেবি, সহজ এ-কর্ম ॥
 পূর্বের সাধুগণ সব গেল যেই-পথে ।
 মম চিত্ত বিচলিত না হয় তাহাতে ॥
 তুমি বল, বনে ধর্ম করিবে কেমনে ।
 যথাশক্তি তাহা আমি করিব কাননে ॥
 অন্ন পাপ কৈলে প্রায়শ্চিত্ত আছে তার ।
 ধর্মনিন্দা কৈলে প্রায়শ্চিত্ত নাহি আর ॥
 হর্তা কর্তা ধাতা যেই সবার ঈশ্বর ।
 যাঁহার সৃজন এই সব চরাচর ॥
 আমি কোন্ কীট তাঁরে অমান্য করিতে ।
 ভ্রম নাহি আমার ইহাতে কোনমতে ॥
 মহাভারতের কথা শ্রদ্ধার সাগর ।
 কাশীরাম দাস কহে, শুনে সাধু-নর ॥

—

২০। যুধিষ্ঠিরের প্রতি দ্রৌপদীর উক্তি।

দ্রৌপদী বলেন, রাজা, কর অবধান ।
 আর কিছু নিবেদন আছে তব স্থান ॥
 পূর্বের শুনিয়াছি আমি জনকের গৃহে ।
 দ্বিজ এক কৈল, ইন্দ্র-গুরু যাহা কহে ॥
 সংসারেতে যত দেখে কর্মভোগ করে ।
 কর্ম-অনুসারে ধাতা ফল দেয় তারে ॥
 সে-কারণে কর্ম রাজা, অবশ্য করিবে ।
 কর্ম না করিলে ফল কিরূপে লভিবে ॥
 কর্ম নাহি করিলে স্বাবর-মধ্যে গণি ।
 স্বাবরের কর্ম-শক্তি নাহি, নৃপমণি ॥

পশু-পক্ষি-আদি যত ভুঞ্জে কৃতকাজ ।
 সবে কর্ম-অনুগত, দেখে মহারাজ ॥
 মাতৃস্তন্য-পান হৈতে কর্ম্মতে প্রবেশে ।
 ফলে বাঁ না ফলে কর্ম্ম, করে ফল-আশে ॥
 কর্ম্ম নাহি করে, আর গৃহে বসি থায় ।
 সমুদ্রে-প্রমাণ দ্রব্য থাকিলে সে যায় ॥
 কোটি-কোটি-জনে দ্রব্য পায় আচম্বিতে ।
 বিনাকর্ম্মে নহে সেই, পূর্ব-কর্ম্মাজিজিতে ॥
 যে-জন যেমত শুভাশুভ কর্ম্ম করে ।
 জন্ম-জন্ম দেন ফল বিধাতা তাহারে ॥
 বান্ধিয়া ভুঞ্জায় ধাতা কর্ম্মতে থাকিলে ।
 কাষ্ঠ হৈতে অগ্নি যেন, তৈল হয় তিলে ॥
 সংসারে করয়ে কর্ম্ম বিবিধ-প্রকার ।
 কর্ম্ম-অনুসারে ফল না হয় তাহার ॥
 পূর্বের লোক যা করিল, অবশ্য করিবে ।
 ভক্ষ্য-পান-শয়নাদি আলস্য ত্যজিবে ॥
 এত যে নৃপতি, কর্ম্ম করিলে এখন ।
 ইথে কোন্ ফলসিদ্ধি হইবে রাজন্ ॥
 এই চারি-ভাই কেহ কর্ম্মে ন্যূন নয় ।
 ইহারা করিলে কর্ম্ম কিবা ফলোদয় ॥
 তোমার কর্ম্মতে চারি-ভাই অনুগত ।
 এ-সব কৃষক, তুমি জলধর-মত ॥
 চমিয়া কৃষক তুমি বীজ তায় ফেলে ।
 জল-বিনা শস্য তায় কিছু নাহি ফলে ॥
 বিধির সৃজন, আর কহে যুনিগণ ।
 যার যেবা ধর্ম্মনীতি, কর আচরণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

—

৩০। যুধিষ্ঠিরের প্রতি ভীষ্মের বাক্য।

দ্রৌপদীর বাক্য শুনি ভীম ক্রুদ্ধতর।

করেন ধর্মের প্রতি কর্কশ-উত্তর ॥
শুন মহারাজ, আমি করি নিবেদন।
বীরপুরুষের ধর্ম ত্যজ কি-কারণ ॥
ক্ষত্রিয়-প্রধান-ধর্ম তেজ দেখাইবে।
ভূজবলে রিপু জিনি পৃথিবী ভুঞ্জিবে ॥
পররাজ্যে আছ তুমি নিজরাজ্য ত্যজি।
কি কর্ম করিবে বনে তরুগণে ভজি ॥
তুমি বিস্তারিলে রাজ্য, লইল সে জিনি।
কোন ধর্মবলে নিল, কহ দেখি শুনি ॥
জ্যেষ্ঠপনে নিল কিংবা বলিষ্ঠ বিধায়।
অধর্মে নিলেক রাজ্য কপট-পাশায় ॥
লেশমাত্র ধর্মে তব ছন্ন হৈল জ্ঞান।
শ্রেষ্ঠধর্মে নৃপতি, না কর অবধান ॥
আমি জীতে তোমার বিভব অন্তে লয়।
সিংহ-ভক্ষ্য মাংস যেন শৃগালেতে খায় ॥
মম দ্রব্য ল'য়ে কেবা বাঁচয়ে মানুষে।
দিকপাল সহায় করিয়া যদি আসে ॥
কহ দেখি, কোন রাজা করিছে সম্ম্যাস।
কেবা হীনকর্ম এই করে বনবাস ॥
তুমি যে করিলে ক্ষমা সেই দুষ্কজনে।
শক্তিহীন ভাবে তোমা, তেঁই এলে বনে ॥
ইহা হৈতে যুক্ত্য শ্রেষ্ঠ হয় শতগুণে।
শক্রগণ হাসে রাজা, নাহি সহ্যে প্রাণে ॥
ধর্ম-হেন বুঝ রাজা, তব আচরণ।
ধর্ম নহে, ইহা বড় অধর্ম-গণন ॥
জাতা বন্ধু অনুগত যাহে চুঃখী হয়।
হেন কর্ম-আচরণ কভু ভাল নয় ॥

কুটুম্ব-আত্মীয়-জনে না করি পালন।
অনুভূত কর্ম করে সংসারে যে-জন ॥
পিভূগণে নিন্দা করে, পায় বহুতাপ।
সেই দোষে হয় তার ব্রহ্মহত্যা-পাপ ॥
প্রথমে বাঞ্ছিবে ধন, দ্বিতীয়ে অর্জন।
তৃতীয়ে সঞ্চিবে ধন, কহে মুনিগণ ॥
ধন হৈতে ধর্ম হয় যজ্ঞ দান পূজা।
তীর্থসেবি ভিক্ষায় কি কর্ম হবে রাজা ॥
কহ রাজা, এই কর্ম সম্মত কাহার।
গোবিন্দের মত কিংবা দ্রুপদ-রাজার ॥
অর্জুন সম্মতি কিংবা দিলেক নৃপতি।
আমা-আদি করি ইথে কাহার পৌরিতি ॥
ক্ষত্রধর্ম নহে এই, বিজ্ঞ-আচরণ।
ক্ষত্রধর্মে যুদ্ধে অরি করিবে নিধন ॥
দুষ্কর্ম্য দুষ্কবুদ্ধি রাজা দুর্ব্যোধান।
তাহারে মারিলে পাপ নাহিক রাজন ॥
তাহারে মারিলে যদি কিছু পাপ হয়।
যজ্ঞ দান করিয়া খণ্ডাব মহাশয় ॥
আজ্ঞা কর নরপতি, প্রসন্ন হইয়া।
এক্ষণে পৃথিবী দিব শত্রুকে মারিয়া ॥
পুণ্যকথা ভারতের শুনে পুণ্যবান।
কাশী কহে, স্বথ নাহি ইহার সমান ॥

— — —

৩১। ভীষ্মের প্রতি যুধিষ্ঠিরের প্রবোধ-বাক্য।

যুধিষ্ঠির কহে, ভীম, কহিলে প্রমাণ।
পীড়িলে আমারে তুমি হানি বাক্যবাণ ॥
আমা হৈতে চুঃখেতে পড়িলে তোমা-সব।
আমা-হেতু সহিলে শত্রুর পরাভব ॥

ক্রোধের সমান শত্রু নাহিক সংসারে ।

ক্রোধ হৈলে ভাল-মন্দ বিচার না করে ॥

মায়াবী শকুনি-সহ খেলি নু যখন ।

যত হারি, ক্রোধ করি তত রাখি পণ ॥

না হৈল আমার শক্তি নিবৃত্ত হইতে ।

আণ্ডপাছু বিচার না করিলাম চিতে ॥

এত অপকর্ম্য করিবেক দুর্ধ্যোধন ।

আমার এতেক জ্ঞান না হ'ল তখন ॥

যত অপমান কৈল সাক্ষাতে দেখিলে ।

মম হেতু স্থির হৈয়া সকলি সহিলে ॥

দ্বাদশ-বৎসর বনবাস করি পণ ।

অজ্ঞাত-বৎসর এক জান ভ্রাতৃগণ ॥

হারিয়া কাননে আমি করি নু প্রবেশ ।

কোন যুখে পুনর্ব্বার যাব আমি দেশ ॥

কুরুসভা-মধ্যে যাহা ক'রেছি নির্ণয় ।

অনুথা করিতে তাহা মম শক্তি নয় ॥

মম বাক্যে সবে যদি আছ অবস্থিত ।

তবে হেন করিবারে না হয় উচিত ॥

ক্রোধ করিবারে যদি ছিল তব মন ।

সেইকালে না করিলে কিসের কারণ ॥

পাশার সময় যবে কপট বুঝিলে ।

তাহে পরাভূত হ'য়ে কি-হেতু ক্ষমিলে ॥

পুনঃ বনবাস-পণে খেলিবার কালে ।

তখন আমারে কেন ক্ষান্ত না করিলে ॥

সময়ে না করি কর্ম্ম, অসময়ে চাহ ।

অকারণে বাক্যবাণে আমারে পোড়াহ ॥

এইক্ষণে প্রাণ আমি ছাড়িবারে পারি ।

তথাপিহ সত্য আমি ত্যজিবারে নারি ॥

রাজ্যলোভে সত্য আমি করিব লজ্জন ।

অপযশ অধর্ম্ম ঘূষিবে ত্রিভুবন ॥

রাজ্য-ধন-পুত্র-আদি বহু-যজ্ঞ-দান ।

সত্যের কলার নহে শতাংশ-সমান ॥

পুরুষ হইয়া যার বাক্য সত্য নয় ।

ইহলোকে তারে কেহ না করে প্রত্যয় ॥

অস্তুকালে হয় তার নরকেতে গতি ।

ইহা জানি ভ্রাতৃগণ স্থির কর মতি ॥

কাল কাটি পুনরপি লব রাজ্যধন ।

কষ্টে সত্যচার-ভ্রষ্ট না হয় সৃজন ॥

নৃপতির বাক্য শুনি বলে বৃকোদর ।

হেন নীতি করে রাজা, দৌর্য্যজীবী নর ॥

নির্ণয় করিয়া যেবা নিজ-আয়ু জানে ।

সে-জন কদাচ বর্ত্তে এই আচরণে ॥

নিরন্তর কালচক্র ভ্রমিছে উপর ।

জলবিশ্ব-সম দেখি নর-কলেবর ॥

বৎসরের প্রায় একদিন কাটাইয়া ।

দ্বাদশ-বৎসর রব এ কষ্ট পাইয়া ॥

বৎসরেক অজ্ঞাত থাকিব কোন্ মতে ।

মহেন্দ্র-পর্ব্বতে চাহ তুণে লুকাইতে ॥

আমারে কে নাহি জানে পৃথিবী-ভিতর ।

বাল-বৃদ্ধ-যুবা-মধ্যে খ্যাত বৃকোদর ॥

অর্জুনেরে কিরূপে লুকাবে নৃপবর ।

হস্ত দিয়া আচ্ছাদিতে চাহ দিনকর ॥

দ্রুপদ-নন্দিনী কৃষ্ণা কিরূপে লুকাবে ।

কদাচিৎ পণ হৈতে যদি পার পাবে ॥

সাম্যেতে কদাচ রাজ্য না দিবে ছরস্তু ।

মোরা হই হীনবল, সে যে বলবন্ত ॥

তখন উপায় রাজা, কি করিবে তার ।

শত্রু-বৃদ্ধিহেতু রাজা, বিচার তোমার ॥

হীনবল হৈলে শত্রু, তারে নাহি ক্ষমে ।

উপায় করয়ে সদা নিজ-পরাক্রমে ॥

শক্তিমন্ত হ'য়ে যদি না করে উপায় ।
 কাপুরুষ বলে লোকে, জন্ম বুধা যায় ॥
 সত্যহেতু মনে যদি করহ সংশয় ।
 আছয়ে উপায় তার, শাস্ত্রে হেন কয় ॥
 সোমপুত্ৰিকার মত^১ কহে মুনিগণ ।
 একমাসে একবর্ষ করিবে গণন ॥
 ত্রয়োদশ-মাস রহি বনের ভিতরে ।
 উপায় করহ রাজা শত্রু মারিবারে ॥

ভীমের বচন শুনি ধর্ম-নরপতি ।
 স্তব্ধ হ'য়ে ক্ষণকাল চিন্তে মহামতি ॥
 রাজা বলে, ভীম, যাহা করিলে বিচার ।
 কপট এ-ধর্ম, চিত্তে না লয় আমার ॥
 মেরুসম ধর্ম আমি লজ্জিব কেমনে ।
 বৈরিজয় নহে কভু পাপ-আচরণে ॥
 মদগব্বী অহঙ্কারী ক্রোধী সদাকাল ।
 হেন দুর্ঘ্যোধনে ধাতা কৈলা মহীপাল ॥
 সামান্য সে অরি নহে, যম ভরে যারে ।
 ত্রিভুবন-জয়ী কর্ণ সহায় যাহারে ॥
 দুর্জয় সে ধনুর্ধর ভুবন-ভিতর ।
 অভেদ-কবচারত যার কলেবর ॥
 ভীষ্ম দ্রোণ কুপাচার্য্য এই তিনজন ।
 তাহারে যেমন ভাবে, আমারে তেমন ॥
 তথাপি সবাই বশ হৈল দুর্ঘ্যোধনে ।
 বহুমান্য পূজা সদা নিকটে সেবনে ॥
 আর যত মহারাজ আছে বলবান্ ।
 মম স্থান হৈতে শ্রীতি পায় তার স্থান ॥

সবে প্রাণ দিবে দুর্ঘ্যোধনের কারণে ।
 কেমনে মারিবে তুমি হেন দুর্ঘ্যোধনে ॥
 এই চিন্তা সদা মম হয় রাত্রি-দিনে ।
 কিমতে লইব রাজ্য ভাবিতেছি মনে ॥
 এই সে কারণে মম হৃদয়ে ভাবনা ।
 দুর্ঘ্যোধন-পরাজয় নহে সখা-বিনা ॥
 ধর্মসখা-বিনা নহে সমরে বিজয় ।
 বেদের লিখন, যথা ধর্ম, তথা জয় ॥
 হেন ধর্ম ত্যজিয়া অধর্ম আচরিলে ।
 কহ ভীম, শত্রুজয় হইবে কি ভালে ॥
 ভুজগর্কবলে তুমি কর অহঙ্কার ।
 সাহসিক কর্ম ইহা, নহে সুবিচার ॥
 স্তম্ভগা স্তম্ভক্রম গুপ্ত রাখে মনে ।
 দেবতা প্রসন্ন হৈলে তবে শত্রু জিনে ॥
 এত শুনি হৃকোদর হইল বিমন ।
 ক্রোধেতে নিঃশ্বাস বহে প্রলয়-পবন ॥
 যুধিষ্ঠির ভীম-সহ কথার সময় ।
 আসিলেন তথা সত্যবতীর তনয় ॥
 মহাভারতের পাঠে জ্ঞানের প্রকাশ ।
 শ্রবণে অধর্ম হরে, কহে কাশীদাস ॥

৩২। অর্জুনের শিব-আরাধনার্থ হিমালয়ে গমন ।

করেন ব্যাসের পূজা পাণ্ডুপুত্রগণে ।
 আশীর্ব্বাদ করি মুনি বসিলা আসনে ॥
 যুধিষ্ঠির-প্রতি তবে কহে মুনিবরে ।
 শত্রুগণ-ভয় তব হ'য়েছে অন্তরে ॥

১। পুতি-করুণ লভার ভায়। বজ্রে সোমলতার অভাবে এই লভার ব্যবহার করা হয়। ইহার অর্থ একের বদলে অতকে লওয়া। ভীমের মতে ১৩ বৎসরের বয়সে ১৩ মাস বনবাস করিলেও প্রতিজ্ঞা নষ্ট হইবে না। স্তব্রাং ইহাভে তাহাদের কোন পাপ বা অধর্ম হইবে না।

তোমার হৃদয়-তব্ব জানিলাম আমি ।
 সে-কারণে আইলাম হেথা শীত্ৰগামী ॥
 শক্রগণ-ভয় তুমি ত্যজ নৃপবর ।
 আমি যাহা বলি, তাহা করহ সত্বর ॥
 অশুভ সময় গেল, হইল স্নকাল ।
 এক বিছা দিব আমি, লহ মহীপাল ॥
 এই বিছা হৈতে হবে শিব-দরশন ।
 তোমারে সদয় হবে দেব ত্রিলোচন ॥
 নরঋষি-মূর্তি তব ভাই ধনঞ্জয় ।
 এই মন্ত্ৰবলে ক্ষিতি করিবে বিজয় ॥
 এ-বন ত্যজিয়া রাজা, যাহ অশ্ববন ।
 একস্থানে বহুবধ হয় যুগগণ ॥
 বনে একটাই বসি কোন কর্ম নাই ।
 তীর্থ-দরশন করি ভ্রম ঠাই-ঠাই ॥

এত বলি একান্তে লইয়া মহামতি ।
 যুধিষ্ঠিরে দেন বিছা নাম প্রতিমুতি ॥
 মন্ত্ৰ দিয়া মুনিরাজ গেলেন স্বস্থান ।
 মন্ত্ৰ পেয়ে যুধিষ্ঠির হরিষ-বিধান ॥
 ব্যাস-অনুমতি পেয়ে কুস্তীর নন্দন ।
 বৈতবন ত্যজিয়া চলেন সেইক্ষণ ॥
 উত্তর-মুখেতে সরস্বতী-তীরে-তীরে ।
 উত্তরীলা গিয়া সবে কাম্যক-কান্তারে ॥
 কাম্যক-বনের মধ্যে করেন আশ্রয় ।
 বড়ই নির্গম বন, নাহি কোন ভয় ॥
 যুগয়া করিয়া নিত্য পোষেন ব্রাহ্মণ ।
 পিতৃশ্রাদ্ধ দেবার্চন করে অনুক্ষণ ॥
 কতদিনে মুনিবাক্য করিয়া স্মরণ ।
 নিকটে ডাকিয়া পার্শ্বে বলেন বচন ॥

ভীষ্ম দ্রোণ ভুরিষ্রবা রূপ কর্ণ দ্রৌণি ।
 সর্বশাস্ত্রে বিশারদ, জানহ আপনি ॥
 সবাই হইল ভাই, দুৰ্য্যোধন-ভিতে ।
 আর যত-যত রাজা আছে পৃথিবীতে ॥
 আমার কেবল ভাই, তোমার ভরসা ।
 দুঃখে তুমি উদ্ধারিবে, করিয়াছি আশা ॥
 সে-সবারে জিনিতে পাইনু উপদেশ ।
 উগ্রতপ কর গিয়া তুষিতে মহেশ ॥
 যেই বিছা আমারে দিলেন পিতামহ ।
 তাহা জপি স্বরিতে মিলহ শিব-সহ ॥
 ইন্দ্র-আদি দেবগণ দিবেন দর্শন ।
 তাঁ-সবারে সেবিয়া পাইবে অস্ত্রগণ ॥
 পূর্বের ব্রতাসুর-হেতু যত দেবগণ ।
 নিজ-নিজ-অস্ত্র ইন্দ্রে দিলা সর্বজন ॥
 সর্ব-অস্ত্র পাবে ইন্দ্রে তুষিতে পারিলে ।
 সর্বত্র হইবে জয় শিবেরে ভজিলে ॥
 হিমালয়-গিরি আজি করহ গমন ।
 তথায় নিকটে দেখা পাবে ত্রিলোচন ॥
 এত বলি দিব্য-বিছা দিয়া সেইক্ষণ ।
 আশীষ করিয়া শিরে করেন চূষন ॥
 আজ্ঞা পেয়ে বাহির হইলা ধনঞ্জয় ।
 গাণ্ডীব নিলেন, তুণ-যুগল অক্ষয় ॥
 চতুর্দিকে দ্বিজগণ শুভ-শব্দ কৈল ।
 যাত্রাকালে পার্শ্বে তবে দ্রৌপদী বলিল ॥
 জন্মকালে যা বলিল যত দেবগণ ।
 সে-সকল প্রাপ্তি হোক সেবি ত্রিলোচন ॥
 কটুভাষা যতেক বলিল দুৰ্য্যোধন ।
 সেই-অগ্নি-তাপে অঙ্গ হ'তেছে দাহন ॥

উপায় করহ তার, বিনাশ সমূলে ।
 নিবিস্ব হইয়া পুনঃ আইস মঙ্গলে ॥
 এতেক বলিয়া দেবী করিল বিদায় ।
 অৰ্জুন-বিচ্ছেদে বড় মনস্তাপ পায় ॥
 দেব-দ্বিজ-গুরুজনে বন্দিয়া তখন ।
 বাহির হইলা পার্থ হরষিত-মন ॥
 চলিলেন ধনঞ্জয় উত্তর-মুখেতে ।
 অল্পদিনে উত্তরীলা হেমস্ত-পৰ্বতে ॥
 হিমাদ্রির পারে গন্ধমাদন সুধর ।
 ইন্দ্রকীল-গিরি হয় তাহার উত্তর ॥
 বহুদূঃখে তথায় গেলেন ধনঞ্জয় ।
 শূন্যবাণী হৈল, ইথে করহ আশ্রয় ॥
 আগে পথ নাহি আছে মনুষ্য যাইতে ।
 শুনি পাথ মহাবীর রহেন তাহাতে ॥

হেনকালে তথা এক জটিল তপস্বী ।
 ডাকিয়া অৰ্জুনে বলে নিকটেতে আসি ॥
 কে তুমি কবচ খড়্গ-ধনু-অস্ত্র ধরি ।
 কি-হেতু আইলে তুমি পৰ্বত-উপরি ॥
 অস্ত্রধারী হ'য়ে তুমি এলে কি-কারণ ।
 এ-পৰ্বতে নিবসে নিকাম যতজন ॥
 ধনু-অস্ত্র ফেলহ, ফেলহ তুণ-শর ।
 দিব্য-গতি পেলে, অস্ত্র কোন্ কাজে ধর ॥
 বড় তেজোবন্ত তুমি, এলে সে-কারণ ।
 শুনিয়া নিঃশব্দে রহে ইন্দ্রের নন্দন ॥
 উত্তর না পাইয়া বলয়ে জটাদর ।
 বর মাগ ধনঞ্জয়, আমি পুরন্দর ॥
 করযোড়ে ধনঞ্জয় বলেন তখন ।
 বর যদি দিবে, তবে দেহ অস্ত্রগণ ॥
 ইন্দ্র বলে, হেথা আসি কি-কাজ অস্ত্রেতে ।
 দেবস্ব লইয়া ভোগ করহ স্বর্গেতে ॥

পার্থ বলে, যদি হেথা ইন্দ্রপদ পাই ।
 তথাপি ত্যজিতে নারি আমি চারি-ভাই ॥
 দুৰ্গম-অরণ্যে রাখি আসি ভ্রাতৃগণে ।
 অস্ত্র বাহ্য করি আমি শত্রুর নিধনে ॥
 সে-সবারে ত্যজি আমি রহিব কেমনে ।
 সতত করিবে চিন্তা আমার কারণে ॥
 অস্ত্র দেহ পুরন্দর, কৃপা করি মনে ।
 ইন্দ্র বলে, আগে তুষ্ট কর ত্রিলোচনে ॥
 তাঁর অনুগ্রহে সিদ্ধ হৈবে সব কাজ ।
 এত বলি অন্তর্হিত হৈলা দেবরাজ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩৩। কিরাতরূপী মহাদেবের সহিত অৰ্জুনের
 যুদ্ধ ও অৰ্জুনের পাণ্ডপত-অস্ত্রলাভ ।

হিমালয়-গিরিবরে ইন্দ্রের নন্দন ।
 করেন তপস্তা আরাধিতে ত্রিলোচন ॥
 বৃষ্কের গলিত-পত্র ভক্ষ্য পক্ষান্তরে ।
 কতদিনে মাসেকিতে খান একবারে ॥
 কতদিনে ছুই-চারি-মাসে একদিনে ।
 কতদিন অৰ্জুন থাকেন বায়ুপানে ॥
 এক-পদাঙ্গুলিভরে রহেন দাঁড়ায়ে ।
 উৰ্দ্ধ-ছুই-বাহু করি নিরালস্য হ'য়ে ॥
 তাঁর তপে সস্তাপিত হৈল গিরিবাসী ।
 গন্ধৰ্ব চারণ সিদ্ধ যত মহাঋষি ॥
 হরের চরণে গিয়া নিবেদিল সব ।
 হিমালয়ে কেমনে থাকিব বল ভব ॥
 পৰ্বত তাপিত দেব, অৰ্জুনের তপে ।
 আজ্ঞা কর, মোরা-সবে থাকি কোন্ রূপে ॥

গিরিশ বলেন, সবে যাহ নিজাশ্রয়ে ।
 বর দিয়া শান্ত আমি করি ধনঞ্জয়ে ॥
 এত বলি মেলানি দিলেন সর্বজনৈ ।
 মায়ায় কিরাতরূপ ধরে ততক্ষণে ॥
 কিরাত-গৃহিণীরূপা নগেন্দ্র-নন্দিনী ।
 সেইরূপ হৈল সব তাঁহার সঙ্গিনী ॥
 হস্তেতে পিনাক-ধনু, পৃষ্ঠে যুগ্মভূণ ।
 আসিলেন ত্রিলোচন, যথায় অর্জুন ॥
 হেনকালে এক মহাবরাহ আইল ।
 গর্জিয়া অর্জুন-পানে হুরিতে ধাইল ॥
 বরাহ দেখিয়া পার্থ গাণ্ডীব লইয়া ।
 সন্ধান পূরেন ধনুগুণ টঙ্কারিয়া ॥
 বলিলেন ডাকিয়া কিরাত-ভগবান্ ।
 বরাহে তপস্বি, তুমি না মারহ বাণ ॥
 দূর হৈতে আনিলাম তাড়য়ে বরাহ ।
 তুমি কেন বরাহেরে মারিবারে চাহ ॥
 না শুনিয়া পার্থ তাহা করি অনাদর ।
 বরাহ-উপরে মারিলেন তীক্ষ্ণশর ॥
 কিরাতও দিব্য-অস্ত্র মারিল শূকরে ।
 দুই-অস্ত্রে বজ্র যেন পর্বত বিদরে ॥
 গিরিশৃঙ্গ-মূর্তি যেন দেখি ভয়ঙ্কর ।
 মায়া ত্যজি হইল দানব-কলেবর ॥
 পার্থ বলে, কে তুমি যুবতীবৃন্দ-সঙ্গ ।
 আমাকে তিলেক তব নাহিক ভ্রভঙ্গ ॥
 বরাহেরে অস্ত্র আমি মারি আশুমান ।
 কি-কারণে তুমি তারে প্রহারিলে বাণ ॥
 এই দোষে আজি তব লইব পরাণ ।
 হাসিয়া উত্তর করিলেন ভগবান্ ॥
 কোথা হৈতে কে তুমি আইলে তপাচারী
 এ-ভূমিতে যুগয়ায় আমি অধিকারী ॥

মারিলাম আমি বাণ, পড়িল শূকর ।
 তুমি কেন মার অস্ত্র শূকর-উপর ॥
 অনুচিত কৈলে, আর চাহ মারিবারে ।
 যত শক্তি আছে তব, দেখাও আমারে ॥
 ক্রোধে ধনঞ্জয় অস্ত্র করেন প্রহার ।
 ডাকিয়া কিরাত বলে, আমি আছি, মার ॥
 পুনঃপুনঃ ধনঞ্জয় প্রহারয়ে শর ।
 জলদ বরিষে যেন পর্বত-উপর ॥
 বায়ব্য-অনল-অস্ত্র ছিল পার্থস্থানে ।
 সর্ব-অস্ত্র প্রহার করেন ত্রিলোচনে ॥
 পাষাণে সরিষা যেন পড়িল ঠিকরে ।
 তিলমাত্র মোহ না হইল কলেবরে ॥
 আশ্চর্য্য ভাবেন মনে তবে ধনঞ্জয় ।
 ইহার বৃত্তান্ত কিছু না হয় নির্ণয় ॥
 কিবা যম-পুরন্দর, কিবা ভূতনাথ ।
 অন্য কে সহিতে পারে মম অস্ত্রাঘাত ॥
 যেবা হোক, আজি আমি করিব সংহার ।
 ক্রোধেতে নিলেন বীর বাণ তীক্ষ্ণধার ॥
 শিবের মস্তকে ঠেকি হৈল দুইখণ্ড ।
 পাষাণে বাজিয়া যেন ভাঙ্গে ইস্কুদণ্ড ॥
 অস্ত্র ব্যর্থ গেল, ভূণে অস্ত্র নাহি আর ।
 গাণ্ডীব-ধনুক ল'য়ে করেন প্রহার ॥
 হাসিয়া ধনুক কাড়ি নিলা ত্রিলোচন ।
 ক্রোধে পার্থ শিলাখণ্ড করে বরিষণ ॥
 পর্বত-উপরে যেন শিলা চূর্ণ হয় ।
 ক্রোধে মুষ্টি প্রহারিলা বীর ধনঞ্জয় ॥
 করিলেন ক্রোধে মুষ্টি-প্রহার ধূর্জটি ।
 মুক্যাবাতে শব্দ যেন হৈল চটচটি ॥
 ভুজে-ভুজে, উরু-উরু, চরণে-চরণে ।
 মল্লযুদ্ধ কণকাল হৈল দুইজনৈ ॥



କିରୀତାର୍ଜୁନ

“ହାସିକା ଥୁକ କାଢ଼ି ନିଶା ଡିଲୋଟମ୍”

ବନମାଳ, ପୃଷ୍ଠା—୫୬୮

দুই-অঙ্গ-ঘরষণে অগ্নি বাহিরায় ।
অতিক্রোধে প্রহারিলা ধূজ্জটি তাঁহায় ॥
মৃতবৎ হ'য়ে পার্থ পড়েন ভূতলে ।
কণেকে চেতন পেয়ে থাক-থাক বলে ॥
যাবৎ না পূজি মম ইষ্ট ত্রিলোচন ।
এত বলি শিবলিঙ্গ করিয়া রচন ॥
পূজিয়া মৃত্তিকা-লিঙ্গ দেন পুষ্পমালা ।
সেই মালা বিভূষিল কিরাতের গলা ॥
দেখিয়া অৰ্জ্জুন হইলেন সবিস্ময় ।
জানিলেন হ্রনিশ্চয় এই মৃত্যুঞ্জয় ॥

বিনয়ে কহেন পার্থ করি প্রণিপাত ।
করিলাম যে চক্ৰতি, ক্ষম ভূতনাথ ॥
শিব বলে, যে-কৰ্ম করিলে ধনঞ্জয় ।
দেবাসুর-মানুষে কাহারো শক্তি নয় ॥
আমার সহিত সম করিলে সমর ।
তুমি-আমি সমশক্তি, নাহিক অন্তর ॥
দিব্যচক্ষু দিব, লহ, দৃষ্ট হৈবে সব ।
এত বলি দিব্যচক্ষু দেন উমাধব ॥

দিব্যচক্ষু পাইয়া দেখেন ধনঞ্জয় ।
উমার সহিত উমাকান্ত দয়াময় ॥
অৰ্জ্জুন করেন স্তুতি যুড়ি দুইকর ।
জয় প্রভু, জয় শিব, জয় মহেশ্বর ॥
তিনেত্র ত্রিগুণময় ত্রিলোকের নাথ ।
ত্রিবিক্রমপ্রিয় হর ত্রিপুর-নিপাত ॥ *
হেলায় করিলা প্রভু, দক্ষযজ্ঞ নাশ ।
ইঙ্গিতে বিজয় কৈলা মৃত্যু-কালপাশ ॥
নমো বিষ্ণুরূপ, তুমি বিধাতার ধাতা ।
ধৰ্ম্ম অর্থ কাম মোক্ষ চতুর্বর্গদাতা ॥
অজ্ঞানে করিনু প্রভু, অবিহিত কাজ ।
চরণে শরণ লৈনু, ক্ষম যোগিরাজ ॥

হাসিয়া অৰ্জ্জুনে দেব দিলা আলিঙ্গন ।
কমিলেন অজ্ঞানের প্রহার-পীড়ন ॥
শিব বলে, আপনারে নাহি জান তুমি ।
পূর্বকথা কহি, শুন যাহা জানি আমি ॥
নারায়ণ-সহ তুমি নর-ঋষিরূপে ।
সংসার ধরিলে অতিশয় উগ্রতপে ॥
এই যে গাণ্ডীব ধনু আছেয়ে তোমার ।
তোমা-বিনা ধরিবারে শক্তি আছে কার ॥
তোমা হৈতে কাড়িয়া লইনু মায়াবলে ।
মায়ায় হরিনু আমি এ-তুণ-যুগলে ॥
পুনরপি সেই-অস্ত্রে পূর্ণ হৌক তুণ ।
নিজ-ধনু-তুণ তুমি ধরহ অৰ্জ্জুন ॥
প্রীত হইলাম আমি, মাগি লহ বর ।
শুনিয়া বলেন পার্থ যুড়ি দুইকর ॥
যদি কৃপা করিলা আমারে গঙ্গাধর ।
পাশুপত-অস্ত্র লভি, দেহ এই বর ॥
শঙ্কর বলেন, তাহা লহ ধনঞ্জয় ।
অন্যজন নহে শস্ত্র, পাশুপত লয় ॥
ইন্দ্র চন্দ্র কুবের এ-অস্ত্র নাহি জানে ।
পৃথিবী-সংহার-হেতু আছে মম স্থানে ॥
যে অস্ত্র যুড়িলে লক্ষ-লক্ষ অস্ত্র হয় ।
কোটি-কোটি শক্তিশেল গদা বরিষয় ॥
প্রীতিতে তোমার বশ হইলাম আমি ।
ধরিবার যোগ্য হও, অস্ত্র লহ তুমি ॥
বিধাতার বাক্যে লহ নরলোকে জন্ম ।
এই অস্ত্রে বীরবর, সাধ দেবকৰ্ম্ম ॥
এত বলি মস্ত্র-সহ দেন ত্রিলোচন ।
মুত্তিমস্ত হ'য়ে অস্ত্র আইল তখন ॥
অস্ত্র দিয়া মহেশ বলেন পুনর্বার ।
এ-অস্ত্র সামান্য-জনে না কর প্রহার ॥

এই অস্ত্রে রক্ষা নাহি পায় ত্রিভুবন ।
 স্বযোগ্য পাইলে অস্ত্র করিহ ক্ষেপণ ॥
 অৰ্জুন বলেন, দেব, করি নিবেদন ।
 কুরুক্ষেত্র-যুদ্ধেতে করিবা আগমন ॥
 শিব কন, সখা তব বৈকুণ্ঠের পতি ।
 হরিহর এক-আত্মা, জান মহামতি ॥
 কুরু-পাণ্ডবের যুদ্ধ হইবে যখন ।
 তাহাতে সাহায্য আমি করিব তখন ॥
 এত বলি হর হইলেন অন্তর্দ্বান ।
 অস্ত্র পেয়ে ধনঞ্জয় আনন্দ-বিধান ॥
 আপনারে প্রশংসা করেন ধনঞ্জয় ।
 এত কৃপা কৈলা হর, শত্রুকে কি ভয় ॥
 মহাভারতের কথা শ্রুধার সাগর ।
 কাশীরাম দাস কহে, শুনে সাধু নর ॥

৩৪। অৰ্জুনের ইচ্ছালাগে গমন ।

হেনকালে আসি তথা যত দেবগণ ।
 অৰ্জুন-উপরে করে পুষ্প-বরিষণ ॥
 দক্ষিণে থাকিয়া ডাকি বলে প্রেতপতি ।
 মম বাক্য ধনঞ্জয়, কর অবগতি ॥
 বর দিতে তোমারে আইনু দেবগণে ।
 লইয়াছ জন্ম তুমি শত্রু-নিবারণে ॥
 দেব-দৈত্য-অস্ত্রর যতেক পৃথিবীতে ।
 সবে পরাজিত হবে তোমার অস্ত্রেতে ॥
 তব শত্রু আছে যেই কর্ণ ধনুর্ধর ।
 তব হস্তে হত হবে সেই বীরবর ॥
 হের, লহ এই অস্ত্র অব্যর্থ সংসারে ।
 আমার প্রধান-অস্ত্র, দণ্ড নাম ধরে ॥

এত বলি মস্ত্র-সহ দিলা মহামতি ।
 পশ্চিমে থাকিয়া ডাকি বলে জলপতি ॥
 আমার বারুণ-পাশ অব্যর্থ সংসারে ।
 এই যে দেখহ যম, নিবারিতে নারে ॥
 শ্রীতিতে তোমারে দিঙ্গু করহ গ্রহণ ।
 ইহা হৈতে কর সদা বিপক্ষ-দলন ॥
 উত্তরে থাকিয়া ডাকি কুবের বলিল ।
 তোমারে অৰ্জুন, দুইজনে অস্ত্র দিল ॥
 প্রস্থাপন-অস্ত্র এই লহ বীরবর ।
 এই অস্ত্রে ত্রিপুরে বধিল মহেশ্বর ॥

মৃত্যুপতি জলপতি দিল যক্ষপতি ।
 ডাকি বলে সুরপতি অৰ্জুনের প্রতি ॥
 কুন্তীগর্ভে জাত তুমি আমার নন্দন ।
 অস্ত্রর বধিতে আমি দিব অস্ত্রগণ ॥
 এখনি পাঠাব রথ তোমারে লইতে ।
 স্বর্গেতে আসিবে তুমি মাতলি-সহিতে ॥
 এথা এলে পূর্ণ হবে তব প্রয়োজন ।
 এত বলি চলি গেল যত দেবগণ ॥

কতক্ষণে রথ ল'য়ে আইল মাতলি ।
 ঘোর-মেঘ-মধ্যে যেন স্বগিত্য বিজলী ॥
 বায়ুবেগে অদ্ভুত তুরঙ্গ রথ বয় ।
 নিশাকালে হৈল যেন রবির উদয় ॥
 ডাকিয়া মাতলি বলে অৰ্জুনের প্রতি ।
 ইন্দ্রের আজ্ঞায় রথে চড় শীঘ্রগতি ॥
 তোমা-দরশনে বাঞ্ছা করে দেবরাজ ।
 আর যত আছে তথা দেবের সমাজ ॥
 আনন্দে করেন পার্থ রথ-আরোহণ ।
 মাতলি চালায় রথ পবন-গমন ॥

পথেতে দেখিল পার্থ দেব-ঋষিগণ ।
 বিমানেতে আরোহণ যত পুণ্যজন ॥
 গন্ধর্ব্ব অঙ্গর যত আনন্দে বিহরে ।
 পড়িছে কতেক তারা^১ দেখে বীরবরে ॥
 বিশ্বয় মানিয়া কহে অর্জুন তখন ।
 কহ শুনি মাতলি, ইহারা কোন্ জন ॥
 মাতলি বলিল, এই পুণ্যবান্গণ ।
 পৃথিবীতে স্কন্ধ করিল অগণন ॥
 রাজসূয়-অশ্বমেধ-আদি যত কৈল ।
 সন্মুখ-সংগ্রাম করি শরীর ছাড়িল ॥
 সত্যবাদী জিতেন্দ্রিয়, বহুদান দিল ।
 দেবপূজা উগ্র-তপ তীর্থস্নান কৈল ॥
 সেই-সব-জন এই বিহরে বিমানে ।
 বিনা-পুণ্যে নাহি শক্তি আসিতে এখানে ॥
 তারা বলি ত্রৈলোক্যেতে ঘোষণে মানুষে ।
 পুণ্যক্ষয়-হেতু পার্থ, দেখ তারা খসে ॥
 হুঁরা পিয়ে, মাংস খায়, গুরুদারা হরে ।
 কদাচিত্ সে-জন না আসে স্বর্গপুরে ॥
 আনন্দে অর্জুন সব করেন দর্শন ।
 কোটি-কোটি বিমানেতে ভ্রমে পুণ্যজন ॥
 শত-শত বরাঙ্গনা সেবয়ে তাঁহারে ।
 স্কন্ধ-পূরিত বায়ু সদা মন হরে ॥
 সিদ্ধ-সাধ্য বিহরয়ে মরুৎ অনল ।
 সপ্তবহু রুদ্রগণ আদিত্য-সকল ॥
 দিলীপ-নহুষ-আদি যত মহামতি ।
 দেব-ঋষি রাজ-ঋষি বহু-সিদ্ধ-যতি ॥
 অর্জুনে দেখিয়া জিজ্ঞাসিল সর্ব্বজন ।
 কহ ত মাতলি, এই কাহার নন্দন ॥

পরিচয় দিয়া তবে মাতলি চলিল ।
 বায়ুবেগে ইস্ত্রালায়ে উপনীত হৈল ॥
 ইস্ত্রালায়ে যান তবে ইস্ত্রের নন্দন ।
 সভাস্থ সকল দেবে করেন বন্দন ॥
 ইস্ত্রের বিচিত্রে সভা, বর্ণন না যায় ।
 শত-চন্দ্র-সূর্য্য যেন হ'য়েছে উদয় ॥
 রথ হৈতে অবতরি যান পার্থবীর ।
 দেবরাজে প্রণমিলা লুটায় শরীর ॥
 দুই-হাত ধরি তাঁরে তুলে পুরন্দর ।
 আলিঙ্গিয়া চুম্ব দিলা মস্তক-উপর ॥
 আসনেতে বসাইলা সভার ভিতর ।
 যথোচিত কৈলা ইস্ত্র তাঁর সমাদর ॥
 ইস্ত্র-বিনা বসিবারে নারে অন্তজন ।
 দেব-ঋষি-মান্য যেই ইস্ত্রের আসন ॥
 এমন আসনে ইস্ত্র বসালেন কোলে ।
 মুহুমূহঃ সহস্রেক নয়নে নেহালে^২ ॥
 আসনে বসিয়া পার্থ পাইলেন শোভা ।
 মঘবার কোলে যেন দ্বিতীয় মঘবা^৩ ॥
 পুণ্যকথা ভারতের আনন্দ-লহরী ।
 শুনিলে অধর্ম্ম ক্ষয়, পরলোকে তরি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৩৫। ইস্ত্রসভার উর্ব্বশী প্রভৃতির নৃত্য-গীত ।

হেনকালে শতক্রতু^৪, অর্জুনের প্রীতি-হেতু,
 আজ্ঞা কৈল নৃত্যের কারণ ।
 বিশ্বাবসু হাহা হুহু, ইত্যাদি গন্ধর্ব্ব বহু,
 চিত্রসেন তুশুর গায়ন ॥

নানা-ছন্দে বাণ্য বায়, মধুর-স্বরে গায়, অরণ্য-পর্বের গাথা, দিব্য-সুধারস-কথা,
 নৃত্য করে যতেক অপ্সরা । শুনিলে অধর্ম হয় নাশ ।
 উর্বশী ঘৃতাচী গোঁরী, মিশ্রকেশী বিভাবরী, কমলাকান্তের স্তত, সৃজনের প্রীতিযুত,
 সহজ্ঞা সুমধুর-স্বরা ॥ বিরচিল কাশীরাম দাস ॥
 অলম্বুধা ধন্যা অম্বা, গোপালী মেনকা রম্ভা,
 বিপ্রচিতি সূধা সূধাপ্রভা ।
 চিত্রসেনা চিত্রেখেখা, অপ্সরা মৃদঙ্গমুখা,
 বুদ্ধদা রোহিণী সুরলোভা ॥
 নৃত্য-গীতে সপ্রতিভা, পূর্ণচন্দ্র-মুখপ্রভা,
 অঙ্গ ঢাকা অন্নান-অম্বরে ।
 ঈষৎ-নয়ন-কোণে, নিরীখেয়ে যেইজনে,
 অম্বা থাক, মুনি-মন হরে ॥
 জঘন কুঞ্জর-কর, ক্রৌঞ্চকটি মৃগবর,
 নিতম্ব সূধর পয়োধর ।
 বিনাশে মুনির তপ, বর্ণন না যায় রূপ,
 দিতে নাহি অম্বা পাঠাস্তর ॥
 নৃত্য-গীত-বাণে সবে, মোহিত যতেক দেবে,
 আনন্দিত হৈল সুরগণ ।
 অর্জুনের স্নান-মুখ, ভাবিয়া পূর্বের দুঃখ,
 ভ্রাতা মাতা করিয়া স্মরণ ॥
 কণেক নয়নকোণে, চাহিলা উর্বশী-পানে,
 জানিলেন সহস্রলোচন ।
 নৃত্য-গীত নিবারিল, সবারে বিদায় দিল,
 নিজধামে গেল দেবগণ ॥
 অর্জুনে রহিতে স্থল, আজ্ঞা কৈলা আখণ্ডল,
 চিত্রসেন-গন্ধর্বে প্রীতি ।
 লৈয়া যাহ ধনঞ্জয়ে, দিব্য-মনোহরালয়ে,
 রহিবারে করাহ সম্মতি ॥

৩৬। অর্জুনের প্রতি উর্বশীর অভিলাষ ।

চিত্রসেনে ডাকি তবে কহে পুরন্দর ।
 পার্থে রহিতে স্থল দেহ মনোহর ॥
 উর্বশীরে পাঠাইবে অর্জুনের স্থানে ।
 রতিক্রীড়া-আদি যত করাহ অর্জুনে ॥
 আজ্ঞা পেয়ে চিত্রসেন পার্থে ল'য়ে গেল ।
 দিব্য-মনোহর স্থল রহিবারে দিল ॥
 বিচিত্র উত্তম শয্যা রত্নের আসন ।
 পরিচর্যা-হেতু নিয়োজিল বহুজন ॥
 তবে চিত্রসেন গেল উর্বশীর স্থান ।
 অর্জুনের গুণ কহে করিয়া বাঞ্ছন ॥
 রূপে-গুণে বুদ্ধি-বলে কর্মে তপে-জপে ।
 অর্জুনের তুল্য নাহি বিশ্বে কোনরূপে ॥
 তার প্রীতি-হেতু আজ্ঞা কৈলা পুরন্দর ।
 আজি নিশি উর্বশী, তাহার সেবা কর ॥
 উর্বশী বলেন, পার্থে ভালমতে জানি ।
 কাম্যেতে কাতর অঙ্গ তাঁর কথা শুনি ॥
 আপনার গৃহে ভুমি যাহ মহাশয় ।
 এই আমি চলিলাম, যথা ধনঞ্জয় ॥
 এত বলি স্নান করি পরে দিব্যবাস ।
 পারিজাত-মাল্যে বাঞ্ছা দিব্য-কেশপাশ ॥
 চন্দন-কস্তুরী অঙ্গে করিল লেপন ।
 রত্ন-অলঙ্কার অঙ্গে করিল সুষণ ॥

সহজ-রূপেতে মূনিজন-মন যোহে ।
মন-সহ হরে প্রাণ, যার পানে চাহে ॥
স্ববেশা স্বকেশা, কাল প্রায় অর্দ্ধনিশি ।
চলিলেন অর্দ্ধজ্বনের আলয়ে উর্বশী ॥

দ্বারপাল জানাইল অর্দ্ধজ্বন-গোচরে ।
উর্বশী অঙ্গরা আসি রহিয়াছে দ্বারে ॥
ভীত হইলেন শুনি কুস্তীর নন্দন ।
নিশাকালে উর্বশী আইল কি-কারণ ॥
উঠিয়া গেলেন তবে ইন্দ্রের কুমার ।
উর্বশীরে বিনয়ে করেন নমস্কার ॥
কি করিব, আজ্ঞা তুমি করহ আমার ।
এত রাত্রে কি-কারণে আসিলে এথায় ॥

বিস্ময় মানিয়া মনে উর্বশী চাহিল ।
কামনা পূরিল নাহি, হৃদয় জ্বলিল ॥
চিত্রসেন যে বলিল ইন্দ্র-অনুমতি ।
একে-একে সব-কথা কহে পার্থ-প্রতি ॥
ইন্দ্রের আজ্ঞায় আমি আইনু এথায় ।
আজি নিশি জ্রীড়া কর লইয়া আমার ॥
যখন করিল নৃত্য বিদ্যাদরীগণ ।
সবে এড়ি মোরে তুমি করিলে দর্শন ॥
জানিয়া আমারে পাঠাইল পুরন্দর ।
আজ্ঞা কৈল সাধিবারে কার্য্য প্রীতিকর ॥

শুনিয়া অর্দ্ধজ্বন-বীর কর্ণে হাত দিয়া ।
হেঁটমাথে স্নানযুখে কহে শিহরিয়া ॥
শুনিবার যোগ্য নহে তোমার এ-বাণী ।
কেন হেন ছুটকথা কহ ঠাকুরাণি ॥
বারাঙ্গনা নহ তুমি, নর্তকী-প্রধান ।
উর্বশী, আমার তুমি জননী-সমান ॥
কহিলে যে, তুমি মোরে চাহিলে সভায় ।
কি-হেতু চাহিনু আমি, কহিব তোমায় ॥

পূর্বে মূনিগণ-মুখে ইহা শ্রুত ছিল ।
তব গর্ভে পুরুবংশ উদ্ভূত হইল ॥
পুরু-আদি করি তার যতেক পুরুষে ।
ক্ষয় হৈল, তুমি আছ নবীন-বয়সে ॥
এ-হেতু বিস্ময় বড় মানিলাম মনে ।
পুনঃপুনঃ চাহিলাম তাহারি কারণে ॥
পূর্ব-পিতামহী তুমি, মোর গুরুজন ।
হেন অসম্ভব-কথা কহ কি-কারণ ॥
উর্বশী বলিল, আমি নহি যে কাহার ।

স্ব-ইচ্ছায় যথা-তথা করি যে বিহার ॥
অকারণে গুরু বলি পাতালে সম্বন্ধ ।
রমহ আমার সঙ্গে, দূর কর ধন্ধ ॥
যত-যত মহারাজ হৈল পুরুবংশে ।
তপঃ-পুণ্য-ফলে সবে স্বর্গেতে আইসে ॥
রতিজ্রীড়া করে সবে সহিত আমার ।
এ-সব বচন কেহ না করে বিচার ॥
তুমি কেন হেন কথা কহ ধনঞ্জয় ।
করহ আমার প্রীতি, খণ্ডাহ বিস্ময় ॥

অর্দ্ধজ্বন কহেন, তুমি মোর ঠাকুরাণী ।
গুরুসম পূজ্যা তুমি, কুলের জননী ॥
যথা কুস্তী, যথা মাদ্রী, যথা শচীন্দ্রাণী ।
ইহা-সবা হৈতে তোমা গরিষ্ঠেতে গণি ॥
নিজগৃহে যাহ মাতা, করি যে প্রণাম ।
পুত্রবৎ জ্ঞান মোরে কর অবিরাম ॥

শুনি উর্বশীর হৃদে হৈল মহাতাপ ।
ক্রোধমুখে অর্দ্ধজ্বনেরে দিলা অভিশাপ ॥
তব পিতৃ-আদেশেতে আসি তব গৃহে ।
নিরাশে ফিরিয়া যাই, প্রাণে নাহি সছে ॥
না করিলে কামপূর্ণ পুরুষের কাজ ।
এই দোষে নপুংসক হবে নারীমাক ॥

নর্তক-রূপেতে রবে মোর এই শাপ ।
 এত বলি নিজালয়ে গেল করি তাপ ॥
 শাপ শুনি ধনঞ্জয় চিস্তিত-অস্তর ।
 শোকে-ছুখে সে-রজনী বঞ্চে উজ্জাগর ॥
 প্রাতঃকালে চিত্রসেনে লইয়া সংহতি ।
 করড়োড়ে প্রণমিলা ইন্দ্রে মহামতি ॥
 কহেন অৰ্জুন গত-নিশা-বিবরণ ।
 শুনিয়া বিন্ময়ে কহে সহস্রলোচন ॥
 ধন্য কুন্তী, হেন পুত্র গর্ভেতে ধরিল ।
 তোমা হৈতে কুরুবংশ পবিত্র হইল ॥
 যোগীন্দ্র তপস্বী ঋষি জিনিলে সবারে ।
 তোমা-পুত্র-হেতু প্লাঘা মানি আপনারে ॥
 শাপহেতু চিত্তে দুঃখ না ভাব অৰ্জুন ।
 শাপ নহে, তব পক্ষে হৈল বহুগুণ ॥
 অবশ্য অজ্ঞাত এক-বৎসর রহিবে ।
 সেইকালে নপুংসক নর্তক হইবে ॥
 বৎসরেক পূর্ণ হৈলে হবে শাপক্ষয় ।
 শুনিয়া অৰ্জুন অতি-সানন্দ-হৃদয় ॥
 অৰ্জুনের চরিত্রে যে-জন শুনে গায় ।
 কদাচিত্ তার চিত্ত পাপে নাহি যায় ॥
 পূর্বার্জিত যত পাপ ভস্ম হ'য়ে যায় ।
 আরণ্যকপর্ব-গীত কাশীরাম গায় ॥

৩৭। ইন্দ্রালয়ে লোমশ-ঋষির আগমন ।

ইন্দ্রের নগরে পার্থ ইন্দ্রের সমান ।
 নানা-অস্ত্র শিক্ষা করিলেন ইন্দ্রস্থান ॥
 নৃত্য-গীত-বাদ্য শিখে চিত্রসেন-স্থানে ।
 মাতা ভ্রাতা না দেখিয়া দুঃখী বড় মনে ॥

একদিন তথায় লোমশ মুনিবর ।
 ইন্দ্র-দরশনে আসে ইন্দ্রের নগর ॥
 করঘোড়ে প্রণমিলা দেব-পুরন্দরে ।
 ইন্দ্রদত্ত-দিব্যাসনে বসে মুনিবরে ॥
 ইন্দ্রের আসনে পার্থে দেখি মুনিবর ।
 বিন্ময় মানিয়া মুনি ভাবেন অস্তর ॥
 যে-আসনে বসিতে না পান দেব-মুনি ।
 কোন্ কর্মে ক্রত হ'য়ে বসিল ফাক্তনি ॥
 ঋষি-মনোভাব জ্ঞাত হ'য়ে পুরন্দর ।
 বলিলেন, ব্রহ্মঋষি, কি ভাব অস্তর ॥
 মনুষ্য দেখিয়া পার্থে ভ্রম হৈল মনে ।
 তুমি কি না জান মুনি, পাসরহ মনে ॥
 নর-নারায়ণ যেই ঋষি পুরাতন ।
 ভার-নিবারণে জন্ম নিলেন ছ'জন ॥
 বাহুদেব নারায়ণ অজিত যে বিষ্ণু ।
 নরঋষি পাণ্ডবের মধ্যে হইল জিষ্ণু ॥
 কুন্তীগর্ভে জন্ম হৈল আমার অংশেতে ।
 কেবল মনুষ্য-নাম দেবতার হিতে ॥
 এখায় আইল অস্ত্র-শিক্ষার কারণ ।
 দেবের অনেক কার্য করিবে সাধন ॥
 নিবাতকবচ দৈত্য নিবসে পাতালে ।
 তার সম যোদ্ধা নাহি পৃথিবী-মণ্ডলে ॥
 সুরাসুর যত লোকে জিনিলেক বলে ।
 বহুকাল নিবসতি করে রসাতলে ॥
 তাহারে বধিতে শক্তি ধরে ধনঞ্জয় ।
 পার্থ-বিনা কার শক্তি তার অগ্রে রয় ॥
 এ-হেতু হেথায় পার্থ থাকি কতদিনে ।
 গমন করিবে পুনঃ মনুষ্য-ভুবনে ॥

আমার আরতি এক শুন তপোধন ।
 কাম্যক-বনেতে তুমি করহ গমন ॥
 আমার সন্দেশ যুধিষ্ঠিরে যে কহিবে ।
 অৰ্জুন-কারণে উৎকণ্ঠ না হইবে ॥
 পৃথিবীতে যত তীর্থ আছে স্থানে-স্থান ।
 তথা গিয়া ভক্তিতরে কর স্নানদান ॥
 ভীষ্ম-দ্রোণ দৌহে যদি জিনিবারে মন ।
 তীর্থস্নান করি ধর্ম কর উপার্জন ॥
 বিষম-সঙ্কট-স্থানে আছে তীর্থগণ ।
 আপনি থাকিবা সঙ্গে রক্ষার কারণ ॥
 স্বীকার করিলা মুনি ইন্দ্রের বচন ।
 অৰ্জুন মূনিরে ডাকি বলেন তখন ॥
 চলিলা কাম্যকবনে, শুন তপোধন ।
 ভ্রাতৃস্থানে কহিবেন মোর বিবরণ ॥
 আপনি থাকিয়া সঙ্গে সব-তীর্থে লবে ।
 যথা যে বিহিত, স্নান-দান করাইবে ॥
 রাক্ষস-দানবগণ থাকে তীর্থস্থানে ।
 সঙ্কটে করিবে রক্ষা সতত আপনে ॥
 মহাভারতের কথা অমৃতের ধার ।
 কাশী কহে, ইহা বিনা স্নত নাহি আর ॥

৩৮। সঞ্জয়ের মুখে পাণ্ডবগণের বিক্রম শুনিয়া
 যতরাষ্ট্রের বিলাপ ।

মুনিকে জনমেজয় জিজ্ঞাসে তখন ।
 যতরাষ্ট্র শুনিলা কি সব-বিবরণ ॥
 মুনি বলে, মহারাজ, কর অবধান ।
 অৰ্জুনের চরিত্রে শুনিলা বহুস্থান ॥

লোকেতে অদ্বুত রাজা, অৰ্জুন-কাহিনী ।
 ব্যাসমুখে শুনিলেন অন্ধ-নৃপমণি ॥
 আশ্চর্য্য শুনিয়া রাজা সঞ্জয়ে ডাকিল ।
 ব্যাসের কথাশুসারে জিজ্ঞাসা করিল ॥
 শুনিলাম আশ্চর্য্য যে অৰ্জুন-কথন ।
 শুনেছ কি সঞ্জয়, সে-সব বিবরণ ॥

সঞ্জয় বলিল রাজা, আমি সব জানি ।
 অৰ্জুনের কথা অতি অদ্বুত-কাহিনী ॥
 হেমন্ত-পর্ব্বতে শিব-সহ যুদ্ধ কৈল ।
 পাশুপত-অস্ত্র শিবে তুষ্ট করি নিল ॥
 কুবের বরুণ যম যাচি দিল বর ।
 নিজরথে করি স্বর্গে নিল পুরন্দর ॥
 ইন্দ্র-অর্দ্ধাসনেতে বসিল সুরমাঝে ।
 হেন মান কেবা পায় মনুষ্য-সমাজে ॥
 মনুষ্য কি ছার, যারে দেবগণ পূজে ।
 মূনিগণ সম্ভাপিত যার তপঃ-তেজে ॥
 বীরমধ্যে শিব-সম যাহার গণন ।
 তাহার বৈরিতা করি জীবে কোন্ জন ॥
 দিব্য-অস্ত্র মস্ত্র যত মঘবা শিখায় ।
 কতদিনে দৈত্য মারি আসিবে হেথায় ॥

এত শুনি চমকিত অন্ধ-নৃপমণি ।
 আশ্চর্য্য মানিল রাজা পার্থ-কথা শুনি ॥
 দুষ্ট দুর্ব্যোধন কাল হইল আমার ।
 শোকসিদ্ধু-মাঝেতে পড়িছু পাকে তার ॥
 অৰ্জুনের অগ্রেতে রহিবে কোন্ জন ।
 দ্রোণি কর্ণ কৃপাচার্য্য বৃদ্ধ গুরু-দ্রোণ ॥
 দূঢ়মুষ্টি দিব্যমস্ত্রে অজেয় অৰ্জুন ।
 বিশেষ দেবের বরে পূর্ণ শতগুণ ॥

দ্রৌপদীর দুঃখানলে অনুক্ষণ দহে ।
 অবশ্য হইবে যুদ্ধ, নিবারণ নহে ॥
 সঞ্জয় বলিল, রাজা, কি বলিছ তুমি ।
 শুন কহি, যেই বার্তা পাইলাম আমি ॥
 যুধিষ্ঠির বনে গেল, শুনি নারায়ণ ।
 সেইক্ষণে যদুবলে করিল গমন ॥
 ধৃষ্টদ্যুম্ন ধৃষ্টকেতু কেকয়-নৃপতি ।
 প্রভৃত্যস্ত্রে বনমাবে গেল শীঘ্রগতি ॥
 যুধিষ্ঠির-বিভূষণ দেখি জটাতীর ।
 ত্রীকৃষ্ণ কহেন ক্রোধে কম্পিত-শরীর ॥
 যেইজন হেন গতি করিল তোমার ।
 রাজ্য-ধন নিল আর অঙ্গ-অলঙ্কার ॥
 সে-সকল দ্রব্য-সহ তাহার জীবন ।
 আনি দিব, যবে আশ্রয় করিবে রাজন ॥
 দ্রৌপদীর কেশ ধরি শুনিমু প্রবণে ।
 সভামধ্যে উপহাস কৈল দুষ্কগণে ॥
 শৃগাল কুকুর মাংস-আহারী সকল ।
 কুক্কুল-মাংস-ভঞ্জে হবে কুতূহল ॥
 যে-যে উপহাস কৈল কৃষ্ণ-কন্ঠে দেখি ।
 তীক্ষ্ণ-অস্ত্রে তাহাদের উপাড়িব আঁখি ॥
 কৃষ্ণ-ভীমার্জুন-ধৃষ্টদ্যুম্ন-আদি যত ।
 একে-একে সবাই কহিল এইমত ॥
 যুধিষ্ঠির-ধর্ম্য রাজা, কহেন না যায় ।
 কিছুকাল রক্ষা পেলো তাঁহার রূপায় ॥
 যুধিষ্ঠির কহিলেন সকলি প্রমাণ ।
 ত্রয়োদশ-বৎসর হইলে সমাধান ॥
 কুরুসভা-মধ্যে আমি করিমু নির্ণয় ।
 আমার শক্তিতে তাহা খণ্ডিত না হয় ॥

এত শুনি নির্ণয় করিল সর্বজন ।
 প্রতিজ্ঞা করিল কুরু করিতে নিধন ॥
 নিয়ম করিয়া তুর্গ রাজ্যে গেল সবে ।
 কেমনে নৃপতি, শাস্ত করিবে পাণ্ডবে ॥
 ধৃতরাষ্ট্র বলে, সত্য কহিলে সঞ্জয় ।
 কদাচিত্ পাণ্ডু-পুত্র শাস্ত আর নয় ॥
 যখন ধরিল দুষ্ক দৌপদীর কেশ ।
 তখনি জানিমু বংশ মজিল বিশেষে ॥
 বিধি মম কৈল অন্ধ যুগল-নয়ন ।
 সে-কারণে আমারে না মানে দুর্হ্যোদন ॥
 দুর্হ্যোদন দুঃশাসন দৌহে দুরাচার ।
 কুমন্ত্রণা দেয় আর দুই পাপাচার ॥
 আর আমি দৈবগতি পুত্রবশ হৈমু ।
 সাধুজন-স্ববচন শুনি না শুনিমু ॥
 পশ্চাতে এ-সব কথা করিব স্মরণ ।
 এইরূপে অনুশোচে অশ্বিকানন্দন ॥
 মহাভারতের কথা হইল প্রকাশ ।
 পাঁচালি-প্রবন্ধে কহে কাশীরাম দাস ॥

৩২। অর্জুনের নিমিত্ত পাণ্ডবদিগের আক্ষেপ ।

এথায় কাম্যক-বনে ধর্ম্মের নন্দন ।
 যুগয়া করিয়া নিত্য পোষেন ব্রাহ্মণ ॥
 পূর্বে রাজা যুধিষ্ঠির, যাম্যে বৃকোদর ।
 উত্তর-পশ্চিমে দুই মাত্রীর কোঙর ॥
 যুগয়া করিয়া আনি দেন কৃষ্ণ-স্থানে ।
 দ্রৌপদী জননী-প্রায় ভুঞ্জায় ব্রাহ্মণে ॥
 সহস্র-সহস্র বিজ সবে ভুঞ্জি যায় ।
 স্বামিগণে ভুঞ্জাইয়া পিছে কৃষ্ণা থায় ॥

হেনমতে সেই বনে অর্জুন-বিহনে ।
 পঞ্চবর্ষ কৃষ্ণ-সহ বঞ্চে চারিজনে ॥
 একদিন একান্তে বসিয়া সর্বজনে ।
 শোকেরে আকুল হৈল স্মরিয়া অর্জুনে ॥
 চারি-ভাই কৃষ্ণ-সহ কান্দেন সঘনে ।
 জলধারা বহে সদা যুগল-নয়নে ॥
 রোদন সংবরি ভীম রাজা-প্রতি কয় ।
 পার্থের বিচ্ছেদ-তাপ না সহে হৃদয় ॥
 পার্থের যতেক গুণ প্রশংসে সংসারে ।
 বহুবিধ গুণ ভাই ধনঞ্জয় ধরে ॥
 তোমার আজ্ঞাতে সেই পার্থ বীরবর ।
 না জানি যে কোন্ বনে গেল সে সঙ্কর ॥
 শোক-দুঃখে গেল সে অগম্য-স্বর্গস্থল ।
 বহুদিন তাহার না জানি যে কুশল ॥
 বনমধ্যে তাহার বিপদ যদি হয় ।
 শ্রুতমাত্র প্রাণ আমি ছাড়িব নিশ্চয় ॥
 কৃষ্ণ প্রাণ ছাড়িবেক, আর যদুগণ ।
 পাঞ্চাল-দেশেতে যত পাঞ্চাল-নন্দন ॥
 সবে প্রাণ দিবে রাজা, অর্জুন-বিহনে ।
 পার্থ-বিনা শরীর ধরিব কি-কারণে ॥
 যত কর্ম কৈল ধৃতরাষ্ট্র-পুত্রগণ ।
 অন্যজন হৈলে প্রাণ ত্যজিত তৎক্ষণ ॥
 কণেকে মারিতে পারি, ঘৃণাতে না মারি ।
 যে-ভায়ের তেজে রাজা, হেন মনে করি ॥
 ইন্দ্র-আদি নাহি গণি যে ভায়ের তেজে ।
 ভৃত্যপ্রায় খাটাইল যত মহারাজে ॥
 তব পাশাক্রীড়া-হেতু শুন মহারাজ ।
 ভাই-ভাই ঠাই-ঠাই হৈলু বনমাঝ ॥
 অধর্ম করিলে রাজা, ধর্ম না বুঝিলে ।
 কল্পধর্ম রাজ্য-রক্ষা, তাহা তেরাগিলে ॥

এখনো সদয় হ'য়ে ক্ষমিছ কৌরবে ।
 ত্রয়োদশ-বৎসরাস্তে অবশ্য মরিবে ॥
 তবে কেন দুঃখ জনে এবে ক্ষমা করি ।
 বনে কত দুঃখ পাই তাহারে না মারি ॥
 যদি কদাচিত্ পাপ জ্ঞাতবধে হয় ।
 যজ্ঞ-দান করিয়া খণ্ডাব মহাশয় ॥
 নতুবা এ-বনবাস করিব তখন ।
 অগ্রে সব শত্রুগণে করিব নিধন ॥
 কপটে কপটি মারি, পাপ নাহি তায় ।
 আজ্ঞা কর, দূত গিয়া আনে যদুরায় ॥
 জগন্নাথে সাথে করি মারি কুরুকুল ।
 যথা কৃষ্ণ, তথা জয়, কিসে অপ্ৰতুল ॥

এত শুনি ভীমসেনে করিল চূষন ।
 শাস্ত করি কহে রাজা মধুর-বচন ॥
 যে কহিলে বৃকোদর, সকলি প্রমাণ ।
 কিসের আপদ, যার সখা ভগবান ॥
 কিন্তু হেন বেদবাগী মুনিগণে কয় ।
 যথা ধর্ম, তথা কৃষ্ণ, তথায় বিজয় ॥
 অধর্মী লোকের কৃষ্ণ সহায় না হয় ।
 ভাই বন্ধু দারা স্তত, কেহ কিছু নয় ॥
 হেন ধর্ম না আচরি অধর্ম করিলে ।
 নহিবে গোবিন্দ সখা, আমি জানি ভালে ॥
 অবশ্য মারিবে তুমি কৌরব-চুবন্তে ।
 এক্ষণে নহেক, ত্রয়োদশ-বৎসরাস্তে ॥
 যে নিয়ম করিলাম, খণ্ডাইতে নারি ।
 নিয়ম করিয়া পূর্ণ মার সর্ব অরি ॥

হেনমতে ভ্রাতৃসহ কথোপকথন ।
 হেনকালে আসে বৃহদশ তপোধন ॥
 যথোচিত পূজিলেন পাণ্ডুর নন্দন ।
 বসিবারে দেন আনি কুশের আসন ॥

শাস্ত হ'য়ে মুনিরাজ বসিল তখন ।
 যুধিষ্ঠির কহেন আপন-বিবরণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৪০। নল-রাজের উপাখ্যান ।

যুধিষ্ঠির বলে, মুনি, কর অবধান ।
 আমার দুঃখের কথা নাহি পরিমাণ ॥
 কপটে সকল নিল মম রাজ্যধন ।
 জটাচীর পরাইয়া পাঠাইল বন ॥
 যত ক্লেশ-দুঃখে আমি বঞ্চিত যে এথায় ।
 রাজপুত্র কেহ এত দুঃখ নাহি পায় ॥

রাজার বচন শুনি হাসে মুনিবর ।
 কতক্ষণে বৃহদশ্ব করিলা উত্তর ॥
 কি দুঃখ তোমার রাজ্য, অরণ্য-ভিতর ।
 ইন্দ্র-চন্দ্র-সম তোমা-সঙ্গে সহোদর ॥
 ব্রহ্মার সদৃশ দ্বিজ সঙ্গে শত-শত ।
 দাস-দাসী আর যত তব অনুগত ॥
 এইহেতু দুঃখ নাহি দেখি যে তোমার ।
 তোমা হৈতে নল দুঃখ পাইল অপার ॥

এত শুনি জিজ্ঞাসেন ধর্ম্মের নন্দন ।
 কহ মুনি, শুনি সেই নল-বিবরণ ॥
 রাজপুত্র হ'য়ে আশা-সমান দুঃখিত ।
 অবশ্য শুনিতে হয় তাঁহার চরিত ॥
 কহ মুনিরাজ, শুনি তাঁহার কথন ।
 কোন্ দেশে ঘর তাঁর, কাহার নন্দন ॥

বৃহদশ্ব বলে, শুন ধর্ম্মের নন্দন ।
 তোমা হৈতে বড় দুঃখী নিষধ-রাজন ॥
 নল-নামে নরপতি বীরসেন-সুত ।
 ইন্দ্রের সদৃশ রাজ্য মহাশুণ্যুত ॥

রূপেতে কন্দর্প-ভূল্য, অতি জিতেন্দ্রিয় ।
 যশস্বী তেজস্বী ধীর, অক্ষে বড় প্রিয় ॥
 নিষধ-রাজ্যেতে নল মহাশুণবান্ ।
 বিদর্ভের রাজ্য ভীম তাঁহার সমান ॥
 পুত্রহেতু ভীমরাজ চিন্তাশ্রিত-মন ।
 কতদিনে আসে তথা মহর্ষি দমন ॥
 পুত্রহেতু ভার্য্যা-সহ তাঁহারে পূজিল ।
 ছুটি হ'য়ে মুনি তাঁরে এই বর দিল ॥
 রূপে সংসারের নারী করিবে দমন ।
 দময়ন্তী-কন্যা পাবে বড় স্থলক্ষণ ॥
 দমনের বরে হৈল কন্যা দময়ন্তী ।
 যক্ষ-রক্ষ-দেব-নরে না দেখি সে কান্তি ॥
 নাহিক সমান রূপে-গুণে, লক্ষ্মী-সমা ।
 নলের কারণে হৈল অতি নিরুপমা ॥
 সমান-বয়স্কা আছে যত সখীগণ ।
 দময়ন্তী-পাশে তারা থাকে অনুক্ষণ ॥
 দময়ন্তী-সাক্ষাতে যতক সখীগণ ।
 সদা নল-রূপ-গুণ করয়ে বর্ণন ॥
 নলের চরিত্র শুনি ভীষ্মের নন্দিনী ।
 কাম-দাবানলে দগ্ধা, যেমন হরিণী ॥
 দময়ন্তী-গুণ নল শুনি লোকমুখে ।
 সদাই অস্থির, কাম-শর বাজে বৃকে ॥

দময়ন্তী-চিন্তাতে নলের মগ্ন মন ।
 কতদিনে দেখ তার দৈবের ঘটন ॥
 অস্তঃপুর-উদ্যানে বিহরে দুঃখমতি ।
 জলতটে হংস এক দেখে নরপতি ॥
 নিকটে পাইয়া হংসে ধরিল তখন ।
 রাজ্য-প্রতি বলে হংস বিনয়-বচন ॥
 ছাড়হ আমারে রাজ্য, না কর নিধন ।
 করিব তোমার শ্রীতি, চিন্ত য়ে-কারণ ॥

তব অনুরূপ-রূপা ভীমের নন্দিনী ।
 তার সহ মিলন করাব নৃপমণি ॥
 এতেক শুনিয়া রাজা হংসেরে ছাড়িল ।
 অন্তরীক্ষ-গতি পক্ষী বিদর্ভেতে গেল ॥
 অন্তঃপুর-মধ্যে যথা সরোবর ছিল ।
 সেইখানে গিয়া হংস খেলিতে লাগিল ॥
 এইকালে দময়ন্তী সহচরী-সনে ।
 পুষ্প ভুলিবার ছলে আইল সেখানে ॥
 সরোবর-মধ্যে হংস দেখি রূপবতী ।
 ধরিবার আশে যান মন্দ-মন্দ গতি ॥
 চতুর্দিকে বেড়ি হংসে ধরিল ত্রীগণে ।
 বিদর্ভীকে কহে হংস মনুষ্য-বচনে ॥
 নিষধ-রাজ্যেতে রাজা নল মহামতি ।
 অশ্বিনীকুমার রূপে নিম্নে রতিপতি ॥
 নরলোকে তাঁর সম নাহি রূপে-গুণে ।
 করাইব মিলন তোমার তাঁর সনে ॥
 যদি ভাগ্যে থাকে, তব ভর্তা হবে নল ।
 তোমার যৌবন-রূপ হইবে সফল ॥
 সার্থক হইবে রূপ, শুনহ বচন ।
 নল-নৃপতিরে যদি করহ বরণ ॥
 শুনিয়া ভৈরবী মন অনঙ্গে পীড়িল ।
 বিধাতা আমার হেতু নলেই সৃজিল ॥
 নল-নৃপতিরে আমি করিব বরণ ।
 এত বলি হংসে পাঠাইলা সেইরূপ ॥
 কহিল সকল কথা নলের গোচর ।
 শুনিয়া উদ্ভিগ্ন বড় হৈলা নৃপবর ॥
 যে হইতে হংসভাষা বৈদর্ভী শুনিল ।
 নলের ভাবনা করি সকলি ত্যজিল ॥

বিষম-বদনা ভৈরবী, সঘনে নিঃশ্বাস ।
 ত্যজিল আহার-নিদ্রা, সদা হা-হুতাশ ॥
 দময়ন্তী-দুঃখ দেখি যত সখিগণ ।
 ভীম-নরপতি-পাশে করে নিবেদন ॥
 শুনিয়া নৃপতি বড় হইলা চিস্তিত ।
 কোন্-হেতু দময়ন্তী হইল দুঃখিত ॥
 মহাদেবী বলে, কিবা চিস্তা নৃপবর ।
 যুবতী হইল কন্ডা, কর স্বয়ংবর ॥
 শুনিয়া বিদর্ভপতি উদেষাগী হইল ।
 রাজ্যে-রাজ্যে দূত গিয়া নিমন্ত্রণ দিল ॥
 দেশে-দেশে বার্তা পেয়ে যত রাজগণ ।
 বিদর্ভনগরে সবে করিল গমন ॥
 হয়-হস্তি-পদাভিকে পুরিল মেদিনী ।
 বার্তা পেয়ে আসিলেন যত নৃপমণি ॥
 বিদর্ভে আইল যত রাজ্যের ঈশ্বর ।
 যথাযোগ্য-স্থানে বসে সব নৃপবর ॥
 মহাভারতের কথা অমৃত-সমান ।
 বনপর্বের রচা কাশী নল-উপাখ্যান ॥

৪১। দময়ন্তীর স্বয়ংবর ।

দময়ন্তী-স্বয়ংবর-বারতা শুনিয়া ।
 পুরাতন-ঋষি স্বর্গে উত্তরিল গিয়া ॥
 যথাবিধি পূজি তাঁরে দেব-সুরেশ্বর ।
 জিজ্ঞাসিল, কোথা ছিলে, ওহে মুনিবর ॥
 ঋষি বলে, গিয়াছিহু পৃথিবী-মণ্ডল ।
 আশ্চর্য্য দেখিহু তথা, শুন আখণ্ডল ॥
 বিদর্ভ-রাজের কন্ডা দময়ন্তী-নায়া ।
 দেব-যক্ষ-নাগ-নরে রূপে নাহি সীমা ॥

তার রূপে স্ত্রশোভিত হৈল ভূমণ্ডল ।

চন্দ্র ন্নান হৈল দেখি বদন-কমল ॥

ভীমরাজ করিল কন্টার স্বয়ংবর ।

নিমস্ত্রিয়া আনিলেন যত নৃপবর ॥

দময়ন্তী রূপ-গুণ শুনিয়া অ্রবণে ।

দেখিতে আইল কত বিনা-নিমস্ত্রণে ॥

নারদের এই বাক্য শুনি দেবগণ ।

দময়ন্তী-রূপে লুরু হৈল সর্বজন ॥

দময়ন্তী-প্রাপ্তি-বাঞ্ছা করি দেবগণ ।

স্বয়ংবর-স্থানে সবে করিলা গমন ॥

পৃথিবীতে বৈসে যত রাজরাজেশ্বর ।

অহর্নিশ আসিতেছে বিদর্ভ নগর ॥

সসৈন্যে চলিল নল পেয়ে নিমস্ত্রণ ।

পথে নল-সহ ভেট হৈল দেবগণ ॥

দেখিয়া নলের রূপ বিস্মিত-অন্তর ।

দময়ন্তী-বাঞ্ছা ত্যাগ করিল অমর ॥

নলে দেখি অন্বে না বরিবে কদাচন ।

এত চিন্তি নল-প্রতি বলে দেবগণ ॥

সাধু সর্বগুণাশ্রয় তুমি মহারাজ ।

সহায় হইয়া তুমি কর এক-কাজ ॥

কুতাঞ্জলি করি বলে নিষধ-রাজন ।

কে তোমরা, আমা হৈতে কিবা প্রয়োজন ॥

ইন্দ্র বলে, আমি ইন্দ্র, ইনি বৈশ্বানর ।

শমন, বরুণ ইনি জলের ঈশ্বর ॥

আসিয়াছি সবে মোরা দময়ন্তী-আশে ।

মো-সবার দূত হ'য়ে যাহ তার পাশে ॥

কি বলে বৈদভী, জানি আইস সস্তর ।

নলেরে এতেক বাক্য কহে পুরন্দর ॥

রাজা বলে, দ্রুতগতি যাইতেছি আমি ।

কেমনে ভেটিব কন্টা, অগম্য সে ভূমি ॥

রক্ষকেরা পুররক্ষা করিছে যতনে ।

এ-বেশে পুরুষ আমি যাইব কেমনে ॥

দেবগণ বলে, আমা-সবার প্রভাবে ।

না হবে বারণ, তুমি অলক্ষ্যেতে যাবে ॥

দেবগণ-বাক্যে নল করিয়া স্বীকার ।

চলিয়া গেলেন দময়ন্তীর আগার ॥

সখীগণ-মধ্যে দময়ন্তীকে দেখিল ।

দেখিয়া তাহার রূপ মোহিত হইল ॥

অতি-সুকুমার-রূপা অনঙ্গমোহিনী ।

কুশোদরা মনোহরা বিশাললোচনী ॥

পূর্বে হংসমুখে রাজা যতেক শুনিল ।

সত্য-সত্য বলি রাজা সকলি মানিল ॥

নলে দেখি দময়ন্তী হৈল চমকিত ।

কেবা এ-পুরুষবর হেথা উপনীত ॥

ইন্দ্র কিংবা কামদেব অখিনী-কুমার ।

ধন্য ধাতা, হেন রূপ সৃজিল ইহার ॥

বসিতে আসন দিতে হৃদয়ে বিচারে ।

সাহস করিয়া কিছু কহিতে না পারে ॥

কতক্ষণে মন্দ হাসি কহে যুতুভাষে ।

কে তুমি, পোড়াহ মোরে কন্দর্প-ছতাশে ॥

কেমনে আসিলে এথা, কেহ না দেখিল ।

লক্ষ-লক্ষ রক্ষকেতে যে পুরী রাখিল ॥

পবনাদি দেবে মোর পিতা দণ্ড করে ।

এত দুর্গ পার হ'য়ে এলে কি-প্রকারে ॥

রাজা বলে, আমি নল, জান বরাননে ।

আইলাম এথা দেবগণ-দূতপনে ॥

ইন্দ্রাণি-বরুণ-যম পাঠান আমারে ।
সবাকার ইচ্ছা বড় তোমা লভিবারে ॥
এ-চারি-জনের মধ্যে যারে লয় মন ।
আজ্ঞা কর, তাঁরে গিয়া করি নিবেদন ॥
এইহেতু তব পুরে করি আগমন ।
দেবের প্রভাবে না দেখিল কোনজন ॥

কন্যা বলে, দেবগণ বন্দিত সবার ।
সে-কারণে তাঁ'-সবারে করি নমস্কার ॥
নিষ্ফল এথায় আসিছেন দেবগণ ।
পূর্বের নল-নৃপতির ক'রেছি বরণ ॥
হংসমুখে শুনি পূর্বের ব'রেছি তোমায় ।
কেমনে আমারে ত্যাগ কর নররায় ॥
কায়মনোবাক্যে রাজা, তুমি মম পতি ।
তোমা-ভিন্ন বিষ-অগ্নি-জলে মোর গতি ॥

নল বলে, যেই দেবে পূজে সর্বজন ।
তপস্তা করিয়া বাঞ্ছে যাঁর দরশন ॥
মুহূর্ত্তেকে ভূমণ্ডল বিনাশিতে পারে ।
হেনজন বাঞ্ছে তোমা, ত্যজ কেন তাঁরে ॥
ইন্দ্র দেবরাজ দৈত্য-দানব-মর্দন ।
ত্রৈলোক্য-উপরে যাঁর রহে প্রভুপন ॥
শরীর সমান হবে যাঁহারে বরিলে ।
হেন দেবে ত্যজি কেন মনুষ্যে ইচ্ছিলে ॥
দিকুপাল বৈষ্ণবের সবাকার গতি ।
যাঁর ক্রোধে মুহূর্ত্তেকে ভস্ম হয় ক্ষিতি ॥
জলেশ বরুণ, যম নর-অস্তকারী ।
কেমনে বরিবে অন্যে দেবে পরিহারি ॥

কন্যা বলে, দেবে যোর নাহি প্রয়োজন ।
তুমি ভর্তা, তুমি কর্তা, করিনু বরণ ॥

শুভকার্যে বিলম্ব না কর মহামতি ।
গলে মাল্য দিতে রাজা, দেহ অনুমতি ॥
নল বলে, ইহা-সম নাহিক অধর্ম্ম ।
দূত হ'য়ে কেমনে করিব হেন কর্ম্ম ॥
এত শুনি বৈদভীর বিষণ্ণ-বদন ।
দুই-চক্ষু অশ্রুপূর্ণ করেন রোদন ॥
পুনঃ বলে দময়ন্তী চিন্তিয়া উপায় ।
ধীরে তোমারে, দোষ না হবে তাহায় ॥
দেবগণ-সহ তুমি এস স্বয়ংবরে ।
তাঁ'-সবার মধ্যে আমি বরিব তোমারে ॥

এত শুনি নল-রাজ করেন গমন ।
দেবগণ-পাশে গিয়া করে নিবেদন ॥
কেহ না দেখিল মোরে দেব-অনুগ্রহে ।
দেখিলাম সে কন্যারে অন্তঃপুর-গৃহে ॥
কহিলাম সবাকার সকল সন্দেহ ।
প্রবন্ধেতে রূপ-গুণ বিভব-বিশেষ ॥
কাহারে না চাহি কন্যা আমারে ইচ্ছিল ।
আসিবার কালে পুনঃ এমত বলিল ॥
দেবগণ-সঙ্গে এস স্বয়ংবর-স্থানে ।
তোমারে বরিব তাঁহাদের বিদ্যমানে ॥
বৈদভীর চিত্ত বুঝি যত দেবগণ ।
নলের সমান বেশ ধরেন তখন ॥
এইরূপে দেবগণ নলের সংহতি ।
স্বয়ংবর-স্থানে চলি গেলা শীঘ্রগতি ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান্ ॥

৪২। দময়ন্তীর নল-বরণ।

স্বয়ংবরে উপনীত যত দেবগণ।
 যথাযোগ্য-আসনে বসিল সর্বজন ॥
 কূলে শীলে রূপে গুণে একই প্রকার।
 বিবিধ-রতন শোভে অঙ্গে সবাকার ॥
 সিংহগ্রীব গজস্কন্ধ গমনে সিদ্ধজ্ঞ।
 পঞ্চমুখ-ভুজঙ্গ-সদৃশ ধরে ভুজ ॥
 তবে বিদর্ভের রাজা শুভক্ষণ-দিনে।
 দময়ন্তী আনাইল সভা-বিগমানে ॥
 দেখিয়া মোহিত হৈল যত রাজগণ।
 দৃষ্টিমাত্রে হরিলেক সবাকার মন ॥
 যত-যত মহারাজ আছিল সভায়।
 চিত্রের পুতলি-প্রায় একদৃষ্টে চায় ॥
 নল-বিনা বৈদর্ভীর অশ্রু নাহি মন।
 কোথায় আছয়ে নল, করে নিরীক্ষণ ॥
 একস্থানে দেখে ভৈরবী সভার ভিতর।
 নলের আকার পঞ্চ-পুরুষ সুন্দর ॥
 বর্ণেতে নলের সম, নাহি কিছু ভেদ।
 দেখি দময়ন্তী চিত্তে করে বড় খেদ ॥
 পঞ্চজন নল দেখি, বরিব কাহারে।
 হৃদয়ে করিল চিন্তা, বঞ্চিল আমারে ॥
 দেবদেহে নরদেহে বিভেদ আছয়।
 দেবমায়্যা-বলে তাও কিছু ব্যক্ত নয় ॥
 উপায় না দেখি ভৈরবী বিচারিল মনে।
 করযোড়ে স্ততিবাদ করে দেবগণে ॥
 তোমরা যে অন্তর্যামী, জানহ সকল।
 পূর্বে হংসমুখে আমি বরিয়াছি নল ॥

প্রসন্ন হইয়া সবে মোরে দেহ বর।
 জ্ঞাত হ'য়ে পাই যেন আপন-ঈশ্বর ॥
 সত্যোতে সংসার বর্ভে, আমি যদি সত্যী।
 তোমা-সবা-মধ্যে যেন চিনি নিজ-পতি ॥
 বৈদর্ভীর মনোভাব জানি দেবগণ।
 আপন-আপন-চিহ্ন করান দর্শন ॥
 অনিমেঘ-নয়ন স্বেন্দ্রাসুহীন কায়া।
 অগ্নান-কুসুম অঙ্গে, নাহি অঙ্গচ্ছায়া ॥
 বৈদর্ভী জানিল তবে এ-চারি অমর।
 নল-নৃপতিরে দেখে ভূমির উপর ॥
 হৃষ্ট হ'য়ে শীত্রগতি মালা দিলা গলে।
 দেবতা-গন্ধর্ব্ব সবে সাধু-সাধু বলে ॥
 তবে নল-নরপতি প্রসন্ন হইয়া।
 দময়ন্তী-প্রতি বলে আশ্বাস করিয়া ॥
 যাবৎ শরীরে মম থাকিবেক প্রাণ।
 তাবৎ ধরিব তোমা প্রাণের সমান ॥
 নলেরে বৈদর্ভী তবে করিল বরণ।
 দেখিয়া সন্তুষ্ট হৈলা যত দেবগণ ॥
 ভূষ্ট হ'য়ে ইষ্টবর দিলা চারিজন।
 অলঙ্কিত-বিদ্যা দিল সহস্রলোচন ॥
 অমৃত দিলেন তবে জলের ঈশ্বর।
 যথায় চাহিবে জল, পাবে নরবর ॥
 অগ্নি বলে, যাহা ইচ্ছা, করিবে রন্ধন।
 বিনা-অগ্নি রন্ধন হইবে ততক্ষণ ॥
 প্রাণিবধ-বিদ্যা দিল সূর্য্যের নন্দন।
 মন্ত্র-ভূগ-ধনু দিয়া করিলা গমন ॥
 নিবর্ত্তিয়া স্বয়ংবর সবে গেল ঘর।
 দময়ন্তী ল'য়ে গেল নল-নৃপবর ॥

দময়ন্তী-বিনা রাজা অশ্রু নাহি মতি ।
কুতূহলে ক্রীড়া করে, যেন কাম-রতি ॥
বহু-যজ্ঞ সমাধিল, কৈল বহুদান ।
পুণ্যবলে নাহি কেহ নলের সমান ॥
মহাভারতের কথা পরম-পবিত্র ।
আরণ্যকে অনুপম নলের চরিত্র ॥

৪৩। নল-পুঙ্করে দ্যুতক্রীড়া ।

স্বয়ংবর নিবর্তিয়া যায় দেবগণ ।
পথেতে দ্বাপর-কলি ভেটে দুইজন ॥
জিজ্ঞাসিল দুইজনে, যাহ কোথাকারে ।
কলি বলে, যাই বৈদভীর স্বয়ংবরে ॥
সে-কন্যার রূপ-গুণ শুনিয়া শ্রবণে ।
প্রাপ্তি ইচ্ছা করি তথা যাই দুইজনে ॥
হাসি ইন্দ্র বলে, সাক্ষ হৈল স্বয়ংবর ।
নলেরে বরিল ভৈরবী সভার ভিতর ॥
এত শুনি ক্রোধে কলি বলে আরবার ।
দেব-স্বামী ত্যজি ছুষ্ঠা বরে নর ছার ॥
এইহেতু দণ্ড আমি দিব যে তাহারে ।
প্রতিজ্ঞা করি নু আমি তোমার গোচরে ॥

দেবগণ বলে, তার দোষ নাহি তিলে ।
আমা-সবাকার বাক্যে বরিলেক নলে ॥
নলের চরিত্র কিছু কহনে না যায় ।
সংসারের যত গুণ রহে নলাশ্রয় ॥
সমুদ্রে গভীর ছিল, স্থির ছিল মেরু ।
পৃথিবীতে ক্ষমা ছিল, চন্দ্র ছিল চারু ॥
সবারে ছাড়িয়া নলে করিল আশ্রয় ।
যজ্ঞ-সভা-তৃপ্ত দেব যাহার আলয় ॥
সত্যব্রতী দৃঢ়প্রীতি তপঃশৌচ-দানী ।
আমা-সবাকার মাঝে নলেরে বাধানি ॥

১। অক্ষক্রীড়া ।

হেন নলে দুঃখদাতা হবে যেইজন ।
বিপুল দুঃখেতে মজিবেক সেইজন ॥
এত বলি দেবগণ করিলা গমন ।
দ্বাপর-কলিতে দৌঁছে চিস্তে মনে-মন ॥
নলের যতেক গুণ বলে স্বরপতি ।
হেনজনে দিবে দণ্ড কাহার শক্তি ॥
কলি বলে, তুমি মোর হইবে সহায় ।
যেমনে দণ্ডিব, মনে করিব উপায় ॥
রাজ্যভ্রষ্ট করিব, বিচ্ছেদ দুইজনে ।
পাশায় করিয়া মস্ত নিষধ-রাজনে ॥
অরুণাটী হবে তুমি সহায় আমার ।
কলি-বাক্যে দ্বাপর করিল অঙ্গীকার ॥
এতেক বিচারি দৌঁছে করিল গমন ।
নলের সহিত কলি থাকে অনুক্ষণ ॥
নৃপতির পাপছিদ্রে খুঁজে নিরন্তর ।
হেনমতে গেল দিন দ্বাদশ-বৎসর ॥
একদিন নরপতি সক্ষ্যার কারণে ।
অগ্ন-শৌচ কৈল পদে, ভ্রম হৈল মনে ॥
প্রবেশিল কলি তাঁর দেহে ছিদ্রে পেয়ে ।
বুদ্ধিহীন হৈল রাজা আপন-হৃদয়ে ॥
পুঙ্কর-নায়েতে ছিল রাজার সোদর ।
তাহার সদনে কলি চলিল সত্তর ॥
কলি বলে, অবধান করহ পুঙ্কর ।
বৈভব বাঞ্ছহ যদি, মম বাক্য ধর ॥
নলের সহিত পাশা খেল গিয়া তুমি ।
সহায় হইয়া তোমা জিতাইব আমি ॥
কলির আশ্বাস পেয়ে পুঙ্কর চলিল ।
খেলিব দেবন^১ বলি নলে আহ্বানিল ॥
এতেক শুনিয়া নল পুঙ্করের দস্ত ।
অহঙ্কারে ক্রণেক না করিল বিলম্ব ॥

পণ রাখি খেলিতে লাগিল দুইজন ।
 বিবিধ রতন আর রজত-কাঞ্চন ॥
 পুষ্করের বশ অক্ষ দ্বাপর-প্রভাবে ।
 নাহি হয় অন্তথা, সে যাহা মাগে যবে ॥
 পুনঃপুনঃ ক্রোধে পণ রাখি রাজা নল ।
 মতিচ্ছন্ন হইল না বুঝে মায়াবল ॥
 স্বেদ বান্ধব মন্ত্রী যত পৌরজন ।
 কারো শক্তি না হইল করিতে বারণ ॥
 তবে যত বন্ধুগণ একত্র হইয়া ।
 দময়ন্তী-স্থানে সব জানাইল গিয়া ॥
 মহাদুঃখ উপদ্রব আনেন নৃপতি ।
 আপনি নিরত তুমি কর গিয়া সতি ॥
 এত শুনি দময়ন্তী বিষণ্ণ-বদন ।
 অতি-শীঘ্র নৃপস্থানে করিলা গমন ॥
 রাজারে বলেন ভৈমী বিনয়-বচন ।
 মন্ত্রিসহ দ্বারে আছে অমাত্যের গণ ॥
 আজ্ঞা কর, সবে আসি করুক দর্শন ।
 তাজহ দেবন, প্রভু, রাজ্যে দেহ মন ॥
 কলিতে আচ্ছন্ন রাজা, নাহি শুনে বাণী ।
 মাথা তুলি ভৈমীরে না চাহে নৃপমণি ॥
 পুনঃপুনঃ কহি ভৈমী বারিতে নারিল ।
 জ্ঞানহত হৈল রাজা, নিশ্চয় জানিল ॥
 নিজ-নিজ-গৃহে তবে গেল পুরজন ।
 অন্তঃপুরে গেলা ভৈমী করিয়া রোদন ॥
 হেনমতে নল-রাজ খেলে বহুদিন ।
 ক্রমে-ক্রমে বিভবাদি সব হৈল হীন ॥
 অক্ষ-বিনা নৃপতির অন্যে নাহি মন ।
 সকল ত্যজিয়া রাজা খেলে অনুক্ষণ ॥
 দেখিয়া বৈদর্ভী মনে আতঙ্ক পাইল ।
 বৃহৎসেনা-নামে ধাত্রী-প্রতি সে বলিল ॥

সারথি বাঞ্ছ্যে শীঘ্র আনহ ডাকিয়া ।
 আজ্ঞামাত্র গেল ধাত্রী আরতি বুঝিয়া ॥
 সেইক্ষণে আইল সারথি বিচক্ষণ ।
 সারথিরে দেখি ভৈমী বলেন বচন ॥
 সর্বনাশ-হেতু-পথ করিল রাজন্ ।
 এ-মহাবিপদে তুমি করহ তারণ ॥
 ইন্দ্রসেন পুত্র আর কন্যা ইন্দ্রসেনা ।
 মম পিতৃগৃহে রাখি এস দুইজন ॥
 বিলম্ব না কর, রথ আন শীঘ্রগতি ।
 আজ্ঞামাত্র রথ আনে সাজায়ে সারথি ॥
 রথে চড়াইল দুই কুমার-কুমারী ।
 মুহূর্ত্তেকে উত্তরিল কুণ্ডিন-নগরী ॥
 রথ-অশ্ব-সহিত ধুইল রাজপুরে ।
 পুনঃ গেল বাঞ্ছ্যে সে নিষধ-নগরে ॥
 পুণ্যকথা ভারতের শুনে পুণ্যবান্ ।
 কাশীরাম বিরচিল নল-উপাখ্যান ॥

৪৪ । নল-দময়ন্তীর বনগমন ও নলের
 দময়ন্তী-ভ্যাগ ।

পুষ্করের সহ পাশা খেলে রাজা নল ।
 একে-একে রাজ্য-ধন হারিল সকল ॥
 বসন-ভূষণ আর রত্ন-অলঙ্কার ।
 সকলি হারিল রাজা, কিছু নাহি আর ॥
 হাসিয়া পুষ্কর তবে বলিল বচন ।
 খেলিবে, কি আছে আর, শীঘ্র রাখ পণ ॥
 অবশেষ তব কিছু নাহি দেখি আর ।
 রাণী দময়ন্তী পণ রাখহ এবার ॥
 এত শুনি ক্রোধে নল লোহিত-লোচন ।
 নাহিক কহিতে শক্তি, বিষণ্ণ-বদন ॥

তবে রাজা বস্ত্র-রত্ন যা ছিল শরীরে ।
খুলিয়া সকলি রায় দিলেন পুষ্করে ॥
একবস্ত্র-পরিধানে বাহির হইল ।
অন্তঃপুরে থাকি তাহা বৈদৰ্ভী শুনিল ॥
অঙ্গের ভূষণ যত ফেলিল খুলিয়া ।
চলিলা রাজার সহ একবস্ত্রা হৈয়া ॥

আজ্ঞা দিল পুষ্কর আপন-অনুচরে ।
এই কথা জ্ঞাত কর নগরে-নগরে ॥
নল-রাজ যাইবেক সম্মি কটে যার ।
নলে-রাখিলে তার সবংশে সংহার ॥
আজ্ঞামাত্র রাজ্যে-রাজ্যে জানাইল চর ।
রাজাজ্ঞা শুনিয়া সবে হৃদে পায় ডর ॥
তিনদিন ছিল নল নগর-ভিতর ।
রাজভয়ে স্থান দিতে সবাই কাতর ॥
কেহ না জিজ্ঞাসে তাঁরে, না যায় নিকটে ।
ক্ষুধায়-তৃষ্ণায় নল গেল নদী-তটে ॥
তিন-রাত্রি-দিনান্তরে করি জলপান ।
তারপরে বনমধ্যে করিল প্রয়াণ ॥

পাছু-পাছু দময়ন্তী করিলা গমন ।
অরণ্যের মধ্যে প্রবেশিলা দুইজন ॥
বহুদিন অনাহারে শরীর পীড়িত ।
বনমধ্যে স্বর্ণ-পক্ষী দেখে আচম্বিত ॥
পক্ষী দেখি আনন্দেতে ভাবিল রাজন্ ।
মাংস ভক্ষি, পক্ষ বেচি পাব বহুধন ॥
ধরিবার উপায় চিন্তিলা মনে-মন ।
পক্ষীর উপর ফেলে পিঙ্কন-বসন ॥
বস্ত্র ল'য়ে উড়িল মায়াবী বিহঙ্গম ।
আকাশে উড়িয়া বলে, আরে মতিভ্রম ॥
সর্বনাশ কৈনু অক্ষে ভ্রষ্ট করি জ্ঞান ।
আমি কলি, ষাপন্ন বলিয়া অক্ষে জ্ঞান ॥

আমা-সবে এড়ি ভৈরবী বরিল তোমা-রে ।
ইহার উচিত ফল দিলাম তাহা-রে ॥

এত শুনি নরপতি ভৈরবী-প্রতি বলে ।
যতেক কহিল পক্ষী, শ্রবণে শুনিলে ॥
অক্ষে যেই হারাইল, বস্ত্র সেই নিল ।
বিস্ময়ে আমার প্রিয়ে, জ্ঞান হত হৈল ॥
এখন যা বলি, শুন তাহার কারণে ।
এই যে দেখহ পথ যাইতে দক্ষিণে ॥
অবন্তী-নগরে লোক যায় এই পথে ।
এই যে দেখহ পথ কোশলে যাইতে ॥
এই পথে যায় প্রিয়ে, বিদৰ্ভ-নগরে ।
শুনিয়া হইলা ভৈরবী কম্পিতা অন্তরে ॥

রোদন করিয়া ভৈরবী কহে নল-প্রতি ।
তব বাক্য শুনি মোর স্থির নহে মতি ॥
রাজ্যনাশ, বনবাস, বিবস্ত্র হইলে ।
ক্ষুধা তৃষ্ণা-মহাত্মঃখ-সাগরে ডুবিলে ॥
সব পাশরিবে আমি থাকিলে সংহতি ।
আমারে ত্যজিতে কেন চাহ নরপতি ॥
ভার্য্যার বিহনে রাজা, নাহি স্থখলেশ ।
আমারে ত্যজিলে বনে পাবে বহুক্লেশ ॥

নল বলে, সত্য তুমি যতেক কহিলে ।
ভার্য্যাসম মিত্রে আর নাহি ক্ষিতিলে ॥
ত্যজিবারে পারি আমি আপন-জীবন ।
তোমা ত্যাগ না করিব আমি কদাচন ॥
ভৈরবী বলে, মোরে যদি ত্যাগ না করিবে
বিদৰ্ভের পথ কেন দেখাইছ তবে ॥
এইহেতু শঙ্কা মম হ'তেছে রাজন্ ।
তুমি ছাড়ি গেলে মোর নিশ্চয় মরণ ॥
এক বাক্য বলি রাজা, যদি লয় মনে ।
বিদৰ্ভ-নগরে চল যাই দুইজনে ॥

তোমারে দেখিলে পিতা হবে হৃষ্টমন ।

দেবতুল্য তোমারে পূজিবে সর্বজন ॥

নল বলে, নহে ইহা যাবার সময় ।

এ-বেশে কুটুম্বগৃহে যাওয়া শ্রেয়ঃ নয় ॥

আপনি জানহ তুমি স্বয়ংবর-কালে ।

তব পিতৃগৃহে গেলু চতুরঙ্গ-বলে ॥

এখন এ-বেশে গেলে হাসিবেক লোক ।

বৈরীর হইবে হর্ষ, স্নহদের শোক ॥

পরম-বন্ধুর গৃহে যায় যদি দৌন ।

শক্রসম হইলেও হয় মানহীন ॥

অনাহারে থাকি তপ করিব কাননে ।

দুঃখী হ'য়ে বন্ধুগৃহে না যাব কখনে ॥

তবে পুনঃপুনঃ ভৈমী অনেক কহিল ।

না শুনিল নল-রাজ, নিশ্চয় জানিল ॥

যেই বস্ত্র ছিল ভৈমী করিয়া পিঙ্গন ।

সেই বস্ত্র সারিয়া পরিল দুইজন ॥

ছাড়িয়া যাবেন স্বামী ভয় করি মনে ।

একবস্ত্র উভয়ে পরিল সে-কারণে ॥

বেগেতে চলিতে নারে, যায় ধীরে-ধীরে ।

ক্ষুধায় তৃষ্ণায় ভ্রমে দুর্বল-শরীরে ॥

দিব্য-একস্থান রাজা দেখিল কাননে ।

পরিশ্রান্ত হইয়া শুইল দুইজনে ॥

আঁকাড়ি করিয়া ভৈমী ধরিল রাজারে ।

পাছে স্বামী যায় ছাড়ি সভয়-অস্তরে ॥

একে স্নকুমারী, বহুদিন নিরাহারা ।

শোয়ামাত্র দময়ন্তী হৈলা জ্ঞানহারা ॥

দুঃখে সস্তাপিত নল, নিদ্রা নাহি যায় ।

মনে বিচারিল দেখি বৈদভী-নিদ্রায় ॥

এ-ঘোর-অরণ্যে ভৈমী সঙ্গে যদি থাকে ।

মম দুঃখ দেখি নিত্য মজিবেক শোকে ॥

আমারে না দেখি কোন পথিক-সংহতি ।

ক্রমে-ক্রমে যাইবেক পিতার বসতি ॥

এ-দুঃখ-সমুদ্রে হৈতে হইবে মোচন ।

আমিহ একক হৈলে যাব, যথা মন ॥

একাকী রাখিয়া যাব ঘোর বনস্থল ।

সেই ভয় নাহি, কেহ করিবে না বল ॥

তপস্বিনী পতিব্রতা ভকতি আমাতে ।

এরে কে করিবে বল, নাহি ত্রিজগতে ॥

কলিতে আচ্ছন্ন রাজা হত নিজ-জ্ঞান ।

দময়ন্তী ত্যজিবারে করে অনুমান ॥

একবস্ত্র আচ্ছাদন দৌহাকার গায় ।

মনে চিন্তে, কি করিব ইহার উপায় ॥

পাছে জাগে দময়ন্তী, চিন্তিত রাজন ।

ভাবিত হইল বড় কি করি এখন ॥

কেমনে ত্যজিব আমি, একবস্ত্র পরা ।

শরীরে আছিল কলি দুই খরতরা ॥

রাজ-মন জানি কলি ধরে খড়্গরূপ ।

সম্মুখে দেখিয়া খড়্গ হরষিত ভূপ ॥

অস্ত্র ল'য়ে অর্দ্ধবাস ছেদন করিল ।

মায়াতে মোহিত রাজা আকুল হইল ॥

ধীরে-ধীরে তথা হৈতে গমন করিল ।

কতদূর হৈতে পুনঃ বাহুড়ি আইল ॥

দেখে, ভৈমী নিদ্রা যায় হ'য়ে অচেতন ।

ব্যাকুল হইয়া রাজা করয়ে ক্রন্দন ॥

সিংহ-ব্যাক্র লক্ষ-লক্ষ এ-ঘোর-কাননে ।

প্রিয়ার কি গতি হবে আমার বিহনে ॥

হে সূর্য পবন চন্দ্র বনের দেবতা ।
 তোমা-সবে রক্ষা কর আমার বনিতা ॥
 এত বলি নরপতি করিল গমন ।
 পুনঃ কতদূর হৈতে ফিরিল রাজন ॥
 কলিতে আচ্ছন্ন রাজা দুইদিকে মন ।
 ভাৰ্য্যাস্নেহ ছাড়িতে না পারে কদাচন ॥
 ভৈরবী-দুঃখে দুঃখী হ'য়ে কহিছে অন্তরে ।
 অনাথ করিয়া প্রিয়ে, যাই হে তোমারে ॥
 পুনরপি বিধি যদি করায় ঘটন ।
 দেখিব তোমারে, নহে এ শেষ-দর্শন ॥
 এত চিন্তি নরপতি আকুল-হৃদয় ।
 পাছে দময়ন্তী জাগে, পুনঃ হৈল ভয় ॥
 অতিবেগে ধাইয়া চলিল সেইক্ষণ ।
 প্রবেশ করিল গিয়া নির্জন-কানন ॥
 কাশী কহে, কলিতে আচ্ছন্ন যেইজন ।
 হিতাহিত-জ্ঞান তার না থাকে কখন ॥
 মহাভারতের কথা অমৃত-সমান ।
 শ্রবণে পাতক খণ্ডে, জন্মে দিব্যজ্ঞান ॥
 কাশীরাম দাস কহে রচিয়া পয়ার ।
 অন্যাসে শুনে যেন সকল সংসার ॥
 দুঃখ-তাপে তরে লোক ভারত-শ্রবণে ।
 কলির কলুষ নাশে, কাশীরাম ভণে ॥

৪৫ । সর্পকবলে দময়ন্তী এবং দময়ন্তীর
 কোপানলে ব্যাধভঙ্গ ।

কতক্ষণে দময়ন্তী নিদ্রা-অবশেষে ।
 সজাগ হইয়া দেখে স্বামী নাহি পাশে ॥
 মূচ্ছিতা হইয়া ভৈরবী ভূমিতলে পড়ি ।
 ধূলয় ধূসরা হ'য়ে যায় গড়াগড়ি ॥

উঠিয়া সঘনে চতুর্দিকে ধায় রড়ে ।
 নাথ-নাথ বলি উচ্চৈঃস্বরে ডাক ছাড়ে ॥
 অনাথা ডাকয়ে, কেন না দেহ উত্তর ।
 কোন্ দিকে গেলে প্রভু, নিষধ-ঈশ্বর ॥
 কোন দোষে দোষী আমি নহি তব পায় ।
 তবে কেন আমারে ত্যজিলা মহাশয় ॥
 ধার্মিক বলিয়া তোমা বলে সর্বলোকে ।
 তবে কেন ছাড়ি গেলে নিদ্রিতা আমাকে ॥
 লোকপাল-মধ্যে পূর্বের সত্য কৈলে প্রভু ।
 শরীর থাকিতে তোমা না ছাড়িব কভু ॥
 সত্যবাদী হ'য়ে সত্য ছাড় কি-কারণ ।
 লুক্কায়িত আছ কোথা, দেহ দরশন ॥
 দুঃখ-সিদ্ধুমধ্যে প্রভু, কেন দেহ দুঃখ ।
 অতি-শীঘ্র এস নাথ, দেখি তব মুখ ॥
 ক্ষুধাহেতু ফল লাগি গিয়াছ কি বনে ।
 তৃষ্ণার্ত হইয়া কিংবা গেলে জলপানে ॥
 এত বলি বনে ভৈরবী করে পর্যটন ।
 ক্ষণে উঠে, ক্ষণে বসে, ধায় ক্ষণে-ক্ষণ ॥
 সিংহ ব্যাঘ্র মহিষ শূকর যত ছিল ।
 লক্ষ-লক্ষ চতুর্দিকে তাহারে বেড়িল ॥
 স্বামী অশ্বেষিয়া ভৈরবী বনে-বনে ভ্রমে ।
 অকস্মাৎ সম্মুখে দেখিল ভুজঙ্গমে ॥
 বিকট-দশন তার বিকট-গর্জন ।
 ভৈরবীয়ে দেখিয়া অহি বিস্তারে বদন ॥
 বিপরীত-মূর্তি অহি দেখিয়া নিকটে ।
 হা নাথ বলিয়া ডাকে পড়িয়া স্কন্ধে ॥
 আর না দেখিব প্রভু, তোমার বদন ।
 নিশ্চিত হইলু অজাগরের ভক্ষণ ॥
 উচ্চৈঃস্বরে কান্দে দেবী করি আৰ্ত্তনাদ ।
 দূরেতে থাকিয়া তাহা শুনে এক ব্যাধ ॥

শৌভ্রগতি আসি ব্যাধ দেখি অজাগর ।
 খণ্ড-খণ্ড করিল মারিয়া তীক্ষ্ণ-শর ॥
 সর্প মারি সেই ব্যাধ জিজ্ঞাসে ভৈমীরে ।
 কে তুমি, একাকী ভ্রম কানন-মাঝারে ॥
 সকল ব্রতান্ত তারে বৈদভী কহিল ।
 বৈদভীর রূপে ব্যাধ মোহিত হইল ॥
 সম্পূর্ণ-চন্দ্রমা-মুখ, পীন-পয়োধর ।
 বচন-অমৃত ব্যাধে বিক্রে খরশর ॥
 কামাতুর হ'য়ে যায় ভৈমী ধরিবারে ।
 ব্যাধেরে দেখিয়া ভৈমী কহিছে অন্তরে ॥
 সত্যশীল নলরাজ যদি মোর পতি ।
 নল-বিনা অন্তে যদি নাহি থাকে মতি ॥
 এ পাপিষ্ঠ পরশিতে না পারে আশায় ।
 এখনি হউক ভস্মরাশি দুরাশয় ॥
 এতেক বলিতে ব্যাধ ভস্ম হ'য়ে গেল ।
 স্বামীর উদ্দেশে সতী বৈদভী চলিল ॥
 সময় হইলে মন্দ, রক্ষা নাহি আর ।
 চুঃখের উপরে চুঃখ আসে অনিবার ॥
 সতীর সতীত্ব-নাশ করিতে যে যায় ।
 সতীকোপে ভস্ম হয়, কাশীরাম গায় ॥

৪৬। দময়ন্তীর পতি-অবেষণ ও সুবাহনগরে

গৈরিক্তী-বেশে অবস্থান ।

মহাঘোর-বনে ভৈমী করিল প্রবেশ ।
 নানাজাতি পশু তথা দেখয়ে বিশেষ ॥
 সিংহ ব্যাঘ্র কোল^১ দ্বিপী খড়গী কৃষ্ণসার ।
 শৃগ-শৃগী দেখে আর মহিষ মার্জ্জার ॥

শল্লকী^২ নকুল গোধা ভল্লুক বানর ।
 নভোমার্গ স্পর্শে নানাজাতি তরুণর ॥
 শাল তাল পিয়াল যে অর্জুন চন্দন ।
 শিমূল খর্জুর জাম কদম্ব কাঞ্চন ॥
 আত্মাতক^৩ বিভীতক^৪ ফল আমলকী ।
 পলাশ ডুম্বুর ভল্লাতক^৫ হরীতকী ॥
 খদির পাণ্ডুবী^৬ পিচুমর্দ^৭ কোবিদার^৮ ।
 শাকট^৯ কপিথ বট অশ্বথ যে আর ॥
 নোয়াড়ী^{১০} বদরী বিষ্ণী^{১১} বহেড়া পর্কটি^{১২} ।
 অশোক চম্পক কেন্দু তিস্তিড়ীক ঝাঁটি ॥
 বাপী সর তড়াগ সিন্ধুর সম নদী ।
 নানা-ঋতু রম্যস্থান, বহু রত্ননিধি ॥
 যত-যত দেখে ভৈমী, অন্তে নাহি মন ।
 স্বামি-অশ্বেষণে ভ্রমে গহন-কানন ॥
 যাহারে দেখয়ে ভৈমী, জিজ্ঞাসে তাহারে ।
 দেখিয়াছ মম প্রভু, গেল কোথাকারে ॥
 সিংহগ্রীব প্রভু মম বিশাল-লোচন ।
 দীর্ঘতর যুগ্ম-ভুজ অর্দ্ধাঙ্গ-বসন ॥
 ওহে সিংহ, মহাতেজা বনের ঈশ্বর ।
 বনের ব্রতান্ত যত তোমার গোচর ॥
 সত্য কহ, প্রাণনাথ গেল কোন্ দিকে ।
 অনাথা তোমার স্থানে এই ভিক্ষা মাগে ॥

অনন্তরে এক মহাসরিং দেখিল ।

প্রণাম করিয়া তারে ভৈমী জিজ্ঞাসিল ॥
 তরঙ্গিণি, কহিয়া স্বামীর সমাচার ।
 হুশীতল কর তুমি হৃদয় আমার ॥
 ক্ষুধায় বিশেষ শ্রমে আকুল শরীর ।
 জলপানে আসিলা কি তিনি তব তীর ॥

১। শূকর। ২। শঙ্কর। ৩। আমড়া। ৪। বয়ড়া-গাছ। ৫। ভেলাগাছ। ৬। ধবগাছ। ৭। নিমগাছ।

৮। রক্তকাঞ্চন-গাছ। ৯। সেতুন-গাছ। ১০। শিল-আমড়া-গাছ। ১১। বইচ-গাছ। ১২। পাহাড়-গাছ।

তথা হৈতে গেলা ভৈষী না পেয়ে উত্তর ।
 অতি-উচ্চতর দেখে এক গিরিবর ॥
 তাহাকে জিজ্ঞাসে ভৈষী করিয়া রোদন ।
 অতি-উচ্চতর শৃঙ্গ পরশে গগন ॥
 বহুদূর দৃষ্টি তব যায় শৈলবর ।
 কহ মোরে, কোথায় আছেন প্রাণেশ্বর ॥
 পঙ্কজ-কেশর-অঙ্গ, কর স্পর্শে জানু ।
 কর্ণাস্ত-নয়ন, মুখশোভা সীতভানু ॥
 বীরসেন-সুত প্রভু, নিষধ-ঈশ্বর ।
 দেখেছ কি প্রাণনাথে, কহ গিরিবর ॥
 এইমত গিরিপৃষ্ঠে ভ্রমে তিনদিন ।
 ক্ষুধায়-তৃষ্ণায় ক্লিষ্টা, বদন মলিন ॥
 যুগল-নয়নে অশ্রু বহিছে ধারায় ।
 অর্দ্ধাবাসা মুক্তকেশা, ধূলি সর্বগায় ॥
 তথা হৈতে চলি যায় উত্তর-মুখেতে ।
 মুনির আশ্রমে যায় তৃতীয় দিনেতে ॥
 অনাহারী, বাতাহারী, দীর্ঘ-গৌপ-দাড়ি ।
 কর-পদ সর্পবৎ, নখ যেন বেড়ি ॥
 দেখি দময়ন্তী তাঁরে ভূমিষ্ঠ হইয়া ।
 প্রণতি করিয়া রহে অগ্রে দাণ্ডাইয়া ॥
 ভৈষীকে জিজ্ঞাসে মুনি মধুর-বচনে ।
 কে তুমি, কি-হেতু ভ্রম গহন-কাননে ॥
 দময়ন্তী বলে, আমি পতি-বিরহিণী ।
 এই বনে পতি মম হারালাম মুনি ॥
 অশ্বেষিয়া ফিরি তাঁরে করি তাঁর ধ্যান ।
 হারাধন পাই যদি, তবে রহে প্রাণ ॥
 আজ্ঞা কর মুনিরাজ, কোন্ দেশে যাব ।
 নিশ্চয় কি পুনরপি দরশন পাব ॥

এত শুনি মুনিরাজ আশ্বাস করিল ।
 না কর রোদন, তব দুঃখ শেষ হৈল ॥
 পাইবে স্বামীরে, পুনঃ পাবে রাজ্যভার ।
 পুত্র-কন্যা-সহ হুথ ভুঞ্জিবে অপার ॥
 এত বলি ঋষিবর অন্তর্হিত হৈল ।
 বিস্ময় মানিয়া তবে বৈদর্ভী চলিল ॥
 নদ-নদী কণ্টক পর্বত ঘোরবনে ।
 রাত্রি-দিন চলি যায় নিরানন্দ-মনে ॥
 যাইতে-যাইতে দেখে এক নদীকূলে ।
 বহুদ্রব্য সঙ্গে ল'য়ে বহলোক চলে ॥
 ভৈষীকে দেখিয়া লোক বিস্ময় মানিল ।
 বিপরীত দেখি কেহ ভয়ে পলাইল ॥
 কড়ু হাসে, কড়ু কাঁদে চিত্তের পুতলী ।
 রাক্ষসী পিশাচী কিংবা মানুষী বাতুলী ॥
 জিজ্ঞাসে দয়ার্জ হ'য়ে তবে কোনজন ।
 কে তুমি, একাকী ভ্রম নির্জন-কানন ॥
 বৈদর্ভী বলিল, নহি পিশাচী রাক্ষসী ।
 স্বামী অশ্বেষিয়া ভ্রমি, আমি ত মানুষী ॥
 অরণ্যের মধ্যে স্বামী ছাড়ি গেল মোরে ।
 সত্য কহ, তোমরা কি দেখিয়াছ তাঁরে ॥
 এতেক শুনিয়া বলে বণিকের গণ ।
 তোমা-বিনা এ-বনে না দেখি অশ্রুজন ॥
 চেদি-রাজ্যে যাই মোরা বাণিজ্য-কারণ ।
 আইস মোদের সঙ্গে, যদি লয় মন ॥
 আশ্বাস পাইয়া ভৈষী চলিল সংহতি ।
 সেই পথে অশ্বেষিয়া যায় নিজপতি ॥
 সেই পথে কতদূরে এক রম্যস্থলে ।
 দেখে এক সরোবর শোভিছে কমলে ॥

শ্রমযুক্ত হ'য়ে যত বণিকের গণ ।
 সেই নিশি সেইস্থানে করিল যাপন ॥
 নিশাকালে হস্তিগণ জলপানে এল ।
 নিদ্রিত বণিকগণে চরণে পিষিল ॥
 দশনে চিরিল কারে, শুণ্ডে জড়াইল ।
 বণিকগণের মধ্যে মহারোল হৈল ॥
 প্রাণভয়ে নানাদিকে ধায় সর্বজন ।
 দময়ন্তী করিলেন বৃক্ষে আরোহণ ॥
 বৃক্ষোপরি আরোহিয়া করেন রোদন ।
 হায় বিধি, মোর ভাগ্যে ছিল এ-লিখন ॥
 জন্মকাল হৈতে আমি জানি নিজ-মনে ।
 এমন দুষ্কৃতি আমি না করি কখনে ॥
 তবে কেন বিধি মোর কৈলা হেন গতি ।
 অধিক সন্তাপ মোর উপজিল নিতি ॥
 মোর স্বয়ংবরে এসেছিল দেবগণ ।
 নিরাশ হইয়া ক্রোধ কৈল সর্বজন ॥
 সেইহেতু আমার না দেখি শ্রেয় আর ।
 এত কষ্টে পাপ-প্রাণ না যায় আমার ॥

রজনী প্রভাত হৈলে যে যেখানে ছিল ।
 চারিদিক্ হৈতে আসি একত্র মিলিল ॥
 ভয় পেয়ে তথা হৈতে যায় শীত্ৰগতি ।
 কতদিনে চেদিরাজ্যে উত্তরিল সতী ॥
 বিবর্ণ-বদনা কুশা অঙ্গে অর্দ্ধবাস ।
 ধূলিতে ধূসর-কায়, ঘন বহে শ্বাস ॥
 বন হৈতে নগরেতে করিল প্রবেশ ।
 চতুর্দিকে ধায় লোক দেখি তাঁর বেশ ॥
 যুবা-বৃদ্ধ নগরেতে যত নারীগণ ।
 চতুর্দিকে বেড়িয়া চলিল সর্বজন ॥
 কেহ বা কর্দম দেয়, কেহ দেয় ধূলা ।
 বৈদভীয়ে বেড়িয়া হইল লোকমালা ॥

হুবাছ-রাজের মাতা প্রাসাদে আছিল ।
 বৈদভীয়ে দেখিয়া ধাত্রীয়ে আস্তা দিল ॥
 হের দেখ নারী এক নগরে আইসে ।
 মলিনা বিবর্ণরূপা বেষ্টিতা মানুষে ॥
 শীত্ৰ গিয়া উহারে আনহ মোর স্থানে ।
 আস্তামাত্র ভৈমীকে আনিল সেইস্থানে ॥
 ভৈমীকে দেখিয়া জিজ্ঞাসিল রাজমাতা ।
 কহ নিজ-পরিচয়, কাহার বনিতা ॥
 নিজরূপ ঢাকিয়াছ কিসের কারণ ।
 মেঘে ঢাকিয়াছে যেন রবির কিরণ ॥
 দময়ন্তী কহে, শুন কহি রাজমাই ।
 জাতিতে মানুষী আমি, সৈরিকী বলাই ॥
 দ্যুতে হারি স্বামী মোর পশিল কাননে ।
 অপ্রমিত গুণ তাঁর, না যায় কখনে ॥
 সন্তোষে ছিলাম আমি, ছাড়ি গেলা মোরে ।
 তাঁরে অশ্বেষিয়া আমি আইলু নগরে ॥

এত বলি দময়ন্তী করেন রোদন ।
 আশ্বাসিয়া রাজমাতা বলেন বচন ॥
 না কান্দহ কন্ঠে, ভূমি চিত্ত কর স্থির ।
 তব দুঃখ দেখি মম বিদরে শরীর ॥
 পাইবে স্বামীর দেখা থাক মোর বাসে ।
 লোক পাঠাইব তব পতির উদ্দেশে ॥

ভৈমী বলে, এত যদি করুণা আমারে ।
 তবে সে থাকিতে পারি তোমার মন্দিরে ॥
 পুরুষ-সহিত দেখা না হবে কখন ।
 পুরুষের স্থানে না পাঠাবে কদাচন ॥
 না ছুঁইব উচ্ছিস্ট, না পদে দিব কর ।
 ত্রুত মম কহি রাজমাতা, পূর্বাপর ॥
 বৃদ্ধ-দ্বিজ পাঠাইবে স্বামি-অশ্বেষণে ।
 এতেক করিলে রহি তোমার সদনে ॥

সেইরূপ হইবে বলিয়া রাজমাতা ।
 ডাকিলা স্ননন্দা-নামে আপন-দুহিতা ॥
 রাজমাতা বলে তবে তনয়ার প্রতি ।
 সখ্য কর তুমি এই স্ননন্দী-সংহতি ॥
 দেবতা ভারিয়া এঁরে করিবে পূজন ।
 কণেক বিভিন্ন নাহি হবে দুইজন ॥
 মাতৃ-আজ্ঞা স্ননন্দা সে পালে সর্বকণ ।
 এমতে রহিলা ভৈম্বী তাঁহার সদন ॥
 ভারতের পুণ্যকথা শুনিলে পবিত্র ।
 বনপর্বের পুণ্যশ্লোক নলের চরিত্র ॥
 কাশীরাম বিরচিল করি গীতচ্ছন্দ ।
 রসিক সজ্জন সদা পিয়ে মকরন্দ ॥

৪৭। কর্কোটক-নাগের মুক্তি ও তাহার দংশনে
 নলের বিকৃতাকার ।

হেথা ভৈম্বী ছাড়ি, পরি অর্দ্ধ-সাড়ী,
 চলিল নৃপতি নল ।
 বায়ুবেগে ধায়, পাছু নাহি চায়,
 অঙ্গে বহে শ্রমজল ॥
 বনে হেনকালে, দাবানল জ্বলে,
 উঠে রক্ষ-রক্ষ-ধ্বনি ।
 পুড়ি অগ্নিমাঝ, রক্ষ নলরাজ,
 পুণ্যশ্লোক নৃপমণি ॥
 শুনি দয়াময়, কহে, নাহি ভয়,
 কে করে অরণ মোরে ।
 শুনি ফণিপতি, কহে নল-প্রতি,
 নিবেদি হুঃখ তোমাতে ॥

আমি নাগরাজ- অনন্ত-অমৃত,
 কর্কোটক নাম মম ।
 নারদের শাপে, সদা পুড়ি তাপে,
 শক্তিহীন, জড়সম ॥
 তব স্পর্শ পেলে, শাপ যাবে চ'লে,
 বিধান করিলা ঋষি ।
 বিলম্ব না কর, উদ্ধার সম্বর,
 দহে মোরে অগ্নিরাশি ॥
 পর্বত-আকার, শরীর আমার,
 দেখিয়া না কর ভয় ।
 পরশে তোমার, হৈব লঘুভার,
 ক্ষুদ্রকায় সাতিশয় ॥
 শুনি নরপতি, দয়াশীল অতি,
 আনিল অনল হৈতে ।
 হইয়া নির্ভয়, নাগরাজ কয়,
 সখ্য হৈল তব সাথে ॥
 তব শ্রম-কাজ, শুন মহারাজ,
 কোলে করি মোরে লহ ।
 উচ্চারিয়া মুখে, গণি পদক্ষেপে,
 কিছুদূর ল'য়ে যাহ ॥
 নাগ-বাক্য শুনি, পদক্ষেপ গণি,
 দশপদ গতি কৈল ।
 দশ ডাক শুনি, দংশিলেক ফণা,
 ছাড়িয়া অন্তর হৈল ॥
 নল বলে ভাল, সখা-ধর্ম্য হৈল,
 সখারে দংশন কর ।
 নাহি দোষ তব, জাতির স্বভাব,
 উপকারি-জনে মার ॥

বলে নাগপতি, না ভাব ছুগতি,
করিয়াছি উপকার ।

কুৎসিত-মুরতি, হৈল নরপতি,
অঙ্গ দেখে আপনার ॥

ছুঃখের সময়, কভু ভাল নয়,
ভূপতি-লক্ষণ-রূপ ।

কেহ না লক্ষিবে, যথায় যাইবে,
যেহেতু হৈলে কুরূপ ॥

যবে ইচ্ছা মনে, আমার স্মরণে,
পাইবে আপন-রূপ ।

কহি যে বিশেষ, নাহি পাবে ক্লেশ,
মম বিষে, শুন ভূপ ॥

তোমাতে যে ত্রুর, যাতনা প্রচুর,
দিতেছে, জানিও রায় ।

তারে মোর বিষ, নিত্য অহর্নিশ,
জ্বলাইবে যাতনায় ॥

মোর বাক্য ধর, যাও অতঃপর,
অযোধ্যায় গুণাধার ।

রাজা ঋতুপর্ণ, পালে চতুর্বর্ণ,
সারথি হইও তাঁর ॥

বৈদর্ভী রূপসী, তোমার প্রেয়সী,
আর তনয়-তনয়া ।

কুশলে ভেটিবে, পুনঃ রাজা হবে,
নিষধ-রাজ্যেতে গিয়া ॥

এতেক কহিয়া, বস্ত্র এক দিয়া,
অস্ত্রহিত হ'য়ে গেল ।

নাগের বচন, শুনিয়া রাজনু,
অযোধ্যাপুরী চলিল ॥

ভারত-কমল, প্রবণে মঙ্গল,
সামুজ্ঞন করে আশ ।

কৃষ্ণদাসানুজ, কৃষ্ণদাসানুজ,
বন্দি কহে কাশীদাস ॥

৪৮ । ঋতুপর্ণালয়ে নল-রাজের বাহক-নামে
অবস্থিতি ।

তবে নল-নরপতি দশম দিবসে ।

অযোধ্যায় প্রবেশিল বহু পথক্লেশে ॥

রাজার ছুয়ারে গিয়া বলে নরপতি ।

মম তুল্য নাহি কেহ অশ্ব-শিকাকৃতী ॥

বাহক আমার নাম শুন মহামতি ।

নিষধ-রাজের আমি ছিলাম সারথি ॥

আর এক মহাবিদ্যা জানি হে রাজনু ।

বিনা-অনলেতে পারি করিতে রন্ধন ॥

এত শুনি কহে রাজা করিয়া আশ্বাস ।

যথোচিত চাহ, দিব, রহ মম পাশ ॥

যত অশ্বপালের উপরে হবে পতি ।

যা বাঞ্ছিবে, তাহা দিব, থাকিবে সংহতি ॥

এত শুনি নলরাজ রহিল তথায় ।

দিবস-রজনী রাজা নিদ্রা নাহি যায় ॥

অন্ন-জল নাহি রুচে পত্নীরে ভাবিয়া ।

সদা ভাবে কোথা গেল দময়ন্তী প্রিয়া ॥

গহন-কাননে তারে ফেলিয়া আইলু ।

নিদারুণ হৈয়া হায় কি-কর্ম করিলু ॥

না জানি, সে কি করিল আমার বিহনে ।

নিরাহারে নিরাশ্রয়ে আছে কোন্ স্থানে ॥

কতেক কাঙ্গাল প্রিয়া মোরে না দেখিয়া ।

কি-কুকর্ম করিলাম নিষ্ঠুর হইয়া ॥

ভয়ঙ্কর সিংহ-ব্যাত্ত নিৰ্জ্জন-ক্রাননে ।
 একাকিনী বনে নারী বঞ্চিবে কেমনে ॥
 পতিব্রতা অমুরস্তা আমাতে সতত ।
 হেন স্ত্রী ছাড়িয়া আমি হ'য়ে আছি যুত ॥
 বনপার্শ্বে নল-উপাখ্যান যেনা শুনে ।
 অশেষ দুঃখেতে পার হয় সেইজনে ॥
 পাপকর্মে মন তার কছু নাহি যায় ।
 মদ দস্ত রাগ হেঁচ তাহারে না পায় ॥
 ব্যাসের বচন, ইথে নাহিক সংশয় ।
 পাঁচালী-প্রবন্ধে কাশীরাম দাস কয় ॥

৪৯ । বিদর্ভ-ভূপতি ভীষ্মের নল-দময়ন্তীর উদ্দেশ ও
 চেনি-রাণ্যে দময়ন্তীর সন্ধান-প্রাপ্তি ।

ভার্যাসহ গেল নল অরণ্য-ভিতর ।
 দূতমুখে বার্তা পায় ভীষ্ম-নৃপবর ॥
 শুনিয়া শোকাক্ত বড় ভীষ্ম-নরপতি ।
 সহস্র-সহস্র দ্বিজ আনে শীঘ্রগতি ॥
 দ্বিজগণ-প্রতি রাজা বলিল বচন ।
 নল-দময়ন্তী দৌড়ে কর অন্বেষণ ॥
 অন্বেষণ করিয়া কহিবে বার্তা আসি ।
 সহস্র-সহস্র গাভী দিব রক্তে ভূষি ॥
 গ্রাম দেশ ভূমি দিব নানা-রক্ত-ধন ।
 ছইজন-মধ্যে যে দেখিবে একজন ॥

এত বলি দ্বিজগণে মেলানি করিল ।
 সেইকণে দ্বিজগণ চতুর্দিকে গেল ॥
 হৃদেব-নায়েতে দ্বিজ ভ্রমি নানাদেশ ।
 স্ববাহু-রাজের পুরে করিল প্রবেশ ॥

কতদিন থাকি তথা পাইল উদ্দেশ ।
 পুরে আছে নারী এক সৈরিক্তীর বেশ ॥
 রাজগৃহে গিয়া তবে দ্বিজ বিচক্ষণ ।
 হৃদেব-সহিত তাঁরে করেন দর্শন ॥
 চন্দ্রাননী বিশালাক্ষী দীর্ঘ-যুক্তকেশা ।
 চারু-পীন-পয়োধরা হুনাগা হৃবেশা ॥
 পদ্ম যেন বিদলিত হস্তিদন্তাঘাতে ।
 চন্দ্র যেন বিদলিত সৈন্যহিকেশ্য -দাঁতে ॥
 ক্ষিতিমধ্যে নাহিক ইহার রূপসীমা ।
 এই সে সৈরিক্তী হবে বিদর্ভ-চন্দ্রিমা ॥
 স্বামীর বিচ্ছেদে কুশা বিবর্ণ-বদনী ।
 ভৈষী-পাশে গিয়া শেষে বলে দ্বিজমণি ॥
 মোর বাক্যে বরাননে, কর অবধান ।
 হৃদেব ব্রাহ্মণ আমি, ভ্রাতৃসখা জান ॥
 তোমার সন্ধানে আমি দেশ-দেশান্তর ।
 চারিদিকে গিয়াছেন দ্বিজ বহুতর ॥
 কণ্ঠা-পুত্র দুই তব আছেয়ে মঙ্গলে ।
 তব শোকে পিতা-মাতা ব্যাকুল সকলে ॥
 এত শুনি দময়ন্তী করেন রোদন ।
 শুনিয়া আইল অন্তঃপুর-নারীগণ ॥
 ব্রাহ্মণের বাক্য শুনি সৈরিক্তী কান্দিল ।
 বার্তা পেয়ে রাজমাতা বিপ্রে জিজ্ঞাসিল ॥
 কাহার তনয়া এই, কাহার গৃহিণী ।
 কি-কারণে স্থানভ্রষ্টা হৈল এ ভামিনী ॥
 যদি তুমি জানহ, জানাহ দ্বিজবর ।
 শুনিয়া হৃদেব তাঁরে করিলা উত্তর ॥
 বিদর্ভ-ঐশ্বর ভীষ্ম, তাঁহার দুহিতা ।
 পুণ্যলোক নলরাজ, তাঁহার বনিতা ॥

নিজভর্তা রাজ্য-দেশ পাশায় হারাল ।
 অরণ্যে পশিল গিয়া, কেহ না দেখিল ॥
 এইহেতু সহস্র-সহস্র দ্বিজগণ ।
 দেশ-দেশান্তরে খুঁজি করে পর্যটন ॥
 মম ভাগ্যে তব গৃহে পাই দেখিবারে ।
 ক্র-মধ্যেতে তিল দেখি চিনিমু ইহারে ॥
 বিশেষতঃ ক্রিতিমধ্যে নাহিক উপমা ।
 মুনিগণ বলে, দৌহে কাস্ত-কাস্তা-সমা ॥
 বনপর্ব ভারতের বিচিত্র আখ্যান ।
 কাশীরাম দাস কহে, শুনে পুণ্যবান ॥

৫০। দময়ন্তীর পিত্রালয়ে আগমন এবং নলাবেষণে
 চতুর্দিকে দৃতপ্রেরণ ।

এত শুনি রাজমাতা আপনা পাসরে ।
 দময়ন্তী কোলে করি অশ্রুজলে ঝরে ॥
 এককাল গুপ্তভাবে আছ মম ঘরে ।
 কি-কারণে পরিচয় না দিলে আমারে ॥
 তোমার জননী হয় মম সহোদরা ।
 হৃদায়-রাজের কন্যা, ভগিনী আমরা ॥
 বীরবাহু মম পতি, ভীম তব পিতা ।
 সে-কারণে ভূমি মোর ভগিনী-দুহিতা ॥
 এই রাজ্য-ধন যে আপন বলি জান ।
 এত বলি বৈদভীর করিল সম্মান ॥

শুনি দময়ন্তী তাঁরে প্রণাম করিল ।
 বিনয়-বচনে তাঁরে কহিতে লাগিল ॥
 যে-যতনে রেখেছিলে গৃহে দিয়া স্থান ।
 ভূমি যে আপন-জন, তাতেই প্রমাণ ॥

পিতা-মাতা ছাড়িয়া-যুগল-শিশু আছে ।
 জনক-জননী মোর দুঃখ পাইতেছে ॥
 আজ্ঞা কর আমারে মা, করিতে গমন ।
 শুনি রাজমাতা আজ্ঞা দিলা সেইক্ষণ ॥

দিব্য-বস্ত্র-অলঙ্কারে করিয়া হ্রবেশ ।
 দিব্যরথে করি পাঠাইল নিজদেশ ॥
 হৃদেব ব্রাহ্মণ সঙ্গে চলিল তখন ।
 নানাদেশ ভ্রমি পৌঁছে পিতার ভবন ॥
 শুনিল ভীমের পত্নী, আইল তনয়া ।
 উর্দ্ধমুখে ধায় রাগী মুক্তকেশা হৈয়া ॥
 পিতা-মাতা পুত্র-কন্যা কৈল সন্তাষণ ।
 একে-একে মিলিলেক যত বন্ধুজন ॥

ভোজন করিয়া ভৈষী করিল-শয়ন ।
 একান্তে মায়েরে কহে করিয়া ক্রন্দন ॥
 জীয়ন্ত আছি যে আমি, না করিহ মনে ।
 কেবল আছয়ে তনু নল-দরশনে ॥
 নিশ্চয় নলের যদি না পাই উদ্দেশ ।
 অনলের মধ্যে আমি করিব প্রবেশ ॥

এত শুনি মহাদেবী রাজস্থানে গিয়া ।
 কন্যার যতেক কথা কহিলা কান্দিয়া ॥
 শুন-শুন নরপতি, মোর নিবেদন ।
 চতুর্দিকে পুনর্ব্বার যাক দ্বিজগণ ॥
 নলের বিচ্ছেদে কন্যা প্রাণ না রাখিবে ।
 কন্যার বিচ্ছেদে মম প্রাণ কিসে রবে ॥

এত শুনি নরপতি আনি দ্বিজগণে ।
 চতুর্দিকে পাঠাইলা নল-অশ্বেষণে ॥
 দ্বিজগণে সবে তবে বৈদভী ডাকিল ।
 সবাকারে এইরূপ বচন কহিল ॥

একাকী নির্জনে চিরি ল'য়ে অর্ধ-শাড়ী ।
কোন দোষে ছাড়ি গেলা অমুরতা নারী ॥
যেই-দেশে যেই-গ্রামে করিবে প্রয়াণ ।
এইকথা জিজ্ঞাসিহ সবে সেই-স্থান ॥
ইহার উত্তর যদি দেয় কোনজন ।
শীত্র আসি মম পাশে করিবে তখন ॥
ইহার সংবাদ মোরে যেই আসি দিবে ।
নিশ্চয় জানহ, সেই ভৈরবীকে কিনিবে ॥
এত শুনি চলিলেন যত দ্বিজগণ ।
রাজ্য-পুর গ্রামঘোষা আশ্রম কানন ॥
মহাভারতের কথা অমৃত-সমান ।
শুনিলে পরম-স্বথ, জন্মে দিব্যজ্ঞান ॥

পশ্চাতে আমারে সেই করিল উত্তর ।
কুলস্ত্রীর ধর্ম এই, শুন দ্বিজবর ॥
সতী সাধ্বী পতিব্রতা নারী বলি তারে ।
পতি-দোষ কভু যেই প্রকাশ না করে ॥
মুর্থ কিংবা ধনহীন হয় যদি পতি ।
অধর্ম্য অসৎ-কর্ম্য করে নিতি-নিতি ॥
সতী-নারী পতি-দোষ কখন না ধরে ।
সে দোষ ঢাকিয়া পুনঃ গুণ ব্যক্ত করে ॥
সার ধর্ম্য হয় তাঁর, কহিনু-বিধান ।
স্বামী হৈতে অতি, কষ্ট নারী যদি পান ॥
তথাপি স্বামীর নিন্দা কদাচ না করে ।
নিজকর্ম্য নিন্দে কিংবা নিন্দে আপনায়ে ॥
শুনি তার বাক্য আইলাম শীত্রগতি ।
করহ উপায়, যেই মনে লয়, সতি ॥

৫১। দময়ন্তীর পুনঃ-সংসার-শ্রবণে ঋতুপর্ণের বিদর্ভে
যাত্রা ও নলের দেহ হইতে কলিত্যাগ ।

তবে বহুদিনেতে পর্ণাদ-নামধর ।
দময়ন্তী-নিকটে কহিল দ্বিজবর ॥
ভ্রমিলাম বহু-রাজ্য, কত লব নাম ।
ঋতুপর্ণ-নামে রাজা অযোধ্যায় ধাম ॥
যেমন বলিলে তুমি, শুনাইনু তাঁয় ।
না করিল প্রত্যাশ্তর ঋতুপর্ণ-রায় ॥
সভায় বসিয়া যারা করিল শ্রবণ ।
শুনিয়া না কৈল কিছু রাজমস্ত্রিগণ ॥
বাছক-নামেতে এক রাজার সারথি ।
বিনা-অগ্নি পাক করে বিকৃত-আকৃতি ॥
শুনি সম্ভাপিত হ'য়ে সক্রোধ-ভাষে ।
পুনঃপুনঃ তোমার সে কুশল জিজ্ঞাসে ॥

এত শুনি দময়ন্তী অশ্রুপূর্ণ-আঁখি ।
কহিল সকল কথা জননীয়ে ডাকি ॥
শুন গো জননি, যদি মম হিত চাও ।
সুদেব-ব্রাহ্মণে শীত্র অযোধ্যা পাঠাও ॥
পর্ণাদেয়ে কহে দিয়া বহু-রত্ন-গ্রাম ।
নিজগৃহে গিয়া দ্বিজ, করহ বিশ্রাম ॥
যে করিলে তুমি, তাহা কেহ নাহি করে ।
নল এলে বাহু যাহা, দিব তা' তোমারে ॥
প্রণাম করিয়া দ্বিজে বিদায় করিল ।
সুদেব-ব্রাহ্মণে ডাকি বৈদর্ভী বলিল ॥
অযোধ্যানগরে বিশ্র, যাহ একবার ।
অসময়ে তুমি মম কর উপকার ॥
এই পত্র দেহ গিয়া ঋতুপর্ণ-প্রতি ।
বিশেষিয়া রাজারে করাহ অবগতি ॥

দময়ন্তী ইচ্ছিল দ্বিতীয় স্বয়ংবর ।
 যতেক নৃপতি গেল বিদর্ভ-নগর ॥
 বহুদিন হৈল স্বয়ংবরের আরম্ভ ।
 যদি চাহ, যাহ শীত্র, না কর বিলম্ব ॥
 যদি রাজা বলে, তার স্বামী নল ছিল ।
 ইহা তবে কহিবে, না জানি কোথা গেল ॥
 জীয়ে বা না জীয়ে নল, না পাইল বার্তা ।
 সে-কারণে বৈদর্ভ ইচ্ছিল অশ্রু-ভর্তা ॥
 আজি রাত্রি-প্রভাতে হইবে স্বয়ংবর ।
 পারিলে তথায় শীত্র যাহ নরমর ॥
 নল-সম নাহি লোক চালাইতে রথ ।
 নিমেষেতে যায় শত-যোজনের পথ ॥
 নিশ্চয় জানিব, তথা যদি নল স্থিত ।
 তবে এই বার্তা পেয়ে আসিবে স্বরিত ॥

এত শুনি চলিল হৃদেব দ্বিজবর ।
 কতদিনে উপনীত অযোধ্যা-নগর ॥
 কহিয়া ভৈরবী কথা পত্রখানি দিল ।
 পত্র পেয়ে ঋতুপর্ণ বাহকে ডাকিল ॥
 অশ্রুত জন ভূমি, সর্বলোকে জানে ।
 বিদর্ভে যাইতে কি পারিবে রাত্রি-দিনে ॥
 আজি নিশা-প্রভাতে উদয়ে তিমিরাস্তে ।
 ভীষ্মপুত্রী ভৈরবী বরিবেক অশ্রুকাশ্তে ॥

এত শুনি নলরাজ হইল বিস্মিত ।
 দময়ন্তী করে হেন কর্ম অনুচিত ॥
 যুহুর্ভেক নিজচিত্তে করিয়া ভাবনা ।
 নিশ্চয় জানিল, এই মিথ্যা-প্রবঞ্চনা ॥
 কোন স্ত্রী এমন নাহি করে কোনদেশে ।
 তনয়-তনয়া ছুই আছয়ে বিশেষে ॥

সতী সাধবী দময়ন্তী, ভক্তি যে আমার ।
 আমার কারণে হেন ক'রেছে উপায় ॥
 অসৎকর্ম-দ্যুতে আমি পশিলাম বনে ।
 তেঁই আমি মন্দ-ভাষা শুনিমু শ্রবণে ॥
 মিথ্যা-কথা ঋতুপর্ণ সত্য বলি মানে ।
 সত্য কিংবা মিথ্যা পিয়া জানিব সেখানে ॥

এতেক চিন্তিয়া নল করিল উত্তর ।
 নিশাকালে লব রথ বিদর্ভনগর ॥
 এত শুনি কহে রাজা পাইয়া উল্লাস ।
 যে প্রসাদ চাহ ভূমি, লহ মম পাশ ॥
 নল বলে, কার্য্যসিদ্ধি করিয়া তোমার ।
 তবে রাজা, মাগিব প্রসাদ আপনার ॥
 এত বলি অশ্বশালে প্রবেশ করিল ।

একে-একে সকল তুরঙ্গ নিরখিল ॥
 দেখিতে শরীর কৃশ সিদ্ধুদেশী ঘোড়া ।
 বাছিয়া বাহির কৈল নল ছুই-ঘোড়া ॥
 ঘোড়া দেখি ঋতুপর্ণ আরক্ত-লোচন ।
 বাহকের প্রতি বলে কঠিন-বচন ॥
 সহস্র-সহস্র মম আছে অশ্বগণ ।
 পার্শ্ববর্তী ঘোড়া-সব পবন-গমন ॥
 তাহা ছাড়ি হীনশক্তি ঘোটক আনিলে ।
 কেমনে বহিবে রথ, মনে কি বুঝিলে ॥
 পরিহাস কর মোরে, বুঝি অনুমানে ।
 পুনঃপুনঃ কহে রাজা কঠিন-বচনে ॥
 বাহক বলিল, যদি যাইবে রাজন ।
 আমার বচনে কর রথ-আরোহণ ॥
 ইহা-ভিন্ন অশ্রু-ঘোড়া না পারে যাইতে ।
 এত বলি চারি-ঘোড়া যুড়িলেক রথে ॥

চতুরঙ্গে সাজি চলে যত সৈন্যগণ ।
 ঋতুপর্ণ-রাজ কৈল রথ-আরোহণ ॥
 চালাইয়া দিল রথ বাহুক সারথি ।
 শূন্যেতে উঠিল ঘোড়া বায়ুসম গতি ॥
 কোথায় রহিল রথ, কোথা সৈন্যগণ ।
 বিস্ময় মানিয়া রাজা ভাবে মনে-মন ॥
 এই কি মাতলি, যে সারথি পুরুহুত^১ ।
 অশ্বিনীকুমার কিংবা আপনি মরুৎ ॥
 হেন শক্তি নাহি কারো পৃথিবী-মণ্ডলে ।
 মনুষ্যের মধ্যে শক্তি ধরে রাজা নলে ॥
 নলরাজ-বিনা আর নহিবেক আন ।
 বীৰ্য্য-ধৈর্য্য-ভাষা-গুণে নলের সমান ॥
 কেবল দেখিতে পাই কুৎসিত-আকার ।
 ছদ্মবেশে হইয়াছে সারথি আমার ॥
 ঋতুপর্ণ মনে ইহা করিল বিচার ।
 বন-নদী-গিরি-আদি সব হৈল পার ॥
 হেনকালে নৃপতির উড়িল উত্তরী ।
 বাহুকে বলিল, রথ রাখ অশ্ব ধরি ॥
 উত্তরী লইতে রাজা পাছু-পানে চায় ।
 বাহুক বলিল, হেথা উত্তরী কোথায় ॥
 পঞ্চ-যোজনের পথে উত্তরী রহিল ।
 শুনি ঋতুপর্ণ-রাজ বিস্ময় মানিল ॥
 রাজা বলে, বাহুক, শুনহ মোর বাণী ।
 আমি এক দ্রব্যসংখ্যা-বিদ্যা ভাল জানি ॥
 গণিতে সৰ্ব্বজ্ঞ নাহি আমার সমান ।
 এই বৃক্ষে পত্র-ফল বুঝ পরিমাণ ॥
 পঞ্চকোটি পত্র আছে, দুইকোটি ফল ।
 এত শুনি বলে তবে মহারাজ নল ॥

হেন বিদ্যা নাহি, যাহা আমি নাহি জানি ।
 পরীক্ষিব তব বিদ্যা ফল-পত্র গণি ॥
 রাজা বলে, চল শীঘ্র, বিলম্ব না সয় ।
 নিকট হইল স্বয়ংবরের সময় ॥
 স্বয়ংবর হইতে আসিব নিবর্তিয়া ।
 তবে মম বিদ্যা তুমি বুঝিবে গণিয়া ॥
 বাহুক বলিল যে, কুণ্ডিন অল্পপথ ।
 না পোহাবে রজনী, লইব আমি রথ ॥
 মুহূর্তেক রথ-অশ্ব ধর নৃপবর ।
 ফল-পত্র গণি আমি আসিব সত্বর ॥
 এতেক বলিয়া গেল অশ্বখের তল ।
 গণিয়া বুঝিল, ঠিক হৈল পত্র-ফল ॥
 বিস্ময় মানিয়া বলে নল-নরপতি ।
 এই বিদ্যা আমারে বিতর মহামতি ॥
 এমত শুনিয়া রাজা বাহুক-বচন ।
 ক্রণেক চিন্তিয়া তবে বলিল রাজন ॥
 অশ্ববিদ্যা-মন্ত্র যদি শিখাও আমারে ।
 আমি এ-গণনা-বিদ্যা শিখাব তোমাতে ॥
 স্বীকার করিল নল, করাইব শিক্ষা ।
 তবে ঋতুপর্ণ-কাছে লৈল মন্ত্রদীক্ষা ॥
 মহামন্ত্র দীক্ষা যদি লইলেন নল ।
 শরীরে আছিল কলি, হইল বিকল ॥
 একে কর্কোটক-বিষে জর-জর দহে ।
 অধিক রাজার মন্ত্রে, কলি স্থির নহে ॥
 সেইক্রণে অঙ্গ হৈতে হইল বাহির ।
 মুখেতে গরল বহে, কম্পিত-শরীর ॥
 কলি দেখি নরপতি ক্রোধে কম্পকায় ।
 হাতে খড়্গ করি রাজা কাটিবারে যায় ॥

কৃতাজ্জলি করি কলি বলে সবিনয় ।
 মোরে না করহ নাশ, শুন মহাশয় ॥
 দময়ন্তী-শাপে মোর সদা পোড়ে অঙ্গ ।
 বিশেষ দহিল দংশি কর্কোট-ভুজঙ্গ ॥
 তোমা হৈতে দুঃখ রাজা, বিশেষ আমার ।
 ত্যজ ক্রোধ, কর ক্ষমা, না কর সংহার ॥
 আমারে না মার, তব হইবেক কাজ ।
 এই কীর্তি রবে তব পৃথিবীর মাঝ ॥
 যেইজন তব খ্যাতি করিবে কীর্তন ।
 তাহাতে আমার বাধা নাহি কদাচন ॥
 আর এক কথা বলি শুন নরবর ।
 কহিতে তোমার কীর্তি নাহি অবসর ॥
 কর্কোটক ঋতুপর্ণ দময়ন্তী নল ।
 নাম নিলে নাহি আমি যাব সেইস্থল ॥
 এত শুনি কলিরে ছাড়িল নরবর ।
 রথে চড়ি গেল দৌহে বিদর্ভ-নগর ॥
 মহাভারতের কথা অমৃত লহরী ।
 শ্রবণে শুনয়ে তাপ, ভবসিদ্ধি তরি ॥
 কাশীরামদাস-প্রভু নীল-শৈলারূঢ় ।
 দক্ষিণে অনুজ্ঞাশ্রয়, সম্মুখে গরুড় ॥

৫২। ঋতুপর্ণ-রাজের সহিত নলের বিদর্ভ-
 নগরে প্রবেশ ।

রথ চালাইয়া দিল নিষধ-ঈশ্বর ।
 নিমেষে পৌঁছিল গিয়া বিদর্ভ-নগর ॥
 আকাশে আইসে রথ মেঘের গর্জনে ।
 মেঘ-অনুমাণে নৃত্য করে শিখিগণে ॥
 ভূষাতে চাতক-সব করে কলরব ।
 উর্জ্জ্বল করি চাহে জলাকাজী সব ॥

বিদর্ভের লোকসব একদৃষ্টে চায় ।
 রথশব্দ শুনি ভৈরী উল্লাস-হৃদয় ॥
 রথ চালাইয়া এই জন্মায় বিস্ময় ।
 নল-বিনা হেন শক্তি অন্যের কি হয় ॥
 আজি যদি আমি প্রভু-নলে না পাইব ।
 জলন্ত-অনলে তবে প্রবেশ করিব ॥
 পরনিন্দা পরদেষ কটুবাণ্য লোকে ।
 কখনও যদি মোর ভাষে নাহি মুখে ॥
 কভু নাহি কহি কটু প্রভুরে উত্তর ।
 তবে আজি ভেটিব আপন-প্রাণেশ্বর ॥
 এত বলি দময়ন্তী প্রাসাদে চড়িয়া ।
 গবাক্ষ-দ্বারেতে রহে রথ নিরখিয়া ॥
 রথ হৈতে নামি তবে ইক্ষ্বাকু-নন্দন ।
 যথা ভীম-নরপতি, করিলা গমন ॥
 না দেখিয়া স্বয়ংবর বিস্মিত হইয়া ।
 কহে, হায় কি করিনু হেথায় আসিয়া ॥
 ঋতুপর্ণ-রাজে দেখি ভীম-নরপতি ।
 বসিতে আসন তাঁরে দিলা মহামতি ॥
 ভীম-রাজ বলে, শুন অযোধ্যার নাথ ।
 হেথা আগমন কেন হৈল অকস্মাৎ ॥
 শুনিয়া নৃপতি মনে মানিল বিস্ময় ।
 মিথ্যা স্বয়ংবর হেন, জানিল নিশ্চয় ॥
 স্বয়ংবর হইলে আসিত রাজগণ ।
 ভাবিয়া নৃপতি তবে বলিল বচন ॥
 আসিয়াছিলাম অম্ম আছিল কারণ ।
 আসিলাম করিবারে তোমা সন্তাষণ ॥
 ভীম-রাজ বলিলেন, কি ভাগ্য আমার ।
 সে-কারণে তোমার হেথায় আগুসার ॥
 শ্রমযুক্ত আছ, আজি থাক মম বাস ।
 এত বলি দিল এক অপূর্ব-আবাস ॥

আবাস-ভিতরে উত্তরিল নরপতি ।

অধশালে উত্তরিল বাহুক-সারথি ॥

অধগণে পরিচর্যা করিয়া বাকিল ।

প্রাসাদ-উপরে থাকি বৈদভী দেখিল ॥

ঋতুপর্ণ-রাজ আর সারথি তাহার ।

নলরাজে না দেখি যে, কেমন বিচার ॥

এত ভাবি পাঠাইল কেশিনী দূতীরে ।

যাহ শীত্র কেশিনি, জিজ্ঞাস সারথিরে ॥

দেখিয়া উহার মুখ হৃষ্ট মম মন ।

শীত্র আসি কহ ইহা বুঝিয়া কারণ ॥

এত শুনি কেশিনী চলিল শীত্রগতি ।

মধুর-বচনে কহে সারথির প্রতি ॥

রাজকন্যা দময়ন্তী পাঠাইলা হেথা ।

কে-তুমি, কি-হেতু এলে জিজ্ঞাসিতে কথা ॥

বাহুক বলিল, মোর অযোধ্যায় স্থিতি ।

ঋতুপর্ণ-নৃপতির হই যে সারথি ॥

এথা হৈতে গিয়াছিল এক দ্বিজবর ।

কহিলেন ভৈরবীর দ্বিতীয় স্বয়ংবর ॥

রজনী-প্রভাতে বরবেক অশ্ব-স্বামী ।

এইহেতু ঋতুপর্ণ আসে শীত্রগামী ॥

শতেক যোজন হৈতে আসিল নৃপতি ।

বাহুক আমার নাম, তাঁহার সারথি ॥

পুণ্যলোক নল বীরসেনের কুমার ।

পূর্বেতে ছিলাম আমি সারথি তাঁহার ॥

তাঁর ভার্য্যা ভৈরবীর ঈদৃশ আচরণ ।

শুনিয়া উদ্ভিন্ন বড় হৈল মম মন ॥

দ্বিতীয়-বয়সে এই, তৃতীয়ে কি হবে ।

দৈবে যাহা করে, তাহা কে অশ্ব করিবে ॥

এত শুনি কেশিনী বাহুক-প্রতি কয় ।

তুমি যদি সারথি, নৃপতি কোথা রয় ॥

অর্দ্ধবাসা একাকিনী রাখি ঘোরবনে ।

অমুরজ্ঞা নারী ছাড়ি গেলেন কেমনে ॥

সেই-বস্ত্র পরিধিয়া আছয়ে অদ্যাপি ।

নাহি রুচে অন্ন-জল পুণ্যলোকে জপি ॥

এত শুনি ব্যথিত হইল রাজা নল ।

বারিধারা নয়নেতে বহে অবিরল ॥

রাজা বলে, যেই হয় কুলবতী নারী ।

স্বামীর বিশ্বাস-কথা রাখে গুপ্ত করি ॥

আপন-মরণ বাঞ্ছে স্বামীর কারণ ।

তথাপি স্বামীর নিন্দা না করে কখন ॥

বিবস্ত্র হইয়া যেই পশিল কানন ।

অন্নভাগ্য নহে তার, পাইল জীবন ॥

হেনজনে ক্রোধ করিবারে যোগ্য নয় ।

রাজ্যভ্রষ্ট জ্ঞানভ্রষ্ট প্রাণমাত্র রয় ॥

এত বলি শোকাকুল কান্দে নরপতি ।

কেশিনী সকল জানাইল ভৈরবী-প্রতি ॥

ভৈরবী বলে, নল এই, নহে অন্যজন ।

পুনরপি যাহ তুমি, বুঝহ লক্ষণ ॥

কি-আচার, কি-বিচার, কোন্ কর্ম করে ।

বুঝিয়া আমারে আসি কহিবে সত্তরে ॥

আজ্ঞা পেয়ে দাসী তবে করিল গমন ।

দেখিয়া সকল কর্ম আইল তখন ॥

কেশিনী বলিল, শুন রাজার নন্দিনী ।

বাহকের যত কর্ম দেবমধ্যে গগি ॥

রন্ধন-সামগ্রী যত ঋতুপর্ণ-নৃপে ।

মাংস-আদি পাঠাইয়া দিল তব বাপে ॥

সে-সব সামগ্রী দিল বাহকের স্থান ।

দেখিয়া তাহার কর্ম হ'য়েছি অজ্ঞান ॥

পৃথকুস্তে কিঞ্চিৎ করিল দৃষ্টিপাত ।

পূর্ণকৃত্ত তথনি হইল অকস্মাৎ ॥

সেই জলে যত দ্রব্য সব প্রক্ষালিল ।
 তৃণকাষ্ঠ ছিল, কিন্তু অনল না ছিল ॥
 তৃণমুষ্টি হস্তে করি কাষ্ঠমধ্যে দিল ।
 দৃষ্টিমাত্রে তৃণকাষ্ঠ আপনি জ্বলিল ॥
 ক্ষণমাত্রে সব-দ্রব্য করিল রন্ধন ।
 ভৈরবী বলে, আর কেন, বুঝেছি কারণ ॥
 কেশিনি, এখন তুমি যাহ আরবার ।
 ব্যঞ্জন আনহ তুমি রন্ধন তাহার ॥

কেশিনী মাগিল গিয়া বাহকে ব্যঞ্জন ।
 দময়ন্তী-স্থানে ল'য়ে দিল সেইক্ষণ ॥
 খাইয়া ব্যঞ্জন ভৈরবী হরষিত-মন ।
 নিশ্চিত জানিলু এই নলের রন্ধন ॥
 তবে কন্যা-পুঞ্জ দিল কেশিনী-সংহতি ।
 কি বলে, বুঝিয়া তুমি এস শীত্ৰগতি ॥

কেশিনীর সঙ্গে দেখি নন্দন-নন্দিনী ।
 শীত্ৰগতি উঠি কোলে করে নৃপমণি ॥
 দৌহা-মুখ দেখি রাজা কান্দে উচ্চৈঃস্বরে ।
 পুনঃপুনঃ চুম্ব দিয়া আলিঙ্গন করে ॥
 কতক্ষণে কেশিনীরে বলিল রাজন্ ।
 দুই-শিশু দেখি মোর স্থির নহে মন ॥
 এইমত কন্যা-পুঞ্জ আছে যে আমার ।
 বহুদিন দেখা নাহি সঙ্গে দৌহাকার ॥
 সেই অনুতাপে আমি করিলু রোদন ।
 অপত্য-বিচ্ছেদ-তাপ নহে সংবরণ ॥
 পাছে কেহ দেখিয়া কহিবে কোন কথা ।
 ল'য়ে যাহ দুই-শিশু, কার্য্য নাহি হেথা ॥

এতেক শুনিয়া তবে কেশিনী চলিল ।
 যতেক বারতা গিয়া ভৈরবীকে কহিল ॥
 শুনিয়া বৈদৰ্ভী ব্যগ্রা হইলা দর্শনে ।
 শীত্ৰ গিয়া জানাইল জননীর স্থানে ॥

আজ্ঞা যদি কর, যাই নলে দেখিবারে ।
 শুনিয়া বৃত্তান্ত রাণী আজ্ঞা দিল তারে ॥
 তনয়-তনয়া সঙ্গে করিয়া ভামিনী ।
 পতি-দরশনে যায় মরাল-গামিনী ॥
 আরণ্যকে উত্তম নলের উপাখ্যান ।
 কাশীরাম দাস কহে, শুনে পুণ্যবান ॥

৫৩। নলের সহিত দময়ন্তীর মিলন

অশ্বশালে গিয়া ভৈরবী, নিকটে দেখিল স্বামী,
 জটিল মলিন জীর্ণ-বাস ।
 চুঃখানলে অঙ্গ দহে, চ'ক্ষে অশ্রুজল বহে,
 স করুণে কহে যুহুভাষ ॥
 হেদে হে বাহক নাম, এবা দেখি কোন্ ঠায়,
 ধর্ম্মিষ্ঠ পুরুষ একজনে ।
 ক্ষুধা-তৃষ্ণা-পরিশ্রমে, কোলে স্ত্রী আছিল ঘুমে,
 একা ছাড়ি পলাইল বনে ॥
 বিনা নল পুণ্যলোক, পৃথিবীর অন্যলোক,
 কে করিল, কহ নাম ধরি ।
 সদাকাল অনুভূতা, বিশেষ পুঞ্জের মাতা
 কোন দোষে নহে দোষকারী ॥
 যম্মাগ্নি বরুণ ইন্দ্র, ত্যজিয়া অমররুন্দ,
 করিল বরণ যেইজনে ।
 সদা বাঞ্ছা অনুবর্তী, কি-হেতু এমন বৃত্তি,
 ত্যাগ কৈলা নির্জ্ঞন-কাননে ॥
 সভায় করিল সত্য, রাখিব তোমাতে নিত্য,
 করি নিজ প্রাণের সোশর ।
 নল-হেন সত্যবাদী, করিল এমন যদি,
 আর কি করিবে অন্য-নর ॥

দময়ন্তী-বাক্য-শুনি, লাজে কহে নৃপমণি,
পারিলে কে ছাড়ে হেন রামা ।

রাজ্যলুপ্ত লক্ষ্মীভ্রষ্ট, করিলেক যেই দুর্ঘট,
বিচ্ছেদ করায় তোমা-আমা ॥

তোমা-রে ছাড়িয়া বনে, হের দেখ বরাননে,
অস্থিচর্ম প্রাণমাত্র জাগে ।

ইহা না ভাবিয়া চিতে, দেখিয়া আমা-রে জীতে,
না বুঝিয়া কর অনুযোগে ॥

কলি ছাড়ি গেল আমা, তেঁই দেখিলাম তোমা,
ক্রোধ সংবরহ শশিযুথি ।

যেই নারী পতিব্রতা, না ধরে স্বামীর কথা,
স্বামি-দোষ নয়নে না দেখি ॥

আর শুনিলাম বার্তা, বরিবা কি অন্য-ভর্তা,
কহিল তোমার দ্বিজবর ।

রাজ্যে-রাজ্যে দূত গেল, সর্বলোকে বার্তা দিল,
ভৈরবী দ্বিতীয় স্বয়ংবর ॥

কোশলে শুনিয়া কথা, তেঁই আইলাম হেথা,
কারে বর, দেখিব নয়নে ।

এহেন কুৎসিত-কর্ম, রাজকূলে ল'য়ে জন্ম,
কহ, করিয়াছে কোন্ জনে ॥

শুনিয়া স্বামীর বাণী, যোড় করি দুইপাণি,
নিতম্বিনী কহে সবিনয় ।

তব হেতু মহারাজ, ত্যজিলাম কুললাজ,
ত্যজিলাম গুরুজন-ভয় ॥

পূর্বে তব অশ্বেষণে, পাঠাইনু দ্বিজগণে,
পর্ণাদ কহিল সমাচার ।

তেঁই এ-উপায় করি, পাঠাই অযোধ্যাপুরী,
কোন স্থানে নাহি যায় আর ॥

কায়-বাক্য আর মনে, তোমা-বিনা অন্তরনে,
নাহি চাই নয়নের কোণে ।

যদি কর পাপজ্ঞান, তোমার সাক্ষাতে প্রাণ,
বাহির হউক এইক্ষণে ॥

চন্দ্র সূর্য্য বায়ু সাক্ষী, একুণি বলিব ডাকি,
যদি আমি হই পতিব্রতা ।

ভৈরবী বলে উচ্চৈঃস্বরে, পুষ্পাবৃষ্টি দেব করে,
ডাকি বলে পবন-দেবতা ॥

ত্যজ রাজা, মনস্তাপ, বৈদভাঁর নাহি পাপ,
স্বধর্ম্মেতে হ'য়েছে রক্ষিতা ।

যাবৎ গিয়াছ তুমি, রক্ষা করিয়াছি আমি,
তোমা-হেতু কেবল চিন্তিতা ॥

অকস্মাৎ এই বাণী, শুনিল, হৃন্দুভিধ্বনি,
গগনে হইল আচম্বিত ।

দেখি মনে হৈল শান্তি, খণ্ডিল নলের ভ্রান্তি,
ভৈরবীর বুঝিয়া ধর্ম্ম-চিত ॥

ধরিয়া যুগল-করে, বসাইল উরু-পরে,
মুহুভাবে করিল আশ্বাস ।

স্মরে কর্কোটক-নাগ, করিতে কুরূপ-ত্যাগ,
নিজরূপ করিতে প্রকাশ ॥

অরণ্য-পর্ব্বের কথা, বিচিত্র নলের গাথা,
সর্ব্বদুঃখ শ্রবণে বিনাশ ।

কমলাকান্তের স্তুতি, স্নজনের প্রীতিযুত,
বিরচিল কাশীরাম দাস ॥

৫৪। ঋতুপর্ণ-রাজের স্বদেশে প্রত্যাগমন ও
নলের পুনর্বার রাজ্যপ্রাপ্তি ।

পরে কর্কোটক-দন্ত বসন পরিয়া ।
নিজ-পূর্ব্বরূপ লভে নাগেরে স্মরিয়া ॥

স্বরূপেতে নলরাজ্যে করিয়া দর্শন ।
 দময়ন্তী হইলেন আনন্দিত-মন ॥
 চারি-বর্ষ-অন্তে দেখা হৈল দৌহাকার ।
 পুনঃপুনঃ আলিঙ্গন, পুনঃ শিফাচার ॥
 দৌহে দৌহাকার দুঃখ কহিল, শুনিল ।
 প্রভাতে উভয়ে ভীম-নৃপেরে ভেটিল ॥
 জামাতারে দেখি রাজা আনন্দ অপার ।
 আলিঙ্গন দিয়া বলে, সকলি তোমার ॥
 ঋতুপর্ণ শুনিল এ-সব সমাচার ।
 জানিল যে, নলরাজ বাহক আমার ॥
 দময়ন্তী-প্রত্যাশা ছাড়িল নৃপবর ।
 শীত্ৰগতি গেল, যথা নিষধ-ঈশ্বর ॥
 ঋতুপর্ণ বলে, ভাগ্য আছিল আমার ।
 তেঁই সে মিলন দেখি তোমা-দৌহাকার ॥
 অজ্ঞাতের দোষ যত ক্রমিবা আমারে ।
 শুনিয়া নিষধ-রাজ বলিলা তাঁহারে ॥
 কখনও দোষী তুমি নহ মম স্থানে ।
 কখনো আমার ক্রোধ নাহি হয় মনে ॥
 ত্রাসিত কলির ত্রাসে বড় দুঃখ পেয়ে ।
 ছিলাম তোমার বাসে আনন্দিত হ'য়ে ॥
 তোমার আশ্রয়ে থাকি বিপদ-সময় ।
 হুখেতে ছিলাম যেন আপন-আলয় ॥
 বিপদ-সময়ে রাজা, যারে যেই রাখে ।
 ধর্ম্মেতে বাড়য়ে সেই, ধর্ম্ম রাখে তাকে ॥
 অতএব শুন রায়, করি নিবেদন ।
 এমত বিপদে স্থান দেয় কোন্ জন ॥
 হইলে পরম-সখা, আর কি বলিব ।
 গাহিব তোমার গুণ, যতকাল জীব ॥
 যাহ সখা, নিজরাজ্যে করহ গমন ।
 এত বলি উভয়ে করিল আলিঙ্গন ॥

সারথি করিয়া আর কোশলের রায় ।
 আপনার রাজ্যে গেল হইয়া বিদায় ॥
 তবে নল-নরপতি খণ্ডরে কহিয়া ।
 নিষধ-রাজ্যেতে গেল কত সৈন্য লৈয়া ॥
 এক রথ, ষোল হাতী, পঞ্চাশ তুরঙ্গ ।
 দুইশত পদাতিক নৃপতির সঙ্গ ॥
 নিজরাজ্যে আসিলেন নল-নরপতি ।
 পুষ্কর-সমীপে যান অতি শীত্ৰগতি ॥
 পুষ্করে বলিলা, তোরে নিজরাজ্য দিয়া ।
 অরণ্যে গেলাম আমি দেবনে হারিয়া ॥
 পুনঃ তব সহিত খেলিব একবার ।
 আপনার আত্মা পণ রাখিয়া এবার ॥
 জিনিলে তোমার আত্মা হইবে আমার ।
 হারিলে আমার আত্মা হইবে তোমার ॥
 দ্যুতক্রীড়া করিব, আনহ পাশা-সারি ।
 নহিলে উঠহ শীত্ৰ ধনুঃশর ধরি ॥
 নলের বচন শুনি পুষ্কর হাসিয়া ।
 বলে, বড়ভাগ্য মানি তোমারে দেখিয়া ॥
 দময়ন্তী-সহ তুমি প্রবেশিলে বনে ।
 এই তাপ অনুক্ষণ জাগে মোর মনে ॥
 দময়ন্তী দেবনে না কৈলে রাজা, পণ ।
 আমার বাঞ্ছিত বিধি করিল ঘটন ॥
 এত বলি পুষ্কর আনিল পাশা-সারি ।
 দুইজনে বসে তবে আত্মা পণ করি ॥
 দেখহ ধর্ম্মের কর্ম্ম, দেখ সর্ব্বজন ।
 দুই কলি-ঝাপর যে নাহিক এখন ॥
 এত বলি দেবন ফেলিলা নলরায় ।
 অবশ্য হইলা পার ধর্ম্মের নৌকায় ॥
 জিনিল নৃপতি নল, হারিল পুষ্কর ।
 ভাবিল পুষ্কর মনে, জীবন ছুড়র ॥

হারিয়া নলের হাতে উড়িল জীবন ।
পুঙ্কর কম্পিত-তনু সজল-নয়ন ॥
ধার্মিক অধর্মভীরু দয়ার সাগর ।
অনুজ্ঞে চাহিয়া তবে বলে নৃপবর ॥
না ডরিহ পুঙ্কর, নাহিক তব দোষ ।
যতেক করিলে, তাহে নাহি করি রোষ ॥
কলিতে করিল সব দৈব-নিবন্ধন ।
পূর্বমত নির্ভয়ে থাকহ হৃৎমন ॥
তব প্রতি শ্রীতি মোর যেইরূপ ছিল ।
সন্দেহ নাহিক তায়, সেরূপ রহিল ॥

এত শুনি করপুটে বলিছে পুঙ্কর ।
তব কীর্ত্তি ঘূষিবেক দেব-দৈত্য-নর ॥
বহুদোষে দোষী আমি, কমিলে আমারে ।
তোমার সদৃশ ক্ষমী নাহি চরাচরে ॥
এত বলি প্রণমিয়া পড়িল ধরণী ।
আশ্বাস করিল তারে নল-নৃপমণি ॥

পাত্র-মিত্রগণ আর নগরের প্রজা ।
সর্বলোক আনন্দিত, নল হবে রাজা ॥
দ্বিজগণে পাঠাইয়া ভৈরবীরে আনিল ।
মহাত্ম্যে দীর্ঘকাল রাজত্ব করিল ॥
কতদিনে নরপতি চিস্তি মনে-মন ।
ইন্দ্রসেনে রাজ্যভার করিল অর্পণ ॥
নিজপুত্রে করি রাজা নল-নরপতি ।
দময়ন্তী-সহ রাজা স্বর্গে কৈলা গতি ॥

বৃহদশ্ব বলে, রাজা, শুনিলে সকল ।
তোমার অধিক দুঃখ পেয়েছিল নল ॥
সম্পদ কাহারো কভু নাহি রহে চির ।
কণমাত্র রহে, যেন জোয়ারের নীর ॥
আসিতে না হয় সুখ, যাইতে না দুখ ।
সদাকাল সমান ছুজিবা দুঃখ-সুখ ॥

পরমার্থ-চিন্তা রাজা, কর অনুকণ ।
দুঃখ-সুখ হয় সব কস্ম-নিবন্ধন ॥
নলের চরিত্রে আর কলির শাসন ।
একমন হ'য়ে যদি শুনে কোনজন ॥
থগুয়ে বিপদ-ভয়, স্ববাস্তিত পায় ।
বংশ-বৃদ্ধি হয় তার, সুখে কাল যায় ॥
কদাচ কলির বাধা নাহি হয় তারে ।
যতেক সঙ্কট-ভয়, তাহা হৈতে তরে ॥
তব দুঃখ নরপতি, যাবে অল্পদিনে ।
এত বলি অক্ষবিদ্যা দিলেন রাজনে ॥
সবে সম্ভাষিয়া মুনি করিলা গমন ।
প্রণাম করেন তাঁরে ধর্ম্মের নন্দন ॥

কাম্যবনে ধর্ম্মপুত্র-চারি-সহোদর ।
অর্জুন-বিচ্ছেদে সদা কাতর-অন্তর ॥
পুণ্যকথা ভারতের শুনে পুণ্যবান্ ।
পৃথিবীতে সুখ নাহি ইহার সমান ॥
হরির ভাবনা বিনা অশ্বে নাহি মন ।
সদাকাল হয় তার গোলোকে গমন ॥
মন্তকে বন্দিয়া ব্রাহ্মণের পদরজ ।
কাশীরাম দাস কহে গদাধরাগ্রজ ॥

৫৫। জনবেজয়ের বৈশম্পায়নকে কাম্যক-বনহ
পাণ্ডবগণের বৃত্তান্ত-জিজ্ঞাসা ।

বলেন জনমেজয়, কহ মুনিরাজ ।
পার্থ-বিনা কাম্যবনে পাণ্ডব-সমাজ ॥
কি করিল, কিমতে বঞ্চিত দুঃখ-শোকে ।
বিস্তারিয়া মুনিবর কহিবে আমাকে ॥
মুনি বলে, পাণ্ডুপুত্র অর্জুন-বিহনে ।
অনুশোচে শকী যেন পক্ষের কারণে ॥

বিষ্ণু-বিনা যথা নাহি শোভে সুরগণ ।

কুবের-বিহনে যথা চৈত্রেরথ-বন ॥

কান্দিয়া দ্রৌপদী বলে রাজার গোচর ।

পার্শ্বে না দেখিয়া স্থির না হয় অন্তর ॥

যে অৰ্জুন বহুবাহু-কার্ত্তবীৰ্য্য-সম ।

বলবান্, রণমত্ত-গজেন্দ্র-বিক্রম ॥

তাহা-বিনা সকলি যে দেখি শূন্যময় ।

ক্ষণমাত্র নাহি হয় স্বচ্ছন্দ-হৃদয় ॥

অগ্রসর হ'য়ে তবে বলে বৃকোদর ।

শোকানলে নিরস্তর দহিছে অন্তর ॥

যতদিন নাহি দেখি অৰ্জুনের মুখ ।

মুহূর্ত্তেক নরপতি, নাহি মম স্মৃথ ॥

সর্বশূন্য দেখি আমি অৰ্জুন-বিহনে ।

দশদিক্ অন্ধকার দেখি রাত্রি-দিনে ॥

যার ভুজাশ্রিত কুরু-পাঞ্চাল-পাণ্ডব ।

দৈত্য মারি দেবে যেন পালয়ে বাসব ॥

রাজ্যভ্রষ্ট হ'য়ে বুলি করিয়া সন্ন্যাস ।

পুনঃ রাজ্য পাব বলি করি যার আশ ॥

যার তেজে দম্ব হবে যত কুরুবর ।

সে-অৰ্জুন-বিনা মম দহিছে অন্তর ॥

অনস্তরে নকুল বলেন সক্রমণ ।

দেবাসুরে নাহি ভুল্য অৰ্জুনের গুণ ॥

জান ত তাহার গুণ রাজসূয়-কালে ।

ভূত্যবৎ খাটাইল নৃপতি-সকলে ॥

কোনস্থানে নাহি স্মৃথ না দেখি তাঁহার ।

আহার-শয়ন-আদি লাগে করুপ্রায় ॥

সহদেব কান্দিয়া বলিছে নৃপ-আগে ।

যতদিন নাহি দেখি পার্শ্ব-মহাভাগে ॥

নিমেষ না হয় স্মৃথ আমার শরীর ।

গরলে ব্যাপিত যেন অঙ্গ নহে স্থির ॥

যাদব-নিকরে বীর পরাজিত করি ।

হরিয়া আনিল বলে স্তম্ভদ্রা-স্তম্ভরৌ ॥

আজি গৃহ শূন্য দেখি তাঁহার বিহনে ।

কোনমতে শাস্তি নাহি পাই মম মনে ॥

অৰ্জুন-বিচ্ছেদে বনে পাণ্ডব-বিলাপ ।

কাশী কহে, পাবে পুনঃ, কেন কর তাপ ॥

৫৬। মহর্ষি নারদের যুধিষ্ঠিরের নিকট আগমন ও

তীর্থস্থানের ফল-বর্ণন ।

এইমতে রোদন করয়ে ভ্রাতৃগণ ।

শোকাকুল অধোমুখ ধর্ম্মের নন্দন ॥

হেনকালে নারদ করেন আগমন ।

আশীর্ব্বাদ করি বৈসে মহাতপোধন ॥

নারদেয়ে যুধিষ্ঠির করেন বিনয় ।

কহ মুনিবর, মম খণ্ডুক সংশয় ॥

তীর্থস্থান করি ক্ষিতি প্রদক্ষিণ করে ।

কোন ফল লভে নর, কহ তা আমারে ॥

নারদ কহেন, পূর্বে ভীষ্ম সত্যব্রত ।

পৌলস্ত্যের স্থানে জিজ্ঞাসিল এইমত ॥

পৌলস্ত্য কহিল যাহা তব পিতামহে ।

সে-সকল কহি, শুন, অন্তমত নহে ॥

যার হস্ত-পদ-মন সদা পরিকৃত ।

বিদ্যা-কীর্ত্তি তপস্ব্যতাতে যেই হয় রত ॥

প্রতিগ্রহ নাহি করে, সর্ব্বদা সানন্দ ।

অহঙ্কার নাহি যার, নহে ক্রোধে অন্ধ ॥

অন্নাহারী জিতেন্দ্রিয় সত্যব্রতাতার ।

আত্মতুল্য সর্ব্বপ্রাণী দৃষ্টিতে যাহার ॥

ঈদৃশ হইলে সেই তীর্থফল পায় ।

যজ্ঞফল লভে সেই, যেবা তীর্থে যায় ॥

দরিদ্রের শক্তি নাহি, করে যজ্ঞকর্ম ।
তীর্থস্নানে পায় সেই যজ্ঞাধিক ধর্ম ॥
দৃঢ়ভক্তি করি রাত্রে তীর্থে যদি থাকে ।
সর্ব-যজ্ঞ-ফল পায়, যায় ইস্ত্রলোকে ॥

পুষ্কর-নামেতে তীর্থে যদি করে স্নান ।
সর্বপাপে মুক্ত সেই, দেবতা-সমান ॥
একগুণ দানে কোটিগুণ ফল লভে ।
অমর কিম্বদন্তি সেই তীর্থে সেবে ॥
দশকোটি তীর্থ আছে পৃথিবী-ভিতর ।
নৈমিষকানন, পরে চম্পানদীবর ॥
তদন্তরে ছায়াবতী যায় যেইজন ।
দশকোটি-যজ্ঞফল পায় সেইজন ॥
তদন্তরে যায় সিদ্ধু-সাগর-সঙ্গম ।
তাহে স্নানে কোনকালে নাহি দণ্ডে যম ॥
শঙ্কুর্গেখর দেবে করি দরশন ।
দশ-অশ্বমেধ-ফল পায় সেইজন ॥
কামাখ্যা-নামেতে তীর্থে যদি করে স্নান ।
সিদ্ধপদ পায়, আর জন্মে দিব্যজ্ঞান ॥
তদন্তরে কুরুক্ষেত্রে যায় যেইজন ।
যাহার নামেতে সর্বপাপ-বিমোচন ॥
বায়ুতে ক্ষেত্রের ধূলি লাগে যার গায় ।
সর্বপাপে মুক্ত হ'য়ে হরপুরে যায় ॥
স্নানে ব্রহ্মলোকে যায়, নাহিক সংশয় ।
সরস্বতী-স্নানেতে নিষ্পাপ-অঙ্গ হয় ॥
গোকর্ণে করিয়া স্নান দেখে নারায়ণ ।
সদাকাল নিবসয়ে বৈকুণ্ঠ-ভুবন ॥
বাচা নামে তীর্থ, যথা জন্মিল বরাহ ।
স্নান কৈলে মুক্ত হয়, পাপশূন্য-দেহ ॥
রামহ্রদ-নামে মহাতীর্থ গুণধর ।
যাহাতে করিলে স্নান হয় পুণ্যবর ॥

পূর্বেতে পরশুরাম যারি ক্রতুগণ ।
কত্রিয়-রক্তেতে সেই করিল তর্পণ ॥
ভূক্ট হ'য়ে পিতৃগণ নাচে নিরন্তর ।
পুণ্যতীর্থ হোক যে বলিল ভৃগুবর ॥
ইথে যে করিবে পিতৃলোকের তর্পণ ।
ব্রহ্মলোকে বসিবে তাহার পিতৃগণ ॥
কপিল-নামেতে তীর্থ তাহার অন্তর ।
সরযুতে স্নানে সূর্যলোকে যায় নর ॥
স্বর্গদ্বার-আদি করি যত তীর্থ সার ।
সপ্তঋষ্যাশ্রম মহাসরযু কেন্দার ॥
গোদাবরী বৈতরণী নন্দনা কাবেরী ।
জাহ্নবী যমুনা জয়া পুণ্যদাতা বারি ॥
অশ্বমেধ-বাজপেয়-রাজসূয়-আদি ।
যত-যত যজ্ঞ বেদ করিয়াছে বিধি ॥
সর্বযজ্ঞফল লভে তীর্থদম-স্নানে ।
সর্বপাপ ধৌত হয়, বৈসে দেবাসনে ॥

এত বলি চলিল নারদ তপোধন ।
তীর্থযাত্রা ইচ্ছিলেন ধর্মের নন্দন ॥
মহাভারতের কথা অমৃত-লহরী ।
কাহার শক্তি ইহা বর্ণিবারে পারি ॥
কাশীরামদাস-প্রভু নীলশৈলারূঢ় ।
দক্ষিণে অমুজাগ্রজ, সম্মুখে গরুড় ॥

৫৭। ঐক্বেত্র-তীর্থ-বাহাধ্যা ।

বামে সিদ্ধুতনয়া নিকটে হ্রদর্শন ।
জলদ-অঙ্গেতে শোভে তড়িৎ-বসন ॥
বদন-নয়ন শোভে জগ-মন-ফাঁদ ।
নির্মল-গগনে যেন শোভে পূর্ণচাঁদ ॥

যে-মুখ দেখিবামাত্র আঁখির নিমেষে ।
 সেইক্ষণে মুক্ত হয় জন্ম-কৰ্মপাশে ॥
 জন্মে-জন্মে তপোব্রতে ক্লিষ্ট ক'রে কায় ।
 ক্ষিতি প্রদক্ষিণ ক'রে সর্বভীর্থে যায় ॥
 যাহা নাহি পায় যজ্ঞ-দানে সেবি দেবে ।
 নিমিষেক ত্রীমুখ দেখিয়া তাহা লভে ॥
 ব্রহ্মা-শিব-শচীপতি-আদি দেবগণ ।
 নিত্য আসে ত্রীমুখের দর্শন-কারণ ॥
 তাহা যে দেখয়ে লোক পশ্চাতে থাকিয়া ।
 বেত্রের প্রহারে দেহে জর্জর হইয়া ॥
 যাঁর অংশে অবতার হয় পৃথিবীতে ।
 যুগে-যুগে দুর্ভে নাশে শিষ্টেরে পালিতে ॥
 অজ্ঞ-ভব-অগোচর যাঁহার মহিমা ।
 দেবগণ পুরাণে না পায় যাঁর সীমা ॥
 ব্রহ্মাণ্ড ডুবায় ব্রহ্ম-প্রলয়ের কালে ।
 সপ্তকল্পজীবী মুনি ভাসি সিদ্ধজলে ॥
 বিজ্ঞান পাইল মুনি প্রভুর নিকটে ।
 সেই হৈতে রহিল আপনি বৃক্ষবটে ॥
 কে বর্ণিতে পারে মার্কণ্ডেয়-হৃদগুণ ।
 যার জলে স্নানে ভূমে জন্ম নহে পুনঃ ॥
 দক্ষিণেতে খেতগঙ্গা মাধব-সমীপে ।
 যাহে স্নানে স্বর্গে নর বৈসে দেবরূপে ॥
 রোহিণীকুণ্ডের গুণ কি বর্ণিতে পারি ।
 তৃণায় পীড়িত হ'য়ে পীয়ে যার বারি ॥
 গরুড়ে আরোহি কাক বৈকুণ্ঠেতে গেল ।
 সেই হৈতে জন্মক্লেমে পথত্যাগ কৈল ॥
 কোটি-কোটি ভীর্ষ ল'য়ে যথা মহানদী ।
 নানাশস্ত্র-বাণে প্রভু সেবে নিরবধি ॥

যার বায়ে গায়ের সকল পাপ খণ্ডে ।
 যার নাদ শুনিলে এড়ায় যমদণ্ডে ॥
 সর্বপাপ যায় যাঁর দরশন-ফলে ।
 দেব-সহ বৈসে সদা স্বর্গে কুতূহলে ॥
 সমুদ্রে করিয়া স্নান যদি পূজা দেখে ।
 চতুর্ভুজ হ'য়ে রহে ইন্দ্রের সম্মুখে ॥
 ইন্দ্রদ্যুম্ন-সরোবরে যদি করে স্নান ।
 পুনর্জন্ম নহে তার, দেবতা-সমান ॥
 অশ্বমেধ-দান যত করিল ভূপতি ।
 কোটি-কোটি ধেনুধুরে ক্ষুণ্ণ বসুমতী ॥
 গোমূত্র-ফেনায় ইন্দ্রদ্যুম্ন-সরোজন্ম ।
 যাহে স্নানে খণ্ডে কোটি-জন্মের অধর্ম ॥
 এই পঞ্চভীর্ষ নীলশৈল-মধ্যে বৈসে ।
 পাপলেশ নাহি থাকে তাহার পরশে ॥
 ভাগ্যবন্ত লোক, যেই সদা করে স্নান ।
 কাশীরাম তার পদে করয়ে প্রণাম ॥

৫৮। ইন্দ্রালয় হইতে লোমশ-মুনির কাম্যকবনে
 আগমন ।

মুনি বলে, শুন পরীক্ষিৎ-বংশধর ।
 নিবসে কাম্যক-বনে চারি-সহোদর ॥
 হেনকালে আইল লোমশ-মুনিবর ।
 দীপ্তিমান তেজে, যেন দীপ্ত বৈশ্বানর ॥
 মুনি দেখি যুধিষ্ঠির সহ-ভ্রাতৃগণ ।
 প্রণাম করিয়া দিল বসিতে আসন ॥
 জিজ্ঞাসেন, কি-হেতু আইলা মুনিবর ।
 আশীষ করিয়া মুনি করিলা উত্তর ॥

ইচ্ছা-অনুসারে আমি করি পর্যটন ।

একদিন হরপুরে করিহু গমন ॥
 দেখিয়া আশ্চর্য্যবোধ করিলাম মনে ।
 ইন্দ্রসহ ধনঞ্জয় বৈসে একাসনে ॥
 আমারে কহিল তবে সহস্রলোচন ।
 যুধিষ্ঠির-স্থানে তুমি করহ গমন ॥
 কহিবে সংবাদ এই তাঁহার গোচরে ।
 কুশলে নিবসে পার্শ্ব অমর-নগরে ॥
 দেবকার্য্য সাধি অস্ত্রপারগ হইলে ।
 আসিবেন ধনঞ্জয় কতদিন গেলে ॥
 ভ্রাতৃগণ-সহ তুমি তীর্থে কর স্নান ।
 তপ আচরণ কর, দ্বিজ দেহ দান ॥
 তপের উপরে আর অন্ম-কর্ম্ম নাই ।
 যাহা ইচ্ছা হয়, তাহা তপোবলে পাই ॥
 কিন্তু আমি কর্ণে যে ভালমতে জানি ।
 অর্জ্জুনের ষোল-অংশে তারে নাহি গণি ॥
 তার ভয় অন্তরে যে আছে ধর্ম্মরায় ।
 তাহা ত্যজ, ধর্ম্ম তার করিবে উপায় ॥
 তব ভ্রাতা পার্শ্ব যে কহিল সমাচার ।
 নিবেদন করি শুন কুস্তীর কুমার ॥
 হিমালয়ে উমানাথে করিয়া সেবন ।
 হরহরে অগোচর পাইয়াছে ধন ॥
 সমুদ্র-মহনে যেই-অস্ত্র উপজিল ।
 মন্ত্র-সহ পাশুপত পশুপতি দিল ॥
 যে-অস্ত্র থাকিলে হস্তে ত্রৈলোক্যে অজিত ।
 হেন অস্ত্র দিল যম হ'য়ে হরষিত ॥
 কুবের বরুণ যম দিল অস্ত্রগণ ।
 সম্প্রীতে আছয়ে অ্থে ইন্দ্রের ভবন ॥

১। চিত্রসেন ।

নৃত্যগীত বিশ্বাবস্থ-তনয় শিখায় ।
 তার হেতু চিন্তা সদা নাহি কর রায় ॥
 আমারে বলিল পুনঃ বিনয়-বচন ।
 আপনি থাকিয়া তীর্থ করাবে ভ্রমণ ॥
 তীর্থে নিবসয়ে দৈত্য-দানব-দুর্জ্জন ।
 আপনি করিও রক্ষা মোর ভ্রাতৃগণ ॥
 রাখিল দধীচি যথা দেব-পুরন্দরে ।
 অগ্নিরা রাখিল যথা দেব-দিবাকরে ॥
 ইন্দ্রের বচনে তব অনুজ-সম্মতি ।
 তীর্থস্থানে নরপতি, চল শাস্ত্রগতি ॥
 দুইবার দেখিয়াছি, তীর্থ আছে যথা ।
 তব সহ যাইব তৃতীয়বার তথা ॥
 বিষম-সঙ্কট-স্থানে আছে, তীর্থগণ ।
 বিনা-সব্যসাচী যেতে নারে অন্মজন ॥
 তুমিও যাইতে পার রাজধর্ম্মবলে ।
 পরাক্রম-বিশেষ অনুজগণ-মিলে ॥
 হইবে বিপুল ধর্ম্ম, অধর্ম্মের ক্ষয় ।
 নিজরাজ্য পাবে শেষে, হবে শত্রুজয় ॥
 লোমশের বচন শুনিয়া যুধিষ্ঠির ।
 আনন্দেতে পুলকিত হইল শরীর ॥
 বিনয়-পূর্ব্বক করিলেন সছতর ।
 কথা নহে, অধারুণি কৈলা মুনিবর ॥
 কি বলিব, প্রভুতর মুখে না আইসে ।
 বাহ্য পূর্ণ হৈল মম তব কৃপাবশে ॥
 যে-অর্জ্জুন লাগি মোর ক্ষণ নাহি অ্থ ।
 চক্ষু মিলি নাহি চাহি ভ্রাতৃগণ-মুখ ॥
 পাইলাম তাহার কুশল-সমাচার ।
 ইহার অধিক লাভ কি আছে আমার ॥

সবার ঈশ্বর যেই ইন্দ্র দেবরাজ ।
 আপনি করেন বাহু অর্জুনের কাজ ॥
 যে-আজ্ঞা করিলে মুনি, তীর্থের কারণ ।
 পূর্ব হৈতে আমি এই করিয়াছি পণ ॥
 বিশেষ আমার সঙ্গে যাবেন আপনি ।
 তীর্থযাত্রা মোর পক্ষে বহুলাভ গণি ॥
 লোমশ বলেন, রাজা, যাইব কিমতে ।
 এই বিজগণ আছে তোমার সঙ্গেতে ॥
 বিষম-দুর্গম পথ পর্বত-কানন ।
 ফল-মূল নাহি মিলে, দুষ্ক জন্তুগণ ॥
 যাইতে নারিবে, সবে থাকিলে সংহতি ।
 ইহা-সবে বিদায় করহ নরপতি ॥

যুধিষ্ঠির কহে তবে, শুন বিজগণ ।
 হস্তিনানগরে সবে করহ গমন ॥
 যেই যাহা বাহু, ধ্বতরাষ্ট্রে মার্গিবে ।
 নিজ-নিজ-বৃত্তি যদি তথা না পাইবে ॥
 পাঞ্চাল-দেশেতে সবে করিবে গমন ।
 যথোচিত পূজা তথা পাবে সর্বজন ॥
 এত বলি সবারে পাঠান হস্তিনায় ।
 যথোচিত কৈল পূজা অন্ধরাজ তায় ॥
 অন্ন-বিজ সঙ্গে ল'য়ে ধর্ম-নরপতি ।
 তিন-রাত্রি কাম্যবনে লোমশ-সংহতি ॥
 চারি-ভাই কৃষ্ণ-সহ ধোম্য-পুরোহিত ।
 তীর্থ করিবারে যাত্রা করেন স্বরিত ॥

হেনকালে উপনীত কৃষ্ণদ্বৈপায়ন ।
 নারদ পর্বত আর বহু তপোদন ॥
 যথোচিত পূজিলেন ধর্মের নন্দন ।
 আশীষ করিয়া কহিছেন মুনিগণ ॥
 তীর্থযাত্রা করিবারে যদি আছে মন ।
 মন শুদ্ধ কর রাজা, করিয়া যতন ॥

নিয়মী হ্রবুদ্ধি হৈলে তীর্থফল পায় ।
 মন শুদ্ধ নাহিলে ভ্রমণ মিথ্যা হয় ॥
 চারিভাই কৃষ্ণ-সহ করিয়া স্বীকার ।
 মুনিগণ-চরণে করেন নমস্কার ॥
 অভেদ-কবচ সবে অঙ্গেতে পরিল ।
 দ্রৌপদী-সহিত রাজা রথে আরোহিল ॥
 পুরোহিত-আদি আর যত ভ্রাতৃগণ ।
 চতুর্দশ-রথে আরোহিল সর্বজন ॥
 মার্গশীর্ষ-মাস-শেষে পূর্বমুখে গতি ।
 তীর্থযাত্রা করিলেন পাণ্ডব স্মৃতি ॥
 বনপর্বের পাণ্ডবের তীর্থযাত্রা-কথা ।
 পন্নারেতে রচে কাশী ভারতের গাথা ॥

৫১। যুধিষ্ঠিরাদির তীর্থযাত্রা ও অগস্ত্যপাখ্যান ।

চলিলেন ধর্মরাজ সহ-মুনিগণে ।
 কতদিনে উপনীত নৈমিষ-কাননে ॥
 গোমতীতে স্নান করি করি বহুদান ।
 তথা হৈতে পরতীর্থে করেন প্রয়াণ ॥
 যেখানে প্রয়াগ-তীর্থ যমুনাঙ্গম ।
 কতদিনে উপনীত অগস্ত্য-আশ্রম ॥

লোমশ কহিল তবে পূর্ব-বিবরণ ।
 দৈত্য মারি আশ্রম করিল তপোদন ॥
 স্বচ্ছন্দে সকল পৃথ্বী করিল ভ্রমণ ।
 একদিন শুন রাজা, তার বিবরণ ॥
 একদিন এক গর্ভে দেখে মুনিরাজ ।
 পিতৃগণ অধোমুখে আছে তার মাঝ ॥
 দেখিয়া হইল শঙ্কা, জিজ্ঞাসে সবারে ।
 কি-হেতু পড়িলে সবে গর্ভের ভিতরে ॥

সবে বলে, না করিলে বংশের উৎপত্তি ।

তেঁই আমা-সবাকার হৈল হেন গতি ॥

যদি শ্রেয়ঃ চাহ তুমি আমা-সবাকার ।

পুত্র জন্মাইয়া তুমি করহ উদ্ধার ॥

পিতৃগণ-বচন শুনিয়া মুনিরাজ ।

বংশ-রক্ষা-হেতু চিন্তা কৈল হৃদি-মাঝ ॥

বিদর্ভরাজের কন্যা অতি অনুপমা ।

রূপে-গুণে মনোহরা, লোপামুদ্রা-নামা ॥

যৌবন-সময় তার দেখিয়া রাজন্ ।

কারে দিব লোপামুদ্রা, চিন্তে মনে-মন ॥

হেনকালে উপনীত মহাতপোধান ।

যথোচিত পূজা করি জিজ্ঞাসে রাজন্ ॥

কি-হেতু আসিলে, আস্তা কর মুনিবর ।

শুনি মুনিরাজ তবে করিলা উত্তর ॥

পিতৃগণ-আদেশেতে জন্মাব সন্ততি ।

তব কন্যা লোপামুদ্রা দেহ নরপতি ॥

এত শুনি নরপতি হৈলা অচেতন ।

প্রত্নতর দিতে মুখে না আসে বচন ॥

উঠিয়া গেলেন রাজা মহাদেবী-স্থানে ।

রাণীকে কহেন রাজা করুণ-বচনে ॥

মাগে লোপামুদ্রারে অগস্ত্য মহাঋষি ।

নাহি দিলে শাপেতে করিবে ভস্মরাশি ॥

এত বিচারিয়া সবে সন্ত্যাপিত শোকে ।

শুনি লোপামুদ্রা কহে জননী-জনকে ॥

মম হেতু তাপ কেন করহ হৃদয়ে ।

আমারে অগস্ত্যে দিয়া খণ্ডাহ এ-ভয়ে ॥

কন্যার দূঢ়তা দেখি নৃপতি সঙ্কর ।

বিধিযতে মুনি-করে দেন নৃপবর ॥

লোপামুদ্রা-প্রতি তবে কহে তপোধান ।

মম ভার্য্যা হৈলে, কর মম আচরণ ॥

দিব্যবস্ত্র ত্যজ রত্ন-ভূষণ-সকল ।

শিরেতে ধরহ জটা, পিন্ধহ বাকল ॥

মুনিবাক্যে সেইক্ষণে সকলি ত্যজিল ।

জটাচীর লোপামুদ্রা ভূষণ করিল ॥

তবে ত অগস্ত্য-মুনি ভার্য্যারে লইয়া ।

গঙ্গাতীরে মহামুনি রহিলেন গিয়া ॥

নিরন্তর করে কন্যা মুনির সেবন ।

তপঃ-শৌচ-আচমন মুনি-আচরণ ॥

হেনরূপে তথা থাকি বহুদিন গেল ।

একদিন মুনিরাজ ভার্য্যারে কহিল ॥

পুত্রহেতু তোমারে যে ক'রেছি গ্রহণ ।

পুত্র না হইল তব কিসের কারণ ॥

এত শুনি লোপামুদ্রা মুড়ি দুইকর ।

বিনয়বচনে কহে মুনির গোচর ॥

কামেরে সৃজিল খাতা সৃষ্টির কারণ ।

বিনা-কামে নাহি হয় বংশের সৃজন ॥

জটাচীর ফলাহার ধূলাতে ধূসর ।

ইথে কাম কিমতে জন্মিবে মুনিবর ॥

আপনি না জান তুমি এই বংশকাজ ।

পুত্রহেতু ইচ্ছা যদি কর মুনিরাজ ॥

পূর্বের যথা ছিল মম বস্ত্র-অলঙ্কার ।

দিব্যগৃহ দাসগণ ভক্ষ্য-উপহার ॥

সে-সকল বস্তু যদি পাই পুনর্ব্বার ।

তবে ত জন্মিবে পুত্র উদরে আমার ॥

এত শুনি অগস্ত্যের চিন্তা হৈল মনে ।

উপায় চিন্তিল পুনঃ কন্যার বচনে ॥

শ্রুতর্কী-নামেতে রাজা ইক্ষ্বাকু-নন্দন ।

ভার্য্যাসহ তথাকারে গেল তপোধান ॥

দেখিয়া শ্রুতর্কী-রাজ পূজে বহুতর ।

জিজ্ঞাসিল, কি-হেতু আইলা মুনিবর ॥

মুনি বলে, বৃত্তি-হেতু আসিলাম আমি ।
বৃত্তি-অর্থ কিছু রাজা, দেহ মোরে ভূমি ॥
যা-কিছু নাগিল মুনি, সব দিল রাজা ।
পাত্র-মিত্র-সহিত করিল বহুপূজা ॥
দিব্য-গৃহ আসন ভূষণ দাসগণ ।
বাঞ্ছামত পাইয়া রহিল তপোধন ॥

তবে যত প্রজাগণ রাজার সংহতি ।
অগস্ত্যেরে কহে তারা করিয়া মিনতি ॥
ইন্দ্ৰল-নামেতে দৈত্য মায়ার সাগর ।
বাতাপি-নামেতে আছে তার সহোদর ॥
মায়াবলে ধরে দুষ্ঠ গাড়ুর-মুরতি ।
কাটিয়া ব্যঞ্জন করি ভুঞ্জায় অতিথি ॥
কতক্ষণে ইন্দ্ৰল বাতাপি বলি ডাকে ।
পেট চিরি বাহিরায় ভুঞ্জিয়া যে থাকে ॥
এইমতে মারে দুষ্ঠ বহু বিজগণ ।
অদ্যাবধি হিংসা করে পাপিষ্ঠ দুর্জ্ঞান ॥
ইন্দ্ৰল-দৈত্যের ভয়ে তাপিত নগর ।
শুনিয়া অগস্ত্য-মুনি চিস্তিত-অন্তর ॥

আখাসিয়া সবাকারে করিল নির্ভয় ।
একাকী চলিল মুনি ইন্দ্ৰল-আলয় ॥
মুনি দেখি ইন্দ্ৰল পূজিল বহুতর ।
জিহ্বাসিল সবিনয়ে করিয়া আদর ॥
কি-হেতু আসিলে, আজ্ঞা কর মুনিবর ।
শুনি কুস্ত-সমুস্তবৎ করিলা উত্তর ॥
বহু-পরিশ্রমে আসিলাম তব পুর ।
বহুদিন উপবাসী, ভুঞ্জাও প্রচুর ॥
পরিতোষ করি মোরে করাহ ভোজন ।
হাসিয়া ইন্দ্ৰল বলে, বৈস তপোধন ॥

কাটিয়া মায়াবী মেঘ করিল রন্ধন ।
অগস্ত্য-মুনিরে দিল করিতে ভোজন ॥
মুনি বলে, এই মাংসে কি হবে আমার ।
সকল আনিয়া দেহ, যত আছে আর ॥
শির কটি চারি-পদ আনি দেহ মেঘ ।
তাবৎ খাইব আমি, না রাখিব শেষ ॥
মুনিবাক্য শুনিয়া ইন্দ্ৰল আনি দিল ।
অস্থিসহ মুনিবর সকল খাইল ॥

কতক্ষণে ইন্দ্ৰল ডাকিল সহোদরে ।
বাহিরাও বাতাপি, বলিল বারে-বারে ॥
হাসিয়া বলেন মুনি, কেন ডাক পাপী ।
অগস্ত্যের ঠাই কোথা পাইবে বাতাপি ॥
বাতাপি পাইবে আর, না করিহ আশ ।
এতদিনে মরিলেক করি প্রাণিনাশ ॥
এত শুনি ইন্দ্ৰল যুড়িয়া দুইকর ।
জ্ঞতি করি কহে তবে মুনির গোচর ॥
কি করিব প্রিয় তব, কহ মুনিবর ।
মুনি বলে, প্রাণিহিংসা করিলে বিস্তর ॥
যত রত্ন-ধন ভূমি পাইয়াছ তায় ।
সকল আন্ডায় দিয়া রাখ আপনায় ॥
সেইক্ষণে দুষ্ঠ-দৈত্য আনি সব দিল ।
দ্রব্য ল'য়ে মুনিরাজ আশ্রমে চলিল ॥
বসন-ভূষণ দিব্য-রত্ন-অলঙ্কার ।
দেখি লোপামুদ্রা লভে আনন্দ-অপার ॥
সম্ভুক্ত হইয়া কহা ভাবে মনে-মন ।
পুত্রহেতু মুনিবরে করে নিবেদন ॥
মুনি বলে, পুত্র-বাঞ্ছা কতেক তোমার ।
লোপামুদ্রা বলে, হৌক একটি কুমার ॥

এক-পুত্র গুণবান্ হোক তপোধন ।
 অকৃতী সহস্র-পুত্রে নাহি প্রয়োজন ॥
 তবে শ্রীত হ'য়ে কাম বাড়িল দৌহার ।
 মুনির ঔরসে তাঁর জন্মিল কুমার ॥
 তাঁহা হৈতে তাঁর পুত্র হইল পণ্ডিত ।
 শুনিলে পূর্বের কথা অগস্ত্য-চরিত ॥
 অগস্ত্য-মুনির কথা অঙ্কুত মামুখে ।
 হেলায় সমুদ্রে পান করিল গণ্ডুখে ॥
 সূর্য-গ্রহ-পথ রুদ্ধ কৈলা বিদ্যাচল ।
 অন্ধকারে ব্যাপিলেক পৃথিবী-মণ্ডল ॥
 অগস্ত্য-প্রভাবে লোকে ঘুচিল সে-ভয় ।
 অন্ধকার দূর হৈল, সূর্য পথ পায় ॥
 এত শুনি জিজ্ঞাসেন ধর্মের নন্দন ।
 কহ মুনিরাজ, সে অগস্ত্য-বিবরণ ॥
 কি-কারণে মুনিরাজ সমুদ্রে শুধিল ॥
 কোন্-হেতু অন্ধকার, কিরূপে খণ্ডিল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৩০। অগস্ত্যবাজার বিবরণ ও বিদ্যাপর্কভের
 দর্প-চূর্ণ।

লোমশ বলেন, শুন ধর্মের কুমার ।
 যেমতে খণ্ডিল রাজা, ঘোর অন্ধকার ॥
 গিরিমধ্যে নগেন্দ্র হুমেরু-গিরিবর ।
 প্রদক্ষিণ করি তারে ভ্রমে দিবাকর ॥
 তাহা দেখি বিদ্যাগিরি সক্রোধ হইয়া ।
 দিনমণি-প্রতি তবে বলিল ডাকিয়া ॥
 যেমত আবর্ত কর হুমেরু-শিখরে ।
 সেইমত প্রদক্ষিণ করহ আমারে ॥

সূর্য বলে, রথে বসি আবর্তন করি ।
 সৃষ্টি সৃজিলেক যেই সৃষ্টি-অধিকারী ॥
 তাঁর নিয়োজিত-পথে করিব ভ্রমণ ।
 শক্তি নাহি অম্বপথে করিতে গমন ॥
 এত শুনি বিদ্যা বলে সক্রোধ-বচনে ।
 দেখি মেরু প্রদক্ষিণ করিবে কেমনে ॥
 বাড়িল বিষম বিদ্যা করিয়া আক্রোশ ।
 না হয় রবির গতি, না হয় দিবস ॥
 ক্রোধ করি কামরূপী বাড়াইল অঙ্গ ।
 ব্যাপিল আকাশপথ, না চলে বিহঙ্গ ॥
 ঢাকিল সূর্যের তেজ, হৈল অন্ধকার ।
 প্রলয় হইল, হেন মানিল সংসার ॥
 দেবগণ মিলি সবে করে নিবেদন ।
 না শুনিল বিদ্যাগিরি কাহারো বচন ॥
 তবে যত দেবগণ একত্র হইয়া ।
 অগস্ত্য-মুনির আগে নিবেদিল গিয়া ॥
 চন্দ্র-সূর্য-পথ রুদ্ধ বিদ্যাগিরি করে ।
 তোমা-বিনা নাহি দেখি, তাহাকে নিবারে ॥
 রক্ষা কর মুনিরাজ, সৃষ্টি হৈল নাশ ।
 শুনিয়া অগস্ত্য-মুনি দিলেন আশ্বাস ॥
 বিদ্যাগিরি-পাশে তবে যায় তপোধন ।
 মুনি দেখি প্রণাম করিল সেইক্ষণ ॥
 নাগ নর পশু পক্ষী শ্বাবর-জঙ্গম ।
 অগস্ত্য-মুনির তেজে কেহ নহে সম ॥
 মুনি দেখি বিদ্যাগিরি প্রণাম করিল ।
 ঈষৎ হাসিয়া মুনি আশীর্বাদ দিল ॥
 যাবৎ না আসি আমি দক্ষিণ হইতে ।
 তাবৎ পর্বত, ভূমি থাক এইমতে ॥
 এত বলি মুনিরাজ করিলা গমন ।
 পুনঃ সে উত্তরে না কিরিল কদাচন ॥

ভাঁর আঙ্গা লজ্জি গিরি কভু নাহি উঠে ।
 স্থষ্টিরক্ষা করিলেন অগন্ত্য কপটে ॥
 বনপর্বে অগন্ত্যের বিচিত্র-আখ্যান ।
 কাশীরাম কহে, সদা শুনে পুণ্যবান ॥

৬১। ব্রাহ্মহর-বধের অন্ত দধীচি-
 মুনির অস্থিদান ।

পুনঃ জিজ্ঞাসেন তবে রাজা যুধিষ্ঠির ।
 কিরূপে শুবিল মুনি সাগর গভীর ॥
 লোমশ বলেন, পূর্বে দৈত্য ব্রাহ্মহর ।
 পরাক্রমে জিনিয়া বেড়ায় তিনপুর ॥
 কালকেয়-আদি যত দৈত্যেয়-দানব ।
 ব্রাহ্মহর-সহিত থাকয়ে চুষ্ট-সব ॥
 দৈত্য-ভয়ে দেবগণ রহিতে নারিল ।
 ইন্দ্রে অগ্রে করিয়া ব্রহ্মারে নিবেদিল ॥
 ব্রহ্ম কন, যেই-হেতু এলে দেবগণ ।
 পূর্বে চিন্তিয়াছি আমি তাহার কারণ ॥
 লৌহ-দারু-মেরু যত আছে অস্ত্রসার ।
 কোন অস্ত্রে লহে ব্রাহ্মহরের সংহার ॥
 দধীচি-মুনির স্থানে করহ গমন ।
 সবে মিলি বর মাগ, শুন দেবগণ ॥
 প্রসন্ন হইলে মুনি মাগ এই দান ।
 নিজ-অস্থি দিয়া লোকে কর পরিত্রাণ ॥
 শরীর ত্যজিবে মুনি লোকের কারণ ।
 ভাঁর অস্থি ল'য়ে কর বজ্রের গঠন ॥
 বজ্র-অস্ত্র ইন্দ্র তারে করিবে প্রহার ।
 বজ্রাঘাতে ব্রাহ্মহর হইবে সংহার ॥
 এত শুনি দেবগণ করিল গমন ।
 সরস্বতী-নদীতীরে আইল তখন ॥

১। কণহারী। ২। ইন্দ্র।

মহাতেজোময় মূর্তি দেখে দধীচির ।
 চন্দ্র-সূর্য-অগ্নি জিনি জ্বলন্ত-শরীর ॥
 মুনির বেড়িয়া ইন্দ্র-আদি দেবগণ ।
 দণ্ডবৎ প্রণাম করিল অগণন ॥
 দেবতাসমূহ-সহ দিক্‌পালগণে ।
 দেখিয়া দধীচি-মুনি ভাবে মনে-মনে ॥
 জানিয়া সকল তত্ত্ব কহে মুনিবর ।
 কি-হেতু আসিলে আজি সকল অমর ॥
 সবাকার হেতু আমি ত্যজিব শরীর ।
 অস্থি-মাংসময়-তনু, সহজে অচির ॥
 হয়, হোক ইহাতে লোকের উপকার ।
 উপকার-হীন ব্যর্থ রহে তনু ছার ॥
 পূর্বভাগ্যে লোককার্যে লাগিল শরীর ।
 এত বলি তনুত্যাগ হৈল দধীচির ॥
 হেন উপকার কোথা নাহি করে কেহ ।
 পর-উপকার-হেতু ত্যজে নিজদেহ ॥
 দধীচি-মুনির গুণ বর্ণন না যায় ।
 হেন উপকার বল কে করে কোথায় ॥
 যুধিষ্ঠির ক'ন প্রভু, বল অতঃপর ।
 অস্থি লৈয়া কি-কর্ম করিল পুরন্দর ॥
 মহাভারতের কথা অমৃত-সমান ।
 কাশী কহে, শুনিলে জন্ময়ে দিব্যজ্ঞান ॥

৬২। ব্রাহ্মহরের সহিত দেবগণের যুদ্ধ ও
 ব্রাহ্মহর-বধ ।

লোমশ বলেন, রাজা, কর অবধান ।
 ব্রাহ্মহরে যেইরূপে মারে মরুত্বানুং ॥
 অস্থি ল'য়ে দেবগণ করিল গমন ।
 দেবশিল্পি-স্থানে দিল করিতে গঠন ॥

সে উগ্র-প্রকারে বজ্র করিয়া নির্মাণ ।
 শীত্ৰগতি আনি দিল ইন্দ্র-বিদ্যমান ॥
 বজ্র ল'য়ে জাগি থাকে দেব-পুরন্দর ।
 হেনকালে এল বৃত্রাসুর দৈত্যেশ্বর ॥
 প্রবল দানব-দৈত্য সংহতি করিয়া ।
 স্ত্রমেধ-শিখর যেন পর্বত বেড়িয়া ॥
 মার-মার-শব্দে করে মহা-কলরব ।
 প্রলয়-সময়ে যেন উথলে অর্গব ॥
 পর্বত-আয়ুধ কেহ ধরে দৈত্যগণ ।
 নানা-অস্ত্র চতুর্ভিতে করে বরিষণ ॥
 গজেন্দ্রে চড়িয়া ইন্দ্র বজ্র ল'য়ে হাতে ।
 দেবগণ-সহ যায় বৃত্তরে মারিতে ॥
 ইন্দ্রে দেখি ঘোরনাদে গজেন্দ্র দৈত্যেশ্বর ।
 ভয়ঙ্কর-নাদে কাঁপে যত চরাচর ॥
 আকাশ-পাতাল যুড়ি মুখ মেলি ধায় ।
 দেখিয়া অমরপতি ভয়েতে পলায় ॥
 দেবগণ-সহ ইন্দ্র ধায় রড়ারড়ি ।
 পাছু-পাছু দৈত্যগণ যায় তাড়াতাড়ি ॥
 কোথায় পাইব রক্ষা করি অনুমান ।
 বিষ্ণুর সদনে গিয়া রাখে নিজ-প্রাণ ॥
 ভয়ান্ত দেখিয়া আশ্বাসিয়া নারায়ণ ।
 উপায় চিন্তেন দৈত্য-নিধন-কারণ ॥
 দিলেন আপন-তেজ হরি পুরন্দরে ।
 বিষ্ণুতেজ পেয়ে পুনঃ চলিল সমরে ॥
 অস্ত্র-দেবগণে তেজ দিলা ঋষিগণ ।
 পুনঃ দেবাসুরে হয় ঘোরতর রণ ॥
 হইল অনেক যুদ্ধ, লিখনে না যায় ।
 প্রহারিল বৃত্রাসুরে বজ্র দেবরায় ॥

বজ্রের ভাষণ শব্দ, দৈত্যের গর্জন ।
 ত্রৈলোক্যের লোক যত হৈল অচেতন ॥
 বজ্রাঘাতে অশ্বরের মুণ্ড চূর্ণ হৈল ।
 আর যত ছিল, সবে ভয়ে পলাইল ॥
 যতেক দানব-দৈত্য-কালকেয়গণ ।
 সমুদ্রে-ভিতরে প্রবেশিল সর্বজন ॥
 পুণ্যকথা ভারতের শুনি পাপনাশ ।
 বৃত্রাসুর-বধ-গীত গায় কাশীদাস ॥

৬৩। অগস্ত্যমুনির সমুদ্রপান এবং দেবগণের
 যুদ্ধে অশ্বরগণের নিধন ।

লোমশ বলেন, শুন ধর্মের নন্দন ।
 সমুদ্রে আশ্রয় নিল কালকেয়গণ ॥
 সমস্ত দিবস থাকে সমুদ্রে-ভিতরে ।
 রাত্রিতে উঠিয়া খায় যত মুনিবরে ॥
 বশিষ্ঠ-আশ্রমে খায় সপ্তশত-ঋষি ।
 তিনশত খায় চ্যবনাশ্রমে প্রবেশি ॥
 ভরদ্বাজ-আশ্রমে বিংশতি-মুনি ছিল ।
 রজনী-মধ্যেতে গিয়া সবারে খাইল ॥
 হেনরূপে খায় তারা বহু মুনিগণ ।
 ফলাহারী বাতাহারী মহাতপোধন ॥
 ভয়ে আর যত সবে গেল পলাইয়া ।
 পর্বত-গহ্বরে রহে, কোটরে বসিয়া ॥
 ভাঙ্গিল মুনির মেলা, কেহ নাহি আর ।
 যাগ-যজ্ঞহীন হৈল সকল সংসার ॥
 উপায় চিন্তিল বহু তার দেবগণ ।
 লক্ষিতে না পারে, তারা আইসে কখন ॥

উপায় না দেখি আর ব্যাকুল হইয়া ।
 নারায়ণ-স্থানে সবে জানাইল গিয়া ॥
 সৃষ্টি কর্তা হর্ভা তুমি, তুমি ত্রিনিবাস ।
 তুমি উদ্ধারিবা, মোরা করিয়াছি আশ ॥
 স্বত্রাহর মৈল, কিন্তু কালকেয়গণ ।
 করয়ে দ্বিজের নাশ, আসয়ে যখন ॥
 আমরা উপায় বহু করিহু তাহার ।
 লক্ষিতে না পারি মোরা, না দেখি নিস্তার ॥
 না পারিয়া তব পায় করি নিবেদন ।
 তোমা-বিনা সৃষ্টি রাখে, নাহি হেনজন ॥
 এত শুনি রোষভরে কহে পীতাম্বর ।
 ইহার উপায় আর নাহি পুরন্দর ॥
 বরুণ-আশ্রিত হ'য়ে আছে চুষ্টগণ ।
 সিদ্ধু শুকাইতে সবে করহ যতন ॥
 পাইয়া বিষ্ণুর আজ্ঞা তবে দেবগণ ।
 ব্রহ্মার সহিত গেল অগস্ত্য-সদন ॥
 কর যুড়ি দেবগণ স্তুতি করে তাঁরে ।
 সঙ্কটেতে রক্ষা তুমি কর বারে-বারে ॥
 নহুকের ভয়ে পূর্বে করিলা নিস্তার ।
 বিদ্যভয়ে বসুধার খণ্ডিলে আঁধার ॥
 রাক্ষসে বধিয়া বিনাশিলা লোকভয় ।
 এবার করহ রক্ষা হইয়া সদয় ॥
 মুনি বলে, কোন্ কার্য করিব সবার ।
 যাহা বল, করি তাহা, এই অঙ্গীকার ॥
 দেবগণ বলে, করি সমুদ্রে-আশ্রয় ।
 কালকেয়গণ দ্বিজ-মুনিগণে খায় ॥
 অগস্ত্য বলেন, চিন্তা নাহি দেবগণ ।
 সমুদ্রের জল আমি করিব শোষণ ॥
 এত বলি চলিলা অগস্ত্য-মুনিবর ।
 সঙ্কটেতে চলিল সব অমর-কিন্নর ॥

অগস্ত্য সমুদ্রে পিবে, অদ্বুত-কথন ।
 দেখিতে চলিল যত ত্রৈলোক্যের জন ॥
 সমুদ্রে-নিকটে গিয়া বলে তপোধন ।
 তোমাতে শুষিব আজি লোকের কারণ ॥
 দেবতা-গন্ধর্ব্ব-নাগ দেখিবে কোঁতুকে ।
 নিমেষে সমুদ্রে পান করিব চুমুকে ॥
 তবে ত অগস্ত্য-মুনি একই গণ্ডুষে ।
 ক্ষণমাত্রে সিদ্ধুজল পান করি শোষে ॥
 কোথায় লহরী গেল, শব্দ ছড়াছড়ি ।
 জলজন্তু-ছট্‌ফট্‌ শুষ্কস্থলে পড়ি ॥
 বিস্ময় মানিল যত ত্রৈলোক্যের জন ।
 অগস্ত্য-মুনিরে সবে করিল স্তবন ॥
 গন্ধর্ব্ব-কিন্নর গত অপ্সরা-অপ্সর ।
 নৃত্যগীত করে তারা মুনির গোচর ॥
 করিল কুসুমবৃষ্টি মুনির উপরে ।
 সাধু-সাধু বলি শব্দ হৈল দিগন্তরে ॥
 জলহীন সিদ্ধু দেখি যত দেবগণ ।
 যে যাহার অস্ত্র ল'য়ে ধাইল তখন ॥
 যতেক অস্ত্রগণে বেড়িয়া মারিল ।
 কত দৈত্য ভয়েতে পাতালে প্রবেশিল ॥
 দৈত্যগণে হত দেখি ক্রান্ত দেবগণ ।
 পুনরপি অগস্ত্যেরে করিল স্তবন ॥
 তোমার প্রসাদে রক্ষা পাইল সংসার ।
 লোকের কণ্টক দৈত্য হইল সংহার ॥
 সমুদ্রের জল যে শুষিলা মুনিবর ।
 পুনরপি সেই জলে পূর রত্নাকর ॥
 মুনি বলে, তোমরা উপায় কর সবে ।
 পান করিলাম জল, আর কোথা পাবে ॥
 এত শুনি দেবগণ বিষম-বদন ।
 শীঘ্রগতি গেল সবে ব্রহ্মার সদন ॥

দৈত্যনাশ-হেতু সিদ্ধু শুবিল বারুণি ।
কিরূপে পুরিবে সিদ্ধু, কহ পদ্মযোনি ॥
ব্রহ্মা বলে, নিজালয়ে যাহ সর্বজন ।
উপায় নাহিক সিদ্ধু পুরিতে এখন ॥
শুকসিদ্ধু রহিবেক দীর্ঘকাল এবে ।
জ্ঞাতি-হেতু ভগীরথ গঙ্গাকে আনিবে ॥
ভগীরথ হৈতে পূর্ণ হবে জলনিধি ।
শুক রহিবেক সিদ্ধু তাবৎ অবধি ॥
ব্রহ্মার বচনে সবে গেল নিজালয় ।
পূর্বকথা শুন এই ধর্মের তনয় ॥
মস্তকে বন্দিয়া ব্রাহ্মণের পদরজ ।
কহে কাশীরাম গদাধরের অগ্রজ ॥

৬৪। সগরবংশোপাখ্যান এবং কপিলের শাপে
সগরসন্তানগণ-তম ।

এত শুনি জিজ্ঞাসিল ধর্মের নন্দন ।
কহ মুনি, শুনি সিদ্ধুপূরণ-কথন ॥
কেবা ভগীরথ, জ্ঞাতি-কারণ কি হয় ।
বিস্তারিয়া কহ মুনি, হইয়া সদয় ॥
লোমশ বলেন, শুন ধার্মিক-রাজন ।
সগর-নামেতে রাজা বাহুর নন্দন ॥
তালজঙ্ঘ-হৈহয়াদি রাজা বশ করি ।
পৃথিবী পালন করে দুষ্কজনে মারি ॥
পুত্রবান্ধা করি রাজা হইল চিস্তিত ।
তপস্যা করিতে গেল ভার্য্যার সহিত ॥
শৈব্যা আর বৈদভী যুগল ভার্য্যা তাঁর ।
কৈলাস-পর্বতে তপ করে বহুবার ॥

১। বহুগ-পুত্র অগস্ত্য-মুনি ।

তাঁর তপে আবির্ভূত হ'য়ে মহেশ্বর ।
বলিলেন সগরে, মাগিয়া লহ বর ॥
বংশ-হেতু এই বর মাগিল রাজন ।
দেহ ষাটি-সহস্র তনয় ত্রিলোচন ॥
হর বলিলেন, বর মাগিলে রাজন ।
হইবে তোমার ষাটি-সহস্র নন্দন ॥
সময়ে সবাই এককালে হবে ক্ষয় ।
বংশরক্ষা করিবেক একই তনয় ॥
শৈব্যার উদরে যেই এক পুত্র হবে ।
তা' হৈতে ইক্ষ্বাকুবংশ উন্নতি পাইবে ॥

এত বলি অন্তর্হিত হইলেন হর ।
সগর চলিয়া গেল আপনার ঘর ॥
দুই-ভার্য্যা সহবাস করে মতিমান ।
কতদিনে দৌহাকার হৈল গর্ভাধান ॥
সময়ে প্রসব কৈল রাণী দুইজন ।
শৈব্যা প্রসবিল এক সুন্দর নন্দন ॥
বৈদভীর গর্ভে এক অলাবু জন্মিল ।
দেখিয়া নৃপতি ফেলাইতে আজ্ঞা দিল ॥
হেনকালে ঘোরনাদে হৈল শম্ববাণী ।
কি-কারণে পুত্রত্যাগ কর নৃপমণি ॥
যত বীজ আছে এই অলাবু-ভিতর ।
স্বতপূর্ণ-কুস্তমধ্যে রাখ নৃপবর ॥
পাইবে ইহাতে ষাটি-সহস্র নন্দন ।
এত শুনি নরপতি রাখে সেইক্ষণ ॥
প্রতি-স্বতকুস্তে এক ধাত্রী নিয়োজিল ।
তনয় সহস্র-যষ্টি তাহাতে জন্মিল ॥
তেজোবীৰ্য্য-রূপে সবে সগর-সমান ।
মদগর্বে সবাচারে করে অন্নজ্ঞান ॥

দেবতা-গন্ধর্ব্ব-যক্ষ-নাগ নরগণ ।
 সবার করিল পীড়া সগর-নন্দন ॥
 দেবগণ জানাইল ব্রহ্মার গোচরে ।
 সৃষ্টিনাশ কৈল প্রভু, সগর-কুমারে ॥
 ব্রহ্মা বলিলেন, নাহি চিন্তা দেবগণে ।
 কৰ্ম্মদোষে সকলে মরিবে অল্পদিনে ॥

এত শুনি চলি গেল যতক অমর ।
 কতদিনে যজ্ঞদীক্ষা লইল সগর ॥
 অশ্বমেধ আরস্তিল বাহুর নন্দন ।
 অশ্ব রক্ষিবারে নিয়োজিল পুত্রগণ ॥
 সসৈন্যে তাহারা ষষ্ঠি-সহস্র-নন্দন ।
 অশ্ব রক্ষিবারে গেল পর্ব্বত-কানন ॥
 জলহীন-সিঙ্খুমধ্যে করয়ে ভ্রমণ ।
 অশ্বের রক্ষণে তারা থাকে সর্ব্বক্ষণ ॥

ইন্দ্র ভাবে, আমার ইন্দ্রত্ব বুঝি যায় ।
 শত-যজ্ঞ সাঙ্গ হৈলে কি হবে উপায় ॥
 যজ্ঞে বিঘ্ন না করিলে রাজা ইন্দ্র হয় ।
 মন্ত্রণা করিল ইন্দ্র, চুরি করি হয় ॥
 স্বপদ রাখিতে ইন্দ্র করিল চাতুরী ।
 আপনি আসিয়া শেষে অশ্ব কৈলা চুরি ॥
 চুরি করি নিয়া অশ্ব রাখে পাতালেতে ।
 যেখানে কপিল-মুনি ছিলেন যোগেতে ॥
 সেখানে রাখিয়া অশ্ব শত্রু পলাইল ।
 প্রাতঃকালে সেনাগণ জাগিয়া উঠিল ॥
 সিঙ্খুমধ্যে অশ্ব নাই দেখি আচম্বিত ।
 কেহ না জানিল, অশ্ব গেল কোন্ ভিত ॥
 সকল সমুদ্রে অশ্ব করে অন্বেষণ ।
 নদ নদী গিরি গুহা নগর কানন ॥

কোথাও না দেখি অশ্ব চিন্তিত হইয়া ।
 সগরের স্থানে সবে জানাইল গিয়া ॥
 শুনি রাজা দৈববশে করিল উত্তর ।
 অশ্ব না আনিয়া কেন আইলি রে ঘর ॥
 খুঁজিয়া না পাও যদি পৃথিবী-ভিতর ।
 তবে সিঙ্খুমধ্যে অশ্ব হইল অন্তর ॥
 যত্ন করি সেই স্থল খুঁজ গিয়া সবে ।
 অশ্ব না আনিয়া গৃহে ফিরি না আসিবে ॥

পিতৃ-আজ্ঞা পাইয়া চলিল সর্ব্বজন ।
 কোদালি ধরিয়া পৃথ্বী করিল খনন ॥
 জলহীন, জন্তুগণ মৃত্যুকালে ছিল ।
 কোদালির প্রহারেতে অনেক মরিল ॥
 স্কন্ধ শির হস্ত কারো কাটা গেল পাদ ।
 প্রহারে সকল-জন্তু করে ঘোরনাদ ॥
 জন্তুগণ মৈল যত পর্ব্বত-প্রমাণ ।
 পুঞ্জ করি অস্থি-সব রাখে স্থানে-স্থান ॥
 এইমত বারিনিধি খনিত-খনিতে ।
 অশ্ব-অন্বেষণে গেল পৃথ্বী-পূর্ব্বভিতে ॥
 তথায় খনিয়া ক্ষিতি বিদার করিল ।
 পাতালপুরেতে গিয়া সবে প্রবেশিল ॥

তথা গিয়া দেখিল কপিল মহামুনি ।
 দীপ্তিমান্ তেজে, যেন জ্বলন্ত আগুনি ॥
 তাঁহার আশ্রম-মধ্যে দেখি হয়বর ।
 হৃষ্ট হ'য়ে অশ্ব গিয়া ধরিল সত্ত্বর ॥
 অহঙ্কারে মুনিবরে করে তিরস্কার ।
 কুপিল কপিল-মুনি, নাহিক নিস্তার ॥
 বাহিরায় দুই-চক্ষু হইতে অনল ।
 ভস্মরাশি করিলেক কুমার-সকল ॥

নারদের মুখে বার্তা পাইল সগর ।
 শোকাকুল হয় রাজা বিরস-অন্তর ॥
 স্তব্ধ হ'য়ে চিস্তে শোকাকুল নরপতি ।
 শিববাক্য স্মরি শেষে স্থির করে মতি ॥
 পৌত্র অংশুমান্ অসমঞ্জার নন্দন ।
 তাহারে ডাকিয়া রাজা বলেন বচন ॥
 কপিলের ক্রোধে ভয় হৈল পুত্রগণে ।
 যজ্ঞ নষ্ট হইবেক অশ্বের বিহনে ॥
 পূর্বে ত্যাগ করিয়াছি তোমার পিতায় ।
 তোমা-বিনা অন্য নাহি যজ্ঞের উপায় ॥
 যুধিষ্ঠির জিজ্ঞাসিল, কহ মুনিবর ।
 কি-হেতু অত্যাচার্য্য পুত্রে ত্যজিল সগর ॥
 মুনি বলে, অসমঞ্জা শৈব্যাগর্ভে জন্ম ।
 যৌবন-সময়ে বড় করিল কুকর্ম্ম ॥
 দুঃখমুখ্য শিশুগণে ধরে হস্তে-গলে ।
 উপরে তুলিয়া ভূমে আছাড়িয়া ফেলে ॥
 একত্র হইয়া তবে যত প্রজাগণ ।
 সগর-রাজের প্রতি কৈল নিবেদন ॥
 পিতৃরূপে আশ্রয় করহ পালন ।
 দুঃখ-দৈত্য-পরচক্রে করহ তারণ ॥
 অসমঞ্জ-ভয় হৈতে কর রাজা, পার ।
 প্রজাহুঃখ শুনি দুঃখ হইল রাজার ॥
 ত্রুড় হ'য়ে আজ্ঞা দিল যত প্রজাগণে ।
 রাজ্য হৈতে পুত্রে দূর করহ এক্ষণে ॥
 এইমতে নিজপুত্রে ত্যজিল সগর ।
 পৌত্র-প্রতি কহে রাজা, শুন নরবর ॥
 তোমা-বিনা কুলাঙ্কুর কেহ নাহি আর ।
 যজ্ঞ-বিস্ত্র নরক হইতে কর পার ॥


পিতামহ-বচন শুনিয়া অংশুমান্ ।
 যথায় কপিল-মুনি, গেল তাঁর স্থান ॥
 প্রণাম করিয়া বহু করিল স্তবন ।
 তুষ্ট হ'য়ে বলে, ইচ্ছা মাগহ রাজন্ ॥
 এত শুনি অংশুমান্ বলে ঘোড় করে ।
 কৃপা যদি কর প্রভু, দেহ অশ্ববরে ॥
 দ্বিতীয়ে মাগিল পিতৃগণের সদগতি ।
 বাঞ্ছাপূর্ণ হোক বলি কহে মহামতি ॥
 সত্যশীল ক্ষমাশীল ধর্ম্মে তব জ্ঞান ।
 তব পিতা হইতে সগর পুত্রবান্ ॥
 মম ক্রোধে দগ্ধ যত সগর-কুমার ।
 তব পৌত্র করিবেক সবার উদ্ধার ॥
 শিবে তুষ্ট করিয়া আনিবে স্ত্রধুনী ।
 যজ্ঞ সাদ্র কর অশ্ব লইয়া এখনি ॥
 মুনিরে প্রণাম করি ল'য়ে অশ্ববর ।
 অংশুমান্ দিল পিতামহের গোচর ॥
 আলিঙ্গন দিয়া বহু করিল সম্মান ।
 অশ্বমেধ-যজ্ঞ রাজা কৈল সমাধান ॥
 পৌত্রে রাজ্য দিয়া শেষে গেল তপোবন ।
 অংশুমান্ শাসিলেক সকল ভুবন ॥
 হইল দিলীপ-নামে তাঁহার নন্দন ।
 দেখি আনন্দিত বড় হইল রাজন্ ॥
 বহুদিন রাজ্য করি অংশুমান্ ধীর ।
 পুত্রে রাজ্যভার দিয়া হইল বাহির ॥
 দিলীপ পাইল নিজ-পিতৃসিংহাসন ।
 শুনিল কপিল-কোপে দগ্ধ পিতৃগণ ॥
 গঙ্গাহেতু তপস্তা করিল বহুকাল ।
 তথাপি আনিতে গঙ্গা নারিল স্ফাপাল ॥

তাঁহার নন্দন মহারথ ভগীরথ ।
 যাঁর যশ-কপূরে পুরিল ত্রিজগৎ ॥
 কপিলের কোপানলে দগ্ধ পিতৃগণ ।
 লোকমুখে শুনি কথা চিন্তিত রাজন্ ॥
 মন্ত্রীয়ে করিয়া রাজা রাজ্য-সমর্পণ ।
 গঙ্গার উদ্দেশে গেল দিলীপ-নন্দন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৬৫। ভগীরথের ভূতলে গঙ্গা-আনয়ন ও
 সগর-বংশ-উদ্ধার ।

হিমালয়ে ভগীরথ তপ আরম্ভিল ।
 কঠোর-তপেতে সব তপস্বী তাপিল ॥
 ফলাহার পত্রাহার কৈল বাতাহার ।
 অনাহারে কৈল তনু অস্থি-চর্ম্ম-সার ॥
 দেবমানে তপ কৈল সহস্র-বৎসর ।
 তপে ভুঁক্টা গঙ্গা দিতে আইলেন বর ॥
 গঙ্গা বলিলেন, রাজা, তপ কেন কর ।
 প্রীতা হইলাম আমি, মাগ ইচ্ছ-বর ॥
 জাহ্নবীর বাক্য শুনি হ'য়ে হৃষ্ট-মন ।
 করযোড় করি মাগে দিলীপ-নন্দন ॥
 কপিলের কোপানলে পুড়ে পিতৃগণ ।
 তা'সবার মুক্তি-হেতু করি আরাধন ॥
 যাবৎ না হয় তব জলে পরশন ।
 তাবৎ সদগতি নাহি পাবে পিতৃগণ ॥
 তোমার চরণে এই করি নিবেদন ।
 উদ্ধার কর গো মাতা, মম পিতৃগণ ॥

যদি রূপা করিলা গো, মাগি তব পায় ।
 আপনি তথায় গিয়া উদ্ধার সবায় ॥
 গঙ্গা বলে, তব প্রীতে যাইব তথায় ।
 মম বেগ সহে, হেন করহ উপায় ॥
 গগন হইতে চ্যুত হইব যখন ।
 মম বেগ সহে, হেন নাহি অন্যজন ॥
 বিনা-নীলকণ্ঠ কারো শক্তি নাহি লোকে ।
 তপস্যায় বশ করি আনহ ত্র্যম্বকে ॥
 এত শুনি ভগীরথ করিল গমন ।
 কৈলাস-শিখরে শিবে করেন ভজন ॥
 তপস্যাতে ভুঁক্ট হইলেন দিগম্বর ।
 গঙ্গা ধরিবারে ভগীরথ মাগে বর ॥
 নিজ-ইচ্ছ জানি ভুঁক্ট হ'য়ে মহেশ্বর ।
 প্রীতিতে বলেন, চল, যাব নৃপবর ॥
 হিমালয়-পর্বতে কহেন উমাপতি ।
 আনহ কোথায় আছে তব হৈমবতী ॥
 ভব-বাক্যে ভগীরথ গঙ্গা-চিন্তা করে ।
 ব্রহ্মলোকে গঙ্গা তাহা জানিল অন্তরে ॥
 আকাশ হইতে গঙ্গা দেখি শূলপাণি ।
 পড়িলেন হরশিরে করি ঘোরধ্বনি ॥
 মকর-কুন্তীর-মীন-পূর্ণ মহাজলে ।
 মুক্তামালা শোভে যেন চন্দ্রচূড়-গলে ॥
 শিবশির হ'তে গঙ্গা হ'লেন ত্রিধারা ।
 এক ধারা আসিয়া পড়িল বহুধারা ॥
 স্বর্গেতে যে ধারা, তার মন্দাকিনী খ্যাতি ।
 মর্ত্যে অলকানন্দা, পাতালে ভোগবতী ॥
 ভগীরথ-প্রতি বলিলেন ভাগীরথী ।
 তোমার কারণে আমি আইলাম ক্রিতি ॥



১৮৭৫-৭৬ সাল ৩ নং নং

আজম ও ৩ টি স্টেশন নং নং

কল-কল-কল শব্দ চিহ্নে তথ্য

বনপত্র, পৃষ্ঠা—১০০

পিতৃগণ তোমার আছয়ে কোন্ দিকে ।

কোন্ পথে যাইব, চলহ মম আগে ॥

আজ্ঞামাত্র আগে চলে দিলীপ-নন্দন ।

কল-কল-শব্দে গঙ্গা চলিল তখন ॥

হিমালয়-পর্বতে হইল উপনীত ।

পথ না পাইয়া গঙ্গা হইল ভাবিত ॥

কহিলেন, রাজা, কর ঐরাবতে ধ্যান ।

পর্বত বিদারি পথ করুক নির্মাণ ॥

নতুবা কেমনে বল হইবে পয়ান ।

এতেক শুনিয়া তবে দিলীপ-সন্তান ॥

গঙ্গাবাক্যে ঐরাবতে করিলেন স্তুতি ।

স্তুতে হইয়া ভুঁই আসে গঙ্গপতি ॥

রাজা বলে, মহাশয়, নিস্তার এ-দায় ।

গিরি বিদারিয়া পথ দেহ গঙ্গা-মায় ॥

শুনি ভুঁইমতি করী বলিল রাজারে ।

পথ করি দিতে পারি, যদি ভজে মোরে ॥

কর্ণে হাত দিয়া রাজা আইল সত্তর ।

প্রকারে জানায় সব পশুর উত্তর ॥

গঙ্গা বলে, যাহ রাজা, কহিবে করীরে ।

সহিলে আমার বেগ, ভজিব তাহারে ॥

দেখিবে দুর্গতি তার, কিবা দশা ঘটে ।

শীঘ্রগতি আন তারে জানায়ে কপটে ॥

মাতঙ্গ-নিকটে গিয়া বলে ভগীরথ ।

শুনি করী শীঘ্রগতি করি দিল পথ ॥

গিরি খণ্ড করি দস্তে টানিয়া ফেলিল ।

মহাবেগে মহামায়া গমন করিল ॥

সম্মুখে পড়িয়া হস্তী ভাসিয়া চলিল ।

আছাড়ে-বিছাড়ে তার প্রাণমাত্র ছিল ॥

স্তব করে গঙ্গবর, ত্রাহি-ত্রাহি ডাকে ।

বলে, মাগো, পশু আমি, কি চিনি তোমাকে ॥

দয়াময়ি, দয়া করি রাখিলা জীবন ।

প্রাণ ল'য়ে ঐরাবত পলায় তখন ॥

বেগেতে চলিলা গঙ্গা আনন্দিত-মনে ।

উপনীত হৈলা জহুমুনির আশ্রমে ॥

দেখিয়া গঙ্গারে মুনি করিলেন পান ।

গঙ্গারে না দেখি রাজা হৈল হতজ্ঞান ॥

মুনিবরে স্তব করে কাতর-অন্তরে ।

ভুঁই হ'য়ে মুনিবর গঙ্গা দিল পরে ॥

কলকল শব্দে হয় গঙ্গার পয়ান ।

কত-শত লোক তরে, নাহি পরিমাণ ॥

তাহা দেখি হর্ষান্বিত দিলীপ-নন্দন ।

বেগেতে আইল গঙ্গা কপিল-আশ্রম ॥

যথায় আছিল ভস্ম সগর-সন্তান ।

পরশে পরম-জল বৈকুণ্ঠে পয়ান ॥

চতুর্ভূজ হ'য়ে স্বর্ণরথে আরোহিল ।

উর্দ্ধবাহু করি সবে আশীর্বাদ কৈল ॥

পিতৃগণে মুক্ত দেখি আনন্দ অপার ।

প্রণাম করিয়া নাচে দিলীপ-কুমার ॥

ভগীরথ হইতে সমুদ্রে হৈল জল ।

যাহা জিজ্ঞাসিলে রাজা, কহিলু সকল ॥

শুনিলে পৃথিবীপাল, সগরোপাখ্যান ।

ভগীরথ-তুল্য আর নাহি পুণ্যবান ॥

মহাভারতের কথা অমৃত-সমান ।

কাশীরাম বিরচিল সগর-আখ্যান ॥

৬৬। পরশুরামের দর্পচূর্ণ।

লোমশ বলেন, এই মহাতীর্থ-স্থান।
পরশনে তার হয় বৈকুণ্ঠে প্রয়াগ ॥
পূর্ণ-গঙ্গা এইস্থানে বিন্দুদর-নাম।
যেইস্থানে হতবীর্য্য হইলেন রাম ॥

যুধিষ্ঠির कहিলেন, कह তপোধন।
হতবীর্য্য হইলেন রাম কি-কারণ ॥

লোমশ বলেন, পূর্ব্বে রাম দাশরথি।
বিষ্ণু-অংশে চারি-ভাই রঘুকুলপতি ॥
লক্ষ্মী-অংশে জন্মিলেন জনক-নন্দিনী।
তঁাহার বিবাহে পণ কৈল নৃপমণি ॥
ধূজ্জটীর ধনুর্ভঙ্গ যে-জন করিবে।
তাহারে আমার কন্ডা জানকী বরিবে ॥
দেশে-দেশে বার্তা দিল জনক-রাজনু।
বিশ্বামিত্র-স্থানে রাম করেন শ্রবণ ॥
যজ্ঞরক্ষা করিলেন রাক্ষসে মারিয়া।
সীতা লভিলেন রাম ধনুক ভাঙ্গিয়া ॥
সীতা ল'য়ে যান রাম অযোধ্যা-নগর।
পথেতে ভেটিল কুলান্তক্য ভৃগুবর ॥
দুর্জ্জয় ধনুক বামে, দক্ষিণে কুঠার।
পৃষ্ঠে শর-ভূণ তাঁর, শিরে জটাভার ॥
দুই-চক্ষু রক্তবর্ণ, প্রকাণ্ড-শরীর।
কর্কশ-বচনে কহে চাহি রঘুবীর ॥
জীর্ণ-ধনু ভাঙ্গি তোর এত অহঙ্কার।
সীতারে লইয়া যাসু অগ্রেতে আমার ॥
না জানিসু ভৃগুরামে, ক্ষত্রিয়-কুমার।
ক্ষণেক তিষ্ঠহ, বৃষি বিক্রম তোমার ॥
এত বলি দুর্জ্জয় ধনুক দিলা ফেলি।
দিলেন ধনুকে গুণ রাম মহাবলী ॥

রাম বলিলেন, জয়দায়ক নন্দন।
ধনুকেতে গুণ দিহু, কি করি এখন ॥
ইহা শুনি ভৃগুপতি দিলা দিব্য-শর।
শরসহ বিষ্ণুতেজ নিলা রঘুবর ॥
আকর্ণ পুরিয়া ধনু কহে দাশরথি।
কোথায় মারিব অস্ত্র, কহ ভৃগুপতি ॥
ব্রাহ্মণ বর্ণের গুরু, মম বধ্য নহ।
অব্যর্থ আমার অস্ত্র, কোথা মারি কহ ॥
স্তুতি করি কহে তবে ভৃগুর কুমার।
অস্ত্র মারি স্বর্গপথ রোধহ আমার ॥
একবাণে স্বর্গ-রোধ করেন তাঁহার।
পরশুরামের গেল যত অহঙ্কার ॥
মুনি বলে, कहিলাম রামের আখ্যান।
কাশীরাম বিরচিল, শুনে পুণ্যবান ॥

৬৭। শ্বেন-কপোতের উপাখ্যান।

লোমশ বলেন ডাকি ধর্ম্মের নন্দন।
শ্বেন-কপোতের কথা করহ শ্রবণ ॥
এই যে বিতস্তা নদী শিবিরাজ্য-দেশে।
সারস-সারসী ক্রোড়া করিছে উল্লাসে ॥
জলা-উপজলা দুই যমুনার পাশ।
মুনিগণ এই তটে করেন নিবাস ॥
ঔশীনর ৩-নামে নৃপ আছিল তথায়।
যজ্ঞ-অনুষ্ঠানে ইন্দ্র পরাভব পায় ॥
যজ্ঞের প্রভাবে ধরা কাঁপে থর-থর।
স্রাস্রর যক্ষ রক্ষ ভাবিয়া কাতর ॥
ঈশ্বাকুল সুরপতি কনক-আসনে।
ইন্দ্র বা লয় বৃষি, তাবে মনে-মনে ॥

হেনকালে হুতাশন হন উপনীত ।

ঔশীনর-যজ্ঞ-কথা করিল বিদিত ॥

উভয়েতে যুক্তি করি অতি-সজ্ঞাপনে ।

বিহগ-বেশেতে যান ছলিতে রাজনে ॥

ধরিল কপোতরূপ দেব-হুতাশন ।

দেবরাজ শ্বেনরূপ করেন ধারণ ॥

সভাস্থলে যজ্ঞে ব্রতী আছেন রাজন্ ।

শ্বেনভয়ে কপোতক লইল শরণ ॥

ঔশীনর-উরুদেশে লুকায় ভয়েতে ।

অনুসরি শ্বেন তার আইল পশ্চাতে ॥

ছদ্মবেশী কপোতক কহিল রাজায় ।

লইলু শরণ প্রভু, রাখ ঘোর দায় ॥

কপোতক-অরি শ্বেন নিরদয় হ'য়ে ।

নাশিতে জীবন মোর আসিয়াছে ধেয়ে ॥

কপোতে ব্যাকুল হেরি কহে ঔশীনর ।

রক্ষিতে তোমার প্রাণ দিব কলেবর ॥

আশ্রিতে রক্ষিতে যদি যায় মোর প্রাণ ।

তথাপি এ-পণ কভু নাহি হবে আন ॥

শ্বেন কহে, মহারাজ, একি আচরণ ।

মোর ভক্ষ্যে রক্ষ তুমি কিসের কারণ ॥

সবে কহে, ধর্মনিষ্ঠ রাজা ঔশীনর ।

ধর্মহীন-কর্ম কেন কর নৃপবর ॥

মহাপাপ খাণ্ডে বাধা ক্ষুধার সময় ।

ভক্ষ্য ছাড়ি দেহ মোর হ'য়ে সদাশয় ॥

রাজা বলে, পক্ষিরাজ, কি করিব আমি ।

না বুঝিয়া অনর্থক নিন্দা মোরে তুমি ॥

কপোত প্রাণের ভয়ে ল'য়েছে শরণ ।

কেমনে কালেরে ক্রারে করিব অর্পণ ॥

পরিত্যাগ করে যেবা শরণ-আগতে ।

গো-ব্রাহ্মণ-বধ-সম ভুক্তিবে পাপেতে ॥

শ্বেন বলে, মহারাজ, করহ শ্রবণ ।

আহার-বিহনে নাহি বাঁচে জীবগণ ॥

ধন-জন ছাড়ি বাঁচে যাবৎ-জীবন ।

আহার ছাড়িলে জীব না বাঁচে কখন ॥

ক্ষুধায় আকুল আমি, না সরে বচন ।

ক্ষণেক বিলম্ব হৈলে যাইবে জীবন ॥

আমি যদি মরি, তবে আমার বিহনে ।

দারা-পুত্র-আদি মম মরিবে জীবনে ॥

এক-প্রাণী দিলে যদি বাঁচে বহু-প্রাণী ।

অধর্ম না হয় তাহে, সত্যধর্ম গণি ॥

সামান্য লাভেরে ত্যজি বহু-লাভ যাহে ।

লইবে আশ্রয় তার, শাস্ত্রে হেন কহে ॥

রাজা বলে, যদি তব খাণ্ডে প্রয়োজন ।

অন্য-খাদ্য খাও তুমি, রহিবে জীবন ॥

বৃষ মৃগ ছাগ মেঘ মহিষ বরাহ ।

এখনি আনিয়া দিব, যেই মাংস চাহ ॥

শ্বেন বলে, অন্য মাংস মোরা নাহি খাই ।

কপোত মোদের খাদ্য, দেহ মোরে তাই ॥

কপোতের মাংস দেহ, করিব ভোজন ।

এত শুনি সকাতরে কহেন রাজন্ ॥

শিবিরাজ্য চাহ, কিংবা যাহা মোর আছে ।

এখনি করিব দান, না ডরিব পাছে ॥

যা' বলিবে, করিব তা', যাহে তুষ্ট তুমি ।

আশ্রিত কপোতে কিন্তু নাহি দিব আমি ॥

এত শুনি কহে শ্বেন, শুনহ রাজন্ ।

কপোত যত্বপি তব স্নেহের ভাজন ॥

নিজমাংস খণ্ড করি কপোত-সমান ।
 দেহ মোরে তুলা-দণ্ডে করি পরিমাণ ॥
 তব মাংস কপোতের তুল্য যদি হয় ।
 সেই মাংসে তৃপ্ত হব, শুন মহাশয় ॥
 ছদ্মবেশে বহি-ইন্দ্র ছিলেন রাজনে ।
 ঔশীনর যুদ্ধ হৈল দৌহার ছিলেন ॥
 বনপর্বে ঔশীনর রাজার চরিত্র ।
 কাশীরাম কহে রচি পয়ার বিচিত্র ॥

৬৮। ঔশীনরের স্বর্গারোহণ ।

ঔশীনর নৃপমণি, শ্রোনের বচন শুনি,
 ভাসিলেন আহ্লাদ-সাগরে ।
 আশ্রিতে রক্ষিছু জানি, আপনারে ধন্য মানি,
 তুলা-যন্ত্র আনিয়া সত্বরে ॥
 নিজহস্তে তুলা ধরি, নিজমাংস খণ্ড করি,
 কপোতের তুল্য করিবারে ।
 নিজমাংস যত দেয়, তবু নাহি তুল্য হয়,
 হুতাশন-কপোতের ভারে ॥

মাংস দেয় রাশি-রাশি, তবু ভার হয় বেশী,
 কি করিব, ভাবেন রাজন ।
 মাংস কাটি দিছু যত, না হয় কপোত-মত,
 অসম্ভব না হেরি এমন ॥
 কণকাল চিন্তা করি, ভক্তিভাবে স্মরি হরি,
 তুলে বসে নিজে ঔশীনর ।
 হেরিয়া নৃপের মতি, শ্রোণরূপী সুরপতি,
 কহিলেন, শুন নৃপবর ॥

সুরপতি মম নাম, রাজ্য করি সুরধাম,
 কপোত-বেশেতে হুতাশন ।
 ধার্মিকতা দেখিবারে, মোরা দৌহে ছল ক'রে,
 আসিয়াছি তোমার সদন ॥
 হেরি তোমা ধর্মনিষ্ঠ, হইলাম বড় ভুট্ট,
 বন্ধ হৈলু তব ধর্মফলে ।
 তোমার মহিমা ভবে, যাবৎ ধরণী রবে,
 ধন্য-ধন্য গাহিবে সকলে ॥
 নরজন্ম হৈল নাশ, সশরীরে স্বর্গবাস,
 হৈল তব, শুন নরপতি ।
 ত্যজিয়া সংসারমায়া, ধরিয়া দেবের কায়,
 চল-চল মোদের সংহতি ॥
 শূন্য হৈতে রথ আসে, চলিল অমর-বাসে,
 দয়ার প্রভাবে ঔশীনর ।
 অঙ্গরা যোগিনী কত, দেবী ও কিম্বরী যত,
 পুষ্পবৃষ্টি করেন অমর ॥
 ঔশীনর-পুণ্য-কথা, শুনি খণ্ডে ভবব্যথা,
 অস্তে যায় ইন্দ্রের ভবন ।
 কৃষ্ণপদ করি ধ্যান, ভারতের উপাখ্যান,
 কাশীরাম করিলা রচন ॥

৬৯। ভীষ্মের পদ্মাস্থে গমন ও হনুমানের
 সহিত লাক্ষ্যং ।

জন্মেজয় জিজ্ঞাসিল, কহ মুনিবর ।
 চারিভাই কি-কর্ম করিল অতঃপর ॥
 স্বর্গেতে রহিয়া কিবা করে ধনঞ্জয় ।
 কতদিনে ভ্রাতৃসহ সমবেত হয় ॥
 আমারে বিশেষ করি কহ মুনিরাজ ।
 শুনিতৈ উল্লাস বড় হয় হৃদিমাঝ ॥

বলেন বৈশম্পায়ন, শুন কুরুবর ।
 কৃষ্ণা-সহ কাম্যবনে চারি-সহোদর ॥
 যত দ্বিজবর ধৌম্য-লোমশ-সংহতি ।
 ছয়-রাত্রি তথা বাস করে ধর্মমতি ॥
 একদিন দেখ তথা দৈবের ঘটন ।
 বহিল উত্তর হৈতে মন্দ-সমীরণ ॥
 স্নগন্ধ স্তম্ভর বায়ু অতি-সুশীতল ।
 পদ্মগন্ধে পুরিল সকল বনস্থল ॥
 আহোদে করিল মুগ্ধ সবাংকার মন ।
 পুনঃপুনঃ প্রশংসা করিল সর্বজন ॥
 উত্তর-মুখেতে সবে করে অনুমান ।
 যোগের সাধনে যেন যোগীর ধেয়ান ॥
 কেহ কহে, স্বর্গ হৈতে আসিতেছে গন্ধ ।
 কেহ কহে, পৃথিবীতে কে করে আনন্দ ॥
 কোনমতে কেহ না জানিল নিরূপণ ।
 লোমশেরে জিজ্ঞাসেন ধর্মের নন্দন ॥
 জানহ ব্রতাস্ত যদি, কহ মুনিবর ।
 কোথা হৈতে আসিতেছে গন্ধ মনোহর ॥
 কোন্ রূপ পুষ্প সেই, কার উপবন ।
 চেক্টায় পাইব, কিংবা অসাধ্য-সাধন ॥
 মুনি বলে, আছে গন্ধমাদন-পর্বত ।
 সরোবর আছে, তাহে পুষ্প শত-শত ॥
 কুবেরের পুষ্প সেই অতি-মনোহর ।
 রক্তক আছেয়ে লক্ষ-লক্ষ অনুচর ॥
 স্তবর্ণের পুষ্প, নাহি গন্ধের অবধি ।
 চেক্টায় হইবে প্রাপ্ত, বাঞ্ছা কর যদি ॥
 এতেক ব্রতাস্ত যদি কহিলেন মুনি ।
 ব্যগ্রা হ'য়ে বৃকোদরে কহে যাজ্ঞসেনী ॥
 আমা-প্রতি শ্রীতি যদি তোমার আছয় ।
 অষ্টোত্তর-শত পুষ্প দেহ মহাশয় ॥

পূজিব ঈশ্বরপদ, ক'রেছি বাসনা ।
 তোমার কৃপায় যদি পুরে সে কামনা ॥
 তোমার অসাধ্য নাহি এ-তিন-ভুবনে ।
 মনোযোগ কর তুমি মোর নিবেদনে ॥
 কৃষ্ণারে ব্যাকুল দেখি বীর বৃকোদর ।
 অনুমতি লইলেন ধর্মের গোচর ॥
 বন্দনা করিল যত ব্রাহ্মণ-মণ্ডলী ।
 ধর্মেরে প্রণাম করে করি কৃতাজ্জলি ॥
 যুধিষ্ঠির বলেন, সে দেবের আলায় ।
 কাহারো সহিত যেন বিরোধ না হয় ॥
 যাহ শীঘ্র, ত্বর করি এস ভ্রাতৃবর ।
 শুনিয়া উত্তরে যান বীর বৃকোদর ॥
 দেখিল স্তম্ভর-বন ছায়া-সুশীতল ।
 দিব্য-সরোবর, তথা স্তবাসিত-জল ॥
 মধুর-স্বাস্থ্য ফল, নানাবিধ ফুল ।
 মকরন্দ-লোভে উড়ে ভ্রমর আকুল ॥
 কোনস্থান শোভিত গুবাক-নারিকেল ।
 পলাশ-রসাল-তাল পূর্ণ বনফলে ॥
 বিবিধ-কুসুম পূর্ণ বিচিত্র-উদ্যান ।
 দেবের আশ্রম, হেন হয় অনুমান ॥
 কোকিলের কলরব-বিনা নাহি আর ।
 মধুপানে মত্ত করে ভ্রমর ঝঙ্কার ॥
 সর্বদা বসন্ত-ঋতু নিবসে সে-বনে ।
 বিহরয়ে তাহে ভীম আনন্দিত-মনে ॥
 পাসরে পুষ্পের কথা দেখি বনস্থল ।
 বিহারে মাতিল তবে ভীম মহাবল ॥
 বৃক্ষাঘাতে মারিলেক যুগ রাশি-রাশি ।
 প্রমাদ গণিল যত কানন-নিবাসী ॥
 বারণে বারণ মারে, যুগেন্দ্রে যুগেন্দ্রে ।
 হরিণে হরিণ মারে, সবে নিরানন্দ ॥

সিংহনাদ ছাড়ি করে ছুঙ্কার-ধ্বনি ।
 গগনে গরজে যেন ঘোর কাদম্বিনী ॥
 মহাশব্দে পূরিল সকল বনস্থল ।
 প্রাণভয়ে পশুপক্ষী পলায় সকল ॥
 ক্ষুদ্রে-মৃগ-বরাহ-ব্যাভ্রাদি বনচরে ।
 পলায় মহিষ-ব্যাভ্র গজেন্দ্রের ডরে ॥
 গজেন্দ্র পলায় দূরে মৃগেন্দ্রের ভয় ।
 মৃগেন্দ্র পলায় মনে মানিয়া সংশয় ॥
 একেরে অশ্বের ভয়, যত মৃগ-পশু ।
 বিকল হইয়া ধায় যুবা-বৃদ্ধ-শিশু ॥

পবন-নন্দন ভীম মহাপরাক্রম ।
 বিহার করেন তথা, নাহি মনোভ্রম ॥
 হেনমতে কতদিন পরম-কৌতুকে ।
 স্বচ্ছন্দগমনে বীর ভ্রমে মনঃস্থখে ॥
 চলিতে উত্তর-মুখে পবন-নন্দন ।
 কতদূরে দেখে বীর কদলীর বন ॥
 পরম-সুন্দর বন দূরেতে আছয় ।
 যেমন মেঘের ঘটা গগনে উদয় ॥
 দেখি আনন্দিত হৈল ভীম মহাবল ।
 স্থরাশ্বিত হ'য়ে বীর আইল সে-স্থল ॥
 নানাপুষ্পে অলিকুল পিয়ে মকরন্দ ।
 শীতল-সৌরভে অতি বাড়িল আনন্দ ॥
 প্রবেশিয়া দেখে বনে সুপক-কদলী ।
 করিল উদর পূর্ণ ভীম মহাবলী ॥
 গতায়াতে ভাঙ্গে যত কদলীর বন ।
 মড়-মড়ি-শব্দেতে চমকে সর্বজন ॥
 মারিল যতেক পশু, নাহি তার অন্ত ।
 সেই বনে আছিল দুঃস্থ হনুমন্ত ॥

ভাঙ্গিল কদলীবন করি অনুমান ।
 ক্রোধভরে শীঘ্রগতি করিল প্রয়াণ ॥
 কুবুদ্ধি ঘটিল আজি কোন্ দেবতায় ।
 আপনারে না জানিয়া আমারে ঘাঁটায় ॥
 এতেক বলিয়া বীর যাইতে সঙ্করে ।

আসিতেছে বৃকোদর, দেখে কতদূরে ॥
 দেখিয়া জানিল এই মম ভ্রাতৃবর ।
 নতুবা এমন দর্প করে কোন্ নর ॥
 জানি ছদ্ম করিল পবন-অঙ্গজন্ম ।
 হইলা সত্ত্বর জীর্ণ-শীর্ণ-কীর্ণ-তনু ॥
 ব্যাধিতে পীড়িত অঙ্গ, অস্থিমাত্র সার ।
 পড়িল পথেতে গিয়া ভীম-আগুসার ॥
 হৃদিকে কণ্টক-বন নাহি পরিমাণ ।
 মধ্য-পথ যুড়ি রহে বীর হনুমান ॥

হেনকালে উপনীত ভীম মহাবল ।
 দেখে পড়িয়াছে বনে বানর দুর্বল ॥
 ভীম বলে, পথ ছাড়ি দেহ রে বানর ।
 আবশ্যক-কর্ম্ম আছে, যাইব সত্ত্বর ॥
 শুনিয়া ভীমের বীর এতেক বচন ।
 মায়া করি অতিক্রমে মেলিল নয়ন ॥
 ধারে-ধারে কহে তবে বিনয় আচরি ।
 জিজ্ঞাসা করয়ে অতি করিয়া চাতুরী ॥
 কে তুমি, কোথায় যাবে, কহ মহাবল ।
 জুরাযুক্ত অঙ্গ মোর ব্যাধিতে বিকল ॥
 নড়িতে নাহিক শক্তি, অবশ শরীর ।
 লজিয়া গমন কর স্থখে মহাবীর ॥

এতেক শুনিয়া ভীম চিন্তে মনে-মন ।
 সকল-শরীরে আত্মরূপী নারায়ণ ॥

ইহারে লজিয়া আমি যাইব কেমনে ।
এতেক বিচারি তবে কহে হনুমানে ॥
ধার্মিক বানর তুমি বৃদ্ধ পুরাতন ।
অনীতি করিতে যুক্তি দেহ কি-কারণ ॥
শুনি যে, শাস্ত্রেতে হেন আছে বিবরণ ।
যত্র জীব, তত্র শিব-রূপে নারায়ণ ॥
দেখিয়া শুনিয়া কেন করিব দুর্নীতি ।
লজিয়া যাইতে বল, নাহি ধর্ম্মে মতি ॥

হনুমান্ বলে, আমি জাতিতে বানর ।
ধর্ম্মাধর্ম্ম-জ্ঞান কোথা পশুর গোচর ॥
ব্যথায় কাতর অঙ্গ, দেখ মহাশয় ।
কহিলাম বাক্যমাত্র, মনে যাহা লয় ॥
তুমি ধর্ম্মশীল বড়, হও সত্যবাদী ।
পরম-স্বজন, অতি দয়াগুণনিধি ॥
অভিপ্রায়ে বুঝিলাম, বড়-বংশে জন্ম ।
পথ ছাড়াইয়া রাখ, বাড়িবেক ধর্ম্ম ॥

তবে ভীম হেলা করি নিজ-বানহাতে ।
ধরিয়া তুলিতে যায়, নারিল নাড়িতে ॥
বিস্ময় মানিয়া তবে বীর বৃকোদর ।
শক্ত করি ধরিলেন দিয়া দুইকর ॥
যতেক আপন-শক্তি, কৈল প্রাণপণ ।
মহাশ্রমে নাড়িবারে নারে কদাচন ॥
বহিল অঙ্গেতে ঘাম, হইল কাঁফর ।
বিনয়-বচনে কহে যুড়ি দুইকর ॥
কে তুমি, দেবতা যক্ষ গন্ধর্ব্ব কিম্বর ।
রাক্ষস মানুষ কিংবা নাগের ঈশ্বর ॥
জানিলাম মোর দর্প নাশিতে বিশেষে ।
ছলিতে আইলে বৃদ্ধ-বানরের বেশে ॥
অজ্ঞানের অপরাধ ক্ষম মহাশয় ।
অবধানে শুন এবে মম পরিচয় ॥

চন্দ্রবংশে জন্ম রাজা পাণ্ডু মহামতি ।
 তাঁর ক্ষেত্রে জন্ম মোর, পবন-সন্ততি ॥
ভীমসেন নাম মম, জ্ঞান মহাশয় ।
মম জ্যেষ্ঠ যুধিষ্ঠির ধর্ম্মের তনয় ॥
রাজ্য-ধন ল'য়ে শত্রু পাঠাইল বনে ।
তপস্বীর বেশে ভ্রমি ভাই পঞ্চজনে ॥
কহিলাম নিজকথা তোমার অগ্রেতে ।
সম্প্রতি যাইব গন্ধমাদন-পর্ব্বতে ॥
আনিব স্রবর্ণ-পদ্ম ঈশ্বরের হেতু ।
পাঠাইয়া দিলা মোরে ভাই ধর্ম্মসেতু ॥
যে-কিছু বৃত্তান্ত কহিলাম মহাশয় ।
কৃপা করি দেহ মোরে নিজ-পরিচয় ॥

এতেক কহিল যদি ভীম মহামতি ।
প্রসন্ন হইয়া তবে কহেন মারুতি ॥
জিজ্ঞাসিলে, শুন তবে মম বিবরণ ।
কেশরীর ক্ষেত্রে জন্ম, পবন-নন্দন ॥
রামকার্য্য-হেতু মোরে সজিল বিধাতা ।
হনুমান্ নাম মোর রাখিলেন পিতা ॥
রাবণ রামের সীতা হরিল যখন ।
প্রাণপণে সাধিলাম রাম-প্রয়োজন ॥
সাগর লজিয়া কৈনু সীতার উদ্দেশ ।
তবে রাম করিলেন সৈন্য-সমাবেশ ॥
সমুদ্রে বাঙ্কিয়া সেতু সৈন্য হৈল পার ।
হইল রাবণ-রাজ সবংশে সংহার ॥
সীতা উদ্ধারিয়া রাম যান নিজবাণ ।
আমারে করিয়া কৃপা করিলেন দাস ॥
ভুচ্চা হ'য়ে সীতাদেবী দিলা মোরে বর ।
এইহেতু চারিযুগ হইনু অমর ॥
এই কদলীর খণ্ডে মোরে দিলা দান ।
রামের সেবক আমি, নাম হনুমান্ ॥

এতেক শুনিয়া তবে ভীম মহাবল ।
সাক্ষাৎ প্রণাম করে পড়ি ভূমিতল ॥
ভীম বলে, অপরাধ ক্ষমহ গৌসাই ।
যুধিষ্ঠির-তুল্য তুমি মম জ্যেষ্ঠভাই ॥

হনুমান্ বলে, ভাই, কেন হেন কহ ।
প্রাণের সমান তুমি, কভু দোষী নহ ॥
পূর্বে দেখিয়াছি আমি, জেনেছি কারণ ।
করিলাম এত ছল জানিবারে মন ॥

ভীমসেন বলে, যদি কৃপা হৈল মোরে ।
এক নিবেদন করি তোমার গোচরে ॥
নিজমূর্তি মহাশয়, করিয়া প্রকাশ ।
পুরাও আমার দেব, মন-অভিলাষ ॥

শুনিয়া হাসিল তবে হনুমান্ বীর ।
দেখিতে-দেখিতে হৈল পূর্বের শরীর ॥
অতি-তপ্ত-স্বর্ণ জিনি কিবা অঙ্গশোভা ।
বালসূর্য্য-সম যেন, চমৎকার প্রভা ॥
মনের আবেশে বাড়ে বীর হনুমন্ত ।
কি দিব উপমা, যেন পর্ব্বত জ্বলন্ত ॥
চক্ষু বুজি ভীমসেন ডাকে পরিত্রাহি ।
স্পন্দহীন হৈল অঙ্গ, আর নাহি চাহি ॥
মূর্ছাগত হ'য়ে বীর পড়ে ভূমিতলে ।
তথাপিহ মহাবীর বাড়ে কুতূহলে ॥
উর্দ্ধে লক্ষ-যোজন হইল পদ-নথ ।
ব্রহ্মাণ্ড-উপরে গিয়া ঠেকিল মস্তক ॥
বিশেষে দেখিয়া বীর ভীত রুকোদরে ।
পূর্ব্বমত দেহ পুনঃ মায়াধর ধরে ॥
আশ্বাসিয়া রুকোদরে করে সচেতন ।
মৃতদেহে সঞ্চারিল জীবন যেমন ॥

রুকোদর কহে দণ্ডাইয়া ঘোড়করে ।
বিস্তর বিনয় করি বানর-সৈন্যরে ॥

ভাগ্যেতে দেখিলু তোমা পূর্ব্বপুণ্যফলে ।
মনের বাসনা পূর্ণ হৈল এতকালে ॥
তোমার চরণে মোর এই নিবেদন ।
আমার পরম-শত্রু আছে দুর্ব্বোধন ॥
বনবাস-উপরমে যদি যুদ্ধ হয় ।

সেইকালে সাহায্য করিবে মহাশয় ॥

হাসিয়া বলিল তবে পবন-সন্তান ।
দেশ-কাল-পাত্র বুঝি করিব বিধান ॥
যখন যাহার সঙ্গে করিবে বিবাদ ।

তোমার সম্মুখে বীর, হবে সিংহনাদ ॥
অর্জুনের কপিধ্বজে হ'য়ে অধিষ্ঠান ।
দুই-স্থানে নিজশক্তি করিব বিধান ॥

দুই-শব্দে যেমন একত্র বজ্রাঘাত ।
শুনিয়া অনেক সৈন্য হইবে নিপাত ॥
যাহ গন্ধমাদনেতে, পুষ্প আছে যথা ।
কারো সঙ্গে দ্বন্দ্ব নাহি করিহ সর্ব্বথা ॥

কুবেরের পুষ্প সেই, রাখয়ে রক্ষক ।
সাধিবে আপন-কার্য্য বিনয়-পূর্ব্বক ॥
সবার বন্দিত দেব, বেদে হেন কয় ।
অনাদর করিলে যে পাপবৃদ্ধি হয় ॥

এতেক কহিয়া বীর মধুর-বচন ।
বিদায় করিল ভীমে দিয়া আলিঙ্গন ॥
কতদূর আগুসরি পথ দেখাইল ।

ভূমিতে পড়িয়া ভীম প্রণাম করিল ॥
পরম-কৌতুকে তবে রুকোদর-বীর ।
চলিল উত্তর-মুখে নির্ভয়-শরীর ॥

ভারত-পঙ্কজ-রবি মহামুনি ব্যাস ।
পাঁচালি-প্রবন্ধে রচে কাশীরাম দাস ॥

৭০। যক্ষগণের সহিত ভীমের যুদ্ধ ও সৌগন্ধিক
পুষ্পাহরণ ।

অতঃপর ভীম, পরাক্রমে ভীম,
চলিল উত্তর-পথে ।
দুইভিতে যত, আছয়ে পর্বত,
নানাবর্ণ রুক্ষ তাতে ॥
পরম-কৌতুকে, আপনার হুখে,
স্বচ্ছন্দ-গমনে যায় ।
মহাবলবান্, কি করে সন্ধান,
কে বুঝিবে অভিপ্রায় ॥
কত দিনান্তর, গন্ধ-গিরিবর,
বন-উপবন-শোভা ।
উচ্চ সব-শাখা, বিস্তারে আলেখ্য,
নব-জলধর-আভা ॥
সপ্ত শৃঙ্গ তথি, শোভা করে অতি,
তাঁহে নানা-তরুগণ ।
পবন-নন্দন, আনন্দিত-মন,
হুখে কৈল আরোহণ ॥
প্রতি-শৃঙ্গে পক্ষ, যুগ লক্ষ-লক্ষ,
পশুগণ অগণিত ।
নানা-পুষ্প বনে, মধুকর-গণে,
মধুপানে আনন্দিত ॥
কোকিল-কাকলি, গুঞ্জরিছে অলি,
বিবিধ-পক্ষীর রব ।
দেখে নানা-স্থানে, সকল সোপানে,
দেবের আশ্রম-সব ॥
তাহার উত্তর, রম্য-সরোবর,
সুবর্ণ-পঙ্কজ-বন ।
দক্ষিণ-পবন, বহে অনুক্ষণ,
আমোদে মোহিত মন ॥

গন্ধ-অনুসারে, চলিল উত্তরে,
পুষ্পহেতু মহাবুদ্ধি ।
দেখি সরোবর, বীর বৃকোদর,
জানিল কার্যের সিদ্ধি ॥
স্বাসিত-জলে, কনক-কমলে,
মধুপান করে ভৃঙ্গ ।
তথি লাখে-লাখ, হংস চক্রবাক,
বিহরে প্রিয়ান সঙ্গ ॥
ডাছকী-ডাছকে, ভ্রমে নানা-হুখে,
সারস সরস-মতি ।
পুষ্প-মকরন্দ, সদা বহে গন্ধ,
বায়ু বহে মন্দগতি ॥
কারণবরন্দ, পরম-আনন্দ,
সদাই সানন্দ হ'য়ে ।
মজি মনোভবে, কেলি করে সবে,
নিজ-পরিবার ল'য়ে ॥
আছে লক্ষ-লক্ষ, যক্ষরাজ-পক্ষ,
তথায় রক্ষক হ'য়ে ।
মানিয়া বিশ্বয়, ভীমসেন কয়,
এরা মম গণ্য নহে ॥
নির্ভয়-শরীর, বৃকোদর-বীর,
দেখিয়া নির্মল জল ।
স্নান করি হৃষ্ট, পূজা কৈল ইষ্ট,
কৌতুকে তুলে কমল ॥
দেখি পরস্পর, কহে অনুচর,
কুবের-কিঙ্কর যত ।
দেবের উদ্গানে, ভয় নাহি মনে,
দেখি যে অজ্ঞান-মত ॥

কেহ বলে উঠ, কনক-কমল-ফুল ।	না করহ নষ্ট, হাসি বৃকোদর,	কহে, ওহে চর, কি-হেতু যাইব তথা ।
অল্লতর-প্রাণ, কি জানে ইহার মূল ॥	মানুষ অজ্ঞান, আদিয়া পাণ্ডব,	পুষ্প নিল সব, কহ গিয়া এই কথা ॥
কোন সাধুজন, কহে ভীমসেন-প্রতি ।	মধুর-বচন, ভীম মহাবল,	তোলয়ে কমল, না মানিল যদি মানা ।
কহ মহামতি, কি-হেতু হেথায় গতি ॥	কাহার সন্ততি, কুবের-কিঙ্কর,	হাতে ধনুঃশর, রুঘিল সকল সেনা ॥
এই সরোবর, ঈশ্বর ইহার হয় ।	যক্ষের ঈশ্বর, ভীমের উপর,	এড়ে সবে শর, বৃষ্টিবৎ পড়ে গায় ।
দেখি সাধু-হেন, তারে নাহি কর ভয় ॥	ভাল-মন্দ জান, ক্রোধে বৃকোদর,	উঠিয়া সত্বর, মারিল বৃক্ষের ঘায় ॥
ভীম বলে, মম, পাণ্ডুর নন্দন আমি ।	বৃকোদর নাম, মারিল যতেক,	কহিব কতেক, যে-কিছু আছিল শেষ ।
ভয় নাহি মনে, স্বচ্ছন্দে সর্বত্র ভ্রমি ॥	এ-তিন-ভুবনে, কান্দি উচ্চৈঃস্বরে,	কহিল কুবেরে, নিশ্চয় মজিল দেশ ॥
ক্ষিতিপালশ্রেষ্ঠ, যুধিষ্ঠির মহারাজা ।	মম ভাই জ্যেষ্ঠ, নর একজন,	বিকৃত-লক্ষণ, মারিয়া রক্ষককুল ।
পুষ্প আনিবারে, করিবেন দেবপূজা ॥	পাঠাইলা মোরে, ভুলিলেক কত,	সরোবরে যত, আছিল কমলফুল ॥
পুষ্প ল'য়ে আমি, করিতে ঈশ্বর-সেবা ।	যাব শীঘ্রগামী, কহে সেই নর,	নাম বৃকোদর, পাণ্ডু নৃপতির স্তত ।
অন্য-কর্ম নয়, এমত দুর্বল কেবা ॥	কি-কারণে ভয়, শুন মহাশয়,	কহিনু নিশ্চয়, যক্ষকুল হৈল হত ॥
অনুচর কয়, যক্ষরাজে গিয়া বল ।	যাহ মহাশয়, কহে যক্ষরাজ,	ঘন্থে নাহি কাজ, তনয়-অধিক হয় ।
নহিলে বলহ, তবে কি হইবে ভাল ॥	করিবে কলহ, আমার উত্তর,	কহিয়া সত্বর, পুষ্প দেহ, যত লয় ॥

আসি চরণে, মধুর-বচনে,
 সাস্বাইল ভীমসেনে ।
 হেথা ধর্মস্থত, ত্রিবিধ-উৎপাত,
 দেখয়ে শর্ব্বরী-দিনে ॥
 উচাটন-মতি, মুনিগণ-প্রতি,
 করিলেন নিবেদন ।
 কহ মুনিবর, ভাই বৃকোদর,
 না আইল কি-কারণ ॥
 মুনিগণ কয়, না করিহ ভয়,
 ভীমে কে হিংসিতে পারে ।
 কহে যুধিষ্ঠির, প্রাণ নহে স্থির,
 যাবৎ না দেখি তারে ॥
 ভারতের কথা, হৃথ-মোক্ষ-দাতা,
 কহিলেন মুনি ব্যাস ।
 পাঁচালির ছন্দে, মনের আনন্দে,
 বিরচিল তাঁর দাস ॥

৭১। ভীমাবেষণে যুধিষ্ঠিরাদির যাত্রা ।

যুধিষ্ঠির বলে, মুনি, কর অবধান ।
 ভীমের বিলম্বে মম ব্যাকুল পরাণ ॥
 কেমন দুর্ব্বুদ্ধি প্রভু, হৈল মম মনে ।
 ভীমেরে পাঠানু আমি পুষ্পের কারণে ॥
 যখন বিপৎকাল হয় উপস্থিত ।
 পাণযুক্ত-বুদ্ধিতে আচ্ছন্ন হয় চিত ॥
 কুর্কর্ম যতেক বুঝে হৃকর্মের প্রায় ।
 নহে কেন প্রবর্ত্তি বকপট-পাশায় ॥
 আশ্চর্য্য দেখহ আর বিধির ঘটন ।
 পঞ্চভাই কৃষ্ণ-সহ আইলাম বন ॥

অঙ্গশিক্ষা-হেতু পার্থ স্বর্গেতে রহিল ।
 বৃথা-কার্য্য-পুষ্প-হেতু ভীমসেন গেল ॥
 ব্যস্ত প্রাণ না দেখিয়া দৌহাকার মুখ ।
 বিধি দেয় ছুঃখের উপরে আরো দুখ ॥
 এত বলি ঘটোৎকচে করেন স্মরণ ।
 স্মরণ করিবামাত্র ভীমের নন্দন ॥
 আসিয়া সবার পদে করিল প্রণতি ।
 আশীর্ব্বাদ করিয়া বলেন নরপতি ॥
 ভাগ্যে আজি দেখিলাম বদন তোমার ।
 মন দিয়া শুন বাপু, কহি সমাচার ॥
 পুষ্পহেতু গেল ভীম জনক তোমার ।
 চারিদিন নাহি পাই তার সমাচার ॥
 এইহেতু চিন্তা সদা হ'তেছে আমার ।
 ঘটোৎকচ, এ-সঙ্কটে করহ উদ্ধার ॥
 প্রাণের অধিক মম বৃকোদর ভাই ।
 শীঘ্রগতি চল, সবে তথাকারে যাই ॥
 আমারে লইবে আর ভাই দুইজন ।
 সকল বর্ণের গুরু লইবে ব্রাহ্মণ ॥
 দ্রুপদ-নন্দিনী কৃষ্ণা জননী তোমার ।
 সে-কারণে লইবারে মোর অঙ্গীকার ॥
 ঘটোৎকচ বলে, দেব, তোমার আজ্ঞায় ।
 পৃথিবী বহিতে পারি, কত বড় দায় ॥
 মোর পৃষ্ঠে আরোহণ কর সর্ব্বজনে ।
 তোমার প্রসাদে তথা যাব এইক্ষণে ॥
 এত শুনি ভূষ্ঠ হ'য়ে ধর্ম্মের নন্দন ।
 প্রশংসা করিয়া বহু দেন আলিঙ্গন ॥
 আরোহণ কৈল আগে ব্রাহ্মণ-মণ্ডলী ।
 কৃষ্ণা-সহ তিন-ভাই বসে কুতূহলী ॥
 চলিল ভীমের পুত্র ভীম-পরাক্রম ।
 অনাগ্রাসে গমনে তিলেক নাহি ক্ষম ॥

দেখিয়া বনের শোভা আনন্দিত সবে ।
 কুহুমিত-কাননে কোকিল কলরবে ॥
 মধুপানে মত্ত হ'য়ে ভ্রমর ঝঙ্কার ।
 অনঙ্গ-মোহিত অঙ্গ রঙ্গে সবাঁকার ॥
 পশু-পক্ষি-মুগেতে পূরিত বনস্থল ।
 দিব্য-সরোবর, তাহে শোভিত কমল ॥
 বিহরে কোঁতুকে রাজহংস চক্রবাক ।
 নানাবর্ণ-কচ্ছপ বিহরে লাথে-লাথ ॥
 বিবিধ তড়াগ কূপ বহু-নদ-নদী ।
 স্বাবর-জঙ্গম যত, কে করে অবধি ॥
 প্রতিডালে নানাপক্ষী করে কলরব ।
 কোঁতুকে দেখিছে যেন মহামহোৎসব ॥
 লজ্জিয়া উদ্ভান-সব উপবন যত ।
 উদ্দেশ্য পাইল গন্ধমাদন-পর্বত ॥
 নানা-কথা কহিতে লাগিল মুনিগণ ।
 শুনিয়া সানন্দ বড় ধর্ম্মের নন্দন ॥
 এইমত অল্পদিনে রাজা যুধিষ্ঠির ।
 উপনীত, যথা আছে বৃকোদর-বীর ॥
 দেখিল অনেক সৈন্য কুবের-কিঙ্কর ।
 যুদ্ধেতে লইল প্রাণ বীর বৃকোদর ॥
 দিব্য-সরোবর দেখে অগাধ-সলিল ।
 কমল-কুমুদ রক্ত-খেত-গীত-নৌল ॥
 জলজন্তু বিহঙ্গম অতি-মনোহর ।
 কুহুম-উদ্ভান চারিতটের উপর ॥
 জীড়ায় কোঁতুকযুত ভীম মহামতি ।
 হেনকালে দেখিল, আগত ধর্ম্মপতি ॥
 লোমশ-ধৌম্যের কৈল চরণ-বন্দন ।
 মাত্রীপুত্র দুইজনে কৈল আলিঙ্গন ॥
 মধুর-সন্তোষে ঢুকা কৈল যাজ্ঞসেনী ।
 ভীমে সম্বোধিয়া কহে ধর্ম্ম-নৃপমণি ॥

শুন ভাই, তব যোগ্য নহে এই কর্ম্ম ।
 দেব-দ্বিজ-হিংসা নহে ক্ষত্রিয়ের ধর্ম্ম ॥
 হেন কর্ম্ম কভু নাহি করিবে সর্ব্বথা ।
 কিছু না কহিয়া ভীম রহে হেঁটমাথা ॥
 বিদায় লইল তবে ঘটোৎকচ-বীর ।
 দিনকত তথায় রহেন যুধিষ্ঠির ॥
 সুবর্ণ-পঙ্কজ-পুষ্প তুলি সর্ব্বজনে ।
 ইন্দের অর্চনা করে আনন্দিত-মনে ॥
 ছায়া-সুশীতল জল-স্থল মনোরম ।
 সহজে স্থখের স্থান দেবের আশ্রম ॥
 যুগয়া করেন নিত্য ভীম মহাবল ।
 আনয়ে বনের ফল ব্রাহ্মণ-সকল ॥
 ভক্তিভরে দ্রুপদ-নন্দিনী সাবধানা ।
 ব্রাহ্মণ-পালনে রতা জননী-সমানা ॥
 এমনি কোঁতুকযুক্ত আছে সর্ব্বজন ।
 একদিন শুন তথা দৈবের ঘটন ॥
 যুগয়া করিতে ভীম গেল দূর-বনে ।
 ধৌম্য-পুরোহিত গেল সরোবর-স্থানে ॥
 লোমশ পুষ্পের হেতু প্রবেশিল বন ।
 নিঃসহায় আশ্রমে থাকেন চারিজন ॥
 হেনকালে জটাসুর বকের বান্ধব ।
 বন্ধুর পরম-শত্রু জানিয়া পাণ্ডব ॥
 হিংসা-হেতু আশ্রয় করিল সেই-বন ।
 ছিদ্র খুঁজি সাবধানে থাকে অনুরূপ ॥
 না পারে লজ্জিতে দুই ভীমে করি ভয় ।
 বিশেষ রক্ষকমস্ত্র ব্রাহ্মণ পঠয় ॥
 দৈবযোগে সেই-দিন দেখি শূন্যালয় ।
 শীত্রগতি আসে তথা দুই চুরাশয় ॥
 ভয়ঙ্কর-মূর্তি অতি, গভীর-গর্জনে ।
 কহিতে লাগিল দুই ধর্ম্মের নন্দনে ॥

আরে পাপমতি দুষ্ট পাপিষ্ঠ পাণ্ডব ।
 হিড়িম্বক-আদি মোর বন্ধু ছিল সব ॥
 সবাকৈ মারিল দুষ্ট ভীম তোর ভাই ।
 সেই-অনুতাপে আমি নিদ্রা নাহি যাই ॥
 স্ববাস্তিত ফল আজি বিধাতা ঘটাল ।
 সে-কারণে চারিজনে একান্তে মিলিল ॥
 নিশ্চয় নিধন আজি করিব সবাকৈ ।
 ভীমার্জুন মরивেক তোমাদের শোকে ॥
 নিপাত হইল শত্রু, কাল হৈল পূর্ণ ।
 এতেক বলিয়া দুষ্ট ধরিলেক তূর্ণ ॥
 পৃষ্ঠে আরোপিয়া সবে অতি শীঘ্রগতি ।
 ভীমে ভয় করিয়া পলায় দুষ্টমতি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৭২ । অটাস্বর-বধ এবং পাণ্ডবদিগের
 বদরিকাশ্রমে যাত্রা ।

বুধিষ্ঠির বলে, ওরে রাক্ষস অধম ।
 বুঝিলাম, আজি তোরে স্মরিলেক যম ॥
 অহিংসক-জনেরে হিংসয়ে যেইজন ।
 অল্পকালে দণ্ড তারে করয়ে শমন ॥
 না বুঝিয়া কি-কারণে করিস্ কুকৰ্ম্ম ।
 পাপেতে পড়িলি দুষ্ট, মজাইলি ধৰ্ম্ম ॥
 ধৰ্ম্ম নষ্ট করি যার হৃথে অভিলাষ ।
 সৰ্ব্ব-ধৰ্ম্ম নষ্ট হয়, নরকেতে বাস ॥
 শীঘ্র দুষ্টাচার-ফল ফলিবে তোমার ।
 হইবি ভীমের হাতে সবংশে সংহার ॥
 দ্রুপদ-নন্দিনী কৃষ্ণা এইসব দেখি ।
 পরিজাহি ডাকে দেবী মুদি দুই আঁখি ॥

হা কৃষ্ণ করুণাসিদ্ধ, কৃপায় নিধান ।
 করহ কমলাকান্ত, কষ্টে পরিজ্ঞান ॥
 তোমারে পাণ্ডব-বন্ধু বলি লোকে কয় ।
 সেই-কথা পালন করিতে যোগ্য হয় ॥
 কোথা গেলে ভীমসেন, করহ উদ্ধার ।
 তোমা-বিনা এ-দুস্তরে কে তারিবে আর ॥
 কোথায় রহিলে গিয়া বীর ধনঞ্জয় ।
 রক্ষা কর, পাণ্ডুবংশ মজিল নিশ্চয় ॥
 বিকলা হইয়া কৃষ্ণা কান্দে উভরায় ।
 কতদূর হৈতে ভীম শুনিবারে পায় ॥
 বুঝিল অমনি বীর, কান্দে যাক্ষসেনী ।
 ব্যগ্র হ'য়ে বীরবর ধাইল অমনি ॥
 দেখিল, পলায় দুষ্ট হরি চারিজনে ।
 ডাকিয়া কহিল ভীম আশ্বাস-বচনে ॥
 তিলান্ন মনেতে ভয় না কর রাক্ষসে ।
 এখনি মারিব দুষ্টে চক্ষুর নিমেষে ॥

এত বলি উপাড়িয়া দীর্ঘ-তরুবর ।
 ডাকি বলে, রহ-রহ পাপিষ্ঠ পামর ॥
 পাইয়া ভীমের শব্দ বেগে ধায় জটা ।
 গগনমণ্ডলে যেন নব-ঘনঘটা ॥
 অস্ত্রের কৰ্ম্ম দেখি বেগে বীর ধায় ।
 ঘুরায়ে বৃক্ষের বাড়ি মারিল মাথায় ॥
 বৃক্ষাঘাতে ব্যথা পেয়ে অতি-ক্রোধমনে ।
 ভীমেরে ধরিল দুষ্ট ছাড়ি চারিজনে ॥
 ধাইয়া ভীমের হাতে দিল এক টান ।
 টলাতে নারিল ভীমে, পায় অপমান ॥
 ক্রোধে কম্পমান তনু বৃক্ষ ল'য়ে হাতে ।
 প্রহার করিল দুষ্ট বৃকোদর-মাথে ॥
 পরশি ভীমের মাথে বৃক্ষ হৈল চূর ।
 বক্ষেতে চাপড় ক্রোধে মারিল অস্ত্র ॥

করাঘাতে কম্পমান বৃকোদর-বীর ।
 অঙ্গে বহে শ্রমজল, হইল অস্থির ॥
 মারিল জটোর বৃকে দৃঢ় মুষ্ঠ্যাঘাত ।
 পর্বত-উপরে যেন হৈল বজ্রাঘাত ॥
 ভীমের ভৈরব-নাদ, অস্থরের শব্দ ।
 কানন-নিবাসী যত শুনি হৈল স্তব্ধ ॥
 বৃকাঘাত-করাঘাত-পদাঘাত-ঘাতে ।
 দ্বিতীয়-প্রহর যুদ্ধ হৈল হেনমতে ॥
 মল্লযুদ্ধ-বিশারদ দৌড়ে মহাবল ।
 সিংহনাদে প্রপূরিল সর্ব-বনস্থল ॥
 ধরাধরি করি দৌড়ে ক্ষিতি-পরে পড়ি ।
 যুগল-হস্তীর প্রায় যায় গড়াগড়ি ॥
 কণেক উপরে ভীম, কণেক রাক্ষস ।
 সমান-শক্তি দৌড়ে, সমান-সাহস ॥
 তবে বীর বৃকোদর পেয়ে অবসর ।
 সারিয়া উঠিল জটাস্থরের উপর ॥
 বৃকের উপরে বসি পদে চাপে কর ।
 বামহস্তে গলা চাপি ধরিল সত্তর ॥
 ভুলিয়া দক্ষিণ-কর মুষ্ঠ্যাঘাত মারি ।
 ভাঙ্গিয়া ফেলিল তার দন্ত দুই-সারি ॥
 পদাঘাতে শিরোদেশ করিলেন চূর ।
 ত্যজিল পরাণ পাপী দুরন্ত-অস্থর ॥

দেখিয়া আনন্দযুক্ত ধর্মের নন্দন ।
 শিরোস্ত্রাণ করি ভীমে দেন আলিঙ্গন ॥
 কৌতুকে লোমশ-ধোম্য করে আশীর্বাদ ।
 মরিল অস্থর দুর্ভেদ, ঘুচিল বিষাদ ॥
 আসিয়া আশ্রমে সবে হরিষ-বিধানে ।
 নিত্য-নিয়মিত কর্ম কৈলা জনে-জনে ॥
 পরদিন প্রাতঃকালে ধর্ম-অধিকারী ।
 কহেন লোমশ-প্রতি করবোড় করি ॥

এক নিবেদন মম শুন মহাশয় ।
 অতঃপর এইস্থানে থাকা যোগ্য নয় ॥
 দেখ, দুর্ভেদ জটাস্থর মরিল পরাণে ।
 শুনিয়া আসিবে রুধি তার বজ্রজনে ॥
 সে-কারণে এই-স্থানে বাস যোগ্য নয় ।
 বুঝিয়া করহ কর্ম, উচিত যা হয় ॥
 লোমশ বলেন, সত্য কহিলে স্মৃতি ।
 এই যুক্তি সার বলি লয় মম মতি ॥
 ব্যাসের আশ্রম বদরিকা-পুণ্যস্থানে ।
 তথায় চলহ সবে, থাকি শ্রীতমনে ॥
 এতেক শুনিয়া সবে লোমশের স্থানে ।
 প্রশংসা করিয়া তথা যায় সর্বজনে ॥
 পর্বত-উপরে বৃক্ষচ্ছায়া-স্থগীতল ।
 কমলে শোভিত রম্য-সরোবর-জল ॥
 দেখেন অনেকবিধ কৌতুক বিহিত ।
 বদরিকা-পুণ্যশ্রমে সবে উপনীত ॥
 আনন্দে রহেন তথা চারি-সহোদর ।
 অর্জুন-বিচ্ছেদে সবে কাতর-অস্তর ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৭৩। পাণ্ডবদিগের বদরিকাশ্রম হইতে গন্ধমাদন-
 পর্বতে যাত্রা ।

কহেন জনমেজয়, কহ তপোধন ।
 বদরিকাশ্রমে যান পাণ্ডুর নন্দন ॥
 কেমনে রহেন তথা অর্জুন-বিহনে ।
 বিস্তারিয়া কহ মুনি, শুনিব শ্রবণে ॥
 মুনি বলে, অবধান কর নৃপবর ।
 বনবাসে গত হয় চতুর্ধ-বৎসর ॥

পঞ্চবর্ষে প্রবেশিয়া সপ্তমাস গেল ।
একদিন পঞ্চজন একান্তে বসিল ॥
অৰ্জুন-বিহনে সবে নিরানন্দ-মন ।
কহিতে লাগিল কৃষ্ণা করিয়া রোদন ॥

দেখ মহারাজ, এই দৈবের কারণ ।
সর্বস্ব-বিলাসে বঞ্চিত এইজন ॥
যে-হেতু অৰ্জুন গেল অস্ত্র শিখিবারে ।
হইল বৎসর-পঞ্চ, না দেখি তাহারে ॥
প্রাণের বিহনে যেন শরীর-ধারণ ।
অৰ্জুন-বিচ্ছেদে আমি আছি হে তেমন ॥
তোমা-সবাংকার মনে না জানি কি লয় ।
পার্শ্বের বিহনে মম প্রাণ স্থির নয় ॥

ভীম বলে, যা কহিলে দ্রুপদ-নন্দিনী ।
শীর্ণ মম কলেবর এই সব গণি ॥
সূর্যের সমান সেই সর্ব-গুণাধার ।
শাসিলাম মহী বাহুবলেতে যাহার ॥
যাহার তেজেতে হৈল সুরাসুর বশ ।
এ-তিন-ভুবনে যার প্রকাশিল যশ ॥
তাহার বিহনে রুখা জীবন-ধারণ ।
হেনকালে কহে দৌহে মাত্রীর নন্দন ॥

যতদিন নাহি দেখি পার্শ্ব মহাবীর ।
আহারে অরুচি, চিত্ত সদাই অস্থির ॥
কোথা দিব ভুলনা সে অৰ্জুনের গুণ ।
পাণ্ডবকুলের চক্ষু কেবল অৰ্জুন ॥
তবে যদি পার্শ্ব-সহ না হয় দর্শন ।
আমরা ত্যজিব প্রাণ, এই নিরূপণ ॥

এত শুনি কহিলেন ধর্ম-নৃপমণি ।
কহিলে যতেক কথা, সব আমি জানি ॥
অনাধ্য-সাধন-হেতু যেই ভাই মূল ।
তাহার বিচ্ছেদে মম পরাণ আকুল ॥

কিস্ত আমি শুনিয়াছি মুনির বচন ।
অৰ্জুন অজ্ঞেয়, হেন কহে সর্বজন ॥
চিন্তা না করিহ কিছু তাহার কারণে ।
পূর্বকথা স্মরণ হইল এতদিনে ॥
কহিল আমারে পার্শ্ব গমনের কালে ।
আশীর্বাদ করিহ যে, আসি ভালে-ভালে ॥
চিন্তা না করিহ কিছু আমার কারণে ।
পঞ্চবর্ষে আসি পুনঃ নমিব চরণে ॥
গঙ্গামাদনেতে সবে করিবে গমন ।
সেইখানে আসি আমি মিলিব তখন ॥
চলহ, তথায় শীঘ্র যাই সর্বজন ।
অবশ্য অৰ্জুন-সঙ্গে হবে দরশন ॥

এত বলি নত্নভাবে ধর্মের নন্দন ।
লোমশ-মুনির করিলেন নিবেদন ॥
আশ্বাসিয়া মুনিবর কহে এই-কথা ।
চল শীঘ্র, অবশ্য যাইব সবে তথা ॥
চলিল লোমশ অগ্রে ধৌম্যের সহিত ।
কৃষ্ণা-সহ চারিভাই যান হরষিত ॥
দুর্গম-কানন-পথ লজ্জি শত-শত ।
উদ্দেশিয়া যান গঙ্গামাদন-পর্বত ॥
নানাবিধ গিরি-বন বহু-নদ-নদী ।
পশু-পক্ষী বৃক্ষ-লতা কে করে অবধি ॥
নানা-মিষ্ট-আলাপনে হর্ষযুক্ত-মন ।
ছাড়িয়া মৈনাক-আদি করিলা গমন ॥
উত্তরেতে হিমালয় পর্বতের শ্রেষ্ঠ ।
কতদূরে গিয়া গঙ্গামাদন হৈল দৃষ্ট ॥
পরম-সুন্দর শুর শ্ফটিক-সঙ্কাপ ।
দেখিয়া সবার হৈল পরম-উল্লাস ॥
যত্নে উঠিলেন সবে অতি-উচ্চ-গিরি ।
তথা থাকি দেখিলেন কুবেরের পুরী ॥

দূরেতে নগরবর অতিশোভা ধরে ।
 হইল অমরাবতী-ভ্রম সবাকারে ॥
 বিবিধ প্রশংসা তার করি সর্বজন ।
 কোঁতুকে দেখয়ে সবে গিরি-উপবন ॥
 কুবের-শাসিত সেই হয় গিরিবর ।
 রক্ষা-হেতু আছে লক্ষ যক্ষ-অনুচর ॥

একদিন প্রাতঃকালে উঠি যুধিষ্ঠির ।

কৃষ্ণা-সহ চারিভাই হ'লেন বাহির ॥
 সহিত লোমশ-ধৌম্য-আদি মুনিগণ ।
 পরম-কোঁতুকে প্রবেশেন পুষ্পবন ॥
 শীতল স্নগন্ধ বহে মন্দ-সমীরণ ।
 প্রফুল্ল হইল গন্ধে সবাচার মন ॥
 নানা-পুষ্পে মধুপান করিছে ভ্রমর ।
 কোকিল ঝঙ্কার করে বসন্ত-কিঙ্কর ॥
 দেখিয়া প্রশংসা করি সাধু-সাধু বলে ।
 মনের মানসে সবে নানা-পুষ্প ভুলে ॥
 গতায়াতে ভয় হৈল বহু-পুষ্পবন ।
 দেখিয়া কুপিল যত অনুচরগণ ॥
 ডাকিয়া বলিল, শুন মনুষ্য অধম ।
 এতদিনে সবারে স্মরণ কৈল যম ॥
 আরে মন্দমতি, এই দেবের আলয় ।
 করিলি ঈদৃশ-কাজ, মনে নাহি ভয় ॥
 ইহার উচিত ফল এইকণে দিব ।

মুহূর্ত্তেকে যমালয়ে সবারে পাঠাব ॥

এত বলি চতুর্দিকে বেড়ে সর্বজনে ।

অন্ধকার করিলেক অস্ত্র-বরিষণে ॥
 দেখিয়া কুপিল তবে ভীম মহাবল ।
 মুহূর্ত্তেকে নিবারিল রক্ষক-সকল ॥
 মারিল যতেক, তাহা কে করে গণনা ।
 প্রাণভয়ে পলাইল শেষ যতজন ॥

অতিত্রাসে উদ্ধ্বাসে ধায় অতিবেগে ।
 কান্দিয়া কহিল গিয়া কুবেরের আগে ॥

অবধান মহারাজ, করি নিবেদন ।
 পুষ্পবনে আসিয়াছে নর একজন ॥
 ভাঙ্গিয়া পুষ্পের বন মারিল রাক্ষসে ।
 কাহারে না করে ভয় অসম-সাহসে ॥
 বলেতে সমান তার নহে কোনজন ।
 বিনয় করিলে তবু না শুনে বচন ॥
 যতেক রক্ষকগণে মারিল সকল ।
 তাহে রক্ষা পাইয়াছি আমরা কেবল ॥
 বিরোধ তাহার সাথে বড়ই সংশয় ।
 বুঝিয়া করহ কৰ্ম্ম, উচিত যে হয় ॥

শুনিয়া চরের মুখে এতেক ভারতী ।

জলন্ত-অনল-তুল্য কোপে যক্ষপতি ॥
 সাজিল অনেক সৈন্য চতুরঙ্গ-সেনা ।
 যক্ষ রক্ষ পিশাচ গন্ধর্ব্ব অগণনা ॥
 যথায় ধর্ম্মের স্রুত কুসুম-কাননে ।
 উত্তরিল যক্ষপতি অতি-ক্রোধমনে ॥
 দেখিয়া জানিল এই রাজা যুধিষ্ঠির ।
 ছুই-মাদ্রোপুত্র-সহ-বৃকোদর-বীর ॥
 নিকট হইল যবে ধর্ম্ম-নরবর ।
 কহিতে লাগিল ক্রোধে গুহ্বক-ঈশ্বর ॥

বড়বংশে জন্ম রাজা, নহ ত অজ্ঞান ।

কি-কারণে কর কৰ্ম্ম নীচের সমান ॥
 দেবতা-ব্রাহ্মণ-হেতু ক্ষত্রিয়ের জন্ম ।
 পুনঃপুনঃ হিংসা কর ত্যজিয়া স্বধর্ম্ম ॥
 ক্ষমায় না কহি কিছু, ধর্ম্মভয় বাসি ।
 পুনঃপুনঃ ক্ষিপ্তমত কৰ্ম্ম কর আসি ॥
 নহি আমি হীনশক্তি, না হই দুর্ব্বল ।
 মুহূর্ত্তেকে দিতে পারি সমুচিত-ফল ॥

এতেক শুনিয়া তবে ধর্ম্মের তনয় ।
করঘোড় করিয়া কহেন সবিনয় ॥
রূপার সাগর ভূমি দয়ার নিধান ।
বিশেষে বালক ভীম, কিবা তার জ্ঞান ॥
জনক না লয় যথা বালকের দোষ ।
রূপা করি দূর কর মনের আক্ৰোশ ॥
ইত্যাদি অনেকমতে করিয়া স্তবন ।
যক্ষরাজে ভূষিলেন ধর্ম্মের নন্দন ॥

তুষ্ট হ'য়ে বর দিয়া মধুর-সস্তাষে ।
মনুষ্য-বাহনে গেল আপন-নিবাসে ॥
পরম-কৌতুক-মনে ধর্ম্ম-নরপতি ।
মনোরম-স্থান দেখি করেন বসতি ॥
নানাস্থখে মহানন্দে রহে সর্ব্বজন ।
অনুক্ষণ ধ্যান অর্জুনের আগমন ॥
ভারত-পঞ্চজ-রবি মহামুনি ব্যাস ।
পাঁচালি-প্রবন্ধে বিরচিল তাঁর দাস ॥

৭৪। ইন্দ্রালয়ে অর্জুনের সপ্ত-স্বর্গ-
দর্শনার্থ যাত্রা ।

এদিকে ইন্দ্রের পুরে বীর ধনঞ্জয় ।
ইন্দ্রের আদরে পান সর্ব্বত্র বিজয় ॥
নানাবিগ্ণা পাইলেন নাহি পরিমাণ ।
রূপে-গুণে-পরাক্রমে ইন্দ্রের সমান ॥
দেবতা গন্ধর্ব্ব যক্ষ রক্ষ বিচাধর ।
আছিল ছত্রিশ-কোটি যত পরাংপর ॥
শিখাইল অস্ত্র-সহ সবে নিজ-মায়া ।
ইন্দ্রের নন্দন জানি সবে করে দয়া ॥

১। এখানে দেবতা ।

নৃত্য-গীতে বিশারদ ক্ষমী নত্ন ধীর ।
শান্তি শক্তি সদা সর্ব্বগুণেতে গভীর ॥
হেনমতে মহামুখে আছে কুন্তীসুত ।
দেখিয়া আনন্দযুত দেব-পুরুষুত ॥
তবে ইন্দ্র জানিল অর্জুনের পরাক্রম ।
স্বরাস্ত্র-নাগ-নরে কেহ নহে সম ॥
নিবাতকবচ-দৈত্য কালকেয়-আদি ।
অসাধ্য-দমন যত দেবের বিবাদী ॥
বিনা-পার্শ্ব নাশিবারে নাহি অন্তজন ।
আনিলাম অর্জুনের এই সে কারণ ॥
প্রাণের অধিক প্রিয় পুত্র ধনঞ্জয় ।
হেন সঙ্কটেতে পাঠাইতে যোগ্য নয় ॥
নহিলে না হয় কিন্তু বৈরী-নিপাতন ।
সাক্ষাতে কহিতে লজ্জা পায় মোর মন ॥

এমত উদ্বেগচিত্ত অমরের পতি ।
ডাকিয়া আনিল শীঘ্র মাতলি-সারথি ॥
একে-একে কহিল যতেক সমাচার ।
পার্শ্ব-বিনা নাহি ইথে করিতে উদ্ধার ॥
না কহিয়া ধনঞ্জয়ে এই বিবরণ ।
ছলে পাঠাইব স্বর্গ করিতে ভ্রমণ ॥
যাইবে সহিতে ভূমি, জানাবে সকল ।
প্রথমে যাইবে যত দেবতার স্থল ॥
সপ্তস্বর্গে বাস করে যত-যত-জন ।
দেবতা গুহ্যক সিদ্ধ গন্ধর্ব্ব চারণ ॥
ক্রমে-ক্রমে দেখাইবে সবার আলয় ।
প্রফুল্ল দেখিবে যবে বীর ধনঞ্জয় ॥
আমার পরম-শত্রু কহিবে অস্ত্র ।
গতায়াতে পথভ্রমে যাইবে সে-পুর ॥

জানিয়া বিরোধ পার্থ অবশ্য করিবে ।
 অর্জুনের বাণে ছুষ্ট নিহত হইবে ॥
 এমত হইলে তবে ঘৃচিবে অনর্থ ।
 এইরূপে সাধ কার্য্য, না জানিবে পার্থ ॥

শুনিয়া মাতলি কহে, যে-আজ্ঞা তোমার ।

এরূপ হইলে হবে অশ্রু-সংহার ॥
 মাতলিরে বিদায় করিল শ্রমগণি ।
 হেনমতে গেল দিন, প্রভাতা রজনী ॥
 উঠিয়া সানন্দমতি সহস্রলোচন ।
 নিত্য-নিয়মিত-কর্ম্ম করি সমাপন ॥
 বসিলা সভার মাঝে সহস্রলোচন ।
 মাতলি আসিয়া অগ্রে করে নিবেদন ॥

হেনকালে উপনীত পার্থ ধনুর্ধর ।

নিজপার্শ্বে বসাইল শরীর ঈশ্বর ॥
 প্রশংসা করিয়া অঙ্গে বুলাইলা হাত ।
 কহিলা পার্থের প্রতি বিবুধের নাথ ॥
 স্বকার্য্য সাধিলা পুত্র, আপনার গুণে ।
 অনেক বিলম্ব হৈল সেই সে কারণে ॥
 না দেখি তোমার মুখ ধর্ম্মের তনয় ।
 চিন্তাযুক্ত হ'য়েছেন, মম মনে লয় ॥
 এখন বিলম্বে আর নাহি কিছু কাজ ।
 ভেটিতে উচিত হয় শীঘ্র ধর্ম্মরাজ ॥
 রথে আরোহণ করি মাতলি-সংহতি ।
 স্বর্গের বিভব দেখি এস শীঘ্রগতি ॥

আজ্ঞা পেয়ে আনে রথ মাতলি সঙ্ঘর ।

ইন্দ্রে প্রণাম করি পার্থ ধনুর্ধর ॥
 সসজ্জ হইয়া ধনুর্বাণ ল'য়ে হাতে ।
 গোবিন্দ বলিয়া বীর চড়িলেন রথে ॥

মাতলি চালায় রথ অতি-বিচক্ষণ ।
 পবন-অধিক-বেগে রথের গমন ॥
 ক্রমে-ক্রমে দেখে যত অমর-আলয় ।
 নন্দন-কাননে যান বীর ধনঞ্জয় ॥
 অতি সে সুন্দর বন মুনি-মনোলোভা ।
 প্রফুল্ল-পুষ্পের বন মনোহর-শোভা ॥
 নিরন্তর মূর্ত্তিমন্ত আছে ছয়-ঋতু ।
 মত্ত হ'য়ে বিহার করয়ে মৎস্যকেতু ॥
 মধুপানে মদমত্ত-ভ্রমর-ঝঞ্ঝার ।
 কোকিলের রব-বিনা নাহি শুনি আর ॥
 প্রতিভালে কলরব করে নানা-পক্ষ ।
 যুগ-যুগী-যুগেন্দ্রাদি চরে লক্ষ-লক্ষ ॥
 নানাবৃক্ষে অশোভিত রম্য-ফুল-ফল ।
 মন্দ-মন্দ-গতি বায়ু বহে অশীতল ॥
 দেখিয়া বনের শোভা পরম-কৌতুকে ।
 দিন-কত সেই-স্থানে রহে মনঃস্থখে ॥
 তথা হৈতে গেল পার্থ গন্ধর্ব্বের পুরী ।
 দেখিল নিবসে সবে কৌতুকে বিহারি ॥
 নৃত্য-গীতে আনন্দিত সবাংকার মন ।
 সমান-বয়স-বেশ বৈসে যতজন ॥
 হেনমতে অঙ্গুর-কিঙ্কর-লোক যত ।
 ভ্রমণ করয়ে পার্থ চালাইয়া রথ ॥
 যথাক্রমে সপ্ত-স্বর্গ দেখিয়া সকল ।
 আনন্দে বিহ্বল-চিত্ত পার্থ মহাবল ॥
 আপনারে সাধুবাদ করিলেন মনে ।
 যন্ত আমি, এত-সব দেখিছু নয়নে ॥
 তবে ত মাতলি গেল যমের ভবন ।
 নানাদৃশ্য দেখিলেন কুস্তীর নন্দন ॥

দেখেন ধর্মের সভা, ধর্মের বিচার ।
 পুণ্যবস্ত্র হুখে আছে, হুখে পাপাচার ॥
 পুণ্যবস্ত্র লোক যত দিব্য-সিংহাসনে ।
 করিছে বিবিধ-ভোগ আনন্দ-বিধানে ॥
 পাণীর কষ্টের কথা কহেন না যায় ।
 প্রহার করিয়া তারে নরকে ডুবায় ॥
 মহাপাপী জন যত পড়িয়া নরকে ।
 কুমির কামড়ে পাপী পরিত্রাহি ডাকে ॥
 ঘোর-অন্ধকার-কূপে পাপী মারা যায় ।
 গোময়-পোকায় তার মাথা খুলি খায় ॥
 দেখিয়া বিশ্বয়াপন্ন পাণুর নন্দন ।
 মাতলি জানিয়া তবে করিল গমন ॥
 চোরের নিদ্রায় যথা নাহি প্রয়োজন ।
 ইন্দ্রকার্যে জাগে তথা মাতলির মন ॥
 সপ্ত-স্বর্গে ছিল যত কৌতুক অশেষ ।
 অর্জুনে দেখায়ে যায় দৈত্যগণ-দেশ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৭৫। নিবাতকবচ-বধ ।

ইন্দ্র-বাক্য মনে করি মাতলি-সারথি ।
 দৈত্যের দেশেতে তবে যায় দ্রুতগতি ॥
 যাইতে দৈত্যের পুরী দেখি বামভাগে ।
 শীত্ৰগতি রথ তবে চালাইল বেগে ॥
 কালকেয়-নিবাতকবচ যেই দেশে ।
 মাতলি চালায় রথ চক্ষুর নিমেষে ॥
 জিনিয়া অমরাবতী পুরীর নিম্নাণ ।
 বিশ্বয় মানিয়া পার্থ করে অনুমান ॥

দেবের বসতি নহে মম অগোচর ।
 ভুবন-তিনের সার কাহার নগর ॥
 মাতলিরে জিজ্ঞাসেন বীর ধনঞ্জয় ।
 কহ সভা, জান যদি, কাহার আলয় ॥
 সর্বলোক স্থখী আছে, নানা-পরিচ্ছদ ।
 ইন্দ্রের অধিক দেখি প্রজার সম্পদ ॥
 মাতলি কহেন, পার্থ, কর অবধান ।
 নিবাতকবচ-নাম দৈত্যের প্রধান ॥
 দেবের অবধ্য হয় তপস্কার বলে ।
 নাহিক সমান স্বর্গ-মর্ত্য-রসাতলে ॥
 ইন্দ্রের বিপক্ষ বড় এই দৈত্যগণ ।
 ইন্দ্রের সমান তেজ-সৈন্য-পরাক্রম ॥
 মহাবলবস্ত্র সবে নিবাতের দেশে ।
 ইন্দ্রলইতে পারে চক্ষুর নিমেষে ॥
 এই দুই দেবেন্দ্রের মহাশত্রু হয় ।
 নিদ্রা নাহি শটীনাথে এই দৈত্য-ভয় ॥
 তোমার এ বধ্য বটে জানিয়া বিশেষ ।
 আনিবু তোমারে পার্থ, শুনে এই দেশ ॥
 মাতলি কহিল যদি এতেক ভারতী ।

কহিতে আরম্ভ করে পার্থ মহামতি ॥
 পিতার পরম-শত্রু এই দুরাচার ।
 কি-হেতু বিলম্ব আর করিতে সংহার ॥
 নিশ্চয় পুরাব আজি পিতৃ-মনোরথ ।
 নির্ভয় হইয়া চালাইয়া দেহ রথ ॥

মাতলি কহিল, রথ চালাইতে নারি ।
 রথী মাত্র একা ভূমি, এ-কারণে ভরি ॥
 লক্ষ-লক্ষ সেনা আছে, বহু যোদ্ধবর ।
 একা ভূমি কি-প্রকারে করিবে সমর ॥
 চল শত্রু, জানাইব অমরের নাথে ।
 অনুমতি দিলে কত সৈন্য ল'য়ে সাথে ॥

পশ্চাৎ করিব যুদ্ধ আসিয়া হেথায় ।
 যে-আজ্ঞা তোমার হয়, মনে যেই লয় ॥
 এতেক কহিল যদি সারথি মাতলি ।
 ক্রোধভরে গর্জি উঠি কহে মহাবলী ॥
 একা দেখি মোরে বুঝি ঘৃণা কর মনে ।
 বিরোধ করিবে বল কেবা অম সনে ॥
 হুঁরাহুঁর একত্রেতে আসে যদি বাদে ।
 চক্ষুর নিমিষে নিবারিব অপ্রমাদে ॥
 এখনি মারিব যত অমরের বৈরী ।
 না মারিলে বুধা আমি পার্থ-নাম ধরি ॥
 মহাধনু গাণ্ডীবেতে পার্থ গুণ দেয় ।
 টঙ্কারিয়া ধনু শঙ্খ সঘনে বাজায় ॥
 মহাক্রোধে সিংহনাদ করে মহাবল ।
 দেখি কম্পমান হৈল ত্রৈলোক্য-মণ্ডল ॥
 শত-বজ্রাঘাত জিনি বিপরীত-শব্দ ।
 শুনিয়া দৈত্যের পতি হৈল মহান্তরু ॥
 কালকেয়-নিবাতকবচ-বীর-আদি ।
 ক্রোধভরে ধায় যত অমর-বিবাদী ॥
 সসজ্জ হইয়া যত অস্ত্র ল'য়ে হাতে ।
 আরোহণ করি সবে অশ্ব-গজ-রথে ॥
 বিবিধ-বাণের শব্দে, সৈন্য-কোলাহলে ।
 ভেটিল আসিয়া সবে পার্থ-মহাবলে ॥
 মাতলি সারথি রথে, ইন্দ্রতুল্য রূপ ।
 দেখিয়া জানিল সবে অমরের ভূপ ॥
 চতুর্দিকে বেড়ি সবে করে অস্ত্রহাষ্টি ।
 প্রলয়কালেতে যেন মজাইতে সৃষ্টি ॥
 না হয় নিমেষ পূর্ণ ছাড়িতে নিঃশ্বাস ।
 শরজাল করিয়া পুরিল দিক্‌পাশ ॥
 দিবা-দ্বিপ্রহরে হৈল ঘোর-অন্ধকার ।
 অন্তের থাকুক, নাহি পবন-সঞ্চার ॥

অগ্নি-অস্ত্র এড়িলেন পার্থ মহাবল ।
 মুহূর্ত্তেকে শরজাল পুড়িল সকল ॥
 মেঘ হৈতে মুক্ত যেন হইল মিহির ।
 প্রকাশ পাইল তথা পার্থ মহাবীর ॥
 মেঘ-অস্ত্র পার্থ করিলেন বরিষণ ।
 বায়ু-অস্ত্রে দৈত্যবর করে নিবারণ ॥
 এড়িল পর্বত-অস্ত্র দৈত্যের ঈশ্বর ।
 অর্দ্ধচন্দ্র-বাণে কাটে পার্থ ধনুর্ধর ॥
 তবে দৈত্য ধনঞ্জয়ে মারে দশ-বাণ ।
 বাজিল পার্থের বৃকে বজ্রের সমান ॥
 ব্যাধায় ব্যথিত পার্থ হ'য়ে মূর্ছাগত ।
 মুহূর্ত্তেকে উঠিলেন গর্জি সিংহমত ॥
 ধনুকে টঙ্কার দিয়া ক্রোধের আবেশে ।
 সহস্র তোমর এড়ে দৈত্যের উদ্দেশে ॥
 গর্জিয়া উঠিল বাণ গগন-মণ্ডলে ।
 প্রাণভয়ে দৈত্যগণ পলায় সকলে ॥
 সৈন্যভঙ্গ দেখি ত্রুঙ্ক দৈত্যের ঈশ্বর ।
 ঐষিক-বাণেতে কাটে সহস্র তোমর ॥
 বাণ ব্যর্থ দেখি পার্থ হুঃখিত-অস্তুরে ।
 দিব্য-অস্ত্র মারিলেন দৈত্যের উপরে ॥
 বাণাঘাতে মূর্ছাগত হৈল দৈত্যপতি ।
 রথ চালাইয়া বেগে পলায় সারথি ॥
 তবে দৈত্যপতি জ্ঞান পায় কতকণে ।
 কালকেয়গণ আসি ভেটিল অর্জুনে ॥
 মহাবল মহাশিক্ষা যত বীরবর ।
 প্রাণপণে করে যুদ্ধ পার্থ একেশ্বর ॥
 মানুসী রাক্ষসী দৈবী গান্ধর্ব্বা পিশাচী ।
 দ্রোণ-স্থানে যত অস্ত্র পায় সব্যসাচী ॥
 প্রহর-পর্যন্ত যুদ্ধে পার্থ মহাবল ।
 রুধির-সহিত অঙ্গে বহে বর্ষজল ॥

দেখিয়া সানন্দমতি দৈত্যের ঈশ্বর ।
উপায় না দেখি পার্থ হ'লেন কঁাকর ॥
মনে ভাবে, পরম-সকট আজি হৈল ।
মাতলি এতেক দেখি কহিতে লাগিল ॥

নিশ্চয় জানিহু পার্থ, হৈলে জ্ঞানহত ।
প্রাণপণে দেখাইলে নিজ-শক্তি যত ॥
তথাপি দুরন্ত দৈত্য না হৈল সংহার ।
ব্রহ্ম-অস্ত্র-বিনা ইথে নাহি প্রতিকার ॥
পাশুপত-অস্ত্র আছে পশুপতি-দান ।
এড়িলে ভুবন দহে পতঙ্গ-সমান ॥
সে-হেন আছয়ে তব মহারত্ননিধি
এমত-সংযোগে তার নিয়োজন বিধি ॥
এই সে আশ্চর্য্য বড় লাগে মম মনে ।
এ-সময়ে সেই অস্ত্র নাহি ছাড় কেনে ॥

এতেক মাতলি-বাক্য করিয়া শ্রবণ ।
বীর-চূড়ামণি পার্থ হৈল হৃষ্টমন ॥
শিবদাতা শিবে বীর করি নমস্কার ।
গোবিন্দ-গোবিন্দ বলি স্মরি তিনবার ॥
পাশুপত-অস্ত্র বীর নিলেন তৎক্ষণে ।
মস্ত্র পড়ি যুড়িলেন ধনুকের গুণে ॥
কোটীসূর্য্য জিনি অস্ত্র হৈল তেজোময় ।
থাকুক অন্যের কার্য্য, অৰ্জ্জুন সভয় ॥
অস্ত্র-অবতার-কালে ত্রিবিধ উৎপাত ।
নির্ঘাত উলকা-পাত, বহে তপ্তবাত ॥
প্রলয় জানিয়া সব স্বর্গের নিবাসী ।
অস্ত্র-মুখ চাহি রহে দৃষ্টি-অভিলাষী ॥
অস্ত্রমুখে হৈল যেই হতাশন-বৃষ্টি ।
দহন করিল তাহে অহরের গোষ্ঠী ॥
জ্বলন্ত-অনলে যেন শিমুলের তুলা ।
তাদৃশ হইল ভস্ম দুর্ভদ্র-দৈত্যগুলা ॥

অস্ত্রজাত অনলের প্রচণ্ড-বাতাসে ।
জীব-জন্তু না রহিল দানবের দেশে ॥
হেনকালে শূন্যবাণী শুনি এই রব ।
সংবর-সংবর পার্থ, মজিল যে সব ॥
ভাল হৈল, দুর্ভদ্রদৈত্য হইল নিধন ।
মনুষ্যে কখন ইহা না কর ক্ষেপণ ॥
সৃষ্টির সংহার-হেতু বিধির সৃজন ।
বিনাশ করিতে ইহা ধরে ত্রিলোচন ॥
যাবৎ না দহে ক্ষিতি অস্ত্রের আগুনে ।
মস্ত্রবলে সংবরিয়া রাখ নিজ-তুণে ॥
পুনঃপুনঃ এইমত হৈল শূন্যবাণী ।
আনন্দে বিহ্বল পার্থ ইচ্ছাসিদ্ধি জানি ॥
মস্ত্রবলে অস্ত্র সংবরেন বীরবর ।
আশীর্বাদ করি সবে গেল নিজ-ঘর ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৭৬। অস্ত্রশিক্ষা করিয়া অৰ্জ্জুনের পুনর্ভ্রাত্যলোকে
আগমন ।

কার্য্যসিদ্ধি জানি তবে সারথি মাতলি ।
বায়ুবেগে রথ চালাইল মহাবলী ॥
নানা-কাব্য-কথায় হরিষ ছুইজন ।
মুহূর্ত্তেকে গেল তবে ইন্দ্রের ভুবন ॥
অৰ্জ্জুনের আগমনে ইন্দ্রের আনন্দ ।
সঙ্গেতে করিয়া যত দেবতার বৃন্দ ॥
আগুসার নিজে ইন্দ্র যান কত পথ ।
হেনকালে উত্তরিল অৰ্জ্জুনের রথ ॥
নিকটে দেখিয়া পার্থ শটীর ঈশ্বরে ।
রথ হৈতে ভূমিতলে নামিলা সম্বরে ॥

প্রণাম করিলা পার্থ ইন্দের চরণে ।
 সন্তোষণ করে তবে যত দেবগণে ॥
 দেব-পুরন্দর-আদি হরিষে বিভোল ।
 প্রেমাবেশে कहিলেন পার্শ্বে দিয়া কোল ॥
 ধন্য-ধন্য পুত্র তুমি, ধন্য তব শিক্ষা ।
 ধন্য তারে, যেইজন দিল তোমা দীক্ষা ॥
 জননী তোমার ধন্যা ভোজরাজ-সুতা ।
 তোমা-হেন পুত্র-হেতু ধন্য আমি পিতা ॥
 তোমা হৈতে দূর হৈল আমার অরিষ্ট ।
 এতদিনে পরিপূর্ণ হইল অভীষ্ট ॥

এত বলি কুতূহলী দেব-পুরন্দর ।
 দিলেন যুগল-তুণ, আর দিব্য-শর ॥
 মস্তকে কিরীট দিল, কর্ণেতে কুণ্ডল ।
 দশ-নাম নিরূপণ করে আখণ্ডল ॥
 আছিল অর্জুন নাম, ত্রিতীয় ফাল্গুনি ।
 নক্ষত্রানুসারে নাম রাখিল জননী ॥
 ঋগুণব দহিলে যবে আমা-সবে জিনি ।
 সেইকালে জিহ্বা নাম দিয়াছি আপনি ॥
 আমা হৈতে কিরীট পাইলে সুশোভন ।
 এইহেতু কিরীটী কহিবে সর্বজন ॥
 করিছে রথের শোভা শ্বেত-চারি-হয় ।
 শ্বেতবাহন বলিয়া লোকে তোমা কয় ॥
 দিলেন বীতংস্থ নাম গোবিন্দ আপনি ।
 যথা যাহ, তথা তুমি এস যুদ্ধ যিনি ॥
 এইহেতু নাম তব হইল বিজয় ।
 বর্ণভেদে সবে তব কৃষ্ণ-নাম কয় ॥
 উভয়-হস্তেতে তব সমান-সন্ধান ।
 সব্যসাচী নাম তেঁই করি অনুমান ॥

ধনঞ্জয়-নাম পেলে ধনপতি জিনি ।
 যোগের সাধন এই সর্বলোকে জানি ॥
 কাম্য করি দশ-নাম নরে যদি জপে ।
 অশুভ বিনাশ হয়, তরে সর্বপাপে ॥
 হেনমতে আনন্দে রহিল সর্বজন ।
 প্রভাতে উঠিয়া তবে সহস্রলোচন ॥
 মাতলিরে ডাকি আজ্ঞা দিলা মহামতি ।
 সুসজ্জ করিয়া রথ আন শীত্ৰগতি ॥
 আজ্ঞামাত্র আনিল সারথি বিচক্রণ ।
 বিচিত্র-সাজন, গতি নর্তক-খঞ্জন ॥
 অমর-ঈশ্বর তবে অর্জুনে ডাকিল ।
 মধুর-সন্তোষ করি কহিতে লাগিল ॥
 শুন পুত্র, বিলম্বিতে নাহি প্রয়োজন ।
 শীত্ৰগতি ভেট গিয়া ধর্ম্মের নন্দন ॥
 নানাবিধ বিভূষণে করি পুরস্কার ।
 কোলে করি চুম্বিলেন পার্শ্বে বারে-বার ॥

অর্জুন পড়িল তবে ইন্দের চরণে ।
 প্রণাম করিয়া দাণ্ডাইল বিত্তমানে ॥
 করযোড়ে কহে পার্থ সক্রম-ভাবে ।
 তোমার আজ্ঞায় যাই ধর্ম্মরাজ-পাশে ॥
 তোমার চরণে-মম এই নিবেদন ।
 আপনি জানহ, যত কৈল চুফটগণ ॥
 তা'-সবারে দিব আমি সমুচিত ফল ॥
 কৃপা করি তুমি পিতঃ, হবে অনুবল ॥

ইন্দ্র বলে, যা' বলিলে ওহে ধনঞ্জয় ।
 যথা তুমি, তথা আমি, জানিহ নিশ্চয় ॥
 মনের বাসনা পূর্ণ হইবে তোমার ।
 ধর্ম্মপুত্র যুধিষ্ঠির ধর্ম্ম-অবতার ॥

বহুমতী-পতি-যোগ্য সেই মহাজন ।
কালেতে উচিত-ফল পাবে দুর্ধ্যোধন ॥
এতেক শুনিয়া পার্শ্ব হরষিত-মন ।

অমরাবতীতে বাস করে যতজন ॥
বিদায় সবার কাছে করিয়া গ্রহণ ।
রথে আরোহিয়া যান পুলকিত-মন ॥
পথেতে কোঁতুকে নানা-কথার আবেশে ।
কতক্ষণে উপনীত ভারত-প্রদেশে ॥
এইমতে যাইতে মাতলি-ধনঞ্জয় ।
দেখিলেন কতদূরে গিরি হিমালয় ॥
পরে যথা ধর্ম গন্ধমাদন-পর্বত ।
মুহূর্তেকে উত্তরিল অর্জুনের রথ ॥
চিন্তায় ব্যাকুল-চিত্ত রাজা যুধিষ্ঠির ।
অর্জুনে দেখিয়া হন প্রফুল্ল-শরীর ॥
ভূমিতে নামিলা পার্শ্ব ত্যজি ইন্দ্র-রথ ।
যুধিষ্ঠির-চরণে করিলা দণ্ডবৎ ॥
অর্জুনে ধরিয়া বক্ষে ধর্মের নন্দন ।
চিরদিন-সমাগমে করে আলিঙ্গন ॥
পূর্ণচন্দ্রে দেখি যেন হৃষ্ট জলনিধি ।
দরিদ্রে পাইল যেন মহামূল্য-নিধি ॥
ধর্মের আনন্দ-নীরে পার্শ্ব করি স্নান ।
ভীমের চরণে নতি করেন বিধান ॥
আলিঙ্গন করি দুই মাত্রীর নন্দনে ।
দ্রৌপদীরে তুষিলেন মধুর-বচনে ॥
শুনিয়া লোমশ-মুনি ধৌম্য-পুরোহিত ।
শীঘ্রগতি তথা আসি হন উপনীত ॥
সম্মুখে উঠিয়া পার্শ্ব পড়েন চরণে ।
প্রশংসিয়া আশীর্বাদ কৈলা দুইজনে ॥
হেনমতে মহানন্দে বসে সর্বজন ।
কোঁতুক-বিধানে যত কথোপকথন ॥

ভারত-পঞ্চজ-রবি মহামুনি ব্যাস ।
পাঁচালি-প্রবন্ধে রচে কাশী তাঁর দাস ॥

৭৭। যুধিষ্ঠিরের নিকটে অর্জুনের অজ্ঞানত-
বৃত্তান্ত-কথন ।

মধুর-সম্ভাষে তবে ধর্ম-নরপতি ।
সবিনয়ে কহিলেন মাতলির প্রীতি ॥
তোমার সমান বন্ধু নাহি কোনজন ।
দেবেন্দ্রে কহিবে তুমি মম নিবেদন ॥
রাজপুত্র হ'য়ে মম সমান দুঃখেতে ।
আমার না লয় মনে, আছে পৃথিবীতে ॥
সহায়-সম্পদ-মাত্র তাঁহার চরণ ।
আপনি কহিবে ভাই, এই নিবেদন ॥
বিদায় হইয়া শক্র-সারথি চলিল ।
ধর্ম কহিছেন পার্শ্বে যাহা মনে ছিল ॥
কহ ভাই, এবে নিজ-শুভ-সমাচার ।
যে-কর্ম করিলে, তাহা লোকে চমৎকার ॥
শুনিতে উৎসুক বড় আছে মম মন ।
ক্রমে-ক্রমে কহ ভাই, সব বিবরণ ॥
শুনিয়া লোমশ-ধৌম্য দেন অনুমতি ।
কহিতে লাগিল পার্শ্ব সবার প্রতি ॥
বিদায় লইয়া গিয়া সবার চরণে ।
চলিলু উত্তর-মুখে প্রবেশিয়া বনে ॥
তপস্যা-কারণে অতি ব্যাকুল হইয়া ।
দেখিলাম রম্যস্থল হিমালয়ে গিয়া ॥
দেখিয়া বনের শোভা করিতে ভ্রমণ ।
দিলেন জটিল-বেশে ইন্দ্র দরশন ॥
ছল করি কহিলেন যত ছল-কথা ।
অণুমাত্র চিন্তিত না হইলু সর্বথা ॥

দিলেন প্রকাশ্য-রূপে শেষে পরিচয় ।
 আমি ইন্দ্র, বর মাগ, বীর ধনঞ্জয় ॥
 শুনি কহিলাম, মম এই নিবেদন ।
 প্রসন্ন হইলে যদি, দেহ অস্ত্রগণ ॥
 ইন্দ্র বলিলেন, অস্ত্র পাইবে পশ্চাতে ।
 তপস্শায় তুষ্ট অগ্রে কর বিশ্বনাথে ॥
 শুনিয়া ইন্দ্রের কথা হরিষ-মানসে ।
 আরম্ভ করিলু তপ হরের উদ্দেশে ॥
 ফলাহার পর্ণাহার আহার ত্যজিয়া ।
 উৰ্দ্ধপদে অধোমুখে বৎসর ব্যাপিয়া ॥
 হেনমতে তুষ্ট করিলাম আশুতোষে ।
 আসিলেন শিব মায়ী করিতে বিশেষে ॥
 শিকার শূকর এক ধৈয়ে যায় আগে ।
 পশ্চাতে কিরাত-বীর আসিতেছে বেগে ॥
 অসমর্থ দেখি তারে শ্রান্ত-কলেবর ।
 দয়া করি অস্ত্র মারি বধিলু শূকর ॥
 দেখিয়া কিরাত হৈল ক্রোধ-পরায়ণ ।
 ছলেতে নিন্দিয়া বহু মাগিলেক রণ ॥
 ক্রোধে করিলাম যত অস্ত্রেতে প্রহার ।
 গিলিল ধমুক-সহ সে অস্ত্র আমার ॥
 তবে মল্লযুদ্ধ করিলাম প্রাণপণে ।
 তুষ্ট হ'য়ে পরিচয় দিলেন সৈন্ধবে ॥
 মস্ত্র-সহ দিলেন সে অস্ত্র পাশুপত ।
 এ-তিন-ভুবনে যার অতুল মহত্ব ॥
 বর দিয়া সদানন্দ করিলা গমন ।
 ইন্দ্র জানিলেন এই-সব বিবরণ ॥
 শুনি রথ পাঠাইল শতীর ঈশ্বর ।
 আমায়ে নিলেন স্বর্গে করিয়া আদর ॥
 নানা-নৃত্য-গীত-বাঞ্চে হর্ষ-কুতূহলে ।
 সভায় বসিয়া দেখি অমর-সকলে ॥

দেখি নৃত্য করিতেছে কোতুকে অঙ্গরী ।
 আছিল তাহার মাঝে উৰ্বশী-সুন্দরী ॥
 তারে দেখি পূর্বকথা হইল স্মরণ ।
 ঈষদ্ হাসিয়া আমি করি নিরীক্ষণ ॥
 তাহাতে সঙ্কেত বুঝি আনন্দ-বিশেষে ।
 ইন্দ্রের আদেশে সেই আসে মম পাশে ॥
 দেখিয়া অন্তরে বড় হইল বিস্ময় ।
 পূর্ব-পিতামহ-মাতা এই নারী হয় ॥
 প্রণাম করিয়া তবে করি নিবেদন ।
 কহ গো জননি, নিশাগমন-কারণ ॥
 একভাবে আসিয়া শুনিল বিপরীত ।
 কহিতে লাগিল তবে হইয়া দুঃখিত ॥
 যেইক্ষণে দেখিয়াছি তোমার বদন ।
 হৃদয়ে পশিল মম তখনি মদন ॥
 সে-কারণে আসিলাম ঘোর-নিশাকালে ।
 এ-হেন নিষ্ঠুর-ভাষা কিহেতু কহিলে ॥
 না করিলে আশাপূর্ণ, পুরুষের কাজ ।
 ক্লীব হ'য়ে থাক ভুমি স্ত্রীগণের মাঝ ॥
 এত বলি নিজ-গৃহে চলিল দুঃখিত ।
 শুনি পুরন্দর পরে হ'লেন লজ্জিত ॥
 উৰ্বশীরে অজ্ঞা দিলা সহস্রলোচন ।
 কর শীত্র অৰ্জুনের শাপ-বিমোচন ॥
 উৰ্বশী কহিল, শাপ খণ্ডিত না হয় ।
 ক্লীব হবে বৎসরেক অজ্ঞাত-সময় ॥
 উপকার হইবে অজ্ঞাতবাস যবে ।
 স্বস্তি-স্বস্তি উচ্চারণ করে ইন্দ্র তবে ॥
 তার পর দেবরাজ কত দিনান্তরে ।
 তব স্থানে পাঠান লোমশ-মুনিবরে ॥
 তবে ইন্দ্র করিলেন অস্ত্র-সমর্পণ ।
 সেমত দিলেন আর যত দেবগণ ॥

যক্ষ-রক্ষ-গন্ধর্বাদি সবে করি দয়া ।
 অস্ত্রসহ শিখাইল সবে নিজ-মায়া ॥
 হেনমতে নিজ-কার্য করিছু সাধন ।
 দেখিয়া বিস্মিত হন সহস্রলোচন ॥
 আছিল দুরন্ত-দৈত্য অমর-বিবাদী ।
 কালকেয়-নিবাতকবচ-দৈত্য-আদি ॥
 স্নেহের কারণ ইন্দ্র কিছু না কহিল ।
 নগর-ভ্রমণ-হেতু ছলে পাঠাইল ॥
 একে-একে দেখিলাম অমর-নিলয় ।
 সঞ্জীবনী-পুরী, যথা যমের আলয় ॥
 দেখিয়া তাঁহার পুরী করিতে গমন ।
 মাতলি আনিল রথ, যথা দৈত্যগণ ॥
 নগর প্রাচীর গৃহ পুষ্পের উদ্যান ।
 জিনিয়া অমরাবতী পুরীর নির্মাণ ॥
 দেখিয়া বিস্ময় বড় হইল আমার ।
 পূর্বের কভু নাহি দেখি হেন চমৎকার ॥
 মাতলি সারথি ছিল অতি-বিচক্ষণ ।
 জিজ্ঞাসিলে কহিলেক সর্ব-বিবরণ ॥
 পিতৃবৈরী জানি হুদে করিছু বিরোধ ।
 ধাইল দানব দুষ্ট করি মহাক্রোধ ॥
 অগ্রমেয় বল ধরে, অগ্রমেয় ধন ।
 সমুদ্রে-সদৃশ তাহা, কে করে গণন ॥
 নানা-অস্ত্র ধরি দৈত্য ভেটে সর্বজনে ।
 দ্বি-প্রহর ধরি যুদ্ধ করি প্রাণপণে ॥
 সন্ধান করিছু পরে অস্ত্র পাশুপত ।
 ভয় হ'য়ে উড়ি যায় দুষ্ট-দৈত্য যত ॥
 কার্যসিদ্ধি জানি তবে প্রফুল্ল-হৃদয় ।
 আইলাম পুনঃ হুখে ইন্দ্রের আলয় ॥

শুনিয়া সানন্দমতি অমর প্রধান ।
 অগ্রসর হ'য়ে বহু করিল সম্মান ॥
 দিল দিব্য-কিরীট-কুণ্ডল মনোহর ।
 অক্ষয় যুগল-ভূগ পূর্ণ-দিব্য-শর ॥
 আশ্বাস করিয়া কহিলেন এই কথা ।
 যেই আমি, সেই তুমি, জানিহ সর্বথা ॥
 যেমত আমার শত্রু করিলে নিধন ।
 এমত মারিব আমি তব শত্রুগণ ॥
 আমি হৈতে তব কার্য হইবেক যেই ।
 শুনিলে করিব, মম অঙ্গীকার এই ॥
 মাতলি সহিত তবে পাঠাইয়া দিল ।
 পূর্বের বৃত্তান্ত শুন, যথা যা' হইল ॥
 কেবল ভরসা মাত্র তোমার চরণ ।
 মুহূর্ত্তেকে বিনাশিতে পারি ত্রিভুবন ॥
 শত কর্ণ আসে যদি, চুর্য্যোধন শত ।
 সপক্ষ করিয়া সাথে দিকপাল যত ॥
 কেবল তোমার মাত্র চরণ-প্রসাদে ।
 ক্ষুদ্র জন্তু-সম-জ্ঞানে বধিব নির্বাদে ॥
 অর্জুনের মুখে শুনি এতেক বচন ।
 যুধিষ্ঠির কহিলেন দিয়া আলিঙ্গন ॥
 এ-তিন-ভুবনে তব অদ্বুত চরিত্র ।
 আমার ভারত-বংশ করিলে পবিত্র ॥
 শত্রুরূপ গভীর সাগর হৈতে পার ।
 সহায়-সম্পদ মম তুমি কর্ণধার ॥
 এই সব রহস্তে হরিষ-মনোরথে ।
 রহিলেন পঞ্চভাই গন্ধমাদনেতে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৭৮। যুধিষ্ঠিরের নিকটে ইন্দ্রাদি-দেবের আগমন।

অমরাবতীতে হেথা দেব-পুরন্দর।
 মাতলির মুখে শুনি ধর্মের উত্তর ॥
 মনেতে মানিয়া হুথ হরিষ-বিধানে।
 শীত্ৰগতি ডাকিলেন যত দেবগণে ॥
 উপনীত হৈল সবে হরষিত-মতি।
 কহিতে লাগিল ইন্দ্র সবাংকার প্রতি ॥
 পরম-বান্ধব মম রাজা যুধিষ্ঠির।
 বিক্রমে বিশাল যঁার ভাই পার্থবীর ॥
 নিঃশঙ্ক করিল দেবে একা ধনঞ্জয়।
 কোটিকল্পে তার ঋণ শোধ নাহি হয় ॥
 হেনজনে আপ্যায়িত করিতে উচিত।
 কি যুক্তি সবার কহ, যা' হয় বিহিত ॥
 গন্ধমাদনেতে আছে ভাই পঞ্চজন।
 চল সবে, ধর্ম গিয়া করি দরশন ॥
 শুনিয়া সম্মতি দিল যত দেবগণ।
 মাতলিরে কহে রথ করিতে সাজন ॥
 পাইয়া ইন্দ্রের আজ্ঞা মাতলি সারথি।
 দ্রুতগতি রথসজ্জা করে মহামতি ॥
 আহ্বান করিয়া নিল যতেক অমর।
 কোঁতুকে বসিল রথে দেব-পুরন্দর ॥
 শীত্ৰ করি সারথি সে চালাইল রথ।
 মুহুর্তে উত্তরে গন্ধমাদন-পর্বত ॥
 কানন-নিবাসী যথা পঞ্চ-সহোদর।
 উপনীত হন তথা দেব-পুরন্দর ॥
 ইন্দ্রে দেখি মহানন্দে উঠি ধর্মপতি।
 চরণ ধরিয়া বহু করেন প্রণতি ॥
 সহিত আছিল আর যত দেবগণ।
 একে-একে সবাংকারে করেন বন্দন ॥

পাদ্য-অর্ঘ্য-আসনে পূজিয়া বিধিমতে।

করযোড়ে কহিলেন দেব-শচীনাথে ॥

পূর্ব-পিতামহ তপ করিল দুর্ভ ॥

সে-কারণে আজি মম এতেক বৈভব ॥

এখন জানিনু আমি, নহি হীনতপা।

ভূমি-হেন-জন আসি যারে কৈলে কৃপা ॥

যজ্ঞ জপ তপ আর ত্রত-আচরণ।

এ-সব করিয়া নাহি পায় দরশন ॥

আমার ভাগ্যের আজি নাহিক অবধি।

পাইলাম গৃহে বসি হেন রত্ননিধি ॥

এত শুনি কহে তবে দেব-পুরন্দর।

কহিলে যে-কিছু, সত্য ধর্ম-নৃপবর ॥

আপনাকে নাহি জান, তুমি স্বয়ং ধর্ম।

পৃথিবী করিল ধন্য তোমার হুর্কর্ম ॥

তুমি রাজা হৈলে ধন্য অবনী-মণ্ডল।

অনুগত আর যত অনুজ-সকল ॥

তোমা-সবাংকার গুণ করিয়া কীর্তন।

অশেষ-পাপেতে মুক্ত হয় পাপিগণ ॥

তবে যে কহিলে, কষ্ট পাইলে কাননে।

বিধির নির্বন্ধ নাহি লজ্জা সাধুজনে ॥

ধর্ম-অবতার তুমি, ধর্ম-আচরণ।

কিস্ত না করিহ রাজা, ধর্মেরে হেলন ॥

ভীমার্জুন দেখ এই অনুজ তোমার।

অনায়াসে খণ্ডাইবে পৃথিবীর ভার ॥

আমা-আদি তোমার আত্মীয়-সমুদয়।

একা পার্থ সবাংকারে করিল নির্ভয় ॥

শত্রুভয় কিছু তুমি না করিহ মনে।

ভীমার্জুন বধিবেক কর্ণ-দুর্যোধনে ॥

ইত্যাদি অনেক কথা কহি পুরন্দর।

যুধিষ্ঠিরে কহিলেন, মাগ ইন্ডবর ॥

ধৰ্ম্মপুঞ্জ বলে, মম এই নিবেদন ।
 ধৰ্ম্মে বিচলিত যেন নহে মম মন ॥
 সদাই সদয় থাকে তোমা-হেন-জন ।
 শুনিয়া তথাস্ত কহে সহস্রলোচন ॥
 হেনমতে শাস্ত করি রাজা যুধিষ্ঠিরে ।
 দেবরাজ ইন্দ্রে গেল আপনার পুরে ॥
 বনপৰ্বে ইন্দ্র-সহ যুধিষ্ঠির-কথা ।
 কাশী কহে, শুনি পাপ খণ্ডয়ে সৰ্ব্বথা ॥

৭১। যুধিষ্ঠিরের ভ্রাতৃগণ-সহ কাম্যক-বনে বাজা ।

স্বর্গে গেলা সুরপতি, হইয়া সানন্দমতি,
 যুধিষ্ঠির-পঞ্চ-সহোদর ।
 আপনার ভাগ্য জানি, সফল করিয়া মানি,
 আনন্দ-বিধানে পরম্পর ॥

তবে ধৰ্ম্ম-নরপতি, লোমশ-ধৌম্যের প্রতি,
 কহিলেন করি যোড়কর ।
 আজ্ঞা কর মহাশয়, যে কৰ্ম্ম করিতে হয়,
 কহ তাহা, করি অতঃপর ॥

বসতি কোথায় করি, কর আজ্ঞা, শিরে ধরি,
 তথাকারে করিব গমন ।
 কহিল লোমশ তবে, কাম্যবনে চল সবে,
 সার-যুক্তি লয় মম মন ॥

ধৌম্য বলে, কহ যত, সকলি মনের মত,
 যুধিষ্ঠির মানেন তখন ।
 শুনিয়া ধৰ্ম্মের সেহু, স্বচ্ছন্দ-গমন-হেতু,
 ঘটোৎকচে করিল স্মরণ ॥

স্মরে ধৰ্ম্ম-নৃপমণি, হিড়িম্বা-নন্দন জানি,
 শীত্ৰগতি হৈল উপনীত ।
 সবারে প্রণাম ক'রে, দাঁড়াইল যোড়করে,
 দেখি রাজা আনন্দে পূরিত ॥

তবে ঘটোৎকচ কয়, আজ্ঞা কর মহাশয়,
 কি-কারণে করিলা স্মরণ ।
 ধৰ্ম্ম কন, শুন কথা, কাম্যক-কানন যথা,
 ল'য়ে চল, করিব গমন ॥

শুনি ভীম-অঙ্গভনু, বাড়াইল নিজ-তনু,
 করিলেক বিস্তার যোজন ।
 তবে ধৰ্ম্ম-নরপতি, সবাক্ষবে শীত্ৰগতি,
 করিলেন তাহে আরোহণ ॥

ভীমের নন্দন ধীর, পরাক্রমে মহাবীর,
 অনায়াসে করিল গমন ।
 নাহি মনে কিছু ভ্রম, তিলেক নাহিক শ্রম,
 উত্তরিল কাম্যক-কানন ॥

মৃগ-পশু-বিহঙ্গম, বনস্থলে পূর্ণতম,
 বৃক্ষগণ শোভে ফলফুলে ।
 কোড়ক-বিধানে তবে, আশ্রয় নির্মিলা সবে,
 পুণ্যতীর্থ প্রভাসের কূলে ॥

সবে আনন্দিত-মতি, ভীমার্জুন, নিতি-নিতি,
 মৃগয়া করিয়া দেন আনি ।
 কেবল সূর্যের বরে, ভুঞ্জায় সে সবাংকারে,
 রন্ধন করিয়া যাজ্ঞসেনী ॥

এমত সানন্দ-মনে, বসতি করেন বনে,
 কৃষ্ণা-সহ পঞ্চ-সহোদর ।
 একদিন নিশাশেষে, আসিয়া ধৰ্ম্মের পাশে,
 কহিছে লোমশ মুনিবর ॥

শুন ধর্ম-নরপতি, যাইব অমরাবতী, শুনি রাম-যতুপতি, আনন্দে প্রসন্নমতি,
 তুষ্ট হ'য়ে করহ বিদায় । প্রশংসা করেন পার্থবীরে ।
 শুনি ভাই-পঞ্চজনে, আসিয়া বিরসমনে, তবে তাঁরা কতক্ষণে, চলিলেন সর্বজন,
 পড়িল প্রণাম করি পায় ॥ স্নান-হেতু প্রভাসের তীরে ॥
 লোচন-সলিলে রাজা, বিধিমতে করি পূজা, জলক্রীড়া করি সবে, আসিয়া আশ্রমে তবে,
 বহু স্তুতি করিলেন শেষে । ভোজন করেন পরিতোষে ।
 কহিয়া সবার স্থানে, পরম-সন্তুষ্ট-মনে, যথাস্থে আচমন, করি শেষে সর্বজন,
 মহামুনি গেল স্বর্গবাসে ॥ বসিলেন হরিষ-মানসে ॥
 ধর্ম-আগমন শুনি, আইল যতেক মুনি, হেনকালে যতুবীর, সম্বোধিয়া যুধিষ্ঠির,
 ক্রমে-ক্রমে যত বন্ধুজন । কহিলেন ভ্রমধুর বাণী ।
 ধর্ম্মেতে ধর্ম্মের সভা, উপমা তাহার কিবা, তোমার ভাগ্যের কথা, এহেন করিল ধাতা,
 হস্তিনা হইল কাম্যবন ॥ বনেতে হস্তিনা-তুল্য মানি ॥
 বলরাম জগন্নাথ, যতেক যাদব-সাধ, দেখহ যতেক কশ্ম, সকলের সার ধর্ম্ম,
 গেলেন ধর্ম্মের অদ্বৈষণে । ধর্ম্মবলে ধর্ম্মী বলবন্ত ।
 যত পরিবার সঙ্গে, আনন্দ-প্রসঙ্গে রঙ্গে, অধর্ম্মী যে-জন হয়, চিরদিন নাহি রয়,
 উপনীত রম্য-কাম্যবনে ॥ অল্পদিনে অধর্ম্মীর অন্ত ॥
 কৃষ্ণ-আগমন শুনি, যুধিষ্ঠির নৃপমণি, ইহা জানি ধর্ম্মরাজ, সাধিবে আপন-কাজ,
 অমৃতে সিঞ্চিল কলেবর । সত্যে নাহি হবে বিচলিত ।
 সানন্দ মন্দির-পুর, আগুসরি কতদূর, পূর্ব-মহাজন যত, সবাকার এক পথ,
 সবাক্কেবে পঞ্চ-সহোদর ॥ কেহ নাহি করিল অনীত ॥
 বহুদিন-অদর্শনে, নমস্কার-আলিঙ্গনে, সত্য জান মহাশয়, তোমার এ দুঃখ নয়,
 আশীর্ব্বাদ হুমঙ্গল-ধ্বনি । বহুদুঃখে দুঃখী দুর্ঘ্যোজন ।
 বসেন কৌতুক-মতি, রামকৃষ্ণ ধর্ম্মমতি, বিপুল বৈভব যত, নিশার স্বপন-মত,
 সবাক্কেবে আর যত মুনি ॥ অল্পদিনে হইবে নিধন ॥
 বলরাম নারায়ণ, সম্বোধিয়া পঞ্চজন, কৃষ্ণের বচন শুনি, সত্য-সত্য যত মুনি,
 জিজ্ঞাসেন কুশল-বারতা । কহিলা ধর্ম্মের সন্নিধানে ।
 শুনিয়া কহেন ধর্ম্ম, হইল যতেক কশ্ম, নিশ্চয় জানিহ তুমি, ভবিষ্য কহিলু আমি,
 পূর্ব্বের বৃত্তান্ত সব কথা ॥ দুর্ঘ্যোজন-কর অল্পদিনে ॥

আশীর্বাদ করি তবে, যথাস্থানে গেল সবে,
বন্ধুগণ লইয়া বিদায় ।

আশ্বাসিয়া সর্বজন, গেল সবে নিজস্থানে,
দুঃখিত-অস্তর ধর্ম-রায় ॥

তবে রাম-নারায়ণ, সম্বোধিয়া পঞ্চজন,
চাহিলেন বিদায় বিনয়ে ।

আজ্ঞা কর ধর্মপতি, যাব তবে দ্বারাবতী,
কহ যদি প্রসন্ন-হৃদয়ে ॥

ধর্ম কন মুহুভামে, অবশ্য যাইবে দেশে,
রাখিবে আমার প্রতি মন ।

কি আর কহিব আমি, সকলি জানহ তুমি,
দুই-চক্ষু রাম-নারায়ণ ॥

করি হেন সংবিধান, বিদায় লইয়া যান,
রেবতীশ সত্যভামা-পতি ।

রথে চড়ি সবারূপে, নানাবাক্য-মহোৎসবে,
উপনীত যথা দ্বারাবতী ॥

সবে গেল নিজ-ঘর, আছে পঞ্চ-সহোদর,
কাম্যবন করিয়া আশ্রয় ।

জপ যজ্ঞ দান ব্রত, নানা-ধর্ম অবিরত,
করে নিত্য সানন্দ-হৃদয় ॥

ভারত-বিচিত্র-কথা, পাণ্ডব-চরিত্র-গাথা,
বর্ণিবারে কাহার শক্তি ।

গীতিচ্ছন্দে কাশীদাস, ভণে দ্বৈপায়ন-দাস,
কৃষ্ণপদে মাগিয়া ভক্তি ॥

৮০ । দুর্ঘোষনের সপরিবারে প্রভাস-

তীর্থে গমন ।

জন্মেজয় বলে, অবধান তপোধন ।

শুনিতে বাসনা বড় ইহার কখন ॥

সর্বজন গেল যদি লইয়া বিদায় ।

কি-কর্ম করিল সবে রহিয়া কোথায় ॥

যুনি বলে, অবধান কর কুরুবর ।

কৃষ্ণা-সহ কাম্যবনে পঞ্চ-সহোদর ॥

প্রভাস-তীর্থের তীরে বিচিত্র-কানন ।

ফল-পুষ্প অপ্রমিত যুগ-পশুগণ ॥

যুগয়া করেন নিত্য ভীম-ধনঞ্জয় ।

রাঞ্জন দ্রুপদ-হতা সানন্দ-হৃদয় ॥

তীর্থ করি আইলেন ধর্মের নন্দন ।

শ্রুতমাত্র মিলিলেন পূর্বের ব্রাহ্মণ ॥

পূর্বমত ভোজনাদি করে বৃন্দ-বৃন্দ ।

লক্ষ্মীরূপা যাজ্ঞসেনী রঞ্জে আনন্দ ॥

এইমত পঞ্চভাই কাননে নিবসে ।

হেথা রাজা দুর্ঘোষন আনন্দেতে ভাসে ॥

বিপুল বৈভব ভোগ করে ইস্ত্র-প্রায় ।

অর্থ রাজ্য সৈন্য যত, কহেন না যায় ॥

নিজরাজ্য ধর্মরাজ্য একত্র মিলিত ।

বিশেষ যে-রাজ্য পূর্বে অর্জুন-শাসিত ॥

সে-সকল রাজা হৈল তার অমুগত ।

কর দিয়া সবে তারা থাকে শত-শত ॥

অশ্ব-গজ-পত্তি কত, কে করে গণনা ।

সমুদ্রে-সম্মান যত অপ্রমিত-সেনা ॥

দেবরাজ ইস্ত্র যথা অমর-সমাজে ।

মহারাজ দুর্ঘোষন পৃথিবীর মাঝে ॥

একদিন সভাস্থলে বৈসে কুরুপতি ।

শকুনি বলিছে তারে, শুন পৃথীপতি ॥

উজ্জ্বল ভারত-বংশ হৈল তোমা হ'তে ।
 মহারাজ হৈলে তুমি ভুবন-মধ্যেতে ॥
 তোমার সমান ভূপ, না দেখি বিপক্ষ ।
 কর দিয়া সেবে তোমা রাজা লক্ষ-লক্ষ ॥
 হয় হস্তী রথ পত্তি চতুরঙ্গ-দল ।
 কুবের জিনিয়া রত্ন-ভাণ্ডার-সকল ॥
 বিপুল বৈভব তব ইন্দের সমান ।
 কিন্তু মনে করি আমি এক মন্দ-জ্ঞান ॥
 যেই-পুষ্পে না হইল ঈশ্বর পূজিত ।
 যে-ধনে নাহিক হয় ত্রাণের স্তূপ ॥
 যে-সম্পদ ভুঞ্জি বন্ধুগণ নহে ভুট ।
 যে-সম্পদ শত্রুগণ না করিল দৃষ্ট ॥
 সে-সকল ব্যর্থ বলি পূর্বাপর কয় ।
 এই দুঃখ-তাপ মম দহিছে হৃদয় ॥
 সদা তৃপ্ত আছে তব গুণে যত বন্ধু ।
 পৃথিবী পুরিল তব শুদ্ধ-যশ-ইন্দু ॥
 অতুল-ঐশ্বর্য্য তব এত যে হইল ।
 বড় দুঃখ, এ-সম্পদ শত্রু না দেখিল ॥
 পূর্বে ভাল মন্ত্ৰণা না করিলাম সবে ।
 স্বদেশ ছাড়িয়া বনে পাঠানু পাণ্ডবে ॥
 নগরের প্রান্তে যদি অর্পিতাম স্থল ।
 নিত্য-নিত্য দেখাতাম বিভূতি-সকল ॥
 ঈর্ষ্যানলে দগ্ধ সদা হৈত পঞ্চজন ।
 অসহ-বজ্রের সম বাজিত সঘন ॥
 কোথায় রহিল গিয়া নির্জ্ঞন-কাননে ।
 তোমার ঐশ্বর্য্য এত, জানিবে কেমনে ॥

কর্ণ বলে, যা कहিলে গান্ধারাদিকারী ।
 ইহা অনুশোচি আমি দিবস-শরবরী ॥
 নারীর ঘোবন যথা স্বামীর বিহনে ।
 ধন তথা ব্যর্থ না দেখিলে শত্রুগণে ॥

বৈভব হয় যে ব্যর্থ বৈরী না দেখিলে ।
 বিধির নিয়ম ইহা, জানি আমি ভাল ॥
 যতদিন ইহা-সব না দেখে পাণ্ডব ।
 লাগয়ে আমার মনে বিফল এ-সব ॥
 কিন্তু এক করিয়াছি বিচার নির্ণয় ।
 বুঝিয়া করহ কার্য্য, উচিত যে হয় ॥
 প্রভাস-তীর্থের তীরে তপস্বীর বেশে ।
 বাস করে শত্রুগণ নানাবিধ ক্রেশে ॥
 চল সবে, যাব তথা স্নান করিবারে ।
 হইবে অনন্ত-পুণ্য স্নানে তীর্থনীরে ॥
 হয়-হস্তী রথ-পত্তি চতুরঙ্গ-দল ।
 সবাংকার পরিবার ভৃত্যাদি সকল ॥
 ইন্দের অধিক তব বিপুল বিভব ।
 দেখিয়া দ্বিগুণ দগ্ধ হইবে পাণ্ডব ॥
 ঘোষণাত্মা করি, সর্বলোকেতে কহিবে ।
 কিন্তু ভীষ্ম দ্রোণ দ্রৌণী, কেহ না জানিবে ॥
 ইহার বিধান এই মম মনে আসে ।
 এক-যাত্রা দুই-কার্য্য হইবে বিশেষে ॥

কর্ণের এতেক বাণী শুনি সেইক্ষণ ।
 সাধু-সাধু বলি প্রশংসিল দুর্হ্যোধন ॥
 দুঃশাসন জয়দ্রথ ত্রিগর্ত প্রভৃতি ।
 সাধু-সাধু বলি উঠে যতেক দুঃমতি ॥
 কর্ণ বলে, বিলম্ব না কর কুরুপতি ।
 হুমঙ্গল সকল সৈন্তে কর শীঘ্রগতি ॥

আজ্ঞামাত্র দুর্হ্যোধন হইল বাহির ।
 ডাকিল সকল সৈন্তে, সব যোদ্ধা বীর ॥
 যত বন্ধু-বান্ধব-সহিত-পরিবার ।
 রাণীগণ শুনি পেল আনন্দ অপার ॥
 দ্রৌপদী-সহিত দেখা, দ্বিতীয় উৎসব ।
 তীর্থস্নান তৃতীয়, চিন্তিয়া এই-সব ॥

বিশেষ সন্তুষ্টি নারী যাত্রা-মহোৎসবে ।

দৰ্শকাল বন্দিনী থাকয়ে বদ্ধভাবে ॥

নৃযান গোযান আর অখ্যান সাজে ।

রথে রথী চড়িল, পদাতি পদত্রেজে ॥

বাহিনী সাজিছে, বহু বাজিছে বাজনা ।

সমুদ্রে-সদৃশ সেনা, কে করে গণনা ॥

সাজাইয়া সৰ্বসৈন্য দুঃশাসন বেগে ।

করষোড়ে নিবেদিল নৃপতির আগে ॥

শুনিয়া কৌরবপতি উঠিল সজ্জমে ।

বাহির হইয়া নিরীক্ষয়ে ক্রমে-ক্রমে ॥

সমুদ্রে-লহরী যেন রথের পতাকা ।

মেঘের সদৃশ হস্তী, নাহি যায় লেখা ॥

মনোজব মনোজ্ঞ উত্তম তুরঙ্গমে ।

পৃথিবী আচ্ছাদি রহে বিশাল বিক্রমে ॥

সশস্ত্র সকল সৈন্য দেখিতে হৃন্দর ।

শমন সভয় হয়, কিবা ছার নর ॥

কর্ণ বলে, বিলম্বে নাহিক প্রয়োজন ।

ভীষ্মদেব শুনে যদি, করিবে বারণ ॥

এইহেতু তিলেক না বিলম্ব যুয়ায় ।

শীত্ৰগতি চল সখা, এই অভিপ্রায় ॥

শুনিয়া কৌরবপতি বিলম্ব না কৈল ।

গমন-সময়ে সব বিহুর জানিল ॥

যথা রাজা সৈন্য-মাঝে, যায় শীত্ৰগতি ।

মধুর-সস্তাষে কহে হুর্যোধন-প্রতি ॥

শুনি তাত, যাবে নাকি প্রভাসের স্নানে ।

পুণ্যকার্য্যে বাধা নাহি করি সে-কারণে ॥

কুরুবংশ-শ্রেষ্ঠ তুমি, রাজচক্রবর্তী ।

পুৱিল ভুবন তিন তোমার হৃকীৰ্ত্তি ॥

এ-সময়ে কর যত ধৈর্য্য-আচরণ ।

ভূষিত-বিভব হবে শিশুশোভন ॥

সবাকার মন মুগ্ধ প্রভাস-গমনে ।

নিবেধ না করি আমি সেই সে কারণে ॥

নানা-চিত্র-বিচিত্র হৃন্দর বনস্থল ।

দেবতা-গন্ধৰ্ব্ব তথা নিবসে সকল ॥

বহু-সিদ্ধ-ঋষিগণ উপস্থিত তথা ।

কারো সনে হৃন্দ নাহি করিহ সৰ্বথা ॥

হুর্যোধন বলে, তাত, যে-আজ্ঞা তোমার ।

যদি হৃন্দ করি, তবে কি-ভয় আমার ॥

মম সৈন্য দেখ তাত, তোমার প্রসাদে ।

ইন্দ্র-যম আসে যদি, জিনিব বিবাদে ॥

তথ্যচ বিরোধে মম কোন্ প্রয়োজন ।

শীত্ৰ তুমি নিজ-গৃহে করহ গমন ॥

বিদূরে মেলানি করি কৌরবের পতি ।

না করি বিলম্ব আর চলে শীত্ৰগতি ॥

বিনা ভীষ্ম দ্রোণ দ্রৌণী কৃপাচার্য্য-বীর ।

সৰ্বসৈন্যে হুর্যোধন হইল বাহির ॥

চলিতে চরণভরে কম্পিতা ধরণী ।

ধূলি উড়ি আচ্ছাদিল দিনে দিনমণি ॥

সৈন্য-কোলাহল যেন সাগর-গৰ্জ্জন ।

প্রমাদ গণিল সবে না বুঝি কারণ ॥

নগর ছাড়িয়া বনে করিল প্রবেশ ।

মহা-কলরবে পূর্ণ কানন-প্রদেশ ॥

মেঘের সদৃশ ধূলি গগন-মণ্ডলে ।

বহুক্ষেত্রে ভাজি সবে চলে বহুস্থলে ॥

ভারত-পঞ্চজ-রবি মহামুনি ব্যাস ।

পাঁচালি-প্রবন্ধে রচে কাশীরাম দাস ॥

১১। হৃষ্যোধনের সৈন্তদর্শনে ভীমার্জুনের রণসজ্জা
ও যুধিষ্ঠিরের সাধনা ।

এখানে প্রভাতে উঠি ভাই পঞ্চজন ।

নিত্য-নিয়মিত-কর্ম করি সমাপন ॥
স্নানহেতু যান সবে সহ-দ্বিজগণ ।
ফল-পুষ্প-হেতু কেহ প্রবেশেন বন ॥
যুগয়া করিতে যান ভীম-ধনঞ্জয় ।
রাজার নিকটে রহে মাত্রী-পুত্রদ্বয় ॥
মহাবনে প্রবেশিল ক্রমে দুই-ভাই ।
রাশি-রাশি যুগ যারিলেন ঠাই-ঠাই ॥
বনে বনে ভ্রমি দৌঁহে শ্রান্ত-কলেবর ।
বিশ্রাম করেন বসি দুই সহোদর ॥
শুনিলেন হেনকালে সৈন্ত-কলরোল ।
শ্রলয়-গর্জন, যেন সাগর-কল্লোল ॥
কটকের পদধূলি ঢাকিল গগন ।
মেঘে আচ্ছাদিল যেন সূর্য্যের কিরণ ॥

বলেন অর্জুন-প্রতি পবন-নন্দন ।

চল শীত্র, যুগয়াতে নাহি প্রয়োজন ॥
শুন ভাই, হইতেছে সৈন্ত-কোলাহল ।
পদধূলি আচ্ছাদিল গগন-মণ্ডল ॥
কৃষ্ণ-সহ র'য়েছেন পাণ্ডবের নাথ ।
বিশেষ বালক দুই-মাত্রীপুত্র-সাথ ॥
কি-কর্ম করিলু ভাই, আসি দুইজনে ।
কেবা আসি বিরোধিল ধর্ম্মের নন্দনে ॥

এতেক বিচারি শীত্র যান দুইজন ।

এথায় মাত্রীর পুত্রে করি সম্বোধন ॥
সহদেবে আজ্ঞা দেন ধর্ম্ম-নৃপমণি ।
দেখ ভাই, বনে আসে কাহার বাহিনী ॥
যুগয়া করিতে গেল ভীম-ধনঞ্জয় ।
বিলম্ব দেখিয়া মম ব্যাকুল-হৃদয় ॥

এই বনে বাস করে গন্ধর্ব্ব-কিম্বর ।
বিরোধে আসক্ত সদা বীর-বৃকোদর ॥
কি জানি, কাহার সাথে হইল বিরোধ ।
বনে কিবা এসেছিল কোন মহাযোধ ॥
আর এক মম মনে লাগে অভিপ্রায় ।
কৃশ-ক্লিষ্ট-শক্তিশীন ভাবিয়া আমায় ॥
বনমাঝে থাকি আমি তপস্বীর বেশ ।
সহায়-সম্পদহীন হত-রাজ্য-দেশ ॥
দুষ্টবুদ্ধি-কর্ণ-শকুনির মন্ত্রণায় ।
মন্দবুদ্ধি হৃষ্যোধন আসিছে হেথায় ॥
শীত্র কহ সহদেব, করিয়া নির্ণয় ।
হেনকালে উপনীত ভীম-ধনঞ্জয় ॥
দেখিয়া সানন্দ-চিত্ত ধর্ম্মের নন্দন ।
আলিঙ্গন দিয়া কন, কহ বিবরণ ॥

অর্জুন বলেন, দেব, নিশ্চয় না জানি ।

ঘোরশব্দে আসিতেছে কাহার বাহিনী ॥
নাহি জানি, কোথা গতি, কিবা অভিপ্রায় ।
বিশেষ রাখিয়া এথা গেলাম তোমায় ॥
ব্যগ্র হ'য়ে আসিলাম শীত্র সে-কারণে ।
ধর্ম্ম বলিলেন, ইহা হ'য়েছিল মনে ॥
তোমা-দুইজনে দ্বন্দ্ব হৈল কারো সনে ।
করিতেছিলাম চিন্তা আমি সে-কারণে ॥
তোমা-দৌঁহে দেখি গেল সন্দেহ-সকল ।
কিন্তু ক্রমে আসে কাছে সৈন্ত-কোলাহল ॥
বিপক্ষ স্বপক্ষ পরপক্ষ এস জানি ।
অনুযানে বুঝি মনে অনেক বাহিনী ॥

আজ্ঞামাত্র পার্শ্ব রথ করিতে স্মরণ ।

কণিধ্বজ-যুক্ত রথ দিল দর্শন ॥
ধর্ম্মেরে শ্রণাম করি পার্শ্ব উঠি রথে ।
চলিলেন বায়ুবেগে অক্লুরীক্ষ-পথে ॥

শব্দ-অনুসারে পার্শ্ব পশ্চিমেতে যান ।
দেখেন কৌরবসেনা সমুদ্রে-প্রমাণ ॥
ধ্বজচ্ছত্রে রথ-রথী পদাতি-কুঞ্জর ।
দেখি জানিলেন পার্শ্ব, কৌরব পামর ॥
তবে পুনঃ ফিরি আসে অতি-শীঘ্রগতি ।
মুহূর্ত্তেকে উত্তরিল, যথা ধর্ম্মপতি ॥
পার্শ্বে দেখি ভুস্ট হ'য়ে ধর্ম্মের নন্দন ।
জিজ্ঞাসেন, কার সৈন্য, কহ বিবরণ ॥

অর্জুন কহেন, দেব, কি জিজ্ঞাস আর ।
দেখিলাম সৈন্যসহ কুরু-কুলাঙ্গার ॥
আমা-সবে হিংসিবারে আসিল এখানে ।
নহে এই বনস্থলে কোন্ প্রয়োজনে ॥

এত শুনি মহাক্রোধে বীর বৃকোদর ।
আশ্বালন করি ভুজ উঠিল সঙ্ঘর ॥
করযোড় করি বলে সম্বোধিয়া ধর্ম্ম ।
দেখ মহারাজ, দুষ্ক-দুর্ঘ্যোধন-কর্ম্ম ॥
কপটে কপটী সব রাজ্য-ধন নিল ।
জটা-বন্ধ পরাইয়া বনে পাঠাইল ॥
দেশ হৈতে ধন-রত্ন কিছু নাহি আনি ।
কোনমতে নাহি কৈলু তার বাঞ্ছা-হানি ॥
সময়-নির্ণয় মোরা না করি লজ্জান ।
তথাচ আসিল দুষ্ক করিতে হিংসন ॥
ধর্ম্মহেতু এত কষ্ট সহি পঞ্চজন ।
সে-ধর্ম্ম নাশিল আজি দুষ্ক দুর্ঘ্যোধন ॥
এতেক যে সৈন্য আজি আসিছে হেথায় ।
তবু মনে লাগে ক্ষুদ্র-পতঙ্গের প্রায় ॥
প্রসন্ন হইয়া রাজা, আজ্ঞা কর যোরে ।
মুহূর্ত্তেকে সংহারিব শতৈক সোদরে ॥

উঠ শীঘ্র ধনঞ্জয়, বিলম্বে কি-কাজ ।
এত অপমানে কি তিলেক নাহি লাজ ॥
নিয়ম পুরিতে দিন যে-কিছু আছয় ।
মোরা না লজ্জিমু, সেই পাণিষ্ঠ লজ্জয় ॥
হে নকুল সহদেব, বীরের প্রধান ।
স্ববাস্তিত সিদ্ধ, কেন না কর বিধান ॥

এতেক কহিল যদি বৃকোদর-বীর ।
ক্রোধেতে পূর্ণিত হৈল পার্শ্বের শরীর ॥
জ্বলন্ত-অনলে যেন স্নাত তালি দিল ।
মাত্রীপুত্র দুইজন গজ্জিয়া উঠিল ॥
স্বসজ্জ করিল সব যে যার বাহন ।
তুণ হৈতে লন তুলি দিব্য-অস্ত্রগণ ॥
আড়া ভাস্কি^১ ভূগমধ্যে রাখে পুনর্বার ।
ধনুকেতে গুণ দিয়া দিলেন টঙ্কার ॥
কবচে আবৃত-তনু, নানা-অস্ত্র পৈচি^২ ।
দেবদত্ত-শঙ্খনাদ কৈল সব্যসাচী ॥
পুনঃপুনঃ লোফে গদা পবন-নন্দন ।
কহেন তখন ধর্ম্ম মধুর-বচন ॥

শুন ভাই, কোন্ কর্ম্ম তোমার অসাধ্য ।
সহজে অর্জুন এই দেবের অবধ্য ॥
বাল-সূর্যাসম দুই মাত্রীর তনয় ।
ইন্দ্র-যম আসে যদি, কিবা তাহে ভয় ॥
কিন্তু আগে করহ কারণ-নিরূপণ ।
কোন্-কার্য্য-হেতু এথা আসে দুর্ঘ্যোধন ॥
বনেতে ভ্রমণ-হেতু, কিংবা তীর্থ-স্নান ।
মৃগয়া করিতে কিংবা করিল বিধান ॥
নির্ণয় না করি আগে কর যদি যুদ্ধ ।
নিশ্চয় হইবে তবে ধর্ম্মপথ রুদ্ধ ॥

যদি আগে তারা হিংসা করিবে আমার ।
আমিহ মারিব তারে না করি বিচার ॥
দুর্ব্বলের বল ধর্ম্ম, তাহে করি হেলা ।
দুস্তর-সাগরে আর আছে কোন্ ভেলা ॥

ধর্ম্মপুত্র-মুখে শুনি এতেক বচন ।
বিরস-বদনে নিবর্ত্তিল চারিজন ॥
বেলা নিবারিল যেন সমুদ্রে-লহরী ।
হৃদয় বসিল সবে ধর্ম্ম-বরাবরি ॥
সম্মুখে বসিল যত ব্রাহ্মণ-মণ্ডল ।
অমর-বেষ্টিত যেন দেব-আখণ্ডল ॥
হৃগচর্ম্ম-কুশাসনে তপস্বীর বেশ ।
বন্ধ-পরিধান, শিরে জটাতার-কেশ ॥

কথোপকথনে সবে আনন্দিত অতি ।
যেনকালে আসে দুর্ঘ্যোধন মন্দ-মতি ॥
ব্রাহ্মণ-মণ্ডলী আর ভাই পঞ্চজনা ।
দক্ষিণে রাখিয়া চলে নৃপতির সেনা ॥
আগে চলে অগণিত পদাতিক ঢালি ।
মনোরম তুরঙ্গমে সব মহাবলী ॥
অর্কবৃন্দ অর্কবৃন্দ তবে মেঘবর্ণ-হাতী ।
চলিল বিচিত্র-চিত্রে কত-শত রথী ॥
হেনকালে কৌরবের যত নারীগণ ।
ঘুচাল রথের যত বস্ত্র-আচ্ছাদন ॥
অঙ্গুলীতে দেখাইয়া কহে এই বাণী ।
হের-দেখা কুটীরেতে দ্রুপদ-নন্দিনী ॥
বড়ভাগ্যে দেখিলাম, কহে সর্ব্বজনা ।
পিছে-পিছে চলে সৈন্য, কে করে গণনা ॥
শকট-বলদ-উষ্ট্রে নানা-দ্রব্য-সারি ।
শত-মুদিখানা সঙ্গে দোকানি-পসারি ॥
যে-কিছু বিভব-বিত্ত রাজার আছিল ।
সংহতি হৃদয়-বন্ধু সকলি আনিল ॥

উপহার যোগ্য হেন নহে হুরপতি ।
বর্ণিতে পারয়ে তাহা, কাহার শক্তি ॥
এইরূপে যায় রাজা কৌরবের পতি ।
প্রলয়-কালের যেন কলরব অতি ॥
সস্তাষ করিতে এল সঞ্জয়-নন্দন ।
সম্রাট সবার করে চরণ-বন্দন ॥
যুধিষ্ঠির জিজ্ঞাসেন, কহ সমাচার ।
কোন্ কর্ম্মে দুর্ঘ্যোধন করে আগুসার ॥
সঞ্জয়-নন্দন বলে, কর অবধান ।
করিবেন ঘোষণাত্মা, প্রভাসেতে স্নান ॥
রাজা বলে, এ-কর্ম্মে আমার অভিপ্রায় ।
আর মোর আশীর্ব্বাদ জানাবে রাজায় ॥
এ-তীর্থে অনেক সিদ্ধ-ঋষির আশ্রয় ।

দেবতা-গন্ধর্ব্ব-যক্ষ-রক্ষ-সম্প্রদায় ॥
দেখ, তিনি কুরুকূলে শ্রেষ্ঠ নরপতি ।
বিরোধ না হয় যেন কাহারো সংহতি ॥

তথা হৈতে শুনিয়া সঞ্জয়-সুত গেল ।
ধর্ম্মের যতেক কথা রাজারে কহিল ॥
শুনি অহঙ্কারে মুঢ় অবজ্ঞা করিল ।
অবজ্ঞায় দুষ্ক-কর্ণ-শকুনি হাসিল ॥
সহজে তপস্বি-লোকে দেবতার ভয় ।
কার শক্তি, ক্ষত্রিয়ের কাছে আগু হয় ॥

এত বলি মৌনভাবে রহে সর্ব্বজনে ।
পুণ্যতীর্থে প্রভাসেতে গেল কতকণে ॥
নানা-চিত্র-বিচিত্র উদ্যান মনোহর ।
প্রফুল্ল-কমলবনে গুঞ্জরে ভ্রমর ॥
কোকিল কুহরে নিত্য নিজ-মত্ততায় ।
মুনির মানস হরে বসন্তের বায় ॥
বনের বিবিধ শোভা, কে করে বর্ণন ।
দেখিয়া সানন্দ-চিত্ত রাজা দুর্ঘ্যোধন ॥

দুঃশাসন-কর্ণ-আদি হরিষ-বিধান ।
 রহিল সকল-সৈন্য যথাযোগ্য-স্থান ॥
 সারি-সারি বজ্রগৃহ দেখিতে স্তম্ভ ।
 পর্বত-সমান, যেন পর্বতের ভঙ্গ ॥
 বেড়িল বসনে তথা প্রভাসের বারি ।
 কোতুক-বিধানে স্নান করে যত নারী ॥
 তবে দুর্ঘোষন সহ-সহোদর-শত ।
 ত্রিগর্ভ-শকুনি-কর্ণ-অমাত্য-বেষ্টিত ॥
 স্নান করি কুতূহলে করে নানা-দান ।
 হয় হস্তী গাভীগণ, নাহি পরিমাণ ॥
 পরম-কোতুকে সবে স্নান-দান করি ।
 বিচিত্র-বসন নানা-অলঙ্কার পরি ॥
 জলপান করি তবে বসে সর্বজন ।
 কোতুকে বসিয়া করে তাম্বুল-চর্বণ ॥
 আলস্য-বশেতে কেহ করিল শয়ন ।
 কেহ পাশা খেলে, কেহ করয়ে রন্ধন ॥
 ভারত-পঙ্কজ-রবি মহামুনি ব্যাস ।
 পাঁচালী-প্রবন্ধে বিরচিত কাশীদাস ॥

৮২ । দুর্ঘোষনের সৈন্যসহ চিত্রসেন-
 গন্ধর্বের যুদ্ধ ।

এইমতে রহে সৈন্য যুড়ি বনস্থল ।
 গভায়াতে লগুভগু উদ্যান-সকল ॥
 হেনকালে দেখ তথা দৈবের ঘটনে ।
 গন্ধর্ব-উদ্যান এক ছিল সেই বনে ॥
 চিত্রসেন নাম তাঁর গন্ধর্ব-প্রধান ।
 যাঁর নামে সুরাসুর সদা কম্পমান ॥
 তাঁহার কিস্কর ছিল বনের রক্ষক ।
 দেখিল উদ্যান ভাঙ্গে রাজার কটক ॥

বহুসৈন্য দেখি একা না করি বিরোধ ।
 দুর্ঘোষন-অগ্রে গিয়া কহিছে সজ্ঞোধ ॥
 শুন রাজা, মোর বাক্যে কর অবগতি ।
 প্রভু মোর চিত্রসেন গন্ধর্বের পতি ॥
 কুহুম-উদ্যান তাঁর এই বনে ছিল ।
 প্রবেশি তোমার সৈন্য সকলি ভাঙ্গিল ॥
 বনের রক্ষক আমি, কিস্কর তাঁহার ।
 না করিলে ভাল কর্ম, কি কহিব আর ॥
 এইকথা মোর মুখে পাইবে সংবাদ ।
 আসিয়া ইঙ্গিতে রাজা ঘটাবে প্রমাদ ॥

এত শুনি মহাজ্ঞোদে কহে বীর কর্ণ ।
 বিকচ-কমল প্রায় চক্ষু রক্তবর্ণ ॥
 ওরে দুহু, এত কর কার অহঙ্কার ।
 কি ছার গন্ধর্ব তোর, কিবা গর্ব তার ॥
 যে-কথা কহিলি তুই আসি মম কাছে ।
 এতক্ষণ জীয়ে রহে, হেন কেবা আছে ॥
 সহজে অত্যন্নবুদ্ধি, দ্বিতীয়ে নফর ।
 যাহ শীঘ্র, আন গিয়া আপন-ঈশ্বর ॥
 বলাবল বুঝি লব সংগ্রামের কালে ।
 কর্ণের বিক্রম সেই জানে ভালে-ভালে ॥

এত বলি ঢেকা মারি বাহির করিল ।
 মহাদুঃখ-মনে রক্ষী কান্দিয়া চলিল ॥
 বসি আছে চিত্রসেন আপন-আবাসে ।
 হেনকালে অনুচর কহে যুহুভাবে ॥
 রক্ষা-হেতু ভূমি মোরে রাখিলে উদ্যানে ।
 রাজা দুর্ঘোষন আসে প্রভাসের স্থানে ॥
 তার সৈন্য উদ্যান করিল লগুভগু ।
 রাজারে কহিলু গিয়া, তার এই দণ্ড ॥
 কতক কুৎসিত-ভাষা কহিল তোমারে ।
 দুর্ঘোষন-সেনাপতি কর্ণ-নাম ধরে ॥

মনুষ্য হইয়া করে এত অহঙ্কার ।
 দোষমত দণ্ড যদি না দিবা তাহার ॥
 এইমত ছুঁচীচার করিবেক সবে ।
 লঘু-গুরু মনুষ্য-দেবেতে কিবা তবে ॥
 এত শুনি মহাক্রোধে উঠিল গন্ধর্ব ।
 কি ছার মনুষ্য, আজি নাশিব যে সর্ব ॥
 মরণকালেতে পিপীলিকা-পাখা উঠে ।
 যাইতে করিল বাহা শমন-নিকটে ॥
 ক্রোধভরে রথারোহে চলে শীত্ৰগতি ।
 ধমুক-টঙ্কার শুনি কম্পমানা ক্রিতি ॥
 দিব্য-স্বশাগিত-শরে পুরি যুগ্ম-ভূণ ।
 ক্রোধভরে আসিতেছে, জলন্ত-আগুন ॥
 কতদূরে দেখে সবে রথের পতাকা ।
 শূন্যপথে আসে, যেন জলন্ত উলকা ॥
 কুরুসৈন্য-নিকটে আইল সেইক্ষণে ।
 কহিতে লাগিল অতি-গভীর-গর্জনে ॥
 আরে ছুঁ, ত্যজ আজি জীবনের সাধ ।
 মনুষ্য হইয়া কর গন্ধর্বের বিবাদ ॥
 এতেক বলিয়া দিল ধমুকে টঙ্কার ।
 যুহুর্ভেতে শরজালে কৈল অঙ্ককার ॥
 শুনিয়া গন্ধর্ব-গর্গণ কর্ণে হৈল ক্রোধ ।
 টঙ্কারিয়া ধমুগুণ ধায় মহাযোধ ॥
 সূর্য-অস্ত্র এড়িলেন সূর্যের নন্দন ।
 কাটিয়া সকল-অস্ত্র কৈল নিবারণ ॥
 তবে ত গন্ধর্ব এড়ে তীক্ষ্ণ পঞ্চবাণ ।
 অর্ধপথে কর্ণবাণে হৈল দশধান ॥
 গন্ধর্ব দেখিল, অস্ত্র কাটিলেক কর্ণ ।
 ক্রোধে কম্পমান-ভস্ম, চক্ষু রক্তবর্ণ ॥
 সিংহযুগ্ম দিব্য-অস্ত্র যুড়িল ধমুকে ।
 অস্ত্রে অগ্নি বাহিরায় বলকে-বলকে ॥

মহাবীর কর্ণ তবে অপূর্ব-সন্ধানে ।
 কাটিল গন্ধর্ব-অস্ত্র অর্ধচন্দ্র-বাণে ॥
 সর্পবাণ যুড়িল যে গন্ধর্ব তখন ।
 যুড়িল গরুড়-বাণ সূর্যের নন্দন ॥
 তবে কর্ণ দিব্য-ভন্ন মস্ত্রে অভিষেকি ।
 কহিল গন্ধর্ব-আগে কর্ণ-বীর ডাকি ॥
 আরে ছুঁ, অহঙ্কারে না দেখ নয়নে ।
 গর্গণ চূর্ণ হবে আজি পড়ি মোর বাণে ॥
 আকর্ণ-পুরিয়া কর্ণ কৈল বিসর্জন ।
 আকাশে উঠিয়া বাণ করিল গর্জনে ॥
 অস্ত্র দেখি ব্যস্ত হ'য়ে গন্ধর্ব-ঈশ্বর ।
 শীত্ৰহস্তে এড়ে বীর চোখ-চোখ শর ॥
 দুই-অস্ত্রে মহাযুদ্ধ হইল অশ্বরে ।
 কাটিল দৌহার অস্ত্র দৌহাকার শরে ॥
 অস্ত্র ব্যর্থ দেখি কর্ণ সক্রোধ-অস্তুর ।
 চিত্রসেনে প্রহারিল শতেক তোমর ॥
 বাণাঘাতে ব্যথ হ'য়ে গন্ধর্বের পতি ।
 ডাকিয়া বলিল তবে কর্ণ-বীর প্রতি ॥
 ধম্ম তোর বীরপনা, ধন্য তোর শিক্ষা ।
 এখন বুঝ হুঁমি আমার পরীক্ষা ॥
 এতেক বলিয়া প্রহারিল দশবাণ ।
 ব্যথায় ব্যথিত কর্ণ, হইল অজ্ঞান ॥
 কতক্ষণে চেতন পাইল মহাবল ।
 বেড়িল গন্ধর্বের আসি কৌরব-সকল ॥
 শতপুর করিয়া বেড়িল সর্বসেনা ।
 ধমুক-টঙ্কার, যেন সঘন বন্বনা ॥
 দশদিক্ যুড়িয়া করিল অঙ্ককার ।
 গন্ধর্ব সবার অস্ত্র করিল সংহার ॥
 প্রাণপণে সবে যুদ্ধ করিল বিস্তর ।
 সবে নিবারণ করে গন্ধর্ব-ঈশ্বর ॥

পরশুরামের শিষ্য কর্ণ-মহাবীর ।
 অচল-পর্বত-প্রায় যুদ্ধে রহে স্থির ॥
 রাখিয়া আপন-সেনা আপন-বিজ্ঞানে ।
 প্রহরেক পর্য্যন্ত স্থবিল মহাপ্রাণে ॥
 তবে ত গঙ্ধর্ব মনে করিল বিচার ।
 জানিল কৌরবসেনা রণে অনিবার্য ॥
 মায়ী-বিনা এ-সবারে নারিব জিনিতে ।
 মায়ার পুতলীং এই বিচারিল চিতে ॥
 রথ লুকাইল তবে, না দেখি যে আর ।
 অন্তর্হিত হইয়া করিল অন্ধকার ॥
 অন্তরীক্ষে পড়ে বাণ, দেখে সর্বজননে ।
 অচ্ছিন্নে বরিষে ধারা যেমন জ্রাবণে ॥
 কোথায় গঙ্ধর্ব আছে, কেহ নাহি দেখে ।
 বৃষ্টিবৎ অস্ত্র-সব পড়ে লাখে-লাখে ॥
 মুখে মাত্র মার-মার শুনি সবাচার ।
 সৈন্যেতে অক্ষত জন না রহিল আর ॥
 পড়িল অনেক সৈন্য, রক্তে বহে নদী ।
 হয়-হস্তী রথ-রথী, কে করে অবধি ॥
 কতক্ষণ রণ সহি ছিল কর্ণ-বীর ।
 তাহার সহিত কিছু সৈন্য ছিল স্থির ॥
 শূন্য ভূণ, ছিন্ন গুণ, অঙ্গে প্রমজল ।
 বিষণ্ণ-বদন সবে হইল বিকল ॥
 সহিতে না পারি ভঙ্গ দিল কর্ণ-বীর ।
 পলায় কৌরবসেনা ভয়েতে অস্থির ॥
 অশ্বর নাহিক কারো, নাহি বাহকে কেশ ।
 পলায় সকল-সৈন্য পাগলের বেশ ॥
 বেগে ধায়, পশ্চাতে না চায় কোনজন ।
 জীগণ-রক্ষকমাত্র রাজা দুর্য্যোধন ॥

কতক্ষণ সহে যুদ্ধ, প্রাণ ব্যগ্র তার ।
 হেনকালে চিত্রসেন আইল তথায় ॥
 দুর্য্যোধনে ডাকি বলে পরিহাস-বাণী ।
 গগনে গরজে যেন যোর কাদম্বিনী ॥
 আরে মন্দমতি ছুট রাজা দুর্য্যোধন ।
 মনুষ্য হইয়া কর গঙ্ধর্বের চালন ॥
 কোথা তোর সে বন্ধু সহায় সমুদিত ।
 একা ছাড়ি গেল নারীগণের সহিত ॥
 অহঙ্কারে তুই নাহি দেখিস্ন নয়নে ।
 আজিকার রণে যাবি শমন-সদনে ॥
 ভারতের বনপর্ব হুধাসিদ্ধু-সার ।
 কাশী কহে, পিয়ে সাধু যাবে ভবপথর ॥

৮০। যুদ্ধে চিত্রসেন-গঙ্ধর্বের অশ্বর এবং নারীগণের
 সহিত দুর্য্যোধনের বচন ।

কর্ণ ভঙ্গ দিল রণে, ব্যাকুল গঙ্ধর্ব-বাণে,
 পলায় সকল সেনাপতি ।
 পলায় ত্রিগুর্ভনাথ, সৌবল-শকুনি-সাথ,
 কর্ণ হুঃশাসন বিবিশ্রুতি ॥
 যত-যত মহাবীর, রণেতে নহিল স্থির,
 প্রমাদ গণিয়া সর্বজন ।
 কে করে তাহার লেখা, কেবল রাখিয়া একা,
 নারীহৃদ-সহ দুর্য্যোধন ॥
 মহাপ্রসন্ন হ'য়ে ধায়, নারীপানে নাহি চায়,
 রথ চালাইয়া শীত্ৰগতি ।
 অশ্ব গজ ধায় রড়ে পদেতে পদাতি পড়ে,
 উঠে, হেন নাহিক শক্তি ॥

হেনমতে সৈন্যসব, করি মহা-কলরব, ইত্যাদি অনেক করি, স্তুতি করে কুলনারী,
 প্রাণ ল'য়ে পলায় তরাসে । কেহ নিন্দা করে নিজপতি ।
 প্রতিশব্দে কোলাহল, পূর্ণ হৈল বনস্থল, দুর্ভবুজি স্বামিগণ, ধর্ম্মে হিংসে অনুক্ষণ,
 দেখিয়া গন্ধর্ব্বপতি হাসে ॥ সে-কারণে হৈল হেন গতি ॥
 তবে দুর্ঘ্যোধনে কয়, দুর্ভবুজি পাপাশয়, কুরুশ্রেষ্ঠ ধর্ম্মপতি, ধর্ম্মেতে বাঁহার মতি,
 না জানিস্ গন্ধর্ব্ব কেমন । অনুগত ভাই চারিজন ।
 আরে মন্দমতিমান, নাহি ভালমন্দ-জ্ঞান, কেবল ধর্ম্মের সেতু, প্রাণ ত্যজে ধর্ম্মহেতু,
 অহঙ্কারে করিস্ হেলন ॥ তাঁরে দুঃখ দিল দুর্ঘ্যোধন ॥
 না জানিস্ নিজ-বল, এখন উচিত-ফল, সতী সাধ্বী পতিব্রতা, দেব-দ্বিজে অনুগতা,
 মোর হাতে অবশ্য পাইবে । সতত ধর্ম্মেতে বাঁর মতি ।
 লইব তোমার প্রাণ, ইহাতে নাহিক আন, লক্ষ্মী-অংশ যাক্সেনী, সত্তামধ্যে তাঁরে আনি,
 মনের বাসনা পূর্ণ হবে ॥ চূলে ধরি করিল দুর্গতি ॥
 এত বলি নিজ-অস্ত্র, যুড়িলেন লঘুহস্ত, সে ধর্ম্ম ফলিল আজি, বিপদ-সাগরে মজি,
 গন্ধর্ব্ব-ঈশ্বর ক্রোধ-মনে । সবাই হারানু জাতিকুল ।
 অব্যর্থ জানয়ে সজি, এবে সে করিয়া বন্দী, বার্তা পেলে ধর্ম্মরাজ, জানিয়া কুলের লাজ,
 ধরিলেক রাজা দুর্ঘ্যোধনে ॥ কেবল রক্ষার মাত্র মূল ॥
 বন্দী হৈল কুরুশ্রেষ্ঠ, সপক্ষ দিলেক পৃষ্ঠ, তবে দুর্ঘ্যোধন-নারী, এই যুক্তি মনে করি,
 দোসর নাহিক আর সাথে । অনুচরে কহে শীত্রগতি ।
 স্ত্রীরূপ-সহিত রাজা, রথে তুলে মহাতেজা, বিলম্ব না কর তাত, যথা পাণ্ডবের নাথ,
 শীত্রগতি যায় স্বর্গপথে ॥ কহ গিয়া সকল দুর্গতি ॥
 ঘোর আত্মনাশ করি, কান্দয়ে সকল নারী, কহিবে বিনয় করি, মো-সবার নাম ধরি,
 হায়-হায় ডাকে উচ্চৈঃস্বরে । নিশ্চয় মজিল কুরুবংশ ॥
 কপালে কঙ্কণাঘাত, ঘন ডাকে জগন্নাথ, মো-সবার কর্ম্মকলে, এ-কুৎসা-কলঙ্ক কূলে,
 পার কর বিপত্তি-সাগরে ॥ চিত্রসেন-হাতে জাতি-ধ্বংস ॥
 মোরা সবে-ধর্ম্মহীন, পাপকর্ম্ম প্রতিদিন, অনুচর কহে বাণী, সত্য কহ ঠাকুরাণি,
 তব ভক্তিলেশ নাহি মনে । পাসরিলা পূর্ব্বকথা সব ।
 সত্য মোরা হীনতপা, কেবল করহ কৃপা, যে-কর্ম্ম করিয়া তাঁরে, পাঠাইলা বনান্তরে,
 দীনবন্ধু-নামের কারণে ॥ তাঁহা-বিনা কে আছে বান্ধব ॥

যে আজ্ঞা তোমার মাতা, এখনি যাইব তথা,
কহিব সকল সমাচার ।
ধর্মরাজ মহাশয়, বীর বটে ধনঞ্জয়,
ভীম-হস্তে নাহিক নিস্তার ॥
রাণী বলে, ধর্মরাজ, জানিয়া কুলের লাজ,
মো-সবার আপদ-ভঞ্জে ।
না করিবে ভেদমতি, পরদুঃখে দুঃখী অতি,
উদ্ধারিবে পাঠায়ে অর্জুনে ॥
স্বামী মোর অপরাধী, ইহাতে অবজ্ঞা যদি,
করিয়া উদ্ধার না করিবে ।
মিলিয়া সকল নারী, বিষ-অগ্নি ভর করি,
কিংবা জলে প্রবেশি মরিবে ॥
এত শুনি শীত্র দূত, গেল যথা ধর্মহৃত,
মাত্তীর তনয় ভীমার্জুন ।
বেষ্টিত ব্রাহ্মণভাগে, করযোড় করি আগে,
কহিতে লাগিল সত্বর ॥
অবধান মহারাজ, দৈবের দুর্গতি কাজ,
রাজা এল প্রভাসের স্থানে ।
বিধির নির্বন্ধ কর্ম, খণ্ডন না যায় ধর্ম,
বন্দী হৈল চিত্রসেন-বাণে ॥
চিত্রসেন মায়াবলে, পোড়াইল অস্ত্রানলে,
প্রাণেতে কাতর যত সেনা ।
কর্ণ-বীর দুঃশাসন, আদি মহাযোদ্ধাগণ,
প্রাণ ল'য়ে ধায় সর্বজন ॥
একা ছিল দুর্ঘোষধন, রক্ষা-হেতু নারীগণ,
প্রাণপণে যুঝিল রাজন ।
যতক নারীর সহ, করাইয়া রথারোহ,
ল'য়ে যায় করিয়া অর্জুন ॥

প্রতিকারে নহে শক্য, পৃষ্ঠভঙ্গ দিল পক্ষ,
যার শেষে জাতি-কুল-প্রাণ ।
পড়িয়া বিপত্তি ঘোরে, তব ভ্রাতৃ-বধু মোরে,
পাঠাইয়া দিলা তব স্থান ॥
কিবা আর কব আমি, আজন্ম আমার স্বামী,
অপরাধী তোমার চরণে ।
কুলের কলঙ্কদায়, ভয়াবৃত্ত-জনের ভয়,
দূর কর আপনার গুণে ॥
ইহা-সবাকার দোষে, যদি এই অভিযোগে ১,
উদ্ধার না কর ধর্মপতি ।
হইবে বধের ভাগী, জীব বা কিসের লাগি,
অনল-গরল-জলে গতি ॥
তোমার কুলের নারী, গন্ধর্ব্ব লইয়া হরি,
যাবৎ না যায় অতিদূর ।
বুঝিয়া উচিত কর্ম, পালহ কুলের ধর্ম,
রক্ষা কর, কুলের ঠাকুর ॥
শুনিয়া চরের কথা, মর্মে পাইলেন ব্যথা,
ধর্মপুত্র রাজা যুধিষ্ঠির ।
কুলের কলঙ্ক আর, ভয়ে আত্মা অবলার,
রক্ষা-হেতু হ'লেন অস্থির ॥
বিষম-নিগ্রহ জ্ঞানি, বিচারিয়া ধর্মমণি,
অর্জুনে কহেন সবিশেষ ।
শীত্র আন দুর্ঘোষধনে, কহি চিত্রসেন-স্থানে,
যাবৎ না যায় নিজদেশ ॥
বিনয়-পূর্ব্বক তথা, কহিবে মধুর-কথা,
বহুবিধ আমার বিনয় ।
যদি তাহে সাধ্য নহে, বৈপায়ন-দাস কহে,
দণ্ড দিবে, উচিত যে হয় ॥

৮৪। ধর্মাজ্ঞার ভীষাঙ্কুরের বৃদ্ধসজ্জা এবং নারী-

গণের সহিত দুর্ঘ্যোথনের যুক্তি।

যুধিষ্ঠির বলিলেন, যাহ শীঘ্রগতি।

গন্ধর্ব্ব না যায় যেন আপন-বসতি ॥

ছাড়াইয়া আন গিয়া প্রধান কৌরবে।

প্রণয়পূর্ব্বক হ'লে হৃন্দ না করিবে ॥

এত যদি कहিলেন ধর্ম্ম-নরপতি।

গর্জ্জিয়া উঠিল ভীম-অঙ্কুর স্তম্ভতি ॥

ধন্য মহাশয় তুমি, ধর্ম্ম-অবতার।

এখনো ঈদৃশ-বুদ্ধি হৃদয়ে তোমার ॥

আমা-সবাকারে চুষ্ঠ যতেক করিল।

কাল পেয়ে সেই বৃক্ষ এখন ফলিল ॥

অহর্নিশ জাগে সেই মনের অনিষ্ট ৷

গন্ধর্ব্ব দিলেক শাস্তি, ঘুচিল অরিষ্ট ॥

অধর্ম্মে বাড়য়ে রাজা, অধর্ম্মীর হুথ।

তাহা দেখি নিত্য পাই পরম-কৌতুক ॥

ক্রমে-ক্রমে সকল সংসার করে জয়।

যথাকালে মূলের সহিত নষ্ট হয় ॥

যত গর্ব্ব করিল কৌরব দুরাশয়।

নিঃশত্রু হইল রাজ্য, চল নিজালয় ॥

এতেক বলিল যদি ভাই দুইজন।

মনেতে চিন্তেন তবে ধর্ম্মের নন্দন ॥

বিনা-ক্রোধে কার্য্যসিদ্ধি না হবে নিশ্চয়।

ভাবি ধর্ম্ম कहিলেন ডাকি ধনঞ্জয় ॥

কহিলে যতেক পার্শ্ব, অস্থথা না করি।

সে মম পরম শত্রু, আমি তার বৈরী ॥

আজ্ঞাপক্ষে ঘরে হৃন্দ করিব যখন।

তারা শত সহোদর, মোরা পঞ্চজন ॥

সেই হৃন্দ হয় যদি পরপক্ষগত।

তখন আমরা ভাই পঞ্চোত্তর-শত ॥

সে-কারণে কহি ভাই, করিতে উদ্ধার।

পূর্ব্বাপর আছে ভাই, নীতি বিধাতার ॥

আর এককথা শুন বিচারিয়া মনে।

যদি না আনিবে তুমি রাজা দুর্ঘ্যোথনে ॥

চুষ্ঠবুদ্ধি রাজা চিত্রসেন অতিশয়।

মনে তার অহঙ্কার হইবে উদয় ॥

লইবেক দুর্ঘ্যোথনে সহ নারীবৃন্দ।

অমরমণ্ডলী যথা আছেন হুরেন্দ্র ॥

সবাকার আগে কহিবেক সমাচার।

জিনিষু কৌরবসেনা রণে অনিবার ॥

যুধিষ্ঠির-পঞ্চভাই তথায় আছিল।

মোর পরাক্রম যত বসিয়া দেখিল ॥

তাহার কুলের বধু-সহ দুর্ঘ্যোথন।

বান্ধিয়া আনিষু, দেখিলেক সর্ব্বজন ॥

বারণ করিতে শক্তি নহিল কাহার।

কহিবে ইন্দ্রের আগে এই সমাচার ॥

শুনিয়া হাসিবে যত অমর-সমাজ।

অবজ্ঞা করিবে তোমা ইন্দ্র-দেবরাজ ॥

তুমি যে অবজ্ঞা কর ভাবিয়া বিপক্ষ।

দেবতা জানিবে, তুমি বলেতে অশক্য ॥

আনিতে বলিষু আমি ইহা মনে করি।

নহে দুর্ঘ্যোথন মম কোন উপকারী ॥

শুনিয়া উঠিল কোপে বীর ধনঞ্জয়।

এমত কহিবে চুষ্ঠবুদ্ধি পাণ্ডাশয় ॥

এই দেখ মহাশয়, তোমার প্রসাদে।

না জীবে গন্ধর্ব্ব আছি, পড়িল প্রমাদে ॥

এত বলি মহাক্রোধে উঠিয়া অর্জুন ।
গাণ্ডীব নিলেন হাতে বান্ধি যুগ্ম-ভৃগু ॥
যুধিষ্ঠিরে প্রণমিয়া করি কৃতাজ্ঞলি ।
রথে গিয়া চড়িলেন ত্রীগোবিন্দ বলি ॥
পবন-গমন জিনি চলে স্বর্গপথ ।
ক্লেমে উত্তরিল, যথা চিত্রসেন-রথ ॥
পাছে আসে ধনঞ্জয়, ফিরিয়া নেহালি ।
শীত্ৰগতি রথ চালাইল মহাবলী ॥

তবে পার্থ মনে-মনে করেন বিচার ।
ভয়ে ওই পলায় গন্ধর্ব্ব কুলাঙ্গার ॥
অতিবেগে ধায় রথ, যাবে স্বর্গমাঝে ।
বিদিত হইবে তবে দেবতা-সমাজে ॥
ইহা জানি শরজালে রোধিলেন পথ ।
কাঁফর গন্ধর্ব্বপতি, না চলিল রথ ॥
চতুর্দিকে ফিরি দেখে, যেতে নাহি শক্য ।
পিঞ্জরের মধ্যে যেন রহে পোষা-পক্ষ ॥
সেইক্ষণে উপনীত বীর ধনঞ্জয় ।

দেখিয়া গন্ধর্ব্বপতি কহে সবিনয় ॥
কহ পার্থ, কোন্-হেতু আসিলে হেথায় ।
দুর্য্যোধন-উপকারে আসিতেছ প্রায় ॥
এই সে আশ্চর্য্য বড় লাগে মোর মনে ।
আজন্ম হিংসিল দুই তোমা-পঞ্চজনে ॥
কহিতে না পারি, পূর্ব্বের দিল যত ক্লেশ ।
সম্প্রতি দেখি যে বনে তপস্বীর বেশ ॥
তাহার উচিত ফল পায় দৈববশে ।
পথ ছাড়, শীত্ৰগতি যাই নিজবাসে ॥

পার্থ বলিলেন, জ্ঞান নাহিক তোমায় ।
কহিলে যতেক কথা পাণ্ডুলের প্রায় ॥

আপনা-আপনি লোক যত দ্বন্দ্ব করে ।
আত্মপক্ষ কভু নহে প্রতিপক্ষ পরে ॥
ইহাতে এতেক ছিদ্ৰে কহিস্ অজ্ঞান ।
আমা-সবে ভিন্ন-ভাব ক'রেছিস্ জ্ঞান ॥
যুধিষ্ঠির-ভুল্য মম ভাই দুর্য্যোধন ।
তাহারে লইয়া যাস্ করিয়া বন্ধন ॥
এই কুলবধুগণে ল'য়ে তুমি যাবে ।
লোকেতে করিবে কুৎসা, কলঙ্ক রটিবে ॥
কুলের কুৎসায় স্থখী কুলাঙ্গার-জন ।
কি-মতে সহিবে তাহা আমার এ-মন ॥
এইহেতু শীত্ৰগতি আইনু হেথায় ।
ছাড় দুর্য্যোধনে, নহে যাবে যমালয় ॥
করহ সকলে মুক্ত, নহে ফল দিব ।
মুহূর্ত্তে শমন-গৃহে তোমারে পাঠাব ॥

চিত্রসেন বলে, তোর জানিলাম মতি ।
বুঝিয়া করিল বিধি এতেক দুর্গতি ॥
মরিতে বাসনা তোর হইল নিশ্চয় ।
দুইভাই এক সঙ্গে যাবি যমালয় ॥
এত বলি দিল শীত্ৰ ধনুকে টঙ্কার ।
দশদিক্ শরজালে কৈল অন্ধকার ॥
দেখি পার্থ হইলেন জ্বলন্ত-অনল ।
নিমিষের মধ্যে কাটিলেন সে-সকল ॥
বিচিত্র দৌহার শিক্ষা, দৌহে লঘুহস্ত ।
বৃষ্টিবৎ শত-শত পড়ে কত অস্ত্র ॥
কাটিল দৌহার অস্ত্র দৌহাকার শরে ।
জ্বলন্ত-উলকা-প্রায় উঠয়ে অশ্বরে ॥
হইল দৌহার অঙ্গ শরেতে জর্জর ।
তিলেক জ্বলন্ত নাহি, দৌহে ধনুর্জর ॥

গন্ধর্ব্ব আপন-মায়া করিল প্রকাশ ।
 সন্ধান পুরিয়া অস্ত্র এড়িলেন পাশ ॥
 দিব্য-অস্ত্র এড়ি পার্থ করে নিবারণ ।
 দশ-অস্ত্র অঙ্গে তার করেন ঘাতন ॥
 দেবতা গন্ধর্ব্ব যক্ষ রাক্ষসিক-দীক্ষা ।
 নরেতে নাহিক তুল্য অৰ্জ্জুনের শিক্ষা ॥
 যে-বাণে গন্ধর্ব্ব বাঞ্চে রাজা দুৰ্য্যোধনে ।
 সেই বাণ ধনঞ্জয় যুড়ে ধনুগুণে ॥
 বাক্ষি গন্ধর্ব্বের গলা ভুজের সহিত ।
 নিজরথে চড়াইয়া চলেন স্থরিত ॥
 নারী-সহ দুৰ্য্যোধন গন্ধর্ব্বের পতি ।
 মুহূর্ত্তেকে উপনীত ধর্ম্মের বসতি ॥
 সমর্পিয়া সকলারে করে নিবেদন ।
 যেক্রপে গন্ধর্ব্বপতি করিলেক রণ ॥

যুধিষ্ঠির খুলিলেন দৌহার বন্ধন ।
 পার্শ্বে অনুযোগ করিলেন অগণন ॥
 এই চিত্রসেন জান গন্ধর্ব্বের পতি ।
 ইহায়ে উচিত নহে এতেক দুর্গতি ॥
 চিত্রসেনে কহিলেন, তুমি মতিমন্ত ।
 চালন্য করহ কেন ক্রজিয় দুঃস্থ ॥
 বালক অৰ্জ্জুন করিলেক অপরাধ ।
 চাহিয়া আমার মুখ করহ প্রসাদ ॥
 না কহিবে ইন্দ্রকে এ-সব অপমান ।
 যাহ, শীঘ্র নিজালয়ে করহ প্রয়াণ ॥
 শুনিয়া গন্ধর্ব্বপতি আনন্দিত-মনে ।
 আশার্বাদ করি তবে চলে সেইকণে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৮৫ । দুৰ্য্যোধনের সপরিবারে স্বদেশে
 প্রস্থান ।

গন্ধর্ব্ব বিদায় ল'য়ে গেল নিজস্থান ।
 দুৰ্য্যোধন আসি ধর্ম্মে করিল প্রণাম ॥
 বসিল মলিনমুখে হ'য়ে নতশির ।
 মধুর-বচনে কহিছেন যুধিষ্ঠির ॥
 শুন ভাই, হেন কর্ম্ম না করিহ আর ।
 পৌরুষ নাহিক ইথে আশা-সবাকার ॥
 বিশেষে বৈভবকালে ধর্ম্ম-আচরণ ।
 ধন হৈলে নাহি করে ধর্ম্মকে হেলন ॥
 কহিলেন এইমত বহু-নীতি-বাণী ।
 অগ্রসরি নারীগণে আনে যাজ্ঞসেনী ॥
 দ্রৌপদীয়ে প্রণামিল যত নারীগণ ।
 যতেক দুঃখের কথা কৈল নিবেদন ॥
 দুস্তর-সাগর-মাঝে ডুবিল তরণী ।
 নিজগুণে উদ্ধারিলা ধর্ম্ম-নৃপমণি ॥
 বুঝিলাম কুরুবংশ-রক্ষার কারণে ।
 তোমা-সবে নিবসতি কৈলে এই বনে ॥
 তবে কৃপা সবাকার করিল সন্মান ।
 ক্ষুধার্ত্ত দেখিয়া দিল দিব্য-অন্নপান ॥
 একত্রে হইল তবে যত সৈন্যগণ ।
 পরম-কৌতুকে সবে করিল ভোজন ॥
 রাজা-আদি করিয়া ভুঞ্জিল ক্রমে-ক্রমে ।
 নারীরূপ আকুল হইল সবে যুমে ॥
 ভয়ে কেহ নাহি শোয় রাজার কারণে ।
 দ্রৌপদী-সহিত আছে কথোপকথনে ॥
 তবে যানী দুৰ্য্যোধন মলিন-বদনে ।
 বিদায় লইয়া চলে ধর্ম্মের চরণে ॥

মধুর-সন্তোষে রাজা করিয়া বিদায় ।
 অগ্রসরি কতদূর যান ধর্ম্মরায় ॥
 শীঘ্রগতি চলে সবে যত সেনাগণ ।
 বিরস-বদনে যায় রাজা দুর্ব্যোধান ॥
 নগরে যাইতে আর আছে কত পথ ।
 সেইখানে দুর্ব্যোধান রহাইল রথ ॥
 মাতুল শকুনি আর কর্ণ-দুঃশাসনে ।
 সস্বোধি কহিতে লাগে স্তম্ভোঃখিত-মনে ॥
 স্বসৈন্য-সহিত দেশে যাহ সর্ব্বজন ।
 নিশ্চয় কহিনু, আমি ত্যজিব জীবন ॥
 পূর্ব্বে না বুঝিনু আমি আপনার বল ।
 দিয়াছেন বিধি তার সমুচিত ফল ॥
 পূর্ব্বে যদি এ-সকল কহিতে হে সবে ।
 যুধিষ্ঠির-সহ কেন বিরোধ ঘটবে ॥
 ভীমার্জুন হৈতে মোরে স্নেহ তাঁর অতি ।
 স্বচ্ছন্দে পালিত মোরে ধর্ম্ম-নরপতি ॥
 ভ্রাতৃত্বদে করাইলে করিয়া আশ্বাস ।
 আমি মন্দমতি, তাহে করিনু বিখ্যাস ॥
 অনুক্ষণ কহ সবে, মারিব পাণ্ডব ।
 চক্ষু-কর্ণ-বিবাদ ঘুচিল আজি সব ॥
 পলাইলে সবে মোরে রাখি যুদ্ধভূমে ।
 বাঙ্কিয়া লইতেছিল গন্ধর্ব্ব আশ্রমে ॥
 আর দেখে অপরূপ রহস্য বিধির ।
 আজন্ম হিংসিনু আমি রাজা যুধিষ্ঠির ॥
 উদ্ধার করিল সেই আমা-হেন জনে ।
 মরণ-অধিক লাজ মন্তক-মুণ্ডনে ॥
 চিত্রসেন-হস্তে মৃত্যু শ্রেষ্ঠ শতগুণে ।
 অযশ, উদ্ধার মোরে করিল অর্জুনে ॥
 কোন্ লাজে লোকমাঝে দেখাব বদন ।
 নিশ্চয় না যাব দেশে, এই নিরুপণ ॥

তবে কর্ণ মহাবীর দেখিয়া অশক্য ।
 কহিতে লাগিল কথা রাজ-হিত-পক্ষ ॥
 শুন রাজা, কি-কারণে চিন্তা অকারণ ।
 জয়-পরাজয় যত দৈবের ঘটন ॥
 দেবরাজ ইন্দ্র হন অমর-সৈন্যর ।
 সদাকাল দেখে তাঁর দানবের ডর ॥
 কতবার স্বর্গভ্রষ্ট করাইল তাঁরে ।
 পুনর্ব্বার পায় রাজ্য বিবিধ-প্রকারে ॥
 পূর্ব্বাপর হেন নীতি বিধির আছয় ।
 কখন বা জয় যুদ্ধে, কভু পরাজয় ॥
 কহিলে যে, যুধিষ্ঠির উদ্ধার-কারণ ।
 আপনার ধর্ম্ম সেই করিল পালন ॥
 ধর্ম্মপুঞ্জ যুধিষ্ঠির অধর্ম্মের ভয়ে ।
 তোমা উদ্ধারিতে পাঠাইল ধনঞ্জয়ে ॥
 সৈন্যহেতু সেনাপতি জয় করে রণ ।
 পূর্ব্বাপর এইমত বিধির ঘটন ॥
 শুন ওহে মহারাজ, আমার বচন ।
 আজি আমি কহি কথা, করিব যেমন ॥
 প্রতিজ্ঞা করিনু আমি সবাকার আগে ।
 মহাবীর ধনঞ্জয় থাক মোর ভাগে ॥
 তব হস্তে ভীমসেন না ধরিবে টান ।
 আর জনে সংহারিব পতঙ্গ-সমান ॥
 পরাজয়-হেতু রাজা, কর অভিমান ।
 শাস্ত্রমত কহি, শুন তাহার বিধান ॥
 বিজ্ঞার সমান বন্ধু নাহি ত্রিভুবনে ।
 অপত্য সমান স্নেহ নাহি অন্যজনে ॥
 শত্রু কেহ নাহি রাজা, ব্যাধির সমান ।
 সবার আশ্রিত দেখে দৈব বলবান ॥
 দৈবরণ বুঝি ক্ষমা করিলাম সবে ।
 মনুষ্য হইলে বলি অপমান তবে ॥

এতেক বলিল যদি সূর্যের নন্দন ।
 তথাপিহ মৌনভাবে আছে দুর্ঘ্যোধন ॥
 হেনকালে মিলি দৈত্য-দানব-সকল ।
 দুর্ঘ্যোধন-দুঃখে কহে হইয়া বিকল ॥
 আমাদের অংশে জন্ম হইল ইহার ।
 তেঁই সে ইহার দুঃখে দুঃখ সবাকার ॥
 আশ্বাস করিয়া সবে বলে শূন্যবাণী ।
 ঘরে যাহ, ওহে রাজা, কর্ণ-কথা শুনি ॥
 যাহ রাজা কুরুশ্রেষ্ঠ, আপন-আলয় ।
 কর্ণের প্রতিজ্ঞা রাজা, কভু মিথ্যা নয় ॥
 যুদ্ধে পরাজয়-হেতু না করিহ মনে ।
 দেবক্স-মনুষ্যে যুদ্ধ, ভঙ্গ সে-কারণে ॥
 'এত শুনি উঠিলেন কৌরবের পতি ।
 সসৈন্যেতে নিজালয়ে যায় শীত্রগতি ॥
 পাইয়া এ-সব বার্তা ভীষ্ম মহাবল ।
 ধৃতরাষ্ট্র-অগ্রে গিয়া কহিল সকল ॥
 তোমার পুত্রের কথা করহ শ্রবণ ।
 যে-হেতু বিলম্ব তার হৈল এতকণ ॥
 যথায় কাম্যক-বন প্রভাসের তীরে ।
 পঞ্চ-ভ্রাতৃ-সহ যথা রাজা যুধিষ্ঠির ॥
 দুষ্কবুদ্ধি কর্ণ-শকুনির দুষ্কপণে ।
 বৈভব দেখাতে গেল ল'য়ে সর্বজনে ॥
 গন্ধর্ব্ব-অধিপ-সহ সংগ্রাম হইল ।
 সসৈন্যে শকুনি-কর্ণ হারি পলাইল ॥
 নারীবৃন্দ-সহ পরে ধরি দুর্ঘ্যোধন ।
 গন্ধর্ব্ব লইতেছিল করিয়া বন্ধন ॥
 দয়ার সাগর অতি ধর্ম্মের তনয় ।
 উদ্ধারিতে পাঠাইল বীর ধনঞ্জয় ॥
 এখনো এরূপ যার ধর্ম্ম-আচরণ ।
 সর্বত্র তাহার জয়, জানিহ রাজন ॥

শুনিয়া অন্ধের হৈল বিচলিত মন ।
 বহুমতে নিন্দা করে নিজ-পুঞ্জগণ ॥
 বনপর্বে ঘোষণাত্তা, কৌরব-মোচন ।
 পাণ্ডবের কীৰ্ত্তি-গাথা অপূর্ব্ব-রচন ॥
 কাশীরাম দাস কহে রচিয়া পয়ার ।
 অবহেলে শুনে যেন সকল সংসার ॥

৮৬। হস্তিনায় শশিষ্য দুর্কাসার আগমন ।

জন্মেজয় বলে, মুনি, কহ বিবরণ ।
 সহজে অশুদ্ধবুদ্ধি রাজা দুর্ঘ্যোধন ॥
 আজন্ম হিংসিল দুষ্ক নানা-দুষ্কাচারে ।
 ক্রমাবস্তু ধর্ম্মশীল ধর্ম্ম-অবতারে ॥
 তথাপিহ করি স্নেহ তারেন সঙ্কটে ।
 হেনজনে দুঃখ-কষ্ট দিলেক কপটে ॥
 যত্ন হৈতে উদ্ধারিল যেই মহাজন ।
 পুনরপি বাঞ্ছা করে তাহার মরণ ॥
 অহিংসা পরম-ধর্ম্ম না করে গণন ।
 সে-হেতু সবংশে মজে রাজা দুর্ঘ্যোধন ॥
 শুনিলাম মিষ্টকথা তোমার বদনে ।
 অতঃপর কি করিল দুষ্কবুদ্ধিগণে ॥
 শুনিবারে ইচ্ছা বড় ইহার বিধান ।
 পিতামহগণ তবে গেল কোন্ স্থান ॥
 শুনিতে আনন্দ বড় জন্ময়ে অন্তরে ।
 বিস্তারিয়া মুনিবর, বলহ আমারে ॥

বলেন বৈশম্পায়ন, শুন কুরুবর ।
 কাম্যক-কাননে আছে পঞ্চ-সহোদর ॥
 যজ্ঞ-জপ-ব্রত-তপ-ধর্ম্ম-আচরণ ।
 পূর্ব্বমত শত-শত ব্রাহ্মণ-ভোজন ॥

এখায় আসিয়া তবে কৌরব-প্রধান ।
 গন্ধর্ব্ব-পতির হস্তে পেয়ে অপমান ॥

আহারে অরুচি হৈল, অভিমান মনে ।
 একান্তে বসিয়া কহে যত দুঃখগণে ॥
 হে কর্ণ প্রাণের সখা, মাতুল-ঠাকুর ।
 কিমত-প্রকারে মোর দুঃখ হবে দূর ॥
 করিলে অযুক্তি সবে যতেক মন্ত্রণা ।
 বিশেষ হইল সেই আপন-যজ্ঞণা ॥
 সুন্দর দেখাবে বলি পরিল অঙ্গন ।
 বিধির বিপাকে অন্ধ হইল নয়ন ॥
 গন্ধর্ব্ব করিল যত মম অপমান ।
 ততোধিক শত্রু-হস্তে লভি পরিত্রাণ ॥
 ইহা হৈতে মৃত্যু গণি শ্রেষ্ঠ শতগুণে ।
 এতেক দুর্গতি হবে, কেবা ইহা জানে ॥
 আর দেখ পাণ্ডবের পুণ্যের বিকাশ ।
 স্বর্গের অধিক সুখ অরণ্য-নিবাস ॥
 ইন্দ্রের সমান সঙ্গী চারি-সহোদর ।
 সূর্য্যতুল্য শত-শত আছে দ্বিজবর ॥
 মনের মানসে সবে করে নানাতোণ ।
 দ্রুপদ-নন্দিনী একা করয়ে সংযোগ ॥
 জানিহু নিশ্চিত তারা দৈবে বলবান্ ।
 মম সুখ নহে তার শতাংশ-সমান ॥
 সূর্য্যের সমান পঞ্চ-শত্রু বলবন্ত ।
 ত্রয়োদশ-বৎসরাস্তে করিবেক অন্ত ॥
 অর্জ্জুনে জিনিবে, হেন নাহি ত্রিভুবনে ।
 হুঁরাহুঁর-নর-আদি আছে যতজনে ॥
 মাতুল ত্রিগুর্ভ তুমি আমি দুঃশাসন ।
 বহুশ্রম করিলে না পারি কদাচন ॥
 বনবাস শেষ হৈতে যতদিন রয় ।
 ইতিমধ্যে এমন উপায় যদি হয় ॥
 প্রকারে পরম শত্রু হয় যদি নাশ ।
 পূর্ণ হয় আমার মনের অভিলাষ ॥

এতেক কহিল যদি রাজা দুর্ঘ্যোধন ।
 কহিতে লাগিল তবে দুঃখ-মন্ত্রিগণ ॥
 কি-কারণে কর তুমি পাণ্ডবের ভয় ।
 নিজ-পরাক্রম নাহি জান মহাশয় ॥
 বুদ্ধিবলে করিব, উপায় যত আছে ।
 তাহাতে নিস্তার পেয়ে যদি তারা বাঁচে ॥
 অন্ত্রের অনলে দগ্ধ করিব পাণ্ডবে ।
 সামান্য-কর্ম্মেতে কেন চিন্তা এত সবে ॥
 দুঃখ-মন্ত্রিগণ যত কহিলেক ভাষা ।
 কত দিনান্তরে তার আসিল দুর্কাসা ॥
 সঙ্গিতে সহস্র-দশ-শিষ্য মহা-ঋষি ।
 মধ্যাহ্ন-সূর্য্যের প্রায় উত্তরিল আসি ॥
 দুর্ঘ্যোধন শুনি তবে ঋষি-আগমন ।
 আগুসরি কতদূর গেল সর্ব্বজন ॥
 যতেক অমাত্য আর সহোদর-শত ।
 মুনির চরণে সবে কৈল দণ্ডবৎ ॥
 প্রণাম করিল শিষ্যগণে সর্ব্বজনে ।
 বসাইল মুনিরাজে রত্ন সিংহাসনে ॥
 সুশীতল জল আনি রাজা দুর্ঘ্যোধন ।
 আপনি করিল ধৌত মুনির চরণ ॥
 পাণ্ড-অর্ঘ্য-আদি দিয়া পূজে মুনিরাজে ।
 সেইমতে পূজিলেক শিষ্যের সমাজে ॥
 করঘোড় করি তবে রাজা দুর্ঘ্যোধন ।
 কহিতে লাগিল কিছু বিনয়-বচন ॥
 নিবেদন আছে কিছু, কিন্তু ভয় হয় ।
 আমার ভাগ্যের কথা কহনে না যায় ॥
 আজি মোরে স্প্রশন্ন হৈল দেবগণ ।
 সে-কারণে দেখিলাম তব ক্রীচরণ ॥
 মুনি বলে, শুনিয়াছ তব ভাগ্য-কথা ।
 সে-হেতু আসিতে বাঞ্ছা বহুদিন এথা ॥

তোমার বৈভব যত শুনি লোকমুখে ।
 দেখিতে আসিনু হেথা মনের কোতুকে ॥
 রাজা বলে, উগ্রতপ কৈল পিতৃগণ ।
 জানিনু প্রশ্ন মোরে দেব-দ্বিজগণ ॥
 পাইলাম আজি পূর্ব-তপস্যার ফল ।
 নিশ্চয় জানিনু, মোর জনম সফল ॥
 জানিলাম আজি মোরে সুপ্রসন্ন বিধি ।
 নতুবা আমার গৃহে কেন তপোনিধি ॥
 বহুবিধ স্তব কৈল কোরব-সমাজ ।
 বসিবারে আশ্রয় দিয়া কহে মুনিরাজ ॥

মুনি বলে, ভাগ্যবন্ত তুমি ক্ষিতিতলে ।
 না হবে এমন আর ক্ষত্রিয়ের কুলে ॥
 মহাবংশ-জাত তুমি খ্যাত চরাচর ।
 তব পিতা-পিতামহ যত পূর্বাপর ॥
 কীর্ত্তিমান্ পুণ্যবান্, সবে মহাতেজা ।
 সেইমত হৈলে তুমি নিজে মহারাজা ॥
 কিন্তু পূর্ব-পিতামহ করিল যে-কর্ম্ম ।
 সেইমত প্রাণপণে পাল কুলধর্ম্ম ॥
 যজ্ঞ তপ ত্রত আর ত্রাক্ষণ-ভোজন ।
 স্নানীতে করিবে নিত্য প্রজার পালন ॥
 দ্রব্য কিনি মূল্য দিবে, উচিত যা হবে ।
 বিক্রয় করিতে ঔপাধিক্য না লইবে ॥
 পালন করিবে প্রজা পুঞ্জের সমানে ।
 দোষমত শাস্তি দিবে দুষ্কৃত-জনে ॥
 মানিঞ্জে নিত্য-নিত্য করিবে সম্মান ।
 যে-কিছু কহিবে কথা বিনয়-প্রধান ॥
 সতত না রহ শাস্ত, সদা নহে রোধ ।
 কালের উচিত কর্ম্ম পরম-পৌরুষ ॥
 দুষ্কৃতদাতা যেই, দুষ্কৃত দুরাচার ।
 সে-সবার সহ নাহি কর ব্যবহার ॥

সতত শাসনে যেন থাকে সর্ব-ক্ষতি ।
 অনুরক্ত থাকে যেন সকল নৃপতি ॥
 পরপক্ষে কদাচিৎ না কর বিশ্বাস ।
 রাখিবে অন্তর জানি যত দাসী-দাস ॥
 বিরূপ না হও কভু আত্মপক্ষ-জনে ।
 পালিবে এ-সব কথা পরম-যতনে ॥
 নহুষ-যযাতি-আদি পূর্ববংশ যত ।
 পৃথিবী পালিত সবে করি এইমত ॥
 সে-সবা হইতে তব বিপুল-বিভব ।
 দ্বিগুণ পাইবে শোভা হইলে এ-সব ॥

এত শুনি সবিনয়ে বলে কুরুপতি ।
 যাহা করিয়াছি আমি, আপন-শকতি ॥
 অতঃপর যাহা হয় তব উপদেশ ।
 আপনি করিয়া কৃপা কহিলে বিশেষ ॥
 পালন করিব যত্নে তব এই কথা ।
 আপনি হইলে মম জ্ঞান-চক্ষুদাতা ॥
 পূর্ব-পিতামহগণ ছিল উগ্রতপা ।
 সে-কারণে কর প্রভু, এতদূর কৃপা ॥
 এখন হইল প্রভু, সফল জীবন ।
 এরূপ অনেক স্তুতি কৈল দুর্ঘোষধন ॥
 হেনমতে কথোপকথনে মুনিরাজ ।
 করিল সানন্দমতি কোরব-সমাজ ॥
 নানা-বাক্য-কথায় কোতুক-মনঃস্থখে ।
 মুনিরে করিল বশ যত সভ্যলোকে ॥

একদা একান্তে বসি রাজা দুর্ঘোষধন ।
 ডাকিল শকুনি কর্ণ ভাই দুঃশাসন ॥
 কর্ণে সম্বোধিয়া কহে কোরব-প্রধান ।
 আমার বচন সখা, কর অবধান ॥
 বিচার করিনু এক আমি মনে-মনে ।
 পঞ্চভাই পাণ্ডবেরা রহে কাম্যবনে ॥

দ্রুপদ-নন্দিনী কৃষ্ণা লক্ষ্মীর সমান ।
 তাহার প্রসাদে সবে পায় পরিত্রাণ ॥
 সূর্য্যের কৃপার ফলে কিঞ্চিৎ-রক্ষনে ।
 পরম-সন্তোষে তাহা ভুঞ্জে লক্ষজনে ॥
 যতলোক যায় তথা, সবে অন্ন পায় ।
 যতক্ষণ যাজ্ঞসেনী কিছু নাহি খায় ॥
 অক্ষয় থাকয়ে যত চতুর্বিধ-ভোগ ।
 অপূর্ব্ব দেখহ কিবা বিধির সংযোগ ॥
 দ্রুপদ-নন্দিনী কৃষ্ণা করিলে ভোজন ।
 কিঞ্চিৎ মাগিলে নাহি পায় কোনজন ॥
 প্রতিদিন হেনমতে ভুঞ্জায় সবায় ।
 দশ-দণ্ড-নিশাযোগে নিজে কিছু খায় ॥
 সেইকালে সেই-স্থানে যাবে মুনিরাজ ।
 সংহতি করিয়া যত শিষ্যের সমাজ ॥
 দ্রৌপদীর ভোজনান্তে যাবে সেই-স্থানে ।
 সেবায় নহিবে ক্ষম ভাই পঞ্চজনে ॥
 দোষ দেখি মহামুনি দিবে ব্রহ্মশাপ ।
 মরিবে পাণ্ডববংশ, ঘুচিবে সন্তাপ ॥
 তোমা-সবাংকার মনে না জানি কি লয় ।
 ঋষিরে কহিব, বুঝি যদি যোগ্য হয় ॥

এতেক বলিল যদি রাজা দুর্য্যোধন ।
 সাধু-সাধু ধন্যবাদ দেয় সর্ব্বজন ॥
 সবে বলে, মহারাজ যে-আজ্ঞা তোমার ।
 করিলে মন্ত্রণা এই সংসারের সার ॥

এমত কৌতুকমতি আছে সর্ব্বজন ।
 ভক্তিভাবে করে নিত্য মুনির সেবন ॥
 একদা দিনান্তে বসি হর্ষে মুনিরাজ ।
 নিকটে ডাকিয়া যত কৌরব-সমাজ ॥
 হিত উপদেশ আর মধুর-উত্তর ।
 দুর্য্যোধনে সম্বোধিয়া কহে মুনিবর ॥

শুন রাজা, ত্রিভুবনে পুরে তব যশ ।
 তোমার সেবায় বড় হইলাম বশ ॥
 ইষ্ট-বর মাগি লহ মম বিদ্যমানে ।
 বিদায় করহ শীঘ্র, যাই যথাস্থানে ॥

মুনির বচন শুনি রাজা দুর্য্যোধন ।
 গদগদভাবে কহে বিনয়-বচন ॥
 ধন ধর্ম্ম দারা পুত্র বিভব বিপুল ।
 কেবল তোমার মাত্র আশীর্ব্বাদ মূল ॥
 পরিপূর্ণ আছে সৈন্য রাজ্য-অধিকার ।
 কেবল রহক ভক্তি চরণে তোমার ॥
 আর এক নিবেদন শুন মহাশয় ।
 কহিতে সঙ্কোচ করি, কৃপা যদি হয় ॥
 যথায় কাম্যক-বনে পাণ্ডুর তনয় ।
 সংহতি করিয়া যদি শিষ্য-সমুদয় ॥
 উত্তীর্ণ হইবে যবে দশ-দণ্ড নিশি ।
 সেকালে অতিথি হবে, ওহে মহা-ঋষি ॥
 ভক্তিভাব বুঝিয়া জানিবা তার মন ।
 সবে বলে, ধর্ম্মবস্ত পাণ্ডুর নন্দন ॥
 পূজা করে দেব-দ্বিজে, ভক্তি অতিশয় ।
 সে-কথা পরীক্ষা কর। তব যোগ্য হয় ॥
 সকালে সকল-দ্রব্য হয় উপস্থিত ।
 রক্ষন করেন কৃষ্ণা নিত্য-নিয়মিত ॥
 ভোজন করয়ে যত আশ্রিত ব্রাহ্মণ ।
 তাহার অধিক যদি হয় লক্ষজন ॥
 নানাদ্রব্য পরিপূর্ণ থাকে সে-সময় ।
 অনায়াসে খায়, তথা যত লোক যায় ॥
 অভক্তি ভক্তির ভাব না হয় বিদিত ।
 সে-কারণে কালাতীতে যাইতে উচিত ॥
 দশ-দণ্ড নিশা যবে উত্তীর্ণ হইবে ।
 পাক সমাপন করি যাজ্ঞসেনী যাবে ॥

শয়নের উদ্যোগ করিবে সর্বজন ।
সেইকালে শিষ্য-সহ যাবে তপোধন ॥
তবে যদি মধ্যাহ্ন-কালের অনুসারে ।
ভোজন করায়, ভক্তিভাব বলি তারে ॥
সম্বেদ ভাঙ্গিতে ইথে তোমা-ভিন্ন নাই ।
অবশ্য যাইবে তথা দেখিতে গোসাঁই ॥

দুর্যোধন-নৃপতির নত্ব-কথা শুনি ।
কৃপা করি কহিতে লাগিল মহামুনি ॥
কোন্ ভার দিলে রাজা, এই কোন্ কথা ।
তব প্রীতি-হেতু আমি যাইব সর্বথা ॥
জানিব সত্যের ভাব রাজা যুধিষ্ঠিরে ।
দ্বিতীয় করিব স্নান প্রভাসের নীরে ।
তৃতীয়ে তোমার বাক্যে করিব এ-কাজ ।
শীঘ্রগতি বিদায় করহ মহারাজ ॥

শুনিয়া সানন্দমতি রাজা দুর্যোধন ।
সবাক্ষবে প্রণাম করিল হৃষ্টমন ॥
বহুবিধ বিনয় করিল সর্বজনে ।
সেইমত সাদরে সম্ভাষি শিষ্যগণে ।
বিদায় লইয়া মুনি করিল গমন ।
কহিল সানন্দ-মনে রাজা দুর্যোধন ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৮৭। কাশ্যব-বনে যুধিষ্ঠিরের নিকট দুর্যোধন
আগমন ।

বিদায় লইয়া মুনি দুর্যোধন-স্থানে ।
বহুশিষ্য-সহ যায় আনন্দিত-মনে ॥
যাইতে-যাইতে মুনি বিচারিল মনে ।
কহিল ডাকিয়া, কাছে যত শিষ্যগণে ॥

চল সবে এই পথে প্রভাসের তীর ।
কাশ্যবনে যাব, যথা রাজা যুধিষ্ঠির ॥
বহুদিন পরে তাঁরে করিব দর্শন ।
পরম-ধর্মাত্মা তাঁরা ভাই পঞ্চজন ॥
প্রভাসেতে স্নান আর ধর্মের সম্ভাষ ।
রাজা দুর্যোধনের মনের অভিলাষ ॥
অনায়াসে তিনকর্ম হবে এককালে ।
এতেক বলিয়া মুনি পূর্বদিকে চলে ॥
জনপদ ছাড়ি সবে প্রবেশিল বন ।
হেনকালে অস্তাচলে যান বিকর্তন ॥
পূর্বদিক হুপ্রসন্ন কৈল কলানিধি ।
কুমুদিনী বিকশিতা দেখিয়া কোমুদী ॥
মাধব-মাসেতে সিতপক্ষ চতুর্দশী ।
সেইদিনে যাত্রা করে দুর্যোধন মহর্ষি ॥
কৌতুকে পথেতে নানা-কথার প্রবন্ধ ।
বনের বিচিত্র শোভা দেখিয়া সানন্দ ॥
অতিক্রান্ত হৈল ক্রমে যবে অর্দ্ধনিশি ।
অত্যন্ত আনন্দযুক্ত হৈল মহা-ঋষি ॥
যথায় ধর্মের পুত্র রাজা যুধিষ্ঠির ।
উত্তরিল তথা মুনি প্রভাসের তীর ॥

যুধিষ্ঠির শুনি তবে মুনি-আগমন ।
আগুসরি কতদূর যান পঞ্চজন ॥
দুর্যোধনকে দেখি সবে আনন্দিত-মন ।
সেইমত চলিল যতক দ্বিজগণ ॥
চিন্তাযুক্ত যুধিষ্ঠির করেন বিচার ।
এত রাজে আসে মুনি, হেতু কি ইহার ॥
বিশেষে দুর্যোধন-মুনি, আর কেহ নয় ।
অল্পদোষে মহারোষে ঘটাবে প্রলয় ॥

যুধিষ্ঠির ভাবিলেন, চিন্তা করি মিছা ।

অবশ্য হইবে, যাহা ঈশ্বরের ইচ্ছা ॥

দেখিতে-দেখিতে তথা আসে মুনিরাজ ।

সংহতি সহস্র-দশ-শিষ্যের সমাজ ॥

সম্মুখে চরণে করিলেন দণ্ডবৎ ।

আদর করেন, যেন দেবের সম্মত ॥

মুনিরে প্রণাম করি ভাই পঞ্চজন ।

সেইমত শিষ্যগণে কৈল সম্ভাষণ ॥

আছিল রাজার সঙ্গে যতেক ভ্রাতৃগণ ।

মুনিরাজে সম্ভাষণ করে সর্বজন ॥

বয়োধিকে মান্য করি প্রণাম করিল ।

জ্যেষ্ঠজন কনিষ্ঠেরে আশীর্বাদ দিল ॥

সমান-সমান জনে ধরি দেয় কোল ।

নমস্কারে আশীর্বাদে হৈল মহাগোল ॥

তবে রাজা যুধিষ্ঠির যুড়ি ছই-কর ।

বিনয়ে বলেন মুনিরাজ-বরাবর ॥

ধর্ম বলিলেন, মুনি, করি নিবেদন ।

শুনিবারে ইচ্ছা আগমনের কারণ ॥

কোন দেশ হৈতে আজি হৈল আগমন ।

কোন দেশ করিলেন মঙ্গল-ভাজন ॥

তীর্থ-অনুসারে কিংবা মম ভাগ্যোদয় ।

বিশেষ করিয়া কহ, যদি কৃপা হয় ॥

মুনি বলে, শুন, যদি জিজ্ঞাসিলে তুমি ।

শিষ্যে হস্তিনাপুরে গিয়াছিহু আমি ॥

অনেক করিল সেবা ভাই শতজন ।

তোমারে দেখিতে বড় ইচ্ছা হৈল মনে ॥

এহেতু এখায় এবে করি আগমন ।

যেমন কৌরব মোর, পাণ্ডব তেমন ॥

আর এক কথা শুন ধর্মের নন্দন ।

পঞ্চপ্রমে ক্ষুধাতুর আছি সর্বজন ॥

রন্ধন করিতে কহ, যাহ শীত্ৰগামী ।

তাবৎ প্রভাসে গিয়া সন্ধ্যা করি আমি ॥

শুনিয়া মুনির কথা ধর্মের তনয় ।

মনেতে চিন্তেন, আজি না জানি কি হয় ॥

অন্তরে জ্বলিল ভয়, পাছে করে ক্রোধ ।

সম্মত হইলা শুনি মুনি-উপরোধ ॥

যুধিষ্ঠির বলিলেন, মম ভাগ্যোদয় ।

সে-কারণে আগমন আমার আলয় ॥

সন্ধ্যা-হেতু গতি এবে কর মহাশয় ।

করিব ব্যবস্থা, মম ভাগ্যে যাহা হয় ॥

তবে মুনি চলিলেন সহ-শিষ্যগণে ।

প্রভাসের কূলে গেলা সন্ধ্যার কারণে ॥

চিন্তায়ুক্ত যুধিষ্ঠির আপন-আশ্রমে ।

দ্রৌপদী-নিকটে আসি কহে ক্রমে-ক্রমে ॥

ধর্মের যতেক কথা দ্রৌপদী শুনিল ।

উপায় না দেখি কিছু, প্রমাদ গণিল ॥

কৃষ্ণা বলে, যেই কথা কৈলে মহাশয় ।

হেন বুঝি, বিধি কৈল অকালে প্রলয় ॥

শিষ্যে অতিথি হৈল উগ্রতপা ঋষি ।

নাহিক আমার শক্তি আজিকার নিশি ॥

রজনী-প্রভাতে কালি সূর্যের প্রসাদে ।

দশলক্ষ হইলে ভুঞ্জাব অপ্রমাদে ॥

ধর্ম বলিলেন, কৃষ্ণা, উত্তম কহিলে ।

মুনি-ক্ৰোধানলে আজি সবে দগ্ধ হৈলে ॥

কি-কর্ম করিবে কালি প্রভাতে, কে জানে ।

হুর্কাসার ক্রোধ সহে কাহার পরাণে ॥

দ্রৌপদী কহিল, একি দৈবের সংযোগ ।

আমার কর্মের ফল কে করিবে ভোগ ॥

হুর্কর্মের চিহ্ন যদি হৈত মহারাজ ।

দিবসে আসিত তবে মুনির সমাজ ॥

আমা-সবা হৈতে কিছু নাহি প্রতিকার ।

কেবল পারেন কৃষ্ণ করিতে উদ্ধার ॥

তবে ত দ্রৌপদী-দেবী ভাবে মনে-মন ।

কৃষ্ণ-বিনা এ-সময়ে রাখে কোন্ জন ॥

হে কৃষ্ণ, করুণাসিদ্ধ, জগতের পতি ।

রক্ষা কর কৃষ্ণচন্দ্র, পাণ্ডব-সারথি ॥

দয়া করি এ-সময়ে করহ রক্ষণ ।

নতুবা পাণ্ডব-বংশ হইল নিধন ॥

এমত দ্রৌপদী-দেবী অলক্ষণ ভাবে ।

যুধিষ্ঠিরে কহে দেবী, কহ কিবা হবে ॥

অনর্থ ঘটিল আজি দুর্বাসা-কারণ ।

বুঝিলাম, রক্ষা নাহি, শুনহ রাজন্ ॥

দ্রৌপদীর মুখে রাজা শুনিয়া বচন ।

জ্ঞানাহত যুধিষ্ঠির হইল তখন ॥

হেঁটমুখে বসি রাজা ভাবিতে লাগিল ।

দুর্বাসার ক্রোধে বুঝি সকলি মজিল ॥

এসময় কৃষ্ণ-বিনা কে করে তারণ ।

ভকতের নাথ কৃষ্ণ পতিত-পাবন ॥

কোথা কৃষ্ণ কৃষ্ণ বলি ডাকে উচ্চৈঃস্বরে ।

পার কর জগন্নাথ, বিপদ-সাগরে ॥

পার কর ত্রীগোবিন্দ, মোরে মহাশয় ।

রাখহ পাণ্ডবকুল, মজিল নিশ্চয় ॥

তোমা-হেন আছে যার মহারত্ন-নিধি ।

এমত বিপদে তারে ফেলাইল বিধি ॥

তোমা-পাণ্ডব-বন্ধু বলি লোকে কয় ।

সে-কথা পালন কর, ওহে দয়াময় ॥

কৃষ্ণা-সহ পঞ্চভাই আকুল হইয়া ।

ডাকিতেছে, কোথা কৃষ্ণ, উদ্ধার আসিয়া ॥

হেথায় কোঁতুকে কৃষ্ণ দ্বারকা-নগরে ।

শয়ন করিয়াছিল রুক্মিণীর ঘরে ।

ব্যগ্র হ'য়ে ভক্ত ডাকে বলি জগন্নাথ ।

বাজিল অন্তরে যেন কণ্টকের ঘাত ॥

রহিতে নাহিক শক্তি ভক্ত-দুঃখ জানি ।

ব্যস্ত হ'য়ে উঠিলেন দেব-চক্রপাণি ॥

চিন্তাশ্রিত অত্যন্ত করেন ছটফট ।

রুক্মিণী কহেন দেখি করিয়া কপট ॥

চিন্তের চাঞ্চল্য আজি দেখি কি-কারণ ।

হেন বুঝি, যাবে কোথা, হইয়াছে মন ॥

অরণ্যে দ্রৌপদী-সখী আছয়ে যেথায় ।

তথা যেতে মনে বুঝি হৈল অভিপ্রায় ॥

শ্রীকৃষ্ণ কহেন, শুন প্রাণপ্রিয়তমা ।

অত্কার অপরাধ কর মোরে ক্ষমা ॥

ভক্তাধীন করি মোরে সজিল বিধাতা ।

ভক্তই কেবল মম স্নেহদুঃখদাতা ॥

ভক্তজন যথা মম থাকে মনঃস্নেহে ।

আমিও তথায় থাকি পরম-কোঁতুকে ॥

মম ভক্তজন দেবি, যদি দুঃখ পায় ।

সে-দুঃখ আমার, হেন জানিহ নিশ্চয় ॥

সে-কারণে ভক্ত-দুঃখ খণ্ডাই সকল ।

নহিলে কিহেতু নাম ভকত-বংশল ॥

আমার একান্ত ভক্ত রাজা যুধিষ্ঠির ।

বিপদ-সাগরে পড়ি হ'য়েছে অস্থির ॥

দুঃখ পেয়ে ঘন ডাকে কোথা জগন্নাথ ।

বাজিল অন্তরে সেই করাতের ঘাত ॥

যতক্ষণ নাহি দেখি ধর্ম্মের নন্দন ।

ততক্ষণ দুঃখ মম না হবে খণ্ডন ॥

এই আমি চলিলাম যথা ধর্ম্মমণি ।

এত শুনি কহেন রুক্মিণী ঠাকুরাণী ॥

তোমার একান্ত প্রীতি আছয়ে পাণ্ডবে ।

সর্বকাল এইরূপ জানি অনুভবে ॥

বিশেষ করিল বশ দ্রুপদের স্তুতি ।
তোমার বাসনা, সর্বকাল থাক তথা ॥
রজনীতে যাওয়া কিন্তু উচিত না হয় ।
সে-কারণে নিবেদন করি মহাশয় ॥
যাইবে অবশ্য কালি তপন-উদয় ।
যে ইচ্ছা তোমার, কর, তুমি ইচ্ছাময় ॥
শ্রীকৃষ্ণ বলেন, সত্য কহিলে যে তুমি ।
একুণি তথায় যদি নাহি যাই আমি ॥
সবংশে মজিবে রাজা ধর্মের নন্দন ।
আমার গমনে তবে কোন্ প্রয়োজন ॥
এত বলি করিলেন গরুড়ের স্মরণ ।
আইল স্মরণমাত্রে বিনতা-নন্দন ॥
আসিল উড়িয়া বীর, যথা জগন্নাথ ।
সম্মুখে দাঁড়াল তাঁর করি যোড়হাত ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৮৮। যুধিষ্ঠিরের স্মরণে শ্রীকৃষ্ণের কাম্যকবনে
আগমন ।

আসিয়া খগেন্দ্রে কহে বন্দিয়া চরণ ।
কিহেতু নিশাতে প্রভু, করিলে স্মরণ ॥
কিহেতু হইল আজি চিন্তা-উচাটন ।
শীঘ্রগতি কহ হরি, তার বিবরণ ॥
শ্রীকৃষ্ণ বলেন, সখা, পাণ্ডুপুত্রগণ ।
বসতি করেন যথা, করিব গমন ॥
এত বলি খগোপরি করি আরোহণ ।
নিমিষেকে উপনীত যথা কাম্যবন ॥
এথায় চিন্তিত-চিন্তা-ধর্মের নন্দন ।
হেনকালে আসিলেন হরি খগাসন ॥

যুধিষ্ঠির শুনি তবে কৃষ্ণ-আগমন ।
পাইলেন প্রাণ, যেন প্রাণহীন জন ॥
ব্যগ্র হ'লে কতদূরে গিয়া পঞ্চজনে ।
নিকটেতে পাইলেন দৈবকী-নন্দনে ॥
আনন্দ বাড়িল তাঁর, নাহিক অবধি ।
দরিদ্রে পাইল যেন মহারত্ন-নিধি ॥
চিরদিন-সমাগমে দেন আলিঙ্গন ।
আনন্দ-সলিলে পূর্ণ হইল লোচন ॥
পূর্ণ বলি মানিলেন মন-অভিলাষ ।
পরম্পর সর্বজনে করিল সন্তাষ ॥

গোবিন্দ বলেন, রাজা, কহ সমাচার ।
যুধিষ্ঠির কহে, কৃষ্ণ, কি কহিব আর ॥
কহিতে বদনে মম নাহি ক্ষুরে ভাষা ।
এত-রাত্রে শিষ্য-সহ অতিথি দুর্বাসা ॥
প্রভাসের কূলে গেল সন্ধ্যার কারণ ।
উপায় করিতে শক্ত নহে কোনজন ॥
সবংশে মজিনু আমি, বুঝি অভিপ্রায় ।
কাতর হইয়া তেঁই ডাকিনু তোমায় ॥
তোমা-বিনা পাণ্ডবের আর কেহ নাই ।
আত্ম-নিবেদন এই কহিলাম ভাই ॥
রাখিবে রাখহ, নহে যাহা মনে লয় ।
বিলম্ব না সহে, বড় সঙ্কট-সময় ॥

এত যদি যুধিষ্ঠির কহে নারায়ণে ।
গোবিন্দ কহেন, চিন্তা না করিহ মনে ॥
শিষ্যগণ-সহ যুনি যাসক হেথায় ।
সবা-কারে ভুঞ্জাইব, সে আমার দায় ॥
এত বলি আনন্দিত করি ধর্মমণি ।
স্মরিতে গেলেন কৃষ্ণ, যথা যাস্ত্রসেনী ॥
কৃষ্ণ দেখি দ্রোণদৌর পুরে অভিলাষ ।
বসিতে আসন দিয়া কহে যুহুভাষ ॥

ভকত-বৎসল প্রভু, তুমি অমৃত্যুমুখী ।
 দীনবন্ধু-নাম সত্য, জানিলাম আমি ॥
 কি জানি তোমার ভক্তি, আমি হীনজ্ঞান ।
 দুঃখিত দেখিয়া প্রভু, কর পরিত্রাণ ॥
 শশিষ্য দুর্ব্বাসা-মুনি অতিথি আপনি ।
 উচিত-বিধান শীঘ্র কর চক্রপাণি ॥

শ্রীকৃষ্ণ বলেন, তাহা বিচারিব পিছু ।
 ক্ষুধায় শরীর পোড়ে, খাই দেহ কিছু ॥
 বিলম্ব না সহে, মোরে অন্ন দেহ আমি ।
 পশ্চাৎ করিব, যাহা কহ যাক্সসেনি ॥

কৃষ্ণ বলে, জানি নিজে সব সমাচার ।
 আপনি এমত কহ, অদৃষ্ট আমার ॥
 অন্ন দিতে আমি যদি হতেম ভাজন ।
 এত রাত্রে নাহি হৈত তব আগমন ॥
 ছল করি কহ কথা জানিয়া সকল ।
 বুঝিতে না পারি হরি, মম কর্মফল ॥

শ্রীকৃষ্ণ বলেন, ক্ষুধানলে তনু দয় ১ ।
 পাইলে উত্তম পরিহাসের সময় ॥
 কহিতে নাথিক শক্তি, স্থির নহে মন ।
 উঠ-উঠ বিলম্বেতে নাহি প্রয়োজন ॥

এত শুনি কহে তবে দ্রুপদ-তনয়া ।
 বুঝিতে না পারি দেব, কর কোন্ মায়া ॥
 যখন হইল গত দশ-দণ্ড নিশি ।
 ভুঞ্জিলেন সেইকালে যত দ্বিধা-ঋষি ॥
 অবশেষ ছিল কিছু, করিমু ভাজন ।
 শূন্যপাত্র আছে মাত্র, দেখ নারায়ণ ॥
 দিন নহে, দ্বিতীয় প্রহর হৈল নিশি ।
 কিরূপে কি করি বল অরণ্য-নিবাসী ॥

শ্রীকৃষ্ণ বলেন, যাক্সসেনি, শুন বলি ।
 অবশ্য আছয়ে কিছু, দেখ পাকস্থালী ॥
 রন্ধন-ব্যঞ্জন-অন্ন যে-কিছু আছয় ।
 অল্পেতে হইব তৃপ্ত, কিছু হৈলে হয় ॥
 আলস্য ত্যজিয়া উঠ, করহ তন্মাস ।
 বিলম্ব না সহে আর, ছাড় উপহাস ॥

কৃষ্ণের বচন শুনি কৃষ্ণ গুণবতী ।
 দেখাইতে পাকপাত্র আনে শীঘ্রগতি ॥
 আনিয়া দ্রৌপদী কহে, দেখ জগন্নাথ ।
 দেখিয়া কৌতুকে কৃষ্ণ পাতিলেন হাত ॥
 শাকের সহিত এক অন্নকণা ছিল ।
 ঈশ্বরে প্রদান-হেতু অনন্ত হইল ॥
 ভোজন করিয়া তৃপ্ত দেব-দামোদর ।
 জলপান করিলেন, ভরিল উদর ॥
 কৌতুকে উঠিয়া তবে দেব জগন্নাথ ।
 উদগার তুলিয়া দেন উদরেতে হাত ॥
 দ্রৌপদীরে কহিলেন, মোর ক্ষুধা গেল ।
 আজিকার ভোজনেতে মহাতৃপ্তি হৈল ॥
 ইহা বলি পুনঃপুনঃ তুলেন উদগার ।
 ত্রিভুবনে সেইমত হইল সবার ॥
 সর্ব্বভূতে আত্মরূপে যেই নারায়ণ ।
 তাঁহার তৃপ্তিতে তৃপ্ত হইল ভুবন ॥

হেথায় দুর্ব্বাসা-ঋষি সহ-শিষ্যগণ ।
 বুঝিতে না পারে কিছু ইহার কারণ ॥
 উদর পূরিল, মন্দানল সবাংকার ।
 সঘনে নিঃশ্বাস বহে, উঠিছে উদগার ॥
 বিশ্বয় মানিয়া তবে কহে মুনিরাজ ।
 নিকটে ডাকিয়া নিজ-শিষ্যের সমাজ ॥

মুনি বলে, শিষ্যগণ, করহ শ্রবণ ।
বুঝিতে না পারি কিছু ইহার কারণ ॥
অকস্মাৎ হৈল দেখ উদর-আত্মানন্দ ।
পাইতেছি কত কষ্ট, নাহি পরিমাণ ॥
অনুমান করি কিছু না পারি বুঝিতে ।
পথশ্রমে এমন কি পারয়ে হইতে ॥

শিষ্যগণ বলে, যাহা কৈলে মহাশয় ।
আমা-সবাকার মনে হইল বিস্ময় ॥
সন্ধ্যা-হেতু যাই যবে প্রভাসের জলে ।
শরীর দহিতেছিল ক্ষুধার অনলে ॥
অকস্মাৎ এইমত হৈল সবাকার ।
উদর-পুরণে ঘন উঠিছে উদগার ॥
পরস্পর বিচার করেন জনে-জন ।
কেহ না কহিল কারে লজ্জার কারণ ॥

মুনি বলে, মহাশচর্য্যে ডুবে মোর মন ।
ত্রাসাও ভাবিয়া কিছু না পাই কারণ ॥
যখন সন্ধ্যায় আসি প্রভাসের তীরে ।
রন্ধন করিতে বলিলাম যুধিষ্ঠিরে ॥
সংযোগ্য ক'রেছে তারা করি প্রাণপণ ।
কোন্ লাজে তারে গিয়া দেখাব বদন ॥
বুঝিয়া বিধান তবে করহ বিচার ।
শিষ্যগণ বলে, প্রভু, কি কহিব আর ॥
আজি তথা গিয়া লজ্জা পাব কি-কারণ ।
উঠিতে শক্তি নাহি, কে করে ভোজন ॥
ঈশ্বর করিলে কালি উঠিয়া প্রভূষে ।
অতিথি হইয়া যাব পাণ্ডব-সকালে ॥
ইহার উপায় আর নাহি মহাশয় ।
মুনি বলে, এই কথা মম মনে লয় ॥

বধিব রজনী আজি প্রভাসের কূলে ।
যে-কিছু কর্তব্য, কালি উঠিয়া সকালে ॥

এত বলি সবে তথা করিল শয়ন ।
জানিলেন সব তত্ত্ব দৈবকৌ-নন্দন ॥
কৃষ্ণা-সহ যান কৃষ্ণ, যথা যুধিষ্ঠির ।
সবার সম্মুখে কহে দেব যদুবীর ॥
শুন-শুন ধর্ম্মরাজ, করি নিবেদন ।
দ্রৌপদী প্রস্তুত কৈল করিয়া রন্ধন ॥
সকল সম্পূর্ণ হৈল, বিলম্ব কি আর ।
ভীমের করহ আজ্ঞা মুনি ডাকিবার ॥

শুনিয়া কৃষ্ণের কথা পাণ্ডুর-নন্দন ।
হইয়া আশ্চর্য্যান্বিত ভাবে মনে-মন ॥
প্রস্তুত হইল সব, কারণ জানিল ।
মুনিরে ডাকিতে রাজা ভীমে আজ্ঞা দিল ॥
কতদূরে গিয়া ডাকে পবন-নন্দন ।
আকাশ ভাঙ্গিল যেন ভীমের গর্জন ॥
শীত্র এস মুনিগণ, বিলম্বে কি-কাজ ।
প্রস্তুত হ'য়েছে সব, ডাকে ধর্ম্মরাজ ॥

পাইয়া ভীমের শব্দ যত মুনিগণ ।
শীত্রগতি মিলি সবে দুর্ব্বাসারে কন ॥
শুন-শুন ডাকে ওই পবন-নন্দন ।
ইহার উপায় মুনি, কি হবে এখন ॥
কিরূপে এ-অবস্থায় করিব ভোজন ।
কণামাত্র-ভোজনেও নিশ্চিত মরণ ॥
নাহি গেলে মহাবীর আসিবে হেথায় ।
মনেতে ভাবিয়া মুনি, করহ উপায় ॥
তুমি না করিলে ত্রাণ, কে করিবে আর ।
পলাইতে শক্তি নাই, কর তুমি পার ॥

সকলে পাইল ভয় যত ঋষি-মুনি ।
 অন্তরে জপেন নাম, রাখ চক্রপানি ॥
 উদর হ'য়েছে ভার, উঠিছে উদগার ।
 এ-সময়ে যত্ননাথ, কর সবে পার ॥
 এইমত বহু-স্তব কৈল সর্বজন ।
 ভীমে ডাকি কন কৃষ্ণ, শুনহ বচন ॥
 পথশ্রমে নিদ্রায় আছেন মুনিগণ ।
 নিদ্রাভঙ্গ নাহি কর, পবন-নন্দন ॥
 শুনিয়া কৃষ্ণের আজ্ঞা পবন-নন্দন ।
 তথা হৈতে ধর্ম-কাছে আসে ততক্ষণ ॥
 অনন্তর মিষ্টবাক্যে কহে জগন্নাথ ।
 আনন্দেতে নিদ্রা যাহ পাণ্ডবের নাথ ॥
 মূনির কারণে মনে না করিহ ভয় ।
 আজি না আসিবে মূনি, জানিহ নিশ্চয় ॥
 স্নান-দান করি কালি প্রভাসের কূলে ।
 ভোজন করিবে সবে আসিয়া সকালে ॥
 শুনিয়া কৃষ্ণের মুখে এতেক বচন ।
 ধর্ম বলে, বিলম্ব ভালই এতক্ষণ ॥
 তোমার অসাধ্য দেব, আছে কোন্ কর্ম ।
 পাণ্ডবকূলের আজি হৈল পুনর্জন্ম ॥
 বিস্তর কহিয়া আর নাহি প্রয়োজন ।
 সহায়-সম্পদ মম তুমি নারায়ণ ॥
 না জানি পূর্বেতে কত করিছু কুর্কর্ম ।
 সে-কারণে দুঃখে-শোকে গেল মম জন্ম ॥
 প্রথম-বয়সে বিধি দিল নানাশোক ।
 অল্পকালে পিতা মম গেল পরলোক ॥
 গোঁয়াইনু'দেইকালে পরের আলয়ে ।
 দুঃখ না জানিছু অতি-অজ্ঞান-সময়ে ॥
 তদন্তরে দুর্ভবুজি দিলেক যন্ত্রণা ।
 জছুগৃহে প্রাণ পাই বিহুর-মন্ত্রণা ॥

বনের অশেষ-দুঃখ, ভ্রমণ সঙ্কটে ।
 আপনি রাখিলে ধৃতরাষ্ট্রের কপটে ॥
 এ-সব সঙ্কট হৈতে তুমি মাত্র ত্রোতা ।
 এমত সংযোগ আনি করিল বিধাতা ॥
 রাজ্যনাশ, বনবাস, হীন সর্ব-ধর্ম্মে ।
 বিধির নিযুক্ত এই পূর্বমত কর্ম্মে ॥
 সবেমাত্র পূর্ববংশে ছিল উগ্রতপা ।
 কেবল তাহার ফলে তুমি কর কৃপা ॥
 এতেক কহেন যদি ধর্ম্মের নন্দন ।
 অনন্তরে কহিলেন দেব-নারায়ণ ॥
 শুন ধর্ম্মহত যুধিষ্ঠির-নৃপমণি ।
 কহিলে যতেক কথা, সব আমি জানি ॥
 পাইলে যতেক দুঃখ, অন্তথা না হয় ।
 কিন্তু তুমি ধর্ম্ম নাহি ত্যজ মহাশয় ॥
 তুমি যে কহিলে, আমি হীন সর্বধর্ম্মে ।
 পৃথিবী পবিত্র হৈল তোমার হৃদয় ॥
 দানধর্ম্মে রাজনীতে এ-তিন-ভুবনে ।
 আছয়ে তোমার তুল্য, নাহি লয় মনে ॥
 দুর্ব্বলের বল ধর্ম্ম, আমি জানি ভালে ।
 এই দুঃখ তোমার খণ্ডিবে অল্পকালে ॥
 অধর্ম্মা জনের হৃৎ কড়ু স্থায়ী নয় ।
 জোয়ারের জল-প্রায় ক্ষণকাল রয় ॥
 মনেতে রাখিবে মম এই নিবেদন ।
 মহাক্ষে যোরে নাহি ত্যজ কদাচন ॥
 এত বলি জনার্দন লইয়া বিদায় ।
 গরুড়-উপরে চড়ি যান দ্বারকায় ॥
 কৃষ্ণেরে বিদায় করি ভাই পঞ্চজন ।
 হৃদমনে সর্বজন করেন শয়ন ॥
 বনপর্ব ভারতের অমৃতের ধার ।
 কাশীরাম দাস কহে রচিয়া পরার ॥

৮৯। দুর্বাসার পাষণ্ড।

প্রভাতে উঠিয়া তবে ধর্মের নন্দন।
 নিত্য-নিয়মিত-কর্ম কৈলা সমাপন ॥
 দুর্বাসা-আতিথ্য-হেতু সচিস্তিত মন।
 নানা-কার্যে নানা-স্থানে ধায় সর্বজন ॥
 ফল-পুষ্প-হেতু কেহ প্রবেশিল বনে।
 ভীমঙ্কন দৌহে যান যুগ্ম-কারণে ॥
 স্নান করি আসিলেন দ্রুপদ-নন্দিনী।
 আনন্দ-বিধানে পূজে দেব-দিনমণি ॥
 নানা-দ্রব্য কোতুকে আনিল সর্বজন।
 দ্রুপদ-নন্দিনী গেল করিতে রন্ধন ॥
 যথায় রন্ধন করে দ্রুপদ-নন্দিনী।
 সত্বর তথায় আসিলেন ধর্মমণি ॥
 কহেন মধুর-বাক্যে ধর্মের নন্দন।
 শীঘ্রগতি গুণবতি, করহ রন্ধন ॥
 আজিকার দিন যাদ যায় ভালমতে।
 তবে জানি কিছুকাল বাঁচিব জগতে ॥
 মহোত্র দুর্বাসা-ঋষি সর্বলোকে বলে।
 সংসার দহিতে পারে কোপের অনলে ॥
 স্নান করি অবিলম্বে আসিবে সে-জন।
 সংহতি করিয়া যত শিষ্য-তপোধন ॥
 স্বচ্ছন্দ-বিধানে যদি পায় অন্ন-পান।
 তবে সে হইবে সবা-কার পরিদ্রাণ ॥
 এইহেতু চিন্তা বড় হয় মোর মনে।
 যা করিতে পার কৃষ্ণা, আপনার গুণে ॥
 তোমা হৈতে সঙ্কটেতে সবে সদা তরি।
 তুমি করিয়াছ বন হস্তিনা-নগরী ॥

তোমার যতেক গুণ, না হয় বর্ণনা।
 কৃষ্ণ আর কৃষ্ণা পাণ্ডবের সন্তাননা ॥
 আসিয়া রাখিল কৃষ্ণ, ছিল যত দায়।
 এখন করহ তুমি, যে হয় উপায় ॥
 কৃষ্ণা বলে, মহারাজ, করি নিবেদন।
 অন্নকার্যে এত চিন্তা কর কি-কারণ ॥
 ধর্মপথ-মত যদি আমি হই সত্য।
 একান্ত আমার যদি ধর্ম থাকে মতি ॥
 সূর্যের বচন আর তোমার প্রসাদে।
 দশ-লক্ষ হইলে ভুঞ্জাব অপ্রমাদে ॥
 চিন্তা না করহ কিছু ইহার কারণ।
 এই দেখ মহারাজ, করি যে রন্ধন ॥
 যাহ শীঘ্র, শিঘ্র-সহ আন মুনিবর।
 শুনি রাজা যুধিষ্ঠির হরিষ-অস্তর ॥

হেথায় দুর্বাসা-মুনি উঠিয়া সকালে।
 করিল আনন্দ-জপ প্রভাসের জলে ॥
 সেইমত কৈল যত শিষ্যের সমাজ।
 হেনকালে সবে ডাকি কহে মুনিরাজ ॥
 সবে জান, কালি যে কহিনু ধর্মরাজে।
 অত্যন্ত লজ্জিত আমি আছি সেই কাজে ॥
 চল শীঘ্র, সেই স্থানে যাব সর্বজন।
 করিব ধর্মের প্রতি শাস্তি-আচরণ ॥
 এত বলি শিষ্য-সহ চলে মুনিরাজ।
 শুনিয়া সানন্দমতি পাণ্ডব-সমাজ ॥
 আগুসরি কতদূর সর্বজন আসি।
 সাদরে শিষ্যের সহ নিলা মহা-ঋষি ॥
 করিয়া অনেক ভক্তি ভাই পঞ্চজনে।
 বসাইলা যুগচর্ম-কুশের আসনে ॥

স্মৃতিতল জল আনি ধর্মের নন্দন ।
 কোঁড়কে করেন খোঁত মূনির চরণ ॥
 আনন্দ-বিধানে তবে পঞ্চ-সহোদরে ।
 সেই পাদোদক আনি পরম-আদরে ॥
 পান করি বন্দনা করেন সবে শিরে ।
 তবে ধর্ম-নৃপবর কহে ধীরে-ধীরে ॥
 নিশ্চয় আমারে আজি সুপ্রসন্ন বিধি ।
 পাইলাম যত্ন-বিনা আজি রত্ননিধি ॥
 সুপ্রভাত হৈল মোর আজিকার নিশি ।
 কৃপা করি আসিলেন নিজে মহা-ঋষি ॥
 পৃথিবীতে ভাগ্যহীন আমার সমান ।
 নহিল, না হবে, হেন করি অনুমান ॥
 তপস্যা করিল পূর্বে পিতামহগণ ।
 যে-কিছু আমার আর পূর্বে-উপার্জন ॥
 কৃপা কর আমারে সে-ফলে সর্বজনে ।
 নহিলে অধম আমি তরি কোন্‌ গুণে ॥
 যুধিষ্ঠির-মুখে শুনি এতেক বচন ।
 ভুক্ত হ'য়ে বলে তবে মহা-তপোধন ॥
 শুন ধর্মহুত যুধিষ্ঠির নৃপমণি ।
 আপনারে না জানিয়া কহ হেন বাণী ॥
 তুমি ধর্মবস্ত সত্যবাদী মতিমান ।
 পৃথিবীতে নাহি কেহ তোমার সমান ॥
 ধর্মেতে ধার্মিক তুমি, ক্ষত্রিয় হুধীর ।
 সমুদ্রে-সমান অতি গুণেতে গভীর ॥
 অসার সংসার এই, সারমাত্র ধর্ম ।
 তোমার হইল রাজা, সহজ এ-কর্ম ॥
 কাম ক্রোধ লোভ মোহ ঐশ্বর্য মত্ততা ।
 তোমার নিকটবর্তী নহিল সর্বথা ॥
 সুখ-দুঃখ শরীরের সহযোগ-ধর্ম ।
 সময়ে প্রবল হয় আপনার কর্ম ॥

তাহাতে সম্ভাপ নাহি করে জ্ঞানবান ।
 সাধুর জীবন-মৃত্যু একই সমান ॥
 সাধুর গণনে রাজা, ভূমি অগ্রগণ্য ।
 পৃথিবীর লোক যত করে ধন্য-ধন্য ॥
 তোমার বংশেতে যত মহারাজ ছিল ।
 ধার্মিক তোমার তুল্য নহিবে, নহিল ॥
 কহিলাম সত্য এই, লয় মম মন ।
 বহুমতী-পতি-যোগ্য ভূমি হে রাজন্ ॥
 এ-তিন-ভুবনে তব পরিপূর্ণ যশ ।
 তোমার গুণেতে রাজা, হইলাম বশ ॥
 কিন্তু এক কথা কহি, শুন মহারাজ ।
 সম্প্রতি তোমার ঠাঁই পাইলাম লাজ ॥
 কহিয়া তোমাতে এথা করিতে রক্ষন ।
 সন্ধ্যা-হেতু প্রভাসেতে গেলু সর্বজন ॥
 সাংসন্ধ্যা-জপ-আদি যে-কিছু আছিল ।
 ক্রমে-ক্রমে সর্বজন সমাপ্ত করিল ॥
 পথক্রমে উঠিবার শক্তি কারো নাই ।
 আলস্যেতে শয়ন করিল সেই ঠাঁই ॥
 আসিতে না পারে কেহ এই সে-কারণ ।
 তব স্থানে লজ্জা বড় হইল রাজন্ ॥
 ক্ষুধার্ত আছয়ে সবে, করিবে ভোজন ।
 স্নান করি গিয়া, যদি হইল রক্ষন ॥
 ধর্ম বলে, কালি মম দুরদৃষ্ট ছিল ।
 সে-কারণে সবাকার আলস্য হইল ॥
 হইল আমার আজি সুকর্মের লেশ ।
 তবে মহামুনি আসি করিলে প্রবেশ ॥
 দেবের দুর্লভ হয় তব আগমন ।
 অল্লাভাগ্যে এ-সব না হয় কদাচন ॥
 মম শক্তি-অনুরূপ অন্ন-জল-স্থল ।
 তোমার প্রসাদে মূনি, প্রস্তুত সকল ॥

স্নানান্তে আসিলে মুনি উঠি ধৰ্ম্মপতি ।

ভীমার্জুনে নিকটে ডাকেন মহামতি ॥

আজ্ঞা দেন ধৰ্ম্মহৃত করিবারে স্থান ।

শ্রুতমাত্র দুই-ভাই হৈল সাবধান ॥

নানাদিকে স্থান করি দিল অমঙ্গল ।

নিযুক্ত করিল তাহে রক্ষক-সকল ॥

আনন্দ-বিধানে তবে ভাই দুইজনে ।

শীঘ্রগতি জানাইল ধৰ্ম্মের নন্দনে ॥

ধৰ্ম্ম বলে, অবধান কর মুনিরাজ ।

অতঃপর বিলম্বিতে নাহি কিছু কাজ ॥

হইবে রৌদ্রের তেজ হৈলে অতিবেলা ।

বিধাতা নিযুক্ত করিলেন রক্ষতলা ॥

মুনি বলে, যুধিষ্ঠির, তুমি সাধুজন ।

অটালিকা হৈতে ভাল তোমার আশ্রম ॥

কদর্য-স্থানেতে যদি সাধুজন রয় ।

স্বর্গের সমান তাহা, বেদে হেন কয় ॥

এত বলি মহানন্দে উঠে মুনিরাজ ।

আনন্দে বসিল ল'য়ে শিষ্যের সমাজ ॥

বসিলেন মুনিগণ যথাযোগ্য-স্থানে ।

যুধিষ্ঠির-পঞ্চভাই হরিষ-বিধানে ॥

অন্ন-পরিবেষণাদি করে সবে আনি ।

বাড়িয়া ব্যঞ্জন-অন্ন দেন যাজ্ঞসেনী ॥

সবে অতি-শীঘ্রহস্ত ভাই পঞ্চজন ।

যেই যাহা চাহে, তাহা দেন সেইক্ষণ ॥

অপরূপ দেখ তাহে দৈবের কারণ ।

একবার একদ্রব্য করয়ে রন্ধন ॥

আপনার ইচ্ছাবশে যত করে ব্যয় ।

সূর্য-অনুগ্রহে পুনঃ পরিপূর্ণ হয় ॥

স্থানে-স্থানে বসিলেন ব্রাহ্মণ-মণ্ডলী ।

ভোজন করেন সবে বড় কুতূহলী ॥

না জানি খায় বা কত, দেয় কত আনি ।

খাও-খাও বলে সবে, এই মাত্র শুনি ॥

অবিলম্বে তাহা পায়, যাহে অভিলাষী ।

ভোজন করিল দশ-সহস্র তপস্বী ॥

অনন্তরে উঠি সবে করে আচমন ।

সাধু-সাধু ধন্যবাদ দেয় সৰ্ব্বজন ॥

চুৰ্ব্বাসা বলেন, রাজা, তুমি ভাগ্যবান্ ।

নহিল, নহিবে আর তোমার সমার সমান ॥

এমন প্রকার যদি পাই বনবাস ।

তবে আর কিবা কার্য্য স্বর্গে অভিলাষ ॥

তোমার ভ্রাতারা সবে মহা-গুণবান্ ।

দ্রুপদ-নন্দিনী হয় লক্ষ্মীর সমান ॥

ভোজনে যেমন তৃপ্ত হইলাম আমি ।

এইমত নিরন্তর হবে তুষ্ট তুমি ।

কদাচিত্ চিন্তা কিছু না করিহ মনে ।

খণ্ডিবে তোমার দুঃখ অতি-অল্পদিনে ॥

তোমাতে দিলেক দুঃখ যাহার মন্ত্রণা ।

মজ্জিবে তাহার বংশ পাইয়া যন্ত্রণা ॥

কহিলাম ধৰ্ম্মপুত্র, মিথ্যা নহে বাণী ।

দেখহ দ্রৌপদী এই লক্ষ্মী-স্বরূপিণী ॥

বিদায় করহ শীঘ্র, যাই তপোবন ।

শুনিয়া কহেন তবে ধৰ্ম্মের নন্দন ॥

সফল এ-জন্ম-কৰ্ম্ম মানিহু আপনি ।

যাহে এত কৃপা কৈলা কৃপাসিদ্ধু মুনি ॥

এই মম নিবেদন তোমার অগ্রেতে ।

কদাচিত্ বিচলিত নহি সত্যপথে ॥

চুৰ্ব্বাসা বলেন, রাজা, তুমি পুণ্যবান্ ।

পৃথিবীতে নাহি আর তোমার সমান ॥

সত্য করি কহি কথা, শুন দিয়া মন ।

যবে গিয়াছিহু আমি হস্তিনা-দুৰ ॥

সেবাতে করিল বশ রাজা দুর্ঘোষধন ।
 হেথায় আসিতে মোরে কহে অমুকুণ ॥
 নিয়ম করিয়া মোরে পাঠাইল হেথা ।
 দশদণ্ড রাত্রি পরে যাবে ভূমি তথা ॥
 মনেতে করিল সেই গেলে নিশাকালে ।
 অতিথি সেবিতে নারি পড়িবে জঞ্জালে ॥

যুধিষ্ঠির বলিলেন, শুন মহামুনি ।
 সম্পদ বিপদ মোর দেব-চক্রপাণি ॥
 আর এক নিবেদন শুন মহাশয় ।
 ভূমি যে আসিলে হেথা মোর ভাগ্যোদয় ॥
 তোমার চরণে যদি থাকে মোর মন ।
 আমারে করিতে নষ্ট নারে অম্বজন ॥

এত বলি ধর্মপুত্র নমস্কার কৈল ।
 সজ্জ হইয়া মুনি আশীর্বাদ দিল ॥
 আর চারি-ভাই তবে বন্দে মুনিরাজে ।
 সেইমত সম্ভাষিলা শিষ্যের সমাজে ॥
 সবে আশীর্বাদ করি বেদ-বিধি-মতে ।
 ভুট হ'য়ে সর্বজন চলে পূর্বপথে ॥
 আনন্দিত ভ্রাতৃসহ ধর্মের কুমার ।
 দুর্ঘোষধন পায় ক্রমে সব সমাচার ॥
 পরাণে কাতর দুর্জয়ুধি দুরাশয়ে ।
 অসহ বজ্রের প্রায় বাজিল হৃদয়ে ॥
 আহারে অরুচি, চিত্ত সতত চঞ্চল ।
 দীর্ঘশ্বাস ছাড়ে সদা, শরীর দুর্বল ॥
 এইরূপে দুর্ঘোষধন চিন্তাকুল হ'য়ে ।
 একান্তে বসিল যত পাত্রমিত্রে ল'য়ে ॥
 ত্রিগুণ শকুনি-কর্ণ-দুঃশাসন-আদি ।
 হেনকালে কহে রাজা কর্ণেরে সম্বোধি ॥
 ভারত-পঞ্চজ-রবি মহামুনি ব্যাস ।
 পাঁচালী-প্রবন্ধে গাঁয় কাশীরাম দাস ॥

৯০ । দুর্ঘোষধনের মনোহঃখ-শ্রবণে কর্ণের
 প্রবোধ-বাক্য ।

এইমত নরপতি, চিন্তিয়া আকুল-মতি,
 অত্যন্ত-উদ্বেগে ব্যগ্র হ'য়ে ।
 ডাকাইল সর্কাজনে, বসিল নিভৃত-স্থানে,
 যত পাত্রমিত্রগণে ল'য়ে ॥
 দুর্ঘোষধন হেনকালে, কর্ণে সম্বোধিয়া বলে,
 অবধান কর মোর বোলে ।
 দুঃখের নাহিক ওর, দম্ব হৈল তনু মোর,
 অমুকুণ চিন্তার অনলে ॥
 বিশেষ তোমরা সবে, মন্ত্রণার অমুভবে,
 যে-কিছু করিলে সুবিচার ।
 করিতে আমার হিত, বিধি কৈল বিপরীত,
 এক চিন্তা কৈলে হয় আর ॥
 পুনঃপুনঃ এইমত, উপায় করিহু যত,
 হিংসা-হেতু পাণ্ডুপুত্রগণে ।
 পরম-সঙ্কটে তার, হিতপক্ষ প্রতিকার,
 না জানি করিল কোনজনে ॥
 সকল বালক মিলে, ক্রোড়ার কোঁতুক-কালে,
 ভীমেরে দেখিয়া বলবান্ ।
 কেহ তারে নহে শক্য, নিবারিতে প্রতিপক্ষ,
 কালকূট করাইহু পান ॥
 বান্ধি হস্ত-পদ-গলে, ফেলিহু গভীর-জলে,
 দৈবযোগে গেল রসাতল ।
 কেবা দিল প্রাণদান, সুধাকূন্ত করি পান,
 অযুত-হস্তীর ধরে বল ॥
 জড়গৃহে অনন্তরে, পোড়াইয়া তাহাদেরে,
 ভাবিলাম, করিব সংহার ।
 বুদ্ধিবলে ভাবে তরি, ছরন্ত রাক্ষস হারি,
 পাইল পরম প্রতীকার ॥

কাটি কাল অনায়াসে, গেল পাঞ্চালের দেশে,
লভিল পাঞ্চালী স্বয়ংবরে ।

কি কব ভাগ্যের লেখা, দ্রুপদ হইল সখা,
জিনিলেক লক্ষ-দণ্ডধরে ॥

অনন্তর রাজ্যে আসি, অবনী-মণ্ডল শাসি,
যে-কর্ম করিল যজ্ঞকালে ।

কে তার উপমা দিবে, না হইল, না হইবে,
ক্ষতিমধ্যে ক্ষত্রিয়ের কূলে ॥

পিতামহ-মুখে শুনি, যদুকূলে চক্রপাণি,
পূর্ণব্রহ্ম নিজে অবতার ।

ব্রাহ্মণ-চরণ-ধোঁতে, নিযুক্ত হইল তাতে,
হেন-জন যজ্ঞেতে যাহার ॥

হইল এমনি ক্রম, স্থলে হৈল জলভ্রম,
তাহাতে ঘটিল যে দুর্দশা ।

তাহে পেয়ে অপমান, বাঙা হৈল, ত্যজি প্রাণ,
সেই দুঃখে খেলাইলু পাশা ॥

হারিলেক রাজ্যধন, দাসত্ব করিল পণ,
তাহে জয় হইল আমার ।

অন্ধরাজ-বুদ্ধি-দোষে, আপনার ভাগ্যবশে,
যাজ্ঞসেনী করিল উদ্ধার ॥

সবে মিলি পুনর্ব্বার, মন্ত্ৰণা করিয়া সার,
বনবাস কৈলু নিরুপণ ।

না পাইল কোন দুঃখ, বনে তার নানাস্থখ,
স্বর্গে যেন সহস্রলোচন ॥

হিড়িম্বাদি জটাসুরে, যুহুর্ভেকৈ যমপুরে,
পাঠাইল করিয়া বিক্রম ।

ভীমসেন শক্রগণে, নিপাত করিল রণে,
অনায়াসে, না জানিল শ্রম ॥

একা পার্ধ মহাবল, স্বর্গ-মন্ত্য-রসাতল,
জিনিবারে হইল ভাজন ।

দ্বিতীয় বিক্রম-সীমা, ভীম-পরাক্রম ভীমা,
যার নামে সভয় শমন ॥

মধ্যাহ্ন-সূর্য্যের সম, অপ্রমেয় পরাক্রম,
মাদ্রৌপুত্র-যুগল বিশেষে ।

আর এক অনুমানি, লক্ষ্মীরূপা যাজ্ঞসেনী,
পাইল পাণ্ডব পুণ্যবশে ॥

তাহার স্বকর্ম যত, বিশেষ কহিব কত,
বলিতে না পারি একমুখে ।

একদ্রব্য স্বেসংযোগে, স্বর্গের অধিক ভোগে,
বনেতে পাণ্ডব আছে স্থখে ॥

নিত্য-নিয়মিত যত, প্রতিদিন শত-শত,
ব্রাহ্মণেরে করায় ভোজন ।

লক্ষাবধি যত আসে, তারা সব ভাগ্যবশে,
বিমুখ না হয় কোনজন ॥

সেদিন হিংসিতে তারে, পাঠাইলু দুর্ব্বাসারে,
শিষ্য-দশ-সহস্র-সংহতি ।

শুনিলাম লোকমুখে, ভোজন করিয়া স্থখে,
মুনি গেল আপন-বসতি ॥

ইতিপূর্বে সর্ব্বজনে, গেলাম প্রভাস-স্নানে,
দেখিলু সকল বিগ্ৰহান ।

যে-কর্ম করিল তায়, বুঝিলাম অভিপ্রায়,
নহি তার শতাংশ-সমান ॥

তপ জপ যজ্ঞ ব্রত, বল বুদ্ধি ধৈর্য্য যত,
পাণ্ডবের আছয়ে সকল ।

সবাই সমান গুণ, বিশেষতঃ ভীমার্জ্জুন,
ক্ষতিমধ্যে দুই মহাবল ॥

যে-কিছু উপায় শেষে, মন্ত্রণার সমাবেশে,
যত্বেপি না হয় প্রতিকার ।

বুদ্ধিবলে অনায়াসে, কাল কাটি কোনদেশে,
আসিয়া দিবেক মহামার ॥

মধ্যাহ্ন-মার্জ্ঞশ-সম, যেন মহাকাল যম,
বারণ করিবে কোন জন ।

এই চিন্তা অবিরত, কুন্তকার-চক্রমত,
সতত অস্থির মম মন ॥

অতি সে উদ্ভিগ্ন-মনে, সবাকার বিদ্যমানে,
কহিল কোঁরব-অধিপতি ।

দুর্যোধন-মনঃক্লেশ, জানি হিত-উপদেশ,
কহে সূর্যপুঞ্জ মহামতি ॥

মহারাজ, কি-কারণে, এতেক উদ্বেগ মনে,
কি-হেতু পাণ্ডবে কর ভয় ।

তোমার নিয়োগ-বলে, স্বর্গ-মর্ত্য-রসাতলে,
উপমার যোগ্য হেন নয় ॥

কহিলে যে মহারাজা, পাণ্ডব প্রবলতেজা,
আসিয়া দিবেক মহামার ।

বহুদিন তারা আছে, আমরাও আছি কাছে,
হিংসা কবে করিল কাহার ॥

বনের নিবাস গত, শেষদিন আছে যত,
যত্বেপি বঞ্চিত মহাক্লেশে ।

কহ কোথা আছে ঠাই, লুকাইবে পঞ্চভাই,
অজ্ঞাতে বঞ্চিত কোন দেশে ॥

যতেক নৃপতিচয়, তোমারে সবার ভয়,
কাছে না রাখিবে কোনজন ।

পাঠাইব চরণে, নগর-পর্বত-মনে,
খুঁজিলে পাইবে দরশন ॥

আছে পূর্ব-নিরূপণ, দ্বাদশ-বৎসর বন,
বঞ্চিত অজ্ঞাত-বৎসর ।

এতেক যে কালান্তরে, কেবা জীয়ে কেবা মরে,
চিরজীবী নহে কোন নর ॥

শুভ-ভাগ্যবশে যদি, বঞ্চিতা অজ্ঞাত-বিধি,
আসিবেক যখন সকল ।

বনবাস-মহাকষ্ট, চিন্তাকুল জ্ঞানভ্রষ্ট,
শক্তিহীন হইবে দুর্বল ॥

তখন করিব ক্রম, প্রকাশিয়া পরাক্রম,
স্বকার্য সাধিব কুতূহলে ।

নিমিষেকে পঞ্চজনে, পাঠাইব যমস্থানে,
তোমার পুণ্যের মহাবলে ॥

আমার বিক্রম জানি, কি-কারণে নৃপমণি,
ক্ষুদ্রজনে কর এত ভয় ।

ভীষ্মদ্রোণ অশ্বখামা, সবে অনুগত তোমা,
কি করিবে পাণ্ডুর তনয় ॥

এত যদি কর্ণবীর, হিতপক্ষ নৃপতির,
কহিল, শুনিল জ্ঞানবান ।

সূর্যপুঞ্জ কহে যত, নহে তাহা অন্তমত,
সবে তাহা করিল প্রমাণ ॥

এইমত সর্বজনে, কহিলেন দুর্যোধনে,
আশ্বাস করিয়া বহুতর ।

শুনিয়া এ-সব বাণী, দুর্যোধন মহামানী,
কতক্লেণে করিল উত্তর ॥

বলবুদ্ধি-অনুভবে, যে-কিছু কহিলে সবে,
অশ্রুতা না করি কদাচন ।

কিস্তি নহি দীর্ঘজীবী, সর্বদা এ-সব ভাবি,
যোগবৎ চিন্তি অনুক্ষণ ॥

বনের বিচিত্র কথা, মধুর-মঙ্গল-গাথা,
প্রকাশিল মহামুনি ব্যাণ ।
সেই কথা মনঃস্থখে, শুনিয়া লোকের মুখে,
পাঁচালি রচিল তাঁর দাস ॥

৯১। দুৰ্য্যোধনের মন্ত্রণায় অয়্যত্রথের দ্রৌপদী-
হরণে বাজা ।

দুৰ্য্যোধন কহে, সবে কি যুক্তি করিলে ।
বিধাতা দিবেক বলি নিশ্চিন্ত রহিলে ॥
বিধিকৃত হৈলে জানি অবশ্যই জয় ।
তিনি না করিলে জানি সব মিথ্যা হয় ॥
সংসারে থাকিয়া লোক করিবে উদ্যোগ ।
নিত্য-নিত্য ভুঞ্জিবেক নানা-উপভোগ ॥
অনুষ্কণ করিবেক স্বকার্য্য-সাধন ।
পূৰ্ব্বমত আছে হেন বিধি-নিবন্ধন ॥
ফল পায়, যেবা রাখে বিধাতাতে মন ।
জীবনেতে উপায় করিবে সৰ্ব্বজন ॥
বুদ্ধিতে পাণ্ডব যদি গুপ্তবাসে তরে ।
অনর্থ করিবে আসি মহাক্রোধভরে ॥
ইন্দ্র-তুল্য পরাক্রম এক-একজন ।
কাহার হইবে শক্তি করিতে বারণ ॥
মাতুল ত্রিগৰ্ত্ত ভুমি আমি দুঃশাসন ।
মহাশ্রম করিলে না পারি কদাচন ॥
মন্ত্রণা করিয়া যদি সংহারিতে পারি ।
উদ্বিগ্ন-সাগর হৈতে অনায়াসে তরি ॥
কহিলে যতেক কথা, মনে নাহি লয় ।
পরাক্রমে পাণ্ডবেরে কে করিবে জয় ॥
অযুক্তি ইহার এই লয় মম মন ।
আনিব দ্রুপদ-স্তুতা করিয়া হরণ ॥

দ্রুপদ-নন্দিনী হয় পাণ্ডবের প্রাণ ।
অশেষ-সকটে নিত্য করে পরিভ্রাণ ॥
বুদ্ধিবল করি যদি তাহাকে হরিবে ।
নিশ্চয় দেখিবে, তবে পাণ্ডব মরিবে ॥
সে-কারণে কহি আমি, এ মম সম্মত ।
গুপ্তবেশে সেই স্থানে যাক্ জয়দ্রথ ॥
বুদ্ধিবলে বিশারদ তারে ভাল জানি ।
প্রকার করিয়া যেন হরে যাজ্ঞসেনী ॥
লুকায়ে রাখিবে কৃষ্ণা অতি-গুপ্তস্থানে ।
খুঁজিয়া পাণ্ডব যেন না পায় সন্ধানে ॥
কৃষ্ণার বিচ্ছেদে বড় পাইবেক শোক ।
এইরূপে পঞ্চভাই লভিবে বিয়োগ ॥
নিরুণ্টক হবে রাজ্য, ঘুচিবে জঞ্জাল ।
নির্বিরোধে রাজ্যভোগ করি চিরকাল ॥
তোমা-সবাকার যদি থাকয়ে সম্মতি ।
তবে সে কর্তব্য এই, লয় মম মতি ॥

এতেক কহিল যদি কৌরব-প্রধান ।
প্রশংসা করিল তবে মন্ত্রী জ্ঞানবান্ ॥
ধন্য-ধন্য মহাশয়, মন্ত্রণা তোমার ।
করিলে যে মন্ত্রণা, তা' সংসারের সার ॥
অবশ্য কর্তব্য এই, সবাকার মত ।
গুপ্তবেশে সেইস্থানে যাক্ জয়দ্রথ ॥

দ্রুপদ-মন্ত্রিগণ যদি এতেক কহিল ।
শুনিয়া নৃপতি তবে সানন্দ হইল ॥
তবে জয়দ্রথে আজ্ঞা দিল দুৰ্য্যোধন ।
কাম্যবনে শীঘ্র ভুমি করহ গমন ॥
সাবধান হ'য়ে ভুমি রবে চূড়ামণি ।
বুদ্ধিবলে হরিয়া আনিবে যাজ্ঞসেনী ॥
এতেক কহিল যদি কৌরব-ঈশ্বর ।
কতকণে জয়দ্রথ করিল উত্তর ॥

তোমার আজ্ঞাতে আমি যাই কাম্যবন ।

কিস্ত পাণ্ডবেরা সবে জানহ কেমন ॥

দ্বিতীয়-শমন-তুল্য একৈক পাণ্ডব ।

শতাংশ-সমান তার নহি মোরা-সব ॥

বিশেষ আপনি মনে কর অবধান ।

গন্ধর্ব্ব-সমরে একা পার্থ কৈল ত্রাণ ॥

জীৱন্ত-বাঘের চক্ষু আনে কোন্ জনে ।

কার শক্তি হিংসিবে সে পাণ্ডুপুত্রগণে ॥

যদি বা তোমার বাক্য নাহি করি আন ।

নিমিষেকে হৃকোদর বধিবেক প্রাণ ॥

বিশেষ দ্রুপদমুতা লক্ষ্মী-অবতার ।

মহাবল পঞ্চভাই রক্ষক তাহার ॥

একান্ত থাকিবে যার জীবনের আশা ।

সে কেন করিবে হেন ছরন্ত প্রত্যাশা ॥

জয়দ্রথ-মুখে তবে এই বাক্য শুনি ।

বিনয়-পূর্ব্বক তারে কহে নৃপমণি ॥

কহিলে যতেক কথা, আমি সব জানি ।

পাণ্ডবের সম্মুখে কে হরে যাজ্ঞসেনী ॥

কি ছার কৌরব-সেনা, কর্ণে গণি কিসে ।

অন্তে কি করিবে, যারে দণ্ডপাণি ত্রাসে ॥

একা পার্থ জিনিলেক এ-তিন-ভুবন ।

সুরাসুর-নাগ-নরে সম কোন্ জন ॥

স্বযুক্তি ক'রেছি এই, শুন দিয়া মন ।

আনিবে দ্রুপদমুতা করিয়া গোপন ॥

নিকটে-নিকটে সদা রবে সাবধানে ।

অতি-সঙ্গোপনে, যেন কেহ নাহি জানে ॥

স্নানদানে যবে সবে যাবে চারিভিত ।

সেইকালে সেইস্থানে হবে উপনীত ॥

হরিয়া দ্রুপদমুতা প্রকার-বিশেষে ।

যত্ন করি লুকাইবে-অতি দূরদেশে ॥

খুঁজিয়া পাণ্ডব যেন উদ্দেশ না পায় ।

তার শোকে পাণ্ডবেরা মরিবে নিশ্চয় ॥

সুসিদ্ধ হইবে তবে মনের অভীষ্ট ।

নিষ্কণ্টকে রাজ্যভোগ করিব যথেষ্ট ॥

তোমা-বিনা অন্তজন ইথে নহে শক্য ।

সহায়-সম্পদ মোর, ভূমি সে সপক্ষ ॥

বিস্তর কহিয়া আর নাহি প্রয়োজন ।

বিনামূল্যে ক্রয় কর রাজা দুর্হ্যোধন ॥

পুনঃপুনঃ কহে রাজা যুধ-যুধ-ভাষ ।

শুনি জয়দ্রথ করে বচন প্রকাশ ॥

কি-কারণে এত কথা কহ নরপতি ।

অবশ্য পালিব আমি তব অনুমতি ॥

এই আমি চলিলাম কাম্যক-কানন ।

প্রাণপণে সম্পাদিব তব প্রয়োজন ॥

এত শুনি তুষ্ট হৈল প্রধান কৌরব ।

সাজাইয়া দিল রথ করিয়া গৌরব ॥

সবে সম্ভাষিয়া বীর চড়ে গিয়া রথে ।

চালাইয়া দিল কাম্য-কাননের পথে ॥

যাইতে-যাইতে রথে করিল বিচার ।

রাজার সাহসে আজি কৈলু অঙ্গীকার ॥

পড়িলে ভীমের হাতে রক্ষা নাহি আর ।

ঈশ্বর করেন যদি, তবেই নিস্তার ॥

এতেক চিন্তিয়া মনে যুক্তি কৈল সার ।

চৌর্য্য-বিনা কার্য্যসিদ্ধি নহিবে আমার ॥

এইরূপে জয়দ্রথ চিন্তাকুল-মনে ।

উপনীত হৈল গিয়া মহাঘোর-বনে ॥

হৃদিকে কানন-শোভা, মধ্য দিয়া পথ ।

নানাবর্ণ সুবাসিত পুষ্প শত-শত ॥

বিবিধ-কুসুমে দেখে শোভিয়াছে বন ।

মকরন্দ পান করে হুখে অলিগণ ॥

এইরূপ নানা-শোভা দেখিয়া কাননে ।
 কাম্যবন-নিকটে আইল কতদিনে ॥
 নন্দন-কানন-ভুল্য দেখে কাম্যবন ।
 অনেক আশ্রম তথা দেখে মুনিগণ ॥
 স্থানে-স্থানে দেখে কত দেবের আশ্রম ।
 বিবিধ বিহঙ্গ রব করে নানাক্রম ॥
 হইল কোতুক মনে করিতে ভ্রমণ ।
 উত্তরিল কতক্ষণে, যথা পঞ্চজন ॥
 তাহার নিকটে লুকাইল জয়দ্রথ ।
 ছিদ্রে চাহি থাকে বীর নিরখিয়া পথ ॥
 শমন-সমান জানি ভীম-ধনঞ্জয়ে ।
 নিকটে যাইতে নারে পরাণের ভয়ে ॥
 হেনমতে রহে তথা হইয়া গোপন ।
 একদিন শুন রাজা, দৈবের ঘটন ॥
 বনপর্ব-স্বধারস ব্যাস-বিরচন ।
 পয়ারে কহয়ে কাশী, শুনে সাধুজন ॥

১২। দ্রৌপদী-হরণ ও ভীমহস্তে জয়দ্রথের
 অপমান ।

শুন রাজা জন্মেজয় দৈবের ঘটনে ।
 গুপ্তভাবে জয়দ্রথ রহে কাম্যবনে ॥
 উঠিয়া প্রভাতকালে ভাই দুইজন ।
 রাজার নিকটে রাখি মাদ্রীর নন্দন ॥
 যুগয়া করিতে যান ভীম-ধনঞ্জয় ।
 স্নান-হেতু যান ক্রমে বিপ্র-সমুদয় ॥
 পরে চলিলেন স্নানে ভাই তিনজন ।
 বসিয়া দ্রৌপদী একা করেন রক্ষন ॥
 জয়দ্রথ দেখে, শূন্য হইল মন্দির ।
 জানিয়া সময় তথা গেল মহাবীর ॥

কুটীর-দুয়ারে গিয়া রাখিলেক রথ ।
 যাজ্ঞসেনী দেখিলা, আইল জয়দ্রথ ॥
 রথ হৈতে ভূমিতলে নামে মহাবীর ।
 কুটুম্ব জানিয়া কৃষ্ণা হইল বাহির ॥
 মনেতে জানিল এই অপূর্ব অতিথি ।
 পূজা-হেতু চিন্তা তার করে গুণবতী ॥
 শূন্যালয়, তথা আর নাহি কোনজন ।
 আপনি আনিয়া দিল দিব্য কুশাসন ॥
 পাদপ্রক্ষালন-হেতু আনি দিল জল ।
 জিজ্ঞাসা করিল, কহ ঘরের কুশল ॥
 কোথা হৈতে এলে এবে, যাবে কোন্ দেশে ।
 এ-বনে আসিলা কোন্ প্রয়োজনবশে ॥

জয়দ্রথ বলে, আর নাহি কোন কাজ ।
 ভেটিবারে আসিলাম ধর্ম্ম-মহারাজ ॥
 একমাত্র দেখি তুমি করিছ রক্ষন ।
 কহ দেখি, কোথা গেল ধর্ম্মের নন্দন ॥
 কোন্ কার্য্য-হেতু গেল ভীম-ধনঞ্জয় ।
 ব্রাহ্মণ-মণ্ডলী কোথা, মাদ্রীর তনয় ॥

কৃষ্ণা বলে, স্নানে গেল ব্রাহ্মণ-সমাজ ।
 মাদ্রীপুত্রদ্বয় গেল সহ-ধর্ম্মরাজ ॥
 ভীমার্জুন গেল বনে যুগয়া-কারণে ।
 মুহূর্ত্তের মধ্যে সবে আসিবে এখানে ॥
 দ্রৌপদীর মুখে শুনি এ সব বচন ।
 দ্রুত জয়দ্রথ হৈল সচঞ্চল-মন ॥
 বিচার করিল মনে, সবে দূরে গেল ।
 উচিত সময় মোরে বিধাতা মিলাল ॥
 চতুর্দিকে চাহে, কেহ নাহিক কোথায় ।
 চঞ্চল হইয়া বীর ঘন-ঘন চায় ॥
 নিকটে আছিল কৃষ্ণা, তুলি নিল রথে ।
 শীত্র চালাইল রথ হস্তিনার পথে ॥

কৃষ্ণ বলে, দুষ্ট কর্ম কর কুলান্নার ।
 বুঝিলাম কাল পূর্ণ হইল তোমার ॥
 উচ্চ-বংশে জন্মিয়া করহ নীচকর্ম ।
 মুহূর্ত্তে এখনি তার ফলিবেক ধর্ম ॥
 যাবৎ পুরুষসিংহ ভীম নাহি দেখে ।
 প্রাণ ল'য়ে বাহ শীঘ্র ছাড়িয়া আমাকে ॥
 আরে দুষ্ট, কি করিলি, হৈলি মতিচ্ছন্ন ।
 নিশ্চয় তোমার কাল হইল সম্পূর্ণ ॥
 আরে অন্ধ, ভাল-মন্দ জানহ সকল ।
 হেন কর্ম কর, যাতে ফলয়ে সুফল ॥
 পরপক্ষ-জন যদি আসি করে রণ ।
 সাহায্য করিয়া তাকে রাখে বন্ধুগণ ॥
 তোর কার্য্য শুনি লোকে কর্ণে দিবে কর ।
 হেন দুরাচার তুই অধম পামর ॥

হেনমতে তিরস্কার করে যাজ্ঞসেনী ।
 চোরা নাহি শুনে কভু ধর্ম্মের কাহিনী ॥
 ভাল-মন্দ জয়দ্রথ কিছু নাহি কহে ।
 চালাইয়া দিল রথ, তিলেক না রহে ॥
 দ্রৌপদী দেখিল তবে, পড়িল বিপাকে ।
 গোবিন্দ-গোবিন্দ বলি পরিত্রাহি ডাকে ॥
 কি জানি, কৃষ্ণের পায় কৈনু অপরাধ ।
 সে-কারণে হৈল মম এতেক প্রমাদ ॥
 কোথা গেল মহারাজ ধর্ম্ম-অধিকারী ।
 কোথা গেল মাত্রীপুত্র বিক্রমে কেশরী ॥
 ভুবন-বিজয়ী কোথা পার্শ্ব মহামতি ।
 তোমার বনিতা বনে হরিল দুর্নতি ॥
 পরিত্রাহি ডাকে, কোথা ভীম মহাবল ।
 দুষ্টজনে আসি দেহ সমুচিত-ফল ॥
 তোমরা যে পঞ্চভাই রহিলে কোথায় ।
 মন্দমতি জয়দ্রথ বলে ল'য়ে যায় ॥

শূন্যালে আছে, দুষ্ট জানিয়া ধরিল ।
 সিংহের বনিতা নিতে শূণ্যালে ইচ্ছিল ॥
 সকল লোকের সাক্ষী দেব বিকর্তন ।
 আজন্ম জানহ তুমি সবাংকার মন ॥
 কায়মনোবাক্যে যদি হই আমি সত্যী ।
 ইহার উচিত ফল লভুক দুর্নতি ॥

এইমত যাজ্ঞসেনী পাড়িছে দোহাই ।
 হেনকালে আশ্রমে আসিল তিন-ভাই ॥
 শূন্যালয় দেখি মনে হইলেন স্তব্ধ ।
 শুনিলেন দ্রৌপদীর ক্রন্দনের শব্দ ॥
 ব্যগ্র হ'য়ে তিন-ভাই ধনু ল'য়ে হাতে ।
 শব্দ-অনুসারে শীঘ্র ধায় সেই পথে ॥
 চিন্তাকুল ধায় সবে, না দেখেন পথ ।
 দূর হৈতে দেখিল, পলায় জয়দ্রথ ॥
 আকুল হইয়া কৃষ্ণ ডাকে ঘনে-ঘন ।
 দূর হৈতে আশ্বাসিয়া কহে তিনজন ॥
 ভয় নাই ভয় নাই, বলয়ে বচন ।
 হেনকালে দেখ তথা দৈবের ঘটন ॥
 মৃগয়া করিয়া আসে ভাই দুইজন ।
 সেই-পথে জয়দ্রথ করিছে গমন ॥
 দূর হৈতে শুনিলেন ক্রন্দনের রোল ।
 উদ্ধার করহ ভীম, শুনে এই বোল ॥

অর্জুন কহেন, ভীম, শুনি বিপরীত ।
 হেথা যাজ্ঞসেনী কেন ডাকে আচম্বিত ॥
 কিহেতু আসিল কৃষ্ণা নির্জজন-কাননে ।
 না জানি হিংসিল আসি কোন্ দুষ্টজনে ॥
 কিংবা কেবা বিরোধিল ধর্ম্মের তনয় ।
 ব্যাকুল আমার মন গণিয়া প্রলয় ॥

ভীম বলে, এ কথা না লয় মম মনে ।
 কে যাইতে ইচ্ছা করে শমন-ভবনে ॥

চল শীঘ্র, ভাল নহে এ-সব কারণ ।
 সমুচিত ফল দিব করি নিরূপণ ॥
 এত বলি দুই-বীর যান বায়ু-প্রায় ।
 শব্দ-অমুসারে যান দ্রোপদীর রায় ॥
 হেনকালে দূরে এক দেখিলেন রথ ।
 ধ্বজা দেখি জানিলেন, যায় জয়দ্রথ ॥
 তবে পার্থ মায়ারথ করেন স্মরণ ।
 চিন্তামাত্রে রথবর আসিল তখন ॥
 আরোহণ করিলেন দৌহে হৃষ্টমতি ।
 চালাইয়া দেন রথ পবনের গতি ॥
 দেখিল নিকট হৈল অর্জুনের রথ ।
 প্রাণভয়ে পলাইয়া যায় জয়দ্রথ ॥
 রথ হৈতে লাফ দিয়া পড়ে ভূমিতলে ।
 অতিবেগে ধায় বীর প্রাণের বিকলে ॥
 দেখিয়া ভীমের মনে হইল সন্তাপ ।
 রথ হৈতে ভূমিতলে পড়ে দিয়া লাফ ॥
 বেগেতে ধাইল দুর্ঘট হ'য়ে চিন্তাকুল ।
 চক্ষুর নিমিষে ভীম ধরে তার চুল ॥
 যুগেন্দ্র রুমিয়া যেন ধরে ক্ষুদ্রপশু ।
 ক্ষুধিত খগেন্দ্র-মুখে যেন সর্পশিশু ॥
 সেইমত তার চুল ধরিলেক টানি ।
 ক্রোধভরে গেল, যথা পার্থ-যাজ্ঞসেনী ॥
 কহিল কৃষ্ণারে তবে আশ্বাস-বচন ।
 স্থির হও যাজ্ঞসেনি, ত্যজ ছুঃখ-মন ॥
 যেমত তোমাকে ছুঃখ দিল দুর্ঘটমতি ।
 তাহার উচিত-ফল, মার মুখে লাখি ॥
 আছিল মনের ক্রোধ ক্রপদ-নন্দিনী ।
 সংবরিতে নারে ক্রোধ, দহিছে পরাগি ॥

তাহাতে ভীমের আজ্ঞা লজ্জিতে নারিল ।
 অধর্ম নাহিক ইথে, বিচারে জানিল ॥
 তবে কৃষ্ণা আপনার মনের কোতুকে ।
 তিনবার পদাঘাত করে তার মুখে ॥
 জয়দ্রথে কহে তবে ভীম মহাবল ।
 অবশ্য ভুঞ্জিতে হয় স্বকর্ণের ফল ॥
 আরে দুর্ঘট, থাকে যার জীবনের আশা ।
 সে কি কহু করে হেন ছুরন্ত ভরসা ॥
 এই মুখে কৃষ্ণা হরি দিয়াছিল রড়ং ।
 এত বলি গগিয়া মারিল দশ-চড় ॥
 খাইয়া ভীমের বজ্রতুল্য করাবাত ।
 সঘনে কাঁপয়ে যেন কদলীর পাত ॥
 হেনমতে বৃকোদর মারিল প্রচুর ।
 চূলে ধরি টানি তবে লয় কতদূর ॥
 অনেক নিদ্দিল তারে গভীর-গর্জনে ।
 পুনশ্চ টানিয়া তারে আনে কতক্ষেণে ॥
 যুক্তকেশ, অস্তবেশ, বহে রক্তধার ।
 কাঁফর হইয়া কান্দে, নাহিক নিস্তার ॥
 চূলে ধরি ভূমিতলে ঘসে তার মুখ ।
 দেখি দ্রোপদীর হৃদে পরম-কোতুক ॥
 পুনঃপুনঃ প্রহারিল বীর বৃকোদর ।
 প্রাণমাত্র অবশিষ্ট রহে কলেবর ॥
 মূর্ছাগত হ'য়ে ভূমে পড়ে অচেতন ।
 হেনকালে উপনীত ধর্মের নন্দন ॥
 দেখিয়া তাহার ছুঃখ ছুঃখিত-হৃদয় ।
 রক্ষা-হেতু বিচারিয়া ধর্মের তনয় ॥
 কহিলেন, শুন ভীম, করিলে কি কর্ম ।
 বিশেষ ভগিনীপতি মারিলে অধর্ম ॥

আজি পাইলেক দুষ্ঠ সমুচিত-ফল ।
 দোষমত শাস্তিদান হইল সকল ॥
 কিস্ত বধ্য নহে, রাখ ইহার জীবন ।
 ভগিনীরে রাঁড়ী করি নাহি প্রয়োজন ॥
 ভগিনী ভাগিনা দৌহে হইবে অনাথ ।
 কান্দিবে সকলে আর সেই জ্যেষ্ঠতাত ॥
 সে-কারণে কহি ভাই, শুনহ বচন ।
 ছাড়হ, নিলঞ্জ যাক্ লইয়া জীবন ॥
 রাজ-আজ্ঞা লজ্জিতে না পারি বৃকোদর ।
 জয়দ্রেথ এড়ি বীর হইল অন্তর ॥

কতক্ষণে সংজ্ঞা পেয়ে সেই মূঢ়মতি ।
 মনে-মনে চিন্তা করে, পেছু অব্যাহতি ॥
 নিঃশব্দে রহিল বীর হ'য়ে নতশির ।
 ভৎসিয়া কহেন তারে রাজা যুধিষ্ঠির ॥
 কে দিল কুবুদ্ধি তোরে করিয়া কপটে ।
 কিহেহু মরিতে এলি এমত সঙ্কটে ॥
 ক্ষণেক না হৈত যদি মম আগমন ।
 এতক্ষণে যাইতিস্ শমন-সদন ॥
 পলাইয়া যাহ ল'য়ে নিলঞ্জ-জীবন ।
 কুবুদ্ধি দিলেক তোরে যেই দুষ্ঠজন ॥
 সেইসব জনে গিয়া কহিবি সকল ।
 কত দিনান্তরে তারা পাইবেক ফল ॥
 আমাকে দিলেক যত দুঃখ আর কষ্ট ।
 এইমত সর্বজন হইবেক নষ্ট ॥
 এত বলি আশ্রমেতে যান ছয়জনে ।
 দুষ্ঠ জয়দ্রেথ তবে বিচারিল মনে ॥
 ভারত-পঞ্চজ-রবি মহামুনি ব্যাস ।
 পাঁচালী-প্রবন্ধে রচে কাশীরাম দাস ॥

২০। জয়দ্রেথের শিবাবাধনায় যাত্রা ।

ক্ষান্ত হইলেন যদি ভাই পঞ্চজনে ।
 দুষ্ঠ জয়দ্রেথ তবে বিচারিল মনে ॥
 পাঠাইয়া দিল মোরে কৌরব-প্রধান ।
 তার কার্য সাধিবারে বিধি হৈল আন ॥
 কোন্ লাঞ্জে গিয়া তারে দেখাইব মুখ ।
 উপায় চিন্তিব, যাহে খণ্ডিবেক দুখ ॥
 এত কষ্ট দিল মোরে পাণ্ডব ছরন্ত ।
 তা'-সবে জিনিলে মম দুঃখ হবে অন্ত ॥
 ইন্দ্র-তুল্য পরাক্রম পাণ্ডব-সকল ।
 কেমনে হইব শক্য, আমি হীনবল ॥
 তপোবলে পাণ্ডবেরা হয় বলবান্ ।
 আমার তপস্যা-বিনা গতি নাহি আন ॥
 কঠোর তপস্যা করি শুদ্ধ-কলেবরে ।
 তপেতে করিব তুষ্ট দেব-মহেশ্বরে ॥
 প্রসন্ন হইবে যবে ত্রিদশের নাথ ।
 পাণ্ডবে জিনিতে বর মাগিব পশ্চাৎ ॥
 তবে যদি কার্য্যসিদ্ধি নহে কদাচন ।
 ত্যজিব জীবন আমি, করি এই পণ ॥

এত বলি হিমালয়-পর্বতে সে গেল ।
 শুচি হ'য়ে মন-আত্মা সংযত করিল ॥
 নিয়ম করিয়া নিত্য করে নানা-ক্লেশ ।
 তপ আরম্ভিল করি হরের উদ্দেশ ॥
 কতদিন বঞ্চিলেন খেয়ে মাত্র ফল ।
 অতঃপর ভুঞ্জে বীর শুধু মাত্র জল ॥
 গ্রীষ্মকালে চতুর্দিকে জালিয়া আগুনি ।
 বসি রয় তার মাঝে দিবস-রজনী ॥
 বর্ষাকালে চারি-মাস বসি বৃক্ষতলে ।
 মস্তক পাতিয়া ধরে বরিষার জলে ॥

শীতেতে আছয়ে যথা শ্মশীতল-নীর ।
তাহাতে নিমগ্ন হ'য়ে থাকে মহাবীর ॥
তপশ্চা বৎসরেক করে মহাক্লেশ ।
কঠোর-তপেতে বশ হ'লেন মহেশ ॥
জানিয়া একান্ত ভক্তি দেব-মহেশ্বর ।
মায়া করি ধরে হর বিপ্র-কলেবর ॥
যথা জয়দ্রথ আছে হিমালয়-গিরি ।
তাহার নিকটে চলিলেন ত্রিপুরারি ॥
সমাধি করিয়া রাজা আছয়ে নির্জনে ।
নিমগ্ন করিয়া চিত্ত হরের চরণে ॥

হেনকালে ডাকি তারে বলে মহেশ্বর ।
তপশ্চা ত্যজহ রাজা, মাগ ইষ্ট-বর ॥
এত শুনি জয়দ্রথ উঠিল কৌতুকে ।
অপূর্ব ব্রাহ্মণ-মূর্তি দেখিল সম্মুখে ॥
বিস্মিত হইয়া কহে, তুমি কোন্ জন ।
মহেশ কহেন, আমি দেব-পঞ্চানন ॥
রাজা বলে, তুমি যদি দেব-বিশ্বনাথ ।
তোমার যে নিজ-মূর্তি ভুবনে বিখ্যাত ॥
কৃপা করি সেই-রূপ করহ প্রকাশ ।
তবে সে আমার মনে হইবে বিধাস ॥

ভক্ত জানি নিজ-রূপ ধরিলেন হর ।
রজত-পর্বত জিনি দীপ্ত-কলেবর ॥
কটিতে ফণীন্দ্র-মুণ্ডাটুনি বাঘছাল ।
শিরে জটা, বিভূতি-ভূষিত অঙ্গ-ভাল ॥
নাগ-যজ্ঞ-উপবীত, হাড়মালা গলে ।
সুচারু চন্দ্রের কলা শোভিতেছে ভালে ॥
বাম-করে শোভে শূঙ্গ, দক্ষিণে ডমরু ।
দেখিয়া এমত রূপ বাঞ্ছা-কল্পতরু ॥

আপনারে কৃতকৃত্য মানে মহাবল ।
দণ্ডবৎ হ'য়ে তবে পাড়ে ভূমিতল ॥
অষ্টাঙ্গ লোটায়ে ধরে অভয়-চরণ ।
ভক্তিভাবে বহুবিধ করিল স্তবন ॥
অনাথের নাথ তুমি, কৃপার নিধান ।
কৃপা করি নিজগুণে কর পরিত্রাণ ॥

মহেশ কহেন, রাজা, মাগ ইষ্টবর ।
শুনি জয়দ্রথ কহে যুড়ি দুই-কর ॥
আমারে অনাথ দেখি কৃপা কর যদি ।
জিনিব পাণ্ডবে, আজ্ঞা কর কৃপানিধি ॥

এত শুনি শূলপাণি করেন উত্তর ।
মনোনীত অম্ব-বর মাগ নৃপবর ॥
জয়দ্রথ বলে, অম্ব-বরে কাজ নাই ।
জিনিব পাণ্ডবে, আজ্ঞা করহ গোদাঁই ॥

মহেশ বলেন, তুমি নহ জ্ঞানযুত ।
পুনঃপুনঃ কি-কারণে কহ অদ্বিত ॥
পাণ্ডব ভুবন-জয়ী, শুন মহামতি ।
তাদেরে জিনিতে পারে কাহার শক্তি ॥
মনুষ্য জানিয়া তুমি করহ অবজ্ঞা ।
আমি ত তোমার মত নহি হীনপ্রজ্ঞা ॥
প্রয়োজন নাহি আর কহিয়া বিস্তর ।
অম্ব যাহা ইচ্ছা রাজা, মাগ ইষ্টবর ॥

আপনার ইষ্ট যে, সে শিবের অনিষ্ট ।
স্পষ্ট বুঝি কহে পুনঃ জয়দ্রথ দুষ্ট ॥
এখন জানিহু, তুমি পাণ্ডবের সখা ।
কি-হেতু আসিয়া দিলে অধমেরে দেখা ॥
যাহ প্রভু, নিজস্থানে করহ গমন ।
প্রাণত্যাগ করিব, করিহু নিরূপণ ॥

বলেন ধুর্জটি, বাক্যব্যয় কর মিছা ।

যা' করিবে, কর তবে আপনার ইচ্ছা ॥

পরাণ ত্যজহ, কিংবা যাহা লয় মতি ।

এই বর দিতে নাহি আমার শক্তি ॥

জয়দ্রথ বলে পুনঃ, করহ গমন ।

হেথায় রহিয়া তবে কোন্ প্রয়োজন ॥

নৃপতির এই বাক্য শুনি দিগম্বর ।

কৈলাস-শিখরে যান দুঃখিত-অন্তর ॥

পুনর্ব্বার জয়দ্রথ আরম্ভিল তপ ।

পাণ্ডবের পরাভব অন্তরেতে জপ ॥

নানা-ক্লেশে মহাবীর বঞ্চে অহর্নিশি ।

তার তপ দেখি চমকিত সর্ব্ব-ঋষি ॥

উর্দ্ধপদে অধোমুখে করি অনাহার ।

হেনমতে বৎসরেক গেল পুনর্ব্বার ॥

জানিয়া একান্ত তবে নৃপ-ভাব-ভক্তি ।

রহিতে হরের আর না হইল শক্তি ॥

যথায় নৃপতি বসি করে তপঃক্লেশ ।

সন্নিহিতে পুনরপি আসিয়া মহেশ ॥

রাজারে কহেন, তপ কর কি-কারণ ।

চতুর্ব্বর্গ চাহ, যাহে লয় তব মন ॥

রাজ্য অর্থ বিত্তা কিংবা সন্ততি বিভব ।

যাহা চাহ, তাহা লহ, কি আছে দুর্লভ ॥

ইহা কহিলেন যদি করুণার নিধি ।

জয়দ্রথ-নৃপতির বিড়ম্বিল বিধি ॥

মহামদে অন্ধ, রোষে আচ্ছাদিত-মন ।

সকল ছাড়িয়া চাহে পরের হিংসন ॥

জয়দ্রথ বলে, যদি ভূমি বর দিবে ।

নিশ্চয় আমার মন, জিনিব পাণ্ডবে ॥

ইহা বিনা অন্য-বরে কার্য্য মম নাই ।

বুকিয়া বিধান এই করহ গোসাঁই ॥ ,

শুনিয়া কহেন শিব, শুন রে পামর ।

পৃথিবীতে কত-শত আছে ইষ্টবর ॥

ইহা ছাড়ি ইচ্ছা কর পরের হিংসন ।

বিশেষ পাণ্ডব তাহে, নহে অন্যজন ॥

অচ্ছেদ্য অভেদ যেই, অজ্ঞেয় সংসারে ।

কোন্ জন হবে শাক্য জিনিতে তাহারে ॥

বিশেষ অর্জুন-নামে তাহে একজন ।

তাহার মহিমা বল জানে কোন্ জন ॥

পরম-পুরুষ সেই ব্রহ্ম-সনাতন ।

দুই-দেহ ধরিলেন নিজে নারায়ণ ॥

বিশেষ হরিতে পৃথিবীর মহাভার ।

নর-নারায়ণ-রূপে পূর্ণ-অবতার ॥

নররূপ ধরে পার্থ কুন্তীর নন্দন ।

যদুকুলে শ্রীগোবিন্দ নিজে নারায়ণ ॥

মহামদে অন্ধমতি, না জান-কারণ ।

এদেরে জিনিতে বর দিবে কোন্ জন ॥

হইবে গোবিন্দ যবে অর্জুনের পক্ষ ।

বরে কিসে গণি, নিজে না হইব শাক্য ॥

তবে যদি একান্ত হইল তোর মন ।

জিনিবে অর্জুন-বিনা অন্য চারিজন ॥

রাজা বলে, ভাল আজ্ঞা কৈলে যোগিরাজ ।

বিনা-পার্থ অন্যে জিনি কিবা মোর কাজ ॥

যতপি একান্ত কৃপা আছয়ে আশায় ।

আজ্ঞা কর, জিনি যেন সহ-ধনঞ্জয় ॥

জীবন সফল তবে, পূর্ণ হবে আশ ।

এত শুনি কহিলেন পুনঃ কৃতিবাস ॥

বড়-বংশে জন্মি তোর দীনবুদ্ধি হয় ।

কি-কারণে কর রাজা, অসৎ-আশয় ॥

অর্জুন অজ্ঞেয় জান এ-তিন-ভুবনে ।

হ্রস্ব-নাগ-নর-আমা-আদি-জনে ॥

আমার একান্ত ভক্ত পার্শ্ব মহাবীর ।
 অভেদ অৰ্জুন-আমি, একই শরীর ॥
 বিশেষ আমার মিত্র প্রধান যাদব ।
 তাঁহার প্রধান সখা তৃতীয় পাণ্ডব ॥
 আর ইন্দ্র-দেব হৈতে লভিয়াছে জন্ম ।
 ত্রিভুবনে বিখ্যাত যে অৰ্জুনের কৰ্ম্ম ॥
 জিনিতে নারিবে রাজা, কভু হেনজনে ।
 উপায় করিব এক তোমার কারণে ॥
 অভিমন্যু পুত্র তার বড় বলবান্ ।
 কৃষ্ণের ভাগিনা, প্রিয় প্রাণের সমান ॥
 দিলাম এ-বর, তারে জিনিবে সমরে ।
 বিমুখ করিবে আর চারি-সহোদরে ॥
 আত্মা হৈতে পুত্র হয়, শাস্ত্রে হেন কয় ।
 অভিমন্যু বধিলে মরিবে ধনঞ্জয় ॥
 আর দেখ অবধ্য পাণ্ডব পঞ্চজন ।
 অস্ত্রাঘাতে কদাচিত্ না হবে মরণ ॥
 কি কৰ্ম্ম করিবে তবে করিয়া বিমুখ ।
 চিরকাল পুত্রশোকে পাইবেক দুখ ॥
 এত শুনি ভূক্ৰমতি হ'য়ে নরপতি ।
 চরণ ধরিয়া বহু করিল প্রণতি ॥
 কৈলাস-শিখরে তবে যান মহেশ্বর ।
 জয়দ্রথ যায় তবে হস্তিনা-নগর ॥
 মহাভারতের কথা অমৃত-লহরী ।
 কাশীরাম দাস কহে, পিও কর্ণ ভরি ॥

২৪। জয়দ্রথের হস্তিনায় আগমন ।

হেথায় কৌরব-পতি চিন্তাকুল হ'য়ে ।
 নিত্য অনুতাপ করে মন্ত্রিগণে ল'য়ে ॥
 রাজা বলে, কহ মোরে যত মন্ত্রিগণ ।
 জয়দ্রথ-নৃপতির বিলম্ব-কারণ ॥

কেহ বলে, জয়দ্রথ গেল বহুদিন ।
 কৰ্ম্মে কি হইবে শক্য, বল-বুদ্ধি-হীন ॥
 কেহ বলে, পাণ্ডব দেখিল জয়দ্রথে ।
 নিশ্চয় ত্যজিল প্রাণ ভীম-বজ্র-হাতে ॥
 কেহ বলে, কার্য্যসিদ্ধি করিতে নারিল ।
 লজ্জায় না দিল দেখা, নিজরাজ্যে গেল ॥
 এইমতে চিন্তাকুল আছে নরপতি ।

হেনকালে জয়দ্রথ আসিলেক তথি ॥
 নিরখিয়া ভূপতির আনন্দ প্রচুর ।
 সভাপুত্র নরপতি গেল কতদূর ॥
 বহুকাল পরে পেয়ে বন্ধু-দর্শন ।
 পরস্পরে হর্ষভরে করে আলিঙ্গন ॥
 তবে রাজা দুর্ঘ্যোধন আনন্দিত-মনে ।
 হাতে ধরি বসাইল নিজ-সিংহাসনে ॥
 বসিয়া কোঁড়কে করে কথোপকথন ।
 রাজা বলে, কহ শুনি বিলম্ব-কারণ ॥
 নিবেদিল জয়দ্রথ দুঃখ আপনার ।
 পূর্বাপর আত্মোপাস্ত যত সমাচার ॥
 শুনি জয়দ্রথ-মুখে সব বিবরণ ।
 হরিষ-বিষাদ-মনে রহে দুর্ঘ্যোধন ॥
 দুর্ঘ্যোধন বলে, আমি চিন্তা করি মিছা ।

হইবে অবশ্য, যাহা ঈশ্বরের ইচ্ছা ॥
 অকারণে চিন্তা করি নাহি প্রয়োজন ।
 বিধির নির্বন্ধ হয় যখন যেমন ॥
 সভা ভাঙ্গি নিজ-স্থানে গেল সৰ্ব্বজন ।
 দুঃখমনে নিজগৃহে রহে দুর্ঘ্যোধন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৯৫। যুধিষ্ঠিরের নিকটে মার্কণ্ডেয়-মুনির
আগমন।

জন্মেজয় বলে, মুনি, কহ অতঃপর।
কোন কৰ্ম করিলেন পঞ্চ-সহোদর ॥
মুনি বলে, শুন পরীক্ষিতের নন্দন।
আশ্রমেতে আসিলেন ভাই পঞ্চজন ॥
সমাপ্ত করিয়া কৰ্ম নিত্য-নিয়মিত।
ভোজনান্তে বসিলেন সকলে দুঃখিত ॥
হেনকালে দেখ তথা দৈবের ঘটন।
মার্কণ্ডেয় মুনিবর কৈলা আগমন ॥
মহাতেজোবন্ত, যেন দীপ্ত-হৃতাশন।
দেখিয়া সন্ত্রমে উঠিলেন পঞ্চজন ॥
আগুসরি কতদূরে গিয়া পঞ্চজনে।
প্রণিপাত করিলেন মুনির চরণে ॥
আশীর্বাদ করিলেন মার্কণ্ডেয়-মুনি।
অন্য-সবে প্রণমিল লোটায় ধরণী ॥
সেইমত সস্তাবেন ব্রাহ্মণ-মণ্ডলী।
বসাইলা মুনিরাজে মহাকূতূহলী ॥
আনিয়া হুংক-জল ধর্মের নন্দন।
আপনি করেন ধৌত মুনির চরণ ॥
পাণ্ড-অর্ঘ্য-আদি দিয়া পূজে বিধিমতে।
সম্ভব করিয়া তাঁরে লাগিলা কহিতে ॥
যুধিষ্ঠির বলিলেন, করি নিবেদন।
কহ শুনি, এখানে কি-হেতু আগমন ॥
মুনি বলে, ইচ্ছা হৈল তোমা-দরশন।
এইহেতু কাম্যবনে মম আগমন ॥
ধর্ম বলিলেন, ভাগ্য ছিল যে আমার।
সেইহেতু নিজে প্রভু হৈলে আগুসার ॥

এইরূপে নানাবিধ কথোপকথনে।
বসিলেন মহানন্দে সবে যোগ্য-স্থানে ॥
মহা-অভিমান্য মনে রাজা যুধিষ্ঠির।
বিরস-বদনে বসিলেন নত্মশির ॥
দেখিয়া মুনির মনে জন্মিল বিষয়।
সন্ত্রমে জিজ্ঞাসে, কহ ধর্মের তনয় ॥
অভিপ্রায়ে বুঝি, তব চিত্ত উচাটন।
বদন মলিন দেখি, নিরানন্দ-মন ॥
বহু-দুঃখ পাইয়াছ, অল্প আছে শেষ।
অতঃপর অবিলম্বে পাবে রাজ্য-দেশ ॥
কত-শত কষ্ট সহিয়াছ নিজ-অঙ্গে।
তথাপি থাকিতে নানা-কথার প্রসঙ্গে ॥
পাপরূপ চিন্তা হয়, বহুদোষ ধরে।
স্ববুদ্ধি-পণ্ডিত-জনে মতিলোপ করে ॥
বহুদুঃখে চিন্তা নাহি কর সে-কারণে।
তাহা বুঝাইব কত তোমা-হেন জনে ॥
বহুদিনে আসিলাম তব দরশনে।
দুঃখিত দেখিয়া অতি দুঃখ লাগে মনে ॥
রাজা বলে, কি আদেশ কর মুনিবর।
আমা-সম দুঃখী নাহি ত্রৈলোক্য-ভিতর ॥
না হইল, না হইবে আমার সমান।
উত্তম-মধ্যমাধমে দেখহ প্রমাণ ॥
বড়-বংশে জন্মিলাম-পূর্ব-ভাগ্য-ফলে।
পিতৃহীন-দুঃখ বিধি দিল অল্পকালে ॥
পরাম্বে বন্ধু কাল পরের আলয়ে।
না জানিনু দুঃখ অতি অজ্ঞান-সময়ে ॥
ছল করি যেই কৰ্ম কৈল দুষ্করণে।
পাইনু যতক দুঃখ, জানহ আপনে ॥

সে দুঃখ ভুঞ্জিয়া যেই তুলিলাম মাথা ।
 এমত সংযোগ আনি ঘটাল বিধাতা ॥
 ছলেতে লইল দুষ্ট রাজ্য-অধিকার ।
 আমার ভাগ্যেতে হৈল বৃক্ষতলা সার ॥
 রাজপুত্র হতভাগ্য মোরা পঞ্চজনে ।
 চিরকাল দুঃখে-দুঃখে বঞ্চিলাম বনে ॥
 আমা-সবাকার দুঃখ নাহি করি মনে ।
 ভ্রমিব কৰ্ম্মের ফলে বিধির ঘটনে ॥
 রাজপত্নী হ'য়ে কৃষ্ণা সমান-দুঃখিতা ।
 মহারণ্যে ভ্রমে, যেন সামান্য বনিতা ॥
 নানা-সুখ ভুঞ্জি পূৰ্বে পিতার মন্দিরে ।
 দুঃখেতে বঞ্চিল কাল আসি মম ঘরে ॥
 নারী-মধ্যে নাহি আর হেন সুশিক্ষিতা ।
 দান-ধৰ্ম্ম-শিল্পকৰ্ম্ম-করণে দীক্ষিতা ॥
 যথা রূপ, তথা গুণ, একই সমান ।
 কতবার মহাকষ্টে কৈল পরিত্রাণ ॥
 নিজ-দুঃখে দুঃখী নাহি হই তপোধন ।
 দ্রৌপদীর দুঃখ হেরি সকাতির-মন ॥
 বিশেষ অপূৰ্ব্ব শুন আজিকার কথা ।
 শূন্যলয় দেখি জয়দ্রথ আনে হেথা ॥
 রক্ষনে আছিল কৃষ্ণা দেখি শূন্যঘরে ।
 হরিয়া লইতেছিল হস্তিনা-নগরে ॥
 তখনি ধাইলু পথে পঞ্চ-সহোদর ।
 চক্ষুর নিমিষে তারে ধরে বৃকোদর ॥
 ধরিয়া তাহার চুলে করিল লাঞ্ছনা ।
 পরাণ রাখিল মাত্র শুনি মম মানা ॥
 কেবল তোমার মুনি, চরণ-প্রসাদে ।
 নিমিষেকে পরিত্রাণ কৈলু অপ্রমাদে ॥
 এইমাত্র আশ্রমে আসিলু পঞ্চজনে ।
 সে-কারণে ব'লে আছি নিরানন্দ-মনে ॥

বড়ই অসহ-বজ্র নারীর হরণ ।
 ইহা হৈতে শতগুণে বাঞ্ছিত মরণ ॥
 আজন্ম পাইলু দুঃখ, নাহি পরিমাণ ।
 নাহিক, না হবে দুঃখী আমার সমান ॥
 যুধিষ্ঠির-নৃপতির এই বাক্য শুনি ।
 ঈষৎ হাসিয়া তবে কহে মহামুনি ॥
 কহিলে যতেক কথা ধর্ম্মের নন্দন ।
 দুঃখ বলি নাহি কিছু লয় মম মন ॥
 কি দুঃখ তোমার রাজা, অরণ্য-ভিতর ।
 ইস্র-চন্দ্র-তুল্য সঙ্গে চারি-সহোদর ॥
 বিশেষ সংহতি যার যাজ্ঞশেনৌ নারী ।
 মহিমা বর্ণিতে যার আমি নাহি পারি ॥
 এতেক ব্রাহ্মণ নিত্য করাও ভোজন ।
 তুমি যদি বনবাসী, গৃহী কোন্ জন ॥
 দয়া সত্য ক্ষমা শাস্তি নিত্য দান-ধর্ম্ম ।
 পৃথিবী ভরিয়া রাজা, তোমার স্বকর্ম্ম ॥
 নিশ্চয় কহিলু, এই লয় মম মন ।
 বহুমতীপতি যোগ্য তুমি হে রাজন্ ॥
 অল্পদিনে হবে দেখে কৌরবের অন্ত ।
 কহিলু তোমারে রাজা, ভবিষ্য-বৃত্তান্ত ॥
 আর যে কহিলে তুমি, দুষ্ট জয়দ্রথ ।
 দ্রৌপদীকে নিতেছিল হস্তিনার পথ ॥
 নারীতে এতেক কষ্ট কেহ নাহি পায় ।
 কিন্তু দুঃখ নাহি মনে আমার তাহায় ॥
 পর নয় জয়দ্রথ, বন্ধু তারে বলি ।
 হস্তিনা আপন-রাজ্য, কুটুম্ব সকলি ॥
 সবে গিয়া উদ্ধারিলা, হস্তিনা না যায় ।
 এ-কোন্ কৃষ্ণার দুঃখ, মম অভিপ্রায় ॥
 দ্রৌপদী হইতে শতগুণেতে দুঃখিতা ।
 লক্ষ্মীরূপা জনক-নন্দিনী নাম সীতা ॥

যাঁর পতি অনাদি-পুরুষ নারায়ণ ।
 হরিয়া লইল তাঁরে লঙ্কার রাবণ ॥
 দশ-মাস ছিল বন্দী অশোক-কাননে ।
 নিত্য-নিত্য প্রহার করিত চেড়ীগণে ॥
 তবে রাম মারি সব রক্ষঃ ছুরাচার ।
 মহাক্রোশে করিলেন সীতার উদ্ধার ॥
 দ্রৌপদী হইতে সীতা দুঃখিতা বিখ্যাত ।
 যারে তারে জিজ্ঞাসহ, কে না আছে স্মৃত ॥
 চতুর্দশ-বর্ষকাল বনে মহাক্রোশে ।
 জটা-বল্ল-পরিধান তপস্বীর বেশে ॥
 দশ-মাস মহাকষ্টে, রামের বিচ্ছেদ ।
 কি দুঃখ কৃষ্ণার রাজা, কেন কর খেদ ॥
 মার্কণ্ডেয় মুখে শুনি এতেক বচন ।
 জিজ্ঞাসা করেন তবে ধর্ম্মের নন্দন ॥
 নিবেদন করি মুনি, কর অবধান ।
 শুনিবারে ইচ্ছা বড় ইহার বিধান ॥
 জন্মিলেন কি-কারণে মর্ত্যে নারায়ণ ।
 কিমতে তাঁহার সীতা হরিল রাবণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২৬। জয়-বিজয়ের প্রতিশাপ এবং হিরণ্যাক-
 হিরণ্যকশিপুর জন্ম ।

এতেক কহেন যদি ধর্ম্মের নন্দন ।
 কৃপাবশে কহিলেন মহাতপোদন ॥
 শুন ধর্ম্মহৃত যুধিষ্ঠির নৃপমণি ।
 পূর্বের বৃত্তান্ত এই অপূর্ণ-কাহিনী ॥
 সত্যযুগ যবে আসি করিল প্রবেশ ।
 বৈকুণ্ঠে ছিলেন প্রভু দেব-হৃষীকেশ ॥

দ্বাররক্ষা-হেতু ছিল উভয় কিস্কর ।
 জ্যেষ্ঠ জয়, বিজয় কনিষ্ঠ সহোদর ॥
 ব্রাহ্মণের দ্বাররোধ নহে কদাচন ।
 একদিন দেখ রাজা, দৈবের ঘটন ॥
 ব্রাহ্মণ যাইতেছিল বিষ্ণু-দরশনে ।
 বেত্র দিয়া দ্বারে তাঁরে রাখে দুইজন ॥
 দৌহাকার কর্ম্ম দেখি দ্বিজের সন্তাপ ।
 পৃথিবীতে জন্ম দৌহে, দিলা এই শাপ ॥
 বজ্রতুল্য দ্বিজবাক্য শুনি দুইজন ।

দুঃখেতে চলিল, যথা প্রভু-নারায়ণ ॥
 কহিল শাপের কথা করিয়া বিশেষ ।
 কহিলেন শুনি তবে দেব-হৃষীকেশ ॥
 আমরা হৈতে শতগুণে শ্রেষ্ঠ দ্বিজবর ।
 হইল তাঁহার মুখে অলঙ্ঘ্য উত্তর ॥
 কাহার শক্তি, তাহা করিবে হেলন ।
 অবশ্য জন্মিবে ক্ষিতিমধ্যে দুইজন ॥

শুনিয়া নিষ্ঠুর কথা ঈশ্বরের মুখে ।
 জিজ্ঞাসা করিল দৌহে অতিশয় দুঃখে ॥
 কর্ম্মদোষে দ্বিজবাক্য লজ্জন না যায় ।
 কিরূপে হইবে শান্তি, জন্মিব কোথায় ॥
 আজ্ঞা কর, শীঘ্র পাই যাহাতে তোমায় ।
 কতকাল থাকিব ছাড়িয়া তব পায় ॥

গোবিন্দ বলেন, জন্ম লহ মর্ত্যলোকে ।
 কহি এক উপযুক্ত উপায় দৌহাকে ॥
 যোর মিত্রভাবে জন্ম ধর গিয়া যদি ।
 ভ্রমণ করিবে সপ্ত-জনম অবধি ॥
 শত্রুরূপে হিংসা যদি করহ আমার ।
 গর্ভের যন্ত্রণা মাত্র তিন-জন্ম সার ॥
 চিন্তা না করিহ কিছু আমার হিংসনে ।
 আমিহ জন্মিব গিয়া ভক্তের কারণে ॥

যদি দৌহে জন্ম ল'য়ে হিংসহ আমারে ।

শাপাস্ত করিব আমি তিন-অবতারে ॥

শুনিয়া প্রভুর মুখে এতেক উত্তর ।

মর্ত্যেতে জন্মিল দৌহে দুঃখিত-অন্তর ॥

হেনকালে শুন এক মহাশচর্য্য কথা ।

দক্ষের নন্দিনী দিতি কশ্যপ-বনিতা ॥

পুত্রবাঞ্ছা করি গেল স্বামীর গোচর ।

সায়ংসন্ধ্যা করিবারে যায় মুনিবর ॥

দিতি বলে, পশ্চাৎ করিবে সন্ধ্যা ভূমি ।

আজ্ঞা কর, পুত্র-আশে আইলাম আমি ॥

মুনি বলে, হৈল এই রাক্ষসী-সময় ।

ইথে পুত্র জন্ম হৈলে, কভু ভাল নয় ॥

দিতি বলে, মূনিরাজ, নহিলে না হয় ।

মানস করহ পূর্ণ, জন্মাহ তনয় ॥

হেনমতে এই কথা কহে যদি দিতি ।

পুত্রবর দিয়া মুনি কহে দুঃখমতি ॥

মুনি বলে, না শুনিলে আমার বচন ।

হইবে অবশ্য তব যুগল নন্দন ॥

মহাবল পরাক্রম আমার ঔরসে ।

কিস্ত তারা দুই হবে সময়ের দোষে ॥

ধর্ম্মপথ-বিরোধী, জিনিবে ত্রিভুবন ।

দেখিয়া দেবের দুঃখ প্রভু-নারায়ণ ॥

অবতরি নিজহস্তে বধিবে দৌহাকে ।

তুমিহ পরম-দুঃখ পাবে পুত্রশোকে ॥

এতেক বলিল মুনি ভবিষ্য-উত্তর ।

নিজালয়ে গেল দিতি দুঃখিত-অন্তর ॥

মুনির ঔরসে রাজা, দিতির গর্ভেতে ।

জয়-বিজয়ের জন্ম হৈল হেনমতে ॥

যথাকালে প্রসবিল দেবী দাক্ষায়ণী ।

প্রত্যক্ষ হইল যত মূনির কাহিনী ॥

জন্মকালে হৈল তবে বিবিধ উৎপাত ।

ধরণী কাঁপিল শব্দে সঘনে নির্ঘাত ॥

প্রাতঃকাল হৈতে যেন বাড়ে দিনকর ।

জন্মমাত্র হৈল মত্ত মহাবলধর ॥

হিরণ্যাক্ষ হিরণ্যকশিপু দুইজন ।

ধর্ম্মপথ বিরোধিতে করিলেক মন ॥

যজ্ঞ নষ্ট করিয়া হিংসিল দেবগণে ।

ইন্দ্রপদ লইয়া বসিল সিংহাসনে ॥

একত্র হইয়া তবে যত দেবগণে ।

নিজ-দুঃখ জানাইল বিধাতার স্থানে ॥

অতি-দুঃখ পান ত্রিঙ্গা দেব-দুঃখ শুনি ।

আশ্বাসিয়া কহিলেন তবে পদ্মধোনি ॥

ভয় না করিহ সবে, যাহ যথাস্থানে ।

পূর্বেতে বিচার আমি করিয়াছি মনে ॥

অখিল দেবের গতি দেব-নারায়ণ ।

ভীমা-বিনা নিস্তারিতে নাহি কোনজন ॥

আমার বচনে ঘরে যাহ সর্বজন ।

শুনিয়া আনন্দে সবে করিল গমন ॥

শুনহ অপূর্ব্ব তবে রাজা যুধিষ্ঠির ।

যুদ্ধহেতু দৈত্যপতি হইল অস্থির ॥

হুলাহুলা সবে জিনে, যত ত্রিভুবনে ।

হেনজন নাহি, যুদ্ধ করে তার সনে ॥

যুদ্ধ-বিনা রহিতে না পারে দৈত্যপতি ।

মল্লযুদ্ধ করে হীনবলের সংহতি ॥

হিরণ্যকশিপু ভ্রাতা রাধি সিংহাসনে ।

আপনি চলিল রাজা, যুদ্ধ-অশ্বেষণে ॥

মহাপরাক্রমে ধায় গদা ল'য়ে হাতে ।

দৈবযোগে নারদ-সহিত দেখা পথে ॥

জিজ্ঞাসে মূনিরে দেখি করিয়া বিনয় ।

কার সনে যুদ্ধ করি, কহ মহাশয় ॥

নারদ বলেন, তব সম-যোদ্ধা হরি ।
 দৈত্য বলে, কোথা তারে পাব চেষ্টা করি ॥
 কহ মুনি, কোথা তার পাব দরশন ।
 তোমার প্রসাদে তবে স্থখে করি রণ ॥
 নারদ বলেন, তব বিক্রম বিশাল ।
 সেই ভয়ে লুকাইয়া আছেন পাতাল ॥
 ধরিয়া বরাহ-মূর্তি আছে দুঃখমনে ।
 শীঘ্র যাহ তথা, যুদ্ধ কর তাঁর সনে ॥

শুনিয়া দৈত্যের পতি বিক্রমে বিশাল ।
 মুনিরাজে প্রণমিয়া প্রবেশে পাতাল ॥
 তথায় দেখিল পুরী পূর্ণ সব জল ।
 না পায় বিষ্ণুর দেখা, চিন্তে মহাবল ॥
 জলেতে গদার বাড়ি মহাক্রোধে মারে ।
 কহ হরি, কোথা গেলে, ডাকে উচ্চৈঃস্বরে ॥

হেনকালে কৃপাসিদ্ধ প্রভু-নারায়ণ ।
 ভক্তের উদ্ধার-হেতু দেন দরশন ॥
 কতদূরে গজ্জি দেব করে মহাশব্দ ।
 শুনিয়া দৈত্যের পতি হৈল মহাস্তব্ধ ॥
 মহাক্রোধে ধায় বীর গদা ল'য়ে হাতে ।
 সহসা বরাহ-সহ দেখা হৈল পথে ॥

হিরণ্যাক্ষ বলে, একি তোমার গর্জ্জন ।
 শুনিয়া কম্পিত তিন-ভুবনের জন ॥
 নহে বা এমন দর্প হেথা কেবা করে ।
 নিশ্চয় মরিবে আজি আমার প্রহারে ॥
 বাক্যযুদ্ধ হৈল আগে, পরে গালাগালি ।
 পশ্চাতে করিল যুদ্ধ দুই মহাবলী ॥
 বিশেষ-প্রকারে যুদ্ধ হৈল বহুতর ।
 বিস্তারিয়া সেই কথা কহিতে বিস্তর ॥
 তথায় লইয়া দুই-দৈত্যের পরাণ ।
 কামরূপী বরাহ রহেন যথাস্থান ॥

অনেক বিলম্ব দেখি ষত পুরজন ।
 চিন্তিত হইল সবে না বুঝি কারণ ॥
 কনিষ্ঠ আছিল তার অমরের রিপু ।
 সিংহাসনে মহারাজ হিরণ্যকশিপু ॥
 ভ্রাতার বিলম্ব দেখি চিন্তাকুল-মন ।
 হেনকালে উপনীত ব্রহ্মার নন্দন ॥
 নারদে দেখিয়া দৈত্য আনন্দিত-মনে ।
 হাতে ধরি বসাইল রত্ন-সিংহাসনে ॥
 মুনিরাজে জিজ্ঞাসিল ভ্রাতার বারতা ।
 নারদ কহিল, রাজা, শুন তার কথা ॥
 যুদ্ধহেতু তব ভ্রাতা ভ্রমি বহুকাল ।
 সমযোদ্ধা না দেখিয়া প্রবেশে পাতাল ॥
 পূর্বে ক্ষতি উদ্ধার করিতে দেব-হরি ।
 দেবকার্য সাধিলা বরাহ-রূপ ধরি ॥
 দৈবযোগে তাঁর সহ দেখা রসাতলে ।
 হইল দারুণ যুদ্ধ দুই মহাবলে ॥
 তাঁর ঠাঁই হিরণ্যাক্ষ হইল নিধন ।
 এতদিন না জান এ-সব বিবরণ ॥

শুনিয়া দৈত্যের পতি পায় বড় শোক ।
 এদিকে নারদ-মুনি চলে ব্রহ্মলোক ॥
 দৈত্যপতি বলে, মোর খণ্ডিল বিশ্বয় ।
 বিষ্ণু সে আমার শত্রু, জানিনু নিশ্চয় ॥
 তাহা-বিনা না হিংসিব কভু অন্যজনে ।
 পাইব তাহার দেখা ধর্ম্মের হিংসনে ॥
 এতেক বিচারি দৈত্য করি বড়-ক্রোধ ।
 যথা ধর্ম্ম, যজ্ঞ, তথা করয়ে বিরোধ ॥
 স্বর্গ-মর্ত্য-রসাতলে সবে পায় ভয় ।
 নিস্তেজ হইল সবে গণিয়া প্রলয় ॥
 কত দিনান্তরে রাজা, শুন বিবরণ ।
 প্রহ্লাদ-নামেতে তার জন্মিল নন্দন ॥

মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

২৭। প্রহ্লাদ-চরিত্র ।

শুন রাজা যুধিষ্ঠির, অপূর্ব-কথন ।
প্রহ্লাদ-নামেতে তার জন্মিল নন্দন ॥
দিনে-দিনে হৈল শিশু মহাজ্ঞানবান ।
বৈষ্ণবেতে নাহি কেহ তাহার সমান ॥
নারায়ণ-পরায়ণ শাস্ত-শুদ্ধমতি ।
তাহার পরশে শুদ্ধা হয় বহুমতী ॥
পুত্রের চরিত্র দেখি হুঃখিত-অন্তরে ।
নিযুক্ত করিল গুরু পড়াইতে তারে ॥
শুন, কহি তাহার আশ্চর্য্য-বিবরণ ।
পাঠশালে গুরু বসি থাকে যতক্ষণ ॥
কেবল রাখিয়া মাত্র পুস্তকেতে দৃষ্টি ।
মনে-মনে জপে নারায়ণ নিজ-ইষ্টি ॥
কার্য্য-হেতু গুরু যবে যায় যথা-তথা ।
তবে শিশুগণে ডাকি কহে এই-কথা ॥
শুন ভাই, এই পাঠে কোন্ প্রয়োজন ।
না জানহ, বড় শত্রু আছে যেন শমন ॥
তরিয়া যাইতে আর নাহিক উপায় ।
রূক্ষপদে রাখ চিত্ত, কারো নাহি দায় ॥

এমত প্রকারে নিত্য কহে শিশুগণে ।
অন্যদিন তারা সব কহয়ে ব্রাহ্মণে ॥
শুনিয়া শিষ্যের কথা গুরু ধায় বেগে ।
প্রহ্লাদ-চরিত্র কহে নৃপতির আগে ॥
বিপ্র বলে, শুন রাজা, ঘটিল প্রমাদ ।
করিল সকলি নষ্ট তোমার প্রহ্লাদ ॥
যতক পড়াই আমি, তাহে নাহি মন ।
অনুক্ষণ জপে বিষ্ণু-রাম-নারায়ণ ॥

রূক্ষ-বিনা তার আর নাহি মনোরথ ।
সকল-বালকে লওয়াইল সেই পথ ॥

এতেক বৃত্তান্ত যদি ব্রাহ্মণ কহিল ।
ক্রোধভরে নরপতি পুত্রে ডাকাইল ॥
জিজ্ঞাসিল, কহ বাপু, বিচার কেমন ।
আমার পরম-শত্রু সেই নারায়ণ ॥
কেবা সেই বিষ্ণু, তার চিন্তা কর বৃথা ।
অধ্যাপক ব্রাহ্মণের নাহি শুন কথা ॥
শিশু বলে, এই কথা পড়িলে কি হবে ।
অনিত্য সংসার পিতা, কেমনে তরিবে ॥
না জান, পরম-শত্রু আছে যে শমন ।
ইথে কে করিবে রক্ষা বিনা-নারায়ণ ॥
অখিল-সংসার-মাঝে যত চরাচর ।
সেই নারায়ণ সর্ব-ভূতের ঈশ্বর ॥
এ-তিন-ভুবনে আছে যাহার নিয়ম ।
তঁহার আশ্রয় নিলে কি করিবে যম ॥
অনন্ত তঁহার মায়া কহনে না যায় ।
সর্বভূতে অনুক্ষণ ভ্রমিয়া বেড়ায় ॥
নিযুক্ত করেন নানা-বুদ্ধি স্থানে-স্থানে ।
বৈরিরূপে সদা তুমি ভাব তাঁরে মনে ॥
অভাগা তাহারে বলি, ভক্তি নাহি যার ।
চিরকাল হুঃখে ভ্রমে, মিথ্যা জন্ম তার ॥
ধ্যান করি ব্রহ্মা যঁার নাহি পান দেখা ।
তুমি-আমি কিবা ছার, তাহে কোন্ লেখা ॥
আমার পরম-বিদ্वा সেই দেব-হরি ।
অশেষ বিপদ হৈতে যঁার নামে তরি ॥
তাহা ছাড়ি অন্ত-পাঠ পড়ে যেইজন ।
অমৃত ছাড়িয়া করে গরল-ভক্ষণ ॥

শুনিয়া পুত্রের মুখে এতেক ভারতী ।
মহাক্রোধে বলে তবে দানবের পতি ॥

মোর বংশে হৈল এই দুষ্ক ছুরাশয় ।
 কাঠের ভিতরে যথা থাকে ধনঞ্জয়* ॥
 জন্মিলে পোড়ায় কাঠে করে ছারখার ।
 তেমতি জন্মিল দুষ্ক কুপুঞ্জ আমার ॥
 আমার শত্রুর গুণ গায় অবিরত ।
 আত্মপক্ষ ত্যজি হয় পর-অনুগত ॥
 না রাখিহ এই শিশু, মারহ তৎকালং ।
 বিলম্ব হইলে বহু বাড়িবে জঞ্জাল ॥

শুনিয়া রাজার মুখে যত দৈত্যগণ ।
 চতুর্দিকে বেড়ি সবে করে প্রহরণ* ॥
 একে-একে করিল সকলে অস্ত্রাঘাত ।
 কিছুতেই না হইল তাহার নিপাত ॥
 বিষ্ময় মানিয়া পুঞ্জ ভাকে দৈত্যপতি ।
 জিজ্ঞাসিল, কি-প্রকারে পেল অঘাত ॥
 এখনো করহ ত্যাগ শত্রুগুণ-কথা ।
 নিজ-শাস্ত্র অধ্যয়ন করহ সর্বথা ॥
 নিতান্ত যতপি তোর আছে ইচ্ছা মন ।
 করহ শিবের সেবা করিয়া যতন ॥

প্রহ্লাদ কহিল, মোরে রাখিলেন হরি ।
 হরি সখা থাকিতে কে হয় মম অরি ॥
 কত শিব কত ব্রহ্মা, কত দেব-দেবী ।
 না পায় তাঁহার অন্ত বহুকাল সেবি ॥
 আমার পরম-বিদ্যা তাঁহার চরণ ।
 অন্য-পাঠ-পঠনেতে নাহি প্রয়োজন ॥

এত শুনি মহাক্রোধে দৈত্যের ঈশ্বর ।
 কহে, শিশু মার আনি দস্তাল কুঞ্জর ॥
 প্রহ্লাদে বেড়িল আসি যতেক বারণ ।
 আঙ্গামাত্র ধরিল যতেক দৈত্যগণ ॥

অঙ্কুশ-আঘাতে দস্ত দিল দস্তিগুলি ।
 অঙ্গে ঠেকি ভাঙ্গে যেন হুকোমল মূলি ॥
 বিষ্ময় মানিয়া রাজা জিজ্ঞাসে বৃত্তান্ত ।
 কহ পুত্র, কি-প্রকারে ভাঙ্গে গজদন্ত ॥
 শিশু বলে, কুস্তিদন্ত* বজ্রের সমান ।
 কিমতে ভাঙ্গিব আমি, নহি বলবান ॥
 একান্ত আছয়ে যার নারায়ণে মতি ।
 করিবে তাহার মন্দ, কাহার শক্তি ॥
 শুনিয়া দৈত্যের পতি অতি-দুঃখ-মনে ।

ডাকিয়া আনিল যত অনুচরগণে ॥
 যেইরূপে পার, শীঘ্র মার এই পাপ ।
 ইহার জীবনে বড় পাইব সন্তাপ ॥
 ইহা শুনি যত দৈত্য প্রহ্লাদে লইল ।
 বিষম-অনল জ্বালি তাহাতে ফেলিল ॥
 কৃষ্ণ বলি অগ্নিমাঝে পড়া-মাত্র শিশু ।
 শীতল হইল বহি, না হইল কিছু ॥
 দেখিয়া যতেক দৈত্য দুঃখিত-অন্তর ।
 নিকটে পর্বত ছিল অতি-উচ্চতর ॥
 সবে মিলি গিরিশিখরে প্রহ্লাদে তুলি ।
 অবনী-মণ্ডলে তারে ফেলাইল ঠেলি ॥
 পড়ে শিশু নারায়ণে চিস্তিয়া অন্তরে ।
 শুইল বালক যেন তুলার উপরে ॥

দেখিয়া দৈত্যের পতি চিন্তাকুল-মনে ।
 নিকটে ডাকিয়া তবে যত মল্লগণে ॥
 মারিতে শিশুরে দিল তাহাদের হাতে ।
 কতেক প্রহার করে, নারিল বধিতে ॥
 তবে রাজা নিকটে ডাকিল বিপ্রগণে ।
 যজ্ঞ করি বলে সবে বধিতে নন্দনে ॥

প্রহ্লাদে মারিতে কৈল যজ্ঞ-আরম্ভণ ।
 তাহাতে হইল দগ্ধ সকল ব্রাহ্মণ ॥
 তবে ত দেখিয়া শিশু দ্বিজের মরণ ।
 পরিত্রাহি ডাকে, রক্ষা কর নারায়ণ ॥
 এই ব্রাহ্মণেরা হয় তোমার শরীর ।
 এঁদের যুহুতে আমি হইনু অস্থির ॥
 বিশেষ আমার হেতু ব্রাহ্মণের ক্রেশ ।
 আমারে করিয়া কৃপা রাখ হৃষীকেশ ॥
 তবে যদি ব্রাহ্মণ না হইবে সজীব ।
 অগ্নিতে প্রবেশ করি আমিহ মরিব ॥
 একরূপে করিল শিশু অনেক স্তবন ।
 ভক্ত-দুঃখ দেখি তবে দেব-নারায়ণ ॥
 জীয়াইয়া দিলেন সে-সকল ব্রাহ্মণে ।
 দেখিয়া প্রহ্লাদ হৈল কুতূহলী মনে ॥

শুনি দৈত্যপতি এই-সব সমাচার ।

না জানিয়া মৃত্যুতি বলে পুনর্ব্বার ॥
 যাহ সবে, সযতনে আন কালসাপ ।
 দংশিয়া মারুক আজি কুলঙ্গার পাণ ॥
 রাজার আজ্ঞায় যায় যত দৈত্যগণ ।
 ভুজঙ্গ আনিয়া দিল করিতে দংশন ॥
 পরম-বৈষ্ণব-তেজ শিশুর শরীরে ।
 তাহে সর্প-বিষ-তেজ কি করিতে পারে ।
 পাষণ বান্ধিয়া তবে প্রহ্লাদের গলে ।
 ক্রোধমনে ফেলাইল সমুদ্রের জলে ॥
 শিশুর সত্ত্বমু কিছু নহিল তাহায় ।
 নিমগ্ন করিয়া চিত্ত গোবিন্দের পায় ॥
 ডাকিয়া বলিল শিশু, রাখহ সঙ্কটে ।
 তোমার কিঙ্কর মরে দুষ্কের কপটে ॥

অবশ্য মরণ নাথ, দুঃখ নাহি ভায় ।
 সবেমাত্র ভজিতে না পেছ রাঙ্গা-পায় ॥

এরূপ অনেক-মতে করিল স্তবন ।
 জানিলা সেবক-দুঃখ দেব-নারায়ণ ॥
 পাষণ ভাসিল জলে কৃষ্ণের কৃপায় ।
 বিযুক্ত-জন কভু দুঃখ নাহি পায় ॥
 পাষণ আশ্রয় করি নিজ-মনঃস্থখে ।
 কৃষ্ণ-কৃষ্ণ জপে শিশু পরম-কৌতুকে ॥
 জানিয়া একান্ত ভক্ত দেব-দামোদর ।
 ভক্তের অধীন প্রভু আসিয়া সত্বর ॥
 কোলে করি আলিঙ্গন করেন তাহায় ।
 পদ্মহস্ত বুলাইলা প্রহ্লাদের গায় ॥
 কহেন প্রহ্লাদে তবে, মাগ ইষ্ট-বর ।
 শুনিয়া কহিল শিশু যুড়ি দুই-কর ॥

যাহারে এতক দয়া আছয়ে তোমার ।

ব্রহ্মপদ তুচ্ছ তার, বর কোন ছার ॥
 ইঙ্গিতে ইন্দ্রের পদ দিতে পার তুমি ।
 কেবল লাঞ্ছনা তাহা, জানি মনে আমি ॥
 রাজ্য-ধন ভ্রাতা পুত্র দারা পরিবার ॥
 প্রভুপদে সবারে করিব অহঙ্কার ॥
 মহামদে মত্ত হ'য়ে অনীতি করিব ।
 থাকুক অন্যের কথা, তোমা পাসরিব ॥
 ব্রহ্মপদ দিলে প্রভু, নাহি প্রয়োজন ।
 কেবল আমার বাঞ্ছা তোমার চরণ ॥
 তবে যদি দিবে বর অখিলের পতি ।
 কৃপা করি কর মোর পিতার সদগতি ॥
 শুনিয়া শিশুর মুখে এতক বচন ।
 তুষ্ট হ'য়ে শ্রীগোবিন্দ দেন আলিঙ্গন ॥

প্রহ্লাদে কহেন, তুমি শরীর আমার ।
 মম ভোগ-সুখ-দুঃখ সকলি তোমার ।
 উদ্ধার করিব আমি তোমার জনকে ।
 নিজালয়ে যাহ তুমি পরম-কোঁতুকে ॥
 ছুট-দৈত্যগণে তুমি না করিহ ভয় ।
 যথা তুমি, তথা আমি, জানিহ নিশ্চয় ॥
 এত বলি বৈকুণ্ঠেতে যান দৈত্যরিপু ।

চর জানাইল, যথা হিরণ্যকশিপু ॥
 শুন রাজা, তোমার পুত্রের সমাচার ।
 ভাসিল পাষণ জলে সহিত তাহার ॥
 নানাবিধ যন্ত্রণা দিলাম মোরা সবে ।
 না জানি, পাইল প্রাণ কার অনুভবে ॥

শুনিয়া চরের মুখে এতেক বচন ।
 নিকটে ডাকিল দৈত্য আপন-নন্দন ॥
 বিনাশ-কালেতে বুদ্ধি বিপরীত হয় ।
 চরগণে আদেশিয়া পুত্রকে আনায় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৯৮। নৃসিংহ-অবতার ও হিরণ্যকশিপু-বধ।

নিকটে আনিয়া রাজা আপন-সন্ততি ।
 মধুর-বচনে কহে প্রহ্লাদের প্রতি ॥
 কহ পুত্র, বিস্ময় হইল মোর মনে ।
 এতেক বিপদে তোরে রাখে কোন্ জনে ॥

শিশু বলে, সর্ব্বভূতে যেই নারায়ণ ।
 সঙ্কট হইতে ভঙ্কে তারে সেইজন ॥
 নয়ন থাকিতে পিতা, না হইও অন্ধ ।
 কহিতেছি তোমারে, ঘুচাহ মনোদ্বন্দ্ব ॥

একাগ্র হইয়া ভজ সেই বিষ্ণুপদ ।
 নষ্ট না করিহ পিতা, এ-সুখ-সম্পদ ॥
 বিদ্যমানে দেখিলে যে, মোরে বধিবারে ।
 কত না করিলে চেষ্টা অশেষ-প্রকারে ॥
 কত অস্ত্র প্রহারিল যত দৈত্যগণে ।
 হস্তিদন্ত ঠেকি দেহে ভাঙ্গে ততক্ষণে ॥
 শীতল হইল অগ্নি, দেখিলে পরীক্ষা ।
 পড়িল পর্ব্বত হৈতে, তাহে পেলু রক্ষা ॥
 মহামত্ত মল্লগণ হৈল হীন-দৰ্প ।
 আরো জানো বিষহীন হৈল কালসৰ্প ॥
 প্রমাদে পাইলু রক্ষা যজ্ঞের অনলে ।
 সমুদ্রে ফেলিলে পরে শিলা বান্ধি গলে ॥
 সাক্ষাতে দেখিলে সবে, ভাসিল পাষণ ।
 তথাপি নহিল দূর তোমার অজ্ঞান ॥
 এ-হেন বিভব-সুখ-সম্পদ তোমার ।
 তাঁর ক্রোধে নিমিষেকে হবে ছারখার ॥

এত শুনি দৈত্যপতি কহিল পুত্রেরে ।
 কোথা আছে বিষ্ণু তোর, কোন্ রূপ ধরে ॥
 শিশু বলে, আছে প্রভু সবার অন্তর ।

অনন্ত যাঁহার গুণ বেদে অগোচর ॥
 আত্মরূপে আছে প্রভু সবার ভিতরে ॥
 দৈত্য বলে, আছে বিষ্ণু সবার হৃদয় ।

সবার বাহির পুত্র, এই স্তম্ভ নয় ॥
 ইতিমধ্যে বিষ্ণু যদি থাকিবে সর্ব্বথা ।
 জানিব যথার্থ তবে তোমার এ-কথা ॥
 প্রহ্লাদ কহিল, শুন মোর নিবেদন ।
 যত্র জীব, তত্র শিবরূপে নারায়ণ ॥

স্তম্ভমধ্যে অবশ্যই আছে মোর প্রভু ।
 অথথা আমার বাক্য না জানিহ কভু ॥
 শুনিয়া পুঞ্জের মুখে এতেক ভারতী ।
 নির্ণয় জানিতে তবে দৈত্যকুলপতি ॥
 হাতে খড়্গ ল'য়ে উঠে করি মহাদম্ভ ।
 মধ্যস্থানে হানিলেক স্ফটিকের স্তম্ভ ॥
 হেনকালে শুন রাজা, অপূৰ্ব-কাহিনী ।
 ভক্তবাক্য পালিবারে দেব-চক্রপাণি ॥
 সেবকের বাক্য আর রাখিতে সংসার ।
 স্তম্ভমধ্যে আসি হরি হন অবতার ॥
 পূৰ্ব্বেতে ব্রহ্মার স্তবে যিনি নারায়ণ ।
 মনুষ্য-শরীর আর সিংহের বদন ॥
 স্তম্ভ কাটি নিরখিয়া দেখে দৈত্যপতি ।
 দেখিল অত্যন্ত সূক্ষ্ম অনন্ত আকৃতি ॥
 হৃন্দর সিংহের মুখ, মনুষ্য-শরীর ।
 মুহূর্ত্তেকে স্তম্ভ হৈতে হইল বাহির ॥
 ক্রমে-ক্রমে বাড়ে যেন প্রভাতের ভানু ।
 নরসিংহ বিস্তারিল ক্রমে নিজ-তনু ॥
 দেখিয়া বিরাট্‌মূর্ত্তি কাঁপে দৈত্যঘটা ।
 ব্রহ্মাণ্ডে ঠেকিল গিয়া দিব্য-সিংহজটা ॥
 গভীর গৰ্জ্জলা, মুখে অটু-অটু-হাস ।
 শব্দ শুনি ত্রৈলোক্য-মণ্ডলে হৈল ত্রাস ॥
 এমত প্রকারে রাজা, দেব-নরহরি ।
 হিরণ্যকশিপু-দৈত্যে রোষভরে ধরি ॥
 উরুমধ্যে রাখি তারে বিদারিয়া বুক ।
 মারেন ছরস্ত্র দৈত্যে, দেবের কোঁতুক ।
 মহামূর্ত্তি দেখি ভয় পায় দেবগণ ।
 নির্ভয় প্রহ্লাদ মাত্র করিল স্তবন ॥

কৃপা কর কৃপাসিদ্ধু অনাথের নাথ ।
 ত্রৈলোক্য কাঁপিল শব্দ শুনিয়া নির্ধাত ॥
 বিশেষ বিরাট্‌মূর্ত্তি দেখিয়া তোমার ।
 হ্রাসহর মুচ্ছাগত, নর কোন্‌ ছার ॥
 সংবরহ নিজমূর্ত্তি, দেখি লাগে ভয় ।
 কি-কারণে কর প্রভু, অকালে প্রলয় ॥
 হেনমতে কহে শিশু হইয়া বিকল ।
 অন্তর্যামী নারায়ণ জানিলা সকল ॥
 শাস্ত্রমূর্ত্তি হ'য়ে তবে কহে ভগবান্ ।
 নহিল, না হবে ভক্ত তোমার সমান ।
 মহাভক্ত হও তুমি শরীর আমার ॥
 চিরকাল কর হুখে রাজ্য-অধিকার ॥
 একান্ত আমার ভক্তি না ছাড়িবে মনে ।
 তাপ না করিহ কিছু পিতার মরণে ॥
 জন্মিবে তোমার বংশে যত মহাবল ।
 অবশ্য আমার ভক্ত হইবে সকল ॥
 হেনমতে শাস্ত্রাইয়া প্রহ্লাদ কুমার ।
 অভিষিক্ত করি তারে দেন রাজ্যভার ॥
 এইমতে দুই-ভাই শাপে মুক্ত হয় ।
 পুনর্ব্বার হৈল দৌহে রাক্ষস দুর্জয় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৯৯। রাবণ ও কুম্ভকর্ণরূপে অয়-বিজয়ের
 দ্বিতীয়-বার অঙ্গ ।

বলিলেন মার্কণ্ডেয়, শুন সমাচার ।
 পূৰ্ব্বে লক্ষা রাক্ষসের ছিল অধিকার ॥

মহামত্ত হ'য়ে সবে হিংসিলেক দেবে ।
 ব্রহ্মার সদনে গিয়া জানাইল সবে ॥
 শুনিয়া কহিল ব্রহ্মা দেব-নারায়ণে ।
 চক্রে বিষ্ণু ছেদিলেন যত দৈত্যগণে ॥
 হতশেষ ছিল যত, প্রবেশে পাতাল ।
 ছদ্মরূপে তথা সবে বঞ্চে চিরকাল ॥
 বিশ্রবা নামেতে ছিল পুলস্ত্য-নন্দন ।
 হইল তাঁহার পুত্র নামে বৈশ্রবণ ॥
 পুত্রে দেখি প্রজাপতি করিয়া সম্মান ।
 দিকপাল করি দিল লক্ষাপুরে স্থান ॥
 পাতালে রাক্ষস ছিল, দীর্ঘকাল যায় ।
 স্বস্থান লইতে পুনঃ করিল উপায় ॥
 হুমালি-নামেতে ছিল নিশাচরপতি ।
 নিকষা-নামেতে তার কন্যা গুণবতী ॥
 কহিল কন্যারে সব ডাকিয়া সাক্ষাতে ।
 উপায় করহ তুমি নিজ-স্থান লৈতে ॥
 পূর্বেতে আমার রাজ্য ছিল লক্ষাপুরী ।
 এখন পাতালে আছি দেবে শঙ্কা করি ॥
 লক্ষায় কুবের আছে বিশ্রবা-নন্দন ।
 প্রকারে লইব লক্ষা, শুনহ বচন ॥
 বিশ্রবার স্থানে তুমি যাহ শীঘ্রগতি ॥
 প্রসন্ন করিয়া তাঁরে জন্মাহ সন্ততি ॥
 তাঁহা হৈতে পুত্র হৈলে সাধি নিজকার্য্য ।
 দৌহিত্রে সম্ভব হয় মাতামহ-রাজ্য ॥
 বিশেষ বৈমাত্র ভাই তাহার হইবে ।
 দুইমতে রাজ্য তব পুত্রে সম্ভবিবে ॥
 পিতৃবাক্য শুনি তবে নিকষা-রাক্ষসী ।
 আইল মুনির কাছে পুত্র-অভিলাষী ॥
 কায়মনোবাক্যে সেবা করিল বিস্তর ।
 ভুক্ত হ'য়ে কহে মুনি, লহ ইচ্ছবর ॥

কথা বলে, পুত্র-আশে আসিলাম আমি ।
 বলিষ্ঠ নন্দন দুই দেহ মোরে তুমি ॥
 বিশ্রবা বলিলা, এই সময় কর্ণকণ ।
 হইবে যুগল-পুত্র দুর্জয় রাক্ষস ॥
 মুনির চরণে করি অনেক বিনয় ।
 হরিষ-বিধানে কথা পুনরপি কয় ॥
 মনে দুঃখ জনমিল পুত্র-কথা শুনি ।
 সর্বগুণবান্ এক পুত্র দেহ মুনি ॥
 সম্ভব হইয়া তারে কহে তপোধন ।
 সর্বগুণে শ্রেষ্ঠ হবে তৃতীয় নন্দন ॥

এতেক শুনিয়া কথা আনন্দে রহিল ।

যথাকালে ক্রমে তিন-পুত্র প্রসবিল ॥
 জ্যেষ্ঠ জয় নামে হৈল দুর্জয় রাবণ ।
 কুম্ভকর্ণ বিজয়, অনুজ বিভীষণ ॥
 জন্মমাত্র তিন-ভাই মহাবল হৈল ।
 মাতৃবাক্য শুনি সবে তপ আরম্ভিল ॥
 মহাক্রেশে তপ কৈল সহস্র-বৎসর ।
 ভুক্ত হ'য়ে প্রজাপতি দিতে এলা বর ॥
 রাবণ বলিল, অন্ত-বরে কার্য্য নাই ।
 অমর হইব, অজ্ঞা করহ গোদাঁই ॥
 ব্রহ্মা বলে, জন্ম হৈলে অবশ্য মরণ ।
 বহুভোগ করিবে জিনিয়া ত্রিভুবন ॥
 জিনিবে দেবতাস্বর-নাগ-যক্ষ-রক্ষ ।
 অধীন তোমার হবে, আর হবে ভক্ষ্য ॥
 কুম্ভকর্ণ দুঃস্থ যে জানি পদ্মযোনি ।
 নিজ-সৃষ্টি রাখিবারে চিন্তিলা আপনি ॥
 দুর্চা-সরস্বতী বসাইলা তার মুখে ।
 নিজা-বর মাগে রক্ষঃ পরম-কৌতুকে ॥
 শুনিয়া দিলেন বিধি তারে সেই বর ।
 রাবণ কহিল তবে হইয়া কাতর ॥

এ-তিন-ভুবনে ভুমি সবাকার পতি ।
কি-হেতু পৌঞ্জের কর এতেক দুর্গতি ॥
ব্রহ্মা কহিলেন তবে, শুন কহি সার ।
যেরূপ হইবে পরে ইহার আচার ॥
ছয়মাসে একদিন-মাত্র জাগরণ ।
সেদিন করিবে যুদ্ধে জয় ত্রিভুবন ॥
যতপি জাগাও পুনঃ থাকিতে নিদ্রায় ।
নিশ্চয় মরিবে সেই-দিন সর্বধায় ॥

হেনমতে সাস্ত্রাইয়া ভাই দুইজনে ।
বর নিতে কহে তবে শেষে বিভীষণে ॥
বিভীষণ কহে, অস্ত্র-বরে কার্য্য নাহি ।
বিযুগপদে রহে মতি, এই বর চাহি ॥
কদাচিত্ নহে যেন অধর্ম্মেতে মতি ।
তুচ্ছ হ'য়ে স্বস্তি-স্বস্তি বলে প্রজাপতি ॥
আমি তোরে তুচ্ছ হ'য়ে দিখু এই বর ।
ধর্ম্ম কর চারিযুগ হইয়া অমর ॥

এতেক কহিয়া ব্রহ্মা গেলেন স্বস্থানে ।

পরম-সন্তোষ পায় ভাই তিনজনে ॥
কতদিনে দশানন লক্ষা নিল কাড়ি ।
রহিল পরম-সুখে কুবেরে খেদাড়ি ॥
তবে ব্রহ্মা দুই-পক্ষে কৈল সমাধান ।
কৈলাস-পর্ব্বতে দিল কুবেরের স্থান ॥
তিন-পুর জিনি ক্রমে করে অধিকার ।
হইল ছত্রিশকোটি নিজ-পরিবার ॥
মেঘনাদ পুত্র তার অতি মহাবল ।
ইন্দ্রজিৎ নাম হৈল জিনি আখণ্ডল ॥
ক্রমেতে জিনিল স্বর্গ-মর্ত্য-রসাতল ।
লক্ষায় আসিয়া খাটে দেবতা-সকল ॥

এরূপে রাবণ রাজা করিল উৎপাত ।
তবে ইন্দ্র দেবগণে ল'য়ে নিজ-সাথ ॥

ব্রহ্মার অগ্রেতে গিয়া কৈল নিবেদন ।
আদ্যোপান্ত রাক্ষসের যত বিবরণ ॥
তবে ব্রহ্মা নিজ-সঙ্গে ল'য়ে দেব-গণে ।
উত্তরিল, যথা বিযু অনন্ত-শয়নে ॥
অনেক কহিল বিধি বেদের বিধান ।
জানিয়া কারণ সব দেব ভগবান ॥
আশ্বাস করিয়া কহে মধুর-বচনে ।
ভয় না করিহ, সুখে থাক সর্ব্বজনে ॥
অবনীতে অবতারণ হইয়া আপনি ।
নাশিব রাক্ষসগণে, শুন পদ্মযোনি ॥
এতেক শুনিয়া সবে প্রভুর উত্তর ।
আনন্দ-বিধানে গেল যে যাহার ঘর ॥
পূর্ব্বের বৃত্তান্ত এই অপূর্ব্ব-কাহিনী ।
সংক্ষেপে কহিব, তাহা শুন ধর্ম্মমণি ॥
মহাভারতের কথা স্রুধা-সিদ্ধু-ধার ।
কাশী কহে, শুনি তরে ভব-পারাবার ॥

১০০। শ্রীরাম প্রভুতির জন্ম ও শ্রীরামের
গীতা-সহ বিবাহ ।

সূর্য্যবংশে মহারাজ দশরথ-নামে ।
পুত্র-হেতু যজ্ঞ করে মহা-পরিশ্রমে ॥
পূর্ব্বতে আছিল তাঁর অনেক সূকর্ম্ম ।
তঁই তাঁর বংশে হরি লইলেন জন্ম ॥
মর্ত্যভূমে অবতীর্ণ দেব-দুঃখ-অন্ত ।
বিধিবাক্যে নিজ-ভক্তে করিতে শাপান্ত ॥
এতেক চিন্তিয়া মনে প্রভু ভগবান্ ।
চারি-অংশে নিজ-জন্ম করেন বিধান ॥
হেথায় নৃপতি যজ্ঞ করে আনন্দেতে ।
অকস্মাৎ চক্ৰ উঠে যজ্ঞকুণ্ড হৈতে ॥

যজ্ঞপূর্ণ করে রাজা কার্য্যসিদ্ধি জানি ।
 চরু ল'য়ে গেল, যথা আছে দুই-রাণী ॥
 আনন্দে কহেন গিয়া দৌহারকার আগে ।
 এই চরু খাও দৌহে তুল্যরূপ ভাগে ॥
 নৃপতির মুখে শুনি এইরূপ বাণী ।
 নিলেন আনন্দে সেই চরু দুই-রাণী ॥
 হুমিত্রা-নামেতে তাঁর তৃতীয়া মহিষী ।
 আইল দৌহার কাছে পুত্র-অভিলাষী ॥
 অর্ক-অর্ক করি যবে খান দুইজনে ।
 হেনকালে হুমিত্রাকে দেখে বিগ্ৰহানে ॥
 পুনর্ব্বার করিল তা' অর্ক-অর্ক-ভাগে ।
 স্নেহ করি দিল দৌহে হুমিত্রার আগে ॥
 কৌশল্যা কৈকেয়ী তবে হুমিত্রারে কয় ।
 অবশ্য হইবে তব যুগল তনয় ॥
 দুই-পুত্র হয় যেন দৌহে অনুগত ।
 তিনজনে প্রসঙ্গ হইল এইমত ॥
 অমনি খাইল চরু আনন্দিত-মনে ।
 যথাকালে গর্ভবতী হৈল তিনজনে ॥

সিংহাসনে তুচ্ছমনে আছে নৃপমণি ।
 একে-একে প্রসবিল তিন রাজরাণী ॥
 কৌশল্যার গর্ভে জন্ম নিলেন ত্রীরাম ।
 পূর্ণ-অবতার-মূর্ত্তি দুর্বাদলশ্যাম ॥
 দ্বিতীয় কৈকেয়া-গর্ভে জন্মিল ভরত ।
 ভ্রাতৃত্বক্তি যাহার বিখ্যাত ত্রিজগৎ ॥
 লক্ষ্মণ-নামেতে জ্যেষ্ঠ হুমিত্রার স্তত ।
 দ্বিতীয় শক্রস্ব সর্ব্ব-লক্ষণ-সংযুত ॥
 হেনমতে জন্মিলেন বিষ্ণু-অবতার ।
 উল্লাসিত ধরাধাম, হর্ষ সবাকার ॥
 দিনে-দিনে বাড়ে যেন সিতপক্ষ চন্দ্র ।
 অন্ত-শস্ত্রে বিশারদ, দেখিলেন আনন্দ ॥

মিথিলার অধিপতি জনক রাজর্ষি ।
 বহুদিন লাঙ্গলেতে যজ্ঞভূমি চষি ॥
 তথায় জন্মিল লক্ষ্মী অযোনিদম্ভবা ।
 পাইল লাঙ্গলমুখে পরম-দুর্লভা ॥
 জন্ম-অনুরূপ নাম রাখিলেন সীতা ।
 কন্যার পালনে রাণী পরম-সুস্থিতা ॥
 এদিকে কারণ জানি যাবতীয় দেবে ।

সঙ্গোপনে শিবধনু রাখিলেন সবে ॥
 জনকেরে কহিলেন সুরগণ ডাকি ।
 লক্ষ্মীর সমান এই তোমার জানকী ॥
 দুর্জয় ধনুক ভাঙ্গিবেক যেইজন ।
 তাঁহারে জানকী দিবে, কর এই পণ ॥
 সেইরূপ রাজ-ঋষি প্রতিজ্ঞা করিল ।
 পত্র দিয়া পৃথিবীর নৃপতি আনিল ॥
 ধনুক দেখিয়া সবে ডরে পলাইল ।
 দুই-চারি-পরাভবে কেহ না আসিল ॥
 যেরূপে বিবাহ করিলেন রঘুবীর ।
 শুনহ পূর্ব্বের কথা রাজা যুধিষ্ঠির ॥

রাবণের অনুচর রাক্ষস-রাক্ষসী ।
 যজ্ঞ আরম্ভিলে মূনি, নষ্ট করে আসি ॥
 যজ্ঞ-রক্ষা-কারণে বিচার করি মনে ।
 বিশ্বামিত্র-মূনি গেল দশরথ-স্থানে ॥
 মূনি দেখি পূজে রাজা আনন্দিত-মন ।
 জিজ্ঞাসিল, এখানে কি-হেতু আগমন ॥
 মূনি বলে, যজ্ঞ নষ্ট করে নিশাচরে ।
 ত্রীরাম-লক্ষ্মণে দেহ যজ্ঞ রাখিবারে ॥
 শুনি রাজা বিচারিল, পাছে দেন শাপ ।
 ত্রীরাম-লক্ষ্মণ গেলে হইবে সন্তাপ ॥
 দুই-মতে বিপরীত বুঝিয়া রাজন ।
 ত্রীরাম-লক্ষ্মণে করিলেন সমর্পণ ॥

দৌহে সঙ্গে করি মুনি যান হরষেতে ।
 হেনকালে তাড়কা-সহিত দেখা পথে ॥
 যেমন উদয় ঘোর-কাদম্বিনী-মাল' ।
 গলে মুণ্ডমালা, পরিধান বাঘছাল ॥
 দেখিয়া রাক্ষসী-মূর্তি ভীত মহা-ধামি ।
 নির্ভয় করিয়া রাম মারেন রাক্ষসী ॥
 তবে দৌহে ল'য়ে গেল যজ্ঞের সদন ।
 শ্রীবামেরে বলিলেন সর্ব-বিবরণ ॥
 শুন রাম, সদা নাহি রহে হেথা দুই ॥
 আরম্ভ করিলে যজ্ঞ আসি করে নষ্ট ॥
 যজ্ঞধুম নিরখিলে করে রক্তহৃষ্ট ।
 কোথায় থাকয়ে, কারো নাহি চলে দৃষ্টি ॥

শ্রীরাম কহেন, সবে হইয়া নির্ভয় ।
 যজ্ঞ কর, আসুক সে রক্ষঃ ছুরাশয় ॥
 কেবল তোমার মাত্র চরণ-প্রসাদে ।
 কোন্ ছার রাক্ষস সে, নাশিব অবাধে ॥

এতেক শুনিয়া মুনিগণ মহাস্বথে ।
 আরম্ভ করিল যজ্ঞ মনের কোঁতুকে ॥
 হেনকালে নভোমার্গে হেরি ধূমচয় ।
 আঁঠল মারীচ দুই জানিয়া সময় ॥
 মেঘেতে আচ্ছন্ন কৈল রাক্ষসের মায়া ।
 যজ্ঞভূমে আসি তার লাগিলেক ছায়া ॥
 দেখিয়া সকল মুনি শ্রীরামেরে কয় ।
 ওই দেখ রাম, আসে রাক্ষস দুর্জয় ॥
 কোদণ্ড-পশুিত রাম দেখিয়া নয়নে ।
 যুড়েন ঐষিক-বাণ ধনুকের গুণে ॥
 মহাশব্দ করি বাণ অগ্নি-হেন জ্বলে ।
 গজিয়া উঠিল বাণ গগন-মণ্ডলে ॥

পলাইল নিশাচর মনে পেয়ে শঙ্কা ।
 লুকাইয়া রহে ত্রাসে প্রবেশিয়া লঙ্কা ॥
 নিরাপদে যজ্ঞ করে যত মুনিগণে ।
 আশীর্বাদ কৈলা বহু শ্রীরাম-লক্ষ্মণে ॥
 যজ্ঞ-সঙ্গে বিশ্বামিত্র আনন্দিত-মন ।

শ্রীরাম-লক্ষ্মণে ল'য়ে করিল গমন ॥
 শ্রীরামে কহিল পথে ধনুকের কথা ।
 শুনিয়া বলেন রাম, চল যাই তথা ॥
 হেনমতে সঙ্গে করি দুই সহোদরে ।
 উত্তরিলো মহামুনি মিথিলা-নগরে ॥
 দেখিয়া জনক কৈল বহু সমাদর ।
 শ্যামমূর্তি-রামে দেখি হরিষ-অন্তর ॥
 গুপ্তে বিশ্বামিত্রে রাজা কহে কোনক্রমে ।
 আমার বাসনা হয়, কণা দেই রামে ॥
 রূপ দেখি কণাদান করিলে বিশেষে ।
 কলঙ্ক রটিবে উভয়তঃ সর্বদেশে ॥
 বলিবে জনক-রাজ বর-রূপ দেখি ।
 প্রতিজ্ঞা লজিয়া দান করিল জানকী ॥
 সূর্য্যবংশে জন্ম, দশরথের নন্দন ।
 বিবাহ করিল রাম না সাধিয়া পণ ॥
 নিদারুণ পণে আমি না দেখি উপায় ।
 কহ মুনি, কি কর্ম করিব, হায় হায় ॥

সীতাদেবী বার্তা শুনি আসে সঙ্গোপনে ।
 দেখিয়া রামের রূপ চিন্তা করে মনে ॥
 বিচার করয়ে দেবী মানিয়া বিশ্বয় ।
 কুলিশ-সমান এই ধনুক দুর্জয় ॥
 মধুর-কোমল-মূর্তি শ্রীরঘুনন্দন ।
 হায় নিধি, কৈল পিতা নিদারুণ-পণ ॥

পরস্পারে করে সবে কথোপকথন ।

হরিব-দ্বিষাদে এইমত সর্বজন ॥

বিশ্বামিত্র-মুখে রাম হ'য়ে অবগত ।

ভাঙ্গিবারে শরাসন হ'লেন উত্তত ॥

দৃঢ় করি কাঁকালি বান্ধিয়া বস্ত্র সারি ।

ধনুক তুলেন-রাম বামহাতে ধরি ॥

হেনকালে সোড়করে ঠাকুর লক্ষ্মণ ।

সমাদরে বন্দিলেন যত দেবগণ ॥

বান্দুকিরে বলিলেন ক্ষণ হও স্থির ।

যাবৎ ধনুকে গুণ দেন রঘুবীর ॥

শুনহ সকল নাগ, অষ্ট-কুলাচলে ।

সাবধানে ধর ধরা, নাহি যেন টলে ॥

লক্ষ্মণ কহিল রামে করি যোড় হাত ।

শীত্রগতি শরাসন ভাঙ্গ রঘুনাথ ॥

ব্রহ্মা-বিষ্ণু মহেশ্বরে করিয়া প্রণাম ।

দেবগণে করিলেন বন্দনা শ্রীরাম ॥

প্রণমিয়া মুনিগণে দেব-জ্ঞানাকেশে ।

নোবাটীয়া ধনুঃ গুণ দেন অনায়াসে ॥

যখন ধনুকে হাটু দিল রামণি ।

তখন যে থর-থরে কাঁপিল মেদিনা ॥

মুনি-ঋষি-সিদ্ধগণ ভাবিতে লাগিল ।

মনুষ্য নহেন রাম, তথনি জানিল ॥

পুনর্বীর টঙ্কারিয়া দিতে মাত্র টান ।

মাকথানে ভাঙ্গি ধনুঃ হৈল দুইখান ॥

শত বজ্রাঘাত জিনি মহাশব্দ হৈল ।

গ্রাছুক অন্তের কাজ, বান্দুকি টলিল ॥

সেই শব্দ শুনি তবে লঙ্কার রাবণ ।

ভাবিল, আমারে এই করিবে শিখন ॥

এইমতে শরাসন ভাঙ্গে রঘুবীর ।

মিথিলা-নগর হৈল আনন্দ-মন্দির ॥

যুধিষ্ঠির বলে, মুনি, এ বড় বিষ্ময় ।

পূর্ণ অস্তার বিষ্ণু রাম মহাশয় ॥

আপনারে প্রণমিল কিসের কারণ ।

কৃপা করি কর মুনি, সন্দেহ-ভঞ্জন ॥

মুনি বলে, শুন যুধিষ্ঠির, নৃপমণি ।

সত্যযুগে হৈল এই অপূর্ব কাহিনী ॥

ধিরাটু নৃসিংহ-মুক্তি ধরি নানায়ণ ।

বিরথ্যকশিপু-দৈত্যে বধেন যখন ॥

তাহার চাঁৎকার-শব্দ শুনিয়া নির্ধাত ।

গর্ভবর্তী ব্রাহ্মণীর হৈল গর্ভপাত ॥

শাপ দিল মহামুনি পেয়ে দুঃখভার ।

যেইজন করিলেক এত অহঙ্কার ॥

আপনারে না জানে সে অন্ট-অবতারে ।

বল-বাকি বিক্রম সে সকলি পাসরে ॥

ব্রাহ্মণের অভিগাপ কথা নহে কড় ।

ব্রহ্ম-পদাঘাত বকে ধরিলেন এড় ॥

বিস্মৃত হ'লেন আপনারে সে-কাণে ।

ব্রহ্মার বিধানে পূর্বের রাবণ-শিখন ॥

সে-কারণে তন প্রভু মনুষ্য-শরীর ।

পূর্বের মৃত্যু এই, রাজা যুধিষ্ঠির ॥

দুর্জয় ধনুক যদি ভাঙ্গিলেন রাম ।

জনক-রাজের হৈল পূর্ণ মনস্কাম ॥

সীতা-সম্প্রদান-হেতু বিচারিলা মনে ।

শুনিয়া কহেন রাম জনকের স্থানে ॥

অযোধ্যা-নগরে দূত পাঠাও রাজন্ ।

পিতাকে জানাও আগে আমার মনন ॥

সহিত আসিবে আর ভাই দুইজন ।

বিবাহ করিব তবে, এই নিরূপণ ॥

জনক পাঠান তবে শীত্র দূতগণে ।

কহিল সকল কথা দশরথ-স্থানে ॥



শ্রী বামেব হবধন্য উজ

“পুনর্বার উদ্ভাষিত দ্বিতীয় মাধব ।

মাধবানে ধন্য ভাস্কর্যইল উত্থান ॥”

শুনিয়া হ'লেন রাজা আনন্দে পূরিত ।
 ছুই-পুত্র-সহ রাজা আটলা হরিত ॥
 মহাকোলাহল-শব্দ চতুরঙ্গ-দলে ।
 বেষ্টিত হইয়া রাজা মহা-কুতূহলে ॥
 মিথিলা-নগরে আসিলেন দশরথ ।
 জনক আইল আগুসারি কত পথ ॥
 সনাদর অভ্যর্থন' করে বহু-মান ।
 শুভক্ষণে রামে সাতা কৈল সম্প্রদান ॥
 নাতানুজা কন্যা ছিল পরম রূপসী ।
 লক্ষ্মণে প্রদান কৈল সুখে রাজ-ধাষি ॥
 জনকের সহোদর কুশধ্বজ-নাম ।
 ছুই-কন্যা ছিল তাঁর রূপে অনুপাম ॥
 ভরত-শত্রুঘ্নে দৌহে করাইল বিভা ।
 বৈকুণ্ঠ জিনিয়া হৈল মিথিলার শোভা ॥
 চতুর্দিকে মুনিগণ করে বেদধ্বনি ।
 আনন্দে পূরিল দশরথ-নৃপমণি ॥
 ছুই-ভ্রাতা কৈল তবে চার-কন্যা দান ।
 কোঁতুকে যোঁতুক দিল, নাহি পরিমাণ ॥
 দশরথ নৃপতিরে পৃজিল বিশেষে ।
 আনন্দ-বিধানে রাজা যান নিজ-দেশে ॥
 মুনিগণে প্রণমিল ক্রমে সর্বজন ।
 আশীর্বাদ করি সবে করিল গমন ॥
 শীঘ্রগতি যায় রাজা চড়ি নিজরথে ।
 হেনকালে ভৃগুরাম আগুলিল পথে ॥
 দুর্জয় শরীর তাঁর, দেখি লাগে ভয়' ।
 গভীর-গর্জনে ক্রোধে রঘুবীরে কয় ॥
 আরে দুঃপোষ্য, ত্যজ জীবনের আশা ।
 মম নাম ধর তুমি, এতেক ভরসা ॥
 ক্ষত্রকুলান্তক আমি, জানে সর্বজনে ।
 সেই-কথা পরীক্ষা করিব বিদ্যামানে ॥

তোরে না করিলে বধ লুপ্ত হয় নাম ।
 পৃথিবীর মধ্যে যেন থাকে এক রাম ॥
 হরের ধনুক ভাঙ্গি হৈলি বলবান্ ।
 জাঁধনু ভাঙ্গিয়াছ, কি তার বাখান ॥
 দশরথ-নৃপবর পেয়ে বড় ভয় ।
 করঘোড়ে কৈল স্তুতি, অনেক বিনয় ॥
 না জা'বা কৈল কশ্য হইয়া অজ্ঞান ।
 সেবক বলিয়া মোরে দেহ পুত্রদান ॥
 পিতৃ-দুঃখ দেখি তবে রাম মহাশয় ।
 হাসিয়া কহেন, পিতা, না করিহ ভয় ॥
 ডাকিয়া কহেন রাম তবে ভৃগুরামে ॥
 কিহেতু তোমার দুঃখ হৈল মম নাগে ॥
 যাহ বিপ্র, ত্যজ আজি পূর্ব-অহঙ্কার ।
 অবধ্য ব্রাহ্মণ বলি পাইলে নিস্তার ॥
 নহে এত অপমান সহে কার প্রাণে ।
 দহন করিতে ক্ষিতি পারি এক বাণে ॥
 যখন ক্ষত্রিয়-সহ তোমার সংগ্রাম ।
 সেইকালে মর্হীতলে নাহি ছিল রাম ॥
 কহিলে, শিবের ধনু ছিল পুরাতন ।
 দেখিব তোমার ধনু, দেহ ত কেমন ॥
 এত শুনি ভৃগুরাম ধনু ল'য়ে হাতে ।
 ক্রোধভরে বাড়াইয়া দেন রঘুনাথে ॥
 বিধুতেজ ছিল ভৃগুরামেব শরীরে ।
 ধনুক-সহিত প্রবেশিল রঘুবীরে ॥
 তবে রাম গুণ দিয়া যুড়ি দিব্যশর ।
 হাসিয়া কহেন, শুন ওহে দ্বিজবর ॥
 অবধ্য ব্রাহ্মণ তুমি, রখা নহে বাণ ।
 শীঘ্র কহ, তোমার রুধিব কোন স্থান ॥
 হতবুদ্ধি হ'য়ে তবে কহিল ভার্গব ।
 না জানিয়া করি দোষ, ক্ষমা কর লব ॥

স্বর্গ-অভিলাষ নাহি তব দরশনে ।
 স্বর্গপথ রুদ্ধ করি রাখ এই বাণে ॥
 তবে রাম বাণে কৈল স্বর্গপথ-রোধ ।
 দেখিয়া সকলে করে চমৎকার-বোধ ॥
 বিনয় করিয়া ভৃগুরাম গেল বনে ।
 রাজা দশরথ গেল আপন-ভবনে ॥

বিবাহ করিয়া যান চারি-সহোদর ।
 আনন্দ-মন্দির হৈল অযোধ্যা-নগর ॥
 শাস্ত্রপাঠ-নিমিত্ত ভরত মহাশয় ।
 শত্রুঘ্ন-সহিত গেল মাতামহালয় ॥
 এইরূপ নিয়মেতে কতকাল গেল ।
 রাজ্য দিতে রঘুনাথে রাজা বিচারিল ॥
 পাত্র-মিত্রে ডাকি সবে কহে সমাচার ।
 অধিবাস কর, রামে দিব রাজ্যভার ॥
 কৈকেয়ী দাসীর মুখে শুনি এই কথা ।

অভিमानে রহিলেন ভরতের মাতা ॥
 রজনীতে দশরথ গেল তার স্থানে ।
 দেখিল, কৈকেয়ী আছে মহা-অভিमानে ॥
 অনেক সাধিতে রাজা কহে শেষে রাণী ।
 পাসরিল। মহারাজ, পূর্বের কাহিনী ॥
 দুই-বর দিতে মোরে কৈলে অঙ্গীকার ।
 সেই বর দিয়া আজি সত্যে হও পার ॥

রাজা বলে, প্রাণপ্রিয়ে, এই কোন্ দায় ।
 অবিলম্বে লহ বর, দিব সর্ব্বথায়ে ॥
 কৈকেয়ী কহিল, নাথ, এই এক বর ।
 ভরতে করহ এবে রাজদণ্ডধর ॥
 দ্বিতীয়ে করহ পূর্ণ এই অভিলাষ ।
 চতুর্দশ-বর্ষ রাম যাবে বনবাস ॥

এতেক শুনিয়া রাজা কৈকেয়ীর বাণী ।
 মূর্ছিত হইয়া শোকে পড়িল ধরণী ॥

চৈতন্য পাইয়া রাজা উঠি কতক্ষণে ।
 কৈকেয়ীকে বর দিয়া রহে দুঃখমনে ॥
 তবে রাম শুনিয়া এ-সব সমাচার ।
 পালিতে পিতার সত্য করি অঙ্গীকার ॥
 বিদায় লইতে যান নৃপতির স্থানে ।
 ধূলায় ধূসর রাজা অতি-দুঃখমনে ॥
 তথা না পাইয়া কিছু পিতার উত্তর ।
 বিদায় লইতে যান মায়ের গোচর ॥
 শ্রীরামের বনবাস, শুনি এই বাণী ।
 শোকভরে হতজ্ঞান কান্দে মহারাণী ॥
 বিলাপ করিয়া পুত্রে কৈল কত মানা ।
 মধুর-বচনে রাম করেন সান্ত্বনা ॥
 পিতৃদয় পালিবারে চলিলেন বন ।
 সংহতি চলিল সাতা অনুজ লক্ষ্মণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১০১। দশরথের মৃত্যু ও শ্রীরামাদির পঞ্চবটতে
 অবস্থান ।

দশরথ শুনি তবে রামের গ্রস্থান ।
 হা রাম, হা রাম বলি ত্যজিল পরাণ ॥
 পূর্ব্বতে আছিল অক্ষমুনির এ শাপ ।
 মরিবে পুত্রের শোকে পেয়ে মনস্তাপ ॥
 হেনমতে নৃপতির হইল মরণ ।
 অযোধ্যার ঘরে-ঘরে উঠিল রোদন ॥
 বিচার করিল পাত্র-মিত্রগণ যত ।
 দূত পাঠাইয়া দেশে আনিল ভরত ॥
 ভরত শুনিল আসি সব সমাচার ।
 জননীকে নিন্দা করি করে তিরস্কার ॥



রাম-সীতাব বিবাহ

“সমগ্র অর্ঘ্যনা করে ব. মনি।

শুভক্ষেপে রামে সীতা বৈল সম্প্রদান ॥”

বঙ্গদেশ, পৃষ্ঠা—৬০০

রাজার সংকার-অশ্বে পাত্রে-মিত্রগণে ।
ভরতেরে কহিল বসিতে সিংহাসনে ॥

ভরত কহিল, সবে হৈল জ্ঞানহত ।
সে-কারণে বলিতেছ অজ্ঞানের মত ॥
পিতৃসত্য-হেতু রাম চলিলেন বনে ।
বসিব নৃপতি হ'য়ে তাঁর সিংহাসনে ॥
এমত অনীতি-কর্ম করে কোন্‌ লোকে ।
ঈশ্বর থাকিতে রাজ্য সম্ভবে সেবকে ॥
বিশেষ মায়ের কর্ম শুনিতে দুষ্কর ।
চল সবে, যাউ শীঘ্র রামের গোচর ॥
ক্ষমিতে মায়ের দোষ ধরিব চরণে ।
বন্ধে ফিরাইব সবে কমল-লোচনে ॥

যেমন করিয়া বেশ রাম যান বন ।
তেমন বাকল পরি ভাই দুইজন ॥
শিরে জটাভার ধরি তপস্কার বেশ ।
চিত্রকূট-পর্বতেতে পাইলা উদ্দেশ ॥
অকস্ম লোটায়ে ক্ষিতি পড়িয় চরণে ।
করবোড়ে কহিলেন রাম-বিগমানে ॥
আজ্ঞা আমার মন জানহ গোসাঁই ।
তোমার চরণ-বিনা অশ্রু-গতি নাই ॥
আমা চাহি কর ক্ষমা জননীর দোষ ।
কৃপা করি কর দূর মনের আক্রোশ ॥
চল রাম, নরপতি হবে সিংহাসনে ।
শূন্য রাজ্য, বিলম্ব না সহে সে-কারণে ॥
শূন্য রাজ্য, বিলম্ব না সহে সে-কারণে ।
তব বনযাত্রা-বার্তা শুনি লোকযুখে ।
প্রাণ ত্যজিলেন রাজা সেই মনোদুঃখে ॥

তবে রাম শুনিয়া সকল সমাচার ।
পিতার মরণে কান্দে পেয়ে শোকভার ॥

উচ্চৈঃস্বরে কান্দিলেন বলি বাপ-বাপ ।
সেইমত সর্বজন করিল সন্তাপ ॥
ভরতের চরিত্রে সন্তুষ্ট রঘুনাথ ।
আলিঙ্গন করি অশ্রু বুলালেন হাত ॥
কি দোষ তোমার ভাই, কেন হেন কহ ।
প্রাণের সমান তুমি, কছু দোষী নহ ॥
জননীর কিবা দোষ, দৈবের ঘটন ।
দেশে গেল পিতৃসত্য হইবে লজ্জন ॥
চতুর্দশ-বর্ষ আমি নিবসিব বনে ।
ততদিন রাজা হ'য়ে বৈস সিংহাসনে ॥

ভরত কহিল, ইহা শোভা নাহি পায় ।
কিমতে পঞ্চাশ'-ভার জম্বুকে' কুলায় ॥
তবে যদি পিতৃসত্য করিবে পালন ।
চতুর্দশ-বর্ষ বাস কর যদি বন ॥
পাছুকা-যুগল তবে দেহ নরপতি ।
নতুবা রহিব আমি তোমার সংহতি ॥

ভরতের ব্যবহারে কমল-লোচন ।
তুষ্ট হ'য়ে পুনরায় দেন আলিঙ্গন ॥
পাছুকা দিলেন রাম বুঝি মনোরথ ।
মাথায় করিয়া স্থখে চলিল ভরত ॥
দেশে আসি পাছুকা রাখিয়া সিংহাসনে ।
চতুর্দিকে বেড়ি তাহা বসে সর্বজনে ॥
সাবধানে রাত্রি-দিন পালে রাজধর্ম ।
ইহা-বিনা ভরতের নাহি অশ্রু-কর্ম ॥
শ্রীরাম-লক্ষ্মণ চিত্রকূট-গিরিবরে ।
করিলেন পিতৃশ্রাদ্ধ ত্রি-দশবর্ষেরে* ॥

লক্ষ্মণ কহিল, প্রভু, চল এথা হ'তে ।
পুনর্বীর ভরত আসিবে তোমা নিতে ॥

এইমত বিচার করিয়া তিনজনে ।
 কতক্ষেণে যান অগস্ত্যের তপোধন ॥
 কারণ জানিয়া মুনি পরম-আদরে ।
 শ্রীরাম-লক্ষ্মণে নিল আপনার ঘরে ॥
 দিনেক বঞ্চিয়া তথা মাগেন বিদায় ।
 জিজ্ঞাসেন, কহ মুনি, বঞ্চিব কোথায় ॥
 জানিয়া ভবিষ্য-কথা কহে তপোধন ।
 আশ্রম করহ স্মৃতে পঞ্চবটী-বন ॥
 শুনিয়া গেলেন রাম আনন্দিত-মন ।
 সঙ্কিত-জানকা আর অনুজ-লক্ষ্মণ ॥
 মুহূর্ত্তেকে উপনীত পঞ্চবটী-বনে ।
 আশ্রম করেন রাম বখাযোগ্য-স্থানে ॥

বহুদিন রহিলেন পঞ্চবটী-বনে ।
 একদিন শুন, তথা দৈবের ঘটনে ॥
 সূৰ্পণখা-নামে রাবণের সহোদরা ।
 স্বেচ্ছন্দ-গমনে ফিরে, অত্যন্ত-মুগ্ধরা ॥
 চতুর্দশ-সহস্র সংহতি নিশাচর ।
 খর ও দুষণ সঙ্গে দুই-সহোদর ॥
 দূর হৈতে দেখি দৌড়ে দিব্যকপধারী ।
 কামে হতচিন্তা হ'য়ে ঢুকা-নিশাচরী ॥
 সীতার সমান রূপ ধরিয়া রাক্ষসী ।
 বিনয়ে কহিল সেই রাম-পাশে আসি ॥
 নিবেদন করি, আমি দেবের ছুহিতা ।
 ভজিব তোমারে, আশ্রয় করহ সর্বথা ॥

শ্রীরাম কহেন, তুমি ভজ অণুজনে ।
 সঙ্গিতে আমার নারী, দেখ বিঘ্নমানে ॥
 এত শুনি লক্ষ্মণের কহিল রাক্ষসী ।
 লক্ষ্মণ কহিল, আমি আজন্ম-তপসী ॥

তবে সূৰ্পণখা ভাবে অতি-দুঃখমনে ।
 কার্য্যসিদ্ধি নৈল মোর সীতার কারণে ॥
 ইংরে খাইলে দুঃখ খণ্ডবে আমার ।
 এত বলি ধায় মুখ করিয়া বিস্তার ॥
 দেখিয়া লক্ষ্মণ ক্রোধে যুড়িলেন বাণ ।
 দিব্য-অস্ত্রে রাক্ষসীর কাটে নাক-কান ॥
 কান্দিয়া রাক্ষসী খর-দৃশণেরে কয় ।
 দৌড়ে হাসি যুদ্ধ কৈল ক্রোধে অতশয় ॥
 দেখিয়া উঠেন রাম অতি-ক্রোধমনে ।
 মুহূর্ত্তেকে সংহারিলা নিশাচরগণে ॥

তাহা দেখি সূৰ্পণখা ধায় অতিবেগে ।
 কান্দিয়া কহিল গিয়া রাবণের আগে ॥
 শুন ভাই, বলি দশরথের নন্দন ।
 ভাগ্য্য-সহ বনে আসে শ্রীরাম লক্ষ্মণ ॥
 চতুর্দশ-সহস্র রাক্ষস মারে বাণে ।
 নাক-কান কাটে মোর অস্ত্র-খরশাণে ॥
 যতক কামিনী আছে এই ত্রিজগতি ।
 সবার হইতে সেই সীতা রূপবর্তী ॥
 দেখিয়া আনন্দ রড় হৈল মোর মনে ।
 আনিতে করিনু ইচ্ছা, তোমার কারণে ॥
 তাহাতে এ-গতি মোর, শুন মহাশয় ।
 বুঝিয়া করহ কার্য্য, উচিত যে হয় ॥
 অনুক্ষণ রক্ষা করে দুই মহাবীর ।
 হরিয়া আনিতে সীতা মন কর স্থির ॥

শুনিয়া রাবণ হৈল ক্রোধেতে অজ্ঞান ।
 বিশেষ শুনিয়া ভগিনীর অপমান ॥
 সীতার রূপের কথা ভেদিল অন্তরে ।
 কাছে ডাকি অবিলম্বে বলে মারীচেরে ॥

যাহ শীঘ্রগতি তুমি পঞ্চবটী-বনে ।
নায়া করি লহ দূরে শ্রীরাম-লক্ষ্মণে ॥
আপনি যাইব আমি তপস্বীর বেশ ।
সীতারে হরিব, যেন না পায় উদ্দেশ ॥

মরাঁচ কহিল, রাজা, মোর শক্তি নয় ।
আছে যে রামের বাণে ভাল পশ্চিম ॥
বালক-কালের শিক্ষা আমি-জানি ভাল ।
মনি বস্ত্র নষ্ট হেতু গেলাম যে কালে ॥
না দেখিয়া অস্ত্র রাম করিল সন্ধান ।
প্রবেশিয়া লঙ্কাপুরী রক্ষা কৈল প্রাণ ॥
এখন যৌবনকালে ধরে মহাবল ।
এ কর্ম করিলে তার, পাব ভাল ফল ॥

এত শুনি দশানন ক্রোধান্বিত হ'য়ে ।
মারিতে মারিতে যায় হাত খড়গ ল'য়ে ॥
ভাঙে মার'চ বলে মাঝ পঞ্চগটী ।
এই তুমি মার, কিংবা রাম ফেলে কাটি ॥
অমহ তোমার বাক্য রাক্ষস-ভূজ্ঞন ।
তুমি মার কিংবা রাম, অশ্রু মরণ ॥

এত বলি চলিল মার'চ নিশাচর ।
রাবণ চলিল রথে হরিষ-অন্তর ॥
দস্তরিল মার'চ, যথায় রঘুবর ।
স্বর্ণ-বৃগ-রূপ ধরে দেখিতে সুন্দর ॥
আশ্চর্য্য দেখিয়া সীতা হরিষ-অন্তর ।
আনিতে কহিল রামে যুড়ি ছুই-কর ॥
সীতার রক্ষণে রাখি লক্ষ্মণ-ঠাকুরে ।
মায়ায় খেদাড়িয়া রাম যান দূরে ॥
কতক্ষণে শ্রীরাম মারেন দিব্য-শর ।
'ভাই রে লক্ষ্মণ' বলি পড়ে নিশাচর ॥
ইহা শুনি বিস্ময় মানিয়া সীতা মনে ।
পাঠাইয়া দিলা শেষে তথায় লক্ষ্মণে ॥

মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১০ । সীতা ৭ ৫ শ্রীরাম পঞ্চগটী
সীতা মিলন ।

হেনকালে আসি তথা রাবণ-ভূজ্ঞয় ।
হরিয়া লইল সীতা দোখ শূচালয় ॥
শীঘ্র চালাইল রথ, রামে করি শঙ্কা ।
পলায় পরাণ ল'য়ে, যথা পুরী লঙ্কা ॥
পরিব্রাহি ডাকে সীতা রাম-রাম বলে ।
চিহ্নেহু হানে-হানে অলঙ্কার ফেলে ॥
জটায়ু-নামেতে পক্ষা দশবৎ-সখা ।
বহু-যুদ্ধ করিলে কাটিল তার পাখা ॥
পড়িয়া রছিল পথে পক্ষী পুরাতন ।
লঙ্কাপুরী প্রবেশিল ক্রমে দশানন ॥
রাবণ বিনয় করি সীতারে বুঝায় ।
কৃপা করি দেবি, তুমি ভজহ আমায় ॥
সীতা বলে, মম প্রভু রাম-পনা নাই ।
কতদিনে সবংশে মজিবি তাঁর ঠাই ॥
ইহা শুনি বন্দা কৈল অশোক-কাননে ।
রক্ষক রহিল চেড়ী শত-শতজনে ॥

মৃগ মারি রঘুনাথ আশ্রমে আসিতে ।
লক্ষ্মণ-সহিত তবে দেখা হৈল পথে ॥
শ্রীরাম কহেন, ভাই, কি-কর্ম করিলে ।
একাকী রাখিয়া সীতা কি-হেতু আসিলে ॥
লক্ষ্মণ বলেন, দেবী তব শব্দ শুনি ।
আমারে নিন্দিয়া বহু পাঠান আপনি ॥
শীঘ্রগতি আশ্রমে আসিয়া ছুই-বার
শূচালয় দেখি দৌহে হ'লেন অস্থির ॥

অনেক বিলাপ করি দুই-সহোদর ।
 অশ্রুধারা করিবারে চলেন সত্বর ॥
 শোকাকুল হ'য়ে ভ্রমে কাননে-কাননে ।
 জিজ্ঞাসেন ডাকি রামে তরুলতাগণে ॥
 ত্যজিয়া আহার পান আলস্য শয়ন ।
 এইমতে দুই-ভাই করেন ভ্রমণ ॥
 সীতার কঙ্কন এক ছিল সেই পথে ।
 তুলিয়া নিলেন রাম কান্দিতে-কান্দিতে ॥
 যতদূর চিহ্ন পান বসন-ভূষণ ।
 সেই অনুসারে দৌড়ে করেন গমন ॥
 দেখিলেন রাম জটায়ুকে মৃতবৎ ।
 পর্বত-প্রমাণ পক্ষী যুদ্ধেতে আঁত ॥
 তাহার নিকটে চলিলেন দুইজন ।
 জটায়ু তুলিল মুণ্ড জানিয়া কারণ ॥
 জিজ্ঞাসিতে পক্ষিরাজ কহিলেন কথা ।
 লঙ্কাপতি দশানন হরি নিল সীতা ॥
 অরুণ-নন্দন আনি, তব পিতৃসখা ।
 বধূর অবস্থা দেখি যুঝি আমি একা ॥
 করিনু অনেক যুদ্ধ করি প্রাণপণ ।
 ছিন্নপক্ষ হৈলু শেষে বধূর কারণ ॥
 তোমারে সংবাদ দিতে র'য়েছে জীবন ।
 উদ্ধার করিহ রাম, এই নিবেদন ॥

এতক বলিয়া পক্ষী ত্যজিল জীবন ।
 জানিয়া পিতার সখা ভাই দুইজন ॥
 অগ্নিকার্য্য করি তার পম্পানদী-তটে ।
 তথা হৈতে যান ঋণ্যমূকের নিকটে ॥
 তথায় দেখেন পঞ্চ-বানর-প্রধান ।
 স্রবণে স্তম্ভীত নল নীল হনুমান্ ॥
 দৌড়ারে প্রণাম করি জিজ্ঞাসে সন্তপ্তে ।
 শ্রীরাম সকল কথা কহিলেন ক্রমে ॥

স্তম্ভীত জানিল এই পুরুষ-রতন ।
 প্রণাম করিয়া কহে নিজ-নিবেদন ॥
 মোর জ্যেষ্ঠ বালিরাজ রাজ্য-অধিকারী ।
 বলে রাজ্য নিল, আমি যুদ্ধে নাহি পারি ॥
 মুনিশাপে হেথায় আসিতে শক্তি নাই ।
 সে-কারণে আছি প্রাণে শুনহ গোসাঁই ॥
 শ্রীরাম বলেন, কপিরাজ, তুমি মিতা ।
 তব রাজ্য দিব আমি, তুমি দিবে সীতা ॥
 স্তম্ভীত বলিল তবে, যে-আজ্ঞা তোমার ।
 সীতা উদ্ধারিবে প্রভু, রৈল মোর ভার ॥
 শ্রীরাম কহেন, কালি প্রত্যুষ-সময় ।
 বালিকে মারিয়া রাজা করিব তোমায় ॥
 হেনমতে রঘুনাথ বালিরাজে মারি ।
 স্তম্ভীতের করিলেন রাজ্য-অধিকারী ॥
 চারিমাস সেই-স্থানে রহে রঘুনাথ ।
 কপিরাজ স্তম্ভীত লইয়া নিজ-সাথ ॥
 সগুহ্র-সর্মাণে যান সৈন্ত-সমাবেশে ।
 হনুমানে পাঠাইল সীতার উদ্দেশে ॥
 পবন-নন্দন বীর পোড়াইল লঙ্কা ।
 রাজপুত্র অঙ্গে মারি নৃপে দিল শঙ্কা ॥
 সীতার উদ্দেশ করি আসে মহাবীর ।
 শ্রীরাম-লক্ষ্মণ তাহে হইলেন স্থির ॥

হেনকালে শুন রাজা, দৈব-বিবরণ ।
 রাবন-অনুজ ধর্ম্মশীল বিভীষণ ॥
 করঘোড় করি নৃপে কহে বিধিমতে ।
 সীতা দিয়া শরণ লইতে রঘুনাথে ॥
 ধন-রাজ্য-বংশ-বৃদ্ধি কর নরপতি ।
 শুনিয়া রাবণ ক্রোধে মারিলেক লাথি ॥
 যেইকালে বিভীষণে প্রহারে চরণে ।
 রাতুলক্ষ্মী-আশ্রয় করিল বিভীষণে ॥



ଉପାଦାନେ ୧୫ ମ

୧୦୦ ବାରିକ ବାଟେ ୧୫ ମାତ୍ରା ୧୫

ମାତ୍ରା ମନରେ ୧୫ ଚଳନ୍ତ ବାଟେ ୧୫

ବନମାଳ, ମୃତ୍ୟୁ - ୬୦

অতিদুঃখে বহির্গত হৈল বিভীষণ ।
 রামের চরণে গিয়া লইল শরণ ॥
 শ্রীরাম কহেন, তুমি শত্রু-সহোদর ।
 কিরূপে বিশ্বাস তোমা করিবে অন্তর ॥
 বিভীষণ বলে, প্রভু, মনে ভাব যদি ।
 তোমার সেবক আমি জনম-অবধি ॥
 ইথে অন্যমত যদি করি কদাচন ।
 হইব কলির রাজা, কলির ব্রাহ্মণ ॥
 কলিতে জন্মিব, আর জীব চিরকাল ।
 শুনিয়া রামের হৈল আনন্দ বিশাল ॥
 লক্ষ্মণ কহেন হাসি করি যোড়কর ।
 করিল উদ্ভম-দিব্য রাক্ষস-ঈশ্বর ॥
 চিরকাল তপস্বী করিয়া যাহা পায় ।
 পরদ্রোহ করিয়া এ-সব যদি হয় ॥
 ইহা ছাড়ি অন্য-বাঞ্ছা করে কোন্ জনে ।
 হাসিয়া কহেন রাম বালক লক্ষ্মণে ॥
 কলিতে ব্রাহ্মণ, রাজা, দীর্ঘজীবী জন ।
 এই তিনে পরিত্রাণ নাহি কদাচন ॥
 করিল কঠোর-দিব্য রাক্ষসের পতি ।
 না বুঝি হাসিলে ভাই, তুমি শিশুমতি ॥
 আজি হৈতে মিত্র মম হৈলে বিভীষণ ।
 তোমারে অপিব লক্ষ্য মারিয়া রাবণ ॥
 বিচার করিল তিনজন এইমত ।
 লক্ষ্য যাইতে সবে হ'লেন উদ্ভত ॥
 বানর-সকলে সিঞ্চি বান্ধে অবহেলে ।
 পাবাণ ভাসিল রাজা, সাগরের জলে ॥
 বান্ধে নল জলনিধি রাম-উপরোধে ।
 কটক-সকল পার হ'য়ে কার্য সাধে ॥
 মহাভারতের কথা অমৃত-সমান ।
 কাশী কহে, শুনিলে বাড়য়ে দিব্যজ্ঞান ॥

১০১। শ্রীহামেব লক্ষ্য প্রবেশ ও যুদ্ধ ।

প্রধান-প্রধান যোদ্ধাপতি দিল থানা ।
 ছাইল সকল লক্ষ্য শ্রীরামের সেনা ॥
 ভয়েতে রাবণ বন্ধ করিলেক দ্বার ।
 মন্ত্রী ল'য়ে পরামর্শ করে যুদ্ধ-সার ॥
 সবান্ধবে সাজিয়া আসিল দশানন ।
 দেখি চমকিত হৈল শ্রীরাম-লক্ষ্মণ ॥
 জিজ্ঞাসেন বিভীষণে মানিয়া বিশ্বাস ।
 একে-একে বিভীষণ দিল পরিচয় ॥
 শুনি রাম কহেন রাক্ষস বিভীষণে ।
 নাহিক বুদ্ধির লেশ অজ্ঞান রাবণে ॥
 শতেক ইন্দ্রের নাহি এত পরিচ্ছদ ।
 কি-কারণে নষ্ট করে এতেক সম্পদ ॥
 অশ্রু অশ্রু এইমত করিছে বিচার ।
 হেনকালে পরস্পর হৈল মহামার ॥
 সেনাপতি-সেনাপতি হইল সংগ্রাম ।
 ইন্দ্রজিৎ লক্ষণ, রাক্ষস-পতি রাম ॥
 রণেতে পণ্ডিত রাম, যুদ্ধে পরিপাটি ।
 মাথার মুকুট দশ ফেলিলেন কাটি ॥
 লজ্জা পেয়ে পলাইল রাজা দশানন ।
 উভয়-সৈন্যেতে আর নাহি দরশন ॥
 তবে রাম পাঠালেন বালির নন্দনে ।
 অনেক ভংসিল গিয়া রাজা দশাননে ॥
 অঙ্গদের বাক্যে দশানন দুঃখমতি ।
 পাঠাইল বহু-বহু শ্রেষ্ঠ সেনাপতি ॥
 মুনি বলে, সেই কথা কহিতে বিস্তর ।
 সংক্ষেপে কহিব, শুন ধন্য-নৃপবর ॥
 বজ্রদন্ত-মহাবাহু-মহাকায়-আদি ।
 প্রহস্তু করিল যুদ্ধ, নাহিক অবধি ॥

পড়িল রাক্ষসেনা নাহি পরিমিত ।
 ক্রোধভরে আসে তবে বীর ইন্দ্রজিৎ ॥
 করিল রাক্ষসী-মায়া বহু-বহু রণে ।
 নাগপাশে বন্দী কৈল শ্রীরাম-লক্ষ্মণে ॥
 গরুড়ের স্মরিয়া রাম পবন-আদেশে ।
 নাগপাশে মুক্ত হৈলা প্রকার-বিশেষে ॥
 গর্জিয়া বানরগণ করে সিংহনাদ ।
 শুনিয়া রাবণ-রাজ গণিল প্রমাদ ॥
 বিস্ময় মানিয়া অতি চিন্তাকুল মনে ।
 মহাপাশ মহোদরে পাঠাইল রণে ॥
 আর চারি সেনাপতি রাবণ-কুমার ।
 ক্রোধাবেগে আসি সবে করে মহামার ॥
 শিলা-বৃক্ষ ল'য়ে যুদ্ধ করিল বানর ।
 অস্ত্রে-শস্ত্রে বিশারদ যত নিশাচর ॥
 উভয় সৈন্যেতে হৈল যুদ্ধ অপ্রমিত ।
 ছয় সেনাপতি মরে সৈন্যের সহিত ॥
 শুনিয়া রাবণ-রাজ গণিল প্রমাদ ।
 পুনর্ব্বার আসে রণে বীর-মেঘনাদ ॥
 অগুর্ব্ব রাক্ষসী-মায়া ইন্দ্রজিৎ জানে ।
 দেখিতে না পায় কেহ, থাকে কোন্ খানে ॥
 করিল সংগ্রাম ঘোর রাবণ-সন্ততি ।
 চারি-দ্বারে মারিলেক বহু-সেনাপতি ॥
 থাকুক অণ্ডের কার্য্য, শ্রীরাম-লক্ষ্মণে ।
 জিনিয়া পরম-সুখে কহিল রাবণে ॥
 জীবিত কেবল-মাত্র ছিল তিনজন ।
 হনুমান সুষেণ রাক্ষস বিভীষণ ॥

উপদেশ কহিলেক সুষেণ-প্রধান ।
 গিরি-গন্ধমাদন আনিল হনুমান ॥
 ঔষধ চিনিয়া দিল সুষেণ বানর ।
 আপনি বাটিয়া দিল রাক্ষস-ঈশ্বর ॥

যেইমাত্র পাইলেক ঔষধের দ্রাণ ।
 যত ছিল মৃত-সৈন্য, সবে পায় প্রাণ ॥
 মৃতসৈন্য প্রাণ পায় হনুর প্রসাদে ।
 কাঁপিল রাবণ বানরের সিংহনাদে ॥
 তবে বহু-যুদ্ধ করি মরে অকম্পন ।
 ভয় পেয়ে কুন্তকর্ণে জাগায় রাবণ ॥
 নিদ্রা হৈতে উঠি যায় রাজ-সন্তাষণে ।
 দেখিয়া বিস্মিত হৈল ভাই দুইজনে ॥
 বিভীষণে জিজ্ঞাসিল, কহ সমাচার ।
 সন্তরি-যোজন উচ্চ শরীর কাহার ॥
 বৃথা তবে কি-কারণে করিতেছি রণ ।
 রাক্ষসের মায়া কিছু না বুঝি কারণ ॥
 বিভীষণ বলে, ভয় ত্যজ রঘুবর ।
 কুন্তকর্ণ-নামে মোর এক-সহোদর ॥
 পূর্বে ব্রহ্মা বর দিয়া কৈলা নিরূপণ ।
 নিদ্রা ভাঙ্গি জাগাইলে অবশ্য মরণ ॥
 পাঁচমাসে জাগাইল ভয় পেয়ে মনে ।
 নাহিক সন্দেহ, আজি মরিবেক রণে ॥
 এত যদি কহিল রাক্ষস বিভীষণ ।
 তুষ্ট হ'য়ে রাম তারে দেন আলিঙ্গন ॥
 রাবণ কহিল কুন্তকর্ণে সমাচার ।
 ক্রোধে মহাবীর আসি কৈল মহামার ॥
 গিলিল বানর একেবারে শতে-শতে ।
 বাহির হইল কেহ নাসা-কর্ণ-পথে ॥
 দেখিয়া বিকট-মুষ্টি ধায় সৈন্যগণ ।
 অস্ত্র যুড়ি অগ্রে যান কমল লোচন ॥
 রামে দেখি কুন্তকর্ণ ধায় গিলিবারে ।
 সঙ্ঘর মারেন রাম ব্রহ্ম-অস্ত্র তারে ॥
 সেই বাণে মরিল ছুরন্ত নিশাচর ।
 পুষ্পরুষ্টি করিলেন যতেক অমর ॥

রাবণ চিস্তিত হৈল, সৈন্য নাহি আর ।
 কি-প্রকারে এ-বিপদে পাইব নিস্তার ॥
 বানরে বেড়িয়া লক্ষা কৈল ছারখার ।
 কাহারে পাঠাব যুদ্ধে, কে করিবে পার ॥
 ভাবিয়া পাঠায় শেষে মকরাক্ষ-বীরে ।
 সে আসি অনেক যুদ্ধ করিল সমরে ॥
 বহুযুদ্ধ করি মৈল শ্রীরামের বাণে ।
 কুস্ত ও নিকুস্ত পরে প্রবেশিল রণে ॥
 বল-বুদ্ধি-বিক্রমেতে বাপের সমান ।
 প্রাণপণে যুঝিল স্ত্রী-ব-হনুমান ॥
 দুই-ভাই পড়ে ক্রমে সহ-সর্বসেনা ।
 বিনা-ইন্দ্রজিৎ আর নাহি সম্ভাবনা ॥
 তবে ইন্দ্রজিতে আশ্রা দিল দশানন ।
 সসৈন্যে মারহ তুমি শ্রীরাম-লক্ষ্মণ ॥
 সংহতি লইয়া তবে সেনা অপ্রমিত ।
 যুদ্ধহেতু অগ্রসর হয় ইন্দ্রজিৎ ॥
 ক্রোধে আসি মেঘনাদ করে বহু-রণ ।
 তেমতি করিল যুদ্ধ ঠাকুর লক্ষ্মণ ॥
 মায়ায় রাক্ষস করে যুদ্ধ বহুতর ।
 দেখাদেখি মহাযুদ্ধ হৈল পরস্পর ॥
 সহিতে নারিল যুদ্ধ রাবণ-নন্দন ।
 ভঙ্গ দিয়া প্রবেশিল নিজ-নিকেতন ॥
 প্রবেশ করিয়া সেই যজ্ঞ আরম্ভিল ।
 হেনকালে বিভীষণ লক্ষ্মণে কহিল ॥
 যজ্ঞ আরম্ভিল দেব, রাবণ-কুমার ।
 যজ্ঞসঙ্গ হৈলে মৃত্যু নাহিক উহার ॥
 বিধিবাক্য আছে হেন, আমি জানি ভালে ।
 তবে সে মারিতে পার যজ্ঞ নষ্ট কৈলে ॥
 শুনিয়া হইল সবে হরষিত-মন ।
 যজ্ঞ নষ্ট কৈল গিয়া পবন-নন্দন ॥

তবে ব্রহ্ম-অস্ত্র তারে মারিল লক্ষ্মণ ।
 পরাণ ত্যজিল তাহে রাবণ-নন্দন ॥
 বার্তা পেয়ে শোকাবুল রাক্ষসের পতি ।
 রাবণ আসিল রণে অতি-ক্রোধমতি ॥
 মহাভারতের কথা অমৃত-সমান ।
 কাশীরাম দাস কহে, শুনে গুণ্যবান ॥

১০৪ । রাবণ-বধ ।

পুত্রশোকে রণে আসে রাজা-দশানন ।
 দেখি অগ্রসর হৈল ঠাকুর-লক্ষ্মণ ॥
 লক্ষ্মণের সঙ্গে আসে বীর-বিভীষণ ।
 বিভীষণে দেখি করে রাবণ চিস্তন ॥
 এই পাপ হৈতে মোর সবংশে নিধন ।
 ইহারে বধিয়া শেষে বধিব লক্ষ্মণ ॥
 এতেক ভাবিয়া দুই অতি-ক্রোধমনে ।
 লক্ষ্মণে ছাড়িয়া অস্ত্র মারে বিভীষণে ॥
 এড়িলেক শেলপাট ভীষণ-দর্শন ।
 দিব্য-অস্ত্র এড়ি তাহা কাটিল লক্ষ্মণ ॥
 মহাক্রোধে পুনঃ শেল মারে বিভীষণে ।
 পুনশ্চ লক্ষ্মণ তাহা কাটে দিব্যবাণে ॥
 দুই-শেল-অস্ত্র যদি কাটিল লক্ষ্মণ ।
 যমদণ্ড-শেল হাতে লইল রাবণ ॥
 ডাকিয়া কহিল তবে লক্ষ্মণের তরে ।
 বুঝিলাম বারপনা, রক্ষা কৈলে পরে ॥
 আপনা সংবর শীঘ্র, যায় শক্তিবর ।
 দেখিয়া লক্ষ্মণ-বীর হ'লেন ফাঁকর ॥
 প্রাণপণে বাণ মারে, নারে নিবারিতে ।
 কালদণ্ড-সম শক্তি আসে শূন্যপথে ॥
 নির্ভরে বাজিল গিয়া লক্ষ্মণের বুকে ।
 পড়িল লক্ষ্মণ-বীর, রক্ত উঠে মুখে ॥

শোকাকুল রঘুনাথ হ'লেন অজ্ঞান ।
 পর্বত আনিল তবে বীর হনুমান ॥
 পর্বতে ঔষধ ছিল, প্রয়োগে তাহার ।
 লক্ষ্মণ পাইল প্রাণ, আনন্দ সবার ॥
 কাল পূর্ণ হৈল, রণে আসিল রাবণ ।
 আপনি গেলেন রণে কমল-লোচন ॥
 রাবণে দেখিয়া রথে রঘুনাথে ক্ষিতি ।
 ইন্দ্র পাঠাইল রথ মাতলি-সংহতি ॥
 সেই রথে রঘুনাথ চড়েন কোঁতুকে ।
 মাতলি লইল রথ রাবণ-সন্মুখে ॥
 অপ্রমিত-যুদ্ধ হৈল দুই মহাবলে ।
 উপমা নাহিক স্বর্গ-মর্ত্য-রসাতলে ॥
 যার যত শিক্ষা ছিল, দৌঁছে কৈল রণ ।
 মহাক্রোধভরে তবে কমল-লোচন ॥
 রাবণের দশমুণ্ড কাটিলেন শরে ।
 পুনর্ব্বার উঠে মুণ্ড বিধাতার বরে ॥
 পুনঃপুনঃ যতবার কাটেন রাবণে ।
 বিনাশ না হয় দুর্ভ পূর্ব্বের সাধনে ॥
 যোড়করে বিভীষণ করে নিবেদন ।
 অন্ত-অস্ত্রে না মরিবে দুর্জয় রাবণ ॥
 মৃত্যুবাণ আছে এর মন্দোদরী-পাণ ।
 সে-বাণ আনিলে হবে রাবণের নাশ ॥
 হনুমানে আদেশিল কমল-লোচন ।
 ছলেতে আনিল বাণ পবন-নন্দন ॥
 সেই বাণ ল'য়ে রাম যুড়িয়া ধনুকে ।
 ক্রোধভরে মারিলেন রাবণের বৃকে ॥
 বাণাঘাতে ভূমিতলে পড়ে দশানন ।
 পুষ্পরুষ্টি কৈল তবে যত দেবগণ ॥
 সীতারে আনিল কাছে তবে বিভীষণ ।
 দেখিয়া কহেন তাঁরে কমল-লোচন ॥

তোমাতে রাখিল দশ-মাস নিশাচরে ।
 নাহি জানি, ছিলে সীতা, কেমন প্রকারে ॥
 আমারে করিবে নিন্দা, এই বড় ভয় ।
 দেহ ত পরীক্ষা সীতা, মনে যদি লয় ॥
 এমত শুনিয়া সীতা অতি-দুঃখমনে ।
 অগ্নিকুণ্ড জ্বালাইতে কহেন লক্ষ্মণে ॥
 লক্ষ্মণ করিল কুণ্ড, প্রবেশিল সীতা ।
 কোঁতুক দেখিতে যত আসিল দেবতা ॥
 সন্তাপিত রাম সীতা-বিচ্ছেদ-অনলে ।
 হেনকালে উঠে অগ্নি সীতা ল'য়ে কোলে ॥
 ব্রহ্মাদি সকল দেব একত্রে মিলিল ।
 করিয়া অনেক স্তুতি রামেরে কহিল ॥
 আপনা না জানি কর মনুষ্য-আচার ।
 তুমি নারায়ণ, সীতা লক্ষ্মী-অবতার ॥
 আসিল দেখিতে তোমা যত পিতৃলোক ।
 হের, দেখ দশরথ তোমার জনক ॥
 দেবগণ বলে, রাম, মাগ ইষ্টবর ।
 শুনিয়া কহেন রাম, জীউক বানর ॥
 বর দিয়া, রামে সন্তোষিয়া সর্ব্বজনে ।
 যতেক বিবুধ গেল আপন-ভবনে ॥
 বিভীষণে দেন রাম রাজ্য-অধিকার ।
 বানর-কটকে দিল বহু-পুরস্কার ॥
 সসৈন্তে গেলেন রাম অযোধ্যা-নগর ।
 সিংহাসনে বসিলেন হ'য়ে রাজ্যেশ্বর ॥
 সেবক-উদ্ধার-হেতু প্রভুর এ-কর্ম্ম ।
 হেনমতে দুইবার লয় দৌঁছে জন্ম ॥
 জন্মিল বিজয় জয় ভূমে পুনর্ব্বার ।
 দস্তবক্র শিশুপাল নাম দৌঁহাকার ॥
 পূর্ণব্রহ্ম যদুকুলে হ'য়ে অবতার ।
 তব যজ্ঞে শিশুপালে করেন উদ্ধার ॥



রাম-দ্বন্দ্ব

“স্বপ্নে গেলেন রাম কুমোখা-নগর।

নিহোঁসে বসিলেন হ’য়ে রাঙে-ধর।”

বনপত্র, পৃষ্ঠা—৩১৮

তিন-অবতারে কৃষ্ণ দেব-ভগবান্ ।

এইরূপে ভক্তজনে কৈলা পরিভ্রাণ ॥

রামের এতেক দুঃখ ধরিয়া শরীর ।

কি দুঃখ তোমার বনে, রাজা যুধিষ্ঠির ॥

সীতার দুঃখের কথা শুনিলে শ্রবণে ।

দ্রোপদীর দুঃখ তার নহে এক-গুণে ॥

সবার দুঃখের কথা করিয়া শ্রবণ ।

সীতা-দুঃখে দ্রোপদীর বিদারিল মন ॥

মুনি বলে, শুন রাজা, দুঃখ হৈল অন্ত ।

অল্পদিনে নষ্ট হবে কোঁরব-দুরন্ত ॥

বিশেষ দ্রোপদী এই সাবিত্রী-সমান ।

যেজন উভয়-কুল কৈল পরিভ্রাণ ॥

নানা-সুখ ত্যজিলেক স্মারি কারণে ।

তথাপি না ত্যজিলেক স্মারি সত্যবানে ॥

ক্ষত্রকূলে তাঁর তুল্য নহে কোনজন ।

দ্রোপদীতে দেখি যেন তাঁহার লক্ষণ ॥

সর্তা-সাক্ষী-পতিব্রতা লক্ষ্মী-অবতার ।

অক্ষেতে দাসত্ব-মুক্ত কৈল সবাঁকার ॥

এত দ্বিজ ভুঞ্জে যাঁর গুণে অপ্রমাদে ।

কদাচ না হবে দুঃখ তাঁহার প্রসাদে ॥

পশ্চাতে জানিবে রাজা, নয়নে দেখিবে ।

কহিলাম পূর্বকথা, যেমন ফলিবে ॥

ভারত-পঞ্চজ-রবি মহামুনি ব্যাস ।

পাঁচালী-প্রবন্ধে রচে কাশীরাম দাস ॥

— — —

১০৫। সাবিত্রী উপাখ্যান ।

জিহ্বাসেন যুধিষ্ঠির, শুন মহামুনি ।

কহিলে রামের কথা অপূর্ব-কাহিনী ॥

হটল শরীর মুক্ত, সফল এ-জন্ম ।

সাবিত্রী কাহার নাম, কিবা তাঁর কণ্ঠ ॥

কিবা ধম্ম আচরিল, কিবা উগ্রতাপে ।

কোন্ কোন্ কুল উদ্ধারিল কোন্ রূপে ॥

শুনিবারে ইচ্ছা বড় জন্মিল অন্তরে ।

মুনিরাজ, বিস্তারিয়া কহ গো আমারে ॥

মুনি বলে, শুন যুধিষ্ঠির নৃপমণি ।

পূর্বের বৃত্তান্ত এই অপূর্ব-কাহিনী ॥

নন্দদেশে ছিল অশ্বপতি-মহীপাল ।

অপুত্রক শিব-সেবা করে বহুকাল ॥

সন্তান-বিহীন রাজা নিরানন্দ-মতি ।

কতদিনে হৈল এক কন্যা রূপবতী ॥

তপ্তসর্গ জিনি তার শরীরের শোভা ।

কলঙ্ক-বিহীন কলানিধি মুখ-আভা ॥

শুক-চঞ্চু জিনি তার বিরাজিত নাসা ।

দশন-মুকুতা-পাতি, স্নমধুর-ভাষা ॥

কামের কাম্বুক জিনি তার যুগ্ম-ভুরু ॥

মৃগাল জিনিয়া বাহু, রামরস্তা-উরু ॥

কুরঙ্গনয়না ধনী, মনোহর কেশ ।

মৃগেন্দ্র লজ্জিত হয় দেখি মধ্যদেশ ॥

রূপের সমান তার গুণের গণনা ।

শুদ্ধমতি সর্বশাস্ত্রে অতি-বিচক্ষণা ॥

কদাচ নাহিক অশ্রমতি ধর্ম-বিনা ।

নানাবিধ শিল্পকর্মে অতি সে প্রবীণা ॥

সুপ্রিয়বাদিনী সর্তা সর্ববৃত্তে দয়া ।

অশ্বপতি হৃদমতি দেখিয়া তনয় ॥

রাখিল সাবিত্রী-নাম, সাবিত্রী তাহার ।

সর্বদা পবিত্রা কথা পবিত্র-আচার ॥

দিনে-দিনে বাড়ে কন্ঠা বাপের মন্দিরে ।
 স্বেচ্ছন্দ-গমনে যায়, যথা ইচ্ছা করে ॥
 সমান-বয়স্কা প্রিয়সখাগণ-সাথে ।
 ভ্রমণ করয়ে স্থখে চড়ি দিব্যরথে ॥
 বিশেষ বাপের রাজ্যে নাহি কিছু ভয় ।
 উপনীত হৈল গিয়া মুনির আশ্রয় ॥
 বিবিধ-কোঁতুক দেখে নরবর-সুতা ।
 হেনকালে শুন রাজা, অত্যাশ্চর্য্য কথা ॥

দ্যুমৎসেন-নামে রাজা অবন্তীর পতি ।
 শত্রু নিল রাজ্য, বনে করিল বসতি ॥
 তাহার নন্দন ছিল, নাম সত্যবান্ ।
 রূপেতে নাহিক কেহ তাহার সমান ॥
 মুনিপুত্রগণ-সহ আছিল ক্রীড়ায় ।
 সাবিত্রী থাকিয়া দূরে দেখিল তাহায় ॥
 কন্দর্প জিনিয়া রূপ, কিশোর-বয়েস ।
 দেখিয়া নরেন্দ্র-সুতা জিজ্ঞাসে বিশেষ ॥
 কাহার নন্দন এই, কহ মুনিগণ ।
 যার রূপে সমুজ্জ্বল এই তপোবন ॥
 বনবাসী জন কহে, কর অবধান ।
 দ্যুমৎসেনের পুত্র নাম সত্যবান্ ॥

সাবিত্রী শুনিয়া কথা হন হৃষ্টমতি ।
 মনেতে বরিয়া তাঁরে কৈলা নিজপতি ॥
 গৃহেতে আসিয়া তবে নৃপতির সুতা ।
 জননীর কাছে গিয়া কহে সব-কথা ॥
 কন্ঠাবাক্যে রাগী গিয়া কহে নৃপবরে ।
 শুনিয়া কহিল রাজা দুঃখিত-অন্তরে ॥
 কোন্ বংশে জন্ম তার, কিবা তার ধর্ম্ম ।
 না জানি কেমনে আমি করি হেন কর্ম্ম ॥

এইরূপে আছে রাজা নিরানন্দ-মন ।
 একদিন উপনীত ব্রহ্মার নন্দন ॥
 নারদ-মুনিরে দেখি স্থখী সর্ব্বজনে ।
 হৃষ্টমতি নরপতি মুনি-আগমনে ॥
 বসাইলা দিব্য-সিংহাসনের উপর ।
 বেদের বিহিত স্তুতি করেন বিস্তর ॥
 আনন্দে বসিল সবে কথোপকথনে ।
 সহসা সাবিত্রী-কন্ঠা আসে সেই-স্থানে ॥
 কন্ঠা দেখি নৃপতির কহে মহামুনি ।
 পরম-সুন্দরী এই কাহার নন্দিনী ॥
 অশ্বপতি বলে, মুনি, কি কহিব আর ।
 অপত্য আমার এই কন্যামাত্র সার ॥
 মুনি বলে, স্থলক্ষণা তোমার দুহিতা ।
 অনূঢ়া র'য়েছ কিংবা হয় বিবাহিতা ॥
 রাজা বলে, শিশুমতি, অত্যল্প-বয়েস ।
 যোগ্যযোগ্য-ভালমন্দ না জানে বিশেষ ॥
 বরিয়াছে মনে-মনে কারে তপোবনে ।
 নিরূপণ নাহি জানি সন্দ' আছে মনে ॥
 ভাল হৈল ভাগ্যবশে আসিলে আপনি ।
 যুচিল মনের ধন্ধ, ওহে মহামুনি ॥

নারদ কহেন, তবে সাবিত্রীর প্রতি ।
 কোন্ বংশে জন্ম তার, কাহার সন্ততি ॥
 সাবিত্রী কহিল, দেব, মুনির আশ্রমে ।
 দ্যুমৎসেনের পুত্র সত্যবান্-নামে ॥
 নারদ কহিল, আমি জানি সর্ব্ব-বার্তা ।
 তারে ছাড়ি তুমি মাগো, বর অন্ম-ভর্তা ॥
 সাবিত্রী কহিল, পূর্ব্বে বরিয়াছি মনে ।
 অন্ম বরি ভ্রষ্টা হৈব কিসের কারণে ॥

মুনি বলে, দোষ নাই, শুন মোর কথা।
সাবিত্রী কহিল, মুনি, না হবে অন্যথা ॥
পুনঃপুনঃ দৌহাকার এই বাক্য শুনি।
ব্যস্ত হ'য়ে মুনিরে জিজ্ঞাসে নৃপমণি ॥
তাহার রত্নাস্ত শুনি, কহ মুনিবর।
কিহেতু বরিতে কহ অন্য কোন বর ॥
কোন্ বংশে জন্ম তার, কাহার নন্দন।
কহ, শুনি মুনিবর, ব্যস্ত বড় মন ॥

নৃপতির মুখে শুনি এতেক বচন।
কহিতে লাগিল কৃপাবশে তপোধন ॥
সূর্য্যবংশে রাজা শূরসেনের সন্ততি।
দ্রুমৎসেন-নামে রাজা অবন্তীর পতি ॥
মহিমসাগর মহারাজ গুণবান।
পৃথিবীতে নাহি শুনি তাঁহার সমান ॥
খণ্ডন না যায় রাজা, দৈবের নির্বন্ধ।
কতদিনে নৃপতির চক্ষু হৈল অন্ধ ॥
চক্ষুহীন, শিশুপুত্র, নাহি অন্য়জন।
সময় পাইয়া রাজ্য নিল শত্রুগণ ॥
ভার্য্যা-পুত্র সঙ্গে করি করে বনবাস।
মহাক্রেশে আছে, সর্ব্ব-স্বথেকে নিরাশ ॥
বিচার করিয়া দেখ দৈবের সংযোগ।
শরীর ধরিলে হয় স্বথ-দুঃখভোগ ॥

রাজা বলে, চরিতার্থ হৈলু তপোধন।
এই চিন্তা করি সদা নিরানন্দ-মন ॥
স্বথ-দুঃখ শরীরের সহযোগে জন্ম।
সময়ে প্রবল হয় আপনার কর্ম্ম ॥
আপন-ইচ্ছায় ভাল-মন্দ কিছু নয়।
দৈবের সংযোগ সেই, যখন যে হয় ॥
বরযোগ্য বটে যদি সেই সত্যবান।
আজ্ঞা কর, কন্য়াদনে করি তাঁরে দান ॥

মুনি বলে, তাহে মানা করিতেছি আমি।
পুনঃপুনঃ মোরে কেন জিজ্ঞাসহ তুমি ॥
কুলে-শীলে-রূপে-গুণে তোমা হৈতে শ্রেষ্ঠ।
সকল হৃন্দর বটে, একমাত্র ছুট ॥
আজি হৈতে যেই-দিনে বর্ষ পূর্ণ হবে।
সেই-দিন সত্যবান্ নিশ্চয় মরিবে ॥
কহিলু ভবিষ্য-কথা, যদি লয় মনে।
যোগ্য দেখি কন্য়াদান কর অন্য়জনে ॥

শুনিয়া মুনির মুখে এতেক ভারতী।
কহিতে লাগিল অশ্বপতি নরপতি ॥
কদাচ কর্তব্য মম নহে এই কর্ম্ম।
শিশুর ক্রীড়ায় নাহি কভু ধর্ম্মাধর্ম্ম ॥
ধনে-মানে-কুলে-শীলে হবে গুণবান্।
বিচার করিয়া তারে দিব কন্য়াদান ॥
দোষ না থাকিবে তার, হবে রাজ্যেশ্বর।
এমত পাত্রেকে কন্য়া দিব মুনিবর ॥
কন্য়া-দানকর্তা পিতা, আছে পূর্ব্বাপর।
তাহে যদি নহে, মন হবে স্নয়ংবর ॥
আনাইব পৃথিবীর যত নৃপচয়।
দেখিয়া বরিবে কন্য়া, যারে মনে লয় ॥
কিহেতু বরিবে অল্প-আয়ু সত্যবান্।
বিশেষ বৈধব্য-দুঃখ মরণ-সমান ॥

শুনিয়া দৌহার মুখে এতেক ভারতী।
কৃতাজলি কহিছে সাবিত্রী গুণবতী ॥
শুনহ জনক, মম সত্য-নিরূপণ।
কদাপি নয়নে নাহি হেরি অন্য়জন ॥
যখন মানসে তাঁরে বরিয়াছি আমি।
জীবনে-মরণে সেই সত্যবান্ স্বামী ॥
বৈধব্য-যন্ত্রণা যদি থাকে মোর ভোগ।
খণ্ডন না যাবে পিতা, দৈবের সংযোগ ॥

অনিত্য সংসার এই, অবশ্য মরণ ।
না মরিয়া চিরজীবী আছে কোন্ জন ॥
মৃত্যুর উৎপত্তি দেখে শরীরের সাথে ।
আজি কিংবা কালি, কিংবা শত-বৎসরেতে ॥
অসার সংসার, মাত্র আছে এক ধর্ম ।
কিমতে তাহারে ছাড়ি করি অন্য় কৰ্ম ॥
ধিক্ ধিক্, কিংবা ছার স্তূথ-অভিলাষ ।
ধর্ম ছাড়ি অধর্ম্মে যে করে স্তূথ-আশ ॥
কি করিবে স্মৃতে পিতা, কতকাল জীব ।
কুকর্মে আজন্ম-কাল নরকে থাকিব ॥

এত শুনি ধন্য-ধন্য করি তপোধন ।
অশীর্ব্বাদ করি যান নিজ-নিকেতন ॥
অশ্বপতি দুঃখ অতি পাইল অন্তরে ।
কহিল অনেক কথা সাবিত্রীর তরে ॥
বুঝাইল নরপতি বিবিধ-বিধান ।
সবিত্রী কহিল, মগ পতি সত্যবান্ ॥
ভারত-পঙ্কজ-রবি মহামুনি ব্যাস ।
পাঁচালী-প্রবন্ধে রচি কাশীরাম দাস ॥

১০৬। সাবিত্রীর সঙ্গিত সত্যবানের বিবাহ ।

একান্ত বুঝিয়া রাজা তনয়ার মন ।
বন হৈতে সত্যবানে আনেন তখন ॥
বিধিমতে পরিণয় দেন নরপতি ।
সত্যবান্ গেল তবে আপন-বসতি ॥
পুত্রের বিবাহ-বার্তা-মহোৎসব শুনি ।
হরিষ-বিসাদ-মনে কহে রাজা-রাণী ॥
নিদারুণ বিধি কৈল এমত সংযোগ ।
নিরাশ করিল মোরে দিয়া বহুভোগ ॥
ইন্দ্রের বৈভব জিনি ত্যজি নিজদেশ ।
বনেতে নিবসি ধরি তপস্বীর বেশ ॥

বধূ মন অশ্বপতি-নৃপতির বাল্য ।
কিরূপে এ-হেন জন রবে বৃক্ষতলা ॥
অনেক কহিল এইমত রাজা-রাণী ।
সাবিত্রী দেখিতে যত আসিল ব্রাহ্মণী ॥
অনেক প্রশংসা করি কহে সর্ব্বজন ।
সমানে-সমানে বিধি করিল মিলন ॥
তুমি রাণী ভাগ্যবর্তী, রাজা মহাসাধু ।
সে-কারণে লভিলে গো সাবিত্রীকে বধূ ॥
অনেক লক্ষণ দেখি ইহার শরীরে ।
এত বলি গেল সবে নিজ-নিজ-পুরে ॥

পরম-আনন্দ-মনে রহে চারিজন ।
নিত্য-নিত্য সত্যবান প্রবেশিয়া বন ॥
নানাবিধ ফল-মূল করণ্ডে ভরে ।
প্রতিদিন আনি দেয় সাবিত্রী গোচরে ॥
সাবিত্রী-মহাত্ম্য-কথা অতি-চমৎকার ।
যাঁর নামে পঢ়ে এই জগৎ-সংসার ॥
অশুর-শাশুড়ী সে-ব দেবের সমানে ।
নানাসেবা করে নিত্য পতি-সত্যবানে ॥
লক্ষ্মীর সমান হয় সতী পতিব্রতা ।
নিত্য-নিয়মিত পূজে ব্রাহ্মণ দেবতা ॥
দেবতা সেবিয়া শ্রেষ্ঠ পুরুষ পাইল ।
মধুর-সম্ভাষে বনবাসী বশ কৈল ॥
অত্যন্ত তুষিল সর্ব্বভূতে দয়াবর্তী ।
তার গুণে তুল্যা দিতে নাহি বসুমতী ॥
যত্নে আচরিল যত নানাবিধ কৰ্ম ।
নিত্য-নিয়মিত যত বেদবিধি-ধর্ম্ম ॥
ইচ্ছিতে একান্ত মতি করে আচরণ ।
শিল্প-কৰ্ম্ম যত চিত্রে-বিচিত্রে-রচন ॥
দেখিয়া সানন্দ রাজা-রাণী-সত্যবান ।
সাবিত্রী বসতি করে বর্ষ সেইস্থান ॥

নারদের বাক্য সতী শ্রমে অমুক্ণ ।
 লোকলাজে নানাকাজে নিয়োজিয়া মন ॥
 নিমেষ মুহূর্ত্ত দণ্ড প্রহরাদি করি ।
 দণ্ডে-দণ্ডে গণি যায় দিবস-শৰ্ব্বরী ॥
 পঞ্চদশ-দিনে পক্ষ, দ্বিপক্ষেতে মাস ।
 হেনমতে যায় মাস, বাড়িয়ে নিরাশ ॥
 এইমত অমুক্ণ সাবিত্রীর মনে ।
 রাজা-রাণী-সত্যবান্ কিছুই না জানে ॥
 এহেন প্রকারে শুন ধর্ম্ম-নরবর ।
 বৎসরেক-শেষমাত্র দ্বিতায় বাসর ॥
 চিন্তায় আকুল হৈল নৃপতির স্ত্রী ।
 বিচারিল, পূর্ণ হৈল নারদের কথা ॥
 অবশ্য ঘটিবে, যাহা করিবে ঈশ্বর ।
 আমার একান্ত ভার তাঁহার উপর ॥
 হেনমতে মনে-মনে ভাবি সারোদ্ধার ।
 আরম্ভ করিল তবে সংসারের সার ॥
 জ্যৈষ্ঠ-মাসে কৃষ্ণপক্ষে পেয়ে চতুর্দশী ।
 লক্ষ্মী-নারায়ণে সতী পূজে অহর্নিশি ॥
 শুদ্ধভাবে একমনে বসিল হৃন্দরী ।
 অনায়াসে বঞ্চিলেক দিবস-শৰ্ব্বরী ॥
 প্রভাতে উঠিয়া সতী হ'য়ে সযতন ।
 বিধিমতে করাইল ব্রাহ্মণ-ভোজন ॥
 দক্ষিণাস্ত করি কার্য্য কৈল সমাপন ।
 আশীর্ব্বাদ করি গেল যত দ্বিজগণ ॥
 এইরূপে বঞ্চিলেক দ্বিতীয়-প্রহর ।
 সেই-দিনে পূর্ণ সত্যবানের বৎসর ॥
 তাহাতে নৃপতি-স্ত্রী চিন্তাকুলমনা ।
 হেনকালে শুন রাজা, দৈবের ঘটনা ॥
 নিত্য-নিত্য সত্যবান্ প্রবেশিয়া বন ।
 কল-বুল-কার্ত্ত যত করে আহরণ ॥

দিবসের শেষ দেখি রাজার তনয় ।
 বিচারিল বনে যেতে হইল সময় ॥
 করণ-কুঠার নিল আপনার করে ।
 বিন্দায় লইল গিয়া মায়ের গোচরে ॥
 রাণী বলে, শুন পুত্র, দিবা অবশেষ ।
 এমত সময়ে বনে না কর প্রবেশ ॥
 সত্যবান্ বলে, মাতা, না করিহ ভয় ।
 এখন আসিব মাতা, জানিহ নিশ্চয় ॥
 এত বলি চলিলেন রাজার কুমার ।
 সাবিত্রী পাইয়া বার্তা দেখে অন্ধকার ॥
 শোকাকুলা বিবেচনা করে মনে-মন ।
 পূর্ণ হৈল, যাহা কৈল ব্রাহ্মার নন্দন ॥
 কালপূর্ণ হৈল আজি রাজার নন্দনে ।
 কন্দমূত্রে টানি এবে লয় মৃত্যুস্থানে ॥
 জনম-বিবাহ-মৃত্যু যথা যেইমতে ।
 সময়ে আপনি সবে যায় সেই-পথে ॥
 সেহেতু যেখানে তার আছে মৃত্যুস্থান ।
 নৃপতি-নন্দন তথা করিছে প্রয়াণ ॥
 সতী ভাবে, কালপ্রাপ্ত যদি মম পতি ।
 আমার উচিত হয় যাইতে সংহতি ॥
 কারে না कहিল কিছু নৃপতির স্ত্রী ।
 শীঘ্রগতি যায় তবে, পতি যায় যথা ॥
 শুনিয়া নৃপতি বলে নিবেধ-বচন ।
 সাবিত্রী নিবেধ নাহি মানে কদাচন ॥
 রাজরাণী বার্তা পান, বধু যায় বন ।
 চিন্তাকুল মহারাণী আসি সেইক্ষণ ॥
 সাবিত্রীর প্রতি কহে মধুর-বচন ।
 কহ বধু, চিন্তা কর কিসের কারণ ॥
 ফল-ফুল ল'য়ে স্বামী আসিবে এখন ।
 কি-কারণে মহাকষ্টে যাবে তুমি বন ॥

অন্য কেহ নাই, তাহে দেখে ঘোর-বন ।
 কি-কারণে কর চিন্তা স্বামীর কারণ ॥
 দুইদিন হৈল তাহে আছ উপবাসী ।
 ভোজন করহ ঘরে আসি স্নুখে বসি ॥
 শাস্ত্রীর মুখে শুনি এতেক বচন ।
 কহিতে লাগিল করযোড়ে সেইক্ষণ ॥
 আসিয়া পশ্চাতে আমি করিব ভোজন ।
 আজ্ঞা দেহ ঠাকুরাণি, দেখে আসি বন ॥
 বিশেষতঃ আছে হেন শাস্ত্রের প্রসঙ্গ ।
 ব্রতশেষে বঞ্চিবেক নিজপতি-সঙ্গ ॥
 দেখিয়া বনের শোভা দিবস বঞ্চিব ।
 আনন্দে স্বামীর সঙ্গে এখনি আসিব ॥
 সাবিত্রীর অভিলাষ বুঝি রাজরাণী ।
 নিবৃত্তা হইল, আর না কহিল বাণী ॥
 সাবিত্রী চলিল তবে সহ-সত্যবান্ ।
 নিবিড়-কানন-মাঝে করিল প্রয়াণ ॥
 বিবিধ-কৌতুক দেখি যান দুইজন ।
 বহুবিধ ফল-মূল কৈল আহরণ ॥
 মুনিবাক্য মনে করি নৃপতির স্মৃতা ।
 অত্যন্ত আকুলা হৈল, আর চিন্তায়ুতা ॥
 না জানি কেমনে হবে পতির নিধন ।
 সত্যবান্ নাহি জানে এত বিবরণ ॥
 ভ্রমণ করিয়া স্নুখে তুলে মূল-ফল ।
 পরিপূর্ণ হৈল পাত্র, নাহি আর স্থল ॥
 রাখিয়া আঁকশি সাজি সাবিত্রীর কাছে ।
 কাষ্ঠহেতু সত্যবান্ উঠে গিয়া গাছে ॥
 কুঠারে কাটিল তবে রক্ষসহ ডাল ।
 উপস্থিত হৈল আসি ক্রমে মৃত্যুকাল ॥
 অকস্মাৎ শিরঃপীড়া করিল অস্থির ।
 সহস্র-নাগেতে যেন দংশিলেক শির ॥

সত্যবান্ বলে, শুন রাজার তনয়া ।
 বুঝিতে না পারি, কিবা হৈল দেবমায়া ॥
 দশদিক্ অন্ধকার দেখি অকস্মাৎ ।
 সহস্র-সহস্র শেল মারয়ে নির্ধাত ॥
 দেহ হৈতে যায় বুঝি এবে মোর প্রাণ ।
 নিস্তার নাহিক আর, হইলু অজ্ঞান ॥
 সাবিত্রী কহিল, আমি জানি পূর্বকথা ।
 ধৈর্য্য ধর, অবিলম্বে যাবে শিরোব্যথা ॥
 এক কথা বলি আমি, শুন দিয়া মন ।
 রক্ষ হৈতে শীঘ্র তুমি নামহ এখন ॥
 গমন করিয়া স্নুখে থাকহ ঠাকুর ।
 হইবে সকল পীড়া মুহূর্ত্তেকে দূর ॥
 নিজ-অঙ্গ-বস্ত্র পাতি সতী-পুণ্যবতী ।
 উন্নত রাখিয়া শির শোয়াইল পতি ॥
 মহাভারতের কথা অত-সমান ।
 কাশীরাম দাস কহে, শুনে পুণ্যবান ॥

১০৭ । সত্যবানের মৃত্যু এবং যমের নিকটে
 সাবিত্রীর বরপ্রাপ্তি ।

চেতন-রহিত হৈল রাজার তনয় ।
 ক্রমে-ক্রমে আয়ুঃশেষ হইল তথায় ॥
 দেখিয়া নৃপতি-স্মৃতা ভাবে মনে-মনে ।
 কাল পরিপূর্ণ হৈল রাজার নন্দনে ॥
 অবশ্য আসিবে এথা কৃতান্ত-কিঙ্কর ।
 দেখিব, কেমনে লয় আমার ঈশ্বর ॥
 সাবিত্রী এতেক ভাবি রহে ঘোর-বনে ।
 হেথায় ডাকিল যম যত দূতগণে ॥
 সত্যবানে আনিবারে কহে ধর্ম্মরাজ ।
 আজ্ঞাতে আসিল শীঘ্র দূতের সমাজ ॥



শাৰদী-সভাবান

দাখতা সাধিত বসে, তুমি কোন জন
এক জন বাল, আমি সবার মনন ॥

বন৭৭, পৃষ্ঠা-৩১০

যথায় কাননে পড়ি নৃপতি-নন্দন ।

তাহার নিকটে গেল যমদূতগণ ॥

পরশিতে না পারিল সাবিত্রীর তেজে ।

নিরন্ত হইয়া দূত কহে ধর্মরাজে ॥

দূতমুখে ধর্মরাজ পাইয়া বারতা ।

আপনি আসিল শীঘ্র, সত্যবান্ যথা ॥

দেখিয়া সাবিত্রী বলে, তুমি কোন্ জন ।

ধর্মরাজ বলে, আমি সবার শমন ॥

রাজপুত্র সত্যবান্ এই তব স্বামী ।

কালপূর্ণ হৈল আজি, ল'য়ে যাই আমি ॥

শুনিয়া সাবিত্রী কহে, যে-আজ্ঞা তোমার ।

বিধির নির্বন্ধ লঙ্ঘে, শক্তি আছে কার ॥

মায়াতে মোহিত সব, কেবা কার পতি ।

সবে সত্য ধর্মমাত্র অখিলের গতি ॥

এতেক কহিয়া সতী ছাড়ি সত্যবানে ।

করষোড়ে রহিলেন যম-বিঘুমান ॥

সত্যবান্-পাশে আসি তবে সূর্যাস্ত ।

বাহির করিল দেহ হইতে অদ্বুত ॥

অঙ্গুষ্ঠ-প্রমাণ তনু, দেখিতে সুন্দর ।

বন্ধন করিয়া ল'য়ে চলিল সঙ্কর ॥

দেখিয়া পতির দশা হ'য়ে দুঃখমতি ।

কিছু না কহিয়া চলে যমের সংহতি ॥

দেখিয়া কৃতান্ত তবে জিজ্ঞাসিল তারে ।

কে তুমি, কিহেতু বল যাবে কোথাকারে ॥

কালেতে হইল তব পতির মরণ ।

তার জন্মে বৃথা চিন্তা কর কি-কারণ ॥

জগতে নিয়ম আছে জান এইমত ।

কালপূর্ণ হৈলে সবে যায় মৃত্যুপথ ॥

আমার বচনে ঘরে যাহ গুণবতি ।

স্বয়ং স্বামীর এবে চিন্তা উজ্জগতি ॥

ধর্মরাজ-মুখে শুনি এতেক উত্তর ।

রাজার নন্দিনী কহে করি ষোড়কর ॥

যে-কিছু কহিলে প্রভু, সব জানি আমি ।

কেবা কার ভাই-বন্ধু, কেবা কার স্বামী ॥

সহজে সংসার মিথ্যা, বিশেষ আমার ।

মায়াপাশে কি-কারণে যাব পুনর্ব্বার ॥

কালপূর্ণে মরে পতি, দুঃখ নাহি ভাবি ।

সকলে মরিবে, কেহ নহে চিরজীবী ॥

এইমত বিশ্বমাঝে আছে যতজন ।

জনম লভিলে হয় অবশ্য মরণ ॥

ধর্মাদর্শ-অনুসারে সুখ-দুঃখ-ভোগ ।

নিজ-ইচ্ছা নহে, করে বিধির সংযোগ ॥

স্বকর্ম ভুঞ্জিবে এবে মম এই পতি ।

আমার কি সাধ্য, করি তাঁর উজ্জগতি ॥

আপনি আপন-বন্ধু, যদি রাখে ধর্ম ।

আপনি আপন-শত্রু করিলে কুকর্ম ॥

সুখ-দুঃখ সদা ধর্মাদর্শ-অনুগত ।

পূর্ব্বাপর আছে এই নীতি শাস্ত্রমত ॥

সে-কারণে প্রাণপণে করিবেক ধর্ম ।

সতের সঙ্গতি হৈলে করে নানা-কর্ম ॥

সংসারের সার সঙ্গ, বলে মুনিগণে ।

সঙ্গদোষে চোর হয়, সাধু সঙ্গগুণে ॥

সাবিত্রীর মুখে শুনি এতেক ভারতী ।

পরম-সন্তুষ্ট হ'য়ে বলে দ্রুতপতি ॥

পৃথিবীতে সাধবী তুমি নৃপতির স্ত্রী ।

তোমার জননী ধন্যা, ধন্য তব পিতা ॥

অবগে শুনিনু তব বাক্য সুধারস ।

বর লহ গুণবতি, হৈনু তব বশ ॥

সত্যবানে ছাড়ি তুমি মাগ অন্ন-বর ।

যাহা ইচ্ছা, মাগি লহ আমার গোচর ॥

সাবিত্রী কহিল, যদি হৈলে কৃপাবান্ ।

অপুত্রক আছে পিতা, দেহ পুত্রদান ॥

যম বলে, তারে আমি দিখু পুত্রবর ।

যাহ শীঘ্রগতি তুমি আপনার ঘর ॥

সাবিত্রী কহিল, শুন মম নিবেদন ।

তব সঙ্গ ছাড়িবারে নাহি চায় মন ॥

সতের সংসর্গ যেন কাশীতে নিবাস ।

আমারে করিতে চাহ ইহাতে নিরাশ ॥

পূর্বে পিতৃপুণ্যবলে, নিজ-ভাগ্যবশে ।

তোমা-হেন গুণনিধি পাই অনায়াসে ॥

ইহা হৈতে কৰ্ম্মবন্ধ না হইল ক্ষয় ।

জানিহু আমারে বাম বিধাতা নিশ্চয় ॥

এত শুনি ভুট্ট হ'য়ে বলে যুত্বপতি ।

অযুত-অধিক শুনি তোমার ভারতী ॥

পুনঃপুনঃ মহানন্দ জন্মাইছ মনে ।

বর মাগ, বিনা সত্যবানের জীবনে ॥

সাবিত্রী কহিল, যদি কৃপা হৈল মোরে ।

শুশুর আছেন অন্ধ, চক্ষু দেহ তাঁরে ॥

শমন কহেন, চক্ষু হইবে তাঁহার ।

রজনী অধিক হয়, যাও নিজাগার ॥

রাজার নন্দিনী কহে, সব জান তুমি ।

সংসার-বাসনা কছু নাহি করি আমি ॥

নাহি চাহি পুত্র-বন্ধু, নাহি চাহি পতি ।

আজ্ঞা কর, সদা ধর্ম্মে রহে যেন মতি ॥

এত শুনি ভুট্ট হ'য়ে কহে দণ্ডপাণি ।

পরম-সুশীলা তুমি রাজার নন্দিনী ॥

তব বাক্যে হর্ষপূর্ণ হৈল মম মন ।

বর মাগ বিনা সত্যবানের জীবন ॥

সাবিত্রী কহিল, আর না করিব লোভ ।

লোভে পাপ, পাশে যুত্ব, পাছে হয় কোভ ॥

সে-কারণে বর নিতে ভয় বাসি মনে ।

শুনিয়া কৌতুকে যম কহে সেইক্ষণে ॥

পতির জীবন ছাড়ি মাগ অন্ত-বর ।

দিব তাহা, যাহ চাহ আমার গোচর ॥

সাবিত্রী কহিল, বর মাগি যে শমন ।

রাজ্যহীন আছে রাজা, দেহ রাজ্যধন ॥

যম বলে, পুনঃ রাজ্য পাবে নৃপবর ।

বিলম্বে নাহিক কার্য্য, যাহ নিজ-ঘর ॥

সাবিত্রী কহিল, শুন মম নিবেদন ।

অবশ্য হইবে, যাহা বিধির সৃজন ॥

মায়াতে মোহিত সবে সত্যপথ ত্যজে ।

ঘর-ঘোর-দুঃখ-দুঃখে ইচ্ছাবশে মজে ॥

আমার-আমার করি বলে সর্বজন ।

মিথ্যা-ঘর-পরিবারে মজাইয়া মন ॥

বান্ধব শ্বশুর নারী পুত্র পিতা মাতা ।

অনর্থের হেতু সব, মহাদুঃখদাতা ॥

এ-সব-পালন-হেতু ত্যজে নিজ-ধর্ম্ম ।

ভরণ-পোষণ করে করিয়া কুকর্ম্ম ॥

পশ্চাতে অধর্ম্মভাগী হয় সেইজন্য ।

নিজ-অঙ্গে ভোগ করে বিবিধ যন্ত্রণা ॥

নয়ন থাকিতে অন্ধপ্রায় যত লোক ।

কর্ম্মসূত্রে বন্ধ যেন তসরের পোক ॥

বিধির নির্বন্ধে সেই বৃক্ষপত্র খায় ।

যথাকালে আপনার কর্ম্মফল পায় ॥

জানিয়া তথাপি তারা থাকে অনায়াসে ।

পাছে বিপরীত-বুদ্ধি হয় কোন দোষে ॥

সুখেতে থাকিব, হেন ভাবিয়া অন্তরে ।

নিজসূত্রে বন্দী হ'য়ে অবশেষে মরে ॥

সেইমত পৃথিবীতে হৈল যত লোক ।

মায়ামোহে মজি সবে পায় শেষে শোক ॥

সংসার অসার প্রভু, সার ধর্মপথ ।
তাহা-বিনা নাহি মম অন্ত মনোরথ ॥
ঘর-ঘোর-মহাবন্ধে যেতে কদাচন ।
নিশ্চয় জানিহ দেব, নাহি মম মন ॥
উত্তম জীবন মোর চিস্তার হতাশে ।
শীতল হৃদয় দেব, তোমার পরশে ॥
আজ্ঞা কর, মুহূর্ত্তেক থাকিব সংহতি ।
এত শুনি তুষ্ট হ'য়ে বলে যুত্বপতি ॥

তোমার চরিত্র ধন্য, লাগে চমৎকার ।
অগোচর নহে মম অখিল সংসার ॥
অল্পকালে ধর্ম-প্রতি হেন তব মতি ।
তোমার ভুলনাযোগ্য নাহি দেখি ক্ষতি ॥
পৃথিবীতে খ্যাত হৈল তোমার স্মরণ ।
মধুর-বচনে তব হইলাম বশ ॥
পতির জীবন ভিন্ন মাগ অত-বর ।
যাহা ইচ্ছা, মাগি লহ আমার গোচর ॥

কন্যা বলে এই সত্যবানের ঔরসে ।
হইবেক এক পুত্র পঞ্চম-বরষে ॥
হেনমতে দেহ মোরে শতেক নন্দন ।
নিজ-অঙ্গীকার-বাক্য করহ পালন ॥
কৃতান্ত কহিল, ঘরে যাহ গুণবতি ।
মম বরে হবে তব শতেক সন্ততি ॥
এত বলি শীঘ্রগতি চলিল শমন ।
সাবিত্রী তাঁহার পিছে করেন গমন ॥

যম বলে, কি-কারণে যাহ ভূমি কোথা ।
চারি-বর দিলু, কেন ত্যক্ত কর বৃথা ॥

সাবিত্রী কহিল, দেব, উত্তম কহিলে ।
জন্মিবে শতেক পুত্র, নিজে বর দিলে ॥

অলঙ্ঘ্য তোমার বাক্য, কে পারে লঙ্ঘিতে ।
আমার হইবে পুত্র সত্যবান্ হৈতে ॥
ইহার বিধান আগে কর ধর্মরায় ।
তোমার সংহতি মম নাহি কোন দায়' ॥
সাবিত্রীর মুখে শুনি এতেক ভারতী ।
পরম-লজ্জিত হ'য়ে কহে যুত্বপতি ॥
এ-তিন-ভুবনে ভূমি সতী-পতিব্রতা ।
পবিত্র হইবে লোক শুনি তব কথা ॥
বিশেষ করিলে ব্রত চতুর্দশী-দিনে ।
পাইলে এ-চারি বর তাহার কারণে ॥
দ্বিতীয় তোমার কন্দ কহেন না যায় ।
নতুবা শুনেছ কোথা, মৈলে প্রাণ পায় ॥
এই লহ তব পতি রাজা সত্যবান্ ।
কোঁতুকে গমন কর আপনার স্থান ॥
যে ব্রত সাধিলে সতি, বসি অহর্নিশি ।
লোকে পরে কহিবে সাবিত্রী-চতুর্দশী ॥
ভক্তিভাবে এই-কথা কহে যেইজন ।
পাইবে পরম-পদ, না যায় খণ্ডন ॥
তোমার মহিমা যেবা করিবে স্মরণ ।
আমা হৈতে ভয় তার না রবে কখন ॥
তোমার গুণেতে বশ হইলাম আমি ।
যাহ শীঘ্র, গৃহে যাও ল'য়ে নিজ-স্বামী ॥
পৃথিবীতে ভোগ কর পরম-কোঁতুকে ।
অস্তকালে দুইজনে যাবে বিষ্ণুলোকে ॥
এত বলি যুত্বপতি ছাড়ি সত্যবানে ।
আনন্দ-বিধানে যান আপনার স্থানে ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান্ ॥

১০৮। সত্যবানের পুনর্জীবন।

নিজপতি পেয়ে সতী হরষিত-মতি।

স্বামীর নিকটে পুনঃ যান শীত্রগতি ॥

মহানন্দে ল'য়ে সেই অঙ্গুষ্ঠ-পুরুষে।

স্বামি-অঙ্গে নিয়োজিল পরম-হরিশে ॥

চৈতন্য পাইয়া উঠে রাজার নন্দন।

নিদ্রা হৈতে হৈল যেন পুনঃ জাগরণ ॥

হেনকালে শুন যুধিষ্ঠির নৃপমণি।

অস্ত গেল দিবাকর, আইল রজনী ॥

দেখি সত্যবান্ অতি চিন্তাকুল-মনে।

কহিতে লাগিল সাবিত্রীরে সম্বোধনে ॥

কহ প্রিয়ে, কি করিব, অতি ঘোর-নিশি।

কিমতে পাইব রক্ষা অরণ্যেতে বসি ॥

চিনিতে না পারি পথ, অন্ধকার ঘোর।

কেন প্রিয়ে, না করিলে নিদ্রাভঙ্গ মোর ॥

হায় বিধি, কালনিদ্রা মোরে দিলে আনি।

কান্দিবে শোকেতে মোর জনক-জননী ॥

সাবিত্রী কহিল, প্রভু, শুন মম কথা।

হইল যে কৰ্ম্ম, তাহা চিন্তা কর বুধা ॥

নিদ্রাভঙ্গ করি যদি, পাপ বড় হয়।

সেইজন্ম জাগাইতে হৈল মনে ভয় ॥

বিচার করিহু মনে, আছে কিছু বেলা।

নিশ্চিন্তে রহিহু আমি মনে করি হেলা ॥

মেঘেতে আচ্ছন্ন বেলা, নারিহু বৃষ্টিতে।

মম দোষ নাহি কিছু, না ভাবিহ চিতে ॥

অকারণে গৃহে যেতে কর মনোরথ।

রাত্রিকালে বনস্থলে না জানিব পথ ॥

চল নাথ, এই বৃক্ষে আরোহণ করি।

কোনমতে বঞ্চি প্রভু, এ-ঘোর-শৰ্ব্বরী ॥

প্রভাতে উঠিয়া কালি করিব গমন।

যে আজ্ঞা তোমার, এই মম নিবেদন ॥

সত্যবান্ কহে, প্রিয়ে, উত্তম কহিলে

ইহা না করিয়া কোথা যাব রাত্রিকালে ॥

এত বলি উঠে দৌহে বৃক্ষের উপরে।

চিন্তায় আকুল, রহে দুঃখিত-অন্তরে ॥

হেথায় হইল চক্ষু অন্ধ-নৃপতির।

পুত্রের বিলম্ব দেখি হ'লেন অস্থির ॥

শোকাকুলে কান্দে কত রাজার ঘরগী।

কোথায় রহিল পুত্র, এ-ঘোর-রজনী ॥

তিনদিন উপবাসী বধু গেল সাথে।

না জানি কেমনে নষ্ট হইল বা পথে ॥

এত কালে স্বামী যদি পেলো চক্ষুদান।

হারাইল রত্ননিধি পুত্র সত্যবান্ ॥

হায় বধু গুণবর্তা, পুত্র সত্যবান্।

তোমা-দৌহে না দেখিয়া ফাটে মোর প্রাণ ॥

ঘোরবনে বনজন্তু শত-শত ছিল।

অভাগীর কৰ্ম্মদোষে দৌহারে ইংসিল ॥

নাম ধরি কান্দি উঠে দম্পতি দুজনে।

কারণ জানিতে যায় যত মুনি-স্থানে ॥

একে-একে কহে তবে যত মুনিগণ।

কিহেতু তোমরা এত করিছ রোদন ॥

আশ্বাস করিয়া কয়, না করিহ ভয়।

স্থখের লক্ষ্মণ রাজা, জানিহ নিশ্চয় ॥

আমা-সবাকার বাক্য কভু নহে আন।

সর্ব্বস্থখে বধু-পুত্র পাবে বিদ্যমান ॥

সাস্তুনা করিয়া দৌহে পাঠাইল ঘর।

চিন্তাকুলে রহে দৌহে দুঃখিত-অন্তর ॥

এঁতেক কষ্টেতে বঞ্চিলেক সেই নিশি।

হেনকালে সূর্য্যোদয় হয় পূর্ব্বদিশি ॥

প্রভাত জানিয়া তবে রাজার নন্দন ।
ফল-মূল-কার্ত্ত ল'য়ে করিল গমন ॥
এথা রাজা-রাণী করে পথ নিরীক্ষণ ।
হেনকালে সন্নিধানে আসে দুইজন ॥
তিতিল দৌহার অঙ্গ প্রেম-অশ্রুজলে ।
সেইমত হর্ষ হৈল সর্ব-বনস্থলে ॥
আশ্রমে আসিল দোহে প্রফুল্ল-বদনে ।
সত্যবান্ বধু-সহ আসিল ভবনে ॥
শুনিয়া আসিল, যত ছিল মুনিগণ ।
বিস্ময় মানিয়া সবে জিজ্ঞাসে কারণ ॥
কহিল সাবিত্রী সবাচারে বিবরণ ।
আদি-অন্ত যত সব বনের কথন ॥

এত শুনি সর্বজন সাবিত্রীর কথা ।
জানিল, মনুষ্য নহে অশ্বপতিসুতা ॥
অনেক প্রশংসা করে মিলি সর্বজন ।
আশীর্ব্বাদ করি সবে করিল গমন ॥
সাবিত্রী-চরিত্রে-কথা শুনি রাজা-রাণী ।
আপনাকে কৃতকৃত্য ভাগ্যবান্ মানি ॥
মান-দান করি রহে হরিষ-অন্তরে ।
শুন ধর্ম্মরাজ, তার কত দিনান্তরে ॥
অশ্বপতি নরপতি হৈল পুত্রবান ।
শত্রু জিনি নিজ-রাজ্য নিল সত্যবান ॥
সাবিত্রীর শত-পুত্র হৈল যথাকালে ।
নিজ-রাজ্যে একত্র বঞ্চিল কুতূহলে ॥
সাবিত্রীর তুল্য নাই এ-তিন-ভুবনে ।
দুই-কুল উদ্ধারিল আপনার গুণে ॥
মৃতজন পায় প্রাণ, অন্ধ চক্ষুদান ।
অপুত্রক ছিল রাজা, হৈল পুত্রবান্ ॥
জন্মাইল আপনার শতেক সন্ততি ।
নিজ-রাজ্য উদ্ধারিল সতী গুণবতী ॥

এইহেতু সর্বজন ভুবন-ভিতরে ।
'সাবিত্রী'-সমান হও' আশীর্ব্বাদ করে ॥
পূর্ব্বের বৃত্তান্ত এই ধর্ম্মের নন্দন ।
দ্রোপদীতে দেখি আমি তাহার লক্ষণ ॥
এত বলি নিজ-স্থানে গেল মুনিরাজ ।
আনন্দ-বিধানে রহে পাণ্ডব সমাজ ॥
ভারত-চরিত্রে রচে মহামুনি ব্যাস ।
পাচালি-প্রবন্ধে বিরচিত তার দাস ॥

— — —

১০৯। যুধিষ্ঠিরের কাম্যবন-ভ্রমণ এবং দ্রোপদীর
অঙ্কুর-বিবরণ

কহেন বৈশম্পায়ন, শুন কুরুবর ।
কৃষ্ণ-সহ কাম্যবনে পঞ্চ-সহোদর ॥
মার্কণ্ডেয়-মুনি যদি করিল গমন ।
হইল বিষাদে মগ্ন সবাচার মন ॥
কাম্যবন ছাড়ি যাবে পাণ্ডুপুত্রগণ ।
ভাবিয়া দ্বারকা হৈতে আসে নারায়ণ ॥
দিন-কত সেই-স্থানে রহে যতুবীর ।
আনন্দে-সাগরে মগ্ন রাজা যুধিষ্ঠির ॥

একদিন সর্বজন বসে একযোগে ।
কহিলেন যুধিষ্ঠির গোবিন্দের আগে ॥
এক নিবেদন মম দৈবকী-তনয় ।
অতঃপর হেথা থাকা উপযুক্ত নয় ॥
দুষ্ট-চেষ্টা আরম্ভিবে যত শত্রুগণ ।
পুনঃপুনঃ আসি সবে করিবে হিংসন ॥
আর দেখ সমাগত অজ্ঞাত-সময় ।
ইহাতে নিকটে শত্রু কড়ু ভাল নয় ॥
এ-বন ত্যজিয়া যাব অথ দূরদেশ ।
খুঁজিয়া কৌরব যথা না পায় উদ্দেশ ॥

সে-কারণে নিবেদন করি ভগবান্ ।
 বুঝিয়া স্মৃষ্টি দেহ, যে হয় বিধান ॥
 শ্রীকৃষ্ণ বলেন, যাহা কহিতেছ তুমি ।
 ইহার বিচার পূর্বে করিয়াছি আমি ॥
 চল সবে, অজ্ঞাতে রহিবে অনায়াসে ।
 কৌরব-চণ্ডাল নাহি যায় যেই-দেশে ॥
 শুনিয়া কৃষ্ণের মুখে এতেক উত্তর ।
 আনন্দিত যুধিষ্ঠির সহ-সহোদর ॥
 ধোম্য-পুরোহিতে সঙ্গে করি ধর্ম্মরাজ ।
 নিকটে আনিয়া যত ব্রাহ্মণ-সমাজ ॥
 করযোড়ে কহিলেন রাজা হুঃখমন ।
 অবধান কর সবে মম নিবেদন ॥
 সবে জান উপস্থিত অজ্ঞাত-সময় ।
 সে-কারণে নিবেদিতে উচিত যে হয় ॥
 কৃপা করি যাহ সবে হস্তিনা-নগর ।
 যাবৎ না হয় পূর্ণ অজ্ঞাত-বৎসর ॥
 করিবে সবার সেবা মম জ্যেষ্ঠতাত ।
 কহিবে, পাণ্ডব গেল বঞ্চিতে অজ্ঞাত ॥
 তথায় রহিতে যদি নাহি চায় মন ।
 পাঞ্চাল-দেশেতে সবে করহ গমন ॥
 আশীর্ব্বাদ কর, যেন সবার প্রসাদে ।
 অজ্ঞাত-বৎসর মোরা বঞ্চি অপ্রমাদে ॥
 এত শুনি বিদায় হইল সর্ব্বজন ।
 হ'লেন পরম-হুঃখা ধর্ম্মের নন্দন ॥
 আশীর্ব্বাদ করি তবে বিপ্রগণ চলে ।
 কতক হস্তিনা গেল, কতক পাঞ্চালে ॥
 সবারে বিদায় করি রাজা যুধিষ্ঠির ।
 কাম্যবন হৈতে তবে হ'লেন বাহির ॥
 আগে চলিলেন ধর্ম্ম বিপ্র কতজন ।
 গোবিন্দ-সংহতি পিছে যান চারিজন ॥

চলিলেন যাজ্ঞসেনী পাকপাত্র-হাতে ।
 ত্রৈলোক্যমোহিনী-রূপা সবার পশ্চাতে ॥
 বহুদিন নিবসতি ছিল কাম্যবন ।
 ছাড়িয়া যাইতে সবে নিরানন্দ-মন ॥
 বিবিধ পর্ব্বত, আর বহু নদ-নদী ।
 শ্রাবর-জঙ্গম-আদি, কে করে অবধি ॥
 বনের বিবিধ শোভা দেখিয়া কোঁতুকে ।
 স্মরিত-গমনে সবে যান মনঃসুখে ॥
 তদন্তরে তাহার দ্বিতীয় দিনান্তরে ।
 কাম্য-সরোবরে সবে আইল সত্বরে ॥
 দেবের দুর্লভ সেই তীর্থ মনোরম ।
 জলে জলজন্তু, নানাজাতি বিহঙ্গম ॥
 প্রফুল্ল কমলে ভৃঙ্গ পিয়ে মকরন্দ ।
 কুম্ভ-উদ্যান তটে, দেখিতে আনন্দ ॥
 বসে বৃক্ষ-তলে সবে দেখি মনোরম ।
 বিশ্রামে করিতে দূর পথ-পরিশ্রম ॥
 জল-স্থল দেখি আর রম্য-কাম্যবন ।
 প্রশংসা করেন নানামতে সর্ব্বজন ॥
 শ্রীকৃষ্ণ কহেন, ইথে কর সবে স্নান ।
 পৃথিবীতে তীর্থ নাহি ইহার সমান ॥
 এ-তীর্থ-স্পর্শনে নাহি যম-অধিকার ।
 তর্পণেতে মাতা-পিতৃকুলের উদ্ধার ॥
 এতেক কহেন যদি দৈবকী-নন্দন ।
 আনন্দ-বিধানে স্নান করে সর্ব্বজন ॥
 হেনমতে পঞ্চভাই পরম-কোঁতুকে ।
 তিন-দিন-রাত্রি তথা বঞ্চিলেন সুখে ॥
 পরদিন প্রাতঃকালে উঠে সর্ব্বজন ।
 হেনকালে যাজ্ঞসেনী ভাবে মনে-মন ॥
 এ-তিন-ভুবনে আমি সতী-পতিব্রতা ।
 স্বামী সহিত বনে হুঃখেতে হুঃখিতা ॥

পুণঃপুনঃ ধন্যবাদ করে মুনিগণ ।
 নিশ্চয় জানিষু, মম সফল জীবন ॥
 তখিল-ব্রহ্মাণ্ড-পতি যার এত বশ ।
 ঈশ্বার অধিক মম কি বা হবে যশ ॥
 এইমত অহঙ্কার করে যাস্ত্বসেনী ।
 জানিলেন অন্তর্যামী দেব-চক্রপাণি ॥
 ধর্ম-চূর্ণ করিবারে চিন্তে নারায়ণ ।
 ছেনকালে দেখিলেন এক তপোবন ॥
 নানা-বৃক্ষে নানা-ফল ধরে বিধিমতে ।
 কোঁতুক দেখেন সবে চাহি চারি-ভিতে ॥
 পাদরিয়া পথশ্রম মহা-আনন্দিত ।
 কতদূরে তপোবনে হন উপনীত ॥
 দর্গের সমান সেট-স্থান মনোহর ।
 দেখি হৃষ্টমতি ধর্ম-পঞ্চ-সহোদর ॥
 দৈবে পথশ্রমে হৈল অবশ-শরীর ।
 শ্রান্তিযুক্ত সেট-স্থানে বসে যুধিষ্ঠির ॥
 স্নান-দান আরম্ভিল কোন-কোন জন ।
 আলস্য ত্যজিতে কেহ করিল শয়ন ॥
 ঈশ্বরের পূজন-হেতু কেহ পুষ্প তোলে ।
 ফল-মূল আনে কেহ ক্লিষ্ট ক্ষুধানলে ॥
 মনের আনন্দে সবে বসি রহে তথা ।
 দৈবের সংযোগে শুন অপূর্ব-বারতা ॥
 মহাভারতের কথা অগ্রত-সমান ।
 কালীবাম দাস কহে, শুনে পুণ্যবান্ ॥

১১০। অকালে আশ্রয় বিবরণ ও দ্রোণদীর
 দর্পচূর্ণ ।

অসময়ে আত্ম এক তরুডালে দেখি ।
 অর্জুনে কহিল কৃষ্ণা পরম-কোঁতুকী ॥

আশ্চর্য্য দেখে দেব, এ বড় বিস্ময় ।
 এই আত্ম পাড়ি দেহ, কৃপা যদি হয় ॥
 এত শুনি ধনঞ্জয় যুড়ি দিব্য-শর ।
 দিলেন পাড়িয়া আত্ম কৃষ্ণার গোচর ॥
 আত্ম হাতে করি কৃষ্ণা আনন্দিত-মন ।
 হেনকালে আসিলেন দৈবকী-নন্দন ॥
 দ্রোণদীর অহঙ্কার চূর্ণ করিবারে ।
 কহিলেন বনমালী দুঃখিত-অন্তরে ॥
 কি কর্ম করিলে পার্থ, কভু ভাল নয় ।
 তুরন্ত অনর্থ আজি ঘটিল নিশ্চয় ॥
 তোমার কি দিব দোষ, বিধির সংযোগ ।
 পূর্বকৃত কর্মবশে হৈল এই ভোগ ॥
 হেন বৃষ্টি হয় যার, কাল পূর্ণ তার ।
 মতিচ্ছন্ন হয় ভ্রমে পণ্ডিত-জন্যর ॥
 নিশ্চয় মজিলে, হেন লয় মম মনে ।
 নহিলে কুবৃষ্টি কেন তোমা-হেন জনে ॥
 শুনিয়া কৃষ্ণের কথা রাজা যুধিষ্ঠির ।
 ব্যগ্র হ'য়ে জিজ্ঞাসেন, কহ যদুবীর ॥
 যাহাতে পাইল ভয়, তোমা-হেন জন ।
 অল্পকথা নহে ইহা, দৈবকী-নন্দন ॥
 অনর্থের হেতু এই অকালের ফল ।
 কাহার শাসনে দেব, এই বনস্থল ॥
 কোন্ মহাজন সেই, কত বল ধরে ।
 কিমতে রহিব আজি এই বনাস্তরে ॥
 কিমতে পাটব রক্ষা, কর পরিত্রাণ ।
 অব্যর্থ তোমার বাক্য বজ্রের সমান ॥

ক্রীকৃষ্ণ কহেন, মুনি নামে সন্দীপন ।
 তাঁহার কানন এই, শুনহ রাজন্ ॥
 যাঁর নামে সুরাহার হয় কম্পমান ।
 অলঙ্ঘ্য তাঁহার বাক্য বজ্রের সমান ॥

ত্রিভুবনে আছে যত সাধ্য-সিদ্ধ-ধৰ্মি ।
 সন্দীপন-তুল্য কেহ নাহিক তপস্বী ॥
 বহুকাল নিবসতি করে এই বনে ।
 কদাচিৎ কখন না যান কোন স্থানে ॥
 তপস্বী করিতে যান প্রত্যুষ-সময় ।
 সমস্ত দিবস মুনি অনশনে রয় ॥
 আশ্চর্য্য দেখহ, তাঁর তপস্বীর ফলে ।
 প্রতিদিন এক আত্ম এই রূক্ষে ফলে ॥
 সমস্ত দিবস গেলে সন্ধ্যাকালে পাকে ।
 আশ্রমে আসিয়া মুনি পরম-কৌতুকে ॥
 রূক্ষ হৈতে আত্ম পাড়ি করেন ভক্ষণ ।
 এইমতে বহুকাল আছে সন্দীপন ॥
 হেন আত্ম দ্রোপদীকে পাড়ি দিল পার্থ ।
 দৌহার কন্মের দোষে হইল অনাৰ্য্য ॥
 তপস্বী করিয়া মুনি আশ্রমেতে আসি ।
 আত্ম না পাটয়া করিবেক ভয়রাশি ॥
 চিন্তিয়া না দেখি কিছু ইহার উপায় ।
 কি-কন্ম করিলে পার্থ, হায়-হায়-হায় ॥
 শুনিয়া কৃষ্ণের মুখে রাজা যুধিষ্ঠির ।
 অশক্য জানিয়া বড় হ'লেন অস্থির ॥
 করযোড়ে কহিলেন গোবিন্দের আগে ।
 পাণ্ডবের ভালমন্দ তোমারে সে লাগে ॥
 পাণ্ডবেরে রক্ষা করে, নাহি হেনজন ।
 গুপ্তকথা নুহে এই, দৈবকী-নন্দন ॥
 রাখিবে রক্ষিত, নহে বাহা লয় মনে ।
 তোমার আশ্রিত-জনে মারে কোন জনে ॥
 তোমা হৈতে যেই কন্ম না হবে শমতা ।
 অন্যজন সে-কন্মতে চিন্তা করে বুধা ॥
 তোমার আশ্রিত মোরা ভাই-পঞ্চজন ।
 কিমতে পাটব রক্ষা, কহ নারায়ণ ॥

শুনিয়া ধর্ম্মের কথা কহেন শ্রীপতি ।
 রূক্ষেতে ফলিয়া আত্ম ছিল হে যেমতি ॥
 সেইমত রূক্ষে যদি লাগে পুনর্ব্বার ।
 তবে সে হইবে রাজা, সবার নিস্তার ॥
 যুধিষ্ঠির বলিলেন, এ-তিন-ভুবন ।
 ত্রিবিধ সমস্ত লোক পালে যেইজন ॥
 সৃষ্টি-স্থিতি-লয় হয় যাঁহার আচ্ছায় ।
 ডালে আত্ম লাগাইতে তাঁর কোন্ দায় ॥
 গোবিন্দ বলেন, এক আছে প্রতীকার ।
 রূক্ষডালে আত্ম লাগে, সবার নিস্তার ॥
 করিলে করিতে পার, নহে বড় কাজ ।
 কপট ত্যাজিয়া যদি কহ ধর্ম্মরাজ ॥
 যুধিষ্ঠির বলে, কৃষ্ণ, যে-আজ্ঞা তোমার ।
 মম সাধ্য হয় যদি, কর প্রতীকার ॥
 প্রতীকারে মৃত্যু-ইচ্ছা করে কোন্ জন ।
 আজ্ঞা কর, পালিব তা' করি প্রাণপণ ॥
 গোবিন্দ বলেন, রাজা, নহে বড় কাজ ।
 সবার নিস্তার হয়, শুন মহারাজ ॥
 দ্রুপদ-নন্দিনী আর তোমা-পঞ্চজন ।
 কোন কথা কার মনে জাগে অনুক্ষণ ॥
 সবার মনের কথা, কহ মম আগে ।
 কপট ত্যাজিয়া কহ, তবে আত্ম লাগে ॥
 এই-মতে সর্ব্বজনে করে অঙ্গীকার ।
 প্রথমে কহেন কথা ধর্ম্মের কুমার ॥
 শুন চিন্তামণি, চিন্তা করি অনুক্ষণ ।
 পূর্ব্বমত বিভবাদি হৈলে নারায়ণ ॥
 ব্রাহ্মণ-ভোজন বর্জ্য করি অহর্নিশি ।
 ইহা-বিনা অগ্নে আমি নহি অভিলষী ॥
 অনুক্ষণ মম মনে এই মনোরথ ।
 শুনিয়া অকাল-আত্ম উঠে কত-পথ ॥

আশ্চর্য্য দেখিয়া সবে হরিশ-অন্তর ।
কহিতে লাগিল তদন্তরে বৃকোদর ॥

ভীম বলে, কৃষ্ণচন্দ্র, শুন মম বাণী ।
এই চিন্তা করি আমি দিবস-রজনী ॥
গদাঘাতে শত-ভাই-কোরবে সংহারি ।
দুষ্ট-দুঃশাসন-বন্ধ নথ দিয়া চিরি ॥
উদর পূরিব আমি তাহার শোণিতে ।
কৃষ্ণার কুন্তল বান্ধি দিব এই হাতে ॥
মহামদে মত্ত হ'য়ে দুষ্টবুদ্ধি কুরু ।
বস্ত্র তুলি দ্রৌপদীরে দেখালেক উরু ॥
ভাঙ্গিয়া পাড়িব রণমধ্যে গদা মারি ।
এই চিত্তে করি আমি দিবস-শরবরী ॥
এতেক কহিল যদি ভীম মহামতি ।
কতদূরে আত্ম আরো উঠে উৰ্দ্ধগতি ॥

অৰ্জ্জুন কহেন, এই জাগে মম মনে ।
অরণ্যে যখন আসি ভাই-পঞ্চজনে ॥
দুইহাতে চতুর্দিকে ফেলাইনু ধূলি ।
তাদৃশ কাটিব অস্ত্রে দুষ্ট-ক্ষত্রগুলা ॥
দিব্যবাণে কর্ণবীরে করিব নিধন ।
ভীমসেন মারিবেক ভাই শতজন ॥
এ-সব ভাবিয়া করি কালের হরণ ।
আমার মনের কথা, শুন নারায়ণ ॥

তবে আত্ম কতদূরে উঠে উৰ্দ্ধপথে ।
নকুল কহিল তবে কৃষ্ণের সাক্ষাতে ॥
শুন কৃষ্ণ, যেই কথা মনে চিন্তা করি ।
দেশে গিয়া রাজা হৈলে ধর্ম্ম-অধিকারী ॥
পূর্বমত রব আমি হ'য়ে যুবরাজ ।
ধর্ম্মরাজে ভেটাইব নৃপতি-সমাজ ॥
বিচারিয়া বলিব দেশের ভাল-মন্দ ।
তবে আত্ম কতদূরে উঠিল স্বচ্ছন্দ ॥

সহদেব বলে, অনুক্ষণ ভাবি মনে ।
রাজ্যে গিয়া যুধিষ্ঠির বসিলে আসনে ॥
করিব রাজার আগে চামর-ব্যাজন ।
লইব সবাব তত্ত্ব, যত পুরজন ॥
নিযুক্ত রহিব নিত্য ব্রাহ্মণ-ভোজনে ।
সব দুঃখ পাসরিব জননী-পালনে ॥
মনের মানস কহিলাম নিষ্কপটে ।
এতেক কহিতে আত্ম কতদূর উঠে ॥

অতঃপর ধীরে-ধীরে বলে যাজ্ঞসেনী ।
ইহা চিন্তা করি আমি দিবস রজনী ॥
আমারে দিয়াছে দুঃখ দুষ্টগণ যত ।
ভীমার্জ্জুন-হাতে হৈলো সর্বজন হত ॥
তা'সবার নারীগণ কান্দিবেক দুঃখে ।
দেখি পরিহাস করি মনের কোতুকে ॥
পূর্বমত নিত্য করি যজ্ঞ-মহোৎসব ।
পালন করিব স্মৃতে যতেক পঞ্চব ॥

এতেক কহিল যদি কৃষ্ণ গুণবর্তী ।
পুনশ্চ আত্মের হৈল নিম্ন-মুখে গতি ॥
মহাভাত হ'য়ে তবে কহে যুধিষ্ঠির ।
কিহেতু পড়িল আত্ম, কহ যতবার ॥
গোবিন্দ বলেন, রাজা, কি কহিব কথা ।
করিল সকল নষ্ট দ্রুপদ-দুহিতা ॥
কহিল সকল যত কপট-বচন ।

সে-কারণে পড়ে আত্ম, ধর্ম্মের নন্দন ॥
ব্যগ্র হ'য়ে পঞ্চভাই কহে করপুটে ।
উপায় করহ কৃষ্ণ, যাহে আত্ম উঠে ॥
গোবিন্দ কহেন, কৃষ্ণ, কহ সত্যকথা ।
নিশ্চয় যুদ্ধেতে আত্ম লাগিবে সর্বথা ॥
কহিল কৃষ্ণার প্রতি ধর্ম্ম-নরপতি ।
কি-কারণে সৃষ্টি-নষ্ট কর গুণবর্তি ॥

কপট ত্যজিয়া কহ গোবিন্দের আগে ।
সবার জীবন রহে, গাছে আত্ম লাগে ॥

এতেক বলিল যদি ধর্মের তনয় ।
কিছু না কহিয়া দেবী মৌনভাবে রয় ॥
দেখিয়া কুপিত তবে পার্থ ধনুর্ধর ।
দ্রোপদীরে মারিবারে যুড়ে দিব্যশর ॥
অর্জুন কহেন, শীত্র কহ সত্য-কথা ।
নচেৎ কাটিব তীক্ষ্ণ-শরে তব মাথা ॥

এতেক কহিল যদি পার্থ মহামতি ।
লজ্জা ত্যজি কহে তবে কৃষ্ণ গুণবতী ॥
দ্রোপদী কহিল, দেব, কি কহিব আর ।
কায়মনোবাক্য তুমি জান সবাকার ॥
যজ্ঞকালে কর্ণবীর আসিল যখন ।
তারে দেখি মনে-মনে চিন্তিলু তখন ॥
এইজন হৈত যদি কুস্তীর নন্দন ।
ইহার সহিত পতি হৈত ছয়জন ॥
এখন হইল সেই কথা মম মনে ।
এতেক কহিতে আত্ম উঠে সেইক্ষণে ॥
রুদ্ধেতে লাগিল, যথা ছিল পূর্বমত ।
আশ্চর্য্য মানিয়া সবে হৈল আনন্দিত ॥

নিস্তার পাইয়া মৌনে রন যুধিষ্ঠির ।
গর্জিয়া উঠিয়া কহে বৃকোদর-বীর ॥
এই কি তোমার রীতি কৃষ্ণা দুষ্কর্মতি ।
এক-পতি সেবা করে সতী কুলবতী ॥
বিশেষ তোমার এই পতি পঞ্চজন ।
তথাপি বাঙ্কিস্ মনে সূতের নন্দন ॥
ইহাতে কহাস্ লোকে পতিব্রতা-সতী ।
প্রকাশ করিলি তোর কুৎসিত-প্রকৃতি ॥
সভামধ্যে বলাইস্ পরম পরিজ্ঞ ।
এতদিনে ব্যক্ত হৈল নারীর চরিত্র ॥

অবিশ্বাসী সর্বনাশী তুই দুষ্কর্মতি ।
কিজন্য হইল তোর এমন কুরীতি ॥
যখন শত্রুর প্রতি আছে তোর মন ।
বিশ্বাস করিবে তোরে আর কোন্ জন ॥
এত বলি মহাক্রোধে গদা ল'য়ে ভীম ।

দ্রোপদী মারিতে যায় তর্জিয়া অর্সাম ॥
ঈষদ হাসিয়া তবে দেব-জগন্নাথ ।
শীত্রগতি ভীমের ধরেন দুই-হাত ॥
সহাস্ত্রে শ্রীমুখে তবে কহে ভীমসেনে ।
দ্রোপদীরে নিন্দা তুমি কর অকারণে ॥
কদাচিত্ দ্রোপদীর দুষ্ক নহে মন ।
কহিব তোমারে আমি ইহার কারণ ॥
সকল বৃত্তান্ত জানি সবাকার আমি ।
অকারণে দ্রোপদীরে নিন্দা ভীম তুমি ॥
নারী-মধ্যে দ্রোপদীর মত কোন্ জন ।
তবে যে কহিল কৃষ্ণা ভ্রাসের কারণ ॥
ইহার কারণ আছে, অতি-গুপ্তকথা ।
এখন উচিত নহে, কহিব সর্বথা ॥
দেশে গিয়া নরপতি বসিলে আসনে ।
বলিব বিশেষ করি তবে সর্বজনে ॥
কৃষ্ণার সমান সতী-পতিব্রতা নারী ।
ক্ষতিমধ্যে নাহি কেহ, কহিবারে পারি ॥

শুনিয়া কৃষ্ণের মুখে এতেক উত্তর ।
নিবৃত্ত হইয়া বসে বীর বৃকোদর ॥
আশ্চর্য্য মানিল যুধিষ্ঠির নৃপমণি ।
লজ্জায় মলিনমুখে রহে যাজ্ঞসেনী ॥
অলজ্য কৃষ্ণের মায়া কে বুঝিতে পারে ।
কেবল কৃষ্ণার গর্ব চূর্ণ করিবারে ॥
করিলেন এত ছদ্ম মিথ্যা-প্রবঞ্চনা ।
কৌতুকেতে স্নান-দান করে সর্বজনা ॥

আহার করিল ফল-মূল কুতূহলে ।
 পঞ্চভাই কৃষ্ণেরে কহিল হেনকালে ॥
 অতঃপর জগন্নাথ, কর অবধান ।
 এ-স্থানে হইতে করি আমরা প্রশ্নান ॥
 কৃষ্ণ কন, আসিয়াছ মুনির আশ্রমে ।
 বিনা সম্ভাষিয়া তাঁরে যাইবে কেমনে ॥
 অন্য কেহ নহে রাজা, তুমি উপস্থিত ।
 আসিয়া আশ্রমে মুনি হবেন দুঃখিত ॥
 বলিবেন, যুধিষ্ঠির আশ্রমেতে আসি ।
 অবজ্ঞা করিয়া গেল মোরে না সম্ভাষি ॥
 সেহেতু দিনেক হেথা থাকা যুক্ত হয় ।
 এ যুক্তি সবার মনে লয় কি না লয় ॥
 ধর্ম্ম বলিলেন, দেব, যে-আজ্ঞা তোমার ।
 ভুবন-ভিতরে লজ্জা, হেন শক্তি কার ॥
 এত বলি মনঃসুখে রহে সর্বজন ।
 হেথা মুনি জানিলেন কৃষ্ণ-আগমন ॥
 নিজের প্রশংসা করে নিজে বহুতর ।
 ধন্য আমি, সুপবিত্র হৈল কলেবর ॥
 তপস্যা করিয়া যাঁরে দৃষ্টি-অভিলাষা ।
 অম্বলে তাঁহার দেখা পাই ঘরে বসি ॥
 এত বলি মনঃসুখে তুলি ফল-মূল ।
 হরিষ-অস্তুরে চলে হইয়া আকুল ॥
 আশ্রমে আসিয়া মুনি হৈল উপনীত ।
 মধ্যাহ্ন-সময়ে যেন আদিত্য উদিত ॥
 পূরাইতে জনার্দন ভক্ত-মনোরথ ।
 আসিলেন অগ্রসরি কতদূর পথ ॥
 সেইমত সর্বজন আসিল সংহতি ।
 মুনিবরে প্রণমিল সবে হৃষ্টমতি ॥
 শ্রীকৃষ্ণ দেখিয়া কহে মুনি সন্দীপন ।
 অনন্ত তোমার মায়া, জানে কোন্ জন ॥

তুমি ব্রহ্মা, তুমি শিব, তুমি নারায়ণ ।
 কি শক্তি আমার প্রভু, করিতে স্তবন ॥
 বহুমত স্তব করি মুনি সন্দীপন ।
 আশ্রমে আসিয়া দিল বসিতে আসন ॥
 তদ্রূপ আসন দেন আর সর্বজনে ।
 রহিলেন সর্বজন আনন্দিত-মনে ॥
 গতিধি-বিধানে কৈল সবাচার পূজা ।
 পরম-সানন্দমতি যুধিষ্ঠির রাজা ॥
 নানা-কথা-কৌতুকেতে রহে আনন্দেতে ।
 রজনী বক্ষিয়া সবে উঠিল প্রভাতে ॥
 পঞ্চভাই প্রণমিল তপোধনবরে ।
 বিদায় লইয়া যান হরিষ-অস্তুরে ॥
 কহিলেন বহু কৃষ্ণ মুনি-সন্দীপনে ।
 সম্ভাষণ কৈল তবে ভাই পঞ্চজনে ॥
 তথা হৈতে পূর্বভিতে করেন গমন ।
 দুইদিকে দেখে কত রমণীয় বন ॥
 ভারত-পঞ্চজ-রবি মহামুনি ব্যাস ।
 পাচালী-প্রবন্ধে কহে কাশীরাম দাস ॥

১১১। যুধিষ্ঠিরের শূরসেন-বনে অবস্থিতি ।

মুনি বলে, শুন কথা, কহিতে বিস্তর ।
 এইমত পঞ্চভাই সঙ্গে দামোদর ॥
 শূরসেন-নামে বন যমুনার তটে ।
 উপনীত সর্বজন তাহার নিকটে ॥
 জল-স্থল দেখি সব বিচিত্র-কানন ।
 বিশ্রাম করিতে বসিলেন সর্বজন ॥
 শ্রীকৃষ্ণ কহেন, রাজা, কর অবধান ।
 বনমধ্যে নাহি আর হেন রম্যস্থান ॥
 জল-স্থল যথাযোগ্য বহু-যুগ-পার্থী ।
 ইহাতে আশ্রম কর পরম-কৌতুকী ॥

নাহিক ইহার চতুর্দিকে রাজচয় ।
 অজ্ঞাতে মনের সুখে বঞ্চ মহাশয় ॥
 কলিঙ্গ তৈলঙ্গ অঙ্গ বঙ্গ গুজরাট ।
 কষোজ কর্ণাট মদ্র বিভঙ্গ বিরাট ॥
 অযোধ্যা পাঞ্চাল কাশী কনখল-দেশ ।
 সিদ্ধসেন-আদি ভোজ কাশ্মীর বিশেষ ॥
 ইত্যাদি অনেক রাজ্য নিকটে আছয় ।
 কদাচিৎ নাহি ইথে কোঁরবের ভয় ॥
 ইতিমধ্যে বাস করি যেই কোন্ দেশে ।
 একবর্ষ অজ্ঞাতে বঞ্চ গুপ্তবেশে ॥
 তদন্তরে রাজ্যে গিয়া হইবে নৃপতি ।
 আমারে বিদায় দেহ, যাই দ্বারাবর্তী ॥
 বিশেষ হইল তব অজ্ঞাত-সময় ।
 এখন জনতা বেশী করা ভাল নয় ॥

ধর্ম বলিলেন, কৃষ্ণ, কি কহিব আর ।
 একান্ত তোমারে লাগে পাণ্ডবের ভার ॥
 সহায় সম্পদ সখা বন্ধু মিত্র ভাই ।
 তোমা-বিনা পাণ্ডবের আর কেহ নাই ॥
 পুনঃপুনঃ রাখিয়াছ বিবম-সঙ্কটে ।
 অজ্ঞাতে রাখহ কৃষ্ণ, দুষ্কের কপটে ॥

গোবিন্দ কহেন, রাজা, না করিহ ভয় ।
 যথা তুমি, তথা আমি, জানিহ নিশ্চয় ॥
 যখন যে কার্য্য তব হবে উপস্থিত ।
 জ্ঞাতমাত্র আসি আমি করিব বিহিত ॥
 এত বলি যান কৃষ্ণ দ্বারকা-নগর ।
 হইল পাণ্ডব-পঞ্চ ছুঃখিত-অন্তর ॥
 মহাত্মারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

১১২ । গৃধ্রিগের ধর্ম-পরীক্ষার জন্ত বরুণপী ধর্মের
 ছলনা ও জল আনিতে ভীমের গমন ।

জিজ্ঞাসেন জন্মেজয়, কহ অতঃপর ।
 কি-কি কর্ম করিলেন পঞ্চ-সহোদর ॥
 রহস্য শুনহ বলি, কহে মুনিবর ।
 তৃণায় পীড়িত হয় পঞ্চ-সহোদর ॥
 বৃক্ষতলে বসি রাজা বলেন ভীমেরে ।
 জল কোথা আছে, ভীম, আনহ সঙ্করে ॥
 আজ্ঞামাত্র বৃকোদর করেন গমন ।
 সে বনে না পায় জল, করে অন্বেষণ ॥
 কোথায় পাইব জল, চিন্তে মহামতি ।
 পবন-নন্দন যায় পবনের গতি ॥
 কতদূরে দেখে এক কুসুম-কানন ।
 নানাজাতি ফল-ফুলে অতি-সুশোভন ॥
 অশোক কিংশুক জাতি টগর মল্লিকা ।
 চম্পক মাধবী কুরু ঝাঁটি শেফালিকা ॥
 পলাশ কাঞ্চন ইন্দ্রমণি নানা-ফুল ।
 মধুলোভে উড়ে বসে মত্ত-অলিকুল ॥
 খঞ্জন-খঞ্জনী নাচে আপনার সুখে ।
 ময়ূর-ময়ূরী নাচে পরম-কোঁতুকে ॥
 তথা হৈতে যায় বীর অতি মনোহুখে ।
 কোথায় পাইব জল, যাব কোন্ মুখে ॥
 চিন্তাকুল বৃকোদর করিছে গমন ।
 হেনকালে শুন রাজা, অপূর্ব-কথন ॥
 জানিতে পুত্রের ধর্ম আসি ধর্মরায় ।
 দিব্য এক সরোবর সৃজেন তথায় ॥
 আপন-মায়ায় বকপক্ষিরূপ ধরি ।
 রহিলেন সেই স্থানে ছদ্মবেশ করি ॥
 পাইয়া জলের তত্ত্ব বীর-বৃকোদর ।
 ছরিত আসেন তথা হরিষ-অন্তর ॥

জল দেখি তুষ্ট হ'য়ে পবন-নন্দন ।

পান করিবারে বীর নাগিল তখন ॥

মায়াপক্ষী বলে, শুন ওহে মতিমান্ ।

সমস্তা পূরণ করি কর জলপান ॥

নতুবা তোমার মৃত্যু হবে জলপানে ।

সমস্তা পূরণ কর আমার বচনে ॥

প্রশ্ন শ্রোতঃ ।

‘কা চা বার্তা কিমাশ্চর্য্যং কঃ পশু কশ্চ মোদতে ।

গমৈতান্শ্চতুঃ প্রশ্নান্ কথয়িষ্য জলং পিব ॥’

অন্তার্থঃ ।

কিবা বার্তা, কি-আশ্চর্য্য, পথ বলি কারে ।

কোন্ জন সুখো হয় এই চরাচরে ॥

পাণ্ডুপুত্র, আমার যে এই প্রশ্ন চারি ।

উত্তর করিয়া তুমি পান কর বারি ॥

ভীম বলে, আগে করি জল আস্বাদন ।

তবে সে করিব তব সমস্তা-পূরণ ॥

তৃণায় আকুল ভীম, অহঙ্কার মনে ।

জলস্পর্শ-মাত্রে বীর মরে সেইক্ষণে ॥

মহাভারতের কথা শুধা হৈতে শুধা ।

কাশীরাম কহে, পানে খণ্ডে ভবক্ষুধা ॥

১১০ । ভীমাশ্বেষণে অর্জুনের গমন ।

হেথায় চিন্তিত রাজা আশ্রমে বসিয়া ।

ধারে-ধারে কহিলেন অর্জুনে চাহিয়া ॥

শুন ভাই ধনঞ্জয়, না বুঝি কারণ ।

ভীমের বিলম্ব কেন হয় এতক্ষণ ॥

শীঘ্রগতি বৃকোদরে কর অশ্বেষণ ।

বুঝি ভীম কারো সনে করিতেছে রণ ॥

আজ্ঞামাত্রৈশ্বৰ্য্যবীর উঠিয়া সত্তর ।

নিলেন গাণ্ডীব হস্তে তুণ পূর্ণ-শর ॥

প্রণাম করিয়া বীর ধর্ম্মের চরণে ।

চলিলেন ধনঞ্জয় ভীম-অশ্বেষণে ॥

ঘোরবনে প্রবেশিয়া পার্থ-বীরবর ।

চলিলেন নিজস্থখে নির্ভয়-অস্তুর ॥

বসন্ত-সময়, তাহে কোকিল কুহরে ।

মকরন্দ-পানে অলি সদা কোলি করে ॥

কুহু কুহু রবে পিক করিতেছে গান ।

দৃচ্ছন্দগমনে বীর সরোবরে যান ॥

কতক্ষণে উত্তরিয়া মায়াসরোবরে ।

তৃষার্ত হইয়া যান পান করিবারে ॥

হেনকালে বকরুণী ধর্ম্ম ডাকি কয় ।

প্রশ্ন বলি জলপান কর ধনঞ্জয় ॥

প্রশ্ন না বলিয়া যদি কর জলপান ।

পরশ করিবামাত্র যাবে যমস্থান ॥

ধর্ম্মবাক্য ধনঞ্জয় না শুনি শ্রবণে ।

আপনার দস্তে চলিলেন বারিপানে ॥

পড়িয়াছে বৃকোদর জলের উপর ।

দেখি শোক করিলেন মনে বীরবর ॥

এই জল হৈতে হৈল ভ্রাতার নিধন ।

কোন্ লাজে আমি আর রাখিব জীবন ॥

মায়াজল স্পর্শমাত্র বীর ইন্দ্রমুত ।

শরীর হইতে তার গেল পঞ্চভূত ॥

এখানে চিন্তিত অতি রাজা যুধিষ্ঠির ।

দৌহার বিলম্ব দেখি হ'লেন অস্থির ॥

নকুলেরে কহিলেন ধর্ম্ম-নরপতি ।

ভীমার্জুন-অশ্বেষণে যাহ শীঘ্রগতি ॥

ভারত-পঞ্চজ-রবি মহামুনি ব্যাস ।

পাঁচালী-প্রবন্ধে রচে কাশীরাম দাস ॥

১১৪। ভীমার্জুনের অধেষণে নকুলের যাত্রা।

নকুলের প্রীতি, কহেন ভূপতি,
শুনহ আমার বাণী।
ওই দুইজন, জলের কারণ,
গেল কোথা, নাহি জানি ॥
কর অধেষণ, গহন-কানন,
জল আন শীত্ৰগতি।
দারুণ তৃষ্ণায়, প্রাণ ফাটি যায়,
শুন ভাই মহামতি ॥
রাজ-আজ্ঞা শুনি, চলিল তখনি,
মাদ্রীর তনয় বার।
মহা-সহোদয়, নির্ভয়-হৃদয়,
মনে-মনে ভাবে ধীর ॥
দেখিতে সুন্দর, অতি শোভাকর,
কুসুম-উদ্যান যত।
অতি-সুশোভন, সেই ত কানন,
পশু-পক্ষি-আদি কত ॥
দেখিয়া কানন, আনন্দিত-মন,
চলিল সত্বরে ধীর।
কতক্ষণ পরে, মায়া-সরোবরে,
আসিল নকুল-বীর ॥
দেখি সরোবর, হরিষ-অন্তর,
বিহরে কত বিহঙ্গ।
আরো লাখে-লাখ, হংস-চক্রবাক,
বিরাজে রমণী-সঙ্গ ॥
নকুল হেরিয়া, আকুল হইয়া,
চলে সরোবর-তীর।
কহে এ-সময়, ধর্ম-মহাশয়,
শুনহ হে নকুল-বীর ॥

প্রশ্ন-চারি কও, তবে জল খাও,
নহে যাবে যমপুরে।
তৃষ্ণায় আকুল, হইয়া নকুল,
সে-কথা অগ্রাহ্য করে ॥
জলপান-তরে, চলিল সত্বরে,
সেই মায়া-সরোবরে।
বিধির ঘটন, কে করে খণ্ডন,
পরশন-মাত্র মরে ॥
হেথা রাজা বসি, হইল হতাশী,
বিলম্ব দেখিয়া অতি।
দুঃখযুক্ত মন, চিত্ত উচাটন,
অত্যন্ত উদ্বিগ্ন-মতি ॥
অরণ্যের কথা, সুখ-মোক্ষদাতা,
রচিলেন মুনি ব্যাস।
পাঁচালী-প্রবন্ধে, মনোহর-ছন্দে,
বিরচিল কাশীদাস ॥

—

১১৫। ভীমার্জুন ও নকুলের অধেষণে সহদেব
ও দ্রোণদীর যাত্রা।

রাজা যুধিষ্ঠির অতি ব্যাকুলিত-মনে।
সহদেবে কহিলেন মলিন-বদনে ॥
আমার বচনে ভাই, কর অবধান।
তিনজনে না দেখিয়া বাহিরায় প্রাণ ॥
অস্থির আমার মন হয় কি-কারণে।
কর সনে বনে যুদ্ধ করে তিনজনে ॥
যাহ সহদেব, জল আনহ সত্বরে।
অধেষণ কর আর তিন-সহোদরে ॥
এত শুনি সহদেব চলেন সজ্জা
প্রবেশ করেন গিয়া কানন-ভিতর ॥

দেখিয়া বনের শোভা হরষিত-মন ।
চতুর্দিকে দেখে বহু কুসুম-কানন ॥
নির্ভয়-শরীর বীর করিল গমন ।
কত-শত শোভা দেখে, কে করে গণন ॥

রাজা জন্মেজয় বলে, কহ মুনিবর ।
বিস্মিত হইল কিছু আমার অন্তর ॥
ধর্মপুত্র যুধিষ্ঠির বৃদ্ধির সাগর ।
পৃথিবীতে নাহি তাঁর তুল্য কোন নর ॥
সসাগরা রাজ্য পালে সেই মহামতি ।
বৃদ্ধিতে নহেক সম শুক্র-বৃহস্পতি ॥
বৃদ্ধির সাগর রাজা, বৃদ্ধি গেল কোথা ।
বিশেষ করিয়া মুনি, কহ এই কথা ॥
সহদেবে জিজ্ঞাসিত যদি নৃপমণি ।
কহিত সকলি তাঁরে ভবিষ্য-কাহিনী ॥
সহদেব-স্থানে সব পাটিলে সংবাদ ।
তবে না হইত মুনি, এমত প্রমাদ ॥

মুনি বলে, অবধান কর মহামতি ।
দৈব খণ্ডাইতে কারো না হয় শক্তি ॥
মায়া করি ধর্ম তাঁর বৃদ্ধি নিল হরি ।
এজন্ম বলিল রাজা, আন গিয়া বারি ॥

হেথা সহদেব-বীর বনের ভিতর ।
মনের আনন্দে যান নির্ভয়-অন্তর ॥
বনমধ্যে তিনজনে করে অন্বেষণ ।
ভ্রমণ করেন বহু গহন-কানন ॥
দেখিল ভীমের চিহ্ন অরণ্যেতে আছে ।
পদাঘাতে গিরিশৃঙ্গ চূর্ণ করি গেছে ॥
চিহ্ন দেখি সেই-পথে যান মহাবীর ।
মুহূর্ত্তেকে উত্তরিল সরোবর-তীর ॥
সরোবর-দৃষ্টিমাত্রে মাদ্রীর তনয় ।
তৃষ্ণায় আকুল হৈল ধর্মের মায়ায় ॥

জলপান করিবারে যান সরোবরে ।
বকরূপী ধর্মরাজ কহেন তাঁহারে ॥
চারি-প্রশ্ন বলি তবে কর জলপান ।
অগ্রে যদি পান কর, যাবে যম-স্থান ॥
ধর্মবাক্য সহদেব না শুনি শ্রবণে ।

তৃষ্ণায় আকুল হ'য়ে যান বারিপানে ॥
বিধির নির্বন্ধ কেবা খণ্ডিবারে পারে ।
পরশ করিবারাত্র সহদেব মরে ॥
সুন্দর-কমল-তুল্য ভাসিতে লাগিল ।
হেথা যুধিষ্ঠির-মনে চিন্তা উপজিল ॥
অনেক বিলম্ব দেখি ধর্ম-নরপতি ।
চিন্তায়ুক্ত কহিলেন দ্রৌপদীর প্রতি ॥

শুনহ আমার বাক্য দ্রৌপদী-সুন্দরী ।
শ্রীহরি স্মরণ করি আন গিয়া বারি ॥
পাইয়া পতির আচ্ছা পতিব্রতা নারী ।
জলপাত্র ল'য়ে যান আনিবারে বারি ॥
মহাবোর-বনমধ্যে প্রবেশিয়া সতী ।
ভয় পেয়ে শ্রীকৃষ্ণেরে ডাকে গুণবর্তী ॥
বনমধ্যে যান কৃষ্ণা সশঙ্কিতা মনে ।
কতক্ষেণে উত্তরিল সরোবর-স্থানে ॥
পিপাসা-কাতরা অতি, শুষ্ক-কলেবর ।
জলপান করিবারে গেল সরোবর ॥
জলেতে নামিল যেই দ্রুপদ-কুমারী ।
হইল তাহার মৃত্যু স্পর্শি মায়াবারি ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১১৬ । দ্রাওগণ ও দ্রৌপদীর অন্বেষণে রাজা

যুধিষ্ঠিরের গমন

এখানে আশ্রমে বসি-রাজা যুধিষ্ঠির ।
সবার বিলম্ব দেখি হ'লেন অশ্রিত ॥

কোথা ভাম-ধনঞ্জয় মাদ্রার তনয় ।
 তোমা-সবে না দেখিয়া প্রাণ বাহিরায় ॥
 কোথা লক্ষ্মী গুণবতী দ্রুপদ-নন্দিনী ।
 তোমার গুণেতে বশ ছিল যত মুনি ॥
 আমার সঙ্গেতে প্রিয়ে, বহুদুঃখ পেয়ে ।
 হস্তিনাতে গেলে বুঝি আমারে ছাড়িয়ে ॥

এইমত পরিতাপ করি নরপতি ।
 বনে-বনে বিচরণ করে দুঃখমতি ॥
 অরণ্যের মধ্যে রাজা করি অন্বেষণ ।
 পাইয়া ভীমের চিহ্ন করেন গমন ॥
 যেই-পথে গিয়াছেন বীর-রুকোদর ।
 কত-শত রুকু চূর্ণ, কত গিরিবর ॥
 গমন করেন সেই-পথে যুধিষ্ঠির ।
 কতক্ষণে উপনীত সরোবর-তীর ॥
 সরোবর-তীরে দেখিলেন রম্যবন ।
 অপ্রমিত নৃগ-পক্ষী মহিষ-বারণ ॥
 দেখিয়া এ-সব শোভা নাহি তাহে চান ।
 উদ্ভিগ্ন-চিন্তেতে রাজা সরোবরে যান ॥
 সরোবরে দৃষ্টি যেই করেন নৃপতি ।
 দেখেন, ভাসিছে জলে ভীম মহামতি ॥
 তার পাশে ধনঞ্জয় ভাসিতেছে জলে ।
 মাদ্রীপুত্র ভাসে দৌহে পবন-হিলোলো ॥
 দ্রৌপদী-সুন্দরী ভাসে জলের উপর ।
 শরীরে ভেদিল যেন সহস্র তোমর ॥
 দেখি রাজা বুঝিয়া পড়েন ধরণী ।
 অচেতনে ছটফট করে নৃপমণি ॥
 কতক্ষণে সংজ্ঞা পেয়ে রাজা যুধিষ্ঠির ।
 দেখিয়া সবার মুখ হ'লেন অস্থির ॥
 পুনর্বীর পড়িলেন ধরণী-উপর ।
 চেতন পাইয়া পুনঃ উঠেন সশ্বর ॥

কাঁপিতে-কাঁপিতে পুনঃ পড়ে ঘনে-ঘন ।
 হা কৃষ্ণ, হা কৃষ্ণ বলি করেন রোদন ॥
 মহাভারতের কথা অমৃত-লহরী ।
 কাশীরাম দাস কহে, ভব-ভয়ে তারি ॥

১১৭ । বাজা যুধিষ্ঠিরের আক্ষেপ ।

এইরূপে নরপতি কান্দে উচ্চৈঃস্বরে ।
 কোথা কৃষ্ণ রমানাথ, রাখহ আমারে ॥
 এমন বিপদে কেন ফেলিলে আমায় ।
 কোন দোষে দোষী আমি নহি তব পায় ॥
 পিতৃগণ বুঝি মোরে দিল অভিশাপ ।
 এইজন্ম জন্মাবধি পাই মনস্তাপ ॥
 অত্যন্ত বালক-কালে হৈল মহাশোক ।
 অজ্ঞানে পিতার হৈল গতি পরলোক ॥
 অনন্তরে অস্ত্রশিক্ষা করি যেই-কালে ।
 বিহার-কারণে যাই জাহ্নবীর জলে ॥
 তাহে দুঃখ দিল দুর্ঘোষধন দুরাচার ।
 প্রকারে করিতেছিল ভামেরে সংহার ॥
 উদ্ধার পাইল ভাম পূর্বপুণ্যফলে ।
 নতুবা জীবন পায় কে কোথা মরিলে ॥
 মাতার সহিত পরে ছিন্ম পঞ্চজন ।
 বিনাশে মন্ত্রণা করে যত শত্রুগণ ॥
 নিৰ্ম্মাণ করিয়া জহুগৃহ দুরাচার ।
 প্রকারে করিতেছিল সকলে সংহার ॥
 তাহে স্তম্ভগণা দিল বিদূর স্মৃতি ।
 তাঁহার রূপায় তথা পাই অব্যাহতি ॥
 ঘোরবনে প্রবেশিয়া ভ্রমি বহুদেশ ।
 পাইলাম যত দুঃখ, নাহি তার শেষ ॥
 ভ্রমিতে-ভ্রমিতে আসি পাঞ্চাল-নগরে ।
 স্বয়ংবর-বার্তা শুনি যাই সভা'পরে ॥

লক্ষ্য বিক্ষি ধনঞ্জয় জিনে রাজগণে ।
 দ্রৌপদী বরণ কৈল আমা-পঞ্চজনে ॥
 বিবাহ করিয়া পুনঃ আসিলাম দেশে ।
 ক'রেছি যতেক কৰ্ম্ম কৃষ্ণের আদেশে ॥
 বিদায় লইয়া কৃষ্ণ গেল দ্বারকায় ।
 বিধির নিযুক্ত কৰ্ম্ম লঙ্ঘন না যায় ॥
 কপট-পাশায় দুৰ্দ্ধ নিল রাজ্য ধন ।
 তোমা-সবে সঙ্গে ল'য়ে আসি ঘোর-বন ॥
 কাননে অনেক দুঃখ পেলে ভ্রাতৃগণ ।
 অনেক প্রমাদ হৈতে হইলে মোচন ॥
 কাননে আসিবামাত্র রাক্ষস কিস্মীর ।
 আমা-সবে বিনাশিতে করিলেক স্থির ॥
 রাক্ষসী-মায়াতে কৈল ঘোর-অন্ধকার ।
 মারিয়া রাক্ষসে ভীম করিল উদ্ধার ॥
 অনন্তরে জটাসুর এল কাম্যবনে ।
 তারে মারি পরিত্রাণ কৈলে চারিজনে ॥
 খেদ করি সরোবরে চাহে নৃপমণি ।
 দেখিয়া সবার মুখ পড়েন ধরণী ॥

কতক্ষেণে মুচ্ছা ত্যজি উঠেন নৃপতি ।
 ভাই ধনঞ্জয় বলি কান্দেন স্তমতি ॥
 কেবা আর কুরুযুদ্ধে করিবে উদ্ধার ।
 যুদ্ধেহু সর্গে অস্ত্র শিথিলে অপার ॥
 যুদ্ধেতে হইয়া দুৰ্দ্ধ দেব-ত্রিলোচন ।
 পাশুপত-অস্ত্র তোমা করেন অর্পণ ॥

মাতলিরে পাঠালেন দেব-পুরন্দর ।
 আদর করিয়া নিল স্বর্গের উপর ॥
 শিথিলে যতেক বিদ্যা, নাহিক অবধি ।
 সর্গেতে আছিল বহু অমর-বিবাদী ॥
 ছলে পাঠাইল ইন্দ্র নগর-ভ্রমণে ।
 করিলে দেবের কার্য্য মারি দৈত্যগণে ॥

দৈত্যবধে হুঁই হ'য়ে যত দেবগণ ।
 নিজ-নিজ মায়া সবে করিল অর্পণ ॥
 দেবের অসাধ্য কার্য্য করিলে সাধন ।
 তুৰ্দ্ধ হ'য়ে অস্ত্র দিল সহস্রলোচন ॥
 কিরাট শোভিত শিরে, হাতে ধনুঃশর ।
 এ-সব স্মরিয়া ভাই, দহে কলেবর ॥
 রহিল প্রচণ্ড-শত্রু রাজা দুৰ্য্যোধন ।
 সহায় বাহার আছে সূতের নন্দন ॥
 শেষ দুঃখ আছে মাত্র অজ্ঞাত-বৎসর ।
 চল-ভাই, বক্ষি গিয়া পঞ্চ-সহোদর ॥
 এত বলি নরপতি চাহি মায়াজলে ।
 মুচ্ছাগত হ'য়ে পুনঃ পড়ে ধরাতলে ॥
 মুচ্ছা ত্যজি পুনর্বার উঠেন সজ্বর ।

চাহিয়া সবার মুখ রোদনে তৎপর ॥
 ধিক্-ধিক্ দুৰ্য্যোধন অতি-কুলাঙ্গার ।
 কপটেতে এত দুঃখ দিল চুরাচার ॥
 কাননে করিনু বাস ভাই পঞ্চজন ।
 অবশেষে সকলের হইল নিধন ॥
 দুৰ্য্যোধনে কি দুমিষ, মম কৰ্ম্মফলে ।
 জন্মাবধি দুঃখ বিধি লিখিল কপালে ॥
 ভাবিয়া ভবিষ্য-তত্ত্ব, বুঝিয়া অসার ।
 নিতান্ত দেখেন রাজা, নাহি প্রতিকার ॥
 মনোদুঃখে মরিবারে যান মহারাজ ।
 পাছে থাকি বকরুপী কন ধর্ম্মরাজ ॥

মৃত্যুপতি বলে, রাজা, তুমি জ্ঞানবান্ ।
 পৃথিবীতে নাহি দেখি তোমার সমান ॥
 বুদ্ধিনাশ হৈল দেখি তোমা-হেন জনে ।
 অগতি-মরণ ইচ্ছা কর কি-কারণে ॥
 অপঘাতে প্রাণ নষ্ট করে যেইজন ।
 অধোগতি হয় তার, বেদের বচন ॥

তোমার মহিমা শুনি দেব-ঋষিগুণে ।
 উপমার যোগ্য তব নাহি তিনলোকে ॥
 আত্মঘাতী জনে দ্রোণ নাহি কদাচন ।
 স্বর্গেতে তাহার স্থান নাহিক রাজন ॥
 ধর্ম্বাক্যে যুধিষ্ঠির কহে সবিনয় ।
 আমার-দুঃখের কথা, শুন মহাশয় ॥
 শিশুকালে পিতৃহীন, পাই বড়-শোক ।
 মন্ত্রণা করিয়া দুঃখ দিল দুটলোক ॥
 কপট-পাশায় শেষে ল'য়ে রাজ্যধন ।
 বাকল পরায়ে সবে পাঠাইল বন ॥
 বহু-দুঃখে বঞ্চিলাম কানন-ভিতর ।
 এক-আত্মা হই মোরা পঞ্চ-সহোদর ॥
 দুঃখের উপরে বিধি এত দুঃখ দিল ।
 এবে সে জানিনু, কৃষ্ণ মো-সবে ত্যজিল ॥
 আমি ত শরীর ধরি, পঞ্চজন প্রাণ ।
 সে প্রাণ হরিয়া যদি নিল ভগবান ॥
 নিতান্ত যতপি কৃষ্ণ ছাড়িলা আমারে ।
 আমিহ ত্যজিব প্রাণ মৃত্যু-সরোবরে ॥
 আমার যতেক দুঃখ শুনিলে নিশ্চয় ।
 তুমি কেন নিবারণ কর মহাশয় ॥
 নিষেধ না কর মোরে, করহ প্রয়াণ ।
 ভ্রাতৃগণ-শোকে আমি ত্যজিব পরাণ ॥
 এত বলি নরপতি অর্ধৈর্য্য হইয়া ।
 মরিবারে যান দ্রুত স্ত্রীকৃষ্ণে স্মরিয়া ॥
 ধর্ম্বরাজ বলিলেন, কর অবধান ।
 ধৈর্য্য ধর নরপতি, ত্যজ দুঃখজ্ঞান ॥
 অসার-সংসার-মধ্যে সারমাত্র ধর্ম্ম ।
 তাহা ছাড়ি কেন তুমি করহ অধর্ম্ম ॥
 পিতা মাতা ভাই বন্ধু কেহ কারো নয় ।
 ভবিষ্য-বৃত্তান্ত এই, শুন মহাশয় ॥

কালপ্রাপ্ত হ'য়ে তব ভাই চারিজন ।
 আসিয়া এ-সরোবরে ত্যজিল জীবন ॥
 যুধিষ্ঠির বলিলেন, জানিনু কারণ ।
 এতদিনে বিধি মোরে করিল বঞ্চন ॥
 জীবন রাখিতে আর নাহি লয় মতি ।
 এত বলি মরিবারে যান নরপতি ॥
 বকরূপী ধর্ম্বরাজ ডাকে পুনরায় ।
 না শুনিয়া বান রাজা মরণ-আশায় ॥
 অত্যন্ত কাতর দেখি কহে মৃত্যুপতি ।
 শুন-শুন যুধিষ্ঠির, আমার ভারতী ॥
 অতিশয় তৃষ্ণা যদি হ'য়েছে তোমাতে ।
 চারি-প্রশ্ন জিজ্ঞাসিব, কহিবে আমারে ॥
 না শুনিয়া অহঙ্কারে এই চারিজন ।
 পানমাত্র এই জল হইল মরণ ॥
 রাজা বলে, কিবা প্রশ্ন, কহ মহাশয় ।
 কহিতে লাগিল ধর্ম্ম চাহিয়া রাজায় ॥
 মহাভারতের কথা অমৃত-লহরী ।
 কাশীরাম দাস কহে, ভব-ভয়ে তরি ॥

১১৮। যুধিষ্ঠিবেব প্রতি ধর্ম্মের চারি-প্রশ্ন-
 জিজ্ঞাসা ও যুধিষ্ঠিরের উত্তর-দান ।

“কা চ বার্তা কিমাশ্চর্য্যং কং পশ্বা কশ্চ মোদতে ।
 মমৈত্যাশ্চতুরঃ প্রশ্নান্ কথয়িত্বা তলং পিব ॥”

অন্তার্থঃ ।

কিবা বার্তা, কি আশ্চর্য্য, পথ বলি কারে ।
 কোন্ জন সুখী বল এই চরাচরে ॥
 পাণ্ডুপুত্র আমার যে এই প্রশ্ন চারি ।
 উত্তর করিয়া তুমি পান কর বারি ॥

যুধিষ্ঠিরের প্রথম প্রশ্নের উত্তর ।

ম সৰ্ব্ব-দৰ্শী-পরিষট্টনেন

সূৰ্য্যাগ্নিনা রাত্রিদিবেক্ষমেন ।

অগ্নিনা মহামোহময়ে কটাহে

ভূতানি কালঃ পচতীতি বার্তা ॥ ১ ॥

অস্তুার্থঃ ।

ঘটন-কারণ হৈল মাস-খাতু হাত ।

রাত্রি-দিবা কাষ্ঠ তাহে, পাবক সবিতা ॥

মোহময়-সংসার-কটাহে কাল কর্তা ।

ভূতগণে করে পাক শুন এই বার্তা ॥

দ্বিতীয় প্রশ্নের উত্তর ।

অহংহানি ভূতানি গচ্ছন্তি যমমন্দিরম্ ।

শেষাঃ শিরস্তমিচ্ছন্তি কিমাশ্চর্য্যমভঃপরম্ ॥

অস্তুার্থঃ ।

প্রতিদিন জীব-জন্তু যায় যমঘরে ।

শেষ থাকে যারা, তারা ইহা মনে করে ॥

আপনারা চিরজীবী, না হইব ক্ষয় ।

ইহা হৈতে কি আশ্চর্য্য, কহ মহাশয় ॥

তৃতীয় প্রশ্নের উত্তর ।

বেদা বিভিদ্ভাঃ স্মৃতয়ো বিভিদ্ভাঃ

নাসৌ মুনির্নশ্ন মতং ন ভিন্নম্ ॥

ধর্ম্মস্ত তত্ত্বং নিহিতং শুভায়াঃ

মহাভবেনো যেন গভঃ স পশ্চাঃ ॥ ৩ ॥

অস্তুার্থঃ ।

বেদ আর স্মৃতিশাস্ত্র একমত নয় ।

সেচ্ছামত নানা-মুনি নানা-মত কয় ॥

কে জানে নিগূঢ় ধর্ম্মতত্ত্ব-নিরূপণ ।

সেই-পথ গ্রাহ্য, যাঁহে যায় মহাজন ॥

চতুর্থ প্রশ্নের উত্তর ।

দিবসস্তাষ্টমে ভাগে শাকঃ পচতি যো নরঃ ।

অক্ষণী চাপ্রবাসী চ স বারিচর যোদতে ॥ ৪ ॥

অস্তুার্থঃ ।

অপ্রবাসে ঋণ-বিনা যার কাল যায় ।

যতপি সায়াহ্নকালে শাক-অন্ন খায় ॥

তথাপি সে-জন স্ত্রী সংসার-ভিতর ।

বারিচর, শুন চারি-প্রশ্নের উত্তর ॥

১৯২১। যুধিষ্ঠি বন প্রতি ধর্ম্ম-বচন ।

প্রশ্নের উত্তর শুনি ধর্ম্ম-মহাশয় ।

আমি ধর্ম্ম বলি তবে দেন পরিচয় ॥

বর মাগ নরপতি, হ'য়ে একমন ।

জীয়াইয়া লহ তব ভ্রাতা একজন ॥

যুধিষ্ঠির শুনি তবে করে নিবেদন ।

কেবল সতত যেন ধর্ম্মে থাকে মন ॥

আর যদি অনুগ্রহ কর মহাশয় ।

প্রাণ দেহ সহদেবে বিমাতৃ-তনয় ॥

ধর্ম্ম বলিলেন, রাজা, তুমি জ্ঞানহীন ।

অত্যন্ত বালক তুমি, না হও প্রবীণ ॥

বিশেষ বৈমাত্র-ভ্রাতা অনেক অন্তর ।

জীয়াইয়া লহ তব ভ্রাতা বৃকোদর ॥

নতুবা অর্জ্জুনে রাজা বাঁচাইয়া লহ ।

পরপুত্রে কি-কারণে জীয়াইতে চাহ ॥

লক্ষ্মী-স্বরূপিণী যিনি কৃষ্ণা গুণবতা ।

অথবা ইহারে প্রাণ দেহ নরপতি ॥

আছয়ে প্রবল-রিপু হৃষ্ট হৃষ্যোধন ।

ভীমার্জ্জুন-বিনা তারে কে করে নিধন ॥

কুরুযুদ্ধে শক্ত-মাত্র পার্থ-বৃকোদর ।

কি কার্য্য হইবে তব জীয়াইলে পর ॥

রাজা বলে, পর নহে বিমাতৃ-নন্দন ।
 নকুল ও সহদেব মোর প্রাণ-ধন ॥
 ভামার্জুন হৈতে স্নেহ করি অতিশয় ।
 বর দেহ, প্রাণ পায় বিমাতৃ-তনয় ॥
 বিশেষে আমার এক শুন নিবেদন ।
 আমি হৈতে পিণ্ড পাবে মম পিতৃগণ ॥
 মম মাতামহগণ তারা পিণ্ড পাবে ।
 নকুলের মাতামহে কেবা পিণ্ড দিবে ॥
 সহদেব প্রাণ পেলে ধর্ম রক্ষা পায় ।
 নতুবা পরম-ধর্ম একেবারে যায় ॥
 পরম-ধর্মেতে প্রভু, করি যদি হেলা ।
 ভবসিদ্ধি তরিবারে নাহি আর ভেলা ॥
 হেন ধর্ম লঙ্ঘিবারে মোর মন নয় ।
 নিতান্ত আমার এই কথা কৃপাময় ॥
 মহাভারতের কথা অমৃত-লহরী ।
 কাশীরাম দাস কহে, ভব-ভয়ে তরি ॥

১২০। ধর্মের নিকটে যুধিষ্ঠিরের বরণাভ ও
 কৃষ্ণদাস চাণ্ডীনা তার
 পুনর্জীবন-প্রাপ্তি ।

শুনিয়া রাজার বাণী ধর্ম-মহাশয় ।
 আমি তব পিতা বলি দেন পরিচয় ॥
 তব ধর্ম জানিবারে করিয়া মনন ।
 এই সরোবর আমি ক'রেছি সৃজন ॥
 এত বলি ধর্মরায় পুত্রে ল'য়ে কোলে ।
 লক্ষ-লক্ষ চুস্ব দেন বদন-মণ্ডলে ॥
 ধন্য কুন্তী, তোমা পুত্রে গর্ভে ধ'রেছিল ।
 তোমার ধর্মেতে বিশ্ব পবিত্র হইল ॥
 আমার বচন শুন পুত্র যুধিষ্ঠির ।
 শোক-দুঃখ সংবরহ, মন কর স্থির ॥

ধর্মেতে ধার্মিক তুমি, হও মতিমন্ত ।
 অচিরে হইবে তব বাতনার অন্ত ॥
 দয়ালীল ধর্মবান্ ক্রমাবান্ ধীর ।
 জানিলাম তুমি সর্বগুণেতে গভীর ॥
 অল্পদিনে নষ্ট হবে কোঁরব দুঃস্বপ্ন ।
 কহিনু তোমাতে আমি ভবিষ্য-বৃত্তান্ত ॥
 ধর্ম না ছাড়িহ কভু, ধর্ম কর সার ।
 দুঃখের সাগর হবে অনায়াসে পার ॥

এত বলি আশ্বাসিয়া মধুর-বচনে ।
 বাঁচাইলা কৃষ্ণ-সহ ভাই চারি জনে ॥
 প্রণাম করিয়া কহিছেন নৃপমণি ।
 সহায়-সম্পদ তব চরণ দুখানি ॥
 আশীর্বাদ করি ধর্ম গেলেন সস্থানে ।
 প্রাণ পেয়ে পঞ্চজন ভাবিছেন মনে ॥
 কিজন্য এখানে মোরা আছি পঞ্চজন ।
 ভাবিয়া না পাই কিছু ইহার কারণ ॥
 হেনকালে দেখি তথা ধর্মের নন্দনে ।
 শীঘ্রগতি আসি তাঁরে ভেটে পঞ্চজনে ॥
 জিজ্ঞাসেন যুধিষ্ঠিরে, কহ বিবরণ !
 এখানে আমরা আসিলাম কি-কারণ ॥

যুধিষ্ঠির বলিলেন, শুনহ কারণ ।
 মৃত্যু-সরোবর এই ধর্মের সৃজন ॥
 তৃষ্ণায় আকুল হ'য়ে ধর্ম-মায়াবলে ।
 আসিয়া মরিলে সবে এই মৃত্যুজলে ॥
 আমিহ আসিয়া মৃত্যু করিলাম পণ ।
 তবে ধর্ম বকরূপে দিলেন দর্শন ॥
 ছলনা করিয়া আগে অনেক প্রকারে ।
 শেষে দয়া করি বর দিলেন আমারে ॥
 সেই বরে বাঁচাইয়া তোমা-পঞ্চজনে ।
 আশীর্বাদ করি ধর্ম গেলেন সস্থানে ॥

কহিলাম ভ্রাতৃগণ, ইহার বিধান ।
হতঃপর এই জলে কর সবে স্নান ॥
এত বলি যুধিষ্ঠির ভ্রাতৃগণ-সঙ্গে ।
স্নান করিলেন সেই জলে মনোরঙ্গে ॥
সেইদিন রহিলেন তথা ছয়জন ।
পরদিনে জন্মেজয়, শুন বিবরণ ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

— — —

১২১। বাসুদেবের আগমন এবং অজ্ঞাত-
বাসের পৰ্য্যায় ।

পরদিন প্রাতঃকালে উঠি ছয়জন ।
কুম্ভ-কুম্ভ বলি ডাকে সবে ঘন-ঘন ॥
ধেনকালে আসিলেন ব্যাস তপোদন ।
প্রণমিয়া নরপতি করে নিবেদন ॥
শুন প্রভু, গত দিবসের এক ভাষা ।
এই সরোবরে আমা-সবার হৃদশা ॥
পথগ্রামে পিপাসায় হইয়া কাতর ।
নিকটেতে জল নাই, দূরে সরোবর ॥
জল-অন্বেষণে ভীমে দিয়া অনুমতি ।
তাহার বিলম্বে পার্শ্বে দিলাম আরতি ॥
দ্রৌপদী-সহিত এই ভাই চারিজন ।
এই জল পরশিতে ত্যজিল জীবন ॥
পশ্চাতে আসিয়া আমি দেখি সরোবরে ।
শবরূপে ভাসে সবে জলের উপরে ॥
দেখি বুছা গত হ'য়ে পড়িলাম ভূমে ।
চৈতন্য পাইয়া পুনঃ উঠিলাম ক্রমে ॥

আমিহ মরিতে যাই সরোবর-নীরে ।
বকরূপী ধম্ম ডাকি কহিলেন ধীরে ॥
ওহ ধম্ম, হেন কষ্ম উচিত না হয় ।
আয়ুহত্যা কি-কারণে কর মহাশয় ॥
বড় ভয়ানক যদি হও মতিমান ।
চারি-প্রশ্ন বলি পরে কর ভলপান ॥
প্রণাম করিয়া আমি কহিলাম তাঁরে ।
কিনা প্রশ্ন আছে তব, বলহ আগারে ॥
প্রশ্ন-চারি বলিলেন ধম্ম-মহাশয় ।
যথার্থ উত্তর আমি কহিলাম তাঁয় ॥
প্রশ্নের উত্তর শুনি সন্তুষ্ট হইয়া ।
কহিলেন, এক ভাই লহ বাঁচাইয়া ॥
ভাণিয়া চাহিলু, দেহ সহদেব ভাই ।
বিমাতার পিতৃবংশে জন্মাপত্তি নাই ॥
কপটেতে প্রতারণা অনেক করিয়' ।
জঁয়ান্য়িল। সবে শেষে ঈশ্বর দিয়া ॥

ইহা শুনি কহিলেন ব্যাস মহামুনি ।
যথা ধম্ম, তথা জয়, স্বেদনাক্য শুনি ॥
বিদায় লইয়া মুনি গেলেন স্বস্থানে ।
সেই রাত্রি বন্ধে তথা ভাই পঞ্চজনে ॥
পরদিন প্রাতঃকালে উঠি সর্ব্বজনে ।
যুধিষ্ঠির জিজ্ঞাসেন মার্ক্টেব নন্দনে ॥
কহ ভাই সহদেব, বিচারে প্রবীণ ।
দ্বাদশ-বৎসর-গতে শেষ কতদিন ॥
আজ্ঞামাত্র সহদেব সাবধান হ'য়ে ।
গণিতে লাগিল শীঘ্র হাতে খড়ি ল'য়ে ॥
কহিল রাজার আগে করিয়া নির্ণয় ।
দ্বাদশ-বৎসর-শেষ আছে দিন-ছয় ॥

এত শুনি যুধিষ্ঠির ভাবে মনে-মনে ।
 অজ্ঞাতবাসের হেতু কহে সর্বজন ।
 সবে জান, পূর্বে যাহা হইল নির্ণয় ।
 উপস্থিত হৈল আসি অজ্ঞাত-সময় ॥
 কোন্ দেশে কিবা বেশে বন্ধি বৎসরেক ।
 নিকটে বেষ্টিত আছে নগর অনেক ॥
 সবে মিলি স্তুতি করহ এটবার ।
 কিরূপে দুঃখের সিন্ধু হ'ব সবে পার ॥

এত শুনি কহে তবে ভাই চারিজন ।
 স্তুতি ইহার সবে করি মনে-মনে ॥
 দোষ-গুণ বুঝি সব করিব নির্ণয় ।
 অকারণে চিন্তা কেন কর মহাশয় ॥
 কিহেতু চিন্তিব প্রভু, মোর। সর্বজন ।
 অবশ্য হইবে, যাহা বিধির লিখন ॥
 এই সব চিন্তা করে ধর্ম-অধিকারী ।
 নির্ণয় করিতে গেল আরো দিন-চারি ॥

মুনি বলে, শুন পরীক্ষিতের নন্দন ।
 এক্রূপে দ্বাদশ-বর্ষ যাপিল কানন ॥
 নানাক্রমে বিচরণ করে বহু-বন ।
 সংক্ষেপে কহিনু আমি বনের ভ্রমণ ॥

অশ্বমেধ-ফল পায়, যে শুনে এ-কথা ।
 ব্যাসের বচন, ইথে নাহিক অণুথা ॥
 সুবর্ণ-মণ্ডিত-শৃঙ্গ ধেনু শত-শত ।
 সুপণ্ডিত-দ্বিজের দান দেয় অবিরত ॥

নিত্য-নিত্য শুনে পুণ্য-ভারতের কথা ।
 নিশ্চয় জানিহ সত্য, তুল্য-ফলদাতা ॥
 যেবা কহে, যে শুনে, যে করে অধ্যয়ন ।
 তুল্য-ফল হয় তার, সেই সাধুজন ॥
 স্রষ্টি করুক মেঘ সর্ব দেশ-দেশে ।
 পরিপূর্ণা হোক পৃথ্বী শস্য-সমাবেশে ॥
 অক্ষয় হউক লোক ব্রহ্ম-কীটময় ।
 ধর্মাবরে চরিতার্থ হোক ভক্তচয় ॥
 ধন্য হৈল কায়স্থ-কুলেতে কাশীরাম ।
 তিন-পর্ব ভারত যে করিল প্রকাশ ॥
 পাঁচালী-প্রবন্ধে কহে কাশীরাম দাস ।
 অবহেলে কৃষ্ণপদ পাব, অভিলাষ ॥
 হরিধ্বনি কর সবে গোবিন্দের শ্রীতে ।
 অন্তকালে স্বর্গপুরে যাবে আনন্দেতে ॥
 সর্বশাস্ত্র-বাজ হরিনাম দ্বি-অক্ষর ।
 আদি-অন্ত নাহি যার, বেদ-অগোচর ॥
 কৃষ্ণ-কৃষ্ণ বলিতে মজিবে কৃষ্ণে দেহ ।
 কৃষ্ণের মুখের আচ্ছা, নাহিক সন্দেহ ॥
 পাঁচালী বলিয়া কেহ না করিবে হেলা ।
 অন্যাসে পাপ নাশে গোবিন্দের লীলা ॥
 নীচগৃহে থাকিলে ভারত নহে দুষ্ট ।
 শুনিলে পাতক হয় সমূলে বিনষ্ট ॥
 সম্পূর্ণ হইল, হরি বল সর্বজন ।
 এতদুরে বনপর্ব হৈল সমাপন ॥

কাশীরামদাস-মহাভারত

বিরাটপর্ব

নারায়ণং নমস্কৃত্য নরকৈব নরোত্তমম্ ।
দেবীং সরস্বতীং ব্যাসং ততো জয়মুদীরয়েৎ ॥

১। ব্যাস-বন্দনা।

বন্দ মহামুনি ব্যাস তপস্বি-তিলক ।
মহামুনি পরাশর যাঁহার জনক ॥
দেদশাস্ত্র-পরায়ণ শুদ্ধবুদ্ধি ধীর ।
নীলপদ্ম-আভা জিনি কোমল-শরীর ॥
কনকাত জটাভার শিরে শোভা করে ।
প্রচণ্ড-শরীর, পরিধান বাঘাস্বরে ॥
নয়ন-যুগল দীপ্ত-উজ্জ্বল মিহির ।
পদযুগে কত মণি শোভে নখশির ॥
ভাগবত-ভারতাদি যতেক পুরাণ ।
যাঁহার কমলমুখে হ'য়েছে নির্মাণ ॥
শ্রীকৃষ্ণের লীলা আর বেদ চারিখান ।
ধক্ যজুঃ সাম আর অথর্ব-বিধান ॥
মৎস্রগন্ধা-গর্ভে যাঁর দ্বীপেতে উৎপত্তি ।
বালাকালাবধি যাঁর তপস্বী সম্পত্তি ॥

প্রণতি করিয়া তাঁর চরণ-পঙ্কজে ।
পরম-আনন্দে কাশীরাম সদা ভজে ॥
বেদ-রামায়ণ আর পুরাণ-ভারতে ।
লিখিত যতেক তীর্থ আছে ত্রিজগতে ॥
সর্বশাস্ত্র বিচারিয়া বুঝ পুনঃপুনঃ ।
আদি-অন্ত-অভ্যন্তরে গাঁথা হরিগুণ ॥

২ পঞ্চ-পাণ্ডবের অজ্ঞাত-সংসেব
মহুণা ।

জন্মেজয় বলে, কহ শুনি তপোধন ।
দুর্যোধন-ভয়ে পূর্ব-পিতামহগণ ॥
বিরাট-নগর-মধ্যে রহিল অজ্ঞাতে ।
বৎসরেক অতিপাত কৈল কোনমতে ॥
কহেন বৈশম্পায়ন, শুন মহারাজ ।
দ্বাদশ-বৎসর-অন্তে অরণ্যের মাঝ ॥

পঞ্চভাই পাণ্ডবেরা পাঞ্চালী-সহিত ।
 বহু-দ্বিজগণ-সঙ্গে ধোম্য-পুরোহিত ॥
 বলেন সবার প্রতি ধর্মের ভনয় ।
 সবে জান, পূর্বের যাহা হইল নির্ণয় ॥
 দ্বাদশ-বৎসর অস্ত্রে অজ্ঞাত-বৎসর ।
 অজ্ঞাত রহিব কোথা পঞ্চ-সহোদর ॥
 বরষ-মধ্যেতে যদি প্রকাশিত হ'ব ।
 পুনশ্চ দ্বাদশ-বর্ষ বনবাসে যাব ॥
 বিচারিয়া কহ ভাই, ইহার বিধান ।
 অজ্ঞাত থাকিব একবর্ষ কোন্ স্থান ॥
 সেইদিন হবে কালি রজনী-প্রভাতে ।
 বিচারিয়া কহ যুক্তি আমার সাফাতে ॥

এত শুনি কহে ভীম রাজারে চাহিয়া ।
 তোমা আর পার্থবীরে উপেক্ষা করিয়া ॥
 মোর আগে কে যুঝিবে পৃথিবীর মাঝ ।
 হেনজন চ'ক্ষে নাহি দেখি মহারাজ ॥
 বনে মৃত্যুসম ছুংখ দ্বাদশ-বৎসর ।
 তোমার নিয়মে বধিলাম নৃপ-র ॥
 পাণ্ডবের পতি তুমি, পাণ্ডবের গতি ।
 তুমি যেই পথে যাবে, সবে সেই পথি ॥

কহিলেন ধর্মরাজ দ্বিজগণ-প্রতি ।
 সবে জান, আমাকে যা কৈল কুরুপতি ॥
 অজ্ঞাত থাকিব একবর্ষ লুকাইয়া ।
 ততদিন যথাস্থানে রহ সবে গিয়া ॥
 বিধাতা করিল মোর এমত কুদিন ।
 মৃত্যু-সম নির্বাহিব ব্রাহ্মণ-বর্হান ॥
 মেলানি করিয়া দ্বিজগণে নৃপমণি ।
 পড়িলেন মুচ্ছাপন্ন হইয়া ধরণী ॥
 ভ্রাতৃগণ ধোম্য-আদি যত দ্বিজ আর ।
 রাজারে বুঝান সবে বিনিধ-প্রকার ॥

বিপৎ-কালেতে রাজা, অধৈর্য্য না হবে ।
 ধীর হৈলে শত্রুগণে বিজয় করিবে ॥
 বড়-বড় রাজগণ বিপদে পড়িয়া ।
 পুনরপি রাজ্য সাধে মন্ত্রণা করিয়া ॥
 অশুরের ভয়ে ইন্দ্র রহে লুকাইয়া ।
 বলিরে ছলিল হরি বামন হইয়া ॥
 প্রকার করিয়া ইন্দ্র অশুরে মারিল ।
 কাষ্ঠমধ্যে থাকি অগ্নি খাণ্ডিব দহিল ॥
 তুমিহ এখন রাজা, বৃথা কালগতি ।
 ধৈর্য্য ধরি পুনরপি শাস বসুমতী ॥

এত বলি শাস্ত করি তুষিল রাজায় ।
 আশীর্ব্বাদ করি তবে দ্বিজগণ যায় ॥
 তবে ধর্মরাজ সব ভ্রাতৃগণে লৈয়া ।
 এককোশ দূরে যান সে-বন ছাড়িয়া ॥
 জিজ্ঞাসেন ধর্মরাজ ভ্রাতৃগণ-প্রতি ।
 কোথায় অজ্ঞাতরূপে করিবে বসতি ॥
 রম্যদেশ দেখি সবে র'ন গুপ্তবেশে ।
 একস্থানে ছয়জনে থাকিব বিশেষে ॥

এত শুনি সবিনয়ে কহে ধনঞ্জয় ।
 ধর্মের বরেতে রাজা, নাহি কোন ভয় ॥
 অজ্ঞাত রহিব সবে, কে পাবে নির্ণয় ।
 দেশ-নাম কহি রাজা, যথা মনে লয় ॥
 পাঞ্চাল বিদর্ভ মৎস্য বাহলীক ও শাল্য ।
 মগধ কলিঙ্গ শূরসেন কাশী মল্ল ॥
 এইসব দেশ, যথা লয় তব মনে ।
 অজ্ঞাতে বঞ্চিব তথা ভাই পঞ্চজনে ॥

রাজা বলে, মৎস্যদেশে বিরাট-নৃপতি ।
 সত্যশীল শাস্ত ধর্মশীল মহামতি ॥
 তথায় বঞ্চিতে মন হ'তেছে আমার ।
 তোমা-সবাকার চিন্তে কি হয় বিচার ॥

সবারে দেখিব সবে, থাকিব গুণ্ডেতে ।

অন্যজন কেহ যেন না পারে লক্ষিতে ॥

বৃকোদর কহে তবে চাহিয়া রাজায় ।

কহ, কোন্ বেষে রাজা বঞ্চিবে তথায় ॥

নিম্নিত নহিবে কশ্ম, নহে কোন ক্লেশ ।

বিচারিয়া নরপতি, কহ উপদেশ ॥

উচ্চ-সম দুঃখ আর নাহিক রাজন্ ।

রাজা হ'য়ে পরবশ, পরের সেবন ॥

মাতাপাপে দুঃখ যথা পায় পাপিগণ ।

কোন্ কশ্মে নির্বাহিবে, বলহ রাজন্ ॥

রাজা বলে, কহি আমি, বঞ্চিব যেমতে ।

ন্যায়কর্তা হৈব আমি বিরাট-সভাতে ॥

বলাইব কঙ্ক-নাম পাশায় পণ্ডিত ।

ব্রহ্মচর্য ধর্মশাস্ত্র জানি সর্বনাথ ॥

নগিরত্ব আছে যত, জানি তার মূল্য ।

সুধিষ্ঠির-স্বহৃদ আছিল প্রাণতুল্য ॥

কহিয়া শাস্ত্রের কথা তুষিব রাজারে ।

এরূপে বঞ্চিব ভাই, বিরাট-নগবে ॥

ভীমে চাহি বলিলেন ধর্ম-নরনাথ ।

কহ ভাই, কোন্ বেষে বঞ্চিবে অজ্ঞাত ॥

পদ্মপুষ্পহেতু গন্ধমাদন-পর্বতে ।

নীরাক্ষস হৈল ক্ষিতি তোমার ক্রোধেতে ॥

হিড়িম্বক-বক-ভটাসুর-কিন্মীরাদি ।

নিষ্কণ্টক কৈলে মারি সাগর-অবধি ॥

কিরূপে বঞ্চিবে ভাই, বিরাট-নগরে ।

এত শুনি কহে ভীম ধর্মের গোচরে ॥

বল্লব-নামেতে আমি হৈব সূপকার ।

রক্ষন করিতে নাহি সমান আমার ॥

পরিচয় দিয়া তেজ দেখাব রাজনে ।

মল্লযুদ্ধে হারাইব যত মল্লগণে ॥

সিংহ ব্যাঘ্র হৃষ মেঘ মহিষ কুঞ্জর ।

ধরিয়া আনিয়া দিব রাজার গোচর ॥

যুধিষ্ঠির-গৃহে পূর্বের ছিন্ম সূপকার ।

কৌতুকে রাখেন মোরে রাজা দয়াধার ॥

এত বলি পরিচয় দিব বিরাটেতে ।

শুনিয়া সন্তুষ্ট-চিত্ত রাজা যুধিষ্ঠিরে ॥

অর্জুনে চাহিয়া বলিলেন নৃপবর ।

কহ ভাই, কিবা-রূপে বঞ্চিবে বৎসর ॥

অগ্নিরে নীরোগ কৈলে জিনি পুরন্দর ।

জিনিলে বাহুর বলে ধরা একেশ্বর ॥

দেবমধ্যে ইন্দ্র যথা, দানবেতে বলি ।

ত্রিভুবনে পূজ্য যথা রুদ্রেতে কপালী ॥

আদিত্যেতে বিষ্ণু যথা, শ্বিরে মেরুবৎ ॥

গ্রহমধ্যে চন্দ্র যথা, গজে ঐরাবত ॥

গামি মধ্যে শুক্র যথা, শুকদেব মূনি ।

আয়ুর্ধেতে বজ্র যথা, শব্দে কাদম্বিনী ॥

তাদৃশ পাণ্ডব-মধ্যে অর্জুন প্রধান ।

পরাক্রমে রূপে বাসুদেবের সমান ॥

ত্রিভুবনে বিস্তারিত যার রূপ-গুণ ।

কিমতে লুকাবে ভাই, কহ ত অর্জুন ॥

ধনুগুণ-ঘর্ষণের চিহ্ন দুইহাতে ।

কহ ভাই সব্যসাচি, লুকাবে কিমতে ॥

অর্জুন বলেন, দেব, আছয়ে উপায় ।

নপুংসকবেশে আমি আচ্ছাদিব কায় ॥

দুই-হস্ত আচ্ছাদিব শঙ্খ-আভরণে ।

মস্তকে ধরিব বেণী, কুণ্ডল শ্রবণে ॥

রাজা জিজ্ঞাসিলে দিব এই পরিচয় ।

পূর্ব্বতে ছিলাম আমি পাণ্ডব-আলয় ॥

রাজপত্নী দ্রৌপদীর ছিলাম নর্তক ।

নৃত্যগীতে বিজ্ঞ আমি, জাতি নপুংসক ॥

শিখাইতে পারি আমি অন্তঃপুর-বাল।

এই বৃত্তি জানি আমি, নাম বৃহন্মলা ॥

নকুলে ডাকিয়া জিজ্ঞাসেন ধম্মরায়।

কহ ভাই, লুকাইবে কিমত উপায় ॥

দুঃখক্লেশ নাহি জান, অতি-স্বকুমার।

বালকের প্রায় ভাই, পালিত আমার ॥

ত্রৈলোক্য জিনিয়া রূপ পরম-সুন্দর।

ভ্রাতৃগণ-প্রাণতুল্য গুণের সাগর ॥

নকুল বলিল, দেব, কর অবধান।

এই পরিচয় দিব বিরাতের স্থান ॥

অশ্বৈবৈশ্ব নাহি কেহ আমার সমান।

অশ্বের চিকিৎসা জানি, গ্রন্থিক আপ্যান ॥

কড়িয়ালি দিব আমি যে ঘোড়ার মুখে।

কোনকালে তার দুষ্কৃত্য নাহি থাকে ॥

এইরূপে গুপ্ত করি আপনার কায়।

বৎসরেক মহারাজ, বঞ্চিব তথায় ॥

তবে জিজ্ঞাসিলা রাজা সহদেব-প্রতি।

বিবিধ-বিচারে বিজ্ঞ, বুদ্ধে বৃহস্পতি ॥

জননী কুন্তীর সদা অতি-প্রিয়তর।

কিমতে বঞ্চিবে ভাই, অজ্ঞাত-বৎসর ॥

সহদেব কহে তবে, শুন নৃপবর।

বিরাত-রাজের গাভী আছে বহুতর ॥

গোধন-রক্ষক হৈব, জাতিতে গোয়াল।

মৎস্যদেশে বলাইব নাম তন্ত্রিপাল ॥

দ্রৌপদীরে কহে তবে নৃপতি কাতর।

কিমতে বঞ্চিবে কৃষ্ণা, অজ্ঞাত-বৎসর ॥

রাজকন্যা রাজপত্নী দুঃখিনী আজন্ম।

কিছু নাহি জানে কৃষ্ণা স্ত্রীলোকের কশ্ম ॥

পুষ্পমালা-আভরণ-ভার নাহি সয়।

কিরূপে অধীনা হ'য়ে রবে পরালয় ॥

প্রাণাধিক প্রিয়তর দেখি অনুক্ষেণে।

পর-আজ্ঞা-বহনেতে বঞ্চিবে কেমনে ॥

কৃষ্ণা বলে, তাপ রাজা, না করিহ মনে।

যেমনে বঞ্চিব আমি বিরাত-ভবনে ॥

তোমা-সবাকার মনে নাহি হবে দুঃখ।

সদাই দেখিব সবে সবাকার মুখ ॥

বিরাত-রাজের রাণী স্ত্রীদেষ্ণা-নামেতে।

তার স্থানে বৎসরেক বঞ্চিব অজ্ঞাতে ॥

তারে কব সৈরিক্তার কশ্ম আমি জানি।

শুনিয়া অবশ্য মোরে রাখিবেন রাণী ॥

এত শুনি হৃষ্টচিত্ত ধর্ম্মের নন্দন।

অগ্নিহোত্র ধোম্য-হস্তে করেন অর্পণ ॥

আছিল যতেক দাস-দাসী দ্রৌপদীর।

পাঞ্চালে ঐহিতে আজ্ঞা দেন যুধিষ্ঠির ॥

ইন্দ্রসেন-আদি করি যতেক সারথি।

রথ ল'য়ে সবে চলি যাহ দ্বারাবতী ॥

পথে জিজ্ঞাসিলে লোক, কহিবে সবারে।

না জানি কোথায় গেল পঞ্চ-সহোদরে ॥

কালি সবে একস্থানে ছিলাম কাননে।

আমা-সবে ছাড়ি কোথা পশিল নির্জনে ॥

তবে ধোম্য কহিলেন বহু উপদেশ।

অজ্ঞাত-সময়ে সবে পাবে নানা-ক্লেশ ॥

যদি অপমান করে, তাহা সংবরিবে।

যখন যেমন হয়, বুঝিয়া করিবে ॥

ক্ষত্রমধ্যে অগ্নি-সম তোমা-পঞ্চজনে।

সকলে তোমার শত্রু, জানহ আপনে ॥

গুপ্তভাবে গুপ্তবেশে থাক ভালমতে।

রাজসেবা করি সদা রবে রাজ-নীতে ॥

ক্ষুধা-তৃষ্ণা তেয়াগিবে আলস্য-শয়ন।

বিশ্বাস করিবে নাহি নুপে কদাচন ॥

রাজার সম্মুখে আর পশ্চাতে না রবে ।
 তাঁর বামপার্শ্বে কিংবা দক্ষিণে থাকিবে ॥
 কোন-কার্য্য-হেতু যদি রাজা আজ্ঞা করে ।
 আপনার প্রাণপণে করিবে সম্বরে ॥
 অন্তঃপুর-নারীসহ না কহিবে কথা ।
 মিথ্যাবাক্য রাজারে না কহিবে সর্ব্বথা ॥
 হরষেতে মত্ত নাহি হবে কদাচন ।
 রাজ-সনে না কহিবে রহস্য-বচন ॥
 সন্নিহিতে না থাকিয়া অন্তরে থাকিবে ।
 লাভালাভ না বিচারি আদেশ পালিবে ॥
 ভ্রাতা-বন্ধু-পুত্র নাহি নৃপতির প্রীত ।
 সেই সে আপন-কর্ম্ম করে মনোমীত ॥
 আমি কি কহিব, তুমি জানহ সকলে ।
 কাল কাটি পুনরপি আসিও কুশলে ॥

এত শুনি উঠি তবে ভাই পঞ্চজন ।
 প্রদক্ষিণ করি ধৌম্যে চলেন তখন ॥
 কাম্যবন ছাড়ি যান যমুনার পার ।
 বামেতে শাস্ত্রের দেশ, দক্ষিণে পাঞ্চাল ॥
 শূরসেন-রাজ্যমধ্যে করিয়া প্রবেশ ।
 পদব্রজে চলি যান বিরটের দেশ ॥
 মৎস্যদেশে ছাড়ি গেলা ধৌম্য তপোধন ।
 শ্রমযুক্ত হ'য়ে কৃষ্ণা বলেন বচন ॥
 চলিবার শক্তি আর নাহিক নৃপতি ।
 আজি নিশি এক-ঠাই করহ বসতি ॥
 নিকটে না দেখি, দূরে বিরট-নগর ।
 কালি প্রাতে গুপ্তভাবে যাব নৃপবর ॥

নৃপতি বলেন, কালি হইব অজ্ঞাত ।
 অনর্থ ঘটিবে হৈলে লোকেতে বিদিত ॥
 পার্শ্বে থাকি আজ্ঞা দেন ধর্ম্মের তনয় ।
 দ্রৌপদীরে স্কন্ধে করি লহ ধনঞ্জয় ॥

আজ্ঞামাত্র ধনঞ্জয় করিলেন স্কন্ধে ।
 ঐরাবত-স্কন্ধে যেন ইন্দ্রাণী আনন্দে ॥
 বিরট-নগর আছে অতি অল্পদূর ।
 হেনকালে বলিলেন ধর্ম্মের ঠাকুর ॥
 সশস্ত্র নগরে যদি করিবে প্রবেশ ।
 দৃষ্টিমাত্রে সর্ব্বলোক চিনিবে বিশেষ ॥
 বাল-বৃদ্ধা-যুবা জানে গাণ্ডাব বিখ্যাত ।
 হেন-স্থানে রাখ, যেন লোকে নহে জ্ঞাত ॥

অর্জুন বলেন, এই দেখ শমোদ্রম ।
 ভয়ঙ্কর শাখা-সব পরশিছে ব্যোম ॥
 আরোহিতে না পারিবে অন্য কোনজন ।
 ইহাতে রাখি যে অস্ত্র, যদি লয় মন ॥
 অর্জুনের বাক্য রাজা করিয়া স্মীকার ।
 কহিলেন, রাখ, যেন না হয় প্রচার ॥

তবে ত গাণ্ডাব-ধনু খসাইয়া গুণ ।
 গদা-শঙ্খ-আদি যত অস্ত্রপূর্ণ তুণ ॥
 বসনে আচ্ছাদি সব একত্র ছান্দিয়া ।
 রাখিলেন উচ্চতর শাখাতে বান্দিয়া ॥
 তাহার নিকটে ছিল যত গোপগণ ।
 সবাকারে পুনঃপুনঃ বলেন বচন ॥
 পথেতে আসিতে বৃদ্ধা জননী মরিল ।
 অগ্নি-অসংযোগে বৃক্ষে স্থাপিত হইল ॥
 আছে এই প্রথা মম কুলক্রমাগত ।
 কিংবা অগ্নি দহি, কিংবা করি এইমত ॥
 তবে জয় বিজয় জয়ন্ত জয়ৎসেন ।
 জয়বল পঞ্চ-নাম গুপ্তে রাখিলেন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩। পঞ্চ-পাণ্ডবের বিরটি-সভায় প্রবেশ ।

কাঁখেতে দেবন মণি-মাণিকের সাজ ।

সভামাঝে প্রথমতঃ যান ধর্ম্মরাজ ॥

যুধিষ্ঠির-রূপ দেখি মুগ্ধ মৎস্তপতি ।

সভাজন-প্রতি চাহি কহে শোভাগতি ॥

এই যে পুরুষ আসে কন্দর্প-আকার ।

ইহাকে কখন কেহ দেখেছ কি আর ॥

ইন্দ্র-চন্দ্র-সূর্য-সম প্রভা কলেবর ।

ঐরাবত-সম গতি পরম-সুন্দর ॥

কাঞ্চন-পর্বত যেন ভূমে শোভা পায় ।

আমার সভায় আসে, বুঝি অভিপ্রায় ॥

ক্ষত্রিয়-লক্ষণ সর্ব, ব্রাহ্মণের নয় ।

রাজচক্রবর্তী প্রায় সর্বতেজোময় ॥

যে কামনা করি এই আসিতেছে হেথা ।

ক্ষত্র হোক, দ্বিজ হোক, পুরাণ সর্বথা ॥

হেন বিচারিতে উপনীত ধর্ম্মরাজ ।

কল্যাণ করিয়া দাণ্ডাইল সভামাঝ ॥

নমস্কার করি মৎস্তপতি হৃদভাষে ।

বিনয়-পূর্বক ধর্ম্মরাজেরে জিজ্ঞাসে ॥

কে তুমি, কোথায় বাস, এলে কোথা হ'তে ।

কোন কুল-গোত্রে জন্ম, কেমন বংশেতে ॥

যে কাম্য তোমার, মাগি লহ মম স্থান ।

রাষ্ট্র পুর গৃহ দণ্ড ছত্র আর যান ॥

তোমারে দেখিয়া মম হেন মনে লয় ।

যাহ মাগ, দিব তাহা, ক'রেছি নিশ্চয় ॥

এত শুনি কহিছেন ধর্ম্ম-অধিকারী ।

বৈয়াত্র্য আমার গোত্র, কঙ্ক নাম ধরি ॥

যুধিষ্ঠির-নৃপতির ছিনু আমি সখা ।

কিছু ভেদ নাই, ছিল যেন আত্মা একা ॥

শত্রু নিল রাজ্য, বনে গেল পঞ্চভাই ।

তার সম লোক আমি চাহিয়া বেড়াই ॥

পাশা খেলাইতে আমি বিশেষ নিপুণ ।

হেথা আসিলাম রাজা, শুনি তব গুণ ॥

এত শুনি মৎস্তরাজ বলেন হরিষে ।

সদাই আমার বাঞ্ছা এমত পুরুষে ॥

দৈবযোগে মম ভাগ্যে তোমারে পাইনু ।

রাজ্য-ধন তব করে সকলি অর্পিনু ॥

আমার সদৃশ হ'য়ে থাকহ সভায় ।

সেবিবেক যত মন্ত্রী সদা তব পায় ॥

এত শুনি বলিলেন ধর্ম্মের নন্দন ।

কোন দ্রব্যে কভু মম নাহি প্রয়োজন ॥

হবিষ্য-আহারী আমি, শয়ন ভূমিতে ।

কেহ যদি মাগে, তবে ল'ব তোমা হৈতে ॥

হেনমতে সেইস্থানে রহে যুধিষ্ঠির ।

কতক্ষণে উপনীত বৃকোদর-বীর ॥

হাতেতে করিয়া চাটু মৃগপতি-গতি ।

হেমন্ত-পর্বত প্রায়, কিংবা যুথপতি ॥

সভাতে প্রবেশে, যেন বাল-সূর্য্যোদয় ।

দেখি বিরটি-মনে জন্মিল বিস্ময় ॥

রাজার সভাতে উপনীত বৃকোদর ।

জয় হোক বলি বীর তুলে দুইকর ॥

চতুর্দর্শ-শ্রেষ্ঠ আমি হই যে ব্রাহ্মণ ।

গুরু-উপদেশে পারি করিতে রক্ষন ॥

মম সম রক্ষনেতে নাহি সুপকার ।

মল্লযুদ্ধাভ্যাস কিছু আছয়ে আমার ॥

এত শুনি মৎস্তপতি বলেন বচন ।

সুপকার তোমারে না লাগে মম মন ॥

কুবের-ভাস্কর যেন, শোভিয়াছে ভূমি ।

সর্বক্ষতি-পালনের যোগ্য হও তুমি ॥

সূপকার-যোগ্য তুমি নহ কদাচন ।
 এত শুনি যুঁকোদর বলেন বচন ॥
 যুধিষ্ঠির-শূপতির ছিনু সূপকার ।
 আমাতে বড়ই প্রীতি আছিল রাজার ॥
 সিংহ ব্যাঘ্র রুষ আর মহিষ বারণ ।
 বাহা-সহ যুঝাইবে, দিব আমি রণ ॥
 মল্লযুদ্ধে আমি-সম নাহিক মানুষে ।
 আমারে পুঁবিল রাজা কোঁতুক-বিশেষে ॥
 বনব আমার নাম থ'ল ধর্মরাজ ।
 তাঁহার অভাবে আমি পৃথিবীর মাঝ ॥

বিরট কহিল, ইথে নাহিক সংশয় ।
 তোমার এ-সব কথা কিছু চিত্র নয় ॥
 সসাগরা-পৃথিবী শাসিতে যোগ্য তুমি ।
 যে কামনা কর তুমি, দিব তাহা আমি ॥
 আমার আলয়ে আছে যত সূপকাব ।
 সদার উপরে তব হবে অধিকার ॥
 এত বলি পাক গৃহে ভাঁমে পাঠাইল ।
 এমতে রহিল ভীম, কেহ না জানিল ॥

তবে কতক্ষণে আসিলেন ধনঞ্জয় ।
 ভ্রাবেশ কুণ্ডল, শঙ্খ করেছে শোভয় ॥
 দাঁড়কেশ-বেগী নামিয়াছে পৃষ্ঠোপরে ।
 ভূমিকম্প যেন মত্ত-গজপদভরে ॥

দূরে দেখি সভাসনে কহে মন্ত্ৰপতি ।
 এই যে আসিছে যুবা ছদ্ম-নারীজাতি ॥
 ইহারে কখন কেহ দেখেছ কি আর ।
 মনুষ্য না হয় এই, দেবের কুমার ॥
 এর দেখি অসম্ভব লেগেছে সবাকৈ ।
 কেবা এ, বুঝহ শীঘ্র, আসিছে হেথাকৈ ॥

এত বিচারিতে উপনীত ধনঞ্জয় ।
 দেখি সভাসদগণে লাগিল বিস্ময় ॥

বিরট বলেন, তুমি কাহার তনয় ।
 দেবতার মূর্তি তব দেখি তেজোময় ॥
 অর্জুন বলেন, আমি হই যে নর্তক ।
 যেইহেতু বহুকাল আমি নপুংসক ॥
 নৃত্যগীতে মম সম নাহিক ভুবনে ।
 শিখাইতে পারি আমি দেবকথাগণে ॥
 বরট বলিল, ইহা নাহি লয় মন ।

এ-কন্মের যোগ্য তুমি নহ কদাচন ॥
 এই যে স্ত্রীবেশ তুমি ভূমিষাছ গায় ।
 তোমার অঙ্গিতে ইহা শোভা নাহি পায় ॥
 ভূতনাথ-অঙ্গ যেন ভস্মে আচ্ছাদিল ।
 দিনকর তেজ যেন মেঘেতে ঢাকিল ॥
 তোমার এ-ভুজতেজ যে-ধনু সহিল ।
 সে-ধনুর তেজে সব পৃথিবী কাঁপিল ॥

পার্থ কহিলেন, রাজা, ধর্মের নন্দন ।
 তাব ভার্যা দ্রৌপদীর ছিলাম গায়ন ॥
 শত্রু রাজ্য নিল, তাঁরা প্রবেশিল বন ।
 এইহেতু তব রাজ্যে আসিনু রাজন ॥
 আমি নপুংসক রাজা, নাম ব্রহ্মলা ।
 নৃত্য-গীত-বাণ-শিক্ষা দেই রাজবালা ॥

রাজা বলে, ব্রহ্মলা, রহ মম পুবে ।
 সর্ব-সমর্পণ আমি করিনু তোমা'রে ॥
 ধন জন-পুত্র-দারা রাখ এই পুর ।
 পুত্র-ত্যা তুমি, এই রাজ্যের ঠাকুর ॥
 উত্তরাদি কন্যা যত আছে মম পুরে ।
 নৃত্য গীতে বিশারদ করহ সবাবে ॥
 এত বলি অন্তঃপুর-মধ্যে পাঠাইল ।
 এমতে রহেন পার্থ, কেহ না জানিল ॥

নকুল ক্ষণেক পরে করে আগমন ।
 দূরে থাকি মুহূর্ত্তঃ দেখেন রাজন ॥

মেঘ হৈতে মুক্ত যেন হন শশধরে ।
 সূতবেশ, ভূরঙ্গ-প্রবোধ-বাড়ি করে ॥
 দুইভিতে অশ্বগণে করে নিরীক্ষণ ।
 মদমত্ত-গতি, যেন প্রমত্ত-বারণ ॥
 প্রণমিয়া দাণ্ডাইল রাজসভাতলে ।
 কোমল-মধুর-ভাষে নৃপতিরে বলে ॥
 অশ্ব-চিকিৎসক, নাম গ্রন্থিক আমার ।
 জীবিকার্থে আসিলাম আপনা-আগার ॥

রাজা বলে, এলে তুমি কোন দেশ হৈতে ।
 দেবপুত্র-প্রায় তোমা লয় মম চিতে ॥
 নকুল বলিল, কুরু ধর্মের নন্দন ।
 লক্ষ-লক্ষ অশ্ব তাঁর, না যায় গণন ॥
 সব অশ্ব পালিবারে মোরে নিয়োজিল ।
 আমার পালনে অশ্বগণ-রক্ষি হৈল ॥
 কড়িয়ালি দেই আমি যে-ঘোড়ার মুখে ।
 কোনকালে তার ছুট-ভাব নাহি থাকে ॥

রাজা বলে, আছে মম যত অশ্বগণ ।
 রক্ষার্থ সকলি তোনা করিনু অর্পণ ॥
 নকুল করিল অশ্বগৃহেতে গমন ।
 কতক্ষণে সহদেব দিল দরশন ॥
 তরুণ-অরুণ যথা উঠে পূর্বভিতে ।
 অগ্নিশিখা যেন যজ্ঞে দেখি আচম্বিতে ॥
 গোপজাতি যেন ধরিয়াছে নটবেশ ।
 গোপুচ্ছ-ছান্দন-দড়ি আছয়ে বিশেষ ॥
 রাজ-সহ সবিস্ময় যত সভাজন ।
 প্রণাম করিয়া বলে মাদ্রীর নন্দন ॥
 জীবিকার্থে আসিলাম তোমার নগর ।
 গাভী-রক্ষা-হেতু মোরে রাখ দরবর ॥
 আমার রক্ষণে গাভী ব্যাধি নাহি জানে ।
 ব্যাত্রভয় চৌরভয় নাহি কদাচনে ॥

বিরাট বলিল, ইথে তুমি যোগ্য নহ ।
 কে তুমি, কি নাম ধর, সত্য করি কহ ॥
 ইন্দ্র-চন্দ্র-কামদেব জিনি তব নৃপতি ।
 বন্ধি-পরাক্রমে বুঝি রাজচক্রবর্তী ॥
 বৃহস্পতি-শুক্র-সম তব নীতি-ভাষ ।
 খড়গধারী হস্ত তব, ছায়ে ধর পাশ ॥

সহদেব বলে, জান পাণ্ডুর নন্দন ।
 তাঁহার বতেক গাভী লোকে অগণন ॥
 করিতাম সেইসব গোধন-পালন ।
 মম গুণে প্রীত ছিল পাণ্ডুর নন্দন ॥
 আর এক মহাকর্ষ্ম জানি নরনাথ ।
 হৃত-ভবিষ্যৎ-বর্তমান মম স্ভাত ॥
 পৃথিবী-ভিতরে নৃপ, যত কর্ষ্ম হয় ।
 গৃহেতে বসিয়া তাহা জানি মহাশয় ॥
 ধর্মরাজ-সভাস্থলে ছিনু চিরকাল ।
 বুদ্ধিষ্ঠির দিলা মোরে নাম তদ্রিপাল ॥

রাজা বলে, যত বল, সম্ভবে তোমারে ।
 যে কাম্য তোমার থাকে, লহ মম পুরে ॥
 আছে মম যত গাভী আর রক্ষিগণ ।
 তোমারে দিলাম সব, করহ পালন ॥
 এমত কহিয়া সহদেবে মহামতি ।
 পঞ্চজনে বাঞ্ছামত দেন নরপতি ॥
 মৎস্তদেশে পাণ্ডুরেরা রহেন গোপনে ।
 অস্তগিরি-মধ্যে যেন সহস্র-কিরণে ॥
 রহিল অনল যেন ভস্মমধ্যে লুকি ।
 কেহ না জানিল সবে অনুক্ষণ দেখি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৪। বিরাটপুরে দ্রৌপদীর প্রবেশ ও
বিরাট-মহিষী হৃদেষ্ণার সহিত
কথোপকথন।

তবে কতক্ষণে কৃষ্ণা প্রবেশে নগরে।
চতুর্দিকে নরনারী ধায় দেখিবারে ॥
কেশেতে মলিন মুখ, মুক্ত দীর্ঘ-কেশ।
পিঙ্কন মলিন-জীর্ণ, সৈরিকীর বেশ ॥
পুনঃপুনঃ জিজ্ঞাসয়ে যত নারীগণ।
কে তুমি, একাকী ভ্রম কিসের কারণ ॥
তোমার রূপের সীমা বর্ণনে না যায়।
অঙ্গুরী কিম্বারী দেবকন্যা অভিপ্রায় ॥
সবারে প্রবোধি কৃষ্ণা বলে এই বাণী।
নৈরিক্তার কন্ম করি, নরজাতি আমি ॥
এমতে বেষ্টিত লোকে ভ্রমে দেবী কৃষ্ণা।
প্রাসাদে থাকিয়া তাহা দেখিল হৃদেষ্ণা ॥
কেকয়-রাজের কন্যা বিরাট-মহিষী।
কৃষ্ণারে আনিতে শীঘ্র পাঠালেন দাসী ॥
আদর করিয়া তারে যতেক কামিনী।
অন্তঃপুরে ল'য়ে গেল, যথা রাজরাণী ॥
শত-শত রাজকন্যা হৃদেষ্ণা বেষ্টিত।
দ্রৌপদারে হেরি সবে হইল লজ্জিত ॥
নাকে হস্ত দিয়া সবে করে নিরীক্ষণ।
স্তব্ধ হ'য়ে অনুমান করে মনে-মন ॥
কতক্ষণে জিজ্ঞাসিল বিরাটের রাণী।
দেবকন্যা হ'য়ে কেন ভ্রমহ অবনী ॥
মহাভারতের কথা শুধা হৈতে শুধা।
সাধুজন পিয়ে নাশিবারে ভব-ক্ষুধা ॥
কাশীরাম কহে করি মতি সাধুজনে।
পাইবে পরম-প্রীতি ভারত-শ্রবণে ॥

৫। দ্রৌপদীর রূপ-বর্ণন।

কিবা লক্ষ্মী সরস্বতী, হরপ্রিয়া হৈমবতী,
সাবিত্রী কি ব্রহ্মার গৃহিণী।
রোহিণী চন্দ্রের রামা, রতি সতী তিলোত্তমা,
কিংবা হবে ইন্দ্রের ইন্দ্রাণী ॥
তোমার অঙ্গের আভা, গ্লান করিলেক সভা,
তারা যেন চন্দ্রের উদয়ে।
তোমার শরীর দেখি, নিমিষ না ফিরে আঁখি,
ঘন-ঘন কম্পিত হৃদয়ে ॥
শশী নিন্দি মুখপদ্ম, কেন করিয়াছ ছদ্ম,
এ-বেশ তোমাতে নাহি শোভে।
পেয়ে তব অঙ্গপ্রাণ, তাজিয়া কুসুমোদ্যান,
অলিহৃন্দ ধায় মধুলোভে ॥
মৃগনেত্র জিনি অক্ষ, কামশর হৈতে তীক্ষ্ণ,
বাজিলে মরিবে কামরিপু।
কণ্ঠ তব কষ্মু জিনি, ওষ্ঠ পবনবিশ গণি,
পঞ্চশিরা-লিপ্ত তব বপু ॥
কর রক্ত-কোকনদ, রক্ত-কোকনদ পদ,
রক্তযুক্ত ওষ্ঠ ও অধর।
শুকচক্ষু জিনি নাসা, স্তম্ভার সদৃশ ভাষা,
ভুজযুগ যিনি বিষধর ॥
তোমার নিতম্ব কুচে, গগন-নিবাসী ইচ্ছে,
মৃগপতি জিনি মধ্যদেশ।
কিবা পূর্ণ কাদম্বিনী, কিবা চারু চকোরিণী,
মুক্ত দেখি কেন হেন কেশ ॥
হের দেখ বরাননে, তোমা দেখি তরুগণে,
লম্বিত হইল শাখা-সহ।
কে দেবী নামিলে তুমি, কিহেতু ভ্রমহ ভূমি,
না ভাণ্ডাহ, সত্য মোরে কহ ॥

তব অঙ্গযোগ্য পতি, মানুষে না দেখি সতি,
 বিনা দেব-দিক্‌পালগণ ।
 তব অঙ্গ-দরশনে, মোহ গেল নারীগণে,
 পুরুষ না জীয়ে কদাচন ॥
 হৃদেষ্ণার বাক্য শুনি, কোমল-মধুর বাণী,
 সবিনয়ে বলেন পার্শ্বভী ।
 না দেবী-গন্ধবর্ষী আমি, মানুষী নিবসি ভূমি,
 ফলাধারা সৈরিক্তার জাতি ॥
 দয়া করি রাণী, মোরে, রাখহ আপন-ঘরে,
 সেবা করি রহিব তোমার ।
 না ছোঁব উচ্ছিষ্ট-ভাত, না দিব চরণে হাত,
 এইমাত্র নিয়ম আমার ॥
 প্রবাল-মুকুতা-পাতি, ভাল জানি, নিত্য গাথি,
 পুষ্পমালা জানি যে বিশেষ ।
 সিন্দূর-কজ্জল-আদি, রত্ন-আভরণ-বিধি,
 বিচিত্র জানি যে কেশ-বেশ ॥
 গোবিন্দের প্রিয়তমা, মহাদেবী সত্যভামা,
 বহুকাল সেবিলু তাঁহাকে ।
 আমার নৈপুণ্য দেখি, পাণ্ডবের প্রিয়সখি,
 কৃষ্ণা মাগি নিলেন আমাকে ॥
 কৃষ্ণা আমি একপ্রাণ, ইথে না জানিহ আন,
 চিরকাল বঞ্চিলাম তথা ।
 রাজ্য নিল শত্রুগণ, পাণ্ডবেরা গেল বন,
 তেঁই আগি তাসিলাম হেথা ॥
 বিরাট-পর্বেষের কথা, বিচিত্র ভারত-গাথা,
 সর্বভূঃখ শ্রবণে বিনাশ ।
 কমলাকান্তের স্তত, সজনের মনঃপূত,
 বিরচিল কাশীরাম দাস ॥

৬। জ্যোপদীব সহিত হৃদেষ্ণার
 কথোপকথন ।

রাণী বলে, শুন সতি, তব রূপ দেখি ।
 স্ত্রীজাতি হইয়া পালটিতে নারি আখি ॥
 নৃপতি দেখিয়া লোভ করিবে তোমারে ।
 না হবে আমার-শক্তি নিবারিতে তাঁরে ॥
 তোমা দেখি অনাদর করিবেন মোরে ।
 আমি উদাসীনা হব রাখি তোমা ঘরে ॥
 আপনার দ্বারে কাঁটা রোপিব আপনে ।
 কর্ণটীর গর্ভ যথা মৃত্যুর কারণে ॥

এত শুনি কৃষ্ণা তবে বলে হৃদেষ্ণায় ।
 অন্য ছুটী-নারী-সম না ভাব আমায় ॥
 বিরাট হউন কিংবা আর অন্যজন ।
 পাপচক্ষুে চাহিলে না জীবে কদাচন ॥
 পঞ্চ-গন্ধর্বের আমি করি যে সেবন ।
 অনুক্ষণ রাখে মোরে সেই পঞ্চজন ॥
 থাকুক স্পর্শন, যদি দেখে পাপচক্ষুে ।
 দেবতা হ'লেও মৃত্যু জেনে তার পক্ষে ॥
 ছুঃখানলে দগ্ধ সদা মন স্মাগিগণ ।
 না বাঁচিবে, যে আমারে করিবে চালন ॥
 দয়া করি মোরে যদি রাখ গুণবতি ।
 পশ্চাতে জানিবে ভূমি আমার প্রকৃতি ॥
 না ল'ব উচ্ছিষ্ট, আর না ছোঁব চরণ ।
 পুরুষের পাশে নাহি পাঠাবে কখন ॥
 হৃদেষ্ণা বলিল, যদি তোমার এ-রীতি ।
 যথাস্থখে মম পাশে রহ গুণবতি ॥
 হৃদেষ্ণার বাক্য শুনি কৃষ্ণা হৃষ্টমনে ।
 রহিলেন মনঃস্থখে বিরাট-ভবনে ॥
 সেবায় হইল বশ বিরাটের রাণী ।
 স্মীলে করিল বশ যত্নে রমণী ॥

বিরাটের সভাপতি ধর্মের নন্দন ।
 ধর্ম-ন্যায় বশ করিলেন সভাজন ॥
 সপুত্রিতে আনন্দিত মৎস্য-অধিকারী ।
 অনুক্ষণ ধর্ম-সহ খেলে পাশাশারি ॥
 পাশায় জিনিয়া ধর্ম অনেক রতন ।
 নিভূতে বাঁটিয়া লন যত ভ্রাতৃগণ ॥
 ভীমের রক্ষনে তুষ্ট হ'লেন রাজন্ ।
 বশ হৈল যতজন করিয়া ভোজন ॥
 মনযুদ্ধে বড় ভুক্ত হইয়া রাজন্ ।
 অর্পণ করেন ভীমে কনক-রতন ॥
 অর্জুনের দেখি নৃত্যগীত বাঘরস ।
 হস্তঃপুর-নারীগণ হৈল সবে বশ ॥
 বহুকাল অশ্বগণ চুক্তগন ছিল ।
 নকুলের করস্পর্শে সবে শান্ত হৈল ॥
 গাভীগণ যুদ্ধি পায়, হয় ক্ষীরবর্তী ।
 সহদেব-গুণে বশ হন মৎস্যপতি ॥
 পাণ্ডবের গুণে বশ মৎস্যদেশ হৈল ।
 এইরূপে চারিমাস ক্রমেতে কাটিল ॥
 বিরাট-পর্বের কথা অমৃত-সমান ।
 কাশীরাম দাস কহে, শুনে পুণ্যবান ॥

৭। শঙ্কর-যাত্রা ও ভীমের মনযুদ্ধ ।

পূর্বাপর কুলরীতি আছে মৎস্যদেশে ।
 শঙ্কর-নামেতে যাত্রা, আরাধে মহেশ ॥
 করিল শঙ্কর-যাত্রা বিরাট-রাজন্ ।
 নানাদেশ হৈতে আসে বহুসংখ্য-জন ॥
 দ্বিজ-আদি চারিগাতি নরনারীগণ ।
 নৃত্যগীত-মহোৎসব করে জনে-জনে ॥

পণ্ডিতে পণ্ডিতে কথা, শাস্ত্রের বিবাদ ।
 হস্তি-হস্তী যুদ্ধ হয়, ছাড়ে সিংহনাদ ॥
 কৌতুক দেখেন তথা বিরাট-রাজন্ ।
 পর্বত-আকার লক্ষ-লক্ষ মল্লগণ ॥
 মল্লগণমধ্যে এক মল্ল বলবান্ ।
 সর্ব-মল্লগণ করে যাহার বাখান ॥
 সর্ব-মল্লগণ-মধ্যে ছাড়ে সিংহনাদ ।
 কে আছে, আমার সঙ্গে করহ বিবাদ ॥
 লক্ষ-লক্ষ বড়-বড় যত মল্ল ছিল ।
 অধোমুখ হ'য়ে কেহ উত্তর না দিল ॥
 ডাকিয়া বলয়ে মল্ল নৃপতির প্রতি ।
 মোর সঙ্গে যুঝে, হেন দেহ নরপতি ॥
 যদি মল্ল দেহ রাজা, গুণ গেয়ে যাব ।
 নাহি দিলে দেশে-দেশে অখ্যাতি কারব ॥
 চিন্তিয়া বিরাট তবে করিয়া স্মরণ ।
 সুপকার বলবেরে ডাকেন তখন ॥
 বিরাট বলেন, তুমি কহিয়াছ পূর্বে ।
 এ-মল্ল-সহিত রণ কর তুমি এবে ॥
 এ-মল্ল-সহিত যদি পার যুঝিবারে ।
 তোনারে ভুষিব আমি রাজ-ব্যবহারে ॥
 ভীম বলে, নরপতি, জানহ আপনে ।
 যতেক কহিনু পূর্বে উদর-ভরণে ॥
 সে-সব স্মরিয়া যদি চাহ বধিবারে ।
 এ-মল্ল-সহিত তবে যুঝাহ আমারে ॥
 মহাবলবান্ মল্ল পর্বত-আকার ।
 পেটার্থী ব্রাহ্মণ-জাতি হই সুপকার ॥
 এ-মল্ল-সহিত মোরে করাও সংগ্রাম ।
 দ্বিজবৃদ্ধ-ভয় নাহি কর পরিণাম ॥
 শুনিয়া নিঃশব্দ হন মৎস্যের ঈশ্বর ।
 কতক্ষণে কহ তবে করেন উত্তর ॥

যার যে আশ্রয়ে থাকে পণ্ডিত-সুজন ।
 যথাশক্তি তার আশ্রা না করে হেলন ॥
 পুনঃপুনঃ মল্লগণ বলিছে রাজারে ।
 রাজার হ'য়েছে ইচ্ছা যুদ্ধ দেখিবারে ॥
 রাজারে সন্তুষ্ট কর, দেখুক সকলে ।
 একবার মল্ল-সহ যুঝ কুতূহলে ॥

যুধিষ্ঠির-বাক্য শুনি বীর বৃকোদর ।
 পুনরপি নৃপতিরে করেন উত্তর ॥
 তোমার প্রসাদে আর কঙ্কের প্রসাদে ।
 না জীবক মল্ল আজি, পড়িল প্রমাদে ॥

এত বলি রঙ্গসভা-মধ্যে দাণ্ডাইল ।
 ডাক দিয়া বৃকোদর মল্লেরে কহিল ॥
 যদি যুতু-ইচ্ছা থাকে, যুদ্ধ কর আসি ।
 প্রাণ-ইচ্ছা থাকে যদি, পলাহ প্রবাসী ॥

ভীমের বচন শুনি সে মল্ল কুপিল ।
 মহাপরাক্রম করি ভীমেরে ধরিল ॥
 পর্বত নাড়িতে কোথা বায়ুর শক্তি ।
 না পারিল চালিবারে ভীম মহামতি ॥
 ঈষৎ হাসিয়া ভীম ধরে ছুই-পায় ।
 অন্তরীক্ষে তুলিলেক ভ্রমাইয়া তায় ॥
 ক্ষুদ্র-মীনে ধরি যথা গ্রাস করে নঞ ।
 আকাশে ঘুরায় যেন কুন্তকার-চক্র ॥
 ঘুরাতে-ঘুরাতে মল্ল ত্যজে নিজ-প্রাণ ।
 ফেলাইয়া দিল ভীম যেন লতাখান ॥

দেখিয়া অদ্বুত সবে মানে চমৎকার ।
 বিরাট-নৃপতি পান আনন্দ-অপার ॥
 অনেক-রতন ভীমে দিল নরপতি ।
 যাত্রা নিবর্তিয়া গেল যে যার বসতি ॥
 বার্তা পেয়ে রাজ্যে যত ছিল মল্লগণ ।
 বৃকোদর-সহ আসি করে সবে রণ ॥

অনেক মরিল শুনি কেহ না আসিল ।
 বল্লভের পরাক্রমে রাজা বশ হৈল ॥
 বড়-বড় সিংহ-ব্যাঘ্র-মত্ত-হস্তিগণ ।
 কোতুকে ভীমের সনে করাইল রণ ॥
 নিমেষেতে অনায়াসে মারে বৃকোদর ।
 কোতুক দেখেন রাজা স্ত্রীবৃন্দ-ভিতর ॥

এইরূপে তথা একাদশ-মাস গেল ।
 সানন্দ পাণ্ডব পঞ্চ অজ্ঞাত রহিল ॥
 মহাভারতের কথা অদ্বুত-লহরী ।
 কাহার শক্তি তাহা বর্ণিবারে পারি ॥
 শ্রুতমাত্র কহি আমি রচিয়া পয়ার ।
 অবহেলে শুনে যেন সকল সংসার ॥
 ভারত-শ্রবণে সর্ব-পাপের বিনাশ ।
 কাশীরাম দাস কহে, কহিলেন ব্যাস ॥

৮। দ্রৌপদীর সহিত কীচকের সাক্ষাৎ
 ও মিলন-বাহাণী ।

জিজ্ঞাসেন জন্মেজয়, কহ মুনিবর ।
 অতঃপর কি করেন পঞ্চ-সহোদর ॥
 মুনি বলে, অবধান কর কুরুনাথ ।
 একাদশ-মাস গত হইল অজ্ঞাত ॥
 স্নদেষণার সেবা কৃষ্ণ করে অনুক্ষণ ।
 হেনমতে দেখ তথা দৈবের ঘটন ॥
 কীচক-নামেতে বিরাটের সেনাপতি ।
 একদিন দ্রৌপদীরে দেখিল দুঃখিত ॥
 দৃষ্টিমাত্র কামবাণে হইল পীড়িত ।
 দ্রৌপদীর সন্নিহিতে হৈল উপনীত ॥
 বলিতে লাগিল কিছু মধুর-বচনে ।
 হের অবদান কর পূর্ণচন্দ্রাননে ॥

অনিন্দিত-অঙ্গ তব অনঙ্গ-মোহিনি ।
 নিরুপম রূপ তব প্রথম-যৌবনী ॥
 হেথায় আছহ, কভু আমি নাহি জানি ।
 এ রূপ-যৌবন কেন নষ্ট কর ধনি ॥
 তোমার অঙ্গের শোভা অরমন-লোভে ।
 এ-সব ভূষণ কি তোমার অঙ্গে শোভে ॥
 দেখিযা তোমারে মন মজিল আমার ।
 কামবাণে দহে প্রাণ, করহ উদ্ধার ॥
 গৃহ-দারা-পুত্র মম যত ধন-জন ।
 সব ত্যজি লইলাম তোমার শরণ ॥
 সহস্র-সহস্র মোর আছে নারীগণ ।
 দাসী হ'য়ে সেবিবেক তোমার চরণ ॥
 রত্ন-অলঙ্কার যত লোক-মনোহর ।
 নথা ইচ্ছা, বিভূষণ কর কলেবর ॥
 রতন-মন্দিরে শয্যা, রত্ন-সিংহাসন ।
 বহু-আভরণ পর, শুনহ বচন ॥
 সবার উপরে তুমি হবে ঠাকুরাণী ।
 যদি না রাখহ ধনি, অধিনের বাণী ॥
 এখনি ত্যজিব প্রাণ তোমা-বিজ্ঞান ।
 এট দেখ হইয়াছে কণ্ঠাগত-প্রাণ ॥
 কীচকের বাক্য শুনি কম্পে কলেবর ।
 ধর্ম্মেরে আরিয়া দেবী করিল উত্তর ॥
 সৈরিন্ধী আমার জাতি, বীভৎস-রূপিণী ।
 কভু নাহি শোভে মোরে এইমত বাণী ॥
 এ-সকল কহ নিজ-কুলভার্যাগণে ।
 বংশরুদ্ধি হৈবে যাহে, থাকিবে কল্যাণে ॥
 পরদারে লোভ কৈলে নাহিক মঙ্গল ।
 জীয়ন্তে অখ্যাতি ঘোষে পৃথিবী-মণ্ডল ॥
 যতেক স্মৃতি তার, সব নষ্ট হয় ।
 পরশ করিবা-মাত্র হয় আয়ুঃক্ষয় ॥

পুত্র-দারা-শোকে কষ্ট, দরিদ্র-লক্ষণ ।
 অল্পকালে দণ্ড তারে করয়ে শমন ॥
 সকল বিনাশ হয় পরদারা-প্রীতে ।
 কভু ত্রাণ নাহি তার নরক হইতে ॥
 পরদারা আমি, তাহা জানহ আপনে ।
 পাপদৃষ্টি মোর প্রতি কর কি-কারণে ॥
 গন্ধর্ব্ব আমার পতি যদ্যপি দেখিবে ।
 কুটুম্ব-সহিত তোরে নিমিষে মারিবে ॥
 পঞ্চ-গন্ধর্বেব আমি করি যে সেবন ।
 অনুক্ষণ রাখে মোরে সেই পঞ্চজন ॥
 কালরাত্রি প্রভাত হইল আজি তোরে ।
 তেঁই হেন দুষ্কভাষা কহিস্ আমারে ॥
 এমত কুৎসিত-ভাষা আমারে কহিলি ।
 ধরিল যমের দূত আজি তোর চুলি ॥
 অরুদ্ধি পণ্ডিত যেই জ্ঞানবন্ত-জন ।
 পরস্রী দেখিলে হেঁট করয়ে বদন ॥
 দ্রোপদীর বাক্য শুনি কীচক দুঃখিত ।
 কামবাণাঘাতে হ'য়ে অত্যন্ত পীড়িত ॥
 কীচক-ভগিনী বিরাতের রাজরাণী ।
 তার স্থানে কহে গিয়া সবিনয়-বাণী ॥
 অচেতন-প্রায়, অঙ্গ কম্পে, ঘনে খাস ।
 কহিতে না পারে, কহে অর্দ্ধ-অর্দ্ধ-ভাষ ॥
 ভগিনী-নিকটে যাহা বলা নাহি যায় ।
 কামে হতচিত্ত হ'য়ে লজ্জা নাহি পায় ॥
 দেখহ ভগিনি, মোর বাহিরায় প্রাণ ।
 মোরে যদি চাহ, শীঘ্র কর পরিত্রাণ ॥
 সৈরিন্ধা আছয়ে যেই তোমার-সদনে ।
 তাহারে আনিয়া মোরে দেহ এইক্ষণে ॥
 না দিলে সোদর-হত্যা হইবে তোমার ।
 জানিবে, এখনি প্রাণ যাইবে আমার ॥

মধুর-বচনে তোষে বিরাতের রাণী ।
 কেন ভাই, কহ হেন অনুচিত বাণী ॥
 ছার দাসী লাগি কেন ত্যজিবে জীবন ।
 দিবার হইলে আমি দিতাম এখন ॥
 অভয় দিয়াছি আমি, ল'য়েছে শরণ ।
 দুৰ্দ্ধমতি নহে সেই, বুঝিয়াছি মন ॥
 চক্ষু মেলি নাহি চাহে পুরুষের পানে ।
 তব ভার্যা হৈতে তারে কহিব কেমনে ॥
 করিছে গন্ধর্ব-পঞ্চ তাহার রক্ষণ ।
 শান্ত হও, ত্যজ ভাই, সৈরিন্দ্রীতে মন ॥
 কীচক বলিল, শুন, গন্ধর্ব কি ছার ।
 কাহার শক্তি হয় অগ্রেতে আমার ॥
 পঞ্চ-গন্ধর্বেতে রক্ষা করে বলি কয় ।
 সহস্র-গন্ধর্ব হৈলে নাহি করি ভয় ॥
 নক্ষা-স্ত্রী-প্রকৃতি যাহা, নাহি জান তুমি ।
 নক্ষা-স্ত্রীলোকের ঠাই শুনিয়াছি আমি ॥
 ভ্রাতা কিংবা পুত্র হোক একান্তে পাইলে ।
 বিহার করিতে উচ্ছে, আমি জানি ভালে ॥
 মুখেতে সতীত্ব কহে, অন্তরেতে আন ।
 সেইমত সৈরিন্দ্রীরে কর অনুমান ॥
 মোরে যদি চাহ, তবে বল শীত্রগতি ।
 দাসী ছারে কর ভয়, সোদরে অগ্নীতি ॥
 রাণী বলে, যত কহ কামের বশেতে ।
 মোর বশ নহে সেই, কহিব কিমতে ॥
 সৈরিন্দ্রী ইচ্ছিলে, নিজ-মরণ ইচ্ছিলে ।
 সেহেতু দুষ্কর্মে আজি মোরে নিয়োজিলে ॥
 নিশ্চয় নিকট-মৃত্যু দেখি যে তোমার ।
 যাহ শীত্র দ্রুতগতি আপন-আগার ॥
 ভক্ষ্য-ভোজ্য কর গিয়া আপনার ঘরে ।
 সৈরিন্দ্রী পাঠাব সুধা আনিবার-তরে ॥

শান্তিকথা-সব তারে কহিবে প্রথম ।
 শান্তিতে ভজিলে হয় সকলি উত্তম ॥
 এত শুনি শীত্র গৃহে করিল গমন ।
 যা' বলিল ভগ্নী, তাহা করিল তখন ॥
 তবে কতক্ষণে বিরাতের পাটরাণী ।
 সৈরিন্দ্রীরে ডাকি কহে সুমধুর-বাণী ॥
 ক্রীড়ায় ছিলাম আমি, তুষায় পীড়িত ।
 ভ্রাতৃগৃহ হৈতে সুধা আনহ ত্বরিত ॥
 স্নদেষ্যার বাক্য শুনি যেন বজ্রাঘাত ।
 ভয়েতে কাঁপেন কৃষ্ণা যেন রজ্জাপাত ॥

কৃষ্ণা বলে, সূতপুত্র নিলজ্জ দুস্মৃতি ।
 তার পাশে যেতে মোরে না বলহ সতি ॥
 প্রথমে তোমার স্থানে ক'রেছি সময় ।
 রাখিলে আপন-গৃহে অর্পিয়া অভয় ॥
 আপন-বচন দেবি, করহ পালন ।
 সুধা আনিবারে তথা যাক্ অগ্নজন ॥
 আর কোন কৰ্ম্মে আচ্ছা কর রাজসুতা ।
 কর্তব্য হইলে তাহা করিব সর্বথা ॥
 শুনিয়া স্নদেষ্যা কহে ক্রোধে আর বার
 প্রেমিণী লোকের কেন এত অহঙ্কার ॥
 যথায় পাঠাব, তথা করিবে গমন ।
 বিশেষে বিশ্বস্ত তুমি, বলি সে-কারণ ॥
 যাহ শীত্রগতি, সুধা আনহ ত্বরিতে ।
 এত বলি সুধাপাত্র তুলি দিল হাতে ॥

এত শুনি দ্রৌপদীর চ'ক্ষে বহে নীর ।
 করঘোড়ে প্রণমিল দেবতা মিহির ॥
 সূর্য্যপানে চাহি দেবী করেন স্তবন ।
 দুঃসহ-সঙ্কটে দেব, করহ তারণ ॥
 পাণ্ডুপুত্র-বিনা অম অন্তে নাহি মতি ।
 কীচকের হাতে মোরে কর অব্যাহতি ॥

মুহূর্তেক সূর্যাস্তব দ্রৌপদী করিল ।
 কৃষ্ণারে রাখিতে সূর্য্য রক্ষিগণ দিল ॥
 কৃষ্ণাতে সমর্থ যেন না হয় কাঁচক ।
 অলঙ্কিতে যাহ সঙ্গে রাক্ষস-রক্ষক ॥
 দুঃখেতে কাতরা যায় দ্রুপদ-নন্দিনী ।
 দ্বাত্র-স্থানে ধেতে যথা উরায় হরিণী ॥
 দূর হৈতে মৃঢ়মতি দেপি দ্রৌপদীারে ।
 প্রাসাদ হইতে ভূমে নামিল সঙ্করে ॥
 দম্ভে তারিতে যেন পাটল তরণী ।
 কুবাক্ষে চাঞ্চিয়া বলে সুমধুর-বাণী ॥
 আজি মোর সুপ্রভাত হইল রজনী ।
 তেই মোরে কৃপা করি আসিলে আপনি ॥
 এই গৃহ-ধন-জন সকলি তোমার ।
 'দব্য বস্ত্র পর তুমি, দিব্য-অলঙ্কার ॥
 কৃষ্ণা বলে, তব ভগ্নী হৈল পিপাসিত ।
 স্তব দেহ, ল'য়ে আগি যাইব স্থরিত ॥
 কাঁচক বলিল, কেন বলহ এমন ।
 তোমার আজ্ঞায় স্তব লবে অন্তজন ॥
 ঠাট গেল, শুভ তব হইল এখন ।
 সংস্র-সহস্র দাসী সেবিবে চরণ ॥
 আসি বৈস তুমি এই রত্ন-সিংহাসনে ।
 ধরিতে চলিল এত বলি সেইক্ষণে ॥
 কাঁচকের দুষ্ঠাচার দেখিয়া পার্শ্বতী ।
 হু গিতে ফেলিয়া পাত্র ধায় শীঘ্রগতি ॥
 অন্তঃপুরে গেলে দুষ্ঠ করিবেক বল ।
 ভবিষ্য চলিল দেবী রাজ-সভাস্থল ॥
 পাছু-পাছু ধেয়ে যায় কাঁচক দুঃখতি ।
 ক্রোধে সভামধ্যে চূলে ধরি মারে লাথি ॥
 সূর্য্য-অনুচর ধেই অলঙ্কিতে ছিল ।
 কাঁচকে ধরিয়া বলে ক্রুটিতে পাড়িল ॥

মূল কাটা গেলে যথা বৃক্ষ পড়ে তলে ।
 অচেতন হ'য়ে দুষ্ঠ পড়িল ভূতলে ॥
 পাত্র-মিত্র-সহ রাজা ব'সেছে সভায় ।
 সবে দেখে দ্রৌপদীারে প্রহারিল পায় ॥
 সভায় বসিয়াছিল বীর-রুকোদর ।
 দুই-চক্ষু রক্তবর্ণ কম্পিত অধর ॥
 জলন্ত-অনলে যেন ঘৃত দিল ঢালি ।
 দেখিল যে অপমান পাটল পাঞ্চালী ॥
 নয়ন-যুগলে অগ্নিকণা বাহিরায় ।
 দশনে অধর চাপি উঠল সভায় ॥
 সম্মুখে আছিল বক্ষ লইবারে যায় ।
 অনুমতি লইবারে ধর্ম্ম-পানে চায় ॥
 সম্বলী নাড়িয়া ধর্ম্ম চক্ষুতে চাপিল ।
 অধোমুখ হ'য়ে ভীম সভাতে বসিল ॥
 স্মাগিগণ সবে বসি দেখে চারিপাশে ।
 উজ্জ্বাসে কান্দে কৃষ্ণা, কহে অর্দ্ধভাষে ॥
 ধর্ম্মাসনে বসি আছ মৎসের ঈশ্বর ।
 বিনা-অপরাধে মোরে মারিল বর্ব্বর ॥
 দাসীকে মারিতে নারে রাজার সভায় ।
 তোমা-বিগ্ৰহানে মোরে প্রহারিল পায় ॥
 দুষ্ঠলোকে দণ্ড রাজা নাহি দেয় যদি ।
 তবে তারে অল্পকালে দণ্ড দেয় বিধি ॥
 অনাথা দেখিয়া মোরে দুষ্ঠ-দুরাশয় ।
 চূলে ধরি মারিলেক, নাহি ধর্ম্মভয় ॥
 ন্যায়মত যদি রাজা পালে প্রজাগণ ।
 বহুকাল বৈসে সেই ইন্দ্ৰের ভুবন ॥
 ন্যায় না করিয়া যদি উপরোধ করে ।
 অধোমুখ হ'য়ে পড়ে নরক-দুস্তরে ॥
 দান-যজ্ঞ-আদি কর্ম্ম সব ব্যর্থ হয় ।
 হেন নীতি শাস্ত্রে আছে, বেদে হেন কয় ॥

কীচক পড়িয়াছিল হ'য়ে অচেতন ।
 সচেতন কর, আঞ্জা করিল রাজন্ ॥
 তাত-প্রতি কহে তবে বিরাট-নন্দন ।
 রাজধর্ম্ম রাজা, নাহি করিলে পালন ॥
 বিনা-অপরাধে আসি মারিল সভায় ।
 রাজদণ্ড নাহি দিলে, চোর-সভা প্রায় ॥
 সবাই অধর্ম্মী, বসিয়াছ যতজন ।
 ধর্ম্ম-ভয় নাহি, তেঁই না কহ বচন ॥

এত শুনি উত্তর করেন মৎস্যভূপ ।
 পরোক্ষে দৌহার দ্বন্দ্ব, না জানি স্রুপ ॥
 না জানিয়া না শুনিয়া কহিব কেমনে ।
 কিহেতু তোমরা দ্বন্দ্ব কর দুইজনে ॥

বিরাটের হেনবাক্য শুনি যাজ্ঞসেনী ।
 রোদন করিয়া কহে শিরে কর হানি ॥
 পদাঘাতে মৃতবৎ করে শত্রুগণে ।
 দেব-দ্বিজগণ-প্রিয়, বড়-প্রিয় রণে ॥
 সে-সব জনের আমি মানষী মহিষী ।
 সূতপুত্র মোরে পদে প্রহারিল আসি ॥
 ষাঁর ধনুর্ঘোষে তিনলোকে কম্প হয় ।
 একরথে যে করিল তিনলোক জয় ॥
 তাঁর ভার্য্যা হই আমি, দেখিয়া অনাথ ।
 দুষ্ঠ সূতপুত্র মোরে করে পদাঘাত ॥
 বল-বুদ্ধি তা'-সবার কোথাকারে গেল ।
 এত অপমান মোর নয়নে দেখিল ॥

বলিতে লাগিল তবে যত সভাজন ।
 ভালকর্ম্ম না করিল সূতের নন্দন ॥
 সাক্ষাতে সৈরিক্তী দেবকন্যা-সরূপিণী ।
 হেন-অঙ্গে পদাঘাত, অনুচিত-বাণী ॥

তবে ধর্ম্ম কহিছেন কঙ্ক-নামধারী ।
 সৈরিক্তী, না কর খেদ, যাহ অন্তঃপুরী ॥

ধর্ম্মশীল মৎস্যরাজ ডরে পরলোকে ।
 উপরোধ করি ক্ষমা করিল কীচকে ॥
 দেখিতেছে তোমার গন্ধর্ব্ব-পতিগণ ।
 সময় বুঝিয়া ক্ষমা করিল এখন ॥
 কালেতে কীচকে তারা দণ্ডিবে উচিত ।
 কীচক হইতে কিছু নাহি হয় ভীত ॥
 দুঃখিনী-সমান কেন কান্দহ সভায় ।
 আত্মপাপে দুঃখ পাত, কি দোষ রাজায় ॥

কৃষ্ণা কহে, সভাসদ, কহিলে প্রমাণ ।
 আত্মপাপে দুঃখ মোর, কে করিবে আন ॥
 এত বলি দুই-চক্ষু কেশেতে মুছিল ।
 কেশ-ঘরষণে চ'ক্ষে শোণিত অবিল ॥
 ভর্তৃ-আঞ্জা পেয়ে কৃষ্ণা যান অন্তঃপুরী ।
 যথায় আছয়ে রাণী কেকয়-কুমারী ॥
 হৃদেষ্ণার আগে দেবী কান্দিতে লাগিল ।
 শাঠ্যেতে হৃদেষ্ণা তারে সজ্জমে পুছিল ॥
 কে তোমার করিলেক এতেক দুর্গতি ।
 সমূলে বিনষ্ট হবে সেই দুষ্ঠমতি ॥

নিঃশ্বাস ছাড়িয়া কহে সৈরিক্তী-রূপিণী ।
 জানিয়া কপটে কেন কহ রাজরাণী ॥
 সুধা আনিবারে ভ্রাতৃগৃহেতে পাঠালে ।
 কত বা কহিব তাহা, যত দুঃখ দিলে ॥
 পাত্রমিত্র-সহ রাজ্য দেখেছে সভায় ।
 কেশে ধরি তব ভ্রাতা মারিল আশ্রয় ॥
 যথোচিত শাস্তি তার পাবে দুষ্ঠমতি ।
 আজি কিংবা কালি যাবে যমের বসতি ॥
 আজি হৈতে ত্যজ আশা ভ্রাতার জীবনে ।
 করহ সামগ্রী তার শ্রোদ্ধের কারণে ॥

এত বলি নিজস্থানে গেলেন পাঞ্চালী ।
 জলেতে ধুইল সব অঙ্গ-রক্ত-ধূলি ॥

পরপুরুষের স্পর্শে যেই আচরণ ।
বিধানে দ্রোণদী তাহা করিল তখন ॥
পুনঃ-পুনঃ কান্দে কৃষ্ণ নিজ-দুঃখ স্মরি ।
হেনমতে গেল তবে অর্দ্রক শর্ব্বরী ॥
ক্ষুধা-নিদ্রা নাহি, দেবী করে অনুমান ।
এ-দুঃখ-সাগর হৈতে কে করিবে ত্রাণ ॥
না পারিবে বৃকোদর-বিনা অশ্রুজন ।
চিন্তিয়া ভীমের পাশে করেন গমন ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান্ ॥

৯। ভীমেব সহিত দ্রোণদৌর কীচক-
বধের মন্তব্য ।

বিরট-রক্ষন-গৃহে ভীমের শয়ন ।
নিদ্রা বান বৃকোদর হ'য়ে অচেতন ॥
সঙ্কেতে বলেন দেবী চাপি দুই-পায় ।
উঠ-উঠ, কত নিদ্রা যাহ হৃতপ্রায় ॥
হীনজন সাধ্যমত আপন-ভার্য্যারে ।
প্রাণপণে করি রক্ষা সঙ্কেটেতে তারে ॥
সভামধ্যে যত মম অপমান কৈল ।
সিংহের রমণী লৈতে শৃগালে ইচ্ছিল ॥
চরণ চাপিতে ভীম হন জাগরিত ।
কৃৎকারে আতুরা দেখি উঠেন স্তবিত ॥
কহ ভদ্রে, এত রাত্রে কেন আগমন ।
দুঃখিনীর প্রায় দেখি মলিন-বদন ॥
যে-কথা কহিতে চাহ, কহ শীঘ্র মোরে ।
কেহ পাছে দেখে-শুনে, যাহ নিজঘরে ॥
ভীমবাক্য শুনি আরো বৃদ্ধি পায় দুখ ।
নয়নে সলিল পড়ে, কৃষ্ণ অধোমুখ ॥

ভীম বলে, কহ প্রিয়ে, কিহেতু শোচন ।
কি দুঃখ তোমার কহ, করিব মোচন ॥
এত শুনি সক্রোধে বলেন পার্শ্বতী ।
কি দুঃখ-শোচন, যার যুধিষ্ঠির পতি ॥
জানিয়া শুনিয়া মোরে পাঠাতেছ ঘরে ।
আপনার কর্ম কিবা বলিব তোমায়ে ॥
হস্তিনায় দুঃখাসন যতেক করিল ।
কুরুসভা-মধ্যে সবে বসিয়া দেখিল ॥
একবস্ত্র-পরিধানা আছি রজসলা ।
কেশে ধরি আনিলেক করিয়া বিহ্বলা ॥
অনন্তর অরণ্যেতে জয়দ্রথ দুষ্ঠ ।
বলে ধরি ল'য়ে গেল উন্মত্ত পাপিষ্ঠ ॥
দ্বাদশ-বৎসর বনে কষ্টসহি শেষে ।
মৎস্তদেশে স্তম্বেষ্ণুর দাসী হৈলু এসে ॥
গোরোচনা-চন্দ্রনাডি ঘষি নিরস্তুর ।
হের দেখ, কলঙ্কিত হৈল দুই-কর ॥
সে-সব দুঃখের কথা নাহি করি মনে ।
তোমা-সবা-দুঃখ দেখি ভুলি ক্রণে-ক্রণে ॥
বিনা-অপরাধে মোরে কীচক দুঃখিত ।
সবার সাপ্নাতে মোরে মারিলেক লাথি ॥
এমত-জীবনে মোর নাহি প্রয়োজন ।
এত লঘু হ'য়ে জীব কিসের কারণ ॥
রাজকন্যা হ'য়ে মোর সমান দুঃখিনী ।
স্বামীর জীয়ন্তে কেহ, না দেখি, না শুনি ॥
আজি যদি কীচকে তুমি না মারিবে ।
নিশ্চয় আমার বধ তোমায়ে লাগিবে ॥
গরল খাইব কিংবা প্রবেশিব জলে ।
প্রভাতে মরিব আমি কীচকে দেখিলে ॥
নিত্য আসে দুরাচার আমার নিলয় ।
মোর ভার্য্যা হও বলি অনুকণ কয় ॥

সৈরিক্কা বলিয়া মোরে করে উপহাস ।
 ধিক্, মোর ছার প্রাণে আর কিবা আশ ॥
 হস্তস্থে নরপতি দেবন খেলিল ।
 ষাঁহার কশ্মেতে এত দুঃখ উপজিল ॥
 এমন ক'রেছে কোন্ রাজা কোন্ দেশে ।
 সবাক্কেব রাজ্য ত্যজি অরণ্যে প্রবেশে ॥
 কোটি-কোটি গজ-বাজি-গাভী-অশ্ব-বাস ।
 সব ত্যজি হৈলা এবে বিরাতের দাস ॥
 মুঢ়লোক থাকে যথা কৰ্ম্মধ্যান করি ।
 সেইমত বসি আছ, নিল সব অরি ॥
 নিরবধি সেবে দশ-সহস্র সুন্দরী ।
 অতিথি-সেবয়ে যার সহস্রেক নারী ॥
 যত অন্ধ, যত খঞ্জ আশ্রয়েতে থাকে ।
 লক্ষ-রাজা দাণ্ডাউয়ি থাকয়ে সম্মুখে ॥
 ঘোর-দ্যুতে হারিলেন এতেক সম্পদ ।
 এবে বিরাতের দাস পেয়ে কঙ্কপদ ॥
 অতুল-গাভীবধারী বীর ধনঞ্জয় ।
 একরথে করিলেন ত্রৈলোক্য-বিজয় ॥
 ইন্দ্রে জিনি করিলেন অগ্নির তর্পণ ।
 দৈত্য মারি নিষ্কণ্টক কৈলা দেবগণ ॥
 বজ্রাঘাত ডাকে যার ধনুর নির্ঘোসে ।
 কল্যাণ-মধ্যে থাকে নপুংসক-বেশে ॥
 মাথায় কিরীট যার সূর্য্যপ্রভা জিনি ।
 আজি সে মস্তকে হের লক্ষ্যমান বেণী ॥
 ক্রপদের কল্যা, ধুষ্টদ্যুনের ভগিনী ।
 পঞ্চস্রামী ভজি এবে হৈলু অনাথিনী ॥
 বজ্রের অধিক মোর কঠিন শরীর ।
 তেঁই এত কষ্টে প্রাণ না হয় বাহির ॥
 এত বলি কান্দে দেবী মুখে দিয়া কর ।
 তিতিল নয়ন-নীরে ভীম-কলেবর ॥

কৃষ্ণার ক্রন্দন দেখি কান্দে বৃকোদর ।
 করপদ কাঁপে ঘন, কাঁপে গুষ্ঠাধর ॥
 ধিক্ মোর বাহুবল, ধিক্ ধনঞ্জয় ।
 তোমার এতেক কষ্ট শুনি প্রাণ রয় ॥
 আমারে কি বল কৃষ্ণা, আমি কি করিব ।
 আত্মবশ হৈলে কেন এত দুঃখ পাব ॥
 যেখানে তোমাতে দুর্কি মারিলেক লাথি ।
 সেইখানে পাঠাতাম যমের বসতি ॥
 সব সভা মারিতাম নৃপতি-সহিতে ।
 কাহারে না রাখিতাম অন্তরে কহিতে ॥
 বিদিত হইলে পুনঃ যাউতাম বন ।
 এত অপমান প্রাণে হয় কি সহন ॥
 কটাক্ষে চাহিয়া রাজা মোরে মানা কৈল ।
 সে-কারণে ছুরাচার কাঁচক বাঁচিল ॥
 যুধিষ্ঠির-বাক্য আমি লজ্জিতে না পারি ।
 নহিলে এ-গতি কেন হইবে সুন্দরি ॥
 ইন্দ্রের অধিক হুখ শত্রুগণে দিয়ে ।
 এত দুঃখ হৈল শুধু তাঁর বাক্যে র'য়ে ॥
 সভামধ্যে করিলেক যত ভ্রংশাসন ।
 মৃত্যু-ইচ্ছা হয় তাহা করিলে স্মরণ ॥
 সে-সকল অপমান বসি দেখিলাম ।
 যুধিষ্ঠির-আজ্ঞা লাগি সব সহিলাম ॥
 ক্রন্দন সংবর দেবি, দুঃখ হৈল শেষ ।
 অল্পদিন-হেতু আর ভাব কেন ক্রেশ ॥
 কহিলে যে, মোর সম নাহিক দুঃখিনী ।
 রাজপত্নী হ'য়ে হেন না দেখি ধরণী ॥
 তোমা হৈতে দুঃখ পাইয়াছে বহুতর ।
 কহিব সে-সব কথা, অবধান কর ॥
 ছিলেন বৈদেহী সীতা জনক-দুহিতা ।
 লক্ষ্মী-অবতার হন, রামের বনিতা ॥

চৌদ্দবর্ষ-হেতু বনে গমন করিল ।
কল-মূল্যাহার করি কষ্টেতে বঞ্চিল ॥
অরণ্যে হরিয়া লয় দুষ্ক দশানন ।
বহুকষ্ট দিল তথা রাগস দুর্জন ॥
অনাচারে হৈল তনু অস্থি-চক্ষু-সার ।
নিত্য নিশাচরীগণ করিত প্রহার ॥
এত কষ্ট সহিলেন জনক-কুমারী ।
সাহা উদ্ধারিলা রাম রাবণেরে মারি ॥

অগস্ত্যের ভার্য্যা রূপে-গুণে অনুপাম ।

রাজার কুমারী হয়, লোপামুদ্রা নাম ॥
তাঁহার যতেক কষ্ট, কহেন না যায় ।
কর্মাক মুক্তিকা সব বেড়িলেক গায় ॥
বত্ৰকাল সেইরূপে কষ্টেতে রহিল ।
এত কষ্ট সহি পুনঃ অগস্ত্যে পাইল ॥

ভীমপুত্রী দময়ন্তী নলের গৃহিণী ।

তাহার যতেক কষ্ট অদ্বুত-কাহিনী ॥
মহারোর-বনগাওে ছাড়ি গেল পতি ।
ক্রমে-ক্রমে গেল পুনঃ পিতার বসতি ॥
অনেক-প্রকারে পুনঃ স্বামীরে পাইল ।
কতেক কহিব, দুঃখ যতেক সহিল ॥
ভুমিহ ততুল্য দুঃখ পাইলে অপার ।
ক্ষমা কর, অল্পদিন দুঃখ আছে আর ॥
তেরবর্ষ পূর্ণ হৈতে ত্রিংশৎ-রজনী ।
পুনরপি নিজদেশে হবে ঠাকুরাণী ॥
মহাভারতের কথা অমৃত-লহরী ।
কাশীরাম দাস কহে, শুন কর্ণ ভরি ॥

১০। কীচক-বধ ।

কৃষ্ণ বলে, যা বলিলে, সব আমি জানি ।
আজি রক্ষা পেলো পিছে হ'ব ঠাকুরাণী ॥

যদি তুমি কীচকে না দিবে আজি দণ্ড ।
লোকে কবে, সৈরিঙ্গী যে কহিয়াছে ভণ্ড ॥
আমি কহিয়াছি সর্বলোকের গোচর ।
আছয়ে আমার পঞ্চ-গন্ধর্ব্ব ঈশ্বর ॥
গন্ধর্ব্বের নাম শুনি করে উপহাস ।
বলে, লক্ষ-গন্ধর্ব্বেরে করিব বিনাশ ॥
সকল শোভিল তারে, যতেক কহিল ।
এত অপমান করি দণ্ড না পাইল ॥
প্রভাত হইলে পুনঃ দ্বারেতে আসিবে ।
পরিহাস করি মোরে বচন কহিবে ॥
সে বাক্য শুনিতে মোরে যেতে বল ঘরে ।
এখনি ত্যজিব প্রাণ তোমার গোচরে ॥
জয়দ্রথ-ভয় হৈতে করিলে উদ্ধার ।
জটামুরে বিনাশিয়া কৈলে প্রতীকার ॥
এখন কীচক-ভয়ে কর পরিভ্রাণ ।
তোমা-বিনা রাখে ইথে, নাহি দেখি আন ॥
যুধিষ্ঠির-আজ্ঞা-হেতু বিচারিছ চিতে ।
আজ্ঞা ক'রেছেন তিনি কীচকে দণ্ডিতে ॥
তথনি বিদিত হৈত পূর্ণ সভামাঝ ।
ধর্ম্মভয় করি ক্ষমা করে মহারাজ ॥

এত শুনি চিস্তি ভীম বলিল বচন ।

না কর ক্রন্দন দেবি, স্থির কর মন ॥
এত বলি ক্রোধে ভীম কহেন তখন ।
কীচকে অবশ্য আমি করিব নিধন ॥
সময় করহ এক কিস্ত তার সনে ।
উপায়ে মারিব, যেন কেহ নাহি জানে ॥
আজিকার মত তুমি বাহ নিজালয় ।
কালি প্রাতে তার সঙ্গে করিহ সময় ॥
নৃত্যশালে যথা কন্যাগণ নৃত্য শিখে ।
রজনীতে শয় তাহা, কেহ নাহি থাকে ॥

তথায় নির্বন্ধ কর শয্যা করিবারে ।
সে-ঘরে পাঠাব দুর্কে শমন-আগারে ॥
ভীমের আশ্বাস পেয়ে সংবরি ক্রন্দন ।
নয়ন মুছিয়া কৃষ্ণ করিল গমন ॥

রজনী প্রভাত হৈল, কীচক উঠিল ।
যথা রাজগৃহে কৃষ্ণা, শীত্ৰগতি গেল ॥
দ্রোপদীর প্রতি তবে দম্ভ করি বলে ।
ধাইয়া যে গেলে তুমি রাজসভাশ্লে ॥
রাজ-বিগ্ধমানে তোরে প্রহারিনু লাথি ।
কি করিল বল মোর বিরাট-নৃপতি ॥
মোর বাহুবলে রাজ্য ভুঞ্জে নরপতি ।
কি করিতে পারে মোর তাহার শক্তি ॥
ভজহ সৈরিন্দ্রী মোরে, ক্ষম দোষ মোর ।
এই দেখ দস্তে তৃণ, দাস হৈনু তোর ॥

কৃষ্ণ বলে, তব বশ হইলাম আমি ।
আছে কিন্তু আমার গন্ধর্ব্ব পঞ্চ স্বামী ॥
তাহা-সবাকারে বড় ভয় হয় মনে ।
এমন করহ, যেন কেহ নাহি জানে ॥
রজনীতে শূন্য সদা থাকে নৃত্যাগার ।
তথা নিশি তব সনে করিব বিহার ॥

এত শুনি দুর্কমতি হৈল হৃষ্টমন ।
শীত্ৰগতি নিজগৃহে করিল গমন ॥
নানা-গন্ধ-চন্দনাদি অঙ্গেতে লেপিল ।
দিব্য-রত্ন-অলঙ্কার অঙ্গেতে ভূষিল ॥
সৈরিন্দ্রীর চিন্তা করি বিরহ-হতাশে ।
ক্ষণে-ক্ষণে দিনকরে নিরখে আকাশে ॥
কতক্ষণে হবে অন্ত দেব-দিবীকর ।
পুনঃ বাহিরায়, পুনঃ প্রবেশয়ে ঘর ॥

হেথা কৃষ্ণা বৃকোদরে কহে সমাচার ।
রাত্রিতে আসিবে নৃত্যাগারে দুর্কীচার ॥
যথোচিত ফল আজি দিবে তার প্রতি ।
প্রভাত না হয় যেন আজিকার রাত্টি ॥

এমতে আসিয়া হৈল সন্ধ্যার সময় ।
বৃকোদর আগে চলি গেল নৃত্যালয় ॥
অঙ্ককার করি বৈসে পালঙ্কের মাঝ ।
মৃগ মারিবারে যথা সাজে মৃগরাজ ॥
আনন্দিত-চিত্ত হ'য়ে কীচক চলিল ।
একক হইয়া, সঙ্গে কারে না লইল ॥
যথায় পুরুষ সিংহ আছে বৃকোদর ।
কীচক বসিল গিয়া পালঙ্ক-উপর ॥
কামবাণাঘাতে দুর্ক মোহিত হইয়া ।
অঙ্গে হাত বলাইয়া বলিছে হাসিয়া ॥
লোহ হৈতে স্নকটিন বৃকোদর-কায় ।
কামানলে দগ্ধ বুঝে সৈরিন্দ্রীর প্রায় ॥
আমার মহিমা তুমি না জান সুন্দরি ।
মোর রূপগুণে বশ যত নর-নারী ॥
পূর্ব্বভাগ্যে গুণবতি, পেলে তুমি মোরে ।
সবারে ত্যজিয়া আমি ভজিনু তোমারে ॥

ভীম বলে, বড় ভাগ্য আমার আছিল ।
সে-কারণে তোমা স্বামী বিধি মিলাইল ॥
তোমার মহিমা আমি নাহি জানি পূর্ব্ব ।
সে-কারণে হেলা কৈনু গন্ধর্ব্বের গর্ব্ব ॥
কিন্তু এক দুঃখ মোর জাগিতেছে মনে ।
রাজসভামধ্যে মোরে মারিলে চরণে ॥
বজ্রের সমান তব চরণ-প্রহার ।
বড়-ভাগ্যে প্রাণরক্ষা হইল আমার ॥



কীচক-বধ

“তোথে অম্বিবৎ জলে বায়ু নন্দন ।

কীচকে কেলিগা বৃকে করিল আসন ॥”

বিরাটপক, পৃষ্ঠা—৬৬১

কমল-অধিক মোর কোমল শরীর ।
বেদনায় প্রাণ মোর হ'তেছে বাহির ॥
মনোহুঃখে কীরূপেতে পাবে রতিস্থ ॥
এত শুনি কহে তবে কীচক দুঃস্থ ॥

কমল সে-সব দোষ, তাজ দুঃখ-মন ।

প্রসন্ন হইয়া গোরে করহ বরণ ॥
পদাঘাত-দুঃখ যদি আছেয়ে অন্তরে ।
সেইমত পদাঘাত করহ আমারে ॥
এত বলি দুঃখমতি দিল মাথা পাতি ।
অন্তরে হাসিয়া উঠে ভীম মহামতি ॥
বজ্রাঘাত প্রায় ঘাড়ে প্রহারিল লাথি ।
তথাপিহ নাহি বুঝে কীচক দুঃখতি ॥
যে-চরণাঘাতে ভীম গিরি চূর্ণ কৈল ।
হিড়িম্ব কিস্মীর বক প্রভৃতি মারিল ॥
এক-এক তিনবার করিল প্রহার ।
তথাপিহ নাহি জানে কীচক গৌয়ার ॥

ভীম বলে, আরে দুঃখ, গন্ধর্বে বিবাদ ।

ঘুচাইব সৈরিন্দ্রীর রমণের সাধ ॥
ভান-বাক্য শুনি জন্মে কীচকের জ্ঞান ।
লক্ষ দিয়া উঠি ধরে ব্যাঘ্রের সমান ॥
মহাপরাক্রম হয় কীচক দুঃখজয় ।
দশ-ভীম হৈলে যুদ্ধে তার সম নয় ॥
ধরিয়া কৃষ্ণার কেশ আয়ু হৈল ক্ষীণ ।
বিশেষ চরণাঘাতে হৈল বলহীন ॥
তথাপি বিক্রমে ভীম হৈতে নহে উন ।
পদাঘাত দৃঢ়মুষ্টি হানে পুনঃপুনঃ ॥
আঁচড়-কামড়, মুণ্ডে-মুণ্ডে তাড়াতাড়ি ।
ধরাধরি করি ভূমে যায় গড়াগড়ি ॥
কখন উপরে ভীম, কখন কীচকে ।
শোণিতে জর্জর অঙ্গ পদাঘাতে নখে ॥

নিঃশব্দে দৌহার যুদ্ধ ঘরের ভিতর ।
এইমত যুদ্ধ হৈল তৃতীয় প্রহর ॥
উনপঞ্চাশৎ-বায়ুতেজ ধরে ভীম ।
তথাপি কীচক নহে সংগ্রামেতে হীন ॥
পুনঃপুনঃ উঠে দৌহে, করয়ে প্রহার ।
চরণের ঘাতে ক্ষতি হইল বিদার ॥
বসন্ত-সময়ে যেন হস্তিনী-কারণ ।
পর্বত-উপরে ছুই হস্তী করে রণ ॥
ক্রোধে অগ্নিবৎ জ্বলে বায়ুর নন্দন ।
কীচকে ফেলিয়া বৃকে করিল আসন ॥
দ্রৌপদীর অপমান হৃদয়েতে জাগে ।
সিংহ যেন চাপি ধরে মদমত্ত মুগে ॥
আরে দুঃখ দুরাচার কীচক দুঃখতি ।
ইচ্ছিল সৈরিন্দ্রী-সহ এই মুখে রতি ॥
এত বলি সেই মুখে মারে বজ্রমুষ্টি ।
ভাগিয়া ফেলিল তার দন্ত দুই-পাটি ॥
এই চক্ষু সৈরিন্দ্রীরে করিল দর্শন ।
এত বলি বজ্রনখে উপাড়ে নয়ন ॥
অণুকোশ ধরি তাহে মারিলেন লাথি ।
সেই ঘাতে প্রাণ ছাড়ে কীচক দুঃখতি ॥
হস্ত-পদ-শির তার সব চূর্ণ কৈল ।
কচ্ছপের প্রায় করি অঙ্গে ঢুকাইল ॥
মাংসপিণ্ডবৎ করি কুশ্মাণ্ড-আকার ।
হাসিয়া কৃষ্ণারে ডাকে পবন-কুমার ॥
অগ্নি জ্বালি দেখে আসি যাজ্ঞসেনি সতি ।
তোমা হিংসি কীচকের কীরূপ দুঃখতি ॥
অপরাধ-মত দণ্ড পাইল দুঃখতি ।
যে তোমার অপরাধ, তার এই গতি ॥

এত বলি বৃকোদর করিল গমন ।

রন্ধন-শালায় যথা শয়ন-আসন ॥

স্নান করি অঙ্গে দিল সুগন্ধি-চন্দন ।
 যুদ্ধশাস্ত্র হ'য়ে বীর করেন শয়ন ॥
 মহাভারতের কথা অমৃত-লহরী ।
 কাশীরাম কহে, সাধু শুনে কণ্ঠ ভরি ॥

—

১১। কীচকেব শবদাহে তাহার উনশত
 ভ্রাতার মৃত্যু ও দাহ ।

কীচক-মরণে কৃষ্ণা আনন্দিত হৈয়া ।
 সভাপাল-প্রতি তবে বলিল ডাকিয়া ॥
 মোরে যথা দুঃখ দিল কীচক দুঃখিত ।
 ফল দিল গন্ধর্বেবরা, যারা মোর পতি ॥
 অহঙ্কার করি দুর্জয় গন্ধর্বে না মানে ।
 গন্ধর্বে মারিবে কোথা মনুষ্য-পর্যাণে ॥

এত শুনি ধৈর্যে আসে যতেক রক্ষক ।
 মাংসপিণ্ড-প্রায় তথা দেখিল কীচক ॥
 অপূর্ব দেখিয়া লোক মানিল বিস্ময় ।
 কেহ বলে, কীচক এ, কেহ বলে, নয় ॥
 কেথা গেল হস্ত-পদ, কোথা গেল শির ।
 কুশ্মাণ্ডের প্রায় দেখি কাহার শরীর ॥
 কেহ বলে, গন্ধর্বেবরা মারে এইমত ।
 বার্তা পেয়ে ধৈর্যে আসে ভ্রাতা উনশত ॥
 কীচকে বেড়িয়া সবে করয়ে ক্রন্দন ।
 ভ্রাতা মিত্র বন্ধু যত স্ত্রী-পুরুষগণ ॥

এইমতে বন্ধুগণ কান্দিয়া অপার ।
 অগ্নিতে সংকার-হেতু করিল বিচার ॥
 হেনকালে দ্রৌপদীয়ে দেখে সেইখানে ।
 দর্পভরে দাণ্ডাইয়া সবা-বিদ্যমানে ॥
 ক্রোধে সূতপুত্রগণ বলিল বচন ।
 এই দুর্জয় হৈতে হৈল কীচক-নিধন ॥

কেহ বলে, না চাহিও এ-দুর্জয় পানে ।
 কেহ বলে, অসতীরে মারহ পর্যাণে ॥
 অগ্নিতে পোড়াহ এরে কীচক-সংহতি ।
 পরলোকে কীচকের হইবেক শ্রীতি ॥
 বান্ধিয়া ইহারে শীত্র মৃত-সহ লহ ।
 একবার গিয়া নৃপতিরে জিজ্ঞাসহ ॥
 বিরাট-নৃপতি শুনি কীচক-নিধন ।

কাতর হইয়া শোকে করয়ে ক্রন্দন ॥
 আহা হা কীচক-বীর মোর সেনাপতি ।
 তোমার বিহনে মোর হৈবে কোন্ গতি ॥
 দুর্জয় সৈরিন্দীর হেতু কীচক-নিধন ।
 ক্রোধে নরপতি আজ্ঞা দিলা সেইক্ষণ ॥
 তার মুখ আর নাহি দেখিব কখন ।
 শীত্রগতি লহ তারে করিয়া বন্ধন ॥
 পোড়াহ কীচক-সহ জ্বালিয়া অনল ।
 তবে সে আমার অঙ্গ হইবে শীতল ॥
 আজ্ঞা পেয়ে দ্রৌপদীয়ে বান্ধিল তখন ।
 শব-সহ লইলেক করিয়া বন্ধন ॥

তবে ত দ্রৌপদী-দেবী না দেখি উপায় ।
 আকুল হইয়া অতি কান্দে উভরায় ॥
 বিজয় জয়ন্ত জয় আর জয়ৎসেন ।
 জয়দ্বল নাম ল'য়ে উচ্চৈতে ডাকেন ॥
 ছন্দুভির শব্দ যার ধনুক-টঙ্কার ।
 তিনলোকে শক্তিমান, নাহি শত্রু যার ॥
 তাঁদের প্রেয়সী আমি, করিল বন্ধন ।
 শীত্রগতি আসি মোরে করহ মোচন ॥

এইমত পুনঃপুনঃ ডাকে যাক্সসেনী ।
 রক্ষন-গৃহেতে থাকি ভীমসেন শুনি ॥
 ক্রন্দনের শব্দ শুনি উঠিয়া বসিল ।
 দ্রৌপদীর স্বর বুঝি হৃদয় কাঁপিল ॥

কেশ-বেশ মুক্ত, বীর বায়ুবেগে ধায় ।
পথাপথ নাহি জ্ঞান, শব্দ শুনি যায় ॥
একলাফে ডিম্বাইল গড়ের প্রাচীর ।
আশ্বাসিয়া দ্রৌপদীকে কহে মহাবীর ॥

না কান্দ সৈরিন্ধী-দেবি, আসিল গন্ধর্ব ।
এখনি মরিবে ছুষ্ঠ সূতপুত্র সর্ব ॥
এত বলি উপাড়িলা দীর্ঘ-তরুণর ।
দণ্ড-হস্তে যম যেন, ইন্দ্র বজ্রকর ॥
সবে বলে, হের ভাই, গন্ধর্ব আসিল ।
পলাহ-পলাহ বলি সবে রড় দিল ॥
গণের মুখ ধরি ধায় বায়ুবেগে ।
পাড়ে ধায় বৃকোদর, সিংহ নেন গুণে ॥
সাবে আরে ছুরাচার সূতপুত্রগণ ।
মন্ত্য হইয়া কর গন্ধর্বের চালন ॥
এত বলি মারে বীর দীর্ঘ-তরুণর ।
এক-দায়ে মারে উনশত সহোদর ॥
অশ্রুপূর্ণগুণী কৃষ্ণা আছিল। বন্ধনে ।
মুক্ত করি বৃকোদর দিলা সেইক্ষণে ॥

ভীম বলে, দুঃখ নাহি ভাব গুণবতি ।
তোমা হিংসি ছুষ্ঠগণ লভিল দুর্গতি ॥
আজ্ঞা কর, যাব আমি, কেহ পাছে জানে ।
করুণ গমন তুমি আপনার স্থানে ॥

এত বলি চলি গেল বীর বৃকোদর ।
অন্তঃপুরে গেল কৃষ্ণা স্নদেষ্ণার ঘর ॥
রজনী প্রভাত হৈল, আসে সর্বজন ।
রাজারে করিল জ্ঞাত রাজমন্ত্রীগণ ॥
কীচকে দহিতে গেল যত ভ্রাতৃগণ ।
গন্ধর্বের হাতে সবে হইল নিধন ॥
সবে মারি সৈরিন্ধীকে মুক্ত করি দিল ।
পুনশ্চ সৈরিন্ধী আসি পুরে প্রবেশিল ॥

এ-মৎশৃদেশের আর নাহি প্রতীকার ।
গন্ধর্বের হাতে সবে হইবে সংহার ॥
মনোরমা নারী হয়, পরমা সুন্দরী ।
হেরিলে গন্ধর্ব তারে চলি যাবে মারি ॥
শীঘ্র কর নরপতি, ইথে প্রতিকার ।
এথা হৈতে গেলে ছুষ্ঠা সবার নিস্তার ॥

শুনিয়া বিরট-রাজ ভয়ে ত্রস্ত হৈল ।
কাচকেরে দহিবারে লোকে আজ্ঞা দিল ॥
অন্তঃপুরে গিয়া রাজা রাণীকে কহিল ।
সৈরিন্ধীকে রাখি গৃহে বিপত্তি ঘটিল ॥
এখন এ স্থান হৈতে যায় নেইমতে ।
মোর নান নাহি লবে, কহিবে সম্প্রীতে ॥
এতদিন ছিলে তুমি আমার সদন ।
এখন বপায় ইচ্ছা, করহ গমন ॥
তোমা হৈতে ভয় বড় হইল সবার ।
দিলম্ব না করি শীঘ্র কর আগুসার ॥
মহাভারতের কথা সুধার সাগর ।
যাহার শ্রবণে ত্রাণ পায় সব নর ॥
মস্তকে বন্দিয়া ব্রাহ্মণের পদরজ ।
কহে, কাশীরাম গদাধরদাসাগ্রজ ॥

১২ । দ্রৌপদীকে দোষা পূর্বজনের ভয় ।

বন্ধন হইতে মুক্ত কৈল বৃকোদর ।
স্নানান্তে দ্রৌপদী যান আপনার ঘর ॥
চতুর্দিকে বসি ছিল যত লোকজন ।
কৃষ্ণারে দেখিয়া ভয়ে পলায় তখন ॥
ব্যাক্ত্রী দেখি অজা যথা ধায় দড়বাড়ি ।
একের উপরে ভয়ে অশ্রু যায় পড়ি ॥
প্রাচীন অথর্ব লোক ধাইতে নারিল ।
অধোমুখে ভূমি ধরি বস্ত্র আচ্ছাদিল ॥

সবে বলে, কেহ নাহি চাহ উহা-পানে ।

এখনি গন্ধর্ব-হাতে মরিবে পরাণে ॥

এত বলি সব লোক করে কানাকানি ।

এথায় রক্ষন-গৃহে গেল যাঙ্গসেনী ॥

দাণ্ডাউয়া ছিল তথা বীর বৃকোদর ।

প্রণমি কহিল দেবী যুড়ি দুইকর ॥

গন্ধর্ব-রাজের পায়ে মগ্ন নমস্কার ।

যে মোরে সঙ্কট হৈতে করিল নিস্তার ॥

ভীম বলে, যেইজন আশ্রিত যাহার ।

অবশ্য করয়ে লোক তার প্রতিকার ॥

তথা হৈতে নৃত্যশালে করিল গমন ।

সৈরিক্ষীয়ে নিরখিয়া বলে কণ্ঠাগণ ॥

ভাল হৈল, সবাক্ষবে মরিল দুশ্মতি ।

যে তোমার করিলেক এতেক দুর্গতি ॥

পার্শ্ব বলিলেন, কহ অদ্ভুত-কখন ।

কিমতে গন্ধর্ব কৈল কাঁচকে নিধন ॥

কৃষ্ণা বলে, কি জানিবে ওহে বৃহন্নলা ।

অহর্নিশ কণ্ঠাগণ ল'য়ে কর খেলা ॥

কিমতে জানিবে, দুঃখ বতেক আমার ।

হাসি-হাসি জিজ্ঞাসিছ, কি বলিব আর ॥

তথা হৈতে গেল স্নুদেষ্ণার অন্তঃপুরী ।

কৃষ্ণারে দেখিয়া সব পলাইল নারা ॥

দ্বারেতে কপাট কেহ দিল মহাভয়ে ।

দেখিয়া দ্রোপদা-দেবী ডুবিল বিস্ময়ে ॥

সহস্র স্নুদেষ্ণা আসি নৃপ-পাটরাণী ।

বিনয়-পূর্বক সৈরিক্ষীয়ে বলে বাণী ॥

এথা হৈতে বাছা, তুমি করহ গমন ।

যথা আছে তোমার গন্ধর্ব-পতিগণ ॥

নৃপতির ভয় বড় হইল তোমাতে ।

কালরূপী জানি তোমা সর্বলোকে ডরে ॥

সর্বনাশ হৈল মোর তোমার কারণ ।

তোমা রাখি হত্যা কৈনু সহোদরগণ ॥

এখন ক্ষমহ মোরে, করি পরিহার' ।

যথা ইচ্ছা, তথাকারে কর আগুসার ॥

দ্রোপদী বলিল, দেবি, কর অবধান ।

তেরদিন পরে আমি যাব নিজস্থান ॥

তোমাতে গন্ধর্বগণ বহু-শ্রীত হৈবে ।

তেরদিন উপরান্তে' মোরে ল'য়ে যাবে ॥

আমা হৈতে যত কষ্ট হইল তোমার ।

ততেক সন্তোষ আমি করিব অপার ॥

মরিল আপন-দোষে কাঁচক দুশ্মতি ।

বিনাদোষে কাহারে না হিংসে মোর পতি ॥

দেব-দ্বিজ-প্রিয় তাঁরা ভকত-বৎসল ।

নাহি করে তাঁরা ধার্মিকের অমঙ্গল ॥

এখানে দেখিবে মোর সেই স্মাগিগণে ।

দেব-দ্বিজগণ-ভক্ত, বড় প্রিয় রণে ॥

স্নুদেষ্ণা বলিল, দেখ, দেখিয়া তোমাতে ।

পুরুষের কথা কিবা, স্ত্রী পলায় ডরে ॥

তেরদিন তুমি যদি থাকিবে এথায় ।

সত্য করি এক কথা কহ গো আমায় ॥

স্মাগি পুত্র ডরে মোর রহিল বাহিরে ।

অভয় করিলে তুমি আসিবেক ঘরে ॥

সবাক্ষবে লইলাম তোমার শরণ ।

গন্ধর্বের ভয়ে তুমি করহ রক্ষণ ॥

অভয় করিল কৃষ্ণা স্নুদেষ্ণার বোলে ।

এইমতে তথা কৃষ্ণা বঞ্চে কুতূহলে ॥

মহাভারতের কথা অমৃত-লহরী ।
কাহার শকতি, তাহা বর্ণিবারে পারি ॥
রহস্য বিরটিপর্কের কীচকের বধে ।
কাশীদাস কহে ব্রিজ-চরণ-প্রসাদে ॥

১৩। পাণ্ডবগণের অশেষণে হুর্ঘ্যোদনে
চর-প্রবেশ ।

অস্ত্রাতে বঞ্চে ন হেথা পাণ্ডুর নন্দন ।
হস্তিনা-পুরেতে তথা রাজা হুর্ঘ্যোদন ॥
লক্ষ-লক্ষ চরণ পাঠান ছরিত ।
পাণ্ডবের অশেষণে যায় চতুর্ভিত ॥
হুর্ঘ্যোদন বলে, যেই পাণ্ডবে দেখিবে ।
পাণ্ডবে দেখেছি বলি যে আসি কহিবে ॥
ধন জন-দেশ দিব বহুত ভাণ্ডার ।
নাজাতোগ ভুঞ্জিবেক সহিত আমার ॥

এত বলি দূতগণে দিল বহুধন ।
পাঠাইল অষ্টদিকে লক্ষ-লক্ষ-জন ॥
একবর্ষ পাণ্ডবেরে খুঁজে সর্বজন ।
অনিয়া সকল-দেশ আসে দূতগণ ॥
নমস্কার করি নৃপে করঘোড়ে কয় ।
বহু গুঁজিলাম রাজা, পাণ্ডুর-তনয় ॥
গ্রাম-দেশ-নগরাদি যত জনপদ ।
তড়াগ নির্বার নদী নদী আর হ্রদ ॥
পর্বত-কানন-বৃক্ষ-লতার ভিতর ।
গহ্বর কন্দর গুহা অরণ্য সাগর ॥
মুনিমধ্যে মুনি হই, ব্যাধমধ্যে ব্যাধ ।
হস্তি-সিংহ-ব্যাঘ্র-মধ্যে না গণি প্রমাদ ॥

১। কোতোয়াল ।

রাজগৃহে ধরিলাম সারথির বেশ ।
উদাসীন হ'য়ে ভ্রমিলাম সর্বদেশ ॥
অযোধ্যা পাঞ্চাল কাশী দ্বারকা-নগর ।
এই চারি ভ্রমিলাম গিয়া ঘর-ঘর ॥
কোথাও না দেখিলাম পাণ্ডুর নন্দন ।
জাঁয়ন্ত থাকিলে হৈত অবশ্য দর্শন ॥
জাঁবিত যতপি থাকে, আছে সিন্ধুপার ।
কিন্তু পৃথিবীর মধ্যে নাহি তার। আর ॥
নিশ্চয় নৃপতি, এই কহিনু তোমায় ।
যদি আশ্রয় হয়, তবে যাঈ পুনরায় ॥
এত বলি চরণ নিবৃত্ত হইল ।
দক্ষিণের দূত তবে কহিতে লাগিল ॥
অদ্যুত-কথন এক শুন মহারাজ ।
একদিন ছিনু মোরা মৎস্যদেশ-নাথ ॥
বিরটি-স্থালক জান কে কয়-কুমার ।
কীচক নামেতে, শত সহোদর তার ॥
স্ত্রীর হেতু শতভায়ে গন্ধর্ব মারিল ।
ত্রিগর্ভের রাজ্য যেই বলে ল'য়েছিল ॥
দেগিনু শুনিমু যথা, কহি মহারাজ ।
আজ্ঞা কর, এবে মোরা করি কোন্ কাজ ॥

চরণ-বচনান্তে কহে হুর্ঘ্যোদন ।
আমার মে বাপু, তাহা শুন সর্বজন ॥
ত্রয়োদশ বৎসর হইল আসি শেষ ।
আসিবে পাণ্ডবগণ পেয়ে বহুক্লেশ ॥
ক্রোধে মহাভয় দেখাইবে কুরুগণে ।
ইহার উপায় এই লইতেছে মনে ॥
পুনর্বীর চরণ যাক খুঁজিবারে ।
নিশাপতি হ'য়ে যদি দেখে পাণ্ডবেরে ॥

শুনিয়া বলিছে কর্ণ সূর্য্যের নন্দন ।

এ-সকল থাক্, যাক্ অন্ম চরগণ ॥

ছদ্মরূপে যাক্, যেই হয় বিচক্ষণ ।

পণ্ডিত-স্ববুদ্ধি যেই অনুগত-জন ॥

দুঃশাসন বলে, ভাল কহ মহামতি ।

পুনরপি দূতগণ যাক্ শীত্ৰগতি ॥

শ্রাণে জানে পশুগণ, বেদে দ্বিজবরে ।

অন্যজন দৃষ্টে জানে, রাজা জানে চরে ॥

ইহা-বিনা অন্ম-কৰ্ম্ম নাহিক রাজন্ ।

আপন-হিতের চর যাউক এখন ॥

মরিলে তথাপি বার্তা চাহি জানিবারে ।

সিংহে-ব্যাত্রে মারিল কি অরণ্য-ভিতরে ॥

অনাহারে কঠে ভীমসেন ক মরিল ।

তাহার মরণ-শোকে সবে প্রাণ দিল ॥

নিরন্তর দুকোদর রাধসেতে বাদি ।

যার তার সহ দ্বন্দ্ব করে নিরবধি ॥

বেড়িয়া রাক্ষস কিবা মারিল পাণ্ডবে ।

নিশ্চয় মরিল তারা, চবে কোথা পাবে ॥

এত শুনি বলিলেন দ্রোণ মহামতি ।

কৌরব-পাণ্ডব-গুরু, বৃদ্ধে বৃহস্পতি ॥

এরূপে পাণ্ডব যদি হইবে নিধন ।

তবে লোকে ধৰ্ম্ম করে কিসের কারণ ॥

অশক্ত অরণ্যমধ্যে ধৰ্ম্ম বলবান্ ।

ধৰ্ম্ম যার আছে, তার সর্ব্বত্র কল্যাণ ॥

পাণ্ডুপুত্রে পরাভব করিবেক রণে ।

তিনলোক-মধ্যে হেন না দেখি নয়নে ॥

শুচি সত্যবাদী কৃতকৰ্ম্মা জিতেন্দ্রিয় ।

ধৰ্ম্মজ্ঞ শাস্ত্রজ্ঞ গুরু-দেব-দ্বিজ-প্রিয় ॥

ধৰ্ম্মপুত্র যুধিষ্ঠির ধৰ্ম্ম-অবতার ।

আর চারি-সহোদর অনুগত তার ॥

তাহায় কুনীতি হয়, নাহি দেখি আমি ।

ছদ্মবেশে আছে তারা কাল অনুক্রমি ॥

যে বিচার করিতেছ, করহ ত্বরিত ।

পুনশ্চ যাউক চরগণ চতুৰ্ভিত ॥

দ্রোণের বচন শুনি কহে ভীষ্মবীর ।

সজল-জলদ-তুল্য বচন গম্ভীর ॥

অকারণে চরগণে পাঠাবে আবার ।

ইহারা চিনিবে কিসে পাণ্ডুর কুমার ॥

বেদবিজ্ঞ দ্বিজ হৈবে সৰ্ব্বশাস্ত্র জানে ।

সত্যবৃতি তপোপর হৈবে, যেইজনে ॥

সেই সে জানিতে পারে পাণ্ডু-পুত্রগণে ।

মরিল বলিয়া কেন বল অকারণে ॥

তেরবর্ষ সুদারুণ তপস্তা করিল ।

তার ফল ফলিবার সময় হইল ॥

যেই-দেশে থাকিবেক পাণ্ডুর নন্দন ।

তার চিহ্ন কহি এবে, শুন চরগণ ।

না ব্যাধি, না দুঃখ-শোক সে দেশের জনে ।

ছুন্টের নিগ্রহ, শিষ্ট-পালন যতনে ॥

দানশীল দয়াশীল ক্ষমাশীল ধীর ।

যেই-রাজ্যে থাকিবেন রাজা যুধিষ্ঠির ॥

প্রিয়বাক্য গম্ভীর শাস্ত্র-অনুগত ।

ব্রহ্মচর্য্য পুণ্যকৰ্ম্ম যজ্ঞ-হোম-ব্রত ॥

উত্তম হইবে শস্ত্র মেঘের পালনে ।

বহু-স্ফারবতী হৈবে যত গাভাগণে ॥

ধৰ্ম্মপুত্র যুধিষ্ঠির যথায় থাকিবে ।

স্বগন্ধ-শীতল-বায়ু সদাই বহিবে ॥

শরীরে জন্ময়ে ব্যাধি, আনে'সে বিপদ ।

বন্ধু হ'য়ে হিত করে বনের ঔষধ ॥

পর হ'য়ে বন্ধু হয়, যদি হিত করে ।

জ্ঞাতি হ'য়ে শত্রু হয় অধৰ্ম্ম-আচারে ॥

সেইমত দেখি দুর্ঘোষধনের আচার ।
 পাণ্ডবের হাতে হৈল সবংশে সংহার ॥
 আমার এতেক এলা নাহি প্রয়োজন ।
 সমান আমার কুরু-পাণ্ডুর নন্দন ॥
 কিন্তু আর চর পাঠাইবে কি-কারণ ।
 শীঘ্রই নিকটে আসিবেক পঞ্চজন ॥
 ত্রয়োদশ-বর্ষ এই হৈল আসি শেষ ।
 'নগরাজ্যে না আসিয়া যাবে কোন্ দেশ ॥
 আসি মহাভয় দেখাইবে সর্বজন ।
 বনপথে বাহির কৈলে, জান নিজ-মনে ॥
 বস্তুর কহিয়া আর নাহি প্রয়োজন ।
 বাণী দশ্য, তথা জয়, বেদের বচন ॥

ভীষ্মদেব-বচনান্তে বলে কৃপাচার্য্য ।
 স্মৃতি বৃষি সাধ নিজ-হিতকার্য্য ॥
 দ্রোণ-ভীষ্ম যা' বলিল, নাহি হবে আন ।
 গুপ্তবশে রহিয়াছে পাণ্ডব ধামান্ ॥
 হৈল সময় শেষ, কাল দেখা দিল ।
 উপায় করহ শীঘ্র, কর্ণ যা' কহিল ॥
 শীঘ্রবারে চরণে পাঠাও বিদেশ ।
 এখায় করহ শীঘ্র, সৈন্য-সমাবেশ ॥
 ভাণ্ডারের ধন দেখ, দেখ নিজ-বল ।
 পরস্পর আপ্ত' কর নৃপতি-সকল ॥
 তোমার সামান্য শত্রু পাণ্ডুপুত্র নয় ।
 এক-এক পাণ্ডব যে করে ইন্দ্রে জয় ॥

শরদ্বান্-মুনিপুত্র কহি নিবর্তিল ।
 সভাতে শ্বশুর-রাজ বসিয়া আছিল ॥
 কহিব বলিয়া পূর্বে বিচারিয়াছিল ।
 কর্ণীর কৈল, তাই কহিতে নারিল ॥

এতক্ষণে কহে তবে ত্রিগর্ত-ঈশ্বর ।
 মোর এক নিবেদন শুন নৃপতর ॥
 বিরাটের শ্যালক কাঁচক মহাবল ।
 বলেতে আমার রাজ্য নিলেক সকল ॥
 সবাক্ষে মোরে জিনি ক'রোঁছল গর্ব্ব ।
 এখন শুনি যে তারে মারিল গন্ধর্বা ॥
 কাঁচক মরিল যবে, হৈল বড়-কার্য্য ।
 বিরাটে বান্ধিয়া এবি লব নিজ-রাজ্য ॥
 ধন-রত্ন-পূর্ণ তার গাভী অপ্রমিত ।
 এ-সময়ে তাহে তব হৈবে বড় হিত ॥
 হীনবীয়া বিরাটে জিনিব কোঁতুকে ।
 বিচারে যাঁহিসে যাহা, আস্থা দেহ মোকে ॥

কর্ণ বলে, ভাল কহে শ্বশুর-নৃপতি ।
 মৎস্যদেশে যাব, সৈন্য সাজাহ বটিতি ॥
 পাণ্ডবের হেতু চিন্তা কর অকারণ ।
 কোথায় মরিয়া গেল, রূপা অশ্বেষণ ॥
 জীয়ন্ত থাকিলে তবে আসিবে হেথায় ।
 ধনহীন বন্ধুহীন ক্রেশে ক্লিষ্টকায় ॥
 মম বল-বার্য্য তার। ভালমতে জানে ।
 পুনঃ এথা পাণ্ডব না আসিবে কখনে ॥
 এক্ষণে চলহ সবে, যাব মৎস্যরাজ্য ।
 ধন-রত্ন পাব বহু, হৈবে বড়-কার্য্য ॥
 কর্ণের বচন শুনি বলেন বিদুর ।
 নিশ্চিত সবার চিত্ত যেতে মৎস্যপুর ॥
 সবাকার মন হৈল, নিবেধিতে দোষে ।
 রত্ন-গাভী-উপার্জন হয় বড়-ক্রেশে ॥
 কহিলেক চর মৎস্যদেশ-সমাচার ।
 দুর্জয় কাঁচক গেল স্ত্রীর হেতু মার ॥

অতাপিহ নাহি দেখি, নাহি শুনি কানে ।
 গন্ধর্ব্ব নিবাস করে মনুষ্য-ভবনে ॥
 গন্ধর্ব্বের দ্বার সহ কীচকের কথা ।
 অমুমানে বুঝিতেছি সকল বারতা ॥
 বুঝিয়া করিবে কার্য্য, যাইবে নিশ্চয় ।
 গন্ধর্ব্ব-সহিত যেন দিবাদ না হয় ॥

বিচুর-বচন শুনি খাসে দুর্্যোধন ।
 শক্তিমত কহে যুক্তি, যাহার যেমন ॥
 যত শক্তি আপনার, ততক মন্ত্রণা ।
 না বুঝ, আমার শত্রু আছে কোন্ জনা ॥
 গন্ধর্ব্ব কি গনি, যদি আসে দেবগণ ।
 ইন্দ্রসহ সাজি আসে এ-তিন-ভুবন ॥
 কার শক্তি আসি মোর সম্মুখান হয় ।
 তোমারে না ডাকি সঙ্গে, কেন কর ভয় ॥

এত বলি সৈন্যে আজ্ঞা দিল কুরুপতি ।
 চতুরঙ্গ-দল-সজ্জা কর শীঘ্রগতি ॥
 স্রুশ্রী-নৃপতি যাক্ সবাংকার আগে ।
 আপনার রাজ্য গিয়া নিক্ বান্যভাগে ॥
 সৈন্য-সহ যাব আমি করিবারে রণ ।
 শূন্যরাজ্যে গিয়া আমি হরিব গোধন ॥
 একদিন আগে যাও স্রুশ্রী-রাজন্ ।
 পশ্চাৎ সসৈন্যে আমি করিব গমন ॥
 মহাভারতের কথা অমৃত-লহরী ।
 কাশী কহে, সাধুজন পিয়ে কর্ণ ভরি ॥

১৪। গোধন-হরণার্থে স্রুশ্রী-রাজের যাত্রা ।

দুর্্যোধন-আজ্ঞা পেয়ে স্রুশ্রী-নৃপতি ।
 আপন-বাহিনী সাজাইল শীঘ্রগতি ॥
 আষাঢ়ের সিতপক্ষে পঞ্চমী-দিবসে ।
 স্রুশ্রী-নৃপতি চলি গেল মৎস্যদেশে ॥

শঙ্খ-ভেরী-আদি করি নানা-বাণ সাজে ।
 বাতের শব্দেতে কম্প হৈল মৎস্যরাজে ॥
 প্রবেশিয়া মৎস্যদেশে স্রুশ্রী-নৃপতি ।
 ধরহ গোধনে, আজ্ঞা দিল সৈন্য-প্রতি ॥
 হয়-হস্তী গাভী আর নানা-রত্ন-ধন ।
 লুঠিতে লাগিল চতুর্দিকে সর্ব্বজন ॥
 গোধন-রক্ষণে ছিল যত গোপগণ ।
 ধাইয়া রাজারে বার্তা কহিল তখন ॥
 সভাতে বসিয়াছিল বিরাট-নৃপতি ।
 উর্দ্ধ্বাসে কহে গোপ প্রণমিয়া ক্ষিতি ॥
 মজিল সকল মৎস্যদেশ নৃপবর ।
 হরিয়া লইল সব-ত্রিগর্ভ-ঈশ্বর ॥
 রক্ষা করিবারে রাজা, যদি থাকে মন ।
 বিলম্ব না কর, শীঘ্র করহ গমন ॥

দূতমুখে হেন বার্তা পাইয়া নৃপতি ।
 চতুরঙ্গ-সেনা-সজ্জা করে শীঘ্রগতি ॥
 শতানীক-মদিরাক্ষ দুই সহোদর ।
 শ্বেত-শঙ্খ দুই-তাই রাজার কোণ্ডর ॥
 পাত্র-মিত্রগণ যোদ্ধা সাজিল সকল ।
 বিবিধ-বাজনা বাজে, সৈন্য-কোলাহল ॥
 শতানীকে আজ্ঞা দিল বিরাট-নৃপতি ।
 দিব্য-অস্ত্র-ধনু দেহ চারিজন-প্রতি ॥
 শ্রীকঙ্ক-বল্লব অশ্ববৈগ ও গোপাল ।
 মহাবাহ্যবন্ত, যুদ্ধ করিবে বিশাল ॥
 দেবতার প্রায় সবে দেখি যে সাক্ষাতে ।
 অবশ্য যুদ্ধের কার্য্য হবে সবা হৈতে ॥
 দিব্য-ধনুর্বাণ দিল, রথ-ভুরঙ্গম ।
 মুকুট-কুণ্ডল দিল, কবচ উত্তম ॥
 পরিলা উত্তম-বাস অতি-মনোহর ।
 শরতে উদ্ভিত যেন হৈল শশধর ॥

সাজিয়া পাণ্ডব করে রথে আরোহণ ।
 দর্গ হৈতে আসে যেন দিক্‌পালগণ ॥
 চলিল বিরাট-রাজ মীনধ্বজ-রথে ।
 চারি-ভাই চলিলেন রাজার পশ্চাতে ॥
 রথ চালাইয়া দিল রথের সারথি ।
 পশ্চাতে মাহুতগণ চালাইল হাতী ॥
 পদধূলি ঢাকিলেক দেব-দিবাকরে ।
 ঘোর-অন্ধকার হৈল দিবা-দ্বিপ্রহরে ॥
 শূন্য হৈতে পক্ষিগণ ভূমিতে পড়িল ।
 হেনমতে দুই-সৈন্যে ক্রমে দেখা হৈল ॥
 রথকে ধাইল রথী, গজ ধায় গজে ।
 অশ্বরোহী অশ্বরোহী, পত্তি-পত্তি যুঝে ॥
 মল্ল-মল্ল, গজে-গজে, ধানুকী-ধানুকী ।
 খড়গ-খড়গ, শূলে-শূলে, তবকাঁ-তবকাঁ ॥
 হৈল দারুণ-যুদ্ধ মহাভরতর ।
 পূর্বে যথা দেবাসুরে হইল সমর ॥
 সিংহনাদ মূর্চ্ছমূর্চ্ছ, গর্জে সৈন্যগণ ।
 ধনুক-নির্বোধ ঘন, শাশুর নিঃসন ॥
 বিবিধ-বাণের শব্দে কর্ণে লাগে তালি ।
 অন্ধকার হৈল সব, আচ্ছাদিল ধূলি ॥
 বাণের আশ্রনমাত্র ক্ষণে-ক্ষণে জ্বলে ।
 অন্ধকার-রাত্রে যেন খচোত উজ্জ্বলে ॥
 মুঘল মুদগর শূল ইষু চক্র শেল ।
 পরশু পট্টিশ জাঠী ভল্ল কুস্ত ছেল ॥
 পড়িল অনেক-সৈন্য পৃথিবী আচ্ছাদি ।
 ধূলি অন্ধকার কৈল, রক্তে বহে নদী ॥
 মুকুট-কুণ্ডল-মুণ্ড যায় গড়াগড়ি ।
 বকে শেল বাজি কেহ করে ধড়ফড়ি ॥

সব্যহস্ত খড়গ-সহ পড়িল ভূতলে ।
 পদ কাটা গেল কারো, গড়াগড়ি ধূলে ॥
 পর্বত-আকার গজ ভূমে দস্ত দিয়া ।
 পড়িল ছুঁভিতে সৈন্য অনেক দলিয়া ॥
 হেনমতে হৈল যুদ্ধ দ্বিতীয়-প্রহর ।
 কেহ পরাজিত নহে, কাণ্ড ঘোরতর ॥
 ক্রোধে শতানীক-বার সমরে প্রবেশে ।
 একশত রথী মারে চক্ষুর নিমিষে ॥
 মদিরাঙ্গ মারিলেক শত-সেনাপতি ।
 শত-শত মারে সৈন্য বিরাট-নৃপতি ॥
 বিরাট-নৃপতি দেখি সুশর্মা ধাইল ।
 দুই মত্ত-ত্র্যাশ্র যেন একত্র মিলিল ॥
 ক্রোধেতে বিরাট-রাজ মারে দশ-শর ।
 চারি-অশ্ব চারি, দুই সারথি-উপর ॥
 রথধ্বজে দুই, দুই সুশর্মা-উপরে ।
 সুশর্মা কাটিয়া অস্ত্র ফেলে কতদূরে ॥
 পঞ্চশত বাণ মারে বিরাট-উপর ।
 কাটিয়া ফেলিল তাহা মৎস্যের ঈশ্বর ॥
 দেখিয়া ত্রিগর্তপতি অতি-শীঘ্রগতি ।
 লাফ দিয়া ভূমিতলে নামে মহামতি ॥
 গাতে গদা ল'য়ে ধায় মহাবায়ুসেগে ।
 সিংহ যথা ধরিবারে ধায় মত্ত-মুগে ॥
 চারি-অশ্ব বিনাশিল মারি গদা-বাড়ি ।
 সারথির কেশে ধরি ভূমে ফেলে পাড়ি ॥
 জীবগ্রহে' ধরিয়া বিরাট-নরবরে ।
 শীঘ্রগতি ল'য়ে তোলে নিজ-রথোপরে ॥
 রাজা বন্দী হৈল, সৈন্য হৈল ভঙ্গীয়ান ।
 চতুর্দিকে পলাইল ল'য়ে নিজ-প্রাণ ॥

বড়-বড় যোদ্ধাসব ত্যজি ধনুঃশর ।
 আপনি চলায়ে রথ পলায় সত্বর ॥
 উভলেজ মত্তগজ গর্জিয়া পলায় ।
 অগারোহী পদাতিক পাছু নাহি চায় ॥
 পলাইল সর্বসৈন্য, কেহ নাহি আর ।
 রাখিতে না পারে সৈন্য বিঘাট কুমার ॥
 রণজয় করি পরে ত্রিগর্ত-নৃপতি ।
 বিরাটে লইয়া তবে চলে হৃষ্টমতি ॥
 জয়ধ্বনি বাগ্মশব্দ হয় অমুক্ষণ ।
 মৎস্যরাজ-সৈন্যমধ্যে উঠিল ফন্দন ॥
 ভ্রাতা পুত্র মন্ত্রিগণ হাহাকারে কান্দে ।
 ভয়ে পলাইল সৈন্য, কেহ নাহি বাঞ্চে ॥
 সন্ধ্যাকাল হৈল, সূর্য্য ক্রমে অস্ত গেল ।
 কাহারে না দেখি, কেবা কোথা পলাইল ॥

দেখিয়া কহেন ভীমে ধন্য-নরবর ।
 দাণ্ডাইয়া কি দেখহ ভাই রুকোদর ॥
 বহু-উপকারী এই বিরাট-নৃপতি ।
 বর্ষেক আজ্ঞাতে গৃহে করি নু বসতি ॥
 যার যে কামনা-মত পাইলু যে-স্থানে ।
 তাহারে লইয়া যায় আমা-বিদ্যমানে ॥
 দাণ্ডাইয়া দেখ ইহা, নহে ক্ষত্রধন্য ।
 বিশেষ আমার এই অনুগত-কর্ম্ম ॥
 শীঘ্র কর বিরাটের বন্ধন-মোচন ।
 যাবৎ শত্রুর হস্তে না হয় নিধন ॥

এত শুনি বলে ভীম যোড় করি পাণি ।
 পালিব তোমার আজ্ঞা ওহে নৃপমণি ॥
 এখন আমার কর্ম্ম দেখ দাণ্ডাইয়া ।
 বিরাটে আনিয়া দিব সুশ্রী মারিয়া ॥

এই যে দেখহ দীর্ঘ শাল-তরুবর ।
 আগার হাতের যোগ্য গদার সোসর ॥
 এই বৃক্ষাঘাতে আমি বধিব সকল ।
 নিঃশেষ করিব আজি ত্রিগর্তের বল ॥
 এত বলি বৃক্ষ উপাড়িতে ধায় বীর ।

দেখিয়া কহেন পুনঃ রাজা যুধিষ্ঠির ॥
 হেন কর্ম্ম না করিহ ভাই রুকোদর ।
 লোকে জ্ঞাত হৈবে উপাড়িলে বৃক্ষবর ॥
 অজ্ঞাত-বৎসর শেষ যতদিন নয় ।
 ততদিন খ্যাত কর্ম্ম উচিত না হয় ॥
 মানুষ-ধনুক অস্ত্র ল'য়ে কর রণ ।
 মনুষ্যের মত কর রথে আরোহণ ॥
 ছ'পাশে থাকুক তব ছুই সহোদর ।
 শীঘ্র এান ছাড়াইয়া মৎস্যের ঈশ্বর ॥
 আমিহ তোমার পাছে ল'য়ে সৈন্যগণ ।
 বিরাট-রক্ষার হেতু করিব গমন ॥

ভীম বলে, নরপতি, ইহা কেন কহ ।
 মুহূর্ত্তেকে বিরাটেরে আনি দিব, লহ ॥
 আপনি করিবে শ্রম কিসের কারণ ।
 করি ত্রিগর্ত-সহ সমর ভীষণ ॥
 কোন্ হেতু যাবে ছুই মার্দার মন্দন ।
 কি-কারণে লইব সঙ্গিতে সৈন্যগণ ॥
 বৃক্ষ নিতে নিষেধিলে, বৃক্ষ নাহি ল'ব ।
 রিক্তহস্তে গিয়া আমি বিরাটে আনিব ॥
 কোন্ ছার কর্ম্ম সে ত্রিগর্ত-সহ রণ ।
 নম সহ সৈন্য কেন করিবে প্রেরণ ॥

এত বলি রুকোদর ধায় শীঘ্রগতি ।
 চলিতে চরণভরে কম্পে বহুমতী ॥

রজনী-সম্মুখ হৈল, ঘোর অন্ধকার ।
বায়ুবেগে ধায় ভীম, বলে মার-মার ॥
মহাভারতের কথা অনূত-সমান ।
কাশীরাম দাস কহে, শুনে পুণ্যবান ॥

—

১৫। ভীম-কর্ষক হুশর্মা'ব পবাক্ষয় ও
বিব্যাটেন বন্ধন-মুক্তি ।

তথ্যেণ ত্রিগর্ভ-রাজ সৎ গ্রাম জিনিয়া ।
কৃপনামে নর্দাতীরে উত্তরিল গিয়া ॥
দক্ষশ্রমে নর্করনৈল ক্ষুধায় আকুল ।
‘দান ভোজন করে বসি নদী-কূল ॥
দক্ষন গৃহেতে কেহ রহিল শয়নে ।
কেও স্নানে, কেহ পানে, আসনে, ভোজনে ॥
বিরাটে করিয়া বন্দী স্মশান হরিষে ।
নর্দয়া সবার মধ্যে কহে পরিচাসে ॥
কোথায় স্থালক তব বিরাট-নৃপতি ।
ভাগ্যবলে স্থালকেরে পেয়েছিলে তুমি ।
যার তেজে কাড়ি নিলে মোর রাজ্য-ভূমি ॥
এক্ষণে তোমার কিবা আছে হে উপায় ।
নাহি দেখি, কেহ আছে তোমার সহায় ॥
নিশ্চয় তোমার মৃত্যু হৈল মম হাতে ।
শৃগাল হইয়া বাদ সিংহের সহিতে ॥
কেহ বলে, ইহারে না রাখ এক-দণ্ড ।
কেহ বলে, খড়্গে কাটি কর খণ্ড-খণ্ড ॥
কেহ বলে, নিগড়েতে করহ বন্ধন ।
দুর্যোধন-অগ্রে ল’য়ে করিব নিধন ॥

এমত বিচারে তথা আছে সর্বজন ।
হেনকালে উপনীত পবন নন্দন ॥
দুর্গভিতে বৃক্ষ ভাঙ্গে, শুমি মড়-মড় ।
নাশায় নিঃশ্বাস বহে প্রলয়ের বাড় ॥
মার মার শব্দ করি আসি উপনীত ।
দেখিয়া ত্রিগর্ভ-সৈন্য হৈল মহাভীত ॥
কেহ বলে, রাক্ষস কি বক্ষ বিদ্যাপর ।
হেমন্ত পর্বত-শৃঙ্গ-সন কলেবর ॥
পলায় সকল-সৈন্য গণিয়া প্রমাদ ।
হস্তিগণ ধায় সবে করি ঘোরনাদ ॥
শীঘ্রগতি হস্তিপৃষ্ঠে চড়িয়া নাহত ।
একদরে বেড়িল কুপের গণ-দ্রুপ ॥
রথিগণ বধ সাজি আরুঢ় হইয়া ।
লক্ষ-লক্ষ চতুর্দিকে বেড়িল আসিয়া ॥
শেল শূল শক্তি জাঠী ভূগর্ভী তোমর ।
চতুর্দিকে মারে সবে ভীমের উপর ॥
মহাবল ভীমসেন ভাঁন পরাক্রম ।
রণস্থলদ্বয়ে যেন যুগান্তের যম ॥
ধরিয়া কুপের শুণ্ডে-শুণ্ডে বলাইয়া ।
মারল কুপেরবন্দ প্রহার করিয়া ॥
রণরাজ পরি বীর মাঝে রথোপরে ।
সহস্র-সহস্র রথ ভাঙ্গে একবারে ॥
অশ্বগণ ধরি বীর মাঝে অশ্বগণে ।
পদাতি-পদাতি মারে ধরিয়া চরণে ॥
তাহারে ধরিয়া মারে, যে পড়ে সম্মুখে ।
হস্তী শব্দ রথ পত্তি পড়ে লাথে-লাথে ॥
পলায় সকল-সৈন্য, পাছু নাহি চায় ।
সিংহের গর্জনে যথা শৃগাল পলায় ॥

পলাহ-পলাহ বলি হৈল মহাধ্বনি ।
 আইল-আইল সৈন্যে এইমাত্র শুনি ॥
 উল্লঙ্ঘ্যে দূত গিয়া কহে সুশম্মারে ।
 বসিয়া কি কর রাজা, পলাহ সত্বরে ॥
 আচম্বিতে সৈন্যমধ্যে আসে এক বীর ।
 রাক্ষস গন্ধর্ব্ব কিং নাহি জানি স্থির ॥
 মহাভয়ঙ্কর-মূর্ত্তি, না জানি কি রঙ্গ ।
 প্রকাণ্ড-শরীর, যেন হিমাশ্রিত শৃঙ্গ ॥
 মারিল অনেক সৈন্য, যে পড়ে সন্মুখে ।
 সুশম্মা-সুশম্মা বলি ঘন-ঘন ডাকে ॥
 বুঝিয়া করহ কার্য্য, যে হয় বিচার ।
 তার আগে পড়িলে না দেখি রক্ষা আর ॥
 যত সৈন্য পড়িয়াছে, নাহি তার অন্ত ।
 নাহি জানি এথা আছে এমত দুরন্ত ॥
 পলাহ নৃপতি, শীঘ্র, প্রাণ বড় ধন ।
 হের দেখ, আসিতেছে ভীষণ-দর্শন ॥
 এতি বলি ধায় দূত, পাছু নাহি চায় ।
 হেনকালে উপনীত ভীম মহাকায় ॥
 ভীমের শরীর দেখি অতি-ভয়ঙ্কর ।
 ভয়েতে কম্পিত সুশম্মার কলেবর ॥
 পলাইল মর্ব্বসৈন্য, রাজা মাত্র আছে ।
 ভয়েতে বিহ্বল হৈল ভীমে দেখি কাছে ॥
 শীঘ্রগতি উঠি রাজা ভয়ে রড়' দিল ।
 কেশে ধরি রকোদর ভূমিতে পাড়িল ॥
 দৃঢ়মুষ্টি করি কেশ ধরি বামহাতে ।
 দক্ষিণ-করেতে ধরি নিল মৎস্যনাথে ॥
 ছুই-করে ধরি ছুই নৃপতির কেশে ।
 বায়ুবেগে ধায় বীর ভয়ঙ্কর-বেশে ॥

মুহূর্ত্তেকে উপনীত, যথা ধর্ম্মরায় ।
 চরণে ফেলিয়া ভীম অন্তরে দাঁড়ায় ॥
 কেশ-আকর্ষণে দৌহে ছিলা অচেতন ।
 কতক্ষণে সচেতন হয় দুইজন ॥
 মাথা তুলি মৎস্যরাজ দেখি সভাসদে ।
 কতক-আশ্চর্য-চিত্তে কহে সে বিপদে ॥
 কহ ভট্ট কঙ্ক, ভাগ্যে দেখিছু তোমায় ।
 আমা-দৌহে ফেলি গেল গন্ধর্ব্ব কোথায় ॥
 ভাগ্যেতে রহিল প্রাণ গন্ধর্ব্বের হাতে ।
 চল যাব শীঘ্রগতি, পশিব সৈন্যেতে ॥
 পুনর্ব্বার আসি যদি গন্ধর্ব্বেরে ধরে ।
 এবার না জীব আমি দেখিলে তাহারে ॥
 ধর্ম্ম বলিলেন, ভয় না কর নৃপতি ।
 গন্ধর্ব্ব-রাজের বড় স্নেহ তোমা-প্রতি ॥
 সে-কারণে শত্রু তব আনিলেক ধরি ।
 শত্রু হৈতে তোমারে যে দিল মুক্ত করি ॥
 গন্ধর্ব্বের ভয় নাহি করিহ কখন !
 কার্য্য করি নিজ-স্থানে করিল গমন ॥
 সুশম্মারে ডাকি তবে কহে ধর্ম্মরায় ।
 এথায় আসিতে বৃদ্ধি কে দিল তোমায় ॥
 কাঁচক মরিল বলি পাইলে ভরসা ।
 না জান, গন্ধর্ব্ব হেথা করিয়াছে বাসা ॥
 ভাগ্যেতে গন্ধর্ব্ব তোমা না মরিল প্রাণে ।
 পূর্ব্ব-পুণ্যফলে প্রাণ পেলে তার স্থানে ॥
 আত্মা কর মৎস্যরাজ, সুশম্মার প্রতি ।
 ক্ষমহ সকল দোষ, ছাড় শীঘ্রগতি ॥
 সৈন্যগণ পলাইল একামাত্র আছে ।
 করহ প্রসাদ রাজা, যদি মনে ইচ্ছে ॥

বিরাট কহিল, যাহা তব অনুমতি ।
যাউক আপন-রাজ্যে সুশাস্ত্র-নৃপতি ॥
দিব্যরথ দিল এক করিয়া সাজন ।
সুশাস্ত্র চড়িয়া তাহে করিল গমন ॥

ধন্যরাজ বলিলেন, বিরাটের প্রতি ।
নগবেতে দূত রাজা, যাক্ শীঘ্রগতি ॥
তোমাতে শুনিয়া বন্দী রাজ্যে হবে ভয় ।
শীঘ্রগতি দেখা হবে, ভাল-কন্ম নয় ॥
শীঘ্রগতি বার্তা দূত দিক্ অন্ত-পুবে ।
বিজয় ঘোষণা হোক রাজ্যের ভিতরে ॥
ধর্মের বচনে আজ্ঞা দেন মৎস্যরাজ ।
শীঘ্রগতি দূত পাঠাইল পুরানাবা ॥
মহাভারতের কথা শ্রুত সবার ।
কাশীরাম দাস কহে, শুনে পুণ্যবান্ ॥

১৬। উত্তর-গোপগণ কৃষ্ণদৈবদ্যুত গমন ও
গোপন-হাণ ।

সংগ্রামে হারিয়া তবে ত্রিগর্ভ-নৃপতি ।
শ্রীকৃষ্ণ নিরুৎসাহ অতি দানমতি ॥
হেথায় উত্তরভাগে রাজা দুর্ব্যোধান ।
ভীষ্ম দ্রোণ কূপ কর্ণ গুণ্ডম-নন্দন ॥
দ্রুপদ দুঃশট্ দুঃশাসন শংবল ।
রথ-রথী গজ বার্জা চতুরঙ্গ-দল ॥
বেড়িল আসিয়া যত মৎস্যের গোধন ।
যুদ্ধ করি মারিল অনেক গোপগণ ॥
পলাইল গোপগণ গোধন ছাড়িয়া ।
যষ্টি-লক্ষ গোধনেরে দিল চালাইয়া ॥

শীঘ্রগতি গোপগণ রথ-আরোহণে ।
জানাইতে গেল মৎস্যরাজের ভানে ॥
ভূমিগুপ্ত-নামে পুত্র বিরাট রাজার ।
প্রণাম করিয়া দূত কহে সমাচার ॥
অবধান মহাশয় বিরাট নন্দন ।
গোবন তোমার সব নিল কুরুগা ॥
যেতক রক্ষক গোপগণেগে মারিয়া ।
গোবন তোমার সব যেতেছে লঙ্ঘিয়া ॥
শীঘ্রগতি উঠ, রথে কর আরোহণ ।
কুরুগনে জিনি নিজ রাখহ গোধন ॥
নানা অস্ত্রবিদ্যা-শিক্ষা, লোকে ভূমি খ্যাত ।
জামি দেশরক্ষা-হেতু রাখি গেলা তাত ॥
তোমার সংগ্রামে স্থির হবে কোন জনা ।
ভ্রুশম মন্ত্রভেঁকে নাশ কুরুগেনা ॥
উঠ শীঘ্র, বসিলে না হৈবে কোন কার্য ।
গোবন লইয়া তারা যাবে নিজরাজ্য ॥
দৈত্য জিনি ইন্দ্র যথা রাখে সুরপুর ।
সেইমত রক্ষা কর মৎস্যের ঠাকুর ॥

ক্রীড়ান্দের মধ্যে গোপ এতেক কহিল ।
শুনিয়া বিরাট-পুত্র উত্তর করিল ॥
কি কহিব গোপগণ, কহনে না যায় ।
রাজ্যরক্ষা-হেতু তাত রাখিলা আশ্রয় ॥
একগুটি সৈন্য নাহি, নাহিক সারথি ।
সারথি থাকুক দূরে, নাহিক পদাতি ॥
মম পরাক্রম-মত পাইলে সারথি ।
মুহূর্ত্তেকে জিনিবারে পারি কুরুপতি ॥
মন্ত-গজগণে যথা মারয়ে কেশরী ।
দৈত্যগণে দলে যথা একা বজ্রধারী ॥

সেইমত দলি আমি কুরুসৈন্যগণ ।
 ঐক্শ্বেণে ফিরাইব আপন-গোধন ॥
 পুর মম শৃগাাকার, জানিলেক মনে ।
 দ্বিতীয় শমন আছে বলিয়া না জানে ॥
 সারথি জর্নৈক যদি মম যোগ্য হয় ।
 একরথে করিব যে কুরু-পরাজয় ॥
 ধনঞ্জয়-বীর যথা দলি দেবগণ ।
 একেশ্বর করিলেক খাণ্ডব-দাহন ॥
 পার্থবৎ মহাকর্ষ্ম আজি সে করিব ।
 একেশ্বর সর্বসৈন্য নিমেষে মারিব ॥

স্ত্রীগণের মধ্যে যদি এতেক কহিল ।
 পার্থপ্রিয়া বাঙ্কসেনী তথায় আছিল ॥
 রাখিব বিরাট-লক্ষ্মী, বিচারিলা মনে ।
 শীঘ্রগতি উঠি গেলা অর্জুনের স্থানে ॥
 নৃত্যশালে পার্থসহ যত কন্যাগণ ।
 সঙ্কেতে দ্রৌপদী তাঁরে বলেন বচন ॥
 বিরাটের রাজ্য ভাঙ্গি যতেক গোধন ।
 বলেতে লইয়া যায় কুরুসৈন্যগণ ॥
 ইহার উপায় তুমি চিন্তহ আপনি ।
 রাখহ বিরাট-গাভী কুরুগণে জিনি ॥

অর্জুন বলেন, দেবি, কিমতে এ হয় ।
 যতদিন ধর্ম্মরাজ-অনুমতি নয় ॥
 কুরুসৈন্যমধ্যে গেলে হইবেক খ্যাত ।
 না জানি কি কহিবেন পাণ্ডুকুলনাথ ॥

দ্রৌপদী কহিল, গাভী কুরুগণে নিলে ।
 অধর্ম্মী হইবে তুমি বসিয়া দেখিলে ॥
 বিরাট-নৃপতি হন বহু-উপকারী ।
 উপকারি-জনে আজি হইলাম বৈরা ॥
 বলিষ্ঠ সহায় তার কাঁচক মরিল ।
 তোমা-সবে দিয়া স্থল বিপাকে মজিল ॥

এত শুনি ধনঞ্জয় করে অঙ্গীকার ।
 রাখিব বিরাট-ধেনু বাক্যোতে তোমার ॥
 প্রকার করিয়া গিয়া জানাহ উত্তরে ।
 সারথি করিয়া মোরে যুদ্ধে যেন বরে ॥

এত শুনি হৃষ্ট হ'য়ে গেলা বাঙ্কসেনী ।
 সব কহি পাঠাইলা উত্তরা ভগিনী ॥
 ভ্রাতৃস্থানে কহে গিয়া বিরাট-নন্দিনী ।
 শুন ভাই, কহিল সৈরিন্দ্রী স্ববদনী ॥
 সারথির হেতু তুমি হ'য়েছ চিন্তিত ।
 সে-কারণে আমরা সে পাঠায় স্থরিত ॥
 নর্ত্তকী যে রুহ্মলা আছয়ে আমর ।
 সৈরিন্দ্রী কহিল সব পরাক্রম তার ॥
 খাণ্ডব দহিয়া পার্থ তুমিল অনলে ।
 রুহ্মলা সারথি যে ছিল সেইকালে ॥
 পাণ্ডব-আলয়ে আমি ছিলাম যখন ।
 রুহ্মলা-পরাক্রম দেখেছি তখন ॥
 রুহ্মলা-সহায়েতে ধনঞ্জয়-বীর ।
 একরথে শাসিলেন নৃপ পৃথিবীর ॥
 আঙ্ক্য যদি হয় ভাঙ্গি, লগ্ন তব মন ।
 রুহ্মলা সারথি করিয়া কর রণ ॥

উত্তর বলিল, তুমি আনহ তাহারে ।
 সারথি হইলে যোগ্য যাঁইব সমরে ॥
 জ্যেষ্ঠভ্রাতৃ-বচনেতে চলে নৃপহতা ।
 কাঞ্চনের মালা গলে বিচিত্র মুকুতা ॥
 রূপেতে কমলা-সমা কমল-নয়না ।
 অনিন্দিতা সিংহমধ্যা মরাল-গমনা ॥
 জিজ্ঞাসিল পার্থ, কেন গতি শীঘ্রতর ।
 শুনিয়া বিরাট-পুত্রী করিল উত্তর ॥
 মোর পিতৃ-গোবধনে হরে কুরুগণে ।
 শুনিয়া রক্ষার্থ মোর ভাই যাবে রণে ॥

সারথির হেতু চিন্তা হ'য়েছে তাঁহার ।
 সৈরিক্তী কহিল গুণ-সকল তোমার ॥
 অদৃষ্ট তথায় তুমি করিবে গমন ।
 আনহ গোধন মোর জিনি কুরুগণ ॥
 না গেলে তোমার আগে ত্যজিব জীবন ।
 শুনিয়া উঠিয়া পার্থ করেন গমন ॥

উত্তরা সহিতে যান, যথায় উত্তর ।
 দেখিয়া উত্তর তাঁরে জিজ্ঞাসে সত্তর ॥
 পূর্বের তুমি অর্জুনের আছিলে সারথি ।
 তোমার সাহায্যে জিনিলেক সুরপতি ॥
 যতেক সারথি খ্যাত আছে ত্রিভুবনে ।
 হোন্দের সারথি শ্রেষ্ঠ, সর্বলোকে জানে ॥
 বিধুর দারুক আর সূর্যের অরণ ।
 দশরথ নৃপতির স্তম্ভ নিপুণ ॥
 সকল সারথি হৈতে তোমা বাখানিল ।
 তোমা-সম কেহ নহে, সৈরিক্তী কহিল ॥
 এ-হেতু তোমারে আমি আনিব ডাকায় ।
 চল শীঘ্র, গাভী আনি কোঁরবে জিনিয় ॥

অর্জুন বলেন, আমি এ-সব না জানি ।
 নৃত্যগীত জানি আর তাল-বাগধনি ॥
 ক'হু নাহি দেখি আমি সমর কেমন ।
 শুনিয়া বলিল তবে বিরাট-নন্দন ॥
 নর্তনে গায়নে তুমি সর্বত্র বিখ্যাত ।
 সৈরিক্তীর মুখে তব গুণ অবগত ॥
 সৈরিক্তীর বাক্য মিথ্যা নহে কদাচন ।
 উঠ শীঘ্র, মোর রথে কর আরোহণ ॥

অর্জুন বলেন, মনি তোমার বচন ।
 সারথি নহি যে, তবু করিব গমন ॥
 কেবল আমার এক অংছয়ে নিয়ম ।
 যথা যাই, শত্রু যদি হয় যম-সম ॥

না জিনিয়া বাহুড়ি না আসে মম রথ ।
 সর্ব্বথা-প্রতিজ্ঞা মম জানিবে এমত ॥
 স্ত্রীগণের আগে তুমি যা-কিছু কহিলে ।
 রথ না বাহুড়ে মম, তাহা না করিলে ॥
 যথায় কহিবে, রথ তথাকারে ল'ব ।
 রথসজ্জা দেহ, রথ সাগন করিব ॥

এত শুনি উত্তরের আনন্দিত মন ।
 মোর মনোমত যোগ্য তুমি বিচক্ষণ ॥
 এত বলি গলা হৈতে দিল রত্নমালা ।
 বড়-ভাগ্যবশে তোমা পাই রুহ্মলা ॥
 রাদ-পুত্র-প্রসাদ না নিলে অনুচিত ।
 প্রসাদ লইতে পার্থ হ'লেন লজ্জিত ॥
 রথের সাজন করিলেন ধনঞ্জয় ।
 দোণয়া উত্তর মনে মানিল বিস্ময় ॥
 বীরবেশ বীরসজ্জা করি রাজসুত ।
 রথে আরোহণ করে অস্ত্রগণযুত ॥
 চতুর্দিকে নারীগণ করয়ে মঙ্গল ।
 হেনকালে উত্তরাদি বালিকা-সকল ॥
 রুহ্মলা-প্রতি চাহি বলিল তখন ।
 পুতুলি খেলাব মোরা যত কণ্যাগণ ॥
 এই বাক্য তুমি মোর করিহ স্মরণ ।
 যোদ্ধগণ-শরীরের বিচিত্র-বসন ॥
 ভীষ্ম-দ্রোণ-আদি করি জিনি বীরগণ ।
 সবাকার অঙ্গ হৈতে আনিবে বসন ॥

কহেন ঈষৎ হাসি পার্থ-ধর্ম্মদ্রুত ।
 সংগ্রাম জিনিবে যবে তব সহোদর ॥
 আনিব বসন-রত্ন তোমার বাঞ্ছিত ।
 এত বলি রথমধ্যে বসেন হরিত ॥
 হেনকালে অন্তঃপুরে যত নারীগণ ।
 অর্জুনে চাহিয়া বলে করুণ-বচন ॥

থাণ্ডব-দাহনে যথা জিনি পুরন্দরে ।
 সহায় হইয়া জয় দিলে পার্শ্বদারে ॥
 সেন্যত স্বরায় জিনি যত কুরুগণে ।
 উত্তর-কুমারে ল'য়ে আসিবে কন্যাগণে ॥
 মহাভারতের কথা অমৃত সমান ।
 কাশীরাম দাস কহে, শুনে পুণ্যবান ॥

—

১।। কাশীরামদাস-মহাভারত
 উত্তর-কুমারে ল'য়ে আসিবে কন্যাগণে ॥

ভূমিগণ্য কহে তবে বনজয় প্রাতি ।
 রথ চানাইয়া নমি দেহ শাশ্বতগতি ॥
 যথায় কৌরব-সৈন্য, করহ গমন ।
 সাঙ্গাতে দেখহ আজি তাদের মরণ ॥
 এত গর্বী হৈল সনে, হরে মন পর ।
 তার সমুচিত ফল পাবে আজি কুর ॥
 পুনঃপুনঃ প্রতিশ্রুতি করি যার কয় ।
 হানি রথ চালালেন বীর-বনজয় ॥
 আকাশে উঠিল রথ চক্ষু নিমিত্তে ।
 মুহূর্ত্তেকে উত্তরিল কুরুসৈন্য-পাশে ॥
 ব্যস্ত হ'য়ে রাজমূর্ত্ত গর্জনে বনে ।
 কেনন চালাহ রথ, কোথায় আগিলে ॥
 তথায় লইবে রথ, যথায় গোপন ।
 আগিলে নাগর-মধ্যে বল কি-কারণ ॥
 পরিত প্রমাণ উঠে লহরী-চিত্রাল ।
 কর্ণেতে না শুনি কিছু, পুরিল কানাল ॥
 নৌকারন্দ দেখি মন আকুলিত চিত ।
 জলজন্তু কলরব করে অপ্রমিত ॥
 হাসিয়া অর্জুন তবে বলিলেন তায় ।
 সমুদ্রে-প্রমাণ বটে, জলনিধি নয় ॥

ধবল-আকার যত দেখহ কুমার ।
 জল নহে, এই সব গোপন তোমার ॥
 নৌকারন্দ নহে, সব মাতঙ্গ-মণ্ডল ।
 না হয় লহরী, রথ-পতাকা-সকল ॥
 সৈন্য-কোলাহল শব্দ সিঙ্কু-শব্দ-প্রায় ।
 কৌরবের সৈন্য এই, জানাই তোমায় ॥
 উত্তর বলিল, মোর মনে নাহি লয় ।
 না জানহ বৃহন্নলা, সমুদ্রে নিশ্চয় ॥
 সমুদ্রে না হয় যদি, হবে সৈন্যগণ ।
 এ সৈন্য সহিত তবে কে করিবে রণ ॥
 দেবের দুস্তর এই সৈন্য সিঙ্কুমত ।
 মানুষ্যে কি শক্তি পরে ইহার অগ্রতঃ ॥
 এত সৈন্য বলি মোর নাহি ছিল জ্ঞান ।
 জন কত লোক বলি ছিল অনুমান ॥
 মহা মহা-রথিগণে দেখি হৈল ভয় ।
 পৃথিবীর ক্ষত্র যার নাগেতে কম্পয় ॥
 দেবতা তেত্রিশ-কোটি ল'য়ে পুরন্দর ।
 না পারিল যার সহ করিতে সমর ॥
 যথা ভীষ্ম দ্রোণ কর্ণ অশ্বখামা কৃপ ।
 বিবিশ্রুতি দুঃশাসন দুর্য়োধন-নৃপ ॥
 কুরুদ্বিজ লাগিল মোরে, হইল অজ্ঞান ।
 তেই কুরু-সৈন্যমধ্যে করিলু প্রয়াণ ॥
 থাকুক যুদ্ধের কাজ, দেখি ছন্ন হৈলু ।
 ছাড়িল শরীর প্রাণ, তোমারে কহিলু ॥
 ত্রিগর্ভের সহ রণে পিতা মোর গেল ।
 একগোটা পদাতিক পুরে না রাখিল ॥
 একা মোরে রাখি গেলা রাজ্যের রক্ষণে ।
 কিবা মোর শক্তি কুরুরাজ-সহ রণে ॥
 কহ বৃহন্নলা, তব মনে কিবা আসে ।
 তব রাখিয়াছ রথ কেনন সাহসে ॥

শীঘ্র বাহুড়াহ রথ, পাছে কুরু দেখে ।
 ধেনু-হেতু মিথ্যা কেন মরিব বিপাকে ॥
 উত্তর-বচনে হাসি কন ধনঞ্জয় ।
 শত্রু দেখি কিবা হেতু এত তব ভয় ॥
 কুরুবর্গ হৈল মুখ, শীর্ণ হৈল অঙ্গ ।
 জিন্মাতে উড়িল ধূলি, কম্প করজঙ্গ ॥
 না করিয়া যুদ্ধ তব দেখি হৈল ডর ।
 কোন্ মুখে বাহুড়িয়া যাবে পুনঃ ঘর ॥
 কহিলে যে, রথ বাহুড়াহ শীঘ্রগতি ।
 ভেদে না করিহ, আমি এমন সারথি ॥
 না করিয়া কার্যসিদ্ধি বাহুড়াব কেনে ।
 প্রব্রজে কহিবাছি তাহা, ভুলিলে এক্ষণে ॥
 কিসের কারণে আমি রথ বাহুড়িব ।
 নন্দনৈশ-মধ্যে রথ এখনি লইব ॥
 ব্রাহ্মণের মধ্যে যত প্রতিজ্ঞা করিলে ।
 এক কহিবে তারা সবে একথা শুনিলে ॥
 যুদ্ধ ভয় ত্যজ এবে, ধর বীরপণ ।
 ধনু ধরি নিজবলে ভিন কুরুগণ ॥
 কুরু জিনি গোধনরে নাহি ল'য়ে গেলে ।
 মহালজ্জা হবে তব পৃথিবী-মণ্ডলে ॥
 হাসিবেক যত লোক সর্বক্ষত্রগণ ।
 হাসিবেক নারীলোক আর অন্ত-জন ॥
 আমার সারথি-গুণ সৈরিন্ধী কহিল ।
 তব সঙ্গে আসি মম সব নষ্ট হৈল ॥
 তোমার এককর্ম যদি পূর্ব্বতে জানিব ।
 তবে কেন তব সঙ্গে সংগ্রামে আসিব ॥
 হাসিবেক অন্তঃপুরে নারী পুনঃপুনঃ ।
 কহিল সৈরিন্ধী মিথ্যা ব্রহ্মলা-গুণ ॥
 যে-জনর কর্মে লোক করে উপহাস ।
 নিন্দিত-জীবনে তার ষিক, কিবা আশ ॥

উপহাস হৈতে মৃত্যু বরণ শ্রেষ্ঠ কর্ম ।
 বিশেষ ক্ষত্রিয়ে শ্রেয়ঃ যুদ্ধে মৃত্যুধর্ম ॥
 ইহা না করিয়া আমি বাহুড়িব কেনে ।
 দৈর্য্য ধর, যুদ্ধ কর, ভয় ত্যজ মনে ॥
 উত্তর বলিল, কিবা বল রত্নমালা ।
 মহাসিদ্ধি পার হৈতে বাধ তৃণভেলা ॥
 অগ্নির কি করিবেক পতঙ্গ-শক্তি ।
 মত্তগজ অগ্র কোথা শশকের গতি ॥
 মৃত্যুসহ বিবাদেতে বাঁচে কোন্ জন ।
 দেখি যশস্বিনী হস্ত দিব কি-কারণ ॥
 জীবন থাকিলে সব পাব পুনর্বার ।
 গাভী রক্ত নিত্য মোর, হাস্যক সংসার ॥
 হাস্যক রসগগণ, আর ঝাঁপগণ ।
 ঘরে যাব, যুদ্ধে মোর নাহি প্রয়োজন ॥
 দৈবে নপুংসক তুমি, ইন্দ্র সর্বস্বকথে ।
 তেই মৃত্যু শ্রেয়ঃ বলি কহ নিজগুণে ॥
 জীবন মরণ তব একই সমান ।
 তব বোলে কি-কারণে ত্যজিব পরাণ ॥
 সমানের সহ ক্ষত্র করিবেক রণ ।
 লজ্জা নাহি বলবানে দেখি পলায়ন ॥
 মোর বোলে যদি তুমি না ফিরাহ রথ ।
 পদব্রজে চলি আমি যাব এই পথ ॥
 এত বলি ফেলাইয়া দিল শরচাপ ।
 রথ হৈতে ভূমিতলে পড়ে দিয়া লাফ ॥
 শীঘ্রগতি চলি যায় নিজ-রাজ্যমুখে ।
 রহ-রহ বলি তারে ধনঞ্জয় ডাকে ॥
 হেন অপকীর্তি করি জীয়ে কোন্ ফল ।
 এত বলি নিজে পার্থ নামে ভূমিতল ॥
 মহাভারতের কথা অমৃত-সমান ।
 কালীরাম দাস কহে, শুনে পুণ্যবান ॥

১৮। অর্জুনেব সম্বন্ধে কোববলিগেব অনুমান।

পিছে ধায় রড়ে, দীর্ঘ বেগী নড়ে,
পৃষ্ঠোপরে শোভে চারু।

লোহিত-বসন, অঙ্গ্রে বিভূষণ,
যেন করিকর-উরু ॥

আজানুলম্বিত, অঙ্গদ-মণ্ডিত,
দ্বিভুজ ভুজঙ্গসম।

দেখিয়া কৌরব, নেহালয়ে সব,
মনেতে পাটয়া ভ্রম ॥

একজন আগে, পলাইছে বেগে,
আর জন পিছে ধায়।

এ কি বিপরীত, না বুঝি চরিত,
কেবা যে আগে পলায় ॥

পিছনে যে-জন, নহে সাধারণ,
বেশধারী প্রায় লাগে।

যেন ভস্মমাঝে, অগ্নি হীনতেজে,
সিংহ যেন ধায় মুগে ॥

পুরুষ কি নারী, বুঝি বিচারি,
ছদ্ম করিয়াছে তনু।

শুনি সেইক্ষণ, কহে বিচক্ষণ,
ভরদ্বাজ-অঙ্গজন্ম ॥

আগে যেই যায়, ভয়েতে পলায়,
কেবা সে, তারে না চিনি।

পিছু গোড়াইয়া, যায় যে ধাইয়া,
তারে এক অনুমানি ॥

নরসিংহ-প্রায়, দেখি তার কায়,
চিন্তে করি অনুভব।

বিনা-ধনঞ্জয়, আর কেহ নয়,
সব তার অবয়ব ॥

স্বর্গে সুরমণি, মর্ভেতে ফাস্তানি,
বিনা এ-যুগল জনে।

অন্য কার প্রাণে, কুরুসৈন্য-সনে,
আসিবে একক রণে ॥

এত শুনি কর্ণ, চক্ষু রক্তবর্ণ,
কহিতে লাগিল ক্রোধে।

কি শক্তি অর্জুনে, একা আসি রণে,
কৌরব-সহ বিরোধে ॥

আগেতে সস্তর, পলায় উত্তর,
বিরাট-রাজের হৃত।

গোধন-কারণে, এসেছিল রণে,
দেখিল সৈন্য বহুত ॥

পিছু যেই যায়, নপুংসক-প্রায়,
আছিল সারথি রথে।

পলাইল রথা, কি করে সারথি,
সেহ পলায় ভয়েতে ॥

শুনি মহামতি, বুঝে বৃহস্পতি,
গৌতম বংশজ কয়।

পিছু যেই যায়, ভয়েতে পলায়,
এমত চিন্তে না লয় ॥

যদি পলাইত, রথেতে রহিত,
রথ-সহ হৈত গতি।

হেন লয় মন, করিবেক রণ,
আপনি হইয়া রথী ॥

কহিছ যে আগে, পলাইল বেগে,
উত্তর সেহ প্রমাণ।

পিছনে যে লোক, ছদ্ম-নপুংসক,
পার্শ্ব-বিনা নহে আন ॥

কুপের বচন, শুনি দুর্ঘোষন,
কহিতে লাগিল তবে ।
এ-তিন-ভুবনে, কাহার পরাগে,
আমা-সহ বিরোধিবে ॥
হউক অর্জুন, কিবা নারায়ণ,
কামপাল-কাম-আদি ।
কি শক্তি কাহার, সহিত আমার,
রণে একা হবে বাদী ॥
ভারত-চন্দ্রমা, রসেতে অসীমা,
শ্রবণে কলুষ নাশে ।
কৃষ্ণদাসানুজ, কৃষ্ণ-পদানুজ,
বন্দি কহে কাশীদাসে ॥

১৯। উত্তবেয় ভয় ও অর্জুন-বর্জক
আশ্বাস-প্রদান ।

এমত বিচার করে কুরুসৈন্যগণ ।
নিণয় করিতে নাহি পারে কোনজন ॥
পলায় উত্তর, ধনঞ্জয় ধায় পাছে ।
শত-পদ-অন্তরে ধরিল গিয়া কাছে ॥
গার্ত হ'য়ে রাজহত বলে গদগদ ।
না মারহ বৃহন্নলা, ধরি তব পদ ॥
এবার লইয়া যদি যাহ মোরে ঘর ।
নানা-রত্ন তোমা আমি দিব বহুতর ॥
দিব্য-হেম মণি-মুক্তা গজ-বাজী রং ।
একলক্ষ গাভী দিব স্বর্ণ-অলঙ্কৃত ॥
এ-দেশ-গ্রাম দিব, দিব্য-কন্যাগণ ।
আর যাহা চাহ, তাহা দিব সেইক্ষণ ॥
না মারহ বৃহন্নলা, দেহ মোরে ছাড়ি ।
এত বলি কান্দে কত ধরাতলে পড়ি ॥

১। সারথি ।

অচেতন হৈল বীর, যেন হীনপ্রাণ ।
হরিল মুখের বাক্য যেন হতজ্ঞান ॥
আশ্বাসিয়া কহে পার্থ, করি সচেতন ।
না করিহ ভয়, শুন আমার বচন ॥
যুদ্ধ করিবারে যদি ভয় হয় মনে ।
সারথি হইয়া রথে বৈস মম সনে ॥
রথা হ'য়ে দেখ আজি করিব সমর ।
যত যোদ্ধগণে পাঠাইব যমবর ॥
তোমার গোধন-সব লইব ছাড়িয়ে ।
কেবল থাকহ তুমি রথযন্তা' হ'য়ে ॥
ক্ষত্র হ'য়ে কেন তব রণে যত্নভয় ।
না করিহ রণভয়, ত্যজহ সংশয় ॥
এত বলি ধরি তারে তুলে রথোপরে ।
উত্তর না মানে বোধ, কান্দে উচ্চৈঃস্বরে ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

২০। কোববগণের অর্জুন-বিষয়ক
পবম্পর তর্ক ।

রথ চালাইলা তবে অর্জুন ধীমান ।
শমীরূক্ষে আছে যথা অস্ত্র-ধনুর্বিগণ ॥
উত্তরে লইয়া রথে করেন গমন ।
দেখিয়া হাসিয়া বলে কর্ণ-দুর্ঘোষন ॥
হে গুরু, হে কৃপাচার্য্য, কোথা ধনঞ্জয় ।
সপ্নেতে তোমরা দেখ পাণ্ডুর তনয় ॥
গুরু বলি সঙ্কোচে না কহি কোন কথা ।
আমার শত্রুর গুণ গাও যথা-তথা ॥
দুর্ঘোষন-বাক্য গুরু না শুনিয়া কানে ।
ভীষ্ম-প্রতি চাহি তবে কহেন সেক্ষণে ॥

বিপরীত অকুশল হের দেখ আজি ।
 নিরুৎসাহ সর্বসৈন্য, কান্দে গজ-বাজী ॥
 ভস্মরূপি হইতেছে, বহে তপুবাৎ ।
 অন্ধকার দশদিক্, সঘনে নির্ধাত ॥
 বিনা-মেবে রক্তরূপি, মহাকলরব ।
 বহু-প্রাণি-বিনাশের লক্ষণ এ সব ॥
 যত সৈন্য, সবে থাক সংগ্রামের সাজে ।
 সবে মিলি রক্ষা কর দুর্ঘোষধন-রাজে ॥
 গাভী-হেতু সঙ্কটেতে পড়িলাম সবে ।
 বহুকাল জীব, আজি রক্ষা পেলে তবে ॥
 এত বলি ভাঙ্গে চাহি বলেন বচন ।
 চিনিলে কি অঙ্গনায় নদীর নন্দন ॥
 লঙ্কার ঈশ্বর-বনরিপু' বার ধ্বজ ।
 নগনামে' নাম বার নগারি-অঙ্গজ" ॥
 অঙ্গনার বেশধারী দুষ্কনাশকারী ।
 গোঘন লইবে আজি কুরুসৈন্য মারি ॥
 সঙ্কেতে এতেক গুরু বলেন বচন ।
 উত্তর করেন শুনি শান্তনু-নন্দন ॥

কি-হেতু সঙ্কেতে কথা বল আর গুরু ।
 প্রকাশ করিয়া বল, শুনুক সে কুরু ॥
 সভাস্থলে পূর্বে ধর্ম কৈল যে নির্ণয় ।
 গেল দিন, পরিপূর্ণ হইল সময় ॥
 সে ভয় ত্যজিয়া কহ, শুনুক সকলে ।
 শুনি দুর্ঘোষধনে চাহি গুরুদেব বলে ॥
 বলিলে কর্ণেতে রাজা, বচন না শুন ।
 তথাপি নির্লজ্জ হ'য়ে কহি পুনঃপুনঃ ॥
 এই যে ক্রীবেব বেশে গেল মহাশূর ।
 সর্বসৈন্য-অস্তকারী, খ্যাত তিনপুর ॥

ধনঞ্জয় নাম বার কুরুকুলবর ।
 প্রতিজ্ঞা তাহার যত, তোমাতে গোচর ॥
 যথা যায়, জয় নাহি করিয়া বাহুড়ে ।
 সুরাসুর বার নামে নিজ-স্থান ছাড়ে ॥
 মম শিষ্য বলি তুমি না করিহ মনে ।
 শিব-ইন্দ্র-আদি দেব দিল অস্ত্রগণে ॥
 বহুবিদ্যা পাইয়াছে অমর-ভুবনে ।
 বহুক্রোধে আসিতেছে, লয় মম মনে ॥
 পার্থ-সহ কে বুঝিবে তোমা-সবা-মাঝ ।
 একজন নয়নে না দেখি মহারাজ ॥

এত শুনি বলে তবে কর্ণ-মহাবীর ।
 প্রশংসা করহ তুমি সদা গাণ্ডারী ॥
 দুর্ঘোষধন তার ঘোল-অংশ-যোগ্য নয় ।
 অনুক্ষণ কহ গুণ, প্রাণে কত সয় ॥
 যদি এই পার্থ হবে পাণ্ডুর কুমার ।
 তবে ত মানস পূর্ণ হইল আমার ॥

দুর্ঘোষধন বলে, গুরু, যদি হয় তাই ।
 কামনা হইল পূর্ণ, আমি বাহা চাই ॥
 বার হেতু চর মোর খুঁজিল সংসার ।
 হেন-জনে পাইলে কি চাহি তবে আর ॥
 ত্রয়োদশ-বৎসর অজ্ঞাত-বাস-আদি ।
 পূর্ণ না হইতে পার্থ দেখা দিল যদি ॥
 কহ গুরু, কেমনে না যাবে তবে বন ।
 সবে জান, বুধিষ্ঠির করিল যে-পণ ॥
 অর্জুন না হয় যদি, অন্য়জন হবে ।
 এখনি মারিব তারে, যেন ক্ষুদ্র-জীবে ॥
 কর্ণের বচন শুনি দ্রোণ বলে বাণী ।
 যত বড় যেইজন, সব আমি জানি ॥



উত্তরের শমী-বৃক্ষারোহণ ও

অস্ত্র-বিষয়ে প্রশ্ন

“পার্থ্য বলে, সর্প মতে, বহুঃ-অস্ত্রপণ

ওনিয়া উত্তর পুষ: কহিছে যচন।”

বিরাটপদ, পৃষ্ঠা—৩৩১

জুন যেমত, তাহা ত্রিলোকে বিখ্যাত ।
 পাণ্ডব-দাহনে যেই জিনে সুরনাথ ॥
 প্রমেষ-পরাক্রম যত্বলে জিনি ।
 এগা আনিল বলরামের ভগিনী ॥
 বাহুবল পরাজিত কৈল পশুপতি ।
 একরথে জয় করে সমাগরা-ক্ষিতি ॥
 ত-কবচগণে করে নিপাতন ।
 এগা বাণের তেজ এক-এক-জন ॥
 এগা কালকেয় ইন্দ্রের বিবাদী ।
 এগা মাঝি নিক্ষেপ করে জন্তভেদী ॥
 এগা সেনা জিনি দুর্বোধনে রক্ষা কৈল ।
 এগা হস্তে হস্তে তোর অঙ্গে না সাংল ॥
 এগা ন সাধাতে আজি দেখিব নয়নে ।
 কান জন যুঝিবেক অর্জুনের মনে ॥
 এগা ভারতের কথা অমৃত-লহরী ।
 এগা কণ্ঠে, শুনি নর তরে ভববারি ॥

২১। অর্জুনের সহিত উত্তরের শমীক নিবটে
 গমন ও উত্তরের অঙ্গ-বিষয় প্রশ্ন ।

এতেক বিচার করে কুরুসৈন্যগণ ।
 শমী ক্ষতলে যাম ইন্দ্রের নন্দন ॥
 উত্তরে বলেন, তুমি যুদ্ধে যোগ্য নহ ।
 এত দীর্ঘ-শর্মান্বক্ষ-উপরে আরোহ ॥
 এত শ্রেষ্ঠ-গাণ্ডীব যে আছে বৃক্ষোপরে ।
 এত বৃক্ষ-মূগ-ভূগ আছে পরিপূর্ণ শরে ॥
 বিচিত্র-কবচ-ছত্র শঙ্খ মনোহর ।
 এত সৈতে নামাটীয়া আনহ সঙ্ঘর ॥
 পঞ্চ-ধনুঃ মধ্যে যেই ধনুঃ মনোরম ।
 বল যার একলক্ষ-তালবৃক্ষ-সম ॥

১। ইতি ।

৮৬

শুনিয়া বিরাট-পুত্র করিল উত্তর ।
 একমতে চড়িব এই বৃক্ষের উপর ॥
 শুনিয়াছি, এই গাছে শব নাক্ষা আছে ।
 রাজপুত্র হ'য়ে কেন চড়িব এ গাছে ॥
 পার্থ বলে, শব নহে বৃক্ষ-উপরেতে ।
 পাপকর্ম কেন তোমা কহিব করিতে ॥
 শব বলি রেখেছিনু কপট-চন ।
 শব নহে, আছে ইথে ধনুঃ-অস্ত্রগণ ॥
 এত শুনি রাজসুত চড়ে সেইক্ষণ ।
 ছাড়াইল, যত ছিল বস্ত্র-আচ্ছাদন ॥
 অর্ক-প্রভা যেন ধনুঃ-অস্ত্র যত ।
 সপের মণির প্রায় জ্বলে শত-শত ॥
 ব্যস্ত হ'য়ে রাজসুত পনঞ্জয়ে কয় ।
 ধনুঃ-অস্ত্র কোথা এথা, দেখি সর্পনয় ॥
 দেখিয়া অদ্ভুত মোর কাঁপিছে হৃদয় ।
 স্পর্শ করা দূরে থাক, দেখি লাগে ভয় ॥
 পার্থ বলে, সর্প নহে, ধনুঃ-অস্ত্রগণ ।
 শুনিয়া উত্তর পুনঃ কহিছে বচন ॥
 অদ্ভুত-বিচিত্র-দীর্ঘ তালবৃক্ষ-সম ।
 মণিরত্রে বিভূষিত ধনুঃ মনোরম ॥
 মৃগচিহ্ন হলে যার, দুরাচর্য দেখি ।
 কোন্ মহাবীর হেন ধনুঃ গেল রাখি ॥
 বিচিত্র দ্বিতীয় ধনুঃ রিপুকুলধ্বংস ।
 কাহার এ-ধনুঃ, পৃষ্ঠে শোভে রাজহংস ॥
 তৃতীয় সুবর্ণ-গোধা শোভে ধনুঃ-হলে ।
 কাহার বিচিত্র-ধনুঃ অগ্নি-হেন জলে ॥
 চতুর্থ অদ্ভুত-ধনুঃ দেখি, হে কাহার ।
 চতুর্দশ ব্যাঘ্র পৃষ্ঠে শোভিত কাহার ॥

কাহার এ-ধনুঃ, পৃষ্ঠে হেমশিখি-শোভা ।
 মণি-রত্ন-বিভূষিত শত-চন্দ্র-আভা ॥
 বিচিত্র শকুনিপত্র-বিভূষিত শর ।
 পূর্ণ দেখি ছয়-গোটা ভূণ মনোহর ॥
 চর্ম্মমধ্যে পঞ্চ-শঙ্খ কাহার স্তম্ভর ।
 সেই শঙ্খ বাণ্ড করে কোন্ ধনুর্ধর ॥
 অর্কপ্রভ তীক্ষ্ণ-পঞ্চ-খড়্গ মনোহর ।
 কোষমধ্যে বৃক্ষোপরি রাখে কোন্ নর ॥
 নাহি দেখি, নাহি শুনি, লোকের বদনে ।
 হেন অস্ত্র-ধনুঃ বল রাখে কোন্ জনে ॥

পার্থ বলে, যেই ধনুঃ নীলোৎপলনিভ ।
 ত্রৈলোক্য-বিজয় নাম ধরয়ে গাণ্ডীব ॥
 সুরাসুর-প্রপূজিত শত্রুর শমন ।
 শতেক-সহস্র-রণে বাহার গণন ॥
 ব্রহ্মবংশে ব্রহ্মা ধরে শতেক-বৎসর ।
 পঞ্চাঙ্গী-বৎসর ধরিলেক পুরন্দর ॥
 পঞ্চশত-বর্ষ ধরে দেব-নিশাকরে ।
 চৌষষ্টি-বরষ ছিল প্রজাপতি-করে ॥
 শতেক-বরষ ধরিলেক জলপতি ।
 বরুণে মাগিয়া নিল অগ্নি মহামতি ॥
 ঋতু-দাহন-হেতু দিল অর্জুনেরে ।
 পঞ্চষষ্টি-বর্ষ উহা রহে পার্থ-করে ॥
 দেবের নিষ্মিত ধনুঃ, দেববুর্তি ধরে ।
 দেবকার্য্যে পাইলাম, অগ্নি দিলা মোরে ॥
 পূর্ব্বে ব্রহ্মা দেবগণে ল'য়ে যজ্ঞ কৈল ।
 পঞ্চবিংশ পর্ব্বতে এরণ্ড-বৃক্ষ হৈল ॥
 বিষ্ণুর ধনুক নবপর্ব্বে নিরমিত ।
 শাস্ত্র এই নাম যার, বল অপ্রমিত ॥
 সপ্তপর্ব্বে সে পিনাক-ধনুর নিষ্কাণ ।
 সংহার-কারণে থাকে মহেশের স্থান ॥

পঞ্চপর্ব্ব কোদণ্ডক-ধনুক নিষ্মিল ।
 দানব-দলন-হেতু দেবরাজে দিল ॥
 পঞ্চ-লক্ষ বল তার, থাকে ইন্দ্র-হাতে ।
 রাবণ-বিনাশ-হেতু দিলা রঘুনাথে ॥
 তিনপর্ব্ব গাণ্ডীবের হ'য়েছে নিষ্কাণ ।
 ঋতু-দাহিতে অগ্নি দিলা মোরে দান ॥
 মোহন-মুরলী একপর্ব্ব ধাতা কৈল ।
 গোপীর মোহন-হেতু গোবিন্দে দিল ॥
 গাণ্ডীব-ধনুর জন্ম শুনি যেইমতে ।
 ত্রিগুণে নিষ্মিত গুণ সর্ব্ব-ধনুকেতে ॥
 দ্বিতীয় ধনুক হেম-বিভূষিতে শোভয় ।
 ছয়-হংস-চিত্র, ধর্ম্ম-নৃপতি ধরয় ॥
 সত্তর-সহস্র বল ধনুক-নিষ্কাণ ।
 দ্রোণাচার্য্য-গুরু পূর্ব্বে ধর্ম্মে দিলা দান ॥
 সহস্রেক গোধা যেই ধনুঃ অনুপাম ।
 বৃকোদর-ধনুঃ, তার সুপার্বক নাম ॥
 পঞ্চশত-সত্তর-সহস্র বল ধরে ।
 কাড়ি নিল ধনুঃ বলে জয়দ্রথ-বীরে ॥
 ব্যাস-বিভূষিত ধনুঃ নকুল-বীরের ।
 পৈষষ্টি-সহস্র বল, শল্যের করের ॥
 শিখিচিহ্ন-ধনুঃ সহদেব-বীর ধরে ।
 চতুঃষষ্টি বল, পূর্ব্বে দিলা চক্রধরে ॥
 অতিদীর্ঘ-তরুণের পিঙ্গলী-ভূষিত ।
 ভীমসেন-গদা ইহা, জগতে বিদিত ॥

এতেক বলেন যদি বীর ধনঞ্জয় ।
 তথ্য না জানিল ঋতু বিরাট-তনয় ॥
 পুনঃ জিজ্ঞাসিল, সত্য কহ ব্রহ্মলে ।
 ধনুঃ-অস্ত্র রাখি তাঁরা গেলা কোন্ স্থলে ॥
 শুনেছি পাশাতে হারি ত্যজি রাজ্য-ধন ।
 কৃষ্ণ-সহ বনে প্রবেশিলা ছয়জন ॥

এথায় কিমতে অস্ত্র রাখিল পাণ্ডব ।
 তুমি স্খাত হৈলে কিসে, বল এই-সব ॥
 হাসিয়া বলেন পার্থ, আমি ধনঞ্জয় ।
 কঙ্ক-সভাসদ, সেই ধর্ম্মের তনয় ॥
 ব্রহ্মকোদর বল্লব, যে পাচক তোমার ।
 অশ্বপাল ঐশ্বিক, সে নকুল কুমার ॥
 সহদেব তব গাভী করেন পালন ।
 সৈরিন্ধী-পাঞ্চালী-হেতু কীচক-নিধন ॥
 উত্তর বলিল, মোর মনে নাহি লয় ।
 কহ সত্য, তুমি যদি পাণ্ডুর তনয় ॥
 দশ নাম ধরে সেই পার্থ মহাশয় ।
 শুনিলে আমার মনে হইবে প্রত্যয় ॥
 অর্জুন বলেন, নাম শুনহ আমার ।
 যেই দশ-নাম মম বিখ্যাত সংসার ॥
 অর্জুন ফাল্গুনি সব্যসাচী ধনঞ্জয় ।
 কিরীটী বিভৎসু শ্বেতবাহন বিজয় ॥
 কৃষ্ণ জিষ্ণু বলি মোর দশ-নাম জান ।
 স্থাপিত করিল যাহা অমর-প্রধান ॥
 উত্তর বলিল, কহ করিয়া নির্ণয় ।
 কি-হেতু কি-নাম হৈল, কুন্তীর তনয় ॥
 দৈবে তুমি জান নাম, তাঁর সঙ্গে ছিলে ।
 শুনি জ্ঞান হোক, শীঘ্র কহ ব্রহ্মলে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

—

২২। অর্জুনের ধনঞ্জয়-নামের কারণ ও গান্ধারী-সহ
 কুন্তীর শিবপূজা লইয়া বিবাদ ।

অর্জুন বলেন, শুম বিরট-নন্দন ।
 দশ-নাম-হেতু তোমা বলিব এখন ॥

হস্তিনা-নগরে পূর্বের ছিলাম যখন ।
 আমার জননী পূজা করে পঞ্চানন ॥
 স্বয়ম্ভু-পাষণ-লিঙ্গ, নাম যোগেশ্বর ।
 রাজপত্নী-বিনা অশ্রু পূজিতে না পারে ॥
 প্রভাতে উঠিয়া মাতা করি স্নান-দান ।
 নানা-উপচারে হরে পূজিবারে যান ॥
 যেইরূপে শিবলিঙ্গ পূজেন জননী ।
 সেইরূপে পূজে সদা শ্রবল-নন্দিনী ॥
 দৌহে শিব পূজে, কেহ কাহারে না জানে ।
 দৈবযোগে দৌহাকার দেখা একদিনে ॥
 গান্ধারী বলেন, কুন্তী, তুমি কেন এথা ।
 ফল-পুষ্প দেখি, বুঝি পূজিতে দেবতা ॥
 মাতা বলে, সদা আমি করি যে পূজন ।
 তুমি বল, এই স্থানে কিসের কারণ ॥
 গান্ধারী বলেন, রাঁড়ি, এত গর্ব্ব তোর ।
 কিমতে পূজিস্ লিঙ্গ, সংপূজিত মোর ॥
 রাজার গৃহিণী আমি, রাজার জননী ।
 কোন্ ভরসায় তুমি পূজ শূলপাণি ॥
 মাতা বলে গান্ধারী গো, বল কেন এত ।
 তুমি জ্যেষ্ঠা ভগিনী যে, তেঁই সহি যত ॥
 যেইদিন আমি আসিয়াছি কুরুকূলে ।
 সর্ব্বলোক জানে, আমি পূজি ফলে-ফুলে ॥
 বহুদিন আছিলাম বনের ভিতর ।
 সেইহেতু পূজিবারে পেলে যোগেশ্বর ॥
 এখন আপন-দেশে আসিলাম আমি ।
 আমার পূজিত লিঙ্গ পূজ কেন তুমি ॥
 জিজ্ঞাসহ ভীষ্ম-ধৃতরাষ্ট্রে বিদুরেসে ।
 মম এই ইচ্ছলিঙ্গ, কে পূজিতে পারে ॥
 গান্ধারী বলিল, ছাড় পূর্ব্ব-অহঙ্কার ।
 এখন তোমার শিবে কোন্ অধিকার ॥

স। কার অনুমাত, পূজি আমি হরে ।
 তুমিই জিজ্ঞাসা কর গিলা সধাকারে ॥
 দূর কর ফল-পুষ্প, যাহ হেথা হৈতে ।
 শাল নাহি হবে পুনঃ আসিলে পূজিতে ॥

মাতা বলে, যতদিন নাহি ছিগ্নু দেশে ।
 তেঁর বুঝি বলে সবে পূজিতে মহেশে ॥
 পুন্শ ভগিনি, আর না আসিহ হেথা ।
 শিবপূজা কৈলে দ্বন্দ্ব ঘটিবে সর্বথা ॥

এইমত দ্বন্দ্ব হয় দুই ভগিনীর ।
 লগ্ন হৈতে সদাশিব হইয়া বাহির ॥
 কহিলেন, দ্বন্দ্ব কেন কর দুইজন ।
 দ্বন্দ্ব ত্যজি শুন দৌহে আমার বচন ॥
 সধাকার ইচ্ছা আমি, সবে পূজা করে ।
 কার শক্তি আছে মোরে অংশ করিবারে ॥
 অর্দ্ধ-অঙ্গ হয় মম পর্বত-কুমারী ।
 কেহ না লইতে পারে মোরে অংশ করি ॥
 তোমা-দৌহে কুরুবধু, সমান-ভকতি ।
 দৌহার পূজায় মম হয় বড় প্রীতি ॥
 আপনার বলি বল, আমি কারো নই ।
 কিন্তু রাজরমণীর পূজা আমি হই ॥
 দৌহে রাজপত্নী তোমা, দৌহে রাজমাতা ।
 উভয়ে আগারে পূজা করহ সর্বথা ॥

একজন হ'য়ে যদি চাহ পূজিবারে ।
 তবে মম দৃঢ়বাক্য কহি দৌহাকারে ॥
 কনকের দল হবে, মাণিক্য কেশর ।
 সুগন্ধি সহস্র-চাঁপা অতি-মনোহর ॥
 তাহাতে প্রভাতে যেই প্রথমে পূজিবে ।
 নিশ্চয় জানিহ শিব তাহারি হইবে ॥
 এমত বিধানে যেই করিবেক পূজা ।
 জানিহ, এ-রাজ্যে তার পুত্র হবে রাজা ॥

শুনিয়া শিবের বাক্য গান্ধারী-উল্লাস ।
 মাতারে চাহিয়া বলে করি উপহাস ॥
 নিশ্চয় তোমার এবে হৈল মহেশ্বর ।
 পুত্রগণে চম্পা মাগি আনহ সত্ত্বর ॥

এত বলি নিজগৃহে করিল গমন ।
 ডাকাইয়া আনাইল শতেক নন্দন ॥
 কহিল কুন্তীর সহ দ্বন্দ্ব যেইমতে ।
 হেম-চাঁপা দেহ, শিবে পূজিব প্রভাতে ॥
 প্রত্যক্ষ হইয়া কহিলেন ত্রিপুরারি ।
 যে পূজিবে, তার পুত্র রাজ্য-অধিকারি ॥
 শুনি দুর্ব্যোধন আজ্ঞা দিল সেইমত ।
 আনাইল সহস্র-সহস্র কর্মিগণ ॥
 মাণি-মুক্তা দিল চন্দ্র জিনিয়া কিরণ ।
 ভাণ্ডার হইতে দিল স্বর্ণ শত-মণ ॥

আমার জননী শুনি হরের বচন ।
 অতিদুঃখচিত্তে চলে, না চলে চরণ ॥
 সান্নিধ্যনা, পুত্র শিশু, সহজে দুঃখিতা ।
 পরগৃহে বঞ্চিত, পর-অগ্নিতে পালিতা ॥
 কি করিব, কি কহিব, চিত্তে ভাবি দুঃখ ।
 কারে কিছু নাহি কহি রহে অধোমুখ ॥
 ভোজন-সময় হৈলে আসে ভাতৃগণ ।
 ক্ষুধায় আকুল ভীম মাণিল ভোজন ॥
 অন্ন দেহ মাতঃ, বলি ডাকে বৃকোদর ।
 দুঃখেতে কাতরা মাতা না দিল উত্তর ॥
 উত্তর না পেয়ে ভীম অধিক কুপিল ।
 রন্ধন-সামগ্রী যত সাক্ষাতে দেখিল ॥
 সকলি লইল ভীম দুই-হাতে করি ।
 থরে-থরে রাখে বীর ধর্ম-বরাবরি ॥
 যুধিষ্ঠির কন, কহ কুশল-বারতা ।
 ভীম বলে, মাতা কেন নাহি কহে কথা ॥

দ্বিতীয় প্রহর বেলা, অন্ন নাহি হয় ।
 জ্ঞানিলে মাতা কিছু কথা নাহি কয় ॥
 অশিক্ষা-পরিশ্রমে দহে ক্ষুধানল ।
 কারণে আনিলাম আমান্ন-সকল ॥
 নানা হইলে অন্ন খাব রাজা, পিছু ।
 জ্ঞা হৈলে আম-অন্ন খাই কিছু-কিছু ॥
 পুষ্টিবর্ধন বলিলেন, খাবে কোন্ সুখে ।
 না আছেন কেন জান অধোমুখে ॥
 দুখে তাপিতা মাতা, না জানি কারণ ।
 কণ্ঠ করিবে ভাট, আমান্ন ভক্ষণ ॥
 পুনঃ গয়া শীত্ৰ ভাই, জিজ্ঞাসহ মায় ।
 কেনে তু বসিলা হেট করিয়া মাথাব ॥
 ভাম বলে, আমি হৈতে নহে নরবর ।
 হেট ডাকিলু, মাতা না দিলা উত্তর ॥
 ক্ষুধনলে দহে অঙ্গ, কম্পিত শযন ।
 এ বলি বসে হেট করিয়া বদন ॥
 দেব-নকুলেরে পাঠান রাজন ।
 পাঠারে কিছুই মাতা না বলে বচন ॥
 পাঠারে করিলা আজ্ঞা ধর্ম-নরপতি ।
 ধন্য তার পায়ে ধরি করিলু মিনতি ॥
 দুঃখ দুঃখচিত্ত, রাজা দুঃখিত হইল ।
 ক্ষুধায় আকুল ভীম কুপিয়া রহিল ॥
 নহে দেব-নকুল যে ক্ষুধিত অপার ।
 আজ্ঞা কর জননি গো, কি দুঃখ তোমার ॥
 শুনিয়া কহেন মাতা করিয়া ক্রন্দন ।
 দৌহাকার পাশে শিব কহিলা যেমন ॥
 সন্ত-কাঞ্চন-চাঁপা চাহে ত্রিলোচন ।
 গাঙ্গারী-আজ্ঞায় তাহা গড়ে কঙ্গিগণ ॥
 ক করিবে তোমা-সবে, কি হবে কহিলে ।
 এইহেতু দহে অঙ্গ দুঃখের অনলে ॥

আমি কহিলাম, মাতা, এই কোন্ কথা ।
 যত পুষ্প চাহ, আমি তত দিব মাতা ॥
 মাতা বলে, কেন তুান করহ ভণ্ডন ।
 তুমি কোথা হৈতে দিবে, কোথা পাবে ধন ॥
 আমি কহিলাম, মাতা, ত্যঃ চিন্তা-মন ।
 কোন্ বড় কথা-হেঁচ করিব ভণ্ড ॥
 রক্ষন করহ মাতা, অন্ন-জল খাহ ।
 আমি দিব পুষ্প, আমি যত তুমি চাহ-॥
 শুনিয়া হইয়া ছটা করিলা রক্ষন ।
 সবাকারে অন্ন দিয়া করেন ভোজন ॥
 কতকণে বলিলেন, পুষ্প দেহ আমি ।
 সমস্ত দিবস গেল, হইল রজনী ॥
 কখন কনক-পুষ্প দিবে মোরে আর ।
 এইমত মাতা মোরে কহে প্রবেশার ॥
 আমি যত বলি, মাতা প্রবোধ না হয় ।
 সমস্ত রজনী গেল, প্রভাত-সময় ॥
 ধনুক লইয়া আমি গুণ চড়াইয়া ।
 সন্ধানি যুগল-অস্ত্র উত্তর চাহিয়া ॥
 দ্রোণাচার্য-গুরুপদে নমস্কার করি ।
 মনোভেদী যুগল বাঘব্য-অস্ত্রমারি ॥
 কাটিয়া কুবের-পুরী পুষ্পের কারণ ।
 বায়ু-অস্ত্রে উড়াইয়া করি বরিষণ ॥
 হৃগন্ধি কনক-পদ্ম চম্পক-মিশ্রিত ।
 শিবের উপরে বৃষ্টি হৈল অপ্রমিত ॥
 বাহির ভিতর আর দেউল উতান ।
 পুষ্পেতে পুর্ণিত হৈল, নাহি রহে স্থান ॥
 জননীকে বলিলাম, যাহ স্নান করি ।
 আনিলাম পুষ্প, গিয়া পূজ ত্রিপুরারি ॥
 কোঁতুকে জননী গিয়া মহেশে পূজিল ।
 তুষ্ট হ'য়ে সদানন্দ মায়ে বর দিল ॥

তব পুত্রগণ হবে কুরুকুলে রাজা ।
 আজি হৈতে একা তুমি কর মম পূজা ॥
 আমারে সন্তুষ্ট হ'য়ে বলেন বচন ।
 ধনপতি জিনি তুমি করিলে পূজন ॥
 আজি হৈতে নাম তব হৈল ধনঞ্জয় ।
 ধনঞ্জয়-নামের এ জানহ আশয় ॥

উত্তর করিল, কহ বীর-চূড়ামণি ।
 কি করিল শুনি তবে সুবল-নন্দিনী ॥
 অর্জুন বলেন, প্রাতে উঠিয়া গান্ধারী ।
 সহস্র-কনক-পুষ্প হেমপাত্রে করি ॥
 কুম্ভ-চন্দন আর বহু-উপচারে ।
 নারীগণ-সহ যান পূজিতে শঙ্করে ॥
 শিবের আশ্রয় দেখে পুষ্পেতে পূর্ণিত ।
 যাইতে নাহিক পথ, কে করে গণিত ॥
 দেখিয়া গান্ধারী-দেবী বিষণ্ণ-বদন ।
 কুস্তীরে দেখিয়া বলে, কহ বিবরণ ॥
 মাতা বলে, এই পুষ্পে পূজিলাম আমি ।
 বর দিয়া নিজস্থানে গেলা উমাস্বামী ॥
 শুনিয়া গান্ধারী ক্রোধে পুষ্প ফেলে জলে ।
 গৃহে গিয়া নিজ-পুত্রগণে মন্দ বলে ॥
 সাধু কুস্তী, সাধু পুত্র গর্ভেতে ধরিল ।
 অকারণে শতপুত্র আমার জন্মিল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২৩। অর্জুনের অস্ত্রাস্ত্র নামের বিবরণ ।

পার্শ্ব বলিলেন, শুন বিরাট-নন্দন ।
 কহি এবে আর নাম যাহার কারণ ॥
 বিজয় বলিয়া ডাকে সকলে আমারে ।
 বিজয় করিয়া আসি, বাই যথাকারে ॥

শ্বেতবর্ণ চারি-অশ্ব মম রথ বহে ।
 তেঁই শ্বেতবাহন বলিয়া মোরে কহে ॥
 সূর্য-আগ্নি-সম মম কিরীট যে মাথে ।
 কিরীটী দিলেন নাম তেঁই-সুরনাথে ॥
 বাভৎসু বলিয়া ডাকিলেন নারায়ণ ।
 কহিব বিরাট-পুত্র তাহার কারণ ॥

একদিন কৃষ্ণ-সহ নৈমিষ-কাননে ।
 জিজ্ঞাসা করেন কৃষ্ণ সহস্র-বদনে ॥
 ধন্য ধনঞ্জয়, তুমি, বলে মহাবল ।
 তোমা-সম বীর নাহি ধরণীর তল ॥
 লক্ষ-রাজা জিনি কৃষ্ণ নিলে স্নয়ংবরে ।
 জিনিলে অঙ্গারপর্ণ গন্ধর্ব্ব-ঈশ্বরে ॥
 অগ্নিরে ঋগুব দহি নির্ব্যাধি করিলে ।
 ইন্দ্র-সহ সুরাসুরে সমরে জিনিলে ॥
 কুবেরে জিনিয়া ধন আনিলে সকল ।
 তিন-লোক, আসি তব খাটে ছত্রতল ॥
 মহাভার ধরণী ধরিলে বাহুবলে ।
 বাহুবল সদানন্দে সন্তুষ্ট করিলে ॥
 তপেতে তাপিলে তুমি হিমালয়-গিরি ।
 চক্ষুর কোণেতে নাহি চাহ পরনারী ॥
 যে-উর্ব্বশী দেখি ব্রহ্মা হ'লেন মোহিত ।
 সে-জন তোমার ঠাই হইল লজ্জিত ॥
 বীরমধ্যে শ্রেষ্ঠ তুমি, তপেতে প্রধান ।
 জিতেন্দ্রিয়, রূপে-গুণে কামের সমান ॥
 এ-তিন-ভুবনে নাহি দেখি একজনা ।
 তোমার সদৃশ রূপগুণের তুলনা ॥
 আমা হৈতে শতগুণে তোমারে বাখানি ।
 তোমার সদৃশ কেবা আছে বীরমণি ॥
 নাহি দেখি হেন আমি সংসার-ভিতরে ।
 তুমি যদি জান আছে, দেখাহ আমারে ॥

আমি কহিলাম বহু করিয়া প্রকার ।
ধাতার সৃজিত এই সকল সংসার ॥
আমা হৈতে অধিক আছয়ে রূপে-গুণে ।
নাহি বলি শ্রীগোবিন্দ, বল কি-কারণে ॥

গোবিন্দ বলেন, সখা, দেখাহ আমারে ।

তোমার সদৃশ জন কে আছে সংসারে ॥
পুনঃপুনঃ শ্রীগোবিন্দ বলেন আমারে ।
গোবিন্দের আঙ্কা পেয়ে গেলাম সত্বরে ॥
স্বর্গ-মর্ত্য-বসাতল ভ্রমি ত্রিভু'ন ।
আপন-সদৃশ নাহি দেখি কোনজন ॥
মম সম নাহি পাই এ-তিন-ভুবন ।

কৃষ্ণের উদ্দেশে মনে করি বিবেচন ॥
তোমার মুখেতে পূর্বের শুনিয়াছি আমি ।
বত্র জীব, তত্র শিব-রূপে আছ তুমি ॥
ব্রহ্ম-কাট-তৃণাদিতে তুমি আত্ম-রূপে ।
আমার সদৃশ নাহি পাই তিন-লোকে ॥
ভাবিয়া-চিন্তিয়া এই বুঝিলাম সার ।
তোমাতে পুরিত এই সকল সংসার ॥
জাপন-সদৃশ জন কারে না দেখিয়া ।
পূর্বাষ নিলাম আমি বসনে বান্ধিয়া ॥
গোবিন্দের আগে করিলাম নিবেদন ।
আমা-হেন ত্রিভুবনে নাহি কোনজন ॥
আপন সদৃশ নাহি পাই একজন ।
আমি যার তুল্য, আনিয়াছি নারায়ণ ॥
হব নয়, সমতুল করিতে না পারি ।
আনিয়াছি জগন্নাথ, দেখাইতে ডরি ॥

অস্তুর্যামী বাস্তবদেব সকলি জানিয়া ।

ফেলাহ-ফেলাহ বলি বলেন ডাকিয়া ॥

কি-কারণে ধনজয়, এতেক দীনতা ।
যেই আমি, সেই তুমি, নহেক অণুখা ॥
তোমায আমায় কিছু নাহি ভেদাভেদ ।
অজ-শিব জানে ইহা, ডানে চারি বেদ ॥

এত বলি শ্রীগোবিন্দ করি আলিঙ্গন ।

দিলেন বাঁভৎস-নাম করি নিরূপণ ॥
নালোৎপল-কৃষ্ণকাস্তি দেখি মম কায় ।
কৃষ্ণ নাম আপলেন জনক আমায় ॥
মহাভারতের কথা অমৃত সমান ।
কাশীরাম দাস কহে, শুনে পুণ্যবান ॥

২৫। ব্রাহ্মণ-মাহাত্ম্য ।

প্রণমহ দ্বিজ-, পদ-সরগিজ,
স্বজন-পালন-নাশা ।
সর্বত্র স্তুতদ, মহিমা যে পদ,
অধোক্ষজ'-বক্ষে ভূষা ॥
যে-পদ-সলিল, যেই সাধু পিল,
তরিল দুঃখ-পিপাসা ।
অবনী অবধি, যতেক তীর্থাদি,
যে-পদে সবার বাসা ॥
ভবার্ণব-প্লব, যে-পদ-প্লব,
লক্ষ্মী বশকারি-ধূলি ।
আবুর্য়শঃপ্রদ, অজয় সম্পদ,
পাইতে যাহারে বলি ॥
বাণতে কি শক্য, ছনিকার বাক্য,
পুণ্ডরীকাকাদি জনে ।
বজ্রে করে চূর, ভস্মের অঙ্কুর,
তিন-পুর ভয় মানে ॥

ভগান্ন যে-বাক্যে, হৈল সহস্রাক্ষে,
 সকল-ভক্ষ্য হুতাশ ।
 যে বাক্যে ভার্গবা', ত্যজি স্বর্গ দেবা,
 সিন্ধু লে কৈল বাস ॥
 অপ্রমিত তেজ, অজিত'-বংশজ,
 ঈশ্বিতে করিল ধ্বংস ।
 বিদ্য্য হৈল ক্ষুদ্র, শুধিল সমুদ্র,
 দহিল সগরবংশ ॥
 ভগীরথ ভগে, ধাঘ্যশৃঙ্গ হুগে,
 দ্রোণীতে হইল দ্রোণ ।
 অঙ্ক কলানিব, যে-বাক্যে ভলবি,
 পাইল কান্ধ-লোণ ॥
 ভজ সাধুচেতা, ত্যজ সর্বকথা,
 খণ্ডিলে দণ্ডার পাশী ।
 জীবন-মরণে, ব্রাহ্মণ-চরণে,
 শরণ লইল কাশী ॥

২৫। অর্জুনের অশিষ্ট নামের ও
 ক্রীবৎস বিবরণ ।

পার্থ বলিলেন, শুন বিরাট-কুমার ।
 যেইহেতু যেচ নাম হইল আমার ॥
 দুই-হাতে ধন্য আমি ধরি যে সমান ।
 সমান-প্রয়োগ অস্ত্র সমান-সন্ধান ॥
 তেই সব্যসার্বা-শ্রম লোকে হৈল খ্যাত ।
 গুণ-গরষণ-চিহ্ন সমান দুহাত ॥
 সসাগরা ধরাতলে রহে যতজন ।
 রূপেতে আমার সম নাহি অশ্রুজন ॥

সমান দেখিয়া সবে মোর রূপ-গুণ ।
 এ কারণে মম নাম রাখিল অর্জুন ॥
 ফল্গুন-পক্ষ-মধ্যে জনম আমার ।
 ফাল্গুনি-লিয়া তেই বোষয়ে সংসার ॥
 চতুর্দশ-ভুবনেতে ইন্দ্র অধিপতি ।
 ইন্দ্র ভুজাশ্রিত যত ইতিমধ্যে স্থিত ॥
 সবারে জিনিয়া ইন্দ্র জিযু-নাম ধরে ।
 ইন্দ্র-সহ জয় আমি করিছু সবারে ॥
 সে-কারণে সবে মিলি যত দেবগণ ।
 জিহ্ন এই নাম মোরে করেন অর্পণ ॥
 প্রতিজ্ঞা আনার শুন বিরাট মন্দন ।
 সুশ্রী-রক্তপাত করিবে যে-জন ॥
 সবংশে মারিয়া তারে করিব নিপাত ।
 পূর্বাপর সত্য মম, সর্বলোকে জ্ঞাত ॥
 এত শুনি রাজসুত কণ-স্তব্ধ হৈয়া ।

কহিতে লাগিল পুনঃ প্রণাম করিয়া ॥
 হে বীর, কমল-চক্ষে চাহ একবার ।
 অজ্ঞার অপরাধ ক্ষমহ আমার ॥
 বহুদোষে দোষী আমি তোমার চরণে ।
 সে-সকল কিছু আর না করিব মনে ॥
 যে-যে কপ্প করিয়াছ তুমি মহামতি ।
 তোমা-বিনা করে, হেন কাহার শক্তি ॥
 বড়-ভাগ্যে, মম জনকের কর্মফলে ।
 শরণ লইনু আমি তব পদতলে ॥
 কৃষ্ণের আশ্রিত হও তোমা-পঞ্চজন ।
 তাই আমি তব পদে নিলাম শরণ ॥
 যদি অনুগ্রহ তুমি করিলে আমায় ।
 দাস হ'য়ে সদা আমি সেবিব তোমায় ॥

অর্জুন বলেন, শ্রীত হ'লেম তোমাতে ।

ধনুঃ-অস্ত্র ল'য়ে তুমি আইস সম্মুখে ॥

কুরুগণে জিনি তব গোধন অর্পিব ।

আজি মহা-আর্ত কুরুসৈন্যেরে করিব ॥

কুরুসৈন্য-সিদ্ধি রাখে শত্রুগণ ভুজে ।

সকলি দহিব আমি অস্ত্র-অগ্নিতেজে ॥

পাছে তুমি ভয় কর সংগ্রামের স্থলে ।

আমার রক্ষণে তব ভয় নাহি তিলে ॥

উত্তর বলিল, মোর আর ভয় কারে ।

মহাবীর ধনঞ্জয় রাখিবে বাহারে ॥

তব পরাক্রম আমি ভালমতে জানি ।

নাহি মোর ভয়, যদি আসে শূলপাণি ॥

এ-বড় অদ্ভুত-কথা আছে মোর মনে ।

একপে কাটাও কাল কিসের কারণে ॥

কি-কারণে নপুংসক হৈলে মহাবল ।

ইহার স্তম্ভান্ত্র মোরে কহিবে সকল ॥

নিরস্তর এট কথা মনে মোর ছিল ।

এ-হেন শরীর কেন ক্লীবত্ব পাটিল ॥

অর্জুন বলেন, শুনি বিরট-নন্দন ।

অরণ্যেতে যবে মোরা ছিনু পঞ্চজন ॥

যুধিষ্ঠির-আজ্ঞা ল'য়ে যাই হিমগিরি ।

শিবেরে সন্তুষ্ট কৈনু উগ্রতপ করি ॥

তুষ্ট হৈলা পশুপতি দেব-ত্রিলোচন ।

তাঁর অনুগ্রহে তুষ্ট হৈলা দেবগণ ॥

কুবের বরুণ যম অস্ত্রগণ দিল ।

মাতলি পাঠায়ে ইন্দ্র সর্গে মোরে নিল ॥

নিগতকবচ আর কালকেয়গণ ।

সর্গে আসি উপদ্রব করে সর্বরক্ষণ ॥

লুটিয়া পুটিয়া সর্গ করে ছারখার ।

দৈত্য-ভয়ে দেবে ছুঃখ হইল অপার ॥

যত দুঃখগণে আমি একা সংহারিনু ।

সমস্ত অমরপুরী নিক্ষেপক কৈনু ॥

যতেক অমরগণ আনন্দিত হৈল ।

তুষ্ট হ'য়ে দেবগণ মোরে বর দিল ॥

ধনু-ধনু ধনঞ্জয় কুস্তীর নন্দন ।

তোমা-সম বীর নাহি এ-তিন-ভুবন ॥

অচিরে হইবে তব দুঃখ-বিমোচন ।

কৌরবে জিনিয়া প্রাপ্ত হবে রাজ্যধন ॥

এরূপে অমর-পুরে কতদিন যায় ।

নানাবিদ্যা আর অস্ত্র-শস্ত্রের শিক্ষায় ॥

দৈবে একদিন পিতা দেব-পুরন্দর ।

নৃত্য-গীত করাইল অঙ্গুরী-অঙ্গুর ॥

উর্বশী-নামেতে তাহে ছিল বিদ্যাধরী ।

সকলের শ্রেষ্ঠা সেই পরম সুন্দরী ॥

যত-যত বিদ্যাধরী কৈল নৃত্য-গীত ।

চক্ষু মেলি নাহি চাহিলাম কদাচিত্ ॥

দেখিলাম উর্বশীর মর্তন নিমেষে ।

সে-কারণে নিশাযোগে আসে মম পাশে ॥

অনেক কহিয়া শেষে মাগিল রমণ ।

প্রত্যাখ্যান করিলে সে কহিল তখন ॥

সকল অপ্সরা ত্যজি মোরে নিরখিলে ।

সে-কারণে আসিলাম এই নিশাকালে ॥

না করিলে মম তোষ, পুরুষের কাজ ।

ক্লীবত্ব পাটিয়া থাক ক্রীগণের মাঝ ॥

শুনিয়া বিনীতভাবে কহিলাম তায় ।

কামভাবে আমি নাহি দেখিনু তোমায় ॥

পূর্ব-পিতামহ যে পুরুষ পুরাতন ।

তোমার গর্ভেতে জন্মাইল পুত্রগণ ॥

অনেক পুরুষ পূর্ব হৈতে হ'য়ে গেল ।

তোমার যুবতী-দশা লান না হইল ॥

এইহেতু পুনঃপুনঃ দেখেছি তোমায়ে ।
 কুলের জননি, কৃপা করিবে আমায়ে ॥
 কুন্তী-মাদ্রী যথা মম, যথা শচীন্দ্রাণী ।
 ততোধিক তোমা আমি গুরুমধ্যে গণি ॥
 আপনার বংশ বলি জানহ আমায়ে ।
 লজ্জা পেয়ে উর্বরী যে কহে আরবারে ॥
 যজ্ঞ-ব্রত-ফলে তব যত পিতৃগণ ।
 ইন্দ্রের ভুবনে আসি থাকে হৃষ্টমন ॥
 সবে করে মোর সহ রতি-ব্যবহার ।
 কেহ নাহি করে, যথা তোমার বিচার ॥
 কহিল, আমার শাপ নহিবে লঙ্ঘন ।
 বৎসরেক ক্লীব রবে বিরাট-ভবন ॥
 শাপ হৈতে বর-তুলা হবে তব কাজ ।
 অন্মবেশে লুকাইতে নার ক্ষিতিমাঝ ॥
 বরষ রহিবে বলি করে নিরুপণ ।
 শুনহ ক্লীবের হেতু বিরাট-নন্দন ॥
 বৎসরেক ক্লীব হইলাম সেই দায় ।
 সদাকাল ক্লীব আমি পরের দারায় ॥

উত্তর বলিল, মোরে হৈলে কৃপাবান ।
 তেঁই মোরে নিজ-কর্ম করিলে ব্যাখ্যান ॥
 আজ্ঞা কর কোন্ কর্ম করিব এখন ।
 শুনিয়া অর্জুন-বীর বলেন বচন ॥
 সারথি হইয়া তুমি থাক মম রথে ।
 কোঁতুক দেখহ কুরুসৈন্যের মধ্যেতে ॥

উত্তর বলিল, আমি তোমার প্রসাদে ।
 সকল ভুবন আজি দেখি তৃণপদে ॥
 ইন্দ্রের মাতলি কিংবা দারুক-সারথি ।
 তাতৃশ সারথি-কর্ণে আমার শকতি ॥
 বিশেষ তোমার ভূজাশ্রিত মহাবলী ।
 এখন লইব রথ সৈন্য-মধ্যস্থলী ॥

ভারতে বিরাটপর্ব ব্যাসের কথন ।
 কাশীরাম পয়ারে করিল বিরচন ॥

২৬। অর্জুনের রণদজ্জা ও তদর্শনে
 কুরুগণেব বাদাভিবাদ ।

তবে পার্থ মায়ারথ করেন স্মরণ ।
 অগ্নিদত্ত কপিধ্বজ, শ্বেত-অশ্বগণ ॥
 পার্থ চিন্তা করামাত্র আসে সেইক্ষণ ।
 কনক-রচিত বিশ্বকর্মার গঠন ॥
 উত্তরের রথ হৈতে নামি ধনঞ্জয় ।
 প্রদক্ষিণ করি তাহে করেন আশ্রয় ॥
 পূর্বের কুণ্ডল বীর ত্যজিয়া শ্রবণে ।
 ইন্দ্রদত্ত কুণ্ডল পরেন দুই-কানে ॥
 বেণী ঘুচাইয়া শিরে উত্তীষ বাঙ্কিল ।
 ইন্দ্রদত্ত কিরীটে মস্তক বিভূষিল ॥
 খড়্গ-চুরি-তুণ-আদি বাঙ্কিয়া কাঁকালি ।
 গণ্ডীব ধরিয়া গুণ দেন মহাবলী ॥
 গুণ দিয়া ধনুকেতে দিলেন টঙ্কার ।
 বজ্রাঘাতে গিরি যেন হইল বিদার ॥
 দশদিক্ পূর্ণ হৈল, কম্পিত ধরণী ।
 বধির হইল কর্ণ, কিছু নাহি শুনি ॥
 শমী প্রদক্ষিণ করি রথে আরোহিয়া ।
 চলিল উত্তরে রথে সারথি করিয়া ॥
 হেমপুষ্প-সুগ্রীব ও মেঘ-শৈব্য-সম ।
 চালাল বৈরাটি অশ্ব অতি মনোরম ॥
 চলিবার কালে তবে পাণ্ডব ফাঙ্কনি ।
 ধনুগুণ টঙ্কারিয়া করে শঙ্খধ্বনি ॥
 গর্জিল রথের চক্র, গর্জে কপিধ্বজ ।
 শূরহিঁয়া পড়ে রথে বিরাট-অজয় ॥

প্রলয়ের মেঘ যেন গর্জিল গগনে ।
শত-বজ্র এককালে যেমত নিঃশব্দে ॥
স্বাবর-জঙ্গম কাঁপে, সপ্তসিন্ধুজল ।
শব্দ শুনি ভয়াকুল হৈল কুরুবল ॥
মুচ্ছিত দেখিয়া পার্থ বিরট-কুমারে ।

আশ্বাসিয়া সচেতন করেন তাহারে ॥
ক্লপ্তপুত্র হ'য়ে তুমি কেন হীনমত ।
শব্দমাত্র শুনি কর্ণে হৈলে জ্ঞানহত ॥
লক্ষ-লক্ষ হবে যবে ধনুক-টঙ্কার ।
এককালে শঙ্খনাদ হইবে সবার ॥
তখন সংগ্রাম-স্থলে কি করিবে তুমি ।
রথ হৈতে খসিয়া পড়িহ পাছে তুমি ॥

উত্তর বলিল, মোরে নিম্ন অকারণ ।
এ-শব্দে পৃথিবী-মধ্যে কে আছে চেতন ॥
শুনিয়াছি বহু-শব্দ জলদ-গর্জনে ।
ধনুর্ধোষ শঙ্খনাদ অনেক বাজনে ॥
এতাদৃশ শব্দ কভু কর্ণে নাহি শুনি ।
রথধ্বজ গর্জে এত, অপূর্ব-কাহিনী ॥
রথের গর্জনে হৈল বধির শ্রবণ ।
ধনুর্ধোষে শঙ্খনাদে হৈনু অচেতন ॥

শুনিয়া কীরীটী হাসি বলেন বচন ।
যুদ্ধে স্থির নাহি রবে, লয় মম মন ॥
বামপদে আমি তোমা রাখিব ধরিয়া ।
কেবল থাকিবে রথে অবলম্ব হৈয়া ॥
এত বলি পুনর্বীর করিলেক শব্দ ।
সেই শব্দে কুরুকুল হইলেক স্তব্ধ ॥

পুনঃপুনঃ মহাশব্দ শুনিয়া অদ্বুত ।
কহিতে লাগিল তবে ভরষাজ-সুত ॥
গাণ্ডীব-ধনুর মত শুনি যে টঙ্কার ।
দেবদত্ত-শব্দ-বিনা হেন শব্দ কার ॥

এ-শব্দে আমার সেনা কেহ নহে স্থির ।
নিরখিয়া দেখে সবে আপন-শরীর ॥
বিষম হইল, লোমাক্ষিত সব তনু ।
কর-শির কাঁপে দেখে, কাঁপে বক্ষ-জামু ॥
তোমা-স্বাকার চিন্তে কি হয়, না জানি ।
বধির হইল কর্ণ হেন শব্দ শুনি ॥
অস্ত্রগণ জ্যোতিহীন, অগ্নিহোত্র মন্দ ।
সংজ্ঞাহীন দেখি সৈন্য, সবে নিরানন্দ ॥
রক্তমাংসাহারী পক্ষী সৈন্যশিরে উড়ে ।
ঘোরনাদ করি স্বাকার শিরে পড়ে ॥
হয়-হস্তিগণ দেখে করিছে ক্রন্দন ।
পুনঃপুনঃ মল-মুত্র ত্যজে ক্ষণে-ক্ষণ ॥
সৈন্যমধ্যে প্রবেশিয়া শিবাগণ ডাকে ।
রথধ্বজ বেড়িয়াছে দেখে সব কাকে ॥
সত্য হৈল অকুশল সাক্ষাতে আমার ।
মহাবীর পার্থ-বিনা কেহ নহে আর ॥
এখন এমন কল্প কর বীরগণে ।
মধ্যেতে রাখহ যত্নে রাজ্য দুর্ঘোষধনে ॥
প্রহরীরা সর্বত্র জাগিয়া বেড়ি রহ ।
বাঁটিয়া ছ'ভিতে সৈন্য দুই-ভাগে লহ ॥
অর্দ্ধসৈন্য গাভীগণে রহ এবে বৈড়ি ।
অসাধ্য যত্নপি হয়, শেষে দিব ছাড়ি ॥
গাভীগণ-হেতু চিন্তা নাহিক কাহার ।
রাজ্যে রাখহ সবে, যত শক্তি যার ॥
মহাভারতের কথা শুধাসিদ্ধমত ।
একমনে সাধুজন পিয়ে অনুব্রত ॥
জয়তু নীলাদ্রিনাথ নীলচক্রধারী ।
নীলপদ্ম-সম মুখ, দুষ্ক-অন্তকারী ॥
নীলাশ্বর-সহিত লীলায় নীলাচলে ।
নীলকণ্ঠ-আদি দেব সেবে পদতলে ॥

অরুণ-বরণ চক্ষু, অরুণ বসন ।
 অরুণ অধর-শোভা, সে কর-চরণ ॥
 মন্তকে অরুণ-হেম-মুকুট খচিত ।
 গলে মণি-রত্নহার অরুণ-উদিত ॥
 অরুণ-বরণ-চক্ষু লক্ষ্মী বামপাশে ।
 অরুণ-চরণ সদা ধ্যায় কাশীদাসে ॥

— — —

২৭ । দুর্ঘোষনের বক্তৃতা ।

দ্রোণের এতক বাক্য শুনি দুর্ঘোষন ।
 ক্রুদ্ধ হ'য়ে ভীষ্মে চাহি বলিছে বচন ॥
 পুনঃপুনঃ মোরে গুরু কহেন এ-কথা ।
 পাণ্ডবের পক্ষ গুরু, জানিহ সর্বথা ॥
 সতত কহেন পাণ্ডবের যতগুণ ।
 অনুক্ষণ নিকটেতে দেখেন অর্জুন ॥
 ত্রয়োদশ-বর্ষ সবে করি গেল পণ ।
 ইতিমধ্যে দেখা তারা দিবে কি-কারণ ॥
 বিশেষ একক কেন আসিবে এথায় ।
 অকস্মাৎ আসিবেক কোন্ অভিপ্রায় ॥
 অর্জুন হইবে যদি, কিবা চাহি আর ।
 ভ্রাতৃসহ বনমাঝে যাবে আরবার ॥
 বিরাতের পক্ষ হ'য়ে কেন সে আসিবে ।
 বিরাতের অন্ত কোন সেনাপতি হবে ॥
 কিংবা আসিতেছে সেই বিরাত-নৃপতি ।
 কিংবা আগে পাঠাইল মুখ্য-সেনাপতি ॥
 দক্ষিণ-গোগৃহে রাজা তুশস্মা যে গেল ।
 মৎস্যদেশ জয় করি সেই বা আসিল ॥
 না দেখিয়া না শুনিয়া শব্দমাত্র শুনি ।
 পুনঃপুনঃ কহিছেন, আসিল কাক্তনি ॥

জানি আমি, আচার্য্য যে পাণ্ডুপুত্রে প্রীত ।
 অতএব কহিছেন হ'য়ে ছটীচিৎ ॥
 মোরে ভয় দেখাইয়া শত্রুর প্রশংসা ।
 পুনঃপুনঃ কহিছেন অকুণল-ভাষা ॥
 পশুজাতি অশ্বগণ নিরবধি ত্রাসে ।
 পক্ষীর স্তাব, সদা উড়য়ে আকাশে ॥
 মেঘের সহজ কৰ্ম্ম, উঠিলে গরজে ।
 কড়ু ধীর, কড়ু তীক্ষ্ণ পবনের তেজে ॥
 ইহা দেখি কহিছেন, নাহি আর জয় ।
 না করিয়া যুদ্ধ গুরু পান এত ভয় ॥
 নামেতে পাইল ত্রাস, কি করিবে রণ ।
 যুদ্ধস্থলে পণ্ডিতের নাহি প্রয়োজন ॥
 প্রাসাদ-মন্দির যথা নৃপতির সভা ।
 সেই-সব স্থলে হয় পণ্ডিতের শোভা ॥
 পুরাণের বাক্য যথা বেদ-অধ্যয়ন ।
 সেই-সব স্থলে হয় পণ্ডিত শোভন ॥
 যথায় বালক-শিক্ষা বিচার-কথন ।
 সেই স্থলে পণ্ডিতের হয় সুশোভন ॥
 যদি বা আইসে পার্থ লজিয়া সময় ।
 কিবা শক্তি আছে তার, কেন এত ভয় ॥
 আশুক অর্জুন, আমি করিব সংগ্রাম ।
 ভয়ার্ত্ত হ'লেন গুরু, যান নিজ-ধাম ॥
 ভোজ্য-অন্ন দিয়া তার পাইলাম ফল ।
 সে-মিত্রে কি কার্য্য, যেই শত্রুতে বৎসল ॥
 ভক্তি-ভয় দুই গুরু করেন পাণ্ডবে ।
 সদাকাল এইমত, জানি অনুভবে ॥
 এথায় রহিয়া কিছু নাহি প্রয়োজন ।
 যথা ইচ্ছা, তথাকারে করুন গমন ॥
 এখন এমত কৰ্ম্ম কর পিতামহ ।
 সৈন্যগণে ডাকি সবে আখাসিয়া কহ ॥

স্থানে-স্থানে গুল্ম' পাতি দৃঢ় কর সেনা ।
মোর স্থানে গাভী লয়, হেন কোন্ জনা ॥
গুরুকে করিয়া পাছু পাচ' গুল্মগণ ।
ভয়াভ-লোকে রে রাখি নাহি প্রয়োজন ॥
ভয়েতে কাতর কেন দেখি সেনাগণ ।
আচার্যের বাক্যে বুঝি হৈল ভীতমন ॥
যুদ্ধের সময়ে যুদ্ধ, শ্রেয়ঃ এই নীতি ।
যুদ্ধসাজে থাকুক সকল সেনাপতি ॥
মহাভারতের কথা অমৃত-সমান ।
কাশীরাম দাস কহে, শুনে পূণ্যবান ॥

২৮। কর্ণের আত্মপ্লাঘা ।

দুর্যোধন-দুর্শ্রুতির শুনিয়া বচন ।
কহিতে লাগিল তবে বীর বৈকর্ভন ॥
মলিন-বদন কেন দেখি সব রথী ।
আচার্যের বাক্যে বুঝি হৈলে ছন্নমতি ॥
না জানহ, ইতিমধ্যে আছে কর্ণবীর ।
কর্ণ শক্তি, মোর আগে যুদ্ধে রবে স্থির ॥
কিংবা জামদগ্ন্য রাম, কিংবা বজ্রপানি ।
কিংবা বাহুদেব-সহ আনুক ফাল্গুনি ॥
বধিব সবারে আমি একা ভুজবলে ।
সমুদ্র-লহরী যথা রক্ষা করে কূলে ॥
ভাগ্যে যদি থাকে, তবে হইবে কিরীটী ।
প্রথমে বানরধ্বজ ফেলাইব কাটি ॥
খণ্ড-খণ্ড করি দিব শ্বেত চারি-হয় ।
দশদিক্ মম অস্ত্রে হবে অস্ত্রময় ॥
বিজয়-ধনুক মম বিখ্যাত সংসার ।
দিব্য-অস্ত্র দিল মোরে রাম গুণাধার ॥

পাণ্ডব-অনলে সদা দুঃখী দুর্যোধন ।
সে-দুঃখ মিত্রের আজি করিব খণ্ডন ॥
কাটিয়া পার্শ্বের মুণ্ড অগ্রে দিব ডালি ।
নিষ্কণ্টকে রাজ্য ভুঞ্জ নাহি শত্রু বলি ॥
একেশ্বর আজি আমি করিব সমর ।
সবে যাহ গাভী ল'য়ে হস্তিনা-নগর ॥
কিংবা যুদ্ধ দেখে সবে অন্তরে থাকিয়া ।
সূর্য আচ্ছাদিব আজি বাণ বরষিয়া ॥
মহাভারতের কথা অমৃত-লহরী ।
কাশী কহে, সাধু-নর পিয়ে কর্ণ ভরি ॥

২৯। কৃপাচার্যের বক্তৃতা ।

কর্ণবাক্য শুনি কৃপাচার্য বলে বাণী ।
যতেক করহ তেজ, সব আমি জানি ॥
মুখে মাত্র বল, কিন্তু শক্তি নাহি কাজে ।
শরতের মেঘ যথা নিষ্ফল গরজে ॥
পণ্ডিতে কহিতে হেন মনে করে লাজ ।
কি-কর্ম করিয়া এত কহ সভামাঝ ॥
অজ্ঞান-বাতুল যথা কশ্মে ক্ষম নহে ।
ভাল-মন্দ নাহি, মুখে যাহা আসে, কহে ॥
একেশ্বর যুদ্ধ ইচ্ছা অর্জুনের সনে ।
অসম্ভব-কথা কহ, শুনিষু শ্রবণে ॥
যে পার্থ একাকী জিনে এ-তিন-ভুবন ।
থাণ্ডব দহিয়া কৈল অগ্নির তর্পণ ॥
ত্রিভুবনে খ্যাত যদুগণ-বীর্য-গুণ ।
বলে ভদ্রা হরি নিল একাকী অর্জুন ॥
একেশ্বর চিত্রসেনে জিনিয়া সমরে ।
দুর্যোধনে যুক্ত কৈল অরণ্য-ভিতরে ॥

নিবাতকবচ-কালকেয় মহাতেজা ।
 মারি নিষ্কণ্টক করি দিল দেবরাজা ॥
 পাঞ্চাল-দেশেতে পাঞ্চালীর স্বয়ংবরে ।
 জিনিলেক লক্ষ-লক্ষ-রাজা একেশ্বরে ॥
 একেশ্বর হেনজনে জিনিবারে চাহ ।
 যেই মুর্থ নাহি জানে, তার আগে কহ ॥
 গলে শিলা বান্ধি চাহ জলনিধি তরি ।
 গারুড়ি' না জানি সর্প-মুখে হাত ভরি ॥
 ত্রয়োদশ-বর্ষ সবে নিয়ম পালিল ।
 পাইয়া শত্রুর আণ এথায় আসিল ॥
 মেঘ হৈতে মুক্ত যেন হইল মিহির ।
 তাদৃশ আসিল দেখ পার্থ মহাবীর ॥
 একেশ্বর কেবা আছে এ-তিন-ভুবনে ।
 যুদ্ধে জয় করিবেক পাণ্ডব-অৰ্জ্জুনে ॥
 ভীষ্ম দ্রোণ তুমি আমি দ্রোণি হুর্যোধন ।
 ছয়জন যুদ্ধে যদি পারি কদাচন ॥
 মহাভারতের কথা অহুত-সমান ।
 কাশীরাম দাস কহে, শুনে পুণ্যবান্ ॥

৩০ । অশ্বখামা-কর্তৃক কর্ণ ও হুর্যোধনকে ভৎসনা ।

মাতুলের বচনান্তে অশ্বখামা বলে ।
 শরীর জ্বলিছে সূর্য্যপুত্র-বাক্যজালে ॥
 গাভী নাহি লই, নাহি করি কোন কার্য্য ।
 সীমান্ত না হই, নাহি যাই নিজ-রাজ্য ॥
 এতেক যে গর্ব্ব করে রাধার নন্দন ।
 কোন্ কৰ্ম্ম করি বলে, না জানি কারণ ॥
 বহু-শাস্ত্র শুনিয়াছি কথা পুরাতন ।
 ক্ষত্রমধ্যে হইয়াছে বহু-রাজগণ ॥

১ । সর্প-বধীকরণ-বহু । ২ । হুর্যোধন ।

মায়াদ্যুত-বলে কেহ নাহি ভুঞ্জে ক্ষিতি ।
 তুমি' যথা পররাজ্যে হ'য়েছ নৃপতি ॥
 ইন্দ্রপ্রস্থে রাজা হৈলে কোন্ যুদ্ধে জিনি ।
 কোন্ তেজে ধরিয়া আনিলে যাক্ষসেনী ॥
 যুধিষ্ঠিরে জিনিলে কি ভীম-ধনঞ্জয়ে ।
 কিংবা যুদ্ধে জিনিয়াছ মাদ্রীর তনয়ে ॥
 চারি-জাতি বিধি ভূমে করিল সৃজন ।
 যে যাহার জাতিধর্ম্ম করিবে পালন ॥
 পড়িবে, পড়াবে, যজ্ঞ করিবে ব্রাহ্মণ ।
 বাহুবলে ক্ষত্রিয়েরা করিবে শাসন ॥
 কৃষি করিবেক বৈশ্য বাণিজ্য-ব্যাপার ।
 ব্রাহ্মণে সেবিবে শূদ্র নীতি বিধাতার ॥
 অশক্ত বৃত্তিতে নিজ, অধর্ম্ম আচরি ।
 ইতর-জনের প্রায় করিয়া চাতুরী ॥
 ইহাতে পৌরুষ এত শুনা নাহি যায় ।
 ধর্ম্মবস্ত্র পাণ্ডুপুত্র ক্ষমিল তোমায় ॥
 তোমারে আচার্য্য-বাক্য সহিবে কেমনে ।
 চন্দ্রনেতে প্রীতি কোথা শীত-ভীত-জনে ॥
 স্ত্রীধর্মে আছিল কৃতা একবস্ত্র পরি ।
 সভামধ্যে বিবসনা কৈলে কেশে ধরি ॥
 কোন্ পরাক্রমে তুমি কৈলে হেন কৰ্ম্ম ।
 পৃথিবীতে খ্যাত আছে তব ক্ষত্রধর্ম্ম ॥
 ধর্ম্মশাস্ত্র সত্য যদি, সত্য আছে ক্ষিতি ।
 ধর্ম্মপুত্র যুধিষ্ঠির হবে ক্ষিতিপতি ॥
 যে-সভায় সভাসদু রাধার নন্দন ।
 তথায় কিরূপে হবে আচার্য্য শোভন ॥
 তিন-লোক-মধ্যে বৈসে যত-যত জন ।
 অৰ্জ্জুন অজ্ঞেয়, হেন কহে মুনিগণ ॥

বাসুদেব-সম পরাক্রমে মহাতেজা ।
কোন্ জন আছয়ে, না করে তারে পূজা ॥
ধর্মবিজ্ঞ-জন হেন কহে শাস্ত্রমত ।
পুত্রে স্নেহ যথা হয়, শিষ্যে সেইমত ॥
সে-কারণে আচার্য্য যে পাণ্ডুপুত্রে প্রীত ।
গুণকথা নহে ইহা, জগতে বিদিত ॥
পার্থ-সহ আচার্য্যের হৃন্দে কোন্ কার্য্য ।
পাশা খেলিবারে পূর্ব্বে কৈল কি আচার্য্য ॥
ইন্দ্রপ্রস্থ নিলে পূর্ব্বে যেই-যুদ্ধে জিনে ।
সেই-যুদ্ধ বিধান না কর আজি কেনে ॥
এই ত আছয়ে তব মাতুল শকুনি ।
নাহার সহায় নিলে জিনিবে অবনী ॥
সে-পাশার প্রতীকার মরণ বিহিত ।
অজ্ঞান দিবেক আজি ফল সমুচিত ॥
নহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৩১ । ভ্রোগেব সহিত কর্ণেব বাগ্‌বিত্তা ও
ভায়-কর্জক সাম্বনা-দান

এইরূপে দুই-মুখে শুনি কটুস্তর ।
ক্রোধমুখে কহে তঁবে কর্ণ ধনুর্ধর ॥
জানিয়াছি আমি তোমা-সবাকার মতি ।
ভয়েতে পাণ্ডবগণে করহ ভকতি ॥
পট্‌মাত্র ভোজ্য-অন্ন-ভক্ষণ-সময় ।
যুদ্ধকাল দেখি প্রাণে উপজিল ভয় ॥
যাহ বা থাকহ তুমি, যেই লয় মন ।
সহজে ভিক্ষুক তুমি, জাতিতে ব্রাহ্মণ ॥
ভিক্ষাজীবী-সনে হৃন্দে কোন্ প্রয়োজন ।
যথা যাও, তথা হবে উদর-পূরণ ॥

যজ্ঞ-নিমন্ত্রণে পিণ্ডজীবী যেইজন ।
তাহার সহিত হৃন্দে কোন্ প্রয়োজন ॥
যাহ তুমি, যথা ইচ্ছা, কেহ নাহি রাখে ।
গম পরাক্রম আজি দেখিবেক লোকে ॥
কর্ণের এতেক বাক্য শুনি দ্রোণ-গুরু ।
কর-শির কাঁপে তাঁর, কাঁপে বক্ষঃ-উরু ॥
বুঝিয়া বিষম-কাণ্ড গঙ্গার নন্দন ।
কৃতাজলি করি দ্রোণে বলেন বচন ॥
মোরে দেখি ক্ষম এবে গুরু-মহাশয় ।
মুখজন জানি তাপ খণ্ডাহ হৃদয় ॥
সাধু স্পর্শগত হইবেক যেইজনে ।
অজ্ঞানের অপরাধ নাহি শুনে কানে ॥
চন্দ্র-সূর্য্য-তেজঃ যথা সর্ব্বত্র সমান ।
সেইরূপ ব্রাহ্মণের সর্ব্বে সম-জ্ঞান ॥
ক্ষমহ আচার্য্যপুত্র, ক্রোধকাল নয় ।
শত্রু উপস্থিত, হৈল যুদ্ধের সময় ॥
ধৃতরাষ্ট্র অন্ধ বলি সর্ব্বলোকে জানে ।
দুর্য্যোধনে অন্ধ বলি জানিল এক্ষণে ॥
সাক্ষাতে শুনেছি সবে গাণ্ডীব-টঙ্কার ।
তথাপিহ বলে, হবে অম্ব কেহ আর ॥
পশুমাঝে ভ্রাণে জানে নিজ-বৈরিগণে ।
পশুর সদৃশ জ্ঞান নাহি দুর্য্যোধনে ॥
আরে রে দুশ্মতিগণ, আচার্য্যে নিন্দহ ।
অহঙ্কারে ছন্ন হ'য়ে কিছু না দেখহ ॥
এক-সূর্য্য-তেজঃ অঙ্গে সহনে না যায় ।
তোমার আছয়ে শত্রু পঞ্চসূর্য্য-প্রায় ॥
উদিত হইল আসি পঞ্চ-বিকর্ত্তন ।
কেন নাহি বুঝহ, অজ্ঞান দুর্য্যোধন ॥

এত বলি গঙ্গাপুত্র দ্রোণে নমস্করি ।
সান্বাইলা পিতা-পুত্রে বহু-স্তুতি করি ॥

তবে দুর্যোধন বহু-বিনয়-বচনে ।

করঘোড়ে দাণ্ডাইল গুরু-বিদ্যমানে ॥

ক্ষমহ আচার্য্য মোরে, কৈনু অপরাধ ।

অজ্ঞান হইয়া তোমা কৈনু নিন্দাবাদ ॥

দ্রোণ বলে, তব প্রতি নাহি করি ক্রোধ ।

পূর্বেই ভীষ্মের বাক্যে হ'য়েছে প্রবোধ ॥

তবে দ্রোণে চাহি বলে যত বীরগণ ।

উপায় করহ শীঘ্র, উপস্থিত রণ ॥

এক-কাজে আসিলাম, হৈল অন্য-কাজ ।

দৃঢ়মতে থাক, যেন নহে পাছু লাজ ॥

শুনি দুর্যোধন জিজ্ঞাসিল পিতামহে ।

এই যদি ধনঞ্জয় সর্বলোকে কহে ॥

ত্রয়োদশ-বর্ষ সবে নিয়ম করিল ।

না হইতে পূর্ণ যদি আসি দেখা দিল ॥

ইহার বিধান কেন না কর আপনে ।

ত্রয়োদশ-বর্ষ পুনঃ যাবে সবে বনে ॥

ভীষ্ম বলে, পূর্ণ হৈল বর্ষ-ত্রয়োদশ ।

অধিক হইল আরো দিন সপ্তদশ ॥

দ্বিপক্ষেতে মাস, পক্ষ পঞ্চদশ-দিনে ।

দ্বাদশ-মাসেতে হয় বৎসর-প্রমাণে ॥

এমত নিয়মে তের-বৎসর বঞ্চিল ।

সপ্তদশ-দিন আরো অধিক হইল ॥

পঞ্চবর্ষে দুই-মাস অধিক যে হয় ।

তাহা-সহ পূর্বে নাহি করিলে নির্ণয় ॥

নিয়ম করিয়াছিল, তাহা গোঁয়াইল ।

সময় পাইয়া আসি উদিত হইল ॥

একে ত পাণ্ডুর পুত্র সবে ধর্মবন্ত ।

জ্যেষ্ঠ যুধিষ্ঠির, যার গুণে নাহি অন্ত ॥

অনন্ত-দুষ্কর-কর্ম্মা, দয়ালীল ষ্টোকে ।

যুজ্য ইচ্ছে, তবু মিথ্যা নাহি কহে মুখে ॥

নিশ্চয় অর্জুন এই, জান নরপতি ।

ইহার উপায় রাজা, কর শীঘ্রগতি ॥

পৃথিবী দলিতে পার্থ পারে একেখরে ।

কি ছার কৌরব তার সহিত সমরে ॥

সে-কারণে কহি, শুন তাত দুর্যোধন ।

এখনো করহ প্রীতি, যদি লয় মন ॥

দুর্যোধন বলে, হেন না কহিও আর ।

জায়ন্তে পাণ্ডব-সহ কি প্রীতি আমার ॥

নাহি ভাগ দিব আমি, যুদ্ধ মোর পণ ।

ইহা জানি সমুচিত করহ আপন ॥

শুনি ভীষ্ম দিব্য-বৃহ করিল নির্মাণ ।

যোদ্ধাগণে বিচারিয়া রাখি স্থানে-স্থান ॥

মধ্যেতে রহিল দ্রোণি, দ্রোণ সব্য-ভিতে ।

কৃপাচার্য্য আচার্য্যের রহিল বামেতে ॥

দ্রোণরথ-রক্ষা হৈল বহু মহারথী ।

বিকর্ণ সৌবল আর বীর বিবিশ্ণুতি ॥

সর্বসৈন্য অগ্রে সূতপুত্র মহাবল ।

পাছু রহিলেন ভীষ্ম রক্ষা-হেতু দল ॥

মধ্যেতে রাখিল গান্ধী রাজা দুর্যোধনে ।

চতুর্দিকে সৈন্যগণ রহে সাবধানে ॥

দৃঢ়-অস্ত্রধারী রক্ষী রহে ব্যুহমুখে ।

হেন ব্যুহ কৈল ভীষ্ম, কেহ নাহি দেখে ॥

মহাভারতের কথা অত-লহরী ।

কাশী কহে, সাধু-নর পিয়ে কর্ণ ভরি ॥

এককোশ দূরে দৃষ্টি করিয়া তখন ।
 বৈরাটির প্রতি পার্থ বলেন বচন ॥
 চারিভিতে দেখিতেছি বহু-রথিগণ ।
 দুৰ্য্যোধনে নাহি দেখি কিসের কারণ ॥
 পশ্চাৎ করিব যুদ্ধ, রাজারে খুঁজিব ।
 চল, সর্ব্ব-অগ্রে তব গোধন ছাড়াব ॥
 বামভিতে লহ রথ, যথা গাভীগণ ।
 শুনি রথ চালাইল বিরাট-নন্দন ॥
 দূরে থাকি ভীষ্ম-রূপে করেন প্রগতি ।
 চারি-বাণ মারিলেন আচার্য্যের প্রতি ॥
 দুই-শর গিয়া পড়ে গুরু-পদতলে ।
 দুই-শর পরশিল দুই-কর্ণমূলে ॥
 দেখিয়া হইল গুরু আনন্দে বিভোর ।
 বড়-ভাগ্যে দেখিলাম আজি মুখ তোর ॥
 সারথি কহিল, দেব, কর অবধান ।
 প্রহারী জনেরে কেন এতেক সম্মান ॥
 হাসিয়া কহিল গুরু, প্রহারী এ নয় ।
 অশ্বখামাধিক মম পুত্র ধনঞ্জয় ॥
 এই যে যুগল-অস্ত্র চরণে পড়িল ।
 চরণ ধরিয়া মোরে প্রণাম করিল ॥
 দুই-বাণ পরশিল দুই-কর্ণে আর ।
 এক-কর্ণে নিবেদিল শুভ-সমাচার ॥
 আর কর্ণে কহিলেক, আসিলাম আমি ।
 ত্রয়োদশ-বৎসর সময় অতিক্রমি ॥
 যথোচিত ভাগ দিতে कह দুৰ্য্যোধনে ।
 নহে যুদ্ধ, ভালে-ভালে যাহ এইকণে ॥
 উহার উত্তর আমি করিব বিধান ।
 এত বলি প্রহারিল দ্রোণ দুই-বাণ ॥
 এক বাণ শিরে চুসি ধরনী পড়িল ।
 আর বাণ কর্ণমূলে প্রভুতর দিল ॥

উত্তর কহিল, कह পাণ্ডব-প্রধান ।
 কে তোমারে প্রহারিল এই দুই-বাণ ॥
 ভাগ্যে কর্ণমূলে বাণ না কৈল ঘটন ।
 চিন্তে লয়, মারিলেক বলহান-জন ॥
 পার্থ বলে, দ্রোণ-গুরু জগতে বিদিত ।
 সদাকাল হন তিনি মম প্রতি প্রীত ॥
 শিরেতে চুষন করি পড়িল যে-বাণ ।
 বহুদিন-সমাগমে করিল কল্যাণ ॥
 আর বাণ কর্ণমূলে কহে প্রভুতর ।
 শঙ্ক নাহি, যত শক্তি, করহ সমর ॥
 এতেক বলিয়া পার্থ পায় মহাতাপ ।
 কোথায় আছে দুই কুরুকুল-পাপ ॥
 আজি আমি দিব তারে সমুচিত দণ্ড ।
 কেবল রাখিব প্রাণ করি লণ্ডভণ্ড ॥
 কাটিয়া মুকুট স্বর্গচ্ছত্র নবদণ্ড ।
 রথ-গজ কাটিয়া করিব খণ্ড-খণ্ড ॥
 আজি যদি দুষ্ঠাচার পড়ে মম আগে ।
 মুহূর্ত্তেকে প্রহারিব, সিংহ যেন মূগে ॥
 এই যে সমূহ সেনা দেখহ উত্তর ।
 শীত্র রথ লহ মম ইহার ভিতর ॥
 দুৰ্য্যোধন লুকাইয়া আছে রথিমাথ ।
 সেই সে আমার শত্রু, অগ্রে নাহি কাজ ॥
 অস্ত্র মারি সমাকুল করি সেনাগণ ।
 তবে দুৰ্য্যোধনের ত পাব দরশন ॥
 অহঙ্কারী মানী বুঢ় অতি-দুরাচার ।
 আজি আমি গর্ব চূর্ণ করিব তাহার ॥
 এতেক বলিয়া বীর সৈন্তে প্রবেশিয়া ।
 দুৰ্য্যোধনে নাহি পান অনেক খুঁজিয়া ॥
 সেই সৈন্তে না পাইয়া রাজা দুৰ্য্যোধনে ।
 সিংহ যেন হুঃখচিত নিরামিষ-বনে ॥

উত্তরে বলেন, এই দেখ বামভাগে ।
 লুকাইয়া কুরুপতি আছে এই দিকে ॥
 চালাহ সঙ্ঘরে রথ, যথা দুর্যোধন ।
 আঙ্কামাত্রে চালাইল বিরাট-নন্দন ॥
 সৈন্যের নিকটে পার্থ হন উপনীত ।
 দ্বিতীয়-প্রহরে যেন আদিত্য উদিত ॥
 ইন্দ্রদত্ত ক্রীট মস্তকে অতি-শোভা ।
 ইন্দ্রদত্ত কুণ্ডল কর্ণেতে সূর্য-আভা ॥
 অগ্নিদত্ত গাণ্ডীব-ধনুক বামহাতে ।
 অক্ষয়-যুগল-ভূগ শোভে দুই-ভিতে ॥
 দেবদত্ত শঙ্খ করে, কণ্ঠে মণিহার ।
 কটিদেশে বন্ধ খড়্গ-ছুরি তীক্ষ্ণধার ॥
 রথের নির্ঘোষ, গজ্জ বীর হনুমান্ ।
 আসিল ইন্দ্রের পুত্র ইন্দ্রের সমান ॥
 দৃষ্টিমাত্রে পড়ে সবে মুচ্ছিত হইয়া ।
 থাকুক যুদ্ধের কার্য্য, পলায় দেখিয়া ॥

অর্জুনে দেখিয়া কন গঙ্গার তনয় ।
 ভাগ্যে আজি দেখিলাম বীর ধনঞ্জয় ॥
 ধর্ম্মজ্ঞ, বান্ধবপ্রিয়, বলে মহাবল ।
 পাশাকাল-দুঃখ স্মরি দিতে এল ফল ॥
 অগ্ন্যহেতু নহে এই, দুর্যোধনে খুঁজে ।
 সিংহ যেন যুগ খুঁজি বুলে বনমাঝে ॥
 আমা হৈতে দূরে যদি পায় দুর্যোধন ।
 তখনি লইয়া যাবে করিয়া বন্ধন ॥
 এত শুনি দুর্যোধন-রক্ষার কারণ ।
 শীত্রগতি ধেয়ে আসে যত রথিগণ ॥

দুর্যোধনে বেড়ি সবে রহে চারি-পাশে ।
 দেখিয়া অর্জুন-বীর মনে-মনে হাসে ॥
 হাসি বলিলেন, শুন বিরাট-নন্দন ।
 প্রাণভয়ে লুকাইয়া আছে দুর্যোধন ॥

চল-চল, আগে তব গোধন ছাড়াব ।
 পাছে কুরুকুলক্লাবে খুঁজিয়া মারিব ॥
 রথ চালাইয়া দিল বিরাট-নন্দন ।
 যথায় গোধন বেড়ি আছে সৈন্যগণ ॥
 এখানে উত্তর, রাখ ক্ষণকাল রথ ।
 সৈন্য ভাঙ্গি গোধনের ক'রে দেই পথ ॥
 এত বলি পার্থবীর কৈল শরজাল ।
 বিচিত্র-বরুণ-অস্ত্র, যেন কালব্যাল ॥
 মুঘলের ধারে যেন বর্ষে জলধর ।
 চক্ষুর নিমিষে আচ্ছাদিল দিনকর ॥
 নাহি দেখি অর্কদিক্ পৃথিবী আকাশ ।
 সূর্য-পথ রুদ্ধ হৈল, না বহে বাতাস ॥
 মেঘে অন্ধকার, যেন অমাবস্তা-রাতি ।
 সারথিরে দেখিতে না পায় রথে রথী ॥
 অস্ত্র-অগ্নি জ্বলে যেন থণ্ডোত-আকার ।
 সৈন্যেতে অক্ষত-জন না রহিল আর ॥
 নাহি দেখি কোনদিকে পলাইতে পথ ।
 অপ্রমিত কুরুসৈন্য ভয়েতে আবৃত ॥
 চমৎকৃত হ'য়ে ডাকি বলে সর্বসৈন্য ।
 ধন্য বীর, তব গর্ভধারিণীও ধন্য ॥
 হেন কন্ধ্য কেহ নাহি করে ত্রিভুবনে ।
 তোমা-বিনা এই কন্ধ্য করে কোন্ জনে ॥
 শুনি তবে পার্থবীর গুরে দেবদত্ত ।
 যাহার শ্রবণে রিপু হয় হীনসত্ত্ব ॥
 গাণ্ডীবে টঙ্কার দেন আকর্ষণ পুরিয়া ।
 রথের শ্বেতাশ্ব চারি উঠিল গজ্জিয়া ॥
 ধ্বজে হনুমান্ করে ভয়ঙ্কর-নাদ ।
 চারি-শব্দে তিন-লোকে গণিল প্রমাদ ॥
 শূন্যেতে বিমানস্বায়ী যতজন ছিল ।
 ঘোর-শব্দে সকলেই মুচ্ছিত হইল ॥

অজ্ঞান হইয়া পড়ে যত কুরুবল ।
সৈন্যেতে বেড়িয়া ছিল গোধন-সকল ॥
মহাশব্দে ধেনুগণ হইয়া অস্থির ।
সৈন্যদল ভাঙ্গি বেগে হইল বাহির ॥
প্রলয়-সমুদ্রে কিসে রোধিবেক কূলে ।
গালিবাঙ্কে কি করিবে নদীস্রোতোজলে ॥
পুচ্ছ উচ্চ করি ধায় যত গাভী সব ।
দক্ষিণে বাহির হৈল করি হাস্যরব ॥
চরণে-শৃঙ্গেতে মর্দি বহু-সৈন্যগণ ।
বাহির হইল সব মৎস্যের গোধন ॥
গোপগণ-প্রতি বলিলেন ধনঞ্জয় ।
ল'য়ে যাহ গরু, পূর্বের আছিল যথায় ॥

উত্তরে চাহিয়া তবে বলেন কিরাঁটি ।
গাভী মুক্ত করি তব দিলাম বৈরাটি ॥
চিন্তে নাহি করিহ, জিনিয়া সব কুরু ।
গৃহেতে লইয়া যাবে আপনার গরু ॥
ভুবন-বিজয়ী এই কোরবের সেনা ।
ইন্দ্র-তুল্য পরাক্রম এক-একজনা ॥
শরানলে দহিবারে পারে ভূমণ্ডল ।
নাহি জিনি গোধন জীয়ন্তে এ-সকল ॥
দূরেতে আছয়ে, তেঁই অস্ত্র নাহি মারে ।
শীঘ্র লহ রথ মম সৈন্যের ভিতরে ॥

এত শুনি বেগে রথ চালায় উত্তর ।
বহু-সৈন্যে জিনি গেল সৈন্যের ভিতর ॥
যথায় আছয়ে কুরুরাজ দুর্যোধন ।
তথায় লইল রথ বিরাট-নন্দন ॥
দেখিয়া ধাইল সর্ব-কুরুসেনাপতি ।
নৃপতির রক্ষা-হেতু অতি শীঘ্রগতি ॥
সহস্রেক শ্রেষ্ঠ রথী যুদ্ধে দিল মন ।
ধাইয়া আসিল বেগে সূর্য্যের নন্দন ॥

সহস্রেক রথী ল'য়ে কুরুবংশপতি ।
দুর্যোধন-রক্ষা-হেতু ভীষ্ম মহামতি ॥
একভিতে নৃপতির ভাই উনশত ।
আঙুলিল পার্শ্বে আসি সহস্রেক রথ ॥
দ্রোণ-কূপ-অশ্বখামা-আদি মহারথী ।
একভিতে রহে রক্ষা-হেতু কুরুপতি ॥
ভীষ্ম-দশন হস্তী পর্বত-আকার ।
মুষল মুদগর শুণ্ডে ধরা সবাকার ॥
সহস্র-সহস্র মত্ত-গজ আগে করি ।
আপনি রহিল পিছে নানা-অস্ত্র ধরি ॥
সিংহনাদ শঙ্খনাদ ধনুক-টঙ্কার ।
চতুর্দিকে প্রপূরিল শব্দ মার-মার ॥
মহাভারতের কথা সুধা-সিদ্ধু-সম ।
কাশী কহে, পান কৈলে নাহি দেখে যম ॥

৩৩ । অর্জুন-কর্তৃক উত্তরের নিকট কুরুসৈন্যের
পরিচয়-প্রদান ।

উত্তর বলিল, দেব, কহিবে আমারে ।
কোন্-কোন্ যোদ্ধা এই আসিল সমরে ॥
পার্শ্ব বলিলেন, দেখ বিরাট-কুমার ।
স্ববর্ণের বেদী শোভে রথধ্বজে য়ার ॥
রক্তবর্ণ চারি-অশ্ব বহে রথখান ।
দ্রোণগুরু কুরুকূলে আচার্য্য-প্রধান ॥
যম-সম শত্রু হৈলে দৃষ্টে করে ভেদ ।
অনুপম রণে এই, যেন ধনুর্বেদ ॥
নহিল, নহিবে হেন-বীর অযুজ্ঞনে ।
সশস্ত্র থাকিলে যিনি অজ্ঞেয় ভুবনে ॥
মহামুনি ভরদ্বাজ যুতাটী দেখিয়া ।
গঙ্গাজলে বীৰ্য্য তাঁর পড়িল খসিয়া ॥

দ্রোণীমধ্যে সযতনে রাখে তপোধন ।
 দ্রোণীতে জন্মিল, তেঁই নাম হৈল দ্রোণ ॥
 পরশুরামের যত দিব্য-বিद्या ছিল ।
 অস্ত্র-ধনু-সহ বিद्या ইহারে সে দিল ॥
 তাঁহার দক্ষিণে দেখে তাঁহার অঙ্গজ ।
 সিংহের লাকুল শোভে যাঁর রথধ্বজে ॥
 কৃপীগর্ভে জন্ম হৈল, কৃপের ভাগিনা ।
 মৃত্যুপতি ভয় করে, অত কোন জনা ॥
 কাঞ্চনের দণ্ড ধরে কৃপ মহামতি ।
 শরদ্বান-ঋষিপুত্র, গোঁতমের নাতি ॥
 শরবনে ভ্রাতাভগ্নী দৌহে জন্মেছিল ।
 আমার প্রপিতামহ শাস্ত্রু পুষিল ॥
 কৃপ-কৃপী নাম দিল শরদ্বান তাত ।
 আমার বংশেতে গুরু আচার্য্য বিখ্যাত ॥

ওই যে দেখেছ উচ্চতর রথধ্বজ ।
 বিচিত্র কলস-ধ্বজে শোভে রত্নগজ ॥
 সেই রথে বৈকর্তন, কর্ণ যার নাম ।
 সুরাহ্মের জানে যার বল অনুপাম ॥
 জামদগ্ন্য-রামের এ শিষ্য প্রিয়তর ।
 আমার সহিত সদা বাঞ্ছয়ে সমর ॥
 করিব মানস তার আজি আমি পূর্ণ ।
 মম সহ যুদ্ধে আজি গর্ব্ব হবে চূর্ণ ॥
 চতুর্দিকে সুরবেষ্টিত ষ্ঠেতচ্ছত্রগণ ।
 হের দেখে মহামানী রাজা দুৰ্য্যোধন ॥
 বৈদূর্য্য-মুকুতা-মণি-ধ্বজ মনোহর ।
 যেই রথধ্বজে চিত্রে ধবল-কুঞ্জর ॥

তাহার রক্ষার্থে তার নিকটে দেখেছ ।
 ভরত-বংশের শ্রেষ্ঠ মম পিতামহ ॥
 পঞ্চগোটা কনকের তাল যাঁর ধ্বজে ।
 মহাষোভা, শীত্ৰহস্ত, সর্বলোকে পূজে ॥

শাস্ত্রমুর পুত্র, জন্ম গঙ্গার উদরে ।
 সত্যবতী-কন্যা আনি দিলেন পিতারে ॥
 রাজ্য-দারা ত্যাগ কৈল পিতার কারণ ।
 তুষ্ট হ'য়ে পিতা বর দিলা সেইক্ষণ ॥
 ইচ্ছা-মৃত্যু হোক তব সংসার-ভিতরে ।
 নাহিক মরণ, নিজ-ইচ্ছা হৈলে মরে ॥
 ভীষ্ম বলি নাম তাঁর ঘোষে ভূমণ্ডলে ।
 ক্ষত্রকুলান্তক-রামে জিনিলেন বলে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩৪। অর্জুনের সাহিত কর্ণের সংগ্রাম ও
 পলায়ন ।

হেনমতে যত রথ-রথী মহাবীরে ।
 একে-একে দেখালেন অর্জুন উত্তরে ॥
 পুনরপি উত্তরে কহেন মহামতি ।
 কর্ণের সম্মুখে রথ লহ শীত্ৰগতি ॥
 আকাশ হইতে শীত্ৰ তারা যেন ছুটে ।
 চালাইয়া দিল রথ কর্ণের নিকটে ॥
 কর্ণের সম্মুখে ছিল যত রথিগণ ।
 অর্জুন-উপরে করে বাণ-বরিষণ ॥
 শেল শূল শক্তি জাঠি মুঘল মুদগর ।
 পরশু ভূষণী ভিন্দিপাল যে তোমর ॥
 বরষা-কালেতে যেন বর্ষে জলধর ।
 ঝাঁকে-ঝাঁকে চতুর্দিকে বরিষে তোমর ॥
 পর্বত-আকার হস্তী ভীষণ-দশন ।
 চরণে কম্পিত ক্রিতি জলদ-গর্জন ॥
 দেখিয়া হাসিয়া বীর কুন্তীর নন্দন ।
 দিব্য-অস্ত্র গাণ্ডীবতে ষোড়েন তখন ॥

না হৈতে নিমেষ পূর্ণ, ছাড়িতে নিঃশ্বাস ।
 শরজাল করিয়া পুরিল দিক্‌পাশ ॥
 বরিষা-কালেতে যেন বরিষয়ে মেঘে ।
 দিনকর-তেজ যেন সর্ব্বটাই লাগে ॥
 পদাতি কুঞ্জর রথী যত হয়গণ ।
 জর্জর করেন বিক্ষি ইন্দ্রের নন্দন ॥
 বেগে রথ চালায় সারথি বিচক্ষণ ।
 বাত্যাধিক মনোজব জিনিয়া খঞ্জন ॥
 ক্ষণে বামে, ক্ষণে দক্ষে, আগে-পিছে ছুটে ।
 ক্ষণেক ভূমিতে পড়ে, ক্ষণে শূন্যে উঠে ॥
 ক্ষণেক ভিতরে যায়, ক্ষণেক বাহির ।
 রথবেগে পড়ি গেল বহু মহাবীর ॥
 যুগেন্দ্র বিহরে যেন গজেন্দ্র-মণ্ডলে ।
 নাগে নাগাস্তক যেন মারে কুতূহলে ॥
 কাটিল রথের ধ্বজ সারথি-সহিত ।
 খণ্ড-খণ্ড হ'য়ে ক্রমে পড়ে চতুর্ভিত ॥
 ধনুর সহিত বামহাত ফেলে কাটি ।
 বৃকে বাজি পড়ি কেহ কামড়ায় মাটি ॥
 অস্ত্রানলে দগ্ধ কেহ করে ছট্‌ফটি ।
 কাটিয়া ফেলিল কারো দন্ত দুই-পাটী ॥
 অ্রবণ-নাসিকা গেল, দেখি বিপরীত ।
 কাটিয়া পাড়িল মুণ্ড কুণ্ডল-সহিত ॥
 মধ্যদেশ কাটি পাড়ে কত-শত বীর ।
 অস্ত্রাঘাতে কোঁন রথী উভে হৈল চীর ॥
 কাটিল রথের ধ্বজ করি খণ্ড-খণ্ড ।
 মধ্য-চক্রে কাটিলেন সারথির মুণ্ড ॥
 তীক্ষ্ণ-বাণাঘাতে মত্ত-কুঞ্জর-সকল ।
 আর্তনাদ করি পড়ে মস্থি বহুদল ॥
 চক্রাকারে ভ্রমি পড়ে ভূমে দিয়া দন্ত ।
 পেটেতে বাজিল কারো, বাহিরায় অস্ত্র ॥

এইমত মহামার করিল ফাস্তনি ।
 সকল-সৈন্যে বিন্ধি করিল চালনি ॥
 দুই-দুই-অঙ্গুলী-অস্তরে অঙ্গ ছেদি ।
 পাড়িল অনেক সৈন্য, রক্তে বহে নদী ॥
 হইল বিচিত্র শোভা ধরণীর তলে ।
 অশোক-কিংশুক যেন বসন্তের কালে ॥
 একেখর ভ্রমে পার্থ কুরুসৈন্য দলি ।
 মহাবাতাঘাতে যেন পড়িল কদলী ॥
 কালামি-সমান শিক্ষা দেখি পার্থবীরে ।
 কার শক্তি, চক্ষু মেলি চাহিবারে পারে ॥
 মারিয়া সকল-সৈন্য পার্থ ধনুর্ধর ।
 চালাইয়া দেন রথ কর্ণের গোচর ॥
 কর্ণের অনুজ ছিল বিকর্ণ-নামেতে ।
 অঙ্গুলিল পার্শ্বে আসি ধনুঃশর-হাতে ॥
 হাসেন অর্জুন-বীর দেখিয়া বিকর্ণ ।
 ভুজঙ্গে পাইল যেন বৃদ্ধক্ষু সুপর্ণ ॥
 দুই-বাণে ধ্বজ-ধনু কাটিয়া তাহার ।
 অর্দ্ধচন্দ্র-বাণে মুণ্ড কাটিলেন তার ॥
 বিকর্ণ পড়িল দেখি কর্ণে হৈল ক্রোধ ।
 টঙ্কারিয়া ধনুগুণ ধায় মহাযোধ ॥
 সিংহে দেখি সিংহ যেন করয়ে গর্জজন ।
 দুই-মস্ত-হস্তী যেন হস্তিনী-কারণ ॥
 চিরকাল স্ববাস্তিত মিলাইল বিধি ।
 দরিদ্র পাইল যেন মহারত্ন-নিধি ॥
 দৌহে দেখি দৌহাকার হইল হরষ ।
 কর্ণে চাহি ধনঞ্জয় বলেন কর্কশ ॥
 ত্যজ গর্ব, রাখাহত, ত্যজ সিংহনাদ ।
 আজি যুচাইব তোম সংগ্রামের সাধ ॥
 তোরে বিনাশিব, সবে দেখুক নয়নে ।
 নিস্তেজ করিব আজি রাজা দুর্ব্যোধনে ॥

যখন কপটে ছুঁই খেলাইল পাশা ।
মনে জাগে, যত কিছু কৈলি কটুভাষা ॥
সেই সব আজি তোরে করাব স্মরণ ।
বহুদিনে তোর সহ হৈল দরশন ॥

হাসিয়া বলিল কর্ণ, দৈব বলবান্ ।
যারে খুঁজি, সেইজন এল বিচুমান ॥
তোরে মারি পাণ্ডবের দর্প করি চূর্ণ ।
হুয়োদন-মনোরথ করিব যে পূর্ণ ॥

এত বলি কর্ণবীর পুরিল সন্ধান ।
অর্জুন-উপরে প্রহারিল দশ-বাণ ॥
গাণ্ডীব-ধনুকে চারি, চারি-অশ্বে চারি ।
ছুই-ভুজে উত্তরের ছুই-অস্ত্র মারি ॥
ছাড়েন বিংশতি-বাণ ইন্দ্রের নন্দন ।
দশ-অস্ত্রে কর্ণ-বীর কাটে সেইক্ষণ ॥
পুনঃ ষড়্ বিংশ-বাণ ছাড়েন কিরীটী ।
সেই-অস্ত্র কর্ণ-বীর ফেলাইল কাটি ॥
আকর্ণ পুরিয়া কর্ণ এড়ে পঞ্চ-বাণ ।
অর্দ্ধপথে পার্থ করিলেন দশ-খান ॥
দৌহে দৌহা অস্ত্র মারে, যেবা যত জানে ।
বরিষা-কালেতে যেন বর্ষে মেঘগণে ॥
বজ্রের প্রহারে যেন পড়য়ে ঝঞ্ঝনা ।
ঝাঁকে ঝাঁকে রুষ্টি করে অগ্নুনের কণা ॥
বাঁশবনে অগ্নি দিলে যথা শব্দ উঠে ।
চট্-চট্-শব্দে অগ্নে তথা অস্ত্র ফুটে ॥
ঘন শব্দ পূরে, ঘন-ঘন ছুঁকার ।
শব্দেতে পুরিল ক্ষিতি ধনুক-টঙ্কার ॥
সহস্র-সহস্র বাণ একেবারে এড়ে ।
অঙ্ককার করি দৌহাকার গায় পড়ে ॥
দৌহে অস্ত্র নিবারিছে, রণে বিচক্ষণ ।
বায়ুতে উড়ায় যেন মেঘ-বরিষণ ॥

সাধু কর্ণ, বলি ডাকে যত কুরুবল ।
সাধু পার্থ, বলি ডাকে অমর-সকল ॥
ক্রোধে পার্থ দিব্য-অস্ত্র করেন সন্ধান ।
কাটিয়া কর্ণের ধ্বজ করে খান-খান ॥
চারি-অশ্ব কাটি তবে কাটে ধনুগুণ ।
সারথির মাথা কাটি পাড়েন অর্জুন ॥
কর্ণেরে রিরথ করি পার্থ মহাবল ।
ভীষ্মদ্রোণে চাহি তবে হাসে খল-খল ॥
শীত্ৰ অগ্ন রথ আনে অপর সারথি ।
অগ্ন ধনু ল'য়ে গুণ দিল শীত্ৰগতি ॥
লজ্জিত হইয়া কর্ণ সর্পবাণ এড়ে ।
সহস্র-সহস্র সর্প পার্থে গিয়া বেড়ে ॥
এড়েন গরুড়-বাণ ইন্দ্রের নন্দন ।
ধরিয়া সকল ফণী করিল ভক্ষণ ॥
অগ্নিবাণ এড়িলেন বীর ধনুজয় ।
দশদিক্ মহাতেজে করে অগ্নিময় ॥
যেমত প্রলয়কালে সংহারিতে সৃষ্টি ।
ঝাঁকে-ঝাঁকে সৈন্তে হৈল হতাশন-রুষ্টি ॥
পলায় সকল-সৈন্ত, কেহ নাহি রয় ।
মেঘবাণে নিবারিল সূর্য্যের তনয় ॥
ঘোর-মেঘে বর্ষে যেন মুষলের ধার ।
বায়ু-অস্ত্রে উড়ালেন ইন্দ্রের কুমার ॥
হাসিয়া গন্ধর্ব্ব-বাণ এড়েন বিজয় ।
সকল সৈন্তের মধ্যে হৈল পার্থময় ॥
রথে-রথে গজে-গজে হৈল মারামারি ।
পড়িল অনেক-সৈন্ত হানাহানি করি ॥

এইমত ছুই-বীরে করিল সংগ্রাম ।
চক্ষু পালটিতে দৌহে না করে বিশ্রাম ॥
দৌহে মহাবীর্যবন্ত, কেহ নহে উন ।
দৈববলে বলাধিক হইল অর্জুন ॥

ইন্দ্রদত্ত দিব্য-অস্ত্র পুরিয়া সন্ধান ।
একেবারে ছাড়িলেন অষ্টগোটা বাণ ॥
দুই-দুই ভুজ-বক্ষে, যুগল ললাটে ।
বর্ম ভেদি চর্ম ছেদি অঙ্গে অস্ত্র ফুটে ॥
ফুটিয়া কর্ণের অঙ্গে বহিল শোণিত ।
রথেতে পড়িল কর্ণ হইয়া মূচ্ছিত ॥
মূচ্ছিত দেখিয়া পার্থ সংবরেন বাণ ।
রথ ল'য়ে সারথি যে হৈল পাছুয়ান ॥

কর্ণ-ভঙ্গ দেখি তবে যত কুরুশূর ।
বেড়িল অর্জুনে আসি হ'য়ে শতপুর ॥
পদাতি-মাতঙ্গ-রথ-রথী অতিবেগে ।
নানা-অস্ত্র-শস্ত্র তারা ফেলে চতুর্দিকে ॥
পর্বত-আকার হস্তিগণ যুখে-যুখে ।
পার্শ্বোপরি টোয়াইয়া দিলেক মালত ॥
হানিয়া গধ্বর্কবাণ ছাড়েন কীরীটা ।
পার্শ্বরূপী মহাবীর সর্বসৈন্য ঘুটি ॥
আয়-আয় সৈন্যক্রমে হয় মারামারি ।
পড়িল অনেক-সৈন্য আর্তনাদ করি ॥
রথধ্বজ-পতাকায় ঢাকিল মেদিনী ।
মুকুট কুণ্ডল হার নানা-রত্নমণি ॥
সারি-সারি পড়ে হস্তী, কত রথধ্বজ ।
পড়িল দীঘলদন্ত লক্ষ-লক্ষ গজ ॥
মেঘমালা দেখি যেন পর্বত-উপরে ।
পড়িল মাতঙ্গ-যুধ দারুণ-প্রহারে ॥
মহাধাতু নিবারিল যেন মেঘমালা ।
সমুদ্র-লহরী যেন নিবারিল বেলা ॥
ফণীন্দ্র বাসুকি যেন মছে সিঙ্খজল ।
একাকী অর্জুন মথিলেন কুরুবল ॥

যে ছিল, পলায় সবে লইয়া পরাণ ।
অর্জুনে দেখয়ে যেন শমন-সমান ॥
দেখিয়া বিরটি-পুত্র মানিল বিস্ময় ।
কৃতাজলি হ'য়ে তবে পার্থ-প্রতি কয় ॥
এ-তিন-ভুবনে এই অদ্বিত-কাহিনী ।
চ'ক্ষে কি দেখিব, কভু কর্ণে নাহি শুনি ॥
পূর্বে যে তোমার কন্ম শুনিয়া শ্রবণে ।
সাক্ষাতে দেখিনু আজি আপন-নয়নে ॥
ক্ষত্র হ'য়ে হেন-জন নহিবে, নহিল ।
তোমার সারথি হৈনু, পূর্বভাগ্য ছিল ॥
এখন আমারে আজ্ঞা কর মহাশয় ।
কোন্ ভিতে চালাইয়া দিব রথ-হয় ॥

হাসিয়া কহেন পার্থ, কি কহ উত্তর ।
কি দেখিলে এখনি, কি হইল সমর ॥
দুস্তর সাগরসম এ-কৌরবসেনা ।
পার নাহি হইয়াছি তার একজন ॥
হের দেখ, নীলবর্ণ যে-রথ-পতাকা ।
কৃপাচার্য্য হন উনি মম পিতৃসখা ॥
শীত্র লহ রথ মম তাঁহার সম্মুখে ।
আমার হস্তের বেগ দেখাব তাঁহাকে ॥
সপ্তকুন্ত-কমণ্ডলু-ধ্বজ যার রথে ।
শীত্র লহ রথ মম তাঁহার আগ্রিতে ॥
কুরুবংশ-গুরু তেঁহ, দ্রোণাচার্য্য নাম ।
চিরদিনে ভেটিলাম, করিব প্রণাম ॥
যদি গুরুদেব মোরে করেন প্রহার ।
আমিহ মারিব তবে, নাহিক বিচার ॥
তাঁর পিছে অশ্বখামা, রাজা দুর্যোধন ।
তথা লহ রথ মম বিরটি-নন্দন ॥

যে-রথে বেষ্টিত শ্বেতসুত্র সারি-সারি ।
 যত-রাজগণ রহে ঘোড়হাঁত করি ॥
 অমরকুলের যথা কর্তা পিতামহ ।
 আমার কুলের তথা ইঁহারে জানহ ॥
 পৃথিবীর যত রাজা পদে করে পূজা ।
 মম পিতৃ-জ্যেষ্ঠতাত ভীষ্ম মহাতেজা ॥
 তথাপিহ বশ তিনি কুরু-নৃপতির ।
 এইহেতু ভয়ে বড় কাঁপিছে শরীর ॥
 দুর্ঘোষধন-রক্ষা-হেতু করে যদি রণ ।
 কিমতে তাঁহার সঙ্গে করিব যাতন ॥
 অতি-বড় দয়া তাঁর আমা-পঞ্চজনে ।
 পিতৃশোক না জানিহু তাঁহার পালনে ॥
 নির্দয় ক্ষত্রিয়-জাতি, নাহি উপরোধ ।
 পরাপর নাহি জ্ঞান যুদ্ধে হৈলে ক্রোধ ॥
 বেদব্যাস বিমুগ্ধন করি বেদসিদ্ধি ।
 জগতের হিতে জন্মাইল ভারতেন্দু ॥
 অজ্ঞান অবোধ জড় যত অন্ধজনে ।
 সর্বশাস্ত্র জ্ঞাত হয় যাহার শ্রবণে ॥
 অতিশয়-ক্লেশে বিরচিল মুনি ব্যাস ।
 মনোগত অন্ধকার করয়ে বিনাশ ॥
 কাশীরাম দাস কহে পাঁচালির ছন্দে ।
 পিয়ে সাধুজন নিঙ্গড়িয়া সেই চান্দে ॥

৩৫। সংগ্রামস্থলে দেবগণের আগমন ।

একা পার্শ্ব মহানর্ঘ করিল কোঁরবে ।
 দেখিবারে হুরানুরে আসিলেন সবে ॥
 হংসপৃষ্ঠে অষ্ট-দুর্কে চাহে প্রজাপতি ।
 বুঝাঝু চন্দ্রচূড় ভূষণ-বিভূতি ॥

গজস্কন্ধে সুরবন্দে আসিল হুরেন্দ্র ।
 সঙ্গে করি রবি শৌরি-সহ ঐহবন্দ ॥
 বায়ু যুগে অগ্নি ছাগে নরে বৈশ্রবণ ।
 মৎস্যোপর জলেশ্বর মহিষে শমন ॥
 সিংহ-শিখা বুধে থাকি সপুত্র পার্বতী ।
 অষ্টবহু কোলে শিশু বচী অরুন্ধতী ॥
 কাদ্রবেয় বৈনতেয় অশ্বিনী-কুমার ।
 শুনি রস' চতুর্দশ' মর্ত্যে আগুসার ॥
 স্নায়ভুব আদি সব এল প্রজাপতি ।
 হৃষ্টমন সর্বজন আসিলেন ক্ষিতি ॥
 যক্ষেশ্বর বিভাধর অঙ্গর-কিন্নরে ।
 নানা-বাণ্ডে সভামধ্যে নৃত্য-গীত করে ॥
 দিব্যগন্ধ মন্দ-মন্দ বায়ুতে পুরিল ।
 যত দেব মিলি সব পুষ্পরুষ্টি কৈল ॥
 পুষ্পগন্ধে ক্ষত্রবন্দে বাড়িল মত্ততা ।
 কাশীদাস-মুহুভাষ শ্রুতিসুখদাতা ॥

৩৬। অর্জুনের সহিত কুপাচার্য্যের যুদ্ধ ও পরাজয় ।

অর্জুনের বাক্য শুনি বিরাট-নন্দন ।

বায়ুবেগে নিল রথ কুপের সদন ॥
 প্রদক্ষিণ করি ক্রমে যত সৈন্যগণ ।
 মৎস্য যেন জালমধ্যে করিলা বন্ধন ॥
 কুপের সম্মুখে রথ লইল বৈরাটি ।
 দেবদত্ত-শঙ্খনাদ করেন কিরীটী ॥
 গজ যথা রোষে শুনি গজের গর্জন ।
 কুপিল গোঁতমি শুনি শঙ্খের নিঃস্বন ॥
 আগু হ'য়ে আপনার শঙ্খ বাজাইল ।
 দুই-শঙ্খ-নির্নাদেতে ত্রিলোক কাঁপিল ॥

ক্রোধে কৃপাচার্য্য যেন উঠিল জ্বলিয়া ।
 টঙ্কারিল ধনুগুণ আকর্ণ পূরিয়া ॥
 দশ-বাণ প্রহারিল অর্জুন-উপর ।
 কাটিয়া ফেলিল তাহা পার্থ ধনুর্ধর ॥
 দশ-বাণ কাটি বীর করে কুড়ি-খান ।
 তবে দিব্য-অস্ত্র পার্থ করেন সন্ধান ॥
 জলদগ্নি-সম অস্ত্র দেখি লাগে ভয় ।
 নাগাবাতে আচার্য্যের কম্পিত হৃদয় ॥
 কৃপাচার্য্যে দেখি বিচলিতাসন ব্যস্ত ।
 গৌরব করিয়া পার্থ না মারেন অস্ত্র ॥
 ক্ষণে ধৈর্য্য ধরি কৃপ নিল ধনুর্ব্বাণ ।
 অর্জুন-উপরে অস্ত্র করিল সন্ধান ॥
 না মারিতে অস্ত্র পার্থ এড়িলেন বাণ ।
 কৃপার ধনুক করিলেন খান-খান ॥
 অস্ত্র অস্ত্রে কাটিলেন অঙ্গের কবচ ।
 অঙ্গ হৈতে খসে যেন সর্প-জীর্ণ-স্তম্ভ ॥
 পুনঃ অস্ত্র-ধনু কৃপ লইলেন হাতে ।
 সেই-গুণে দিলা গুণ চক্ষু পালটিতে ॥
 গুণ দিয়া বাণ বীর করিল সন্ধান ।
 সেই ধনু কাটি পার্থ কৈলা খান-খান ॥
 পুনঃ কৃপ দিব্য-ধনু লইলেন হাতে ।
 সে-ধনু কাটেন পার্থ গুণ নাহি দিতে ॥
 দেখিয়া গৌতমি যেন অগ্নি-হেন জ্বলে ।
 কাটা-ধনু ফেলাইয়া দিল ভূমিতলে ॥
 শক্তি এক তুলি নিল ভীষণ-দর্শন ।
 নানা-রত্ন-ভূষা, যেন দীপ্ত-হুতাশন ॥
 ছাড়িলেন শক্তি, আসে হ'য়ে শব্দবান্ ।
 অর্ধপথে পার্থ তাহা করেন হু'খান ॥
 দিব্যস্ত্র সন্ধান করি তবে ধনঞ্জয় ।
 কাটিলেন কৃপের রথের চারি-হয় ॥

ছয়-বাণে কাটিয়া ফেলেন শর-ভূণ ।
 সারথির মাথা কাটি ফেলেন অর্জুন ॥
 সারথি-মুকুট-হয়-রথ হৈল ছিন্ন ।
 চতুর্দিকে কুরঙ্গগ হৈল ছিন্ন-ভিন্ন ॥
 চাহিয়া দেখিল কৃপ, কিছু নাহি পাশে ।
 হাতে গদা ল'য়ে তবে আসে ক্রোধবশে ॥
 হাসিয়া অর্জুন-বীর করেন সন্ধান ।
 হাতের গদাতে মারিলেন দশ-বাণ ॥
 খণ্ড-খণ্ড করি গদা ফেলিলেন কাটি ।
 সব-গদা গেল, শুধু রহে বজ্রমুষ্টি ॥
 বিবস্ত্র নিরস্ত্র কৃপ, সর্ব্বাঙ্গ বিকল ।
 পরিধান ধূতি আর উত্তরী কেবল ॥
 করঘোড়ে বলিলেন কুস্তীর নন্দন ।
 এ-বেশে আচার্য্য, কোথা করিছ গমন ॥
 অন্ধরে অমরহৃন্দ দেখিছে কোঁতুক ।
 লাজে শরদ্বান-পুত্র হন অধোমুখ ॥
 চতুর্দিক হৈতে তবে আসি যোদ্ধাগণ ।
 রথে চড়াইয়া কৃপে করিল গমন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৩৭ । অর্জুনের সহিত দ্রোণাচার্য্যের যুদ্ধ ও পলাতন ।

কৃপাচার্য্য-ভঙ্গ যদি হইল সমরে ।
 অর্জুন বলেন তবে বিরাট-কুমারে ॥
 রক্তবর্ণ চারি-ঘোড়া ঘোড়া যেই রথে ।
 শীঘ্র লহ রথ মোর তাঁহার অগ্রেতে ॥
 শুনিয়া বিরাট-পুত্র বায়ুসম বেগে ।
 চালাইয়া দিল রথ দ্রোণাচার্য্য-আগে ॥
 নিকটে দেখিয়া দ্রোণ অর্জুনের রথ ।
 আগু বাড়ি নিজে গুরু আসে কত পথ ॥

গুরু দেখি পার্থ অস্ত্র যুড়েন যুগল ।
 দুই-অস্ত্র পড়ে গিয়া দুই-পদতল ॥
 আচার্য্য যুগল-অস্ত্র এড়িল তখন ।
 দুই-ভুজের ধরি পার্থে কৈল আলিঙ্গন ॥

কর যুড়ি গুরুদেবে বলে ধনঞ্জয় ।
 যুদ্ধসজ্জা কি-কারণে দেখি মহাশয় ॥
 কাহার সহিত যুদ্ধ করিবে আপনে ।
 আমরা-মারিবে অস্ত্র, হেন লয় মনে ॥
 অশ্বখামাধিক স্নেহ করহ আমায় ।
 কোন দোষে দোষী আমি নহি তব পায় ॥
 পাশাকাল-কথা তুমি জানহ আপনে ।
 কপটে যতেক দুঃখ দিল দুর্ভাগ্যে ॥
 দ্বাদশ-বৎসর বনে বঞ্চিলাম ক্রেশে ।
 এক-বর্ষ অজ্ঞাতে বঞ্চিছু ক্লীববেশে ॥
 এ-কষ্টের হেতু যেই বৈরী দুর্ব্যোধন ।
 এতদিনে পাইলাম তার দরশন ॥
 যথোচিত-ফল আজি দিব আমি তারে ।
 দুঃখ-নিবেদন এই করিছু তোমারে ॥
 ইহাতে আপনি প্রভু, না করিবে ক্রোধ-
 তুমি কোপ করিলে না করি উপরোধ ॥
 আশ্রা কর, একভিতে লহ নিজ-রথ ।
 দুর্ব্যোধনে ভেটি গিয়া, ছাড়ি দেহ পথ ॥

হাসিয়া বলেন দ্রোণ, এ কোন্ উচিত ।
 কৌরবের সেনাগণ আমার রক্ষিত ॥
 মম অগ্রে কৌরবেরে করিবে ঘাতন ।
 কিমতে দাঁড়ায়ে আমি করিব দর্শন ॥

পার্থ বলে, পিছে দোষ না দিও আমায় ।
 তোমার শিক্ষিত-বিদ্যা দেখাব তোমায় ॥

এত শুনি গুরু ক্রোধে হ'য়ে হতাশন ।
 আকর্ণ পুরিয়া এড়ে দিব্য-অস্ত্রগণ ॥

তিন-শত অস্ত্র মারে অর্জুন-উপর ।
 কাটিয়া অর্জুন-বীর ফেলিলেন শর ॥
 বাণ ব্যর্থ দেখি গুরু ক্রোধে গুরুতর ।
 অর্জুনে মারিল পুনঃ সহস্র তোমর ॥
 অঙ্ককার করি যায় গগন-মণ্ডলে ।
 শরতের কালে যেন হংস-পঙক্তি চলে ॥
 দিব্য-অস্ত্র ধনঞ্জয় পুরিয়া সন্ধান ।
 কাটিয়া ফেলেন যত আচার্য্যের বাণ ॥
 পুনঃ দিব্য-অস্ত্র গুরু মস্ত্রে অভিষেকি ।
 সংবর-সংবর বলে অর্জুনেরে ডাকি ॥
 আকাশে উঠিল অস্ত্র যেন দিবাকর ।
 মুখ হৈতে হুষ্টি হয় মুঘল-মুদগর ॥
 পরশু-তোমর-জাঠী, নাহি লেখা-জোখা ।
 চতুর্দিকে পড়ে, যেন জ্বলন্ত-উলকা ॥
 অস্ত্র এড়ি দ্রোণাচার্য্য ব্যথিত-হৃদয় ।
 ডাকিয়া বলিল, সংবরহ ধনঞ্জয় ॥

দেখিয়া অর্জুন বাণ এড়েন গান্ধর্ব্ব ।
 নিমিষেতে নিবারণে গুরু-অস্ত্র সর্ব্ব ॥
 দৌহে দিব্য-শিক্ষা, বাণ না করে বিশ্রাম ।
 গুরু-শিষ্যে এইমত হইল সংগ্রাম ॥
 ক্রোধে গুরু পঞ্চ-বাণ মারে কপিধ্বজে ।
 বাণাঘাতে কপিধ্বজ অধিক গরজে ॥
 পুনঃ গুরু দিব্য-বাণ সন্ধানে পুরিল ।
 গগন ছাইয়া অস্ত্র-বরিষণ কৈল ॥
 না দেখি বানর-ধ্বজ সারথি অর্জুন ।
 মেঘে যেন আচ্ছাদিল, না দেখি অরুণ ॥
 দ্রোণের বিক্রমে উল্লাসিত দুর্ব্যোধন ।
 নিমিষে কাটেন পার্থ সেই অস্ত্রগণ ॥
 তবে পার্থ দিব্য-অস্ত্র করিয়া সন্ধান ।
 আচার্য্যেরে মারিলেন সহস্রেক বাণ ॥

সহস্র-সহস্র বাণ আচার্য্য মারিল ।
 দুই-অস্ত্রে গগনেতে মহাশব্দ হৈল ॥
 ঢাকিল সূর্য্যের তেজ, ছাইল আকাশ ।
 অন্ধকারে ঢাকে সূর্য্য, রুখিল বাতাস ॥
 অস্ত্রে-অস্ত্রে ঘরষণে হৈল উল্কা-রুষ্টি ।
 হমর-ভুজঙ্গ-নর চাহে একদৃষ্টি ॥
 আকাশে প্রশংসা করে যত দেবগণ ।
 সাধু দ্রোণাচার্য্য ভরষাজের নন্দন ॥
 যাহার শিক্ষিত-বিদ্যা অদ্বুত-দর্শন ।
 যার শিষ্য ধনঞ্জয় জয়ী ত্রিভুবন ॥
 তবে পার্থ ইন্দ্র-অস্ত্র যুড়েন গাণ্ডীবে ।
 সহস্র-সহস্র বাণ যাহাতে প্রসবে ॥
 মস্ত্রে অভিষেকি বাণ মারেন তখন ।
 চক্ষুর নিমিষে সব ছাইল গগন ॥
 যেন মহাদাবাগ্নিতে বেড়িল পর্ব্বত ।
 অস্ত্র-অগ্নি আচ্ছাদিল, নাহি দেখি পথ ॥
 অগ্নিতে বেড়িল দ্রোণে, না দেখি নিস্তার ।
 যতক কৌরববল করে হাহাকার ॥
 সাধু ধনঞ্জয় বলি ডাকে দেবগণ ।
 শূগন্ধি-কুসুম কত করে বরিষণ ॥
 পিতার সঙ্কট দেখি অশ্বখামা বেগে ।
 জনকে করিয়া পিছে হৈল পার্থ-আগে ॥
 মহাভারতের কথা অমৃত-লহরী ।
 কাশী কহে, শুনি সবে তরে ভববারি ॥

৩৮। অশ্বখামার যুদ্ধ ।

যেই বেগে হৈল আগে দ্রোণের তনয় ।
 ধ্বজ কাটি ফেলিলেন বীর ধনঞ্জয় ॥

অশ্বখামা-আগে পড়ে কাটা রথচূড়া ।
 না করিতে রণ আগে হৈল রথ মুড়া ॥
 লজ্জিত হইয়া ক্রোধে দ্রোণের নন্দন ।
 অর্জুন-উপরে করে বাণ-বরিষণ ॥
 প্রলয়ের মেঘ যেন মুষলের ধারে ।
 সেইমত অস্ত্ররুষ্টি করে পার্শ্বোপরে ॥
 দিবানিশি-জ্ঞান নাহি, অস্ত্রে আচ্ছাদিল ।
 থাকুক অস্ত্রের কাজ, পবনে রুখিল ॥
 অশ্বখামা-অর্জুনের যুদ্ধ অনুপাম ।
 যেন ইন্দ্র-বজ্রাশুরে, রাবণ-শ্রীরাম ॥
 পূর্ব্বে যথা যুদ্ধ হৈল দেবতা-অশুরে ।
 দৌহার ধমুক-ঘোষে কম্প তিন-পুরে ॥
 ঝাঁকে-ঝাঁকে অস্ত্ররুষ্টি, নাহি লেখা-জোখা ।
 অস্ত্র-বিনা রণ-মধ্যে অন্য নাহি দেখা ॥
 চট-চট-শব্দ উঠে, কর্ণে লাগে তালি ।
 দৌহে দৌহা-অস্ত্র কাটে, দৌহে মহাবলী ॥
 বিচিত্র চালায় রথ উত্তর সারথি ।
 চক্রবৎ ভ্রমে, যেন বায়ু-সম গতি ॥
 অর্জুনের ছিদ্র দ্রোণি চিন্তিয়া অন্তরে ।
 গাণ্ডীব-ধমুক চাহে কাটিবার তরে ॥
 অচ্ছেদ্য অভেদ্য ধমুঃ দেবের নির্মাণ ।
 কি করিতে পারে তাহে মনুষ্য-পরাণ ॥
 মহাক্রোধে অশ্বখামা হইয়া কুপিত ।
 সপ্তচছারিংশ-শর মারিল হরিত ॥
 ধমুকে বিংশতি, ধমুগুণে সপ্ত-শর ।
 কপিধ্বজে দশ, দশ উত্তর-উপর ॥
 ক্রোধে ধনঞ্জয় করিলেন শররুষ্টি ।
 প্রলয়ের কালে যেন সংহারিতে সৃষ্টি ॥

কছু দক্ষ-হস্তে' বিধে, কছু বিধে বামে ।
 এইমত শরবৃষ্টি করিলেন ক্রমে ॥
 অক্ষয় পার্থের তুণ, পূর্ণ অন্ত্রচয় ।
 যত বিধে, তত হয়, নাহি তার ক্ষয় ॥
 সেইমত দ্রোণ-পুত্র অন্ত্রবৃষ্টি কৈল ।
 দৌহাকার শরজালে পৃথিবী ঢাকিল ॥
 সহস্র-সহস্র অন্ত্র মারে পুনঃপুনঃ ।
 দ্রোণির হইল ক্রমে শরশূন্য তুণ ॥
 মহাভারতের কথা অন্তত-সমান ।
 কাশীরাম দাস কহে, শুনে পুণ্যবান ॥

৩৯। কর্ণের পুনঃ যুদ্ধ ও পলায়ন ।

রণমধ্যে অশ্বখামা নিরস্ত্র হইল ।
 দেখিয়া সূর্যের পুত্র ক্রোধেতে ধাইল ॥
 বিজয়-নামেতে ধনু ভৃগুপতি-দত্ত ।
 আকর্ণ পুরিয়া ধায় যেন গজ-মত্ত ॥
 হাসিয়া অর্জুন-বীর ছাড়িয়া দ্রোণিরে ।
 সম্মুখে দেখিয়া কর্ণে কহিছেন তারে ॥
 ক্রোধে কন ধনঞ্জয়, চক্ষু রক্তবর্ণ ।
 হে রাধেয় নৃচমতি সূতপুত্র কর্ণ ॥
 সতত কহিস্ করি মহা-অহঙ্কার ।
 পৃথিবীতে বীর নাহি সমান আমার ॥
 তাহার পরীক্ষা আজি করিব এক্ষণে ।
 সাক্ষাতে দেখাব আজি কুরুবীরগণে ॥
 সভামধ্যে বসি যত কৈলে অহঙ্কার ।
 ক্ষত্র হ'য়ে প্রাণে তাহা সহিবে কাহার ॥
 দ্রোপদীর অপমান যতেক করিলি ।
 না জানিস্, সেই-সব পাসরিনু বলি ॥

ধর্মপাশে বন্দী আছিলাম সেইকালে ।
 সকলি সহিনু, কষ্ট যত-কিছু দিলে ॥
 অগ্নিসম অঙ্গমাখে দহিছে সে-ক্লেণ ॥
 অরণ্যের মহাকষ্ট, অজ্ঞাত বিশেষ ॥
 আজি তোরে দিব তার সমুচিত-ফল ।
 সাক্ষাতে দেখুক আজি কৌরব-সকল ॥

এত শুনি কহে তবে কর্ণ মহাবীর ।
 নাহিক সন্ত্রম কিছু, নির্ভয়-শরীর ॥
 যে কহিলে ধনঞ্জয়, কর শীঘ্রগতি ।
 যত পরাক্রম তোর, যতেক শক্তি ॥
 পাশাকালে দ্রোপদীর যত অপমান ।
 মনে-মনে আজি তাহা অন্তরেই জান ॥
 দ্রোণ-স্থানে ইন্দ্র-স্থানে যে-অস্ত্র পাইলি ।
 যা' পারিস্, কর শীঘ্র, এই তোরে বলি ॥
 ইন্দ্র-আদি সঙ্গে করি যদি আসিস্-রণে ।
 বাহুড়িয়া যাবি, হেন না করিস্ মনে ॥

এত শুনি হাসি-হাসি বলে ধনঞ্জয় ।
 লজ্জা যার থাকে, সে কি হেন-কথা কয় ॥
 এইক্ষণে পূর্ণ নাহি ভইতে প্রহর ।
 বিচ্যুতানে কাটলাম তোর সহোদর ॥
 ভঙ্গ দিয়া পলাইলি লইয়া জীবন ।
 কোন্ মুখে কহ পুনঃ এ-দর্প-বচন ॥
 যাহা কহ, নহ শক্য করিতে সে-কাজ ।
 সভামধ্যে কহিতে না ভাব তুমি লাজ ॥

এত বলি ধনঞ্জয় যুড়িলেন বাণ ।
 কর্ণোপরি মারিলেন বজ্রের সমান ॥
 অস্ত্রে অস্ত্র নিবারিল কর্ণ মহাবল ।
 কুলেতে নিবৃত্ত যেন হয় সিদ্ধজল ॥

তবে দিব্য-পঞ্চবাণ মারিল অর্জুন ।
 ফেলিল কর্ণের কাটি ধনুকের গুণ ॥
 আর গুণ দিল কর্ণ সংগ্রামে নিপুণ ।
 সে-গুণ কাটিয়া তবে ফেলেন অর্জুন ॥
 গুণ চড়াইতে কাটিলেন ধনঞ্জয় ।
 ধনুঃ ছাড়ি শক্তি নিল সূর্যের তনয় ॥
 এড়িলেক শক্তিগোষ্ঠী সূর্য-সম জ্বলে ।
 মহাশব্দ করি আসে গগন-মণ্ডলে ॥
 অর্কচন্দ্র-বাণে পার্থ করি খণ্ড-খণ্ড ।
 দুই-বাণে কাটিলেন সারথির মুণ্ড ॥
 কাটিলেন রত্ন-হস্তিধ্বজ শোভাধার ।
 দেখিয়া কৌরব-সৈন্য করে হাহাকার ॥
 কর্ণের সহায় ছিল যত রথিগণ ।
 অর্জুনে বেড়িয়া করে বাণ-বরিষণ ॥
 কাটিয়া সকল-বাণ পার্থ মহাবল ।
 মুহূর্ত্তেকে মারিলেন সহায়-সকল ॥
 দিব্য-বাণ এড়িলেন পার্থ মহাচণ্ড ।
 কর্ণের কবচ কাটি করে খণ্ড-খণ্ড ॥
 আঘাতে ব্যথিত হ'য়ে তবে অঙ্গনাথ ।
 চিন্তিয়া দেখিল, আর অস্ত্র নাহি সাথ ॥
 বিশেষ অর্জুন-বাণে শরীর পীড়িল ।
 রণ ত্যজি কর্ণ-বীর পৃষ্ঠ-ভঙ্গ দিল ॥
 কর্ণ যদি ভঙ্গ দিল সংগ্রাম-ভিতর ।
 ভঙ্গ দিয়া পলাইল যত কুরুবর ॥
 পলায় দুশ্মুখ বিবিংশতি মহাবল ।
 বেগে ধায় চিত্রসেন শকুনি সৌবল ॥
 শকুনি পলায়ে যায় অর্জুনের আগে ।
 দেখিয়া অর্জুন রথ চালাইলা বেগে ॥
 শকুনিরে আঙুলিয়া রহাইলা রথ ।
 কাঁকর সৌবল, পলাইতে নাহি পথ ॥

মুখেতে উড়িল ধূলা, নাহি সরে কথা ।
 অর্জুনে দেখিয়া দুহু হেঁট করে মাথা ॥
 অর্জুন বলেন, কোথা পলাহ মাতুল ।
 আমাদের যত কষ্ট, তুমি তার মূল ॥
 তোমারে মারিলে হয় দুঃখ-নিমোচন ।
 কপট পাশার হও তুমিই কারণ ॥
 তোমায়-আমায় আজি খেলাইব পাশা ।
 নিঃশব্দ হইলে কেন, নাহি कह ভাষা ॥
 ধনুক করিব পাশা, অস্ত্রগণ অক্ষ ।
 মস্তক করিব সারি, যত তোর পক্ষ ॥
 তুই সে কৌরবকূলে দুহু-বুদ্ধিদাতা ।
 সব দ্বন্দ্ব ঘুচে, যদি কাটি তোর মাথা ॥
 চিন্তিয়া শকুনি কহে করিয়া উপায় ।
 যতেক कहিলে তাত, তোমা না যুয়ায় ॥
 তোমার শক্তি নাহি আমারে মারিতে ।
 আমার প্রতিজ্ঞা সহদেবের সহিতে ॥
 অবধ্য তোমার শত্রু, জানহ আপন ।
 অঙ্গে ঘাত করিতে না পার কদাচন ॥
 আমার প্রতিজ্ঞা তুমি জান ভালমতে ।
 অস্ত্রাঘাতে পারি ক্ষতি দহন করিতে ॥
 আমার সাক্ষাতে যুদ্ধে রবে কোন্ জন ।
 প্রাণ ল'য়ে শীত্র পার্থ, কর পলায়ন ॥
 এত বলি দিব্য-অস্ত্র ধনঞ্জয়ে মারে ।
 নানা-অস্ত্র বৃষ্টি করে অর্জুন-উপরে ॥
 শুনিয়া পার্থের মনে হইল স্মরণ ।
 প্রতিজ্ঞা ক'রেছে পূর্বে মাদ্রীর নন্দন ॥
 চিন্তিয়া অর্জুন মারে অস্ত্র বেড়াপাক ।
 রথ ফিরে শকুনির কুমারের চাক ॥
 ভ্রমাইয়া ল'য়ে গেল রজকের গৃহে ।
 খরপৃষ্ঠে চাপাইয়া বান্ধিলেক তাহে ॥

অদ্রুত দেখয়ে দূরে কুরুবীরগণ ।
 চক্রাকারে ভ্রমি ঘুরে সুবল-নন্দন ॥
 শকুনির বিপাক দেখিয়া লোকে হাসে ।
 আর যত কুরুসৈন্য পলায় তরাসে ॥
 উর্দ্ধশ্বাস হীনবাস ধায় সব-বীর ।
 ভীষ্মের চরণে গিয়া রাখয়ে শরীর ॥
 ভারতে বিরাট-পর্বে গোধন-হরণ ।
 কাশীরাম কহে, করি পয়ায়ে রচন ॥

৪০। ভীষ্মে বৃদ্ধ ও পলায়ন ।

উত্তরে চাহিয়া বলিলেন ধনঞ্জয় ।
 এথা হৈতে লহ রথ বিরাট-তনয় ॥
 ভয়েতে আকুল হ'য়ে সকলে পলায় ।
 ভয়ার্ত-জনে মারিবারে না যুয়ায় ॥
 ক্ষুদ্রজীবী হীনবলে মারি কোন্ কৰ্ম ।
 বিশেষ ভয়ার্ত-জনে মারিলে অধর্ম ॥
 যথায় শান্তনু-পুত্র ভীষ্ম পিতামহ ।
 শীত্র তাঁর সম্মিথানে মম রথ লহ ॥
 তাঁহার রক্ষিত সব কোঁরবের সেনা ।
 তাঁহারে জিনিলে তবে জিনি সর্বজন ॥
 উত্তর বলিল, মোর শক্তি নাহি আর ।
 কিমতে রথের অশ্ব চালাব তোমার ॥
 হের দেখ, অঙ্গ মোর হইল বিবর্ণ ।
 শব্দেতে বধির দেখ হৈল মম কর্ণ ॥
 কুস্তকারচক্র-প্রায় ভ্রমে মোর মনে ।
 দিবানিশি নাহি জ্ঞান, না দেখি নয়নে ॥
 তোমার গর্জন আর মহা-হুহুকার ।
 বিপরীত শব্দ তব ধনুক-টঙ্কার ॥
 শরীরের রক্ত মোর হৈল জলবৎ ।
 দিকৃপণ ভ্রমে যেন, নাহি দেখি পথ ॥

বিশেষে তোমার কৰ্ম অদ্রুত-কাহিনী ।
 দেখিবারে থাক, কভু কর্ণ নাহি শুনি ॥
 কখন আদান কর, কখন সন্ধান ।
 লক্ষিতে না পারি, তুমি কারে ছাড় বাণ ॥
 অনুক্ষণ দেখি ধনুঃ মণ্ডল-আকার ।
 শতহস্ত হও, চিত্তে লাগয়ে আমার ॥
 পূর্বের সেরূপ তব নাহিক এমন ।
 ভয়ঙ্কর-মূর্তি দেখি ভীত হয় মন ॥
 শীত্র কর মহাবীর, ইহার উপায় ।
 কহিনু নিশ্চয়, মোর প্রাণ বাহিরায় ॥
 পার্থ বলে, কি কহিছ বিরাট-কুমার ।
 ক্ষত্রিয়-লক্ষণ কিছু না দেখি তোমার ॥
 সমূহ শত্রুর মাঝে কহিছ এমত ।
 কি উপায় আছে ইথে, কে চালাবে রথ ॥
 স্থির হও, ত্যজি ভয় ধর অশ্বদড়ি ।
 চাপিয়া বৈসহ, লহ প্রবোধের বাড়ি ॥
 এখনি কেমনে চাহ ত্যজিবারে রণ ।
 ক্ষণেক থাকিয়া দেখ বিরাট নন্দন ॥
 আজি বিনাশিব সব কোঁরবের সেনা ।
 দেখুক আমার তেজ আজি সর্বজন ॥
 ক্ষিতিপৃষ্ঠ রক্তে আজি করিব কর্দম ।
 বহাইব নদী, সবে দেখাইব যম ॥
 রুধির করিব নার, কুস্তীর কুঞ্জর ।
 কচ্ছপ হইবে অশ্ব, মীন হবে নর ॥
 হস্ত-পদ হবে সব তৃণ-কাঠবৎ ।
 হংসবৎ ভাসি যাবে যত-সব রথ ॥
 কি যুদ্ধ দেখিয়া তব শুদ্ধ হৈল কায় ।
 রাজপুত্র, তব হেন কৰ্ম কি যুয়ায় ॥
 কালানল-প্রায় এই দেখ ভীষ্মবীর ।
 কুরুসৈন্য মীন, যুদ্ধ সাগর গভীর ॥

শীত্র লহ রথ মম তাঁহার সম্মুখে ।
 আগার হস্তের বেগ দেখাব তাঁহাকে ॥
 পূর্বের আমি সুরপুরে এই ধনু ধরি ।
 নিষ্কণ্টক স্বর্গ করিলাম দৈত্য মারি ॥
 নিষাতকবচ-পুলোমাদি কালকেয় ।
 সিন্ধুপুর-হেমপুরবাসী অশ্রমেয় ॥
 ইন্দ্রতুলা পরাক্রম সবে মহাবলা ।
 বাণে উড়াইনু, যেন শিয়ুলের তুলা ॥
 সেইমত আজি আমি করিব সমর ।
 কল-পরাক্রমে বৈস রথের উপর ॥
 এত বলি অঙ্গে তার হাত ব্লাইয়া ।
 উত্তরে করেন শক্ত আশ্বাস করিয়া ॥
 উত্তর বসিল পুনরপি সিংহবৎ ।
 ধরিয়া অশ্বের দড়ি চালাইল রথ ॥
 বায়ুবেগে নিল রথ ভীষ্মের গোচর ।
 পার্শ্বে দেখি আগু হৈল ভীষ্ম বীরবর ॥
 পিতামহ-পদ-ধৌতি বিচারিয়া মনে ।
 যুগল বরুণ-অস্ত্র মারেন চরণে ॥
 দেখি দুই-অস্ত্র ভীষ্ম মারিল তখন ।
 অর্জুনের শিরে গিয়া করিল চূষন ॥
 রক্ষক আছিল ভীষ্ম-রথে চারিজন ।
 দুঃসহ দুর্ন্যথ বিবিশতি দুঃশাসন ॥
 আগু হ'য়ে পথে আসি আগুলিল পথ ।
 জ্বলন্ত আগুনে যেন পতঙ্গের মত ॥
 আকর্ণ পুরিয়া বাণ মারে দুঃশাসন ।
 অর্জুন-উপরে করে বাণ-বরিষণ ॥
 হারিয়া মারেন পার্শ্ব তারে পঞ্চশর ।
 বাণাঘাতে দুঃশাসন হইল ক্ষীণ ॥
 বেগে পলাইয়া যায়, নাহি চায় পাছে ।
 আর তিন-বীর গিয়া বেড়িলেক কাছে ॥

দু'-বাণে দুর্ন্যথে পার্শ্ব করে অচেতন ।
 দেখি ভঙ্গ দিয়া যায় আর দুইজন ॥
 ভঙ্গ দিল চারি-বার দেখিয়া সংগ্রাম ।
 আগু হ'য়ে পার্শ্ব ভীষ্ম করেন প্রণাম ॥
 পার্শ্ব জিজ্ঞাসেন, দেব, ভঙ্গ আপনার ।
 মৎস্তদেশে আগমন কিহেতু তোমার ॥
 বিরাতের গাভী নিতে আসিয়াছ প্রায় ।
 এমত কুকর্ম নাহি তোমা শোভা পায় ॥
 পরগাভী নিলে দেব, যত হয় পাপ ।
 আপনি জানহ তুমি, অঙ্গে ভুঞ্জে তাপ ॥
 তথাপিহ লোভ নাহি পার সংবরিতে ;
 সসৈন্যেতে আসিয়াছ পরগাভী নিতে ॥
 ভীষ্ম বলে, নাহি আসি গাভীর কারণ ।
 তুমি আছ এই স্থানে, শুনিব বচন ॥
 বহুদিন নাহি দেখি ব্যাকুলিত-চিত্ত ।
 দুর্ঘোষন-সহ আসিলাম এ-নিমিত্ত ॥
 ক্ষত্রিয়-নিয়ম আছে বেদের বচন ।
 বাহুবলে শাসিবেক পররাজ্য-ধন ॥
 আমার এ-ধন-রাজ্যে কোন্ প্রয়োজন ।
 যতেক করি যে তোমা-সবার কারণ ॥
 পার্শ্ব বলে, পিতামহ, তোমার প্রসাদে ।
 বঞ্চিলাম ত্রয়োদশ বর্ষ অশ্রমাদে ॥
 তোমার প্রসাদে মোরা ভাই পঞ্চজনে ।
 বহু-বহু-কষ্টে রক্ষা পাইলাম বনে ॥
 তুমি সে গুরুর গুরু হও মহাগুরু ।
 কুরুবংশ-কর্তা তুমি, যেন কল্পতরু ॥
 এমত সময়ে তুমি হইলে সদয় ।
 তোমার প্রসাদে করি কুরুসৈন্য-জয় ॥
 পাশাকালে দুঃখ পাই জানহ আপনে ।
 তাহার উচিত ফল দিব দুর্ভাগ্যে ॥

আজ্ঞা কর একভিতে নিতে নিজ-রথ ।
 দুর্ঘ্যোধনে ভেটি গিয়া, ছাড়ি দেহ পথ ॥
 ভীষ্ম বলে, আমি রক্ষা করি দুর্ঘ্যোধন ।
 মোরে না জিনিলে কোথা পাবে দরশন ॥
 অর্জুন বলেন, তবে বিলম্বে কি কাজ ।
 শীঘ্র কর উপায় রাখিতে কুরুরাজ ॥
 এত শুনি মহাক্রুদ্ধ হ'য়ে কুরুবর ।
 অষ্টবাণ প্রহারিলা অর্জুন-উপর ॥
 অষ্টগোটা সর্প-সম সেই অষ্ট-শর ।
 মহাশব্দে চলি যায় অর্জুন-উপর ॥
 দিব্য-ভল্ল দিয়া কাটিলেন ধনঞ্জয় ।
 পুনঃ দিব্য-অস্ত্র মারে গঙ্গার তনয় ॥
 মহাশব্দে আসে বাণ ভাস্কর-সমান ।
 অর্জুপথে ধনঞ্জয় করে খান-খান ॥
 দুইজনে যুদ্ধ হৈল অতি-ভয়ঙ্কর ।
 নানাবর্ণে এড়িলেন চোখ-চোখ-শর ॥
 দৌহে দৌহাকার বাণ করেন বারণ ।
 অনিমিষ দৌহাকার নয়নে নয়ন ॥
 অনলে বরণ মারে, বায়ব্যে বারুণি ।
 আকাশে বায়ব্য মারে, শীতেতে আগুনি ॥
 পন্নগে পন্নগাশন, বায়ুতে পর্বত ।
 পুনঃপুনঃ দৌহে অস্ত্র ছাড়ে এইমত ॥
 দৌহাকার শরজালে ত্রৈলোক্য কম্পিত ।
 চট-চট-শব্দ ঘন হৈল অপ্রমিত ॥
 দৌহাকার বাণে দৌহে ব্যথিত-হৃদয় ।
 দৌহাকার অস্ত্রে ঘন শ্রমজল বয় ॥
 সাধু পার্থ, সাধু ভীষ্ম গঙ্গার নন্দন ।
 সাধু-সাধু ধন্যবাদ দেয় দেবগণ ॥
 ইন্দ্র-অস্ত্র দিয়া তবে ইন্দ্রের নন্দন ।
 ভীষ্মের হাতের ধনুঃ করেন ছেদন ॥

আর ধনুঃ ধরি ভীষ্ম বরিষয়ে বাণ ।
 সেই ধনুঃ কাটিলেন করিয়া সন্ধান ॥
 দিব্য-অস্ত্রে কাটিলেন কবচ তাঁহার ।
 তীক্ষ্ণ-দশ-অস্ত্র দিয়া করেন প্রহার ॥
 বাণাঘাতে অচেতন গঙ্গার তনয় ।
 দেখিয়া বিস্ময় মানি চাহে কুরুচয় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৪১ । দুর্ঘ্যোধনের সহিত অর্জুনের যুদ্ধ ও
 কুরুসৈন্তের মোহ ।

অচেতন দেখি রথ ফিরায়ে সারথি ।
 ভীষ্ম-ভঙ্গ দেখি ক্রোধে ধায় কুরুপতি ॥
 গজেন্দ্রে চড়িয়া যেন ইন্দ্র দেবরাজ ।
 চতুর্দিকে বেড়ি ধায় ক্ষত্রিয়-সমাজ ॥
 উনশত-সহোদর বেষ্টিত চৌপাশে ।
 সবে অস্ত্র-শস্ত্র পার্থ-উপরে বরিষে ॥
 হাসিয়া অর্জুন-বীর করিয়া সন্ধান ।
 প্রহার করেন দুর্ঘ্যোধনে দশ-বাণ ॥
 কাটিয়া পাড়েন তার ভয়ঙ্কর-ধনু ।
 কবচ কাটেন দুই, ছয়বাণে তনু ॥
 প্রহার করিল ভল্ল গজেন্দ্রের মাথে ।
 গিরিশৃঙ্গশত যেন মথে বজ্রাঘাতে ॥
 পৃথিবীতে দস্ত দিয়া পড়িল বারণ ।
 লাফ দিয়া ভূমিতলে পড়ে দুর্ঘ্যোধন ॥
 দুর্ঘ্যোধন-ভঙ্গ দেখি যত সহোদর ।
 পাছু নাহি চাহে, সবে পলায় সত্তর ॥
 পাছু থাকি ডাকে ঘন পার্থ ইন্দ্রহৃত ।
 কি-কর্ম করিস্ লোকে, শুনিতে অদ্বৃত ॥

সসৈন্যে পলাস্ সঙ্গ শত-সহোদর ।
 বলাহ ধরণীমাঝে তুমি দণ্ডধর ॥
 যুধিষ্ঠির-নৃপতির আজ্ঞাকারী আমি ।
 মোরে দেখি পলাইস্ হ'য়ে ক্ষিতিস্বামী ॥
 সসৈন্যে পলায়ে বাস্ শৃগালের প্রায় ।
 এই মুখে রাজ্য-ভোগ ইচ্ছ হস্তিনায় ॥
 এতক সহায় তোর গেল কোথাকারে ।
 মারিলে এখন আমি, কে রাখিতে পারে ॥
 শত্রু নিজ-বশ হৈলে, কে ছাড়ে মারিতে ।
 মারি যদি, কোথা পথ পাবি পলাইতে ॥
 ছাড়িলাম, যাহ ল'য়ে নিলজ্জ-জীবন ।
 ব্যা' নাম ধর তুমি মানী দুৰ্য্যোধন ॥
 পলাইলি মম ভয়ে শৃগালের প্রায় ।
 এই মুখে গাভী নিতে আসিলি হেথায় ॥
 পলায়িত-জনে আমি না মারি কখন ।
 ভাগসেন হৈলে তোর নাশিত জীবন ॥
 অৰ্জ্জুনের এইরূপ কটুবাক্য শুনি ।
 ক্রোধে নেউটিল দুৰ্য্যোধন মহামানী ॥
 লাস্কুলে মারিলে যথা নেউটে ভুজঙ্গ ।
 অঙ্কশ-আঘাতে যথা নেউটে মাতঙ্গ ॥
 নেউটিল দুৰ্য্যোধন দেখি বীরগণ ।
 চতুর্দিকে ধ্যেয়ে পুনঃ আসে সর্বজন ॥
 ভীষ্ম দ্রোণ কৃপ অশ্বত্থামা শাস্ত্র কর্ণ ।
 মহাবল দুঃশাসন-দুঃসহ-বিকর্ণ ॥
 সহস্র-সহস্র রথী বেড়িল অৰ্জ্জুনে ।
 চতুর্দিকে নানা-অস্ত্র বর্ষে কণে-কণে ॥
 মুঘল বৃদ্ধার জাঠী শূল ভিন্দিপাল ।
 আকাশ ছাইয়া সবে করে শরজাল ॥
 হাসিয়া অৰ্জ্জুন এড়িলেন দিব্য-বাণ ।
 সবারকার রথধ্বজ হৈল খান-খান ॥

গজেন্দ্র-মণ্ডলে যেন বিহরে কেশরী ।
 দানবগণের মধ্যে যেন বজ্রধারী ॥
 সিদ্ধুজলমধ্যে যেন পর্বত-মন্দর ।
 কুরুবল মখে পার্থ হ'য়ে একেশ্বর ॥
 কখন দক্ষিণ-হস্তে, কছু বামকরে ।
 ভৈরব-মুরতি দেখি সংগ্রাম-ভিতরে ॥
 গাণ্ডীবের বৃষ্টি অস্ত্র বিনা নাহি দেখি ।
 লক্ষ-লক্ষ অস্ত্র মারে দিনকর ঢাকি ॥
 পড়িল অনেক সৈন্য হয় রথ গজ ।
 পৃথিবী আচ্ছাদি পড়ে ছত্র-রথধ্বজ ॥
 তথাপিহ কুরুগণ যুদ্ধ না ছাড়িল ।
 লক্ষপূর করি একা অৰ্জ্জুনে বেড়িল ॥
 অৰ্জ্জুনের মনে এই চিন্তা উপজিল ।
 জীয়েন্তে কোঁরবগণ যুদ্ধ না ছাড়িল ॥
 পরকার্যে জ্ঞাতিবধ করিলে বহুত ।
 না জানি কি কহিবেন শুনি ধর্ম্মহুত ॥
 ছাড়ি গেলে কোঁরব কহিবে পলাইল ।
 কি উপায় করি, ইহা বিষম হইল ॥

তবে ইন্দ্রদত্ত-অস্ত্র হইল স্মরণ ।
 সম্মোহন-নাম অস্ত্র, মোহে রিপুগণ ॥
 মস্ত্রে অভিষেকি পার্থ মারিলেন বাণ ।
 মোহ গেল কুরুগণ, নাহি কারো জ্ঞান ॥
 রথে রথী পড়ে, অশ্বে পড়ে আসোয়ার ।
 গজেন্দ্রে মাহুত পড়ে নিদ্রিত-আকার ॥
 সর্বসৈন্য মোহ-প্রাপ্ত দেখি ধনঞ্জয় ।
 উত্তরার বাক্য মনে হইল উদয় ॥

উত্তরে বলেন তবে ইন্দ্রের নন্দন ।
 তব ভগ্নী মাগিয়াছে পুত্তলী-বসন ॥
 আনহ সবার বস্ত্র মস্তক হইতে ।
 যার-যার চিত্রে-বস্ত্র লয় তাঁ'র চিতে ॥

ভীষ্ম-দ্রোণ দৌহার না দিবে অঙ্গে কর ।

আর সবাকার বস্ত্র আনহ্ উত্তর ॥

সবে মুগ্ধ হইয়াছে, নাহি তব ভয় ।

যথাস্থখে আন গিয়া, যাগ মনে লয় ॥

পার্শ্বের বচন শুনি উত্তর নামিল ।

ভাল-ভাল পাগ বীর বাছিয়া লইল ॥

দুর্যোধন-দুঃশাসন-কর্ণ-আদি করি ।

মুকুট করিয়া দূর কেশ মুক্ত করি ॥

রথিগণে বসাইল গজের উপরে ।

রথের উপরে বসাইল আসোয়ারে ॥

এমত উত্তর করি বহু-বহু-জন ।

পুনরপি উঠে রথে লইয়া বসন ॥

পার্শ্বের অদ্রুত কৰ্ম্ম দেখি দেবগণ ।

সুগন্ধি-কুসুম-বৃষ্টি করে সেইক্ষণ ॥

হইল অপূর্ব-শোভা ধরণী-মণ্ডলে ।

কানন বিচিত্র যেন, বসন্তের কালে ॥

পড়িল অনেক-সৈন্য লিখনে না যায় ।

জায়ন্তে আছিল যেহ, সেহ মৃতপ্রায় ॥

ভয়ঙ্কর হৈল ভূমি, দেখি লাগে ভয় ।

রক্তমাংসাহারী ধায় সানন্দ-হৃদয় ॥

শৃগাল-কুকুরগণ করে কোলাহল ।

গৃধিনী শকুনি কাক ছাইল সকল ॥

শোণিতে বহিল নদী অতি-বেগবতী ।

হয়-রথ-পদাতিক ভাসে মত্ত-হাতী ॥

নাচয়ে কবন্ধগণ ধনুঃশর-হাতে ।

যোগিনী-পিশাচ-ভূত-প্রেতগণ-সাথে ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান্ ॥

৪১। রণভূমে চামুণ্ডার আগমন ।

আইল চামুণ্ডা, করে খর-খাণ্ডা,

গলে দোলে মুণ্ডমালা ।

লহ-লহ জিহ্বা, বিদ্যুতের প্রভা,

ঘন-বদনা করাল ॥

বিকট-দশনা, শোণিত-রসনা,

ভৈরবী ভৈরব ডাকে ।

সঙ্গে শত-শিবা, অতিশয়-শোভা,

ভূতপ্রেতগণ থাকে ॥

সবার কুণ্ডল, মিহির-মণ্ডল,

যুগল-গণ্ডেতে দোলে ।

দলুজ-দলনী, সক্রোধ-চাহনী,

নরমুণ্ড-মালা গলে ॥

যুগ্ম-পয়োধর, জিনিয়া ভূধর,

দশ-অষ্ট-চতুর্ভুজা ।

অধরে বারুণী, সদা মুক্তবেণী,

সর্বদেব করে পূজা ॥

উদর-সমুদ্র, সশঙ্কিত রুদ্র,

গম্ভীর-উচ্চ-শবদা ।

পর্বত-কন্দরা, সদৃশ খর্পরা,

সদাই আনন্দ-ভুদা ॥

চিরন্তনী কৃষ্ণা, অতিশয় তৃষ্ণা,

সংগ্রাম শুনিয়া আসে ।

দেখি কুতুহল, হাসে খল-খল,

কম্পে স্রাস্ত্র ত্রাসে ॥

সঙ্গে সহচর, ভূচর-খেচর,

ধেয়ে চতুর্দিকে বেড়ে ।

ফেলি নরমুণ্ডে, তুলি ধরে ভূণ্ডে,

যেমন কেন্দুয়া পড়ে ॥

করতালি-বাণে, রণভূমি-মধ্যে,
নাচয়ে বিহ্বলমতি ।

কটিতে স্তম্ভর, ব্যাভ্রচন্দ্রাশ্বর,
চরণে বিদরে ক্ষিতি ॥

ঘোর-রণস্থলী, আখালী-পাখালী,
পড়িল ভুরঙ্গ-সেনা ।

নদী বহে রক্তে, খরতর-স্রোতে,
পর্বত-সদৃশ ফেনা ॥

ভুরঙ্গম-সব, সদৃশ কচ্ছপ,
কুন্তীর-মকর গজ ।

রথ-সহ রথী, তথা যুথপতি,
ভাসি যায় রথধ্বজ ॥

ছত্র হৈল পত্র, পুষ্প হৈল বস্ত্র,
ভূজ কমলের দণ্ড ।

সদৃশ জলধি, তৃণ-কাষ্ঠ-আদি,
ভাসে করপদ-খণ্ড ॥

কাটা-পদ-কর, ছিন্ন-কলেবর,
শত-শত ছত্রদণ্ড ।

দীঘল-কুন্তল, শ্রবণে কুণ্ডল,
ভাসি যায় নরমুণ্ড ॥

প্রলয়-গন্তীর, বহিছে রুধির,
ক্রীড়য়ে কালীর গণ ।

কত উঠে ডুবে, ধরি আনি সবে,
ভক্ষয়ে মেলি বদন ॥

খর্পর ভরিয়া, উদর পুরিয়া,
করিল রুধির-পান ।

অর্জুন-কল্যাণ, করি নিজস্থান,
কালিকা কৈল প্রয়াণ ॥

ভারত-অমৃত, পীয়ে অমৃত্রত,
শ্রুতিযুগে সাধুজন ।

কালী-পদযুগে, কাশীরাম নাগে,
দাসত্ব নন্দ-নন্দন ॥

—

৪২ । দ্ব্যর্থোৎপাদনের মুকুটোচ্ছেদন ও কুরুসৈন্যের
নানা-চরবহা ।

সৈন্য হৈতে বাহিরায় তবে পার্থবীর ।

মেঘ হৈতে মুক্ত যেন হ'লেন মিহির ॥

চতুর্দিকে ভঙ্গিয়ান যত সেনাগণ ।

ভয়েতে কম্পিত সবে, শ্বাস ঘনে-ঘন ॥

কেশ-বাস-মুক্ত সবে, কম্পিত-হৃদয় ।

পার্শ্বে দেখি কৃতাজ্জলি কহে সবিনয় ॥

আজ্ঞা কর, কি করিব কুন্তীর কুমার ।

পিতা-পিতামহ সবে সেবক তোমার ॥

সেবক-জনেরে ক্রোধ না হয় বিচার ।

রক্ষা কর, লইলাম শরণ তোমার ॥

অর্জুন কহেন, তোরা না করিস্ ভয় ।

যাহ নিজস্থানে সবে নিঃশঙ্ক-হৃদয় ॥

যুদ্ধেতে নিযুক্ত আমি, বিনয়ী যে-জন ।

নাহিক তাহার ভয় আমার সদন ॥

তবে কতদূরে থাকি দেখে ধনঞ্জয় ।

কতক্ষণে চৈতন্য পাইল কুরুচয় ॥

একজন-মুখে আর জন নাহি চায় ।

লজ্জায় যতেক বীর হৈল মৃতপ্রায় ॥

কারো শিরে নাহি পাগ, কারো অঙ্গে বাস ।

লাজে মুখ ভুলি কেহ নাহি কহে ভাষ ॥

দূরে থাকি ধনঞ্জয় মারে দশ-বাণ ।
 গুরু-পিতামহ-পদে করিতে প্রণাম ॥
 অর্দ্ধচন্দ্র-বাণ তবে মারেন কিরীটি ।
 দুর্ঘ্যোধন-মুকুট পাড়িলা ভূমে কাটি ॥
 ভয়েতে আচ্ছন্ন রাজা চারিদিকে চায় ।
 সবাকার মধ্যে গিয়া আপনি লুকায় ॥

দ্রোণাচার্য্য বলেন, না কর আর ভয় ।
 বড় ক্ষমশীল হয় কুন্তার তনয় ॥
 তোমাতে অর্জুন যদি নিশ্চয় মারিবে ।
 মন্তক থাকিতে কেন মুকুট কাটিবে ॥
 বিশেষ তোমাতে ধর্ম্মরাজ দয়া করে ।
 তাঁর আজ্ঞা-বিনা পার্থ মারিতে না পারে ॥
 সে-হেতু ক্ষমিল তোমা করি অনুমান ।
 রুকোদর হৈলে নিত সবাকার প্রাণ ॥
 চল-চল এথা হৈতে, বিলম্ব না সয় ।
 মনে লয়, রুকোদর আসিবে স্বরায় ॥

হেনকালে বলিতেছে শকুনি-সারথি ।
 রথেতে মাতুল তব নাহি নরপতি ॥
 শুনি কহে দুর্ঘ্যোধন বিষম-বদন ।
 রথেতে মাতুলে নাহি দেখি কি-কারণ ॥
 কেহ বলে, তারে ক্রোধ অনেক আছিল ।
 বান্ধিয়া অর্জুন বুঝি সঙ্গে ল'য়ে গেল ॥
 কেহ বলে, যুদ্ধে কিবা পড়িল শকুনি ।
 কেহ বলে, আশু পলাইল হেন জানি ॥

রাজা বলে, মাতুলেরে খুঁজ, কোথা গেল ।
 আজ্ঞামাত্র চতুর্দিকে সবাই ধাইল ॥
 অনেক ভ্রমিয়া বুলে সব চতুর্ভিত ।
 রজকের ঘরে দেখে শকুনি ব্যথিত ॥
 গর্দভের পৃষ্ঠে বান্ধিয়াছে হাত-পায় ।
 ডাক দিয়া কহে, মোর প্রাণ বাহিরায় ॥

মুক্ত করি শকুনিরে দিল সেইক্ষণ ।
 নৃপতিরে কহে গিয়া সব বিবরণ ॥
 শকুনির ছরবন্দা সবামধ্যে দেখি ।
 কেহ হাসে, কেহ কান্দে, কেহ ঠারে আঁখি ॥

সহসা সুরশ্রী-রাজ আসি উপনীত ।
 আপনা হইতে দেখে রাজাকে দুঃখিত ॥
 কহিতে লাগিল তবে করিয়া বিনয় ।
 চল শীঘ্র নরপতি, দেরি করা নয় ॥
 বিরাট-রাজেরে আমি আনিবু বান্ধিয়া ।
 করিল অনেক যুদ্ধ গন্ধর্ব্ব আসিয়া ॥
 সর্ব্বসৈন্য পলাইল গন্ধর্ব্বের দ্রাসে ।
 একাকী পাইয়া মোরে ধরিলেক কেশে ॥
 বড় ধর্ম্মশীল রাজ-সভাসদ কহে ।
 দয়া করি আমারে সে করিল নিঃশঙ্ক ॥
 সে গন্ধর্ব্ব যদি রাজা, এখানে আসিবে ।
 যুহুর্ভেকে সর্ব্বসৈন্য নিপাত করিবে ॥
 কোথা আছে দুর্ঘ্যোধন কর্ণ দুঃশাসন ।
 এইমাত্র শুনি রাজা, তাহার বচন ॥
 গজ-শুণু ধরি তুলি অশ্ব-গজে মারে ।
 তুরঙ্গে তুরঙ্গ, রথ রথেতে প্রহারে ॥
 অতি-বিপরীত কশ্ম দেখি লাগে ভয় ।
 আসিতে পারয়ে হেথা, হেন মনে লয় ॥
 বিদুর বলিল যত, কিছু অশ্রু নয় ।
 কীচকে মারিয়া কৈল গন্ধর্ব্ব আশয় ॥

ভীষ্ম বলে, হুশ্রী যে কহে সত্যকথা ।
 তিলেক রহিতে যুক্তি নাহি হয় হেথা ॥
 গন্ধর্ব্ব না হয় সেই, বীর রুকোদর ।
 আসিলে সে-জন ভাল নহে নৃপবর ॥
 যে কশ্ম করিল আজি বীর ধনঞ্জয় ।
 দয়া করি না মারিল সদয়-হৃদয় ॥

ভীমসেন সঙ্গে যদি থাকিত ইহার ।
 আজিকার মধ্যে হৈত সবার সংহার ॥
 নির্দয় নির্ভূর বড় কঠিন-হৃদয় ।
 পলাইয়া গেলে গোড়াইয়া প্রাণ লয় ॥
 শরণ লইলে সেইক্ষণে প্রাণ হরে ।
 চল-চল শীঘ্র, সেই আসিবারে পারে ॥
 এত বলি যে যাহার চড়িয়া বাহনে ।
 হস্তিনা-নগরে সবে গেল দুঃখমনে ॥
 আকাশে অমরবৃন্দ অদ্বুত দেখিয়া ।
 নিজ-নিজ-স্থানে যান পার্থে বাথানিয়া ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৪০। শমীবৃক্ষতলে অর্জুনের পূর্ববেশ-ধাবণ ।

তবে ধনঞ্জয় শমীবৃক্ষতলে গিয়া ।
 পূর্ববৎ ধনুর্ববাণ রাখেন বান্ধিয়া ॥
 দুই-করে শঙ্খ দিয়া শ্রবণে কুণ্ডল ।
 কীরীট রাখিয়া বেণী করেন কুন্তল ॥
 হনুমন্তধ্বজ গেল আকাশেতে চলি ।
 সারথি হইয়া পার্থ নিল কড়িয়ালী ॥
 ভক্তরে চাহিয়া তবে বলে ধনঞ্জয় ।
 তব সভামধ্যে পঞ্চ-পাণ্ডব আছয় ॥
 লোকে যেন নাহি জানে এ-সব বচন ।
 পিতার অগ্রেতে এই কহিবে কখন ॥
 বাহুবলে জিনিলাম যত কুরুগণ ।
 ভীষ্ম-দ্রোণ-কুপ-কর্ণ-সহ দুৰ্য্যোধন ॥
 লোকেতে পৌরুষ হবে, পিতার সম্মান ।
 রাজ্যে ঘুবিবেক লোক তব বশোগান ॥

উত্তর বলিল, ইহা কিমতে হইবে ।
 কহিলে কি লোকে ইহা প্রত্যয় করিবে ॥
 যে-কন্ম করিলে তুমি আজিকার রণে ।
 তোমা-বিনা করে, হেন নাহি ত্রিভুবনে ॥
 আমি করিলাম ইহা কহিব সমুখে ।
 পশ্চাতে হইলে ব্যক্ত, হাসিবেক লোকে ॥
 প্রকার করিয়া আমি কহিব পিতারে ।
 প্রকাশ পর্য্যন্ত কেহ না জানে তোমারে ॥
 তবে পার্থ কহিলেন, যাব সন্ধ্যাকালে ।
 জয়বার্তা দেহ এক পাঠায়ে গোপালে ॥
 জয়বার্তা কহ গিয়া পুরের ভিতর ।
 তব হেতু আছে সবে চিন্তিত-অস্তর ॥
 উত্তর দূতেরে তবে করেন প্রেরণ ।
 দ্রুতগতি দূত পুরে চলিল তখন ॥

মহাভারতের কথা বর্ণিতে কে পারে ।

ভেলা বান্ধি চাহে যেন সিদ্ধু তরিবারে ॥
 শ্রুতমাত্র কহি আমি রচিয়া পয়ার ।
 সাধুজন-চরণেতে প্রণতি আমার ॥
 সাধু-লোক-গুণকথা সর্বলোকে কয় ।
 গুণ-বিনা অপগুণ সাধু নাহি লয় ॥
 অতএব করি আশা, মোরে সাধুজনে ।
 বৃথজন জানি ক্রমিবেন নিজগুণে ॥
 কাশীরাম দাস কহে সাধুজন-পায় ।
 পাইব পরম-পদ যাহার কৃপায় ॥

৪১। বিরটরাজের স্বর্গহে আগমন ও বৃষভিরের
 সহিত পাশা-ক্রীড়া ।

এথায় বিরট-রাজ ত্রিগর্ভে জিনিয়া ।
 বাণ্য-কোলাহলে দেশে উত্তরিল গিয়া ॥

অন্তঃপুরে প্রবেশিল বিরাট-ভূপতি ।
 আগুসরি নিল আসি যতেক যুবতি ॥
 একে-একে প্রণমিল যত কণ্ঠাগণ ।
 উত্তরে না দেখি রাজা বলিছে বচন ॥
 কি-কারণে নাহি দেখি কুমার উত্তর ।
 রাণী বলে, বার্তা নাহি জান নরবর ॥
 তুমি গেলে ত্রিগর্তের যুদ্ধেতে যথ-
 উত্তরে কোঁরব আসি বেড়িল গোধন ॥
 গোপেরা আসিয়া তবে দিল সমাচার ।
 শুনি যুদ্ধে চলি গেল উত্তর-কুমার ॥
 দ্বিতীয় নাহিক রথী, সারথি না ছিল ।
 বৃহন্নলা সারথি করিয়া পুত্র গেল ॥
 এত শুনি নরপতি শিরে হানে ঘাত ।
 বিস্ময় মানিয়া কহে মুখে দিয়া হাত ॥
 এমত কুবুদ্ধি মম পুত্রের হইল ।
 কুরুসৈন্য-মধ্যে পুত্র একা রণে গেল ॥
 যেই সৈন্যে ভীষ্ম দ্রোণ কণ দুৰ্য্যোধন ।
 ইন্দ্রে জিনিবারে পারে এক-এক-জন ॥
 হেন-সৈন্য-মধ্যে যুদ্ধ করিবে একক ।
 তাহাতে সারথি বৃহন্নলা নপুংসক ॥
 এহেতু আমার চিতে হইতেছে ত্রাস ।
 বৃহন্নলা কৈল যাত্রা, লোকে উপহাস ॥
 যত ষোড়শগণ, সবে বাহ শীত্রগতি ।
 হয় হস্তী রথী মম যতেক সারথি ॥
 এতক্ষণ জীয়ে, কি না জীয়ে, নাহি জানি ।
 শীত্র শুভবার্তা মোরে পাঠাবেক শুনি ॥
 এতেক বচন রাজা বলে বার-বার ।
 শুনিয়া উত্তর দিল ধর্ম্মের কুমার ॥
 চিন্তা না করহ লাগি উত্তর কুমার ।
 মহাবুদ্ধি বৃহন্নলা সারথি তাহার ॥

ইন্দ্র-আদি সখা যদি করিবে কোঁরব ।
 বৃহন্নলা-সারথির নাহি পরাভব ॥
 এইরূপে বিরাটের কহে ধর্ম্মসুত ।
 হেনকালে উপনীত উত্তরের দূত ॥
 প্রণমিয়া নৃপবরে বলে ঘোড়করে ।
 কুমার উত্তর রাজা, পাঠাইলা মোরে ॥
 কুরুসৈন্য জিনিয়া গোধন ছাড়াইল ।
 রণে ভঙ্গ দিয়া কুরুগণ পলাইল ॥
 আসিছে সারথি-সহ উত্তর কুমার ।
 মোরে পাঠাইলা দিতে ওয়-সমাচার ॥
 শুনিয়া আনন্দে মগ্ন বিরাট-নৃপতি ।
 ধর্ম্মপুত্র কহিছেন তবে তাঁর প্রতি ॥
 বড়ভাগ্যে নৃপ, শুভ-বৃত্তান্ত শুনিলে ।
 তব পুত্র কুরুসৈন্য জিনিলেক হেলে ॥
 পূর্বের কহিয়াছি, বৃহন্নলা আছে যথা ।
 কোঁরবে জিনিবে, ইহা কোন্ চিত্র কথা ॥
 তবে রাজা আত্মা দিলা মস্ত্রিগণ-প্রতি ।
 দূতগণে পুরস্কার কর শীত্রগতি ॥
 কুলের দীপক মম কুমার উত্তর ।
 কুরুসৈন্য যুদ্ধে আজি জিনে একেশ্বর ॥
 আসিবার পথ তার কর মনোহর ।
 উচ্চ-নীচ কাটি সব কর সমসর ॥
 দিব্য-দিব্য গন্ধ-মৃগ রোপহ ছু'-সারি ।
 মঙ্গল বাজনা কর, নাচুক অঙ্গরী ॥
 যতেক কুমার বাহ স্তম্ভজ হইয়া ।
 আগু বাড়ি উত্তরে আনহ সবে গিয়া ॥
 উত্তরাদি কন্যা যত বাহ শীত্রতর ।
 আন গিয়া বৃহন্নলা করিয়া আদর ॥
 রাজার এতেক আত্মা পেয়ে মস্ত্রিগণ ।
 বাহা-বাহা বলে, তাহা করিল তখন ॥

ক্ষয় হ'য়ে বলে রাজা চাহি ধর্মকারী ।
খেলিব, সৈরিক্রি, শীত্র আন পাশা-সারি ॥

ধর্ম বলিলেন, রাজা, নহে এ-সময় ।
ক্ষয়কালে পাশাতে যে স্থিরচিত্ত নয় ॥
বিশেষ দেবন ভাল নহে অনুক্ষণ ।
সর্বকার্য্য নষ্ট হয় পাশার কারণ ॥
লক্ষ্মীভ্রষ্ট রাজ্য-নষ্ট শত্রু হয় বলী ।
নানামত দুঃখ লোক পায় পাশা খেলি ॥
শুনিয়াছ তুমি পাণ্ডবের বিবরণ ।
এই পাশা-হেতু হারাইল রাজ্যধন ॥

বিরাট কহিল, কহ না বুঝিয়া ।
কোন শত্রু আছে মম, বিরোধে আসিয়া ॥
রাজ-চক্রবর্তী কুরুরাজা দুর্য়োধন ।
হেনজনে জিনিলেক আমার নন্দন ॥
ভুবন-মণ্ডলে এই শব্দ প্রচারিল ।
পৃথিবীর রাজা শুনি ভয়ে স্তব্ধ হৈল ॥
আব কোন জন আছে পৃথিবী-ভিতরে ।
হুটিয়া আমার বৈরী যাবে যমঘরে ॥
যুধিষ্ঠির বলে, রাজা, উত্তম কহিলা ।
কি-ভয় কোঁরবে, যার যন্তা বৃহন্মলা ॥

এত শুনি রোষভরে বিরাট-নৃপতি ।
হুট-চক্ষু রক্তবর্ণ কহে কহ-প্রতি ॥
কুলের তিলক মম কুমার উত্তর ।
সংগ্রামে জিনিল যেই কুরু-নরবর ॥
একবার তুই তার না কহিস্ গুণ ।
বৃহন্মলা-ক্লীবে বাখানিস্ পুনঃপুনঃ ॥
কোন ছার বৃহন্মলা, বাখানিস্ তারে ।
তার মত কতজন আছে মম পুরে ॥
কেবল সহায়-মাত্র হইল সংগ্রামে ।
কোন গুণে ধন্যবাদ দিস্ ব্রাহ্মণে ॥

অবশ্যে শুনিতে যোগা যেই কথা নহে ।
পুনঃপুনঃ কহিছিস্, কত দেহে সহে ॥
মম কথা কহ, নাহি শুন ভালমতে ।
কিমতে এ-ভাষা কহ আমার অগ্রেতে ॥
কহিতে-কহিতে রাজা হৈল ক্রোধমতি ।
হাতেতে আছিল পাশা মারে শীত্রগতি ॥
অক্ষপাটী প্রহারিল রাজার বদনে ।
ফুটিয়া শোণিত বাহুরায় সেউক্ষণে ॥
অক্রোধী অজাতশত্রু ধর্মের নন্দন ।
দুই-হাতে নিজ-রক্ত ধরেন তখন ॥
নিকটে আছিল কৃষ্ণা, বুঝি অভিপ্রায় ।
হেমপাত্র ল'য়ে শীত্র রাজারে যোগায় ॥
সেই পাত্র করি রাজা ধরেন শোণিতে ।
না দিলেন তাহা যত্নে ভূমিতে পড়িতে ॥

হেনকালে দ্বারদেশে উত্তর আগত ।
দ্বারীরে বলিল, নৃপে জানাহ স্বরিত ॥
উত্তরের আজ্ঞা পেয়ে দ্বারী শীত্রগতি ।
করযোড়ে বার্তা কহে মৎস্যরাজ-প্রতি ॥
অবধান নরপতি, শুভ সমাচার ।
বৃহন্মলা-সহ এল উত্তর কুমার ॥
তব আজ্ঞা-হেতু রাজা, আছয়ে দুয়ারে ।
আজ্ঞা হৈলে ভেটিবেন আসিয়া তোমারে ॥
বার্তা পেয়ে নরপতি কহে হরষিতে ।
বৃহন্মলা-সহ পুঞ্জ আনহ স্বরিতে ॥

বিরাটের আজ্ঞা পেয়ে চলিলেক দ্বারী ।
নিকটে ডাকিলা তারে ধর্ম-অধিকারী ॥
চুপি-চুপি নরপতি কহে দ্বারি-কানে ।
শীত্র গিয়া আন তুমি রাজার নন্দনে ॥
বৃহন্মলা এখায় না আন কদাচন ।
সাবধানে কহিবে, না হও বিশ্বরূপ ॥

শুনিয়া চলিল তবে দ্বারী সেইক্ষণে ।

কুমারে বলিল, চল রাজ-সম্ভাষণে ॥

বৃহন্নলা যাক্ এবে আপনার স্থানে ।

একেশ্বর চল তুমি রাজ-সম্ভাষণে ॥

বৃহন্নলা যাইবারে কঙ্কের বারণ ।

শুনিয়া করেন পার্থ স্বস্থানে গমন ॥

উত্তরে লইয়া দ্বারী গেল সেইক্ষণ ।

বাপে নমস্করি চাহে ধর্ম্মের বদন ॥

রক্তধারা বহে মুখে দেখিয়া কুমার ।

সন্ত্রমে পিতারে বলে হ'য়ে চমৎকার ॥

কহ তাত, কেন দেখি হেন বিপরীত ।

ভূমিতে বসিয়া কঙ্ক কেন বিষাদিত ॥

মুখে রক্তধারা বহিতেছে কি-কারণ ।

কোন্ হেতু কহ তাত, হইল এমন ॥

মৎস্যরাজ বলে, পুত্র, শুনহ কারণ ।

তোমার প্রশংসা আমি করি যেইক্ষণ ॥

তোমার প্রশংসা কঙ্ক করি অবহেলা ।

পুনঃপুনঃ বলে, ধন্য ক্লীব বৃহন্নলা ॥

এইহেতু মম চিত্তে ক্রোধ হৈল তাত ।

অক্ষপাটী প্রহারিলু, হৈল রক্তপাত ॥

উত্তর বলিল, তাত, কুকর্ম্ম করিলে ।

সামান্য ব্রাহ্মণ বলি কঙ্কেরে জানিলে ॥

এক্ষণে ইহারে যদি শাস্ত না করিবে ।

নিশ্চয় জানিহ তাত, সর্ব্বনাশ হবে ॥

ইন্দ্র-যম বৈরী হৈলে, আছে প্রতীকার ।

কঙ্ক বৈরী হৈলে রক্ষা নাহিক তাহার ॥

শীঘ্র উঠ তাত, অগ্রে প্রবোধ কঙ্কেরে ।

যেমনে চিন্তিতে ক্রোধ না জন্মে তোমারে ॥

পুত্রের বচনে রাজা উঠি শীঘ্রগতি ।

বিনয়-পূর্ব্বক কহে ধর্ম্মরাজ-প্রতি ॥

অনেক স্তবন রাজা করিল কঙ্কেরে ।

অজ্ঞানের অপরাধ ক্ষমহ আমারে ॥

ধর্ম্ম বলিলেন, ব্যস্ত না হও রাজন্ ।

তোমাতে আমার ক্রোধ নাহি কদাচন ॥

আমার হইলে ক্রোধ পূর্ব্বতে হইত ।

এক্ষণে তোমাতে ক্রোধ নাহি কদাচিৎ ॥

পূর্ব্বতে তোমারে ক্ষমা ক'রেছি রাজন্ ।

অক্ষপাটী যেইকালে করিলে ঘটন ॥

আমার ললাটে যেই শোণিত বহিল ।

যতন-পূর্ব্বক রক্ত পাত্রে ধরা হৈল ॥

যতপি শোণিত সেই পড়িত ভূতলে ।

তবে রাজ্য-সহ নাহি থাকিতে কুশলে ॥

আমার শোণিত-বিন্দু যেই-স্থলে পড়ে ।

সে-স্থলের রাজা-প্রজা সকলেতে মরে ॥

উত্তর বলিল, তাত, কঙ্ক দয়াবান্ ।

কঙ্কের ক্ষমাতে হৈল সবার কল্যাণ ॥

যখন সারথি মোরে আনিবারে গেল ।

বৃহন্নলা আসিবারে কঙ্ক নিষেধিল ॥

বৃহন্নলা আসি যদি শোণিত দেখিত ।

তবে ত জনক, বড় অনর্থ ঘটিত ॥

মহাভারতের কথা অমৃত-লহরী ।

যাহার প্রসাদে সবে ভববারি তরি ॥

৪৫। বিরাট-রাজের নিকট উত্তর-গোগৃহের যুদ্ধ-
বর্ণনে উত্তরের কল্পিত-বচন ।

তবে মৎস্য-নরপতি চাহিয়া কুমার ।

জিজ্ঞাসিল, কহ তাত, যুদ্ধ-সমাচার ॥

যে কর্ম্ম করিলে তুমি, অদ্যুত সংসারে ।

দুর্দ্ধর্ষ যে কুরুসৈন্য, জিনিলে সমরে ॥

তোমার সমান পুত্র, নহিল, নহিবে ।
 তোমার মহিমা-যশ সংসারে যুধিবে ॥
 কহ তাত, কিরূপে জিনিলে কুরুগণে ।
 কর্ণ মহাবীর বলি বিখ্যাত ভুবনে ॥
 দেব-দৈত্য অগ্রে যার যুদ্ধে নহে স্থির ।
 কিমতে জিনিলে হেন কুরু মহাবীর ॥
 দ্রোণ-গুরু বলি যিনি প্রতাপে অপার ।
 ক্রোধ কৈলে জিনিবারে পারয়ে সংসার ॥
 কালায়ি-সমান শিক্ষা ভীষ্ম মহাবীর ।
 অশ্বখামা রূপাচার্য্য দুর্জয়-শরীর ॥
 কিমতে করিলে যুদ্ধ তা'-সবার সহ ।
 প্রত্যক্ষে সে-সব কথা শুনি, মোরে কহ ॥
 অদ্ভুত লাগিছে মোর এই সব কথা ।
 যেই কুরুসৈন্যে আছে মহা-মহারথা ॥
 ব্যাঘ্রমুখ হৈতে যেন আমিষ আনিলে ।
 সেইমত কুরু হৈতে গোধন ছাড়ালে ॥
 ধন্য-ধন্য পুত্র তুমি কুলের দীপক ।
 বড় ভাগ্যবান আমি তোমার জনক ॥
 উত্তর বলিল, তাত, কর অবধান ।
 যখন সমরে আমি করিছু প্রয়াণ ॥
 বহুসৈন্য দেখি মম চিত্তে লাগে ভয় ।
 হেনকালে আসে এক দেবের তনয় ॥
 আপনি হইয়া রথী করিলেক রণ ।
 কুরুবল রণে সেই জিনিল তখন ॥
 অদ্ভুত তাহার কৰ্ম্ম, নাহি দেখি শুনি ।
 একমুখে কি কহিব তাঁহার কাহিনী ॥
 লগু-ভগু করিলেক অগ্রমিত-সেনা ।
 যতেক পড়িল তাত, কে করে গণনা ॥
 দয়া করি তোমা-আমা সন্ধটেতে তারি ।
 কুরুসৈন্য হৈতে গাভী দিলেক উদ্ধারি ॥

নাহি জিনিয়াছি আমি কুরুসৈন্যগণ ।
 নাহি মুক্ত করি আমি একটি গোধন ॥
 শুনিয়া বিরাত কহে, কহ পুত্র, মোরে ।
 কি-হেতু সে দেবপুত্র রাখিলা তোমারে ॥
 কোথায় নিবাস তাঁর, গেলা কোথাকারে ।
 পুনর্ব্বার দেখা আর পাব নাকি তাঁরে ॥
 উত্তর বলিল, তাত, আছে এই দেশে ।
 আজি কিংবা কালি কিংবা তৃতীয় দিবসে ॥
 এথায় আসিবে সেই দেবের নন্দন ।
 শুনিয়া বিরাত হন আনন্দিত-মন ॥
 অন্তঃপুরে যান পার্থ, যথা কন্যাগণ ।
 উত্তরাকে দিল, যত আনিল বসন ॥
 যার যে নিবাস-স্থানে নিবসিল গিয়া ।
 কানীদাস কহে কৃষ্ণপদ ধোয়াইয়া ॥
 যতনে ধোয়ায় সাধু যাঁরে নিরবধি ।
 জলধি-কূলেতে যেই দয়াময় নিধি ॥
 জলধর-কাস্তি মুখ-চন্দ্র অখণ্ডিত ।
 অমল-কমল-চক্ষু অরুণ-নিন্দিত ॥
 মকর-কুণ্ডল কর্ণে, মস্তকে মুকুট ।
 বাস্কুলি-বরণ ওষ্ঠাধর-করপুট ॥
 যে-মুখ-দর্শনে জন্ম-জন্ম-পাপ খণ্ডে ।
 জরাসেক-ভয় খণ্ডে আর যমদণ্ডে ॥
 কানীরায কহে কৃষ্ণচরণ-প্রসাদে ।
 সদা মোর চিত্ত যেন রহে বিজ-পদে ॥

৪৬। বিরাত-সিংহাসনে যুধিষ্ঠিরের রাজা হওন,
 অজ্ঞাত-বাস-মোচন ও বিরাতের
 সহিত পরিচয় ।

রজনীতে পাণ্ডবেরা মিলিল ছ'জন ।
 জিজ্ঞাসেন অর্জুনেরে ধর্ম্মের নন্দন ॥

শুনিলাম, বহু-সৈন্য যুদ্ধেতে মারিলে ।
পরকার্য্যে কেন এত জাতি-বধ কৈলে ॥

অৰ্জ্জুন বলেন, অবধান নরনাথ ।
দুর্য্যোধন-দোষে সৈন্য হইল নিপাত ॥
এতেক দুর্গতি পেয়ে শাস্ত নাহি হয় ।
নাহি দিবে রাজ্য, রণ করিবে নিশ্চয় ॥
যুধিষ্ঠির কহেন, কি-প্রকারে জানিলে ।
নাহি দিবে রাজ্য, তোমা কোন্ জন কৈলে ॥
পার্শ্ব বলে, অস্ত্রমুখে জিজ্ঞাসিনু দ্রোণে ।

না করিবে সন্ধি, জানি দ্রোণের বচনে ॥
শুনিয়া ধর্ম্মের পুত্র বিষম-বদন ।
এ-কর্ম্ম করিলে ভাই, কিসের কারণ ॥
না জানি, অজ্ঞাত-শেষ কতদিনে হয় ।
ইতিমধ্যে কি-প্রকারে দিলে পরিচয় ॥
কহ সহদেব, শীঘ্র গণিয়া পঞ্জিকা ।
ছাদশ-বৎসর-শেষ অজ্ঞাতের লেখা ॥
অজ্ঞাত-বৎসর-শেষ কিছু যদি থাকে ।
তবে পুনঃ যাব মোরা ঘোর অরণ্যেতে ॥
সহদেব বলে, প্রভু, হইয়াছে শেষ ।

চতুর্দশ-বৎসরের বিংশতি প্রবেশ ॥
নিয়ম হইল পূর্ণ পূর্ব্বের লিখিত ।
তব আজ্ঞা নিতে আছে হইতে উদিত ॥

মহানন্দে যুধিষ্ঠির কহে সহদেবে ।
শুভ-দিন সুসুদিত হবে ভাই, কবে ॥
সহদেব কহিলেন করিয়া গণন ।
আষাঢ়-পূর্ণিমা-তিথি দিন শুভক্ষণ ॥
নক্ষত্র উত্তরাষাঢ়া, ইন্দ্রনামে যোগ ।
বৃহস্পতি বাসরেতে মাস-অর্দ্ধ ভোগ ॥

সহদেব-বাক্যে ধর্ম্ম হ'লেন সম্মত ।
যথাস্থানে যাব সবে, নিশা অর্দ্ধ গত ॥

তদন্তরে তাহার তৃতীয়-দিনান্তরে ।
পুণ্য-তীর্থে স্নান করি পঞ্চ-সহোদরে ॥
দিব্য-বস্ত্র-অলঙ্কার করেন ভূষণ ।
মুকুট কুণ্ডল হার অঙ্গদ কঙ্কণ ॥
বিরাট-রাজের রাজসিংহাসনোপরি ।
শুভ-লগ্ন বুঝি বসে ধর্ম্ম-অধিকারী ॥
ভস্ম হৈতে মুক্ত যেন হৈল হতাশন ।
মেঘ হইতে মুক্ত যেন হইল তপন ॥
ইন্দ্রকে বেড়িয়া যথা শোভে দেবগণ ।
ভ্রাতৃসহ যুধিষ্ঠির শোভেন তেমন ॥
বামভাগে বসিলেন দ্রুপদ-দুহিতা ।
দক্ষিণেতে বৃকোদর ধরে দণ্ড-ছাতা ॥
করযোড়ে পুরোভাগে রহে ধনঞ্জয় ।
চামর ঢুলায় দুই মাদ্রীর তনয় ॥

সভাতে রাজার যত সভাপাল ছিল ।
দেখি শীঘ্র গিয়া মৎস্যরাজেরে কহিল ॥
শুনিয়া বিরাট-রাজ ধায় ক্রোধভরে ।
স্বপার্ষক মৃদিরাক্ষ সঙ্গে সহোদরে ॥
শ্বেত-শঙ্খ আসে দৌহে রাজার নন্দন ।
উত্তর কুমার শুনি ধায় সেইক্ষণ ॥
যত মন্ত্রী সেনাপতি পাত্রভূত্যগণ ।
বার্তা শুনি ধেয়ে সবে আসিল তখন ॥
পাণ্ডবেরে দেখি সবে বিস্ময়ে মগন ।
পঞ্চগোটা ইন্দ্র যেন হ'য়েছে শোভন ॥
জলদগ্নি-সম তেজঃ পাণ্ডবে দেখিয়া ।
মুহূর্ত্তেক রহে রাজা স্তম্ভিত-হইয়া ॥
উত্তর পড়িল কত দূরে ভূমিতলে ।
কৃতাঞ্জলি প্রণমিয়া স্তুতিবাক্য বলে ॥
দেখিয়া বিরাট-রাজ কুপিত-অস্তর ।
কঙ্করে চাহিয়া বলে কর্কশ-উত্তর ॥

হে কঙ্ক, কিহেতু তব হেন ব্যবহার ।
 কিমতে বসিলে তুমি আসনে আমার ॥
 ধর্মজ্ঞ অসুখি বলি বসাই নিকটে ।
 কোন্ বুদ্ধে বৈস আজি মোর রাজপাটে ॥
 প্রথমে বলিলে তুমি, আমি ত্রক্ষাকারী ।
 ভূমিতে শয়ন করি, ফলমূলাহারী ॥
 কোন দ্রব্যে নাহি মম কিছু অভিলাষ ।
 এখন আপন-ধন্য করিলে প্রকাশ ॥
 অনুগ্রহ করি তোমা কৈনু সভাসদ ।
 এবে ইচ্ছা কৈলে নিতে মম রাজপদ ॥
 না বুঝি বসিলে তুমি সিংহাসনে মোর ।
 বিদ্যমানে আমার সম্রম নাহি তোর ॥
 আর দেখ মহাশচর্য্য, সভা-বিদ্যমানে ।
 সৈরিক্ষীরে বসাইলে আমার আসনে ॥
 মোর ভয় নাহি কিছু, নাহি লোকলাজ ।
 পরদ্বী লইয়া বৈস রাজসভা-মাঝ ॥
 কহ বহম্ভলে, কেন অন্তঃপুর ছাড়ি ।
 কঙ্কের সম্মুখে দাণ্ডাইলে কর যুড়ি ॥
 হে বল্লব সুপকার, তোমার কি কথা ।
 কার বাক্যে কঙ্কোপরে ধর তুমি ছাতা ॥
 অশ্বপাল গোপালের কিবা অভিপ্রায় ।
 এ-দৌহে কঙ্কেরে কেন চামর ঢুলায় ॥
 হে সৈরিক্ষি, জানিলাম তোমার চরিত্র ।
 গন্ধর্ব্বের ভার্য্যা তুমি, পরম-পবিত্র ॥
 এখন কঙ্কের সহ হেন ব্যবহার ।
 নাহি লজ্জা-ভয় কিছু অগ্রেতে আমার ॥
 বাপের বচন শুনি পুত্র ভীত-মন ।
 আঁখি চাপি জনকেরে করে নিবারণ ॥
 কুমারের ইঙ্গিত না বুঝিল রাজন্ ।
 উত্তরে চাহিয়া বলে সক্রোধ-বচন ॥

কহ পুত্র, তোমার এ কেমন চরিত ।
 মোর পুত্র হ'য়ে কেন এমন অনীত ॥
 কঙ্কের অগ্রেতে করিয়াছ যোড়হাত ।
 মুখে স্তুতিবাক্য, ঘন-ঘন প্রণিপাত ॥
 সেইদিন হৈতে তোর বুদ্ধি হৈল আন ।
 কুরু হৈতে যেইদিন গোধনের ত্রাণ ॥
 আমা হৈতে শতগুণে কঙ্কেরে ভকতি ।
 নহিলে এ-কর্ম্ম করে কঙ্কের শক্তি ॥
 পুনঃপুনঃ নরপতি কহে কটুত্তর ।
 কোপেতে কম্পিত-কায় বীর-রুধোদয় ॥
 নিসেধ করেন ধর্ম্ম ইঙ্গিতে ভীমেরে ।
 হাসিয়া অর্জ্জুন-বীর কহিছেন ধীরে ॥
 যা' বলিলে নরপতি, মিথ্যা কিছু নয় ।
 তোমার আসন এঁর যোগ্য নাহি হয় ॥
 যে-আসনে ত্রিভুবনে সবে নমস্করে ।
 ইন্দ্র-যম-বরুণ শরণাগত ডরে ॥
 অখিল-ঈশ্বর যেই দেব-জগন্নাথ ।
 তুমি লুটি যে-চরণে করে প্রণিপাত ॥
 সে-আসনে নিরন্তর বসে যেইজন ।
 কিমতে তাঁহার যোগ্য হয় এ-আসন ॥
 অন্ধক-কৌরব-বৃষ্ণি-ভোজ-আদি করি ।
 মণ্ডবংশ-সহ খাটে সর্ব্বদা ত্রীহরি ॥
 পৃথিবীতে বৈসে যত রাজরাজেশ্বর ।
 ভয়েতে শরণ লয় দিয়া রাজকর ॥
 দশ-কোটি হস্তী যাঁর প্রতিদ্বার রাখে ।
 অশ্ব-রথ-পদাতিক কার শক্তি লেখে ॥
 দানেতে দরিদ্র নাহি রহে পৃথিবীতে ।
 নির্ভয় অদুঃখা প্রজা যাঁর পালনেতে ॥
 অথর্ব্ব অকুতী অন্ধ খঞ্জ অগণন ।
 অনুক্ষণ গৃহে ভুঞ্জে যেন পুত্রগণ ॥

অষ্টাঙ্গী-সহস্র দ্বিজ নিত্য ভূঞ্জে ঘরে ।
 যে-দ্রব্যে যাহার ইচ্ছা, পায় সর্ব্বনরে ॥
 পৃষ্ঠভাগ ভীমার্জুন-রক্ষিত ষাঁহার ।
 দুইভিতে রামকৃষ্ণ মাতুল-কুমার ॥
 পাশাতে যে রাজ্য দিয়া ভাই-হুর্য্যোধনে ।
 দ্বাদশ-বৎসর ভ্রমিলেন তীর্থবনে ॥
 হেন রাজা যুধিষ্ঠির ধর্ম্ম-অবতার ।
 তোমার আসন যোগ্য হয় কি ইঁহার ॥

শুনিয়া বিরাট-রাজ মানোঁচমৎকার ।
 সজ্জমে অর্জ্জুনে কহে, কহ আর বার ॥
 ইনি যদি যুধিষ্ঠির ধর্ম্ম-অধিকারী ।
 কোথায় ইঁহার আর সহোদর চারি ॥
 কোথায় দ্রুপদ-কন্যা কৃষ্ণা গুণবতী ।
 নত্য কহ বৃহন্নলা, এই ধর্ম্ম যদি ॥

অর্জ্জুন বলেন তবে, দেখ নরপতি ।
 তব সূপকার সেই বল্লব খেয়াতি ॥
 ষাঁহার প্রহারে যক্ষ-রাক্ষস কম্পিত ।
 সিংহ-ব্রাহ্ম-মল্ল-আদি তোমার বিদিত ॥
 মারিল কীচক যেই তোমার শ্যালক ।
 দেখ এই বৃকোদর জলন্ত-পাবক ॥
 অশ্বপাল গোপালক যেই দুইজন ।
 সেই দুই-ভাই এই মাদ্রীর নন্দন ॥
 এই পদ্ম-পলাশাক্ষী সূচার-হাসিনী ।
 পাঞ্চাল-রাজের কন্যা, নাম যাজ্ঞসেনী ॥
 যার ক্রোধে শত-ভাই কীচক মরিল ।
 সৈরিন্দ্রার বেশে তব গৃহেতে বঞ্চিল ॥
 আমি ধনঞ্জয়, ইহা জানহ রাজন্ ।
 শুনিয়া বিরাট-রাজ বিচলিত-মন ॥

উত্তর বলয়ে তবে করিয়া বিনয় ।
 তব ভাগ্য দেখ তাত, কহনে না যায় ।

পঞ্চ-ভাই আর কৃষ্ণা আজ্ঞাবর্তী তাত ।
 বৎসরেক তব গৃহে বঞ্চিল অজ্ঞাত ॥
 দেখিয়া না দেখ রাজা, হইলে অজ্ঞান ।
 ষাঁর দরশনে ইন্দ্র-চন্দ্র হয় ম্লান ॥
 মহাবল কীচকেরে হেলায় মারিল ।
 স্রশর্ম্মারে ধরি আনি তোমা মুক্ত কৈল ॥
 অপ্রমিত কুরুসৈন্য সাগরের প্রায় ।
 তরিলাম যেই কর্ণধারের সহায় ॥
 ভুজবলে জিনিলেক যত যোদ্ধগণে ।
 রাজ্যরক্ষা কৈল তব, রাখিল গোধনে ॥
 ষাঁর শত্বনাদে তিন-লোক কম্পমান ।
 বধির হ'য়েছে অত্যাধি মম কান ॥
 সেই দেবরাজ-পুত্র এই ধনঞ্জয় ।
 একরথে যে করিল কুরুসৈন্য-জয় ॥
 পূর্বে এই ধর্ম্মরাজ-রাজসূয়কালে ।
 বহুদিন কর ল'য়ে দ্বারে বন্ধ ছিলে ॥
 সহস্র-সহস্র রাজা সঙ্গে ল'য়ে কর ।
 দ্বারিগণ-প্রহারেতে জীর্ণ-কলেবর ॥
 পূর্বে তব পিতৃগণ বহু-পুণ্য কৈল ।
 তেঁই হেন নিধি তাত, গৃহেতে আসিল ॥
 চরণে শরণ লহ শীঘ্রগতি তাত ।
 এত বলি রাজপুত্র করে প্রণিপাত ॥

শুনিয়া বিরাট-রাজ সজল-লোচন ।
 সর্ব্বাঙ্গ লোমাঞ্চ হৈল, গদগদ-বচন ॥
 উদ্ধবাহু করি তবে পড়ে কতদূরে ।
 পুনঃপুনঃ উঠে পড়ে, ধূলায় ধুসরে ॥
 সবিনয়ে বলে রাজা ঘোড় করি পাণি ।
 বহু অপরাধী আমি, ক্ষম নৃপমণি ॥
 রাজ্য দারা ধন মম যত পুত্রগণ ।
 করিলাম তব পদযুগে সমর্পণ ॥

শুনিয়া সদয় হ'য়ে ধর্মের নন্দন ।
 আজ্ঞা করিলেন পার্শ্ব, তুলহ রাজন্ ॥
 অর্জুন ধরিয়া তারে তোলে সেইক্ষণে ।
 সাস্ত্রাইল মৎস্তরাজে মধুর-বচনে ॥
 সর্বকাল ধর্মরাজ তোমার সদয় ।
 তোমার পুরেতে আসি লইনু আশ্রয় ॥

বিরাট কহিল, যদি করিলে প্রসাদ ।
 ক্ষমা কর আমাদের যত অপরাধ ॥
 যুধিষ্ঠির বলিলেন, কেন হেন কহ ।
 বহু উপকারী তুমি, অপকারী নহ ॥
 বৎসরেক তব গৃহে ছিলাম অজ্ঞাত ।
 গর্ভবাসে যথা সবাচার বাস খ্যাত ॥
 নিজগৃহ হৈতে স্ত্রুত তব গৃহে পাই ।
 তোমার সমান বন্ধু নাহি কোন ঠাই ॥

বিরাট বলিল, যদি হৈলে কৃপাবান ।
 এক নিবেদন মম আছে তব স্থান ॥
 উত্তরা-নামেতে কন্যা আমার আছেয়ে ।
 তাহারে বিবাহ দেহ বীর ধনঞ্জয়ে ॥
 শুনি যুধিষ্ঠির চাহিলেন ধনঞ্জয় ।
 অর্জুন কহেন, কন্যা মম যোগ্যা নয় ॥
 শুনিয়া বিরাট-রাজ হ'লেন ব্যথিত ।
 সবিনয়ে অর্জুনেরে জিজ্ঞাসে ত্বরিত ॥
 কহ মহাবীর মোরে, কিবা আছে বাধ ।
 দারা-পুত্র দোষী, কিংবা কন্যা-অপরাধ ॥
 অর্জুন বলেন, রাজা, কহ না বুঝিয়া ।
 বৎসরেক পড়াইনু আচার্য্য হইয়া ॥
 দীক্ষা-শিক্ষা-জন্ম-দাতা একই সমানে ।
 না করিল লজ্জা মোরে আচার্য্যের জ্ঞানে ॥
 কিন্তু দুর্ভলোকে আমি বড় ভয় করি ।
 বলিবেক, ছিল পার্শ্ব নারীবেশ ধরি ॥

বৎসরেক নারী-সহ ছিল নারীবেশে ।
 শয়ন-গমন কিছু না জানি বিশেষে ॥
 এই হেতু ভয় বড় হয় মম মনে ।
 বিবাহ করিলে নিশ্চিবেক দুষ্কজনে ॥
 ভূমিহ পবিত্রে, তব কন্যা গুণবতী ।
 তব কন্যাযোগ্য অভিমন্যু মহামতি ॥
 অস্ত্রে-শস্ত্রে সুপণ্ডিত, বিক্রমে কেশরী ।
 তার যোগ্যা তব কন্যা উত্তরা-সুন্দরী ॥
 অভিমন্যু যোগ্য-পাত্র, ইথে নাহি আন ।
 মম পুত্রে নরপতি, কর কন্যাদান ॥
 যুধিষ্ঠির বলিলেন বিরাটের তরে ।
 দ্বারকা-নগরে দূত পাঠাহ সত্তরে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৪৭। উত্তরার সহিত অভিমন্যুর বিবাহ ।

তবে ধর্ম-আজ্ঞা পেয়ে যায় দূতগণ ।
 রাজ্যে-রাজ্যে যথা-যথা বৈসে বন্ধুজন ॥
 পাণ্ডবের কথা শুনি যত বন্ধুগণ ।
 শ্রুতমাত্রে মৎস্তদেশে কৈল আগমন ॥
 দ্বারকা হইতে কৃষ্ণ সপ্তবংশ লৈয়া ।
 রাম-কৃষ্ণ দুই-ভাই গরুড়ে চড়িয়া ॥
 প্রহ্লাদ-সাতাকি-শাস্ত্র-গদ-আদি করি ।
 সত্যভামা রুক্মিণী প্রভৃতি যত নারী ॥
 সুভদ্রা সৌভদ্র আর যতক সারথি ।
 পরিবার-সহ আসিলেন লক্ষ্মীপতি ॥
 আসিল পাঞ্চাল হৈতে দ্রুপদ-রাজন্ ।
 ধৃষ্টদ্যুম্ন-সহ পঞ্চ কৃষ্ণার নন্দন ॥
 কাশীরাজ-আদি আর কেকয়-নৃপতি ।
 দুই-অকোহিণী সেনা দৌহার সংহতি ॥

উগ্রসেন বহুদেব উদ্ধব অক্রুর ।
 সর্ব রাজা উত্তরিল বিরাটের পুর ॥
 নানাদৃতি হ্রুতি কৌতুক-নরপতি ।
 বিল্ল-উপবিল্ল তথা এল শীত্ৰগতি ॥
 মাতৃসহ অভিমন্যু অর্জুন-নন্দন ।
 চিত্রসেন সারথি যে আসে সেইক্ষণ ॥
 রুষি-ভোজ-উল্কা দি যত সেনাপতি ।
 পুরীসহ শ্রীগোবিন্দ আসিলেন তথি ॥
 মাতঙ্গ সহস্র-দশ, অশ্ব তিনলক্ষ ।
 একলক্ষ রথে চড়ি আসে সর্বপক্ষ ॥
 দশলক্ষ চর আসে পদাতিকগণ ।
 স্বয়ং কৃষ্ণ আসিলেন বিরাট-ভবন ॥
 গোবিন্দে দেখিয়া পঞ্চ-পাণ্ডব সানন্দ ।
 চকোর পাইল যেন পূর্ণিমার চন্দ্র ॥
 আলিঙ্গন দিয়া রাজা কৃষ্ণ নাহি ছাড়ে ।
 দুই-ধারে নয়নে আনন্দ-অশ্রু পড়ে ॥
 অশ্রুজলে গোবিন্দের ভাসে পীতবাস ।
 মুখেতে না ক্ষুরে বাক্য, গদগদ-ভাষ ॥
 প্রণমিয়া শ্রীগোবিন্দ বলে যুত্বাষা ।
 একে-একে পঞ্চভাই করেন সম্ভাষণ ॥
 সবারে করেন পূজা রাজা মহাশয় ।
 সবার প্রত্যেকে দেন উত্তম-আলয় ॥
 উৎসব করিল তবে বিবাহ-কারা ।
 নট-নটী নৃত্য করে, বিবিধ-বাজন ॥
 নানাবৃক্ষ রোপে, আর নানা-পুষ্পমালা ।
 প্রতিধারে হেমকুস্ত, প্রতিধারে কলা ॥
 দিব্য-বস্ত্র-বিভূষণে কন্যা সাজাইল ।
 রোহিণী-চন্দ্রমা যেন একত্র মিলিল ॥

সর্বগুণে স্নলক্ষণা উত্তরা যে নাম ।
 অভিমন্যু-সঙ্গে মিলে, যেন রতি-কাম ॥
 অর্জুন-তনয় অভিমন্যু মহামতি ।
 কৃষ্ণ-ভাগিনেয় বহুদেবের যে নাতি ॥
 সমাদরে মৎস্যরাজ করে কন্যাদান ।
 রথ-গজ-অশ্ব দিল প্রধান-প্রধান ॥
 একলক্ষ দিল গজ, রত্ন-সিংহাসন ।
 প্রবাল মুকুতা রত্ন দিল নানা-ধন ॥
 হেনমতে সবাক্ষে কুতূহল-মনে ।
 নিবসেন স্থখে ধর্ম বিরাট-ভবনে ॥
 বিদায় করেন ধর্ম যত রাজগণ ।
 যে যাহার দেশে সবে করিল গমন ॥
 শ্রীকৃষ্ণ রহেন তথা অভিমন্যু-সনে ।
 বিদায় করেন আর যত সৈন্যগণে ॥
 যত যতুনারী গেল দ্বারকা-নগরে ।
 বলভদ্র-আদি আর যতক কুমারে ॥
 মহাভারতের কথা অমৃত-লহরী ।
 শুনিলে অধর্ম খণ্ডে, পরলোকে তরি ॥
 পাণ্ডবের অভ্যুদয় শুনে যেইজন ।
 সর্বদুঃখে তরে সেই, ব্যাসের বচন ॥
 হরিকথা-শ্রবণেতে সর্বপাপ যায় ।
 আদি-মধ্য-অন্তে যেন হরিগুণ গায় ॥
 কাশীরাম দাস কহে পাঁচালীর মত ।
 বিরাট-পর্বের কথা হৈল সমাপিত ॥
 আদি-সভা-বন-বিরাটের পুণ্যগাথা ।
 যাহা শুনি সর্বলোক তরে ভববাধা ॥
 চন্দ্রবাণ-পক্ষ-ঋতু-শক স্ননিশ্চয় ।
 বিরাট হইল সাক্ষ, কাশীদাস কয় ॥

কাশীরামদাস-মহাভারত

—:::()::::():::—

উদ্যোগপর্ব

—:::()::::():::—

নারায়ণং নমস্কৃত্য নরৈশ্চৈব নরোত্তমম্ ।

দেবীং সরস্বতীং ব্যাসং ততো জন্মমুদীরয়েৎ ॥

১। ছর্যোথনের প্রতি ভীষ্মাদির উপদেশ প্রদান ।

জিজ্ঞাসেন জন্মেজয়, কহ তপোধন ।

মত্য হৈতে মুক্ত যদি হৈল পঞ্চজন ॥

আপন-রাজ্যের অংশ-লাভের কারণ ।

কহ, কিবা করিলেন পিতামহগণ ॥

ধৃতরাষ্ট্রে আর ছর্যোথনে বুঝাবারে ।

কোন্ দূতে পাঠালেন হস্তিনা-নগরে ॥

উত্তর-গোগৃহ-যুদ্ধে কোরব-প্রধান ।

অৰ্জুনের স্থানে পেয়ে বহু-অপমান ॥

শিবিরে আসিয়া কিবা করিল বিচার ।

কহ শুনি মুনিবর, করিয়া বিস্তার ॥

মুনি বলে, শুন-শুন নৃপ জন্মেজয় ।

যুদ্ধে পরাভূত হ'য়ে কোরব-তনয় ॥

ভয়-দগু হ'য়ে রাজা আসিল শিবিরে ।

মহামনস্তাপ-হেতু দুঃখিত অন্তরে ॥

অধোমুখ হ'য়ে রাজা বসিল সভাতে ।

অন্তরেতে মহাদুঃখ, লাগিল ভাবিতে ॥

শিবা-হস্তে সিংহ যেন পায় অপমান ।

শার্দূলের হস্তে যেন কুঞ্জর-প্রধান ॥

এক পার্থ করিলেন সবাকারে জয় ।

ব্যাকুল কোরবপতি পেয়ে লজ্জা-ভয় ॥

কর্ণ বলে, মহারাজ, ত্যজ চিন্তা মনে ।

উপায়ে মারিব পঞ্চ পাণ্ডুর নন্দনে ॥

উপায়ে বাসব বৃত্রাসুরে বিনাশিল ।

উপায় করিয়া শিব ত্রিপুরে বধিল ॥

বিনা-উপায়েতে সিদ্ধি না হয় রাজন্ ।

উপায় করিয়া মার পাণ্ডুপুত্রগণ ॥

বিরাট-নগরে দূত দেহ পাঠাইয়া ।

পাণ্ডবে হেথায় আন কপট করিয়া ॥

মুখ্য-মুখ্য সেনাপতি যত বীরগণে ।

সঙ্কেত করিয়া ভূমি রাখ এইখানে ॥

বিরোট্রপদ আর ভাই-পঞ্চজন ।
 ভোজন-কারণে রাজা, কর নিমন্ত্রণ ॥
 সুপকারগণে সবে সঙ্কেত করহ ।
 অন্ন-পান-সনে বিষ সবাকারে দেহ ॥
 বিষপানে হীনবল হবে সর্বজন ।
 যতেক গ্রহরী বেড়ি করিবে নিধন ॥
 পূর্ব্বাপর আছে হেন শাস্ত্রের বিহিত ।
 ছলে-বলে শত্রুজনে মারিবে নিশ্চিত ॥
 জ্যেষ্ঠভাই নমুচিরে অদিতি-নন্দন ।
 বলে না পারিয়া তারে চিন্তিল কারণ ॥
 ছল করি ফল-মধ্যে রহি পুরন্দর ।
 নমুচি-দানবে পাঠাইল যমঘর ॥
 সে-কারণে এই যুক্তি কহিনু তোমারে ।
 মারহ পাণ্ডবগণে বুদ্ধি-অনুসারে ॥
 নতুবা সৈন্যের সহ সাজ নরপতি ।
 বিরোট্র-নগরে চল যাইব সম্প্রতি ॥
 বিরোট্রের পুরী সব চৌদিকে বেড়িয়া ।
 অগ্নি দিয়া পাণ্ডবেরে মার পোড়াইয়া ॥
 দুইমতে যাহা ইচ্ছা, কর নরবর ।
 চিতে যাহা লয়, তাহা করহ সত্বর ॥
 রাজা বলে, যত কহ, নাহি লয় মনে ।
 কার শক্তি, বিনাশিবে পাণ্ডুর নন্দনে ॥
 যতেক উপায় আমি করিলাম পূর্ব্ব ।
 কপট-পাশায় তার হরিলাম সর্ব্ব ॥
 পাঠাইনু বনবাসে দ্বাদশ-বৎসর ।
 অজ্ঞাতে বসতি একবর্ষ তার পর ॥
 সভামধ্যে পাণ্ডবেরা কৈল যেই পণ ।
 তাহাতে হইল মুক্ত দৈবের কারণ ॥
 আমার উপায় যত, হইল বিফল ।
 এখন সহায় লভি হৈল মহাবল ॥

যে হোক, সে হোক, যুদ্ধ করিলাম পণ ।
 বিনা-যুদ্ধে রাজ্য নাহি দিব কদাচন ॥
 আমারে জিনিয়া পাণ্ডুপুত্র রাজ্য লয় ।
 অথবা পাণ্ডবে জিনি মম রাজ্য হয় ॥
 এই ত প্রতিজ্ঞা মোর, কভু নহে আন ।
 ইহার উপায় সখা, করহ বিধান ॥
 যাবৎ না মরে পঞ্চ পাণ্ডুর নন্দন ।
 রাজ্যে-রাজ্যে দূতগণে করহ প্রেরণ ॥
 নিবসে যতেক রাজা মম অধিকারে ।
 যুদ্ধহেতু বরি ত্বর আনহ সবারে ॥
 সবামধ্যে সর্ব্বশ্রেষ্ঠ স্ত্রমন্ত্র নৃপতি ।
 কলিঙ্গ-কামদ ভোজ বাহুবীক প্রভৃতি ॥
 স্ত্রশাস্ত্র-নৃপতি-আদি যত রাজগণ ।
 যুদ্ধহেতু সবাকারে করহ বরণ ॥
 একাদশ অক্ষৌহিণী করহ সাজন ।
 অবশ্য হইবে যুদ্ধ, না হবে থগুন ॥
 অস্ত্র-শস্ত্র বহুবিধ করহ সঞ্চয় ।
 মিত্রামিত্র-বলাবল করহ নির্ণয় ॥
 রাজার বচন শুনি রাধার নন্দন ।
 সাধু-সাধু বলি তাঁরে প্রশংসে তখন ॥
 উত্তম বলিলে যুক্তি, নিল মোর মনে ।
 তুমি হে ক্ষত্রিয়শ্রেষ্ঠ বল-বুদ্ধি-গুণে ॥
 দেবগণ-মধ্যে যথা দেব-শচীপতি ।
 প্রজাপতি-মধ্যে যথা দক্ষ মহামতি ॥
 তারাগণ মধ্যে যথা শীতল-কিরণ ।
 তাদৃশ ক্ষত্রিয়-মধ্যে তোমার গণন ॥
 ক্ষত্রধর্ম্ম-শাস্ত্র যত আছে পূর্ব্বাপর ।
 ক্ষত্রিয় হইয়া যুদ্ধে না করিবে ডর ॥
 জয়-পরাজয়ে না করিবে অভিমান ।
 সংগ্রাম-বিমুখ হৈলে নরকে প্রয়াণ ॥

সে-কারণে ক্ষত্রধর্ম করহ পালন ।

যুদ্ধহেতু বর স্বরা যত রাজগণ ॥

হয় বা না হয় যুদ্ধ বিধির লিখন ।

সৈন্য-সমাবেশ কর, না ছাড় বিক্রম ॥

এত বলি আজ্ঞা দিল যত অনুচরে ।

শত্রুগণে পত্র লিখি দিল সবাকারে ॥

অনন্তরে कहিলেন গঙ্গার তনয় ।

যে যুক্তি করিলে, মম মনে নাহি লয় ॥

ভাই-ভাই-বিরোধ না উত্তম দেখায় ।

চিত উপদেশ রাজা, कहিব তোমায় ॥

মানরন্ধি নাহি ইথে, নাহি কোন যশ ।

হারিলে জিনিলে ভুল্য, না হবে পৌরুষ ॥

সে কাবণে যুদ্ধে কিছু নাহি প্রয়োজন ।

পাণ্ডব-সহিত সবে করহ মিলন ॥

পাণ্ডব তোমার কিছু অহিত না করে ।

আপন-ইচ্ছায় ভাগ যা' দিবে তাহারে ॥

তাছা পেয়ে সুখী হবে ভাই পঞ্চজন ।

এখন এমত বুদ্ধি না কর রাজন্ ॥

পাশাঘ জিনিয়া তার নিলে সর্বধন ।

তবু তারা তোমা-প্রতি নহে ক্রুদ্ধমন ॥

যে সত্য করিল তারা সবার সাক্ষাতে ।

ধর্ম-অনুসারে মুক্ত হইল তাহাতে ॥

পূর্বে তা'-সবার যেই ছিল অধিকার ।

তা' ছাড়ি দিতে হয় উচিত তোমার ॥

তাহাতে সম্ভুষ্ট যদি নহে কদাচন ।

তবে যা'হা মনে লয়, করিও তখন ॥

পূর্বে অঙ্গীকার তুমি করিলে আপনে ।

সত্য হৈতে মুক্ত যদি হয় কদাচন ॥

পুনঃ আসি রাজ্য তবে লইবে পাণ্ডব ।

সেইকালে উপস্থিত হিন্দু মোরা-সব ॥

এক্ষণে যাহাতে তুষ্ট কুন্তীপুত্র সবে ।

তাহা দিয়া রাজা, তুমি তোমহ পাণ্ডবে ॥

তাহা দিয়া তুষ্ট কর পাণ্ডুপুত্রগণ ।

ভাই-ভাই-বিরোধে নাহিক প্রয়োজন ॥

ভীষ্মের এতেক কথা শুনি দুর্যোধন ।

ক্ষণেক থাকিয়া তবে বলিল বচন ॥

শত্রুকে ভজিব আমি, মনে নাহি লয় ।

যে হৌক, সে হৌক, যুদ্ধ করিব নিশ্চয় ॥

ক্ষত্রমধ্যে অযোগ্যতা গণি এই কর্ম ।

শত্রুকে যে রাজ্য ত্যজে, ধিক্ তার জন্ম ॥

ভীষ্ম বলিলেন, কর যা'হা লয় মন ।

না শুনিলে উপদেশ অবশ্য নিধন ॥

অনন্তর দ্রোণ-কৃপ-বাহ্লীক-রাজন্ ।

ধৃতকেন্দু ধৃতরাষ্ট্র গুরুর নন্দন ॥

বিদুর প্রভৃতি আর যত মন্ত্রীগণ ।

একে-একে দুর্যোধনে कहিল বচন ॥

ভীষ্ম যা' कहিল, তাহা কর মহারাজ ।

ভাই-ভাই-বিরোধে না হেরি কোন কাজ ॥

কুলক্ষয় হইবেক, লোকে অপমান ।

ইহাতে পৌরুষ কিছু না হয় বিধান ॥

আপন পৈতৃক-ভাগ যে হয় উচিত ।

পাণ্ডবেরে দেহ তাহা, শাস্ত্রের বিহিত ॥

যে সত্য করিল তারা সবার গোচর ।

তাহাতে হইল মুক্ত পঞ্চ-সহোদর ॥

পূর্বে যেই অধিকার ছিল তা'-সবার ।

সেই ইন্দ্রপ্রস্থ তুমি দেহ আরবার ॥

ইথে অপযশ নাহি, নাহি কোন ক্লেশ ॥

পাণ্ডব তোমারে স্নেহ করয়ে বিশেষ ॥

করিলে যে অপমান, না করিল মনে ।

অথ কেহ হৈলে নাহি সহিত কথনে ॥

দেবাসুর-নর-মধ্যে খ্যাত পঞ্চজন ।
 মুহূর্তেকে জিনিবারে পারে ত্রিভুবন ॥
 উত্তর-গোগৃহ-যুদ্ধে দেখিলে আপনে ।
 একেখর ধনঞ্জয় সবাকারে জিনে ॥
 বিরাতের গাভী সব মুক্তি করি দিল ।
 দয়ায় অর্জুন-বীর করে না মারিল ॥
 তোমাতে আক্রোশ যদি থাকিত তাহার ।
 তবে কেন রণমাঝে করে পরিহার ॥
 অনন্তরে অরণ্যেতে গন্ধর্ব্ব-প্রধান ।
 ধরিত্রী তোমারে ল'য়ে করিল প্রয়াণ ॥
 মুখ্য-মুখ্য ছিল তব যত সেনাপতি ।
 ছাড়াইতে না হইল কাহারো শক্তি ॥
 তোমাতে আক্রোশ যদি পাণ্ডবের ছিল ।
 তবে কেন পার্থ তোমা মুক্ত করি দিল ॥
 যদি বল উত্তর-গোগৃহে ধনঞ্জয় ।
 পরকার্য্যে অপমান করিল আমায় ॥
 দ্রৌপদীর বাক্য পার্থ নারে খণ্ডিবারে ।
 সে-কারণে গাভী মুক্ত করিল প্রকারে ॥
 ভাই-ভাই-যুদ্ধে কিছু নাহি অপমান ।
 জয়-পরাজয় মানি একই সমান ॥
 কহিলে, পরম-শত্রু মোর পঞ্চজন ।
 তাহারে ভজিলে হয় কুশল-ঘোষণ ॥
 কোনকালে শত্রুভাব না করে তোমারে ।
 বিচার করিয়া রাজা, বুঝহ অন্তরে ॥
 তুমি শত্রুভাব কর, তাহার না করে ।
 জ্ঞাতিমধ্যে যেইজন বেশী বল ধরে ॥
 সে হয় প্রধান রাজা, কহিনু নিশ্চয় ।
 পূর্ব্বের কাহিনী শুন, কহি যে তোমায় ॥
 ত্রেতাযুগে ছিল রাজা, লঙ্কার ঈশ্বর ।
 বাহুবলে জিনে সেই এই চরাচর ॥

ক্ষত্রবংশ-চূড়ামণি শ্রীরাম-লক্ষ্মণ ।
 তাঁহাদের সহ স্নেহে হইল নিধন ॥
 মুখ্য-মুখ্য ছিল তার যত সেনাপতি ।
 ছাড়াইতে না হইল কাহারো শক্তি ॥
 অহিংসা পরম-ধর্ম্ম শাস্ত্রেতে বাঞ্ছনে ।
 হিংসা-সম পাপ নাহি কহে জ্ঞানিজনে ॥ ..
 আশু হৈতে হিংসাবুদ্ধি যেইজন করে ।
 পঞ্চ-মহাপাপ আসি বেড়য়ে তাহারে ॥
 জগতে অকীর্ত্তি ঘোষে, লোকে নাহি মান ।
 কহিব পূর্ব্বের কথা, কর অবধান ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২ । ইন্দ্রের জন্ম ও তৎকর্তৃক গুরুপত্নী-হরণ ও
 গৌতমের অভিশাপ ।

দক্ষকন্যা অদिति যে কশ্যপ-গৃহিণী ।
 পুত্রবাঞ্ছা করি দেবী ভজে শূলপাণি ॥
 প্রত্যক্ষ হইয়া বর যাচেন শঙ্কর ।
 মাগিল অদिति বর করি বোড়কর ॥
 মম গর্ভে হবে যেই পুত্রের উৎপত্তি ।
 ত্রিভুবন-মধ্যে যেন হয় মহামতি ॥
 নাগ-নর-সুর-আদি প্রজাপতিগণ ।
 সবে পূজা করে যেন তাহার চরণ ॥
 স্তুতি বলি তারে বর দেন শূলপাণি ।
 স্বামীরে কহিল তবে দক্ষের নন্দিনী ॥
 আমারে দিলেন বর দেব-পঞ্চানন ।
 ত্রিভুবনে রাজা হবে তোমার নন্দন ॥
 কশ্যপ বলিল, শিববাক্য মিথ্যা নয় ।
 মহাবলবন্ত হবে তোমার তনয় ॥

ত্রিভুবন-মধ্যে সেই হইবেক রাজা ।
 এ-তিন-ভুবন-লোক করিবেক পূজা ॥
 স্রামীর নিকটে কণ্ঠা পাইল সম্মান ।
 হৃদিত্তি করিল কতদিনে ঋতুমান ॥
 স্রামিসঙ্গে রতি-কেলি কুতূহলে করে ।
 বিষ্ণু-অংশে পুত্র আসি জন্মিল উদরে ॥
 পরম-সুন্দর পুত্র ভূমিষ্ঠ হইল ।
 ইন্দ্র বলি নাম তার মুনিবর দিল ॥
 দ্বাদশ-আদিত্য তবে জন্মিল বিশেষে ।
 যাহার উদয়ে দিন আপনি প্রকাশে ॥

কতদিনান্তরে তবে দক্ষের নন্দিনী ।
 ঋতুমান করিয়া স্রামীরে বলে বাণী ॥
 রতি করিলেন মুনি দক্ষের কণ্ঠায় ।
 গর্ভেতে পবন আসি জন্মিল ভাহায় ॥
 কহিলেন অদিত্তিরে মহা-তপোধন ।
 ত্রিভুবন ব্যাপিবেক এই ত নন্দন ॥
 ছোট-বড় জীব-জন্তু আছয়ে যতেক ।
 সর্বভূতে হইবেক নন্দন প্রত্যেক ॥
 ইহা-সম বলবন্ত কেহ নাহি হবে ।
 সকল সংসার এই ব্যাপিত করিবে ॥
 শুনি আনন্দিত হৈল দক্ষের নন্দিনী ।
 স্বর্গলোকে চলিল কশ্যপ-মহামুনি ॥

নারদ আসিল কতদিনে স্বরপুরে ।
 সঙ্কেতে ডাকিয়া মুনি বজিল ইন্দ্রে ॥
 তোমার মায়ের গর্ভে হবে যেইজন ।
 জন্মাত্র করিবেক জগৎ-ব্যাপন ॥
 বহাবলবন্ত হবে বিখ্যাত ত্রিলোকে ।
 এ-তিন-ভুবন-লোক পূজিবে তাহাকে ॥

এত বলি যথাস্থানে গেল তপোধন ।
 বিশ্বয় মানিয়া ইন্দ্র ভাবে মনে-মন ॥

এইক্ষণে না করিলে সংহার ইহারে ।
 জন্মিলে অনেক দুঃখ দিবেক আমারে ॥
 এতেক বিচার চিন্তে বাসব করিল ।
 সূক্ষ্মরূপে জননীর গর্ভে প্রবেশিল ॥
 যেই-কালে নিদ্রাগতা দক্ষের নন্দিনী ।
 সেইকালে গর্ভ কাটি করে সাতখানি ॥
 পুনশ্চ প্রত্যেকখানি কাটে সাতবার ।
 তাহাতে হইল ঊনপঞ্চাশ প্রকার ॥
 চিত্তেতে সানন্দ ইন্দ্র হৈল অতিশয় ।
 কতদিনে প্রসবিল সকল তনয় ॥
 ক্রমে ঊনপঞ্চাশ জন্মে প্রভঞ্জন ।
 ক্ষেথিয়া হইল ইন্দ্র সবিস্ময়-মন ॥
 অহিংসকে, হিংসা করি পায় বড় তাপ ।
 জন্মিল পবন-দেব অতুল-প্রতাপ ॥

তবে কতদিনে ইন্দ্র কশ্যপ-নন্দন ।
 গৌতমের স্থানে গিয়া করে অধ্যয়ন ॥
 চারি-বেদ ষট্শাস্ত্র পঠন করিল ।
 তথাপিহ কিছু তার জ্ঞান না জন্মিল ॥
 পরম-সুন্দরী দেখি গুরুর রমণী ।
 তারে হরিবারে ইচ্ছা করে হুরমণি ॥
 একদিন গেল মুনি স্নান করিবারে ।
 দেখে ইন্দ্র, গুরুপত্নী আছে একা ঘরে ॥
 কামেতে পীড়িত হ'য়ে অদিত্তি-নন্দন ।
 মায়া করি গুরুরূপী হ'লেন তখন ॥
 গুরুরূপ ধরি ইন্দ্র গুরুপত্নী হরে ।
 কতক্ষণে ঋষিবর আসিলেক ঘরে ॥
 গুরুপত্নী দেখি তাঁরে মানিয়া বিস্ময় ।
 মুনিপানে চাহি ধনী পায় বড় ভয় ॥
 স্রামীরে চাহিয়া কহে বিনয়-বচন ।
 স্নান করিবারে গেলে করিয়া রমণ ॥

কিরূপে করিয়া স্নান এলে মুহূর্তেকে ।
 ইহার বৃত্তান্ত নাথ, কহ ত আমাকে ॥
 এত শুনি মুনিবর ভাবে মনে-মন ।
 করিল অধর্ম বৃথি কশ্যপ-নন্দন ॥
 গুরুপত্নী হরে, করে এত অহঙ্কার ।
 এতবলি মুনিবর কহে প্রতি তার ॥
 নিষ্ফল করিলি যত শাস্ত্র-অধ্যয়ন ।
 তোর সম অজ্ঞান না দেখি কোনজন ॥
 কপট করিয়া গুরুপত্নী হরিলি ।
 পাইবি উচিত-শাস্তি, যে-কশ্ম করিলি ॥
 হউক সহস্র-যোনি তোর কলেবরে ।
 অলজ্য গোতম-বাক্য, কে অগ্রহ করে ॥
 হইল সহস্র-যোনি ইন্দ্রের শরীরে ।
 আপনা নেহারি ইন্দ্র বিষম অন্তরে ॥
 কোন লাঞ্জে দেবমাঝে দেখাব বদন ।
 তপস্তা করিয়া আত্মা করিব নিধন ॥
 সকল শরীরে আচ্ছাদিলেক বসন ।
 চিস্তিত হইয়া যায় কশ্যপ-নন্দন ॥
 ক্ষীরোদের কূলে গিয়া কশ্যপ-কুমার ।
 সহস্র-বৎসর তপ করে অনাহার ॥
 সুরপুর নষ্ট হেথা হয় ইন্দ্র-বিনে ।
 ছরন্ত রাক্ষস নাশে অমর-ভুবনে ॥
 ছরন্ত অশুর সব দেশেতে ব্যাপিল ।
 দান-যজ্ঞ-তপ-জপ সকলি নাশিল ॥
 জানিয়া কশ্যপ-মুনি সচিস্তিত-মনে ।
 এ-সকল তত্ত্ব তবে জানিলেন ধ্যানে ॥
 ব্রহ্মারে করেন স্তুতি বিবিধ-প্রকারে ।
 তোমার নিম্নিত সৃষ্টি অনুরে সংহারে ॥
 কুকর্ষ করিল ইন্দ্র আমার নন্দন ॥
 অজ্ঞানে গুরুর পত্নী করিল হরণ ॥

গৌতম দারুণ শাপ দিলেন তাহারে ।
 সহস্রেক ভগ হৈল তাহার শরীরে ॥
 অভিমানে দেবরাজ মজি অপমানে ।
 ক্ষীরোদের কূলে তপ করে একাসনে ॥
 ইন্দ্র-বিনা অনুরেতে জগৎ ব্যাপিল ।
 তোমার রচিত সৃষ্টি, সব নষ্ট হৈল ॥
 সে-কারণে বাসবেরে করহ উদ্ধার ।
 কৃপা করি কর প্রভু, শাপান্ত তাহার ॥
 এইরূপ তপোধন কহে বহুতর ।
 শুনিয়া সদয় হইলেন সৃষ্টিধর ॥
 কশ্যপ-সহিত আসি কমল-আসন ।
 গৌতম-সকাশে আসি উপনীত হন ॥
 গৌতমে বিনয়ে ব্রহ্মা কহে বহুতর ।
 শুনহ গৌতম-মুনি, আমার উত্তর ॥
 আমাদের দেখিয়া ক্রোধ কর সংবরণ ।
 অজ্ঞানে গুরুর পত্নী করিল হরণ ॥
 পাইল উচিত শাস্তি, ক্ষমা দেহ মনে ।
 কৃপায় শাপান্ত কর অদিতি-নন্দনে ॥
 গৌতম বলেন দেব, কর অবধান ।
 কহিলাম যেই-কথা, নাহি হবে আন ॥
 তোমার কারণে বর দিলাম তাহারে ।
 সহস্রেক চক্ষু যেন দেবরাজ ধরে ॥
 শুনিয়া কশ্যপ-মুনি আনন্দিত-মন ।
 নিজস্থানে গেল তবে দেব-পদ্মাসন ॥
 সত্যলোকে গেলেন গৌতম তপোধন ।
 কশ্যপ আসিল, যথা আপন-নন্দন ॥
 অব্যর্থ মূনির বাক্য না হয় খণ্ডন ।
 ভগ্গিহু অঙ্গে লুপ্ত হইল তখন ॥
 সহস্রেক চক্ষু হৈল ইন্দ্রের শরীরে ।
 আপনা নেহারি ইন্দ্র সহর্ষ অন্তরে ॥

কশ্যপ বলিল, পুত্র, কর অবধান ।
 অনুচিত-কৰ্ম নাহি কর, সাবধান ॥
 কাম ক্রোধ লোভ মোহ একান্ত ত্যজিবে ।
 কদাচিৎ কোনজনে হিংসা না করিবে ॥
 জ্ঞাতি-বন্ধু-আদি করি যত পরিবার ।
 কদাচিৎ হিংসা নাহি করিবে কাহার ॥
 অহিংসকে হিংসা কৈলে জন্মে মহাপাপ ।
 কুশল-ঘোষণ হয়, জন্মে মনস্তাপ ॥

এত বলি ইন্দ্রে পাঠাইল যথাস্থান ।
 এই শুন, কহিলাম পূর্বের বিধান ॥
 যা' কহেন ভীষ্মবীর, না কর অত্যাচার ।
 সম্প্রাতে পাণ্ডবগণে আন তুমি হেথা ॥
 সমুচিত রাজ্য ছাড়ি দেহ তাহাদেৱে ।
 সমভাবে থাক সদা সম-ব্যবহারে ॥
 ভাই-ভাই-বিরোধে না আছে প্রয়োজন ।
 কুলক্ষয় হবে, আর কুশল-ঘোষণ ॥

এইমত দ্রোণ কুপ বিদুর-সহিত ।
 বিধিমনে দুৰ্য্যোধনে বুঝালেন নীতি ॥
 কারো বাক্য না শুনিল কৌরবের পতি ।
 অদূর মানিয়া গেল যে যার বসতি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩। রাজ্যলাভার্থ পাণ্ডবদের পরামর্শ ও ধোম্য-
 পুরোহিতকে হস্তিনায় প্রেরণ ।

বলেন বৈশম্পায়ন, শুন জন্মেজয় ।
 বিরাট-নগরে পঞ্চ পাণ্ডুর তনয় ॥
 অজ্ঞাতে হইয়া মুক্ত আনন্দিত-মন ।
 হৃষদ-বান্ধব-সহ হইল মিলন ॥

অভিমন্যু-বিবাহ-উৎসব-দিনান্তরে ।
 রজনী বক্ষিয়া স্নুখে মহাসমাদরে ॥
 প্রাতঃকালে বসিলেন বিরাট-সভায় ।
 শতসূর্য শতচন্দ্র যেন শোভা পায় ॥
 দিব্য-সিংহাসনে বসিলেন যুধিষ্ঠির ।
 বামেতে নকুল ভীম পার্থ মহাবীর ॥
 দক্ষিণেতে সহদেব দ্রুপদ-রাজন ।
 ধৃষ্টদ্যুম্ন-বীর-আদি আর যতজন ॥
 সম্মুখে বসিয়া কৃষ্ণ কমল-লোচন ।
 প্রসঙ্গ করিল তবে দ্রুপদ-রাজন ॥

যেই সত্য ক'রেছিল পাণ্ডুর তনয় ।
 ধন্য-অনুবলে তাহে হইল উদয় ॥
 আপন পৈতৃক-ভাগ যে হয় উচিত ।
 লইতে উপায় তার করহ স্বরিত ॥
 মম চিন্তে নাহি লয়, পাপিষ্ঠ কৌরবে ।
 সম্প্রীতে ছাড়িয়া রাজ্য অর্পিবে পাণ্ডবে ॥
 উত্তর-গোগৃহে যত পায় অপমান ।
 একেধর ধনঞ্জয় করে সমাধান ॥
 সেই অপমানে রাজা কৌরবের পতি ।
 না করিবে শ্রীতি, হেন লয় মম মতি ॥
 তথাপি আছয়ে হেন শাস্ত্রের বিধান ।
 দূত পাঠাইয়া দেহ ধৃতরাষ্ট্র-স্থান ॥
 প্রিয়ংবদ দূত যেই নীতিশাস্ত্র জানে ।
 বিধিমনে বুঝাইবে অম্বিকা-নন্দনে ॥
 ভীষ্ম-দ্রোণে বুঝাইবে, রাজা দুৰ্য্যোধনে ।
 তবে যদি রাজ্য নাহি দেয় কদাচনে ॥
 তবে যা' বিধান হয়, করিব উচিত ।
 আমা-সবে মিলি শাস্তি দিব সমুচিত ॥
 এতেক বলিল যদি দ্রুপদ-ভূপতি ।
 ভাল-ভাল বলি সাথ দিলেন ভূপতি ॥

ভাল যুক্তি বলি ইহা, লয় মম মন ।
 সম্প্রীতে হইলেক্রোধে কিবা প্রয়োজন ॥
 প্রিয়বদ দূত যাক হস্তিনা-নগরে ।
 জ্যেষ্ঠতাত-আদি করি বুঝাবে সবারে ॥
 বুঝাইবে দুর্ঘ্যোধনে রাধার নন্দনে ।
 তবে যদি সম্প্রীতি না করে কদাচনে ॥
 তবে যা' বিধান হয়, করিব উচিত ।
 এত শুনি ধৃষ্টদ্যুম্ন কহে সুবিহিত ॥

অকারণে দূত পাঠাইবে তথাকারে ।
 সম্প্রীতে না দিবে রাজ্য কোঁরব-পামরে ॥
 মহাখল পাপাচার দুষ্ক দুর্ঘ্যোধন ।
 ততোধিক কণ সেই রাধার নন্দন ॥
 কপটে যতেক কষ্ট দিল দুষ্কগণ ।
 বিনা-যুদ্ধে শাস্ত নাহি হবে কদাচন ॥
 মুহূর্তেক ক্ষমা করা উচিত না হয় ।
 ইন্দ্রপ্রস্থে চল যাই ল'য়ে সৈন্যচয় ॥
 লইবে আপন-রাজ্য বলে মহারাজ ।
 না নিলে বাড়িবে দর্প, নাহি দিলে লাজ ॥
 সে-কারণে মাগিবার নাহি প্রয়োজন ।
 আপন-ইচ্ছায় লহ আপন-শাসন ॥
 তবে যদি দ্বন্দ্ব করে কোঁরব-কুমার ।
 আমা-সবে মিলি তারে করিব সংহার ॥
 সবংশে করিব ক্ষয় দুষ্ক-কুরুগণে ।
 এই যুক্তি নরপতি, লয় মম মনে ॥

ভীমসেন বলে, ভাল কৈলে নরপতি ।
 আপনি যেমত বিজ্ঞ, কহিলে তেমতি ॥
 সম্প্রীতে না দিবে রাজ্য কুরু-পাশায় ।
 মুহূর্তেক তারে ক্ষমা যুক্তিযুক্ত নয় ॥
 যত দুঃখ দিল দুষ্ক পাপী দুর্ঘ্যোধন ।
 সে-সব-স্মরণে মম হেন লয় মন ॥

রজনীর মধ্যে সবে হস্তিনা বেড়িয়া ।
 যতেক কোঁরবগণে মার পোড়াইয়া ॥
 তবে সে আমার খণ্ডে হৃদয়ের তাপ ।
 এরূপে নিঃশ্বাস ছাড়ে, যেন কালসাপ ॥
 ক্রোধেতে কম্পিত-অঙ্গ অরুণ-লোচন ।
 রাজারে চাহিয়া বলে করিয়া গর্জন ॥
 তোমার কারণে এত দুঃখ সবাকার ।
 তোমার কারণে জীয়ে কোঁরব-কুমার ॥
 কি বুঝি সম্প্রীতি বল করি তার সনে ।
 বিনা-দ্বন্দ্ব সাধ্য নহে রাজা দুর্ঘ্যোধনে ॥
 আজ্ঞা কর নরপতি, বিলম্ব না সয় ।
 সসৈন্যে সাজিয়া আজি যাব হস্তিনায় ॥
 সবংশে মারিব আজি রাজা দুর্ঘ্যোধনে ।
 এই যুক্তি নরপতি, লয় মম মনে ॥

অর্জুন বলেন, ভাল কৈলে মহাশয় ।
 আজ্ঞা কর, কুরুগণে করি পরাজয় ॥
 ক্ষমিবার যোগ্য নহে, কি-হেতু ক্ষমিব ।
 রজনীর মধ্যে আজি কোঁরবে মারিব ॥
 নকুল ও সহদেব দিলেক সম্মতি ।
 হাসিয়া কহেন তবে দেব-জগৎপতি ॥

যা' কহিল ভীমসেন আর ধনঞ্জয় ।
 সেইমত করিবারে সমুচিত হয় ॥
 তথাপি আছয়ে হেন শাস্ত্রের বিধান ।
 সম্প্রীতে রিপূর সঙ্গে করিবে সন্ধান ॥
 সম্প্রীতে না দিলে বল করিবে পশ্চাতে ।
 পূর্বাপর হেন রাজা, আছয়ে শাস্ত্রেতে ॥
 প্রিয়বদ দূত হবে, সর্বশাস্ত্র জানে ।
 পাঠাইয়া দেহ আগে হস্তিনা-ভুবনে ॥
 দুর্ঘ্যোধন-আদি করি যত সভাজনে ।
 ধর্মনীতি বুঝাইবে শাস্ত্রের বিধানে ॥

তবে যদি রাজ্য নাহি দেয় দুৰ্য্যোধন ।
 মনে যাহা লয়, তাহা করিও তখন ॥
 হেন চিন্তে লয় মম, রাজা দুৰ্য্যোধন ।
 সপ্ৰীতে না দিবে রাজ্য, করিবেক রণ ॥
 ভূপতি বলেন, ভাল কথা নারায়ণ ।
 দূত পাঠাইয়া দেহ হস্তিনা-ভুবন ॥
 ধৰ্ম্মনীতি বুঝাইবে অশ্বিকা-নন্দনে ।
 তব না ছাড়িবে রাজ্য, লয় মম মনে ॥
 পশ্চাতে করিব তবে, যেই মনে লয় ।
 শুনিয়া উত্তর করিছেন ধনঞ্জয় ॥
 বিরাট-দ্রুপদ-আদি স্নহং স্নতন ।
 রাজারে চাহিয়া তবে বলিল বচন ॥
 সপ্ৰীতে না দিবে রাজ্য কুরুকুলান্ধার ।
 মোরা-সবে মিলি তারে করিব সংহার ॥
 এই কথা বলে তবে যত রাজগণ ।
 তবে ধোম্যে বলিলেন ধৰ্ম্মের নন্দন ॥
 হস্তিনা-নগরে তুমি যাহ শীঘ্রগতি ।
 শ্রীতিবাক্যে বুঝাইবে কুরুগণ-প্রতি ॥
 ভাষ্ক-দ্রোণ-বিভুরাদি প্রতীপ-কুমারে ।
 শ্রীতিবাক্যে সমাচার দিবে সবাকারে ॥
 গান্ধারী প্রভৃতি আর জননী কুন্তীরে ।
 সমভাবে নমস্কার জানাবে সবারে ॥
 জ্যেষ্ঠতাত ধৃতরাষ্ট্রে কহিবে বচন ।
 তোমার প্রসাদে জীয়ে ভাই পঞ্চজন ॥
 সপ্ৰীতে বিনীতভাবে অগ্রেতে কহিবে ।
 না শুনিলে উপযুক্ত বচন বলিবে ॥
 দস্ত করি কহিবে, না করি তাহে ভয় ।
 পাণ্ডবের হাতে তব হবে কুলক্ষয় ॥
 কপটে যতেক দুঃখ দিলে সবাকারে ।
 সেই তাপ-হতাশন দহে কলেবরে ॥

তাহার উচিত শাস্তি অবিলম্বে দিব ।
 সবংশেতে দুৰ্য্যোধনে অবশ্য মারিব ॥
 এক্রূপে ধোম্যেরে কহি ভাই পঞ্চজন ।
 পাঠাইয়া দিল তাঁরে হস্তিনা-ভুবন ॥
 তবে কৃষ্ণ-প্রহ্লাদাদি যত যতুগণ ।
 যুধিষ্ঠিরে সম্বোধিয়া করে নিবেদন ॥
 আজ্ঞা কর, দ্বারাবতী করি আগুসার ।
 আসিব সংবাদ পেলে হেথা পুনর্বার ॥
 যুধিষ্ঠির বলে, শুন, কহি নারায়ণ ।
 সপ্ৰীতে না দিবে রাজ্য দুষ্ট দুৰ্য্যোধন ॥
 অবশ্য হইবে রণ, না হবে থগুন ।
 কৌরব-সহায় মহা-মহা-স্বীরগণ ॥
 তুমি অনুবলমাত্র কেবল আমার ।
 তোমা-বিনা গতি আর নাহি মো'সবার ॥
 তোমা-বিনা আমরা যে ভাই পঞ্চজন ।
 যেমন সলিল-হীন মৌনের জীবন ॥
 চন্দ্র-বিনা রাত্রি যথা শোভা নাহি পায় ।
 তোমা-বিনা তথা পঞ্চ পাণ্ডুর তনয় ॥
 আপনি আমাদের কৃষ্ণ, হও অনুকূল ।
 তবে সে জিনিতে পারি কৌরবে সমূল ॥
 এত শুনি হাসি-হাসি বলে নারায়ণ ।
 যে-আজ্ঞা করিবে, তাহা করিব পালন ॥
 মহারণে হব আমি পার্থের সারথি ।
 সবংশে করিব ক্ষয় কুরুবংশপতি ॥
 পার্থের বিক্রম রাজা, খ্যাত ত্রিভুবনে ।
 একেশ্বর জিনিবেক যত কুরুগণে ॥
 ইন্দ্র-আদি দেবগণ রণে নহে স্থির ।
 কি করিবে শতভাই কৌরব কুবীর ॥
 এত বলি আলিঙ্গন করি সেইক্ষণে ।
 সবাক্ষবে যান কৃষ্ণ দ্বারকা-ভুবনে ॥

উদ্যোগ-পর্বের কথা অপূর্ব-আখ্যান ।
 ব্যাস-বিরচিত দিব্য-ভারত-পুরাণ ॥
 পড়ে যেবা, শুনে যেবা, কহে যেইজন ।
 সর্ব-দুঃখ খণ্ডে তার, আপদ-মোচন ॥
 সেই-কথা কহি আমি রচিয়া পয়ার ।
 অবহেলে শুনে যেন সকল সংসার ॥
 কাশীরাম দাস কহে পয়ার-প্রবন্ধে ।
 পিয়ে সাধুজন নিম্নাড়িয়া ভাষাচ্ছন্দে ॥

৪। কুরুসভায় ধৌম্যের প্রবেশ ও কৌরবগণের
 প্রতি উক্তি।

মুনি বলে, শুন-শুন নৃপ জন্মেজয় ।
 কুরুসভা-মধ্যে গেল ধৌম্য-মহাশয় ॥
 সভা করি বসিয়াছে কৌরবের পতি ।
 সুহৃদ-অমাত্য-বন্ধুগণের সংহতি ॥
 সহ-শত-সহোদর রাধাপুত্র আর ।
 ভীষ্ম দ্রোণ কৃপ আর গুরুর কুমার ॥
 ধৃতরাষ্ট্র-বিহুৱাদি যত-যত জন ।
 সভা করি বসিয়াছে কুরুর নন্দন ॥
 • হেনকালে কহে গিয়া ধৌম্য তপোধন ।
 অবধান কর রাজা অম্বিকা-নন্দন ॥
 পাণ্ডুপুত্র পঞ্চভাই পাঠাইল মোরে ।
 আপন-বিভাগ-রাজ্য লভিবার তরে ॥
 কহিল বিনয় করি যুধিষ্ঠির-রায় ।
 সে-সকল কথা রাজা, কহি যে তোমায় ॥
 জ্যেষ্ঠতাতে কহিবেন মম নিবেদন ।
 তোমার প্রসাদে জীয়ে ভাই পঞ্চজন ॥
 পাণ্ডবের গতি তুমি, পাণ্ডবের পতি ।
 তোমা-বিনা পাণ্ডবের নাহি অন্তগতি ॥

তুমি যে করিবে আজ্ঞা, না করিব আন ।
 তব আজ্ঞাবর্তী পঞ্চ পাণ্ডুর সন্তান ॥
 যত দুঃখ সহিলাম তোমার কারণ ।
 তব বশে হারিলাম সব রাজ্যধন ॥
 যে নির্ণয় হৈল পূর্বের তোমার সাক্ষাতে ।
 তাহাতে হইল মুক্ত দুঃখ-সঙ্কটেতে ॥
 মহাদুঃখ পাইলাম অরণ্যে বিশেষ ।
 জটা-বন্ধ-পরিধান তপস্বীর বেশ ॥
 অনন্তর অজ্ঞাতেতে রহিলু লুকায়ে ।
 পরসেবা করি পর-আজ্ঞাবর্তী হ'য়ে ॥
 রাজপুত্র হ'য়ে করি ক্লীব-ব্যবহার ।
 হীনসেবা করিলাম, হীন-কুলাচার ॥
 পাইলাম এত দুঃখ, নাহি করি মনে ।
 সব দুঃখ পাসরিবু তোমার কারণে ॥
 আপন পৈতৃক-ভাগ উচিত যে হয় ।
 দিয়া প্রীত কর রাজা, আমা-সবাকায় ॥
 ভাই-ভাই-বিরোধেতে নাহি প্রয়োজন ।
 এইমত কহিলেন ধর্ম্মের নন্দন ॥

ভীষ্ম কহিলেন দর্প করিয়া অপার ।
 অন্ধেরে জানাবে আগে মম নমস্কার ॥
 ভীষ্ম-দ্রোণ-কৃপ আর প্রতাপ-কুমারে ।
 আমার বিনয় জানাইবে সবাকারে ॥
 কহিবে নিষ্ঠুর-বাক্য রাজা দুর্ব্বোধনে ।
 যত দুঃখ দিল, তাহা সর্বলোকে জানে ॥
 যা' হবার তা' হইল, ক্ষমিলু তাহারে ।
 উচিত-বিভাগ-রাজ্য দেহ পাণ্ডবেরে ॥
 না দিলে আমার হাতে হবে বংশক্ষয় ।
 এইরূপ কহিলেন ভীষ্ম মহাশয় ॥

অর্জুন কহিল রাজা, করিয়া মিনতি ।
 কহিবে অন্ধের স্থানে আমার ভারতী ॥

যত দুঃখ দিলে, তাহা নাহি করি মনে ।
 তোমার কারণে ক্ষমিলাম দুৰ্য্যোধনে ॥
 যত অপমান কৈল, দেখিলে সাক্ষাতে ।
 দ্রৌপদীর কেশে ধরি আনিল সভাতে ॥
 কপট-পাশায় যথাসর্বস্ব লইল ।
 দ্বাদশ-বৎসর বনবাসে পাঠাইল ॥
 সহিলাম সে-সকল তোমার কারণে ।
 আমাদের ভাগ ছাড়ি দেহ এইক্ষণে ॥
 সম্প্রীতে না দিলে দুঃখ পাইবে অপার ।
 এইরূপ বলে রাজা, ইন্দ্রের কুমার ॥

সহদেব নকুল কহিল বহুতর ।
 ধৃষ্টদ্যুম্ন-দ্রুপদাদি যত নরবর ॥
 পাণ্ডবের সমুচিত বিভাগ যে হয় ।
 তাহা দিয়া তুমি কর পাণ্ডুর তনয় ॥
 অই-ভাই-বিরোধেতে নাহি প্রয়োজন ।
 যাহা চিত্তে লয়, তাহা করহ রাজন্ ॥

এত শুনি ধৃতরাষ্ট্র করিল উত্তর ।
 যা কহিলে, বিসদৃশ নহে দ্বিজবর ॥
 পাইল অনেক দুঃখ পাণ্ডুপুত্রগণে ।
 যম হেতু ক্ষমিলেক এই দুৰ্য্যোধনে ॥
 কর্ণ-দুঃশাসনে নিম্না করিল অপার ।
 যম হেতু ক্ষমিলেক পাণ্ডুর কুমার ॥
 এখন যা কহি, তাহা শুন সভাজনে ।
 প্রিয়ংবদ দূত যাক্ পাণ্ডবের স্থানে ॥
 প্রিয়বাক্য কহি সবে আন এথাকারে ।
 সমুচিত ভাগ ছাড়ি দেহ সে-সবারে ॥
 নানা-বস্ত্র-অলঙ্কার ধন বহুতর ।
 পুরস্কার দিয়া তোম পঞ্চ-সহোদর ॥
 সেই ইন্দ্রপ্রস্থে পুনঃ দেহ অধিকার ।
 যত রত্ন ছিল তার, যতেক ভাণ্ডার ॥

যেই সত্য করিল, তাহাতে হৈল পার ।
 সমুচিত ভাগ দেহ, উচিত তাহার ॥
 বলেতে অশক্ত নহে ভাই পঞ্চজন ।
 মুহূর্ত্তেকে জিনিবারে পারে ত্রিভুবন ॥
 সে-কারণে দ্বন্দ্বে কিছু নাহি প্রয়োজন ।
 অর্দ্ধরাজ্য দিয়া তোম পাণ্ডুপুত্রগণ ॥

ভাস্কর বলিলেন, ভাল নিল মম মনে ।
 উপযুক্ত যুক্তি বটে কর এইক্ষণে ॥
 বিরোধ হইলে রাজা, হবে কোন্ কাজ ।
 সমুচিত-ভাগ তার দেহ মহারাজ ॥
 না দিলে প্রলয় রাজা, হবে কুলক্ষয় ।
 সে-কারণে অবধানে শুন মহাশয় ॥
 প্রিয়ংবদ-দূতে রাজা, দেহ পাঠাইয়া ।
 পাণ্ডবে হেথায় আন বিনয় করিয়া ॥
 তবে সে তোমার হিত হইবে রাজন্ ॥
 অগিরা এতেক কহি মঙ্গল-কারণ ॥
 কোঁরবের গতি তুমি, কোঁরবের পতি ।
 তোমা-বিনা কুরুকুলে নাহি অগ্ন্যগতি ॥
 তুমি যা কহিবে, তাহা কে করিবে আন ।
 যাহা চিত্তে লয়, তাহা করহ বিধান ॥

ভীষ্মের এতেক বাক্য শুনি সভাজন ।
 সাধু-সাধু বলি প্রশংসিল জনে-জন ॥
 দ্রোণ-কূপ-বিভুরাদি বাহুলীক-নৃপতি ।
 পাণ্ডবে আনিতে সবে দিল অনুমতি ॥
 পুনঃপুনঃ নানামতে কহিল অন্ধরে ।
 সম্প্রীতে আনহ রাজা, পাণ্ডুর কুমারে ॥
 সমুচিত-ভাগ তারে দেহ রাজধানী ।
 এই কৰ্ম্ম তব প্রিয়, শুন নৃপমণি ॥

এইরূপে কহে যত-যত সভাজন ।
 মনে-মনে জোখে জ্বলে রাজা দুৰ্য্যোধন ॥

পাণ্ডবের প্রসঙ্গেতে কর্ণে লাগে শাল ।
 ক্রোধে করে মাথা হেঁট কুরুমহীপাল ॥
 তবে দুর্য্যোধনে কহে অঙ্ক-নরপতি ।
 আমার বচন পুত্র, কর অবগতি ॥
 সবার সম্মান রাখ, শুন মম বাণী ।
 পাণ্ডবেরে সমুচিত দেহ রাজধানী ॥
 ভাই-ভাই সম্প্রীতে ভুঞ্জহ রাজ্যস্থখ ।
 কলহেতে কার্য নাহি, জন্মে মহাদুখ ॥
 লোকেতে কুশল ঘোষে, অপকীর্তি তায় ।
 পূর্বের কাহিনী শুন, কহি যে তোমায় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৫। বৃক-রাজের উপাখ্যান ।

সূর্য্যবংশে বৃক-নামে ছিল নরপতি ।
 মহাধর্ম্মশীল রাজা জগতে স্তুত্যাতি ॥
 স্মৃতি কুমতি তাঁর যুগল বনিতা ।
 কোশল-নন্দিনী দৌহে সতী-পতিব্রতা ॥
 যুবাকাল গেল তাঁর, অপত্য নহিল ।
 পুত্রবাঞ্ছা করি দৌহে স্বামীরে সেবিল ॥
 কত দিনান্তরে বিভাণ্ডক তপোধন ।
 অযোধ্যানগরে তবে করিল গমন ॥
 ভার্য্যাসহ নরপতি আছে অন্তঃপুরে ।
 তথা গিয়া উত্তরিল, কে নিবাসে তাঁরে ॥
 জিতেপ্রিয় তেজোময় দেখি তপোধন ।
 ভার্য্যাসহ নরপতি করিল বন্দন ॥
 পাণ্ড-অর্থ্য দিয়া বসাইল সিংহাসনে ।
 মিষ্ট-অন্ন-পান তাঁরে দিলেন ভোজনে ॥
 রাণীসহ কর যুড়ি মুনি-অগ্রে রহে ।
 তুই হ'য়ে বিভাণ্ডক জিজ্ঞাসেন তাঁহে ॥

মহাধর্ম্মশীল ভূমি নৃপতি-প্রধান ।
 তোমা-সম সংসারেতে নাহি ভাগ্যবান ॥
 রূপে কামদেব জিনি, শীততায় ইন্দু ।
 তেজে দিনকর ভূমি, গুণে গুণসিদ্ধ ॥
 কার্ত্তবীর্য্য প্রতাপে, সামর্থ্যে হনুমান্ ।
 কীর্ত্তিতে গণি যে পৃথুরাজের সমান ॥
 সেনাপতি-মধ্যে গণি যেন ষড়ানন ।
 সর্ব্বজ্ঞের মধ্যে যেন জীবের নন্দন ॥
 তবে কেন চিন্তাশ্রিত দেখি যে তোমারে ।
 ইহার যুভাস্ত রাজা, কহ ত আমারে ॥
 রাজা বলে, মুনিবর, কহিলে প্রমাণ ।
 যেহেতু চিন্তিত আমি, শুনহ বিধান ॥
 যুবাকাল গেল মম, অপত্য নহিল ।
 এইহেতু মনস্তাপ মনেতে রহিল ॥
 সকল হইতে সেইজন অতি দীন ।
 সর্ব্বস্থখবিহীন যে-জন পুত্রহীন ॥
 জলহীন নদী যথা নহে স্তম্ভোভন ।
 পদ্মহীন সর, ফলহীন তরুগণ ॥
 চন্দ্র-বিনা রাত্রি যথা সর্ব্ব-অন্ধকার ।
 শাস্ত্রবিদ্যা-হীন যথা ব্রাহ্মণ-কুমার ॥
 ধর্ম্মহীন নর যথা, ধনহীন গৃহী ।
 জীবহীন জন্তু যথা, দস্তহীন অহি ॥
 পুত্রহীনে ধন-জন সব অকারণ ।
 এইহেতু চিন্তা মম, শুন তপোধন ॥
 'এত শুনি মনে-মনে ভাবে মুনিবর ।
 রাজারে চাহিয়া পুনঃ করেন উত্তর ॥
 পুত্র-ইষ্টি কর রাজা, করিয়া যতন ।
 মহাবলবন্ত হবে তোমার নন্দন ॥
 সকল পৃথিবী পরাজিবে বাহুবলে ।
 হইবে তনয় তব যজ্ঞ-পুণ্যফলে ॥

এত বলি অন্তহিত হৈল তপোধন ।
 করিল পুত্রোষ্ঠি-যজ্ঞ করি আয়োজন ॥
 স্নুমতির গর্ভে হৈল যুগল-নন্দন ।
 পরম-সুন্দর, ধরে রাজার লক্ষণ ॥
 কুমতির গর্ভে হৈল একই তনয় ।
 দিনকর-সম পুত্র হৈল তেজোময় ॥
 দিনে-দিনে বাড়ে সব রাজার নন্দন ।
 পুত্র দেখি নরপতি আনন্দিত-মন ॥
 স্নুমতির গর্ভে যেই দুই-পুত্র হৈল ।
 দৌহা-নাম তালজঙ্ঘ হৈহয় রাখিল ॥
 রূপে-গুণে অনুপম কুমতি-নন্দন ।
 বাহু-নাম তবে তার রাখিল রাজন্ ॥
 কতদিনে বৃদ্ধকালে বৃক-নরপতি ।
 তিনপুত্রে ডাকি কাছে আনে শীঘ্রগতি ॥
 তিনপুত্রে রাজ্যখণ্ড ভাগ করি দিল ।
 ভার্য্যা-সহ নরপতি অরণ্যে পশিল ॥
 তপোযোগ সাধি রাজা লভে দিব্যগতি ।
 রাজ্যেতে হইল রাজা বাহু মহামতি ॥
 মহাধর্ম্মশীল রাজা বৃকের নন্দন ।
 নিরন্তর করে যজ্ঞ, অশ্বে নাহি মন ॥
 দ্বিজগণে ধনদান করে অপ্রমিত ।
 সর্ব্বশাস্ত্রে বিজ্ঞ রাজা, ধর্ম্মে সুপণ্ডিত ॥
 রাজার পালনে প্রজা দুঃখ নাহি জানে ।
 একচ্ছত্র নরপতি এ-মর্ত্য-ভুবনে ॥
 অযোনিসম্ভবা কন্যা নামে সত্যবতী ।
 বিবাহ করিল শুনি আকাশ-ভারতী ॥
 এক ভার্য্যা বিনা তার অশ্বে নাহি মতি ।
 রাজা পুরুষবা যেন বুধের সম্ভতি ॥
 কতদিনে ঋতুযোগে হৈল গর্ভবতী ।
 গণিয়া গণকগণ কহিল ভারতী ॥

ইহার গর্ভেতে যেই হইবে নন্দন ।
 ত্রিভুবনে রাজা হবে সেই বিচক্ষণ ॥
 অস্ত্রে-শস্ত্রে বিজ্ঞ হবে মহাধর্ম্মরূপ ।
 শক্তি-অখমেধ করিবেক নরবর ॥
 শুনি রাজা আনন্দিত হইল অন্তরে ।
 বহু-পুরস্কার দিল ব্রাহ্মণগণেরে ॥
 তবে কতদিনেতে নারদ তপোধন ।
 হৈহয়-রাজের পুরে কৈল আগমন ॥
 নারদে দেখিয়া রাজা অভ্যর্থনা করি ।
 বসাইল দিব্য-রত্নসিংহাসনোপরি ॥
 পাণ্ড-অর্ঘ্য দিয়া রাজা পূজন করিল ।
 সবিনয়ে মুনিবরে জিজ্ঞাসা করিল ॥
 সর্ব্বশাস্ত্রে বিজ্ঞ তুমি, কুলপুরোহিত ।
 বশিষ্ঠ-মুখেতে তব শুনিয়াছি নীত ॥
 জ্ঞাতিমধ্যে ধনে-জনে যেন বলবান্ ।
 ক্ষত্রমধ্যে শত্রু সেই গণি যে প্রধান ॥
 ছলে বলে শত্রুকে না কমি কদাচন ।
 হেন নীতি আছে শাস্ত্রে, কহে মুনিগণ ॥
 কহ মুনি, আমারে যে ইহার বিধান ।
 নারদ বলেন, রাজা, কহিলে প্রমাণ ॥
 ছলে-বলে শত্রুকে না কমিবে কখন ।
 নিজ-বংশে হৈলে শত্রু করিবে নিধন ॥
 কহিলে প্রমাণ রাজা, না হয় অন্যথা ।
 শত্রুকে করিরে নষ্ট, পাবে যথা-তথা ॥
 তারে শত্রু বলি, যেই শত্রুভাব করে ।
 পাইলে নাশিবে শত্রু, শাস্ত্রের বিচারে ॥
 গর্ভে যদি জন্মে শত্রু, দৈববাণী কয় ।
 তাহারে বধিবে প্রাণে, শাস্ত্রের নির্ণয় ॥
 পূর্বে শুনিয়াছি আমি বিরিকির স্থান ।
 কহিব তোমাতে, রাজা, কর অবধান ॥

বাহুর ঔরসে যেই হইবে নন্দন ।
 বাহুবলে পরাজিবে সমস্ত ভুবন ॥
 শত-অশ্বমেধ যজ্ঞ করিবে নিশ্চয় ।
 তোমা-আদি জ্ঞাতিগণে করিবেক ক্ষয় ॥
 উপায়েতে গর্ভ যদি পার নাশিবারে ।
 তবে তব শ্রেয়ঃ হয় জানাই তোমারে ॥

এত বলি দেব-ঋষি কৈলা অন্তর্দ্বান ।
 গুনিয়া নৃপতি হন সচিন্তিত-প্রাণ ॥
 অনুক্ষণ চিন্তিয়া আকুল নৃপবর ।
 একদিন বসিলেন সভার ভিতর ॥
 পঞ্চপাত্র ল'য়ে যুক্তি করেন রাজন্ ।
 বাহুর ঔরসে যেই হইবে নন্দন ॥
 আমা-আদি করি তার যত জ্ঞাতিচয় ।
 বাহুবলে করিবেক সবাকারে ক্ষয় ॥
 ইহার উপায় কিছু কহ মন্ত্রিগণ ।
 কিরূপে রাণীর গর্ভ করিব নিধন ॥
 বলেতে সমর্থ নাহি হব কদাচন ।
 যদি বা করিব যুদ্ধ, হারাব জীবন ॥

মন্ত্রিগণ বলে, যুক্তি শুন নৃপমণি ।
 নিমন্ত্রিয়া আন হেথা বাহুর রমণী ॥
 সাধ খাওয়াবার ছলে উপায়-করণে ।
 বিষপান করাইয়া মারহ পরাণে ॥
 ইহা-ভিন্ন উপায় না দেখি কিছু আর ।
 এইমতে কর রাজা, শিশুরে সংহার ॥

রাজা বলে, মন্ত্রিগণ কহিলে শোভন ।
 ভক্ষ্য-ভোজ্য-দ্রব্য-আদি কর আয়োজন ॥
 রন্ধন করিতে কহ সুপকারগণে ।
 সন্ধেতে কহিবা, যেন কেহ নাহি জানে ॥

পরিবারগণ-সহ বরিয়া রাজারে ।
 দূত দিয়া নিমন্ত্রিয়া আন হেথাকারে ॥
 রাজার আদেশ পেয়ে যত মন্ত্রিগণ ।
 বাহুরে আনিল শীঘ্র করি নিমন্ত্রণ ॥
 বিষযুক্ত খাণ্ড আনি ভোজনের কালে ।
 বাহুরাজ-মহিষীকে খাওয়াইল ছলে ॥
 তথাপিহ গর্ভপাত নহিল তাহার ।
 গৃহে যায় বাহুরাজ সহ-পরিবার ॥
 এ-সব বৃত্তান্ত রাণী কহিল রাজারে ।
 বিষ খাওয়াইল মোরে মারিবার তরে ॥
 অহিংসক মোরে হিংসা করে দুরাচার ।
 গুনিয়া নৃপতি-মনে জন্মিল ধিকার ॥
 জ্ঞাতিমধ্যে হিংসক কপট যেইজন ।
 তাহার নিকটে বাস নহে সুশোভন ॥
 অহিংসকে হিংসয়ে যে পাপিষ্ঠ দুর্জন ।
 তাহার সংসর্গে নাহি রহি কদাচন ॥
 পাপ-সঙ্গে রহে যদি, পাপে ধায় মন ।
 পুণ্যাত্মার সঙ্গ হয় মোক্ষের কারণ ॥
 অপত্য না ছিল, হৈল বিধির ঘটন ।
 তাহে দুষ্ট জ্ঞাতিগণ করিল হিংসন ॥
 এইরূপে সদা রাজা করে অনুভব' ।
 দ্বিতীয়-বৎসর গর্ভ, নহিল প্রসব ॥

অনুদিন অনুজ হৈহয়-তালজজ্ঞে ।
 রিপুভাব করিলেক নৃপতির সঙ্গে ॥
 কার্তবীর্য্যার্জ্জুন-সহ মিত্রভাব করি ।
 সংগ্রামে জিনিয়া তার রাজ্য নিল হরি ॥
 যুদ্ধে পরাজিত হ'য়ে বাহু-নরপতি ।
 অরণ্যে প্রবেশ করে ভার্য্যার সংহতি ॥

দেখিল আশ্রম-বন অতি সুশোভন ।
ফলফুলে সুশোভিত বৃক্ষলতাগণ ॥
দিব্য-সরোবর আছে বনের ভিতরে ।
জলচরগণ তাহে সদা কেলি করে ॥
পুণ্য-সরোবর সেই বিন্দুসর নাম ।
প্রফুল্ল উৎপল কত শোভে অনুপাম ॥

ভার্য্যা-সহ তথা রাজা করিল গমন ।
সরোবর দেখি রাজা আনন্দিত-মন ॥
তথায় আশ্রম-হেতু রচিল কুটীর ।
চিন্তায় আকুল রাজা, চিন্তা নহে স্থির ॥
অনুক্ষণ চিন্তাকুল বাহু-নরবর ।
দুর্লভকালে ব্যাধিযুক্ত হৈল কলেবর ॥
কালপ্রাপ্তে নৃপতির হইল মরণ ।
ব্যাকুলা হইয়া রাগী করেন ক্রন্দন ॥
অনেক রোদন করে বনে একেশ্বরী ।
নিরুভা হইয়া তবে মনে যুক্তি করি ॥
চিতা করি কাষ্ঠ দিয়া জ্বালি বৈখানর ।
তরুপরে রাখে সতী পতি-কলেবর ॥
চিতা-আরোহিতে চিতা প্রদক্ষিণ করে ।
হেনকালে ঔর্ধ্ব-মুনি এল তথাকারে ॥
গর্ভবতী-নারী চিতা-আরোহণ করে ।
দেখিয়া বিস্ময় মুনি মানিল অন্তরে ॥
নিকটেতে গিয়া শীত্র করে নিবারণ ।
রাগীকে চাহিয়া তবে বলে তপোধন ॥

চিতা-আরোহণ নাহি কর কদাচিৎ ।
অবধানে শুন মাতা, শাস্ত্রের বিহিত ॥
দিব্যচ'ক্ষে আমি সব পাই যে দেখিতে ।
রাজ-চক্রবর্তী আছে তোমার গর্ভেতে ॥
বাহুবলে জিনিবেক যত রিপুগণে ।
একচ্ছত্রে রাজা হবে এ-মর্ত্য-জুবনে ॥

রাজরাজেশ্বর হবে মহাতেজোময় ।
শত-অশ্বমেধ-যজ্ঞ করিবে নিশ্চয় ॥
ব্রাহ্মণে দিবেক দান সদা অপ্রমিত ।
না হইল, না হইবে তাহার তুলিত ॥
গর্ভবতী-নারী যদি অনুমত হয় ।
পঞ্চ-মহাপাপ আসি তাহারে বেড়য় ॥
কদাচিৎ আমি-সঙ্গে না হয় মিলন ।
ঘোর-নরকেতে তার হয়ত গমন ॥
বত পুণ্য-কর্ম তার, সব নষ্ট হয় ।
কদাচিৎ পুণ্যফল নাহিক সে পায় ॥
রজসলা কিংবা শিশু-পুত্রেরে ছাড়িয়া ।
পতি সঙ্গে যেইজন মরয়ে পুড়িয়া ॥
পঞ্চ পাতকের ভাগী হয় সেই নারী ।
ব্যর্থ তার ধর্ম-কর্ম, কহিনু বিচারি ॥
আগ্রহোত্তরে নৃপতিরে করিয়া দাহন ।
রাগীকে লইয়া গেল আপন-সদন ॥
প্রেতকর্ম করিল সে ভর্তার বিধানে ।
শ্রীক-শাস্তি আর দান ত্রয়োদশ-দিনে ॥
রাগীর সেবাতে বড় তুষ্ট তপোধন ।

এইরূপে রহে রাগী মুনির সদন ॥
অন্যথা না হয় কভু বিধির লিখন ।
মহারাগী প্রসবিল অপূর্ব-নন্দন ॥
গরল-সহিত পুত্র লভিল জনম ।
সগর বলিয়া নাম রাখে সে-কারণ ॥
দিনে-দিনে বাড়ে শিশু সূন্দর লক্ষণ ।
শুরপক্ষে চন্দ্রকলা বাড়য়ে যেমন ॥
দরিদ্র পাইল যেন, পূর্বহার্য্য ধন ।
সেমত পাইল রাগী অপত্য-রতন ॥
মধু ক্ষীর দুধ চিনি করি আনয়ন ।
যত্ন করি সেই শিশু করেন পালন ॥

নানা-অস্ত্র-শাস্ত্র করাইল অধ্যয়ন ।

অল্পদিনে হৈল সর্বশাস্ত্রে বিচক্ষণ ॥

নবীন-বয়স্ক শিশু মহাবলধর । .

একদিন তীর্থস্থানে গেল মুনিবর ॥

একান্তে মায়েরে শিশু জিজ্ঞাসিল বাণী ।

কোন বংশে জন্ম মম, কহ গো জননি ॥

কাহার তনয় আমি, কহিবে নিশ্চয় ।

এই মুনিবর বুঝি মম পিতা হয় ॥

শিশুকালে পিতৃহীন হয় যেইজন ।

দুঃখী হৈতে দুঃখী সেই, জন্ম অকারণ ॥

জলহীন নদী যথা নহে স্তম্ভোভন ।

ফলহীন বৃক্ষ যথা অতি কুলক্ষণ ॥

চন্দ্র-বিনা রাত্রি যথা সব অন্ধকার ।

গায়ত্রী-বিহনে যথা ব্রাহ্মণ-কুমার ॥

ধনহীন গৃহী যথা, ধর্মহীন নর ।

বেদহীন বিপ্র যথা, পদ্মহীন সর ॥

পিতৃহীন পুত্র তথা শোভা নাহি পায় ।

সে-কারণে কহ মাতা, জিজ্ঞাসি তোমায়ে ॥

এত শুনি কহে রাণী করিয়া রোদন ।

বড়-ভাগ্যবশে তোমা পাইলু নন্দন ॥

মহারাজ-বংশে পুত্র, জনম তোমার ।

তুমি সূর্য্যবংশে রাজা বাহুর কুমার ॥

তালজঙ্ঘ হৈহয় পাপিষ্ঠ জ্ঞাতিগণ ।

কপটে তোমার বাপে করিল নিধন ॥

যেইকালে তোমা আমি ধরিলু উদরে ।

বিষ খাওয়াইল মোরে মারিতে তোমারে ॥

দৈববলে রক্ষা হৈল তোমার জীবন ।

আমা-সহ এই বনে আসিল রাজন্ ॥

হিংসকের হিংসা হেরি চিন্তি নরবর ।

ব্যাধিযুক্ত নরপতি ত্যজে কলেবর ॥

অনুমুতা হৈতে মম চিন্তা উপজিল ।

গুৰ্ব-মুনি আসি মোরে বারণ করিল ॥

মুনির আশ্রমে আমি আছি সে-কারণ ।

এতেক বলিয়া রাণী করেন রোদন ॥

শুনিয়া সগর ক্রোধে অরুণ-লোচন ।

মাতার ক্রন্দন পুত্র করে নিবারণ ॥

প্রণমিয়া জননীরে লইল বিদায় ।

নানাবিধ অস্ত্র-শস্ত্র সঙ্গে করি লয় ॥

মুনিরে প্রণাম করি বিদায় লইয়া ।

সুহৃদ-বান্ধবগণে সহায় করিয়া ॥

যতেক পিতার শত্রু পূর্ব হৈতে ছিল ।

অস্ত্রেতে কাটিয়া সব খণ্ড-খণ্ড কৈল ॥

একশ্বর বিনাশিল যত রিপুগণ ।

প্রাণভয়ে কেহ নিল বশিষ্ঠ-শরণ ॥

কার্ত্তর দেখিয়া কারে দিল প্রাণদান ।

কোনজন মুনিস্থানে রাখিল পরাণ ॥

তখন বশিষ্ঠ-মুনি তারে নিবারিল ।

অযোধ্যায় ল'য়ে সিংহাসনে বসাইল ॥

একচ্ছত্র রাজা হৈল ধরণী-মণ্ডলে ।

যত ক্রতুগণে শাসে নিজ-বাহুবলে ॥

পুত্র নাটি-সহস্র যে তাহার গুরসে ।

অত্যাধি যার কীর্ত্তি সংসারেতে ঘোষে ॥

মহাবলবন্ত তারা হৈল ছুরাচার ।

ব্রাহ্মণের শাপে সবে হইল সংহার ॥

অহিংসকে হিংসে যেই, পায় এই গতি ।

জগতে অকীর্ত্তি রয়, অশেষ দুর্গতি ॥

সে-কারণে শুন পুত্র, না হও বিমন ।

পাণ্ডবের সহ দ্বন্দ্ব কিবা প্রয়োজন ॥

সমুচিত ভাগ দিতে উচিত যে হয় ।

তাহা দিয়া শ্রীত কুর পাণ্ডুর তনয় ॥

ভাই-ভাই বিরোধেতে নাহি প্রয়োজন ।

অমুমতি দেহ আনাইতে পঞ্চজন ॥

সেই ইন্দ্রপ্রস্থে পুনঃ দেহ অধিকার ।

তাদের সহিত দ্বন্দ্বে কি কাজ তোমার ॥

দুর্যোধন বলে, ইহা নহে ত বিচার ।

আমার পরম-শত্রু পাণ্ডুর কুমার ॥

বিনা-যুদ্ধে ছাড়িয়া না দিব রাজ্যধন ।

ক্ষত্রধর্ম শাস্ত্রমত আছে নিরূপণ ॥

ক্ষত্র হ'য়ে শত্রুকে না করিবে বিশ্বাস ।

শত্রুর মহিমা কেহ না করে প্রকাশ ॥

যে হোক, সে হোক, তাত, ক্রোধ কর তুমি ।

বিনা-যুদ্ধে পাণ্ডবে না দিব রাজ্য আমি ॥

এঁত বলি সভা হৈতে চলিল উঠিয়া ।

কর্ণ-দ্রুপাশ্রয় আর দুষ্ক-মন্ত্রী লৈয়া ॥

নহাভারতের কথা অমৃত-সমান ।

ব্যাসবিরচিত দিব্য-ভারত-পুরাণ ॥

শুনিলে অধর্ম খণ্ডে, নাহিক সংশয় ।

পয়ার-প্রবন্ধে কাশীরাম দাস কয় ॥

. ৬। ধৃতরাষ্ট্রের প্রতি বিজয়ের হিতোপদেশ ।

কহেন বৈশম্পায়ন, শুনহ রাজন ।

সভা হৈতে উঠি যদি গেল দুর্যোধন ॥

কারো বাক্য না শুনিল কুরু-অধিকারী ।

অধোমুখ হ'য়ে অন্ধ রহে দণ্ড-চারি ॥

ভীষ্ম-দ্রোণ-কৃপ-আদি যত সভাজন ।

সভা হৈতে উঠি সবে চলিল তখন ॥

অদৃষ্ট মানিয়া সবে গেল নিজ-স্থান ।

বিহ্বল বলেন ধৃতরাষ্ট্র-বিজ্ঞমান ॥

কুলক্ষয়-হেতু দুর্যোধনের বিধান ।

উত্তর-বচনে তাহা হইল প্রমাণ ॥

অর্দ্ধরাজ্য ছাড়ি দেহ পাণ্ডুর নন্দন ।

নতুবা তোমার রাজ্য রহিবে কেমনে ॥

আপনার রাজ্য যদি বাঞ্ছহ রাজন ।

পাণ্ডবের সহ কর সম্প্রীতে মিলন ॥

পূর্বের কাহিনী কিছু কহিব তোমাতে ।

কত-শত রাজা হ'য়েছিল এ-সংসারে ॥

আছিল উত্তানপাদ ধর্ম-অবতার ।

সপ্তদ্বীপা পৃথিবীতে যাঁর অধিকার ॥

ইন্দের সম্পদ-ভুল্য যাঁহার বৈভব ।

জল-বিশ্ব প্রায় রাজা চিন্তি সেইসব ॥

হিংসা-হেন বস্তু তাঁর না জন্মিল মনে ।

সকল ছাড়িয়া রাজা প্রবেশিল বনে ॥

তপ-জপ আরাধিয়া পান দিব্যগতি ।

তাঁর পুত্র হৈল বৃষ জগতে শ্রুতি ॥

যাঁহার মহিমা-যশে পুরিল সংসার ।

মহাধর্মশীল ছিল ধর্ম-অবতার ॥

অনন্তরে সূর্য্যবংশে রাজা রঘু ছিল ।

যাঁর যশোগানে সর্ব্ব-ভুবন ভরিল ॥

অপার মহিমা যাঁর, দিতে নারে সীমা ।

শীতগুণে চন্দ্র যেন, ক্ষমা-গুণে ক্ষমা ॥

অতুল-সম্পদ ভোগ করিল জগতে ।

নামমাত্র হিংসা কছু না ছিল মনেতে ॥

এইরূপে কত হৈল চন্দ্র-সূর্য্য-কূলে ।

নানা-দান নানা-যজ্ঞ করিল বহুলে ॥

তব পুত্র দুর্যোধন হ'য়েছে যেমন ।

পৃথিবীতে নাহি জন্মে হেন কোনজন ॥

কপটী হিংসক দ্রুত মহাত্মমতি ।
ইহার কারণে রাজা হইবে অখ্যাতি ॥
কুলক্ষয় হইবেক, লোকে উপহাস ।
কুশ-ঘোষণ, কুলে কলঙ্ক-প্রকাশ ॥

সে-কারণে নরপতি, শুন সাবধানে ।

দ্বন্দ্ব না করিহ রাজা, পাণ্ডবের সনে ॥
ভীমের বিক্রম তুমি শুনিয়াছ কানে ।
যুদ্ধেতে করিল জয় যক্ষ-রক্ষগণে ॥
হিড়িম্ব-কিন্মীর-বক-আদি নিশাচর ।
বাহুবলে সংহারিল সবে রুকোদর ॥
মত্ত-দশ-সহস্র-মাতঙ্গ-বল ধরে ।
গদাধারি-মধ্যে সেই অজেয় সংসারে ॥
ভীম ক্রুদ্ধ হৈলে বল রক্ষা হবে কার ।
মুহূর্ত্তেকে সবাকারে করিবে সংহার ॥

অর্জুনের প্রতাপ যে অতুল ভুবনে ।

বাহুবল সন্তুষ্ট করিল পঞ্চাননে ॥
স্নেহ করি ইন্দ্র যারে স্বর্গে ল'য়ে গেল ।
নানা-বিদ্যা অস্ত্র-শস্ত্র শিক্ষা করাইল ॥
নিরাতকবচ-কালকেয়-দৈত্যগণ ।
দেবের অবধ্য রিপু প্রতাপে তপন ॥
সে-সবে মারিয়া সন্তোষিল দেবগণে ।
কোন্ বীর যুঝিবেক অর্জুনের সনে ॥
উত্তর-গোগৃহ-কথা শুনিল শ্রবণে ।
একেশ্বর ধনঞ্জয় সবাকারে জিনে ॥
পরকার্য্য-হেতু কারে না মারিল প্রাণে ।
তথাপিহ জ্ঞান না জন্মিল দুর্গোপনে ॥
আপনার মৃত্যু বুঝি বাঞ্ছিল আপনে ।
পাণ্ডবের সনে যুদ্ধ-ইচ্ছা করে মনে ॥
এখন যে হিত কহি, শুনহ রাজন্ ।
দুত পাঠাইয়া দেহ বিরাট-ভবন ॥

সম্প্রীতে এখানে আন পাণ্ডুর কুমার ।
সেই ইন্দ্রপ্রস্থে পুনঃ দেহ অধিকার ॥
এ-কর্ম্ম উচিত তব, দেখি যে রাজন্ ।
দ্বন্দ্ব হৈলে হইবেক সবার নিধন ॥

ধৃতরাষ্ট্র বলে, ভাই, কহিলে প্রমাণ ।

সম্প্রীতি করিয়া আন পাণ্ডুর সন্তান ॥
যেই সত্য ক'রেছিল পাণ্ডুর কুমার ।
ধর্ম্মবলে তাহে ভাই, হৈল তারা পার ॥
আপন-বিভাগ-রাজ্য পাইতে উচিত ।
দুর্গোপনে তুমি গিয়া বুঝাবে সুনীতি ॥
অন্ধ দেখি দুর্গোপন আমারে না মানে ।
ধর্ম্মনীতি-শাস্ত্র তুমি বুঝাহ আপনে ॥

বিদুর বলিল, আমি কি বুঝাব নীতি ।

মম বাক্য নাহি শুনে, করে বিপরীত ॥
পাশাকালে কতিলাম যে-সব বিধান ।
না শুনিল মম বাক্য করি তুচ্ছজ্ঞান ॥
এখন কহিয়া মম কিনা প্রয়োজন ।
করিলেক তাহা, বাহে লয় তার মন ॥

বিদুর এতেক বলি বসে অধোমুখে ।

ধোম্য-পুরোহিত তবে কহিল রাজাকে ॥
মহামত্ত দুর্গোপনে আমি ভাল জানি ।
সম্প্রীতে পাণ্ডবে নাহি দিবে রাজধানী ॥
পূর্ব্বের যথা বলি বিরোচনের কুমার ।
বাহুবলে পরাজিল সকল সংসার ॥
সম্পদে হইয়া মত্ত না মানিল কারে ।
জ্ঞাতি-বন্ধুজনে হিংসা করে অহঙ্কারে ॥
বলিরে বাঙ্কিয়া হরি পাতালে রাখিয়া ।
ইন্দ্রেরে ইন্দ্রত্ব পুনঃ দিলেন ডাকিয়া ॥
সেই হরি পাণ্ডবের সহায় আপনি ।
যাঁহার প্রসাদে প্রাপ্ত হবে রাজধানী ॥

এত শুনি জিজ্ঞাসিল অম্বিকা-নন্দন ।
 কহ, শুনি মুনিবর, ইহার কারণ ॥
 ক-কারণে বলি দ্বেষ কৈলা সুরগণে ।
 ইন্দ্রসহ বিবাদ বা করে কি-কারণে ॥
 ধোম্য বলে, সেই কথা কহিতে বিস্তার ।
 নংক্ষেপে কহিব কিছু, শুন সারোদ্ধার ॥
 ঐশ্ব্যগ-পৰ্বের কথা অত-সমান ।
 পাণ্ডব-চরিত-গাথা বিচিত্র-আখ্যান ॥
 শুনিলে অধর্ম খণ্ডে, হরে ভব-ভয় ।
 প্যার-প্রবন্ধে কাশীরাম দাস কয় ॥

৭। বলিবামনোপাখ্যান ।

তবে ধোম্য কহে, শুন অম্বিকা-নন্দন ।
 কহিব অপূর্ব-কথা, করহ শ্রবণ ॥
 যদি-দৈত্য হিরণ্যকশিপু-হিরণ্যাক্ষ ।
 দ্বাবলবন্ত হৈল, প্রতাপে পাবক ॥
 দিতির গর্ভেতে জাত কশ্যপ-ওরসে ।
 জগতের মধ্যে দুই হইল বিশেষে ॥
 তাহার নন্দন হৈল বিখ্যাত জগতে ।
 সর্বশাস্ত্রে বিচক্ষণ প্রহ্লাদ-নামেতে ॥
 তার পুত্র বিরোচন বিখ্যাত ভুবনে ।
 তারে বিড়ম্বিল আসি অদিতি-নন্দনে' ॥
 পক্ষণ-রূপেতে আসি দান মাগি নিল ।
 সেইক্ষণে বিরোচন নিজ-অঙ্গ দিল ॥
 ব্রাহ্মণের হেতু ত্যজে আপনার প্রাণ ।
 তাহার নন্দন হৈল বলি মতিমান ॥
 প্রতাপে প্রচণ্ড বলি, দেবের দুর্জয় ।
 বাহুবলে স্বর্গ-মর্ত্য করিলেক জয় ॥

জানিলেক শুক্র-গুরু-স্থানে উপদেশে ।
 ছল করি দেবরাজ পিতারে দিনাশে ॥
 পিতৃবৈরী হয় ইন্দ্র, শুনিল শ্রবণে ।
 সেইক্ষণে ডাকি আজ্ঞা দিল দৈত্যগণে ॥
 চতুরঙ্গ-সৈন্য-সহ সাজিল হরিত ।
 ইন্দ্রের নগরে গিয়া হৈল উপনীত ॥
 বিবিধ-বাঘের শব্দে পুরিল গগন ।
 দৈত্য-সৈন্য ব্যাপিলেক ইন্দ্রের ভুবন ॥
 শুনি দেবরাজ ক্রোধে ল'য়ে সৈন্যচয় ।
 বলির সহিত রণ করিল প্রলয় ॥
 দৌহে বলবন্ত, দৌহে সংগ্রামে প্রচণ্ড ।
 নানা-অস্ত্র রপ্তি করে যেন যমদণ্ড ॥
 শেল শূল শক্তি জাঠি ভূষণী মুদগর ।
 পরশু পট্টিশ গদা বিশাল তোমর ॥
 রুদ্র পাশুপত নানারূপ সব বাণ ।
 ইন্দ্রজাল ব্রহ্মজাল অস্ত্র খরশাণ ॥
 শিলীমুখ সূচিমুখ রুদ্রমুখ ক্ষুর ।
 পরস্পরে দুইজন বরিষে প্রচুর ॥
 প্রলয়ের কালে যেন মজাইতে সৃষ্টি ।
 দেবতা-অসুরগণ করে বাণরপ্তি ॥
 বলিরে চাহিয়া ইন্দ্র বলে ক্রোধমন ।
 আজি মোর হস্তে তোরা হইবে নিধন ॥
 এই লেখ্ অস্ত্র মোর ঘোর-দরশন ।
 ইহার প্রহারে তোরে করিব নিধন ॥
 এত বলি ইন্দ্র অস্ত্র যুড়িল ধনুকে ।
 ক্ষণে অগ্নিরপ্তি হয় ধনুকের মুখে ॥
 শূন্যেতে আইসে অস্ত্র উল্কার সমান ।
 অর্ধচন্দ্র-বাণে বলি করে দুইখান ॥

অস্ত্র ব্যর্থ দেখি ইন্দ্র মনে পেয়ে লাজ ।
শক্তি-অস্ত্র হানে তার হৃদয়ের মাঝ ॥
দুইবাণে বলি তাহা করে দুইখণ্ড ।
মায়াবলে ইন্দ্রে বীর বিক্লিষ্ট প্রাণ ॥
সেই অস্ত্রাঘাতে ইন্দ্র হইল মূচ্ছিত ।
মাতলি বাহুড়ি রথ পলায় ত্বরিত ॥

কতক্ষণে দেবরাজ হন সচেতন ।
মাতলিরে নিন্দা করি বলিলা বচন ॥
সম্মুখ-সংগ্রাম-মধ্যে বাহুড়িলি রথ ।
পলাইয়া গেলি যেন নাহি দেখি পথ ॥
মাতলি বলিল, মোরে নিন্দা অকারণ ।

অবধানে কহি, শুন শাস্ত্র-নিরূপণ ॥
রথি-মূচ্ছা দেখি রথ ঝাড়ে সারথি ।
যুদ্ধশাস্ত্রে যোদ্ধগণ কহে হেন নীতি ॥
ইন্দ্র বলে, শীঘ্র তুমি বাহুড়াই রথ ।

বলিরে দেখাব আজি শমনের পথ ॥
আজ্ঞামাত্র রথ পুনঃ চালায় মাতলি ।
হাতেতে পরিঘ নিল ইন্দ্র মহাবলী ॥
পরিঘ এড়িল ইন্দ্র উপরে বলির ।
মুকুট-কুণ্ডল-সহ কাটিলেন শির ॥
রথ হৈতে ভূমে পড়ে বলি মহাবীর ।
রুধিরে আরত তার সমস্ত শরীর ॥
হাহাকার শব্দ করে যত দৈত্যগণ ।
পলাইল সকলে, না রহে একজন ॥

তবে দৈত্য সমবেত হ'য়ে কতজনে ।
কান্ধে করি বলিরাজে নিল সেইক্ষণে ॥
ক্ষীরসিন্ধু-তীরে গেল সব শুক্রহান ।
মন্ত্রবলে শুক্র তারে দিলা প্রাণদান ॥

গুরুর প্রসাদে বলি পাইল জীবন ।
বিধিমতে করে বলি গুরু-আরাধন ॥
গুরুরে আরাধি বলি পায় দিব্য-বর ।
করিলেক শিক্ষা ব্রহ্ম-মন্ত্র যড়ক্ষর ॥
মহামন্ত্র পেয়ে তবে বিচারিল মনে ।
অমর-অজৈয় আমি হব ত্রিভুবনে ॥
এতেক ভাবিয়া বলি সত্বরে চলিল ।
হিমালয়-তটে' গিয়া তপ আরম্ভিল ॥
করিল কঠোর-তপ লোক-ভয়ঙ্কর ।
পবন ভক্ষিয়া রহে সহস্র-বৎসর ॥
তপে তুষ্ট হ'য়ে বিধি অর্পিবারে বর ।
আসিলেন বলি-পাশে মরাল-উপর ॥
ডাকিয়া বলিরে কন দেব-প্রজাপতি ।
তপঃ সিদ্ধ হৈলে তুমি, শুন মহামতি ॥
তোমার তপেতে তুষ্ট হইলাম আমি ।
যেই বর মনে লয়, মাগি লহ তুমি ॥
যদি বা দুষ্কর হয় সংসার-ভিতর ।
অঙ্গীকার করিলাম, দিব সেই-বর ॥

শুনিয়া কহিল বলি করিয়া প্রণতি ।
বর যদি দিবে মোরে সৃষ্টি-অধিপতি ॥
অজৈয় অমর হই ভুবন-মণ্ডলে ।
ত্রিভুবন রহে যেন মম করতলে ॥
স্বর্গ-মর্ত্য-পাতালেতে আছে যতজন ।
কারো হাতে নহে যেন আমার মরণ ॥
বর দিয়া নিজস্থানে যান প্রজাপতি ।
তপোযোগ করি বলি কুলাল আরতি ॥
শুভকাল সমুদিত হৈল ক্রমে তার ।
সসৈন্তে সাজিতে বলি গেল নিজাগার ॥

ইন্দ্রের সহিত পুনঃ আরম্ভিল রণ ।
 দৌহাকার রণকথা না হয় বর্ণন ॥
 গুরুরে আরাধি বলি মহাবল ধরে ।
 যুদ্ধে পরাভব করে অদिति-কুমারে ॥
 পবন শমন রুদ্ধ বরুণ তপন ।
 ইত্যাদি-তেত্রিশ-কোটি যত দেবগণ ॥
 যুদ্ধে পরাভব বলি করিল সবারে ।
 পলাইয়া দেবগণ গেল স্থানান্তরে ॥
 দেবের সকল কৰ্ম্ম লইল অনুরে ।
 নররূপে দেবগণ ভ্রমে মহী'পরে ॥
 শুক্র-গুরু আসি তবে উপদেশ দিল ।
 শত-অশ্বমেধ বলি আরম্ভ করিল ॥
 মহাযজ্ঞ আরম্ভিল দৈত্যের ঈশ্বর ।
 নররূপে ভূমে রহে অমর-নিকর ॥
 অদिति পুত্রের দুঃখ হৃদয়ে চিন্তিল ।
 দেবের দেবত্ব বলি-দৈত্য জিনি নিল ॥
 কোনরূপে নিজ-রাজ্য পাবে পুনরায় ।
 চিন্তিল অদिति তবে না দেখি উপায় ॥
 মহাভারতের কথা অমৃত-লহরী ।
 কালী কহে, সাধুগণ পিয়ে কর্ণ ভরি ॥

৮। অদিতির তপস্যা ও বিষ্ণু-স্তব ।

হৃদে বিচারিলা তবে দেবের জননী ।
 উপায় না দেখি আর বিনা চক্রপাণি ॥
 সংসারের হৰ্ত্তা কর্ত্তা দেব-নারায়ণ ।
 বিশ্বশ্রমী পোষ্টা' তিনি সংহার-কারণ ॥
 তাঁহা-বিনা এ-বিপদে কে করিবে ত্রাণ ।
 তিনি ভক্তজনে কৃপা করেন প্রদান ॥

বিনা-তপে তুষ্ট নহিবেন ভগবান ।
 ভাবিয়া ক্ষীরোদ-কূলে করিলা প্রস্থান ॥
 করিলা কঠোর-তপ দেবের জননী ।
 তিনদিন-অন্তে খায় তিন-লোটা পানি ॥
 অনন্তরে মাস-অন্তে খায় একবার ।
 তার পরে দেবমাতা থাকে অনাহার ॥
 ধ্যান-অবলম্ব-হেতু করে নিরুপণ ।
 উৰ্দ্ধদৃষ্টি রহে, মাত্র পবন-অশন ॥
 তপেতে তাপিত হৈল এ-তিন-ভুবন ।
 দেখিয়া চিন্তিত হইলেন পদ্মাসন ॥
 দেবগণে ডাকি বলিলেন পিতামহ ।
 তপঃ পরীক্ষিতে শীঘ্র সকলেতে যাহ ॥
 ব্রহ্মার আশ্রয়ে ইন্দ্র-আদি দেবগণ ।
 মাতার সাক্ষাতে গেল পরীক্ষা-কারণ ॥
 ইন্দ্র বলে, শুন মাতা, মম নিবেদন ।
 আগ্নাকে এতেক কষ্ট দেহ কি-কারণ ॥
 আমা-সবাকার দুঃখ অদৃষ্ট-লিখন ।
 শুভকাল হৈলে হবে দুঃখ-বিমোচন ॥
 অশুভ-সময়ে কৰ্ম্মফল নাহি ধরে ।
 বেদের নিয়ম হেন শাস্ত্রের বিচারে ॥
 এক্ষণে অশুভ-কাল হইল আমার ।
 সে-কারণে এত দুঃখ হয় অনিবার ॥
 অদৃষ্টে থাকিলে দুঃখ, না হয় থগুন ।
 সে-কারণে শুন মাতা, মম নিবেদন ॥
 আগ্নাকে এতেক ক্রেশ দেহ কি-কারণ ।
 তপঃ ত্যাগ করি মাতা, স্থির কর মন ॥
 মাতৃহীন তনয়ের নাহি সুখলেশ ।
 সদাই দুঃখিত সেই, পায় নানা-ক্ৰেশ ॥

ধর্মহীন-জনে যথা ব্যর্থ উপার্জন ।
 ভক্তিহীন জ্ঞানিজন যথা অকারণ ॥
 গারত্রী-বিহীন ব্যর্থ যেমন ব্রাহ্মণ ।
 শৌর্য্য-বিনা রাজা যথা জীয়ে অকারণ ॥
 শ্রদ্ধাহীন শ্রদ্ধ যথা বীজহীন মন্ত্র ।
 শাস্ত্রহীন গুরু যথা যোগহীন তন্ত্র ॥
 সে-কারণে নিবেদন শুনহ জননি ।
 আপনার আত্মা রক্ষা করহ আপনি ॥
 তোমার প্রসাদে মাতা, শুভকাল হৈলে ।
 দুষ্ক-দৈত্যগণে মোরা জিনিব যে হৈলে ॥

এতেক বলিল যদি দেব-স্বরপতি ।
 ধ্যান ভঙ্গ করি মাতা চাহে ক্রুদ্ধমতি ॥
 নয়ন-শ্রবণ হৈতে অগ্নি বাহিরায় ।
 ভয় পেয়ে দেবগণ পলাইয়া যায় ॥
 ব্রহ্মার সাক্ষাতে গিয়া করে নিবেদন ।
 শুনি ব্রহ্মা চলিলেন সহ-দেবগণ ॥
 ক্ষীরোদের কূলে গিয়া করিলেন স্তুতি ।
 তুষ্ট হ'য়ে দরশন দিলেন শ্রীপতি ॥
 নব-জলধর জিনি অঙ্গের বরণ ।
 গীতবাস পরিধান, রাজীব-লোচন ॥
 আজানুলম্বিত-বনমালা-বিভূষিত ।
 নুপুর-কঙ্কণ-মুক্তা-হার-বিরাজিত ॥
 পুরোভাগে দেখি দিব্যমূর্তি-নারায়ণে ।
 করিলেন স্তুতি প্রণিপাত দেবগণে ॥
 স্তুতিবশে স্প্রশর্ম হ'য়ে জগৎপতি ।
 দেবগণ-প্রতি কহে মধুর-ভারতী ॥
 শীত্র হবে তোমাদের দুঃখ-বিমোচন ।
 যাহ নিজ-স্থানে চলি যত দেবগণ ॥

এত বলি অন্তর্হিত হন নারায়ণ ।
 যথাস্থানে গেলা ইন্দ্র-আদি দেবগণ ॥

অদिति-তপেতে তপ্ত এ-তিন-ভুবন ।
 প্রত্যক্ষ হইয়া হরি দেন দরশন ॥
 সজল-জলদ যেন অঙ্গের বরণ ।
 কোটি-শশি-মুখ, ফুল-রাজীব-লোচন ॥
 কোকনদ-কর-পদ, অধর অতুল ।
 খগরাজ জিনি নাসা যেন তিলফুল ॥
 কাঞ্চন-বরণ জিনি অম্বর শোভন ।
 আজানুলম্বিত-বনমালা-বিভূষণ ॥
 শ্রবণে কুণ্ডল দোলে, অতিশোভা করে ।
 দেখিয়া বিস্ময় দেবী মানিল অন্তরে ॥
 সাক্ষাতে দেখিয়া সেই কমল-লোচনে ।
 দণ্ডবৎ প্রণমিল ভক্তিয়ুত-মনে ॥

করযোড়ে স্তুতি তবে করিল বিস্তর ।
 জয়-জয় নারায়ণ, জয় দামোদর ॥
 শিক্টের পালক নমো, দুষ্ক-বিনাশন ।
 নমো হয়গ্রীব, মধুকৈটভ-মর্দন ॥
 নমঃ আদি-অবতার মৎস্ত-কলেবর ।
 নমঃ কৃষ্ণ-অবতার, নমস্তে ভূধর ॥
 নমস্তে বরাহরূপ, মোহিনী-আকৃতি ।
 অবতার-শিরোমণি নমো জগৎপতি ॥
 তুমি ইন্দ্র, তুমি চন্দ্র, তুমি বৈদ্যানর ।
 আকাশ-পাতাল তুমি, দেব-গদাধর ॥
 অন্তরীক্ষ নাভি তব, পাতাল চরণ ।
 পৃথিবী তোমার কটি, অস্থি গিরিগণ ॥
 তোমার বিভূতি এই সকল সংসার ।
 আত্মরূপে সর্বস্থানে করিছ বিহার ॥
 পুরুষ-প্রধান তুমি, আদি নারায়ণ ।
 বিষম-সঙ্কটে দেব, করহ তারণ ॥

এইরূপে স্তুতি করে দেবের জননী ।
 প্রসন্ন হইয়া কহিলেন চক্রপাণি ॥

তোমার স্তবেতে তুষ্ট হইলাম আমি ।
মনোনীত বর দিব, মাগি লহ তুমি ॥
যদি বা অসাধ্য হয় ভুবন-ভিতরে ।
অঙ্গীকার করিলাম, দিব তা' তোমাতে ॥
ভকত যে বাঞ্ছা করে মম সন্নিধান ।
দেই তাঁরে অবশ্য, না করি আমি আন ॥
ভকত-বৎসল আমি ভক্তের কারণে ।
আয়দান দিয়া তুষ্ট করি ভক্তজনে ॥
সতী সাধ্বী গুণবতী বড় ভাগ্যবতী ।
করিলে কঠোর তপ, আমাতে ভকতি ॥
সে-কারণে বশ আমি হ'লেম তোমার ।
বর-ইচ্ছা আছে যদি, মাগ সারোদ্ধার ॥

এত শুনি কহিলেন দেবের জননী ।
যদি বর দিবে, তবে দেহ চক্রপাণি ॥
নিষ্ফটক করি দেহ মম পুত্রগণে ।
ইন্দ্রের ইন্দ্র নীল অম্বর দারুণে ॥
ধরিয়া মানবরূপ মম পুত্রগণ ।
সঙ্গোপনে মহাতলে করিছে ভ্রমণ ॥
গুরুরে আরাধি বলি মহাবল ধরে ।
আমার তনয়গণে জিনিল সমরে ॥
পুত্রদের কষ্ট আমি দেখিতে নারিনু ।
তপস্যা করিয়া তাই তোমা আরাধিনু ॥
দেহ মম পুত্রগণে নিজ-অধিকার ।
অম্বরের অহঙ্কার করহ সংহার ॥
দৈত্যারি পুণ্ডরীকাক্ষ শ্রীমধুসূদন ।
এই বর দেহ মোরে তুমি নারায়ণ ॥

এত শুনি শ্রীগোবিন্দ কৈলা অঙ্গীকার ।
তোমার গর্ভেতে আমি হ'ব অবতার ॥
ধরিয়া বামনরূপ বলিরে ছলিব ।
তব পুত্রগণে পুনঃ স্বপদে স্থাপিব ॥

রাধিব অদ্ভুত-কীর্তি, যাইব ধরণী ।
এত শুনি কহে পুনঃ কশ্যপ-রমণী ॥
উপহাস কর প্রভু, হেন লয় মনে ।
আমার গর্ভেতে তুমি জন্মবে কেমনে ॥
অনন্ত ব্রহ্মাণ্ড তব এক লোমকূপে ।
তোমাতে গর্ভেতে আমি বরিব কিরূপে ॥
যাঁর তত্ত্ব যোগিগণ না পায় ভদ্দেশে ।
সকল-সংসার মুক্ত যাঁর মায়াবশে ॥
তাঁহারে কিরূপে আমি করিব ধারণ ।
হেন বুঝি, উপহাস কর নারায়ণ ॥
হাসিয়া কহেন হরি, উপহাস কেন ।

আমার বিভিন্ন কভু নহে ভক্তজন ॥
ভক্তজন সবে পারে আমারে ধরিতে ।
তুমি সতী-সাধ্বী ভক্তি সাধিলে আমাতে ॥
সে-কারণে তব গর্ভে হ'ব অবতার ।
নিজালয়ে এবে তুমি কর আগুসার ॥

এত বলি নিজস্থানে যান নারায়ণ ।
প্রণমিয়া দেবমাতা করিলা গমন ॥
স্বামীরে কহিলা দেবী এ-সব কাহিনী ।
শুনি তুষ্ট হইলা কশ্যপ-মহামুনি ॥

তবে কতদিন পরে দেব-দামোদর ।
করিলেন স্থপবিত্র অদিতি-উদর ॥
দিব্যরূপ ধরে তবে দেবের জননী ।
দেখিয়া বিস্ময়াপন্ন হইলেন মুনি ॥
জন্মিবেন পুত্ররূপে দেব-নারায়ণ ।
জানি নানা-স্তুতি করিলেন তপোধন ॥

নমো-নমো নারায়ণ অখিল-পালক ।
নমো যজ্ঞকায়, হিরণ্যাক্ষ-বিনাশক ॥
নমস্তে নৃসিংহরূপী দৈত্য-বিনাশন ।
নমঃ সর্বময়, নমো জগৎপালন ॥

ব্রহ্মাণ্ড-নায়ক নমো, নমো জগৎপতি ।
 নমঃ কুর্শ্ব-অবতার মোহিনী-আকৃতি ॥
 নমো যোগ-পরায়ণ, নমো যোগরূপ ।
 নমো জগৎকর্তা, তুমি সবাংকার ভূপ ॥
 নমো জগৎপাতা তুমি, নমো নারায়ণ ।
 সর্বভূতে আত্মরূপে তোমার ভ্রমণ ॥
 তুমি সৃজ, তুমি পাল, করহ সংহার ।
 তোমার বিভূতি দেব, সকল সংসার ॥
 শিষ্টের পালন কর, দুষ্কের সংহার ।
 সে-কারণে মম ঘরে হৈলে অবতার ॥
 নমস্তে বামনরূপ, আদি সনাতন ।
 এইরূপে স্তুতি করিলেন তপোধন ॥

স্তুতিবশে স্প্রসন্ন হ'য়ে পীতবাস ।

কশ্যপের পুত্ররূপে হ'লেন প্রকাশ ॥
 অদিতির গর্ভে জন্ম লইলেন হরি ।
 সংবরি বিরাট-বেশ খর্ব্ববৃষ্টি ধরি ॥
 জন্মমাত্রে কহিলেন পিতারে কুমার ।
 বাট্টি আমার কর ব্রাহ্মণ-সংস্কার ॥
 শুনিয়া কশ্যপমুনি শুভক্ষণ করি ।
 আপন-পুত্রেরে তবে দিলেন উত্তরী ॥
 কশ্যপেরে কহিলেন দেব-নারায়ণ ।
 মহাযজ্ঞ করে বিরোচনের নন্দন ॥
 অসংখ্য রতন-ধন দ্বিজে করে দান ।
 সে-কারণে তথা আমি করিব প্রয়াণ ॥
 মাগিয়া আনিব দান বলি দৈত্যেশ্বরে ।
 এত বলি চলিলেন বলির দুয়ারে ॥

বলিরাজ যজ্ঞ করে বসি যজ্ঞস্থলে ।

দ্বারে দেখি বামনেরে শুক্র-গুরু বলে ॥
 অবধান কর বলি, বলিব বিশেষ ।
 এই যে বামন আসে-বালকের বেশ ॥

অদিতির গর্ভে জন্ম, বিষ্ণু-অবতার ।
 তোমার ছলিতে করিয়াছে আগুসার ॥
 যে কিছু মাগিবে দান, না দিবে ইহারে ।
 এই শুনি বলি-দৈত্য কহিলেক তাঁরে ॥

না বুঝিয়া গুরু, হেন কহ অকারণ ।

স্বয়ং শ্রীহরি যদি হন এ-ব্রাহ্মণ ॥
 যাঁহার উদ্দেশে যজ্ঞ করি অনিবার ।
 তিনি যদি ইমি, তবে সৌভাগ্য আমার ॥
 ব্রহ্মা-আদি দেব যাঁর পূজয়ে চরণ ।
 উদ্দেশে মাগয়ে বর যত দেবগণ ॥
 সেই প্রভু আসে যদি আমার আশ্রয় ।
 তবে গুরু, অতিগুরু মম ভাগ্যোদয় ॥
 যা' কিছু মাগিবে দান, দিব তা' নিশ্চয় ।
 ইহাতে বিরোধী কেন হও মহাশয় ॥
 ধর্ম্মকশ্মে বাধা দাও, অতি অনুচিত ।
 এত শুনি শুক্র-গুরু হ'লেন দুঃখিত ॥
 শাপ দিলা বলি-দৈত্যে অতি-ক্রোধভরে ।
 মম বাক্য না শুনিলে ধন-অহঙ্কারে ॥
 এই শাপে লক্ষ্মীভ্রষ্ট হবে এইক্ষণে ।
 এত বলি শুক্র-গুরু গেলা ক্রুদ্ধমনে ॥

হেনকালে উপনীত হৈলা নারায়ণ ।

বামন-আকৃতি দ্বিজ অরুণ-নয়ন ॥
 দেখি যজ্ঞহোতৃগণ মানিল বিস্ময় ।
 উঠে করষোড়ে বিরোচনের তনয় ॥
 প্রণাম করিয়া দিল বসিতে আসন ।
 সভামধ্যে দ্বিজশিশু বসেন বামন ॥
 অপরূপ-রূপধারী কশ্যপ-কুমার ।
 দেখি লোমাঞ্চিত বলি, সানন্দ অপার ॥

কৃতাজ্জলি করি স্তুতি করে মতিমান্ ।

আজি যে সকল মম যোগ-যজ্ঞ-দান ॥

আজ যে সফল জন্ম হইল আমার ।
সে-কারণে আসিলেন আমার আগার ॥
চাহ যাহা, দিব তাহা, না হবে অশ্রুতা ।
ত্রিভুবন চাহ যদি, অর্পিবে সর্বথা ॥

শুনিয়া কহেন হাসি কপট বামন ।
বহুদানে আমার কি আছে প্রয়োজন ॥
ব্রাহ্মণ-বালক আমি তপস্বী-তপস্বী ।
গ্রামে-ধনে আমার কি কাজ দৈত্যেশ্বর ॥
ধ্যান-তপে-জপে মম যায় অনুক্ষণ ।
গুনিকুলে জন্ম মোর, শুনহ রাজন ॥
অরণ্য-নিবাসী আমি, ফলমূল্যাহারী ।
সে-কারণে কহি, শুন দৈত্য-অধিকারি ॥
যদি দিবে দান তুমি করিয়াছ মনে ।
তিনপদ ভূমি দেহ জুঁখিয়া চরণে ॥
তপ করিবারে চাহি বসিয়া তাহাতে ।
ইহা-ভিন্ন অন্য-কিছু না চাহি তোমাতে ॥
ভূমিদান-সম দান নাহি ত্রিভুবনে ।
ভূমিদান-মাহাত্ম্য শুনহ নৃপমণে ॥

হৃদোষ-নামেতে এক আছিল ব্রাহ্মণ ।
সৌভরি-নগর বাসী দরিদ্র-লক্ষণ ॥
ধনার্থে করিল বহু-রাজ্য-পর্যটন ।
না মিলিল ধন তার অদৃষ্ট-কারণ ॥
ছয়-পত্নী পুত্র-পৌত্র বহু পরিজন ।
উপার্জক সেইমাত্র একাকী ব্রাহ্মণ ॥
নিরন্তর ভিক্ষা মাগি আনয়ে ব্রাহ্মণ ।
ভ্রমণ-ব্যতীত নহে উদর-ভরণ ॥
একদিন দ্বিজবর ভিক্ষায় না গেল ।
আলস্য করিয়া নিজ-গৃহেতে রহিল ॥

অন্নহেতু কাঁদে তার যত শিশুগণ ।
শুনিয়া হৃদয়ে তাপ পাইল ব্রাহ্মণ ॥
আপনারে নিন্দা করি অনেক কহিল ।
নিরর্থক জন্ম মম জগতে হইল ॥
ধনহীন মনুষ্যের জন্ম অকারণ ।
মনুষ্যের মধ্যে কেহ না করে গণন ॥
চণ্ডাল-যবন-আদি যত নীচজাতি ।
ধনাঢ্য হইলে পায় সর্বত্র স্তুতি ॥
ব্রাহ্মণ ক্ষত্রিয় বৈশ্য শূদ্র যতজন ।
ধনহীন হৈলে কেহ না করে গণন ॥
ভার্য্যা-পুত্র অরি হয়, মিত্র না আদরে ।
ধনহীন হৈলে কিছু করিবারে নাহে ॥
এইমত চিন্তা করি আকুল ব্রাহ্মণ ।
নগর ত্যজিয়া গেল ল'য়ে পরিজন ॥
অবস্তী-নগরে বিপ্র করিল বসতি ।
ব্রহ্ম দিয়া বিপ্রবরে স্থাপিল নৃপতি ॥
সেই-পুণ্যফলে অবস্তীর নরপতি ।
দুই-কল্প ইন্দ্র-সহ করিল বসতি ॥
সে-কারণে অবধান কর দৈত্যেশ্বর ।
ত্রিভুবনে নাহি ভূমিদানের উপর ॥
সবেমাত্র তিনপদ-ভূমি মাগি আমি ।
ইহা দিয়া মোরে রাজ্য, সন্তোষহ তুমি ॥
বলি বলে, হে বামদেব, বৃষি বল বাণী ।
ত্রিপদে তোমার তৃপ্তি, তাহা নাহি মানি ॥
এই দান দিতে মম চিন্তে নাহি আসে ।
সংসারেতে অপযশ ঘুচিবে বিশেষে ॥
অপযশ হইতে মরণ শ্রেষ্ঠ গণি ।
সে-কারণে অবধান কর দ্বিজমণি ॥

নগর চত্বর গ্রাম, যাহা ইচ্ছা মনে ।

সকল মাগিয়া দান লহ মম স্থানে ॥

এত শুনি হাসি পুনঃ বলেন বামন ।

ইহাতে আমার কিছু নাহি প্রয়োজন ॥

অঙ্গীকার করি বলি কহে অনুচরে ।

ভূঙ্গার ভরিয়া জল আনহ সত্বরে ॥

হাতে জল করি বলি দান দিতে যায় ।

দেখি দৈত্যগুরু তবে চিন্তিল উপায় ॥

বজ্রকাঁটারূপে গুরু প্রবেশি ভূঙ্গারে ।

নলরুদ্ধ করে, জল যেন না নিঃসরে ॥

ভূঙ্গার হইতে জল নাহি পড়ে হাতে ।

দেখি বলি দৈত্যেশ্বর পড়িল লজ্জাতে ॥

এ-সকল তত্ত্ব জানিলেন নারায়ণ ।

বলি-প্রতি কহিলেন, শুনহ রাজন্ ॥

ভূঙ্গারের দ্বার মুক্ত কর কুশাধাতে ।

শুনি বলি হাতে কুশ লইল স্বরিতে ॥

বজ্রসম হৈল কুশ ঈশ্বর-কৃপাতে ।

নির্ভরে বাজিল ভার্গবের চক্ষুপথে ॥

দৈবের নির্বন্ধ কভু না হয় খণ্ডন ।

একচক্ষু-অন্ধ তার হৈল সেইক্ষণ ॥

কাতর ভার্গব-মুনি গেল নিজস্থান ।

বলি-দৈত্য বামনে দিলেক ভূমিদান ॥

দান পেয়ে নিজমূর্তি ধরিলা স্রীধর ।

মহাভয়ঙ্কর মূর্তি হৈল কলেবর ॥

দেখিতে-দেখিতে অঙ্গ বাড়ে ক্রমে-ক্রমে ।

মুহূর্ত্তেকে তনু গিয়া চৈকিলেক ব্যোমে ॥

ত্রিভুবন যুড়ি তনু হইল বিস্তার ।

জল-স্থল সব স্থান হৈল একাকার ॥

পৃথিবী-সহিত হরি সকল নগর ।

একপায়ে ব্যাপিলেন দেব-দামোদর ॥

সপ্ত-সর্গ ব্যাপিলেন আর একপায় ।

আর পা রাখিতে স্থল নাহিক কোথায় ॥

ডাক দিয়া বলিরাজে বলে বনমালী ।

চাহিলাম তব স্থানে তিনপদ স্থলী ॥

দুইপদ ভূমিমাত্র পাইলাম আমি ।

আর পদ রাখি কোথা, স্থল দেহ তুমি ॥

এত শুনি বলে বিরোচনের নন্দন ।

অঙ্গীকার পূর্ণ মম কর নারায়ণ ॥

আমার মস্তকে পদ দেহ জগৎপতি ।

নরক হইতে মোরে কর অব্যাহতি ॥

এত শুনি ধনুবাদ দিয়া নারায়ণ ।

বলির মস্তকোপরি দিলেন চরণ ॥

নানাবিধ-মতে বলি পূজিল চরণ ।

গরুড়েরে আচ্ছা করিলেন নারায়ণ ॥

বলিকে পাতালে ল'য়ে বান্ধ নাগপাশে ।

প্রভুর ইঙ্গিত পেয়ে গরুড় হরিষে ॥

বলিকে পাতালে ল'য়ে বান্ধে সেইক্ষণ ।

সাধু-সাধু বলি প্রশংসিল দেবগণ ॥

ইন্দ্র-আদি দেবগণ আসিয়া হরিষে ।

হরিকে করিল স্তুতি অশেষ-বিশেষে ॥

ইন্দ্রেই ইন্দ্র দিয়া দেব-ভগবান্ ।

অন্তর্হিত হ'য়ে যান আপনার স্থান ॥

যাহা জিজ্ঞাসিলে রাজা, কহিলু তোমাংরে ।

সেইরূপ দুর্ব্যোধন অহঙ্কার করে ॥

ধনগদে মত্ত হ'য়ে নাহি মানে কারে ।

না শুনে কাহারো বাক্য, মত্ত অহঙ্কারে ॥

অচিরাৎ যুদ্ধে ক্ষয় হবে কুরুকুল ।

কুরুকুল-প্রতি দেখি বিধি প্রতিকূল ॥

দুর্ব্যোধন-পাপে বংশ হইবেক ক্ষয় ।

জানিহ নিশ্চিত এই, শুন মহাশয় ॥

এত বলি উঠিয়া সে ধোঁম্য-তপোধন ।
 পাণ্ডব-সভাতে উত্তরিল সেইক্ষণ ॥
 ধোঁম্যে দেখি আস্তে-ব্যস্তে পঞ্চ-সহোদর ।
 বসিতে দিলেন দিব্য-সিংহাসনোপর ॥
 পাণ্ড-অর্ঘ্য দিয়া পুঞ্জি জিজ্ঞাসেন বাণী ।
 একে-একে সব-কথা কহে ধোঁম্যমুনি ॥
 তোমার কারণে রাজা, সব বুঝাইল ।
 কারো বাক্য দুর্ঘোষধন কর্ণে না শুনিল ॥
 অহঙ্কার করিয়া বলিল কুবচন ।
 বিনা-যুদ্ধে রাজ্য নাহি দিব কদাচন ॥
 যত শক্তি আছে, তাহা করুক পাণ্ডবে ।
 লইবারে রাজ্য-ধন জিনিয়া কোঁরবে ॥

এত শুনি পঞ্চভাই কহেন বচন ।
 কুলক্ষয়-হেতু বিধি করিল স্বজন ॥
 মহাক্ষয় হইবেক, কুলের সংহার ।
 শুনিয়া চিস্তিত অতি ধর্মের কুমার ॥
 মহাভারতের কথা অমৃত-লহরী ।
 শুনিলে অধর্ম খণ্ডে, হেলে ভব তরি ॥
 ব্যাসের বচন, ইথে নাহিক সংশয় ।
 পয়ার-প্রবন্ধে কাশীরাম দাস কয় ॥

২। ধৃতরাষ্ট্র-কর্তৃক পাণ্ডবদের নিকট
 সঙ্করকে প্রেরণ ।

জন্মেজয় জিজ্ঞাসিল মুনিরাজ-প্রতি ।
 কহ, তবে কি করিল অন্ধ-নরপতি ॥
 মুনি বলে, নরপতি, শুন একমনে ।
 কারো বাক্য দুর্ঘোষধন না শুনিল কানে ॥
 তাহাতে বিরক্ত হ'য়ে অন্ধ-নৃপবর ।
 সঞ্জয়েরে ডাকিয়া কহেন সঙ্কর ॥

দেখিলে সঙ্কর, দুর্ঘোষধনের দুর্ভেদা ।
 না শুনিল, না মানিল মহতের কথা ॥
 সে-কারণে যাহ তুমি বিরাট-নগর ।
 মম আশীর্বাদ কহ পাণ্ডব-গোচর ॥
 একে-একে পঞ্চজনে কহিবে কল্যাণ ।
 বিনয় প্রণয় করি হ'য়ে সাবধান ॥
 দ্রোপদীকে আশীর্বাদ জানাবে আমার ।
 দৈববশ দেখ এই সকল-সংসার ॥
 দৈবে যাহা করে, তাহা কে খণ্ডিতে পারে ।
 পরম-স্ববুদ্ধি-জ্ঞান দৈবে নষ্ট করে ॥
 সে-কারণে মন্দবুদ্ধি হৈল দুর্ঘোষধনে ।
 কপট করিয়া তোমা পাঠাইল বনে ॥
 রাজপুত্রী হও তুমি, রাজার মহিষী ।
 পাইলে অনেক কষ্ট অরণ্যে নিবসি ॥
 নানা-দুঃখ পেয়ে তুমি করিলে যাপন ।
 সে-সব স্মরিয়া সদা দহে মম মন ॥
 দৈবের ঘটনে এত হৈল বিসংবাদ ।
 মোরে চাহি কোঁরবের ক্ষম অপরাধ ॥
 সতী সাধবী গুণবতী তুমি পতিভ্রতা ।
 লক্ষ্মী-অবতার তুমি, সদা ধর্মরতা ॥
 এইরূপে দ্রোপদীকে কহিবে বিনয় ।
 কহু যেন মোর প্রতি ক্রোধ নাহি হয় ॥
 কহিবে পাণ্ডবগণে, কাল অমুক্রমি ।
 পাইলে অনেক কষ্ট বর্নে-বনে ভ্রমি ॥
 ত্রয়োদশ-বর্ষাবধি তোমা-পঞ্চ-বিনে ।
 দহিছে আমার চিত্ত চিন্তার আগুনে ॥
 তাপিত আমার মন, শাস্ত নাহি হয় ।
 ঘরঘণে কাষ্ঠ যথা হয় অগ্নিময় ॥
 অন্ন নাহি রুচে মম, নাহি রুচে নীর ।
 তোমা-সবা-বিচ্ছেদেতে চিত্ত নহে স্থির ॥

নয়নে নাহিক নিদ্রা, ভোজনে না সুখ ।
 তোমা-সবাকার দুঃখে বিদরিছে বুক ॥
 গান্ধারী স্তবল-স্ততা তোমা-সবা-বিনে ।
 করে খেদ, বহে নীর সদাই নয়নে ॥
 বিদুর বাহুলীক আর সোমদত্ত-বীর ।
 তোমা-সবা-অভাবেতে সর্বদা অস্থির ॥
 নগর-নিবাসী চারি-জাতি প্রজাগণ ।
 তোমা-সবে না দেখিয়া সজল-নয়ন ॥
 হস্তিনার লোক যত দুঃখী রাত্রিদিন ।
 সবে দীন-ক্লীণ, যেন জলহীন মীন ॥
 তোমা রাজা-বিনা রাজ্য শোভা নাহি পায় ।
 ফলহীন বৃক্ষ-জন্ম যথা বৃথা যায় ॥
 জলহীন নদী যথা, পদ্মহীন সর ।
 চন্দ্রহীন রাত্রি যথা, ধর্মহীন নর ॥
 জ্ঞানহীন জ্ঞানী যথা, বীজহীন মন্ত্র ।
 বেদহীন বিপ্র যথা, যোগহীন তন্ত্র ॥
 তোমা-সবা-বিহনেতে তথা প্রজাগণ ।
 ঐকরূপে বিনয়েতে কহিবে বচন ॥
 নানাবিধ অলঙ্কার দিব্যবস্ত্র ল'য়ে ।
 শীত্ৰগতি যাও, পাণ্ডুপুত্রে দেখ গিয়ে ॥
 অশ্বতর-যুক্ত রথে করি আরোহণ ।
 শুভ-লগ্ন-তিথি আজি, করহ গমন ॥
 সঞ্জয় এতেক শুনি উঠে সেইকণ ।
 যুড়িল খচর-রথ পবন-গমন ॥

বিরাট-নগর-মধ্যে পাণ্ডুর কুমার ।
 সভা করি বসিয়াছে দেব-অবতার ॥
 সঞ্জয় এ-হেন কালে হন উপনীত ।
 দেখিয়া বিরাট তাঁরে জিজ্ঞাসিল হিত ॥
 দিব্য-রত্ন-সিংহাসন দিলেন বসিতে ।
 পাণ্ডবে সম্ভাষি দূত বসিল সভাতে ॥

কহেন সঞ্জয়-প্রতি ভাই পঞ্চজন ।
 সবার কুশল-বার্তা করহ জ্ঞাপন ॥
 ধৃতরাষ্ট্র দ্রোণ ভীষ্ম বাহুলীক-নৃপতি ।
 জননী আমার কুন্তী গান্ধারী প্রভৃতি ॥
 ত্রয়োদশ-বর্ষকাল নাহি দরশন ।
 কেবা মরে, কেবা জীয়ে, না জানি কারণ ॥
 কোথা হৈতে এই-স্থানে তব আগমন ।
 জ্যেষ্ঠতাত পাঠাইল, এই লয় মন ॥
 কি কহিয়া পাঠাইল অশ্বিকা-নন্দন ।
 ভীষ্ম দ্রোণ কৃপ আর যত সভাজন ॥
 কি কহিল কর্ণবীর রাধার কুমার ।
 দুর্য়োধন কি বলে, শকুনি দুরাচার ॥
 উভয়-কুলের হিত সবে কি চিন্তিল ।
 সম্প্রীতি করিতে বুঝি তোমা পাঠাইল ॥
 যেই সত্য করিলাম সবার অগ্রেতে ।
 তাহাতে হইল মুক্ত ধর্মের কৃপাতে ॥
 সর্বধর্ম-মূল হরি ব্রহ্ম-সনাতন ।
 তাঁহার কৃপায় হৈল সঙ্কটে তারণ ॥
 এত দুঃখ পেয়ে তবু রাখিলাম ধর্ম ।
 সবে সুখে আছেন, সবার মূল কর্ম ॥
 সমুচিত-ভাগ যেই হয় ত আমার ।
 তাহা ছাড়ি দিতে করিয়াছে কি বিচার ॥
 আমারে বিভাগ দিতে কোঁরব কি চাহে ।
 সম্প্রীতে অর্পিবে, কিংবা মজিবে কলহে ॥
 কহ ত সঞ্জয়, তুমি সব বিবরণ ।
 শুনিয়া সঞ্জয় তবে করে নিবেদন ॥
 ভীষ্ম দ্রোণ কৃপ আর বাহুলীক-নৃপতি ।
 সম্প্রীতি করিতে সবে দিল অনুমতি ॥
 কারো বাক্য না শুনিল কোঁরব দুর্জয় ।
 অনেক সাধুনা করে অঙ্গ-নরপতি ॥

ভীষ্মমুখে শুনি তোমা-সবার উদয় ।
 আনন্দিত সকলের হইল হৃদয় ॥
 নগরেতে চারি-জাতি যত প্রজাগণ ।
 বার্তা পেয়ে হৃষ্টচিত্ত হৈল সর্বজন ॥
 মৃতের শরীরে যথা পাইলে জীবন ।
 তোমা-সবা-সমাচারে তথা প্রজাগণ ॥
 সুরদ্বন্দ্ব অমাত্য জ্ঞাতি যত বহুজন ।
 সদা হাহাকার-শব্দে করিত রোদন ॥
 ডাকিত পাণ্ডব বলি সদা উদ্ধমুখে ।
 তোমা-সবে না দেখিয়া অন্ধ ছিল দুঃখে ॥
 আগ্নার বিহনে যথা না রহে জীবন ।
 তোমা-সবা বিরহেতে তথা সর্বজন ॥
 ত্রয়োদশ-বর্ষাবধি যত প্রজাগণ ।
 স্তম্ভলেশ নাহি কারো, জীয়েন্তে মরণ ॥
 এবে সমাচার শুনি তোমা-সবাকার ।
 দেখিতে উদ্বিগ্ন-চিত্ত, আনন্দ অপার ॥
 তোমা পঞ্চভাই যবে গেলে বনবাসে ।
 শিবা-মেঘে নগরেতে রুধির বরিমে ॥
 দিবসে ডাকয়ে শিবা অতি কুলক্ষণ ।
 উদ্ধাপাত-আদি শব্দ হয় ঘনে-ঘন ॥
 সেইক্ষণে ধূমকেতু প্রকাশে আকাশে ।
 অথ হস্তা পশুগণ কান্দে চারিপাশে ॥
 এই অলক্ষণ দেখি বলে জ্ঞানিজন ।
 কুলক্ষয় হৈল রাজা, তোমার কারণ ॥
 অতি-কুলক্ষণ রাজা, দেখি শাস্ত্রমতে ।
 এখনি উপায় কর, যদি লয় চিতে ॥
 দিনে-দিনে অলক্ষণ দেখে নৃপমণি ।
 পৃথিবী হরিল শস্ত্র, মেঘে অগ্নি-পানি ॥
 সে-কারণে নরপতি, মম বাক্য ধর ।
 আপন-কুলের হিত-বাঞ্ছা যদি কর ॥

বাহুড়িয়া আন পঞ্চ পাণ্ডুর কুমার ।
 সেই ইন্দ্রপ্রস্থে পুনঃ দেহ অধিকার ॥
 তবে সে মঙ্গল হয়, প্রজার কল্যাণ ।
 এরূপে পূর্ব্বোক্তে কহে যত জ্ঞানবান্ ॥
 পুত্রবশ ধৃতরাষ্ট্র শুনি না শুনিল ।
 সেই কাল আসি রাজা, উপস্থিত হৈল ॥
 উত্তর-গোগৃহে অনন্তরে কুরুগণে ।
 অপমান করিলেন ধনঞ্জয় রণে ॥
 ভগ্নদণ্ড হ'য়ে আসে কৌরবের পতি ।
 ভীষ্ম দ্রোণ ধৃতরাষ্ট্র বুঝাইল নীতি ॥
 অনেক দৃষ্টান্ত দিয়া কহিল বচন ।
 কারো বাক্য না শুনিল রাজা-দুর্যোধন ॥
 পরে ধৌম্য-পুরোহিত তোমার আদেশে ।
 শাস্ত্র-উপদেশ যত বুঝান বিশেষে ॥
 অনাদর করি তাহা না শুনিল কানে ।
 শুনিয়া থাকিবে তাহা ধৌম্যের বদনে ॥
 কারো কথা দুর্যোধন যবে না শুনিল ।
 আমারে ডাকিয়া তবে বুড়াটি বলিল ॥
 দিল এই ধন-রত্ন-বস্ত্র-অলঙ্কার ।
 বহুকথা তোমা-প্রতি কহে বারবার ॥
 কহিব সে-সব কথা, শুনহ রাজান্ ।
 ত্রয়োদশ-বর্ষ তব না ছিল মিলন ॥
 পাইলে অনেক কষ্ট ভ্রমি বনে-বন ।
 সে-সকল মনে নাহি কর কদাচন ॥
 কপটী কুমন্ত্রী কর্ণ আর দুঃশাসন ।
 শকুনি সৌবল আর রাজা-দুর্যোধন ॥
 তা'-সবার কপটেতে হৈল সর্বনাশ ।
 তোমা-সবে বনে গেলে, আমরা নিরাশ ॥
 অন্ধ দেখি দুর্যোধন আমারে না মানে ।
 যতেক কহি যে আমি, না শুনে অবগে ॥

আমার বচন সেই চিত্তে নাহি লিখে ।
কর্ণ-দুঃশাপন-বাক্য শুধুমাত্র রাখে ॥
কালেতে কুবুদ্ধি দেয়, কে করিবে আন ।
ইত্যাদি কহিল বহু অশ্বিকা-সন্তান ॥
দুর্যোধন রাজ্য নাহি ছাড়ি দিতে চায় ।
চিত্তে যাহা আসে, তাহা কর ধর্ম্মরায় ॥

এত শুনি পুনরপি কহে পঞ্চজন ।
কহ, শুনি, কি বলিল রাজা-দুর্যোধন ॥
কি বলিল কর্ণবীর রাধার নন্দন ।
সত্য করি বল তাহা, করিব শ্রবণ ॥
সঞ্জয় কহিছে, শুন পাণ্ডুর কুমার ।
কহিল নির্ভর দুর্যোধন দুরাচার ॥
বিনা-যুদ্ধে রাজ্য নাহি দিব পাণ্ডবেরে ।
কিবা শক্তি তাহাদের, জিনিবে আমারে ॥
মহা-মহা-বীরগণ আমার সহায় ।

মুহূর্ত্তেকে পাণ্ডবে করিব পরাজয় ॥
সত্য-সত্য সুনিশ্চয় কৈনু যুদ্ধ-পণ ।
এইরূপে কহে কথা রাজা-দুর্যোধন ॥
রাধেয় করিয়া দস্ত কহিল বিস্তর ।
কার শক্তি, মোর সঙ্গে করিবে সমর ॥
আছে মাত্র ধনসম্পদ সংগ্রামে প্রথর ।
প্রথম-যুদ্ধেতে তারে মারিব সত্তর ॥
তারে মারি চারিজনে রাখিব বান্ধিয়া ।
নিষ্কণ্টকে কর রাজ্য নির্ভয় হইয়া ॥

এইরূপে কহিলেক রাধেয় দুঃস্বপ্নি ।
চিত্তে যাহা আসে, তাহা কর নরপতি ॥
নিশ্চয় হইবে রণ, নহে নিবারণ ।
বুঝিয়া করহ কার্য্য ভাই-পঞ্চজন ॥
পৃথিবীতে বৈসে যত রাজরাজেশ্বর ।
যুদ্ধহেতু বরিবারে পাঠাইল চর ॥

নানা-অস্ত্র-শস্ত্র-রথ সামগ্রী বিস্তর ।
দুর্যোধন-আদেশে গঠিছে অমুচর ॥
শুনিয়া সঞ্জয়-বাক্য ধর্ম্মের নন্দন ।
কহেন কম্পিত-অঙ্গ অরুণ-লোচন ॥
যাহ ত সঞ্জয়, পুনঃ মম দূত হ'য়ে ।
যাহা কহি, কোঁরবেরে কহিবে বুঝায়ে ॥
ধৃতরাষ্ট্র জ্যেষ্ঠতাত, তাঁর উপরোধ ।
সে-কারণে পূর্ব্ব হৈতে না করিনু ক্রোধ ॥
সেই-হেতু এতদিন রহিল জীবন ।
আপনার যত্নে বুঝি চাহিছে এখন ॥
পূর্ব্বে যেই সত্য ছিল, মুক্ত হৈনু তায় ।
তবে কেন রাজ্য মম নাহি দিতে চায় ॥
যত্নে শ্রেয়ঃ বুঝিল সে, বুঝি অনুমানে ।
সে-কারণে যুদ্ধ করিবারে ইচ্ছা মনে ॥
অল্পকাৰ্য্যে জ্ঞাতিবধে নাহি প্রয়োজন ।
আপনার মান-রক্ষা কর দুর্যোধন ॥
সমুচিত-ভাগ যেই শাস্ত্র-নিরূপণে ।
তাহা দিয়া বশ কর আমা-পঞ্চজনে ॥
নহিলে প্রলয় বড়, হবে কুলক্ষয় ।
এইরূপে কোঁরবেরে কহিও নিশ্চয় ॥

তবে ভীমসেন কহে ক্রোধ করি মনে ।
বলিও আমার বার্তা কোঁরব-রাজনে ॥
হিমাদ্রি ত্যজয়ে ধৈর্য্য, সূর্য্য না প্রকাশে ।
অনল শীতল হয়, সপ্ত-সিদ্ধি শোষণে ॥
নক্ষত্র-সহিত শশী ত্যজয়ে আকাশ ।
পূর্ণিমার চন্দ্র যদি না হয় প্রকাশ ॥
যোগী যোগ ত্যজে, ধর্ম্ম ত্যজে ধর্ম্মিজন ।
গায়ত্রী-বিহীন হয় ব্রাহ্মণ-নন্দন ॥
তথাপি প্রতিজ্ঞা মম না হবে খণ্ডন ।
উল্ল ভাঙ্গি দুর্যোধনে করিব নিধন ॥

প্রতিজ্ঞা ক'রেছি পূর্বের সভা-বিঘ্নমানে ।
 এখন সঞ্জয়, কহিলাম তব স্বামনে ॥
 দুর্ঘ্যোধন লয় যদি ধর্মের শরণ ।
 যতেক প্রতিজ্ঞা মম, সব অকারণ ॥
 মোর হাতে সব ভাই রক্ষা পাবে তবে ।
 এই কথা-অনুসারে কহিবে কোঁরবে ॥
 অবশ্য আমার হাতে হইবে নিধন ।
 যত দুঃখ পাইলাম, আছে যে স্মরণ ॥
 সেইসব দুঃখে অঙ্গ হ'তেছে দহন ।
 অবিরাম দিবানিশি পোড়ে মোর মন ॥
 দ্রৌপদীর অপমান নয়নে দেখিনু ।
 চাহিয়া অন্ধের মুখ সকলি ক্রমিনু ॥
 সেই-সব অগ্নিপ্রায় জ্বলিছে অন্তরে ।
 ধর্ম-আজ্ঞা পেলে যেত শমনের ঘরে ॥
 রাজ্য-ভাগ ছাড়ি দিতে বলিও আমার ।
 নিরন্ত হ'য়েছে অগ্নি, কেন জ্বল আর ॥
 এক্ষেপে কহিবে তুমি রাজা-দুর্ঘ্যোধনে ।
 দুঃশাসন-কর্ণ-আদি যত কুরুগণে ॥
 এত বলি নিবর্তিল পবন-তনয় ।
 বলেন সঞ্জয়-প্রতি তবে ধনঞ্জয় ॥
 জানাবে অন্ধেরে তুমি মম নমস্কার ।
 তোমা-বিঘ্নমানে দুঃখ হইল অপার ॥
 কোঁরবের গতি তুমি, কোঁরবের পতি ।
 তোমা-বিনা কুরুকূলে নাহি অগ্রগতি ॥
 আমার বিভাগ-রাজ্য দেহ অবিকল ।
 অন্নহেতু জ্ঞাতিবধে নাহি কোন ফল ॥
 তুমি যদি আজ্ঞা কর আমারে রাজন্ ।
 আপনার রাজ্য গিয়া লই সেইক্ষণ ॥
 তবে যদি বন্দ করি বৃথ দুর্ঘ্যোধন ।
 আমি বন্দ কদাচ না করিব রাজন্ ॥

অত্যাচার করিলেও প্রাণে না মারিব ।
 আজ্ঞা কর যদি, তারে বাকিয়া রাখিব ॥
 বলিকে বাকিয়া যথা ইন্দ্র রাজ্য করে ।
 তব হিত-হেতু রাজা, কহি যে তোমারে ॥
 এইমত যদি নাহি কর কদাচিত ।
 বংশের সহিত তবে মজিবে নিশ্চিত ॥
 এইরূপে মম কথা কহিবে অন্ধেরে ।
 না শুনিলে পুনরপি কহিবে তাঁহারে ॥
 বাতাপি-পক্ষীর যথা শুনেছি কখন ।
 সেইরূপ ধৃতরাষ্ট্র, তব আচরণ ॥
 মুখেতে সৌজন্য-কথা অন্তরেতে আন ।
 তোমার কপটে বংশ হবে সমাধান ॥

এত শুনি ধনঞ্জয়ে জিজ্ঞাসে সঞ্জয় ।
 বাতাপি-পক্ষীর কথা কহ মহাশয় ॥
 পক্ষিযোনি হ'য়ে হিংসা কৈল কি-কারণ ।
 শুনিবারে ইচ্ছা হয়, কহ বিবরণ ॥
 মহাভারতের কথা অমৃত-সমান ।
 কাশীরাম দাস কহে, শুনে গুণ্যবান ॥

১০ । বাতাপি-পক্ষীর ইতিহাস ।

অর্জুন কহেন, শুন পূর্বের কাহিনী ।
 তপস্যা করিতে যথা গেল খগমণি ॥
 করিয়া কঠোর-তপ বিয়ু আরাধিল ।
 মনোমত বর পেয়ে নিবর্তি আসিল ॥
 ঋষ্যমুক-পর্বতে আসয়ে খগেশ্বর ।
 ঋষ্য-নামে রাজা সেই গিরির ঈশ্বর ॥
 তার ভাৰ্য্যা গুণবতী পরম-সুন্দরী ।
 সদা স্বামিসেবা করে পুত্র-বাক্স করি ॥
 কতদিনে অপূত্রক মরে নরপতি ।
 স্বামিশোকে শোকাবুলা ভাৰ্য্যা গুণবতী ॥

একাকিনী বনমধ্যে করেন ক্রন্দন ।
 ক্রন্দনের শব্দ শুনি বিনতা-নন্দন ॥
 কামরূপী-বিহঙ্গম নানা-মায়া জানে ।
 ধরিয়া মনুষ্যরূপ গেল তার স্থানে ॥
 দিব্যরূপ হইলেন দেবের লক্ষণ ।
 দেখি কামিনীর রূপ মোহে সেইক্ষণ ॥
 দৈবের নির্বন্ধ কছু না যায় খণ্ডন ।
 দেখিয়া কন্যার রূপ বিনতা-নন্দন ॥
 মদন-মোহন-বাণে হ'য়ে জর-জর ।
 কন্যারে কহিল তবে বিনয়-উত্তর ॥
 একাকী রোদন কর কিসের কারণ ।
 কার কন্যা তুমি, তব পতি কোন্ জন ॥
 নিজ-পরিচয় মোরে কহ স্ববদনি ।
 এত শুনি কহে কন্যা যুড়ি দুইপাণি ॥
 দক্ষবংশে জন্ম মম, বিখ্যাত ভুবনে ।
 ঋষ্য-নামে রাজা ছিল এই ত কাননে ॥
 পুত্র-বাঞ্ছা করি তপ করিল রাজন্ ।
 পুত্র না হইল তাঁর, হইল মরণ ॥
 রাজা হ'য়ে রাজ্য রাখে, বংশে কেহ নাই ।
 সে-হেতু ক্রন্দন করি, শুন এই ঠাই ॥

গরুড় কহিল, শোক না কর অন্তরে ।
 আমি জন্মাইব পুত্র তোমার উদরে ॥
 তোমাকে দেখিয়া মন মজিল আমার ।
 কামানলে দহে অঙ্গ, করহ উদ্ধার ॥

এত শুনি কহে কন্যা করি ষোড়পাণি ।
 কৃপা যদি কৈলে, তবে শুন খগমণি ॥
 শত-পুত্র-দান দেহ তোমার গুণসে ।
 মহাবলবন্ত যেন হয় ত বিশেষে ॥

কন্যা-বাক্যে খগপতি অঙ্গীকার কৈল ।
 দ্বাদশ-বৎসর ক্রীড়া আনন্দে করিল ॥

কতদিনে ঋতুযোগে হৈল গর্ভবতী ।
 এককালে শত-ডিম্ব প্রসবিল সতী ॥
 সুশীলা-নামেতে তার আছিল সতিনী ।
 সেবাবশে পরিতুষ্ট করে খগমণি ॥
 স্বধর্ম বুঝিয়া তারে করিল রমণ ।
 ঋতুযোগে গর্ভবতা হৈল সেইক্ষণ ॥
 দুইগুটি ডিম্ব সেই কন্যা প্রসবিল ।
 কতদিনে সেই ডিম্ব-সকল ফুটিল ॥
 সুশীলার গর্ভে হৈল যুগল-নন্দন ।
 একজন অন্ধ হৈল দৈব-নিবন্ধন ॥
 অন্ধক বলিয়া নাম রাখিল তাহার ।
 মহাবলবন্ত হৈল দ্বিতীয় কুমার ॥
 অর্দ্রেক মনুষ্য, অর্দ্র পক্ষীর আকৃতি ।
 জটায়ু তাহার নাম রাখে খগপতি ॥
 আর সব পুত্র হৈল মহাবলধর ।
 তেজঃপুঞ্জ অগঠন পরম-সুন্দর ॥
 প্রধান-পুত্রের নাম রাখিল কুবল ।
 তারে রাজা করিল গরুড় মহাবল ॥
 ছত্রদণ্ড দিয়া তারে স্থাপিল রাজ্যেতে ।
 কতদিনে গেল তবে স্নমেক-পর্বতে ॥
 পবনের সহ তথা বিবাদ হইল ।
 চিরকাল খগেশ্বর তথায় রহিল ॥

হেথা যত নাগগণ পেয়ে অবসর ।
 ঋষ্যমুক-পর্বতেতে আসিল সঙ্কর ॥
 কুবল পক্ষীর রাজা, গরুড়-কোঙর ।
 তার সঙ্গে যুদ্ধ হৈল শতেক-বৎসর ॥
 শতভাই-সহ তারে করিল সংহার ।
 দেখিয়া অন্ধক-পক্ষী করিল বিচার ॥
 ভ্রাতৃসহ নিল নাগগণের শরণ ।
 অভয় তাহারে দিল যত নাগগণ ॥

অন্ধকেরে রাজা করি স্থাপিয়া রাজ্যেতে ।

সুগণ-সহিতে নাগ গেল পাতালেতে ॥

কতদিনে খগেশ্বর আসিল তথায় ।

পুত্রগণ-মৃত্যু শুনি ক্রোধে কম্পকায় ॥

সেই-দোষে মারে বীর বহু-নাগগণে ।

ব্রহ্মা আসি শাস্ত কৈল বিনতা-নন্দনে ॥

জটায়ু ধার্মিক হৈল তপসী-আচার ।

তাহার ঔরসে হৈল যুগল-কুমার ॥

শুক-সারি নাম রাখে পক্ষীর প্রধান ।

পরম-সুন্দর হৈল মহাবলবান্ ॥

অন্ধক-ঔরসে হৈল সহস্র-কুমার ।

মহাবলবন্ত হৈল, পক্ষীর আকার ॥

প্রথম পুত্রের নাম বাতাপি রাখিল ।

শুভক্ষণ দেখি তারে রাজ্যপাট দিল ॥

মহাবলবন্ত হৈল পক্ষীর প্রধান ।

গরুড়-বংশের কথা অদ্ভুত-আখ্যান ॥

কোটি-কোটি পক্ষী জন্মে তাহার ঔরসে ।

যত জ্ঞাতিগণে পালে ধর্ম-উপদেশে ॥

অন্তরে কপট তার, কেহ নাহি জানে ।

মহাবুদ্ধিমন্ত বলি সবে তারে মানে ॥

চিন্তিয়া বাতাপি-পক্ষী বলে মহাবলী ।

যত নাগগণ-সঙ্গে করিল মিতালি ॥

তাহার আশ্বাসে যুদ্ধ নাগরাজ-বংশে ।

নিরন্তর ছলে-বলে পক্ষিগণে হিংসে ॥

শুক-সারি দুই-ভাই ছিল বুদ্ধিমন্ত ।

জানিল বাতাপি-পক্ষী জ্ঞাতিগণ-অন্ত ॥

এতক চিন্তিয়া দৌড়ে সত্বরে চলিল ।

হিমাদ্রির তটে গিয়া তপ আরম্ভিল ॥

করিয়া কঠোর-তপ পূজি পঞ্চাননে ।

গোনানীত বর পেয়ে ভাই দুইজনে ॥

আসিয়া সকল শত্রু করিল বিনাশ ।

কহিলাম তোমাতে এ-পক্ষি-ইতিহাস ॥

সেইরূপ ধৃতরাষ্ট্র করে আচরণ ।

মুহূর্ত্তেকে সবংশেতে হইবে নিধন ॥

অহিংসকে হিংসে যেই, দৈব তারে হিংসে ।

তার দোষে বাতি দিতে না থাকিবে বংশে ॥

সঞ্জয় এতক শুনি হৈল হৃষ্টমন ।

কহিতে লাগিল পরে অন্য সর্বজন ॥

সহদেব নকুল বিরাট-নরপতি ।

ধৃষ্টদ্যুম্ন শিখণ্ডী দ্রুপদ মহামতি ॥

কহিবে অন্ধরে আমা-সবা-নিবেদন ।

সম্প্রীতে ছাড়িয়া রাজ্য দেহ ত রাজন্ ॥

সম্প্রীতে না দিলে দুঃখ পাইবে পশ্চাতে ।

সবংশে মজিবে রাজা, কহিনু নিশ্চিত ॥

এরূপে কহিল কথা যত বীরগণ ।

সবাকে সম্ভাষি তবে সূতের নন্দন ॥

মেলানি মাগিয়া ধর্ম্ম আরোহিয়া রথে ।

গিয়া সব নিবেদিল অন্ধের সাক্ষাতে ॥

শুনিয়া নৃপতি নাহি কহে ভাল-মন্দ ।

ব্যাকুল হইয়া চিন্তে সদা ভাবে অন্ধ ॥

যেই প্রভু নীলগিরি নীলকণ্ঠধারী ।

নমো ব্রহ্ম-অবতার দারুণপথারী ॥

দারুণরূপে পূর্ণব্রহ্ম নীলাচলে বাস ।

তাহার চরণ চিন্তি কহে কাশীদাস ॥

১১। দুর্যোধনের নিমন্ত্রণে রাজগণের আগমন

ও যুদ্ধসজ্জা ।

রাজা জন্মেজয় মুনিবরে জিজ্ঞাসিল ।

কহ মুনি, তার পরে কি প্রসঙ্গ হৈল ॥

পাণ্ডবের রণে আসে কত বীরগণ ।
কত-সৈন্য-সহ সাজে নিজে দুর্যোধন ॥
মহা-মহা-বীরগণ কৌরব-সহায় ।
অল্পসৈন্য বলহীন পাণ্ডুর তনয় ॥
কেবল সহায় মাত্র দেব-নারায়ণ ।
ব্রহ্মার সহায় যথা অদিতি-নন্দন ॥
পাণ্ডবের পক্ষমাত্র কৃষ্ণধন দেখি ।
ইন্দ্রের আশ্রয়ে যথা দেবগণ স্থখী ॥
উভয়-কূলের হিত ভাবে নারায়ণ ।
পাণ্ডবের সহায় হ'লেন কি-কারণ ॥

মুনি বলে, শুন নৃপ শ্রীজনমেজয় ।
দুষ্কবুদ্ধি দুর্যোধন পাপিষ্ঠ দুৰ্জয় ॥
সে-হেতু কল্পনা করি জগৎ-নিবাস ।
দুর্যোধনে ছাড়িলেন করিয়া নিরাশ ॥
চেদিবংশে ছিল যত দুষ্ক-রাজগণ ।
যুদ্ধ-হেতু দুর্যোধন লিখিল লিখন ॥
পাইয়া রাজার আজ্ঞা চেদিবংশপতি ।
নবকোটি গজ সাজে, সপ্তকোটি রথী ॥
সহস্র-শতক-কোটি সাজে অশ্ববর ।
পঞ্চকোটি মল্ল সাজে, পদাতি-বিস্তর ॥
বিবিধ-বাণের শব্দে পূরিল ধরণী ।
সৈন্য-কোলাহলে সবে কর্ণে নাহি শুনি ॥
ধ্বজচ্ছত্রে-পতাকায় সূর্য আচ্ছাদিল ।
কৌরবের সৈন্যमध्ये সত্তরে মিশিল ॥
রাজা ভগদত্ত আসে পেয়ে নিমন্ত্রণ ।
অৰ্জু দ-অৰ্জু দ সৈন্য করিয়া সাজন ॥
সহস্র-শতক-কোটি অশ্ব-আসোয়ার ।
ষষ্টি-কোটি মহারথী তার পরিবার ॥
ছত্রিশ-সহস্র-কোটি সঙ্গ মত্তহাতি ।
চতুরঙ্গ-দল-সহ আসে নরপতি ॥

বিবিধ-বাণের শব্দে কাঁপে মহীধরে ।
মিশিল আসিয়া কুরুসৈন্যের সাগরে ॥
রাজা বৃহদ্রথ আসে পাইয়া লিখন ।
সাজিল যতক সৈন্য, কে করে গণন ॥
পঞ্চষষ্টি-সহস্র সঙ্গতে মহারথী ।
ষষ্টি-শত-সহস্র সঙ্গতে মত্তহাতি ॥
পঞ্চদশ-সহস্র যে সঙ্গ আসোয়ার ।
তবকি তুরগী মল্ল পদাতি অপার ॥
নানাবাণ-কোলাহলে কুরু-রণে গেল ।
শ্রুতমাত্র তদন্তরে কলিঙ্গ সাজিল ॥
শতভাই-সহ আসে কলিঙ্গ-নৃপতি ।
সাজিল অসংখ্য-সৈন্য রথী মহারথী ॥
সহস্র-শতক-কোটি কিরাত-যবন ।
ষষ্টিকোটি রথ সাজে, পত্তি অগণন ॥
পঞ্চাশ-সহস্র-কোটি সাজে অশ্ববল ।
কলিঙ্গ-নৃপতি ল'য়ে চতুরঙ্গ-দল ॥
কৌরব-সৈন্যেতে আসি করিল মিলন ।
নীলধ্বজ-নৃপে তবে করে নিমন্ত্রণ ॥
অৰ্জু দ-অৰ্জু দ-সৈন্য ত্বরিতে আসিল ।
শুশ্রুমা-নৃপতি তবে সংবাদ পাইল ॥
চতুরঙ্গ-দলে রাজা করিল সাজন ।
পঞ্চকোটি রথী সাজে, পত্তি অগণন ॥
দুইলক্ষ মত্তগজ, তুরঙ্গ অপার ।
চলিল শুশ্রুমা-রাজ সহ-পরিবার ॥
কৌরবের সঙ্গ আসি করিল মিলন ।
আসিল ত্রিগর্ত-সঙ্গে সৈন্য অগণন ॥
পঞ্চভাই-সহ আসে ত্রিগর্ত-নৃপতি ।
সপ্তকোটি রথী সঙ্গ, পঞ্চকোটি হাতি ॥
একাদশ-কোটি তুরঙ্গম-আসোয়ার ।
চতুরঙ্গ-দল-সহ করে আশ্রমার ॥

ক্ষেমধূর্তী রাজা আর রাজা অনুবৃন্দ ।
 স্মৃত্তে সারথি আর রাজা জলসন্ধ ॥
 এইরূপে পঞ্চষষ্টি-শত নরপতি ।
 রথ-রথী গজ-বাজী অসংখ্য পদাতি ॥
 কৌরবের দলে আসে পেয়ে নিমন্ত্রণ ।
 সৈন্য-কোলাহল-শব্দে পূরিল গগন ॥
 একাদশ-অক্ষৌহিণী একত্র মিলিল ।
 দেখি চুর্যোধন চিতে সানন্দ হইল ॥
 অনুচরে আজ্ঞা দিল কৌরব-তনয় ।
 কুরুক্ষেত্রে কর গিয়া বিচিত্র-আলয় ॥
 বিচিত্র-মন্দির-পুর করিবে অপার ।
 ধাত্য-যব-তণ্ডুলাদি রাখ উপচার ॥
 অশ্বশালা সারি-সারি করিবে অপার ।
 কুরুক্ষেত্রে-মধ্যে সবে কর আগুসার ॥
 একাদশ-অক্ষৌহিণী রহিবার স্থান ।
 শীত্রগতি কুরুক্ষেত্রে করহ নির্মাণ ॥
 রাজার আদেশ পেয়ে অনুচরগণ ।
 সেইক্ষণে কুরুক্ষেত্রে করিল গমন ॥
 লক্ষ-লক্ষ কোটি-কোটি খনক আনিল ।
 গড়থাই নির্মাইতে সবাকৈ কহিল ॥
 আজ্ঞা পেয়ে খনিবারে লাগে সেইক্ষণে ।
 রচিল যতেক গৃহ, না যায় লিখনে ॥
 নানা-অস্ত্র-শস্ত্রে পূর্ণ কৈল গৃহগণ ।
 সঞ্চিল যতেক দ্রব্য না হয় লিখন ॥
 নির্মাইয়া গড়থাই যত অনুচরে ।
 নিবেদন কৈল আসি কৌরব-কুমারে ॥
 মহাভারতের কথা অমৃত-সহস্রী ।
 শুনিলে অধর্ম্ম খণ্ডে, হেলে ভবে তরি ॥

১২ । কুরুক্ষেত্রে যুদ্ধসজ্জা করিতে যুধিষ্ঠিরের
 অহমতি-প্রদান ও কুরুক্ষেত্রের
 উৎপাদিত কথা ।

জন্মেজয় কহে, কহ, শুনি তপোধন ।
 অতঃপর কি করিল ভাই পঞ্চজন ॥
 হেথা রাজা চুর্যোধন করিল সাজন ।
 কিবা করিলেন তবে পাণ্ডুর নন্দন ॥
 কোন্-কোন্ রাজা হৈল সহায় তাঁহার ।
 কহ, শুনি মুনিবর, করিয়া বিস্তার ॥
 মুনি বলে, শুন নৃপবর জন্মেজয় ।
 হৃদয়ে চিস্তিলা তবে ধর্ম্মের তনয় ॥
 নিশ্চয় হইবে যুদ্ধ, না হবে থণ্ডন ।
 ভ্রাতৃগণে ডাক দিয়া কহেন বচন ॥
 শুনিলে কি ভ্রাতৃগণ, কৌরব-কাহিনী ।
 সাজিল পাণ্ডিষ্ঠ একাদশ অক্ষৌহিণী ॥
 আমার আছয়ে যত স্নহদ-স্নজন ।
 যুদ্ধহেতু সবাকারে লিখহ লিখন ॥
 ভোজবংশে অন্ধবংশে যতেক রাজন্ ।
 সৌবল-সুমিত্র-আদি মদ্রের নন্দন ॥
 যদুবংশে উগ্রসেন-আদি রাজগণ ।
 যথাযোগ্য সবাকারে লিখহ লিখন ॥
 অনুচরগণে আজ্ঞা কর শীত্রতরে ।
 কুরুক্ষেত্রে গড়থাই কহ রচিবারে ॥
 ভক্ষ্য-ভোজ্য-দ্রব্য-আদি করহ সঞ্চারণ ।
 নানা-অস্ত্র-শস্ত্র, নানাবিধ উপচার ॥
 নৃপতির আজ্ঞা পেয়ে ইন্দ্রের নন্দন ।
 ধৃষ্টদ্যুম্নে ডাকি তবে কহে সেইক্ষণ ॥
 আপনিহ যাহ তথা, বিলম্ব না সয় ।
 কুরুক্ষেত্রে কর গিয়া বিচিত্র-আলয় ॥

সহস্র-সহস্র সঙ্গ লহ অনুচর ।
 দিব্য-গড়খাই রচ, আগার বিস্তর ॥
 কুরুক্ষেত্র মহাতীর্থ পুরাণে বাখানি ।
 যাহাতে পড়িলে যুদ্ধে পায় দেবযোনি ॥
 পূর্ব-পিতামহ মম কুরু-নৃপমণি ।
 ব্যাসমুখে শুনিলাম তাঁহার কাহিনী ॥
 একচ্ছত্র মহারাজ ছিল ভূমণ্ডলে ।
 কুরুক্ষেত্র কৈল রাজা নিজ-পুণ্যবলে ॥
 শুনি কহে ধৃষ্টদ্যুম্ন করিয়া বিনয় ।
 ইহার বৃত্তান্ত কহ, শুনি ধনঞ্জয় ॥
 কোন্ পুণ্যবলে রাজা কুরুক্ষেত্র কৈল ।
 কোন্ দেবে আরাধিয়া এ-বর পাইল ॥

অর্জুন বলেন, শুন পূর্বের কাহিনী ।
 মহাধর্মশীল ছিল কুরু-নৃপমণি ॥
 বাহুবলে শাসিলেন সর্ব-ভূমণ্ডল ।
 একচ্ছত্র রাজা হৈলা, বলে মহাবল ॥
 নানা-দান নানা-যজ্ঞ করিলা রাজন্ ।
 কুরুর মহিম-গুণ বিখ্যাত ভুবন ॥
 একদিন পিতৃগণ কহিল তাঁহারে ।
 মাংসশ্রোত্রে তপ্ত কর অমা-সবাকারে ॥
 পিতৃগণ-আজ্ঞাকারী কুরু-নরপতি ।
 যুগয়া-কারণে বনে গেলা শীঘ্রগতি ॥
 হারিলা অনেক যুগ বনের ভিতর ।
 আশু বাড়ি পাঠাইলা যুগ বহুতর ॥
 যুগয়াতে শ্রান্ত বড় হইয়া রাজন্ ।
 জল-অশ্বেষণে রাজা ভ্রমে বনে-বন ॥
 জল নাহি পায় রাজা, তৃষ্ণায় পীড়িত ।
 দণ্ডক-কাননে রাজা হৈল উপনীত ॥
 মূনির আশ্রম সেই অপূর্ব কানন ।
 মনুষ্য-অগম্য স্থল অতি-শ্রোভন ॥

দিব্য-সরোবর আছে বনের ভিতরে ।
 দেবকন্যাগণ তাহে নিত্য কেলি করে ॥
 সেই সরোবরে রাজা হৈল উপনীত ।
 সরোবর দেখি রাজা মনে পায় শ্রীত ॥
 বহুরূপা-নামে কন্যা দেবের নর্তনী ।
 রূপেতে কনকলতা খঞ্জন-নয়নী ॥
 মুখরুচি শত-শশী করিয়াছে শোভা ।
 ওষ্ঠাধর রাতুল বন্ধক-পুষ্প-আভা ॥
 শুকচঞ্চু জিনি নাগা, জিনি তিলফুল ।
 কামের কাম্যুক ভুরু, কিবা দিব তুল ॥
 দেখিয়া কন্যার রূপ মোহিত রাজন্ ।
 ক্ষুধা-তৃষ্ণা পাসরিলা, কামে অচেতন ॥
 নিকটেতে গিয়া রাজা জিজ্ঞাসে কন্যারে ।
 নিজ-পরিচয় তুমি কহিবে আমারে ॥
 তোমার রূপের সীমা না যায় বর্ণনে ।
 তোমা-সম রূপ-গুণ না দেখি নয়নে ॥
 কিবা লক্ষ্মী সরস্বতী হবে হরপ্রিয়া ।
 সারিত্রী রুক্মিণী কিবা হবে সর্বজয়া ॥
 কিবা নাগকন্যা হবে, ত্রিলোভমা-প্রায় ।
 নিজ-পরিচয় কন্যা, কহিবে আমায় ॥

কন্যা বলে, শুন মম পূর্বের কাহিনী ।
 বহুরূপা নাম মম, ইন্দ্রের নর্তনী ॥
 পূর্বজন্মে আমি রাজা, ছিনু পক্ষিযোনি ।
 প্রভাসে বসতি ছিল, নাম সারঙ্গিনী ॥
 প্রামাণিক-নামে বট প্রভাসের তীরে ।
 অত্যাপি সে বৃক্ষ আছে দৃষ্টির গোচরে ॥
 তথা অবস্থিতি আমি করি বহুকাল ।
 কতদিনে বৃদ্ধকাল হইল জঞ্জাল ॥
 জরাতে আভুর-তনু, ব্যাধিতে পীড়িল ।
 সেই-বৃক্ষ-উপরেতে মম মৃত্যু হৈল ॥

মরিয়া শুকায়ে ছিনু বৃক্ষের উপরে ।
 বহুকাল ছিনু আমি বাসার ভিতরে ॥
 দৈবের নির্বন্ধ কৰ্ম না হয় খণ্ডন ।
 কতদিনে ঘোরতর বহিল পবন ॥
 বাসার সহিত মম শুষ্ক-কলেবরে ।
 উড়াইয়া ফেলিলেক প্রভাসের নারে ॥
 পবন করিতে অঙ্গ প্রভাসের পাণি ।
 সর্বপাপে মুক্ত হইলাম নৃপমণি ॥
 দিব্যমুন্ডি ধরিলাম রূপেতে পদ্মিনী ।
 সেই-পুণ্যে হইলাম ইন্দের নর্তনী ॥
 ইন্দের সাক্ষাতে নৃত্য করি বার-বার ।
 একাদন পাপবুদ্ধি হইল আমার ॥
 সূর্যবংশে মহারাজ খট্টাঙ্গ আছিল ।
 যুদ্ধহেতু ইন্দ্র তারে বরিয়া আনিল ॥
 অন্তরগণের সহ কৈলা মহারণ ।
 সবাকারে পরাজিলা খট্টাঙ্গ-রাজনু ॥
 তুচ্ছ হ'য়ে সভাস্থলে নিলা ইন্দ্র তাঁরে ।
 যত্নে করাইলা নৃত্য আমা-সবাকারে ॥
 খট্টাঙ্গ-নৃপতি রূপে পরম-সুন্দর ।
 তারে দেখি হৃদে মম বিদ্বৈ কামশর ॥
 পুনঃপুনঃ চাহিলাম তাঁহার বদন ।
 দেখি ইন্দ্র ক্রোধে শাপ দিলা সেইক্ষণ ॥
 দেবলোক পেয়ে কর মনুষ্য-আচার ।
 কিছুকাল কর নরলোকে ব্যবহার ॥
 সে-কারণে নরপতি, হেথায় বসতি ।
 বিরহিণী আছি, নাহি মিলে যোগ্যপতি ॥
 এত শুনি হাসি-হাসি বলে নৃপমণি ।
 আমারে বরহ, যদি আছ বিরহিণী ॥
 চন্দ্রবংশে জন্ম মম, কুরু নাম ধরি ।
 সংসার মধ্যেতে হই আমি অধিকারী ॥

তোমাতে দেখিয়া মন মজিল আমার ।
 কামানলে দহে তনু, করহ নিস্তার ॥
 শ্রেষ্ঠ-পাটেশ্বরী আমি করিব তোমাতে ।
 এত শুনি কন্যা পুনঃ কহিল রাজারে ॥
 নিশ্চয় নৃপতি, আমি করিব বরণ ।
 এক সত্য মম অগ্রে করহ রাজনু ॥
 আপন-উচ্ছ্বাস আমি করিব যে কাজ ।
 আমাবে বারণ নাহি কর মহারাজ ॥
 কুবচন বল যদি, ত্যজিব তোমাতে ।
 কন্যাব বচনে রাজ অঙ্গীকার করে ॥
 কন্যারে লইয়া রাজা গেল নিজদেশে ।
 নিরবধি কৈলি করে অশেষ-বিশেষে ॥
 একদিন নরপতি কহিল কন্যারে ।
 জল আনি শীত্রগতি দেহ ত আমারে ॥
 কন্যা বলে, এবে মম আছে প্রয়োজন ।
 মুহূর্তেক রহ, জল দিব ত এখন ॥
 রাজা বলে, পিপাসাতে দহে কলেবর ।
 আমারে আনিয়া জল দেহ ত সত্ত্বর ॥
 নৃপতির বাক্য কন্যা না করে শ্রবণ ।
 ক্রুদ্ধ হ'য়ে কহে রাজা বহু-কুবচন ॥
 ক্রোধেতে করিল নিন্দা বিবিধ-প্রকারে ।
 গণিকার জাতি তুই, কি বলিব তোরে ॥
 পুনঃপুনঃ স্বামি-বাক্য করিস্ হেলন ।
 স্ত্রীজাতি নহিলে তোর নিতাম জীবন ॥
 এত শুনি কন্যা হাসি বলিল রাজারে ।
 পূর্বসত্য পাসরিলে, ছাড়ি তুই তোমাতে ॥
 এইক্ষণে ত্যাগ করি যাব নিজস্থান ।
 এতেক বলিয়া কন্যা কৈল অন্তর্দ্বান ॥
 কন্যারে না দেখি রাজা আকুল-জীবন ।
 কন্যার ভাবনা-বিনা অন্যে নাহি মন ॥

রাজ্যপদে নাহি মতি সচিস্তিত মন ।
 বিবাহ না করে রাজা নবীন-যৌবন ॥
 বৃদ্ধমস্ত্রিগণ সব বুঝায় রাজারে ।
 কি-হেতু ভূপাল, চিন্তা করিছ অন্তরে ॥
 বহুরূপা কন্যা সেই ইন্দ্রের নাচনী ।
 ইন্দ্রশাপে হ'য়েছিল তোমার রমণী ॥
 শাপে মুক্তা হ'য়ে সেই গেল স্রপুরে ।
 তার হেতু শোক কেন করহ অন্তরে ॥
 যদি তুমি সেই কন্যা ইচ্ছ নৃপবর ।
 দেবরাজ ইন্দ্র হয় সবার ঈশ্বর ॥
 বিনয় করিয়া কর ইন্দ্রে আরাধন ।
 তবে সেই কন্যা প্রাপ্ত হইবে রাজন্ ॥
 হস্তিনার উত্তরেতে সরস্বতী-তীরে ।
 উপবন আছে তথা তাহার উত্তরে ॥
 নিত্য আসি স্রধেস্থ চরে সেই বনে ।
 ইন্দ্র-আরাধনা কর স্রভি-সেবনে ॥
 তবে পুনর্ব্বার তুমি পাইবে কন্যারে ।
 তত্ত্ব-উপদেশ রাজা, কহিনু তোমারে ॥
 এত শুনি আনন্দিত হইয়া অন্তরে ।
 বিধিমতে নরপতি ইন্দ্রে স্তুতি করে ॥
 করিল কঠোর তপ শাস্ত্রের বিহিত ।
 স্রভির সেবা রাজা কৈল যথোচিত ॥
 ভুক্তা হ'য়ে স্রধেস্থ বলে নৃপতিরে ।
 অভিমত-বর রাজা, মাগহ আমারে ॥
 তব প্রতি ভুক্তা রাজা, হইলাম আমি ।
 মনোনীত-বর যাহা, মাগি লহ তুমি ॥
 এত শুনি করযোড়ে কহে নৃপমণি ।
 যদি বর দিবে, তবে শুন গো জননি ॥
 বহুরূপা-নামে কন্যা আছে স্রপুরে ।
 সেই-কন্যা-প্রাপ্তি যেন হয় ত আমারে ॥

স্বস্তি বলি বর তবে দিলেন স্রভি ।
 পাইবে সে-কন্যা তুমি দেবরাজে সেবি ॥
 পঞ্চাক্ষর ইন্দ্রমন্ত্র দেই, রাজা, লহ ।
 ইন্দ্রমন্ত্র জপি তুমি ইন্দ্রে আরাধহ ॥
 ত্রিরাত্র জপিলে ইন্দ্র দিবে দরশন ।
 যে বাঞ্ছা করিবে রাজা, পাইবে তখন ॥
 এত বলি দিল মন্ত্র প্রসন্ন হইয়ে ।
 হৃষ্টচিত্ত হৈল তবে রাজা মন্ত্র পেয়ে ॥
 ত্রিরাত্র জপিল মন্ত্র বসি একাসন ।
 প্রসন্ন হ'লেন তবে সহস্রলোচন ॥
 সাক্ষাতে দেখিয়া ইন্দ্রে কুরু-নরপতি ।
 দণ্ডবৎ প্রণমিয়া করে বহুস্তুতি ॥
 ভুক্ত হ'য়ে ইন্দ্র বলিলেন, মাগ বর ।
 এত শুনি বলে রাজা যুড়ি দুইকর ॥
 বহুরূপা-নামে যেই তোমার নর্ত্তনী ।
 সেই-কন্যা দান মোরে কর স্রমণি ॥
 ইন্দ্র বলে, যাহা ইচ্ছ, দিলাম তোমারে ।
 আর বর মাগ, যাহা বাঞ্ছহ অন্তরে ॥
 রাজা বলে, বর যদি দিবা পুরন্দর ।
 এই স্থান হয় যেন পুণ্যক্ষেত্রবর ॥
 কুরুক্ষেত্র-নাম হয় পুণ্যক্ষেত্র-সার ।
 ইথে যুদ্ধ করি যেই হইবে সংহার ॥
 ভুক্তিবে অক্ষয় স্বর্গ সহিত তোমার ।
 এই বর দেহ মোরে দেব-গুণাধার ॥
 ইন্দ্র বলে, পূর্ণ হৈবে তব মনস্কাম ।
 পুণ্যক্ষেত্র হৈল এই, কুরুক্ষেত্র নাম ॥
 এত বলি ইন্দ্র আজ্ঞা দিল মাতলিরে ।
 বহুরূপা-কন্যা তুমি আনি দেহ এরে ॥
 ইন্দ্রের আজ্ঞায় তথা কন্যারে আনি ।
 সেইক্ষণে নৃপ তারে বিবাহ করিল ॥

অনেক যৌতুক তারে দিলা স্বরপতি ।
 অস্তহিত হ'য়ে ইন্দ্র গেলেন বসতি ॥
 ইন্দ্রের বরেতে সেই পুণ্যক্ষেত্র হৈল ।
 কুরুক্ষেত্র বলি নাম জগতে ব্যাপিল ॥
 কন্যারে লইয়া তবে কুরু-নরপতি ।
 হৃষ্টচিত্তে গেল পরে আপন-বসতি ॥
 মদগর্বে স্বরভিরে সন্তাষ না কৈল ।
 সেইহেতু স্বরধেনু নৃপে শাপ দিল ॥
 পুত্র না হইবে তোর এই অহঙ্কারে ।
 এত বলি প্রবেশিল পাতাল-ভিতরে ॥

এ-সকল বৃত্তান্ত না শুনিল রাজন্ ।
 নিতম্বিনী ল'য়ে কোলি করে অনুক্ষণ ॥
 পুত্র না হইল তাঁর, যুবাকাল গেল ।
 এত ভাবি রাজা তবে চিন্তিত হইল ।
 বহু-দান-যজ্ঞ তবে করিল নৃপতি ।
 পুত্র না হইল, রাজা চিন্তাকুল-মতি ॥
 কুলপুরোহিত যে বশিষ্ঠ তপোধন ।
 ভাষ্যা-সহ তাঁর কাছে করে নিবেদন ॥
 দণ্ডবৎ প্রণমিয়া করে বহু-স্ততি ।
 হৃষ্ট হ'য়ে দৌহে আশ্বাসিল মহামতি ॥
 মনোনীত বর মাগি লহ ছুইজনে ।
 যেই বর ইচ্ছা কর, মাগ মম স্থানে ॥

এত শুনি রাণী-সহ কহে নরপতি ।
 পুত্রবর আজ্ঞা মোরে, কর মহামতি ॥
 তব বর-দানে মোরা হই পুত্রবান্ ।
 ইহা-বিনা তোমাতে না মাগি বর আন ॥

এত শুনি ধ্যানস্থ হইয়া মুনিবর ।
 স্বরভির শাপে অপুত্রক নৃপবর ॥
 জানিয়া কারণ তার কহিলা রাজারে ।
 অবশ্য হইবে পুত্রবান্ মম বরে ॥

কিন্তু স্বরভির শাপ আছেয়ে তোমায় ।
 সে-কারণে রাজা, তব না হয় তনয় ॥
 অভিমানে পাতালেতে গেলেন জননী ।
 মম গৃহে আছে রাজা, তাঁহার নন্দিনী ॥
 নিয়ম করিয়া সেবা করহ তাঁহার ।
 অচিরেতে পুত্র রাজা, হইবে তোমার ॥
 সংবৎসর সেবা তাঁর কর নৃপমণি ।
 ভজুক দাসীর মত তোমার রমণী ॥
 তবে সে নৃপতি তুমি হবে পুত্রবান্ ।
 অমনি নন্দিনী-ধেনু আসে বিগ্ৰহমান ॥
 নন্দিনীকে দেখি মুনি কহিল রাজারে ।
 হইবে তোমার কার্য সিদ্ধ মম বরে ॥
 এই নন্দিনীকে তুমি সেবহ রাজন্ ।
 এক সংবৎসর রাজা করিয়া নিয়ম ॥

মুনি-বাক্যে রাজা-রাণী সেবিল তাঁহারে ।
 নিয়ম করিয়া দৌহে এক সংবৎসরে ॥
 রাজার সেবনে গাভা সন্তুষ্ট হইল ।
 মুনিবর সাধি তারে শাপান্ত করিল ॥
 শাপে মুক্ত হ'য়ে রাজা হৈল পুত্রবান্ ।
 দুই-পুত্র জনমিল মহা-মতিমান্ ॥
 প্রথম পুত্রের নাম রাখে স্বয়ংবর ।
 তাহা হৈতে কুরুবংশ বাড়িল বিস্তর ॥
 অবশেষে পুত্রে রাজ্য দিয়া নরবর ।
 ইন্দ্রের আজ্ঞায় গেল বনের ভিতর ॥
 সাধিয়া পরম-যোগ পায় দিব্যগতি ।
 কহিনু তোমাতে এই পূর্বের ভারতী ॥
 শীঘ্রগতি যাহ তুমি না কর বিলম্ব ।
 কুরুক্ষেত্রে কর গিয়া গড়ের আরম্ভ ॥
 হইবে দারুণ-যুদ্ধ, না হবে খণ্ডন ।
 কুলক্ষয়-হেতু বাহ্মা কৈল ছুর্যোধন ॥

এত শুনি ধৃষ্টদ্যুম্ন হৈল হৃষ্টমতি ।
 বহু-অনুচরগণ লইল সংহতি ॥
 দুই-অক্ফোহিণী-বলে চলি গহ্বরিত ।
 কুরুক্ষেত্রে-মধ্যে গিয়া হৈল উপনাত ॥
 খনকগণেরে আজ্ঞা দিল সেইক্ষণ ।
 রচিল অদ্বুত গড়খাই বিচক্ষণ ॥
 স্থানে-স্থানে বিরচিল দিব্য-দিব্য ঘর ।
 রাজগণ রহিবারে আবাস বিস্তর ॥
 অশ্বশালা বিরচিল আর গজাগার ।
 নানা-অস্ত্র-শস্ত্রে পূর্ণ করিল ভাণ্ডার ॥
 ভক্ষ্য-ভোজ্য-দ্রব্য আনাইলেন বিস্তর ।
 দুইলক্ষ প্রহরী রাখিল থরে-থর ॥
 নির্মাইয়া গড়খাই আদিল সত্বর ।
 নিবেদন করিলেন রাজার গোচর ॥
 শুনি হৃষ্টমন হৈল ভাই পঞ্চজন ।
 যুদ্ধহেতু রাজগণে লিখিল লিখন ॥
 কারক্ষর রাজা আর রাজা জয়ৎসেন ।
 শিশুপাল-পুত্র সহদেব, রাজা ক্ষেম ॥
 কাশীরাজ হ্ষেণ হুমিত্র নরপতি ।
 অঙ্গরাজ কারক্ষর হৃদয়্য প্রভৃতি ॥
 মগধ-নৃপতি আর যতেক রাজন্ ।
 দূতমুখে পাণ্ডবের শুনি নিমন্ত্রণ ॥
 চতুরঙ্গ-দলে সাজি কুরুক্ষেত্রে এল ।
 যুদ্ধের সামগ্রী সবে অনেক আনিল ॥
 সপ্ত-অক্ফোহিণী সেনা আসিয়া মিলিল ।
 নানা-বাঘ-কোলাহলে পৃথিবী পুরিল ॥
 সপ্ত-অক্ফোহিণী-পতি হৈল পঞ্চজন ।
 একাদশ-অক্ফোহিণী-পতি দুর্যোধন ॥

অক্ফোহিণী-অক্ফোহিণী হৈল সৈন্যগণে ।
 কোলাহল-মহাশব্দে না শুনি শ্রবণে ॥
 কুরুক্ষেত্রে দুই-দল সমানে রহিল ।
 নানা-অস্ত্র-শস্ত্র সবে সঞ্চয় করিল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১৩। অক্ফোহিণী-অক্ফোহিণী হৈল দুর্যোধন-কর্তৃক উল্লুকে
 দূতরূপে প্রেরণের মন্ত্রণা ।

মুনি বলে, শুন-শুন রাজা জন্মেজয় ।
 তবে রাজা দুর্যোধন চিন্তিল হৃদয় ॥
 দ্বারকা গেলেন কৃষ্ণ, পেয়ে সমাচার ।
 বরিবারে দূত পাঠাইল আগুসার ॥
 গোবিন্দে লিখিলেন সব-বিবরণ ।
 কৌরব-পাণ্ডবে হবে যোরতর রণ ॥
 উভয়-কুলের হিতকুটুম্ব আপনি ।
 সে-কারণে অগ্রে তোমা বরিলাম আমি ॥
 মহারণে হবে তুমি আমার সারথি ।
 এত বলি দূত পাঠাইল শীঘ্রগতি ॥

তবে মন্ত্রিগণে ল'য়ে কৌরবের পতি ।
 নিভূতে বসিয়া যুক্তি করে মহামতি ॥
 ভীষ্ম দ্রোণ কৃপ আর প্রতীপ-নন্দন ।
 দুঃশাসন-কর্ণ-আদি যত মন্ত্রিগণ ॥
 রাজা বলে, একমনে শুন সভাজন ।
 দুই-কুল হিত হন দেব-নারায়ণ ॥
 হইবে ভারত-যুদ্ধ, না হবে খণ্ডন ।
 সম্বন্ধে সমান হন দেব-জনর্দন ॥

দূত পাঠাইলু আমি বুঝিতে রহস্য ।
 ছই-কুল-হিত কৃষ্ণ করিবে অবশ্য ॥
 সে-হেতু বুঝিব আজি কৃষ্ণ-বলাবল ।
 পাণ্ডবে সন্তুষ্ট কিবা, জানিব সকল ॥
 যম হিতাহিত কৃষ্ণ করে বা না করে ।
 বুঝিতে কারণ দূত, পাঠাইলু তারে ॥

এত শুনি কহে ভীষ্ম গঙ্গার নন্দন ।
 না বুঝিয়া দূত পাঠাইলে অকারণ ॥
 ত্রিভুবন-জ্ঞাত, কৃষ্ণ পাণ্ডবের হিত ।
 তোমার সপক্ষ নাহি হবে কদাচিত ॥
 কর্ণ বলে, মম চিত্তে না লয় এ-কথা ।
 পাণ্ডবের হিত কৃষ্ণ, জানি যে সর্বথা ॥
 তোমার অহিত কৃষ্ণ, জানি নিজমনে ।
 কি বুঝিয়া দূত পাঠাইলে তার স্থানে ॥
 যদি বা সপক্ষ তব হয় কদাচন ।
 রূপট করিয়া নাশিবেক সর্বজন ॥
 মুখেতে মধুর ভাষা, অন্তরেতে আন ।
 তোমার পরম-শত্রু দেব ভগবান ॥
 বিস্তু বলভদ্র হয় তব প্রীতি প্রীত ।
 তাহারে বরিতে যুদ্ধে হয় সমুচিত ॥
 তীর্থযাত্রা করি ভ্রমে সেই বলরাম ।
 দূত পাঠাইয়া রাজা, দেহ তাঁর ধাম ॥
 তোমার সহায় হবে দেব-নারায়ণ ।
 মম চিত্তে হেন নাহি লয় ত রাজন ॥

সকলে বলিল, ভাল বলিলে যুক্তি ।
 তোমার সহায় হবে রেবতীর পতি ॥
 মহাবলবন্ত রাম, সংগ্রামে প্রচণ্ড ।
 দৃষ্টিমাত্রে পাণ্ডবেরে করিবেক খণ্ড ॥
 রাজা বলে, যা কহিলে সখে, সারোদ্ধার ।
 মম হিতকারী সেই রোহিণী-কুমার ॥

কিস্ত তীর্থযাত্রা-হেতু গেল সঙ্কর্ষণ ।
 গোবিন্দেরে দূত পাঠাইলু সে-কারণ ॥
 সম্বন্ধে বেহাই হয় দেব-জগৎপতি ।
 মনে লয়, মম সঙ্গ করিবেন প্রীতি ॥
 দুঃশাসন বলে, মম মনে নাহি লয় ।
 পাণ্ডবের প্রিয় বড় দৈবকী-তনয় ॥
 তোমার সহায় নাহি হবে কদাচন ।
 না বুঝিয়া দূত পাঠাইলে কি-কারণ ॥
 এত শুনি কহিলেন দ্রোণ-মহাশয় ।
 উভয়-কূলের হিত দৈবকী-তনয় ॥
 আপনি সহায় যদি না হন তোমার ।
 নারায়ণী-সেনা তাঁর আছয়ে অপার ॥
 সেই-সৈন্য হয় যদি তোমার সপক্ষ ।
 চিত্তে হেন লয়, জয় হইবে প্রত্যক্ষ ॥
 নারায়ণী-সেনা তাঁর মহাবলবান্ ।
 অজেয় অমর তারা দেবের সমান ॥
 সেই-সৈন্য দেন যদি দৈবকী-কুমার ।
 কিবা প্রয়োজন কৃষ্ণে আছয়ে তোমার ॥
 একাকী সহায় হৈলে কি করিবে রণে ।
 জগতে বিখ্যাত আছে তার বীরপনে ॥
 জরাসন্ধভয়ে গেল মথুরা ত্যজিয়া ।
 সমুদ্রের কূলে গিয়া রহে লুকাইয়া ॥
 হেনজনে বরি কোন কল্প হইবে তোমার ।
 তারে বরিবারে যুক্তি নহে মো'-সবার ॥
 রণে পলাইয়া যায় শৃগালের প্রায় ।
 হেনজনে বরিবারে মন নাহি চায় ॥
 যেই-জরাসন্ধ-ভয়ে পলাইয়া গেল ।
 মহাবীর কর্ণ তারে সমরে জিনিল ॥
 কর্ণের সমান বীর নাহি ত্রিভুবনে ।
 যুদ্ধভূমিকে নিবারিবে পাণ্ডুর নন্দনে ॥

ইন্দ্র-আদি সখা যদি করিবে পাণ্ডব ।
 তথাপি কর্ণের হস্তে পাবে পরাভব ॥
 প্রতাপেতে কার্ত্তবীৰ্য্যার্জুনের সমান ।
 ইন্দ্র-আদি দেব করে যাহার বাখান ॥
 ধনুর্দ্ধরগণে গণি ভৃগুবংশপতি ।
 জগতে বিখ্যাত আর কর্ণ-মহামতি ॥
 কর্ণের শতাংশ নাহি গণি নারায়ণে ।
 তারে তবে যুদ্ধে বরি কোন্ প্রয়োজনে ॥
 রাজা বলে, যুদ্ধহেতু না বরিনু তাঁরে ।
 আমার সারথি যেন হয় সে সমরে ॥
 সারথির যোগ্য হয় দেব-নারায়ণ ।
 সারথি করিয়া তাঁরে করিব বরণ ॥
 এত শুনি দ্রোণ-রূপ বলেন হাসিয়া ।
 হেনবাক্য মুখে রাজা, আন কি বুঝিয়া ॥
 তোমার সারথি হবে দেব-নারায়ণ ।
 অসম্ভব-কথা এই, নাহি লয় মন ॥
 পাণ্ডব-সহায় সেই দেব জগৎপতি ।
 কিমতে হবেন কৃষ্ণ তোমার সারথি ॥
 ধৃতরাষ্ট্র বলে, ইহা দূতকৰ্ম্ম নয় ।
 আপনি বরহ গিয়া দৈবকী-তনয় ॥
 সসৈন্তে দ্বারকাপুরী যাহ দুৰ্য্যোধন ।
 সাক্ষাতে বরিলে সেহ মানিবে বচন ॥
 দুৰ্য্যোধন বলে, অগ্রে শুনি দূতস্থানে ।
 কি বলয়ে আগে সেই দেব-নারায়ণে ॥
 হয় বা না হয় কৃষ্ণ আমার সারথি ।
 দূতমুখে পাইব যে ইহার ভারতী ॥
 বলাবল বুঝি কার্য্য করিব তখন ।
 নহে বা আপনি গিয়া করিব বরণ ॥
 ধৃতরাষ্ট্র বলে, ভাল কৈলে যুক্তিসার ।
 আপনি বরহ গিয়া দেবকী-কুমার ॥

যাবৎ না বরে পঞ্চ পাণ্ডুর কুমার ।
 সসৈন্তে দ্বারকা ভুমি কর আগুসার ॥
 উভয়-কুলের হিত দেব-জগৎপতি ।
 সম্প্রীতি করিবে কৃষ্ণ বুঝি কার্য্যগতি ॥
 পিতার বচনে ক্রোধে বলে দুৰ্য্যোধন ।
 সম্প্রীতি করিতে চাহ, কোন্ প্রয়োজন ॥
 জীবন্তে পাণ্ডব-সহ নাহি মোর প্রীতি ।
 উচিত যে হয়, তাহা কর নরপতি ॥
 বিছুর এতেক শুনি কহেন তখন ।
 বিপৎ-সময়ে জ্ঞান হারায় স্তব্ধজন ॥
 আরে দুৰ্য্যোধন, তোর হেন লয় মন ।
 তোমার সারথি হইবেন নারায়ণ ॥
 ব্রহ্মা-শিব-ইন্দ্র-আদি দেব যতজন ।
 উদ্দেশে করয়ে যঁার চরণ-সেবন ॥
 বার-বার অবতার হ'য়ে জগন্নাথ ।
 করিলেন কোটি-কোটি অম্বর-নিপাত ॥
 মৎস্য-কল্বেবর ধরি দেব-নারায়ণ ।
 দৈত্য নারি করিলেন বেদ-উদ্ধারণ ॥
 কুর্ম-অবতার হ'য়ে শ্রীমধুসূদন ।
 করিলেন পৃষ্ঠদেশে ধরণী ধারণ ॥
 অনন্তর ধরি কৃষ্ণ বরাহ-আকৃতি ।
 হিরণ্যাক্ষে বধি উদ্ধারিলা বহুমতী ॥
 নৃসিংহরূপেতে পুনঃ হইয়া প্রকাশ ।
 হিরণ্যকশিপু-দৈত্যে করিলা বিনাশ ॥
 ধরিয়া বামনরূপ দেব-নারায়ণ ।
 পাতালে নিলেন বলি করিয়া ছলন ॥
 ভৃগুবংশে রামরূপে হ'য়ে অবতার ।
 নিঃকন্ডা করেন ক্ষিতি তিন-সপ্তবার ॥
 রামরূপে বধিলেন লঙ্কার রাবণ ।
 হলধর-বেশধারী আছেন এখন ॥

পূৰ্ণব্রহ্ম-অবতার কৃষ্ণ-যতুমণি ।
 আগম-পুরাণে যাঁর মহিমা বাখানি ॥
 হেন-কৃষ্ণ সূত্রস্তি করিবে তোমার ।
 হেন-বাক্য না বুঝিয়া বল বারেবার ॥
 কিন্তু ভক্তিবংশ হন দেব-হৃষীকেশ ।
 ভক্তের কামনা পূর্ণ করেন অশেষ ॥
 গোবিন্দে অভক্ত তুমি, বিখ্যাত জগতে ।
 তোমার সারথি কৃষ্ণ হবেন কিমতে ॥
 এইরূপ কহিলেন বিদুর স্তুমতি ।
 শুনি কিছু উত্তর না দিল কুরুপতি ॥
 সভা হৈতে উঠি রাজা গেল অন্তঃপুরে ।
 যত কুরুগণ গেল যে যাহার ঘরে ॥
 উভোগ-পৰ্বের কথা অমৃত-লহরী ।
 কান্দীরাম কহে, শুনি ভব-ভয়ে তরি ॥

১৪ । দ্বারকায় শ্রীকৃষ্ণের নিকট উল্লেখ
 গমন ।

জিজ্ঞাসিল জন্মেজয়, কহ তপোধন ।
 অতঃপর কি করিল কুরু নন্দন ॥
 দ্বারকায় দূত হ'য়ে গেল কোন্ জন ।
 দূতমুখে শুনি কি কহিল নারায়ণ ॥
 বিবরিয়া বলহ আমারে মুনবর ।
 শুনিয়া তোমার মুখে জুড়াক্ অন্তর ॥
 মুন বলে, শুন-শুন নৃপ জন্মেজয় ।
 উল্লেখের পাঠাইল কুরু-মহাশয় ॥
 দুৰ্য্যোধন-আদেশেতে যায় অনুচর ।
 শীঘ্রগতি চলি গেল দ্বারকা-নগর ॥
 কৃষ্ণের সাক্ষাতে গিয়া হৈল উপনীত ।
 দণ্ডবৎ করি পত্ন দিলেক দ্বরিত ॥

পড়িলেন পত্ন কৃষ্ণ ঈষৎ হাসিয়া ।
 পঠনান্তে কহিছেন দূতেরে চাহিয়া ॥
 দুই-কুল-হিত আমি, বিখ্যাত ভুবন ।
 উভয়-কুলের হিত চিন্তি অনুকণ ॥
 দুৰ্য্যোধনে কহিবে যে বচন আমার ।
 ভাই-ভাই বিরোধিয়া কি-কার্য তোমার ॥
 তোমাতে অগ্নীত নহে পাণ্ডুর তনয় ।
 রাখিল গন্ধৰ্ব্ব-হস্তে তোমা ধনঞ্জয় ॥
 সভামধ্যে পূৰ্বে যেই করিল নির্ণয় ।
 তাহাতে হইল মুক্ত পাণ্ডুর তনয় ॥
 আপনি কহিলে তুমি সভা-বিদ্যমান ।
 সত্য হৈতে মুক্ত হৈলে পাণ্ডুর সন্তান ॥
 পুনর্বার আপনার পাবে রাজ্যধন ।
 তবে কেন কলহেতে করিতেছ মন ॥
 পাণ্ডবের সমুচিত বিভাগ যে হয় ।
 তাহা দিয়া গ্নীত কর পাণ্ডুর তনয় ॥
 এইরূপে দুৰ্য্যোধনে কহিবে আপনে ।
 পশ্চাতে যাইব আমি সব-বিদ্যমানে ॥
 সারথির হেতু যাহা কহিলে আমারে ।
 করিব সারথি-পণ তাঁহার গোচরে ॥
 কিন্তু আগে মোর পাশে বলে ধনঞ্জয় ।
 অঙ্গীকার করিয়াছি, শুন মহাশয় ॥
 তথাপি তোমার বাক্য না পারি খণ্ডিতে ।
 আপনি আসিবে হেথা আমারে বরিতে ॥
 আসিবে আমারে পার্শ্ব করিতে বরণ ।
 পঞ্চম-দিবসে হবে পার্শ্ব-আগমন ॥
 আমারে আসিয়া অগ্রে যে-জন বরিবে ।
 তাহারি সারথ্য মোরে করিতে হইবে ॥
 এইরূপে দুৰ্য্যোধনে কহিবে বচন ।
 এত বলি দূতে পাঠাইলা নারায়ণ ॥

তবে যদুবল ল'য়ে দেব জগৎপতি ।
 গুপ্তরূপে পরামর্শ কবে মহামতি ॥
 কোরব-পাণ্ডবে দৌহে হবে মহারণ ।
 সে-কারণে দুর্ঘ্যোধন পাঠায় লিখন ॥
 পাণ্ডব আমারে পূর্বের করিল বরণ ।
 দুই-কুল-হিত আমি, জানে জগজ্জন ॥
 কাহার সপক্ষ হব, করিব কেমন ।
 ইহার স্থযুক্তি বাহা, কহ সর্বজন ॥

এত শুনি কহিলেন যত যদুগণ ।
 কপটী কুবুদ্ধি খল রাজা দুর্ঘ্যোধন ॥
 তাহার সপক্ষ হৈতে উচিত না হয় ।
 বিশেষে তোমার প্রিয় পাণ্ডুর তনয় ॥
 যদি বা বরিতে তোমা আসে দুর্ঘ্যোধন ।
 কিছু সৈন্য দেহ তারে, শুন নারায়ণ ॥
 কপট করিয়া তার কর উপকার ।
 আমা-সবা-চিত্তে লয় এই ত বিচার ॥

যদুগণ-বাক্য শুনি দেব-নারায়ণ ।
 শিল্পকারগণে আজ্ঞা দিলেন তখন ॥
 দিব্য-সিংহাসন এক করহ নিৰ্ম্মাণ ।
 ইন্দ্রের আসন জিনি তাহার বাধান ॥
 স্নুবর্ণ-জড়িত রত্ন-মাণিক্যে খচিত ।
 প্রবাল-প্রস্তর-গজদন্তে বিরচিত ॥
 সত্বরে গঠিয়া দেহ আমার অগ্রেতে ।
 আজ্ঞামাত্র শিল্পিগণ লাগিল গঠিতে ॥
 তিন-দিবসের মধ্যে হৈল সিংহাসন ।
 গোবিন্দের অগ্রে আনি দিল সেইক্ষণ ॥
 পঞ্চম-দিবস পরে দেব-নারায়ণ ।
 বাহির-মন্দিরে গিয়া করেন শয়ন ॥

সঙ্কীর্ণ রহিল স্থান শিতানের পানে' ।
 রত্ন-সিংহাসন রাখিলেন সেই-স্থানে ॥
 পাছে রাখিলেন স্থান বুঝিয়া বিস্তার ।
 অচেতনে নিদ্রা যান দৈবকী-কুমার ॥
 মহাভারতের কথা অনুত-লহরী ।
 শুনিলে অধর্ম্ম খণ্ডে, ভবসিদ্ধু তরি ॥
 ব্যাসের বচন, ঐথে নাহিক সংশয় ।
 পয়ার-প্রবন্ধে কাশীরাম দাস কয় ॥

—

১৫। উল্লেখ হস্তিনায় প্রত্যাগমন ও দুর্ঘ্যোধনের
 দ্বাবকা-গমন ।

দূত গিয়া দুর্ঘ্যোধনে কহিল বারতা ।
 আপনি বরিতে কৃষ্ণে যাহ তুমি তথা ॥
 আপনি অর্জুন আসি বরিবে কৃষ্ণেরে ॥
 সে-কারণে নারায়ণ কহিলা আমারে ।
 প্রথমে আমারে আসি যেজন বরিবে ।
 তার পক্ষ অবশ্যই মোরে হৈতে হবে ॥
 সমান-সম্বন্ধ মম কুরু-পাণ্ডুগণ ।
 দুই-কুল-হিত আমি চিন্তি অনুক্ষণ ॥
 আর যে কহিলা, তাহা শুন কুরুপতি
 পাণ্ডবের সহ তোমা করিতে পীরিতি ॥
 পাণ্ডবের সহ বিরোধিতে নিষেধিলা ।
 যত যদুগণ তাহে অনুমতি দিলা ॥
 অল্পকার্য্যে কুলক্ষয়ে নাহি প্রয়োজন ।
 চিন্তে বাহা লয়, তাহা করহ রাজন্ ॥

দূতের এতেক বাক্য শুনি কুরুরাজ ।
 যুহুর্ভেকে যাত্রা কৈল, না করিল ব্যাজ ॥

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

অন্নসৈন্য সঙ্গে নিল শীঘ্র যাইবার ।
 দ্বারকা-নগরে রাজা কৈল আগুসার ॥
 উত্তরিল দুৰ্য্যোধন দ্বারকা-নগরে ।
 সৈন্য-সব রাখি গেল পুরের বাহিরে ॥
 একেখর পুরে প্রবেশিল কুরুনাথ ।
 যেই গৃহে নিদ্রাগত আছে জগন্নাথ ॥
 তথা গিয়া উত্তরিল রাজা দুৰ্য্যোধন ।
 অচেতনে নিদ্রা যান দেব-নারায়ণ ॥
 দেখে দিব্য-সিংহাসন কৃষ্ণের শিয়রে ।
 ভূঙ্গারেতে জল আছে, দেখিল নিয়রে' ॥
 বিশ্বয় মানিয়া রাজা ভাবে মনে-মন ।
 আমার মর্যাদা বেশ জানে নারায়ণ ॥
 না আসিতে হেথা আমি দিব্য-সিংহাসন ।
 আপন-শিয়রে কৃষ্ণ ক'রেছে স্থাপন ॥
 পাশ্চ-অর্ঘ্য রাখিয়াছে, দিব্য-জলাধার ।
 আমার সম্ভ্রম-হেতু নানা-উপচার ॥
 নিশ্চয় হইবে কৃষ্ণ আমার সারথি ।
 এত বলি সিংহাসনে বসে কুরুপতি ॥
 পরে ধনঞ্জয় আসিলেন ভক্তি করি ।
 একাকী প্রবেশ করিলেন অন্তঃপুরী ॥
 বসুদেব-উগ্রসেন-আদি যত্নগণে ।
 একে-একে প্রণমিলা যথাযোগ্য-জনে ॥
 নাতুলগণে পান্থ করিলা সন্মাত ।
 তথা হৈতে চলিলেন, যথা শ্রীনিবাস ॥
 অচেতনে নিদ্রাগত আছে নারায়ণ ।
 শিয়রে বসিয়া তাঁর রাজা দুৰ্য্যোধন ॥
 সিংহাসনে বসিয়াছে বাসবের প্রায় ।
 দেখি চিন্তে চিন্তা করিলেন ধনঞ্জয় ॥

ভাবিয়া-চিন্তিয়া পার্থ যুক্তি করি মনে ।
 বসিলা শয্যায় কৃষ্ণ-পাদ-নিম্নাসনে ॥
 কৃষ্ণের চরণ-পদ্ম চাপে ধীরে-ধীরে ।
 দেখি দুৰ্য্যোধন ক্রুদ্ধ হইল অন্তরে ॥
 মনে-মনে ভাবে, কিছু কহিতে না পারে ।
 কুরুবংশে জন্মি হেন কদাচার করে ॥
 বংশের অধম এই কুলের অঙ্গার ।
 কোন্ বা বরাক' এই দৈবকী-কুমার ॥
 আমারে নাহিক ভয়, নাহি লাজ মনে ।
 ব্যর্থ নাম পার্থ বলি ধরে অকারণে ॥
 অহু হৈলে করিতাম এখনি সংহার ।
 বিশেষ অজেয় মোর জ্ঞাতি পাশাচার ॥
 এইরূপে মনে-মনে নিন্দিত্তে রাজন ।
 জানিলেন সব অন্তর্যামী নারায়ণ ॥
 তথাপি উত্তর কিছু না দিলেন হরি ।
 নিদ্রায় অলস যেন সিংহাসনোপরি ॥
 কতক্ষণে নিদ্রাভঙ্গ হইল তাঁহার ।
 উঠিতে সম্মুখে দেখে কুন্তীর কুমার ॥
 আলিঙ্গন দিয়া জিজ্ঞাসিলেন কুশল ।
 একে-একে ধনঞ্জয় কহেন সকল ॥
 অবশেষে শ্রীগোবিন্দে কহে ধনঞ্জয় ।
 কৌরব-পাণ্ডবে যুদ্ধ হইবে নিশ্চয় ॥
 তেঁই যুদ্ধিষ্ঠির পাঠাইলেন আমারে ।
 সারথি করিয়া যুদ্ধে তোমা বরিবারে ॥
 রথের সারথি তুমি হইবে আমার ।
 এত শুনি শ্রীগোবিন্দ কৈলা অঙ্গীকার ॥
 শুনিয়া অর্জুন হইলেন হৃষ্টমন ।
 পরে দেখিলেন কৃষ্ণ রাজা-দুৰ্য্যোধন ॥

মাণ্ড করি সজ্জাষেন উঠি নারায়ণ ।
 কি-আনন্দ, আজি দেখি কৌরব-নন্দন ॥
 কোন্ প্রয়োজনে হেথা কৈলে আগমন ।
 কি-কার্য্য তোমার কহ, করিব সাধন ॥
 যদি বা দুষ্কর-কর্ম্ম হয় অতিশয় ।
 আমি হৈতে হয় যদি, করিব নিশ্চয় ॥
 তব কার্য্যে প্রীত আমি, তব আজ্ঞাকারী ।
 যে-আজ্ঞা করিবে, তাহা সাধিবারে পারি ॥
 সমান-সম্বন্ধ মম কুরু-পাণ্ডুগণ ।
 উভয়-কুলের হিত বাঞ্ছি অনুক্ষণ ॥
 চন্দ্র-সূর্য্য-তেজে যথা নাহি ভিন্নজ্ঞান ।
 সেইরূপে দুই-কুল দেখিব সমান ॥
 উভয়-কুলের হিত করি প্রাণপণ ।
 যে-আজ্ঞা করিবে, তাহা করিব সাধন ॥
 এত শুনি বলে তবে রাজা দুর্য্যোধন ।
 আগে দূতমুখে তোমা করিছু বরণ ॥
 তাহাতে করিলে অঙ্গীকার নারায়ণ ।
 যেজন আমারে আগে করিবে বরণ ॥
 তাহার সপক্ষ আমি হইব নিশ্চয় ।
 সে-কারণে আসিলাম তোমার আশ্রয় ॥
 বলক্ষণ হৈল আমি আসিয়াছি হেথা ।
 পশ্চাৎ আসিল হেথা পার্থ মহারথ ॥
 তোমার সারথ্যগুণ বিখ্যাত ভুবনে ।
 ইন্দ্রের মাতলি-সম, শুনিয়া শ্রবণে ॥
 মহাযুদ্ধে হবে তুমি আমার সারথি ।
 সে-কারণে এই-স্থানে আসি যদুপতি ॥
 ইথে মান-অপমান নাহি যদুমণি ।
 অবধানে শুন, কহি পূর্ব্বের কাহিনী ॥
 ত্রিপুরে জিনিতে যবে যান শূলপাণি ।
 ব্রহ্মারে সারথি কৈল পরাক্রম জানি ॥

ত্রিপুর-বিজয়ী শিব সারথির গুণে ।
 ইন্দ্রের সারথি বৃহস্পতি দৈত্যরণে ॥
 দেবের পরম-গুরু অঙ্গির-নন্দন ।
 স্বধর্ম্ম জানিয়া তবু করে সূতপণ ॥
 বৃহস্পতি সারথি করিয়া বজ্রপাণি ।
 ব্রহ্মাসুরে মারিলেন, বিখ্যাত ধরণী ॥
 গোবিন্দ বলেন, তুমি কহিলে প্রমাণ ।
 অগ্রে বরিয়াছে মোরে অর্জুন ধীমান ॥
 আগে তুমি আসিয়াছ, জানিব কেমনে ।
 আগে আমি অর্জুনেরে দেখেছি নয়নে ॥
 সারথি করিয়া মোরে করিল বরণ ।
 ইহার উপায় কিবা করি দুর্য্যোধন ॥
 ব্যতিক্রম করি যদি দুই-কুল-হিতে ।
 আমার কুশল বহু ঘুষিবে জগতে ॥
 দশ-দিন করি যদি পার্থের সারথ্য ।
 দশ-দিন করি যদি তোমার সূতত্ব ॥
 এমত নিয়ম হৈলে উপহাস লোকে ।
 সে-কারণে দুর্য্যোধন, কহি যে তোমাকে ॥
 তুমি কুরুপতি রাজা জগতে বিদিত ।
 তোমার মর্য্যাদা-গুণ ঘোষে অপ্রমিত ॥
 কুরুবংশে যদুবংশে চৈদী-ভোজবংশে ।
 রবিবংশোদ্ভব যত রাজা অবতংশে ॥
 তব কার্য্যে রত সবে তোমার শাসিতে ।
 তোমার অপ্রিয় কেহ নহে পৃথিবীতে ॥
 তোমারে করিবে মান্য যত রাজগণ ।
 অগ্রেতে করিল পার্থ আমারে বরণ ॥
 তীর্থযাত্রা-হেতু যবে যান হলপাণি ।
 কুরু-পাণ্ডবের দ্বন্দ্ব চরমুখে শুনি ॥
 যুদ্ধ করিবারে করিলেন নিবারণ ।
 খণ্ডিতে না পারি আমি তাঁহার বচন ॥

আমা-আদি করি সবে যত যত্নগণ ।
 যুদ্ধ করিবারে মানা করিল তখন ॥
 উভয়-কূলের কোন পক্ষ না হইব ।
 রামের বচন কেহ খণ্ডিতে নারিব ॥
 করিব কেবল আমি মাত্র সূতপণ ।
 সে-কারণে কহি, শুন রাজা দুৰ্য্যোধন ॥
 নারায়ণী-সেনা মম আছে কোটি-সাত ।
 মম সম তেজোবীর্য্যে জগতে বিখ্যাত ॥
 মহাবলবান্ সবে, বিক্রমে অপার ।
 এক-একজন হয় সমান আমার ॥
 প্রতাপেতে কার্তবীর্য্য-সম জনে-জন ।
 মহারথি-মধ্যে গনি, বিপক্ষে শমন ॥
 আমাকে ইচ্ছহ, কিংবা সেনা নারায়ণী ।
 নিশ্চয় আমাকে কহ নৃপ-চূড়ামণি ॥

এত শুনি দুৰ্য্যোধন ভাবিল অন্তরে ।
 কোন্ কার্য্য সিদ্ধ হবে নিলে গোবিন্দে ॥
 নারায়ণী-সেনা যদি পাই কোটি-সাত ।
 করিব তুমুল যুদ্ধ পাণ্ডবের সাথ ॥
 একক ইহারে নিলে হবে কোন্ কাজ ।
 এতক ভাবিয়া চিন্তে কহে কুরুরাজ ॥
 আমারে সহায় দেহ সেনা নারায়ণী ।
 আমার সাহায্য এই কর চক্রপাণি ॥

গোবিন্দ বলেন, রাজা, যে-আজ্ঞা তোমার ।
 শুনি হৃষ্টচিত্ত হৈল কৌরব-কুমার ॥
 নারায়ণী-সেনা ল'য়ে গেল দুৰ্য্যোধন ।
 দেখিয়া অর্জুন হৈল বিষম-বদন ॥
 জয় প্রভু জগন্নাথ, জয় চক্রধারী ।
 তোমার মহিমাগুণ কি বর্ণিতে পারি ॥
 শিষ্টজনে পাল ভূমি ছুটেরে সংহার ।
 এইহেতু জগন্নাথ নাম যে তোমার ॥

দারুপে পূর্ণ-ভ্রম নীলাচলে বাস ।
 জগজ্জন-হিতে তব অতুল-প্রকাশ ॥
 অশ্রুক্ষণ তাঁহার চরণে বহ্ন-নতি ।
 কাশীরাম দাস কহে, মধুর-ভারতী ॥

১৬। নারায়ণী-সেনা লইয়া দুৰ্য্যোধনের
 হস্তিনার প্রত্যগমন ।

নারায়ণী-সেনা ল'য়ে গেল দুৰ্য্যোধন ।
 নানাবাত্ত-কোলাহলে হ'য়ে হৃষ্টমন ॥
 পথে শল্যরাজ-সহ হৈল দরশন ।
 তাঁহার সহিত গিয়া করিল মিলন ॥
 শল্যেরে সম্ভাষ করি কহে দুৰ্য্যোধন ।
 যুদ্ধহেতু তোমা আমি করিষু বরণ ॥
 শল্য বলে, যেই আজ্ঞা তব মহাশয় ।
 তোমার সপক্ষ আমি হইব নিশ্চয় ॥
 কিন্তু পাণ্ডুপুত্রগণ ভাগিনা আমার ।
 যাই তাহাদের সহ দেখা করিবার ॥
 বহুদিন হইল নাহিক দরশন ।
 দেখিয়া আসিব আমি পাণ্ডুপুত্রগণ ॥
 দুৰ্য্যোধন বলে, তথা কি-কাজ তোমার ।

নিকটে দেখিবে হেথা পাণ্ডুর কুমার ॥
 আমার সপক্ষ হৈলে, কেন যাবে তথা ।
 দেখিলে না ছাড়ি দিবে ভীম মহারথ ।
 সত্যবাদিগণ-মধ্যে গনি যে তোমায় ।
 সত্যভ্রষ্ট হৈতে চাহ, বুঝি অভিপ্রায় ॥

এত শুনি শল্য স্থির করিলেন মন ।
 সসৈন্যে সাজিয়া গেল রাজা দুৰ্য্যোধন ॥
 আর যত রাজগণ মধ্যদেশে ছিল ।
 যুদ্ধহেতু দুৰ্য্যোধন সবारे বসিল ॥

একাদশ-অক্ষৌহিণী করি সমাবেশ ।
 আপনার উপায় না গণিল বিশেষ ॥
 মদগর্বে হেন আশা করে দুর্ঘোষধন ।
 পাণ্ডবে জিনিয়া স্বরা লবে রাজ্যধন ॥
 ক্ষত্রধর্ম শাস্ত্রনীতি করি কুরূপতি ।
 পাত্র-মিত্র-ভৃত্যগণ-অমাত্য-সংহতি ॥
 ভীষ্ম দ্রোণ কৃপ শল্য রাধার তনয় ।
 সোমদত্ত-বীর ভূরিশ্রবা-মহাশয় ॥
 দুঃশাসন দুরাচার শকুনি সৌবল ।
 নৃপতি সুশর্ম্মা ভগদত্ত মহাবল ॥
 ধৃতরাষ্ট্র নরপতি বিদুর স্তমতি ।
 সভা করি বসিলেন কোঁরবের পতি ॥
 সবারে চাহিয়া বলে কোঁরব-রাজনু ।
 মনস্কাম পূর্ণ মম হইল এখন ॥
 একাদশ-অক্ষৌহিণী হইল সঙ্গতি ।
 সাতকোটি মহারথী আমার সংহতি ॥
 আমারে জিনিতে পারে, কে আছে সংসারে ।
 অবহেলে পরাজিব পাণ্ডুর কুমারে ॥
 কর্ণের প্রতাপ সহ, আছে কোন্ জন ।
 একেশ্বর পরাজিবে পাণ্ডুর নন্দন ॥
 যত-যত বীর আছে মম অনুভবে ।
 এক-এক বীর পারে জিনিতে পাণ্ডবে ॥
 পাণ্ডবের ভয় কিবা আছয়ে আমার ।
 একাদশ-অক্ষৌহিণী মম পরিবার ॥
 শুন পিতামহ ভীষ্ম, মাতুল, আচার্য্য ।
 প্রাণপণে কর সবে আমার সাহায্য ॥
 ক্ষত্রধর্ম শাস্ত্রমত জানহ আপনি ।
 পাণ্ডবের উপরোধ না করহ তুমি ॥

উপরোধে পাণ্ডবেরা কভু না ক্ষমিবে ।
 কদাচিত্ উপরোধ তারে না করিবে ॥
 রাজার বচন শুনি কহে কুরূগণ ।
 না বুঝিয়া হেন বাক্য কহ দুর্ঘোষধন ॥
 কখন তোমার শত্রু না হয় পাণ্ডব ।
 কি-কারণে দুর্ঘোষধন, কহ এত সব ॥
 মো-সবার শক্তি যত, করিব সর্ব্বথা ।
 না পারিব জিনিতে পাণ্ডব-মহারথা ॥
 দেবের অবধ্য বীর পাণ্ডুর নন্দন ।
 মহাযুদ্ধ-বিশারদ, প্রতাপে তপন ॥
 তাদের জিনিবে, হেন আছে কোন্ বীর ।
 বিশেষতঃ ধর্ম্ম-আত্মা রাজা যুধিষ্ঠির ॥
 ধর্ম্ম-অনুগত পার্ধ-ভীম মহাশয় ।
 দুই-ভাই ধর্ম্মপ্রিয় মাদ্রীর তনয় ॥
 ধর্ম্মবলে বাহুবলে কেহ নহে ন্যূন ।
 কত বা তোমারে বুঝাইব পুনঃপুনঃ ॥
 তাদের পৈতৃক-রাজ্য যে হয় উচিত ।
 তাহা দিয়া সব-সহ করহ পীরিত ॥
 ভাই-ভাই বিরোধিয়া কিবা প্রয়োজন ।
 ইথে ক্ষত্রধর্ম্ম রাজা, না করি গণন ॥
 জিনিলে পৌরুষ নাহি, হারিলে অখ্যাতি ।
 অধর্ম্ম অযশ আর হবে অর্থক্ষতি ॥
 ধার্ম্মিক পুরুষ তুমি, এ-কর্ম্ম না কর ।
 কদাচিত্ ভাই-ভাই না কর সমর ॥
 ভ্রাতৃসহ প্রীতিভাবে ভুঞ্জ নানা-স্বখ ।
 বিরোধ করিলে মনে পাবে বড়-দুখ ॥
 বিপদ হইলে তবে নাহি পরিত্রাণ ।
 পূর্ব্বের কাহিনী কহি, কর অবধান ॥

আছিল রাবণ-রাজ ব্রহ্মবংশে জন্ম ।

জ্ঞাতি-বন্ধু-ভাই-সহ করিল অধর্ম ॥

কত-দিনান্তরে রাম রঘুর নন্দন ।

পিতৃসত্য পালিবারে প্রবেশেন বন ॥

অনুজ লক্ষ্মণ আর জানকী-সহিতে ।

বহুদিন রঘুনাথ থাকেন বনেতে ॥

কালেতে কুবুদ্ধি হৈল রাবণ-রাজার ।

সাতারে হরিয়া নিল দুষ্ক-দুরাচার ॥

সেইকালে রঘুনাথ সমুদ্রে উত্তরি ।

সুগ্রীবে সহায় করি বেড়ে লক্ষ্মাপুরী ॥

রাবণের ছোট-ভাই সুবুদ্ধি-সুমতি ।

মহাধর্ম-আত্মা বিভীষণ মহামতি ॥

বৃথাইল বহু ধর্ম-উপদেশ-বাণী ।

কারো কথা না শুনিল অহঙ্কার মানি ॥

অহঙ্কারে কারো কথা মনে না ধরিল ।

ভ্রাতাকে নিন্দিয়া কতশত গালি দিল ॥

কুবাক্য বলিয়া করে চরণ-প্রহার ।

সেইহেতু চিতে দুঃখ হইল অপার ॥

শ্রীরামের সহ আসি করিল মিলন ।

শ্রীরাম অভয় তারে দিলেন তখন ॥

রাবণে সবংশে মারি বীর রঘুমণি ।

করিলেন উদ্ধার সে জনক-নন্দিনী ॥

বিভীষণে রাজা করি আসিলেন দেশে ।

পূর্বের কাহিনী এই কহিনু বিশেষে ॥

সে-কারণে ভাই-ভাই দ্বন্দ্ব নাহি কাজ ।

পাণ্ডবে উচিত-ভাগ দেহ মহারাজ ॥

এইরূপ কহি তারে সব পরিবার ।

মৌনভাবে রহে মন বুঝিবারে তার ॥

দুর্যোধন বলে, আমি করিয়াছি সত্য ।

অকারণে কেন এত বল নিত্য-নিত্য ॥

জীয়ন্তে পাণ্ডব-সহ নাহি মম শ্রীতি ।

বিধান করহ সবে, ইহার যে নীতি ॥

এতেক বলিল যদি রাজা দুর্যোধন ।

কিছুমাত্র উত্তর না দিল মন্ত্রিগণ ॥

অদৃষ্ট মানিয়া সবে গেল নিজ-স্থান ।

অনুচরণে রাজা কৈল আজ্ঞা-দান ॥

যুদ্ধহেতু আয়োজন কর বহুতর ।

রাজার আজ্ঞায় চর ধাইল বিস্তর ॥

নানা-অস্ত্রে পূর্ণ করে সকল ভাণ্ডার ।

গদা খড়্গ ধনুর্বাণ দিব্য-অস্ত্র আর ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান ॥

— —

১৭। অর্জুনের মনোভঞ্জে শ্রীকৃষ্ণের

প্রবোধ-বাক্য ।

নারায়ণী-সেনা কৃষ্ণ দিলা দুর্যোধনে ।

দেখিয়া হইল দুঃখ অর্জুনের মনে ॥

অর্জুনের মন বুঝি কহেন শ্রীপতি ।

কি-হেতু হইলে সখা, তুমি দুঃখমতি ॥

নারায়ণী-সেনা যত দিলাম উহারে ।

সবে হত হইবেক তোমার প্রহারে ॥

পূর্বের কাহিনী কহি, শুন দিয়া মন ।

একদিন মোর পাশে কহে পিতৃগণ ॥

বংশের তিলক তুমি পূর্ণ-ব্রহ্মরূপে ।

সকল সংসার রহে তব লোমকূপে ॥

তুমি বিষ্ণু-রূপ, তুমি নর-অবতার ।

আমা-সবাকারে প্রভু, করহ উদ্ধার ॥

মগধ-রাজ্যেতে যজ্ঞ-বরাহ আছয় ।

তার মাংস আনি শ্রীকৃষ্ণ কর মহাশয় ॥

তবে তৃপ্ত হয় আমা-সবাকার মন ।
 এইমত কহে মোরে যত পিতৃগণ ॥
 পিতৃগণ-বাক্যে করিলাম অঙ্গীকার ।
 আমারে সম্বোধি তাঁরা কহে পুনর্ব্বার ॥
 একাকী যাইবে তুমি বরাহ মারিতে ।
 একজন সঙ্গে নাহি লবে কদাচিতে ॥
 যদি দুষ্ঠ হয় মাংস, জানহ নিশ্চয় ।
 আমা-সবাকার তবে নহে পাপক্ষয় ॥

পিতৃগণ-বাক্য শুনি অশ্বে আরোহিয়া ।
 মগধ-রাজ্যেতে আমি প্রবেশিছু গিয়া ॥
 জরাসন্ধ-নৃপতির রক্ষা বনে ছিল ।
 অনুমানে চিহ্ন দেখি আমারে চিনিল ॥
 জরাসন্ধে আসি তারা কহে সমাচার ।
 সসৈন্যে সাজিয়া আসে সেই চুরাচার ॥
 একেশ্বরে বেড়িলেক করি শত-পুর ।
 সৈন্য-কোলাহল-শব্দ গেল বহুদূর ॥
 উপায় না দেখি আমি ভাবিছু তখন ।
 একেশ্বর বলে পরাজিব কতজন ॥
 ছুরস্ত দুর্জয় সেই মগধের সেনা ।
 যত মরে, তত জীয়ে, না হয় গণনা ॥
 ভাবিয়া-চিন্তিয়া আমি যুক্তি করি সার ।
 অঙ্গ বাড়াইলু, যেন পর্ব্বত-আকার ॥
 অঙ্গ হৈতে সেইক্ষণে হইল সৃজন ।
 দেখিতে-দেখিতে নারায়ণী-সেনাগণ ॥
 অঙ্গে মহারথ দশ-সহস্র জন্মিল ।
 জরাসন্ধ-সঙ্গে তারা সমর করিল ॥
 যুদ্ধে পরাভূত হৈল মগধ-রাজন ।
 ভঙ্গ দিয়া পলাইল যত সৈন্যগণ ॥
 তবে সেই বরাহেরে চক্রেতে সংহারি ।
 আসিলাম নারায়ণী-সেনা সঙ্গে করি ॥

দুষ্ঠ হ'য়ে বলিলাম সেই সেনাগণে ।
 যেই বর ইচ্ছা কর, মাগ মম স্থানে ॥
 এত শুনি বলে নারায়ণী-সেনাগণ ।
 যদি বর দিবে, তবে দেহ নারায়ণ ॥
 ইতরের হাতে মৃত্যু মো-সবার নয় ।
 তোমার সমান রূপে-গুণে যেবা হয় ॥
 তার হাতে মৃত্যু যেন হয় সবাকার ।
 এই বর আঞ্জা কর দৈবকী-কুমার ॥
 তা'-সবার বাক্য শুনি দিহু বরদান ।

তবে আমি মনোমধ্যে করি অনুমান ॥
 মম সম রূপে-গুণে কে আছে সংসারে ।
 বিনা ধনঞ্জয়-বীর না দেখি কাহারে ॥
 অর্জুনের হাতে হবে তোমাদের ক্ষয় ।
 হইবে ভারত-যুদ্ধ, নাহিক সংশয় ॥
 সে-কারণে নারায়ণী-সৈন্য যতজন ।
 দুর্ঘ্যোধন-প্রতি করিলাম সমর্পণ ॥
 তব অস্ত্রে হত হবে বত সৈন্যগণ ।
 এত বলি মায়া দেখাইলি নারায়ণ ॥
 কাহারো মন্তক নাহি, কবন্ধের প্রায় ।
 দেখিয়া অর্জুন চিন্তে মানেন বিস্ময় ॥

তবে কৃষ্ণে ধনঞ্জয় কহে যোড়করে ।
 তোমার বিষম-মায়া কে বুঝিতে পারে ॥
 মায়ার পুতলী তুমি, মায়ার নিদান ।
 আদি নিরঞ্জন তুমি পূর্ণ-ভগবান ॥
 তোমার সহায়ে কিবা আছে মম ভয় ।
 মারিব কোঁরবগণে, নাহিক সংশয় ॥
 জানিলাম এখন যে, যুদ্ধে হবে জয় ।
 যখন সহায় মোর হৈলা দয়াময় ॥
 তোমার সহায়ে ইস্ত্র জয়ী হ্রিভুবনে ।
 তোমার সহায়ে দশ ধরয়ে শমনে ॥

তোমার সহায়ে সৃষ্টি করে প্রজাপতি ।
 তোমার সহায়ে শিব সংহার-মূর্তি ॥
 সেই প্রভু হৈলে তুমি আমার সারথি ।
 তিলমাত্র কুরু-কূলে নাহি অব্যাহতি ॥
 হেন প্রভু হৈলে তুমি আমার সহায় ।
 ত্রিভুবন-মধ্যে মম আর কারে ভয় ॥

অৰ্জুনের বাক্যে হাসি কন নারায়ণ ।
 না বুঝিয়া পার্থ, মোরে করিলে বরণ ॥
 আমি যুদ্ধ না করিব, কহিলেন রাম ।
 কার শক্তি রামের বচন করে আন ॥
 কোঁরবের পক্ষে আছে বহু-যোদ্ধাপতি ।
 একেখর কি করিবে আমার শক্তি ॥

এত শুনি হাসি-হাসি কহে ধনঞ্জয় ।
 না বুঝিয়া হেন বাক্য কহ মহাশয় ॥
 এ-তিন-ভুবনে ব্যাপ্ত তোমার বিভূতি ।
 তুমি আদি, তুমি অন্ত, তুমি জগৎপতি ॥
 তুমি সৃষ্টি পাল, তুমি করহ সংহার ।
 তোমার বিভূতি বুঝে সামর্থ্য কাহার ॥
 কিঞ্চিৎ জানেন মাত্র দেব-পঞ্চানন ।
 তুমি বলি একরূপ ধর নারায়ণ ॥
 কোন্ ছার অল্পমতি কোঁরব-তনয় ।
 সংস্র-কোঁরবে মম নাহি আর ভয় ॥
 এক্ষণে যে কহি, তাহা শুন দিয়া মন ।
 যুধিষ্ঠির-আজ্ঞা তথা যাইতে আপন ॥

পাইয়া রাজার আজ্ঞা বিলম্ব না করি ।
 সেইক্ষণে রথে চড়ি চলিলেন হরি ॥
 বিরাট-নগরে যান অৰ্জুন-সহিত ।
 কৃষ্ণেরে দেখিয়া যুধিষ্ঠির মহাপ্রীত ॥
 যতগুণি গোবিন্দ বন্ধ পাণ্ডবের মনে ।
 তথাপি বসিতে দেন রত্ন-সিংহাসনে ॥

মহাভারতের কথা অমৃত-সমান ।
 ব্যাসের রচিত দিব্য-ভারত-আখ্যান ॥
 যেবা পড়ে, যেবা শুনে, করায় শ্রবণ ।
 তাহারে প্রসন্ন হন দেব-নারায়ণ ॥
 এই কথা কহি আমি রচিয়া পয়ার ।
 অবহেলে শুনে যেন সকল সংসার ॥
 মস্তকে বন্দিয়া ত্রাঙ্কণের পদরজ ।
 কণ্ঠে কাশীদাস গদাধর-দাসাগ্রজ ॥

১৮ । শ্রীকৃষ্ণ ও যুধিষ্ঠিরের যুক্তি এবং নমুচি-
 দানবের উপাখ্যান ।

তবে রাজা জশ্বেজয় মুনিরে পুছিল ।
 কহ শুনি, অনন্তরে কি প্রসঙ্গ হৈল ॥
 পাণ্ডবের দূত হ'য়ে দেব জগৎপতি ।
 কি-প্রকারে বুঝাইলা কোঁরবের প্রতি ॥
 কৃষ্ণের বচন নাহি শুনে দুৰ্য্যোধন ।
 কিরূপে ভারত-যুদ্ধ হৈল আরম্ভণ ॥
 কহিবে সে-সব কথা করিয়া বিস্তার ।
 মুনি বলে, শুন পরীক্ষিতের কুমার ॥
 পাণ্ডব-সভায় আসিলেন নারায়ণ ।
 দেখি আনন্দিত বড় পাণ্ডুর নন্দন ॥
 গোবিন্দে দেখিয়া রাজা মহাহৃষ্ট মনে ।
 নিভূতে করেন যুক্তি শ্রীকৃষ্ণের সনে ॥

যুধিষ্ঠির বলিলেন, শুন নারায়ণ ।
 হইবে ভারত-যুদ্ধ, না হবে খণ্ডন ॥
 দুশ্মতি সে দুৰ্য্যোধন করিবে প্রলয় ।
 যুদ্ধ-হেতু হইবেক ভ্রাতৃগণ-ক্ষয় ॥
 ক্ষত্রগণ অন্ত যাবে, পৃথ্বী হতস্বামী ।
 সে-কারণে মনে যুক্তি করিয়াছি আমি ॥

জ্ঞাতিগণ-বধ মম প্রাণে নাহি সহে ।
 কুলক্ষয় চ'ক্ষে দেখা কতু যোগ্য নহে ॥
 দূতযুগ্মে পুনঃপুনঃ কহে দুৰ্য্যোধন ।
 কদাচিত্ ছাড়িয়া না দিবে রাজ্যধন ॥
 পূৰ্বে যে নিয়ম করিলাম পঞ্চজনে ।
 ধৰ্ম্ম হৈতে মুক্ত হইলাম এইক্ষণে ॥
 তাপস-বেশেতে ভ্রমি কাননে-কাননে ।
 তথাপিহ দয়া নাহি জন্মে দুৰ্য্যোধনে ॥
 অজ্ঞাত-বৎসর-এক থাকি পরদেশে ।
 রাজপুত্র হ'য়ে পার্থ থাকে ক্রীববেশে ॥
 এত দুঃখ দিয়া ক্ষান্ত না হইল মন ।
 সমুচিত রাজ্য নাহি দেয় দুৰ্য্যোধন ॥
 যাবৎ শরীরে প্রাণ থাকিবে তাহার ।
 তাবৎ না দিবে রাজ্য ছাড়িয়া আমার ॥
 বহুকষ্টে পারি যদি করিতে সংহার ।
 তবে সে পাইব রাজ্য-ধন পুনর্ব্বার ॥
 হেন রাজ্য-ধনে মম নাহি প্রয়োজন ।
 কিবা কাজ হবে বল মারি জ্ঞাতিগণ ॥
 এইহেতু চিন্তে আমি সব ক্ষমা দিব ।
 তব আজ্ঞা হৈলে পুনঃ বনবাসে যাব ॥
 তীর্থযাত্রা করি আমি ভ্রমি বনে-বন ।
 লউক সকল-রাজ্য রাজা দুৰ্য্যোধন ॥
 পিতৃভুল্য পিতামহ আচার্য্য মাতুল ।
 আপ্ত-বন্ধু-সব আর যত জ্ঞাতিকুল ॥
 এ-সকল সংহারিব রাজ্যের নিমিত্তে ।
 হেন রাজপদ-সুখ নাহি চাই চিন্তে ॥
 না বুঝি প্রবৃত্ত হৈববীর্য্য-অহঙ্কারে ।
 যদি বা না পারি কোঁরবে জিনিবারে ॥
 সংসার যুড়িয়া লজ্জা হবে অতিশয় ।
 এইহেতু চিন্তে মম হইতেছে ভয় ॥

যেবা ভীম ধনঞ্জয় মাদ্রীর নন্দন ।
 আজন্ম দুঃখেতে গেল, কি করিবে রণ ॥
 বলহীন দেহ, শুধু আছে আত্মা মাত্র ।
 প্রবল-কোঁরব-রণে নহে যোগ্যপাত্র ॥
 বিরাট-দ্রুপদ-ধৃষ্টদ্যুম্ন-শিখণ্ডাদি ।
 দ্রৌপদীর পঞ্চপুত্র আর সাত্যক্যাদি ॥
 এই সব বীর আছে সহায় আমার ।
 ইহার বা কি করিবে, কোঁরব দুর্ব্বার ॥
 কোঁরবের পক্ষে আছে যত বীরগণ ।
 এক-একজন হয় দ্বিতীয় শমন ॥
 ভীষ্ম দ্রোণ অশ্বত্থামা কূপ মহামতি ।
 সোমদত্ত ভুরিঞ্জবা নুশান্মা-নৃপতি ॥
 মহারথী মহামতি সবে মহাবল ।
 শতভাই দুৰ্য্যোধন আর বৃহদ্বল ॥
 মহাবীর শল্য আর রাধার নন্দন ।
 এ-সকল বীর হয় দ্বিতীয় শমন ॥
 যুদ্ধে কাজ নাহি মম, না পারিব জানি ।
 বনবাসে যাব, আজ্ঞা কর চক্রপাণি ॥
 এত শুনি হাসিয়া কহেন নারায়ণ ।
 না বুঝিয়া হেন বাক্য বলহ রাজন্ ॥
 চিরজীবী নাহি কেহ সংসার-ভিতরে ।
 জন্মিলে অবশ্য যায় শমনের ঘরে ॥
 ক্ষত্রধৰ্ম্ম-নীতি তব নাহিক রাজন্ ।
 সম্যাস-ধর্ম্মের মত তব আচরণ ॥
 রাজধৰ্ম্মনীতি কিছু কহিব তোমাতে ।
 পূৰ্বেতে নিষ্পন্ন যাহা হইল বিচারে ॥
 রাজা হ'য়ে ক্ষমাবন্ত না হবে কখন ।
 অতি-উগ্র না হবে, না সদা শাস্তমন ॥
 ক্ষত্রধৰ্ম্মে যেইজন হয় বলবান্ ।
 অহঙ্কারে জ্ঞাতি-বন্ধু করে ভৃগুজ্ঞান ॥

কৃত্রমধ্যে শত্রু আমি গণি যে তাহারে ।
করিবে তাহারে নষ্ট যে-কোন প্রকারে ॥
ছলে-বলে যুদ্ধে তারে যেরূপে পারিবে ।
অবশ্য তাহারে রাজা, সংহার করিবে ॥
ইহাতে অধর্ম নাহি, শুন নরবর ।
সেইমত আচরিল কোঁরব পামর ॥
তাহারে মারিলে নাহি পাপের উদয় ।
জ্ঞাতিমধ্যে শত্রু সেই মহা-দুরাশয় ॥

পূর্বের কাহিনী কহি, শুন দিয়া মন ।
নমুচি বাসব দৌহে কশ্যপ-নন্দন ॥
এক পিতা হৈতে হৈল দৌহার জনম ।
ইন্দ্র হৈতে নমুচির শতগুণ ধন ॥
তপোবলে ইন্দ্রে সেই করে পরাজয় ।
ইন্দ্রের ইন্দ্রজ্ব জিনি নিল দুরাশয় ॥
ইন্দ্রের অমরাবতী বলেতে হরিল ।
উপায় না দেখি ইন্দ্র চিন্তিত হইল ॥
নমুচির সঙ্গে যুদ্ধে হইয়া পরাস্ত ।
গলাইল দেবসেনা হ'য়ে ব্যতিব্যস্ত ॥
পরাজয় মানি ইন্দ্র-আদি দেবগণ ।
সম্যাসী হইয়া ভ্রমে সকল ভুবন ॥

পুত্রগণ-কষ্ট দেখি দেবের জননী ।
কীরোদের কূলে আরাধিলা পদ্মযোনি ॥
প্রত্যক্ষ হইয়া ব্রহ্মা বর দিলা তাঁরে ।
অচিরে পাবে রাজ্য তোমার কুমারে ॥
এত বলি অন্তর্হিত হৈলা পদ্মাসন ।
পুত্রগণে দেবমাতা বলেন তখন ॥
জননীর বাক্যে ইন্দ্র-আদি দেবগণ ।
ব্রহ্মারে কহিল গিয়া সব বিবরণ ॥
বিষম-সঙ্কটে দেব, করহ মোচন ।
নমুচির ভয় হৈতে করহ তারণ ॥

পিতামহ সুপ্রসন্ন হ'য়ে দেবগণে ।
সাম্বনা করেন সবে প্রবোধ-বচনে ॥
অসময়ে কার্যসিদ্ধি কছু নাহি হয় ।
শাস্ত্রের বিচার ইহা, জ্ঞানিহ নিশ্চয় ॥
জ্ঞাতিমধ্যে শ্রেষ্ঠ রিপু, যেই মহাবলী ।
তাহার সংহার-হেতু হৃদয়ে আকুলী ॥
ছলে-বলে নমুচিরে করিবে নিধন ।
ইহাতে অধর্ম নাহি হইবে কখন ॥

ব্রহ্মার বচন শুনি দেব-সুরপতি ।
নমুচির সঙ্গে আসি করিল পীরিতি ॥
হীনজন-প্রায় হ'য়ে তাহারে সেবিল ।
নমুচির সহ ইন্দ্র মিত্রতা করিল ॥
এইরূপে কতদিন আছে সুরনাথ ।
করিল অচলা-প্রীতি নমুচির সাথ ॥
কতদিনে শুভকাল হইল উদয় ।
দৈত্যেরে মারিতে ইন্দ্র করিল উপায় ॥
স্বযোগ লভিয়া ইন্দ্র নমুচি মারিল ।
আপন-ইন্দ্রজ্ব-পদ পুনরপি নিল ॥
কৃত্রমধর্মে এই নীতি আছে পূর্বাপর ।
শাস্ত্রের বিধান ইহা, শুন নরবর ॥
দুর্যোধন কুলাঙ্গার বড় দুরাচার ।
তাহারে মারিতে পাপ নাহিক তোমার ॥
নমুচিরে মারি ইন্দ্র স্তখে রাজ্য করে ।
কোঁরবে মারিতে কেন পড়িলে বিচারে ॥
কোঁরবে মারিয়া তুমি স্তখে রাজ্য কর ।
দ্রোণদীর মনঃশল্য উদ্ধার সত্ত্বর ॥
কহিলাম হিতবাক্য তোমারে রাজন্ ।
এত বলি প্রবোধিলা দেব-নারায়ণ ॥
যুচিল ধর্মের ভয়, আনন্দিত-মন ।
তবে ভীম-ধনঞ্জয় আর যন্ত্রিগণ ॥

একে-একে নৃপতিরে কহে বিবরণ ।
 উত্তোগ করহ রাজা, করিবারে রণ ॥
 কৃষ্ণের বচনে রাজা, না কর সংশয় ।
 কোঁরবে মারিয়া রাজ্য কর মহাশয় ॥
 বিনা-দ্বন্দ্ব রাজ্য নাহি দিবে দুৰ্য্যোধন ।
 তাহার নিধন নহে পাপের কারণ ॥
 আমরা সহায় তব, শঙ্কা কর কার ।
 আত্মনাশ কোঁরবে করে সংহার ॥
 সহায়-সর্বস্ব তব দেব জগৎপতি ।
 ইহার প্রসাদে জয় হবে নরপতি ॥

রাজা বলে, যে কহিলে, কভু নহে আন ।
 সহায়-সর্বস্ব মম দেব-ভগবান ॥
 ইহার প্রসাদে ভয় নাহি ত্রিগতে ।
 তথাপিহ চাহি লোক-ধর্মেতে তরিতে ॥
 অন্য-দূত-কর্ম্ম নহে, কহি সে-কারণ ।
 কুরুসভা-মধ্যে যাহ দৈবকী-নন্দন ॥
 নীতি-ধর্ম্ম কহি জ্ঞান দেহ দুৰ্য্যোধনে ।
 জ্যেষ্ঠতাত ধৃতরাষ্ট্রে গঙ্গার নন্দনে ॥
 প্রথমে কহিবে অর্দ্ধ-রাজ্য ছাড়ি দিতে ।
 ধনজন-রত্ন যেই ছিল ইন্দ্রপ্রস্থে ॥
 পূর্বাপর অধিকার ছিল তার যত ।
 তাহা দিয়া প্রীতি কর পাণ্ডব-সহিত ॥
 যে নিয়ম হ'য়েছিল, তাহে হৈল পার ।
 তবে কেন রাজ্য ছাড়ি না দেহ তাহার ॥
 নাহি দিলে ধর্মে মন কেমনে তরিবে ।
 ভাই-ভাই যুদ্ধ হৈলে কিবা ফল হবে ॥
 মরিবেক জ্ঞাতিগণ আর বন্ধুগণ ।
 মহাযুদ্ধ হবে সর্বকুল-বিনাশন ॥

সে-কারণে এই কার্য্যে নাহি প্রয়োজন ।
 অর্দ্ধ-রাজ্য দিয়া তোষ পাণ্ডবের মন ॥

এরূপে কহিবে আগে কথা বহুতঃ
 তবে যদি কদাপি না শুনে কুরুবর ॥
 পুনশ্চ কহিবে তারে করিয়া বিনয় ।
 বড় ক্ষমাশীল রাজা পাণ্ডুর তনয় ॥
 রাজ্য দেশ বৃদ্ধি যত অশ্ব ধন জন ।
 সকলি ছাড়িয়া দিল তোমার কারণ ॥
 পঞ্চভাই পাণ্ডবের পঞ্চ-গ্রাম দেহ ।
 সাংগর-অবধি রাজ্য সকল ভুঞ্জহ ॥
 ইন্দ্রপ্রস্থ কুশস্থল বারণা-নগর ।
 হস্তিনার উত্তরে সুকান্তি গ্রামবর ॥
 পাণ্ডব-নগর গ্রাম তাহার দক্ষিণে ।
 এই পঞ্চগ্রাম' দিয়া তোষ পঞ্চজনে ॥

এইরূপে বুঝাইবে রাজা দুৰ্য্যোধনে ।
 তোমার বচন যদি না শুনে শ্রবণে ॥
 আপনার দোষে দুষ্ট হইবে নিধন ।
 ইথে পাপ-কলঙ্ক না হয় নারায়ণ ॥
 অধর্ম্ম করিলে পাপ হইবে আমার ।
 লোকধর্ম্ম ভাল-মন্দ না হবে বিচার ॥
 তার পাপে হইবেক জ্ঞাতিগণ-ক্ষয় ।
 শীত্রগতি যাহ তুমি কোঁরব-আলয় ॥

গোবিন্দ বলেন রাজা, যে আত্মা তোমার ।
 ইহাও উচিত বটে জানা একবার ॥
 যতপি সম্প্রীতে রাজ্য দেয় দুৰ্য্যোধন ।
 দুই-কুল রক্ষা হয়, জীয়ে জ্ঞাতিগণ ॥
 ভীমার্জুন বলেন, না লয় ইহা মন ।
 সম্প্রীতে যে রাজ্য দিবে দুষ্ট দুৰ্য্যোধন ॥

১। কাশীরাম দাস পঞ্চগ্রামের নাম দিয়াছেন—ইন্দ্রপ্রস্থ, কুশস্থল, বারণা-নগর সুকান্তি, পাণ্ডব-নগর । কিন্তু ব্যাসদেবের মতে—কুশস্থল, বৃকস্থল, দাক্ষীণী, বারণাবত এবং অন্ত যে-কোন একটি গ্রাম ।

তাহাতে রাধেয় মন্ত্রী বড় ছুরাচার ।
 গান্ধার-নন্দন দুষ্কৃত্যশাসন আর ॥
 এ-তিনজনের বুদ্ধি ল'য়ে দুৰ্য্যোধন ।
 আশা-সবা-সঙ্গে নাহি করিবে মিলন ॥
 তথাপিহ যাহ তুমি ধর্ম্মের আজ্ঞায় ।
 সাবধান হ'য়ে দেব, যাবে হস্তিনায় ॥
 কুবুদ্ধি কুমন্ত্রী খল রাজা দুৰ্য্যোধন ।
 একেশ্বর পেয়ে পাছে করে বিড়ম্বন ॥
 সে-কারণে লহ সঙ্গে মহারথিগণ ।
 এক অকোঁহিণী সঙ্গে করুক গমন ॥

গোবিন্দ বলেন, মম ভয় আছে কারে ।

শত দুৰ্য্যোধন মম কি করিতে পারে ॥
 তবে যদি প্রবর্তিত হয় অহঙ্কারে ।
 মুহূর্ত্তেকে চক্রে সংহারিব সবাকারে ॥
 বাতি দিতে না রাখিব কোঁরবেয়গণে ।
 সবংশে মারিব সেই দুষ্কৃত্যশাসনে ॥

এত বলি করিলেন গোবিন্দ প্রস্থান ।

রথী দশ-সহস্র লইয়া ধনুর্ব্বাণ ॥
 সাত্যকি চলিল সঙ্গে আর চেকিতান ।
 দুই-লক্ষ পদাতিক সঙ্গে বলবান ॥
 বলেন শ্রীকৃষ্ণ-প্রতি ভাই-পঞ্চজন ।
 বিষম-সঙ্কটে ভ্রমিলাম বনে-বন ॥
 তোমার প্রসাদে দুঃখ হইল মোচন ।
 সান্ত্বাইবে মায়ে, যেন নহে দুঃখমন ॥

শুনিয়া গোবিন্দ করিলেন অঙ্গীকার ।

দ্রোপদী কৃষ্ণেরে চাহি বলিছে আবার ॥
 শুনহ দুঃখের কথা কমললোচন ।
 বড়ই নিষ্ঠুর শত্রু পাঁপা দুৰ্য্যোধন ॥
 এত কষ্ট দিয়া নহে শাস্ত তার মন ।
 কদাচ না ছাড়ি দিবে রাজ্য দুৰ্য্যোধন ॥

যত দুঃখ দিলেক সে, জানহ বিশেষ ।
 সভামধ্যে আনে দুষ্কৃত্য ধরি মোর কেশ ॥
 বিবস্ত্রা করিতে ইচ্ছা কৈল দুষ্কৃত্যগণ ।
 ধর্ম্ম রক্ষা করিল যে, তেঁই সে মোচন ॥
 হেনজন-মুখ প্রভু, যাহ দেখিবারে ।
 তব বাক্য কদাচ না রাখিবে পামরে ॥
 তার সঙ্গে প্রীতি কারি কিংবা হবে হিত ।
 সবংশে মারিতে তারে হয় ত উচিত ॥
 তোমার আশ্রয়ে দেব, কেবা বাঁচ্যহত ।
 সবাই যুঝিবে প্রভু, তোমার সম্মত ॥
 পিতা মম যুঝিবেন দ্রুপদ সুধীর ।
 যুঝিবেন সহোদর ধৃষ্টদ্যুম্ন-বীর ॥
 শিখণ্ডা করিবে যুদ্ধ মহাবলবান ।
 পঞ্চভাই যুঝিবেন রণে সাবধান ॥
 মম পঞ্চ-পুত্র আছে সংগ্রামে সুধীর ।
 দ্বিতীয়-বাসব যুদ্ধে অভিমন্যু-বীর ॥
 ভোজবংশে মৎস্যবংশে যত বীরগণ ।
 এক-একজন হয় দ্বিতীয় শমন ॥
 কোঁরবেই পরাজয় করিবে সমরে ।
 কোন্ প্রয়োজনে প্রভু, যাহ তথাকারে ॥

আজি স্বপ্ন দেখিলাম, শুন মহাশয় ।

রথে চড়ি করে রণ পাণ্ডুর তনয় ॥
 রাক্ষস-মুরতি ধরি বীর-বুকোদর ।
 দুঃশাসনে ধরি রণে চিরিল উদর ॥
 রক্তপান করি বুলে, দেখিছু নয়নে ।
 ধবল-কুঞ্জরে চড়ি মাদ্রীর নন্দনে ॥
 কোঁরবের সহ যেন কৈল মহারণ ।
 ধবল-পুষ্পের মালা পরে পঞ্চজন ॥
 খেত-কৃষ্ণ নানা-বর্ণ ছত্র আর বাণ ।
 কোঁরবের সেনা করে রক্তজলে স্নান ॥

স্রোতোধারে মহাবেগে রক্তনদী বয় ।
 সাক্ষাতে দেখিছু এই স্বপ্ন মহাশয় ॥
 কোঁরবের পরাজয়, পাণ্ডবের জয় ।
 গোবিন্দ বলেন, দেবি, যে বল, সে হয় ॥
 শত্রুমধ্যে যাইবারে উচিত না হয় ।
 তথাপি যাইব আমি রাজার আঙ্খায় ॥
 বুঝাইব নীতিধর্ম ছুট ছুর্যোধনে ।
 মৃত্যুকালে ঔষধ না খায় রোগিজনে ॥
 কদাচিত্ মম বাক্য না শুনিবে কানে ।
 সবংশে যাইবে ছুট শমনের স্থানে ॥
 অচিরে হবে তব ছুঃখ-বিমোচন ।
 হস্তিনায় রাজধানী হইবে এখন ॥
 এত বলি সাঙ্ঘাইলা দ্রুপদ-কন্যায় ।
 শুভযাত্রা করি হরি যান হস্তিনায় ॥
 মহাভারতের কথা অমৃত-লহরী ।
 কাশী কহে, সাধুজন পিয়ে কর্ণ ভরি ॥

১২। শ্রীকৃষ্ণের হস্তিনায় আগমন-সংবাদে
 কোঁরবগণের পরামর্শ ।

মুনি বলে, শুন কুরুবংশ-চূড়ামণি ।
 বিদুর আসিয়া অন্ধে কহেন কাহিনী ॥
 হস্তিনায় আসিছেন আপনি শ্রীপতি ।
 দুর্ধ্যোধনে বুঝাইতে ধর্মশাস্ত্র-নীতি ॥
 সকল মঙ্গল রাজা, হইবে তোমার ।
 সে-কারণে শ্রীগোবিন্দ করে আগুসার ॥
 তোমার পূর্বের ধর্ম হইল উদয় ।
 সম্প্রীতি করিল কৃষ্ণ, হেন মনে লয় ॥
 সাবধানে মহারাজ, পূজিবে কৃষ্ণেরে ।
 ত্যজিয়া কাপট্য-শাঠ্য নিঃশল-অস্তরে ॥

ভক্তের অধীন কৃষ্ণ, জানহ আপনে ।
 ভক্তিভাবে কৃষ্ণপূজা করহ যতনে ॥
 উভয়-কুলের হিত চিন্তে নারায়ণ ।
 তোমার সভায় আসিবেন সে-কারণ ॥
 সুমেরু-সমান রত্ন অসংখ্য-কাঞ্চন ।
 অশ্রদ্ধায় যদি কৃষ্ণে করে নিবেদন ॥
 তাহাতে নহেন শ্রীত দেব-দামোদর ।
 অশ্রদ্ধায় অত্যন্ত দিলে মানেন বিস্তর ॥
 অশ্রদ্ধাযুক্ত হ'য়ে যেবা কৃষ্ণপূজা করে ।
 বিষম-সঙ্কটে কৃষ্ণ উদ্ধারেন তারে ॥
 নররূপে পুণ্ড্রিক আদি নারায়ণ ।
 সাবধান হ'য়ে তাঁরে পূজিবে রাজন ॥

এত শুনি ধৃতরাষ্ট্র সানন্দ-হৃদয় ।
 পূর্বে পুণ্ড্রিক-তনু হৈল অতিশয় ॥
 বিদুরে চাহিয়া তবে বলিল বচন ।
 মনোবাঞ্ছা পূর্ণ মম হইল এখন ॥
 কুলক্ষয় হবে বলি জানি জগন্নাথ ।
 সে-কারণে আসিবেন আমার সাক্ষাৎ ॥
 আমার ভাগ্যের সীমা বলিতে না পারি ।
 শ্রীতি করিবারে হেথা আসিবেন হরি ॥
 শ্রীকৃষ্ণের মতি হয় কুমতি-নাশিনী ।
 দুর্ধ্যোধনে শাস্তি বুঝাইবেন আপনি ॥
 ভীষ্ম দ্রোণ কৃপ কর্ণ আর দুর্ধ্যোধনে ।
 ডাক দিয়া আন শীঘ্র আমার সদনে ॥
 দেখি তারা কিবা বলে করিয়া বিচার ।
 কিরূপে পূজিতে যুক্তি দেয় সে আবার ॥
 শুনিয়া বিদুর তবে গেল সেইক্ষণ ।
 ডাক দিয়া আনাইল যত সভাজন ॥
 ভীষ্ম দ্রোণ কৃপ কর্ণ প্রতীপ-নন্দন ।
 আজ্ঞামাত্রে আনাইল যত সভাজন ॥

সভাতে বসিল সবে সিংহ-অবতার ।
 কহিতে লাগিল তবে অম্বিকা-কুমার ॥
 মনস্কাম পূর্ণ মম হৈল এতদিনে ।
 উভয়-কুলের হিত চিন্তা করি মনে ॥
 রাজা দুর্ঘ্যোধনে ধর্ম্মনীতি বুঝাইতে ।
 আসিছেন কৃষ্ণ এই হস্তিনা-পুরীতে ॥
 কিল্লপে পূজিব কৃষ্ণে, বলহ আমারে ।
 ইহার বিধান সবে কহিবে বিস্তারে ॥

এত শুনি কহে ভীষ্ম গঙ্গার তনয় ।
 তোমার পুণ্যের ফল হইল উদয় ॥
 অকপটে পূজা কর আনন্দে তাঁহারে ।
 বিভব বিস্তর দিয়া রাজ-ব্যবহারে ॥
 যাহে প্রীত হন কৃষ্ণ, কহি শুন নীত ।
 বিচিত্র-মন্দির এক করহ রচিত ॥
 ইন্দ্রের নগর-তুল্য নগর প্রধান ।
 নানা-রত্ন-মাণিক্যেতে করহ নিৰ্ম্মাণ ॥
 পথে-পথে দেহ রাজা, জলচ্ছত্র-দান ।
 স্থানে-স্থানে রত্নবেদী করহ নিৰ্ম্মাণ ॥
 অগুরু-চন্দন-ছড়া দেহ ত নগরে ।
 করুক মঙ্গল-বাণ্য প্রতি-ঘরে-ঘরে ॥
 গুবাক-কদলী আনি রোপ সারি-সারি ।
 স্থানে-স্থানে নানা-যজ্ঞ-মহোৎসব করি ॥
 নট-নটীগণ আর নর্তক গায়ন ।
 গোবিন্দ-গুণানুবাদ করুক কীর্তন ॥
 দিব্য-বস্ত্র-অলঙ্কার করিয়া হুবিশ ।
 চারিজাতি ল'য়ে সবে এই চারি-দেশ ॥
 আগুসরি আন গিয়া দৈবকী-নন্দনে ।
 পূজা কর গোবিন্দে এই ত বিধানে ॥
 তবে নরপতি, শুভ হইবে তোমার ।
 মম চিন্তে লয় রাজা, এই ত বিচার ॥

এতক বলিল যদি ভীষ্ম মহামতি ।
 দ্রোণ-কূপ-আদি সবে দিলেক সম্মতি ॥
 এইরূপে কৃষ্ণে পূজা হয় ত উচিত ।
 ধৃতরাষ্ট্র বলে, মম এই লয় চিত ॥

দুর্ঘ্যোধন বলে, মম নাহি রুচে মন ।
 এইরূপে কৃষ্ণ-পূজা কোন্ প্রয়োজন ॥
 ক্ষত্রধর্ম্মে পৃথিবীতে কে করে বাখান ।
 কোন্ রাজগণ কৃষ্ণে করিল সম্মান ॥
 রাজা শিশুপাল ছিল বিখ্যাত ভুবনে ।
 কদাচিত্ মাণ্ড নাহি করে নারায়ণে ॥
 কপট করিয়া কৃষ্ণ সংহারিল তারে ।
 রাজা জরাসন্ধ নিন্দা করিল তাহারে ॥
 গোবিন্দে বলিল সে গোয়ালা-নন্দন ।
 ক্ষত্রিয়-অধম বলি করিত গণন ॥
 ক্ষত্রসভা-মধ্যে কভু বসিতে না দিল ।
 তেঁই সে ভীমের হাতে তাহারে মারিল ॥
 বড়ই কপট ক্রুর রুষ্টিগীর পতি ।
 তারে মাণ্ড কদাচ না করি নরপতি ॥
 মাণ্ড কৈলে উপহাস করিবে সংসার ।
 ক্ষত্র-রাজগণ যত, কৃষ্ণ মাণ্ড কার ॥
 উপহাস হৈতে মৃত্যু বরণ শ্রেষ্ঠ কর্ম্ম ।
 মাণ্ড না করিল কেহ দেখি তার ধর্ম্ম ॥
 ইতর-জনের প্রায় পূজি নারায়ণে ।
 যত বুঝাইবে, তাহা না শুনিব কানে ॥
 মোর মনে লয় রাজা, এই ত যুক্তি ।
 এত শুনি কহে তবে ভীষ্ম মহামতি ॥
 ভাবে বুঝি, দুর্ঘ্যোধন, হারাইলে জ্ঞান ।
 না জানহ নারায়ণ পুরুষ-প্রধান ॥
 অমান্য করিতে তাঁরে চাহ অহঙ্কারে ।
 মুহূর্ত্তেকে নারায়ণ মারিবে সবারে ॥

বাতি দিতে না রাখিবে কৌরব-বংশেতে ।
এত বলি ভীষ্ম-বীর উঠে সভা হৈতে ॥
আপন-মন্দিরে গেল হ'য়ে ক্রুদ্ধমন ।
যার যে শিবিরে গেল যত সভাজন ॥

তবে দুর্যোধনে অন্ধ বলিল বচন ।
যা' বলিল ভীষ্ম, তাহা না কর হেলন ॥
মাত্য করি পূজ কৃষ্ণে ছাড়িয়া রহন্ত ।
তুই-কুল-হিত কৃষ্ণ করিবে অবশ্য ॥
তোমাকে ভেটিবে আসি দৈবকী-কুমার ।
তোমার ভাগ্যের সীমা কিবা আছে আর ॥
শ্রদ্ধাস্থিত হ'য়ে বৎস, পূজ নারায়ণ ।
শ্রদ্ধায় সকল কার্য্য হইবে সাধন ॥
অন্ন বা বিস্তর দেয় শ্রদ্ধা-পুরঃসরে ।
অকপট হ'য়ে যেবা কৃষ্ণপূজা করে ॥
আপনাকে দিয়া তাঁর বশ হন হরি ।
সে-কারণে কহি, শুন কুরু-অধিকারি ॥
অকপট হ'য়ে তুমি পূজ নারায়ণ ।
মম বাক্য কদাচিৎ না কর হেলন ॥

দুর্যোধন কহে, তাত, কহিলে যেমত ।
তব আজ্ঞা-হেতু আমি করিব সেমত ॥
শিল্পকারগণে ডাকি বলে দুর্যোধন ।
দ্বিব্য-রত্ন-সিংহাসন করহ রচন ॥
রত্নের মন্দির কর, বিচিত্র আবাস ।
বসিবে তাহাতে আসি দেব-শ্রীনিবাস ॥
নগরে-নগরে কর পুষ্পের মন্দির ।
পথে-পথে স্থানে-স্থানে রচহ শিবির ॥
উৎসব করুক সদা সুখে সর্বজন ।
নট-নটী নৃত্য যেন করে স্থানে-স্থানে ॥
রাজ-আজ্ঞা পেয়ে যত অনুচরগণ ।
যে কহিল, ততোধিক করিল গঠন ॥

নগরে-নগরে করে রত্ন-বাস-ঘর ।
স্থানে-স্থানে যজ্ঞারম্ভ করিল বিস্তর ॥
নানাবিধ বৃক্ষ রোপিলেক সারি-সারি ।
বিচিত্রে-শোভন, যেন ইন্দ্রের নগরী ॥
চারিজাতি নগরেতে যত প্রজাগণ ।
সবাকারে চরগণ বলিল বচন ॥
আসিবেক কৃষ্ণ আজি নৃপে ভেটিবারে ।
আগু হ'য়ে সবে গিয়া আনিবে তাঁহারে ॥
শুনিয়া আনন্দে মগ্ন নগরের জন ।
হুসজ্জ হইল ভেটিবারে নারায়ণ ॥
মহাভারতের কথা অমৃতের ধার ।
কাশী কহে, শুনি নর হয় ভবপার ॥

২০। হস্তিনা যাইতে পথে প্রজাগণ-কঙ্ক
শ্রীকৃষ্ণের শ্রব ।

হুসজ্জ হইয়া হরি, রথে আরোহণ করি,
হস্তিনায় করেন গমন ।
নানাবিধ-বাঘ বাজে, কেহ অশ্বে, কেহ গজে,
সঙ্গে চতুরঙ্গ-সৈন্যগণ ॥
বিরাট-নগর তরি, চলিলা সে কাঞ্চীপুরী,
বামে করি মগধের দেশ ।
কাঞ্চন-নগর দিয়া, কাশীরাজ্য এড়াইয়া,
বৃক্শহলে আসে হৃষীকেশ ॥
অবসান হৈল বেলা, বনমালী উত্তরিল,
বিশ্রাম-করেন কতক্ষণ ।
জানি কৃষ্ণ-আগমন, বৃকবাসী প্রজাগণ,
ভেটিতে আসিল সর্বজন ॥
নানা-ভক্ষ্য-উপহার, দিয়া নানা-অলঙ্কার,
শকটে পুরিয়া রত্ন-ধন ।
দণ্ডবৎ নতি করি, যড়ঙ্গে পূজিয়া হরি,
নানাবিধ করিল স্তবন ॥

নমো-নমো জয়-জয়, নমস্তে করুণাময়,
পূর্ণব্রহ্ম আদি গদাধর ।
নমো হুয়গ্রীব-কায়, নমো বেদ-উদ্ধারায়,
নমো-নমো মীন-কলেবর ॥
নমঃ কুশ্মধরপথারী, সমুদ্রে-মখনকারী,
জয়-জয় নমস্তে ত্রীধর ।
নমস্তে বামনরূপ, মোহহারি বলি ভূপ,
নমো-নমো দেব দামোদর ॥
নমস্তে বরাহ-কায়, হিরণ্যাক্ষ-বিনাশায়,
নমস্তে মোহিনী-কলেবর ।
দেবাসুর মোহ যায়, রুদ্ধ তত্ত্ব নাহি পায়,
নমো-নমঃ অখিল-ঐশ্বর ॥
নমো-নমো নারায়ণ, মহাদৈত্য-বিনাশন,
নমস্তে নৃসিংহ-রূপধারী ।
নমো রাম ভৃগু-কায়, ক্ষত্রবংশ-বিনাশায়,
জয়-জয় নমস্তে মুরারি ॥
নমো রবিবংশধারি, নমস্তে রাবণ-অরি,
ভূক্ট-শিশুপাল-বিনাশন ।
নমো রামকৃষ্ণভনু, বসুদেব-অঙ্গজমু,
জয় প্রভু দৈবকী-নন্দন ॥
জয়-জয় জনার্দন, কেশী-কংস-বিনাশন,
নমো ব্রজগোপী-বিমোহন ।
অঘ-বক-ভৃগাবর্ত, রিপুবংশ করি অন্ত,
জয়-জয় ব্রহ্ম-সনাতন ॥
ভূমি আদি, ভূমি অন্ত, ভূমি সূক্ষ্ম-স্থূলতত্ত্ব,
আত্মরূপে সর্বত্র বিহারী ।
কীট-পক্ষি-মৎস্ত-আদি, জীবজন্তু নিরবধি,
কেহ ভিন্ন না হয় তোমারি ॥

তোমার চরণ সেবি, নারদাদি মহাকবি,
মৃত্যুঞ্জয় কৈল মৃতু-জয় ।
সেবিয়া তোমার পায়, ব্রহ্মা ব্রহ্মপদ পায়,
ব্রহ্মপদ দেহ মহাশয় ॥
নমো বুদ্ধ-দেহধর, ভবিষ্যতি কলেবর,
নমঃ কল্কি স্নেহ-বিনাশয় ।
নাহি তার কোন ভয়, সদা সে নির্ভয় হয়,
তব গুণকথা যেই গায় ॥
আমরা অত্যন্নমতি, কি জানি তোমার স্তুতি,
না জানেন ব্রহ্মা মৃত্যুঞ্জয় ।
পাণ্ডবেরা ইস্ত্রপ্রাশে, চিরকাল মনঃসাহসে,
নির্ভয়েতে করিল আজয় ॥
হুর্যোধন কুরুমণি, পাশায় সর্ব্বশ্ব জিনি,
পাণ্ডবে পাঠায় বনবাসে ।
দেখি ভূক্ট ভুরাচার, মানি সবে পরিহার,
নিবাস করিলু এই দেশে ॥
চিরকাল আছি আশে, পাণ্ডব আসিবে দেশে,
পুনরপি যাইব তথায় ।
হা হা ধন্থ যুধিষ্ঠির, ভীম পার্শ্ব, নহি শির,
না দেখিয়া তোমা-সবাকায় ॥
তোমা-সবা-বিনা কায়', দেখিবারে না যুয়ার,
পুত্রবৎ করিতে পালন ।
স্মরি পাণ্ডু-পুত্রগণ, বৃকবাসী প্রজাগণ,
মহাশোকে হৈল অচেতন ॥
ভূক্ট হ'য়ে নারায়ণ, আশ্বাসিয়া প্রজাগণ,
লাগিলেন কহিতে তখন ।
শোক না করিহ আর, যাঁহ সবে নিজাগার,
শীঘ্র হবে পাণ্ডব-দর্শন ॥

হইয়া পাণ্ডব-দূত, বুঝাইতে কুরুশূত,
 যাই আমি হস্তিনা-ভুবনে ।
 পাণ্ডবেরে রাজ্যবাড়ী, যদি নাহি দেয় ছাড়ি,
 দুৰ্য্যোধন আমার বচনে ॥
 কৃষিবে পাণ্ডবগণ, বলে লবে রাজ্যধন,
 কুরুবংশ করিয়া বিনাশ ।
 এত বলি নারায়ণ, আশ্বাসিয়া প্রজাগণ,
 সেইদিন তথা করে বাস ॥
 বিচিত্র ভারত-কথা, বাস-বিরচিত গাথা,
 শুনিলে অধর্ম হয় নাশ ।
 কমলাকান্তের সূত, হেতু সৃজনের প্রীত,
 বিরচিল কাশীরাম দাস ॥

২১। হস্তিনায় শ্রীকৃষ্ণের উপস্থিতি ।

মুনি বলে, শুন কুরুবংশ-চূড়ামণি ।
 বৃকদেশে রাত্রি বঞ্চ দেব-চক্রপাণি ॥
 প্রাতঃকৃত্য নিবর্তিয়া আরোহেন রথে ।
 মেলানি মাগিয়া চলিলেন হস্তিনাতে ॥
 বিচিত্র-মন্দির পথে-পথে নানা-বাস ।
 দেখিয়া বিস্মিত হৈল দেব-শ্রীনিবাস ॥
 কোনখানে মুনিগণে বেদ উচ্চারণ ।
 কোনখানে বাতকর সুবান্ধ বাজায় ॥
 নানা-রত্ন-অলঙ্কার পরি পুষ্পমালা ।
 কোনখানে শিশুগণ করে নানা-খেলা ॥
 নগরের প্রজাগণ দিব্য-বেশ ধ'রে ।
 চতুরঙ্গ-দলে বসিয়াছে ধরে-থরে ॥
 দেখিয়া কহেন কৃষ্ণ ডাকি সাত্যকিরে ।
 পূর্ব হৈতে ভাল দেখি এবে হস্তিনারে ॥
 দ্বিতীয় ইন্দ্রের পুরী অতি সুশোভন ।
 বড়ই ধর্ম্মাত্মা দেখি হেথা প্রজাগণ ॥

বুঝি এবে ধৃতরাষ্ট্র ধর্ম্মে মতি দিল ।
 সে-কারণে মহোৎসব-গীত আরম্ভিল ॥
 সাত্যকি বলিল, নহে ধর্ম্মের কারণ ।
 তোমারে পরীক্ষা করিতেছে দুৰ্য্যোধন ॥
 লোকমুখে শুনি ভক্তাধীন জনার্দন ।
 পাণ্ডবের বশ তেঁই ভক্তির কারণ ॥
 ভক্তিতে পাণ্ডব বশ করিয়াছে তাঁরে ।
 আমি ভক্তি করি, দেখি এবে কিবা করে ॥
 এমত মন্ত্রণা করি যত কুরুগণ ।
 যজ্ঞ-মহোৎসব করিয়াছে আরম্ভণ ॥
 এত বলি হাসি-হাসি কহে দামোদর ।
 আমার কপট ভক্তি নহে প্রীতিকর ॥
 বিড়ম্বিলে মোরে সেই নিজে বিড়ম্বিবে ।
 এই দোষে যমঘরে অবিলম্বে যাবে ॥
 এত শুনি জগন্নাথ করিয়া প্রস্থান ।
 নগর-মধ্যেতে উত্তরিলেন শ্রীমান্ ॥
 কৃষ্ণ-আগমন শুনি কৌরবের পতি ।
 আগু বাড়াইয়া গিয়া আনে শীঘ্রগতি ॥
 নর্তক-চারণ-আদি গায়কের গণ ।
 দুঃশাসনে সঙ্গে করি আসিল রাজন্ ॥
 চতুরঙ্গ-দলে গিয়া বীর দুঃশাসন ।
 আগু বাড়াইয়া শীঘ্র আনে নারায়ণ ॥
 সাত্যকি-সহিত কৃষ্ণে আনিল সভাতে ।
 যথাযোগ্য-স্থানে সবে দিলেন বসিতে ॥
 ভক্তি করি দুৰ্য্যোধন রত্ন-সিংহাসনে ।
 সভামধ্যে বসাইল দেব-নারায়ণে ॥
 যত দ্রব্য আহরণ করে দুৰ্য্যোধন ।
 গোবিন্দের অগ্রে ল'য়ে দিল সেইক্ষণ ॥
 অশ্রদ্ধায় যত দ্রব্য করে সমর্পণ ।
 কোন দ্রব্য তার না নিলেন নারায়ণ ॥

প্রসঙ্গ করিয়া কহিলেন জনার্দন ।
 আজি কোন দ্রব্যে মম নাহি প্রয়োজন ॥
 আজি আমি রহি গিয়া বিহরের বাসে ।
 কালি রাজা, মম পূজা করিহ বিশেষে ॥
 এত বলি সভা হৈতে উঠি নারায়ণ ।

সাত্যকির হাত ধরি করেন গমন ॥
 তবে রাজা দুৰ্য্যোধন উঠি সভা হৈতে ।
 কর্ণ-দুঃশাসন-মাতুলেরে নিল সাথে ॥
 অন্দরে অমাত্য-সহ বসি দুৰ্য্যোধন ।
 যুক্তি করে, কি উপায় করিব এখন ॥
 পাণ্ডবের পক্ষ দেখি দেব-নারায়ণ ।
 পাণ্ডবের গতি কৃষ্ণ, পাণ্ডব-জীবন ॥
 কৃত্য' করি বাঞ্ছি এবে রাখ শ্রীনিবাস ।
 দত্ত উপাড়িলে যথা ভুজঙ্গ নিরাশ ॥
 কৃষ্ণ-বিনা মরিবেক পাণ্ডু-অঙ্গজন্ম ।
 জলহীন মৎস্য যথা নাহি ধরে তনু ॥

দুঃশাসন বলে, যুক্তি নিল মোর মন ।
 গোবিন্দেরে রাখ রাজা, করিয়া বন্ধন ॥
 বলিকে বাঞ্ছিয়া যথা ইন্দ্র রাজ্য করে ।
 এই কল্পে তব হিত দেখি যে অন্তরে ॥

শকুনি বলিল, যুক্তি নিল মোর মন ।
 এই কল্পে সব শুভ দেখি যে রাজন ॥
 পূর্বাপর শাস্ত্রমত আছে হেন নীত ।
 ছলে-বলে শত্রুকে না ক্ষমিতে উচিত ॥
 তোমার পরম-শত্রু পাণ্ডুর নন্দন ।
 তার অমুগত হয় দেব-নারায়ণ ॥
 তারে কৃত্য করি, দোষ নাহিক ইহাতে ।
 বন্ধন করিয়া কৃষ্ণে রাখহ স্বর্ণিতে ॥

কর্ণ বলে, ভাল বৈল গান্ধারী-নন্দন ।
 এই কল্পে তব সুখ হইবে রাজন ॥
 কিস্ত বলভদ্র-আদি যত যদুগণ ।
 পাছে আসি যুদ্ধ করে জানিয়া কারণ ॥
 পাণ্ডবের পক্ষ হবে যত যদুগণ ।
 গোবিন্দ-বিচ্ছেদে সবে করিবেক রণ ॥
 যাহা হোক, তারা তব কি করিতে পারে ।
 নিভূতে বাঞ্ছিয়া তুমি রাখ দামোদরে ॥

এতেক বলিল যদি রাখার নন্দন ।
 কপট মন্ত্ৰণা করি হৃষ্ট দুৰ্য্যোধন ॥
 যত দৃঢ়দ্বারিগণ দ্বারেতে আছিল ।
 নিভূতে ডাকিয়া আনি সবারে কহিল ॥
 কল্য কৃষ্ণ আসিবেন মোর অন্তঃপুরে ।
 দ্বারকা যাবেন তিনি কচ্ছিয়া আমারে ॥
 মহাপাশে শীঘ্র তাঁরে করিয়া বন্ধন ।
 যতনে রাখিবে তাঁরে করিয়া গোপন ॥
 শুনি অঙ্গীকার কৈল দুষ্কর্মতিগণ ।
 হইল সানন্দ-চিত্ত রাজা দুৰ্য্যোধন ॥
 মহাভারতের কথা অমৃত-লহরী ।
 কাশী কহে, শুনি নর যায় ভবে তরি ॥

২২ । বিহরের গৃহে কৃত্যসহ ত্রীকৃষ্ণের
 সাক্ষাৎকার ।

কহেন জনমেজয়, শুন তপোধন ।
 অতঃপর কিবা করিলেন নারায়ণ ॥
 দুৰ্য্যোধন-সভা হৈতে উঠি হরীকেশ ।
 কিবা কৰ্ম্ম করিলেন, কহ সধিশেষ ॥
 শুন বলে, শুন পরীক্ষিতের নন্দন ।
 কহিব পুরাণ-কথা, করহ শ্রবণ ॥

সাত্যকি-সহিত কৃষ্ণ চলিল সম্বরে ।
 দেখেন বিহুর নাহি আপনার ঘরে ॥
 বিহুর বিহুর বলি ডাকেন শ্রীহরি ।
 বাহির হ'লেন কুন্তী শব্দ অনুসরি ॥

গোবিন্দে দেখিয়া কুন্তী আনন্দে পুরিল ।
 পূর্ণিমার চন্দ্র যেন হাতেতে পাইল ॥
 আলিঙ্গিয়া শিরে চুম্বি কান্দে অবিভ্রাম ।
 দুই-পায়ে ধরি কৃষ্ণ করেন প্রণাম ॥
 পাশ্চ-অর্ঘ্য আনি কুন্তী দিল সেইকণে ।
 বসাইল গোবিন্দে কুশের আসনে ॥
 গোবিন্দের আগে কুন্তী কান্দে উচ্চৈঃস্বরে ।
 মম সম ভাগ্যহীনা নাহিক সংসারে ॥
 আজন্ম দুঃখেতে মম দহিল শরীর ।
 এত কষ্টে পাপ-আত্মা না হয় বাহির ॥
 শিশু-পুত্র রাখি স্বামী স্বর্গবাসে গেল ।
 পুত্রগণে এত কষ্ট, চ'ক্ষে না দেখিল ॥
 ভাগ্যবতী সঙ্গে গেল মন্দের নন্দিনী ।
 আমি সঙ্গে না গেলাম অধম-পাপিনী ॥
 দারুণ পাপিষ্ঠ খল রাজা দুর্ঘোষধন ।
 বারে-বারে যত দুঃখ দিলেক দুর্জয়ন ॥
 বিধ খাওয়াইল ভীমে নাশিবার তরে ।
 ধর্ম হৈতে রক্ষা পাইলেক বৃকোদরে ॥
 অনন্তরে কপটতা করি পাপমতি ।
 অগ্নিগৃহ করি দিল করিতে বসতি ॥
 তাহাতে পাইল রক্ষা বিহুর-রূপাতে ।
 দ্বাদশ-বৎসর দুঃখে ভ্রমিষু বনেতে ॥
 ভিক্ষা মাগি করিলাম উদর-ভরণ ।
 ক্ষত্র হ'য়ে করিলাম বিশ্র-আচরণ ॥
 বহুকষ্ট পেয়ে গেছু পাঞ্চাল-নগরে ।
 পাঁচটি কুমার গেল ভিক্ষা-অনুসারে ॥

আমার পুণ্যের ফল উদ্ভিত হইল ।
 সভামধ্যে লক্ষ্য বিক্রি দ্রোপদী লভিল ॥
 পুত্রগণ-পক্ষ রাজা দ্রুপদ হইল ।
 দিনকত মাত্র তথা স্নুখেতে কাটিল ॥
 অনন্তরে দেশে এলে খল কুরুপতি ।
 রহিবারে ইন্দ্রপ্রস্থে দিলেক বসতি ॥
 আপন-ইচ্ছায় ভাগ দিল যেবা কিছু ।
 তাহাতে সন্তুষ্ট হৈল মোর পঞ্চশিশু ॥
 ধর্মবলে বাহুবলে সঞ্চিল রতন ।
 পিতৃ-আজ্ঞা ল'য়ে যজ্ঞ করিল সাধন ॥
 দেখিয়া বৈভব মোর দুষ্ট দুর্ঘোষধন ।
 শকুনির সহ যুক্তি করিয়া সাধন ॥
 কপট-পাশায় জিনি সর্বস্ব লইল ।
 নিয়ম করিয়া বনবাসে পাঠাইল ॥
 যে-নিয়ম করে পুত্র সবার অগ্রেতে ।
 তাহাতে হইল মুক্ত ধর্মবল হৈতে ॥
 তপস্বীর বেশ ধরি মম পুত্রগণ ।
 দ্বাদশ-বৎসর বনে করিল ভ্রমণ ॥
 সংবৎসর অজ্ঞাতবাসেতে কাটাইল ।
 রাজপুত্র হ'য়ে হীন-সেবা-ব্রত নিল ॥
 এত কষ্ট দিয়া তবু না হইল দুষ্ট ।
 সম্প্রীতে ছাড়িয়া রাজ্য না দিল পাপিষ্ঠ ॥
 যুদ্ধ করি মারিবারে চাহে পুত্রগণে ।
 না জানি কপালে কিবা আছয়ে লিখনে ॥
 এতেক বলিতে শোক বাড়িল অপার ।
 উচ্চৈঃস্বরে কান্দে কুন্তী করি হাহাকার ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যান্বন ॥

২৩। শ্রীকৃষ্ণের নিকটে কুন্তীর রোদন।

হা হা ভীম যুধিষ্ঠির, হা হা পুত্র পার্থবীর,
সহদেব নকুল তনয়।
রূপ-গুণ-শীলযুতা, হা হা বধু পতিব্রতা,
তোমার বিচ্ছেদে প্রাণ রয় ॥
বিষম-দুর্গম-বনে, সঙ্গে নিজ-স্বামিগণে,
বহুকষ্টে বঞ্চিলে কেমনে।
বনের হিংস্রক-পশু, ব্যাত্ত সর্প যত কিছু,
যক্ষ-রক্ষ-ভয়ানক-স্থানে ॥
তপস্বীর বেশধারী, যত সব হিংসাকারী,
ভাগ্যে পুণ্যে না মারিল প্রাণে।
পূর্ব-পুণ্য-ফল হৈতে, রক্ষা হৈল রিপুহাতে,
ধর্মবলে বাঁচিল জীবনে ॥
হা হা পুত্র ব্রহ্মকোদর, মম গোত্রে গোত্রধর',
সংহারিয়া রাক্ষস দুর্জয়ন।
প্রাণের দোসর তুমি, নির্ভয় করিলে তুমি,
হা হা পার্থ আমার জীবন ॥
করিয়া খাণ্ডব দাহ, তুমি কৈলে হব্যবাহ,
ভাঙ্গিলে ইন্দ্রের মহাভয়।
মহা-উগ্র তপ করি, তুমি কৈলে ত্রিপুরারি,
বাহুযুদ্ধে কৈলে পরাজয় ॥
এইরূপে পুত্রগণ,- নাম করি উচ্চারণ,
কান্দে দেবী ভোজের নন্দিনী।
শোকাকুলা অতিদীনা, শরীর অত্যন্ত-ক্লীণা,
মুরছিয়া পড়িল ধরণী ॥
দেখি ব্যস্ত হ'য়ে হরি, তুলিলেন হাতে ধরি,
প্রবোধিয়া কহিছেন তাঁরে।
শোক ত্যজ পিতৃস্বসা, গেল তব দুঃখদশা,
পুত্রগণ-দুঃখ গেল ঘূরে ॥

২৪। বংশের স্তম্ভ।

প্রসন্ন হইল কাল, ধর্ম হবে মহীপাল,
আজি-কালি হস্তিনা-নগরে।
আমারে করিয়া দূত, পাঠাইল ধর্মশ্রুত,
জানাইতে কৌরব-কুমারে ॥
যদি নাহি শুনে বাণী, ক্রুরমতি কুরুমণি,
যদি নাহি দেয় রাজ্য তাঁর।
তবে তব পুত্র-জয়, ক্রুরবুদ্ধি কুরুচয়,
সবংশেতে হইবে সংহার ॥
বলিলেন যুধিষ্ঠির, শীঘ্র যাহ যত্নবীর,
জননীকে কহিবে এমতি।
হবে দুঃখ-অবসান, ধর্ম রাখিবেন মান,
অচিরেতে ঘুচিবে দুর্গতি ॥
এত বলি জগৎপিতা, প্রবোধেন ভোজশ্রুতা,
শুনি কুন্তী হৈলা হৃষ্টমন।
উত্তোগ-পর্বের কথা, ব্যাস-বিরচিত গাথা,
কালীরাম-দাস-বিরচন ॥

২৪। শ্রীকৃষ্ণের প্রতি বিহ্বলের স্তব ও তাঁহার
গৃহে শ্রীকৃষ্ণের ভোজন।

কুন্তী-কাছে বসিয়াছিলেন নারায়ণ।
নানাকথা-আলাপনে অতি-হৃষ্টমন ॥
হেনকালে বিদুর আইল নিজালয়।
স্বল্প হৈতে ভিক্ষাবুলি ভূমিতে নামায় ॥
গৃহে প্রবেশিতে দেখে দৈবকী-নন্দন।
কহে গদগদ-স্বরে সজল-লোচন ॥
আমার ভাগ্যের কথা কহিতে না পারি।
রূপা করি মম গৃহে আসিলে মুরারি ॥
কোন দ্রব্য দিয়া আমি পুজিব তোমাতে।
অন্য বস্তু থাক ঘূরে, অন্ন নাহি ঘরে ॥

বড় ভাগ্যহীন আমি, অধম বঞ্চিত' ।
কমিবে আমারে প্রভু, দেখিয়া দুঃখিত' ॥

এত বলি দণ্ডবৎ হ'য়ে করে স্তুতি ।

নমো-নমঃ পূর্ণব্রহ্ম জগতের পতি ॥
তুমি আদি, তুমি অন্ত, তুমি মধ্যরূপ ।
সকল সংসার প্রভু, তোমার স্বরূপ ॥
নমো-নমঃ আদি ব্রহ্ম মৎস্বরূপধর ।
নমো-নমো হয়গ্রীব, নমস্তে ভূধর ॥
নমস্তে বরাহ হিরণ্যাক্ষ-বিদারক ।
নমো ভৃগুপতিরূপ ক্ষত্রকুলান্তক ॥
নমঃ কুর্শ-অবতার মন্দর-ধারণ ।
নমস্তে মোহিনীরূপ অশ্বর-মোহন ॥
নমস্তে নৃসিংহরূপ দৈত্য-বিনাশক ।
নমস্তে প্রহ্লাদ-প্রতি কৃপা-প্রকাশক ॥
নমস্তে বামনরূপ বলিঘারে দ্বারী ।
নমো নমো বাসুদেব, নমস্তে মুরারি ॥
ভবিষ্যতি অবতার নমো বুদ্ধকায় ।
নমঃ কঙ্কি-অবতার শ্লেচ্ছ-বিনাশায় ॥
কি জানি তোমার স্তুতি আমি হীনজ্ঞান ।
ব্রহ্মা-শিব-আদি যারে সদা করে ধ্যান ॥
তুমি সে প্রকৃতি-পর দেব-নিরঞ্জন ।
আত্মরূপে সর্বভূতে তোমার গমন ॥
শিষ্ঠের পালন কর, ছুষ্ঠের সংহার ।
এইহেতু জগৎপতি নাম যে তোমার ॥
কে বলিতে পারে তব গুণ অগোচর ।
তোমার মহিমা বেদ-শাস্ত্রের উপর ॥

এরূপে বিদূর করে নানাবিধ স্তুতি ।
প্রসন্ন হইয়া তাঁরে কহেন শ্রীপতি ॥

পরম-মহৎ তুমি সংসার-ভিতরে ।
তব তুল্য ধর্মশীল নাহি চরাচরে ॥
ভক্তবশ আমি থাকি, ভক্তের অধীনে ।
অধিক নাহিক শ্রীতি ভক্তজন-বিনে ॥
মেরুতুল্য রত্ন যদি অভক্তি-দেয় ।
তাহাতে আমার তুষ্টি কিঞ্চিৎ না হয় ॥
অন্নবস্ত্র দেয় যদি ভক্তি-পূরঃসরে ।
তাহাতে যতক তুষ্টি, কে কহিতে পারে ॥

শ্রীহরির স্নেহবাক্য বিদূর শুনিল ।
প্রতি-অঙ্গ পুলকিত, কহিতে লাগিল ॥
কি দিয়া করিব তুষ্ট, আমি অভাজন ।
আপনার গুণে কৃপা কর নারায়ণ ॥
কৃপার আধার তুমি, দয়ার সাগর ।
কৃপা করি পদছায়া দেহ গদাধর ॥
কৃপা করি মোরে স্নেহ কর হৃদীকেশ ।
তোমার মহিমা আমি না জানি বিশেষ ॥
বিদূরের স্তবে তুষ্ট হ'য়ে নারায়ণ ।

কৌতুকে কহেন পুনঃ কপট-বচন ॥
বিদূর, সে-সব কথা হইবে পশ্চাতে ।
সম্প্রতি কাতর আমি অত্যন্ত ক্ষুধাতে ॥
স্তবেতে কাহার কবে পুরিল উদর ।
খাদ্য-বস্ত্র আন কিছু, জুড়াক্ অন্তর ॥
স্নান করি বসি আছি বিনা-জলপানে ।
যে-কিছু আছে, শীত্র আন এইখানে ॥

শুনিয়া বিদূর গৃহে করিল প্রবেশ ।
তগুলের খুদমাত্র ছিল অবশেষ ॥
তাহা আনি দিল পদ্মাপতি-পদ্মাকরে ।
পদ্মা-সহ পদ্মাপতি বাক্সিল অন্তরে ॥

সম্ভব হইয়া কৃষ্ণ করেন ভক্ষণ ।

বিদুর লজ্জিত হ'য়ে না মেলে নয়ন ॥

পুনশ্চ বিদুর কহে দেব-দামোদরে ।

আজ্ঞা কর, যাই আমি ভিক্ষা-অনুসারে ॥

নগরে যে পাই ভিক্ষা, অতিরিক্ত নয় ।

এত শুনি হাসি কন দৈবকী-তনয় ॥

ভিক্ষার কারণ কৈলে বহু-পর্যটন ।

পুনঃ যাবে ভিক্ষাতে, না রুচে মম মন ॥

যে-কিছু পাইলে, তাহা করহ রন্ধন ।

সবে মিলি বাঁটিয়া তা' করিব ভক্ষণ ॥

শুনিয়া বিদুর আজ্ঞা করিল কুন্তীরে ।

রন্ধন করিয়া কুন্তী দিলেন সত্বরে ॥

সাত্যকি-সহিত কৃষ্ণ বিদুরের বাসে ।

ভোজনান্তে আচমন করিলেন শেষে ॥

তাম্বুল নাহিক, আনি দিল হরীতকী ।

ভক্ষণ করিয়া কৃষ্ণ পরম-কোঁতুকী ॥

বিদুর সাত্যকি আর দেব-নারায়ণ ।

ইষ্ট-আলাপনে দিন করেন যাপন ॥

বিদুর বলেন, দেব, কর অবধান ।

কিহেতু হস্তিনাপুরে তোমার প্রয়াণ ॥

পাণ্ডবের দূত হ'য়ে, বুঝি অভিপ্রায়ে ।

ধর্ম্মনীতি বুঝাইতে গান্ধারী-তনয়ে ॥

তব বাক্য না রাখিবে কভু দুৰ্য্যোধন ।

সম্প্রীতে ছাড়িয়া রাজ্য না দিবে দুর্জয়ন ॥

ভীষ্ম-দ্রোণ বুঝাইল ব্যাস মুনিবর ।

কারো বাক্য না শুনিল কোঁরব পামর ॥

গোবিন্দ বলেন, যাহা কহিলে প্রমাণ ।

না করিবে সম্প্রীতে সে পাণ্ডবে সম্মান ॥

তথাপিহ লোকধর্মে তরিবার তরে ।

ধর্ম্ম-আত্মা যুধিষ্ঠির পাঠাইলা মোরে ॥

পঞ্চভাই-হেতু মাগি লব পঞ্চগ্রাম ।

এইহেতু আসিলাম দুৰ্য্যোধন-ধাম ॥

বিদুর বলেন, দেব, এ-কথা না কহ ।

ভালে-ভালে শীঘ্রগতি এথা হৈতে যাহ ॥

যে মন্ত্ৰণা করিয়াছে, বলিবারে ভয় ।

দুষ্ট দুৰ্য্যোধন আর রাধার তনয় ॥

দুঃশাসন-সহ দুষ্ট বসিয়া নিদ্রিতে ।

যুক্তি করিয়াছে তোমা বান্ধিয়া রাখিতে ॥

এত শুনি গোবিন্দের ক্রোধে কাঁপে বক্ষ ।

কুন্তকার-চক্র যেন ফিরে দুই-অক্ষ ॥

অরুণ-লোচন ক্রোধে রক্তবিশ্ব জিনি ।

বলেন বিদুর-প্রতি দেব চক্রপাণি ॥

এত অহঙ্কার করে কুরু-পাপকারী ।

ইহার উচিত শাস্তি দিতে আমি পারি ॥

মুহূর্ত্তেকে পারি সবে করিতে সংহার ।

বাতি দিতে কুরুকূলে না রাখিব আর ॥

গোবিন্দের বাক্যে বিদুরের ভীত মন ।

করঘোড় করি পুনঃ বলেন বচন ॥

মনে-মনে ইচ্ছা যদি কর একবার ।

পারহ করিতে ভ্রম্য এই ত্রিসংসার ॥

ত্রিভুবনে হর্ভা কর্তা তুমি জগৎপতি ।

তোমাতে বান্ধিতে পারে, কাহার শক্তি ॥

ভক্তই বান্ধিতে পারে মাত্র ভক্তিপাশে ।

আপন-বন্ধন তুমি লহ অনায়াসে ॥

যে-কালে গোকূলে বাল্যলীলা ক'রেছিলে ।

একদিন যশোদার ক্রোধ বাড়াইলে ॥

ক্রোধেতে যশোদা তোমা করিল বন্ধন ।

মায়াতে মোহিতা হ'য়ে করিল এমন ॥

যত দড়ি যশোমতী আনে ক্রোধমনে ।

বান্ধিতে না আঁটে দুই অঙ্গুলি-প্রমাণে ॥

দেখিয়া মায়ের দুঃখ হৈল তব দয়া ।
 লইতে বন্ধন তুমি ত্যজ নিজ-মায়া ॥
 মায়ার পুত্তলী তুমি, নানা-মায়া জান ।
 আদি-নিরঞ্জন তুমি পূর্ণ-ভগবান ॥
 তোমার এতেক ক্রোধ কিহেতু না জানি ।
 সংবর আমারে দেখি ক্রোধ চক্রপাণি ॥
 তোমারে বাক্ষিতে পারে, আছে কোন্ জন ।
 কিবা ছার অন্নমতি রাজা দুৰ্য্যোধন ॥
 কি করিতে পারে তোমা, কাহার শক্তি ।
 মম অপরাধ ক্ষম দেব-জগৎপতি ॥

বিহুরের বাক্যে ক্ষমিলেন নারায়ণ ।
 জল দিলে যথা নিবর্তয়ে হতাশন ॥
 পুনরপি হাসি-হাসি বলে জনাৰ্দ্দন ।
 খণ্ডিতে না পারি আমি তোমার বচন ॥
 কোরবের দোষ আমি ক্ষমিছু সকল ।
 অচিরেতে পাবে দুষ্ট সমুচিত-ফল ॥
 খণ্ডিতে না পারি আমি ধর্মের উত্তর ।
 সে-কারণে আসিলাম হস্তিনা-নগর ॥

এত বলি ক্রোধহীন হম নারায়ণ ।
 বিহুর প্রবোধ পেয়ে আনন্দিত-মন ॥
 নানা-কথা-আলাপনে ছিল তিনজন ।
 কথা-শেষে করিলেন সকলে শয়ন ॥
 উদ্যোগ-পর্বের কথা অমৃত-সমান ।
 ব্যাস-বিরচিত দিব্য-ভারত-পুরাণ ॥
 কাশীরাম দাস কহে রচিয়া পয়ার ।
 যাহার শ্রবণে হয় ভবসিদ্ধি-পার ॥

২৫। কোরবের সভায় ঐক্যের পুনরাগমন ।

রজনী বাক্ষিয়া হুখে বিহুরের ঘরে ।
 প্রভাতে উঠিলা দেব হরিষ-অস্তরে ॥

প্রাতঃক্রিয়া সমাপিয়া শুভযাত্রা করি ।
 বিহুরেরে সঙ্গে করি চলেন শ্রীহরি ॥
 সাত্যকি চলিল সঙ্গে আর চেকিতান ।
 চারিজন চলি যান কুরু-বিদ্যমান ॥
 সভা করি বসি আছে কুরু-নরপতি ।
 হেনকালে উপনীত দেব-জগৎপতি ॥
 কৃষ্ণ-আগমন রাজা জানি সেইকণ ।
 বহু-মান্য করি দিল বসিতে আসন ॥
 হেনকালে উপনীত যত সভাজন ।
 ভীষ্ম দ্রোণ কৃপ কর্ণ প্রতীপ-নন্দন ॥
 পঞ্চভাই ত্রিগর্ত-দেশের নরপতি ।
 আসিল যতেক রাজা সবে মহামতি ॥
 শতভাই-সহ বসে রাজা দুৰ্য্যোধন ।
 যার যেই আসনেতে বসে সর্বজন ॥
 আসিল যতেক মুনি জানিয়া কারণ ।
 নারদ পুলস্ত্য আর দেবল তপন ॥
 মার্কণ্ড অগস্ত্য বিভাণ্ডক তপোধন ।
 আসিল যতেক মুনি অশ্বের ভবন ॥
 যথাযোগ্য-আসনেতে বসে মুনিগণ ।
 পরস্পর সম্ভাষণ করে সর্বজন ॥
 ইন্দ্রের সমান সভা হইল শোভন ।
 প্রসঙ্গ তুলেন তবে দেব-নারায়ণ ॥

শুন ধৃতরাষ্ট্র, আর যত কুরুগণ ।
 শুন রাজা দুৰ্য্যোধন, হ'য়ে একমন ॥
 ধর্ম-আত্মা যুধিষ্ঠির ধর্ম্মেতে তৎপর ।
 ধর্ম্ম চিন্তি পাঠাইল তোমার গোচর ॥
 কুলক্ষয় জানি মনে সবে ক্ষমা দিল ।
 বিনয়ে আমাকে সেই এখানে পাঠাল ॥
 যা' বলিল ধর্ম্মরাজ, শুন বলি ভাই ।
 ভাই-ভাই-বিরোধেতে প্রয়োজন নাই ॥

নিয়ম হইল পূর্বের তোমার সাক্ষাতে ।
 নানা-কষ্ট ভুঞ্জি যুক্ত হইলাম তাতে ॥
 আমার বিভাগ-রাজ্য যে হয় উচিত ।
 তাহা ছাড়ি দিয়া মম সঙ্গে কর গ্রীত ॥
 সভামধ্যে যত কিছু কৈলে অপমান ।
 সে-সকল অপরাধে আছি ক্ষমাবান ॥
 সে-সকল দুঃখ আমি নাহি করি মনে ।
 অদৃষ্ট যেমন মম, ঘটিল তেমনে ॥
 এইরূপ কহিলেন ধর্ম্মের কুমার ।
 ভীম ধনঞ্জয় মাদ্রীপুত্র দুই আর ॥
 যাহা চিতে লয়, তাহা কর নরবর ।
 এত শুনি ধৃতরাষ্ট্র করিল উত্তর ॥

শুনিলে কি দুর্ঘোষণ, ক্রোধের বচন ।
 নাহা বলি পাঠাইল পাণ্ডুপুত্রগণ ॥
 পাণ্ডবেরা তব কিছু না করে অকার্য্য ।
 উচিত ছাড়িয়া দিতে তাহাদের রাজ্য ॥
 যে-নিয়ম ক'রেছিল, হইল মোচন ।
 তবে তার সহ দ্বন্দ্ব কর কি-কারণ ॥
 এমত করিলে তোমা না সহিবে ধর্ম্ম ।
 সংসার যুড়িয়া রবে তব অপকর্ম্ম ॥
 পূর্ব-অধিকার তার ছিল যতদূর ।
 যত রাজ্য-ধন-রত্ন ছিল গ্রাম-পুর ॥
 তাহা দিয়া গ্রীতি কর পাণ্ডবের সনে ।
 নাহি দিলে পরিণামে পাবে দুঃখ মনে ॥
 দুর্ঘোষণ বলে, তাত, না বুঝিয়া কহ ।
 জীয়ন্তে কি গ্রীতি হবে পাণ্ডবের সহ ॥
 নাহি দিব রাজ্য আমি, যুদ্ধ করি পণ ।
 ইহার বিধান এই, শুনহ রাজন্ ॥
 শক্তি থাকে পাণ্ডবের, করিবেক রণ ।
 যুদ্ধে জিনি আশা-সবে লবে রাজ্য-ধন ॥

এত শুনি ধৃতরাষ্ট্র হইল বিরত^১ ।
 কহিতে লাগিল তবে সভাসদ যত ॥
 ভীষ্ম-বীর বলে আর দ্রোণ-মহাশয় ।
 কৃপ অশ্বখামা আর প্রতীপ-তনয় ॥
 কহিল নারদ-মুনি ধর্ম্মশাস্ত্রমত ।
 এ-কর্ম্ম তোমার রাজা, না হয় উচিত ॥
 সংসারে অজ্ঞেয় পঞ্চ পাণ্ডুর তনয় ।
 তা'-সবার-সহ যুদ্ধ উচিত না হয় ॥
 সধর্ম্মে থাকিলে হয় জয়ী ত্রিভুবনে ।
 অর্জ্জুনের গুণকর্ম্ম না যায় বর্ণনে ॥
 দেবের অবধ্য কালকেয়াদি মারিল ।
 গন্ধর্ব্বের ভয় হৈতে তোমারে রাখিল ॥
 নিবাতকবচগণে করিল নিধন ।
 খাণ্ডব-দাহনে করে অগ্নির তর্পণ ॥
 মহাবল যদুগণে সমরে জিনিল ।
 সুভদ্রা জিনিয়া আনি বিবাহ করিল ॥
 দ্রৌপদীর স্যংবরে বীর ধনঞ্জয় ।
 একলক্ষ রাজগণে করে পরাজয় ॥
 বাহ্যযুদ্ধে পরাজয় করে পশুপতি ।
 একেশ্বর পরাজিত করিলেক ক্ষিতি ॥
 ভীমের বিক্রম সবে জান ভালমতে ।
 লক্ষ-লক্ষ-নিশাচরে মারে মুষ্ঠ্যাঘাতে ॥
 হিড়িম্ব-কিন্মীর-বক-আদি নিশাচর ।
 হেলায় সংহার করে বীর-হুকোদর ॥
 শতভাই কীচকেরে মারিল নিমেষে ।
 ত্রিভুবন নাহি আঁটে, ভীম যদি রোষে ॥
 হেনজন-সহ তব বিরোধে কি কাজ ।
 অর্জ্জ-রাজ্য পাণ্ডবেরে দেহ কুরুরাজ ॥
 না দিলে প্রমাদ বড় ঘটবে তোমার ।
 পাণ্ডবের হাতে হবে সবংশে সংহার ॥

আকাশ ভাঙ্গিয়া পড়ে, পৃথ্বী জলে ভাসে ।
 দিনকর তেজোহীন, সপ্তসিদ্ধি শোষে ॥
 ইন্দ্র-আদি দেব যদি তব পঞ্চ হয় ।
 জিনিতে নারিবে তব পাণ্ডুর তনয় ॥
 অপূরাধ যে করিলে পাণ্ডব-সদনে ।
 বিনয় করিয়া দোষ খণ্ডাহ এক্ষণে ॥
 গলীয় কুঠার বান্ধি দস্তে তৃণ করি ।
 শীঘ্রগতি যাহ, যথা ধর্ম্ম-অধিকারী ॥
 “যত ধন-রাজ্য নিলে জিনিয়া পাশাতে ।
 তাহার দ্বিগুণ করি দেহ ত সাক্ষাতে ॥
 ইন্দ্রপ্রস্থে ধর্ম্মে আনি অভিষেক কর ।
 এই কর্ম্মে তব হিত দেখি কুরুবর ॥

এতেক নারদ-মুনি বলিল বচন ।
 বলিল পরশুরাম জানিয়া কারণ ॥
 ব্যাস বুঝাইল কত, না শুনিল কানে ।
 পৌলস্ত্য যে বুঝাইল বেদের বিধানে ॥
 অনন্তরে বুঝাইল যত সভাজন ।
 কারো বাক্য না শুনিল গান্ধারী-নন্দন ॥
 অদৃষ্ট মানিয়া তবে ধৃতরাষ্ট্র বলে ।
 কালেতে কুব্জি-ফল দুর্ঘ্যোধনে ফলে ॥
 সে-কারণে কারো বাক্য না শুনে শ্রবণে ।
 এত শুনি মৌনী হ’য়ে রহে সভাজনে ॥
 অদৃষ্ট মানিয়া তবে অশ্বিকা-নন্দন ।
 নিঃশ্বাস ছাড়িয়া হেঁট করিল বদন ॥

পুনরপি হাস্তমুখে কন নারায়ণ ।
 জানিলাম দুর্ঘ্যোধন, তোমার যে মন ॥
 অবশেষে বলিলেন যদুবংশপতি ।
 কহি, অবধানে শুন কুরুকুলপতি ॥
 অর্জু-রাজ্য ছাড়ি যদি না লিবে রাজত্ব ।
 তোমার অধীন হৈল পাণ্ডুপুত্রগণ ॥

পঞ্চ-পাণ্ডবেরে ছাড়ি দেহ পঞ্চগ্রাম ।
 হুখে ভোগ কর তুমি এই ধরা ধাম ॥
 ইন্দ্রপ্রস্থ কুশস্থল বারণা-নগর ।
 পাণ্ডব-নগর আর সিন্ধিগ্রামবর ॥
 এই পঞ্চগ্রাম ছাড়ি দেহ পাণ্ডবেরে ।
 ছন্দে কার্য্য নাহি রাজা, কহিলু তোমারে ॥
 পঞ্চগ্রাম দিয়া শাস্ত কর পঞ্চজন ।
 পৌরুষ বৈভব যদি চিন্তহ রাজন্ ॥
 উভয়-কুলের আমি সদা চিন্তি হিত ।
 মম বাক্যে পাণ্ডুপুত্রে করহ সম্প্রীত ॥
 বনে-বনে ভ্রমে পাণ্ডবেরা পঞ্চজন ।
 বলহীন, কোনমতে ধরয়ে জীবন ॥
 যুদ্ধে অসমর্থ তারা, নারিবে জিনিতে ।
 না হয় উচিত জ্ঞাতি হনন করিতে ॥
 জ্ঞাতিবধ মহাপাপ সর্ব্বশাস্ত্রে গণি ।
 সে-কারণে উপেক্ষা না কর নৃপমণি ॥

এতেক বলিল যদি দেব-জগৎপতি ।
 পুত্রে দোষ দিয়া নিন্দে অন্ধ-নরপতি ॥
 শুনি ক্রোধে দুর্ঘ্যোধন উঠি সভা হৈতে ।
 গোবিন্দে চাহিয়া তবে লাগিল কহিতে ॥
 ভীষ্ণু-সূচী-অগ্রদেশে ধরে যত ভূমি ।
 বিনা-যুদ্ধে পাণ্ডবেরে নাহি দিব আমি ॥
 প্রতিজ্ঞা করিলু আমি, না হবে খণ্ডন ।
 পশ্চিমে উদিত যদি হয় ত তপন ॥
 আকাশ পড়য়ে ভূমে, পৃথ্বী জলে ভাসে ।
 দিনকর-তেজে যদি সপ্তসিদ্ধি শোষে ॥
 যোগী যোগ ত্যজে, ধ্যান ত্যজে পঞ্চানন ।
 গান্ধারী-বিহীন যদি হয় দ্বিজগণ ॥
 তথাপি প্রতিজ্ঞা মম না হুবে খণ্ডন ।
 পাণ্ডবেরে ছাড়িয়া না দিব রাজ্যধন ॥

এত শুনি মৌনী হ'য়ে রহে লক্ষ্মীপতি ।

বলেন কণেক পরে ধৃতরাষ্ট্র-প্রতি ॥
দূত হ'য়ে আসিলাম দুই-কুল-হিতে ।
শুনিলু অদ্ভুত-কথা বিদূর-মুখেতে ॥
কোন দোষ করিলাম, শুনহ রাজন্ ।
আমারে বান্ধিতে চাহে তোমার নন্দন ॥
কে পারে বান্ধিতে পারে, দেখে বিদূরমানে ।
ক্ষমা করি শুধু মাত্র চাহি তোমা-পানে ॥
ক্ষুদ্র-মুগে মারে যথা কেশরী প্রচণ্ড ।
নাগেরে গরুড় যথা করে খণ্ড-খণ্ড ॥
সেইরূপ দেখি আমি যত কুরুগণে ।
গৃহুর্ভে মারিতে পারি, যদি করি মনে ॥
তোমার অপেক্ষা-হেতু ক্ষমিয়াছি আমি ।
নহে কেন পাণ্ডবেরা ভ্রমে বনভূমি ॥

এত বলি উচ্চৈঃস্বরে হাসে নারায়ণ ।

হাসিতে-হাসিতে হৈল আরক্ত-লোচন ॥
ক্রোধাধ্বিত কলেবর, দেখি লাগে ভয় ।
দেবমায়া সৃজিলেন দেব-মায়াময় ॥
নিজ-অঙ্গে দেখালেন এ-তিন-ভুবন ।
দিব্য-চক্ষু সর্ববজনে দেন নারায়ণ ॥
দিব্য-চক্ষু পেয়ে সবে একদৃষ্টে চায় ।
যতেক দেখিল, তাহা कहেন না যায় ॥
দেবতা তেত্রিশ-কোটি দেখে পৃষ্ঠদেশে ।
নাভিপদ্মে দেখে ব্রহ্মা আছে সবিশেষে ॥
বক্ষেতে নারদ শোভে দেব-তপোধন ।
নয়নে দেখয়ে একাদশ রুদ্রগণ ॥
উনপঞ্চাশৎ বায়ু অশ্বিনী-কুমার ।
অনন্ত-বান্ধুকি-আদি যত নাগ আর ॥
গোবিন্দের পুরৌভাগে করে নানা-স্তুতি ।
তবে আর নানাবিধ দেখয়ে বিভূতি ॥

স্বাবর-জন্ম দেখে যত দেহিগণ ।
গোবিন্দের অঙ্গে দেখে এ-তিন-ভুবন ॥
বিশ্বরূপ নিরখিয়া সবে মূর্ছা' গেল ।
গোবিন্দে অগ্রে সবে কহিতে লাগিল ॥
জগতের কর্তা তুমি, জগতের পতি ।
স্বজন-পালন তুমি সংহার-মুরতি ॥
অপার মহিমা তব বেদে অগোচর ।
নিজ-রূপ সংবরহ দেব গদাধর ॥

এইরূপে স্তুতি কৈল যত মুনিগণ ।

ভীষ্ম-দ্রোণ-কৃপ-আদি যতেক স্মৃজন ॥
স্তুতিবশে স্প্রসন্ন হ'য়ে জগৎপতি ।
ছাড়িলেন বিশ্বরূপ সে মায়া-বিভূতি ॥
দুর্যোধনে পুনরপি বুঝাইল সবে ।
কারো বাক্য দুর্যোধন না শুনিল যবে ॥
সভা হৈতে উঠি তবে চলে সর্বজন ।
নিজ-স্থানে গেল তবে যত মন্ত্রিগণ ॥
সাত্যকির হাতে ধরি চলেন ক্রীহরি ।
যত দ্রব্য দিয়াছিল কুরু-অধিকারী ॥
কিছু দ্রব্য না নিলেন হ'য়ে ক্রুদ্ধমন ।
শীঘ্রগতি করিলেন রথে আরোহণ ॥

বিস্ময় মানিল ধৃতরাষ্ট্র-নরপতি ।

অনর্থ হইল, বলে ভীষ্ম মহামতি ॥
মৌনভাবে রহিলেন অশ্বিকা-নন্দন ।
কুন্তীর নিকটে কৃষ্ণ করেন গমন ॥
সম্ভাষি সবারে পরে কুন্তীরে নমিয়া ।
বহুকথা কহিলেন নিকটে বসিয়া ॥
যাবৎ রতাস্ত সব কহিলেন তাঁরে ।
চলিলেন চক্রপাণি সম্ভাষি সবারে ॥

পথে কর্ণ-সহ মিলিলেন জনার্দন ।

কর্ণের সঙ্কিত হৈল রহস্য-কথন ॥

কন্যাকালে কুন্তীগর্ভে তোমার উৎপত্তি ।
 তুমি কর্ণ মহাবীর, কুন্তীর সন্ততি ॥
 যুধিষ্ঠির-নৃপতির তুমি সহোদর ।
 আপনা না চিন কর্ণ, তুমি কি বর্বর ॥
 ধর্মশাস্ত্র পড়িয়াছ, করিয়াছ দান ।
 ব্রাহ্মণ-সভাতে করে তোমার বাখান ॥
 তোমার কনিষ্ঠ পাণ্ডবেরা পঞ্চভাই ।
 ঐ-হেন স্মরু কর্ণ, বড়-ভাগ্যে-পাই ॥
 দ্রৌপদীর পঞ্চপুত্র-অভিমন্যু-আদি ।
 পূজিবে হৃৎতের সম তোমা নিরবধি ॥
 নকুল অর্জুন সহদেব ভীম-বীর ।
 তব পদ ধোয়াইবে রাজা যুধিষ্ঠির ॥
 সুবর্ণ-রজত-কুণ্ডে তব অভিষেকে ।
 রাজকন্যা সেবিবে যে, দেখিবে প্রত্যেকে ॥
 ছয়জনে দ্রৌপদী যে করিবে সেবন ।
 অগ্নিহোত্র করিবেক ধোম্য তপোধন ॥
 তোমাতে সিধিবে আজি বিপ্র-চারিবেদী ।
 পাণ্ডবের পুরোহিত কুশল-সংবাদী ॥
 যুবরাজ হবে তব রাজা যুধিষ্ঠির ।
 ধবল-চামর ল'য়ে বিচিত্র-শরীর ॥
 মস্তকে ধরিবে ছত্র বীর যুকোদর ।
 রথের সারথি হবে পার্থ ধনুর্ধর ॥
 সুধীর শিখণ্ডী তব হবে আগুসার ।
 ঐ-সব বচন কর্ণ, ধরিবে আমার ॥
 বৃষ্টিবংশ ল'য়ে তব পিছে যাব আমি ।
 ঐ-সব সম্পদ কর্ণ, ভোগ কর তুমি ॥
 বলিলেন এইমত নিজে দামোদর ।
 ভক্তি করি কর্ণ তবে দিলেন উত্তর ॥
 সূর্যের ঔরসে জন্ম কুন্তীর উদরে ।
 সূর্যের বচনে মাতা বিসর্জিলামোরে ॥

সূত মোরে পেয়ে পালে আপনার ঘরে ।
 আমারে পুষিলা রাধা যত্ন-পুরঃসরে ॥
 স্তন দিয়া পুষিলেন, জানে সর্বজন ।
 সর্বলোকে বলে মোরে রাধার নন্দন ॥
 ধর্ম্মেতে পাণ্ডুর হুত কুন্তীগর্ভে জাত ।
 যুধিষ্ঠিরে না কহিবে ঐ-সব বৃত্তান্ত ॥
 অনুরোধ করিবেন ধর্ম্ম-নৃপবর ।
 আমি পুনঃ সর্বথা না যাব দামোদর ॥
 আমি যদি পাই রাজ্য, দিব দুর্ঘ্যোধনে ।
 সত্যভঙ্গ তথাপি না করি, লয় মনে ॥
 দুর্ঘ্যোধন কৈল মোরে বিস্তর পোষণ ।
 নানা-রত্ন-ধন দিল দিব্য-নারীগণ ॥
 তেরবর্ষ ভূঞ্জিলাম রাজ্যভোগ-সুখ ।
 দুর্ঘ্যোধন-প্রসাদেতে নাহি কোন দুখ ॥
 করিব নিতান্ত রণ অর্জুন-সহিত ।
 প্রতিজ্ঞা করিনু সর্ব-কৌরব-বিদিত ॥
 যত্নপি জানি যে আমি পাণ্ডবের জয় ।
 সবাক্ষে দুর্ঘ্যোধন হইবেক ক্ষয় ॥
 অর্জুনের হাতে হবে আমার নিধন ।
 ভীষ্ম-দ্রোণে মারিবেক দ্রুপদ-নন্দন ॥
 ধৃতরাষ্ট্র-পুত্র এই শত-সহোদর ।
 পাঠাবে শমন-ঘরে বীর যুকোদর ॥
 তথাপিহ না ত্যজিব রাজ্য দুর্ঘ্যোধনে ।
 ক্ষত্রিয়ের ধর্ম্ম জান প্রতিজ্ঞা-পালনে ॥
 আপনি জানহ ক্রমঃ, সকল রহস্য ।
 সকল-কৌরব-নাশ হইবে অবশ্য ॥
 যেখানে তোমার নাম, সেইখানে জয় ।
 ইথে অন্তমত নাহি, শুন মহাশয় ॥
 যথাক্ষমঃ, তথা জয়, জানি যে সর্বথা ।
 আমার প্রতিজ্ঞা নষ্ট না হইবে তথা ॥

কেবল নিমিত্তভাগী এই তিনজন ।
 দুঃশাসন দুর্ঘোষন হুবল-নন্দন ॥
 কোরব-পাণ্ডব-যুদ্ধে রুধিরে কর্দম ।
 মরিবে পাণ্ডব-হস্তে কোরব-অধম ॥
 পাণ্ডবে হইবে জয়, কুরু-পরাজয় ।
 অবিলম্বে জনার্দন, হইবে নিশ্চয় ॥
 মঙ্গল না দেখি আমি কোরবের রাজে ।
 উৎপাত অদ্ভুত দেখি গ্রহগণ-মাঝে ॥
 গগনেতে উজ্জাপাত নির্ঘাত-সহিত ।
 পৃথিবী কম্পিতা হয়, দেখি বিপরীত ॥
 ভয়ানক শব্দ করি কান্দে অশ্ব-গজ ।
 অকস্মাৎ খসি পড়ে যত রথধ্বজ ॥
 গৃধ্র-পক্ষী কাক বক বৃষিক সঞ্চার ।
 কোরবের পাছে-পাছে দেখি বিচ্যমান ॥
 মাংস আর রক্ত-রুষ্টি, উজ্জ্বল বহে বাত ।
 কোরবগণের মৃত্যু দেখি জগন্নাথ ॥
 দুঃস্বপ্ন দেখিলু আমি, শুন নারায়ণ ।
 অমৃত-পায়স ভুঞ্জে পাণ্ডুপুত্রগণ ॥
 পৃথিবী প্রসবে ধর্ম্য দেখিয়া এমন ।
 পর্বতে উঠিয়া ভীম করে মহারণ ॥
 ধবল-কবচ-গায় দেখি সুরশোভন ।
 পুষ্পমালা গলে শোভে, ধবল-বসন ॥
 হাতেতে ধবল-ছত্রে নামে সরোবর ।
 স্বপ্ন আমি দেখিলাম, শুন দামোদর ॥
 পাণ্ডব হইবে জয়ী, কুরু-পরাজয় ।
 অচিরে হইবে কৃষ্ণ, নাহিক সংশয় ॥
 'এত বলি কর্ণ-বীর করিল গমন ।
 প্রেমভরে গোবিন্দে দিয়া আলিঙ্গন ॥
 কর্ণ-বীর গেল যদি আপন-ভবন ।
 সৈন্তগণ-সহ চলিলেন জনার্দন ॥

নানাবান্ধ-কোলাহলে চলেন স্মরিত ।
 বিরাট-নগরে হইলেন উপনীত ॥
 হরিহরপুর-গ্রাম সর্বগুণধাম ।
 পুরুষোত্তম-নন্দন মুখুটি অবিরাম ॥
 কানীদাস বিরচিল তাঁর আশীর্ব্বাদে ।
 সদা চিত্ত রহে যেন বিজ-পাদপায়ে ॥

২৬। যুত্তরাষ্ট্রের নিকটে সনৎসুজাত মুনির আগমন ।

সভা হৈতে উঠি যবে চলে নারায়ণ ।
 বিদূর-সহিত মাত্র রহিল রাজন্ ॥
 পাণ্ডবের ভয়ে অন্ধ চিস্তানলে জ্বলে ।
 আসিল সনৎসুজাত-মুনি হেনকালে ॥
 সজ্জমে বিদূর তবে উঠি সেইক্ষণে ।
 দণ্ডবৎ করি দিল বসিতে আসন ॥
 অন্ধকে বিদূর জানাইল সেইক্ষণে ।
 আসিল সনৎসুজাত তব, দরশনে ॥
 শুনি অন্ধ দণ্ডবৎ করিল প্রণতি ।
 পাণ্ড-অর্ঘ্য আনাইয়া দিল শীত্ৰগতি ॥
 ভূষ্ট হ'য়ে আসনেতে বসে তপোধন ।
 কহিতে লাগিল তবে অশ্বিকা-নন্দন ॥
 পাপাত্মা কুবুজি মোর দুর্ঘোষন হত ।
 কলহ বাঞ্ছয়ে সদা পাণ্ডব-সহিত ॥
 পাণ্ডুপুত্রগণ কছু অহিত না করে ।
 যতেক দারুণ কষ্ট দিল বারে-বারে ॥
 সকলি ক্ষমিল তারা আমার কারণ ।
 তথাপি তাদেরে নাহি দেয় রাজ্যধন ॥
 পাণ্ডবের দূত হ'য়ে বুঝাইলা হরি ।
 তাঁর বাক্য না শুনিল মহাপাপকারী ॥
 বুঝাইলা মুনীগণ, না শুনিল কানে ।
 ভীম-দ্রোণ-কৃপ-আদি যত পুরুষজনে ॥

কারো বাক্য না শুনিল দুই দুর্ঘ্যোধন ।
আপনি তাহারে কিছু বল তপোধন ॥
তত্ত্বজ্ঞান কহি তারে করাহ স্মৃতি ।
পাণ্ডবেরে ছাড়ি যেন দেয় বসুমতী ॥

শুনিয়া সনৎজাত কহেন তখন ।
দিনমণি উঠে যদি পশ্চিম-গগন ॥
তথাপি পাণ্ডব-সহ নাহি হবে শ্রীতি ।
পূর্বের কাহিনী শুন, কহি শাস্ত্রনীতি ॥
প্রবল-অসুরে যবে পৃথিবী ব্যাপিল ।
দান-যজ্ঞ-গো-ব্রাহ্মণ সকল হিংসিল ॥
হিংসাতে পুরিল ক্ষিতি, ধর্ম হৈল ক্ষয় ।
দেখিয়া পৃথিবী বড় মনে পেয়ে ভয় ॥
ব্রহ্মার সাক্ষাতে গিয়া করিল গোহারি ।
হিংসকের ভার আর সহিতে না পারি ॥
মায়াতে জন্মিয়া জীব করে অহঙ্কার ।
মোর রাজ্য, মোর ধন, মোর পরিবার ॥
মরিলে সম্বন্ধ দেখ নাহি কারো সনে ।
আমারে হিংসয়ে লোক, আপনা না জানে ॥
কারো বাধ্য নহি আমি, কারো আশ্রয় নহি ।
কীট-পক্ষি-নর-বৃক্ষ সবাকারে বহি ॥
আমাতে জন্মিয়া হুখে আমাতে বিহরে ।
আমাতে জন্মিয়া জীব আমাতেই মরে ॥
উৎপত্তি-প্রলয়-স্থিতি আমি সবাকার ।
তবু অবিচারে হিংসা করে দুরাচার ॥
অহিংসা পরম-ধর্ম, মনে নাহি মানে ।
আমার-আমার বলি মরে অজ্ঞানে ॥
সৃষ্টির রক্ষণ নাহি করিলে আপনে ।
প্রবল-অসুর-ব্যাপ্ত হইল একগণে ॥
সহিতে না পারি আর অসুরের ভর ।
প্রবেশিয়া পাতালেতে যাই, আজ্ঞা কর ॥

পৃথিবীর স্তবে তুচ্ছ হ'য়ে পদ্মাসন ।
হরির নিকটে গিয়া করেন স্তবন ॥
নমঃ আদি-অস্ত-হীন নিত্য-সনাতন ।
তোমার আজ্ঞায় সৃষ্টি হইল সৃজন ॥
হেন সৃষ্টি নাশ করে অসুর প্রবল ।
সহিতে না পারে ক্ষিতি, যায় রসাতল ॥
উপায়ে উদ্ধার কর ব্রহ্ম-সনাতন ।
এইরূপে নানা-স্ততি কৈলা পদ্মাসন ॥
স্তুতিবশে সুপ্রসন্ন হ'য়ে জগন্নাথ ।
দিব্যরূপ হইলেন ব্রহ্মার সাক্ষাৎ ॥
সাক্ষাতে দেখিল হরি কমল-আসন ।
দণ্ডবৎ করি পুনঃ করিল স্তবন ॥
গোবিন্দ কহেন, ভয় না করিহ আর ।
তোমার বচনে আমি হ'ব অবতার ॥
চারি-যুগে অংশে-অংশে হ'য়ে অবতার ।
যতেক অসুরগণে করিব সংহার ॥

এত বলি নিজ-স্থানে যান নারায়ণ ।
শুনি ব্রহ্মা চলিলেন হ'য়ে হৃষ্টমন ॥
সাস্ত্রাইয়া পৃথিবীতে বলিলা বচন ।
অচিরে তোমার দুঃখ হইবে মোচন ॥
প্রত্যক্ষ হইয়া প্রভু কহিলা আমারে ।
অবতার হ'য়ে সব মারিবে অসুরে ॥
অচিরাৎ তব ভার করিবে মোচন ।
যুগে-যুগে অবতার হ'য়ে নারায়ণ ॥

শুনিয়া পৃথিবী হৈল আনন্দিতা মনে ।
প্রণমি ব্রহ্মারে তবে গেল নিজস্থানে ॥
অঙ্গীকার পালিবারে দেব-দামোদর ।
প্রথমে ধরেন প্রভু মৎস্য-কলেবর ॥
বেদ উদ্ধারিয়া হয়গ্রীব-বিনাশন ।
তৎপরে বরাহ-ব্রহ্মা ধরি নারায়ণ ॥

ধরণী উদ্ধারি মারে হিরণ্যাক্ষ-বাঁরে ।
 নৃসিংহাবতার হইলেন অতঃপরে ॥
 হিরণ্যাক্ষশিপু-দৈত্যে করেন নিধন ।
 অনন্তরে কুশ্মধর হন নারায়ণ ॥
 মন্দর ধরিয়া করি সমুদ্র-মস্থন ।
 নারীরূপে করিলেন অমুর-মোহন ॥
 ধরিয়া বামনরূপ প্রভু তার পর ।
 বলির মত্ততা নাশিলেন দামোদর ॥
 নাগপাশে বান্ধি তারে রাখে রসাতলে ।
 নিজ-অধিকার দেন যত দিক্‌পালে ॥
 সত্যযুগে হইলেন এই অবতার ।
 অমুরের অহঙ্কার হৈল ছারখার ॥
 ত্রেতাযুগে ক্ষত্রে সব পৃথিবী পুরিল ।
 ভৃগুবংশে তাঁর অংশে অবতার হৈল ॥
 পৃথিবীর ক্ষত্রগণে করিল সংহার ।
 রামরূপে পুনরপি হৈলা অবতার ॥
 মারিলেন দারুণ রাব্ধ দশাননে ।
 কৃষ্ণ-অবতার প্রভু হ'লেন একগণে ॥
 বকাসুর কংস আর পুতনা-রাব্ধসী ।
 রাজা জরাসন্ধ আর শিশুপাল কেশী ॥
 অবহেলে বধিলেন এ-সব অমুরে ।
 অবশেষে যত, মারিবেন সবাকারে ॥
 বিশ্বের কারণ সেই পালন-সৃজন ।
 সেই সৃজে, সেই পালে, করে সংহারণ ॥
 তাঁর বশ দেখ রাজা, এ-তিন-ভুবন ।
 ভেদবুদ্ধি করাবার তিনিই কারণ ॥
 তাঁহার বিষম-মায়া কে বুঝিতে পারে ।
 একের বাড়ান ক্রোধ, অন্যের সংহারে ॥
 অদৃষ্টে যাহার যেই আছেয়ে লিখন ।
 বিধাতার শক্তি নাহি করিতে খণ্ডন ॥

পৃথিবীর ক্ষত্র-নাশ হইবে অবশ্য ।
 চিত্তে ক্ষমা দেহ রাজা, শুনহ রহস্য ॥
 যতুবংশে আছে দেখ যত ক্ষত্রগণ ।
 পরস্পর ভেদ করি হইবে নিধন ॥
 দ্বাপর-যুগের রাজা, হৈল অবশেষ ।
 ক্ষত্রক্ষয় ঘটিবেক, জানিহ বিশেষ ॥
 ভবিষ্যৎ-অবতার হবে কলিশেষে ।
 যতুকুল নিশ্চুল হইবে অবশেষে ॥
 এ-সব জানিয়া সবে ধর্ম্মে দেহ মন ।
 পরলোক-হেতু চিন্তা ঈশ্বর-চরণ ॥
 নানা-যজ্ঞ-ধর্ম্ম-কর্ম্ম কর অবিরত ।
 এ-বিনা উপায় নাহি, কহিছু নিশ্চিত ॥
 এত বলি সনৎসজাত তপোধন ।
 আপন-আশ্রম-প্রতি করিল গমন ॥
 চিন্তিতে প্রবোধ পেয়ে অন্ধ-নরপতি ।
 ক্ষমা দিয়া মৌনভাবে রহে মহামতি ॥
 বিদুর চলিয়া গেল আপন-ভবন ।
 কহিলাম মহারাজ, কথা পুরাতন ॥
 মহাভারতের কথা অমৃত-লহরী ।
 কাশী কহে, শুনিলে তরয়ে ভববারি ॥
 শুনিলে অধর্ম্ম খণ্ডে, পরলোকে তরে ।
 অবহেলে শুনে যেন সকল সংসারে ॥

২৭। পাণ্ডব-সভায় শ্রীকৃষ্ণের আগমন ও

সমীচীন পাণ্ডবদের কুরুক্ষেত্রে গমন ।

যুনি বলে, অবধানে শুনহ রাজন্ ।
 সভা করি বসিয়াছে ভাই পঞ্চজন ॥
 হেনকালে উপনীত হন নারায়ণ ।
 কৃষ্ণে দেখি সসন্ত্রমে উঠে পঞ্চজন ॥
 বসিতে আসন দিয়া জিজ্ঞাসেন তাঁয় ।
 কি কার্য করিলে কৃষ্ণ, কুরুর সভায় ॥

বিবরিয়া সব কথা কহ নারায়ণ ।
 এত শুনি হাসিমুখে কন জনার্দন ॥
 বড় নরোধম-অরি রাজা হুর্যোধন ।
 কাহারো বচন নাহি শুনিল কখন ॥
 তোমার বিভাগ দিতে সবে বুঝাইল ।
 কারো বাক্য হুর্যোধন কর্ণে না শুনিল ॥
 অবশেষে আমি বহু কহিলাম তায় ।
 তথাপি উচিত-ভাগ নাহি দিতে চায় ॥
 কহিলাম, পঞ্চখানি গ্রাম ছাড়ি দিতে ।
 শুনি সভা হৈতে উঠি গেল সে ক্রোধেতে ॥
 হাতেতে করিয়া বল কহিল সভায় ।
 সাবধানে শুন কৃষ্ণ, কহি যে তোমায় ॥
 ভীক্সুচী-অগ্রে ভূমি আচ্ছাদয়ে যত ।
 বিনা-যুদ্ধে পাণ্ডবেরে নাহি দিব তত ॥
 নিশ্চয় হইবে যুদ্ধ, না যায় খণ্ডন ।
 ইহার বিধান তবে করহ রাজন ॥
 এতেক শুনিয়া তবে পাণ্ডুর নন্দন ।
 ক্রোধেতে অবশ অঙ্গ, কাঁপে ঘনে-ঘন ॥
 ক্ষণে ক্রোধ নিবারিয়া কহেন রাজন ।
 যুধ্যপথ হুর্যোধন করিল সৃজন ॥
 শুন ভীম ধনঞ্জয় সহদেব-বীর ।
 শুনহ নকুল আর সাত্যকি সুধীর ॥
 পাঞ্চাল-নৃপতি ধৃষ্টদ্যুম্ন মহাশয় ।
 জয়সেন-আদি যত ভোজের তনয় ॥
 যুদ্ধের সময় হৈল, স্থির কর বুদ্ধি ।
 সাবধানে কর সবে মম কার্য্যসিদ্ধি ॥
 শুনি অঙ্গীকার করিলেন বীরগণ ।
 প্রাণপণে তব আজ্ঞা করিব পালন ॥

কঠেতে যাবৎ প্রাণ সবার আছয় ।
 তাবৎ করিব যুদ্ধ, শুন মহাশয় ॥
 বীরগণ-বাক্য তবে শুনি নরপতি ।
 সহদেবে ডাকি আজ্ঞা দিলা মহামতি ॥
 শুভক্ষণ দেখে ভাই, যাব কুরুক্ষেত্রে ।
 সৈন্যগণে সাজিবারে বলহ একত্রে ॥
 সহদেব বলে, রাজা, আজি শুভক্ষণ ॥
 পঞ্চমী-দিবস আজি নক্ষত্র উত্তম ॥
 আজি যাত্রা করিবারে হয় ত উচিত ।
 আজ্ঞা কৈলে করি যত সৈন্য সমাহিত ॥
 এত শুনি আজ্ঞা দেন ধর্ম্মের নন্দন ।
 সৈন্য-সেনাপতি শীঘ্র করহ সাজন ॥
 পাইয়া রাজার আজ্ঞা চারি-সহোদর ।
 সৈন্য-সেনাপতিগণ সাজিল সত্বর ॥
 পঞ্চকোটি-সহস্র-শতেক মহারথী ।
 লক্ষকোটি শ্রেষ্ঠ-শ্রেষ্ঠ সাজে সেনাপতি ॥
 কোটি-কোটি অশ্ব আর পত্তি অগণন ।
 সাত-অক্ষৌহিণী সেনা করিল সাজন ॥
 ঘটোৎকচ-বীর আসে পেয়ে সমাচার ।
 দু'-কোটি রাক্ষস হয় যার পরিবার ॥
 চতুরঙ্গ-দলে বল সাজে অগণন ।
 এমতে পাণ্ডব-সৈন্য করিল সাজন ॥
 শূন্যে দেবগণ করে জয়-জয়-ধ্বনি ।
 অতি-শুভক্ষণে চলে পাণ্ডব-বাহিনী ॥
 তিনদিনে আসে পথ শতেক-যোজন ।
 কুরুক্ষেত্রে উত্তরিল পাণ্ডুপুত্রগণ ॥
 গড় দেখি পঞ্চভাই হইলেন শ্রীত ।
 যুদ্ধের সামগ্রী দেখিলেন অপ্রমিত ॥

আত্মবর্গ যত আসে রাজরাজেশ্বর ।
সাত্যকিরে বলে, কর সবে সমাদর ॥
আজ্ঞামাত্র চলিল সাত্যকি বিচক্ষণ ।
সমাবেশ করে ক্রমে যত সৈন্যগণ ॥
বসিতে সবারে দিল যথাযোগ্য-স্থিতি ।
নানা-দ্রব্য-উপহার দিল মহামতি ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

২৮। কুরুসৈন্তের কুরুক্ষেত্রে যাত্রা ।

মুনি বলে, শুন রাজা ক্রীজনমেজয় ।
কুরুক্ষেত্রে আসিলেন পাণ্ডুর তনয় ॥
সাত-অর্কোহিণী সেনা করিয়া সাজন ।
রহেন উত্তরে করি সিংহের গর্জন ॥
চর আসি দুর্যোধনে করে নিবেদন ।
কুরুক্ষেত্রে সাজি এল পাণ্ডুপুত্রগণ ॥
শুনিয়া নৃপতি আত্মা দিল দুঃশাসনে ।
শীত্রগতি ডাকি আন যত সভাজনে ॥
রণসজ্জা কর, আসিয়াছে শত্রুগণ ।
শুভক্ষণ দেখি সৈন্য করহ সাজন ॥
পাইয়া রাজার আত্মা বীর দুঃশাসন ।
দৈবজ্ঞ আনিয়া দিন করিল গণন ॥
রাজারে কহিল তবে বীর দুঃশাসন ।
তৃতীয় প্রহরে যাত্রা, দিন শুভক্ষণ ॥
সাজিবারে আত্মা দিল যত সৈন্যগণে ।
জয়-শব্দ করে যত সৈন্য হুটমনে ॥
সাজিল অসংখ্য রথী, লিখিতে না পারি ।
অর্বুদ অর্বুদ কত সাজিল ছয়ারি ॥
গজ বাজী পতি সাজে রথ অগণন ।
সমুদ্র-সমান সৈন্য সাজে কুরুগণ ॥

১০১

ধ্বজচ্ছত্র পতাকায ঢাকিল আকাশ ।
বাহুকী সৈন্যের ভরে পায় বড় ত্রাস ॥
টলমল করে পৃথ্বী, যায় রসাতলে ।
প্রলয়-কালেতে যেন সমুদ্রে উথলে ॥
একাদশ-অর্কোহিণী করিল সাজন ।
পঞ্চশত-ক্রোশ ঘুড়ি রহে সৈন্যগণ ॥
তবে রাজা দুর্যোধন আনি সভাজনে ।
ভীষ্ম দ্রোণ কৃপ কর্ণ প্রতীপ-নন্দনে ॥
জয়দ্রথ সোমদত্ত ভগদত্ত-বীর ।
পঞ্চভাই-সহিত ত্রিগর্ভ-নৃপতির ॥
মদ্রেখর শল্য আর শৃঙ্গারী-নৃপতি ।
সবারে বিনয় করি কহে নরপতি ॥
ক্ষত্রমধ্যে পরাপর নাহি শাস্ত্রনীত ।
যুদ্ধেতে উপেক্ষা করা না হয় উচিত ॥
পিতা-পুত্রে যুদ্ধ হৈলে না করি উপেক্ষা ।
সে-কারণে না করিবে কাহারো প্রতীক্ষা ॥
প্রাণ উপেক্ষিয়া সবে করিবে সমর ।
নিকটে সাজিয়া এল পাণ্ডুর কোণ্ডর ॥
শুনি অঙ্গীকার কৈল যত বীরগণ ।
হইল সানন্দচিত্ত রাজা দুর্যোধন ॥
তবে শতভাই-সঙ্গে গান্ধারী-নন্দন ।
যাত্রা করি সমুদ্রভূত হ'য়ে সেইক্ষণ ॥
বিদায় লইতে গেল পিতার সদন ।
নমস্কার করি কহে ভাই শতজন ॥
প্রসন্ন হইয়া তাত, করহ আদেশ ।
শুভদিন আজি, যাব কুরুক্ষেত্র-দেশ ॥
নিকটে আসিয়া শত্রু হৈল উপনীত ।
যুদ্ধ করিবার কাল হৈল উপস্থিত ॥
তোমার প্রসাদে তাত, হবে রিপুক্ষয় ।
যুদ্ধ করিবারে আত্মা দেহ মহাশয় ॥

শুনিয়া হইল অন্ধ কুপিত-অন্তর ।
 মনে-মনে অনুতাপ করিল বিস্তর ॥
 আশীর্বাদ দিল হেঁট করিয়া বদন ।
 মায়ের নিকটে তবে গেল দুর্ঘ্যোধন ॥
 শতভাই কহে কথা করিয়া মিনতি ।
 প্রসন্ন হইয়া মাতঃ, দেহ গো আরতি' ॥
 শুনিয়া সুবল-সুতা সজল-লোচন ।
 আশ্বাসিয়া পুত্রগণে বলিল বচন ॥
 ইতর তোমার রিপু নহে পাণ্ডুসুত ।
 একৈক পাণ্ডব জিনিবেক পুরুহুত' ॥
 দেবের অজেয় রিপু, বিখ্যাত ভুবনে ।
 জীয়েন্তে পাণ্ডবে কেহ না পারিবে রণে ॥
 সে-কারণে তাহা-সহ কলহ না রুচে ।
 মোর বাক্যে শ্রীতি কর, যদি মনে ইচ্ছে ॥
 শুনিয়া কহিল “নাস্তি” রাজা দুর্ঘ্যোধন ।
 হেন-বাক্য মাতা, নাহি বলিও কখন ॥
 কর্ণ মোর পক্ষ আর দ্রোণ মহাশয় ।
 পিতামহ ভীষ্ম-বীর সংগ্রামে দুর্জয় ॥
 অশ্বখামা কৃতবর্মা কূপ মহাবীর ।
 মদ্রেখর শল্যরাজ সংগ্রামে সুধীর ॥
 লক্ষ-লক্ষ বীরগণ আমার সহায় ।
 পাণ্ডুপুত্র সমরেতে মারিব হেলায় ॥
 পাণ্ডবের পরাজয়, হবে মোর জয় ।
 নাহিক সংশয় ইথে, কহিনু নিশ্চয় ॥
 আশীর্বাদ কর মাতা, বিলম্ব না সয় ।
 ক্ষণ বহি যায় মাতা, করহ বিদায় ॥
 এত শুনি হৈল মাতা মলিন-বদন ।
 “জয়ী হও” বলি মুখে বলিল বচন ॥

আর এককথা শুন পুত্র দুর্ঘ্যোধন ।
 যথা ধর্ম, তথা জয়, বেদের বচন ॥
 এই-বাক্য মুখে বলে মাতা সুবদনী ।
 আকাশে নির্বাত-বাণী হৈল ঘোরধ্বনি ॥
 বিনা-মেঘে রক্তস্ফুটি হয় ত গগনে ।
 সহসা গর্জ্জন করি ডাকে মেঘগণে ॥
 বামেতে শকুনিগণ উড়য়ে আকাশে ।
 মন্দতেজ হৈল রবি, কর না প্রকাশে ॥
 নগর-নিকটে আসি ডাকে শিবাগণ ।
 এইরূপে যাত্রাকালে হৈল কুলক্ষণ ॥
 অহঙ্কারে দুর্ঘ্যোধন কিছু না মানিল ।
 মায়েরে বিদায় মাগি রথে আরোহিল ॥
 ভীষ্ম দ্রোণ কৃতবর্মা কূপ মহামতি ।
 কর্ণ-আদি করি সাজে যত মহারথী ॥
 জয়-শব্দ করি চলে রাজা দুর্ঘ্যোধন ।
 কুরুক্ষেত্রে উত্তরিল যত কুরুগণ ॥
 শতক্রোশ যুড়ি রহে কোঁরবের সেনা ।
 রথ-রথী গজ-বাজী পত্তি অগণনা ॥
 প্রলয়ের সিঙ্ধু-সম সৈন্যের গর্জ্জনে ।
 জগৎ বধির হৈল, না শুনে শ্রবণে ॥
 তবে রাজা দুর্ঘ্যোধন হ'য়ে হৃষ্টমন ।
 উলুকে ডাকিয়া আত্মা দিল সেইক্ষণ ॥
 যাহ ত উলুক তুমি, বিলম্ব না সহে ।
 দেখহ আমার সৈন্য কোথা কত রহে ॥
 যে দেখিবে বিবরিয়া কহিবে পাণ্ডবে ।
 শক্তি-অনুসারে আসি যুদ্ধ কর সবে ॥
 কহিবে ভীমেরে মোর নিষ্ঠুর-বচন ।
 মোর সঙ্গে আসি শক্তিমত কর রণ ॥

দ্রোপদীর অপমান আর দাসপণ ।
 যত দুঃখ পেলে বনে করিয়া ভ্রমণ ॥
 সে-সব স্মরিয়া সাহসেতে কর ভর ।
 মোর সঙ্গে আসি তুমি করহ সময় ॥
 আমারে জিনিয়া স্মৃখে ভুঞ্জ বসুমতী ।
 নতুবা আমার হস্তে লভিবে সদগতি ॥
 অৰ্জ্জুনে কহিবে দস্ত করিয়া বিস্তর ।
 পূর্বের যতেক দুঃখ স্মরহ অন্তর ॥
 যে-প্রতিজ্ঞা করেছিলে, করহ পালন ।
 আমারে জিনিয়া স্মৃখে ভুঞ্জ ত্রিভুবন ॥
 নতুবা কর্ণের হস্তে দেখিবে শমন ।
 অবিলম্বে কর আসি, যাহা লয় মন ॥

কৃষ্ণেরে কহিবে দস্ত করিয়া অপার ।
 পাণ্ডবের পক্ষ হ'য়ে হও আগুসার ॥
 যেই বিঘা দেখাইলে সভা-বিঘমনে ।
 সে-নায়া করিয়া এস অৰ্জ্জুনের সনে ॥

সহদেব-নকুলেরে কহিবে বচন ।
 পূর্ব-দুঃখ ভাবি দুইজনে কর রণ ॥
 কহিবে ধর্ম্মেরে মোর বচন-বিশেষে ।
 ব্রহ্মচারী বলি তোমা ত্রিজগতে ঘোষে ॥
 ধার্ম্মিকের শ্রেষ্ঠ তুমি বলে সর্বজন ।
 তপস্বী বলিয়া তোমা করি যে গণন ॥
 এখন সে-সব কথা হইল প্রচার ।
 বিড়াল-তপস্বি-প্রায় তব ব্যবহার ॥
 শুনিয়াছি পূর্বতে তাহার বিবরণ ।
 সেই অভিপ্রায়ে তব যোগ-আচরণ ॥
 মুখে মাত্র বল ধর্ম্ম, অন্তরেতে আন ।
 বিড়াল-তপস্বি-সম হারাইবে প্রাণ ॥

এত শুনি সবিস্ময়ে উলুক সে-ক্লেণে ।
 নৃপতিরে জিজ্ঞাসিল বিনয়-বচনে ॥

বিড়াল তপস্বী হ'য়েছিল কি-কারণে ।
 আপনার দোষে সেই মরিল কেমনে ॥
 পশু হ'য়ে কৈল কেন তপ-আচরণ ।
 বিবরিয়া কহ, শুনি ইহার কারণ ॥
 উদ্যোগ-পর্বের কথা অন্ত-সমান ।
 ব্যাসের রচিত দিব্য-ভারত-পুরাণ ॥
 মন্তকে বন্দিয়া ব্রাহ্মণের পদরজ ।
 কহে কাশীদাস গদাধরদাসাশ্রজ ॥

—

২২ । উলুকের নিকট চর্যোদন-কর্তৃক বিড়াল-
 তপস্বীর উপাখ্যান-কীর্তন ।

রাজা বলে, শুন-শুন ওহে অনুচর ।
 সত্যযুগে ছিল এক তাপস-প্রবর ॥
 সর্বগুণ-সমম্বিত ছিল সে ব্রাহ্মণ ।
 সুঘোষ তাহার নাম, শাস্ত্রে বিচক্ষণ ॥
 স্থলীলা-নামেতে তাঁর ভার্য্যা গুণবতী ।
 পুত্রবাঞ্ছা করি ধর্ম্ম সেবে পশুপতি ॥
 পুত্র না জন্মিল তাঁর, যুবাকাল গেল ।
 বিপ্রে'র অন্তরে বড় বৈরাগ্য জন্মিল ॥
 ভার্য্যা-সহ বনে গেল তপস্বী-কারণ ।
 হিমালয়-তটে উত্তরিল দুইজন ॥
 দেখিয়া বিচিত্র বন প্রীতি পায় মনে ।
 রচিয়া কুটার তথা রহে দুইজনে ॥

একদিন গেল ঋষি ফলের কারণ ।
 ভ্রমিতে-ভ্রমিতে দেখে দৈব-নিবন্ধন ॥
 অনাথ-মার্জ্জার-শিশু পড়ি আছে বনে ।
 ব্রাহ্মণে দেখিয়া শিশু চাহে চারি-পানে ॥
 পলাইতে নাহি শক্তি, শিশু-কলেবর ।
 চতুর্দিকে বেড়িয়াছে বায়স পায়র ।

তার চুঃখ দেখি বিপ্র-হৃদে হৈল দয়া ।

জিজ্ঞাসিল মার্জ্জারি সে নিকটেতে গিয়া ॥

একাকী এখায় ভূমি কিসের কারণ ।

মাতা-পিতা-বন্ধু তব নাহি কোনজন ॥

বিড়াল বলয়ে, কেহ নাহিক সংসারে ।

প্রসবিয়া মাতা মোর গেছে কোথাকারে ॥

জননী ছাড়িয়া গেল দৈব-নিবন্ধনে ।

একাকী অনাথ হ'য়ে রহিয়াছি বনে ॥

মুনি বলে, আমি তোমা করিব পালন ।

বঞ্চিবে পরম-সুখে আমার সদন ॥

অপুত্রক আছি আমি, পুত্র নাহি হয় ।

পুত্রবৎ করি তোমা পালিব নিশ্চয় ॥

এত শুনি বিড়ালের হৃষ্ট হৈল মন ।

বিপ্রে'র চরণ আসি করিল বন্দন ॥

বিড়াল লইয়া মুনি আসিল কুটীরে ।

পালন করিতে তারে দিলেন ভার্য্যারে ॥

বিড়াল পাইয়া ভুচ্চা হইল সুন্দরী ।

পালন করিল তারে পুত্রবৎ করি ॥

মায়্যা-মোহে বন্ধ হ'য়ে সব পাসরিল ।

বিড়াল লইয়া দৌহে নগরে আসিল ॥

পুনরপি গৃহকর্ষ করে দুইজনে ।

বলবস্ত হৈল সেই অধিক-পালনে ॥

পশুজাতি পশুভাব ছাড়িবারে নারে ।

বহু-উপদ্রব করে গৃহস্থের ঘরে ॥

যজ্ঞ-হবি নষ্ট করে, পায়সান্ন খায় ।

মারিতে আসিলে লোকে পলাইয়া যায় ॥

ক্রোধে নগরের লোক চুঃখা মনে-মন ।

সবে ব্রাহ্মণেরে গালি দেয় অমুক্ণ ॥

কোথায় তপস্শ্রা তব, কোথায় ব্রাহ্মণ্য ।

পুত্রহীন হ'য়ে ভূমি হৈলে মতিচ্ছন্ন ॥

বিড়ালেরে পুত্রবৎ এত স্নেহ কর ।

সহজে পশুর জাতি, মনে নাহি ডর ॥

এইরূপে বলে মন্দ নগরের জন ।

ব্রাহ্মণ-ব্রাহ্মণী ক্রোধে জ্বলিল তখন ॥

ধরিয়া সিঁচিকা-বাড়ি' প্রহারে বিড়ালে ।

বান্ধিয়া রাখিল তারে হাতে-পায়ে-গলে ॥

দিন-দুই-তিন তারে রাখিল বন্ধনে ।

বড়ই বৈরাগ্য হৈল বিড়ালের মনে ॥

কোনমতে পারি যদি ছাড়াতে বন্ধন ।

তপস্শ্রা করিয়া পাপ করিব মোচন ॥

গৃহবাসে কার্য্য নাহি, যাব বনবাস ।

অনাহারে পাপ-আত্মা করিব বিনাশ ॥

এরূপে বিড়াল মনে-মনে যুক্তি করি ।

দস্তেতে কাটিল তবে বন্ধনের দড়ি ॥

সেইক্ষণে গৃহ হৈতে হইল বাহির ।

দণ্ডক-কাননে গিয়া হইলেক স্থির ॥

বিন্দু-সরোবরে তথা করি স্নান-দান ।

একে-একে সর্ব্বতীর্থে করিল প্রয়াগ ॥

ধরা-প্রদক্ষিণ-ত্রত করি একে-একে ।

বিড়াল-তপস্বী বলি খ্যাত হৈল লোকে ॥

সমুদ্রের মাঝে দ্বীপ অতিরম্য-নামে ।

বহু মুখা সেই-স্থানে থাকে অনুক্ণমে ॥

তথা গিয়া উত্তরিল বিড়াল-সম্মাসী ।

দেখিয়া সকল মুখা মনে ভয় বাসি ॥

হাহাকার করি সবে পলায় তরাসে ।

আশ্বাসি বিড়াল তবে কহে সবিশেষে ॥

আমারে দেখিয়া ভয় কেন কর মনে ।
 পরম-ধার্মিক আমি, সর্বলোকে জানে ॥
 তপস্যা করিয়া মোর চিরকাল গেল ।
 হিংসা-হেন বস্তু মোর কখন নহিল ॥
 পবন-আহারী আমি, শুন বুধাগণ ।
 আমারে তিলেক ভয় না কর কখন ॥
 আনন্দে-কোঁতুকে সবে ভ্রমহ নির্ভয়ে ।
 তপস্যা করিব তোমা-সবার আশ্রয়ে ॥
 এত শুনি বুধাগণ হৈল হৃষ্টমন ।
 যার যেই স্থানে ক্রমে আসে সর্বজন ॥
 মর্যাদা করিয়া বহু স্থাপিল বিড়ালে ।
 নির্ভয়েতে বুধাগণ ভ্রমে কুতূহলে ॥
 কতদিন গেল, তবে জন্মিল বিশ্বাস ।
 যার যেই শিশুগণ রাখি তার পাশ ॥
 দূরবনে যায় সবে আহা-কারণ ।
 নারিল ছাড়িতে লোভ বিড়ালের মন ॥
 সহজে পশুর জাতি, নাহি আশ্র-পর ।
 চারিদিক্ চাহি তার ফুলে কলেবর ॥
 উদর পূরিয়া খায় বুধা-শিশুগণে ।
 হাতে মুখ মুছি পুনঃ বসিল ধেয়ানে ॥
 খাইতে-খাইতে লোভ ক্রমেতে বাড়িল ।
 দিনে-দিনে বুধা-শিশু অনেক খাইল ॥
 এ-সকল তত্ত্ব নাহি জানে কোনজন ।
 দিনে-দিনে অল্প হয় বুধা-শিশুগণ ॥
 এক বুধা বুদ্ধিমন্ত তাহাতে আছিল ।
 শিশুগণে অল্প দেখি হৃদয়ে ভাবিল ॥
 এ-বেটা তপস্বী ভণ্ড, জানিষু লক্ষণে ।
 চুরি করি খায় যত বুধা-শিশুগণে ॥
 দেখিয়া প্রবীণ বুধা করে হাহাকার ।
 যত বুধাগণে গিয়া দিল সমাচার ॥

শুনিয়া সকল বুধা হৈল দুঃখিমন ।
 উপায় সৃজিল তার নিধন-কারণ ॥
 যুক্তি করিয়া এই হ'য়ে একমন ।
 ধীপের চৌদিকে সবে করয়ে খনন ॥
 খনিল গভীর গর্ভ দৈর্ঘ্যেতে বিস্তর ।
 তাহাতে পড়িয়া মরে বিড়াল পামর ॥
 সেইমত যুধিষ্ঠির কৈল আচরণ ।
 মুহূর্তেকে মোর হাতে হারাবে জীবন ॥
 উলুক এতেক শুনি আনন্দিত-মনে ।
 সাধু-সাধু বলি প্রশংসিল দুর্ঘোষনে ॥
 মহাভারতের কথা অমৃত-সমান ।
 কানীরাম দাস কহে, শুনে পুণ্যবান ॥

৩০। দুর্ঘোষন-দুঃ উপেক্ষের প্রতি
 পাণ্ডবগণের উক্তি ।

উলুক রাজার আজ্ঞাবশে বহে বাট ।
 শীঘ্রগতি গেল, যথা পাণ্ডবের ঠাট ॥
 যত কহি পাঠাইল কুরু-নৃপমণি ।
 দণ্ডবৎ করি সব কহিল কাহিনী ॥
 শুনিয়া রুঘিল পঞ্চ পাণ্ডুর নন্দন ।
 উলুকে চাহিয়া বলে হ'য়ে ক্রোধমন ॥
 উলুক, কহিবে শীঘ্র গিয়া দুর্ঘোষনে ।
 প্রবীণ-পক্ষীর প্রায় তোর আচরণে ॥
 প্রবীণ-নামেতে পক্ষী ছিল চুরাচার ।
 নিরস্তর কৈল জ্ঞাতিগণ-অপকার ॥
 তার ভয়ে জ্ঞাতিগণ স্থানভ্রষ্ট হ'য়ে ।
 পৃথিবী ভ্রমিল সবে নানা-দুঃখ পেয়ে ॥
 শুভদিন সমুদিত যবে জ্ঞাতিগণে ।
 এক যুক্তি করি সবে মারিল দারুণে ॥
 সেইমত মোর হাতে মরিবে নিশ্চয় ।
 আজি-কালি-মধ্যে যাবে যমের আলয় ॥

তোমার মরণ ছুফ, হৈল সেইদিনে ।
দ্রোপদীর কেশ ধরিয়াছ যেইদিনে ॥

শুনহ উলুক বলি কহে রুকোদর ।
গদাঘাতে উরু তার ভাঙ্গিব সত্তর ॥
এই লৌহ-মহাগদা দেখ বিদ্যমান ।
ইহাতে সকল-ভাই হারাইবে প্রাণ ॥
এত বলি গদা ল'য়ে বীর রুকোদর ।
চক্রাকারে ফিরাইল মস্তক-উপর ॥

গাণ্ডীব-ধনুক তবে লইয়া অর্জুন ।
আকর্ণ পুরিয়া টঙ্কারেন ধনুগুণ ॥
এককালে হৈল যেন শত বজ্রাঘাত ।
প্রমাদ গণিল সবে শূনিয়া নির্ঘাত ॥
বুজ্জ' হ'য়ে পড়িল উলুক অনুচর ।
সচেতন করিলেন তারে দামোদর ॥
চেতন পাইয়া চর চাহে চারি-পানে ।
হাসিয়া তাহারে কৃষ্ণ কহেন তখনে ॥

দেখিছ উলুক চর, রক্ষা নাহি আর ।
ক্লমিল অর্জুন-বীর কুন্তীর কুমার ॥
সত্যকথা, কুরুগণে মারিবে নিমেষে ।
ত্রিভুবন নাহি আঁটে, পার্থ যদি রোষে ॥

ধনঞ্জয় কহিলেন, উলুকে চাহিয়া ।
মোর দস্ত দুর্ঘোধনে শীঘ্র কহ গিয়া ॥
সূতপুত্র-সঙ্গে এস করিয়া সাজন ।
মোর হাতে তোমা-সহ দেখিবে শমন ॥
ইন্দ্র যদি রক্ষা করে, রক্ষা নাহি পাবে ।
অবশ্য আমার হাতে যমঘরে যাবে ॥

এইরূপে পার্থ গর্ব করেন বিস্তর ।
মাদ্রীর তনয় তবে কহিল সত্তর ॥
ধৃষ্টদ্যুম্ন সাত্বকি যতক বীরগণ ।
একে-একে উলুকে কহে সর্বজন ॥

উলুক পাইয়া আজ্ঞা রথে আরোহিয়া ।
দুর্ঘোধনে সবকথা নিবেদিল গিয়া ॥
যে কহিল পাণ্ডবেরা, কহিতে সে ভয় ।
কহিল নিষ্ঠুর-কথা ভীম-ধনঞ্জয় ॥

রাজা বলে, কিবা ভয় কহ সে কাহিনী
কি কহিল ভীমসেন, ধন্ম-নৃপমণি ॥
কি কহিল ধনঞ্জয়, মাদ্রীর নন্দন ।
ধৃষ্টদ্যুম্ন-বিরাটাদি যত বীরগণ ॥

উলুক বলিল, রাজা, না বলিলে নয় ।
শুন, যাহা বলিলেন ধন্ম-মহাশয় ॥
ধৃতরাষ্ট্র-গান্ধারীর চাহি আমি মুখ ।
সে-কারণে সহিলাম, দিল যত দুখ ॥
কৃষ্ণের পাঠাই অগ্রে করিবারে প্রীতি ।
অহঙ্কারে না শুনিল গোবিন্দের নীতি ॥
ইহার উচিত শাস্তি হাতে-হাতে পাবে ।
অচিরেতে সবংশেতে নিপাত হইবে ॥

ক্রোধে ভীম দর্প করি বলিল বচন ।
মোর-সম বলিষ্ঠ না দেখি কোনজন ॥
রাঙ্কস-দানব মোর অগ্রে নহে স্থির ।
গদার বাড়িতে তার ভাঙ্গিব শরীর ॥
মাদ্রীর নন্দন-আদি যত বীরগণ ।
একে-একে প্রতিজ্ঞা যে করে জনে-জন ॥
যে হয় উচিত রাজা, করহ বিহিত ।
শুনি দুর্ঘোধন করে সৈন্ত সমাহিত ॥

আশ্বাসি কহিল তবে যত যোদ্ধগণে ।
মোর মনোবাঞ্ছা পূর্ণ কর সর্বজনে ॥
শুন কর্ণ মহাবীর রাধার নন্দন ।
পরম-বান্ধব তুমি মোর প্রাণধন ॥
পূর্বের অঙ্গীকার কৈলে সবার গোচরে ।
পাণ্ডবে মারিয়া রাজ্য দিবে হে আমারে ॥

তাহার সময় এই হৈল উপনীত ।

করহ বিধান সখে, ইহার উচিত ॥

কর্ণ বলে, রাজা, মোর সত্য-অঙ্গীকার ।

প্রাণপণে কার্য্য সিদ্ধ করিব তোমার ॥

যাবৎ শরীরে প্রাণ আছেয়ে আমার ।

তাবৎ সাধিব কার্য্য, শুন সারোদ্ধার ॥

এত শুনি দুর্ঘোষধন হৈল হৃষ্টমন ।

বহু পুরস্কার কর্ণে দিল সেইক্ষণ ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান ॥

৩১। কর্ণ-কুন্তী-সংবাদ ।

জন্মেজয় জিজ্ঞাসিল, কহ তপোধন ।

কুন্তীগর্ভে জন্মে কর্ণ, বিখ্যাত ভুবন ॥

কৌরবের পক্ষে কেন সূর্য্যের নন্দন ।

দেখিয়া ধরিল কুন্তী কিরূপে জীবন ॥

মুনি বলে, শুন কুরুবংশ-চূড়ামণি ।

কৌরবের রণে গেল কর্ণ বীরমণি ॥

বিদুরের মুখে শুনি এ-সব বচন ।

চিন্তিতে চিন্তিত কুন্তী ভাবে মনে-মন ॥

আমার নন্দন কর্ণ, কেহ না জানিল ।

সূর্য্যের ঔরসে জন্ম কর্ণের হইল ॥

দৈবেতে এ-সব কল্প বিধির ঘটন ।

রাধা যে পাইয়া পুত্র করিল পালন ॥

রাধার নন্দন বলি ঘোষে সর্ব্বজন ।

কেহ জ্ঞাত নহে, কর্ণ আমার নন্দন ॥

এ-সময়ে লোকে যদি হয় সে প্রচার ।

উপহাস করিবেক কৌরব-কুমার ॥

ইহার কারণে আমি করিব গমন ।

কর্ণেরে কহিব আমি এ-সব বচন ॥

আমার বচন কর্ণ খণ্ডিতে নারিবে ।

অবশ্য সহায় পাণ্ডুপুত্রদের হবে ॥

কিরূপে নিভূতে দেখা হবে কর্ণ-সনে ।

এতেক ভাবিয়া কুন্তী যুক্তি কৈল মনে ॥

নিত্য প্রাতঃস্নান কর্ণ যমুনায় করে ।

একেধর যায় স্নানে, নাহি লয় কারে ॥

তদ্ব জানি কুন্তী তথা করিল গমন ।

যমুনায় নামি কর্ণ করয়ে তর্পণ ॥

নিত্যকন্ম সমাপিয়া সূর্য্যে করে স্তব ।

উঠিয়া আইসে, কুন্তী মানিল উৎসব ॥

কর্ণের সাক্ষাতে কহে গদগদ-বাণী ।

অবধানে শুন তাত, পূর্ব্বের কাহিনী ॥

আমার নন্দন তুমি সূর্য্যের ঔরসে ।

যখন ছিলাম আমি জনকের বাসে ॥

অতিথি-সেবায় তাত, রাখিল আমায়ে ।

করিনু অনেক সেবা দুর্ব্বাসা-মুনিরে ॥

চতুর্শ্রাস সেবিলাম বিবিধ-বিধানে ।

আজ্ঞাবর্ত্তী হ'য়ে আমি রহি অনুক্ষেণে ॥

আমার সেবায় মুনি সন্তুষ্ট হইয়া ।

মন্ত্রদান করিলেন আমারে ডাকিয়া ॥

এ-মন্ত্র দিতেছি দেবি, তব বিত্তমান ।

মন্ত্র পড়ি যেই দেবে করিবে আস্থান ॥

সেইক্ষেণে আসিবেন তোমার সাক্ষাতে ।

যে-বর মাগিবে, তাহা পাইবে নিশ্চিত ॥

এত বলি মহামুনি গেল যথাস্থানে ।

তবে আমি মন্ত্র পরীক্ষিতে একদিনে ॥

কলসে আনিতে যাই যমুনার বারি ।
 কোঁতুকে জপিনু মন্ত্র সূর্য্যে ধ্যান করি ॥
 তখনি আসিলা সূর্য্য মোর বিঘ্নমানে ।
 সূর্য্যে দেখি ভীত আমি হইলাম মনে ॥
 অনেক বিনয় করি কহিনু বচন ।
 না বুঝি তোমাতে আমি কৈনু আবাহন ॥
 অজ্ঞান স্ত্রীজন, দোষ ক্ষমিবে আমার ।
 শুনিয়া হাসিয়া সূর্য্য কহে আরবার ॥
 কভু মিথ্যা নাহি হয় মূনির বচন ।
 কভু মিথ্যা নহে কন্যা, মম আগমন ॥
 আমায়ে ভজহ তুমি, নাহি কর ভয় ।
 না ভজিলে মন্ত্র মিথ্যা হইবে নিশ্চয় ॥
 বিবাহিতা নহ, চিন্তা করিছ অস্তরে ।
 মম বরে মহারাজ বরিবে তোমায়ে ॥

এত শুনি বশ আমি হইনু তাঁহার ।
 বর দিয়া গেল সূর্য্য ভুঞ্জিয়া শৃঙ্গার ॥
 সূর্য্যের সঙ্গমে হৈল গর্ভের উৎপত্তি ।
 তখনি তোমায়ে প্রসবিনু মহামতি ॥
 প্রসব করিয়া তোমা সচিস্তিত-মন ।
 কুমারীর কালে জন্ম হইল নন্দন ॥
 লোকে খ্যাত হয় পাছে এ-সব কাহিনী ।
 যমুনায় ভাসাইনু তাত্রকুণ্ড আনি ॥
 আনিয়া তোমাকে রাখা করিল পালন ।
 কল্যাচিৎ নহ তুমি রাখার নন্দন ॥
 যে হইল, সে হইল অজ্ঞাত-কারণ ।
 ভ্রাতৃগণ-সঙ্গে তুমি করহ মিলন ॥
 ছয়-ভাই মিলি বৎস, নাশ মোর দুঃখ ।
 শত্রুগণে মারি ছুজ যত রাজ্য-সুখ ॥

এত শুনি কহে কর্ণ করিয়া মিনতি ।
 এ-সকল গুপ্তকথা জানি যে ভারতি ॥

জানিয়া করিলে ত্যাগ আমায়ে পূর্বেতে ।
 রাখা যে পুণিল মোরে, বিখ্যাত জগতে ॥
 রাখার নন্দন বলি ঘোষে ত্রিভুবনে ।
 তব পুত্র বলি এবে বলিব কেমনে ॥
 বলিলে কি লোকে ইহা করিবে প্রত্যয় ।
 জগতে কুশল-লজ্জা হবে অতিশয় ॥
 বলিবেক ক্ষত্রগণ করি উপহাস ।
 যুদ্ধকাল দেখি কর্ণ পাইল তরাস ॥
 ভাই বলি পাণ্ডবের লইল শরণ ।
 ব্যর্থ-কর্ণ-নাম বলি হইবে ঘোষণ ॥
 এ-সব হইতে মুক্ত্য ভাল শতগুণে ।
 এ-কর্ম্ম করিতে নাহি পারিব কখনে ॥
 তাহে দুর্ব্বোধন মোরে শিশুকাল হ'তে ।
 নানা-ভোগে-পুরস্কারে পালে বহুমতে ॥
 দেশ ভূমি গ্রাম রত্ন দিল বহুতর ।
 হরিহর-আত্মা যেন, নহে ভিন্ন-পর ॥
 তিলেক বিভিন্ন নহে মনে কদাচন ।
 কৈমনে করিব আমি ইহার হিংসন ॥
 বিশেষে তাহায়ে আমি কৈনু অঙ্গীকার ।
 অর্জ্জুনের সঙ্গে পণ সময় আমার ॥
 মোর হাতে পরলোকে যাবে ধনজয় ।
 কিংবা অর্জ্জুনের হাতে মোর মৃত্যু হয় ॥
 এই ত প্রতিজ্ঞা কৈনু সভা-বিঘ্নমানে ।
 সত্যব্রত হৈতে নাহি পারিব কখনে ॥
 সে-কারণে ক্ষমা কর জননি, আমায়ে ।
 এত শুনি পুনঃ কুন্তী কহিল কর্ণেরে ॥
 ভ্রাতৃগণ-সঙ্গে যদি না কর মিলন ।
 মোর বাক্য যদি নাহি করিবে পালন ॥
 তবে এক সত্য কর মোর বিঘ্নমানে ।
 আর চারি-পুত্র মোর না মারিবে প্রাণে ॥

এত শুনি কর্ণ কৈল সত্য-অঙ্গীকার ।
 আর চারি-ভায়েরে না করিব সংহার ॥
 পঞ্চপুত্র রবে তব এই পৃথিবীতে ।
 অৰ্জুন-সহিত, কিংবা আমার সহিতে ॥
 ব্যাসের বচন মাতা আছে পূর্বাপর ।
 পৃথিবীতে তব পঞ্চ রহিবে কোঙর ॥
 সংসারের মধ্যে হবে রণে মহাতেজা ।
 পৃথিবীতে হবে একচ্ছত্র মহারাজা ॥
 ব্যাসের বচন মিথ্যা নহে কদাচন ।
 জগতে রহিবে পঞ্চ তোমার নন্দন ॥
 পাইবে তোমার পুত্রগণ রাজধানী ।
 নিশ্চয় আমার মৃত্যু হইবে জননি ॥

না ভাবিহ দুঃখ মাতা, যাহ নিজ-স্থানে ।
 এত বলি দণ্ডবৎ করিল চরণে ॥
 বিদায় লইয়া কর্ণ গেল নিজপুরে ।
 যথাস্থানে গেল কুন্তী দুঃখিত-অস্তরে ॥
 বিদুরের প্রতি কুন্তী কহিল সকল ।
 শুনি বিদুরের হৃদে হৈল কুতূহল ॥
 পুণ্যকথা ভারতের শুনে পুণ্যবান্ ।
 ব্যাসের রচিত দিব্য-ভারত-পুরাণ ॥
 কাশীরাম দাস কহে, শুনে পুণ্যবান্ ।
 উদ্যোগ-পর্বের কথা হৈল সমাধান ॥

সটীক, সচিত্র ও বিশুদ্ধ

অষ্টাদশশতাব্দী

কাশীরামদাস-মহাভারত

দ্বিতীয় খণ্ড

(ভীষ্ম-দ্রোণ-কর্ণ-শল্য-গদা-সৌপ্তিক-ঐমিক-স্ত্রী-শাস্তি-
অশ্বমেধ-আশ্রমবাসিক-বৃষল-সর্গারোহণপর্ব)

[কাশীরামদাসের সংক্ষিপ্ত জীবনী-সংবলিত ভূমিকা, সম্পাদকের নিবেদন,
মঙ্গলাচরণ, দশাবতার স্তোত্র, গ্রন্থ-সূচনা, দুর্ভাহ শব্দের সঠিক অর্থ,
অসামঞ্জস্য-পাঠের সংশোধন এবং উল্লিখিত দ্বিবর্গরাজিভ,
দুইখানি দ্বিবর্গরাজিভ, চারিখানি একবর্গের
চিত্র এবং সুদৃশ্য প্রচ্ছদপট-সুশোভিত]

শ্রীশ্রী ১০৮ স্বামী সন্তদাস বাবাজী মহারাজের শ্রীচরণাশ্রিত

শ্রীবিনোদলাল চক্রবর্তী, এম্. এস্-সি.

সম্পাদিত ও সংশোধিত ।

চক্রবর্তী, চার্টার্ড এণ্ড কোং লিমিটেড্,

পুস্তকবিক্রেতা ও প্রকাশক,

১৫নং কলেজ রোড, কলিকাতা ।

প্ৰথম অক্ষয়-ভূতীয়া, সন ১৩৫৬ সাল ।

প্রকাশক—

শ্রীমুকুন্দলাল চক্রবর্তী, এম্. এস্-সি.

চক্রবর্তী, চার্টার্ড এণ্ড কোং লিমিটেড্

১৫নং কলেজ রোয়াড, কলিকাতা।

প্রিন্টার—শ্রীরবীন্দ্রনাথ দাসগুপ্ত

মহাজাতি প্রেস

৮-ই, ডেকার্স লেন, কলিকাতা।

সূচীপত্র

দ্বিতীয় খণ্ড

| বিবরণ | পৃষ্ঠা | বিবরণ | পৃষ্ঠা |
|---|--------|---|--------|
| ভীষ্মপর্ব | | ২০। কুরু-পাণ্ডব-সংবাদ | ৭৩ |
| ১। কুরু-পাণ্ডবের যুদ্ধসজ্জা | ১ | ২৪। ভীষ্ম-কৃত শ্রীকৃষ্ণের স্তব | ৭৫ |
| ২। ভীষ্মদেবের দশদিন যুদ্ধ করিতে প্রতিজ্ঞা | ৬ | | |
| ৩। গীতাবলম্ব—অর্জুনের নিকট শ্রীকৃষ্ণের যোগকথন | ৭ | দ্রোণপর্ব | |
| ৪। প্রথম দিবসের যুদ্ধ | ১২ | ১। দ্রোণাচার্য্যকে সৈন্যপত্ন্যে বরণ | ৭৭ |
| ৫। শিশুভীর পূর্ক-বৃত্তান্ত | ১২ | ২। শ্রীকৃষ্ণের সহিত পাণ্ডবদিগের মন্ত্রণা | ৭৮ |
| ৬। দ্বিতীয় দিবসের যুদ্ধ | ২৩ | ৩। ভীষ্ম ও দ্রোণাধনের কথোপকথন | ৭৯ |
| ৭। তৃতীয় দিবসের যুদ্ধ | ২৬ | ৪। সঙ্কল-যুদ্ধ | ৮১ |
| ৮। চতুর্থ দিবসের যুদ্ধ | ৩১ | ৫। দ্রোণের সহিত অর্জুনের যুদ্ধ | ৮১ |
| ৯। যুধিষ্ঠিরের প্রতি দ্রুপদ-রাজের প্রবোধ | ৩৪ | ৬। অর্জুনের সহিত দ্রোণাধনাদির যুদ্ধ | ৮৩ |
| ১০। পঞ্চম দিবসের যুদ্ধ | ৩৬ | ৭। দ্রোণের প্রতি দ্রোণাধনের খেদোক্তি | ৮৬ |
| ১১। কর্ণ, দ্রোণাধন এবং ভীষ্মের মন্ত্রণা | ৪১ | ৮। নারায়ণী-সেনার যুদ্ধারম্ভ | ৮৬ |
| ১২। ষষ্ঠ দিবসের যুদ্ধ | ৪৩ | ৯। যুধিষ্ঠির-কর্তৃক অভিমত্যাগে যুদ্ধে বরণ | ৮৯ |
| ১৩। অর্জুনের সহিত হনুমানের বিবাদ ও পরহার | | ১০। জয়দ্রথের নিকট পাণ্ডবদিগের পরামর্শের | |
| শাগর-বন্ধন | ৪৬ | বৃত্তান্ত | ৯৫ |
| ১৪। সপ্তম দিবসের যুদ্ধ | ৪৯ | ১১। অভিমত্য়ার যুদ্ধ | ৯২ |
| ১৫। কৃষ্ণাৰ্জুন-কর্তৃক ছলে দ্রোণাধনের | | ১২। অভিমত্যা-বধ | ৯৬ |
| মুকুট-আনয়ন | ৫২ | ১৩। অভিমত্য়ার জন্ম-বৃত্তান্ত | ১০২ |
| ১৬। অষ্টম দিবসের যুদ্ধ | ৫৪ | ১৪। অর্জুনের শিবিরে আগমন ও অভিমত্য়ার | |
| ১৭। ভীষ্ম-কর্তৃক শ্রীকৃষ্ণের প্রতিজ্ঞা-ভঙ্গ | ৫৬ | নিধন-শ্রবণ | ১০৪ |
| ১৮। নবম দিবসের যুদ্ধ | ৫৮ | ১৫। অভিমত্যা-শোকে অর্জুনের বিলাপ | ১০৫ |
| ১৯। ভীষ্মের নিকটে যুধিষ্ঠিরের খেদোক্তি | ৬১ | ১৬। অর্জুনের প্রতি শ্রীকৃষ্ণের ও ব্যাসের | |
| ২০। দশম দিবসের যুদ্ধে ভীষ্মের পরশয্যা | ৬৪ | সাম্বল-বাক্য | ১০৫ |
| ২১। ভীষ্মের নিকট যুধিষ্ঠিরাদির গমন এবং | | ১৭। জয়দ্রথ-বধে অর্জুনের প্রতিজ্ঞা ও তাহা | |
| অর্জুন-কর্তৃক ভীষ্মকে উপাধান-প্রদান | | তুলিয়া জয়দ্রথের ভর-ব্যাভুলতা | ১০৬ |
| ও তাহার ভূকা-নিবারণ | ৭১ | ১৮। জয়দ্রথ-বধের নিমিত্ত শিবিরে নিকট | |
| ২২। দ্রোণাধনের প্রতি ভীষ্মের তবিত্তদ-বাণী | ৭২ | অর্জুনের বরলাভ ও হুৎতাজা | ১০৮ |

| বিষয় | পৃষ্ঠা | বিষয় | পৃষ্ঠা |
|--|--------|---|--------|
| ১৯। অধগণের জলপানার্থ অর্জুনের
মায়ী-সরোব-নির্মাণ | ১১২ | ৩। কর্ণ-দ্রোণাধন-সংবাদ | ১৬৫ |
| ২০। বাহে প্রবেশপূর্বক কোরবদিগের সহিত
সাত্যকির নানা-যুদ্ধ | ১১৪ | ৪। শল্যের সারথী-বীকার ও কর্ণের আত্মপ্রাণা | ১৬৬ |
| ২১। তুরিপ্রবার হস্তে সাত্যকির লাঞ্ছনা | ১১৬ | ৫। কর্ণের সহিত যুদ্ধে যুধিষ্ঠিরের পরাভব | ১৬৮ |
| ২২। তুরিপ্রবা-কর্তৃক সাত্যকির পরাজয়-
বৃত্তান্ত-বর্ণন | ১১৭ | ৬। যুধিষ্ঠিরের নিকট অর্জুনের কর্ণবধে প্রতিজ্ঞা | ১৭২ |
| ২৩। তুরিপ্রবা-বধ | ১১৮ | ৭। ভীম-কর্তৃক হুঃশাসনের রক্তপান | ১৭৫ |
| ২৪। বাহ-প্রবেশ-পূর্বক ভীমের যুদ্ধে দ্রোণাধনের
দশ-ভ্রাতার মৃত্যু | ১১৯ | ৮। কর্ণপুত্র বৃষসেন-বধ | ১৭৭ |
| ২৫। ভীমের হস্তে দ্রোণাধনের অপর ত্রিংশ-ভ্রাতৃবধ | ১২০ | ৯। কর্ণ-বধ | ১৮০ |
| ২৬। ভীম-কর্তৃক দ্রোণাধনের অপর পঞ্চাশ-ভ্রাতার
নিধন | ১২৫ | শল্যপর্ব | |
| ২৭। দ্রোণাধন ও হুঃশাসন-বিনা অবশিষ্ট অষ্ট
ভ্রাতার মৃত্যু ও কর্ণহস্তে ভীমের
পরাজয় | ১২৭ | ১। শল্যের সেনাপতিত্বে অভিষেক | ১৮৭ |
| ২৮। জয়দ্রথ-বধ | ১২৮ | ২। শল্যের সহিত পাণ্ডবগণেব যুদ্ধ | ১৮৯ |
| ২৯। যুধিষ্ঠির ও কুরুর্জুনের পরস্পর কথোপকথন | ১৩২ | ৩। শল্য-বধ | ১৯২ |
| ৩০। নিশাযুদ্ধ | ১৩৩ | ৪। উভয়-দলে পরস্পর যুদ্ধ | ১৯৩ |
| ৩১। কুরুসৈন্তের সহিত ষটোৎকচের মহাযুদ্ধ
ও জয়দ্রথ-বধ | ১৩৫ | ৫। শকুনি-দ্রোণাধন-সংবাদ | ১৯৪ |
| ৩২। কর্ণ-কর্তৃক ষটোৎকচ-বধ | ১৩৮ | ৬। শকুনি-বধের উপক্রমে নানা-যুদ্ধ | ১৯৫ |
| ৩৩। কর্ণের নিকটে কপটে ইন্দ্রের কবচ-কুণ্ডল-
গ্রহণ | ১৪১ | ৭। শকুনি-বধ | ১৯৮ |
| ৩৪। সঙ্কুল-যুদ্ধ ও রূপদ প্রভৃতির মৃত্যু | ১৪৪ | ৮। দ্রোণাধনের দ্বৈপায়ন-হৃদে প্রবেশ | ২০১ |
| ৩৫। বৈষ্ণবাজ্ঞের উপাখ্যান ও ভগদত্ত-বধ | ১৪৯ | ৯। ধৃতরাষ্ট্র-সঙ্কর-সংবাদ | ২০৩ |
| ৩৬। দ্রোণাচার্য্যের মৃত্যু | ১৫২ | গদাপর্ব | |
| ৩৭। ধৃষ্টদ্যুম্ন-বধে অশ্বখামার প্রতিজ্ঞা | ১৫৫ | ১। সটৈত্তে যুধিষ্ঠিরের দ্বৈপায়ন-হৃদয়ের
নিকটে গমন | ২০৭ |
| ৩৮। শ্রীকৃষ্ণের মহিমা-বর্ণন | ১৫৬ | ২। দ্রোণাধনের প্রতি যুধিষ্ঠিরের ভৎসনা | ২০৯ |
| কর্ণপর্ব | | ৩। যুধিষ্ঠির-দ্রোণাধন-সংবাদ | ২১১ |
| ১। কর্ণকে সেনাপতিত্বে বরণ | ১৫৯ | ৪। ভীমসেন-দ্রোণাধন-সংবাদ | ২১৫ |
| ২। কর্ণের সহিত যুদ্ধে মহুনের পরাভব | ১৬৩ | ৫। বলদেবের তীর্থযাত্রা'-বিবরণ | ২১৪ |
| | | ৬। বশিষ্ঠ-তীর্থ-বিবরণ | ২১৭ |
| | | ৭। সোমতীর্থ-প্রত্যাবে কার্তিকেয়ের জন্মকথা
ও তারকাসুর-বধ | ২১৯ |
| | | ৮। বদর-পাচন-তীর্থের কথা | ২২১ |
| | | ৯। দেবল-তীর্থের কথা | ২২৪ |

| বিষয় | পৃষ্ঠা |
|--|--------|
| ১০। নমুচি-ভীর্ষের কথা | ২২৬ |
| ১১। বৃদ্ধকন্তা-ভীর্ষ-বিবরণ | ২২৮ |
| ১২। দধীচি-ভীর্ষের বিবরণ | ২৩০ |
| ১৩। বিষ্ণুর নিকটে দেবগণের হৃৎ-নিবেদন | ২৩১ |
| ১৪। দধীচির অস্তিত্বে বজ্র-নির্মাণ ও যুক্রাহর-বধ | ২৩২ |
| ১৫। শাণ্ডিল্য-আশ্রমে নারদ-বলরামের সংবাদ | ২৩৭ |
| ১৬। কুরুক্ষেত্রের বিবরণ | ২৪০ |
| ১৭। দ্রোণাখ্যের উরুভঙ্গ | ২৪১ |
| ১৮। দ্রোণাখ্যের মস্তকে ভীমের পদাঘাত
ও যুধিষ্ঠিরের বিলাপ | ২৪৪ |
| ১৯। শ্রীকৃষ্ণের প্রতি দ্রোণাখ্যের কোপ | ২৪৫ |
| ২০। বলদেবের রোমাণমন | ২৪৬ |

মৌপ্তিকপর্ব

| | |
|--|-----|
| ১। অশ্বখামার পাণ্ডব-নামার্থ প্রতিজ্ঞা | ২৪৯ |
| ২। অশ্বখামাকে সেনাপতিত্বে অভিষেক | ২৫০ |
| ৩। শিববিষ্মারে অশ্বখামার শিবদর্শন | ২৫১ |
| ৭। অশ্বখামা-কর্তৃক শিবের স্তব | ২৫৩ |
| ৫। শিব-কর্তৃক অশ্বখামাকে খড়্গদান ও অশ্বখামার
শিবিরে প্রবেশপূর্বক ধুটদ্রায়াদি-বধ | ২৫৩ |
| ৬। হর্ষ-বিষাদে দ্রোণাখ্যের মৃত্যু | ২৫৫ |

ঐষীকপর্ব

| | |
|--|-----|
| ১। দ্রোণদৌর পঞ্চপুত্র-বধ-শ্রবণে যুধিষ্ঠিরের খেদ | ২৫৯ |
| ২। অশ্বখামার যুগ্মছেদনার্থ ভীমের বাজা | ২৬২ |
| ৩। কৃষ্ণ-যুধিষ্ঠির-সংবাদ | ২৬৩ |
| ৪। অশ্বখামার ব্রহ্মশিরাজ্ঞ-পরিভ্যাগ | ২৬৪ |
| ৫। অর্জুনের অস্ত্র-পরিভ্যাগ | ২৬৫ |
| ৬। উত্তরার গর্ভে ব্রহ্মশিরাজ্ঞের প্রবেশ | ২৬৫ |
| ৭। অশ্বখামার শিরোমণি-প্রাপ্তে
দ্রোণদৌর সন্তোষ | ২৬৬ |
| ৮। কৃষ্ণ-যুধিষ্ঠির-সংবাদ | ২৬৭ |

স্ত্রীপর্ব

| | |
|--|-----|
| ১। বৈশম্পায়নের প্রতি অনমেজয়ের প্রশ্ন | ২৬৯ |
| ২। শতপুত্রনাশে ধৃতরাষ্ট্রের খেদ ও তাহার সান্নিধ্য | ২৬৯ |
| ৩। ধৃতরাষ্ট্রের প্রতি ব্যাসের হিতোপদেশ | ২৭৩ |
| ৪। ধৃতবাহাদুরাদির কুরুক্ষেত্রে বাজা | ২৭৪ |
| ৫। ধৃতরাষ্ট্র-কর্তৃক লৌহ-ভীম-চূর্ণকরণ | ২৭৭ |
| ৬। গান্ধারী ও পাণ্ডবদিগের উক্তি-প্রত্যুক্তি | ২৮০ |
| ৭। কুন্তীর পুত্র-দর্শন | ২৮৩ |
| ৮। যুদ্ধস্থলে গান্ধারী প্রভৃতি স্ত্রীগণের গমন ও
স্ব-স্ব-পতি-পুত্রের মৃতদেহ-দর্শনে খেদ | ২৮৬ |
| ৯। মৃত-পতি-পুত্র-দর্শনে গান্ধারী প্রভৃতি স্ত্রীগণের
বিলাপ ও শ্রীকৃষ্ণের প্রতি গান্ধারীর
অনুরোধ | ২৮৮ |
| ১০। জয়দ্রথ-বধোপাখ্যান ও শ্রীকৃষ্ণের প্রতি
গান্ধারীর অভিলাষ | ২৯২ |
| ১১। যুধিষ্ঠিরাদি-কর্তৃক মৃত-স্বজনগণের সৎকার | ২৯৬ |
| ১২। হস্তিনায় রাজত্ব-গ্রহণার্থ যুধিষ্ঠিরের প্রতি
শ্রীকৃষ্ণের অনুরোধ | ৩০০ |
| ১৩। যুধিষ্ঠিরের প্রতি শ্রীকৃষ্ণের নানাপ্রকার
পূর্বাপর ইতিহাস-বর্ণন | ৩০১ |
| ১৪। শ্রীকৃষ্ণ, ব্যাস ও নারদের নানা-উপদেশে,
যুধিষ্ঠিরাদির হস্তিনায় গমন | ৩০৩ |

শান্তিপর্ব

| | |
|--|-----|
| ১। যুধিষ্ঠিরের প্রতি ব্যাসের উপদেশ | ৩১১ |
| ২। ভীষ্মের নিকটে যুধিষ্ঠিরের গমন | ৩১৩ |
| ৩। যুধিষ্ঠিরের নিকটে ভীষ্মের যোগকথন | ৩১৪ |
| ৪। ধর্মার্থ-প্রত্যাবে হরিনামের সাহায্য-কথন | ৩১৭ |
| ৫। ভদ্রশীল ও ধর্মধর্মের উপাখ্যান | ৩২১ |
| ৬। পাণবিশেষে নরক-বিশেষে পশুন | ৩২৮ |
| ৭। ধর্মকল-কথন | ৩৩০ |
| ৮। এক্যদশী-সাহায্য | ৩৩২ |

| বিষয় | পৃষ্ঠা | বিষয় | পৃষ্ঠা |
|---|--------|--|--------|
| ৯। হরিমন্দির-মার্জনের কল | ৩৩৫ | ৮। ত্রীকৃষ্ণের আদর্শনে যুধিষ্ঠিরের উষেগ
ও ত্রীকৃষ্ণের আগমন | ৪০৪ |
| ১০। দানধর্ম | ৩৩৭ | ৯। অমুশাবের যুদ্ধ | ৪০৮ |
| ১১। শ্রীয়াগ-মাহাত্ম্যো ব্যাখ্য ও স্মৃতিব উপাখ্যান | ৩৩৯ | ১০। অশ্বমেধ-যজ্ঞের উত্তোপ | ৪১৪ |
| ১২। পরশুরামের তীর্থ-পর্যটন | ৩৪৪ | ১১। নীলধ্বজ-রাজের সহিত যুদ্ধ | ৪১৬ |
| ১৩। গরাক্ষত্রের উপাখ্যান | ৩৪৬ | ১২। পুত্রশোকে জনার ত্রাতৃগৃহে গমন | ৪১৯ |
| ১৪। পঞ্চ-শ্রেতোপাখ্যান | ৩৪৯ | ১৩। জনাব দেহত্যাগ ও অর্জুনের প্রতি
গঙ্গার অভিশাপ | ৪২০ |
| ১৫। শিবচতুর্দশী-মাহাত্ম্য | ৩৫৩ | ১৪। অগ্নির নীলধ্বজ-জামাতা হইবার বিবরণ | ৪২১ |
| ১৬। অনন্ত-ব্রতের উপাখ্যান | ৩৫৭ | ১৫। পৃথিবীর প্রতি লক্ষ্যে অভিশাপ | ৪২২ |
| ১৭। চন্দ্রকর্কক গুরুপত্নী-হরণ ও বুধের জন্ম-বৃত্তান্ত | ৩৬১ | ১৬। পানাগ হইতে অশ্ব-উদ্ধার | ৪২৩ |
| ১৮। চাক্ষুর-ব্রতোপলক্ষে চন্দ্রকেতু-
রাজের উপাখ্যান | ৩৬৩ | ১৭। ত্রাঙ্কণীর পায়গ হইবার বৃত্তান্ত | ৪২৪ |
| ১৯। অষ্টমো-ব্রত-মাহাত্ম্যো সুবাহুরাজের
উপাখ্যান | ৩৬৫ | ১৮। হংসধ্বজ-রাজের নগরে অশ্বের গমন ও
তদুপলক্ষে নান'-সংবাদ | ৪২৬ |
| ২০। একাদশী-ব্রতোপলক্ষে যজ্ঞমালীর উপাখ্যান | ৩৬৭ | ১৯। সুধমাকে তপ্ততৈলে নিক্ষেপ | ৪৩০ |
| ২১। বিষ্ণু-প্রদক্ষিণ-প্রস্তাবে বৃহস্পতি ও
ইন্দ্রের সংবাদ | ৩৭২ | ২০। তপ্ততৈলে সুধমার পতনে রাজা ও
রাণীর শোক | ৪৩১ |
| ২২। সাধুদল-প্রশংসার উপলক্ষে উত্কলের উপাখ্যান | ৩৭৩ | ২১। তপ্ততৈল হইতে সুধমার উত্থান ও
পাণ্ডবসৈন্তের সহিত যুদ্ধ | ৪৩২ |
| ২৩। উত্ক-মুনি-কর্কক ত্রীকৃষ্ণের স্তব | ৩৭৭ | ২২। সুধমার যুদ্ধক্ষেত্রে ও ঐ যুগে শ্রীয়াগে নিক্ষেপ | ৪৩৭ |
| ২৪। ভীষ্ম-কর্কক ত্রীকৃষ্ণের স্তব | ৩৭৯ | ২৩। সুবধের যুদ্ধ ও মৃত্যু এবং হংসধ্বজ-রাজের
ত্রীকৃষ্ণ-দর্শন | ৪৩৯ |
| ২৫। ভীষ্মদেবের স্বর্গারোহণ | ৩৮০ | ২৪। যজ্ঞাশ্বের ব্যাঘ্ররূপ-ধারণের কথা | ৪৪২ |
| <hr/> | | ২৫। শ্রীমালার দেশে অর্জুনের গমন ও
শ্রীমালার কথা | ৪৪৪ |
| | | ২৬। পাণ্ডব-সৈন্তের যুদ্ধদেশে গমন ও ভীষ্ম-
রাক্ষস-বধ | ৪৪৬ |
| অশ্বমেধপর্ব | | ২৭। মণিপুরে বক্রবাহনের সহিত অর্জুনের পরিচয় | ৪৫০ |
| ১। যুধিষ্ঠিরের উষেগ ও ব্যাসদেবের
উপদেশ-প্রদান | ৩৮৩ | ২৮। জননীর নিকট বক্রবাহনের নিবেদন | ৪৫৩ |
| ২। যুধিষ্ঠিরের নিকট ত্রীকৃষ্ণের আগমন | ৩৯০ | ২৯। বক্রবাহনের যুদ্ধে অর্জুনের মৃত্যু | ৪৫৪ |
| ৩। অশ্ব আনিতে ভীষ্ম, বুধকেতু ও
মেঘবর্গের যাত্রা | ৩৯২ | ৩০। অর্জুনের পুনর্জীবনের জন্য মণি-আনয়ন | ৪৫৯ |
| ৪। সুবনার-রাজের অশ্ব-হরণ | ৩৯৪ | ৩১। ত্রীকৃষ্ণের মণিপুরে আগমন | ৪৬২ |
| ৫। বুধকেতু ও সুবনারের যুদ্ধ | ৩৯৪ | ৩২। ত্রীকৃষ্ণের প্রতি বক্রবাহনের বিনয় | ৪৬৩ |
| ৬। সুবনার-গৃহে ভীষ্মের গমন | ৩৯৯ | ৩৩। মণিপুরে অর্জুনের জীবন-প্রাপ্তি | ৪৬৪ |
| ৭। সুবনার-রাজের হস্তিমা-গমন ও
ত্রীকৃষ্ণ-দর্শন | ৪০০ | | |

| বিষয় | পৃষ্ঠা | বিষয় | পৃষ্ঠা |
|---|--------|--|--------|
| স্বর্গারোহণপর্ব | | | |
| ১। পাণ্ডবগণের মেঘনাদ-পর্বতে আরোহণ | ৫৪৯ | ৯। চন্দ্রকালী-পর্বতে নকুলের এবং নন্দিবোষ-পর্বতে অর্জুনের দেহত্যাগ | ৫৬৫ |
| ২। পাণ্ডবদিগের কৈদার-পর্বতে আরোহণ ও দানবেশ্বর-শিব-দর্শন | ৫৫১ | ১০। যুধিষ্ঠিরের বিলাপ | ৫৬৭ |
| ৩। ধর্ম-কর্তৃক ছলনা | ৫৫৩ | ১১। সোমেশ্বর-পর্বতে ভীমের তহুত্যাগ ও যুধিষ্ঠিরের বিলাপ | ৫৬৮ |
| ৪। মেঘবর্ণ-পর্বতে পাণ্ডবদিগের গমন ও ভীমেব হস্তে ভীষণা-রাক্ষসীর মৃত্যু | ৫৫৪ | ১২। যুধিষ্ঠিরের সহিত বিপ্ররূপী ইন্দ্রের ও কুরুরূপী ধর্মের ছলনা | ৫৭২ |
| ৫। ভদ্রকালী-পর্বতে পাণ্ডবদিগের গমন ও হরি-পর্বতে দ্রৌপদীর মৃত্যু | ৫৫৭ | ১৩। যুধিষ্ঠিরের ইন্দ্রপুরী-দর্শন | ৫৭৬ |
| ৬। দ্রৌপদীর শোকে পাণ্ডবদিগের বিলাপ | ৫৬০ | ১৪। যুধিষ্ঠিরের বৈকুণ্ঠে গমন ও ত্রীকৃষ্ণ-দর্শন | ৫৭৭ |
| ৭। যুধিষ্ঠিরের প্রতি ভীমের প্রস্ত | ৫৬১ | ১৫। যুধিষ্ঠিরের নরক-দর্শনের হেতু ও শ্বেতদ্বীপে গমন এবং কুরুপুরে স্বজনাদি-দর্শন | ৫৭৯ |
| ৮। পাণ্ডবদের বদরিকাশ্রমে গমন ও সহদেবের মৃত্যু | ৫৬২ | ১৬। যুধিষ্ঠির-কর্তৃক ত্রীকৃষ্ণের স্তব | ৫৮২ |
| | | ১৭। মহাভারত-শ্রবণে একহত্যা-পাপ হইতে রাজা জনমেজয়ের মুক্তি গ্রহকারের পরিচয় | ৫৮৩ |

চিত্র-সূচী

দ্বিতীয় খণ্ড

| বিষয় | পৃষ্ঠা | বিষয় | পৃষ্ঠা |
|--|--------|---------------------------------|--------|
| ১। ত্রীকৃষ্ণের যোগকথন | ৮ | ৫। ত্রীকৃষ্ণ ও বলরামের দেহত্যাগ | ৫৩২-৩৩ |
| ২। ভীমের শরশয্যা | ৭২ | ৬। পাণ্ডবগণের মহাপ্রস্থান | ৫৪৯ |
| ৩। ভীম-দুর্ঘোষের গদাযুদ্ধ | ২৪৩ | ৭। ত্রীভগবানের দশাবতার | ৫৮২ |
| ৪। ধৃতরাষ্ট্র, গান্ধারী প্রভৃতির বনগমন | ৫০০ | | |

কাশীরামদাস-মহাভারত

—:O:—

ভীষ্মপর্ব

—:O:—

নারায়ণং নমস্কৃত্য নরকৈব নরোত্তমম্ ।
দেবীং সরস্বতীকৈব ততো জয়মুদীরয়েৎ ॥

১। কুরু-পাণ্ডবের যুদ্ধসজ্জা ।

জিজ্ঞাসেন জন্মেজয় কহ তপোধন ।
উল্কেয় মুখে বার্তা করিয়া শ্রবণ ॥
কোন্ কৰ্ম্ম করিলেন চুর্যোধন-বীর ।
কিবা কৰ্ম্ম করিলেন রাজা যুধিষ্ঠির ॥
কোন্-কোন্ বীর এল সংগ্রাম-ভিতরে ।
বিশেষ করিয়া মুনি, বলহ আমারে ॥
বলেন বৈশম্পায়ন, শুন মহাশয় ।
দূতমুখে বার্তা শুনি ধর্ম্মের তনয় ॥
কৃষ্ণেরে কহেন, হৈল সমর-সময় ।
বিহিত ইহার যাহা, কর মহাশয় ॥
শ্রীহরি বলেন, রাজা, করি নিবেদন ।
যাত্রা কর মহাশয়, দিন শুভক্ষণ ॥
তখনি দিলেন আজ্ঞা রাজা যুধিষ্ঠির ।
চলিগ-সহস্র, রাজা গাজে মহাবীর ॥

পাঁচকোটি রথী সাজে, ত্রিশকোটি হাতী ।
ষষ্ঠিকোটি আসোয়ার, অসংখ্য পদাতি ॥
সপ্ত-অক্ষৌহিনী সেনা পাণ্ডবের দলে ।
সবে বিষ্ণুপরায়ণ, মহাবল বলে ॥
সিংহনাদ শঙ্খধ্বনি বিবিধ বাজন ।
নানা-অস্ত্রে বীরগণ করিল সাজন ॥
শ্রীকৃষ্ণে করিয়া অগ্রে পাণ্ডুর তনয় ।
কুরুক্ষেত্রে চলে সবে করি জয়-জয় ॥
তর্জ্জন-গর্জ্জন করে যত যোদ্ধগণ ।
পাঞ্চজন্ম বাজান সে নিজে নারায়ণ ॥
দেবদত্ত শঙ্খ বাজাইয়া ধনঞ্জয় ।
যুদ্ধ করিবারে যান সমরে দুর্জয় ॥
শঙ্খধ্বনি সিংহনাদ সৈন্যের গর্জ্জন ।
মহাবোম-শব্দে কাঁপে এ-তিন ভুবন ॥
গদাহস্তে বৃকোদর আনন্দিত-মন ।
সহদেব নকুল সাজিল ততক্ষণ ॥

ক্রপদ শিখণ্ডী আর বিরাট-নৃপতি ।
 জরাসন্ধহৃত সহদেব মহামতি ॥
 ধৃষ্টদ্যুম্ন চেকিভান সাত্যকি দুর্জয় ।
 শ্বেত শঙ্খ উত্তর সে বিরাট-তনয় ॥
 শূরসেন-নৃপ আর কাশী মহাবল ।
 দ্রৌপদীর পঞ্চপুত্র সমরে কুশল ॥
 অভিমন্যু ঘটোৎকচ বিক্রমে বিশাল ।
 ইত্যাদি সাজিল রণে যত মহীপাল ॥
 জয়-শব্দে বাজ্য বাজে, উঠে কোলাহল ।
 কুরুক্ষেত্রে উত্তরিল পাণ্ডবের দল ॥
 পূর্বমুখে দাণ্ডাইল যত সেনাগণ ।
 মহারাজ যুধিষ্ঠির হরষিত-মন ॥

দুঃশাসনে ডাকি তবে বলে দুৰ্য্যোধন ।
 যুদ্ধ করিবারে কর সৈন্যের সাজন ॥
 সাজ-সাজ বলে রাজা, বিলম্ব না সহে ।
 মারিব পাণ্ডবগণে, আনন্দেতে কহে ॥
 দুঃশাসন-বীর দিল কটকে ঘোষণা ।
 সাজ-সাজ বলি ধ্বনি করে সর্বজন ॥
 ভীষ্ম দ্রোণ কৃপাচার্য্য অশ্বখামা-বীর ।
 ভূরিশ্রবা সোমদত্ত প্রফুল্ল-শরীর ॥
 বাহ্লীক শকুনি কৃতবর্মা নরপতি ।
 ভগদত্ত শল্যরাজ মদ্র-অধিপতি ॥
 বিন্দ আর অনুবিন্দ কর্ণ মহাবল ।
 শতভাই কলিঙ্গ যে খ্যাত ভূমণ্ডল ॥
 শ্বেতচ্ছত্র-ধ্বজ-আদি শোভে সারি-সারি ।
 শতভাই-সহ সাজে কুরু-অধিকারী ॥
 ছত্রধর চলে যষ্টি-সহস্র ভূপতি ।
 একৈক রাজার সঙ্গে সহস্রেক হাতী ॥
 একৈক হাতীর সহ অশ্ব শত-শত ।
 শতেক ধানুকী এক-অশ্ব-অনুগত ॥

একৈক ধানুকী-সাথে দশ-দশ ঢালী ।
 চরণ-নৃপুত্র-শব্দে কর্ণে লাগে তালি ॥
 গজ-বাজী-রথধ্বজ-পতাকা প্রচুর ।
 কুরুসৈন্য-সজ্জা দেখি কম্পে তিনপুর ॥
 কোরবের সৈন্যগণ মহাপরাক্রম ।
 অস্ত্রে-শস্ত্রে বিশারদ বিপকের যম ॥
 শঙ্খ-ভেরী-বাণ্য বাজে, বাজে ঢাক-ঢোল ।
 প্রলয়ের কালে যেন সমুদ্র-কল্লোল ॥
 মহা-আনন্দিত-মন যত কুরুগণ ।
 যুদ্ধহেতু সর্বজন করিল সাজন ॥

আচম্বিতে বহে বায়ু, মহাশব্দ শুনি ।
 গিরিশৃঙ্গ ভাঙ্গি পড়ে আচ্ছাদি মেদিনী ॥
 অকস্মাৎ বর্ষে মেঘ আমিষ-রুধির ।
 বিনা-ঝড়ে খসি পড়ে দেউল-প্রাচীর ॥
 গর্দভ প্রসবে গাভী, কুকুরে শৃগাল ।
 ময়ূরে প্রসবে কাক, ইন্দুরে ঝিল্লিল ॥
 নিরুৎসাহ অশ্বগণ কাঁপে ঘন-ঘন ।
 যত অমঙ্গল হয়, না যায় বর্ণন ॥
 দেখি যে ত্রিপদ-পশু নাহি চারি-পাদ ।
 দিবসেতে পেচকেরা করে ঘোরনাদ ॥
 দণ্ডহস্তে শিশুসব যুঝে পরস্পর ।
 মহাঘোর-রণশব্দ গগন-উপর ॥
 এক-বৃক্ষে অশ্ব-ফল অধুত-কখন ।
 ক্ষণে-ক্ষণে বহ্নিমতী কাঁপে ঘন-ঘন ॥

বিদুর দেখিয়া ইহা বিস্ময় মানিল ।
 ধৃতরাষ্ট্র-স্থানে গিয়া সব নিবেদিল ॥
 শুনিয়া আকুল হৈল অন্ধ-নরপতি ।
 নিরুৎসাহ হ'য়ে রাজা বসিলেন ক্রিতি ॥
 কুরুকুল-ঋত-হেতু জানিয়া তখন ।
 আসিলেন তথা সত্যবতীর নন্দন ॥

দেখি সভাজন সবে পান্য-অর্ঘ্য দিল ।
 চরণ বন্দিয়া অন্ধ স্তবন করিল ॥
 ধৃতরাষ্ট্র কহে, শুন মুনি-মহাশয় ।
 কারো বাক্য না শুনিল আমার তনয় ॥
 যুদ্ধ-আয়োজন করে ছুট-মন্ত্রণায় ।
 অমঙ্গল দেখি ভয় জন্মিল আমায় ॥
 ব্যাসদেব বলিলেন, শুন মহাশয় ।
 কুরুকুল হবে ক্ষয়, জানিহ নিশ্চয় ॥
 কৰ্ম্ম-অনুসারে জীব ভ্রমে সংসারে ।
 দৈবে যাহা করে, তাহা খণ্ডিতে কে পারে ॥
 পৃথিবীর ক্ষত্র যত একত্রে হইল ।
 নিশ্চিত এ-যুদ্ধে সবে মরিতে আসিল ॥
 ক্ষত্রবংশধ্বংস-হেতু কৈল আয়োজন ।
 বৃথা শোক কর কেন, তুমি বিচক্ষণ ॥
 শতপুত্র তব আর যত নৃপচয় ।
 পরস্পর যুদ্ধ করি সবে হবে ক্ষয় ॥
 যুদ্ধ দেখিবারে যদি বাঞ্ছা কর মনে ।
 দিব্যচক্ষু দিয়া যাব, দেখহ নয়নে ॥
 প্রণমিয়া ধৃতরাষ্ট্র সক্রোধে কহে ।
 পুত্রবধ জ্ঞাতবধ প্রাণে নাহি সহে ॥
 তোমার প্রসাদে আমি শুনিব জীবনে ।
 এত বলি ধৃতরাষ্ট্র পড়িল চরণে ॥
 কণেক চিন্তিয়া তবে ব্যাস তপোধন ।
 রাজারে বলেন, শুন আমার বচন ॥
 দিব্যচক্ষু সজ্জয় দেখিবে ত্রিভুবন ।
 দিবানিশি তব পাশে ক'বে বিবরণ ॥
 ইহা হ'তে শুনো যত যুদ্ধ-বিবরণ ।
 গৃহে বসি সর্ববার্ত্তা পাইবে রাজন্ ॥
 যত অলক্ষণ এই দেখ মহাশয় ।
 দিবসেতে অন্ধকার হ'তেছে উদয় ॥

উদয়াস্ত-কালে সূর্য্য কবন্ধে বেষ্টিত ।
 বিনা-মেঘে বরিষয়ে সঘনে শোণিত ॥
 অগ্নিবর্ণ-প্রায় দেখি সঘন আকাশ ।
 দিবসেতে ধূমকেতু হ'তেছে প্রকাশ ॥
 প্রতিশ্রুত বহে নদী শোণিত-সহিতে ।
 মহাশব্দে উল্কাপাত হয় পৃথিবীতে ॥
 পর্ব্বত-শিখর খসে, সাগর উথলে ।
 ভাসিয়া পড়িছে মহাবৃক্ষ স্থলে-স্থলে ॥
 এই সব অলক্ষণ শুনহ রাজন্ ।
 বংশনাশ হইবার এই সে লক্ষণ ॥
 এতেক বচন মুনি অন্ধরে কহিয়া ।
 নিজস্থানে গেলেন সজ্জয়ে আত্মা দিয়া ॥
 ব্যাকুল হইয়া অন্ধ ভাবে মনে-মন ।
 সৈন্যের সাজন করে রাজা দুর্ব্বোধন ॥
 দ্রোণাচার্য্য কৃপাচার্য্য অশ্বত্থামা রথী ।
 দুঃশাসন-কর্ণ-আদি যত বোদ্ধপতি ॥
 পিতামহ-স্থানে সবে করিল গমন ।
 সেনাপতি-রূপে ভীষ্মে করিল বরণ ॥
 ভীষ্মে সেনাপতি করি রাজা দুর্ব্বোধন ।
 জিনিব পাণ্ডবগণে, ভাবে মনে-মন ॥
 তবে ভীষ্ম কহিলেন চাহি সর্ব্বজন ।
 অত্যাচরিয়া যুদ্ধ না করি কখন ॥
 অস্ত্রহীনে কদাচিত্ না করি প্রহার ।
 শরণাগতেরে নাহি করিব সংহার ॥
 এক-সহ যুদ্ধ করি অস্ত্রে না মারিব ।
 ভয়ার্ত্ত-জনেরে কছু নাহি প্রহারিব ॥
 শত্ৰু-ভেরী বহে, অস্ত্র বোগায় যে-জন ।
 তাহারে না মারি, দূতে না করি নিধন ॥
 রথি-রথী যুদ্ধ হবে, পদাতি-পদাতি ।
 গজে-গজে, অশ্বে-অশ্বে এই যুদ্ধ-নীতি ॥

সমানে-সমানে যুদ্ধ, না শ্রাবিৎ হীনে ।
 আমার নিয়ম এই, শুন সর্বজন ।
 ধর্ম-নিরূপণ করি করে শঙ্খধ্বনি ।
 নানা-বাদ্য বাজে, কিছু কর্ণে নাহি শুনি ॥
 বাজ-কোলাহলে সবে হরষিত-মন ।
 সৈন্য-কোলাহল শুনি কাঁপে দেবগণ ॥
 একাদশ-অক্ষৌহিণী চলিল সমরে ।
 ভীষ্ম তাহে সেনাপতি দুর্জয় সমরে ॥
 মার্গশীর্ষ-মাসে কৃষ্ণ-সপ্তমী যে তিথি ।
 মধ্য-নামে নক্ষত্রেতে সাজে কুরুপতি ॥
 সাজিয়া সকল-সৈন্যে কোঁরব প্রচণ্ড ।
 কুরুক্ষেত্রে রহে যুড়ি সব পূর্বধনু ॥
 পাণ্ডব-বাহিনী সব বিষ্ণু-পরায়ণ ।
 পূর্বমুখে দাণ্ডাইল যুদ্ধের কারণ ॥
 পশ্চিম-মুখেতে রাজা কোঁরব-প্রধান ।
 মহাবল পরাক্রম জগতে বাখান ॥
 সর্বসৈন্য-অগ্রে ভীষ্ম শান্তনু-নন্দন ।
 দিব্যরথে আরোহণ, হস্তে শরাসন ॥
 যুধিষ্ঠির ভূপতির বিস্ময় হইল ।
 ভীষ্মে সেনাপতি দেখি ভয় উপজিল ॥
 লাগিল কহিতে কৃষ্ণে তবে ধর্মরাজ ।
 ভীষ্ম-সহ কে যুঝিবে সংসারের মাঝ ॥
 ধীমত যুদ্ধে তুগুরাম পান পরাজয় ।
 তাঁর সহ কে যুঝিবে কহ মহাশয় ॥
 দ্রোণাচার্য মহাবীর বিখ্যাত জগতে ।
 কোন্ বীর যুঝিবেক তাঁহার সহিতে ॥

অর্জুন কহেন, রাজা, কর অবধান ।
 সংসারের ইচ্ছা-কর্তা যেই ভগবান ॥
 হেন জন হইলেন আমার সারথি ।
 ত্রিভুবনে পারে জন্ম কর মহামতি ॥

নিরর্থক চিন্তা রাজা, কর কি-কারণ ।
 সর্বত্র বিজয়কর্তা সেই নারায়ণ ॥
 হেন জন-সহায়েতে ভয় কি-কারণ ।
 নিশ্চয় হইবে জয়, স্থির কর মন ॥
 তবে রাজা যুধিষ্ঠির হৃদয়ে ভাবিয়া ।
 পদত্রজে চলিলেন রথ বিসর্জিয়া ॥
 পদত্রজে যান রাজা কুরুসৈন্য-মাঝ ।
 দেখিয়া বিস্ময় মানে নৃপতি-সমাজ ॥
 দেখি ভীমার্জুন মনে মহারোষ করে ।
 অসম্বৃত্ত হ'য়ে দৌড়ে কহেন কৃষ্ণেরে ॥
 বিপক্ষগণের মধ্যে যান একেশ্বর ।
 কোন্ বুদ্ধি করিলেন ধর্ম-নৃপবর ॥
 পূর্বে এই বুদ্ধিদোষে হারি রাজ্য-ধন ।
 বনবাস-দুঃখ ভুঞ্জিলাম সর্বজন ॥
 সেই বুদ্ধি আজি বুঝি উদিত হইল ।
 নতুবা ইহাতে কেন প্রবৃত্তি জন্মিল ॥
 ত্রিহরি কহেন, ইথে নাহি কিছু ডর ।
 সন্তুগুণী ধর্মপুত্র না জানেন পর ॥
 নিজ-দল, পর-দল সকলি সমান ।
 সে-কারণে একেশ্বর করেন প্রয়াণ ॥
 মনেতে সুযুক্তি ইহা করিয়া বিচার ।
 গমন করেন রাজা ধর্ম-অনুসার ॥
 মহারাজ যুধিষ্ঠির ধর্মের নন্দন ।
 বন্দিলেন ভীষ্ম-দ্রোণ-কৃপের চরণ ॥
 তুষ্ট হ'য়ে তিনজন আশীর্বাদ করে ।
 রণজয়ী হও আর সংহার শক্তরে ॥
 তোমার অভীষ্ট সিদ্ধ হউক সত্বর ।
 তুষ্ট হ'য়ে তিন বীর দিলা এই বর ॥
 ধর্মরাজ বলেন, যে-আজ্ঞা হইল মোরে ।
 এ-বাক্য অলঙ্ঘ্য সদা জ্ঞানিকে-সংসারে ॥

নিজ-পরাক্রম আমি কিছু নাহি জানি ।
কিন্তু আশীর্ব্বাদে জয়ী হইব আপনি ॥
এইমাত্র ভরসা হইল মম চিতে ।
অবশ্য হইবে জয়, সন্দেহ না ইথে ॥
পূর্ব্বকথা নিবেদন চরণে তোমার ।
করিল কপট পাশা, বিখ্যাত সংসার ॥
কপট করিয়া সব রাজ্য-ধন নিল ।
দ্বাদশ-বৎসর বনবাস মোরে দিল ॥
বৎসর অজ্ঞাতে থাকি বঞ্চি মহাশয় ।
এত ক্রেশ পেয়ে পুনঃ হইল উদয় ॥
রাজ্যের বিভাগ নাহি দিল দুর্ব্বোধন ।
পঞ্চ-গ্রাম নাহি দিল, কৈল যুদ্ধ-পণ ॥
সেই অনুক্রমে যুদ্ধ আয়োজন করে ।
অসম্ভব দেখি আমি চিস্তিত অন্তরে ॥
মহাবল পিতামহ বিদিত সংসারে ।
দেবাসুর যঁাহার নামেতে সদা ডরে ॥
গুরু-দ্রোণাচার্য্য-নামে কাঁপে তিনপুর ।
সশস্ত্র থাকিলে যঁারে ডরে দেবাসুর ॥
কৌরব-পাণ্ডব সম তোমা-সবাকার ।
পক্ষাপক্ষ দেখি ভয় জন্মিল আমার ॥
কোন্ বীর যুঝিবেক তোমা-সবা-সাথে ।
মম ভাগ্যে রাজ্য নাই, জানিলাম ইথে ॥
কিন্তু তোমা-সবাকার আশীর্ব্বাদ মূল ।
অবশ্য পাইব এই যুদ্ধার্থে কূল ॥

যুধিষ্ঠির-বাক্য শুনি হ'য়ে ভূষ্ঠমন ।
ধন্যবাদ করি তবে কহে তিনজন ॥
সাধু ধর্ম্মপুত্র তুমি, ধর্ম্ম-অবতার ।
তোমার ধর্ম্মেতে ধন্য হইল সংসার ॥
যেখানেতে ধর্ম্ম, তথা কৃষ্ণ-মহাশয় ।
যথা কৃষ্ণ, তথা জয়, জানিহ নিশ্চয় ॥

ধর্ম্মবলে রাজ্য-ভোগ, শাস্ত্রে হেন কর ।
ধর্ম্মেতে থাকিলে তার সর্ব্বত্রই জয় ॥
শত দ্রোণ, শত ভীষ্ম, আসে সুরপতি ।
তথাপি ধর্ম্মেতে জয় শুন নরপতি ॥
যাহার সহায় হরি ত্রিলোকের নাথ ।
কাহার ক্ষমতা তারে করিতে নিপাত ॥

তথা হৈতে নিবর্ত্তিয়া ধর্ম্মের কুমার ।
নিজদলে করিলেন হর্ষে আগুসার ॥
ডাকিয়া বলেন রাজা, শুনহ বচন ।
এ-সৈন্যের মধ্যে যেবা ইচ্ছয়ে জীবন ॥
শ্রীকৃষ্ণ-চরণে গিয়া লউক আশ্রয় ।
কোন স্থানে কোন কালে নাহি তার ভয় ॥
শুনিয়া যুযুৎসু নিজ-সৈন্যগণে ল'য়ে ।
ধর্ম্ম-অগ্রে কহে বীর্য্যকৃতাঞ্জলি হ'য়ে ॥
নিবেদন করি শুন ধর্ম্ম-অধিকারি ।
শরণ লইলু, মোরে দেখাও মুরারি ॥
তবে রাজা যুধিষ্ঠির যুযুৎসুকে লৈয়া ।
কহিলেন গোবিন্দেরে বিনয় করিয়া ॥
যথা আমা-পঞ্চজনে স্নেহ কর হরি ।
ততোধিক যুযুৎসুরে রাখ দয়া করি ॥
শ্রীকৃষ্ণ কহেন, রাজা, স্থির কর মন ।
সাবধান হও তুমি, উপস্থিত রণ ॥

যুযুৎসু চলিল যদি ধর্ম্মরাজ-সাথ ।
বার্ত্তা শুনি বিবাদিত হৈল কুরুনাথ ॥
রথ হৈতে নামি শীঘ্র অগ্রে আরোহিল ।
ভীষ্মের নিকটে গিয়া সব নিবেদিল ॥
কি মন্ত্রণা করিয়া আসিল ধর্ম্মরাজ ।
যুযুৎসুকে ল'য়ে গেল নিজ-সৈন্য-মাঝ ॥
লক্ষসেনা ল'য়ে গেল উপস্থিত রণে ।
ইহার বিচার কেন না কর আপনে ॥

শুনি ভীষ্ম দুৰ্য্যোধনে কহে বিবরণ ।
 আমা বন্দিবারে এল ধর্ম্মের নন্দন ॥
 ধর্ম্মরাজ ধর্ম্মভাক সৈন্যমধ্যে দিল ।
 যুযুৎসু প্রাণের ভয়ে শরণ লইল ॥
 তাহার কারণ ছুঃখ না কর রাজন্ ।
 সাবধান হও রাজা, উপস্থিত রণ ॥
 মম পরাক্রম রাজা, জান ভালমতে ।
 হুঃস্থর আসে যদি সমর করিতে ॥
 আপন-প্রতিজ্ঞা-ভঙ্গ কভু না করিব ।
 কৃষ্ণের প্রতিজ্ঞা নাশি প্রতিজ্ঞা রাখিব ॥
 শুনিয়া হইল হৃষ্ট গান্ধারী-তনয় ।
 পিতামহে জিজ্ঞাসিল করিয়া বিনয় ॥
 এই যে উভয়-সৈন্য একত্রে মিলিল ।
 অষ্টাদশ-অকোহিণী গণিত হইল ॥
 হেন কেহ ধনুর্ধর আছে এ-সংসারে ।
 একরথে এই সৈন্যে পারে জিনিবারে ॥
 ভীষ্ম বলে, আমি যদি যুদ্ধে দেই মন ।
 একদিনে দুই-সৈন্যে করি নিপাতন ॥
 দ্রোণাচার্য্য যদি করে ধরে ধনুর্ধ্বাণ ।
 তিনদিনে দুই-দলে করে সমাধান ॥
 কর্ণ যদি প্রাণপণে করয়ে সমর ।
 পাঁচদিনে দুই-সৈন্যে দেয় যমঘর ॥
 দ্রোণপুত্র যদি রণে দেন নিজ-মন ।
 তিনদণ্ডে দুই-দলে নাশে সর্ব্বজন ॥
 যতপি করয়ে মন ইন্দ্রের কুমার ।
 না লাগে নিষেধ, করে সবারে সংহার ॥
 শুনি রাজা দুৰ্য্যোধন বিস্ময় মানিল ।
 পুনরপি পিতামহে কহিতে লাগিল ॥
 এমত অর্জুনে যদি জান মহাশয় ।
 কি-প্রকারে হইবে তাহার পরাজয় ॥

মহাভারতের কথা অমৃত-সমান ।
 কাশীরামদাস কহে, শুনে পুণ্যবান ॥

২ । ভীষ্মদেবের দশদিন যুদ্ধ করিতে
 প্রতিজ্ঞা ।

ভীষ্ম কহিলেন তবে কৌরব-ঈশ্বরে ।
 দশদিন ভার মম রহিল সমরে ॥
 নিজসৈন্যে রক্ষা করি অন্তরে নাশিব ।
 দশ-সহস্রেক রথী প্রত্যহ মারিব ॥
 অর্জুন-সহিতে যুদ্ধ শ্রীহরি-সাক্ষাৎ ।
 দশ-সহস্রেক রথী করিব নিপাত ॥
 শুনি দুৰ্য্যোধন হ'য়ে হরষিত-মন ।
 সৈন্য-মধ্যে নিজরথে করে আরোহণ ॥
 দুই দলে যোদ্ধগণ করে সিংহনাদ ।
 ঢাক-ঢোল-শব্দ বাজে, জয়-জয় নাদ ॥
 পাঞ্চজন্ম-নামে শব্দ ভয়ানক-ধ্বনি ।
 দুই করে ধরি কৃষ্ণ বাজান আপনি ॥
 দেবদত্ত-শব্দ বাজাইলা ধনঞ্জয় ।
 পৌণ্ড্র-শব্দ বাজাইলা ভীম-মহাশয় ॥
 ভূপতি বাজান শব্দ অনন্ত-বিজয় ।
 মণিপুষ্প সহদেব নিনাদ করয় ॥
 বাজান সুবোধ-শব্দ নকুল প্রচণ্ড ।
 শুনিয়া বিপক্ষ-পক্ষ হয় লণ্ডভণ্ড ॥
 দুই-দলে কোলাহল হইল তুমুল ।
 দশদিক্ যুড়ি শব্দ উঠিল অতুল ॥
 মহাভারতের কথা সুধাসিদ্ধ-বারি ।
 কাশীরামদাস কহে, শুনে নরনারী ॥

৩। পিতারক্ত—অর্জনের দিকট ঈর্ষকের
বোগবধন।

ধৃতরাষ্ট্র জিজ্ঞাসিলা সঞ্জয়ের প্রতি।

অতঃপর কি করিলা পার্থ মহামতি ॥

সঞ্জয় বলিলা তবে, শুন নৃপবর।

যে-কর্ম করিলা কৃষ্ণ পার্থ ধনুর্ধর ॥

ধনুর্ধরাণ হস্তে ধরি বলে ধনঞ্জয়।

নিবেদন শুন মম, কৃষ্ণ-মহাশয় ॥

দুই-দল-মধ্যে রথ রাখহ অণেক।

যতেক বিপক্ষগণে দেখিব প্রত্যেক ॥

কাহার সহিত রণ হইবে প্রথম।

কাহে-কাহে যুদ্ধ হবে, কেবা কার সম ॥

দুই-দল-মধ্যে রথ রাখিলেন হরি।

একে-একে ধনঞ্জয় দেখেন বিচারি ॥

সর্ব-অগ্রে পিতামহ ভীষ্ম মহাবীর।

মম্বথ জিনিয়া খাঁর সুন্দর শরীর ॥

বদন-পঙ্কজে পূর্ণচন্দ্র পায় লাজ।

করি-কর-ভুজ, নাসা জিনি খগরাজ ॥

কাঞ্চন-পর্বত-শৃঙ্গ-নিদিত স্তনু ॥

দীর্ঘ-বক্ষঃ ব্রহ্মরক্ষ, হস্তে দৃঢ়-ধনু ॥

দেখিয়া ব্যথিত হয় পার্থের হৃদয়।

তবে পুনঃ দেখে বীর দ্রোণ-মহাশয় ॥

আজানুলম্বিত বাহু, শ্যাম কলেবর।

উন্নত নাসিকা চারু, বদন সুন্দর ॥

সৌম্য-শাস্ত-দীর্ঘ তনু, উচ্চ যেন শাল।

যুগপ্ত জিনিয়া কটি, বক্ষঃ সুবিশাল ॥

দৃঢ়রক্ষ ধীর-হির, উজ্জ্বল নয়ন।

দেখিয়া হইল পার্থ বিষাদিত মন ॥

ক্রমে অস্থখ্যামা রূপ প্রতীপ-বন্দনে।

একে-একে নিরীক্ষণ কৈল কৃষ্ণগণে ॥

জ্ঞাতি বন্ধু ভ্রাতা পুত্র পৌত্র গুরুজন।

মাতুল-বান্ধবে দেখি চিন্তে মনে-মন ॥

যুঝিবারে এল গুরু-জ্ঞাতি-বন্ধুগণ।

কি-প্রকারে এ-সবারে করিব নিধন ॥

যদি আমি যুদ্ধ করি বিনাশি সবারে।

তবে মোর সম নাহি নির্ভুর সংসারে ॥

মোর সম পাপী আর কেহ নাহি হয়।

এতেক ভাবিল চিন্তে বীর ধনঞ্জয় ॥

অবশ হইল অঙ্গ, মলিন বদন।

শরীর রোমাঙ্কযুক্ত কাঁপে ঘনে-ঘন ॥

হস্ত হৈতে খসি তাঁর পড়ে শরাসন।

সকরণে কৃষ্ণ-প্রতি বলেন বচন ॥

অবধানে জগন্নাথ, শুন নিবেদন।

যুঝিবারে এল মোর আত্মীয়-স্বজন ॥

কারে অস্ত্র প্রহারিব, কার সহ রণ।

নিজ-পরিবার-বধ নহে সুশোভন ॥

দেখিলাম যত বন্ধু অমাত্য-সকল।

ইহা-সবে রণে মারি নাহি কোন ফল ॥

বিফল জীবন মম বাঁচি কোন-স্থ ॥

গুরু-বন্ধু মারিয়া দেখিব কার মুখ ॥

রাজ্যে কার্য নাহি মম, জীবন অসার।

কাহার নিমিত্ত করি বংশের সংহার ॥

জ্ঞাতিবধে মহাপাপ হইবে নিশ্চয়।

রাজ্যলোভে কেন করি পাপের সঞ্চয় ॥

জ্ঞাতি-বন্ধু বিনাশিব রাজ্য-অভিলাষে।

যুদ্ধে কার্য নাহি, পুনঃ বাব বনবাসে ॥

শোকেতে বিকল, বলহীন হৈল তনু।

রোমাঙ্ক শিথিল দেহ, কাঁপে বক্ষঃ-জানু ॥

আমারেও মারে যদি, আমি না মারিব।

জ্ঞাতিনাশ বন্ধুনাশ সহিতে নারিব ॥

এত বলি অধোমুখে বসে রথোপর ।
তাজিয়া গাণ্ডীব-ধনুঃ খড়্গ তুণ শর ॥

অৰ্জুনের পানে চাহি দেব নারায়ণ ।

প্রবোধি তাঁহারে তবে বলেন বচন ॥
জ্ঞাতি-বন্ধু-বধ-হেতু ভীত তব মন ।
কি-কারণে ক্রুদ্ধধর্ম কর বিসর্জন ॥
অহঙ্কার করি আগে আসি যুদ্ধস্থান ।
সন্মুখ-সমরে কেন ছাড়ি ধনুর্বধাণ ॥
জ্ঞাতিবধ-পাপ তুমি ভাব ধনঞ্জয় ।
কৌরব কহিবে, পার্থ হইল সভয় ॥
মোহে তুমি আপনারে হৈলে বিস্মরণ ।
উপহিত যুদ্ধকাল, কর এবে রণ ॥
সর্বশাস্ত্রে বিজ্ঞ তুমি মহা-বিচক্ষণ ।
যোগতত্ত্ব কহি কিছু করহ শ্রবণ ॥
শুনিলে মনের ভ্রান্তি হইবে খণ্ডিত ।
অতএব শুন পার্থ হ'য়ে অবহিত ॥

কে কারে মারিতে পারে, কেবা কার অরি ।
সবারে সংহারি আমি, আমি সব করি ॥
কর্ম-মত করে লোক গমনাগমন ।
যাহার যেমন কর্ম, পায় সে তেমন ॥
আমার মায়াতে বন্দী এ-সব সংসার ।
আমাতে উৎপত্তি-স্থিতি, আমাতে সংহার ॥
রজোগুণে সৃষ্টি-কার্য্য করি সম্পাদন ।
সত্ত্বগুণে রক্ষা, তমোগুণেতে নিধন ॥
কাল-নামে পুরুষ আমার মূর্তি ধরে ।
কালেতে ভুঞ্জয়ে লোক, কালেতে সংহারে ॥
আমার বিভূতি হয় এ-তিন ভুবন ।
সর্বঘণ্টে আত্মরূপে থাকি অনুরূপ ॥
ধর্মাদর্শ দুই মূর্তি আমার স্বরূপে ।
সর্বত্র সমান আমি হই বিশ্বরূপে ॥

যথা বাল্য যৌবন বার্দ্ধক্য উপস্থান ।

তেমনি জানিহ তুমি সকলি সমান ॥

জীর্ণবস্ত্র তাজি যথা নববস্ত্র পরে ।

তথা এক তনু ছাড়ি অন্তেতে সঞ্চারে ॥

শরীরের বিনাশে না হয় জীবনাশ ।

এইরূপে হয় মোর বিভূতি-প্রকাশ ॥

ইহা শুনি অৰ্জুন বিস্মিত হৈল মনে ।

জিজ্ঞাসিল গোবিন্দে দেব বিনয়-বচনে ॥

বিভূতি-বিস্তার দেব, কিরূপ তোমার ।

শুনিবারে হ্রবিস্তারে আকাজ্ঞা আমার ॥

এতেক শুনিয়া কহে দেবকী-কুমার ।

একচিত্তে শুন পার্থ, বিভূতি আমার ॥

যত-সব বস্তু দেখ চতুর্দশ-লোকে ।

সকলি আমার মূর্তি, জানাই তোমাকে ॥

সর্বঘণ্টে স্থিতি মোর সর্বত্র সমান ।

শুন পার্থ, যেইরূপে আমি বিদ্যমান ॥

সকল বৃক্ষের মধ্যে আমি যে অস্থখ ।

নদীমধ্যে হ্রদধুনী কহিলাম তথ্য ॥

ঋষি-মধ্যে নারদ যে আমি মহাশয় ।

সিদ্ধ-মধ্যে কপিল আমার মূর্তি হয় ॥

গজ-মধ্যে ঐরাবত, অশ্বে উচ্চৈঃশ্রবাঃ ।

নর-মধ্যে নরপতি আমারে জানিবা ॥

দেব-মধ্যে দেবরাজ, রুদ্রেতে কপালী ।

গন্ধর্ব্বেতে চিত্ররথ, দানবেতে বলি ॥

নাগেতে অনন্ত-নাগ আমারে জানিবে ।

গ্রহ-মধ্যে দিনকর আমারে মানিবে ॥

যক্ষগণ-মধ্যে আমি হই ধনেশ্বর ।

তেজো-মধ্যে নাম ধরি আমি বৈশ্বানর ॥

পশুগণ-মধ্যে হই স্বরূপে কেশরী ।

বস্তুগণে বিশ্বাবস্তু আমি নাম ধরি ॥

1. 20. 1944. 2. 20. 1944.
3. 20. 1944. 4. 20. 1944.
5. 20. 1944. 6. 20. 1944.
7. 20. 1944. 8. 20. 1944.
9. 20. 1944. 10. 20. 1944.



রাক্ষসগণের মধ্যে আমি বিভীষণ ।
 সেনাপতিগণ-মধ্যে আমি ষড়ানন ॥
 কবি-মধ্যে শুক্ৰাচার্য্য, মুনীগণে ব্যাস ।
 রুষ্টি-মধ্যে বাহুদেব স্বরূপে প্রকাশ ॥
 বেগগামি-মধ্যে আমি পবন-প্রবর ।
 অশ্রুধারি-মধ্যে আমি রাম রঘুবর ॥
 নক্ষত্রগণের মধ্যে আমি নিশাকর ।
 পিতৃগণে অর্য্যমা যে আমি বীরবর ॥
 জলচর-মধ্যে আমি বরুণ-স্বরূপ ।
 ভক্তগণ-মধ্যে যে প্রহ্লাদ মম রূপ ॥
 মাস-মধ্যে নাম অগ্রহায়ণ আমার ।
 পুষ্প-মধ্যে পারিজাত নাম স্প্রচার ॥
 যজ্ঞমধ্যে রাজসূয়-যজ্ঞঅমুপাম ।
 ক্ষত্রগণ-মধ্যেতে ভরত মোর নাম ॥
 শিল্পিগণ-মধ্যে নাম বিশ্বকর্মা ধরি ।
 পুরা-মধ্যে হই আমি বৈকুণ্ঠ-নগরী ॥
 মড়্ধা-মধ্যে আমি হই পুষ্পাকর ১ ।
 পাণ্ডবগণেতে আমি পার্থ ধনুর্ধর ।
 বর্গমধ্যে দ্বিজ, পর্বতেতে হিমালয় ।
 বেদমধ্যে সামবেদ মোর রূপ হয় ॥
 মণিরত্ন-মধ্যে নাম কৌস্তভ আমার ।
 ধাতুদ্রব্য-মধ্যে স্বর্ণ আমারি আকার ॥
 ইত্যাদি বিভূতি মম অনন্ত অপার ।
 গণনা করিতে পারে শক্তি কাহার ॥
 পৃথিবীর মধ্যে লোক যতেক জন্ময় ।
 আপনার কর্মফলে সবে হয় ক্ষয় ॥
 কর্মফলে যাতায়াত করে সর্বজন ।
 যাহার যেমন কর্ম, সে পায় তেমন ॥

ইহা শুনি ধনঞ্জয় সজ্জট হইয়া ।
 পুনরপি জিজ্ঞাসিলা বিনয় করিয়া ॥
 কিরূপে তোমার ধ্যান করে যোগিগণ ।
 কহ শুনি জনার্দন, যোগের লক্ষণ ॥
 শ্রীকৃষ্ণ বলেন, সখে, শুন একমনে ।
 লভয়ে পরমগতি ধ্যানে যোগিগণে ॥
 দ্বিজকূলে জন্মি গুরু-উপদেশ লবে ।
 গৃহাশ্রম-মোহ ত্যজি অরণ্যে পশিবে ॥
 অপান-উদান-ব্যান্বে শোধিবে শরীর ।
 আমাতে আরোপি মন রবে দীর্ঘ-স্থির ॥
 হস্তপদ-প্রক্ষালন করি আচমন ।
 পূর্বমুখে আসন করিবে নিরূপণ ॥
 পূর্বমুখে-কিংবা পার্থ, উত্তর-মুখেতে ।
 কল্পিবে আসন-দিব্য যোগশাস্ত্র-মতে ॥
 প্রথমে পূরকে বায়ু করিবে গ্রহণ ।
 কুস্তক করিয়া বায়ু করিবে রোধন ॥
 রেচকেতে পরে বায়ু করিবে বাহির ।
 এইরূপ ক্রম পার্থ, জান মনে স্থির ॥
 এইরূপে প্রাণবায়ু শাসন করিবে ।
 অর্জ্জুন, যোগের ইহা নিয়ম জানিবে ॥
 তারপরে এই রূপ চিন্তিবে আমার ।
 দ্বিভুজ পদ্মাক্ষ বক্ষঃস্থলে রত্নহার ॥
 ত্রীবৎস-লাঞ্ছন-আদি পীতাম্বরধারী ।
 করীট-কুণ্ডল কর্ণে, বিচিত্র কবরী ॥
 বিকসিত-বনমালা কণ্ঠে মণিহার ।
 ত্রিভঙ্গ-ললিত-অঙ্গ মুক্তি-অবতার ॥
 এই দিব্যরূপ ধ্যানে চিন্তিবে আশ্রয় ।
 অবহেলে যোগী তবে ভবপারে যায় ॥

জ্যোতির্ময় সূক্ষ্মরূপ মম অনুপাম ।
 যাহা চিস্তি লভে নর স্মৃৎ-মোক্ষ-ধাম ॥
 কিরীট-কুণ্ডল দিব্য-বনমালাধারী ।
 নুপুর-কঙ্কণ-হারে শোভিত মুরারি ॥
 শঙ্খচক্রধর-মূর্তি চিস্তিবে আমার ।
 এই সূক্ষ্মরূপ চিস্তি হেলে হবে পার ॥
 ইহা শুনি পুনরপি জিজ্ঞাসে অর্জুন ।
 শুনিবু অপূর্ব-কথা তব যোগগুণ ॥
 কৰ্ম্মযোগ জনার্দন, কিরূপ তোমার ।
 কি কৰ্ম্ম করিয়া যোগী হয় ভবপার ॥
 সবিস্তারে কহ প্রভু, করিব শ্রবণ ।
 শ্রীকৃষ্ণ বলেন, শুন, করিব বর্ণন ॥
 অনন্ত কৰ্ম্মের যোগ, নহে পরিমিত ।
 অল্প-কিছু কহি, যাহা নরের বিহিত ॥
 দ্বিজকূলে জন্মি বেদ করিবে পঠন ।
 সবাকারে সমভাবে করিবে দর্শন ॥
 কারো সনে বিরোধ না কর কদাচন ।
 শত্রু-মিত্র-ভাব মনে না রাখ কখন ॥
 পুত্র-মিত্র-বন্ধুগণে করিবে পালন ।
 বাঞ্ছাপূর্ণ করি তোষ তাহাদের মন ॥
 অনাসক্তভাবে যত গৃহকৰ্ম্ম করি ।
 নিত্যকৰ্ম্ম সঙ্ঘ্যা-স্নান গায়ত্রী যে স্মরি ॥
 এইরূপে বিপ্রগণ আমারে ভজিবে ।
 ক্রতুকূলে জন্ম ল'য়ে পৃথিবী শাসিবে ॥
 আত্মীয়-স্বজন-প্রজা করিবে পালন ।
 কারো সনে বৈরভাব না রাখ কখন ॥
 দেবযজ্ঞ পিতৃযজ্ঞ সতত করিবে ।
 মোরে ভজি কিছুকাল রাজত্ব করিবে ॥
 তিন-ভাগ আয়ুঃশেষে পুত্রে রাজ্য দিয়া ।
 ভার্যাসহ প্রবেশিবে অরণ্যেতে গিয়া ॥

বানপ্রস্থ-ধৰ্ম্মে থাকি তপস্বি-লক্ষণে ।
 আমারে চিস্তিয়া দেহ ত্যজি যোগাসনে ॥
 দিব্যরথে চড়ি যাবে ইশ্বের ভবনে ।
 সহস্রতা হ'য়ে ভার্য্যা যাবে পতি-সনে ॥
 কিছুকাল পত্নীসহ স্বর্গভোগ করি ।
 পুনরপি আসি জন্মে দৌহে মর্ত্যপুরী ॥
 রাজকূলে জন্মি ভোগ করিয়া বর্জ্জন ।
 এইমতে পুনঃ মোরে করিবে ভজন ॥
 বহুকাল পরে পুনঃ মম পুরে যাবে ।
 বৈশ্যকূলে জন্মি মাত্র অতিথি সেবিবে ॥
 শূদ্রকূলে মহাধৰ্ম্ম দ্বিজের সেবায় ।
 সর্বকৰ্ম্ম সমর্পিবে ব্রাহ্মণের পায় ॥
 দাস্যভাব করিয়া সেবিবে দ্বিজগণে ।
 ইথে মুক্তি লভি যায় স্বর্গের ভবনে ॥
 অবিগ্ন সবিগ্ন দ্বিজ বেদহীন হয় ।
 তথাপি তাহারা মোর তনু, ধনঞ্জয় ॥
 গৃহাশ্রমে এই ধৰ্ম্মাধৰ্ম্ম-নিরূপণ ।
 চতুর্বিধ পরিণতি জানহ লক্ষণ ॥
 শুনিয়া অর্জুন ইহা বিস্মিত হইলা ।
 করযোড়ে নারায়ণে পুনঃ জিজ্ঞাসিলা ॥
 যোগধৰ্ম্ম প্রভু, তুমি কহিলে আমারে ।
 যোগধ্যানে যোগী পায় অচিরে তোমারে ॥
 বহুকাল সেবি পায় গৃহাশ্রমী জনে ।
 তোমাতে ভকতি যার, সে পায় কেমনে ॥
 এতেক শুনিয়া কহিলেন জনার্দন ।
 আমাতে যোজিল যোগী তনু-মন-ধন ॥
 আমা-বিনা যোগিগণ না জানয়ে আন ।
 আমি গতি, আমি পতি, আমি ধনপ্রাণ ॥
 সে কারণে অল্পকালে লভয়ে আশ্রয় ।
 জন্ম-জন্মান্তরে গৃহাশ্রমি-জন পায় ॥

পুনরপি ধনঞ্জয় কহিলা তখন ।
 কিরূপ তোমার শুনি ভকতি-লক্ষণ ॥
 গোবিন্দ বলেন, সখে, করহ শ্রবণ ।
 অনন্ত-প্রকার মোর ভকতি-লক্ষণ ॥
 সর্বজনহিত যেন করে অনুক্ষণ ।
 সর্বজীবে সমভাবে করয়ে দর্শন ॥
 সাত্ত্বিক ভকতি সেই জানিহ নিশ্চয় ।
 আমা-প্রতি ভিন্নভাব কভু যাহে নয় ॥
 গো-দ্বিজ-ভয়ার্তে যেই করয়ে রক্ষণ ।
 সর্ব-কর্ম আমারে যে করে সমর্পণ ॥
 আমাতে অপিত চিত্ত, অপিত-শরীর ।
 সর্বোত্তম ভক্ত সেই, সর্বগুণ-ধীর ॥
 পুণ্যতীর্থে সদা যেই করয়ে ভ্রমণ ।
 আমার মন্দির সদা করয়ে মার্জ্জন ॥
 সর্বজীবে তোষে মিষ্টবাক্য-ব্যবহারে ।
 সর্বোত্তম ভক্ত সেই, কহিনু তোমায়ে ॥
 রুতি দিয়া ব্রাহ্মণে স্থাপয়ে যেই জন ।
 অন্নজল-দান করি তোষে দুঃখিগণ ॥
 সর্বোত্তম ভক্ত পার্থ, জান সেইজন ।
 এইরূপ বহুবিধ ভক্তের লক্ষণ ॥
 যোগধর্ম ক্রমে বিবরিয়া নারায়ণ ।
 যাহা জিজ্ঞাসিলা পার্থ, করিলা বর্ণন ॥
 অষ্টাদশ অধ্যায় ভারত-যোগসার ।
 বহুবিধ ভক্তিযোগ-মার্গ-ব্যবহার ॥
 কত যে কহিলা কৃষ্ণ, না যায় লিখন ।
 ক্রমে কিছু শাস্ত্র হৈল অর্জুনের মন ॥
 নানাবিধ যোগ কৃষ্ণ কহেন অর্জুনে ।
 তথাপি প্রবোধ নাহি মানে তাঁর মনে ॥
 তবে কৃষ্ণ কহিলেন, শুন ধনঞ্জয় ।
 যত সব সৈন্য এই জানিহ নিশ্চয় ॥

হও হে নিমিত্ত-মাত্র সব্যাসাচী ভূমি ।
 দেখ, সর্বসৈন্যে বধ করিয়াছি আমি ॥
 অর্জুন বলেন, প্রভু, তবে সত্য জানি ।
 আপন-নয়নে যদি দেখি চক্রপাণি ॥
 ত্রীকৃষ্ণ দিলেন দিব্যচক্ষু অর্জুনে ।
 অর্জুন দেখেন বিশ্ব কৃষ্ণের শরীরে ॥
 মেঘবর্ণ শীর্ষ তাঁর পরশে আকাশ ।
 রবিশশী ছুই চক্ষু অতি স্প্রপ্রকাশ ॥
 মুখ তাঁর বৈশ্বানর, তারাগণ দস্ত ।
 আশ্চর্য্য দেখেন পার্থ নাহি পান অন্ত ॥
 দেবরাজ ইন্দ্র বাহু, ব্রাহ্মণ হৃদয় ।
 সিন্ধুসব নাভী তাঁর, পৃষ্ঠ বহুময় ॥
 দশদিক্ জজ্ঞা তাঁর, পাতাল চরণ ।
 শৈলগণ অস্থি তাঁর, লোম তরুগণ ॥
 মাংসরূপা ধরণীরে দেখে ধনঞ্জয় ।
 দেখিয়া বিরাটরূপ মানেন বিশ্বয় ॥
 করিলেন নারায়ণ বদন-বিস্তার ।
 তাহাতে দেখেন পার্থ অখিল সংসার ॥
 সর্বসৈন্য যত তাহে দেখি ধনঞ্জয় ।
 সলজ্জ সত্য চমৎকৃত অতিশয় ॥
 স্তব করিলেন শেষে বিনয় করিয়া ।
 আপন-বৃত্তাস্ত কৃষ্ণ, কহ বিবরিয়া ॥
 ত্রিদশের নাথ যিনি ব্যাপ্ত ত্রিসংসার ।
 না পারি চিনিতে তাঁরে আমি পাপাচার ॥
 ব্রহ্মা-আদি দেব যাঁর নাহি পায় সীমা ।
 আমি মূঢ় তুচ্ছ নর, কি জানি মহিমা ॥
 কহেন গোবিন্দ পার্থে করিয়া সাস্তুন ।
 প্রকাশিত কর চক্ষু, ব্রাস কি-কারণ ॥
 চক্ষু মেলি ধনঞ্জয় সখা-রূপ দেখি ।
 নিলেন ধনুক করে পরম-কৌতুকী ॥

প্রবোধ পাইয়া পার্থ রণে দেয় মন ।
 ধনুর্বীণ হস্তে ল'য়ে বসেন তখন ॥
 তবে কৃষ্ণ কর্ণে দেখি বলেন সাদরে ।
 ভীষ্মে দেখি সেনাপতি, তোমা না আদরে ॥
 এমনত অবজ্ঞা কি হে তব প্রাণে সহে ।
 উপেক্ষিল তোমা, ইহা ক্ষত্রধর্ম্য নহে ॥
 পাণ্ডবের দলে এস বুঝি নিজ-হিত ।
 পাণ্ডব অবশ্য তোমা করিবে পূজিত ॥
 কৃষ্ণের বচন শুনি বলে বৈকর্তন ।
 দুর্ব্যোধন-কার্য্যে আমি করি প্রাণপণ ॥
 গোবিন্দ, যাবৎ কঠে রহিবে জীবন ।
 দুর্ব্যোধনে না ছাড়িব আমি কদাচন ॥
 শ্রীভীষ্মপর্বের কথা অমৃত-সহরী ।
 কাহার শক্তি তাহা বর্ণিবারে পারি ॥
 ঐশ্বর্য্যমাত্র কহি আমি পাঁচালীর ছন্দে ।
 রসিক-সুজন পিয়ে সুখা-মকরন্দে ॥
 অবহেলে শুনে যেন সকল সংসার ।
 কাশীরাম দাস কহে, রচিয়া পয়ার ॥

৪। প্রথম দিবসের যুদ্ধ

জগ্নেজয় জিজ্ঞাসিল করিয়া বিনয় ।
 শুনিয়া কহিল কিবা অশ্বিকা-তনয় ॥
 মুনি বলে, জগ্নেজয়, শুন সাবধানে ।
 যোগকথা শুনি অন্ধ হৃষ্ট হৈল মনে ॥
 জানিল সকল সুখ জলবিশ্ব-প্রায় ।
 পুত্র-মিত্র-দারা-বন্ধু কেহ কারো নয় ॥
 দৈবের অধীন সব, দৈবে যাহা করে ।
 বেদে বলে, কেহ তাহা খণ্ডাইতে নারে ॥
 জানিয়া এ-সব রাজা স্থির কৈলা মতি ।
 সঞ্জয়ের জিজ্ঞাসিল করিয়া মিনতি ॥

কহ হে সঞ্জয়, তুমি মহা বিচক্ষণ ।
 অতঃপর কি করিল ইন্দ্রের নন্দন ॥
 কিবা কর্ম কৈলা মোর পুত্র দুর্ব্যোধনে ।
 কিরূপে হইল যুদ্ধ অর্জুনের সনে ॥
 কাহে-কাহে যুদ্ধ হৈল কোরব-পাণ্ডবে ।
 মহাবলবান বীর রণক্ষেত্রে সবে ॥
 সঞ্জয় বলিলা, রাজা, করহ শ্রবণ ।
 কৃষ্ণবাক্যে মোহমুক্ত হৈল পার্থ-মন ॥
 হস্তে নিলা ধনঞ্জয় গাণ্ডীব তুলিয়া ।
 ধনুকে টঙ্কার দিলা আকর্ণ পুরিয়া ॥
 এককালে হৈল যেন শত-বজ্রাঘাত ।
 মহাশব্দে মোহিত হইল কুরুনাথ ॥
 সৈন্য-কোলাহল যেন সমুদ্রে উথলে ।
 শঙ্খনাদ সিংহনাদ ধ্বনি দুই-দলে ॥
 বাঘশব্দে কম্পিত হইল ত্রিভুবন ।
 আগু হইলেন যত রথী নৃপগণ ॥
 যুধিবারে পার্থ-আজ্ঞা পেয়ে বীরগণে ।
 সৈন্যগণ-সহ সবে প্রবেশিল রণে ॥
 অর্জুনেরে বলিলেন দেব নারায়ণ ।
 ভীষ্মের সহিত তুমি কর আজি রণ ॥

তবে ভীষ্ম মহাবীর শাস্তনু-নন্দন ।
 হস্তেতে তুলিয়া নিলা নিজ-শরাসন ॥
 ভৃগুপতি-গুরুপদ বন্দন করিয়া ।
 ধনুকে টঙ্কার দিলা আকর্ণ পুরিয়া ॥
 প্রলয়ের কালে যেন মেঘের গর্জন ।
 মহাশব্দে মোহিত হইল বীরগণ ॥
 যুধিবারে আজ্ঞা দিলা গঙ্গার তনয় ।
 আগু হৈলা বীরগণ করি জয়-জয় ॥
 তবে ভীষ্ম মহাবীর গঙ্গার নন্দন ।
 অর্জুন-সম্মুখে যান করিবারে রণ ॥

ভীষ্মে অগ্রে দেখি তবে পার্থ মহামতি ।
 কৃষ্ণে বলে, যুদ্ধে এল কুরুবংশপতি ॥
 আগু বাড়াইয়া রথ লহ শীঘ্রগতি ।
 শুনিয়া গোবিন্দ রথ বাহে দ্রুতগতি ॥
 অর্জুনেরে অগ্রে দেখি গঙ্গার নন্দন ।
 কিরূপে মারিবে বাণ, ভাবে মনে-মন ॥
 পিতামহে অগ্রে দেখি অর্জুন বিচারে ।
 কেমনে প্রহারি অস্ত্র এঁর কলেবরে ॥
 দৌহারে দেখিয়া দৌহে হইল মোহিত ।
 যুদ্ধ দূরে থাক, ক্রিষ্ট উভয়ের চিত ॥

পিতামহে প্রণমিলা তবে ধনঞ্জয় ।
 কল্যাণ করেন ভীষ্ম বলি হৌক জয় ॥
 রণসজ্জা-বিভূষিত দেখি ভীষ্মবীরে ।
 বিনয়ে অর্জুন তাঁরে জিজ্ঞাসেন ধীরে ॥
 কোন্-হেতু যুদ্ধসজ্জা দেখি মহাশয় ।
 তোমার সমান কুরু-পাণ্ডুর তনয় ॥
 দুর্ব্যোধন-সাহায্যেতে গেল তব মন ।
 তুমি যুদ্ধ করিলেও না করিব রণ ॥
 ভীষ্ম বলিলেন, পার্থ, কহিলে প্রমাণ ।
 ক্ষত্রধর্ম আছে হেন, না করিহ আন ॥
 গোবিন্দেরে বলিলেন শান্তনু-নন্দন ।
 সারথি হইলে প্রভু, ভক্তের কারণ ॥
 সাধু পাণ্ডু, সাধু কুন্তী, পুত্র জন্মাইল ।
 ত্রিদশ-ঈশ্বর যার সারথি হইল ॥

দৌহাকার মায়া হরি নিলা নারায়ণ ।
 মায়াহীন হ'য়ে দৌহে যুদ্ধে দিলা মন ॥
 তবে পার্থ ডাকি বলে শান্তনু-নন্দনে ।
 কুরুকুলপতি তুমি, জানে সর্বজনে ॥

অগ্রে তুমি অস্ত্র মোরে করহ প্রহার ।
 পশ্চাতে করিব আমি অস্ত্র-অবতার ॥
 ভীষ্ম বলে, পার্থ, অগ্রে মারহে আমারে ।
 দাণ্ডাইয়া রহে পার্থ, বাণ নাহি মারে ॥
 কৃষ্ণ-মায়া মুগ্ধ ভীষ্ম ধরি ধনুঃশর ।
 দুই-বাণ মারিলেন অর্জুন-উপর ॥
 গাণ্ডীব লইয়া করে বীর ধনঞ্জয় ।
 গাঙ্গেয়ের বাণ কাটি কারলেন ক্ষয় ॥
 পুনঃ ভীষ্ম দশ-অস্ত্র এড়ে পার্থোপর ।
 দশগোটা কাল-ফণী জ্বান দশ শর ॥
 মহাশব্দ করি আসে পার্থ-প্রতি বাণ ।
 দিব্য-অস্ত্রে কাটিলেন ইন্দ্রের সন্তান ॥
 দুইজনে মহাযুদ্ধ হইল প্রলয় ।
 দৌহে অস্ত্র নিবারেন সমরে দুর্জয় ॥

ভীষ্মার্জুনে সংগ্রাম বাধিল দৌহে যবে ।
 কুরু-পাণ্ডুগণ যুদ্ধে প্রবত্তিল তবে ॥
 রথি-রথী মহাযুদ্ধ পদাতি-পদাতি ।
 আসোয়া-আসোয়া-মত্ত হাতী-হাতী ॥
 মল্ল-মল্ল মহাযুদ্ধ ধানুকী-ধানুকী ।
 খড়্গ-খড়্গা মহারণ তবকী-তবকী ॥
 পরস্পর দুইদলে বাধিল সংগ্রাম ।
 পূর্বে যেন যুদ্ধ কৈল রাবণ-শ্রীরাম ॥
 নানাবিধ অস্ত্ররুষ্টি করে দুইদলে ।
 প্রলয়ের কালে যেন সমুদ্র উথলে ॥
 মুঘল মুদগর শেল ভূষণী তোমর ।
 ক্ষুদ্রপট্ট নারাচ প্রভৃতি যত শর ॥
 সূচীমুখ শিলিমুখ পরিষ ভৈরব ।
 অর্দ্ধচন্দ্র ক্ষুরপাশ্র ফেলিলেন সব ॥

ব্রহ্ম-অস্ত্র, রুদ্র-অস্ত্র, অস্ত্র অগণন ।

নিরস্তুর দুইদলে করে বরিষণ ॥

ভীমসেন সহ যুগে রাজা দুর্ঘ্যোধন ।

গদাযুদ্ধে পটু বীর্যবন্ত দুইজন ॥

সাত্যকি-সহিত কৃতবর্মা করে রণ ।

দৌহে মহা-বীর্যবান্ সংগ্রামে ভীষণ ॥

কৃতবর্মা একবাণ প্রহার করিল ।

গুণ-সহ সাত্যকির ধনুক কাটিল ॥

ধনু কাটা গেল দেখি সাত্যকি কুপিল ।

কৃতবর্মা-পরে দিব্য-শক্তি প্রহারিল ॥

মুচ্ছা গেল কৃতবর্মা সেই-শক্তি-ঘায় ।

রথি-মুচ্ছা দেখি রথ সারথি ফিরায়ে ॥

মুচ্ছা ভাসি বীরবর উঠে রথোপরে ।

সারথিরে কৃতবর্মা তিরস্কার করে ॥

পুনরপি প্রবেশিল বীর মহারণে ।

মহাযুদ্ধ আরম্ভিল সাত্যকির সনে ॥

সোমদত্ত-সহ যুগে বিরাট-নন্দন ।

দুইজনে মহাযুদ্ধ, বাজে ঘোর রণ ॥

অষ্টবাণে সোমদত্ত বিক্ষেপে শঙ্খবীরে ।

দুইবাণে ধনু কাটি বিক্ষেপে সারথিরে ॥

বাণে শঙ্খবীর তাহা কৈল নিবারণ ।

অষ্টবাণে সোমদত্ত বিক্ষেপে ততক্ষণ ॥

শত-শত বাণ দৌহে বিক্ষেপে দৌহাকারে ।

জর্জর হইল দেহ, রক্ত পড়ে ধারে ॥

অশস্ত হইল দৌহে সংগ্রাম-ভিতর ।

সারথি বাহুড়ি রথ লইল অন্তর ॥

দ্রোণে-ধৃষ্টিদ্যুম্নে যুদ্ধ বাধে ঘোরতর ।

দুইজনে মহাবীর মহাধনুর্ধর ॥

নানা-অস্ত্রে দিব্যশিক্ষা দ্রোণ মহাবীর ।

ধৃষ্টিদ্যুম্ন-ধনু কাটি ভেদিল শরীর ॥

অন্য ধনু ল'য়ে ধৃষ্টিদ্যুম্ন করে রণ ।

ডাক দিয়া দ্রোণে তবে বলয়ে বচন ॥

অবশ্য আমার হস্তে তোমার মরণ ।

দৈবের নির্বন্ধ ইহা, না হয় থগুন ॥

ইহা শুনি বলিলা আচার্য্য মহাশয় ।

না করিস্ বৃথা-গর্ব দ্রুপদ-তনয় ॥

আমার হস্তেতে তোর নাহিক নিস্তার ।

অচিরে সবংশে তোরে করিব সংহার ॥

এত বলি দ্রোণবীর এড়ে নাগপাশ ।

মহাশব্দে অহিগণ উঠিল আকাশ ॥

মহাবীর ধৃষ্টিদ্যুম্ন সংগ্রামে ভীষণ ।

এড়িল গরুড়-অস্ত্র পন্নগ-নাশন ॥

শত শত শিখী গর্জি উঠিল আকাশে ।

যতেক ভুজঙ্গগণে ধরিয়া গরাসে ॥

ভুজঙ্গে গিলিয়া গিলিবারে আসে দ্রোণে ।

অগ্নিবাণ দ্রোণ তবে এড়ে ততক্ষণে ॥

পর্বত-প্রমাণ অগ্নি উঠিল অম্বরে ।

পুড়িয়া পক্ষীর পাখা পড়িল সত্তরে ॥

ঘোরশব্দে কালানল আসে দ্রুতগতি ।

বরুণাস্ত্রে নিবাইল ধৃষ্টিদ্যুম্ন-রথী ॥

তবে দ্রোণ মহাবীর সংগ্রামে প্রচণ্ড ।

ধৃষ্টিদ্যুম্ন-ধনু কাটি কৈলা থগু-থগু ॥

দুই-বাণে রথধ্বজ কাটিয়া পাড়িল ।

চারিবাণে চারি-অশ্বে সত্তরে কাটিল ॥

তৃণবৎ কাটি রথ কৈলা থগু থগু ।

দুই-বাণে কাটে তবে সারথির মুণ্ড ॥

হাতে গদা ল'য়ে বীর পড়িল ভূতলে ।

জয়-জয়-শব্দ হৈল আচার্য্যের দলে ॥

গদা হাতে করি ধায় দ্রুপদ-তনয় ।

গদাঘাতে চূর্ণ কৈলা দ্রোণ-রথ-হয় ॥

লাফ দিয়া ভূমে পাড়ে দ্রোণ মহামতি ।

শীঘ্রগতি অন্ত-রথ যোগায় সারথি ॥

পুনরপি বাণরুষ্টি করে দুইজন ।

দুই-বীরে মহাযুদ্ধ না যায় বর্জন ॥

কাশীরাজ-সহ কৃপাচার্যের সমর ।

বাণে-বাণে দৌহে আচ্ছাদিল পরস্পর ॥

ভগদত্ত-সহ যুঝে বিরাট-রাজন ।

পরস্পর করে দৌহে বাণ বরিষণ ॥

ভগদত্ত দুই-বাণ প্রহার করিল ।

বিরাটের রথধ্বজ কাটিয়া পাড়িল ॥

ধ্বজ কাটা দেখি বীর ক্রোধ কৈল মনে ।

শক্তি হানি ভগদত্তে বিদ্রোহ ততক্ষণে ॥

শক্তির প্রহারে মুচ্ছা গেল মহাবীর ।

মুচ্ছাভঙ্গে বাণে বিদ্রোহ বিরাট-শরীর ॥

বাণাঘাতে মুচ্ছা গেল মৎস্যের ঈশ্বর ।

মুচ্ছাভঙ্গে পুনঃ দৌহে যুদ্ধ ঘোরতর ॥

ভ্রূণদেহ সহ জয়দ্রথ করে রণ ।

নানা-অস্ত্রে আচ্ছাদিল ভূতল-গগন ॥

অশ্বখামা-সহ যুঝে শিখণ্ডী দুর্জয় ।

দিব্য-অস্ত্র পরস্পর দৌহে বরিষণ ॥

মহাবীর অশ্বখামা দ্রোণের কুমার ।

শরজালে আচ্ছাদিল করি মার-মার ॥

দশ-দিক্ অন্ধকার দৃষ্টি নাহি চলে ।

শিখণ্ডী পাইল ত্রাস অশ্বখামা-বলে ॥

সত্যজিৎ শিখণ্ডীর বিপদ দেখিয়া ।

অশ্বখামা-নিকটেতে আসে আগু হৈয়া ॥

মহাবীর সত্যজিৎ সমরে প্রচণ্ড ।

যত অস্ত্র দ্রৌণীর করিল খণ্ড-খণ্ড ॥

অন্ধকার দূর হৈল প্রকাশে তপন ।

তাহার বিক্রমে ক্রুদ্ধ দ্রোণের নন্দন ॥

নানা-অস্ত্র শেল শূল মুঘল যুদ্ধগর ।

বরিষয়ে অশ্বখামা সংগ্রাম-ভিতর ॥

সহিতে না পারি দৌহে পলাইয়া গেল ।

যতেক কৌরব জয়-জয়-শব্দ কৈল ॥

অলম্বুষ-সহ যুঝে ভীমের নন্দন ।

উভয়ে মায়াবী, দৌহে করে মায়া-রণ ॥

ঘটোৎকচ অলম্বুষ-রাক্ষসে ধাইল ।

দৈত্যেরে মারিতে যেন দেবেন্দ্র আসিল ॥

নয়-বাণ মারি তারে ঘটোৎকচ হাসে ।

মহাবীর অলম্বুষ ধায় মহারোমে ॥

অস্ত্রাঘাতে দৌহা-অঙ্গে বহিল রুধির ।

করয়ে রাক্ষসী-মায়া নির্ভয়-শরীর ॥

দৌহাকার সিংহনাদে কম্পে রণস্থল ।

নানাবিধ-অস্ত্র ফেলে দৌহে মহাবল ॥

কেহ পারিজাত নহে, তুল্য দুই বীর ।

দৌহে মহাবীর্যবান প্রচণ্ড-শরীর ॥

অভিমন্যু-বৃহদ্বল বাধে ঘোর রণ ।

দৌহে মহাবল, করে অস্ত্র-বরিষণ ॥

মহাবীর অভিমন্যু হৃৎকর ছাড়ে ।

বৃহদ্বল-ধনুগুণ বাণে কাটি পাড়ে ॥

আর ধনু বৃহদ্বল নিল ততক্ষণে ।

সে ধনুও অভিমন্যু কাটি পাড়ে বাণে ॥

পুনঃ পুনঃ যত ধনু লয় বৃহদ্বল ।

অভিমন্যু বাণে কাটি পাড়ে ভূমিতল ॥

ক্রোধে শক্তিশেল নিল ভীষণ-দর্শন ।

অভিমন্যু'পরে বীর এড়ে ততক্ষণ ॥

ঘোর-শব্দে শক্তিগোটা আইসে তখন ।

লাফ দিয়া এড়াইল স্তম্ভদ্রো-নন্দন ॥

তবে বৃহদ্বল অত-শক্তি ল'য়ে হাতে ।

মহারোষে মারে শক্তি অভিমন্যু-মাথে ॥

সেই ঘায়ে মূর্ছা' গেল স্তম্ভদ্রো-নন্দন ।
 মূর্ছাভঙ্গে দশ-বাণ প্রহারে তখন ॥
 বাণাঘাতে বৃহৎ বল হইল ফাঁপর ।
 ছয়-বাণে ধনু কাটে স্তম্ভদ্রো-কোণ্ডর ॥
 চারি-বাণে চারি-অশ্বে কাটি কৈল খণ্ড ।
 দুই-বাণে কাটি পাড়ে সারথির মুণ্ড ॥
 সিংহনাদ করি বলে স্তম্ভদ্রো-নন্দন ।
 আজি তোরে পাঠাইব শমন-সদন ॥
 বৃহৎক্ষত্র ভাই তার সমরে প্রথর ।
 মহাক্রোধে অভিমন্যু'পরে এড়ে শর ॥
 ডাক দিয়া বলে তারে স্তম্ভদ্রো-কুমার ।
 নিশ্চয় আজই তোরে করিব সংহার ॥
 এত বলি দিব্য-অস্ত্র এড়ে ততক্ষণ ।
 সারথি-তুরঙ্গে তার করিল নিধন ॥
 অর্দ্ধচন্দ্র-বাণে তার শিরশ্ছেদ কৈল ।
 ভ্রাতৃমৃত্যু বৃহৎ বল দেখি আগু হৈল ॥
 পরম্পর দৌহে করে বাণ-বরিষণ ।
 এইরূপে দুইজনে হৈল মহারণ ॥

সহদেব-দুশ্মুখেতে হৈল বড় রণ ।
 আকাশ যুড়িয়া করে বাণ-বরিষণ ॥
 ক্রোধে সহদেব কাটে সারথির মাথা ।
 চারি অশ্বে কাটিল, রথের ধ্বজ-ছাতা ॥
 দুশ্মুখ পলায় ভয়ে পেয়ে বড় লাজ ।
 সহদেব আগু হৈল কুরুসৈন্য-মাঝ ॥

দুঃশাসন-নকুলেতে হৈল বোর-রণ ।
 বরিষার মেঘ যেন বরিষে সঘন ॥
 নকুল এড়িল ক্রোধে দিব্য-দিব্য-শর' ।
 দুঃশাসন-ধ্বজ-ছত্র কাটিল সত্তর ॥

চারিবাণে চারি-অশ্বে নিধন করিল ।
 দুই-বাণে সারথির মস্তক কাটিল ॥
 ধ্বজ-ছত্র কাটা গেল দেখে সর্বজনে ।
 লজ্জা পায় দুঃশাসন নকুলের রণে ॥
 মদ্ররাজ-সহ যুঝে রাজা যুধিষ্ঠির ।
 দৌহে বড় বীর্যবন্ত, রণে অতি স্থির ॥
 শল্যরাজ একবাণ করিল সন্ধান ।
 ধর্ম্মের হাতের ধনু করে খান-খান ॥
 ধর্ম্মরাজ অশ্ব ধনু ধরিলেন করে ।
 থাক-থাক বলি ব্যাপ্ত করিলেন শরে ॥
 একশত বাণ মারে শল্যের উপর ।
 বাণাঘাতে শল্যরাজ হইল ফাঁপর ॥
 অগ্নিবাণ এড়ে তবে শল্য মহারাজ ।
 বরুণ-বাণেতে নিবারিলা ধর্ম্মরাজ ॥
 পুনঃ বরুণাস্ত্র এড়ে ধর্ম্মের নন্দন ।
 অগ্নিবাণে নিবারিলা শল্য ততক্ষণ ॥
 নানা-অস্ত্র দুইজনে করে অবতার ।
 বাণে-বাণে দশদিক্ কৈল অন্ধকার ॥
 কেহ করে নাহি জিনে, দৌহে মহাবীর ।
 এইরূপে যুদ্ধ কৈল শল্য-যুধিষ্ঠির ॥

চেকিতান করে রণ স্তম্ভদ্রো-সহিতে ।
 মহারণ হৈল শূরসেন-কলিঙ্গতে ॥

বাহুবীকের সহ যুদ্ধ ধৃষ্টকেতু করে ।
 অন্ধকারময় সব উভয়ের শরে ॥
 এককালে ধৃষ্টকেতু নয়-বাণ মারে ।
 কবচ ভেদিয়া তাঁর বিক্ষিণ শরীরে ॥
 দুই-বীরে মহাযুদ্ধ বাধিল তুমুল ।
 দেব-দানবের যুদ্ধ নহে সমতুল ॥

শতায়ুর সহ যুদ্ধ ইরাবান' করে ।
 দুইজনে অস্ত্রঘৃষ্টি করে নিরস্তরে ॥
 প্রতিবিজ্ঞাং-সহ যুঝে শকুনি দুর্মতি ।
 বিন্দ-অনুবিন্দ কুন্তীভোজের সংহতি ॥
 স্নানক্রিগ-সহ যুঝে সহদেব-স্বত° ।
 দুইবীরে শরঘৃষ্টি করেন অক্লুত ॥
 রথে-রথে গজে-গজে পদাতি-পদাতি ।
 সমানে-সমানে যুদ্ধ হয় ধর্ম্মনীতি ॥
 আসোয়ারে-আসোয়ারে ধানুকী-ধানুকী ।
 যুঝয়ে সকল সৈন্য মনেতে কোঁতুকী ॥
 পরিঘ পট্টিশ গদা ত্রিশূল তোমর ।
 মুঘল মুদগর শেল বর্ষে নিরস্তর ॥
 দুইদলে নানা-অস্ত্র পড়ে ঝাঁকে-ঝাঁকে ।
 অস্ত্রে অন্ধকার, কেহ না দেখে কাহাকে ॥
 মণিমস্ত সর্প যেন আকাশেতে ধায় ।
 উভয়-সৈন্যের অস্ত্র সেইরূপ যায় ॥
 কনক-রচিত নাগে আকাশ ভরিল ।
 যোদ্ধগণ-অস্ত্র সেইরূপ আবরিল ॥
 পরস্পর এইরূপে যুঝে বীরগণ ।
 বিবিধ-বাণের শব্দে পুরিল গগন ॥
 দগড়-দুন্দুভি-বাণ বাজে অগগন ।
 লক্ষ-লক্ষ শব্দ বাজে, না যায় লিখন ॥
 অস্ত্রঘৃষ্টি দেখি কম্পমান দেবগণ ।
 পড়িল যতেক সৈন্য, কে করে গগন ॥
 কর্দম হইল, রক্তে নদীস্রোত বয় ।
 সাগর উথলে যেন প্রলয়-সময় ॥
 রক্তজলে জ্বলে ধ্বজ-ছত্র-গজবাজি ।
 সারি-সারি জ্বলিতেছে ছিন্নশূল-রাজি ॥

তবে অভিমন্যু বীর অর্জুন-নন্দন ।
 সৈন্যের উপরে করে বাণ-বরিষণ ॥
 কাটিয়া অনেক সৈন্য পাড়ে চারিভিতে ।
 চঞ্চল হইল সব কোঁরব-সৈন্যেতে ॥
 দেখিয়া রুঘিল ভীষ্ম কুরু-সেনাপতি ।
 কুপ-শল্য-বিবিশতি-দুন্দুখ-সংহতি ॥
 চোখ-চোখ শর যারি কাটে বহুবীর ।
 বাণেতে পাণ্ডবসৈন্যে করিল অগ্নির ॥
 অর্জুনের পুত্র অভিমন্যু মহাবীর ।
 ধনুক ধরিয়া হাতে নির্ভয়-শরীর ॥
 শল্যরাজ-রথধ্বজ কাটে একবাণে ।
 তিনবাণে কৃপের কাটিল শরাসনে ॥
 নয়বাণ বিজিলেক দৌহার শরীরে ।
 একবাণে বিজিলেক কৃতবর্মা-বীরে ॥
 পঞ্চগোটা বাণ বিবিশতিরে মারিল ।
 তিনবাণে দুন্দুখের কবচ ভেদিল ॥
 রথধ্বজ কাটে সব যারি তীক্ষ্ণশর ।
 অশ্বসহ সারথিরে দিল যমঘর ॥
 কৃতবর্মা কুপ শল্য বরিষয়ে শর ।
 জলধর বর্ষে যেন পর্বত-উপর ॥
 নিবারয়ে অভিমন্যু নির্ভয়-শরীর ।
 ধনঞ্জয়-সম রণে অতি-বড়-বীর ॥
 শরঘৃষ্টি নিবারিয়া করে সিংহনাদ ।
 দেখি যত রথিগণ পাইল বিবাদ ॥

ভীষ্মকে মারিতে যত্ন অভিমন্যু করে ।
 নিবারয়ে ভীষ্ম-বীর হাতে ধনুঃশরে ॥
 কাটিয়া ভীষ্মের ধ্বজ ভূমিতে পাড়িল ।
 সৈন্যমধ্যে দেবগণ তাহে প্রশংসিল ॥

১. উল্লীষ্য পর্বতাত অর্জুনের পুত্র । ২. যৌগদীয় পুত্রতাত যুধিষ্ঠিরের পুত্র । ৩. কৃতবর্মা (যৌগদীয় পর্বতাত ৫)

ক্রোধে ভীষ্ম দিব্য-অস্ত্র সন্ধানে পুরিল ।
 অভিমন্যু-রথধ্বজ-সারথি কাটিল ॥
 দিব্য-অস্ত্র নিল ভীষ্ম সমরে দুর্জয় ।
 বিক্রিয়া জঙ্ঘর কৈলা অর্জুন-তনয় ॥
 মহাবীর অভিমন্যু নহে ভীতমন ।
 নকুলের রথে চড়ি করে মহারণ ॥

তবে মহারণী সব ল'য়ে অস্ত্রগণ ।

অভিমন্যু-রক্ষা-হেতু ধায় সর্বজন ॥
 ভীষ্মের উপরে করে বাণ-বরিষণ ।
 নিবারয়ে সব-অস্ত্র গঙ্গার নন্দন ॥
 সব-অস্ত্র নিবারিয়া সবারে বিক্লিল ।
 পাণ্ডবের সেনাগণে জর্জর করিল ॥
 শত-শত বাণ বীর একেবারে এড়ে ।
 শত-শত-মুণ্ড কাটি একেবারে পাড়ে ॥
 কাটিল অনেক অশ্ব রথী রথধ্বজ ।
 লক্ষ-লক্ষ আসোয়ার, লক্ষ-লক্ষ গজ ॥

ব্যাকুল পাণ্ডবসৈন্য রণে নহে স্থির ।

দেখি রুঘিলেন ধনঞ্জয় মহাবীর ॥
 ক্রোধে বলে, রথ লহ কুরু-সৈন্যমাঝে ।
 আজিকার যুদ্ধে বিনাশিব কুরুরাজে ॥
 যত কুরুগণে আজি করিব নিধন ।
 রাখিবারে না পারিবে গঙ্গার নন্দন ॥
 আশ্রমাত্র রথ চালাইলা নারায়ণ ।
 নানা-অস্ত্রবৃষ্টি করে ইন্দ্রের নন্দন ॥
 সহস্র-সহস্র বাণ এড়ি একবারে ।
 সহস্র-সহস্র মহারণীয়ে সংহারে ॥
 অসংখ্য পদাতি, কোটি-কোটি আসোয়ার ।
 লক্ষ-লক্ষ মত্তহস্তী করিল সংহার ॥
 অর্জুনের বিক্রমে ত্রাসিত কুরুগণ ॥
 সঙ্কটে না পারি ভঙ্গ দিল সর্বজন ॥

সৈন্যগণে প্রবেধিয়া শান্তনু-কুমার ।

অর্জুনের সহ যুদ্ধে হৈল আশুসার ॥
 যেন দুই অগ্নি আসি একত্রে মিলিল ।
 ভীষ্ম-অর্জুনেতে মিশামিশি যুদ্ধ হৈল ॥
 ক্রোধে অগ্নিবাণ ছাড়ে গঙ্গার নন্দন ।
 বরুণ-অস্ত্রেতে পার্থ করেন বারণ ॥
 হেনমতে দুইজনে মহাযুদ্ধ হৈল ।
 বাহুল্য-হেতুক তাহা লেখা নাহি গেল ॥
 অতি-ক্রোধে মহাবীর গঙ্গার নন্দন ।
 পরশুরামের অস্ত্র করিল ক্ষেপণ ॥
 তিনলোক কম্পমান দেখি অস্ত্রবর ।
 দশদিক্ অন্ধকার, কম্পে চরাচর ॥
 দেখি হইলেন ব্যস্ত প্রভু নারায়ণ ।
 অর্জুনে বলিলেন কোমল-বচন ॥
 নিবারণ কর অস্ত্র, হইল প্রলয় ।
 নহে সবসৈন্য আজি মরিবে নিশ্চয় ॥
 শুনি পার্থ ইন্দ্র-অস্ত্রে পুরিয়া সন্ধান ।
 অর্ধপথে কাটিয়া করিলা থান-থান ॥
 আকাশে প্রশংসা করে যত দেবগণ ।
 সাধু-সাধু মহাবীর ইন্দ্রের নন্দন ॥
 তবে পার্থ দিব্য-অস্ত্র করেন সন্ধান ।
 বাণে নিবারিল তাহা শান্তনু-সন্তান ॥
 দুইজনে দিব্যশিক্ষা মহাপরাক্রম ।
 কেহ কারে জিনিতে না পারে করি শ্রম ॥
 দৌহাকার ছিদ্র দৌহে খুঁজিয়া বেড়ায় ।
 না পায় সন্ধান, দৌহে সমরে দুর্জয় ॥

তবে কৃতবর্মা রূপ শল্য দুঃশল্যন ।

পাণ্ডব-সৈন্যেতে করে অস্ত্র-বরিষণ ॥
 উত্তর-কুমার তঁবে বরিষয়ে শর ।
 দশবাণে বিক্লিল শল্যের কলেবর ॥

চারিবাণে চারি-অঙ্গে কাটিল তখন ।
 দুইবাণে সারথিরে করিল নিধন ॥
 লজ্জা পেয়ে শল্যরাজ গদা গ্রহািরিল ।
 গদাঘাতে বিরাট-নন্দন পলাইল ॥
 ভ্রাতৃভঙ্গে শঙ্খবীর অত্যন্ত কুপিল ।
 হুবিপুল গদা এক শল্যে গ্রহািরিল ॥
 লাফ দিয়া এড়াইল মদ্র-অধিপতি ।
 ক্রোধে শঙ্খবীরে গদা মারে মহামতি ॥
 গদাঘাতে শঙ্খবীর হইল অজ্ঞান ।
 ভীমসেন গিয়া তারে করে পরিত্রাণ ॥
 নানাবিধ অস্ত্র মারে ভীম মহাবীর ।
 শরতে জর্জর হৈল শল্যের শরীর ॥
 তাহা দেখি আশু হৈল দুর্ঘ্যোধন-বীর ।
 চোখ-চোখ শরে বিদ্ধে ভীমের শরীর ॥
 ক্রোধে বুকোদর এড়ে নানা-দিব্য-শর ।
 বাণে বিদ্ধি দুর্ঘ্যোধনে করিলা জর্জর ॥
 ভীমের প্রতাপে স্থির নহে কুরুগণ ।
 ভঙ্গ দিয়া ভীষ্মে গিয়া লইল শরণ ॥
 এইরূপে ভীম মহাবিক্রম করিল ।
 অনেক কৌরব-সৈন্য রণে বিনাশিল ॥
 তাহা দেখি দ্রোণাচার্য্য ক্রোধাবিষ্ট-মন ।
 ভীমের উপরে করে বাণ-বরিষণ ॥
 বাণে বাণ নিবারিল বীর বুকোদর ।
 প্রলয় হইল যুদ্ধ মহাভয়ঙ্কর ॥
 ধনু ছাড়ি গদা ধরি করে সিংহধ্বনি ।
 চাহিয়া দেখেন তাহা অর্জুন আপনি ॥
 এই অবসর পেয়ে গঙ্গার কুমার ।
 রথি-দশ-সহস্রেরে করিল সংহার ॥
 রথী মারি জয়-ধ্বজে শঙ্খ বাজাইল ।
 অন্ত গেল বিনাশি ক্যাত্রি প্রবেশিল ॥

দুইদলে পড়িল যতেক সৈন্যগণ ।
 গজবাজী রথ-ধ্বজ, না যায় লিখন ॥
 ভয়ঙ্কর হৈল ভূমি, দেখি লাগে ভয় ।
 শাশান-সদৃশ হৈল, বৈসে প্রেতচয় ॥
 অসংখ্য কবন্ধ উঠে হাতে ধনুঃশর ।
 শৃগাল-কুকুরগণ-শব্দ নিরন্তর ॥
 প্রথম-দিনের যুদ্ধ সমাপ্ত হইল ।
 কৌরব-পাণ্ডব সব নিজস্থানে গেল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৫। শিখণ্ডীর পুণ্য-বৃত্তান্ত ।

জিহ্মাসিলা জন্মেজয় করিয়া বিনয় ।
 কিবা জিহ্মাসিলা তবে অশ্বিকা-তনয় ॥
 মুনি বলে, সঞ্জয়েরে জিজ্ঞাসে রাজন্ ।
 কহ শুনি, কি করিল পুত্র দুর্ঘ্যোধন ॥
 সঞ্জয় বলিল, রাজা, শুন দিয়া মন ।
 শিবিরে আসিয়া যুক্তি কৈল দুর্ঘ্যোধন ॥
 দুর্ঘ্যোধন দুঃশাসন গান্ধার-নন্দন ।
 তিনজনে মিলি গেলা ভীষ্মের সদন ॥
 সবিনয়ে ভীষ্মেরে বলয়ে দুর্ঘ্যোধন ।
 শুন মম নিবেদন গঙ্গার নন্দন ॥
 পূর্বেতে আমার অগ্রে কৈলে অঙ্গীকার ।
 পাণ্ডবে জিনিয়া মোরে দিবে রাজ্যভার ॥
 স্নেহেতে না মার তুমি পাণ্ডুর কুমার ।
 তব বাক্য ব্যর্থ হৈল, কি বলিব আর ॥
 আগে যদি করিতাম কর্ণে সেনাপতি ।
 দৃষ্টিমাত্রে পাণ্ডবে মারিত মহামতি ॥
 এই কথা দুর্ঘ্যোধন কহিল যখন ।
 শুনিয়া করিল ক্রোধে গঙ্গার নন্দন ॥

দুর্যোধনে চাহি তবে বলিলা বচন ।
 স্থির হও দুর্যোধন, না কহ এমন ॥
 যে প্রতিজ্ঞা করিয়াছি তোমার গোচরে ।
 কল্যাপাণ্ডু-পুত্র-গণে দিব যমঘরে ॥
 সোমক-পাঞ্চাল-আদি যত বীরচয় ।
 কল্য-প্রাতে মোর হাতে যাবে যমালয় ॥
 এক যুক্তি কহি আমি, শুন দুর্যোধন ।
 প্রকারেতে শিখণ্ডীরে করহ নিধন ॥
 অমঙ্গল ছরাচার সেই নরাধম ।
 তারে দেখি সিদ্ধ নয় আমার বিক্রম ॥
 পূর্বেতে প্রতিজ্ঞা মোর জানে সর্বজন ।
 অমঙ্গল দেখি আমি তেয়াগিব রণ ॥
 দৈবের নির্বন্ধ আছে, জানে সর্বজন ।
 শিখণ্ডীর করে মোর হইবে নিধন ॥
 পূর্বজন্মে নারী ছিল, অশ্বা নাম ধরে ।
 পতিরূপে ইচ্ছিল সে ভজিতে আমারে ॥
 বিভা না করিব আমি, প্রতিজ্ঞা আমার ।
 সে-কারণে পাপিনী করিল দুষ্ঠাচার ॥
 তার হেতু গুরু-সনে হৈল মহারণ ।
 শিখণ্ডীরে কর ভূমি কৌশলে নিধন ॥

ইহা শুনি দুর্যোধন বিস্মিত-হৃদয়ে ।
 পুনঃ জিজ্ঞাসিল করযোড়ে পিতামহে ॥
 কহ শুনি, পিতামহ, পূর্বের কাহিনী ।
 পূর্বেতে শিখণ্ডী ছিল কাহার নন্দিনী ॥
 শিখণ্ডী তোমার বৈরী হৈল কি-কারণ ।
 কি-কারণে গুরু-সনে কৈলে ভূমি রণ ॥

ভীষ্ম বলে, রহস্য শুনহ দুর্যোধন ।
 বিচিত্রবীৰ্য্যের পূর্বে বিবাহ-কারণ ॥
 বিজগৎ-মুখে আমি শুনিষু কাহিনী ।
 পরম-হৃন্দরী আছে কাশীর নন্দিনী ॥

একাধিক কন্যা তার আছে তিনজন ।
 শুনি কাশীরাজপুরে করিষু গমন ॥
 স্বয়ংবর আয়োজন কৈলা কাশীধর ।
 স্বয়ংবর হৈতে কন্যা হরিষু সত্তর ॥
 তিনকন্যা রথেতে তুলিষু সবহাতে ।
 হইল অনেক যুদ্ধ শাস্ত্রের সহিতে ॥
 সংগ্রামেতে শাস্ত্রেরে করিষু পরাজয় ।
 কন্যাগণে লৈয়া আসি আপন-আলয় ॥
 অশ্বা ও অশ্বিকা অশ্বালিকা তিনজন ।
 বিচিত্রবীৰ্য্যের সহ বিবাহ-কারণ ॥
 শুভক্ষণে বেদীমধ্যে বৈসে তিনজন ।
 হেনকালে অশ্বা তবে বলিল বচন ॥
 ইচ্ছা-বরী হৈয়া আমি বরিষু শাস্ত্রেরে ।
 ইহা জানি মোরে দেহ শাস্ত্র-নৃপবরে ॥
 এতেক শুনিয়া ত্যাগ করিষু তাহারে ।
 দুইকন্যা-সহ বিভা দিষু অনুজেরে ॥
 অশ্বিকা ও অশ্বালিকা কাশীর নন্দিনী ।
 পরম-হৃন্দরী রূপে ইন্দ্রের ইন্দ্রাণী ॥
 অশ্বারে যখন আমি করিষু বর্জজন ।
 সত্তরে চলিল কন্যা শাস্ত্রের সদন ॥
 অনেক-প্রকারে তবে কহিল শাস্ত্রেরে ।
 ইচ্ছা ছিল, তোমারে বরিব স্বয়ংবরে ॥
 অবিচার করি দুষ্ঠ গঙ্গার-নন্দন ।
 স্বয়ংবর হৈতে মোরে করিল হরণ ॥
 একথা প্রচার হৈল সভার ভিতরে ।
 সে-কারণে ভীষ্ম ত্যাগ করিল আমারে ॥
 তোমা-ভিন্ন রাজা, মোর অন্তে নাহি মন ।
 জানিয়া আমারে রাজা করহ গ্রহণ ॥
 ইহা শুনি শাস্ত্র চিত্তে কৈল নিরুপণ ।
 বিচার করিষু তুমারে না কৈল গ্রহণ ॥

পুনরপি কন্যা তবে এল মোর ঘরে ।
 কহিল আমার কন্যা অনেক-প্রকারে ॥
 সর্ব্ব-ধন্য জ্ঞাত তুমি, গঙ্গার কুমার ।
 হাতে ধরি তুলি নিলে রথে আপনার ॥
 পূর্ব্বাপর আছে হেন শাস্ত্রের বচন ।
 স্নয়ংবরা-কন্যা যেই করয়ে গ্রহণ ॥
 সেই তার পতি হয়, বেদের বিচার ।
 অন্যের তাহাতে নাহি আছে অধিকার ॥
 জানিয়া-শুনিয়া বিভা না কৈলে আমারে ।
 নারী-হত্যা-পাপ দিব তোমার উপরে ॥
 আমিও কহিনু তারে শুনহ ভামিনি ।
 পূর্ব্বের প্রতিজ্ঞা মোর, জানহ কাহিনী ॥
 পিতার বিবাহ-হেতু কৈনু অঙ্গীকার ।
 বিবাহ না করি, সত্য-বচন আমার ॥

এত শুনি অশ্বা তবে করয়ে রোদন ।
 অরণ্যের মধ্যে প্রবেশিল ততক্ষণ ॥
 একাকী অরণ্য-মধ্যে করয়ে ক্রন্দন ।
 হেনকালে নারদের সঙ্গে দরশন ॥
 ব্যাকুল হইয়া তবে কহে মহামুনি ।
 কি-কারণে কান্দ কন্যা, কহ, আমি শুনি ॥
 ইহা শুনি কহে কন্যা যুড়ি দুইকর ।
 নিবেদন করি, শুন, ওহে মুনিবর ॥
 অবিচার কৈল ভীষ্ম গঙ্গার নন্দন ।
 স্নয়ংবরে হরি ছুষ্ঠ না কৈল গ্রহণ ॥
 অনাহারে থাকি আমি দেহ করি ত্যাগ ।
 ত্যজি তার প্রতি মম যত অনুরাগ ॥

ইহা শুনি হৃদে মুনি ভাবি ততক্ষণ ।
 কন্যারে চাহিয়া কহে কক্কণ-যচন ॥
 নাহি ত্যজ প্রাণ, কর, কহি যে-প্রকার ।
 শীত্রগতি যাহ, যথা ভৃগুর কুমার ॥

ভীর প্রিয়শিষ্য হয় গঙ্গার নন্দন ।
 বহুবিধ-মতে তাঁরে করিবে স্তবন ॥
 প্রসন্ন হইয়া তবে কহিবে ভীষ্মেরে ।
 তাঁহার বচন ভীষ্ম খণ্ডাইতে নারে ॥
 গুরু-আজ্ঞা ভীষ্ম নাহি করিবে হেলন ।
 সধর্ম্ম রাখিয়া তোমা করিবে গ্রহণ ॥

এত বলি অন্তর্হিত হৈলা তপোধন ।
 শীত্রগতি গেল কন্যা ভাগব-সদন ॥
 অনেক-প্রকারে স্তব মূনির করিল ।
 তুষ্ট হৈয়া বর তারে ভৃগুরাম দিল ॥
 তোমার স্তবেতে কন্যা তুষ্ট হৈনু আমি ।
 যেই-বর ইচ্ছা, কন্যা, মাগি লহ তুমি ॥
 ইহা শুনি কহে কন্যা যুড়ি দুইকর ।
 আমার বাঞ্ছিত দেব, শুনহ উত্তর ॥
 তব প্রিয়শিষ্য হয় গঙ্গার নন্দন ।
 স্নয়ংবরে হরি মোরে না কৈলা গ্রহণ ॥

ইহা শুনি কন্যা-সহ ভৃগুর নন্দন ।
 সত্বরেতে উপনীত আমার সদন ॥
 গুরুরে দেখিয়া আমি নমি ভক্তিভরে ।
 পাণ্ড-অর্থ্য দিয়া তাঁরে পূজিষু সত্বরে ॥
 তবে ভৃগুরাম মোরে বলিলা বচন ।
 এই কন্যা কেন তুমি না কর গ্রহণ ॥
 স্নয়ংবর হৈতে আনি না কর গ্রহণ ।
 হরিয়। আনিয়া ত্যাগ কর কি-কারণ ॥
 নারী-বধ-পাপ ভীষ্ম, পাবে পরিণামে ।
 এইরূপে বহু মোরে কহে গুরু-রামে ॥

হৃদয়ে চিন্তিয়া তাঁরে দিলাম উত্তর ।
 পূর্ব্বের প্রতিজ্ঞা মোর জান ভৃগুবর ॥
 পিতার বিবাহ-হেতু কৈনু অঙ্গীকার ।
 বিবাহ না করি, নাহি লই রাজ্যভার ॥

কক্রিয়-প্রতিজ্ঞা প্রভু, না করিব আন ।

ধর্ম্যধর্ম্য সব জান তুমি মতিমান্ ॥

জানিয়া সকলি যদি কহ ভৃগুবর ।

তুমি হেন বল দেবু, কি দিব উত্তর ॥

ইহা শুনি পুনরপি বলে গুরুবর ।

নাহিক ইহাতে কিছু দোষ গুরুতর ॥

আমার বচন শুন, না কর খণ্ডন ।

সর্বধর্ম্য জানি, কর ইহারে গ্রহণ ॥

আমি কহিলাম দেব, নহে কদাচন ।

ইহা শুনি ক্রোধ কৈল ভৃগুর নন্দন ॥

গুরুবাক্য না শুনিলি তুই দুরাচার ।

এই দোষে তোরে আমি করিব সংহার ॥

ইচ্ছা-মৃত্যু এইহেতু কর অহঙ্কার ।

আমার ক্রোধেতে কারো নাহিক নিস্তার ॥

যুদ্ধ কর মোর সঙ্গে, শুন ছুটমতি ।

ইহা শুনি বাহির হইলু শীত্ৰগতি ॥

নানা-অস্ত্র লৈয়া দৌহে আরন্তিলু রণ ।

পরম্পর দৌহে হৈল বাণ-বরিষণ ॥

যত অস্ত্র মারে গুরু, করি খণ্ড-খণ্ড ।

ক্রোধেতে এড়িল তবে বাণ যমদণ্ড ॥

আকাশে উঠিল অস্ত্র দেখি ভয়ঙ্কর ।

বিষম দুর্জয় বাণ আইসে সম্বর ॥

মোর তুণে আছিল বশিষ্ঠ-দত্ত বাণ ।

সেই অস্ত্র মারি বাণ কৈলু ছুইখান ॥

অস্ত্র ব্যর্থ গেল, ক্রোধ কৈল ভৃগুবর ।

শক্তি ফেলি মারিলেক আমার উপর ॥

দিব্য-অস্ত্র দিয়া কাটি ফেলিলু সম্বর ।

কুঠার লইয়া তবে আসে মারিবারে ॥

বশিষ্ঠের দত্ত অস্ত্র নাম ব্রহ্মশির ।

তাহাতে সর্জক কৈলু ভৃগুর শরীর ॥

অতঃপর গিয়া আমি গুরুর গোচরে ।

প্রণমিয়া পদযুগে রহি যোড়করে ॥

সদয় হইয়া গুরু আশীর্বাদ করি ।

অস্থারে কহেন তবে মনেতে বিচারি ॥

সর্বশক্তি ব্যর্থ কন্যে, দেখিলা সাক্ষাতে ।

না দেখি উপায় তব বাঞ্ছা পুরাইতে ॥

এত বলি গুরু গেল। মহেশ্বর-পর্বতে ।

নিরাশ হইয়া কন্যা প্রবেশে বনেতে ॥

শিবেরে আরাধি কন্যা তপ আরন্তিল ।

আমারে বধিবে সেহ, এ-বর লভিল ॥

তবে কন্যা কার্ত্ত দিয়া জ্বালি বৈশ্বানর ।

প্রতিজ্ঞা করিল সর্বব্রাহ্মণ-গোচর ॥

আমার বচন কভু না হয় খণ্ডন ।

অন্যজন্মে ভীষ্মে আমি করিব নিধন ॥

ইহা বলি কন্যা যে অগ্নিতে প্রবেশিল ।

ক্রপদের গৃহে আসি জনম লইল ॥

পুরুষত্ব লভে কন্যা স্বগাকর্ণ-বরে ।

সেই এ শিখণ্ডী, দেখ সংগ্রাম-ভিতরে ॥

ইহারে দেখিলে অগ্রে ত্যজি ধনুঃশর ।

অলঙ্ঘ্য প্রতিজ্ঞা মম, জান কুরুবর ॥

প্রকারে তাহারে তুমি করহ সংহার ।

তাহারে মারিলে জয় হইবে তোমার ॥

হুর্ঘ্যোদন বলে, এই কোন্ চিত্রকথা ।

কালি যুদ্ধে শিখণ্ডীকে মারিব সর্বথা ॥

মহাভারতের কথা অমৃত-লহরী ।

শুনিলে অধর্ম্য খণ্ডে, ভব-পারে তরি ॥

মস্তকে লইয়া ব্রাহ্মণের-পদরজ ।

পয়ার-প্রবন্ধে কহে গদাধরাগ্রজ ॥

৯। দ্বিতীয় দিবসের যুদ্ধ।

শিবিরে গেলেন যুধিষ্ঠির-মহাশয়।

রণবেশ ছাড়ি সবে বসিল সভায় ॥

ভীষ্ম-পরাক্রম সবে বাধানে বিস্তর।

অযুতেক মহারথী দিল যমঘর ॥

না হয় নিমেষ পূর্ণ, পেয়ে অবসর।

রাখিলা প্রতিজ্ঞা নিজ গঙ্গার কোণ্ডর ॥

ধর্ম বলিলেন, কৃষ্ণ, করি নিবেদন।

বড়ই দুষ্কর পিতামহ-সনে রণ ॥

মহাপরাক্রান্ত বীর দুর্জয় সংসারে।

দেবাসুর খাঁর নামে সদা কাঁপে ডরে ॥

হেন-বীর-সহ আর কে করিবে রণ।

কিরূপে হইবে জয়, কহ নারায়ণ ॥

শ্রীহরি বলেন, রাজা, চিন্তা নাহি মনে।

কালি সেনাপতি কর বিরাট-নন্দনে ॥

অর্জুন করিবে কুরু-সৈন্যের সংহার।

শুনিয়া বিস্মিত অতি ধর্মের কুমার ॥

শ্রীহরি বলেন, রাজা করি নিবেদন।

ইহাতে বিস্ময় নাহি করিও কখন ॥

এতেক বলিয়া কৃষ্ণ বুঝাইল তাঁরে।

কহিতে লাগিল। তবে বিরাট-রাজেরে ॥

কল্য সেনাপতি কর শঙ্খ-মহাবীরে।

কৌরবের সেনাগণে মারিবে অচিরে ॥

শুনিয়া বিরাট বড় আনন্দ পাইল।

কৃতজ্ঞ করি শুব করিতে লাগিল ॥

মম পূর্বজন্ম-ভাগ্য না যায় কখন।

হেন যুদ্ধে সেনাপতি আমার নন্দন ॥

তবে রাজা শঙ্খে আনি অভিষেক করে।

আনন্দে-পাণ্ডবগণ ভাসে সুখনিরে ॥

করযোড় করি বলে শঙ্খ ধমুর্জর।

এক নিবেদন করি শুন গদাধর ॥

অমুগ্রহ করি মোরে কৈলে সেনাপতি।

ভীষ্ম-সহ যুঝি, হেন নাহিক সারথি ॥

সারথি-অভাবে যুদ্ধ না হয় শোভন।

ইহার উপায় আশ্রয় কর নারায়ণ ॥

তবে কৃষ্ণ সাত্যকিরে বলেন সম্বর।

আপনি সারথি হও, শুন বীরবর ॥

শুনিয়া সাত্যকি-বীর করিল স্বীকার।

প্রভাতে সমরে সবে করে আগুসার ॥

দুইদলে বাণ্য বাজে মহা-গণ্ডগোল।

প্রলয়-কালেতে যেন সমুদ্রে-কল্লোল ॥

দুইদলে মিশামিশি হৈল মহারণ।

কার শক্তি আছে তাহা করিতে বর্ণন ॥

শ্রুতমাত্র কহি আমি রচিয়া পয়ার।

অবহেলে শুনে যেন সকল সংসার ॥

তবে ভীষ্ম মহাবীর শাস্ত্র-নন্দন।

সেনাপতি শঙ্খে দেখি সবিস্ময়-মন ॥

সিংহনাদ করি বীর করে শঙ্খধ্বনি।

ত্রিভুবন কম্পমান সেই শব্দ শুনি ॥

অগ্র হ'য়ে শঙ্খবীর সিংহনাদ করে।

সন্ধান পূরিল বাণ ভীষ্মের উপরে ॥

আকর্ণ টানিয়া ধনু এড়ে দশ-বাণ।

অর্জুপথে ভীষ্ম তাহা করে খান-খান ॥

যত অস্ত্র এড়ে শঙ্খ, কাটে ভীষ্মবীর।

জর্জর করিয়া বিচ্ছেদ শঙ্খের শরীর ॥

বাণাঘাতে বিরাট-নন্দন মূর্ছা গেল।

সাত্যকি লইয়া রথ পশ্চাৎ করিল ॥

দ্রোণ-ধৃষ্টদ্যুম্ন হৈল বোরতর রণ।

চমকিত হ'য়ে তবে দেখে সর্বজন ॥

ধনঞ্জয় মহাবীর ইন্দ্রের কুমার ।
 মারিতে কৌরব-সৈন্য করে মহামার ॥
 রথ-গজ-পদাতিক পড়ে সারি-সারি ।
 যত মারিলেন সৈন্য, কহিতে না পারি ॥
 মহাকোলাহল হৈল কৌরবের দলে ।
 প্রাণভয়ে যোদ্ধগণ পলায় সকলে ॥
 দেখি রাজা দুর্যোধন বহু-সৈন্য লৈয়া ।
 অর্জুন-সম্মুখে গেল সাহস করিয়া ॥
 বাণ-বরিষণ করে অর্জুন-উপর ।
 বরিষা-কালেতে যেন বর্ষে জলধর ॥
 এককালে সহস্র-সহস্র বীরগণ ।
 মুঘল মুদগর শেল বর্ষে অগণন ॥
 দেখি পার্শ্ব দিব্য-অস্ত্র যুড়িয়া কাশ্মুকে ।
 নিমিষে সবার অস্ত্র নিবারেন হুখে ॥
 কাটিয়া সবার অস্ত্র ইন্দ্রের নন্দন ।
 নিজ-অস্ত্রে সবাকারে করেন ঘাতন ॥
 অস্ত্রাঘাতে দুর্যোধন ব্যথিত হইয়া ।
 পলাইল নীচবৎ সমর ত্যজিয়া ॥
 ক্রোধে ধনঞ্জয় করিলেন মহামার ।
 সহস্র-সহস্র রথী করিল সংহার ॥
 পলায় সকল-সৈন্য রণে নহে স্থির ।
 সৈন্যভঙ্গ দেখি তবে রুষে ভীষ্মবীর ॥
 অর্জুন-সম্মুখে আসি ধনুঃশর ধরি ।
 কহিতে লাগিল বীর অহঙ্কার করি ॥
 অসাক্ষাতে মারিলে যে মম বহুসেনা ।
 সাক্ষাতে যুবক এবে দেখি বীরপণা ॥
 এত বলি দিব্য-অস্ত্রে পুরিল সন্ধান ।
 অর্জুপথে পার্শ্ব করিলেন খান-খান ॥

পুনঃ দিব্য-অস্ত্র এড়ে গজার নন্দন ।
 যেন জলধর ঘন করে বরিষণ ॥
 অস্ত্রে অস্ত্র নিবারেন অর্জুন প্রচণ্ড ।
 বহুসৈন্য মারি বীর করে খণ্ড-খণ্ড ॥
 হেনমতে যুঝে দৌহে নাহি দিশপাশ' ।
 না লয় নিমেষ দৌহে, না ছাড়ে নিঃশ্বাস ॥

ভীমসেন মহাবীর অতুল-প্রতাপ ।
 মারিয়া কৌরবসৈন্য করে একচাপ ॥
 ভীমের প্রতাপে আর কেহ নহে স্থির ।
 দেখিয়া রুঘিল ভানুমান্ মহাবীর ॥
 অতুল-প্রতাপ দৌহে মহাপরাক্রম ।
 সংগ্রামে দুর্জয় দৌহে কেহ নহে কম ॥
 অভিমন্যু-অশ্বথামা দৌহে হয় রণ ।

দৌহে দৌহা মারে অস্ত্র করি প্রাণপণ ॥
 শল্যরাজে দেখিয়া উত্তর বীরবর ।
 একেবারে মারে ঘাটি-সহস্র তোমর ॥
 কুজাটিতে আচ্ছাদিল যেন হিমালয় ।
 তাদৃশ প্রহারে অস্ত্র বিরাট-তনয় ॥
 বাণে বাণ নিবারয়ে মন্ত্র-অধিপতি ।
 অস্ত্র-সব কাটি তার কাটিল সারথি ॥
 রথধ্বজ কাটে আর চারি অধ্বর ।
 মুঘলের ঘাতে তারে দিল যমঘর ॥
 পড়িল উত্তর-বীর বিরাট-নন্দন ।
 হাহাকার করে তবে যত যোদ্ধগণ ॥

পুঞ্জের নিধন দেখি বিরাট-নৃপতি ।
 শল্যরাজ-সম্মুখে আসিল শীঘ্রগতি ॥
 মুখামুখি দুইজনে হইল সমর ।
 একত্র মিলিল যেন দুই বৈশানর ॥

দৌহে দৌহাকারে বিদ্ধে করি প্রাণপণ ।
 উভয়ে সমান-যোদ্ধা সমান-বিক্রম ॥
 ঘটোৎকচ-অলম্ব-যুদ্ধে নাহি গুর' ।
 রাক্ষসী-মায়ায় করে অন্ধকার ঘোর ॥
 রূপ-পাঞ্চালেতে' যুদ্ধ অদ্ভুত-কথন ।
 দৌহে দৌহা-প্রতি করে বাণ-বরিষণ ॥
 দৌহাকার অস্ত্র দৌহে নিবারণ করে ।
 দৌহে সম, কেহ কারে পরাজিতে নারে ॥
 হেনমতে দুই-সৈন্যে মহাযুদ্ধ হয় ।
 লক্ষ-লক্ষ সেনাপতি যায় যমালয় ॥
 রুমিলেক শঙ্খবীর সবার সাক্ষাৎ ।
 কৌরবের বহু-সেনা করিল নিপাত ॥
 হইল কৌরব-সৈন্যে মহাকোলাহল ।
 দেখিয়া ধাইল তবে দ্রোণ মহাবল ॥
 শঙ্খবীর-প্রতি গুরু বলেন বচন ।
 এত অহঙ্কার তোর বিরাট-নন্দন ॥
 নিঃসহায় পেয়ে সৈন্য মারিলি অনেক ।
 সাক্ষাতে বুঝিব তোর ক্ষমতা যতেক ॥
 এতেক বলিয়া গুরু পুরিল সন্ধান ।
 একবারে প্রহারিল দশগোটা বাণ ॥
 মহাবেগে আসে বাণ গগন-উপর ।
 দেখিয়া ত্রাসিত হৈল যতেক অমর ॥
 বাণ দেখি শঙ্খবীর সন্ধান পুরিল ।
 দ্রোণের যতেক বাণ কাটিয়া ফেলিল ॥
 অস্ত্র ব্যর্থ গেল, গুরু ক্রোধে হতাশন ।
 শঙ্খের উপরে করে বাণ-বরিষণ ॥
 বাণে বাণ নিবারয়ে শঙ্খ ধনুর্ধর ।
 দ্রোণ-রথধ্বজ কাটে মারি পঞ্চ-শর ॥

আকর্ণ পুরিয়া বীর করিল সন্ধান ।
 দ্রোণের ধনুক কাটি করে খান-খান ॥
 চকু পালটিতে গুরু আর ধনু নিল ।
 শঙ্খ নাহি দিতে শঙ্খ কাটিয়া ফেলিল ॥
 রথের সারথি কাটে আর চারি হয় ।
 আর রথে চড়ে তবে দ্রোণ-মহাশয় ॥
 শঙ্খের বিক্রম দেখি কৌরবে বিষাদ ।
 পাণ্ডবের সৈন্যগণ ছাড়ে সিংহনাদ ॥
 লজ্জা পেয়ে দ্রোণাচার্য্য ক্রোধে হতাশন ।
 ধনু ধরি কহে করি তর্জন-গর্জন ॥
 শিশু হ'রে কেন তোর এত অহঙ্কার ।
 এই বাণে পাঠাইব তোরে যমদ্বার ॥
 এক অস্ত্র বিনা যদি অন্য অস্ত্র মারি ।
 দ্রোণাচার্য্য-নাম তবে বুঝা আমি ধরি ॥
 মস্ত্রে অভিষেক করি ব্রহ্ম-অস্ত্র নিল ।
 আকর্ণ পুরিয়া গুরু সন্ধান করিল ॥
 তেজোময় ব্রহ্ম-অস্ত্র পরশে আকাশ ।
 দেখি যত দেবগণ পাইল তরাস ॥
 যত ষোড়শগণ দেখি করে হাহাকার ।
 সাত্যকি বলয়ে শুন বিরাট-কুমার ॥
 এ-অস্ত্র কাটিতে তব না হইবে শক্তি ।
 অর্জুন-নিকটে যাও, এই হয় যুক্তি ॥
 সাত্যকির প্রতি বলে শঙ্খ ধনুর্ধর ।
 ক্ষত্রধর্ম্য ত্যজি কেন প্রাণেতে কাতর ॥
 সম্মুখ-সংগ্রামে যদি হইবে নিধন ।
 সুরলোক' প্রাপ্ত হব, না হয় ঋগুন ॥
 মহাতেজে আসে বাণ অগ্নি-জ্যোতির্ময় ।
 দেখিয়া সাত্যকি বড় মনে পায় ভয় ॥

শাশ্বত্রে বলিল, বাক্য লঙ্ঘন না কর ।
 পতঙ্গের প্রাণ কেন রূথা পুড়ি মর ॥
 রথ ল'য়ে ঘাই চল অৰ্জ্জুন-সাক্ষাতে ।
 তবে সে পাইবে রক্ষা এ-মহা-উৎপাতে ॥
 মহাক্রোধে বলে শঙ্খ বিরাট-তনয় ।
 কি-কারণে পলাইতে কহ মহাশয় ॥
 সেনাপতি করিলেন প্রভু নারায়ণ ।
 অপযশ রাখিব কি করি পলায়ন ॥

এতেক বলিয়া বীর ধনু হাতে নিল ।

ব্রহ্ম-অস্ত্র কাটিবারে সন্ধান পুরিল ॥
 ব্রহ্ম-অস্ত্র-তেজে বাণ ভস্ম হ'য়ে গেল ।
 দেবগণ হাহাকার আকাশে করিল ॥
 করিলেন দ্রোণ বড় অবিচার রণে ।
 শিশুর উপরে ব্রহ্ম-অস্ত্র-নিক্ষেপণে ॥
 যেমন প্রলয়কালে আদিত্য প্রকাশে ।
 তাদৃশ অস্ত্রের তেজ, পঙ্জিয়া আইসে ॥
 দেখিয়া সাত্যকি ভয়ে রথ ফিরাইল ।
 লক্ষ দিয়া শঙ্খবীর ভূমিতে পড়িল ॥
 বুক পাতি রহে বীর হাতে ধনুঃশর ।
 ব্রহ্ম-অস্ত্র-তেজে ভস্ম হৈল কলেবর ॥
 শাশ্বত বিনাশিয়া অস্ত্র ফিরিয়া আসিল ।
 দেখি যত যোদ্ধাগণ আশ্চর্য্য মানিল ॥

অৰ্জ্জুন-ভীষ্মেতে যুদ্ধ নাহি পাঠান্তর ।

দৌহে অতি শীঘ্রহস্ত মহাধনুর্ধর ॥
 অৰ্জ্জুনের ছিদ্ৰ ভীষ্ম খুঁজিয়া বেড়ায় ।
 তিল-অৰ্দ্ধ অবসর কদাচ না পায় ॥
 ব্রহ্ম-অস্ত্র-তেজ যবে প্রত্যক্ষ হইল ।
 কণেক পার্থের দৃষ্টি তাহাতে পড়িল ॥

এই অবসরে বীর শাস্ত্র-নন্দন ।
 রথি-দশ-সহস্রে কহিল নিধন ॥
 জয়শঙ্খ বাজাইল, দিবা-অবসান ।
 দ্বিতীয় দিনের যুদ্ধ হৈলা সমাধান ॥
 কোরব-পাণ্ডব-দলে যত যোদ্ধা বীর ।
 সবে চলি গেল তব আপন-শিবির ॥
 মহাভারতের কথা অযুত-সমান ।
 কাশীরাম দাস কহে, শুনে পুণ্যবান ॥

৭। তৃতীয় দিবসের বৃদ্ধ ।

শিবিরেতে গিয়া যুধিষ্ঠির মহারাজ ।
 স্নানদান করিয়া বসিলা সভাষাথ ॥
 সাস্থনা করেন বহু বিরাট-রাজনে ।
 স্বর্গে গেল পুত্র তব, শোক কি-কারণে ॥
 শোক ত্যজ, মহারাজ, স্থির কর মন ।
 জন্মিলে অবশ্য মৃত্যু, না হয় খণ্ডন ॥
 বিরাট বলিল, মম পূর্বপুণ্য ছিল ।

তৌই মম পুত্র কজ্জধর্ম্ম আচরিল ॥
 সম্মুখ-সংগ্রামে তুমি যত বীরগণে ।
 হুরলোকে গেল, তায় শোক অকারণে ॥

তবে রাজা যুধিষ্ঠির করি যোড়হাত ।
 সবিনয়ে বলিলেন শ্রীহরি-সাক্ষাৎ ॥
 দুইদিন যুদ্ধ হৈল পিতামহ-সনে ।
 রথি-বংশ-সহস্রে সংহারিল রণে ॥
 প্রাণপণে রাখিবারে নারে ধনঞ্জয় ।
 কি-প্রকারে সমরেতে হইবেক জয় ॥

অৰ্জ্জুন বলেন, রাজা, না করিহ ভয় ।
 পূর্বের অরণ্যের কথা স্মর মহাশয় ॥

কাম্যবনে আছিলাম যবে আমা-সবে ।
 চুৰ্ব্বাসারে পাঠাইল পাণিষ্ঠ কৌরবে ॥
 তাঁর সঙ্গে শিষ্য ষাটি-সহস্র আসিল ।
 নিশাযোগে আসি মুনি পারণ মাগিল ॥
 হইলাম ব্যস্ত সবে না দেখি উপায় ।
 ব্যাকুল্যে ক্রপদ-স্থতা স্মরে যহুরায় ॥
 দ্বারকায় আছিলেন প্রভু নারায়ণ ।
 দ্রৌপদী স্মরণ করে জানিয়া কারণ ॥
 ব্যস্ত হ'য়ে বনমালী চড়ি গরুড়েরে ।
 কাম্যবনে আসিলেন পাণ্ডবে তারিতে ॥
 ক্ষুধায় ব্যাকুল যেন, মাংস ভোজন ।
 দ্রৌপদী বলিল, কোথা পাব জনার্দন ॥
 দশ-দণ্ড রাত্রি পরে করিনু ভোজন ।
 তার পর আসিলা চুৰ্ব্বাসা-তপোধান ॥
 দ্বিতীয় প্রহর রাত্রি কিছু নাহি ঘরে ।
 কাতরা হইয়া আমি ডাকিনু তোমারে ॥
 আমা-সবা-ভাগ্যে তুমি ক্ষুধায় অকূল ।
 নিশ্চয় মজিল আজি পাণ্ডবের কূল ॥
 শ্রীহরি বলেন, তুমি দেখ পাকস্থালী ।
 ক্ষুধায় অন্তর মম যাইতেছে জ্বলি ॥
 তবে কৃষ্ণা পাকস্থালী-মধ্যে নিরীক্ষিয়া ।
 কণামাত্র শাক-অন্ন আসিল লইয়া ॥
 পদ্মহস্তে সমর্পণ করে যাজ্ঞসেনী ।
 খাইলেন মহানন্দে গোবিন্দ আপনি ॥
 তৃপ্তোৎসাহ বলিয়া তিনি ছাড়েন উদ্যার ।
 তাহাতে হইল তৃপ্ত সকল সংসার ॥
 সন্ধ্যা-হেতু গিয়াছিল মহাতপোধান ।
 উদয় পুরিয়া উঠে উদ্যার তখন ॥

ভয়-লজ্জা উপজিল, পলাইল সবে ।
 এইরূপে সদা যিনি রঞ্জন পাণ্ডবে ॥
 সেই কৃষ্ণ মম রথে হ'লেন সারথি ।
 অবশ্য হইবে জয়, শুন নরপতি ॥
 অর্জুন-বচনে রাজা প্রবোধ পাইয়া ।
 বিভাবরী বঞ্চিলেন ভ্রাতৃগণে লৈয়া ॥
 পরদিন-প্রভাতে মিলিল দুইদল ।
 নানা-বাণ্ড বাজে, বহুমতী টলমল ॥
 করিলা গরুড়-বৃহ ভীষ্ম কুরুবর ।
 অগ্রেতে রহিলা নিজ সমরে তৎপর ॥
 দ্রোণাচার্য্য কৃতবর্মা চক্ষু নিরমিল ।
 দুঃশাসন শল্য দুই পক্ষতি' হইল ॥
 অশ্বত্থামা কৃপাচার্য্য দুই বীরবর ।
 শিরোদেশ-রক্ষা করে হাতে ধনুঃশর ॥
 ভূরিশ্রবা ভগদত্ত জয়দ্রথ-বীর ।
 ধনুঃশর-হস্তে রহে গ্ৰীবাদেশে স্থির ॥
 পৃষ্ঠে রাজা দুর্যোধন সোদর-সহিত ।
 পুচ্ছে বিন্দ অমুবিন্দ বীর-সমদ্বিত ॥
 মগধ-কলিঙ্গ-সৈন্য সমরে চুর্জয় ।
 ধনুঃশর-হস্তে সবে সব্য-পক্ষে' রয় ॥
 বাম-পক্ষে বৃহদ্রথ সঙ্গে বীরগণ ।
 গরুড়-সদৃশ ব্যূহ করিলা রচন ॥
 প্রতিব্যূহ করিলেন পার্শ্ব মহামতি ।
 অর্জুচন্দ্র-নামে ব্যূহ তাদৃশ আকৃতি ॥
 দক্ষিণ-ভাগেতে রহে বীর বৃকোদর ।
 তার পাছে বিরাট ক্রপদ ধনুর্ধর ॥
 নীল-নামে মহারাজ ধৃষ্টকেশু-সনে ।
 ধৃষ্টদ্যুম্ন-সিংহী রহিল অশুক্রমে ॥

মধ্যে রাজা যুধিষ্ঠির সাত্যকি-সহিত ।
 অভিমন্যু-ঘটোৎকচ-বীর-সমস্থিত ॥
 সম্মুখেতে রহিলেন বীর ধনঞ্জয় ।
 গোবিন্দ সারথি ষাঁর, সমরে দুর্জয় ॥
 পরস্পর দুইদলে হৈল হানাহানি ।
 সৈন্য-কোলাহলে কর্ণে কিছু নাহি শুনি ॥
 রথে-রথে গজে-গজে অশ্ব-অশ্ববর ।
 পদাতি-পদাতি রণ হাতে ধনুঃশর ॥
 নানা-অস্ত্র-রুষ্টি করে বিক্রমে বিশাল ।
 নারাচ ভূষণী অর্জুচন্দ্র ভিন্দিপাল ॥
 নানা-বাণ বরিষয়ে সমরে দুর্জয় ।
 শোণিতে কর্দম ভূমি, দেখি লাগে ভয় ॥
 অজ্ঞাঘাতে মহাশব্দ উঠিল গগনে ।
 বিনামেঘে সৌদামিনী দেখি ঘনে-ঘনে ॥
 ভীষ্ম দ্রোণ রূপ শল্য শকুনি বিকর্ণ ।
 ক্রোধে সব সেনাপতি যেমত স্থপর্ণ ॥
 ক্রুদ্ধ হ'য়ে প্রবেশিল সংগ্রামের স্থল ।
 তাহা দেখি আগু হৈল পাণ্ডবের দল ॥
 ভীমসেন ঘটোৎকচ রাক্ষস দুর্জয় ।
 ধৃষ্টদ্যুম্ন সাত্যকি দ্রুপদ মহাশয় ॥
 শরবর্ষে গগনেতে হৈল অন্ধকার ।
 যত মহারথী করে অস্ত্রের সঞ্চার ॥
 ব্যূহ মধ্যে প্রবেশিলা বীর ধনঞ্জয় ।
 হস্তিযুগ্ম মধ্যে যথা সিংহ প্রবেশয় ॥
 গাভীৰ-কান্দুৰ-হস্তে, গোবিন্দ সারথি ।
 দেখিয়া বেড়িল তাঁরে কুরু-যোদ্ধাপতি ॥
 সহস্র-সহস্র বাণ চারিদিকে মারে ।
 যার যত পরাক্রম, সেই অনুসারে ॥

পরিঘ তোমর গদা পরশু মুঘল ।
 অর্জুনে বেড়িয়া মারে যত কুরুবল ॥
 গগনেতে রুষ্টি যেন বর্ষে নিরন্তর ।
 সেইমত অস্ত্ররুষ্টি অর্জুন-উপর ॥
 ক্ষিপ্ৰহস্তে ধনঞ্জয় নিবারেন বাণ ।
 আকাশে অমরগণ করেন বাধান ॥
 সবাকার অস্ত্র কাটি পুরিয়া সন্ধান ।
 সবাকারে মারে বীর স্থশাগিত বাণ ॥
 অদ্ভুত বিচিত্র শিক্ষা খ্যাত তিনলোকে ।
 কাহারো না হয় শক্তি আসিতে সম্মুখে ॥
 তবে মহাবীর পার্থ ইন্দ্রের নন্দন ।
 মারিলা কত যে সৈন্য, কে করে গণন ॥
 অর্জুন-সম্মুখে আর কেহ নাহি রয় ।
 সম্মুখে যাহারে পান, দেন যমালয় ॥
 অভিমন্যু ঘটোৎকচ সমরে প্রচণ্ড ।
 কোঁরবের যোদ্ধগণে করে লণ্ডভণ্ড ॥
 রণেতে প্রবেশ করে সাত্যকি দুর্জয় ।
 অনেক কোঁরব-সৈন্য করিলেন ক্ষয় ॥
 তবে ত সৌবল-রাজ কুপিত হইল ।
 তর্জন করিয়া সাত্যকিরে ডাক দিল ॥
 মারিলে অনেক সৈন্য রণের ভিতর ।
 পড়িলে আমার হাতে যাবে বশবর ॥
 এতেক বলিয়া রাজা মারে পঞ্চবাণ ।
 সাত্যকির রথ কাটি করে খান-খান ॥
 বিরথ হইয়া বীর লজ্জা পায় রণে ।
 অভিমন্যু-রথে গিয়া চড়ে সেইক্ষণে ॥
 দ্রোণ ভীষ্ম দুই-বীর অতি মহাবল ।
 যুধিষ্ঠির-নৃপতির মারে বহু দল ॥

মাত্রীপুত্র-সহ যুঝে শূশ্রূষা-নৃপতি ।
প্রাণপণে দৌহে যুঝে, নাহিক বিরতি ॥
দৌহার উপরে দৌহে অস্ত্রক্ষেপ করে ।
দৌহে নিবারয়ে তাহা, কেহ পারে নারে ॥
দিব্যরথে আরোহিয়া রাজা দুর্ঘোষধন ।

ভামসেন-বীর-সহ আরস্তিল রণ ॥
হাসে বীর বুকোদর হস্তে ধরি শর ।
আকর্ণ পুরিয়া মারে রাজার উপর ॥
দেখি দুর্ঘোষধন বাণ কাটি পাড়ে রণে ।
পঞ্চগোটা বাণ পুনঃ মারে ভীমসেনে ॥
অর্ধপথে ভীম তাহা অক্লেশে কাটিল ।
দুর্ঘোষধনে বধিবারে দিব্য-অস্ত্র নিল ॥
আকর্ণ পুরিয়া বাণ করিল সন্ধান ।
রথে পড়ে দুর্ঘোষধন হইয়া অজ্ঞান ॥
নৃচ্ছিত দেখিয়া রথ ফিরায় সারথি ।
সৈন্যের বিনাশ করে ভীম মহারথী ॥
কৌরবের সেনাগণ পাইলেক ত্রাস ।
নানাদিকে পলাইল ছাড়ি যুদ্ধ-আশ ॥

কতক্ষণে দুর্ঘোষধন পাইয়া চেতন ।
সৈন্যগণে আশ্বাস দিলেন সেইক্ষণ ॥
যথায় করিছে রণ ভীষ্ম মহারথী ।
তঁার পাশে গিয়া তবে কহে কুরুপতি ॥
তুমি হেন মহাযোদ্ধা ত্রিভুবনে জানে ।
দ্রোণ-গুরু মহাবীর জগতে বাখানে ॥
তোমা-দৌহা-বিদ্যমান সৈন্য দিল ভঙ্গ ।
পাণ্ডব-পৌরুষ করে, সবে দেখে রঙ্গ ॥
পাণ্ডবের অনুরোধে পরিহর রণ ।
অনুমানে বুঝি চাহ আমার নিধন ॥

কইবাক্য শুনি জুড় হইয়ে মহামতি ।
হুইচকু রক্তবর্ষ কহে রাক্ষা-প্রতি ॥

তোমারে দিলাম বহু হিত-উপদেশ ।
না শুনিলে কারো বাক্য মন্ত্রণা-বিশেষ ॥
ইন্দ্র-সহ দেবগণ যদি আসে রণে ।
তথাপি জিনিতে নারে পাণ্ডুপুত্রগণে ॥
বৃদ্ধকালে যত শক্তি আমার সম্ভব ।
প্রাণপণে করি যুদ্ধ, নিবারি পাণ্ডব ॥
রাজা হইয়ে সৈন্যগণে রাখিতে নারিলে ।
বৃদ্ধ জানি মোরে অনুযোগ কর ছলে ॥

এতেক বলিয়া ভীষ্ম সিংহনাদ করে ।

ধনুকে টঙ্কার দিয়া অস্ত্র নিল করে ॥
শঙ্খধ্বনি করি বীর সমরে পাশিল ।
কালান্তক যম যেন সাক্ষাতে আইল ॥
যুধিষ্ঠির-সৈন্য যত ঘোর রণ করে ।
ভীষ্মের বিক্রম কেহ সহিতে না পারে ॥
বড়-বড় যোদ্ধাপতি সাহস করিল ।
বাণবৃষ্টি করি সবে ভীষ্মে আবরিল ॥
সবাকার অস্ত্র কাটি গঙ্গার নন্দন ।
নিজ-অস্ত্রে সবাকারে করিল ষাতন ॥
সহস্র-সহস্র সেনা বড়-বড় বীর ।
ভীষ্মের বিক্রমে কেহ রণে নহে স্থির ॥
বনে সিংহ দেখি যথা গজেন্দ্র পলায় ।
পাণ্ডবের সৈন্য তথা রণ ছাড়ি ধায় ॥

সৈন্যভঙ্গ দেখি ক্লবে বীর ধনঞ্জয় ।

ভীষ্মের সম্মুখে আসে সমরে দুর্জয় ॥
অর্জুনে দেখিয়া গঙ্গাপুত্র তার পর ।
নানা-অস্ত্র-বৃষ্টি করে অর্জুনে উপর ॥
রথ-অশ্ব-সারথি না দেখি ধনঞ্জয় ।
দশদিক্ যুড়ি সব করে অগ্রময় ॥
দেখি পাণ্ডবের দল পলায় তরাসে ।
কৌরবের যোদ্ধা গণ আনন্দেতে ভাসে ॥

দিব্য-অস্ত্র দিয়া তবে পার্থ মহামতি ।
 পিতামহ-অস্ত্র-সব কাটে শীঘ্রগতি ॥
 অস্ত্র নিবারিয়া মারিলেন দশ-বাণ ।
 ভীষ্মের কাম্বুক কাটি করে খান-খান ॥
 অশ্ব ধনু নিল ভীষ্ম সমরে দুর্জয় ।
 সেই ধনু কাটিলেন পার্থ মহাশয় ॥
 ভীষ্ম তাঁরে প্রশংসিলা সাধু-সাধু করি ।
 শররুষ্টি করে ভীষ্ম অশ্বধনু ধরি ॥
 যেমন বরিষাকালে বরিষয়ে ঘনে ।
 ততোধিক শররুষ্টি করে ক্রোধমনে ॥
 প্রাণপণে যুঝে বীর পার্থ ধনুর্ধর ।
 নিবারিতে না পারেন বড়ই দুষ্কর ॥
 চোখ-চোখ-শরে বিদ্ধে পার্থের হৃদয় ।
 হীনবল হইলেন কুন্তীর তনয় ॥
 বাহুবলে বিদ্ধে বীর চোখ-চোখ বাণ ।
 হ'লেন কাতর তাহে দেব ভগবান্ ॥
 হাসি ভীষ্ম মহাবীর করে উপহাস ।
 আপনি করহ যুদ্ধ দেব শ্রীনিবাস ॥
 হইলা অর্জুন রণে অতীব কাতর ।
 তাঁহাকে আশ্বাস করিলেন গদাধর ॥
 কৃষ্ণের আশ্বাস-বাক্যে পাইয়া সংবিল ।
 ধনজয় হইলেন কোপেতে পূর্ণিত ॥
 বিজ্ঞেন সন্ধান পুরি ভীষ্মের শরীর ।
 দেখি ক্রোধ করিলেন ভীষ্ম মহাবীর ॥
 বাণে বাণ নিবারিয়া করে শরজাল ।
 অন্ধকারময় দেখে দশদিক্‌পাল ॥
 নাহি দেখি কপিধ্বজ সারথি অর্জুনে ।
 চমকিত হ'য়ে চাহে যত যোদ্ধগণে ॥
 তবে পার্থ মহাবীর ইন্দ্রের কুমার ।
 ইন্দ্র-অস্ত্র এড়ি শর করেন সংহার ॥

বাণ নিবারিয়া পুনঃ দিব্য-অস্ত্র দিয়া ।
 রথধ্বজ কাটিলেন কবচ ভেদিয়া ॥
 সারথির মুণ্ড কাটি কৈলা খণ্ড-খণ্ড ।
 দেখি ভীষ্মদেব হইলেন লগ্ন-ভগ্ন ॥
 লজ্জিত হইয়া বীর নিল ধনুঃশর ।
 লক্ষ-লক্ষ বাণ মারে অর্জুন-উপর ॥
 দিবা-নিশি-জ্ঞান নাহি, সূর্য্যের প্রকাশ ।
 দশদিক্‌ রুদ্ধ হৈল, না চলে বাতাস ॥
 দেখি যত যোদ্ধগণ করে হাহাকার ।
 কাটিলেন সব অস্ত্র ইন্দ্রের কুমার ॥
 ভারত সমুদ্রে-তুল্য কতেক লিখিব ।
 দৌহে মহাবীর্যবন্ত, নাহি পরাভব ॥
 সমস্ত দিবস হেনরূপে যুদ্ধ হৈল ।
 বেলা-অবসানে পার্থে ঘণ্ট উপজিল ॥
 মুছিবার অবকাশ না পান অর্জুন ।
 টানেন আকর্ণ পুরি যবে ধনুগুণ ॥
 অস্ত্র-সহ গুণ বীর টানিবার কালে ।
 মুছিয়া ফেলেন ঘণ্ট, যাক্স ছিল ভালে ॥
 সেই অবসরে ভীষ্ম গঙ্গার কুমার ।
 রথি-দশ সহস্রেরে দিল যমহার ॥
 সিংহনাদ ছাড়ি জয়শব্দ বাজাইল ।
 শুনি যত যোদ্ধগণ নিবৃত্ত হইল ॥
 , তবে পার্থ জিজ্ঞাসেন চাহি নারায়ণ ।
 পিতামহ-সহ মম যুদ্ধ অনুক্ষণ ॥
 নিঃশ্বাস ছাড়িতে কারো নাহি অবসর ।
 বাজাইল কেন শব্দ, কহ দামোদর ॥
 শ্রীহরি বলেন, ভূমি শুনহ কারণ ।
 যুদ্ধকালে ঘণ্টজল মুছিলে যখন ॥
 সেই অবকাশে ভীষ্ম মারে রথিগণ
 জয়শব্দ বাজাইল তাহার কারণ ॥

শুনিয়া অৰ্জুন মনে বিস্মিত হইল ।
নিজ-দল-বল-সহ শিবিরে চলিল ॥
মহাভারতের কথা অমৃত-লহরী ।
তৃতীয় দিনের যুদ্ধ সমাপন করি ॥
এ-ভীষ্মপর্বের কথা অপূর্ব কথন ।
কাশীরাম দাস কহে, শুনে সাধুজন ॥

৮। চতুর্থ দিবসের যুদ্ধ ।

শিবিরেতে গিয়া যুধিষ্ঠির নৃপবর ।
বসিলেন সর্ব্বজনে সভার ভিতর ॥
নানা-কথা-আলাপনে রজনী বকিল ।
প্রভাতে উভয়-দল আবার সাজিল ॥
কুরুক্ষেত্রে গিয়া তুলে কোলাহল-রোল ।
নানাবাচ্য বাজে, যেন সমুদ্র-কল্লোল ॥
রথীকে ধাইল রথী, গজ ধায় গজে ।
আসোয়ায়-আসোয়ায় পদা-পদা' যুঝে ॥
যে যাহার অস্ত্র ল'য়ে করে মহারণ ।
বরিষার কালে যেন বরিষয়ে ঘন ॥
শঙ্খধ্বনি করি রথ চালান ত্রিহরি ।
ভীষ্মের সন্মুখে যান অতি ত্বরায় করি ॥
দুইবীরে দেখাদেখি সংগ্রাম হইল ।
দৌহে দৌহাকার অস্ত্রে সন্ধান পুরিল ॥
দৌহে দৌহা-অস্ত্র কাটে সমরে নিপুণ ।
দৌহে মহাধনুর্ধর, কেহ নহে উন ॥
অমৃত-রথীর সহ হুশর্মা-নৃপতি ।
প্রবেশে পাণ্ডবদলে অতি নীত্ৰগতি ॥
শত-শত রথিগণে করিল সংহার ।
শত-শত হস্তী মারে, অশ্ব কত আর ॥

সৈন্যের নিধন দেখি রোষে বুকোদরে ।
রথ ত্যজি ধায় বীর গদা ল'য়ে করে ॥
দেখিয়া হুশর্মা রাজা সন্ধান পুরিল ।
একেবারে শতবাণ ভীমে প্রহারিল ॥
দশ-সহস্রেক রথী সবে ধনুর্ধর ।
দশ-দশ অস্ত্র মারে ভীমের উপর ॥
একেবারে লক্ষ-শর লাগে ভীমসেনে ।
মহাক্রোধে ভীমসেন ধায় সেইকণে ॥
দুই-শত রথী মারে এক-গদা-ঘায় ।
আর দুই-শত রথী মারিলেক পায় ॥
রথসহ ধরি বহু-বহু রথিগণ ।
আকাশ-মার্গেতে ফেলে পবন-নন্দন ॥
রথে রথ প্রহারিয়া মারে বহুজন ।
গদাঘাতে সংহারিল বহু বীরগণে ॥
আখালি-পাখালি বীর মারে গদাবাড়ি ।
রথি-দশ-সহস্রেক মারিল খেলাড়ি ॥
তবে ত হুশর্মা বীরজানা-অস্ত্র মারে ।
গদা ফিরাইয়া ভীম সকলি নিবারে ॥
ক্রুদ্ধ হ'য়ে ভীমসেন অতিবেগে ধায় ।
রথ-অশ্ব-সারথিরে মারে এক-ঘায় ॥
লক্ষ দিয়া পলাইল হুশর্মা-নৃপতি ।
দেখিয়া ধাইল দুর্য়োধন নরপতি ॥
নানা-অস্ত্র বরিষয়ে ভীমের উপর ।
রথে চড়ি ধনু ধরে বীর বুকোদর ॥
সন্ধান পুরিয়া বীর এড়ে অস্ত্রগণ ।
দুর্য়োধন-অস্ত্র যত কাটে সেইকণ ॥
তবে রাজা দুর্য়োধন সমরে তৎপর ।
ভীমের উপর মারে দশগোটা শর ॥

অৰ্দ্ধপথে ভীম তাহা করে খান-খান ।
 পুনঃ দুৰ্য্যোধনে মারে দশগোটা বাণ ॥
 বাণে নিবারিল তাহা কোঁরব প্রচণ্ড ।
 ভীমের ধনুক কাটি করে খণ্ড-খণ্ড ॥
 আর ধনু ধরে ভীম চক্ষুর নিমিষে ।
 রুষ্টিধারা-সম বাণ নির্ভয়ে বরিষে ॥
 ধনু-অস্ত্র কাটিল, রথের চারি হয় ।
 একবাণে সারথিরে দিল যমালয় ॥
 আর রথে চড়ি তবে কোঁরব-প্রধান ।
 ভীমের উপরে পুনঃ পুরিল সন্ধান ॥
 বাণে বাণ নিবারিয়া পবন-নন্দন ।
 দুৰ্য্যোধন-নৃপতির কাটে শরাসন ॥
 ধনু কাটা গেল বীর পায় বড় লাজ ।
 পুনঃ আর ধনু লয় কুরু-মহারাজ ॥
 পুনঃপুনঃ দুৰ্য্যোধন যত ধনু লয় ।
 বাণে কাটি পাড়ে তাহা পবন-তনয় ॥
 রাজার সঙ্কট দেখি ভীম মহাবীর ।
 রণে অবকাশ নাহি, হইল অস্থির ॥
 যোদ্ধৃগণে ডাকি ভীম উচ্চৈঃস্বরে কয় ।
 গীত্ৰ যাহ, বুঝি আজি হইল প্রলয় ॥
 ভীম-দুৰ্য্যোধনে বাধিয়াছে ঘোর রণ ।
 মহাবল পরাক্রম পবন-নন্দন ॥
 শুনিয়া ধাইল তবে যত যোদ্ধৃগণ ।
 জয়দ্রথ ভূমিশ্রবা স্তম্ভা রাজন্ ॥
 রূপ শল্য দুঃশাসন দুশ্মুখ প্রভৃতি ।
 বর্ষসেন চিত্রসেন আর বিবিশতি ॥
 মহারাজ ভগদত্ত বিলম্ব না ক'রে ।
 মহাগজে আরোহিয়া বেড়ে বৃকোদরে ॥
 চারিদিকে আসি বেড়ে যত বীরগণে ।
 অঙ্ককার করিলেক অস্ত্র-বরিষণে ॥

মেঘে আচ্ছাদিল যেন দেব-দিবাকরে ।
 শরজালে আবরিল বীর-বৃকোদরে ॥
 দেখি মহাবীর ভীম শীঘ্রহস্ত হৈল ।
 সবাকার শরবৃষ্টি শরে নিবারিল ॥
 সর্ব্বঅস্ত্র ব্যর্থ করি এড়ে অস্ত্রগণ ।
 একে-একে সর্ব্বজনে করষে ঘাতন ॥
 কাহারো কাটিল রথ, কারো ধনুগুণ ।
 কাহারো ধনুক কাটে, কারো কাটে তুণ ॥
 কাহারো কাটিয়া পাড়ে দস্ত দুই-পাটি ।
 বৃকে বাণ বাজি কেহ কামড়ায় মাটি ॥
 হস্ত-পদ-ছিন্ন হ'য়ে পড়ে কোন বীর ।
 অস্ত্রাঘাতে কোনজন হৈল উভ-চির ॥
 কোঁরবের সেনাগণ রণে ভঙ্গ দিল ।
 দেখি ভগদত্ত-বীর সমরে কুপিল ॥
 মহাগজরাজে চড়ি হাতে ধনুঃশর ।
 ভীমের উপরে ধায় অতি ক্রোধভর ॥
 ভগদত্তে দেখি ভীম পুরিল সন্ধান ।
 বাছিয়া-বাছিয়া মারে চোখ-চোখ বাণ ॥
 অস্ত্রে অস্ত্র নিবারিল ভগদত্ত-বীর ।
 চোখ-চোখ-বাণে বিক্ষে ভীমের শরীর ॥
 বাণাঘাতে ভীমসেন অজ্ঞান হইল ।
 ভগদত্ত সিংহনাদ তখন করিল ॥
 ক্রণেকে চৈতন্য পেয়ে উঠে মহাবীর ।
 ধনুঃশর নিল হাতে নির্ভয়-শরীর ॥
 বাছিয়া-বাছিয়া বাণ করয়ে সন্ধান ।
 ভগদত্ত-নৃপতির কাটে ধনুখান ॥
 কবচ কাটিয়া বাণ অঙ্গেতে ভেদিল ।
 নানা-অস্ত্র মহাগজরাজে প্রহারিল ॥
 অরুণ-কিরণ যেন জলধর-মাঝে ।
 তেমনি রুধির-ধারা পড়ে গজরাজে ॥

ভগদত্ত চালাইয়া দিল গজরাজে ।
 দেখিয়া হইল ব্যস্ত পাণ্ডব-সমাজে ॥
 বগেতে আইল গজ, মহী কাঁপে ভরে ।
 পলায় পাণ্ডব-সৈন্য, স্থির নহে ডরে ॥
 দেখি ভীম মারিলেন মর্ষভেদী শর ।
 ভ্রভঙ্গ নাহিক তবু, ধায় গজবর ॥
 নানা-অস্ত্র ভীমসেন গজেরে প্রহারে ।
 মহাবেগে ধায় গজ ভীমে মারিবারে ॥
 গজের বিক্রম দেখি ভগদত্ত বীর ।
 মহা-সিংহনাদ ছাড়ে, নির্ভয়-শরীর ॥

পিতার সঙ্কট দেখি হিড়িম্বা-নন্দন ।
 মহাক্রোধে অন্তরীক্ষে ধায় সেইক্ষণ ॥
 করিল রাক্ষসী-মায়া অতি-ভয়ঙ্কর ।
 ঐরাবতে চড়ি আসে সংগ্রাম-ভিতর ॥
 আর অষ্টগোটা হস্তী মহাভয়ঙ্কর ।
 তাহে আরোহণ করি অষ্ট-নিশাচর ॥
 বজ্রহস্তে শোভে যথা দেব-দেবরাজ ।
 আসিল লইয়া সঙ্গে দেবের সমাজ ॥
 মহাঘোর-শব্দে সবে করিল গজ্জন ।
 দেখিয়া ত্রাসিত হৈল যত কুরুগণ ॥
 এককালে গজগণে টোয়াইয়া দিল ।
 কোঁরবের সৈন্য-সব ভয়ে পলাইল ॥
 মহাবল-হস্তিগণ, মদ গলে ধারে ।
 বড়-বড় রথিগণে খেদাড়িয়া মারে ॥
 গজরাজে এড়ি দিল ঘটোৎকচ-বীর ।
 ভঙ্গ দিল কুরুগণ, রণে নহে স্থির ॥
 কুরুসৈন্য আর্তনাদ করিতে লাগিল ।
 চতুরঙ্গদল সব চরণে মর্দিল ॥

ভগদত্ত-গজবর বড়ই প্রথর ।
 ঘটোৎকচ-গজ-সহ বাধিল সমর ॥
 শুণ্ডে-শুণ্ডে জড়াজড়ি দন্তে হানাহানি ।
 নির্ঘাত-চিৎকারশব্দে কর্ণে নাহি শ্রুনি ॥
 ঐরাবত-সম পরাক্রান্ত গজবর ।
 দেখিয়া কম্পিত ভগদত্তের অন্তর ॥
 ভগদত্ত-গজ রণে কাতর হইল ।
 রণ ত্যজি গজরাজ ভয়ে পলাইল ॥
 অদ্রুত রাক্ষসী-মায়া না যায় কখন ।
 কুরুসৈন্য বিনাশিল ভীমের নন্দন ॥

সৈন্যের বিনাশ দেখি অলম্বুষ ধায় ।
 দেখাদেখি দুইবীরে মহাযুদ্ধ হয় ॥
 দারুণ রাক্ষসী-মায়া করয়ে প্রকাশ ।
 কভু থাকে রণভূমে, কখন আকাশ ॥
 পর্বত-উপরে থাকি কভু অস্ত্র মারে ।
 অগ্নিরূপ হ'য়ে কভু সৈন্যেরে সংহারে ॥
 হেনমতে দৌহে মায়া করিয়া সঞ্চার ।
 প্রাণপণে দুই-জনে করে মহামার ॥
 বহুক্ষণ দুই-দলে করে বোর রণ ।
 কার শক্তি, কেমনে তা' করিবে বর্ণন ॥

অর্জুন-ভীষ্মের যুদ্ধ নাহি পাঠান্তর ।
 শূন্যমার্গে চমকিত যতেক অমর ॥
 সন্ধান করিয়া সাত-বাণ কুন্তোহত ।
 দুইবাণে রথধ্বজ কাটেন অদ্রুত ॥
 দুই-বাণে কাটিলেন ধনুর্গুণ তাঁর ।
 আর তিন-বাণ অঙ্গে করেন প্রহার ॥
 ক্ষিপ্ৰহস্তে ভীষ্মবীর গুণ চড়াইল ।
 নানা-বাণবৃষ্টি পার্থ-উপরে করিল ॥

কৃষ্ণের শরীরে বীর মারে দশ-বাণ ।
 হনুমান্ কুড়ি-বাণ করিল সন্ধান ॥
 বাণে নিবারিলা তাহা পার্থ ধনুর্ধর ।
 ভীষ্মের শরীরে বাণ বিক্লিলা বিস্তর ॥
 পঞ্চবাণ মারিলেন কুন্তীর কুমার ।
 সহস্র-চরণ রথ পিছাইল তাঁর ॥
 এই অবসরে পার্থ মারিলেন সেনা ।
 মারিলা সহস্র-রথী, গজ অগণনা ॥

তবে ভীষ্ম রথে পুনঃ হ'য়ে অগ্রসর ।
 পুণ্ডরীকাক্ষের প্রতি করেন উত্তর ॥
 মহাপরাক্রম করে পার্থ ধনুর্ধর ।
 এবে নিজ-রথ রক্ষা কর, দামোদর ॥
 এতেক বলিয়া বীর দিব্য-অস্ত্র নিল ।
 আকর্ণ পুরিয়া ভীষ্ম সন্ধান করিল ॥
 কপিধ্বজ রথ, তাহে গোবিন্দ সারথী ।
 বাণেতে ত্রিপাদ পিছু করে মহামতি ॥
 সাধু-সাধু বলি প্রশংসেন নারায়ণ ।
 তাহা শুনি জিজ্ঞাসেন কুন্তীর নন্দন ॥
 মম বাণে সহস্র-চরণ রথ গেল ।
 মম রথ পিতামহ ত্রিপদ চৈলিল ॥
 কি-কারণে সাধুবাদ দিলা নারায়ণ ।
 কৃপা করি যত্ননাথ, কহ বিবরণ ॥

হাসি কৃষ্ণ কহিলেন, শুনহ ফাল্গুনি ।
 ভীষ্ম রথ সারথি আর চারি-অশ্ব গণি ॥
 ইহাতে সহস্র-পদ করিলে চালন ।
 কপিধ্বজ রথের যে শুন বিবরণ ॥
 অমেরু-সদৃশ ধ্বজে বৈসে হনুমান্ ।
 রথ বেড়ি আছে যত দেবতা-প্রধান ॥
 পর্বত-সদৃশ ভারি রথ ভয়ঙ্কর ।
 বিশ্বস্তর-মুষ্টি আমি তাহার উপর ॥

ইহাতে ত্রিপাদ পাছু চলিল স্তম্ভন ।
 সাধু-সাধু মহাবীর গজার নন্দন ॥
 বিশ্বাস্য মানেন শুনি পার্থ মহাবীর ।
 রথি-দশ-সহস্রে মারে ভীষ্মবীর ॥
 জয়শঙ্খ বাজাইয়া রথ ফিরাইল ।
 আনন্দেতে কুরুগণ শিবিরে চলিল ॥
 নিবর্তিয়া রণে পার্থ সহ-যত্নবীর ।
 সৈন্যসহ আসিলেন আপন-শিবির ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৯। যুধিষ্ঠিরের প্রতি জগদ-বাজের প্রবেশ ।

বলেন বৈশম্পায়ন, শুনহ রাজন্ ।
 কৃষ্ণ-প্রতি কহিলেন ধর্মের নন্দন ॥
 পিতামহ-পরাক্রম অদ্বিত-কখন ।
 যুদ্ধেতে নাহিক জয়, বুঝিহু এখন ॥
 শুনিয়া দ্রুপদ-রাজ বুঝান ধর্ম্মেরে ।
 পূর্বকথা কেন রাজা, না স্মর অন্তরে ॥
 শৈশবে একত্র বাস করিতে যখন ।
 বিরোধ-করিত প্রায় ভীম-দুর্যোধন ॥
 এ-কারণ ধৃতরাষ্ট্র মন্ত্রণা করিয়া ।
 সবারে বারণাবতে দিল পাঠাইয়া ॥
 দুষ্ক-মন্ত্রি-সহ যুক্তি করি দুর্যোধন ।
 তথা এক জুহুগৃহ করিল রচন ॥
 তোমা-সবে রহিবারে দিল সে-ভবন ।
 বহু-সৈন্য-সহ-স্বার রাখে পুরোচন ॥
 দৈবযোগে ব্রাহ্মণ-ভোজন সেইদিনে ।
 ব্যাধপত্নী এল এক অগ্নের কারণে ॥
 তার সঙ্গে পঞ্চপুত্র দেখি তব মাতা ।
 জিজ্ঞাসিল কহ সত্য, কিবা তব কথা ॥

কি নাম ধরয়ে তব পুত্র পঞ্চজন ।
 কি নাম তোমার, হেথা এলে কি-কারণ ॥
 ব্যাধপত্নী বলে, দেবি, নিবেদন করি ।
 পাণ্ডু-ব্যাধপত্নী আমি, কুন্তী নাম ধরি ॥
 জ্যেষ্ঠপুত্র যুধিষ্ঠির, ভীম যে দ্বিতীয় ।
 চতুর্থ নকুল নাম, অর্জুন তৃতীয় ॥
 পঞ্চমের নাম রাখি সহদেব বলি ।
 আমার বৃথাস্ত দেবি, শুনহ সকলি ॥
 নিত্য-নিত্য যুগয়া করেন মোর স্বামী ।
 উদরার্থে মাংস বিক্রী করিতাম আমি ॥
 স্বামী গেল ল'য়ে জাল যুগয়া-কারণ ।
 নাহি পায় যুগ বহু করি অন্বেষণ ॥
 অত্যন্ত চিন্তিত ব্যাধ আসে দুঃখ-মনে ।
 হেনকালে যুগী এক দেখিল নয়নে ॥
 যুগীর প্রসবকাল আসি উপস্থিত ।
 হেনকালে ব্যাধ তারে বেড়ে চারিভিত ॥
 একদিকে অগ্নি দিল, আর দিকে জাল ।
 অগ্নিদিকে স্থান ছড়ি রহিল আড়াল ॥
 আপনি সে ধনু ধরি অস্ত্র নিল হাতে ।
 ব্যাকুল হইয়া যুগী চাহে চতুর্ভিতে ॥
 চারিদিকে নিরখিয়া পথ না পাইল ।
 কাতরা হইয়া যুগী ভাবিতে লাগিল ॥
 হে শ্রীকৃষ্ণ আর্ন্তক্রাতা যাদব-নন্দন ।
 এ-মহাসঙ্কটে মোরে করহ রক্ষণ ॥
 তৃণ-জল খাই, কারো হিংসা নাহি করি ।
 তবে কেন ব্যাধ মোরে বধয়ে শ্রীহরি ॥
 এইরূপে যুগী প্রাণে কাতরা হইয়া ।
 রক্ষা কর জগন্নাথ, বলিল ডাকিয়া ॥
 শুনি নারায়ণ হ'য়ে সদয়-হৃদয় ।
 মেঘে আচ্ছাদিলা, মেঘ জল বরিষয় ॥

অগ্নি নিবাইল, জাল উড়িল বাতাসে ।
 অকস্মাৎ আসি ব্যাত্র ঝানেরে বিনাশে ॥
 ব্যাধ-শিরে সেই-কালে হৈল বজ্রাঘাত ।
 চারিদিকে মুক্ত তারে করেন শ্রীনাথ ॥
 ব্যাধের মরণে সবে অনাথ হইলু ।
 অন্নহেতু দেবি, তব সদনে আসিলু ॥
 শুনিয়া সকল বাক্য ভোজের নন্দিনী ।
 দয়া উপজিল, তারে দিল অন্ন-পানি ॥
 উদর পূরিয়া অন্ন খায় ছয়জন ।
 সেই ঘরে রহে সবে করিয়া শয়ন ॥
 দুর্ঘোষধন-আজ্ঞা তোমা-সবে পোড়াবারে ।
 রাজ্রিযোগে পুরোচন অগ্নি দিল ঘারে ॥
 প্রলয় হইল অগ্নি, আকাশ পরশে ।
 সহদেবে তুমি রাজা জিজ্ঞাসিলে রোষে ॥
 সকল জানেন বীর মাতীর নন্দন ।
 বিদূর-রক্ষিত-পথ করে নিবেদন ॥
 স্তম্ভ-নিম্নে আছে পথ স্তম্ভ-ভিতর ।
 স্তম্ভ উপাড়িল তবে বীর বৃকোদর ॥
 সেই-পথে ছয়জনে হইলে বাহির ।
 গদা ছাড়ি আসিলেন ভীম মহাবীর ॥
 ফিরিয়া গেলেন বীর গদা আনিবারে ।
 সাক্ষাৎ হইল অগ্নি ভীমে দহিবারে ॥
 তবে ভীম অগ্নি-প্রতি বলিলা বচন ।
 আমার সমান দিব একশত-জন ॥
 শুনি নিবর্তিল অগ্নি, ক্রমা দিল মনে ।
 গদা ল'য়ে বাহিরিল তবে ভীমসেনে ॥
 ঘরকায় ছিল প্রভু অপূর্ব-শয্যায় ।
 নিজাঙ্গে নিলেন তাপ দয়াল-হৃদয় ॥
 অগ্নিতে উতাপ দেখি ভীষ্মক-হুহিতা ।
 কৃষ্ণে জিজ্ঞাসেন, কহ ইহার কারণতা ॥

শ্রীকৃষ্ণ কহেন, ইহা বলিবার নয় ।
 এ-কথা প্রেয়সি, নাহি জিজ্ঞাস আমায় ॥
 সেই মহা-অগ্নিতাপ নিজ-অঙ্গে ল'য়ে ।
 তোমাসবে উদ্ধারিলা করুণা করিয়ে ॥
 মহাসঙ্কটেতে মুগ্ধী পাইল উদ্ধার ।
 এমত দয়াল কৃষ্ণ সহায় তোমার ॥
 ইহাতে সন্দেহ কেন কর মহাশয় ।
 অবশ্য সমরে তব হইবেক জয় ॥
 এত বলি বুঝাইল দ্রুপদ ধর্ম্মেরে ।
 রজনী বঞ্চিল সবে সানন্দ-অন্তরে ॥
 ভীষ্মপর্ব্বকথা ব্যাস-মুনি-বিরচিত ।
 কাশীরাম দাস কহে রচিয়া সঙ্গীত ॥

— — —
 ১০ । পঞ্চম দিবসের যুদ্ধ ।

পরদিন প্রভাতে মিলিল দুই-দল ।
 সমুদ্র-সদৃশ ব্যূহ করে কুরুবল ॥
 রচেন শৃঙ্গট-নামে ব্যূহ যুধিষ্ঠির ।
 দুই-শৃঙ্গে রহিল সাত্যকি ভীমবীর ॥
 সহস্র-সহস্র যোদ্ধা করি সমাবেশ ।
 কৃষ্ণ-সহ ধনঞ্জয় রহে মধ্যদেশে ॥
 তাঁর পাশে যুধিষ্ঠির মাদ্রীপুত্র-সনে ।
 অভিমন্যু বিরাট রহিল অনুক্রমে ॥
 দ্রোপদীর পঞ্চপুত্র রহে তার পাছে ।
 ঘটোৎকচ মহাবীর রহে তার কাছে ॥
 প্রতিব্যূহ করি সবে উঠানি করিল ।
 বিবিধ-বিধানে বাঘ বাজিতে লাগিল ॥
 নানা-অস্ত্র লইয়া আক্ষাণ্ডে সব যোধ ।
 পরস্পর দুই-দলে লাগিল বিরোধ ॥
 যুদ্ধ হয় নানা-অস্ত্র ধরি দুই-দলে ।
 বিদ্যুৎ চমকে যেন গগন-মণ্ডলে ॥

শঙ্খধ্বনি সিংহনাদ গজের গর্জ্জন ।
 যুগান্তের যম যেন করিছে তর্জ্জন ॥
 দেখিবার কার্য্য থাক, কর্ণে নাহি শুনি ।
 পরাপর নাহি জ্ঞান, অস্ত্রে হানাহানি ॥
 অশ্ব-গজ পড়ে কত, পদাতি বিস্তর ।
 দেখিয়া কুপিত হৈল ভীষ্ম বীরবর ॥
 বাসব হইতে যুদ্ধে ভীষ্ম নহে উন ।
 হাতেতে ধনুক ধরি টঙ্কারিল গুণ ॥
 যতেক পাণ্ডবদল সমরে প্রচণ্ড ।
 শরেতে কাটিয়া ভীষ্ম করে খণ্ড-খণ্ড ॥
 কারো কাটে অশ্ববর, কারো কাটে গজ ।
 কাহারো সারথি কাটে, কারো কাটে খবজ ॥
 কাহারো মুকুট কাটে, কারো কাটে মুণ্ড ।
 কাহারো ধনুক কাটে, কারো কাটে দণ্ড ॥
 হস্ত-পদ কাটে কারো, কারো কাটে স্কন্ধ ।
 ঘোরতর সমরেতে নাচয়ে কবন্ধ ॥

সৈন্যের বিনাশ দেখি ধায় বৃকোদর ।
 ভীষ্মে মারিবারে ধায় সক্রোধ-অন্তর ॥
 গদাহস্তে ভীমসেন ধায় অতিবেগে ।
 খেদাড়িয়া মারে বীর, যারে পায় আগে ॥
 ভীমের সম্মুখে আর কেহ নাহি রয় ।
 ভীষ্মের সারথি মারি দিল যমালয় ॥
 ধনুক ধরিয়া হাতে ভীষ্ম মহামতি ।
 ভীমের উপরে বাণ এড়ে শীত্ৰগতি ॥
 গদা ফিরাইয়া ভীম নিবারয়ে শর ।
 এক-ঘায়ে রথ-অশ্ব দিল যমঘর ॥
 লক্ষ দিয়া ভীষ্মবীর চড়ে অন্ত-রথে ।
 অস্ত্র-রুষ্টি করে মহাপণ্ডিত রণেতে ॥
 দেখি নারায়ণ রথ চালান ঝাটতি
 ভীষ্মের সম্মুখে রথ রাখেন শ্রীপতি ॥

অন্তরীক্ষে পার্শ্ব তবে কাটে সব বাণ ।
 দেখি ক্রুদ্ধ হন ভীষ্ম অগ্নির সমান ॥
 দেখাদেখি দুই-জনে বাধে ঘোর রণ ।
 চমকিত হ'য়ে দেখে যত দেবগণ ॥
 ভীষ্ম মহাক্রোধে সৈন্য করিল সংহার ।
 যারে পায়, তারে মারে, না করে বিচার ॥
 যেন ইন্দ্র বজ্রাঘাতে ভাঙ্গে গিরিবর ।
 গদাঘাতে মারিল অনেক গজবর ॥
 পর্বতের চূড়া যেন ভাঙ্গি পড়ে ঝড়ে ।
 তেমনি কৌরব-গজ পৃথিবীতে পড়ে ॥
 মাদ্রীপুত্র দুইজনে মারে পাটোয়ার ।
 সহস্র-সহস্র মারে রথ-আসোয়ার ॥
 সহস্র-সহস্র গজ, পদাতি বিস্তর ।
 পৃথিবী আচ্ছাদি পড়ে সৈন্য বহুতর ॥
 ধ্বজচ্ছত্র-পতাকায় ঢাকিল মেদিনী ।
 দুই-দলে কোলাহল, কিছু নাহি শুনি ॥

হেনকালে রণে আসে নাম ইরাবান্ ।

অর্জুনের পুত্র সেই ইস্ত্রের সমান ॥
 স্তবর্ণ-রচিত দিব্য-বিমান স্তম্বর ।
 ভাহাতে চড়িয়া আসে সংগ্রাম-ভিতর ॥
 যবে তীর্থযাত্রা-হেতু গেল পার্শ্ববীর ।
 ভ্রমিলেন বহুতীর্থ নির্ভয়-শরীর ॥
 উলুপী সে নাগকন্যা অনুঢ়া আছিল ।
 নাগরাজ ঐরাবত হৃদয়ে ভাবিল ॥
 অর্জুনেই সেইস্থানে নিল ছল করি ।
 সম্প্রদান করে তাঁরে উলুপী-স্তম্বরী ॥
 তার গর্ভে জাত বীর ইরাবান্ নাম ।
 মহা-পরাক্রমশালী যুদ্ধে, যেন রাম ॥
 ঐরাবত পাঠাইয়া দেব-পুরন্দর ।
 ইরাবানে স্নানিলেন আশন-গোচর ॥

অর্জুন গেলেন যবে ইস্ত্রের ভূষন ।
 পিতা-পুত্রে সেই-স্থানে হৈল দরশন ॥
 পিতা-পুত্রে পরিচয় মাতলি করাল ।
 সেই বীর ইরাবান্ উপনীত হৈল ॥
 সমরে আসিয়া ইরাবান্ করে রণ ।
 স্তবলের পুত্রগণ আসিল তখন ॥
 পশিয়া তোমর শেল মুঘল মুদগর ।
 ইরাবান্-উপরে বরিষে নিরস্তর ॥
 নিবারিষা ইরাবান্ বাণবৃষ্টি করে ।
 একে-একে মারি সবে দিল যমঘরে ॥
 নানা-অস্ত্র সৌবলের সৈন্যেতে প্রহারে ।
 জজ্ঞর সকল বীর ইরাবান্-শরে ॥
 রণযুগ্মে যেই বীর যায় যুঝিবাবে ।
 যে যায়, সে যায়, আর নাহি আসে ফিরে ॥
 অনেক মরিল তবে কুরু-সৈন্যগণ ।
 দেখিয়া সসৈন্যে সাজি আসে দুর্যোধন ॥
 দুর্যোধন নিজসৈন্যে করিল আদেশ ।
 ইরাবান্-বীরে মারে, কহিলু বিশেষ ॥
 অলম্বুষ-রাক্ষসেরে আজ্ঞা দিলা আর ।
 ইরাবান্-বীরে মারি কর প্রতিকার ॥
 সাবধান হ'য়ে তারে করহ নিধন ।
 তোমা-বিনা তারে মারে, নাহি কোনজন ॥

অলম্বুষ-ইরাবানে হৈল মহারণ ।

অলঙ্কিতে মায়াযুক্ত করে দুই-জন ॥
 দৌহে মহাবীর্যবন্ত সংগ্রামে নিপুণ ।
 দৌহে অস্ত্র-বিশারদ, কেহ নহে উন ॥
 তবে অলম্বুষ করে মায়া প্রকাশ ।
 বাণে অন্ধকার করে, না চলে বাতাস ॥
 দেখিয়া হাসিল ইরাবান্ মহাবীর ।
 রাক্ষসের বাণ কাটি যুগ্মে হৈল স্থির ॥

চোখ-চোখ বাণ পুনঃ পুরিয়া সন্ধান ।

অলম্বুষ-রাক্ষসের কাটে ধনুর্ধ্বাণ ॥

আর ধনু লইল রাক্ষস বীরবর ।

ইরাবান্-উপরেতে বরিষয়ে শর ॥

বাণে নিবারেন তাহা অর্জুন-তনয় ।

নিজ-অস্ত্রে বিদ্ধে বীর রাক্ষস-হৃদয় ॥

বাণাঘাতে অলম্বুষ অস্ত্রান হইল ।

সারথি ফিরায়ে রথ ভয়ে পলাইল ॥

তবে বহুসৈন্য নাশে ইরাবান্ বীর ।

কৌরবের সেনা যুদ্ধে হইল অস্থির ॥

সৈন্যের দুর্গতি দেখি রাজা দুর্ঘ্যোধন ।

ইরাবান্ সহ গেল করিবারে রণ ॥

গেই বেগে গেল আগে রাজা দুর্ঘ্যোধন ।

ইরাবান্ কাটি তার ফেলে শরাসন ॥

রথধ্বজ কাটিল, রথের চারি হয় ।

সারথির মাথা কাটি দিল যমালয় ॥

বিরথ হইয়া রাজা অতিশয় রোষে ।

অন্য-রথে আরোহিয়া নানান্ত্র বরিষে ॥

বাণে বাণ নিবারয় ইরাবান্-বীর ।

বাণেতে জর্জর করে রাজার শরীর ॥

রাজার সঙ্কট দেখি যত যোদ্ধাগণ ।

নানা-অস্ত্র ল'য়ে তবে ধায় সর্বজন ॥

দেখিয়া কুপিল ইরাবান্ ধনুর্ধর ।

কাটিয়া সবার বাণ বিদ্ধয়ে সত্ত্বর ॥

কাহারো কাটিল ধনু, কারো কাটে গুণ ।

কাহারো সারথি কাটে, কারো কাটে তুণ ॥

নানা-অস্ত্র বীরগণে করয়ে ঘাতন ।

অস্ত্রাঘাতে কত বীর হৈল অচেতন ॥

বাণাঘাতে কত বীর গেল যমলোক ।

দেখি দুর্ঘ্যোধনে বড় উপজিল শোক ॥

কৌরবের সেনাগণ করে হাহাকার ।

পাণ্ডবের সেনামধ্যে আনন্দ অপার ॥

সিংহনাদ ছাড়ে ইরাবান্ মহাবল ।

কৌরব-সৈন্যেতে রোদনের কোলাহল ॥

দ্রোণ-কুপ-অধ্বাত্মা-আদি যত বীর ।

ইরাবান্-শরে সবে ব্যথিত-শরীর ॥

কতকণে অলম্বুষ চেতন পাইয়া ।

দিব্যরথে চড়ি এল সন্ধান পুরিয়া ॥

মুখামুখি দুই-জনে পুনঃ যুদ্ধ হয় ।

দৌহাকার বাণে দৌহে জর্জর-হৃদয় ॥

তবে অলম্বুষ করি মায়ার সৃজন ।

শূন্যে লুকাইয়া করে বাণ-বরিষণ ॥

দেখি ইরাবান্ ত্রুঙ্ক হইল প্রচুর ।

বাণাঘাতে রাক্ষসের মায়া কৈল চুর ॥

মায়া দূর হৈলে করে অস্ত্রের ঘাতন ।

দৌহে দৌহাকারে বিদ্ধে করি প্রাণপণ ॥

দৌহে মহাবীর্যবন্ত সমান-সাহস ।

ধনু এড়ি খড়্গ নিল দারুণ রাক্ষস ॥

তাহা দেখি ইরাবান্ খড়্গ ল'য়ে ধায় ।

মহাবেগে মারে অলম্বুষের মাথায় ॥

খড়্গাঘাতে কম্পমান হইল রাক্ষস ।

ইরাবানে মারে খড়্গ করিয়া সাহস ॥

দৌহে দৌহা পুনঃপুনঃ করয়ে ঘাতন ।

অপূর্ব রাক্ষসী মায়া করিল রচন ॥

রণভূমি ছাড়ি শূন্যে উঠে শীতলতর ।

কণে লক্ষ দিয়া আসে সমর-ভিতর ॥

ইরাবান্ মহাবীরে দেখা নাহি যায় ।

বিদ্যুতের মত বীর মেঘেতে লুকায় ॥

তাহা দেখি অলম্বুষ আসে মহাকোপে ।

ইরাবান্-বীর তারে ধরে একলাফে ॥

সন্ধান করিয়া খড়্গ করিল প্রহার ।
দারুণ রাক্ষস তাহে নহিল সংহার ॥
লাফ দিয়া উঠে রক্ষ: : খড়্গ ল'য়ে করে ।
খড়্গের প্রহার করে ইরাবান্-শিরে ॥
দারুণ প্রহারে বীর হইল দুর্বল ।
দুর্ভেদ অলম্ব্য হাঙ্গে করি খল-খল ॥
খড়্গ দিয়া রাক্ষস কাটিল তার শির ।
ভূমিতলে পড়ে ইরাবান্ মহাবীর ॥
ইরাবান্ পড়ে যদি, উঠে কোলাহল ।
ক্রুদ্ধ হ'য়ে আসে ঘটোৎকচ মহাবল ॥
নকুল দ্রুপদ সহদেব মহাশয় ।
অভিমন্যু ভীমসেন সাত্যকী দুর্জয় ॥
অস্ত্র বরিষয়ে সবে অতি-ক্রোধমনে ।
ভঙ্গ দিল কুরুসৈন্য, স্থির নহে রণে ॥
দ্রোণ কূপ অশ্বখ্যাতা ভগদত্ত-বীর ।
পাণ্ডব-সম্মুখে আর কেহ নহে স্থির ॥
মহাক্রুদ্ধ ভীমসেন কৃতান্ত-সমান ।
ধৃতরাষ্ট্র-পুত্রগণে দেখি বিগ্ৰহমান ॥
গদা ল'য়ে মহাবেগে ধায় বৃকোদর ।
দগুহস্তে যম যেন প্রবেশে সমর ॥
তাহা দেখি দ্রোণগুরু সমরে দুর্জয় ।
ভীমের উপরে অস্ত্র ঘন বরিষয় ॥
বৃক্ষ যথা বৃষ্টিজল মাথা পাতি ধরে ।
তাদৃশ সঙ্ঘরে অস্ত্র বীর বৃকোদরে ॥
পশুমধ্যে ব্যাঘ্র যথা মহা-কুতূহলে ।
গদাঘাতে মারে বীর কৌরবের দলে ॥
ভীমের সমরে আর কেহ নহে স্থির ।
ভঙ্গ দিল বড়-বড় রথী মহাবীর ॥

পুঞ্জের নিধন শুনি মহাক্রুদ্ধ-মন ।
অর্জুন করেন ঘোর অস্ত্র-বরিষণ ॥
সহস্র-সহস্র বাণ করেন প্রহার ।
অর্জুপথে কাটে তাহা গঙ্গার কুমার ॥
অগ্নিবাণ ছাড়িলেন পার্থ ধনুর্ধর ।
শূন্যপথ রুদ্ধ করি বর্ষে বৈধানর ॥
রথ হন্তী অথ পুড়ি হৈল ছারখার ।
দেখি বরুণাস্ত্র এড়ে গঙ্গার কুমার ॥
মুগল-ধারেতে জল হয় বরিষণ ।
অগ্নিসব নিমেষেতে হৈল নির্বাণ ॥
পাণ্ডবের সেনাগণ ভাসি বুলে জলে ।
রথ-গঙ্গা-আসোয়ার-পদ্মাতি বহলে ॥
অর্জুন মারেন বাণ পবন-সঞ্চার ।
জল উড়াইয়া সব করেন সংহার ॥
পবন-বেগেতে সব ধ্বজ ভাঙ্গি পড়ে ।
গেমন প্রলয়কালে সৃষ্টি উড়ে ঝড়ে ॥
হাসি ভীষ্ম বলে, শুন পার্থ ধনুর্ধর ।
তোমার যতেক শক্তি, করহ সমর ॥
অবশ্য প্রতিজ্ঞা আমি করিব পূরণ ।
নহিবে তোমার শক্তি করিতে বাধন ॥
এত বলি সর্পবাণ এড়ে বীরবর ।
লক্ষ-লক্ষ ফণী উঠে গগন-উপর ॥
নিমেষেতে যত সর্প ভীষণ-আকারে ।
গর্জন করিয়া ধায় পার্শ্বে গিলিবারে ॥
শিখিবাণ এড়িলেন ইন্দ্রের কুমার ।
ধরিয়া সকল ফণী করিল আহার ॥
শত-শত শিখী উড়ে গগন-উপর ।
দেখি তিমিরাস্ত্র এড়ে ভীষ্ম-বীরবর ॥

ঘোর অন্ধকার, নহে জ্ঞাত আত্ম-পর ।
 নিশা জানি শিখিগণ গেল দিগন্তর ॥
 মহা-অন্ধকারে সৈন্য দেখিতে না পায় ।
 দেখিয়া ভাস্কর-অস্ত্র এড়ে ধনঞ্জয় ॥
 সূর্য্যোদয় হৈল, ঘুচে যত অন্ধকার ।
 উদিত দ্বিতীয় রবি, দেখিল সংসার ॥
 দেখি গঙ্গাপুত্র মহা-কুপিত হইল ।
 ধনুক টঙ্কারি অষ্টবাণ নিক্ষেপিল ॥
 এমত সে অষ্টবাণ ক্ষিপ্ৰবেগে গেল ।
 অৰ্জ্জুনের রথ-অশ্ব জর্জর করিল ॥
 সাত-বাণ মারে আর ধ্বজের উপরে ।
 আশী-বাণে বিক্লিনে প্রভু দামোদরে ॥
 আর কুড়ি-বাণ বীর এড়ে শীত্ৰহাতে ।
 কপিধ্বজ-রথচক্র পৌতে যুক্তিকাতে ॥
 তবে কৃষ্ণ অশ্বগণে করেন প্রহার ।
 বহুক্ষেপে করিলেন রথের উদ্ধার ॥
 দেখিয়া অৰ্জ্জুন ক্রোধী হ'য়ে অতিশয় ।
 পঞ্চবাণে বিক্লিনে ভীষ্মের হৃদয় ॥
 চারি-বাণে চারি-অশ্বে করেন সংহার ।
 সারথির মাথা কাটি দিল যমদ্বার ॥
 একবাণে ধ্বজ তাঁর কাটে ধনঞ্জয় ।
 অবিরত ভীষ্ম-প্রতি বাণ বরিষয় ॥
 কৃষ্ণ-প্রতি বলে ভীষ্ম অতিক্রোধ করি ।
 নিজ-অশ্ব-রথ এবে রক্ষা কর হরি ॥
 এত বলি অস্ত্র বরিষয়ে বীরবর ।
 কুশাটিতে আচ্ছাদয়ে যেন গিরিবর ॥
 সব-বাণ কাটি পার্শ্ব করে খান-খান ।
 ভীষ্মের উপরে পুনঃ পূরেন সন্ধান ॥
 এইরূপে দুইজনে বরিষয়ে বাণ ।
 মহাক্রুদ্ধ হইলেন গঙ্গার সন্তান ॥

পর্বত-নামেতে অস্ত্র ভীষ্ম নিল করে ।
 লক্ষ-লক্ষ গিরিবর যাহাতে সঞ্চারে ॥
 মস্ত্রে অভিষেকি এড়ে গঙ্গার নন্দন ।
 দেখি যত দেবগণ হৈল ভীত-মন ॥
 লক্ষ-লক্ষ পর্বতেতে আবরে আকাশ ।
 শূন্যপথ রুদ্ধ হৈল, না চলে বাতাস ॥
 ভাদ্রমাসে নিশা যেন ঘোর অন্ধকার ।
 দেখি সৈন্যগণ সব করে হাহাকার ॥
 সাগর-মহুনে যেন মহাকোলাহল ।
 মহাশব্দ করি আসে যত কুলাচল ॥
 পাণ্ডবের সৈন্য-সর্ব ভয়ে পলাইল ।
 শূন্যপথে দেবগণ ত্রাসিত হইল ॥
 সর্বসৈন্য পলাইল সহ-নৃপবর ।
 তিন মহারথী রহে সংগ্রাম-ভিতর ॥
 বৃকোদর ধনঞ্জয় অভিমন্যু-বীর ।
 এই তিন মহারথী রণে থাকে স্থির ॥
 দেখি যত দেবগণ করে হাহাকার ।
 গাণ্ডীবে টঙ্কার দেন ইন্দ্রের কুমার ॥
 হুহুকার দিয়া বীর ছাড়ে বজ্রবাণ ।
 যতেক পর্বত ভাঙ্গে বজ্রের সমান ॥
 রেণুর প্রমাণ করি সব উড়াইল ।
 দেখি দেবগণ সব সানন্দ হইল ॥
 যতেক দেবতা করে পুষ্প-বরিষণ ।
 সমরে আসিল পরে সব যোদ্ধগণ ॥
 সাধু-সাধু বলি ভীষ্ম প্রশংসা করিল ।
 সন্ধান পুরিয়া পুনঃ দিব্যাস্ত্র মারিল ॥
 বাণে নিবারেন তাহা পার্শ্ব ধনুর্ধর ।
 পরাজিত নহে কেহ, বিক্রমে সোমর ॥
 [চক্ষু পালটিতে দৌছে না পান বিশ্রাম ।
 দেবাসুর চমকিত দেখিয়া সংগ্রাম ॥

কৃষ্ণ-প্রতি চাহিলেন পার্শ্ব ক্ষণতরে ।
রাখিলা প্রতিজ্ঞা ভীষ্ম সেই অবসরে ॥
সংহারি অযুত-রথী শঙ্খ বাজাইল ।
দেখিয়া পার্থের মনে বিস্ময় জন্মিল ॥
সক্ষ্যা জানি সর্বজন নিবর্তিল রণে ।
দুই-দলে চলি গেল নিজ-নিকেতনে ॥
মহাভারতের কথা অমৃত-লহরী ।
কাশী কহে, শুনিলে তরিবে ভববারি ॥

১১। কর্ণ, দুর্যোধন এবং ভীষ্মের মন্ত্রণা ।

দুর্যোধন মহাবীর, দেখিয়া না হয় স্থির,
বিস্তর পড়িল সৈন্যগণ ।
মনে যুক্তি বিচারিয়া, শকুনিরে পাঠাইয়া,
আনাইল সূর্যের নন্দন ॥
বসিয়া বিরল-স্থানে, যুক্তি করে তিনজনে,
রাধেয় শকুনি দুর্যোধন ।
কহে রাজা কুরুবর, শুন কর্ণ ধনুর্ধর,
মম দুঃখ করি নিবেদন ॥
পাণ্ডবে জিনিবে রণে, হেন আশা করি মনে,
যুদ্ধ-হেতু করিবে উপায় ।
তিনলোকে সবে জানি, দেবতা অস্তুর যুনি,
বাখানয়ে ভীষ্ম-মহাশয় ॥
সেনাপতি করি তাঁরে, ভাসি হুথ-সরোবরে,
সমরে জিনিব বৈরিগণে ।
মনে হেন করি স্নাথ, বিধাতা যে দেয় বাধ,
হীনবল হৈনু দিনে-দিনে ॥

দ্রোণ ভীষ্ম মহাসত্বে, কৃপ শল্য সৌমদত্ত,
আর যত মহারাজগণ ।
পাণ্ডবেরে স্নেহ করি, ক্ষত্রধর্ম পরিহরি,
সবে মিলি উপেক্ষল রণ ॥
পড়ে রণে সেনাগণ, ব্যাকুল আমার মন,
আর কেহ না করে উদ্দেশ ।
দেখিয়া এ-সব রীত, ভয় হৈল উপস্থিত,
কি করিব, কহ সবিশেষ ॥
তুমি উদাসীন রণে, মম দুঃখ-বিমোচনে,
আর কেবা সংগ্রাম করিবে ।
নিবেদিলু বরাবরে, ভাবি যুক্তি দেহ মোরে,
কি উপায়ে পাণ্ডবে মারিবে ॥
বলে কর্ণ ধনুর্ধর, শুন কুরু-নরবর,
সুযুক্তি বিচারে এই হয় ।
বুঝিয়া করহ কার্য্য, তবে সে পাইবে রাজ্য,
হইবে পাণ্ডব-পরাজয় ॥
গঙ্গাপুত্র কৃপ দ্রোণ, আর যত যোদ্ধগণ,
নাহি ছাড়ে পাণ্ডবের আশ ।
একে ত পাণ্ডবভক্ত, ভীষ্ম তাহে নহে শক্ত,
সেনাপতি-কর্মেতে উদাস ॥
বসিয়া দেখুন যুদ্ধ, আমি করি কার্য্যসিদ্ধ,
পাণ্ডবেরে করিয়া সংহার ।
পুনরপি চলি যাহ, ভীষ্মের অগ্রেতে কহ,
এই সে মন্ত্রণা কর সার ॥
কর্ণের মন্ত্রণা শুনি, হিত-হেন মনে গণি,
রাজা গেল ভীষ্মের শিবির ।
নিবেদিল কুরুরাজ, সাধিতে আপন কাজ,
শুন পিতামহ ভীষ্ম-বীর ॥

সীকার করিলে পূর্বে, শত্রুগণে সংহারিবে,
এবে উপেক্ষিয়া কর রণ ।

আমার ভাগ্যের বশে, চতুর্দিকে শত্রু হাসে,
আজ্ঞা কর, করি কি এখন ॥

কর্ণে সেনাপতি কর, মারুক পাণ্ডববর,
উপেক্ষা নাহিক তার স্থানে ।

করে বড় অহঙ্কার, সবান্ধব-পরিবার,
পাণ্ডবে নাশিবে ঘোর-রণে ॥

দুর্যোধন-বাক্যজালে, ভীষ্ম অগ্নি-হেন জ্বলে,
চক্ষু পাকলিয়া বলে রোষে ।

পূর্বেতে বলিছু তোকে, শুনিলেক সর্বলোকে,
হিত না শুনিলে কৰ্মদোষে ॥

আমারে বলিছ বৃদ্ধ, কর্ণের কি আছে সাধ্য,
কহ, কর্ণ কি করিতে পারে ।

যখন গন্ধর্ব-বীরে, • বাক্ষিয়া লইল তোরে,
কর্ণ-বীর কি করিল তারে ॥

উত্তর-গোগৃহ-রণে, সাজি গেলে সৈন্যসনে,
গোধন বেড়িলে গিয়া সবে ।

একেখর ধনঞ্জয়, গোধন কাড়িয়া লয়,
কর্ণ-বীর কি করিল তবে ॥

ধর্মবন্ত পঞ্চজন, মহাবল পরাক্রম,
দেবগণ প্রশংসয়ে যারে ।

এ-তিন-ভুবন-মাঝে, কে তার সহিত যুঝে,
কহিতে অনেক-জন পারে ॥

ইন্দ্রেয়ে জিনিয়া রণে, দহিল খাণ্ডব-বনে,
অগ্নিরে ভর্ষিল একেখর ।

নিবাতকবচে জিনে, কালকেয়-আদিগণে,
অর্জুন সামান্য নহে নর ॥

একে ত দুর্বার রণে, তাহে সখা রাজগণে,
সকুল-পাঞ্চালগণ-সাথে ।

পূর্ণব্রহ্ম সনাতন, যাঁর সৃষ্টি ত্রিভুবন,
সারথি হইলা তিনি রথে ॥

পূর্বকথা কহি শুন, মহারাজ দুর্যোধন,
নন্দালয়ে ছিলেন শ্রীহরি ।

যত শিশুগণ-সঙ্গে, গোধন চরান রঙ্গে,
মহা-আনন্দিত ব্রজপুত্রী ॥

যত ব্রজবাসিগণ, করে যজ্ঞ-আরম্ভণ,
হরপতি-পূজার কারণ ।

দেখিয়া তা জনার্দন, সেই-সব আয়োজন,
পর্বতে করেন নিবেদন ॥

শুনি ক্রুদ্ধ হরনাথ, দেবগণে ল'য়ে সাথ,
হস্তি-সহ যত মেঘগণ ।

অহোরাত্র ঝড়-বৃষ্টি, করিয়া মজায় সৃষ্টি,
ত্রাসিত হইল সর্বজন ॥

যত গোপ-ব্রজবাসী, কাতর হইয়া আসি,
শ্রীকৃষ্ণের শরণ লইল ।

তাহা দেখি নারায়ণ, ধরিলেন গোবর্জন,
বাসবের কোপ উপজিল ॥

দিবানিশি নাহি জ্ঞান, ত্রিভুবন কম্পমান,
বজ্রাঘাত সতত হইল ।

সাতদিন হেনমতে, করিলেন হরনাথে,
না পারিয়া মনে ক্ষমা দিল ॥

হরপতি যায় সর্গ, রক্ষা পায় গোপবর্গ,
গোকুলের ঘুচিল উৎপাত ।

এবে সেই নারায়ণ, পাণ্ডবেরে অমুক্ষণ
রক্ষা করে, যেন পুত্রে তাত ॥

কাহার যোগ্যতা তারে, বিনাশ করিতে পারে,
সহায় যাহার নারায়ণ ।
যদি না রাখেন হরি, নিমিষে মারিতে পারি,
সসৈন্য পাণ্ডব পঞ্চজন ॥
কল্য ঘোর-রণ দিব, হেন অস্ত্র সঞ্চারিব,
যাহা কেহ নিবারিতে নারে ।
ভীষ্মের বচন শুনি, হরষিত কুরুমণি,
চলি গেলা আপন-শিবিরে ॥
বাস-বিরচিত গাথা, অপূর্ব ভারত-কথা,
শ্রুতমাত্র কনুষ-বিনাশ ।
কমলাকান্তের হৃত, হৃজনের মনঃপুত,
বিরচিল কাশীরাম দাস ॥

১২। ষষ্ঠ-দিবসের যুদ্ধ।

পরদিন প্রভাতে সাজিল দুই-দল ।
নানা-বাঘ বাজে, সৈন্য করে কোলাহল ॥
নানাবর্ণ পতাকা যে উড়ে রথধ্বজে ।
সিংহনাদ করি যত যোদ্ধারা গরজে ॥
মহারথী রথিগণ ধনুঃশর-হাতে ।
সিংহনাদ করি সবে ধায় চতুর্ভিতে ॥
রথীকে ধাইল রথী, গজ ধায় গজে ।
আসোয়ারে আসোয়ার, পদা-পদা যুঝে ॥
মুঘল মুগুর শেল ভুষণী তোমর ।
নানা-অস্ত্র মারে, যেন বর্ষে জলধর ॥
গদাহাতে ভীম-বীর অতিবেগে ধায় ।
গজ-অশ্ব মারে কত, যারে অগ্রে পায় ॥
মহাবীর সহদেব মাদ্রীর নন্দন ।
অসি-চক্ষু ধরি বীর আরম্ভিল রণ ॥
রণদর্প করি বীর প্রবেশে সমরে ।
শত-শত বীরগণে দিল যমঘরে ॥

শত-শত হস্তী মারে, পদাতি বহুল ।
যতেক মারিল সৈন্য, নাহি তার কুল ॥
সৈন্যের বিনাশ দেখি শকুনি ক্রমিল ।
একেবারে ত্রিশ-শর সন্ধান করিল ॥
সন্ধান পুরিয়া বীর শীঘ্র এড়ে বাণ ।
খড়্গে কাটি সহদেব করে খান-খান ॥
বাণ ব্যর্থ দেখি রোষে শকুনি দুর্মতি ।
সন্ধান পুরিয়া বাণ মারে শীঘ্রগতি ॥
পুনঃপুনঃ যত বাণ মারিছে শকুনি ।
শীঘ্রহস্তে সহদেব খড়্গে ফেলে হানি ॥
মহাকোপে ধায় বীর খড়্গা ল'য়ে হাতে ।
অশ্ব-সহ সারথিরে পাড়িল ভূমিতে ॥
অশ্ব-সহ সারথি সমরে কাটা গেল ।
পলায় শকুনি-বীর, পিতু না চাহিল ॥
শকুনি পলায়ে গেল ত্যজিয়া সমর ।
রথে চড়ি সহদেব নিল ধনুঃশর ॥
জয়দ্রথ-নকুলে বাধিল ঘোর-রণ ।
নানা-অস্ত্র দুইজনে করে বরিষণ ॥
দৌহাকার অস্ত্র দৌহে নিবারয়ে শরে ।
পরাজয় কারো নাহি হইল সমরে ॥

ধৃষ্টদ্যুম্ন-ভুরিশ্রবা রণ ঘোরতর ।
সর্বলোক দেখে তাহা থাকিয়া অন্তর ॥
আষাঢ়-শ্রাবণে যেন বর্ষে জলধর ।
ততোধিক দুইজনে বরিষয়ে শর ॥
সহস্র-সহস্র সেনা পড়িল সমরে ।
দ্রোণাচার্য দেখি তাহা ক্রমিলা অন্তরে ॥
মহাকোপে দ্রোণাচার্য বরিষয়ে শর ।
লক্ষ-লক্ষ সৈন্যগণে দিল যমঘর ॥

তাহা দেখি রোষে বীর অর্জুন-নন্দন ।
দ্রোণের উপরে করে অস্ত্র-বরিষণ ॥

বাণে নিবারণে তাহা দ্রোণ-মহাশয় ।
 কুপিত হইল দেখি অর্জুন-তনয় ॥
 একেবারে শত-শর সন্ধান করিল ।
 দ্রোণাচার্য্য বাণে-বাণে তাহা নিবারিল ॥
 ক্রোধে অভিমন্যু-বীর এড়ে দশবাণ ।
 দ্রোণের হাতের ধনু করে খান-খান ॥
 আর ধনু লয় গুরু চক্ষু পালটিতে ।
 সেই ধনু কাটে বীর গুণ নাহি দিতে ॥
 পুনঃপুনঃ দ্রোণাচার্য্য যত ধনু লয় ।
 বাণে কাটি পাড়ে তাহা অর্জুন-তনয় ॥
 পুনঃ দিব্য-অস্ত্র বীর সন্ধান করিল ।
 দ্রোণের কবচ ভেদি অস্ত্রে প্রবেশিল ॥
 মুচ্ছিত হইয়া দ্রোণ পড়িলেন রথে ।
 সৈন্যেরে পাঠায় অভিমন্যু যমপথে ॥
 সহস্র-সহস্র রথী, গজ অগণন ।
 মারিলা যতেক সৈন্য, কে করে গণন ॥
 কতক্ষণে চৈতন্য পাইলা দ্রোণ-গুরু ।
 কোপে কম্পমান অঙ্গ, কাঁপে বক্ষ-উরু ॥
 ধনুর্বাণ ল'য়ে করে অস্ত্র-বরিষণ ।
 শরে শর নিবারণে অর্জুন-নন্দন ॥
 দৌহে দৌহাকারে বিক্ষে করি প্রাণপণ ।
 দৌহাকার অস্ত্র দৌহে করে নিবারণ ॥
 পরস্পর যুদ্ধ করে যত যোদ্ধগণ ।
 পড়িল যতেক সৈন্য, কে করে গণন ॥
 মুষল মুদগর শেল ভূষণী তোমর ।
 চক্র শূল শক্তি জাঠী বর্ষে নিরন্তর ॥
 শ্রাবণ-ভাদ্রেতে যথা জল বর্ষে ধারে ।
 সেইমত বীরগণ নানা-অস্ত্র মারে ॥
 শ্রীহরি সারথি, রথী পার্থ ধনুর্ধর ।
 ভীষ্মের উপরে মারিলেন তীক্ষ্ণশর ॥

শরে শর নিবারণা গঙ্গার নন্দন ।
 অর্জুনে চাহিয়া বীর বলেন বচন ॥
 পাঁচদিন যুদ্ধ করি গেলে সবে ঘর ।
 আজি হইবেক যুদ্ধ মহাভয়ঙ্কর ॥
 ইহা জানি পার্থ আজি রণে দেহ মন ।
 বুঝিব, কিমতে আজি রাখ সৈন্যগণ ॥
 এত বলি ভীষ্ম বাণ করিল সন্ধান ।
 অর্জুন-উপরে মারে চোখ-চোখ বাণ ॥
 বাণে নিবারণে তাহা পার্থ ধনুর্ধর ।
 আশ্চর্য্য মানিল দেখি দেব-দৈত্য-নর ॥
 তবে ভীষ্ম পঞ্চবাণ মারে অতি-রোষে ।
 মূর্ত্তিমান্ হ'য়ে বাণ শূন্যপথে আসে ॥
 দেখি পার্থ ছুই-বাণ পুরিয়া সন্ধান ।
 অর্দ্ধপথে কাটি তাহা করে খান-খান ॥
 দেখি মহাকোপাধিত গঙ্গার নন্দন ।
 আকাশ ছাইয়া বাণ করে বরিষণ ॥
 শ্রীকৃষ্ণ সারথি, আর পার্থ ধনুর্ধর ।
 বাণে-বাণে দৌহাকারে করিল জর্জর ॥
 মহাকোপে পার্থ এড়িলেন অস্ত্রগণ ।
 কাটিলা সারথি রথ ধ্বজ শরাসন ॥
 আট-বাণে মারিলা রথের চারি হয়ে ।
 আশীবাণে বিচ্ছিলেন গঙ্গার তনয়ে ॥
 লক্ষ-বাণ মারিলেন সৈন্যের উপরে ।
 হয় গজ রথী সব গেল যমঘরে ॥
 তবে ভীষ্ম মহাবীর অন্য ধনু লৈয়া ।
 বাণবৃষ্টি করিলেন আকাশ ছাইয়া ॥
 শূন্যমার্গ রুদ্ধ হৈল, না চলে বাতাস ।
 বাণে অন্ধকার হৈল রবির প্রকাশ ॥
 লক্ষ-লক্ষ সেনা বীর করিল সংহার ।
 শত-শত গজ মারে, কত আসোয়ার ॥

হেনমতে দুইজনে হৈল যত রণ ।
সকল না লেখা গেল বাহুল্য-কারণ ॥
মহাকোপে পার্থ পুনঃ করিয়া সন্ধান ।
ভীষ্মের ধনুক কাটি করে খান-খান ॥
সারথির মাথা কাটে, কাটে অথ চারি ।
রথ-ধ্বজ কাটিলেন বিক্রমে কেশরী ॥
দেখি গঙ্গাপুত্র বড় লজ্জা পেয়ে মনে ।
আর রথে চড়ি ধনু লইল তখনে ॥

ভীষ্ম বলে, শুন বাক্য কৃষ্ণ-মহাশয় ।
করিল অদ্বুত রণ কুন্তীর তনয় ॥
এবে মম পরাক্রম দেখ গদাধর ।
সাবধান হ'য়ে বৈস রথের উপর ॥
অর্জুনেরে রক্ষ, আর রক্ষ সেনাগণ ।
বড়ই দুর্জয় অস্ত্র, নাশে ত্রিভুবন ॥
এতেক বলিয়া ভীষ্ম নিল মহাশর ।
নারায়ণ নাম তার, খ্যাত চরাচর ॥
সেই শরে অভিসেক গাঙ্গেয় করিল ।
মন্ত্রপুত করি তাহা ধনুকে বসাল ॥
বিষ্ণুতেজঃ ধরে অস্ত্র বিষ্ণু-অবতার ।
পাণ্ডবের অস্ত্রধারী করিতে সংহার ॥
সসৈন্য পাণ্ডবগণে যত ধনুর্ধর ।
সবারে সংহার করি লহ যমঘর ॥
এতেক বলিয়া বীর ধনু আকর্ষিল ।
আকর্ষণ পুরিয়া বাণ সন্ধান করিল ॥
বাণ হৈতে বিষ্ণুতেজঃ হইল প্রকাশ ।
যেন লক্ষরবি আসি ছাইল আকাশ ॥
দেখি যত দেবগণ ভাবিতে লাগিল ।
সসৈন্য পাণ্ডব আজি সংহার হইল ॥

ভূমিকম্প হয় ঘন, কম্পে চরাচর ।
অনন্ত-নাগের ফণা কাঁপে থর-থর ॥
দেখিয়া পাইয়া ভয় প্রভু নারায়ণ ।
অর্জুনে চাহিয়া তবে বলেন বচন ॥
জগৎ নাশিতে শক্তি ধরে এই বাণ ।
দেবাসুর-গন্ধর্ব্বেরে নাহি ধরে টান' ॥
অস্ত্র-ধনু ত্যাগ কর, শুন বীরবর ।
বিমুখ হইয়া বৈস রথের উপর ॥
অর্জুন বলেন, দেব, না হয় উচিত ।
ক্ষত্রধর্ম্ম ত্যজি কেনে প্রাণে হ'ব ভীত ॥

শ্রীহরি বলেন, নহে কথার সময় ।
আমার শপথ, অস্ত্র ত্যজ ধনঞ্জয় ॥
ধনু অস্ত্র ত্যজি বীর ব'সেন বিমুখে ।
নারায়ণ ডাকি তবে বলে সর্ব্বলোকে ॥
পাণ্ডব-সৈন্যেতে যতজন অস্ত্রধর ।
বিমুখ হইয়া সবে ত্যজ ধনুঃশর ॥
উচ্চৈঃস্বরে বাহুদেব বলে ঘনে-ঘন ।
শুনিয়া করিল ত্যাগ অস্ত্র সর্ব্বজন ॥
নৃপতি-সহিত যত যোদ্ধগণ ছিল ।
ভীমসেন-বিনা সবে বিমুখ হইল ॥
তাহা দেখি শ্রীগোবিন্দ কহে বৃকোদরে ।
পতঙ্গের প্রায় কেনে পুড়ি মর শরে ॥
এই ভিক্ষা দেহ মোরে, শুন মহাবল ।
অস্ত্র ত্যজি পৃষ্ঠ দিয়া থাকহ কেবল ॥

ভীম বলে, হেন বাক্য না বল আমারে ।
প্রাণ দিব, তবু পৃষ্ঠ না দিব সমরে ॥
ভারতের যুদ্ধে আমি করিলাম পণ ।
সমরেতে পৃষ্ঠ নাহি দিব কদাচন ॥

কি-কারণে প্রাণভয়ে রণে ভঙ্গ দিব ।
 নিজধর্ম ত্যজি কেন নরকে মজিব ॥
 এত বলি মহাবীর রহে গদা ধরি ।
 দেখিয়া করেন চিন্তা আপনি শ্রীহরি ॥
 মহাতেজোময় অস্ত্র গগনে উঠিল ।
 পাণ্ডবের সৈন্যে অস্ত্রধারী না পাইল ॥
 ভীমহস্তে গদা দেখি কোপে আসে বাণ ।
 প্রস্থলিত অগ্নি যেন পর্বত-সমান ॥
 ষোরনাদ গর্জে বাণ ভীমে বিনাশিতে ।
 শ্রেণি নারায়ণ বড় চিস্তিলেন চিতে ॥
 রথ ত্যজি ধাইলেন গোবিন্দ সত্বরে ।
 ভীমে আচ্ছাদিলা দেব নিজ-কলেবরে ॥
 মহাতেজোময় অস্ত্র সংসারে ব্যাপিল ।
 কৃষ্ণের পরশে সব তেজঃ সংবরিল ॥
 আপনার তেজ হরি আপনি ধরিয়া ।
 ভীমে রক্ষা করিলেন অস্ত্র নিবারিয়া ॥
 স্বর্গে দেবগণ সবে করে জয়-জয় ।
 দেখিয়া পাণ্ডবগণ সানন্দ-হৃদয় ॥

গঙ্গাপুত্র হইলেন আনন্দিত-মন ।
 ধনুক ছাড়িয়া করে কৃষ্ণের স্তবন ॥
 জয়-জয় নারায়ণ ভুবন-পালন ।
 অখিল ব্রহ্মাণ্ডপতি জগৎ-তারণ ॥
 নমো-নমো বাহুদেব, মুকুন্দ-মুরারি ।
 নমস্তে মাধব, জয় দুর্জয়-দর্পহারী ॥
 সাধু পাণ্ডু, সাধু কুন্তী, পুত্র জন্মাইল ।
 ত্রিজগদীশ্বর যার সারথি হইল ॥
 ইত্যাদি অনেক স্তব করে বীরবর ।
 আপনার রথে তবে যান গদাধর ॥
 গাণ্ডীব লইয়া হাতে ইস্ত্রের নন্দন ।
 করেন মুঘলধারে অস্ত্র-বরিষণ ॥

সহস্র-সহস্র রথী, গজ অগণন ।
 বাণে কাটি পাঠাইলা শমন-সদন ॥
 ধনুক ধরিয়া ভীষ্ম পুরিলা সন্ধান ।
 নিমিষেতে নিবারিলা অর্জুনের বাণ ॥
 নিবারিয়া অস্ত্র পুনঃ এড়ে আর শর ।
 বাণে নিবারণে তাহা পার্থ ধনুর্ধর ॥
 দৌহে দৌহা-প্রতি করে অস্ত্র-বরিষণ ।
 দৌহাকার অস্ত্র দৌহে করে নিবারণ ॥
 হেনমতে বহুযুদ্ধ হয় দুইজনে ।
 নাহি লিখিলাম সব বাহুল্য-কারণে ॥
 ক্রোধে ভীষ্ম পঞ্চশর সন্ধান পুরিল ।
 কবচ ভেদিয়া পার্থ-অঙ্গে প্রবেশিল ॥
 করে ধরি অস্ত্র পার্থ করিতে বাহির ।
 অযুতেক রথী মারে ভীষ্ম মহাবীর ॥
 জয়শঙ্খ বাজাইয়া রথ বাহুড়িল ।
 সন্ধ্যা জানি সর্বজন রণে নিবর্তিল ॥
 কৌরব-পাণ্ডব গেল আপনার ঘর ।
 হেনমতে ছয়দিন হইল সমর ॥
 মহাভারতের কথা অমৃত-লহরী ।
 কাশী কহে পয়ারে, শুনিলে ভবে তরি ॥

১০ । অর্জুনের সহিত হনুমানের বিবাদ ও
 শরদ্বারা সাগর বন্ধন ।

শিবিরেতে গিয়া যুদ্ধার্থির মহাশয় ।
 কহেন গোবিন্দ-প্রতি করিয়া বিনয় ॥
 পিতামহ কৈলা বহু সৈন্তের নিধন ।
 কি করি উপায় এবে, কহ নারায়ণ ॥
 নারায়ণ-অস্ত্র ভীষ্ম পুরিলা সন্ধান ।
 দেবাসুরে কেহ যার নাহি জানে নাম ॥

মহাকোপে আসে বাণ ভীমে মারিবারে ।
আপনি করিলে রক্ষা রূপা করি তারে ॥
মম মনে যাহা লয়, শুন হৃষীকেশ ।
রাজ্যে কার্য্য নাহি, বনে করিব প্রবেশ ॥

অর্জুন বলেন, শুন ধর্ম্ম-নৃপবর ।
অমঙ্গল চিন্তা কেন কর নিরন্তর ॥
আমা-সবে রক্ষা যেঁহ করে সর্ব্বকাল ।
পূর্ব্বের বৃত্তান্ত কহি, শুন মহীপাল ॥
তীর্থ-পর্য্যটনে আমি গেলাম যখন ।
ভ্রমিতে-ভ্রমিতে যাই দ্বারকা-ভুবন ॥
স্তগন্ধি-কনক-পদ্ম অতি মনোহর ।
সত্রাজিৎ-নন্দিনীকে দেন দামোদর ॥
দেখিয়া রুক্মিণী-মনে ক্রোধ উপজিল ।
শরীর ত্যজিব, হেন মনে বিচারিল ॥
এ-সব বৃত্তান্ত জানিলেন নারায়ণ ।
পুষ্প-হেতু আজ্ঞা মোরে দিলেন তখন ॥
আমি কহিলাম, পুষ্প আছে কোন্ থানে ।
শ্রীহরি কহেন, আছে কদলীর বনে ॥

সেইক্ষণে ধনুর্বিধা লইলাম আমি ।
গেলাম কদলীবনে অতি শীঘ্রগামী ॥
ভ্রমিতে-ভ্রমিতে দেখি পুষ্প মনোহর ।
রক্ষক আছয়ে চারি মর্কট বানর ॥
পুষ্প তুলিবারে মম উদ্যোগ হইল ।
দেখিয়া তাহারা মোরে নিষেধ করিল ॥
না মানিয়া পুষ্প আমি তুলি নিজমনে ।
দেখিয়া ধাইয়া তারা গেল চারিজন ॥
হনুমান গিয়া কহে সব সমাচার ।
শ্রুতমাত্র আসে তথা পবন-কুমার ॥

আমারে দেখিয়া বলে হুঁয়ে ক্রোধমন ।
অস্থায়ী কিরাত চোর, শুন রে বচন ॥

যাইতে শমনপুরী ইচ্ছা হৈল তোর ।
সে-কারণে পুষ্প তোল উদ্ধানেতে মোর ॥
ইন্দ্র-চন্দ্র-দেবগণ নাহি আসে ডরে ।
অধম কিরাত তুই এলি মরিবারে ॥
নিত্য-নিত্য পূজা আমি করি রঘুবীর ।
যাঁহার প্রসাদে মোর অক্ষয় শরীর ॥
দুর্জয় রাবণ যেই বিখ্যাত সংসারে ।
সবংশে দিলেন যিনি তারে যমঘরে ॥
রাজত্ব দিলেন বিভাষণে চিরকাল ।
বালিরাজে মারিলেন ভেদি সপ্ততাল ॥
বনের বানর বন্দা যঁার গুণে হৈল ।
অলঙ্কার সাগর যঁার হাতে বান্ধা গেল ॥
মমুষ্য হইয়া তোর বুদ্ধি হৈল হত ।
যমপুরী যাইতে কি হুঁয়েছ উদ্যত ॥

আমি কহিলাম, তুই জাতিতে বানর ।
বনফল খেয়ে ভ্রম বনের ভিতর ॥
না জানিয়া কটুভর বলিস্ আমারে ।
যদি প্রাণে মারি তোরে, কে রাখে সংসারে ॥
বড় বীর বলি মনে কর রঘুনাথ ।
সংসারেতে তাঁর বল আছয়ে বিখ্যাত ॥
বানর পাথর বহি সাগর বান্ধিল ।
আপনি কটক ল'য়ে তবে পার হৈল ॥
আপনি শরিতে যদি বান্ধিত সাগর ।
তবে আমি কহিতাম তাঁরে বীরবর ॥

ক্রোধে হনু বলে, শুন কিরাত-অধম ।
ত্রিভুবনে খ্যাত যত রামের বিক্রম ॥
হরধনু ভাঙ্গিলেন যিনি অবহেলে ।
পরশুরামেরে যিনি জিনিলেন বলে ॥
শরিতে সাগর বান্ধা তাঁর চিত্র নহে ।
কটকের মহাতার কি-প্রকারে সহে ॥

সে-কারণে বাঙ্কিলেন পাষণে সাগর ।
 রামের করহ নিন্দা অধম পামর ॥
 ইহার উচিত ফল পাবে মোর ঠাই ।
 পড়িয়াছ মোর হাতে অব্যাহতি নাই ॥
 তুমি যদি মহাবীর, বড় ধনুর্ধর ।
 পার কর মোরে শরে বাঙ্কিয়া সাগর ॥
 আমার ভরেতে যদি তব বাঁধ রয় ।
 তবে ত হইবে সখা, এ-কথা নিশ্চয় ॥
 কিস্তি যদি গোর ভরে বাঁধ হয় ভঙ্গ ।
 সাক্ষাতে তোমারে আজি দেখাইব রঙ্গ ॥

আমি কহিলাম, যদি বাঙ্কি হে সাগর ।
 তুমি কোন্ ছার, পার হবে চরাচর ॥
 তোমার ভরেতে যদি বাঁধ ভেঙ্গে যায় ।
 পরাজিত আমি তবে হইব নিশ্চয় ॥

এইমত প্রতিজ্ঞা করিলু সেইক্ষণে ।
 সাগর-তীরেতে তবে যাই দুইজনে ॥
 ধনুক ধরিয়া আমি দিলাম টঙ্কার ।
 বৃষ্টিধারাসম অস্ত্র হইল সঞ্চার ॥
 পদ্ম-শঙ্খ-আদি বাণ, কে করে গগন ।
 নিমেষেতে বাঙ্কিলাম শতেক যোজন ॥
 বাঁধ দেখি হনুমান্ সবিস্ময়-মন ।
 জানিল কিরাত নহে, হবে মহাজন ॥
 কোন্ দেবতার আজি বিপাক' ঘটিল ।
 আমার সহিত আসি বিবাদ করিল ॥
 আমারে চাহিয়া বীর বলিলেন হাসি ।
 ক্ষণেক বিলম্ব কর, শীঘ্র আমি আসি ॥

এত বলি উত্তরেতে চলে মহাবীর ।
 বাড়াইল উভে' লক্ষ-যোজন শরীর ॥

লোমে-লোমে মহাবীর পর্বত বাঙ্কিল ।
 কত-শত পর্বত সে স্কন্ধে তুলি নিল ॥
 মহাবেগে আসে বীর কৃতাস্ত-আকার ।
 লুকাইল রবিতেজ, হৈল অন্ধকার ॥
 প্রলয়ের ঝড়-সম মহাশব্দ শুনি ।
 চমকিত হ'য়ে চারিদিকে চাহি আমি ॥
 নিরখিয়া দেখি রূপ অতি ভয়ঙ্কর ।
 হনুমানে চিনি মম কাঁপিল অন্তর ॥

এমত কুবুন্ধি মোরে কেন দিলে হরি ।
 স কল থাকিতে হনুমানে বৈরী করি ॥
 পিপীলিকা-পক্ষ যেন উঠে মরিবার ।
 তেমতি হইল মোর কুবুন্ধি-সঞ্চার ॥
 মহাভয় পেয়ে আমি স্মরি মনে-মন ।
 সকলি জানিলা অন্তর্যামী নারায়ণ ॥
 হনুমানে-অর্জুনেতে হইল বিবাদ ।
 মহাবীর হনুমান্ পাড়িল প্রমাদ ॥

এতেক চিন্তিয়া প্রভু আসিয়া স্বরিতে ।
 রহেন কছপরূপে বাঁধের নীচেতে ॥
 কোপে হনুমান্ ডাকি আমা-প্রতি বলে ।
 এবে বাঁধ কর রক্ষা, প্রতিজ্ঞা করিলে ॥
 পড়িয়া সঙ্কটে আমি সাহস করিয়া ।
 নিঃশঙ্কাতে হও পার, বলিষু ডাকিয়া ॥
 হনুমান্-পদভরে কম্পে বহুমতী ।
 বাঁধে একপদ দিল হয়ে ক্রুদ্ধমতি ॥
 অন্যপদ তুলি যেই দিলা মহাবীর ।
 কছপের মুখ হৈতে বহিল রুধির ॥
 হইল অরুণবর্ণ সাগরের জল ।
 তাহা দেখি সচিস্তিত হৈল মহাবল ॥

পৃথিবী সহিতে মোর ভর নাহি পারে ।
শরসেতু কি-প্রকারে রহিল সাগরে ॥
কোন্ হেতু রক্তবর্ণ সাগরের নীর ।
এতেক চিন্তিয়া মনে ধ্যান করে বীর ॥
ধ্যানেতে জানিল প্রভু বাঁধের নীচেতে ।
লাফ দিয়া তটে পড়ে অতি-ভীতচিত্তে ॥
আমি পশু মূঢ়মতি, ইহা নাহি জানি ।
বাঁধের নীচেতে প্রভু রঘুকুলমণি ॥
অজ্ঞান অধম আমি, বড়ই বর্বর ।
না জানিয়া আরোহিনু প্রভুর উপর ॥

তবে ত কচ্ছপরূপ ত্যজিয়া শ্রীহরি ।
দূর্বাদলশ্যাম-তনু হৈলা ধনুর্দ্ধারী ॥
হনুমান্-প্রতি তবে বলেন বচন ।
আমার পরম-ভক্ত তোমরা দু'জন ॥
দুইজনে প্রীতি কর, ছাড় মনোরোষ ।
আমা চাহি কর ক্ষমা অর্জুনের দোষ ॥
কৃতাজ্ঞলি বলে হনু করিয়া বিনয় ।
পাপকর্ম্ম করিলাম আমি পাপাশয় ॥
অপরাধ ক্ষম মোর, ওহে রঘুমণি ।
অজ্ঞান-অধম পশু, কিছু নাহি জানি ॥
শুনি হরি উভয়ের সখ্য করাইয়া ।
উভয়েই শাস্ত করি গেলেন চলিয়া ॥

হনুমান্ আমা চাহি বলেন বচন ।
তুমি-আমি সখা হইলাম দুইজন ॥
সদাই তোমার আমি সহায় থাকিব ।
সমর-সঙ্কটে তব সাহায্য করিব ॥
এতেক বলিয়া বীর গেলেন উত্তর ।
পুষ্প ল'য়ে আসিলাম দ্বারকা-নগর ॥
বড়-বড় সঙ্কটেতে রাখিলেন মোরে ।
শুন ধর্ম্ম-মহারাজ, না চিন্ত অস্তরে ॥

এত বলি প্রবোধেন পার্শ্ব ধর্ম্মরূপে ।
রজনী বক্সিল নানা-কথার আলাপে ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১৪। সপ্তম দিবসের বৃদ্ধ ।

প্রভাতেতে দুইদল সমরে সাজিল ।
প্রলয়ের কালে যেন সিদ্ধ উথলিল ॥
সিংহনাদ শঙ্খধ্বনি গজের বৃংহণ ।
ধনুক-টঙ্কার ঘোর, রথের নিঃস্বন ॥
রথীকে ধাইল রথী, গজ ধায় গজে ।
আসোয়াারে আসোয়ার, পদা-পদা যুঝে ॥
মুমল মুদগার শেল পরশু তোমর ।
ভূষণী পট্টিশ গদা বর্ষে নিরস্তর ॥
দুই-দলে বাধে যুদ্ধ, উঠে মহারোল ।
যেমন প্রলয়কালে সমুদ্র-কল্লোল ॥
ভীষ্ম-অর্জুনেতে যুদ্ধ নাহিক তুলনা ।
বাণরষ্টি নিরস্তর, কে করে বর্ণনা ॥
মুমলের ধারে যেন বরিষয়ে ঘনে ।
তাদৃশ আয়ুধ-রষ্টি করে দুইজনে ॥

ভীমসেন মহাবীর প্রবেশে সমরে ।
সহস্র-সহস্র রথী দিল যমঘরে ॥
গদাহস্তে ভীমসেন যেই দিকে ধায় ।
বড়-বড় যোদ্ধগণ আতঙ্কে পলায় ॥
দেখিয়া রুধিল বীর দ্রোণের ননন্দ ।
ভীমের উপরে করে বাণ-বরিষণ ॥
অশ্বখামা দেখি বীর চড়ে নিজরথে ।
গদা ছাড়ি ধনুঃশর তুলি নিল হাতে ॥
সন্ধান করিয়া এড়ে চোখ-চোখ বাণ ।
দ্রোণির যতেক অস্ত্র করে খান-খান ॥

কাটিয়া সকল অস্ত্র বুকোদর-বীর ।
 সন্ধান পুরিয়া বিচ্ছেদ তাঁহার শরীর ॥
 দেখি অশ্বখামা কোপে এড়ে পঞ্চবাণ ।
 ভীমের যতেক অস্ত্র করে খান-খান ॥
 দৌহে দৌহা-অস্ত্র কাটে, দৌহে মহাবল ।
 সমরে রুঘিল ভীম হইয়া প্রবল ॥
 ধনুকে টঙ্কার দিয়া এড়ে পঞ্চবাণ ।
 দ্রৌণির ধনুক কাটি করে খান-খান ॥
 আর ছুই-বাণ মারে কি কহিব কথা ।
 রথ-অশ্ব কাটে আর সারথির মাথা ॥
 সারথি পড়িল, রথ হইল অচল ।
 চোখ-চোখ বাণ মারে ভীম মহাবল ॥
 বাণাঘাতে অচেতন দ্রৌণের কুমার ।
 দেখি যত কুরুগণ করে হাহাকার ॥
 আর রথে করি অশ্বখামারে লইল ।
 মহাবল ভীম সৈন্য বিনাশ করিল ॥
 কোটি-কোটি রথী মারি দিল যমালয় ।
 ভীমের সন্মুখে আর কেহ নাহি রয় ॥

দেখি রাজা দুর্যোধন মহাত্ম্যখমতি ।
 রাজগণে অনুমতি করে শীঘ্রগতি ॥
 শুনিয়া কলিঙ্গ-শত-সহোদর আগে ।
 ভীমেরে মারিতে যায় ধনু ধরি বেগে ॥
 চতুর্দিকে বেড়ি সবে বরিষয়ে শর ।
 বাণে বাণ নিবারয়ে বীর বুকোদর ॥
 চোখ-চোখ বাণে বিচ্ছেদ সবার শরীর ।
 রণে ভঙ্গ দিল সবে হইয়া অস্থির ॥
 কোপেতে কলিঙ্গ-রাজ এড়ে শতবাণ ।
 অর্ধপথে ভীম তাহা করে খান-খান ॥
 পুনঃ সপ্ত-বাণ বীর মারে বুকোদরে ।
 খণ্ড-খণ্ড করি তাহা কাটে ভীম শরে ॥

বাণ নিবারিয়া করে বাণের প্রহার ।
 সারথি-সহিত অশ্ব করিল সংহার ॥
 বিরথ হইয়া বীর ভাবে মনে-মন ।
 আর রথে চড়ি করে অস্ত্র-বরিষণ ॥
 বাণ নিবারিয়া ভীম করে শরজাল ।
 ঢাকিল রবির তেজ, তিমির বিশাল ॥
 নিবারিতে না পারিল কলিঙ্গ-রাজন ।
 রথের উপরে পড়ে হ'য়ে অচেতন ॥
 রাজার সঙ্কট দেখি সহোদরগণ ।
 ভীমের উপরে করে অস্ত্র-বরিষণ ॥
 তাহা দেখি বুকোদর গদা হাতে ল'য়ে ।
 নিমিষেতে সবাকারে দিল যমালয়ে ॥
 সৈন্যগণে বিনাশয়ে পবন-কুমার ।
 লক্ষ-লক্ষ সেনাগণে দিল যমদ্বার ॥
 চেতন পাইয়া উঠে কলিঙ্গ-রাজন ।
 ভাই-সবে মৃত দেখি মহাশোকমন ॥
 হস্তী ষাটি-সহস্র যে রাজার ভিড়নে ।
 সবারে আদেশি রাজা প্রবেশিল রণে ॥

ভীমেরে ডাকিয়া বলে, শুন বীরবর ।
 সমরেতে বিনাশিলে মম সহোদর ॥
 মোর সহ স্থির হ'য়ে করহ সমর ।
 হস্তীর চাপনে তোমা দিব যমঘর ॥
 শুনি ভীমসেন বীর প্রতিজ্ঞা করয় ।
 নিশ্চয় তোমারে আজি দিব যমালয় ॥
 যে-সকল মাতঙ্গের কর অহঙ্কার ।
 গদার বাতাসে সবে লব যমদ্বার ॥
 গদার বাতাস বিনা না করি আঘাত ।
 আমার প্রতিজ্ঞা এই শুনহ সাক্ষাৎ ॥
 এত বলি গদা ল'য়ে ধায় বীরবর ।
 কোপেতে ফিরায় গদা মাংসার উপর ॥

দিলেন আপন-তেজ ভীমে হুবীকেশ ।
 উনপঞ্চাশৎ বায়ু গদাতে প্রবেশ ॥
 গদা ফিরাইয়া বীর ধায় মহারোষে ।
 উড়াইল হস্তিগণে প্রবল বাতাসে ॥
 আকাশেতে ঘূর্ণীবায়ু বহে নিরন্তর ।
 গদার বাতাসে সব উড়িল কুঞ্জর ॥
 ঘূর্ণিত বায়ুতে হস্তী ঘূর্ণ্যমান হয় ।
 সে-দৃশ্য দেখিয়া সবাকার লাগে ভয় ॥
 এক-যোজনের মধ্যে যত সৈন্য ছিল ।
 গদার বাতাসে ভীম সবে উড়াইল ॥
 পর্বতে-কাননে কত পড়ে দেশান্তরে ।
 কতক পড়িল গিয়া সাগর-ভিতরে ॥
 দেখি যত দেবগণে লাগে চমৎকার ।
 কোঁরবের সৈন্যগণ করে হাহাকার ॥
 তবে বুকোদর-বীর অতিবেগে ধায় ।
 একঘায়ে কলিঙ্গেরে দিল যমালয় ॥
 রথ-অশ্ব-সহ সব গুঁড়া হ'য়ে গেল ।
 দেখিয়া কোঁরবদলে আতঙ্ক হইল ॥

দেখি দ্রোণাচার্য্য বাণ পুরিল সন্ধান ।
 বাছিয়া-বাছিয়া মারে চোখ-চোখ বাণ ॥
 সহস্র-সহস্র বাণ মারে একেবারে ।
 ভাঁমের শরীর বিদ্ধ করিল প্রহারে ॥
 দেখি বীর বুকোদর চড়ে গিয়া রথে ।
 গদা ছাড়ি ধনুঃশর লইলেন হাতে ॥
 বাণরষ্টি করি বীর নিবারয়ে শর ।
 নিজ-অস্ত্রে বিদ্ধে পুনঃ দ্রোণ-কলেবর ॥
 দৌহে দৌহা-পরে করে অস্ত্র-বরিষণ ।
 দৌহাকার অস্ত্র দৌহে করয়ে বারণ ॥

জয়জয়-নকুলশ্রুতে হয় যোত্ররণ ।
 দৌহে দৌহাকারে বিদ্ধে করি প্রাণপণ ॥

শকুনি-সহিত যুদ্ধে সহদেব বীর ।
 বাণেতে অর্জুনের হৈল উভয়-শরীর ॥
 জুঙ্ঘ হৈল সহদেব মাদ্রীর নন্দন ।
 শকুনির কাটেন হস্তের শরাসন ॥
 রথধ্বজ কাটি তার, সারথি কাটিল ।
 দিব্য-ভগ্ন পঞ্চগোটা অঙ্গে প্রহারিল ॥
 আঘাতে শকুনি পড়ে হ'য়ে অচেতন ।
 আর রথে তুলি তারে নিল যোদ্ধগণ ॥
 অভিমন্যু-দ্রোণপুত্রেরে বার্ষিল সময় ।

দৌহে মহাপরাক্রম মহাধনুর্ধর ॥
 মহাকোপে অভিমন্যু এড়ে যষ্টিশর ।
 রথ-অশ্ব-সারথিরে দিল যমঘর ॥
 অন্তরথে চড়ি দ্রোণপুত্র বিপ্রবর ।
 অর্জুনি-উপরে মারে সহস্রেক শর ॥
 অর্ধপথে কাটে তাহা অভিমন্যু বীর ।
 সন্ধান পুরয়ে পুনঃ নির্ভয়-শরীর ॥
 হেনমতে ছুইজনে বরিষয়ে শর ।
 সংগ্রামে নিপুণ দৌহে মহাধনুর্ধর ॥

ভূরিশ্রবা-ক্রপদেতে রণ অতিশয় ।
 সমান-বিক্রম, নাহি কারো পরাজয় ॥
 শ্রীহরি চালান রথ, পার্থ-ধনুর্ধর ।

ভীষ্মের উপরে বীর বরিষয়ে শর ॥
 বাণে ঝাণ নিবারেন গজার নন্দন ।
 অর্জুন-উপরে করে বাণ-বরিষণ ॥
 বাণে কাটি পার্থ তাহা করে নিবারণ ।
 পুনঃ দিব্য-দশ-বাণ করেন ক্লেপণ ॥
 অশ্ব-সহ সারথিরে করেন সংহার ।
 বাণাঘাতে ভীষ্মবীর ব্যথিত অপার ॥
 তবে পার্থ লক্ষ-শর এড়েন স্মরিতে ॥
 লক্ষ-লক্ষ সেনা কাটি পাড়েন হৃষিতে ॥

পার্শ্বের বিক্রম দেখি ভীষ্ম ধরে ধনু ।
 আশী-বাণ দিয়া বিক্ষে অর্জুনের তনু ॥
 অঙ্গ্রেতে প্রবেশে শর, রক্ত বহে ধারে ।
 আর ষাটি-বাণ মারে কৃষ্ণের শরীরে ॥
 সহস্রেক-বাণ বীর মারিলেন ধ্বজে ।
 বাণাঘাতে কপিধ্বজ অধিক গরজে ॥
 লক্ষ-লক্ষ শরাঘাতে মারে সৈন্যগণ ।
 হয়-গজ-রথী পড়ে, কে করে গণন ॥
 বহিল শোগিত-নদী খরতর-স্রোতে ।
 রথ-অশ্ব-গজ-পত্তি ভাসি চলে তাতে ॥
 পুনঃ দিব্য-অস্ত্র এড়ে গঙ্গার নন্দন ।
 গাণ্ডীব-ধনুক-গুণ কাটে ততঃক্ষণ ॥
 ধনুকেতে আর গুণ দিতে ধনঞ্জয় ।
 রথী দশ-সহস্রে দিল যমালয় ॥
 শঙ্খধ্বনি করি বীর রথ বাহুড়িল ।
 সঙ্খ্য জানি সর্বজন শিবিরে চলিল ॥
 কৌরব-পাণ্ডব গেল আপনার ঘর ।
 কাশী কহে, সাত-দিন হইল সময় ॥

১৫। কৃষ্ণার্জুন-কর্ষক ছিল দুর্যোধনের
 বুকুট-আনয়ন ।

কৌরবের যোদ্ধগণ চলিল শিবির ।
 ভীষ্মের নিকটে গেল দুর্যোধন-বীর ॥
 পিতামহ-পদে বীর প্রণাম করিয়া ।
 সবিনয়ে কহে রাজা কৃত্তবাজলি হৈয়া ॥
 তোমার সমান বীর নাহিক সংসারে ।
 দেবতা-দানবগণ সবে তোমা ভরে ॥
 পৃথিবী নিঃকরকারী রাম সে ভার্গব ।
 তোমার নিকটে হৈল তাঁর পরাজয় ॥

১৬। পদাতি । ২। ব্যবস্থা, আয়োজন, প্রণালী ।

হেন মহাবীর তুমি দুর্জয় সংসারে ।
 মুহূর্ত্তেকে তিনলোক পার জিনিবারে ॥
 পাণ্ডবের সহ কর সাতদিন রণ ।
 নির্বিঘ্নে গৃহেতে যায় ভাই পঞ্চজন ॥
 যতপি রণেতে কালি না মার পাণ্ডবে ।
 বড় অপযশ তব জগতে ঘোষিবে ॥

কৃষিয়া উঠিল শুনি ভীষ্ম মহাবীর ।
 ভূণ হৈতে পঞ্চ-শর করিল বাহির ॥
 মহাকাল নাম তার জানে সর্বজন ।
 স্মরণপতি-বজ্র-সম নহে নিবারণ ॥
 বাণ হস্তে করি কহে জাহ্নবী-নন্দন ।
 কোন চিন্তা নাহি তব, শুন দুর্যোধন ॥
 পাণ্ডবে সমরে কল্য নাশিব এ-শরে ।
 দেব-দামোদর যদি ছল নাহি করে ॥
 কৃষ্ণের কারণে বাঁচে ভাই পঞ্চজন ।
 নহিলে কি শক্তি তার, সহে মম রণ ॥
 কালি পাণ্ডুপুত্রগণে মারিব এ-শরে ।
 তবে সে যাইব আমি আপনার ঘরে ॥

দুর্যোধন শুনি মহা-আনন্দ পাইল ।

দিব্য-বজ্র-গৃহ তথা নিম্নাইয়া দিল ॥
 সেই গৃহে রহিলেন গঙ্গার নন্দন ।
 দুর্যোধন মনে ভাবে জিনিলাম রণ ॥
 মহারাজ যুধিষ্ঠির সহ-ভ্রাতৃগণ ।

যত যোদ্ধগণ আর দেব-নারায়ণ ॥
 সভা করি বসিলেন আপন-আলয় ।
 সহদেবে জিজ্ঞাসিলা দৈবকী-তনয় ॥
 কিমতে হইবে কালি যুদ্ধের করণি ।
 প্রকাশ করিয়া তাহা কহ যুধিষ্ঠির ॥

সহদেব বলে, শুন সংসারের সার ।
 সকলি জানহ তুমি, কি বলিব আর ॥
 দুর্যোধন-আদেশেতে পিতামহ-বীর ।
 তুণ হৈতে পঞ্চ-শর করিল বাহির ॥
 পাণ্ডবে বধিব বলি প্রতিজ্ঞা করিল ।
 দ্বারেতে রহেন, গৃহমধ্যে নাহি গেল ॥
 পাণ্ডবের হর্ভা কর্তা তুমি মহাশয় ।
 বুঝিয়া করহ কার্য্য, উচিত যে হয় ॥
 শুনি যুধিষ্ঠির পাইলেন মহাভয় ।
 ভাস্কর্য্য প্রতিজ্ঞা কভু লঙ্ঘন না হয় ॥
 সবাক্ষবে কালি সবে হইব নিধন ।
 উপায় ইহার কিবা হবে নারায়ণ ॥
 শ্রীহরি বলেন, রাজা, চিন্তা না করহ ।
 ধনঞ্জয় বীরবরে মম সঙ্গে দেহ ॥
 ছল করি ভীষ্ম-স্থানে আনি পঞ্চ-বাণ ।
 অরিস্ত ঘুচিবে, হবে সবার কল্যাণ ॥
 যুধিষ্ঠির বলিলেন, মানিয়া বিস্ময় ।
 কিরূপে আনিবে ছলে, কহ মহাশয় ॥
 কৃষ্ণ কহিলেন, শুন ধর্ম্মের নন্দন ।
 কাম্যবনে ছিলে যবে তোমা-পঞ্চজন ॥
 দূতমুখে দুর্যোধন শুনি সমাচার ।
 দুষ্ট-মন্ত্রিগণ-সহ করিল বিচার ॥
 ঐশ্বর্য্য দেখাতে তথা করে আগমন ।
 বিনা-ভীষ্ম-দ্রোণ সাজিলেক সৈন্যগণ ॥
 করিতে প্রভাসে স্নান দিলেক ঘোষণা ।
 সবাক্ষবে চলে আর যত পুরজনা ॥
 তোমাতে অর্মান্য করি প্রভাসেতে গেল ।
 চিত্ররথ-পুণ্ড্রোদ্যম তথায় ভাঙ্গিল ॥

শুনি ক্রোধে আসিল গন্ধর্ব্ব-বীরবর ।
 দুর্যোধন-সহ তার হইল সমর ॥
 কর্ণ-আদি যত যোদ্ধা রণে ভঙ্গ দিল ।
 দ্রৌণ-সহিত দুর্যোধনেরে বাঙ্কিল ॥
 প্রেধিগীর' মুখে বার্তা করিয়া শ্রবণ ।
 অর্জুনেরে পাঠাইয়া করিলে মোচন ॥
 তুষ্ট হ'য়ে ধনঞ্জয়ে বলে দুর্যোধন ।
 মম স্থানে চাহি লহ, যাহে যায় মন ॥
 পার্থ বলিলেন, এবে নাহি মম কাজ ।
 সময় হইলে লব, শুন কুরুরাজ ॥
 সেই সত্য-হেতু আজি তথাকারে যাব ।
 ছল করি নিজকার্য্য উদ্ধার করিব ॥
 এত বলি কৃষ্ণ আর পার্থ দুইজন ।
 শীঘ্রগতি চলিলেন যথা দুর্যোধন ॥
 শ্রীকৃষ্ণ বলেন, আমি থাকিব বাহিরে ।
 আনহ মুকুট তুমি মাগি কুরুবারে ॥
 মুকুট মস্তকে দিয়া যাহ ভান্ন যথা ।
 শর মাগি আনহ, ঘুচুক মনোব্যথা ॥
 শুনি পার্থ চলিলেন অতি-শীঘ্রতর ।
 দ্বারী জানাইল গিয়া নৃপতি-গোচর ॥
 শুনি রাজা দুর্যোধন স্বরিতে ডাকিল ।
 অন্তঃপুরে দিব্যাসনে পার্থে বসাইল ॥
 জিজ্ঞাসে কিহেতু হৈল তব আগমন ।
 যে বাঞ্ছা তোমার, তাহা করিব পূরণ ॥
 অর্জুন বলেন, রাজা, পূর্ব্ব-অঙ্গীকার ।
 মুকুট আমারে দিয়া সত্যে হও পার ॥
 শুনি দুর্যোধন নাহি বিলম্ব করিল ।
 মাথার মুকুট আনি অর্জুনেরে দিল ॥

মুকুট পাইয়া বীর হরষিত-মন ।
 তথা হৈতে চলিলেন ভীষ্মের সদন ॥
 মুকুট শিরেতে পরি উপনীত পার্থ ।
 দেখি ভীষ্ম সমাদর করিল যথার্থ ॥
 ভীষ্ম বলে, কহ, শুনি রাজা দুর্যোধন ।
 এত রাত্রে কি-কারণে হেথা আগমন ॥
 পার্থ বলিলেন, দেহ মহাকাল শর ।
 স্বহস্তে পাণ্ডবে বধি জিনিব সমর ॥
 হাসি গঙ্গাপুত্র শর দিল সেইক্ষণে ।
 নিলেন অর্জুন তাহা হরষিত-মনে ॥
 হেনকালে বাহুদেব দিলেন দর্শন ।
 দেখি ভীষ্ম জানিলেন সকল কারণ ॥
 কৃষ্ণ-প্রতি বলিলেন শাস্ত্র-কুমার ।
 কি-হেতু প্রতিজ্ঞাভঙ্গ করিলে আমার ॥
 শিব-সনকাদি তব না জানে মহিমা ।
 দেবগণ মুনিগণ দিতে নারে সীমা ॥
 অখিল-ব্রহ্মাণ্ডের জগতের পতি ।
 আপনি হইলে তুমি পাণ্ডব-সারথি ॥
 আমার প্রতিজ্ঞা ভাঙ্গি রাখিলে পাণ্ডবে ।
 তোমার প্রতিজ্ঞা কালি ভাঙ্গিব আহবে ॥
 সাস্ত্রনা করিয়া ভীষ্মে দৈবকী-নন্দন ।
 অস্ত্র ল'য়ে দুইজনে করেন গমন ॥
 পাণ্ডবগণের তাহে আনন্দ হইল ।
 মৃত-শরীরেতে যেন প্রাণ সঞ্চারিল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১৬। অষ্টম দিবসের বৃত্ত ।

রাজা দুর্যোধন শুনি হৈল দুঃখ-মন ।
 প্রত্যুত্তে করিল বীর সৈন্যের সাজন ॥

হরিষেতে পাণ্ডবের সৈন্যগণ সাজে ।
 দুন্দুভি, তুরী ও ভেরী নানাবাদ্য বাজে ॥
 চতুরঙ্গদলে সাজি সমরে আসিল ।
 সৈন্যগণ-কোলাহলে আকাশ ব্যাপিল ॥
 রথীকে ধাইল রথী, গজ ধায় গজে ।
 আসোয়ারে আসোয়ার, পদাতিক যুঝে ॥
 নানা-অস্ত্র সৈন্যগণ করে বরিষণ ।
 আঘাট-শ্রাবণে বর্ষে যেন মেঘগণ ॥
 পার্থ ধনুর্ধর রথে, শ্রীহরি সারথি ।
 ভীষ্মের সন্মুখে রথ নিলেন ঝটিতি ॥
 দেবদত্ত-শঙ্খ তবে বাজান অর্জুন ।
 বাজিল ভীষ্মের শঙ্খ তা হ'তে দ্বিগুণ ॥
 দুই-শঙ্খ-নিমাদে হইল মহারোল ।
 প্রলয়-কালেতে যেন সমুদ্র-কল্লোল ॥
 ভীষ্ম বলিলেন দেখি ইন্দ্রের নন্দনে ।
 বুঝিব বিক্রম পার্থ, আজিকার রণে ॥
 ছলে দুর্যোধনের মুকুট নিলে তুমি ।
 কৃষ্ণের ছলনা এত, না বুঝিনু আমি ॥
 কৃষ্ণের মায়ায় বশ এ-তিন-সংসার ।
 ব্রহ্মা-হর-অগোচর, কিবা অশ্রু আর ॥
 ছল করি মম স্থানে নিলে পঞ্চ-শর ।
 বুঝিব, কি-মতে আজি করিবে সমর ॥
 প্রতিজ্ঞা আমার আজি শুন ধনঞ্জয় ।
 কৃষ্ণে ধরাইব অস্ত্র, জানিহ নিশ্চয় ॥
 করিনু প্রতিজ্ঞা আমি, যদি নাহি করি ।
 শাস্ত্র-নন্দন বৃথা ভীষ্ম নাম ধরি ॥

ভীষ্মের প্রতিজ্ঞা শুনি যত দেবগণ ।
 কোতুক দেখিতে সবে আসিল তখন ॥
 প্রথমে প্রতিজ্ঞা এই করিলেন হরি ।
 ভারত-সমরে অস্ত্র করে নাহি ধরি ॥

প্রতিজ্ঞা করিল এবে গঙ্গার নন্দন ।
 দেখিব, কে কার পণ করয়ে রক্ষণ ॥
 অনন্তর ভীষ্মবীর সন্ধান পুরিল ।
 গগন ছাইল বাণে, অন্ধকার হৈল ॥
 সন্ধান পুরিয়া পার্থ এড়িলেন বাণ ।
 অৰ্জুপথে কাটি ভীষ্ম করে খান-খান ॥
 পুনঃ বাণ এড়িলেন ইন্দ্রের নন্দন ।
 ক্ষিপ্রহস্তে ভীষ্ম তাহা কাটে সেইক্ষণ ॥
 দৌহে দৌহা-পরে অস্ত্র করয়ে প্রহার ।
 দৌহাকার অস্ত্র দৌহে করয়ে সংহার ॥
 দ্রোণ-ধৃষ্টিদ্যুমে বাধে ঘোরতর-রণ ।
 চমৎকৃত হ'য়ে তাহা দেখে সর্বজন ॥
 ধৃষ্টিদ্যুমে দ্রোণ-প্রতি মারে মহাশর ।
 দ্রোণ মারে শত-বাণ তাহার উপর ॥
 মহাক্রোধে দ্রোণাচার্য্য পুরিল সন্ধান ।
 ধৃষ্টিদ্যুমে-বীরে মারে দশগোটা বাণ ॥
 হাহাকার করে লোক, আসে মহাবাণ ।
 শরে হানি ধৃষ্টিদ্যুমে করে খান-খান ॥
 বাণ ব্যর্থ দেখি গুরু পায় বড় লাজ ।
 শক্তি ফেলি মারে তার হৃদয়ের মাঝ ॥
 মহাবীর ধৃষ্টিদ্যুমে পুরিল সন্ধান ।
 দ্রোণের সে মহাশক্তি করে ছুইখান ॥
 মহাক্রোধে দ্রোণগুরু বরিষয়ে শর ।
 ধৃষ্টিদ্যুমে-ধনু শীঘ্র কাটে বীরবর ॥
 ধনু কাটা গেল দেখি গদা নিল হাতে ।
 গদা ফেলি মারিলেন দ্রোণাচার্য্য-মাথে ॥
 হেঁট হৈয়া এড়াইল দ্রোণ মহাবলী ।
 দুর্য্যোধন দেখি হয় মহা-কুতূহলী ॥
 তবে দ্রোণ দশবাণ পুরিল সন্ধান ।
 ধৃষ্টিদ্যুমে-রথধ্বজ কপ্পে খান-খান ॥

বিরথ হইয়া বীর খড়গ ল'য়ে ধায় ।
 সারথির মাথা কাটি দিল যমালয় ॥
 খড়্গের প্রহারে চারি-অঙ্গে সংহারিল ।
 চোখ-চোখ শর দ্রোণাচার্য্য প্রহারিল ॥
 পক্ষশরে খড়গ কাটি বাণে আচ্ছাদিল ।
 কবচ ভেদিয়া বাণ অঙ্গে প্রবেশিল ॥
 বাণাঘাতে ধৃষ্টিদ্যুমে ব্যথিত-অস্তুর ।
 অভিমন্যু-রথে গিয়া উঠিল সত্তর ॥
 ভীম-দুর্য্যোধনে যুদ্ধ, কি দিব তুলনা ।
 চমৎকৃত হ'য়ে চাহি দেখে সর্বজন ॥
 গদাযুদ্ধ করে দৌহে সংগ্রাম-ভিতর ।
 দৌহার প্রহারে দৌহে হইল জর্জর ॥
 মহাকোপ উপজিল বৃকোদর-বীরে ।
 গদার প্রহার করে রাজার উপরে ॥
 গদাঘাতে দুর্য্যোধন হইল ব্যথিত ।
 আপনার রথে গিয়া উঠিল ছরিত ॥
 ধনুক ধরিয়া অস্ত্র করে বরিষণ ।
 দেখি নিজরথে চড়ে পবন-নন্দন ॥
 নানা-অস্ত্র ছুইজন করয়ে প্রহার ।
 দৌহে দৌহাকার অস্ত্র করয়ে সংহার ॥
 মহাক্রোধে ভীমসেন পুরিল সন্ধান ।
 দুর্য্যোধন-ধনু কাটি করে খান-খান ॥
 আর ধনু লয় দুর্য্যোধন বীরবর ।
 সেই ধনু কাটি পাড়ে বীর বৃকোদর ॥
 পুনঃপুনঃ দুর্য্যোধন যত ধনু লয় ।
 বাণে কাটি পাড়ে তাহা পবন-তনয় ॥
 রাজার সঙ্কট দেখি যত যোদ্ধগণ ।
 ভীমের উপরে করে বাণ-বরিষণ ॥
 বাণে নিবারিয়া তাহা বীর বৃকোদর ।
 নিজশরে সবাচারে করিল জর্জর ॥

କାହାରୋ କାଟିଲ ଧବଜ, କାହାରୋ ସାରଥୀ ।
 କାରୋ ମାଧା କାଟି ପାଢ଼େ ଭୀମ ମହାମତି ॥
 ଭୀମେର ବିକ୍ରମେ ଆର କେହ ନହେ ହିର ।
 ରଣ ତାଞ୍ଜି ପଲାଇଲ ବଢ଼-ବଢ଼ ବୀର ॥
 ମହାକ୍ରୋଧେ ଭୀମସେନ ବରିଷୟେ ଶର ।
 ସହସ୍ର-ସହସ୍ର ସେନା ଦିଲ ଯମଘର ॥
 ମହାଭାରତେର କଥା ଅମୃତ-ସମାନ ।
 କାଶୀରାମ ଦାସ କହେ, ଶୁନେ ପୁଣ୍ୟବାନ୍ ॥

୧୧ । ଭୀଷ-କର୍ତ୍ତବ୍ୟ ଶ୍ରୀକୃଷ୍ଣେର ପ୍ରତିଜ୍ଞା-ପଦ ।

ସେନାଭଙ୍ଗ ଦେଖି କୁପାଚାର୍ଯ୍ୟ ମହାମତି ।
 ଭୀମେର ସମ୍ମୁଖେ ବୀର ଆସିଲ ଝାଟିତି ॥
 ଦିବ୍ୟ-ଅସ୍ତ୍ର ଶୁଣି ବୀର ପୁରିଆ ସନ୍ତାନ ।
 ଭୀମେର ଧନୁକ କାଟି କରେ ଛୁଇଁଥାନ ॥
 କାଟା ଧନୁ ଫେଲି ବୀର ଅଗ୍ର ଧନୁ ଲୟ ।
 କୁପାଚାର୍ଯ୍ୟ-ଉପରେତେ ବାଣ ବରିଷୟ ॥
 ବାଣେ ନିବାରିଆ ତାହା କୁପ ଦ୍ଵିଜବର ।
 ଭୀମେର ଉପରେ ପୁନଃ ବରିଷୟେ ଶର ॥
 ଦୌହେ ରଣେ ବିଶାରଦ, ସମରେ ପ୍ରଚଣ୍ଡ ।
 ଦୌହାକାର ଅସ୍ତ୍ର ଦୌହେ କରେ ଖଣ୍ଡ-ଖଣ୍ଡ ॥
 ସାତ୍ୟକି-ସହିତ ହୁରିଅବା କରେ ରଣ ।
 ଅଭିମନ୍ୟୁ-ସହ ଯୁଦ୍ଧେ ହୁଅନ୍ତା-ରାଜନ୍ ॥
 ଘଟୋତ୍କଚ-ଅଳକ୍ଷୁଷ ସମରେ ମାତିଲ ।
 ଦୌହେ ଦୌହା-ପରାକ୍ରମ ରଣେ ପ୍ରକାଶିଲ ॥
 ଅନ୍ଧଧାମା-ସହ ଯୁଦ୍ଧେ କ୍ରମପଦ-ରାଜନ୍ ।
 ଗଗନ ଛାହିଆ କରେ ଅସ୍ତ୍ର-ବରିଷୟ ॥
 ଯୁଧିଷ୍ଠିର-ସହ ଯୁଦ୍ଧେ ଶଲ୍ୟ ମହାମତି ।
 ଦ୍ରୁପଦ-ସହିତ ଯୁଦ୍ଧେ ବିରାଟ-ନୂପତି ॥
 ନକୁଳ-ସହିତ ଦ୍ରୁପଦ-ନୂପତି କରେ ରଣ ।
 କେହ କାରେ ଜିନିତେ ନା ପାରେ କଦାଚନ ॥

ସହଦେବ-ସହ ଯୁଦ୍ଧେ ଶକୁନି ଦୁର୍ଯ୍ୟୋଧନ ।
 ସହଦେବ କାଟିଲେନ ତାହାର ସାରଥୀ ॥
 ଧନୁଶ୍ଚକ୍ର କାଟି ତାର କବଚ ଭେଦିଲ ।
 ମର୍ଦ୍ଦବ୍ୟାଧା ପେସେ ତାହେ ଶକୁନି ପଲାଇଲ ॥
 ଶକୁନିର ପଲାଇଲେ ହରଷିତ-ମନ ।
 ସୈନ୍ୟେର ଉପରେ କରେ ବାଣ-ବରିଷୟ ॥

ଅର୍ଜୁନ-ଭୀଷ୍ମେର ଯୁଦ୍ଧ ଘୋର-ଦରଶନ ।

ଶୂନ୍ୟମାର୍ଗେ ଥାକି ତାହା ଦେଖେ ଦେବଗଣ ॥
 ଛୁଇଁବୀର ଅସ୍ତ୍ରରାଷ୍ଟି କରେ ନିରନ୍ତର ।
 ଦୌହେ ନିବାରଣ କରେ ମହାଧନୁର୍ଦ୍ଧର ॥
 କ୍ରୋଧେ ଭୀଷ୍ମ ଶତ-ଶର ପୁରିଲ ସନ୍ତାନ ।
 ଅର୍ଜୁନେ ପାର୍ଥ ତାହା କରେ ଖାନ ଖାନ ॥
 ବାଣ ବ୍ୟର୍ଥ କରି ପାର୍ଥ ଶ୍ରୀକୃଷ୍ଣେର ଶର ।
 ଭୀଷ୍ମେର ସେ ଧନୁଶ୍ଚକ୍ର କାଟେନ ସହର ॥
 ଆର ଶୁଣ ଧନୁକେତେ ଦିଲ ମହାଶୟ ।
 ସହସ୍ରକ ବାଣ ଏକେବାରେ ବରିଷୟ ॥
 ଗଗନ ଛାହିଆ ହେଲ ବାଣେର ସନ୍ତାନ ।
 ରବିତେଜ ଆଛାଦିଲ, ହେଲ ଆଧାର ॥
 ନିବାରିତେ ନା ପାରେନ ପାର୍ଥ ଧନୁର୍ଦ୍ଧର ।
 ଶରଜାଳେ ଜର୍ଜର ହେଲ କଳେବର ॥
 ତବେ ଭୀଷ୍ମ ମହାବୀର ଶାନ୍ତନୁ-ନନ୍ଦନ ।
 କୃଷ୍ଣେର ଶରୀରେ ବାଣ କରିଲ ଘାତନ ॥
 ତାହେ ପାର୍ଥ ଧନୁର୍ଦ୍ଧର ମହାକୋପ-ମନ ।
 ଭୀଷ୍ମେର ଶରୀରେ ବାଣ କରିଲ ଘାତନ ॥
 ପୁନର୍ବାର ଦିବ୍ୟ-ଶର ଶ୍ରୀକୃଷ୍ଣେର ହସିତେ ।
 ଭୀଷ୍ମେର ହାତେର ଧନୁ କାଟେନ ତାହାତେ ॥
 ଆର ଧନୁ ନିଲ ଶୀତ୍ର ଭୀଷ୍ମ ବୀରବର ।
 ସେହି ଧନୁ କାଟିଲେନ ପାର୍ଥ ଧନୁର୍ଦ୍ଧର ॥
 ଭୀଷ୍ମ ତାରେ ପ୍ରଶଂସିଲ ଶାନ୍ତନୁ-ସାଧୁ କରି ।
 ଶରରାଷ୍ଟି କରେ ବୀର ଅନ୍ୟ ଧନୁ ଧରି ॥

সারথি শ্রীবাহুদেব, পার্থ ধনুর্ধর ।
দৌহারে বিক্রিয়া ভীষ্ম করেন জর্জর ॥
আর লক্ষ-শর মারে সৈন্যের উপর ।
কোটি-কোটি সেনা পড়ি যায় যমঘর ॥
কালান্তক যম যেন ভীষ্ম মহাবীর ।
পাণ্ডবের সৈন্য মারি করিল অস্থির ॥
মনেতে সন্ত্রম পাইলেন যতুবীর ।
ভীষ্মের বাণেতে বিদ্ধ শ্রামল-শরীর ॥

তবে পার্থ মহাবীর গাণ্ডীব ধরিয়া ।
কাটেন ভীষ্মের বাণ সন্ধান পুরিয়া ॥
আর বাণ এড়িলেন অতিশয় রোষে ।
পড়িল কোঁরবসৈন্য শমনের গ্রাসে ॥
দেখিয়া হইল রুষ্ট গঙ্গার নন্দন ।
গগন ছাইয়া করে বাণ-বরিষণ ॥
দিগবিদিক্-জ্ঞান নাহি সূর্যের প্রকাশ ।
শূন্যমার্গ রুদ্ধ হয়, না চলে বাতাস ॥
দিবা-নিশি নাহি জ্ঞান, হৈল অন্ধকার ।
নিবারিতে না পারেন কুন্তীর কুমার ॥
পাণ্ডবের সৈন্য-সব হইল কাতর ।
সমরে সামর্থ্যহীন পার্থ ধনুর্ধর ॥
অর্জুন দুর্বল আর সৈন্যের নিধন ।
নিরস্ত না হয় ভীষ্ম, বর্ষে শরগণ ॥

মহাকোপ উপজিল দৈবকী-নন্দনে ।
আজি আমি বিনাশিব যত কুরুগণে ॥
প্রতিজ্ঞা ক'রেছি পূর্বে, বাণ না ধরিব ।
না ধরিলে আজি রণে পাণ্ডবে হারািব ॥
এতক চিন্তেন লক্ষ্মীকান্ত মনে-মন ।
চোখ-চোখ বাণ ভীষ্ম মারে ঘনে-ঘন ॥
অস্থির হইয়া হরি কমললোচন ।
লাফ দিয়া রথ হৈতে পড়েন তখন ॥

ক্রোধে রথচক্র ধরি সৈন্যের সাক্ষাৎ ।
ভীষ্মেরে মারিতে যান ত্রিলোকের নাথ ॥
গজেন্দ্রে মারিতে যেন ধায় মৃগপতি ।
কৃষ্ণের চরণ-ভরে কাঁপে বনুমতী ॥
চমৎকৃত হ'য়ে চাহি দেখে সর্বজন ।
ভীষ্মেরে মারিতে যান দেব-নারায়ণ ॥
সন্ত্রম না করে ভীষ্ম, হাতে ধনুঃশর ।
নির্ভয়ে বসিয়া ভাবে রথের উপর ॥
আসিছে ভুবনপতি মারিতে আমাকে ।
মারুক আমারে, যেন দেখে সর্বলোকে ॥
হুঃখ নাহি, আমারে মারুন নারায়ণ ।
প্রতিজ্ঞা ভাঙ্গিছু তাঁর, দেখুক ভুবন ॥
শীঘ্র এস কৃষ্ণ, কর আমারে সংহার ।
তোমার প্রসাদে তরি এ-ভব সংসার ॥
তব হস্তে যদি আমি সমরে মরিব ।
দিব্য-বিমানেতে চড়ি বৈকুণ্ঠে যাইব ॥
এতেক বলিয়া বীর ত্যজি ধনুঃশর ।
কৃতাজ্জলি স্ততি করে ভীষ্ম কুরুবর ॥
ভক্তের অধীন তুমি বিরিকি-মোহন ।
নমস্তে হৃদ্যমবিপ্র-দারিদ্র্যভঞ্জন ॥
ঋব ঋবলোক পায় তোমার প্রসাদে ।
হিরণ্যকশিপু বধি রক্ষিলে প্রহ্লাদে ॥
নমস্তে বামনহৃতি, নমো জনার্দন ।
নমো রামচন্দ্র দশস্কন্ধ-বিনাশন ॥
ভক্তের অধীন তুমি জানে চরাচরে ।
আমার প্রতিজ্ঞা আজি রাখিলে সমরে ॥
এইরূপে বহু স্তব করে ভীষ্ম-বীর ।
আনন্দে পূর্ণিত মন, রোমাঞ্চ-শরীর ॥

দেখিয়া কৃষ্ণের ক্রোধ ইন্দ্রের নন্দন
রথ হৈতে নাথি থাইলেন সেইজন ॥

দশপদ-অস্তরেতে ধরে ছুটি হাত ।
 সংবর-সংবর ক্রোধ ত্রিভুবন-নাথ ॥
 প্রতিজ্ঞা ক'রেছি পূর্বে তোমার অগ্রেতে ।
 ভীষ্মের বিনাশ আমি করিব যুদ্ধেতে ॥
 ভীষ্মে মারি কুরুবংশ করিব যে ক্ষয় ।
 তোমার প্রসাদে রণে হইবেক জয় ॥
 অর্জুনের বাক্য শুনি দেব দামোদর ।
 ক্রান্ত হ'য়ে চড়িলেন রথের উপর ॥
 অনন্তর ধনঞ্জয় ধরি শরাসন ।
 ইন্দ্রদত্ত দিব্যবাণ করেন ক্ষেপণ ॥
 সহশ্রেক রথী তাহে গেল যমদ্বার ।
 সহস্র-সহস্র গজ হইল সংহার ॥
 দেখি ভীষ্ম এড়িলেন শক্তি বজ্রসার ।
 ইন্দ্রবাণে কাটিলেন ইন্দ্রের কুমার ॥
 এড়েন মাহেন্দ্র বাণ মাহেন্দ্র-সমান ।
 লক্ষ-লক্ষ রথী করিলেন খান-খান ॥
 দেখি ভীষ্ম মহাকোপে এড়ে শরগণ ।
 পাণ্ডবের সৈন্যগণে করিল নিধন ॥
 অযুতেক রথী মারি শঙ্খ বাজাইল ।
 সঙ্ক্যা জানি যোদ্ধগণ নিবৃত্ত হইল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১৮। নবম দিবসের যুদ্ধ ।

শিবিরে গেলেন যুধিষ্ঠির মহামতি ।
 সভা করি বসিলেন বিষাদিত অতি ॥
 পিতামহ-পরাক্রম অতুল ভুবনে ।
 কিরূপে হইবে জয়, ভাবে মনে-মনে ॥
 কৃষ্ণের প্রতিজ্ঞা ভঙ্গ করি বীরবর ।
 রাখিলা প্রতিজ্ঞা নিজ সংগ্রাম-ভিতর ॥

হেন-বীর-সহ যুধিবেক কোন্ জন ।
 এত বলি চিন্তাকুল ধর্ম্মের নন্দন ॥
 শুনিয়া দ্রুপদরাজ প্রবোধে ধর্ম্মেরে ।
 আমার বচন শুন, না চিন্ত অস্তরে ॥
 ভক্তের অধীন প্রভু জগতে বিদিত ।
 সর্বদা ভক্তের হিত করেন বিহিত ॥
 ভক্তের প্রতিজ্ঞা সদা করেন রক্ষণ ।
 স্তম্ভেতে নৃসিংহবুর্জি করেন ধারণ ॥
 প্রহ্লাদেদেরে বহু ছুঃখ দিলা দৈত্যেশ্বর ।
 সে-কারণে তারে দেব দিলা যমঘর ॥
 বলিরে ছলনা করি নিলেন পাতালে ।
 স্বর্গের কর্তৃত্ব পুনঃ দিলা স্বর্গপালে ॥
 বিভীষণ রাজা হয় যাঁহার রূপায় ।
 অপূর্ব প্রভুর লীলা, বুঝা নাহি যায় ॥
 হেন প্রভু গদাধর তোমার সারথি ।
 অকারণে শোক কেন কর মহামতি ॥
 অবশ্য হইবে জয়, নাহিক সংশয় ।
 এত বলি প্রবোধিল ধর্ম্মের তনয় ॥
 এত শুনি যুধিষ্ঠির প্রবোধ পাইল ।
 নানাকথা-আলাপনে রজনী বঞ্চিল ॥

প্রভাতে উভয়-সৈন্য করিয়া সাজন ।

কুরুক্ষেত্রে গিয়া সবে দিল দরশন ॥
 যে যাঁহার অস্ত্র ল'য়ে যত যোদ্ধগণ ।
 সিংহনাদ করি রণে ধায় সর্বজন ॥
 মহারথিগণ তবে করে অস্ত্রাঘাত ।
 লক্ষ-লক্ষ সেনা মারি করিল নিপাত ॥
 শ্রীহরি সারথি রথে, পার্থ ধনুর্ধর ।
 অস্ত্রগুপ্তি করিলেন, যেন জলধর ॥
 লক্ষ-লক্ষ সেনা মরি গেল যমঘর ।
 বহিল শোণিত-দী অতি ভয়ঙ্কর ॥

ভীষ্মসেন বিনাশিল যত হস্তিগণ ।
 আড়ারির' প্রায় তাহে হইল শোভন ॥
 নদীকেন-সম ভাসে খেতচ্ছত্রয় ।
 কচ্ছপ হইল চন্দ্র', অসি মীন হয় ॥
 শৈবাল-সমান কেশ ভাসি যায় স্রোতে ।
 শুশুক-সমান গজ ডুবিছে তাহাতে ॥
 গ্রাহ-সম যুত-অশ্ব ভাসি যায় বেগে ।
 হস্ত-পদ তৃণ-সম ভাসে চতুর্দিকে ॥
 শোণিতের নদী বেগে বহে ভয়ঙ্কর ।
 রুষ্টিধারা-সম অস্ত্র পড়ে নিরন্তর ॥

প্রচণ্ড সমর দেখি আসেন চামুণ্ডা ।
 দিগম্বরী মুক্তকেশী, হস্তে শোভে খাণ্ডা ॥
 সঙ্কটে যোগিনীগণ বিস্তার-বদনা ।
 নরমুণ্ড গলে দোলে, বিলোল-রসনা ॥
 গজমুণ্ড ল'য়ে কর্ণে পরিল কুণ্ডল ।
 করতালি দিয়া নাচে, হাসে খলখল ॥
 নরমুণ্ডমালা কেহ গাঁথি পরে গলে ।
 গেণ্ডুয়া খেলায় কেহ মহাকুতূহলে ॥
 হাতেতে খর্পর' ল'য়ে রক্ত পান করে ।
 ক্রীড়ায় যোগিনীগণ আনন্দে বিহরে ॥
 শিবাগণ চতুর্দিকে আনন্দেতে ধায় ।
 শকুনি গৃধিনী কঙ্ক উড়িয়া বেড়ায় ॥

ভীষ্ম-পার্শ্ব ছুই বীর করেন সমর ।
 চমৎকৃত হ'য়ে দেখে যতেক অমর ॥
 মহাকোপে ভীষ্মবীর সন্ধান পুরিল ।
 সহস্র নৃপতি রণে সংহার করিল ॥
 পাণ্ডবের বহুসেনা বিনাশিল রণে ।
 হয় হস্তী পদাতিক পড়ে অগণনে ॥

যত যোদ্ধগণ সব করে ঘোররণ ।
 গগন ছাইয়া করে বাণ-বরিষণ ॥
 তোমর ভূষণী শেল মুঘল মুদগর ।
 বরিষাকালেতে যেন বর্ষে জলধর ॥

মহারোষে বৃকোদর সমরে প্রবেশে ।
 গদার প্রহারে সৈন্য মারয়ে বিশেষে ॥
 দেখিয়া ধাইল রণে রাজা দুর্যোধন ।
 ভীষ্মের উপরে করে অস্ত্র-বরিষণ ॥
 দেখি বৃকোদর-বীর অস্ত্র নিল হাতে ।
 নিমেষে অনেক সৈন্য মারে অস্ত্রাঘাতে ॥
 জর্জর করিয়া বিধে রাজার শরীর ।
 বাণাঘাতে মর্দব্যথা পায় কুরুবার ॥
 ধনু ছাড়ি দুর্যোধন গদা ল'য়ে ধায় ।
 মারিল ভীষ্মের সারথিরে এক ঘায় ॥
 মহাক্রোধ উপজিল বীর বৃকোদরে ।
 চোখ-চোখ দশবাণ রাজারে প্রহারে ॥
 দুইবাণে গদা কাটি করে খান-খান ।
 কাটিয়া ফেলিল তার অঙ্গ-তনুদ্রোণ' ॥
 নিরস্ত্র বিবস্ত্র হ'য়ে রাজা দুর্যোধন ।
 আপনার সৈন্যে পশি রাখিল জীবন ॥
 দেখি যত যোদ্ধগণ অতিবেগে ধায় ।
 ভীষ্মের উপরে নানা-অস্ত্র বরিষয় ॥
 নিবারিল সব অস্ত্র পবন-নন্দন ।
 নিজ-অস্ত্রে সবাকারে করিল ঘাতন ॥

তাহা দেখি ক্রুদ্ধ হ'য়ে দ্রোণ মহামতি ।
 ভীষ্মের ধনুক বীর কাটে শীঘ্রগতি ॥
 আর ধনু নিল বীর চক্ৰ পালাটিতে ।
 সে-ধনুও কাটে গুরু গুণ নাহি দিতে ॥

মহাক্রোধ করিলেন বৃকোদর-বীর ।
 গদা ল'য়ে ধায় পুনঃ নির্ভয়-শরীর ॥
 দেখি দ্রোণাচার্য্য বাণ পুরিল সন্ধান ।
 গদা কাটিবারে বীর এড়ে দশবাণ ॥
 গদা ফিরাইয়া ভীম করে নিবারণ ।
 দ্রোণাচার্য্য-রথে গদা করিল ঘাতন ॥
 সারথি ভুরগ রথ সব হৈল চূর ।
 লাফ দিয়া ভূমে পড়ে দ্রোণ মহাশূর ॥
 আর রথে চড়ি গুরু বরিষয়ে শর ।
 কুজাটিতে আচ্ছাদিল যেন গিরিবর ॥
 বায়ুবেগে গদা ভীম মস্তকে ফিরায়ে ।
 দ্রোণের সারথি পুনঃ মারে এক ঘায়ে ॥
 চোখ-চোখ বাণ গুরু পুরিয়া সন্ধান ।
 কাটিল ভীমের গদা করি খান-খান ॥
 গদা কাটা গেল, ভীম কুপিত হইল ।
 আঁকাড়িয়া ধরি রথ আছাড়ি ফেলিল ॥
 লাফ দিয়া দ্রোণাচার্য্য ভূমিতে পড়িল ।
 আছাড়ের ঘায়ে রথ চূর্ণ হ'য়ে গেল ॥
 মহাক্রোধে ভীমসেন ধায় অতিবেগে ।
 মুকুটের' ঘায় মারে, যারে পায় আগে ॥
 পদাঘাতে বহু রথ করিলেন চূর ।
 বড়-বড় গজে ধরি ফেলে বহুদূর ॥
 রথে রথ প্রহারয়ে, গজে গজ মারে ।
 চরণে মর্দিয়া কত পদাতি সংহারে ॥
 এইমতে মহামার করে বৃকোদর ।
 লক্ষ-লক্ষ সেনা মারি দিল যমঘর ॥
 পুনঃ অন্তরথে গুরু করি আরোহণ ।
 ভীমের উপরে করে বাণ-বরিষণ ॥

দেখি ভীম নিজরথে চড়িয়া বসিল ।
 ধনুগুণ টঙ্কারিয়া নিজ-অস্ত্র নিল ॥
 মুহূর্ত্তেকে নিবারিল আচার্য্যের শর ।
 নিজ-অস্ত্র প্রহারিল দ্রোণের উপর ॥
 বাণে বাণ নিবারয়ে দৌহে বীরবর ।
 দৌহে অস্ত্রহাতি করে, যেন জলধর ॥
 অভিমন্যু মহাবীর অর্জুন-নন্দন ।
 কোঁরবের সৈন্যগণে করিল নিধন ॥
 দেখিয়া রুঘিল কৃপাচার্য্য মহামতি ।
 ধনুগুণ টঙ্কারিয়া ধায় শীজগতি ॥
 গগন ছাইয়া করে বাণ-বরিষণ ।
 বাণে কাটি পাড়ে তাহা অর্জুন-নন্দন ॥
 বাণ ব্যর্থ দেখি কৃপাচার্য্য মহাশয় ।
 পুনঃ দিব্যশর নিল সক্রোধ-হৃদয় ॥
 আকর্ণ পুরিয়া ধনু এড়ে পঞ্চবাণ ।
 অভিমন্যু-বীরের কাটিল ধনুখান ॥
 আর ধনু নিল বীর চক্ষুর নিমিষে ।
 বাণহাতি করে, যেন মেঘেতে বরিষে ॥
 কৃপের সারথি কাটে, আর অশ্ব চারি ।
 ধ্বজ কাটি পাড়িলেন কৃপ বরাবরি ॥
 আর দুইবাণে তাঁর কবচ ভেদিল ।
 হুচ্ছিত হইয়া কৃপ রথেতে পড়িল ॥
 দেখি অশ্বত্থামা রণে অগ্রসর হৈল ।
 অভিমন্যু বীর তারে বাণ প্রহারিল ॥
 ধনুক কাটিয়া তাঁর ত্রিখণ্ড করিল ।
 মহাবীর দ্রোণপুত্র লজ্জিত হইল ॥
 ক্রোধে আর ধনু হাতে নিল মহাবীর ।
 বাণহাতি করে বহু রণে হ'তে ছির ॥

ক্রোধে দ্রোণি যত বাণ করে বরিষণ ।
 হেলায় কাটিল সব অর্জুন-নন্দন ॥
 নিজশরে পুনঃ তারে করয়ে প্রহার ।
 বাণে নিবারয়ে তাহা দ্রোণের কুমার ॥
 দৌহার উপরে দৌহে নানাবাণ মারে ।
 দৌহাকার বাণ দৌহে বাণেতে নিবারে ॥
 এইমত যুদ্ধ করে যত যোদ্ধগণ ।
 লক্ষ-লক্ষ সেনা পড়ে, কে করে গণন ॥
 জাঠি শেল ঝকড়াদি মুঘল মুদগর ।
 বরিষার ধারা যেন বর্ষে নিরন্তর ॥
 ভয়ঙ্কর রণস্থল দেখি লাগে ভয় ।
 ডাকিনী যোগিনী প্রেত পিশাচ ক্রীড়য় ॥
 শত-শত কবন্ধ উঠিয়া করে রণ ।
 কাহার সামর্থ্য আছে করিতে বর্ণন ॥

অর্জুন-ভীষ্মের যুদ্ধ কি দিব উপমা ।
 দেবাসুর-নরে তার দিতে নারে সীমা ॥
 পূর্বের যথা রণ করে মিলি দেবাসুর ।
 দৌহাকার অস্ত্রাঘাতে কাঁপে তিনপুর ॥
 ক্রোধে ভীষ্ম দিব্য-অস্ত্র করিল সন্ধান ।
 অর্ধপথে ধনঞ্জয় করে দশখান ॥
 পুনঃ শত-অস্ত্র এড়ে গঙ্গার কুমার ।
 বাণে কাটি ধনঞ্জয় করে ছারখার ॥
 যত বাণ এড়ে ভীষ্ম, কাটেন অর্জুন ।
 নাহিক সস্ত্রম কিছু, সমরে নিপুণ ॥
 তবে পার্থ দশবাণ পুরিয়া সন্ধান ।
 ভীষ্ম-ধনুর্গুণ কাটি করে খান-খান ॥
 দুই-বাণে কাটি তাঁর পাড়ে রথধ্বজ ।
 দুই-বাণে ভেদিলেন অঙ্গের কবচ ॥
 হাতের ধনুক কাটি ইন্দ্রের নন্দন ।
 সহস্রেক মহারথী করেন নিধন ॥

দেখি মহাকোপে ভীষ্ম অস্ত্রধনু লয় ।
 গগন ছাইয়া বীর বাণ বরিষয় ॥
 নাহি দেখি দিবাকরে, রজনী প্রকাশ ।
 শূন্যপথ রুদ্ধ হৈল, না চলে বাতাস ॥
 দেখি ইন্দ্র-অস্ত্র এড়ি ইন্দ্রের নন্দন ।
 ভীষ্ম-শরহুষ্টি সব কৈলা নিবারণ ॥
 কোপে ভীষ্ম দিব্যশর সন্ধান পুরিল ।
 শতবাণ অর্জুনের হৃদয়ে হানিল ॥
 বাণাঘাতে ব্যথা পায় বাসব-তনয় ।
 যাটি-বাণে বিদ্ধে বীর কৃষ্ণের হৃদয় ॥
 আটবাণে চারি-অশ্বে বিদ্ধিল সশ্বর ।
 রথি-দশ-সহস্রে দিল যমঘর ॥
 জয়শঙ্খ বাজাইল, হৈল সন্ধ্যাকাল ।
 রণ ত্যজি শিবিরে চলিল মহীপাল ॥
 কৌরব-পাণ্ডবগণ গেল নিকেতন ।
 নবম দিনের যুদ্ধ হৈল সমাপন ॥
 কালীরাম দাস কহে রচিয়া পয়ার ।
 অবহেলে শুনে যেন সকল সংসার ॥

১২। ভীষ্মের নিকটে বৃষ্টিয়ের খেদোক্তি ।

রণসজ্জা ত্যাগ করি বৈসে যোদ্ধগণ ।
 কৃষ্ণ-প্রতি বলিলেন ধর্ম্মের নন্দন ॥
 নয়দিন হৈল আজি ঘোরতর রণ ।
 পিতামহ করিলেন প্রতিজ্ঞা-পূরণ ॥
 হে কৃষ্ণ, দেখি যে এবে হৈল সর্বনাশ ।
 কি করিব, কি হইবে, কহ শ্রীনিবাস ॥
 ভীষ্মবীর নাশিতেছে যত রথিগণ ।
 গজ যেন ভাসে সব কদলীর বন ॥
 বায়ুর সাহায্যে যথা অনল উঠলে ।
 পিতামহ-পরাক্রম তথা রণস্থলে ॥

শমনে বরুণে ইন্দ্রে জিনিবারে পারে ।
 মহাপরাক্রম ভীষ্ম অতুল সংসারে ॥
 আপন-কুবুদ্ধি-দোষে করিনু এ-কর্ম ।
 প্রবৃত্ত হইলু যুদ্ধে না বুঝিয়া মর্ম ॥
 অনলে পতঙ্গ পড়ি যথা পুড়ে মরে ।
 সেইমত মম সৈন্য পড়য়ে সমরে ॥
 প্রহারে পীড়িত হৈল যত সৈন্যগণ ।
 যুদ্ধে কার্য নাহি মম, পুনঃ যাই বন ॥
 আত্মা দেহ, শ্রীগোবিন্দ, শুভ নহে রণ ।
 তপস্যা করিব গিয়া ভাই পঞ্চজন ॥

যুধিষ্ঠির-নৃপতির শুনি হেন বাণী ।
 সাস্তুনা করিয়া তাঁরে কহে চক্রপাণি ॥
 তব ভ্রাতৃগণ সব দুর্জয় ভুবনে ।
 আপনি বিবাদ রাজা, কর কি-কারণে ॥
 ভীমার্জুন দৌহাকার অগ্নিসম শর ।
 মাদ্রীপুত্র দৌহে বীর যেন পুরন্দর ॥
 আমিও কুশল চিন্তি, কর ধর্ম সার ।
 ত্রিভুবনে কোন্ কার্য অসাধ্য তোমার ॥
 মহাধনুর্ধর পার্থ দুর্জয় সমরে ।
 প্রতিজ্ঞা করিল সেই ভীষ্মে মারিবারে ॥
 অবশ্য সমরে ভীষ্ম হবেন নিধন ।
 সাক্ষাতে দেখিবে ধৃতরাষ্ট্র-পুত্রগণ ॥

যুধিষ্ঠির বলিলেন করিয়া বিনয় ।
 যতকিছু বল ওহে কৃষ্ণ কৃপাময় ॥
 সকলি সম্ভবে, তুমি সহায় যাহার ।
 ত্রিভুবনে কোন্ কার্য অসাধ্য তাহার ॥
 প্রতিজ্ঞা করিলে তুমি সবা-বিদ্যমানে ।
 অস্ত্র না ধরিব আমি এই মহারণে ॥
 এইহেতু নাহি দেখি সমরেতে জয় ।
 আর কে মারিতে পারে ভীষ্ম মহাশয় ॥

শ্রীহরি বলেন, শুন রাজা যুধিষ্ঠির ।
 মহাসত্যবাদী জিতেন্দ্রিয় কুরুবীর ॥
 কতু মিথ্যা না কহেন ভীষ্ম মহামতি ।
 তাঁহার নিকটে রাজা, চল শীত্রগতি ॥
 ইচ্ছামৃত্যু সেই ভীষ্ম খ্যাত ত্রিভুবনে ।
 মৃত্যুর উপায় জিজ্ঞাসিব সে-কারণে ॥
 এই যুক্তি कहিলেন কৃষ্ণ মহামতি ।
 অঙ্গীকার করিলেন ধর্ম-নরপতি ॥

কৃষ্ণের সহিত তবে পঞ্চ-মহাবীর ।
 সবে মিলি চলিলেন ভীষ্মের শিবির ॥
 দ্বারী গিয়া কহে বার্তা ভীষ্ম বরাবর ।
 শ্রীহরি-সহিত দ্বারে ধর্ম-নৃপবর ॥
 শুনি ভীষ্ম ব্যগ্র হ'য়ে চলিল সঙ্কর ।
 কৃষ্ণ-দরশন করি হরিষ-অন্তর ॥
 আনন্দাশ্রু নয়নেতে, রোমাঞ্চ-শরীর ।
 হরি-পদ পরশিল কুরু-মহাবীর ॥
 ভীষ্মের চরণ বন্দে ভাই পঞ্চজন ।
 হাসি ভীষ্ম সবা-কারে দিল আলিঙ্গন ॥
 আশীর্বাদ করিলেন প্রসন্ন হইয়া ।
 সমর-বিজয়ী হও শত্রু বিনাশিয়া ॥
 এত বলি সবা-কারে ল'য়ে মহামতি ।
 বসাইল দিব্যাসনে অতি শীত্রগতি ॥
 কৃষ্ণপদ-ধোত করি স্থবাসিত-নীরে ।
 কৃতাজলি হ'য়ে বীর নানা-স্তুতি করে ॥
 যুধিষ্ঠিরে জিজ্ঞাসেন ভীষ্ম বীরবর ।
 রজনীতে কি-কারণে এলে নৃপবর ॥
 যে কার্য তোমার থাকে, বলহ আমারে ।
 যদিও দুষ্কর হয়, করিব সমরে ॥
 যুধিষ্ঠির বলিলেন করিয়া প্রণতি ।
 মম দুঃখ অবধান কর মহামতি ॥

পঞ্চগ্রাম মাগিলান সবার সাক্ষাৎ ।
 এক গ্রাম আমারে না দিল কুরুনাথ ॥
 কারো বাক্য না মানিয়া করে যুদ্ধ-পণ ।
 তোমার সহিত হৈল নয়দিন রণ ॥
 তোমারে দেখিয়া যোদ্ধা রণে নহে স্থির ।
 সাক্ষাৎ হইয়া যুঝে, নাহি হেন বীর ॥
 তুণ হ'তে বাণ ল'য়ে সন্ধান করিতে ।
 তুমি এত শীঘ্রহস্ত, না পারি লক্ষিতে ॥
 হেনরূপ তুমি যদি করহ সমর ।
 অজ্ঞা দেহ, যাই পুনঃ কানন-ভিতর ॥
 সৈন্যক্রয় হৈল মম তোমার কারণে ।
 তোমারে জিনিতে শক্ত নহে কোনজনে ॥
 আমা-সবা-প্রতি যদি তব স্নেহ রয় ।
 যুদ্ধের উপায় তব কহ মহাশয় ॥

হাসিয়া বলেন ভীষ্ম, শুনহ রাজন্ ।
 যথা ধর্ম, তথা সদা দেব-নারায়ণ ॥
 যাহার সহায় হরি জগতের সার ।
 তাহার না হয় বিঘ্ন, ধর্মের কুমার ॥
 ধর্ম-অনুসারে জয়, বেদের বচন ।
 শত ভীষ্ম এলে তারে নারে কদাচন ॥
 শুনি যুধিষ্ঠির কহিলেন সবিনয় ।
 বেদতুল্য তব বাক্য লজ্জনীয় নয় ॥
 আপনি যদ্যপি যুদ্ধ কর এইমতে ।
 তবে জয় আমার না হবে কোনমতে ॥
 আমারে যদ্যপি তুমি দিতে চাহ জয় ।
 যুদ্ধের উপায় তব বল মহাশয় ॥
 সত্যবাদী জিতেপ্রিয় মর্যাদাসাগর ।
 পাণ্ডবে কাতর দেখি দিলেন উত্তর ॥
 শুন রাজা যুধিষ্ঠির ধর্মের কুমার ।
 হুবনে বিদিত আছে বিক্রম আমার ॥

সশস্ত্র যদ্যপি থাকি সংগ্রাম-ভিতরে ।
 কোন বীর শক্ত নহে জিনিতে আমারে ॥
 ইন্দ্র-সহ হুরাম্বর যদি করে রণ ।
 আমি যুদ্ধ করিলে না পারে কদাচন ॥
 যাবৎ থাকিব আমি সংগ্রাম-ভিতর ।
 করিব কোঁরব-কার্য্য, শুন নরবর ॥
 তবে ত সমরে তব নাহি হবে জয় ।
 সে-কারণে নিজমৃত্যু কহিব নিশ্চয় ॥
 আমারে মারিলে তুমি জানিহ নিশ্চয় }
 কোঁরবের পরাজয়, পাণ্ডবের জয় ॥
 আমার প্রতিজ্ঞা যাহা, শুনহ রাজন্ ।
 নীচজনে অস্ত্র নাহি মারি কদাচন ॥
 দুর্বল পুরুষ হয় অথবা নিরস্ত্র ।
 কাতর-জনেরে কছু নাহি মারি অস্ত্র ॥
 সমর ত্যজিয়া যেবা ভয়ে পলায়িত ।
 তাহারে না মারি অস্ত্র আমি কদাচিৎ ॥
 স্ত্রীজাতি দেখিলে আমি অস্ত্র পরিহারি ।
 নারী-নাম ধরে যেবা, তারে নাহি মারি ॥
 অমঙ্গল দেখিলে না করি আমি রণ ।
 কহিনু তোমারে এই বিজয়-কারণ ॥
 শিখণ্ডী দ্রুপদ-পুত্র খ্যাত চরাচর ।
 মহাবল পরাক্রম, সমরে তৎপর ॥
 পূর্বে নারী ছিল সেই, পুরুষ যে পাছে ।
 দৈবের বিপাক শুনিয়াছি, হেন আছে ॥
 অমঙ্গল-চিহ্ন সেই, হয় নারীজাতি ।
 তাহারে রাখিও রণে অর্জুন-সংহতি ॥
 শিখণ্ডীকে আগে করি পার্শ্ব ধনুর্ধর ।
 তীক্ষ্ণবাণে বিদ্ধে যেন মম কলেশ্বর ॥
 অস্ত্র না ধরিব আমি শিখণ্ডীকে দেখি ।
 আমারে মারিবে পার্শ্ব গৌরব উপেক্ষি ॥

দৈবের নির্বন্ধ আছে, জানে সর্বজন ।

শিখণ্ডী হইতে হবে আমার মরণ ॥

আমারে মারিয়া জয় কর দুৰ্য্যোধনে ।

এইমত উদ্যোগ করহ এইক্ষণে ॥

প্রণমিয়া যুধিষ্ঠির ভীষ্ম মহাবীরে ।

বাহুদেব-সঙ্গে যান আপন-শিবিরে ॥

অৰ্জুন বলেন, তবে চাহি নারায়ণ ।

কপট-সমর নাহি করি কদাচন ॥

কুরুযুদ্ধ পিতামহ বংশের প্রধান ।

কপটে তাঁহারে অস্ত্র করিব সন্ধান ॥

শৈশবে হইল যবে পিতার মরণ ।

কোলে করি পিতামহ করিল পালন ॥

ধুলায় ধূসর আমি কোলেতে উঠিয়া ।

পিতা-পিতা বলি ধরিতাম যে চাপিয়া ॥

নিজবস্ত্র দিয়া মুছি আমার শরীর ।

কোলে করি বলিতেন পিতামহ-বীর ॥

তোর পিতামহ আমি, নহি তোর বাপ ।

অকারণে কেন মম বাড়াও সস্তাপ ॥

হেন পিতামহে আমি সংহারিব রণে ।

নিষ্ঠুর আমার সম নাহি ত্রিভুবনে ॥

মরুক্ আমার সৈন্য, হোক্ পরাজয় ।

পিতামহে মারি আমি নাহি লব জয় ॥

অৰ্জুনের বাক্য শুনি দেব গদাধর ।

সান্ত্বনা দিলেন তারে প্রবোধি বিস্তর ॥

কৃষ্ণের বচন মানিলেন ধনঞ্জয় ।

রজনী প্রভাত হৈল এ-হেন সময় ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান ॥

২০। দশম দিবসের যুদ্ধ ভীষ্মের শরণাব্যাপ্তি ।

প্রভাতে উভয়-দল করিল সাজন ।

সিংহনাদ ছাড়ি কেহ করয়ে গর্জ্জন ॥

যুধিষ্ঠির-দুই-পাশে মাদ্রীর তনয় ।

পৃষ্ঠে অভিমন্যু, সঙ্গে শিখণ্ডী নির্ভয় ॥

তার পাশে সাত্যকির সহ চেকিতান ।

বামভাগে ধৃষ্টদ্যুম্ন বিক্রমে প্রধান ॥

দক্ষিণ-ভাগেতে ভীম সমরে দুর্জয় ।

ধৃষ্টকেতু বিরাট্ দ্রুপদ মহাশয় ॥

মহা-আনন্দেতে সাজে পাণ্ডবের পতি ।

সর্ব্ব-অগ্রে ধনঞ্জয় গোবিন্দ-সারথি ॥

কুরুসৈন্য সাজে সব সমরে দুর্জয় ।

সর্ব্ব-অগ্রে ভীষ্মবীর একান্ত নির্ভয় ॥

তার পাছে পুত্র-সহ দ্রোণ মহাবীর ।

বামভাগে ভগদত্ত বিপুল-শরীর ॥

দক্ষিণেতে কৃতবর্মা রূপ বীরবর ।

তার পাছে সুদক্ষিণ কাশ্বাজ-ঈশ্বর ॥

জয়সেন মদ্রপতি আর বৃহদল ।

শততাই দুৰ্য্যোধন ভূপতি-মণ্ডল ॥

পরস্পর দুইদলে হৈল মহারণ ।

অরাহর-যুদ্ধ যেন ঘোর-দরশন ॥

তবে ভীষ্ম বলিলেন চাহিয়া সারথি ।

অৰ্জুন-সম্মুখে রথ লহ শীত্ৰযতি ॥

শুনিয়া সারথি বলে শুন কুরুবর ।

আজি অমঙ্গল বহু দেখি নিরন্তর ॥

ঘোররবে ডাকে কাক, অশুভ সে বাণী ।

মহাবায়ু বহে, বিনা মেঘে বর্ষে পানি ॥

গৃধিনী উড়িছে সব ধ্বজের উপর ।

ঘোরনাদে শিবাগণ ডাকে বিরন্তর ॥

অমঙ্গল দেখি আজি ভয় হয় মনে ।
 ইহার বৃত্তান্ত মোরে কহিবা আপনে ॥
 হাসিয়া বলেন ভীষ্ম গঙ্গার নন্দন ।
 অজ্ঞান অবোধ, তেঁই জিজ্ঞাস কারণ ॥
 পার্থের সারথি হের নিজে নারায়ণ ।
 অমঙ্গল রহে কি করিলে দরশন ॥
 অশেষ পাপের পাপী যাঁর নামে তরে ।
 বিমানতে চড়ি যায় বৈকুণ্ঠ-নগরে ॥
 নবঘনশ্যামরূপ সাক্ষাতে হেরিব ।
 এই সব অমঙ্গলে কেন ডরাইব ॥

এতেক বলিয়া বীর রথ চালাইল ।
 শঙ্খধ্বনি-সিংহনাদে মেদিনী কাঁপিল ॥
 মহাক্রোধে ধনুঃশর লইলেন হাতে ।
 বিনয় করিয়া বীর কহে জগন্নাথে ॥
 সাবধানে ওহে দেব, ধর অশ্বভুরি ।
 অর্জুনেরে রক্ষা আজি করহ মুরারি ॥
 এতেক বলিয়া বীর সন্ধান পুরিল ।
 সহস্রেক বাণ একেবারে প্রহারিল ॥
 শ্রীহরি-উপরে বীর মারে দশবাণ ।
 এড়িল বিংশতি-বাণ লক্ষি হনুমান্ ॥
 আর চারিগোটা বাণ ধনুকে ষুড়িল ।
 চারি-অশ্বে বিদ্ধি তাহে জর্জর করিল ॥
 আর একাদশ বাণ সৈন্যোপরি মারে ।
 হয়-গজ-রথ-পত্তি অনেক সংহারে ॥

পার্থ এড়িলেন অস্ত্র সন্ধান পুরিয়া ।
 ভীষ্মের যতেক বাণ ফেলেন কাটিয়া ॥
 সন্ধান করেন দুই বীর হেনমতে ।
 লক্ষ-লক্ষ সেনা মরি পড়িল ভূমিতে ॥

অর্জুন-ভীষ্মের যুদ্ধ, কে করে বর্ণন ।
 রুধিলেক শূন্যপথ এড়ি অস্ত্রগণ ॥
 জল-স্থল অন্তরীক্ষ ছাইল আকাশ ।
 অস্ত্রেতে আচ্ছন্ন রবি, না হয় প্রকাশ ॥
 দুইদলে বাহে রথ বিচিত্র যে গতি ।
 শত-শত বিমানতে যেন সুরপতি ॥
 নানাবর্ণে ধ্বজ-সব উড়িছে গগনে ।
 লাগিছে কর্ণেতে তালি অশ্বের গর্জনে ॥
 সিংহনাদ করি ধায় যত যোদ্ধাগণ ।
 সমানে-সমানে যুদ্ধ তুল্য-প্রহরণ ॥
 মহারথিগণ অস্ত্র ক্ষেপণ করিল ।
 ধ্বজচ্ছত্র-পতাকায় মেদিনী ঢাকিল ॥
 হস্তিগণে টোয়াইয়া দিলেক' মাহুত ।
 লক্ষ-লক্ষ গিরি যেন ধাইল অদ্বুত ॥
 ঈষা'-সম গজদন্ত মহাভয়ঙ্কর ।
 শুণ্ডে-শুণ্ডে জড়াজড়ি যুঝে নিরন্তর ॥
 দুই-দলে যুদ্ধ করে হইয়া বিহ্বল ।
 বিপরীত-শব্দে উঠে মহা-কোলাহল ॥

ভীমসেন মারিলেন বহু যোদ্ধাগণ ।
 রুধির বমন করি ত্যজিল জীবন ॥
 দেখিয়া ধাইল রণে দুঃশাসন বীর ।
 বিংশতি-বাণেতে বিদ্ধে ভীমের শরীর ॥
 দেখি মহাক্রোধভরে পবন-নন্দন ।
 ধনু এড়ি গদা ল'য়ে ধাইল তখন ॥
 মহাবেগে মারে গদা রথের উপর ।
 রথ-অশ্ব-সারথিরে দিল যমঘর ॥
 মর্দ্যব্যথা পাইলেক দুঃশাসন-বীর ।
 অজ্ঞান হইল, অঙ্গে বহিল রুধির ॥

আর বহু রথিগণে সংহারিয়া রণে ।
 নিজরথে চড়ে বীর আনন্দিত-মনে ॥
 দেখি দ্রোণাচার্য্য বাণ পুরিল সন্ধান ।
 ভীম-অঙ্গে প্রহারিল একশত বাণ ॥
 ব্যথিত করিল রণে ভীম-বীরবরে ।
 অশ্ব-সহ সারথিরে দিল যমঘরে ॥

তাহা দেখি আগু হৈল অর্জুন-নন্দন ।
 দ্রোণের উপরে করে বাণ-বরিষণ ॥
 পার্থদত্ত পঞ্চবাণ এড়ে মহাবীর ।
 দ্রোণের কবচ কাটি ভেদিল শরীর ॥
 দুইবাণে চারি-অশ্বে দিল যমঘর ।
 সারথির মাথা কাটি পাড়ে ভূমি'পর ॥
 করিল বিরথ দ্রোণে অর্জুন-নন্দন ।
 চমৎকৃত হ'য়ে চাহে যত কুরুগণ ॥
 তবে দ্রোণ অন্যরথে চড়ি সেইক্ষণ ।
 অভিমন্যু-সহ গুরু আরস্তিল রণ ॥
 মহাভয়ঙ্কর যুদ্ধ হৈল দুইজনে ।
 কারো পরাজয় নাহি হয় সেই রণে ॥

পাঞ্চাল বিরাট ধৃষ্টদ্যুম্ন মহাবল ।
 ঘটোৎকচ মহাবীর সমরে প্রবল ॥
 কৌরবের সেনাগণে করিল সংহার ।
 হইল কৌরবদলে মহা-হাহাকার ॥
 দেখি রাজা দুর্যোধন হইল বিমন ।
 রাজগণে আশ্বাসিল করিবারে রণ ॥
 ভূরিশ্রবা কৃতবর্দ্ধা শল্য জয়দ্রথ ।
 দুর্নয়ুধ দুঃসহ আর রাজা ভগদত্ত ॥
 সাহস করিয়া সবে সমরে প্রবেশে ।
 শত-শত সেনা মারি দিল যমপাশে ॥
 ঘটোৎকচ মহাবীর সমরে প্রচণ্ড ।
 যত রাজগণে বিদ্ধি করে খণ্ড-খণ্ড ॥

কাহারো সারথি কাটে, কারো কাটে রথ ।
 ভঙ্গ দিল রাজগণ, নাহি চাহে পথ ॥

মহাপরাক্রম করে পাণ্ডবের দল ।
 দেখি রাজা দুর্যোধন হইল বিকল ॥
 রাখিতে না পারে সৈন্য করিয়া শক্তি ।
 ব্যগ্র হ'য়ে রণে ভঙ্গ দিল কুরুপতি ॥
 সিংহনাদ ছাড়য়ে পাণ্ডব-সৈন্যগণ ।
 কৌরবের সৈন্যগণে করয়ে নিধন ॥
 পলায় সকল সৈন্য, রণে নহে স্থির ।
 তাহা দেখি নিবেদিল ভীষ্মে কুরুবীর ॥
 রাজারে আশ্বাসি ভীষ্ম কহে বহুতর ।
 স্থির হও দুর্যোধন, না হও কাতর ॥
 যুদ্ধেতে নিশ্চয় নাহি জয়-পরাজয় ।
 সম্মুখ-সংগ্রাম, ইথে না করিহ ভয় ॥

এতেক বলিয়া ভীষ্ম মহাক্রুদ্ধমন ।
 অর্জুন-উপরে করে বাণ-বরিষণ ॥
 সহস্রেক বাণ বিক্ষেপে বীর ধনঞ্জয়ে ।
 দশবাণ বিক্ষেপে বীর কৃষ্ণের হৃদয়ে ॥
 সহস্রেক বাণ মারে ধ্বজের উপরে ।
 চারিবাণ প্রহারিল চারি-অশ্ববরে ॥
 আর লক্ষবাণে বীর সৈন্যেরে প্রহারে ।
 পাণ্ডবের সেনা-সব সমরে সংহারে ॥
 কালান্তক যম যেন ভীষ্ম-মহাবীর ।
 পাণ্ডবের যোদ্ধাগণে করিল অস্থির ॥
 কাহারো সারথি কাটে, কারো কাটে হয় ।
 মাথা কাটি কাহারে বা দিল যমালয় ॥
 কখন সন্ধান কর্কে, কারে এড়ে বাণ ।
 কুস্তকার-চক্র যেন হয় ঘূর্ণ্যমান ॥
 অদ্ভুত দেখিয়া সব যোদ্ধা ভঙ্গ দিল ।
 পাণ্ডব-সৈন্যেতে মহাবিপত্তি পড়িল ॥

তাহা দেখি ক্রবিলেন ইন্দ্রের নন্দন ।

গগন ছাইয়া বাণ করেন বর্ষণ ॥

নাহি দিক্-বিদিক্, না হয় স্প্রকাশ ।

দশদিক্ রুদ্ধ হয়, না চলে বাতাস ॥

কোটি-কোটি সৈন্যে বীর মারিলেন রণে ।

লক্ষ-লক্ষ হস্তী মারে আর রথিগণে ॥

ইন্দ্রদত্ত পঞ্চবাণ করিয়া ক্লেপণ ।

ভীষ্ম-বক্ষোপরি বীর করিলা ঘাতন ॥

ব্যথিত করিলা গঙ্গাপুত্র-বীরবরে ।

অশ্ব-সহ সারথিরে দিল যমঘরে ॥

কালান্তক-যম যেন পার্থ ধমুর্ধর ।

কৌরবের সৈন্যগণে নাশেন সত্ত্বর ॥

শ্রাবণ-ভাদ্রেতে যেন পাকাতাল পড়ে ।

সেইমত কুরুসৈন্য-মাথা কাটি পাড়ে ॥

অর্জুন-বিক্রম নাহি সহে কুরুগণ ।

বড়-বড় যোদ্ধা পলাইল ত্যজি রণ ॥

অশ্বখামা দ্রোণ কূপ যুঝে প্রাণপণে ।

না পারে পাণ্ডবগণে নিবারিতে রণে ॥

যুগান্ত-সময়ে যেন রবির উদয় ।

তেমনি ছাড়েন পার্থ বাণ তেজোময় ॥

যত অস্ত্র দিল ইন্দ্র-আদি দেবগণ ।

সেই-সব অস্ত্র পার্থ করেন ক্লেপণ ॥

ভীষ্মের শরীর বিক্সি করেন জর্জর ।

কোটি-কোটি সৈন্যগণে দিল যমঘর ॥

ব্যস্ত্রে দেখি যুগগণ পলায় যেমন ।

ভঙ্গ দিল কুরুগণ পরিহরি রণ ॥

অর্জুনের শরজালে ভাঙ্গে সব সৈন্য ।

কলস্ত-অনলে যেন দহিল অরণ্য ॥

গরুড়ে দেখিয়া যেন ধায় নাগগণ ।

অর্জুনের ভয়ে সৈন্য পলায় তেমন ॥

অশ্বখামা-প্রতি বলে দ্রোণ-মহাশয় ।

যুদ্ধেতে আমার আজি চিত্ত স্থির নয় ॥

পক্ষী সব ঘন অলক্ষণ ডাক ছাড়ে ।

ধমুক হইতে গুণ উখাড়িয়া^১ পড়ে ॥

সন্ধান পুরিতে হস্ত হৈতে পড়ে শর ।

প্রভাবস্ত নাহি দেখি দেব-দিবাকর ॥

চুর্যোধন-বাহিনীতে গৃধ্র-কঙ্ক বলে ।

শিবাগণ ঘোরনাদ করে কুতূহলে ॥

গগনমণ্ডল হৈতে উদ্ধা পড়ে খসি ।

স্থানে-স্থানে ভস্মরূপি হয় রাশি-রাশি ॥

সকল পৃথিবী কাঁপে, দেখি ভয়ঙ্কর ।

রাহগ্রহ অকারণে গ্রাসে দিবাকর ॥

ভীষ্মবধে অর্জুনের যে-প্রতিজ্ঞা ছিল ।

তাহার সময় বুঝি বিধি নিয়োজিল ॥

সে-কারণে এতেক উৎপাত ঘনে-ঘন ।

এ-সব দেখিয়া মম স্থির নহে মন ॥

বুঝিলাম আজি যুদ্ধ হৈল বিপরীত ।

যথাশক্তি সমরে ভীষ্মের কর হিত ॥

হেনকালে কূপ-শল্য-ভগদত্ত-বীর ।

কৃতবর্মা জয়দ্রথ নির্ভয়-শরীর ॥

বিন্দ-অনুবিন্দ চিত্রসেন-অনুগত ।

দুর্শুখ দুঃসহ আর মহারথী যত ॥

সমরে ধাইয়া সবে পাণ্ডবে বেড়িল ।

শিবাগণ যেইমত কেশরী ঘেরিল ॥

বাছিয়া-বাছিয়া সবে নানা-অস্ত্র মারে ।

হয় হস্তী আসোয়ারে সঘনে সংহারে ॥

দেখিয়া রুধিল তবে বীর রুকোদর ।
 গগন ছাইয়া শীত্ৰ বরিষয়ে শর ॥
 সবাকার অস্ত্র নিবারিয়া রুকোদর ।
 প্রত্যেক রথীরে বিস্ফে চোথ-চোথ শর ॥
 বাছিয়া-বাছিয়া বীর এড়ে অস্ত্র-সব ।
 কুপের ধনুক কাটি করে পরাভব ॥
 আর সব মহাবীর অজ্ঞান হইল ।
 একেশ্বর ভীমসেন সবে নিবারিল ॥
 ক্রণেকে চেতন পেয়ে দশ-বীরবর ।
 চারিদিকে বেড়ি মারে, ভীম একেশ্বর ॥
 তাহা দেখি ভীমসেনে ক্রোধ উপজিল ।
 ধনু ছাড়ি গদা ল'য়ে সমরে ধাইল ॥
 গদার বাড়িতে সব রথ করে চূর ।
 ভঙ্গ দিয়া দশবীর পলাইল দূর ॥
 মহাক্রোধে রুকোদর সৈন্যেরে সংহারে ।
 যারে পায়, তারে মারে, কিছু না বিচারে ॥
 ভীমের বিক্রমে কেহ রণে নহে স্থির ।
 রণ ত্যজি পলাইল বড়-বড় বীর ॥

ভীষ্মের সহিত পার্থ প্রবর্তিয়া রণ ।
 অতুল-বিক্রমে সৈন্য করেন নিধন ॥
 যত অস্ত্র এড়ে ভীষ্ম, কাটি ধনঞ্জয় ।
 নিজ-অস্ত্রে বিক্ষিলেন তাঁহার হৃদয় ॥
 অস্ত্রের আঘাত আর সৈন্যভঙ্গ দেখি ।
 মহাক্রোধে অর্জুনে বলেন ভীষ্ম ডাকি ॥
 মহাপরাক্রম আজি করিলে সমরে ।
 মম সহ যুদ্ধ করি মারিলে সৈন্যেরে ॥
 এখন আমার শক্তি দেখহ অর্জুন ।
 আপনা রাখিতে পার, তবে জানি গুণ ॥
 এত বলি এড়ে বীর সহশ্রেক শর ।
 অর্জুপথে ধনঞ্জয় কাটেন সত্তর ॥

দৌহার উপরে দৌহে নানা-অস্ত্র মারে ।
 দৌহাকার অস্ত্র দৌহে সমরে সংহারে ॥
 কারো পরাজয় নহে, সগান বিক্রম ।
 অর্জুনে ভীষ্মের ধনু কাটেন বিষম ॥
 চক্ষু পালটিতে ভীষ্ম অন্যধনু নিল ।
 গগন আবরি শরবর্ষণ করিল ॥
 সহশ্রেক বাণ মারে অর্জুনে-উপর ।
 আশী-শরে বিক্ষিলেক কৃষ্ণ-কলেবর ॥
 যষ্টি-শর মারে বীর ধ্বজের উপর ।
 চারি-বাণে চারি-অশ্বে করিল জর্জর ॥
 আর লক্ষ-শর মারে সেনার উপর ।
 কোটি-কোটি যোদ্ধা মারি দিল যমঘর ॥
 হেনরূপে বাণবৃষ্টি করে নিরন্তর ।
 নিঃশ্বাস লইতে মাত্র নাহি অবসর ॥
 প্রাণপণে এড়ে পার্থ মহা-অস্ত্রগণ ।
 বাণ কাটি সৈন্য বধে গঙ্গার নন্দন ॥
 জল-স্থল-শূন্যমার্গ ব্যাপিল আকাশ ।
 অস্ত্রে অন্ধকার হৈল, না চলে বাতাস ॥
 ভীষ্মের বিক্রম যেন কালান্তক যম ।
 বজ্রের সদৃশ অস্ত্র মারিল বিষম ॥
 পাণ্ডবের সৈন্য-সব শরে আবরিল ।
 দেখি যত যোদ্ধাগণ রণে ভঙ্গ দিল ॥
 কাহারো কাটয়ে রথ, কারো ধনুগুণ ।
 কাহারো সারথি কাটে, কারো কাটে ভূণ ॥
 মধ্যদেশ কারো-কারো ফেলাইল কাটি ।
 বৃকে বাজি কোন বীর কামড়ায় মাটি ॥
 অস্থির পাণ্ডবসৈন্য, রণে নাহি রয় ।
 রাখিতে নারেন সৈন্য ভীম-ধনঞ্জয় ॥
 বাণে-বাণে কপিধ্বজ-রথে আবরিল ।
 কুশাতিতে গিরিবরে যেন আচ্ছাদিল ॥

অশ্বেরে চালান ক্রোধ করি নারায়ণ ।
 বাণে পথ রুদ্ধ, রোধে অশ্বের গমন ॥
 তাহা দেখি অর্জুনের বলে নারায়ণ ।
 সাবধানে যুঝ, নাহি চলে অশ্বগণ ॥
 ক্রোধে পার্থ যত অস্ত্র করে বরিষণ ।
 বাণে কাটি পাড়ে তাহা গঙ্গার নন্দন ॥
 নিরন্তর বধে সৈন্য, নাহি তার লেখা ।
 রণমধ্যে পড়ে বাণ যেমন উলকা ॥
 দেখি সবিস্ময় হৈল অর্জুনের মন ।
 ইন্দ্রদত্ত দিব্য-অস্ত্র করেন ক্ষেপণ ॥
 গঙ্গার তনয় তাহা কাটেন স্বরিতে ।
 দেখিয়া বিস্ময় পার্থ মানিলেন চিতে ॥
 কোঁরবের যোদ্ধগণ মুদিত' হইল ।
 পাণ্ডবের সেনা-সব প্রমাদ গণিল ॥
 অর্জুন অস্থির রণে, শ্রীহরি সারথি ।
 মনে-মনে বিচার করেন যত্নপতি ॥
 ত্রিভুবন-মধ্যে হেন কেহ নাহি বীর ।
 ভীষ্মের সহিত রণে যেবা রহে স্থির ॥
 নাহিক মরণ, নিজ-ইচ্ছা হ'লে মরে ।
 হেনজনে কোন্ বীর জিনিবে সমরে ॥
 নিজ-মৃত্যু-উপায় কহিলা মহাশয় ।
 এইকালে শিখণ্ডীকে আনাইতে হয় ॥
 এত ভাবি শিখণ্ডীকে ডাকেন সঙ্কর ।
 হেনকালে বায়ু বহে গন্ধে মনোহর ॥
 আকাশে অমরগণ আসিল সকল ।
 গগনে ছন্দুভি বাজে মহাকোলাহল ॥
 শুনি ভীষ্ম মহাবীর চিস্তে মনে-মন ।
 হেনকালে ডাকি বলে যত দেবগণ ॥

ঋষিগণ মুনিগণ বৈসে হ্রস্বলোকে ।
 সপ্তবহ্ন-সহ সবে আসিল কৌতুকে ॥
 আকাশে থাকিয়া ডাকি কহে সর্বজন ।
 নিবর্ত-নিবর্ত ভীষ্ম, পরিহর রণ ॥
 ঋষিগণে মুনিগণে গগন ভরিল ।
 করিয়া কুহুমরূপি ভীষ্মে আবারিল ॥
 না দেখে, না শুনে অশ্ব এ-সব বিষয় ।
 দেখিল শুনিল মাত্র শাস্ত্র-তনয় ॥
 ভ্রাতৃগণ বলে, আর বলে মুনিগণে ।
 দেবতার প্রিয়কর্ম চিস্তিলেন মনে ॥
 এতেক চিস্তিয়া বীর ক্রোধ সংবরিল ।
 অর্জুন-সম্মুখে তবে শিখণ্ডী আসিল ॥
 অর্জুনের প্রতি কৃষ্ণ বলেন বচন ।
 শিখণ্ডীকে অগ্রে রাখি মার অস্ত্রগণ ॥
 অর্জুন বলেন, শুন দৈবকী-তনয় ।
 এমত কপট যুদ্ধ উচিত না হয় ॥
 শ্রীকৃষ্ণ বলেন, পার্থ, শুনহ উত্তর ।
 ভীষ্মে মারি পরাজিত কর কুরুবর ॥
 এত বলি শিখণ্ডীকে ডাকি অনুরাগে ।
 বসাইলা অর্জুনের রথ-পুরোভাগে ॥
 শিখণ্ডী হইবামাত্র নয়ন-গোচর ।
 ত্যজিলেন ভীষ্মদেব নিজ-ধনুঃশর ॥
 অস্ত্রত্যাগ করি ভীষ্ম হেঁটমুণ্ড হৈয়া ।
 কহিতে লাগিল বীর কৃষ্ণেরে চাহিয়া ॥
 ওহে প্রভু নারায়ণ যাদব-ঈশ্বর ।
 আমারে মারিবে করি কপট সমর ॥
 এতেক বলিয়া বীর নানা-স্তুতি করে ।
 পুলকে সহস্র-নাম করে উচ্চৈঃস্বরে ॥

শিখণ্ডী ভীষ্মেরে বলে করি অহঙ্কার ।
 ক্রত্ৰিয়-অস্ত্রক ভূমি বিদিত সংসার ॥
 পরশুরামের সহ শুনিয়াছি রণ ।
 দেবের প্রতাপ তব কহে সর্বজন ॥
 তোমার প্রতাপ সব জগতে বিদিত ।
 সে-কারণে তোমা-সহ যুঝিব নিশ্চিত ॥
 পাণ্ডব-সাহায্য হেতু করি মহারণ ।
 মারিব-তোমারে, সবে করুক দর্শন ॥
 সত্য বলিলাম, নাহি নড়ে মম বোল ।
 আমার সমরে তোমা যুত্ব দিল কোল ॥
 শিখণ্ডীকে কহে ভীষ্ম মনেতে কোঁতুকী ।
 যদি যুত্ব হয়, তবু তোমারে উপেক্ষি ॥
 স্ত্রীজাতি শিখণ্ডী, তোরে বিধাতা সৃজিল ।
 দৈবের বিপাকে তোরে পাণ্ডব পাইল ॥
 শরীর কাটিয়া যদি পাড়ে ভূমিতলে ।
 তোরে দেখি অস্ত্র নাহি ধরি কোনকালে ॥
 শুনিয়া শিখণ্ডী ক্রোধে নিল ধনুর্বাণ ।
 ভীষ্মের উপরে মারে পুরিয়া সন্ধান ॥
 শত-শত বাণ মারে বাছিয়া-বাছিয়া ।
 অর্জুন শিখান তারে বহু বুঝাইয়া ॥
 শিখণ্ডী এড়য়ে বাণ হইয়া নির্ভয় ।
 সহস্রেক বাণে বিদ্ধে ভীষ্মের হৃদয় ॥
 নাহিক সস্ত্রম তাঁর, না জানে বেদন ।
 যুগীর প্রহারে যেন যুগেন্দ্রের মন ॥
 হাসিয়া অর্জুন হাতে লইলেন ধনু ।
 পঞ্চবিংশ বাণে তাঁর বিদ্ধিলেন তনু ॥
 শত-লক্ষ বাণ মারিলেন একেবারে ।
 ভীষ্মের কবচ ভেদি রক্ত পড়ে ধারে ॥
 অর্জুনের বাণ-সব অগ্নিসম ছুটে ।
 ভীষ্মের শরীরে যেন বজ্রসম ফুটে ॥

বিচারেন মনে-মনে গঙ্গার নন্দন ।
 এই অস্ত্র শিখণ্ডীর না হয় কখন ॥
 এ-সব অর্জুন-বাণ, ইথে না সংশয় ।
 শিখণ্ডীর বাণ ইহা কিছুতেই নয় ॥
 শিখণ্ডী-পশ্চাতে থাকি পার্থ ধনুর্ধর ।
 আমারে মারিছে বীর তীক্ষ্ণ-তীক্ষ্ণ-শর ॥
 এত চিন্তি হরিপদ হৃদে ধ্যান করি ।
 মুখে উচ্চারণ করে শ্রীহরি-শ্রীহরি ॥
 বাণাঘাতে শরীর কম্পিত ঘনে-ঘন ।
 শিশির-কালেতে যেন কাঁপয়ে গোধন ॥
 ধনঞ্জয় আপনার অস্ত্র-বরিষণে ।
 রোমে-রোমে বিদ্ধিলেন গঙ্গার নন্দনে ॥
 সর্বান্ন ভেদিল অস্ত্রে, স্থান নাহি আর ।
 সর্বান্ন বহিয়া পড়ে শোণিতের ধার ॥
 তবে পার্থ দিব্য-অস্ত্র লইয়া তখন ।
 পিতামহ-বক্ষঃস্থলে করেন ঘাতন ॥
 বাণাঘাতে মহাবীর হ'য়ে হীনবল ।
 রথের উপরে হৈতে পড়ে ভূমিতল ॥
 শিয়র করিয়া পূর্বে পড়িল সে বীর ।
 আকাশ হইতে যেন খসিল মিহির ॥
 ভূমি নাহি স্পর্শে, অঙ্গ শরের উপর ।
 হেনমতে শরশয্যা নিল বীরবর ॥
 দেখিয়া কোঁরবগণ হাহাকার করে ।
 সংগ্রাম ত্যজিয়া সবে আসে দেখিবারে ॥
 মহারাজ দুর্যোধন শোকাকুল হ'য়ে ।
 রথ ত্যজি ক্রান্তগতি আসিল ধাইয়ে ॥
 দ্রোণ-কৃপ-অশ্বখামা-আদি বীরগণ ।
 রথ ত্যজি ধায় সবে শোকাকুল-মন ॥
 বিলাপ করিয়া কান্দে রাজা দুর্যোধন ।
 উঠ পিতামহ, কর পার্থ-সহ রণ ॥

স্বয়ংবরে জিনি ভ্রাতৃগণে বিভা দিলে ।
 পরশুরামেরে ভূমি রণে পরাজিলে ॥
 বাহুবলে কক্ৰগণে কৈলে পরাজয় ।
 তোমার নামেতে সুরাসুরে কম্প হয় ॥
 বড় সাধ আমার আছিল মনে-মন ।
 পাণ্ডবে জিনিয়া সব ল'ব রাজ্যধন ॥
 তাহে বিপরীত হেন বিধাতা করিল ।
 স্নেহের-পর্বত যেন শৃগালে লজ্জিল ॥
 তোমার পৌরুষ যত ত্রিভুবনে ঘোষে ।
 সমরে পড়িলে ভূমি মম কর্ণদোষে ॥
 বিলাপ করয়ে হেনমতে কুরুরাজ ।
 শোকাকুল কান্দে যত কোঁরব-সমাজ ॥
 পার্শ্বে কোলে করি ভীষ্ম মানুষ করিল ।
 ভীষ্ম-বধে-অর্জুনের কলঙ্ক রহিল ॥
 মহাভারতের কথা অমৃত-লহরী ।
 কাশী কহে, ভবসিদ্ধু তরিবার তরী ॥

২১। ভীষ্মের নিকটে যুধিষ্ঠিরাদির গমন এবং
 অর্জুন-কর্কট ভীষ্মকে উপাধান-প্রদান ও
 তাঁহার তৃষ্ণা-নিবারণ ।

রথ হৈতে নামি তবে ধর্মের নন্দন ।
 ভীষ্মে দেখিবারে যান সহ-জনার্দন ॥
 ভীম ধনঞ্জয় আর মাদ্রীর তনয় ।
 ধৃষ্টদ্যুম্ন সাত্যকি রুপদ মহাশয় ॥
 অভিমন্যু ঘটোৎকচ মৎস্ত-অধিপতি ।
 দ্রোণদীর পঞ্চপুত্র রাজার সংহতি ॥
 শরের শয্যায় বধা আছে ভীষ্মবীর ।
 প্রণাম করিয়া কহিলেন যুধিষ্ঠির ॥
 ওহে পিতামহ, তুমি বলে বীরবর ।
 সত্যবাদী জিতেন্দ্রিয় মর্যাদা-সাগর ॥

স্বপ্নরাম অভিশাপ দিলেন তোমারে ।
 হুর্যোধন-হেতু তাহা ফলিল সমরে ॥
 শিশুকালে পিতৃহীন হৈনু পঞ্চজনে ।
 পিতৃশোক না জানিনু তোমার কারণে ॥
 আজি পুনঃ বিধি তাহে হইলেন বাম ।
 এতদিনে মোরা সবে, অনাথ হলাম ॥
 ধিক্ কক্ৰধর্ম্মে, মায়া-মোহ নাহি ধরে ।
 হেন পিতামহ-দেবে নাশিনু সমরে ॥
 ওহে পিতামহ, এই উপস্থিত কালে ।
 নয়ন ভরিয়া দৃষ্টি করহ গোপালে ॥

হাসি ভীষ্ম মহাবীর নয়ন মেলিল ।
 সাধু-সাধু বলি ধর্ম্মপুত্রে প্রশংসিল ॥
 মধুর-কোমল সর অতীব গম্ভীর ।
 কহিতে লাগিল বীর চাহি যুধিষ্ঠির ॥
 এই যে দক্ষিণায়ন আছে যতদিন ।
 ততদিন শরীর না হবে প্রতাহীন ॥
 বল-পরাক্রম যত সব পরিহরি ।
 শরীর না ছাড়ি আমি, প্রাণমাত্র ধরি ॥
 রবির উত্তরায়ণ হইবে যখন ।
 জানিহ, তখন আমি ত্যজিব জীবন ॥
 রবির উত্তরায়ণ না হয় যাবৎ ।
 শরের শয্যাতে আমি থাকিব তাবৎ ॥
 এতেক বলিতে তথা হৈল দৈববাণী ।
 সাধু-সাধু গঙ্গাপুত্র, কুরুকুলমণি ॥
 সর্ব-ধর্ম্ম জান তুমি, সর্বশাস্ত্র জ্ঞাত ।
 তোমার মহিমা-গুণ জগতে বিখ্যাত ॥
 দৈববাণী শুনি বীর হরিশ-অন্তর ।
 রাজা হুর্যোধনে চাহি বলেন উত্তর ॥
 শয্যায় আছয়ে মম সকল শরীর ।
 মাথা লুটি পড়িয়াছে, দেখ কুরুবীর ॥

কোন্ বীর আছে হেথা কল্পিত-প্রধান ।
মাথা যেন না লুটায়, দেহ উপাধান ॥
শুনি রাজা দুর্ঘোধান খাইল আপনে ।
দিব্য-উপাধান আনি দিল সেইক্ষণে ॥

হাসিয়া বলেন ভীষ্ম, শয্যা মম শর ।
হেন উপাধান কোন্ হেতু নৃপবর ॥
কল্প হ'য়ে আপনি না বুঝহ সময় ।
এত বলি মাথা তুলি চাহে ধনঞ্জয় ॥
তবে ত অর্জুন-বীর ল'য়ে ধনুঃশর ।
তিন বাণ মারি মাথা করেন সোসর' ॥
মস্তক ভেদিয়া বাণ মৃত্তিকা ভেদিল ।
হেনমতে ভীষ্ম শরশয্যাতে রহিল ॥
আনন্দিত হ'য়ে মনে ভীষ্ম মহাবীর ।
দুর্ঘোধানে ডাকি কহে হইয়া অস্থির ॥

শুন রাজা দুর্ঘোধান, আমার বচন ।
জল আনি দেহ মোরে, তৃষ্ণা তনুক্ষণ ॥
শুনি রাজা দুর্ঘোধান অতি ব্যস্ত হৈয়া ।
আনিল শীতল বারি ভৃঙ্গার পুরিয়া ॥
হুবর্ণ-ভৃঙ্গার দেখি ভীষ্ম মহাবীর ।
অর্জুনেই নিরখিল অস্থির-শরীর ॥
তবে ত অর্জুন-বীর গাণ্ডীব ধরিয়া ।
মারেন পৃথ্বীতে বাণ আকর্ণ পুরিয়া ॥
পৃথিবী ভেদিয়া বাণ অধঃ প্রবেশিল ।
ভোগবতী-গঙ্গাজল তথায় উঠিল ॥
হৃদ্ধধারা প্রায় পড়ে ভীষ্মের মুখেতে ।
জল পান করে বীর মহা-আনন্দেতে ॥
জলপান করি ভীষ্ম হয় তৃপ্তমন ।
দুর্ঘোধানে চাহি পুনঃ বলেন বচন ॥

ভাই-ভাই বিরোধ না কর কদাচিত্ ।
যুধিষ্ঠিরে ভাগ দিয়া করহ সম্প্রীত ॥
দ্বন্দ্ব হৈলে বংশনাশ জানিহ নিশ্চয় ।
ধর্ম-অনুসারে হয় জয়-পরাজয় ॥
পাণ্ডবের সহায় আপনি নারায়ণ ।
তাঁহার সহিত যুদ্ধ কর কি-কারণ ॥
দুর্ঘোধান বলে, মম প্রতিজ্ঞা না নড়ে ।
বিনা-যুদ্ধে সূচ্যত্র না দিব পাণ্ডবেরে ॥
শুনি ভীষ্ম কমা দিল আপন-অস্তরে ।
দৈবে যাহা করে, তাহা কে খণ্ডিতে পারে ॥
দুর্ঘোধান না শুনিল ভীষ্ম-উপদেশ ।
কাশী কহে কুরুকুল এবে হবে শেষ ॥

২২। দুর্ঘোধানের প্রতি ভীষ্মের ভবিষ্যৎ-বাণী ।

দুর্ঘোধানে বলে পুনঃ শান্তনু-নন্দন ।
অর্জুন-বিক্রম দেখিলে কি দুর্ঘোধান ॥
বহুমতী ভেদিয়া তুলিল জল-ধার ।
কোন্ মনুষ্যের হেন শক্তি আছে আর ॥
এক-এক অস্ত্রে পারে জিনিতে ভুবন ।
সকল যুদ্ধ করে পাণ্ডুর নন্দন ॥
শুন রাজা, হিতবাক্য কর অবধান ।
যাহার অধীন কৃষ্ণ পুরুষ-প্রধান ॥
ক্রোধ নাহি করে সেই রাজা যুধিষ্ঠির ।
তাই ত তোমার সেনা রণে রহে স্থির ॥
যতগুলি সহোদর তোমরা সকলে ।
সুখে রাজ্য কর সবে থাকি ভূমণ্ডলে ॥
আমা-অস্ত্রে যুদ্ধ ছাড় পরিহারি রোব ।
অর্জুরাজ্য ছাড়ি দেহ হইয়া সন্তোষ ॥

| | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|--------|
| 1990 | 1991 | 1992 | 1993 | 1994 | 1995 | 1996 | 1997 | 1998 | 1999 | 2000 | 2001 | 2002 | 2003 | 2004 | 2005 | 2006 | 2007 | 2008 | 2009 | 2010 | 2011 | 2012 | 2013 | 2014 | 2015 | 2016 | 2017 | 2018 | 2019 | 2020 | 2021 | 2022 | 2023 | 2024 | 2025 | 2026 | 2027 | 2028 | 2029 | 2030 | 2031 | 2032 | 2033 | 2034 | 2035 | 2036 | 2037 | 2038 | 2039 | 2040 | 2041 | 2042 | 2043 | 2044 | 2045 | 2046 | 2047 | 2048 | 2049 | 2050 | 2051 | 2052 | 2053 | 2054 | 2055 | 2056 | 2057 | 2058 | 2059 | 2060 | 2061 | 2062 | 2063 | 2064 | 2065 | 2066 | 2067 | 2068 | 2069 | 2070 | 2071 | 2072 | 2073 | 2074 | 2075 | 2076 | 2077 | 2078 | 2079 | 2080 | 2081 | 2082 | 2083 | 2084 | 2085 | 2086 | 2087 | 2088 | 2089 | 2090 | 2091 | 2092 | 2093 | 2094 | 2095 | 2096 | 2097 | 2098 | 2099 | 2100 | 2101 | 2102 | 2103 | 2104 | 2105 | 2106 | 2107 | 2108 | 2109 | 2110 | 2111 | 2112 | 2113 | 2114 | 2115 | 2116 | 2117 | 2118 | 2119 | 2120 | 2121 | 2122 | 2123 | 2124 | 2125 | 2126 | 2127 | 2128 | 2129 | 2130 | 2131 | 2132 | 2133 | 2134 | 2135 | 2136 | 2137 | 2138 | 2139 | 2140 | 2141 | 2142 | 2143 | 2144 | 2145 | 2146 | 2147 | 2148 | 2149 | 2150 | 2151 | 2152 | 2153 | 2154 | 2155 | 2156 | 2157 | 2158 | 2159 | 2160 | 2161 | 2162 | 2163 | 2164 | 2165 | 2166 | 2167 | 2168 | 2169 | 2170 | 2171 | 2172 | 2173 | 2174 | 2175 | 2176 | 2177 | 2178 | 2179 | 2180 | 2181 | 2182 | 2183 | 2184 | 2185 | 2186 | 2187 | 2188 | 2189 | 2190 | 2191 | 2192 | 2193 | 2194 | 2195 | 2196 | 2197 | 2198 | 2199 | 2200 | 2201 | 2202 | 2203 | 2204 | 2205 | 2206 | 2207 | 2208 | 2209 | 2210 | 2211 | 2212 | 2213 | 2214 | 2215 | 2216 | 2217 | 2218 | 2219 | 2220 | 2221 | 2222 | 2223 | 2224 | 2225 | 2226 | 2227 | 2228 | 2229 | 2230 | 2231 | 2232 | 2233 | 2234 | 2235 | 2236 | 2237 | 2238 | 2239 | 2240 | 2241 | 2242 | 2243 | 2244 | 2245 | 2246 | 2247 | 2248 | 2249 | 2250 | 2251 | 2252 | 2253 | 2254 | 2255 | 2256 | 2257 | 2258 | 2259 | 2260 | 2261 | 2262 | 2263 | 2264 | 2265 | 2266 | 2267 | 2268 | 2269 | 2270 | 2271 | 2272 | 2273 | 2274 | 2275 | 2276 | 2277 | 2278 | 2279 | 2280 | 2281 | 2282 | 2283 | 2284 | 2285 | 2286 | 2287 | 2288 | 2289 | 2290 | 2291 | 2292 | 2293 | 2294 | 2295 | 2296 | 2297 | 2298 | 2299 | 2300 | 2301 | 2302 | 2303 | 2304 | 2305 | 2306 | 2307 | 2308 | 2309 | 2310 | 2311 | 2312 | 2313 | 2314 | 2315 | 2316 | 2317 | 2318 | 2319 | 2320 | 2321 | 2322 | 2323 | 2324 | 2325 | 2326 | 2327 | 2328 | 2329 | 2330 | 2331 | 2332 | 2333 | 2334 | 2335 | 2336 | 2337 | 2338 | 2339 | 2340 | 2341 | 2342 | 2343 | 2344 | 2345 | 2346 | 2347 | 2348 | 2349 | 2350 | 2351 | 2352 | 2353 | 2354 | 2355 | 2356 | 2357 | 2358 | 2359 | 2360 | 2361 | 2362 | 2363 | 2364 | 2365 | 2366 | 2367 | 2368 | 2369 | 2370 | 2371 | 2372 | 2373 | 2374 | 2375 | 2376 | 2377 | 2378 | 2379 | 2380 | 2381 | 2382 | 2383 | 2384 | 2385 | 2386 | 2387 | 2388 | 2389 | 2390 | 2391 | 2392 | 2393 | 2394 | 2395 | 2396 | 2397 | 2398</ |
|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|--------|



সম্প্রীতে করিয়া দেহ পাণ্ডবেরে ভাগ ।
 স্বর্গে যাই আমি তবে করি প্রাণত্যাগ ॥
 ইহা যদি না কর, না শুন মোর বাণী ।
 ভবিষ্যতে যা ঘটবে, শুনহ আপনি ॥
 যেইভাবে যুদ্ধ কর, কহি আমি সার ।
 দ্রোণ-কর্ণ পার্থ-বাণে হইবে সংহার ॥
 অন্যান্য সকলে শেষে হইবেক হত ।
 পাণ্ডবে মিলিবে, অবশিষ্ট থাকে যত ॥
 ইতিমধ্যে তব না থাকিবে একজন ।
 যুদ্ধ পরিহারি যাবে গুরুর নন্দন ॥
 কৃতবর্মা কৃপাচার্য্য রণে ভঙ্গ দিবে ।
 অবশেষে বৃকোদর তোমাকে মারিবে ॥
 পৃথিবীতে অবধ্য পাণ্ডব পঞ্চজন ।
 সমগ্র পৃথিবী ধর্ম্ম করিবে পালন ॥
 ইন্দ্রপ্রস্থ ত্যজি হস্তিনায় হবে স্থিতি ।
 ধর্ম্ম-বশে পুরিবে সকল বস্তুমতী ॥
 গঙ্গার নন্দন যদি এতেক কহিল ।
 শুনি রাজা দুর্য্যোধন উত্তর না দিল ॥
 যুধিষ্ঠির-প্রতি কিছু কহিতে না পারে ।
 ধর্ম্মরাজ আপনি লাগিল কহিবারে ॥
 পুণ্য-কথা ভারতের শুনে পুণ্যবান্ ।
 পৃথিবীতে নাহি স্তূথ ইহার সমান ॥
 কাশীরাম দাস কহে রচিয়া পয়ার ।
 অবহেলে শুনে যেন সকল সংসার ॥

২০। কুরু-পাণ্ডব সংবাদ ।

তবে ধর্ম্ম-নরপতি করিয়া বিনয় ।
 দুর্য্যোধনে কহিতে লাগিলা মহাশয় ॥
 শুন ভাই দুর্য্যোধন, আমার বচন ।
 পিতামহ-বাক্য কহু না যাম্ খণ্ডন ॥

কোনকালে আমি তব নাহি করি দোষ ।
 তবে কেন মোর প্রতি তোমার আক্রোশ ॥
 তব হিংসা আমি নাহি করি কোনকাল ।
 আজন্ম আমারে দুঃখ দিলে মহীপাল ॥
 জন্ম যবে, সেই-কালে বিধি দিল শোক ।
 অল্পকালে পিতার হইল পরলোক ॥
 কিছুদিন পিতামহ পিতার বিহনে ।
 পালিলেন আমা-সবে পরম-যতনে ॥
 নানাবিদ্যা শিখাইল অস্ত্র-শাস্ত্র-আদি ।
 তুমি নিজে হৈলে কিন্তু কপটী বিবাদী ॥
 বিষ খাওয়াইলে ভীমে মারিবার তরে ।
 বান্ধি ভাসাইয়া দিলে যমুনার নীরে ॥
 তাহাতে পাইল প্রাণ নিজ-ভাগ্যোদয়ে ।
 জৌ-গৃহে দহিতে দিলে বারণা-আলয়ে ॥
 তাহে মুক্ত হৈলু মোর। বিন্দুর-সাহায্যে ।
 নানাস্থান ভ্রমি যাই পাঞ্চালের রাজ্যে ॥
 লক্ষ্য বিধি দ্রোপদীরে পাইলু তথায় ।
 জ্যেষ্ঠতাত ইন্দ্রপ্রস্থে স্থাপিলা আমায় ॥
 পুণ্যবলে সহায় হইলা নারায়ণ ।
 পিতৃবাক্যে রাজসূয় করিলু সাধন ॥
 ঐশ্বর্য্য দেখিয়া মম তুমি হিংসা কৈলে ।
 কপট-পাশায় সব জিনিয়া লইলে ॥
 দ্বাদশ-বৎসর বন, বৎসর অজ্ঞাত ।
 হারিলে যাইব বন, হৈলু প্রতিশ্রুত ॥
 দ্বাদশ-বৎসর বনিলাম বনে-বনে ।
 অজ্ঞাতে বনিলু সবে নামা-বিড়ম্বনে ॥
 আর শুন দুর্য্যোধন, কহি যে তোমারে ।
 যখন ছিলাম আমি অরণ্য-ভিতরে ॥
 শত্রু-বৃদ্ধি করিয়া আমারে তোমা-সব ।
 দেখাইতে ল'য়ে গেলে আপন-বৈভব ॥

ପ୍ରଭାସେତେ ସ୍ନାନ-ହେତୁ ଗେଲା ସର୍ବ-ସାଥେ ।
 ପରାଜିତ ହେଲେ ସବେ ଗନ୍ଧର୍ବେର ହାତେ ॥
 ଏହି ସେ ଆଛାୟେ ତବ ମହା-ମହା-ରଥୀ ।
 ଛାଡ଼ି ପଳାଇଲ ଦେଖି ଗନ୍ଧର୍ବେର ପତି ॥
 ଦଳ-ବଳ-ସହ ତୋମା ଲହିଲ ବାନ୍ଧିଯା ।
 ଚର-ଯୁଦ୍ଧେ ଆମି ତବେ ପଶ୍ଚାତେ ଶୁନିଯା ॥
 ପାର୍ଥେ ପାଠାହିୟା ମୁକ୍ତ କରି ଦିନୁ ସବେ ।
 ପଳାଇଲ ଚିତ୍ରସେନ ହାରିୟା ଆହବେ ॥
 ଏତ ହୁଏ ଦିଲା ମୋର, ନା ଜାନ ଆପନେ ।
 ରୁକ୍ଷେ ଯଦି ତବ ପ୍ରୀତି ମୁକ୍ତ କେନ୍ଦୁ କେନେ ॥
 କଥନହି ତବ ସ୍ଥାନେ ଆମି ନହି ଦୋଷୀ ।
 କେନ ଭାହି, ତୁମି ମୋର ଅନିଷ୍ଟ-ପ୍ରୟାସୀ ॥
 ଭାହି-ଭାହି ବିରୋଧେତେ ନାହି ପ୍ରୟୋଜନ ।
 କୁଳକ୍ଷୟ ଅପଞ୍ଚ ଅଧର୍ମ ଗଣନ ॥
 ସେ-କାରଣେ ବଳି ଭାହି, ଶୁନ ମୋର କଥା ।
 ମୋର ଭାଗ ଛାଡ଼ି ଦେହ, ଥାକି ଯଥା-ତଥା ॥
 ପୃଥିବୀର ରାଜଗଣ ସହିତ ବାହିନୀ ।
 ନିଃଶେଷ ନା କର ଭାହି, ରାଧ ମୋର ବାଣୀ ॥
 ପିତାମହ ପଡ଼ିଲ ପୁରୁଷ ପୁରାତନ ।
 ଆର ସେ ପଡ଼ିଲ ତବ କତ ଭ୍ରାତୃଗଣ ॥
 ଆର ସେ ପଡ଼ିଲ ରଣେ କତ ଛାତି-ବନ୍ଧୁ ।
 ହୁ-ଦଲେଇ ନକ୍ଷ, ଉଦ୍ଧଳିଲ ଶୋକ-ସିନ୍ଧୁ ॥
 ସେ ହେଲ, ସେ ହେଲ ଭାହି, କ୍ଷମହ ଏକନ ।
 ସବେ ଏସ, କରି ଭାହି ସମ୍ପ୍ରୀତେ ମିଳନ ॥
 ଭୀଷ୍ମ ଯୋଗ କ୍ରମ ଅସ୍ତ୍ରଧାମା ଭଗନନ୍ତ ।
 ସତ୍ୟ ହୃଦିନ୍ନବା ଆର ରାଜା ଜୟଦ୍ରଥ ॥
 ବାସୁଦେବ ସହିତ ସାନ୍ଦବ-ବୀରଭାଗେ ।
 କୌରବ-ପାଣ୍ଡବ ପ୍ରଶଂସିଲା ଏକସାଗେ ॥
 ସବେ ବଳେ, ସାଧୁ-ସାଧୁ ଧର୍ମ-ନୃପମଣି ।
 ଯଥେକ କହିଲେ, ସବ ସେନ ବେଳବାଣୀ ॥

ଦୁର୍ଯ୍ୟୋଧନେ ଯୁଧିଷ୍ଠିର ସକଳ କହିଲ ।
 ଶୁନି ଦୁର୍ଯ୍ୟୋଧନ, କିଛି ଉତ୍ତର ନା ଦିଲ ॥
 ପୁନରପି ଧର୍ମରାଜ କହେନ ତଥନ ।
 କହ ଭାହି ଦୁର୍ଯ୍ୟୋଧନ, କିବା ତବ ମନ ॥
 ମୋରା ପଞ୍ଚଭାହି, ରାଜା ଦେହ ପଞ୍ଚଗ୍ରାମ ।
 ସାଗର-ଅବଧି ପୃଥିବୀ ହୋବ୍ ତବ ଧାମ ॥
 ଇହା ନା କରିଲେ, ନା ଶୁନିଲେ ମୋର ବାଣୀ ।
 ନିଶ୍ଚୟ ମରିବ ସବେ କରି ହାନାହାନି ॥
 ଦୁର୍ଯ୍ୟୋଧନ ବଳେ, ମୋର ସତ୍ୟ ଏହି ପଣ ।
 ଯୁଦ୍ଧେ ଜିନିବେକ ସେହି, ସେହି ସେ ରାଜନ୍ ॥
 ଇହା ବଳି ଦୁର୍ଯ୍ୟୋଧନ ଉଠିଆ ଚଳିଲ ।
 ଦେଖି ଯତ ସାଧୁ-ଜନ ତାରେ ନିନ୍ଦା କୈଲ ॥
 କାରୋ ବାକ୍ୟ ନା ଶୁନିଲ ହୁକ୍ତ ଦୁର୍ଯ୍ୟୋଧନ ।
 ରାଜା ସବ ଚଳି ଗେଲା ଯାର ସେ ଭବନ ॥
 କର୍ଣ୍ଣବୀର ଆଇଲା ଭୀଷ୍ମକେ ଦେଖିବାରେ ।
 ଶରୀର ଶୟାୟ ସେନ କାର୍ତ୍ତିକ-କୁମାରେ ॥
 ଦେଖିଆ ଭୀଷ୍ମର ରୂପ ପଡ଼େ ଜଳଧାର ।
 ଚରଣେ ପଡ଼ିଆ ଭୀଷ୍ମେ କରେ ନମସ୍କାର ॥
 ନିକଟେ ଆଇଲା ତବେ କର୍ଣ୍ଣ ଧନୁର୍ଧର ।
 ଏକ ହସ୍ତେ କୋଳ ଦିଲ ଭୀଷ୍ମ ବୀରବର ॥
 ଲୋକ ସଂବରିୟା ଭୀଷ୍ମ ବଳେ କର୍ଣ୍ଣ-ସ୍ଥାନ ।
 ବିରୋଚନ-ପୁତ୍ର ନହେ ତୋମାର ସମାନ ॥
 ରଣସ୍ଥଳେ କରେ ସବେ ତୋମାର ବାଧାନ ।
 ବ୍ରାହ୍ମଣେର ଭକ୍ତ ତୁମି, ସର୍ବଶାସ୍ତ୍ରେ ଜ୍ଞାନ ॥
 ତୁମି ହୀନତେଜ ନାହି ବଳି କଦାଚିତ୍ ।
 ବିପକ୍ଷ ଜିନିତେ ତୁମି ପରମ-ପଣ୍ଡିତ ॥
 ତୋମା-ପ୍ରୀତି କ୍ରୋଧ ମୁନଃ ନାହିକ ଆମାର ।
 ପୂର୍ବେର ବ୍ରତାନ୍ତ କିଛି ଆଛେ କହିବାର ॥
 ପାଣ୍ଡୁ-ପୁତ୍ର ପଞ୍ଚଭାହି ଶୁଣେର ଆକର ।
 ଏକତ୍ର ହଇୟା ସବେ ମିତ୍ରରାଜ୍ୟ କର ॥

শত্রু নহে, ভ্রাতা তব পাণ্ডু-পুত্রগণ ।
 সূর্য্যের গুরসে জন্ম, কুন্তীর নন্দন ॥
 কর্ণ বলে, যত বল সত্য এ-বচন ।
 সূত-পুত্র বলি মোরে ঘোষে ত্রিভুবন ॥
 মাতা মোরে ত্যাগ কৈল, পোষে দুর্ঘ্যোধন ।
 রাজ্য না করিব আমি, প্রতিজ্ঞা-বচন ॥
 পাণ্ডব-সহায় কৃষ্ণ অজ্ঞেয় সংসারে ।
 সকল জানিয়া আমি কহিনু তোমারে ॥
 শ্রীকৃষ্ণ সহায় যাহাদের সর্ব্বক্ষণ ।
 তাহাদের দুঃখ নাহি কোথাও কখন ॥
 জয় পাবে পাণ্ডব, কোঁরব পরাজয় ।
 অবশ্য করিব যুদ্ধ সহ ধনঞ্জয় ॥
 আচ্ছা দেহ তুমি মোরে করিবারে রণ ।
 অপরাধ কৈনু, যত ক্ষমহ এখন ॥
 তবে ভীষ্ম বলিলেন বিষঃ হইয়া ।
 যুদ্ধ কর গিয়া তুমি স্বর্গ উদ্দেশিয়া ॥
 কর্ণ বলে, পিতামহ বলি যে তোমারে ।
 অর্জুনের যুদ্ধে পড়ি যাব স্বর্গপুরে ॥
 ভীষ্মকে প্রণাম করি রথেষ্টে চড়িল ।
 দুর্ঘ্যোধন-নিকটেতে কর্ণবীর গেল ॥
 ভীষ্ম-বাক্য না শুনিল কর্ণ-দুর্ঘ্যোধন ।
 কেন বা শুনিবে, যার নিকটে শমন ॥
 হইল কর্ণের কর্ণ বধির শ্রবণে ।
 চলিলেন কর্ণবীর সমর-প্রান্তরে ॥
 ব্রহ্মশাপ রহিয়াছে যাহার মাথায় ।
 বিপরীত-দিকে তার বুদ্ধি সন্না ধায় ॥
 কৃষ্ণ-বাক্য কুন্তী-বাক্য ভীষ্ম-বাক্য আর ।
 সকলি কর্ণের কর্ণে হইল অসার ॥
 রণস্থলে গেলা কর্ণ হ'য়ে হুটমহা ।
 কাশী কহে, কুর-কুল-কয়ের সূচনা ॥

পাণ্ডব-বিজয়-কথা অমৃত-সহরী ।
 শুনিলে অধর্ম্ম খণ্ডে, ভব-ভয়ে তরি ॥
 সংগ্রামে বিজয় হয়, বাড়ে আয়ুঃ-যশ ।
 পুণ্যকথা ভারত শুনিতে স্থধারস ॥
 পুণ্য হয়, ধন হয়, আয়ুঃ বাড়ে তার ।
 অন্ধায় শুনিলে দুঃখ না থাকে তাহার ॥
 অন্ধজন শুনিলে সে হয় চক্ষুমান ।
 অন্ধায়ুক্ত হৈয়া শুন ব্যাসের আখ্যান ॥
 ব্যাস-বিরচিত এই ভারত-রতন ।
 ইহাতে অবজ্ঞা যার, তাহার মরণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২৪। ভীষ্ম-কৃত শ্রীকৃষ্ণের স্তব ।

মুনি বলে, জন্মেজয়, কম্বহ শ্রবণ ।
 অতঃপর কৃষ্ণে ভীষ্ম করিল স্তবন ॥
 শুন দেব নারায়ণ, মোর নিবেদন ।
 তোমার চরিত্রে প্রভু, জানে কোন্ জন ॥
 দেবের দেবতা তুমি, সবার ঈশ্বর ।
 অনন্ত তোমার গুণ বেদে অগোচর ॥
 স্বর্গ-মর্ত্য-পাতালে আছয়ে যত প্রাণী ।
 সকলি তোমার সৃষ্টি, সর্ব্বভূতে তুমি ॥
 তুমি সিদ্ধ, তুমি গিরি, তুমি সর্ব্ববীজ ।
 তুমি বৃক্ষ, তুমি ফল, তুমি জল নিজ ॥
 তুমি যক্ষ, তুমি রক্ষ, গন্ধর্ব্ব কিম্বর ।
 তুমি আদি, তুমি অন্ত, ব্যাপ্ত চরাচর ॥
 তুমি ব্রহ্মা, তুমি বিষ্ণু, তুমি হও শিব ।
 তুমি দয়া, তুমি মায়া, তুমি সর্ব্বজীব ॥
 তুমি বায়ু, তুমি অগ্নি, তুমি সর্ব্বময় ।
 তোমা হ'তে হয় প্রভু, সৃষ্টি-স্থিতি-লয় ॥

হুবুঙ্কি কুবুঙ্কি তুমি, তুমি সর্বসিঙ্কি ।
 তুমি ধর্ম, তুমি কর্ম, তুমি সর্ব-ঋঙ্কি ॥
 কে জানে তোমার তত্ত্ব, কে চিনিতে পারে ।
 স্মরণে রক্ষা কর সংহারি অস্মরে ॥
 যে-জন তোমার ভক্ত, সে চিনে তোমাতে ।
 বিপদে-সম্পদে তুমি রক্ষা কর তাকে ॥
 আমারে করহ দয়া দেবকী-নন্দন ।
 তোমার চরণে যেন দৃঢ় রয়ে মন ॥
 অর্জুনের রথে তুমি বসেছিলে সঙ্গে ।
 তাহারে হানিতে বাণ লাগে তব অঙ্গে ॥
 এই মহাদোষ মোর ক্ষম না রাখ ।
 মৃত্যুকালে দেখি যেন তোমার চরণ ॥
 তোমা-বিনা গতি মোর নাহিক সংসারে ।
 শ্রীচরণে স্থান দিয়া রাখিবা আমারে ॥
 এ-দীর্ঘ সংসার-পথে কত-শত বার ।
 যাতায়াত করিলাম, শক্তি নাহি আর ॥
 আর যেন যাতায়াত না করি কখন ।
 রক্ষা কর মোরে, ওহে শ্রীমধুসূদন ॥
 'কৃষ্ণ'-নাম-তুল্য আর নাহি কিছু ধন ।
 একবার-মাত্র তাহা যে করে স্মরণ ॥
 মাতৃগর্ভ-কারাবাস না করে সে-জন ।
 কিংবা যমপুরী নাহি করয়ে দর্শন ॥
 জীবের নিস্তার-হেতু ঘোর কলিকালে ।
 'হরি'-নাম-বিনা গতি নাই ভূমণ্ডলে ॥
 শ্রীকৃষ্ণ যাদব বৃষ্ণি-বংশ-বিভূষণ ।
 ভক্ত-কল্লতরু তুমি রুক্ষিণী-রমণ ॥
 আশ্রিত-বৎসল হরি শত্রু-বিনাশন ।
 শৌরি পঞ্চ-পাণ্ডুপুত্র-বিপদ-ভঞ্জন ॥
 নাশহ নরক-ভয় তুমি অনিবার ।
 তোমার শ্রীপাদপদ্মে প্রণাম আমার ॥

এই শেষ নিবেদন রহিল আমার ।
 অস্তে যেন শ্রীচরণ দেখি হে তোমার ॥
 ভক্তভরে ভীষ্ম করে শ্রীকৃষ্ণের স্তুতি
 কাশী কহে, ইহা ভিন্ন নাহি অন্য-গতি ॥
 শুনিয়া ভীষ্মের স্তব কমললোচন ।
 সন্তুষ্ট হইয়া ভীষ্ম বলেন তখন ॥
 মনোবাঞ্ছা তব আমি করিব পূরণ ।
 এত বলি পার্থসহ করিলা গমন ॥
 বজ্রগৃহ রণভূমে নিশ্চাইয়া দিল ।
 রক্ষা-হেতু কত-সৈন্যে তথায় রাখিল ॥
 গঙ্গাপুত্র মহাবীর নীরব হইল ।
 কৌরব-পাণ্ডব নিজ-শিবিরে চলিল ॥
 বৈশম্পায়ন কহেন, জন্মেজয় শুনে ।
 সঞ্জয় কহেন কথা ধৃতরাষ্ট্র-স্থানে ॥
 ভীষ্ম-পর্বে দশদিনে যুদ্ধ-সমাপন ।
 শ্লোক ভাঙ্গি কাশীরাম করিল ব্যাখ্যান ॥
 পাণ্ডব-বিজয়-কথা স্মরণ লহরী ।
 শুনিলে অধর্ম খণ্ডে, ভব-ভয়ে তরি ॥
 ভীষ্মের শ্রীকৃষ্ণ-স্তুতি স্মৃতি হৈতে স্মৃতি ।
 অবগে অধর্ম খণ্ডে, যায় ভব-ক্ষুধা ॥
 শুন-শুন সর্বজন ভারত-পুরাণ ।
 ব্যাস-বিরচিত ইহা, কাশীরাম গান ॥
 মহাভারতের কথা অগূর্ব্ব-কখন ।
 সর্বযজ্ঞ-ফল লাভে, শুনে যেই জন ॥
 সর্বপাপে মুক্ত হয়, বৈকুণ্ঠে গমন ।
 কাশীরাম কহে, ইহা ব্যাসের বচন ॥
 পয়ার-ত্রিপদী-ছন্দে করিলা রচন ।
 এতদূরে ভীষ্মপর্ব্ব হৈলা সমাপন ॥

কাশীরামদাস-মহাভারত

দ্রোণপর্ব

সারসংগ্ৰহং সমকৃত্য নরকৈব নরোত্তমম্ ।
দেবীং সরস্বতীকৈব ততো ভরগুহ্যীরয়েৎ ॥

১। দ্রোণাচার্য্যকে সৈন্যপত্ন্যে বরণ ।

মুনি বলে, শুন পরীক্ষিতের তনয় ।
সমরে পড়িল যদি ভীষ্ম-মহাশয় ॥
দশদিন যুদ্ধ করি মারি সেনাগণ ।
আপন-ইচ্ছায় তাঁর হইল পতন ॥
ভীষ্ম যদি পড়ে, তবে ভাবে দুর্ঘ্যোধন ।
হা হা ভীষ্ম শব্দ করি করয়ে রোদন ॥
রোদন করয়ে মহাশোকে সেনাগণ ।
কর্ণে চাহি কহিতে লাগিল দুর্ঘ্যোধন ॥
ভীষ্মের মরণে কর্ণ, পাই মনে ত্রাস ।
যুদ্ধ করি প্রাণ দিবে, কহিলেন ব্যাস ॥
তোমা-কে জিজ্ঞাসি সখে, করহ বিচার ।
কারে সেনাপতি করি, কে করিবে পার ॥
তোমা-বিনা যোদ্ধাপতি নাহিক আমার ।
কেবল ভরসা আমি করি যে তোমার ॥

উপরোধ করি ভীষ্ম না করিল রণ ।
তুমি মোরে ধরি দেহ ধর্ম্মের নন্দন ॥
যদি মোরে ধরি দেহ কুস্তীর কুমার ।
সত্য কহি, শুন বীর, সকলি তোমার ॥
এতেক শুনিয়া কহে কর্ণ মহাবীর ।
দর্প করি কহে কথা নির্ভয়-শরীর ॥
ওহে মহারাজ, চিন্তা না করিহ তুমি ।
একাকী পাণ্ডবগণে বিনাশিব আমি ॥
এত শুনি দুর্ঘ্যোধন হরষিত-মন ।
গীত্ৰ উঠি কর্ণবীরে দিলা আলিঙ্গন ॥
হেনকালে কহে কৃপাচার্য্য মহামতি ।
সার কথা কহি, শুন কুরু-অধিপতি ॥
কর্ণ সেনাপতি নহে দ্রোণ-বিশ্বমান ।
পৃথিবীতে বীর নাহি দ্রোণের সমান ॥
একা মহারথী দ্রোণ পৃথিবী-ভিতরে ।
অর্দ্ধরথী বলি কহে কর্ণ-ধনুর্ধরে ॥

অতএব দ্রোণে ভূমি কর সেনাপতি ।
 শুনি ভুট্ট হ'য়ে কহে গান্ধারী-সন্ততি ॥
 আজি সেনাপতি করি দ্রোণ মহারথী ।
 এত বলি দুর্যোধন চলে শীত্ৰগতি ॥
 কৃপাচার্য্য অশ্বখামা কর্ণ ধনুর্ধর ।
 শকুনি-দুর্শুখ সঙ্গে চলিল সত্বর ॥
 হরিষেতে দুর্যোধন সবারে লইয়া ।
 দ্রোণের নিকটে সবে উত্তরিল গিয়া ॥
 প্রণাম করিয়া কহে রাজা দুর্যোধন ।
 অবধান কর গুরু, মম নিবেদন ॥
 মহারথী দেখি ভীয়ে কৈলু সেনাপতি ।
 উপরোধে না যুঝিল ভীষ্ম মহামতি ॥
 ভরসা কেবল, আমি তব ভূজাশ্রিত ।
 শরণ্যে পালন কর হ'য়ে কৃপাশ্রিত ॥
 সেনাপতি-বিনা যুদ্ধ নাহি হয় জানি ।
 কৃপা করি সেনাপতি হউন আপনি ॥
 যুধিষ্ঠিরে ধরি দেহ, এই নিবেদন ।
 তোমা-ভিন্ন তারে ধরে, নাহি হেনজন ॥

দুর্যোধনে গুরু দ্রোণ দেখিয়া কাতর ।
 আশ্বাস করিয়া কহে, শুন কুরুবর ॥
 সেনাপতি হব আমি করিব সমর ।
 কিন্তু এক-কথা কহি তোমার গোচর ॥
 আমি সেনাপতি যদি হইব সমরে ।
 তবে অস্ত্র না ধরিবে কর্ণ ধনুর্ধরে ॥
 আমার নিয়ম এই, শুন নরবর ।
 কহিলাম এই সত্য তোমার গোচর ॥
 যুধিষ্ঠিরে তবে আমি ধরিব নিশ্চয় ।
 কিন্তু যদি নাহি থাকে বীর ধনঞ্জয় ॥

এতেক শুনিয়া তবে বলে দুর্যোধন ।
 তোমার নিকটে কর্ণ না করিবে রণ ॥

দ্রোণ বলে, শুন রাজা, আমার বচন ।
 চক্রব্যূহ করি তবে করিব যে রণ ॥
 দুর্যোধন শুনি হয় অতি-হৃষ্টমতি ।
 অভিষেক করি দ্রোণে করে সেনাপতি ॥
 জয়-জয় শব্দে হৈল কটকে ঘোষণা ।
 মহাশব্দে নানাবিধ বাজয়ে বাজনা ॥
 শত-শত জয়ঢাক বাজে জয়ঢোল ।
 মহাশব্দ হৈল, যেন সমুদ্র-কল্লোল ॥
 শত-শত দামা বাজে, বাজে জগবম্প ।
 কোটি-কোটি সানি বাজে, কোটি-কোটি ডম্ব ॥
 মৃদঙ্গের রোলে কম্প হয় বহুমতী ।
 খমক-ঠমক বাদ্য বাজে নানাজাতি ॥
 মহানাদে গর্জ্জন করয়ে সেনাগণ ।
 দেখি বড় আনন্দিত হৈল দুর্যোধন ॥
 দ্রোণপর্ব্ব স্থধারস অপূর্ব্ব-আখ্যান ।
 কাশীরাম দাস কহে, শুনে পুণ্যবান ॥

২। শ্রীকৃষ্ণের সহিত পাণ্ডবদিগের মন্ত্রণা ।

হেথায় ধর্ম্মের পুত্র সহ-ভ্রাতৃগণ ।
 কৃষ্ণ-সনে বসি সবে আনন্দিত-মন ॥
 দ্রুপদ বিরাট আর সাত্যকি-সংহতি ।
 ধৃষ্টদ্যুম্ন চেকিতান যুয়ুৎশ প্রভৃতি ॥
 অভিমন্যু ঘটোৎকচ দ্রোপদী-কুমার ।
 সভায় বসিয়া সবে করেন বিচার ॥
 হেনকালে দূত গিয়া কহিল সত্বর ।
 দ্রোণ সেনাপতি হৈল, শুন নৃপবর ॥
 তোমাতে ধরিয়া দিতে কৌরব বলিল ।
 ধরিব বলিয়া দ্রোণ প্রতিজ্ঞা করিল ॥
 ইহার বিধান শীত্ৰ কর নৃপবর ।
 নিবেদন করি এই তোমার গোচর ॥

ইহা শুনি যুধিষ্ঠির মহাভয় পেয়ে ।
কৃষ্ণ-অগ্রে সব কথা নিবেদিল গিয়ে ॥
প্রতিজ্ঞা করিল দ্রোণ ধরিতে আমারে ।
কিমতে পাইব রক্ষা, কহ কৃষ্ণ, মোরে ॥
ভুবনে দুর্জয় দ্রোণ-বীর মহারথী ।
প্রতিজ্ঞা খণ্ডায় তাঁর, কেবা হেন কৃতী ॥
হৃদয় কম্পিত মম, নাহি খণ্ডে ভয় ।
কি করি উপায়, কহ কৃষ্ণ-মহাশয় ॥
অশেষ-সঙ্কটে পার করিয়াছ তুমি ।
কার মনে ছিল, দেশে আসিব যে আমি ॥
সভায় দ্রোণদী-লজ্জা কর নিবারণ ।
তোমা-বিনা পাণ্ডবের গতি কোন্ জন ॥

হাসিয়া বলেন কৃষ্ণ, শুনহ বচন ।
কি শক্তি তোমাতে ধরি লইবেক দ্রোণ ॥
হয় যদি শত দ্রোণ, আইসে সমরে ।
তবু কি তাহার শক্তি, ধরিবে তোমাতে ॥
আপনি আসিয়া ব্রহ্মা যদি করে রণ ।
তথাপি তোমাতে নাহি জিনিবে কখন ॥

ভীম বলে, মহারাজ, কি ভয় তোমার ।
তোমাতে ধরিবে, হেন শক্তি আছে কার ॥
সহদেব-নকুলাদি যত যোদ্ধগণ ।
তোমাতে রাখিবে সবে করিয়া যতন ॥
কৃষ্ণ বলিলেন, শুন ধর্মের নন্দন ।
ভীমে সেনাপতি করি কর তুমি রণ ॥
মহাযোদ্ধা ভীমসেন হবে সেনাপতি ।
সমরে অজ্ঞেয় শক্তি, অকাতর-মতি ॥

এত শুনি যুধিষ্ঠির আনন্দিত-মনে ।
ভীমে অভিষেক তবে কৈলা সেইক্ষণে ॥
ভীমে সেনাপতি করে ধর্মের নন্দন ।
হরষিত হৈল তবে বহু যোদ্ধগণ ॥

আনন্দিত যোদ্ধগণ করে জয়ধ্বনি ।
বাঘ-কোলাহল-শব্দে কিছুই না শুনি ॥
বাজিল দুন্দুভি-শব্দ অতি হুললিত ।
বীণা-বাঁশী বাজে, গায় হুমধুর গীত ॥
ভীম বলে, মহারাজ, শুনহ বচন ।
কালি ধৃতরাষ্ট্র-পুত্র করিব নিধন ॥
এত শুনি হরষিত ধর্মের নন্দন ।
মহানন্দে গর্জন করয়ে সেনাগণ ॥
সৈন্য-কোলাহল, যেন সিদ্ধ উথলিল ।
অশ্ব-গজ-গর্জনেতে কর্ণ রুদ্ধ হৈল ॥
পাঞ্চজন্য-শব্দ কৃষ্ণ বাজান আপন ।
পৃথিবীর যত বাঘ কৈল আচ্ছাদন ॥
হৃৎচিতে সর্বজন বঞ্চিল রজনী ।
প্রভাতে উঠিয়া সৈন্যে বলেন ফাস্তুনি ॥
রাজারে রাখিবে সবে করিয়া যতন ।
কোনমতে ধরিতে না পারে যেন দ্রোণ ॥
মহাভারতের কথা অমৃত-সমান ।
দ্রোণপর্ব রচে কাশী, শুনে পুণ্যবান্ ॥

৩। ভীম ও দুর্য়োধনের কথোপকথন ।

হেথায় প্রভাতকালে রাজা দুর্য়োধন ।
দ্রোণে অগ্রে করি রণে আসিল তখন ॥
রথ ছাড়ি গেল সবে ভীষ্মের সদন ।
ভীষ্মেরে প্রণাম করে রাজা দুর্য়োধন ॥
শরশয্যা-শয়নেতে আছে মহাবীর ।
দুর্য়োধন কহে তাঁরে হ'য়ে অতি ধীর ॥
আজ্ঞা কর পিতামহ, প্রসন্ন-বদনে ।
সমর করিতে যাই পাণ্ডুপুত্র-সনে ॥
সমরেতে সেনাপতি করিলাম গুরু ।
কি ভয়, আশ্রয় যার হেন কলতরু ॥

শুনি দুর্ঘ্যোধন-বাক্য কুরুবংশপতি ।

দুর্ঘ্যোধনে বুঝাইল মধুর-ভারতী ॥
 আমি যাহা কহি, তাহা শুন দুর্ঘ্যোধন ।
 কদাচিত্ না লজ্জিবে আমার বচন ॥
 সকল মঙ্গল হবে, পৌরুষ অপার ।
 পৃথ্বী-মধ্যে মহাযশ হইবে তোমার ॥
 তোমা-সবাকার হিত চিন্তি অনুক্ষণ ।
 এইহেতু তোমাতে সে বলি দুর্ঘ্যোধন ॥
 আমার বচন তুমি না করিও আন ।
 কি-কারণে ক্ষয় কর কৌরব-সন্তান ॥
 সৈন্য-অপচয়-মাত্র, হবে ধন-শেষ ।
 প্রজার পরম পীড়া, নষ্ট হবে দেশ ॥
 রাজা যুধিষ্ঠির দেখ ধর্ম-অবতার ।
 তার সহ কর তুমি প্রীতি-ব্যবহার ॥
 রাজ্যধন কিছু তারে দেহ গিয়া তুমি ।
 বুঝায়ে সম্মত তারে করি দিব আমি ॥
 আমার বচন কভু না কর অমৃতা ।
 বংশরক্ষা-হেতু তোমা কহি হেন কথা ॥
 নিরর্থক জ্ঞাতিগণে করিবে সংহার ।
 আপনি না বুঝ কেন করিয়া বিচার ॥
 বুদ্ধির সাগর তুমি, বলে মহাবল ।
 সসাগরা ধরা হের তব করতল ॥
 কহ, আমি যুধিষ্ঠিরে আনি এইক্ষণ ।
 মম বাক্য না লজ্জিবে ধর্মের নন্দন ॥
 ভীম-ধনঞ্জয় দেখ মহাধনুর্ধর ।
 তাহাদের সহ কেবা করিবে সমর ॥
 পাণ্ডব-সহায় হন নিজে নারায়ণ ।
 তাঁর সহ বিরোধেতে জীবে কোন্ জন ॥
 অতএব তাঁর সহ না করিহ রণ ।
 বংশরক্ষা-হেতু কহি, শুন দুর্ঘ্যোধন ॥

প্রত্যয় না হয় যদি আমার বচনে ।

আপনি জিজ্ঞাসা কর দ্রোণাচার্য-স্থানে ॥

দ্রোণাচার্য বলে, তুমি যে আজ্ঞা করিলে ।
 এমত করিলে থাকে সকলে কুশলে ॥
 বেদতুল্য জানি আমি তোমার বচন ।
 যতেক কহিলে তুমি সবার কারণ ॥
 দুর্ঘ্যোধনে অনুক্ষণ বুঝাই বিস্তর ।
 নাহি শুনে দুর্ঘ্যোধন করি অনাদর ॥
 যত্নাকালে রোগী যেন ঔষধ না খায় ।
 সেইমত দুর্ঘ্যোধন অজ্ঞানের প্রায় ॥
 কি হইবে তঙ্করে কহিলে ধর্মবাণী ।
 কভু নাহি হয় সতী অসতী রমণী ॥

এত শুনি দুর্ঘ্যোধন বলিল বচন ।

অনুক্ষণ নিন্দা মোরে কর সর্বজন ॥
 অনুক্ষণ দোষ মম বল তোমা-সবে ।
 সবেমাত্র দেখিয়াছ নির্দোষ পাণ্ডবে ॥
 অবিরত কটু-কথা প্রাণে নাহি সহে ।
 গুরুজন-গঞ্জনাতে সদা তনু দহে ॥
 বলে পারি, ছলে পারি, প্রকার-বিশেষে ।
 নাশিব আপন-শত্রু, ভয় মোর কিসে ॥
 যত্ন হ'তে কষ্ট ভাবি পাণ্ডবের যশ ।
 মরি যদি রণে, তবু রহিবেক যশ ॥
 ক্রোধ না করিয়া ক্ষতি করিলাম ভোগ ।
 এখন যে হয় কর্ম দৈবের সংযোগ ॥
 পণ করিয়াছি রণ আপনি বিচারি ।
 কদাপি অন্যথা নাহি করিবারে পারি ॥

এত বলি দুর্ঘ্যোধন হ'য়ে দুঃখ-অতি ।

কর্ণ-দুঃশাসনে ল'য়ে চলে পিতৃগতি ॥
 দেখিয়া গঙ্গার পুত্র হইলা দুঃখিত ।
 দ্রোণেরে চাহিয়া তবু বলিলা বিদিত ॥

কালপ্রাপ্ত হইলেক বুঝি দুর্যোধন ।
অতএব নাহি শুনে কাহারো বচন ॥
নিশ্চয় জানিহু, কুরুকুল হৈল অন্ত ।
দিন-দুই-চারি-মধ্যে মজিবে সমস্ত ॥
এত বলি ভীষ্মবীর নিঃশব্দে রহিল ।
সৈন্য ল'য়ে দুর্যোধন রণস্থলে গেল ॥
ভারতের দ্রোণপর্ব অমৃত-সমান ।
কাশীরাম দাস কহে, শুনে পুণ্যবান ॥

৪। সতুল-যুদ্ধ ।

চক্রবাহ করিলেন দ্রোণ-মহাশয় ।
ভেদিতে বিষম-ব্যুহ দৈবে সাধ্য নয় ॥
রথে আরোহণ করি আসিলেন বীর ।
ভুবন-বিজয়ী দ্রোণ নির্ভয়-শরীর ॥
যুধিষ্ঠির দেখিলেন, আসে দুর্যোধন ।
বাহির হইতে আজ্ঞা কৈলা নারায়ণ ॥
করিয়া মকর-ব্যুহ বীর ধনঞ্জয় ।
রণে আসিলেন সহ-কৃষ্ণ-মহাশয় ॥
দুই-সৈন্য-কোলাহলে হৈল গুণ্ডগোল ।
প্রলয়ের কালে যেন সমুদ্র-কল্লোল ॥
বাণশব্দে আর কিছু নাহি শুনি কানে ।
পৃথিবী কম্পিতা অশ্ব-গজের গর্জনে ॥
মুহমুহ যোদ্ধগণ ছাড়ে হৃৎকার ।
বজ্রের সমান শুনি ধনুক-টঙ্কার ॥
পদাতি-পদাতি আগে হইল সংগ্রাম ।
গজে-গজে যুদ্ধ করে, না করে বিগ্রাম ॥
রথী রথী যুদ্ধ হয়, বীর-জনে-জন ।
সংগ্রাম হইল ঘোর, না যায় কখন ॥
দ্রোণ-অর্জুনের যুদ্ধ হয় অবিরাম ।
সাত্যকি-সহিত কর্ণ করয়ে সংগ্রাম ॥

ভীম-দুর্যোধনে যুদ্ধ অপূর্ব হইল ।
দেখি যোদ্ধগণ সবে আশ্চর্য্য মানিল ॥
নকুলের সনে যুদ্ধ করে দুঃশাসন ।
শকুনির সহ করে সহদেব রণ ॥
কৃপের সহিত যুঝে পাণ্ডাল-রাজন ।
ধৃষ্টদ্যুম্ন-সহ অশ্বত্থামা করে রণ ॥
মদ্রপতি-সহ যুঝে চেকিতান-বীর ।
বিরাটের সহ যুঝে ভূপাল কাশীর ॥
এইরূপ জনে-জনে বাধিল সময় ।
প্রমাদ গণিল দেখি অর্জুনের অমর ॥
মহাবাতাঘাতে দেখি যুদ্ধ যেন পড়ে ।
পড়িল অনেক-সৈন্য রণস্থল যুড়ে ॥
রুধিরে বহিল নদী, অশ্ব-গজ ভাসে ।
হইল প্রবল-যুদ্ধ দ্বাপরের শেষে ॥
জন্মেজয় বলে, মুনি, কহ আরবার ।
সংক্ষেপে কহিলে, কহ করিয়া বিস্তার ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৫। দ্রোণের সহিত অর্জুনের যুদ্ধ ।

মুনি বলে, শুন পরীক্ষিতের নন্দন ।
যেইমতে যুদ্ধ করে সব রাজগণ ॥
দ্রোণ-অর্জুনের যুদ্ধ কি দিব উপমা ।
রাম-রাবণের যুদ্ধ নাহি হয় সীমা ॥
গুরু দ্রোণে দেখি তবে বীর ধনঞ্জয় ।
করপুটে প্রণামেন করিয়া বিনয় ॥
অর্জুন বলেন, গুরু, কহ বিবরণ ।
যুধিষ্ঠিরে ধরিবারে কহে দুর্যোধন ॥
এমত প্রতিজ্ঞা কেন করিলে আপনে ।
আমি জীতে ধরিতে না পারিবে রাজনে ॥

এত শুনি দ্রোণাচার্য্য সহাস্য-বদন ।
 অৰ্জ্জুনের প্রতি তবে বলিলা বচন ॥
 যুধিষ্ঠিরে আমি আজি ধরিব সমরে ।
 দেখি, তুমি রক্ষা কর কেমন প্রকারে ॥
 রাজা দুৰ্য্যোধন-হেতু করি মহারণ ।
 নিশ্চিত করিব আমি প্রতিজ্ঞা-পালন ॥

অৰ্জ্জুন বলেন, কহ শুনি আরবার ।
 যুধিষ্ঠিরে ধরে, হেন শক্তি আছে কার ॥

এত শুনি হন গুরু ক্রোধে হতাশন ।
 অৰ্জ্জুন-উপরে করে বাণ-বরিষণ ॥
 শিষ্যস্নেহ-উপরোধ আজি নাহি মনে ।
 সংবর, সংশয় আজি করাইব রণে ॥
 এত বলি যুড়ে বাণ অগ্নি-অবতার ।
 হাসিয়া সংবরে তাহা ইন্দ্রের কুমার ॥
 দশবাণ এড়ে গুরু পুরিয়া সন্ধান ।
 অৰ্জ্জুপথে পার্শ্ব তাহা করে খান-খান ॥
 বাণ ব্যর্থ দেখি গুরু ক্রোধে অতিশয় ।
 গগন ছাইল তবে করি অন্ত্রময় ॥
 তবে ধনঞ্জয় বীর পুরিয়া সন্ধান ।
 নিমিষেতে নিবারেন আচার্য্যের বাণ ॥
 অৰ্জ্জুন এড়েন বাণ যেন যমদণ্ড ।
 দ্রোণের ধনুক কাটি করে খণ্ড-খণ্ড ॥
 আর ধনু ল'য়ে দ্রোণ পুরিল সন্ধান ।
 অৰ্জ্জুন-উপরে এড়ে হতাশন-বাণ ॥
 সংগ্রামের স্থলে হৈল সব অগ্নিময় ।
 পলায় সকল-সৈন্য, রণে নাহি রয় ॥
 এড়িয়া বরুণ-বাণ ইন্দ্রের নন্দন ।
 নিমিষেক নিবারেন ঘোর-হতাশন ॥
 প্রলয়-কালেতে যেন মজাইতে স্থপ্তি ।
 সুমল-খারায় বরিষয়ে ঘোর-বৃষ্টি ॥

জলেতে হইল পূর্ণ সংগ্রামের স্থল ।
 শোষণকাত্রে নিবারিল দ্রোণ মহাবল ॥
 বায়ু-অস্ত্রে সেনাগণে করিল অস্থির ।
 আকাশাত্রে নিবারেন পার্শ্ব মহাবীর ॥
 তবে অতি-ক্রোধাবিস্ট হ'য়ে ধনঞ্জয় ।
 চারি-বাণে কাটিল দ্রোণের চারি-হয় ॥
 চারি-বাণে ধ্বজ কাটি করিলেন খণ্ড ।
 দুই-বাণে কাটিলেন সারথির মুণ্ড ॥
 আর দশবাণ তাঁর তারা-হেন ছুটে ।
 আচার্য্যের বৃকে বাণ বজ্রসম ফুটে ॥
 বাণাঘাতে দ্রোণাচার্য্য হন অচেতন ।
 হাহাকার করি ধায় কুরুসৈন্যগণ ॥
 আর রথ আনি তবে দ্রোণেরে তুলিল ।
 রথ ল'য়ে সারথি সত্তরে পলাইল ॥
 দ্রোণ-ভঙ্গ দেখি তবে পার্শ্ব মহাবীর ।
 বাণবৃষ্টি করি সৈন্যে করেন অস্থির ॥

ভীম-দুৰ্য্যোধনে দৌহে হইল সমর ।
 যত যোদ্ধগণ দেখে থাকিয়া অন্তর ॥
 গদাযুদ্ধ করে দৌহে, দৌহে গদাধর ।
 হুঙ্কার-শব্দ ছাড়ে মহাভয়ঙ্কর ॥
 বায়ুর সমান গদা ফিরায় মন্তকে ।
 মহাক্রোধে দুইজন প্রহারে দৌহাকে ॥
 দৌহার প্রহার কারো নাহি লাগে গায় ।
 কেবল হইল যুদ্ধ গদায়-গদায় ॥
 রাশি-রাশি পড়ে খসি তাহাতে অনল ।
 চমকিয়া উঠে কুরু-পাণ্ডবের দল ॥
 পর্বত পড়িল যেন পর্বত-উপর ।
 দুইজনে দেখি যেন দুই মহীধর ॥
 অৰ্জ্জুন হইল দৌহে খাইয়া প্রহার ।
 নিস্তেজ হইল ধৃতরাষ্ট্রের কুমার ॥

যুদ্ধ ত্যজি দুৰ্য্যোধন পলাইয়া যায় ।
 বীর বুকোদর তার পাছে-পাছে ধায় ॥
 দেখি তবে ধায় যত মহাযোদ্ধগণ ।
 ভীমের উপরে করে বাণ-বরিষণ ॥
 গদা ল'য়ে বুকোদর বায়ুবেগে ধায় ।
 রথ-গজ চূর্ণ করে, সম্মুখে যা পায় ॥
 তবে বীর দুৰ্য্যোধন হইয়া কাতর ।
 যুদ্ধিবারে দিল দশ-সহস্র কুঞ্জর ॥
 হস্তী ল'য়ে যায় সবে মাহত প্রভৃতি ।
 ভীমের উপরে আসে অতি-শীঘ্রগতি ॥
 কুঞ্জর দেখিয়া বীর হরিষ-অন্তর ।
 রথ এড়ি গদা ল'য়ে ধাইল সত্তর ॥
 ছাগলের পাল দেখি ব্যাত্র যেন ধায় ।
 শত-শত হস্তী বীর মারে একধায় ॥
 প্রহারে-প্রহারে গদা হয় অর্দ্ধখণ্ড ।
 তাহা ফেলাইয়া বীর ধরে করি-শুণ্ড ॥
 অন্তরীক্ষে ডুমাইয়া ফেলায় কুঞ্জরে ।
 হির-বায়ু-মধ্যে রহে গগন-উপরে ॥
 ভয়-গদা ফেলাইয়া শূন্য হৈল কর ।
 শূন্য করে যুদ্ধ করে বীর বুকোদর ॥
 হস্তীর উপরে হস্তী মারে ফেলাইয়া ।
 হস্তী হস্তী চাপানেতে পড়ে চূর্ণ হৈয়া ॥
 শুধু হাতে ভীম-বীর যুঝে রণমাঝে ।
 হেন বীর নাহি কেহ, ভীম-অগ্রে যুঝে ॥
 মহাক্রোধে বুকোদর হৈল ভয়ঙ্কর ।
 অবিলম্বে মারে দশ-সহস্র কুঞ্জর ॥
 ভীমের নিকটে আর কেহ নাহি রয় ।
 দেখিয়া সূর্য্যের পুত্র ক্রোধে আগু হয় ॥
 নানা-অস্ত্র প্রহারয়ে ভীমের উপর ।
 কর্ণেরে দেখিয়া ধায় বীর বুকোদর ॥

যুক্তাঘাতে মারিল রথের চারি-হয় ।
 একচড়ে সারথিরে দিল যমালয় ॥
 মহাক্রোধে লাথি মারে রথের উপর ।
 চূর্ণ হ'য়ে পড়ে রথ সংগ্রাম-ভিতর ॥
 রণ চূর্ণ হৈল, কর্ণ পড়িল ভূতলে ।
 পলাইল কর্ণবীর ত্যজি রণস্থলে ॥
 কর্ণ-ভঙ্গ দেখি যত কুরু-মহাবীর ।
 ভীমের সম্মুখে আর কেহ নহে হির ॥
 শূন্যহস্তে বুকোদর সংগ্রাম-ভিতর ।
 রথ তুলি মারে অগ্নরথের উপর ॥
 যেইদিকে বুকোদর ক্রোধদৃষ্টে চায় ।
 হয় হস্তী রথ পত্তি সকলি পলায় ॥
 ভারত-যুদ্ধের কথা কে বর্ণিতে পারে ।
 অদ্ভুত দেখিয়া রণ দেবে কাঁপে ভরে ॥
 হেনকালে অস্ত্র গেল দেব-দিবাকর ।
 কোঁরব-পাণ্ডব গেল আপনার ঘর ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩। অর্জুনের সহিত দুৰ্য্যোধনাদির যুদ্ধ ।

পরদিন প্রভাতে যতেক বীরগণ ।
 সসৈন্যে চলিল সবে করিবারে রণ ॥
 যোদ্ধগণ চলিলেন চড়ি দিব্য-রথে ।
 গজ-বাজী পদাতিক চলে যুঝে-যুঝে ॥
 অশ্বে-অশ্বে গজে-গজে মহাযুদ্ধ করে ।
 অশ্বে আসোয়ার যুঝে নানা-অস্ত্র ধরে ॥
 হেনকালে ধনঞ্জয় কৃষ্ণে অগ্রে করি ।
 রণস্থলে আসিলেন হাতে ধনু ধরি ॥
 গগন ছাইয়া বীর এড়িলেন বাণ ।
 কোটি-কোটি কুরুসেনা ত্যজিলেক প্রাণ ॥

ক্রোধেতে অর্জুন যেন দীপ্ত-হৃতাশন ।
 প্রাণ ল'য়ে পলাইয়া যায় সেনাগণ ॥
 সৈন্যভঙ্গ দেখি তবে রাজা দুর্যোধান ।
 ক্রোধমনে রথে চড়ি করিল গমন ॥
 অর্জুন-উপরে মারে পুরিয়া সন্ধান ।
 একেবারে প্রহারিল দশগোটা বাণ ॥
 অর্জুপথে ধনঞ্জয় করি খান-খান ।
 ছয়বাণ মারিলেন পুরিয়া সন্ধান ॥
 দুইবাণে কাটিলেন ধ্বজ মনোহর ।
 চারিবাণে অশ্বগণ গেল যমঘর ॥
 দুইবাণ এড়িলেন যেন যমদণ্ড ।
 সারথির মাথা কাটি কৈলা খণ্ড-খণ্ড ॥
 নিরখিয়া দুর্যোধান কুপিত-অস্তর ।
 রথ এড়ি গদা ল'য়ে ধাইল সত্তর ॥
 গদা ফেলি মারিলেন অর্জুনের রথে ।
 দারুণ প্রহারে রথ লাগিল কাঁপিতে ॥
 কোপেতে অর্জুন যেন অনল-সমান ।
 দুর্যোধনে প্রহারিলা তীক্ষ্ণ দশবাণ ॥
 বাণাঘাতে দুর্যোধান হয় কম্পমান ।
 বেগে পলাইয়া যায় লইয়া পরাণ ॥
 বাণাঘাতে স্তব্যখিত হৈল দুর্যোধান ।
 সারথি যোগায় রথ ল'য়ে সেইক্ষণ ॥
 রথে চড়ি পলাইয়া যায় দুর্যোধান ।
 দেখি ক্রোধে আগু হৈল দ্রোণের নন্দন ॥

অশ্বখামা-ধনঞ্জয়ে হয় মহারণ ।
 বিস্মিত হইয়া চাহে যত যোদ্ধগণ ॥
 সন্ধান পুরিয়া অশ্বখামা এড়ে বাণ ।
 অর্জুপথে পার্থ তাহা করে খান-খান ॥
 তবে ধনঞ্জয়-বীর ক্রোধে হৃতাশন ।
 দ্রোণির উপরে করে বাণ-বরিষণ ॥

বৃষ্টিধারাবৎ বাণ করেন ক্ষেপণ ।
 নিমিষেকে নিবারিল দ্রোণের নন্দন ॥
 বাণ ব্যর্থ দেখি তবে বীর ধনঞ্জয় ।
 মহাকোপে পুনরপি করে অস্ত্রময় ॥
 বাণাঘাতে অশ্বখামা ব্যখিত হইল ।
 সূচ্ছিত হইয়া বীর রথেতে পড়িল ॥
 সূচ্ছিত দেখিয়া রথ ফিরাই সারথি ।
 রণে ভঙ্গ দিয়া গেল অশ্বখামা রথী ॥

তবে বীর দুঃশাসন দেখি বৃকোদরে ।
 হস্তীর উপরে চড়ি আসিল সত্তরে ॥
 দুঃশাসনে দেখি কোপে বলে ভীমবীর ।
 গদাঘাতে আজি তোর লোটাব শরীর ॥
 দ্রোঁপদীর অনোরথ করিব যে পূর্ণ ।
 এত বলি গদা ল'য়ে ধায় অতি তুর্গ ॥
 হস্তীর উপরে গদা করিল ক্ষেপণ ।
 পৃথিবীতে দস্ত দিয়া পড়িল বারণ ॥
 হস্তী যদি পড়িল, পলায় দুঃশাসন ।
 সৈন্যের মধ্যেতে পশি রাখিল জীবন ॥
 তবে বৃকোদর-বীর ক্রোধে হৃতাশন ।
 গদার প্রহারে মারে রথ-রথিগণ ॥

পুনঃ বীর অশ্বখামা ধায় শীঘ্রগতি ।
 যুদ্ধ করিবারে বাঞ্ছা ভীমের সংহতি ॥
 দ্রোঁগিরে দেখিয়া ভীম চড়ে নিজরথে ।
 ভয়ঙ্কর ধনু তুলি নিল নিজহাতে ॥
 বাণবৃষ্টি করে দৌহে দৌহার উপর ।
 দৌহাকার বাণে দৌহে হইল জর্জর ॥
 কোপে বীর অশ্বখামা পরিঘ লইয়া ।
 মারিলেক বৃকোদরে কুপিত হইয়া ॥
 অচেতন হৈল ভীম পরিষের ঘায় ।
 রথের উপরে বীর পড়ি গেল ঠায় ॥

কতক্ষণে সংজ্ঞা পেয়ে বীর বুকোদর ।
 মহাক্রোধে উঠিলেক কম্পিত-অস্তুর ॥
 গদা ফেলি মারিলেক রথের উপর ।
 চূর্ণ হৈল রথখান, দেখি লাগে ডর ॥
 সেইক্ষণে আর রথ যোগায় সারথি ।
 তাহাতে চড়িল গুরুপুত্র মহামতি ॥
 ভীমের উপরে বীর এড়ে যত বাণ ।
 কাটি পাড়ে ভীম তাহা করি খান-খান ॥
 অতিক্রোধে বুকোদর জ্বলন্ত-অনল ।
 রথ এড়ি গদা ল'য়ে ধায় মহাবল ॥
 রথের উপরে মারে দোহাতিয়া বাড়ি ।
 চূর্ণ হৈল রথখান, যায় গড়াগড়ি ॥
 লাফ দিয়া অশ্বত্থামা পলাইয়া যায় ।
 দেখি বুকোদর-বীর পাছে-পাছে ধায় ॥
 হেনকালে কর্ণবীর হৈল আগুয়ান ।
 ভীমের উপরে মারে চোখ-চোখ বাণ ॥
 বাণেতে আচ্ছন্ন বীর করিল ভীমেরে ।
 কুজাটিতে আচ্ছাদিল যেন গিরিবরে ॥
 বাণাঘাতে বুকোদর হইল বিবর্ণ ।
 কর্ণেরে এড়য়ে বাণ পুরিয়া আকর্ণ ॥
 যত বাণ এড়ে ভীম, কর্ণ ফেলে কাটি ।
 রথ এড়ি ধায় ভীম মহাক্রোধে ফাটি ॥
 গদা হাতে করি ক্রোধে ধায় মহাশূর ।
 গদা মারি রথ-অশ্ব করিলেক চূর ॥
 লাফ দিয়া কর্ণবীর যায় পলাইয়া ।
 শীঘ্রগতি আর রথে চড়িলেক গিয়া ॥
 কর্ণ পলাইল দেখি বীর বুকোদর ।
 আপনার রথে গিয়া চড়িল সত্বর ॥
 বাণবৃষ্টি করে বীর সৈন্যের উপর ।
 বাণেতে সকল সৈন্যে করিল জর্জর ॥

হেথায় সংগ্রাম করি পার্থ ধনুর্ধর ।
 কোটি-কোটি সৈন্য কাটিলেন নিরস্তর ॥
 অর্জুনের বাণে স্থির নহে সেনাগণ ।
 দেখিয়া ব্যাকুল হৈল রাজা দুর্যোধন ॥
 দ্রোণেরে ডাকিয়া তবে বলিল বচন ।
 দেখ গুরু, সৈন্য-সব হইল নিধন ॥
 সেনাপতি তোমা করিলাম করি আশ ।
 যুদ্ধিষ্ঠিরে ধরি দিবে, করিলে আশ্বাস ॥
 আজিকার যুদ্ধে গুরু, না দেখি নিস্তার ।
 ভীম-ধনঞ্জয় করে সকল সংহার ॥
 সেনাপতি করিতাম যত্নপি কর্ণেরে ।
 এতদিনে কর্ণ ধরি দিত যুদ্ধিষ্ঠিরে ॥
 মহারথী দেখি তোমা কৈনু সেনাপতি ।
 উপরোধে না যুবক, বুঝি তব মতি ॥
 তোমার শিক্ষিত অস্ত্র অর্জুন পাইয়ে ।
 তব অগ্রে মারে সেনা, দেখিছ লাগুয়ে ॥
 এত শুনি ক্রোধে গুরু অরুণলোচন ।
 ডাকিয়া বলিলা, তবে শুন দুর্যোধন ॥
 পূর্বেতে তোমাকে আমি কহিনু আপনে ।
 ভিক্ষুক ব্রাহ্মণ আমি, কিবা কাজ রণে ॥
 সেনাপতি-যোগ্য আমি না হই কখন ।
 আমার এ-সব কার্য্যে নাহি প্রয়োজন ॥
 এত বলি ডাকিলেন আপন-নন্দনে ।
 ক্রোধ করি যায় দ্রোণ উপেক্ষিয়া রণে ॥
 তবে দুর্যোধন-বীর শকুনি লইয়া ।
 আগু হ'য়ে গুরুপদে পড়িল আসিয়া ॥
 শকুনি বলিল, গুরু, কর অবধান ।
 শ্রীতিভাবে দুর্যোধন করে অভিমান ॥
 তুমি যদি উপেক্ষিয়া চলিবে ভবনে ।
 আজ্ঞা কর, রাজা দুর্যোধন যাক বনে ॥

তোমা-বিনা যুদ্ধ করে, নাহি হেনজন ।
 তোমার আশ্বাসে সদা থাকে দুৰ্য্যোধন ॥
 এত শুনি হাসি গুরু হ'লেন সদয় ।
 দুৰ্য্যোধন-দুঃখ দেখি ব্যথিত-হৃদয় ॥
 দ্রোণ বলে, কহিলাম পূর্বেতে তোমারে ।
 পার্থ না থাকিলে ধরি দিব যুধিষ্ঠিরে ॥
 অৰ্জ্জুন-সম্মুখে যুঝে, নাহি হেনধীর ।
 যার বাণে যোদ্ধগণ কেহ নহে স্থির ॥
 এক যুক্তি ভাবিয়াছি, শুন দুৰ্য্যোধন ।
 তবে সে ধরিতে পারি ধর্ম্মের নন্দন ॥
 না থাকিবে পার্থবীর হেনকাল পেয়ে ।
 তবে ধরি দিতে পারি রাজারে বান্ধিয়ে ॥
 এতেক কহিতে হৈল সক্ষ্যার সময় ।
 কোঁরব-পাণ্ডব গেল আপন-আলয় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৭। ছোণের প্রতি দুৰ্য্যোধনের খেদোক্তি ।

শিবিরেতে গেল তবে রাজা দুৰ্য্যোধন ।
 অত্যন্ত-দুঃখিত হ'য়ে বিরস-বদন ॥
 দ্রোণ-গুরু-অগ্রে কহে করিয়া রোদন ।
 কিরূপে আমার গুরু, হইবে তারণ ॥
 জিনিতে উপায় দেব, বল এবে তুমি ।
 তোমার ভরসা ভিন্ন নাহি জানি আমি ॥
 দ্রোণ বলে, শুন আমি কহি যে-বচন ।

রাজা যুধিষ্ঠিরে ধরি দিব, দুৰ্য্যোধন ॥
 নারায়ণী-সেনা দেখে যুদ্ধে বড় কৃতী ।
 তাহার সহায় আছে স্ত্রশর্মা-নৃপতি ॥

অৰ্জ্জুনের সহ তারা করুক সময় ।
 তবে সে ধরিতে পারি ধর্ম্মের কোত্তর ॥
 এত শুনি আনন্দিত হইল রাজন্ ।
 সেইক্ষণে ডাকি আনে সংশপ্তকগণ' ॥
 ত্রিগর্ত-রাজেরে আনি বলিল বচন ।
 আমার বচন শুন স্ত্রশর্মা-রাজন্ ॥
 নারায়ণী-সেনামধ্যে হও সেনাপতি ।
 অৰ্জ্জুনের সনে যুদ্ধ কর মহামতি ॥
 সসৈন্যে উত্তরদিকে ভূমি চলি যাহ ।
 অৰ্জ্জুনের সনে গিয়া সমর করহ ॥

স্ত্রশর্মা বলেন, শুন আমার বচন ।
 আজি অৰ্জ্জুনেরে আমি করিব নিধন ॥
 নারায়ণী-সেনা দেখ যমের সমান ।
 পৃথিবীর মাঝে যার অব্যর্থ সন্ধান ॥
 এ-সবে লইয়া আমি করি গিয়া রণ ।
 জানিহ, পার্থের তবে নিশ্চয় মরণ ॥
 এতেক শুনিয়া গর্জে যত সেনাগণ ।
 শুনি দুৰ্য্যোধন হৈল উল্লাসিত-মন ॥
 নারায়ণী-সেনামধ্যে শ্রেষ্ঠ সপ্তরথী ।
 স্ত্রশর্মা তাহার মধ্যে শ্রেষ্ঠ সেনাপতি ॥
 আনন্দিত-মনে সবে রজনী বঞ্চিল ।
 প্রভাতে উঠিয়া কুরুক্ষেত্রেতে চলিল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৮। নারায়ণী-সেনার বৃদ্ধারত ।

অৰ্জ্জুনের রথে তবে সাজিল শ্রীহরি ।
 আইল পাণ্ডবগণ কৃষ্ণে অগ্রে করি ॥

১। নারায়ণী-সেনার অপর নাম; ইহারা যুদ্ধে যুদ্ধে পশ্চাৎপদ হইবে না বলিয়া নপথ করার ইহাদের নাম সংশপ্তক হইয়াছে ইহারা শ্রীকৃষ্ণ-কর্তৃক দুৰ্য্যোধনকে প্রদত্ত হইয়াছিল ।

অৰ্জুনের প্রতি বলে সংশপ্তকগণ ।
 আজি ধনজয়, তুমি দেহ আসি রণ ॥
 করিব তোমারে আজি অবশ্য সংহার ।
 এই করিলাম মোরা সত্য-অঙ্গীকার ॥
 এতেক শুনিয়া হাসি ইন্দ্রের নন্দন ।
 সংশপ্তক-সহ যান করিবারে রণ ॥
 রণেতে প্রচণ্ড বড় সংশপ্তকগণ ।
 অদ্বুত করয়ে রণ, নাহি নিবারণ ॥
 কর্ণ-দুর্যোধন দেখি আনন্দিত-মন ।
 হাসিয়া বলিল তবে রবির নন্দন ॥
 বুঝিতে না পারি কিছু বিধাতার ইচ্ছা ।
 করিলাম যে প্রতিজ্ঞা, সে হইল মিছা ॥
 অৰ্জুনে বধিব আমি, আছে অঙ্গীকার ।
 সংশপ্তক-হাতে পড়ি হইবে সংহার ॥
 হরষিত হ'য়ে বড় রাজা হুঁরা করি ।
 কহিতে লাগিল গিয়া গুরু-বরাবরি ॥
 তোমার ভারতী গুরু, মন্তক-ভূষণ ।
 একান্ত আমার তুমি, জানিনু এখন ॥
 দেখিলাম সংশপ্তকগণের সমর ।
 সংগ্রামে তাহারা সবে যমের দোসর ॥
 অৰ্জুনে বাহুড়ে রণে, না বুঝি এমন ।
 সংশপ্তক-হস্তে হবে নিশ্চয় নিধন ॥
 আমার সহায় শত-ভাই কর্ণ রথী ।
 দ্রোণাচার্য্য অশ্বখামা মাতুল শুমতি ॥
 বেড়িয়া বধিব ভীমে, ভয় তার কিসে ।
 যুধিষ্ঠিরে গিয়া গুরু ধর অনারাসে ॥
 দ্রোণ বলে, কর আজি সকলে সংগ্রাম ।
 আজি রণে ঘুচাইব পাণ্ডবের নাম ॥
 অদ্বুত করিব ব্যুহ, অদ্বুত মানুষে ।
 ব্যুহ করি সবাকারে করিব নিঃশেষে ॥

আজি সে ধরিব আমি ধর্ম-নৃপবরে ।
 আমার প্রতিজ্ঞা এই সবার গোচরে ॥
 চক্রব্যুহ করে তবে অদ্বুত মানুষে ।
 অন্ত্রেতে পূর্ণিত যন্ত্র রাখে চারিপাশে ॥
 ব্যুহযুগ্মে জয়দ্রুথ রহে সাবধানে ।
 মহারথ বলি যারে সকলে বাঞ্ছানে ॥
 বহু রথ রথী হস্তি অশ্ব সেনাগণ ।
 চক্রব্যুহ-স্মরণে রহে সর্বজন ॥
 তাহার পশ্চাতে রহে দ্রোণ-মহাশয় ।
 দুই-পার্শ্বে অশ্বখামা সূর্য্যের তনয় ॥
 স্থানে-স্থানে রাখে দ্রোণ মহাবীরগণ ।
 ব্যুহমধ্যে ভ্রাতৃসহ রাজা দুর্যোধন ॥
 পশ্চাতে রহিল কৃপ শল্য ভগদত্ত ।
 সবে মহাপরাক্রমী, রণে মহামত্ত ॥
 দেবের অজেয় ব্যুহ, সৈন্য-সমাবেশ ।
 সাহস না হয় কারো করিতে প্রবেশ ॥
 দুইদলে মহাযুদ্ধ, হয় গালাগালি ।
 সমর বাধিল সৈন্যে-সৈন্যে রণস্থলী ॥
 সৈন্যে-সৈন্যে মহাযুদ্ধ হৈল আগুয়ান ।
 গজে-গজে মহাযুদ্ধ, তার পাছু আন ॥
 রথে-রথে যুদ্ধ হৈল, অশ্ব আসোয়ার ।
 ছড়াছড়ি রণস্থলে হৈল মহামার ॥
 আঘাত-শ্রাবণে যেন বরিষয়ে মেঘে ।
 ঝাঁকে ঝাঁকে বাণরষ্টি হয় চতুর্দিকে ॥
 চক্রব্যুহ করি দ্রোণ করে মহারণ ।
 নিমেষেক নিপাতিল যত সৈন্যগণ ॥
 দ্রোণের বিক্রমে সেনাগণ নহে স্থির ।
 সম্মুখ হইয়া যুঝে, নাহি হেন বীর ॥
 সংশপ্তকে রহিলেন পার্শ্ব মহামতি ।
 হেথা সেনা বিনাশয়ে দ্রোণ বোদ্ধপতি ॥

একেশ্বর বৃকোদর করি প্রাণপণ ।
 নিবারণ করে আর যত যোদ্ধগণ ॥
 যুধিষ্ঠিরে ধরিবারে যায় দ্রোণবীর ।
 নাহিক সস্ত্রম কিছু নির্ভয়-শরীর ॥
 যুধিষ্ঠির-উপরেতে করে বাণবৃষ্টি ।
 বাণে অন্ধকার হৈল, নাহি চলে দৃষ্টি ॥
 মুহূর্তেক যুধিষ্ঠির করিয়া সমর ।
 সহিতে না পারি বড় হ'লেন ফাঁকর ॥
 দশবাণ এড়ে দ্রোণ রথের উপর ।
 দুইবাণে কাটি পাড়ে ধ্বজ মনোহর ॥
 চারিবাণে কাটি পাড়ে সারথির মুণ্ড ।
 চারিবাণে চারি-অশ্বে কৈল খণ্ড-খণ্ড ॥
 অচল হইল রথ দেখি দ্রোণবীর ।
 ধরিবারে যায় তবে রাজা যুধিষ্ঠির ॥
 দেখিয়া কৌরব-রাজ হরিষ-অন্তর ।
 ধন্য-ধন্য করি দ্রোণে বাখানে বিস্তর ॥
 আজি ধৃত হৈল ধর্মরাজ গুরুহাতে ।
 আজি মোর মনোরথ পূরে ভালমতে ॥
 রাজার সঙ্কট দেখি ধৃষ্টদ্যুম্ন-বীর ।
 আগুলিল দ্রোণে আসি নির্ভয়-শরীর ॥
 দ্রোণের উপরে করে বাণ-বরিষণ ।
 গগন ছাইল বাণে, না দেখি তপন ॥
 অস্ত্রাঘাতে যুধিষ্ঠির হইয়া কম্পিত ।
 নকুলের রথে গিয়া চড়েন স্থিরিত ॥
 দ্রোণ-ধৃষ্টদ্যুম্নে হয় অতিঘোর-রণ ।
 দূরেতে থাকিয়া তাহা দেখয়ে রাজন্ ॥
 ধৃষ্টদ্যুম্ন এড়ে বাণ, তারা যেন ছুটে ।
 দ্রোণের ধনুক বীর চারিবাণে কাটে ॥
 আর দুইকণ বীর এড়ে আচম্বিতে ।
 ধনুক কাটিয়া ফেলে দ্রোণের অগ্রিতে ॥

আর ধনু ল'য়ে দ্রোণ গুণ দিয়া টানে ।
 সেই ধনু ধৃষ্টদ্যুম্ন কাটে একবাণে ॥
 পুনরপি ধৃষ্টদ্যুম্ন এড়ে দশবাণ ।
 দ্রোণের কবচ কাটি করে খান-খান ॥
 আর দশবাণ বীর এড়িল স্থিরিত ।
 বাণাঘাতে দ্রোণাচার্য্য হইল মুচ্ছিত ॥
 দেখিয়া কৌরবগণ বিলাপ করিল ।
 পাণ্ডবের দলে বড় আনন্দ হইল ॥
 তবে কতক্ষণে দ্রোণ পাইয়া চেতন ।
 লাজে ভরদ্বাজ-পুত্র মলিন-বদন ॥
 ক্রোধে এক ধনু ল'য়ে দিলেন টঙ্কার ।
 শব্দেতে লাগিল তালি কর্ণে সবাকার ॥
 সঙ্কান পুরিয়া এড়ে দিব্য-অস্ত্রগণ ।
 নিবারয়ে বাণে বাণ পাঞ্চাল-নন্দন ॥
 তবে মহাক্রোধে দ্রোণ হন কম্পমান ।
 একেবারে প্রহারিল তীক্ষ্ণ-দশবাণ ॥
 বাণাঘাতে ধৃষ্টদ্যুম্ন হইল মুচ্ছিত ।
 কবচ ভেদিয়া অঙ্গে বহিছে শোণিত ॥
 রথেতে পড়িল বীর হইয়া অজ্ঞান ।
 রথ ল'য়ে সারথি হইল পাছুয়ান ॥
 মুচ্ছ' ত্যজি উঠি বীর দেখি পলায়ন ।
 সারথিরে নিন্দা করি বলয়ে বচন ॥
 সম্মুখ-সংগ্রামে মোর ফিরাইলি রথ ।
 দ্রোণ কি বলিষ্ঠ, আমি নহি কি তেমত ॥
 এইক্ষণে দ্রোণে আমি বিনাশিব রণে ।
 বাটে রথ লহ মোর দ্রোণ-বিভ্রমানে ॥
 শুনিয়া সারথি রথ ফিরাইল বেগে ।
 অবিলম্বে নিল রথ দ্রোণাচার্য্য-আগে ॥
 পুনঃ মুখামুখি দৌছে হইল সমর ।
 দৌহাকার বাণ গিয়া ঢাকিল অশ্বর ॥

মহাপরাক্রম দ্রোণ নানা-অস্ত্র জানে ।
 ধৃষ্টদ্যুম্ন-ধনুক কাটিলা দুইবাণে ॥
 ধনু যদি কাটা গেল, অন্য-ধনু লয় ।
 সেই ধনু কাটি পাড়ে দ্রোণ-মহাশয় ॥
 যত ধনু লয় বীর, কাটে পুনঃপুনঃ ।
 ক্রোধে শেল হাতে নিল দ্রুপদ-নন্দন ॥
 হাকারিয়া শেলপাট এড়ে বাহুবলে ।
 নতদূর যায় শেল, ততদূর জ্বলে ॥
 শেলপাট দেখি দ্রোণ এড়ে দিব্যবাণ ।
 পাঁচবাণে শেলপাট করে দশখান ॥
 শেল যদি কাটা গেল, দ্রুপদকুমার ।
 অস্ত্র-সব ব্যর্থ দেখি চিস্তে বারে-বার ॥
 লাফ দিয়া ভূমে পড়ে ল'য়ে অসি-তাল ।
 সম্মুখে যাউয়া তবে বলে ভাল-ভাল ॥
 ভাঙরি কাটিয়া^১ বীর উঠে দ্রোণ-রথে ।
 চারি-অশ্বে কাটিলেন অতি-শীঘ্র হাতে ॥
 সারথি কাটিয়া দ্রোণে কাটিবারে যায় ।
 সবিস্ময়ে সর্বলোক একদৃষ্টে চায় ॥
 অর্জুচন্দ্র-বাণ গুরু পুরিয়া সন্ধান ।
 অসি চর্ম্ম কাটি তার করে খান-খান ॥
 আর দশবাণ গুরু মারে বায়ুবেগে ।
 দশবাণ ধৃষ্টদ্যুম্ন-হৃদয়েতে লাগে ॥
 বাণাঘাতে ধৃষ্টদ্যুম্ন হইল মূর্ছিত ।
 ভূমিতে পড়িল বীর, নাহিক সংবিৎ ॥
 বিমুখ দেখিয়া ধৃষ্টদ্যুম্নে সর্বজন ।
 দ্রোণের উপরে করে বাণ-বরিষণ ॥
 তবে মহাক্রোধে দ্রোণ এড়ে দিব্যবাণ ।
 হয়-হস্তী রথ-রথী করে খান-খান ॥

এতক দেখিয়া তবে রাজা যুধিষ্ঠির ।
 মহাভয়যুক্ত আর কম্পিত-শরীর ॥
 চক্রব্যূহ করি দ্রোণ করে মহারণ ।
 পার্থ-বিনা ব্যূহ ভাঙ্গে, নাহি হেনজন ॥
 হেনকালে মনেতে পড়িল আচম্বিত ।
 অভিমন্যু মহাবীরে ডাকেন হরিত ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২। যুধিষ্ঠির-কর্তৃক অভিমন্যুকে যুদ্ধে বরণ ।

আসিলেন অভিমন্যু রাজার আদেশে ।
 ভূমিষ্ঠ হইয়া বীর রাজারে সম্ভাষে ॥
 যুধিষ্ঠির বলে, বাপু, শুনহ বচন ।
 ব্যূহ ভেদিবারে তুমি জান প্রকরণ ॥
 অভিমন্যু বলে, রাজা, করি নিবেদন ।
 জানি আমি প্রবেশ, না জানি নির্গমন ॥
 যেইকালে ছিনু আমি জননী-জর্ঠরে ।
 তাহার বৃত্তান্ত কহি তোমার গোচরে ॥
 পিতা মম জিজ্ঞাসিল গোবিন্দের স্থান ।
 ব্যূহ ভেদিবারে মোরে কহ যে বিধান ॥
 এত শুনি নারায়ণ ভূমিতে আঁকিয়া ।
 প্রত্যক্ষে বৃত্তান্ত-সব দিলেন কহিয়া ॥
 জননী জিজ্ঞাসে হেনকালে সেইক্ষণ ।
 প্রবেশ জানিলে, কহ নির্গম-কারণ ॥
 এত যদি মাতা জিজ্ঞাসিলেন পিতারে ।
 নির্গম-কারণ নাহি কহিল মায়েরে ॥
 নির্গম না জানি আমি, জানাই তোমারে ।
 তবে করি, যাহা আজ্ঞা করিবে আমারে ॥

ধর্মরাজ বলে পুত্র, শুনহ বচন ।
 তোমার পশ্চাতে যাবে যত যোদ্ধগণ ॥
 ব্যুহ ভেদি মার পুত্র, দ্রোণ ধনুর্ধর ।
 তোমার বিক্রম যত, আমাতে গোচর ॥
 বাপের সমান পুত্র, মহাধনুর্ধর ।
 তোমার সহিত যাবে যত বীরবর ॥
 তোমার পশ্চাতে যাবে ভীম-আদি করি ।
 সত্বরে আইস পুত্র, দ্রোণেরে সংহারি ॥
 বংশের তিলক তুমি, নয়নের তারা ।
 না দেখিলে তোমা-ধনে, ক্ষণে হই হারা ॥
 প্রাণ পাঠাইয়া দিব সংশয়ের স্থানে ।
 তোমার পশ্চাতে যাবে যত যোদ্ধগণে ॥

এত বলি শিরে রাজা করয়ে চূষন ।
 প্রাংশসিয়া ঘন-ঘন দেন আলিঙ্গন ॥
 কিশোর-বয়স সবে, নব্য-কলেবর ।
 রমণীমোহনরূপ অতি-মনোহর ॥
 অগুরু-চন্দন গায়, বায়ু বহে গন্ধ ।
 ভুবন-বিজয়ী বীর, নহে নিরানন্দ ॥
 মণি-মরকত-আদি-আভরণ গায় ।
 হেরিলে জুড়ায় আঁখি, আপদ পলায় ॥
 পীতাম্বর পরিধান, হাতে শর-ধনু ।
 সাহসে সিংহের প্রায়, দোষহীন তনু ॥
 রাজারে কহিল বীর, না করিহ ভয় ।
 করিব সমরে আজি রিপুগণে জয় ॥
 আজি যুদ্ধে বিনাশিব দ্রোণ-ধনুর্ধরে ।
 দ্রোণে না মারিয়া আমি না আসিব ঘরে ॥
 এই সত্য-কথা মম শুন নৃপবর ।
 ইহাতে আপনি কেন এমত কাতর ॥
 এত বলি যুঝিতে চলিল বীরবর ।
 সারথিরে বলে রথ সাজাহ সত্বর ॥

হুমন্ত্র-সারথি বলে করি যোড়কর ।
 এক নিবেদন মম, শুন ধনুর্ধর ॥
 অত্যল্প-বয়স তব, নবীন-যৌবন ।
 তোমার উচিত নহে দ্রোণ-সহ রণ ॥
 সমানে-সমানে যুদ্ধ ক্ষত্রিয়ের ধর্ম ।
 শ্রেষ্ঠে-শ্রেষ্ঠে ক্ষত্রধর্ম-অনুমত কর্ম ॥
 যমের সমান সেই দ্রোণাচার্য বীর ।
 যাঁর বাণে যোদ্ধগণ কেহ নহে স্থির ॥
 এতেক শুনিয়া বীর ফ্রোণে হতাশন ।
 সারথিরে চাহি বলে করিয়া তর্জজন ॥
 কৃষ্ণের ভাগিনা আমি, অর্জুন-তনয় ।
 ত্রিভুবন-মধ্যে কারে আছে মোর ভয় ॥
 দ্রোণের সহিত আজি করিব সমর ।
 একবাণে তাহারে পাঠাব যমঘর ॥
 আজি যদি দ্রোণে আমি মারিবারে পারি ।
 বড় তুষ্ট হইবেন মাতুল শ্রীহরি ॥
 জনকের ঠাই পাব বড় সম্মাননা ।
 জ্যেষ্ঠতাত-স্থানে হবে যশের ঘোষণা ॥
 যুধিষ্ঠির-নৃপতির করি কিছু হিত ।
 করিব সমর আজি, জানাই নিশ্চিত ॥
 এইক্ষণে রথ তুমি সাজাও সত্বর ।
 অবশ্য করিব যুদ্ধ, নাহি কিছু ডর ॥
 এতেক শুনিয়া তবে হুমন্ত্র সত্বর ।
 তুলিল বহল অস্ত্র রথের উপর ॥
 জাঠি শেল ঝকড়া যে মুঘল মুদগর ।
 শক্তি ভিন্দিপাল তোলে, অসংখ্য তোমর ॥
 মহাদর্প করি উঠে রথের উপর ।
 ব্যুহ ভেদিবারে যায় পার্থ-বংশধর ॥
 ভীম-আদি করি তবে মহারথিগণ ।
 তাহার পশ্চাতে চলে করিবারে রণ ॥

বৃহে প্রবেশিল বীর চক্ষুর নিমিষে ।
নানা-অস্ত্র সৈন্যগণ-উপরে বরিষে ॥
প্রলয়ের মেঘ যেন সংহারিতে সৃষ্টি ।
ততোধিক অভিমন্যু করে শরসৃষ্টি ॥
ঝাঁকে ঝাঁকে পড়ে বাণ সৈন্যের উপর ।
মার-মার বলি ডাকে অর্জুন-কোঙর ॥
একগোটা বাণ বীর ভূণ হৈতে আনে ।
দশগোটা বাণ হয় ধনুকের গুণে ॥
গমনে শতেক হয়, সহস্র পতনে ।
হেনমতে পুনঃপুনঃ এড়ে অস্ত্রগণে ॥
পাড়িল অনেক সৈন্য, রক্তে বহে নদী ।
কুরুসৈন্য-রক্তে স্নান করে বহুমতী ॥

ভীম-আদি করি যত মহাবীরগণ ।
বৃহমুখে গিয়া সবে করে মহারণ ॥
জয়দ্রথ বৃহ-রক্ষা করে প্রাণপণে ।
না দেয় ছয়ার ছাড়ি যত বীরগণে ॥
যুধিষ্ঠির ভীম-আদি নকুল দুর্জয় ।
পার্থ-বিনা সবাকারে করিলেক জয় ॥
জয়দ্রথ যুদ্ধ করে অতি যোৱতর ।
বিমুখ করিল সর্ব বীরে একেশ্বর ॥
দ্রোণপর্ব স্থধারস অভিমন্যু-বধে ।
কাশীরাম দাস কহে গোবিন্দের পদে ॥

১০ । জয়দ্রথের নিকট পাণ্ডবদিগের
পরাজয়ের বৃত্তান্ত ।

এত শুনি জন্মেজয় কহে মুনবরে ।
বিস্তারে শুনিতে মোর বাসনা অন্তরে ॥
পাণ্ডবগণেরে জয়দ্রথ করে জয় ।
ইহার কারণ মোরে কহ মহাশয় ॥
মুনি বলে, পূর্বকথা শুনহ রাজন ।
রাজা যুধিষ্ঠির যবে প্রবেশেন বন ॥

কতদিনে জয়দ্রথ গেল সেই বনে ।
দ্রোণদীপে তথা একা দেখিল ভবনে ॥
দেখি সিদ্ধ-নন্দনের দুর্দশি ঘটিল ।
দ্রোণদীপে রথে তুলি প্রশ্নান করিল ॥
লইয়া আপন-দেশে চলিল দুর্দশিত ।
হাহাকার শব্দ করি কান্দয়ে পার্শ্বতী ॥
ধোম্য-আদি মুনীগণ আছিল বসিয়া ।
শীত্ৰগতি যুধিষ্ঠিরে কহিলেন গিয়া ॥
শুনিয়া ধাইল তবে পার্থ-বৃকোদর ।
দেখিল, দ্রোণদীপ কান্দে রথের উপর ॥
তবে মহাক্রোধে পার্থ বরিষয়ে বাণ ।
রথ-অশ্ব কাটিলেন করি খান-খান ॥
তবে ভীম কোপে ধায় ভীম-পরাক্রম ।
ক্রোধবৃষ্টি দেখি, যেন যুগাস্তুর যম ॥
শীত্ৰগতি উপাড়িয়া দীর্ঘ তরুবর ।
বৃক্ষ হস্তে করি ধায় বীর বৃকোদর ॥
নিমিষেকে নিপাতিল বহু সৈন্যগণ ।
ভয়ে পলাইয়া যায় সিদ্ধুর নন্দন ॥
একলাফে ধরে বীর তাহার চিকুর ।
একচড়ে দস্তপাটী করিলেক চুর ॥
ক্ষুরপ্র বাণেতে তার মাথা মুড়াইল ।
বিধিমতে জয়দ্রথে দুর্দশা করিল ॥
যুধিষ্ঠির-বাক্যে ছাড়ি দিল বৃকোদর ।
দেশেতে না গেল বীর লজ্জায় কাতর ॥
অবশেষে আর যত ছিল সেনাগণ ।
নিজদেশে পাঠাইল সিদ্ধুর নন্দন ॥
আপনি প্রবেশ করি বনের ভিতরে ।
দ্বাদশ-বৎসর সেবা করিল শকরে ॥
বিবিধ-প্রকারে করে শিবের অর্চন ।
দর্শন দিলেন তথা আসি পঞ্চানন ॥

শিব বলে, বর মাগ, সিদ্ধুর তনয় ।
 এত শুনি জয়দ্রথ হরে প্রণময় ॥
 অনেক করিয়া স্তুতি বলয়ে বচন ।
 অবধান কর প্রভো, মম নিবেদন ॥
 এই বর দেহ মোরে দেব-শূলপাণি ।
 পাণ্ডবগণেরে যেন রণে আমি জিনি ॥
 শিব বলিলেন, শুন সিদ্ধুর তনয় ।
 জিনিবে পাণ্ডবগণে বিনা ধনঞ্জয় ॥
 এত বলি অন্তর্হিত হৈল পঞ্চানন ।
 জয়দ্রথ নিজদেশে করিল গমন ॥
 এইহেতু সবাকারে জিনিল সৈন্যবান ।
 ভীম-আদি পরাজিত যতেক পাণ্ডব ॥
 হাতে ধনু ধরি বীর করে মহারণ ।

একা জয়দ্রথ সবে করিল বারণ ॥
 একরথে জয়দ্রথ সিদ্ধুর তনয় ।
 মহাগর্ব করি বুলে নির্ভয়-হৃদয় ॥
 ভীমেরে করিল দশবাণে পরাজয় ।
 আর দশবাণে বিক্ষেপিত সাত্যকি-হৃদয় ॥
 ধৃষ্টদ্যুম্নে নিবারিল মারি দশবাণ ।
 দশবাণে বিরাটে করে করিল অজ্ঞান ॥
 এইমত জয়দ্রথ করে ঘোর-রণ ।
 ব্যূহে প্রবেশিতে নাহি পারে যোদ্ধগণ ॥
 দ্রোণপর্ব-সুধারস অপূর্ব-আখ্যান ।
 কাশী কহে, সাধুজন সদা করে পান ॥

১১। অতিমহ্যর বৃদ্ধ ।

ব্যূহে প্রবেশিল বলে অভিমন্যু-বীর ।
 ভীম-আদি যোদ্ধা সবে হইল অস্থির ॥
 নাহি দিল জয়দ্রথ প্রবেশিতে পথ ।
 চিন্তাকুল হৈল সবে, গণিল বিপদ ॥

ব্যূহ ভেদি গেল পুত্র নিজ-বীরপণে ।
 পূর্বেরে কহিয়াছে সেই, নির্গম না জানে ॥
 জানিয়া সন্মুখ-সৈন্য-মাঝে গেল রণে ।
 সঙ্কটে পড়িলে রক্ষা পাইবে কেমনে ॥
 হেথা না দেখিয়া বীর সৈন্য নিজপাশ ।
 জানিল, নিশ্চয় বিধি করিল বিনাশ ॥
 বেড়িয়াছে সৈন্য মোরে, অপার এ সিদ্ধু ।
 উপায় না দেখি আর বিনা দীনবন্ধু ॥
 এত বলি সাহস করিল মহাবীর ।
 বাণবৃষ্টি করি সৈন্যে করিল অস্থির ॥
 একা রণে অভিমন্যু করে মহামার ।
 দেখিয়া কৌরবগণে লাগে চমৎকার ॥
 চৌদিকে বেষ্টিত যত কুরুসৈন্যচয় ।
 পিঞ্জর-মধ্যেতে যেন পোষাপক্ষী রয় ॥
 না জানে বালক সেই নির্গমের সন্ধি ।
 মীন যেন পড়ে হায় জালে হ'য়ে বন্দী ॥
 তথাপি নির্ভয়, ধনু লইলেক হাতে ।
 শাসিত করিয়া সৈন্য ভ্রমে একা রথে ॥
 জলদ বরিষে যেন কালে বরিষার ।
 ঝাঁকে ঝাঁকে অস্ত্র পড়ে, ক্ষমা নাহি তার ॥
 মাহুত-মাতঙ্গ পড়ে, তুরঙ্গ বহত ।
 কোটি-কোটি সৈন্য মারে সংগ্রামে অদ্বুত ॥
 অলস না হয় তনু, সাহসী বালক ।
 সৈন্যারণ্য দহে যেন হইয়া পাবক ॥
 প্রকাশে বিক্রম যত, নাহি তার সীমা ।
 সকলে বাথানে তার বীরস্ব-মহিমা ॥
 এক ধনুকের গুণে যথা পঞ্চবাণ ।
 ত্রিভুবন জিনে, কেহ নাহি ধরে টান ॥
 কুমার-প্রতাপ তথা দেখি কুরুগণ ।
 চিন্তাকুল দুর্বোধন বিষম-বদন ॥

সহসা উলুক দুঃশাসনের নন্দন ।
 অভিমন্যু-সহ গেল করিবারে রণ ॥
 আসিল সমর-হেতু অভিমন্যু-সঙ্গ ।
 পাবকে পড়িতে যেন ইচ্ছিল পতঙ্গ ॥
 দেখিয়া অর্জুনি কোপে অনল-সমান ।
 গালি দিয়া বলে, তুই বড়ই অজ্ঞান ॥
 কে দিল কুবুদ্ধি তোরে, হৈল ব্রহ্মশাপ ।
 এই-দণ্ডে দেখাইব আমার প্রতাপ ॥
 ত্যজ আশা, কর বাসা শমনের ঘরে ।
 বিলম্ব নাহিক, এই পাঠাই তোমারে ॥
 এত বলি অবিলম্বে এড়ে মহাবাণ ।
 তাহার বিক্রমে উলুকের উড়ে প্রাণ ॥
 একবাণে ধ্বজ কাটি করে খণ্ড-খণ্ড ।
 আর দুই-বাণে কাটে সারথির মুণ্ড ॥
 চারি-বাণে কাটিল রথের চারি-হয় ।
 দুই-বাণে উলুকেরে দিল যমালয় ॥
 উলুক পড়িল যদি, লাগে চমৎকার ।
 কোঁরবের যোদ্ধাগণ করে হাহাকার ॥
 বহু বিলাপিয়া তবে কান্দে দুঃশাসন ।
 এক যোদ্ধাপতি মোর উলুক নন্দন ॥
 সর্বশূন্য দেখি আমি তোমার বিহনে ।
 গৃহে না যাইব আমি, যাইব কাননে ॥
 তবে বুধসেন বীর কর্ণের নন্দন ।
 অর্জুনি-সহিত গেল করিবারে রণ ॥
 করিয়া অনেক দর্প বুধসেন-বীর ।
 একরথে যায় তবে নির্ভয়-শরীর ॥
 দেখি অভিমন্যু-বীর অগ্নিহেন জ্বলে ।
 বাণবৃষ্টি করে বীর অতি কোপানলে ॥
 কাটিল রথের ধ্বজ মারি দুই-বাণ ।
 চারি-বাণে চারি-অশ্ব করে খান-খান ॥

আর দুই-বাণ বীর এড়ে আচম্বিতে ।
 সারথির মাথা কাটি পাড়িল ভূমিতে ॥
 অর্জুচন্দ্র-বাণ এড়ে অর্জুন-কুমার ।
 একঘায়ে বুধসেন গেল যমাগার ॥

পুত্রের মরণ দেখি কর্ণ মহাবীর ।
 ক্রোধেতে পূর্ণিত অস্ত্র, হইল অস্থির ॥
 বহু বিলাপিয়া কর্ণ সূর্য্যের নন্দন ।
 মহাকোপে গেল বীর করিবারে রণ ॥
 পুত্রশোকে কর্ণবীর এড়ে অস্ত্রগণ ।
 সর্ব-অস্ত্র ব্যর্থ করে অর্জুন-নন্দন ॥
 যত অস্ত্র এড়ে কর্ণ, দৃষ্টিমাত্র কাটে ।
 অরুণলোচন বীর, চাহে কোপদৃষ্টে ॥
 তবে কোপে অভিমন্যু এড়ে দশবাণ ।
 কর্ণের কবচ কাটি করে খান-খান ॥
 কবচ কাটিয়া বাণ অঙ্গে প্রবেশিল ।
 মূর্ছিত হইয়া কর্ণ রথেতে পড়িল ॥
 মূর্ছিত দেখিয়া রথ ফিরায় সারথি ।
 পলাইয়া গেল তবে কর্ণ যোদ্ধাপতি ॥

তবে ত লক্ষ্মণ দুর্য্যোধনের নন্দন ।
 অভিমন্যু-সহ গেল করিবারে রণ ॥
 যেইক্ষণে আগু হৈল ভানুমতী-স্রুত ।
 অভিমন্যু-বীর তারে বলে ক্রোধযুত ॥
 হিতবাক্য কহি শুন ভাইরে লক্ষ্মণ ।
 এমত কুমতি তোরে দিল কোন্ জন ॥
 বাপের দুলাল তুই, বড় প্রিয়তর ।
 না করিহ রণ ভাই, যোর বাক্য ধর ॥
 অনেক যতনে লোক রক্ষা করে দেহ ।
 আপনি মরিলে সঙ্গে না যাইবে কেহ ॥
 এ-সুখ-সম্পদ-আশা ছাড় কি-কারণ ।
 আমার বচন ধর, না করিহ রণ ॥

জনক-জননী ইস্ট-বন্ধু খুড়া ভাই ।
 মরিলে সম্বন্ধ আর কারো সঙ্গে নাই ॥
 ভালরূপে দেখে ভাই, সবার বদন ।
 মোর সঙ্গে রণে তোর অবশ্য মরণ ॥
 ক্রমা চাহে আমারে যে হইয়া কাতর ।
 হইলে পরম শত্রু, নাহি তার ডর ॥
 অভয় দিলাম ভাই, বলিলাম তোরে ।
 সংবরি সমর চলি যাহ নিজঘরে ॥
 তোমারে বধিলে সিদ্ধ হবে কোন্ কাজ ।
 বরঞ্চ হবেন রুষ্ট শুনি ধর্ম্মরাজ ॥
 পড়িলে আমার ঠাঁই আজি রক্ষা নাই ।
 সাক্ষাতে দেখিলে যত কর্ণের বড়াই ॥
 পলাইয়া গেল নারি সহিতে সমর ।
 বাথানে কোঁরবগণ যারে নিরস্তর ॥
 আমি তোরে বলি আজি অখণ্ডিত-কথা ।
 কাটিয়া ফেলিব কর্ণ-শকুনির মাথা ॥
 দুর্ঘ্যোধনে বান্ধি ল'ব ধর্ম্মরাজ-আগে ।
 এত বলি রক্তবর্ণ চক্ষু হৈল রাগে ॥
 লক্ষ্মণ বলিল, আর না কর বড়াই ।
 বুঝিব, কেমনে এড়াইবে মোর ঠাঁই ॥
 শুনিয়া কুপিল তবে অর্জুন-নন্দন ।
 ধনুকের গুণে বাণ ঘোড়ে সেইক্ষণ ॥
 দুই-বাণে রথধ্বজ কৈল খণ্ড-খণ্ড ।
 আর দুই-বাণে কাটে সারথির মূণ্ড ॥
 আর বাণ এড়ে বীর কি কহিব কথা ।
 সকুণ্ডল কাটি পাড়ে লক্ষ্মণের মাথা ॥
 দেখি দুর্ঘ্যোধন হৈল শোকে অচেতন ।
 জুমে গড়াগড়ি দিয়া করয়ে রোদন ॥

প্রাণের নন্দন মোর অতি-প্রিয়তর ।
 তোমার বিহনে আর নাহি যাব ঘর ॥
 ভ্রাতার মরণ দেখি পদ্ম-বীর বেগে ।
 হাতে ধনু করি গেল অভিমন্যু-আগে ॥
 যেই বেগে আগু হৈল পদ্ম বীরবর ।
 দুই-বাণে কাটে তারে অর্জুন-কোণ্ডর ॥
 দুর্ঘ্যোধন দেখে, পুত্র হইল সংহার ।
 ভূমিতে পড়িয়া রাজা করে হাহাকার ॥
 পুত্রশোকে দুর্ঘ্যোধন হইল কাতর ।
 বংশনাশ কৈল মোর অর্জুন-কোণ্ডর ॥
 দুই-পুত্র-শোকে রাজা শোকাবুল মন ।
 হাতে গদা করি ধায় করিবারে রণ ॥
 অর্জুনি বলিল, আর কারে নাহি চাই ।
 পাণ্ডুবংশ-শত্রু হুঁ, তার লাগ' পাই ॥
 তুমি হুঃখ দিলে পিতা-আদি পঞ্চজনে ।
 কপটে পাশায় জিনি পাঠাইলে বনে ॥
 মোরা বনবাসী, তব সব অধিকার ।
 এত অবিচার, বিধি কত সবে আর ॥
 পাছে নাহি পলাইও প্রাণে পেয়ে ভয় ।
 রহিয়া করহ যুদ্ধ কুরু-মহাশয় ॥
 না করিহ অবহেলা শিশু বলি মোরে ।
 ফিরিয়া যাইবে, সাধ না কর অন্তরে ॥
 এত বলি বাণ এড়ে পুরিয়া সন্ধান ।
 হাতের গদায় মারে তীক্ষ্ণ-দশবাণ ॥
 দশবাণে গদা কাটি সম্বরে ফেলিল ।
 তীক্ষ্ণ-ভল্ল দশগোটা অঙ্গে প্রহারিল ॥
 বাণাঘাতে দুর্ঘ্যোধন ব্যথিত-অস্তর ।
 বেগে পলাইয়া যায় ত্যজিয়া সমর ॥

অভিমন্যু বলে, রাজা, বলি হে তোমায় ।
পলাইয়া যাও কেন শৃগালের প্রায় ॥
ক্লণেক থাকিয়া যুদ্ধ কর মহাশয় ।
আজি তোমা পাঠাইব শমন-আলয় ॥
এতক বলিয়া গর্জে অর্জুন-তনয় ।
পলাইল দুর্যোধন ব্যথিত-হৃদয় ॥

একরথে ভ্রমে বীর অর্জুন-কোণ্ডর ।
নাহিক সন্ত্রম কিছু, নির্ভয়-অস্তুর ॥
গগন ছাইয়া বীর করে অস্ত্ররুষ্টি ।
বাণে অন্ধকার হয়, নাহি চলে দৃষ্টি ॥
অমর্ত সমর্থ বাণ, বাণ ব্রহ্মজাল ।
কৌশিক কপালী বাণ, আর রুদ্রকাল ॥
ক্ষুরপ্র তোমর অর্জুচন্দ্র ভল্ল-শর ।
বরুণ হুতাশ-বাণ সমরে দুষ্কর ॥
কোনখানে অগ্নিবাণে পোড়ে সেনাগণ ।
কোনখানে মহাঝড়ে বহিছে পবন ॥
কোনখানে মেঘগণে আবরিল তানু ।
মুষলের ধারে রুষ্টি, শীতে কাঁপে তনু ॥
ঢাকিল রবির তেজ, হৈল অন্ধকার ।
চারিদিকে অস্ত্র পড়ে, না দেখি নিস্তার ॥
কুঞ্জর সারথি অশ্ব ফেলে কাটি কার ।
ধনু-সহ বাম-হস্ত কাটে আসোয়ার ॥
কাহারো কাটিল মুণ্ড কুণ্ডল-সহিত ।
নাসাশ্রুতি কাটে কারো, দেখিতে কুৎসিত ॥
বাণরুষ্টি করে বীর পুরিয়া সন্ধান ।
কাহারো কাটিয়া পাড়ে পদ দুইখান ॥
অত্রাঘাতে কোন বীর করে ছট্‌কটি ।
কাটিয়া পড়িল কারো দস্ত দুইপাটি ॥
দেখিয়া কোঁরবগণ করে হাহাকার ।
একা অভিমন্যু করিলেক মহামার ॥

একশত সহোদর রাজা দুর্যোধন ।
তাহা-সবাকার যত আছিল নন্দন ॥
একে-একে অভিমন্যু করিল সংহার ।
দেখি রাজা দুর্যোধন করে হাহাকার ॥
মুনি বলে, শুন পরীক্ষিতের তনয় ।

ধৃতরাষ্ট্রে সব কথা শুনায় সঞ্জয় ॥
শুনহ নৃপতি, তুমি অনর্থের কথা ।
দৈবেতে হইল বাম দারুণ বিধাতা ॥
অর্জুন-তনয় ষোল-বৎসরের শিশু ।
সৈন্যমধ্যে সিংহ যেন পেয়ে বন্যপশু ॥
সামস্ত অর্জেক অন্ত করে একা আসি ।
দ্রোণ-কর্ণ রহে চাহি বড় ভয় বাঁসি ॥
অধোমুখে দুর্যোধন মানিয়া বিস্ময় ।
চিস্তায় আকুল বড়, চমকিয়া রয় ॥
উনশত ভাই তারা হারাইল বোধ ।
সমরে অশক্ত বড়, যেমন অবোধ ॥
শোণিতে বহিল নদী, স্রোত ব'য়ে যায় ।
প্রলয়ের কালে সৃষ্টি-নাশ হৈল প্রায় ॥

• ধৃতরাষ্ট্র কহে, শুন সঞ্জয় স্মৃতি ।
যতক শুনি যে পড়ে মোর সেনাপতি ॥
একা অভিমন্যু করে মোর সেনাক্ষয় ।
বড়-বড় সেনাপতি পায় পরাজয় ॥
ষোড়শ-বৎসর শিশু পূর্ণ নাহি হয় ।
কেহ না পারিল তারে করিতে বিজয় ॥
অমৃত শুনিয়া মোর কাঁপিছে হৃদয় ।
ধন্য-ধন্য মহাবীর অর্জুন-তনয় ॥

সঞ্জয় বলিল, রাজা, শুনহ কারণ ।
অভিমন্যু-সহ যুঝে নাহি হেনজন ॥
পর্বত কাটিয়া পাড়ে অভিমন্যু-বাণ ।
মহাধনুর্ধর বীর বাপের সমান ॥

ধৃতরাষ্ট্র বলে, মোর হেন লয় মন ।
সবারে মারিয়া যাবে অর্জুন-নন্দন ॥
দ্রোণপর্বের পুণ্যকথা অভিমন্যু-বধে ।
কাশীবাম দাস কহে গোবিন্দের পদে ॥

১২ । অভিমন্যু-বধ ।

মুনি বলে, অত্যাশ্চর্য্য শুন জন্মেজয় ।
করে যে অদ্ভুত যুদ্ধ অর্জুন-তনয় ॥
তিনকোটি বৃন্দরথ পড়িল সমরে ।
ছয়বৃন্দ মদমত্ত পড়ে করিবরে ॥
সপ্ত-পদ্ম অশ্ব পড়ে, রণে আসোয়ার ।
পদাতিক-সৈন্য পড়ে, সংখ্যা নাহি তার ॥
শোণিতে সাঁতার-নদী, ভাসে তাহে সেনা ।
তরঙ্গে আতঙ্ক হয়, রাশি-রাশি ফেনা ॥
কবন্ধ উঠিয়া কেলি করে তার রসে ।
শোণিত-সাগর-মাঝে সাঁতারিয়া ভাসে ॥
অস্ত্র-ঝনঝনি শুনি, অগ্নি উঠে বাণে ।
কৌরবের সেনাগণ যুঝে প্রাণপণে ॥
এড়িল গন্ধর্ব্ব-অস্ত্র অর্জুন-তনয় ।
কৌরবের ঠাট কাটি করিলেক ক্ষয় ॥
পড়িল অনেক সৈন্য, রক্তে ভূমি রাঙ্গা ।
খরস্রোত বহে, যেন ভাদ্রমাসে গঙ্গা ॥
শোণিত হইল নীর, নৌকা করিবর ।
রথচয় ভাসে, যেন রাজহংসবর ॥
অশ্বসব ভাসি বুলে কচ্ছপের প্রায় ।
যীনের সদৃশ নর ভাসিয়া বেড়ায় ॥
ভূগের সমান ভাসে ধমু-অস্ত্রগণ ।
দেখিয়া শোণিত-নদী ভীত সর্ব্বজন ॥
এতেক দেখিয়া তবে শকুনি-নন্দন ।
রথোত্তর চড়িয়া গেল করিবারে রণ ॥

দেখিয়া আর্জুনি ক্রোধে অনল-সমান ।
ধনুক কাটিয়া তার করে খান-খান ॥
চারি-বাণে কাটিল রথের অশ্ব চারি ।
আর দুই-বাণে তার সারথি সংহারি ॥
সারথি পড়িল, রথ হইল অচল ।
বিস্ময় মানিয়া চাহে কৌরবের দল ॥
পুনরপি অভিমন্যু এড়ে দুই-বাণ ।
শ্রবণ-নাসিকা কাটি করে খান-খান ॥
শ্রবণ-নাসিকা গেল, দেখিতে কুৎসিত ।
কাটিয়া পাড়িল মুণ্ড কুণ্ডল-সহিত ॥

শকুনি দেখিল, যুদ্ধে পড়িল নন্দন ।
হাহাকার করি বহু করিল রোদন ॥
আর্জুনিরে দেখি কাল-শমন-সমান ।
ভয়ে আর কোন বীর নহে আগুয়ান ॥
সংগ্রাম করয়ে বীর অর্জুন-কোঙর ।
কোটি-কোটি রথী মারি দিল যমঘর ॥
সন্ধান পুরিয়া বীর এড়ে দিব্যবাণ ।
শোণিতে বহিছে নদী অতি-থরশান ॥

দেখিয়া ব্যাকুল বড় রাজা দুর্য্যোধন ।
বলিতে লাগিল দ্রোণে চাহি সেইক্ষণ ॥
আর্জুনিরে ভুষ্ট ভূমি, বুঝিবি বিধানে ।
সেইহেতু যুদ্ধ করে তব বিদ্রোহানে ॥
বালক হইয়া করে এত অপমান ।
তোমা-সব মহারথী আছ বিদ্রোহান ॥
বুঝিলাম জয় মোর নাহিক সমরে ।
একাকী মারিয়া আজি যাইবে সবারে ॥
এতেক শুনিয়া দুর্য্যোধনের উত্তর ।
ক্রোধমুখে কহে তারে দ্রোণ বীরবর ॥
তব কন্দ প্রাণপণে করি অনুক্ষণ ।
তথাপিহ হেন ভায়া কহ দুর্য্যোধন ॥

অভিমন্যু জিনে, হেন নাহি কোনজন ।
তার ডরে পলাইলে লইয়া জীবন ॥
বাপের সোসর বীর যমের সমান ।
বজ্রের সমান যার অব্যর্থ সন্ধান ॥
কর্ণ-হেন যোদ্ধা যারে নারিল সমরে ।
আর কে আছেয়ে হেন, জিনিবে তাহারে ॥

রাজা বলে, গুরু, বুধা গঞ্জহ আমারে ।
তোমা না বলিয়া আর বলিব কাহারে ॥
না জান, জীয়ন্তে আমি হুঁয়ে আছি মরা ।
শোক-দুঃখ-অনুতাপে বিধি কৈল জরা ॥
সংশয়ে আশ্রয়ি গিরি, সেহ নহে সার ।
তবে কি উপায় এতে হইবেক আর ॥
বিপক্ষের একশিশু বধে বহুসেনা ।
নিবারিতে পারে তারে, নাহি একজন ॥
এতকাল আশ্বাসে বিশ্বাস করি যার ।
আজি কেন হৈল হীন-ভরসা তাহার ॥
নামেতে বিখ্যাত যারা, বড়-বড় বীর ।
বিষাদে হইল সব দেখি নতশির ॥

বরুণ-বিষাদবাক্য নৃপতির শুনি ।
কহিতে লাগিল দ্রোণ, শুন কুরুমণি ॥
ন্যায়যুদ্ধে অভিমন্যু জিনিতে যে পারে ।
কহিলাম, হেনজন নাহিক সংসারে ॥
ভাগিনেয় কৃষ্ণের সে, অর্জুনের স্ত ।
দেখিলে সংকাতে যার সমর অদ্ভুত ॥
তাহারে নারিব ন্যায়যুদ্ধে কদাচন ।
কহিনু, জানিহ মম স্বরূপ-বচন ॥

দুর্যোধন বলে, শুন আমার বচন ।
সপ্তরথী এককালে কর গিয়া রণ ॥

এতেক শুনিয়া গুরু বিরস-বদন ।
এমত অন্যায় নাহি করে কোনজন ॥
কৃপাচার্য বলে, ইহা অদ্ভুত-কথন ।
কিমত-প্রকারে ইহা হয়, দুর্যোধন ॥
এমত অন্যায়-যুদ্ধ কভু নাহি করি ।
এত বলি কৃপাচার্য স্মরিল শ্রীহরি ॥

দুর্যোধন বলে, যদি ইহা না করিবে ।
সবারে মারিয়া আজি আর্জুনি যাটবে ॥
প্রধানের সর্বদোষ, অন্যায় কি ভয় ।
বধিতে রিপুকে মম এই বিধি হয় ॥
ইহাতে করিলে হেলা, হবে বড় দোষ ।
বধিয়া বালকে কর আমার সন্তান ॥
মজিল সকল সৃষ্টি, ব্যাজ নাহি সয় ।
সর্বনাশ কৈল শিশু, শমন-উদয় ॥
মম বাক্যে তোমা-সবে কর এই মতি ।
এককালে অভিমন্যু বেড় সপ্তরথী ॥
দুঃশাসন রাধেয় শকুনি মম মামা ।
দ্রোণাচার্য কৃপাচার্য আর অশ্বত্থামা ॥
আমিও যাইব তোমা-সবার পশ্চাৎ ।
এইরূপ করি তারে করহ নিপাত ॥

এত শুনি কৃপাচার্য নিঃশ্বাস ছাড়িল ।
দুর্নীতি রাজার হাতে বিধি নিয়োজিল ॥
আমা-সবাকার ইথে কি করে বিলাপে ।
মরিবেক দুর্যোধন এই মহাপাপে ॥

অমঙ্গল হৈল তার, নাহিক অবধি ।
শুকাইল সরোবর, স্রোত এড়ে নদী ॥
আহার এড়িল সব পক্ষী যে প্রমাদে ।
আকুল হইয়া বড় গ্রামসিংহ' কাদে ॥

অনাচার-কর্ম বড় এ-রূপে হইল ।
 মুহুম্বৎ বসুমতী কাঁপিতে লাগিল ॥
 রাজারে ছাড়িল রাজলক্ষ্মী অনুতাপে ।
 নিকট হইল যুড়িয়া এই মহাপাপে ॥
 বদন বিবর্ণ হৈল, অঙ্গ হৈল কালি ।
 সামর্থ্যবিহীন অঙ্গ, কর্ণে লাগে তালি ॥
 দেবমায়া দেখে রাজা হইতে গগন ।
 উদিত হইল যেন দ্বাদশ তপন ॥
 আচম্বিতে মাথার মুকুট গেল খসি ।
 অঙ্ককার দেখে সদা মনে ভয় বাসি ॥
 তথাপি বিষয়-মদে না জানি মরণ ।
 আশ্রা দিল, বধ ঝাট পার্শ্বের নন্দন ॥
 সপ্তরথী রথে চড়ে ভাবিয়া বিষাদ ।
 ভদ্র নাহি নৃপতির, হইল প্রমাদ ॥

বেড়িল বালকে গিয়া সপ্ত-মহারথ ।

হানাহানি মহাযুদ্ধ হয় অবিরত ॥
 হেনকালে সপ্তরথী হানে অস্ত্রচয় ।
 রবি আচ্ছাদিল বাণে, অঙ্ককার হয় ॥
 ভূষণী তোমর শক্তি বাণ জাঠা জাঠি ।
 ত্রিশূল পটিশ মহা-অস্ত্র কোটি-কোটি ॥
 সূচীমুখ শিলীমুখ অর্ধচন্দ্র বাণ ।
 বিকট সঙ্কট শক্তি অগ্নির সমান ॥
 কপালী কোশিকী বাণ, বাণ ব্রহ্মজাল ।
 রুদ্রহুতি রিপুচণ্ড অত্যন্ত বিশাল ॥
 শ্রাবণের মেঘে যেন বৃষ্টি বার-বার ।
 তপনে ঢাকিল যেন তিমির-প্রাকার ॥
 একযোগে সপ্তরথী অস্ত্র বরষিল ।
 অমর ভূজঙ্গ নর চকিত হইল ॥
 সৃষ্টি মজাইতে যেন ইচ্ছা বিধাতার ।
 বাণবৃষ্টি হয় যেন ঘূষলের ধার ॥

কৌরব-দলের এত অন্যায় দেখিয়া ।
 হইল পাবক-তুল্য আর্জুনি কুপিয়া ॥
 নভোমার্গে দেবগণ হাহাকার করে ।
 সপ্ত-মহারথী বেড়ে এক বালকেরে ॥
 বিধি বিড়ম্বিল দুর্ঘ্যোধন-দুরাচারে ।
 এমত অন্যায় যুদ্ধ সে-কারণে করে ॥
 হেন বিপরীত কভু না দেখি, না শুনি ।
 মরিবে নিশ্চয় পাপী, গরাসিল ফণী ॥
 মহাবীর-তনুজ, তুলনা নাহি মহী ।
 সাধু-সাধু-শব্দ শুনি, ইহা বই নাহি ॥
 মহাবীর অভিমন্যু নাহি করে ভয় ।
 প্রশংসা করয়ে যত দেবতানিচয় ॥
 ধনুকে সন্ধান পূরি শিশু এড়ে বাণ ।
 নিমেষে সকল-অস্ত্র করে খান-খান ॥
 কাটিয়া সবার অস্ত্র অর্জুন-তনয় ।
 দশ-দশ-বাণে বিদ্ধে সবার হৃদয় ॥
 বাণাঘাতে সপ্তরথী হতজ্ঞান হয় ।
 শমন-সমান বাণ, হেন মনে লয় ॥
 দেখিয়া রথীর মুচ্ছা ল'য়ে তবে রথ ।
 পলায় সারথি শীঘ্র যোজনেক পথ ॥
 সপ্তরথী এইরূপে যুঝে সাতবার ।
 সবাকারে পরাজিল অর্জুন-কুমার ॥
 অবসাদ নাহি, শিশু অস্ত্র এড়ে কত ।
 কোটি-কোটি সেনা হয় সমরেতে হত ॥
 হয় পড়ে নাহি সীমা, কুঞ্জরের দল ।
 রথে পথ ঢাকা পড়ে, নাহি রহে স্থল ॥
 মড়ায় ঘোড়ায় ক্ষতি পদাতিক গাদা ।
 রুধিরে হইল হোড় বরিবার কাদা ॥

কতকণে সপ্তরথী পাইল চেতন ।

লজায় সবার যেন হইল মরণ ॥

কারো মুখ কেহ নাহি চাহে অভিরাবে' ।
 রথ এড়ি মহীতলে মাখা ধরি বসে ॥
 কি হৈল, কি হবে, এই শিশু নহে, যম ।
 পলাইল অবসাদে বলে হ'য়ে কম ॥
 চিন্তায় আকুল হ'য়ে কুল নাহি দেখে ।
 মজিলাম অবোধ রাজার হাতে ঠেকে ॥
 বালকের ক্রমা নাহি, আরো বাড়ে বল ।
 পতঙ্গের প্রায় দেখে কুরুসৈন্যদল ॥
 নলবন দলে যেন মদমত্ত-হাতী ।
 নিপাতে নিমেষে লক্ষ-লক্ষ সেনাপতি ॥
 দুর্গতি দেখিয়া তবে ছুর্যোধন-ভূপ ।
 ছাড়িল জীবন-আশা, শুকাইল মুখ ॥
 অধোমুখ বীরগণ, বুক নাহি বাঞ্চে ।
 নৃপতির পদদ্বয় ধরি সবে কান্দে ॥
 কেশরী-সমান শিশু যুগ যেন পেয়ে ।
 সংহারে সকল-সৈন্য, কিবা দেখে চেয়ে ॥
 আকুল হইয়া রাজা রথী সপুত্রে ।
 কহিতে লাগিল বড় বিনয়-বচনে ॥

দেখ গুরু-মহাশয়, কর্ণ প্রাণসখা ।
 বিনাশিল সর্বসৈন্য অভিমন্যু একা ॥
 শুন শুন সপুত্রাধি, আমার বচন ।
 পুনরপি পার্থসুতে বেড় সপুত্রে ॥
 সাহসে না হও হীন, সতর্ক হইয়া ।
 মোরে রক্ষা কর এই বালকে বধিয়া ॥
 সমরে বিজয়া হ'য়ে পুরাইলে আশ ।
 কিনিয়া করিবে তবে মোরে নিজদাস ॥

রাজার বিনয় শুনি বল করে রথী ।
 পুনরপি যায় রণে সাত-সেনাপতি ॥

রথে বৈসে বিক্রমেতে ইস্রতেজ ধরি ।
 সারথি চালায় রথ শিশু-বরাবরি ॥
 বালকে বেড়িয়া বাণ বরিষয়ে তারা ।
 মেঘে বরিষয়ে যেন মুষলের ধারা ॥
 প্রাণপণে করে রণ প্রাণে ছাড়ি আশা ।
 সাহসে বান্ধিয়া বুক করিল ভরসা ॥
 অভিমন্যু-অস্ত্র কাটি সপ্ত-মহাবীর ।
 বাণে বিদ্ধি খণ্ড-খণ্ড করিল শরীর ॥
 ধারায় রুধির বহে অবিরত গায় ।
 তথাপি তিলেক ভ্রম নাহি করে তায় ॥
 তবে কর্ণ মহাবীর মানিয়া বিস্ময় ।
 প্রমাদ দেখিয়া ডাকি ছয়জনে কয় ॥
 অর্জুন-অধিক শিশু মহাপরাক্রম ।
 অবসাদ বলি হ্রদে তিলে নাহি ভ্রম ॥
 সাবধান হ'য়ে এবে কর সবে রণ ।
 এককালে করহ সন্ধান সপুত্রে ॥
 কেহ কাট ধনুখান, কেহ কাট গুণ ।
 কেহ কাট রথ, কেহ কাট অস্ত্র-ভূগ ॥
 এই সে উপায়-বিনা নাহি দেখি আর ।
 কালাগ্নি-সমান শিশু দেখি চমৎকার ॥

তবে সপুত্রাধী পুনঃ বেড়িল কুমারে ।
 এককালে সন্ধান করিল সাতবীরে ॥
 তবে কর্ণ মহাবীর কোপে কাঁপে তনু ।
 অনেক সন্ধান কাটি ফেলাইল ধনু ॥
 আর ধনু নিল বীর চক্ষু পালটিতে ।
 সেই ধনু কাটে কর্ণ গুণ নাহি দিতে ॥
 ধনুক ধরিয়া যতবার হাতে লয় ।
 খণ্ড-খণ্ড করি কাটে সূর্যের তনয় ॥

পুনর্বীর আর ধনু ল'য়ে গুণ দিল ।
 দ্রোণের নন্দন তাহা কাটিয়া পাড়িল ॥
 কবচ কাটিল দ্রোণ আর কাটে ধনু ।
 দুঃশাসন কাটে রথ, সারথির তনু ॥
 কৃপাচার্য্য বাণে কাটি ফেলে শরাসন ।
 দুৰ্য্যোধন কাটে অশ্ব মারি অস্ত্রগণ ॥
 অস্ত্র-ধনু কাটা গেল রথের সারথি ।
 শৃগুহাত হৈল যেন মদমত্ত-হাতী ॥
 খড়্গ চক্ষু ল'য়ে মহারণ করে বীর ।
 তাহাতে কাটিল সৈন্য, কেহ নহে স্থির ॥
 বড়-বড় রথী মারে, পর্ব্বতের চূড়া ।
 খান-খান করে রথ, হয়ে যায় গুঁড়া ॥
 শত-শত হস্তী মারে পর্ব্বতের কায় ।
 পদাতি পাইক মারে, ধরনী লোটায়ে ॥
 ঘোড়া-ঘোড়া বধে ঘোড়া পক্ষিরাজ নাম ।
 বিষম বালক বড়, শমন-সমান ॥
 আকর্ণ সন্ধানে তবে কর্ণ এড়ে শর ।
 সেই বাণে চক্ষু কাটি ফেলায় সত্তর ॥
 কাটা চক্ষু-আচ্ছাদন, নাহি তাহা আড়ে ।
 চতুর্দিক্ হৈতে বাণ গায় আসি পড়ে ॥
 শুধু আসি ল'য়ে রণ করে মহাবীর ।
 আশে-পাশে কাটে যত সৈন্যগণ-শির ॥
 বড়-বড় বীর মারে, বড়-বড় রথী ।
 নিবारे তাহারে, নাহি কাহারো শকতি ॥
 হস্তী মারে কত-শত অতি তড়বড়ি ।
 অসংখ্য পদাতি পড়ি যায় গড়াগড়ি ॥
 শিশুর সমর দেখি অগ্নি হ'য়ে কোপে ।
 মহাবীর অশ্বখামা বাণ ঘোড়ে চাপে ॥

তিনবাণে কাটি তার ফেলে খাণ্ডাখান ।
 অস্ত্রশূন্য হৈল, কিছু না দেখি বিধান ॥
 চক্ষু কাটা গেল, অস্ত্র অবশেষ খাড়া ।
 তাহা যদি কাটা গেল, ফুরাইল ভাড়া' ॥
 কাহারো বিরাম নাই, বলবান্ অরি ।
 অসংখ্য রাজার সেনা গণিতে না পারি ॥
 পদ্মপাল পাতে জাল, চারিদিকে ছাঁকা ।
 পলাইতে পথ নাহি, কি করিবে একা ॥
 অধর্ম্মী নৃপতি করি অন্যায় সমর ।
 বেড়িয়া বালকে মারে পাপিষ্ঠ পামর ॥
 নিরুপায় দেখি তার চিন্তা হৈল মনে ।
 বিপক্ষের হাতে আর রক্ষা নাহি রণে ॥
 মুকুটিতে মারে সেনা কর-পদ-ঘায় ।
 কারে যমালয়ে চড়ে-চাপড়ে পাঠায় ॥
 অস্ত্র-রথ দুই-হীন একাকী কুমার ।
 চারিদিক্ হৈতে হয় অস্ত্র-অবতার ॥
 অবসাদ পেয়ে বীর ছাড়িল নিঃশ্বাস ।
 আজি রক্ষা নাহি আর, অবশ্য বিনাশ ॥
 অধর্ম্ম অন্যায় আচরিয়া কৈল রণ ।
 কেমনে ইহাতে রক্ষা পাইবে জীবন ॥
 পিতা রণ করে, নারায়ণী-সেনা যথা ।
 তিনি কিছু না জানেন এসব বারতা ॥
 কৃষ্ণ যোর মামা হন, পার্থ যোর বাপ ।
 মৃত্যুকালে না দেখিনু, এই মনস্তাপ ॥
 আমার বৃত্তান্ত তাত গোবিন্দ মাতুল ।
 শুনিলে অবশ্য হইতেন অনুকূল ॥
 এতেক চিন্তিয়া শিশু হইল নিরাশ ।
 উৎপাত-অনল যেন ছাড়িল নিঃশ্বাস ॥

হাতে করি লয় তবে রথচক্রদণ্ড ।
 যমদণ্ড-সম তেজ বড়ই প্রচণ্ড ॥
 হেন চক্রদণ্ড বীর হাতে করি লৈয়া ।
 যত সৈন্যগণে বীর মারে খেদাড়িয়া ॥
 চূর্ণ করে তবে হস্তী হাজার-হাজার ।
 তুরঙ্গ মারিল কত, সংখ্যা নাহি তার ॥
 সহস্র-সহস্র বীরে বধিল বালক ।
 নিবারিতে নাহি শক্তি, জলন্ত পাবক ॥
 তবে কর্ণ পঞ্চবাণ পুরিয়া সন্ধান ।
 চক্রদণ্ড কাটি তার করে খান-খান ॥
 চক্রদণ্ড গেল যদি চক্র নিল হাতে ।
 দানবের সহ যুদ্ধ যেন জগন্নাথে ॥
 তাহাতে অনেক সৈন্য শোয়াইল ক্ষিতি ।
 লেখাজোখা নাহি, মরে কত ঘোড়া-হাতি ॥
 চক্রহস্ত বিষ্ণু যেন অতি-জ্যোতির্ময় ।
 তাহার সমান শোভা অভিমন্যু পায় ॥

তবে কর্ণ মহাবীর ধরিয়া ধনুক ।
 তিনবাণ প্রহারিল, যেন হতভূক ॥
 অভিমন্যু করে রণ রথচক্র-হাতে ।
 রথচক্র কাটে কর্ণ তিন-বাণাঘাতে ॥
 শূন্যহস্ত ব্যস্ত শিশু, তাহে রথহীন ।
 ভরসায় তবু যুঝে সংগ্রামে প্রবীণ ॥
 পদাঘাত করাঘাত প্রহারয়ে যারে ।
 তখন পাঠায় তারে শমনের ঘরে ॥
 মদমত্ত হস্তী যেন মহাভয়ঙ্কর ।
 মুষ্ঠ্যাঘাতে রথ-রথী বিনাশে কুঞ্জর ॥
 হয় পড়ে, নাহি হয় পরিমাণ যুধে ।
 বড়-বড় রথী পড়ে অযুতে অযুতে ॥

চারিদিকে বীরগণ বরিষয়ে বাণ ।
 বাণে বাণে অঙ্গ তৈল সজারু-সমান ॥
 রক্তে তম্বু তোলবাল', বিকল-শরীর ।
 পড়িছে সহস্রধারে ভূমিতে রুধির ॥
 অস্ত্রাঘাতে অভিমন্যু হৈল অচেতন ।
 পুনঃ সপ্তরথী করে অস্ত্র-বরিষণ ॥

হেনকালে আসে দুঃশাসনের নন্দন ।
 গদা হাতে করি ধায় মহাক্রুদ্ধ-মন ॥
 অরুণ জিনিয়া রক্ত ঘূর্ণিত নয়ন ।
 দৈবে যাহা করে, তাহা কে করে খণ্ডন ॥
 আর্জুনি-উপরে করে গদার প্রহার ।
 দেখিয়া অমরগণ করে হাহাকার ॥
 এমত অন্তায় করে দুই দুর্ঘোষন ।
 এই পাপে হইবেক সবংশে নিধন ॥
 গদার প্রহারে বাঁধ পায় বড় মোহ ।
 নয়ন-যুগলে অভিমানে বহে লোহ ॥
 না দেখিল জনকে, মাড়ুল কৃষ্ণরূপে ।
 মৃত্যুকালে সেই নাম মনে-মনে জপে ॥
 সম্মুখ-সমরে বীর ছাড়িল জীবন ।
 গমন করিল চন্দ্রলোকে সেইক্ষণ ॥

রোদন করয়ে পাণ্ডবের সেনাগণ ।
 শোকাবুল হইলেন ধর্ম্মের নন্দন ॥
 দুর্ঘোষন হইলেক আনন্দিত-মন ।
 রণবাঘ বাজাইল শত-শতজন ॥
 দামামা দগড় বাজে, শত-শত বাঁশী ।
 বরঙ্গ' মোহুরি বাজে, শত-শত কঁাসি ॥
 শত-শত জয়ঢাক, বাজে জয়ঢোল ।
 পৃথিবী হুড়িয়া যেন হৈল গগনগোল ॥

বাজে শঙ্খ দুন্দুভি ও স্তমধুর বীণা ।
ভেউরি' ঝাঁঝরি' বাজে নাহিক গণনা ॥
কুরুসৈন্যে হৈল মহাবাদ্য-কোলাহল ।
ক্রন্দন করয়ে যত পাণ্ডবের দল ॥
রাজা যুধিষ্ঠির হইলেন অচেতন ।
রোদন করয়ে ভীম-আদি যোদ্ধগণ ॥
হেনকালে অন্তগত হৈল দিবাকর ।
কৌরব-পাণ্ডব গেল যে যাহার ঘর ॥

শ্রীকৃষ্ণ মাতুল যার, পিতা ধনঞ্জয় ।
সেই অভিমন্যু দেখ, রণে হত হয় ॥
যাহার নিয়তি যাহা, তাই ঘটে তার ।
নিয়তিরে বাধা দেয়, হেন শক্তি কার ॥
ঘোল-বৎসরের শিশু অভিমন্যু হায় ।
সপ্তরথী মিলি বধ করিল তাহায় ॥
মহাজ্ঞানী দ্রোণ-কৃপ বধে লিপ্ত ছিল ।
বিষম-বিবাদ এই কাশীর রহিল ॥
আর এক বড় দুঃখ রহিল কাশীর ।
অভিমন্যু-বধে লিপ্ত রাজা যুধিষ্ঠির ॥
প্রবেশ জানয়ে শিশু, নির্গম না জানে ।
তবু তারে যুধিষ্ঠির পাঠালেন রণে ॥
পুত্র গেল, আছে কিন্তু জনক দুর্ব্বার ।
তঁার হস্তে কুরুকুল হইবে সংহার ॥
কাশী কহে, হৃভদ্রার নিঃখাস-পবন ।
বাড়াইল অর্জুনের ক্রোধ-হতাশন ॥
সেই হতাশন তীব্র জ্বলিতে-জ্বলিতে ।
ভস্ম কৈল কুরুকুল দেখিতে-দেখিতে ॥
কাশীর প্রাণের কথা যাহা-কিছু ছিল ।
শ্রীকৃষ্ণের শ্রীচরণে সব নিবেদিল ॥

ভারতে করুণ-রস অভিমন্যু-বধ ।
কাশীরাম দাস রচেন্দ্রি কৃষ্ণপদ ॥

১১। অভিমন্যুর জন্মবৃত্তান্ত ।

মুনি বলে, শুন পরীক্ষিতের নন্দন ।
শিবিরেতে গেল রাজা শোকাকুল-মন ॥
বিলাপ করেন রাজা ধর্ম্মের নন্দন ।
ভূমিতে বসিল সবে ত্যজিয়া আসন ॥
হেনকালে আসি সত্যবতীর নন্দন ।
দেখেন ধর্ম্মের পুত্রে শোকাকুল-মন ॥
ব্যাসে দেখি সর্ব্বজন দাঁড়াল উঠিয়া ।
ধর্ম্মে জিজ্ঞাসেন ব্যাস আশীর্ব্বাদ দিয়া ॥
কি-কারণে শোক কর ধর্ম্মের নন্দন ।
ইহার বৃত্তান্ত মোরে কহ ত রাজন্ ॥

এত শুনি যুধিষ্ঠির ধর্ম্মের তনয় ।
কান্দিয়া বলেন, শুন মুনি-মহাশয় ॥
অতিলোভী দুষ্কর্ম্মতি আমি কুলাধম ।
পৃথিবীতে পাপী আর নাহি আমা-সম ॥
রাজ্যলোভে কার্য্যে বাধা, ধর্ম্মপথ-রোধ ।
নহে কি উচিত জ্ঞাতি-সহিত বিরোধ ॥
রাজ্যলোভে করিলাম বড় অপকর্ম্ম ।
আচরিয়া বুঝিলাম ক'রেছি অধর্ম্ম ॥
পাঠাইনু বালকেরে বিপক্ষের মাঝে ।
কহিতে ফাটিছে বুক, হেঁট হই লাজে ॥
কহিল আমারে শিশু করিয়া সজ্জম ।
ব্যুহে প্রবেশিতে পারি, না জানি নির্গম ॥
কহিল এ-কথা পুত্র মোরে বারে-বারে ।
তথাপিহ যত্ন করি পাঠাইনু তারে ॥

সমরে অর্জেক সৈন্যে বধিয়াছে হত ।
করিল প্রলয়-যুদ্ধ দেখিতে অদ্ভুত ॥
অত্যা করিয়া কুরু শিশু-বধ করে ।
দ্রোণ-আদি সপুত্রখী বেড়ি তারে মারে ॥
অন্যায়-সমরে মারে অভিমন্যু-বীর ।
নিবারিতে নারি শোক, হ'য়েছি অস্থির ॥
এত বলি কান্সিলেন রাজা যুধিষ্ঠির ।
অভিমন্যু-মহাশোকে হইয়া অস্থির ॥

ব্যাস বলিলেন, শোক ত্যজহ রাজন্ ।
খণ্ডাইতে নারে কেহ দৈব-নিবন্ধন ॥
মনঃস্থির করি শুন আমার বচন ।
আজ্ঞানির পূর্ব-কথা করহ শ্রবণ ॥
মুনিশাপে চন্দ্র জন্মে স্তভদ্রা-উদরে ।
তাহার বৃত্তান্ত কহি তোমার গোচরে ॥
চন্দ্রলোকে গেল গর্গ মহাতপোধন ।
সঙ্গেতে আছিল তার বত শিশুগণ ॥
চন্দ্রের নিকটে সবে উত্তরিল গিয়া ।
সেইস্থানে মুনিগণ রহে দাণ্ডাইয়া ॥
রোহিণী-সহিত চন্দ্র ক্রীড়ায় আছিল ।
হেনকালে গর্গমুনি তথাকারে গেল ॥
মদনে মোহিত হ'য়ে ক্রীড়ায় আছিল ।
গর্গমুনি দেখি চন্দ্র পূজা না করিল ॥

এতেক দেখিয়া মুনি কুপিত হইয়া ।
চন্দ্র-প্রতি সেইরূপে বলেন ডাকিয়া ॥
অহঙ্কারে মত্ত হ'য়ে না দেখ নয়নে ।
অপমান কৈলে কেন বল মুনিগণে ॥
ব্রাহ্মণে হেলন কর, মত্ত ছুরাচার ।
আজি আমি করিব ইহার প্রতীকার ॥
মনুষ্যলোকেতে গিয়া জন্মহ সঙ্ঘর ।
ক্রোধে শাপ দিল তারে গর্গ-মুনিবর ॥

শুনিয়া মুনির শাপ রজনীর পতি ।
অশেষ-বিশেষে করে মুনিবরে স্তুতি ॥
অজ্ঞানে ছিলাম আমি, শুন মুনিবর ।
যাইতে মনুষ্যলোকে লাগে বড় ডর ॥
কৃপায় শাপাস্ত-আস্ত করহ আমায় ।
কতদিনে মুক্ত হ'য়ে আসিব হেথায় ॥
ভুষ্ক হ'য়ে বলে তবে গর্গ-মুনিবর ।
তোমার শাপাস্ত এই, শুন শশধর ॥
অজ্ঞানের পুত্র হবে স্তভদ্রা-উদরে ।
করিয়া বীরের কন্ম পড়িবে সমরে ॥
সম্মুখ-সংগ্রামে পড়ি ত্যজিবে জীবন ।
ষোড়শ-বৎসর-অন্তে পুনরাগমন ॥
এইহেতু চন্দ্র জন্মে স্তভদ্রা-উদরে ।
অভিমন্যু-জন্মকথা জানাই তোমারে ॥
পূর্বের হইয়াছে শুন এরূপ নির্ণয় ।
অতএব শোক নাহি কর মহাশয় ॥

পুনশ্চ বলেন রাজা, শুন মুনিবর ।
কেমনে কহিব ইহা পার্থের গোচর ॥
কি বলিয়া প্রবোধিব ভাই ধনঞ্জয় ।
শুনিয়া কি বলিবেন কৃষ্ণ মহাশয় ॥
কি বলিয়া প্রবোধিব স্তভদ্রার মন ।
বিরাট-কন্যার দশা হইবে কেমন ॥
রাজ্য-আশে হারালাম হেন রত্ননিধি ।
না পারি ধরিতে বুক, বিড়ম্বিল বিধি ॥
এতেক বলিয়া রাজা করয়ে রোদন ।
ব্যাসের প্রবোধে তবু স্থির নহে মন ॥

ব্যাস কন, শোক নাহি কর নৃপবর ।
অমর না হয় কেহ সংসার-ভিতর ॥
অকালে না মরে কেহ জানিহ রাজন্ ।
কালপ্রাপ্ত হৈলে নাহি রহে কদাচন ॥

পার্শ্বের সহিত আছে নিজে নারায়ণ ।
করিবেন অৰ্জুনের শোক-নিবারণ ॥
এতেক শুনিয়া রাজা ত্যজেন রোদন ।
নিরুৎসাহে বসে তবে যত যোদ্ধগণ ॥
যুধিষ্ঠিরে প্রবোধিয়া ব্যাস-তপোবন ।
করিলেন আপনার স্থানেতে গমন ॥
দ্রোণপর্ব-পুণ্যকথা রচিলেন ব্যাস ।
পাঁচালী-প্রবন্ধে কহে কাশীরাম দাস ॥

১৪। অৰ্জুনের শিবিরে আগমন ও
অভিমত-নিধন প্রবণ ।

মুনি বলে, শুন পরীক্ষিতের নন্দন ।
সমরেতে অভিমত হইল নিধন ॥
সংশপ্তকে থাকি পার্থ করে মহারণ ।
উৎপাত অনেক দেখি করেন চিন্তন ॥
করণ ডাকিয়া কাক ধ্বজে আসি পড়ে ।
শক্তিহীন বাহু, গাণ্ডীবের গুণ ছিড়ে ॥
বামচক্ষু স্পন্দে ঘন, ঘন বাম কর ।
উড়ু উড়ু করে প্রাণ, রণে নাহি ভর ॥
গাণ্ডীব ধরিতে নারে, শর লাগে গুরু ।
ঘন-ঘন কর-পদ কাঁপে বন্ধ-উরু ॥

কৃষ্ণেরে চাহিয়া তবে বলিল তখন ।
অবধানে শুন কৃষ্ণ, আমার বচন ॥
আজি কেন মন মম হৈল উচাটন ।
অবশ্য কারণ আছে দেব-নারায়ণ ॥
নাহি জানি কি করেন রাজা যুধিষ্ঠির ।
হাহাকার করে শুন সর্ব-মহাবীর ॥
হা হা অভিমত বলি কান্দে যোদ্ধগণ ।
সমরে হইল দুই তাহা নিধন ॥

প্রাণ স্থির নহে মম, জানাই তোমারে ।
না জানি, কি হৈল আজি সমর-ভিতরে ॥
কুরুসৈন্যে জয়শব্দ-কোলাহল শুনি ।
বাজিছে বিবিধ-বাত্ত জয়-জয়-ধ্বনি ॥
রথ চালাইয়া দেহ অতি শীঘ্রতর ।
রাজারে দেখিলে সুস্থ হইবে অন্তর ॥

শ্রীকৃষ্ণ বলেন, সখে, না চিন্ত অরিস্ত ।
যোদ্ধামধ্যে অভিমত সবার্কার শ্রেষ্ঠ ॥
বালক বলিয়া শত্রু না বধিবে রণে ।
দ্রোণ-আদি করি যত মহাবীরগণে ॥
তবে যদি অভিমত বধে দুৰ্য্যোধন ।
তার সম পাপী তবে নাহি অন্তজন ॥
অন্তর্যামী নারায়ণ জানেন সকলি ।
পড়িয়াছে অভিমত সমরের স্থলী ॥
এতেক বলিয়া কৃষ্ণ প্রবোধি অৰ্জুনে ।
রথ চালাইয়া দেন পবন-গমনে ॥
শিবির-নিকটে উত্তরিল ধনঞ্জয় ।
বিপরীত দেখিলেন অমঙ্গলময় ॥
অন্ধকার করি সবে বসেছে সভায় ।
শোকাবুল সর্বজনে দেখিয়া তথায় ॥

অৰ্জুন বলেন, কৃষ্ণ, দেখি বিপরীত ।
মোরে দেখি লোকে কেন হয় অতি ভীত ॥
আজি কেন যোদ্ধগণ শোকাবুল মন ।
ভূমিতে বসেছে সবে ত্যজিয়া আসন ॥
এ-সব দেখিয়া মম স্থির নহে প্রাণ ।
কিসের কারণে কৃষ্ণ, বলহ বিধান ॥
এতেক বলিয়া গেল শিবির-ভিতর ।
রোদন করেন দেখে ধর্ম-নৃপবর ॥
অধোমুখ করি বসি আছে যোদ্ধগণ ।
একে-একে পার্থ করিলেন নিরীকণ ॥

অভিমন্যু নাহি দেখি উচাটন-মন ।
ভামেরে ডাকিয়া জিজ্ঞাসেন সেইক্ষণ ॥
কোথা গেল অভিমন্যু, কহ বৃকোদর ।
তারে না দেখিয়া মম বিদরে অন্তর ॥
এতেক শুনিয়া ভীম উত্তর না দিল ।
অধোমুখ হ'য়ে বীর নিঃশব্দে রহিল ॥
উত্তর না পেয়ে পার্থ শোকেতে আকুল ।
লোচনের জলে ভিজি অঙ্গের ঢুকুল ॥
যারে চাহে, তারে দেখে অশ্রুপূর্ণ-আঁখি ।
অজ্ঞান অজ্ঞান অভিমন্যুরে না দেখি ॥
সহদেব নকুল আকুল বড় শোকে ।
অশ্রুধারে ভাসে ধরা, বৈসে অধোমুখে ॥

রোদন করিয়া ভীম কহিল তখন ।
কেমনে কহিব অভিমন্যুর-নিধন ॥
অস্থায়ী সমর করি দুষ্ট দুর্ঘোষাধন ।
সপ্তরথী বেড়ি পুত্র করিল নিধন ॥
বৃহদ্রথ রক্ত কৈল সিন্ধুর নন্দন ।
না পারিল প্রবেশিতে ব্যূহে কোনজন ॥
এতেক শুনিয়া ধনঞ্জয় মহাবীর ।
ইহলেন অভিমন্যু-শোকেতে অস্থির ॥
দ্রোণপর্ব-সুধারস অপূর্ব-কথন ।
আয়ুঃ যশ পুণ্য বাড়ে, শুনে যেইজন ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১৫। অভিমন্যু-শোকে অর্জুনের বিলাপ ।

পার্ব মহাবীর, হইলা অস্থির,
তনয়-নিধন শুনি ।
হা হা পুত্রবর, মহা-ধনুর্জয়,
বীরমধ্যে চূড়ামণি ॥

১৬।

তোমা-বিনা মোর, ঘর হৈল ঘোর,
কি করিব রাজ্যধনে ।
আমারে ছাড়িয়া, গেলে পলাইয়া,
দাগা দিয়া মোর প্রাণে ॥
পুত্র মহাবীর, কন্দর্প-শরীর,
চন্দ্রমুখ-পরকাশ ।
কটাক্ষ লাভ্য, সবে বলে ধন্য,
অমৃত-সমান ভাষ ॥
কহ নারায়ণ, শির নহে মন,
করিব কিবা উপায় ।
বিনা অভিমন্যু, না রাখিব তমু,
দহিছে আমার কায় ॥
বলে ধনঞ্জয়, বিদরে হৃদয়,
বিনা পুত্র অভিমন্যু ।
হেন-পুত্র-বিনে, রহিব কেমনে,
না রাখিব এই তমু ॥
অর্জুনের বাণী, শুনি চক্রপাণি,
অনেক বিলাপ কৈল ।
মধুর-বচনে, কহিয়া অর্জুনে,
কৃষ্ণ তাঁরে সাস্তুাইল ॥
ভারত-চরিত, ব্যাস-বিরচিত,
শ্রবণে কলুষ-নাশ ।
ভারত-সঙ্গীত, শ্রবণে ললিত,
বিরচিল কাশীদাস ॥

১৬। অর্জুনের প্রতি শ্রীকৃষ্ণের ও ব্যাসের
সাস্তুনা-বাণী ।

অর্জুন বলেন, কৃষ্ণ, করি নিবেদন ।
অভিমন্যু-বিনা আর না রহে জীবন ॥
অভিমন্যু-সম নাহি দেখি ত্রিভুবনে'
কন্দর্প-সমান রূপ, পূর্ণ সর্বগুণে ॥

শ্রীকৃষ্ণ বলেন, সাথে, শুনহ বচন ।
 স্বর্গে গেল সেই, তার না কর শোচন ॥
 বীরধর্ম করিলেক অদ্ভুত ভুবনে ।
 লক্ষ-লক্ষ যোদ্ধাগণে বিনাশিল রণে ॥
 সম্মুখ-সংগ্রাম করি গেল স্বর্গলোক ।
 বড় কার্য্য কৈল সেই, পরিহর শোক ॥
 অনিত্য সংসার দেখ, নিত্য কিছু নয় ।
 স্বরূপে কহিছু এই, জানিহ নিশ্চয় ॥
 যতেক দেখহ পুত্র-পৌত্র-পরিবার ।
 কেহ কারো নহে, শুন কুন্তীর কুমার ॥
 এককথা সাবধানে করহ শ্রবণ ।
 বৃক্ষের উপরে দেখ থাকে পক্ষিগণ ॥
 নিশাকালে থাকে সবে বৃক্ষের উপরে ।
 প্রভাতে উঠিয়া যায় দিগদিগন্তরে ॥
 ততুল্য সংসার এই, দেখ ধনঞ্জয় ।
 কুহকের প্রায় যেন, কিছু সত্য নয় ॥

এমতে সাস্তুনা পার্থে করে নারায়ণ ।
 হেনকালে আসে তথা ব্যাস তপোধন ॥
 আসন দিলেন বসিবারে সেইক্ষণ ।
 উঠিয়া প্রণাম তবে করে সর্বজন ॥
 পার্থ বলিলেন, মুনি, কর অবধান ।
 অভিমন্যু-পুত্র-বিনা স্থির নহে প্রাণ ॥
 ব্যাস বলিলেন, ইহা শুন সর্বজন ।
 জীবন অসার, সার কেবল মরণ ॥
 সৃজন করিল ব্রহ্মা এ-তিন-ভুবন ।
 পরিপূর্ণ হৈল পাপী, না হয় পতন ॥
 পৃথিবী না সহে ভার, টলমল করে ।
 এত দেখি চতুর্মুখ চিস্তিলা অন্তরে ॥
 নিঃশ্বাস ছাড়েন ব্রহ্মা ছাড়ি হুহুকার ।
 নাসাপথে কন্যা এক হৈল অবতার ॥

ব্রহ্মার নিকটে কন্যা দাণ্ডাইয়া কয় ।
 কি কার্য্য করিব, আজ্ঞা কর মহাশয় ॥
 ব্রহ্মা বলিলেন, তুমি যুত্মরূপা হও ।
 চতুর্দশ-পুরে গিয়া ভ্রমিয়া বেড়াও ॥
 যুত্মরূপে জীবগণে বধ কাল পেয়ে ।
 ব্রহ্মার আদেশে কন্যা হরষিতা হ'য়ে ॥
 কালপ্রাপ্ত জীবগণে যুত্মরূপে হরে ।
 অনিত্য সংসার এই, জানাই তোমারে ॥
 অভিমন্যু-হেতু সবে শোক কর কেনে ।
 কেবল শ্রীহরি-নাম চিন্তা একমনে ॥
 এত বলি ব্যাসদেব করেন গমন ।
 সবে মিলি করে তাঁর চরণ-বন্দন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

—

১৭। জয়দ্রথবধে অর্জুনেব প্রতিজ্ঞা ও তাহা

শুনিয়া জয়দ্রথের ভয় ব্যাকুলতা ।

জন্মেজয় বলে, কহ শুনি মুনিবর ।
 অতঃপর কি করিল পার্থ-ধনুর্দ্ধর ॥
 মুনি বলে, শুন পরীক্ষিতের নন্দন ।
 অপূর্ব ভারত-কথা ব্যাসের বচন ॥
 তার পরে বাসুদেব কমললোচন ।
 রাজা যুধিষ্ঠিরে চাহি বলেন বচন ॥
 কহ, শুনি অভিমন্যু-যুদ্ধ-বিবরণ ।
 কিরূপে কোঁরব-সহ করিলেক রণ ॥
 যুধিষ্ঠির বলিলেন, শুন বিবরণ ।
 চক্রবৃহ করি দ্রোণ করে মহারণ ॥
 ব্যূহ ভেদি যুদ্ধ করে নাহি হেনজন ।
 অভিমন্যু-প্রতি আমি কহি সে-কারণ ॥

এত শুনি কহে পুত্র করিয়া সজ্জন ।
 ব্যুহে প্রবেশিতে জানি, না জানি নির্গম ॥
 তথাপিহ পাঠাইনু না করি বিচার ।
 প্রবেশিল ব্যুহে শিশু করি মহামার ॥
 তার পিছু যাব সবে, হেন কৈনু মনে ।
 ব্যুহদ্বার রুদ্ধ করে সিঙ্কুর নন্দনে ॥
 জিনিতে নারিল জয়দ্রথে কোনজন ।
 সে-কারণে মারিলেক অর্জুন-নন্দন ॥
 কুরুবল বিনাশিল অভিমন্যু-রথী ।
 তবে তারে বেড়িলেক সপ্ত-সেনাপতি ॥
 এমত অন্তায় করে দুষ্ট দুর্ধ্যোধন ।
 সমরেতে বিনাশিল অভিমন্যু ধন ॥

এত শুনি হন কৃষ্ণ ক্রোধে হতাশন ।

এমত অন্তায় যুদ্ধ করে দুষ্টজন ॥
 জয়দ্রথ-হেতু মরে অভিমন্যু-বীর ।
 শুনি ধনঞ্জয় ক্রোধে হইল অস্থির ॥
 মহাক্রোধে বলিলেন ইন্দ্রের নন্দন ।
 আমি যাহা বলি, তাহা শুন সর্বজন ॥
 জয়দ্রথ-হেতু মরে অভিমন্যু-বীর ।
 একবাণে নিপাতিব তাহার শরীর ॥
 কালি যদি জয়দ্রথে না করি নিধন ।
 পিতা-পিতামহ গতি না পায় কখন ॥
 গোবধ-ব্রাহ্মণবধে যত পাপ হয় ।
 সে-সকল হবে মোর, কহিনু নিশ্চয় ॥
 বিনা-জয়দ্রথবধে সূর্য্য অন্ত হয় ।
 হতাশনে প্রবেশিব, জানিহ নিশ্চয় ॥
 জয়দ্রথে না মারিয়া না আসিব ঘর ।
 আমার প্রতিজ্ঞা এই সভার ভিতর ॥

এত শুনি যোদ্ধগণ হরিষ-অন্তর ।
 মহানাদে গর্জি উঠে বীর বুকোদর ॥

পাঞ্চজন্য আপনি বাজান নারায়ণ ।
 দেবদত্ত-শব্দ পার্থ পুরিল তখন ॥
 নিজ-নিজ শব্দশব্দ করে সর্বজনে ।
 ত্রৈলোক্য কম্পিত হৈল শব্দের নিঃসনে ॥
 শত-শত জয়ঢাক বাজে জয়ঢোল ।
 দামাশা দগড় বাজে, উঠে মহারোল ॥
 কোটি-কোটি ডম্ব বাজে মৃদঙ্গ বিশাল ।
 ভেউরি ঝাঁঝরি বাজে মুহুরী কাহাল ॥
 নানাজাতি বাগ বাজে, কত ল'ব নাম ।
 স্রমধুর বীণা বাজে অতি অনুপাম ॥
 মহাকোলাহল-শব্দ উঠিল গগনে ।
 শুনিয়া হইল ত্রস্ত কুরুসেনাগণে ॥

দূতমুখে শুনি তবে সিঙ্কুর নন্দন ।

শরীরে হইল কম্প, নহে নিবারণ ॥
 শীঘ্রগতি গিয়া কহে যথা দুর্ধ্যোধন ।
 প্রতিজ্ঞা করিল পার্থ আমার কারণ ॥
 কালি রণে মোরে পার্থ করিবে নিধন ।
 প্রতিজ্ঞা করিল এই, শুন দুর্ধ্যোধন ॥
 যদি পার্থ কালি মোরে বধিবারে নারে ।
 আপনি মরিবে সেই পুড়ি বৈতানরে ॥
 এমত প্রতিজ্ঞা পার্থ করে পুনঃপুনঃ ।
 কালি যুদ্ধে সত্য মোরে মারিবে অর্জুন ॥
 ইহার উপায় কিছু না দেখি যে আমি ।
 নিজদেশে যাই আমি, আত্মা কর তুমি ॥

এত শুনি হরষিত রাজা দুর্ধ্যোধন ।

জয়দ্রথে বলে, শুন আমার বচন ॥
 কি শক্তি, অর্জুন তোমা করিবে সংহার ।
 তোমাতে রাখিবে যোদ্ধা যতক আমার ॥

এত বলি দুর্ধ্যোধন জয়দ্রথে ল'য়ে ।

যথা দ্রোণ-গুরু-গৃহ, উত্তরিল গিয়ে ॥

প্রণাম করিয়া তাঁরে বলে দুর্ঘ্যোধন ।
 অবধান কর গুরু, মম নিবেদন ॥
 প্রতিজ্ঞা করিল পার্থ কুন্তীর নন্দন ।
 কালি যুদ্ধে জয়দ্রথে করিবে নিধন ॥
 জয়দ্রথবধ-বিনা সূর্য্য অন্ত হয় ।
 অগ্নিতে শরীর-ত্যাগ করিবে নিশ্চয় ॥
 এত শুনি জয়দ্রথ মহাভয় পেয়ে ।
 আমারে कहিল, আমি যাইব পলায়ে ॥
 সাক্ষাতে দেখে ভয়ে কাঁপিছে শরীর ।
 তুমি ভয় ভাঙ্গিলে সে হয় ত হুস্থির ॥
 কালি যদি ধনঞ্জয় মারিতে না পারে ।
 অবশ্য মরিবে পার্থ, कहি যে তোমারে ॥

এত শুনি দ্রোণ জয়দ্রথে আশ্বাসিল ।
 নাহিক তোমার ভয়, বলিতে লাগিল ॥
 কর্ণ-আদি করি যত মহাযোদ্ধগণ ।
 তোমারে রাখিবে সবে করিয়া যতন ॥
 কালি আমি এক ব্যূহ করিব রচন ।
 যাহা লজ্জিবারে নাহি পারে দেবগণ ॥
 তোমারে রাখিব ব্যূহ মধ্যে লুকাইয়া ।
 দুর্ঘ্যোধন-আদি সবে থাকিবে বেড়িয়া ॥

কর্ণ বলে, জয়দ্রথ, না করিহ ভয় ।
 অবশ্য মরিবে কালি বীর ধনঞ্জয় ॥
 হেন বুঝি, অনুকূল হইলেক ধাতা ।
 অর্জুন कहিল সে-কারণে হেনকথা ॥
 কালি যদি ধনঞ্জয় মরিবে নিশ্চয় ।
 জানিহ স্বরূপ, তবে হইবে বিজয় ॥

এত শুনি জয়দ্রথ ত্যজিলেক ভয় ।
 অবশ্য হইবে কালি অর্জুনের ক্ষয় ॥

হরষিত দুর্ঘ্যোধন জয়দ্রথে ল'য়ে ।
 আপনার গৃহে গেল আনন্দিত হ'য়ে ॥
 কৃপাচার্য্য বলে তবে দ্রোণাচার্য্য-প্রতি ।
 এককথা कहি আমি, কর অবগতি ॥
 নিশ্চয় জানিল এই রাজা দুর্ঘ্যোধন ।
 অবশ্য হইবে কালি পার্থের নিধন ॥
 ত্রিদেশের নাথ কৃষ্ণ যাহার সহায় ।
 হেনজন নাহি পায় কদাচ অপায়? ॥
 অবশ্য হইবে জয়দ্রথের নিধন ।
 कहিনু, জানিও মম স্বরূপ-বচন ॥
 এত শুনি দ্রোণ কন হরষিত-মন ।
 যতেক कहিলে তুমি বেদের বচন ॥
 দ্রোণপর্ব্ব-স্বধারস অপূর্ব্ব-কথন ।
 কাশীরাম দাস কহে, শুনে পুণ্যজন ॥

১০। জয়দ্রথ-বধের নিমিত্ত শিবের নিকট
 অর্জুনের বরলাভ ও যুদ্ধযাত্রা ।

মুনি বলে, শুন পরীক্ষিতের নন্দন ।
 জয়দ্রথ-বধ-কথা অপূর্ব্ব-কথন ॥
 অর্জুগত নিশা, নিদ্রাগত বীরগণ ।
 অতি-চিন্তাশ্রিত কৃষ্ণ অর্জুন-কারণ ॥
 অর্জুনে কহেন কৃষ্ণ কমললোচন ।
 না বুঝিয়া প্রতিজ্ঞা করিলে ক্রোধমন ॥
 জয়দ্রথ-হেতু সবে করি প্রাণপণ ।
 করিবে দারুণ যুদ্ধ, না হয় থণ্ডন ॥
 জয়দ্রথ-বীরে তবে মারিবে কেমনে ।
 এই সে ভাবনা মোর হয় অনুক্ষেণে ॥
 অর্জুন বলেন, প্রভু, কর অবগতি ।
 কারে ভয়, তুমি যার থাকিবে সংহতি ॥

সৃষ্টি-স্থিতি-লয় ষাঁর কটাক্ষেতে হয় ।
 হেনজন-সহায়েতে কিবা আছে ভয় ॥
 অর্জুন-বিনয় শুনি দেব-জগন্নাথ ।
 উঠিলেন ধরি তবে অর্জুনের হাত ॥
 কপিধ্বজ-রথে দৌঁছে করি আরোহণ ।
 সজ্জাপনে যান, যথা হরের ভবন ॥
 পার্বতীর সনে একাসনে ভূতনাথ ।
 দেখি কৃষ্ণার্জুন করিলেন প্রণিপাত ॥
 করযোড়ে শ্রীনাথ কহেন স্তুতিবাণী ।
 তুমি দেব লোকনাথ, তুমি শূলপাণি ॥
 সমুদ্র-মথনে ঘোর উঠিল গরল ।
 সে সর্ব-সংসার দহে হইয়া অনল ॥
 সৃষ্টিনাশ দেখি দেবগণ স্তুতি করে ।
 সদয় হইয়া দেবদেব দয়াভরে ॥
 গণ্ডুষে করিয়া পান রাখিলে জগৎ ।
 ঘোষিত হইল যশ জগতে মহৎ ॥
 সৃষ্টি-স্থিতি-প্রলয়ের তুমি আদি-মূল ।
 নিবেদন করি নাথ, হও অনুকূল ॥
 গোবিন্দের স্তুতি শুনি দেব গঙ্গাধর ।
 ঈষৎ হাসিয়া করিলেন এ-উত্তর ॥
 আমার বিধাতা তুমি, বিশ্বের পালক ।
 যে না জানে, সেই বলে নন্দের বালক ॥
 ভূভার নাশিতে তুমি অবতার হ'য়ে ।
 করিছ বিহার কত ধনঞ্জয়ে ল'য়ে ॥
 যে হয় তোমার আজ্ঞা, করিব পালন ।
 করহ আদেশ এবে, দেব-নারায়ণ ॥
 গোবিন্দ বলেন, দেব, কর অবধান ।
 কোঁরব-পাণ্ডবে যুদ্ধ নহে সমাধান ॥
 অন্যায় সমর করি অভিমত-বীরে ।
 বেড়িয়া কোঁরবগণ মারিল তাহারে ॥

প্রতিজ্ঞা করিল পার্থ বিপক্ষ নাশিতে ।
 না পারিলে নিজদেহ ত্যজিবে অমিতে ॥
 এইহেতু নিবেদি যে, শুন গঙ্গাধর ।
 জয়দ্রথে জিনি পার্থ জিনিবে সমর ॥
 হয় বলিলেন, হরি, শুন সাবধানে ।
 অর্জুন বিজয়ী হবে জিনি শত্রুগণে ॥
 অর্জুনের সহায় হইব আমি রণে ।
 রণে গিয়া নিধন করিব কুরুগণে ॥
 অনন্তর প্রণমিয়া দেবীর চরণে ।
 কৃষ্ণার্জুন স্তুতি করে বিবিধ-বিধানে ॥
 শঙ্করী বলেন, শুন কৃষ্ণ-ধনঞ্জয় ।
 মম বরে কর গিয়া সব-শত্রু-ক্ষয় ॥
 হরগৌরী-বর পেয়ে কৃষ্ণ-ধনঞ্জয় ।
 ধনলাভে দরিদ্র যেমন ছুট্ট হয় ॥
 সেইমত মহানন্দে প্রফুল্ল-অস্তরে ।
 প্রণাম করিলা দৌঁছে শঙ্করী-শঙ্করে ॥
 বিদায় হইয়া গিয়া আপন-শিবিরে ।
 করিল শয়ন সকলের অগোচরে ॥
 প্রভাতে উঠিয়া সবে করি স্নান-দান ।
 সসজ্জ হইয়া যুদ্ধে করেন প্রয়াণ ॥
 তবে জ্যোৎস্না মহাবীর সর্বসৈন্য ল'য়ে ।
 করিল অদ্বুত ব্যূহ রণস্থলে গিয়ে ॥
 বার-ক্রোশ ব্যাপি রাখে যত সেনাগণ ।
 তার মধ্যে জয়দ্রথ রাজা দুর্হ্যোধন ॥
 একরূপ করিয়া সবে রহিলেক রণে ।
 বেড়িয়া রহিল সবে সিংহুর নন্দনে ॥
 হেথা সর্বসৈন্য ল'য়ে রাজা যুধিষ্ঠির ।
 গোবিন্দের আগে করি হ'লেন বাহির ॥
 ষাঁর নাম স্মরণেতে সর্ববিশ্ব নাশে ।
 সে প্রভু সারথি যার, তার ভয় নিসে ॥

তবে ধনঞ্জয় ডাকিলেন যোদ্ধগণে ।
 ধ্বংসাত্মক সাত্যকিরে আর ভীমসেনে ॥
 যুধিষ্ঠিরে সবা-কাছে করি সমর্পণ ।
 কহে, আজি রণে সবে রক্ষহ রাজন্ ॥
 জয়দ্রথ-বধ-হেতু যাই আমি রণে ।
 যথায় পাইব আজি সিঙ্কুর নন্দনে ॥
 ভীম বলে, যাহ তুমি জয়দ্রথ যথা ।
 যুধিষ্ঠির-হেতু কিছু নাহি মনোব্যথা ॥

শুনি কৃষ্ণ বলিলেন, শুন ধনঞ্জয় ।
 এমত প্রতিজ্ঞা তব উচিত না হয় ॥
 যদি জয়দ্রথ আজি নাহি হয় বধ ।
 তবে কি করিবে, মোরে কহ তার পথ ॥

অর্জুন বলেন, প্রভু, তোমার প্রসাদে ।
 আজি জয়দ্রথে আমি মারিব নির্বাধে ॥
 তোমা-বিনা গতি মম নাহি নারায়ণ ।
 যত কিছু করি আমি তোমারি কারণ ॥
 বহু-সঙ্কটেতে তুমি করিলে তারণ ।
 মম বল-বুদ্ধি সব, তুমি নারায়ণ ॥

শুনিয়া কহেন কৃষ্ণ, হরিষ-অন্তর ।
 বড় বিচক্ষণ তুমি, মহাধনুর্ধর ॥
 অচিরে হইবে তব প্রতিজ্ঞা-পূরণ ।
 আজি সে হইবে সর্ব-শত্রুর নিধন ॥
 এত বলি নারায়ণ ছাড়ে সিংহনাদ ।
 শুনিয়া কোঁরবগণ গণিল প্রমাদ ॥
 তবে কৃষ্ণ দারুকেরে কহেন তখন ।
 মম রথখানি আন করিয়া সাজন ॥
 শাঙ্গ-ধনুকাদি সব তুলহ তাহাতে ।
 জয়দ্রথ-হেতু রণ করিব নিশ্চিত ॥
 কদাচিত্ ধনঞ্জয় ন্যূন যদি হয় ।
 একাকী করিব আজি কোঁরবের ক্ষয় ॥

যেক্ষণে হইবে শঙ্খ-নিদাদ আমার ।
 শব্দ শুনি রথ ল'য়ে হবে আগুসার ॥
 এতেক বলিয়া কৃষ্ণ কমললোচন ।
 বায়ুবেগে চালাইয়া দেন অশ্বগণ ॥
 ব্যুহমুখে দ্রোণাচার্য্য আছেন আপনে ।
 তাহার পশ্চাতে যত কুরু-সেনাগণে ॥
 হেনকালে দ্রোণাচার্য্য ব্যুহের দ্বারেতে ।
 আগুলিল পার্শ্বে আসি ধনুঃশর হাতে ॥
 দ্রোণে দেখি ধনঞ্জয় করি নমস্কার ।

করষোড়ে কহিতেছে কুন্তীর কুমার ॥
 কি-হেতু যুদ্ধের সজ্জা দেখি মহাশয় ।
 অশ্বখামাধিক আমি তোমার তনয় ॥
 জয়দ্রথ-বধ-হেতু প্রতিজ্ঞা আমার ।
 তোমারে জানাই তাই কারণ তাহার ॥
 দ্রোণ কহে, এই কথা না হয় উচিত ।
 কুরুসৈন্যগণ দেখ আমার রক্ষিত ॥
 আমার অগ্রেতে তারে করিবে নিধন ।
 কেমনে রহিব আমি মুদিয়া নয়ন ॥

এতেক শুনিয়া কৃষ্ণ কহেন পার্শ্বেরে ।
 উপরোধ কেন তুমি করহ দ্রোণেরে ॥
 সপ্তরথী বেড়ি মারে একাকী বালকে ।
 অতিশিশু অভিমন্যু, রণে মারে তাকে ॥
 কোন্ উপরোধ গুরু করিল তোমারে ।
 তুমি কেন উপরোধ করহ উহারে ॥
 সন্ধান পুরিয়া মার তীক্ষ্ণ-অস্ত্রগণ ।
 যেইমতে দ্রোণাচার্য্য হয় অচেতন ॥

এতেক শুনিয়া পার্শ্ব অতি-ক্রুদ্ধমন ।
 দ্রোণে চাহি লাগিলেন বলিতে তখন ॥
 বিলম্বে নাহিক তব আর প্রয়োজন ।
 উপায় করহ, যাহে বাঁচে কুরুগণ ॥

অজি যুদ্ধে কৌরবেরে করিব সংহার ।
দেখিব কেমনে সবে করহ উদ্ধার ॥

এতেক শুনিয়া গুরু অতি-ক্রুদ্ধমন ।
অৰ্জুন-উপরে করে বাণ-বরিষণ ॥
দশবাণ এড়ে বীর পুরিয়া সন্ধান ।
কাটিয়া পাড়েন পার্থ আচার্য্যের বাণ ॥
বাণ ব্যর্থ দেখি দ্রোণ ক্রোধে কম্পমান ।
গগন ছাইয়া বীর বরিষয়ে বাণ ॥
শীঘ্রহস্তে ধনঞ্জয় পুরিয়া সন্ধান ।
কাটিয়া পাড়েন যত আচার্য্যের বাণ ॥
দ্রোণ-ধনঞ্জয়ে যুদ্ধ নাহি পাঠাস্তর ।
যত যোদ্ধগণ দেখে থাকিয়া অন্তর ॥

তবে কৃষ্ণ কহিলেন ধনঞ্জয়-প্রতি ।
‘আমি যাহা কহি, তাহা কর অবগতি ॥
জয়দ্রথ-বধ-হেতু আছে বড় ভার ।
দ্রোণ-সহ যুদ্ধ কর, না বৃথা বিচার ॥

এত শুনি ধনঞ্জয় কহেন কৃষ্ণেরে ।
কিমেতে যাইব, দ্রোণ পথ রুদ্ধ করে ॥
কৃষ্ণ বলিলেন, শুন আমার বচন ।
দ্রোণের দক্ষিণদিকে আছে সেনাগণ ॥
এই সেনাগণে বাণে কাটি পাড় তুমি ।
সেইখান দিয়া রথ চালাইব আমি ॥

এত শুনি ধনঞ্জয় পূরেন সন্ধান ।
নিমেষে করেন বহুসৈন্য খান-খান ॥
তবে কৃষ্ণ সেই পথে রথ চালাইলা ।
দ্রোণেরে পশ্চাৎ করি সৈন্যে প্রবেশিলা ॥

দ্রোণ বলে, ধনঞ্জয়, এ কোন্ বিচার ।
পলাইয়া যাও তুমি অগ্রেতে আমার ॥
অৰ্জুন বলেন, গুরু, করি নমস্কার ।
তোমাতে জিনিবে, হেন শক্তি আছে কার ॥

জয়দ্রথ-বধ-হেতু যাইব এখন ।

তোমার চরণে করি এই নিবেদন ॥

এত শুনি দ্রোণাচার্য্য হাসিতে লাগিল ।
একভিতে রথ রাখি পথ ছাড়ি দিল ॥•
তবে ধনঞ্জয়-বীর অতিশয়-ক্রোধে ।
যারে পায়, তারে মারে, নাহি উপরোধে ॥
আকর্ণ পুরিয়া বার বরিষয়ে বাণ ।
রথ-অশ্ব-পদাতিক করে খান-খান ॥
পলায় সকল-সৈন্য, রণে নাহি রয় ।
মহাক্রোধে আগু হৈল দ্রোণের তনয় ॥

ধনঞ্জয়-অশ্বখামা দৌহে মহারণ ।
বিস্ময় মানিয়া চাহে যত সেনাগণ ॥
মহাবীর অশ্বখামা দ্রোণের নন্দন ।
অৰ্জুন-উপরে করে বাণ-বরিষণ ॥
তবে ক্রোধে মহাবীর ইন্দ্রের নন্দন ।
দ্রোণির হাতের ধনু কাটেন তখন ॥
আর ধনু ল'য়ে বীর দ্রোণের তনয় ।
বাণরষ্টি করে বীর নির্ভয়-হৃদয় ॥
তবে ধনঞ্জয়-বীর অগ্নি-হেন জ্বলে ।
সারথির মাথা কাটি ফেলেন ভূতলে ॥
এড়েন বুগল অস্ত্র ইন্দ্রের নন্দন ।
বাণাঘাতে অশ্বখামা হৈল অচেতন ॥
সেইক্ষণে সারথি আসিল এক আর ।
রথে অচেতন বীর দ্রোণের কুমার ॥
কতক্ষণে অশ্বখামা পাইয়া চেতন ।
ধনু ধরি পুনরপি করে মহারণ ॥
মহাপরাক্রম দৌহে সমান-সমর ।
হইল তুমুল যুদ্ধ, নাহি অবসর ॥
তবে ধনঞ্জয় ক্রোধে হইয়া অস্থির ।
সন্ধান পুরিয়া! বিধে দ্রোণির শরীর ॥

কবচ কাটিয়া বাণ অঙ্গে প্রবেশিল ।
অচেতন হ'য়ে বীর রথেতে পড়িল ॥
রথেতে পড়িল বীর হ'য়ে অচেতন ।
হাহাকার করি ধায় যত যোদ্ধগণ ॥

হেনকালে আগু হৈল মিহির-নন্দন ।
ধনুক ধরিয়া আসে করিবারে রণ ॥
গর্জন করিয়া বলে অর্জুনেরে আঁটি ।
লেগেছে তোমারে মৃত্যু, তেঁই ছুটফটি ॥
দ্রোণ-সেনাপতি বলে, মোর বধ্য নহে ।
সেকারণে ভালে-ভালে দিনকত রহে ॥
নিশ্চয় আমার হাতে তোমার মরণ ।
কহিলাম সত্য এই, বিধির ঘটন ॥
অর্জুন বলেন হাসি, হতজ্ঞান তুমি ।
পশুজ্ঞান করি তোমা বিনাশিব আমি ॥
কুপিয়া বলিছে কর্ণ, বুঝিব এখন ।
কেমনে সারিয়া আজি যাহ মোর রণ ॥

এত বলি সূর্যাস্তে সর্পবাণ এড়ে ।
সহস্র-সহস্র নাগ পার্শ্বে গিয়া বেড়ে ॥
এড়েন গরুড়-বাণ ইন্দ্রের নন্দন ।
ধরিয়া সকল সর্প করিল ভক্ষণ ॥
সর্পেরে গিলিয়া কর্ণে গিলিবারে আসে ।
অগ্নিবাণ কর্ণ তবে এড়িল তরাসে ॥
অগ্নিতে পক্ষীর পাখা পুড়িল সকল ।
হইল-প্রলয় অগ্নি সেই রণস্থল ॥
এড়েন বরুণ-বাণ ইন্দ্রের নন্দন ।
জলেতে নিরুত্ত হৈল যত হতাতন ॥
হইল প্রলয় নীর সেই রণস্থলে ।
হয় হস্তী পদাতিক ভাসি বুলে জলে ॥

শোষক-নামেতে বাণ কর্ণ এড়ে রোষে ।
শুষিল সকল নীর চক্ষুর নিমিষে ॥
কর্ণ-ধনঞ্জয়ে যুদ্ধ নাহি পাঠান্তর ।
বিস্ময় মানিয়া চাহে যতেক অমর ॥
তবে পার্থ মহাবীর পুরিয়া সন্ধান ।
একেবারে মারিলেন দশগোটা বাণ ॥
কবচ কাটিয়া বাণ অঙ্গে প্রবেশিল ।
মুর্চ্ছিত হইয়া কর্ণ রথেতে পড়িল ॥
মুর্চ্ছিত দেখিয়া রথ ফিরায়ে সারথি ।
রণে ভঙ্গ দিয়া গেল কর্ণ যোদ্ধপতি ॥

তবে ধনঞ্জয় বীর মহাক্রোধমনে ।
লক্ষ-লক্ষ যোদ্ধগণে বিনাশিল রণে ॥
হেনমতে ছয়ক্রোশ পথ চলি গেল ।
গগনমণ্ডলে বেলা দ্বি-প্রহর হৈল ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১৯। অবগণের জলপানার্থ অর্জুনের
মায়া-সর্বোবয়-নির্মাণ ।

হেনকালে কন কৃষ্ণ, শুন ধনঞ্জয় ।
শ্রমযুক্ত হৈল যে রথের চারি হয় ॥
বাণে বিদ্ধ হৈল বড়, চলিতে না পারে ।
কিমতে যাইব তবে সংগ্রাম-ভিতরে ॥
দিবা হৈল বহু, তৃণ-জল নাহি পায় ।
হের দেখ, ঘন-ঘন মম মুখ চায় ॥
সমর করহ যদি নামি ভূমিতল ।
তবে আমি খাওয়াই অখে তৃণ-জল ॥
এত শুনি কৃষ্ণ-প্রতি কহে গুড়াকেশ* ।
কেন অসম্ভব কথা কহ, হাবীকেশ ॥

সংগ্রামের স্থল, ইথে নাহি জলাশয় ।

তৃণশূন্য এই স্থল, ধূলি উড়ে যায় ॥

গোবিন্দ বলেন, কণ রহ হেথা ভূমি ।

যথা পাই, আনি জল খাওয়াইব আমি ॥

অর্জুন বলেন, বড় মানিন্দু বিস্ময় ।

যে कहিলে নারায়ণ, শুনি ভয় হয় ॥

ছল করি ছাড়িবারে চাহিতেছ হরি ।

সিন্ধুমারে ডুবাইবে আমারে সংহারি ॥

বুঝিলাম অপরাধ হইয়াছে পায় ।

ভূমি যদি ছাড়, তবে নাহিক উপায় ॥

ভূমি বল, ভূমি বৃদ্ধি, পাণ্ডবের প্রাণ ।

যার অনুগ্রহে পাই সন্ধুটেতে ত্রাণ ॥

হইলে নিদয় এবে বৃদ্ধি দোষ দেখি ।

অনাথের নাথ হ'য়ে কেন কর দুঃখী ॥

আমার প্রতিজ্ঞা যত, হইল সে মিছা ।

এ-ছার জীবনে তবে আর কিবা ইচ্ছা ॥

কেমনে সমর-সিন্ধু তরিবারে পারি ।

তরণী ফেলিয়া হরি, চলিলে কাণ্ডারী ॥

কমলনয়ন কৃষ্ণ কহেন হাসিয়া ।

করহ আক্ষেপ সখা, কিসের লাগিয়া ॥

পঞ্চভাই তোমরা পাণ্ডব যাজ্ঞসেনী ।

রেখেছ ভক্তিতে পার্থ, মোরে সদা কিনি ॥

পলাইতে চাহিলে কি পলাইতে পারি ।

হৃদয়-নিগড়ে বন্দী, এড়াইতে নারি ॥

কে জানে, কহি যে সত্য, তোমা-ছয়জনে ।

নাহি পারি একদণ্ড পাসরিতে মনে ॥

ভূমিতলে নাহি যদি করহ সংগ্রাম ।

তবে অশ্বগণে আমি করাই বিজ্ঞান ॥

এত শূনি ধনঞ্জয় নাহিয়া ভূমিতে ।

সংগ্রাম করেন বীর ধনুঃশর-হাতে ॥

১৫ বি

তবে কৃষ্ণ রথ হৈতে ভূমিতলে উলি ।

ক্রমে-ক্রমে ঘুচালেন যত কড়িয়ালি ॥

তৃষিত হইল অশ্ব, গাত্র ক্ষত বাণে ।

জানি নারায়ণ তবে বলেন অর্জুনে ॥

শ্রীকৃষ্ণ বলেন, পার্থ, দেখ অশ্বগণে ।

তুষার কারণে চাহে মম মুখপানে ॥

বিনা জলপানে অশ্ব না পারে চলিতে ।

তাহার বিধান ভূমি কর যে স্থরিতে ॥

তবে ত করিহ যুদ্ধ কুরুসৈন্য-সনে ।

হউক ক্রণেক যুদ্ধ মল্ল-মল্লগণে ॥

এতেক कहিলে কৃষ্ণ কমললোচন ।

মায়া-সরোবর পার্থ করিলা সৃজন ॥

অর্জুন-অসাধ্য কিছু নাহিক সংসারে ।

গাণ্ডীবে যুড়িয়া বাণ পৃথিবী বিদারে ॥

তাহাতে রচিল এক দিব্য-সরোবর ।

পার্থ-শক্তি দেখি কৃষ্ণ প্রকল্প-অস্তর ॥

নানাজাতি পক্ষিগণ ক্রীড়া করে তাহে ।

নানাপুষ্প ফোটে, তার গন্ধে মন মোহে ॥

হংসগণ ক্রীড়া করে হংসীর সঙ্গিত ।

সারস-সারসী ক্রীড়া করে আনন্দিত ॥

পদ্মের সৌরভে গন্ধ চতুর্দিকে যায় ।

লাখে-লাখে মত্ত-অলি মধুলোভে ধায় ॥

অমৃত-সমান হৈল সরোবর-নীর ।

তাহাতে নামেন অশ্ব ল'য়ে যত্ববীর ॥

জলেতে ধোয়ান কৃষ্ণ অশ্বের শোণিত ।

অদ্রুত দেখিয়া সবে লইল বিস্মিত ॥

অর্জুনেরে ভূমে দেখি যত যোদ্ধগণ ।

সন্ধান পুরিয়া করে অস্ত্র-বরিষণ ॥

দেখিয়া অর্জুন তবে পূরেন সন্ধান ।

আকর্ণ পুরিয়া বিক্লিলেন দিব্যবাণ ॥

শূন্যে দৌঁহাকার বাণ একত্র হইল ।
 এহের সতৃশ হ'য়ে শূন্যেতে রহিল ॥
 আনন্দে গোবিন্দ তবে ল'য়ে অশ্বগণে ।
 জলপান করালেন হরষিত-মনে ॥
 জলপানে অশ্বগণ হৈল বলবান্ ।
 পূর্বের সতৃশ হৈল করি জলপান ॥
 তবে কৃষ্ণ অশ্বগণে লইয়া সংহতি ।
 রথেতে উঠেন গিয়া অতি শীঘ্রগতি ॥
 অশ্বগণে রথে যুড়ি বলেন অর্জুনে ।
 বলবান্ হৈল অশ্ব দেখে জলপানে ॥
 অতঃপর রথে আসি চড় মহামতি ।
 রথ চালাইয়া আমি দিব শীঘ্রগতি ॥

এত শুনি ধনঞ্জয় ধনুঃশর-হাতে ।
 একলাফ দিয়া বীর উঠিলেন রথে ॥
 কৃতাজ্জলি ধনঞ্জয় বলে সবিনয় ।
 এক নিবেদন করি শুন মহাশয় ॥
 তোমার চরিত্র আমি বুঝিতে না পারি ।
 আপন-বৃত্তাস্ত মোরে কহ কৃপা করি ॥
 নিরবধি অপরাধ করি তব স্থান ।
 চিনিতে না পারি, আমি বড়ই অজ্ঞান ॥
 শ্রীকৃষ্ণ বলেন, পার্থ, না কর বিস্ময় ।
 মম পরিচয় তোমা দিব, ধনঞ্জয় ॥
 এত বলি দেন কৃষ্ণ চালাইয়া হয় ।
 সমর করেন ধনু ধরি ধনঞ্জয় ॥
 দ্রোণপর্ব-সুধারস জয়দ্রথ-বধে ।
 কাশীরাম দাস কহে গোবিন্দের পদে ॥

২০। ব্যাধ প্রবেশপূর্বক কৌরবাদগের সহিত
 সাত্যকির নানা-যুদ্ধ ।

যুনি বলে, শুন-শুন রাজা জন্মজয় ।
 করেন দারণ যুদ্ধ বীর ধনঞ্জয় ॥
 হেথায় ধর্মের পুত্র না দেখি অর্জুনে ।
 কৃষ্ণেরে না দেখি দুঃখ ভাবিলেন মনে ॥
 বহুদূর গেল, রথধ্বজ নাহি দেখি ।
 চিন্তাকুল হ'য়ে রাজা ডাকেন সাত্যকি ॥
 ডাক শুনি সাত্যকি আসিল সেইক্ষণ ।
 সাত্যকিরে বলিলেন ধর্মের নন্দন ॥
 একেশ্বর গেল পার্থ কোঁরব-ভিতর ।
 না জানি কিরূপ তথা করয়ে সমর ॥
 রথধ্বজ নাহি দেখি কিসের কারণ ।
 এ-সকল ভাবি মোর স্থির নহে মন ॥
 শীঘ্রগতি রথে চড়ি করহ গমন ।
 ডাকিলাম তোমাতে যে, এই সে কারণ ॥
 সাত্যকি বলিল, রাজা, করি নিবেদন ।

তোমার রক্ষার্থ আমি নিযুক্ত এখন ॥
 তোমাতে ছাড়িয়া আমি যাইব কিমতে ।
 এই নিবেদন মম তোমার অগ্রেতে ॥

শুনি যুধিষ্ঠির বলিলেন আরবার ।
 মম লাগি চিন্তা কিছু নাহিক তোমার ॥
 অর্জুনের তত্ত্ব জানি আইস সত্ত্বর ।
 তবে সে স্থিতির হবে আমার অন্তর ॥

এত শুনি সাত্যকি কহিল ভীমসেনে ।
 সাবধান হ'য়ে তুমি থাকিবে আপনে ॥
 অর্জুনের তত্ত্ব নিতে কহেন রাজন্ ।
 অতএব তথা আমি করিব গমন ॥
 যুধিষ্ঠিরে তব স্থানে করি সমর্পণ ।
 রাজার নিকটে রহ যত যোদ্ধগণ ॥

সাবধান হ'য়ে তুমি থাকিবে হেথাই ।
 পুনরপি আসি যেন যুধিষ্ঠিরে পাই ॥
 ভীম বলে, যাহ তুমি অৰ্জুনের তথা ।
 যুধিষ্ঠির-হেতু তব নাহি কোন ব্যথা ॥
 সহদেব-নকুলাদি যত যোদ্ধগণে ।
 রাজ্যারে রাখিবে সবে অতি সাবধানে ॥
 সাত্যকি তোমার মত নাহি কোনজন ।
 কি নিয়া শুবিব ঋণ তোমার এখন ॥
 এত শুনি সাত্যকি উঠিল রথোপরে ।
 একা রথে যায় বীর নির্ভয়-অস্তরে ॥
 নিমেষেক প্রাণশিল ব্যূহের ভিতর ।
 অৰ্জুনের শিষ্য বীর মহাধনুর্ধর ॥
 সাত্যকিরে দেখি যত কোঁরবের গণ ।
 ঝটতি আসিল সবে করিবারে রণ ॥
 নানা-অস্ত্রে রথিগণ ছাইল গগন ।
 আঘাত-শ্রাবণে যেন মেঘ-বরিষণ ॥
 পরিঘ মুঘল শেল শূল জাঠা জাঠি ।
 ভূষণ্ডী পরশু নানা-অস্ত্র কোটি-কোটি ॥
 দেখিয়া সাত্যকি-বীর সন্ধান পুরিল ।
 সবাঁকার অস্ত্র কাটি নিরস্ত্র করিল ॥
 তবে ক্রোধে দুঃশাসন পুরিল সন্ধান ।
 আকর্ণ পুরিয়া বিদ্রোহ দশগোটা বাণ ॥
 সাত্যকি কাটিল সেই বাণ সেইক্ষণ ।
 মহাধনুর্ধর বীর সত্যক নন্দন' ॥
 দশগোটা বাণ তবে পুরিল সন্ধান ।
 দুঃশাসন-ধনু কাটি করে খান-খান ॥
 আর ধনু ধরি বীর ধৃতরাষ্ট্রহৃত ।
 সাত্যকি-উপরে বাণ মারেন অঘুত ॥

কাটিল সকল বাণ সত্যক-তনয়' ।
 সন্ধান পুরিয়া বীর করে অস্ত্রময় ॥
 দশবাণ মারে বীর ধৃতরাষ্ট্রহৃতে ।
 বৃষ্টিত হইয়া দুঃশাসন পড়ে রথে ॥
 বৃষ্টিত দেখিয়া বীরে সারথি সঙ্কর ।
 আপনি পলায় রথ ল'য়ে অতঃপর ॥
 সাত্যকি দেখিল, পলাইল দুঃশাসন ।
 সৈন্যের উপরে করে বাণ-বরিষণ ॥
 ভাদ্রপদ মাসে যেন পাকা তাল পড়ে ।
 সেইমত সৈন্যগুণ কাটি ভূমে পাড়ে ॥
 ধ্বজ-চ্ছত্র-পতাকায পৃথিী ছাইল ।
 সাত্যকির বাণে সব উচ্ছিন্ন হইল ॥
 সাত্যকি মথিল কুরুংল একেশ্বর ।
 বিস্ময় মানিয়া চাহে যতেক অমর ॥
 আকাশে অমরবৃন্দ পুষ্প-রুষ্টি করে ।
 ধন্য-ধন্য করি তবে বলে সাত্যকিরে ॥
 এতেক দেখিয়া তবে স্তব্ধ-নন্দন ।
 হাতে ধনু করি আসে করিবারে রণ ॥
 শকুনিরে দেখিয়া সাত্যকি ধনুর্ধর ।
 সন্ধান পুরিয়া মারে চোখ-চোখ শর ॥
 এড়িল বিংশতি বাণ শকুনি-উপর ।
 বাণে কাটি পাড়ে তাহা স্থল-কোঙর ॥
 বাণ ব্যর্থ দেখি বীর কোপে কাঁপে তনু ।
 পুনরপি এড়ে বাণ টঙ্কারিয়া ধনু ॥
 দশবাণ এড়ে বার পুরিয়া সন্ধান ।
 দুইবাণে ধ্বজ কাটি করে খান-খান ॥
 চারিবাণে চারি-অশ্বে কাটে বীরবর ।
 দুইবাণে সারথিরে-দিল যমঘর ॥

আর ছুইবাণে কাটে শকুনির ধনু ।
 দশবাণ এড়ি বীর বিক্ষিলেক তনু ॥
 শকুনি-সঙ্কট দেখি যত যোদ্ধগণ ।
 হাহাকার করি তবে ধায় সেইক্ষণ ॥
 দুঃশাসন-রথে চড়ি স্থবল-নন্দন ।
 রণ ছাড়ি শীঘ্রগতি করে পলায়ন ॥
 অবহেলে সাত্যকি করয়ে শরবৃষ্টি ।
 বিপক্ষ জানিল, আজি মজিবেক সৃষ্টি ॥
 সাত্যকির যুদ্ধ দেখি যত সৈন্যগণ ।
 ভয়ে পলাইয়া গেল লইয়া জীবন ॥
 সাত্যকির সারথী সে অতি-বিচক্ষণ ।
 চালাইয়া দিল রথ পবন-গমন ॥
 পঞ্চকোশ মহাবীর গেল মুহূর্ত্তেকে ।
 অর্জুনের রথধ্বজ তথা হৈতে দেখে ॥
 রথধ্বজ দেখি বীর আনন্দিত-মন ।
 সৈন্যের উপরে করে বাণ-বরিষণ ॥
 সাত্যকিরে দেখি কৃষ্ণ বলেন অর্জুনে ।
 আসিল সাত্যকি-বীর, ওই দেখ রণে ॥
 সাত্যকিরে দেখি তবে বীর ধনঞ্জয় ।
 তার যুদ্ধ দেখি হৈলা সানন্দ হৃদয় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২১। ভুরিপ্রবাহ হস্তে সাত্যকির লাঞ্ছনা ।

সাত্যকিরে দেখি ভুরিপ্রবাহ-নরপতি ।
 রথে চড়ি ধনু ধরি আসিল ঋষ্টিতি ॥
 সাত্যকিরে দেখি বলে সোমদত্ত-সুত ।
 আমি আসিলাম তোরা হ'য়ে যমদূত ॥
 বহুদিনে পাইলাম তোরা দরশন ।
 অকল্প পাঠাব তোরে যমের সনন ॥

এত বড় গর্ব তোর হইল এখন ।
 একা রথে আসিয়াছ করিবারে রণ ॥
 শুনিয়া সাত্যকি তবে করিল উত্তর ।
 কি-কারণে এত গর্ব করিস বর্বর ॥
 মরণ নিকটপ্রায় বুঝি লক্ষণে ।
 এমন বচন তোর তাহার কারণে ॥
 অবশ্য তোমাতে আমি করিব সংহার ।
 একবাণে দেখাইব যমের দুয়ার ॥
 এতেক শুনিয়া ভুরিপ্রবাহ-নরপতি ।
 সন্ধান পুরিয়া বাণ এড়ে শীঘ্রগতি ॥
 মহাক্রোধে ভুরিপ্রবাহ এড়ে দশবাণ ।
 বাণে কাটি সাত্যকি করিল খান-খান ॥
 হেনমতে বাণবৃষ্টি করিল বিস্তর ।
 দৌহাকার বাণে দৌহে হইল জর্জর ॥
 ভুরিপ্রবাহ-সাত্যকিতে হৈল ঘোর-রণ ।
 বিষ্ময় মানিয়া চাহে যত যোদ্ধগণ ॥

তবে ভুরিপ্রবাহ সাত্যকির প্রতি বলে ।

তুমি আমি এস যুদ্ধ করি ভূমিতলে ॥
 এত বলি ভুরিপ্রবাহ অসি-চর্ম ল'য়ে ।
 রথ হৈতে ভূমে পড়ে একলাফ দিয়ে ॥
 হেরিয়া সাত্যকি তবে ত্যজে ধনুঃশর ।
 অসিচর্ম ল'য়ে বীর নামিল সঙ্ঘর ॥
 মণ্ডলী করিয়া দৌহে ফিরে চারিভিত্তে ।
 সাত্যকির চর্ম বীর কাটে আচম্বিতে ॥
 শুধু খড়্গ ল'য়ে বীর করয়ে সংগ্রাম ।
 ন্যায়যুদ্ধ করে বীর অতি অনুপাম ॥
 সাত্যকি হইল তবে ক্রোধে কম্পমান ।
 ভুরিপ্রবাহ-চর্ম কাটি করে খান-খান ॥
 খড়্গহস্তে ছুই-বীর করয়ে সমর ।
 খড়্গের প্রহারে দৌহে হইল জর্জর ॥

জড়াজড়ি করি দৌঁহে পড়ে ভূমিতলে ।
সাত্যকিরে ধরে ভুরিপ্রবা মহাবলে ॥
বুকের উপরে উঠে ধরিয়া চিকুরে ।
দেখিয়া সাত্যকি-বীর বায়ুবগে ঘুরে ॥
হাতে খড়্গ করি তবে সোমদত্ত-হৃত ।
সাত্যকিরে কাটিবারে হইল উদ্যত ॥
কুমারের চাক যেন ঘুরয়ে সাত্যকি ।
অদৃত ঘটনা সবে দেখে দূরে থাকি ॥

এতেক দেখিয়া তবে কৃষ্ণ মহাশয় ।
ডাকিয়া বলেন, হের ওহে ধনঞ্জয় ॥
ভুরিপ্রবা ধরিয়াছে সাত্যকির চুলে ।
সাত্যকি ঘুরিছে মহাবেগে ভূমিতলে ॥

এত শুনি ধনঞ্জয় হইলেন ব্যস্ত ।
বাণে কাটি পাড়িলেন ভুরিপ্রবা-হস্ত ॥
এত শুনি রাজা জন্মেজয় জিজ্ঞাসিল ।
কহ মুনিবর, এত অদৃত হইল ॥
অশ্বখামা-আদি করি যত যোদ্ধগণে ।
একাকী সাত্যকি-বীর জিনে সর্বজন ॥
সাত্যকিরে ভুরিপ্রবা করে পরাজয় ।
আশ্চর্য্য শুনিয়া মম হইল বিস্ময় ॥
দ্রোণপর্বের হুধারস জয়দ্রথ-বধে ।
কাশীরাম দাস কহে গোবিন্দের পদে ॥

— — —

২২। ভুরিপ্রবা-কর্ষক সাত্যকির পরাজয়-
বৃত্তান্ত বর্ণন ।

মুনি বলে, শুন পরীক্ষিতের তনয় !
যেইহেতু সাত্যকির হৈল পরাজয় ॥
একদিন বহুদেব পিতৃ-প্রাঙ্ককালে ।
নিমন্ত্রণ করি বক কুটুম্ব আনিতে ॥

সোমদত্ত বাহুলীক যে পাঞ্চাল-রাজনু ।
শাস্ত্র শিশুপাল আসে পেয়ে নিমন্ত্রণ ॥
আসিল অনেক রাজা, না হয় বর্ণনা ।
সবাকারে বহুদেব করে অভ্যর্থনা ॥
বিচিত্রে আসনোপরি বসে সর্বজন ।
তার মধ্যে সোমদত্ত বসিল তখন ॥
সভামধ্যে সোমদত্ত আসনে বসিল ।
সোমদত্তে দেখি শিনি ক্রোধেতে হুলিল ॥
বহুদেব-খুড়া শিনি সত্যকের বাপ ।
সোমদত্তে দেখি শিনি পাইলেন তাপ ॥
ডাকিয়া বলিল শিনি, শুন সোমদত্ত ।
সভামধ্যে বৈস তুমি, এ কোন্ মহত্ব ॥
আমা-সবে না মানিস্ কোন্ অহঙ্কারে ।
পৃথিবীর মধ্যে কেবা না জানে তোমারে ॥
মর্যাদা থাকিতে শীঘ্র যা হ পলাইয়া ।
আপন-সদৃশ যোগ্যস্থানে বৈস গিয়া ॥

এত শুনি সোমদত্ত ক্রোধেতে হুলিল ।
অগ্নির উপরে যেন দ্বত ঢালি দিল ॥
সোমদত্ত বলে, শিনি, না করিস গর্ব্ব ।
যতেক মহত্ব তোর আমি জানি সর্ব্ব ॥
এতেক উত্তর মোর করিস্ বর্ব্বর ।
কোন্ অর্থে ন্যূন আমি পৃথিবী-ভিতর ॥
তোমা হৈতে ন্যূন কেবা আছয়ে ধরণী ।
মোর অগোচর নহে, সব আমি জানি ॥

এতেক শুনিয়া শিনি মহাকোপ-মন ।
ক্রোধে ডাক দিয়া বলে, শুন সর্ব্বজন ॥
এত অহঙ্কার তোর ওরে কুলান্দার ।
পরে নিন্দ, ছিদ্র নাহি জান আপনার ॥
ইহার উচিত ফল দিব আজি তোরে ।
এত বলি মহাক্রোধে ঝুটিল সমরে ॥

শিনি দেখি সোমদত্ত উঠি সেইক্ষণ ।
 হড়াহড়ি মহাযুদ্ধ করে দুইজন ॥
 তবে শিনি মহাক্রোধে ধরে তার চুলে ।
 দেখিয়া সকলে হাস্য করে সভাস্থলে ॥
 কেশে ধরি চড় মারে বজ্রের সমান ।
 একচড়ে দস্তগুলা করে খান-খান ॥
 তবে সবে উঠি দৌড়ে বারণ করিল ।
 অভিমানে সোমদত্ত দেশে নাহি গেল ॥

সভামধ্যে সোমদত্ত পেয়ে অপমান ।
 তপস্যা করিতে বনে করিল প্রয়াণ ॥
 দ্বাদশ-বৎসর তপ করে অনাহারে ।
 একচিন্তে সোমদত্ত সেবিল শঙ্করে ॥
 তপস্যাতে বশ হইলেন মহেশ্বর ।
 রুষে চড়ি আসিলেন বনের ভিতর ॥
 হর বলিলেন, বর মাগহ রাজনু ।
 এত বলি সোমদত্তে ডাকে পঞ্চানন ॥
 ধ্যান ভাঙ্গি সোমদত্ত দেখিলেক হর ।
 বিভূতি-ভূষণ জটাধারী গঙ্গাধর ॥
 আনন্দিত সোমদত্ত দেখিয়া শঙ্করে ।
 বিবিধ-প্রকারে রাজা বহুস্ততি করে ॥
 সোমদত্ত বলে, যদি হৈলে-কৃপাবানু ।
 এক নিবেদন আমি করি তব স্থান ॥
 সভামধ্যে শিনি মোর অপমান কৈল ।
 যতেক নৃপতিগণ বসিয়া দেখিল ॥
 অগ্নিবৎ দহে অঙ্গ সেই অপমানে ।
 এই নিবেদন আমি করি তব স্থানে ॥
 যদি মোরে বর দিবে, দেব-পশুপতি ।
 মহাধনুর্ধর মম হউক সন্ততি ॥

তার পৌত্রে মোর পুত্র জিনিবে সমরে ।
 রাজগণ-মধ্যে যেন অপমান করে ॥
 ইহা বিনা অন্য বর নাহি চাহি আমি ।
 এই বর মহেশ্বর, আচ্ছা কর তুমি ॥
 শঙ্কর বলেন, বর দিলাম তোমায়ে ।
 তব পুত্র জিনিবেক সত্যক-কুমারে ॥
 প্রাণে মারিবারে তারে নহিবে শক্তি ।
 এত বলি কৈলাসে গেলেন পশুপতি ॥
 শিব-স্থানে সোমদত্ত পেয়ে হেন বর ।
 আনন্দিত হ'য়ে গেল আপনার ঘর ॥
 ভূরিশ্রবা সাত্যকিরে জিনে শিব-বরে ।
 তার উপাখ্যান এই কহিলু তোমায়ে ॥
 দ্রোণপর্ব-পুণ্যকথা অমৃত-সমান ।
 কাশীরাম দাস কহে, শুনে পুণ্যবানু ॥

—
 ২৩। ভূরিশ্রবা-বধ ।

মুনি বলে, অত্যাশ্চর্য্য শুন জন্মেজয় ।
 শিব-বরে সাত্যকির হৈল পরাজয় ॥
 ভূরিশ্রবা-হস্ত যবে অর্জুন কাটিল ।
 অচেতন হ'য়ে তবে ভূমিতে পড়িল ॥
 পুনরপি উঠি বৈসে সময়ের স্থলে ।
 নিন্দা করি ভূরিশ্রবা অর্জুনেরে বলে ॥
 ধিক্ ধনঞ্জয় ধিক্, বীরপনা তোর ।
 অন্ডায় করিয়া হস্ত কাটিলি যে মোর ॥
 সাত্যকি-সহিত রণ আছিল আমার ।
 কাটিলি আমার হস্ত তুই কুলাঙ্গার ॥
 সন্দুখ-সংগ্রামে পড়ি স্বর্গে যাই আমি ।
 এই পাপে ধনঞ্জয়, হবি অধোগামী ॥

এতক শুনিয়া পার্থ হ'লেন লজ্জিত ।
 শ্রীকৃষ্ণ বলেন, পার্থ, কেন হও ভীত ॥
 কৃষ্ণ ডাকি বলিলেন ভূরিশ্রবা-প্রতি ।
 একা অভিমন্যু-বীরে বেড়ে সপ্তরথী ॥
 কোন্‌-ন্যায়যুদ্ধে অভিমন্যুরে মারিলে ।
 এবে বুঝি সে-সকল কথা পাসরিলে ॥
 মৃত্যুকালে ধর্ম্মবুদ্ধি হইল তোমার ।
 অর্জুনেরে নিন্দা কর তুমি কুলান্নার ॥
 কটুবাক্য শুনি ভূরিশ্রবা-নরপতি ।
 কহিতে লাগিল নিন্দা করি কৃষ্ণ-প্রতি ॥

ভূরিশ্রবা বলে, কৃষ্ণ, কহিলে প্রমাণ ।
 তোমা হৈতে এত সব হৈল অপমান ॥
 কি-কারণে নিন্দা আমি করি অর্জুনেরে ।
 তোমা-সম দুষ্ট নাহি পৃথিবী-ভিতরে ॥
 তোমার কুবুদ্ধি হৈল সকল সংহার ।
 নির্লজ্জ, তোমাতে আমি কি কহিব আর ॥

এত বলি ভূরিশ্রবা হইল বিমন ।
 কি কস্ম করিলু আমি নিন্দা নারায়ণ ॥
 আপনার কস্মভোগ করি যে আপনে ।
 তবে কেন বৃথা আমি নিন্দা নারায়ণে ॥
 অন্তকালে যেইজন স্মরে নারায়ণ ।
 চতুর্ভুজরূপে যায় বৈকুণ্ঠ-ভুবন ॥

এতক ভাবিয়া ভূরিশ্রবা-নরপতি ।
 বিবিধ-প্রকারে করে গোবিন্দেরে স্তুতি ॥
 ডাকিয়া বলিল, কৃষ্ণ, তোমাতে নিন্দিয়া ।
 কি গতি আমার হবে না পাই ভাবিয়া ॥
 অধম দেখিয়া মোরে হও কৃপাধাম ।
 নরক হইতে মোরে কর পরিত্রাণ ॥
 তোমা-বিনা গতি মম নাহি নারায়ণ ।
 কায়মনোবাক্যে আমি লইবু শরণ ॥

সর্বকাল তোমা-বিনা নাহি জানি আমি ।
 মৃত্যুকালে তোমা নিন্দা হই অযোগ্যমী ॥
 আপনার গুণে নাথ, আমারে উদ্ধার ।
 নরক হইতে ত্রাণ করহ আমার ॥

এত বলি ভূরিশ্রবা মোনেতে রহিল ।
 হৃদি-পদ্মে কৃষ্ণপদ ভাবিতে লাগিল ॥

শ্রীকৃষ্ণ বলেন, তুমি ত্যজ দুঃখমন ।
 সচ্ছন্দে চলিয়া যাহ বৈকুণ্ঠ-ভুবন ॥
 সিদ্ধ ঋষি যোগী যেই স্থান নাহি পায় ।
 তথাকারে যাহ তুমি আমার আচ্ছায় ॥
 বৈকুণ্ঠেতে আগে তুমি করহ গমন ।
 তথা গিয়া তোমা-সঙ্গে করিব মিলন ॥
 ভূরিশ্রবা-প্রতি কৃষ্ণ এতক কহিল ।
 কৃষ্ণাধ্যান করি রাজা মোনেতে রহিল ॥

হেনকালে সাত্যকি উঠিল ভূমি হৈতে ।
 খড়্গ ল'য়ে যায় ভূরিশ্রবানে কাটিতে ॥
 হাতে চুল জড়াইয়া খড়্গ ল'য়ে করে ।
 খণ্ড-খণ্ড করি বীর কাটিল তাহারে ॥
 এতক দেখিয়া কৌরবের সেনাগণ ।
 সাত্যকি-উপরে করে বাণ-বরিষণ ॥
 একলাফে সাত্যকি উঠিল গিয়া রথে ।
 ধনুগুণ টঙ্কারিয়া অস্ত্র নিল হাতে ॥
 নিমিষেকে মারে লক্ষ-লক্ষ সেনাগণ ।
 বাণহুষ্টি করে বীর মহাকোপ-মন ॥
 দ্রোণপর্ব-পুণ্যকথা জয়দ্রথ-বধে ।
 কাশীরাম দাস কহে, গোবিন্দের পদে ॥

২৪ । বৃষ্ণ-অবেশ-পূর্বক ভীমের বৃদ্ধ
 হৃষীকেশের দশ-ভ্রাতার মৃত্যু ।

মুনি বলে, শুন রাজা, অপূর্ব-কথন ।
 হেনমতে শিনিপৌত্র করে মহারণ ॥

হেথা রাজা যুধিষ্ঠির সচিস্তিত-মন ।
 অনুক্ষণ করিছেন পার্শ্বের চিস্তন ॥
 তৃতীয় প্রহর বেলা হৈল আসি প্রায় ।
 নাহি জানি, পার্শ্ব করে কেমন উপায় ॥
 প্রতিজ্ঞা করিল বীর বড়ই দুষ্কর ।
 জয়দ্রথে না মারিয়া না আসিবে ঘর ॥
 অতএব গেল তার উদ্দেশ-কারণ ।
 নাহি জানি, কোথা গেল সিঙ্কুর নন্দন ॥
 তত্ত্ব জানিবারে তবে পাঠানু সাত্যকি ।
 প্রহর-পর্যন্ত হৈল তারে নাহি দেখি ॥
 এই সব ভাবি মম মন নহে স্থির ।
 এত বলি বৃকোদরে ডাকে যুধিষ্ঠির ॥
 যুধিষ্ঠির-আজ্ঞা শুনি বীর বৃকোদর ।
 রণ ত্যজি সেইক্ষণে আসিলা সত্বর ॥
 রাজার অগ্রেতে রহে করি যোড়কর ।
 ভীমে দেখি কহিলেন ধর্ম্ম-নৃপবর ॥
 অর্জুনের তত্ত্ব ভাই, নাহি পাওয়া গেল ।
 সাত্যকিরে পাঠাইনু, সেহ নাহি এল ॥
 বিপক্ষের মাঝে গেল একা পার্শ্ববীর ।
 তারে না দেখিয়া মম বিকল শরীর ॥
 এ-হেতু তোমাতে ডাকি, ভাই বৃকোদর ।
 অর্জুনের তত্ত্ব জানি আইস সত্বর ॥

ভীম বলে, মহারাজ, করি নিবেদন ।
 অর্জুনের হেতু কেন করহ চিস্তন ॥
 ত্রিদশ-ঈশ্বর কৃষ্ণ যাহার সারথি ।
 তার জন্য চিন্তা কেন কর নরপতি ॥
 আপনি আসিয়া ব্রজা যদি করে রণ ।
 তথাপিহ অর্জুনেতে জিনে কদাচন ॥

যুধিষ্ঠির বলে, ভাই, কহিলে প্রমাণ ।
 জানি-শুনি, তবু স্থির নহে মম প্রাণ ॥

পুনরপি কহে ভীম রাজারে চাহিয়া ।
 কিমতে যাইব আমি তোমাতে ছাড়িয়া ॥
 অনুক্ষণ দ্রোণ আসে তোমাতে ধরিতে ।
 আমি গেলে কে যুধিবে তাঁহার সহিতে ॥
 রাজা বলিলেন, চিন্তা নাহিক তোমার ।
 তুমি গিয়া আন অর্জুনের সমাচার ॥

এত শুনি ধৃষ্টদ্যুমে ডাকি বৃকোদর ।
 প্রত্যক্ষে কহিল যত রাজার উত্তর ॥
 অর্জুনের তত্ত্ব আমি যাইব স্মরিত ।
 রাজারে রাখিবে সবে হ'য়ে অবহিত ॥
 ধৃষ্টদ্যুম্ন বলে, চিন্তা নাহিক তোমার ।
 রাজারে রাখিতে ভার রহিল আমার ॥
 দ্রোণপুত্র আমুক, আপনি দ্রোণ আসে ।
 একবাণে পাঠাইব যমের আবাসে ॥

এত শুনি ভীম হৈল হরিষ-অস্তুর ।
 বিশোকে কহিল, রথ সাজাহ সত্বর ॥
 বিশোক-সারথি সেই অতি বিচক্ষণ ।
 রথের উপরে তোলে নানা-প্রহরণ ॥
 শত-শত ধনু তোলে, গদা বহুতর ।
 শেল-শূল কোটি-কোটি ভূষণী তোমর ॥
 ক্রীহরি স্মরিয়া বীর চড়ে গিয়া রথে ।
 মহান্ দুর্জয় ধনু তুলি নিল হাতে ॥
 ধনুকে টঙ্কার দিয়া ছাড়ে ছহুঙ্কার ।
 পর্বত পড়য়ে শব্দে হইয়া বিদার ॥
 প্রমত্ত কেশরী সম রণমত্ত বীর ।
 সংগ্রামে কাহার শক্তি, আগে হয় স্থির ॥
 সারথি সমীর জিনি চালাইল হয় ।
 উত্তরিল ব্যূহ মধ্যে পবন-তনয় ॥
 বাণ হানে ক্ষিপ্ৰহস্তে, রিপু করে নাশ ।
 বিপক্ষ পড়য়ে লক্ষ হইয়া হতাশ ॥

সিংহে দেখি শিবা-প্রায় হৈল সৈন্যগণ ।

ভয়তে আকুল-মন, কম্পে ঘনে-ঘন ॥

কেহ বলে, কারো মুখ নাহি চাহে ভীমা ।

বৃষ্টিমান্ মৃত্যুপতি আসে কালনিমা ॥

পলাইলে বধে প্রাণে গোড়াইয়া পাছে ।

নির্দয় নির্ভু র হেন কে কোথায় আছে ॥

দস্তে কুটা করি যেবা মাগে পরিহার ।

সকলে এড়িয়া করে তাহারে সংহার ॥

পলাইলে কি হইবে, না বাঁচিব তায় ।

প্রাণপণে কর যুদ্ধ নিজ-ভরসায় ॥

মরিব ভীমের হাতে, নাহিক এড়ান ।

যা থাকে কশ্মীর ফল, কে করিবে আন ॥

চিস্তিয়া সাহসে ভর করি সেনাগণ ।

চতুর্দিকে বেড়ি করে অস্ত্র-বরিষণ ॥

সিংহের সম্মুখে কিবা শিবির গণনা ।

হুঙ্কার ছাড়ে ভীম, পড়য়ে ঝঙ্কন ॥

লক্ষ-লক্ষ বিপক্ষ নাশয়ে বাণঘায় ।

বড়-বড় হস্তী পাড়ে প্রহারি গদায় ॥

একেরে মারিতে অন্তে পড়ে মুচ্ছা হ'য়ে ।

পলাইলে প্রাণ তার আগে বধে গিয়ে ॥

পড়িল ভীমের রণে রথ-অশ্ব-হাতী ।

ধ্বজচ্ছত্র-পতাকায় ঢাকে বহুমতী ॥

ভীমের সমর দেখি দ্রোণবীর রোষে ।

দ্বার আগুলিয়া বীর কহে ক্রোধাবেশে ॥

মোরে না জিনিয়া ভীম, যাইবে কেমনে ।

এত বলি বাণ ঘোড়ে ধনুকের গুণে ॥

গর্জিয়া কহিল ভীম, যেন বেধধ্বনি ।

অপরাধ হয় পাছে, এই ভয় মানি ॥

উপরোধ রক্ষ গুরু, দেহ পথ ছাড়ি ।

নহে চূর্ণ করি দিব মারি গলাবাড়ি ॥

শুনিয়া হইল গুরু ক্রোধে হতাশন ।

ভীমের উপরে করে বাণ-বরিষণ ॥

রুষ্টির পশলা যেন বরিবার কালে ।

ঢাকিল ভীমের রথ-পথ শরজালে ॥

কুপিল দারুণ ভীম যেন কালসাপ ।

রথ হৈতে ভূমে পড়ে দিয়া একলাফ ॥

সাপটিয়া আচার্য্যের রথখান ধরে ।

টান দিয়া ফেলে রথ যোজন-অন্তরে ॥

তাহার চাপনে সৈন্য তল যায় কত ।

সারথি হইল নাশ, অশ্বগণ হত ॥

ধ্বজ ভাঙ্গে, রথ নেড়ামুড়া হ'য়ে রয় ।

লাফ দিয়া পলাইল দ্রোণ-মহাশয় ॥

পশ্চাৎ করিয়া দ্রোণে বীর বুকোদর ।

অতিবেগে প্রবেশিল ব্যূহের ভিতর ॥

গদাহাতে গর্জে বীর, গতি দীর্ঘপদে ।

প্রকাণ্ড-পর্বত-তনু, মত্ত বীরমদে ॥

সমরে প্রচণ্ড শূর, চূর করে ঘায় ।

গদাঘাতে রথ-রথী পদাতি লোটায় ॥

বিশোক চালায় বায়ুবেগে অশ্বগণ ।

উত্তরিল ব্যূহমধ্যে পবন-নন্দন ॥

দেখিয়া সৈন্যের ক্ষয় রবির নন্দন ।

আগুলিল ভীমে আসি অতি-ক্রুদ্ধমন ॥

কর্ণেরে দেখিয়া ভীম মহাক্রুদ্ধ হৈল ।

ধনুগুণ টঙ্কারিয়া দিব্য-অস্ত্র নিল ॥

কর্ণ বলে, ভীম আজি দেহ মোরে রণ ।

অবশ্য পাঠাব তোমা যমের সনন ॥

এত শুনি বুকোদর ক্রোধে হতাশন ।

কর্ণেরে চাহিয়া বলে করিয়া তর্জন ॥

কৌরব-কিঙ্কর তোর গৌরব যে জানি ।

জানিয়া তোমারে পাপ পোষে কালফণী ॥

কুমন্ত্রণা দিয়া কুরুর করিল বিনাশ ।
 নিকট হইল মৃত্যু, বিফল প্রয়াস ॥
 ওরে মৃত্যুমতি, এত গর্ব যে তোমার ।
 এমত প্রতিজ্ঞা কর অগ্রেতে আমার ॥
 আজি আমি বাণে তোরে করিব সংহার ।
 কহিনু, জানিহ বাক্য সঙ্গুপ আমার ॥

এত বলি বৃকোদর এড়ে অস্ত্রগণ ।
 গগন ছাইয়া করে বাণ-বরিষণ ॥
 যত বাণ এড়ে ভীম, কাটে কর্ণবীর ।
 দেখি বৃকোদর-বীর কম্পিত-শরীর ॥
 আকর্ণ পুরিয়া বীর মারে দশবাণ ।
 ছুইবাণে ধ্বজ কাটি করে খান-খান ॥
 চারিবাণে চারি-অশ্বে কাটিল সত্তর ।
 চারিবাণে সারথিরে দিল যমঘর ॥
 সারথি পড়িল, রথ হইল অচল ।
 লাফ দিয়া পলাইল কর্ণ মহাবল ॥

কর্ণ পলাইল দেখি বীর বৃকোদর ।
 মহাক্রোধে বাণ এড়ে সৈন্যের উপর ॥
 পড়িল অনেক সৈন্য পৃথিবী আচ্ছাদি ।
 লক্ষ-লক্ষ সেনা পড়ে, রক্তে বহে নদী ॥
 দেখিয়া আকুল বড় রাজা দুর্যোধন ।
 সহোদরগণে ডাক দিল সেইক্ষণ ॥
 দশজন যুঝিবারে হৈল আগুয়ান ।
 অযুতেক হস্তী আসে মহাবলবান্ ॥
 মুঘল মুদগর বাঙ্কা শুণে সবাকার ।
 ঈষা-সম দস্ত হস্তী পর্বত-আকার ॥
 হস্তিগণে দেখি ভীম তাজে ধনুঃশর ।
 হাতে গদা করি নামে সংগ্রাম-ভিতর ॥
 শতমণ লৌহ দিয়া গড়া গদাখান ।
 মহাভয়ঙ্কর দেখি কালের সমান ॥

হেন গদা ল'য়ে বীর ধাইল সত্তর ।
 নিমেষেক মারে দশ-সহস্র কুঞ্জর ॥
 গদার প্রহার যেন বজ্রের সোসর ।
 একেবারে শত-শত মারে বৃকোদর ॥
 ধৃতরাষ্ট্রপুত্রগণ আসে দশজন ।
 ভীমের উপরে করে অস্ত্র-বরিষণ ॥
 লাফ দিয়া লঙ্ঘে ভীম যৌজনেক বাট ।
 পলাইতে কুরুর পড়িয়া মরে ঠাট ॥
 তবে ক্রোধে বৃকোদর গদা ল'য়ে ধায় ।
 রথ-অশ্ব-সহ সৈন্য চূর্ণ করি যায় ॥
 দশজনে মারে বীর গদার প্রহারে ।
 দেখি দুর্যোধন-বীর হাহাকার করে ॥

সঞ্জয় কহেন ধৃতরাষ্ট্রে সমাচার ।
 দশপুত্র রাজা, তব হইল সংহার ॥
 গদার প্রহারে মারে বীর বৃকোদর ।
 অযুতেক হস্তী পড়ে মহাভয়ঙ্কর ॥

এত শুনি ধৃতরাষ্ট্র হৈল অচেতন ।
 বহু বিলাপিয়া অন্ধ করয়ে রোদন ॥
 ক্রণেক থাকিয়া বলে, শুনহ সঞ্জয় ।
 বড়ই দারুণ ভীম নির্দয়-হৃদয় ॥
 একেবারে দশপুত্রে করিল সংহার ।
 এতেক বলিয়া অন্ধ করে হাহাকার ॥

সঞ্জয় বলিল, কেন করহ রোদন ।
 পূর্বে যত কহিলাম, না কৈলে শ্রবণ ॥
 অধর্ম করিলে নহে ভদ্র আপনার ।
 যতেক করিলে, জান সব সমাচার ॥
 অর্থলোভে রাজ্যলোভে করিলে তখনে ।
 কিং জিতং, কিং জিতং বলি কহিলে আপনে ॥
 বিদুর প্রভৃতি করি বলিল তোমায়ে ।
 কারো বাক্য না শুনিলে তুমি অহঙ্কারে ॥

ধৃতরাষ্ট্র বলে, কহ আমারে সঞ্জয় ।

কভু না শুনিমু পাণ্ডবের পরাজয় ॥

যতেক শুনি যে পড়ে মোর সেনাগণ ।

বিশেষিয়া কহ মোরে ইহার কারণ ॥

সঞ্জয় বলিল, রাজা, শুন সাবধানে ।

পাণ্ডবের দলে কৃষ্ণ আছেন আপনে ॥

“যথা কৃষ্ণ, তথা ধর্ম” জানিহ রাজন্ ।

“যথা ধর্ম, তথা জয়” বেদের বচন ॥

পুত্রস্নেহ-সম নাহি, দৈব-সম বল ।

বিদ্যা-সম বন্ধু নাহি, ব্যাধি-সম খল ॥

সর্বকাল দৈববল আছে ধর্মহুতে ।

বিরোধ তাহার সনে আপনা থাইতে ॥

দূত হন ত্রিভুবন-পতি যার বোলে ।

বিপদে করেন পার করি নিজকোলে ॥

জানিয়া না জানি যাহা, শুনিয়া না শুনি ।

ধরিয়। আনিল পাশাকালে যাজ্ঞসেনী ॥

সভায় তাহার বস্ত্র হরে তব স্তত ।

আপনি তাহার কর্ম শুনিলে অদ্বুত ॥

হরিতে বাড়িল বাস, নাহি অবসান ।

অনুকূল হ’য়ে লজ্জা রাখে ভগবান ॥

এখন পার্থের কৃষ্ণ হইল সারথি ।

তাহারে জিনিবে, হেন কাহার শক্তি ॥

ভদ্র আর নাহি তব, শুন মহীপাল ।

নিশ্চয় কুরুবংশ গ্রাসিবেক কাল ॥

ধৃতরাষ্ট্র বলে, শুন, দৈব বলবান ।

নিরর্থক পুরুষার্থ করহ বাখান ॥

দ্রোণপর্ব-পুণ্যকথা জয়দ্রথ-বধে ।

কাশীরাম দাস কহে গোবিন্দের পদে ॥

২৫। ভীমের হস্তে দ্রোণাখনের অপর

জিংশ-ভাতৃবধ ।

মুনি বলে, শুন পরীক্ষিতের নন্দন ।

হেনমতে বৃকোদর করে মহারণ ॥

পুনরপি কর্ণবীর রথেতে চড়িয়া ।

যুদ্ধ করিবারে আসে তর্জ্জন করিয়া ॥

গদাহাতে বৃকোদরে দেখি ভূমিতলে ।

শীঘ্রগতি কর্ণবীর নানা-অস্ত্র ফেলে ॥

প্রলয়ের মেঘ যেন বরিষয়ে জল ।

সেইমত অস্ত্র ফেলে কর্ণ মহাবল ॥

দেখি বৃকোদর-বীর ক্রোধে কম্পকায় ।

বায়ুবেগে গদা বীর মস্তকে ফিরায়ে ॥

গদায় ঠেকিয়া বাণ চূর্ণ হ’য়ে উড়ে ।

একলাফে ভীম তার রথে গিয়া চড়ে ॥

চারি-অশ্বে মারিলেক রথের উপর ।

একচড়ে সারথিরে দিল যমঘর ॥

কর্ণে চূলে ধরি বীর অতি শীঘ্রগতি ।

মারিতে উদ্যম কৈল ভীম মহামতি ॥

হেনকালে আচম্বিতে মনেতে পড়িল ।

কর্ণকে মারিতে পার্থ প্রতিজ্ঞা করিল ॥

আজি যুদ্ধে যদি আমি কর্ণে কার ক্ষয় ।

হইবে প্রতিজ্ঞা-ভঙ্গ পার্থের নিশ্চয় ॥

এত চিন্তি কর্ণে ছাড়ি দিল বৃকোদর ।

আপনার রথে গিয়া চড়িল সত্বর ॥

অপমান পেয়ে কর্ণ লজ্জিত-বদন ।

আর রথে চড়ি বীর করিল গমন ॥

কৃপাচার্য্য-প্রতি দ্রোণ কহিল তখন ।

হের দেখ, ভীম করে কর্ণেরে নিধন ॥

এতেক বলিয়া দৌহে হাসিতে লাগিল ।

হাস্য দেখি কর্ণবীর লজ্জিত হইল ॥

কর্ণ পলাইলা দেখি বীর বৃকোদর ।

পুনরপি ধনু ধরি করয়ে সমর ॥
সৈন্যের উপরে বীর বাণবৃষ্টি করে ।
মারিয়া অনেক সৈন্য দিল যমঘরে ॥
ভীমের দেখিয়া কোপ অনল-সমান ।
ভয়ে আর কোন বীর নহে আগুয়ান ॥
এতেক দেখিয়া তবে দুঃশাসন বেগে
হাতে ধনু করি গেল ভীমসেন-আগে ॥
যেই বেগে আগু হৈল গান্ধারী-তনয় ।
চারিবাণে কাটে তার চারিটি যে হয় ॥
দুইবাণে ধ্বজ কাটি কৈল খণ্ড-খণ্ড ।
আর দুইবাণে কাটে সারথির মুণ্ড ॥
না করিতে যুদ্ধ এত অপমান পায় ।
ভয়ে ধৃতরাষ্ট্র-পুত্র কম্পমান-কায় ॥
রথ এড়ি দুঃশাসন পলায় সঙ্কর ।
ক্রোধে ডাক দিয়া বলে বীর বৃকোদর ॥

আরে ভূতমতি, কেন পলাইস্ রণে ।

শিৱ হ'য়ে যুদ্ধ কর, বৃষ্ণি বীরপনে ॥
শৃগালের প্রায় বাস, না করিস্ রণ ।
ধিক্-ধিক্ প্রাণে তোর ওরে দুঃশাসন ॥
মনে কর, পলাইয়া পরাণ পাইব ।
ঋজ্বিয়া ধরিব আমি, যেখানে দেখিব ॥
শোণিত থাইব তোর বিদারিয়া বুক ।
তবে পাসরিব পূর্ব্বকার যত দুঃখ ॥
যাহ-যাহ নির্লজ্জ-পামর, তুই পশু ।
করিব তোমারে বধ কালি বা পরশু ॥
এসেছিলি এই মুখে করিতে সমর ।
পলাইলি ভেকা' হ'য়ে ভয়েতে পামর ॥

বিষম বাক্যের বাণে দহে তার তনু ।

শুদ্ধতৃণ পেয়ে যেন জ্বলয়ে কুশানু ॥
এত শুনি দুঃশাসন ক্রোধে নেউটিল ।
ধনুগুণ টঙ্কারিয়া দিব্য-অস্ত্র নিল ॥
দেখি বৃকোদর-বীর হরিষ-অস্তুর ।
কালদণ্ড-সম হাতে নিল ধনুঃশর ॥
সন্ধান পুরিয়া মারে দুঃশাসন-বুকে ।
বাণাঘাতে দুঃশাসন ঘুরে ঘনপাকে ॥
অচেতন হ'য়ে রথে পড়ে দুঃশাসন ।
ঝলকে-ঝলকে হয় শোণিত-বমন ॥

দেখি ক্রোধে ধায় দিবাকর-সুত রোষে ।

হারিয়া নাহিক লজ্জা, নির্লজ্জ বিশেষে ॥
কর্ণে দেখি মহাক্রোধে বলে বৃকোদর ।
ধিক্-ধিক্ ওরে দুষ্ট নির্লজ্জ পামর ॥
পুনঃপুনঃ পলাইস্ শৃগালের প্রায় ।
বড়ই নির্লজ্জ তুই, দেখিনু সভায় ॥
এত শুনি মহাক্রোধে কর্ণ এড়ে বাণ ।
অর্দ্ধপথে ভীম তাহা করে খান-খান ॥
যত অস্ত্র এড়ে কর্ণ, কাটে বৃকোদর ।
ক্রোধে শক্তি মারে বীর ভীমের উপর ॥
তবে ক্রোধে বৃকোদর পুরিল সন্ধান ।
দুইবাণে শক্তি কাটি করে খান-খান ॥
দিব্য-ভল্ল দশগোটা ক্রোধে এড়ে বীর ।
কবচ কাটিয়া তার ভেদিল শরীর ॥
মূর্ছিত হইয়া কর্ণ রথেতে পড়িল ।
সারথি সঙ্করে রথ ল'য়ে পলাইল ॥

তবে আর আগুয়ান নহে কোন রথী ।

সিংহনাদ করি বলে ভীম মহামতি ॥

একেধর ভীম করে সৈন্য লগুতগু ।
লক্ষ-লক্ষ পদাতিক করে খণ্ড-খণ্ড ॥
অশ্ব-হস্তী কাটি পাড়ে, নাহি লেখাজোখা ।
একশত রথী পাড়ে ভীমসেন একা ॥
ভীমের বিক্রমে আর কেহ নহে স্থির ।
পলায় সকল-সৈন্য বিকল-শরীর ॥

এতেক দেখিয়া ধৃতরাষ্ট্র-পুত্রবর ।
যুদ্ধ করিবারে আসে ত্রিংশ-সহোদর ॥
ভয়ঙ্কর ত্রিংশ হস্তী আরোহণ করি ।
ভীমের অগ্রেতে গেল হাতে ধনু ধরি ॥
ধৃতরাষ্ট্র-পুত্রগণে দেখি বৃকোদর ।
হাতে গদা ধরি ধায় হরিষ-অস্তর ॥
আটশিরা গদাগোটা মহাভয়ঙ্কর ।
শত-শত ঘণ্টা বাজে, দেখিতে হুন্দর ॥
হেন গদা ভীমবীর হাতেতে করিয়া ।
সিংহ যেন ক্ষুদ্রে-মৃগে যায় খেদাড়িয়া ॥
আনন্দিত বৃকোদর নির্ভয়-শরীর ।
ছাগপুঞ্জ দেখি যেন ব্যাঘ্র নহে স্থির ॥
ধৃতরাষ্ট্র-পুত্রগণে করিতে বিনাশ ।
ক্রোধে ধায় বৃকোদর ছাড়িয়া নিঃশ্বাস ॥
করি-কুস্তস্থলে মারে বজ্র-গদাবাড়ি ।
ত্রিশ-ঘায় ত্রিশ-হস্তী যায় গড়াগড়ি ॥
হস্তী সব চূর্ণ করি ধায় বৃকোদর ।
নিমিষেকে বিনাশিল ত্রিংশ-সহোদর ॥
ব্যাকুল হইয়া কান্দে রাজা দুর্য়োধন ।
আজিকার যুদ্ধে সব হইল নিধন ॥

হোথায় সঞ্জয় বার্তা কহে অন্ধস্থানে ।
চল্লিশ কুমার তব পড়ি গেল রণে ॥
শুনি ধৃতরাষ্ট্র শোকে হ'য়ে অচেতন ।
সিংহাসন ছাড়ি রাজা করিছে রোদন ॥

কতক্ষণ থাকি রাজা বলিল বচন ।
একা ভীম বংশ মোর করিল নিধন ॥
সঞ্জয় বলি ছ, কিবা হ'য়েছে এখন ।
একা ভীম তব বংশ করিবে নিধন ॥
যুধিষ্ঠির-ধর্ম্ম-হেতু সবে বলবান্ ।
আপনি সহায় কৃষ্ণ সদা তাঁর স্থান ॥
যথা কৃষ্ণ, তথা সব দেবের আশ্রয় ।
দেবগণে কোন্ জন করে পরাজয় ॥
ধৃতরাষ্ট্র বলে, সত্য কহিলে সঞ্জয় ।
ধর্ম্মবস্ত্র যুধিষ্ঠির, তেঁই হয় জয় ॥
বৈশম্পায়ন বলেন, জন্মেজয় শুনে ।
সূতমুনি কহে, শুনে যত মুনিগণে ॥
পৃথিবীতে শুনে লোক হয়ে একমতি ।
শুনিলে অধর্ম্ম খণ্ডে, পায় দিব্যগতি ॥
ব্যাস-বিরচিত দিব্য-ভারত-কথন ।
একমন হ'য়ে শুন যত ভক্তজন ॥
ধর্ম্ম-অর্থ-কাম-মোক্শ চতুর্বর্গ হয় ।
ব্যাসের বচন, ইথে নাহিক সংশয় ॥
দ্রোণপর্ব-সুধারস জয়দ্রথ-বধে ।
কাশীরাম দাস কহে গোবিন্দের পদে ॥

২৬। ভীম-কর্ষক দুর্য়োধনের অপর পঞ্চাশৎ-
ভ্রাতার নিধন ।

মুনি বলে, শুন পরীক্ষিতের নন্দন ।
হেনমতে ভীমসেন করে ঘোর রণ ॥
ভীমের সংগ্রাম দেখি কুরুকুল ভীত ।
হাহাকার মহাশব্দ হইল উথিত ॥
পুনরপি উঠে ভীম রথের উপর ।
রথ চালাইয়া দিল বিশোক সত্ত্বর ॥

বিশোক চালায় রথ বায়ুসম গতি ।
 যুঝিতে-যুঝিতে যান ভীম মহামতি ॥
 কতদূরে গিয়া ভীম দেখে সাত্যকিরে ।
 আনন্দিত হ'য়ে বার্তা জিজ্ঞাসিল তারে ॥

ভীম বলে, কহ অর্জুনের সমাচার ।
 কি-কারণে রথধ্বজ নাহি দেখি তার ॥
 সাত্যকি কহিল, ওই দেখে বৃকোদর ।

দ্রোণ-সহ ধনঞ্জয় করয়ে সমর ॥
 পুনরপি বলে ভীমে, কহ বিবরণ ।
 যুধিষ্ঠিরে ছাড়ি হেথা এলে কি-কারণ ॥

ভীম বলে, যুধিষ্ঠির পাঠান আমারে ।
 অর্জুনের সমাচার জানিবার তরে ॥
 ধৃষ্টদ্যুম্ন-স্থানে তাঁরে করি সমর্পণ ।
 তত্ত্ব জানিবারে তব আসিনু এখন ॥
 শুনিয়া সাত্যকি তবে আনন্দিত হৈল ।
 ভীমে দেখি কর্ণবীর পুনশ্চ আসিল ॥

কর্ণেরে দেখিয়া ভীম বলে ডাক দিয়া ।
 পুনঃপুনঃ আসি পুনঃ যাস্ পলাইয়া ॥
 ক্রণেক থাকিয়া যুব, তবে জানি কথা ।
 একবাণে আজি তোর কাটি পাড়ি মাথা ॥
 এতবলি বৃকোদর নিল ধনুখান ।
 কর্ণের উপরে মারে তীক্ষ্ণ দশবাণ ॥
 বাণাঘাতে ব্যথিত হইল অঙ্গপতি ।
 পলাইল যুদ্ধ ছাড়ি কর্ণ শীঘ্রগতি ॥

তবে ক্রোধে বৃকোদর অনল-সমান ।
 আকর্ণ প্রিয়া বীর বরিষয়ে বাণ ॥
 লক্ষ-লক্ষ সেনা পড়ে, নাহি তার অন্ত ।
 গিরি-সম হস্তী পড়ে ঈষা-সম দন্ত ॥
 ধ্বজচ্ছত্র-পতাকাদি পড়ে সারি-সারি ।
 যতেক পড়িল সৈন্য, লিখিতে না পারি ॥

অষ্ট অর্কোহিণী সেনা পড়ে সেইদিনে ।
 এতেক করিল ক্ষয় বীর তিনজনে ॥
 অর্জুন-সাত্যকি দৌহে চারি অর্কোহিণী ।
 চারি অর্কোহিণী ভীম বধিল আপনি ॥

ধৃতরাষ্ট্র-পুত্রসব এতেক দেখিয়া ।
 আসিল পঞ্চাশ-জন রথেতে চড়িয়া ॥
 সৈন্যসজ্জা কোলাহল হয় হস্তী রথ ।
 চারিদিকে আসি বেড়ে আবরিয়া পথ ॥
 দেখিয়া ধাইল তবে বীর বৃকোদর ।
 পুনরপি গদা ল'য়ে সংগ্রাম-ভিতর ॥
 রথসহ চূর্ণ করি যায় বৃকোদর ।
 পঞ্চাশ-ভ্রাতারে ক্রমে দিল যমঘর ॥
 নবতি সোদর পড়ে দেখি হুর্যোধন ।
 ভ্রাতৃগণ-শোকে রাজা করয়ে রোদন ॥

সঞ্জয় বলিল, শুন অন্ধ-নরবর ।
 পঞ্চাশ পুত্রে তব মারে বৃকোদর ॥
 পূর্বের দশ, মধ্যে ত্রিশ এখন পঞ্চাশ ।
 হইল নবতি-পুত্র ভীমহস্তে নাশ ॥
 কি বল, কি বল বলি অন্ধ-নরপতি ।
 নৃচ্ছিত হইয়া তবে পড়ি গেল ক্ষিতি ॥
 শুনিয়া গান্ধারী-দেবী হৈল অচেতন ।
 বংশনাশ করে মোর পবন-নন্দন ॥
 অস্তঃপুরে উঠে রোদনের কোলাহল ।
 হাহাকার করে সবে, না বাঞ্ছে কুস্তল ॥
 শত-শত বধূগণ করিয়া রোদন ।
 টানিয়া ফেলিল নিজ-বস্ত্র-আভরণ ॥
 চুল ছিঁড়ে, বস্ত্র ছিঁড়ে, শিরে মারে ঘাত ।
 আমা-সবে ছাড়ি কোথা গেলে প্রাণনাথ ॥
 ইন্দ্র-বিদ্যাদরী জিনি রূপ সবাকার ।
 দিব্য-বস্ত্র-পরিধান, রত্ন-অলঙ্কার ॥

কোমল-শরীর সবে পরমা সুন্দরী ।
ভূমে গড়াগড়ি যায় হাহাকার করি ॥
ক্রন্দন শুনিয়া তবে অন্ধ-নরবর ।
বিলাপ করয়ে কত হইয়া কাতর ॥
কণে-কণে মুছে' হয়, কণেকে চেতন ।
হা-পুত্র, হা-পুত্র বলি করয়ে রোদন ॥
সোনার আগার মম শূন্যময় হৈল ।
ভীমের সমরে পুত্র-সকল মরিল ॥
বড়ই নির্ভর ভীম, নাহি দয়ালেশ ।
ভীম হৈতে হৈল আজি মম বংশ শেষ ॥

সঞ্জয় বলিল, শুন অন্ধ-নরবর ।

এখন কি হবে আর হইলে কাতর ॥
এইহেতু পূর্বে কত কহিনু তোমারে ।
কারো কথা না শুনিলে তুমি অহঙ্কারে ॥
ভীম দ্রোণ কৃপ আর বিদুর স্মৃতি ।
বিবিধ-প্রকারে বুঝাইল তোমা-প্রতি ॥

বিদুর বলেন, কেন কান্দ নরবর ।
তব হিত-হেতু পূর্বে কহিনু বিস্তর ॥
ধনলোভে রাজ্যলোভে কৈলে অপকর্ম ।
আপনি করিলে রাজা, আপন অধর্ম ॥
তবু যুধিষ্ঠির নাহি করিল অধর্ম ।
তাহার অসাধ্য রাজা, ছিল কোন্ কর্ম ॥
যুধিষ্ঠিরকে ভূমণ্ডল পারে জিনিবারে ।
তথাপিহ যুধিষ্ঠির ক্রমিল তোমারে ॥
পঞ্চগ্রাম মাগিলেন ধর্মের নন্দন ।
একখানি নাহি দিল ছুট ছর্যোদন ॥
এখন সে-সব কথা হইলে বিদিত ।
অধর্ম করিলে ভাল নহে কদাচিত ॥

বিদুরে চাহিয়া তবে কহিল রাজন্ ।
পুনঃপুনঃ কটুবাক্য কহ কি-কারণ ॥

পুত্রগণ-শোক মোর পুড়িতেছে প্রাণ ।
পুনঃপুনঃ কেন আর হান বাক্যবাণ ॥
এত বলি নিঃশব্দে রহিল নরপতি ।
পুত্রগণ-শোকে রাজা কান্দে দুঃখমতি ॥
জন্মেজয় বলে, কহ শুন তপোধন ।
কিমতে হইল হত আর দশজন ॥
পিতামহ-চরিত্র অপূর্ব-উপাখ্যান ।
স্বধা হইতেও স্বধা, শুন তব স্থান ॥
মহাভারতের কথা অমৃত-সমান ।
কাশীরাম দাস কহে, শুন পুণ্যবান ॥

১৭। চর্যোদন ও দ্রোণাসন-বিন' অবশিষ্ট
অষ্টমোত্তর সূত্র ও কর্ণপ্ত
ভীমের পরাজয় ।

মুনি বলে, অবধান কর নরপতি ।
হেনমতে যুদ্ধ করে ভীম মহামতি ॥
ধৃতরাষ্ট্র-পুত্রগণে বধিয়া সমরে ।
সহস্রেক হস্তী আরে গদার প্রহারে ॥
শোকেতে আকুল হৈল রাজা চর্যোদন ।
ভ্রাতৃগণ-মৃত্যু দেখি করয়ে রোদন ॥
অবশিষ্ট ছিল আর দশ-সহোদর ।
সবে ল'য়ে চর্যোদন চলিল সমর ॥
চর্যোদনে দেখি ধায় পবন-নন্দন ।
গদা ফিরাইল যেন সাক্ষাৎ শমন ॥
তর্জ্জন করিয়া ভীম কহে চর্যোদনে ।
ধৃতরাষ্ট্র-বংশনাশ হবে আজি রণে ॥

এত বলি বুকোদর গদা ল'য়ে ধায় ।
মুগে মারিবারে যেন মুগপতি যায় ॥
ভীমে দেখি চর্যোদন গদা ল'য়ে করে ।
রথ এড়ি মারিবারে ধাইল সত্বরে ॥

গদাযুদ্ধ করে দৌঁহে অবনী-উপর ।
 ছুঙ্কার-শব্দে দৌঁহে গর্জে নিরস্তর ॥
 মহাক্রোধে বুকোদর গদা প্রহারিল ।
 কবচ কাটিয়া তার মর্ষ্যেতে ভেদিল ॥
 মূর্চ্ছিত হইল বীর সংগ্রাম-ভিতর ।
 দেখিয়া ধাইল তার নয়-সহোদর ॥
 দুঃশাসন-সহ আসে ভাই অষ্টজন ।
 ভীমের উপরে করে বাণ-বরিষণ ॥
 দেখিয়া কুপিত হৈল পবন-নন্দন ।
 গদাহাতে করি ধায় পবন-গমন ॥
 রথসহ অষ্টজনে করিল নিধন ।
 দেখি ভয়ে পলাইয়া গেল দুঃশাসন ॥
 অবশেষে রহে দুর্ঘোষন দুঃশাসন ।
 সমরে পড়িল আর সব ভ্রাতৃগণ ॥
 কান্দিতে-কান্দিতে তবে রাজা দুর্ঘোষন ।
 রথে চড়ি পলাইল লইয়া জীবন ॥

পুনরপি কর্ণবীর ল'য়ে ধনুর্ধ্বাণ ।
 ভীমের সম্মুখে গেল পুরিয়া সন্ধান ॥
 ক্রমে-ক্রমে কর্ণ ছয়বার পলাইল ।
 পুনরপি ধনু ধরি যুঝিতে আসিল ॥
 গদাহাতে করি ধায় বীর বুকোদর ।
 লক্ষ-লক্ষ সেনা মারে, অসংখ্য কুঞ্জর ॥
 তবে কর্ণ মহাবীর পুরিয়া সন্ধান ।
 দশবাণে গদা কাটি করে খান-খান ॥
 নিরস্ত্র হইল ভীম সংগ্রাম-ভিতর ।
 মৃতহস্তী তুলি ফেলে কর্ণের উপর ॥
 যত হস্তী ফেলে, তাহা কাটে কর্ণবীর ।
 বাণে খণ্ড-খণ্ড কৈল ভীমের শরীর ॥
 কাটা অশ্ব-গজ ছিল, সব ক্ষয় হৈল ।
 দুইহাতে কাটা-ক্ষয় ফেলিতে লাগিল ॥

কর্ণবীর এড়ে বাণ সংগ্রামে প্রচণ্ড ।
 যত-সব কাটাক্ষয় করে খণ্ড-খণ্ড ॥
 বাণে খণ্ড-খণ্ড কৈল ভীমের শরীর ।
 সর্বাস্ত্র বহিয়া তার পড়িছে রুধির ॥
 অশস্ত্র হইল বীর সংগ্রাম-ভিতরে ।
 শীত্রগতি কর্ণবীর ধরিল ভীমেরে ॥
 গুণসহ ধনু ধরি দিল তার গলে ।
 ধরিয়া তাহার হস্ত কর্ণবীর বলে ॥
 এই শক্তি ধরি তুই করিস্ সমর ।
 কি উপায়, এবে বল, ওরে বুকোদর ॥
 গুরুজন-সহ তুমি না করিহ রণ ।
 সমানের সহ সদা কর ক্ষত্রপন ॥
 এতেক কহিতে কর্ণ রবির নন্দন ।
 কুস্তীর বচন মনে হইল স্মরণ ॥
 পাছে এই কথা-সব দুর্ঘোষন শুনে ।
 শীত্রগতি ছাড়ি দিল পবন-নন্দনে ॥

শ্রীকৃষ্ণ বলেন, শুন বীর ধনঞ্জয় ।
 কর্ণবীর করিলেক ভীমের সংশয় ॥
 আজি বুকোদর বড় পায় অপমান ।
 উপহাস করে কর্ণ দেখ বিচ্যমান ॥
 দেখি ধনঞ্জয় হৈল বিষম-বদন ।
 ভীম গিয়া নিজরথে চড়িল তখন ॥
 মহাক্রোধে ধনঞ্জয় পুরিয়া সন্ধান ।
 হয়-রথ-পদাতিরে করে খান-খান ॥
 দ্রোণপর্ব-সুধারস জয়দ্রথ-বধে ।
 কাশীরাম দাস কহে স্মরি কৃষ্ণপদে ॥

২৮ । জয়দ্রথ-বধ ।

হেনমতে একাদশ-ক্রোশ গেল রথ ।
 আর এক-ক্রোশ-মধ্যে আছে জয়দ্রথ ॥

চারিদণ্ড বেলা-মাত্র আছয়ে গগনে ।
 দেখিয়া হইল চিন্তা প্রভু নারায়ণে ॥
 শ্রীকৃষ্ণ বলেন, পার্থ, চল শীঘ্রগতি ।
 চারিদণ্ড আছে মাত্র দিনকর-স্থিতি ॥
 এক-ক্রোশ পথ যেতে হইবেক আর ।
 এথায় সংগ্রাম কর, না বুঝি বিচার ॥
 অর্জুন বলেন, কৃষ্ণ, করি নিবেদন ।
 সৈন্যমধ্যে নাহি দেখি সিদ্ধুর নন্দন ॥
 ইহার উপায় কৃষ্ণ, কহ মম স্থানে ।
 কিমতে করিব বধ সিদ্ধুর নন্দনে ॥
 শ্রীকৃষ্ণ বলেন, চিন্তা নাহিক তোমার ।
 আজি জয়দ্রথ হবে অবশ্য সংহার ॥
 এত বলি শ্রীকৃষ্ণ চালান অশ্বগণ ।
 সিংহনাদ করি যান ইন্দ্রের নন্দন ॥
 নিকটেতে দেখি তবে অর্জুনের রথ ।
 মহাভয়ে লুকাইল রাজা জয়দ্রথ ॥
 জয়দ্রথে না দেখিয়া কৃষ্ণ-মহাশয় ।
 হইলেন অতিশয় চিন্তিত-হৃদয় ॥
 জয়দ্রথ লুকাইল জানি নারায়ণ ।
 ভাবেন, কেমনে তার পাই দরশন ॥
 ভাবিয়া ভুবনপতি কন অর্জুনে ।
 হইল বিপত্তি বড় লইয়া তোমারে ॥
 পলায়িত-জনে লভিবারে বড় দায় ।
 ভাবিয়া না পাই কিছু ইহার উপায় ॥
 না ভাবি প্রতিজ্ঞা পার্থ, অগ্রে কৈলে দড় ।
 তোমা ল'য়ে পড়িলু সংশয়ে দেখি বড় ॥
 দিবা আছে চারি-দণ্ড, অবহেলে যাবে ।
 ইহার উপায় তবে কেমনে হইবে ॥
 অর্জুন অঞ্জলি করি কন কৃষ্ণ-আগে ।
 একান্ত তোমারে পাণ্ডবের ভার লাগে ॥

যে কর, সে কর, কৃষ্ণ, তোমা-বিনা নাই ।
 পাণ্ডবের প্রভু বলি সংসারে বড়াই ॥
 সেবক-পালক তুমি সংসারের সার ।
 সেবকে রক্ষিতে প্রভু, তুমি অবতার ॥
 তুমি বর্তমানে হয় পাণ্ডবের ক্ষতি ।
 জগতে তোমার নিন্দা হইবে সম্প্রতি ॥
 পাণ্ডবের রথে কৃষ্ণ সারথি আছিল ।
 তথাপি পাণ্ডবগণ সমরে হারিল ॥
 এই নিন্দা অবনীতে হইবে তোমার ।
 এ-কারণে চিন্তা কিছু নাহিক আমার ॥
 যাহা জান, তাহা কর, এ-ভার তোমার ।
 অভিমন্যু-শোকে মন পুড়িছে আমার ॥
 তা হ'তে মরণ ভাল, নিভিবে অনল ।
 রহিয়াছি তব ভাষা শুনিয়া শীতল ॥
 পার্থের আক্ষেপ-বাক্য নারায়ণ শুনি ।
 সন্তুষ্ট হইয়া কহে দেব চক্রপাণি ॥
 কি ভয় আছয়ে ইথে, উপায় স্বজিব ।
 জয়দ্রথে আজি সত্য নিধন করিব ॥
 এত বলি উপায় চিন্তিয়া নারায়ণ ।
 সুদর্শনে করিলেন সূর্য-আচ্ছাদন ॥
 আচম্বিতে দেখে সবে হইল রজনী ।
 কুরুসেনা-মধ্যে হৈল জয়-জয়-ধ্বনি ॥
 দেখিয়া অর্জুন চিন্তে মানিয়া বিষয় ।
 ত্রাস পেয়ে কৃষ্ণ-প্রতি বলে সবিনয় ॥
 পার্থ বলিলেন, কহ, কি করি বিধান ।
 কিরূপে হইবে আজি মম পরিত্রাণ ॥
 জয়দ্রথ-বধ-হেতু প্রতিজ্ঞা আছিল ।
 প্রতিজ্ঞা নহিল পূর্ণ, রজনী আসিল ॥
 প্রতিজ্ঞা লঙ্ঘন কৈলে যত পাপ হয় ।
 আপনি জানহ তাহা, শুন মহাশয় ॥

শ্রীকৃষ্ণ বলেন, সখে, নাহি কিছু ভয় ।
 প্রতিজ্ঞা-পূরণ তব হইবে নিশ্চয় ॥
 এতেক কহিতে তথা কুরু-বীরগণে ।
 অস্ত্র-ধনু ত্যাগ করি আসিল সেখানে ॥
 এখনি মরিবে পার্থ, হেন করি মনে ।
 আনন্দিত দুর্য়োধন সহাস্ত্র-বদনে ॥
 তবে জয়দ্রথ দেখি সক্ষ্যার সময় ।
 সঙ্করে আসিয়া অর্জুনের প্রতি কয় ॥
 জয়দ্রথ বলে, শুন বীর ধনঞ্জয় ।
 কি দেখ, আগত হৈল সক্ষ্যার সময় ॥
 আপন-প্রতিজ্ঞা পূর্ণ করহ এখন ।
 তব যশ ঘূষিবেক এ-তিন-ভুবন ॥
 অস্ত্র-ধনু ত্যাগ করি যাহ ধনুর্ধর ।
 শীঘ্রগতি প্রবেশহ অগ্নির ভিতর ॥
 মিছা মায়া, মিছা কায়া, জল-বিশ্ববৎ ।
 এ-মহীমণ্ডল যাবে, পড়িবে পর্বত ॥
 যদি রিপু জিনি রাজ্য কর মহাশয় ।
 চিস্তিয়া দেখহ, তাহা চিরকাল নয় ॥
 অধর্ম করিয়া কর্ম যে করে সাধন ।
 অতিশীঘ্র হয় তার সবংশে পতন ॥
 ধার্মিক বলিয়া তোমা বলে সর্বজনে ।
 কারলে প্রতিজ্ঞা, তাহা লজ্জিবে কেমনে ॥
 অর্জুন উত্তর দেন, শুন জয়দ্রথ ।
 ভূমি যে কহিলে কথা চাহি ধর্মপথ ॥
 ধর্ম্মেতে বিচার করি ধার্মিকের সনে ।
 অধর্ম্মে জিনিতে দোষ নাহি দুষ্কজনে ॥
 অন্যায় সমর করি শিশু কৈলে হত ।
 কহ দেখি, সে-কর্ম কি ধর্ম্মের সম্মত ॥
 এখনি বধিয়া তোমা আমিও মরিব ।
 পাইয়া পরম শত্রু ছাড়িয়া না দিব ॥

শুনিয়া শুকায় মুখ জয়দ্রথ-বীরে ।
 ভয় নাই, আশ্বাসিয়া কহে পার্থ তারে ॥
 বিশ্বাসঘাতক তব রাজা-সম নহি ।
 কি করিব, নিজ-কর্ম্ম লব ধর্ম্ম বহি ॥
 শরীর ছাড়িব সত্য, করিয়াছি পণ ।
 এত বলি অগ্নি আনি জ্বালিল তখন ॥
 কৃষ্ণ সাজায়েন কাষ্ঠ দিয়া গন্ধসারে ।
 সৌরভ-সহিত ধূম উঠিল অম্বরে ॥

শ্রীকৃষ্ণ বলেন, শুন বীর ধনঞ্জয় ।
 বীরকর্ম্ম করি বধ কৈলে ক্ষত্রচয় ॥
 এখন নিরস্ত্র হ'য়ে মরিবে কেমনে ।
 অস্ত্র-সহ প্রবেশহ জ্বলন্ত দহনে ॥
 কৃষ্ণবাক্য-অভিপ্রায় বুঝিয়া অর্জুন ।
 নিলেন গাণ্ডীব-ধনু করিয়া সগুণ ॥
 সাতবার প্রদক্ষিণ করি হুতাশন ।
 প্রসন্ন কৃষ্ণের মুখ চান ঘনে-ঘন ॥
 দুর্য়োধন-নৃপতির হৃদে বড় হুত্ব ।
 মরিল প্রধান-রিপু, নাহি আর দুত্ব ॥

হাস্তমুখে কহে আগে চাহিয়া অর্জুনে ।
 বিলম্বে বাড়িবে মায়া পুড়িতে আগুনে ॥
 টান দিয়া কর হৈতে ফেল শরচাপ ।
 চক্ষু মুদি দেহ শীঘ্র হুতাশনে ঝাঁপ ॥
 অর্জুন বলেন, এই ঝাঁপ দিয়া পাড়ি ।

জয়দ্রথে ল'য়ে ভূমি হুখে যাহ বাড়ী ॥
 জয়দ্রথে দেখি কৃষ্ণ আনন্দিত-মন ।
 সেইকণে ছাড়িলেন সূর্য-আচ্ছাদন ॥
 দুই-দশ বেলা আছে গগন-মণ্ডলে ।
 দেখিয়া পাইল ত্রাস কোরবের দলে ॥
 কোরব জানিল তবে, নিতান্ত কপট ।
 বিষম কৃষ্ণের মায়া বুঝিতে সক্ষম ॥

শ্রীকৃষ্ণ বলেন, সখে, শুন সাবধানে ।

জয়দ্রেথ বধিবারে দেবী আর কেনে ॥
কটাই উহার মুণ্ড, ভূমে না পাড়িবে ।
পশ্চাৎ সে-সব কথা জানিতে পারিবে ॥
উহার জনক তপ কাম্যবনে করে ।
ফেলাইবে মুণ্ড তার হস্তের উপরে ॥
বাণে-বাণে মুণ্ড ল'য়ে ফেল তার হাতে ।
তবে সে হইবে রক্ষা, জানহ ইহাতে ॥

এত শুনি ধনঞ্জয় পুরিয়া সন্ধান ।
জয়দ্রেথ-ললাটেতে মারে একবাণ ॥
শীঘ্রগতি মুণ্ড কাটি আর একবাণে ।
বাণে ল'য়ে গেল তার জনকের স্থানে ॥
সন্ধ্যা করে সিদ্ধুরাজ দুই-হাত কোলে ।
হেনকালে মুণ্ড তার হস্তে ল'য়ে ফেলে ॥
দ্রাস পেয়ে মুণ্ডগোটা ভূমিতে ফেলিল ।
সেইক্ষণে তার মুণ্ড খণ্ড-খণ্ড হৈল ॥
হেনমতে সিদ্ধুরাজ হইল নিধন ।
জয়দ্রেথ-সঙ্গে গেল যমের সদন ॥

অর্জুন বলেন, কৃষ্ণ, কহিবে বিধান ।
রূপা করি কহ জয়দ্রেথ-উপাখ্যান ॥
ভূমিতে ফেলিলে মুণ্ড মরিবে সেক্ষণে ।
হেন বর কেবা দিল সিদ্ধুর নন্দনে ॥

শ্রীকৃষ্ণ বলেন, শুন বীর ধনঞ্জয় ।
জয়দ্রেথ হয় সিদ্ধুরাজের তনয় ॥
বহুকাল জয়দ্রেথ সেবিল শঙ্করে ।
অনাহারে তপ করে বনের ভিতরে ॥
নানা-উপচার দিয়া পূজিল মহেশ ।
তুচ্ছ হ'য়ে বর তারে যাচেন বিশেষ ॥
বর মাগ জয়দ্রেথ, যাহা মনোনীত ।
এত শুনি জয়দ্রেথ হৈল আনন্দিত ॥

জয়দ্রেথ বলে, যদি মোরে দিবে বর ।
এক নিবেদন করি তোমার গোচর ॥
মোর শির কাটি যেই ফেলিবে ধরণী ।
তার মুণ্ড খণ্ড-খণ্ড হইবে তখনি ॥
শঙ্কর বলেন, এই বর লহ তুমি ।
সে মরিবে, তব মুণ্ড যে ফেলিবে ভূমি ॥
হরে প্রণমিয়া বীর আনন্দিত-মন ।
আপনার দেশে গেল সিদ্ধুর নন্দন ॥
সে-কারণে মুণ্ড তার জনকের করে ।
ফেলাইতে কহিলাম তব রক্ষা-তরে ॥
ভূমে মুণ্ড ফেলি তার জনক মরিল ।
নিশ্চয় জানিহ, ইহা একরূপ ঘটিল ॥

এত শুনি ধনঞ্জয়ে লাগে চমৎকার ।
কৃষ্ণের চরণে বীর কৈল নমস্কার ॥
স্তুতি করিলেন পার্থ যোড় করি কর ।
এক নিবেদন করি শুন গদাধর ॥
তোমা-বিনা গতি মম নাহি নারায়ণ ।
এমত বিপদে মোরে করিলে তারণ ॥
তোমার কারণে হয় প্রতিজ্ঞা-পূরণ ।
তোমার প্রসাদে আমি দেখি বহুজন ॥
তোমার রূপায় জয় হইল সকল ।
তোমার ভরসা আমি করি হে কেবল ॥
শুন কৃষ্ণ, তুমি মম হও বুদ্ধিবল ।
তোমার কারণে আমি পাইব সকল ॥
তোমার কারণে কতদিন রহি ক্ষিতি ।
তোমার রূপায় ভোগ করি বহুমতী ॥
তোমার দয়ায় কৃষ্ণ, করিব সমর ।
তোমার রূপায় তরি সঙ্কট-সাগর ॥
কাণ্ডারী করুণাময়, তরাইতে সিদ্ধু ।
অখিলের নাথ কৃষ্ণ, অনাথের বন্ধু ॥

দয়ার ঠাকুর, দয়া কর দীনজনে ।
 সদা মন রহে যেন তোমার চরণে ॥
 শ্রীকৃষ্ণ বলেন, সাথে, তুমি বিচক্ষণ ।
 চিনিলে আমারে তুমি ইন্দ্রের নন্দন ॥
 তোমা হৈতে প্রিয় মম নাহিক সংসারে ।
 নিশ্চিত জানিহ, ইহা কহি যে তোমারে ॥
 তোমা-পঙ্কজনে মম প্রীতি অতিশয় ।
 অতএব তব কার্য করি ধনঞ্জয় ॥
 কায়মনোবাক্যে যেই চিন্তয়ে আমারে ।
 অনুক্ষণ তারে রক্ষি বিপদ-সাগরে ॥
 অনুক্ষণ মম নাম লয় যেইজন ।
 নাহিক তাহার ভয় যমের সদন ॥
 জল ভেদি পদ্ম যেন উঠে ক্রমে-ক্রমে ।
 সেইমত মুক্ত আমি করি ভক্তগণে ॥
 তুমি প্রিয়বন্ধু মম ইন্দ্রের নন্দন ।
 অতএব তব কার্যে করি প্রাণপণ ॥
 এত শুনি ধনঞ্জয় হ'য়ে পূর্ণকাম ।
 গোবিন্দের পদে পুনঃ করেন প্রণাম ॥
 জয়দ্রথ-বধ-কথা অমৃত-সমান ।
 কাশীরাম দাস কহে, শুনে পুণ্যবান্ ॥

২৯। যুধিষ্ঠির ও কৃষ্ণাৰ্জুনের পরস্পর
 কথোপকথন ।

তবে জন্মেজয় মুনিবরে জিজ্ঞাসিল ।
 কহ শুনি, মুনিরাজ, পরে কি ঘটিল ॥
 বলেন বৈশম্পায়ন, শুনহ রাজন্ ।
 হেনমতে হৈল জয়দ্রথের নিধন ॥
 অৰ্জুনের প্রতি কৃষ্ণ আনন্দিত-মন ।
 করে ধরি আলিঙ্গন করেন তখন ॥

শ্রীকৃষ্ণ কহেন, শুন কহি ধনঞ্জয় ।
 তোমা-হেতু চিন্তাশ্রিত ধর্ম্মের তনয় ॥
 অতএব শীঘ্রগতি চল তথাকারে ।
 না জানি, আছেন যুধিষ্ঠির কি-প্রকারে ॥
 এত শুনি ধনঞ্জয় চলেন সজ্বর ।
 সহিতে সাত্যকি আর বীর বৃকোদর ॥
 পবনগমনে রথ চালান সারথি ।
 বাহির হ'লেন ব্যূহ হৈতে তিন-কূতী ॥
 নিরখিয়া সবাকারে ধর্ম্মের নন্দন ।
 আলিঙ্গন করিলেন হরষিত-মন ॥
 ধর্ম্ম বলিলেন, কৃষ্ণ, কহ বিবরণ ।
 কিরূপে হইল জয়দ্রথের নিধন ॥
 প্রত্যক্ষে কহেন সব কৃষ্ণ-মহাশয় ।
 শুনি রাজা যুধিষ্ঠির সানন্দ-হৃদয় ॥
 হেনকালে আসিলেন ব্যাস-তপোধন ।
 তাঁরে দেখি উঠি প্রণমিল সর্বজন ॥
 আশীর্বাদ করি বৈসে ব্যাস-মহাশয় ।
 হেনকালে জিজ্ঞাসিল বীর ধনঞ্জয় ॥
 এক নিবেদন করি শুন মুনিবর ।
 কহিবে বৃত্তান্ত-সব আমার গোচর ॥
 যেকালে গেলাম আমি যুদ্ধ করিবারে ।
 ব্যূহমধ্যে প্রবেশিয়া কোরব-ভিতরে ॥
 হেনকালে দেখি যুদ্ধ আরম্ভ করিতে ।
 এক মহাবীর আসে শূল ধরি হাতে ॥
 পর্বত-আকার, অতিদীর্ঘ-কলেবর ।
 হাতেতে ত্রিশূল যেন তাল-তরুণবর ॥
 সূর্য্যের সদৃশ তেজ প্রকাণ্ড-শরীর ।
 আচম্বিতে রণস্থলে আসে মহাবীর ॥
 মম রথ-আগে-আগে ধায় বায়ুবেগে ।
 অশ্ব হস্তী রথ বিধে ত্রিশূলাগ্রভাগে ॥

তিনি নাশিলেন যত কুরুসৈন্যগণ ।
সমরে কেবল করি অস্ত্র-বরিষণ ॥
ইহার যথার্থ তত্ত্ব কহ যুনিবর ।
কেবা সেই মহাবীর দীর্ঘ-কলেবর ॥

এত শুনি কহিলেন ব্যাস-তপোধন ।
সমুদ্রে-সনৃশ বুদ্ধি, বড় বিচক্ষণ ॥
বলিতেছি ধনঞ্জয়, শুন সাবধানে ।
ইহার বৃত্তান্ত আমি কহি তব স্থানে ॥
পূৰ্বেতে তোমারে কহিলেন পঞ্চানন ।
তোমার সহায় আমি হ'ব অমুক্ৰণ ॥
অতএব শিব আসি করেন সময় ।
তোগারে জানাই, শুন পার্থ ধনুর্ধর ॥
রুদ্ররূপে সৃষ্টি তিনি করেন সংহার ।
নিশ্চয় জানিহ এই, কুন্তীর কুমার ॥
এই কথা সত্য সবে জানিহ নিশ্চয় ।
এত শুনি ধনঞ্জয় মানেন বিস্ময় ॥
এত বলি নিজ-স্থানে যান তপোধন ।
মহা-আনন্দিত হৈল যত যোদ্ধগণ ॥
নানাবাদ্য বাজে, সবে ছাড়ে সিংহনাদ ।
কৌরবের সেনাগণ গণিল প্রমাদ ॥
জয়-জয়-শব্দ হৈল পাণ্ডবের দলে ।
না শুনি শ্রবণে কিছু বাত-কোলাহলে ॥
শত-শত শব্দ বাজে, তরঙ্গের রোল ।
শত-শত ঢাক বাজে, শত-শত ঢোল ॥
কোটি-কোটি বীরকালী^১ বাজে জগৎম্প ।
বাদ্যের নিনাদে হৈল কৌরবের কম্প ॥
মুহূর্ৎ হু হুহুকার ছাড়ে বীরগণ ।
মেঘের নিঃস্বন যেন রথের নিঃস্বন ॥

গর্জন করয়ে হয়-হস্তী অমুক্ৰণ ।
গর্জিতে লাগিল মহাশব্দে সেনাগণ ॥
মহানন্দে ভাসে সব পাণ্ডবের দল ।
শুনি রাজা দুর্যোধন হইল বিকল ॥
মহাভারতের কথা স্মৃধা হৈতে স্মৃধা ।
কাশী কহে, পান কৈলে যায় ভব-কুধা ॥

০০। নিশাযুদ্ধ ।

দুর্যোধন বলে, শুন. যত যোদ্ধগণ ।
রাত্রিদিন যুদ্ধ কর, নাহি নিবারণ ॥
উলুকা জ্বালিয়া আজি করহ সময় ।
পুনঃপুনঃ বলে রাজা হইয়া কাতর ॥

এত বলি শত-শত উলুকা জ্বালিল ।
উলুকা জ্বালিয়া যুদ্ধ করিতে লাগিল ॥
এতক দেখিয়া পাণ্ডবের সেনাগণ ।
উলুকা জ্বালিল লক্ষ-লক্ষ সেইক্ষণ ॥
দুই-দুই উলুকা ধরি রথের উপর ।
হেনমতে যোদ্ধগণ করয়ে সময় ॥

সংশপ্তকে চলিলেন পার্থ-নারায়ণ ।
মহাঘোর-যুদ্ধ হৈল, না যায় লিখন ॥
চক্রবৃহৎ করে তথা দ্রোণ মহাবীর ।
পাণ্ডবের সেনাগণে করিল অস্থির ॥
নিবারিতে না পারিল বীর বৃকোদর ।
রাজারে ধরিতে যায় দ্রোণ ধনুর্ধর ॥

হেনকালে শীঘ্রগতি ধুর্ভুত-বীর ।
হাতে ধনু ধরি ধায় নির্ভয়-শরীর ॥
বাণবৃষ্টি করে দ্রোণ তাহার উপর ।
নিবারয়ে বাণ ধুর্ভুত-ধনুর্ধর ॥

তবে ক্রোধে দ্রোণাচার্য্য এড়ে পঞ্চবাণ ।
কবচ কাটিয়া তার করে খান-খান ॥
আর বাণ এড়ে দ্রোণ তারা-হেন ছুটে ।
ধৃষ্টদ্যুম্ন-অঙ্গে বাণ বজ্রসম ফুটে ॥
রথেতে পড়িল বীর হ'য়ে অচেতন ।
সারথি পলায় রথ ল'য়ে সেইক্ষণ ॥

ধৃষ্টদ্যুম্ন পলাইল দেখি দ্রোণবার ।
বাণে খণ্ড-খণ্ড করে রাজার শরীর ॥
রাজার সংশয় দেখি সাত্যকি সঙ্কর ।
শত-শত বাণ এড়ে দ্রোণের উপর ॥
সন্ধান পুরিয়া করে বাণ-বরিষণ ।
সাত্যকিরে দেখি দ্রোণ হৈল ক্রোধমন ॥
সাত্যকি-উপরে গুরু পুরিল সন্ধান ।
একেবারে প্রহারিল একশত বাণ ॥
দেখিয়া সাত্যকি-বীর পুরিল সন্ধান ।
খান-খান করি কাটে আচার্য্যের বাণ ॥
কাটিয়া সকল বাণ সত্যক নন্দন ।
দ্রোণের উপরে এড়ে তীক্ষ্ণ-অস্ত্রগণ ॥
বাণাঘাতে দ্রোণাচার্য্য হৈল অচেতন ।
খসিয়া পড়িল হাত হৈতে শরাসন ॥
বাণে খণ্ড-খণ্ড হৈল দ্রোণের শরীর ।
মুখলের ধারে অঙ্গে বহিছে রুধির ॥
সিংহনাদ করি যুঝে সত্যক-নন্দন ।
মুহূর্ত্তেকে নিপাতিল সেনা অগণন ॥
সাত্যকির যুদ্ধ দেখি ধর্ম্মের কুমার ।
ধন্য-ধন্য করি প্রশংসেন বহুবার ॥

কতক্ষণে দ্রোণাচার্য্য পাইল চেতন ।
হাতে ধনু ধরি বীর মহাক্রোধ-মন ॥
ধনুগুণ টঙ্কারিয়া এড়ে দিব্যবাণ ।
আকর্ষণ পুরিয়া বীর করিল সন্ধান ॥

একেবারে প্রহারিল দশগোটা বাণ ।
সাত্যকি পড়িল রথে হইয়া অজ্ঞান ॥
বুচ্ছিত দেখিয়া রথ ফিরায় সারথি ।
সাত্যকিরে ল'য়ে পলাইল শীত্রগতি ॥
তবে মহাক্রোধে দ্রোণ অস্ত্রহাষ্টি করে ।

লক্ষ-লক্ষ সেনা পড়ে সংগ্রাম-ভিতরে ॥
দ্রোণের বিক্রম দেখি ধর্ম্মের তনয় ।
সৈন্যগণ পড়ে বহু দেখি হৈল ভয় ॥
চিন্তাকুল যুধিষ্ঠির কুন্তীর নন্দন ।
কি করিব, কি হইবে, কে করিবে রণ ॥
দুঃখিত হইয়া তবে ধর্ম্ম-নরপতি ।
রথ ছাড়ি সেই-স্থলে বসিলেন ক্ষতি ॥
রাজারে চিন্তিত দেখি হিড়িম্বানন্দন ।
সঙ্করে আসিল বীর, দেখিতে ভীষণ ॥
যুধিষ্ঠির-অগ্রে কহে করি যোড়কর ।
কিসের কারণে দুঃখ কর নরবর ॥
মোরে আজ্ঞা কর যদি, শুন নরনাথ ।
একেখর কৌরবেরে করিব নিপাত ॥

এত শুনি আনন্দিত ধর্ম্মের নন্দন ।
শিরে চুস্ব দিয়া তারে কৈলা আলিঙ্গন ॥
যুধিষ্ঠির বলিলেন, শুন মহাবীর ।
তোমার বিক্রমে দেবগণ নহে স্থির ॥
ব্যুহ ভেদি মার পুত্র, কুরুসেনাগণ ।
মহাধর্ম্মুর্দ্ধর ভূমি ভীমের নন্দন ॥

ঘটোৎকচ বলে, ভূমি দেখ নরপতি ।
অবশ্য মারিব আমি দ্রোণসেনাপতি ॥
এত বলি মহাবীর গমা ল'য়ে করে ।
শীত্রগতি প্রবেশিল ব্যূহের ভিতরে ॥
মহাশব্দ করি বীর ব্যূহে প্রবেশিল ।
দেখিয়া পাণ্ডব-দল সামান্য হইল ॥

ধুকুত্মান সাত্যকি যে আর বৃকোদর ।
 সহদেব নকুল ও পাঞ্চাল-ঈশ্বর ॥
 শতানীক মদিরাক্ষ মৎস্ত-নরবর ।
 জরাসন্ধহৃত সহদেব ধনুর্ধর ॥
 দ্রৌপদীর পঞ্চপুত্র রাজা যুধিষ্ঠির ।
 একযোটে চলে যত লক্ষ-লক্ষ বীর ॥
 মার-মার করি সবে ব্যূহে প্রবেশিল ।
 রথি-রথী গজে-গজে মহাযুদ্ধ হৈল ॥
 জন্মেজয় জিজ্ঞাসিল, কহ মুনি আর ।
 কিরূপ করিল যুদ্ধ ভীমের কুমার ॥
 বিস্তারিয়া সেই কথা কহ মহাশয় ।
 রূপা করি মুনি, মোর খণ্ডাহ বিস্ময় ॥
 দ্রোণপর্ব-স্বধারস ঘটোৎকচ-বধে ।
 কাশীরাম দাস কহে গোবিন্দের পদে ॥

৩১। কুরুসৈন্যের সহিত ঘটোৎকচের
 মহাযুদ্ধ ও অলম্ব-বধ ।

মুনি বলে, শুন রাজা, অপূর্ব-কথন ।
 মহাপরাক্রম বীর হিড়িম্বানন্দন ॥
 তালতরু-সম গদা-হাতে মহাবীর ।
 কুরুসৈন্য-মধ্যে যায় নির্ভয়-শরীর ॥
 গদা ল'য়ে ঘটোৎকচ বায়ুবোগে ধায় ।
 রথ-গজ-পদাতিক চূর্ণ করি যায় ॥
 স্তম্ভিনাশ করে যেন প্রচণ্ড তপন ।
 সেইমত ঘটোৎকচ ভীমের নন্দন ॥
 পর্বত-আকার কৈল দীর্ঘ কলেবর ।
 অভেদ-শরীর কৈল বজ্রের সোসর ॥
 কৈল দশ-যোজন দীর্ঘ কলেবর ।
 মেঘের আকার বর্ণ মহাভয়ঙ্কর ॥

মুখখান যুড়ে পৃথ্বী-গগনমণ্ডল ।
 মহানন্দে ঘটোৎকচ হাসে থল-থল ॥
 মুখ দেখি কুরুসৈন্য হারায় চেতন ।
 বিনা-যুদ্ধে শত-শত ত্যজিল জীবন ॥
 ঘটোৎকচ-মুখ দেখি কুরুসেনাগণ ।
 সঙ্করে পলায় সবে লইয়া জীবন ॥
 শিমুলের তুলা যেন উড়ায় পবন ।
 হেনমতে পলাইল যত সেনাগণ ॥
 ঘটোৎকচ-অগ্রেতে না রহে কোন বীর ।
 সিংহনাদ করে বীর নির্ভয়-শরীর ॥

হেনকালে আসে দুঃশাসনের নন্দন ।
 দোষণ তাহার নাম রূপেতে মদন ॥
 রথে চড়ি ধনু ধরি আসে শীঘ্রগতি ।
 শরজালে আবরিল ঘটোৎকচ-রথী ॥
 আনন্দিত ঘটোৎকচ ভীমের নন্দন ।
 গদা ল'য়ে ধায় যেন কাল-ছত্‌শন ॥
 ক্ষুধার্ত্ত গরুড় যেন পাইল ডুগুত ।
 মহাক্রোধে ঘটোৎকচ ধায় সেইরূপ ॥
 গদার প্রহার কৈল তাহার উপর ।
 রথ-অশ্ব-সারথিরে দিল যমঘর ॥
 লাফ দিয়া যায় দুঃশাসনের নন্দন ।
 দেখি ধায় ঘটোৎকচ মহাক্রুদ্ধমন ॥
 অকুশিরা গদা-গোটা ল'য়ে বীর হাতে ।
 হাসিতে-হাসিতে মারে দোষণের মাথে ॥
 গদাঘাতে যেন গিরিশৃঙ্গ চূর্ণ হয় ।
 সেইমত পড়ে দুঃশাসনের তনয় ॥

দোষণ পড়িল দেখি কান্দে দুঃশাসন ।
 হাহাকার করি কান্দে যত যোদ্ধগণ ॥
 পুত্রশোকে দুঃশাসন মহাক্রুদ্ধ হ'য়ে ।
 হাতে ধনু ধরি আসে দিব্য-অস্ত্র ল'য়ে ॥

সন্ধান পুরিয়া যোড়ে চোখ-চোখ শর ।
 দেখি ঘটোৎকচ-বীর হরিষ-অন্তর ॥
 দুঃশাসনে ডাকি বলে ঘটোৎকচ-বীর ।
 আজি যুদ্ধ দেহ মোরে হইয়া স্থস্থির ॥
 কোঁতুক দেখিবে আজি যত যোদ্ধগণ ।
 অবশ্য পাঠাব তোরে যমের সদন ॥
 এত বলি দিব্য-অস্ত্র নিল ঘটোৎকচ ।
 দশবাণে বিপক্ষের কাটিল কবচ ॥
 আর দশবাণ এড়ে পুরিয়া সন্ধান ।
 দুঃশাসন-অঙ্গ কাটি করে খান-খান ॥
 নুচ্ছিত হইয়া পড়ে দুঃশাসন-বীর ।
 রণ ত্যজি পলাইল হইয়া অস্থির ॥

দুঃশাসন-ভঙ্গ দেখি হাসে মহাবীর ।
 সিংহনাদ করি বুলে নির্ভয়-শরীর ॥
 নানা-মায়া করি বুলে ভীমের নন্দন ।
 রাক্ষসী-মায়ায় বীর বড় বিচক্ষণ ॥
 কোনখানে অয়িক্রমে দহে সেনাগণ ।
 দাবানল দগ্ধ যেন করে মহাবন ॥
 সিংহরূপ ধরি কোথা হস্তা করে নাশ ।
 দেখিয়া কোঁরবগণ গণিল তরাস ॥

ঘটোৎকচ-যুদ্ধ দেখি ধর্ম্মের নন্দন ।
 ধন্য-ধন্য করি তারে প্রশংসে তখন ॥
 কোঁরবের দলে হৈল রোদুন অপার ।
 একা ঘটোৎকচ-বীর করে মহামার ॥

সৈন্যগণ পড়ে দেখি কান্দে দুর্ঘ্যোধন ।
 হেনকালে আত্মে কর্ণ রবির নন্দন ॥
 ক্রোধে ধনু ধরি বীর চলে সেইক্ষণ ।
 ঘটোৎকচ-সহ গেল করিবারে রণ ॥
 দেখি ঘটোৎকচ-বীর ধাইল সত্বর ।
 গদা তুলি মারে বীর কর্ণের উপর ॥

অশ্ব-সহ সারথিরে করিলেক চুর ।
 লাফ দিয়া পলাইল কর্ণ মহাশূর ॥

কর্ণ পলাইল দেখি ভীমের নন্দন ।
 মহাকোপে বহুসৈন্য করিল নিধন ॥
 শত-শত হস্তী মারে গদার প্রহারে ।
 লক্ষ-লক্ষ পদাতিক নিমেষে সংহারে ॥
 শত-শত রথ পড়ে হ'য়ে খান-খান ।
 দেখিয়া কোঁরব-বল হৈল কম্পমান ॥
 হাহাকার শব্দ করে যত যোদ্ধগণ ।
 দেখি রাজা দুর্ঘ্যোধন শোকাবুল মন ॥
 ঘটোৎকচ-যুদ্ধ দেখি দ্রোণের নন্দন ।

সিংহনাদ করি গেল করিবারে রণ ॥
 সন্ধান পুরিয়া অশ্বখামা এড়ে বাণ ।
 দেখি ঘটোৎকচ-বীর ক্রোধে কম্পমান ॥
 একলাফে নিজ-রথে চড়ে বীরবর ।
 গদা এড়ি ধনুঃশর লইল সত্বর ॥
 হাতে তুলি নিল বীর ভয়ঙ্কর ধনু ।
 সন্ধান পুরিয়া বিক্ষেপে দ্রোণপুত্র-তনু ॥
 শীত্ৰহস্তে অশ্বখামা পুরিয়া সন্ধান ।
 নিমেষেক নিবারিল ঘটোৎকচ-বাণ ॥
 বাণ ব্যর্থ দেখি বীর সন্ধান পুরিল ।
 তীক্ষ্ণভঙ্গ দশগোটা অঙ্গেতে মারিল ॥
 মোহ গেল ঘটোৎকচ রথের উপর ।
 সিংহনাদ করি বুলে দ্রোণের কোঙর ॥
 কতক্ষণে ঘটোৎকচ পাইল চেতন ।
 ক্রোধবৃষ্টি, দেখি যেন কাল-হতাশন ॥
 ধনু এড়ি গদা ল'য়ে ধাইল সত্বর ।
 দোহাতিয়া বাড়ি মারে রথের উপর ॥
 গদার প্রহারে রথ খণ্ড-খণ্ড হৈল ।
 লাফ দিয়া অশ্বখামা বেগে পলাইল ॥

ভয়ে কম্পমান হৈল দ্রোণের নন্দন ।
 শীঘ্রগতি পলাইল লইয়া জীবন ॥
 তবে ঘটোৎকচ হৈল কুপিত অন্তরে ।
 হাতে গদা করি বীর ভ্রময়ে সমরে ॥
 লেখাজোখা নাহি, যত পড়ে সেনাবর ।
 পলাইয়া যায় সবে ত্যজিয়া সমর ॥
 বায়ুবেগে ধায় যত অশ্ব-আসোয়ার ।
 পলায় পদাতিগণ, লেখা নাহি তার ॥
 হেনমতে ঘটোৎকচ করে মহামার ।
 কোঁরবের দলে উঠে শব্দ হাহাকার ॥
 হেনকালে অলম্বুষ আসিল রাক্ষস ।
 মহাপরাক্রম বীর অসীম-সাহস ॥
 রাক্ষসের সেনা ল'য়ে ধাইল সত্তর ।
 পদত-আকার বীর মহাভয়ঙ্কর ॥
 রাক্ষসে দেখিয়া ধায় ঘটোৎকচ-বীর ।
 মহাগদা হাতে করি নির্ভয়-শরীর ॥
 গদার প্রহার করে রাক্ষস-উপর ।
 দুইজনে মহাযুদ্ধ সংগ্রাম-ভিতর ॥
 অশ্ব হস্তা পদাতি সম্মুখে বারে পায় ।
 গদার প্রহারে বীর চূর্ণ করি যায় ॥
 কোটি-কোটি সৈন্য পড়ে, না যায় লিখন ।
 দেখিয়া পলাইয়া যায় যত যোদ্ধগণ ॥
 অতিক্রোধে অলম্বুষ রাক্ষস-ঈশ্বর ।
 গদা ল'য়ে ধায় বীর সংগ্রাম-ভিতর ॥
 অতিক্রোধে ঘটোৎকচ ভীমের কোণ্ডর ।
 গদা প্রহারিল অলম্বুষের উপর ॥
 গদার প্রহারে বীর হইল জর্জর ।
 ত্রাসে পলাইয়া গেল আকাশ-উপর ॥
 অন্তরীক্ষে থাকি বীর করে ঘোর-রণ ।
 দেখিয়া কুপিল বীর হিড়িম্বা-নন্দন ॥

অন্তরীক্ষে ঘটোৎকচ উঠিল সত্তর ।
 মহাযুদ্ধ করে দৌহে শূন্যের উপর ॥
 ত্রাস পেয়ে অলম্বুষ মেঘে লুকাইল ।
 দেখি ঘটোৎকচ-বীর কুপিত হইল ॥
 মায়া করি লুকাইল হিড়িম্বা-নন্দন ।
 দেখি ভয়ে অলম্বুষ পলায় তখন ॥
 তথা হৈতে অলম্বুষ নামে রণস্থল ।
 দেখিয়া ধাইল ঘটোৎকচ মহাবল ॥
 পুনরপি দুইজনে হইল সংগ্রাম ।
 নানা-মায়া করে দৌহে আতি অনুপাম ॥
 দিব্যরথে অলম্বুষ করি আরোহণ ।
 ভীমের নন্দনে করে বাণ-বরিষণ ॥
 তবে ঘটোৎকচ-বীর গদা ল'য়ে ধায় ।
 রথ-অশ্ব চূর্ণ তার করে একধায় ॥
 লাফ দিয়া পলাইল রাক্ষস-ঈশ্বর ।
 পুনরপি গদা ল'য়ে ধাইল সত্তর ॥
 গদাযুদ্ধ করে দৌহে অবনী-উপর ।
 গদার প্রহারে দৌহে হইল জর্জর ॥
 পুনরপি রাক্ষস হইল লুকি-কায় ।
 কোথায় আছয়ে, কেহ দেখিতে না পায় ॥
 কতক্ষণে রাক্ষস আসিল আরবার ।
 সৈন্যের উপরে করে গদার প্রহার ॥
 দেখিয়া ধাইল বীর হিড়িম্বা-নন্দন ।
 পুনরপি দুইজনে করে মহারণ ॥
 দিব্যরথে চড়ি দৌহে করয়ে সমর ।
 বাণেতে দৌহার অঙ্গ হইল জর্জর ॥
 তবে কোপে বাণ এড়ে ঘটোৎকচ-বীর ।
 বাণে বিদ্ধি অলম্বুষে করিল অস্থির ॥
 সহিতে না পারি ভঙ্গ দিল শীঘ্রগতি ।
 পুনরপি লুকাইল রাক্ষসের পতি ॥

মায়া করি গিরিরূপ হৈল নিশাচর ।
 শত-শৃঙ্গ ধরে গিরি মহাভয়ঙ্কর ॥
 তার এক শৃঙ্গে রহে রাক্ষসের পতি ।
 রণস্থলে সেই গিরি এল শীঘ্রগতি ॥
 মহাশব্দে পড়ে শত্রু-সৈন্যের-উপর ।
 রথধ্বজ চূর্ণ করে সংগ্রাম-ভিতর ॥
 দেখি ঘটোৎকচ-বীর ধাইল সত্বর ।
 একলাফে চড়ে গিয়া পর্বত-উপর ॥
 পর্বতের শৃঙ্গে দেখে বসেছে রাক্ষস ।
 গদাহাতে করি ধায় অসম-সাহস ॥
 এক গদাঘাতে সব মায়া কৈল চূর্ণ ।
 অলম্বু পলাইয়া গেল অতি দূর ॥
 পুনরপি অলম্বু আসে আচম্বিত ।
 দেখি ধায় ঘটোৎকচ নহে কিছু ভীত ॥
 একলাফে চড়ে তার রথের উপর ।
 অলম্বু-রাক্ষসেরে ধরিল সত্বর ॥
 চূলে ধরি রাক্ষসেরে ভূমিতে পাড়িল ।
 মুকুটির ঘায়ে তার মস্তক ভাঙ্গিল ॥
 রাক্ষস পড়িল দেখি ত্রাস কুরুদলে ।
 মহামার ঘটোৎকচ করে রণস্থলে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩২। কর্ণ-কঙ্কক ঘটোৎকচ-বধ ।

ভ্রাতার^১ বিনাশ অলায়ুধ বীর ।
 সিংহনাদ করি আসে নির্ভয়-শরীর ॥
 হস্তীর উপরে বীর আরোহণ করি ।
 নানা-মায়া করে বীর হাতে ধনু ধরি ॥

দেখিয়া ধাইল ঘটোৎকচ মহারলে ।
 গদার প্রহার করে করি-কুন্তস্থলে ॥
 পৃথিবীতে দস্ত দিয়া পড়িল বারণ ।
 লাফ দিয়া পলাইল রাক্ষস দুর্জয় ॥
 পুনরপি অলায়ুধ চড়ি দিব্যরথে ।
 সংগ্রামের স্থলে আসে ধনুঃশর-হাতে ॥
 সন্ধান পুরিয়া বিক্ষেপে ঘটোৎকচ-বীরে ।
 সর্ব-অঙ্গ রক্তবর্ণ হইল রুধিরে ॥

তবে ঘটোৎকচ-বার ক্রোধে ভয়ঙ্কর ।

গদা ফেলি মারে তার রথের উপর ॥
 গদার প্রহারে রথ চূর্ণ হ'য়ে গেল ।
 লাফ দিয়া অলায়ুধ ভূমিতে পড়িল ॥
 ধনু-অস্ত্র এড়ি তবে গদা নিল করে ।
 গদাঘাত করে দৌহে সংগ্রাম-ভিতরে ॥
 মহাকোপে ডাক ছাড়ে, করে মার-মার ।
 দৌহে দৌহাকারে করে গদার প্রহার ॥
 মণ্ডলী করিয়া দৌহে ফিরে চারিভিত ।
 কোপে হুঙ্কার ছাড়ে অতি-বিপরীত ॥

তবে ঘটোৎকচ-বীর মহামার কৈল ।

অলায়ুধ-সব্যহস্তে গদা প্রহারিল ॥
 দারুণ প্রহারে হস্ত খণ্ড-খণ্ড হৈল ।
 মস্তব্যথা^২ পেয়ে বীর ভূমিতে পড়িল ॥
 লাফ দিয়া ধরে ঘটোৎকচ মহাবল ।
 একচড়ে ভাঙ্গে তার দীর্ঘ-বক্ষঃস্থল ॥
 দারুণ রাক্ষস যদি পড়ে ভূমিতলে ।
 দেখিয়া হইল ভয় কোঁরবের দলে ॥
 অলায়ুধ পড়ে রণে দেখি বিচ্যমান ।
 ভয়ে কোন বীর আর নহে আশুযান ॥

১। মূল সংস্কৃত মহাভারত-অনুসারে অলম্বু ও অলায়ুধ—উভয়েই যকের আভি-ভ্রাতা; হস্তরাং কতকগুলি মুদ্রিত কাশীরামদাস মহাভারতে লিখিত 'পিতার' পাঠ সমীচীন নহে; 'ভ্রাতার' পাঠ হস্তরায় মুদ্রিত।

গদাহাতে করি ধায় ঘটোৎকচ-বীর ।
 গদার প্রহারে সৈন্যে করিল অস্থির ॥
 মহাকোপে ঘটোৎকচ বায়ুববেগে ধায় ।
 রথ-সৈন্য-অস্থগণে চূর্ণ করি যায় ॥
 লক্ষ-লক্ষ পদাতিক হইল সংহার ।
 দৈব রাজা দুর্ব্যোধান করে হাহাকার ॥
 আজি ঘটোৎকচ সব করিল সংহার ।
 মোর সৈন্যে বীর নাহি সমান ইহার ॥
 অতিমল্ল-ঘটোৎকচ সম দুইজন ।
 অন্তর নাহি এই দৌহার তুলনা ॥
 ভীমের সমান বীর মহাপরাক্রম ।
 গদাহাতে করি ধায়, যেন কাল-যম ॥
 হেনকালে পাণ্ডুরাজ রথেতে আসিল ।
 দুর্ব্যোধান প্রতি তবে ডাকিয়া বলিল ॥
 কি-কারণে মহারাজ, চিন্তা কর তুমি ।
 দেখ, ঘটোৎকচ-বীরে বিনাশিব আমি ॥
 এত বলি ধনু ধরি ধায় নৃপবর ।
 দেখি রাজা দুর্ব্যোধান হরিষ-অস্তুর ॥
 ঘটোৎকচে দেখি বীর ছাড়ে সিংহনাদ ।
 আজি তোর ঘুচাইব সংগ্রামের সাধ ॥
 হির রণে ঘটোৎকচ, দেহ মোরে রণ ।
 একবাণে পাঠাইব যমের সদন ॥
 ইহা শুনি ঘটোৎকচ মহাক্রুদ্ধ হৈল ।
 হাতে গদা করি বীর সঙ্ঘরে ধাইল ॥
 সন্ধান পুরিয়া পাণ্ডুরাজ এড়ে বাণ ।
 গদায় ঠেকিয়া বাণ হৈল খান-খান ॥
 তবে পাণ্ডুরাজ কোপে এড়ে পঞ্চবাণ ।
 পঞ্চবাণে গদা কাটি করে খান-খান ॥
 গদা যদি কাটা গেল, অস্ত্র নাহি আর ।
 চড়-চাপড়েতে বীর করে মহামার ॥

মহাকোপে ঘটোৎকচ ভীমের নন্দন ।
 রথখান সাপটিয়া ধরে সেইক্ষণ ॥
 একটানে ফেলে বীর দ্বাদশ-যোজন ।
 হেনমতে পাণ্ডুরাজ ত্যজিল জীবন ॥
 এতক দেখিয়া সবে চমৎকৃত হৈল ।
 কোরবের সেনাগণ প্রমাদ গণিল ॥
 দুর্ব্যোধান বলে, শুন যত যোদ্ধগণ ।
 সবে মিলি ঘটোৎকচে করহ নিধন ॥
 সর্বনাশ কৈল মোর ভীমের নন্দনে ।
 কিরূপে হইবে জয় আজিকার রণে ॥
 ইহার বিধান সবে কহ ত আমারে ।
 ঘটোৎকচে বধ করি কিমত-প্রকারে ॥
 দুর্ব্যোধনে অকাতর দেখি যোদ্ধগণ ।
 রথে চড়ি ধায় সবে করিবারে রণ ॥
 প্রাণ উপেক্ষিয়া সবে করয়ে সমর ।
 নানা-অস্ত্র ফেলে ঘটোৎকচের উপর ॥
 ভূষণা তোমর শক্তি শেল জাঠা জাঠি ।
 ত্রিশূল পটিশ নানা-অস্ত্র কোটি-কোটি ॥
 মূলধার ধারে মেঘ বর্ষে যেন নীর ।
 হেনমতে অস্ত্র ফেলে সব মহাবীর ॥
 দেখিয়া কুপিল বীর হিড়িম্বা-নন্দন ।
 কোপেতে লোহিত-নেত্র, সাক্ষাৎ শমন ॥
 শীঘ্রগতি ধনু ধরি করিল সন্ধান ।
 থণ্ড-থণ্ড করি কাটে সবাকার বাণ ॥
 কাটিয়া সকল অস্ত্র ভীমের তনয় ।
 দশ-দশ-বাণে বিদ্রোহ সবার হৃদয় ॥
 বাণাঘাতে যোদ্ধগণ হৈল অচেতন ।
 ভক্ত দিয়া পলাইয়া যায় সর্বজন ॥
 তবে ক্রোধে ঘটোৎকচ যমের সমান ।
 নিমিষেকে নাশিলেক লক্ষ-সেনা-প্রাণ ॥

দেখিয়া ব্যাকুল বড় হৈল দুৰ্য্যোধন ।
 রোদন করিয়া ধায় যত যোদ্ধগণ ॥
 রথ এড়ি পথ বহে, হয় ছাড়ি ধায় ।
 আতঙ্কিতে ভঙ্গ দিয়া পলাইয়া যায় ॥
 ঘোররণে বহুসেনা করিল নিধন ।
 বিমানে বসিয়া দেখে যত দেবগণ ॥

শোকাকুল দুৰ্য্যোধন হইল মূৰ্ছিত ।
 জ্ঞানহীন হৈল, যেন নাহিক সংবিত ॥
 কি করিব, কি হইবে ইহার উপায় ।
 ভাবিতে ভাবিতে তার হৃদয় শুকায়ে ॥
 উপজিল চিন্তাজ্বর, থর-থর কাঁপে ।
 আগুন ছুটিল গায় মহা-অনুতাপে ॥

হেনকালে অশ্বখামা দ্রোণের নন্দন ।
 কর্ণেরে কহিল, শুন আমার বচন ॥
 আছেই একাঙ্গী শক্তি তব অধিকারে ।
 বজ্রের সমান, কেহ নিবারিতে নারে ॥
 সেই অস্ত্র এড়ি মার ভীমের নন্দন ।
 অবশ্য সংহার হবে, না যায় থগুন ॥
 ইহা বিনা আর কিছু না দেখি উপায় ।
 সেই বাণে হবে ক্ষয় কহিনু তোমায় ॥

কর্ণ বলে, সেই বাণে বধিব অৰ্জ্জুনে ।
 যতনে রেখেছি আমি তাহারি কারণে ॥
 কবচ বিতরি পাই সেই মহাবাণ ।
 যাহাতে অৰ্জ্জুন-বীর না ধরিবে টান ॥
 এই অস্ত্রাঘাতে যদি ঘটোৎকচে বধি ।
 নিশ্চয় লিখিল মম মৃত্যু তবে বিধি ॥
 অৰ্জ্জুনের হাতে মম অবশ্য মরণ ।
 করিল বিধাতা এই তার সংঘটন ॥
 বধিতাম অৰ্জ্জুনে অবশ্য এই বাণে ।
 যত্ন করি রাখিয়াছি তাহারি কারণে ॥

অশ্বখামা বলে, ভাল বলিলে বিধান ।
 আজি ঘটোৎকচ-বীরে কর সমাধান ॥
 এর হস্তে রক্ষা যদি পাও আজি রণে ।
 তবে অৰ্জ্জুনেরে তুমি বধিও জীবনে ॥

ইহা শুনি কর্ণ কহে আনন্দিত-মন ।
 ভাল যুক্তি কহিলে হে গুরুর নন্দন ॥

দুৰ্য্যোধন বলে, শুন কর্ণ ধনুর্ধর ।
 এই অস্ত্রে রাক্ষসেরে বধহ সত্বর ॥
 হেন অস্ত্র আছে যদি তোমার সদনে ।
 তবে চিন্তা কর তুমি কিসের কারণে ॥
 অৰ্জ্জুনে বধিবে বলি রাখিয়াছ বাণ ।
 যা হয় পশ্চাৎ, তার করিব বিধান ॥
 আজি রক্ষা কর শীত্র রাক্ষসের হাতে ।
 কেমনে দেখহ, সেনা সংহারে সাক্ষাতে ॥
 এইকালে শীত্র কর রাক্ষস-সংহার ।
 কোটি-কোটি সেনা দেখ মারিল আমার ॥

এত শুনি কর্ণবীর চলিল সত্বর ।
 হাতে ধনু করি উঠে রথের উপর ॥
 মহাদস্ত করি যায় রবির নন্দন ।
 দেখি দুৰ্য্যোধন হৈল আনন্দিত-মন ॥
 তবে কর্ণ মহাবীর সন্ধান পুরিয়া ।
 ঘটোৎকচ-সম্মিকটে উত্তরিল গিয়া ॥
 কোপে ঘটোৎকচ-বীর গদা ল'য়ে করে ।
 ছত্কা করি ধায় সংগ্রাম-ভিতরে ॥
 গদার প্রহারে মারে বড়-বড় রথী ।
 নলবন দলে যথা মদমন্ত-হাতী ॥
 গদা ধরি ঘোড়া মারে, করিকুন্ডে গদা ।
 গর্জিয়া গজেন্দ্র পড়ে, প্লাড়ে রণে পদা ॥
 রাহ-সম রাক্ষস রোষেতে হতাশন ।
 পদের চালন যার যুড়িয়া যোজন ॥

প্রসারিলে মুখধান যেন সরোবর ।
 রবি-সম রাঙ্গা চক্ষু, দেখি লাগে ডর ॥
 চরণের দপ্পদপেং বহুমতী কাঁপে ।
 সাগর লজ্জিতে যার শক্তি একলাফে ॥
 বাণ নাহি বিক্ষেপে গায়, উথড়িয়া পড়ে ।
 ঘন-ঘন সংগ্রামেতে সিংহনাদ ছাড়ে ॥
 রাক্ষসের বিপরীত মহাবক্রগতি ।
 দেখি মহাকোপে ধায় অঙ্গদেশ-পতি ॥
 লইয়া একাঙ্গী শক্তি রবির তনয়ে ।
 সন্ধান পুরিয়া মারে তাহার হৃদয়ে ॥
 অনল-সমান চলে একঘাতী অস্ত্র ।
 দেখি ঘটোৎকচ ভয়ে হৈল মহাত্রস্ত ॥
 পর্বত-আকার অস্ত্র আসয়ে স্থিরিতে ।
 পড়িছে অনলকণা সে অস্ত্র হইতে ॥
 বাণ দেখি রাক্ষসের উড়িল পরাণ ।
 নিতান্ত ইহার ঠাই নাহিক এড়ান ॥
 নানা-অস্ত্র এড়ে বীর বাণ কাটিবারে ।
 মুঘল মুদগর মারে অস্ত্রের উপরে ॥
 সর্ব-অস্ত্র ব্যর্থ করি ধায় বাণপতি ২ ।
 ঘটোৎকচ-বক্ষোদেশে বিক্ষলি ঝটিতি ॥
 বাণাঘাতে ব্যথিত হইয়া বীরবর ।
 ডাকিয়া বলিল, শুন বাপ ব্রহ্মকোদর ॥
 হেন বুঝি, অন্তকাল হইল আমার ।
 ব্রহ্মকালে কি করিব তব উপকার ॥
 এত শুনি ব্রহ্মকোদর শোকেতে আকুল ।
 ডাকিয়া বলিল, চাপি পড় কুরুকুল ॥
 বীরকণ্ঠ কৈলে পুত্র, অতুল সংসারে ।
 সম্মুখ-সংগ্রামে পড়ি যাহ স্বর্গপুরে ॥

এত শুনি ঘটোৎকচ হৈল ভয়ঙ্কর ।
 দ্বাদশ-যোজন-দীর্ঘ কৈল কলেবর ॥
 কুরুবল চাপি পড়ে সেই মহাশুর ।
 লক্ষ-লক্ষ রথ-অশ্ব করিলেক চূর ॥
 শত-শত হস্তী পড়ে দীর্ঘ-দীর্ঘ দন্ত ।
 পদাতিক যত পড়ে, নাহি তার অন্ত ॥
 কুরুজল ক্ষয় করে ভীমের নন্দন ।
 দেখি শোকাকুল হৈল যত বহুজন ॥
 দুইদলে উঠে ঘোর ক্রন্দনের রোল ।
 প্রলয়ের কালে যেন সমুদ্র-কল্লোল ॥
 দ্বিতীয়-প্রহর রাত্রি ঘোর অন্ধকার ।
 এইকালে ঘটোৎকচ হইল সংহার ॥
 রোদন করয়ে যত পাণ্ডবের সেনা ।
 কুরুদলে জয়-জয় বাজিছে বাজনা ॥
 দ্রোণপর্ব-সুধারস ঘটোৎকচ-বধে ।
 কাশীরাম দাস কহে গোবিন্দের পদে ॥

৩৩। কর্ণের নিকটে কপটে ইন্দ্রের
 কবচ-কুণ্ডল-গ্রহণ ।

মুনি বলে, শুন পরীক্ষিতের নন্দন ।
 হেনমতে ঘটোৎকচ হইল নিধন ॥
 পুত্রে হত দেখি ভীম করয়ে রোদন ।
 হাতে গদা করি ধায় মহারক্ষ্মন ॥
 সৃষ্টিনাশ-হেতু যেন দীপ্তিমান্ চণ্ড ।
 সেইমত করে বীর সৈন্য লণ্ডভণ্ড ॥
 শত-শত হস্তী পাড়ে গদার প্রহারে ।
 লক্ষ-লক্ষ পদাতিকে দিল যমঘরে ॥

ভীমকে দেখিয়া কাল-শমন-সমান ।
 ভয়েতে পলায় সবে লইয়া পরাণ ॥
 সমস্ত রজনী যুদ্ধ করি সেনাগণ ।
 গদাঘাতে খণ্ড-খণ্ড হৈল সর্বজন ॥
 ক্ষুধায় তৃষ্ণায় অবসন্ন কলেবর ।
 রথিগণ সেনাগণ নিদ্রায় কাতর ॥
 হুর্যোধন-ভয়ে কেহ না পারে যাইতে ।
 হাতে অস্ত্র করি রথা পড়ি যায় রথে ॥

এতেক দেখিয়া তবে বীর ধনঞ্জয় ।
 সৈন্যের দুর্গতি দেখি ব্যথিত-হৃদয় ॥
 ডাকিয়া বলেন পার্থ, শুন সর্বজন ।
 আজিকার মত যুদ্ধ কর নিবারণ ॥
 ক্ষুধায় তৃষ্ণায় সবে হইলে পীড়িত ।
 এত শুনি সর্বজন হৈল আনন্দিত ॥
 ধন্য-ধন্য বলি পার্থে বলে সর্বজন ।
 মহাধর্মশীল তুমি ইন্দ্রের নন্দন ॥
 দয়াশীল ধর্মশীল তুমি মহাশয় ।
 অচিরে হইবে পার্থ, তোমার বিজয় ॥
 এত বলি আনন্দিত হৈল সেনাগণ ।

নিদ্রায়ুক্ত হ'য়ে সবে পড়ে সেইক্ষণ ॥
 রণস্থলে পড়ে সবে হইয়া কাতর ।
 রথিগণ পড়ি গেল রথের উপর ॥
 গজোতে মাহুত পড়ে, অশ্ব আসোয়ার ।
 ভূমিতলে সৈন্য পড়ে শবের আকার ॥
 নিদ্রায়ুক্ত হ'য়ে সবে পশ্চি রণস্থলে ।
 অপূর্ব হইল শোভা ধরণীর তলে ॥
 রাজগণ রথে পড়ে মৃতপ্রায় হৈয়া ।
 রতন-মুকুট সব পড়িল খসিয়া ॥
 কন্দর্প-সমান রূপ, কোমল-শরীর ।
 রূপবন্ত বলবন্ত সবে মহাবীর ॥

বিহনে পালঙ্ক-খাট নিদ্রা নাহি হয় ।
 রাজচক্রবর্তী সবে রাজার তনয় ॥
 স্তবর্ণ-প্রদীপ জ্বলে রত্নগৃহ-মাঝে ।
 কুসুমশয্যায় নিদ্রা যায় মহারাজে ॥
 মনোহর নারীগণ করয়ে সেবন ।
 এমত করিলে নিদ্রা যায় কদাচন ॥
 হেন সব রাজপুত্র নবান-যৌবন ।
 রণস্থলে নিদ্রা যায় হ'য়ে অচেতন ॥
 সৈন্যের শোণিতে সব হইল কন্দম ।
 হেনরূপ রণস্থল দেখি হয় ভ্রম ॥
 শিবাগণ চতুর্দিকে বিপরীত ডাকে ।
 ভূত-প্রেত-পিশাচাদি আসে ঝাঁকে-ঝাঁকে ॥
 দুর্গন্ধ-কারণে লোক পথে নাহি চলে ।
 দেবগণ ভয় করে সেই রণস্থলে ॥
 নিদ্রা যায় রাজগণ হ'য়ে অচেতন ।
 শবের উপরে সবে করিল শয়ন ॥

এতেক দেখিয়া পার্থ কুন্তীর নন্দন ।
 হুর্যোধনে নিন্দা করি বালিছে বচন ॥
 ধিক্-ধিক্ হুর্যোধন, তোমার জীবনে ।
 এতেক দুর্গতি দুষ্ক, কৈলে জ্ঞাতিগণে ॥
 এতেক বলিয়া তবে ইন্দ্রের নন্দন ।
 শিবিরেতে চলিলেন ল'য়ে নারায়ণ ॥
 ঘটোৎকচ-শোকে কান্দে বীর বৃকোদর ।
 বিলাপ করেন পার্থ বিষম-অন্তর ॥
 অভিমন্যু-শোকে মম বিকল শরীর ।
 মহাশোক দিয়া গেল ঘটোৎকচ-বীর ॥
 বলেন কৃষ্ণেরে চাহি বীর ধনঞ্জয় ।
 কি করিব, আজ্ঞা মোরে কহ মহাশয় ॥
 দুই-পুত্র-শোকে মম পুড়িছে শরীর ।
 কি করিব, আজ্ঞা কর যদুবীর ॥

এতেক শুনিয়া কহিছেন ভগবান্ ।
 বড় কশ্ম কৈল তব ভীমের সন্তান ॥
 তাহার কারণে যুত্ব নহিল তোমার ।
 শুনহ, কহি যে তার পূর্ব-সমাচার ॥
 ক্রীকৃষ্ণ বলেন, শুন অর্জুন, ধৃতান্ত ।
 তোমার লাগিয়া যাহা কৈলা শচীকান্ত ॥
 অক্ষয়-কবচ ধরে কর্ণ মহাবীর ।
 শ্রবণে কুণ্ডল-যুগ্ম সমান-মিথির ॥
 কর্ণের সমান দাতা নাহিক ভুবনে ।
 যে যাহা মাগয়ে, তাহা দেয় সেইক্ষণে ॥
 তব হিত-হেতু আসে সহস্রলোচন ।
 উত্তরিল ইন্দ্র, যথা রবির নন্দন ॥
 দ্বিজরূপে যান ইন্দ্র কর্ণের নিকটে ।
 দ্বিজে দেখি কর্ণ প্রণমিল করপুটে ॥
 প্রণাম করিয়া কহে রবির তনয় ।
 কোন্ দেশে ঘর তব, কহ মহাশয় ॥
 কি-কারণে আগমন হেথায় তোমার ।
 বিবরিয়া কহ মোরে সব সমাচার ॥
 আশীর্বাদ করি কহে সহস্রলোচন ।
 একদান দেহ মোরে সূর্য্যের নন্দন ॥
 ইহা শুনি কর্ণ বলে, কহ দ্বিজবর ।
 কোন্ দ্রব্যে অভিলাষ, মাগহ সত্ত্বর ॥
 ইন্দ্র বলে, সত্য আগে কর ধনুর্ধর ।
 তবে সে মাগিব আমি তোমার গোচর ॥
 এতেক শুনিয়া কর্ণ ভাবে মনে-মনে ।
 নাহি জানি, দ্বিজরূপে এল কোন্ জনে ॥
 যাহা হৌক, সত্য মম এই অঙ্গীকার ।
 যেই যাহা মাগে, দিব, প্রতিজ্ঞা আমার ॥
 এত ভাবি কহে কর্ণ, শুন দ্বিজবর ।
 দিব ত সর্ব্বথা আমি, কহিনু সত্ত্বর ॥

জানহ আমার এই সত্য-অঙ্গীকার ।
 যদি প্রাণ চাহ, দিব না করি বিচার ॥
 এত শুনি কহে ইন্দ্র কর্ণের গোচর ।
 কবচ-কুণ্ডল দান করহ সত্ত্বর ॥
 বিস্মিত হইয়া কর্ণ ভাবে মনে-মন ।
 হেনকালে সূর্য্যবাক্য হইল স্মরণ ॥
 যোড়হাতে কর্ণ বলে, করি নিবেদন ।
 জানিনু, আপনি বট সহস্রলোচন ॥
 অজ্ঞানের হেতু তুমি আসিয়াছ হেথা ।
 কবচ-কুণ্ডল দিব, কতবড় কথা ॥
 প্রাণ যদি চাহ, তবু না করিব আন ।
 এত বলি কর্ণবার করিল প্রণাম ॥
 পুনরপি কর্ণ বলে, শুন মহাশয় ।
 অজ্ঞানের হেতু তুমি কেন কর ভয় ॥
 অর্জুনের সখা কৃষ্ণ কমললোচন ।
 তাহারে মারিবে, হেন আছে কোন্ জন ॥
 আমারে মারিবে পার্থ, না যায় থগুন ।
 কুরুক্ষেত্রে যখন হইবে মহারণ ॥
 এত বলি কর্ণবার খড়্গ ল'য়ে হাতে ।
 অঙ্গ কাটি কবচ দিলেন শচীনাথে ॥
 কর্ণের সাহস দেখি দেব-পুরুষদর ।
 তুষ্ট হ'য়ে বলিলেন, মাগি লহ বর ॥
 কর্ণ বলে, বর যদি দিবে মঘবান্ ।
 তোমার একাঙ্গী শক্তি দেহ মোরে দান ॥
 কর্ণেরে একাঙ্গী শক্তি দিয়া পুরুষদর ।
 কবচ-কুণ্ডল ল'য়ে গেল নিজ-ঘর ॥
 বজ্রসম বাণ সেই, নহে নিবারণ ।
 যাহারে প্রহারে, তার অবশ্য মরণ ॥
 তোমারে মারিতে কর্ণ রাখিল যতনে ।
 বহুদিন গুপ্ত রাখে, কেহ নাহি জানে ॥

ঘটোংকচ-হস্তে দেখি সবার সংহার ।
 সেইবাণে কর্ণ তারে করিল প্রহার ॥
 ঘটোংকচ-হেতু মৃত্যু নহিল তোমার ।
 নিশ্চয় জানহ এই, কুন্তীর কুমার ॥
 অতএব শোক নাহি কর ধনঞ্জয় ।
 আপনার বীর্য জানি কর শত্রুক্ৰয় ॥
 কৃষ্ণের বচনে সবে হরষিত-মন ।
 শিবিরেতে গিয়া সবে করিল শয়ন ॥
 মহাভারতের কথা অপূর্ব-কাহিনী ।
 সংসার-সাগর ঘোর তরিতে তরণী ॥
 অবহেলে যেইজন শুনে মন দিয়ে ।
 অন্তকালে যায় সর্গে চতুর্ভুজ হ'য়ে ॥
 কাশীরাম দাসের প্রণাম সাধুজনে ।
 ভক্তভরে ভজ ভাই, গোবিন্দ-চরণে ॥

৩৪। সঙ্কল যুদ্ধ ও ক্রন্দন প্রভৃতির মৃত্যু ।

মুনি বলে, অনন্তর শুনহ রাজন্ ।
 প্রভাতে আসিল সবে হ'য়ে একমন ॥
 সংশপ্তকে চলি যান কৃষ্ণ-ধনঞ্জয় ।
 দুই-সৈন্য-কোলাহলে হইল প্রলয় ॥
 মহাকোপে যোদ্ধগণ করয়ে সমর ।
 বাণবৃষ্টি করে, যেন বর্ষে জলধর ॥
 ভীম-দুর্যোধনে যুদ্ধ হয় ঘোরতর ।
 সাত্যকি-সহিত কর্ণ করয়ে সমর ॥
 দ্রোণের সহিত যুঝে পাঞ্চাল-নন্দন ।
 বিরাতের সহ সোমদত্ত করে রণ ॥
 শকুনি করয়ে সহদেব-সহ রণ ।
 নকুলের সহ যুদ্ধ করে দুঃশাসন ॥
 ভগদত্ত-সহ যুঝে পাঞ্চাল-রাজন্ ।
 যুধিষ্ঠির-সহ মদ্রপতি করে রণ ॥

শিখণ্ডী-সহিত যুঝে দ্রোণের নন্দন ।
 সমানে-সমানে বাধে ঘোরতর-রণ ॥
 প্রলয়-কালেতে যেন মেঘের গর্জজন ।
 সেইমত যোদ্ধগণ করয়ে তর্জজন ॥
 কৃপাচার্য্য-সহ জরাসন্ধের তনয় ।
 কৃতবর্মা-চেকিতানে মহাযুদ্ধ হয় ॥
 কাশীরাজ-সহ যুঝে হুমন্ত-নৃপতি ।
 শতানীক করে যুদ্ধ পৌরব-সংহতি ॥
 হেনমতে যুদ্ধ করে যত যোদ্ধগণ ।
 মহাকোপে করে সবে অস্ত্র-বরিষণ ॥
 ভীম-সহ গদাযুদ্ধ করে দুর্যোধন ।

অদ্ভুত দেখিয়া সবে চমকিত-মন ॥
 মহাবলবান্ দৌহে করয়ে সমর ।
 তালবৃক্ষ-সম গদা অতি-ভয়ঙ্কর ॥
 ভীমের সদৃশ দুর্যোধন নহে বাণে ।
 গদাযুদ্ধে কিন্তু হয় সমান দুজনে ॥
 দৌহে দৌহাকারে গদা করয়ে প্রহার ।
 গদার প্রহার শুনি লাগে চমৎকার ॥
 চারিভিতে ফিরে দৌহে করিয়া মণ্ডলী ।
 ঘন হুঙ্কার ছাড়ে, দৌহে মহাবলী ॥
 তবে ক্রোধে বৃকোদর পবন-কোঙর ।
 গদা প্রহারিল দুর্যোধনের উপর ॥
 গদাঘাতে দুর্যোধন হৈল কম্পমান ।
 মর্শ্বব্যথা পেয়ে বীর হইল অজ্ঞান ॥
 পুনশ্চ চেতন পেয়ে রাজা দুর্যোধন ।
 ভীমের উপরে গদা করিল ক্ষেপণ ॥
 মহাবীর-বৃকোদর পবন-নন্দন ।
 লাফ দিয়া সেই গদা করিল হেলন ॥
 পুনঃ রাজা দুর্যোধন গদা ল'য়ে হাতে ।
 দৌহাতিয়া বাড়ি মারে ভীমের মাথাতে ॥

গদার প্রহারে ভীম হইল জর্জর ।
 দেখি দুর্ব্যোধন-বীর হরিস-অস্তর ॥
 ক্রোধে বুকোদর-বীর অনল-সমান ।
 দুর্ব্যোধনে মারে গদা বজ্রের প্রমাণ ॥
 গদাঘাতে দুর্ব্যোধন হইয়া কাতর ।
 বেগে পলাইয়া গেল সৈন্তের ভিতর ॥
 দুর্ব্যোধন-ভন দেখি যত যোদ্ধগণ ।
 ভীমের উপরে করে বাণ-বরিষণ ॥
 তবে ক্রোধে বুকোদর পবন-নন্দন ।
 গদা হাতে করি বীর করে মহারণ ॥
 শত-শত হস্তী-মারে, অশ্ব লক্ষ-লক্ষ ।
 দেখি যত যোদ্ধগণ মানিল অশক্য ॥

সাত্যকি-সহিত কর্ণ করে মহারণ ।
 দৌহে দৌহাকারে বিস্ফে অতি-বিচক্ষণ ॥
 প্রাণপণে কর্ণবার এড়ে নানা-বাণ ।
 কাটি পাড়ে সাত্যকি সে করি খান-খান ॥
 বাণ ব্যর্থ দেখি তবে রবির নন্দন ।
 সন্ধান পুরিয়া এড়ে নানা-অস্ত্রগণ ॥
 এড়িল বিংশতি-অস্ত্র কর্ণ মহাবীর ।
 বাণাঘাতে শিনি-পোত্র হইল অস্থির ॥
 পুনশ্চ সাত্যকি-বীর হৈল সচেতন ।
 কর্ণের উপরে করে বাণ-বরিষণ ॥
 সন্ধান পুরিয়া এড়ে তীক্ষ্ণ-দশবাণ ।
 বাণে কাটি কর্ণ তাহা করে খান-খান ॥
 অস্ত্র ব্যর্থ করি কর্ণ এড়ে পঞ্চবাণ ।
 সাত্যকির অঙ্গে ফুটে বজ্রের সমান ॥
 অঙ্গেতে ফুটিয়া বাণ বহিছে রুধির ।
 অজ্ঞান হইয়া রথে পড়ে মহাবীর ॥
 অচেতন দেখি রথ ফিরায় সারথি ।
 সাত্যকিরে ল'য়ে পলাইল শীঘ্রগতি ॥

ধৃষ্টদ্যুম্ন-সহ দ্রোণ করয়ে সমর ।
 বিশ্বয় মানিয়া চাহে যতক অমর ॥
 বাণস্থি করে দৌহে নাহি লেখা-জোখা ।
 প্রাণপণে যুদ্ধ করে নাহিক উপেক্ষা ॥
 মহাকোপে দ্রোণ ভরদ্বাজের নন্দন ।
 গগন ছাটিয়া করে বাণ-বরিষণ ॥
 শত-শত বাণ এড়ে পুরিয়া সন্ধান ।
 ধৃষ্টদ্যুম্ন-বীর তাহা করে খান-খান ॥
 বাণ ব্যর্থ দেখি দ্রোণ কুপিত হইল ।
 ধনুর্গুণ টঙ্কারিয়া সন্ধান পুরিল ॥
 দশগোটা বাণ গুরু রোষে প্রহারিল ।
 কবচ ভেদিয়া তার অঙ্গে প্রবেশিল ॥
 বাণাঘাতে ধৃষ্টদ্যুম্ন হৈল কম্পমান ।
 খসিয়া পড়িল হাত হৈতে ধনুর্কবাণ ॥
 অচেতন হ'য়ে বীর রথেতে পড়িল ।
 দেখি কুরুযোদ্ধগণ সানন্দ হইল ॥
 পুনরপি ধৃষ্টদ্যুম্ন হৈল সচেতন ।
 ধনুর্গুণ টঙ্কারিয়া করে মহারণ ॥
 সন্ধান পুরিয়া ধৃষ্টদ্যুম্ন অস্ত্র এড়ে ।
 খণ্ড-খণ্ড করি দ্রোণ বাণে কাটি পাড়ে ।
 বাণ ব্যর্থ করি দ্রোণ পুরিল সন্ধান ।
 পুনরপি প্রহারিল তীক্ষ্ণ-পঞ্চবাণ ॥
 নিবারিতে না পারিল পাঞ্চাল-নন্দন ।
 বাণাঘাতে ধৃষ্টদ্যুম্ন হৈল অচেতন ॥
 রথেতে পড়িল বীর নাহিক সংবিত ।
 রথ ল'য়ে সারথি হইল একভিত ॥
 ধৃষ্টদ্যুম্ন পলাইল দেখি দ্রোণবীর ।
 বাণস্থি করে বীর নির্ভয়-শরীর ॥

শকুনি-সহিত যুঝে সহদেব-বীর ।
 কন্দর্প-সমান রূপ, কোমল-শরীর ॥

শকুনি যতেক এড়ে তীক্ষ্ণ-অস্ত্রগণ ।
 নিবারয়ে সহদেব মাদ্রীর নন্দন ॥
 তবে কোপে সহদেব পুরিল সন্ধান ।
 শকুনির ধনু কাটি কৈল থান-থান ॥
 আর ধনু ধরি বীর গান্ধার-নন্দন ।
 সন্ধান পুরিয়া বিধে তীক্ষ্ণ-অস্ত্রগণ ॥
 পুনরপি সহদেব পুরিয়া সন্ধান ।
 শকুনিরে প্রহারিল পঞ্চদশ-বাণ ॥
 দুইবাণে ধ্বজ কাটি কৈল খণ্ড-খণ্ড ।
 আর দুইবাণে কাটে সারথির মুণ্ড ॥
 চারিবাণে চারি-অশ্বে দিল যমালয় ।
 সপ্তবাণে বিক্ষিলেক শকুনি-হৃদয় ॥
 অচেতন হ'য়ে পড়ে গান্ধার-নন্দন ।
 দেখিয়া ধাইল তবে যত যোদ্ধগণ ॥
 শকুনি অপর রথে করি আরোহণ ।
 পলাইয়া গেল শীঘ্র লইয়া জীবন ॥
 নকুলেতে দুঃশাসনে হয় মহামার ।
 কোপে দৌহাকারে দৌহে করয়ে প্রহার ॥
 সন্ধান পুরিয়া বীর মদ্রস্থতা-সুত ।
 দুঃশাসন-অঙ্গে বাণ মারিল বহুত ॥
 কবচ ভেদিয়া অঙ্গে করিল প্রবেশ ।
 শোণিত পড়য়ে অঙ্গে, প্রাণমাত্র শেষ ॥
 অজ্ঞান হইল বীর রথের উপর ।
 খসিয়া পড়িল হস্ত হৈতে ধনুঃশর ॥
 তবে কতক্ষণে বীর পাইল চেতন ।
 ধনু ধরি দুঃশাসন এড়ে অস্ত্রগণ ॥
 দুইজনে বাণ এড়ে দৌহে ধনুর্ধর ।
 দৌহাকার বাণে দৌহে হইল জর্জর ॥

নকুল এড়িল তবে কোপে দুইবাণ ।
 রথধ্বজ কাটি তার কৈল থান-থান ॥
 আর দুইবাণ বীর এড়ে আচম্বিতে ।
 সারথির মাথা কাটি পাড়িল ভূমিতে ॥
 সারথি পড়িল রথ হইল অচল ।
 দেখি দুঃশাসন ভয়ে হইল বিকল ॥
 রথ ছাড়ি দুঃশাসন বেগে পলাইল ।
 দেখি যত যোদ্ধগণ হাসিতে লাগিল ॥
 ভগদত্ত-সহ যুঝে পাঞ্চাল-ঈশ্বর ।
 বাণরুষ্টি করে দৌহে দৌহার উপর ॥
 পর্বত-আকার হস্তী করি আরোহণ ।
 দ্রুপদ-সহিত যুঝে নরক-নন্দন ॥
 প্রাণপণে দিব্য-অস্ত্র এড়িল দ্রুপদ ।
 কাটিয়া পাড়িল ভগদত্ত ভৃগবৎ ॥
 বাণ ব্যর্থ দেখি তবে পাঞ্চাল-ঈশ্বর ।
 ভগদত্তে প্রহারিল তীক্ষ্ণ-পঞ্চশর ॥
 কবচ ভেদিয়া বাণ অঙ্গে প্রবেশিল ।
 ভগদত্ত-অঙ্গ হৈতে শোণিত বহিল ॥
 স্থির হ'য়ে ভগদত্ত পুরিল সন্ধান ।
 দ্রুপদের ধনু কাটি কৈল থান-থান ॥
 অশ্রু ধনু ল'য়ে তবে দ্রুপদ-রাজন ।
 ভগদত্তোপরি করে বাণ-বরিষণ ॥
 শীঘ্রগতি ভগদত্ত এড়ে অস্ত্রগণ ।
 সারথি ভুরঙ্গ কাটি পাড়ে ততক্ষণ ॥
 অর্জুচন্দ্র এড়ে ভগদত্ত নৃপবর ।
 দুইখান করি কাটে পাঞ্চাল-ঈশ্বর ॥
 তারপর ভগদত্ত পঞ্চদশ-বাণে ।
 মারিল দ্রুপদরাজে বিশিষ্ট-সন্ধান ॥

সেই বাণাঘাতে তবে পাঞ্চাল-প্রধান ।
রথ হৈতে ভূমে পড়ে হ'য়ে গতপ্রাণ ১ ॥
ক্রপদ পড়িল দেখি রাজা যুধিষ্ঠির ।
মহাশোকে হইলেন নিতান্ত অস্থির ॥
হাহাকার শব্দ করে যত সেনাগণ ।
পিতৃশোকে ধ্বস্তদ্যুম্ন হৈল অচেতন ॥
অনন্দিত কুরুসৈন্য ছাড়ে সিংহনাদ ।
পাণ্ডবের দলে বড় হইল বিবাদ ॥

শিখণ্ডী-সহিত যুঝে অশ্বখামা-বীর ।
বাপের সদৃশ শিক্ষা স্তম্ভর-শরীর ॥
শিখণ্ডী এড়িয়ে বাণ পুরিয়া সন্ধান ।
বাণে কাটি অশ্বখামা করে খান-খান ॥
বাণ ব্যর্থ দেখি বীর কুপিত-অস্তুর ।
পঞ্চবাণ এড়ে অশ্বখামার উপর ॥
বক্ষঃস্থলে প্রহারিল তীক্ষ্ণ দশবাণ ।
রথে পড়ে অশ্বখামা হইয়া অজ্ঞান ॥
চেতন পাইয়া কতক্ষণে বীরবর ।
হাতে ধনু করি বীর কুপিত-অস্তুর ॥
সন্ধান পুরিয়া এড়ে চোখ-চোখ শর ।
বিক্ষিয়া শিখণ্ডী-বীরে করিল জর্জর ॥
রথ অশ্ব কাটিয়া করিল লগ্ন-ভগ্ন ।
সকুণ্ডল কাটি পাড়ে সারথির মুণ্ড ২ ॥
সারথি পড়িল দেখি লাগে চমৎকার ।
পলাইয়া গেল ভয়ে ক্রপদ-কুমার ॥

কৃপাচার্য্য-সহ যুঝে সহদেব রাজা ।
জরাসন্ধপুত্র সেই বলে মহাতেজা ॥

অনুপম যুদ্ধ করে সংগ্রাম-ভিতর ।
ধনু-ধনু করি সবে বাধানে বিস্তর ॥
মহাকোপে কৃপাচার্য্য যত বাণ এড়ে ।
তত অস্ত্র সহদেব বাণে কাটি পাড়ে ॥
বাণ ব্যর্থ করি বীর পুরিল সন্ধান ।
কৃপাচার্য্য-হৃদয়ে মারেন পঞ্চবাণ ॥
কবচ ভেদিয়া অঙ্গ করিল ছেদন ।
শোণিত পড়য়ে ধারে, হরিল চেতন ॥
বৃক্ষিত হইয়া রথে পড়ে বীরবর ।
সারথি পলায় রথ ল'য়ে শীত্রতর ॥

কৃপাচার্য্য-ভঙ্গ দেখি রবির নন্দন ।
সহদেব-সহ তবে করে মহারণ ॥

কৃতবর্মা-চেকিতানে মহাযুদ্ধ করে ।
বাণরুষ্টি করে দৌছে দৌহার উপরে ॥
দুইজনে বাণ এড়ে, যত শিক্ষা জানে ।
দুইজনা বিক্ষেপে দৌছে চোখ-চোখ বাণে ॥
তবে কৃতবর্মা-বীর পুরিয়া সন্ধান ।
রথধ্বজ কাটি তার করে খান-খান ॥
দুইবাণে ধনু কাটি পাড়ে সেইক্ষণ ।
চারিবাণে চারি-অশ্বে করিল ছেদন ॥
দুইবাণ কৃতবর্মা এড়ে আচম্বিতে ।
চেকিতান-মাথা কাটি পাড়িল ভূমিতে ॥
চেকিতান পড়ে, সৈন্য ভয়ে পলাইল ।
দেখিয়া ধর্ম্মের পুত্র ব্যথিত হইল ॥

কাশীরাজ-সহ যুঝে যুয়ুৎস্ন-ভূপতি ।
বাণরুষ্টি করে দৌছে প্রাণের শকতি ॥

১। কাশীরাম দাস লিখিয়াছেন, ক্রপদ-রাজ ভগদত্তের হস্তে নিহত হইরাছিলেন, কিন্তু মূল-সংস্কৃত বহাভারতে দেখা যায়, ক্রপদ-রাজ
কৃপাচার্য্যের হস্তে নিহত হইরাছিলেন।—সম্পাদক। ২। অস্ত্রান্ত যুদ্ধিত কাশীরামদাস-বহাভারতে এইখানে অশ্বখামার হস্তে
শিখণ্ডীর নিধন ও পরে পুন্দরায় কর্ণপর্কে শিখণ্ডীর মৃত্যু বর্ণিত হইরাছে। প্রকৃতপক্ষে সৌতিক পর্কেই শিখণ্ডী রাত্রিযুদ্ধে অশ্বখামার হস্তে
নিহত হইরাছিলেন। ইহা মূল-সংস্কৃত বহাভারতের উক্তি। আবার প্রাচীন হস্তলিখিত পুঁথি দেখিয়া এইস্থানের পাঠ সংশোধন
করিলাম।—সম্পাদক।

যুযুৎসু-নৃপতি এড়ে চোখ চোখ বাণ ।
 কাশীরাজ-ধনু কাটি কৈল খান-খান ॥
 আর ধনু ল'য়ে কাশীরাজ এড়ে বাণ ।
 সেই বাণ যুযুৎসু করিল খান-খান ॥
 তবে কোপে কাশীরাজ কম্পমান হ'য়ে ।
 রথ এড়ি ধায় বীর খড়গ-চন্দ্র ল'য়ে ॥
 খড়্গের প্রহারে মারিলেক চারি হয় ।
 সারথির মাথা কাটি দিল যমালয় ॥
 একলাফে রথে চড়ে কাশীর ঈশ্বর ।
 একচোটে যুযুৎসুরে দিল যমঘর ॥
 যুযুৎসুরে মারি তবে কাশীরাজ গেল ।
 দেখিয়া পাণ্ডব-দল সশঙ্ক হইল ॥
 ত্রাসযুক্ত হ'য়ে সৈন্য সকল পলায় ।
 দেখি রাজা দুর্যোধন মহানন্দ পায় ॥
 দেখি রাজা যুধিষ্ঠির শোকাকুল-মন ।
 রথে চড়ি চলিলেন করিবারে রণ ॥
 হেনকালে রথে চড়ি আসে শল্যরাজা ।
 মুখামুখী হৈল রণে, দৌহে মহাতেজা ॥
 কোপে রাজা যুধিষ্ঠির পুরিয়া সন্ধান ।
 দুইবাণে কাটিলেন তার ধনুখান ॥
 আর ধনু ল'য়ে শল্য গুণ দিয়া টানে ।
 কাটিলেন যুধিষ্ঠির তাহা সেইক্ষণে ॥
 পুনঃপুনঃ শল্যরাজ যত ধনু লয় ।
 খণ্ড-খণ্ড করি কাটে ধর্ম্মের তনয় ॥
 দেখিয়া হইল শল্য কোপাবিষ্ট মন ।
 হাতে গদা ল'য়ে তবে ধায় সেইক্ষণ ॥
 ত্রস্ত হ'য়ে যুধিষ্ঠির যুড়ি অস্ত্রগণ ।
 কবচ কাটিয়া অঙ্গ করেন ছেদন ॥
 বাণাঘাতে শল্যরাজ ব্যথিত-অস্তুর ।
 দৌহাতিয়া বাড়ি মারে রথের উপর ॥

গদার প্রহারে রথ গেল চূর্ণ হ'য়ে ।
 ভূমিতে পড়েন যুধিষ্ঠির লাফ দিয়ে ॥
 ভয়ে পলাইয়া যান পাণ্ডবের নাথ ।
 প্রাণপণে যান রাজা, না চান পশ্চাৎ ॥
 দেখি শল্যরাজ তবে কহিল হাসিয়ে ।
 ওহে মহারাজ, কেন যেতেছ পলায়ে ॥
 স্থির হ'য়ে যুদ্ধ কর আসি মহাশয় ।
 ক্ষত্র হ'য়ে কেন কর মরণের ভয় ॥
 এতেক বলিয়া শল্য গেল নিজরথে ।
 গদা এড়ি পুনরপি ধনু নিল হাতে ॥
 তবে শতানীক-সহ পৌরব-রাজনু ।
 বাণ বরষিয়া করে দৌহে মহারণ ॥
 দৌহে দৌহাকারে তবে অস্ত্র প্রহারিল ।
 বাণষ্টি করি তবে সূর্যে আচ্ছাদিল ॥
 তবে শতানীক-বীর এড়ে দিব্য-বাণ ।
 পৌরবের ধনু কাটি কৈল খান-খান ॥
 চারিবাণে চারি-অশ্বে কাটিল তাহার ।
 দুইবাণে সারথিরে করিল সংহার ॥
 দেখিয়া পৌরব বড় হইল কাঁফর ।
 রথ এড়ি পলাইল হইয়া কাতর ॥
 তবে বৃকোদর-বীর গদা ল'য়ে করে ।
 মহাকোপে প্রবেশিল সৈন্যের ভিতরে ॥
 পদ্মবন ভাঙ্গে যেন মত্ত যুধপতি ।
 সেইমত সৈন্য মারে পবন-সম্ভতি ॥
 শত-শত রথ ভাঙ্গে গদার প্রহারে ।
 লক্ষ-লক্ষ সৈন্যে বীর নিতম্বে সংহারে ॥
 দেখি ভগদত্ত বীর কুপিত-অস্তুর ।
 হাতী টোয়াইয়া দিল ভীমের উপরে ॥
 বাণষ্টি করে, যেন মেঘে বর্ষে জল ।
 মহাকোপে ধায় তবে ভাম মহাবল ॥

গদা ফিরাইয়া যায় যমের সমান ।
 দেখি ভগদত্ত-বীর এড়ে দিব্য-বাণ ॥
 দশ-বাণে গদা কাটি কৈল খান-খান ।
 কোপে ধায় রুকোদর অনল-সমান ॥
 যোজনেক-পদ হস্তী মহাভয়ঙ্কর ।
 দ্বা-সম দন্তগুলা, দেখি লাগে ডর ॥
 ভ্রামরে ধরিতে যায় শুণ্ড প্রসারিয়া ।
 বেগে ধায় হস্তী-গোটা তর্জ্জন করিয়া ॥
 তবে কোপে রুকোদর ধরে দুই পায় ।
 অচল-সমান করী স্বাবরের প্রায় ॥
 মহাকোপে ধরি টানে বীর রুকোদর ।
 তুলিতে নারিল হস্তী, যেন গিরিবর ॥
 মহাকোপে হস্তী যদি টানে রুকোদরে ।
 অঙ্গুলি পব্যস্ত তার নাড়িতে না পারে ॥
 এড়িলে এড়ান নাহি, তুলি দেয় পদ ।
 বপাকে ঠেকিয়া ভীম হৈল বুঝি বধ ॥
 নক্ষটে পড়িয়া ভীম না পায় এড়ান ।
 ছারিয়া গজের ঠাই মূতের সমান ॥
 ভ্রামরে সঙ্কটে দেখি ধম্মের নন্দন ।
 হাহাকার করি ধায় সহ-যোদ্ধগণ ॥
 তবে কতক্ষণে রুকোদর মহাবলে ।
 মুষ্টির প্রহার কৈল করি-কুস্তস্থলে ॥
 দারুণ-প্রহারে করী বিকল-অন্তর ।
 পলাইয়া গেল শীঘ্র ছাড়ি রুকোদর ॥
 তবে রুকোদর-বীর চড়ি নিজরথে ।
 করয়ে দারুণ যুদ্ধ ধনু ল'য়ে হাতে ॥
 অতিক্রোধে ভগদত্ত করয়ে সংগ্রাম ।
 লিখনে না যায় তার যুদ্ধ অনুপাম ॥
 লক্ষ-লক্ষ সেনা মারে চক্ষের নিমিষে ।
 ভগদত্ত-যুদ্ধ দেখি দুর্ঘোষন হাসে ॥

পাণ্ডবের সেনাগণ হইল অস্থির ।
 দেখি মহাভয় পান রাজা যুধিষ্ঠির ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩৫ । বৈষ্ণবোক্ত উপাখ্যান ও
 ভগদত্ত বধ ।

অর্জুন বলেন, কৃষ্ণ, কর অবধান ।
 হের দেখ, ভগদত্ত অনল-সমান ॥
 মোর সৈন্যগণ ক্ষয় করিল বিস্তর ।
 অতএব রথ তুমি চালাও সত্ত্বর ॥
 আজি আমি রণে তারে করিব নিধন ।
 নিশ্চয় কহিনু, শুন দেব-নারায়ণ ॥
 এত শুনি শ্রীগোবিন্দ হ'য়ে আনন্দিত ।
 ভগদত্ত-অগ্রে রথ চালান স্থিরিত ॥
 বায়ুবেগে চলে রথ পবন-গমন ।
 ভগদত্ত-সম্মুখেতে আসে সেইক্ষণ ॥
 অর্জুনে দেখিয়া ধায় ভগদত্ত-বীর ।
 বাণ্যুষ্টি করে, যেন মোঘে বর্ষে শীর ॥
 তর্জ্জন করিয়া বলে অর্জুনের প্রতি ।
 আজি যুদ্ধ কর পার্থ, আমার সংহতি ॥
 অবশ্য করিব আজি তোমারে সংহার ।
 নিতান্ত প্রতিজ্ঞা এই জানিবে আমার ॥
 এত শুনি কোপবস্ত পার্থ ধনুর্ধর ।
 ডাকিয়া বলেন, গর্ব ত্যজহ বর্বর ॥
 কোন্ কণ্ঠ করি তোর এত অহঙ্কার ।
 আমার অগ্রেতে হেন প্রতিজ্ঞা তোমার ॥
 সাক্ষাতে দেখিবে এবে যত যোদ্ধগণ ।
 অবশ্য পাইব তোরে যমের সদন ॥

অৰ্জুনের কটুবাক্য শুনি ভগদত্ত ।
 মহাকোপে চালাইয়া দিল গজমত্ত ॥
 বায়ুবেগে হস্তী পড়ে রথের উপর ।
 দেখিয়া চিস্তিত হন দেব-দামোদর ॥
 তথা হৈতে রাখিলেন রথ একভিত ।
 দেখি যুধিষ্ঠির হন অতি-আনন্দিত ॥
 পুনরপি দুইজনে হইল সমর ।
 তীক্ষ্ণ অস্ত্র এড়ে দৌহে দৌহার উপর ॥
 কোপে ভগদত্ত-বীর পুরিল সন্ধান ।
 অৰ্জুনের প্রহারিল চোখ-চোখ বাণ ॥
 তবে ধনঞ্জয়-বীর পুরিয়া সন্ধান ।
 ভগদত্ত-বাণ করিলেন খান-খান ॥
 কাটেন সকল অস্ত্র পার্থ কুতূহলে ।
 নারাচ মারিল বীর করি-কুন্তস্থলে ॥
 দারুণ-প্রহারে করী ভূমিতে পড়িল ।
 বজ্রাঘাতে যেন গিরিশৃঙ্গ বিদারিল ॥
 হস্তী যদি পড়িল চিস্তিত ভগদত্ত ।
 হেনকালে সারথি যোগায় এক রথ ॥
 মহাবল ষাটি হস্তী সেই রথ বাহে ।
 বিশ্বয় মানিয়া যত বোদ্ধগণ চাহে ॥
 হেনরথে ভগদত্ত চড়ি সেইরূপ ।
 অতিকোপে করে বীর বাণ-বরিষণ ॥
 যত বাণ এড়ে বীর পুরিয়া সন্ধান ।
 নিমিষে করেন পার্থ তাহা খান-খান ॥
 বাণ ব্যর্থ দেখি ভগদত্ত বীরবর ।
 অৰ্জুন-উপরে মারে চৌষাটী তোমর ॥
 অন্ধকার করি পড়ে অৰ্জুন-উপর ।
 নিবারিতে নাহি পারে পার্থ ধনুর্ধর ॥
 বাণাঘাতে হইলেন অৰ্জুন অস্থির ।
 খরতর-স্ত্রোতে বহে শরীরে ঋষির

অচেতন হ'য়ে পড়ে রথের উপর ।
 ক্রোধ করি কহে তবে দেব-দামোদর ॥
 কি-হেতু অশক্ত তোমা দেখি আজি রণে ।
 অন্তমন কর তুমি কিসের কারণে ॥
 প্রতিজ্ঞা করিলে ভগদত্তে মারিবারে ।
 তবে কেন অচেতন হৈলে একেবারে ॥
 ভগদত্তে বধ কর এড়ি দিব্যবাণ ।
 আকর্ণ পুরিয়া তুমি করহ সন্ধান ॥
 আশা পেয়ে হাসে দেখ দুটু দুর্ব্যোধন ।
 দেখ, কুরুকুল সব প্রসন্নবদন ॥
 কৃষ্ণের বচনে পার্থ লজ্জিত হইয়া ।
 দিব্য-অস্ত্র যুড়িলেন ধনু টঙ্কারিয়া ॥
 গগন ছাইয়া বাণ এড়েন তখন ।
 মুঘলের ধারে যেন বর্ষে নবঘন ॥
 অস্ত্র-বিনা সৈন্যमध्ये নাহি দেখি আর ।
 দিবসে হইল যেন ঘোর-অন্ধকার ॥
 শীত্ৰগতি ভগদত্ত পুরিয়া সন্ধান ।
 নিমিষেকে নিবারিল অৰ্জুনের বাণ ॥
 তবে কোপে ভগদত্ত কহে অৰ্জুনেরে ।
 এই অস্ত্রে ধনঞ্জয় বিনাশিব তোরে ॥
 দেখিব, কেমনে অস্ত্র কর নিবারণ ।
 এত বলি ভগদত্ত করয়ে তর্জ্জন ॥
 বৈষ্ণব-নামেতে বাণ নিয়োজিল চাপে ।
 অস্ত্র দেখি ইন্দ্র-আদি দেবগণ কাঁপে ॥
 সন্ধান পুরিয়া বীর এড়িলেক বাণ ।
 চলিল বৈষ্ণব-অস্ত্র অনল-সমান ॥
 দেখিয়া বৈষ্ণব-অস্ত্র দেব-নারায়ণ ।
 চিন্তান্ত্রিত হইলেন অৰ্জুন-কারণ ॥
 অৰ্জুনে পশ্চাৎ করি দেব-নারায়ণ ।
 আপনি দিলেন বুক পাতি সেইরূপ ॥

কৃষ্ণের শরীরে আসি লীন হৈল বাণ ।
 দেখি যত বোলগণ হৈল কম্পমান ॥
 এতেক দেখিয়া পার্থ লজ্জিত-বদন ।
 কৃতাজলি করি কৃষ্ণ করে নিবেদন ॥
 নিবেদি তোমাতে দেব, কর অবধান ।
 কি-হেতু হৃদয়ে তুমি ধরিলে এ-বাণ ॥
 কোন্ কাজে ন্যূন মোরে দেখিলে কখন ।
 এবে অস্ত্র ধর তুমি কিসের কারণ ॥
 শ্রীকৃষ্ণ বলেন, সখে, কহিলে প্রমাণ ।
 তোমা হৈতে নিবারণ নহে এই বাণ ॥
 বৈষ্ণব-অস্ত্রের তুমি না জান মহিমা ।
 মহাতেজোময় অস্ত্র, নাহি তার সীমা ॥
 অর্জুন বলেন, কৃষ্ণ, কহিবে আমারে ।
 হেনমত অস্ত্র কেবা দিলেক উহারে ॥
 আমার অসাধ্য অস্ত্র কিসের কারণ ।
 ইহার বৃত্তান্ত মোরে কহ, নারায়ণ ॥
 শ্রীকৃষ্ণ কহেন, পার্থ, কহি তব স্থান ।
 চারি মূর্তি মম, তুমি জানহ প্রমাণ ॥
 এক মূর্তি তপশ্চর্যা করে অনুক্ষণ ।
 আর মূর্তি ত্রিভুবন করিছে পালন ॥
 আর মূর্তি ধরি সৃষ্টি করি যে সৃজন ।
 অন্তরূপে এক মূর্তি সংহার-কারণ ॥
 পৃথিবী পাইল অস্ত্র আমার সদনে ।
 তা হৈতে নরক পায়, সে দিল নন্দনে ॥
 নরকের পুত্র ভগদত্ত মহারাজা ।
 অস্ত্রে-শস্ত্রে বিচক্ষণ, বলে মহাতেজা ॥
 এই অস্ত্রবলে জিনে সর্ব-ভূমণ্ডল ।
 ভগদত্ত-সহ সখ্য কৈল আখণ্ডল ॥
 জানি তোমা হৈতে অস্ত্র নহে নিবারণ ।
 আপনি ধরি যে আমি তাহার কারণ ॥

ত্রৈলোক্য-বিজয়ী বাণ বৈরী বিনাশিতে ।
 ত্রজ্ঞা-আদি রক্ষা নাহি পায় যাহা হৈতে ॥
 কদাচিত্ ব্যর্থ যদি চক্র মম হয় ।
 অব্যর্থ বৈষ্ণব-বাণ, ব্যর্থ কছু নয় ॥
 না পারিতে তুমি এই বাণ নিবারিতে ।
 অমর হইলে তবু মৃত্যু ইহা হ'তে ॥
 এতেক শুনিয়া পার্থ লজ্জিত-অস্তুর ।
 পুনরপি ধনঞ্জয়ে কহে গদাধর ॥
 এড়িল বৈষ্ণব-অস্ত্র ভগদত্ত-বীর ।
 এইকালে শীঘ্র কাটি পাড় তার শির ॥
 প্রস্তুত না আছে বাণ নিক্ষেপ করিতে ।
 শতজন আসিলেও না পারে শক্তিতে ॥
 তব ভাগ্যে রাজা বাণ করিল ক্ষেপণ ।
 বিনা-ক্লেবে বধ তারে করহ এখন ॥
 আছিল বাণের তেজে বিষ্ণুর সমান ।
 সমরে হইত কার শক্তি আশ্রয়ান ॥
 এবে চিন্তা কিছু নাহি কর ধনঞ্জয় ।
 এক্ষণে হইবে জয়, জানিবে নিশ্চয় ॥
 এত শুনি ধনঞ্জয় হরষিত-মন ।
 সন্ধান পুরিয়া এড়িলেন অস্ত্রগণ ॥
 কোপে ধনঞ্জয়-বীর এড়ে পঞ্চবাণ ।
 ভগদত্ত-ধনু কাটি করে খান-খান ॥
 আর ধনু ধরি ভগদত্ত করে রণ ।
 সেই ধনু ধনঞ্জয় কাটেন তখন ॥
 পুনঃপুনঃ ভগদত্ত যত ধনু লয় ।
 ক্রমে-ক্রমে কাটিলেন বীর ধনঞ্জয় ॥
 কোপে ভগদত্ত-বীর শক্তি নিল হাতে ।
 ফেলিয়া মারিল শক্তি অর্জুনের মাথে ॥
 ধনু টঙ্কারিয়া পার্থ মারিলেন বাণ ।
 কাটিলেন শক্তি তার করি খান-খান ॥

অর্দ্ধচন্দ্র বাণ বীর পুরিয়া সন্ধান ।
 ভগদত্তে মারিলেন কুলিশ-সমান ॥
 দুইখান হ'য়ে পড়ে রথের উপর ।
 এক ঘায় ভগদত্ত গেল যমঘর ॥
 রণেতে পড়িল ভগদত্ত মহাবীর ।
 দেখি রাজা দুর্ঘ্যোধন হইল অস্থির ॥
 ভগদত্ত-রথ ল'য়ে সারথি সত্ত্বর ।
 ভ্রমণ করিয়া বুলে সংগ্রাম-ভিতর ॥
 শত-শত সেনা পড়ে রথের চাপনে ।
 হেন বীর নাহি, নিবারয়ে রথখানে ॥
 দেখি কোপে ধায় বীর পবন-নন্দন ।
 সাপটিয়া রথখান করিল ধারণ ॥
 বায়ুবেগে বুকোদর ফেলে রথখান ।
 দেখিয়া কোঁরবল হৈল কম্পমান ॥
 দ্রোণপর্ব-পুণ্যকথা ভগদত্ত-বধে ।
 কাশীরাম দাস কহে গোবিন্দের পদে ॥

৩৩। দ্রোণাচার্য্যের মৃত্যু ।

মুনি বলে, মহাশয়, শুন রাজা জন্মেজয়,
 হেনমতে পড়ে ভগদত্ত ।
 দেখি রাজা দুর্ঘ্যোধন, শোকেতে আকুল মন,
 আরোহণ কৈল গজমত্ত ॥
 অশ্বখামা নামে হস্তী, তার তুল্য অশ্ব নাস্তি,
 এমনি উত্তম গজবর ।
 বর্ণে জিনি জলধর, ঈষা-সম দস্তবর,
 দেখিতে বড়ই ভয়ঙ্কর ॥

তাহে আরোহণ করি, আসে কুরু-অধিকারী,
 যথা আছে বীর বুকোদর ।
 হাতে গদা ঘোরতর, রোষ-যুক্ত নৃপবর,
 ভীম-সনে করিতে সমর ॥
 দেখি ধায় বুকোদর, হাতে গদা ভয়ঙ্কর,
 শমন-সমান মহাবীর ।
 মহাকোপে অঙ্গ কাঁপে, দশনে অধর চাপে,
 বজ্রসম কঠিন শরীর ॥
 গদা যেন কালদণ্ড, সৈন্য করে লণ্ডভণ্ড,
 একঘায় মারে শত-শত ।
 হস্তা অশ্ব পড়ে যত, লিখিতে না পারি তত,
 শত-শত চূর্ণ করে রথ ॥
 আনন্দিত বুকোদর, যুদ্ধ করে ঘোরতর,
 বায়ু জিনি গতি মহাবীর ।
 কোপে ভয়ঙ্কর-তনু, যেন প্রভাতের ভানু,
 দেখি আনন্দিত যুধিষ্ঠির ॥
 হেনকালে দুর্ঘ্যোধন, করি গজে আরোহণ,
 গদা ল'য়ে ধায় বীরবর ।
 দেখি যত যোদ্ধাগণ, সবে সশঙ্কিত-মন,
 সংগ্রাম হইল ঘোরতর ॥
 তবে কোপে বায়ু-মত, যেন ঠিক যমদূত,
 গদা প্রহারেন করি-মুণ্ডে ।
 বজ্রাঘাতে যেন গিরি, সেইমত পড়ে করী,
 খণ্ড-খণ্ড মুণ্ড সেই দণ্ডে ॥
 ভয়েতে কম্পিত-মন, একলাফে দুর্ঘ্যোধন,
 হস্তী ত্যজি পড়িল ধরণী ।
 গদা ল'য়ে ছুই করে, প্রহারিল বুকোদরে,
 বজ্রের সদৃশ শব্দ শুনি ॥

গদাঘাতে বুকোদর, ক্রোধে কাঁপে থর-থর,
নিজ-গদা ধরে দৃঢ়মুষ্টি ।

ভানুবর্ণ জিনি মূর্তি, যুগাস্তের সমবর্তী,
সংহার করিতে যেন সৃষ্টি ॥

অত্রিক্রোধে বুকোদর, মারে গদা থরতর,
দুর্যোধন-রাজের উপর ।

গদাঘাতে দুর্যোধন, অঙ্গ কাঁপে ঘনে-ঘন,
পলাইল ত্যজিয়া সমর ॥

দুর্যোধন-ভঙ্গ দেখি, ভীমসেন হ'য়ে স্থখী,
সংহারিল বহু সৈন্যগণ ।

সৈন্য কেহ নহে স্থির, দেখি কোপে দ্রোণবীর,
দ্রুতগতি আসিল তখন ॥

শাকর্ণ পুরিয়া দ্রোণ, এড়ি নানা-অস্ত্রগণ,
বিকিলেক ভীমের হৃদয় ।

মূচ্ছিত হইল বীর, বহিছে অঙ্গ ঝধির,
পলাইল পবন-তনয় ॥

পলাইল ভীমসেন, দেখি আনন্দিত দ্রোণ,
বাণরুষ্টি করে মহাবীর ।

শত-শত সৈন্য পড়ে, কদলী যেমন ঝড়ে,
যোদ্ধগণ হইল অস্থির ॥

তবে কোপে ধনঞ্জয়, দেখি সৈন্য-অপচয়,
শীত্র আসে দ্রোণের সম্মুখে ।

ক্রোধে করে বাণরুষ্টি, যেন সংহারিতে সৃষ্টি,
দিব্য-অস্ত্র ফেলে লাখে-লাখে ॥

অর্জুনের দশবাণ, দ্রোণাচার্য্য বলবান,
মারিলেক সমর-ভিতরে ।

থাইয়া দ্রোণের বাণ, পার্থ হ'য়ে হতজ্ঞান,
পড়িলেন রথের উপরে ॥

অর্জুনে বিমুখ করি, দ্রোণাচার্য্য গেল ফিরি,
সেনাগণে করিতে বিনাশ ।

দারুণ দ্রোণের বাণে, স্থির নহে কোনজনে,
যুধিষ্ঠির হ'লেন হতাশ ॥

যেই বীর রণে পৈশে, দ্রোণের সম্মুখে আসে,
তারে দ্রোণ করয়ে সংহার ।

যেন যুগাস্তের যম, দেখি দ্রোণ কাল-সম,
পাণ্ডবের নাহিক নিস্তার ॥

দেখি কৃষ্ণ সেমা-নাশ, কহেন গধুর-ভাষ,
শুন দ্রোণ, আমার বচন ।

অশ্বখামা পুত্র তব, আজি পেয়ে পরাভব,
ভীম-হস্তে হইল নিধন ॥

শুনি দ্রোণাচার্য্য-বীর, হ'লেন তাহে অস্থির,
মনেতে হইল বড় ত্রাস ।

অশ্বখামা জন্ম যবে, শূন্যবাণী হৈল তবে,
চিরজীবী কহিলেন ব্যাস ॥

স্বমেরু ভাঙ্গিয়া পড়ে, চন্দ্র-সূর্য্য স্থান ছাড়ে,
তব মিথ্যা নাহি কহে মূনি ।

অসম্ভব কথা হেন, কহিলেন নারায়ণ,
এ-কথা বিশ্বাস্য বড় মানি ॥

এত ভাবি কহে দ্রোণ, শুন প্রভু নারায়ণ,
তব মায়া বুঝিতে না পারি ।

পূর্বের ব্যাস দিলা বর, চারিযুগে সে অমর,
এবে কেন হেন কহ হরি ॥

পুনঃ কন দামোদর, বিনাশিল বুকোদর,
হয় নয়, পুছ ভীমস্থানে ।

মিথ্যা নাহি কহি আমি, নিশ্চয় জানিহ তুমি,
অশ্বখামা পড়িয়াছে রণে ॥

এত শুনি দ্রোণাচার্য্য, পুত্রশোকে হীনধৈর্য্য,
পুনরপি কহিল তখন ।

তবে আমি সত্য মানি, কহে যদি নৃপমণি,
যুধিষ্ঠির ধর্ম্মের নন্দন ॥

তবে প্রভু নারায়ণ, কহিলেন সেইক্ষণ,
যুধিষ্ঠিরে ডাকি নিজপাশ ।

অশ্বখামা হত বাণী, দ্রোণে কহ নৃপমণি,
দ্রোণ যেন জানে সত্যভাষ ॥

শুনিয়া কৃষ্ণের বাণী, কহেন পাণ্ডবমণি,
কিরূপে কহিব মিথ্যাবাণী ।

আমাকে বিশ্বাস করি, দ্রোণ জিজ্ঞাসিবে হরি,
মম বাক্য সত্য-হেন জানি ॥

কিরূপে কহিব মিথ্যা, যুক্ত নহে এই কথা,
যদি মম হয় সর্ব্বনাশ ।

বিশ্বাসঘাতিতা করি, কিমতে কহিব হরি,
মহাপাপ নাশিলে বিশ্বাস ॥

পুনরপি নারায়ণ, করিছেন বিজ্ঞাপন,
প্রকাশ করিয়া কহ দ্রোণে ।

অশ্বখামা হত বাণী, আমি তাহা সত্য জানি,
ইতি গজ পড়ি গেল রণে ॥

পুনঃ কন যুধিষ্ঠির, শুন-শুন যদুবীর,
তথাপিহ অধর্ম্ম বিস্তর ।

মিথ্যা যদি কহি আমি, হইব নরকগামী,
উদ্ধারের বলহ উত্তর ॥

এত শুনি বৃকোদর, ক্রোধে কাঁপে কলেবর,
কহিতে লাগিল সেইক্ষণ ।

হইয়া পাণ্ডবস্বামী, সকল নাশিলে তুমি,
তব সত্য না জানি কেমন ॥

অধর্ম্ম করিলে যদি, পায় লোকে অধোগতি,
কি করিল রাজা দুর্য্যোধন ।

অভিমত্যা গেল রণে, বেড়ি সপ্তরথিগণে,
একা শিশু করিল নিধন ॥

সত্যবাদী সদা ধর্ম্ম, তুমি কি করিলে কর্ত্ত্ব,
নাশিলে সকল রাজ্য-ধন ।

আমার বচন শুনি, কহ তুমি নৃপমণি,
এই কথা স্বরূপ-বচন ॥

মোরে যদি পুছে দ্রোণ, কহি আমি পুনঃপুনঃ,
পুনঃ কহি একশতবার ।

ইহা বলি বৃকোদর, কহিলেন দৃঢ়তর,
অশ্বখামা হত সারোদ্ধার ॥

শুন দ্রোণ কহি সার, সমরেতে আজিকার,
মম হাতে অশ্বখামা হত ।

জানাই স্বরূপ আমি, নিশ্চয় জানহ তুমি,
এই কথা নহে অত্মমত ॥

এত শুনি কহে দ্রোণ, প্রত্যয় না হয় মন,
তোমার বচনে বৃকোদর ।

হত যদি মোর পুত্র, কহে ধর্ম্ম হুচরিত্র,
নিজমুখে ধর্ম্ম-নৃপবর ॥

শুনি দেব-নারায়ণ, হইল কুপিত-মন,
কহিলেন রাজা যুধিষ্ঠিরে ।

কহ তুমি নৃপমণি, এই সত্য সত্যবাণী,
তবে বধ করিবে দ্রোণেরে ॥

তাহা শুনি ধর্ম্মহত, হইয়া বিধাদযুত,
কহিলেন দ্রোণের গোচর ।

অশ্বখামা হৈল নাশ, ইতি গজ সত্যভাষ,
জানহ স্বরূপ এ-উত্তর ॥

পুনরপি কহে দ্রোণ, সত্য কহ হে রাজন্,
অশ্বখামা হইল বিনাশ ।

কহেন ধর্ম্মের স্মৃত, অশ্বখামা হৈল হত,
ইতি গজ, সত্য এই ভাষ ॥

দ্রোণ পুছে যতবার, কহিলেন ততবার,
যুধিষ্ঠির সেমত উত্তর ।

লঘুসরে নৃপমণি, কহে ইতি গজ বাণী,
পুনঃপুনঃ দ্রোণের গোচর ॥

যুধিষ্ঠির-মুখে শুনি, সত্য-হেন দ্রোণ জানি,
পুত্রশোকে হ'লেন আকুল ।

ধনু ধরি বামকরে, কান্দে দ্রোণ উচ্চৈঃস্বরে,
লোহে' ভিজ়ে অঙ্গের দুকুল ॥

পুত্রশোকে গুরু দ্রোণ, হইলেন অচেতন,
চেতনা হারান বিজবর ।

কণ্ঠতলে ধনু রাখি, কান্দে দ্রোণ হ'য়ে ছুঁখী,
অশ্রু পড়ে গুণের উপর ॥

হেনকালে রম্যাপতি, বলেন অর্জুন-প্রতি,
হের দেখ বীর ধনঞ্জয় ।

কালসর্প দংশে দ্রোণে, শীত্র কাটি পাড় বাণে,
এই কালে কুন্তীর তনয় ॥

তবে পার্শ্ব বীরবর, অস্ত্র মারি দৃঢ়তর,
সর্প বলি কাটে ধনুগুণ ।

কণ্ঠতলে বিদ্ধি ধনু, অস্থির হইল তনু,
রথেতে পড়িয়া গেল দ্রোণ ॥

হেনকালে ধৃষ্টদ্যুম্ন, রথে পড়ে দেখি দ্রোণ,
খড়্গ ল'য়ে ধাইল সত্ত্বর ।

ধায় যথা যুগপতি, তথা ধায় শীত্রগতি,
উঠে গিয়া রথের উপর ॥

কাটিল দ্রোণের শির, দেখে যত কুরুবীর,
হাহাকার করে সর্বজন ।

লইয়া দ্রোণের শির, ধৃষ্টদ্যুম্ন মহাবীর,
নিজরথে আসিল তখন ॥

দ্রোণের নিধন দেখি, দুর্যোধন হ'য়ে ছুঁখী,
বিলাপ করয়ে বহুতর ।

হাহাকার শব্দ করি, কান্দে কুরু-অধিকারী,
পড়ি গেল ধরণী-উপর ॥

ব্যাস-বিরচিত গাথা, অগুরু ভারত-কথা,
শ্রবণেতে কলুষ-নাশন ।

যজ্ঞ ত্রত হোম দান, নহে ইহার সমান,
মুক্ত হয়, শুনে যেইজন ॥

গোবিন্দের গুণকর্ম্ম, শুনিলে বাড়য়ে ধর্ম্ম,
ইহা বিনা হুখ নাহি আর ।

রক্তপদ-কোকনদ, ভক্তজন-সিদ্ধিপ্রদ,
অখিলের আপদ-সংহার ॥

নানারূপে অবতরি, দৈত্যগণে ক্ষয় করি,
পাতকীর পরিজ্ঞান-হেতু ।

এ-ঘোর সাগরমাঝে, উদ্ধারিতে দেবরাজে,
নিজনায়ে বান্ধি দিলা সেতু ॥

অভয়চরণে মম, ভক্তি রহে ত্রিবিক্রম,
এইমাত্র করি নিবেদন ।

সংসার-সাগর ঘোরে, উদ্ধার করিবে যোরে,
কাশীরাম দাস-বিরচন ॥

৩৭ । ধৃষ্টদ্যুম্ন-বধে অশ্বখামার প্রতিজ্ঞা ।

মুনি বলে, শুন জন্মেজয় নৃপবর ।
দ্রোণাচার্য্য পড়ি গেল সংগ্রাম-ভিতর ॥

সঙ্ক্যার সময় দ্রোণ পড়ি গেল রণে ।

রোদন করয়ে তবে যত কুরুগণে ॥

রাজা দুর্যোধন কান্দে করি হাহাকার ।

সৈন্যমধ্যে মহাশব্দ ফ্রন্দন অপার ॥

দুর্যোধন কান্দি বলে, শুন যোদ্ধগণ ।

কোন্ জন কোন্ রূপে করিবে তারণ ॥

এমন গুরুকে শত্রু সংহারিল রণে ।

কে তারিবে, কে মারিবে পাণ্ডুপুত্রগণে ॥

পিতামহ-বীর ছিল ভুবনে দুর্জয় ।

ইচ্ছামৃত্যু বলি যাঁর আছিল নির্ণয় ॥

যাঁহার বিক্রমে ভৃগুরাম নহে স্থির ।

হেন পিতামহে মারে ধনঞ্জয়-বীর ॥

অতি-শোকাকুল হ'য়ে কান্দে দুর্যোধন ।

হেনকালে আসে তথা সূর্যের নন্দন ॥

কর্ণে দেখি দুর্যোধন বলে অভিমানে ।

ভীষ্ম-দ্রোণ-সেনাপতি পড়ি গেল রণে ॥

এখন বলহ সখে, আছে কি উপায় ।

কর্ণ বলে, শুন রাজা, বলি হে তোমায় ॥

বড়ই দুর্বল পুরাতন বৃদ্ধ ছিল ।

বাণ শিক্ষা ছিল, তাই সমর করিল ॥

দৌহা-হেতু শোক নাহি কর দুর্যোধন ।

আমিই বাঙ্কিয়া দিব পাণ্ডুপুত্রগণ ॥

যুধিষ্ঠিরে ধরি দিব সমর-ভিতর ।

রণস্থলে শোক নাহি কর নৃপবর ॥

হেনকালে আসিলেন তথা অশ্বথামা ।

সঙ্গে কৃতবর্মা আর কৃপাচার্য্য মামা ॥

পিতার বিনাশ শুনি হ'লেন অস্থির ।

শোকে অচেতন হৈল অশ্বথামা-বীর ॥

ধৃষ্টদ্যুম্ন-হস্তে শুনি পিতার নিধন ।

মহাকোপে কাঁপে বীর দ্রোণের নন্দন ॥

দুর্যোধনে চাহি বলে দ্রোণের তনয় ।

আমি যাহা কহি, তাহা শুন মহাশয় ॥

বিনা ধৃষ্টদ্যুম্ন-বধে ধনু যদি ধরি ।

সর্বধন্য নষ্ট হয়, নরকেতে পড়ি ॥

ধৃষ্টদ্যুম্নে না মারিয়া না আসিব ঘবে ।

করিনু প্রতিজ্ঞা আমি সবার গোচরে ॥

গো-বধে ব্রাহ্মণ-বধে যত পাপ হয় ।

সেই পাপ মোর, যদি না মারি নিশ্চয় ॥

এত শুনি আনন্দিত কোঁরব-কুমার ।

যুদ্ধ নিবারিয়া গেল স্থানে আপনার ॥

পাণ্ডবের দলে হৈল আনন্দ অপার ।

সবে বলে কুরু আজি হইল সংহার ॥

বাণের নিনাদ হৈল না যায় লিখন ।

আনন্দেতে নৃত্য করে নট-নটীগণ ॥

রত্নসিংহাসনে বৈসে রাজা যুধিষ্ঠির ।

ভ্রাতৃগণ-সহ আনন্দিত যত বীর ॥

ঋষি মুখে জন্মেজয় করেন শ্রবণ ।

এত দূরে দ্রোণপর্ব হৈল সমাপন ॥

— — —

৩৮। ত্রীকৃষ্ণের মহিমা-বর্ণন ।

“গোবিন্দং গোকুলানন্দং দেবং ব্রহ্মাবেনশ্বরম ।

মুর্ধ্বেমস্ত্যং ত্রিলোকেশং নমামি বরদং হরিম ॥”

গোবিন্দ-চরণে মন, সমর্পিয়া অনুক্রণ,

রচিলাম দ্রোণপর্ব পুঁথি ।

বিরচিল ব্যাসমুনি, অমৃত-সমান জানি,

শ্রবণে নাশয়ে অধোগতি ॥

গোবিন্দের লীলারস, যাহাতে সংসার বশ,

ত্রিভুবনে এইমাত্র সার ।

ভক্ত সাধু অনুক্রণ, নিবিষ্ট করিয়া মন,

নাহি ভয় রবে যমদ্বার ॥

পূর্ণ-হিমকর-সম, মুখচন্দ্র নিরুপম,
 পদনথ যেন দশ-বিধু ।
 রক্তোৎপল জিনি পদ, ভুবনে অভয়প্রদ,
 প্রেমরসে রুপ্তি করে মধু ॥
 চতুর্ভুজ পীতাম্বর, বনমালা মনোহর,
 কৌস্তুভ শোভিত বক্ষোদেশ ।
 মুকুট-কুণ্ডল-শোভা, দীপ্ত-দীনকর-আভা,
 বিচিত্র-আসন নাগ শেষ ॥
 কর্ণারোদ-সাগর-জলে, নিদ্রা যান মায়াছলে,
 নাভিপদ্মে সৃষ্টি করে ধাতা ।
 ত্রিভুবন করি সৃষ্টি, করেন পীযুষ-রুপ্তি,
 ব্রহ্মারে করিয়া সৃষ্টিকর্তা ॥
 মুখচন্দ্র যার দীপ্ত, ত্রিভুবন কৈল তৃপ্ত,
 চন্দ্ররূপে ভুবন-প্রকাশ ।
 স্থিতি যার অন্তরীক্ষে, শূন্যভরে দুইপক্ষে,
 নিজগুণে হয় তমোনাশ ॥

নানারূপ বৃত্তি ধরি, বিমুগ্ধায়া সৃষ্টি করি,
 মোহিত করেন সর্বজনে ।
 মায়াতে আচ্ছন্ন হ'য়ে, নানারূপ ক্রেশ পেয়ে,
 যায় লোক যমের ভবনে ॥
 গোবিন্দ-সেবক যেই, সর্বত্র বিজয়ী সেই,
 নাহি তার শমনের ভয় ।
 নিজরথ আরোহণে, পাঠাইয়া ভক্তজনে,
 ল'য়ে যান আপন-আলয় ॥
 অনুক্ষণ ধ্যান করি, একমনে ভাবি করি,
 রচিলাম ভারত-আখ্যান ।
 দ্রোণপর্ব-স্বধাভাষ, শুনিলে কলুবনাশ,
 এত দূরে হৈল সমাধান ॥

কাশীরামদাস-মহাভারত

কর্ণপর্ব

নারায়ণং নমস্কৃত্য নরকৈব নরোত্তমম্ ।
দেবীং সরস্বতীকৈব ততো জরমুদীরয়েৎ ॥

১। কর্ণকে সেনাপতিত্বে বরণ ।

বীর যোদ্ধা ক্রমে সবে পড়িল সমরে ।
দৈবের বিপাকে যেন বিধাতা সংহারে ॥
ভীষ্ম-দ্রোণ হত হৈল, চিন্তে দুৰ্য্যোধন ।
কারে সেনাপতি করি, কে করিবে রণ ॥
এতেক ভাবিয়া রাজা আকুল-পরাণ ।
মস্ত্রিগণে আনি তবে করয়ে বিধান ॥
শকুনি কহিল, আছে কর্ণ মহামতি ।
সেনাপতি-পদে তারে বর শীঘ্রগতি ॥
করুক সমর কর্ণ, বলে বীরগণ ।
কি ছার পাণ্ডব, করে তার সহ রণ ॥
রণজয়ী হবে কর্ণ ভাবি দুৰ্য্যোধন ।
সৈন্যপত্রে অভিষেক করে সেইক্ষণ ॥
কর্ণে অভিষেক করি সানন্দ-হৃদয় ।
অবশ্য জিনিবে কর্ণ, ভাবিল নিশ্চয় ॥

দুৰ্য্যোধন বলে, সখা, কহি যে তোমায়ে ।

ভীষ্ম-দ্রোণ রণে মেল উপেক্ষি সমরে ॥
ক্ষমা করি না যুঝিল, জানিহু তখন ।
নৈলে কেন মোর সৈন্য হইবে নিধন ॥
এখন করহ সখা, মোর হিতকার্য্য ।
যথিষ্ঠিরে জিনি মোরে দেহ সব রাজ্য ॥
হেনমতে বহুরূপ করিল বিনয় ।
দুৰ্য্যোধন-বাক্য শুনি সূর্য্যপুত্র কয় ॥
আমার প্রতাপ তুমি জান ভালমতে ।
অবশ্য জিনিব আমি পাণ্ডবের নাথে ॥
তোমার বিজয়-যশ করি দিব আমি ।
সসাগরা পৃথিবীর তুমি হবে স্বামী ॥
কর্ণের এতেক বাক্য শুনি দুৰ্য্যোধন ।
আনন্দে রজনী বঞ্চে ল'য়ে বীরগণ ॥

পরদিন প্রভাতে কর্ণের আজ্ঞা ধরি ।

অস্ত্র ল'য়ে বীর-সব গেল আগুসরি ॥

গজ-বাজী ধ্বজচ্ছত্র শত-শত যায় ।
 সাজিল কোঁরবগণ সমুদ্রের প্রায় ॥
 নানা-অস্ত্রে সাজি কর্ণ চড়ে গিয়া রথে ।
 চলিল সংগ্রামভূমে ধনুঃশর-হাতে ॥
 কটক চলিল বহু, রথী হৈল কর্ণ ।
 বাহুকি জিনিতে যেন চলিল স্থপর্ণ ॥
 দ্রোণের নন্দন চলে মহাধনুর্ধর ।
 অস্ত্রধারী অশ্বখামা সমরে প্রথর ॥
 অবশিষ্ট নৃপতির যত অনুচর ।
 চলিল সংগ্রামভূমে বৃষ্টি ভয়ঙ্কর ॥
 মধ্যে রাজা দুর্যোধন সংগ্রামে প্রচণ্ড ।
 কৃতবর্মা ও বাহলীক ধরে ছত্রদণ্ড ॥
 নারায়ণী-সেনা আর কৃপ দ্বিজবর ।
 রাজার দক্ষিণে আছে সংগ্রাম-ভিতর ॥
 ত্রিগর্ত-সৌবল-আদি যত মহাবীর ।
 বামভাগে রহে সবে নির্ভয়-শরীর ॥

সাজিল কোঁরবদল দেখি যুধিষ্ঠির ।
 অর্জুনে কহেন তবে ধনুঃমতি ধীর ॥
 দেবাসুর নাহি সহে যাহার প্রতাপ ।
 সেই কর্ণ আসে রণে করি বীরদাপ ॥
 হের ওই আসে কর্ণ করিতে সংগ্রাম ।
 দেবাসুর ভয় করে শুনি যার নাম ॥
 কর্ণেরে জিনিয়া ভাই, শীঘ্র যশ লও ।
 ত্রিভুবন-মধ্যে যদি মহাবীর হও ॥

যুধিষ্ঠির-বাক্য শুনি ধনঞ্জয়-বীর ।
 অর্কচন্দ্র-ব্যূহ করি সৈন্য করে স্থির ॥
 বাম-শৃঙ্গে ভীমসেন সমরে দুর্জয় ।
 দক্ষিণ-শৃঙ্গেতে ধৃষ্টদ্যুম্ন মহাশয় ॥
 মধ্যে রহে ধনঞ্জয় মহাধনুর্ধর ।
 পৃষ্ঠে যুধিষ্ঠির-সহ দুই সহোদর ॥

যুদ্ধসাজে রহিলেন দুই মহাবীর ।
 অর্জুনের কাছে রহে নির্ভয়-শরীর ॥
 ব্যূহমুখে বীর-সব করে সিংহনাদ ।
 দুইদলে বাঘ বাজে, নাহি অবসাদ ॥
 কর্ণের বিক্রম দেখি কুরু করে গর্ব ।
 দ্রোণের বীরত্ব যত করিলেক থর্ব ॥
 দুইদলে যুদ্ধ হয় অতি অসম্ভব ।
 দুইদলে হানাহানি উঠে মহারব ॥
 রথে-রথে, গজে-গজে, পদাতি-পদাতি ।
 আসোয়ারে-আসোয়ারে, ধানুকি-সংহতি ॥
 অর্কচন্দ্র-বাণ আর ক্ষুর-তীক্ষ্ণ শর ।
 অক্ষয়-সন্ধান করি এড়িছে তোমর ॥
 ঝাঁকে-ঝাঁকে পড়ে অস্ত্র ভরিয়া গগন ।
 পৃথিবী যুড়িয়া পড়ে যত যোদ্ধগণ ॥
 মহীতলে অবতীর্ণ যেন পূর্ণ-ভানু ।
 যেমন পোড়ায় বন জ্বলন্ত-কুশানু ॥
 ঝাঁকে-ঝাঁকে শরজালে পুরিল ধরণী ।
 ধূলায় আঁধার, নাহি দেখি দিনমাণি ॥

ক্রোধ করি ভীমসেন ধরি ধনুঃশর ।
 লাফ দিয়া উঠে বীর হস্তীর উপর ॥
 সাত্যকি নকুল ধৃষ্টদ্যুম্ন চেকিতান ।
 দ্রৌপদীর পঞ্চপুত্র বিক্রমে প্রধান ॥
 ভীম-সনে ধায় সবে সিংহনাদ করি ।
 রোষে বীর ধায় যেন হস্তীকে কেশরী ॥
 বাহিনী মথিয়া আসে বীর বৃকোদর ।
 দেখিয়া রুঘিল ক্ষেমধূর্তি নৃপবর ॥
 কুলুত-দেশের রাজা ক্ষেমধূর্তি নাম ।
 বিক্রমে সিংহের প্রায়, সমরে শ্রীরাম ॥
 মহাগজে আরোহিয়া আসে ক্রুদ্ধমনে ।
 প্রথমে তোমর-অস্ত্র মারে ভীমসেনে ॥

শরেতে তোমর ভীম করে খণ্ড-খণ্ড ।
 ছয়বাণে বিদ্ধে বীর সমরে প্রচণ্ড ॥
 ক্রোধ করি ভীমসেন বরিষয়ে শর ।
 বাণ মারে ক্ষেমধূর্তি-হস্তীর উপর ॥
 শরাঘাতে ভঙ্গ দিল গজেন্দ্র বিশাল ।
 রাখিতে না পারে ক্ষেমধূর্তি মহীপাল ॥
 কতক্ষণে ক্ষেমধূর্তি হুযোগ পাইল ।
 ভীমের বিদ্ধিতে বীর সমরে ধাইল ॥
 ক্ষুরপ্র-বাণেতে কাটে ভীম-শরাসন ।
 আর ধনু নিল হাতে ভীম বিচক্ষণ ॥
 নাবাচ মারিয়া কৈল হস্তীর নিধন ।
 লক্ষ্যে এড়াইল ক্ষেমধূর্তি বিচক্ষণ ॥
 ধৃত-ধৃত্য করি সবে বাথানে তখন ।
 ধৃত বার ক্ষেমধূর্তি, বলে কুরুগণ ॥
 ক্ষেমধূর্তি-নৃপতির মারি গজরাজ ।
 গদা হাতে নিল ভীম পেয়ে বড় লাজ ॥
 লাফ দিয়া ক্ষেমধূর্তি হস্তী এড়াইল ।
 গদা মারি ভীম তারে' ভূমিতে পাড়িল ॥
 সিংহের প্রতাপে যেন পড়িল মাতঙ্গ ।
 ক্ষেমধূর্তি পড়ে দেখি সৈন্য দিল ভঙ্গ ॥
 তবে কর্ণ মহাবীর পাণ্ডবে ধাইল ।
 পাণ্ডব-সৈন্যেতে মহাক্রোধে প্রবেশিল ॥
 বাছিয়া-বাছিয়া বাণ বরিষয়ে কর্ণ ।
 সর্পের সভায় যেন পশিল সুপর্ণ ॥
 সেনা ভঙ্গ দিল, আর পড়ে অশ্ব-গজ ।
 ছয়বাণে কাটি পাড়ে যত রথধ্বজ ॥
 নিরস্তর কর্ণবীর বরিষয়ে বাণ ।
 লক্ষ-লক্ষ বীর পড়ে ভীম-বিজ্ঞমান ॥

অশ্বখামা-বীর-সনে যুঝে বৃকোদর ।
 শ্রুতকর্ণা-সনে চিত্রসেন ধনুর্ধর ॥
 বিন্দ-অনুবিন্দ-সহ সাত্যকির রণ ।
 প্রতিবিদ্য-সহ যুঝে চিত্র যশোধন ॥
 দুর্ঘ্যোধন-সহ যুঝে রাজা যুধিষ্ঠির ।
 নারায়ণী-সেনা-সহ পার্থ মহাবীর ॥
 কৃপ আর ধৃষ্টদ্যুম্নে সমর দুর্জয় ।
 নকুল-সহিত কৃতবর্মা মহাশয় ॥
 মদ্রপতি-সহ শ্রুতকীর্তির বিক্রম ।
 দুঃশাসন-সহ সহদেব যম-সম ॥
 বিন্দ-অনুবিন্দ-সহ হইল সংগ্রাম ।
 সাত্যকি রণেতে পটু, অতি অনুপাম ॥
 তিনবীরে হানাহানি ছাড়ে হুঙ্কার ।
 তিনবীরে মহাযুদ্ধ, বলে মার মার ॥
 বিন্দ-অনুবিন্দ-বীর বাণ বরিষয় ।
 শত-শত বাণ মারে, নাহি করে ভয় ॥
 কাটিলেন সাত্যকির দিব্য-শরাসন ।
 আর ধনু হাতে নিল বীর বিচক্ষণ ॥
 ক্ষুরপ্র-বাণেতে তবে সাত্যকি প্রবার ।
 তৃণবৎ কাটি পাড়ে অনুবিন্দ-শির ॥
 অনুবিন্দ পড়ে দেখি তার সহোদর ।
 মহাকোপে বিন্দ-বীর বরিষয়ে শর ॥
 খরস্রোতে রক্ত পড়ে সাত্যকি-শরীরে ।
 দুইজনে মহাযুদ্ধ সংগ্রাম-ভিতরে ॥
 পরস্পর অশ্ব-রথ-সারথি কাটিল ।
 দৌহে মহাবীৰ্য্যবান, কেহ না টলিল ॥
 বিবর্ণ হইল দৌহে করি বহরণ ।
 পরস্পর মহাযুদ্ধ করে দুইজন ॥

বাণে-বাণে হানাহানি করে ছুই-বীর ।
বলহীন হৈল দৌহে নিস্তেজ-শরীর ॥
ছুইজনে মিশামিশি দৃঢ় বাজে রণ ।
বাণেতে জর্জর-তনু হৈল অচেতন ॥

চিত্রসেন-সহ শ্রুতকর্মা করে রণ ।
ছুইজনে মহাবীর যুদ্ধে বিচক্ষণ ॥
ধ্বজ কাটা গেল তবে পরস্পর-শরে ।
ছুইবারে মিশামিশি সংগ্রাম-ভিতরে ॥
তবে শ্রুতকর্মা-বীর মহাধনুর্ধর ।
চিত্রসেন-মাথা কাটি ফেলে ভূমি'পর ॥
পড়িলেক চিত্রসেন, কোঁরবের ত্রাস ।
প্রতিবিন্দ্য মহাবীর পাইল প্রকাশ ॥
পড়িলেক চিত্রসেন, চিত্র তবে রোষে ।
তাহার বিক্রম দেখি প্রতিবিন্দ্য হাসে ॥
কাটিল রথের ধ্বজ, বিক্লি সারথি ।
সংগ্রামে কাতর অতি চিত্র মহারথী ॥
তবে চিত্র মারে শক্তি প্রতিবিন্দ্য-মাথে ।
মহাবীর প্রতিবিন্দ্য কাটে অর্দ্ধপথে ॥
মহাগদা ল'য়ে চিত্র মারে আরবার ।
রথের সারথি তার করিল সংহার ॥
পুনঃ অগুরুতে চড়ে প্রতিবিন্দ্য-বীর ।
বিংশতি তোমর মারি ভেদিল শরীর ॥
ছুইবাহু প্রসারিয়া পড়ে চিত্রবীর ।
প্রতিবিন্দ্য মহাবীর সমরে স্তবীর ॥
তীক্ষ্ণশর বরষিয়া মারে কুরুবল ।
ক্রোধে আসে অশ্বখামা বলে মহাবল ॥

দেখি আগু হৈল ভীম হাতে ল'য়ে ধনু ।
শরযুষ্টি করি বিদ্রোহ পুঞ্জ-তনু ॥
বলি-সঙ্গে ইন্দ্র যেন করিল সংগ্রাম ।
ছুই-বীরে মহাযুদ্ধ হয় অনুপাম ॥

সন্ধান করয়ে দিব্য-অস্ত্র ছুইবীর ।
নানা-অস্ত্র বিদ্রোহে নির্ভয়-শরীর ॥
সর্বদিকে বিজলি চমকে, হেন দেখি ।
তারা যেন গগনেতে ছুটয়ে, নিরথি ॥
অস্ত্রের মুখেতে ঘন বাহিরায় অগ্নি ।
আকাশে উঠয়ে, যেন বজ্র-ঝন্ঝনি ॥
দশদিক্ আবরিল, নাহিক সঞ্চার ।
ছুইবীরে মহাযুদ্ধ, হয় অন্ধকার ॥
মহাঘোর যুদ্ধ হৈল ছুই মহাবলে ।
প্রলয়-কালেতে যেন সমুদ্রে উথলে ॥
সাধু-সাধু বলি প্রশংসিল সর্বজন ।
বিমানে থাকিয়া দেখে যত দেবগণ ॥
বহুক্ষণ পরে ছুই-বীর অচেতন ।
কেহ পারে নাহি পারে, সম ছুইজন ॥

শ্রীকৃষ্ণ সারথি আর পার্থ-হাতে ধনু ।
নবজলধর যেন ধরিলেক তনু ॥
বরিষা-কালেতে যথা বর্ষে জলধর ।
শরযুষ্টি করে তথা পার্থ ধনুর্ধর ॥
নারায়ণী-সেনা মারে ধনঞ্জয় রোষে ।
থছোতগগণে যথা দিনকর নাশে ॥
কত-শত বীরমাথা কাটে ধনঞ্জয় ।
ধনু-দণ্ড-ছাতা কাটে পার্থ মহাশয় ॥
বাণেতে কাটিয়া বাণ করিলেন রাশি ।
সারি-সারি পড়ে মাথা গগন পরশি ॥
গজ-বাজী পড়ে সব, রথী সারি-সারি ।
পড়িল অনেক সৈন্য, লিখিতে না পারি ॥
ক্রুদ্ধ হ'য়ে আসে অশ্বখামা মহাবীর ।
দিব্য-অস্ত্র আরোপিয়া সৈন্য কৈল স্থির ॥
তবে ছুই মহাবীরে হৈল মহারণ ।
শরে অন্ধকারাচ্ছন্ন নর-নারায়ণ ॥

অতিক্রোধে ধনঞ্জয় বিষ্ণে বহুশর ।
 দ্রোণ-নন্দনের তনু করেন জর্জর ॥
 মগধের পতি আসে দণ্ডধার নাম ।
 হস্তী অশ্ব রথ সৈন্য ল'য়ে অনুপাম ॥
 মহাবীর দণ্ডধার করে মহারণ ।
 সেইক্ষণে অর্জুন কাটেন হস্তিগণ ॥
 বজ্রাঘাত পড়ে যেন পর্বত-উপর ।
 অর্জুনের বাণে গজ পড়িল বিস্তর ॥
 অর্দ্ধচন্দ্র-বাণে তারে করেন সংহার ।
 হস্তী হৈতে ভূমিতলে পড়ে দণ্ডধার ॥
 অনিবার মহাযুদ্ধ করেন অর্জুন ।
 যুগান্তের যম যেন, সংগ্রামে নিপুণ ॥
 পাণ্ডবের সেনা যত মহাবীরবর ।
 যুঝিতে লাগিল সবে নির্ভয়-অন্তর ॥
 অশ্বখামা মারে পাণ্ডবের সেনাগণ ।
 ক্রোধ করি যুঝে পার্থ রণে বিচক্ষণ ॥
 দুইজনে মহাযুদ্ধ বাণ-বরিষণ ।
 কর্ণ-সহ কুরুবল আসিল তখন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২। কর্ণের সহিত যুদ্ধে নকুলের
 পরাভব ।

দুঃশাসনে জিনি তবে নকুল প্রবীর ।
 কর্ণের অগ্রেতে গেল নির্ভয়-শরীর ॥
 বুড়ু বুড়ু যেন নকুল প্রচণ্ড ।
 তীক্ষ্ণবাণে সৈন্যগণে কৈল খণ্ড-খণ্ড ॥
 তীক্ষ্ণবাণ এড়ে বীর কর্ণের উপরি ।
 সদর্পে নকুল কর্ণে বলে আগুসরি ॥

যাহা ছিল কর্ণ, তুই করিলি প্রকাশ ।
 তোর হৈতে ক্ষত্রকুল হইল বিনাশ ॥
 আজি রণমধ্যে তোরে করিব সংহার ।
 কৃতকৃত্য হইবেন ধন্য-অবতার ॥
 হাসিয়া বলিল কর্ণ, তুই অল্পবৃদ্ধি ।
 কিছু না জানিস্ তুই বচনের শুদ্ধি ॥
 কি কল্প করিয়া প্রশংসহ আপনাকে ।
 আজি ছন্ন হৈলে দেখি কন্মের বিপাকে ॥
 নকুলে এতেক বলি রম্যে কর্ণবার ।
 পঞ্চশত-শরে বিষ্ণে তাহার শরীর ॥
 শর হানি কর্ণ তার কাটিলেক ধনু ।
 আর শতবাণে তার বিক্ষিলেক তনু ॥
 আর ধনু ল'য়ে বীর নকুল হুমতি ।
 ত্রিশ-বাণ কর্ণবারে বিষ্ণে শীঘ্রগতি ॥
 তিনবাণ সারথিরে মারিল প্রচণ্ড ।
 ক্ষুরবাণ মারি তারে কৈল খণ্ড-খণ্ড ॥
 উনত্রিশ বাণ তারে মারিলেক কর্ণ ।
 সর্ববগাত্রে রক্ত পড়ে, দেখিতে বিবর্ণ ॥
 আশ্বস্ত হইয়া বাণ মারিল নকুল ।
 কর্ণের ধনুক কাটি করিল আকুল ॥
 আর ধনু নিল কর্ণ সংগ্রাম-ভিতর ।
 সেই ধনু কাটিলেক নকুল হৃন্দর ॥
 আর ধনু ল'য়ে কর্ণ যুড়িলেক শর ।
 শরে সমাচ্ছন্ন নকুলের কলেবর ॥
 শরে-শর নিবারয়ে নকুল প্রচণ্ড ।
 মহাবীর কর্ণ-শর করে খণ্ড-খণ্ড ॥
 কর্ণবাণে নভোমার্গ হৈল অন্ধকার ।
 সূর্যের কুমার বীর সূর্য্য-অবতার ॥
 কাটিল হাতের ধনু রথের সারথি ।
 সচিস্তিত হৈল তবে নকুল হুমতি ॥

চারি ঘোড়া কাটে কর্ণ সমরে প্রচণ্ড ।
 তৃণঃ করি রথ করে খণ্ড খণ্ড ॥
 ধ্বজ-পতাকাদি কাটে, কাটে অলঙ্কার ।
 শর হানি কর্ণবীর করে কদাকার ॥
 নকুল পরিষ ল'য়ে ধাইল সত্বর ।
 পরিষ কাটিল শরে কর্ণ ধনুর্ধর ॥
 ভয় পেয়ে মাদ্রী পুত্র চাহে চারিভিত ।
 পরিগ্রাস করে কর্ণ সংগ্রামে পশুত ॥
 গলায় ধনুক দিয়া াক্ষিয়া রাখিল ।
 মনে-মনে নকুল সে সঙ্কট গণিল ॥
 হাসয়া বলয়ে কর্ণ, শুন শিশুমতি ।
 যুদ্ধ না করিহ আর গুরুর সংহতি ॥
 আপনার সমকক্ষ-সহ কর রণ ।
 বলবান্-সহ নাহি যুঝ কদাচন ॥
 কভু না করিহ রণ, চল যাহ ঘরে ।
 কহা গয়া এবে তব যত সহোদরে ॥

এত বলি কর্ণ'র নকুলে ছাড়িল ।

কুন্তীর বচন মানি তারে না মারিল ॥
 লজ্জিত নকুলবীর কর্ণের বচনে ।
 চলিল আপন-দলে বিরস-বদনে ॥

পাঞ্চালে' দেখিয়া তবে সূর্য্যের-নন্দন ।

হাতে যমদণ্ড, ধায় করিয়া গর্জন ॥
 পাণ্ডবের সেনাপতি পাঞ্চাল-নৃপতি ।
 কোঁরবের সেনাপতি কর্ণ যে স্তমতি ॥
 দুইদলে মহারণ করে দুইজন ।
 পশিল সমর-মাঝে পাঞ্চাল-রাজনু ॥
 বাধিল তুমুল-রণ বীর দুইজনে ।
 যতেক পাঞ্চালগণ ধায় একমনে ॥

নিবারিল শরজাল কর্ণ বীরবর ।
 সন্ধান করিল বাণ নির্ভয়-অস্তর ॥
 একে-একে করে কর্ণ বাণের প্রহার ।
 রথধ্বজ-পতাকাদি কাটিল সবার ॥
 ভঙ্গ দিয়া সব দল চারিভিতে ধায় ।
 যুগেন্দ্রে দোঁখিয়া যেন কুরঙ্গ পলায় ॥
 কেহ কারে নাহি চায় পলায় সত্বর ।
 রাখিবারে নাহি পারে পার্শ্ব ধনুর্ধর ॥
 ক্রোধমুখে ধনঞ্জয় কর্ণ-পানে চায় ।
 দ্বুধার্ত যুগেন্দ্র যেন গজরাজে ধায় ॥
 কর্ণ বাণ বরিষয়ে, অর্জুন নিবারে ।
 শিশির পাইয়া যেন শোষে সূর্য্য তারে ॥
 অর্জুন মারেন বাণ, উঠয়ে আকাশ ।
 অন্ধকার হৈল, নাহি সূর্য্যের প্রকাশ ॥
 কোথাও মুঘল-পৃষ্টি, পরিষ বিশাল ।
 কোথাও পড়িছে শেল, কোথা ভল্লিপাল ॥
 অর্জুনের বাণ পড়ে যমের সোপার ।
 ভয়ে চক্ষু মুদি রহে যত কুরুবর ॥
 নর অথ গজ রথ পড়ে সারি-সারি ।
 কুরুবল ভঙ্গ দিল সহিবারে নারি ॥
 যুগান্ত-কালেতে যেন প্রলয়-তরঙ্গ ।
 ত্রাস পেয়ে কুরুবল রণে দিল ভঙ্গ ॥
 দিন অবশেষ হৈল, রজনী প্রবেশে ।
 সকল কোঁরব গেল আপনার বাসে ॥
 বিজয়-দ্বন্দ্বুতি বাজে পাণ্ডবের দলে ।
 শিবিরে চলিল রাজগণ কুতূহলে ॥
 মহাভারতের কথা অমৃত-লহরী ।
 কাশী কহে, শুনি নর যায় ভবে ভরি ॥

৩। কর্ণ-দ্রুঘোদন-সংবাদ ।

শিবিরেতে গেল দ্রুঘোদন মহারাজ ।

অৰ্জ্জুনের সহ রণে পেয়ে বড় লাজ ॥

কাহারো বাহন নাহি, কারো নাহি ধনু ।

অৰ্জ্জুনের বাণে সব ছিন্ন-ভিন্ন-তনু ॥

মুখে গদগদ বাণী, বদন বিবর্ণ ।

অপমানে বসিলেক ভূমিতলে কর্ণ ॥

দশন ভাঙ্গিয়া যেন বারণ পলাল ।

মহাভুজঙ্গমে যেন চরণে পিষিল ॥

তেমতি কোঁরবগণ মহালজ্জা পায় ।

মনোহুখে দ্রুঘোদন শিবিরেতে যায় ॥

নিঃশ্বাস ছাড়িয়া রাজা দ্রুঘোদন বলে ।

কি করিব, কি হইবে, বলহ সকলে ॥

দ্রুঘোদন বলে, শুন সূর্যের তনয় ।

তোমা হৈতে হৈল মম কুরুকুল-ক্ষয় ॥

প্রাতজ্ঞা করিলে তুমি, জিনিব পাণ্ডবে ।

সেনাপতি করিলাম বৃষ্টি অনুভবে ॥

তোমার বচনে আমি যুদ্ধ কৈনু পণ ।

তুমি জয় করি দিবে পাণ্ডুর নন্দন ॥

পুনঃপুনঃ কহিলে সে করি অহঙ্কার ।

আমার সাক্ষাতে সে পাণ্ডব কোন্ ছার ॥

তোমার সামর্থ্য যত, সব ব্যর্থ হৈল ।

তব অগ্রে পার্থ মোর সৈন্য নিপাতিল ॥

যতপি কহিতে আগে, জিনিতে নারিবে ।

শরণ নিতাম আমি পাণ্ডবের তবে ॥

অনেক নিন্দিয়া তবে রাজা দ্রুঘোদন ।

ভূমিতলে বসিলেন বিরস-বদন ॥

দেখিয়া শুনিয়া বীর কর্ণ মহাবল ।

ক্রোধেতে স্থলয়ে যেন স্থলস্ত-অনল ॥

হাতে হাত কচালয়ে, ছাড়ে দীর্ঘশ্বাস ।

অহঙ্কারে কর্ণবীর চাহিছে আকাশ ॥

দ্রুঘোদন-মুখ চাহি ভাবে বীর কর্ণ ।

দেবাসুর-মধ্যে যেন রায়ল সুপর্ণ ॥

যোদ্ধামধ্যে বুদ্ধিমন্ত অৰ্জ্জুন বিশেষ ।

শ্রীকৃষ্ণ সতত তারে দেন উপদেশ ॥

করযোড়ে বলে কর্ণ, শুন মহাশয় ।

কাল তার গর্ব আমি খণ্ডাব নিশ্চয় ॥

কর্ণের বচনে হৃষ্ট হৈল দ্রুঘোদন ।

উল্লসিত হইলেক কোঁরবের গণ ॥

মহাবীর কর্ণ যুদ্ধে অপমান গণি ।

ফুকরি-ফুকরি চিতে কাটায় রজনী ॥

প্রভাতে চলিয়া গেল সভা-বিদ্যমানে ।

বৃষ্টিমন্ত সর্প যেন, আপনা বাখানে ॥

মোর সম বীর নাহি ভুবন-ভিতরে ।

কোন্ গুণে গুণী পার্থ, কি বল ধরে ॥

আজি তারে পাঠাইব আমি যমঘরে ।

কিংবা সে মারুক মোরে সংগ্রাম-ভিতরে ॥

গাণ্ডাব-নামেতে ধনু আছে তার করে ।

বিজয়-ধনুক ভৃগুরাম দিল মোরে ॥

বিশ্বকর্মা-নির্ম্মিত বিজয়-শরাসন ।

যারে ধরি ইন্দ্র কৈল অসুর-নিধন ॥

বাসবেরে আরাধিয়া পায় ভৃগুরাম ।

অপিলেন মোরে রাম ধনু অনুপাম ॥

দিব্য-দিব্য অস্ত্র দিল রাম মহাবীর ।

অক্ষয়-কবচ, যাহে অভেদ্য শরীর ॥

অৰ্জ্জুনেরে মারি তব বাড়াইব যশ ।

সাগরাস্ত-বহুমর্তী করি দিব বশ ॥

পার্শ্বের সারথি নিজে সেই নারায়ণ ।

আমা হৈতে অধিক সে, সেই সে কারণ ॥

কৃষ্ণের সমান গুণ, বলেতে বিশাল ।
 আমার সারথি হোক শল্য-মহীপাল ॥
 তবে সে নিমিষে আমি অর্জুনে জিনিব ।
 অপর পাণ্ডবগণে বান্ধিয়া আনিব ॥
 পাঞ্চাল প্রভৃতি আব যত মহারাজে ।
 মুহূর্ত্তেকে জিনি দিব নিজ-ভুজতেজে ॥
 শল্যেরে সারথি যদি করি দেহ মোরে ।
 নিস্পাণ্ডব করি রাজ্য দিব ত তোমারে ॥

এত শুনি দুর্য়োধন চলে শীঘ্রগতি ।
 বসিয়াছে যথা শল্য মদ্র-অধিপতি ॥
 রাজারে দেখিয়া শল্য জিজ্ঞাসে কারণ ।
 কহ মহারাজ, হেথা কেন আগমন ॥
 রাজা বলে, নিকটেতে আসিনু তোমার ।

ভয়ার্ত্ত-জনের তুমি হবে কর্ণধার ॥
 অবধান কর রাজা, করি নিবেদন ।
 পার্থ হ'তে বলাধিক রবির নন্দন ॥
 পার্থের সারথি যেই নিজে নারায়ণ ।
 মহাবুদ্ধি সেহ রথে মন্ত্রী বিচক্ষণ ॥
 যথা কৃষ্ণ, তথা তুমি মহামতিমান্ ।
 মহাতেজোবন্ত তুমি, ইথে নাহি আন ॥
 কর্ণরথে মন্ত্রী তুমি হও মহাশয় ।
 তবে পরাজিবে কর্ণ কৃষ্ণ-ধনঞ্জয় ॥

শল্যরাজ বলে, আমি বিদিত ভুবন ।
 কি ছার নমুয়া কর্ণ, কহ ত রাজন্ ॥
 রথেতে সারথি আমি হইব তাহার ।
 হেন অপমান আর না কর আমার ॥
 পৃথিবী সহিতে নারে মোর অস্ত্রবল ।
 প্রতাপে শুষিতে পারি সমুদ্রের জল ॥

মোর অপমান নাহি কর দুর্য়োধন ।
 আজ্ঞা কর মহারাজ, যাই নিকেতন ॥
 এত বলি শল্যরাজ উঠিয়া চলিল ।
 স্তুতি করি দুর্য়োধন কহিতে লাগিল ॥
 আপনা হইতে যার হয় শ্রেষ্ঠগুণ ।
 তাহারে সারথি করে সংগ্রামে নিপুণ ॥
 দ্রিপুর দহিতে যবে যান শূলপাণি ।
 ব্রহ্মারে সারথি কৈল পরাক্রম জানি ॥
 জানি তুমি মহাবীর পুরুষ-প্রধান ।
 মোর দলে বীর নাহি তোমার সমান ॥
 ভীষ্ম দ্রোণ কৃপ কর্ণ শকুনি সৌবল ।
 অশ্বখামা ভগদত্ত তুমি মহাবল ॥
 এইসব বীর ল'য়ে মোর অহঙ্কার ।
 ছলযুদ্ধে তা-সবারে করিল সংহার ॥
 তুমি আর কর্ণবীর দুই অবশেষ ।
 অর্জুনে মারিতে যত্ন করহ বিশেষ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

৪। শল্যের সাবণ্য-স্বীকার ও কর্ণের আত্মপ্রাণা ।

দুর্য়োধন-নৃপতির শুনিয়া বচন ।
 সারথি হইতে শল্য কমিল মনন ॥
 নানা-অস্ত্র-পরিপূর্ণ পতাকা-নিচয় ।
 চড়িল কর্ণের রথে শল্য মহাশয় ॥
 পাঁচনি লইয়া হাতে হইল সারথি ।
 যুদ্ধ করিবারে যায় কর্ণ মহামতি ॥
 শল্যের অগ্রেতে কর্ণ আপনা বাধানে ।
 চিত্তরথ আসে যদি, বিনাশিব বাণে ॥

ম-আদি-সঙ্গে যদি আসে দেবরাজ ।
 জিনিব সবারে আজি সংগ্রামের মাঝ ॥
 দবারে মারিয়া আজি মারিব অৰ্জুন ।
 হুটদলে দেখিবেক আজি মোর গুণ ॥
 শুনিয়া কর্ণের বাণী বলে মদ্রপতি ।
 বিষম বীরত্ব তব, অহঙ্কার অতি ॥
 শৌর্য্যে বীর্য্যে কভু তুমি, নহ পার্থসম ।
 ধনঞ্জয় মহাবীর, পুরুষ-উত্তম ॥
 যদুসেনা জিনি আনে স্ত্রভদ্রারে হরি ।
 শঙ্করে তুমিল হিমালয়ে যুদ্ধ করি ॥
 দহিল খাণ্ডব-বন জিনি দেবগণে ।
 গন্ধর্বের জিনিয়া রক্ষা করে দুর্যোধনে ॥
 আপনি হারিলে তুমি উত্তর-গোগৃহে ।
 ভাঙ্গ-দ্রোণ-কুপ-আদি প্রতাপ না সহে ॥
 প্রাণপণে পার্থ-সহ কর যদি রণ ।
 জানিবে নিশ্চয় আজি তোমার মরণ ॥
 শল্যেরে চাহিল অনাদরে কর্ণবীর ।
 জয়-জয় করি চলে রণকর্মে ধীর ॥
 রথ চালাইল বীর পবনের বেগে ।
 প্রবেশিল কর্ণবীর সংগ্রামের আগে ॥
 পাণ্ডবের রথ-আদি পূর্বভাগে দেখে ।
 অহঙ্কারে কর্ণবীর বলয়ে কোঁতুকে ॥
 যে মোরে দেখাবে আজি ধনঞ্জয়-বীর ।
 স্বর্ণে ভূষিত তার করিব শরীর ॥
 যে মোরে দেখাবে আজি পার্থ ধনুর্ধর ।
 একশত গ্রাম দিব পরম-সুন্দর ॥
 যে মোরে দেখাবে পার্থে সংগ্রাম-ভিতর ।
 স্বর্ণে মণ্ডিত হস্তী দিব মনোহর ॥
 পঞ্চশত অশ্ব দিব মণিতে মণ্ডিত ।
 চারিশত গাভী দিব বৎসের-সহিত ॥

ছয়শত রথ দিব রত্নে সুশোভিত ।
 একশত দাসী দিব রত্নেতে ভূষিত ॥
 যে আমারে দেখাইবে অৰ্জুন দুর্জয় ।
 যাহা চাহে, তাহা দিব, বলিনু নিশ্চয় ॥
 অৰ্জুন-সহিত কৃষ্ণে করিব সংহার ।
 যত ধন পাউ আমি, সকলি তাহার ॥
 এত বলি কর্ণবীর করে সিংহনাদ ।
 সকল কোঁরব করে জয়জয়-বাদ ॥
 তুমুকী ছন্দুভি বাজে যুদ্ধ বহুল ।
 সৈন্য করে সিংহনাদ, শব্দেতে তুমুল ॥
 পুনঃ বলে শল্যরাজ, শুন কর্ণবীর ।
 দেখিবে অৰ্জুনবারে, না হও অস্থির ॥
 কি-কারণে দিবে ধন-অশ্ব-ভস্মিগণে ।
 কৃষ্ণ-সহ ধনঞ্জয়ে দেখিবে এগণে ॥
 তুমি কহ, কৃষ্ণাৰ্জ্জুনে করিবে সংহার ।
 হেন ছার-বাক্য কহ করি অহঙ্কার ॥
 বন্ধুগণ তোমারে না করে নিবারণ ।
 কাল পরিপূর্ণ হৈল, তোমার মরণ ॥
 গলে শিলা বান্ধি চাহ সমুদ্র তরিতে ।
 একেশ্বর যুদ্ধ ইচ্ছ পার্থের সহিতে ॥
 একত্র হইয়া যুঝে সকল কোঁরব ।
 অৰ্জ্জুনের ঠাই তবু পাবে পরাভব ॥
 দুর্যোধন-আদি করি বলি সবাকারে ।
 শুন কর্ণ, যদি বাঞ্ছা আছে বাঁচিবারে ॥
 সবাক্কে লহ গিয়া ধর্ম্মের শরণ ।
 তবে সে অৰ্জ্জুন-হস্তে এড়াবে মরণ ॥
 শল্যের বচনে কহে কর্ণবীর রোষে ।
 না বুঝিয়া জ্ঞানহীন মহাজনে দোষে ॥
 অৰ্জ্জুনে প্রশংসা করে, মোরে নাহি বলে ।
 আজি অৰ্জ্জুনের-আমি মারিব সমূলে ॥

বজ্রহস্তে আসে যদি ত্রিদিব-ঈশ্বর ।
নিবারিতে নারে সেই কর্ণ ধনুর্ধর ॥
শল্য বলে, কর্ণবীর, না করিহ দাপ ।

আপনি জানহ মনে অর্জুন-প্রতাপ ॥
দুইজনে বিসংবাদ হইল বিস্তর ।
ক্রুদ্ধ হ'য়ে যায় কর্ণ সংগ্রাম-ভিতর ॥
সৈন্যগণ-সঙ্গে গেল রাজা দুর্যোধন ।

শকুনি সৌবল কূপ দ্রোণের নন্দন ॥
দুঃশাসন কৃতবর্মা উলূক-নৃপতি ।
সাজিয়া আসিল রণে সব নরপতি ॥
বৃহ করি কর্ণবীর হৈল আগুয়ান ।
দুইপার্শ্বে দুই-বীর কর্ণের সমান ॥

অর্জুনে কহিল তবে রাজা যুধিষ্ঠির ।
সংগ্রামে সাজিয়া আসে কর্ণ মহাবীর ॥
প্রতিবৃহ করি শাস্ত্র কর নিবারণ ।
সৈন্য যেন না লজ্জয়ে রাধার নন্দন ॥
রাজার আদেশ পেয়ে বীর ধনঞ্জয় ।
প্রতিবৃহ করিলেন বিপক্ষ-বিজয় ॥
অগ্নিদত্ত-রণে বার আরোহণ করি ।
কৃষ্ণ-সনে সাজিলেন নানা-অস্ত্র ধরি ॥
দুন্দুভি মৃদঙ্গ শঙ্খ বাজয়ে মাদল ।
সিংহনাদ করি সৈন্য করে কোলাহল ॥
নারায়ণ-সেনা আর সংশপ্তকগণ ।
চতুর্দিকে বেড়ি করে অস্ত্র-বরিষণ ॥
মহাবলবান্ সেই সংশপ্তকগণ ।
একেশ্বর যুদ্ধে বীর ইন্দ্রের নন্দন ॥
অর্জুনে দেখিয়া কর্ণ মহাহুঙ্কার হৈল ।
সৈন্যে-সৈন্যে রথ-সহ বহু-যুদ্ধ কৈল ॥
সৈন্য-সাগরের মধ্যে গেল ধনঞ্জয় ।
সেই যুদ্ধে অর্জুনের পরাভব হয় ॥

মহাভারতের কল্পা অমৃত-সমান ।
কাশীরাম দাস কহে, শুনে পুণ্যবান্ ॥

৫। কর্ণের সহিত যুদ্ধে যুধিষ্ঠিরের
পরাজয় ।

কর্ণের বচন শুনি শল্য বলে দাপে ।
বিস্তর করিলে রণ আপন-প্রতাপে ॥
এই দেখ রণে আসে যত সৈন্যগণ ।
কাহার সামর্থ্য, করে পার্শ্বে নিবারণ ॥
হের দেখ ভীমসেন পবন-কুমার ।
সহদেব-বীর দেখ পর্বত-আকার ॥
মহারাজ যুধিষ্ঠির দেখ বিগুমান ।
সেনাপতি ধৃষ্টদ্যুম্ন অগ্নির সমান ॥
দ্রোপদীর পঞ্চপুত্র, কি দিব তুলনা ।
ইহাদের পুরোভাগে বাবে কোন্ জনা ॥
শিখণ্ডী সাত্যকি দেখ নৃপ-আগুয়ান ।
চলহ সমরে আজি হ'য়ে সাবধান ॥
সিদ্ধ হৈল মনোরথ, দেখ ধনঞ্জয় ।
সংগ্রামে করহ আজি অর্জুনের ক্ষয় ॥

বলিতে-বলিতে মিশামিশি দুইদল ।
মহাযুদ্ধ বাধে ক্রমে, মহা-কোলাহল ॥
ক্রোধ করি কর্ণবীর প্রবেশিল রণে ।

সিংহ যেন চলি যায় কুতূহল-মনে ॥
প্রবেশিয়া কর্ণবীর করে মহারণ ।
বাছিয়া-বাছিয়া মারে বড় বীরগণ ॥
সংগ্রামেতে প্রবেশিল কর্ণের কুমার ।
দশবাণে ভীম তারে করিল সংহার ॥
কাটিল পুত্রের মাথা বীর বৃকোদরে ।
সাক্ষাতে দেখিয়া কর্ণ আপনা পাসরে ॥

কর্ণপুত্রে নাশি কাটে কৃপাচার্য্য-ধনু ।
 তিনবাণে বিক্ষিলেক দুঃশাসন-তনু ॥
 ছয়বাণে শকুনিরে কৈল জরজর ।
 রথ কাটি উলুকেরে' বিধে তার পর ॥
 থাক থাক স্রব্ধেণ', কাটিব তোর শির ।
 এত বলি বাণ মারে ভীম মহাবীর ॥
 তিনবাণে বিক্ষিলেক ভীমবীর তাকে ।
 স্রব্ধেণ স্ততীক্স-অস্ত্র মারে ঝাঁকে-ঝাঁকে ॥
 নকুল-সহিত যুদ্ধ বাড়িল বহুল ।
 দুঃশাসন-সাত্যকিতে সংগ্রাম তুমুল ॥
 অতিক্রোধে কর্ণবীর রণে প্রবেশিল ।
 দেবরাজ ইন্দ্র যেন সমরে আসিল ॥
 একে মহাবীর কর্ণ পায় অপমান ।
 নিজপুত্র হত হৈল দেখি বিগ্ৰহমান ॥
 ক্রোধে পরিপূর্ণ বীর কাঁপয়ে শরীর ।
 যুধিষ্ঠির-বধে যুক্তি কৈল কর্ণবীর ॥
 একেবারে যুড়ি মারে শত-শত বাণ ।
 পাণ্ডবের সৈন্য কাটি করে খান-খান ॥
 মহাধনুর্দ্ধর বীর বরিষয়ে শর ।
 বিচিত্র বিক্রম দেখি কর্ণ ধনুর্দ্ধর ॥
 মহারথিগণে বিধে, নিবারিতে নারে ।
 একেবারে যুঝে কর্ণ পাণ্ডব-সমরে ॥
 গজ বাজী ধ্বজ ছত্র রথ সারি-সারি ।
 অযুত অযুত পাড়ে, লিখিতে না পারি ॥
 মুণ্ড কাটি পাড়ে কারো কুণ্ডল-সহিত ।
 অস্ত্র-সহ হস্ত কাটি পাড়িল ছরিত ॥
 যুধিষ্ঠিরে রক্ষিবারে ধায় বহুদল ।
 দৃষ্টিমাত্রে কাটি পাড়ে কর্ণ মহাবল ॥

যুধিষ্ঠির কর্ণে তবে কহে উচ্চৈঃস্বরে ।
 শুন কর্ণ, এক কথা বলি যে তোমারে ॥
 দুৰ্য্যোধন-বাক্যে কর মম সহ রণ ।
 যুদ্ধ-অভিলাষ তব থণ্ডাব এখন ॥
 এত বলি ধনু মারিলেন দশবাণ ।
 শরাসন কাটে তাঁর কর্ণ ধনুস্থান ॥
 ক্রোধভরে যুধিষ্ঠির যেন হতাশন ।
 টঙ্কারিয়া লইলেন অস্থ শরাসন ॥
 যমদণ্ড-সম বাণ অতি ভয়ঙ্কর ।
 মহেশের শূল যেন, জ্বলে বৈশ্বানর ॥
 বজ্রের সমান সেই বাণে যুধিষ্ঠির ।
 কর্ণের দক্ষিণ-ভাগে বিক্ষিলেন বীর ॥
 বেদনা পাইল তাহে কর্ণ ধনুর্দ্ধর ।
 মুচ্ছিত হইয়া পড়ে রথের উপর ॥
 অবশ হইল তনু, খসি পড়ে ধনু ।
 অশোক-কিংশুক-সম রক্তে ভাসে তনু ॥
 হাহাকার কুলবলে তখনি উঠিল ।
 পাণ্ডবের সৈন্যে জয়ধ্বনি প্রকাশিল ॥
 মহাসিংহনাদ করে পাণ্ডবের দল ।
 চেতন পাইয়া উঠে কর্ণ মহাবল ॥
 যুধিষ্ঠির-বধ কর্ণ চিন্তি মনে মন ।
 টঙ্কারিয়া হাতে নিল দিব্য-শরাসন ॥
 বিজয়-নামেতে ধনু নিল আরবার ।
 দিব্যধনু, যেন চন্দ্র-সূর্য্যের আকার ॥
 সত্যসেন স্রব্ধেণ কর্ণের দুই-হত ।
 তিনবাণে ধনু বিধে বিক্রমে অদ্বুত ॥
 বিক্ষিলা নৃপতি সত্যসেনের শরীরে ।
 তিনবাণে বিক্ষিলেক কর্ণ-মহাবীরে ॥

সর্ব-অস্ত্র নিবারিল কর্ণ একেশ্বর ।
 সপ্তবাণে বিক্ষেপে যুধিষ্ঠির-কলেবর ॥
 রাজারে দেখিতে আসে যত যোদ্ধগণ ।
 ধূমুচ্যুত ভীমসেন দ্রুপদ-নন্দন ॥
 শিখণ্ডী নকুল সহদেব কাশীপতি ।
 শিশুপাল-পুত্র আসে অতি-শীঘ্রগতি ॥
 একেবারে অস্ত্র এড়ে কর্ণের উপর ।
 সর্ব-অস্ত্র নিবারিল কর্ণ ধনুর্ধর ॥
 পাণ্ডবের সৈন্য-সব করে পরাজয় ।
 কালান্তক যম যেন কর্ণ মহাশয় ॥
 যুধিষ্ঠির-নৃপতির কাটিলেক ধনু ।
 সন্ধান পুরিয়া বীর বিক্ষিলেক তনু ॥
 কবচ কাটিয়া পাড়ে ধরণী-উপরে ।
 রুধির পড়িছে ধারে ধর্ম-কলেবরে ॥
 ক্রোধে শক্তি ফেলি মারে রাজা যুধিষ্ঠির ।
 শক্তিব্রতে ভেদিলেন কর্ণের শরীর ॥
 অতিক্রোধে কর্ণবীর মারে তীক্ষ্ণশর ।
 সেই শরে বিক্ষিলেক ধর্ম-কলেবর ॥
 হৃদয়ে বিক্ষিল আর বিক্ষিল কপাল ।
 ধ্বজচ্ছত্র কাটে বীর বিক্রমে বিশাল ॥
 রথ অশ্ব কাটা গেল, ঘটিল প্রমাদ ।
 ছিন্ন-ভিন্ন হ'য়ে সৈন্য করে আর্তনাদ ॥
 অগ্নরূপে চড়িলেন ধর্ম-নৃপবর ।
 কর্ণের সম্মুখে নাহি হন অগ্রসর ॥
 জিনিলেক কর্ণবীর পাণ্ডবের নাথ ।
 উপহাস করে কর্ণ ধর্মের সাক্ষাতে ॥
 ক্রতুবলে জন্মিয়াছ তুমি মহাজন ।
 বাণেতে কাতর হ'য়ে পরিহর রণ ॥

কত্রধর্ম দক্ষ বলি তোমা নাহি গণি ।
 ব্রহ্মচর্য-ধর্ম বটে তোমারে বাখানি ॥
 আর যুদ্ধ না করিও কর্ণবীর-সনে ।
 যদি প্রাণে রক্ষা চাহ, যাহ নিজস্বানে ॥
 এত বলি কর্ণবীর ছাড়িল নৃপতি ।
 দলিল সকল বীরে কর্ণ সেনাপতি ॥
 ক্রোধে আগু হৈল ভীম মহাবলধর ।
 রাজার পশ্চাতে চলে দুই সহোদর ॥
 কর্ণ-ভীম-সমাগমে হৈল মহারণ ।
 বিমানে চড়িয়া দেখে যত দেবগণ ॥
 কালদণ্ড-সম যেন বিজলী ঝলসে ।
 খরধার অস্ত্র ভীম মারে কর্ণে রোষে ॥
 শরে কর্ণ-বীরবরে করে জরজর ।
 মহাশব্দে মহামার করে বৃকোদর ॥
 হাতে ধনু লয় ভীম সমরে প্রচণ্ড ।
 শরেতে রাধার পুত্র করে খণ্ড-খণ্ড ॥
 দুইবীরে শরশৃষ্টি, ছাইল আকাশ ।
 অন্ধকারময় শূন্য, না চলে বাতাস ॥
 আকর্ণ পুরিয়া কর্ণ করিল সন্ধান ।
 ভীমের হাতের ধনু করে খান-খান ॥
 গদাঘাত কর্ণবীরে করে বৃকোদর ।
 নুচ্ছিত হইল কর্ণ রথের উপর ॥
 রথ ফিরাইল তবে সারথি সত্তর ।
 কণেকে চেতন পায় কর্ণ ধনুর্ধর ॥
 বহুযুদ্ধ করে দৌহে নির্ভর-শরীর ।
 দৌহে মহাবীর্যবন্ত, দৌহে মহাবীর ॥
 অশ্বখামা-বীর তবে প্রতিজ্ঞা করিল ।
 রাজার গোচরে সিন্ধা কহিতে লাগিল ॥

ধৃষ্টদ্যুম্ন-বীর হয় মোর পিতৃবৈরী ।
 তোমাতে ভূষিব আজি তাহারে সংহারি ॥
 বিনা-ধৃষ্টদ্যুম্ন-বধে যদি যুদ্ধ করি ।
 আজিকার যুদ্ধে আমি হব পিতৃবৈরী ॥
 প্রতিজ্ঞা করিয়া বীর আসিলেক রণে ।
 ধৃষ্টদ্যুম্ন সেনাপতি আসিল তখনে ॥
 হুহুকার করি যুদ্ধে দ্রোণপুত্র-সনে ।
 অশ্বখামা মহাবীর মিলিল সমানে ॥
 মহাবীর অশ্বখামা সংগ্রামে নিপুণ ।
 ধৃষ্টদ্যুম্ন-বীরের যে কাটে ধনুগুণ ॥
 অশ্ব-সহ সারথিরে করিল সংহার ।
 নাহিক সত্তম কিছু দ্রোণের কুমার ॥
 ক্রোধভরে আসে অশ্বখামা মহাবীর ।
 মনে ভাবে কাটিবেন ধৃষ্টদ্যুম্ন-শির ॥
 ভীমসেন করিলেন তারে পরিজ্ঞান ।
 আকাশে অমরগণ করয়ে বাধান ॥
 মহাবীর কর্ণ তবে বরিষয়ে শর ।
 বরিষার মেঘ যেন বর্ষে নিরন্তর ॥
 ভাঙ্গিল পাণ্ডবসৈন্য কর্ণবীর-শরে ।
 রাখিতে নারেন সৈন্য ধর্ম-নৃপবরে ॥
 পুনঃ যুধিষ্ঠিরে ধায় কর্ণ মহাবীর ।
 নারাচ-বাণেতে বিদ্ধে রাজার শরীর ॥
 যুধিষ্ঠির-হৃদয়েতে বিদ্ধে সাতবাণ ।
 ধর্মের শরীর বিদ্ধি কৈল খান-খান ॥
 রাখিবারে নৃপতিরে আসে যোদ্ধগণ ।
 কর্ণবীর বাণে তাহা করে নিবারণ ॥
 নকুল ও সহদেব ধর্ম-পাশে থাকে ।
 দুই-তাই বিপদেতে মারে লাখে-লাখে ॥
 জিহ্ববনে বীর নাহি কর্ণের সোসর ।
 কাটিল রাজার ধনু কর্ণ-ধনু ॥

একবাণে শরাসন করিল কর্তন ।
 ধ্বজচ্ছত্র কাটি বীর পাড়ে সেইকণ ॥
 অশ্ব-রথ কাটে শীঘ্র কর্ণ বীরবর ।
 নিরন্তর অস্ত্র মারে ধর্মের উপর ॥
 যুধিষ্ঠির চড়িলেন সহদেব-রথে ।
 পুনরপি কর্ণবীর ধনু নিল হাতে ॥
 পাণ্ডবের মামা শল্য মদ্র-অধিপতি ।
 কর্ণের সারথি সেই বীর মহামতি ॥
 ভাগিনার দুঃখ দেখি কৃপায় আকুল ।
 বিস্তর বলিল পাণ্ডবের অশুকুল ॥
 শুন কর্ণ মহাশয়, আমার বচন ।
 আপন-প্রতিজ্ঞা কেন বিশ্বর এখন ॥
 অর্জুনের সঙ্গে রণ প্রতিজ্ঞা করিলে ।
 ধর্মপুত্র যুধিষ্ঠির-সঙ্গে আরঞ্জিলে ॥
 অস্ত্র-হীন যুধিষ্ঠির কবচ-রহিত ।
 তাঁহাকে বিদ্ধিতে কর্ণ, না হয় উচিত ॥
 পার্থে এড়ি যুধিষ্ঠিরে মারিবারে আশ ।
 কৃষ্ণ-সনে পার্থ করিবেক উপহাস ॥
 শল্যের বচন শুনি ফিরে কর্ণবীর ।
 লজ্জা পেয়ে শিবিরেতে যায় যুধিষ্ঠির ॥
 রথ হৈতে নামিলেন ধর্ম-নরপতি ।
 সরস্ত-শরীর রাজা, সবিকল মতি ॥
 সহদেব-নকুলেরে পাঠান সত্তর ।
 যথা যুদ্ধ করে মহাবীর বৃকোদর ॥
 যুধিষ্ঠিরে এড়ি কর্ণ অথকে ধাইল ।
 যুগযুগমধ্যে যেন গজেন্দ্র পড়িল ॥
 যত অস্ত্র ভৃগুরাম দিল মহাবীরে ।
 সেই অস্ত্র মারে কর্ণ নির্ভয়-অস্ত্রে ॥
 পাণ্ডবের সৈন্য-মাঝে পড়ে হাহাকার ।
 যুগান্তের যম যেন করিছে সংহার ॥

অৰ্জুন-অৰ্জুন করি মহানাদ করে ।
 ধনঞ্জয় ধনুর্ধর গেল কোথাকারে ॥
 সংশপ্তকগণ-সঙ্গে সংগ্রাম হুঙ্কর ।
 আসিতে অৰ্জুন নাহি পান অবসর ॥
 শ্রীকৃষ্ণ বলেন, শুন ধনঞ্জয়-বীর ।
 সংহার করিল সব-সৈন্য কর্ণবীর ॥
 পরশুরামের অস্ত্র করিল সন্ধান ।
 লক্ষ-কোটি বাণ মারে, দেখ বিচ্যমান ॥
 যুগান্তের যম যেন কর্ণবীর ধায় ।
 হের দেখ, সৈন্যসব সংগ্রামে পলায় ॥
 কোঁরবের সৈন্য-সব করে সিংহনাদ ।
 পাণ্ডবের সৈন্য-সব গণিল প্রমাদ ॥
 প্রাণ উপেক্ষিয়া যুদ্ধ করে বৃকোদর ।
 যুধিষ্ঠিরে নাহি দেখি সংগ্রাম-ভিতর ॥

শুনিয়া কহেন ধনঞ্জয় গদাধরে ।
 সত্বরে চালাহ রথ, দেখি যুধিষ্ঠিরে ॥
 সংশপ্তকগণ আছে অল্প অবশিষ্ট ।
 শীত্রগতি চল প্রভু, দেখি মোর জ্যেষ্ঠ ॥
 অৰ্জুন-বচনে কৃষ্ণ দেন অনুমতি ।

যুধিষ্ঠির-স্থানে তবে যান শীত্রগতি ॥
 শঙ্খনাদ করি তবে যান ধনঞ্জয় ।
 অৰ্জুনে ধাইল অশ্বখামা মহাশয় ॥
 দিব্য-অস্ত্র দুই-বীর করিল সন্ধান ।
 দেবাস্ত্র-যুদ্ধ যেন নাহি অবসান ॥
 দ্রোণপুত্র জিনি স্বরা পার্থ মহাবীর ।
 ভীমের পশ্চাতে আসিলেন অতিদীর ॥
 জিজ্ঞাসেন ভীমসেনে রাজার বৃত্তান্ত ।
 কর্ণযুদ্ধ-কথা ভীম কহে আদ্যোপান্ত ॥
 কর্ণগরে ছিন্নভিন্ন হৈল কলেবর ।
 গেলেন বিষাদে রাজা শিবির-ভিতর ॥

দৈবে বাঁচিলেন ভাই, ধন-নরপতি ।
 এত বলি দীর্ঘশ্বাস ছাড়ে মহামতি ॥
 শুনিয়া বিকল কৃষ্ণ-অৰ্জুন-হৃদয় ।
 ভীমের বলেন তবে বীর ধনঞ্জয় ॥
 কৃপ কর্ণ দ্রোণপুত্র রাজা দুৰ্য্যোধন ।
 ইহাদের সঙ্গে যুদ্ধ করিব এখন ॥
 আমি হেথা যুদ্ধ করি, তুমি যাও তথা ।
 বৃত্তান্ত কহিয়া এস, রাজা আছে যথা ॥
 তবে ভীমসেন বলে, আমি আছি রণে ।
 যুদ্ধ হইতেছে মোর কুরুসৈন্য-সনে ॥
 হেনকালে যদি আমি যাই ত্যজি রণ ।
 নিম্নবে পলাল বলি যত কুরুগণ ॥
 যুদ্ধ ছাড়িবার এই নহে ত সময় ।
 দেখিয়া আইস যুধিষ্ঠির মহাশয় ॥
 ভীমের রাখিয়া তবে সংগ্রাম-ভিতরে ।
 কৃষ্ণ-পার্শ্ব আসিলেন দেখিতে রাজারে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩। যুধিষ্ঠিরের নিকট অৰ্জুনের কর্ণবধে
 প্রতিজ্ঞা ।

শয়ন করিয়া আছে রাজা যুধিষ্ঠির ।
 চরণ বন্দন গিয়া ধনঞ্জয়-বীর ॥
 উল্লাসেতে উঠি বসিলেন যুধিষ্ঠির ।
 মনে-মনে ভাবে, পড়িয়াছে কর্ণবীর ॥
 মহারাজ যুধিষ্ঠির চিন্তে মনে-মনে ।
 কর্ণ মোরে মহাহুঃখ দিল ঘোর-রণে ॥
 আনন্দে আসিল কৃষ্ণ-পার্শ্ব দুইজন ।
 বিনা কর্ণে মারি নহে হেথা আগমন ॥

এত চিন্তি যুধিষ্ঠির নিবারিয়া হুঃখ ।
 হরিষে দেখেন কৃষ্ণ-অৰ্জুনের মুখ ॥
 জিজ্ঞাসা করেন যুধিষ্ঠির বারবার ।
 কহ ভাই পার্থ, এবে যুদ্ধ-সমাচার ॥
 দেবাসুরজয়ী বীর সূর্য্যের নন্দন ।
 সভামধ্যে যারে পূজে মানী দুৰ্য্যোধন ॥
 যাহারে পরশুরাম দিলা দিব্য-ধনু ।
 অভেদ-কবচ যার আবরিল তনু ॥
 যার ভুজবীর্য্যে দম্ব হই রাত্রিদিনে ।
 ত্রয়োদশবর্ষ মোরা আছিষু কাননে ॥
 মন স্থির নহে মোর, না ঘুচে তরাস ।
 নিরস্তর দেখি কর্ণ আসে মোর পাশ ॥
 হেন কর্ণে আজি বুঝি মারিলে সমরে ।
 জানন্দ না ধরে আজি আমার অন্তরে ॥
 মহাবীর কর্ণে তুমি কেমনে মারিলে ।
 মহাসিদ্ধি হৈতে তুমি কেমনে তরিলে ॥
 যুধিষ্ঠির-বাক্য শুনি অতি-ভয়ঙ্কর ।
 সশঙ্কিত ধনঞ্জয় দিলেন উত্তর ॥
 আমার বিপক্ষ ছিল সংশপ্তকগণ ।
 তাহাদের সনে মোর হ'তেছিল রণ ॥
 পরে অশ্বখামা-সনে বাধিল বিরোধ ।
 শরশৃষ্টি করি তারে করিয়া নিরোধ ॥
 কর্ণে মারিবারে যাই করিয়া সন্ধান ।
 ভীম-মুখে শুনিলাম তব অপমান ॥
 তোমার কুশল জানি যাই আরবার ।
 অবশ্য করিব আজি কর্ণেরে সংহার ॥
 অক্ষত আছেয়ে কর্ণ শুনিয়া বচন ।
 মহাত্মক হইলেন ধর্ম্মের নন্দন ॥
 কর্ণ-শরে ত্রাসিত হৈ পাণ্ডবের পতি ।
 অৰ্জুনেরে ভৎসিয়া বলয়ে মহামতি ॥

মোরে পরাজিয়া সৈন্য করে লণ্ডভণ্ড ।
 মহাযুদ্ধ করে কর্ণ সমরে প্রচণ্ড ॥
 একেশ্বর যুদ্ধ করে বীর রকোদর ।
 আসিলে তাহারে যুদ্ধে রাখিয়া সঙ্কর ॥
 কর্ণেরে মারিবে বলি করিয়াছ পণ ।
 তারে দেখি এবে কেন কর পলায়ন ॥
 তব জন্ম-দিবসেতে হৈল দৈববাণী ।
 পৃথিবী জিনিয়া মোরে দিবে রাজধানী ॥
 দৈবের বচন মিথ্যা হৈল হেন দোখ ।
 তোমা-পুত্রে পুত্রবর্তী কুন্তী কেন লিখি ॥
 কেন না পড়িলি গর্ভ হৈতে পঞ্চমাসে ।
 বিফলে ধরিল কুন্তী তোরে গর্ভবাসে ॥
 অগ্নি তোরে ধনু দিলা, ইস্ত্র দিলা শর ।
 ভুবন-সংহার-অস্ত্র দিলা মহেশ্বর ॥
 মায়ারথ দিল তোরে গন্ধর্ব্বের পতি ।
 অশ্ব-সব আছে তোর পবনের গতি ॥
 রথধ্বজে হনুমান্ মহাবলবন্ত ।
 আপনি সারথি কৃষ্ণ প্রতাপে অনন্ত ॥
 গাণ্ডীব শোভিছে হাতে আর ধনুঃশর ।
 পলাইলি কর্ণ-ভয়ে প্রাণেতে কাতর ॥
 গাণ্ডীবের যোগ্য তুমি নহ ধনুর্ধর ।
 কৃষ্ণেরে গাণ্ডীব দেহ, শুন রে বর্ষর ॥
 আগে কৃষ্ণে দিতে যদি গাণ্ডীব তোমার ।
 এতদিনে কুরুকুল হইত সংহার ॥
 কৃষ্ণেরে গাণ্ডীব দেহ, কৃষ্ণ হৌন রথী ।
 রথের উপরে তুমি হও ত সারথি ॥
 এতক দুর্ব্বাণী শুনি পার্থ বান্ধে-বান্ধে ।
 খড়্গ ল'য়ে উঠিলেন নৃপে কাটিবারে ॥
 নিবারিয়া কৃষ্ণ তারে করেন ভৎসন ।
 জ্যেষ্ঠভাই কাটিবারে চাহি কৈ-কারণ ॥

অৰ্জুন বলেন, মম প্রতিজ্ঞা নিশ্চয় ।
 হেন বাক্য বলে যেই, তারে করি ক্ষয় ॥
 গাণ্ডীব ছাড়িতে মোরে যে-জন বলিবে ।
 অবশ্য কাটিব তারে, গুরু যদি হবে ॥
 প্রতিজ্ঞা লজ্জিলে হয় নরক অনন্ত ।
 গুরুবধ কৈলে হয় নরক দুঃস্তু ॥
 ছুই-কর্ণে নরকেতে হইবে প্রয়াণ ।
 তুমি দেব জান বেদশাস্ত্রের বিধান ॥
 হাসিয়া বলেন কৃষ্ণ, শুন ধনঞ্জয় ।
 গুরুজনে না বধিও, আছেয়ে উপায় ॥
 সবে গণে গুরুনিন্দা সমান নিধন ।
 শুনি পার্থ কহে ধর্ম্মে পরুষ-বচন ॥
 দোষ না জানিয়া যেবা করে অপমান ।
 শাস্ত্রেতে আছেয়ে তার মরণ-বিধান ॥
 গোসাঁই রাখিল, তেঁই রহিল পরাণ ।
 নিজে ভয় পেয়ে কর মম অপমান ॥
 আপনি ভয়াৰ্ত্ত হও কর্ণযুদ্ধ দেখি ।
 হারিয়া আসিলে তুমি সংগ্রাম উপেক্ষি ॥
 ভীম নাহি দেয় কারো মনে অনুতাপ ।
 রণে ছুঁনিবার যার অতুল-প্রতাপ ॥
 শত-শত হস্তী মারে গদার প্রহারে ।
 যুখে-যুখে অশ্ব বীর বৃকোদর মারে ॥
 করয়ে-ছুকর-কর্ষ ভাই বৃকোদর ।
 সে নাহি নিন্দয়ে মোরে বলিয়া বর্ব্বর ॥
 তুমি কর অপকর্ষ সভার ভিতর ।
 পাশাতে হারিলে যত ধন-রত্ন ঘর ॥
 তোমার কারণে মোরা চারি-সহোদর ।
 নানা-দুঃখ হুঞ্জিলাম বনের ভিতর ॥
 তোমার কারণে নষ্ট হৈল বন্ধুজন ।
 তোমার কারণে নষ্ট হৈল ক্ষত্রগণ ॥

অনর্থের হেতু তুমি হৈলে জ্যেষ্ঠভাই ।
 তোমার কারণে মোরা এত দুঃখ পাই ॥
 আপনা কাটিতে চান বীর ধনঞ্জয় ।
 হাত হৈতে খড়্গ লন কৃষ্ণ মহাশয় ॥
 অৰ্জুন বলেন, করিলাম কোন্ কৰ্ম্ম ।
 গুরুনিন্দা করিলাম, যাহাতে অধর্ম্ম ॥
 আপনারে বধ করি প্রায়শ্চিত্ত-বিধি ।
 আজ্ঞা দাও, নিষেধ না কর গুণনিধি ॥
 হাসিয়া বলেন কৃষ্ণ শাস্ত্রের প্রমাণ ।
 আপনা-প্রশংসা কর, মরণ-সমান ॥
 নিজের প্রশংসা তুমি কৈলে বারবার ।
 তবে ত প্রতিজ্ঞা হৈতে পাইবে উদ্ধার ॥
 আপনা-প্রশংসা তবে করেন অৰ্জুন ।
 আমার সমান কেবা ধরে কত গুণ ॥
 মম সম ধনুর্ধর নাহিক সংসারে ।
 বাহুবলে চারিদিক্ জিনেছি সমরে ॥
 সংশপ্তকগণে আমি ক'রেছি সংহার ।
 কর্ণবীর-সঙ্গে যুদ্ধ করি বারবার ॥
 মম সম বীর নাই পৃথিবী-ভিতর ।
 ভুবন-বিখ্যাত আমি মহা-ধনুর্ধর ॥
 এত বলি ধনঞ্জয় যুড়ি ছুইকর ।
 অপরাধ ক্ষমা চান ধর্ম্মের গোচর ॥
 লজ্জায় কহেন পার্থ পড়িয়া চরণে ।
 নিন্দা করিয়াছি আমি ধর্ম্মের কারণে ॥
 অপরাধ ক্ষমা কর হরবিত-মনে ।
 ক্ষমহ সকল দোষ প্রসন্নবদনে ॥
 অনেক কহিলা তবে কৃষ্ণ মহামতি ।
 অৰ্জুন-উপরে তুষ্ট হ'লেন নৃপতি ॥
 প্রতিজ্ঞা করেন তবে পার্থ ধনুর্ধর ।
 আজি কর্ণে সংহারিব সংগ্রাম-ভিতর ॥

এই ধনু ধরি কর্ণে সংহারিব শরে ।
কর্ণে না মারিয়া আমি না আসিব ঘরে ॥
তব পদ পরশিয়া কহিলাম সার ।
সত্যব্রত হব, যদি কর্ণে রাখি আর ॥

ভক্তিতরে মন রাখি গোবিন্দ-চরণে ।
রথে উঠিলেন পার্শ্ব শ্রীকৃষ্ণের সনে ॥
শ্রীকৃষ্ণে বলেন তবে বীর ধনঞ্জয় ।
তোমার প্রসাদে আমি লভিব বিজয় ॥
আজি ধৃতরাষ্ট্র হবে পুত্রপৌত্রে হীন ।
আজি বহুমতী হবে ধর্মের অধীন ॥
আজি রাজা দুর্যোধন নিহত হইবে ।
শকুনি-সহায়ে পাশা কড় না খেলিবে ॥
আজি স্মৃখে নিদ্রা যাইবেন যুধিষ্ঠির ।
আজি যুদ্ধে পড়িবেক কর্ণ মহাবীর ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

৭। ভীম-কর্ষক হুঃশাগনের রক্তপান ।

হেনমতে চলিলেন সংগ্রাম-ভিতর ।
কৃষ্ণের সহিত পার্শ্ব মহাধনুর্ধর ॥
মাদ্রীপুত্রদ্বয়-সহ বীর বুকোদর ।
নিরখিয়া কুরুবল বরিষয়ে শর ॥
সারথি বিশোক-নামে, তারে ভীম পুছে ।
আমার রথেতে দেখ, কত অস্ত্র আছে ॥
সমরে হেরিব আজি সব কুরুবর ।
যাবৎ না আসে পার্শ্ব মহাধনুর্ধর ॥
অথবা কর্ণেরে মারি সংগ্রাম-ভিতরে ।
নিন্তেজ করিব আজি দুর্যোধন-বীরে ॥
ভীমের বচনে তবে বিশোক দেখিল ।
যাইট হাজার শর পদবিঃ-বজিল ॥

ভীকু কুর-বাণ আছে অমৃত-অকৃত ।
নারাচ সহস্র-ত্রিশ আছেয়ে প্রস্তুত ॥
অযুতেক বাণ আছে, বজ্রের সমান ।
আর যত বাণ আছে, কে করে সংখ্যান ॥
অবশিষ্ট কত বাণ রথোপরি রহে ।
বিশোক সারথি তবে ভীম-প্রতি কহে ॥
তবে ভীমসেন-বীর সদর্পে কহিল ।
আজি রণে কৌরবেরা নিহত হইল ॥
যতক্ষণ না আইসে কৃষ্ণ-ধনঞ্জয় ।
হুঃসজ্জ করহ রথ লভিতে বিজয় ॥

সহসা উত্তরদিকে হৈল কোলাহল ।
ছাইল পার্শ্বের বাণ গগন-মণ্ডল ॥
চতুরঙ্গ-সেনা পড়ে অর্জুনের বাণে ।
হাহাকার শব্দ করে যত কুরুগণে ॥
সৌবল বলিল, শুন রাজা দুর্যোধন ।
হের' দেখ, নাশে পার্শ্ব সৈন্য অগণন ॥
আমি আগুসরি করি ভীমেরে সংহার ।
মজিল কৌরবসেনা, নাহিক নিস্তার ॥
বলিষ্ঠ সৌবল তবে ভীম-প্রতি ধায় ।

ঘোরতর মহাযুদ্ধ হইল তথায় ॥
শক্তি হানিলেক ভীম সৌবলের মাথে ।
সেই শক্তি সৌবল ধরিল রামহাতে ॥
সেই শক্তি ফেলি মারে ভীমের উপরে ।
বাহু বিকি রথোপরে পাড়িল ভীমেরে ॥
পুনঃ উঠি ভীমসেন সৌবলে বিকিল ।
বুচ্ছিত সৌবল-রাজ রথেতে পড়িল ॥
রথ ফিরাইয়া নিল রথের সারথি ।
ভঙ্গ দিল কুরুদলে যত সেনাপতি ॥
সৈন্য ভঙ্গ দিল, তাহা দেখে দুর্যোধন ।
যত সৈন্যগণ নিল কর্ণের শরণ ॥

যুদ্ধেতে আসিল কর্ণ দেখি সৈন্যভঙ্গ ।
 জ্বলন্ত অনল যেন, বিদ্যুৎ-তরঙ্গ ॥
 পাণ্ডবের সৈন্য-সব বরিষয়ে শর ।
 বেড়িয়া মারয়ে সবে কর্ণ ধনুর্ধর ॥
 বিংশতি-শরেতে কর্ণ বিক্ষেপিত্যকিরে ।
 শিখণ্ডীকে দশবাণ, পঞ্চ বৃকোদরে ॥
 ধৃষ্টদ্যুম্নে শতবাণ মারে বজ্রসার ।
 সপ্তদশ-বাণ মারে দ্রুপদ-কুমার ॥
 সংশপ্তকে সহদেব মারে দশ-শর ।
 সাতবাণ মারিল নকুল ধনুর্ধর ॥
 ক্রমেতে এড়িল ভীম ত্রিশ মহাশর ।
 সব শর নিবারিল কর্ণ ধনুর্ধর ॥
 হাসিয়া বিজয়-ধনু লইলেক হাতে ।
 বাণাঘাতে সর্বসৈন্য ধায় চতুর্ভিতে ॥
 সাত্যকির ধ্বজ কাটি কাটে শরাসন ।
 হৃদয়ে বিক্ষিল তার বাণ সেইকণ ॥
 তিনবাণে সারথিরে করিল নিধন ।
 রথশূন্য হইলেক সাত্যকি তখন ॥
 নিমেষে বিমুখ হৈল সর্বধনুর্ধর ।
 ভীত হ'য়ে সব-সৈন্য পলায় সত্বর ॥
 ত্রাসেতে পাণ্ডবসৈন্য পলায় সকল ।
 লণ্ডভণ্ড করে কর্ণ পাণ্ডবের দল ॥
 জ্বলন্ত-অনল যথা দহে তুলারশি ।
 রণভূমি চাপি তথা বিপক্ষ গরাসি ॥
 দূরে থাকি দেখিলেন পার্থ মহাবীর ।
 দেবাসুর-যুদ্ধে ধীর নির্ভয়-শরীর ॥
 কৃষ্ণেরে বলেন মহাবীর ধনঞ্জয় ।
 হের দেখ, কর্ণবীর যুঝয়ে নির্ভয় ॥
 ভাঙ্গিল পাণ্ডব-দল, সৈন্য দিল ভঙ্গ ।
 পলাইয়া যায় যেন আকুল-কুরঙ্গ ॥

স্বরিতে চালাই রথ, কৃষ্ণ মহাবলন
 সংগ্রামে মারিব আজি কোঁরব-সকল ॥
 হাসিয়া চালান রথ গোবিন্দ সারথি ।
 দূরে থাকি রথ দেখে কুরু-নরপতি ॥
 কর্ণেরে বলিল তবে রাজা দুর্যোধন ।
 হের দেখ, আসিতেছে নর-নারায়ণ ॥
 ক্রোধভরে আসিতেছে পার্থ ধনুর্ধর ।
 তার সম বীর নাহি সংগ্রাম-ভিতর ॥
 সর্বসৈন্যে আদেশিল কর্ণ মহামতি ।
 সবে মেলি বধ কর পার্থ মহারথী ॥
 অস্থত্মা দুঃশাসন-বীর আদি করি ।
 অর্জুনে বেড়িল আসি কর্ণ আগুসরি ॥
 হইল দারুণ রণ দেবাসুর-তুল ।
 দুইদলে মহাযুদ্ধ বাধিল-ভুমল ॥
 অর্জুনের বাণে সবে বিমুখ হইল ।
 হাতে অস্ত্র ল'য়ে কর্ণ রণে প্রবেশিল ॥
 সাত্যকি বিক্ষিল বাণ কর্ণ-বিগ্ৰহমান ।
 কাটিয়া সকল সৈন্য করে খান-খান ॥
 গদা ল'য়ে ভীমসেন করে মহারণ ।
 সহস্র-সহস্র পড়ে অস্থ-গজগণ ॥
 তবে দুঃশাসন-বীর বাছি মারে শর ।
 তিনবাণে বিক্ষিলেক ভীম-কলেবর ॥
 কাটিল হাতের ধনু রথের সারথি ।
 শরেতে জর্জর হৈল ভীম মহামতি ॥
 মত্তগজ-সম ভীম গদা ল'য়ে হাতে ।
 যম-সম আসে দুঃশাসনের-অগ্রেতে ॥
 গদা ফেলি মারিলেক দুঃশাসন-শিরে ।
 দুঃশাসন পড়ে শত-ধনু-অস্ত্রে ॥
 সারথি কুচ অস্থ আর পরাসক ।
 গদার প্রহারে চূর্ণ কৈল প্রহীলক ॥

রণেতে পড়িল যদি বীর হুঃশাসন ।

পূর্বের প্রতিজ্ঞা ভীম করিল স্মরণ ॥

শীঘ্র গেল, যথা পড়ে হুঃশাসন ।

রথ হৈতে লাফ দিয়া পড়ি সেইক্ষণ ॥

দাণ্ডাইয়া দেখে যত কোঁরব-কুমার ।

বাহু আশ্ফালিয়া ভীম বলে বার-বার ॥

আজি হুঃশাসনের করিব রক্ত পান ।

কর শক্তি করে ইথে অণুথা-বিধান ॥

ক্রোধমনে ভীমসেন কহে উচ্চৈঃস্বরে ।

হইল রাক্ষসমূর্তি সংগ্রাম-ভিতরে ॥

অতিক্রোধে ভীমসেন বিক্রমে অপার ।

খড়গ ল'য়ে বিদারিল হৃদয় তাহার ॥

বেগে রক্ত উঠে প্রস্রবণের সমান ।

মহানন্দে ভীমসেন করে তাহা পান ॥

করিয়া শোণিত-পান কহে বৃকোদর ।

অমৃত-পানেতে যেন ভরিল উদর ॥

স্বত-মধু-শর্করাতে নাহি পরিতোষ ।

মায়ের দুঃক্ষেতে যত না হয় সন্তোষ ॥

ততোধিক তৃপ্তি ইথে, ঘুচে অবসাদ ।

কি মধুর হুঃশাসন-রুধির-আস্বাদ ॥

দুর্ঘ্যোধন কর্ণবীর দেখে বিগ্ৰহমান ।

ভীমসেন করে হুঃশাসন-রক্ত পান ॥

রক্তপান করে ভীম সংগ্রাম-ভিতরে ।

রাক্ষস বলিয়া লোকে পলাইল ডরে ॥

দেখিয়া আসিল বীর কর্ণ মহামতি ।

ভীমের উপরে বাণ মারে শীঘ্রগতি ॥

যুধামন্যু মহাবীর যোড়া-শর মারে ।

চিত্রসেন মহাবীর পড়িল সূর্য্যে ॥

হুঃখী হ'য়ে কর্ণবীর ভ্রাতার মরণে ।

পাণ্ডব-সৈন্তেতে তবৈশ্বকিল্ব অল্পপনে ॥

মহাভারতের কথা অমৃত যেমন ।

কালী কহে, কর্ণপর্বের মরে হুঃশাসন ॥

৮। কর্ণপুত্র বৃষসেন-বধ ।

জিহ্বাসেন জন্মেজয় যুদ্ধ-বিবরণ ।

ব্যক্ত করি যুদ্ধ-কথা কহ তপোধন ॥

মুনি বলে, কর্ণেরে বলিল দুর্ঘ্যোধন ।

গাণ্ডীব লইয়া আসে ইন্দ্রের নন্দন ॥

রক্তপান করি তবে বীর বৃকোদর ।

হুঃশাসন-রুধিরেতে লিপ্ত কলেবর ॥

দুর্ঘ্যোধন রহে যথা সেনাগণ-সঙ্গে ।

অস্ত্র ল'য়ে তথা ভীম ধায় মহারঙ্গে ॥

দশবাণ মারি ক্রমে কাটে পাঁচজন ।

ভয়েতে পলায় সেই শোকে দুর্ঘ্যোধন ॥

দেখি কর্ণ আসিলেক করিবারে রণ ।

কর্ণে দেখি পলাল পাণ্ডব-সৈন্তগণ ॥

সর্ব্বসৈন্ত পলাইল, নাহি চায় পাছে ।

ভ্রাতৃশোকে দুর্ঘ্যোধন প্রাণমাত্র আছে ॥

সর্ব্বশ্রেষ্ঠ কর্ণবীর খ্যাত ধনুর্ধর ।

মুখ্যবীর বৃষসেন হাতে নিল শর ॥

নকুল-সহিত কর্ণপুত্র করে রণ ।

নকুলের রথ কাটি ফেলে সেইক্ষণ ॥

ভীম-রথে চড়িলেক নকুল-দুর্জয় ।

মহাবলবন্ত বীর সমরে নির্ভয় ॥

মাত্রীপুত্রদ্বয় আর ধৃষ্টদ্যুম্ন-বীর ।

দ্রৌপদীর পঞ্চপুত্র নির্ভয়-শরীর ॥

ভীম খেদাড়িয়া চলে বীর বৃষসেনে ।

নাহিক কিঞ্চিৎ ভয় কর্ণের নন্দনে ॥

অশ্বখামা কৃপ দুর্ঘ্যোধন-নরপতি ।

বৃষসেনে রক্ষিবারে আইল শীঘ্রগতি ॥

দুইদলে মহাযুদ্ধ অস্ত্রের নির্ধাত ।
 চতুরঙ্গ-দলে হৈল বহুল নিপাত ॥
 তবে বৃষসেন-বীর কর্ণের নন্দন ।
 তিনবাণে অর্জুনের বিক্ষেপে সেইক্ষণ ॥
 মারিল দ্বাদশ-শর কৃষ্ণ-কলেবরে ।
 মহাবীর বৃকোদরে বিক্ষিলেক শরে ॥
 সাতবাণে নকুলের নাশে অহঙ্কার ।
 মহাবীর বৃষসেন সমরে দুর্ব্বার ॥
 ঋষিয়া অর্জুন-বীর হাতে ল'য়ে শর ।
 তাহাতে বিক্ষেন বৃষসেন-কলেবর ॥
 ক্ষুরবাণে ধনঞ্জয় কাটি ধনুর্বাণ ।
 মাথা কাটি পাড়িলেন কর্ণ-বিগ্ৰহমান ॥
 পুত্রশোকে কর্ণের নয়নে জল ঝরে ।
 উল্কাপাত হয় যেন পৃথিবী-উপরে ॥
 পুত্রশোকে কর্ণবীর খাইল সত্ত্বর ।
 যুগান্তের যম যেন, হাতে ধনুঃশর ॥
 সিংহনাদ ছাড়ে বীর, বলে ধর-ধর ।
 দেখিয়া পাণ্ডব-সৈন্য পলায় সত্ত্বর ॥
 অর্জুনে বলেন কৃষ্ণ, শুন মহামতি ।
 পুত্রশোকে ধায় দেখ কর্ণ সেনাপতি ॥
 দেবান্দ্র-জয়ী জান কর্ণ মহাবীর ।
 সাবধানে যুদ্ধ কর, না হও অস্থির ॥
 হের দেখ, শরজাল বর্ষে কর্ণবীর ।
 বরিষার মেঘ যেন বরিষয়ে নীর ॥
 ইন্দ্রের ধনুক যেন দেখ বিগ্ৰহমান ।
 কর্ণের করেছে শোভে যেই ধনুর্বাণ ॥
 মহাবীর চুর্যোধন করে সিংহনাদ ।
 ধনুক-টঙ্কার শুনি, জয়-জয়-নাদ ॥
 রণ করি কর্ণবীরে করহ নিধন ।
 তোমার সমান বীর নাহি কোনজন ॥

প্রসন্ন হইয়া বর দিলা শূলপাণি ।
 কর্ণে সংহারিবে তুমি, ইহা আমি জানি ॥
 অর্জুন বলেন, কৃষ্ণ, না হও বিস্ময় ।
 কর্ণেরে মারিব আজি, জানহ নিশ্চয় ॥
 হেনকালে কর্ণ আসে সংগ্রাম-ভিতরে ।
 পুত্রশোকে অশ্রুধার নয়নেতে ঝরে ॥
 দুইবীরে দেখাদেখি হইল সত্ত্বর ।
 রণেতে শোভিল যেন দুই দিবাকর ॥
 দুই-রথে দীপ্তিমান উভয়ের ধ্বজ ।
 এক ধ্বজে কপি শোভে, অন্য ধ্বজে গজ ॥
 কর্ণে বেড়ি কোঁরবেরা করে সিংহনাদ ।
 শঙ্খ ভেরী বাজে, আর জয়-জয়-নাদ ॥
 অর্জুনের বেড়ি নানাবিধ-বাণ বাজে ।
 সিংহনাদ করে যত পাণ্ডব-সমাজে ॥
 নানা-অস্ত্র মারি সৈন্য করয়ে নিধন ।
 মহাবজ্রাঘাতে যেন পড়ে তরঙ্গণ ॥
 অন্য গজ দেখি যেন গজেন্দ্র রণিল ।
 উল্লম্ব করি সৈন্য সংগ্রামে পশিল ॥
 দুইদলে মিশামিশি চাহে কুতূহলে ।
 দেবতা-গন্ধর্ব্ব আসে গগনমণ্ডলে ॥
 যতেক দানব যক্ষ পিশাচ রাক্ষস ।
 সকলে বাঙ্কয়ে সদা রাধেয়ের যশ ॥
 ইচ্ছেন অর্জুন-যশ সকল অমর ।
 অন্তরীক্ষে কর্ণ-যশ বাঙ্কে দিবাকর ॥
 অর্জুনের যশ চান ত্রিদশ-ঈশ্বর ।
 দুই-বীরে যুদ্ধ করে অতি-ঘোরতর ॥
 শল্যেরে জিজ্ঞাসে তবে কর্ণ ধনুর্ধর ।
 আমাদের স্বরূপ কহ শল্য বীরবর ॥
 অর্জুনের যুদ্ধে যদি আমি পড়ি রণে ।
 তবে তুমি কিবা কর্ম করিবা আপনে ॥

হাসিয়া বলিল শল্য, আমি একেশ্বর ।

কৃষ্ণ-সহ সংহারিব পার্শ্ব-ধনুর্ধর ॥

গোবিন্দেরে জিজ্ঞাসেন বীর ধনঞ্জয় ।

যত্নপি আমারে কর্ণ করে পরাজয় ॥

কি কার্য্য করিবে তুমি নিজে নারায়ণ ।

কেমনে হইবে তবে কর্ণের নিধন ॥

হাসিয়া বলেন তবে কৃষ্ণ-মহাশয় ।

শুন বীর ধনঞ্জয়, কহিব নিশ্চয় ॥

শৃণু হৈতে ব্রহ্ম যদি হন দিবাকর ।

খণ্ড-খণ্ড হ'য়ে পড়ে ধরণী-উপর ॥

অনল শীতল যদি হয় এ ধরায় ।

নারিবে জিনিতে কর্ণ কদাচ তোমায় ॥

অর্জুন বলেন তবে করি অহঙ্কার ।

অবশ্য করিব আজি কর্ণেরে সংহার ॥

শঙ্খ-ভেরী-আদি করি ঘন-ঘন বাজে ।

ছুইদলে মহাযুদ্ধ হয় রণমাঝে ॥

শরে শর নিবারিল ছুই মহাবীরে ।

চারিদিকে বীরগণ ছাইলেক শরে ॥

অর্জুনে বিক্ষিপ দশবাণে কর্ণবীর ।

হাসেন অর্জুন-বীর অক্ষত-শরীর ॥

আকর্ণ পুরিয়া তবে বীর ধনঞ্জয় ।

দশবাণ মারিলেন কর্ণের হৃদয় ॥

এইমতে বাণযুদ্ধ হইল বিস্তর ।

অক্ষয়-শরীর দৌছে মহাধনুর্ধর ॥

নারাচ বরিষে কত অতি-খরশাণ ।

অর্ধচন্দ্র-সুরপাদি আর নানা-বাণ ॥

অস্ত্রগণ পড়ে, যেন পক্ষী ঝাঁকে ঝাঁকে ।

অকুটি-কটাক্ষে যেন বিজলি ঝলকে ॥

কর্ণকে পরশুরাম ব্রহ্ম-অস্ত্র দিল ।

সেই অস্ত্র কর্ণধীর সজ্ঞানী-পুত্রিল ॥

যুগান্তের যম যেন উড়ি যায় শর ।

নিবারিতে নারিলেন পার্শ্ব ধনুর্ধর ॥

সিংহবেগে পড়ে বাণ অর্জুন-উপরে ।

হেনকালে কৃষ্ণ তাহা ধরে ছুইকরে ॥

ব্রহ্ম-অস্ত্র নিবারণ কৈলা নারায়ণ ।

কৃষ্ণাৰ্জুনে ভীম তবে বলিল বচন ॥

উপরোধ ছাড় ভাই, না করিহ হেলা ।

কর্ণে বধ কর, অস্ত্র যোড় এইবেলা ॥

সাবধানে মার অস্ত্র, না হও বিমন ।

তব বিদ্যমানে পড়ে তব সৈন্যগণ ॥

অযুত-অযুত অস্ত্র এড়ে ধনঞ্জয় ।

মহাসত্ত্ব কর্ণবীর নাহি করে ভয় ॥

বাণে অন্ধকার করিলেক কর্ণবীর ।

পাণ্ডবের সৈন্যগণ হইল অস্থির ॥

নানাবাণে বিদ্ধ হৈল পার্শ্ব-কলেবর ।

কাটিল সকল বাণ ইন্দ্রের কোঙর ॥

মারিল নারাচ-বাণ কৃষ্ণের শরীরে ।

আর যত বাণ পড়ে, কে বর্ণিতে পারে ॥

সর্বলোক চিন্তাযুক্ত চাহি ছুইজনে ।

কৃষ্ণাৰ্জুনে আবরিল কর্ণ মহাবাণে ॥

সর্বদা হইল ক্ষত, পার্শ্ব ধনুর্ধর ।

অজস্র এড়েন বাণ কর্ণের উপর ॥

কর্ণ শল্য কুরুবল বাণে আবরিল ।

অন্ধকার করি পার্শ্ব বাণ বরষিল ॥

শল্যকে বিস্মেন পার্শ্ব ভীক্স-সপ্ত-শরে ।

বিস্মেন দ্বাদশ-বাণ কর্ণের শরীরে ॥

রুধির পড়িছে ধারে কর্ণের শরীরে ।

পুনঃ সপ্তবাণে বিদ্ধ কর্ণ-মহাবীরে ॥

সহস্র-সহস্র বাণ নিমিষে চলিল ।

অন্ধকার করি অস্ত্র গগন ভরিল ॥

অৰ্জুনের বাণ যেন বিজলি-তরঙ্গ ।
 নষ্ট হৈল কুরুদল, রণে দিল ভঙ্গ ॥
 ভঙ্গ দিল কুরুবল, কর্ণ একেশ্বর ।
 দুৰ্জয় সারথি তাহে শল্য ধনুর্ধর ॥
 জয়নাদ করে অস্ত্র ধরি করে বীর ।
 দেবাসুর-যুদ্ধে যার নির্ভয়-শরীর ॥
 কর্ণবীর অৰ্জুনের বধ-বাঞ্ছা করি ।
 অৰ্জুনে মারিতে এড়ে অস্ত্র সারি-সারি ॥
 শরজালে কর্ণবীর পুরিল গগন ।
 কম্পমান হইল পাণ্ডব-সৈন্যগণ ॥
 সহসা ভুজঙ্গ এক রাক্ষস-সমান ।
 উঠিয়া পাতাল হৈতে হৈল আগুয়ান ॥
 যুদ্ধ করে কর্ণবীর পার্শ্বের সহিতে ।
 দাণ্ডাইয়া কহে সর্প কর্ণের সাক্ষাতে ॥
 মোর মাতৃবধ কৈল কুস্তীর কুমার ।
 এইকালে করি আমি পার্শ্বেরে সংহার ॥
 কোনরূপে করি আজি অৰ্জুনে সংহার ।
 অতিক্রোধে সর্প তবে বলে বার-বার ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৯। কর্ণবধ ।

দহিতে ঋণ্ডব-বন, মোর মায়ে বিনাশন,
 করিলেক পাণ্ডুর নন্দন ।
 আজি প্রতিকল দিব, অৰ্জুনেরে সংহারিব,
 কর্ণ-নদে করিব মিলন ॥

এতেক ভাবিয়া নাগ, মনেতে করিয়া রাগ,
 আকাশে উঠিল সেইক্ষণ ।
 জননী-বৈরিতা শোধি, কিরূপে অৰ্জুনে বধি,
 এই যুক্তি ভাবে মনে-মন ॥
 আপনি স্রবুদ্ধি বীর, সঙ্কুচিয়া সশরীর,
 রণভূমে করিল প্রবেশ ।
 মুখেতে অনল জ্বলে, উল্কা যেন ভূমিতলে,
 যোগবলে হৈল বাণ-বেশ ॥
 হেনকালে দিব্যবাণ, কর্ণ পুরিল সন্ধান,
 অৰ্জুনের বধ-বাঞ্ছা করি ।
 হ্রবিখ্যাত কর্ণবীর, ক্রোধভরে নহে স্থির,
 রুদ্ধবাণ নিল করে ধরি ॥
 রুদ্ধবাণ ল'য়ে হাতে, মহাবীর অঙ্গনাথে,
 অধিষ্ঠিত হৈল তাহে সর্প ।
 সন্ধান পুরিল ধীর, বিনাশিতে পার্শ্ববীর,
 পরশুরামের শ্রেষ্ঠ দর্প ॥
 ভুবন কাঁপয়ে ডরে, উল্কাপাত মহী'পরে,
 মহাশব্দ শুনিতে নির্ধাত ।
 হাহাকার করে লোক, দিকপাল করে শোক,
 আজি হৈল অৰ্জুন-নিপাত ॥
 বুঝিয়া বিষম কাজ, মানা করে শল্যরাজ
 ভাগিনারে করিবারে ত্রাণ ।
 শুন কর্ণ বীরবর, পুনশ্চ সন্ধান কর
 শরাসন নহে পরিমাণ ॥
 ক্রোধমুখে কহে কর্ণ, নয়ন অরুণবর্ণ,
 না করিব সেই শর হৃষ্টি ।
 মারে আর দুই শর, বিদ্ধি করে জর-জর
 উপদেশ'আ করে অনিষ্টি ॥

মারিব অৰ্জুন তোকে, দেখিবে সকল লোকে,
এত বলি কর্ণ এড়ে শর ।

জ্বাকাশে আসিছে বাণ, অগ্নি যেম দীপ্তিমান্,
ব্যস্ত হৈল দেব-দামোদর ॥

পায়ে চাপি রথবর, বসায়েন ভূমি'পর,
হাঁটু গাড়ি তুরঙ্গ বসিল ।

প্রশংসয়ে দেবগণ, হুশিক্ষিত জনার্দন,
একহস্তে পৃথিবী ধরিল ॥

পার্শ্ব মহাবীরবর, নিবারিতে নারে শর,
মাথার কিরীট কাটা গেল ।

বিশ্বকর্মা নিশ্চাইল, নানারঙ্গে শোভা ছিল,
যে কিরীট ইন্দ্র দিয়াছিল ॥

যেন অস্ত-গিরিবর, একা রহে দিনকর,
গিরি হৈতে চূড়া পড়ে খসি ।

সে-হেন কিরীট পড়ি, ভূমে যায় গড়াগড়ি,
প্রভা উঠে গগন পরশি ॥

পুনঃ গেল সর্পবাণ, কর্ণবীর বিচুমান,
বিনয়ে কহিল বহুতর ।

না পাই সন্ধান-যোগ, বিফল হইল ভোগ,
এড় পুনঃ উল্লাসম শর ॥

পুছে কর্ণ মহাশয়, সর্প দিয়া পরিচয়,
কহে, পুনঃ করহ ক্ষেপণ ।

পূর্বের সংগ্রাম যত, সকলি হইল ব্যর্থ,
কর এবে অৰ্জুনে নিধন ॥

শুনিয়া কর্ণের দর্প, পুনঃ গেল কালসর্প,
অৰ্জুনেরে করিতে সংহার ।

যুধেতে অনল-বৃষ্টি, ধাইলেক উৰ্দ্ধদৃষ্টি,
সর্বভঙ্গ্যকর হইল কার্য ॥

জানিয়া সর্পের তত্ত্ব, শ্রীকৃষ্ণ কহেন সত্য,
সন্ধান করহ ধনঞ্জয় ।

সম্বরে আসিছে সর্প, অগ্নিসম করি দর্প,
শীঘ্র তারে কর পরাজয় ॥

ছয়বাণ যুড়ি বীর, কাটেন সর্পের শির,
খণ্ড-খণ্ড হইয়া পড়িল ।

সর্পেরে নিহত করে, কৃষ্ণ দুই-হাতে ধরে,
ভূমি হৈতে রথ উদ্ধারিল ॥

পুনঃ কর্ণ ধরি ধনু, বিক্ষেপে অৰ্জুনের তনু,
বাছিয়া-বাছিয়া এড়ে বাণ ।

বাণে নিবারিয়া বাণ, ধনঞ্জয় ধনুস্থান্,
নিজবাণ করেন সন্ধান ॥

কর্ণের শরীর ভেদি, রক্তে নেন বহে নদী,
সর্বগায়ে বহিছে রুদ্ধির ।

কর্ণবীর অস্ত্র মারে, সব অস্ত্র নাশ করে,
পুনঃ অস্ত্র এড়ে মহাবীর ॥

ভেদিল দ্বাদশ-শরে, দামোদর-কলেবরে,
আর বাণ মারে শীঘ্রগতি ।

সন্ধান করিয়া শরে, বিক্ষিলেক পার্শ্ববীরে,
হাসে বীর কর্ণ যোদ্ধপতি ॥

ইন্দ্র যেন এড়ে শর, ক্রোধে পার্শ্ব ধনুর্ধর,
বিক্ষেপ কর্ণের কলেবর ।

রুদ্ধ-পরাক্রমে বীর, সম্মুখে ছাড়েন তীর,
রবিশ্রুত হইল কাতর ॥

ব্যথা পায় কর্ণবীর, তিল-অর্ক নহে শির,
মাথার মুকুট পড়ে খসি ।

অৰ্জুন কাটিয়া পাড়ে, মুকুট ভূমিতে পড়ে,
প্রভা উঠে গগন পরশি ॥

দৃঢ়তর হুসন্ধানে, কবচ কাটেন বাণে,
নিবারিতে নারে কর্ণবীর ।

বাছিয়া মারেন শর, ধনঞ্জয় ধনুর্ধর,
পুনঃপুনঃ মারিছেন তীর ॥

হৈল যেন বজ্রাঘাত, কম্পে যেন দিননাথ,
কর্ণবীর সহিতে না পারে ।

বাছিয়া মারিয়া শর, ধনঞ্জয় ধনুর্ধর,
সঙ্ঘরে বিদ্বেন কর্ণবীরে ॥

অবশ হইল তনু, খসিল হাতের ধনু,
মুচ্ছিত হইল কর্ণবীর ।

কর্ণেরে মুচ্ছিত দেখি, কহেন শ্রীকৃষ্ণ ডাকি,
শুন ধনঞ্জয় মহাবীর ॥

সাবধানে কর রণ, আজি কর নিপাতন,
শীত্র বিদ্ধ কর্ণের শরীর ।

প্রকাশিয়া নিজ-শৌর্য্য, কর কর্ণ-বধ-কার্য্য,
যাহা কহিলেন যুধিষ্ঠির ॥

শুনিয়া কৃষ্ণের বাক্য, নাশিতে বিপক্ষ-পক্ষ,
পার্শ্ব মারিলেন বহু-শর ।

আবরিল অশ্ব-রথ, ছাইল গগনপথ,
অন্ধকার কৈল দিনকর ॥

যেন শত-কুণ্ডলরু, জড়িত পর্বত গুরু,
সেইরূপ কর্ণ মহাবল ।

মহাত্মা যতেক ছিল, সে-সকল পাসরিল,
গুরুশাপে হইয়া বিকল ॥

মহাসত্ত্ব কর্ণবীর, চৈতন্য পাইয়া ধীর,
নানা-অস্ত্র করে বরিষণ ।

খরতর হুসন্ধানে, অশ্ব-হস্তি-সেনাগণে,
কর্ণবীর করিল নিধন ॥

তিনবাণে জনাৰ্দ্দনে, বিদ্বিলেক সেইক্ষণে,
সাতবাণ মারে ধনঞ্জয়ে ।

পুনর্বীর দশবাণে, বিদ্বিলেক সেইক্ষণে,
মহাবীর পার্শ্ব মহাশয়ে ॥

তবে তেজোময় বাণ, পার্শ্ব করেন সন্ধান,
বিদ্বিলেন কর্ণ-ধনুর্ধরে ।

অৰ্জ্জুনের অস্ত্র যত, নিবারিল শত-শত,
শর ব্যর্থ, ভাবে পার্শ্ববীরে ॥

কাটা গেল ধনুগুণ, লজ্জিত হইয়া পুনঃ,
আর গুণ দিয়া যুড়ি শরে ।

অৰ্জ্জুন মারেন শর, কাটে কর্ণ ধনুর্ধর,
হাসি পুনঃ বাণ নিল করে ॥

ধরিয়া বিজয়-ধনু, বিদ্বিল অৰ্জ্জুন-তনু,
শরে কর্ণ করে অন্ধকার ।

অৰ্জ্জুনে ফাঁফর দেখি, শ্রীকৃষ্ণ কহেন ডাকি,
শীত্র কর কর্ণেরে সংহার ॥

কৃষ্ণবাক্যে রুদ্ধবাণ, পার্শ্ব করেন সন্ধান,
বজ্র যেন হাতে নিল শত্রু ।

ব্যক্ত হয় ব্রহ্মশাপ, কর্ণ পায় অনুতাপ,
পৃথিবী গ্রাসিল রথচক্র ॥

ক্রন্দন করয়ে বীর, নয়নেতে বহে নীর,
অৰ্জ্জুনে কহিল উচ্চৈঃস্বরে ।

মুহূর্তেক ক্ষমা কর, ওহে পার্শ্ব ধনুর্ধর,
রথচক্র উদ্ধারিব করে ॥

যেইজন মুক্তকেশ, প্রহারে বিকল-বেশ,
শরণ মাগয়ে যদি রণে ।

কবচ-রহিত জনে, না মারয়ে অস্ত্রগণে,
ভারে মারে কাপুরুষ-জনে ॥

ভূমি লোকে নরোত্তম, তব কীর্তি অনুপম,
ধৰ্মজ্ঞানে তোমারে বাখানি ।

রথের উপরে ভূমি, অভাগ্যেতে আমি ভূমি,
মুহূর্তেক ক্ষমা কর জানি ॥

কৃষ্ণ হৈতে নাহি ভয়, তোমাকে সংশয় হয়,
সে-কারণে সাধি হে তোমাকে ।

বিধি মোরে হৈল বক্র, পৃথিবী গ্রাসিল চক্র,
ক্ষমা কর, উদ্ধারি তাহাকে ॥

শুনিয়া কর্ণের বাণী, ক্রোধে কন চক্রপাণি,
বিপৎকালেতে শুনি ধৰ্ম ।

একবস্ত্রা রজস্বলা, দ্রুপদ-মন্দিনী বালা,
সভামধ্যে কৈলে কোন্ কৰ্ম ॥

শকুনি-সৌবল-সনে, নরাদম দুৰ্য্যোধনে,
কপটে রচিলে পাশা-সারি ।

কল্পধৰ্ম ছাড়ি কার্য্য, কপটে লইলে রাজ্য,
কোন্ শাস্ত্রে পাইলে বিচারি ॥

সন্দেহ মিশ্রিত বিবে, ভীমে খাওয়াইলে শেষে,
বাক্সিয়া তাহার কলেবর ।

ফেলাইয়া দিলে জলে, রক্ষা পায় ধৰ্মবলে,
সেই কথা কহিতে বিস্তর ॥

জৌগৃহ নির্মাণ করি, তাহাতে পাণ্ডবে পুরি,
অগ্নি দিলে কি বিচার করি ।

কোন্ শাস্ত্রে হেন ধৰ্ম, বিচারিয়া কহ অশ্ব,
দৈব তাহে আনিল উদ্ধারি ॥

দ্বাদশ-বৎসর বনে, বঞ্চিলেক পঞ্চজনে,
বৎসরেক রহয়ে অজ্ঞাতে ।

সভাতে মাগিল যবে, রাজ্য নাহি দিলে তবে,
এবে ধৰ্ম বুঝাও কিমতে ॥

অভিমত্য় গেল রণে, বেড়ি মার সপুজনে,
দুহ্মপোষ্য শিশু ত কুমার ।

কোন্ ধৰ্ম্মে মার তারে, কহিবে সন্মুখ মোরে,
কোথা ছিল ধৰ্ম্মের বিচার ॥

শুনিয়া কৃষ্ণের কথা, অৰ্জ্জুনের বাড়ে ব্যথা,
পূৰ্ব-পূৰ্ব-কথা মনে হয় ।

বাড়িল পার্থের ক্রোধ, না মানেন উপরোধ,
রক্তচক্ষু ওষ্ঠ কম্পময় ॥

তবে কর্ণ মহাক্রোধে, নিতান্ত মরিব বোধে,
দিব্য-অস্ত্র যোড়ে শরাসনে ।

অৰ্জ্জুন ব্রহ্মাস্ত্র মারি, কর্ণ-বাণ ব্যর্থ করি,
অগ্নিবাণ যোড়ে সেইক্ষণে ॥

পার্থ ছাড়ে অগ্নিবাণ, যেন অগ্নি-দীপ্তিমান,
কর্ণ-পানে চান একদৃষ্টি ।

বরুণ-বাণেতে কর্ণ, জলে করে পরিপূর্ণ,
অনল নিবায় করি হৃষ্টি ॥

অৰ্জ্জুনের বায়ুবাণ, মেঘে করে খান-খান,
পুনঃ কর্ণ যোড়ে মহাশর ।

হাহাকার দেবগণে, ভূমিকম্প ক্ষণে-ক্ষণে,
বাণ এড়ে কর্ণ ধমুর্ধর ॥

হৃদয়ে বিক্লি শর, রক্ত পড়ে নিরস্তর,
আপনা বিন্মত ধনঞ্জয় ।

খসিল হাতের ধনু, স্তব্ধ হৈল সর্বতনু,
অতিব্যগ্র কৃষ্ণ-মহাশয় ॥

পোয়ে তবে অবসর, কর্ণ মহাধমুর্ধর,
রথ উদ্ধারিতে বীর চলে ।

না পারিল দুই-হাতে, শ্রম হৈল অজনাথে
পুনঃ রথ পশিল ভূতলে ॥

| | | | |
|---|---------------------|---------------------------|---------------------|
| সচেতন ধনঞ্জয়, | দেখি কৃষ্ণ-মহাশয়, | ভীম করে সিংহনাদ, | শুনি জয়-জয়-বাদ, |
| অৰ্জুনে কহেন কুতূহলে । | | বিজয়-দুন্দুভি বাজে দলে । | |
| আমার বচন ধর, | ধনঞ্জয় ধনুর্ধর, | যত সেনাপতিগণ, | আত্মসিয়া ঘনে-ঘন, |
| কাটি পাড় কর্ণ-মহাবলে ॥ | | নাচে গায় সব কুতূহলে ॥ | |
| কৃষ্ণের বচন শুনি, | অৰ্জুন হৃদয়ে গণি, | সিংহ যেন মারে গজ, | কর্ণে মারি কপিধ্বজ, |
| গাণ্ডীবে যুড়েন ক্ষুরবাণ । | | প্রতিজ্ঞা পুরান বাহুবলে । | |
| ক্ষুর প্রবেশিল চণ্ড, | কাটি পাড়িলেক দণ্ড, | উৎসবাদি কোলাহল, | প্রফুল্ল পাণ্ডব-দল, |
| শঙ্কা পায় কর্ণ বলবান ॥ | | নানাবাদ্য বাজে কুতূহলে ॥ | |
| ঝাঁকে-ঝাঁকে দিব্যবাণ, ছাড়ে পার্থ শৌর্যবান, | | হেথা শল্যমুখে শুনি, | কর্ণের নিধনবাণ, |
| বজ্র যেন ছাড়ে পুরন্দর । | | দুর্যোধন করে অশ্রুপাত । | |
| সর্বভূত-ভয়ঙ্কর, | সেই দিব্য-মহাশর, | হা হা কর্ণ বীরবর, | আমি হৈনু একেশ্বর, |
| বেগে ধায় শব্দ ঘোরতর ॥ | | সঘনে হৃদয়ে হানে ঘাত ॥ | |
| নিষ্কেপিয়া মহাশর, | ভাবিলেন ধনুর্ধর, | কোথা কর্ণ অশ্রুশর, | মোর প্রাণের দৌলর, |
| সর্বকথা আছয়ে স্মরণে । | | হারাইনু ভুবন-দুর্জয়ে । | |
| যদি হই পার্থবীর, | কাটি পাড়ি কর্ণশির, | এত বলি দুর্যোধন, | খাস ছাড়ে ঘনে-ঘন, |
| নাশিব কর্ণেরে আজি রণে ॥ | | কুরুবল ভঙ্গ দিল ভয়ে ॥ | |
| ছেদিব কর্ণের শির, | এত বলি পার্থবীর, | ভাই মোর শতজন, | হইল সব নিধন, |
| মহাশর মারেন কর্ণেরে । | | কত দুঃখ সহিব পরাণে । | |
| সর্বলোক-ভয়ঙ্কর, | দেখি হেন রুদ্ধশর, | ভ্রাতৃহেতু নাহি তাপ, | আছিল পূর্বের শাপ, |
| বেগে পড়ে কর্ণের শরীরে ॥ | | কর্ণ সদা আশা দিত মনে ॥ | |
| সন্ধ্যাকালে পড়ে কর্ণ, | গগন লোহিতবর্ণ, | কর্ণবীর কৈল যত, | সকলি হইল হত- |
| দেখি সবে মানিল বিস্ময় । | | দ্রোণ-ভীষ্ম-সরূপ-বচন । | |
| উঠিয়া গগনোপরে, | প্রবেশিল দিনকরে, | না শুনিহু গুরুবাক্য, | তঁই পাই হেন দুঃখ, |
| কর্ণের যতেক তেজস্বয় ॥ | | ধিক্, আমি ত্যজিব জীবন ॥ | |
| কর্ণের হইল ক্ষয়, | পৃথিবী কম্পিত হয়, | এত ভাবি দুর্যোধন, | আদেশিল সৈন্যগণ, |
| রথ ল'য়ে গেল মদ্রপতি । | | কর গিয়া পাণ্ডব-সংহার । | |
| কুরুবলে হাহাকার, | সব হৈল অন্ধকার, | যুদ্ধ করি সর্বজন, | কৃষ্ণাৰ্জুন দুইজন, |
| কর্ণ-বিনা কি হইবে গতি ॥ | | বিনাশিতে করহ বিচার ॥ | |

রাজার আদেশ পেয়ে, সৈন্যগণ গেল ধেয়ে,
 সাগর-কল্লোল শব্দ ক'রে ।
 গদাহস্ত বৃকোদর, ক্রোধে অতি ভয়ঙ্কর,
 কণমাঝে বহুসৈন্য মারে ॥
 আপনি নৃপতি সাজে, নিষেধিল শল্যরাজে,
 আজি ক্রমা কর নৃপবর ।
 পড়ে মহাবীর কণ, সৈন্য হৈল ছিন্নভিন্ন,
 নাহি হয় যুদ্ধ-অবসর ॥
 আক্রমিল কর্ণশোক, সাস্থাইল রাজলোক,
 শিবিরে চলিল দুৰ্য্যোধন ।
 দেব-ঋষি গেল ঘর, লুপ্ত পার্থ ধনুর্ধর,
 শিবিরেতে গেল সর্বজন ॥
 অর্জুনের দিয়া কোল, গোবিন্দ বলেন বোল,
 তোমাতে সদয় পুরুন্দর ।
 কাটিলে কর্ণের শির, ত্রিভুবন-মাধ্যে বীর,
 ধন্য তুমি ভুবন-ভিতর ॥
 শিবিরেতে গেল সব, কর্ণ পেল পরাভব,
 সবাই কহিল যুধিষ্ঠিরে ।
 কর্ণের নিধন শুনি, আনন্দিত নৃপমণি,
 প্রশংসা করেন অর্জুনে ॥
 গথে চড়ি যুধিষ্ঠির, দেখিলেন কর্ণবীর,
 পুত্রসনে পড়িয়াছে রণে ।
 চক্ষু-সনে যেন ভানু, তেজে যেন বহুস্তানু,
 বার-বার দেখেন নয়নে ॥

কৃষ্ণের করেন স্তুতি, যুধিষ্ঠির নরপতি,
 আজি মোর হৃদ হৈল মন ।
 তুমি যার স্মারধি, ভাগ্যবান সেই রথী,
 জিনিতে পারয়ে ত্রিভুবন ॥
 আজি আমি রাজ্য পাব, আজি নরপতি হব,
 আজি যে সফল পরিশ্রম ।
 কর্ণবীর মহাবল, পড়িল অবনীতল,
 সংগ্রামে সাক্ষাৎ ছিল যম ॥
 হেনমতে নানারঙ্গে, রাজা যুধিষ্ঠির-সঙ্গে,
 সর্বলোক শিবিরে আসিল ।
 সানন্দে পাণ্ডব-দলে, নৃত্যগীত কুতূহলে,
 যে যার শিবিরে প্রবেশিল ॥
 ইহকালে শুভযোগ, পরকালে স্বর্গভোগ,
 ভারতের পুণ্যকথা শুনি ।
 শ্রবণেতে পাপক্ষয়, সংগ্রামে বিজয় হয়,
 কাশীরাম বিরচিল গণি ॥
 অনুকণ ধ্যান করি, একমনে ভাবি হরি,
 রুচিলাম ভারত-আখ্যান ।
 কর্ণপৰ্ব-সুধাভাষ, শুনিলে কলুষ-নাশ,
 এতদূরে হৈল সমাধান ॥

কাশীরামদাস-মহাভারত

শল্যপর্ষ

মারাত্মক' অমৃত্যু' মরতৈব মরোন্তমম্ ।
দেবীং সরস্বতীং বাসং ভক্তো জয়মুদীরয়েৎ ॥

১। শল্যের সেনাপতিত্বে অভিষেক ।

জন্মেজয় জিহ্বাসেন মুনির সদন ।
তদন্তরে কি করিল রাজা দুর্যোধন ॥
কর্ণ-হেন মহারথী হত হৈল রণে ।
তথাপি আশ্বাস নাহি টুটে দুর্যোধনে ॥
কিরূপে পাণ্ডব-সহ পুনঃ হৈল রণ ।
সেনাপতি অতঃপর হৈল কোন্ জন ॥
বৈশম্পায়ন বলেন, শুন নৃপবর ॥
সমরে পড়িল যদি কর্ণ ধনুর্ধর ॥
হাহাকার করি কান্দে রাজা দুর্যোধন ।
বৃচ্ছিত হইয়া পড়ে হারান্নে চেতন ॥
হা হা কর্ণ প্রিয়সখা প্রাণের দোসর ।
উচ্চৈঃস্বরে কান্দে রাজা হইয়া কাতর ॥
শকুনি সৌবল কৃপ দ্রোণের নন্দন ।
রাজারে বুঝায়ে বলে প্রবোধ-বচন ॥

স্থির হও মহারাজ, সম্ভাপ না কর ।
এতেক কাতর কেন তোমার অন্তর ॥
এখন কাতর হৈলে কি হইবে আর ।
আপন-মঙ্গল রাজা, করহ বিচার ॥
এত বলি ধরি তুলে যত যোদ্ধগণ ।
রাজারে চাহিয়া বলে দ্রোণের নন্দন ॥
অকারণে শোক কেন কর নরপতি ।
এখনো আছয়ে কত মহা-যোদ্ধপতি ॥
হিতবাক্য কহি আমি, শুন দুর্যোধন ।
আমার বচনে রাজা, স্থির কর মন ॥
কর্ণের মরণে রাজা না করিও ভয় ।
বহু মহারথী আছে তোমার সহায় ॥
মহারাজ শল্য আছে মদ্র-অধিপতি ।
অর্জুনে জিনিবে, হেন আছয়ে শক্তি ॥
শল্যেরে সম্বোধি তবে কহে দুর্যোধন ।
সেনাপতি হুঁয়ে আজি কর ভূমি রণ ॥

তোমা-বিনা যোদ্ধাপতি নাহিক আমার ।
কেবল ভরসা আমি করি যে তোমার ॥
সেনাপতি-পদে তোমা করিছু বরণ ।
তুমি মোরে ধরি দেহ কুস্তীর-নন্দন ॥
পাণ্ডবে করিয়া ক্ষয় তুমি লহ জয় ।
এতেক শুনিয়া কহে শল্য মহাশয় ॥

দর্প করি কহে শল্য নির্ভয়-শরীর ।
কিবা ছার কর্ম ইহা, মন কর স্থির ॥
ওহে মহাশয়, চিন্তা না করহ তুমি ।
একাকী পাণ্ডবগণে বিনাশিব আমি ॥
কোন্ কর্ম-হেতু চিন্তা কর মহাশয় ।
আমি সব বিনাশিব, জানিহ নিশ্চয় ॥

এত শুনি দুর্যোধ্যন হরষিত-মন ।
শল্যরাজে দিল বহু মান আর ধন ॥
বিজয়-দুন্দুভি বাজে, মৃদঙ্গ কাহাল ।
ঝাঁঝরি মহুরি বাজে, কাংশু-করতাল ॥
ভেউরি মৃদঙ্গ বাজে, সানি জগবাম্প ।
রবাব খমক বাজে কোটি-কোটি ডম্প ॥
শঙ্খনাদ সিংহনাদ গজের গর্জন ।
ধ্বজ-পতাকায় সব ঢাকিল গগন ॥
বাণের নিনাদে ঘন কম্পে বহুমতী ।
সর্ব-সৈন্য সমাবেশ করিল ভূপতি ॥
কর্ণের মরণ-দুঃখ সব গেল দূর ।
সাজিল কোঁরবসেনা সমরে অশ্বর ॥
প্রলয়-অনল যথা অতি তেজোময় ।
ততোধিক সেনাগণ সমরে দুর্জয় ॥

এতেক জানিয়া কৃষ্ণ কহেন তখন ।
সাজিল কোঁরবসেনা, সমুদ্রে যেমন ॥
দেখ রাজা যুধিষ্ঠির, কুরুসৈন্য এল ।
সৈন্য-সমাবেশ করি কুরুক্ষেত্রে গেল ॥

শল্য শীঘ্র সাজিল, না করিহ বিলম্ব ।
কুরুক্ষেত্রে গিয়া কর সমর আরম্ভ ॥
নিধন করহ শল্যে, নাহি কালাকাল ।
সাহায্য করুক আসি বিরাট-পাঞ্চাল ॥
ভীষ্ম-দ্রোণ-কর্ণ-আদি বিনাশিলে রণে ।
কি করিতে পারে শল্য, যুঝ তার সনে ॥
শত্রু-বধে আত্মীয়তা না ভাবিহ মনে ।
বিনাশ করহ শল্যে আজিকার রণে ॥

এত শুনি যুধিষ্ঠির আনন্দিত-মন ।
অর্জুনে-ডাকি তবে কহেন রাজন ॥
প্রভাতে উঠিয়া কালি কর যুদ্ধক্রম ।
তবে ত জানিব আমি তোমার বিক্রম ॥

হেনমতে যুধিষ্ঠির বলেন বচন ।
শুনিয়া অর্জুন-বীর কহেন তখন ॥
কি-কারণে চিন্তা তুমি কর মহাশয় ।
ভরসা কেবল কৃষ্ণ, স্থনিশ্চয় জয় ॥

এইরূপে সর্বজন রজনী বঞ্চিয়া ।
সৈন্য-সমাবেশ করে প্রভাতে উঠিয়া ॥
যুধিষ্ঠির আজ্ঞা করিলেক যোদ্ধগণে ।
বাজায় বিবিধ-বাণ, না যায় লিখনে ॥
ঢাক ঢোল কাড়া পড়া দুন্দুভি বিশাল ।
খমক টমক বাজে, কাংশু-করতাল ॥
বাণের নিনাদে সৈন্যে হৈল কোলাহল ।

শব্দ শুনি কাঁপে ঘন যত চলাচল ॥
দুইদলে মিশামিশি হৈল মহারোল ।
প্রলয়কালেতে যেন সমুদ্র-কল্লোল ॥
করিল বিচিত্র-ব্যুহ শল্য মহারাজ ।
ভূজঙ্গম-ব্যুহ কৈল পাণ্ডব-সমাজ ॥
মহাভারতের কথা অযুত-সমান ।
কাশীরাম দাস কহে, শুনে পুণ্যবান ॥

২। শল্যের সহিত পাণ্ডবগণের যুদ্ধ

ধৃতরাষ্ট্র বলে, কহ সঞ্জয় বিশেষ ।
উভয়-দলেতে সৈন্য কিবা আছে শেষ ॥
শল্য-দুর্যোধন তবে কি কণ্ঠ করিল ।
হাপন-বুদ্ধিতে পুত্র সব বিনাশিল ॥
ভীষ্ম-দ্রোণ-কর্ণ-আদি যে নাশিল রণে ।
হেন-জন-সঙ্গে যুদ্ধ করে কি-কারণে ॥

সঞ্জয় বলেন, রাজা, ইথে দেহ মন ।
আত্মশেষ সৈন্য ল'য়ে যুঝে দুর্যোধন ॥
একাদশ-সহস্র অযুত আছে রথ ।
তিনকোটি মত্ত-হস্তী সমান পর্বত ॥
দুই-পদ্ম অশ্ব আছে রণে অনিবার ।
পবন-গমন জিনি গমন যাহার ॥
তিনকোটি পদাতিক আছে যম-সম ।
সৈন্যের সহিত যুঝে করিয়া বিক্রম ॥
পাণ্ডবের শেষ-সেনা আছে মহামতি ।
আচ্যে গণনে রাজা সহস্রেক হাতী ॥
অশ্ব আছে একলক্ষ, লক্ষ পদাতিক ।
ন্যন্য নহে ইহা হৈতে, বরঞ্চ অধিক ॥
যুধিষ্ঠির যোদ্ধাপতি পাণ্ডব-বাহিনী ।
দুইদলে মহাযুদ্ধ, শুন নৃপমণি ॥

যুধিষ্ঠির-পরাক্রমে সৈন্য ভঙ্গ দিল ।
দেখি শল্য-নরপতি অগ্রসর হৈল ॥
দিব্যরথে চড়ি বীর আসে সেইক্ষণে ।
শল্য বলে, সেনাগণ, যুঝ একমনে ॥
নকুল করয়ে যুদ্ধ চিত্রসেন-সনে ।
কাটিল নকুল-ধনু চিত্রসেন বাণে ॥
সারথি ও রথ কাটি করিল বিরথী ।
বাণে বিদ্ধ হ'য়ে চিন্তে নকুল হুমতি ॥

তবে খড়্গ-চক্ষ-হাতে তার রথে চড়ি ।
চিত্রসেনে কাটি বীর ফেলে ভূমে পাড়ি ॥
নকুলের পরাক্রমে ধনু-ধনু ধ্বনি ।
সত্যসেন হুসেণ আসিল বীরমণি ॥
নকুল-সহিত যুঝে দুই বীরবর ।
তিন-বীরে মহাযুদ্ধ সংগ্রাম-ভিতর ॥
সত্যসেন শক্তি মারে, সহিল নকুল ।
নিজশক্তি মারি তারে করিল নিশ্চল ॥
সত্যসেন পড়িল, হুসেণ যুঝে বেগে ।
নকুলের অশ্ব-রথ কাটি পাড়ে আগে ॥
বিরথ হইয়া তবে গান্ধীর নন্দন ।
শীত্ৰগতি অন্তরথে কৈল আরোহণ ॥
সন্ধান পুরিয়া কাটে হুসেণের শির ।
সিংহনাদ করি উঠে নকুল প্রবীর ॥

শুন মহারাজ, তব বাহিনী-সকল ।

দলিয়া চলিল সব পাণ্ডবের দল ॥
দেখি শল্য আগু হৈল ধরিয়া ধনুক ।
পরাক্রম দেখি কেহ না রহে সম্মুখ ॥
রাজা যুধিষ্ঠির-সহ হইল মিলন ।
দৌহে দৌহা-প্রতি করে বাণ-বরিষণ ॥
যুঝিল নকুল-ভীম রাজার পশ্চাতে ।
যোদ্ধগণ আগে যুঝে, রথী রথি-সাথে ॥
কৃপাচার্য্য-কৃতবর্মা-আদি মহাবীর ।
শল্যের নিকটে যুঝে হইয়া স্থির ॥
গদাহাতে ভীমসেন হৈল আগুসার ।
মহাক্রোধে ধায় যেন অগ্নি-অবতার ॥
গদাহস্ত ভীমে শল্য নিবারিতে নারে ।
রথের সারথি ভীম একষাতে মারে ॥
লাফ দিয়া শল্য গিয়া চড়ে অন্তরথে ।
অটল পর্বত-সম ভীম গদাহাতে ॥

শল্য বলে, ভীম, তোর বড়ই সাহস ।
 অকস্মাৎ গদা হানি চাহ নিজ-যশ ॥
 সহ দেখি মম অস্ত্র, বুঝি পরাক্রম ।
 এতদিনে আজি তোরে লইবেক যম ॥
 এত বলি শক্তি ছাড়ি দিল শল্যরাজ ।
 পড়িল নির্ভরে গিয়া ভীম বক্ষোমাঝ ॥
 বুক হৈতে ভীম শক্তি নিলেক তুলিয়া ।
 শল্য-প্রতি মারে বেগে ছুঁকার দিয়া ॥
 আঘাতে বুঁজিত হয় মদ্র-অধিপতি ।
 অস্তরে লইয়া রথ রাখিল সারথি ॥
 কোপে শল্যরাজ গদা নিল তারপর ।
 আইস মাতুল, বলি ডাকে বৃকোদর ॥
 আত্মপক্ষ ত্যাগ কৈলে পরপক্ষে গিয়া ।
 এই অপরাধে মৃত্যু ঘটিল আসিয়া ॥
 গদায় জানি যে ভূমি বিক্রমে বিশাল ।
 তোমা-সহ গদাযুদ্ধ বাঞ্ছি চিরকাল ॥
 এত বলি দুইবীরে হৈল বোলচাল ।
 গদায়-গদায় যুদ্ধ, বিক্রমে বিশাল ॥
 কুস্তকার-চক্র প্রায় ফেরে দুই গদা ।
 ঘূর্ণ্যাকার দেখি সব লোকে লাগে ধাঁধা ॥
 গদাযুদ্ধে বিশারদ দৌহে মহাবীর ।
 বদন-ক্রকুটি-নাদে বাহিনী অস্থির ॥
 গদাঘাতে কম্পমান দৌহাকার অঙ্গ ।
 বজ্রাঘাতে ইস্ত্র যেন ভাঙ্গে গিরিশৃঙ্গ ॥
 প্রথমে বিহ্বল দৌহে, সম দেখি বল ।
 স্বর্গেতে প্রশংসা করে অমর-সকল ॥
 ধরণী কম্পিত হয় ভীম-সিংহনাদে ।
 কূপ-আদি বোদ্ধগণ পড়িল প্রমাদে ॥
 গদা এড়ি ধনু নিল মদ্রদেশ-রাজা ।
 মহাবীর করে বীর ভীম মহাতেজা ॥

তবে বীর বৃকোদর রথে চড়ে গিয়া ।
 দেখি কৃপাচার্য-বীর আসিল ধাইয়া ॥
 হইল তুমুল-যুদ্ধ, নাহি পরিমাণ ।
 দুৰ্য্যোধন শল্য আসে আর চেকিতান ॥
 মহাধোর-যুদ্ধ হৈল, না যায় বর্ণনা ।
 রক্তে অশ্ব-গজ ভাসে দেখে সর্বজন ॥
 শল্য-সহ যুঝে পুনঃ প্রধান-পাণ্ডব ।
 মহাযুদ্ধ হৈল, যেন উথলে অর্ণব ॥
 চন্দ্রসেন মদ্রসেন হৈল আগুয়ান ।
 যুধিষ্ঠির-সহ যুঝে হ'য়ে সাবধান ॥
 যুদ্ধ করি গেল তারা শমন-সদন ।
 ধনু ধরি শল্য আসি করে পুনঃ রণ ॥
 ভীমসেন সাত্যকি প্রভৃতি পঞ্চ-সাথ ।
 শল্যের উপরে করে ঘন বাণাঘাত ॥
 নিজ-অস্ত্রে কাটি পাড়ে শল্য মহাবীর ।
 পুনঃ আসি উপস্থিত, যথা যুধিষ্ঠির ॥
 উভয়েতে মহাযুদ্ধ বলে অপ্রমিত ।
 রুষ্টিধারা পড়ে যেন, দেখি চতুর্ভিত ॥
 কাটেন শল্যের ধ্বজ ধর্ম্ম-নরপতি ।
 ধর্ম্মের ধনুক শল্য কাটে শীত্রগতি ॥
 আর ধনু ল'য়ে যুদ্ধ করে যুধিষ্ঠির ।
 নিবারিয়া করে যুদ্ধ শল্য মহাবীর ॥
 ক্রোধে ধায় চতুর্ভিতে, বাহিনী বিনাশে ।
 দেখি রাজা যুধিষ্ঠির ভাবেন বিশেষে ॥
 আপনা-ভাগিনা বধ কৈল মদ্রপতি ।
 ভীম দ্রোণ কর্ণ যাহে না হইল কৃতী ॥
 ভীম সংহারিল দুৰ্য্যোধন-সহোদর ।
 মদ্রপতি বিনাশিতে হইল দুষ্কর ॥
 শ্রীকৃষ্ণের আজ্ঞা আছে শল্যের নিধনে ।
 চরজয় দেখি যে শল্যে আজিকার রণে ॥

হারিলে কি গতি হবে, পাব মহারাজ ।

এইমত ভাবি তবে কহে ধর্মরাজ ॥

চক্রবৃহ করি দৌহে মোর বল রাখ ।

নকুল ও সহদেব মম বামে থাক ॥

দক্ষিণেতে ধৃষ্টিদ্যুম্ন-সহিত সাত্যকি ।

ভীমসেন ধনঞ্জয় প্রধান-ধানুকী ॥

বিনাশিব শল্যে আজি মাতুল প্রবল ।

শুনি চারিদিকে রহে হ'য়ে অনুবল ॥

হইল প্রলয় যুদ্ধ ধর্মরাজ-ভাগে ।

শল্যের সহায় দ্রোণি রহিলেন আগে ॥

সহিতে না পারি ভঙ্গ দিল সর্বজনে ।

দক্ষিণে নিবारे ভীম কোঁরব-প্রধানে ॥

কৃপাচার্য্যে নিবारे বীর ধনঞ্জয় ।

এইরূপে মহাযুদ্ধ হইল প্রলয় ॥

যুধিষ্ঠির-শল্য-যুদ্ধ সমান-সন্ধান ।

সর্বান্তে রুধির পড়ে দৌহারি সমান ॥

যুধিষ্ঠিরে কম্পমান দেখি শল্য-রণে ।

চারিদিকে রণে সবে যুদ্ধে সাবধানে ॥

গোবিন্দ সহায় পাছে বলেন ডাকিয়া ।

নাশহ মাতুলে, উপরোধ কি লাগিয়া ॥

কৃষ্ণবাক্যে যুধিষ্ঠির হ'য়ে সাবধান ।

আকর্ণ পুরিয়া বাণ করেন সন্ধান ॥

ধর্মরাজ ধর্মমতি যুদ্ধে ধর্ম রাখে ।

অন্ডায় নাহিক ছুই-রথীর সম্মুখে ॥

অনুক্রমে মহাশর ছাড়ে মহীপতি ।

সেইমত কাটে শল্য অতি-ক্রুদ্ধমতি ॥

কাটেন শল্যের অস্ত্র মারি সাতবাণ ।

রথধ্বজ-সহ ছত্রে হয় খান-খান ॥

লণ্ডতণ্ড দেখি রথ ক্রোধে মত্তপতি ।

হসজ্জ করিয়া রথ আনে শীঘ্রগতি ॥

শল্য বলে, ভাগিনেয়, বুদ্ধে মহাধীর ।

যুদ্ধেতে এমন কেন দেখি যুধিষ্ঠির ॥

আত্মমত বলে দেখি, বুদ্ধি যত ধার ।

এতক্ষণ যুদ্ধ ভূমি অগ্রেতে আমার ॥

যুধিষ্ঠির বলে, মামা, করি উপরোধ ।

সব জানি যুদ্ধশাস্ত্র, শুন মহাযোধ্য ॥

বিধিমত যুদ্ধ আজি তোমার সংহতি ।

তোমারে জিনিলে জয় হইবে সম্প্রতি ॥

কল্পকূলে ধর্মযুদ্ধ বিজয়-ঘোষণা ।

যম-সম শত্রু আর না করি গণনা ॥

মোর ভাগ্য-হেতু তুমি হৈলে রিপুগত ।

কল্পধর্ম রাখিবারে সব হৈল হত ॥

এক্ষণে মাতুল, তব হইবে বিনাশ ।

শমন-ভবনে যাহ হইয়া নিরাশ ॥

অপরাধ না লইবে অস্ত্রের ঘাতনে ।

আশীর্ব্বাদ কর মোরে জীবন-রক্ষণে ॥

শল্য বলে, ধর্ম্মাচারে ভূমি সে প্রধান ।

তোমার বিজয় সত্য, নাহিক এড়ান ॥

পূর্ব্বে তব পক্ষে যেতে ইচ্ছা মোর ছিল ।

পথে পেয়ে দুর্ব্বোধন আমারে বরিল ॥

সে-সব ব্রতাস্ত্র দূত কৈল তব আগে ।

কাজে-কাজে হ'তে হৈল দুর্ব্বোধন-ভাগে ॥

কল্পধর্ম্ম রাখি যদি, নাহি তাহে দোষ ।

সম্বন্ধের উপরোধে দূর কর রোষ ॥

কহিতে কহিতে দৌহে করে বাণরুষ্টি ।

প্রলয়ের মেঘ যেন মজাইতে সৃষ্টি ॥

বরিষে অসংখ্য-বাণ যেন জলধারা ।

খসিয়া পড়য়ে যেন আকাশের তারা ॥

ধর্ম্মরাজ ডাকি তবে বলে যোদ্ধগণে ।

শল্যেরে মারহ বাণ পুরিয়া সন্ধান ॥

ত্রায়যুদ্ধ-বিনা ধর্ম্মে নাহি অশ্রমতি ।
 বাণে অন্ধকার হৈল, তুল্য দিবারাতি ॥
 দুইবীরে মহাযুদ্ধ হয় ষোরতর ।
 দৌহে দৌহা শরে বিকি করে জরজর ॥
 ধর্ম্মমৃত এড়িলেন মহাবজ্র-বাণ ।
 শল্যের ধনুক কাটি করে খান-খান ॥
 আর ধনু ল'য়ে শল্য হৈল আগুসার ।
 হইল প্রলয় যুদ্ধ, বাণে অন্ধকার ॥
 ধনু কাটাকাটি পুনঃ হৈল পরস্পর ।
 পুনঃ ধনু নিল দৌহে, দৌহে সমসর ॥
 দৌহে বাণরষ্টি করে সমর-ভিতর ।
 বাণে বাণ নিবারেন ধর্ম্ম-নৃপবর ॥
 সমান-সন্ধান দৌহে পরম-সন্ধানী ।
 দৌহে দৌহা বিনাশিব, এই মনে জানি ॥
 অসিযুদ্ধ-বাণ শল্য এড়িলেন কোপে ।
 বুকে বাজি ধর্ম্ম রহিলেন মৃতরূপে ॥
 ক্ষণে মুচ্ছা ভিস হ'য়ে উঠে ধর্ম্মাচারী ।
 বাণগুটি ফেলে কাড়ি নিজকরে ধরি ॥

ভীম ধনঞ্জয় আর সাত্যকি প্রভৃতি ।
 বিনাশে কোঁরবসেনা করিয়া দুর্গতি ॥
 যুধিষ্ঠিরে অবসন্ন দেখি ভীমবীর ।
 শল্যের সন্মুখে যুঝে হইয়া স্থগির ॥
 ভীমের কবচ কাটি পাড়ে শল্য বাণে ।
 শল্য-অশ্ব কাটে ভীম করিয়া সন্ধান ॥
 তাহা দেখি শল্যবীর মহাভ্রুক্ৰমণে ।
 পঞ্চবাণ ভীমসেনে মারিল সন্ধান ॥
 শল্য-বাণে ভীমসেন হইল জর্জর ।
 নিবারিতে নাহি পারে পবন-কোঙর ॥
 তাহা দেখি পুনঃ যুধিষ্ঠির মহারাজ ।
 সন্ধান পুরিয়া আসে সময়ের মাঝ ॥

বাণেতে পীড়িত শল্যে দেখি যত্নপতি ।
 ধর্ম্মরাজে ডাকি তবে বলে শীত্ৰগতি ॥
 বিনাশ করহ শল্যে, কেন কর ব্যাজ ।
 যুদ্ধকালে উপরোধ নহে ধর্ম্মরাজ ॥
 মহাভারতের কথা সুধার-আধার ।
 কাশী কহে, শুনি নর যায় ভবপার ॥

৩। শল্য-বধ ।

যুধিষ্ঠির বলিলেন, মাতুল পীড়িত ।
 প্রহারের কাল কৃষ্ণ, নহে ত উচিত ॥
 গোবিন্দ বলেন, রিপু পাই যবে পাশ ।
 কালাকাল নাহি চাহি, করি যে বিনাশ ॥
 যাহার মরণে ভদ্র দেখি মহারাজ ।
 তারে বিনাশিতে দোষ নাহি যুদ্ধমাঝ ॥
 গোবিন্দ-বচনে তবে রাজা যুধিষ্ঠির ।
 ডাকিয়া বলেন, সাবধান মদ্রবীর ॥
 শুনি শল্য ধনুকেতে বাণ ঘোড়ে বেগে ।
 ভীম-আদি বাণ কাটে রহি চারিদিকে ॥
 হুকারে ছাড়েন শক্তি ধর্ম্মের নন্দন ।
 লক্ষণেতে শক্তি যেন এড়িল রাবণ ॥
 গোবিন্দ রহেন তার শক্তিশেল-মুখে ।
 শক্তি-মুখে উঠে অগ্নি বলকে-বলকে ॥
 তাহা দেখি শল্যবীর বাণেতে তৎপর ।
 শক্তি নিবারিতে বাণ এড়িল সত্তর ॥
 শক্তিতে চেকিয়া বাণ খণ্ড-খণ্ড হয় ।
 শল্য বলে, আজি মোর জীবন-সংশয় ॥
 পড়িলেক শক্তি আসি শল্যরাজ-বুকে ।
 শক্তিঘাতে পড়ে শল্য সংগ্রাম-সন্মুখে ॥
 বিষম-প্রহারে প্রাণ ছাড়িল সত্তর ।
 ভূমিতে পড়িল তবে শল্য-নৃপবর ॥

বাহু প্রসারিয়া অধোমুখে শল্যরাজ ।
 ছিন্ন হ'য়ে বক ঘেন পড়ে ক্ষিতিমাঝ ॥
 জীবন ছাড়িল শল্য পাইয়া বেদনা ।
 সমরে পড়িল শল্য কটকে ঘোষণা ॥
 শল্যরাজানুজ আসি শোকেতে মিলিল ।
 ধর্মরাজ-সহ তবে রণ আরম্ভিল ॥
 বাণরুষ্টি করি ধর্মরাজে আচ্ছাদিল ।
 চতুর্দিকে বাণ বর্ষি অন্ধকার কৈল ॥
 দৌহাকার বাণ কাটে দৌহে বলবান্ ।
 বজ্রবাণ এড়ে দৌহে পুরিয়া সন্ধান ॥
 বাণ দেখি মনে-মনে চিন্তিত হইয়া ।
 যুধিষ্ঠির বাণ এড়িলেন বিশেষিয়া ॥
 নির্ভরে পড়িল গিয়া তাহার শরীরে ।
 শল্যের অনুজ বীর পড়ে ভূমি-পরে ॥
 ধর্মরাজ-সহ যুদ্ধে মদ্ররাজ মৈল ।
 সংগ্রামের স্থানে বহু কোলাহল হৈল ॥
 সমরে পড়িল শল্য, হৈল কলরব ।
 কৌবব-বাহিনী ভঙ্গ, সানন্দ পাণ্ডব ॥
 পাণ্ডবদলেতে সবে করে সিংহনাদ ।
 শুনি কুরুবলে হৈল বড়ই বিষাদ ॥
 মহাভারতের কথা সুধার-ভাণ্ডার ।
 কাশী কহে, শুনি পাপী যায় ভবপার ॥

৪ । উভয়-দলে পবম্পর যুদ্ধ ।

শল্য যদি পড়ে রণে, ভঙ্গ দিল কুরুগণে,
 বিমুখ হইয়া রণমাঝ ।
 বিজয়-দ্রুমুভি বাজে, আনন্দিত ধর্মরাজে,
 দেখি কোণে কোণে কুরুরাজ ॥
 ২৪ বি

রণে নাহি কর ক্রমা, ক্রপ আর কুরুমায়া,
 কৃতবর্মা কর গিয়া রণ ।
 শুনিয়া যতেক রথী, বেড়িল পাণ্ডবপতি,
 আগুলিয়া রাখে যোদ্ধগণ ॥
 কৃতবর্মা মহাবীর, রণে পেয়ে যুধিষ্ঠির,
 ছিন্ন-ভিন্ন করে বাণাঘাতে ।
 তবে যুধিষ্ঠির রণে, সন্ধান পুরিয়া হান্ধে,
 তার রথ কাটেন স্থরিতে ॥
 অশ্ব ল'য়ে কৃতবর্মা, যুঝয়ে সহিত ধর্ম,
 বাণে বাণ কাটে ধর্মরাজ ।
 দেখিয়া সমর দুর্গ, আসিল অমরবর্গ,
 ধন্য-ধন্য করি সভামাঝ ॥
 গুরুপুত্র অশ্বখামা, ক্রপ আর কৃতবর্মা,
 সকলে বেড়িল যুধিষ্ঠির ।
 তাহা দেখি ভীম রোষে, আসিল ধর্মের পাশে,
 মহাদস্তে বাণ এড়ে বীর ॥
 দেখিয়া ভীমের বাণ, অশ্বখামা ক্রোধবান্,
 বাণে বাণ কাটি করে ক্রয় ।
 তাহা দেখি ব্রহ্মদত্ত, ক্রোধে ঘেন বৈশ্বানর,
 বাণ ছাড়ে বেগে অতিশয় ॥
 অশ্ব-অশ্ব বীরগণ, করিল প্রলয়-রণ,
 ঘেন রুষ্টি বর্ষে বিপরীত ।
 দেখি বড় বিসংবাদ, দুই-দলে পরমাদ,
 সকলে হইল চমকিত ॥
 অশ্বখামা মহাবীর, গভীর সংগ্রামে বীর,
 বাণ এড়ে রাজার উপর ॥
 তাহা দেখি ভীমসেন, ক্রোধে হৈল স্নান-স্নান,
 বাণে রণ কাটেন সফল ॥

মধ্যাহ্ন-কালের বেলা, সৈন্য বিনাশিতে গেলা,
 দুইদলে নাহি ছাড়ে রণ ।
 সঞ্জয় বলেন বাণী, শুন শুন নৃপমণি,
 সব নষ্ট, তুমি সে কারণ ॥
 শল্য হৈল রণে হত, সত্বর লইয়া রথ,
 কৌরবপ্রধান আগুয়ান ।
 চড়িয়া কুঞ্জরোপর, শোভে যেন পুরন্দর,
 রূপ-আদি চলে পাছুয়ান ॥
 যুধিষ্ঠিরে বেড়ে আসি, বাণরূপি অহর্নিশি,
 অন্ধকারে কিছু নাহি দেখি ।
 শকুনি হইল আগু, রহ-রহ ডাকে লঘু,
 আশ্বাসিয়া যোদ্ধগণে রাখি ॥
 কেহ নাহি শুনে বোল, সবে হৈল উতরোল,
 আসি কহে রাজার নিকটে ।
 ভাঙ্গে সেনা প্রাণভয়, নিবারণ নাহি হয়,
 কি করিব বিষম-সঙ্কটে ॥
 শুনিয়া ত কুরুপতি, কহেন সঞ্জয়-প্রতি,
 কোন্ কন্ম কৈল দুর্ব্যোধন ।
 সঞ্জয় কহেন বাণী, অবধান নৃপমণি,
 পুনরুৎক নহে নিবারণ ॥
 মহাভারতের কথা, বিচিত্রে ভারত-গাথা,
 সর্ব-দুঃখ ভ্রমে বিনাশ ।
 কমলাকান্তের হত, হৃজনের প্রীতিযুত,
 বিরচিল কাশীরাম দাস ॥

— — —

৫। শকুনি-দুর্ব্যোধন-সংবাদ ।

মাতুল-রচন শুনি দুর্ব্যোধন রাজা ।
 সেনাভঙ্গ দেখি রণে ধায় মহাতেজা ॥
 মহাবক্র করি সৈন্যে করিল আশ্বাস ।
 কি করিলে যাক সব সৈন্যের তুরাস ॥

মাতুল, বুঝাও ভূমি যত সেনাগণে ।
 ত্যাগ করি যায় কেন অসমাপ্ত-রণে ॥
 সমর করহ সবে, ভয় কিবা তায় ।
 সংগ্রামে মরিলে বীর শীঘ্র স্বর্গে যায় ॥
 জন্মিলে মরণ আছে, এড়াবার নয় ।
 রণে ভঙ্গ দিয়া কেন হও নিন্দাত্রয় ॥
 পলাইয়া প্রাণ রাখ লজ্জা-ভয় ছেড়ে ।
 স্থির হ'য়ে যুদ্ধ কর, যাহে যশ বাড়ে ॥
 সাহস করিয়া সবে যুদ্ধ কর সার ।
 মরণে লভিবে যশ, পাপে হবে পার ॥
 আপনি যুঝিয়া আজি মারিব পাণ্ডবে ।
 দেখিবে কোতুক পরে দাঁড়াইয়া সবে ॥
 আশ্বাস পাইয়া সেনা হইল প্রবল ।
 কালপ্রাপ্ত যত্ন আসি হইল নিশ্চল ॥
 শুনিয়া শকুনি বলে, শুন কুরুরাজ ।
 ভদ্রে না দেখি যে আমি, ছাড় যুদ্ধ-কাজ ॥
 আরম্ভ হইতে হৈল রণ যতদিন ।
 দিন-দিন সেনাগণ হইতেছে ক্ষীণ ॥
 একাদশ অর্কোহিণী বাহিনী গণিত ।
 অধিক হইবে কত, না হয় লিখিত ॥
 সকলি বিনষ্ট হৈল, অল্পমাত্র শেষ ।
 দেখিয়া না দেখ রাজা, না বুঝ বিশেষ ॥
 অসাধ্য প্রয়াসে তাত নাহি প্রয়োজন ।
 অতঃপর যুদ্ধে ক্রমা দেহ দুর্ব্যোধন ॥
 দৈববলে কুন্তীপুত্র হইল বলিষ্ঠ ।
 গোবিন্দ যাহার সখা, সবাকার ইষ্ট ॥
 পাণ্ডবের তেজ দেখি সেনারা আকুল ।
 দিনে-দিনে দেখ সেনা হইল নিশ্চুল ॥
 নিশ্চল আরম্ভ, লব্ধ আর নাহি সাজে ।
 অর্থাভাব-বাক্য নষ্ট হৈল এই কাজে ॥

দেখি ক্রমা দেহ এবে, ওহে কুরুরাজ ।
 শেষরক্ষা করি থাক, যুদ্ধে নাহি কাজ ॥
 কর্ণ-আদি করি দর্প কি করিল তব ।
 আগু-পাছু না গণিয়া নষ্ট কৈল সব ॥
 পাণ্ডবের মূল হরি সাত্যকি পাঞ্চাল ।
 কি-কর্ম সাধিলে তুমি হইয়া বিশাল ॥
 কত যত্ন কৈল গুরু, আর ভীষ্ম কত ।
 কি সাধিল তব কার্য্য, সব হৈল হত ॥
 বৃথা অভিলাষ কর, চেষ্টা বিধিমত ।
 কিছূ না হইল কার্য্য, কাল বিপরীত ॥
 কৃষ্ণ-আদি করি সবে করিল বারণ ।
 তাহা না শুনিলে, বিধি ঘটাল এমন ॥
 ভয়ে যারা পলাইয়া গেল নানা-স্থান ।
 এবে সে পাণ্ডব হৈল সবার প্রধান ॥
 বিধির নির্বন্ধ কছু না যায় খণ্ডন ।
 অতঃপর ক্রমা দেহ, নাহি কর রণ ॥
 ইন্দ্র-দেবরাজ-রিপু বলি মহাশয় ।
 কৃষ্ণ তারে কালক্রমে করিলেন ক্ষয় ॥
 তুমি যদি অনুমতি দেহ এইক্ষণ ।
 আসিয়া ভজিবে পঞ্চ পাণ্ডুর নন্দন ॥
 যে হইল, সে হইল, করহ বিচার ।
 আপনা রাখহ শেষ, না কর সংহার ॥
 মাতুল-বচন শুনি কহে কুরুরায় ।
 রবিন্দ্র মাতুল, তুমি পাইয়াছ ভয় ॥
 এই যুদ্ধে মৃত্যু যদি না হয় তোমার ।
 তবে বুঝি, কদাচিৎ মৃত্যু নাহি আর ॥
 মরণের হেতু ভয় কিসের কারণ ।
 কালপ্রাপ্তে নিজবুদ্ধি হারায় হুজন ॥
 ভাবিয়া দেখহ মনে, কিসের শোচন ।
 সংগ্রামে দেখাও তুমি নিজ-পরাক্রম ॥

যত্নপি নিশ্চিত থাকে এ-যুদ্ধে মরণ ।
 কিমতে বাঁচিবে তবে, গান্ধার-নন্দন ॥
 নীতি-অনুগামী হও, ছাড় মৃত্যুভয় ।
 সমর করিব, যেনা ভাগ্যে মোর রয় ॥
 এতেক বলিল রাজা মাতুলের প্রতি ।
 শুনিয়া রহিল মোনে গান্ধার-সন্ততি ॥
 অনন্তর কহে রাজা সারথির প্রতি ।
 রথ সাজি আন, যুদ্ধে যাব শীত্রগতি ॥
 শুনিয়া রাজার বাক্য সারথি সত্ত্বর ।
 রথ সাজি আনে শীত্র রাজার গোচর ॥
 আজ্ঞামাত্র হ্রসজ্জিত করে রথখান ।
 মণিময় রথখান দিচিত্র-নিশ্চাণ ॥
 রথে আরোহিল রাজা সংগ্রামের বেশে ।
 শকুনি জানিল, মৃত্যু হইল বিশেষে ॥
 মহাভারতের কথা অমৃত-সমান ।
 কালীরাম দাস কহে, শুনে পুণ্যবান ॥

৬। শকুনি-বধেব উপক্রমে নানা-যুদ্ধ ।

সেনাগণে আশ্বাসিয়া কহে দুর্ঘোষধন ।
 আগু হ'য়ে যুদ্ধ, শত্রু করিব নিধন ॥
 জয়-পরাজয়-মৃত্যু দৈবের ঘটন ।
 যথা ধর্ম্ম, তথা জয়, বেদের বচন ॥
 এত বলি কুরুপতি রথ-আরোহণে ।
 রণেতে ভেটিল আসি ভীমসেন-সনে ॥
 দুই-মস্তহস্তী যেন করিছে গর্জন ।
 দুই-সিংহে মিলি যেন করে মহারণ ॥
 ভীম ডাকি বলে, এস কুরু-কুলাধম ।
 করিলে সকল নাশ করি পরাক্রম ॥
 এবে বল-বুদ্ধি তব কর্ণ গেল কোথা ।
 দুঃশাসন দুর্দ্রাচার মৈল দুইভ্রাতা ॥

দেখিয়া না দেখ চক্ষু তুমি অন্ধমতি ।
 কুলান্তক করি তোমা সৃজিয়াছে বিধি ॥
 রণে ক্ষমা দিয়া ভজ ধর্মের নন্দনে ।
 জীবনের আশা যদি কর মনে-মনে ॥
 নতুবা চলহ, যথা ভীষ্ম কর্ণ দ্রোণ ।
 দুই-পথ কহিলাম, যাহা চাহে মন ॥

দুর্যোধন বলে, ভীম, সহ-পরিবারে ।
 শমন-সদনে আজি পাঠাইব তোরে ॥
 বারে-বারে অপমান কৈলে নানামতে ।
 এখন পুরিল কাল, যাহ যমপথে ॥
 দ্রোণদীর অপমান ভুলিলে কেমনে ।
 কিরাত-সমান হ'য়ে ভ্রমিলে কাননে ॥

শুনি ভীম বলে, শক্তি জেনেছি তখন ।
 গন্ধর্ব্বের বান্ধিয়া তোরে লইল যখন ॥
 নিজ-বল-পরাক্রম কি জানাব তোমা ।
 ভজ ধর্ম্মরাজে, তিনি করিবেন ক্ষমা ॥
 আপনা রাখহ, রাখ অন্ধ-পিতা-মাতা ।
 হিতবাক্য কহিলাম, না কর অত্যাধা ॥
 শুনি দুর্যোধন ক্রোধে কহে কটুভাষ ।
 সমরে পাণ্ডবে আজি করিব বিনাশ ॥

ষোরতর মহাযুদ্ধ বাধে হেনকালে ।
 প্রলয়কালেতে যেন সমুদ্রে উথলে ॥
 বাণবৃষ্টি করি সৈন্যে করিল অস্থির ।
 আঘাত-শ্রাবণে যেন বরিষয়ে নীর ॥
 ভীমের নারাচ বাজে দুর্যোধন-বুকে ।
 ব্যাকুল-সারথি রথ ফিরাই বিমুখে ॥
 গদাহাতে ভীমসেন ধরি শত্রুগতি ।
 কণমাত্রে সংহারিল যত যোদ্ধাপতি ॥
 আখালি-পাখালি বীর মারে গদাবাড়ী ।
 সহস্র-সহস্র রথ কৈলে চূর্ণ করি ॥

গদাহাতে ধায় বীর সমরে প্রচণ্ড ।
 বজ্রহস্তে-ইন্দ্র যেন কাল হস্তে দণ্ড ॥
 সম্মুখ-বিমুখ নাহি মারে খেদাড়িয়ে ।
 পলায় সকল-সৈন্য রণে ব্যস্ত হ'য়ে ॥
 দূরে থাকি ধায় সবে পাইয়া তরাস ।
 পাছু-পাছু ধায় বীর করিয়া বিনাশ ॥
 যত যুদ্ধ করে বীর, তত বল বাড়ে ।
 তাহা দেখি কুরুসৈন্য ধায় উত্তরড়ে ॥
 একা ভীম সংহারিল সহস্র পদাতি ।
 তুরঙ্গ সহস্র-পঞ্চ, সহস্রেক হাতী ॥

সংবিৎ পাঠিয়া তবে রাজা দুর্যোধন ।
 আশ্বাসিয়া বলে, ভয় নাহি যোদ্ধগণ ॥
 অর্জুন-সহিত যুদ্ধে ধায় সেনাগণ ।
 কুঞ্জরে চড়িয়া আসে রাজা দুর্যোধন ॥
 দুইজনে মহাযুদ্ধ বাণ-বরিষণ ।
 আকাশে প্রশংসা করে যত দেবগণ ॥

কৌরবের যোদ্ধাপতি শাশ্ব-নৃপবর ।
 হস্তীতে চড়িয়া আসে সংগ্রাম-ভিতর ॥
 হস্তীর বিনাশে বাণ পাঞ্চাল এড়িল ।
 বিষম-প্রহারে হস্তী ভূমিতে পড়িল ॥
 ক্রোধে শাশ্ব লাফ দিয়া ভূমিতে নামিল ।
 দেখিয়া সাত্যকি তবে অগ্রগামী হৈল ॥
 কাটিল শাশ্বের ধনু করি খণ্ড-খণ্ড ।
 তাহা দেখি কৃতবর্মা হইল প্রচণ্ড ॥
 দুইজনে বাণ মারি করে অন্ধকার ।
 মহাপ্রলয়েতে যেন সৃষ্টির সংহার ॥
 সাত্যকি এড়িল বাণ কৃতবর্মা-বীরে ।
 সেই বাণ বাজে তার বক্ষের উপরে ॥
 বাণে-বাণে আচ্ছাদিল কৃতবর্মা-বীরে ।
 রথ ফিরাইল তবে সারথি সমরে- ৪০

পুনঃ শাস্ত্র-সাত্যাকিতে বাধিল সময় ।
 দৌঁহে দৌঁহা বাণে বিদ্ধি করে জরজর ॥
 সাত্যাকির বাণে শাস্ত্র ভাজিল জীবন ।
 তাহা দেখি কৃতবৰ্ম্মা আসিল তখন ॥
 শাস্ত্রবীরে নিপাতিত দেখি মহাবীর ।
 কৃতবৰ্ম্মা আসে রণে হইয়া স্থস্থির ॥
 পুনরপি কৃতবৰ্ম্মা-সাত্যাকিতে রণ ।
 দৌঁহাকার সংগ্রামের কি দিব তুলন ॥
 উভয়ে হইল রণ, নাহি পাঠাস্তর ।
 সঙ্কটে পড়িল কৃতবৰ্ম্মা ধনুর্ধর ॥
 ধ্বজচ্ছত্র কাটা গেল দেখি বিপরীত ।
 অশ্ব কাটা গেল, রথ গমন-রহিত ॥
 ভূমে নামে কৃতবৰ্ম্মা হইয়া বিরথী ।
 দেখি রূপ নিজরথে তোলে শীঘ্রগতি ॥

পুনরপি হুর্যোধন যুঝে ক্রোধমনে ।
 ধনু ধরি করে রণ পাণ্ডবের সনে ॥
 চতুর্দিকে ভঙ্গ দিল পাণ্ডব-বাহিনী ।
 যুধিষ্ঠির-সহ রণে আসিল শকুনি ॥
 মুহূর্ত্তেকে মহাযুদ্ধ বাধে ঘোরতর ।
 দৌঁহাকার বাণে দৌঁহে হইল জর্জর ॥
 ধর্ম্মের সারথি রথ কাটিল শকুনি ।
 পেয়ে লাজ ধর্ম্মরাজ নামিল ধরণী ॥

তেনকালে সহদেব স্তব্রিতে আসিয়া ।
 আপনার রথে ধর্ম্মে নিলেন তুলিয়া ॥
 পুনঃ দিব্যরথ আনি যোগায় সারথি ।
 ধনু ধরি উঠে তাহে ধর্ম্ম-নরপতি ॥
 সসজ্জ হইয়া রাজা রহিয়া তথায় ।
 শকুনি বধিতে আজ্ঞা দিলেন স্তব্রায় ॥
 সাবধানে চতুর্দিকে রক্ষা সেবাগণ ।
 শকুনিরো মারি কর বর্ষণ অশ্বপতি ॥

সামন্ত সহস্র-পক্ষ, সহস্র তুরঙ্গ ।
 সপ্তশত মত্তকরী চলে তার সঙ্গ ॥
 পদাতি সহস্র-ত্রিশ চলিল প্রধান ।
 এ-সবার কর্তা সহদেব আগুয়ান ॥
 জানিয়া সমরে ধায় গান্ধার-নন্দন ।
 অনুবল পাছে থাকি দেয় হুর্যোধন ॥
 যুধিষ্ঠির অশ্ব-রথ আছয়ে বিভাগ ।
 পদাতি পঞ্চাশ-কোটি, সহস্রেক নাগ ॥
 সকল যোদ্ধার মাথে শকুনি প্রধান ।
 দুইদলে মিশামিশি বাধিল সংগ্রাম ॥
 প্রতিজ্ঞা আছয়ে পূর্বের শকুনি-বিনাশে ।
 সেইহেতু সহদেব অধিক আক্রোশে ॥
 সহদেব-শকুনিতে হৈল মিশামিশি ।
 বাণে অন্ধকার, নাহি জানি দিবানিশি ॥
 অবিশ্রাম রণ করে বীর দুইজন ।
 বাণরুপ্তি করে দৌঁহে করিয়া গর্জ্জন ॥
 রথে-রথে, গজে-গজে, তুরঙ্গে তুরঙ্গ ।
 বাধিল তুমুল যুদ্ধ, নাহি যোদ্ধভঙ্গ ॥
 কেশকেশী মুখামুখা ভুজে যায় তাড়ি ।
 চরণে চরণ ছাঁদি যায় গড়াগড়ি ॥
 হেনমতে যোদ্ধগণ করে মহারণ ।
 মার-মার শব্দ করি করয়ে গর্জ্জন ॥
 বাণে অন্ধকার হৈল সংগ্রামের স্থলী ।
 রথি-রথী মহাযুদ্ধ, সবে মহাবলী ॥
 শোণিতের নদী বহে অতি-ভয়ঙ্কর ।
 হস্তী ঘোড়া ভাসি চলে সংগ্রাম-ভিতর ॥
 শ্বান-শিরা-কলরব, পিশাচের ঘটা ।
 নানাবর্ণ পক্ষী উড়ে, যেন মেঘচ্ছটা ॥
 বিঘ্ন-সমন্বয়ে বহু পড়িল বাহিনী ।
 সপ্তশত-অশ্ব শেষ রহিল শকুনি ॥

রাজার আজ্ঞায় যুঝে পরম-সাহসে ।
 পাণ্ডব-বাহিনী ভঙ্গ দিল চারি-পাশে ॥
 সাহসে শকুনি যুঝে ধরিয়া ধনুক ।
 বাণেতে পাণ্ডবসেনা নাহি বাঞ্জে বুক ॥
 হস্ত-পদ-বক্ষ কারো করে খণ্ড-খণ্ড ।
 কুণ্ডল-সহিত কারো কাটি পাড়ে মুণ্ড ॥
 সমরে শকুনি বহু-সেনা বিনাশিল ।
 তাহা দেখি সহদেব সত্বরে ধাইল ॥
 বাহিনী-দুর্গতি দেখি কৃষ্ণ মহাশয় ।
 ডাকিয়া বলেন, কেন সেনাভঙ্গ হয় ॥
 ভীষ্ম-দ্রোণ-কর্ণ-আদি সমুদ্রে তরিয়া ।
 শকুনি-গোপ্পদে কেন মজিলে আসিয়া ॥
 মারহ ছুট্টেরে আজি অনর্থের মূল ।
 তার দোষে ক্রুদ্ধকুল হইল নির্মূল ॥
 শুনি পার্থ ধায় ক্রোধে গাণ্ডীব ধরিয়া ।
 ক্ষুদ্রে মুগে ধায় যেন সিংহ খেদাড়িয়া ॥
 মহাভারতের কথা অমৃত-লহরী ।
 কাশীরাম কহে, সাধু, শুন কর্ণ ভরি ॥

৭। শকুনি-বধ ।

গাণ্ডীব ধরিয়া পার্থ যুঝেন তখন ।
 ছিন্নভিন্ন করিলেন কুরু-সেনাগণ ॥
 কেহ ডাকে মাতা-পিতা, কেহ চাহে জল ।
 সাহসে শকুনি যুঝে, বাহিনী বিকল ॥
 ধৃষ্টদ্যুম্ন-সহ যুঝে রাজা দুর্যোধন ।
 মহাঘোর যুদ্ধ হয় ঘোর-দরশন ॥
 বাণে কাটি পাড়ে বাণ রাজা দুর্যোধন ।
 সৈন্যের উপরে করে বাণ-বরিষণ ॥

সন্ধান পুরিয়া আসে ধৃষ্টদ্যুম্ন-বীর ।
 অর্জুনের বাণে কাটে সারথির শির ॥
 পঞ্চবাণে ধনু কাটে ধ্বজচ্ছত্র আর ।
 বাণে খণ্ড-খণ্ড রথ করিল রাজার ॥
 সহিতে না পারি ভঙ্গ দিল দুর্যোধন ।
 লাফ দিয়া সৈন্যমধ্যে পাড়িল তখন ॥
 ভঙ্গ দিয়া অশ্বে চড়ি রাজা মহামতি ।
 পাছু নাহি ফিরি চাহে, ধায় শীঘ্রগতি ॥
 অপমান পেয়ে ধায় রাজা দুর্যোধন ।
 শকুনির কাছে আসি দিল দরশন ॥
 তবে রাজা, কৃতবর্মা মহাবলবান্ ।
 ভীমসেন-সহ যুঝে হ'য়ে সাবধান ॥
 ক্রণেক রহিয়া তবে ভীম মহাবীর ।
 বাণেতে বিদ্ধিল যোদ্ধগণের শরীর ॥
 বাণে বাণ কাটে কৃতবর্মা ক্রুদ্ধমন ।
 মহাকোপে আসে বীর পবন-নন্দন ॥
 যুদ্ধ করে কৃতবর্মা করিয়া বিক্রম ।
 সমরে প্রচণ্ড দৌড়ে, নাহি পরিশ্রম ॥
 দুইজনে মহাযুদ্ধ করে বারবার ।
 তাহা দেখি যোদ্ধগণ হৈল আগুসার ॥
 ভীমসেন করে যুদ্ধ অশেষ বিশেষ ।
 নির্মূল হইল সেনা, অল্প অবশেষ ॥
 পদ্মাবন ভাঙ্গে যেন মদমত্ত-হাতী ।
 কানন কাটিয়া যেন মুক্ত কৈল ক্রিতি ॥
 একা ভীম সর্বসৈন্যে করিল বিনাশ ।
 দেখিয়া কোরবসৈন্য পাইল তরাস ॥
 সন্ধ্যা বলেন, রাজা, শুন নিবেদন ।
 অশ্ব-আরোহণে রণে আসে দুর্যোধন ॥
 কুরুগণি যোদ্ধা আজ্ঞেতাহার সংহতি ।
 দেখিয়া কুরুগণ পার্থ যোদ্ধগণের প্রতি ॥

হের দেখ, লজ্জাহীন দুষ্ট দুর্ঘোষণ ।
তবু ক্ষমা নাহি মনে বিনাশ-কারণ ॥
গোবিন্দ বলেন, শুন পার্থ ধনুর্ধর ।
আগু হ'য়ে মার শীত্র পাপী কুরুবর ॥
অর্জুন, দেখহ সেনা প্রায় ভঙ্গীয়ান ।
ক্ষণেক করহ যুদ্ধ হ'য়ে সাবধান ॥

সঞ্জয় বলিল, রাজা, কি কব বিশেষ ।
সকলি হইল নষ্ট কিছুমাত্র শেষ ॥
অবশিষ্ট আছে তব দুইশত রথ ।
ত্রিসহস্র পদাতিক, অশ্ব পঞ্চশত ॥
কৌরব-বাহিনী রাজা, এইমাত্র শেষ ।
জানিয়া অর্জুন-প্রতি কন হৃষীকেশ ॥
মহাধনুর্ধর পার্থ রণে অনিবার ।
তোমা হৈতে শত্রু-সব হইল সংহার ॥
তব ভুজবলে ধর্ম্য রাজ্য-অধিকারী ।
রহিল তোমার যশ ত্রিভুবন ভরি ॥
আজি যুধিষ্ঠিরোপরি দিব রাজ্যভার ।
আজি হৈল কুরুকুল সমূলে সংহার ॥

অর্জুন বলিল, প্রভু, প্রসাদে তোমার ।
সমরে বিজয়ী হৈনু, বিখ্যাত সংসার ॥
কহিতে-কহিতে যুদ্ধস্থলে ধনঞ্জয় ।
বাণে-বাণে করিলেন অন্ধকারময় ॥
মহাপরাক্রম পার্থ, যেন ধনুর্বেদ ।
পঞ্চ-বাণে হুশর্ম্মার করে শিরশ্ছেদ ॥
তাহার তনয় কোপে রণে প্রবেশিল ।
পার্শ্বের নারাচ-বাণে সেহ কাটা গেল ॥
তবে ক্রোধে বীরবর ছাড়ে সিংহনাদ ।
যুদ্ধে সমরে বীর নাহিক বিবাহ ॥
দকসেন-বীর গেল সমস্তের যুখে ।
তাহারে বধিল ভীম পরম-কৌতুকে ॥

তাহার অনুজ ছিল সমরে দুর্জয় ।
তাহারে মারিল বীর পবন-তনয় ॥
শকুনি-সহিত যুখে সহদেব-বীর ।
দৌহাকার বাণে দৌহে জর্জর-শরীর ॥
সহদেব বর্ষে বাণ বারিধারা-প্রায় ।
বাণেতে জর্জর কৈল শকুনির কায় ॥
বাণাঘাতে শকুনি সে হারায় চেতনা ।
সিংহনাদ করে বীর পড়য়ে ঝঞ্ঝনা ॥
ভয়ে ভীত ভঙ্গায়ান দৌখি কুরুবলে ।
দুর্ঘোষণ আশ্বাসিয়া রাখিল সকলে ॥
সংবিলে পাইয়া পুনঃ শকুনি আইসে ।
দেখি সহদেব রোষে বিশিখ বরিষে ॥
শকুনির ধনু কাটি ফেলে অবহেলে ।
অগ্রধনু ল'য়ে যুদ্ধ করে সেহ বলে ॥

উলু শকুনি-পুত্র অতি বলধর ।
পিতার সাহায্য-হেতু আসিল সশর ॥
ভীমের সহিত যুদ্ধ করে অনিবার ।
ক্ষুরবাণে ভীম তারে করিল সংহার ॥
পুত্রশোকে যুখে বীর মরণ ভাবিয়া ।
নির্ভয়ে ধনুকে বাণ সন্ধান পুরিয়া ॥
বাণে আচ্ছাদিত কৈল মাদ্রীর নন্দনে ।
ঝরিল রুধির অঙ্গে, ভয় নাহি মনে ॥
মাদ্রীপুত্র মহাবীর মহাকোপভরে ।
বাণে শকুনির তনু খণ্ড-খণ্ড করে ॥
কোপে শক্তি লয় তুলি গান্ধার-কুমার ।
নিষ্কেপ করিল তারে করিতে সংহার ॥
দৃষ্টিমাত্র শক্তি কাটে সহদেব-বীর ।
শক্তি ব্যর্থ গেল দেখি শকুনি অস্থির ॥
ভিন্দিপাল শক্তি ভল্ল পরশু তোমর ।
শেল শূল জাঠি-জাঠা মুঘল মুদগর ॥

সন্ধান পুরিয়া কত শকুনি মারিল ।
 মাদ্রীহুত সহদেব সকলি কাটিল ॥
 কাটিল সারথি-রথ করি লণ্ড-ভণ্ড ।
 তীক্ষ্ণবাণে কাটি পাড়ে তুরঙ্গের মুণ্ড ॥
 বিরথ হইয়া বীর রহিল দাঁড়িয়ে ।
 পরাক্রম গেল সব আতঙ্ক পাইয়ে ॥
 রথ হৈতে লাফ দিয়া পাড়ে ভূমিতলে ।
 সংগ্রামে বিমুখ হ'য়ে পৃষ্ঠ দিয়া চলে ॥
 প্রাণভয়ে ধাইল, নাহিক বুদ্ধি-বল ।
 করতালি দিয়া পাছু খেদাড়ে সকল ॥
 ধিক্-ধিক্, ক্রন্দ হ'য়ে ভঙ্গ কি-কারণ ।
 ইহার অধিক ভাল সংগ্রামে মরণ ॥
 অবলার প্রায় ঘাস ছাড়ি বীরপনা ।
 মরণ এড়াবি, হেন না কর ভাবনা ॥
 অপমান-বাক্য শুনি পুনঃ নেউটিল ।
 মরণ ভাবিয়া রণে আসিয়া পশিল ॥
 রণভূমে প'ড়েছিল যত অস্ত্র তাই ।
 প্রাণপণে করে যুদ্ধ লইয়া সবাই ॥
 যত অস্ত্র কেলি মারে কাটে মহাবীর ।
 অবসন্ন হ'য়ে পড়ে গাঙ্গার স্থবীর ॥
 ক্রুদ্ধ হ'য়ে মাদ্রীপুত্র চূলে ধরি আনে ।
 শকুনি দুঃখের মূল, সর্বলোকে জানে ॥
 পশুর সমান করি শকুনিরে টানে ।
 কম্পমান কলেবর, আছে অচেতনে ॥

সহদেব বলে, তুমি দুক্তের প্রধান ।
 এইহেতু তোমা-প্রতি নহি ক্ষমাবান ॥
 পাশায় যতক দুঃখ দিলে দুষ্কর্মতি ।
 উপহাস করিলে যে রাজার সংহতি ॥
 ভূপাল তাহার দুঃখ আজিকার-দশ ।
 যে-হাতে ধরিলে পাশা কপট-বিধানে ॥

সেই হাত অগ্রে কাটি, অন্য তার পরে ।
 আজি রণে নরাদম, শিখাইব তোরে ॥
 শকুনি কহিল, মোরে মার দিব্যবাণ ।

বধ কর, কিন্তু নাহি কর অপমান ॥
 বিধির নির্বন্ধ কভু থণ্ডন না যায় ।
 কাটি পাড় মুণ্ড, যদি ক্ষমা নাহি হয় ॥

এত শুনি দর্প করি সহদেব-বীর ।
 পূর্ব-দুঃখ মনে করি হইল অস্থির ॥
 অঙ্গুলি পর্য্যন্ত কাটি পাড়ে বাহুমূল ।
 গুরিল প্রতিজ্ঞা আজি, শুন হে মাতুল ॥
 কাতর শকুনি-বীর করে ছটকটি ।
 ক্রোধে সহদেব-বীর ফেলে মুণ্ড কাটি ॥
 কৰ্ম্ম-অমুরূপ ফল বলে সর্বলোকে ।
 বিধির বিহিত ফল পাইল প্রত্যেকে ॥
 সময় হইলে কৰ্ম্ম অবশ্য যে ফলে ।
 ধর্ম্মাধর্ম্ম-ফল সবে ভুঞ্জে এতকালে ॥

শকুনি পড়িল রণে, হৈল সিংহনাদ ।
 কুরুসৈন্য ভঙ্গ দিল গগিয়া প্রমাদ ॥
 পলাইতে নারে কেহ সহদেব-চোখে ।
 প্রাণের সহিত মারে, যারে আগে দেখে ॥
 সৈন্যগণ ভঙ্গ দিল, যেবা ছিল শেষ ।
 একা দুর্ব্যোধন মাত্র আছে অবশেষ ॥
 একাদশ অর্কোহিণী সেনাগণ নাশি ।
 শোকে নৃপতির মুখে নাহি আর হাসি ॥
 হইল পৃথিবী শূন্য, জানি মহামতি ।
 অশ্ব ছাড়ি ভূমিতলে করিলেন গতি ॥

ধৃতরাষ্ট্র বলে, কহ সঞ্জয়, বিশেষ ।
 পাণ্ডবের সৈন্য কৃষ্ণ আজ্ঞা অবশেষ ॥
 সঞ্জয় বলেন, শুন কৃষ্ণবংশপতি ।
 আছে যে পাণ্ডব-দল রিসহস্র রথীঃ ॥

তুৰঙ্গ অযুত-শত, সহস্র মাতঙ্গ ।
লক্ষ-পদাতিক আছে পাণ্ডবের সঙ্গ ॥
কৌরবের সৈন্যসব বিনষ্ট হইল ।
কহিব যে কয় বীর এখন রহিল ॥
কৃপ অশ্বখামা কৃতবৰ্ম্মা দুৰ্য্যোধন ।
শুনে নৃপতি, শেষ এই চারিজন ॥
মহাভারতের কথা অযুত-সমান ।
কাশীৰাম দাস কহে, শুনে পুণ্যবান্ ॥

৮। দুৰ্য্যোধনের বৈপারন হুদে প্রবেশ ।

সঞ্জয় বলেন, রাজা, কর অবগতি ।
আপন-সমর-শেষ দেখি মহীপতি ॥
কুরুবলে সিংহ যেন ছিল মহারাজ ।
দাবানল দহে যেন শুক্লবন-মাঝ ॥
অগস্ত্য শুবিল যথা মহোদধিজল ।
পাণ্ডব নাশিল তথা কৌরবের বল ॥
অমাত্য-বান্ধব যত সব হৈল হত ।
সমর-সমাজে অশুকুল ছিল যত ॥
শোকে লাজে অভিমানে না দেখি উপাঘ ।
শূন্য হৈল বহুমতী জানিয়া নিশ্চয় ॥
জয়-পরাজয়-কৰ্ম্ম বিধির ঘটন ।
আপনার শক্য নহে, কৰ্ম্ম-নিবন্ধন ॥

এত ভাবি দুৰ্য্যোধন চলিল সত্বর ।
হাতে গদা ধায়, যেন মস্ত করিধর ॥
সর্বশূন্য অবশেষে দেখিয়া বিমন ।
দ্বিতীয় বান্ধব নাহি সঙ্গে একজন ॥
চিন্তায়ুক্ত দুৰ্য্যোধন করিল গমন ।
কেহ না দেখিল কোথা গেল দুৰ্য্যোধন ॥

২৬ বি

দৈবাৎ সঞ্জয় রণে আসিয়া মিলিল ।
দেখি ধূমুহ্যন্ন সাত্যকিরে আদেশিল ॥
দেখহ কৌরবপক্ষে আসিল সঞ্জয় ।
রাখিয়া কি কার্য্য এরে, শীঘ্র কর ক্ষয় ॥
শুনিয়া সাত্যকি তবে খড়্গা নিল করে ।
বিনাশিতে সঞ্জয়ে ধাইল ক্রোধভরে ॥
অকস্মাৎ আসি সত্যবতীর নন্দন ।
সাত্যকির ক্রোধ করিলেন নিবারণ ॥
তথা হৈতে আসিতেছে সঞ্জয় নগরে ।
দেখিলেক পথে অতি-দীন-কুরুবরে ॥
গদাহাতে দুৰ্য্যোধন অতি-দীনবেশ ।
নেত্রে নীর ঝরে, মুখে নাহি বাক্যলেশ ॥
দেখিয়া সঞ্জয়ে জিজ্ঞাসিল কুরুরায় ।
কে আছে জীবিত কহ আমার সহায় ॥

সঞ্জয় কহিল, আছে এইমাত্র সার ।
কৃপাচার্য্য কৃতবৰ্ম্মা দ্রোণের কুমার ॥
এতেক শুনিয়া রাজা ছাড়িল নিঃশ্বাস ।
অচেতন হৈল পুনঃ, মুখে নাহি ভাষ ॥
গদগদ-ভাষে রাজা কহেন করুণে ।
এমন করিবে বিধি, নাহি ছিল মনে ॥
জন্মিলে মরণ আছে, নাহিক অন্তথা ।
অপমান যত কিছু, তাহে কাটে মাথা ॥
সঞ্জয়, সকলি জান, কি কহিব আর ।
বিধি মোরে বিড়ম্বিল, মজিল সংসার ॥
সর্বনাশ কৈল মোর দারুণ বিধাতা ।
জনকের স্থানে সব কহিবে বারতা ॥
কিছু না রহিল সেনা আমার সমাজ ।
দ্বরিত-গমনে যাহ, যথা অন্ধরাজ ॥
আমার দৈবের কথা কহিবে বিশেষ ।
নিশ্চয় হইলু এবে সবংশে নিঃশেষ ॥

অন্ধ-ভাত শোক পাইলেন বৃদ্ধকালে ।
 যা থাকে পশ্চাতে এবে আমার কপালে ॥
 কালপ্রাপ্ত হৈলে লোক না শুনে বচন ।
 কালেতে সংহার করে দৈবের কারণ ॥
 হুখ-হুঃখ-কৰ্ম্মভোগ বিধাতার বশ ।
 অনিত্য সংসার, কিন্তু নিত্য কীর্ত্তি-বশ ॥
 আমার বাসনা তাত, ছাড়হ এখন ।
 পাত্রে-মিত্রে-জ্ঞাতি আর ইস্ট-বন্ধুগণ ॥
 সকল মরিল, আমি জীবিত কেবল ।
 বংশনাশ হৈল, মোর জীবন বিফল ॥
 বিফল জীবনে আর নাহিক বাসনা ।
 দৈবের নির্বন্ধ এই, না করি ভাবনা ॥
 সঞ্জয়, সঙ্ঘর গিয়া কহ সমাচার ।
 ইহলোকে দেখা পুনঃ নাহি হবে আর ॥

এত বলি হুর্যোধন গমন করিল ।
 দ্বৈপায়ন-ব্রহ্মজলে হুঃখে প্রবেশিল ॥
 সঞ্জয় চলিল তবে হ'য়ে বিষাদিত ।
 হইল সাক্ষাৎ পথে তিনের সহিত ॥
 কৃপাচার্য্য কৃতবৰ্ম্মা অশ্বখামা আর ।
 জিজ্ঞাসিল সঞ্জয়ে, বলহ সমাচার ॥
 মহারাজ হুর্যোধন আছেন কোথায় ।
 কি করিব, মন দহে, না দেখি উপায় ॥
 শুদ্ধবন দহে যেন জলন্ত আগুনে ।
 বলহ সঞ্জয়, কোথা পাব হুর্যোধনে ॥

শুনিয়া সঞ্জয় কহে বচন-বিশেষ ।
 রাজা হুর্যোধন হ্রদে করিল প্রবেশ ॥
 এত শুনি তিনবীর করিল প্রয়াণ ।
 উপনীত হৈল আসি হ্রদ-সন্নিধান ॥
 উদ্দেশে চলিল তারা শুনিয়া বারতা ।
 ধর্ম্মরাজ না জানেন, হুর্যোধন কোথা ॥

নানামতে ভ্রাতৃগণ করে অনুমান ।
 কোথা গেল হুর্যোধন, না জানি সন্ধান ॥
 দূত পাঠাইয়া দিল কৌরবের পুর ।
 আসি জিজ্ঞাসিল, যথা আছে বিদুর ॥
 ক্রভা বলে, নাহি জানি, রণ হৈল শেষ ।
 কোথা গেল কুরুরাজ না জানি বিশেষ ॥
 দূত বলে, রণ শেষ হইলেক যবে ।
 গদাহাতে পূর্ব্বমুখে রাজা গেল তবে ॥
 ইহার অধিক আমি না জানি বারতা ।
 বিস্মিত বিদুর শুনি এইসব কথা ॥
 সমর জিনিয়া সবে চলিল শিবির ।
 হুর্যোধন-হেতু চিন্তাধিত যুধিষ্ঠির ॥
 আপন-শিবিরে যান ধর্ম্ম-নরপতি ।
 ধৃতরাষ্ট্র-প্রতি কহে সঞ্জয় স্তমতি ॥

শুনিয়া সঞ্জয়বাক্য অন্ধ-নরপতি ।
 শোকেতে ব্যাকুল হ'য়ে হৈল ছন্নমতি ॥
 হা হা পুত্র, কোথা গেলে রাজা হুর্যোধন ।
 কেন প্রাণ আছে মোর, না জানি কারণ ॥
 জন্মে-জন্মে কত পাপ করিলু বিস্তর ।
 হৃদয় আমার তেঁই ব্যথায় কাতর ॥
 হুর্যোধন বলি ডাকে, কোথা হুঃশাসন ।
 কভু কর্ণ বলি ডাকে, কভু ডাকে দ্রোণ ॥
 পুত্র-পৌত্র-বন্ধু আর অমাত্য-সকল ।
 পড়িল সকল বীর রণে মহাবল ॥
 কতক ডাকিব আর, কত পড়ে মনে ।
 সমুদ্রের ঢেউ যেন বহে সমীরণে ॥
 একাদশ-অকৌহিণী-পতি হুর্যোধন ।
 তাহার এ-গতি হৈল দৈবের কারণ ॥
 শোকে ধৃতরাষ্ট্র কান্দে পড়িয়া অবনী ।
 এমন করিবে বিধি, মনে নাহি জানি ॥

রুদ্ধ অন্ধ মাতা-পিতা মনে না করিল ।
 নিষ্ঠুর হইয়া রাজা দুর্ব্যোধন গেল ॥
 পুত্রহীন রুদ্ধকালে জীবনে মরণ ।
 সহায়-সম্পদ-হীন, কি করি এখন ॥
 অনাথ করিয়া গেল যত অবলারে ।
 অমাত্য-বান্ধব-পুত্র গেল হরপুরে ॥
 পক্ষহীন পক্ষী যেন রহিল পড়িয়া ।
 জলহীন মীন যেন মরে আছাড়িয়া ॥
 পুণ্যহীন দেহ যেন, ফলহীন বৃক্ষ ।
 বিষহীন সর্প যেন, ধনহীন কক্ষ ॥
 হস্ত হৈতে রত্ন যেন গেল ছড়াইয়া ।
 প্রাণহীন দেহ যেন রহিল পড়িয়া ॥
 রাজ্যভোগ ভূগ-সম ছাড়ি গেলে ভূমি ।
 কি গতি হইবে, সদা এই চিন্তি আমি ॥
 কেন না লইলে মোরে সঙ্গিতে করিয়া ।
 রুদ্ধ মাতাপিতা কেন গেলে বিসজ্জিয়া ॥
 বধুগণ অনাধিনী হারাইয়া কুল ।
 কেমনে ধরিবে প্রাণ হইয়া আকুল ॥
 হস্তানুরজয়ী যেই গঙ্গার নন্দন ।
 শিখণ্ডীর হাতে হৈল তাঁহার নিধন ॥
 ভগদত্ত-বীর-আদি যত যোদ্ধগণ ।
 কর্ণ মহাবীর, যেই সংগ্রামে ভীষণ ॥
 তাহারে মারিল পার্শ্ব সংগ্রামে দুর্জয় ।
 শতপুত্রে মারে মোর পবন-তনয় ॥
 যার যত পরাক্রম, করিল সকল ।
 ভাগ্যহীন-হেতু মোর সকলি বিফল ॥
 কতক কহিব দুঃখ, কহনে না যায় ।
 ভাবিতে চিন্তিতে মোর হৃদয় শুকায় ॥
 ভীমের বচন আর সহিতে না পারি ।
 শোকেতে কাতর হৈল গাঙ্গার-কুমারী ॥

শুনহ সঞ্জয়, মোর এই দৃঢ় আশ ।
 অনলে পড়িব, নহে ঘাঘ বনবাস ॥
 সঞ্জয় বলেন, রাজা, শুনহ বচন ।
 জয়-পরাজয় দেখে বিধির ঘটন ॥
 মহাভারতের কথা অমৃত-লহরী ।
 কাশী কহে, শুনিলে তরয়ে ভববারি ॥

২। খুদরাষ্ট্র-সঞ্জয়-সংবাদ ।

সঞ্জয় বলেন, শুন অন্ধ-নরপতি ।
 কালবশে দুর্ব্যোধন পাইল দুর্গতি ॥
 ভীষ্ম-দ্রোণ-কর্ণ-আদি সমরে দুর্জয় ।
 একে-একে বিনাশিল বীর ধনঞ্জয় ॥
 যাহার সহায় কৃষ্ণ কমললোচন ।
 তাহার সর্বদা বশ এ-তিন-ভুবন ॥
 দুর্ব্যোধন কৈল কত পাণ্ডব-কারণ ।
 জড়ুগৃহ করিলেক বধিতে জীবন ॥
 তথা হৈতে নিজদেশে আসি পুনর্ব্বার ।
 রাজসূয়-যজ্ঞ কৈল পৃথিবীর সার ॥
 সম্পদ দেখিয়া তার দুঃখা হৈল মন ।
 পাশা খেলাইল পুনঃ হিংসার কারণ ॥
 হারিয়া পাণ্ডব পুনঃ গেল বনবাস ।
 ধন ছিল, রাজ্য ছিল, সবেতে নিরাশ ॥
 কাম্যবনে নিবসতি কৈল কতদিন ।
 দুঃখের নাহিক সীমা হ'য়ে ধনহীন ॥
 কতদিনে দুর্ব্যোধন গেল সেই বনে ।
 ঘোষণাত্মক করি গেল প্রভাসের স্নানে ॥
 গন্ধর্ব্বের সনে তথা হইল সমর ।
 গন্ধর্ব্বের ব্যক্তিরা নিল স্বর্গের উপর ॥

যুধিষ্ঠির-সম্মিথানে গেল যত রাণী ।
 বিনয়-বচনে ছুবে সবে ধর্ম্মমণি ॥
 সন্তুষ্ট হইয়া ধর্ম্ম কহিল পার্থেয়ে ।
 গন্ধর্ব্বের জিনিয়া আন দুর্য্যোধন-বারে ॥
 আভ্যামাত্র ধনঞ্জয় গিয়া সেইক্ষণে ।
 গন্ধর্ব্ব-সহিত আনে রাজা দুর্য্যোধনে ॥
 দেখি রাজা যুধিষ্ঠির বলে বার-বার ।
 হেন কর্ম্ম কদাচিৎ না করিহ আর ॥
 দৌহারে বিলায় করি দিল যুধিষ্ঠির ।
 অভিমানে গেল সবে আপন-মন্দির ॥
 তবে কত দিনান্তরে রাজা দুর্য্যোধন ।
 জয়দ্রেথে পাঠাইল দ্রৌপদী-কারণ ॥
 ছিদ্রে খুঁজি জয়দ্রেথ সদা ফিরে বনে ।
 রথ-আরোহণ করি সদা চিন্তে মনে ॥
 দৈবের নির্ব্বন্ধ কভু না যায় খণ্ডন ।
 শূন্যগৃহ দেখি দুর্কট হরিল তখন ॥
 দ্রৌপদীকে হ'রে ল'য়ে যায় দুর্কটমতি ।
 রথেতে ক্রন্দন করে কৃষ্ণা গুণবতী ॥
 দূর হৈতে দ্রৌপদীর শুনি কণ্ঠস্বর ।
 শীত্ৰগতি আসে তথা পার্থ-বৃকোদর ॥
 কৃষ্ণারে লইয়া যায় জয়দ্রেথ-বীর ।
 দেখি তবে দুই-ভাই হইল অস্থির ॥
 কপিধ্বজ-রথে চড়ি ধরিল তাহারে ।
 অনেক ভৎসনা কৈল বিবিধ-প্রকারে ॥
 যথা ধর্ম্ম, তথা জয়, বেদের বচন ।
 যথা ধর্ম্ম, তথা কৃষ্ণ, আছে নিরূপণ ॥

এরূপে সজ্জয় কহে অনেক ভারতী ।
 শুনিয়া নিঃশব্দ হৈল অন্ধ-নরপতি ॥
 এইরূপে শোকাকুল অন্তঃপুরে যত ।
 বিহুর প্রভৃতি কান্দে ধরি মৌনজ্ঞাত ॥

হেথা রাজা যুধিষ্ঠির করেন ভাবনা ।
 কোথা গেল দুর্য্যোধন, কহ সর্ব্বজন ॥
 তবে ধর্ম্ম-নরপতি বিচারিল মনে ।
 যুযুৎসুরে কহে রাজা মধুর-বচনে ॥
 হস্তিনানগরে তুমি হও আশুসার ।
 জ্যেষ্ঠতাতে কহ গিয়া সব সমাচার ॥
 গান্ধারী বিহুর আর অস্থিকা-নন্দনে ।
 সমভাবে নমস্কার কর সর্ব্বজনে ॥
 শ্বেতাকুল হ'য়ে সবে করিছে ক্রন্দন ।
 আপনি সব্বারে যত্নে করিবে সাশ্বন ॥
 কৃষ্ণ ভীমার্জ্জুন সবে দিল অনুমতি ।
 প্রণমি যুযুৎসু তবে চলে শীত্ৰগতি ॥
 শঙ্খনন্দ করি যায় হস্তিনাভবন ।
 অন্তঃপুরে আসি তবে দিল দরশন ॥
 গান্ধারী বিহুর ধৃতবাস্ত্রের চরণে ।
 প্রণমিয়া দাণ্ডাইল সব-বিভ্রমানে ॥

সজ্জয় বলিল, শুন অন্ধ-নৃপবর ।
 যুযুৎসু আসিল এই তোমার কোণর ॥
 শ্রুতমাত্র ধৃতরাষ্ট্র পুত্রে কৈল কোলে ।
 স্নান করাইল তারে নয়নের জলে ॥
 গান্ধারী প্রভৃতি নারী কান্দিতে-কান্দিতে ।
 আসিল সত্বরে সবে যুযুৎসু দেখিতে ॥
 বিপরীত-বেশা সবে, মুক্ত কেশ-বাস ।
 উচ্চৈঃস্বরে কান্দে সবে ছাড়ি দীর্ঘশ্বাস ॥
 বিহুর সজ্জয় আর যুযুৎসু তখন ।
 জনে-জনে সব্বাকারে করিল সাশ্বন ॥

হেথা রাজা দুর্য্যোধন বৈপায়ন-হ্রদে ।
 কুলক্ষয় করি গিয়া রহিল বিবাদে ॥
 একাদশ-অর্কোহিণী সেনা যোর ছিল ।
 একে-একে ভীম সব সংহার করিল ॥

মুনি বলে, অবধান কর নরপতি ।
অভিলোভে পরিণামে হয় হেন গতি ॥
যথা ধর্ম, তথা কৃষ্ণ, শাস্ত্রের বচন ।
যথা কৃষ্ণ, তথা জয়, জানিহ রাজন্ ॥
মহাভারতের কথা অমৃত-লহরী ।
কাহার শক্তি ইহা বর্ষিবারে পারি ॥

শ্রুতমাত্র কহি আমি রচিয়া পয়ার ।
অবহেলে শুনে যেন সকল সংসার ॥
শ্রবণে কলুষ-নাশ, পুণ্যের সঞ্চয় ।
ধর্ম-অর্থ-কাম-মোক্ষ-লাভ সুনিশ্চয় ॥
কাশীরাম দাস কহে পাঁচালীর মত ।
এতদূরে শল্যপৰ্ব হইল সমাপ্ত ॥

শল্যপৰ্ব সমাপ্ত ।

কাশীরামদাস-মহাভারত

গদাপর্ব

সারসংগ্ৰহঃ সম্বন্ধে নরকৈব মরোত্তমম্ ।
দেবীং সরস্বতীং ব্যাসং তত্তে । অরম্বদীরয়েৎ ॥

১। সটমন্তে যুধিষ্ঠিরে বৈশ্যায়ন-ব্রহ্মের
নিকটে গমন ।

যুনি বলে, শুন পরীক্ষিতের নন্দন ।
বৈশ্যায়ন-ব্রহ্মে লুকাইল দুৰ্য্যোধন ॥
পাণ্ডবের সৈন্যগণ খুঁজিয়া বেড়ায় ।
দুৰ্য্যোধন-নৃপতিরে দেখিতে না পায় ॥
আপন-শিবিরে যান ধর্ম্ম-নরবর ।
দুৰ্য্যোধনে অশ্বেষিতে পাঠালেন চর ॥
এত শুনি জিজ্ঞাসিল শ্রীজনমেজয় ।

কহিলে অপূর্ব্ব কথা যুনি-মহাশয় ॥
কুরুকুলপতি মহারাজ দুৰ্য্যোধন
হৃদমধ্যে কি-প্রকারে রহিল তখন ॥
কি উপায় করিলেন পিতামহগণ ।
শুনিবারে বাহ্মা বড়, বল তপোধন ॥
যুনি বলে, অবধান কর নরপতি ।
যেইমতে হতু দুৰ্য্যোধন দুষ্টমতি ॥

গদাপর্ব্ব-কথা কহি শুন নৃপবর ।
যেইরূপে পুনরপি হইল সময় ॥
সমর জিনিয়া যুধিষ্ঠির নরপতি ।
বিচিত্র-মন্দিরে রহে নৃত্যগীতে মাতি ॥
অপমানে অতিশয় হ'য়ে দুঃখমন ।
বৈশ্যায়ন-ব্রহ্মে প্রবেশিল দুৰ্য্যোধন ॥
গদার প্রহারে বীর সলিল বিদারি ।
তাহাতে পশিল রাজা হাতে গদা ধরি ॥
ভ্রাতা বন্ধু সঙ্গ ল'য়ে রাজা যুধিষ্ঠির ।
দুৰ্য্যোধন-অশ্বেষণে যান ধর্ম্ম-বীর ॥
বন-উপবন খুঁজিলেন নানা-দেশ ।
না পাইয়া দুৰ্য্যোধনে ভাবেন বিশেষ ॥
মারিয়া বিপক্ষ করিলাম কোন্ কার্য্য ।
পুনরপি দুৰ্য্যোধন লইবেক রাজ্য ॥
পুনর্ব্বার আসি দুষ্ট করিবেক রণ ।
পলাইয়া আছে কোথা রাজা দুৰ্য্যোধন ॥

এত ভাবি বসিয়া আছেন ধর্ম্মরায় ।
 হেথা তিনবীর দুর্ঘ্যোধন-কাছে যায় ॥
 অশ্বখামা কৃতবর্ষা কৃপ হুপগিত ।
 হ্রদের নিকটে গিয়া হৈল উপনীত ॥
 জলন্তস্তে দুর্ঘ্যোধন আছেন নির্জনে ।
 হ্রদের উপরে থাকি ডাকে তিনজনে ॥
 উঠ-উঠ রাজা, যুদ্ধে না হও বিমুখ ।
 যুধিষ্ঠিরে জিনি রণে ভুঞ্জ রাজ্যসুখ ॥
 পলাইয়া কেন তুমি পাও অধোগতি ।
 রণেতে কাতর নহে ক্ষত্রিয় এমতি ॥
 পাণ্ডবের সৈন্য-সব করিব সংহার ।
 রাখিতে নারিবে কৃষ্ণ সহায় তাহার ॥
 আমা-সবে সঙ্গে করি কর তুমি রণ ।
 তোমারে জিনিবে, হেন আছে কোন্ জন ॥

তা'-সবার বাক্য শুনি বলে দুর্ঘ্যোধন ।
 বড়ভাগ্যে রক্ষা পেলে তোমা-তিনজন ॥
 যে বলিলে, সে সম্ভবে তোমা-সবাকায় ।
 যুদ্ধে জয়ী হব তোমা-সবার কৃপায় ॥
 পড়িল আমার সৈন্য, নাহি একজন ।
 পাণ্ডবের সৈন্য-সব করে মহারণ ॥
 একেশ্বর রণ করা নহে সমুচিত ।
 বলবন্ত-সহ রণে নহে কছু হিত ॥

তবে অশ্বখামা বহু দর্পের আধার ।
 প্রতিজ্ঞা করিল করি মহা-অহঙ্কার ॥
 মারিব একাকী আমি সব শত্রুদল ।
 উঠ দুর্ঘ্যোধন, নাহি হও হীনবল ॥
 পাঞ্চাল সোমকবংশ করিব সংহার ।
 আমার প্রতিজ্ঞা এই, শুন সারোদ্ধার ॥
 পাঞ্চালে না মারি যদি কবচ ছাড়িব ।
 দ্বিক, অকারণ ব্যর্থ শরীর ধরিব ॥

এ নহে ক্ষত্রিয়-ধর্ম্ম, শুন মহারাজ ।
 প্রাণপণে যত্ন করি সাধিব স্বকাজ ॥
 শুন মহারাজ, তুমি না করিহ ভয় ।
 চারিবীরে বিনাশিব বিপক্ষ-নিচয় ॥
 মোরা তিন-বিদ্রমানে কেন তব ডর ।
 পুনরপি চারি-বীরে করিব সমর ॥
 হয় ধনঞ্জয়ে জিনি পুনঃ রাজ্য পাব ।
 নতুবা সমরে পড়ি সত্ত্ব স্বর্গে যাব ॥
 হেন জানি দুর্ঘ্যোধন, রণে দেহ মন ।
 চারি-মহাবীরে মোরা করিব যে রণ ॥
 হেন কথা শুনি বলে রাজা দুর্ঘ্যোধন ।

শুন মহারথী সব, আমার বচন ॥
 প্রাণেতে পীড়িত আমি শুন তিনবীর ।
 অস্ত্রাঘাতে ভয় মোর সকল-শরীর ॥
 রণ জিনিবারে যদি করিয়াছ মন ।
 আজি নিশি বন্ধি কালি করিব যে রণ ॥
 দুর্ঘ্যোধন-বাক্য শুনি তবে দ্রোণসুত ।

আত্মপ্লাধা দম্ববাক্য বলিল বহুত ॥
 এইরূপে নানা-কথা কহে চারিজন ।
 পক্ষী মারিবারে ব্যাধ গেল সেই বন ॥
 ভীমের তোষণ লাগি যুগয়া করিয়া ।
 সেই হ্রদে জলপানে গেল যুগ লৈয়া ॥
 সে ব্যাধ শুনিল তবে সব সমাচার ।
 ব্যাধ বলে, বড় কষ্ট হইল আমার ॥
 যাহারে খোঁজেন সদা রাজা যুধিষ্ঠির ।
 হ্রদে পলাইয়া আছে সেই কুরুবীর ॥
 যুধিষ্ঠিরে কহিলে এ-সম্ব বিবরণ ।
 আনন্দিত হইবেন পাণ্ডুর নন্দন ॥

এত ভাবি ব্যাধ সেই হরষিত-মনে ।
 দ্রুত গিয়া নিবেদিল ভীমের চরণে ॥

শুনি ভীমসেন হৈল হরষিত-চিত ।
 ধর্মরাজ যুধিষ্ঠিরে কহিল স্বরিত ॥
 জলমধ্যে লুকায়িত আছে দুর্ঘ্যোধন ।
 কুলের কলঙ্ক পাপ বড়ই দুর্জ্ঞান ॥

ভীমের বচন শুনি রাজা যুধিষ্ঠির ।
 ভ্রাতৃ বন্ধু-সহ হৈল আনন্দে অস্থির ॥
 যথা আছে জলমধ্যে রাজা দুর্ঘ্যোধন ।
 তথাকারে বীর-সব করিল গমন ॥
 কৃষ্ণে আগু করি সবে তথা গেল চলি ।
 পাণ্ডুর নন্দন সব বলে মহাবলী ॥
 লোকের জনতা, মহারোল কোলাহল ।
 ডিম ডিম বাজে বাণ, বাড়ে কুতূহল ॥
 সৈন্য-সহ চলিলেন রাজা যুধিষ্ঠির ।
 যথা জলমধ্যে আছে দুর্ঘ্যোধন-বীর ॥

কটকের শব্দ সব হৈল অপ্রমিত ।
 শব্দ শুনি চারিবার হৈল মহাভীত ॥
 রূপ কৃতবংশী বলে, হইল অকাজ ।
 সৈন্যসহ আসিছেন হেথা ধর্মরাজ ॥
 কি করিব মহারাজ, বলহ উপায় ।
 কোন্ আজ্ঞা হয় দুর্ঘ্যোধন কুরুরায় ॥

দুর্ঘ্যোধন বলে, হও তোমরা অন্তর ।
 আমি মায়া করি থাকি জলের ভিতর ॥
 রাত্রি-অবসানে সবে হব একস্থান ।
 যুধিষ্ঠিরে মারি পুনঃ লভিব সম্মান ॥

রাজার বচনে চলি গেল তিনবীর ।
 নরপতি ডুবাইল সলিলে শরীর ॥
 তিনজন বনমধ্যে করিল নিবাস ।
 রাজারে অরিয়া খন ছাড়িল নিঃশ্বাস ॥
 নানামতে শোক-দুঃখ করে তিনবীর ।
 হেনকালে আসিলেন শুধা যুধিষ্ঠির ॥

হৃদভীরে জিজ্ঞাসেন কৃষ্ণে যুধিষ্ঠির ।
 জলমধ্যে কেমনে আছে কুরুবীর ॥
 যুধিষ্ঠির-বাক্য শুনি বলেন শ্রীহরি ।
 মায়াবন্ত দুর্ঘ্যোধন আছে মায়া করি ॥
 মন্ত্রের প্রভাবে আছে সেই দুরাচার ।
 উপায়েতে রাজা, দেখা পাইবে তাহার ॥
 মায়া করি ইন্দ্র সব দানবে দলিল ।
 বামন হইয়া হরি বলিরে ছলিল ॥
 উপায়েতে কার্যাসিদ্ধি করে বিজ্ঞজনে ।
 চিস্তহ উপায় রাজা, আমার বচনে ॥
 তোমা হাতে অভিমানী বড় দুর্ঘ্যোধন ।
 সহিতে না পারে কত নিম্নিত-বচন ॥
 মহাভারতের কথা রচিলেন ব্যাস ।
 কাশী কহে, শুনি হয় কলুষ-বিনাশ ॥

২। দুর্ঘ্যোধনের প্রতি যুধিষ্ঠিরের
 তৎসনা ।

এত শুনি যুধিষ্ঠির বলেন রাজায় ।
 জলের ভিতরে কেন আছিস্ মায়ায় ॥
 ভ্রাতা বন্ধু-বান্ধবেরে মারিয়া পামর ।
 আপনার প্রাণ লাগি হইলি কাতর ॥
 উঠ-উঠ দুই দুরাচার কুরুবর ।
 ভয় পরিহরি তুই কর রে সমর ॥
 দেশে-দেশে গেল তোর পৌরুষ-সুখ্যাতি ।
 সব পরিহরি লুকাইলি দুহ্মতি ॥
 নিজ-বান্ধবে তুই শাসিলি সংসার ।
 এবে সে হইলি তুই কুলের অঙ্গার ॥
 তর্জিস্ গর্জিস্ সবাচারে বারে-বার ।
 তবে কেন জলে লুকাইলি দুরাচার ॥

আপনি পণ্ডিত বট, জ্ঞান ধর্ম্মাধর্ম্ম ।
 নৃপতির যোগ্য নহে পলায়ন-কর্ম্ম ॥
 সমর-সাগরে যেই ক্ষত্র নহে পার ।
 মনে ভাবি দেখ, তার জীবন অসার ॥
 ইচ্ছা-বন্ধু-সখা-সব সম্বন্ধী মাতুল ।
 সব্বারে মারিয়া তুই করিলি নিশ্চল ॥
 মরে তোর মহাযোদ্ধা উনশত ভাই ।
 মিছা জীবনের আশা কর মোর ঠাই ॥
 রিপুরে দেখিয়া কেন পরিহর রণ ।
 যত দর্প করেছিলি, সব অকারণ ॥
 উঠিয়া পুনশ্চ রণ কর দুর্ব্বোধন ।
 নিজের বীরত্ব এবে বুঝ মনে-মন ॥
 হইলি স্বধর্ম্ম ছাড়ি অধর্ম্ম-আচারী ।
 প্রাণ ল'য়ে পলাইলি রণ পরিহারি ॥
 কর্ণ-শকুনির যত শুনিলি বচন ।
 তার ফল ভুঞ্জ এবে পাপী ছুরাঙ্গন ॥
 এতেক কটুক্তি যদি করিলেন ধর্ম্ম ।
 শুনি কোপে জ্বলিলেক দুর্ব্বোধন-অর্ম্ম ॥
 আমার বীরত্বে খিক্, খিক্ ভুজভার ।
 হেন নিন্দাবাক্য কর্ণে না সহে আমার ॥
 এত ভাবি দুর্ব্বোধন কম্পিত-শরীর ।
 বলে, শুন মম বাক্য রাজা যুধিষ্ঠির ॥
 দেব-দৈত্য-নর-মধ্যে সবে আছে ভয় ।
 স্বরূপ জানহ রাজা, নাহিক সংশয় ॥
 সংগ্রামে সারথি পদাতিক হৈল হত ।
 বন্ধু-বান্ধবাদি সব পড়িল বহত ॥
 যোদ্ধাপতি বিনিপাত হৈল মিছা-কাজে ।
 নাহিক এ-হেন সখা, রণে আসি যুঝে ॥
 আমার নাহিক কছু জীবনের আশ ।
 সংগ্রামে সকল গেল, বড়ই হতাশ ॥

সেইহেতু পশিলাম জলে মহারাজ ।
 সমর করিব পুনঃ লইয়া সমাজ ॥
 তুমি বা তোমার চারি অনুজ উদ্ধত ।
 আর যত রথিগণ যুঝিতে উদ্যত ॥
 যে যুঝিবে, তারে আমি দিব ত সংগ্রাম ।
 মুহূর্ত্তেক মহারাজ, করহ বিশ্রাম ॥
 এত শুনি বলে যুধিষ্ঠির ধর্ম্মরাজ ।
 পাবে তুমি পাত্র-মিত্র-পদাতি-সমাজ ॥
 যদ্যপি পাণ্ডবে রণে জিনিবে আপনি ।
 তবে পুনরপি তুমি লইবে ধরণী ॥
 সমরেতে হত যদি হও নরপতি ।
 তবে রাজা, চলি যাবে অমর-বসতি ॥
 এত শুনি বলে, দুর্ব্বোধন মহাবীর ।
 তুমি জ্যেষ্ঠ সর্ব্বশ্রেষ্ঠ মান্য যুধিষ্ঠির ॥
 শাসিলে তোমরা ধরা মিলি পঞ্চভাই ।
 গুণাগুণ বলাবল ইহাতে না চাই ॥
 ভাই হৈতে যুদ্ধে ভঙ্গ, নহে অশ্র-ঠাই ।
 পড়িল সমরে মোর উনশত ভাই ॥
 ধনে-জনে পরিপূর্ণ হৈলে মহীতলে ।
 হত হৈল সব ক্ষত্র তোমাদের বলে ॥
 অশোভন হৈল পৃথ্বী বিধবা-সদৃশ ।
 রাজ্য করিবারে মম নাহিক হরিশ ॥
 কিহেতু করিব রণ জিনিতে সকল ।
 পাণ্ডব-পাঞ্চাল-সোমকাদি যত বল ॥
 দ্রোণ সেনাপতি মোর রণে হৈল হত ।
 কর্ণের যতেক গুণ, কহিব বা কত ॥
 পাণ্ডব যতেক তারে মনে-মনে ডরে ।
 হেন কর্ণে মারিলেন অস্ত্রায় সমরে ॥
 তা'সবার শোকে কেন জীবন না যায় ।
 ছার রাজ্য-সুখ মোর, অরণ্যের প্রায় ॥

অশ্ব-গজ-সৈন্য মৈল বাজব-সকল ।

ইহা দেখি মম হৃদে বাড়ে শোকানল ॥

তপ সাধিবারে যাব ত্রত অনুসারি ।

আপনি নৃপতি, ভুঞ্জ লইয়া সুন্দরী ॥

এত শুনি হাস্ত করিলেন যুধিষ্ঠির ।

কহিলেন তারে বাক্য জলদ-গভীর ॥

এবে দুর্ঘ্যোধন তোর চিতে কমা হৈল ।

এমত বিবেক তোর আজি দেখা গেল ॥

শৃগাল না পারে কছু যুগেন্দ্রে ধরিতে ।

না পারিলে চিরানন্দ লভিবারে চিতে ॥

শকুনি-বাক্যেতে পাশা খেলিলে তখন ।

এখন ধর্মের কথা কহ দুরাত্মন ॥

নিজরাজ্য চাহিলাম বিনয়-বিশেষে ।

নিজে হ্রদীকেশ গেলা তোমার সকাশে ॥

তব এক গ্রাম নাহি দিলে কুলাধম ।

এবে রাজ্য ছাড় দেখি নিকটেতে যম ॥

আপনি হইলে ভূমি প্রাণেতে কাতর ।

সদাগরা-ধরা রায়, এবে পরিহর ॥

তোমার বচন শুনি হৈল মোর লাজ ।

কতবার কর রাজা, হাস্তাস্পদ কাজ ॥

যবে বলিলাম রাজা, বুঝি কার্য্য কর ।

না বুঝি প্রতিজ্ঞা কৈলে, ওহে নৃপবর ॥

তীক্ষ্ণ-সূচী-অগ্রে যত ভূমি ভেদ করে ।

তত ভূমি কদাচ না দিব পাণ্ডবেরে ॥

এত বলি প্রতিজ্ঞা যে কৈলে কতবার ।

এবে কেন রাজা, ধরা কৈলে পরিহার ॥

রাজা হ'য়ে বাহ্মিতেছ তপস্যার যোগ ।

পুনরপি রণ জিনি কর রাজ্যভোগ ॥

জলে বাস কর যদি সহস্র-বৎসর ।

তখাচ মারিব তোরে, শুন রে পামর ॥

তোরে না মারিলে কমা নাহিক আমার ।

হেন জানি আসি যুদ্ধ কর দুরাচার ॥

মহাভারতের কথা সুধা হইতে সুধা ।

কাশী কহে, পান করি খণ্ডে ভব-সুধা ॥

৩। যুধিষ্ঠির-দুর্ঘ্যোধন-সংবাদ ।

যুধিষ্ঠির বলিলেন যদি কুবচন ।

নারিল সহিতে তাহা রাজা দুর্ঘ্যোধন ॥

গর্বিত-সভাব রাজা, বলে মহাবল ।

সহিতে নারিল নিন্দা-বচন-সকল ॥

পুনঃপুনঃ খাস ছাড়ি বলে কোপমনে ।

নিন্দাশুব ধরা আজি করিব যে রণে ॥

শুন যুধিষ্ঠির, ভূমি সৈন্যেতে বেষ্টিত ।

একেখর আছি আমি পদাতি-রহিত ॥

একাকী করিব রণ, শুন ধর্ম্মরায় ।

অনিয়ম রণ করিবারে না জুয়ায় ॥

একাকী সংগ্রাম করিবারে নাহি ভয় ।

আসুক তোমার ভীম কিংবা ধনঞ্জয় ॥

অপর তোমার যত নৃপতি-সকল ।

একেখর আমি বিনাশিব তব দল ॥

এত শুনি যুধিষ্ঠির বলেন বচন ।

আপনি ত রাজনীতি জান দুর্ঘ্যোধন ॥

তব ভুজপরাক্রম জানে সর্বজন ।

নৃপতি-লক্ষণ গুণ না যায় বর্ণন ॥

সাধু-সাধু দুর্ঘ্যোধন, বীর-শিরোমণি ।

তোমার বীরত্ব-গুণে পুরিল মেদিনী ॥

একাকী উঠিয়া রণ কর দুর্ঘ্যোধন ।

দেখুন দেবতা-দৈত্য-নর-নৃপগণ ॥

পুনরপি বলে দুর্ঘ্যোধন কুরুবীর ।

শুন মোর বাক্য এবে, রাজা যুধিষ্ঠির ॥

হয়-হস্তী রথ-রথী নাহি সৈন্য আর ।
সবে মাত্র আছে গদা হাতেতে আমার ॥
গদাযুদ্ধ করিবারে কর নিরুপণ ।
আমার সহিত তব কে করিবে রণ ॥

এত শুনি পুনরায় বলে যুধিষ্ঠির ।

উঠিয়া করহ রণ দুৰ্য্যোধন-বীর ॥
গদা ল'য়ে রাজা, তুমি করহ সমর ।
যে-বীর-সহিত রণ, বুঝি পণ কর ॥
তারে যদি পরাজিবে, পুনঃ রাজ্য পাবে ।
নহে রণে পড়ি রাজা, স্বর্গমাঝে যাবে ॥

পুনঃ বলে দুৰ্য্যোধন পাইয়া প্রবোধ ।

গদাযুদ্ধে দেহ মোরে ভীম মহাযোধ ॥
অৰ্জুন নকুল সহদেব যুধিষ্ঠির ।
নারিবে সহিতে গদা এইসব বীর ॥
একাকী গদার যুদ্ধে ভীমেরে বধিব ।
রিপুকে মারিয়া রণে শল্য উদ্ধারিব ॥

এত শুনি পুনঃ তারে বলে নৃপবর ।

উঠ শীঘ্র, ভীম-সনে গদাযুদ্ধ কর ॥

এত শুনি দুৰ্য্যোধন হরিষ-বদন ।

হাতে গদা করি নাচে আনন্দিত-মন ॥
সুবর্ণে মণ্ডিত গদা নিজকরে ধরি ।
দীপ্যমান কুরুরাজ যেন হেমগিরি ॥
ভুজবলে জল বিদারিয়া মহাশয় ।
উঠিল মৈনাক যেন ত্যজি জলাশ্রয় ॥
করে ধরি নিল রাজা গুরুতর গদা ।
দেখি রিপুগণ ক্ষুব্ধ হ'য়ে রহে সদা ॥
কঠিন-কঠোর গদা লোহায গঠিত ।
স্থানে-স্থানে দেখি তার কনক-খচিত ॥
হাতে গদা, দীপ্তি যেন সূর্য্যের উদয় ।
পাণ্ডব দেখিয়া তারে গণিল প্রলয় ॥

যুধিষ্ঠির বলে, শুন দেব-নারায়ণ ।

অন্যায় সাহস দেখ করে দুৰ্য্যোধন ॥
যুঝিবে পুনশ্চ রাজা নাহি ছিল মনে ।
কটুক্তি কহিনু কত তাহার কারণে ॥

শ্রীকৃষ্ণ বলেন, মানী দুৰ্য্যোধন রায় ।

কটুবাক্য তার মনে সহ্য নাহি হয় ॥
ক্রোধেতে আসিল রাজা একাকী সমবে ।
অন্তের কি সাধ্য, উহা-সহ যুদ্ধ করে ॥
অসম্ভব কথা রাজা, সাহসে কহিলে ।
দুৰ্য্যোধন-সহ যুদ্ধ একক ইচ্ছিলে ॥
তোমা-আদি কবি যত আছে বীরচয় ।
দুৰ্য্যোধন-সহ যুদ্ধে, নাহি মহাশয় ॥
অন্যসহ যুদ্ধ যদি চাহিত তখন ।
তবে বল কি করিতে, কহ ত রাজন্ ॥

ভাগ্যে ভীম-সহ বণ ইচ্ছে দুৰ্য্যোধন ।

তাই কিছু আশামাত্র রক্ষার কারণ ॥
ভীম-বিনা পাণ্ডবেতে নাহি কোন বীর ।
দুৰ্য্যোধন-সহ রণে হ'য়ে রবে স্থির ॥
মহাপরাক্রান্ত ভীম বিখ্যাত সংসারে ।
সুরাসুর-গন্ধর্ব্ব কীপয়ে যার ডবে ॥
তথাপি নহে ত ভীম তাহার সদৃশ ।
দুৰ্য্যোধন গদাযুদ্ধে অধিক সরস ॥
যদি যথোচিতমতে করিবে সমর ।
তবে জয় না পাইবে ধর্ম্ম-নৃপবর ॥
শুন ওহে ধর্ম্মরায় পাণ্ডুর কুমার ।
বুঝিলাম রাজ্যভোগ না ঘটে তোমার ॥
গদাপর্ব্ব-সুধারস ব্যাসের কাহিনী ।
কাশী কহে, শুনিলে তারেন চক্রপাণি ॥

৪। ভীমসেন-দুর্যোধন-সংবাদ ।

এতেক বলিল যদি দেব গদাধর ।
বিনয় করিয়া বলে বীর যুধোদর ॥
পাণ্ডবের দীক্ষা-শিক্ষা-বল-বুদ্ধি হরি ।
বিপদ-নাগরে ভূমি আছ মাত্র তরী ॥
ভূমি যদি পাণ্ডবেরে প্রীত দয়াময় ।
ভক্তবৎসল, তবে না কর সংশয় ॥
দেখ বামুদেব, আজি বীরত্ব আমার ।
সমরে বধিব দুর্যোধন চুরাচার ॥
দারুণ দুর্ব্বার মম গদার প্রহারে ।
গন্ধর্ব্ব কিম্বর সুরাসুর ভয় করে ॥
সমর করিব প্রভু, যাহে ঘুচে রিক্ট ।
এত শুনি নারায়ণ মনে হৈলা রুট ॥
প্রশংসিয়া ভীমসেনে কহেন বচন ।
রিপু পরাজিয়া রাজ্য করহ রক্ষণ ॥
অর্জুন নকুল সহদেব ধর্ম্মশ্রুত ।
ভীমসেনে নানাকথা কহিল বহুত ॥

নতি করি ভীমসেন হরির চরণে ।
রাজা যুধিষ্ঠিরে কহে বিনয়-বচনে ॥
হৃদয়ের শল্য উদ্ধারিব যুদ্ধমুখে ।
ধর্ম্মরাজ, রাজ্য ভূমি ভুঞ্জ মনস্বখে ॥

এত বলি ভীমসেন গদা ধরি ধায় ।
বৃত্রাসুরে বধিবারে ইন্দ্র যেন যায় ॥
তাহা দেখি পুরোবর্তী হন কুরুবীর ।
মাথায় ফিরায়ে গদা, প্রকাণ্ড-শরীর ॥
গদা ধরি দুই-বীর হইল সম্মুখ ।
চাহিতে না পারে কেহ, ভয়ঙ্কর-মুখ ॥

ভীমসেন বলে, ওরে পাপী দুর্যোধন ।
আজি আমি দেখি তোর নিকট-মরণ ॥

পতিব্রতা সতী সেই পাকাল-কুমারী ।
সভামধ্যে তাহারে আনিল কেশে ধরি ॥
শকুনির বাক্যে তুই কৈলি যত কষ্ট ।
তার ফল ভুঞ্জ এবে, শুন কুলাধম ॥
ভীষ্ম দ্রোণ ভূরিশ্রবা আর সৌমদত্ত ।
কর্ণবীর যা বলিল, জান সেই তত্ত্ব ॥

শুনিয়া কহিতে আরম্ভিল দুর্যোধন ।
ভীমসেন, দর্প তোর সব অকারণ ॥
দেখ, রণে আজি তোর প্রাণ যদি থাকে ।
তবে ত করিস্ দর্প, লোকে যেন দেখে ॥
সম্মুখ-সংগ্রামে আছি প্রাতজ্ঞা করিয়া ।
পাণ্ডব-বিনাশ-তেতু হাতে গদা লৈয়া ॥
যদি তোর শক্তি থাকে, কর আসি রণ ।
নহে দর্প কর যত, হবে অকারণ ॥
যথোচিত-বাক্য তবে কহে দুর্যোধন ।
শুনিয়া প্রশংসা করে যত রাজগণ ॥
একেশ্বর দুর্যোধন মনে ক্রোধ করি ।
ভীমসেন-অগ্রে দাণ্ডাইল গদা ধরি ॥
সম্মুখ হইল ভীম রাজা দুর্যোধনে ।
মহাক্রোধে দুই-বীর গর্জিছে সঘনে ॥
নৃপগণে স্তবেষ্টিত দেখে যুধিষ্ঠির ।
দেখিতে লাগিল হরিমতে যত বীর ॥
গদাহস্তে দাণ্ডাইয়া আছে দুইজন ।
হেনকালে শুন রাজা, অপূর্ব্ব-কথন ॥
মিলিল দেখিতে যুদ্ধ শূন্যে দেবগণ ।
হেনকালে আসে তথা রেবতীরমণ ॥
তার্থযাত্রা করি রাম পৃথিবী ভ্রমিয়া ।
দ্বৈপায়ন-হৃদে হন উপনীত গিয়া ॥
মহাভারতের কথা অমৃত-সমান ।
কাশী কহে, সাধুগণ সদা করে পান ॥

৫। বলদেবের তীর্থযাত্রা-বিবরণ ।

শ্রীজনমেজয় কহে, কহ মুনিবর ।
 তীর্থযাত্রা করিলেন কেন হৃদয়র ।
 কহেন বৈশম্পায়ন, শুনহ রাজন ।
 তীর্থযাত্রা-কথা কহি, ইথে দেহ মন ॥
 নৈমিষ-কাননে শৌনকাদি মুনিগণ ।
 বসিয়া করেন মহাভারত-শ্রবণ ॥
 শ্রীসূত গোস্বামী গ্রন্থ করেন পঠন ।
 ষাট হাজার মুনি করেন শ্রবণ ॥
 ব্যাসাসনে বসিয়া কথক সূতমুনি ।
 কহেন ভারত-কথা বিষ্ণুচূড়ামণি ॥
 এইকালে সেখানে গেলেন বলরাম ।
 মুনিগণে সাদরেতে করেন প্রণাম ॥
 মুনিগণ দিল তাঁরে দিব্য-কুশাসন ।
 পরম্পর হৈল সবে শুভ-জিজ্ঞাসন ॥
 সূতমুনি বসিয়াছে আসন-উপর ।
 রামে অভ্যর্থনা নাহি করে মুনিবর ॥
 মনে করে, সর্ব-মুনি নিত্য মোরে সেবে ।
 সবারে প্রণাম করে আসি বলদেবে ॥
 বিশেষে র'য়েছি ব্যাস-আসন-উপর ।
 মম সমাদরযোগ্য নহে হৃদয়র ॥
 এই বিবেচনা করি রহিল আসনে ।
 সমাদর না করিল রেবতীরমণে ॥
 বলরাম জানি তবে সূত-অহঙ্কার ।
 মনে-মনে করিলেন এমত বিচার ॥
 কোন্ ছার সূত, নাহি করে সম্বর্জন ।
 মারিব উহারে, দেখি রাখে কোন্ জনা ॥

নীচজাতি হ'য়ে নাহি সমাদর করে ।
 ডাকিয়া কহেন রাম অতি-ক্রোধভরে ॥
 ওরে সূত নরাধম, অতি নীচজাতি ।
 এবে জানিলাম আমি তোমার প্রকৃতি ॥
 সমাদর আমারে না কর অহঙ্কারে ।
 মনে কর, বসিয়াছ আসন-উপরে ॥
 এখনি মারিব তোরে সবার সাক্ষাতে ।
 ঠেকিলে আপন-দোষে এবে মম হাতে ॥
 সূত বলে, শুন প্রভু, বচন আমার ।
 অপরাধ কি করিছু অগ্রেতে তোমার ॥
 ব্যাসের আসনে আমি আছি যে বসিয়া ।
 কিমতে উঠিব আমি তোমারে দেখিয়া ॥
 ব্যাসাসনে থাকি যদি উঠি, তাহে দোষ ।
 এইহেতু মোরে নাথ, না কর আক্রোশ ॥
 এতেক কহিল যদি সূত হৃদয়রে ।
 কম্পমান হ'য়ে রাম উঠে ক্রোধভরে ॥
 কাদম্বরী'-পানে ঘুরে যুগল-লোচন ।
 প্রভাতের ভানু যেন লোহিত-বরণ ॥
 যুগল-অধর কোপে কাঁপে থর-থর ।
 কদম্বকুণ্ডল যেন হৈল কলেবর ॥
 বসিয়াছিলেন রাম, দেন এক লক্ষ ।
 দেখিয়া রামের কার্য সবার কম্প ॥
 প্রলয়ের মেঘ জিনি দারুণ গর্জন ।
 ক্ষিতি টলমল করে, কাঁপে নাগগণ ॥
 দিগগজ কাতর হৈল, সমুদ্রে উথলে ।
 সকল পর্বত নড়ে রাম-কোপানলে ॥
 সম্মুখে উৎপাত হয়, রক্ত-বরিষণ ।
 অমর-সহিত কাঁপে সহস্রলোচন ॥

হলে আকর্ষিয়া সূতে আনিয়া নিকটে ।
 খড়্গ দিয়া শির তার কাটে একচোটে ॥
 দেখি হাহাকার করে যত মুনিগণ ।
 কি হৈল বলিয়া সবে করয়ে রোদন ॥
 হায়-হায় করে যত মুনির সমাজ ।
 সবে বলে, রাম, নাহি কৈলে ভাল-কাজ ॥
 ব্রহ্মবধ-পাপ আক্রমিল, মহাশয় ।
 করিলে দারুণ কৰ্ম্ম, পাপে নাহি ভয় ॥
 পরম-পণ্ডিত সূত ধর্ম্মেতে তৎপর ।
 সকল-পুরাণ-পাঠে ব্যাসের সোসর ॥
 ব্রাহ্মণ্য দিলেন ব্যাস দেখি জ্ঞানবান্ ।
 হেনজনে বধ কর অযুক্ত বিধান ॥
 তোমারে না শোভে হেন কৰ্ম্ম দুর্দ্বার ।
 ব্রহ্মবধ কর রাম, কি বলিব আর ॥
 সূতের কারণে মুনিগণ ভাবে দুঃখ ।
 লজ্জাতে মলিন রাম ছন অধোমুখ ॥
 অন্তর্যামী ব্যাস পরাশরের নন্দন ।
 অকস্মাৎ আসিলেন নৈমিষ-কানন ॥
 তাঁরে দেখি শৌনকাদি মুনির সমাজ ।
 পাত্ত-অর্ঘ্য-আদি দিয়া পূজে মুনিরাজ ॥
 রাম আসি প্রণমেন মুনির চরণে ।
 আশীর্ব্বাদ করিলেন মুনি শাস্ত্রমনে ॥
 দেখিয়া রামের কৰ্ম্ম ব্যাস তপোধন ।
 লাগিলেন কহিবারে করুণ-বচন ॥
 সূতে বধ করি রাম, কি কার্য্য করিলে ।
 সূতের নিধনে রাম ব্রহ্মঘাতী হৈলে ॥
 আঠার পুরাণ আমি বিরচিয়া সার ।
 দিলাম সে-সকলের পাঠে অধিকার ॥
 চৌদ্দ-শাস্ত্র, চারি-বেদ, আর যত শাখা ।
 ব্রাহ্মণ্য সূত্রে দিয়া করিলাম দীক্ষা ॥

আগম প্রভৃতি আর আছে তত্ত্ব যত ।
 আমার বরেতে সূত ছিল অবগত ॥
 অকারণে বধ রাম, করিলে তাহারে ।
 ব্রহ্মহত্যা-পাপ হৈল তোমার শরীরে ॥
 রাম কন, না জানিয়া হৈল দুর্দ্বার ।
 এ-পাপ হইতে মোরে করহ উদ্ধার ॥
 কেমনে হইব পার এ-পাপ হইতে ।
 মোরে আচ্ছা কর, আমি করি সেইমতে ॥
 ব্যাস কহিলেন, যত তীর্থ পৃথিবীতে ।
 অনুক্রমে পার যদি ভ্রমণ করিতে ॥
 যতি হ'য়ে ব্রহ্মচর্য্য আরম্ভ করিয়া ।
 চান্দ্রায়ণ করি তীর্থ আইস ভ্রমিয়া ॥
 কর যজ্ঞ-হোম আর জ্ঞান-ভোজন ।
 নানা-দান দিবে দ্বিজ, অতিথি-সেবন ॥
 ইত্যাদি কহিয়া ব্যাস গেলেন স্বস্থান ।
 তীর্থযাত্রা-হেতু রাম করেন বিধান ॥
 সূতের তনয় ছিল সৌতি নাম তার ।
 ডাকিয়া আনেন তারে রোহিণী-কুমার ॥
 কহিলেন, কর পিতৃশ্রাদ্ধ ও তর্পণ ।
 শ্রাদ্ধ করি করাইল ব্রাহ্মণ-ভোজন ॥
 পুনঃ তারে বলদেব করি আমন্ত্রণ ।
 পুরাণ-পাঠের হেতু করেন বরণ ॥
 সৌতিরে বসান ব্যাসাসনে হলধর ।
 দেখি মুনিগণ হৈল সর্ষ-অস্তর ॥
 বিদায় হইয়া তবে দেব হলপাণি ।
 চলিলেন তীর্থযাত্রা করিতে আপনি ॥
 বলেন বৈশম্পায়ন, শুনহ রাজন ।
 কহিব অগূর্ব্ব-কথা অতি পুরাতন ॥
 কৌরব-পাণ্ডবে পাশা খেলাইল যবে ।
 বলরাম তীর্থহেতু চলিলেন তবে ॥

জন্মেজয় বলিলেন, কহ বিবরিয়া ।
কোন্ কোন্ তীর্থে রাম গেলেন ভ্রমিয়া ॥
মহাভারতের কথা অপূর্ব-পীযুষ ।
যাহার শ্রবণে নর হয় নিষ্কলুষ ॥
মনেতে ভাবিয়া ব্যাসদেবের চরণ ।
কাশীরাম দাস করে পয়ারে রচন ॥

৬। বশিষ্ঠ-তীর্থ-বিবরণ।

বলেন বৈশম্পায়ন, শুনহ নৃপতি ।
যেই-যেই তীর্থে রাম করিলেন গতি ॥
একমনে শুন কথা, ওহে নরবর ।
ইহার শ্রবণে হয় পাপহীন নর ॥
গেলেন বশিষ্ঠ-তীর্থে সরস্বতী-তীরে ।
স্নান করি দান করিলেন ধনাথীরে ॥
ব্রাহ্মণ-ভোজন করাইল বলরাম ।
অতিথি সেবিয়া পূর্ণ করিলেন কাম ॥
রাজা বলে, সেই তীর্থ হৈল কি-কারণ ।
বশিষ্ঠ-তীর্থের কথা কহ তপোধন ॥
মুনি বলে, অবগতি কর মহারাজ ।
যে-হেতু বশিষ্ঠ-তীর্থ, শুন তার কাজ ॥
বিশ্বামিত্রে বশিষ্ঠেতে বিবাদ সতত ।
পূর্বের কহিয়াছি আমি, হ'য়েছ বিদিত ॥
বড়ই তেজস্বী ক্রোধী মুনি বিশ্বামিত্র ।
কৌশলে মারিল বশিষ্ঠের শতপুত্র ॥
সৌদাস রাজারে ব্রহ্মরাক্ষস করিয়া ।
বশিষ্ঠের পুত্রে মুনি দেখায় লইয়া ॥
শক্তিরে ধরিয়া রাজা করিল ভক্ষণ ।
গর্ভমধ্যে আছিল যে শক্তির নন্দন ॥
পরাশর হইলেন বংশের রক্ষণ ।
তঁার পুত্র হইলেন ব্যাস তপোধন ।

এই বিসংবাদ দৌহে দিবারাত্র আছে ।
বশিষ্ঠ করেন স্থিতি সরস্বতী-কাছে ॥
পূর্বকূলে বশিষ্ঠের আশ্রম সুন্দর ।
তথা রহি তপশ্চর্যা করে মুনিবর ॥
বশিষ্ঠের সঙ্গে দ্বন্দ্ব সতত করিতে ।
বিশ্বামিত্রে রহিলেন পশ্চিম-কূলেতে ॥
কিছুকাল দুইজনে রহে দুই-পারে ।
বশিষ্ঠের ইচ্ছা নাহি দ্বন্দ্ব করিবারে ॥
কলহে আসক্ত বড় বিশ্বামিত্র হয় ।
নিরন্তর বশিষ্ঠের চাহে ছিদ্রচয় ॥
অগাধ সলিল বহে, নাহি পারাপার ।
দুজনে দেখিতে পান আশ্রম দৌহার ॥
বশিষ্ঠের মনে নাহি কলহ-বিবাদ ।
বিশ্বামিত্র চাহে বশিষ্ঠের অপরাধ ॥

একদিন বিশ্বামিত্র আশ্রমে বসিয়া ।
সরস্বতী-নদীরে ডাকেন আশ্বাসিয়া ॥
বিশ্বামিত্র-ভয়ে ভাঁতা সদা সরস্বতী ।
সাক্ষাৎ করিল গিয়া ধরিয়া আকৃতি ॥
পরম-তেজস্বী মুনি একান্ত জানিয়া ।
বিশ্বামিত্র-আগে গেল বৃকে হাত দিয়া ॥
বিশ্বামিত্র কহে, শুন নদী সরস্বতী ।
এক কথা কহি আমি, কর অবগতি ॥
বশিষ্ঠে-আমাতে দ্বন্দ্ব আছে পূর্বাপর ।
বিশেষ জানহ তুমি সব অতঃপর ॥
বশিষ্ঠ আছেয়ে যোগে বসিয়া আসনে ।
অস্তবাহু-জ্ঞান তার নাহিক এক্ষণে ॥
জলে একাকার করি ভাসাও মুনিরে ।
অবিলম্বে বশিষ্ঠেরে আনহ এ-পারে ॥

শুনি সরস্বতী ভয়ে করিল স্নীকার ।
কি জানি, শাপিতে পারে মুনি ছুরাচার ॥

আপনার স্থানে যান নদী সরস্বতী ।
 নিশামধ্যে জলপূর্ণা হইলেন অতি ॥
 বশিষ্ঠের তপোবন ভাসে স্রোতোজলে ।
 বশিষ্ঠে আনিল ভাসাইয়া পরকূলে ॥
 বশিষ্ঠ আছেন ধ্যানে, নাহি কিছু জ্ঞান ।
 উপনীত করিলেন বিশ্বামিত্র-স্থান ॥
 দেখি বিশ্বামিত্রে বড় আনন্দিত হ'য়ে ।
 সরস্বতী-প্রতি কহে আশ্বাস করিয়ে ॥
 বশিষ্ঠেরে নিজে ভূমি রাখ এইখানে ।
 খড়্গ আনি গিয়া আমি ইহার নিধনে ॥
 ভয়ে সরস্বতী বড় হইল কাঁফর ।
 অঙ্গীকার করিলেন করি যোড়কর ॥
 বিশ্বামিত্রে খড়্গ আনিবারে গেল যদি ।
 সভয় হইয়া মনে ভাবে পুণ্যনদী ॥
 বড়ই দুর্ব্বার বিশ্বামিত্রে মুনিরাজ ।
 বশিষ্ঠে আনিয়া নাহি কৈনু ভালকাজ ॥
 আপন-আশ্রমে মুনি আছিল বসিয়ে ।
 এ-পারে আনিবু আমি সলিলে ভাসায়ে ॥
 আমা হৈতে মুনিবর ত্যজিবে পরাণ ।
 ব্রহ্মঘাতী হব আমি, জানিবু বিধান ॥
 ব্রহ্মবধ-পাপ নাহি খণ্ডে কদাচন ।
 হেন মন্দ-কর্ম্ম আমি কৈনু কি-কারণ ॥
 বিশ্বামিত্র-শাপভয়ে হৃদয় আকুল ।
 আপনার কর্ম্মদোষে হারানু দুকূল ॥
 বিশ্বামিত্রে অভিশাপ দেয় যদি মোরে ।
 রূপাবশে কোন দেব উদ্ধারিতে পারে ॥
 ব্রহ্মহত্যা-পাপ-ভয়ে কম্পিত অন্তর ।
 মুনিরে বাঁচাই আমি, যা করে ঈশ্বর ॥
 এত ভাবি বশিষ্ঠেরে পুনশ্চ ভাসায়ে ।
 নিজাশ্রমে পুনর্ব্বার স্থাপিল লইয়ে ॥

মুনিরে রাখিয়া নদী ভয়েতে লুকাল ।
 খড়্গ ল'য়ে বিশ্বামিত্রে সেখানে আসিল ॥
 দেখিল বশিষ্ঠ গেল আপন-আশ্রমে ।
 সরস্বতী নদী আর নাহি সেইস্থানে ॥
 মহাক্রুদ্ধ হ'য়ে বলে বিশ্বামিত্রে-মুনি ।
 আমারে হেলন তুই করিলি পাপিনি ॥
 ইহার উচিত ফল দিব এবে তোরে ।
 তোরে শাপ দিব, তাহা কে খণ্ডিতে পারে ॥
 রক্তসলা হও ভূমি, দিলাম এ-শাপ ।
 শোণিত হউক সদা তব সব আপ ॥
 আজ্ঞামাত্রে সরস্বতী রক্তসলা হৈল ।
 দেখিয়া রাক্ষসগণ আনন্দ পাইল ॥
 ভূত-প্রেত-পিশাচাদি আনন্দে মগন ।
 অনায়াসে রক্তপান করে অনুক্ষণ ॥
 রক্তমাংসাহারী সব পৃথিবী ভ্রমিয়া ।
 রহিত শোণিত-বিনা উপোষ করিয়া ॥
 বিশ্বামিত্রে-অনুগ্রহে হর্ব্ব সবাকার ।
 শোণিত করয়ে পান, নাহিক নিবার ॥
 বিশ্বামিত্রে ধন্যবাদ দেয় সর্ব্বজন ।
 ধন্য-ধন্য বিশ্বামিত্রে মহাতপোধন ॥
 যাহার প্রসাদে মোরা করি রক্তপান ।
 সকল মুনির মধ্যে তুমি সে প্রধান ॥
 তোমার চরিত্রে যত, না যায় বাখান ।
 রক্তহারিগণে তুমি ঈশ্বর-সমান ॥
 রাক্ষস-পিশাচ-আদি পাইল আনন্দ ।
 রাজর্ষি দেবর্ষিগণ হৈল নিরানন্দ ॥
 সরস্বতী-স্নান নাহি করে মুনিগণ ।
 হাহাকার করি সবে বলে অনুক্ষণ ॥
 ধর্ম্মপথ বিনাশিল বিশ্বামিত্রে-মুনি ।
 সংসারে হইল হেন কুশল-কাহিনী ॥

দেবার্ধি নারদ গিয়া ব্রহ্মারে কহিল ।
 সরস্বতী-নদী বিশ্বামিত্রে বিনাশিল ॥
 রক্তজলা হও বলি অভিশাপ দিল ।
 আদি-অন্ত সর্বস্থানে রক্তজল হৈল ॥
 স্নান-তর্পণাদি নাহি হৈল সবাকার ।
 শৌণিত হইল জল রাক্ষস-আহার ॥
 ইহার উপায় প্রভু, করহ আপনি ।
 শুনি নারদের বাক্য কন পদ্মযোনি ॥
 করুক শিবের সেবা যত মুনিগণ ।
 উপায় না দেখি কিছু বিনা ত্রিলোচন ॥
 ত্রিলোচন ভুট্ট হৈলে সকল মঙ্গল ।
 রক্তজল দূর হ'য়ে হবে পূর্বজল ॥

এতক শুনিয়া মুনি ব্রহ্মার বচন ।
 সরস্বতী-তীরে গেলা, যথা মুনিগণ ॥
 ব্রহ্মার বচন সবে কহিল সাদরে ।
 আজ্ঞা করিলেন ব্রহ্মা শিবে সেবিবারে ॥
 মহেশ সন্নয় হৈলে হইবেক জল ।
 আরাধনা কর সবে সেবক-বৎসল ॥
 সেবাতে সন্তুষ্ট যদি হন পশুপতি ।
 তবে পূর্বমতজলা হবে সরস্বতী ॥

ইহা কহি দেব-ঋষি করেন গমন ।
 যতক ব্রাহ্মণ করে শিব-আরাধন ॥
 নীরাহারে নিরাহারে হরের চরণ ।
 করিয়া মৃন্ময়-লিঙ্গ করয়ে পূজন ॥
 শর্করা তণ্ডুল স্নাত মধু পুষ্প দিয়া ।
 শিব-শিব বলি কেহ বেড়ায় নাচিয়া ॥
 মুখবাণ্ড করতালি ডম্বুর-বাজন ।
 বিশ্বনাথ-বিশ্বনাথ বলে সর্বজন ॥

হর মহেশ্বর শিব অনাথের গতি ।
 শঙ্কর পিনাকী শূলপাণি পশুপতি ॥
 নীলকণ্ঠ উমাকান্ত ত্রিপুর-নাশন ।
 পার্বতীর প্রাণনাথ মদনদলন ॥
 অনাদি-নিধন-জ্ঞান যোগের ঈশ্বর ।
 ধুস্তর-কুহুম-প্রিয় দেব জটাদর ॥
 প্রমথ-ঈশ্বর হর ভূতপ্রেত-সঙ্গ ।
 হরি-হর একতনু গোঁরী অর্দ্ধ-অঙ্গ ॥
 রুমভবাহন ভূতনাথ ত্রিনয়ন ।
 সত্ত্বরজস্তমোশুণ তোমার ভূষণ ॥

ইত্যাদি অনেক স্তব করে মুনিগণ ।
 প্রসন্ন হইলা তবে দেব পঞ্চানন ॥
 বলদবাহন, হাতে ত্রিশূল ডম্বর ।
 ত্রিপত্র শিরেতে কিবা শোভিছে অচারু ॥
 রক্ত-পর্বত জিনি শুভ্র-কলেবর ।
 জট-বিভূষণ, ভালে চারু শশধর ॥
 শুভ্রপদ্ম জিনি আভা, বেষ্টিত অমর ।
 ব্যাত্রচর্ম্ম পরিধান, ভস্ম অঙ্গোপরি ॥
 এইরূপে আবির্ভূত হন কৃতিবাস ।
 দেখি মুনিগণে বড় হইল উল্লাস ॥

মহেশ কহেন, বর মাগ মুনিগণ ।
 ধর্ম্ম-অর্থ-কাম-মোক্ষ, যেবা লয় মন ॥
 মুনিগণ বলে, প্রভু, যদি কর দয়া ।
 ইচ্ছবর মাগি, দেহ ছাড়ি নিজমায়া ॥
 রক্তজলা হইয়াছে সরস্বতী-নদী ।
 পূর্বমত জল হৌক, আজ্ঞা কর যদি ॥
 তথাস্ত বলিয়া হর কহিলেন কথা ।
 অমনি হইল জল, পূর্বে ছিল যথা ॥

আদি-অন্ত হৈল জল অতি-মনোহর ।
 তীর্থের মহিমা कहিলেন মহেশ্বর ॥
 হইল বশিষ্ঠ-তীর্থ ইহার আখ্যান ।
 এই পুণ্যজলে যেই করে স্নান-দান ॥
 ব্রহ্মহত্যা হ্রাপান করে যেইজন ।
 মিত্রদ্রোহ করে যেই, স্থাপিত-হরণ ॥
 গুরুদারা হরে যেই পাপিষ্ঠ দুঃখতি ।
 কোনকালে নাহি যার পরলোকে গতি ॥
 ইত্যাদি পাতকী যদি ইথে করে স্নান ।
 সর্বপাপ নষ্ট হয়, তাতে নাহি আন ॥
 কোটি-কোটি-জন্ম-পাপ খণ্ডয়ে প্রসঙ্গে ।
 ইহা বলি মহেশ্বর চলিলেন রঙ্গে ॥

শুনিয়া নীরস্ত হইল সরস্বতী-জল ।
 হাহাকার করি আসে রাক্ষস-সকল ॥
 মুনিগণে আসি সবে কহে ক্রোধবাণী ।
 আমা-সবাকার ভক্ষ্য কেন কৈলে হানি ॥
 দুঃখ পাব মোরা-সব আহার লাগিয়া ।
 তপোবনে তোমা-সবে খাইব ধরিয়া ॥
 নতুবা মোদের ভক্ষ্য করি দেহ মুনি ।
 অকার্য্য হইবে পাছু, কহি হিতবাণী ॥
 শুনহ রাক্ষসসবে, কহে মুনিগণ ।
 আজি হৈতে ভক্ষ্য এই হৈল নিরূপণ ॥
 যজ্ঞশেষ-দ্রব্য যত উদ্ধৃত হইবে ।
 সে-সকল দ্রব্যজাত তোমরা খাইবে ॥
 পর্য্যুষিত অন্ন বাহা হাঁড়িমধ্যে রাখে ।
 সেই-সব ভক্ষ্য হৈল, খাও নমন্বখে ॥

এত কহি মুনিগণ কৈল অন্তর্দান ।
 রাক্ষস-সকল গেল আপনার স্থান ॥
 তথা উত্তরিয়া রাম কল্পিলেন স্নান ।
 বিজগণে ছুজাইয়া করিলেন দান ॥

নানারূপে বিপ্রগণে করে পরিতোষ ।
 শুনিয়া জনমেজয় পাইল সন্তোষ ॥
 মহাভারতের কথা অমৃত-লহরী ।
 কাশী কহে, শুনে যেই, তয়ে ভববারি ॥

৭। সোমতীর্থ-প্রভাবে কার্তিকেয়ের
 জন্মকথা ও তারকাহর-বধ ।

কহেন বৈশম্পায়ন, শুন একমনে ।
 সোমতীর্থে চলিলেন রাম পর্য্যটনে ॥
 তথা গিয়া স্নানদান করি বহুতর ।
 বসন-কাঞ্চন-গাভী দিলেন বিস্তর ॥
 জিজ্ঞাসেন জন্মেজয়, কহ তপোধন ।
 সোমতীর্থ নাম হৈল কিসের কারণ ॥
 মুনি কহে, প্রকাশিব সেই ইতিহাস ।
 একমনে শুন রাজা, করিয়া বিশ্বাস ॥
 পূর্বকালে শিব-দুর্গা কৈলাস-শিখরে ।
 অত্যন্ত সানন্দচিত্ত শয়ন-মন্দিরে ॥
 বহুকাল দুইজনে হয় রতিরঙ্গ ।
 বিপরীত প্রেম বাড়ে, নাহি হয় ভঙ্গ ॥
 মহেশের বীৰ্য্য তবে পড়ে যেইকালে ।
 অসহ্য দেখিয়া গৌরী ফেলে গঙ্গাজলে ॥
 সহিতে নারিলা গঙ্গা শিব-বীৰ্য্যতাপ ।
 অকস্মাৎ তাঁর হৃদে হৈল মহা-কাঁপ ॥
 ভাসাইয়া ল'য়ে গঙ্গা শরভূলে ফেলে ।
 যথু খু কুমার তাহে জন্মে শুভকালে ॥
 কৃত্তিকা প্রভৃতি চন্দ্রমার ছয়-নারী ।
 উত্তম-কুমার দেখি নিল কোলে করি ॥
 সমান-ধারাতে স্তন দেয় ছয়মুখে ।
 কার্তিকেয় বলি নাম রাখিলেন স্নেহে ॥

কৃত্তিকা তাঁহারে আগে কোলে ক'রেছিল ।
 এইহেতু তাঁর নাম কার্ত্তিকেয় হৈল ॥
 মহাবলবান্ শিশু শিবের কুমার ।
 দেবগণ আসিলেন তাঁরে দেখিবার ॥
 দেখিয়া সন্তুষ্ট হৈল যত দেবগণ ।
 হেনকালে শিবে কহে সহস্রলোচন ॥
 দেবসেনা কন্যা আছে পরমা সুন্দরী ।
 কার্ত্তিকে বিবাহ দিব, কহ ত্রিপুরারি ॥
 দেবসেনাপতি নাম হইবে ইহার ।
 তারকাদি অস্ত্রেরে করিবে সংহার ॥
 অনুমতি দেন হর হ'য়ে হৃষ্টমনা ।
 কার্ত্তিকের হৈল বশ যত দেবসেনা ॥
 দেব-সেনাপতি করি করিল বরণ ।
 নানা-অস্ত্র তারে আনি দিল দেবগণ ॥
 কার্ত্তিকেয় হৈল যদি দেব-সেনাপতি ।
 দেবগণ সবে হৈল আনন্দিত-মতি ॥
 তারকের যুদ্ধে ইন্দ্র হারিয়া আপনি ।
 কার্ত্তিক-শরণাগত হৈল বজ্রপাণি ॥
 কার্ত্তিকে বিনয়ে কহে দেব সহস্রাক্ষ ।
 আপনি নিধন কর দৈত্য-তারকাখ্য ॥
 ইন্দ্রবাক্যে কার্ত্তিকেয় করে অঙ্গীকার ।
 সমরে তারকে আমি করিব সংহার ॥
 এতেক কহিল যদি দেব ষড়ানন ।
 তাঁর পরাক্রম সব জানি দেবগণ ॥
 তবে মিলি অস্ত্র আনি দিল কার্ত্তিকেরে ।
 হস্তলোচন বজ্র দিল তাঁর করে ॥
 শঙ্কর দিলেন শূল, বিষ্ণু চক্র-বাণ ।
 যাহার প্রতাপে দৈত্য নাহি ধরে টান ॥
 শমন দিলেন শক্তি উৎকৃষ্টাঙ্গা নাম ।
 বরুণ দিলেন পাশ লোকে অনুপাম ॥

সর্ববলে যুক্ত হ'য়ে যত দেবগণ ।
 কার্ত্তিকেয়-সঙ্গে রণে করেন গমন ॥
 নানাবাণ বাজাইছে যত দেবগণ ।
 শুনিয়া তারকাসুর কোপাবিষ্ট-মন ॥
 আপনার সেনাগণে সজ্জিত করিয়া ।
 যুদ্ধ করিবার হেতু আসিল ধাইয়া ॥
 মহাকোলাহল হৈল নাহিক অবধি ।
 দেবগণ হৈল সবে অস্ত্র-বিরোধী ॥
 দুইদলে মহাযুদ্ধ হয় ঘোরতর ।
 ভয়ে পলাইয়া গেল সকল অমর ॥
 যুবেন কার্ত্তিক একা, মনে নাহি ভয় ।
 চারিদিকে দৈত্যগণ নিঃশব্দ-হৃদয় ॥
 আগে বাণযুদ্ধ, শেষে করে অস্ত্রাঘাত ।
 সংগ্রামে তারকাসুর যুঝে দৈত্যনাথ ॥
 অস্ত্রে অস্ত্র নিবারয়ে, যার যত শিক্কা ।
 গুরুস্থানে যত-অস্ত্র পাইলেক দীক্ষা ॥
 কার্ত্তিকেয়-বাণে কারো নাহিক নিস্তার ।
 দৈত্যের সকল সেনা হইল সংহার ॥
 মস্তগুত করি শক্তি লইলেন হাতে ।
 মারেন কার্ত্তিক তাহা তারকের মাথে ॥
 শক্তির আঘাতে দৈত্য চূর্ণ হৈল ঠায় ।
 শেষ সেনাপতি যত, সকলে পলায় ॥
 বাণ-নামে সেনাপতি তারকের ছিল ।
 ভয়ে পলাইয়া ক্রোঞ্চ-পর্বতে রহিল ॥
 পর্বতের মধ্যে ছিল অতল গহ্বর ।
 গোপনে রহিল দৈত্য তাহার ভিতর ॥
 বাণ না মরিল দেবগণের হৃতাশ ।
 অঞ্জলি করিয়া কহে কার্ত্তিকের পাশ ॥
 বাণ যদি না মরিল, নহে ভালকার্য্য ।
 কোন্ দিন দেব-আরি তবে দেখবাজ্য ॥

এতেক কহিল যদি ষত দেবগণ ।

বাণেৰে মারিতে চলিলেন বড়ানন ॥

বাণ ছিল ক্রোঞ্চ-গিরি-গহ্বরে পশিয়া ।

শরে শক্তিদর গিরি কেলেন ভেদিয়া ॥

বাণাঘাত-ভয়ে বাণ-দৈত্য পলাইল ।

কাৰ্ত্তিকের নাম ক্রোঞ্চদারণ হইল ॥

ব্রহ্মার-বচনে সেই-স্থান তীৰ্থ হয় ।

স্নানদানে সেই-স্থানে বহু পাপক্ষয় ॥

মুনি বলে, এই কাৰ্ত্তিকের জন্মকথা ।

হলধর হইলেন উপনীত তথা ॥

স্নান-যজ্ঞ করিলেন দান বহুতর ।

ব্রাহ্মণভোজন করাইলেন বিস্তর ॥

বদর-পাচন-তীৰ্থে গেলেন লাঙ্গলী ।

স্নানদান করিলেন হ'য়ে কুতূহলী ॥

জিজ্ঞাসেন জন্মেজয়, কহ তপোধন ।

কেন হৈল তীৰ্থ-নাম বদর-পাচন ॥

ভারতের পুণ্যকথা পীযুষ-সমান ।

যাহার শ্রবণে নর হয় পুণ্যবান ॥

৮। বদর-পাচন-তীৰ্থের কথা ।

বলেন বৈশম্পায়ন, শুনহ রাজন্ ।

একমন হ'য়ে রাজা, করহ শ্রবণ ॥

ভরদ্বাজ-ঋষিকণ্ঠা, নাম শ্রবাবতী ।

পরম-সুন্দরী কণ্ঠা, যেন রম্ভাবতী ॥

তাহার সমান রূপ তিনলোকে নাই ।

মনস্থির করি তারে গঠিল গোসাঁই ॥

যার পানে চাহে কণ্ঠা, হরে তার শ্রাণ ।

আপনার মনে কণ্ঠা করে অনুমান ॥

আমার সমান রূপ নাই ত্রিকূটতে ।

মনুষ্য কি ছাত্র-রূপে আসিয়া বসিতে ॥

দেবের দুৰ্ভত এই আমার যৌবন ।

স্বামি-পদে ইন্দ্রে আমি করিব বরণ ॥

এই বিবেচনা করি মূনির তনয়া ।

শক্রের তপস্বী করে একান্তে বসিয়া ॥

ঐশ্বকালে চতুর্দিকে স্থালিয়া আগুনি ।

অধঃশিবে উৰ্দ্ধপদে থাকয়ে ভামিনী ॥

বরিষাতে তৃণশুল্ক-আসনে বসিয়া ।

জপয়ে ইন্দ্রের নাম বৃষ্টিতে ভিজিয়া ॥

শরতে সূর্যের তাপ না করে বারণ ।

অবিরত জপে নাম সহস্রলোচন ॥

প্রলয় শীতের কালে জলে রহে ডুবি ।

কেবল ইন্দ্রের নাম মানসেতে ভাবি ॥

জলাহার বাতাহার নিরন্তর করিয়া ।

অশ্বিনচর্মসার হৈল তপ আচরিয়া ॥

শচীপতি এই-সব জানি নিজমনে ।

বশিষ্ঠের বৃত্তি ধরি আসিল সেখানে ॥

পাঁচটি বদর হাতে করিয়া লইল ।

শ্রবাবতী-কাছে আসি উপনীত হৈল ॥

মূনিরে দেখিয়া কণ্ঠা করে সমাদর ।

পাশ্চ-অর্ঘ্য-আদি দিয়া পূজে বহুতর ॥

মুনি বলে, শ্রবাবতী, কেন কর ক্লেশ ।

করিলে যৌবন নষ্ট প্রথম বয়স ॥

এ-নব-যৌবনে কেন না কর বিবাহ ।

কি-প্রকারে বয়ঃক্রম করিবে নির্বাহ ॥

কণ্ঠা বলে, নিবেদন শুনহ গোসাঁই ।

মনুষ্য-লোকেতে মম যোগ্য বর নাই ॥

ইন্দ্রকে বরিব, করি মনে অভিলাষ ।

এইহেতু তাঁর তপ করি বারমাস ॥

ছদ্মরূপা ইন্দ্র বলে, শুন শ্রবাবতী ।

কদাচিত্ তব স্বামী হয় সুরপতি ॥

যাহা তব মনে লয়, করহ আপনি ।
আমি এককথা কহি, শুন সুবদনি ॥
পাক করি দেহ মোরে পাঁচটি বদর ।
স্নান-সন্ধ্যা করি আমি আসিব সন্ধ্যর ॥
বদর দিলেন তারে দেবতার নাথ ।
শ্রাবাবতী লইলেন যুড়ি দুইহাত ॥

স্নানে যাই বলি ইন্দ্র করেন প্রয়াণ ।
অস্ত্রহিত হ'য়ে যান আপনার স্থান ॥
হেথা শ্রাবাবতী বনে কাষ্ঠ আহরিয়া ।
বদর করেন পাক তপস্তা ত্যজিয়া ॥
বনেতে যতেক শুষ্ক কাষ্ঠপত্র ছিল ।
একে-একে শ্রাবাবতী সব পোড়াইল ॥
ছাদশ-বৎসর এইরূপে পাক করে ।
পাক না হইল, কন্যা ডাকে উচ্চৈঃস্বরে ॥
বদরী আমাকে দিয়া মুনি গেল স্নানে ।
না হয় বদরী পাক, বুধা এ-জীবনে ॥
ছাদশ-বরষ গেল, না হইল পাক ।
হা কৃষ্ণ দ্বারকানাথ, বলি ছাড়ে ডাক ॥
বহুকাল গেল বিপ্র, কেন না আসিল ।
এক-দ্বিজ-আরাধনে শক্তি নাহি হৈল ॥
বুধায় জীবন ধরি, কি কার্য্য জীবনে ।
কার্ত্তাভাবে দুই-পদ দিলেক আশুনে ॥
ক্রমেতে জঘন-পদ সকলই পোড়ে ।
অমনি আছয়ে কন্যা, পদ নাহি নাড়ে ॥
পদ হৈতে ক্রমে নাভি পর্য্যন্ত পুড়িল ।
জানি শচীপতি তথা স্বরায় আসিল ॥
নিজবেশ ধরি আসে দেব শচীনাথ ।
দেখি কন্যা প্রণমিল করি ঝোড়হাত ॥

ইন্দ্র বলে, শ্রাবাবতী, কি কর্ম করহ ।
ছাড়িয়া বদর-পাক এখানে আসহ ॥

কন্যা বলে, মুনি দিল পাঁচটি বদর ।
করিতে না পারি পাক ছাদশ-বৎসর ॥
ইতিমধ্যে মুনি যদি এখানে আসিয়া ।
বদর না পায়, যাবে অভিশাপ দিয়া ॥
না দেখি উপায় আর নারায়ণ-বিনে ।
মুনি-কোপানলে পার হইব কেমনে ॥

ইন্দ্র বলে, শুন কন্যা, আমার বচন ।
বশিষ্ঠের বেশে সেই মম আগমন ॥
সে-ভয় করহ দূর, শুন বরাননে ।
আপন বাঙ্ছিত বর মাগহ এক্ষণে ॥
দুই-পদ পোড়া গিয়া হইল সংহার ।
ইন্দ্রের রূপায় পদ হৈল পুনর্ব্বার ॥

শ্রাবাবতী বলে, শুন ত্রিাদশ-ঈশ্বর ।
আমারে বিবাহ কর, এই মাগি বর ॥
ইন্দ্র বলে, জন্মান্তরে হব তব পতি ।
শচীর সমান প্রেম হবে তোমা-প্রতি ॥
বুধা আর ক্রেশ কর এ-নব-যৌবনে ।
তপস্তায় ক্ষমা দেহ আমার বচনে ॥

কন্যা বলে, এই জন্মে না হইলে স্বামী ।
কি কর্ম করিব, মোরে আত্মা দেহ তুমি ॥
এই-স্থানে তপশ্চর্যা আমার হইল ।
মম কর্ম্মাধীন ফল তেমনি ফলিল ॥
মোরে বর দেহ এই, দেব পুরেশ্বর ।
এইস্থানে তপে মুক্ত হয় যেন নর ॥

ইন্দ্র বলে, শ্রাবাবতী, কর অবধান ।
এই মহাতীর্থে যদি করে স্নান-দান ॥
অনন্ত-জন্মের পাপ থাকে যার যত ।
ক্ষমাত্রে সর্ব্বপাপ হইবেক হত ॥
বদর-পাচন নাম হইল ইন্দ্রের ।
জন্মান্তরে স্বামী আমি হইব তোমার ॥

এত বলি অন্তর্দান কৈল হরপতি ।

সে-শরীর ত্যাগ করিলেক প্রবাসতী ॥

শুনিলে ত জন্মেজয় কথা পুরাতন ।

এইহেতু নাম হৈল বনর-পাচন ॥

কামপাল সেই তীর্থে করিলেন স্নান ।

ব্রাহ্মণেরে বহুবিধ করিলেন দান ॥

তারপরে যান রাম দেবল-তীর্থেতে ।

দেবল-মুনির স্থান ঘোষে ত্রিজগতে ॥

দেবল হইল সিদ্ধ তপশ্চা করিয়া ।

সেই তীর্থে বলরাম পৌঁছিলেন গিয়া ॥

রাজা বলে, কোন্ রূপে সিদ্ধ হৈল মুনি ।

বিস্তার করিয়া মোরে বলহ আপনি ॥

গদ্যপর্ব ভারতের অপূর্ব-কথন ।

কাশীরাম দাস কহে, করহ শ্রবণ ॥

২ । দেবল-তীর্থের কথা ।

বলেন বৈশম্পায়ন, শুনহ রাজন্ ।

ভারত-শ্রবণে নর মোক্ষের ভাজন ॥

দেবল করেন তপ থাকি নিরাহার ।

তঁার তপে মুনিগণ করে হাহাকার ॥

একাহারে কতদিন সেই তপোধন ।

কতদিন বৃক্ষপত্র করয়ে ভক্ষণ ॥

কতকাল জলাহারে তপ-আচরণ ।

বাতাহারে কতকাল শরীর-ধারণ ॥

কতদিন উপবাসে যায় দুইপক্ষ ।

যাসান্তেতে ফল-মূল করিলেন ভক্ষ্য ॥

একমাস ফল-মূল করি আহরণ ।

একদিন মুনি করে প্রমোদিত তর্পণ ॥

অতিথি-ব্রাহ্মণে ফল-মূল দিয়া দান ।

শেষ ফল-মূলে তাঁর হয় জলপান ॥

এইরূপে কতদিন নির্বাহেন মুনি ।

তার পরে শুন রাজা, অপূর্ব-কাহিনী ॥

একদা করেন মুনি ব্রাহ্ম ফল-মূলে ।

তার পরে দ্বিজসেবা, অতিথি ভূঞ্জিলে ॥

শেষ ফল-মূল মুনি করিতে ভক্ষণ ।

তথায় আসিল জৈগীষব্য সেইক্ষণ ॥

ডাকিয়া দেবলে কহে, শুন মুনিবর ।

ক্ষুধানলে দগ্ধ হয় আমার উদর ॥

পার যদি মোরে কিছু ভক্ষ্য আনি দিতে ।

তবে প্রাণ বাঁচে মম, জানহ নিশ্চিত্তে ॥

জৈগীষব্য-বাক্য শুনি তবে মহামুনি ।

নিজ-ভক্ষণের ফল-মূল দেন আনি ॥

ভক্ষণ করিয়া জৈগীষব্য মহাশয় ।

আশীর্বাদ করি গেল আপন-আলয় ॥

পুনঃ মাস-অস্ত্রে সেই আসি জৈগীষব্য ।

ভক্ষণ করয়ে দেবলের ভক্ষ্য-দ্রব্য ॥

মুনিবর তপশ্চর্যা করে অনাহারে ।

জানেন, আসিবে জৈগীষব্য মম ঘরে ॥

ফল-মূল যত কিছু প্রস্তুত করিয়া ।

জৈগীষব্য-হেতু মুনি রহে দাঁড়াইয়া ॥

বিলম্ব হইল বহু, না আসেন তিনি ।

তাঁহার উদ্দেশে চলিলেন মহামুনি ॥

সমুদ্রের-কূলে গেলা, যথায় আলয় ।

তথায় নাহিক জৈগীষব্য মহাশয় ॥

সপ্তম পাতাল মুনি করেন ভ্রমণ ।

কোথাও না পাইলেন তাঁর দরশন ॥

ভুলোক ও ভুবলোক স্বর্গলোক আর ।

অন্বেষণ করি ভ্রমে মুনির কুমার ॥

তপোলোক সত্যলোক আর জনলোক ।
 গোলোক পর্য্যন্ত গেল অঙ্গিরার তোক' ॥
 কোথাও না দেখে জৈগীষব্য-মুনিবরে ।
 ফিরিয়া আসেন মুনি আপনার ঘরে ॥
 পুনরপি জনলোকে আসে ক্রম-ক্রমে ।
 তথায় দেখিল জৈগীষব্যে মহামতি ॥
 তার পর সত্যলোকে আসে ক্রমে-ক্রমে ।
 জৈগীষব্যে মুনি তথা দেখিল সত্ত্বে ॥
 তার পর ভুবলোকে করিল গমন ।
 দেখিল তথায় জৈগীষব্যে মহাজন ॥
 তপোলোকে আসে মুনি হ'য়ে স্বরাশ্বিত ।
 দেখিল সেখানে জৈগীষব্য অধিষ্ঠিত ॥
 ভূলোকে আসিল পুনঃ অঙ্গিরার স্মৃত ।
 তথা দেখে জৈগীষব্য আছেন প্রস্তুত ॥
 তারপর মুনিবর অতলেতে যান ।
 দেখেন তথায় জৈগীষব্য-অধিষ্ঠান ॥
 অতঃপর বিতলেতে করিল গমন ।
 তথায় পাইল জৈগীষব্য-দরশন ॥
 গমন করেন পরে, যথায় স্মৃতল ।
 তথায় দেখেন জৈগীষব্যে মহাবল ॥
 তার পরে মহামুনি গেল মহাতল ।
 জৈগীষব্যে সেখানেতে দেখেন দেবল ॥
 তলাতলে মহামুনি করে আগুসার ।
 জৈগীষব্যে দেখে তথা অঙ্গিরা-কুমার ॥
 গেলেন দেবল রসাতলে তার পর ।
 সেথা জৈগীষব্যে দেখে মহাতেজস্কর ॥
 পাতালে প্রবেশ করে তার পরে মুনি ।
 জৈগীষব্য আছে তথা বসিয়া আপনি ॥

তার পরে আসিলেন সমুদ্রের তীরে ।
 জৈগীষব্য আছে তথা আপনার ঘরে ॥
 তবে মুনি আসিলেন নিজ-নিকেতন ।
 তথা পাইলেন জৈগীষব্য-দরশন ॥
 দিব্য-কুশাসনে জৈগীষব্য বসিয়াছে ।
 সত্ত্বে দেবল-মুনি গেল তাঁর কাছে ॥
 প্রণাম করিয়া বহু করিল স্তবন ।
 কহিল দেবল-মুনি সব বিবরণ ॥
 দেবল বলেন, মুনি, তোমাতে খুঁজিয়া ।
 ভ্রমিলাম চতুর্দশ-ভুবন ব্যাপিয়া ॥
 সর্বত্র তোমাতে দেখিলাম মহাশয় ।
 অচিন্ত্য তোমার শক্তি, না হয় নির্ণয় ॥
 জৈগীষব্য বলে, বাপু, নাহি যাই কোথা ।
 ভক্ষণ-কারণে আমি বসিয়াছি হেথা ॥
 যে-কিছু সামগ্রী আছে, আন গীজ্রতর ।
 ক্ষুধার-অনলে দহে আমার জঠর ॥
 দেবল আনিল নানাবিধ ফল-মূল ।
 জৈগীষব্য তার পর হৈল অনুকূল ॥
 জৈগীষব্য প্রিয়ভাবে বলেন বচন ।
 তোমার সমান কেহ নাহি তপোধন ॥
 বহুকাল তপ কৈলে করি অনাহার ।
 বর মাগ দেবল, যা বাঞ্ছিত তোমার ॥
 দেবল বলেন, প্রভু, করি হে প্রার্থনা ।
 মম মনে নাহি কিছু সংসার-বাসনা ॥
 ব্রহ্মজ্ঞান দেহ মোরে, ওহে মহাশয় ।
 অশেষ যেন ব্রহ্মজ্ঞানে ব্রহ্মে হয় লয় ॥
 জৈগীষব্য বলে, ভূমি তার যোগ্য হও ।
 ব্রহ্মজ্ঞান দিব, ভূমি এইক্ষণে লও ॥

জৈগীষব্য দেবলোরে দেন ব্রহ্মজ্ঞান ।
 বত জীব আসিলেক জৈগীষব্য-স্থান ॥
 রোদন করিয়া সবে করে কাকুবাদ^১ ।
 মো-সবার বধভাগী হ'লে অচিরাৎ ॥
 দেবলোরে ব্রহ্মজ্ঞান তুমি দিলে যদি ।
 আমা-সবাকার মৃত্যু ঘটাইল বিধি ॥
 পরম-সরলচিত্ত দেবল মুনির ।
 সর্বজীবের দয়া করে, অতীব সুধীর ॥
 দেবল-সমান দয়া কেহ নাহি করে ।
 তত্ত্বজ্ঞান পায় যদি এই মুনিবরে ॥
 অন্তর্বাছ-জ্ঞান নাহি রহিবে ইহার ।
 আমা-সবে দয়া করে, কেহ নাহি আর ॥
 রোদন করয়ে প্রাণী হইয়া কাতর ।
 দেবলোরে জৈগীষব্য কহেন তৎপর ॥

শুনহ দেবল-মুনি, কহি একমনে ।
 এ-চারি আশ্রম ধাতা সৃজিল যতনে ॥
 গৃহা বাণপ্রস্থ উদাসীন অবধূত ।
 এ-চারি-আশ্রম-মধ্যে গৃহস্থ মহৎ ॥
 পুরাণ ভারত স্মৃতি বেদের বচন ।
 গৃহস্থের সর্ব-ধর্ম, শুন তপোধন ॥
 পিতৃমাতৃ-শ্রদ্ধা আর অতিথি-সেবন ।
 ব্রাহ্মণ বৈষ্ণব দুঃখী করায় ভোজন ॥
 নিত্য-নৈমিত্তিক কর্ম করিবে সংযত ।
 কুটুম্ব-বান্ধবে স্নেহ করিবে নিয়ত ॥
 অতিথি আসিলে অগ্রে দিবে পীঠ-জল ।
 বিনয়-বচন কবে হইয়া সরল ॥
 পাণ্ড-অর্থ্যে পূজিবেক করিয়া বিনয় ।
 গৃহমধ্যে যেই-দ্রব্য উপস্থিত রয় ॥

আনিবে অতিথি-পাশে হ'য়ে স্বরাস্বিত ।
 বিধিমতে সেবা করিবেক যথোচিত ॥
 গৃহে যদি কিছু নাহি অতিথি-সেবনে ।
 ভিক্ষা করিবেক গিয়া প্রতিবাসি-জনে ॥
 ভিক্ষা করি যদি তাহে কিছু নাহি পায় ।
 অতিথি-নিকটে পুনঃ আসিবে স্বরায় ॥
 রোদন করিবে আসি অতিথি-নিকটে ।
 বিনয়-বচন কহিবেক করপুটে ॥

তবে ধর্মরক্ষা হয়, পাপ নাহি থাকে ।
 সর্বপাপে মুক্ত হ'য়ে যায় সর্গলোকে ॥
 এতেক কহিল জৈগীষব্য মহাশয় ।
 শুনিয়া দেবল-মুনি মানিল বিস্ময় ॥
 জৈগীষব্য কহে, শুন দেবল হুজ্ঞন ।
 সকল আশ্রম হৈতে গৃহস্থ উত্তম ॥
 জৈগীষব্য বলে, বর মাগ মুনিবর ।
 বিদায় হইয়া আমি যাইব সত্ত্বর ॥
 দেবল বলেন, প্রভু, কর অবধান ।
 এই ইস্টবর আমি চাহি তব স্থান ॥
 এইস্থানে তপ করিলাম বহুতর ।
 পুণ্যতীর্থ হবে এই, মোরে আজ্ঞা কর ॥
 জৈগীষব্য বলে, সিদ্ধ হইলে দেবল ।
 পরম-দুর্লভ তীর্থ হৈল এইস্থল ॥
 ইহাতে আসিয়া যদি করে স্নানদান ।
 যজ্ঞত্রত করি বিপ্রের যদি করে দান ॥
 অসংখ্য-জন্মের পাপ হইবেক ক্ষয় ।
 সত্য-সত্য পুনঃ সত্য জানহ নিশ্চয় ॥
 এত কহি জৈগীষব্য কৈল অন্তর্ধান ।
 দেবল আপন-গৃহে করিল প্রয়াণ ॥

সেই মহাতীর্থে তবে যান হলধর ।
 স্নানদান করিলেন ঘন্টা-নিরন্তর ॥
 অনেক ব্রাহ্মণ তথা করান ভোজন ।
 বস্ত্র-অলঙ্কার দিয়া করেন পূজন ॥
 দিলেন গো-অশ্ব-হস্তি-স্বর্ণ-রৌপ্য-দান ।
 নমুচি-তীর্থেতে রাম করেন প্রয়াণ ॥

জিজ্ঞাসেন জন্মেজয়, শুন তপোধন ।
 নমুচি-তীর্থের যত কহ বিবরণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১০। নমুচি-তীর্থের কথা ।

বলেন বৈশম্পায়ন, শুন কুরুন্ময় ।
 নমুচি-তীর্থের কথা কহিব তোমায় ॥
 নমুচি-দানব ছিল কশ্যপ-তনয় ।
 বাল্যকালে ছিল সেই অতি তেজোময় ॥
 ব্রহ্মার তপশ্চা আরম্ভিল দৈত্যবর ।
 অনাহারে তপ করে সহস্র-বৎসর ॥
 ভুক্ত হ'য়ে প্রজাপতি দিতে আসে বর ।
 কহিলেন, মাগ বর দানব-ঈশ্বর ॥
 নমুচি বলিল, শুন দেব পিতামহ ।
 বর দিয়া মোরে তুমি অমর করহ ॥

ব্রহ্মা বলিলেন, বৎস, মাগ অমর বর ।
 অমর নাহিক কেহ ভুবন-ভিতর ॥
 সৃষ্টির কারণ আমি, সর্বসৃষ্টি মোর ।
 আমার আয়ুর দেখ আছে অস্ত-ওর ॥
 অষ্টাদশ-নিমেষেতে এক কাষ্ঠা হয় ।
 ত্রিংশৎ-কাষ্ঠাতে কলা জানহ নিশ্চয় ॥
 ত্রিংশৎ-কলায় হয় জান এক ক্ষণ ।
 ষাটশ-ক্ষণেতে হয় মুহূর্ত্ত-গণন ॥

ত্রিংশৎ-মুহূর্ত্তে হয় এক অহোরাত্র ।
 পঞ্চদশ-অহোরাত্রে এক-পক্ষ মাত্র ॥
 শুক্লপক্ষ কৃষ্ণপক্ষ নিরূপণ তার ।
 দুই-পক্ষে এক মাস সৃজন ধাতার ॥
 বারমাসে মনুষ্যের একটি বৎসর ।
 মনুষ্যের মাসে পিতৃলোকের বাসর ॥
 পিতৃলোক-বর্ষে দেবতার একদিন ।
 ত্রিশদিনে এক মাস শুনহ প্রবীণ ॥
 সত্য-ত্রেতা-দ্বাপর-কলি যে যুগ চারি ।
 এক মন্বন্তর হয় যুগ একান্তরি ॥
 চতুর্দশ মন্বন্তরে মম এক দিন ।
 ত্রিশদিনে এক মাস ইথে নহে হীন ॥
 ষাদশ মাসেতে বর্ষ ইথে নাহি আন ।
 ষাইট-সহস্র বর্ষ আয়ু-পরিমাণ ॥
 তারপর হইবেক আমার পতন ।
 আমার পতন আছে, তুমি কোন্ জন ॥
 শরীর ধরিলে মৃত্যু অবশ্য হইবে ।
 অমর নাহিক কেহ বিধিস্বষ্ট-ভাবে ॥
 অমর মাগ তুমি, সম্ভব যে হয় ।
 আপন-অভীষ্ট মাগ, মনে যেবা লয় ॥

নমুচি বলিল, প্রভু, শুনহ বচন ।
 বৃদ্ধহলে যেন মম না হয় মরণ ॥
 যুদ্ধে যেন জিনিতে না পাবে মোরে কেহ ।
 মম মনোনীত এই বর প্রভু, দেহ ॥
 কপট করিয়া যদি কেহ আসি মাঝে ।
 মম যুগু দুঃখ দিবে প্রচুর তাহারে ॥
 মোরে পিতামহ, তুমি দেহ এই বর ।
 তথাস্ত বলিয়া ব্রহ্মা গেল নিজঘর ॥
 নমুচি আপন-গৃহে দিল দরশন ।
 সর্বদেবে জিনি সেই হইল রাজন্ ॥

ইন্দ্র-আদি দেবগণ হইয়া বিকল ।
 মনুষ্য-আকার হ'য়ে ভ্রমে মহীতল ॥
 এইরূপে তথা দেখ দীর্ঘকাল যায় ।
 বিচার করিল নিজমনে দেবরায় ॥
 নমুচি থাকিতে মম নাহিক কল্যাণ ।
 ছল করি ছুরাত্মার বধিব পরাণ ॥
 নমুচির সহ প্রীতি করে পুরন্দর ।
 বহুপ্রীতি দুইজনে এক-কলেবর ॥

এইরূপে কতকাল উভয়ে যাপিল ।
 দৈবে ইন্দ্র একদিন একাকী পাইল ॥
 পথমাঝে মুণ্ড কাটি করে ছুইখান ।
 স্কন্ধ পড়ে, মুণ্ড ধায় অগ্নির সমান ॥
 নথ প্রনারিয়া মুণ্ড যায় গিলিবারে ।
 প্রাণভয়ে দেবরাজ পলায় সঙ্করে ॥
 ভ্রমিল পাতাল-সপ্ত ভয়ে পুরন্দর ।
 পাছে-পাছে খেদাড়িয়া যায় মুণ্ডবর ॥
 সপ্তস্বর্গ ক্রমে-ক্রমে করিল ভ্রমণ ।
 ধৈর্যে গিয়া ইন্দ্র কহে ব্রহ্মার সদন ॥
 রক্ষা কর পিতামহ, লইলু শরণ ।
 ত্বরায় করহ রক্ষা দেব-বেদানন ॥
 ছল করি নমুচিরে করিলাম বধ ।
 নমুচির মুণ্ড মম ঘটায় আপদ ॥
 ভ্রমি সপ্ত-স্বর্গ আর পাতাল বেড়াই ।
 চতুর্দশ-ভুবনেতে রক্ষা নাহি পাই ॥
 কিরূপে পাইব রক্ষা, কহ মহাশয় ।
 নমুচির মুণ্ড মোরে গিলিবে নিশ্চয় ॥
 অতএব কর প্রভু, ইহার বিহিত ।
 ব্রহ্মা বলিলেন, ইন্দ্র, যাও ত্বরান্বিত ॥
 সরস্বতা-স্নান কর গিয়া সুরপতি ।
 পতিত হইবে মুণ্ড, যুচিবে দুর্গতি ॥

এই কথা ইন্দ্রে কহিছেন পদ্মাসন ।
 হেনকালে মুণ্ড তথা দিল দরশন ॥
 বিকৃত-আকার মুণ্ড, মুখ পরিসর ।
 প্রলয়কালেতে যেন দীপ্ত বৈশ্বানর ॥
 দেখিয়া পলায় ইন্দ্র, নাহি বাক্যে কেশ ।
 ইন্দ্রের দুর্গতি দেখি দুঃখী সর্বদেশ ॥
 বেগে ধায় ইন্দ্র, নাহি পাছু-পানে চায় ।
 নমুচি-দৈত্যের মুণ্ড পশ্চাতে গোড়ায় ॥
 কতক্ষণে উত্তরিল সরস্বতী-তীরে ।
 অতিবেগে উপনীত মুণ্ড তথাকারে ॥
 মুণ্ড দেখি দেবরাজ জলে ডুব দিল ।
 ডুব দিবা মাত্র মুণ্ড ভূমিতে পড়িল ॥
 নিস্তার পাইল ইন্দ্র মহাপাপ হ'তে ।
 মূর্নিগণে সম্বোধিয়া লাগিল কহিতে ॥

শুনহ তোমরা যত মহামুনিগণ ।
 এই তীর্থবর আমি করিমু সৃজন ॥
 বলিবে নমুচির্তীর্থ এবে সর্বজন ।
 ইহার স্নানের ফল শুন দিয়া মন ॥
 কোটি-কোটি জন্মে যত মহাপাপ হয় ।
 ইহার স্নানেতে সর্ব খণ্ডিবে নিশ্চয় ॥
 তীর্থ-নিরূপণ কারিলেন দেবরায় ।
 নমুচি-তীর্থের কথা কহিমু তোমায় ॥
 তথা উপনীত হন রোহিণী-নন্দন ।
 স্নান করি তুষিলেন ভোজনে ব্রাহ্মণ ॥
 যজ্ঞ-হোম করি বিপ্রে দিয়া নানা-দান ।
 তথা হৈতে করিলেন মুঘলা প্রয়াণ ॥
 বৃদ্ধকন্যা-আশ্রমেতে হৈল উপনীত ।
 জিজ্ঞাসেন জন্মেজয় মুনীরে স্বরিত ॥
 বৃদ্ধ বলি বলিতেছ, অথচ সে কন্যে ।
 বিন্ময় হইল মম এই কথা শুনে ॥

বিস্তারিয়া সব কথা কহ তপোধন ।
 শুনিলারে ইচ্ছা বড় ইহার কারণ ॥
 মহাভারতের কথা সমান-পৌষ ॥
 যাহার শ্রবণে নর হয় নিষ্কলুষ ॥
 গদাপর্কের তীর্থযাত্রা অপূর্ব-কথন ।
 পাঁচালী-প্রবন্ধে কাশীরাম-বিরচন ॥

১১। বুদ্ধকথা-তীর্থ-বিবরণ ।

বলেন বৈশম্পায়ন, শুন নৃপতর ।
 বুদ্ধকথা-উপাখ্যান অতি মনোহর ॥
 গর্গের নন্দিনী হৈল অতি রূপবতী ।
 তার তুল্য রূপবতী না দেখি সম্প্রতি ॥
 যৌবন-সময়ে কন্যা ভাবিল হৃদয়ে ।
 তপ করি দেব-ভর্তা লভিব নিশ্চয়ে ॥
 এত চিন্তি প্রতিদিন করি অনাহার ।
 বহুকাল তপ করি অস্থিচক্ষ্মসার ॥
 করিল কঠোর তপ, নাহি পরিমাণ ।
 দেখিয়া তাহার তপ সবে কম্পমান ॥
 যুবাকাল গেল তার, বার্কাক্য-সময় ।
 তথাপিহ তপ করে, ক্ষান্ত নাহি হয় ॥
 আসিল নারদ সেই কন্যার নিকটে ।
 দেখি কন্যা মুনিবরে নমে করপুটে ॥
 নারদ বলেন, কন্যে, কি কর্ম করিলে ।
 তপস্তা করিয়া রূপলাবণ্য নাশিলে ॥
 রূপা এ-যৌবন বিনাশিলে কি-কারণ ।
 তপ করি না হইলে মোক্ষের ভাজন ॥
 বৃদ্ধা হৈলে, যুবাকাল গেল নিবড়িয়া ।
 এ-সময়ে কে তোমাতে করিবেক বিয়া ॥
 বিবাহ নহিলে তার নাহি কোন গতি ।
 বিবাহ হইলে হয় স্বর্গেতে বসতি ॥

শুনিয়া মুনির বাক্য কন্যা বিধুমুখী ।
 মুনির চরণ ধরে উপায় না দেখি ॥
 আমার উপায় মুনি, করহ আপনি ।
 বিবাহ না হ'লে আমি নহি স্বর্গগামী ॥
 বিবাহ করিবে মোরে কেবা মহাশয় ।
 আপনি নির্বাচি তাহা বলহ নিশ্চয় ॥
 নারদ কহেন, কন্যে, আর কিবা বল ।
 বিবাহ-করিবে কেবা, যুবাকাল গেল ॥
 তপোবনে আছে বহু মুনির সন্তান ।
 বর গিয়া, পাও যদি করিয়া সন্ধান ॥
 এত বলি দেব-ঋষি গেল নিজঘর ।
 বিবাহ-কারণে কন্যা অশ্বেষয়ে বর ॥
 তপোবনে ছিল মুনি, নাম শৃঙ্গবান্ ।
 তাহার নিকটে কন্যা করিল প্রয়াণ ॥
 অনেক বিনয়ে স্তুতি করে শৃঙ্গবানে ।
 কহিতে লাগিল কন্যা করুণ-বচনে ॥
 রূপা যায় মম জন্ম, শুন তপোধন ।
 আমায়ে বিবাহ কর মুনির নন্দন ॥
 শৃঙ্গবান্ বলে, কন্যে, না কহিলে ভাল ।
 বার্কাক্য হইল তব, গেল যুবাকাল ॥
 বিবাহ করয়ে যুবা যুবতী দেখিয়া ।
 তোমাতে বিবাহ করি কিসের লাগিয়া ॥
 যৌবন থাকিলে স্বামী করয়ে আদর ।
 যৌবন-বিহনে নারী হয় হতাদর ॥
 বিবাহ কিমতে আমি করিব তোমাতে ।
 করি যদি, পিতৃলোক পড়িবে নরকে ॥
 বিবাহ না হতে তুমি হৈলে ঋতুমতী ।
 রজস্রলা-বিবাহেতে কুশল অখ্যাতি ॥
 ঋতুমতী-দারা-এহ করে যেইজন ।
 কন্যা-পিতা তার পিতা নরকে গমন ॥

বিশেষ কন্যার যদি থাকে যুবদশা ।
 পুরুষ বিবাহ করে যৌবনের আশা ॥
 কদাচিত্ শৃঙ্গবান্ না হয় সম্মত ।
 পুনঃপুনঃ কন্যা তার হয় পদানত ॥
 সম্মত না হয় যুনি, কহে কটুভাষে ।
 হেনকালে দৈববাণী হইল আকাশে ॥
 দৈববশে দৈববাণী কেহ নাহি শুনে ।
 দেবগণ ডাকি তবে কহে শৃঙ্গবানে ॥

শুন শৃঙ্গবান্ যুনি, আকাশ-ভারতী ।
 পরম-পবিত্রা কন্যা পতিব্রতা সতী ॥
 তপস্বাত্তে সিদ্ধা হৈল, নাহি কোন দোষ ।
 বিবাহ করিয়া এরে করহ সন্তোষ ॥

এত শুনি শৃঙ্গবান্ ভাবিল হৃদয় ।
 অঙ্গীকার করি কহে, করি পরিণয় ॥
 কিন্তু একরাত্রি আমি তোমার সংহতি ।
 বাঞ্ছব বাসর, এই শুন রসবতী ॥
 ইথে যদি অভাষ থাকয়ে তোমার ।
 করহ আমার অগ্রে সত্য-অঙ্গীকার ॥

কন্যা বলে, যেই আজ্ঞা কৈলে মহাশয় ।
 মম নিরূপণ এই শুনহ নিশ্চয় ॥
 পুন. তথা আসিলেন নারদ আপনি ।
 দৌহার বিবাহ দিল সেই মহামুনি ॥
 নারদ গেলেন শেষে আপন-আগার ।
 রত্নকন্যা-শৃঙ্গবান্ করেন বিহার ॥
 তপোবলে হৈল কন্যা পরম-রূপসী ।
 বদন স্তম্ভর, যেন শরতের শশী ॥
 নয়ন হেরিয়া হারে কুরঙ্গ-বালক ।
 ভুরুযুগ ধনু ধরে কুসুমসায়ক ॥
 চামর জিনিয়া কেশ, শুকচঞ্চু বাসা ।
 গুণির্না জিনিয়া কর্ণ, পিকু জিনি ভাষা ॥

স্বপক দাড়িম্ববীজ জিনিয়া দশন ।
 কস্মু জিনি কর্ণ তার অতি নিরূপম ॥
 যুগল জিনিয়া দুই ভুজ মনোহর ।
 কমলকোরক জিনি দুই পয়োধর ॥
 কূপ নিন্দি নাভি, মাজা যুগপতি জিনি ।
 কনক-কলস দুই নিতম্বধারিণী ॥
 করিকর জিনি উরু অতি অশুপম ।
 কিবা চারু পদযুগ কোকনদ-সম ॥
 দশনথে দ্বিতীয়ার চন্দ্র বিরাজিত ।
 নপের নাহিক সীমা মদন-মোহিত ॥
 নানা-অলঙ্কার অঙ্গে অনঙ্গমোহিনী ।
 সর্বদাঙ্গ সুন্দর, যেন ইন্দ্রের নর্তন্যী ॥

বিচিত্র কুসুম-শয্যা করিয়া রচন ।
 দম্পতী দৌহাতে তাহে করিল শয়ন ॥
 নানা-ভক্ষ্য রাখে দৌহে শয়ন-অন্দরে ।
 বঞ্চে ন সুরত-সুখে কুসুম-বাসরে ॥
 ভ্রমর-ভ্রমরী গায় মধুর-সঙ্গীত ।
 এক ফুলে মধু পিয়ে নহে বিচলিত ॥
 কোকিল সঘনে ডাকে মধুর সুসর ।
 সুশীতল সমারণ বহে নিরন্তর ॥
 বড় খাতু এককালে হৈল উপনীত ।
 ডাহক-ডাহকী ধ্বনি করে সুললিত ॥
 চাতক-চাতকী ডাকে জলের আশ্বাসে ।
 মেঘগণ মন্দ-মন্দ গরজে আকাশে ॥
 মাতিল দৌহার মন অনঙ্গ-আবেশে ।
 আবেশে প্রমত্ত-চিত্ত মন্দ-মন্দ-হাসে ॥
 এরূপে প্রভাতা ক্রমে হৈল বিভাবরী ।
 পূর্বমত রত্নরূপা হইলেক নারী ॥

প্রতিজ্ঞা করিয়া শেষে ভাবে শৃঙ্গবান্ ।
 কেমনে করিব আমি প্রতিশ্রুতি আন ॥

যদি এবে কণ্ঠা মোরে করে অনুমতি ।
 একত্র নিবাস করি ইহার সংহতি ॥
 কণ্ঠারে জিজ্ঞাসে শৃঙ্গবান্ মুনিবর ।
 কি কণ্ঠ করিব প্রিয়ে, কহ অতঃপর ॥
 কণ্ঠা বলে, শুন প্রভু, তপের গোসাঁই ।
 তোমার সহিত মম আর দায় নাই ॥
 প্রতিজ্ঞা করিয়া বিভা করিলে আমারে ।
 আমার কি শক্তি আছে রাখিতে তোমারে ॥
 আমার প্রতিজ্ঞা জান তোমার সাক্ষাতে ।
 হইবে প্রতিজ্ঞা-ভঙ্গ, রাখিব কিমতে ॥
 তোমারে বিদায় করিলাম মহামতি ।
 তোমারে রাখিলে হবে কুশল-অখ্যাতি ॥
 বিদায় হইয়া ঋষি যায় তপোবনে ।
 নারদ আগত শেনে কণ্ঠার সদনে ॥

তুচ্ছ হ'য়ে কহে তবে দেব-তপোধন ।
 ইন্দ্ৰবর মাগ কন্যে, যাহা লয় মন ॥
 রুদ্ধকন্যা বলে, অবধান মুনিবর ।
 এই বর মাগি আমি তোমার গোচর ॥
 বহুকাল তপ করিলাম এই স্থানে ।
 রুদ্ধকণ্ঠা-তপোবন বলে যেন জনে ॥
 পুণ্যতীর্থ বলি এই থাকুক ঘোষণা ।
 ইথে আসি করিবেক স্নান যেইজনা ॥
 অংসখ্য জন্মের পাপ খণ্ডে সেইক্ষণে ।
 আচ্ছা কর, এই বর চাহি তব স্থানে ॥

তথাস্ত বলিয়া মুনি কৈল অন্তর্ধান ।
 যোগবলে রুদ্ধকণ্ঠা ত্যজিলেক প্রাণ ॥
 বিষ্ণুলোকে গেল রুদ্ধকণ্ঠা গুণবতী ।
 সেই তীর্থে উপনীত রেবতীর পতি ॥
 স্নান-দান করিলেন তথা বহুতর ।
 ব্রাহ্মণ-ভোজন তবে করান বিস্তর ॥

ভিক্ষুকেরে বহুদান করিয়া লাঙ্গলী ।
 তথা হৈতে যান রাম দধীচির স্থলী ॥
 শুনিয়া জনমেজয় বলে সেইক্ষণ ।
 দধীচি-তীর্থের কথা কহ তপোধন ॥
 মহাভারতের কথা সমান-পীযুষ ।
 যাহার শ্রবণে নর হয় নিষ্কলুষ ॥
 গদাপর্ব ভারতের অপূর্ব-কথন ।
 কাশীরাম দাসের এ পয়ার-রচন ॥

১২ । দধীচি-তীর্থের বিবরণ ।

বলেন বৈশম্পায়ন, শুন কুরুন্ময় ।
 দধীচি-তীর্থের কথা জানাই তোমায় ॥
 ত্রুষ্ণা-নামে মুনি এক বিরিকি-নন্দন ।
 মহাতেজোময় ছিল তপে তপোধন ॥
 অশ্বরের এক কণ্ঠা বিবাহ করিল ।
 ত্রিশিরা-নামেতে পুত্র তাহাতে জন্মিল ॥
 তিন-মুণ্ড হৈল তার দেখিতে সুন্দর ।
 একমুখে বেদপাঠ করে নিরন্তর ॥
 আর মুখে রাম-নাম করে অহর্নিশি ।
 অন্তমুখে মন্ত্রপান করে মহাঋষি ॥
 মুনিপুত্র যজ্ঞ করে যখন যেখানে ।
 লুকাইয়া যজ্ঞভাগ দেয় দৈত্যগণে ॥
 মাতামহকূলে তার বড়ই আদর ।
 জানিল দেবতাগণ সব অবাস্তর ॥
 ইন্দ্রেরে কহিল, শুন দেবতার পতি ।
 দেখে ত্রুষ্ণামুনি-পুত্র করিছে অনীতি ॥
 লুকাইয়া যজ্ঞভাগ দেয় মাতামহে ।
 এতেক বচন ইন্দ্রে দেবগণ কহে ॥
 শুনিয়া কুপিল ইন্দ্র অগ্নির সমান ।
 দেবগণবাক্যে শাস্ত নহে মরুস্থান ॥

খড়্গ দিয়া ত্রিশিরার কাটিলেন মাথা ।
শুনিয়া সন্তুষ্ট হৈল সকল দেবতা ॥

হুঁমুনি পায় ক্রমে এই সমাচার ।
শতীপতি-প্রতি কোপ করিল অপার ॥
নজ্জ করে হুঁমুনি ইন্দ্রে কোপ করি ।
সঘনে অমরগণ কাঁপে থরহরি ॥
নজ্জ পূর্ণাছতি দিতে জন্মিল নন্দন ।
বত্রাসুর নাম তার, ভীষণ-দর্শন ॥
পরম-তেজস্বী হৈল বৃত্র-মহাশয় ।
ত্রিভুবনে কোনজনে নাহি করে ভয় ॥
বজ্রপরায়ণ হৈল পরম-বৈষ্ণব ।
তার কশ্ম দেখি ভয়ে কাঁপয়ে বাসব ॥
মিলিল অনেক সেনা সুত্রের সংহতি ।
ইন্দ্র লইল খেদাড়িয়া সুরপতি ॥
বতেক অমরগণে লগুভগু কৈল ।
অর্গের দেবতাগণ ভয়েতে লুকাল ॥
পলাইয়া গেল সবে ব্রহ্মার সদন ।
ব্রহ্মারে কহিল গিয়া সর্ব-বিবরণ ॥
বত্রাসুর কাড়ি নিল সব-অধিকার ।
আপনি ইহার প্রভু, কর প্রতীকার ॥

প্রজাপতি বলে, শুন ওহে দেবগণ ।
দেবের অবধ্য হুঁমুনির নন্দন ॥
নারায়ণ-স্থানে সবে করহ গমন ।
নিজ-নিজ-হুঃখ-কথা কর নিবেদন ॥

এত বলি দেবগণে লইয়া সংহতি ।
নারায়ণ-পাশে যান দেব প্রজাপতি ॥
গোলোক-ধামেতে যথা দেব-নারায়ণ ।
উপনীত হইলেন সহ দেবগণ ॥
প্রণাম করেন গিয়া অমরনিকর ।
বসিতে আদেশ করিলেন বিশ্বস্তর ॥

আদেশ পাইয়া সবে বৈসে সন্নিধানে ।
কহেন চতুরানন বিনয়-বচনে ॥

শুন প্রভু নারায়ণ, আমার বচন ।
তোমার চরণে করি এই নিবেদন ॥
গদাপর্ব ভারতের অপূর্ব কথন ।
কাশীরাম দাসের পয়ার-বিরচন ॥

১৩। বিষ্ণুর নিকটে দেবগণের হুঃখ-নিবেদন ।

ব্রহ্মা-আদি সুরগণ, একান্ত একাগ্রমন,
স্তুতি করে হরির চরণে ।
শুন প্রভু নারায়ণ, যতেক দেবতাগণ,
নিবেদন করে একমনে ॥
শুন ওহে কৈটভারি, বাড়িল দেবের বৈরী,
সুত্রাসুর নিল অধিকার ।
বসে ইন্দ্র-সিংহাসনে, খেদাড়িল দেবগণে,
অমরের নাহিক নিস্তার ॥
ইন্দ্রের ইন্দ্রত্ব নিল, ভয়ে ইন্দ্র পলাইল,
অমরের নিল রাজ্যখণ্ড ।
দেবতা ছাড়িল ধর্ম, লইল অগ্নির কশ্ম,
বরণে করিল লগুভগু ॥
পবনের অধিকার, লইলেক ছুরাচার,
চন্দ্রার্কের কি কব ছুর্গতি ।
সুত্র করে পরাভব, একগণে দেবতাসব,
মনুষ্য-সমান ভ্রমে ক্ষিতি ॥
দাক্ষণ দৈত্যের ভয়, প্রাণ নাহি স্থির রয়,
দেবতার নাহিক নিস্তার ।
ভূমি ত্রিলোকের পতি, সকল দেবের গতি,
চিন্তহ ইহার প্রতীকার ॥

দুর্বল দেবতাসবে, তুমি না রাখিলে তবে,
 কে করিবে বিপদে উদ্ধার ।
 করি কৃপা-বিতরণ, শুন শ্রীমধুসূদন,
 বধ তারে করিয়া প্রকার ॥
 রজোগুণে দিয়া দৃষ্টি, আপনি করিলে সৃষ্টি,
 সত্ত্বগুণে করহ পালন ।
 স্বজন-পালন-নাশ, তব কন্ম সুপ্রকাশ,
 তমোগুণে কর সংহরণ ॥
 ইত্যাদি অনেক স্তব, করিল দেবতাসব,
 শুনিয়া দুঃখিত ভগবান্ ।
 সম্বোধিয়া দেবগণে, কহেন সরস-মনে,
 দেবগণ, কর অবধান ॥
 ভারত-মঙ্গল-কথা, শুনিলে খণ্ডে ব্যথা,
 সকলের কলুষ-বিনাশ ।
 গদাপর্ব্ব সুধাধার, ব্যাসের বচন সার,
 পাঁচালী রচিল কাশীদাস ॥

১৪। দধীচির অস্থিতে বজ্র-নির্মাণ ও বৃত্তাস্ত্র-বধ ।

গোবিন্দ কহেন, শুন সকল দেবতা ।
 খণ্ডিবে সকল দুঃখ, দূর হবে ব্যথা ॥
 আমার অবধ্য বৃত্ত, শুন দেবগণ ।
 আমার পরম-ভক্ত দৈত্যের রাজন্ ॥
 দধীচি-মুনির অস্থি আন সর্ব্বজন ।
 তাহাতে করহ বজ্র-অস্ত্র সংগঠন ॥
 সে-অস্ত্রে হইবে বৃত্তাস্ত্রের নিধন ।
 এই তার বধোপায় আছে নিরূপণ ॥
 শুনি ইন্দ্র কহে তবে করি যোড়কর ।
 দধীচি ছাড়িবে কেন নিজ-কলেবর ॥
 অনেক-পুণ্যেতে পায় মনুষ্যের কায় ।
 কেঁচুয়া ছাড়িবে কায় কেন মুনিরায় ॥

তাহাতে ব্রাহ্মণ-অঙ্গ শ্রেষ্ঠতম গনি ।
 ব্রাহ্মণ-শরীর হৈলে মুক্ত হয় প্রাণী ॥
 চৌরাশি-সহস্র যোনি ভ্রমণ করিয়া ।
 পশ্চাৎ ব্রাহ্মণ-অঙ্গ লভয়ে আসিয়া ॥
 কশ্মক্রমে পারে যদি সাবধান হ'তে ।
 দুইজন্মে মুক্ত হয়, কহে বেদমতে ॥
 তপস্বীতে মহাতেজা দেবের সমান ।
 মোদের লাগিয়া কেন ছাড়িবেন প্রাণ ॥
 ইহার বিধান প্রভু, বলহ আমারে ।
 নিধন করিব কিবাক্রমে বৃত্তাস্ত্রেরে ॥
 গোবিন্দ কহেন, শুন সকল দেবতা ।
 দধীচির পূর্ব্বকার কহি এক কথা ॥
 পরম-দয়ালু মুনি উপকারে রত ।
 পর-উপকারে প্রাণ ত্যজে অতিক্রান্ত ॥
 অশ্বিনীকুমার স্বর্গ-বৈদ্য দুইজন ।
 উপাসনা-হেতু গেল দধীচি-সদন ॥
 অনেক বিনয়ে স্তব কৈল মুনিবরে ।
 সদয় হইয়া মুনি জিজ্ঞাসে দৌহারে ॥
 কিহেতু আসিলে দৌহে আমার সদন ।
 কি কার্য সাধিব, শীঘ্র কহ দুইজন ॥
 প্রাণ দিলে যদি কিছু হিতকার্য হয় ।
 অবশ্য করিব তাহা, কহিনু নিশ্চয় ॥
 অশ্বিনীকুমার বলে, শুন মুনিবর ।
 হইব তোমার শিষ্য দুই সহোদর ॥
 শুনিয়া কহেন মুনি করিব অবশ্য ।
 উপদেশ দিয়া দৌহে করি লব শিষ্য ॥
 অঙ্গীকার করি আমি নাহিক সন্দেহ ।
 আজি দিন ভাল নহে, যাহ নিজগৃহ ॥
 এই বাক্য শুনি দৌহে প্রণাম করিয়া ।
 আপনার গৃহে গেল বিদায় লইয়া ॥

এ-কথা শুনিয়া ইন্দ্র নারদের স্থানে ।
তখনি গেলেন দধীচির সম্মিথানে ॥
ইন্দ্রে দেখিয়া মুনি করিল আদর ।
পাত্ত-অৰ্ঘ্য-আসনেতে পুঞ্জিল বিস্তর ॥
সন্তুষ্ট হইয়া ইন্দ্র বসেন আসনে ।
দধীচি জিজ্ঞাসে তাঁরে মধুর-বচনে ॥
কিবা হেতু আগমন হৈল হরেশ্বর ।
কি-কার্য্য সাধিব, আজ্ঞা করহ সঙ্কর ॥

পুরন্দর কহে, শুন মুনি-মহাশয় ।
হেথায় আসিয়াছিল অশ্বিনী-তনয় ॥
শুনিবু করাবে দৌহাকারে উপাসনা ।
এইহেতু আসিলাম করিবারে মানা ॥
কোন ছার দুই বেটা অশ্বিনীকুমার ।
স্বর্গবৈভব হ'য়ে ইচ্ছা সমান আমার ॥
যতপি নিতান্ত তারে কর তুমি শিষ্য ।
তোমার মস্তক আমি কাটিব অবশ্য ॥
মুনিবর আখণ্ডে নিষেধ করিল ।
না করিব সেই কপ্প, নিশ্চয় কহিল ॥
শুনিয়া বিদায় হ'য়ে গেল হরপতি ।
জিজ্ঞাসেন জন্মেজয় মুনিবর-প্রতি ॥
ইহার কারণ মুনি, বলহ আমারে ।
নিষেধ করিল ইন্দ্র কেন দধীচিরে ॥
কোন শাস্ত্রে বড় ইন্দ্র অশ্বিনীকুমারে ।
বিশেষ করিয়া মুনি, কহিবে আমারে ॥

মুনি বলে, শুন পরীক্ষিতের নন্দন ।
যেহেতু নিষেধ করে সহস্রলোচন ॥
ইন্দ্র-উপাসিতা যেই বিদ্যা সারাৎসার ।
মুনিরে মাগিল তাহা অশ্বিনীকুমার ॥
সেই বিদ্যাবলে ইন্দ্র স্বর্গ-অধিপতি ।
ভাবিল, লইবে মম বিদ্যা বুভুক্ষি ॥

সে-বিদ্যা-গ্রহণে হবে সমান আমার ।
মন্ত্রবলে নিতে পারে মম অধিকার ॥
নিষেধ করিল ইন্দ্র ভাবিয়া এতেক ।
শুন রাজা, পূর্বকার বৃত্তান্ত যতেক ॥

শুনি জন্মেজয় কহে হ'য়ে হৃষ্টমন ।
অতঃপর কি হইল, কহ তপোধন ॥
মুনি বলে, যদি আখণ্ড চলি গেল ।
অশ্বিনীকুমার দৌহে প্রভাতে আসিল ॥
মুনিবরে প্রণমিয়া দুই সহোদর ।
নিকটে বসিল দৌহে হরিষ-অস্তর ॥
কথোপকথন বহু হৈল মুনি-সনে ।
ইন্দ্রের সংবাদ মুনি কহে দুইজনে ॥
তোমা-দৌহে উপদেশ যদি দেই আমি ।
মস্তক ছেদিবে মম দেব-সুরসার্মা ॥
মন্ত্র দিয়া আমি শেষে হারাইব প্রাণ ।
বুঝি দুইজনে বাহা করহ বিধান ॥

অশ্বিনীকুমার বলে, শুন মহাশয় ।
এই বাক্যে মুনিবর, না করহ ভয় ॥
অনেক ঔষধ মোরা জানি মুনিবর ।
ক্লণে জীয়াইতে পারি মৃত-কলেবর ॥
অশ্বিনীকুমার স্বর্গবৈভব দুই-ভাই ।
যতেক ঔষধ, কিছু অগোচর নাই ॥
প্রতিজ্ঞা করিল ইন্দ্র, কাটিবে তোমায়া ।
নিবেদন করি শুন ওহে মহাশয় ॥
কাটিয়া তোমার মুণ্ড রাখি গুপ্তস্থানে ।
গুপ্তমুণ্ড-কথা যেন ইন্দ্র নাহি জানে ॥
অশ্বমুণ্ড তব স্কন্ধে করিয়া বোজন ।
সেই মুণ্ডে মন্ত্র মোরা লব দুইজন ॥
মন্ত্র দিলে দেবরাজ কুপিত হইয়া ।
তোমার আশ্রয় মুণ্ড বাবেক কাটিয়া ॥

তোমার স্বকীয় মুণ্ড যোরা দুইজন ।
 পুনরপি তব স্কন্ধে করিব যোজন ॥
 শুনিয়া দধীচি-মুনি করিল স্রীকার ।
 মুনি-শির কাটিলেক অশ্বিনী-কুমার ॥
 অশ্বমুণ্ড যোড়া দিল মুনিবর-স্কন্ধে ।
 পরাণ পাইল মুনি, নাহি কোন সন্দেহ ॥
 অশ্বমুণ্ড পরিগ্রহ করি মুনিবরে ।
 উপাসনা করাইল অশ্বিনীকুমারে ॥
 বিদায় হইয়া দৌহে গেল নিকেতন ।
 নারদ জানিয়া সব গেল বিবরণ ॥
 সকল সংবাদ कहিলেক পুরন্দরে ।
 ঋগ্‌গ হাতে করি ইন্দ্র খায় ক্রোধভরে ॥
 যোগে যথা আছে বসি সে দধীচি-মুনি ।
 তথা গিয়া উপনীত হৈল বজ্রপাণি ॥
 দেখিল ধোয়ানে মুনি আছেন বসিয়া ।
 মুনির অশ্বের মুণ্ড ফেলিল কাটিয়া ॥
 অশ্বমুণ্ড ল'য়ে ইন্দ্র করিল গমন ।
 দধীচি-মুনির স্কন্ধ আছেয়ে তেমন ॥
 অশ্বিনীকুমার-চর ছিল সেইখানে ।
 দ্রুতগতি গিয়া বার্তা দিল দুইজনে ॥
 অশ্বিনীকুমার তথা গেল শীঘ্রতর ।
 মুনিমুণ্ড জুড়িলেক স্কন্ধের উপর ॥
 ঔষধ-পরশে মুনি পাইল পরাণ ।
 অশ্বিনীকুমারে বহু করিল বাধান ॥
 শুন সবে দধীচির এই অবাস্তর ।
 পরকার্য্যে দিল মুনি নিজ-কলেবর ॥
 পর-উপকারে যদি যায় নিজপ্রাণ ।
 মোক্ষের ভাজন সেই, ইথে নাহি আন ॥
 সকলে চলিয়া যাহ দধীচির স্থান ।
 দেবের কল্যাণে মুনি ছাড়িবে পরাণ ॥

এতেক কহেন যদি দেব-নারায়ণ ।
 বিদায় হইল তবে যত দেবগণ ॥
 প্রণাম করিয়া সবে চলিল সঙ্ঘরে ।
 সঙ্ঘেতে করিয়া নিল অশ্বিনীকুমারে ॥
 উপনীত হৈল, যথা মুনি-মহাশয় ।
 প্রণাম করিল গিয়া দেবতানিচয় ॥
 পাণ্ড-অর্থ্য দিয়া মুনি পূজিল সবারে ।
 বসিল সকল দেব আসন-উপরে ॥
 জিজ্ঞাসিল মুনি সবে, কেন আগমন ।
 कहিতে লাগিল তবে সহস্রলোচন ॥
 অবধান কর মুনি তপের গোসাঁই ।
 আগমন-হেতু তোমা कहিতে ডরাই ॥
 ব্রহ্মার হৈল এবে সর্গ-অধিকারী ।
 নারায়ণ-স্থানে সবে করিহু গোহারি ॥
 कहিলেন কৃষ্ণ ব্রহ্ম-বধের কারণ ।
 সকল দেবতা যাহ দধীচি-সদন ॥
 দেব-উপকার-হেতু মুনির কুমার ।
 দয়া করি ছাড়িবেন প্রাণ আপনার ॥
 তাঁর অশ্ব ল'য়ে বজ্র রচ আখণ্ডল ।
 বজ্রাঘাতে মার ব্রহ্ম দৈত্য মহাবল ॥
 শুন মুনি, রক্ষা হয়, নাহিক অন্তথা ।
 আপনার প্রাণ যদি ছাড়হ সর্ব্বথা ॥
 মুনি বলে, হেন বাক্য নাহি শুনি কানে ।
 পরের লাগিয়া কেহ ছাড়ে নিজপ্রাণে ॥
 অনেক-পুণ্যেতে প্রাণী নরযোনি পায় ।
 কেমনে ছাড়িতে তাহা বল দেবরায় ॥
 অতীব দুর্লভ এই মনুষ্য-জনম ।
 আর যত দেহ দেখ, সকলি অধম ॥
 শূকর-জনম হ'য়ে বিষ্ঠা-মূত্রে খায় ।
 শরীর ছাড়িতে সেই মনে ব্যথা পায় ॥

মারিতে উত্তম যদি কেহ করে তায় ।
 শরীরে মমতা-হেতু সঙ্করে পলায় ॥
 কাক গৃধ্র শিবা খান খচর গর্দভ ।
 পিপীলিকা সর্প ভেক দেখে যত সব ॥
 অধম-যোনির মধ্যে যেই প্রাণ ধরে ।
 ইচ্ছাবশে কোন্ জন ছাড়ে কলেবরে ॥
 সকল প্রাণীর মধ্যে মনুষ্য প্রধান ।
 বহুপুণ্যে পাইয়াছি, দেখে বিদ্যমান ॥
 বিশেষ ব্রাহ্মণ-দেহ হ'য়েছে আমার ।
 বহুপুণ্যে বিজতনু পাইনু এবার ॥
 সকল-প্রাণীতে জ্ঞান আছেয়ে নিশ্চয় ।
 আহাৰ মৈথুন নিদ্রা আর আছে ভয় ॥
 মনুষ্য-সমান জ্ঞানী নাহি কোনজন ।
 এ-দেহ অনেক কৰ্ম-ভজন-ভাজন ॥
 হেন দেহ ছাড়িবারে কহ দেবরাজ ।
 আমি যদি মরি, সিদ্ধ হবে তব কাজ ॥
 না হৈল তোমার কার্য্য, মোর কিবা দায় ।
 না বুঝি আদেশ কেন কর দেবরায় ॥
 না ছাড়িব প্রাণ আমি, শুনহ বিচার ।
 শুনিয়া সবার মনে লাগে চমৎকার ॥

ইন্দ্র-আদি দেবগণ অধোমুখ হ'য়ে ।
 ক্রিতি বিলিখন করে মৌনেতে বসিয়ে ॥
 ভয়ে কারো মুখে নাহি বচন নিঃসরে ।
 সদয়-হৃদয় মুনি জানিল অন্তরে ॥
 কহিতে লাগিল পুনঃ সদয়-বচন ।
 ভয় ত্যজি মম বাক্য শুন দেবগণ ॥
 আমি মৈলে রক্ষা পায় দেবের সমাজ ।
 এ-ছার শরীরে মম তবে কিবা কাজ ॥
 অবশ্য মরিব আমি দেবের কারণ ।
 নম অস্থি ল'য়ে ইন্দ্র, সাধ প্রয়োজন ॥

যত-যত কৰ্ম করিলাম বহুপুণ্য ।
 সার্থক আমার জন্ম, হৈল ধন্য-ধন্য ॥
 আশ্বাস পাইয়া ইন্দ্র কহে যুড়ি কর ।
 কত কল্প অমর হইলে মুনিবর ॥
 তোমার অস্থিতে হবে অস্ত্র বলবান ।
 এ তোমার মৃত্যু নহে, জীবন-সমান ॥
 এতেক শুনিয়া মুনি করিল স্বীকার ।
 যোগাসনে বসি প্রাণ ত্যজে আপনার ॥
 ইন্দ্রাদি দেবতাগণ হৈল আনন্দিত ।
 পুষ্পগুষ্টি মুনি 'পরে করে অপ্রমিত ॥
 নাচিতে লাগিল দেবগণ উৰ্দ্ধবাহ ।
 কার্য্যসিদ্ধি হেরি সবে হর্ষ করে বহু ॥
 বাজায় দুন্দুভি ভেরী, শব্দ সুবিশাল ।
 বীণা ডম্বক, ঘন-ঘন ফুকারে কাহাল ॥
 তেঘাই কঁাসর শানি বাজে মধুরিম ।
 মৃদঙ্গ পটহ ঢাক বাজয়ে ডিগুম ॥
 মধুর সুনাদ বাঁশী বাজে শত-শত ।
 উৎসব করয়ে আসি অপ্সরাদি যত ॥
 মেনকা উর্বশী রক্তা আর তিলোত্তমা ।
 জানপদী সহজয়া রূপে অনুপমা ॥
 নানারঙ্গে যত বরাঙ্গনা নৃত্য করে ।
 গন্ধর্ব্ব কিম্বর গায় হরিশ-অস্তরে ॥
 মহামহোৎসব হৈল, না পারি বর্ণিতে ।
 ডাক দিয়া দেবরাজ লাগিল কহিতে ॥
 হরিশ-বিধানে কহে দেব আশুতল ।
 আজি হৈতে পুণ্যতীর্থ হৈল এইস্থল ॥
 দধীচি-তীর্থের নাম করি নিরূপণ ।
 আমার ভারতী এই, শুন দেবগণ ॥
 অনন্ত-জন্মের পাপ, পুণ্যে ইহাতে ।
 স্থান-দান করে কেই নরীতি-তীর্থেতে ॥

তথাস্তু বলিয়া বলিলেন দেবগণ ।
 দধীচির অস্থি ল'য়ে সহস্রলোচন ॥
 বিশ্বকর্মা-দেবে ডাকি কহে শীত্ৰগতি ।
 বজ্র নির্মাইয়া মোরে দেহ মহামতি ॥
 আজ্ঞা পেয়ে বিশ্বকর্মা বজ্র নিরমিল ।
 সকল অস্ত্রের তেজ তাহে সমর্পিল ॥
 হইল অব্যর্থ-অস্ত্র বিশ্বকর্মা দেখি ।
 বাসবেরে সমর্পিল হইয়া কোতুকা ॥
 ত্রক্ষার নিকটে ল'য়ে গেলেন মঘবা ।
 প্রণাম করিল ইন্দ্র হ'য়ে নতগ্রীবা ॥
 বজ্র দেখি হরষিত হ'য়ে পদ্মযোনি ।
 ত্রক্ষমস্ত্রে অভিষেক করেন তখনি ॥
 জীবন্যাস দিয়া ইন্দ্রে বলেন বচন ।
 এই অস্ত্র ল'য়ে কর দানব-মর্দন ॥
 বজ্র লভি দেবরাজ মহা-আনন্দিত ।
 ত্রক্ষারে প্রণাম করি চলিল স্বরিত ॥
 দেবসৈন্য-আদি সব করি সমাবেশ ।
 নিজরাজ্য-প্রাপ্তি-হেতু উত্তোগী স্বরেশ ॥
 যুদ্ধিতে চলিল ব্রতাসুরের সংহতি ।
 ইন্দ্রের সংবাদ পাইলেক দৈত্যপতি ॥
 নিজসৈন্য-সহ সাজি চলে দৈত্যবর ।
 দুইদলে মহাযুদ্ধ হয় ঘোরতর ॥
 রথি-রথী মহাযুদ্ধ হৈল বাণে-বাণে ।
 পদাতি-পদাতি যুদ্ধ হইল সবনে ॥
 অশ্বে-অশ্বে মহাযুদ্ধ, হয় মহামার ।
 বাণে-বাণে নভোমার্গ হৈল অন্ধকার ॥
 অনল-বায়ব্য-বাণ দৌহে এড়ে রণে ।
 দুইবাণ নষ্ট হয় দৌহাকার বাণে ॥
 ক্রোধে বেলি দৈত্য ইন্দ্রে গিলিয়াছে বায়
 দেখিয়া ব্রজের বল বাসব পলায় ॥

ইন্দ্র পলাইল দূরে ল'য়ে সব দেবে ।
 বিষ্ণুর শরণ পরে লয় গিয়া সবে ॥
 যুদ্ধ-সমাচার কহে দেব-নারায়ণে ।
 বিষ্ণু বলিলেন, ইন্দ্র, শুন সাবধানে ॥
 বিষ্ণুতেজ নাহি কিছু তোমার শরীরে ।
 এই ধর, তেজ মম দিলাম তোমারে ॥
 বিষ্ণুতেজ লভি ইন্দ্র হৈল বলবান্ ।
 পুনঃ যুদ্ধ করিবারে গেল মরুত্বান্ ॥
 মহাযুদ্ধ সুরাসুরে হয় ঘোরতর ।
 পড়িল অনেক সেনা সংগ্রাম-ভিতর ॥
 যুদ্ধকালে ব্রতাসুর ইন্দ্রে বলে বাণী ।
 আমারে করহ বধ দেব-বজ্রপাণি ॥
 ধর্মপরায়ণ ব্রত্বে পরম-বৈষ্ণব ।
 নানারূপে ব্রতাসুর শক্রে করে স্তব ॥
 স্বরপতি বলে, ব্রত্বে, তুমি বলবান্ ।
 তোমারে ক্ষমিয়া আমি সংবরিসু বাণ ॥
 ব্রত্বে বলে, কার্য্যসিদ্ধি নহিল আমার ।
 ইন্দ্র মোরে ক্ষমা কৈল করি পরিহার ॥
 শোন্ বৃথ, রণে পড়ি যাব স্বর্গলোক ।
 এ-কর্ম্ম না করি আমি ব্রথা করি শোক ॥
 এত বলি ব্রতাসুর ইন্দ্রে দেয় গালি ।
 শোন্ রে পামর ইন্দ্র, তোরে আমি বলি ॥
 হরিলি গুরুর দারা, কৈলি মহাপাপ ।
 তোরে মারি গেঁতমের খণ্ডাব সস্তাপ ॥
 এতেক কুবাক্য ব্রত্বে বাসবেরে বলে ।
 শুনি স্বরপতি কোপে অগ্নি-হেন জ্বলে ॥
 কুলিশ ধরিয়া ইন্দ্র ব্রতাসুরে মারে ।
 চূর্ণ হৈল ব্রতাসুর বজ্রের প্রহারে ॥
 অপর সকল দৈত্য পলাইল রণে ।
 ইন্দ্র পুনঃ রাজা হৈল অমর-কুবনে ॥

যার যেই কার্য্য, সেই লভিল সফল ।
সকল অমর হৈল হুশিৰ-অস্তর ॥
শুনহ ভূপাল কুরুবংশ-চূড়ামণি ।
কহিলাম দ্বীচি-তীর্থেই এ-কাহিনী ॥
সেই তীর্থে বলরাম হ'য়ে উপনীত ।
করিলেন স্নান-দান-যজ্ঞ নিয়মিত ॥
মহাভারতের কথা পৌষ-সমান ।
কাশী কহে, ভক্তজন সদা করে পান ॥

১৫। শাণ্ডিল্য-আশ্রমে নারদ-বলরামের
সংবাদ ।

জিজ্ঞাসেন জন্মেজয়, কহ মুনিবর ।
পুনঃ কোন্ তীর্থে চলিলেন হলধর ॥
বলেন বৈশম্পায়ন, শুনহ রাজন্ ।
হইয়া একাগ্রমন করহ শ্রবণ ॥
পৃথিবীর যত তীর্থ ভ্রমণ করিয়া ।
শাণ্ডিল্য-আশ্রমে রাম উত্তরিল গিয়া ॥
শাণ্ডিল্য-আশ্রম সেই যমুনার তীরে ।
তথায় দেখেন রাম নারদ-মুনিরে ॥
তথা স্নান-দান করি মনের হরিষে ।
ব্রাহ্মণ-ভোজন-আদি করান বিশেষে ॥
নারদ-সহিত তথা হইলে দর্শন ।
বলদেবে মুনিবর কহেন বচন ॥

তীর্থযাত্রা-হেতু তুমি গেলে দেশান্তর ।
কৌরব-পাণ্ডবে যুদ্ধ হৈল ষোড়শর ॥
একাদশ-অকৌহিণী দুর্ঘ্যোধন-সেনা ।
যরিল নৃপতি বহু, কে করে গণনা ॥
সপ্ত-অকৌহিণীপতি রাজা যুধিষ্ঠির ।
তঁহার সহায় হৈল মহা-মহা বীর ॥

আপনি হ'লেন কৃষ্ণ অর্জুন-সারথি ।
সেই যুদ্ধে হত হয় সকল নৃপতি ॥
ভীষ্ম-দ্রোণ-কর্ণ-আদি পড়িল সমরে ।
আরো তব ভাগিনেয় অভিমন্যু মরে
দুর্ঘ্যোধন কৃতবর্মা কুপ অশ্বখামা ।
এইমাত্র অবশেষ, কহিলাম সীমা ॥
পাণ্ডবেরা পঞ্চভাই কৃষ্ণ-পঞ্চসূত ।
পাণ্ডব-পক্ষের এই আছয়ে জীবিত ॥
সেনা হত দেখি পলাইল দুর্ঘ্যোধন ।
দ্বৈপায়ন-হ্রদে গিয়া পশিল রাজন্ ॥
তথাপি কৃষ্ণের মনে না হইল দয়া ।
হ্রদ হৈতে উঠাইল সেইস্থানে গিয়া ॥
ভীষ্ম-দুর্ঘ্যোধনে হবে গদার সময় ।
দেখিতে বাসনা যদি থাকে হলধর ॥
দ্রুতগতি বলদেব, যাহ সেইস্থানে ।
বাঁচাইতে পার যদি রাজা দুর্ঘ্যোধনে ॥
চক্র করি চক্রি। তারে করিবেন নাশ ।
চক্রীর চক্রেতে পড়ি থাকে কার খাস ॥
শুনিয়া নারদ-বাক্য দেব বলরাম ।
সেখানে গেলেন দ্রুত না করি বিজ্ঞাম ॥
হইলেন দ্বৈপায়ন-হ্রদে উপনীত ।
দেখিয়া গোবিন্দ উঠিলেন স্বরাশ্রিত ॥
যুধিষ্ঠির-আদি পঞ্চ পাণ্ডুর নন্দন ।
সঙ্গমে করিল সবে চরণ-বন্দন ॥
গোবিন্দেই আলিঙ্গন দেন বলরাম ।
কৃষ্ণ-বলরাম-শোভা দেখি অমুপাম ॥
প্রেম-অশ্রুজলে দৌহে করিলেন স্নান ।
প্রীতিবাক্যে জিজ্ঞাসেন সবার কল্যাণ ॥
যুধিষ্ঠির-পঞ্চভায়ে করি আশীর্ব্বাদ ।
শুভ জিজ্ঞাসেন রাম হরিষ-বিষাদ ॥

গোবিন্দে কহেন রাম, শুন জগন্নাথ ।
 পৃথিবীর রাজগণে করিলে নিপাত ॥
 যতেক নৃপতিগণ হইল সংহার ।
 ক্ষিতিভার বিনাশিতে তব অবতার ॥
 উত্তম করিলে ভাই, ইথে নাহি দোষ ।
 এই কর্ণে সবাকার হইল সন্তোষ ॥
 রামের বচন শুনি কৃষ্ণ-মহাশয় ।
 নিবেদিতে সব কথা করে অভিপ্রায় ॥

হেনকালে দুর্ঘ্যোধন কান্দিতে-কান্দিতে ।
 প্রণাম করিল রামে ব্যাকুল-মনেতে ॥
 দুর্ঘ্যোধনে কোলে করি বহে নেত্রজল ।
 বলরাম জিজ্ঞাসেন তাহারে কুশল ॥
 কহিল সকল দুর্ঘ্যোধন-নৃপমণি ।
 শুনিয়া ভৎসেন কৃষ্ণে দেব চলপাণি ॥
 ভূমি বিদ্যমান হেন কভু না যুয়ায় ।
 সামঞ্জস্য কেন নাহি করিলে দৌহায ॥

জগন্নাথ কহে রামে করি যোড়হাত ।
 নিবেদন করি, শুন রেবতীর নাথ ॥
 শিশুকালে পাণ্ডবে যে কৈল দুরাচার ।
 সকল আছয়ে দেব, গোচর তোমার ॥
 ত্রয়োদশ-বর্ষ নাহি ছিলে ভূমি দেশে ।
 যতেক করিল দুষ্ক, শুনহ বিশেষে ॥

কপটে খেলিয়া পাশা নিল রাজ্যধন ।
 কপট-পাশাতে কৈল দ্রোপদীরে পণ ॥
 শকুনির বশে ছিল সেই পাশা-সারি ।
 রাজা যুধিষ্ঠির হারিলেন নিজ-নারী ॥
 দুঃশাসন দ্রোপদীরে আনে সভামাঝ ।
 তাহারে আদেশ কৈল দুর্ঘ্যোধন-রাজ ॥
 দ্রোপদী হইল দাসী নাহিক বিচার ।
 শীত্রগতি আন যত বস্ত্র-অলঙ্কার ॥

সভামধ্যে দ্রোপদীর বস্ত্র কাড়ি লয় ।
 কুলবধু-প্রতি হেন যুক্তি কভু নয় ॥
 তবে অন্ধ বর দিয়া কৈল পরিত্রাণ ।
 পুনঃ পাশা খেলিবার করিল বিধান ॥
 হারিলে দ্বাদশ-বর্ষ সেই যাবে বন ।
 অজ্ঞাত-বৎসর এক কৈল নিরূপণ ॥
 আজ্ঞাকারী পাশা সেই ছিল শকুনির ।
 সেই পণে হারিলেন রাজা যুধিষ্ঠির ॥
 দ্বাদশ-বৎসর বনে ভ্রমিয়া পাণ্ডব ।
 যত দুঃখ লভে বনে, কি কহিব সব ॥
 অজ্ঞাত-বৎসর বঞ্চিলেন মৎস্যদেশে ।
 অজ্ঞাতে উদ্ধার হৈল উপায়-বিশেষে ॥
 যুধিষ্ঠির চাহিলেন স্বীয় রাজ্যভার ।
 কদাচিৎ রাজ্য নাহি দিল দুরাচার ॥
 যুধিষ্ঠির চাহিলেন গ্রাম পঞ্চধানি ।
 নাহি দিল দুর্ঘ্যোধন, হেন অভিমানী ॥
 দূত হ'য়ে আসিলাম, যথা দুর্ঘ্যোধন ।
 আমারে রাখিতে চাহে করিয়া বন্ধন ॥
 কটুবাক্য মোরে কত কহিল আপনি ।
 বিনা-যুদ্ধে নাহি দিব সূচ্যগ্র-মেদিনী ॥
 তবে সে হইল প্রভু, যুদ্ধ-সমাবেশ ।
 যুদ্ধে রাজগণ সব ক্রমে হৈল শেষ ॥
 মম অপরাধ ইথে কি হৈল গোঁসাই ।
 দুর্ঘ্যোধন-তুল্য দুষ্ক পৃথিবীতে নাই ॥
 আমারে দিতেছ দোষ না জানি কারণ ।
 সকলি করিল নষ্ট দুষ্ক দুর্ঘ্যোধন ॥
 উহারে করহ শাস্ত রেবতীরমণ ।
 তব প্রিয়শিষ্য হয় রাজা দুর্ঘ্যোধন ॥
 এখনো পাণ্ডব চাহে মাত্র পঞ্চগ্রাম ।
 সামঞ্জস্য করি ভূমি দেহ তাহা রাম ॥

তব আজ্ঞা যুধিষ্ঠির না করে লঙ্ঘন ।
 উহারে কহিয়া স্বন্দ্র কর নিবারণ ॥
 সকল গিয়াছে, এক। আছে দুর্ঘ্যোধন ।
 তব পঞ্চগ্রাম মাগে ধর্ম্মের নন্দন ॥

শুনিয়া কৃষ্ণের বাক্য রোহিণীনন্দন ।
 দুর্ঘ্যোধনে সম্বোধিয়া বলেন বচন ॥
 শুন ভাই দুর্ঘ্যোধন, মম হিতকথা ।
 যুদ্ধ পরিহার তুমি করহ সর্ব্বথা ॥
 সর্ব্বস্বষ্টি নাশ হৈল, আর নাহি কেহ ।
 যুদ্ধে কিছু কার্য্য নাই, চিন্তে ক্ষমা দেহ ॥
 হৃদয়তা করাই তোমা পাণ্ডব-সহিতে ।
 অর্দ্ধরাজ্য দেহ তুমি পাণ্ডবে সম্প্রাতে ॥

এতক কহিল যদি দেব হলধর ।
 কতক্ষেণে দুর্ঘ্যোধন করিল উত্তর ॥
 মোরে আর হিতবাণী না বল গোসাঁই ।
 পাণ্ডবের সহ আর মম প্রীতি নাই ॥
 যত দুঃখ দিমু আমি পাণ্ডুপুত্রগণে ।
 ভয়স্নেহে প্রীতি পুনঃ হইবে কেমনে ॥
 সব দুঃখ পাণ্ডবেরা পারে পাসরিতে ।
 অভিমন্যু-শোক নাহি ভুলিবেক চিতে ॥
 একত্র হইয়া সপ্তরথী আসে রণে ।
 মারিষু অন্ডায়-যুদ্ধে সুভদ্রা-নন্দনে ॥
 এবে মম রাজ্য-চিন্তা কিছু নাহি মনে ।
 সৌহৃদ্য করিতে দেব, বল অকারণে ॥
 পূর্বে পণ করিয়াছি সভার ভিতরে ।
 বিনা-যুদ্ধে রাজ্য নাহি দিব পাণ্ডবেরে ॥
 সূচিকাণ্ডে যতখানি উঠিবেক ভূমি ।
 বিনা-যুদ্ধে ততখানি নাহি দিব আমি ॥
 সমরে আমারে ভীম করিবে সংহার ।
 যুধিষ্ঠির পাইবেন সর্ব্ব-রাজ্যভার ॥

সসাগরা ধরা শাসিলাম বাহুবলে ।
 সকল নৃপতি ছিল মম করতলে ॥
 সবার ঈশ্বর হ'য়ে ভূঞ্জিলাম ক্ষতি ।
 যুদ্ধে মরি স্বর্গে গিয়া করিব বসতি ॥
 রাজত্ব আমারে শোভা নাহি পায় আর ।
 যুদ্ধে মম প্রাণপণ করিয়াছি সার ॥

এত যদি দুর্ঘ্যোধন কহিল ভারতী ।
 তাহারে কহেন তবে রেবর্তীর পতি ॥
 বাহা উচ্ছা মনে লয়, তাহা কর তুমি ।
 যুদ্ধ কর দৌড়ে, দ্বারা-বতী ঘাই আমি ॥
 গোবিন্দ বলেন, ওহে দেব-হলপাণি ।
 পাণ্ডবের অপরাধ শুনিলে আপনি ॥
 এইক্ষেণে দ্বারকায় যেতে যুক্তি নয় ।
 দৌহাকার গদাযুদ্ধ দেখ মহাশয় ॥

বলরাম কহে, শুন ওহে দামোদর ।
 দেখিতে হইল তবে গদার সমর ॥
 যুধিষ্ঠিরে চাহি তবে বলে বলরাম ।
 এ-ভূমিতে না করাহ দৌহার সংগ্রাম ॥
 সমস্ত-পঞ্চক-নাম কুরুক্ষেত্রে জানি ।
 মহামুনিগণ-মুখে শুনি সে-কাহিনী ॥
 সেইখানে হয় যার সমরে বিনাশ ।
 চিরকাল হয় তার স্বর্গতে নিবাস ॥
 হৃদতীর নহে শুন সংগ্রামের স্থান ।
 ধর্ম্মেরে এরূপ কহে রাম ভগবান্ ॥
 সাধুবাদ করি তবে সবে হলধরে ।
 তখনি গেলেন কুরুক্ষেত্র-তীর্থবরে ॥
 সমর আরম্ভ হৈল ভীম-দুর্ঘ্যোধনে ।
 বসিল সকল লোক যথাযোগ্য-স্থানে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান্ ॥

১৬। কুরুক্ষেত্রের বিবরণ।

জিহ্বাসে বৈশম্পায়নে শ্রীজনমেজয়।

কুরুক্ষেত্র-মহাত্ম্য বলহ মহাশয় ॥

পুণ্যক্ষেত্র কি-প্রকারে হৈল সেইস্থান।

আমারে বলহ মুনি, করিয়া ব্যাখ্যান ॥

মুনি বলে, শুন পরীক্ষিতের নন্দন।

তোমারে জানাই কুরুক্ষেত্র-বিবরণ ॥

তব পূর্বপুরুষ আছিল কুরুরাজ।

পালিত পুত্রের সম যত সব প্রজা ॥

আছিল প্রতাপী রাজা মহাধনুর্ধর।

সসাগরা পৃথিবীর হইল ঈশ্বর ॥

দানেতে সমান কেহ না ছিল রাজার।

অদরিদ্র হৈল দ্বিজ দানেতে যাহার ॥

বিপক্ষ-দলন মহারাজ চক্রবর্তী।

পৃথিবী পুরিল ষাঁর যশ আর কীর্তি ॥

ধনুকে অভ্যাস ভৃগুরামের সমান।

পরম যোগীশ্বর, শুকদেব-সম জ্ঞান ॥

প্রভাতে উঠিয়া নিত্য করি স্নানপূজা।

বৃহৎ লাঙ্গল এক স্বন্ধে ল'য়ে রাজা ॥

নীল দুই-বৃষ নিজ যুড়িয়া লাঙ্গলে।

প্রহর পর্য্যন্ত চষে মহাকূতূহলে ॥

প্রহর পর্য্যন্ত বৃষ যতদূর যায়।

সেইক্ষেণে চাষে কমা দেন কুরুরায় ॥

তারপরে রাজকার্য্য করে নৃপবর।

দরিদ্র-দুঃখীকে দান করে নিরন্তর ॥

প্রতিদিন এইমতে চষেন ভূপতি।

সহস্র-বৎসরাবধি চষে সেই ক্ষিতি ॥

একদিন চষে রাজা আপনার মনে।

ছদ্মবেশে সহস্রাঙ্ক গেলেন সেখানে ॥

রাজারে জিহ্বাসে ইন্দ্র চাতুরী করিয়া।

এই ক্ষেত্র নৃপবর, চষ কি লাগিয়া ॥

রাজা হ'য়ে কর কেন কৃষকের কৰ্ম্ম।

ইহার কি মৰ্ম্ম রাজা, ইথে কোন্ ধৰ্ম্ম ॥

রাজা বলে, স্বর্গমধ্যে ইন্দ্রের শাসন।

ধৰ্ম্মাধৰ্ম্ম করে ভূমে যত রাজগণ ॥

যজ্ঞ-অগ্রভাগ আগে পান অন্নপতি।

তাঁর অংশে যত রাজা বসে বহুমতী ॥

পুরন্দর তুষ্ট হৈলে সর্বধৰ্ম্ম হয়।

চারি-বেদে এই কথা বিদিত নিশ্চয় ॥

স্বর্গের অধিপ হৈল কশ্যপের স্তত।

তাঁর অংশে রাজগণ ভূমি-পুরুহৃত ॥

যত কৰ্ম্ম করিবেক ক্ষিতির রাজন্।

তার ধৰ্ম্মাধৰ্ম্মভোগী সহস্রলোচন ॥

আমি যজ্ঞ করিব যে এই ক্ষেত্রমাঝে।

অগ্রভাগে সন্তোষিব দেব দেবরাজে ॥

রাজার এতেক শুনি ধার্ম্মিক-বচন।

তুষ্ট হ'য়ে কহিলেন সহস্রলোচন ॥

আমি ইন্দ্র, শুন রাজা, কহি পরিচয়।

বর মাগি লহ রাজা, যেবা মনে লয় ॥

লাঙ্গল ছাড়িয়া রাজা, গলে বস্ত্র দিয়া।

ইন্দ্রের চরণ-যুগে পড়িল লুটিয়া ॥

কহে, ছদ্মরূপধারী ভূমি অন্নপতি।

চন্দ্রচ'কে চিনিতে না পারি মূঢ়মতি ॥

কত দোষ করিলাম তোমার চরণে।

অপরাধ কমা কর জ্ঞানহীন-জনে ॥

ইন্দ্র বলে, রাজা, তব নাহি কিছু পাপ।

কাকূবাদ করি কেন বাড়াহ সস্তাপ ॥

বর মাগ রাজা, তব যেবা লয় মন।

মনোনীত বর দিব, শুনহ রাজন্ ॥

রাজা বলে, সুরপতি, কর অবধান ।
 মোরে বর দিয়া প্রভু, কর সমাধান ॥
 সহস্র-বৎসর আমি চাষ দিমু ভূমে ।
 কুরুক্ষেত্র বলি নাম হউক ভুবনে ॥
 এক্ষেত্রের ধূলি উড়ি লাগে যার গায় ।
 অসংখ্য-জন্মের পাপ সে যেন এড়ায় ॥
 অনিচ্ছায় বা ইচ্ছায় মরিলে এ-স্থানে ।
 নির্বাণ-মুক্তি যেন পায় সেইক্ষেণে ॥
 পৃথিবীতে যত-যত রহে তীর্থগণ ।
 তীর্থ-চূড়ামণি-নামে ইহার গণন ॥
 এই বর দেহ মোরে দেব দৈত্যভেদী ।
 এত তীর্থ রহিবেক চন্দ্র-সূর্য্যাবধি ॥
 তথাস্তু বলিয়া ইন্দ্র কৈল অন্তর্ধান ।
 কুরুরাজ নিজগৃহে করিল প্রস্থান ॥
 এইচৈতু কুরুক্ষেত্র, শুন নৃপমণি ।
 তোমারে জানানু কুরুক্ষেত্রের কাহিনী ॥
 শ্রীজনমেজয় বলে, কহ তপোধন ।
 তার পর কি করিল ভীম-দুর্যোধন ॥
 মুনি বলে, শুন তবে অপূর্ব্ব-কথন ।
 দুইজনে যুদ্ধ হয়, শুনহ রাজন্ ॥
 হেথায় সঞ্জয় কহে অঙ্ক-নৃপতিরে ।
 দুর্যোধন গদাযুদ্ধে পড়িল সমরে ॥
 শুনি হাহাকার করি করয়ে ক্রন্দন ।
 মহাশোকাকুল রাজা হয় অচেতন ॥
 সঞ্জয় বলেন, রাজা, কেন কান্দ আর ।
 সর্বনাশ হৈল রাজা, কপটে তোমার ॥
 কহ রাজা, কি হইবে এখন কান্দিলে ।
 কিং জিতং কিং জিতং বলি তুমি জিজ্ঞাসিলে ॥
 পাণ্ডবেরে যত তুমি কৈলে ভিন্নভাব ।
 সে-সব কর্ষোতে এবে হৈল এই লাভ ॥

ধৃতরাষ্ট্র বলে, শুন সূতের নন্দন ।
 কিমতে করিল যুদ্ধ ভীম-দুর্যোধন ॥
 সঞ্জয় বলেন, রাজা, শুন মন দিয়া ।
 ভীম-দুর্যোধন-যুদ্ধ কহি বিস্তারিয়া ॥
 মহাভারতের কথা অপূর্ব্ব-পীযুষ ।
 বাণীর শ্রবণে নর হয় নিশ্চল ॥
 ব্যাসের বচন শিরে করিয়া ধারণ ।
 কাশীরাম দাস কহে, শুনে সাধুজন ॥

১৭ । দুর্যোধনের উল্লেখ ।

ভীম-দুর্যোধন, করে মহারণ,
 দেখে সবে কুতূহলে ।
 দেখিতে সমর, লইয়া অমর,
 আসিলেন আশুপুলে ॥
 চড়িয়া বাহন, করে আগমন,
 তেত্রিশ-কোটি অমর ।
 যার যেই বেশ, করিয়া বিশেষ,
 বসিল যুড়ি অমর ॥
 অঙ্গুরী অঙ্গুর, কিম্বদী কিম্বদী,
 গজকর্ণ পিশাচ রক্ষ ।
 দ্রুত প্রেতগণ, না যায় গণন,
 আসিলেক লক্ষ-লক্ষ ॥
 হংসে পদ্মাসন, বুধে পঞ্চানন,
 পার্শ্বভী কেশরী-বানে ।
 দেব জলেশ্বর, আসিল সঙ্ঘর,
 চড়িয়া নিজ-বাহনে ॥
 হরিণে পবন, নরে বৈজ্ঞান্যন,
 নৃষিকে বিশ্বনাশন ।
 হইয়া কোতুকা, চাপি মতশিখী,
 আসিলেন যতানন ॥

| | | | |
|----------------------|-------------------|------------------------|------------------|
| শমন মহিষে, | পরম হরিষে, | বাক্যযুক্ত আগে, | করে দৌড়ে রাগে, |
| আসিল দেখিতে রণ । | | কেহ কারো নহে উন । | |
| অষ্টলোকপাল, | সজ্জা করি ভাল, | ভীম মহাযোদ্ধা, | কিরাইছে গদা, |
| করিলেন আগমন ॥ | | দুর্যোধন পুনঃপুনঃ ॥ | |
| দিবা-নিশা-পতি, | রমণী-সংহতি, | শনু-শনু ডাকে, | গদা ঘনপাকে, |
| আসে রথ-আরোহণে । | | দুজনে ভ্রমে কোপে । | |
| যত সিদ্ধগণ, | না যায় গগন, | দৌড়া-পদভরে, | ধর-ধর ক'রে, |
| আসে যুদ্ধ-দরশনে ॥ | | সঘনে অবনী কাঁপে ॥ | |
| দেব-ঋষি-আদি, | নাহিক অবধি, | করিয়া সন্ধান, | কৌরব-প্রধান, |
| নারদাদি মুনি আর । | | ভীমেরে মারিল গদা । | |
| উর্দ্ধরেতা যত, | হ'য়ে উল্লাসিত, | পুষ্পমালা-প্রায়, | রুকোদর তায়, |
| করিলেন আশুসার ॥ | | নাহি পায় কিছু ব্যথা ॥ | |
| সবে স্থানে-স্থানে, | বসিলেন যানে, | দুই গদাঘাত, | যেন বজ্রপাত, |
| দেখেন সমর-রঙ্গ । | | ঠনঠনি শব্দ শুনি । | |
| ভীম-দুর্যোধন, | দৌড়ে করে রণ, | দুর্যোধন-অঙ্গে, | ভীম মহারঙ্গে, |
| উঠিল রণতরঙ্গ ॥ | | করে গদার ঘাতনি ॥ | |
| দুই মহাবলী, | স্বঙ্গে গদা তুলি, | মহা-গদাঘাত, | খেয়ে কুরুনাথ, |
| কিরায় মণ্ডলী করি । | | পড়িল ধরণীতলে । | |
| সঘনে গর্জনে, | করে দুইজন, | পড়ি ক্রণমাত্র, | ধূতরাষ্ট্রপুত্র, |
| যেমন দুই কেশরী ॥ | | সেইক্ষণে উঠে বলে ॥ | |
| যেন দুই হাতী, | ধায় দ্রুতগতি, | পুনঃ দুইবীরে, | গদা ল'য়ে করে, |
| পদভরে কাঁপে ক্রিতি । | | মণ্ডলী করিয়া ফিরে । | |
| দুই রবে যেন, | করয়ে গর্জনে, | গদার প্রহার, | ক'রে মহামার, |
| কম্পিত শেখাছিপতি ॥ | | দুজনে মারে দৌহারে ॥ | |
| ভীম বামাবর্তে, | ফিরে মহাসঙ্গে, | রাজা দুর্যোধন, | হ'য়ে কুরুজন, |
| দক্ষিণে কৌরবপতি । | | গদা প্রহারিল ভীমে । | |
| পর্বত-সমান, | দৌড়ে বলবান্, | বীর রুকোদর, | কাঁপে ধর-ধর, |
| কিরিছে পবনগতি ॥ | | তখনি পড়িল ক্রমে ॥ | |



ଭ୍ରମର ଶ୍ରବଣେ ଶ୍ରବଣେ ଶ୍ରବଣେ

“ହେଲେ ଶ୍ରବଣେ, ବାଜି ଶ୍ରବଣେ ଶ୍ରବଣେ,
ବଦନେ ଶ୍ରବଣେ ଶ୍ରବଣେ ।

“ହେଲେ ଶ୍ରବଣେ, ବାଜି ଶ୍ରବଣେ ଶ୍ରବଣେ,
ବଦନେ ଶ୍ରବଣେ ଶ୍ରବଣେ ।

ସମ୍ପାଦକ, ୨୩-୧୦୦

| | | | |
|-------------------------|------------------|-----------------------|------------------|
| হ'য়ে অচেতন, | পবন-নন্দন, | পুনঃ গলা তুলি, | করিয়া মণ্ডলী, |
| ভূতলে পড়িল ঠায় । | | ভ্রমে ভীম-দুর্যোধন । | |
| দেখি নারায়ণে, | বিনয়-বচনে, | নিজ-উরুতলে, | করাঘাত-হুলে, |
| জিজ্ঞাসেন ধর্ম্মরায় ॥ | | মারিলেন নারায়ণ ॥ | |
| কহ দামোদর, | কৌরব-ঈশ্বর, | পবন-নন্দন, | ছিল বিশ্বরূপ, |
| ভীমে গদা প্রহারিল । | | আপন-প্রতিজ্ঞা-কথা । | |
| ভীম মহাবল, | হইয়া বিকল, | রুষের সঙ্কেতে, | স্মৃতি হৈল চিতে, |
| যুদ্ধে অচেতন হৈল ॥ | | হইলেন সব জ্ঞাতা ॥ | |
| মহাবলবন্ত, | কৌরব দ্রুপদ, | বলরাম কাছে, | যুদ্ধহলে আছে, |
| ভীম হৈতে বলবান্ । | | নাহিক অশ্রায়-রণ । | |
| প্রলয় সংগ্রাম, | করে অবিরাম, | নাভির নীচেতে, | গদা প্রহারিতে, |
| কহ হেতু ভগবান্ ॥ | | শাস্ত্রে নাহি কদাচন ॥ | |
| কহে জনার্দন, | করহ শ্রবণ, | এই ভয় মনে, | পবন-নন্দনে, |
| দুর্যোধন রণে কৃতী । | | অশ্রায় করিতে নারে । | |
| জানাই সাক্ষাতে, | ভীমসেন হৈতে, | হনধর-ভয়, | ভাবিল হৃদয়, |
| বলাধিক কুরুপতি ॥ | | রাম যদি ক্রোধ করে ॥ | |
| শুনি যুধিষ্ঠির, | হইয়া অস্থির, | সাত-পাচ মনে, | ভাবে কণ-কণে, |
| জিজ্ঞাসেন হরিশ্চন্দ্র । | | যে করুন হনধর । | |
| দুর্যোধন কৃতী, | বলিলে শ্রীপতি, | প্রতিজ্ঞা-পালন, | করিব আপন, |
| বুঝি, জয় নাহি রণে ॥ | | প্রহারিব উরু-পর ॥ | |
| কহেন শ্রীকান্ত, | হও রাজা, শাস্ত, | এইরূপে দৌহে, | গদা ল'য়ে তাহে, |
| ভয় না করিহ মনে । | | মণ্ডলী করিয়া ভ্রমে । | |
| উপায় ইহার, | আছে সারোদ্ধার, | দুর্যোধন গদা, | মারিতে সর্ব্বদা, |
| দেখাব, দেখ নয়নে ॥ | | উদ্বম করিল ভীমে ॥ | |
| গোবিন্দ-বচনে, | স্থির হ'য়ে মনে, | উরুর উপর, | বীর বুকোদর, |
| রাহিলেন ধর্ম্মসুত । | | মারিবে না ভাবি মন । | |
| পবন-নন্দন, | পাইয়া চৈতন, | মস্তক-উপর, | মারিতে সম্মুখ, |
| উঠিলেন অভিযুক্ত ॥ | | ভাবিলেক দুর্যোধন ॥ | |

এক লাফ দিয়া, শৃংখলে উঠিয়া,
 মারিব ভীমেরে গদা ।
 এই অনুমানি, কুরু-নৃপমণি,
 লাফ দিয়া উঠে তদা ॥
 দৈবের লিখন, না বায় খণ্ডন,
 দুৰ্য্যোধন লাফ দিতে ।
 ভীম-গদাঘাত, যেন বজ্রপাত,
 বাজে তাহার উরুতে ॥
 লোকে দেখে রঙ্গে, দুই-উরুভঙ্গে,
 ভূমে পড়ে দুৰ্য্যোধন ।
 দেখি দেবগণ, চমৎকৃত-মন,
 ভীম করে আশ্চর্যলন ॥
 ব্যাসের বচন, ভাবি অনুক্ষণ,
 পাঁচালী কৈল রচন ।
 গদাপর্ব্ব-বাণী, অপূর্ব্ব-কাহিনী,
 কাশীদাসের কথন ॥

১৮। দুৰ্য্যোধনের মস্তকে ভীমের পদাঘাত ও
 যুধিষ্ঠিরের বিলাপ ।

ইন্দ্র যথা গিরিভেদ করে বজ্রাঘাতে ।
 উরুভঙ্গে কুরুবার পড়িল তেমতে ॥
 কুরুপতি উরুযুগ দেখিয়া নয়নে ।
 কামের অধীন হ'য়ে ভজে নারীগণে ॥
 হেন-উরু-ভঙ্গ হয়ে পড়ে কুরুপতি ।
 দুৰু-দুরু করি ঘন কাঁপে বসুমতী ॥
 অস্থায়-সমরে পড়ে যদি কুরুসুত ।
 উৎপাত হইল তবে দেখিতে অদ্ভুত ॥
 বিপরীত বাত বহে নির্ঘাত-সদৃশ ।
 শিবাগণ কান্দে, রক্তরাশি বিসদৃশ ॥

দুৰ্য্যোধনে চাহি ভীম বলিল বচন ।
 শোন্ ওরে কুরুপতি মূঢ় দুৰ্য্যোধন ॥
 যাজ্ঞসেনী দ্রোপদার কৈলি অপমান ।
 তার ফল ভুঞ্জ এবে শোন্ রে অজ্ঞান ॥
 এত বলি তার মাথে মারিলেক লাথি ।
 উরুভঙ্গে মানভঙ্গে স্তব্ধ কুরুপতি ॥
 রাজার মুকুট-মণি ভাঙ্গিল চরণে ।
 পাষণ-হৃদয় ভীম, দয়া নাহি মনে ॥
 হেঁটমাথা করি আছে কুরু মহামতি ।
 বামপদে ভীম মারিলেক শিরে লাথি ॥
 কৃপার সাগর যুধিষ্ঠির সাধুজন ।
 অশেষ বিলাপ করি ভীমসেনে কন ॥
 ওরে ভীম, কি করিলি কষ্ট বিগর্হিত ।
 এত অপমান করা অতি অনুচিত ॥
 সমস্ত পৃথিবীপতি রাজা দুৰ্য্যোধন ।
 জ্যেষ্ঠতাত-ধৃতরাষ্ট্র-রাজের নন্দন ॥
 পদাঘাত কৈলি তারে তুই কুলাধম ।
 মারিলি কুরুর রাজে করি অনিয়ম ॥
 সসাগরা পৃথিবীর রাজচক্রবর্তী ।
 তাহার এমন কেন করিলি দুর্গতি ॥
 সুগন্ধি-চন্দন মৃগমদ-সুবাসিত ।
 পদ্মমালা শোভে শিরে কাঞ্চন-রচিত ॥
 ভাসুর মুকুট-মণি দিনকর-প্রায় ।
 দুৰ্য্যোধন-শিরোমণি ভূমিতে লোটায়ে ॥
 ওরে দুষ্ট ভীমসেন, তুই দুরাচার ।
 কেমনে করিলি বামপদের প্রহার ॥
 কৃপাবস্ত্র যুধিষ্ঠির করয়ে ক্রন্দন ।
 দেখিয়া বিস্মিত হৈল যত সভাজন ॥
 আপনি মরিলে ভাই, বান্ধবে মারিলে ।
 নিজকন্মদোষে ভাই, সাত্রাজ্য হারালে ॥

সসাগর পৃথিবীর ছিলে অধিকারী ।
 ভূমিতলে পড়িয়াছ রথ পরিহারি ॥
 ইন্দ্ৰের সমান তব প্রচণ্ড প্রতাপ ।
 সিংহাসন ছাড়ি ভূমে, এই বড় তাপ ॥
 মহারাজগণ নাহি পায় দরশন ।
 রাজ্যেশ্বর হ'য়ে এবে ভূমিতে শয়ন ॥
 সহস্রেক বিদ্যাধরী তব সেবা করে ।
 মোহন পুরুষ তুমি সংসার-ভিতরে ॥
 এখন লোটাছ তুমি পড়ি ভূমিতলে ।
 পৃথিবী শাসিলে ভাই, নিজ-বাহুবলে ॥
 নাগলাম পঞ্চগ্রাম কৃষ্ণে পাঠাইয়া ।
 পাপিষ্ঠ-শকুনি-বাক্যে না দিলে ছাড়িয়া ॥
 ভাই হ'য়ে হৈলে তুমি চণ্ডাল-সমান ।
 এতেক করিয়া ভাই, কি সাধিলে কাম ॥

রাজার ক্রন্দন শুনি সকল সমাজ ।
 পাঞ্চাল সোমক আর যত মহারাজ ॥
 কান্দয়ে সকল রাজা যুধিষ্ঠির-সনে ।
 ভূমে গড়াগড়ি যায় রাজা দুর্ঘোষধনে ॥
 কান্দে রাজা যুধিষ্ঠির শোকে মনোহুখে ।
 জানু-পরে শির দিয়া কান্দে অধোমুখে ॥
 ভ্রাতৃবধ-তাপে ধৈর্য ধরা নাহি যায় ।
 ভাই-ভাই বলি রাজা কান্দে উভরায় ॥
 খাটপাট সিংহাসন সকল ত্যজিয়া ।
 ভূমিতে লোটাছ ভাই, জ্ঞান হারাইয়া ॥
 কুবুদ্ধি লাগিল ভাই, না শুনিলে বোল ।
 গুরুবাক্য না শুনিয়া যমে দিলে কোল ॥
 রাজার লক্ষণ ভাই, আছিল তোমাতে ।
 তোমা-হেন সত্যবন্ত নাহি পৃথিবীতে ॥
 সমর-সাগর ঘোর, দেখি লাগে ভয় ।
 একাকী করিলে রণ তুমি মহাশয় ॥

তব যশ ঘূষিবেক এ-তিন-ভুবনে ।
 পুত্রশোক ধৃতরাষ্ট্র সহিবে কেমনে ॥
 কি বলিয়া প্রবোধিব গান্ধারী জননী ।
 কি বলিয়া আশ্বাসিব যতেক রমণী ॥
 এতেক বিলাপ করে ধন্ব-নরপতি ।
 যুধিষ্ঠিরে প্রবোধেন আপনি শ্রীপতি ॥
 ক্রন্দন করহ কেন, ওহে গুণনিধি ।
 এই রাজা দুর্ঘোষধন দুৰ্দ্ধতা-জলধি ॥
 সেকালে এ-দুৰ্দ্ধ কাহারো না ধরিল বোল ।
 এখন সে মহাপাপে যমে দিল কোল ॥
 একবস্ত্রা রজসলা দ্রুপদ-কন্যারে ।
 সভামধ্যে আনি করে উপহাস তারে ॥
 জড়ুগৃহে পোড়াইল তোমা-পঞ্চজনে ।
 ভীমে বিষ দিল দুৰ্দ্ধ নিধন-কারণে ॥
 মারিল কত যে বন্ধু-মিত্র কুরুরায় ।
 ইহার চরিত্র-কথা বলা নাহি যায় ॥
 অনেক পাপেতে রিপু গেল রসাতল ।
 হেন ছারে বল ধন্ব, ভাই মহাবল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১৯। শ্রীকৃষ্ণের প্রতি দুর্ঘোষধনের কোপ ।

এতেক বলেন যদি দেব-নারায়ণ ।
 শুনি দুর্ঘোষধন হৈল অতি-ক্রুদ্ধমন ॥
 বাহুযুগ পৃথিবীতে পাতি দিল ভর ।
 হাটু আরোপিয়া বসি বলে নৃপবর ॥
 কহিতে লাগিল চাহি কৃষ্ণের বদন ।
 বুঝিহু আপনি যন্ত্রী তুমি নারায়ণ ॥
 কহিলে অৰ্জুনে তুমি উপদেশ-বাণী ।
 ভীমে জানাইল পার্থ চক্ষুকোণ হানি ॥

তোমার বচনে ছুরাচার পাণ্ডুসুত ।
 অন্তায়-সমরে বীর মারিল বহুত ॥
 কর্ণ ভূরিশ্রবা সোমদত্ত গুরু দ্রোণ ।
 মারিলে অন্তায়-যুদ্ধে তুমি নারায়ণ ॥
 তোমার চরিত্র আমি ভালমতে জানি ।
 পাণ্ডবের পক্ষ তুমি, চিন্ত মম হানি ॥
 ধিক্ ধিক্, তোমার জীবন অকারণ ।
 যথা আমি, তথা তব পাণ্ডুর নন্দন ॥
 তুমি সে মারিলে মোর সকল সমাজ ।
 আমারে মারিয়া তুমি সাধিলে কি-কাজ ॥

এত শুনি রোষবশে কহে দামোদর ।
 শুন ছুট ছুরাশয় গান্ধারী-কোঙর ॥
 আপনি মরিলে তুমি অধর্মের ফলে ।
 দ্রোণদী-সতীরে চাহ করিবারে কোলে ॥
 মরিল তোমার পাপে যত রাজগণ ।
 ভূরিশ্রবা দ্রোণ ভীষ্ম কর্ণ মহাজন ॥
 করিলে অধর্ম যত, পড়ে কি তা' মনে ।
 সপ্তরথী মিলি মার হুভদ্রা-নন্দনে ॥
 আপনি তোমার কাছে গেলাম যখন ।
 যুধিষ্ঠির-লাগি পঞ্চগ্রামের কারণ ॥
 সূচ্যত্র-প্রমাণ নাহি দিলে বসুমতী ।
 এখন বান্ধব হৈল ধর্ম-নরপতি ॥

কৃষ্ণের বচন শুনি বলে হুর্ঘ্যোধন ।
 জানি হে মাধব, তব বীরত্ব কেমন ॥
 জানিনু পুরাণ বেদ শাস্ত্র ধর্মাদিধর্ম ।
 জগতে করিল কেবা মম সম কর্ম ॥
 করিলাম নানা-যজ্ঞ আর বহুদান ।
 শাসিলাম সসাগরা-ধরা বিগ্ৰহমান ॥
 ক্ষত্র হ'য়ে ক্ষত্রধর্ম করিনু পালন ।
 এবে চলিলাম সঙ্গে ল'য়ে রাজগণ ॥

লইয়া বিধবা-ক্ৰিতি পাল যুধিষ্ঠির ।
 সর্গেতে লইয়া যাই যত-সব বীর ॥
 খ্যাত মম বাহুবল, লোকে করে পূজা ।
 এত বলি মৌনভাব ধরে কুরুরাজা ॥
 শুনি কিছু না বলেন কেশব প্রভৃতি ।
 লজ্জিত হইল বড় ধর্ম-নরপতি ॥
 হুর্ঘ্যোধন-নৃপতির শুনিয়া উত্তর ।
 মহাকোপে বলিলেন দেব হলধর ॥
 অন্তায়-সমরে আজি করি আকর্ষণ ।
 হুর্ঘ্যোধনে বুকোদর করিল নিধন ॥
 এত বলি ক্রোধে কম্পে রাম মতিমান্ ।
 লালস ধরেন হাতে সুরেন্দ্র-সমান ॥
 দারুণ-প্রহারে মারে ভীম ছুরাচার ।
 অনিয়ম-যুদ্ধ করে অগ্রেতে আমার ॥
 এত বলি হ'ল ল'য়ে যুড়ে হলধর ।
 দেখিয়া পাইল ভয় যত চরাচর ॥
 মহাভারতের কথা অমৃত-সমান ।
 অবহেলে শুনে যদি, বাড়ে দিব্যজ্ঞান ॥

১০। বলদেবের রোষাপনয়ন ।

শশঙ্ক হইয়া কহিলেন নারায়ণ ।
 কোপ দূর কর প্রভু, করি নিবেদন ॥
 পাণ্ডব কিসের বন্ধু হইল আমার ।
 কি করিব হুর্ঘ্যোধন ছুট ছুরাচার ॥
 একবস্ত্রা রজস্বলা দ্রোণদী সুরন্দরী ।
 তাহারে আনিল সভামধ্যে কেশে ধরি ॥
 আনিয়া বসাতে চায় নিজ-উরু-পর ।
 সে-দিনে প্রতিজ্ঞা করে বীর বুকোদর ॥
 হেন কর্ম কর ছুট, গোচরে আমার ।
 নিশ্চিত এ-উরু আমি ভাজিব তোমার ॥

পাতকের প্রায়শ্চিত্ত হইল উচিত ।
 আপনি এসব কথা না আছ বিদিত ॥
 আর কিছু পূর্বকথা শুন হৃদয় ।
 মৈত্রেয়-নামেতে এক ছিল ঋষিবর ॥
 তার স্থানে অপরাধী ছিল দুর্ঘোষন ।
 মৈত্রেয়-ঋষির ছিল তাহে ক্রুদ্ধমন ॥
 তেজসী মৈত্রেয়-ঋষি দিল তারে শাপ ।
 ভাঁম তোর উরু ভাঙ্গি ঘুচাইবে দাপ ॥
 সত্য-অঙ্গীকার ভীম কৈল সে-কারণ ।
 কুরুপতি-উরু ভাঙ্গি করিল নিধন ॥
 ক্ষত্র হ'য়ে ক্ষত্রধর্ম রাখে আপনার ।
 ইচ্ছাতে উচিত ক্রোধ না হয় তোমার ॥

এতক শুনিয়া ক্রোধ সংবরেন রাম ।

দুর্ঘোষনে ধন্যবাদ দেন অবিশ্রাম ॥
 নিন্দা করি যুকোদরে বলে বারংবার ।
 ধিক্ ধিক্ ভীমসেন, জীবনে তোমার ॥
 বীরত্ব দেখালি তুই আজ ভালমতে ।
 অন্ধ্যায়-সমরে খ্যাতি রাখিলি জগতে ॥
 আছিলেন দুর্ঘোষন রণ পরিহারি ।
 মারিলে তাহারে তুমি অনিয়ম করি ॥
 হেন ছার সভাতলে বসি না যুয়ায় ।
 এহ বলি রথে চড়ি যান যজ্ঞরায় ॥

নিন্দা করি যুকোদরে যান যজ্ঞরায় ।
 একেখর যান রাম দ্বারকা-নগর ॥
 দুর্ঘোষন-রণ দেখি লভিয়া সন্তুষ্টি ।
 হরিষে দেবতাগণ করে পুষ্পরষ্টি ॥
 নৃপগণে সঙ্গে ল'য়ে তবে ধর্মরাজ ।
 বিষম-বন্দনে যান শিবিরের মাঝ ॥
 যার যেই শিবিরেতে যায় সর্বজন ।
 বেলা অবসান, অস্ত গেলেন তপন ॥
 পাণ্ডব-বিজয়-কথা অমৃত-সমান ।
 অবহেলে শুনে যদি, বাড়ে দিব্যজ্ঞান ॥
 যতেক আছেয়ে তীর্থ পৃথিবী-মণ্ডলে ।
 তার ফল লভে মহাভারত শুনিলে ॥
 সকল আপদু খণ্ডে, জন্মে দিব্যজ্ঞান ।
 ব্যাসের রচিত দিব্য ভারত-পুরাণ ॥
 অমৃত-অর্ণব যেই নিগূঢ়-রতন ।
 ইহলোকে স্মৃথ, অস্তে বৈকুণ্ঠে গমন ॥
 ইহা জানি শুন সবে, না করিহ হেলা ॥
 কলি-ঘোর-সাগর তরিতে এই ভেলা ॥
 মহাভারতের কথা অমৃত-লহরী ।
 কাশী কহে, শুনিলে তরয়ে ভববারি ॥
 শ্লোকচ্ছন্দে রচিলেন মহামুনি ব্যাস ।
 পাঁচালী-প্রবন্ধে কহে কাশীরাম দাস ॥

কাশীরামদাস-মহাভারত

সৌপ্তিকপর্ব

নারায়ণং মমকৃত্য মরকৈব নরোত্তমম্ ।

দেবোঃ সরস্বতীং ব্যাসং ততো জয়মুদীরয়েৎ ॥

১। অশ্বখামাব পাণ্ডব-নাশার্থ প্রতিজ্ঞা ।

জন্মেজয় বলে, কহ, শুনি মুনিবর ।
কোন্ জন কোন্ কর্ম কৈল অতঃপর ॥
মুনি বলে, নরপতি, শুন সাবধানে ।
দুর্যোধন ভূমে পড়ি রহে রণস্থানে ॥
বিবাদে বিকল রাজা ভাবে মনে-মন ।
চতুর্দিকে শব্দ করে যত শিবাগণ ॥
হেনকালে কৃতবর্ষা কূপ অশ্বখামা ।
নৃপতির কাছে রাড্রে আসে তিনজন ॥
শোকদুঃখে দ্রোণপুত্র রাজার সাক্ষাতে ।
মহা-অহঙ্কার করি লাগিল বলিতে ॥
অবধানে শুন রাজা কোঁরব-ঈশ্বর ।
একথা কহি আমি তোমার গোচর ॥
ভীষ্ম দ্রোণ কর্ণ আর শল্য-আদি বীরে ।
সেনাপতি করি সবে পুজিলে সাদরে ॥

৩২ বি

সাধিল কি-কর্ম বল তারা কোন্ জন ।
সবে পাণ্ডবের পক্ষ, জানিহ রাজন্ ॥
সে-কারণে তোমার না কৈল কিছু হিত ।
মম ইচ্ছা হয় কিছু করি তব হিত ॥
তব অপমান আমি সহিতে না পারি ।
সেনাপতি কর মোরে কুরু-অধিকারি ॥
মোরে যদি সেনাপতি করিতে সমরে ।
সবংশে সংহার করিতাম পাণ্ডবেরে ॥
মোর বীরপণা ভূমি জান ভালমতে ।
কোন্ জন যুঝিবেক আমার অগ্রেতে ॥
ইন্দ্র যম বরুণ কুবের হতাশন ।
আমা-সহ রণে যুঝিবেক কোন্ জন ॥
একদিন যুক্তি নাহি কৈলে মম সনে ।
আপন বৈভব ভূমি নাশিলে আপনে ॥
জনম-অবধি আমি তোমার পালিত ।
সে কারণে করিবারে চাহি তব হিত ॥

এখনও সেনাপতি কর যদি মোরে ।
পাণ্ডবে পাঠাব আমি শমনের ঘরে ॥
পাঞ্চাল-পাণ্ডবে আজি করিব নিপাত ।
আমার প্রতিজ্ঞা এই, শুন নরনাথ ॥

দ্রৌণির বচন শুনি রাজা দুর্যোধন ।
সাধু-সাধু বলি তাঁরে করে নিবেদন ॥
যে-সব कहিলে মোরে গুরুর নন্দন ।
পাণ্ডবের প্রিয় সবে, বুঝিষু এখন ॥
আর কেহ নাহি মম, শুন মহাত্মন ।
আপনি যতপি মম নাশহ বেদন ॥
আপনারে সেনাপতি করিব যে আমি ।
যদবধি আছি, কিছু হিত কর তুমি ॥

রাজার বিনয় শুনি দ্রোণের নন্দন ।
গর্ব করি কহে, বিনাশিব সর্বজন ॥
কৌরবের পতি শুনি এতেক বচন ।
কৃপেরে চাহিয়া তবে বলিছে তখন ॥
শীত্রগতি জল আনি দেহ মহামতি ।
আজি গুরুপুত্রে আমি করি সেনাপতি ॥

এতেক বলিল যদি রাজা দুর্যোধন ।
দুইবীর চলিলেক জলের কারণ ॥
কৃপাচার্য্য কৃতবর্শা চলিল তখনি ।
জল অশ্বেষিতে, ঘোর-আঁধার রজনী ॥
স্থানে-স্থানে ভ্রমে, জল খুঁজিয়া না পায় ।
একত্র হইয়া দৌহে ভাবেন উপায় ॥
রাজার বচনে আসি জল-অশ্বেষণে ।
কি করিব জল নাহি পাই দুইজনে ॥

কৃপাচার্য্য বলে, শুন আমার বচন ।
যুদ্ধকালে এনেছিল জল সৈন্তগণ ॥
সেই-জল-বিনা আর না দেখি উপায় ।
এত বলি দুইজন চলিল তথায় ॥

মহাভারতের কথা অমৃত-সমান ।
কাশীরাম দাস কহে, শুনে পুণ্যবান ॥

১। অশ্বখামাকে সেনাপতিত্বে অভিষেক ।

হেম-কলসেতে বারি ল'য়ে দুইজন ।
রাজার নিকটে যায় আনন্দিত-মন ॥
বারি দেখি আনন্দিত কৌরবের পতি ।
অভিষেক-হেতু রাজা উঠে শীত্রগতি ॥
উরু ভাজি পড়িয়াছে, উঠিতে না পারে ।
স্পর্শ করি দিল বারি অশ্বখামা-করে ॥
আপনি লইয়া বারি ঢালিলেন শিরে ।
এইরূপে সেনাপতি করিল দ্রৌণিরে ॥
বিদায় হইয়া তবে বীর তিনজন ।

পাণ্ডব-শিবিরে যায় সত্বর-গমন ॥
ঘোর-অন্ধকার নিশা, পথ নাহি চিনি ।
ধীরে-ধীরে চলি যায়, শব্দ নাহি শুনি ॥
হেনমতে কতদূর যায় তিনজন ।
রক্ততলে বসি করে কথোপকথন ॥
হেনকালে তারা সেই রক্তের উপরে ।
দারুণ পেচক-পক্ষী পায় দেখিবারে ॥
রক্তোপরে অবস্থিতি করে মৌনভাবে ।
ভাবে, কতক্ষণে সবে নিদ্রিত হইবে ॥
দেখিতে-দেখিতে যত বিহঙ্গমগণ ।
ঘোর-নিদ্রাবশে সবে হয় অচেতন ॥
অমনি পেচক দুই হ'য়ে অগ্রসর ।
মারিয়া ফেলিল যত বিহঙ্গনিকর ॥

দেখিয়া উপায় পেয়ে বলে অশ্বখামা
এক বুদ্ধি পাইলাম কৃপাচার্য্য মামা ॥
কহিতে লাগিল বীর দ্রোণের কুমার ।
পাঞ্চাল-পাণ্ডবে আজি করিব সংহার ॥

এইমত অখখামা কহি দুইবীরে ।
হরষিত হ'য়ে যায় পাণ্ডব-শিবিরে ॥
সমরে বিজয়ী হ'য়ে আনন্দিত-মন ।
স্থখে নিদ্রা যায় সব পাণ্ডুর নন্দন ॥

এইকালে তিনজন উত্তরিল তথা ।
বীরদর্প করি অখখামা কহে কথা ॥
সবংশে পাণ্ডবে আজি মারিব সবুলে ।
একজন না রাখিব পাণ্ডবের কুলে ॥

কূপ বলে, হেন কর্ম্ম না হয় উচিত ।
নিদ্রিত জনেরে নাহি মারি কদাচিত ॥
ভয়ান্ত শরণাগত নিদ্রিত যে-জন ।
কখন না হেন-জনে করি প্রহারণ ॥
নিষেধ না মানি ইহা যেইজন করে ।
পঞ্চম-পাতকী-মধ্যে গণি যে তাহারে ॥
আমার বচন তুমি শুনি সাবধানে ।
হেন কর্ম্ম বাঞ্ছা নাহি কর কভু মনে ॥
আপন-কুকর্মে মজিলেক দুর্ব্যোধান ।
ধার্মিক পাণ্ডবে হিংসা কৈল অমুক্ষণ ॥
সহায়-সম্পদ পাণ্ডবের নারায়ণ ।
তাহার অহিত করি জীবে কোন্ জন ॥
দুর্ব্যোধান-হিত-হেতু বিচারিয়া মনে ।
যুঝিলে সামর্থ্যমত করি প্রাণপণে ॥
তখন নারিলে, যুদ্ধ করিবে এখন ।
দুর্বুদ্ধি ছাড়িয়া তাত, স্থির কর মন ॥
পিছুবৈরী চাহ যদি করিতে নিধন ।
রণমধ্যে ধরি বাপু, কর নিপাতন ॥
সংকল্প করিবে তাত, সঙ্গা সম্বতনে ।
অসংপথে পদার্পণ কর কি-কারণে ॥
সংকল্প সাধন তাত, করহ যতনে ।
অসংকল্প করিবারে ইচ্ছা কেন মনে ॥

এখন যে কহি আমি, শুনি সাবধানে ।
তিনজনে চল বাই ধৃতরাষ্ট্র-স্থানে ॥
সবাকার অধিকারী হয় অঙ্করাজ ।
যেমত কহিবে অঙ্ক, করিব সে-কাজ ॥
সৌপ্তিক-পর্বেবর কথা অমৃতের ধার ।
কাশী কহে, যদি শুনে, যায় তব-পার ॥

৩। শিবিরস্থানে-অখখামার শিবদর্শন ।

কূপের বচন শুনি দ্রোণের নন্দন ।
দুইচক্ষু রক্তবর্ণ, কহিছে বচন ॥
ক'রেছি প্রতিজ্ঞা আজি রাজ-বিদ্রোহানে ।
করিব সকল নষ্ট তোমার বচনে ॥
কৃত্রিম্যে আছে হেন, কহে জ্ঞানী জন ।
কৃত্র হ'য়ে করিবেক প্রতিজ্ঞা-পালন ॥
শত্রুরে করিবে ক্ষয় অশেষ-প্রকারে ।
ছলে-বলে-কৌশলেতে নাশিবে তাহারে ॥
কৃত্রিম্য লইয়াছি ব্রাহ্মণ হইয়া ।
রাখিব কৃত্রিম্যধর্ম রিপু সংহারিয়া ॥
আমারে মন্ত্রণা দিলে নিজ-শক্তিমত ।
কেবা হেন হতজ্ঞান, করিবে সেমত ॥
দুরাচার রিপু মম ক্রপদ-নন্দন ।
অন্যায় পিতাকে মোর করিল নিধন ॥
সেই কোপে অস্ত্রাবধি তমু মোর ছলে ।
নিশ্চয় বধিব তারে নিজ-বাহুবলে ॥
তাহে যেইজন তার হইবে সহায় ।
তাহারে পাঠাব আজি শমন-আলয় ॥
যেইদিন ধুটুদ্বয় নাশিলেক তাতে ।
প্রতিজ্ঞা ক'রেছি আমি সবার সাক্ষাতে ॥
ব্রহ্মঘাতী মহাপাপী দুটু দুরাচার ।
তাহারে মারিতে হেন উত্তর ভৌমার ॥

পাঞ্চাল-পাণ্ডবে আজি করিব নিধন ।
 পরিভ্রষ্ট হবে তাহে রাজা দুৰ্য্যোধন ॥
 হর্ষা কর্তা অন্নদাতা জনম-অবধি ।
 প্রাণপণ করি তার হিতকার্য্য সাধি ॥
 গৃহমধ্যে যেইজন হয় অন্নদাতা ।
 তাহারে ভূষিতে পাপ নাহিক সর্ব্বথা ॥
 দুৰ্য্যোধনে ভূষিবারে মারিব যে অরি ।
 সন্তুষ্ট হইবে তাহে কুল-অধিকারী ॥

এত বলি গর্জে বীর দ্রোণের নন্দন ।
 নিঃশব্দে রহিল ক্রূপ, না কহে বচন ॥
 মহাবেগে চলে দ্রোণি অতি-ক্রুদ্ধমনে ।
 পাছু-পাছু দুইজনে চলে তার সনে ॥
 শিবির-নিকটে উত্তরিল তিনজন ।
 পশিতে বিরোধী হৈল নর একজন ॥
 বিভূতি ভূষণ তাঁর, অঙ্গে ফণিহার ।
 চতুর্ভুজ ত্রিলোচন শিরে জটাভার ॥
 ব্যাঘ্রচর্ম্ম পরিধান, করেছে ডম্বর ।
 দিব্যরূপ দ্বারে বসি আছে মহাপুর ॥
 এইরূপে দ্বাররক্ষা করেন শকর ।
 নিবেদন করেন তাঁরে যাইতে ভিতর ॥

দ্রোণি বলে, যাব আমি শিবির-ভিতর ।
 দ্বার ছাড়ি দেহ, যদি প্রাণে থাকে ডর ॥
 শুনিয়া কহেন শিব ছদ্মবেশধারী ।
 পুরীরক্ষা করি আমি হইয়া দুয়ারী ॥
 একেশ্বর আছি আমি দ্বারের রক্ষণে ।
 যোরে না জিনিয়া পুরে যাইবে কেমনে ॥

শুনিয়া কুপিল দ্রোণি, মারে নাম-বাণ ।
 মুখ মেলি সেইসব গিলে ভগবান ॥
 বত বাণ এড়ে দ্রোণি, খান ত্রিলোচন ।
 দেখিয়া বিশ্বাস ধানে দ্রোণের নন্দন ॥

শূন্য হৈল ভূগ, আর অস্ত্র নাহি তাতে ।
 বিশ্বাস মানিয়া দ্রোণি লাগিল ভাবিতে ॥
 সামান্য মনুষ্য নাহি হবে এইজন ।
 বাণ গিলে নর হ'য়ে না দেখি এমন ॥
 জিজ্ঞাসা করিল তবে দ্রোণের নন্দন ।
 এক নিবেদন মম শুন মহাজন ॥
 দারুণ আমার অস্ত্র আপনি গিলিলে ।
 এত বাণ খেয়ে কিছু ব্যথিত না হৈলে ॥
 শূন্য হৈল ভূগ মম, বাণ নাহি আর ।
 তোমার চরিত্র দেখি লাগে চমৎকার ॥
 কোন্ দেব হও তুমি, কহ মহাশয় ।
 অনুগ্রহ করি নাশ করহ সংশয় ॥

এতেক বলিল যদি দ্রোণের নন্দন ।
 প্রবোধিয়া তারে তবে কহে ত্রিলোচন ॥
 নাহি জানি দ্রোণ-পুত্র আমি কোন্ জন ।
 বিশ্বনাথ-নাম মম জানে বিশ্বজন ॥

এত শুনি কহে দ্রোণি করি ষোড় হাত ।
 কৃপা করি যোরে দ্বার ছাড়ি বিশ্বনাথ ॥
 ধূর্জটি বলেন, ইহা কেমনে পারিব ।
 পাণ্ডবের আজ্ঞা-বিনা ছাড়িতে নারিব ॥
 চিন্তিত হইল দ্রোণি শুনিয়া বচন ।
 ভাবে মনে, কি উপায় করিব এখন ॥
 কি করিব, কি হইবে ভাবি দ্রোণিবীর ।
 করিব শিবের পূজা, মনে করে স্থির ॥
 এত বলি গড়ে লিঙ্গ মূর্ত্তিকা লইয়া ।
 শিবের অর্চনা করে বিশ্বপাত্র দিয়া ॥
 গন্ধাজল পুষ্প দিয়া করিল অর্চন ।
 পূজা করি স্তব করে দ্রোণের নন্দন ॥
 কাশীরাম দাস কহে, স্তব সর্ব্বজন ।
 ষেক্রপে করিল স্তব দ্রোণের নন্দন ॥

৪। অথখামা-কর্কুক শিবের স্তব।

শুন শ্রু দিগম্বর, বাহ্য পূর্ণ কর হর,
আমি দীন-হীন অভাজন।
কমা কর দোষ যত, আমি তব অনুগত,
নাহি জানি ভজন-পূজন ॥
আকাশ পাতাল ভূমি, স্বাবর জঙ্গম ভূমি,
দশদিক্ অষ্ট-কুলাচল।
কিতি অপূ তেজঃ ব্যোম, পবন ভাস্কর সোম,
তব বৃষ্টি-বিশেষ সকল ॥
কি কব তোমার তত্ত্ব, তুমি রজঃ তুমি সত্ত্ব,
তমোগুণে করহ সংহার।
পড়িয়াছি এই দায়, উদ্ধার করহ তায়,
তোমা-বিনা কেবা আছে আর ॥
ভজন-বিহীন জনে, হের শ্রু ত্রিনয়নে,
লজ্জা-রক্ষা কর এইবার।
কাতর এ-দীনে জানি, রূপা কর শূলপাণি,
তোমা-বিনা গতি কি আমার ॥
স্মৃতি-কুমতি-দাতা, তুমি সবাকার ধাতা,
পাষণ্ড কি জানিবে মহিমা।
ভক্তজনে জানে তত্ত্ব, ও-চরণে সদা মত্ত,
গুণাতীত গুণের যে সীমা ॥
তব ভক্ত যেইজন, তার নহে দুঃখী মন,
মহান্থে বঞ্চে চিরকাল।
অভক্ত তোমার যেই, সদা দুঃখ ভুঞ্জে সেই,
নিত্য তার দুঃখে কাটে কাল ॥
জ্ঞানোদয় নাহি হয়, সদা অন্ধকারময়,
বুধা সেই ভ্রমে অবিরত।
না বুঝি ধর্মের স্রম, যেমত আপন-কর্ম,
কল পায় সেই সেইমত ॥

যদি জ্ঞান হয় তার, তবে ঘুচে অন্ধকার,
তব পদে আশ্রয় করিলে।
দিনে-দিনে বাড়ি মান, পুনঃ হয় গুণ্যবাস,
ভক্তিতে কেবল ইহা মিলে ॥
এমন নামের গুণ, নিগুণের জন্মে গুণ,
গুণিগণে অধিক বাহ্যল্য।
অনায়াসে যুক্ত হয়, যেইজন নাম লয়,
পৃথিবীতে নাহি তার তুল্য ॥
এত বলি দ্রোণ-হৃত, স্তব করি শুদ্ধচিত্ত,
মহেশের ভুলাইল মন।
সদয় হইয়া হর, তাহারে যাচেন বর,
কি বাসনা বলহ এখন ॥
দ্রোণি বলে, এই বর, দেহ দেব-দিগম্বর,
যেন মোর বাহ্যপূর্ণ হয়।
করি গিয়া শত্রুনাশ, দ্বার ছাড় কৃষ্ণিবাস,
এই বর দেহ মহাশয় ॥
সৌপ্তিক-পর্কের কথা, ব্যাস-বিরচিত গাথা,
সাধুগণ, শুন দিয়া মন।
শ্রবণে পাপের নাশ, কহে কানীরাণ স্বয়ং,
পয়ারে করিয়া বিরচন ॥

৫। শিব-কর্কুক অথখামাকে ঋতাদান ও অথখামার শিবের প্রবেশপূর্বক যুগ্মহাদি-বধ।

মহেশ বলেন, ইহা করিতে না পারি।
পুরী-রক্ষা করি আমি হইয়া দুয়ারী ॥
অস্তবর মাগ তুমি, বাহা লব্ব মন।
দ্রোণি বলে, অস্তবর নাহি প্রয়োজন ॥
যদি কদাচিত্ এই বর নাহি দিবে।
ব্রহ্ম-হত্যা-পাপ পরিগ্রহ কর তবে ॥

এত বলি দিব্য-অস্ত্রে ছালিয়া অনল ।
 পুড়িয়া মরিতে যায় দ্রৌণি মহাবল ॥
 বহুস্তব করিতে সে না করিল ত্রুটি ।
 বর মাগ, নিবারিয়া বলেন ধূৰ্জটী ॥
 দ্রৌণি বলে, বর যদি দিবে ত্রিলোচন ।

কৃপায় করাহ মম প্রতিজ্ঞা-পূরণ ॥
 স্তবে বশ হ'য়ে হর দিল সেই-বর ।
 পুনরপি বলে দ্রৌণি যুড়ি দুইকর ॥
 আর এক অনুগ্রহ কর শূলপাণি ।
 কৃপা করি দেহ মোরে তব খড়্গখানি ॥
 খড়্গা দিয়া অন্তর্হিত হৈল পশুপতি ।
 কৃপেরে চাহিয়া বলে দ্রৌণি মহামতি ॥

দ্বার আগুলিয়া দৌহে রহ এইখানে ।
 কাটিও তাহার মাথা আসিবে যে-জনে ॥
 খড়্গহস্তে শিবিরেতে পশে বীরবর ।
 নিদ্রাগত ধৃষ্টদ্যুম্ন খট্টার উপর ॥
 পিতৃবৈরী পেয়ে বীর মহাক্রুদ্ধমনে ।
 হাসিয়া ধরিল তবে পাঞ্চাল-নন্দনে ॥
 দুইহস্ত ধরি বন্ধ-উপরে বসিল ।
 পশুপৎ করি তারে মারিতে ইচ্ছিল ॥

দ্রৌণিগেরে দেখিয়া বীর বিষম-বদন ।
 গদগদ-স্বরে বলে পাঞ্চাল-নন্দন ॥
 খড়্গে মুণ্ড কাটি মোর না কর নিধন ।
 যুদ্ধ করি কর বীর, অসার্থ্য-সাধন ॥

দ্রৌণি বলে, ব্রজঘাতী তুচ্ছ চুরাচার ।
 পশুপৎ করি তোর করিব সংহার ॥

এত শুনি ধৃষ্টদ্যুম্ন কহে আর বার ।
 বিনা-যুদ্ধে না মারহ দ্রৌণের কুমার ॥
 যুদ্ধেতে হইলে যুদ্ধ স্বর্গেতে গমন ।
 এই কার্য্য কর বীর দ্রৌণের নন্দন ॥

ধৃষ্টদ্যুম্ন যত বলে, দ্রৌণি নাহি শুনে ।
 বজ্রমুষ্টি প্রহারিল অতি-ক্রুদ্ধমনে ॥
 হস্তপদ উদরেতে করিল প্রবেশ ।
 পশুপৎ করি তার ভাঙ্গে মধ্যদেশ ॥
 ভীম যেন কীচকেরে করিল সংহার ।
 সেইমত করিলেক কুশাশু-আকার ॥
 একেশ্বর দ্রৌণপুত্র মারে সবাকারে ।
 নিশাযোগে ঘোর-রণ শিবির-ভিতরে ॥
 হাহাকার মহাশব্দ উঠে আচম্বিতে ।
 প্রাণভয়ে পলাইতে চাহে দ্বারপথে ॥
 খড়্গহস্তে দুইজন রক্ষা করে দ্বার ।
 বাহির হইলে তারা করয়ে সংহার ॥
 বিপাকে পড়িয়া তারা না দেখে নিষ্কৃতি ।
 ঘোর-রণ করে তারা দ্রৌণির সংহতি ॥
 দ্রৌণপুত্র অশ্বখামা রণেতে প্রচণ্ড ।
 কাটিল সকল সেনা করি খণ্ড-খণ্ড ॥
 দাবানলে বন যেন করয়ে দহন ।
 সেইমত কাটে সেনা দ্রৌণের নন্দন ॥
 দ্রৌপদীর পঞ্চপুত্র ছিল এক ঘরে ।
 একঠাই শুয়েছিল পঞ্চ-সহোদরে ॥
 হাত বুলাইয়া দেখে দ্রৌণের নন্দন ।
 ভাবিল পাণ্ডব এই ভাই পঞ্চজন ॥
 মুখে বজ্র বাকি কাটে সবাকার শির ।
 একে-একে পঞ্চমুণ্ড কাটে দ্রৌণিবীর ॥
 পঞ্চমুণ্ড বস্ত্রে বাকি তবে দ্রৌণহস্ত ।
 পাণ্ডব জানিয়া মনে বড় হর্ষযুত ॥
 জাগিয়া শিখণ্ডী ধনুর্বাণ নিল হাতে ।
 করয়ে দারুণ যুদ্ধ দ্রৌণির সহিতে ॥
 বাণে বাণ শিখণ্ডেরে দ্রৌণের নন্দন ।
 এইরূপে বহু-যুদ্ধ করে দুইজন ॥

ভীৰু খড়্গ ল'য়ে বীর জ্যোণের কুমার ।
 মণ্ডলী করিয়া যুদ্ধে বীর-অবতার ॥
 ধরাধরি করি দৌহে করে মহারণ ।
 মুণ্ডে-মুণ্ডে বুকে-বুকে চরণে চরণ ॥
 মল্লযুদ্ধ করে দৌহে কিতিতলে পড়ি ।
 করিয়া অভুল যুদ্ধ যায় গড়াগড়ি ॥
 কখন উপরে জ্যোণি, শিখণ্ডী কখন ।
 দৌহারে প্রহার করে দৌহে ক্রুদ্ধমন ॥
 শিখণ্ডী সামর্থ্যমত মারে জ্যোণস্থিতে ।
 নাহি ফুটে অঙ্গে তার দৈববল হ'তে ॥
 বজ্রমুৰ্ত্যুঘাত মারে শিখণ্ডীর মাথে ।
 ভাঙ্গিল মস্তকখান বজ্রমুৰ্ত্যুঘাতে ॥
 এইমতে শিখণ্ডীয়ে করিল সংহার ।
 একজন অবশেষ না রাখিল আর ॥
 পঞ্চমুণ্ড ল'য়ে জ্যোণি চলে হরষেতে ।
 দৌহাকার সঙ্গে আসি মিলিল দ্বারেতে ॥
 জ্যোণি বলে, হৈল মম প্রতিজ্ঞা-পূরণ ।
 পাণ্ডব প্রভৃতি আর নাহি একজন ।
 পঞ্চ-পাণ্ডবের মুণ্ড দেখহ সাক্ষাতে ।
 দুৰ্য্যোধনে দিব ল'য়ে, চলহ স্বরিতে ॥
 শুনিয়া হইল দৌহে আনন্দিত-মন ।
 নির্ভয়-হৃদয়ে তবে করিল গমন ॥
 মহানন্দে মগ্ন হ'য়ে জ্যোণের নন্দন ।
 দুৰ্য্যোধনে অশ্বেষিয়া ভ্রমে বহুক্ষণ ॥
 রাজা দুৰ্য্যোধন বলি ডাকে রণস্থলে ।
 ঘোর-অন্ধকার নিশা, দৃষ্টি নাহি চলে ॥
 রাজা-রাজা বলি ডাকে, ধোঁজে বহুতর ।
 শব্দ শুনি কুরুবর দিলেন উত্তর ॥
 রাজার নিকটে আসি বীর তিক্ৰজন ।
 দৰ্প করি কহে কথা জ্যোণের কুমার ॥

অবহিত হ'য়ে শুন রাজা দুৰ্য্যোধন ।
 মারিলাম তব শত্রু পাণ্ডুর নন্দন ॥
 পাঞ্চাল-বিরাট-আদি যতবীর ছিল ।
 সকলে আমার হাতে আজি মারা গেল ॥
 যে প্রতিজ্ঞা করিলাম সাক্ষাতে জ্যোণার ।
 আজি আমি করিলাম পালন তাহার ॥
 পঞ্চ-পাণ্ডবের মুণ্ড দেখহ সাক্ষাতে ।
 একজন না রাখিলু পাণ্ডব-সৈন্যেতে ॥
 এত শুনি হরষিত হৈল দুৰ্য্যোধন ।
 সাধু-সাধু বলি রাজা বলিল বচন ॥
 মহাভারতের কথা সুধার আধার ।
 কাশী কহে, শুনি নর যায় ভবপার ॥

৩। হর্ষ-বিধানে দুৰ্য্যোধনের মৃত্যু ।

পড়িয়া আছিল রাজা ভূমির উপর ।
 বাহুযুগে ভর দিয়া উঠিল সঙ্কর ॥
 রিপূনাশ শুনি রাজা ভূমি হৈল চিতে ।
 পাণ্ডবের মুণ্ড রাজা চাহিল দেখিতে ॥
 ধন্য মহাবীর ভূমি গুরুর নন্দন ।
 আমার পরম-কার্য্য করিলে সাধন ॥
 পঞ্চমুণ্ড দেহ আনি দেখিব নরনে ।
 ভীমের মস্তক আমি ভাঙ্গিব চরণে ॥
 শুনি পঞ্চমুণ্ড জ্যোণি দিল সেইক্ষণ ।
 হাত বুলাইয়া দেখে রাজা দুৰ্য্যোধন ॥
 কৃষ্ণার দ্বিতীয় পুত্র ভীমের আকৃতি ।
 ভীম-বোধে সেই মুণ্ড নিল কুরুপতি ॥
 দুইকরে সেই মুণ্ড ভাঙ্গিয়া ফেলিল ।
 তিলবৎ মুণ্ডগোটা গুঁড়া হ'য়ে গেল ॥
 দেখিয়া কৌরবপতি মানিল বিস্ময় ।
 পাণ্ডবের মুণ্ড নহে, জানিল নিশ্চয় ॥

একে-একে পঞ্চমুণ্ড ভাজে দুৰ্য্যোধন ।

জানিল পাণ্ডব নহে এই পঞ্চজন ॥

পৰ্বত-সতৃশ মম গদা গুরুতর ।

কত প্রহারিনু ভীম-মস্তক-উপর ॥

পৰ্বত ভাঙিতে পারে করিয়া আঘাত ।

দুরন্ত-রাক্ষসগণে করিল নিপাত ॥

মারিল হিড়িম্ব বক কিস্কিনী চূর্ণকর ।

জটাসুর কীচক ও শত-সহোদর ॥

হেন ভীমে কাটিতে কি দ্রোণির শক্তি ।

এত বলি দীর্ঘশ্বাস ছাড়ে কুরুপতি ॥

বিবাদ ভাবিয়া কহে দ্রোণের নন্দনে ।

দ্রোণদীর পঞ্চপুত্র এই পঞ্চজনে ॥

শিশুগণে সংহারিয়া কি-কার্য সাধিলে ।

কুরুকূলে জলপিণ্ড দিতে না রাখিলে ॥

পাণ্ডবে মারিতে পারে কাহার শক্তি ।

বাহার সহায় হরি কমলার পতি ॥

নির্বংশ করিলে ভূমি ভাই পঞ্চজনে ।

কুরুকূল বংশহীন হৈল এতদিনে ॥

এত বলি অনুতাপ করে বহুতর ।

হরিষ-বিবাদে রাজা তাজে কলেবর ॥

দেখিয়া ব্যাকুল হৈল বীর তিনজন ।

হাহাকার করি বহু করিল রোদন ॥

দ্রোণিরে চাহিয়। বলে কৃপ মহামতি ।

কি-কর্ম সাধিলে ভূমি বধি কুরুপতি ॥

হা হা রাজা দুৰ্য্যোধন বীর-শিরোমণি ।

তোমা-হেন মহারাজ লোচায় ধরণী ॥

জগন্ধি-চন্দনে বিভূষিত কলেবর ।

হেন তনু দেখি এবে ধূলয় ধূসর ॥

উঠ-উঠ দুৰ্য্যোধন কুরুকূলপতি ।

পাণ্ডবে জিনিয়া রণে শূন্য বহুমতী ॥

উঠিয়া সমর কর, রাজা দুৰ্য্যোধন ।

নিঃশব্দ হইয়া ভূমি আছ কি-কারণ ॥

পূর্ব্বে যে প্রতিজ্ঞা কৈলে, পাসরিলে কেনে ।

করিব যে রাজসূয় শত্রু জিনি রণে ॥

প্রতিজ্ঞা-পালন কর, উঠ দুৰ্য্যোধন ।

সমরে মারহ আজি পাণ্ডুপুত্রগণ ॥

সূচ্যে যতক ভূমি পারে বিজিবারে ।

ততখানি ভূমি নাহি দিলে পাণ্ডবে

সমস্ত পৃথিবী ত্যাগ করিলে এখন ।

ভূমিতে লোটাও ত্যজি রত্ন-সিংহাসন ॥

সহস্র-সহস্র নৃপে বেষ্টিত হইয়ে ।

বসিতে সভার মাঝে সানন্দ-হৃদয়ে ॥

যত-যত মহারাজ মুখ্য-মন্ত্রীগণ ।

ইহকালে অনুগত ছিল সর্বজন ॥

অন্তকালে তা'-সবারে সংহতি লইলে ।

তোমা-সম রাজা নাহি হয় ক্ষিতিলে ॥

তোমার জনক অন্ধ অশ্বিকা-নন্দন ।

তোমা-বিনা কি-প্রকারে ধরিবে জীবন ॥

কি বলিব গিয়া মোরা তাঁহার গোচরে ।

শুনি কি বলিবে অন্ধ আমা-সবাকারে ॥

গান্ধারী জননী তব, ভানুমতী-নারী ।

অপর যতক শত-শত বিদ্রাধরী ॥

তারা কি করিবে বল তোমার বিহনে ।

কোন্ মুখে যাব মোরা তোমার ভবনে ॥

বিনয় করিব আমি ধর্ম্মের নন্দনে ।

তোমা দৌহে রক্ষা করি মরিব আপনে ॥

এইমত কৃপাচার্য্য করিয়া বিচার ।

ভাবে, রণসিদ্ধ-মধ্যে কিসে হইব পার ॥

মতিহীন হ'লে ভূমি দুর্কর্ম করিলে ।

পাণ্ডবের পুত্র-বধু সবারে নাশিলে ॥

গোবিন্দ সাত্যকি আর পাণ্ডুপুত্রগণ ।
 না জানি কোথায় আছে তারা সপুত্রজন ॥
 শিবিরে থাকিত যদি তার একজন ।
 তবে কি হইত রক্ষা তোমার জীবন ॥
 সবারে রাখিয়া সেই শিবির-ভিতর ।
 পাণ্ডবেরা গেছে বুঝি ইত্তিনা-নগর ॥
 এ-সকল কথা তারা শুনিয়া শ্রবণে ।
 পৃথিবী খুঁজিয়া তোমা বধিবে পরাণে ॥
 তব দোষে দৌড়ে মোরা সঙ্কটে পড়িব ।
 পাণ্ডবের হাতে আজি জীবন হারাব ॥
 দারুণ দুরন্ত ভীম মহাভীমকায় ।
 নিশ্চয় মারিবে সেই এক গদাঘায় ॥
 ঘোর-রণ হৈতে মোরা পাইলু উদ্ধার ।
 পুনর্জন্ম বলি মনে করিলু বিচার ॥
 তব দোষে মরিলাম, ত্রাণ নাহি আর ।
 দুরন্ত ভীমের হাতে নাহিক নিস্তার ॥
 কাহার শরণ লব, কে করিবে ত্রাণ ।
 তব কর্মদোষে আজি হারাইব প্রাণ ॥
 এইরূপ খেদ করি করয়ে বিচার ।
 দস্ত করি বলে তবে দ্রোণের কুমার ॥
 না বুঝি ভয়ার্ত কেন হও অতিশয় ।
 পাণ্ডবের হেতু কিছু না করিহ ভয় ॥
 যদি পাণ্ডবের সহ হয় দরশন ।
 মোর সহ বিরোধিতে শত্রু কোন্ জন ॥

রণ করি পাণ্ডবেরে দ্বিবি যমালয় ।
 মারিব সবারে আমি কহিলু নিশ্চয় ॥
 ব্রহ্ম-অস্ত্র আছে যাহা নিকটে আমার ।
 নিবারিতে পারে তাহা, হেন শক্তি কার ॥
 ব্রহ্ম-অস্ত্র সন্ধানিয়া পাণ্ডবে মারিব ।
 যদি তাহে রক্ষা নাহি করয়ে কেশব ॥
 হায় বিধি, কোন্ কর্ম করিব এখন ।
 এইরূপে বহু-খেদ করে তিনজন ॥
 দ্রোণেরে চাহিয়া বলে কৃপ মহাশয় ।
 আমি যাহা কহি, তাহা শুন দুরাশয় ॥
 অভয়-পঙ্কজ-পদ চিন্ত মনে-মন ।
 স্মৃতি-কুমতি-দাতা সেই নারায়ণ ॥
 এইরূপে তিনজন ভাবিতে লাগিল ।
 ইতিমধ্যে বিভাবরী প্রভাতা হইল ॥
 প্রাণভয়ে তিনজন তথা নাহি রয় ।
 চলিল নগরমুখে সশঙ্ক-হৃদয় ॥
 ভারতে সৌপ্তিক-পর্ব অপরূপ-কথন ।
 পয়ার-প্রবন্ধে কাশী করে বিরচন ॥
 শুনিলে আপদ খণ্ডে, জন্মে দিব্যজ্ঞান ।
 ব্যাসের রচিত দিব্য ভারত-পুরাণ ॥
 মন্তকে বন্দিয়া ব্রাহ্মণের পদরজ ।
 বিরচিল কাশীরাম কৃষ্ণদাসানুজ ॥

সৌন্দর্যকণক সম্পূর্ণ ।

কাশীরামদাস-মহাভারত

ঐষীকপৰ

নারায়ণং সমস্তস্য সৰ্বকৈব নরোত্তমম্ ।
দেবীং সৰস্বতীং ব্যাসং ভক্তো জয়মুদীরয়েৎ ॥

১। দ্রোপদীর পঞ্চপুত্র-বধ-প্রবণে
যুধিষ্ঠিরের খেদ ।

শ্রীজনমেজয় বলে, শুন তপোধন ।
ধৃষ্টদ্যুম্নে বধি গেল দ্রোণের নন্দন ॥
শুনিয়া কি করিলেন ধর্ম্মের নন্দন ।
বিস্তারিয়া সেই কথা কহ তপোধন ॥
মুনি বলে, শুন পরীক্ষিতের তনয় ।
সর্ব-সৈন্য বধি গেল রজনী-সময় ॥
শোকে-দুঃখে ক্রমে হৈল রজনী-প্রভাত ।
ডাকে কাক-কোকিলাদি, উঠে দীননাথ ॥
পৃথিবী পূর্ণিত রক্তে, বহে যেন নদী ।
উড়ি বুলে কাক-চিল-গৃধ্র-কঙ্ক-আদি ॥
ধৃষ্টদ্যুম্ন-সারথি যে সেই নিশাকালে ।
জীবন রাখিয়াছিল মড়ার মিশালে ॥
প্রলয় মানিয়া মনে পাইল তরাস ।
দেখিল নিহতে রহি সর্বজন-বিনাশ ॥

রবির প্রকাশে নিশা-প্রভাত দেখিয়া ।
যুধিষ্ঠিরে বার্তা দিতে চলিল ধাইয়া ॥
আছে বা না আছে ধর্ম্ম, মনের ভাবনা ।
উন্নতে চাপড়, মুখে রোদন, বিমনা ॥
কান্দিয়া-কান্দিয়া গেল যথা ধর্ম্মরাজ ।
উপনীত হ'য়ে তবে কহে সভামাঝ ॥
অবধান কর রাজা ধর্ম্মের নন্দন ।
নিশাকালে বধি গেল যত সেনাগণ ॥
ধৃষ্টদ্যুম্ন-আদি করি যত বীর ছিল ।
দ্রোপদীর পঞ্চপুত্র-সহিত মারিল ॥
নিশাতে আসিয়া দ্রুত দ্রোণের নন্দন ।
অকস্মাৎ গৃহমধ্যে করিল গমন ॥
নিদ্রায় কাতর ছিল যত সেনাগণ ।
একে-একে বধিলেক, নাহি একজন ॥
মৃত-সঙ্গে ছিন্থু আমি করিয়া প্রকার ।
কাঙ্ক্ষা দিতে আসিয়াছি অত্র আপদার ॥

শুনিয়া করেন খেদ ধর্মের নন্দন ।
 সকল করিল নষ্ট দ্রোণি দুষ্কজন ॥
 কিরূপে এমত যুদ্ধ হৈল, কহ শুনি ।
 সূত-পুত্র বলে, অবধান নৃপমণি ॥
 ইহার বৃত্তান্ত রাজা, কি বলিব আর ।
 আজি নিশাকালে সৈন্য করিল সংহার ॥
 কোন দেবতারে রাত্রে সহায় পাইল ।
 কোন দেবতারে সাধি এ-বর লভিল ॥
 ধৃষ্টদ্যুম্ন ও শিখণ্ডী আদি বীরবর ।
 সংগ্রামের পরিশ্রমে শ্রান্ত-কলেবর ॥
 শিবিরে নিশায় সবে আছিল শয়ান ।
 আসিয়া দ্রোণের পুত্র বধিল পরাণ ॥
 আর যত সেনা ছিল, হুহুদ বাজব ।
 একাকী বধিয়া গেল এ-কি অসম্ভব ॥
 দ্রোপদীর পঞ্চপুত্র সবার জীবন ।
 নিদ্রায় কাটিল শির দ্রোণের নন্দন ॥
 সংহতি বাহিনী যত ছিল সম্বোধিতে ।
 সকল মারিল, শেষ নাহি নরপতে ॥
 রমণী আছিল যত যাহার সংহতি ।
 ভগ্ন-অঙ্গ করিয়াছে মারি সবে লাথি ॥
 নৃচ'পন্ন কেহ, কারো ভয়েতে বিনাশ ।
 প্রহারে পড়িয়া কেহ, ঘন বহে শ্বাস ॥
 দুষ্কমতি, অশ্বখামা দয়া নাহি প্রাণে ।
 কাতরে চরণে পড়ে, তবু শিরে হানে ॥
 অস্ত্র-শস্ত্র-বিবর্জিত ছিল যত সেনা ।
 কেহ বা শয়নে ছিল, না ছিল চেতনা ॥
 কেশে ঝরি আনি সবে শির কেলে ক্রাটি ।
 নিদ্রায় কাতর অতি করে ছটকুটি ॥
 তোমারে কহিতে রিধি রাখিল আশায় ।
 যে ছিল, মরিল সবে শুনি দুষ্কর ॥

শুনি রাজা ভূমিতলে পড়ে অচেতনে ।
 যেমত পড়য়ে বৃক্ষ বুলের ছেদনে ॥
 সংবিৎ পাইয়া রাজা করেন বিলাপ ।
 কি করিতে কি হইল, কত ছিল পাপ ॥
 এখন কি করি আর লইয়া ভুবন ।
 সর্বশূন্য দেখি এবে, সব অকারণ ॥
 কি করিতে কি হইল, জানিব কেমনে ।
 সম্পদে বিপদ ঘটিলেক দিনে-দিনে ॥
 মুনিগণ-সহ ভাল ছিলাম কাননে ।
 পাপভোগ হয় মম রাজ্যের কারণে ॥
 জ্ঞাতি-বন্ধুগণ যত শ্বশুর-মাতুল ।
 মায়া-হেতু হয় সবে ঘোর অনুকূল ॥
 ধৃষ্টদ্যুম্ন-আদি হেন সহায় আমার ।
 কোথায় শিখণ্ডী-সখা, না দেখিব আর ॥
 কুটুম্ব-প্রধান মম হিতকারী জন ।
 বলিষ্ঠের শ্রেষ্ঠ ছিল, দুষ্কের দমন ॥
 পুত্র-পৌত্র সঙ্গে করি পরম-উল্লাস ।
 আসিয়া আমার কার্যে হইল বিনাশ ॥
 বুদ্ধিমন্ত মহারাজ পেরুবে অতুল ।
 ক্ষতিতে প্রধান গণি ইন্দ্র-সমতুল ॥
 সাধিয়া আপন-কার্য্য স্বচ্ছন্দ-শয়নে ।
 গুরু-পুত্র আসি নাশে, ধর্ম নাহি মনে ॥
 নাম ধরি ধর্ম কত করেন বিলাপ ।
 স্বকার্য্য-সাধনে মম হৈল মনস্তাপ ॥
 অভিমন্যু মরে রণে মহাযুদ্ধ করি ।
 সেই মহাশোক আমি পাসরিতে নারি ॥
 দ্রোপদীর পঞ্চপুত্র নিদ্রায় আছিল ।
 দুষ্কমতি অশ্বখামা সবারে মারিল ॥
 আমার হিতের রেতু ছিল ষড়জন ।
 গৃহেতে না গেল সবে, হইল নিধন ॥

জননী রমণী যারা আছে মমাগারে ।
কান্দিয়া কতক নিন্দা করিবে আমারে ॥
এই সব ভাবি মম স্থির নহে মন ।
হইল এমন দশা দৈবের ঘটন ॥
বীরশূন্য হইলাম, নাহি কিছু সেনা ।
বৃথা-রাজ্যে কার্য্য নাহি সংসার-বাসনা ॥
বাহ্য করি, পুনঃ গিয়া বনবাস করি ।
তপ-আচরণ করি হুয়ে ব্রহ্মচারী ॥
ভীষ্ম-দ্রোণ-কুপ-কর্ণ-মদ্রপতি-আদি ।
এক-এক বীর জিনে পৃথিবী-অবধি ॥
সবারে করিনু জয় কৃষ্ণ-সহকারে ।
কে জানে, দুর্দশা শেষে ঘটিবে আমারে ॥

রাজার বিলাপ শুনি কান্দে সর্বজন ।

দ্রৌপদী কান্দিয়া বলে করুণ-বচন ॥
পিতা-মাতা-আদি করি যত বন্ধুগণ ।
এককালে অকস্মাৎ হইল নিধন ॥
শুনিয়া নিষ্ঠুর-বাক্য হরিল চেতনা ।
মন্তক-উপরে যেন পড়িল ঝঞ্ঝনা ॥
উচ্চৈঃস্বরে কান্দে দেবী, পড়ে অশ্রুজল ।
ভাই-ভাই বলি কান্দে হইয়া বিকল ॥
জয় হৈল মানি চিন্তে আনন্দ বিশাল ।
তাঁহে বিপরীত আজি ঘটাইল কাল ॥
যেমন আনন্দ হৈল, তথা নিরানন্দ ।
ভাবিয়া কি হবে এবে, বিধি কৈল মন্দ ॥
এমত করিবে বিধি, জানিব কেমনে ।
কৌরবের সহ যুদ্ধ হইল যখনে ॥
সকল করিয়া নাশ আপনি বিনাশ ।
পাপরাজ্যে কার্য্য নাহি, বাব বনবাস ॥
উজ্জল হইয়া দীপ হইল নির্বাপন ।
আবার বৈভব-লাভ করিবার সন্ধান ॥

যেমন নক্ষত্র-চন্দ্র-আদি নিশাযোগে ।
আকাশে প্রকাশ করে, দেখি চতুর্দিকে ॥
সেইরূপ সৈন্য ছিল যামিনী শোভনে ।
সকল বিনষ্ট হৈল, নাহি দেখি দিনে ॥
এককালে নানা-শোক উপস্থিত আসি ।
শোকের সাগরে আমি তুণ-হেন ভাসি ॥
দুঃখি-ভাগ্যে কষ্ট হয়, নাহি হয় দূর ।
স্বয়ংবরে পাই দুঃখ জনকের পুর ॥
লক্ষ-রাজা স্বয়ংবরে করিল গমন ।
লক্ষ্য বিদ্ধি প্রাপ্ত হৈল ইন্দ্রের নন্দন ॥
তাহাতে বিবিধ কষ্ট পাইলু অপার ।
কৃষ্ণের ৫ পায় তাহে হইল নিস্তার ॥
ইন্দ্রপ্রস্থে রাজা হইলেন ধর্ম্মরাজ ।
ভুবনবিখ্যাত হৈল রাজসূয়-কাজ ॥
ত্রিভুবনে নিমন্ত্রণ করিল সবারে ।
কত-শত রাজা আসি রহিল দুয়ারে ॥
কুবের-সম্পদ জিনি হইল বৈভব ।
পৃথিবীকে একচ্ছত্রা করিল পাণ্ডব ॥
জনে-জনে বিষয়াদি দিল যুধিষ্ঠির ।
সম্পদের সংখ্যা নাহি আনন্দ-মন্দির ॥
দেখি রাজা হুর্ঘ্যোদন করিল মন্ত্রণা ।
শকুনি-পাপিষ্ঠে আনি দিলেক যন্ত্রণা ॥
পাশা খেলি রাজ্যখন হরিয়া লইল ।
সভামধ্যে আমার যে চুলেতে ধরিল ॥
বস্ত্র-হরণের কষ্ট দিল দুঃশাসন ।
কতক কহিব, তাহা না যায় কখন ॥
আকর্ষণ করি কেশ টানে পুনঃপুনঃ ।
কেহ কিছু নাহি বলে, সকলি বিগুন ॥
পাপমতি হুর্ঘ্যোদন দেখাইল উরু ।
এ-কারণে ভাসে ভীষ্ম মারি পদ ॥

দুই কণ্ঠ মোরে কত বলে কুবচন ।
 মরণ-অধিক হৈল, না যায় কখন ॥
 যে কষ্ট হইল, তাহা নারি কহিবারে ।
 অমঙ্গল দেখি অন্ধ চিস্তিল অন্তরে ॥
 আমারে ডাকিয়া অন্ধ দিল বরদান ।
 ধন-রাজ্য দিয়া পুনঃ করিল সম্মান ॥
 ধন পেয়ে নিজরাজ্যে করিছু গমন ।
 পুনঃ পাশা খেলি দুই পাঠাইল বন ॥
 পঞ্চস্বামী সঙ্গে করি গেলাম সে বনে ।
 কি করিব, রহিলাম কাম্যক-কাননে ॥
 বনবাসে নানাকষ্ট হইল ভুগিতে ।
 কতদিনে দুর্ব্যোধন বিচারিল চিতে ॥
 দুর্বাসা-মুনিরে পাঠাইল সেই বন ।
 যাইট-হাজার শিষ্য আসে তপোধন ॥
 তবে কতদিনে জয়দ্রথে পাঠাইল ।
 আসিয়া আমার বাসে অতিথি হইল ॥
 শূন্য-ঘর দেখি দুই হরিল আমায় ।
 ধর্ম রক্ষা করিলেন আমারে সে দায় ॥
 অনন্তরে গিয়া আমি বিরাট-আলয় ।
 সৈরিন্দ্রী হইয়া দুঃখ ভুগিছু তথায় ॥
 তবে কতদিনে দুই কীচক দুর্মতি ।
 আমারে দিলেক দুঃখ অতি-পাপমতি ॥
 প্রকারে মারিল ভীম রজনী-সময় ।
 তাহে পাইল্লম রক্ষা কৃষ্ণের কৃপায় ॥
 না জানি কি আছে আর বিধাতার মনে ।
 জটাসুর দিল দুঃখ কাম্যক-কাননে ॥
 বলে ল'য়ে বস্তু দুই পৃষ্ঠেতে করিয়া ।
 তাহাকে মারিল ভীম গদা-আকালিয়া ॥
 তাহাতে পাইল্ল রক্ষা কৃষ্ণের কৃপায় ।
 কত দুঃখ কষ্ট আর, কহেন না যায় ॥

এইসব দুঃখ স্মরি ছলে বহিষ্কৃত ।
 কত আর নিবাহিব হইয়া অবল ॥
 এবে শত্রু বিনাশিয়া মনে হৈল আশ ।
 যামিনীতে হায় এ-কি হৈল সর্বনাশ ॥
 এখনো জীবন ধরে এই পাপতনু ।
 আমার উচিত হয় পশিতে কুশানু ॥
 পিতৃ-ভ্রাতৃ-পুত্র-শোকে ছলে কলেবর ।
 বিষম মরম-জ্বালা দহিছে অন্তর ॥
 কান্দিয়া শত্রুর নারী মনে পায় ব্যথা ।
 তাহার অধিক মোরে করিল বিধাতা ॥
 দ্রৌপদী-ক্রন্দন শুনি ভীম-ধনঞ্জয় ।
 অবসন্ন হ'য়ে দেখে সব শূন্যময় ॥
 বিহ্বল হইয়া পড়ে মাদ্রীর নন্দন ।
 দ্রৌপদী হইতে করে অধিক ক্রন্দন ॥
 শোকেতে আকুল হ'য়ে ধর্ম্মের নন্দন ।
 শিবির দেখিতে রাজা করেন গমন ॥
 কাক-চিল উড়ে পড়ে শিবা-কঙ্ক-আদি ।
 খরভ্রোতে বহিতেছে শোণিতের নদী ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২। অবস্থামার হুতুহেলনার্ণ ভীমের রাজা ।

শিবির দেখিয়া রাজা দুঃখা অসম্ভব ।
 অশ্রু বহে নেত্রে, কান্দে যতেক পাণ্ডব ॥
 ধৃষ্টদ্যুম্ন-আদি হত দেখি বৃথিত্তির ।
 বিলাপ করেন কত, নেত্রে ঝরে নীর ॥
 সকল মরিল, রাজ্যে কিবা প্রয়োজন ।
 বৃথা করিলাম এন্ত-অসাধ্য-সাধন ॥
 ভীম বলে, রাজ্য, শোক কর্য অসুচিত ।
 আপনার কর্ম্মজোশ কোন্‌রূপে খণ্ডিত ॥

আপনি থাকিলে সর্ব্ব পাবে মহাশয় ।
অকারণে কর শোক প্রাকৃতের প্রায় ॥
কর্ম্মবশে জন্ম-মৃত্যু হয় পুনঃপুনঃ ।
কোথা ছিলে, কোথা যাবে, তাহা নাহি গণ ॥
কর্ম্মবশে আসি মিলে, কেহ নহে কার ।
জন্মিলে মরণ আছে, নহে খণ্ডিবার ॥
যে মরিল, সে চলিল যথা কর্ম্মভোগ ।
কেবল শরীর ছাড়ে দৈবের সংযোগ ॥
কালপূর্ণ হৈলে আর কে রাখিতে পারে ।
কত-শত মহারাজ পুনঃপুনঃ মরে ॥
অষ্টাদশ-দিন যুদ্ধ করিয়া সকলে ।
বিপক্ষে জিনিয়া মৃত্যু লভে নিশাকালে ॥
কালপূর্ণ হৈলে মরে বিধির নির্বন্ধ ।
কালেতে সংহার করে, ইথে নাহি সন্ধ ॥
ইথে শোক অনুচিত, ভাবিয়া কি কাজ ।
শাস্ত্রবিজ্ঞ হ'য়ে কেন চিন্তা মহারাজ ॥

অতঃপর কৃষ্ণা কন অতি-শোকবশে ।
অশ্বখামা-মুণ্ড আনি দেহ মম পাশে ॥
দ্রোণির মস্তকে বদ্ধ আছে এক মণি ।
মুণ্ড কাটি সেই মণি যদি দেহ আনি ॥
তবে শোক-নিবারণ হইবে আমার ।
নহে ভ্রাতৃ-পুত্র-শোকের না বাঁচিব আর ॥
শুন ভীম মহাবীর, তোমা-সম নাই ।
বিক্রমে বিশাল তোমা করিল গোসাঁই ॥
হৃগন্ধিক-পুষ্পোদ্ভানে জিনি যক্ষরাজে ।
হিড়িম্বে মারিলে তুমি অরণ্যের মাঝে ॥
ব্রাহ্মণ-রক্ষণে বকে করিলে বিনাশ ।
কিন্মারে বধিয়া কৈলে কাননে নিবাস ॥
জয়দ্রথ-ভয় হৈতে করিলে উদ্ধার ।
কীচকে বধিয়া দাস রাখিল আমার ॥

এখন এ-শোকসিদ্ধ-মধ্যে ডুবে মরি ।
রক্ষা কর আমারে প্রতিজ্ঞা পূর্ণ করি ॥
হুঃশাসন-রক্তপান কৈলে রণমাঝে ।
উরু ভাঙ্গি ভূমিতে পাড়িলে কুলরাজে ॥
প্রতিজ্ঞা-পূরণে পদাঘাত কৈলে শিরে ।
সমুদ্রে তরিয়া মরি গোপদেবের নীরে ॥
আমার বচন ধর, মার অশ্বখামা ।
নতুবা নিফল হবে তোমার মহিমা ॥
এখন উচিত এই, শুন মোর কথা ।
শাস্ত্র মোরে আনি দেহ দ্রোণপুত্র-মাথা ॥
ব্রাহ্মণ হইয়া রাক্ষসের কর্ম্ম করে ।
নিদ্রাগত পেয়ে ছুট সবারে সংহারে ॥
তাহার বিনাশে নাহি ব্রহ্ম-বধ-ভয় ।
অধর্ম্ম করিল সেই ছুট-দুরাশয় ॥

কান্দিতে-কান্দিতে এত দ্রৌপদী কহিল ।
অনুমতি-হেতু ভীম ধর্ম্মে জানাইল ॥
যুধিষ্ঠির বলিলেন, এই সে উচিত ।
কর্ম্ম-অনুসারে শাস্তি, শাস্ত্রের বিহিত ॥
এত শুনি ভীমবীর রথে আরোহিয়া ।
নকূলে সারথি করি চলিল ধাইয়া ॥
মহাভারতের কথা অমৃত-সমান ।
কানীরাম দাস কহে, শুনে পুণ্যবান ॥

৩। কৃষ্ণ-যুধিষ্ঠির-সংবাদ ।

ভীমের এতেক সজ্জা-আরম্ভ দেখিয়া
গোবিন্দ বলেন ধর্ম্মরাজে সম্বোধিয়া ॥
অশ্বখামা-বধে পাঠাইছ বৃকোদরে ।^{২১}
পুণ্ড্রক নহে ত ইহা, জানিহ বিচারে ॥
অসাত্য-সাধন সেই, সিদ্ধি অসম্ভব ।
সংসারে বিজয়ী সে, কে করে পরাভব ॥

পরাক্রম তাহার কি না আছ বিদিত ।
না বুঝিয়া হেন কণ্ঠ কর বিপরীত ॥
ত্রিভুবনে এক বীর মহাধনুর্ধর ।
পরাক্রম করি জিনে সব চরাচর ॥
কি করিবে ভীম তার করি মহারণ ।
ভীম হৈতে নাহি হবে তাহার নিধন ॥

পূর্বের বৃত্তান্ত কহি, যবে ছিলা বনে ।
অশ্বখামা নিরবধি ভ্রমিত কাননে ॥
দৈবে একদিন গেল দ্বারকা-ভুবন ।
দেখিরা যাদবগণে হরষিত-মন ॥
বিক্রম করিয়া বলে আমার সাক্ষাতে ।
ব্রহ্মশির-অস্ত্র আমি জানি ভালমতে ॥
তাহা ল'য়ে চক্র মোরে দেহ চক্রপাণি ।
ত্রিলোক জিনিতে পারি, হেন অস্ত্র জানি ॥
অব্যর্থ আমার অস্ত্র, জানে ত্রিভুবন ।
ইহা ল'য়ে চক্র মোরে দেহ নারায়ণ ॥
উপরোধ-হেতু আর দেবী না করিয়া ।
দ্রৌণিকে দিলাম চক্র তথনি আনিয়া ॥
তুলিতে নহিল শক্র, রাখি চক্রবর ।
কহিল, না লব চক্র, রাখ চক্রধর ॥
ইহার অধিক মোর আছে ব্রহ্মশির ।
বজ্রদণ্ডে জিনি আমি শুন যছুবীর ॥
পৃথিবী সংহার দেব, করে এই বাণে ।
কাহারে না দিয়া অস্ত্র দিল মোর স্থানে ॥
করিলাম জিজ্ঞাসা যে দ্রোণের নন্দনে ।
তবে চক্র চাহ কেন আমার সদনে ॥
অশ্বখামা বলে, তোমা জিনিবার মনে ।
অস্ত্র হৈতে শ্রেষ্ঠ চক্র জানিহু এক্ষণে ॥
কার্য নাহি তোমা-সহ বিবাদে আমার ।
এত বলি তথা হৈতে কৈল আগুসার ॥

পূর্বের বৃত্তান্ত রাজা, কহিহু তোমায় ।
বুঝিয়া করহ কার্য্য, যেবা মনে লয় ॥
দ্রোণপুত্র ছুরায়া সে ক্রোধন চঞ্চল ।
ব্রহ্মশির-অস্ত্র তার সদা করতল ॥
আমার বচনে ভুমি রাখ ভীমবীরে ।
শুনিয়া চিস্তিত রাজা হ'লেন অন্তরে ॥
মজিল সকল রাজ্য, কি কার্য্য বিশেষ ।
নিশ্চয় মরিব আমি, শুন হ্রদীকেশ ॥
আগে ভীম চলি গেল না শুনি বারণ ।
এখন উচিত যাহা, কর নারায়ণ ॥
তোমা-বিনা গতি আর নাহি ত্রিভুবনে ।
বল-বুদ্ধি-পরাক্রম নাহি তোমা-বিনে ॥
যে হয় উপায়, এবে করহ উচিত ।
তোমা-বিনা পাণ্ডবের অস্ত্র নাহি হিত ॥
গোবিন্দ বলেন চল, ভীমের পশ্চাৎ ।
বিলম্ব না কর আর, শুন নরনাথ ॥
অর্জুন-সহিত হরি করেন গমন ।
তাহার পশ্চাতে যান ধর্ম্মের নন্দন ॥
রথ-রথী পদাতিক চলিল অপার ।
নানাবাণ্ড-কোলাহলে হৈল আগুসার ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান্ ॥

৪ । অশ্বখামার ব্রহ্মশিরাস্ত্র-পরিভাষা ।

অশ্বখামা সর্ব্বসৈন্য করিয়া বিনাশ ।
ভয়ে পলাইয়া রহে, যথা মূনি ব্যাস ॥
উপনীত হৈল তথা ভীম মহাবাহ ।
অশ্বখামা দেখি ধায়, যেন চক্রে রাহ ॥
বাণ্ডশব্দে অশ্বখামা কম্পিত হইল ।
ভীমের গর্জন শুনি বিস্ময় মানিল ॥

ভীমে দেখি অশ্বখামা করিল সাহস ।
 মরণ চিন্তিল মনে রাখিবারে যশ ॥
 অশ্বখামা অস্ত্র-ধনু নাহি করে ধরে ।
 মুষ্টি করি লইল ঈষিকা সব্যকরে ॥
 মস্ত পড়ি ছাড়িলেক দিয়া হৃৎকার ।
 নিম্পাণ্ডবা ক্ষিতি হোক, প্রতিজ্ঞা আমার ॥
 ক্রোধ করি অস্ত্র ছাড়ে করিয়া গর্জন ।
 বাণের মুখেতে অগ্নি হয় বরিষণ ॥
 হেনকালে তথা পার্থ-গোবিন্দ আসিয়া ।
 প্রলয়-অনল উঠে সম্মুখে দেখিয়া ॥
 অর্জুনে কহেন কৃষ্ণ, কি দেখহ আর ।
 ক্ষণেক থাকিলে তোমা করিবে সংহার ॥
 সংবরণ-অস্ত্র জান দ্রোণ-উপদেশে ।
 সম্বরে সন্ধান পূর অস্ত্রের বিনাশে ॥
 ক্ষণেক থাকিলে হবে অসাধ্য হে সখা ।
 প্রলয়-অনল উঠে, নাহি যাবে রাখা ॥
 মহাভারতের কথা অমৃতের ধার ।
 কাশী কহে, শুনি তরে ভব-পরাবার ॥

৫। অর্জুনের অস্ত্র-পরিভাগ ।

অর্জুন শুনিয়া উঠিলেন ক্রোধভরে ।
 করতলে ধরি অস্ত্র সাহসী অন্তরে ॥
 আগু হ'য়ে রথ হৈতে নামি ধনঞ্জয় ।
 দাণ্ডাইয়া রহিলেন, কারে নাহি ভয় ॥
 ঘোড়াহাতে গুরুপদে করি নমস্কার ।
 ধনুকে টঙ্কার দেন, লোকে চমৎকার ॥
 এড়িলেন একবাণ, উঠিল আকাশে ।
 গর্জন করিয়া যায় দ্রোণপুত্র-নাশে ॥
 তন্ত্রে-মন্ত্রে বাণ এড়িলেন ধনঞ্জয় ।
 হইল প্রলয়-যুদ্ধ দৌহাড়ে দুর্জয় ॥

৩৫ খি

শব্দে কাঁপে তিন-লোক, কাঁপে চরাচর ।
 যেন কালদণ্ড বাণ, জ্বলে বৈশ্বানর ॥
 উদ্ধাপাত নির্ঘাত সে বাণ হৈতে খসে ।
 হইল প্রলয়-ঝড়, পৃথিবী-বিনাশে ॥
 ঝাঁকে ঝাঁকে অগ্নিরষ্টি হয় ঘনে-ঘন ।
 প্রলয় দেখিয়া স্থান ছাড়ে দেবগণ ॥
 স্বগ-মর্ত্য-রসাতল কাঁপে সর্বলোক ।
 মহাশব্দে বন যেন পোড়ায় পাবক ॥
 দুই-অস্ত্র সম দেখি, কেহ নহে উন ।
 মহাবীর দুইজন, কেহ নহে ন্যূন ॥
 গিরি-বৃক্ষ পোড়ে তাহে, প্রাণী কিসে গণি ।
 অকালে প্রলয় হয়, মানে সর্বপ্রাণী ॥
 মহাশব্দে পুড়ি যায়, সব অগ্নিময় ।
 সমুদ্রে-মহ্মনে যেন বিধের উদয় ॥
 দ্বাদশ-সূর্যের দীপ্তি প্রলয়ের কালে ।
 সেইমত দৌহে শত-শত অস্ত্র ফেলে ॥
 জল-স্থল পুড়ি যায়, যেমত ঝঞ্জন ।
 মহা-অস্ত্র দৌহে নাহি সংবরে আপনা ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৬। উত্তরার গর্ভে একা দিরাহের প্রবেশ ।

সর্বসৃষ্টি নাশ হয়, দেখি লাগে দ্রোস ।
 হেনকালে আসে তথা নারদ ও ব্যাস ॥
 দুইবাণ-মধ্যে রহিলেন দুই-মুনি ।
 বিশ্বের নিতান্ত নাশ মনে অনুমানি ॥
 দৌহারে বলেন ডাকি দুই তপোধন ।
 সৃষ্টিনাশ কর-কেন, কর সংবরণ ॥
 উভয়ে বিবাদে কেন কর সৃষ্টি নাশ ।
 কিবা মনে করিয়াছ, কহ এক ভাষ ॥

শুনিয়া দৌহার বাক্য অর্জুন তখন ।
করিলেন আপনার অস্ত্র সংবরণ ॥
দ্রৌণি ডাকি কহে, শক্য নহি নিবারণে ।
ক্রোধে অস্ত্র ছাড়িলাম, কি করি এক্ষণে ॥
উপরোধ রাখি যদি তোমা-দৌহাকার ।
পাণ্ডবে মারিয়া অস্ত্র আত্মক আমার ॥
তবে যদি ক্রমা করি দৌহা-উপরোধে ।
উত্তরার গর্ভপাত করিব বিবাদে ॥
যেই পুত্র আছে উত্তরার গর্ভবাসে ।
চলিল আমার অস্ত্র তাহার বিনাশে ॥

অর্জুন বলেন, কাটি দ্রোণপুত্র-শির ।
নহিলে নাহিক ক্রমা জান ফাল্গুনীর ॥
ব্যাস বলিলেন, শুন বীর অশ্বত্থামা ।
শিরোমণি দিয়া পার্শ্ব কর তুমি ক্রমা ॥
তব বাণে মরে শিশু থাকি গর্ভবাসে ।
তারে জীয়াইব আমি চক্ষুর নিমিষে ॥
মণি দিলে শির ক্রত হইবে তোমার ।
সহস্র-বৎসর তৈলে নাহি প্রতীকার ॥
শিরের গাঁড়ায় ভূমি করিবে ভ্রমণ ।
যেমন তোমার কশ্ম, হইল তেমন ॥

এত শুনি অশ্বত্থামা করিয়া ছেদন ।
শিরোমণি ধনঞ্জয়ে করে সমর্পণ ॥
হেথা দ্রৌণি-বাণ বেগে উঠিল আকাশে ।
বায়ুবেগে উত্তরার গর্ভেতে প্রবেশে ॥
গর্ভে প্রবেশিয়া গর্ভ করিল নিধন ।
প্রবেশ করেন গর্ভে কৃষ্ণ সেইক্ষণ ॥
গর্ভ বিনাশিয়া বাণ হইল বাহির ।
পুনঃ গর্ভ সঞ্জীবিত করে যদুবীর ॥
এইমতে শাস্ত হৈল অস্ত্র-বরিষণ ।
জলেতে নিবৃত্ত যেন হয় হত্যাশন ॥

মহাত্মারতের কথা অমৃতের ধার ।
কাশী কহে, শুনি ভবসিদ্ধ হবে পার ॥

৭। অশ্বত্থামার শিরোমণি-প্রাপ্তে দ্রোণদীর সন্তোষ ।

মস্তক-জ্বলনে দুঃখ অশ্বত্থামা পায় ।
দেখি মূনি ব্যাসদেব কহিলেন তায় ॥
যাবৎ তোমার দেহে থাকিবে জীবন ।
শিরোমণি তোমার না হবে কদাচন ॥
পৃথিবীতে নর তৈল মাখিবার কালে ।
তব নামে তিনবার অগ্রে দিবে ফেলে ॥
সেই তৈল পড়িবেক পৃথিবী-উপরে ।
তোমার মস্তকে পড়িবেক মম বরে ॥
তাহাতে নিবৃত্ত হবে তোমার জ্বলনি ।
নিজস্থানে যাহ, ভয় না করহ দ্রৌণি ॥
তব নামে অগ্রে তৈল ঘে-জন না দিবে ।
ব্রহ্মবধ-মহাপাপ তারে পরশিবে ॥

এইরূপে অশ্বত্থামা দিয়া মণিবর ।
বিমনা হইয়া গেল আপনার ঘর ॥
ব্যাস-নারদে ল'য়ে পাণ্ডু-পুত্রগণ ।
কৃষ্ণসহ করিলেন শিবিরে গমন ॥
পুনর্জন্ম হৈল, মনে করে ভীমবীর ।
গোবিন্দের দয়াবশে সুস্থ যুধিষ্ঠির ॥
জানিলেন, হরি হৈতে তরিনু সঙ্কটে ।
সতত রাখেন কৃষ্ণ, বিশ্ব যদি ঘটে ॥
দ্রৌণির মস্তক-মণি লইয়া সত্ত্বর ।
কৃষ্ণার নিকটে যান বীর বৃকোদর ॥
অগ্রে শিরোমণি রাখি কহেন বৃতাস্ত ।
ভাগ্যে রক্ষা পাইলাম এবার নিতান্ত ॥
দ্রৌণদী বলেন, খেল মম পরিতাপ ।
দুঃখের কারণ মম ছিল পূর্বপাপ ॥

মণি আনি দিয়া ভুট্ট করিলে আবারে ।
 আশা-প্রতি মন আছে জানিনু তোমারে ॥
 এই মণি মহারাজ করুন ধারণ ।
 তবে ভীম, আরো মম ভুট্ট হয় মন ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৮। কৃষ্ণ-যুধিষ্ঠির-সংবাদ ।

কৃষ্ণার অতীত তবে জানি ধর্ম্মরায় ।
 করিলেন স-মস্তক ভূষিত তাহায় ॥
 যুধিষ্ঠির জিজ্ঞাসিল দেব-নারায়ণে ।
 অস্তর্য্যামী ভগবান্, জানহ আপনে ॥
 না হইল, না হইবে এমন মন্ত্ৰণা ।
 তোমার রক্ষিত আমি, জানে সর্ব্বজনা ॥
 কার বরে দ্রোণ-পুত্র রাত্রিতে আসিয়া ।
 একাকী সকল সৈন্য গেল বিনাশিয়া ॥
 পূর্বে যদি এইরূপ হৈত জনার্দন ।
 সংহার করিত দ্রৌণি যত সৈন্যগণ ॥
 কহ শুনি জগন্নাথ, ইহার কারণ ।
 কি-কারণে অস্থখ্যমা করিল এমন ॥
 শ্রীকৃষ্ণ বলেন, রাজা, জানিলে কি হয় ।
 কালে করে, কালে হরে, কাল সর্ব্বময় ॥
 পরাক্রমে দ্রোণ-পুত্র পারে কি তোমায় ।
 সাধিল দুষ্কর-কার্য্য শিবের কুপায় ॥
 ভক্তিহেতু মহাদেব অর্জ্জুনের বশ ।
 সব রক্ষা করিলেন দিন অষ্টাদশ ॥
 কয়কালে উপনীত দ্রোণের নন্দন ।
 পাইল শিবির-দ্বারে শিব-দরশন ॥
 ভক্তিতাবে স্তব ক'রে দেব-মহেশ্বরে ।
 বর পাইলেক দ্রৌণি, যা ছিল অস্তর ॥

দয়ার সাগর হর না ভাবি বিবাদ ।
 দ্রৌণিরে আপন খড়্গ দিলেন প্রসাদ ॥
 বর দিয়া মহেশ্বর যান নিজালয় ।
 বধিল সকল-সেনা দ্রোণের তনয় ॥
 পরম-কুপালু হর, দেবের দেবতা ।
 সংহার-কারণে রুদ্ধ প্রলয়-বিধাত্তা ॥
 পূর্বে দক্ষযজ্ঞ নষ্ট করেন মহেশ ।
 পুনঃ বর দেন কষ্ট হ'য়ে ব্যোমকেশ ॥
 ইন্দ্র-চন্দ্র-বায়ু-অগ্নি-আদি দেবগণ ।
 শিবে সেবি সবে কার্য্য করিল সাধন ॥
 ষাঁহার আজ্ঞায় জয় হয় ত্রিভুবনে ।
 ভক্ষণ করিল বিষ সমুদ্রে-মস্থনে ॥
 শিববরে দ্রৌণি সব করিল বিনাশ ।
 নষ্টিলে কাহার শক্তি, হেন করে আশ ॥
 সৃষ্টির সংহার-কর্ত্তা যেই যোগিরাজ ।
 তাঁর আজ্ঞা-বিনা কেহ নাহি করে কাজ ॥
 জন্মাইয়া ত্রিজগৎ করেন পালন ।
 কাল পরিপূর্ণ হৈলে আপনি নিধন ॥
 আদিদেব মহাশুরু সর্ব্ব-দেবশুরু ।
 ভক্তের অধীন সদা বাহ্যকল্পতরু ॥
 এতেক মহন্ত তব শিব-প্রসাদাৎ ।
 অর্জ্জুনে তোমেন দেব হইয়া কিরাত ॥
 যত বীর মরিলেক ভারত-সমরে ।
 কুরুক্ষেত্রে পড়ি সব গেল সর্গপুরে ॥
 ভূমি আমি যথাকালে যাব অনায়াসে ।
 পূর্ব্বাপর আছে হেন শাস্ত্রেতে বিশেষে ॥
 এত শুনি ধর্ম্মরাজ বলেন বচন ।
 বুঝিলে না বুঝে মন মায়া'র কারণ ॥
 তোমা-বিনা গতি নাহি, শুন পরমেশ ।
 সর্ব্বশূন্য দেখি আমি, না পাই উদ্দেশ ॥

দৈবহেতু সব হয়, কে খণ্ডাতে পারে ।
 কস্মদোষে গতায়াত সদা প্রাণী করে ॥
 তথাপি তোমারে কহি মনের মানসে ।
 জয়-পরাজয় হয় স্ব-স্ব-কৰ্ম্মবশে ॥
 দেখহ গোবিন্দ, মম অতি অমঙ্গল ।
 গেল বঙ্কু-বান্ধবাদি তনয়-সকল ॥
 বিলাপ করুণা যত কি করি এখন ।
 উৎপত্তি-প্রলয়-স্থিতি বিধির লিখন ॥
 তোমার চরণে মতি রহে অনিবার ।
 জীবন যৌবন ধন মিথ্যা পরিবার ॥
 গোবিন্দ বলেন, রাজা, ত্যজ শোকমন ।
 রাজধন্য সদাচার কর অনুক্ষণ ॥

যুদ্ধে যুত্ব কত্রকূলে প্রধান এ-কাজ ।
 প্রজার পালন কর পৃথিবীর মাঝ ॥
 জয়-পরাজয় হয়, নাহিক এড়ান ।
 পূর্বাপর সংসারেতে আছে এ-বিধান ॥
 কৃষ্ণের বচনে রাজা স্থির করে মন ।
 দ্রৌপদী স্থস্থিরা হ'য়ে চিন্তে নারায়ণ ॥
 গোবিন্দ-মায়াতে সব স্থস্থির হইল ।
 অনুক্ষণ কৃষ্ণনাম জপিতে লাগিল ॥
 সকল আপদ্ থণ্ডে, জন্মে দিব্যজ্ঞান ।
 ব্যাসের রচিত দিব্য ভারত-পুরাণ ॥
 মহাভারতের কথা কাশী বিরচিল ।
 এখানে ঐষীকপর্ব সমাপ্ত হইল ॥

ঐষীকপর্ব সম্পূর্ণ ।

কাশারামদাস-মহাভারত

স্ত্রীপৰ

নারায়ণং মমহৃদ্য মরুৎকৈব মরোগুহম্ ।

দেবীং সরস্বতীং ব্যাসং ততো জয়মুদীরয়েৎ ॥

১। বৈশম্পায়নের প্রতি জনমেজয়ের
প্রশ্ন।

শ্রীজনমেজয় বলে, কহ মহাশয় ।
কুরুক্ষেত্রে-যুদ্ধ শুনি ঘুচিল সংশয় ॥
একাদশ-অক্ষৌহিণী সমরে পড়িল ।
তিনজন মাত্র তাহে রক্ষা যে পাইল ॥
পরে কি হইল মুনি, বলহ আমারে ।
আছোপাস্ত যত কথা জিজ্ঞাসি তোমারে ॥
কি করিল শুনি ধৃতরাষ্ট্র পুত্রশোকে ।
সাস্থনা করিল কহ কোন্ কোন্ লোকে ॥
দুর্যোধন-হেন পুত্র মরিল যাহার ।
কেমনে শোকেতে প্রাণ রহিল তাহার ॥
গান্ধারী কেমনে বাঁচিলেক পুত্রশোকে ।
বিবরিয়া সেই-সব বলহ আমাকে ॥
যত-তমু কোন্ মতে হইল সংকার ।
কুরুক্ষেত্রে হৈল কত কক্রিয়-সংহার ॥

শুনিয়া আমার চিন্তে পরম-আনন্দ ।

তব মুখে শুনিয়া ঘুচুক মম ধন্ধ ॥

মুনি বলে, শুন রাজা, সে-সব কথন ।

যে-কর্ম করিল শোকে কৌরব-নন্দন ॥

সঞ্জয় কহিল ধৃতরাষ্ট্র নৃপবরে ।

সেই-সব বিবরণ কহিব তোমারে ॥

ভারতে বিচিত্র-কথা স্থধার ভাণ্ডার ।

শুনিলে পাতকী তরে ভব-পারাধার ॥

-- --

২। শতপুত্রনাশে ধৃতরাষ্ট্রের খেদ ও
তাহার সাস্থনা ।

দুর্যোধন-যত্নাকথা, সঞ্জয় কহিল তথা,
ধৃতরাষ্ট্র শুনিল প্রভাতে ।

হৈল যেম বজ্রাঘাত, আকাশের চন্দ্রপাত,
কর্ণ যেন রুদ্ধ হৈল বাতে ॥

সমগ্র-পৃথিবী-পতি, দুৰ্য্যোধন মহামতি,
বলে ইন্দ্র না হয় সোসর ।

হেন পুত্র যার মরে, সে কেমনে প্রাণ ধরে,
শোকেতে হইল জর-জর ॥

পুত্রশোকে নরপতি, বিহ্বলে পড়িল ক্ষিতি,
নয়নে বরষে জলধার ।

বায়ুভয় যেন তরু, শোক হৈল অতিগুরু,
পড়িয়া করয়ে হাহাকার ॥

একশত পুত্র আর, মারিলেক পরিবার,
সঞ্জয় কহিল নৃপবরে ।

হা পুত্র, হা পুত্র করি, পড়ে কুরু-অধিকারী,
বজ্রাঘাত পড়ে যেন শিরে ॥

বিধি কৈল হেন দশা, মনে ছিল যত আশা,
দূর হৈল দৈবের ঘটন ।

শতপুত্র বিনাশিল, একজন না রহিল,
শ্রদ্ধা-শাস্তি করিতে তর্পণ ॥

হা হা পুত্র দুৰ্য্যোধন, কোথা গেল দুঃশাসন,
শোকে মোর না রহে শরীর ।

আমারে সঞ্জয় কহ, কোথা তার পিতামহ,
কোথা গেল দ্রোণ মহাবীর ॥

কোথা কর্ণ মহাশূর, রিপুদর্প করি দূর,
কোথা গেল শকুনি-দুর্নতি ।

কুমন্ত্রণা দিল মোরে, সে-কারণে পুত্র মরে,
না শুনিল সুহৃদ-ভারতী ॥

এত বলি কুরু-পতি, বিলাপ করয়ে অতি,
হুইচকু পূর্ণ জলধারে ।

যতেক দুঃসহ শূল, নেহ শোক-সমভূল,
এত শোক কে সহিতে পারে ॥

বিধাতা পাবাণ দিয়া, গঠিল আমার হিয়া,
সে-কারণে বিদীর্ণ না হয় ।

রাখিতে এ-পাপ-প্রাণ, নাহি হয় সংবিধান,
কি করিব, বলহ সঞ্জয় ॥

আর্তনাদ করে বীর, ভূমিতে লোটায় শির,
হা হা পুত্র দুৰ্য্যোধন করি ।

পড়ি আছে রাজ্যপাট, মাণিক মন্দির খাট,
কি করিল কুরু-অধিকারী ॥

বৃদ্ধকালে পুত্রশোক, পড়িল অমাত্যলোক,
মরিল সুহৃদ বন্ধুজন ।

করপুটে তিক্কা করি, হইব যে দেশান্তরী,
পৃথিবী করিব পর্য্যটন ॥

আমার ললাটতটে, এ-লিখন ছিল দটে,
কুরুকুল হইবে সংহার ।

সকল পৃথিবী শাসি, ভূঞ্জিয়া বিভবরাশি,
পরিচর্যা করিব কাহার ॥

হইলাম অতিদীন, যেন পক্ষী পক্ষহীন,
জন্মাতে হারাই রাজ্যত্ব ॥

নয়ন-বিহীন তনু, যেন তেজোহীন ভানু,
কেমনে সহিব এত দুখ ॥

আমারে যে হিতকাম, প্রবোধ দিলেন রাম,
তাহা আমি না ধরিনু মনে ।

ভূপতি-সভাতে আসি, কহিল নারদ-ঋষি,
তঁার বাক্য না শুনিবু কানে ॥

ভীষ্মদেব কুরু-গুরু, মহামন্ত্রী কলতরু,
হিত-কথা কহিল অপার ।

না শুনি তাঁহার বোল, বিপদে দিলাম কোল,
হাতে-হাতে ফল পাই তার ॥

দুৰ্য্যোধন-বধ-ধ্বনি,
কৰ্ণবধ কৰ্ণে নহি সয় ।

হৈল দ্ৰোণ-বিনাশন,
দম্ভ হয় মম মন,
মোর বাক্য শুনহ সজ্জয় ॥

পূৰ্বে কৰিয়াছি পাপ, সেকাৰণে পাই তাপ,
বিচাৰিয়া বল ভূমি মোরে ।

আপনার কৰ্ম্মভোগ, হত-বন্ধু-বিপ্ৰযোগ,
কৰ্ম্মবন্ধে সবে ভোগ করে ॥

শুনহ সজ্জয় তুমি, ইহা নহি জানি আমি,
কখন ভীষ্মের পরাজয় ।

সে-জনে অৰ্জ্জুন মারে, একথা কহিব কাৰে,
মনে বড় জন্মিল বিস্ময় ॥

ধীর সনে ভৃগুৰাম, কৰি রণ অবিজ্ঞাম,
প্ৰশংসা কৰিয়া গেল ঘৰে ।

তাঁহার হইল নাশ, শুনি মনে পাই দ্ৰোণ,
সজ্জয় কহিল আসি মোরে ॥

দ্ৰোণ মহাবলবান, পৃথিবী না ধরে টান,
তাঁহাকে মারিল ধনঞ্জয় ।

এ-বড় আশ্চৰ্য্য-কথা, কাটিল কৰ্ণের মাথা,
অৰ্জ্জুন কৰিল কুলক্ষয় ॥

তামা-হেন দুঃখিজন, নহি দেখি ত্ৰিভুবন,
আমার মরণ সমুচিত ।

শীঘ্ৰ মোরে লহ রণে, দেখাও পাণ্ডবগণে,
আমি সবে মারিব নিশ্চিত ॥

বড়িয়া ধনুকে বাণ, বধিব ভীষ্মের প্ৰাণ,
পুত্ৰশোক সহিতে না পারি ।

অৰ্জ্জুনের কাটি মাথা, খুচাইব মনোবাথা,
ধৰ্ম্মে দিব হস্তিনানগৰী ॥

রাজার বচন শুনি, সজ্জয় মনেতে গণি,
যোড়হাতে করে নিবেদন ।

শুন-শুন মহারাজ, সকলি বিধিৰ কাজ,
বৰিয়া না বুঝ কি-কাৰণ ॥

বেদশাস্ত্ৰে মহাজ্ঞান, আগমেতে অবধান,
আর যত পুৰাণ আছেয়ে ।

সকলি জানহ তুমি, কি নীতি বুঝাব আমি,
বিচাৰহ আপন-হৃদয়ে ॥

তোমার সমান গুণী, পৃথিবীতে নহি শুনি,
সংসাৰেতে তোমার ব্যাখ্যান ।

বৃদ্ধ হৈলত বৃদ্ধতম, নহি কেহ তোমা-সম,
শোকে কেন হও হতজ্ঞান ॥

নরপতি পুণ্যবান, সজ্জয় তাহার নাম,
পুত্ৰশোকে ছিল সে পীড়িত ।

নারদের উপদেশ, পাইল সে সবিশেষ,
তাহে তার শূন্য হৈল চিত ॥

আপনি সে-সব কথা, অবশ্য আছেন জ্ঞাতা,
তবে কেন শোকে দেহ মতি ।

জীবন-মরণ-যোগ, সুখ-দুঃখ-ভোগাভোগ,
কৰ্ম্মফলে হয় সে সঙ্গতি ॥

সহজে দুঃখিত জন, রাজা হ'য়ে দুৰ্য্যোধন,
সাধুজন-বচন না শুনে ।

দুঃশাসন মহাবীর, শকুনি পাপেতে ধীর,
বুদ্ধি দিল তোমার নন্দনে ॥

কৰ্ণ বলিলেক যত, তাহে মাজ হৈল রত,
কারো বোল না শুনিল কানে ।

ভীষ্মদেব বুঝাইল, কৰ্ণে তাহা না শুনিল,
গান্ধাৰীৰ বাক্য নহি শুনে ॥

গুরুজন বলে যত, উপহাস করে তত,
এ-জনের কেমনে কল্যাণ ।

দ্রোণ ক্রূপ বিধিযত, বুঝাল বিদুর কত,
প্রবোধ দিলেন ভৃগুরাম ॥

পাণ্ডব মাগিল গ্রাম, আসিলেন ঘনশ্যাম,
নীতি বুঝাইলা নারায়ণ ।

অসম্মত দুর্যোধন, কেবল মাগয়ে রণ,
কেন নাহি ত্যজিবে জীবন ॥

না শুনে ব্যাসের বাণী, অহঙ্কার মনে গণি,
ধর্মপথ পরিহরে দূরে ।

আপনি বুঝালে তায়, না শুনিল সেকথায়,
যাবে বলি শমনের পুরে ॥

পাশা খেলাইল যবে, শকুনি কহিল তবে,
সর্বধন হারিল পাণ্ডব ।

কিং জিতং কিং জিতং বলি, হইলে যে কুতূহলী,
কেন তাহা না ভাব কোঁরব ॥

করিয়া ক্ষিতির ক্ষয়, শত্রুর করালে জয়,
পুত্রগণ মরিল অকালে ।

কেন তুমি শোক কর, আমার বচন ধর,
কি-কারণে লোটাও ভূতলে ॥

জানিয়া করিলে পাপ, শেষে পাও মনস্তাপ,
অনুশোচ না কর তাহাতে ।

আপনার কর্ম যত, ফল হয় অনুগত,
বিজ্ঞ-জন মুখ নহে তাতে ॥

জলন্ত-অনল কেন, বসনে বাকিয়া আন,
সে অগ্নিতে দহিবে শরীর ।

এসব আপন-দোষে, কহি রাজা, তব পাশে,
তাহে দোষ নাহিক বিধির ॥

পুত্র তব মহাবলী, সুহৃদ-বচন ঠেলি,
রাজ্য-লোভ করিল দুর্জয় ।

পূর্বাপর না ভাবিল, অগ্নিতে পতঙ্গ হৈল,
তাহাতে হইল বংশক্ষয় ॥

সঞ্জয়ের বাক্য শুনি, স্তব্ধ হ'য়ে নৃপমণি,
অতিদীর্ঘ ছাড়িল নিঃশ্বাস ।

বিদুর পণ্ডিত-গুরু, উপদেশ-কল্পতরু,
নৃপতিরে করিল আশ্বাস ॥

উঠ-উঠ মহারাজ, সকলি বিধির কাজ,
সবার মরণ মাত্র গতি ।

যে-দিন নিয়তি যার, সেইদিন মৃত্যু তার,
তাহা নাহি ঘুচে মহামতি ॥

মহা-মহা বীর ম'রে, নিত্য যায় যমঘরে,
মৃত্যুবশ সব রাচার ।

সব সংহারয়ে কাল, নাহি তার কালাকাল,
অনুশোচ করহ অন্তর ॥

পূর্বকথা মনে কর, শুন ওহে নৃপবর,
শকুনি খেলিল যবে পাশা ।

সেই অনর্থের মূল, বিনাশিল কুরুকুল,
হাসি তুমি করিলে জিজ্ঞাসা ॥

পাসরিলে সেই বাণী, শুন অন্ধ-নৃপমণি,
সেকথা নাহিক তব মনে ।

এখন করহ শোক, নিম্নিবেক সর্বলোক,
হাসিবে কেবল শত্রুগণে ॥

কক্রিয়-নিধন করি, সম্মুখ-সংগ্রামে মরি,
সবে গেল বৈকুণ্ঠ-ভুবনে ।

এখন ধরহ ধৈর্য, না কর এমন কার্য,
দুঃখ কর কিসের কারণে ॥

যমুন কদলীতৰু, প্ৰবেশে দেখিয়া গুৰু,
সংসাৰেতে কিছু নাহি সার ।

নব-নব স্তম্ভ ঘর, দেখি অতি মনোহর,
জন্ম-জন্ম শৰীৰ-সঞ্চাৰ ॥

জীৰ্ণ-বস্ত্ৰ পৰিহ'ৰৈ, যথা নববস্ত্ৰ পৰে,
তেমতি শৰীৰ-পৰিবৰ্ত ।

কেহ মৰে গৰ্ভবাসে, কেহ মৰে দশমাসে,
পৃথিবী পৰশ কৰি মাত্ৰ ॥

কেহ মৰে বাল্যকালে, সকলি কণ্ঠের ফলে,
কেহ কাৰে মৱিতে না পাৰে ।

আমাৰ বচন শুনি, শাস্ত হও নৃপমণি,
শোক আৱ না কৰ অন্তৰে ॥

বিদূৱেৰ বাক্য শুনি, স্তব্ধ হৈল নৃপমণি,
কিন্তু শোকে দহয়ে শৰীৰ ।

না শুনে বচন-হিত, ধৱিতে না পাৰে চিত,
ধৈৰ্য্য না ধৱিতে পাৰে ধীৰ ॥

তবে আসি ব্যাসমুনি, বিদূৱ সঞ্জয় গুণী,
আৱ যত সুহৃদ সকলে ।

শীতল সলিল সেচি, তাৰেৰ বিউনি বঁচি,
চেতন কৰায় মহীপালে ॥

সংবিৎ পাইয়া পুনঃ, শোক কৰে চতুগুণ,
ধিক্-ধিক্ মনুষ্য-জনমে ।

পাই এত দুঃখ সব, পুত্ৰশোকে পৰাভব,
হাৱ তনু নাহি যায় কেনে ॥

শতপুত্ৰ বিনাশিল, একজন না ৱহিল,
শ্ৰদ্ধ শাস্তি কৰিতে তৰ্পণ ।

অনিত্য এ-সব দেহ, চিহ্নজীবী নহে কেহ,
প্ৰাণ ৱাখি কিসেৰ কাৰণ ॥

৩৫ ছি

ধৃতৱাষ্ট্ৰ-নৱপতি, বিলাপ কৰয়ে অতি,
পুত্ৰশোক সহিতে না পাৰে ।

ভাবয়ে বান্ধবশোক, কণে ভাবে পৱলোক,
নিৰ্ণয় কৰিতে কিছু নাৰে ॥

আহা পুত্ৰ দুৰ্য্যোধন, কৌথা গেল দুঃশাসন,
দুশ্মথ প্ৰভৃতি শতপুত্ৰ ।

ধৱিতে না পাৰি হিয়া, লহ মোৰে উদ্ধাৱিয়া,
শোকেতে দহিছে মোৱ গাত্ৰ ॥

শকুনি গান্ধাৰ-সুত, দুঃখ মোৰে দিল এত,
বংশ না ৱহিল পৃথিবীতে ।

কাহাৰ আশ্ৰয়ে ৱব, আমি কোন্ দেশে যাব,
যুক্তি নহে জীবন ৱাখিতে ॥

ভাৱতেৰ পুণ্যকথা, শুনিলে ঘূচেয়ে ব্যথা,
কলিৱ কলুষ হয় নাশ ।

গোবিন্দ-চৰণে মন, নিবেদিয়া অনুৰূপ,
বিৱচিল কাশীৰাম দাস ॥

৩। ধৃতৱাষ্ট্ৰেৰ প্ৰতি ব্যাসেৰ হিতোপদেশ ।

বিষাদ কৰয়ে নৱপতি পুত্ৰশোকে ।

ৰাজাৰে বেড়িয়া কান্দে যত পুৱলোকে ॥

তবে ব্যাস কহিলেন, শুন নৃপবৰ ।

গত-জীব-হেতু তুমি শোক কেন কৰ ॥

আৱ শোক না কৰিহ, শুনহ ৰাজন ।

মন দিয়া শুন দুৰ্য্যোধনেৰ কথন ॥

একদা গেলাম আমি ব্ৰহ্মাৱ সভায় ।

নাৱদাদি মুনীগণ আছিল তথায় ॥

হেনকালে ধৱাদেৱী কৰে নিবেদন ।

পৰিত্ৰাণ কৰ মোৰে, ওহে পদ্মাসন ॥

হরি করিলেন যত দানবে সংহার ।
 ক্ষত্রকূলে জন্ম তারা নিল পুনর্ব্বার ॥
 অনীতি করয়ে যত, কত কব আর ।
 সহিতে না পারি ভার তাহা সবাকার ॥
 সহি দেখ গিরি-আদি যত মহাভার ।
 না পারি সহিতে বেদ-নিন্দকের ভার ॥
 পাপ-অত্যাচার-ভার না পারি সহিতে ।
 এই নিবেদন প্রভু, করিছু তোমাতে ॥

পৃথিবী কহিল যদি এতেক ভারতী ।
 আশ্বাস করিয়া তাঁরে কহে প্রজাপতি ॥
 ধৃতরাষ্ট্র-নৃপতির পুত্র দুৰ্য্যোধন ।
 কুরুবংশে জন্মিবে সে বড়ই দুর্জয়ন ॥
 খণ্ডাইবে সে তোমার ভার গুরুতর ।
 শুন বশুমতি, তুমি আমার উত্তর ॥

শুনিয়া কাশ্যপী স্তুতি অনেক করিল ।
 ষোড়হাত করি পুনঃ বলিতে লাগিল ॥
 কেমন প্রকারে মোর ঘৃচিবেক ভার ।
 কহ পিতামহ, তাহা করিয়া বিস্তার ॥

ব্রহ্মা কন, কুরু পাণ্ডু ভাই দুইজন ।
 চন্দ্রবংশে সমুৎপন্ন হবে বিচক্ষণ ॥
 পাণ্ডুর তনয় পঞ্চজন তুল্য দেব ।
 ধর্ম্ম ভীম অর্জুন নকুল সহদেব ॥
 ধৃতরাষ্ট্র-নৃপতির হইবে নন্দন ।
 দুৰ্য্যোধন-দুঃশাসন-আদি শতজন ॥
 বিবাদ হইবে রাজ্য-হেতু দুইজনে ।
 পাণ্ডুর নন্দনে আর ধার্ম্মরাজ-সনে ॥
 পাণ্ডব-সহায় হবে বৈকুণ্ঠ-বিহারী ।
 কুরুক্ষেত্রে হইবেক ঘোর মারামারি ॥
 কুরুক্ষেত্রে ক্ষত্র ঘত হইবে সংহার ।
 শুন বশুমতি, তব না থাকিবে ভার ॥

যাহ-যাহ বশুমতি, আপনার স্থান ।
 দুৰ্য্যোধন হৈতে তব হবে পরিজ্ঞান ॥
 এত বলি পৃথিবীরে করিল বিদায় ।
 এই-সব বিবরণ শুনিলু তথায় ॥
 সেই দুৰ্য্যোধন হৈল তোমার তনয় ।
 কলি প্রবেশের অগ্রে, শুন মহাশয় ॥
 মহা-মহীপাল হৈল মহাক্রোধশালী ।
 গান্ধারী-উদরে জাত বৃদ্ধমান কলি ॥
 সবে হৈল দুর্নিবার শত-সহোদর ।
 কর্ণ হৈল সখা তার শকুনি বর্ষর ॥
 ক্ষত্রিয়-বিনাশ-হেতু অনর্থ-অকুর ।
 শুন মহারাজ, সব শোক কর দূর ॥
 কোঁরবে-পাণ্ডবে হৈল ঘোরতর রণ ।
 কুরুক্ষেত্রে সর্ব্বজন হইল নিধন ॥
 এই পূর্ব্বকথা আমি জানাই তোমাতে ।
 এত বলি ব্যাসমুনি বুঝাইলা তাঁরে ॥
 মহাভারতের কথা অনূত-সমান ।
 কাশীরাম দাস কহে, শুনে পুণ্যবান ॥

৪। ধৃতরাষ্ট্রাদির কুরুক্ষেত্রে যাত্রা ।

সঞ্জয় কহিল তবে করি ষোড়হাত ।
 এক নিবেদন করি, শুন নরনাথ ॥
 নানা-দেশ হৈতে বহুসংখ্য নরপতি ।
 নিমন্ত্রিয়া আনিলেক তোমার সন্ততি ॥
 সবাক্ষবে কুরুক্ষেত্রে হইল নিধন ।
 তা'-সবার প্রেতকর্ম্ম করহ রাজন্ ॥
 সঞ্জয়ের বাক্যে রাজা নিঃশ্বাস ছাড়িল ।
 মৃতবৎ হ'য়ে ভূমি-তলেতে পড়িল ॥
 বিস্তর প্রবোধ তাঁরে দেয় বারবার ।
 রথ-সজ্জা করে কুরুক্ষেত্রে যাইবার ॥

রাজা ধৃতরাষ্ট্র পরে কহিল বিহুরে ।
 স্ত্রীগণে আনহ শীত্র গিয়া অস্তঃপুরে ॥
 এত বলি ধৃতরাষ্ট্র রথতে চড়িল ।
 স্ত্রীগণে আনিতে তবে বিহুর চলিল ॥
 বিহুর বলিল, শুন গান্ধার-নন্দিনী ।
 কুরুক্ষেত্রে যাত্রা করিলেন নৃপমণি ॥
 গতভাই দুর্ধ্যোধন ত্যজিল জীবন ।
 ভীষ্ম দ্রোণাচার্য আর কর্ণ মহাজন ॥
 একাদশ অর্কোহিণী ত্যজিল পরাণ ।
 প্রেতকর্ম-হেতু রাজা করিল প্রস্থান ॥
 রাজার আদেশে আসি তোমা-সবে নিতে ।
 কুরুক্ষেত্রে চল বধুগণে ল'য়ে সাথে ॥
 পুত্রশোক স্মরি দেবী হইল বিমনা ।
 অস্তঃপুরে কান্দি উঠে, ছিল যতজন ॥
 অন্দরে উঠিল ক্রন্দনের কোলাহল ।
 হার ছিঁড়ে, বস্ত্র ছিঁড়ে, লোটায় ভূতল ॥
 কপালে কঙ্কণাঘাত, শুনি গণ্ডগোল ।
 প্রলয়-কালেতে যেন জলের কল্লোল ॥
 বিহুর বলেন, ইহা উচিত না হয় ।
 কুরুক্ষেত্রে চল সবে রাজার আজ্ঞায় ॥
 বিহুরের বাক্য শুনি গান্ধারী তখন ।
 বধুগণ-সঙ্গে করে রথে আরোহণ ॥
 ঘরে-ঘরে মহাশব্দ উঠিল ক্রন্দন ।
 বাল-বৃদ্ধ-যুবা-আদি কান্দে সর্বজন ॥
 দেবগণ নাহি দেখে যে-সব সুন্দরী ।
 রণস্থলে যায় তারা একবস্ত্র পরি ॥
 সাধারণ-জনসব দেখয়ে সবাকে ।
 এড়াইতে নারে কেহ দৈবের বিপাকে ॥
 সবদিন সমান না যায় কছু কার ।
 দেখিয়া শুনিয়া লোক না করে বিচার ॥

হ্রাস-বৃদ্ধি-কৌতুকাদি শ্রজে নারায়ণ ।
 দেখিয়া না মানে তাহা অতি মূঢ়জন ॥
 একবস্ত্র পরে নৃপতির পাটেশ্বরী ।
 পুত্রগণ-শোকে মুক্তা হইল কবরী ॥
 শত-শত দাসীগণ যার সেবা করে ।
 সে-জন পড়িয়া কান্দে ভূমির উপরে ॥
 গলাগলি করি কান্দে যতক সতিনী ।
 আহা মরি কোথা গেল কুরু-নৃপমণি ॥
 ধৃতরাষ্ট্র-সম্মুখেতে কান্দে সর্বজন ।
 শোকেতে কাতর হ'য়ে ফেলে আভরণ ॥
 কেহ দুঃখপোষা শিশু ফেলাইয়া দূরে ।
 হা নাথ, হা নাথ বলি কান্দে উচ্চৈঃস্বরে ॥
 মুক্তকেশে কান্দে কেহ খশুরের আগে ।
 ঘোড়হাত করি কেহ সামিধান মাগে ॥
 কেহ বলে, রাজা দেহ পাণ্ডুর নন্দনে ।
 কেহ বলে, কৃষ্ণ আসে তোমা-বিদ্যমানে ॥
 কেহ বলে, মিথ্যাকথা, নাহিক সংগ্রাম ।
 কৌরবে-পাণ্ডবে প্রীতি হৈল পরিণাম ॥
 মিথ্যাকথা কে কহিল রাজার গোচরে ।
 কুশলে আছেয়ে কুরু সংগ্রাম-ভিতরে ॥
 এত বলি নারীগণে করয়ে করুণা ।
 তা' শুনি রাজার মনে লাগিল বেদনা ॥
 চারিভিতে বেড়ি কান্দে যত-সব নারী ।
 নগর-বাহির হৈল কুরু-অধিকারী ॥
 গান্ধারী চলিল রথে যত বধু সঙ্গে ।
 শোকাবুলা সবে, কারো বস্ত্র নাহি অঙ্গে ॥
 বিচার নাহিক আর, শোকে অচেতনা ।
 হত-পতি নারীগণ হইল উন্মনা ॥
 পরিল বসন কেহ করিয়া যতন ।
 অঙ্গেতে ভুলিয়া দিল নানা-আভরণ ॥

চরণে নৃপূর পরে দোসারি মুকুতা ।
 সিন্দূর পরিল কেহ করি পূর্ণ সীতা ॥
 চন্দ্রের বিন্দু তার চারিদিকে দিল ।
 সুন্দর অলকা তাহে বেষ্টিত করিল ॥
 তাম্বুল ভক্ষণ করে, নানাগীত গায় ।
 চরণে নৃপূর কেহ নাচিয়া বেড়ায় ॥
 কেহ অসি চক্ষু-করে বীরবেশ ধরি ।
 ধৈর্যে যায় কুরুক্ষেত্রে পতি অনুসরি ॥
 মুক্তকেশে আত্মশাখা ল'য়ে কতজন ।
 কেহ পথে পড়ে, কেহ শোকে অচেতন ॥
 চলিল অনেক নারী পতি-পুত্রশোকে ।
 প্রবোধ করিতে সবে নারে কোন লোক ॥
 হস্তিনা হইল শূন্য, কেহ না রহিল ।
 রাজার সঙ্গেতে রাজবধূরা চলিল ॥
 প্রথম-বয়সা কেহ দেখিতে উত্তমা ।
 মুক্তকেশে যায় যেন সোনার প্রতিমা ॥
 হেনমতে কুরুক্ষেত্রে যায় নরপতি ।
 সঙ্গেতে নাহিক রথ-সৈন্য-ঘোড়াহাতী ॥
 যুবতী-সমূহ-সঙ্গে চলিল রাজন ।
 শূন্য হৈতে কোঁতুকাদি দেখে দেবগণ ॥
 শোকাবুল হ'য়ে পথে যায় নরপতি ।
 হেনকালে অশ্বখামা কূপ মহামতি ॥
 কৃতবর্মা-সহ পথে হৈল দরশন ।
 নিরখি রাজাকে তারা আসে তিনজন ॥
 পরিচয় নৃপতিকে দিল আপনার ।
 ধৃতরাষ্ট্র বলে তবে, কহ সমাচার ॥
 কৃতাজলি হ'য়ে বলে সেই তিনজন ।
 অবধানে শুন রাজা, সব বিবরণ ॥
 মুখে না আসিছে বাক্য, কহিতে ডরাই ।
 কহিবার ষোগ্য নহে, মনে ছুঃখ পাই ॥

কেমনে এ-সব কথা কহিব তোমারে ।
 বিধাতা দিলেক ছুঃখ বিবিধ-প্রকারে ॥
 শুন মহারাজ, কহি সব সমাচার ।
 কুরুক্ষেত্রে হৈল যত ক্ষত্রিয়-সংহার ॥
 একাদশ-অর্কোহিণী সকলি মরিল ।
 অশ্বখামা কৃতবর্মা কূপ এড়াইল ॥
 দৈবে না হইল তিনজনের মরণ ।
 শতভাই-সহ রণে পড়ে দুর্য়োধন ॥
 করিল দুষ্কর-কর্ম ভীম-দুরাচার ।
 একাকী মারিল তব শতেক কুমার ॥
 শুনহ গান্ধারীদেবি, করি নিবেদন ।
 ভীম করিলেক কুরুবংশের নিধন ॥
 যত কশ্ম করিলেক দুর্য়োধন-বীর ।
 যত কশ্ম করিলেক ছুঃশাসন ধীর ॥
 শতপুত্র তোমার করিল যত কশ্ম ।
 যেমন আছিল মাতা, ক্ষত্রিয়ের ধম্ম ॥
 পরাক্রম করি প্রাণ ত্যজিলেক রণে ।
 সুরপুরী গেল সবে চড়িয়া বিমানে ॥
 শোক পরিহর দেবি, না কর বিলাপ ।
 দুর্য়োধন প্রাণপণে করিল প্রতাপ ॥
 অনায়াস করিয়া ভীম ভাঙ্গিলেক উরু ।
 সেই ক্রোধে করিলাম মোরা কশ্ম গুরু ॥
 সবাক্ষবে পাঞ্চালেতে করিমু সংহার ।
 বধিলাম দ্রৌপদীর পাঁচটি কুমার ॥
 রণে অবশেষ পাণ্ডবের সাতজন ।
 শ্রীকৃষ্ণ সাত্যকি পঞ্চ পাণ্ডুর নন্দন ॥
 শুনহ সকল কথা, না করিহ ভয় ।
 অবিলম্বে কুরুক্ষেত্রে চল মহাশয় ॥
 আজ্ঞা দেহ, মোরা নিজ-নিজ-স্থানে যাই ।
 কুরুক্ষেত্রে পাণ্ডবেরা আছে পঞ্চভাই ॥

এত বলি নৃপতির নিল অনুমতি ।
 প্রদক্ষিণ করি সবে চলে শীত্ৰগতি ॥
 হস্তিনাপুরেতে গেল কৃপ-মহাশয় ।
 রুতবস্ত্রা চলি গেল আপন-আলয় ॥
 ব্যাসের আশ্রমে গেল দ্রোণের সম্ভতি ।
 কুরুক্ষেত্রে গেল ওথা অন্ধ-নরপতি ।
 ধৃতরাষ্ট্র-আগমন শুনি পঞ্চভাই ।
 শ্রীকৃষ্ণের সঙ্গে যুক্তি করেন সবাই ॥
 যুধিষ্ঠির বলিলেন, শুন যত্ননাথ ।
 কুরুক্ষেত্রে আসিলেন দেখে জ্যেষ্ঠতাত ॥
 কেমনে তাঁহারে আমি মুখ দেখাইব ।
 জিজ্ঞাসিলে সমাচার কি কথা কহিব ॥
 গান্ধারীর ক্রোধে আজি নাহিক নিস্তার ।
 ক উপায় করি কৃষ্ণ, বল এইবার ॥
 ণতপুত্র মরিলেক ভীমের প্রহারে ।
 এ-শোক কেমনে সহে মায়ের অন্তরে ॥
 সতার অব্যর্থ-বাক্য, শুন নারায়ণ ।
 আজি প্রাণ হারাইব ভাই পঞ্চজন ॥
 রথ্য যুদ্ধ করিলাম, রথ্য পরাক্রম ।
 রথ্য গুরুহত্যা, আর জ্ঞাতির নিধন ॥
 রথ্য বধিলাম পুত্র স্নেহদু বান্ধব ।
 রথ্য যুদ্ধ করিলাম শুন শ্রীমাদব ॥
 আজি গান্ধারীর ক্রোধে নাহিক নিস্তার ।
 অপাণ্ডব হইবেক সকল সংসার ॥
 শুন কৃষ্ণ, তব পাশে করি নিবেদন ।
 প্রাণ লগ্নয়ে পলায়ুক ভাই চারিজন ॥
 ভীমার্জুন সহদেব নকুল-কুমার ।
 পলাইয়া প্রাণরক্ষা করুক এবার ॥
 আমি যাব ধৃতরাষ্ট্র-গান্ধারী-গোচরে ।
 শাপ দিয়া ভয়রাশি করুন আমারে ॥

আমার জীবনে কৃষ্ণ, নাহি প্রয়োজন ।
 লোকের সাক্ষাতে নাহি দেখাব বদন ॥
 ধর্মের বচন শুনি দেব চক্রপাণি ।
 বলিলেন তাঁরে স্নেহামধুর স্ন-বাণী ॥
 শুন রাজা, ভয় তুমি কর কি-কারণে ।
 রাখিতে মারিতে কেহ নাহি আমা-বিনে ॥
 সবাকার আত্মা আমি পুরুষ-প্রধান ।
 রাখিতে মারিতে আমা-বিনা নারে আন ॥
 সবে মিলি চল, যাব নৃপতির স্থানে ।
 দূর কর ভয় তুমি আমার বচনে ॥
 গান্ধারী না দিবে শাপ, আমি ইহা জ্ঞান ।
 হরষিত-চিন্তে তুমি চল নৃপগণ ॥
 কৃষ্ণের বচন শুনি রাজা যুধিষ্ঠির ।
 হাসিয়া বলেন তবে, শুন যত্নবীর ॥
 তোমার প্রাজ্ঞাতে তবে সবে চলি যাব ।
 দ্রুতগতি চল, নাহি বিলম্ব করিব ॥
 অনুমতি দেন কৃষ্ণ রাজার বচনে ।
 হরিষেতে চলে সবে রাজ-সভাষণে ॥
 পঞ্চভাই কৃষ্ণ-সহ যান শীত্ৰগতি ।
 রাজার চরণে সবে করিল প্রণতি ॥
 আমি যুধিষ্ঠির বলি পরিচয় দিতে ।
 রথ হৈতে ধৃতরাষ্ট্র নামিল ভূমিতে ॥
 মহাভারতের কথা অমৃতের ধার ।
 কাশী কহে, শুনি নর যায় ভবপার ॥

৫। ধৃতরাষ্ট্র-কর্তৃক শোহ-ভীম-চূর্ণকরণ ।

সপ্তম রাজারে ধরি বসায় আসনে ।
 বসিলেন পঞ্চভাই রাজ-বিভ্রমানে ॥
 সাত্যকি-সহিত কৃষ্ণ বসেন আপনি ।
 হেনকালে বলে ধৃতরাষ্ট্র-নৃপমণি ॥

কোথা ভীষ্ম দ্রোণাচার্য্য, কহ নারায়ণ ।
 কোথা কৰ্ণ মহাবীর, পুত্র দুৰ্য্যোধন ॥
 গান্ধার-তনয় কোথা ছুরাঙ্গা শকুনি ।
 কোথা শল্যরাজ-আদি, কহ চক্রপাণি ॥
 এই ত অদ্ভুত-কথা, বড়ই বিস্ময় ।
 তোমার সাক্ষাতে কেন অবিচার হয় ॥
 ধৰ্ম্মের সপক্ষ তুমি আপদ্-ভঞ্জন ।
 অন্যায় করিল তবে কেন পঞ্চজন ॥
 লঘু-গুরু নাহি মানে পাণ্ডুর নন্দন ।
 এমত অন্যায়-কৰ্ম্ম করে কোন্ জন ॥
 বলিবে, ক্লিয়-ধৰ্ম্ম আছয়ে সংসারে ।
 তথাপি চাহিবে লোক ধৰ্ম্ম পালিবারে ॥
 ধৰ্ম্মবস্ত পাণ্ডুপুত্র, বলে সৰ্ব্বজনে ।
 রাজ্যলোভে জ্ঞাতিবধ করিল কেমনে ॥
 কহ দেখি, হেন কৰ্ম্ম করে কোন্ জন ।
 একটি না রাখে মোর করিতে তর্পণ ॥
 মহাগুরু পিতামহ গঙ্গার নন্দন ।
 পিতৃশোক নাহি জানে ষাঁহার কারণ ॥
 তাঁহারে করিল বধ রাজ্যলুক হ'য়ে ।
 কহ দেখি মায়াধর, শাস্ত্র বিচারিয়ে ॥
 সবে বলে, ধৰ্ম্মপুত্র বড় ধৰ্ম্মবস্ত ।
 এতদিনে পাইলাম তাহার তদন্ত ॥
 অস্ত্র-গুরু দ্রোণাচার্য্য বিখ্যাত ছুবনে ।
 অস্ত্রশিক্ষা কৈল গিয়া তাঁহার সদনে ॥
 মিথ্যা-অপভাষা কহি বলিলে বচন ।
 অশ্বখামা হত হৈল, বলে সৰ্ব্বজন ॥
 এই অপভাষা হৈল সমর-ভিতরে ।
 পুত্রশোক পেয়ে গুরু ভাবেন অন্তরে ॥
 অমর করিয়া বর দিল প্রজ্ঞাপতি ।
 অকাল মরিল পুত্র, হইল অনীতি ॥

সত্য-মিথ্যা জানিবারে চাহি এই হরি ।
 এই কথা কহে যদি ধৰ্ম্ম-অধিকারী ॥
 তবে সে প্রতীতি মোর হইবে অন্তরে ।
 নতুবা যাইব আমি ব্রহ্মার গোচরে ॥
 তাহাতে মন্ত্ৰণা দিলে দেব-চক্রপাণি ।
 অমনি বলিল মিথ্যা ধৰ্ম্ম-নৃপমণি ॥
 অশ্বখামা হত এই বাক্যমাত্র শুনি ।
 হেনকালে বাঘভাণ্ডে হৈল মহাধ্বনি ॥
 নিশ্চয় জানিয়া গুরু পুত্রের মরণ ।
 উচ্চৈঃস্বরে কান্দে বীর হ'য়ে দুঃখিমন ॥
 ধনুর্হ'ল কণ্ঠদেশে করিয়া স্থাপন ।
 তাহাতে শরীর নিজ করিল ধারণ ॥
 হেনকালে ধনঞ্জয়ে কহিলে চাহিয়ে ।
 সর্পে খায় বীর দ্রোণে কি দেখ দাঁড়ায়ে ॥
 শশব্যস্তে ধনঞ্জয় যুড়িলেক শর ।
 সর্পভ্রমে কাটিলেক দ্রোণ-কলেবর ॥
 তোমার সাক্ষাতে যদি হেন কৰ্ম্ম হয় ।
 কাহারে কহিব আর তবে মহাশয় ॥
 এতেক কহিল যদি অশ্বিকা-নন্দন ।
 শুনিয়া লজ্জিত হৈল কমললোচন ॥
 গোবিন্দ বলেন, শুন কুরু-নৃপমণি ।
 মর্যাদা-সাগর তুমি, জ্ঞানে মহাজ্ঞানী ॥
 বেদশাস্ত্র কহি কিছু, তাহে দেহ'মন ।
 আমি কি কহিব, ইহা বিধির ঘটন ॥
 কালেতে জনমে প্রাণী, কালেতে বিহরে ।
 কালপ্রাপ্তে মরে প্রাণী, কে রাখিতে পারে ॥
 আছয়ে অবশ্য পাপ-পুণ্যের উদয় ।
 আপনি জানহ তাহা, ওহে মহাশয় ॥
 শকুনির বাক্যে দুৰ্য্যোধন-নরপতি ।
 নানামতে হিংসিলেক পাণ্ডুর সন্ততি ॥

আপনি নিবেধ কৈলে, তাহা না শুনি।
পাণ্ডুর নন্দনে নানামতে কষ্ট দিল ॥
হামি মাগিলাম গিয়া পঞ্চখানি গ্রাম।
নাহি দিয়া নিরূপণ করিল সংগ্রাম ॥
কুরুধর্ম পালিলেন পাণ্ডুর কুমার।
সংগ্রামে মারিল শত-তনয় তোমার ॥
এই কহিলাম রাজা, যত বিবরণ।
সম্মুখে আছেয়ে তব পাণ্ডুর নন্দন ॥

এত যদি কহিলেন দেব-চক্রপাণি।
আশ্বাসিয়া কহে ধৃতরাষ্ট্র-নৃপমণি ॥
কোথা ভীম, আইসহ দিব আলিঙ্গন।
তুমি মোর ঘুচাইলে পিণ্ড-প্রয়োজন ॥
উরু ভাঙ্গি দুর্ঘ্যোধনে করিলে নিধন।
একে-একে সংহারিলে শতেক নন্দন ॥
শুনিয়া আমার হৈল হরিষ-বিষাদ।
এস, আলিঙ্গন দিয়া করিব প্রসাদ ॥
এতেক বলিয়া রাজা বাড়াইল হাত।
নৃপতির অভিপ্রায় জানি রমানাথ ॥
হাছিল লোহার ভীম দিলেন গোচরে।
ধৃতরাষ্ট্র-নরপতি সানন্দ-অন্তরে ॥
ধরয়া লোহার ভাম চাপিল কোলেতে।
অযুত-হস্তীর বল রাজার দেখেতে ॥
ভাঙ্গিল লোহার ভীম, শব্দমাত্র শুনি।
চূর্ণ হ'য়ে পৃথিবীতে পড়িল তখনি ॥
শোকেতে নিঃশ্বাস ছাড়ি পাইলেন হুথ।
পড়িল ভূমিতে রাজা মনে পেয়ে দুখ ॥
কপটে কান্দয়ে রাজা, হৃদয়ে উদ্ভাস।
মনেতে জানিল, ভীম হইল বিনাশ ॥
পুত্র-শোকে নরপতি নাহি শুনে কানে।
ভীম মরিলেক বলি হরষিত মনে ॥

নৃপতির দশা তবে দেখি নারায়ণ।
হাসিয়া বলেন সুধা-মধুর-বচন ॥
শুন বৃদ্ধ নরপতি, না কান্দিহ আর।
কুশলে আছেন ভীম পাণ্ডুর কুমার ॥
তোমার জন্মাবে ক্রোধ, ইহা অনুমানি।
লোহার গঠিত ভীম দিমু নৃপমণি ॥
বিষাদ না কর তুমি, শাস্ত কর মন।
ভীমেরে মারিলে নাহি পাবে দুর্ঘ্যোধন ॥
আর কেন অপঘণ রাখিবে সংসারে।
শুদ্ধচিত্ত হও রাজা, জানাই তোমারে ॥
আপনি কহিলে পূর্বে, শুনহ রাজন্।
আপন-তনয়-সম পাণ্ডুর নন্দন ॥
তবে কেন হেন-কন্ম কর নরপতি।
বুঝিমু খলের কড়ু নহে শুদ্ধমতি ॥
কোন অংশে পাণ্ডবের নাহি অপরাধ।
আপনি করিলে তুমি নিজকন্মে বাদ ॥
ভীমে বিষ খাওয়াইল রাজা দুর্ঘ্যোধন।
জড়গৃহে রাখিলেক পাণ্ডুর নন্দন ॥
তবে শকুনিরে আজ্ঞা দিল নরপতি।
পাশা খেলাইল যুধিষ্ঠিরের সংহতি ॥
পণ রাখি ধর্মরাজ সর্বস্ব হারিল।
দুঃশাসন দ্রৌপদীর চূলেতে ধরিল ॥
আপনি অনীতি করিলেক দুর্ঘ্যোধন।
জয়দ্রথে দিয়া করে দ্রৌপদী-হরণ ॥
তথাপিহ পাণ্ডবের ক্রোধ না জন্মিল।
তবে দুর্ঘ্যোধন দুর্ব্বাসারে পাঠাইল ॥
আপনি সকল তুমি জান মহাশয়।
কিছু দোষ নাহি করে পাণ্ডুর তনয় ॥
করিল অত্যাচ-যুদ্ধ তোমার নন্দন।
অভিমন্যু-পুত্রে বেড়ি মারে সপুত্রন ॥

পশ্চাতে পাণ্ডব পরাক্রম প্রকাশিল ।
 প্রতিজ্ঞা-কারণ সব কোঁরবে নাশিল ॥
 বেদশাস্ত্র জান তুমি আগম-পুরাণ ।
 জ্ঞানবান্ নাহি কেহ তোমার সমান ॥
 আপনি জানহ কোঁরবের যত দোষ ।
 তবে কি লাগিয়া কর এ-সব আক্রোশ ॥
 ভীষ্ম-দ্রোণ-বিদুরাদি যত বুঝাইল ।
 দুৰ্ভমতি দুৰ্য্যোধন কিছু না শুনিল ॥
 অধিক সকল গুণে হয় পঞ্চভাই ।
 আপনি সকল জান, কি-হেতু বুঝাই ॥
 জানিয়া না জান তুমি, আছিলে উদার ।
 কি-কারণে নাহি বুঝ উচিত-বিচার ॥
 কেবল পুত্রেরে চাহি কর অপকর্ষ ।
 ভীমেরে মারিয়া কেন বিনাশিবে ধর্ম্ম ॥
 কি দোষ করিল ভীম, বলহ রাজন্ ।
 না বুঝিয়া কেন কর হেন আচরণ ॥
 কদাচিৎ পাণ্ডবেরে ক্রোধ না করহ ।
 অধর্ম্ম হইবে, মম বচন পালহ ॥
 কৃষ্ণের বচন শুনি অন্ধ-নরপতি ।
 দুঃখিত-অস্তরে কহে, শুন মহামতি ॥
 ভাগ্যে রক্ষা হৈল ভীম তোমার কারণে ।
 আর না করিব ক্রোধ পাণ্ডুর নন্দনে ॥

এত বলি অন্ধরাজ হাত বাড়াইল ।
 একে-একে আলিঙ্গিয়া আলীর্বাদ কৈল ॥
 তবে কৃষ্ণ-আদি-সহ পাণ্ডুর নন্দন ।
 গান্ধারীর কাছে যায় অতি-ভীতমন ॥
 গান্ধারীর মন আছে শাপিব পাণ্ডবে ।
 হেনকালে বলিলেন ব্যাসদেব তবে ॥
 শুন বধু, কেন পাসরিলে পূর্ব্বকথা ।
 সতীর বচন কছু না হয় অগুথা ॥

বাত্রাকালে তামা জিজ্ঞাসিল দুৰ্য্যোধন ।
 জিনিবেক কুরুক্ষেত্রে-যুদ্ধে কোন্ জন ॥
 পাণ্ডবের সঙ্গে যাই যুদ্ধ করিবারে ।
 জয়-পরাজয় কার, বলহ আমারে ॥
 তবে তুমি সত্যকথা कहিলে তখন ।
 বথা ধর্ম্ম, তথা জয়, শুন দুৰ্য্যোধন ॥
 তোমার বচন যদি অগুথা হইবে ।
 তবে কেন চন্দ্র-সূর্য্য আকাশে রহিবে ॥
 এ-সব বচন সত্য, মম মনে লয় ।
 এহেতু যুদ্ধেতে জিনে পাণ্ডুর তনয় ॥
 তাজহ সকল ক্রোধ আমার বচনে ।
 পুত্রভাবে ভাব পঞ্চ পাণ্ডুর নন্দনে ॥

এত যদি ব্যাসদেব कहিলেন বাণী ।
 ঘোড়হাতে বলে তবে অন্ধরাজ-রাণী ॥
 যত-কিছু মহাশয়, বলিলে বচন ।
 বেদের সমান তাহা করিলু গ্রহণ ॥
 কিন্তু হৃদয়ের তাপ সহিতে না পারি ।
 একশত পুত্র মোর গেল যমপুরী ॥
 ত্যজিলাম সব ক্রোধ তোমার বচনে ।
 পুত্রসম স্নেহ হৈল পাণ্ডুর নন্দনে ॥
 মহাভারতের কথা অমৃত-সমান ।
 কাশীরাম দাস কহে, শুনে গুণ্যবান্ ॥

৬। গান্ধারী ও পাণ্ডবদিগেব
 উক্তি-প্রত্নাঙ্কি ।

বসিলেন পঞ্চভাই গোবিন্দে লইয়া ।
 পুনশ্চ গান্ধারী বলে করুণা করিয়া ॥
 মনোযোগ কর ভীম, আমার বচনে ।
 মারিলে অমৃত্য করি পুত্র দুৰ্য্যোধনে ॥

নাভি-নিম্নে অশুচিত করিতে প্রহার ।
 কি-হেতু করিলে তবে হেন অবিচার ॥
 ভয়ে কম্পে ভীমসেন শুনিয়া বচন ।
 আগে থাকি ঘোড়হস্তে করে নিবেদন ॥
 প্রতিজ্ঞা আমার ছিল, শুন গো জননি ।
 সে-কারণে হেন কর্ম করিয়াছি আমি ॥
 যুদ্ধে তারে জিনিতে না পারি মোরা-সবে ।
 অত্যাচারিয়া যুদ্ধে মারিয়াছি তবে ॥
 দেশ-ধন যত মম নিল দুর্ঘোষনে ।
 কদাচিত্ না রাখিল হুহুদ-বচন ॥
 পঞ্চগ্রাম মাগিলাম মোরা দুর্ঘোষনে ।
 সে-কথা তোমার পুত্র না শুনিল কানে ॥
 আপনি মধ্যস্থ হ'য়ে গিয়া নারায়ণ ।
 দুর্ঘোষনে কহিলেন করিয়া যতন ॥
 না শুনিল কৃষ্ণ-বাক্য তনয় তোমার ।
 যুদ্ধ-বিনা নাহি দিব, বলে বারবার ॥
 কৃষ্ণকে বাক্ষিতে চাহে তোমার নন্দন ।
 বল দেখি, হেন কার্য্য করে কোন্ জন ॥
 বুঝাইল কত ভীষ্ম দ্রোণ মহামতি ।
 না শুনিল দুর্ঘোষন কাহারো ভারতী ॥
 নিজে বুঝাইলে তুমি কত দুর্ঘোষনে ।
 পাসরিলে সেই কথা, না পড়িল মনে ॥
 কৃষ্ণমুখে সে-সকল শুনিয়াছি আমি ।
 পঞ্চগ্রাম নাহি দিল, দুঃস্থ এমনি ॥
 আমরা প্রতিজ্ঞা তবে করিলাম রণে ।
 বক্ষিষু অজ্ঞাত-বাস বিরাট-ভবনে ॥
 দ্বাদশ-বৎসর বনে পাই নানা-দুখ ।
 সে-কথা কহিতে মাতা, বিদরিছে বুক ॥
 অপরাধ ক'রেছিল অনেক-প্রকারে ।
 সে-কারণে মারিলাম যুদ্ধে তোমারে ॥

তোমার চরণে মাতা, কহিব কতক ।
 দুর্ঘোষনে দুষ্ট-কর্ম করিল যতক ॥
 যখন ছিলাম মোরা কাম্যক-কাননে ।
 জয়দ্রথে পাঠাইল দ্রোণদী-হরণে ॥
 অনন্তর দুর্কাসারে পাঠাইয়া দিল ।
 গোবিন্দ-প্রসাদে ব্রহ্মশাপ মুক্ত হৈল ॥
 তুমি থাক অন্তঃপুরে, না জান বারতা ।
 দুর্ঘোষনে করিলেক যতক দুষ্টতা ॥
 অনেক হিংসিতে লজ্জা পাইলাম আমি ।
 লোকমুখে সে-সকল শুনিয়াছ তুমি ॥
 দুর্ঘোষনে না মারিলে রাজ্য নাহি পাই ।
 তারে না মারিলে মোরা সকল হারাই ॥
 শুন মাতা, দুঃখলাভে নাহি কারো মন ।
 স্ত্রীর লাগিয়া লোক করে পর্য্যটন ॥
 এই তত্ত্ব কহিলাম তোমার গোচরে ।
 যেমত বুঝ দেবি, আপন-অন্তরে ॥
 সে-কারণে ধর্ম্মাধর্ম্ম না করি বিচার ।
 পারিলাম যেই মতে, করিষু সংহার ॥
 সভামধ্যে দ্রোণদীরে দেখাইল উরু ।
 সে-কারণে ক্রোধ মম উপজিল গুরু ॥
 এইহেতু দুই উরু ভাঙ্গিয়া গদায় ।
 ক্ষত্রিয়-প্রতিজ্ঞা-ধর্ম্ম রাখিলাম তায় ॥
 বড় দুষ্ট বলবন্ত রাজা দুর্ঘোষন ।
 কহিতে না পারি মাতা, তাহার লক্ষণ ॥
 শিশুকালে খেলা করিতাম তার সনে ।
 বিষ খাওয়াইল মাতা, মারিবার মনে ॥
 জড়গৃহ সজ্জা করি অগ্নি তাহে দিল ।
 পরমায়ু ছিল, তেঁই তাহে রক্ষা হৈল ॥
 দিলেক অনেক দুঃখ, ছিল মম মনে ।
 সে-কারণে মারিলাম আমি দুর্ঘোষনে ॥

তোমার চরণে মাতা, করিয়া গোচর ।

আজি সে হইল মম হরিষ অন্তর ॥

গাঙ্গারী এতেক শুনি নিঃখাস ছাড়িল ।

মহাসতী পতিব্রতা ভীমেরে কহিল ॥

যতেক কহিলে বাপু, সব কথা সার ।

আপনার দোষে হৈল মরণ তাহার ॥

সকল মারিলে বাপু, করি মহারণ ।

কি দোষে করিলে দুঃশাসনের নিধন ॥

মারিয়া করিলে তুমি তার রক্তপান ।

বিশেষ কনিষ্ঠ ভাই, জ্ঞাতি বিঘ্নমান ॥

ভীম বলে, শুন মাতা, করি নিবেদন ।

যতেক তোমার গর্ভে, সব অভাজন ॥

দ্রোপদীর চুলে সেই ধরিল যখন ।

সভাতে প্রতিজ্ঞা করিলাম সেইক্ষণ ॥

কক্রিয়-প্রতিজ্ঞা-ভঙ্গে হয় বড় দোষ ।

তেঁই দুঃশাসনে মারি, পরিহর রোষ ॥

ভাৰ্য্যার শরীর হয় আপন-শরীর ।

শুন মাতা, সেই দুঃখে পিলাম রুধির ॥

অমৃত-সমান রক্ত খাইয়াছি আমি ।

অপরাধ কমা কর, শুন গো জননি ॥

সভাতে প্রতিজ্ঞা পূৰ্বে আছিল আমার ।

সে-কারণে মারি তব শতেক কুমার ॥

ভীমের বচন শুনি পুনঃ বলে দেবী ।

বিষম পুত্রের শোক মনে-মনে ভাবি ॥

শুন ভীমসেন তুমি, আমার বচন ।

পুত্রশোকে আর মোর না রহে জীবন ॥

কুপুত্র সুপুত্র হোক, মায়ের সমান ।

পাসরিতে নাহি পারে মায়ের পন্নান ॥

গাঙ্গারীর এই বাক্য শুনি যুধিষ্ঠির ।

কহেন পুনশ্চ তাঁরে ধাৰ্ম্মিক সুধীর ॥

পুত্র-সব তব মাতঃ, হৈল ছুরাচার ।

আপনার পাপে তারা হইল সংহার ॥

আপনার দোষে সবে মরিল আপনি ।

নিমিত্তের ভাগী মাত্র হইলাম আমি ॥

আপনার কৰ্ম্মদোষে প্রাণী সব মরে ।

বধের নিমিত্তমাত্র অশ্রুজনে করে ॥

কেহ সর্পাঘাতে, কেহ জলেতে ডুবিয়া ।

শার্দূল-ভঞ্জে কেহ, গলে দড়ি দিয়া ॥

আত্মঘাতী হয় কেহ, মরে নানা-পাকে ।

ইহার নিমিত্তভাগী অশ্রু হ'য়ে থাকে ॥

সেইমত অপযশ হইল আমার ।

নিজদোষে শতপুত্র মরিল তোমার ॥

শিশুকালে মৈল পিতা, হৈলু মোরা ছণ্ড ।

কৃপা করি জ্যেষ্ঠতাত দিলা রাজ্যখণ্ড ॥

সুশিক্ষা দিলেন রাজ্যখণ্ড পালিবার ।

শুন গো জননি, সব গোচর তোমার ॥

যদি লোক বিষয়ক করয়ে রোপণ ।

আপনি কাটিলে দোষ কহে মুনিগণ ॥

এ-সব শাস্ত্রের কথা না শুনিল কানে ।

দুৰ্য্যোধন মোরে হিংসা কৈল প্রাণে-প্রাণে ॥

অবশ্য সে-সব কথা শুনিয়াছ তুমি ।

কৌরবে কুযুক্তি যত দিলেক শকুনি ॥

পাশা খেলাইরা মম নিল দেশ-ধন ।

তথাপি সে-সব কথা না করি মনন ॥

প্রতিজ্ঞায় বনবাসে বঞ্চিলাম আমি ।

অবশ্য সে-সব কথা শুনিয়াছ তুমি ॥

তবে পুরোহিতে পাঠাইরা তার স্থানে ।

চাহিলাম নিজরাজ্য সৌজন্য-বিধানে ॥

নাহি দিল রাজ্য, আরো করিল বঞ্চনা ।

সে-কথা শুনিয়া আমি হইলু উন্মদা ॥

চিন্তে করিলাম, ভাই নাহি দিল রাজ্য ।
 ভাই-ভাই-বিসংবাদে নাহি কোন কার্য্য ॥
 ভীমার্জুন মাত্রী-স্বত প্রবোধ না মানে ।
 তবে আমি যুক্তি করি গোবিন্দের সনে ॥
 বিবাদে নাহিক কার্য্য, শুন ভগবান্ ।
 আপনি রাজাকে গিয়া মাগ পঞ্চগ্রাম ॥
 পঞ্চগ্রাম-বিনা আমি কিছু নাহি চাই ।
 লউক সকল রাজ্য দুর্ঘোষন ভাই ॥
 পাঠালাম এইরূপে আমি ভগবানে ।
 সে-কথা তোমার পুত্র না শুনিল কানে ॥
 তবে ভীষ্ম বুঝাইল বিবিধ-প্রকারে ।
 সবে যত বুঝাইল, নাহি কানে ধরে ॥
 বুঝাল নারদ-ঋষি আর ভৃগুরাম ।
 বুঝাল বিদুর কত, নাহিক বিরাম ॥
 এ-সকল বার্তা বলিলেন চক্রপাণি ।
 লোকমুখে সর্ব্বতত্ত্ব শুনেছ আপনি ॥
 যত-যত মহারাজে করি আবাহন ।
 যুদ্ধ-যুক্তি করে নিজে রাজা দুর্ঘোষন ॥
 ভীমার্জুন শুনি তাহা হৈল ভীতমন ।
 অবশেষে অল্পসৈন্য করিল বরণ ॥
 একাদশ-অর্কোহিণী বড়-বড় বীর ।
 লইল তোমার পুত্র সমরে হুধীর ॥
 ভীষ্মদেব জ্যোৎস্নাচার্য্য কর্ণ মহাবলী ।
 সমরে পাণ্ডব-সখা মাত্রে বনমালী ॥
 সপ্ত-অর্কোহিণী সেনা হইল আমার ।
 ভীমার্জুন সংগ্রামের নিল মুখ্য-ভার ॥
 ক্ষত্রিয়-প্রতিজ্ঞা-ধর্ম্ম বিদিত তোমারে ।
 ভীম আচরিল তাহা সংগ্রাম-ভিতরে ॥
 এই কহিলাম আমি আশ্চর্য্য-কথন ।
 দোষ নাহি করি কিছু মোরা পঞ্চজন ॥

তবে যদি এত দুঃখ হইল অন্তরে ।
 শুন গো জননি, অভিশাপ দেহ মোরে ॥
 আমি অভিশাপযোগ্য ক'রেছি অকর্ম্ম ।
 সগোত্র বিনাশ করি হইল অধর্ম্ম ॥
 জ্ঞাতিবধ করি রাজ্যে অভিলাষ বড় ।
 আমাধিক পাপী নাহি, কহিলাম দূঢ় ॥
 নিম্মিত এ-সব কর্ম্ম, শুন গো জননি ।
 ভাল হৈল, মোরে শাপ দেহ গো আপনি ॥
 ভাই মারি রাজ্যদুঃখ চিন্তিলাম মনে ।
 অভিশাপ দেহ মোরে, কি কাজ জীবনে ॥

এত যদি বলিলেন ধর্ম্ম যুধিষ্ঠির ।
 তাহা শুনি গান্ধারীর পুলক-শরীর ॥
 কিছু নাহি বলি দেবী ছাড়িল নিঃশ্বাস ।
 হৃদয়ে রাখিল দেবী না করি প্রকাশ ॥
 পলাইয়া যায় পার্শ্ব গোবিন্দের পাশে ।
 মাত্রীর-তনয় দুই পলাইল ত্রাসে ॥
 গান্ধারী ত্যজিয়া ক্রোধ বলিল বচন ।
 আপন-তনয়-সম পাণ্ডুর নন্দন ॥
 আর ভয় নাহি, শুন পাণ্ডুর কুমার ।
 সেই-কর্ম্ম কর এবে, যে যুক্তি তোমার ॥
 মহাভারতের কথা স্মৃধা হৈতে স্মৃধা ।
 কাশী কহে, পান করি যায় ভবক্ষুধা ॥

৭। কৃত্তীর পুত্র-দর্শন ।

এত-সব কথা যদি গান্ধারী কহিল ।
 গুরুশাপ হৈতে সবে উদ্ধার পাইল ॥
 আশ্রয় দিল গান্ধারী কৃত্তীরে দেখিবারে ।
 প্রণমিয়া পঞ্চভাই যান তথাকারে ॥
 ত্রিকূট সাত্যকি সঙ্গে করেন গমন ।
 আসিয়া বন্দেন সবে মায়ের চরণ ॥

আশীর্বাদ করি কুস্তী করিলেন কোলে ।
পঞ্চভাই তিতিলেক নয়নের জলে ॥
চিরদিনে কুস্তীদেবী দেখি পুত্রমুখ ।
বদনে চুম্বন দিয়া পাসরিল দুখ ॥

হেনকালে বামুদেব দেন দরশন ;
আশীর্বাদ করি রাগী মুছিল বদন ॥
হরিষে বহিছে দুই-নয়নেতে নীর ।
ফুকরি-ফুকরি কান্দে, না হয় সুস্থির ॥
সতত বহিছে তাঁর নয়নের জল ।
বস্ত্রেতে মুছান তাহা ভকতবৎসল ॥
কুস্তীরে প্রবোধ দিয়া কহেন আপনি ।
কি নাগি ক্রন্দন কর, ওগো ঠাকুরাণি ॥
রাজা হবে যুধিষ্ঠির হস্তিনানগরে ।
কৌরব-নন্দন সব গেল যমঘরে ॥
পাণ্ডবের শত্রু আর নাহি কোনজন ।
হৃষ্টচিত্তে থাক তুমি, না কর ক্রন্দন ॥
কহিলাম যত আমি, হইল প্রমাণ ।
শুন-শুন মহাদেবি, যুদ্ধের বিধান ॥
দ্রোণ-ভীষ্ম-কর্ণ-আদি যত কুরুসেনা ।
অৰ্জুনের শরে রণে পড়ে সর্বজন ॥
ভীম মারে গান্ধারীর শতেক নন্দন ।
আর ভয় নাহি মাতা, না কর ক্রন্দন ॥
কহিলাম যত আমি, হইল প্রমাণ ।
ওই দেখ, ধৃতরাষ্ট্র শোকোতে অজ্ঞান ॥
দেখহ, গান্ধারী-দেবী কান্দে পুত্রশোকে ।
দুর্যোধন-নারী দেখ কান্দে অধোমুখে ॥
বিধবা যুবতী দেখ কান্দে শোকানলে ।
পড়িয়া লোটায় ওই দেখ ভূমিতলে ॥
কৌরব-বনিতা যত, গণিতে না পারি ।
আসিরাছে কুরুক্ষেত্রে নানাবেশ ধরি ॥

ঘরের বাহিরে যারা না যায় কখন ।
দেখ, কুরুক্ষেত্রে তারা করয়ে ক্রন্দন ॥
নানা-আভরণ অঙ্গে, আত্মশাখা হাতে ।
কাঁখে স্বর্ণকুন্ত, আসে অনুমুতা হ'তে ॥
বীরবেশ ধরি পতিহীনা কত নারী ।
ওই দেখ, নৃত্য করে হাতে অস্ত্র ধরি ॥
গান করে পতিহীনা নারীগণ কত ।
আপনি চাহিয়া দেখ, নহে অন্তমত ॥
যখন গেলাম আমি হস্তিনানগরে ।
পঞ্চগ্রাম-হেতু ধৃতরাষ্ট্রের গোচরে ॥
মোর আগমন তুমি শুনিয়া শ্রবণে ।
কুপুত্র বলিয়া গালি দিলে পঞ্চজনে ॥
তাহাতে আশ্বাস আমি করিছু তোমারে ।
সে-সব এখন দেখ নয়ন-গোচরে ॥
আর না করিহ ভয়, শুন গো জননি ।
হস্তিনাতে যুধিষ্ঠির হবে নৃপমণি ॥
যাহা কহিলাম মাতা, দেখিলে নয়নে ।
বিবাদ করহ দূর হরষিত-মনে ॥

এত বলি ভুলিলেন শ্রীকৃষ্ণ কুস্তীকে ।
কিন্তু তাঁর মুখ লান পুত্র-কর্ণ-শোকে ॥
একে-একে পুত্রগণে কৈলা নিরীক্ষণ ।
দেখিয়া স্বগণে হৃত ব্যাকুলিত-মন ॥
বাণাঘাত পুত্র-অঙ্গে দেখিলা বিস্তর ।
দেখি হস্ত বুলাইলা অঙ্গের উপর ॥

তবে কুস্তী বলে, শুন দেব-নারায়ণ ।
কোথা অভিমত্যা মোর হুতদ্রো-নন্দন ॥
অৰ্জুনের প্রিয়পুত্র সমরে হৃদীর ।
কোথা অভিমত্যা মোর, কহ যদুবীর ॥
পুত্রবধ করিয়াছ রাজ্যপুরু হ'রে ।
এ-কথা শুনিয়া মোর বিদরয়ে হিঁরে ॥

শুন কৃষ্ণ, এক কথা জিজ্ঞাসি তোমারে ।
 পাণ্ডবের সখা তুমি, বিদিত সংসারে ॥
 তোমার মহিমা বেদ-পুরাণে বাখ্যানে ।
 উৎপত্তি-প্রলয়-স্থিতি তোমার বচনে ॥
 তোমার আজ্ঞায় চন্দ্র-সূর্যের উদয় ।
 তুমি এক, তুমি বহু, ওহে মহাশয় ॥
 নিরীহ নিগুণ তুমি, সবার পর ।
 বিহার-কারণ তুমি ধর কলেবর ॥
 তুমি যন্ত্রী, প্রাণী যন্ত্র, ইথে নাহি আন ।
 জীবের জীবন তুমি, দেব-ভগবান ॥
 এ-সকল কথা শুনিয়াছি ব্যাসমুখে ।
 তবে কেন নারায়ণ, তাড়াহ আমাকে ॥
 প্রধান-পুরুষ তুমি, বিদিত পুরাণে ।
 তবে কেন অভিমন্যু হত হৈল রণে ॥
 প্রাণ মোর বাহিরায় অভিমন্যু-বিনে ।
 হেন বুঝি, ত্যাগ কৈলে আমার নন্দনে ॥
 অভিমন্যু-মরণেতে হইল উন্মাদ ।
 শুন কৃষ্ণ, সেই হয় তোমার ভাগিনা ॥
 তোমার ভাগিনা মরে, আশ্চর্য্য-কথন ।
 সন্দেহ আমার চিত্তে হৈল নারায়ণ ॥

মোহেতে ব্যাকুল কুন্তী দেখিয়া শ্রীহরি ।
 প্রবোধ করেন তাঁরে বোড়হাত করি ॥
 বিষম কৃষ্ণের মায়া কে বুঝিতে পারে ।
 করুণা-সাগর কৃষ্ণ কন ধীরে-ধীরে ॥
 শুন পিসি, হেন কথা না বলিহ আর ।
 বিধিলিপি শুচাইতে নাহি অবিকার ॥
 কর্ণ-অনুরূপ কল লিখিবেন ধাতা ।
 আমি হৈতে সে-সখের না হয় অভাধা ॥
 বাতায়িত করে প্রাণী আপন-কর্ণেতে ।
 কাহার শক্তি, তাহা পারে শুচাইতে ॥

জনম মরণ ভোগ নিজকর্ণে হয় ।
 না ঘুচে অন্তের বাক্যে, এ-কথা নিশ্চয় ॥
 চিরজীবী হয় জীব নিজ-কর্ণফলে ।
 আপনার কর্ণ-কলে মরে অন্নকালে ॥
 কালপ্রাপ্তে মরে প্রাণী, ইথে নাহি আন ।
 সত্যকথা কহিলাম তব বিজ্ঞমান ॥
 পাপেতে না মরে লোক, পুণ্যে নাহি জীয়ে ।
 যশ-অপযশ-মাত্র সংসারে ঘোষয়ে ॥
 প্রবোধ পাইয়া কুন্তী কিছু নাহি বলে ।
 দ্রৌপদী প্রণাম করে আসি হেনকালে ॥
 উত্তরা প্রণাম করে কৃষ্ণের চরণে ।
 অভিমন্যু-শোকে সেই কান্দে রাজদ্বিনে ॥

দ্রৌপদী বলিল, দুঃখ শুন ঠাকুরাণি ।
 দ্রৌণি বধিলেক মম পুত্রের পরাণী ॥
 শয়নে আছিল পুত্র শিবির-ভিতরে ।
 নিশাকালে অশ্বখামা মারিল সবারে ॥
 পরম-সুন্দর মম পুত্র পঞ্চজন ।
 দ্রোণের নন্দন সবে করিল নিধন ॥
 গুরুপুত্র বলি তাঁরে করিলাম কমা ।
 পুত্রশোক জর-জর করিলেক আমা ॥
 মহাবলবন্ত পুত্র মরিল আমার ।
 শুন ঠাকুরাণি, পদে নিবেদি তোমার ॥
 বরং পুত্রশোক মোর নিবারণ হয় ।
 পাসরিতে নারি দুঃশাসনের দুর্গয় ॥
 শল্য-হেন তার বাক্য আছয়ে অন্তরে ।
 সত্যকথা কহিলাম তোমার গোচরে ॥
 মুক্ত ছিল কেশ মোর ঝাঙ্গল-বৎসর ।
 প্রতিজ্ঞা ক'রেছি পূর্বে সভার ভিতর ॥
 দুঃশাসন-রক্ত আনি দিবে ভীষ্মসেন ।
 তবে ত করিব আমি কবরী-বন্ধন ॥

দুঃশাসনে বধি আসিলেন ব্রুকোদর ।
তার রক্ত আনিলেক আমার গোচর ॥
তৈল-সনে রক্ত ঢালি দিল য়োর কেশে ।
আমি ভাবিলাম, যেন যাই স্বর্গবাসে ॥
রুধির পাইয়া আমি আনন্দিত-মন ।
তবে ত করিসু আমি কবরী-বন্ধন ॥
পূর্বকথা कहিলাম, শুন মহাদেবি ।
বহুদিন তব পদযুগল না সেবি ॥
যে-পাপ হইল তাহে, ক্ষম মহারাণী ।
আমি তব পুত্রবধু, তুমি ঠাকুরাণী ॥

হেনমতে সজ্জাষণ করে সর্ব্বজনে ।
গাঙ্গারী চলেন রণভূমে দুঃখমনে ॥
বধুগণ-সঙ্গে দেবী লাগিল কান্দিতে ।
কৃষ্ণসহ পঞ্চভাই চলিল পশ্চাতে ॥
মহারাজ ধৃতরাষ্ট্র করিল গমন ।
সজ্জয় রাজারে ধরি লইল তখন ॥
যুধিষ্ঠির ভীমার্জ্জুন রাজার পশ্চাতে ।
উপনীত হৈল গিয়া সমর-ভূমিতে ॥
মহাভারতের কথা সুধার-সাগর ।
কাশীরাম দাস কহে, পিয়ে সাধু-নর ॥

৮। বুদ্ধহলে গাঙ্গারী প্রভৃতি স্ত্রীগণের
গমন ও স্ব-স্ব-পতি-পুত্রের
বৃত্তদেহ-দর্শনে খেদ ।

মহাভয় উপজিল দেখি রণস্থল ।
শকুনি-গৃধিনী-শিবা করে কোলাহল ॥
হাতে মুণ্ড করি নাচে যত ভূতগণ ।
কুহুর করিছে মাংস-শোণিত ভক্ষণ ॥
রক্তের কর্দমে শীত্ৰ চলিতে না পারে ।
শোকাকুল নারীগণ যার ধীরে-ধীরে ॥

কেহ-কেহ নাহি পেয়ে পতি-দরশন ।
ভূতলে পড়িয়া তারা করয়ে ক্রন্দন ॥
আভরণ ফেলে কেহ শোকাকুল হ'য়ে ।
পতি-অশ্বেষণে কেহ ভ্রময়ে ধাইয়ে ॥
ভ্রময়ে সমরস্থলে যত কুরুনারী ।
শিবা-স্বান-পক্ষিগণে ভয় নাহি করি ॥
অনেক-যতনে কেহ নিজপতি পায় ।
স্বন্ধে মুণ্ড যোড়া দিতে মহাব্যাগ্র হয় ॥
দুইহস্তে কেহ ধরে পতির চরণ ।
বিলপয়ে মুখে মুখ করিয়া মিলন ॥
পাসরিলে পূর্বকার প্রেমরস যত ।
হাস্ত-পরিহাস, তাহা স্মরাইব কত ॥
সমর করিতে গেলে কেমন কুক্ষণে ।
পুনঃ না হইল দেখা অভাগিনী-সনে ॥
হেনমতে পতি ল'য়ে যতক স্মন্দরী ।
বিলাপ করয়ে সবে নানামত করি ॥
পতিশোকে বধুগণ কান্দে উচ্চৈঃস্বরে ।
তা' দেখি গাঙ্গারী প্রাণ ধরিতে না পারে ॥
রণভূমি দেখি দেবী অতি ভয়ঙ্কর ।
কপালে কঙ্কণ নারি কান্দিল বিস্তর ॥
হেন কেহ নাহি তথা প্রবোধ অপিতে ।
সবে শোকে অচেতন পড়িয়া ভূমিতে ॥
কে কোথা পড়িয়া আছে, নাহিক উদ্দেশ ।
রণভূমি দেখি দেবে লাগে ভয়াবেশ ॥
শবের উপরে শব, লেখা নাহি তার ।
দেখিয়া গাঙ্গারী চিত্তে ভাবে চমৎকার ॥
পড়িয়াছে গজ-বাজি রথ বহুতর ।
নানা-অলঙ্কার বস্ত্র অস্ত্র মনোহর ॥
মাখার মুকুট পড়িয়াছে রণভূমে ।
মকর-কুণ্ডল, পড়িয়াছে নানাক্ষেপে ॥

ধ্বজচ্ছত্র-আদি পড়িয়াছে রণস্থলী ।
 ডাকিনী-যোগিনীগণ করে নানা-কেলি ॥
 স্বামী পুত্র পৌত্র আর বন্ধু সহোদর ।
 পড়িয়া আছয়ে যত মৃত-কলেবর ॥
 দুর্ঘোষধন-অশ্বেষণে ভ্রময়ে গাঙ্কারী ।
 কতদূরে দেখে হত কুরু-অধিকারী ॥
 ধূল্য পড়িয়া আছে রাজা দুর্ঘোষধন ।
 গাঙ্কারী দেখিল সঙ্গে ল'য়ে বধুগণ ॥
 পুত্র-দরশনে দেবী মুচ্ছিতা হইল ।
 গাঙ্কারী মরিল বলি সকলে ভাবিল ॥
 পঞ্চ-পাণ্ডবেতে তাঁরে তুলিয়া ধরিল ।
 শ্রীকৃষ্ণ-সাত্যকি-আদি বহু প্রবোধিল ॥
 গাঙ্কার-তনয়া তবে সংবিৎ পাইয়া ।
 কৃষ্ণে চাহি বলে দেবী শোকাকুল হৈয়া ॥
 দেখে কৃষ্ণ, পড়িয়াছে রাজা দুর্ঘোষধন ।
 সঙ্গতে নাহিক কেন কর্ণ-দুঃশাসন ॥
 শকুনিরে সঙ্গে কেন না দেখি রাজার ।
 কোথা ভীষ্ম-মহাশয় শাস্ত্র-কুমার ॥
 কোথা দ্রোণাচার্য্য, কোথা কৃপ-মহাশয় ।
 একাকী পড়িয়া কেন আমার তনয় ॥
 কোথা সে কুণ্ডল, কোথা মণি-যুক্তাশ্রজ ।
 কোথা গেল হস্তী বোড়া, কোথা রথধ্বজ ॥
 একাদশ-অকৌহিণী যার সঙ্গে যায় ।
 হেন রাজা দুর্ঘোষধন ধূল্য লোটিয় ॥
 সুবর্ণের খাটে যার সতত শয়ন ।
 হেন তমু ধূলি'-পরে কেন নায়ায়ণ ॥
 জাতী যুধী পুষ্প আর চাঁপা-নাগেশ্বর ।
 বহুল-মালতী আর মল্লিকা সুন্দর ॥
 এ-সকল পুষ্পে পুত্র থাকিত শুভ্রা ।
 হেন তমু ঘেটে কুণ্ডল, দেখে আছয়িয়া ॥

অগুরু-চন্দন-গন্ধ কুসুম-কলুরী ।
 লেপন করিত সলা অঙ্গের উপরি ॥
 শোণিতে সে-তমু আজি হইল শোভন ।
 আহা মরি, কোথা গেল বাছা দুর্ঘোষধন ॥
 তাজহ আলস্য, কেন না দেহ উত্তর ।
 যুদ্ধহেতু দেখে তোমা ডাকে বৃকোদর ॥
 উঠ পুত্র, ত্যজ নিদ্রা, গদা লহ হাতে ।
 গদাযুদ্ধ কর গিয়া ভীমের সহিতে ॥
 কৃষ্ণার্জুন ডাকে তোমা যুদ্ধের কারণ ।
 প্রত্যাভর কেন নাহি দেহ দুর্ঘোষধন ॥
 গাঙ্কারী এতেক বলি হৈল অচেতন ।

প্রিয়ভাসে কৃষ্ণচন্দ্র করেন সাস্থনা ॥
 শোক না করিহ আর, শুন কুরুরাগি ।
 সকলি দৈবের ক্রিয়া, জানহ আপনি ॥
 দৈবের অধীন দেখে সকল সংসার ।
 অন্যের নাহিক তাহে কোন অধিকার ॥
 দেব-দ্বিজ-গুরু-নিন্দা এ-সব কুকর্ম ।
 বেদ বুঝাইল ইহা, না করিলে ধর্ম ॥
 দুষ্কর্ম দুঃসঙ্গ ত্যজি থাকিলে সুপথে ।
 ইহ সুখভোগী, অস্তে যায় সে স্বর্গগতে ॥
 না জানি কুকর্ম করে যেই মূঢ়জন ।
 পরিণামে দুঃখ পায়, বেদের বচন ॥
 অহঙ্কারে পাপকর্ম করে নিরন্তর ।
 অবশেষে কর্ম তার হয় ত দুষ্কর ॥
 না শুনে মুজনবাক্য, মন্ত অহঙ্কারে ।
 অবশেষে সেইজন যায় ছারেখারে ॥
 কিন্তু এ-সকল ঘটে নিজ-কর্মগুণে ।
 শোক দূর কর দেবি, কাল অকারণে ॥
 শুভাশুভ কর্ম যত, বিধির ঘটন ।
 ভোগ-বিনা কীট নহে, শূন্যস্থান নহে ॥

কালে আসি জন্মে প্রাণী, কালেতেই মরে ।
 কালবশ এইসব, জানাই তোমারে ॥
 বিচার করিয়া দেখ, শুন নৃপ-নারী ।
 অজ্ঞলোক র্থা-শোক করে না বিচারি ॥
 না কর রোদন তুমি, শুন নৃপ-জায়া ।
 বুঝিতে না পারে কেহ বিধাতার মায়া ॥
 কাশীরাম দাসের সদাই এই মন ।
 নিরবধি রচে মহাভারত-কথন ॥

—

২। যুত-পতি-পুত্রাদি-দর্শনে গান্ধারী প্রভৃতি
 স্ত্রীগণের বিলাপ ও ক্লেশের
 প্রতি গান্ধারীর
 অহুযোগ ।

শ্রীজনমেজয় বলে, শুন মহামুনি ।
 কিবা কল্প করিল গান্ধারী, কহ শুনি ॥
 কেমনে ধরিল প্রাণ শতপুত্র-শোকে ।
 ক্রোধ করি কোন্ কথা কহিল কৃষ্ণকে ॥
 পূর্ণব্রহ্ম-অবতার দেব-নারায়ণ ।
 জানিয়া শাপিল দেবী কিসের কারণ ॥
 এই ত আশ্চর্য্য অতি মম মনে লয় ।
 বিস্তারিয়া এই কথা কহ মহাশয় ॥

কহেন বৈশম্পায়ন, শুনহ রাজন্ ।
 একচিত্ত হ'য়ে শুন ভারত-কথন ॥
 কৃষ্ণের প্রবোধ-বাক্য মনেতে বুঝিয়া ।
 উঠিয়া বসিল দেবী চেতনা পাইয়া ॥
 কহে কিছু কৃষ্ণকে গান্ধারী পতিব্রতা ।
 বিচিত্রবীর্ঘ্যের বধু রাজার বনিতা ॥

দেখ কৃষ্ণ, একশত পুত্র মহাবল ।
 অধিক পুত্র হইলেও তুমি সন্তুষ্ট ॥

দেখ কৃষ্ণ, বধুগণ কান্দে উচ্চৈঃস্বরে ।
 দেখিতে না পায় কছু চন্দ্র-সূর্য্য যারে ॥
 শিরীষ-কুহুম জিনি হুকোমল-তনু ।
 দেখিয়া যাদের রূপ রথ রাখে তানু ॥
 হেন সব বধুগণ দেখ কুরুক্ষেত্রে ।
 ছিন্নকেশ মত্তবেশ দেখ তুমি নেত্রে ॥
 ওই দেখ, নৃত্য করে পতিহীনা বধু ।
 অতি-সুশোভন মুখ অকলঙ্ক-বিধু ॥
 ওই দেখ, গান করে নারী পতিহীনা ।
 কণ্ঠশব্দ শুনি যেন নারদের বীণা ॥
 পতিহীনা কত নারী বীরবেশ ধরি ।
 ওই দেখ, নৃত্য করে হাতে অস্ত্র করি ॥
 সহিতে না পারি শোক, শাস্ত নহে মন ।
 আমা ত্যজি কোথা গেল পুত্র দুর্ঘ্যোধন ॥
 ওহে কৃষ্ণ, দেখ মোর পুত্রের অবস্থা ।
 যাহার মস্তকে ছিল স্বর্ণের ছাতা ॥
 নানা-আভরণে যার তনু সুশোভন ।
 সে-তনু ধূলায় লুটে, দেখ নারায়ণ ॥
 সহজে কাতর বড় যায়ের পরাণ ।
 সুপুত্র কুপুত্র তার একই সমান ॥
 এককালে এত শোক সহিতে না পারি ।
 বুঝাবে কিরূপে মোরে, বলহ মুরারি ॥
 পুত্রশোক শেল-সম বাজিছে হৃদয়ে ।
 দেখাবার হ'লে দেখাতাম মহাশয়ে ॥
 সংসারের মধ্যে শোক আছেয়ে যতেক ।
 পুত্রশোক-ভুল্য শোক নহে তার এক ॥
 গর্ভধারী হ'ল্লস-যেই ক'রেছে পাকন ।
 সেই সে বুঝিতে পারে পুত্রের বেদন ॥
 এ-শোক সহিলে কেবা আছেয়ে সংসারে ।
 বিবরিয়া পুত্রশোক কহে প্রজ্ঞা-বৈদ্য ॥

সহিতে না পারি আমি হৃদয়ের তাপ ।
 ভাবিতে-ভাবিতে উঠে মহা-মনস্তাপ ॥
 মহাবলবন্ত মোর শতেক নন্দন ।
 কি বলি বুঝাবে মোরে, বল নারায়ণ ॥
 মহারাজ দুর্ঘোষন লোটায়ে ফুতলে ।
 চরণ পূজিত যার নৃপতি-মণ্ডলে ॥
 ময়ূরের পাখা যারে করিত ব্যজন ।
 কুকুর-শৃগাল তারে করয়ে ভক্ষণ ॥
 দেখিতে না পারি আমি এ-সব যন্ত্রণা ।
 শকুনি দিলেক যুক্তি খাইয়া আপনা ॥
 যাত্রাকালে পুত্র মোর জিজ্ঞাসে আশায় ।
 যে-কথা कहিনু, তাহা শুন মহাশয় ॥
 যথা ধর্ম, তথা কৃষ্ণ, জয় সেইখানে ।
 এই কথা कहিলাম আমি দুর্ঘোষনে ॥
 না শুনিল মোর বাক্য করি অনাদর ।
 রাখিল ক্রিয়-ধর্ম করিয়া সমর ॥
 কাতর না হৈল রণে আমার নন্দন ।
 সমর করিয়া সবে ত্যজিল জীবন ॥
 ক্রিয়ের ধর্ম হৃত্যু সম্মুখ-সংগ্রামে ।
 তাহাতে না ভাবি ছুঃখ-খেদ কোনক্রমে ॥
 হৃদয়ে রহিল কিন্তু বড় এক ব্যথা ।
 সংগ্রামে আসিল দুর্ঘোষনের বনিতা ॥
 এই ছুঃখ নারায়ণ, না পারি সহিতে ।
 ওই দেখ বধুগণ আত্মশাখা-হাতে ॥
 অতএব ব্যথা বড় পাইয়াছি আমি ।
 আর এক নিবেদন শুন অন্তর্যামি ॥
 দুর্ঘোষন না মানিল হিত-উপদেশ ।
 তাহার উচিত ফল পাইল বিশেষ ॥
 শকুনি আমার ভাই বড় ছুরাচার ।
 তার বুকে হৈল মোর বংশের সমহার ॥
 ৩৭

একশত পুত্র মৈল, নাহিক সম্ভতি ।
 রক্তকালে নৃপতির কিবা হবে গতি ॥
 পাণ্ডুর নন্দন রাজ্য লবে আপনার ।
 পুত্র নাহি, কেবা আর যোগাবে আহার ॥
 জলাঞ্জলি দিতে কেহ নাহি পিড়গণে ।
 এ-হেতু ক্রন্দন করি ছুঃখে রাত্রিদিনে ॥
 গান্ধারী এতেক বলি হৈল অচেতনা ।
 করুণাসাগর কৃষ্ণ করেন সান্ধনা ॥
 কৌরব-বনিতা কান্দে পতি-পুত্রশোকে ।
 তা' দেখি পাণ্ডবগণ রহে অধোমুখে ॥
 যুতপতি কোলে করি করয়ে বিলাপ ।
 যুধিষ্ঠির-নৃপতির বাড়ে মনস্তাপ ॥
 এহেন সময়ে আসি দ্রৌপদী-হৃন্দরী ।
 পুত্রশোকে কান্দে শিরে করাঘাত করি ॥
 বিরাট-নন্দিনী কান্দে, শোকে অচেতনা ।
 তাহা দেখি হইলেন অর্জুন বিমনা ॥
 উত্তরা ধরিয়া অভিমুখ্যর চরণ ।
 লাজ-ভয় ত্যাগ করি ফুড়িল ক্রন্দন ॥
 উত্তরা বলিল, মোরে বিধি প্রতিকূল ।
 হেনজন মরে, যার গোবিন্দ মাতুল ॥
 ধনঞ্জয় পিতা যার, হেনজন মরে ।
 এ বড় দারুণ শোক রহিল অন্তরে ॥
 মোহেতে আকুল বড় রাজা যুধিষ্ঠির ।
 বিলাপিয়া ভূমিতলে পড়ে ভীমবীর ॥
 শোকেতে অর্জুনবীর করেন রোদন ।
 বিলাপ করয়ে ছুই মাদ্রীর নন্দন ॥
 কুন্তী-যাজ্ঞসেনী দৌহে শোকে অচেতনা ।
 মহাশোকসিদ্ধ-মাঝে পড়ে সর্বজননা ॥
 কুকারিয়া কুন্তীদেবী না পারে কান্দিতে ।
 অন্তর হইল নৃপ কর্ণের শৌকেতে ॥

শোকেতে উত্তরা কান্দি যায় গড়াগড়ি ।

ওহে প্রাণনাথ, কোথা গেলে আমা ছাড়ি ॥

গোবিন্দ মাতুল তব, পিতা ধনঞ্জয় ।

আহা মরি, কোথা গেলে অর্জুন-তনয় ॥

মরিব তোমার সঙ্গে, ইথে নাহি আন ।

তোমার বিহনে মোর না রবে পরাণ ॥

অশ্বির পাণ্ডবগণে দেখি নারায়ণ ।

শাস্ত করিলেন কহি মধুর-বচন ॥

কুরুক্ষেত্রে উঠে ক্রন্দনের কোলাহল ।

অশ্রুতে প্লাবিত হৈল সংগ্রামের স্থল ॥

না হয় শোকের অন্ত, পুনঃপুনঃ বাড়ে ।

হা নাথ বলিয়া পতিহীনা ডাক ছাড়ে ॥

গাঙ্গারী পড়িয়া আছে অচেতনা শোকে ।

দুর্যোধন-বিনা অন্ম-শব্দ নাহি মুখে ॥

কি বলিব, ওহে কৃষ্ণ মুকুন্দ-মুরারি ।

আজি হৈতে শূন্য হৈল হস্তিনানগরী ॥

না ধরিল মোর বাক্য রাজা দুর্যোধন ।

তাহার কারণে শতপুত্রের নিধন ॥

শাস্তনু-তনয় কত বুঝাইল নীত ।

দ্রোণ কত বুঝাইল শাস্ত্রের বিহিত ॥

বিদুর কহিল কত বিবিধ-প্রকারে ।

না শুনিল কদাচিৎ মহা-অহঙ্কারে ॥

না শুনিল কারো কথা, কৈল যুদ্ধ-পণ ।

সকল-জীবের গতি তুমি নারায়ণ ॥

শুনেনি সকল আমি সঞ্জয়ের মুখে ।

আর কত অনুযোগ করিব তোমাকে ॥

প্রবোধিলে তুমি হরি, কৰ্মভোগ বলি ।

ইহার সিদ্ধাস্ত নাহি, শুন বনমালি ॥

কহিতে-কহিতে ক্রোধ হৈল অতিশয় ।

পুনরপি শোক ত্যজি গোবিন্দে কয় ॥

ওহে কৃষ্ণ জনার্দন দৈবকী-কুমার ।

তোমা হৈতে হৈল মোর বংশের সংহার ॥

অনর্থের মূল তুমি দেব-নারায়ণ ।

কৰ্মভোগ বলি কর দোষ-বিদূরণ ॥

তোমাতে সংহার হয়, মিলন তোমাতে ।

জীবের কর্তৃত্ব আর রহে কোথা হৈতে ॥

সকলি তোমার মায়া, তুমিই প্রধান ।

গুণ-দোষ ধর্মাদর্শ তুমি ভগবান্ ॥

ধাকিয়া প্রাণীর ঘটে যা' বলাও যারে ।

দেই-কর্ম করে প্রাণী, দুঃ কেন তারে ॥

অসাধুর মনে কোথা ধর্মের বাসনা ।

সাধু-ব্যক্তি তব পদ করয়ে ভাংনা ॥

সাধুমত প্রশংসা করয়ে চক্রপাণি ।

সংসারে যতেক দেখি, তার মূল তুমি ॥

অতএব কহি দেব, কর অবধান ।

কৈরবে পাণ্ডব-সহ করালে সংগ্রাম ॥

ভেদ জন্মাইলে তুমি, ওহে রম্যপতি ।

না পারি কহিতে কৃষ্ণ, তোমার প্রকৃতি ॥

কৈরব-পাণ্ডব তব উভয় সমান ।

তাহে ভেদযুক্তি নহে, শুন ভগবান্ ॥

ধর্ম-আত্মা যুধিষ্ঠির কিছু নাহি জানে ।

সংগ্রামে প্রবৃত্ত ধর্ম তোমার বচনে ॥

হিংসার নাহিক লেশ ধর্মের শরীরে ।

ভেদ জন্মাইলে তুমি কহিয়া তাঁহারে ॥

যদি বিসংবাদ হৈল ভাই দুইজনে ।

তোমার কর্তব্য ছিল নাহি থাকার গণে ॥

তারে বন্ধু বলি, যেই করায় সমতা ।

তুমি কিন্তু শিখাইলে বিবাদের কথা ॥

কহিতে তোমার কথা দুঃখ উঠে মনে ।

সমান-সম্বন্ধ তব কুরু-পাণ্ড-সনে ॥

বরণ করিতে তোমা গেল দুর্ঘ্যোধন ।
 পালকে আছিলে ভূমি করিয়া শয়ন ॥
 জাগিয়া আছিলে ভূমি, দেখি দুর্ঘ্যোধনে ।
 কপটে মুদিয়া আঁখি নিদ্রা গেলে কেনে ॥
 পশ্চাতে অর্জুন আসে সে-কথা শুনিয়া ।
 উঠিয়া বসিলে মায়া নিদ্রা তেয়াগিয়া ॥
 ছলিতে অর্জুন-বাক্য শুনিলে প্রথমে ।
 নারায়ণী-সেনা দিলে আমার নন্দনে ॥
 সারথি হইলে ভূমি অর্জুনের রথে ।
 সমান-সম্বন্ধ আর রহিল কিমতে ॥
 তাহে এক যুক্তি ছিল, শুন যতুপতি ।
 সৈন্য নাহি দিতে যদি, না হুতে সারথি ॥
 তবে সে হইত ব্যক্ত সমান-সম্বন্ধ ।
 তা সমুচিত ইহা নহে কৃষ্ণসুন্দ ॥
 তার পর এক কথা শুনহ অচ্যুত ।
 করিলে দারুণ কৰ্ম্ম, শুনিতে অদৃত ॥
 নধ্যস্থ হইয়া যবে গিয়াছিলে ভূমি ।
 চাহিলে যে পঞ্চগ্রাম, প্রস্তুত আছি আমি ॥
 না দিলেক পুত্র মোর কি ভাবিয়া মনে ।
 আদিয়া কহিলে ভূমি পাণ্ডুর নন্দনে ॥
 নদাচারী ধর্ম্ম, রাজ্যলিপ্সা নাহি মনে ।
 তাহে ভূমি ভেদ করি কহিলে বচনে ॥
 আপনি করিলে ভেদ কোঁরব-পাণ্ডবে ।
 নহিলে প্রস্তুত হৈল রণে কেন তবে ॥
 সেকালে আপন-গৃহে বেতে যদি ভূমি ।
 সম্মুখে বলি তবে জানিতাম আমি ॥
 যুদ্ধ-যুক্তি দিলে ভূমি পাণ্ডুর কুমারে ।
 প্রবঞ্চনা করি কৃষ্ণ, ভাণ্ডালে আমারে ॥
 জানিলাম ভূমি সব-অনর্থের মূল ।
 করিলে বিনাশ ভূমি যত কুরুকূল ॥

কহিতে তোমার কৰ্ম্ম বিদরিছে প্রাণ ।
 তবে কেন বল ভূমি উভয় সমান ॥
 শুনিয়াছি আমি সব সঞ্জয়ের মুখে ।
 না কহিলে শ্রুশ্য নহি, জানাই তোমাকে ॥
 কি কহিতে পারি আমি তোমার সম্বন্ধ ।
 উচিত কহিলে পাছে মনে ভাব দুখ ॥
 দুঃখ-সুখ কহিবেক সবাকার স্থান ।
 আর কিছু কহি, তাহা শুন ভগবান ॥
 অনাদি-পুরুষ ভূমি, দেব-ভগবান ।
 বিশ্বেশ্বর হও ভূমি, পুরুষ প্রধান ॥
 সবাকার মূল ভূমি দেব-জগন্নাথ ।
 সহজে অবলা আমি, কি কব সাফাৎ ॥
 আছিল কর্ণের শক্তি অর্জুন-নিধনে ।
 তাহা দিয়া বিনাশিলে ভীমের নন্দনে ॥
 যুধিষ্ঠির-সহ যুক্তি করি যতুপতি ।
 যুদ্ধোত্তে প্রস্তুত করাইলে ভূমি রাতি ॥
 ভীমসুত ঘটোৎকচ মায়াযুক্ত কৈল ।
 ক্রোধে কর্ণ সেই-অস্ত্র তাহারে মারিল ॥
 ওহে কৃষ্ণ, এ-সকল তোমার মন্ত্রণা ।
 কৰ্ম্ম সর্বমূল বলি প্রবোধিলা আমি ॥
 তোমার যতেক কৰ্ম্ম, না পারি কহিতে ।
 কুরু-পাণ্ডু সম বলি বলহ সভাতে ॥
 চক্রব্যূহ বিচরিল দ্রোণ মহাবল ।
 চক্রব্যূহ-যুদ্ধ জানে অর্জুন কেবল ॥
 আর কেহ নাহি জানে পাণ্ডব-সভাতে ।
 অভিমুখ্য শুনেছিল থাকিয়া গর্ভেতে ॥
 নিগম শুনিতে নাহি পাইল তখন ।
 নিদ্রায় জননী তার ছিল অচেতন ॥
 ভারতে হরির লীলা বুঝা বড় ভার ।
 কাশী কহে, কৃষ্ণপদ একমাত্র সার ॥

১০। জয়দ্রথ-বধোপাখ্যান ও ত্রিককের প্রতি
গান্ধারীর অভিশাপ।

জিজ্ঞাসেন জন্মেজয় মুনির গোচরে।
বিস্তারিয়া সেই-কথা কহিবে আমারে ॥
প্রবেশ জানয়ে বীর, না জানে নিগমি।
শুনিতে আশ্চর্য্য বড়, কহ তপোধন ॥

মুনি বলে, সেই-কথা কহিতে বিস্তর।
সংক্ষেপে কহিব কিছু, শুন নৃপবর ॥
গান্ধারী কহিল যেই-কথা কৃষ্ণ-প্রতি।
সেই-কথা কহি রাজা, কর অবগতি ॥
একদিন নিজগৃহে স্ত্রভদ্রা-সম্মুখী।
পার্শ্বের অগ্রেতে কহে করঘোড় করি ॥
চক্রবৃহ-কথা কহ, কি তাহার ক্রম।
কেমনে প্রবেশ হয়, কিমতে নিগমি ॥

পার্শ্ব কহিলেন, দেবি, শুন সাবধানে।
গর্ভেতে থাকিয়া তাহা অভিমন্যু শুনে ॥
কহেন প্রবেশ-কথা স্ত্রভদ্রা-গোচরে।
হেনকালে নিদ্রা আসি ধরিল তাহারে ॥
দৈবের নির্বন্ধ কছু না যায় খণ্ডনে।
না শুনিল শেষ-কথা নিদ্রা-আকর্ষণে ॥
অর্জুন-নন্দন বীর মহাপরাক্রম।
জননীর দোষে নাহি শুনিল নিগমি ॥

চক্রবৃহ দ্রোণাচার্য্য করিল রচনা।
শুনিয়া পাণ্ডবগণ হইল উন্মনা ॥
নারায়ণী-সেনাসহ যুগ্মে ধনঞ্জয়।
বিত্রাম মুহূর্ত্তমাত্রে কদাচ না পায় ॥
শুনি ছুঃখী হইলেন ধর্ম্ম-নৃপমণি।
এ-বার সঙ্কটে রক্ষা কর চক্রপাণি ॥

অভিমন্যু বলে কথা করি ঘোড়হাত।
কোন্ হেতু চিন্তাকুল দেখি জ্যেষ্ঠভাত ॥

যখন ছিলাম আমি মায়ের গর্ভেতে।
শুনেছি প্রবেশ-কথা পিতার মুখেতে ॥

এত শুনি ধর্ম্ম হইলেন জটমন।
আলিঙ্গন দিয়া দেন বদনে চুষন ॥
ভীম বলে, যদি পার প্রবেশ করিতে।
কদাচিৎ নাহি পার নিগমি হইতে ॥
তবে ত উপায় আমি করিব পশ্চাতে।
ভাগ্যিব সকল-বৃহ গদার আঘাতে ॥

এত বলি সান্ধাইল ভীম মহাবীর।
চলিল স্ত্রভদ্রাস্ত প্রফুল্ল-শরীর ॥
ব্যুহেতে প্রবেশ করে অর্জুন-কুমার।
একরথে জয়দ্রথ আবরিল দ্বার ॥
পাণ্ডবের সৈন্য নাহি পারে প্রবেশিতে।
অভিমন্যু মহারণ করে সাহসেতে ॥
বিক্রমে বিশাল বীর মহাধনুর্ধর।
সপ্তরথী বিদ্ধি তারে করে জরজর ॥
মহা-আশ্বালন করি ছাড়ে সিংহনাদ।
শুনিয়া কৌরবগণ গগিল প্রমাদ ॥
মহাবল ধরে বীর স্ত্রভদ্রা-কুমার।
দেখিয়া হইল ভয় অন্তরে সবার ॥
রূপাচার্য্য দ্রোণাচার্য্য গুরুর নন্দন।
জয়দ্রথ কর্ণবীর রাজা দুর্ব্বোধন ॥
ব্যুহমধ্যে ছয়জন ছিল দ্বারে-দ্বারে।
বিদ্ধিয়া জর্জর কৈল স্ত্রভদ্রা-কুমারে ॥
কাহারো কাটিল চক্র, কাহারো সারথি।
কাহারো কাটিল অশ্ব, কাহারো পদাতি ॥
কাহারো কাটিল ধনু, কাহারো কবচ।
এইমত যুদ্ধ করে স্ত্রভদ্রা-অঙ্গজ ॥
হইল বিকৃত-কৃত সবার শরীর।
ভেদিয়া কবচ অঙ্গে বহিছে রুধির ॥

ধনঞ্জয় পিতা যার, মাতুল মাধব ।
 একে-একে সবাকারে কৈল পরাভব ॥
 আকাশে প্রশংসা করে যত দেবগণ ।
 ধন্য-ধন্য মহাবীর হুভদ্রা-নন্দন ॥
 এইরূপে মহাবীর করে মহামার ।
 নির্গম হইতে বীর নাহি পায় দ্বার ॥
 জ্যেষ্ঠতাত জ্যেষ্ঠতাত বলি করে শব্দ ।
 শুনিয়া বায়ুর স্রুত হৈল মহাস্তব ॥

পরাক্রম করি বীর গদা ল'য়ে যায় ।
 হেনকালে জয়দ্রথে দেখিবারে পায় ॥
 যমের সমান বীর, হাতে ধনুঃশর ।
 দ্বার রুদ্ধ করি আছে রথের উপর ॥
 শমন-সমান তারে দেখি বৃকোদর ।
 হাত হৈতে গদা খসি পড়িল সত্তর ॥
 দুর্বল হইল বীর, অঙ্গে হৈল ছর ।
 মুখেতে নাহিক বাক্য, ভয়েতে কাতর ॥
 না পারে সহিতে বীর, দৈবের ঘটন ।
 আছয়ে শিবের আঙ্কা, কে করে লঙ্ঘন ॥

হেথায় হুভদ্রা-স্রুত পথ না পাইল ।
 ভয়েতে আবৃত বীর ফাঁকর হইল ॥
 জ্যোৎস্নাচার্য ডাকি বলে, কি দেখহ আর ।
 মহাযুদ্ধ করে বীর হুভদ্রা-কুমার ॥
 সহজে বালক বটে, মহাতেজ ধরে ।
 বুঝি, প্রায় সবাকারে দেয় যমঘরে ॥
 কোমল-শরীর বীর সহজ-সুন্দর ।
 সদা স্নেহ যার প্রতি করে দামোদর ॥
 না করে কাহারে ভয়, প্রকাশ-শরীর ।
 ইহার অগ্রেতে কোন্ জন হবে স্থির ॥

শুনিয়া গুরুর বাক্য সবে স্থলে কোপে ।
 অরুণ-সদৃশ বাণ বলাইল চাপে ॥

মুঘল মুদগর শেল পরিষ তোমর ।
 আঘাত-জ্বাৰণে যেন বর্ষে জলধর ॥
 এইমত সপ্তরথী বর্ষে শরজাল ।
 অভিমন্যু-ভাগ্যে ঘটে বিধম জঙ্ঘাল ॥
 যেইদিকে যায় বীর, সেইদিকে শর ।
 একাকী সমরে শিশু হইল ফাঁকর ॥
 কংচ ভেদিয়া পড়ে রুথিরের ধার ।
 রক্ষা কর জগন্নাথ, বলে বার-বার ॥
 অনাথের নাথ তুমি বিপদ-ভঞ্জন ।
 তোমা-বিনা ত্রাণকর্তা নাহি কোনজন ॥
 দেবের দেবতা তুমি, অখিলের পতি ।
 কৃপা করি হৈলে তুমি পিতার সারথি ॥
 এই বড় দুঃখ মনে রহিল আমার ।
 পুনরপি না দেখিছু চরণ তোমার ॥
 না দেখিছু জ্যেষ্ঠতাতে, পিতার বদন ।
 আর নাহি দেখিলাম মাতার চরণ ॥

এত বলি পুনরপি ল'য়ে শরাসন ।
 করিল দারুণ-যুদ্ধ ঘোর-দরশন ॥
 সপ্তরথী এককালে বরিষয়ে শর ।
 একাকী সমরে শিশু হইল ফাঁকর ॥
 আলুথালু কেশপাশ, রথেতে পড়িল ।
 গোবিন্দ-গোবিন্দ বলি শরীর ত্যজিল ॥
 সাধু-সাধু বলি প্রশংসিল দেবগণ ।
 ধন্য-ধন্য মহাবীর হুভদ্রা-নন্দন ॥

চক্রব্যূহে অভিমন্যু হইল সংহার ।
 শুনিয়া পাণ্ডবগণ করে হাহাকার ॥
 অর্জুন সংবাদ পেয়ে দুতের মুখেতে ।
 পড়িলেন বুচ্ছাঁপার হইয়া রথেতে ॥
 শোকেতে গোবিন্দ অতি-নিরানন্দ-মন ।
 কহেন চেতন পেয়ে কুন্তীর নন্দন ॥

অভিমন্ত্য মহাবীর আমার নন্দন ।
 হেন মহাবীরে বধিলেক কোন্ জন ॥
 দূত বলে, মহাশয়, করি নিবেদন ।
 তব পুত্রে জয়দ্রথ করিল নিধন ॥
 অর্জুন বলেন, পাণী এ-কর্ম করিল ।
 অস্ত্রায় করিয়া মম পুত্রে মারিল ॥
 কালি তারে বিনাশিব, করিলাম পণ ।
 অবশ্য পাঠাব তারে শমন-সদন ॥
 শুন কৃষ্ণ, নিবেদন চরণে তোমার ।
 কল্য দিবামধ্যে তারে করিব সংহার ॥
 জয়দ্রথে বিনাশিব থাকিতে ভাস্কর ।
 না ধরিব রাত্রি হৈলে আর ধনুঃশর ॥
 তাহারে না বধি যদি অন্ত যায় ভানু ।
 অগ্নিতে পোড়াব তবে আপনার তনু ॥
 করিয়া প্রতিজ্ঞা এই আসিলেন রণে ।
 দ্রোণাচার্য্য জয়দ্রথে রাখিল গোপনে ॥
 বায়ুর শক্তি নাহি, দেখে জয়দ্রথে ।
 করেন বীরত্ব হেথা পার্শ্ব নানামতে ॥
 তৃতীয়-প্রহর বেলা করেন সংগ্রাম ।
 তথাপি না হয় জয়দ্রথের সন্ধান ॥
 চারি-দশ বেলা আছে, হবে শেষ দিন ।
 ভাবিয়া অর্জুনবীর হইলেন ক্ষীণ ॥
 তুমি কৃষ্ণ পরামর্শ কৈলে সেইকালে ।
 জয়দ্রথ-বধ-হেতু চক্র আরোপিলে ॥
 তাহাতে সূর্যের তেজ হৈল আচ্ছাদন ।
 সন্ধ্যাকাল হৈল, হেন মানে সর্বজন ॥
 পার্শ্ব দেখিলেন, হৈল দিবা অবসান ।
 স্তুমিতে নামেন বীর ত্যজিয়া বিমান ॥
 অগ্নিকুণ্ড করিলেন মরিবার তরে ।
 তাহা দেখি জয়দ্রথ আসে দেখিবারে ॥

চক্র ঘুচাইলে, দীপ্ত হইল ভাস্কর ।
 অর্জুন লইল তবে হাতে ধনুঃশর ॥
 সন্ধান পুরিয়া তারে করিল সংহার ।
 কহ দেখি বাসুদেব, এ-দোষ কাহার ॥
 সঞ্জয়ের মুখে আমি শুনিয়াছি সব ।
 অপকার যত তুমি ক'রেছ মাধব ॥
 না ঘুচে মনের দুঃখ, কহিব কি কথা ।
 প্রবোধিলে আমি, জন্ম-মৃত্যু লিখে ধাতা ॥
 বিধির বিধাতা তুমি, সর্বশাস্ত্রে কয় ।
 ভাণ্ডাতে নারিবে মোরে, শুন দয়াময় ॥
 যত অপকার কৈলে আমার নন্দনে ।
 একমুখে সেই-কথা কহিব কেমনে ॥
 তবে কেন বল তুমি দুকুল সমান ।
 এ তোমার যোগ্য নহে, শুন ভগবান্ ॥
 কেবল পাণ্ডব-পক্ষ তুমি নারায়ণ ।
 এইহেতু যুদ্ধে জয়ী ভাই পঞ্চজন ॥
 আপনি করিলে তুমি কুরুকুল ক্ষয় ।
 নৈলে ত্রিভুবনে কেবা করে পরাজয় ॥
 ভীষ্ম-দ্রোণ দুইজন মহাধনুর্ধর ।
 শমন সভয়ে যারে মানে নিরস্তর ॥
 কি করিবে পাণ্ডুপুত্র অগ্রেতে তাহার ।
 আপনি করিলে নষ্ট, দৈবকী-কুমার ॥
 একশত পুত্র মম বলে মহাবলী ।
 কপটে সবাকৈ নাশ কৈলে বনমালী ॥
 বুঝেছি, তোমার মন লোহাতে গঠিল ।
 তিল-আধ তব হৃদে দয়া না জন্মিল ॥
 সম্প্রীতি করিয়া যেবা করায় মিলন ।
 তাহারে স্তম্ভন বলি, শুন নারায়ণ ॥
 তুমি দেব, নারায়ণ সবার ঈশ্বর ।
 ভোমাতে আছনো এই যত চরাচর ॥

তোমার মায়ায় বদ্ধ আছে যত প্রাণী ।
 সম্মুখে সবাচারে কর চক্রপাণি ॥
 তোমা হ'তে আসে প্রাণী, তোমাতে মিলায় ।
 হিধাতা করেন সৃষ্টি তোমার কৃপায় ॥
 আপনি পালন কর সৃষ্টি-সবাচার ।
 তোমার আজ্ঞায় শিব করেন সংহার ॥
 তুমি সৃষ্টি, তুমি স্থিতি-প্রলয়-কারণ ।
 তুমি ধাতা, তুমি বিষ্ণু, তুমি পঞ্চানন ॥
 স্মৃতি, কৃতি তুমি, অযুক্তি-মন্ত্রণা ।
 তোমা হ'তে ভিন্ন নাহি ভবে কোনজনা ॥
 যত জীব, তত শিব ঘটেতে তোমার ।
 বসিয়া প্রাণীর ঘটে করহ বিহার ॥
 তুমি যা করিবে দেব, সেই-কর্ম হয় ।
 তুমি বল, কালে করে, এ বড় বিস্ময় ॥
 সেই কাল নিজে তুমি হৈলে নারায়ণ ।
 কালেরে নিযুক্ত করি করাও নিধন ॥
 যত-কিছু দেখি দেব, তোমার তরঙ্গ ।
 সংহার করিয়া সব বসি দেখ রঙ্গ ॥
 তুমি বল, দুর্ধ্যোধন ধর্ম নাহি জানে ।
 কর্ম্মতে হইয়া বদ্ধ কারে নাহি মানে ॥
 আপনার দোষে সেই হইল নিধন ।
 মিছা-অনুযোগ মোরে দেহ অকারণ ॥
 তুমি ধর্ম, তুমি কর্ম, তুমি ধ্যান-যোগ ।
 যেমত যাহারে তুমি করাইলে ভোগ ॥
 সেইমত দুর্ধ্যোধন কৈল আচরণ ।
 তবে কেন দোষ তারে দেহ নারায়ণ ॥
 ধর্মপুত্র যুধিষ্ঠির কিছুই না জানে ।
 ভ্রাতৃভেদ শিখাইলে পরম-যতনে ॥
 শুন দেব-নারায়ণ, কহিব নিশ্চিত ।
 এমত করিতে তব না হয় উচিত ॥

তুমি বল, আমি নহি, কালে সব করে ।
 ইহা বলি কৃষ্ণচন্দ্র ভাণাইলে মোরে ॥
 তার আগে কহ, যেইজন নাহি জানে ।
 আপনি নিমিত্তভাগী হইলে এজ্ঞে ॥
 তুমি সে সবার পর, তব পর নাই ।
 ব্যাসের মুখেতে সব শুনেছি গোসাঁই ॥
 ভাল বাটে দূত হ'য়ে গিয়া ছলে তুমি ।
 দুইকূল-হিত হ'য়ে মাগিবারে তুমি ॥
 তাহাতে সম্মত নাহি হৈল দুর্ধ্যোধন ।
 তুমি কেন নিজদেশে না কৈলে গমন ॥
 প্রকার করিয়া তুমি কহিলে ধর্ম্মেরে ।
 তাহাতে হইল ভেদ উভয়-অন্তরে ॥
 গুরুদ্ব হইয়া যেনে কেন কর্ম্ম করে ।
 তাহাকে না দিয়া দোষ দিব আর কারে ॥
 যদি বিসংবাদ হৈল ভাই দুইজনে ।
 তোমার উচিত নহে রহিবারে রণে ॥
 তবে বন্ধু বলিতাম করিতে সমতা ।
 তুমি শিখাইয়ে দিলে বিবাদের কথা ॥
 এখন জানিহু, তুমি অর্থের মূল ।
 বিনাশিলে তুমি মম যত কুরুকূল ॥
 কহিতে তোমার কথা বিদরে পরাণ ।
 তবে কেন বল তুমি উভয় সমান ॥
 যাবৎ শরীরে মোর রহিবেক প্রাণ ।
 তাবৎ জ্বলিবে দেহ অনল-সমান ॥
 ক্ষত্র-ধর্ম্ম যদি যুদ্ধ করিয়া মরিত ।
 শুন কৃষ্ণ, তাহে এত দুঃখ না হইত ॥
 তা' হ'লে হৃদয়ে নাহি রাখিতাম কথা ।
 অমুযোগ তোমাকে না করিতাম হেথা ॥
 কুরুকূল বিনাশিলে বহুদেব-সুত ।
 কহিতে অনল উঠে, কি কব অচ্যুত ॥

পুত্রশোক কলেবর জ্বলিছে আমার ।

বল দেখি, হেন শোক হ'য়েছে কাহার ॥

শুন কৃষ্ণ, আজি শাপ দিব হে তোমারে ।

তবে পুত্রশোক মোর ঘুচিবে অন্তরে ॥

অলঙ্ঘ্য আমার বাক্য, না হবে লঙ্ঘন ।

জ্ঞাতিগণ তব কৃষ্ণ, হইবে নিধন ॥

পুত্রগণ-শোকে আমি পাই যত তাপ ।

এরূপ যন্ত্রণা পাবে, দিখু অভিশাপ ॥

মোর বধু যেইমত করিছে ক্রন্দন ।

এইমত কান্দিবেক তব বধুগণ ॥

ভূমি যথা ভেদ কৈলে কুরু-পাণ্ডবেতে ।

যদুবংশ হবে তথা আমার শাপেতে ॥

কৌরবের বংশ হৈল যেমন সংহার ।

শুন কৃষ্ণ, এইমত হইবে তোমার ॥

গোবিন্দে শাপ দিলা কুপিয়া গান্ধারী ।

শুনি কম্পমান হন ধর্ম্ম-অধিকারী ॥

অন্তর্যামী হরি জানিলেন এ-কারণ ।

সতীর অলঙ্ঘ্য-বাক্য না হবে লঙ্ঘন ॥

জন্মিলাম আমি ভূমিভার-নিবারণে ।

পৃথিবীর ভার ঘুচি গেল এতদিনে ॥

ঈশ্বর হাসিয়া কৃষ্ণ বলেন বচন ।

মম জ্ঞাতি মারিবারে পারে কোন্ জন ॥

উঠহ গান্ধারি, নাহি করহ ক্রন্দন ।

শাপ দিলে, তবু শাস্ত নহ কি-কারণ ॥

দুর্য্যোধন-দোষে হৈল বংশের নিধন ।

না বুঝি আমারে শাপ দিলে অকারণ ॥

আমি যদি দোষে থাকি, ফলিবেক শাপ ।

আপনার দোষে আমি পাব মনস্তাপ ॥

এতেক বলিয়া মায়া করি নারায়ণ ।

পুত্রশোক গান্ধারীর করেন মোচন ॥

কাশী কহে, যথা ধর্ম্ম, কৃষ্ণ তথা রন ।

গান্ধারি, শ্রীকৃষ্ণে শাপ দাও অকারণ ॥

ভারতে অপূর্ব-কথা সুধার ভাণ্ডার ।

কাশীরাম দাস কহে রচিয়া পয়ার ॥

১১। যুধিষ্ঠির-কর্তৃক যুত স্বজনগণের

সংকার ।

কৃষ্ণের বচনে ধৃতরাষ্ট্র নরপতি ।

যুধিষ্ঠিরে সম্বোধিয়া বলে মহামতি ॥

মন দিয়া শুন পুত্র, আমার বচন ।

কুরুক্ষেত্র-রণে মরিয়াছে যতজন ॥

রাজরাজেশ্বর রাজা কুমার রাজার ।

গণনা করিতে নারি, কতেক হাজার ॥

সুহৃদ্ বান্ধব কারো নাহি সহোদর ।

সবাকার অগ্নিকার্য করহ সত্ত্বর ॥

অগ্নিকার্য সবাকার করহ এখন ।

নিমন্ত্রি আনিল যাহাদিগে দুর্য্যোধন ॥

তব আমন্ত্রণে আসিলেক যত রাজ ।

না করিলে প্রেতকার্য হইবেক লাজ ॥

শ্রীধর্ম্ম-সম্ভয় আর বিদুর ভ্রমতি ।

ইন্দ্রসেন জয়সেন যুয়ুৎসু প্রভৃতি ॥

ইহার সকলে যাক তোমার সহিত ।

করুক অন্ত্যেষ্টিক্রম, যে যার উচিত ॥

কেকয় প্রভৃতি যোদ্ধা ঘটোৎকচ-বীর ।

অলম্বুষ-রাক্ষসের পোড়াও শরীর ॥

কুরুক্ষেত্র-যুদ্ধে যত এসেছিল প্রাণী ।

সবার সংকার কর ধর্ম্ম-নৃপমণি ॥

ধৃতরাষ্ট্র-আজ্ঞা পেয়ে ধর্ম্মের নন্দন ।

চিঠাধুমে অন্ধকার করিল গগন ॥

যুগ্ম দিলেন অগ্নি রাজার আজ্ঞায় ।
 তাঁমার্কুন যুধিষ্ঠির আছেন সহায় ॥
 জ্ঞাপিতগণে অগ্নি দিল ধর্ম্মের নন্দন ।
 চিত্রাধুমে অন্ধকার হইল গগন ॥
 অপর যতেক রাজা মৃত কুরুক্ষেত্রে ।
 যুগ্ম দিলেন অগ্নি রাজ-আজ্ঞামাত্রে ॥
 অষ্টাদশ-অর্কোহিণী হইল দাহন ।
 অনুমৃত হৈল তাহে কত নারীগণ ॥

উত্তরা পুড়িতে চাহে অভিমত্যা-সনে ।

তাহারে বুঝান কৃষ্ণ বিবিধ-বিধানে ॥
 শুন বধু, না মরিহ অভিমত্যা-সাথে ।
 উত্তম-পুরুষ আছে তোমার গর্ভেতে ॥
 পরীক্ষা-নামে হবে মহাতেজীয়ান্ ।
 মহা-ধর্ম্মশীল হবে পুরুষ-প্রধান ॥

এত বলি শান্ত তারে করিলা শ্রীহরি ।

কুন্তী আসি উত্তরারে নিলা হাতে ধরি ॥
 দিমাদ পাঠিয়া ধর্ম্ম করেন রোদন ।
 প্রবোধ করেন তাঁরে শ্রীমধুসূদন ॥
 অপূর্ব কৃষ্ণের লীলা কে বুঝিতে পারে ।
 এ-তন-ভুবন আছে ষাঁহার শরীরে ॥
 বিশ্বাস করয়ে লোক এ-সব-বচনে ।
 দৈবরূপ যশোমতী দেখে বিভ্রমানে ॥
 চারি-ভায়ে সঙ্কে ল'য়ে ধর্ম্মের কুমার ।
 গেলেন তর্পণ-স্নান-হেতু যত আর ॥

গঙ্গায় চলিল সবে গোবিন্দ-সংহতি ।

পঞ্চ-পাণ্ডবাদি ধৃতরাষ্ট্র নরপতি ॥
 গাঙ্গারী প্রভৃতি কুন্তী ক্রপদ-নন্দিনী ।
 উত্তরা প্রভৃতি আর যতেক রমণী ॥
 স্নান-আদি কৈল সবে জাহ্নবীর জলে ।
 ধোয়া-পুরোহিত বাক্য বলার সকলে ॥

৩৮

দুর্ঘ্যোধন-আদি করি শত সহোদর ।
 স্নান তর্পণ করিলেন নৃপবর ॥
 আর যত রাজগণ সংগ্রামে মরিল ।
 একে-একে সবাকার তর্পণ করিল ॥
 ক্ষত্রমত নিত্যকন্ম ছিল পূর্বাপর ।
 সেইমত করিলেক অন্ধ-নৃপবর ॥
 নর-নারী কৈল যত পারত্রিক কন্ম ।
 যেমত বিধান ছিল শাস্ত্রমত ধর্ম্ম ॥

হেনকালে কুন্তীদেবা গিয়া সেইখানে ।

যুধিষ্ঠিরে কহিলেন মধুর-বচনে ॥
 মহাবীর কর্ণ হয় আমার নন্দন ।
 হৃত-পুত্র বলি যারে বলিলে বচন ॥
 কন্যাকালে জন্ম হৈল আমার উদরে ।
 সূর্যের গুরসে জন্ম, জানাই তোমারে ॥
 অসময়ে জাত বলি করি বিসম্মদন ।
 মঞ্জুষা করিয়া তারে ভাসাই তখন ॥
 তবে সূত পেয়ে তারে করিল পালন ।
 প্রসিদ্ধ হইল সেই রাখার নন্দন ॥
 বলবান বলি দুর্ঘ্যোধন নিল তারে ।
 পূর্বের রুতাস্ত এই জানাই তোমারে ॥
 জ্যেষ্ঠ-সহোদর তব কর্ণ অঙ্গপতি ।
 তাহার তর্পণ কর ধর্ম্ম মহামতি ॥

মায়ের বচন শুনি রাজা যুধিষ্ঠির ।

বরিষয়ে দুই ধারে নয়নের নীর ॥
 বিষাদিত হ'য়ে ধর্ম্ম করেন রোদন ।
 সাস্তুনা করেন তাঁরে শ্রীমধুসূদন ॥
 যুধিষ্ঠির জিজ্ঞাসেন কুন্তীরে তখন ।
 পুনশ্চ কহিল কর্ণ-জন্ম-বিবরণ ॥
 দুর্ব্বাসার মন্ত্রে পায় যেমন প্রকারে ।
 কহিল সকল কথা রাজা যুধিষ্ঠিরে ॥

এতেক শুনিয়া ধর্ম্ম মায়ের বচন ।
 মলিন-বদনে পুনঃ করেন রোদন ॥
 এতদিনে হেন কথা कहিলে জননী ।
 কর্ণ মোর সহোদর, এতদিনে শুনি ॥
 ভ্রাতৃ-বধ করি আমি পাপিষ্ঠ চণ্ডাল ।
 কর্ণ মোর সহোদর বিক্রমে বিশাল ॥
 হাহাকার ধ্বনি করি কান্দে সর্ব্বজন ।
 পুনশ্চ প্রবোধ দেন দৈবকী-নন্দন ॥
 তবে রাজা যুধিষ্ঠির শোকেতে জর্জর ।
 ঘোড়াহাত করি কহে জননী-গোচর ॥
 শুন গো জননি, আমি করি নিবেদন ।
 জানিলে না হৈত কভু কর্ণের নিধন ॥
 গুপ্ত করি রাখিলে, না कहিলে আমারে ।
 সে-কারণে বধিলাম জ্যেষ্ঠ-সহোদরে ॥
 এ-সকল কথা যদি कहিতে জননি ।
 তবে কেন বিনাশিব কর্ণ মহাজ্ঞানী ॥
 তবে কেন বিনাশিব রাজা দুর্ঘ্যোধনে ।
 দুঃশাসন-দুশ্মুখাদি ভাই শতজনে ॥
 তবে কেন ভীষ্মবীর ঐদৃশ হইবে ।
 অভিমন্যু পুত্র কেন রণেতে পড়িবে ॥
 তবে কেন হইবেক দ্রোণের নিধন ।
 পূর্বেতে এ-সব যদি कहিতে বচন ॥
 রাজাধিক ছিল কর্ণ হস্তিনানগরে ।
 দুর্ঘ্যোধন তাঁর বাক্য অন্তথা না করে ॥
 কর্ণ-আজ্ঞাকারী ছিল যত কুরুগণ ।
 যুদ্ধ না হইত মাতা, জানিলে এমন ॥
 হেন ভাই বধিলাম রাজ্যের লাগিয়া ।
 ধিক্-ধিক্ প্রাণ মম, যাক্ বাহিরিয়া ॥
 জ্যেষ্ঠভাই পিতৃভুল্য সর্ব্বশাস্ত্রে বলে ।
 এ-কলঙ্ক রাখিলাম আপনার কূলে ॥

এ বড় দারুণ শল্য রহিল অন্তরে ।
 এতদিনে হেন কথা कहিলে আমারে ॥
 মা হইয়া পুত্র-প্রতি এমত আচার ।
 শুন গো জননি, তাপ বাড়িল আমার ॥
 শাপ দিব আমি, বড় দুঃখ পাই প্রাণে ।
 গুপ্তকথা না থাকিবে স্ত্রীজাতির মনে ॥
 নারীর অন্তরে কভু কথা না রহিবে ।
 অতি-গুপ্তকথা হৈলে প্রকাশ হইবে ॥
 এত বলি যুধিষ্ঠির অতি শোকাকুল ।
 পুনঃ প্রবোধেন কৃষ্ণ হ'য়ে অনুকূল ॥
 কৃষ্ণ-বাক্যে শ্রীতি পেয়ে পাণ্ডুর নন্দন ।
 শাস্ত্রমত করিলেন কর্ণের তর্পণ ॥
 ঘটোৎকচ-রাক্ষসের করেন তর্পণ ।
 পুনঃ স্নান করি কূলে উঠেন তখন ॥
 কূলে রহিলেন ধর্ম্ম হইয়া অস্থখী ।
 ভীমার্জ্জুন সহদেব কেহ নহে স্থখী ॥
 গান্ধারী পুত্রের শোকে বিস্তর কান্দিল ।
 পতিহীন নারীগণ যত সঙ্গে ছিল ॥
 শাস্ত করি যুধিষ্ঠির আনেন শিবিরে ।
 ধৃতরাষ্ট্র-আদি সবে রহে অনাহারে ॥
 শিবিরে রহিল সবে বিষাদিত-মনে ।
 গান্ধারী পুত্রের শোকে কান্দে রাত্রিদিনে ॥
 অনাহারে তিনরাত্রি করিল যাপন ।
 নিশিযোগে ফলাহার কৈল সর্ব্বজন ॥
 গান্ধারী পুত্রের শোকে করেন রোদন ।
 আহা মরি, কোথা গেল পুত্র দুর্ঘ্যোধন ॥
 আজি তিনদিন হৈল, পুত্রে নাহি দেখি ।
 কোথা দুর্ঘ্যোধন, কোথা দুশ্মুখ ধানুকী ॥
 গান্ধারী কৃষ্ণেরে কন করিয়া রোদন ।
 আজি শব্দ হৈল মম সকল করন ॥

কথা গেল দুর্ঘোষন, কহ যদুমণি ।
 কারণে প্রাণ ধরি আমি অভাগিনী ॥
 কল সংসার শূন্য পুত্রের বিহনে ।
 জন কৃষ্ণ, কত দুঃখ জাগে মোর মনে ॥
 তপুত্র যেন মম পূর্ণ-শশধর ।
 দৈতল, কোথায় গেল, কহ যদুবর ॥
 ন-হেন স্নান-মুখ অনলে পুড়িল ।
 ন-অভরণ অঙ্গে, কেবা কাড়ি নিল ॥
 মণ্ডক-চন্দনে লিপ্ত ছিল নিরস্তর ।
 কমনে পোড়ালে বল হেন কলেবর ॥
 নানাভাগে নানারসে থাকিত সকলে ।
 দৈত তনু ছারখার করিলে অনলে ॥
 দয়াবৎ দেখি আমি সকল সংসার ।
 কহ, কোথা গেল মম শতেক কুমার ॥
 তবর্ণ-রচিত পুরী নিল কোন্ জন ।
 কহ কৃষ্ণ, কোথা গেল আমার নন্দন ॥
 কনক-বরণ দেহ অতি স্নকুমার ।
 দৃশ্যন-আদি পুত্র কোথা সে আমার ॥
 শোক-দুঃখভরে আমি হ'লেম বিমন ।
 কোথা শতপুত্র মোর খঞ্জন-নয়ন ॥
 স্মরণ করিতে মোর বিদরে পরাণ ।
 হস্তিনা হইল শূন্য, শুন ভগবান্ ॥
 এ বড় অন্তরে দুঃখ রহিল আমার ।
 রক্তকালে কিবা গতি হইবে রাজার ॥
 মরিলে পুত্রের হাতে না পাবে আশ্রয় ।
 ইহা ভাবি আরো দুঃখ বাড়ে চতুর্গুণ ॥
 কি বুদ্ধি বিধি হেন করিল আমারে ।
 শুন হে করুণাময়, নিবেদি তোমাতে ॥
 এত কাল আগতে না জানি গলাঘর ।
 পুত্রশোকে আজি মম কহে কলেকর ॥

ওহে ভীষসেন, শুন আমার বচন ।
 আর বিষ তোমাতে না দিবে দুর্ঘোষন ॥
 আর কেবা জড়গৃহ করিবে নিশ্চয় ।
 ঘুচাইল সব ভয় প্রভু ভগবান্ ॥
 শকুনি আমার ভাই গেল কোথাকারে ।
 আর কে মন্ত্রণা দিবে আমার পুত্রেরে ॥
 ওহে যুধিষ্ঠির, তব হৈল শুভদশা ।
 আর কেহ তব সঙ্গে না খেলিবে পাশা ॥
 গান্ধারের নাথ কোথা অভাগা শকুনি ।
 তোমা-সবাকার ভয় ঘুচিল এখনি ॥
 গান্ধারী এতেক বলি পড়ে ভূমিতলে ।
 তুলিলেন যুধিষ্ঠির ধরি সেইকালে ॥
 সাস্তুনা করেন কৃষ্ণ বিবিধ-প্রকারে ।
 নানাবিধ শাস্ত্রবাক্যে বুঝালেন তাঁরে ॥
 শুন গো গান্ধারি, শুন পূর্ব-বিবরণ ।
 ভূমিষ্ঠ হইল যবে রাজা দুর্ঘোষন ॥
 এ শোকে সে-সব কথা নহে ত বিধান ।
 বিদুর কহিল যত, সকলি শ্রমাণ ॥
 দুর্ঘোষন-লাগি শোক কেন কর রুধা ।
 অনিত্য-সংসার এই, আমি আছি কোথা ॥
 অদ্ব বা শতাস্ত্রে যবে অবশ্য মরণ ।
 শুন গো গান্ধারি, শোক কর অকারণ ॥
 পাণ্ডব-বিজয়-কথা অমৃত-লহরী ।
 শুনিলে অধর্ম খণ্ডে, পরলোকে তরি ॥
 শুন-শুন সাধুগণ হ'য়ে একমন ।
 কান্দীরাম দাস কহে ভারত-কথন ॥

১২। হস্তিনার রাজত্ব-গ্রহণার্থ যুধিষ্ঠিরের প্রতি

ঐক্যের অনুরোধ ।

বলেন জনমেজয়, শুন মুনিবর ।
গাঙ্গারী-শোকের কথা শুনিমু বিস্তর ॥
পতিহীনা নারী যত পাইল যাতনা ।
কৃষ্ণ তাহে করিলেন ক্রুরূপে সাস্থনা ॥
সে-সব বৃত্তান্ত মুনি, বলহ আমায় ।
ক্রুরূপেতে যুধিষ্ঠির আসে হস্তিনায় ॥
বলেন বৈশম্পায়ন, শুন নরপতি ।
প্রত্যেক কহিব তোমা সে-সব ভারতী ॥
পুনঃপুনঃ বাড়ে শোক, নহে নিবারণ ।
তাহা দেখি যুধু হাসি দেব নারায়ণ ॥
বিচারিয়া কহিলেন যুধিষ্ঠির-স্থানে ।
হস্তিনানগরে তুমি চল এইকণে ॥
শূন্য আছে রাজপাট ঘাইতে উচিত ।
শোক সংবরণ করি চলহ দ্বরিত ॥
সিংহাসনে বসি কর প্রজার পালন ।
অনুকুল তোমা-প্রতি যত প্রজাগণ ॥
হস্তিনার লোক দুঃখী তোমা-অদর্শনে ।
অযোধ্যার লোক যথা রাম গেলে বনে ॥
রাবণে মারিয়া রাম আসিলেন দেশে ।
প্রজার পালন করিলেন যে বিশেষে ॥
সেইমত কর তুমি হস্তিনানগরে ।
পালহ সকল প্রজা প্রসন্ন-অস্তরে ॥
উদ্বিগ্ন কলহ কণ্ঠ সেবনেতে বাড়ে ।
শোকে মন দিলে রাজা, লক্ষ্মী তারে ছাড়ে ॥
রামায়ণে শুনিয়াছ, শুনিতে কোঁড়ক ।
সুগ্রীব বালীকে মারি পাইলেক হৃৎ ॥
রাবণে মারিয়া রাজ্য নিল বিভীষণ ।
পূর্বাপর নীতি এই, শুন বিচক্ষণ ॥

দেবানুর-যুদ্ধ-কথা শুনিয়াছ তুমি ।
পুনঃপুনঃ সেই-কথা কত কব আমি ॥
বিলম্ব না কর আর, শত্রু হৈল ক্ষয় ।
সুখে রাজ্য কর গিয়া পাণ্ডুর তনয় ॥
পূর্বের কহিলাম যত, পাইলে প্রমাণ ।
এখন করিতে শোক নহে ত বিধান ॥
এত যদি কহিলেন দেব-নারায়ণ ।
খেদেতে কহেন পুনঃ ধর্ম্মের নন্দন ॥
শুন কৃষ্ণ, আর আমি হস্তিনা না যাব ।
মরণ-পর্যন্ত কুরুক্ষেত্রেতে রহিব ॥
রাজ্যধনে আর মম নাহি প্রয়োজন ।
সহিতে না পারি আমি নারীর ক্রন্দন ॥
পতিহীনা যুবতীর শোক নিরস্তর ।
শুন কৃষ্ণ, গালি মোরে দিবেক বিস্তর ॥
শুনিতে না পারি আমি, নিন্দিবেক লোকে ।
অতএব নাহি বল ঘাইতে আমাকে ॥
এইসব পাপে আমি না পাব নিস্তার ।
হস্তিনা ঘাইতে কভু না বলিহ আর ॥
বড়ই নিন্দিত-কণ্ঠ করিয়াছি আমি ।
হস্তিনা ঘাইতে কৃষ্ণ না বলিহ তুমি ॥
আমা-সম পাপী নাহি, শুন গদাধর ।
রাজ্য-লাগি বধিলাম জ্ঞাতি সহোদর ॥
ভীমার্জুনে ল'য়ে তুমি যাও হস্তিনায় ।
আমার স্তুয়ুক্তি এই জানাই তোমায় ॥
ধৃতরাষ্ট্র-গাঙ্গারীকে ল'য়ে নারায়ণ ।
ভীমার্জুনে ল'য়ে কর হস্তিনা-গমন ॥
কুন্তীদেবী ল'য়ে আর দ্রুপদ-নন্দিনী ।
বিরাট-তনয়া ল'য়ে যাহ চক্রপাণি ॥
হস্তিনায় যাহ তুমি সবাকৈ লইয়া ।
কুরুক্ষেত্র-তীর্থে আমি থাকিব বলিয়া ॥

অনাহারে তেয়াগিব দেহ আপনার ।
 শুন কৃষ্ণ, জ্ঞাত করি গোচরে তোমার ॥
 যে আছে আমার মনে, করিব সে-কণ্ঠ ।
 রাজ্যভোগ নাহি চাহি করিয়া অধৰ্ম্ম ॥
 বান্ধব নাহিক মম, কি-কাজে রাজত্ব ।
 ভাই বন্ধু বিনাশিয়া কিনের বীরত্ব ॥
 পিতামহ-গুরুবধে নাহিক নিকৃতি ।
 কেমনে হস্তিনা যাই, বল যত্নপতি ॥
 গান্ধারীর শোক নিত্য পুত্রের মরণে ।
 কেমন করিয়া তাহা দেখিব নয়নে ॥
 পুত্রশোকে ধৃতরাষ্ট্র ছাড়িবে নিঃশ্বাস ।
 সহিতে নারিব তাহা, শুন শ্রীনিবাস ॥
 উত্তরা কান্দিবে নিত্য অভিমন্যু-শোকে ।
 অশ্বের বনিতা যত নিম্ভিবেক মোকে ॥
 কর্ণশোকে মাতা মম কান্দিবে বিস্তর ।
 দেখিতে নারিব তাহা, শুন গদাধর ॥
 নিত্য-নিত্য পাব দুঃখ হস্তিনাতে গিয়া ।
 ক্রমা দেহ কৃষ্ণ, বলি বিনয় করিয়া ॥
 পুনঃ কিছু না বলিহ, শুন যত্নরায় ।
 হস্তিনাতে যাহ তুমি, দিলাম বিদায় ॥
 ভীমার্জুনে ল'য়ে দেশে করহ গমন ।
 যত্ন না করিহ মোর লাগি নারায়ণ ॥
 শুনহ অৰ্জুন ভাই, আমার ভারতী ।
 রাজা হ'য়ে পাল গিয়া এই বনুমতী ॥
 ধৃতরাষ্ট্র-আজ্ঞা ল'য়ে করিবে করম ।
 তবে সে রহিবে ভাই, আপন ধরম ॥
 সেবিবে গান্ধারী-পদ কুন্তীর সমান ।
 তবে সে হইবে ভাই সবার কল্যাণ ॥
 বাহ-ভীষ, রাজ্যভোগ কর হস্তিনায় ।
 আমি বাণ, তুৰ্য্যোধন গিন্নাছে বধায় ॥

যথা ভীষ্ম যোগ চ্যোত কণ মহাবীর ।
 সেবা-ছেতু সেইখানে যাব আমি স্থির ॥
 বিরাট ক্রপদ আর শিখণ্ডী শকুনি ।
 অৰ্জুন-নন্দন অভিমন্যু গুণমণি ॥
 আর যত মরিলেক আমার কারণে ।
 তাহা-সবে ত্যজি আমি ঘাইব কেমনে ॥
 বীরশূন্য করিলাম বনুমতী আমি ।
 এ-সব নিন্দিত কণ্ঠে বড় ভয় মানি ॥
 এত যদি कहিলেন ধর্ম্মের নন্দন ।
 পুনশ্চ বুঝায়ে তারে কন নারায়ণ ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১৩। যুধিষ্ঠিরের প্রতি শ্রীকৃষ্ণের নানাপ্রকার পূৰ্ব্বাশয়
 ইতিহাস-বর্ণন ।

ধর্ম্মের বচন শুনি, বিচারিয়া চক্রপাণি,
 পূর্বকথা কহেন রাজারে ।
 ভ্রাতৃবধ বলি তুমি, ভয় কর নৃপমণি,
 যুদ্ধ নিত্য হয় দেবাম্বরে ॥
 শুন রাজা যুধিষ্ঠির, নিজ-মন কর স্থির,
 শুন কহি পূর্বের কথন ।
 পরাশর-সুত ব্যাস, করিলেন যে প্রকাশ,
 প্রবণে কনুষ-বিনাশন ॥
 অনিতির হৈল সূত, কশ্যপ-গুরুসে জাত,
 সর্গে ইন্দ্র দেবতার রাজা ।
 অমরাবতীর নাথ, পুশ্ণ বার পারিজাত,
 রমণী বাহার পুলামজা ॥

দৈত্যগণ মহীতলে, রাজ্য করে বাহুবলে,
কত নাম লইব তাহার ।

কোটি-কোটি সৈন্যসঙ্গে, স্রবপুরে যায় রঙ্গে,
লইতে ইন্দ্রের অধিকার ॥

কুলিশ করিয়া হাতে, আরোহিয়া ঐরাবতে,
শচীপতি করেন সংগ্রাম ।

যুদ্ধ হৈল দুইজনে, বিবুধ দুঃসহ রণে,
কতদিন না করে বিজ্ঞাম ॥

যুদ্ধ হয় দিবানিশি, নাহি উদে রবি-শশী,
কোটি-কোটি মরে রণস্থলে ।

সে-কথা কহিব কত, শুন ওহে ধর্ম্মসুত,
পুরাণ-শাস্ত্রেতে হেন বলে ॥

নমুচি শব্দর নাম, দৈত্য ছিল বলবান,
বৃষপর্বা দৈত্যের ঈশ্বর ।

যার যশ পৃথিবীতে, লোকে গায় হরষেতে,
যুদ্ধ কৈল সহস্র-বৎসর ॥

আমি মন্দানল হৈল, শাস্ত্রে হেন বুঝাইল,
সে-কথা কহিব কত আমি ।

ভ্রাতা মারি কতজন, নিল রাজ্য-সিংহাসন,
মুনি-মুখে শুনিয়াছ তুমি ॥

হিরণ্যকশিপু নাম, ছিল দৈত্য বলবান,
হিরণ্যক তার সহোদর ।

উদ্ধম করিল কত, বিনাশিল শত-শত,
যুদ্ধ পাঁচ-হাজার বৎসর ॥

ইন্দ্র বজ্র ধরি করে, বিনাশিল দানবেরে,
ভাই বলি না দিলেক ক্ষমা ।

বীতি আছে পূর্বাশর, আচরহ নৃপবর,
ইথে কেহ না নিশ্চিবে তোমা ॥

গরুড় কণ্ঠপদ্মত, বিনতা-উদরজাত,
কক্রর তনয় নাগগণ ।

সর্প গরুড়েরে দেখে, দায়াদ বলিয়া লখে,
নাগ খগেশ্বরের ভক্ষণ ॥

তুমি কর মনে ভয়, শুন ধর্ম্ম-মহাশয়,
কিস্ত হইয়াছে পূর্বাশরে ।

আমার বচন শুনি, শোক ত্যজি নৃপমণি,
হস্তিনাতে চলহ সত্বরে ॥

শুনিলে পুরাণ-কথা, দূর কর মনোব্যথা,
রামায়ণ শুন নরপতি ।

বালি বাসবের স্তত, রূপে-গুণে বিভূষিত,
সূর্য্যপুত্র স্ত্রীষ স্তমতি ॥

বসতি কিষ্কিন্দ্যাপুরে, সমভাবে কার্য্য করে,
কতদিনে বিবাদ বাধিল ।

মায়াবী দুন্দুভি নাম, ছুই দৈত্য বলবান,
বালি-সঙ্গে যুঝিতে আসিল ॥

সহিতে না পারি রঙ্গ, মায়াবী দিলেক ভঙ্গ,
দুন্দুভি সে পড়িল সমরে ।

দেখিয়া দৈত্যের ভঙ্গ, বালির বাড়িল রঙ্গ,
পিছে তার চলিল সত্বরে ॥

দেখিয়া হুড়ঙ্গ-পথ, বালিরাজ মনোমত,
সুগ্রীবেরে রাখিয়া সেইখানে ।

আপনার বাহুবলে, চলি গেল রসাতলে,
যুদ্ধ কৈল দানবের সনে ॥

এক সংবৎসর গেল, বালিরাজ না আইল,
সুগ্রীব তা' মনে বিচারিয়া ।

শোণিত হৃৎকল-ধারে, দেখিয়া কাঁপিল ভরে,
হায় ব্রহ্ম কৈল শিলা দিয়া ॥

শালি মৈল রসাতলে, সুগ্রীব পাঞ্জে ব'লে,
বসিলেক রাজ-সিংহাসনে ।

তারা-কুমা সঙ্গে মেলি, সুগ্রীব করেন কেলি,
বালিরাজ আসে কতদিনে ॥

বালি যার মনস্তাপে, সুগ্রীব কাটিতে কোপে,
পাঞ্জে-মিত্রে নীতি বুঝাইল ।

সুগ্রীব পাটয়া ভয়, কিকিঙ্কায় নাহি রয়,
প্রাণভয়ে পলাইয়া গেল ॥

ভ্রমণ করিল যত, তাহা বা কহিব কত,
শ্রীরামের সঙ্গে কৈল মিতা ।

সুগ্রীব বলেন মিতা, শুনহ আমার কথা,
বালি নিল আমার বনিতা ॥

শুনি সুগ্রীবের কথা, শ্রীরাম পাইল ব্যথা,
বালিবধে করেন স্রীকার ।

শ্রীরামের বাণে বালি, লোটায়ে পড়িল ধূলি,
তমু ত্যজি গেল স্বর্গদ্বার ॥

সুগ্রীব হইল রাজা, পেয়ে রাজ্য পালে প্রজা,
তারা-কুমা ল'য়ে করে কেলি ।

রামের সাহায্য-হেতু, সাগরে বাঙ্কিল সেতু,
সকল বানরসেনা মিলি ॥

করি আয়োজন নানা, লঙ্কায় করিয়া থানা,
অবস্থিত শ্রীরাম-লক্ষণ ।

সঙ্গে তাঁর সৈন্য যত, তাহা বা কহিব কত,
রাবণের বধিতে জীবন ॥

হেনকালে নিশাচর, রাবণের সহোদর,
বিভীষণ রামের গোচরে ।

রাম সিদ্ধুতটে বসি, শরণ লইল আসি,
কহিলু সকল রহস্যেরে ॥

রাক্ষস বলিয়া তাতে, কুশা নাহি রহুনাথে,
মিত্রে বলি দেন আলিঙ্গন ।

বহুদিন যুদ্ধ হয়, হইল রাবণ-ক্ষয়,
লঙ্কারাজ্য নিল বিভীষণ ॥

এ-সকল বিষ্ণু-অংশ, ভ্রাতৃগণে করি ধ্বংস,
নানাভোগ করিল কৌতুকে ।

ভূমি কর মিথ্যা-ভয়, যুধিষ্ঠির মহাপর,
শীত্র ভূমি লও হস্তিনাকে ॥

ভারতের পুণ্যকথা, শুনিলে ঘুচরে ব্যথা,
ভবভয় হয় সব হত ।

কাশীরাম দাস বলে, সুগতি পাইবে কালে,
ভক্ত কৃষ্ণ-চরণ সতত ॥

১৪। শ্রীকৃষ্ণ, বাস ও নারদের নাম উপবনে
যুধিষ্ঠিরাদির কুন্তিনার গমন ।

বলেন বৈশম্পায়ন, শুনহ রাজন্ ।
যুধিষ্ঠিরে বহুবিধ কহে নারায়ণ ॥

অঙ্গীকার তথাপি না করেন রাজন্ ।
পুনশ্চ কহেন কৃষ্ণ মধুর-বচন ॥

শুন ওহে ধর্ম্মরাজ, ধৈর্য্য ধর মনে ।
হস্তিনানগরে চল আমার বচনে ॥

পৃথিবী পালহ রাজা, সিংহাসনে বসি ।
ধর্ম্মের নন্দন, তুমি হবে রাজ্যবাসী ॥

যে-দুঃখ পাইলে তুমি ভ্রমি বনে-বনে ।
সে-সকল কথা কেন নাহি কর মনে ॥

রক্তাবলী দ্রৌপদীর কেশেতে ধরিল ।
সভামধ্যে দুঃশাস্যের টানিয়া, অধরিল ॥

দ্রৌপদীরে উরু দেখাইল দুর্ঘ্যোধন ।
তাহা সব পাসরিলে ধর্ম্মের নন্দন ॥
তথাপি এতেক ভয় বুঝিতে না পারি ।
বিলম্ব না কর, চল হস্তিনানগরী ॥

এত যদি कहিলেন দৈবকী-নন্দন ।
দিলেন পাণ্ডব-জ্যেষ্ঠ উত্তর-বচন ॥
কহিলে যতেক কথা কৃষ্ণ-মহাশয় ।
কিস্ত মম মনে তাহা কিছুই না লয় ॥
দুর্ঘ্যোধন লভিলেক নিজ-কর্ম্মফল ।
স্বখী আমি নহি তাহে ভকত-বৎসল ॥
রাজ্যভোগ কড় আর নাহি মম মনে ।
নিরবধি পড়ে মনে ভাই-দুর্ঘ্যোধনে ॥
যুক্তি নয় সে-সকল বচন শুনিতে ।
ভীমার্জ্জুনে ল'য়ে তুমি যাও হস্তিনাতে ॥

গোবিন্দ বলেন, শুন পাণ্ডুর নন্দন ।
পুনঃপুনঃ বাক্য মম না কর লঙ্ঘন ॥
না শোভে তোমাকে হেন দিতে অনুমতি ।
তুমি রাজা হৈলে আমি পাব বড় শ্রীতি ॥
অপূর্ব্ব কৃষ্ণের লীলা, কেহ নাহি জানে ।
সম্মত হ'লেন ধর্ম্ম কৃষ্ণের বচনে ॥
হস্তিনা যাইব চল দেব-গদাধর ।
শুনিয়া সানন্দ হৈল বীর বৃকোদর ॥
হইবেন যুধিষ্ঠির রাজা হস্তিনার ।
শুনি আনন্দিত হৈল মাদ্রীর কুমার ॥
অর্জ্জুন প্রফুল্ল হন ধর্ম্মের বচনে ।
স্বরা করিলেন অতি হস্তিনা-গমনে ॥

হেনকালে ধৃতরাষ্ট্র করেন ক্রন্দন ।
কোথায় ছাড়িয়া যাই পুত্র দুর্ঘ্যোধন ॥
দুঃশাসন-দুঃস্থখাদি যত-যতজন ।
স্মরিয়া আমাকে লহ, শুন বাছাধন ॥

দেশেতে দেখিব গিয়া আমি কার মুখ ।
পাণ্ডব নিলেক রাজ্য ধন জন মুখ ॥
সকরণে হেন কথা कहিল রাজন্ ।
শুনি যুধিষ্ঠির তবে হৈলা অচেতন ॥
পড়েন ভূমিতে ধর্ম্ম হইয়া মূচ্ছিত ।
কৃষ্ণার্জ্জুন সহদেব দেখি হন ভীত ॥
তুলিয়া রাজারে তবে বসান শ্রীহরি ।
বসিয়া কহেন রাজা কৃতাপ্তলি করি ॥
কি আর প্রবোধ দেহ, ওহে দেব হরি ।
জ্যেষ্ঠতাত-শোক আর সহিতে না পারি ॥
কেমনে এ-সব কথা শুনিব শ্রবণে ।
শুন কৃষ্ণ, কার্য্য নাহি মম রাজ্য-ধনে ॥
দ্রৌপদী কান্দিবে পক্ষ-পুত্র-বিবর্জ্জিতা ।
অভিমন্যু-শোকে কান্দে বিরাট-দুহিতা ॥
ভাই-বন্ধু গেল, আমি ক্ষত্রিয়-নাশক ।
কহিতে না পারি, যত আমার পাতক ॥
প্রাণত্যাগ প্রায়শ্চিত্ত নিশ্চিত ইহার ।
আর কিছু না বলিহ দৈবকী-কুমার ॥
ধৃষ্টদ্যুম্ন-বিরাটাদি দ্রুপদ-রাজন্ ।
রাজ্যহেতু নাশিলাম, শুন নারায়ণ ॥
পৃথিবীতে ছিল যত-যত নরপতি ।
মম হেতু সবাকার হইল দুর্গতি ॥
কেন পাপ-আশা আমি বাড়াইনু মনে ।
নাশ হৈল কুরুকুল আমার কারণে ॥
রাজ্যলুক হ'য়ে আমি হইনু দুঃস্থ ।
ভীষ্ম-হেন পিতামহে করিলাম অন্ত ॥
অর্জ্জুনের বাণে পিতামহ ত্রিমাণ ।
শিখণ্ডী সম্মুখে থাকি কৈল অপমান ॥
রথ হৈতে পড়ে ববে ভীষ্ম মহাবীর ।
আকাশ হইতে হেন খসিল মিহির ॥

পুলিয়া পুথিয়া মোরে শিখাইল নীত ।
 পতামহে মারি, না হয় উচিত ॥
 কষ্টে অধিক দুঃখ উঠে নারায়ণ ।
 সন্তান কার্য নাহি মন, পুনঃ যাব বন ॥

ব্যাসদেব প্রবোধেন তবে যুধিষ্ঠিরে ।

শুন ধর্ম, শোক কেন করহ অন্তরে ॥
 হারি বাহা কহি, শুন বিলাপ সংবরি ।
 গতজীবে শোক বৃথা মিছা মায়া করি ॥
 বধায় সংযোগ, তথা বিয়োগ অবশ্য ।
 জলবিশ্ব-সম জেনো সংসার-রহস্য ॥
 জন্মিলে মরণ আছে, জানে সব লোক ।
 দেহ ধরি না করিহ জন্ম-মৃত্যু-শোক ॥
 এ-সব ঈশ্বর-লীলা, শুন নরপতি ।
 সেই সে বুঝিতে পারে, কৃষ্ণে যার মতি ॥
 চিরজীবী নহে কেহ, শুন যুধিষ্ঠির ।
 কালেতে বিনাশ পায় ভৌতিক শরীর ॥
 ইহাতে বিবাদ কেন, শুনহ রাজন ।
 পুনঃপুনঃ কহিছেন নিজে নারায়ণ ॥
 এত বলি কহিলেন বহু ইতিহাস ।
 প্রবোধ দিলেন যুধিষ্ঠিরে মুনি ব্যাস ॥

সংসার-প্রসঙ্গে যেই-কথা মুনিগণে ।

সনকেরে জিজ্ঞাসা করিল তপোবনে ॥
 শুনিল মুনরা বাহা সনকের স্থানে ।
 সে কথা কহেন ব্যাস ধর্মের নন্দনে ॥
 কনিষ্ঠ-শরীর এই, শুনহ রাজন ।
 নানামত ব্যাধি-হেতু প্রাণীর নিধন ॥
 বধাতা লিখিল যার যেমত প্রকারে ।
 যখন না যায় তাহা, জনমিলে মরে ॥
 বাপনার কর্ম-হেতু মরয়ে আপনি ।
 চিরজীবী নহে কেহ, শুন নৃপমণি ॥

৩৩ দি

প্রথম-বয়সে কেহ, কেহ মধ্যকালে ।
 তৎকালে মরে কেহ বার্ককা হইলে ॥
 ছোট-বড় নাহি জানি, মরে সর্বজন ।
 কষ্ট-অনুরূপ জ্ঞান পাণ্ডুর নন্দন ॥
 তদ্রূপে মরে কেহ, জলোত্তে চুবিয়া ।
 তদ্রূপে মরে কেহ, গরল খাইয়া ॥
 নরপাশাতে মরে কেহ, মরে সন্ধিপাতে ।
 শাদুল-ভক্ষণে কেহ, মাতঙ্গ চুষিতে ॥
 নানামত ব্যাধি আছে, কেহ মরে তাতে ।
 কষ্ট-অনুরূপ ব্যাধি জন্মে শাস্ত্রমতে ॥
 বাহার যেমন কষ্ট, তার সেই গতি ।
 তেতুমাত্র হয় মৃত্যু, শুন নরপতি ॥
 মহাধনবান রাজা নানাভোগ করে ।
 শুন যুধিষ্ঠির, সেহ কালবশে মরে ॥
 ভিক্ষা মাগি যেইজন খায় প্রতিদিন ।
 কালবশে মরে সেহ, শুনহ প্রবীণ ॥
 নানাশাস্ত্র বিচারিয়া করয়ে বিচার ।
 ভোগ হৈলে অস্তে মৃত্যু হয় যে তাহার ॥
 অতিদুঃখী মরে, চিরজীবী কেহ নয় ।
 শুন যুধিষ্ঠির, এই সর্বশাস্ত্রে কয় ॥
 এ-সব ঈশ্বর-মাজা, কালে মরে প্রাণী ।
 তুমি জ্ঞানবান, কত বুঝাইব আমি ॥
 নিত্য শত-স্রব কেহ দ্বিজে দেয় দান ।
 কালে তার মৃত্যু হয়, না হয় এড়ান ॥
 কোন-কোনজন নিত্য মহাপাপ করে ।
 শুন নরপতি, সেহ কাল-প্রাপ্তে মরে ॥
 কিন্তু ধর্মপথে প্রাণী করিবে যতন ।
 কদাচিৎ পাপ-পথে নাহি দিবে মন ॥
 ধর্ম-পথ আচরিতে বেদের বিধান ।
 এ-সব ঈশ্বর-লীলা, শুন মতিমান ॥

আশার কোঁড়ুক দেখে সকল সংসার ।
 কালেতে হরিবে সব ধর্মের কুমার ॥
 গীত ঐশ্বর বরিষা যেমন পরিবর্ত ।
 সেইমত দুঃখ-সুখ কালের বিবর্ত ॥
 কেহ কারো বধকর্তা নহে কোনকালে ।
 অগাধ-সলিলে মৎস্য বন্দী হয় জালে ॥
 বনে চরে হৃগ, কারো না করে হিংসন ।
 দেখে ঈশ্বর-লীলা, তাহার মরণ ॥
 ঔষধে না করে ত্রাণ, জানাই তোমারে ।
 কর্মক্ষয় হৈলে প্রাণী অকস্মাৎ মরে ॥
 কর্মহীন থাকে শিশু, বাক্য নাহি ক্ষুণ্ণে ।
 ভোগ না সমাপ্ত হৈতে কেন সেই মরে ॥
 ইথে বল কিবা শোক, কর কেন বৃথা ।
 বিচারিয়া দেখ মনে, তব পিতা কোথা ॥
 কোথা সে মাক্কাতা পৃথু দিলীপ সগর ।
 যযাতি নহুৎ কোথা শিবি-নৃপবর ॥
 হরিশ্চন্দ্র রত্নাঙ্গদ ধর্মশীল দাতা ।
 কালেতে মরিল তারা, বল আছে কোথা ॥
 দুইখানি কাষ্ঠ স্রোতে একত্র মিলয় ।
 পুনশ্চ বিচ্ছেদ হয়, কে কোথায় রয় ॥
 সেমত জানিবে ধর্ম, বন্ধু-সমাগম ।
 জ্ঞানবান্ লোক তাহে নাহি করে ভ্রম ॥
 নারীগণ গীত-বাছ করে অনুক্ষণ ।
 লজ্জাহীন হ'য়ে শেষে করয়ে ক্রন্দন ॥
 পিতা মাতা ভার্য্যা পুত্র কন্যা পরিবার ।
 বিচারিয়া দেখ মনে, কেহ নহে কার ॥
 করি পুত্র কোন্ জন, কেবা কার পিতা ।
 কে কার জননী, কেবা কাহার বনিতা ॥
 কত জন্ম, কত মৃত্যু, স্থির নাহি জানি ।
 জননী রমণী হয়, রমণী জননী ॥

পুত্র হ'য়ে পিতা হয়, পিতা হয় পুত্র ।
 অপূর্ব ঈশ্বর-লীলা, কর্মমাত্র সূত্র ॥
 পথিক-সহিত যেন পরিচয় পথে ।
 সেইমত দিন-কত থাকে একসাথে ॥
 তাহাতে বিচ্ছেদ হয় নিজ-কর্মগুণে ।
 শোক ত্যজ যুধিষ্ঠির, নাহি ভাব মনে ॥
 কালে আসে, কালে যায়, কেহ নাহি দেখে ।
 কোথা হৈতে আসে প্রাণী, কোথা গিয়া থাকে ।
 কর্তিক সংযোগ হয়, সদা বিভিন্নতা ।
 শুন যুধিষ্ঠির, তুমি শোক কর বৃথা ॥
 কোথা আছিলাম পূর্বে, কোথা চলি যাব ।
 কে বুঝে ঈশ্বর-লীলা, কাহারে কহিব ॥
 কুমারের চাক যেন দিবা-নিশি ভ্রমে ।
 সেমত জানিহ ধর্ম, বন্ধু-সমাগমে ॥
 ভাস্করের গত্যাতে দিন আসে যায় ।
 সংসার-কর্মেতে লোক চৈতন্য হারায় ॥
 জন্ম-জরা-মৃত্যু দেখিতেছে সদা হয় ।
 তথাপি লোকের মনে নাহি হয় ভয় ॥
 যখন জন্ময়ে লোক এ-ভব-সংসারে ।
 তখনি আইসে প্রাণী যম-অধিকারে ॥
 রসিক-জনেতে যেন সেবে মহারস ।
 জরা-জীর্ণ স্রুথে থাকে, নহে মৃত্যুবশ ॥
 ধ্যানে নিরবধি থাকে তপস্বী সংযমে ।
 শুন যুধিষ্ঠির, তাহে হ'রে লয় যমে ॥
 আপন-শরীর রাখিবারে নাহি পারি ।
 কি-হেতু পরের লাগি শোক করি মরি ॥
 এইসব তত্ত্বকথা সনক কহিল ।
 অস্ত্র-নামে ব্রাহ্মণের সন্দেহ ঘুটিল ॥
 শোক ত্যজ, শুন যুধিষ্ঠির-নরপতি ।
 মহানুখে তুচ্ছ সমাগরা বহুমতী ॥

ব্যাসের বচন শুনি ধর্ম-নৃপবর ।
 মৌনেতে রহেন, কিছু না দেন উত্তর ॥
 কৃষ্ণের কহেন তবে বীর ধনঞ্জয় ।
 কত ক্রেশ পান রাজা, কহেন না যায় ॥
 জ্ঞাতিবধ-পাপে ময় রাজা যুধিষ্ঠিরে ।
 বিশেষ আকুল বড় ভীম মহাবীর ॥
 ক্রমেনে পাইব রাজ্য, কহ ভগবান্ ।
 রথ করিলাম তবে এতেক সংগ্রাম ॥
 আপনি নিশ্চিত কহ রাজা যুধিষ্ঠিরে ।
 হবে রাজ্য পাই প্রভু, জানাই তোমারে ॥
 রাজ্য-হেতু পঞ্চ-ভাই মহাছুঃখ পাই ।
 বাজের লাগিয়া মোরা নীচকপ্পে যাই ॥
 দেশান্তরা হ'য়েছিন্ত রাজ্যের কারণে ।
 স্মরিয়া সে-সব কথা ছুঃখ উঠে মনে ॥
 বিরটনগরে বঞ্জিলাম বৎসরেক ।
 ধনকল্প করিলাম, কতিব কতেক ॥
 হেন রাজ্য ত্যজিবারে চান যুধিষ্ঠির ।
 আপনি বুঝাহ পুনঃ, শুন যদুবীর ॥
 রাজ্যহেতু জ্ঞাতিগণ হইল বিনাশ ।
 যুধিষ্ঠিরে প্রবোধহ, ওহে শ্রীনিবাস ॥
 বিক্রম করেছি যত, জানহ শ্রীহরি ।
 বুঝাহ ধর্ম্মেরে তুমি মায়া দূর করি ॥
 সকলি তোমার সাধ্য, শুন নারায়ণ ।
 রাজ্য লাগি করিলাম যত পরাক্রম ॥
 রাজ্য-করিবেন ধর্ম্ম, বড় ইচ্ছা হয় ।
 আপনি বিশেষ তাহা জান মহাশয় ॥
 রাজ্য-ধন নাহি চান ধর্ম্ম-নৃপমণি ।
 আমারে চাহিয়া নৃপে বুঝাহ আপনি ॥
 অর্জুনের বাক্য শুনি উঠেন গোবিন্দ ।
 মন প্রসন্ন, যেন কুল-অরবিন্দ ॥

ভক্তি করি কাছে গিয়া বসিয়া আপনি ।
 যুধিষ্ঠির-হাতে ধরি কহেন তখনি ॥
 শোক ত্যজ মহারাজ, শাস্ত কর মন ।
 কেন নাহি শুন রাজা, ব্যাসের বচন ॥
 সামান্য লোকের প্রায় নাহি শুন কথা ।
 আপনি বটহ তুমি সর্বশাস্ত্রজ্ঞাতা ॥
 যে-সব মরিল রণে জ্ঞাতি-বন্ধু-জন ।
 শোক কৈলে পাবে, হেন না হয় রাজন্ ॥
 রূখা-শোকে আপনার বৃদ্ধি-ক্ষয় হয় ।
 শাস্ত্রকথা কেন নাহি শুন মহাশয় ॥
 উদ্বেগ কলহ কণ্ঠে সেবিলে যে বাড়ে ।
 শোকে মন দিলে রাজা, লক্ষ্মী তারে ছাড়ে ॥
 আপনি নারদ পুনঃ সৃষ্টিয়ে কহিল ।
 তবে ত সৃষ্টিয়রাজ শোক পাসরিল ॥
 তিনকথা কহিলেন ব্যাস মুনিবর ।
 তাহাতে আপনি কেন না দেহ উত্তর ॥
 এতেক কহেন যদি কমললোচন ।
 কিছু না কহেন তবে ধর্ম্মের নন্দন ॥
 পুনঃ ব্যাসমুনি তাঁরে বুঝান বিস্তর ।
 মৌনভাবে রহে, তবু না দেন উত্তর ॥
 কহিল নারদ-মুনি নানা-উপদেশ ।
 না করিহ শোক রাজা, কহিনু বিশেষ ॥
 জ্ঞাতিবধ-পাপভয় নাহি কর চিতে ।
 শোক নিবর্ত্তিয়া রাজা, চল হস্তিনাতে ॥
 শ্রদ্ধা-শাস্তি কর দুর্ঘ্যোধন-আদি করি ।
 দূর কর ডাড়াশোক, হও দণ্ডধারী ॥
 ধর্ম্মকথা নিরবধি করহ শ্রবণ ।
 তবে শোকহীন হবে, শাস্ত কর মন ॥
 গঙ্গা হৈতে জাত ভীম শাস্ত্র-ভনয় ।
 তাঁর দরশনে পাপ হইবেক নয় ॥

মহাবলবান্ ভীষ্ম শাস্ত্রমু-নন্দন ।
 তাঁর দরশনে হবে পাপ-বিমোচন ॥
 শ্রবণ করিতে বেদ অভ্যাস করিল ।
 ব্রহ্মার তনয় হৈতে শ্রুশিক্ষা পাইল ॥
 নার্কণ্ডেয়-মুনি হৈতে ধর্মের কথন ।
 পরশুরামের পাশে পান অস্ত্রগণ ॥
 ত্রিভুবনে প্রতিষ্ঠিত তাঁহার সম্পদ ।
 সাক্ষাৎ ব্রহ্মার যিনি ছিলা সভাসদ ॥
 মহাধর্মশীল ভীষ্ম, মহা-তেজোময় ।
 তিনি ঘুচাবেন তব মনের সংশয় ॥
 তাঁর দরশনে দূর হবে অমঙ্গল ।
 শুনিলে জ্ঞানের কথা হইবে নিম্মল ॥
 বুঝায়ে নারদ কন আর দামোদর ।
 ব্যাসের বচন রাখ, শুন নৃপবর ॥
 শোক ত্যজ মহারাজ, শাস্ত্র কর মন ।
 হস্তিনায় গিয়া কর প্রজার পালন ॥
 অনাথ ব্রাহ্মণ সব চাহেন তোমাকে ।
 তোমার কারণে নিত্য কান্দে প্রজালোকে ॥
 অবশেষ আছে যত পৃথিবীর পতি ।
 উপাসনা-হেতু আছে, শুন নরপতি ॥

এত শুনি যুধিষ্ঠির দিলেন সম্মতি ।
 হস্তিনা যাইতে সবে দেন অনুমতি ॥
 ধৃতরাষ্ট্রে অগ্রে করি পাণ্ডুর নন্দন ।
 হস্তিনাপুরীতে শীঘ্র করেন গমন ॥
 রথে চড়ি যুধিষ্ঠির যান হস্তিনায় ।
 তাহা দেখি ভীমার্জুন আনন্দিত-কায় ॥
 দিব্যরথে চড়িলেন পাণ্ডবের পতি ।
 তাহাতে সারথি হৈল ভীম মহামতি ॥
 কৃষ্ণার্জুন দিব্যরথে চড়ে দুইজন ।
 মাজীমুত দৌড়ে করে রথে আরোহণ ॥

ধৃতরাষ্ট্র নরপতি চড়িল বিমানে ।
 সঞ্জয়-যুয়ুৎসু-আদি চলে সর্বজন ॥
 গান্ধারী-সহিতে ল'য়ে যত নারীগণ ।
 করিলেন কুন্তীদেবী রথে আরোহণ ॥
 শোকের্তে গান্ধারীদেবী নেউটিয়া চায় ।
 দুর্ব্যোধন বলি দেবী কান্দে উভরায় ॥
 থাক কুরুক্ষেত্রে মম শতক নন্দন ।
 আমি অভাগিনী যাই আপন-ভবন ॥
 দারুণ বিধাতা এত করিল আমাকে ।
 কোথায় ত্যজিয়া আমি যাই রে সবাকে ॥

এত বলি মহাদেবী বিলাপ করিল ।
 সারথি স্রুজন রথ শীঘ্র চালাইল ॥
 সাত্যকি চলিল রথে হরষিত-চিত্তে ।
 কোলাহল করি সবে চলে হস্তিনাতে ॥
 ভীম করে সিংহনাদ হ'য়ে মনে গ্রীত ।
 তাহা শুনি গান্ধারীর হৃদয় দুঃখিত ॥
 শীঘ্রগতি দ্বারে গেল হস্তিনানগরে ।
 ধর্ম-আগমন জানাইল সবাকারে ॥

দুতমুখে স্রসংবাদ পেয়ে পাত্রগণ ।
 সবে মিলি করে তবে নগর-সাজন ॥
 চান্দোয়া-চামর-আদি টাঙ্কাইল পথে ।
 প্রবাল-মুকুতাদাম শোভে চারিভিতে ॥
 বাঙ্কিল তোরণ-সব অতি-উচ্চ করি ।
 কদলী রোপণ করিলেক সারি-সারি ॥
 পুষ্পমালা বনমালা নগরে-নগরে ।
 সুবর্ণের ঘট শোভে দুয়ারে-দুয়ারে ॥
 রাজমার্গ স্রসংস্কার করিল যতনে ।
 সুবাসিত কৈল পথ অগুরু-চন্দনে ॥
 হস্তিনা-নগরে যত আছে ব্রাহ্মণ ।
 ধর্ম-আগমন শুনি আনন্দিত-মন ॥

কুস্তম-চন্দন সবে হাতেতে করিল ।
 হাণ্ডসরি ভিজগণ আশীৰ্বাদ দিল ॥
 মানন্দেতে নানাবাঘ সবে বাজাইল ।
 শূভকণে ধর্মরাজ পুরে প্রবেশিল ॥
 গাঙ্কারী বলেন তবে যত মুনিগণে ।
 যুধিষ্ঠিরে রাজা কর হস্তিনা-ভুবনে ॥
 এত বলি চাহিলেন ধর্মরাজ-পানে ।
 বসি আছে যুধিষ্ঠির মলিন-বদনে ॥
 করিলেন, ত্যজ দুঃখ ধর্মের নন্দন ।
 তোমা হৈতে বহুমর্তী হইবে শোভন ॥
 'নজদোষে হত হৈল মোর পুত্রগণ ।
 চন্দন করি যে আমি মায়া'র কারণ ॥
 তোমারে কি নাতি আর বুঝাইব আমি ।
 সকলের মূল কৃষ্ণ আছেন আপনি ॥

সকলের হতা কর্তা আছে যজুর্বার ।
 ধর্মপুত্র, হও ইমি ধার্মিক সুধার ॥
 'নবেদন কর, শুনি প্রভু চক্রপাণি ।
 হস্তিনাতে যুধিষ্ঠিরে বাজা কর ভূমি ॥
 এত বদি কহিলেন গাঙ্কার-নন্দিনী ।
 অধিবাসে মুনিগণ কৈল বেষ্মধনি ॥
 শঙ্খ ঘণ্টা বাঘ বাজে, মণ্ডসুরা বাণা ।
 অতঃপর যুধিষ্ঠির পাইল হস্তিন, ॥
 হস্তিনানগরে প্রজা হৈল হরসিত ।
 ত্রীপৰ্ব্ব এতেক দূরে হৈল সমাপিত ॥
 পাণ্ডব-বিজয়-কথা অমৃত লহরী ।
 কাহার শকাতি, তাহা বর্ষিবারে পারি ॥
 কাশীরাম দাস কহে রচিয়া পয়ার ।
 অবহেলে শুনে যেন সকল সংসার ॥

কাশীরামদাস-মহাভারত

শাস্তিপর্ব

সারারূপং সমস্তস্য মরকটৈব মরোত্তমম্ ।
দেবীং সরস্বতীং বালং ভক্তো জয়মুদীরয়েৎ ॥

১। যুধিষ্ঠিরের প্রতি ব্যাসের উপদেশ ।
জিহ্মাসেন জন্মেজয়, কহ তপোধন ।
দ্রুতঃপর কি করিল পিতামহগণ ॥
করুণে বৈভব ভোগ কৈল পঞ্চজন ।
কিবা ধর্ম উপাভিজল পালি প্রজাগণ ॥
শরশয্যাগত ভীষ্ম গঙ্গার নন্দন ।
কহে তু উত্তরায়ণে ত্যজেন জীবন ॥
কিবা যোগধর্ম কহিলেন যুধিষ্ঠিরে ।
বস্তার করিয়া মুনি, বলহ আমারে ॥
মুনি বলে, অবধান করহ রাজন্ ।
হস্তিনা-নগর-মাঝে ধর্মের নন্দন ॥
মহাধর্মশীল রাজা, প্রতাপে তপন ।
শীলতায় চন্দ্র যেন, তেজ্জে বৈভ্রাষণ ॥
সর্বত্র সমান-ভাব, শুণে শুণধাম ।
প্রজার পালনে যেন পূর্ব ছিল রাম ॥

নানাবাস্ত বাজে সন্য, শুনিতে কৌতুক ।
হস্তিনা-নগরবাসী সবারকার সুখ ॥
জ্ঞাতি-বন্ধুজন সবে সতত সানন্দ ।
মহারাজ ধর্মশীল, সকলি সচ্ছন্দ ॥
রাজার প্রসাদে রাজ্যে সর্বলোকে তৃপ্তা ।
মৌন হ'য়ে মহারাজ রহে অধোমুখা ॥
নাহি রুচে অন্ন-জল, কাম্দিয়া ব্যাকুল ।
পাত্র-মিত্র-ভ্রাতৃ-আদি ভাবিয়া আকুল ॥
নৃপতির শোকে শোকাভূত সর্বজন ।
একদিন ভীম পার্শ্ব মাত্রীর নন্দন ॥
পাত্র-মিত্র-বন্ধু আর ধোম্য তপোধন ।
নানামতে নৃপে করে প্রবোধ-অর্পণ ॥
অনেক-প্রকারে সবে বুঝায় রাজারে ।
যোগমার্গ-কথা কহি অনেক-প্রকারে ॥
না শুনেন কারো বাক্য রাজা যুধিষ্ঠির ।
ভীষ্ম-পিতামহ-শোকে আপনি অস্থির ॥

জলহীন হয় যেন কমলের বন ।
 রহস্পতি-বিনা যেন সহস্রলোচন ॥
 সূর্য্যের অভাবে বথা কমলের দল ।
 ভীষণ-দ্রোণ-বিনে তথা নৃপতি বিকল ॥
 নিরবধি চিত্তে এই চিন্তেন রাজন্ ।
 চাহেন আপন-দেহ করিতে নিধন ॥
 অনাহারে বিষাদিত, ক্লিষ্ট কলেবর ।
 জানিয়া রাজার কষ্ট ব্যাস মুনিবর ॥
 অতিশীঘ্র আসিলেন রাজার সদন ।
 উচিত-বিধানে পূজা করেন রাজন্ ॥
 পাণ্ড-অর্ঘ্য দেন বসিবারে সিংহাসন ।
 সুবাসিত-জলে করে পাদ-প্রক্ষালন ॥
 স্নান হ'য়ে আসনেতে বসি মহামুনি ।
 রাজারে বিমনা দেখি জিজ্ঞাসে কাহিনী ॥
 কি-হেতু চিন্তিত রাজা, নেহারি তোমারে ।
 কোন্ স্থানে হীন হুমি এই চরাচরে ॥
 ইন্দ্রের সমান তব চারি-সহোদর ।
 সর্বগুণাশ্রিত, রণে মহাধনুর্ধর ॥
 বাহুবলে শত্রুগণে করিয়া সংহার ।
 হস্তিনাতে অভিষেক করিল তোমার ॥
 সবে অনুগত তব ভ্রাতৃ-বন্ধুগণ ।
 কিস্কর-সদৃশ সবে করয়ে সেবন ॥
 সংসারের হর্ভা কর্তা দেব-জগৎপতি ।
 আজ্ঞাকারী তব সদা, খ্যাত বহুমতী ॥
 তেজঃ বশে বলে ধর্ম্মে প্রজা-পালনেতে ।
 তোমার সদৃশ রাজা নাহি পৃথিবীতে ॥
 এত শুনি প্রণমিয়া কহেন ভূপতি ।
 আমার দুঃখের কথা, শুন মহামতি ॥
 জগতে না জন্মে পাপী সদৃশ আমার ।
 রাজ্যলোভে জ্ঞাতি-বন্ধু ক'রেছি সংহার ॥

কল্পতরু পিতামহ ভীষ্ম কুরুনাথ ।
 রাজ্যভোগ-হেতু তাঁরে ক'রেছি নিপাত ॥
 দ্রোণগুরু-গাদি বত স্তম্ভদ-সুজন ।
 সংহার করিষু আমি রাজ্যের কারণ ॥
 এ-তনু রাখিয়া আর কিবা প্রয়োজন ।
 মহাপাপ করিলাম ভোগের কারণ ॥
 এইহেতু অনাহারে আপনার কায় ।
 করিব নিপাত আমি, আছি এ-আশায় ॥
 মুনি বলে, অবধান কর জন্মেজয় ।
 এত শুনি হাসি বলে ব্যাস-মহাশয় ॥
 ধর্ম্মশাস্ত্রজ্ঞাত তুমি ধর্ম্মের নন্দন ।
 জ্ঞানবান্ হ'য়ে হেন কহ কি-কারণ ॥
 অনন্ত-প্রকার জ্ঞান বেদের বচন ।
 তাহা পাসরিলে কেন, না বুঝি কারণ ॥
 জ্ঞান হৈতে লভে ধর্ম্ম, জ্ঞানে পাপ খণ্ডে ।
 জ্ঞানের প্রতাপে সবে তরে যমদণ্ডে ॥
 অনন্ত-লোচন জ্ঞান কহে মহাজন ।
 তোমাতে সে দিব্যজ্ঞান আছে হে রাজন্ ॥
 কহিলে যে, মহাপাপ করিষু অর্জুন ।
 জ্ঞাতিবধ-মহাপাপ কহে সর্বজন ॥
 তার হেতু কহি রাজা, শুন দিয়া মন ।
 ধার্ম্মিক-জনের পাপ নাহি কদাচন ॥
 ভুলারানি-সম পাপ, শুনহ রাজন্ ।
 ধর্ম্মের প্রতাপে ভয় হয় সেইক্ষণে ॥
 সংসারের হর্ভা কর্তা দেব-দামোদর ।
 যাঁর নাম লৈলে পাপহীন হয় নর ॥
 যাঁর নাম-কীর্তন-শ্রবণে, দরশনে ।
 অশেষ পাপীর পাপ খণ্ডে সেইক্ষণে ॥
 সদাকাল সঙ্গে রাজা, সেই নারায়ণ ।
 কেন জ্ঞাতিবধ-পাপ চিন্তহ রাজন্ ॥

কি হেতু আপন-প্রাণ চাহ ছাড়িবারে ।
 হান্নহত্যা-সম পাপ নাহিক সংসারে ॥
 ব্রহ্মবধ নারীবধ গোহত্যাকরণ ।
 ইহাতে নিকৃতি আছে, বেদের বচন ॥
 হান্নহত্যা-পাপে রাজা, নাহিক নিকৃতি ।
 আগম-পুরাণ-মত, বেদের ভারতী ॥
 জানিয়া শুনিয়া হেন চিন্তহ রাজন্ ।
 মন্দ বা আছেয়ে রাজা, ভ্রাস্ত তব মন ॥
 মন দিয়া শুন তবে আমার বচন ।
 ভাষ্য-মুখে শুনি কথা ঘুচিবেক ভ্রম ॥
 শ্রীমদ্ভক্তি ভীষ্মস্থানে করহ গমন ।
 এক বলি নিজস্থানে যান তপোধন ॥
 মহাভারতের কথা অমৃত-লহরী ।
 শুনিলে অশ্রু খণ্ডে, পরলোকে তরি ॥

—

২। ভীষ্মের নিকটে যুধিষ্ঠিরের গমন ।

বুনি বলে, অবধানে, শুন রাজা, একমনে ।
 যোগমার্গ-পুরাণ-কথন ।
 ব্যাসের বচন শুনি, আনন্দিত নৃপমণি,
 হস্তিনার যত পুরজন ॥
 ভ্রাতা মন্ত্রী অনুর, সহ ধন্য-নৃপবর,
 দিব্যরথে করি আরোহণ ।
 যত কত্র বৈশ্য শূদ্র, কি মহৎ, কিবা ক্ষুদ্র,
 হস্তিনার যত প্রজাগণ ॥
 চলি রাজার সঙ্গে, বাগ-কোলাহল-রঙ্গে,
 দেখিবারে গঙ্গার নন্দনে ।
 ধৃতরাষ্ট্র-বিদুরাদি, চলে পাছারী স্রোপদী,
 হুতী-আদিত্য-বত সারীকণে ॥

৪০ দি

আরোহিয়া চতুর্দোলে, নানাবস্ত্র-কোলাহলে,
 চলি গেল যথা গঙ্গাস্রুত ।
 রাহত মাহত রাণা, সঙ্গে ল'য়ে নানাসেনা,
 মহাহস্তী সব যুখে-যুখ ॥
 সাতাকি প্রছাদ্ন আর, সঙ্গে ল'য়ে পরিবার,
 বাগ-কোলাহলে যতুপতি ।
 গেলেন ভীষ্মের স্থান, দেখি ভীষ্ম মতিমান্,
 আদর করেন সব-প্রতি ॥
 যার যেই যোগ্যাসনে, বসিলেন কক্রগণে,
 প্রণমিয়া ভীষ্মের চরণে ।
 একভিতে দ্বিজগণ, পাতি দিব্য-কুশাসন,
 আনন্দে বসিল সেইস্থানে ॥
 যুধিষ্ঠির নরপতি, চিত্তে দুঃখা হ'য়ে অতি,
 ভ্রাতৃগণ-সহ শোকমনে ।
 লোটায়ে ধরণী-পরে, মুখে নাহি বাক্য সরে,
 বসিলেন বিষম-বদনে ॥
 যথাযোগ্য সম্ভাষণ, করে ভীষ্ম মহাজন,
 দ্বিজ-কত্র-বৈশ্য সর্বজন ॥
 দেখিয়া অমরগণ, প্রণবসিল সর্বজন,
 সাধুবাদে গঙ্গার নন্দনে ॥
 ভারতের পুণ্যকথা, শ্রবণে বিনাশে ব্যথা,
 পুণ্যবৃদ্ধি, পাপের বিনাশ ।
 কমলাকান্তের স্তত, হেতু স্তবনের শ্রীত,
 বিরচিল কান্দীরাম দাস ॥

—

৩। যুধিষ্ঠিরের নিকট ভীষ্মের যোগকথন ।

ভীষ্মেরে কহেন তবে রাজা যুধিষ্ঠির ।
 তোমার বিয়োগে চিত্ত নহে মোর স্থির ॥
 আশা-সম পাপ-আজ্ঞা নাহিক সংসারে ।
 রাজ্যহেতু পিতামহ, বাশিষ্ট তোমারে ॥

পাপী আমি নরাধম অতি-দুরাচার ।
 জ্ঞাতিবধ করি পাপ করিলাম সার ॥
 রাজ্যহেতু জ্ঞাতি-বন্ধু সবারে বধিয়া ।
 করিলাম বেদশাস্ত্র-বহির্ভূত ক্রিয়া ॥
 কল্পতরু পিতামহ, তোমার বিনাশ ।
 করিলাম মনে করি ধন-অভিলাষ ॥
 দ্রোণাচার্য্য-গুরু-আদি হুহুদু সৃজন ।
 জ্ঞাতি-বন্ধু-পরিবার যত রাজগণ ॥
 কর্ণ-সোমদত্ত-আদি বাহুলীক-নৃপতি ।
 দ্রুপদ সুশর্মা আর বিরাট প্রভৃতি ॥
 কর্ণ-হেন ভাই মম, দ্রোণ-হেন গুরু ।
 অভিমন্যু-ঘটোটকচ-আদি পুত্র চারু ॥
 আমার কারণে সবে পড়িল সমরে ।
 আমি-সম পাপী নাহি এ-ঘোর-সংসারে ॥
 কিবা ছার রাজ্য-লোভে করি হেন পাপ ।
 তোমাকে মারিয়া আমি পাই বড় তাপ ॥
 রাজপদ ছাড়ি আমি যাব দেশান্তর ।
 অনশনে রহি তেয়াগিব কলেবর ॥
 রাজপদে আর মম নাহি প্রয়োজন ।
 ভীমে রাজ্য দিয়া আমি প্রবেশিব বন ॥
 তপস্যা করিয়া কায় করিব শোধন ।
 যোগবলে আত্মা আমি করিব নিধন ॥
 এত বলি অধোমুখে কাম্পেন রাজন্ ।
 প্রবোধ-বচনে ভীষ্ম বলেন তখন ॥
 শোক দূর কর রাজা, স্থির কর মন ।
 ইতিহাস কহি এক, করহ শ্রবণ ॥
 সহস্রেক ফল শাস্তিপার্বের কথন ।
 শাস্তিকথা ক্রুহি, শাস্ত হইবে রাজন্ ॥
 জ্ঞাতিবধ-পাপ-আমি সব হবে কর ।
 মহাযোগ-কল পাবে, নহিক সংশয় ॥

সর্বত্র মঙ্গল হবে, সর্বত্র বিজয় ।
 হৃদয় স্থির হবে, শুন মহাশয় ॥
 সংসারের হর্ভা কর্তা দেব-নিরঞ্জন ।
 সৃজন-পালন তিনি করেন নিধন ॥
 কে পারে মারিতে পারে, কার কি শক্তি ।
 কর্মবন্ধে ভোগ করে যত কর্মগতি ॥
 কর্মবন্ধে গতায়ত করে সংসারেতে ।
 পুনঃপুনঃ জন্মে-মরে পাপ-পুণ্য হ'তে ॥
 পাপেতে পাপীর পাপ নিত্য বৃদ্ধি পায় ।
 যত পাপ, তত ভোগ দুর্গতি নিশ্চয় ॥
 মিথ্যা বলি চুরি করি কলুষ অর্জয় ।
 কালদণ্ডে যমরাজ তাহারে পীড়য় ॥
 সহস্র-শতেক আছে যমের যাতনা ।
 তাহাতে মরয়ে লোক না বুঝি আপনা ॥
 অনিত্য শরীর রাজা, অনিত্য ভাবনা ।
 নিত্যবস্ত্র না জানিয়া পাসরে আপনা ॥
 ধন হৈতে অতিশয় বাড়ে অহঙ্কার ।
 আত্মস্তুতি পরনিন্দা পাপী দুরাচার ॥
 ধনমদে মত্ত হ'য়ে বস্ত্র নাহি মানে ।
 নিকটে অন্তকপুর দুর্জনে না জানে ॥
 পাপ করি ধন অর্জে, চুরি হিংসা বাদ ॥
 না জানে দুর্জন-জন আপন-প্রমাদ ॥
 সর্বত্র সমান যুত্যা, না জানে দুর্গতি ।
 ধর্মশাস্ত্র মানে, যার ধর্মে আছে মতি ॥
 অন্তকালে পাপভোগ না হয় এড়ান ।
 যাহা করে, তাহা ভুঞ্জ পাপিষ্ঠ অজান ॥
 অসার সংসার এই, শুনহ রাজন্ ।
 অনিত্য শরীর, নিত্য নহে ধন-জন ॥
 আত্ময়ে ইহাতে এক ষোড়শ বচন ।
 অসার সংসার এই, শুনহ বিসরণ ॥

দিত্যবস্ত নারায়ণ এক সনাতন ।
 হুঁহার ভক্তিতে হয় পাপ-বিমোচন ॥
 নখন জনম হয়, মরণ অবশ্য ।
 ইন্দ্র-আদি দেবতার এই ত রহস্য ॥
 ভ্রম্মলে মরণ পায় অবশ্যই লোক ।
 মহাজন তাহাতে না করে কোন শোক ॥
 অসাব সংসার দেখ, রাজা যুধিষ্ঠির ।
 শোক পরিহরি রাজা, মন কর স্থির ॥

এত শুনি সবিস্ময় ধর্ম্মের তনয় ।
 করিয়াড়ে জিজ্ঞাসেন, কহ মহাশয় ॥
 মৃত্যু-হেন বস্তু কেবা করিল সৃজন ।
 পূর্বাপর আছে কিবা ব্যাপিত ডুবন ॥
 মৃত্যু বলি কোন্ জন এ-তিন-ডুবনে ।
 ছোট-বড় সর্বজীবে ফেলয়ে নিধনে ॥
 কে সৃষ্টি করিল মৃত্যু, হৈল কি-কারণে ।
 মৃত্যুতে সংহার করে বড়-বড়-জনে ॥
 গম বলে কারে, তার হয় কোন্ বেশ ।
 কিবা ব্যবসায় করে, থাকে কোন্ দেশ ॥

ভাঁস্য বলিলেন, বলি, শুনহ রাজন্ ।
 মৃত্যুর সৃজন-কথা অদ্বৈত-কথন ॥
 যবে করিলেন ব্রহ্মা সৃষ্টির পত্তন ।
 মৃত্যু-হেন বস্তু নাহি হইল সৃজন ॥
 সংসার ব্যাপিল জীবে, কেহ নাহি মরে ।
 পৃথ্বী যায় রসাতলে অতি গুরুভারে ॥
 শুনিয়া সকল তত্ত্ব চিন্তি প্রজ্ঞাপতি ।
 সায়ম্ভুব-নামে পুত্রে করিল উৎপত্তি ॥
 সায়ম্ভুব-পুত্র হৈল ক্রুচি-মহাশয় ।
 ভরতাদি হৈল সপ্ত ভাহার তনয় ॥
 সপ্তপুত্রে সপ্তদ্বীপে দিল অধিকার ।
 জম্বুদ্বীপে বাসিলেন ভরতকুমার ॥

জ্যেষ্ঠপুত্রে জম্বুদ্বীপে দিল অধিকার ।
 নাহি দিল ভরতে করে হুবিচার ॥
 পক্ষদ্বীপে অধিকার দিলেন ভরতে ।
 নাহি দিল অধিকার ভরত কোপেতে ॥
 সম্রাট হইয়া ক্রোধে হইল বাহির ।
 তপস্যা করিতে গেল পর্বত ত্রিহির ॥
 মহাতপ আরজিল ক্রুচির নন্দন ।
 অনাহারে বাতাহারে মুদিত লোচন ॥

এইরূপে রহে ষাটি-সহস্র বৎসর ।
 হুন্ট হ'য়ে ব্রহ্মা দিতে আসিলেন বর ॥
 না লইল বর সেহ, রহিল মৌনেতে ।
 পুনঃপুনঃ ব্রহ্মা কহিলেন বহুমতে ॥
 মহাক্রুদ্ধ হইলেন দেখি সৃষ্টিধর ।
 নেত্রানলে জনমিল দৈত্য ভয়ঙ্কর ॥
 সেই ত অম্বর জম্বুদ্বীপেতে রহিল ।
 সহিতে না পারি ভার পৃথিবী কাঁপিল ॥

ব্রহ্মার সদনে পৃথ্বী বিনয় করিল ।
 পৃথ্বীরে সাঙ্খ্যে তাঁর ভাবনা হইল ॥
 চিন্তিয়া গেলেন ব্রহ্মা যথা ভগবতী ।
 ললাট হইতে ঘণ্ট উপজিল অতি ॥
 সেই ঘণ্টা মৃত্যু-নামে লভিল জনম ।
 মহাভয়ঙ্কর-মূর্তি বড়ই বিঘম ॥

ব্রহ্মারে চাহিয়া মৃত্যু বলিল বচন ।
 আজি সর্বজীবে আমি করিব নিধন ॥
 একজন পৃথিবীতে না রাখিব আর ।
 ছোট-বড় সর্বজীবে করিব সংহার ॥
 এতেক বলিয়া মৃত্যু কাঁপে ধরধর ।
 হাসিয়া মৃত্যুকে কহিলেন সৃষ্টিধর ॥

ক্রোধ সংবরহ মৃত্যু, শুনহ বচন ।
 জম্বুদ্বীপে শীতপতি করহ গমন ॥

ধর্ম্মাধর্ম্ম বুঝি দণ্ড কর সর্ব্বজনে ।
 ব্যাধিরূপে বধ কর যত জীবগণে ॥
 সর্ব্বত্র ব্যাপক হও বরেন্তে আমার ।
 চতুর্দশ-ভুবনেতে কর অধিকার ॥
 চতুঃষষ্টি ব্যাধি সৃজি দেন তার সনে ।
 প্রেতপুরে যমরাজ চলিল তখনে ॥
 পুরী-চতুর্দিকে তার অপূর্ব্ব-রচন ।
 সেইকথা কহি, শুন ধর্ম্মের নন্দন ॥
 দেব-ঋষি-সম্মাসীরা মরিলে রাজন্ ।
 উত্তর-দুয়ারে যায় যমের সদন ॥
 পশ্চিম-দুয়ারখানি অতি রম্যস্থল ।
 নানা-দ্রব্য-ভোগ্য আছে অমৃত-সকল ॥
 সম্মুখ-যুদ্ধেতে পড়ে যেই যোদ্ধগণ ।
 পশ্চিম-দুয়ারে যায় যমের সদন ॥
 পূর্ব্বদ্বারখানি দোঁখি পরম-সুন্দর ।
 দধি-দুগ্ধ ভক্ষ্য-দ্রব্য রম্য-সরোবর ॥
 স্বামীর সহিত মরে যত নারীগণ ।
 স্বামী ল'য়ে পূর্ব্বদ্বারে করয়ে গমন ॥
 দক্ষিণ-দ্বারের কথা কহনে না যায় ।
 শুনিলে রোমাঞ্চ হয় সকলের কায় ॥
 দক্ষিণ-দুয়ারে বহে বৈতরণী নদী ।
 পাপীর শরীর দহে, পরশয়ে যদি ॥
 মস্তকে করয়ে দূত মুঘল-প্রহার ।
 সঁতারিয়া পাপী সব হয় তাহে পার ॥
 পার হ'তে আছে যত শুনহ কাহিনী ।
 কুমিতে মাথার খুলি খায়, ইহা জানি ॥
 ঠাই-ঠাই একেখর হ'তে হয় পার ।
 শৃগাল-কুকুরে খায়, ঘোর-অঙ্ককার ॥
 চোরাশী নরককুণ্ড তাহার দক্ষিণে ।
 তাহার সকল-কথা শুন অবধানে ॥

বজ্রকীট আছে সব তাহার ভিতর ।
 গ্রাসে-গ্রাসে পাপী বেড়ি খায় নিরন্তর ॥
 স্বামিবাক্য নাহি মানে, স্থাপিত-হরণ ।
 দেবতারে নিন্দে, আর নিন্দয়ে ব্রাহ্মণ ॥
 তাহারে ফেলয়ে ঘোর-নরক-ভিতরে ।
 ধর্ম্মাধর্ম্ম-বিবেচনা চিত্তগুপ্ত করে ॥
 মহাকুণ্ড-নাম ধরে পূরিত-শোণিত ।
 শতেক-যোজন তাহা কণ্টকে পূরিত ॥
 সে নরকে গোবধ-স্ত্রীবধকারী যায় ।
 সর্ব্বাঙ্গ পোড়য়ে তাহে নরক-পীড়ায় ॥
 কুস্তীপাক-নরকের শুনহ কথন ।
 শুন পরিমাণ তার সপ্তক-যোজন ॥
 তাহে ভাজা হয় পাপী আপনার তৈলে ।
 ব্রহ্মবধ করে কিংবা সুবর্ণ হরিলে ॥
 মিথ্যাকথা কহে যেবা, হরয়ে শাসন ।
 কুস্তীপাক-নরকেতে তাহার গমন ॥
 যে মহারোরব-নাম নরক-বিশেষ ।
 শুনহ তাহার কথা, বলিব অশেষ ॥
 তনয়া বিক্রয় করে যেবা মৃতজ্ঞ ।
 সে মহারোরবে হয় তাহার গমন ॥
 আর যেবা মহাপাপ করে মহীতলে ।
 নরক ভুঞ্জয়ে যত ক্রমে বহুকালে ॥
 সংক্ষেপে কহিলু যমপুরীর কথন ।
 কহিব ধর্ম্মের ফল, শুনহ রাজন্ ॥
 যার যেবা ধর্ম্মাধর্ম্ম করিয়া বিচার ।
 ছোট-বড় সবাকার কহিব বিস্তার ॥
 মহাভারতের কথা অমৃত-লহরী ।
 শুনিলে অধর্ম্ম খণ্ডে, পরশোকে তরি ॥
 শান্তিপর্ব্ব ভারতের অপূর্ব্ব-কথন ।
 একচিন্তে একমনে শুনে যেইজন ॥

সৰ্ব-ধৰ্ম্মকল লভে, নাহিক সংশয় ।
সৰ্বত্র অতীত-লাভ, সৰ্বত্র বিজয় ॥
শান্তিপৰ্ব ভারতের সুখা হৈতে সুখা ।
কাশী কহে, পান করি যায় ভবক্ষুধা ॥

৪। ধৰ্ম্মাধৰ্ম্ম-মন্ত্ৰাবে ধৰ্ম্মিনামের
মাহাত্ম্য-কণন ।

জিজ্ঞাসেন যুধিষ্ঠির করিয়া বিনয় ।
ধৰ্ম্মাধৰ্ম্ম-কথা কহ, শুনি মহাশয় ॥
'কল্পে অধৰ্ম্ম-ভোগ করে পাপিগণে ।
দৰ্শ্যলোক ধৰ্ম্মভোগ করয়ে কেমনে ॥
শুনিয়া কহেন হাসি গঙ্গার তনয় ।
ক'তব সকল কথা, শুনহ নিশ্চয় ॥
সম্ভাবনাপুরী-নাম বিখ্যাত ভুবন ।
অদ্বত যমের পুরী, না যায় বর্ণন ॥
ঘোল-শ-যোজন হয় তার পরিমাণ ।
অপূৰ্ব যমের পুরী, বিচিত্র-নিৰ্ম্মাণ ॥
দান-বদ্ধ করে যেই, ভজে নারায়ণে ।
পুণ্যবান-জন করে গমন সেখানে ॥
ব্রাহ্মণেরে গাভীদান করে যেইজন ।
বিস্মৃত্য জানি বিপ্রে করয়ে সেবন ॥
সৰ্ব্বদ্বার দিয়া যায় যমের সদন ।
যমের বিচিত্র-পুরী করে নিরীক্ষণ ॥
নবঘনশ্যাম-অঙ্গ, মোহন মুরারি ।
দেখিতে অপূৰ্ব-শোভা, যেন চক্ৰধারী ॥
সম্ভাষণ করি যম চিত্তগুণে বলে ।
পাপ-পুণ্য-বিচারাদি করে সেইকালে ॥
যোগধৰ্ম্ম সাধি যেন ভজে নারায়ণ ।
বিধিমতে ভক্তিভাবে করয়ে পূজন ॥

পুষ্পক-রথতে সেই করে আরোহণ ।
বিকুরূপ ধৰ্ম্মরাজে করে নিরীক্ষণ ॥
সেইক্ষেণে ধৰ্ম্মরাজ বিবিধ-প্রকারে ।
বিস্মৃত্য করি পূজা করয়ে তাহারে ॥
বৈকুণ্ঠ হইতে তবে দেব-নারায়ণ ।
দিব্যরথ পাঠাইয়া দেন সেইক্ষণ ॥
যমেরে প্রণাম রথে করি আরোহণ ।
দেবভূল্য হ'য়ে করে বৈকুণ্ঠে গমন ॥
জলদান অন্নদান করে যেইজন ।
আত্মভূল্য অতিথিরে করে আরাধন ॥
রথে চড়ি যায় সেই বৈকুণ্ঠ-ভুবন ।
কোনকালে তাহার না হইবে পতন ॥
তাম্বুল-গুবাক-দান করে যেইজন ।
দিব্যরথে যায় সেই যমের ভবন ॥
স্নাতদান করে শিজে, করে অন্নভূত ।
যমের নগরে যায় আরোহিয়া রথ ॥
ধান্যদান ব্রাহ্মণেরে করে যেইজন ।
রুত্তিদান দিয়া যেই তোষয়ে ব্রাহ্মণ ॥
বিচিত্র-বিমানে যায় যমের নগর ।
নানা-উপভোগ সেই ভূজয়ে সক্ষর ॥
ভূমিদান দিয়া যেই তোষয়ে ব্রাহ্মণ ।
পিতৃ-অঙ্গ দেব-অঙ্গ করে নিরীক্ষণ ॥
ব্রাহ্মণের সেবা যেই করে অনুভূতে ।
ইন্দ্র-আদি দেবে পূজা করে শুদ্ধচিত্তে ॥
পথে-পথে ক্ষীরদান করিতে-করিতে ।
দিব্যরথে চড়ি যায় যমের পুরীতে ॥
ধৰ্ম্মাধৰ্ম্ম-কলাকল কহিতে বিস্তার ।
সংক্ষেপে কহি যে কিছু, শুন সারোদ্ধার ॥
ধৰ্ম্মাধৰ্ম্ম ভূজায় আপনি যমরাজে ।
ধৰ্ম্মাধৰ্ম্ম-বিরোচনা তাঁহার সমাজে ॥

যে যেমন ধর্ম্য করে, সে তেমন পায় ।
 সর্বস্বখে পূর্ণ হ'য়ে যমপুরে যায় ॥
 ধর্ম্মাধর্ম্ম বিচারিতে কর্তা ধর্ম্মরাজ ।
 অস্তকালে যায় জীব যমের সমাজ ॥
 সংসারের হর্ত্তা কর্তা দেব-দামোদর ।
 ষাঁর নামে নাশে যত পাতক-নিকর ॥
 জ্ঞান কীর্ত্তন নাম-স্মরণ বন্দন ।
 সখ্যভাব দাস্ত্যভাব আত্ম-নিবেদন ॥
 বিবিধ বিষ্ময় ভক্তি, বেদের বচন ।
 কি-কারণে তাহা নর না করে সাধন ॥
 শুনহ, গোবিন্দতত্ত্ব কঠিন না হয় ।
 কি-কারণে তাহে লোক পরাধ্বুখ রয় ॥
 পরদ্রব্য হরে, করে হিংসা পরদার ।
 চুরি-হিংসা করি তোষে আত্ম-পরিবার ॥
 বিপ্রে দান দেয়, কিন্তু মনে অহঙ্কার ।
 অতিথিরে নাহি গুজে, করে তিরস্কার ॥
 ব্রাহ্মণী হরণ করে কামে মত্ত হ'য়ে ।
 প্রকারে প্রপঞ্চ করে মন্দ-মিথ্যা ক'য়ে ॥
 এইরূপে যত পাপ করয়ে অর্জুন ।
 বিষ্ঠাকুণ্ডে পড়ি বিষ্ঠা করয়ে ভক্ষণ ॥
 কান্দয়ে যতেক পাপী করি হাহাকার ।
 মস্তক-উপরে করে মুদগর-প্রহার ॥

এইরূপে পাপভোগ করে পাপিগণ ।

ইতিহাস-কথা এক শুনহ রাজন্ ॥
 জগতের হর্ত্তা কর্তা দেব-দামোদর ।
 তাঁর রূপ তাঁর গুণ বেদ-অগোচর ॥
 ভাবিয়া এতেক চিন্তে ব্রহ্মার নন্দন ।
 শীত্ৰগতি চলিলেন, যথা পদ্মাসন ॥
 করবোড়ে স্তুতি-নতি অনেক করিল ।
 তুচ্ছ হ'য়ে ব্রহ্মা নারদেরে জিজ্ঞাসিল ॥

কি-হেতু এ-সত্যলোকে তব আগমন ।
 অসম্বন্ধ-চিত্ত তব দেখি কি-কারণ ॥
 স্বরলোকে কিবা পরমাদ ঘটয়াছে ।
 ইন্দ্রের ইন্দ্র কিবা অসুরে হ'য়েছে ॥
 অসুর-পীড়ন কি হ'য়েছে দেবলোকে ।
 কি-হেতু তোমার চিত্ত ময় দেখি দুঃখে ॥

এত শুনি করবোড়ে কহে তপোধন ।

আমার চিন্তের দুঃখ না যায় কখন ॥
 যত ভাবিলাম চিন্তে, দিতে নাহি সীমা ।
 জানিতে নারিনু হরিনামের মহিমা ॥
 বেদশাস্ত্র-বহির্ভূত মন-অগোচর ।
 এ-হেতু ভাবিয়া হৈমু চিন্তিত-অস্তর ॥
 জগতের হর্ত্তা কর্তা তুমি সনাতন ।
 তোমাতে উৎপত্তি হয়, তোমাতে নিধন ॥
 সংসারের পতি তুমি, সবার ঈশ্বর ।
 সংসারের আদি-অন্ত তোমাতে গোচর ॥
 সে-কারণে আসিলাম ছরিত এখানে ।
 নামের মহিমা বল আমার সদনে ॥
 তোমা-বিনা অশ্রুজন কে কহিতে পারে ।
 কুপা করি শীত্ৰগতি কহিবে আমারে ॥

এত শুনি হাসি ব্রহ্মা কহিলা বচন ।

জগতের এক আত্মা সেই নিরঞ্জন ॥
 কে করিতে পারে তাঁর নাম-নিরূপণ ।
 আমি নাহি জানি হরিনামের কখন ॥
 পূর্বাপর আছে হেন বেদের উত্তর ।
 নামের মহিমা কিছু জানেন শঙ্কর ॥
 শিবের সদনে তুমি করহ গমন ।
 নামের মহিমা কহিবেন ত্রিলোচন ॥

এত শুনি আনন্দিত হ'য়ে তপোধন ।

প্রণমিয়া চলি গেলা হরের সদন ॥

নশ্ব করি হরে কৈলা বহুস্ততি ।
 জয়-জয় বিরূপাক কাত্যায়নী-পতি ॥
 পূর্ণব্রজ সনাতন সিদ্ধ-অবতার ।
 তোমার মহিমা শ্রুত, কি বলিব আর ॥
 কৃষ্ণনাম-মহাশ্লোক দিতে নারি সীমা ।
 তুমি সে জানিতে পার নামের মহিমা ॥
 সে-কারণে আইলাম তোমার সদন ।
 কহিবে আমারে তুমি নাম-নিরূপণ ॥

এত শুনি হাসি-হাসি বলে ত্রিলোচন ।
 কে কহিতে পারে হরিনামের কথন ॥
 সমুদ্র-লহরী যেবা গণিবারে পারে ।
 পৃথিবীর রেণু যেবা গণে এ-সংসারে ॥
 আকাশের তারা গণি করে নিরূপণ ।
 শীঘ্রগতি তার স্থানে করহ গমন ॥

এত শুনি হর্ষচিতে করিয়া প্রণতি ।
 হরিত গেলেন, যথা ত্রিদশের পতি ॥
 দেবর্ষি নারদ, যিনি খ্যাত ত্রিভুবন ।
 বৈকুণ্ঠের দ্বারে তাঁরে না করে বারণ ॥
 গেলেন সত্বর, যথা লক্ষ্মী-নারায়ণ ।
 করযোড়ে প্রণমিয়া করেন স্তবন ॥
 জয়-জয় জগন্নাথ ত্রিদশ-ঈশ্বর ।
 জগৎ-নিবাসী জয়, জগতের পর ॥
 অপার মহিমা তব, দিতে নারি সীমা ।
 শিক্তের পালন, দুষ্ট-দমন-গরিমা ॥
 সজ্জক, পালক, পরে সংহার-মুরতি ।
 অধিলকারণ অজ, অধিলের পতি ॥
 নমো-নমো দিব্য মংস্ত-কূর্প-অবতার ।
 সপ্তবিংশ-জ্ঞানদাতা, বেদের উদ্ধার ॥
 নমো-নমো অবতার, নমো অসিযুগ ।
 হিরণ্যক-বিহারক, গুহী-উদ্ধারক ॥

নমো কূর্প-অবতার পর্বত-ধারণ ।
 নমন্তে মোহিনীরূপ অনুরমোহন ॥
 নমন্তে মুকুন্দ, নমো-নমো মধুহারী ।
 নমন্তে বামনরূপ, নমন্তে মুরারি ॥
 নমো রঘুকুলনাথ রাবণ-অস্তক ।
 নমন্তে মাধব, নমো সংসার-পালক ॥

এইরূপে দেব-শাসি করে বহুস্ততি ।
 তুষ্ট হ'য়ে তাঁরে তবে কহে লক্ষ্মীপতি ॥
 ধন্য-ধন্য মহামুনি ব্রজার কুমার ।
 কোন্ হেতু এইস্থানে কৈলে আশ্রয় ॥
 ভকত-অধীন আমি, ভকত জীবন ।
 ভকতের ধন আমি, ভকতের মন ॥
 মনোহর-রূপ আমি মন-অগোচর ।
 কাহাতে নিলগ্ন আমি, কাহে ভিন্ন পর ॥
 আশ্রয়রূপে সর্বভূতে আমার প্রকাশ ।
 সে-কারণে খ্যাত আমি বলি শ্রীনিবাস ॥
 আশ্রয়রূপে আমি প্রতিভাত সর্বভূতে ।
 অভক্ত আমারে চিতে না পারে রাখিতে ॥
 ভকত-অধীন, থাকি ভকতের সাথে ।
 ভক্তিতে কেবল ভক্ত পারয়ে রাখিতে ॥
 ভকতের বাঞ্ছা পূর্ণ করি অনুকণ ।
 কহ মহামুনি, হেথা কিবা প্রয়োজন ॥

এত শুনি নারদ কহেন ষোড়হাত ।
 নিবেদন করি কিছু, শুন জগন্নাথ ॥
 বর দিয়া ভাগু তুমি আপন-কিঙ্কর ।
 সেকারণে শ্রীগোবিন্দ, নাহি চাহি বর ॥
 যদি বর দিবে, এই দেহ নারায়ণ ।
 তব গুণ গেয়ে যেন ভ্রমি অনুকণ ॥
 এক নিবেদন দেব, শুনহ আমার ।
 তোমার দুর্দভ নাম জগদ-মিত্যর ॥

ইহার মহিমা দেব, বলহু আমারে ।

শুনিলে মনের আশ্রিত-সব যাবে দূরে ॥

এত শুনি মূঢ় হাসি কহে নারায়ণ ।

সঞ্জীৱনীপুরে তুমি করহ গমন ॥

মম বৃত্তি আছে তথা যম ধর্মরাজ ।

স্বরিত-গমনে যাহ তাহার সমাজ ॥

নামের মহিমা সেই কহিবে আমার ।

তাহা শ্রুতমাত্র ভ্রম খণ্ডিবে তোমার ॥

এত শুনি আনন্দিত হ'য়ে তপোধন ।

প্রণমিয়া চলিলেন কৃতান্ত-ভবন ॥

যমের বিচিত্র-সভা, না হয় বর্ণন ।

নিবাস করিছে তথা যত পুণ্যজন ॥

চতুর্ভূজ দিব্যবৃত্তি শ্যাম-কলেবর ।

খঞ্জন-গঞ্জন নেত্র, সুরঙ্গ-অধর ॥

পীতবাস-পরিধান, রাজীব-লোচন ।

শঙ্খ-চক্র-গদা-পদ্ম-স্ত্রীবৎসলাঞ্জন ॥

কনক-মুকুট মাথে শোভে অতিশয় ।

মেঘের উপর যেন সূর্যের উদয় ॥

দেখিয়া বিস্ময় মানিলেন মূনিবর ।

প্রণাম করিয়া স্তুতি করেন বিস্তর ॥

স্তুতিবশে ভূমি হইলেন মৃত্যুপতি ।

জিজ্ঞাসেন কি-কারণে হেথা মহামতি ॥

নারদ বলেন, শুন হেথা যে-কারণ ।

কহিবে আমারে কৃষ্ণনাম-নিরূপণ ॥

এত শুনি মূঢ় হাসি বলে মৃত্যুপতি ।

পুরীর দক্ষিণে মম যাহ মহামতি ॥

নামের মহিমা তুমি সেইখানে পাবে ।

তবে সে মনের আশ্রিত খণ্ডিত হইবে ॥

এত শুনি শ্রুতগতি যায় তপোধন ।

পুরীর দক্ষিণদিকে করেন গমন ॥

দেখেন যমের পুরী পাপীর পীড়ন ।

কুমিহুদ সারি-সারি অদ্ভুত-গঠন ॥

অসিপত্র-মহাবন দেখি ভয়ঙ্কর ।

উষ্ণজল-বৃষ্টি কোথা হয় নিরন্তর ॥

কণ্টকের বন কোথা বিপুল-বিস্তার ।

তাহাতে পড়িয়া পাপী কান্দে অনিবার ॥

কোনখানে দেখে সবে পাশেতে বন্ধন ।

লক্ষ-লক্ষ কোটি-কোটি আছে পাপিগণ ॥

কোনখানে বিষ্ঠাকুণ্ডে ফেলি পাপিগণে ।

মস্তকে মুদগরাঘাত করে দূতগণে ॥

কোনখানে অস্ত্রবৃষ্টি হয় ঘন-ঘন ।

অস্ত্রাঘাতে ব্যাকুলিত কান্দে পাপিগণ ॥

এরূপ প্রহারে ব্যাকুলিত পাপিজন ।

দেখিয়া বিস্ময় মানিলেন তপোধন ॥

গোবিন্দ মাধব হরে রাম দামোদর ।

এত বলি কর্ণে কর দেন মূনিবর ॥

সেই-শব্দ যত-যত পাতকী শুনিল ।

শ্রুতমাত্র সবাকার পাপ মুক্ত হৈল ॥

প্রেতবৃত্তি ত্যজি সবে হৈল দিব্যকায় ।

দিব্য-বিমানেন্তে চড়ি স্বর্গপুরে যায় ॥

অশেষ-বিশেষে স্তুতি করি মূনিবরে ।

অসংখ্য-অসংখ্য পাপী চলিল সঙ্করে ॥

দেখিয়া বিস্ময় মানিলেন তপোধন ।

অপার মহিমা হরিনামের কখন ॥

জয়-জয় নামরূপ, জয় জগদীশ ।

অপার মহিমা জয়, জয় অজ জৈশ ॥

নমো-নমঃ স্প্রকাশ সর্ব-কামদায় ।

নমো নারায়ণ, জন্ম-বন্ধন খণ্ডায় ॥

এইরূপ বহুস্তুতি করে তপোধন ।

আনন্দেতে বখাষানে করেন গমন ॥

ভীষ্ম বলিলেন পুনঃ, শুনহ রাজন্ ।
 উত্তর-দ্বারের কথা কহিব এখন ॥
 পরিশর পঞ্চদশ-যোজন-হাজার ।
 উত্তরে অতীব রম্য যমের দুয়ার ॥
 স্থানে-স্থানে উপবন অতি-মনোহর ।
 নানাবিধ-দ্রব্যসব শোভে ধরে-ধর ॥
 দূত দধি দুগ্ধ ক্ষীর নানা-উপহার ।
 রুচি-সুশীতল জল সুবাসিত আর ॥
 পদ-পথে স্থানে-স্থানে দেব-দ্বিজগণ ।
 সন্মুখ-সমর করি মরে যতজন ॥
 সে গাঙ্গনে নিজদেহ ত্যজে যেইজন ।
 উত্তর-দুয়ারে করে সে-জন গমন ॥
 নব ভোগবান্ হয় পরম-আনন্দে ।
 দধ্মরাজ যমে গিয়া সুমি লুটি বন্দে ॥
 সেইকণে যম আত্মা দেন দূতগণে ।
 পট্টসজ্জ করি সদা থাকিয়া বিমানে ॥
 ত্রি-চকোটি-বর্ষ রহি দেব-পরিমাণে ।
 অন্নতাদি নানাভোগ করে দিনে-দিনে ॥
 অনন্তর মহীতলে লভয়ে জনম ।
 সেই নারী, সেই পতি, ইথে নাহি ভ্রম ॥
 মহাভারতের কথা অমৃত-লচরী ।
 শুনিলে অধর্ম্ম খণ্ডে, পরলোকে তারি ॥
 কালীরাম দাস কহে রচিয়া পয়ার ।
 অবশ্যে তরে যেন সকল সংসার ॥

৫। ভীষ্মশীল ও ধর্ম্মজ্ঞের উপাখ্যান ।

ভীষ্মদেব বলে, শুন ওহে কুন্তীমত ।
 যমের দক্ষিণদ্বার বড়ই অদ্বুত ॥
 পূর্বে যাহা শুনিলাম দেবলের মুখে ।
 সাবধিত হ'য়ে শুনি, বলিব তোমাকে ॥

ভীষ্মশীল-নামে ঋষি, অযোধ্যার স্থিতি ।
 সর্বশাস্ত্রে বিশারদ, গুণে মহামতি ॥
 নন্দন-শাঙ্গন করে বেদ-অধ্যয়ন ।
 এইরূপে উপার্জন করে বহুধন ॥
 দধ্মরাজ-নামে এক খপচ-কুমারে ।
 গোধন-রক্ষণ-হেতু রাখিল আগারে ॥
 পূর্বসংতে অবন্তি-নামে ব্রাহ্মণ সে ছিল ।
 ভ্রাতৃশাপে চণ্ডালের কুলেতে জন্মিল ॥
 এত শুনি জিজ্ঞাসেন ধর্ম্মের নন্দন ।
 চণ্ডাল হটল কেন হইয়া ব্রাহ্মণ ॥

ভীষ্ম বলিলেন, শুন ধর্ম্মের নন্দন ।
 চণ্ডাকু-বংশের গুরু শাস্তি তপোধন ॥
 সুবস্তি অবন্তি তার দুইটি নন্দন ।
 দধ্ম্য অধর্ম্ম তারা করে দুইজন ॥
 মহাধর্ম্মশীল হৈল সুবস্তি কুমার ।
 দুরাত্ম অবন্তি হৈল মহাপাপাচার ॥
 নিজপক্ষ ছাড়ি করে সদা কদাচার ।
 চুরি-হিংসা-পাপ করে, হরে পরদার ॥
 পিতার সঞ্চিত ধন যতক আছিল ।
 বেছ্যাত্তে আসক্ত হ'য়ে সকলি নাশিল ॥
 বহুমতে ভ্রাতা তারে করে নিবারণ ।
 না শুনিল ভ্রাতৃবাক্য পাপিষ্ঠ দুজন ॥
 ক্রুদ্ধ হ'য়ে জ্যেষ্ঠভ্রাতা শাপিল তখন ।
 না শুনিলে মম বাক্য করিয়া হেলন ॥
 এই পাপে জন্মান্তরে চণ্ডাল হু পাবে ।
 অনন্তর যমদূত হইয়া জন্মিবে ॥

ব্রাহ্মণ হইতে পুনঃ হইবে মোচন ।
 শুনিয়া অবন্তি হৈল অতি-ক্রুদ্ধমন ॥
 দণ্ডক-অরণ্যে প্রবেশিল সেইকণ ।
 তপস্তা করিল তবে শাস্তির নন্দন ॥

অনাহারে তপ করি ত্যজে কলেবর ।
 সেই ত অবস্থি হৈল খপচ-কোড়র ॥
 ভদ্রশীল ব্রাহ্মণের হইল রাখাল ।
 যতন-পূর্ব্বক রাখে গোধনের পাল ॥
 তাহার পালনে গাভী ব্যাধি নাহি জানে ।
 ভদ্রশীল-বিপ্রে তুষ্ট করে নিজগুণে ॥
 সর্পের দংশনে শেষে জীবন ত্যজিল ।
 শুনি ভদ্রশীল বড় শোকাক্ত হইল ॥
 পুত্রশোকে পিতা যথা করয়ে রোদন ।
 সেইরূপে দ্বিজ বহু করিল শোচন ॥
 খণ্ডন না যায় কভু মূনির উত্তর ।
 সেই ধনুর্ধ্বজ হৈল যমের কিস্কর ॥

একদিন ধনুর্ধ্বজ যমের আজ্ঞায় ।
 সুশীল-নামেতে বৈশ্ণে আনিবারে যায় ॥
 পথে ভদ্রশীল-সহ হৈল দরশন ।
 দেখিয়া বিস্মিতচিত্ত হৈল তপোধন ॥
 জিজ্ঞাসিল, কহ তুমি, আছিলে কোথায় ।
 মরিয়া কিরূপে পুনঃ আসিলে ধরায় ॥
 মরিলে না জীয়ে লোক, ব্রহ্মার সৃজন ।
 মরিয়া কিরূপে পুনঃ পাইলে জীবন ॥
 সেই হস্ত, সেই পদ, সেই কলেবর ।
 আকৃতি-প্রকৃতি সেই পরম-সুন্দর ॥

এত শুনি প্রণমিয়া বলিল বচন ।
 সেই ধনুর্ধ্বজ আমি খপচ-নন্দন ॥
 নিজ-কর্ম্মফলে হৈলুম যমের কিস্কর ।
 আমারে পালিলে তুমি পূর্ব্বক বহুতর ॥
 নমো জগদগুরু ব্রহ্ম প্রণত-পালন ।
 নমস্তে ব্রাহ্মণ-বৃর্ত্তি পতিততারণ ॥
 কৃপায় রাখিলে মোরে গোধন-রক্ষণে ।
 পুনর্জন্ম-খণ্ডন না হৈল সে-কারণে ॥

যমের যন্ত্রণা-ভোগ কহেন না যায় ।
 ধর্ম্মমুখে শুনি শঙ্কা জন্মিল আমায় ॥
 এত শুনি সবিস্ময় হৈল তপোধন ।
 জিজ্ঞাসিল, কহ, শুনি যমের কথন ॥
 কিরূপে জন্ময়ে জীব মায়ের উদরে ।
 কিরূপেতে তনুত্যাগ করে আরবারে ॥
 জন্মেতে যতেক কর্ম্ম, অধর্ম্ম-আচার ।
 কিরূপেতে কর্ম্মভোগ করায় তাহার ॥

দূত বলে, সেই-কথা কহিতে বিস্তর
 সংক্ষেপে কহিব কিছু শুন, দ্বিজবর ॥
 মায়ের উদরে জীব শৃঙ্গার-পরশে ।
 ঋতুর সংযোগে জন্মে জনক-ওরসে ॥
 পঞ্চরাত্রি-গতে হয় বৃহু দ-প্রমাণ ।
 পক্ষান্তরে হয় জীব বদরী-সমান ॥
 এইরূপে ক্রমে-ক্রমে বাড়ে অতিশয় ।
 দিনে-দিনে চন্দ্রকলা যেমত বাড়য় ॥
 মাসেক অন্তরে হয় অক্লুষ্ঠ-প্রমাণ ।
 হস্তপদ নাহি, মাংসপিণ্ডের সমান ॥
 দ্বিতীয়-মাসেতে হয় মস্তক-উৎপত্তি ।
 তৃতীয়-মাসেতে হয় হস্তপদাকৃতি ॥
 চতুর্থ-মাসেতে কেশ-লোমের জনম ।
 পঞ্চম-মাসেতে তনু বাড়ে ক্রমে-ক্রম ॥
 ষষ্ঠমাসে ভ্রমে জীব মায়ের উদরে ।
 চতুর্দিকে ঘোর-অগ্নি দহে কলেবরে ॥
 সপ্তম-মাসেতে জীব নানাক্রমে রয় ।
 ঋণেকে চৈতন্য পেয়ে উদরে ভ্রময় ॥
 মায়ের ভোজন-রসে বাড়ে দিনে-দিনে ।
 অষ্টমাসে দিব্যজ্ঞানে আপনারে জানে ॥
 জন্ম-জন্মান্তরে যত ক'রেছিল পাপ ।
 তাহার স্মরণে চিতে জন্ময়ে সন্তাপ ॥

দুরিয়া সে-সব পাপ করয়ে ক্রন্দন ।
 আপনারে নিন্দা করি বলয়ে বচন ॥
 দ্বন্দ্ব পাপিষ্ঠ আমি, বড় চুরাচার ।
 কেন না ভজিছু কৃষ্ণ সংসারের সার ॥
 ঐটার জন্মি প্রভু, ভজিব তোমায় ।
 জ্ঞানদাতা, জ্ঞান মম যেন না হারায় ॥
 এইরূপে দশমাস-অবধি নির্ণয় ।
 চন্দ্রমাত্র মহামায়া জ্ঞান হরি লয় ॥
 জ্ঞানহত হওয়ামাত্র করয়ে রোদন ।
 ভ্রমের স্তম্ভপানে বাড়ে অপঘন ॥
 দুঃখার্থে যথা আয়ু বিধির নির্ণয় ।
 তাহাতে অধর্ম কৈলে আয়ু পায় ক্ষয় ॥
 অধর্মের ফলে লোক মরে বাল্যকালে ।
 যাবনে মরয়ে কেহ অধর্মের ফলে ॥
 ধর্মধর্মফলে মরে অর্ধেক-বয়সে ।
 দ্বন্দ্বকালে মরে লোক অদৃষ্টের বশে ॥
 সর্বকালে আছে মৃত্যু, নাহিক এড়ান ।
 ছোট-বড় সর্বজীব একই সমান ॥
 চাঁদ হংসা মিথ্যা কহি পোষে হত-দার ।
 বহুকালে বেড়ি তারে কান্দে পরিবার ॥
 জানি তাহার ধর্মধর্ম-আচরণ ।
 চিরিয়া ধর্মরাজ করেন তাড়ন ॥
 ঈশ-পতঙ্গদি জীব চৌরাশী-যোনিতে ।
 ক্রমে-ক্রমে জন্মে-মরে কর্মফল হৈতে ॥
 বাহা করে, তাহা ভোগে, নাহিক এড়ান ।
 সৎকর্মে কহিছু জীব-কর্মের ব্যাখ্যান ॥
 এত শুনি বৃদ্ধহাসি বলে দ্বিজবর ।
 এক সভ্য কর তুমি আমার গোচর ॥

কেমন যমের পুরী, দেখাবে আমারে ।
 এত শুনি ভাবি দূত কহিছে তাহারে ॥
 যমের বিষম পুরী বিপুল-বিস্তার ।
 দেখিবারে ইচ্ছা যদি হৈল আপনার ॥
 যত পিতৃ-পিতামহ-মাগে বন্ধ আছে ।
 আপনি যতেক ঋণ লোকের ক'রেছ ॥
 ক্রমে-ক্রমে সব ঋণ করহ শোধন ।
 তবে সে লইতে পারি যমের সদন ॥
 মাগগ্রস্ত মানবের নাহি তথা গতি ।
 যদি বা তথায় যায়, ডুগয়ে দুর্গতি ॥
 এত শুনি ভাবি দ্বিজ বলেন বচন ।
 আজি আমি সব ঋণ করিব শোধন ॥
 অধাণী হইব আমি তোমার বচনে ।
 পুনশ্চ তোমারে পাব বল কোন্‌খানে ॥
 দূত বলে, বিজ, তুমি হইলে অধাণী ।
 খট্টাতে গৃহের মধ্যে শুইবে আপনি ॥
 ছুয়ারেতে খিল দিয়া করিবে শয়ন ।
 দারা-সুত সর্বজনে করিবে বারণ ॥
 সবারে কহিবে পুনঃপুনঃ হিতবাণী ।
 তিনদিন বহির্ভূতে ঘুচাবে খিলনী ॥
 ইতিমধ্যে কেহ যদি ঘুচায় ছুয়ার ।
 নিশ্চয় হইবে তবে আমার সংহার ॥
 এইরূপ সগাকারে কহিবে বচন ।
 সভ্য কহি, দেখাইব যমের সদন ॥
 এত বলি অন্তর্হিত হৈল সেইক্ষণ ।
 আনন্দেতে গৃহে বিজ করিল গমন ॥
 পিতৃ-পিতামহ হৈতে যত ঋণ ছিল ।
 ক্রমে-ক্রমে ভ্রষ্টশীল সকলি শুধিল ॥

আপনিহ যত ঋণ ল'য়েছিল লোকে ।
সর্বলোকে বলে দ্বিজ মনের কোঁতুকে ॥
যার ধারি, লভ ঋণ, যেবা ধার, দেহ ।
এই ভিক্ষা মাগি আমি, কর অনুগ্রহ ॥

এইরূপে সর্বলোকে কহিয়া বচন ।
ক্রমে-ক্রমে যত ঋণ করিল শোধন ॥
অধাগী হইল দ্বিজ, আনন্দিত-মন ।
দারা-সুত-সবাকারে কহিল বচন ॥
তিন-দিবসের মত শুইব গৃহেতে ।
কদাচিৎ কেহ মোরে না যাবে ভুলিতে ॥
যতপি আমার কথা করহ অগুণ ।
তবে ত আমার মৃত্যু না ঘুচে সর্বথা ॥
এতক বচন দ্বিজ কহি সুত-দারে ।
আনন্দেতে নিদ্রা গেল গৃহের ভিতরে ॥

দ্বিজে সত্য করি দূত হুহু নহে মনে ।
বৈশ্ণবে লইয়া গেল যমের সদনে ॥
এত শুনি জিজ্ঞাসেন ধর্ম্মের নন্দন ।
কিরূপে তাহারে যম করিল তাড়ন ॥
আচম্বিতে মৃত্যু তার হৈল কি-প্রকারে ।
ইহার বিধান দেব, কহিবে আমারে ॥

শুনিয়া কহেন হাদি ভীষ্ম-মহাশয় ।
কীৰ্ত্তিমন্ত-নামে এক বৈশ্ণব তনয় ॥
সুশীল তাহার পুত্র বিখ্যাত জগতে ।
তার সম ধনী বৈশ্য নাহি পৃথিবীতে ॥
কুলে-শীলে ধনে-জনে বলে বলবান্ ।
তাহার পুণ্যের কথা না হয় ব্যাখ্যান ॥
বাপী পুষ্করিণী কূপ দিল শত-শত ।
লিখনে না যায়, দ্বিজে দান দিল যত ॥
ক্রোধের সমান রিপু নাহি সংসারেতে ।
দানকালে এক দ্বিজে চাহিল ক্রোধেতে ॥

জগতের গুরু দ্বিজ চিনিয়া না চিনে ।
ধনে মত্ত হ'য়ে চাহে কটাক্ষ-নয়নে ॥
ক্রোধে দ্বিজ তার দান কিছু না লইল ।
কুপিত হইয়া শাপ সেইকণে দিল ॥
দান দিয়া মোরে ক্রোধ কর পুনর্ব্বার ।
এই পাপে অপমৃত্যু ঘটবে তোমার ॥
এত বলি নিজস্থানে গেল তপোধন ।
বিরস-বদন হৈল বৈশ্ণব নন্দন ॥

একদিন নিত্যকৃত্য-হেতু সন্ধ্যাকালে
গোষ্ঠ দিয়া যায় বৈশ্য রেবানদী-কূলে ॥
দৈবযোগে এক বৃষ বিক্রম করিয়া ।
বধিল বৈশ্ণব প্রাণ শৃঙ্গেতে চিরিয়া ॥
যমের আজ্ঞায় তবে যমের কিঙ্কর ।
বৈশ্ণবে লইয়া গেল যমের গোচর ॥

কপট করিয়া যম জিজ্ঞাসিল তারে ।
তোমা-হেন পুণ্য কেহ না করে সংসারে ॥
তুমি পুণ্যবান্ দান করিলে বিস্তর ।
বাপী পুষ্করিণী কূপ দিলে বহুতর ॥
দেব-ঋণে পিতৃ-ঋণে হইলে মোচন ।
নানা-যজ্ঞ করি আরাধিলে পদ্মাসন ॥
কিছুমাত্র আছে পাপ তব হৃদি-মাঝে ।
ক্রোধদৃষ্টে চেয়েছিলে তুমি এক দ্বিজে ॥
যাহা অজি, তাহা ভুজি, বেদের বচন ।
পাপ-পুণ্য দুই ভোগ, নাহিক মোচন ॥
আগে পাপ কিংবা পুণ্য করিবে ভুঞ্জন ।
নির্ণয় করিয়! তুমি বলহ বচন ॥

এত শুনি বৈশ্য বলে বিনয়-বচন ।
অল্প যদি থাকে পাপ, করিব ভুঞ্জন ॥
যম বলিলেন, পড় হ্রদের ভিতরে ।
চিরকাল থাক তথা কুস্তীর-শরীরে ॥

দেবল-ঋষির সঙ্গে হৈলে দরশন ।

তবে পাপ-ভোগ তব হইবে খণ্ডন ॥

এত শুনি হৃদমধ্যে সেক্ষণে পড়িল ।

গ্রাহরূপে বৈষ্ণৱ কত দিবস বঞ্চিল ॥

শ্যামহৃদ-নামে সেট পুণ্য-তীর্থবর ।

কুন্তার-শরীর তাহে হৈল ভয়ঙ্কর ॥

মর-নারী পশু-পক্ষী আদি জীবগণ ।

সলিল-স্পর্শন-মাত্র করয়ে ভক্ষণ ॥

তার ভয়ে কেহ নাহি হুদ পরশয় ।

একদা দেবল-ঋষি আসিল তথায় ॥

জ্ঞান করি হুদে তপ করে তপোধন ।

হেনকালে গ্রাহ আসি ধরিল চরণ ॥

মূনির পরশমাত্র দিব্যবুর্তি হৈল ।

দেব-পূজ্যমান হ'য়ে স্বর্গেতে চলিল ॥

এত শুনি আনন্দিত হন নৃপমণি ।

পুনরপি জিজ্ঞাসেন করি ঘোড়পাণি ॥

অতঃপর কহ দেব, দ্বিজের কথন ।

কি রূপে যমের সভা করিল দর্শন ॥

ভাষ্য কন, কহি, শুন ধর্ম্মের নন্দন ।

যতক দেখিল তথা, না হয় বণন ॥

দক্ষিণ-দুয়ারে ল'য়ে গেল দ্বিজবরে ।

দেখিয়া যমের পুরী বিস্মিত অন্তরে ॥

পূর্য্যায়ের হুদ কোথা দেখে শত-শত ।

লিখনে না যায়, তাহে আছে পাপী কত ॥

কোথায় প্রহারে পাপী করয়ে রোদন ।

নারয়ে লোহার বাড়ি করিয়া তাড়ন ॥

কোনখানে উজ্জল বর্ষে জলধর ।

তণ্ডুতৈল-রুষ্টি কোথা হয় নিরন্তর ॥

কোনখানে হিমজল আছে ধরে-ধর ।

তাহাতে পড়িয়া পাপী কান্দয়ে বিস্তর ॥

কোনখানে কুমিহ্রদ দেখে ভয়ঙ্কর ।

ক্ষারজল-রুষ্টি কোথা হয় নিরন্তর ॥

কোনখানে রুষ্টি-শীতে কাঁপে কলেবর ।

কোনখানে অগ্নিরুষ্টি হয় ভয়ঙ্কর ॥

কোনখানে বজ্রকীট অতি-ভয়ঙ্কর ।

খণ্ড-খণ্ড করি কাটে পাপি-কলেবর ॥

কোনখানে দূতগণ ভয়ঙ্কর-কায় ।

যতেক দুর্গতি করে, বলা নাহি যায় ॥

হাতে-পায়ে বান্ধি আনে কোন-কোনজনে ।

প্রহারে পীড়িত-তমু, কাতর রোদনে ॥

এইরূপে শত-শত অসংখ্য যাতনা ।

ভুঞ্জায়েন ধর্ম্মরাজ, না হয় বর্ণনা ॥

দেখি সবিস্ময় হইলেন তপোধন ।

পুরীর দুয়ারে তবে করিল গমন ॥

দ্বার পার হ'য়ে চলে মহাতপোধন ।

মনে করে, যমরাজে করিব দর্শন ॥

কোন বুর্তি ধরে যম, কেমন বরণ ।

হেনকালে ডোমনীর সঙ্গে দরশন ॥

কেশিনী তাহার নাম জন্মান্তরে ছিল ।

নরিয়া সে শমনের কিঙ্করী হইল ॥

দশগুণা কড়ি দাম কুলা একখানি ।

হাতে তার ঠাই ল'য়েছিল দ্বিজমণি ॥

পাঁচগুণা কড়ি দিয়া কুলা ল'য়েছিল ।

বাকী পাঁচগুণা ধার শুধিতে নারিল ॥

দুইবার তিনবার গেল দ্বিজস্থানে ।

ধারিয়া না দিল তারে পাসরিয়া মনে ॥

দৈবযোগে দেখা তার ডোমনী পাইল ।

ধাইয়া সঙ্করে আসি বসন ধরিল ॥

ক্রোধেতে ব্রাহ্মণে চাহি বলয়ে বচন ।

সেই ভয়শীল ভূমি পাপিষ্ঠ দুর্জন ॥

পাঁচগুণ কড়ি মোর ধারিয়া না দিলে ।
তাহার উচিত-ফল হাতে-হাতে পোলে ॥
ভাল যদি চাহ, তবে যাহ কড়ি দিয়া ।
নতুবা তোমার আত্মা লইব কাড়িয়া ॥

দ্বিজ বলে, এথা আমি কড়ি কোথা পাব ।
ছাড়ি দেহ, কড়ি ঘর হ'তে আনি দিব ॥
হাসিয়া ডোমনী বলে, নাহিক এড়ান ।
কড়ি দেহ, নহে তব লইব পরাণ ॥

এতেক শুনিয়া দ্বিজ হইল কাঁফর ।
ক্রোধে ধনুর্ধ্বজ-দূত করিল উত্তর ॥
সেইকালে দ্বিজবর কহিলু তোমায় ।
যেকালে আসিতে তুমি ইচ্ছিলে হেথায় ॥
পাঁচগুণ-ধার যদি ধারহ কাহার ।
তবে সে প্রমাদ দ্বিজ, হইবে তোমার ॥
অঙ্গীকার করি তুমি বলিলে তখন ।
যত ধার আছে, তাহা করিব শোধন ॥
ব্রাহ্মণ জগদগুরু, পুরাণে বাখানে ।
এমত তোমার আছে, জানিব কেমনে ॥
নাহিক এড়ান তব, হইল প্রলয় ।
ব্রহ্মহত্যা-পাপ মোরে ফলিল নিশ্চয় ॥

এতেক শুনিয়া দ্বিজ বলয়ে করুণে ।
পাসরিয়া ছিনু ইহা, জানিব কেমনে ॥
তবে ধনুর্ধ্বজ-দূত ভাবে মনে-মন ।
ডোমনীরে চাহি বলে বিনয়-বচন ॥
না করিহ বধ, ছাড়ি দেহ ত ব্রাহ্মণে ।
দ্বিজ-বধ মহাপাপ-সর্বশাস্ত্রে ভণে ॥

দূতের বচনে হাসি বলয়ে ডোমনী ।
তবে সে ছাড়িয়া আমি দিব দ্বিজমণি ॥
কুলার প্রমাণ বক্ষচন্দ্র কাটি ক্ষুরে ।
এইক্ষণে দ্বিজবর দিউক আমারে ॥

নহে আপনার অঙ্গ করিয়া ছেদন ।
কুলার প্রমাণ দেহ মোরে এইক্ষণ ॥
নতুবা দ্বিজের ধার ধারে যেইজনে ।
তাহারে আনিতে পার আমার সদনে ॥
তবে এই ধার আমি লই তা' স্থান ।
ইহা ভিন্ন দ্বিজ, আর নাহিক এড়ান ॥

এতেক শুনিয়া দ্বিজ হইল সস্তর ।
দূতের সহিত তথা ভ্রমিল বিস্তর ॥
আপনার ধারণ্য না দেখি কাহারে ।
চিন্তিতে আকুল হ'য়ে চিস্তিল অস্তরে ॥
নেত্র মুদি দিব্যজ্ঞানে করিলেন ধ্যান ।
জনাদিন-বিনা ইথে নাহি পরিত্রাণ ॥
বিধিমতে নানাস্তুতি করিল বিস্তর ।
ত্রাণ কর জগন্নাথ, ওহে দামোদর ॥
জয়-জয় জগন্নাথ, পতিতপাবন ।
জয় জগদীশ, জয় জগৎতারণ ॥
জয়-জয় আদি-প্রভু, মৎস্য-অবতার ।
জয়-জয় যজ্ঞরূপ, বরাহ-আকার ॥
নমস্তে বামনরূপ, নমস্তে মুরারি ।
নমো হয়গ্রীবরূপ, নমো মধুহারী ॥
নমঃ কূর্ম্ম-অবতার পর্বত-ধারণ ।
নমস্তে মোহিনীরূপ অশুর-মোহন ॥
নমো রঘুকুলবর রাম-অবতার ।
এক-অংশে চারি-রূপ দেব-নিরাকার ॥
ক্ষত্রকুলাস্তক নমো নমো ভৃগুপতি ।
নমো রামকৃষ্ণ নমো, নমো জগৎপতি ॥
সর্বত্র ব্যাপিত-রূপ, সর্বদেহে স্থিতি ।
অন্তস্তের শান্তিদাতা, ভক্তকুলগতি ॥
তুমি ব্রহ্মা, তব মুখে ব্রাহ্মণ-উৎপত্তি ।
বাহুবুগে কজ, উরু বুগে বৈশ্রভাতি ॥

পদযুগে সমুৎপন্ন যত শূন্যগণ ।

তোমার সৃজিত যত চরাচর-জন ॥

না জানিয়া পাপ করিলাম অকারণ ।

এ-মহাবিপদে প্রভু, করহ তারণ ॥

এইকপে স্তুতি কৈল করি যোড়হাত ।

নৈকুণ্ঠে অস্থির হৈলা বৈকুণ্ঠের নাথ ॥

ভক্তের অধীন সদা দেব-নারায়ণ ।

প্রত্যক্ষ হইয়া দ্বিজ দিলেন দর্শন ॥

শঙ্খ-চক্র-গদা-পদ্ম-কিরীট-ভূষণ ।

শীতবাস-পরিধান, শ্রীবৎস-লাঞ্ছন ॥

কনক-কুণ্ডল কর্ণে সূর্য্যদীপ্তি ধরে ।

কম্বুর-কঙ্কন-আদি নানা-অলঙ্কারে ॥

ত্রিভঙ্গ-ললিতরূপ দেব-সনাতন ।

দেখি ভদ্রশীল হৈল সবিস্ময়-মন ॥

আনন্দে অশ্রুর জলে ভাসে কলেবর ।

দণ্ডবৎ চ'য়ে পড়ে চরণ-উপর ॥

করে ধরি বিপ্রবরে তুলি নারায়ণ ।

আলিঙ্গন দিয়া হাসি বলেন বচন ॥

ব্রাহ্মণে-আমাতে কিছু নাহি ভেদলেশ ।

নে-কারণে নাম আমি ধরি সসীকেশ ॥

ভক্তের অধীন আমি, শুনহ বচন ।

ভক্তের মানস পূর্ণ করি সর্ব্বক্ষণ ॥

বর মাগ দ্বিজবর, যেই প্রয়োজন ।

এত শুনি প্রণমিয়া বলেন বচন ॥

বরতে আমার কিছু নাহি প্রয়োজন ।

বর দিয়া ভাণ্ড তুমি ভক্তের মন ॥

যদি বর দিবে প্রভু, দেহ ত আমায় ।

জন্ম-জন্মে ভক্তি যেন থাকয়ে তোমায় ॥

কীট-পতঙ্গাদি যত যোনিতে জনম ।

ইতিমধ্যে প্রভু, যেন না হয় সজ্জম ॥

কন্দাদোষে যথ-তথ্য জন্মি পুনর্ব্বার ।

তোমাতে অচলা ভক্তি রহুক আমার ॥

আর এক বর মোরে দেহ নারায়ণ ।

এই ধনুর্ধ্বজ-দূতে করহ তারণ ॥

কেশিনী-ডোমনী দেব, বড়ই পাপিনী ।

তার ঠাট রক্ষা মোরে কর চক্রপাণি ॥

এত শুনি হাসি প্রভ করেন উত্তর ।

ভক্তের অধীন দ্বিজ, মন কলেবর ॥

ভক্তে যাহা মাগে, নারি হস্ত করিবারে ।

আপনার অঙ্গ কাটি অর্পিব তাহারে ॥

তবে রক্ষা পাবে দ্বিজ, তোমার পরাণী ।

এত বলি দ্বিজরূপ ধরে চক্রপাণি ॥

ভদ্রশীল যেইরূপ, সেরূপ ধরিল ।

ধনুর্ধ্বজ দূতে চাচি তবে সে করিল ॥

নাহ শীঘ্র ল'য়ে দ্বিজ, রাখ নিজস্থানে ।

ডোমনীর স্নান-শোধ করিব এখানে ॥

এত শুনি ধনুর্ধ্বজ চলিল সঙ্করে ।

শীঘ্রগতি গৃহে রাখি আসে দ্বিজবরে ॥

ধনুর্ধ্বজ-সহ তবে দেব-নারায়ণ ।

ডোমনীর স্থানে পুনঃ করেন গমন ॥

কেশিনীকে চাহি বলে দেব-নারায়ণ ।

স্নানগ্রস্ত আমার না পাই একজন ॥

দৈবের নির্ব্বাক কেবা খণ্ডাইতে পারে ।

আপনার অঙ্গ কাটি অর্পিব তোমাতে ॥

এত বলি বন্ধচন্দ্র কাটিয়া সঙ্করে ।

কুলার প্রমাণ প্রভু দিলেন তাহারে ॥

নিজমূর্ত্তি ধরি প্রভু চলেন সঙ্কর ।

দেখিয়া কেশিনী হৈল বিস্মিত-অস্তুর ॥

স্তুতি করে ডোমনী করিয়া যোড়কর ।

কি-হেতু করিলে হেন কর্ম্ম গদাধর ॥

ব্রাহ্মণ-কারণে প্রভু, নিজচর্য্য দিলে ।

ইহার বৃত্তান্ত মোরে কহিবে সকলে ॥

কেশিনীর প্রতি প্রভু বলেন বচন ।

ইহার বৃত্তান্ত কহি, শুন দিয়া মন ॥

ব্রাহ্মণ অশ্বখরুক করিয়া রোপণ ।

বিধিমাতে পুপ্রতিষ্ঠা কৈল সেইকণ ॥

রুক্মেতে অশ্বখ আমি, জান সারোদ্ধার ।

সেকারণে সঙ্কটেতে করিহু উদ্ধার ॥

ইহা শুনি বহুস্ততি ডোমনী করিল ।

হেনকালে শূন্য হৈতে বিমান আসিল ॥

দৌহাকারে রথে তুলি নিল সেইকণ ।

ব্রাহ্মণ-প্রসাদে হৈল বৈকুণ্ঠে গমন ॥

তিনদিন বাদে হেথা দ্বিজ ভদ্রশীল ।

নিদ্রোভঙ্গ হ'য়ে দ্বারে ঘুচাইল খিল ॥

হাতেতে তুলার করি বহির্দিশে যায় ।

সেকালে অশ্বখরুকে নয়ন ফিরায় ॥

কুলার প্রমাণ ছাল ছেদিত দেখিয়া ।

নাকে হাত দিয়া রহে নিঃশব্দ হইয়া ॥

জানিল অশ্বখরুক দেব-নারায়ণ ।

শীঘ্রগতি পক্ষে তাহা করিল পুরণ ॥

মহাভারতের কথা অমৃত-লহরী ।

শুনিলে অশ্বখ খণ্ডে, পরলোকে তরি ॥

শান্তিপর্ব্ব ভারতের অপূর্ব্ব-কথন ।

একমনে একচিত্তে শুনে যেইজন ॥

তাহার পাপের ভয় নাহি কোনকালে ।

যতেক সৌভাগ্য তার হয় কর্ম্মফলে ॥

পুত্রার্থী লভয়ে পুত্র, ধনার্থী যে ধন ।

নাহিক সংশয় ইথে, ব্যাসের বচন ॥

মন্তকে বলিয়া চন্দ্রহুড়-পদধূলি ।

কাশীরাম দাস কহে রচিয়া পাঁচালী ॥

৬। পাপবিশেষে নরক-বিশেষে গমন ।

যুধিষ্ঠিরে বলে ভীষ্ম, কর অবধান ।

সংক্ষেপে যমের পুরী করিহু ব্যাখ্যান ॥

কি পাপ করিলে জীব পায় কিবা ফল ।

বিস্তার করিয়া কহি, শুন সে-সকল ॥

ভীষ্ম বলিলেন, এবে শুনহ রাজন্ ।

ব্রাহ্মণেরে বৃত্তি দিয়া হরে যেইজন ॥

অন্তে তারে ল'য়ে যায় যমের কিঙ্কর ।

উর্দ্ধবাহু করি বাঞ্চে স্তম্ভের উপর ॥

তলেতে তুষের ধূম দেয় ভয়ঙ্কর ।

ধূমপান করে সেই শতেক-বৎসর ॥

তার পরে জন্মে পুনঃ সেই নরাধম ।

কাঁট-পতঙ্গাদি হয় চোরাশী-জনম ॥

অনন্তর নবজন্ম পায় দুরাচার ।

পুনঃপুনঃ তাহা ভোগ করয়ে অপার ॥

কোপদৃষ্টিে ব্রাহ্মণেরে চাহে যেইজন ।

তাহার পাপের কথা শুন দিয়া মন ॥

সহস্র-সহস্র সূচী করিয়া দহন ।

তাহার নয়ন-দুই বিধে দূতগণ ॥

মহতের নিন্দা শুনি হাসে যেইজন ।

তণ্ডুতৈল তার কর্ণে করয়ে সেচন ॥

মন্ত্র বেচি খায় যেবা ভোগে বন্ধ হ'য়ে

তার পাপ কহি রাজা, শুন মন দিয়ে ॥

সহস্র-সহস্র কল্প কোটি শত-শত ।

লিখিতে না পারি বিষ্ঠাভোগ করে যত ॥

পুরুষ-সহস্র-দশ-সহ সংবলিত ।

কুস্তীপাকে জুজ্ঞে পাপ জন্ম শত-শত ॥

অনন্তরে পায় গিয়া স্বাবর-জনম ।

কুমিজন্ম হয় তার, না ঘুচে সত্তম ॥

চবে যুগ-সহস্র-জন্মেরে ঘেচ্ছজাতি ।

মনস্তরে পশু হ'য়ে জনমে দুর্ভাগি ॥

মনস্তরে বিপ্রজন্ম পায় অকিঞ্চন ।

প্রতিগ্রহ-হেতু হয় দরিদ্র-লক্ষণ ॥

প্রতিগ্রহ-পাপে হয় নরকেতে গতি ।

নামের বিক্রয়ে পাপ শুনহ নৃপতি ॥

শতবংশ-সহ সেই নরকে পড়য় ।

তদন্তরে গিয়া পুনঃ রৌরবে ভ্রময় ॥

তদন্তরে সপ্তজন্ম হয় ত গর্দভ ।

তদন্তরে সপ্তজন্ম কুকুর-সম্ভব ॥

তদন্তরে শত-শত শূকর-জন্ম ।

বিস্তার্যে কুমি হয়, না ঘূচে সস্তম ॥

তদন্তরে লক্ষ-লক্ষ বুধা-জন্ম হয় ।

তদন্তরে সপ্তজন্ম চণ্ডাল-পায় ॥

তদন্তরে সপ্তজন্ম হয় হীনজাতি ।

এইরূপে ভ্রমে সেই, শুনহ নৃপতি ॥

এইরূপে পুনঃপুনঃ জনমে হুতলে ।

অশেষ-যাতনা ভোগ করে কালে-কালে ॥

বল করি অনাথের ধন যেনা হরে ।

অন্তকালে পড়ে সেই নরক-ভিতরে ॥

পরেতে সহস্র-জন্ম হয় পক্ষিজাতি ।

অশেষ-যাতনা ভোগ করে নিতি-নিতি ॥

দেবতা-উদ্দেশে দ্রব্য আনি যেইজন ।

কিছুমাত্র নিবেদিয়া করয়ে ভক্ষণ ॥

অসিপত্র-অধ্যে তার অস্ত্রিমে গমন ।

অনন্তর হয় তার রাক্ষস-জন্ম ॥

বিপ্রে দান দিতে বিশ্ব করে যেইজন ।

তার পাপভোগ কহি, শুন দিয়া মন ॥

অন্তকালে যমদূত ল'য়ে সেইজনে ।

অধোমুখ করি কেবল-দরক-দারুণে ॥

৪২ বি

তদন্তরে কালানল মহাভয়ঙ্কর ।

হাতে-পায়ে বাকি কেলে তাহার ভিতর ॥

তদন্তরে অগ্নি হৈতে তুলি দূতগণ ।

তপ্তকার তার অঙ্গে করয়ে সেচন ॥

তদন্তরে ফেলে কুমিহুদের ভিতর ।

মাথার উপরে মাঝে লোহার মূসর ॥

এইরূপে শত-শত বিষম-যাতনা ।

ভুঞ্জায়েন যম তারে, না হয় বর্ণনা ॥

পরনারী হরে যেনা ছল-বল করি ।

তার পাপ কহি, শুন ধর্ম-অধিকারি ॥

লৌহময় দিব্যানারী করিয়া রচন ।

তপ্ত করি তার সঙ্গে করায় রমণ ॥

স্বামী ছাড়ি যেই নারী ভজে অভ্যপতি ।

যতেক তাহার শাস্তি, শুন মহীপতি ॥

লোহার পুরুষ এক করিয়া রচন ।

তপ্ত করি তার সঙ্গে করায় রমণ ॥

কটাক্ষমাত্রিতে তারে রতি করাষ্টয়া ।

কুস্তাপাকে ফেলে তারে বন্ধন করিয়া ॥

দেবতা-প্রমাণে শত-সহস্র বৎসর ।

তাবৎ থাকয়ে কুস্তাপাকের ভিতর ॥

তদন্তরে মর্ত্যলোকে হয় পশুযোনি ।

পুনঃপুনঃ পাপভোগ করয়ে পাপিনী ॥

পিতৃশ্রাদ্ধ-দিনে যেই বিপ্রে কই ভাবে ।

তাহার পাপের কথা শুনহ বিশেষে ॥

মৃত্যুকালে ধরি তারে যমের কিঙ্কর ।

বন্ধন করিয়া তোলে পর্বত-উপর ॥

অধোমুখে আছাড়িয়া ফেলে হুসিতলে ।

হস্তপদ চূর্ণ হ'য়ে কান্দে সর্বকালে ॥

তদন্তরে হুতে অঙ্গ করিয়া মর্দন ।

অগ্নি দিয়া সর্ব-অঙ্গ স্ফটিক-বহন ॥

পর্যাণে না মরে সেহ লগধ হইয়া ।
 অসিপত্রবনে তারে ফেলায় বাকিয়া ॥
 তদন্তরে মর্ত্যপুরে হয় পশুযোনি ।
 শৃগাল-কুকুর-আদি নকুল-শকুনি ॥
 তদন্তরে জন্ম হয় চণ্ডালের কূলে ।
 পুনঃপুনঃ পাপভোগ করয়ে বহলে ॥
 পুষ্পোদ্যানে পুষ্প যেই করয়ে হরণ ।
 তাহার পাপের কথা শুনি দিয়া মন ॥
 শ্রামলকণ্টক-বন অতি ভয়ঙ্কর ।
 উক্লুখ করি ফেলে তাহার উপর ॥
 এইরূপে শত-শত অশেষ-যাতনা ।
 যথা পাপ, তথা ভোগ, না হয় বর্ণনা ॥

স্বহস্তে ব্রাহ্মণ-বধ করে যেইজন ।
 অসংখ্য যাতনা তারে ফুজায় শমন ॥
 যাহার যেমন পাপ, ভোগে সে তেমন ।
 সংক্ষেপে জানাই পাপভোগের কথন ॥
 বিস্তারিয়া কহি যদি শতেক-বৎসর ।
 তবু শেষ নাহি হয় ধর্ম-নৃপবর ॥
 অতঃপর শুনি ধর্মফলের লক্ষণ ।
 যাহা হৈতে পাপভোগ হয় ত খণ্ডন ॥
 মহাভারতের কথা অমৃত-লহরী ।
 শুনিলে অধর্ম খণ্ডে, পরলোকে তরি ॥

৭। ধর্মফল-কথন ।

বৃত্তিদান দিয়া যেবা স্থাপয়ে ব্রাহ্মণে ।
 তার পুণ্যফল কত কহিব বদনে ॥
 বরঞ্চ ভূমির রেখু গগিবারে পারি ।
 কলসীতে ভরি সারা-সমুদ্রের বারি ॥
 তথাপি তাহার পুণ্য না হয় বর্ণন ।
 ইতিহাস কহি এক, শুনিহ রাজসু ॥

সুযোষ-নামেতে এক বিপ্রের নন্দন ।
 কুশিন-নগরে বাস মহান্তপোধন ॥
 অষ্টভার্যা শতপুত্র কন্যা শতজন ।
 সম্পদ-বিহীন দ্বিজ অদৃষ্ট-কারণ ॥
 নানা-দুঃখ-ক্লেশ দ্বিজ করে অনিবার ।
 তথাপি পোষণ নাহি হয় স্নাত-দার ॥
 অন্ন-বিনা শিশুপুত্র শিশু-কন্যাগণ ।
 দ্বারে-দ্বারে ভ্রমে তারা করিয়া ক্রন্দন ॥
 দুঃখীর সন্তান জানি যত পুরজন ।
 ঘৃণাবোধে ক্রোধে সবে করয়ে তাড়ন ॥
 যার স্থানে ভিক্ষা কিছু মাগে দ্বিজবর ।
 নাহি দেয় দুঃখী জানি, বলে কটুতর ॥

এরূপে কাটায় কাল দুঃখে তপোধন ।
 একদিন গৃহে বসি ভাবে মনে-মন ॥
 পৃথিবীতে বৃথা জন্ম ধনহীন-জনে ।
 সর্বস্থখে হীন নর সম্পদ-বিহনে ॥
 কুলীন পণ্ডিত কিংবা জন্ম মহাকূলে ।
 নৃপতি হউক কিংবা মহাবল বলে ॥
 দ্বিজ ক্রতু বৈশ্য কিংবা সর্বশাস্ত্রজ্ঞাতা ।
 ধনহীন হ'লে মায়া নাহিক সর্বথা ॥
 ধনহীন-পুরুষে না মানে কোনজন ।
 ধন যদি থাকে, হয় সর্বত্র পূজন ॥
 যে-জনের ধন নাহি, বিফল জীবন ।
 ফলহীন বৃক্ষ যথা ছাড়ে পক্ষিগণ ॥
 জ্ঞাতি বন্ধু ভ্রাতা মিত্র-আদি পরিবার ।
 থাকুক অথের কথা, ছাড়ে স্নাতদার ॥
 জলহান নদী যথা না পায় শোভন ।
 পৃথিবীতে ধনহীন মনুষ্য তেমন ॥
 চন্দ্রহীন রাত্রি যথা সব অন্ধকার ।
 ধনহীনে তেমন না শোভে পরিবার ॥

দ্বিজ কত্র বৈশ্র কিংবা জন্মে শূত্রকূলে ।
চণ্ডালাদি জন্ম কিংবা হউক ভূতলে ॥
ধনবান্ হৈলে হয় সর্বত্র পূজিত ।
ধনেতে সর্বত্র মান, বিধি-নিয়োজিত ॥
পাপী কিংবা চোর হোক কিংবা দুর্ভজন ।
ধন যদি থাকে, পায় সর্বত্র পূজন ॥
সুখ-দুঃখ ফল দুই অদৃষ্ট-কারণ ।
বিধির লিখিত বাহা, না হয় খণ্ডন ॥
কেহ-কেহ বলে দুঃখ স্থান হৈতে পায় ।
স্বস্থান ছাড়িয়া যদি অস্থস্থানে যায় ॥
স্থানদোষে দুঃখ পায়, স্থানে শোক হয় ।
অদৃষ্ট হইতে, তাহা শাস্ত্রমত নয় ॥

এইরূপে দ্বিজবর অনেক চিন্তিল ।
সে-স্থান ছাড়িয়া শীত্র গমন করিল ॥
কোশল-নগরে রাজা কৌশল-নামেতে ।
তথায় চলিল দ্বিজ পরিবার-সাথে ॥
রুতিদান মাগিলেন নৃপতির স্থান ।
নৃপতি করেন যথাযোগ্য রুতিদান ॥
আনন্দে রহিল দ্বিজ কোশল-নগরে ।
পরিবার-সহ থাকি সুখভোগ করে ॥
রুতি দিয়া ব্রাহ্মণেরে স্থাপে নরবর ।
সেই পুণ্যে হৈল স্থিতি স্বর্গের উপর ॥
শতক বংশের সহ আনন্দ-কৌতুকে ।
দুইকোটি যুগ রাজা স্বর্গ ভুঞ্জে সুখে ॥
অনন্তর ব্রহ্মলোকে হইল গমন ।
একলক্ষ যুগ তথা করিল যাপন ॥
অনন্তর হৈল তার বৈকুণ্ঠেতে স্থিতি ।
দুইকোটি কল্প তথা করিল বসতি ॥
বিপ্রের বহিরা সদা বেদ-অগোচর ।
ব্রাহ্মণ হইতে তত্ত্বোপভিত-পাশর ॥

বিষ্ণুর শরীর দ্বিজ, বিষ্ণু-অবতার ।
যাহারে গোবিন্দ করিলেন পরিহার ॥
পদাঘাত খেয়ে স্তুতি করেন সে-কালে ।
অত্মাপিহ পদচিহ্ন আছে বন্ধ-হলে ॥

এত শুনি জিজ্ঞাসেন ধর্মের নন্দন ।
স্বয়ং বিষ্ণু সর্ব্বকর্তা জানি সনাতন ॥
তঁারে পদাঘাত কেন করিল ব্রাহ্মণ ।
কহ পিতামহ, শুনি সব-বিবরণ ॥

শুনিয়া কহেন হাসি গজার নন্দন ।
বিবরিয়া কহি, শুন হ'য়ে একমন ॥
পূর্বে মহামুনি ভৃগু ব্রহ্মার নন্দন ।
ব্রহ্মসত্র কৈল ব্রহ্মজ্ঞানের কারণ ॥
পুলস্ত্য-পুলহ-ক্রতু-আদি তপোধন ।
বশিষ্ঠ নারদ বিষ্ণু যত মুনিগণ ॥
একত্র হইয়া সবে যজ্ঞ আরম্ভিল ।
হেনকালে ভৃগু-চিত্তে বিতর্ক উঠিল ॥
কেবা সে ঈশ্বর বলি জানিতে নারিল ।
দেখি যত মুনিগণে বিস্ময় জন্মিল ॥
অতিশীত্র মহামুনি ব্রহ্মার নন্দন ।
জানিবার তরে গেল হরের সদন ॥
মহাদেবে কপটে না করিল প্রশ্নতি ।
দেখি মহাক্রোধ করিলেন পশুপতি ॥
ক্রোধ সংবরিয়া হর কহেন বচন ।
কি-হেতু আসিলে হেথা ভৃগু তপোধন ॥
চিত্তেতে আক্রোশ কেন সক্রোধ-বদন ।
কি-হেতু তোমাকে আমি দেখি যে কিমন ॥
শুনিয়া উত্তর কিছু না দিল ঔহারে ।

মহাক্রোধে বহেশ্বর বলে আরবারে ॥
অহঙ্কার করি ভূমি না মান আমারে ।
অবহেলা কর কেন, জিজ্ঞাসি তোমারে ॥

অহঙ্কারে উত্তর না দাও ছুরাচার ।

এইহেতু আজি তোরে করিব সংহার ॥

এত বলি শূল তুলি ল'য়ে নিজহাতে ।

ভৃগুরে মারিতে ক্রোধে যান ক্ষুতনাথে ॥

হাতে ধরি মহেশ্বরে রাখে ত্রিনয়না ।

তথা হৈতে গেল ভৃগু হইয়া বিমনা ॥

শীঘ্রগতি ব্রহ্মলোকে উত্তরিল গিয়া ।

ব্রহ্মারে না বলে কিছু চিন্তে দুঃখী হৈয়া ॥

কপটে না সস্তাষণ কৈল জনকেরে ।

দেখি ক্রোধ করিলেন বিরক্তি অন্তরে ॥

পুত্র বলি করিলেন ক্রোধ-সংবরণ ।

তথা হৈতে বৈকুণ্ঠেতে গেল তপোধন ॥

তথায় দেখেন হরি খট্টার উপরে ।

শয়নে আছেন, লক্ষ্মী পদসেবা করে ॥

দেখি ভৃগুমুনিবর না ভাবি অন্তরে ।

ক্রান্ত তাঁর রক্ষঃশূলে পদাঘাত করে ॥

ক্রুদ্ধা হইলেন দেখি লক্ষ্মী-ঠাকুরাণী ।

নিদ্রাভঙ্গে উঠিলেন দেব-চক্রপাণি ॥

ভৃগুমুনিবরে দেখি উঠিয়া সত্বরে ।

পদসেবা করে তাঁর নিজ-পদ্মকরে ॥

আমার কঠিন-নৈহ বজ্রের তুলনা ।

চরণকমলে তব হইল বেদনা ॥

শুনি মহামুনি ভৃগু লজ্জিত-বদন ।

নানাবিধ-প্রকারেতে করিল স্তবন ॥

নমঃ প্রভু ভগবান্ অখিলের পতি ।

নমস্তে ব্রহ্মণ্যদেব, নমো জগৎপতি ॥

জানহ তুমি হে প্রভু, ব্রাহ্মণ-মর্যাদা ।

সবার ঈশ্বর তুমি, সত্ত-পরিত্রাতা ॥

করিলাম এই দোষ হইয়া অজান ।

অম অপরাধ করি কর ভগবান্ ॥

অপকর্ম করিয়াছি, ক্ষম দামোদর ।

এত বলি নানাস্তুতি করে মুনিবর ॥

যোড়হাত করি তাঁরে কহে দামোদর ।

কদাচিত্ চিন্তাস্তর নহ বিজবর ॥

পদাঘাত নহে, মম হইল ভূষণ ।

এত শুনি আনন্দিত হৈল তপোধন ॥

নানামতে স্তুতি করি প্রভু-নারায়ণে ।

গমন করিল পুনঃ নিজ-যজ্ঞস্থানে ॥

মহাভারতের কথা অমৃত-লহরী ।

শুনিলে অধর্ম খণ্ডে, পরলোকে তরি ॥

চন্দ্রচূড়-পদদ্বয় করিয়া ভাবনা ।

কাশীরাম দাস করে পয়ারে রচনা ॥

— — —

৮। একাদশী-মাহাত্ম্য ।

ভীষ্ম বলিলেন, রাজা, করহ শ্রবণ ।

পৃথিবীতে জন্মি পুণ্য আচারে ষে-জন ॥

সর্বপাপে মুক্ত সেই নিম্পাপ-শরীর ।

অস্ত্রে মোক্ষগতি লভে, শুন যুধিষ্ঠির ॥

অষ্টমীর উপবাস করে যেইজন ।

শুদ্ধচিত্তে শিব-দুর্গা করে আরাধন ॥

ভূমিদান রত্নদান করিয়া ব্রাহ্মণে ।

অতিথি-অথর্বের পূজা করে অন্নদানে ॥

দিব্য-অন্ন-উপচার করিয়া রত্নন ।

কুটুম্বেরে দিয়া পাছে করয়ে পারণ ॥

এইমতে মাসে-মাসে অষ্টমীর ক্ষণে ।

শুদ্ধচিত্তে এই ব্রত করে সাবধানে ॥

সর্বপাপে মুক্ত হ'য়ে শিবলোকে যায় ।

যমের তাড়না নাহি কদাচিত্ পায় ॥

নারায়ণ-নামে ব্রত বিখ্যাত অগ্রে ।

নারায়ণ-ব্রত কেই করে শুদ্ধচিত্তে ॥

তাহার পুণ্যের কথা না যায় ব্যাখ্যান ।
 সংক্ষেপে কহিব কিছু, কর অবধান ॥
 গৃহধৰ্ম্মে থাকি ইহা করিবে যে-জন ।
 সৰ্ব্বভূতে দয়া করি করিবে পূজন ॥
 যেমন বৈভব, তথা করিবেক ব্যয় ।
 ব্রাহ্মণেরে দিবে দান হ'য়ে শুদ্ধাশয় ॥
 চন্দনাদি নানাবিধ বহু-উপহার ।
 নিবেদিবে গোবিন্দেরে করি পরিহার ॥
 মূলমন্ত্র তিনবার করিবে চিস্তন ।
 উপহার-বৈভব করিবে নিবেদন ॥
 অবশেষে প্রণমিয়া পড়িবে ধরণী ।
 ভক্তভাবে কহিবেক নানা-স্ততিবাণী ॥
 লক্ষ্মী-নারায়ণ জয় জগৎ-জীবন ।
 নমস্তে গোবিন্দ জয়, জয় নারায়ণ ॥
 এইরূপে ভক্তি করি লক্ষ্মী-নারায়ণে ।
 আবাহন করি অবশেষে বিসৰ্জনে ॥
 হৃদিদান দিবে আর অন্নদান-আদি ।
 অতিথি-ব্রাহ্মণ-পূজা করি যথাবিধি ॥
 বিজ-গুরু-আজ্ঞা তবে মন্তকে ধরিয়া ।
 পশ্চাতে ভূজিবে সুখে নিয়ম করিয়া ॥
 এইমত নারায়ণ-ব্রত যে আচরে ।
 কুটুম্বের সহ যায় বৈকুণ্ঠ-নগরে ॥
 কুটুম্বাদি পরিবার যত জ্ঞাতীগণ ।
 বিধিমত সবাকারে করাবে ভোজন ॥
 একাদশী মহাব্রত বাথানে পুরাণে ।
 তার কথা কহি রাজা, শুন অবধানে ॥
 গালব-নামেতে মুনি মহাতপোধন ।
 ভদ্রশীল নাম ধরে তাহার নন্দন ॥
 সৰ্ব্ব-ধৰ্ম্ম তেয়োগিয়া সেবে নারায়ণ ।
 তাহার পুণ্যের কথা করিব বর্ণন ॥

সদয়-নন্দন যেন ঐষ মহাজন ।
 শিশুকাল হইতে সে সেবে নারায়ণ ॥
 সেইরূপে ভদ্রশীল গালব-নন্দন ।
 সৰ্ব্ব-ধৰ্ম্ম তেয়োগিয়া সেবে নারায়ণ ॥
 বেদপাঠ তপ জপ শাস্ত্র-অধ্যয়ন ।
 সৰ্ব্ব ত্যজি করে হরি-মন্দির-মার্জজন ॥
 মাসে-মাসে কৃষ্ণা-শুক্রা দুই একাদশী ।
 শুদ্ধচিত্তে আরাধয়ে পরম-তপস্বী ॥
 দেখিয়া পুত্রের কথ্য সবিস্ময়-মন ।
 জিজ্ঞাসিল, কহ তাত, ইহার কারণ ॥
 নানামত বিমুত্তক্তি আছে শাস্ত্রমতে ।
 তপ জপ পূজা ধৰ্ম্ম বিখ্যাত জগতে ॥
 ব্রাহ্মণের তপ জপ ধৰ্ম্ম-আচরণ ।
 ইহার কি ফল কহ, শুনি হে নন্দন ॥
 এত শুনি ভদ্রশীল বলেন বচন ।
 এই যে ব্রতের ফল না যায় কখন ॥
 আকাশের তারা যদি গণিবারে পারি ।
 কলসীতে ভরি সৰ্ব্বসমুদ্রের বারি ॥
 পৃথিবীর রেণু যদি গণিবারে পারি ।
 তথাপি এ-ব্রত-পুণ্য কহিবারে নারি ॥
 সংক্ষেপে কহিব কিছু, শুন সারোদ্ধার ।
 সোমবংশে পূর্বের জন্ম আছিল আমার ॥
 ধৰ্ম্মকীৰ্ত্তি-নাম ছিল বিখ্যাত জগতে ।
 দুৰ্দ্ধমার্গে রত বড় ছিলাম মৰ্ত্ত্যোতে ॥
 একচ্ছত্র নরপতি ছিনু জম্বুবীপে ।
 অধৰ্ম্মে ছিলাম রত ধৰ্ম্মের বিরূপে ॥
 প্রজাগণে পীড়িতাম আর শাস্তজন ।
 এইরূপে বহুপাপ কৈনু আচরণ ॥
 একদিন দৈবযোগে সৈন্তের সহিত ॥
 যুগয়া করিতে গেলু চড়িয়া রথোত্তে ।

বিপিনে যাইয়া এক ঘেরিষু হরিণে ।
 ডাক দিয়া বলিলাম যত সৈন্যগণে ॥
 যার দিক্ দিয়া এই হরিণী যাইবে ।
 কদাচিৎ তারে যদি মারিতে নারিবে ॥
 বংশের সহিত তারে করিব সংহার ।
 এই বাক্য সকলে বলি বারবার ॥
 শুনিয়া সজাগ হৈল যত সৈন্যগণ ।
 শঙ্কিত হইয়া যুগ ভাবে মনে-মন ॥
 যত্নপি পলাই এই সৈন্য-দিক্ দিয়া ।
 সবংশে তাহারে রাজা ফেলিবে কাটিয়া ॥
 একপ্রাণ-রক্ষা-হেতু মরিবে অনেক ।
 শুভদিন আজি একাদশী অতিরেক ॥
 যত্নপি আমার মৃত্যু ইতিমধ্যে হয় ।
 পশুত্ব খণ্ডিবে, মোক্ষ লভিব নিশ্চয় ॥
 যে হোক, সে হোক মম, যাউক পরাণ ।
 নৃপতির দিক্ দিয়া করিব প্রয়াণ ॥
 যদি বা আমারে রাজা করিবে নিধন ।
 মোক্ষগতি পাব, হবে পশুত্ব-খণ্ডন ॥
 যদি কদাচিৎ প্রাণ রহিবে আমার ।
 নৃপতি পাইবে লজ্জা, সৈন্তের নিন্দার ॥
 এতক ভাবিয়া যুগ সেইরূপ করে ।
 মোর দিক্ দিয়া যুগ চলিল সত্বরে ॥
 আকর্ণ পুরিয়া বাণ মারি শীত্ৰগতি ।
 না বাজিল যুগে বাণ, এমনি নিয়তি ॥
 লজ্জাভয়ে আর ক্রোধে চড়িয়া অশ্বতে ।
 ষোরবনে গেলু, যুগে না পাই দেখিতে ॥
 দণ্ডক-অরণ্যে বহু করিয়া ভ্রমণ ।
 নাহি পাইলাম যুগ দৈবনিবন্ধন ॥
 অশ্ব হত হৈল, প্রম হইল বহল ।
 কুসার-কুণ্ডল চিত্ত হইল আকুল ॥

সৈন্যগণ করে মোর বহু অন্বেষণ ।
 না পাইয়া গৃহে গেল হ'য়ে দুঃখিমণ ॥
 কুধা-ভৃক্ষায়ুত আমি হইয়া বিশেষ ।
 বৃক্ষতলে রহিলাম, দিবা অবশেষ ॥
 রাত্রিশেষে হৈল মোর দৈবে লোকান্তর ।
 দুই যমদূত আসে মহাভয়ঙ্কর ॥
 মহাপাশ দিয়া মোরে করিল বন্ধন ।
 সত্বরে লইয়া গেল যমের সদন ॥

দেখি ধর্মরাজ বড় গর্জিল দূতেরে ।
 অকারণে কেন হেথা আনিলি ইহারে ॥
 সর্ব্বপাপে মুক্ত আছে এই নরবর ।
 একাদশী-উপবাসে হৈল লোকান্তর ॥
 শুন কহি দূতগণ, আমার বচন ।
 একাদশী-ব্রত আচরিবে যেইজন ॥
 দাস্যভাবে করে হরি-মন্দির-মার্জ্জন ।
 তারে হেথা তোরা নাহি আনিবি কখন ॥
 গোবিন্দের নাম যেই করয়ে স্মরণ ।
 সর্ব্বভূতে সমভাবে ভজে নারায়ণ ॥
 কদাচ তাহারে তোরা হেথা না আনিবি ।
 সাবধান, বিস্মরণ কছু নাহি হবি ॥
 দেবভুল্য পিতামাতা যে করে পূজন ।
 অতিথি সেবয়ে আর তীর্থ-পর্যটন ॥
 ভূমিদান-গোদানাদি করে দ্বিজগণে ।
 দুঃখি-নরিত্তকে তৃপ্ত করে অন্ন-ধনে ॥
 দাস্যভাবে দ্বিজসেবা করে যেইজন ।
 যথোচিত বৃত্তি দিয়া স্বাপনে ব্রাহ্মণ ॥
 সভামধ্যে মুখে যেই মিথ্যা নাহি ভাবে ।
 দেবযজ্ঞ করে যেই ব্রাহ্মণ-উদ্দেশে ॥
 গোধন পালন করে, সর্ব্বজীবে দয়া ।
 সন্ন্যাস গ্রহণ করে ত্যজি গৃহদারা ॥

যোগ সাধি হুতুজ্জয়ে ভজে যেইজন ।
 শুদ্ধভাবে যেই আরাধয়ে নারায়ণ ॥
 সাবহিত হ'য়ে করে পুরাণ-শ্রবণ ।
 পুরাণ পড়য়ে যেই হ'য়ে শুদ্ধমন ॥
 ধর্মকথা কহি লগয়ায় অধর্ম্মারে ।
 কদাচিৎ তাহারে না আন এধাকারে ॥

ব্রাহ্মণে নিন্দা যেই করে অনুকণ ।
 পিতা-মাতা নিন্দে, সদা বেষ্টাপরায়ণ ॥
 বিভূতক্তি সমাশ্রয় করি যেইজন ।
 পরনারী-সঙ্গে সদা করয়ে রমণ ॥
 তাহারে আনিবি তোরা প্রকার করিয়া ।
 নসিকা ছেদন করি পাশেতে বান্ধিয়া ॥
 পরনারী হরে যেবা হইয়া অজ্ঞান ।
 সভামধ্যে গুরুজনে করে অপমান ॥
 গুরু-লঘু নাহি মানে যৌবনের মদে ।
 মিথ্যা বলি অন্তর্যজনে ফেলয়ে বিপদে ॥
 তাহারে আনিবি তোরা আমার সদন ।
 হাতে-গলে মহাপাশে করিয়া বন্ধন ॥
 দেবতা-উদ্দেশে দ্রব্য আনি যেইজন ।
 দেবতারে নাহি দিয়া করয়ে ভক্ষণ ॥
 লৌহপাশে বান্ধি তারে আনিবি হেথায় ।
 লোহার মুদগর তার মারিয়া মাথায় ॥
 ধর্ম্মবিন্যাসী আর বিবেচী যে-জন ।
 উপহাস করে দ্বিজে হ'য়ে দুইমন ॥
 পরহৃতি হরে যেবা জন্মিয়া সংসারে ।
 বান্ধিয়া হেথায় তোরা আনিবি তাহারে ॥
 পরভাৰ্য্যা হরে যেবা বলাৎকার করি ।
 অজ্ঞান হইয়া যেবা হরয়ে কুমারী ॥
 এইরূপ পাশ আচরিবে যেইজন ।
 তাহারে আনিবি কোঁঠে কান্নিয়া বন্ধন ॥

এত শুনি বিশ্বয় মানিল হুতপণ ।
 করঘোড়ে ধর্ম্মরাজে করয়ে স্তবন ॥
 এ-সকল কথা পিতা, করিয়া শ্রবণ ।
 অবশেষে পাপ মোর হইল খণ্ডন ॥
 বিধিমতে যম মোরে করিল পূজন ।
 সর্গ হৈতে দিব্যরথ আসিল তথম ॥
 অজ্ঞানে হইল একাদশী-আচরণ ।
 সেই পুণ্যে হৈল মোর সর্গ-আরোহণ ॥
 কোটি-কোটি-বর্ষ তাত, সর্গে হৈল স্থিতি ।
 তদন্তরে ব্রহ্মলোকে করিমু বসতি ॥
 কোটিযুগ ব্রহ্মলোকে করিয়া যাপন ।
 তোমার গুরসে আসি লভিমু জনম ॥
 দিব্যজ্ঞানে পাপ মোর হইল খণ্ডন ।
 সে-কারণে একাদশী করিমু সাধন ॥
 ইহার বৃত্তান্ত এই কহিলাম পিতঃ ।
 শুনিয়া গালব-মুনি হইল বিস্মিত ॥
 আনন্দিত হ'য়ে পুজ্ঞে করিল চূষন ।
 সেই হৈতে হৈল মুনি হরি-পরায়ণ ॥
 মহাভারতের কথা অমৃত-লহরী ।
 একচিন্তে শুনে যদি, তরে ভববারি ॥
 শান্তিপর্ব্ব ভারতের অপূর্ব্ব-কথন ।
 অবহিত হ'য়ে ইহা শুনে যেইজন ॥
 মনোভীষ্ট-ফল লভে, নাহিক সংশয় ।
 ব্যাসের বচন ইহা, কহু মিথ্যা নয় ॥

২। হরিমন্দির-মার্জনের কল ।

ভীষ্ম বলিলেন পুনঃ, শুন ধর্ম্মদার্য ।
 আর কিছু ধর্ম্মকথা কহিব তোমার ॥
 গোবিন্দের স্তুতি করে যেই মহাজন ।
 নানা-উপহার দিয়া করয়ে পূজন ॥

সোমবার ষাটশী-দিবস শুভকৰ্ণে ।
 ক্ষীরজলে যে করায় স্নান নারায়ণে ॥
 বংশের সহিত যায় বৈকুণ্ঠ-ভুবন ।
 কদাচ না পায় সেট যমের তাড়ন ॥
 ভাদ্রমাসে কৃষ্ণাষ্টমী রোহিণী-লক্ষণে ।
 ক্ষীরজলে যে করায় স্নান নারায়ণে ॥
 উপবাস করি হরি করয়ে চিন্তন ।
 ত্রিভঙ্গ-ললিত-দিব্যবৃষ্টি নারায়ণ ॥
 সর্বপাপে মুক্ত হয় সেট মহাশয় ।
 বংশের সহিত যায় বৈকুণ্ঠে নিশ্চয় ॥

গোবিন্দ-মন্দির যেবা করয়ে মার্জ্জন ।
 তাহার পুণ্যের কথা না হয় বর্ণন ॥
 অজ্ঞানে সজ্ঞানে করে, নাহিক বিচার ।
 সর্বধৰ্ম্ম লভে সেই, সর্বপাপে পার ॥
 পূর্বের শুনলাম আমি দেবলের মুখে ।
 সেই-হেতু মহারাজ, কহিব তোমাকে ॥

সাবধান হ'য়ে রাজা, শুন একচিতে ।
 যজ্ঞধ্বজ-নামে ছিল ইক্ষ্বাকুবংশেতে ॥
 ঋদ্ধধর্ম্মশীল রাজা বিখ্যাত সংসারে ।
 এককালে জম্বুদ্বীপে যার অধিকারে ॥
 রাজধর্ম্ম যত সব ত্যজিয়া রাজন্ ।
 স্বহস্তে করেন হরি-মন্দির-মার্জ্জন ॥
 বীতিহোত্র-নামে তাঁর কুলপুরোহিত ।
 এসব দেখিয়া যজ্ঞধ্বজের চরিত ॥
 হৃদয়ে চিন্তিত হ'য়ে মহাতপোধন ।
 একদিন নৃপতিরে জিজ্ঞাসে কারণ ॥

কহ শুনি রাজা, তুমি সর্বধর্ম্মাশ্রিত ।
 সর্বশাস্ত্রে বিজ্ঞ তুমি, বিচারে পণ্ডিত ॥
 কি-কর্ম্ম অসাধ্য তব আছে পৃথিবীতে ।
 যাঁহা ইচ্ছা করিবারে, পারহ করিতে ॥ -

ভ্রাতা পত্নী-আদি কত আছে পরিজন ।
 আপনি করহ কেন মন্দির-মার্জ্জন ॥

এত শুনি হাসি-হাসি বলে নরপতি ।

পূর্বের কাহিনী মোর শুন মহামতি ॥
 পূর্বজন্মে ছিনু আমি বৈশ্যের কুমার ।
 যজ্ঞমালী-নাম খ্যাত আছিল আমার ॥
 মহাদুর্ভিক্ষিনু আমি, মহাপাপাচার ।
 পরদ্রব্য-চুরি হিংসা ক'রেছি অপার ॥
 বুঘলী-আসক্ত আমি হ'য়ে একেবারে ।
 গৃহের যতেক ধন দিলাম তাহারে ॥
 মোর কর্ম্ম দেখি পিতামাতা-ভ্রাতৃগণ ।
 ক্রুদ্ধ হ'য়ে সবে মোরে করিল তাড়ন ॥
 সবাকার বাক্য আমি করি অবহেলা ।
 নিঃশঙ্কে যেমন রাছ গ্রাসে চন্দ্রকলা ॥
 তেমতি আসক্ত সদা হ'য়ে বুঘলীতে ।
 সর্বস্ব দিলাম আমি তাহার পীরিতে ॥
 মহাক্রুদ্ধ হৈল তবে যত ভ্রাতৃগণ ।
 প্রহার করিল মোরে করিয়া বন্ধন ॥
 নিবারণে না পারিল অশেষ-বিশেষে ।
 গৃহ হৈতে দূর করি দিল অবশেষে ॥
 ক্রোধে গৃহ হৈতে আমি হইয়া তাড়িত ।
 মহাবোর-বনে গিয়া পশিনু ছরিত ॥
 অনাহারে অবসন্ন হইল শরীর ।
 ঘোরবনে দেখি এক বিষ্ণুর মন্দির ॥
 রুষ্টিজলে পক্ক কত ছিল মন্দিরেতে ।
 পরিষ্কার করি শেষে শুইনু তাহাতে ॥
 দৈবযোগে এক সর্প তাহাতে আছিল ।
 নিদ্রার আবেশে মোর চরণে দংশিল ॥
 সেইকণে কালপ্রাপ্তি হইল আমার ।
 দুই যমদূত আসে বিকৃত-আকার ॥

মহাপাশে শীত্ৰ মোরে করিল বন্ধন ।
 হেনকালে বিষ্ণুদূত আসে দুইজন ॥
 ক্রোধে যমদূতে চাহি অত্যন্ত গর্জিল ।
 স্নেহে মুক্ত মোরে ছরিত করিল ॥
 দক্ষিণে সবিস্ময় হৈল যমদূতগণ ।
 করযোড়ে বিষ্ণুদূতে করে নিবেদন ॥
 মোরা-দৌহে হই ধর্মরাজ-অনুচর ।
 তাঁর আজ্ঞা ধরি মোরা মন্তক-উপর ॥
 স সাগরের মধ্যে মরে যত জীবগণ ।
 পশু-পক্ষি-মনুষ্যাদি ভস্তু অগণন ॥
 নদীরে হইয়া যাউ যমের সদন ।
 পাপ-পুণ্য বৃষ্টি যম করেন তাড়ন ॥
 এত যজ্ঞমালী পাপী বিখ্যাত জগতে ।
 ইহার পাপের কথা না পারি কহিতে ॥
 ক-কারণে পাশমুক্ত করিলে ইহারে ।
 কেবল দৌহে, পরিচয় দেহ ত আমারে ॥

এত শুনি হাসি দৌহে করিল উত্তর ।

মোরা দুইজন হই বিষ্ণুর কিঙ্কর ॥
 জগতের হর্তা কর্তা দেব-নারায়ণ ।
 হার আজ্ঞা মাথে ধরি করি যে ভ্রমণ ॥
 হরিনাম হৃদিমাঝে স্মরে যেইজন ।
 হরিপূজা করে, হরিমন্দির-মার্জ্জন ॥
 শ্রবণ-কীর্তন নাম, করয়ে বন্দন ।

শাস্ত্যভাব সখ্যভাব আত্ম-নিবেদন ॥
 তাঁর অধিকার তব নাহি কদাচন ।
 সর্বপাপে মুক্ত হয় সেট মহাজন ॥
 গোবিন্দ-মন্দির এই করিল মার্জ্জন ।
 ইথে অধিকার তব নাহি কদাচন ॥

এতেক বলিয়া দুই হরির কিঙ্কর ।
 গায়ে গেল শীত্ৰ মোরে বৈষ্ণব-নগর ॥

৪০ বি

সহস্র-শতক যুগ তথা হৈল স্থিতি ।
 তদন্তরে ব্রহ্মলোকে করিলু বসতি ॥
 শতকল্প ব্রহ্মলোকে করিলু বিহার ।
 তদন্তরে ইন্দ্রলোকে কৈলু আশ্রয় ॥
 চতুর্দশ-মহাস্তর-কাল-পরিমাণ ।
 যত ভোগ স্নর্গে কৈলু, না হয় ব্যাখ্যান ॥
 তদন্তরে এই মহা-ইক্ষ্বাকু-বংশেতে ।
 সে-পুণ্য আসিয়া জন্ম লই পৃথিবীতে ॥
 অজ্ঞানে করিলু হরিমন্দির-মার্জ্জন ।
 তাহাতে এ-গতি হৈল, শুন তপোধন ॥
 জ্ঞানে যেবা করে হরিমন্দির-মার্জ্জন ।
 শুদ্ধভাব হ'য়ে পূজা করে নারায়ণ ॥
 পৃথিবীর রেণু যদি গণিবারে পারি ;
 তাহার পুণ্যের কথা কহিবারে নারি ॥

ভীষ্ম বলিলেন, রাজা, করহ শ্রবণ ।

এত শুনি বীতিহোত্র হৈল তুষ্টমন ॥
 করযোড়ে নৃপতিরে করিল বন্দন ।
 সর্বধর্ম ত্যজি নিল গোবিন্দ-শরণ ॥
 শাস্তিপৰ্ব ভারতের অপূর্ব-কথন ।
 ভক্তিভরে একমনে শুনে যেইজন ॥
 সর্বদুঃখে তরে সেট, নাহিক সংশয় ।
 পয়ার-প্রবন্ধে কাশীরাম দাস কয় ॥

১০। দানধর্ম ।

ভীষ্ম বলিলেন, শুন অপূর্ব-কথন ।
 অপার মহিমা রাজা, গোবিন্দ-সেবন ॥
 শিলারূপী জনাধিন বিষ্ণু-অবতার ।
 ব্রহ্ম করি পূজা যেই করয়ে তাঁহার ॥
 শুভলয় শুভতিথি শুভকণ-দিনে ।
 মধুপর্কে যে করায় স্নান নারায়ণে ॥

সর্বপাপে মুক্ত হয় সেই মহাশয় ।

শতবংশ-সহ যায় বিষ্ণুর আলয় ॥

নারিকেল-জলেতে স্নাপয়ে পশুপতি ।

শ্রদ্ধা-ভক্তি-সহ করে নানাবিধ স্তুতি ॥

শতবংশ-সহ সেই নিষ্পাপ হইয়া ।

শিবের-সদনে যায় বিমানে চড়িয়া ॥

দেবতা-উদ্দেশে যেই পুষ্পোচ্চান করি ।

ভক্তি করি পূজা করে শিব কিংবা হরি ॥

অন্তকালে স্বর্গপুরে হয় তার গতি ।

ইহলোকে পরলোকে না পায় দুর্গতি ॥

ভুলসী-আরাম যেই করিয়া স্থাপন ।

ত্রিসঙ্খ্যা স্তবন করে, ত্রিসঙ্খ্যা বন্দন ॥

তারে তুষ্ট হন প্রভু দেব-জগৎপতি ।

সর্বপাপে মুক্ত হয় সেই মহামতি ॥

বিস্তর-বৈভব ভোগ করয়ে সংসারে ।

তার সে বৈভব হয় অশেষ-প্রকারে ॥

অল্প কি বিস্তর পুণ্য গণি যে সমান ।

তার কথা কহি রাজা, শুন সাবধান ॥

চতুষ্পাদ-পুণ্যে পূর্ণ কোথায় গণন ।

দ্বিপাদেতে পূর্ণ কোথা, শুনহ রাজন্ ॥

দ্বিপাদেতে পূর্ণ পুণ্য মধ্যমেতে গণে ।

নিকৃষ্টে পাদৈক-পূর্ণ বেদেতে ব্যাখ্যানে ॥

ইতিমধ্যে করে পুণ্য, যত শক্তি যার ।

সমান গণি যে পুণ্য শ্রদ্ধা-অনুসার ॥

বাপী পুষ্করিণী দেয় ধনাঢ্য-পুরুষে ।

ব্রাহ্মণে করয়ে দান অশেষ-বিশেষে ॥

ধেনু-রত্ন-তণ্ডুলাদি বস্ত্র-আভরণ ।

অশ্রদ্ধায় করে যেই দ্রব্য-নিবেদন ॥

অঙ্গহীন হয়, পুণ্য না হয় উহাতে ।

নিশ্চয় ধর্মের পুত্র, জানিবেক চিত্তে ॥

দরিদ্রে কিঞ্চিৎ যদি দেয় শ্রদ্ধাযুক্তি ।

চতুষ্পাদ-পুণ্য তার হয় যে নিশ্চিত্তে ॥

যেমন বৈভব, তথা বিপ্রে দেয় দান ।

শ্রদ্ধা-ভক্তি-সহ পূজা করে ভগবান্ ॥

নাহিক সংশয় উভে, বেদের ব্যাখ্যান ।

উড়াগ-কূপেতে পুণ্য গণি যে সমান ॥

ধনিক-পুরুষে দেয় পুষ্পের আরাণ ।

এক দ্রোণী-বাপী ভূমি নানা-অনুপাম ॥

এক মাত্র বাজ যদি রোপে দুঃখিজন ।

ইহাতে সমান-পুণ্য করি যে গণন ॥

কোটি-কোটি ব্রাহ্মণে ভূজায় ধনিজন ।

দরিদ্রে করায় এক ব্রাহ্মণে ভোজন ॥

লক্ষধেনু বিপ্রে দান করে ধনিজন ।

দরিদ্রের এক গাভী হয় তার সম ॥

কোটি-কোটি নরগণে পালে ধনিজন ।

ব্রাহ্মণ-কৃত্রিয়-আদি আর শূদ্রগণ ॥

দরিদ্র-পুরুষ করে একে করে পালন ।

লভয়ে সমান-ফল, বেদের বচন ॥

ধনিক পূজয়ে কৃষ্ণে দিয়া উপহার ।

যত হৃদয় রত্ন বস্ত্র তণ্ডুল অপার ॥

দরিদ্র পূজয়ে জল দিয়া নারায়ণে ।

শ্রদ্ধা-ভক্তি-স্তুতিবশে, সম তা'য় গণে ॥

ধনাঢ্য-পুরুষ দেয় দিব্য-দেবালয় ।

ইষ্টক-পাষণ-হেম-মণি-রৌপ্যময় ॥

মুকুতার ঝারা স্তম্ভ প্রবাল প্রস্তর ।

নানাবিধ দ্রব্য, রত্ন অতি-মনোহর ॥

শুভতিথি শুভক্ষণ করি নিরূপণ ।

শ্রদ্ধায়ুক্ত গোবিন্দের করে সমর্পণ ॥

অমলান-ভূমিদান-ধেনুদান-আদি ।

ভূজায় অসংখ্য-বিপ্রে, নাহিক অবধি ॥

দুষ্টিকার গৃহ এক করিয়া রচন ।
 তাহাতে স্থাপয়ে হরি ধনহীন-জন ॥
 দুই-এক বিপ্র-করে করে অন্নদান ।
 লভয়ে সমান-পুণ্য, বেদেতে ব্যাখ্যান ॥
 সঙ্ক্ষেপে কহিলু দানধর্মের কথন ।
 শ্রীক দূর করি রাজা, স্থির কর মন ॥
 বর্ধির লিখনে ফল ভুঞ্জয়ে সংসারে ।
 তথা ধর্ম, তথা ফল বেদের বিচারে ॥
 অধ্যম্বেতে কেহ ধর্ম লভে কর্মফলে ।
 ধর্ম হেতে পাপ কেহ লভয়ে ভূতলে ॥
 এত শুনি যুধিষ্ঠির সবিস্ময়-মন ।
 ঈজ্ঞাসেন, কহ দেব, ইহার কারণ ॥
 অধ্যম্বেতে কেবা ধর্ম পাইল সংসারে ।
 শুনিবারে উচ্ছা বড়, বলহ আমারে ॥
 মহাভারতের কথা অমৃত-লহরী ।
 কাহার শকাতি ইহা বর্ণিবারে পারি ॥
 মন্তকে বন্দিয়া ব্রাহ্মণের পদরজ ।
 কহে কাশীদাস গদাধরদাসাওজ ॥

১১। প্রয়াগ-মহাভাষ্যে ব্যাধ ও ব্রহ্মভির
 উপাখ্যান ।

ভাস্ব বলিলেন, ওহে পাণ্ডুর নন্দন ।
 পূর্ব-ইতিহাস-কথা শুন দিয়া মন ॥
 ধনপতি নামে বৈশ্য অযোধ্যায় ধাম ।
 সর্বধনে ধর্মা সেহ, গুণে অনুপাম ॥
 সুনতি-নামেতে তার ভাৰ্য্যা গুণবতী ।
 পরমহৃন্দরী সেই যেন কামরতি ॥
 সর্বসুখে পূর্ণ বৈশ্য মহাধনবান্ ।
 পুত্রহীন হ'য়ে দুঃখা-সদা মতিমান্ ॥

নানামতে নানা-যজ্ঞ করে বহুতর ।
 ভাৰ্য্যা-সহ ব্রত আচরিল বৈশ্যবর ॥
 অদৃষ্টের বশে তার না হৈল নন্দন ।
 এইহেতু সদা বৈশ্য রহে দুঃখমন ॥
 একদিন নিরঞ্জে বসি বৈশ্যবর ।
 আপনারে তিরস্কার করিল বিস্তর ॥
 পুত্রহীন-জন্ম বুঝা সংসার-ভিতরে ।
 পুত্র-বিনা নাহি পার নরক-দুস্তরে ॥
 এইরূপে বৈশ্য বহু করিল চিন্তন ।
 দূরদেশে গেল চলি বাণিজ্য-কারণ ॥
 একদিন বৈশ্যপত্নী দার্মাগণ-সঙ্গে ।
 সরোবরে স্নানহেতু চলিলেন রঙ্গে ॥
 উপবন-মাধ্যে আছে রাম-সরোবর ।
 স্নানে তাহে পুণ্যফল লভয়ে বিস্তর ॥
 সেই সরোবরে গেল স্নান করিবারে ।
 তেনকালে ব্যাধ এক আসে তথাকারে ॥
 লুক্ক তাহার নাম বিখ্যাত ভুবন ।
 দেখিয়া কন্ডার রূপ হৈল অচেতন ॥
 গীতবর্ণ অঙ্গ কিবা জিনিয়া কাঞ্চন ।
 রক্তবাস রবিদ্রাস দেখিয়া পিঞ্চন ॥
 কুচযুগ জিনি পুগ মানস-মোহন ।
 করিকর ভুজবর, মধ্য পঞ্চানন ॥
 মুখজ্যোতি দেখি শশী নিম্নে আপনারে ।
 দেখিয়া মোহিত ব্যাধ হইল অন্তরে ॥
 ক্রণেকে চৈতন্য পেয়ে বলয়ে বচন ।
 শুন আজি সুবদনি, মম নিবেদন ॥
 তোমা-সম রূপবতী নাহি জিহুবনে ।
 এ-রূপ-যৌবন ব্যর্থ কর অকারণে ॥
 দূরদেশে গেল পতি বাণিজ্য-কারণে ।
 রতিহুখে হীনা হ'য়ে আছহ কেমনে ॥

তোমাতে হেরিয়া মন ব্যাকুল আমার ।
 স্মরণেরে অঙ্গ মোর, হৈল ছারখার ॥
 দয়া করি রামা মোরে করাহ রমণ ।
 নহে এইক্ষণে আমি ত্যজিব জীবন ॥
 নরহত্যা মহাপাপ, জানহ আপনি ।
 এত শুনি ক্রোধচিত্তে বলে নিতম্বিনী ॥

অধর্ম্যো পাপিষ্ঠ তুই মহা-হীনজাতি ।
 কোন্ লাঞ্জে হেন-কথা বলিস দুঃখতি ॥
 স্পর্শ কৈলে তোরে হয় স্নান করিবারে ।
 লজ্জা নাহি, তেঁই হেন বলহ আমারে ॥
 ভূত্যের সমান মোর নহ দুরাচার ।
 এইরূপে নানামত করে তিরস্কার ॥

শুনিয়া হইল ব্যাধ দুঃখিত-অন্তর ।
 স্নান করি বৈষ্ণপত্নী যায় নিজঘর ॥
 মনে-মনে ব্যাধ তবে অনেক ভাবিয়া ।
 নিবেদিল দাসীগণে বিনয় করিয়া ॥
 কিরূপে এ-কথা-লাভ হইবে আমার ।
 বিচার করিয়া সবে কহ সারোদ্ধার ॥

এত শুনি উপহাস করে দাসীগণ ।
 কোন্ লাঞ্জে হেন কথা কহ রে দুর্জ্ঞন ॥
 বামন হইয়া চাহ চন্দ্রমা ধরিতে ।
 পতঙ্গ হইয়া চাহ অগ্নি নিভাইতে ॥
 চণ্ডাল হইয়া চাহ ধরিতে ব্রাহ্মণী ।
 লজ্জা নাহি, তেঁই হেন বল দুষ্কথাণী ॥
 না শুনে ভৎসনা-কথা, কামেতে পীড়িত ।
 দেখিয়া কথার রূপ হইল মোহিত ॥
 পুনরপি বলে ব্যাধ বিনয় করিয়া ।
 কহ সত্য, কিবা-রূপে পাব বৈষ্ণজায়া ॥
 ইহজন্মে পাব কিংবা পাব জন্মান্তরে ।
 নির্ণয় করিয়া সত্য কহিবে আমারে ॥

মালিনী-নামেতে দাসী বলে হাসি-হাসি ।
 প্রয়াগে করহ তপ হইয়া সম্যাসী ॥
 ত্রিসন্ধ্যা করিয়া স্নান প্রয়াগের নীরে ।
 একক্রমে তিনদিন রহ গঙ্গাতীরে ॥
 তথা বাস করি মনে স্মরি নারায়ণ ।
 তিনদিন তিনরাত্রি করিবে যাপন ॥
 তবে সে এ-কথা তুমি পাইবে নিশ্চয় ।
 এত বলি দাসীগণ গেল নিজালয় ॥

শুনিয়া আনন্দে ব্যাধ চলিল স্বরিত ।
 প্রয়াগের তীরে গিয়া হৈল উপনীত ॥
 একাসন করি তিন-দিবস-রজনী ।
 একচিত্তে স্মরে হৃদে দেব-চক্রপাণি ॥
 ভকত-বৎসল হরি বৈকুণ্ঠে থাকিয়া ।
 ব্যাধে ডাকি বলিলেন শূন্যরূপ হৈয়া ॥
 মনোবাস্তা পূর্ণ ব্যাধ, হইবে তোমার ।
 পবিত্র-প্রয়াগে স্নান কর পুনর্ব্বার ॥
 এতেক শুনিয়া ব্যাধ আনন্দিত-মন ।
 প্রয়াগে করিয়া স্নান করেন তর্পণ ॥
 পাপতনু খণ্ডি তার হৈল দিব্যগতি ।
 রূপে-গুণে হৈল সেই বৈষ্ণোর আকৃতি ॥

গীত্ৰগতি অযোধ্যায় করিল গমন ।
 উপনীত হৈল গিয়া বৈষ্ণোর ভবন ॥
 নিজপতি-প্রায় ব্যাধে বৈষ্ণপত্নী দেখি ।
 ভক্তিভরে প্রণমিল আসি শশিমুখী ॥
 পদ্ম-অর্ঘ দিয়া বসাইল সিংহাসনে ।
 ঈষৎ হাসিয়া কহে মধুর-বচনে ॥
 যতদিন প্রাণনাথ, নাহি ছিলে ঘরে ।
 ততদিন অসন্তোষ আছিল অন্তরে ॥
 স্নাত্যে নাহি চিত্তে, আমি বিরহিণী ।
 চন্দ্রের অভাবে যেন স্নান কুমুদিনী ॥

ব্যাধ বলে, বড় ভাগ্য তোমার আছিল ।
 টেই সে সঙ্কটে মোর প্রাণরক্ষা হৈল ॥
 বহুদূর গিয়াছিযু বাণিজ্য-কারণ ।
 ধন-জন-সব বিধি করিল হরণ ॥
 রাক্ষসের হস্তে বড় সঙ্কট হইল ।
 সকল মজিল, প্রাণ দৈবে রক্ষা পাইল ॥

শুনি কহে বৈষ্ণুপত্নী সজলনয়ন ।
 ধন বাক্, প্রাণনাথ, আসিলে ভবন ॥
 কত ধন পাবে তুমি থাকিলে জীবন ।
 এষ্টরূপ কহে নানা প্রবোধ-বচন ॥

এষ্টরূপে আছে দৌহে কথোপকথনে ।
 হনকালে আসে বৈষ্ণু আপন-ভবনে ॥
 বলদে শকটে পূরি শত-শত ধন ।
 মন্ডগৃহে আসি উত্তরিল সেষ্টকণ ॥
 দোঁখিয়া বিস্মিতচিত্ত হইল স্তমতি ।
 একরূপ দুইজন, একই আকৃতি ॥
 তুল্য নাসা, তুল্য ভাষা, তুল্য দুইজন ।
 দুইজন দৌহাকারে করে নিরীক্ষণ ॥

দেখিয়া বিস্ময়ে ভাবে বৈষ্ণোর নন্দন ।
 কার সঙ্গে ভার্য্যা মোর কহিছে কথন ॥
 পতিব্রতা ভার্য্যা মোর অণ্ডে নাহি জানে ।
 কোন দেব আসিয়াছে ছল-আচরণে ॥

এতেক ভাবিয়া বৈষ্ণু জিজ্ঞাসে পত্নীরে ।
 হ'লেম বিস্মিত প্রিয়ে, তব ব্যবহারে ॥
 পতিব্রতা বলি তোমা জানে জগজ্জন ।
 পরপুরুষের সঙ্গে কর আলাপন ॥

শুনিয়া সে বৈষ্ণুপত্নী বলিতে লাগিল ।
 তব রূপে এর রূপ বিধি নিরমিল ॥
 আকৃতি-প্রকৃতি-রূপ তুল্য দৌহাকার ।
 কেমনে জানিব চিন্তে, কে স্বামী আমার ॥

একগর্ভে জন্ম যেন হ'য়েছে দৌহার ।
 ভিন্নজ্ঞান নাহি, যেন অশ্বিনীকুমার ॥
 দেখিয়া স্তমতি তবে ভাবে মনে-মনে ।
 দুই স্বামী একরূপ দেখি কি-কারণে ॥
 পাপ বলি কিছু আমি মনে নাহি জানি ।
 বুঝি, করিলেন মায়া মোরে চক্রপাণি ॥

এতেক ভাবিয়া দেবী বিস্মিত-অস্তুরে ।
 পুটোজ্জ্বল করি স্তুতি করে দামোদরে ॥
 জয়-জয় জগৎপতি, জয় নারায়ণ ।
 নমস্তে মাধব নমো, নমো জনার্দন ॥
 নমো-নমো দিব্য মৎস্ত-আদি অবতার ।
 নমো হযগ্রীবরূপ দেবতা-উদ্ধার ॥
 নমস্তে বরাহরূপ পৃথিবী-ধারণ ।
 বলির মন্ততা-ভেদু নমস্তে বামন ॥
 নমস্তে মোহিনীরূপ অস্তুরমোহন ।
 নমো নারায়ণ মধুকৈটভমদন ॥
 নমো ধনুস্তরিরূপ দেবতার হিতে ।
 জগৎ-উদ্ধার-নাম জগতের শ্রীতে ॥
 সত্ত্বরক্ষসমোরূপ জয় জগৎপতি ।
 নমো নরসিংহরূপ ভক্তজন-গতি ॥
 নমঃ ক্ষত্রকুলাস্তক নমো ভৃগুপতি ।
 নমো রামকৃষ্ণ-রূপ, নমো জগৎপতি ॥
 অখিল-ধারণ-রূপ অখিল-ধারণ ।
 অন্তরীক্ষ নাভা তব, পাতাল চরণ ॥
 আকাশ মস্তক তব, তপন নয়ন ।
 বিরাট-রূপেতে ব্যাপিয়াছ ত্রিভুবন ॥
 চরাচর দেব নাগ তোমার বিভূতি ।
 কি বর্ণিতে পারি দেব, আমি নারীজাতি ॥
 অবলা স্ত্রীজাতি, হেন বলে জানিজন ।
 তোমার মহিমা কিবা করিব বর্ণন ॥

তব মায়াবশে সমাচ্ছন্ন জগজ্জন ।
 রূপা করি দেব, মোর ঘুচাও বন্ধন ॥
 তব পাদপদ্ম-বিনা না জানি মুরারি ।
 যদি আমি হই সতী-পতিব্রতা নারী ॥
 দাসী বলি রূপা যদি কর নারায়ণ ।
 এ-মহালঙ্কাতে মোরে করহ তারণ ॥

ভীষ্ম বলিলেন, শুন শ্রীধন্য-রাজন্ ।
 এইমতে বৈশ্যপত্নী করিল স্তবন ॥
 বৈকুণ্ঠের পতি তবে বৈকুণ্ঠ হইতে ।
 যথা বৈশ্যপত্নী, তথা আসেন স্বরিতে ॥
 ত্রিভঙ্গ-ললিত-রূপ শ্যাম-কলেবর ।
 কনক-কিরীট দিব্য মস্তক-উপর ॥
 পীতবাস-পরিধান, রাজীবলোচন ।
 শঙ্খ-চক্র-গদা-পদ্ম-শ্রীবৎস-লাঞ্ছন ॥
 তুলসী-কোমলদল বিচিত্র-ভূষণ ।
 মকর-কুণ্ডল-আদি বলয়-কঙ্কণ ॥
 চারু চতুর্ভুজ-রূপ, মোহন-মুরতি ।
 ধন্য-ধন্য মহাপ্রভু, ধন্য জগৎপতি ॥
 অঙ্গের দুকূল ভাসে আনন্দ-অশ্রুতে ।
 দণ্ডবৎ হ'য়ে কন্যা পড়িল ভূমিতে ॥
 হাতে ধরি শীঘ্র হরি তুলিলেন তারে ।
 দামোদর দিব্যজ্ঞান দিলেন দৌহারে ॥
 দিব্যজ্ঞান দিব্যবুদ্ভি হৈল তিনজন ।
 বৈশ্যপত্নী বৈশ্য আর ব্যাধের নন্দন ॥
 তিনজনে নানা-স্তুতি করে নারায়ণে ।
 করযোড়ে বৈশ্যপত্নী কহে সেইক্ষণে ॥

অবধান কর দেব, মোর নিবেদন ।
 দুই স্বামী একরূপ দেখি কি-কারণ ॥
 মায়ায় নিধান তুমি, বিখ্যাত ভুবনে ।
 মায়া করি ভাণ্ড তুমি নিজ-ভক্তগণে ॥

রাষ্ট্র-জল-বিন্দু যদি পারে গণিবারে ।
 তথাপি তোমার মায়া বুঝিতে না পারে ॥
 কার শক্তি, তব মায়া করিবে বর্ণন ।
 কিবা মায়াচ্ছন্ন মোরে করিলে এখন ॥
 দুই স্বামী একরূপ, চিন্তা বড় মনে ।
 আজ্ঞা কর মহাপ্রভু, চিনিব কেমনে ॥
 রূপা কর, পদে ধরি, ওহে জগৎপতি ।
 যেই স্বামী, সেই হোক, এই যে মিনতি ॥
 দ্বিচারিণী বলি মোরে কবে সর্বজন ।
 এই কর প্রভু, মোর হউক মরণ ॥
 না করিবে যদি, শুন আমার বচন ।
 নারীহত্যা-পাপ দিব তোমায়ে এক্ষণ ॥

এত শুনি হাসি-হাসি বলে নারায়ণ ।
 দৈবের নির্বন্ধ কহে, না হয় খণ্ডন ॥
 দুই স্বামী তব, এই অদৃষ্টে লিখিত ।
 আমার শক্তিতে ইহা না হয় খণ্ডিত ॥

এত শুনি বৈশ্য-পত্নী করে নিবেদন ।
 যদি মোরে আজ্ঞা প্রভু, হইল এমন ॥
 রূপা যদি কৈলে প্রভু, আমা-তিনজনে ।
 সশরীরে লহ প্রভু, বৈকুণ্ঠ-ভুবনে ॥
 মর্ত্যেতে থাকিলে হবে লোকে উপহাস ।
 হাসিয়া গোবিন্দ তারে দিলেন আশ্বাস ॥
 ভক্ত-বৎসল হরি ঠেকিলেন দায় ।
 বৈকুণ্ঠ হইতে রথ আনেন স্বরায় ॥

একরথে আরোহিয়া চলে চারিজন ।
 শূন্যে ভর করি রথ চলে সেইক্ষণ ॥
 হেনকালে দুইজন হরির কিস্কর ।
 চতুর্ভুজ-রূপ দৌহে শ্যাম-কলেবর ॥
 শঙ্খ চক্র গদা পদ্ম আর শাঙ্গ ধনু ।
 নানা-অলঙ্কারে দৌহে বিভূষিত-তনু ॥

মোহন-সুরতি-রূপ, রাজীব-লোচন ।
চলি যায় বিমানেন্তে চড়ি দুইজন ॥
সেই রথে স্ত্রীপুরুষ আর দুইজন ।
চারিজন একরথে হরষিত-মন ॥
দেখিয়া স্তুমতি অতি কৌতুহল-মনে ।
করঘোড়ে নিবেদন করে জনাৰ্দ্দনে ॥

কহ দেব, কেবা হয় এই দুইজন ।
তোমার সদৃশ রূপ দেখি কি-কারণ ॥
থার দুইজন দৌহাকার বামপাশে ।
একরথে চারিজন কৌতুক-বিশেষে ॥

কৃষ্ণ কন, জিজ্ঞাসহ উহা-সবাকারে ।
তাপনার পরিচয় কহিবে তোমারে ॥
শুনিয়া স্তুমতি জিজ্ঞাসিল সেইক্ষণ ।
কহ শুন, তোমরা কে হও দুইজন ॥
বামপাশে কেবা আর দেখি দুইজন ।
বিররিয়া কহ, শুনি ইহার কারণ ॥

এত শুনি হাসি দৌহে বলয়ে বচন ।
হরির কিস্কর মোরা হই দুইজন ॥
এই দুইজন কেবা জিজ্ঞাসিলে মোরে ।
এ-দৌহার কথা শুন, কহিব তোমারে ॥

এই ত পুরুষ, নাম কলিক আছিল ।
কুব্জকূলে জন্মি বড় কুক্ৰিয়া করিল ॥
এই ত রমণী বড় আছিল পাপিনী ।
নামেতে কলিঙ্গা-বেশ্যা, বড় দ্বিচারিণী ॥
কিস্ত অজ্ঞানেতে এক করিল সাধন ।
শুকপক্ষী এক এই করিত পালন ॥
শুকমুখে-হরিনাম করিত শ্রবণ ।
অসংখ্য-পুরুষ-সহ করিত রমণ ॥
হমালী-গন্ধৰ্ব ছিল অতি ভয়ঙ্কর ।
তার সনে রতিপুথ ভুঞ্জে বহুতর ॥

একদিন বেশ-হেতু পুষ্ণ ভুলিবারে ।
একাঁকিনী গেল এক কানন-ভিতরে ॥
কলিক-কুক্ৰিয়া সেই যুগয়া কারণে ।
রথে চড়ি গিয়াছিল গহন-কাননে ॥
বেশ্যার কাপেতে গয় চটল ছুপ্তি ।
হরিয়। রথেতে ল'য়ে চলিল ঝটিতি ॥
শত্রু রথ চালাইয়া দিল চুরাচার ।
নহস। গন্ধৰ্ব আসি করে আশুসার ॥
ক্রোধেতে কালক বড় কৈল মহামার ।
প্রাণপণে বাণ বিদ্ধে দৌহে দৌহাকার ॥
দৌহে দৌহ। বাণ বিদ্ধে, কেহ নহে উন ।
ক্রোধেতে গন্ধৰ্ব-বল বাড়িল ষিগুণ ॥
গন্ধৰ্ব এড়িল বায়ু-অস্ত্র ক্রোধভরে ।
কাঁফর কলিক, নিবারিতে নাহি পারে ॥
মহা-বায়ুবেগে রথ উড়ায় সম্বরে ।
প্রয়াগের জলে ফেলাইল চুরাচারে ॥
প্রয়াগে ডুবিয়া নরে এই দুইজন ।
জন্মজন্মান্তর-পাপ চটল মোচন ॥
বৈকুণ্ঠেতে ল'য়ে যাই এই সে কারণ ।
এত শুনি হৈল কথ্য সবিস্ময়-মন ॥
দার্দাগণ যে বলিল, চটল নিশ্চয় ।
জানিলান পতি এই ব্যাধের তনয় ॥
প্রয়াগে কামনা করি ডুবিয়া মরিল ।
গম পতি-সম রূপ সেজন্তু হইল ॥
দুই পতি হৈল মোর কৰ্ম-নিবন্ধন ।
প্রয়াগ-মহিমা কিছু না যায় কথন ॥
এইরূপ মনে-মনে করিল চিন্তন ।
বৈকুণ্ঠের দ্বারী হ'য়ে রহে তিনজন ॥
যাহা জিজ্ঞাসিলে, তাহা শুনিলে রাজন্ ।
শোক দূর করি এবে স্থির কর মন ॥

শান্তিপর্ব ভারতের স্থধার আধার ।
কাশী কহে, শুনি নর যায় ভবপার ॥

১২। পরশুরামেব তীর্থ-পঞ্চাটন ।

ভীষ্ম বলিলেন, শুন ধর্ম্মের নন্দন ।
আর কিছু ইতিহাস শুন দিয়া মন ॥
কৌণ্ডিন্য-নামেতে মুনি বিখ্যাত ভুবন ।
তীর্থযাত্রা করি তিনি করেন ভ্রমণ ॥
ভাগীরথী বারাণসী প্রভাস পুষ্কর ।
বিন্দুক্ষেত্রে বিন্দুহ্রদ বিরজা হ্রস্কর ॥
ইন্দ্রদ্যুম্ন-সরোবর সরযু কেদার ।
মানস-সরোবরাদি তীর্থ হরিদ্বার ॥
একে-একে সর্বতীর্থ করিয়া ভ্রমণ ।
ব্রহ্মহ্রদ-ক্ষেত্রে তবে করিল গমন ॥
বিপুল-বিস্তার হ্রদ, দেখিতে সুন্দর ।
বৃহৎ কুন্ডীর থাকে তাহার ভিতর ॥
পূর্বেতে পরশুরাম ভৃগুবংশপতি ।
চাপিতে হ্রদের দ্বার কাটেন ঝটিতি ॥
খণ্ডিত হইয়া জল হইল বাহির ।
হরিদ্বার দিয়া বহে মহাত্মোতো-নীর ॥
দ্বার মুক্ত করি স্নান করি তপোধন ।
মাতৃবধ-পাপে রাম হ'লেন মোচন ॥

এত শুনি জিজ্ঞাসেন ধর্ম্মের নন্দন ।
কহ শুনি পিতামহ, সবিস্ময়-মন ॥
মহাধর্ম্মশীল রাম ভৃগুবংশমণি ।
কি-কারণে মাতৃবধ করিলেন শুনি ॥
সর্বগুরু হৈতে শ্রেষ্ঠ গণি যে জননী ।
হেন কর্ম্ম কি-কারণে করিলেন মুনি ॥

ভীষ্ম বলিলেন, তাহা শুনহ রাজন্ ।
ভুবনে বিখ্যাত জমদগ্নি তপোধন ॥

রেণুকা-নামেতে তাঁর ভাৰ্য্যা গুণবতী ।
পুত্রবাঞ্ছা করি স্মাসিবে কহে অতি ॥
ক্রমে-ক্রমে তার পঞ্চ জন্মিল নন্দন ।
কনিষ্ঠ তাহার রাম, প্রতাপে তপন ॥
ধনুর্বেদ শিখিলেন বশিষ্ঠের স্থানে ।
রামের সমান বীর নাহি ত্রিভুবনে ॥

একদিন জমদগ্নি ছলিতে কুমারে ।
গৃহিণীকে বলিলেন জল আনিবারে ॥
শীত্ৰগতি জল আনি দেহ ত আমারে ।
তর্পণ করিব আমি, জানাই তোমারে ॥
শুনিয়া কলসী ল'য়ে অতি শীত্ৰতর ।
জল আনিবারে যায় বিন্দু-সরোবর ॥
হেনকালে চলি যায় ঘূতাচী অঙ্গরী ।
তার রূপে মুগ্ধা হয় গাধির কুমারী ॥
মুহূর্ত্তেক তার রূপ করে নিরীক্ষণ ।
যতক্ষণ তার প্রতি চলিল নয়ন ॥
সেহেতু বিলম্ব তার হৈল কতক্ষণ ।
জল ল'য়ে শীত্ৰগতি করিল গমন ॥

বিলম্ব দেখিয়া মুনি ক্রোধিত হইল ।
জ্যেষ্ঠপুত্রে চাহি শীত্ৰ ডাকিয়া কহিল ॥
জননীর মাথা কাটি আনহ দ্বরিত ।
এত শুনি জ্যেষ্ঠপুত্র হইল ভাবিত ॥
মাতৃবধ-পাপ চিন্তি না শুনিল বাণী ।
আর তিনপুত্রে ডাকি বলে মহামুনি ॥
কহ না শুনিল বাক্য, ক্রোধে মুনিবর ।
কনিষ্ঠ-নন্দন রামে বলিল সঙ্গর ॥
জননী-সহিত তব চারি-সহোদরে ।
আমার আজ্ঞায় তাত, কাটহ সঙ্গরে ॥
এতেক শুনিয়া রাম বিলম্ব না করি ।
মাতৃসহ কাটিলেক সহোদর চারি ॥

দেখিয়া পুত্রের কার্য্য সবিস্ময়-মন ।
 ভুট্ট হ'য়ে ভ্রমদয়ি বলেন বচন ॥
 ঐরজীবী হও তাত, তুমি মোর বরে ।
 তোমা-সম বীর কেহ না হবে সংসারে ॥
 আর যেই বর উচ্ছা, মাগ মম স্থানে ।
 শুনিয়া কহেন রাম পিতার চরণে ॥
 দগুপি আমারে পিতা, দিবে তুমি বর ।
 ঈ-উক মাতার সহ চারি-সহোদর ॥

এত শুনি সৌম্যদৃষ্টে চাহে তপোধন ।
 ভাষা-সহ জীয়াইল চারিটি নন্দন ॥
 নাতৃবধ-পাপ হৈল রামের শরীরে ।
 ন-খসে হাতের টাঙ্গি, পড়িল ফাঁকরে ॥
 কহ তাত, কি হইবে উপায় ইহার ।
 গাত হৈতে টাঙ্গি কেন না খসে আমার ॥
 গায়ুধের ভরে আত্মা ধড়ফড় করে ।
 কখন সংশয় তাত, দেখত আমারে ॥

এত শুনি ধ্যানযোগে দেখি তপোধন ।
 কণেক চিস্তিয়া বলে, শুনহ নন্দন ॥
 নাতৃবধ-পাপ তাত, ছুঙ্কর সংসারে ।
 দেবযোগে সঞ্চারিল তোমার শরীরে ॥
 নিরাহার-ব্রতী হ'য়ে এক সংবৎসর ।
 মান-অহঙ্কার ত্যজি শিরে জটা ধর ॥
 সংসারের যত তীর্থ করহ ভ্রমণ ।
 তবে ত তোমার পাপ হইবে মোচন ॥
 পৃথিবীর যত তীর্থ করিয়া ভ্রমণ ।
 তবে ত যাইবে তাত, কোশল-ভুবন ॥
 বিষ্ণুযণ-নামে দ্বিজ জগতে বিদিত ।
 ঠাঁহার বাটাতে গিয়া হবে উপনীত ॥
 জিজ্ঞাসিও ঠাঁহারে ইহার প্রতিকার ।
 তবে ত হাতের টাঙ্গি খসিল তোমার ॥

৩৪৬

শুনিয়া বিলম্ব রাম কিছু না করিল ।
 তীর্থ-পর্য্যটন-হেতু সঙ্করে চলিল ॥
 গয়া-গঙ্গা-বারাণসী করিল ভ্রমণ ।
 তদন্তরে প্রভাসেতে করিল গমন ॥
 তদন্তরে হরিদ্বারে গেল মহামতি ।
 বদরিকাশ্রমে উত্তরিল শীত্ৰগতি ॥
 তদন্তরে মানসরে করিল গমন ।
 বিন্দুকোষে বিন্দুসর করিল ভ্রমণ ॥
 উত্তর-পথেতে যত-যত তীর্থ ছিল ।
 একে-একে ভৃগুরাম সকলি ভ্রমিল ॥
 পশ্চিমে দ্বারকা-আদি যত তীর্থগণ ।
 প্রদক্ষিণ করি সব করিল ভ্রমণ ॥
 দক্ষিণ-দিকেতে আসি হৈল উপনীত ।
 যত তীর্থ দক্ষিণেতে, না হয় বর্ণিত ॥
 ইন্দ্রদ্রোণ-সরোবর কুমারিকা সার ।
 গোদাবরী বৈতরণী রেবানদী আর ॥
 একে-একে সর্ব্বতীর্থ করিল ভ্রমণ ।
 জনকের বাক্য তাঁর হইল স্মরণ ॥

সঙ্করে চলিয়া গেল কোশল-নগরে ।
 উপনীত হৈল গিয়া বিষ্ণুযণ-ঘরে ॥
 ভয়ঙ্কর-মুক্তি রামে দেখি দ্বিজবর ।
 জিজ্ঞাসা করেন আসি রামের গোচর ॥
 হাতেতে আয়ুধ কেন ভয়ঙ্কর-কায় ।
 অতি-চিস্তাকুল কেন দেখি যে তোমায় ॥
 বিশীর্ণ-শরীর কেন, মলিন-বদন ।
 মেঘেতে আচ্ছন্ন যেন রবির কিরণ ॥

এত শুনি রাম সব করে নিবেদন ।
 শুনিয়া হইল দ্বিজ সবিস্ময়-মন ॥
 হৃদয়ে ভাবিয়া তবে বলিল বচন ।
 শসিবে হাতের টাঙ্গি, শুন দিয়া মন ॥

ব্রহ্মহুদে গিয়া স্নান করহ স্বরিত ।
 তবে ত হাতের টাঙ্গি হইবে স্থলিত ॥
 সেই সে হুদের কথা শুন দিয়া মন ।
 ব্রহ্মার সৃজিত সেই অদ্বিত-গঠন ॥
 চক্রাকারে ঘুরে জল ঘূর্ণ্যমান-বায় ।
 সেই হুদে যেই স্নান করিবারে যায় ॥
 দৃষ্টিমাত্রে জল তার উঠে উথলিয়া ।
 ডুবায় মারিতে বারি যায় খেদাড়িয়া ॥
 পুণ্য-আত্মা হয় যদি, পায় সে জীবন ।
 সে-কারণে তথায় না যায় কোনজন ॥
 পূর্বের রক্তাস্ত আছে ব্রহ্মার নিয়ম ।
 নারদের মুখে শুনি বাড়িল সন্ত্রম ॥

ব্রহ্মার্ষি স্মৃতপা-নামে ছিল তপোধন ।

ব্রহ্মলোকে গিয়া ঋষি দিল দরশন ॥
 বসিয়াছে প্রজাপতি সভার ভিতর ।
 মেনকা অঙ্গরা যায় শূন্যে করি ভর ॥
 পরম-সুন্দরী কন্যা মোহে ত্রিভুবন ।
 দেখি হেঁটমুখ হৈল প্রজাপতিগণ ॥
 সেকালে স্মৃতপা কামবশে মত্ত হ'য়ে ।
 কন্যার বদন-কুচ চাহে নেহারিয়ে ॥
 দেখিয়া সক্রোধচিত্ত হৈল পদ্মাসন ।
 স্মৃতপারে কহিলেন সক্রোধ-বচন ॥
 মম লোকে আসি হেন কর অনাচার ।
 এই পাপে কুস্তীরহ হইবে তোমার ॥
 এইক্ষণে মম হুদে হইবে পতন ।
 কতদিন পরে তব হইবে মোচন ॥
 রাম যাবে মাতৃবধ-পাপ খণ্ডাবারে ।
 তাবৎ থাকিবে সেই হুদের ভিতরে ॥
 টাঙ্গির প্রহারে হুদদ্বার করি চীর ।
 স্নান করিবারে তথা যাবে ভৃগুবীর ॥

সেইক্ষণে গ্রাহরূপ ত্যজি শীত্ৰগতি ।
 তদন্তরে জীব-অংশে হইবে উৎপত্তি ॥
 যুগল-নয়ন অন্ধ হবে কৰ্ম্মদোষে ।
 শৃঙ্গারেতে রত হবে পশুর সদৃশে ॥
 এতেক বলিতে শীত্ৰ হইল পতন ।
 গ্রাহরূপে সেই তীর্থে আছে তপোধন ॥
 শীত্ৰগতি তথাকারে করহ গমন ।
 তবে ত তোমার পাপ হইবে মোচন ॥

এত শুনি ভৃগুরাম চলিল স্বরিত ।

ব্রহ্মহুদকূলে গিয়া হৈল উপনীত ॥
 দেখি ভৃগুবরে জল উথলি উঠিল ।
 পর্বত-প্রমাণ নীর খেদিয়া আসিল ॥
 শোষক-মস্ত্রেতে নিবারিল ঘোরপানি ।
 হুদদ্বার-মুক্ত কৈল টাঙ্গিঘাত হানি ॥
 হুদে স্নান করি তবে করিল তর্পণ ।
 খসিল হাতের টাঙ্গি আনন্দিত-মন ॥
 সহসা কুস্তীর সেই অতি-ভয়ঙ্কর ।
 রামের চরণে আসি ধরিল সত্তর ॥
 ধরিয়। কুস্তীরে কূলে তোলে ভৃগুমণি ।
 শাপে মুক্ত হ'য়ে গ্রাহ ছাড়িল পরাণী ॥
 যুতদেহ দেখি রাম সবিস্ময়-মন ।
 নিজগৃহে গেল তীর্থ করিয়া ভ্রমণ ॥
 মহাভারতের কথা অমৃত-লহরী ।
 শুনিলে অধর্ম খণ্ডে, পরলোকে তরি ॥
 মন্তকে বন্দিয়া ব্রাহ্মণের পদরজ ।
 কহে কাশীরাম গদাধরদাসাশ্রজ ॥

১০। গয়াক্ষেত্রের উপাখ্যান ।

যুধিষ্ঠির বলে, কহ গঙ্গার নন্দন ।
 কি করিল পরেতে কোণ্ডিস্ত্র তপোধন ॥

ভাঙ্গা বলিলেন, গয়া গেল মুনিসর ।
মহাপুণ্যক্ষেত্রে সেই, বাথানে অমর ॥
গয়াপুর-নামে ছিল দুঃস্বপ্ন অমর ।
তাহার সৃজিত ক্ষেত্রে খ্যাত তিনপুর ॥

এত শুনি জিজ্ঞাসেন ধর্ম্মের নন্দন ।
কহ শুনি পিতামহ, ইহার কারণ ॥
পশ্চাৎ শুনিব কোণ্ডিয়ার উপাখ্যান ।
তবে কহ, শুনি দেব, ইহার ব্যাখ্যান ॥
তপুর-সৃজিত ক্ষেত্রে পুণ্য কি-কারণ ।
ভাঙ্গা বলিলেন, শুন ধর্ম্মের নন্দন ॥

তমোগুণে জন্ম লৈল অমর-কুমার ।
তপুর-নামেতে দৈত্য বিখ্যাত সংসার ॥
দৈত্য দ্বিজে হিংসা দুহু করে নিরস্তর ।
তার ভয়ে পলাইল যতেক অমর ॥
শিবের নিকটে গিয়া করিলেক স্তুতি ।
প্রকারেতে ত্রিপুরে মারিলা পশুপতি ॥
ত্রিপুরে মারিয়া নাম হৈল ত্রিপুরারি ।
ত্রিপুরের ভার্য্যা শুকদৈত্যের কুমারী ॥
সর্তা গুণবতী কন্যা, রূপে অনুপাম ।
ত্রিপুরের প্রিয়ভার্য্যা প্রভাবতী-নাম ॥
গর্ভবতী সেইকালে আছিল সুন্দরী ।
নারদ কহিল আসি দৈত্য-বরাবরি ॥
তব এই ভার্য্যা-গর্ভে আছে তব সূত ।
তার কন্ম ভবিষ্যতে হইবে অদ্বুত ॥
ত্রিচুবনে একচ্ছত্রে হইবে রাজন ।
মহাপুণ্য-ক্ষেত্রের করিবে সৃজন ॥
ঐশ্বর্য্যি রাখ ল'য়ে জনকের ঘরে ।
তবে শিব-সহ তুমি প্রবেশ সমরে ॥

এত বলি অন্তর্হিত হৈল তপোধন ।
পিতৃগৃহে ল'য়ে তারে রাখে সেইকণ ॥

তার পর শিব-সঙ্গে যুদ্ধ আরম্ভিল ।
শিবের বাণেতে দৈত্য পরাণ ত্যজিল ॥
পিতৃগৃহে কন্যা প্রসবিল যে নন্দন ।
গয়াপুর-নাম হৈল বিখ্যাত-ভূমন ॥
সর্ব্বশাস্ত্র-বিশারদ হৈল মহাবীর ।
তাহার সমরে দেবগণ নহে স্থির ॥

একদিন গয়াপুর গনে কি ভাবিয়া ।
জননারে জিজ্ঞাসিল বিরলেতে গিয়া ॥
শুন গো জননি, মম এক নিবেদন ।
বিবরিয়া কহ মোরে ইহার কারণ ॥
যখন পড়িতে আমি ঘাই শুক্রস্থানে ।
পিতৃহীন বলি মোরে বলে সর্ব্বজনে ॥
শুনিয়া সে-কথা আমি দুঃখিত অন্তরে ।
পিতৃহীন কেন বিধি করিল আমারে ॥
বলহ জননি, শুনি পূর্ব্বের কথন ।
কোন বংশে জন্ম মোর, কাহার নন্দন ॥
পিতৃহীন তনয়ের সদা দুঃখা মন ।
জলহীন নদী যথা নহে স্রোতান ॥
চন্দ্রহীন রাত্রি যথা, পদ্মহীন সর ।
পিতৃহীন সম্ভানের তেমতি অন্তর ॥

এত শুনি কহে মাতা রোদন করিয়া ।
পিতৃহীন বাপু, তুমি বড় অভাগিয়া ॥
ধন্দ-অস্ত্রের বংশে ত্রিপুর-নামেতে ।
তোমার জনক সেই বিখ্যাত জগতে ॥
আমার গর্ভেতে তুমি আছিলে যখন ।
নারদ আসিয়া দৈত্যে কহিল তখন ॥
শিব-সহ হবে তব মহাধোর-রণ ।
অতএব আসিলাম তোমার সদন ॥
গর্ভবতী আছে এই তোমার রমণী ।
ইহাতে জন্মিবে এক বীরচূড়ামণি ॥

জনকের ঘরে ল'য়ে রাখ এইকণে ।
 তবে সে করিবে রণ ধূর্জটীর সনে ॥
 এত শুনি তব পিতা আনিয়া এখাতে ।
 রাখিয়া করিল যুদ্ধ শিবের সহিতে ॥
 কপট-প্রবন্ধ করি যত দেবগণ ।
 শিবহস্তে তব বাপে করাল নিধন ॥
 ভ্রাতা বন্ধু-আদি যত ছিল দৈত্যগণ ।
 সবাকারে দেবগণ করিল নিধন ॥
 ত্রিপুরের বংশে তুমি এক বংশধর ।
 এত বলি তার মাতা কান্দিল বিস্তর ॥

এত শুনি গয়াসুর সক্রোধ-অস্তর ।
 মায়ে প্রবোধিয়া গেল শুক্রের গোচর ॥
 করযোড়ে প্রণমিল শুক্রের চরণে ।
 নিজ-পরিচয় দৈত্য দিল সেইকণে ॥
 শুনি দৈত্যগুরু শুক্র আশ্বাস করিল ।
 অস্ত্র-শস্ত্র নানা-বিদ্যা সব পড়াইল ॥
 ত্রিভুবনে যত বিদ্যা, নাহি কিছু শেষ ।
 গুরুরে প্রণমি দৈত্য আসে নিজদেশ ॥
 আসিয়া মায়ের পায়ে দণ্ডবৎ কৈল ।
 জননী বিস্তর তারে আশীর্বাদ দিল ॥
 অবশেষে যত দৈত্য ত্রিভুবনে ছিল ।
 গয়াসুরে আসি সব সঙ্ঘরে মিলিল ॥

তবে গয়াসুর-বীর মহাকোপভরে ।
 বহুসৈন্যে সাজি গেল সুরেক্স-শিখরে ॥
 ইন্দ্র-আদি দেব যত অদিতি-তনয় ।
 বাহুবলে সবাকারে কৈল পরাজয় ॥
 তদন্তরে শিব-সহ কৈল মহারণ ।
 একে-একে পরাভূত হৈল দেবগণ ॥
 একচ্ছত্র রাজ্য দৈত্য হৈল ত্রিভুবনে ।
 উদাসীন হ'য়ে কিরে যত দেবগণে ॥

ইন্দ্র-সহ যুক্তি করি যত দেবগণ ।
 কীরোন-উত্তরদিকে করিল গমন ॥
 জগৎ-ঈশ্বর বিষ্ণু আদি সনাতন ।
 করযোড় করি সব করিল স্তবন ॥
 জয়-জয় জনার্দন, জয় জগৎপতি ।
 ত্রিভুবন-চরাচর তোমার বিভূতি ॥
 তুমি সৃজ, তুমি পাল, করহ সংহার ।
 এ-মহাবিপদে দেব, করহ নিস্তার ॥
 তোমার স্থাপিত নাথ, যত দেবগণ ।
 আপনি স্থাপিয়া কর আপনি নিধন ॥

এইরূপে স্তুতিবাদ করে দেবগণ ।
 সেইকণে প্রত্যক্ষ হইলা নারায়ণ ॥
 নবঘনশ্যাম-তনু গরুড়-বাহন ।
 শঙ্খ-চক্র-গদা-পদ্ম-কিরীট-ভূষণ ॥
 চারু চতুর্ভূজ, পীতবাস-পরিধান ।
 ডাকিয়া বলেন দেবগণে ভগবান্ ॥
 দৈত্যের ভয়েতে ভীত আছ দেবগণ ।
 নির্ভয় হইয়া যাহ আপন-ভবন ॥
 আজি আমি গয়াসুরে করিব সংহার ।
 রহিবে অদ্বিত-কান্দে পৃথিবী-মাঝার ॥

এত শুনি আনন্দিত যত দেবগণ ।
 প্রণমিয়া গেল সব যের ভবন ॥
 সঙ্ঘরে গেলেন প্রভু, যথা গয়াসুর ।
 সাজিলা মহেশ যেন মারিতে ত্রিপুর ॥
 নানাবিধ দিব্য-অস্ত্র লইলা প্রচুর ।
 সংগ্রাম চাহিলা গিয়া, যথা গয়াসুর ॥
 শুনি গয়াসুর ক্রোধে হইল বাহির ।
 গোবিন্দেরে সঙ্ঘোধিয়া বলে মহাবীর ॥

জগতের নাথ তুমি ঘোষে হরাসুর ।
 দেবতার বিধানেন্তে মজিল ত্রিপুর ॥

দ্রুপদের পুত্র আমি বিখ্যাত জগতে ।
উচিত পিতার বৈরী দেবতা বধিতে ॥
সমতায় মোর সহ যুঝিবে আপনি ।
মোর কীৰ্ত্তি রহে যেন যাবৎ ধরণী ॥

এত বলি দিব্য-অস্ত্র করিল বাছনি ।
হাসিয়া নিলেন অস্ত্র দেব-চক্রপাণি ॥
দুইজনে অস্ত্রে-অস্ত্রে হৈল মহারণ ।
দৌহাকার অস্ত্ররষ্টি না হয় বর্ধন ॥
শূল শক্তি জাঠি মুঘল মুদগর ।
পবন-ভৃষগী-গদা-আদি অস্ত্রবর ॥
নিঃস্বর ফেলে দৌহে দৌহার উপর ।
এইরূপে হৈল যুদ্ধ শতেক বৎসর ॥
কেহ পরাজিত নহে, সম দুইজনে ।
ভাবিয়া ডাকিয়া দৈত্য বলে নারায়ণে ॥

তোমার সংগ্রামে তুষ্ট হইলাম আমি ।
এই ইচ্ছা আছে যদি, মাগি লহ তুমি ॥
হাসিয়া বলেন হরি, শুন দৈত্যেশ্বর ।
যদি ইচ্ছা কৈলে তুমি মোরে দিতে বর ॥
এই বর দেহ মোরে দৈত্যের ঈশ্বর ।
কড় হিংসা না করিবে দেব আর নর ॥
পাষণ-শরীর হ'য়ে থাকহ শুইয়া ।
অঙ্গীকার কৈল দৈত্য প্রাক্তন স্রিয়া ॥
শুনি আনন্দিত হইলেন নারায়ণ ।
মোর বর দিলে তুমি দৈত্যের নন্দন ॥
মোক্শবর মাগি তুমি লহ মোর স্থানে ।
তব কীৰ্ত্তি রহে যেন এ-তিন-ভুবনে ॥

এত শুনি হৃদিমাঝে ভাবি দৈত্যবর ।
প্রণমিয়া গোবিন্দে করে উত্তর ॥
যদি কৃপা আশা-প্রতি কৈলে চক্রপাণি ।
তত্ত্বজন-বাক্য তুমি পালিবে আপনি ॥

পূর্ব্বোক্তে নারদ যাহা দিল উপদেশ ।
সেই বর দেহ মোরে দেব-ভূষীকেশ ॥
এই ক্ষেত্রমধ্যে মোর ঘাউক পরাণী ।
শিলারূপ হ'য়ে থাকি, যাবৎ ধরণী ॥
আমার মস্তকে পদ দেহ নারায়ণ ।
মোর নামে ক্ষেত্র এই হউক সজ্জন ॥
গয়াক্ষেত্র-নাম খ্যাত হউক ইহার ।
স্থগে ত্রিভুবন-লোক করুক বিহার ॥
ব্রাহ্মণ-ক্షত্রিয়-আদি জগতের জন ।
আমার উপরে যেন করিবে তর্পণ ॥
পিণ্ডলোকে পিণ্ডদান করিবে যে-জন ।
সর্ব্বপাপে মুক্ত হ'য়ে তার পিতৃগণ ॥
চিরকাল রহে যেন অমর-নগর ।
এই বর দেহ মোরে দেব-দামোদর ॥
পিণ্ডদানে মুক্ত নাহি হবে যেই-দিন ।
সংসার নাশিব আমি উঠি সেইদিন ॥
ভাবিয়া চিন্তিয়া বর দিয়া নারায়ণ ।
দৈত্যের মস্তকে পদ করেন স্থাপন ॥
অশুরের প্রাণত্যাগ হৈল সেইক্ষণ ।
হানন্দেতে নিজস্থানে যান নারায়ণ ॥
শিলারূপ হ'য়ে দৈত্য আছে চিরকাল ।
অতঃপর কহি যাহা, শুন মহাপাল ॥
মহাভারতের কথা অমৃত-লহরী ।
কাশী কহে, শুনি হেলে ভবসিদ্ধ তারি ॥

১৪। পঞ্চ-শ্রেতাপাখ্যান ।

ভীষ্ম বলিলেন, শুন ধর্ম্মের নন্দন ।
গয়াক্ষেত্রে ভ্রমিল কৌণ্ডিন্দ তপোধন ॥
আর যত ক্ষেত্র-ভীর্থ পৃথিবীতে ছিল ।
একে-একে যুনি তাহা সকলি ভ্রমিল ॥

কুরুক্ষেত্রে-উপরেতে আসে তপোধন ।
 লক্ষ-লক্ষ শব তথা হ'তেছে দাহন ॥
 শ্মশানের নিকটেতে আসি তপোধন ।
 দেখিলেন বসি আছে প্রেত পঞ্চজন ॥
 বিকৃত-আকার সব, বিকৃত-বদন ।
 লম্ব-ওষ্ঠ লম্ব-কেশ লম্বিত-দশন ॥
 স্কুল-নাসা কুপবর-সদৃশ নয়ন ।
 বিষ্ঠা-মূত্র-আদি যত অঙ্গেতে ভূষণ ॥
 দেখিয়া বিস্মিতচিত্ত হৈল তপোধন ।
 জিজ্ঞাসিল, কে তোমরা হও পঞ্চজন ॥

এতেক শুনিয়া তবে মুনির বচন ।
 কহিতে লাগিল তারা হ'য়ে হৃষ্টমন ॥
 প্রেতকূলে জন্মি মোরা অদৃষ্ট-কারণ ।
 তার কথা কহি মুনি, শুন দিয়া মন ॥
 নিজ-কর্মদোষে মোরা হইনু এক্রপ ।
 ভূমি কেবা মহাশয়, কহিবে স্রুপ ॥
 রবি-চন্দ্র জিনি কাস্তি দেহের বরণ ।
 শিরেতে পিঙ্গল-জটা মহা-সুলক্ষণ ॥
 মোহন-মুরতি, তনু জিনি নবধন ।
 মুখরুচি পূর্ণ-শশী জিনিয়া শোভন ॥
 করিকর ডুজবর, পঙ্কজ-নয়ন ।
 যুগরাজ জিনি মাঝা অতি সুগঠন ॥
 কণ্ঠ-কম্বু জিনি শঙ্খ, রক্ত গণ্ডস্থল ।
 রক্তকোকনদ-পদ অতি সুকোমল ॥
 চমরীর পুচ্ছ জিনি দেখি গৌণ-দাড়ি ।
 পিঙ্গল-বসন অঙ্গে, নখ-সব বেড়ি ॥

বিজ বলে, হই আমি ব্রাহ্মণ-নন্দন ।
 কোণ্ডিষ্ঠ আমার নাম বিখ্যাত ভুবন ॥
 তীর্থযাত্রা করি আমি আমি যে সংসার ।
 গয়া-গঙ্গা-আদি তীর্থ ভ্রমিঁ অপার ॥

জগতের হিত চিন্তি জগৎ-নিস্তার ।
 কহ সত্য পঞ্চজন, কাহার কুমার ॥
 কোথায় নিবাস, কিবা নাম সবাকার ।
 কি-হেতু দেখি যে মূর্তি বিকৃত-আকার ॥

এত শুনি পঞ্চপ্রেত বলয়ে বচন ।
 অরণ্যে নিবাস করি, শুন তপোধন ॥
 সূচীমুখ নাম মোর, কর অবগতি ।
 শীত্ৰক ইহার নাম, শুন মহামতি ॥
 পর্যুষিত-খ্যাত নাম ধরে এইজন ।
 লেখক-পাঠক নাম আর দুইজন ॥
 এই পঞ্চজন মোরা অরণ্যেতে বসি ।
 এত শুনি পুনরপি জিজ্ঞাসিল ঋষি ॥

এমত কুৎসিত নাম হৈল কি-কারণ ।
 কোথায় আছিলে, কিবা করহ ভ্রমণ ॥
 সত্য করি কহ ভাষা, না ভাণ্ডিহ মোরে ।
 এত শুনি একে-একে কহিল মুনিরে ॥

সূচীমুখ বলে, মুনি, কর অবধান ।
 আমার পাপের কথা না যায় ব্যাখ্যান ॥
 পূর্বেতে ছিলাম আমি বৈষ্ণব নন্দন ।
 মহাধনবান ছিনু, শাস্ত্রে বিচরণ ॥
 ধর্মকর্মে রত ছিনু প্রফুল্ল-শরীর ।
 অতি-উগ্র ছিনু, কিন্তু না ছিনু হৃদয় ॥
 একদা অতিথি এক আসে মোর ঘরে ।
 সম্ভাষণ তাহারে না করি অহঙ্কারে ॥
 দিব্য-অন্ন উপচারে ভাষ্যা-পুত্র লৈয়া ।
 করিনু ভ্রমণ অতিথিরে নাহি দিয়া ॥
 ক্ষুধায় তৃণায় সেহ আকুল হইল ।
 মোর অদৃষ্টের বশে উঠিয়া সে গেল ॥
 এইহেতু সূচীমুখ নাম যে আমার ।
 প্রেতযোনি হইলাম, বিখ্যাত সংসার ॥

তৎপরে শীত্ৰক করে আত্ম-নিবেদন ।

আমার পাপের কথা শুন তপোধন ॥
 পূৰ্বজন্মে ব্যাধকুলে জনম আমার ।
 চান শূদ্রজাতি ছিনু বড় ছুরাচার ॥
 পরদ্রব্য পরধন কৈনু অপহার ।
 চুরি-হিংসা করি পুৰিষতাম স্ত্রুত-দার ॥
 এইরূপে কতদিন কৈনু নির্বাহন ।
 অতিথি আসিল দৈবে আমার সদন ॥
 ক্ষুধাতুর হ'য়ে অন্ন মাগিল আমারে ।
 ক্রোধে বহু-তিরস্কার করিলাম তারে ॥
 পাপিষ্ঠ অধম তুই বড় ছুরাচার ।
 ভিক্ষা মাগি খাস তুই, এ কোন্ আচার ॥
 নিজ-পরাক্রমে ধন করিয়া অৰ্জ্জুন ।
 উদর পূরিতে নার, জীয অকারণ ॥
 এত বলি জ্যেষ্ঠপুত্রে কহিনু ক্রোধেতে ।
 ঢেকা মারি কর দূর মোর বাড়ী হ'তে ॥
 শুনিয়া অতিথি কহে হ'য়ে ক্রুদ্ধমন ।
 অন্ন নাহি দিয়া দুষ্ক, করহ তাড়ন ॥
 মোব অপমান যথা কৈলি ছুরাচার ।
 প্রেতযোনি-জন্ম দুষ্ক, হইবে তোমার ॥
 ক্ষুধার্ত অতিথি-জনে করিলি বঞ্চন ।
 বিষ্ঠানুত্র হইবেক তোমার ভক্ষণ ॥
 এত বলি দুঃখচিত্তে করিল গমন ।
 শীত্ৰক আমার নাম হৈল সে-কারণ ॥

তদন্তরে আর প্রেত কহিল বচন ।
 পূৰ্বজন্মে ছিনু আমি বিজের নন্দন ॥
 অযাজ্য-যাজক ছিনু, লুকা অতিশয় ।
 ধৰ্ম্মাধৰ্ম্ম করি অৰ্জ্জুলাম ধনচয় ॥
 হত-দার-পরিবার করিনু পোষণ ।
 ক্রুরমতি ছিনু, স্নান অত্যন্ত কৃপণ ॥

একদিন বসি শাস্ত্র করিতে লিখন ।
 হেনকালে আসে এক অতিথি-ব্রাহ্মণ ॥
 ক্ষুধাতুর আসি অন্ন মাগিল আমারে ।
 ক্রোধে বহু-তিরস্কার করিনু তাহারে ॥
 সে-পাপে লেখক-প্রেত হৈল মোর নাম ।
 শয়ন-আসন মোর অমঙ্গল-ধাম ॥

তদন্তরে অন্য প্রেত বলয়ে বচন ।
 কহিব আমার কথা, শুন তপোধন ॥
 পূৰ্বজন্মে ছিনু আমি বৈশ্যের নন্দন ।
 অতিথি আসিল মোর ঘরে একজন ॥
 ক্ষুধার্ত হইয়া অন্ন মাগিল আমারে ।
 কপট করিয়া আমি পুছিনু তাহারে ॥
 তিরস্কার করি আনি অন্ন পর্যুষিত ।
 অন্ন দিনু, যাহে নহে উদর পূরিত ॥
 সেই-পাপে পর্যুষিত নাম যে রাখিল ।
 অতৃষ্ণের ফলে মোর প্রেতত্ব হইল ॥

অন্য প্রেত বলে দ্বিজ, শুনহ বচন ।
 অন্নদোষে হৈল মোর দুর্গতি-লক্ষণ ॥
 সন্নদোষে অন্নপাপে পাপ বাড়ি নিতি ।
 মো'-সবার বিবরণ শুন মচামতি ॥
 বিষ্ঠানুত্র স্লেচ্ছাদক করি যে ভক্ষণ ।
 শ্মশানে-মশানে নিত্য করি যে শয়ন ॥
 বিশেষে মোদের বাস শুন তপোধন ।
 সঙ্ক্যা-বীজমন্ত্রহীন যেই ত ব্রাহ্মণ ॥
 তাহার শরীরে নিত্য করি যে বিহার ।
 আর যাহা কহি, তাহা শুন সারোদ্ধার ॥
 সঙ্ক্যা বহে যেই গৃহে তৈলের বিহনে ।
 বিহীন যাহার বাড়ী ভুলসী-কাননে ॥
 সেই ত বাড়ীতে মোরা বসি অনুক্ষণ ।
 ঐশ্বর্য্য-সম্পদ তাহে না থাকে কখন ॥

যে যুবতী নিজপতি করি পরিহার ।
 অশ্রু-পুরুষের সঙ্গে করে কদাচার ॥
 বাসি-বস্ত্র প্রক্ষালন আলস্যে না করে ।
 বাসি-ঘরে শোয়, আর থাকে অনাচারে ॥
 তাহার শরীরে মোরা থাকি অনুক্ষণ ।
 পূর্ব-জননের কথা শুনি দিয়া মন ॥
 শূদ্রের কুলেতে জন্ম আছিল আমার ।
 একদিন কক্ষ আমি কৈনু চুরাচার ॥
 আলস্য করিয়া গৃহে করিনু শয়ন ।
 সহসা অতিথি এক করে আগমন ॥
 ক্ষুধায় আকুল হ'য়ে ডাকিল আমারে ।
 জাগিয়া উত্তর আমি না দিনু তাহারে ॥
 উত্তর না পেয়ে শাপ দিল অতিশয় ।
 জন্মান্তরে প্রেততনু হইবি নিশ্চয় ॥
 এত বলি অশ্রুস্থানে করিল গমন ।
 পাঠক আমার নাম হৈল সে-কারণ ॥
 এত শুনি হন মুনি সবিস্ময়-মন ।
 পুনরপি জিজ্ঞাসিল, কহ প্রেতগণ ॥
 কোন্ কৰ্ম্মে খণ্ডে হেন দুর্গতি-লক্ষণ ।
 প্রেতগণ বলে, শুন কহি তপোধন ॥

পৃথিবীতে নরযোনি জন্মিয়া যে-জন ।
 নিজ-জাতিমত কৰ্ম্ম করে আচরণ ॥
 জাতি-জাতি-বন্ধুগণে করি আবাহন ।
 মিষ্ট-অন্ন-পান দিয়া করায় ভোজন ॥
 পিতৃযজ্ঞ দেবযজ্ঞ করে অনুক্ষণ ।
 নানা-রত্ন-দান দিয়া তোষয়ে ব্রাহ্মণ ॥
 দরিদ্র-ভিক্ষুকে যেই করে অন্নদান ।
 তাহার পুণ্যের কথা না যায় ব্যাখ্যান ॥
 ব্রত-উপবাস করে গোবিন্দ-উদ্দেশে ।
 অনন্ত-গোবিন্দ-ব্রত আচরে বিশেষে ॥

আলস্য শয়ন নিদ্রা করিয়া বর্জ্জন ।
 সহস্তুে করয়ে হরি-মন্দির-মার্জ্জন ॥
 গোবিন্দ-উদ্দেশে করে নানা-পুষ্পোচ্চান ।
 গোবিন্দের নাম যেই স্মরে মতিমান ॥
 গৃহধর্মচর্যা যেই-জন পরিহরি ।
 একেখর ভ্রমে তীর্থ-পর্যটন করি ॥
 সর্বভূতে সমভাব করে যেই-জন ।
 শত্রুতে মিত্রেতে যার সম-আচরণ ॥
 যুতিকাদি দিয়া গৃহ করিয়া নিষ্কাশন ।
 শিলারূপে যেই-জন স্থাপে ভগবান ॥
 এইসব নর প্রেতযোনি নাহি পায় ।
 সংসারে জন্মিয়া করে সংকল্প-নিচয় ॥

পিতা-মাতা নিন্দে যেন নিন্দয়ে ব্রাহ্মণ ।
 অতিথিরে যেই-জন না করে তোষণ ॥
 পিতৃযজ্ঞে দেবযজ্ঞে বিযুথ যে-জন ।
 প্রেতযোনি পায় মুনি, সেইসব জন ॥
 বহু-ছল করি যেই পরবৃত্তি হরে ।
 ব্রাহ্মণেরে প্রণাম না করে অহঙ্কারে ॥
 ব্রত-যজ্ঞে উপহাস করে যেইজন ।
 ছলে-বলে পরধন যে করে হরণ ॥
 দেবতা-উদ্দেশে দ্রব্য আনিয়া যে-জন ।
 লোভার্ভ হইয়া করে আপনি ভক্ষণ ॥
 হেলায় না করে যেই, তীর্থ-পর্যটন ।
 এ-সব পাতক হয় প্রেতজ-কারণ ॥
 গুরুনিন্দা করে যেই, বেষ্ঠাপরায়ণ ।
 প্রেতযোনি প্রাপ্ত হয় সেইসব জন ॥

ভীষ্ম বলিলেন, শুন ধর্ম্মের নন্দন ।
 ধর্ম্মকর্ম্ম-প্রসঙ্গেতে প্রেত পঞ্চজন ॥
 পূর্বজ্জিত পাপ যত ভস্ম হ'য়ে গেল ।
 প্রেতবৃত্তি ত্যজি পরে দিব্যবৃত্তি হৈল ॥

সুৰ্গ হৈতে পঞ্চরথ আসিল তখন ।
 মুনিরে প্রণমি রথে কৈল আরোহণ ॥
 ইন্দ্র নগরে শীত্ৰ করিল গমন ।
 দেখিয়া বিন্মিতচিত্ত হন তপোধন ॥
 পৃথিবীতে যত তীর্থ করিল ভ্রমণ ।
 বিখ্যাত কোণ্ডিন্দ-ঋষি এ-তিন-ভুবন ॥
 শান্তিপৰ্ব ভারতের অমৃত-লহরী ।
 আমার কি-শক্তি, তাহা বর্ণিবারে পারি ॥
 ন্যস্তকে ধরিয়া ব্রাহ্মণের পদরজ ।
 কহে কাশীরাম দাস গদাধরাগ্রজ ॥

— —

১৫। শিবচতুর্দশী-মাগয়া ।

যুধিষ্ঠির বলে, দেব, কর অবধান ।
 ব্রতের মহাশয় কিছু করহ ব্যাখ্যান ॥
 ভীষ্ম বলিলেন, তাহা কহিতে কে পারে ।
 নংক্ষেপে কহিব কিছু নৃপতি, তোমারে ॥
 ইক্ষ্বাকু-বংশেতে রাজা চিত্রভানু-নাম ।
 সর্বশাস্ত্রে বিচক্ষণ, রণে অনুপাম ॥
 জম্বুদ্বীপে হৈল একচ্ছত্র নরপতি ।
 কুবের-সদৃশ তার ঐশ্বর্য্য-বিভূতি ॥
 শীলতায় চন্দ্র যেন, তেজে দিবাকর ।
 প্রজার পালনে যেন রাম রঘুবর ॥
 দ্বিজসেবা-বিনা তার অন্তে নাহি মতি ।
 যেই যাহা মাগে, তাহা দেয় শীত্ৰগতি ॥
 শিবব্রতে রত সদা শিব-পরায়ণ ।
 শিবচতুর্দশী-ব্রত করে আচরণ ॥
 বর্ষ্যার সহিত রাজা উপবাস করি ।
 গান-ধ্যান করি বসিয়াছে অন্তঃপুরী ॥
 হেনকালে অক্টাবক্র ল'য়ে শিষ্যগণ ।
 ঘরে আসিলা মুনি রাজার সন্ম ॥

৪৫ জি

দেখি শশব্যস্তে উঠিলেন নরপতি ।
 দণ্ডবৎ নমস্কার করে শীত্ৰগতি ॥
 বসিবারে আনি দিল দিব্য-কুশাসন ।
 একে-একে বসে তাহে যত মুনিগণ ॥
 সুপকারগণে আজ্ঞা কৈল নরবর ।
 নানা-উপচার-দ্রব্য আনিল সম্বর ॥
 যথাযোগ্য সবাকারে করান ভোজন ।
 ভোজনান্তে দ্বিজগণ কৈল আচমন ॥
 তাম্বুল-কর্ণূর-আদি করিয়া ভক্ষণ ।
 নৃপে চাহি অক্টাবক্র বলিল বচন ॥

ভ্রাতা মিত্র-আদি সবে করিল ভোজন ।

ভার্যা-সহ উপবাস কর কি-কারণ ॥
 দ্বিতীয় প্রহর বেলা, দুর্দৃশ ভাস্কর ।
 কোন্ হেতু উপবাস আছ নরবর ॥
 কিবা চিন্তে দুঃখ রাজা, না জানি কারণ ।
 আত্মাকে দিতেছ দুঃখ কোন্ প্রয়োজন ॥
 এক আত্মা জগতের হয় নারায়ণ ।
 আত্মা তুষ্ট হৈলে তুষ্ট ব্রহ্ম সনাতন ॥
 ব্রত-উপবাস লোক করে অকারণ ।
 আত্মাকে দুঃখিত করা অধর্ম্ম-লক্ষণ ॥
 ঘটচক্র-কথা রাজা, শুন দিয়া মন ।
 সর্বভূতে আত্মরূপে স্থিত নারায়ণ ॥
 চতুর্থ অদ্বৈত দল প্রথমে গণন ।
 দ্বিতীয়েতে অক্টদল উপরে বর্ণন ॥
 তৃতীয়েতে শতদল তাহার উপরে ।
 সূক্ষ্মরূপে বসে জীব তাহার ভিতরে ॥
 মধ্যতে কেশর, চতুর্দিকে কর্ণিকার ।
 জীব-আত্মা স্থির তথা পদ্মের আকার ॥
 তদন্তে অদ্বৈত-চক্র চতুর্থ-উপর ।
 অক্টোত্তর-শত-দল তাহার ভিতর ॥

পঞ্চশত-দলমধ্যে জীব কর্ণিকার ।
 কহিব তাহার কথা করিয়া বিস্তার ॥
 তদন্তরে শতচক্র-দলের নিষ্কাণ ।
 দেব-ধর্মি-যোগী করে যাহার ব্যাখ্যান ॥
 চতুর্দিকে সূক্ষ্মরূপে দলের গাঁথনি ।
 সহস্রে বিধাতা তাহা নিষ্কিলা আপনি ॥
 চতুর্দিকে কর্ণিকার, মধ্যেতে কেশর ।
 সূক্ষ্মরূপে তাহে উপবিষ্ট দামোদর ॥
 তার তিন-ভাগ-মধ্যে বৈসে নারায়ণ ।
 সুসিদ্ধ সজ্জান ভক্তি লভে সেইজন ॥
 শরীরেতে আত্মরূপে বৈসে জনার্দন ।
 তপোব্রতফলে তার কোন প্রয়োজন ॥

রাজা বলে, মুনিবর, কহিলে প্রমাণ ।
 মম পূর্ব-জন্ম-কথা কর অবধান ॥
 চতুর্দশী-মহাত্রত বিখ্যাত সংসারে ।
 তাহার পুণ্যের কথা কে বলিতে পারে ॥
 অজ্ঞানে সজ্জানে নর উপবাস করি ।
 সমাহিত হ'য়ে পূজা করে ত্রিপুরারি ॥
 বিশ্বপাত্র ধুতুরাদি পুষ্প রাশি-রাশি ।
 রক্তচন্দনাদি নানা-গন্ধে বস্ত্রে ভূষি ॥
 ভক্তি করি পূজা-স্তব করে পঞ্চাননে ।
 তাহার পুণ্যের কথা কি কব বদনে ॥
 পৃথিবীর রেণু যদি গণিবারে পারি ।
 সরোবর-জল-সব কলসীতে ভরি ॥
 হুষ্টি-জল-বিন্দু যদি গণিবারে পারি ।
 তথাপি তাহার পুণ্য কহিবারে নারি ॥
 পূর্বের ব্যাধকূলে জন্ম আছিল আমার ।
 স্নান আছিল নাম মহাতুরাচার ॥
 পরদ্রব্য পরব্রত করি অপহার ।
 অধর্মেতে রত ছিনু, বিখ্যাত সংসার ॥

মৃগ-ব্যাঘ্র-হাদি পশু নানা-পক্ষিগণ ।
 যতেক করিনু বধ, না যায় লিখন ॥
 সেইরূপে নির্বাহিনু কতেক দিবস ।
 একদা গেলাম বনমাঝে দৈববশ ॥
 কুজাটিতে অন্ধকার, দেখিতে না পাষ্ট ।
 একেশ্বর ঘোরবনে ভ্রমিয়া বেড়াই ॥
 ভ্রমিতে-ভ্রমিতে হৈল দিবা-অবসান ।
 আসিতে না পারি গৃহে, হইলু অজ্ঞান ॥
 ঘোর-অন্ধকার নিশা চতুর্দশী-দিনে ।
 ক্ষুধা-তৃষ্ণায়ুত আমি ভ্রমি একা বনে ॥
 ভ্রমিতে-ভ্রমিতে তথা হৈল ঘোরনিশি ।
 বিশ্বরূপে আরোহিনু মনে ভয় বাসি ॥
 প্রত্যহ মৃগয়া করি ফিরি যাঈ ঘরে ।
 নগরে বেচিয়া আনি দেই পরিবারে ॥
 তবে ত ভক্ষণ করে ভার্য্যা-পুত্রগণ ।
 উপবাসী রহি আজি দৈবের কারণ ॥
 মোর মুখ চাহি আছে ভার্য্যা-পুত্রগণ ।
 ধনহীন নরজন্ম হয় অকারণ ॥
 ধনহীন হৈলে কোথা গৌরব না রয় ।
 ভিক্ষা মাগি থায়, কিন্তু ভিক্ষা নাহি পায় ॥
 জলহীন নদী যথা ফলহীন তরু ।
 ধনহীনে তেমন না মানে লঘু-গুরু ॥
 ভ্রাতা বন্ধু-আদি বহু আছে জ্ঞাতিগণ ।
 সবে ধনবান্, আমি দরিদ্র-দুর্জ্ঞান ॥
 উপবাসী আছে গৃহে ভার্য্যা-পুত্রগণ ।
 কেহ না চাহিবে ধনহীনের কারণ ॥

এইরূপ হৃদয়েতে করিয়া চিন্তন ।
 আকুল হইয়া বহু করিনু ক্রন্দন ॥
 অশ্রুজল পড়ি মোর ভাসে কলেবর ।
 পঞ্চপত্র ছিল এক বৃক্ষের উপর ॥

হাচাষিতে পত্র এক পড়িল স্বরিত ।
 পত্র পাড়ে মোর অশ্রুজলের সহিত ॥
 তাহাতে সন্তুষ্ট হৈল দেব পঞ্চানন ।
 নিরাহারে সেই রাত্রি করিলু যাপন ॥
 প্রাত্ কালে যুগ মারি লইয়া স্বরিত ।
 'নভগুহে গিয়া আমি হৈলু উপনীত ॥
 আমার বহনে সবে দুঃখিত আছিল ।
 আমারে দেখি সবে কুখা-ভৃষা পাসরিল ॥
 নগরেতে যুগমাংস শীত্ৰগতি লৈয়া ।
 বেচয় ভক্ষণ-দ্রব্য আনিলু কিনিয়া ॥
 শীত্ৰগতি ভার্য্যা গিয়া করিল রক্ষন ।
 সহস অতিথি এক করে আগমন ॥
 সেই অতিথিরে আমি করানু ভোজন ।
 পারণার মহাফল পাই সে-কারণ ॥

এইরূপে কতদিন দুঃখে মোর গেল ।
 আয়ুশ্যে মৃত্যু আসি উপস্থিত হৈল ॥
 মহাভয়ঙ্কর দুই যমের কিঙ্কর ।
 মহাপাশে আসি মোরে বাঞ্চিল সত্তর ॥
 যমের এ-সব কর্ম জানি পঞ্চানন ।
 শীত্ৰগতি পাঠাইল দূত দুইজন ॥
 জটা ভস্ম-কলেবর রঘভ-বাহন ।
 ব্যাঘ্রচর্ম পরিধান ভুজঙ্গ-বন্ধন ॥
 কপালেতে অর্কচন্দ্র, ত্রিশূল হস্তেতে ।
 বিভূতি-ভূষণ অঙ্গে শোভিত দেখিতে ॥
 রজত-পর্বত জিনি অতি-মনোহর ।
 উর্দ্ধপথে এল দুই শিবের কিঙ্কর ॥
 শিবের আকৃতি দৌহে পরম-সুন্দর ।
 একপটে মোর পাশ খুলিল সত্তর ॥
 দেখিয়া বিস্মিত যমদূত দুইজন ।
 জিজ্ঞাসিল, কে তোমরা, কহ বিবরণ ॥

এতেক শুনিয়া তারা করিল উত্তর ।
 শিবের নিকটে থাকি, শিবের কিঙ্কর ॥
 শিবের আজ্ঞায় পাশ করিলু মোচন ।
 কহ শুনি, কে তোমরা হও দুইজন ॥
 বিকৃত-আকার মর্ত্তি লোহিত-নয়ন ।
 কোথায় নিবাস, কহ কাহার নন্দন ॥
 কি-হেতু এ-ব্যাধপুত্রে করিলে বন্ধন ।
 এত শুনি যমদূত বলয়ে বচন ॥

মোরা দুইজন ধর্ম্মরাজ-অনুচর ।
 তার আজ্ঞা বহি ফিলি যত চরাচর ॥
 গন্ধর্ব্ব চারণ যক্ষ রক্ষ নরগণ ।
 সংসারের মধ্যে মরে যত যতজন ॥
 তাহারে লইয়া বাই যমের সদন ।
 পাপ পুণ্য বুঝি দণ্ড করেন শমন ॥
 এই ব্যাধ মহাপাপী অধম-দুর্জ্জন ।
 ইহার পাপের কথা না যায় কথন ॥
 যমপুরে গেলে পাপ হইবে খণ্ডন ।
 কি-কারণে এই দুষ্টে করিলে মোচন ॥
 অলজ্ঞা ধর্ম্মের বাক্য করিলে লঙ্ঘন ।
 না কর মোচন, ছাড় এই ত দুর্জ্জন ॥

এত শুনি কহে পুনঃ শিবের কিঙ্কর ।
 তোমাব ঈশ্বরে গিয়া কহ রে বর্বর ॥
 শিবের যে আজ্ঞা মোরা লজ্জিতে না পারি ।
 এই ব্যাধপুত্রে ল'য়ে যাব শিবপুরী ॥
 সর্ব্বপাপে এই ব্যাধ হইল মোচন ।
 শিবচতুর্দশী-ব্রত কৈল আচরণ ॥
 তোমর অধিকার কিছু নাহিক ইহাতে ।
 এত বলি নিল মোরে শিবের সভাতে ॥
 তিনলক্ষ-বর্ষ মোর তথা হৈল স্থিতি ।
 দেবতুল্য নানা-ভোগ ভুঞ্জি নিতি-নিতি ॥

অনন্তরে ইস্ত্রলোকে হইল গমন ।
 তিন-কল্প তথা স্মৃতে করিষু যাপন ॥
 অনন্তরে হৈল মোর ব্রহ্মলোকে স্থিতি ।
 চৌদ্দ-মহাস্তর তথা করিষু বসতি ॥
 অনন্তরে বৈকুণ্ঠেতে করিষু প্রয়াণ ।
 লক্ষ্মী-সহ বিরাজিত যথা ভগবান্ ॥
 তিনকোটি-বর্ষ তথা স্মৃতে বঞ্চিষু ।
 তার পর এই রাজবংশেতে জন্মিষু ॥
 অজ্ঞানেতে শিবচতুর্দশী মহাত্রত ।
 আচরিষু হীনজাতি হ'য়ে ব্যাধহত ॥
 সেই পুণ্যে হেন গতি হইল আমার ।
 ইক্ষাকুবংশেতে জন্ম, বৈভব অপার ॥
 শুদ্ধচিত্তে এই ব্রত করি আচরণ ।
 সে-কারণে উপবাসী আছি তপোধন ॥

এত শুনি সবিস্ময়ে মহাতপোধন ।
 পুনরপি নৃপতিরে জিজ্ঞাসে কারণ ॥
 অপমান পেয়ে ছুই যমের কিঙ্কর ।
 ধর্ম্মরাজে গিয়া কিবা করিল উত্তর ॥

রাজা বলে, মুনিবর, কর অবধান ।
 বিস্মিত হইল দূত পেয়ে অপমান ॥
 ক্রোধে থর-থর অঙ্গ সঘনে কম্পিত ।
 যমের সাক্ষাতে গিয়া হৈল উপনীত ॥
 দূতগণে ভীতমন দেখিয়া শমন ।
 জিজ্ঞাসিল, কহ দূত, কেন দুঃখমন ॥
 আমার কিঙ্কর তোরা নির্ভয়-অন্তরে ।
 কার শক্তি তো'-সবারে পারে হিংসিবারে ॥
 তবে কেন দুঃখচিত্ত দেখি সবাকারে ।
 বিশেষ করিয়া কথা বলহ আমারে ॥

দূতগণ বলে, আর কি কহিব কথা ।
 তব নশু ভয় আজি হইল সর্ব্বথা ॥

আজি হৈতে জগতের হইল নিস্তার ।
 পাপ-পুণ্য-বিচারাদি ঘুচিল সবার ॥
 হৃদয়-নামেতে ব্যাধ মহাপাপাচার ।
 আজি দৈবে পরলোক হইল তাহার ॥
 তাহারে আনিতে মোরা করিষু গমন ।
 পাশে বান্ধি ল'য়ে আসি করিয়া তাড়ন ॥
 হেনকালে আসি ছুই শিবের কিঙ্কর ।
 পাশ হৈতে মুক্ত তারে করিল সত্তর ॥
 নানা-কটুস্তর বলি আমা ছুইজনে ।
 রথে তুলি ল'য়ে তারে গেল দূতগণে ॥
 এইহেতু চিন্তে দুঃখ হৈল দৌহাকার ।
 আজি হৈতে নাথ, তব গেল অধিকার ॥

এত শুনি হাসি যম বলেন বচন ।
 হেন-কর্ম্ম আর নাহি করিও কখন ॥
 শিব-নামে রত যেই, বিষ্ণুপ্রয়াণ ।
 বিষ্ণু-শিব সমরূপে ভাবে যেইজন ॥
 ব্রত আচরিয়া যেন পূজে পঞ্চানন ।
 চতুর্দশী মহাত্রত যে করে সাধন ॥
 অনন্ত-নামেতে ব্রত গোবিন্দ-উদ্দেশে ।
 উপবাস করি পূজে দেব হৃদীকেশে ॥
 ভূমিদান অন্নদান করে যেইজন ।
 বিষ্ণুবুদ্ধি করি যেন পূজয়ে ব্রাহ্মণ ॥
 একাদশী চান্দ্রায়ণ পূর্ণিমা দি ব্রত ।
 সংসারের মধ্যে নর ইহাতে যে রত ॥
 তীর্থ-পর্য্যটন করি পূজে দেবরাজে ।
 বারাগসীক্ষেত্রে গিয়া যেন প্রাণ ত্যজে ॥
 তার 'পরে অধিকার নাহিক আমার ।
 কদাচ না ঘাবি তোরা তারে আনিবার ॥
 এত শুনি হৈল দূত সবিস্ময়-মন ।
 কহিষু তোমাতে আমি কথা পুরাতন ॥

এত শুনি অকাবক্ষ হৈল হৃদয়ন ।
 আশীষ করিয়া নুপে গেল তপোধন ॥
 সেই হৈতে হৈল ঋষি শিবপরায়ণ ।
 শিবব্রতে রত হৈল কহোড়-নন্দন ॥
 বসন্ত-ঋতুর আশ্র চতুর্দশী-দিনে ।
 ঐ উপবাস যেবা করে একমনে ॥
 সর্বপুণ্য-ফল লভে, নাহিক সংশয় ।
 শিবচতুর্দশী-ব্রতে মহাফল হয় ॥
 শান্তিপর্ব ভারতের অপূর্ব-কথন ।
 কালীরাম কহে স্মরি গোবিন্দ-চরণ ॥

১৬। অনন্ত-ব্রতের উপাখ্যান ।

ভীষ্ম বলিলেন, শুন রাজা যুধিষ্ঠির ।
 শোক দূর করি এবে চিন্ত কর স্থির ॥
 আর কিছু ইতিহাস শুন দিয়া মন ।
 অনন্ত-নামেতে ব্রত অপূর্ব-কথন ॥
 নারদের মুখে পূর্ব করিষু শ্রবণ ।
 সেই ইতিহাস কহি, শুন দিয়া মন ॥
 চিত্রাঙ্গদ-নামে রাজা কোশলের পতি ।
 সোমবংশ-চূড়ামণি অতি ধর্মমতি ॥
 শীলতায় চন্দ্র যেন, তেজে বৈশ্রবণ ।
 কাঁড় ভগীরথ-সম, মহা-বিচক্ষণ ॥
 যজ্ঞগাতে বৃহস্পতি, গুণে গুণধাম ।
 প্রজার পালনে যেন ছিলেন শ্রীরাম ॥
 চিত্ররেখা-নামে তার মুখ্যা পাটেশ্বরী ।
 মহাসাধা পতিব্রতা সূতের কুমারী ॥
 অনন্ত-নামেতে ব্রত গোবিন্দ-উদ্দেশে ।
 তর্ঘ্যা-সহ নরবর আচরে বিশেষে ॥
 বিচিত্র-মন্দির এক করিয়া রচন ।
 তাহাতে স্থাপিলা শিলারূপী নারায়ণ ॥

রাজধর্ম নিত্যকর্ম ত্যজিয়া রাজন ।
 আপন-হস্তেতে করে মন্দির-মার্জন ॥
 অনন্তর স্নান-দান করি নরবর ।
 নানা-উপচারে পূজে দেব-দামোদর ॥
 পূজা-শেষে করাইল ব্রাহ্মণ-ভোজন ।
 অবশেষে ল'য়ে কুটুম্বাদি পরিজন ॥
 আনন্দিত হ'য়ে সবে করয়ে ভোজন ।
 এইরূপে নিত্য-নিত্য পূজে নারায়ণ ॥
 বাগ বাজাইয়া এই জানায় নগরে ।
 অনন্ত-নামেতে ব্রত বিখ্যাত সংসারে ॥
 দ্বিজ ক্ষত্র বৈশ্য শূদ্র চতুর্বিধ জন ।
 এই ব্রত যে না করিবেক আচরণ ॥
 সবংশে পাঠাব তারে শমনের ঘরে ।
 এইরূপে নগরে ঘোষণা নিত্য করে ॥
 রাজভয়ে সর্বলোক প্রাণপণ ক'রে ।
 নিয়ম করিয়া শুভব্রত যে আচরে ॥
 ব্রত-পুণ্যফলে সবে নিম্পাপ হইল ।
 যতদূর নৃপতির অধিকার ছিল ॥
 যত লোক ছিল নৃপতির অধিকারে ।
 ব্রত-পুণ্যফলে যায় বৈকুণ্ঠ-নগরে ॥
 সত্যকালে যথা লোক পুণ্যবান্ ছিল ।
 রাজার প্রতাপে তথা স্বাপরে হইল ॥
 জানিয়া স্বাপর-যুগ এ-সব কারণ ।
 চিন্তাকুল হ'য়ে চিন্তা করে মনে-মন ॥
 পূর্ব প্রজাপতি হেন করিল বিচার ।
 সংসার-উপরে দিল মোর অধিকার ॥
 কোটি-লোক-মধ্যে কেহ মোর অপিকারে ।
 নিয়ম করিয়া ভজিবেক দামোদরে ॥
 সহস্রেক-মধ্যে কেহ হবে মহাজন ।
 মহাব্রত আচরি ভজিবে নারায়ণ ॥

সংসারে যতেক প্রজা হয় পাপাচারী ।
 অল্প-আয়ু হ'য়ে যাবে যমের নগরী ॥
 এরূপ নিয়ম করি বিধি সৃষ্টিধর ।
 অধিকার দিল মোরে সংসার-উপর ॥
 মহাধর্মশীল এই দেখি নৃপমণি ।
 ব্রহ্মার নিয়ম ভঙ্গ করে, হেন জানি ॥
 কোনমতে ব্রতভঙ্গ হইলে রাজার ।
 তবে সে নিয়ম-রক্ষা হয় ত ব্রহ্মার ॥

এরূপে দ্বাপর ভাবি নিজ মনে-মন ।
 বিশ্বকর্মা শিল্পীবরে করিল স্মরণ ॥
 সেইখানে বিশ্বকর্মা আসিল তখন ।
 করঘোড়ে দ্বাপরে করয়ে নিবেদন ॥
 কি-হেতু আমারে দেব, করিলে আহ্বান ।
 কোন্ কর্ম সাধি দিব, কহ মতিমান্ ॥
 দ্বাপর বলিল, মোর কর এই কার্য্য ।

অমুগ্রহ করি এক করহ সাহায্য ॥
 দিব্য এক কন্যা দেহ করিয়া রচনা ।
 পৃথিবীর মধ্যে যেন হয় স্থলক্ষণা ॥
 তার রূপে-গুণে যেন মোহে সর্বজন ।
 এত শুনি বিশ্বকর্মা করিল রচন ॥
 ধরার যাবৎ রূপে করিয়া মোহন ।
 মোহিনী-নামেতে কন্যা করিলা সৃজন ॥
 দ্বাপরে অর্পিয়া কন্যা কৈল অন্তর্ধান ।
 দেখিয়া দ্বাপর হৈল অতি-হর্ষবান্ ॥
 দ্বাপরের অগ্রে কন্যা কর যুড়ি কয় ।
 কি কর্ম করিব, আজ্ঞা কর মহাশয় ॥
 তুমি পিতা-মাতা মোর, তুমি বন্ধুজন ।
 আজ্ঞা কর, সাধি দিব কোন্ প্রয়োজন ॥
 শুনিয়া দ্বাপর হৈল আনন্দিত-মন ।
 কহে, মর্ত্যলোকে তুমি করহ গমন ॥

চিত্রাঙ্গদ-নামে রাজা বিখ্যাত ভুবনে ।
 আমার আশ্রায় তারে ভজিবে আপনে ॥
 দিব্য-পর্বতেতে শীঘ্র করহ গমন ।
 এই ত নিয়ম চিন্তে রাখিবে স্মরণ ॥
 অনন্ত-নামেতে ব্রত আচরে যে-জন ।
 প্রকারে তাহার ব্রত করিবে ভঙ্গন ॥
 বিধির নির্বন্ধ কছু না যায় থগুন ।
 মোহিনী আদেশমাত্র চলে সেইক্ষণ ॥

মৃগয়া-কারণ রাজা গেল সেই গিরি ।
 দেখিল অনুচা কন্যা পর্বত-উপরি ॥
 একদৃষ্টে রাজা করে কন্যা নিরীক্ষণ ।
 ভুবনমোহন রূপ, না হয় বর্ণন ॥
 মুখরুচি কত শলী করয়ে গঞ্জন ।
 কামধনু জিনি ডুরু অলক-অঞ্জন ॥
 তিলফুল জিনি নাসা, ভুজ করিকর ।
 স্তম্ভ-কাঞ্চন জিনি গৌর কলেবর ॥
 কুচযুগ সম-পূগ নয়ন-রঞ্জন ।
 কণ্ঠকম্বু জিনি শঙ্খু অতি স্থলক্ষণ ॥
 রক্তবস্ত্র-পরিধানা অরুণ-উদিত ।
 দেখি স্মরণরে রাজা হইল মোহিত ॥

ক্ষণেকে চৈতন্য তবে পাইয়া নৃপতি ।
 নিকটেতে গিয়া জিজ্ঞাসিল কন্যা-প্রতি ॥
 কি নাম ধরহ তুমি, কোথায় বসতি ।
 সত্য করি কহ মোরে, না ভাণাহ সতি ॥
 তোমার রূপের কথা না পারি কহিতে ।
 ইন্দ্র-আদি দেবগণে পারহ মোহিতে ॥
 মম পরিচয় কহি, শুন গুণবতি ।
 সোমবংশে জন্ম, চিত্রাঙ্গদ নরপতি ॥
 তোমাতে দেখিয়া মন মজিল আমার ।
 মোর ভার্য্যা হবে তুমি, কর অঙ্গীকার ॥

কথা বলে, হই আমি অযোনি-উৎপত্তি ।
এই ত পৰ্ব্বত-মধ্যে আমার বসতি ॥
অনঢ়া আছি যে আমি, বিবাহ না হয় ।
মোহিনী আমার নাম বিধির নিগয় ॥
এই সত্য কর রাজা, আমার গোচরে ।
তবে আমি পরিগ্রহ করিব তোমারে ॥
ইচ্ছামত তোমা আমি কহিব যে-কথা ।
আমার সে-কথা কভু না হবে অন্যথা ॥
নদি বা দুষ্কর-হয় এ-তিন-ভুবন ।
মম বাক্য কভু নাহি করিবে খণ্ডন ॥

রাজা বলে, সত্য-সত্য করি অঙ্গীকার ।
কভু না খণ্ডিব কথা, বচন তোমার ॥
এত শুনি কথা তবে দিলেক সীকৃতি ।
পুরোহিত ব্রাহ্মণেরে স্মরে নরপতি ॥
কঙ্কায়ন-নামে মুনি বিখ্যাত জগতে ।
পুরাতন পুরোহিত সোমকবংশেতে ॥
রাজার স্মরণে দ্বিজ আসিল তখন ।
প্রণমিয়া নরপতি কহে বিবরণ ॥
পুরোহিত দুইজনে বিভা করাইল ।
সেই-রাত্রি নরপতি তথা নির্বাহিল ॥
প্রাতঃকালে উঠি রাজা সসৈন্য-সহিত ।
কথা ল'য়ে নিজগৃহে আসিল স্বরিত ॥
মোহিনীকে কৈল রাজা নিজ-পাটেখরী ।
ইন্দ্রের রমণী যথা পুলোম-কুমারী ॥
এইরূপে কতদিন রাজা বিহরয় ।
অনন্তব্রতের আসি হইল সময় ॥
চিত্রলেখা-সহ রাজা ব্রত আচরিল ।
উপবাস করি ব্রত-নিয়মে রহিল ॥

ভূমিদান পেশুদান করে দ্বিজগণে ।
হৃদদানে তুমিলেক যত দুঃখিজনে ॥
দৈবের লিখন কভু না হয় খণ্ডন ।
গণবাক্য মোহিনীর হইল স্মরণ ॥
নৃপতিরে চাহি কথা বলয়ে বচন ।
উপবাসে কি-কারণে র'য়েছ রাজন ॥
এমত দুষ্কর-ব্রতে 'কথা প্রয়োজন ।
আমার বচনে রাজা, করহ ভোজন ॥
আমার বচন রাজা, কহ সনাকারে ।
হেন পাপব্রত যেন কেহ না আচরে ॥

কথা বাক্য রাজা যেন হৈল বজ্রাহিত ।
ক্রোধানলে নেত্রযুগে হৈল অশ্রুপাত ॥
ক্লেমে ক্রোধ সংবরিয়া বলেন বচন ।
অবলা স্ত্রীজাতি তুমি, না বুঝ কারণ ॥
এই ত অনন্তব্রত বিখ্যাত সংসারে ।
হেন ব্রত বল মোরে ভঙ্গ করিবারে ॥
অবলা স্ত্রীজাতি, কিবা বলিব তোমারে ।
এই ব্রত আচরিলে সর্বদুঃখে তরে ॥
দুর্গভোগ মহাফল অবশ্যে পায় ।
কখন যমের পুরী সেই নাহি যায় ॥
পূর্বজন্মকথা মম করহ শ্রবণ ।
যেই হেতু এই ব্রত করি আচরণ ॥

সত্যযুগে ছিন্মু আমি খপচের বংশে ।
অশ্বমেধ আছিল নাম, শূদ্র-অবতংশে ॥
বড়ই পাপিষ্ঠ আমি, অধম দুর্জনে ।
পরধন চুরি, হিংসা কৈমু অমুকণ ॥
বেশ্যাতে ছিলাম মত্ত, মত্তপানে রত ।
পশু-পক্ষী যুগ বধ কৈমু শত-শত ॥

মোর দুষ্টাচার দেখি ভ্রাতৃ-বন্ধুগণ ।
 দূর করি দিল মোরে হ'য়ে কোপমন ॥
 ক্রোধচিত্তে বোর-বনে করিছু প্রবেশ ।
 ক্ষুধায় তৃষ্ণায় হ'য়ে আকুল বিশেষ ॥
 ভ্রমিতে-ভ্রমিতে পাই কেশব-মন্দির ।
 তাহাতে আশ্রয় লই হইয়া অস্থির ॥
 অনন্ত-ব্রতের সেইদিন শুভক্ষণ ।
 উপবাসী রহিলাম করিয়া শয়ন ॥
 নিশাশেষে দৈবে এক সর্প ভয়ঙ্কর ।
 আমার চরণে আসি দংশিল সত্ত্বর ॥
 বিষের জ্বলনে মৃত্যু হইল আমার ।
 দুই যমদূত আসে বিকৃত-আকার ॥
 মহাপাশে শীঘ্র মোরে করিল বন্ধন ।
 হেনকালে বিষ্ণুদূত এল দুইজন ॥
 মকর-কুণ্ডল কর্ণে, কিরীট-ভূষণ ।
 গলে বনমালা দোলে, অরুণ-লোচন ॥
 শঙ্খ-চক্র-গদা-পদ্ম-আদি শাস্ত্র ধনু ।
 চূড়াতে ময়ূরপুচ্ছ, দীপ্ত যেন ভাসু ॥
 পরিধানে পাতবাস, দেখিছু তখন ।
 আকৃতি-প্রকৃতি দৌহা বিষ্ণুর মতন ॥
 যমদূতে নানামতে করি তিরস্কার ।
 স্বরায় বন্ধনমুক্ত করিল আমার ॥
 রথে করি নিল মোরে বৈকুণ্ঠ-ভুবন ।
 অপমান পেয়ে গেল যমদূতগণ ॥
 দুইলক্ষ-বর্ষ বিষ্ণুলোকে হৈল স্থিতি ।
 তদন্তরে ব্রহ্মলোকে করিছু বসতি ॥
 কতদিন ব্রহ্মলোকে সুখেতে বসিছু ।
 তার পরে পুনরপি মর্ত্যেতে আসিছু ॥
 দুই মনুষ্যের তথা করিছু বিহার ।
 সেই পুণ্যে রাজবংশে জনম আমার ॥

হেন-ব্রত-নিবারণে কিবা তব ফল ।
 এমত কুৎসিত-বাক্য কভু নাহি বল ॥
 কন্যা বলে, রাজা, তুমি করিলে স্নাঁকার ।
 না খণ্ডিবে কোন-কালে বচন আমার ॥
 এবে মিথ্যাবাদী তুমি, জানিছু রাজন্ ।
 মিথ্যাসম পাপ নাহি, বেদের বচন ॥
 আপনার সত্য রাজা, করহ পালন ।
 মম বাক্যে এই ব্রত করহ ভঙ্গন ॥
 এতেক শুনিয়া রাজা হৈল ভীতমন ।
 কন্যারে চাহিয়া তবে বলেন বচন ॥
 যা বলিলে কন্যা, সত্য, কভু নহে আন ।
 ত্যজিবারে পারি আমি আপনার প্রাণ ॥
 তথাপি এ-ব্রত আমি না পারি ত্যজিতে ।
 সে-কারণে কহি আমি তোমার সাক্ষাতে ॥
 এইক্ষণে নিজদেহ করিব নিধন ।
 এত বলি জ্যেষ্ঠপুত্রে আনি সেইক্ষণ ॥
 ছত্রদণ্ড দিয়া তারে বলিল বচন ।
 প্রাণত্যাগ করি আমি সত্যের কারণ ॥
 রাজ্যখণ্ড যত দেখ, সকলি তোমার ।
 দেব-দ্বিজে ভক্তি-পূজা করিবে সবার ॥
 এত বলি যোগাসনে বসিল রাজন্ ।
 দেহ ছাড়ি বৈকুণ্ঠেতে করিল গমন ॥
 রাজার মরণে সবে করয়ে ক্রন্দন ।
 অনেক কান্দিল পুরে পাত্র-মস্ত্রিগণ ॥
 রাজার শরীর ল'য়ে করিল দাহন ।
 নৃপতি-বিচ্ছেদে সবে নিরানন্দ-মন ॥
 শ্রাদ্ধ-শাস্তি করিলেক শাস্ত্রের বিধানে ।
 ভূমিদান ধেনুদান করে দ্বিজগণে ॥
 ইহা দেখি কন্যা তবে স্বস্থানে চলিল ।
 বাহ্য বাজাইয়া সবে নগরে ঘোষিল ॥

দুঃসহ সত্য নাহি করিবে কখন ।
 দুঃসহ বাক্য কদাচিত্ না কর গ্রহণ ॥
 মহাভারতের কথা অমৃত-সমান ।
 কাশ্যরাম দাস কহে, শুনে পুণ্যবান ॥

১৭। চন্দ্রকর্কট গুরুপত্নী-হরণ ও বৃধেব
 জন্ম-বৃত্তান্ত ।

ভাণ্ড বলিলেন, রাজা, করহ শ্রবণ ।
 আর কিছু ব্রতকথা কহিব এখন ॥
 চান্দ্রায়ণ মহাব্রত বিখ্যাত সংসারে ।
 শ্রদ্ধা, ভক্তি করি ব্রত যে-জন আচরে ॥
 সন্দকাম-ফল লাভে, নাহিক সংশয় ।
 পূর্বে কহিয়াছি আমি এ-সব নির্ণয় ॥
 ইতিহাস কহি এক, শুনি দিয়া মন ।
 চন্দ্রকট রাজা ছিল ইক্ষ্বাকু-নন্দন ॥
 চন্দ্রের নন্দিনী সেই পতিব্রতা-সতী ।
 চন্দ্রাবর্তী-নামে কন্যা তাহার যুবতী ॥
 শাপহত জন্ম নিল নীলধ্বজ-ঘরে ।
 চন্দ্রাবর্তী-নাম হৈল, বিখ্যাত সংসারে ॥
 এত শুনি জিজ্ঞাসেন ধর্ম্মের নন্দন ।
 কহ শুনি পিতামহ, ইহার কারণ ॥
 চন্দ্রের কন্যারে শাপ দিল কোন্ জন ।
 মর্ত্যলোকে জন্মে সেই কিসের কারণ ॥
 ভাণ্ড বলিলেন, রাজা, কর অবধান ।
 পড়িবারে যায় চন্দ্র বৃহস্পতি-স্থান ॥
 সর্বশাস্ত্রে সিদ্ধ বিজ্ঞ অগ্নিরা-তনয় ।
 নানাশাস্ত্র চন্দ্রে পড়ান অতিশয় ॥
 ব্যাকরণ-ঐতি-স্মৃতি-আদি শাস্ত্রগণ ।
 কতদিন জীবস্থানে করিল পঠন ॥

জীবের রমণী সেই তারকা-নামেতে ।
 মোহিত হইল চন্দ্র তাহার রূপেতে ॥
 কামে বশ হ'য়ে গুরুপত্নী না মানিল ।
 মায়ায় প্রবঞ্চে তারে হরিয়া লইল ॥
 তাহারে লইয়া গেল আপন-ভবন ।
 চিরকাল তারা-সহ করিল রমণ ॥
 সত্যলোকে গিয়াছিল গুরু বৃহস্পতি ।
 যজ্ঞসাস্ত্র করি গৃহে আসে মহামতি ॥
 পুরলোক স্থানে শুনে এ সব কথন ।
 অধাকর গুরুপত্নী করিল হরণ ॥
 ক্রুদ্ধ হ'য়ে গেল গুরু চন্দ্রের সদন ।
 বলিল, পাশিষ্ঠ, তুই বড়ই দুর্জন ॥
 মম স্থানে শাস্ত্র রখা করিলি পঠন ।
 গুরুপত্নী হরি পাশ করিলি অর্জন ॥
 মদগর্বে নাহি দেখে আপন-অপায় ।
 কলঙ্ক হইবে আজি হৈতে তোর গায় ॥
 আর মম বাক্য এক শুনি রে অধম ।
 মম শাপে মর্ত্যলোকে হইবে জনম ॥
 কুরুবংশে ধনঞ্জয় পাণ্ডুর কুমার ।
 তাহার ঔরসে জন্ম হইবে তোমার ॥
 কৃষ্ণের ভাগিনা হবে সুভদ্রা-গর্ভেতে ।
 অল্পদিনে শাপমুক্ত হইবে তাহাতে ॥
 এত শুনি চন্দ্র তবে হৈল ক্রুদ্ধমন ।
 গুরুরে শাপিল মহাক্রোধে সেইজন ॥
 নিজ-বশ নহে আস্রা, পরবশ হয় ।
 জানিয়া আমারে শাপ দিলে মহাশয় ॥
 তোমারে ত আমি শাপ দিব সে-কারণ ।
 হীন-পক্ষিযোনি-মধ্যে লভিবে জনম ॥
 গৃধিনী-নামেতে পক্ষী অবশ্য হইবে ।
 চিরদিন ভোগ ছুজি শাপে মুক্ত হবে ॥

এত শুনি জিজ্ঞাসেন ধর্ম-নরপতি ।
 কিরূপেতে পক্ষিযোনি পায় বৃহস্পতি ॥
 কতদিন গতে হৈল শাপ-বিমোচন ।
 কহ শুনি পিতামহ, সব বিবরণ ॥
 গাঙ্গেয় বলেন, ভূপ, করহ শ্রবণ ।
 চন্দ্রের বচন কভু না হয় থগুন ॥
 গৃধ্র-পতঙ্গেতে জন্ম লৈল বৃহস্পতি ।
 বৃন্দারক-গিরি-তটে করিল বসতি ॥
 পরম-কোঁতুকে রহে ভার্য্যার সংহতি ।
 কতদিনে বিহঙ্গিনী হৈল গর্ভবতী ॥
 চারিগুটি ডিম্ব কতদিনে প্রসবিল ।
 ডিম্ব ফুটি চারিশিশু তাহাতে জন্মিল ॥
 দুইগুটি পুত্র হৈল, দুইগুটি স্নাতা ।
 স্বামিসহ বিহঙ্গিনী হৈল আনন্দিতা ॥
 সর্ব্বাঙ্গ-সুন্দর শিশু দেখি চারিজন ।
 বাৎসল্য করিয়া দৌহে করয়ে পালন ॥
 ক্ষণেক না ছাড়ে দৌহে শিশুর সংহতি ।
 নানা-উপচার-ভোগে পালে নিতি-নিতি ॥
 এইরূপে কতদিন আনন্দ-কোঁতুকে ।
 ভার্য্যা-পুত্রসহ পক্ষী বঞ্চে নানাস্থে ॥
 একদিন দৈববশে আহার-কারণে ।
 একেশ্বর পক্ষিবর যায় ঘোরবনে ॥
 ভার্য্যাকে রাখিয়া ঘরে শিশুর রক্ষণে ।
 আহার-কারণে গেল দণ্ডক-কাননে ॥
 হেনকালে ব্যাধ এক আসিল সে-স্থান ।
 পক্ষীরে দেখিয়া অস্ত্র করিল সন্ধান ॥
 অল্পমাত্র অস্ত্রক্ষত হইল শরীরে ।
 উড়িয়া পড়িল পক্ষী রেবানদী-তীরে ॥
 শূন্য এক দেবালয় ছিল সেইস্থলে ।
 তাহার ভিতরে গেল, ক্ষত-অঙ্গ স্থলে ॥

পশ্চাতে দেখিয়া ব্যাধ আসিল সস্তর ।
 শীঘ্রগতি পশে দেবালয়ের ভিতর ॥
 বাণেতে পীড়িত পক্ষী, উড়িবারে নারে ।
 ফিরি-ফিরি ভ্রমে পক্ষী, ধরিতে না পারে ॥
 সাতবার প্রদক্ষিণ করে দেবালয় ।
 তবে মহাক্লান্ত ব্যাধ হৈল অতিশয় ॥
 পুনরপি দিব্য-অস্ত্র করিল প্রহার ।
 বাণাঘাতে তনুত্যাগ হইল তাহার ॥
 পক্ষী ল'য়ে গৃহে ব্যাধ গেল হস্তচিত্তে ।
 বিষ্ণু-প্রদক্ষিণ-ফল লাভিল তাহাতে ॥
 সেই পুণ্যে শাপে মুক্ত হৈল সেইক্ষণ ।
 দিব্যভূক্তি ধরি চলে বৈকুণ্ঠ-ভূবন ॥
 যাহা জিজ্ঞাসিলে রাজা, কহিনু তোমারে ।
 গুরুশিষ্যে দৌহে শাপ দিলেন দৌহারে ॥
 গর্ভবতী ভার্য্যারে দেখিয়া বৃহস্পতি ।
 ক্লুপচিত্তে তার প্রতি বলে মহামতি ॥
 অবলা স্ত্রীজাতি ভূমি, কি বলিব আর ।
 মম বাক্যে এই গর্ভ করহ সংহার ॥
 তবে সে লইব তোমা আপন-ভবনে ।
 শীঘ্রগতি গর্ভত্যাগ কর এইক্ষণে ॥
 ভয়েতে আকুল প্রসবিল সেইক্ষণ ।
 একগুটি স্নাতা হৈল, একটি নন্দন ॥
 দেখি হরষিত জীব কহেন তখন ।
 মম কন্যা-পুত্র এই, বিধির সৃজন ॥
 চন্দ্র বলে, মম পুত্র-কন্যা এ হইল ।
 আমার গুরসে জন্ম, জানয়ে সকল ॥
 কথায়-কথায় দ্বন্দ্ব করে দুইজন ।
 জানিয়া সকল তত্ত্ব দেব পদ্মাসন ॥
 শীঘ্রগতি সেইস্থলে করিয়া গমন ।
 দ্বন্দ্ব-নিবারণ-হেতু কহেন বচন ॥

হামার বচনে ছন্দ কর নিবারণ ।
 কন্যা-পুত্রদ্বয়ে জিজ্ঞাসহ বিবরণ ॥
 যাহার ঔরসে জন্ম, কহিবে কাহিনী ।
 এত শুনি জিজ্ঞাসা করেন নিশামণি ॥
 কাহার ঔরসে জন্ম নিলে দুইজন ।
 মধ্য না কহিবে, সত্য কহিবে বচন ॥
 নন্দিনী কহিল দেব, কর অবধান ।
 নর ক্ষেত্র, তার পুত্র, শাস্ত্রের বিধান ॥
 এত শুনি ক্রোধ করি বলে শশধর ।
 নন শাপে নরলোকে হও লোকান্তর ॥
 নরলোকে গিয়া জন্ম লভহ পাপিনি ।
 নীলধ্বজ-ঔরসেতে জন্মিবে নন্দিনী ॥
 সেইক্ষেণে লোকান্তর হইল তাহার ।
 তবে চন্দ্র জিজ্ঞাসিল চাহিয়া কুমার ॥
 কহ সত্য, জন্ম তব কাহার ঔরসে ।
 মধ্য না কহিবে, সত্য কহিবে বিশেষে ॥

এত শুনি করযোড়ে বলয়ে বচন ।
 তোমার ঔরসে জন্ম, তোমার নন্দন ॥
 এত শুনি পুত্রে চন্দ্র করিল চুম্বন ।
 কোলে করি নিজগৃহে লইল নন্দন ॥
 বৃধ বলি নাম তার ঘোষয়ে জগতে ।
 তারারে লইয়া গুরু গেল সুস্থচিতে ॥
 নতালোকে প্রজাপতি করিল গমন ।
 ঋগুন না যায় কছু চন্দ্রের বচন ॥
 নীলধ্বজ-গৃহে কন্যা আসি জন্ম নিল ।
 চন্দ্রাবতী নাম তার নৃপতি রাখিল ॥
 মহাভারতের কথা অমৃত-লহরী ।
 কাণী কহে, শুনি নর তরে ভববারি ॥

১৮ । চান্দ্রায়ণ-ব্রতোপলক্ষে চন্দ্রকেতু-
 বাজের উপাখ্যান ।

ভীষ্মদেব বলে, শুন এহে নরপতি ।
 দুবতী হইল ক্রমে চন্দ্রাবতী সতী ॥
 ভুবনে বিখ্যাত নীলধ্বজ নরবর ।
 কন্যার ঘোবন দেখি কৈল স্বয়ংবর ॥
 পুত্রিবার রাজগণে বরয়া আনিল ।
 ইন্দ্রের সূর্য্য সভা শোভিত হইল ॥
 একে-একে কন্যা নিরখিল রাজগণে ।
 চন্দ্রকেতু-রূপে দেখি পীড়িল মদনে ॥
 গলে মাল্য দিয়া, তারে করিল বরণ ।
 কন্যা ল'য়ে গেল রাজা আপন ভবন ॥
 গুণে মহাগুণী রাজা, প্রতাপে তপন ।
 শীলতায় চন্দ্র যেন, তেজে বৈশ্রবণ ॥
 এক ভাৰ্য্যা বিনা রাজা অশু নাহি জানে ।
 উর্ব্বশী-সংহতি যেন বধের নন্দনে ॥
 চান্দ্রায়ণ মহাব্রত আচরে নৃপতি ।
 নিরাসারে একমাল ভাৰ্য্যার সংহতি ॥
 যেইদিন ব্রতমাঙ্গ হবে সন্ধান ।
 সেইদিনে চন্দ্রাবতী করে ঋতুমান ॥
 চন্দ্রাবতী-রূপে দাঁপ্ত করে ত্রিভুবন ।
 দেখিয়া নৃপতি-মন পীড়িল মদন ॥
 ব্রতভঙ্গ করি রাজা করিল রমণ ।
 বহুমতে চন্দ্রাবতী করিল বারণ ॥
 কামে বশ হ'য়ে রাজা না শুনিল বাণী ।
 সেই-পাপে পঞ্চক পাইল নৃপমণি ॥
 স্বামীর মরণে কন্যা কান্দিল অপার ।
 ধর্ম্মকেতু-নামে তার হইল কুমার ॥
 পাত্রেমিজগণ যত করিয়া যুক্তি ।
 ছদ্মদণ্ড দিয়া তারে করিল নৃপতি ॥

ভীষ্ম বলিলেন, শুন ধর্ম্মের নন্দন ।
রাজা চন্দ্রকেতু যদি ত্যজিল জীবন ॥
ছুই যমদূত আসি করিল বন্ধন ।
চন্দ্রকেতু-নৃপে নিল যমের ভবন ॥
কপট করিয়া যম জিজ্ঞাসিল তারে ।
তোমা-সম নাহি কেহ ধান্মিক সংসারে ॥
অল্প-কিছুমাত্র পাপ আছেয়ে তোমার ।
ব্রতসঙ্গদিনে তুমি করিলে শৃঙ্গার ॥
আগে পাপভোগ কিবা করিবে আপন ।
কিংবা পুণ্যভোগ তুমি করিবে রাজন্ ॥

এত শুনি কহে রাজা ভাবি নিজচিতে ।
অল্পপাপ থাকে যদি, ভুঞ্জিব অগ্রেতে ॥
ধর্ম্মরাজ বলে, জন্ম গৃধ্রের যোনিতে ।
হীনপক্ষী হ'য়ে থাক কোণ্ডিন্য-পুরেতে ॥
গৃধ্রপক্ষী হ'য়ে জন্ম লভিল রাজন্ ।
চন্দ্রাবতী শুনিলেন এ-সব কথন ॥
বাপের বাড়ীতে কন্যা গেল দুঃখমন ।
জনকেরে নিবেদিল সব বিবরণ ॥

শুনি রাজা নীলধ্বজ হৈল সচিস্তিত ।
যুক্তি কৈল রাজ-পুরোহিতের সহিত ॥
যুক্তি করি চাহি তবে বলিল কন্যারে ।
স্বয়ংবর করি পুনঃ বর অন্তবরে ॥

কন্যা বলে, হেনবাক্য না বলিহ আর ।
আপনার দেহ আমি করিব সংহার ॥
কোণ্ডিন্য-নগরে যদি না পাঠাও মোরে ।
নারীহত্যা দিব তবে তোমার উপরে ॥

শুনি রাজা ভৃত্যগণে দিলেন সংহতি ।
কোণ্ডিন্য-নগরে পুনঃ গেল চন্দ্রাবতী ॥
গৃধ্ররূপে দেখি কন্যা আপন-স্বামীরে ।
বিলাপ করিয়া কাল্পে অনেক-প্রকারে ॥

ক্রন্দন নিবর্ত্তি তবে বলয়ে বচন ।
কি-কারণে ব্রতভঙ্গ করিলে রাজন্ ॥
তার ফল ভুঞ্জ তুমি, নাহিক এড়ান ।
কেমনে তোমা-আমি পাব মতিমান্ ॥
ধর্ম্মরাজ তব হেন করিলেন গতি ।
আজি আমি শাপ দিব ধর্ম্মরাজ-প্রতি ॥
এতেক বলিয়া জল লইলেক হাতে ।
শাপভয়ে ধর্ম্ম তথা আসিল সাক্ষাতে ॥
করঘোড়ে কন্যা-প্রতি বলয়ে বচন ।
আমারে শাপিতে মাতা, চাহ কি-কারণ ॥
তব স্বামী চন্দ্রকেতু হেন কৈল মন ।
ব্রতসঙ্গদিনে তোমা করিল রমণ ॥
সে-কারণে পাপ তার হৈল অতিশয় ।
যাহা করি, তাহা ভুঞ্জি, নাহিক সংশয় ॥
আমার বচনে কোপ কর নিবারণ ।
পাপে মুক্ত তব স্বামী হইবে এখন ॥
গৃধ্র-মূর্ত্তি ত্যজি এবে নিজমূর্ত্তি হবে ।
নাহিক সংশয়, আজি নিজস্বামী পাবে ॥

এতেক বলিতে স্বর্গে ছন্দুভি বাজিল ।
গৃধ্ররূপ ত্যজি রাজা দিব্যমূর্ত্তি হৈল ॥
দেবের আকৃতি হৈল কন্যা চন্দ্রাবতী ।
দেবরথ পাঠাইল দেব-শচীপতি ॥
রথে চড়ি স্বর্গে দৌহে করিল গমন ।
কহিনু পুরাণ-কথা ধর্ম্মের নন্দন ॥
চন্দ্রকেতু-উপাখ্যান শুনে যেইজন ।
সর্ব্বপাপে মুক্ত হয়, ব্যাসের বচন ॥
মহাভারতের কথা অমৃত-সমান ।
কাশীরাম কহে, সদা শুনে পুণ্যবান্ ॥

১২। অষ্টমী-ব্রত-মাহাত্ম্যে। সুবাহরাজের
উপাখ্যান।

ভীষ্ম বলিলেন, শুন পাণ্ডুর নন্দন।
আর কিছু ব্রতকথা শুন দিয়া মন ॥
অশ্বিনী-নামেতে ব্রত পার্বতী-সেবনে।
ভ্রম্ময়ে অক্ষয়-পুণ্য, বেদেতে ব্যাখ্যানে ॥
গ্রাশ্বিনের শুক্লপক্ষ অশ্বিনীর দিনে।
শিবভূগা-আরাধনা করে যেইজনে ॥
সর্বদুঃখে তরে সেই, নাহিক সংশয়।
ঐতহাস-কথা কহি, শুন মহাশয় ॥
কহিলেন পূর্বের বাহা ব্যাস মুনিবর।
শুনিয়া বিস্মিত মম হইল অন্তর ॥

সেই কথা কহি রাজা, কর অবগতি।
সুবাহু নামেতে এক আছিল নৃপতি ॥
মহাপ্রশলীল রাজা ধন্যকন্সের রত।
ব্রাহ্মণেরে নানাদান দেয় অবিরত ॥
ভূমিদান রত্নদান গোধন কাঞ্চন।
যেই বাহা মাগে, তাহা দেয় অনুরক্ত ॥
বিচিত্র আরাম এক করিয়া রচন।
বিপ্র পূজে দিয়া মালা অঙ্কুর-চন্দন ॥
এইমতে বহুদিন পূজিল ব্রাহ্মণে।
দৈববশে কতকালে পিতৃশ্রদ্ধ-দিনে ॥
কোটি-কোটি বিপ্রগণে করি নিমন্ত্রণ।
দিব্যভোগে সবাকারে করিল তোষণ ॥
দক্ষিণা দিলেন যথোচিত দ্বিজগণে।
আলীকাদ করি সবে গেল নিজস্থানে ॥
অন্তঃপুরে যান রাজা ভোজন-কারণ।
হেনকালে দেখ এক দৈবের ঘটন ॥

সেইকালে দ্বিজ এক হৃদেব-নামেতে।
আসিয়া করিল ষাট্টা রাজার সাক্ষাতে ॥

যথোচিত দান মোরে দেহ নরবর।
কালবশে হৈল রাজা কুপিত-অন্তর ॥
কালে বাহা করে, তাহা কে খণ্ডিতে পারে।
অন্ন-বস্ত্র-আদি দান দিল ব্রাহ্মণেরে ॥
তাহা পেয়ে তুষ্ট হ'য়ে চলে দ্বিজ ঘরে।
ক্রোধচিন্তে নরপতি গেল অন্তঃপুরে ॥
এইহেতু মহাপাপ ফলিল রাজনে।

কতদিনে নরপতি দেখে পুষ্পবনে ॥
প্রত্যহ গন্ধর্ব্ব আসি পুষ্প হরি লয়।
ক্রোধচিন্ত নরপতি, পুষ্প নাচি পায় ॥
অন্নপুষ্প বিকসিত হয় ত কাননে।
পুষ্পমালা নারে তুষ্ট করিতে ব্রাহ্মণে ॥
ভাবিয়া নৃপতি তবে রক্ষক রাখিল।
কোন্ জন পুষ্প তোলে, লক্ষিতে নারিল ॥
মনুষ্যের শক্তি নহে, জানিল কারণে।
গাপনি র'ছিল রাজা পুষ্পের রক্ষণে ॥
পুষ্প তুলিবাে আসে গন্ধর্ব্বের পতি।
পুষ্পবনে অন্নরপ্তি বরিষয়ে অতি ॥
অন্নরপ্তি দেখি হৈল সচিস্তিত-মন।
সেইরাত্রি রহে তথা জানিতে কারণ ॥
প্রাতঃকালে নরপতি দেখে গন্ধর্ব্বেরে।
নিকটে আসিয়া রাজা জিজ্ঞাসিল তারে ॥
কি নাম ধরহ তুমি, কোথায় বসতি।
কোন্ হেতু আসি পুষ্প হর নিতি-নিতি ॥
আমাকে সস্ত্রম কিছু নাহি কর মনে।
আজি সে উচিত শাস্তি পাবে মম স্থানে ॥

গন্ধর্ব্ব বলিল, মম সর্গেতে বসতি।
পুষ্পধর নাম মম, বিত্তাধর-জাতি ॥
সুবেশ করিষ যত বিত্তাধরীগণ।
এইহেতু পুষ্প আমি করি যে হরণ ॥

আজি হৈতে মিত্র তুমি হইলে আমার ।
 কোন্ কার্য্য সাধি দিব কহ ত তোমার ॥
 এক যে বিশ্বয় বড় হৈল মোর মনে ।
 নিত্য-নিত্য পুষ্প হরি আমি এ-কাননে ॥
 এক অপরূপ বড় দেখি হে রাজন্ ।
 কালি হৈতে অন্ন কেন হয় বরিষণ ॥
 এখনহ অন্নরুষ্টি হয় ঘনে-ঘন ।
 রাত্রি বঞ্চিলাম আমি জানিতে কারণ ॥
 হেতু যদি জান রাজা, বলহ আমারে ।
 এত শুনি নরপতি কহিছে তাহারে ॥
 কোথা অন্নরুষ্টি, নাহি পাই দেখিবারে ।
 মিথ্যা বলি কেন তুমি ভাণ্ডাহ আমারে ॥
 বিদ্যাধর বলে, মিথ্যা হইবে কেমনে ।
 দিব্যচক্ষু দিয়া তুমি দেখহ আপনে ॥

এত শুনি দিব্যচ'ক্ষে চাহে নরনাথ ।
 অন্ন-বরিষণ দেখে করি দৃষ্টিপাত ॥
 পূর্বের কারণ তার হইল স্মরণ ।
 গন্ধর্বে চাহিয়া বলে, শুন বিবরণ ॥
 এককালে দৈবে আমি পিতৃশ্রাদ্ধ-দিনে ।
 অন্ন-বস্ত্র-আদি দান দিলাম ব্রাহ্মণে ॥
 সেই হৈতে অন্নরুষ্টি হয় ত কাননে ।
 যাহা দেই, তাহা পাই, এ নহে এড়ানে ॥
 ইহলোকে হেনরূপ দেখিনু সাক্ষাতে ।
 পরলোকে ততোধিক হইবে নিশ্চিত ॥
 তারপর বিদ্যাধর, শুনহ এক্ষণে ।
 যে-কালেতে অন্নদান দিলাম ব্রাহ্মণে ॥
 ক্রোধ-মনে ব্রাহ্মণেরে দিছু অন্নদান ।
 এ-পাপে নরক হৈতে নাহিক এড়ান ॥
 এক নিবেদন তুমি শুনহ আমার ।
 এ-পাপে যেমতে তরি, করিবে প্রকার ॥

এত শুনি বিদ্যাধর গেল সুরপুরে ।
 কহিল রাজার বার্তা ইন্দের গোচরে ॥
 শুনিয়া হাসিয়া ইন্দ্র বলয়ে বচন ।
 যত পুণ্য করিল সে, না হয় কখন ॥
 পুণ্যফলে আসিবেক স্বর্গে মতিমান ।
 আগে হৈতে তার তরে ক'রেছি উত্তান ॥
 কনক-প্রাচীর দেখ, সুবর্ণের ঘর ।
 সুবর্ণ-পালঙ্ক-শয্যা দেখ মনোহর ॥
 পুরীর সম্মুখে গিরি দেখে বিদ্যমান ।
 ভোজন-সামগ্রী দেখে অদ্ভুত-বিধান ॥

এত শুনি বিদ্যাধর হেতু জিজ্ঞাসিল ।
 রাজভোগ-হেন দ্রব্য কি-হেতু হইল ॥

ইন্দ্র বলে, শুন বলি পূর্বের কাহিনী ।
 মহাপুণ্য অর্জিল সুবাহু-নৃপমণি ॥
 পিতৃশ্রাদ্ধদিনে এক ক্ষুধার্ত-ব্রাহ্মণে ।
 অন্নদান করিলেক অত্যন্ত যতনে ॥
 একগুণ দিলে এথা হয় সপ্তগুণ ।
 অন্নদান-হেতু এই, শুনহ নিপুণ ॥
 যাহা দেয়, তাহা ভুঞ্জে, নাহিক এড়ান ।
 তার ভক্ষ্য-হেতু সব রাখি মতিমান ॥
 কিন্তু আর এককথা শুন বিদ্যাধর ।
 যখন ব্রাহ্মণে দান দিল নৃপবর ॥
 ক্রোধ করি অন্নদান দিলেন ব্রাহ্মণে ।
 সে-পাপ ভুঞ্জিতে হবে যমের সদনে ॥

এত শুনি সবিস্ময় হৈল বিদ্যাধর ।
 করযোড়ে কহে পুনঃ ইন্দের গোচর ॥
 সুবাহুর সঙ্গে মম মিত্রতা হইল ।
 বিনয় করিয়া রাজা আমারে কহিল ॥
 এই পাপভোগ তুমি খণ্ডাবে আমার ।
 তাহার অগ্রেতে আমি কৈনু অঙ্গীকার ॥

হেন পাপভোগ সখা ভুঞ্জিবে আপনে ।
সাক্ষাতে কেমনে আমি দেখিব নয়নে ॥
ইহার প্রকার মোরে কহ মহাশয় ।
ইথে মুক্ত নরপতি কোন্ মতে হয় ॥

ইন্দ্র বলে, তার এক আছেয়ে উপায় ।
শীঘ্রগতি গিয়া ভূমি কহিবে রাজ্যে ॥
অক্টমীর উপবাস পার্ব্বতী-সেবনে ।
বাজার নগরে করি থাকে যেইজনে ॥
তার অঙ্গ সেইদিন পরশ করিবে ।
স্নান করি ব্রতী হ'য়ে তপ আরম্ভিবে ॥
কাটিয়া অঙ্গের মাংস রাখিবে রুধিরে ।
শিব-দুর্গা আরাধিবে এক সংবৎসরে ॥
বৎসর হইলে পূর্ণ ব্রতসঙ্গ করি ।
বেদবিদ্য-দ্বিজগণে আনিবে আদরি ॥
অন্নদান ভূমিদান দ্বিজগণে দিবে ।
আজ্ঞা ল'য়ে পশ্চাতে সে ভোজন করিবে ॥
তবে ত তাহার পাপ হইবে খণ্ডন ।
গন্ধর্ব্ব এতেক শুনি হৈল হৃষ্টমন ॥
কহিল এ-সব গিয়া রাজার গোচরে ।
শুনি নরপতি তবে ভ্রমিল নগরে ॥
অক্টমীর উপবাসী কারে না দেখিল ।
অনেক ভ্রমিয়া রাজা চিস্তিত হইল ॥
নগর-বাহিরে এক বেষ্ঠার মন্দিরে ।
ঔঁ-পুরুষে কোন্দল করিছে বহুতরে ॥
নিরাহারা আছে তারা অক্টমী-দিবসে ।
রাজা গিয়া তার অঙ্গ তখনি পরশে ॥
ব্রতী হ'য়ে সংবৎসর পার্ব্বতী পূজিল ।
মহাপাপভোগ হৈতে নৃপতি তরিল ॥
দান-ধ্যান বহুতর করিল রাজন ।
অন্তে তনু ত্যজি গেল বৈকুণ্ঠ-ভুবন ॥

অক্টমীর উপবাস পুণ্যব্রত গণি ।
কহিল পুরাণ-কথা, শুন নৃপমণি ॥
শোক দূর করি রাজা, স্থির কর মন ।
সদ্যশ্বেতে রাজকণ্ঠ করহ পালন ॥
অক্টমীর ব্রতকথা শুনে যেইজন ।
সর্ব্বদুঃখে তবে সেই, ব্যাসের বচন ॥
মহাভারতের কথা অমৃত-লহরী ।
কালী কহে, শুনিলে তবয়ে ভবনারি ॥

- - -

২০। একাদশী ও পাপলঙ্ঘন দ্বাদশমীর
উপাখ্যান ।

কহেন গঙ্গার পুত্র কুন্তীর কুমারে ।
আর কিছু ব্রতকথা কহিব তোমারে ॥
একাদশী ব্রত-কথা সর্ব্বব্রত-সার ।
অবহিত হ'য়ে শুন ধর্ম্মের কুমার ॥
পূর্ব্ব কহিয়াছি একাদশী-অনুষ্ঠানে ।
অতঃপর পারগাদি শুন একগনে ॥
শুদ্ধচিত্তে এ-ব্রত যে করে আচরণ ।
সর্ব্বদুঃখে তবে সেই, পাপ-বিমোচন ॥
প্রাতঃকালে স্নান করি একাদশী-দিনে ।
দৌতবস্ত্র পরি তৈলগ্রহণ-বর্জ্জনে ॥
সেইরূপে জনার্দনে করিয়া স্থাপন ।
ত্রিকোণ করিয়া করি আসন-রচন ॥
পূর্ব্বমুখ হ'য়ে ব্রতী বসিবে আসনে ।
শুদ্ধচিত্তে আরাধিয়া দেব-নারায়ণে ॥
চাঁদ-মস্ত্র পড়ি স্নান, জপ নমস্কার ।
মূলমন্ত্র জপি ধ্যান করি আব্রবার ॥
তদন্তরে নানাপুস্তে পূজিবে বিধানে ।
হৃদয়-কমলোপরি রাখি নারায়ণে ॥

তদন্তরে নৈবেদ্যাদি নানা-উপচারে ।
 ভক্তি-ভরে পুনরপি পূজিবে আচারে ॥
 নৈবেদ্য তুলসী দিয়া করি নিবেদন ।
 পূজা-অবসানে তবে করি বিসর্জন ॥
 ষাট্টিয়া দিবেক অবশেষে ভক্তগণে ।
 শিরে কর ধরি করি পূজা-সমাধানে ॥
 পরদিন প্রাতঃকালে স্নান-দান করি ।
 নানাবিধ-উপচারে পূজিবে শ্রীহরি ॥
 পূজা সমাধান করি দিয়া বিসর্জন ।
 তদন্তরে দ্বিজগণে করাবে ভোজন ॥
 নিজ-বন্ধু-বান্ধবাদি যত জ্ঞাতিগণ ।
 সবাকারে আনিবেক করি নিমন্ত্রণ ॥
 পারণা করিবে যত বন্ধুগণে ল'য়ে ।
 ব্রত সমাপিবে তবে সাবধান হ'য়ে ॥
 এইরূপে পূজা করি যে সেবে শ্রীহরি ।
 সর্বপাপে মুক্ত হ'য়ে যায় বিষ্ণুপুরী ॥
 পূর্ব-ইতিহাস-কথা কহিনু তোমাতে ।
 একাদশী-দিনে উপবাস হৈল যাতে ॥
 গালব-মুনির পিতা-পুত্রের সংবাদ ।
 একদশী করি তার ঘুচিল প্রমাদ ॥
 কহিনু তোমাতে এই ধর্মের নন্দন ।
 পুরাণ-সম্মত কথা, ব্যাসের বচন ॥
 মুনি বলে, অবধানে শুন জন্মেজয় ।
 এতেক শুনিয়া কথা ধর্মের তনয় ॥
 চিত্তগত-ভ্রাস্তি গেল, শাস্ত হৈল তনু ।
 পুনরপি জিজ্ঞাসেন কুন্তী-অঙ্গজন্ম ॥
 কোন প্রকারেতে ভক্তি সাধি দামোদরে ।
 কিবা ভক্তি সাধিলে কি ফল পায় নরে ॥
 শ্রবণ কীর্তন পূজা আত্ম-নিবেদন ।
 দাস্ত্যভাব সখ্যভাব চরণ-বন্দন ॥

বিষ্ণুর মন্দির যেবা করয়ে মার্জ্জন ।
 দাস্ত্যভাব করিয়া যে ভজে নারায়ণ ॥
 তাহার কি ফল হয়, কহ মহাশয় ।
 নিতান্ত উদ্বিগ্ন চিত্ত, খণ্ডাহ সংশয় ॥
 ভীষ্ম কন, ভাল জিজ্ঞাসিলে নৃপমণি ।
 অবধান কর, কহি পূর্বের কাহিনী ॥
 দেবমালী-নামে বিপ্র ছিল শাস্তিপুরে ।
 সর্বশাস্ত্রে বিশারদ, বিদিত সংসারে ॥
 যজন-যাজন-কৃষি-বাণিজ্য-ব্যাপারে ।
 সঞ্চয় করিল ধন বিবিধ-প্রকারে ॥
 এইরূপে নানাস্থখে বঞ্চে তপোধন ।
 অপত্যাবহীন দ্বিজ, সদা দুঃখমন ॥
 একদিন ভার্য্যাসহ বসি তপোধন ।
 পুত্রাভাবে নানাবিধ করয়ে শোচন ॥
 পুত্রহীন-জন্ম রুখা, বেদের বচন ।
 ইহকালে দুঃখ, অন্তে নরকে গমন ॥
 দুঃখহীন গাভী-সম পুত্রহীন-জন ।
 এইরূপে দ্বিজ বহু করিল শোচন ॥
 ভাবিতে-ভাবিতে তার যুবাকাল গেল ।
 তথাপি তাহার ভাগ্যে অপত্য না হৈল ॥
 চিন্তায় আকুল পুত্রহীন তপোধন ।
 নারদ জানিয়া দেখা দিলেন তখন ॥
 নারদে দেখিয়া মুনি কৈল আবাহন ।
 পাণ্ড-অর্থ্য দিয়া কৈল চরণ-বন্দন ॥
 দেবমালী দ্বিজবরে পুছে তপোধন ।
 কহ মুনিবর, কেন বিরস-বদন ॥
 করযোড় করি দ্বিজ করে নিবেদন ।
 সর্বতত্ত্ব জ্ঞাত তুমি মহাতপোধন ॥
 চরাচরে হইয়াছে, যেবা হইবেক ।
 ভূত, ভাবী, বর্তমান, জানহ প্রত্যেক ॥

নারদ কহেন, মন বুঝিয়া তাহার ।

সন্দেহ না কর দ্বিজ, হইবে কুমার ॥

অচিরে হইবে তব দুইটি নন্দন ।

এত বলি নিজস্থানে যান তপোধন ॥

দেবমালী মহাযজ্ঞ কৈল আরম্ভন ।

যজ্ঞ ভেদি উঠে তবে দুইটি নন্দন ॥

পরম-সুন্দর শিশু অতি-সুলক্ষণ ।

দেখি আনন্দিত-মন ব্রাহ্মণী-ব্রাহ্মণ ॥

যজ্ঞে জন্মহেতু নাম যজ্ঞমালী হৈল ।

সুমালী বলিয়া নাম কনিষ্ঠে রাখিল ॥

যজ্ঞমালী জ্যেষ্ঠপুত্র ধর্ম্মশীল হৈল ।

সুমালী কনিষ্ঠপুত্র পাপিষ্ঠ জন্মিল ॥

কতদিনে যোগ্য হৈল দুইটি নন্দন ।

তদন্তরে দেবমালী করি দৃঢ়মন ॥

সংসার-বাসনা-সুখ ছাড়িতে ইচ্ছিল ।

অপন-অজ্জিত ধন যতেক আছিল ॥

সমান করিয়া ভাগ দিল দুই-সুতে ।

অরণ্যে প্রবেশ কৈল ভার্য্যার সহিতে ॥

ভট্টাচার পরিধান হইয়া তপস্বী ।

নর্যদার তাঁরে গিয়া উত্তরিল ঋষি ॥

জানস্তি-নামেতে তথা রহে তপোধন ।

সর্বশাস্ত্রে বিজ্ঞ, ত্রিকালজ্ঞ বিচক্ষণ ॥

বিষ্ণুভক্তি-পরায়ণ, হরিনামে রত ।

চতুর্দিকে শিষ্যগণ শোভে অগণিত ॥

তাঁর কাছে আসি উত্তরিল তপোধন ।

দেখিয়া জানস্তি-মুনি কৈল অভ্যর্থন ॥

অতিথি-বিধানে পূজা করিয়া সাগরে ।

জানস্তি জিজ্ঞাসে সেই অভ্যাগত-নরে ॥

কোথা হৈতে আগমন, কোথায় নিবাস ॥

কোন প্রয়োজনে আসিয়াছ মন পাশ ॥

এত শুনি বলে ঋষি করিয়া প্রণাম ।

ভৃগুবাংশে জন্ম মম, দেবমালী নাম ॥

যোগ সাধিবারে আসিলাম তব স্থান ।

কৃপা করি মোরে দেব, দেহ তত্ত্বজ্ঞান ॥

কিরূপে তরিব আমি এ-ঘোর সংসার ।

কাহা হৈতে সংসার-দন্ধনে হৈব পার ॥

কহ, কি আশ্রয় করি ভবেতে তরিব ।

কিরূপেতে পুনর্জন্ম-দোষ খণ্ডিব ॥

কহ মুনিবর, মোরে যদি কর দয়া ।

তোমার প্রসাদে যেন তাঁর ভবমায় ॥

এতেক বচন শুনি কহে তপোধন ।

ত্রিদশের নাথ বিষ্ণু সত্য-সনাতন ॥

তাঁহারে আশ্রয় কৈলে সর্বপাপ খণ্ডে ।

সংসার হইতে তরে ঘোর-যমদণ্ডে ॥

তাঁহার আশ্রয়-বিনা গতি নাহি আর ।

সেই ব্রহ্ম-সনাতন সংসারের সার ॥

তাঁরে ভজ, তাঁরে পূজ, তাঁরে কর স্তুতি ।

তাঁরে সেবা কর, তাঁরে করহ ভকতি ॥

নাম-গুণ-শ্রবণাদি কর অনুক্ষণ ।

সংসার তরিতে এই কহিমু লক্ষণ ॥

এত শুনি আনন্দিত হৈল দেবমালী ।

প্রদক্ষিণ করি বিপ্র তথা হৈতে চলি ॥

ভার্য্যাসহ উত্তরিল যমুনার তাঁরে ।

স্তুতি-ভক্তি করি হৃদে পূজে দামোদরে ॥

একান্ত ভকতি করি কৃষ্ণে আরাধিল ।

যোগে তমু ছাড়ি বিষ্ণুপুরে প্রবেশিল ॥

চিতা করি তাঁর ভার্য্যা জালিল আগুনি ।

পতিসঙ্গে বিষ্ণুলোকে গেল সুবদনী ॥

যজ্ঞমালী সুমালী যে পুত্রদ্বয় তাঁর ।

মহামতি যজ্ঞমালী ধর্ম্ম-অবতার ॥

পিতার যতক ধন সঞ্চিত আছিল ।
 নানাবিধ দান দিয়া পুণ্যকর্ম কৈল ॥
 বাপী পুষ্করিণী কুপ দিল স্বানে-স্বানে ।
 বিচিত্র-মন্দির-ঘর দিল নারায়ণে ॥
 নানাবিধ ধ্যানযোগে দেবে আরাধিল ।
 দাস্ত্রভাব করি কৃষ্ণচরণ সেবিল ॥
 দেখিয়া সকল-জীব সমান আপন ।
 নিজহস্তে কৈল হরি-মন্দির-মার্জ্জন ॥
 এইরূপে যজ্ঞমালী পুণ্য উপার্জ্জিল ।
 পুত্রপৌত্র-সহ সদা আনন্দে রহিল ॥

স্বামালী পাপিষ্ঠ বড় কৈল অনাচার ।

পিতার সঞ্চিত ধন যত ছিল তার ॥
 অসতে মজাল সব, সতে নাহি দিল ।
 রুঘলীর বশ হ'য়ে সব নষ্ট কৈল ॥
 অবশেষে চুরি-হিংসা-পরিবাদ কৈল ।
 যতধন ছিল, এইরূপে মজাইল ॥
 যার পায়, তার ধন চুরি করি আনে ।
 পশুহিংসা জীবহিংসা করে অনুক্ষণে ॥
 তার দুষ্কর্ম দেখি বিষম-বদন ।
 জ্যেষ্ঠভাই যজ্ঞমালী সহ-জ্ঞাতিগণ ॥

একদিন যজ্ঞমালী নিভূতে বসিয়া ।
 বিধিযতে বুঝাইল অনেক কহিয়া ॥
 না শুনিল বাক্য তার, ক্রুদ্ধ হৈল মনে ।
 চূলে ধরি সহোদরে মারিল সঘনে ॥
 হাহাকার শব্দ হৈল পুরীর ভিতরে ।
 যতক নগরবাসী আসিল সত্বরে ॥
 তার দুষ্কর্ম দেখি সবে ক্রুদ্ধ হৈল ।
 মহাপাশে স্বামালীকে বান্ধিয়া ফেলিল ॥
 তর্জ্জন-গর্জ্জন বহু করিল তাড়ন ।
 অনেক-প্রকার কৈল নগরের জন ॥

দয়াশীল যজ্ঞমালী দয়া উপজিল ।
 ভ্রাতৃশ্নেহ-হেতু তারে মুক্ত করি দিল ॥
 দুঃখিত দেখিয়া তারে ক্ষমা দিল চিত্তে ।
 কুলের বাহির তবে করিল দুর্বৃত্তে ॥

এইরূপে কতকাল করিল যাপন ।

হেনকালে দৌহাকার হইল মরণ ॥
 ধর্ম-আত্মা যজ্ঞমালী ধর্মপরায়ণ ।
 বিমান দিলেন পাঠাইয়া নারায়ণ ॥
 দুই-দূত আসিলেক দেখিতে সুন্দর ।
 বিমান লইয়া তার আসিল সত্বর ॥
 রথে তুলি যজ্ঞমালী নিল সেইক্ষণ ।
 গন্ধর্বেতে গীত গায় নর্তকে নর্তন ॥

এইরূপে বৈকুণ্ঠেতে করিল গমন ।

পথে স্বামালীর সঙ্গে হৈল দরশন ॥
 ভয়ঙ্কর যমদূত বিকৃত-আকার ।
 পাশে বান্ধি ল'য়ে যায় করিয়া প্রহার ॥
 পূর্বজন্মে যত পাপ করিল অর্জ্জন ।
 সে-সব স্মরিয়া যায় করিয়া ক্রন্দন ॥
 দেখি সবিস্ময়-চিন্তা যজ্ঞমালী হৈয়া ।
 দূতগণে নিবেদিল বিনয় করিয়া ॥
 কহ দূত-দৌহে, এরা কাহার কিঙ্কর ।
 কাহারে প্রহার করে, কেবা এই নর ॥
 কোথাকারে ল'য়ে যায় কিসের কারণে ।
 বান্ধিয়া লইয়া যায় কোন্ প্রয়োজনে ॥
 যদি দূত, জান, তবে কহিবে আমারে ।
 এত শুনি বিহুদূত কহিছে তাহারে ॥

এই দুইজন হয় যমের কিঙ্কর ।

এই দুষ্ক-পাপী দেখ তব সহোদর ॥
 যতক অজ্জিল পাপ, না হয় এড়ান ।
 বান্ধিয়া লইয়া যায় যম-বিদ্যমান ॥

এত শুনি যজ্ঞমালী মানিল বিষয় ।
 পূনরপি জিজ্ঞাসিল করিয়া বিনয় ॥
 জান যদি দূতগণ, কহ বিবরণ ।
 করুপে ইহার হয় দুর্গতি-মোচন ॥
 দূতগণ বলে, এই পাপী ছুরাচার ।
 মাছুয়ে উপায় এক মুক্ত করিবার ॥
 তোমার সদনে আছে, যদি কর দান ।
 পূর্বের কাহিনী কহি, কর অবধান ॥
 কোশল-নগরে পূর্বের কামিলা-নামেতে ।
 বৈশ্যকূলে জন্ম, এক ছিল দুষ্কৃতিতে ॥
 গো-ব্রাহ্মণ বিনাশিল সেই ছুরাচার ।
 তাহার পাপের কথা নারি কহিবার ॥
 চুরি হিংসা, পরদারী বৈশ্যাপরায়ণ ।
 জন্ম-জন্মে কুকর্মেতে আসক্ত দুষ্কর্জন ॥
 তার দুষ্কর্ম দেখি যত বন্ধুগণ ।
 নগর-বাহির করি দিল সেইক্ষণ ॥
 বন্ধুগণ-তাড়নাতে ভয় পেয়ে মনে ।
 ক্রোধ-তৃষ্ণায়ুক্ত হ'য়ে প্রবেশিল বনে ॥
 ভ্রমিতে-ভ্রমিতে শ্রান্ত হইল শরীর ।
 দৈবতে পাইল এক কেশব-মন্দির ॥
 মন্দির-সমীপে এক সরোবর ছিল ।
 মান-দান-নিত্যকর্ম তাহাতে করিল ॥
 শ্রম দূরে গেল, শান্ত হৈল কলেবর ।
 আশ্রয় করিল সেই মন্দির-ভিতর ॥
 রুটিজলে কর্দম আছিল ভাঙ্গাঘরে ।
 হস্ত দিয়া তাহা সব পরিষ্কার করে ॥
 শ্রমযুক্ত হ'য়ে তাহে শয়ন করিল ।
 আশ্বশেষে কাল আসি উপনীত হৈল ॥
 গৃহের ভিতরে মহাকালসর্প ছিল ।
 কণিয়া বৈশ্যেরে সেই বনান্তরে গেল ॥

দৈবের নির্বন্ধ খণ্ডে শক্তি কাহার ।
 সর্পের দংশনে মৃত্যু হইল তাহার ॥
 দুই-দূত সেইখানে আসি সেইক্ষণ ।
 মহাপাশে বৈশ্যপুত্রে করিল বন্ধন ॥
 জানিয়া যমের দুষ্কর্ম গদাধর ।
 আমা-দৌহে পাঠাইয়া দিলেন সত্তর ॥
 সেইক্ষণে করিলাম মোচন তাহার ।
 যমদূতে করিলাম বহু-তিরস্কার ॥
 সেই-পুণ্যে বিষ্ণুর সাযুজ্য-মুক্তি পায় ।
 পূর্বের কাহিনী এত জানাই তোমায় ॥
 গোচন্দ্র-প্রমাণ বিষ্ণুমন্দির-মার্জনে ।
 উদ্ধারহ নিজভ্রাতা দিয়া পুণ্যদানে ॥
 এত শুনি যজ্ঞমালী আনন্দিত-মনে ।
 স্নমালীয়ে পুণ্যদান দিল সেইক্ষণে ॥
 দয়া করি পুণ্য তারে যজ্ঞমালী দিল ।
 পুণ্যের প্রভাবে সব-পাপ নষ্ট হৈল ॥
 স্নমালী হইল পুণ্যবন্ত মহাশয় ।
 বিষ্ণুদূত এইকথা যমদূতে কয় ॥
 ভ্রাতৃ পুণ্যফলে এই পাইল নিস্তার ।
 ছাড়হ ইহারে তোরা ওরে ছুরাচার ॥
 ইহার উপরে তোর নাহিক শাসন ।
 এত বলি মুক্ত করি দিল সেইক্ষণ ॥
 যজ্ঞমালী শুনি রহে স্তব্ধচিত্ত হৈয়া ।
 উভয়ে বৈকুণ্ঠে গেল বিমানে চড়িয়া ॥
 স্নমালীর কথা দূত যমে নিবেদিল ।
 শুনিয়া দূতেরে যম প্রবোধ করিল ॥
 সেইক্ষণে যজ্ঞমালী নির্বাপ পাইল ।
 বিষ্ণুর সাযুজ্য-মুক্তি স্নমালী লাভিল ॥
 সেই-পুণ্যফলে সেই গেল স্বর্গবাস ।
 ধর্মপুত্রে গদাপুত্র কন ইতিহাস ॥

ভক্তিযুত হ'য়ে যেই দাস্যভাব করি ।
 মন্দির-মার্জনা করি ভজয়ে শ্রীহরি ॥
 তাহার পুণ্যের কথা কে কহিতে পারে ।
 অবহেলে তরে সেই এ-ভব-সংসারে ॥
 কহিলাম তোমারে এ ধর্মের নন্দন ।
 পূর্বের কাহিনী এই, ব্যাসের বচন ॥
 একচিহ্নে ভক্তিভরে শুনে যেইজন ।
 তাহার পুণ্যের কথা না যায় কখন ॥
 এ-ভব-সংসার সুখে তরে অবহেলে ।
 তাহার পাপের পীড়া নহে কোনকালে ॥
 নাহিক সংশয় ইথে, ব্যাসের বচন ।
 কাশীরাম কহে স্মরি গোবিন্দ-চরণ ॥

২১। বিষ্ণু-প্রদক্ষিণ-প্রভাবে বৃহস্পতি ও
 ইন্দ্রের সংবাদ ।

এতেক শুনিয়া কথা ধর্ম-নৃপবর ।
 পুনরপি জিজ্ঞাসিল করি যোড়কর ॥
 প্রদক্ষিণ করে যেই দেব-নারায়ণে ।
 প্রণিপাত আর স্তব করে দৃঢ়মনে ॥
 তাহার কি পুণ্যফল, কহ মহাশয় ।
 চিত্তের সন্দেহ মম ঘুচাহ নিশ্চয় ॥
 ভীষ্ম বলিলেন, ভাল জিজ্ঞাসা তোমার ।
 গোবিন্দে প্রণাম যেই করে অনিবার ॥
 তাহার পুণ্যের কথা কে কহিতে পারে ।
 পূর্বের কাহিনী রাজা, কহিব তোমারে ॥
 ব্রহ্মার প্রপৌত্র জীব অঙ্গিরা-কুমার ।
 দেবের পরমগুরু বিখ্যাত সংসার ॥
 শক্রের নগরে তাঁর পুরীর নির্মাণ ।
 কাঞ্চনে পুর্ণিত পুর নানা-ভোগবান্ ॥

লীলারূপে তাহে প্রকাশিত দামোদর ।
 তার মধ্যে দিব্য এক মন্দির স্মরণ ॥
 প্রাতঃ-সন্ধ্যাকালে তবে গুরু বৃহস্পতি ।
 প্রদক্ষিণ করি কৃষ্ণে করে নানাস্তুতি ॥
 এইরূপে নিত্য-নিত্য করেন বন্দন ।
 একদিন গেল ইন্দ্র গুরুর ভবন ॥
 প্রদক্ষিণ করে গুরু দেব-জনাদিনে ।
 দণ্ডবৎ প্রণিপাত করে হৃদমনে ॥
 চক্রাবর্তে সপ্তবার মন্দির ফিরিয়া ।
 প্রণাম করয়ে কৃষ্ণে প্রদক্ষিণ হৈয়া ॥
 হেনকালে আসে ইন্দ্র গুরুর সাক্ষাৎ ।
 বিস্ময়ে জিজ্ঞাসা করে করি প্রণিপাত ॥
 নানাবিধ-ভক্তি কৃষ্ণে কহে মুনিগণ ।
 স্তুতি-পূজা-ধ্যান-আদি অর্চন-বন্দন ॥
 এ-সব ছাড়িয়া তুমি প্রদক্ষিণ করি ।
 দণ্ডবৎ প্রণাম করিয়া পূজ হরি ॥
 ইহাতে কি ফল হয়, কহিবে আমারে ।
 এত শুনি বৃহস্পতি কহিল তাঁহারে ॥
 সম্যক-প্রকারে ফল কহিতে না জানি ।
 কহি, শুন অবধানে পূর্বের কাহিনী ॥
 একদিন গিয়া পিতামহ-বিদ্যমানে ।
 দেখিলাম যোগে বসি আছেন মননে ॥
 ধ্যান-অবশেষে তবে প্রদক্ষিণ হ'য়ে ।
 প্রণিপাত করিলেন শিরে হাত দিয়ে ॥
 দেখিয়া বিস্ময় মম হইল অন্তরে ।
 ইহার বৃত্তান্ত জিজ্ঞাসিলাম ব্রহ্মারে ॥
 কৃপা করি পদ্মাসন কহিলেন মোরে ।
 সেই-কথা শুন ইন্দ্র, কহি যে তোমারে ॥
 পূর্বের সত্যযুগে দ্বিজ সুরদেব-নামেতে ।
 দুর্ভীচার পাপবুদ্ধি আছিল জগতে ॥

বেশ্যাপরায়ণ লুকু পাপী ছরাচার ।
 নিরস্তর পরদ্রব্য করে অপহার ॥
 তার কৰ্ম্ম দেখি সবে দিক্কার করিল ।
 নগর হইতে তারে বাহির করিল ॥
 মহাবনে প্রবেশিল সেই ত ব্রাহ্মণ ।
 নন্দদার তীরে আসি দিল দরশন ॥
 তথায় দেখিল তপ করে এক মুনি ।
 তারে বিড়ম্বনা কৈল তত্ত্ব নাহি জানি ॥
 গৃধ্র-পতঙ্গের পাখা করেছে আছিল ।
 মূনির জটায় সেই পাখা নিয়োজিল ॥
 হাস্য-পরিহাস করি অনেক কহিল ।
 গৃধিনীর পুচ্ছ তার শিরে আরোপিল ॥
 অতি অশোভন দেখি জটায় উপর ।
 ইহা দেখি হৈল মূনি সক্রোধ-অস্তর ॥
 না জানি আমারে দুষ্ট, কর বিড়ম্বন ।
 ইহার উচিত শাপ দিব এইক্ষণ ॥
 গৃধ্র-পতঙ্গের পাখা মম শিরে দিলে ।
 হইয়া গৃধিনী-পক্ষী জন্মাহ ভুতলে ॥

এত শুনি দ্বিজ তবে বলিল বচন ।
 স্মৃতিভঙ্গ মোর যেন না হয় কখন ॥
 ইহা শুনি দুঃখচিত্ত হৈল তপোধন ।
 সেইকণে পঞ্চদ্ব সে পাইল ব্রাহ্মণ ॥
 শরীর ত্যজিয়া দ্বিজ গৃধ্ররূপ হৈল ।
 বসতি করিয়া সেই বনেতে রহিল ॥

এইরূপে কতদিন আছয়ে বনেতে ।
 একদিন ব্যাধ তারে দেখে আচম্বিতে ॥
 আকর্ণ পুরিয়া বাণ পক্ষীরে মারিল ।
 অত্যন্ত বাজিল বাণ, কিছু না হইল ॥
 উড়িয়া সম্বরে পক্ষী যায় পলাইয়া ।
 পাছে-পাছে ব্যাধপুত্র চলিল ধাইয়া ॥

কতদূরে গিয়া পক্ষী নির্জীব হইয়া ।
 উড়িয়া পড়িল এক দেবালয়ে গিয়া ॥
 ধোয়ে গিয়ে ব্যাধ সেই পক্ষীরে ধরিল ।
 প্রদক্ষিণ করি পক্ষী শরীর ত্যজিল ॥
 সাতবার দেবালয় প্রদক্ষিণ করি ।
 পঞ্চদ্ব পাইল পক্ষী, দিব্যমূর্ত্তি ধরি ॥
 বিষ্ণুপুরে প্রবেশিল বিমানে চড়িয়া ।
 নিজগৃহে গেল ব্যাধ মৃত-পক্ষী লৈয়া ॥
 লভিল সাযুজ্য-মুক্তি শ্রীহরি-রূপায় ।
 প্রদক্ষিণ-মহিমা যে কহনে না যায় ॥
 ব্রাহ্মার বচনে আমি হৈমু নিঃসংশয় ।
 সেই হৈতে প্রদক্ষিণ করি দেবালয় ॥
 দণ্ডবৎ প্রণাম করিমু বহুস্তুতি ।

জানাই তোমারে ইন্দ্র, পূর্ব্বের ভারতী ॥
 ভীষ্ম কন, অবধান করহ রাজন ।
 এত শুনি সর্বস্বয় সহস্রলোচন ॥
 সেই হৈতে হৈল ইন্দ্র প্রদক্ষিণে রত ।
 কহিমু তোমারে রাজা, পুরাণের মত ॥
 মহাভারতের কথা অমৃতের ধার ।
 শুনিলে পবিত্র হয়, জন্ম নাহি আর ॥
 ব্যাসের বচন, ইথে নাহিক সংশয় ।
 শান্তিপর্ব্ব-কথা কাশীরাম বিরচয় ॥

২২। সাধুসঙ্গ-প্রশংসার উপলক্ষে
 উক্তের উপাখ্যান ।

বলেন বৈশম্পায়ন, শুন জন্মেজয় ।
 এতেক শুনিয়া তবে ধর্ম্মের তনয় ॥
 বায়া-মোহ ভোগাগিয়া হ'লেন হৃদ্বির ।
 পুনরপি ভীষ্মে জিজ্ঞাসেন সুধিষ্ঠির ॥

কিরূপে এ-ঘোর মায়া ত্যজে জ্ঞানিজন ।

কিরূপে জনম সেই করয়ে খণ্ডন ॥

কিরূপেতে সাধুসঙ্গ করে জীবগণ ।

সংসারের মায়াজাল করয়ে খণ্ডন ॥

সাধুসঙ্গ করি কিবা ভক্তি পায় নর ।

ইহার বৃত্তান্ত কহ, শুনি কুরুবর ॥

ভীষ্ম বলিলেন, ভাল জিজ্ঞাস রাজন্ ।

ঈশ্বরের মায়া খণ্ডে, আছে কোন্ জন ॥

সর্বত্র ঈশ্বর স্থিত সমভাবে করি ।

ছোট-বড় যত জীব আত্মভাবে স্মরি ॥

সকলের আত্মা হন এক ভগবান্ ।

শত্রু-মিত্রে বলি নাহি কর ভিন্ন-জ্ঞান ॥

মায়ার প্রভাবে বিশ্ব-ব্রহ্মাণ্ড মোহয় ।

জ্ঞানিজন মায়াজাল জ্ঞানেতে ছেদয় ॥

জ্ঞানরূপ ভগবান্ মায়ার নিদান ।

কহিব তাঁহার কথা, শুন মতিমান্ ॥

ঈশ্বর-মায়ায় বিমোহিত চরাচর ।

মায়া অবলম্বি অবস্থিত দামোদর ॥

মায়াতে হইয়া বন্দী রহে মূঢ়জন ।

মম ঘর, মম বাড়ী, মম পরিজন ॥

এ-সব সম্পত্তি মম, মম ভ্রাতৃগণ ।

এইসব চিন্তা করে মায়ার কারণ ॥

মায়ার প্রভাবে কাম বাড়ে অতিশয় ।

চুরি হিংসা পরিবাদ ক্রোধ লজ্জা ভয় ॥

কখন মরিব বলি চিন্তে নাহি করে ।

মায়াজালে বদ্ধ হ'য়ে ভ্রময়ে সংসারে ॥

ঈশ্বর-লিখিত সব, না জানে অজ্ঞানে ।

আমার-আমার করি মরে অকারণে ॥

পুত্র মিত্রে ভাৰ্য্যা কেহ সঙ্গে সাথী নয় ।

মরিলে সৰ্ব্ব নাহি কারো সাথে রয় ॥

হরিনাম হরিগুণ শ্রবণ কীর্তন ।

মায়াতে হইয়া বদ্ধ না করে স্মরণ ॥

এইরূপ ঈশ্বরের মায়ার বিধান ।

তরিবে ইহাতে যেই, সেই মতিমান্ ॥

গৃহকশ্মে থাকি করিবেক সাধুসঙ্গ ।

হরিনাম হরিগুণ কীর্তন-প্রসঙ্গ ॥

সাধুসঙ্গ-কৃষ্ণনাম-অস্ত্র করে ধরি ।

মায়া-জাল-বন্ধন কাটহ ত্বর করি ॥

জ্ঞানে বা অজ্ঞানে করে সাধু-দরশন ।

ঈশ্বরের মায়া তরে সেই মহাজন ॥

জ্ঞানে বা অজ্ঞানে করে অমৃত-ভক্ষণ ।

তথাপি অমর হয়, বেদের লিখন ॥

সংসার-সাগর অবহেলে হয় পার ।

সাধুসঙ্গ হৈলে পুনর্জন্ম নাহি তার ॥

পূর্ব-ইতিহাস-কথা কহিব ইহাতে ।

সাবধান হ'য়ে রাজা, শুন একচিতে ॥

কলিক-নামেতে ব্যাধ ছিল শাস্তিপুরে ।

বহুপাপ দুরাচার করিল সংসারে ॥

চুরি হিংসা, পরদ্রোহী বেশ্যাপরায়ণ ।

পরদ্রব্যে লোভ সেই করে অনুক্ষণ ॥

গো-ব্রাহ্মণ-মিত্রে হিংসা করে সর্বক্ষণ ।

তাহার পাপের কথা না যায় কখন ॥

অনুক্ষণ পরদ্রব্য অপহার করে ।

একদিন গেল ব্যাধ সৌভরিনগরে ॥

নগর-ভিতরে গিয়া পশিল সত্ত্বর ।

বিচিত্র-কাননে দেখে রম্য-সরোবর ॥

তথা গিয়া ব্যাধ ক্রমে হৈল উপনীত ।

দেবালয় এক তথা দেখে আচম্বিত ॥

বিচিত্র-গঠন নানাধাতু-বিরচিত ।

উপরেতে কাঞ্চন-কলস সুশোভিত ॥

দেখিয়া হইল ব্যাধ আনন্দিত-মন ।
 মন্দির-নিকটে তবে করিল গমন ॥
 দেখিল ব্রাহ্মণ এক আছয়ে বসিয়া ।
 ভিজ্ঞাসিল, কহ দ্বিজ, আছ কি লাগিয়া ॥
 উত্তর-নামেতে দ্বিজ সর্বগুণাধিত ।
 বেদশাস্ত্রে বিজ্ঞ সাধু, সর্বত্র বিদিত ॥
 নানাবিধ অলঙ্কার স্বর্ণপাত্রাসন ।
 শিলারূপী মূর্তি তথা দেব-জনार्দন ॥
 পূজার সামগ্রী নানাবিধ স্বর্ণপাত্রে ।
 দেখি আনন্দিত ব্যাধ ভাবে নিজচিন্তে ॥
 ভাবিলেক নিশাযোগে এই ব্রাহ্মণেরে ।
 মারিয়া লইয়া যাব দ্রব্য নিজঘরে ॥

এতেক ভাবিয়া মনে নিশ্চয় করিল ।
 মন্দির-সমীপে বনে লুকায়ে রহিল ॥
 দিবা অবসান, নিশা আসিল অচিরে ।
 হাতে খড়্গ আসে ব্যাধ মারিতে মুনীরে ॥
 বকে জামু দিয়া তাঁরে ধরে সেইক্ষণ ।
 খড়্গ উর্দ্ধ করি হানিবারে কৈল মন ॥
 হস্তে খড়্গ দেখি মুনি বলয়ে ব্যাধেরে ।
 'কি-হেতু আমারে তুমি চাহ মারিবারে ॥
 কোন অপরাধ নাহি করি তব স্থানে ।
 নির্বিরোধ আমি, মোরে মার কি-কারণে ॥
 একাকী দেখি যে তোমা, নিম্পৃহ-লক্ষণ ।
 তবে কোন্ হেতু বুদ্ধি দেখি কুলক্ষণ ॥
 অহিংসা পরম ধর্ম, বেদেতে বাখানে ।
 সাধু নাহি হিংসা করে অহিংসক-জনে ॥
 কালেতে কুবুদ্ধি যদি ঘটে কদাচিত্ ।
 তথাপিহ হিত করে, না করে অহিত ॥
 কালরূপী ভগবান্ এক সনাতন ।
 যবুদ্ধি কুবুদ্ধি তিনি করেন সৃজন ॥

সেইহেতু দেখিতেছি তোমা কুলক্ষণ ।
 প্রায় বৃষ্টি, দুইমতি দিল নারায়ণ ॥
 অখিলপতির মায়া অখিলে মোহয় ।
 ঈশ্বরের মায়াজাল কেহ না বুঝয় ॥
 মায়াতে করিয়া বন্ধ যত জীবগণে ।
 কালরূপী জনার্দন ত্রয়েন ছুবনে ॥
 কলত্র বান্ধব পুত্র মিত্র পরিজন ।
 ভৃত্য-আদি ধনজন এ সব কারণ ॥
 ব্যস্ত হ'য়ে করে লোক নানা-পর্যটন ।
 নানা-দুঃখ পেয়ে করে বিস্ত-উপার্জন ॥
 নানা দুঃখ-ভোগ পেয়ে পোষে পরিবারে ।
 মোর ঘর-দ্বার বলি অকারণে মরে ॥
 মরিলে সম্বন্ধ নাহি, না বুঝে পামর ।
 একা হ'য়ে জন্মে জীব, যায় একেশ্বর ॥
 পুত্র-মিত্র-পরিবার না যায় সঙ্গিতে ।
 আপনা না ভাবে জীব ঈশ্বর-মায়াতে ॥
 সাধুসঙ্গ-বিবর্জিত লোকক হইয়া ।
 না জানে ঈশ্বরমায়া তত্ত্ব না বুঝিয়া ॥
 সেই ত কৃষ্ণের মায়া, কি বলিব আর ।
 ব্রহ্মা-ইন্দ্র নাহি বুঝে প্রভাব যাঁহার ॥
 যাঁহার নামের গুণ না যায় বর্ণন ।
 কেবা সে বুঝিবে তত্ত্ব, বিস্তৃত ছুবন ॥
 শঙ্কর যাঁহার মায়া-তত্ত্ব নাহি জানে ।
 মনুষ্য হইয়া কেবা জানিবে কি জানে ॥
 জ্ঞানরূপী ভগবান্ জগৎ-ঈশ্বর ।
 একমাত্র জানে জ্ঞানী জ্ঞানের উপর ॥
 চরণারবিন্দ তাঁর যেই করে সার ।
 আপনাকে দিয়া প্রভু বশ হন তার ॥
 চরণারবিন্দ যেবা চিন্তে নিরন্তর ।
 দুঃসহ-সঙ্কটে তারে রাখেন শ্রীধর ॥

স্মরণে ষাঁহার নাম যত পাপ হরে ।
 পাপী হ'য়ে তত পাপ করিতে না পারে ॥
 বহুক্লেশে করে লোক ধন-উপার্জন ।
 ধন দিয়া রক্ষা করে বন্ধু-পরিজন ॥
 ঈশ্বরের কার্যে কিছু নাহি করে ব্যয় ।
 অধর্মের সঙ্গে অসৎপাত্রিতে মজয় ॥
 পরলোকে কি হইবে চিন্তে নাহি ধরে ।
 ঈশ্বরের নাম-গুণ স্মরণ না করে ॥
 অস্তকালে হয় তার নরকে বসতি ।
 আপনাকে নাহি জানে ঘোর মূঢ়মতি ॥
 দেহমদে মাতি করে কত অহঙ্কার ।
 সাধুজন-নিন্দা করে, দুষ্টি ব্যবহার ॥
 গো-ব্রাহ্মণ-হিংসা করে, হিংসে সাধুজন ।
 অধোগতি হয় তার, নরকে গমন ॥

এইরূপে শাস্ত্রকথা অনেক কহিল ।
 শুনিয়া কলিক মনে বিস্ময় মানিল ॥
 সাধু-পরশন-মাত্রে পাপ দূরে গেল ।
 করষোড় করি তবে উত্থকে কহিল ॥
 অপরাধ কৈলু, ক্ষম মুনি-মহাশয় ।
 তোমার পরশে মম পাপ হৈল ক্ষয় ॥
 নমো নমঃ তব পদে করি নমস্কার ।
 তোমার প্রসাদে তরি এ-ভব-সংসার ॥
 পূর্বজন্মে যত পাপ কৈলু উপার্জন ।
 এই-জন্মে যত পাপ, না হয় গণন ॥
 সব দূরে গেল মোর তোমার পরশে ।
 জন্মিল যে নিত্যানন্দ-ভক্তি হৃদিকেশে ॥
 তুমি হে পরম-গুরু হইলে আমার ।
 তোমার প্রসাদে হইলাম ভবপার ॥

নমো নমো নারায়ণ, অনাদি-কারণ ।
 জয় জগন্নাথ, নমঃ পতিত-পাবন ॥

সাধু-সমাগম-মাত্রে দুর্বুদ্ধি খণ্ডিল ।
 তোমার চরণে দেব, ভক্তি জনমিল ॥
 মোহজ্ঞান দূরে গেল, শুদ্ধ হৈল চিত্ত ।
 তোমার চরণে অর্পিত চিত্তবিত্ত ॥

এইরূপে বহুস্ততি কৈল নারায়ণে ।
 হৃদয়ে ভাবিয়া যুক্তি করিলেক মনে ॥
 এ-দেহ রাখিয়া আর নাহি প্রয়োজন ।
 পুনরপি পাপে পাছে ধায় মম মন ॥
 ত্রিগুণে উদ্ভূত দেহ ক্ষণেকে চঞ্চল ।
 সে- কারণে ছার-দেহ রাখি নাহি ফল ॥
 এতক ভাবিয়া ব্যাধ নিন্দে আপনাকে ।

আমারে রাখিলে ওহে বিধি, কোন্ পাকে ॥
 আমার সমান নাহি পাপী দুরাচার ।
 কেমনে পৃথিবী ভার সহিছে আমার ॥
 আমার যতক পাপ, আছে তত কার ।
 এইক্ষণে আয়ুক্সয় হউক আমার ॥
 অস্তরে ভাবিতে দীপ্ত হইল নয়ন ।
 অতিশীঘ্র দেহত্যাগ কৈল ততক্ষণ ॥

উত্থক উঠিল ব্যস্ত হ'য়ে সেইক্ষণ ।
 বিষ্ণুপাদোদক অঙ্গে করেন সেচন ॥
 বিষ্ণুপাদোদক-স্পর্শে, সাধু-সমাগমে ।
 সর্বপাপ দেহ হৈতে গেল অনুক্রমে ॥
 প্রদক্ষিণ করিয়া উত্থকে করে স্তুতি ।
 দিব্যরথ পাঠাইয়া দেন জগৎপতি ॥
 চতুর্ভূজ দিব্যমূর্তি হৈল সেইক্ষণে ।
 প্রভু-অনুক্রমে গেল বৈকুণ্ঠ-ভুবনে ॥
 দেখিয়া উত্থক হৈল সবিস্ময়-মতি ।
 নানাবিধরূপে কৃষ্ণ করিলেন স্তুতি ॥
 তুষ্ট হ'য়ে নারায়ণ দেন দরশন ।
 বর দিয়া যান কৃষ্ণ আপন-ভুবন ॥

কহিনু তোমাৱে ৰাজা ধৰ্ম্মেৰ কুমাৰ ।
ঈশ্বৰেৰ মায়া বৃক্ষে শক্তি কাহাৰ ॥
মহাভাৱতেৰ কথা অমৃত-লহৰী ।
শুনিলে অৰ্ঘ্য খণ্ডে, পৰলোকে তৰি ॥
কালীৰাম দাস কহে ৰচিয়া পয়াৰ ।
অবহেলে শুনে যেন সকল সংসাৰ ॥

২০। উত্ক-মুনি-কৰ্ণক শ্ৰীকৃষ্ণেৰ স্তৱ ।

শুনিয়া এতেক কথা ধৰ্ম্ম-নৃপমণি ।
পুনৰপি জিহ্বালিল কৰি যোড়পাণি ॥
উত্ক কৰূপে কৃষ্ণে কৰিল স্তৱন ।
কোন্‌ শূৰ্ত্তি ধৰি কৃষ্ণ দিলা দৰশন ॥
কি বৰ দিলেন কৃষ্ণ তুষ্ট হ'য়ে তাঁয় ।
বলহ সকল কথা বিশেষি আমায় ॥
ভাস্ক কন, অবধান কৰহ ৰাজন ।
ধৰাধামে বিখ্যাত উত্ক তপোধন ॥
শিশুকাল হৈতে কৃষ্ণে উপাসনা কৰে ।
বেদশাস্ত্ৰে নিষ্ঠাবান্‌ সৰ্ব্বগুণ ধৰে ॥
পাইল পৰমগতি শ্ৰীকৃষ্ণে দেখিয়া ।
কৰিল গোবিন্দে স্তুতি প্ৰণত হইয়া ॥

জয়-জয় নাৰায়ণ জগৎ-কাৰণ ।
জয় জগন্নাথ প্ৰভু ব্ৰহ্ম-সনাতন ॥
নমঃ কৃষ্ণ-অবতাৰ মন্দৰ-ধাৱক ।
নমো ভৃগুপতি ৰাম ক্ষত্ৰকুলান্তক ॥
নমো ৰাম-অবতাৰ ৰাৱণ নাশন ।
বলিদহৰ নমো নমস্তে বামন ॥
নমো ধৰ্ম্মস্তৱি-কায় অমৃত-ধাৱক ।
নমো যজ্ঞকায় হিৰণ্যাক-বিদাৱক ॥

২১। বৰাহ-পৰীৱ ।

৪৮ ছি

নমস্তে মোহিনীৰূপ অম্বৰমোহন ।
নমস্তে নৃসিংহ মহামৈত্ৰ্য-বিনাশন ॥
নমো ৰামকৃষ্ণৰূপ গোকুল-বিহাৰ ।
নমো নমো নমো জয় বৃদ্ধ-অবতাৰ ॥
ভবিষ্যৎ-অবতাৰ নমঃ কঙ্কিৰূপ ।
নমো হৰি-অবতাৰ, নমো বিশ্বৰূপ ॥
সচ্চিৎ-আনন্দ নমো বিশ্বপৰায়ণ ।
নমো নমো জগৎপতি ব্ৰহ্ম-সনাতন ॥
তুমি ইন্দু, তুমি চন্দ্ৰ, তুমি পশুপতি ।
ত্ৰিজগৎ-নাথ তুমি, ত্ৰিজগৎপতি ॥
তুমি সৃষ্টি-বৰ্ণন-পবন-কলেবৰ ।
কুবেৰ শমন তুমি, জগৎ-ঈশ্বৰ ॥
তোমাৰ মায়ায় বদ্ধ সব চৰাচৰ ।
ত্ৰিগুণ-ঈশ্বৰ তুমি প্ৰকৃতিৰ পৰ ॥
তুমি যক্ষ, তুমি ৰক্ষ-গন্ধৰ্ব্ব-কিঞ্চৰ ।
তুমি জল, তুমি স্থল, তুমি চৰাচৰ ॥
অনন্ত তোমাৰ ৰূপ, গুণ-জাতিহীন ।
গুণেতে বৰ্জিত তুমি, গুণেতে প্ৰবীণ ॥
জ্ঞানেৰ সৰূপ তুমি, তুমি মায়াধৰ ।
নিশ্চায়ী নিশ্চোহ তুমি, মায়াৰ ঈশ্বৰ ॥
তোমা-বিনা নাহি কিছু সংসাৱেতে আৰ ।
আয়ুৰূপে সৰ্ব্বভূতে কৰহ বিহাৰ ॥
অস্তুরীক্ষ নাভি তব, পাতাল চৰণ ।
আকাশ মন্তক তব, অৰুণ লোচন ॥
দশদিক্‌ শ্ৰোত্ৰ তব, শশী বায়েক্ষণ ।
তোমাৰ শৰীৰে ব্যাপ্ত চৰাচৰগণ ॥
শঙ্খ-চক্ৰ-গদা-পদ্ম-শাৰ্ঙ্গ-আদি-ধাৰী ।
নানা-অলঙ্কাৰে তনু ভূষিত মূৰাৰি ॥

পীতবাস পরিধান, রাজীবলোচন ।
 বনমালা-বিভূষিত, গরুড়-বাহন ॥
 ত্রিভঙ্গ-ললিত-রূপ, বেশ মনোহর ।
 নবদূর্বাদল-কাস্তি শ্যাম-কলেবর ॥
 দেখিয়া উত্ক-মুনি হইল ব্যাকুল ।
 আনন্দ-অশ্রুতে ভাসে অঙ্গের দুকূল ॥
 ভূমিষ্ঠ হইয়া পড়িলেন ভূমিতলে ।
 দেখিয়া উত্কে কৃষ্ণ করিলেন কোলে ॥
 আলিঙ্গন দিয়া মিষ্ট কহেন বচন ।
 মনোবাঞ্ছা পূর্ণ তপ হোক তপোধন ॥
 একান্ত ভকতি করি আমারে যে ভজে ।
 অনুক্ষণ থাকি তার হৃদয়ের মাঝে ॥
 মনোমত মাগে যেই, দেই আমি তারে ।
 সে-কারণে শুন দ্বিজ, কহি যে তোমারে ॥
 যেই বর ইচ্ছা তব, মাগ মম স্থানে ।
 অদেয় হইলে তবু দিব এইক্ষণে ॥
 এত শুনি কহে দ্বিজ করি যোড়পাণি ।
 অবধানে নিবেদন শুন চক্রপাণি ॥
 নিকাম-ভকত আমি, বরে নাহি কাজ ।
 যদি বর দিবে, তবে দেহ দেবরাজ ॥
 কৰ্মদোষে জন্ম মোর যথা-তথা হয় ।
 একান্ত ভকতি যেন তব পদে রয় ॥
 কীটজন্ম হয়, কিংবা মনুষ্য-কিন্নরে ।
 গন্ধৰ্ব-চারণ-আদি যত চরাচরে ॥
 পিশাচ পল্লগ যক্ষ রক্ষ পক্ষিগণ ।
 যুগ-পতঙ্গাদি যত বিধির সৃজন ॥
 স্বাবর-জঙ্গম-আদি ভূত-প্রেতগণ ।
 যথা-তথা জন্ম হয় অদৃষ্ট-কারণ ॥
 তোমাতে নিতান্ত-ভক্তি যেন মম রয় ।
 এই বর আঞ্জা মোরে কর রূপাময় ॥

অকারণে কর মোরে মায়াতে মোহিত ।
 নিশ্চোহ করহ মোরে মায়া-বিবজ্জিত ॥
 তোমার মায়াতে বন্ধ সব চরাচর ।
 কেবল বর্জিত-মায়া তোমার কিস্কর ॥
 ঈশ্বরের মায়া-তত্ত্ব কি বুঝিতে পারি ।
 মায়া-বিবজ্জিত-বর দেহ শ্রীশ্রুগরি ॥
 এত বলি সাক্ষাৎপে করিলা প্রণিপাত ।
 দিলেন তাঁহারে ভক্তি-জ্ঞান জগন্নাথ ॥
 পুনরপি উত্কে কহেন শ্রীনিবাস ।
 সর্বত্র মঙ্গল হবে, পূরিবেক আশ ॥
 নর-নারায়ণ-স্থানে করহ গমন ।
 তপোযোগ সাধি কর মম আরাধন ॥
 নর-নারায়ণ-স্থানে লহ উপদেশ ।
 একান্ত আমাতে ভক্তি করহ বিশেষ ॥
 অন্তেতে আমারে তুমি পাইবে নিশ্চয় ।
 এত বলি নিজস্থানে যান রূপাময় ॥
 অতঃপর চলে মুনি করিয়া প্রণাম ।
 নর-নারায়ণ যথা বদরিকাধাম ॥
 তত্ত্ব-উপদেশ ল'য়ে ভজিল শ্রীহরি ।
 অন্তকালে তনু ত্যজি গেল বিষ্ণুপুরী ॥
 কহিলাম তোমারে যে পুরাণ-কথন ।
 ঈশ্বর-নির্ণয়-তত্ত্ব জানে কোন্ জন ॥
 পৃথিবীর রেণু যদি গণিবারে পারি ।
 কলসীতে ভরি সারা সমুদ্রের বারি ॥
 আকাশের তারা পারি যদি ও গণিতে ।
 ঈশ্বরের তত্ত্ব তবু না পারি কহিতে ॥
 করেন করান তিনি আপনি ঈশ্বর ।
 অগ্ন্যব্ধি অন্তে দিয়া হরে দামোদর ॥
 অগ্ন্যব্ধি অগ্ন্যব্ধি সংহারেন হরি ।
 তাঁহার প্রপঞ্চ-মায়া কি বুঝিতে পারি ॥

কে জানে তাঁহার তত্ত্ব এ-তিন-ভুবনে ।
শোক ত্যাগ কর রাজা, কৃষ্ণে স্মর মনে ॥
পত্নী-মাতা-পুত্র-বন্ধু কেহ কারো নয় ।
মরিলে সম্বন্ধ নাহি, শুন মহাশয় ॥
একাকী আসয়ে জীব, একা যায় চ'লে ।
অনার-আমার বলি মরয়ে বিফলে ॥
সে-কারণে কহি, শুন ধর্ম্মের নন্দন ।
কৃষ্ণে চিত্ত রাখি শোক কর নিবারণ ॥
এত বলি গঙ্গাপুত্র নিঃশব্দ হইল ।
ধ্যানযোগে কৃষ্ণে মনে ধরিয়া রাহিল ॥
মহাভারতের কথা অমৃত-সমান ।
কালীরাম দাস কহে, শুনে পুণ্যবান ॥

১৭। ভাষ্য-কঙ্ক ক্রীকৃষ্ণেব স্তব ।

সোঁতি বলে, অবধান কর মুনিগণ ।
এতক শুনিয়া পরীক্ষিতের নন্দন ॥
যোগমার্গ কথা শুনি সানন্দ-হৃদয় ।
পূর্বাপি জিজ্ঞাসিল করিয়া বিনয় ॥
যোগমার্গ-কথা যত ভাঁজমুখে শুনি ।
কোন্ কর্ম্ম করিলেন ধর্ম্ম-নৃপমণি ॥
কিরূপে করেন ভাঁজ সর্গে আরোহণ ।
শুনিবারে ইচ্ছা রুড় করে মম মন ॥
মুনি বলে, অবধান কর নরপতি ।
তদন্তরে গঙ্গাপুত্র ভাঁজ মহামতি ॥
যোগমার্গ-ইতিহাস পুরাণের সার ।
কহিলেন ধর্ম্মরাজে করি সুবিস্তার ॥
পুনশ্চ বলেন, শুন ধর্ম্মের নন্দন ।
রাজা হ'য়ে রাজ্য কর হস্তিনা-ভুবন ॥
মহাযজ্ঞ করি ভজ হরি দয়াময় ।
জ্ঞাতিবধ-পাপ-আদি সব হবে ক্ষয় ॥

মাঘমাসে সীতার্কমী আজি শুভদিনে ।
তাজিব শরীর আমি ভাঁজ নারায়ণে ॥
শুন কৃষ্ণ, তব হস্তে করি সমর্পণ ।
পঞ্চভাই-দ্রৌপদীরে করিবে পালন ॥
ইন্দ্রের ভবনে আশ করিব প্রস্থান ।
এত বলি নিঃশব্দ হইল মতিমান ॥
নিঃশব্দ করিয়া ধ্যানযোগে চিত্তে ধার ।
কবেন কৃষ্ণের স্তব ভাঁজ ভাঁজ করি ॥
নমো নমো নারায়ণ ব্রহ্ম-সনাতন ।
স সারোব হেতু রূপ দেব-নারায়ণ ॥
ভূমি আদি, তুমি নধ্য, তুমি অন্তরূপ ।
সকল ভগবৎ এই তব লোমকূপ ॥
নমো নমোঃ নমস্ত, সে বরাহ-অবতার ।
নমো নবসিংহ ভক্ত-প্রহ্লাদ-নিস্তার ॥
নমঃ কৃষ্ণ অবতার, নমস্তে বাম ।
নমো ভৃগুপতি শক্রবুল-নিবাসন ।
নমো রাম অবতার রাম-শ্যাম ।
নমো রাম-অবতার রেণু-শ্যাম ॥
নমো হরি অবতার গজেন্দ্র মোক্ষণ ।
নমো বুদ্ধ-অবতার ভুবন-পালন ॥
নমস্তে পদ্মভ যোগমার্গ-বিচারণ ।
নমঃ পৃথু-কলেবর পৃথিবী-ধারণ ॥
নমো ধনুস্তরি-কায় অমৃত-ধারণ ।
নমস্তে মোহিনীরূপ অন্তরমোহন ॥
নমঃ কৃষ্ণ-অবতার গোকুল-বিহার ।
নমো-নমঃ সঙ্কর্ষণ দিব্য-অবতার ॥
নমঃ কল্কি-অবতার স্নেহবিনাশন ।
নমো-নমো জয়-জয় আদি নারায়ণ ॥
তুমি ইন্দ্র, তুমি চন্দ্র, তুমি দিবাকর ।
আকাশ-পাতাল তুমি, দীর্ঘ কলেবর ॥

আজ্ঞরূপে চরাচর-জীবে তব স্থিতি ।
 তব তত্ত্ব জানিবারে কাহার শক্তি ॥
 এ-ভব-সাগরে পার কর নারায়ণ ।
 এত স্তুতি করি ভীষ্ম ধ্যানে দিলা মন ॥
 শান্তিপর্ব্ব ভারতের স্রুধা হইতে স্রুধা ।
 কাশী কহে, পান কৈলে নাশে ভব-স্রুধা ॥

২৫। ভীষ্মদেবের বর্ণনাবর্ণন ।

ধ্যানযোগে সম্মুখে দেখেন নারায়ণ ।
 নবজলধর-তনু অরুণ-লোচন ॥
 পীতবাস-পরিধান, বনমালাধারী ।
 নানাবিধ-অলঙ্কারে ভূষিত মুরারি ॥
 চারু চতুর্ভুজ-রূপ মোহন-মুরতি ।
 দেখি ভীষ্ম মনে-মনে করিলেন স্তুতি ॥
 সাক্ষাতে পদারবিন্দ দেখিয়া নয়নে ।
 শরীর ত্যজেন ভীষ্ম, দেখে দেবগণে ॥

জয়-জয় শব্দ হৈল ইন্দ্রের নগরে ।
 পুষ্পবৃষ্টি কৈল দেবে ভীষ্মের উপরে ॥
 দিব্যরথ পাঠাইয়া দিলা সুরপতি ।
 পবনের গতি রথ, মাতলি সারথি ॥
 রথেতে তুলিয়া স্বর্গে করিল গমন ।
 বজ্রগণ-সহ গিয়া হইল মিলন ॥
 চিরদিনে বজ্রসনে হৈল দরশন ।
 এতদিনে ঋষিশাপ হইল মোচন ॥

মুনি বলে, অবধান কর জন্মেজয় ।
 স্বর্গেতে চলিল ভীষ্ম গঙ্গার তনয় ॥
 মাঘমাস শুক্লাষ্টমী তিথি শুভদিনে ।
 ত্যজিলেন তনু ভীষ্ম চিস্তি নারায়ণে ॥
 শরীর ছাড়িলা ভীষ্ম দেখি যুধিষ্ঠির ।
 রোদন করেন ভ্রূমে লোটায়ে শরীর ॥

ভীষ্মজ্ঞান-সহ কান্দে মাত্রীর নন্দন ।
 অনিরুদ্ধ-প্রহুসাদি যত বজ্রগণ ॥
 দ্বিজ-কুন্ত-আদি যত নগরের প্রজা ।
 রণ-অবশেষে আর ছিল যত রাজা ॥
 ভীষ্মের মরণে সবে অনেক কান্দিল ।
 প্রলয়ের কালে যেন সিন্ধু উথলিল ॥
 জন্মনের শব্দ-বিনা কিছু নাহি শুনি ।
 যত নারীগণ কান্দে দ্রুপদনন্দিনী ॥
 যুধিষ্ঠির-আদি পঞ্চ পাণ্ডুর কুমার ।
 ভীষ্মের উদ্দেশে কান্দে করি হাহাকার ॥
 কোথা গেলে পিতামহ, ছাড়িয়া আমারে ।
 তোমার বিচ্ছেদে আত্মা ধরি কি-প্রকারে ॥
 দুর্ব্বোধন বহুপাপ কৈল অকারণ ।
 তাহার কারণে হৈল তোমার নিধন ॥
 আপনি মরিল দুহু, জ্ঞাতি বিনাশিল ।
 শোকসিন্ধু-মধ্যে আমা-সবে ডুবাইল ॥

এত বলি কান্দে পঞ্চ পাণ্ডুর কুমার ।
 আসিলেন তথা ব্যাস জানি সমাচার ॥
 ব্যাসে দেখি সসম্মানে উঠি পঞ্চজন ।
 সম্মানে করেন তাঁর চরণ-বন্দন ॥
 ধূলায় ধূসর-তনু, নেত্রে ঝরে বারি ।
 সাস্তুনা করেন ব্যাস সবারে নিবারি ॥
 নিষ্ফল তোমরা সবে করহ জন্মন ।
 কত বুঝালেন ভীষ্ম গঙ্গার নন্দন ॥
 যোগমার্গ-ইতিহাস পুরাণের সার ।
 তবু ভ্রম না ঘুচিল তোমা-সবাকার ॥
 ভ্রম দূর কর রাজা, তত্ত্বে দেহ মন ।
 অকারণে কর শোক ভীষ্মের কারণ ॥
 পুণ্য-আত্মা ভীষ্মবীর বহু-অবতার ।
 শাপে ভ্রষ্ট হ'য়ে কুরুবংশে জন্ম তাঁর ॥

শাপে মুক্ত হ'য়ে ভীষ্ম গেলেন স্বস্থানে ।
 ঠার হেতু শোক রাজা-কর অকারণে ॥
 দুর্ধাধন-আদি যত কৌরব আছিল ।
 ব্রহ্মার আশ্রায় কুরুবংশে জনমিল ॥
 ব্রহ্মার মানস পূর্ণ, পৃথিবীর হিতে ।
 হত হৈল যত ক্ষত্র ভারত-যুদ্ধোত্তে ॥
 ব্রহ্মার কথায় কৃষ্ণ হ'য়ে অবতার ।
 পৃথিবীর ভার সব করিলা সংহার ॥
 কিছুমাত্র অবশেষ আছে বিষ্ণু-অংশ ।
 অল্পদিনে কৃষ্ণ তাহা করিবেন ধ্বংস ॥
 ততদিন রাজ্যভোগ কর নৃপমণি ।
 শোক ত্যাগ কর রাজা, শুন মম বাণী ॥
 যদি বা সংশয়চিত্ত আছেয়ে তোমার ।
 উপদেশ কহি রাজা, শুন সরোজ্জার ॥
 অগ্নিতে দাহন কর গঙ্গার নন্দনে ।
 অদাহন ভূমি তুমি দেখ যেইখানে ॥
 আপোড়া পৃথিবী তুমি কোথাও না পাবে ।
 আমার বচন সত্য, নিশ্চিত জানিবে ॥
 কত-শত রাজা জনমিল এ-সংসারে ।
 কেহ নাহি, সবে গেল শমন-আগারে ॥
 চতুর্দশ-ভুবনের মধ্যে এ-ধরায় ।
 আপোড়া কোথাও নাহি, কহিনু তোমায় ॥

এত বলি নিজস্থানে বান ব্যাসমুনি ।
 বিস্ময় মানেন রাজা ব্যাসবাক্য শুনি ॥
 অর্জুনে আদেশ তবে করেন রাজন্ ।
 শীত্র কপিধ্বজে তুমি কর আরোহণ ॥
 পৃথিবী বুঝিতে চাহি ব্যাসের বচনে ।
 ভ্রমিয়া দেখহ সব এ-চৌদ্দ-ভুবনে ॥
 অদাহন-ভূমি দেখ আছে যেইখানে ।
 তথা ল'য়ে দাহ কর গঙ্গার নন্দনে ॥

জানিয়া আইস ভাই, অতি-শীঘ্রতর ।
 এত শুনি ধনঞ্জয় চলিল সত্বর ॥
 কপিধ্বজ-রথে আরোহিয়া সেইকণে ।
 আগে উপনীত হৈল ইন্দ্রের ভুবনে ॥
 কোনখানে অর্গেতে নাহিক অদাহন ।
 একে-একে বিচারেন ইন্দ্রের নন্দন ॥
 সপ্তসর্গে পুনরাপি করেন ভ্রমণ ।
 পাতালে গেলেন তবে ইন্দ্রের নন্দন ॥
 সপ্ত-পাতালেতে সব দেখেন বিচারি ।
 পাতালে অদম্বা-ভূমি কোথাও না হেরি ॥
 অনন্তর মন্ত্যে আসিলেন ধনঞ্জয় ।
 সপ্তদ্বীপ বিচারিয়া করেন নির্ণয় ॥
 অদাহন-ভূমি নাহি দেখি কোনখানে ।
 সর্ববিস্ময় হ'য়ে আসি কহেন রাজনে ॥

শুনিয়া ধর্ম্মের পুত্র মানেন বিস্ময় ।
 ব্যাসের বচনে পূর্বভ্রম দূর হয় ॥
 শোক ত্যাগ করি রাজা কার্য্যে দেন মন ।
 ভীমার্জ্জুনে আশ্রা তবে করেন রাজন্ ॥
 চন্দ্রনাদি নানা-কান্ঠ আনহ সত্বর ।
 একলক্ষ দ্ব্যতকুস্ত সস্তার বিস্তর ॥
 কুরুক্ষেত্র-মধ্যে শীত্র করহ সঞ্চয় ।
 চতুর্দোলে করি আন গঙ্গার তনয় ॥
 আশ্রামাত্রে ধনঞ্জয় মার্দ্রার কোণ্ডর ।
 অগ্নিসংস্কারের দ্রব্য আনেন সত্বর ॥
 শত-শত দ্ব্যতকুস্ত, কান্ঠ রাশি-রাশি ।
 আনিল ক্ষত্রিয়গণ পৃথিবী-নিবাসী ॥
 চতুর্দোলে তুলি নিল ভীষ্মের শরীর ।
 বিধিমতে অগ্নি দেন রাজা যুধিষ্ঠির ॥
 ভীষ্মের শরীর দহি ভাই পঞ্চজন ।
 গঙ্গান্নান করি তথা করেন তর্পণ ॥

শ্রদ্ধা-শাস্তি করিলেন ক্ষত্রিয়-বিধানে ।
 নানা-রত্ন-অলঙ্কার দিলেন ব্রাহ্মণে ॥
 অন্নদান ভূমিদান অনেক করিল ।
 লিখনে না যায়, যত দরিদ্রে তুষিল ॥
 অতুল দক্ষিণা দিয়া তুষিল ব্রাহ্মণে ।
 শোকচিন্তে রহে রাজা হস্তিনা-ভুবনে ॥

ভীষ্মের ভাবনা-বিনা অস্ত্র নাহি মনে ।
 অন্ন-জল নাহি রুচে দুঃখিত রাজ্যে ॥
 মুনি বলে, জন্মেজয়, কর অধান ।
 এত দূরে শাস্তিপর্ব্ব হৈল সমাধান ॥
 শাস্তিপর্ব্ব ভারতের অতের ধান ।
 কাশী কহে, শুন তরে ভব পারাবার ॥

শাস্তিপর্ব্ব সমাপ্ত ।

কাশীরামদাস-মহাভারত

অশ্বমেধপৰ

নারায়ণং নমস্কৃত্য নতশ্চৈব নরোত্তমম্ ।
দেবীং সরস্বতীং ব্যাসং ভক্তো জয়মুদীরয়েৎ ॥

১। যুধিষ্ঠিরের উদ্বেগ ও ব্যাসদেবের
উপদেশ-প্রদান ।

জিজ্ঞাসেন জন্মেজয়, কহ তপোধন ।
ক'কি ক'ষ্ম করিলেন পিতামহগণ ॥
মুনি বলে, শুন তবে শ্রীজনমেজয় ।
বাজ্যে রাজা হইলেন ধর্ম্মের তনয় ॥
বহু উপরোধে রাজ্য ল'য়ে যুধিষ্ঠির ।
প্রজাব পালন করে ধার্ম্মিক সুধীর ॥
যামের পালনে যথা অযোধ্যার প্রজা ।
সেইমত প্রজার পালক মহাতেজা ॥
নিধন নাহিক কেহ, বলে প্রজাগণ ।
ধর্ম্মবন্ত রাজা বটে, বলে সর্বজন ॥
রাজ্যভোগ যুধিষ্ঠির না চাহেন মনে ।
সদাই থাকেন ধর্ম্ম বিরস-বদনে ॥
ভীষ্মার্জুন সহদেব নকুল সুমতি ।
লইয়া করেন যুক্তি ধর্ম্ম-নরপতি ॥

শুন ভ্রাতৃগণ, সবে আমার বচন ।
স্থির নহে চিত্ত নম্ব কিসের কারণ ॥
রাজ্যধন দেখি মোর মনে নাহি প্রীতি ।
সত্তত চঞ্চল চিত্ত, সদা হয় ভাঁতি ॥
কি বন্ধি করিব আমি, জিজ্ঞাসিব কায় ।
সর্বদা ব্যাকুল মন, না দেখি উপায় ॥
না হেরি নয়নে মোর কৃষ্ণ-কালাচাঁদে ।
চঞ্চল চকোর-চিত্ত, প্রাণ সদা কাঁদে ॥
দ্বারকা-নগরে তিন গেলেম সম্প্রতি ।
কে আর করিব দয়া পাণ্ডবের প্রতি ॥
অতএব উঠে চিন্তে অনেক জঞ্জাল ।
সর্বশূন্য দেখি আমি না হেরি গোপাল ॥
অর্জুন বলেন, চিন্তা না কর রাজন্ ।
আসিবেন কৃষ্ণ ভূমি করিলে স্মরণ ॥
স্থির হৈলা যুধিষ্ঠির তাঁর সেই বোলে ।
মহামুনি ব্যাসদেব আসে হেনকালে ॥

ব্যাসে দেখি উঠিলেন ধর্মের নন্দন ।
 ভূমিষ্ঠ হইয়া তাঁর বন্দন চরণ ॥
 আশীর্বাদ কৈলা মুনি রাজা যুধিষ্ঠিরে ।
 জানিয়া সকল তত্ত্ব জিজ্ঞাসেন তাঁরে ॥
 কহ রাজা, কি-কারণে বিরস-বদন ।
 তোমারে দেখিয়া মম বিচলিত মন ॥
 অকোঁরবা পৃথিবী করিলে বাহুবলে ।
 তোমা-হেন রাজা নাহি এ-মহীমণ্ডলে ॥
 অনুজ অর্জুন তব ভীম মহাবলী ।
 আর তাহে সহায় আপনি বনমালী ॥
 বিষাদিত দেখি তোমা দুঃখী মোর মন ।
 কহ দেখি, মনস্তাপ কিসের কারণ ॥

এত যদি कहিলেন ব্যাস তপোধন ।
 সবিনয়ে কহে তবে ধর্মের নন্দন ॥
 শুন মুনি, না করিহ আমার প্রশংসা ।
 বড়ই নিন্দিত আমি, বড় হীনদশা ॥
 অপকর্ম করিয়াছি রাজ্যের কারণে ।
 আমার সমান পাপী নাহি ত্রিভুবনে ॥
 লোভের কারণে ধর্মপথ পরিহরি ।
 করিনু অন্ধ্যায় যত, কহিতে না পারি ॥
 পিতামহ ভীষ্মদেবে করিনু সংহার ।
 আমার সমান পাপী কেবা আছে আর ॥
 শিক্ষাগুরু দ্রোণাচার্য্য হয়েন ব্রাহ্মণ ।
 বিনাশ করিনু তাঁরে, শুন তপোধন ॥
 সহোদর কর্ণবীরে অর্পিনু শমনে ।
 বধিলাম শতভ্রাতৃসহ দুর্ব্যোধনে ॥
 আর যত সুহৃদ-বান্ধবগণ ছিল ।
 রাজ্যলোভে আমা হৈতে যমালয়ে গেল ॥
 দ্রৌপদীর পঞ্চপুত্র, হুভদ্রা-নন্দন ।
 রাক্ষসহেতু বিনাশিনু, শুন তপোধন ॥

এমত নিন্দিত-কর্ম কেহ নাহি করে ।
 কি বলিয়া মহামুনি, প্রশংস আমারে ॥
 ব্যাস বলিলেন, শুন ধর্মের নন্দন ।
 শুনলাম আমি যত তোমার কথন ॥
 জ্ঞাতি গুরু ভ্রাতা বন্ধু মারিয়াছ তুমি ।
 কিন্তু ক্ষত্রিয়ের ধর্ম শুন নৃপমণি ॥
 ব্রাহ্মণ ক্ষত্রিয় বৈশ্য আর শূদ্রজাতি ।
 এ-সব ব্রহ্মার দেহে হইল উৎপত্তি ॥
 যথাযোগ্য ধর্মে নিয়োজিল চারি জনে ।
 সংগ্রাম ক্ষত্রিয়ধর্ম, লিখিত পুরাণে ॥
 তুমি বল, মন্দকর্ম করিলাম আমি ।
 কিন্তু ইহা স্মরণেও মুক্ত হয় প্রাণী ॥

যুধিষ্ঠির কহে পুনঃ, ওহে মতিমান্ ।
 সত্য ক্ষত্রধর্ম এই, कहিলে প্রমাণ ॥
 জ্ঞাতিবধ-পাপে মম কান্দিতেছে প্রাণ ।
 কি করিব, কহ মুনি, ইহার বিধান ॥
 কি-কর্ম করিলে পাপ যাইবেক দূরে ।
 অনুকূল হ'য়ে মুনি, कहিবে আমারে ॥
 কোন্ মন্ত্র জপিব, করিব কোন্ ধ্যান ।
 কোন্ যজ্ঞ করি, কহ মুনি মতিমান্ ॥
 কিসে পাপক্ষয় হবে, কহ মহামুনি ।
 ক্ষত্রধর্ম পালি পাপ করিয়াছি আমি ॥
 দ্রোণ জিজ্ঞাসিল করি আমাকে বিশ্বাস ।
 শুন মুনি, তাঁরে আমি कहি মিথ্যাভাষ ॥
 কিমতে এ-সব পাপে পাব পরিত্রাণ ।
 এ নহে ক্ষত্রিয়-ধর্ম, শুন মতিমান্ ॥

ব্যাস বলিলেন, রাজা, দুঃখ ভাব কেনে ।
 ক্ষত্রিয়-প্রধান-ধর্ম বিদিত পুরাণে ॥
 যুধিষ্ঠির বলিলেন, শুন মহাশয় ।
 পুণ্যকর্ম-ব্যতিরেকে নহে পাপক্ষয় ॥

জ্ঞাতিবধে পাপভয় মম নিরন্তর ।
 ক্রি উপায় করি বল ওহে মুনিবর ॥
 তবে ব্যাস কহিলেন, শুনহ রাজন্ ।
 অশ্বমেধ-যজ্ঞ কর ধর্মের নন্দন ॥
 অশ্বমেধ-যজ্ঞে হয় পাপের বিনাশ ।
 মন দিয়া শুন রাজা, কহি ইতিহাস ॥
 মহাবীর ছিল জমদগ্নির কুমার ।
 নিকট করিল ক্ষিতি তিন-সপ্তবার ॥
 পিতার আজ্ঞায় তেঁহ বধিলা জননী ।
 বনপর্বে সেই-কথা শুনিয়াছ তুমি ॥
 অশ্বমেধ-যজ্ঞে তাঁর পাপ গেল দূরে ।
 এ-সব শাস্ত্রের কথা কহি যে তোমারে ॥
 ত্রেতাযুগে প্রভু হইলেন অবতার ।
 আপনি শ্রীরাম দশরথের কুমার ॥
 পালিতে পিতার সত্য চলিলেন বনে ।
 বনে ভ্রমিলেন সীতা-লক্ষণের সনে ॥
 আদি-অন্ত রামায়ণ শুনিয়াছ তুমি ।
 অশ্বমেধ করিলেন শ্রীরাম আপনি ॥
 আর অশ্বমেধ কৈলা দেব-পুরুষদর ।
 ব্রহ্মবধ-পাপে মুক্ত তাঁর কলেবর ॥
 তুমিও করহ রাজা, অশ্বমেধ-ক্রতু ।
 জ্ঞাতি-বধ-মহাপাপ এড়াবার হেতু ॥
 এত যদি কহিলেন ব্যাস তপোধন ।
 ঘোড়হস্তে বলিছেন ধর্মের নন্দন ॥
 অশ্বমেধে পাপ দূর, কহিলা আপনি ।
 যজ্ঞ কৈল যতজন, শুনিলাম আমি ॥
 তাঁ-সবার সম নহে আমার ক্ষমতা ।
 শুন মহামুনি, ইহা না হয় সর্বথা ॥
 নির্ধন-পুরুষ আমি, নাহি এত ধন ।
 কিমতে হইবে মুনি, যজ্ঞ-সমাপন ॥

দুর্যোধন-বিবাহেতে হৈল অর্থকর ।
 কিমতে হইবে যজ্ঞ মুনি-মহাশয় ॥
 অশ্বমেধ হবে, হেন না দেখি উপায় ।
 বিবরিয়া মহামুনি, কহিবা আমার ॥
 ফলহীন বৃক্ষ যথা ত্যজে পক্ষিগণ ।
 অর্থহীন পুরুষেরে ছাড়ে সর্বজন ॥
 নির্ধন হইলে তারে কেহ না আদরে ।
 কিমতে হইবে যজ্ঞ, কহ না আমারে ॥
 ধনহীন পুরুষের ধন্য নাহি হয় ।
 ধন হৈতে ধন্য হয়, মুনিগণ কয় ॥
 হেন ধন নাহি মম, কিসে হবে যজ্ঞ ।
 কিমতে তরিব পাপে, কহ মহাবিজ্ঞ ॥
 ব্যাস বলে, শুন রাজা ধর্মের নন্দন ।
 ক্রিয়া-কর্মে লিপ্ত হৈলে ধনে প্রয়োজন ॥
 ধন হৈতে ধন্য হয়, ইথে নাহি আন ।
 শুন রাজা, কহি আমি ধনের সন্ধান ॥
 মরুস্ত-নামেতে এক ছিল নরবর ।
 তাঁর যজ্ঞকথা কহি তোমার গোচর ॥
 অশ্বমেধ-যজ্ঞ কৈল মরুস্ত-নৃপতি ।
 অত্যাপি তাঁহার যশ বোঝে বহুমতী ॥
 বিংশতি-সহস্র বিপ্রে যজ্ঞেতে বরিল ।
 স্ত্রবর্ণ-আসনে সব দ্বিজে বসাইল ॥
 স্নগ্নবাটি স্নগ্নখাল স্নগ্নময় ঝারি ।
 কাকন-নির্ম্মিত পাখে দেন অন্ন-বারি ॥
 হেনমতে মরুস্ত ব্রাহ্মণে সেবা করে ।
 প্রত্যহ নৃতন-পাত্র দেন দ্বিজবরে ॥
 হেনমতে যজ্ঞ কৈল শতেক-বৎসর ।
 মরুস্ত-সমান ধনী নাহি নৃপবর ॥
 বহুধন লইতে না পারি দ্বিজগণ ।
 হিমালয়-পার্বত্যে রাখে সর্বধন ॥

তথা হৈতে সেই ধন আনহ সত্ত্বর ।

অশ্বমেধ হইবেক, শুন নরবর ॥

ব্যাসের বচন শুনি ধর্ম্মের নন্দন ।

যোড়হাত করি করে এই নিবেদন ॥

শুন মহাশয়, আমি যজ্ঞ না করিব ।

সে-ধন ব্রহ্মস্প, আমি কেমনে আনিব ॥

পাপ বিনাশিতে চাহি যজ্ঞ করিবারে ।

আনিতে বিপ্রেস ধন বল কি-প্রকারে ॥

শুন মহামুনি, মম যজ্ঞে নাহি কাজ ।

শুনিলে হাসিবে যত নৃপতি-সমাজ ॥

ব্রহ্মস্পেতে বংশনাশ, নাহি পরিভ্রাণ ।

কিমতে সে-ধনে করি যজ্ঞ-অনুষ্ঠান ॥

যজ্ঞে কাজ নাই মম, নিবেদি তোমারে ।

বরং না তরিব আমি পাপ-পারাবারে ॥

হাসিয়া বলেন ব্যাস, শুনহ রাজন্ ।

দোষ নাহি নৃপতি, আনিতে সেই-ধন ॥

সে-ধন ব্রাহ্মণগণ করিলেন ত্যাগ ।

ইথে দোষ না পরশে, শুন মহাভাগ ॥

ভয় না করিহ তুমি ধর্ম্মের তনয় ।

অগ্নি জল পৃথিবী ও ধন কারো নয় ॥

শত-শত রাজা পূর্ব্বে পৃথিবীতে ছিল ।

তদন্তরে কত-শত আরো রাজা হৈল ॥

বাহুবলে পৃথিবীকে করিল পালন ।

নানা-যজ্ঞ করিলেক পেয়ে নানা-ধন ॥

সেই ধন জল অগ্নি হ্রাস নাহি হয় ।

ইথে কেন ভয় কর, ধর্ম্মের তনয় ॥

পূর্ব্বেতে দেবতাপুর ছিল দুই-ভাই ।

এ-ধন ধরণী যত অনুরেতে পাই ॥

তবে দেব অহরে মারিল বাহুবলে ।

এই ধন নিতে আজ্ঞা কৈল কুতূহলে ॥

এই-ধনে যজ্ঞ-দান করে বহুতর ।

তবে সূর্য্যবংশে হৈল এক নরবর ॥

সাবর্ণি-নামেতে হৈল সূর্য্যের নন্দন ।

পৃথিবী পাইল রাজা তপের কারণ ॥

বশ করি বহুমতী পালিলেক প্রজা ।

হেনমতে সূর্য্যবংশে হৈল কত রাজা ॥

তাঁসবার দান-যজ্ঞ বিদিত সংসারে ।

এ-সব তপের তেজ, জানাই তোমারে ॥

মহারাজ হরিশ্চন্দ্র খ্যাত ত্রিভুবনে ।

সমগ্র পৃথিবী দান দিলেন ব্রাহ্মণে ॥

ব্রহ্মস্প হইল তবে এই বহুমতী ।

তবে কেন হৈল ইথে ক্ষত্র নরপতি ॥

ব্রহ্মস্প বলিয়া তার ভয় নাহি ছিল ।

ইহার কারণে কেঁবা রাজ্য না করিল ॥

তবে বিরোচন-হৃত বলি হৈল রাজা ।

ব্রাহ্মণেরে সপ্তদ্বীপ দিয়া কৈল পূজা ॥

আপনি পাতালে গেল না পাইয়া স্থান ।

দুর্ঘ্ট দেখি তারে বিড়ম্বিলা ভগবান্ ॥

তবে জমদগ্নিহৃত ভৃগুবংশপতি ।

শুনেছ তাঁহার কথা ধর্ম্ম-নরপতি ॥

পৃথিবী জিনিয়া তিনি আনন্দিত-মনে ।

দিলেন পৃথিবী-দান মরীচি-নন্দনে ॥

কশ্যপ পাইল তবে সব বহুমতী ।

আপন-নন্দনে দিল করিয়া পীরিতি ॥

ধনা ধরা অগ্নি জল ইহা কারো নয় ।

শুন রাজা যুধিষ্ঠির, শাস্ত্রে হেন কয় ॥

পৃথিবী পালিয়া তার হয় নানাধন ।

ভয় না করিহ তুমি ধর্ম্মের নন্দন ॥

সে-ধন আনিয়া রাজা, যজ্ঞ কর স্মৃথে ।

ইথে দোষ নাহি, আমি কহিহু তোমাকে ॥

আনন্দ পাইল রাজা ব্যাসের বচনে ।

পুনরপি জিজ্ঞাসেন আনন্দিত-মনে ॥

হটল ধনের তত্ত্ব, শুন মহামুনি ।

যজ্ঞহেতু হয়বর কোথা পাব শুনি ॥

মুনি কন, আছে অশ্ব যুবনাশ্বপুরে ।

আনিতে করহ যত্ন সেই অশ্ববরে ॥

যজ্ঞহেতু অশ্ব পালিতেছে নরপতি ।

শতকোটি সেনা আছে তাহার সংহতি ॥

যতনে পালয়ে অশ্ব, যজ্ঞ নাহি করে ।

সেই অশ্ব আন রাজা, জানাই তোমারে ॥

পরজিয়া যুবনাশ্বে হয় আন তুমি ।

তবে যজ্ঞ সিদ্ধ হবে, কহিলাম আমি ॥

যুধিষ্ঠির বলে, মুনি, কর অবধান ।

অশ্বহেতু নৃপ-সহ হইবে সংগ্রাম ॥

কে আর করিবে যুদ্ধ নৃপতির সাথে ।

মহারাজ যুবনাশ্ব খ্যাত পৃথিবীতে ॥

ব্যাস বলিলেন, রাজা, চিন্তা কর কেনে ।

অশ্ব আনিবারে আজ্ঞা কর ভীমসেনে ॥

ভীম আনিবেক হয় করিয়া শক্তি ।

আপনি ভীমেরে আজ্ঞা দেহ নরপতি ॥

বক হিড়িম্বক আর কিস্কিন্দীর দুর্ব্বার ।

কৈলাস মন্দিরা কৈল যজ্ঞের সংহার ॥

কাঁচকে মারিল ভীম বিরাট-নগরে ।

শতভাই-দুর্য্যোধনে বধিল সমরে ॥

ভীম হৈতে সিদ্ধ হবে তব প্রয়োজন ।

ভীম আনিবেক অশ্ব করিয়া যতন ॥

আমি জানি ভীমের অসাধ্য নহে কৰ্ম্ম ।

অশ্বহেতু চিন্তা তুমি না করিহ ধৰ্ম্ম ॥

যুধিষ্ঠির বলিলেন, কর অবধান ।

বড় ক্লান্ত আছে ভীম করিয়া সংগ্রাম ॥

জর্জর ভীমের অঙ্গ কোঁরবের বাণে ।

তুরঙ্গ আনিতে তারে কহিব কেমনে ॥

বৃষকেতু মেঘবৰ্ণ ছুই ত বালক ।

বিশেষ বাপের শোক দাঁহিছে পাবক ॥

কিমতে বলিব তারে তুরঙ্গ আনিতে ।

শুন মহামুনি, বড় ভয় পাই চিতে ॥

এত যদি বলিলেন ধৰ্ম্ম-নৃপবর ।

তাহা শুনি আনন্দিত বীর-রুকোদর ॥

ভীম বলে, মহারাজ, করহ শ্রবণ ।

তুরঙ্গ আনিতে কহিলেন তপোধন ॥

আনিব তুরঙ্গ আমি, এ নহে আশ্চর্য্য ।

পরাজিব যুবনাশ্বে, কত বড় কার্য্য ॥

ধন আনিবারে তুমি পাঠাও অৰ্জ্জুনে ।

আগি আনি অশ্ববরে জিনিয়া রাজনে ॥

একেশ্বর যাব আমি ভদ্রাবর্তাপুরে ।

আনিব যজ্ঞের অশ্ব জিনিয়া রাজারে ॥

সবাক্ষবে রাজারে পাঠাব যমঘরে ।

অবশ্য আনিব অশ্ব,কারে ভীম ডরে ॥

ইহা ভিন্ন নাহি আর আমার বিশ্রাম ।

শতক বৎসর পারি করিতে সংগ্রাম ॥

কহিলেন যুধিষ্ঠির ভীমের বচনে ।

একাকী দুর্গমে তুমি যাইবে কেমনে ॥

বৃষকেতু-মুখপানে চান যুধিষ্ঠির ।

রাজার ইঙ্গিতে তার পুলক-শরীর ॥

ঘোড়হাতে কহে বীর ধর্ম্মের গোচরে ।

ভীমসঙ্গে যাব আমি, আজ্ঞা দেহ মোরে ॥

যুধিষ্ঠির বলিলেন, শুন প্রিয়বর ।

আছিল তোমার পিতা মহাধনুর্ধর ॥

অৰ্জ্জুন বধিল তারে করিয়া বিক্রম ।

তার বধে পাইয়াছি আমি মনোজ্ঞম ॥

পরিচয় নাহি ছিল কর্ণের সংহতি ।
 সবাই বলিত তারে রাধার সন্ততি ॥
 সূতপুত্র বলি তারে বলে সর্ব্বজনে ।
 না চিনিয়া সহোদরে বধিলাম রণে ॥
 বিনাশিল কর্ণবীরে অৰ্জ্জুন দুৰ্জ্জয় ।
 চাহিতে তোমার পানে মনে লজ্জা হয় ॥
 বৃষকেতু বলে, শুন পাণ্ডব-ঈশ্বর ।
 ক্ষত্রিয়-প্রধান-ধর্ম্ম করিতে সমর ॥
 তাহে যুত্ব হৈলে হয় স্বর্গেতে বসতি ।
 বিষাদ নাহিক তাহে, শুন নরপতি ॥
 বিপক্ষ হইল পিতা ত্যজি সহোদর ।
 কৌরব-সহিত কৈল মন্ত্রণা বিস্তর ॥
 দ্রৌপদীরে উপহাসি হিংসিল তোমারে ।
 সেই-পাপে পিতা মম গেল যমঘরে ॥
 তার লাগি-অনুতাপ কর কিসের-কারণে ।
 সে-সকল কথা মম কিছু নাহি মনে ॥
 আজ্ঞা দেহ যাই আমি খুড়ার সংহতি ।
 আনিব যজ্ঞের অশ্ব, শুন নরপতি ॥
 বৃষকেতু-বাক্যে যুধিষ্ঠির হরষিত ।
 আজ্ঞা দেন ভীমসঙ্গে যাইতে ত্বরিত ॥
 বৃষকেতু-কথা শুনি ভীম হরষিত ।
 আলিঙ্গন দিল তারে হ'য়ে মনে প্রীতি ॥
 তবে ষটোৎকচ-সুত মেঘবর্ণ-নাম ।
 যুধিষ্ঠির-আগে কহে করিয়া প্রণাম ॥
 যদি আজ্ঞা দেহ মোরে ধর্ম্ম-নরপতি ।
 পিতামহ-সঙ্গে যাব পুরী ভদ্রাবতী ॥
 আনিব তুরঙ্গ আমি, শুনহ রাজন্ ।
 অন্তরীক্ষে গতি মম ধর্ম্মের নন্দন ॥
 বুঝিতে আমার মায়া অমর না পারে ।
 আনিব তুরঙ্গ আমি হস্তিনা-নগরে ॥

বৃষকেতু-পিতামহে করিবে সমর ।
 তুরঙ্গ আনিব আমি, শুন নৃপবর ॥
 এত যদি মেঘবর্ণ বলিল বচন ।
 অনুমতি করিলেন ধর্ম্মের নন্দন ॥
 যাহ বৎস, তুরঙ্গ আনিব বাহুবলে ।
 মম আশীর্ব্বাদে অশ্ব আনিবে কুশলে ॥
 তিনজন মিলিয়া করিলে মহারণ ।
 তবে সে জিনিবে তারে, শুনহ নন্দন ॥
 পাইয়া রাজার আজ্ঞা চলে তিনজন ।
 প্রণমিয়া ধর্ম্মপদে করিল গমন ॥
 সাজিলেন তিনবীর তুরঙ্গ আনিতে ।
 ব্যাস কহিলেন কথা রাজার সাক্ষাতে ॥
 অৰ্জ্জুনে পাঠাও রাজা, আনিবারে ধন ।
 তবে সে কহিব আমি যজ্ঞ-বিবরণ ॥
 মুনিবাক্যে ধনঞ্জয়ে কন নরপতি ।
 কিরীটী চাপিয়া রথে যান শীঘ্রগতি ॥
 হিমালয়-পার্শ্বে যান পাণ্ডুর নন্দন ।
 রথে তুলি আনিলেন, ছিল যতধন ॥
 ধন দেখি যুধিষ্ঠির সানন্দ-অন্তর ।
 জিজ্ঞাসা করেন পুনঃ মুনির গোচর ॥
 যজ্ঞ-বিবরণ তবে কহ মহামুনি ।
 আয়োজন কত চাহি, কহ দেখি শুনি ॥
 কতেক ব্রাহ্মণ যজ্ঞে করিব বরণ ।
 সে-সকল কথা শীঘ্র কহ তপোধন ॥
 গব্য-হব্য কত চাহি, কহ মহামুনি ।
 অশ্বের কিমত রূপ কহ দেখি শুনি ॥
 আদি-অন্ত যজ্ঞ-কথা জানাও আমারে ।
 স্থির নহে চিত্ত মম, কহিনু তোমারে ॥
 ব্যাস বলিলেন, শুন ধর্ম্মের নন্দন ।
 অশ্বমেধ-যজ্ঞ কৈলে স্থির হবে মন ॥

যজ্ঞ-বিবরণ-কথা কহি যে তোমায়ে ।
 আশ্রোপাস্ত অন্ন-জল দিবে সবাকারে ॥
 বিংশতি-সহস্র বিপ্রে যজ্ঞেতে বরিবে ।
 নানা-আভরণ দিয়া সবারে তুষিবে ॥
 আসন-ভূষণ দিবে কনক-রচিত ।
 আদরে পূজিবে সবে হ'য়ে হরষিত ॥
 লক্ষকুন্ত ঘৃত নিত্য ঢালিবে আগুনে ।
 করিবে দেবতা-পূজা কুসুম-চন্দনে ॥
 পঞ্চকুন্ত ঘৃত এক ব্রাহ্মণে ঢালিবে ।
 হেনমতে লক্ষকুন্ত প্রতিদিন দিবে ॥
 যথাযোগ্য আহাৰাদি দিবসে-দিবসে ।
 যজ্ঞ-আরম্ভণ কর মধু-চৈত্রমাসে ॥

অশ্বের লক্ষণ শুন ধৰ্ম্ম-নরপতি ।
 চন্দ্রমা জিনিয়া অশ্ব-দেহের বুরতি ॥
 পীত-পুচ্ছ শ্যামবর্ণ অশ্ব মনোহর ।
 সর্ব-শূলক্ষণযুক্ত হয় নরবর ॥
 হৃষিত করিবে অশ্ব দিয়া আভরণ ।
 পাণ্ড-অৰ্ঘ্য দিয়া অশ্ব করিবে পূজন ॥
 জয়পত্রে অশ্বভালে করিয়া বন্ধন ।
 আপনার নাম তাহে করিবে লিখন ॥
 তাহাতে লিখিবে পত্রে, যেই অশ্ব ধরে ।
 নিজ-বাহুবলে আমি জিনিব তাহারে ॥
 তুরঙ্গ ছাড়িবে মধু-পূর্ণিমা-দিবসে ।
 পৃথিবী ভ্রমিবে অশ্ব মনের হরষে ॥
 আপনি থাকিবে রাজা, যজ্ঞে হ'য়ে ব্রতী ।
 অসিপত্রে-ব্রত আচরিবে মহামতি ॥

যুধিষ্ঠির কহিলেন, করি নিবেদন ।
 অসিপত্রে-ব্রত-কথা কহ তপোধন ॥
 অসিপত্রে-ব্রত করে কেমন প্রকারে ।
 কি নিয়মে থাকে, তাহা বলহ আমারে ॥

ব্যাস বলিলেন, রাজা, কর অবগতি ।
 অসিপত্রে-ব্রত-কথা শুন নরপতি ॥
 যাবৎ না আসে অশ্ব নিবৃত্ত হইয়া ।
 থাকিবে যে একাসনে দ্রোপদী লইয়া ॥
 তার মাঝে খড়্গ এক ধোবে নরপতি ।
 কদাচিত্ অশ্রমত না করিবে তখি ॥
 মদন-আবেশে যদি মজে তার মন ।
 সেই খড়্গে কাটিয়া ফেলিবে সেইক্ষণ ॥
 অশ্বমেধ-যজ্ঞ তবে কৈল হ্রসপতি ।
 অসিপত্রে-ব্রত না করিল মহামতি ॥
 শতক্রতু-নাম ইন্দ্র ঘোষে ত্রিজগতে ।
 অসিপত্রে-ব্রত সেই নারিল করিতে ॥
 সেই ব্রত কর রাজা, আমার বচনে ।
 তোমা-বিনা করিতে নারিবে অশ্রজনে ॥
 অশ্বমেধ-যজ্ঞে না থাকিবে পাপলেশ ।
 অসিপত্রে আচরহ অশেষ বিশেষ ॥
 ঘূচিবে তোমার যত উচাটন-মতি ।
 দূর হবে পাপ যত, মনে পাবে শ্রীতি ॥

শুনিয়া বলেন রাজা ধৰ্ম্মের নন্দন ।
 আচরিতে না পারিল সহস্রলোচন ॥
 হেন ব্রত আচরিব আমি কোন্ মতে ।
 শুন মহামুনি, বড় ভয় পাই চিতে ॥

ব্যাস কন, তোমার সহায় নারায়ণ ।
 তোমার অসাধ্য ইহা নহে ত রাজন্ ॥
 হরি-বিনা কেহ নাহি করিতে তারণ ।
 চিন্তা না করিহ তুমি ধৰ্ম্মের নন্দন ॥
 এত বলি চলে ব্যাস নিজ-নিকেতনে ।
 করেন কৃষ্ণের স্তব রাজা দৃঢ়মনে ॥
 অশ্বমেধ-পর্বকথা ব্যাসের লিখন ।
 পরারেতে কাশীরাম করিল রচন ॥

২। যুধিষ্ঠিরের নিকট শ্রীকৃষ্ণের
আগমন ।

“হা কৃষ্ণ দ্বারকানাথ কাসি যাদবনন্দন ।
মথুরেশ হৃষীকেশ ত্রাতা ভব জনার্দন ॥
হে কৃষ্ণ দ্বারকানাথ যাদব-নন্দন ।
মথুরেশ হৃষীকেশ কোথা জনার্দন ॥
পাণ্ডবের নাথ তুমি, ভব-ভয়হারি ।
আকুল হইয়া ডাকি, এস হে মুরারি ॥”
এই নামে যুধিষ্ঠির স্মরণ করিতে ।
করুণাসাগর তথা আসিলা স্থরিতে ॥
একেশ্বর আসিলেন কমললোচন ।
যুধিষ্ঠির-দ্বারে আসি দিলা দরশন ॥
হের দেখ, ভক্তের অর্ধান যদুরায় ।
শিব-ব্রহ্মা ধ্যানে ঝাঁরে দেখিতে না পায় ॥
অনাহারে অহর্নিশ যত যোগিগণ ।
সমাধি-যোগেতে ভাবে যেই নারায়ণ ॥
দেখিতে না পায় ঝাঁরে নানা-ক্লেশ করি ।
যুধিষ্ঠির-স্মরণে আসিলা সেই হরি ॥
দ্বারী গিয়া জানাইল ধর্মের গোচরে ।
শুন রাজা, হৃষীকেশ আসিলেন দ্বারে ॥
শুনি হরষিত হ’য়ে পাণ্ডুর নন্দন ।
আগুসরি আনিবারে করেন গমন ॥
দ্রৌপদী-সহিত রাজা ভ্রাতৃগণে ল’য়ে ।
স্থরিতে গেলেন রাজা আনন্দিত হ’য়ে ॥
যুধিষ্ঠিরে প্রণমনে দেব-নারায়ণ ।
হরষিত হ’য়ে রাজা দেন আলিঙ্গন ॥
সবা-সনে সম্ভাষণ করি যতপতি ।
সভাতে বসেন আসি কৃষ্ণ মহামতি ॥
ভীমার্জুন সহদেব নকুল কুমার ।
বৃষকেতু-আদি যত আসিল অপার ॥

সভা সুশোভিত করিলেন নারায়ণ ।
দ্বিতীয় প্রহর রাত্রে কৃষ্ণ-আগমন ॥
শুন রাজা জন্মেজয়, কহি যে তোমাতে ।
পাণ্ডব-সমান কেহ নাহিক সংসারে ॥
দ্বিতীয় প্রহর রাত্রে আসিলেন হরি ।
পাণ্ডবের কত ভাগ্য, বলিতে না পারি ॥
তবে রাজা যুধিষ্ঠির করি যোড়হাত ।
নিবেদন কৈল, শুন দেব-জগন্নাথ ॥
অভিষেক করি মোরে দিলে সিংহাসন ।
তোমার আজ্ঞায় করি প্রজার পালন ॥
কিন্তু মম চিত্ত স্থির না হয় শ্রীহরি ।
অস্তরে উদ্বেগ অতি, বলিতে না পারি ॥
গুরু-জ্ঞাতি নাশিলাম সংগ্রাম-ভিতরে ।
সে-কারণে স্মৃথ মোর নাহিক অস্তরে ॥
বিষাদিত হ’য়ে আমি মনে-মনে গণি ।
হেনকালে আসিলেন ব্যাস মহামুনি ॥
যত দুঃখ নিবেদন করিলাম আমি ।
কহিলেন, অশ্বমেধ-যজ্ঞ কর তুমি ॥
বলিলাম, নিঃস্ব আমি, করিব কেমনে ।
ধনের সন্ধান মুনি কহিলা যতনে ॥
অর্জুন আনিবে ধন হিমালয় হ’তে ।
উপদেশ করিলেন তুরঙ্গ আনিতে ॥
যুবনাথপুরে আছে অশ্ব মনোহর ।
ভীম আনিবেক অশ্ব করিয়া সমর ॥
প্রতিজ্ঞা করিল তবে সভা-বিদ্বামনে ।
বৃষকেতু মেঘবর্গ আর ভীমসেনে ॥
তবে যজ্ঞ-বিবরণ কহিলেন মুনি ।
অসিপত্র-ব্রত শুনি মনে ভয় গণি ॥
সে-কারণে স্তুতি আমি করিছু তোমাতে ।
স্বরায় আসিলে কৃষ্ণ, আমার গোচরে ॥

পাণ্ডবে আছেয়ে কৃপা শুন যদুৱায় ।
যজ্ঞসিদ্ধি-হেতু আমি জিজ্ঞাসি তোমায় ॥
পারি কি না পারি আমি যজ্ঞ করিবারে ।
ষিচারিয়া কৃষ্ণচন্দ্র, বলহ আমারে ॥

শুনিয়া বলেন হাসি দেব-নারায়ণ ।
জলদগন্তীর-স্নরে মধুর-বচন ॥
শুন রাজা যুধিষ্ঠির, আমার ভারতী ।
মোটক আনিবে ভীম, নহে হেন কৃতী ॥
মহারাজ যুবনাথ মহাবলবান্ ।
তার সঙ্গে যুদ্ধ করা সন্ধটের স্থান ॥
সংগ্রামে জিনিতে না পারিবে রুকোদর ।
ভীম হৈতে কৰ্ম্মসিদ্ধি নহে নৃপবর ॥
অপকৰ্ম্মাশ্রিত ভীম, সৰ্ব্বলোকে জানে ।
কামাতুর হ'য়ে মজে রাক্ষসীর সনে ॥
রাক্ষস-আকার তার রাক্ষস-আচার ।
ননুয়ের রক্ত খায়, রাক্ষস-আহার ॥
কোন গুণ নাহি দেখি ভীমের শরীরে ।
হেনজনে বল তুমি অশ্ব আনিবারে ॥
ভীম হৈতে না হইবে সিদ্ধ প্রয়োজন ।
নিশ্চয় জানিহ ইহা ধর্ম্মের নন্দন ॥

ত্রৈতাযুগে যজ্ঞ করিলেন রঘুনাথ ।
ব্রহ্মবধ ক'রে ছিলা পূর্বের তাঁর তাত ॥
নিয়োজিল লক্ষ্মণেরে অশ্ব রাখিবারে ।
আনন্দে ভ্রময়ে অশ্ব পৃথিবী-ভিতরে ॥
অকৌহিলী সঙ্গে করি স্তুমিত্রা-নন্দন ।
অশ্ব ল'য়ে করিলেক পৃথিবী-ভ্রমণ ॥
দৈবযোগে গেল অশ্ব বিষ্ণুপদীপুরে ।
লব-কুশ দুইভাই ধরিল অশ্বেরে ॥
আনিতে নারিল অশ্ব স্তুমিত্রা-নন্দন ।
বাণিনি গেলেন তথা কমললোচন ॥

শ্রীরাম আনেন অশ্ব, যজ্ঞ সাজ হয় ।
এইসব কথা রাজা, জানিহ নিশ্চয় ॥
এত যদি কহিলেন দেব গদাধর ।
তাহা শুনি কহিতে লাগিল রুকোদর ॥
নিবেদন করি, শুন দেব-নারায়ণ ।
কহিলে আমারে তুমি গর্হিত-বচন ॥
হুমি যদি বল, আমি কি করিতে পারি ।
কিস্ত আপনার চিত্ত নাহি দেখে করি ॥
ভাগর উদর নম দেখে নারায়ণ ।
তোমার উদরে কৃষ্ণ, এ-তিন-জুগন ॥
আমা-নম কামাতুর নাহি দেখে হরি ।
ষোড়শ শত অশ্ব সহস্র তব নারী ॥
তাহা ল'য়ে ক্রাঁড়া কর দিবস-রজনী ।
আমি কিসে কামাতুর, বল গুণমণি ॥
নিম্নিলে আমার আছে রাক্ষসী বনিতা ।
তোমার গৃহেতে আছে ভল্লক-চুহিতা ॥
আপনা না জানি কৃষ্ণ নিম্নহ অশ্বেরে ।
কত কাঁড়ি রাখিয়াছ গোকুল-নগরে ॥
পাসরিলে সেই কথা রাখার জীবন ।
আমারে নিম্নিয়া কহ কুৎসিত-বচন ॥
ভয় নাহি করি আমি যুবনাথ-বীরে ।
আনিব তুরঙ্গ আমি জিনিয়া তাহারে ॥
তুমি যারে প্রসন্ন আছেহ যদুৱায় ।
ইন্দ্রে পরাজিতে পারে, এবা কোন্ দায় ॥
আমা-সবাকার নাথ তুমি নারায়ণ ।
সত্য বলি এই-কথা জানে সর্বজন ॥
আমার অসাধ্য নাহি এই চরাচরে ।
শুন কৃষ্ণ, কহিলাম তোমার গোচরে ॥
ভীমের বচনে তুষ্ট হ'য়ে নারায়ণ ।
যুধিষ্ঠিরে কহিলেন মধুর-বচন ॥

অশ্বমেধ-যজ্ঞ সিদ্ধ হইবে তোমার ।
অসিপত্র আচরিবে ধর্মের কুমার ॥
অশ্রুযত না হইবে, বলিলাম আমি ।
তুরঙ্গ আনিবে ভীম, স্থির জেনো তুমি ॥

কৃষ্ণের বচনে হরষিত যুধিষ্ঠির ।
পুনরপি কহিতে লাগিল ভীমবীর ॥
শুনহ অর্জুন, তুমি আমার বচন ।
সতত করিবে ভাই, রাজার রক্ষণ ॥
পালিহ হস্তিনাপুরী প্রজার সহিতে ।
তিনজন যাই মোরা তুরঙ্গ আনিতে ॥

এতেক কহিল যদি পবন-কুমার ।
শুনিয়া অর্জুন তাহা করেন স্বীকার ॥
যুধিষ্ঠির-পদে ভীম করিল প্রণাম ।
আশীর্বাদ দেন তারে ধর্ম গুণধাম ॥
যাহ ভীম, অশ্ব তুমি আনহ স্থিরিতে ।
বিলম্ব না কর ভাই, ইহা রাখ চিতে ॥
এত শুনি ভীমবীর চলিল সঙ্করে ।
বৃষকেতু মেঘবর্ণ লইয়া দৌঁহারে ॥
পাণ্ডব-বিজয়-কথা অমৃত-সহরী ।
কাশী কহে, শুনিলে তরয়ে ভববারি ॥

— — —

৩। অশ্ব আনিতে ভীম, বৃষকেতু ও
মেঘবর্ণের যাত্রা ।

শ্রীজনমেজয় বলে, কহ মহামুনি ।
অগুরু-আখ্যান আমি তোমা হৈতে শুনি ॥
কেমনে আনিল অশ্ব বীর বৃকোদর ।
বিবরিয়া সেই-কথা কহ মুনিবর ॥
যত কথা শুনি মুনি, তত বাড়ে মুখ ।
অমৃত করিতে পান কে হয় বিমুখ ॥

বলেন বৈশম্পায়ন, শুন জনমেজয় ।
আনিবারে গেল ভীম পাণ্ডবের হয় ॥
বৃষকেতু-মেঘবর্ণে করিয়া সংহতি ।
গোবর্দ্ধন-গিরিবরে গেল শীঘ্রগতি ॥
সেই গোবর্দ্ধন গিরি সহস্র-শিখর ।
তাহে আরোহণ কৈল তিন বীরবর ॥
পর্বতে বসিল বীর হরষিত হ'য়ে ।
দেখিল রাজার পুরী দূরেতে থাকিয়ে ॥
সুবর্ণরচিত পুরী মণি-মুক্তাময় ।
পুরী-দরশনে ভীম মানিল বিস্ময় ॥

ভীম বলে, বৃষকেতু, শুনহ বচন ।
জিনিয়া কনকলঙ্কা পুরীর গঠন ॥
মনোহর রাজপুরী অতি অনুপম ।
কতেক বসতি পুরে, নাহিক নিয়ম ॥
পুরীর বাহিরে দেখি রম্য-সরোবর ।
তাহে শোভে মনোহর কমল-নিকর ॥
নানা-পুষ্প-বৃক্ষ শোভে সরোবর-পাশে ।
চম্পক মালতী ধূম্রী মল্লিকা বিকাশে ॥
মধুলোভে অলিকুল ভ্রমিয়া বেড়ায় ।
আনন্দে কোকিলগণ কুহুস্বরে গায় ॥
কলকণ্ঠ-বিহঙ্গম নানা-শব্দ করে ।
মনোহর উপবন সরোবর-তীরে ॥
হের দেখ, বিটপীর তলে দিব্যছায় ।
বসিয়া রমণীগণ নানা-গীত গায় ॥
কাঁখে হেমকুস্ত করি যতেক অবলা ।
সরোবর-তীরে আসে, যেন চন্দ্রকলা ॥
গন্ধর্ব্ব-কিম্বর যেন দেবের রমণী ।
উর্ব্বশী জিনিয়া রূপ, মনে ছেন গণি ॥
এক আসে, আর যায় সরোবর-তীরে ।
দৃষ্টি করি বৃষকেতু, দেখহ অন্তরে ॥

অমর-নগর জিনি যুবনাশ্ব-পুরী ।

প্রবেশিব কোন্ পথে, মনে ভয় করি ॥

গড়ের প্রাচীর ছুই-যোজন বিস্তার ।

ভয় লাগে দেখিয়া রাজার সিংহদ্বার ॥

রক্ষক-সকল দেখে নানা-অস্ত্র-হাতে ।

অগম্য রাজার পুরী, যাইব কিমতে ॥

পুরীর ভিতরে আছে অশ্ব মনোহর ।

কেন্দ্রে আনিব অশ্ব, বড়ই চুঙ্কর ॥

ভীমের বচন শুনি কর্ণের নন্দন ।

ঘোড়াহাত করি ভীমে করে নিবেদন ॥

বাজুপুরী মনোহর অতি অশুপাম ।

অমর-নগর জিনি পুরীর স্তম্ভ ॥

প্রবেশিতে না পারিব যুবনাশ্ব-পুরে ।

আসিবে যজ্ঞের অশ্ব এই সরোবরে ॥

আসিবে অনেক সৈন্য অশ্বের সংহতি ।

ধরিয়া লইব অশ্ব করিয়া শক্তি ॥

ভীম বলে, বৃষকেতু, কহিলে প্রমাণ ।

মিতান্ত্র ধরিতে অশ্ব করহ সন্ধান ॥

হরঙ্গ ধরিলে যুদ্ধ হইবে বিস্তার ।

ক্রি-কল্প করিব বল কর্ণের কোণ্ডর ॥

বৃষকেতু বলে, আমি করিব সমর ।

মোরে নিবারিতে পারে, নাহি হেন নর ॥

তবে মেঘবর্ণ বলে, শুন পিতামহ ।

ধরিয়া আনিব অশ্ব, আশ্রয় যদি দেহ ॥

অশ্ব ল'য়ে থাকিব যে পর্বত-উপরে ।

তোমরা প্রবৃত্ত দৌড়ে হইবে সমরে ॥

মেঘবর্ণ-বাক্য শুনি ভীম হৈল প্রীত ।

পর্বতে রহিল সবে হ'য়ে হরষিত ॥

শেখরে বসিয়া তিনে করে নিরীক্ষণ ।

জলপান করিতে আইল অশ্বগণ ॥

৫০ বি

অযুত-অযুত অশ্ব সরোবরে এল ।

আপনার হুখে তারা জলপান কৈল ॥

জলপান করিয়া চলিল অশ্বগণ ।

তাহে না দেখিল সেই অশ্ব হুল্লল্লণ ॥

শ্যামবর্ণ পীত-পুচ্ছ তাহে না দেখিয়ে ।

পর্বতে আছেন তিনে পথপানে চেয়ে ॥

ভীম বলে, বৃষকেতু, হেন লয় মনে ।

অস্ত্র-পুরে আছে অশ্ব, না এল এখানে ॥

বাহির না করে অশ্ব, ইহা জান স্থির ।

আইল অনেক অশ্ব খাইবারে নীর ॥

কোন্ কর্ম করিলাম প্রতিজ্ঞা করিয়া ।

হস্তিনাতে যাব আমি কি বোল বলিয়া ॥

অব্যর্থ প্রতিজ্ঞা মম, সর্বলোকে জানে ।

অশ্ব না পাওয়া যোর দুঃখ বাড়ি মনে ॥

বৃষকেতু বলে, খুঁড়া, শুন অবধানে ।

এখনি আসিবে অশ্ব দেখে জলপানে ॥

ক্রীকৃষ্ণ দিলেন আশ্রয় তুরঙ্গ আনিতে ।

কার্যসিদ্ধি হবে, কেন দুঃখ কর চিতে ॥

ঐ দেখ, নগরে বিবিধ-বাগ্য শুনি ।

বরাক খঞ্জরি বাজে, আর বাজে বেণী ॥

ধমক ঠমক বাজে মৃদঙ্গ ঝাঁঝরি ।

বরঙ্গ মধুর বাজে বিশাল ধূসরি ॥

জয়ঢাক বীরঢাক কাংস্থ করতাল ।

দগড়ি দগড় বাজে দামামা বিশাল ॥

কোলাহল শুনি বড় গড়ের ভিতরে ।

অভিপ্রায়ে বুঝি, অশ্ব আসে সরোবরে ॥

রাজার গমনে যেন বাজে বাগ্গচয় ।

শুন খুঁড়া, জলপানে আসে সেই হয় ॥

একদৃষ্টি করি তুমি চাহ হয়-পানে ।

শব্দ-কোলাহলে কিছু নাহি শুনি কানে ॥

আগে পাছে গজবাজি কত শোভা করে ।
 সর্ব্ব-জ্বলক্ষণ অশ্বে দেখে মাঝারে ॥
 চামর চাঁদোয়া দেখে অশ্বের দু-পাশে ।
 পদধূলি অঙ্ককার করিল আকাশে ॥
 অশ্ব দেখি ভীমবীর আনন্দিত-মনে ।
 ঘটোৎকচনুতে আজ্ঞা দিল সেইক্ষণে ॥
 মেঘবর্ণ বলে, তুমি দেখে বসিয়া ।
 সৈন্যের মাঝারে অশ্বে আনিব ধরিয়া ॥
 এত বলি মেঘবর্ণ হইল বিদায় ।
 চন্দ্রকে ধরিতে যেন রাহুগ্রহ ধায় ॥
 মহাভারতের কথা অমৃতের ধার ।
 কাশী কহে, শুনি তরি যাবে ভব-পার ॥

৪। যুবনাথ-রাজের অশ্ব-হরণ ।

মেঘবর্ণ মহাবলী, হ'য়ে মহা-কুতূহলী,
 প্রণমিল ভীমের চরণে ।
 ভীম অতি কুতূহলে, তাহারে করিল কোলে,
 আশীর্বাদে হরষিত-মনে ॥
 প্রণমিয়া কর্ণস্থতে, মেঘবর্ণ আনন্দেতে,
 অন্তরীক্ষে করিল গমন ।
 প্রকাশি রাক্ষসমায়া, আবরিল রবিকায়,
 অঙ্ককারে না চলে নয়ন ॥
 আকাশে খেচরসব, করে মহা-কলরব,
 বরিষে মুঘলধারে জল ।
 প্রচণ্ড মরুৎ বয়, ঘন শিলাবৃষ্টি হয়,
 পূর্ণিত হইল ধরাতল ॥
 বাত হৈল অতিগুরু, ভাঙ্গিল অনেক তরু,
 পত্র-পুষ্প পড়িল ভূতলে ।
 তাহা দেখি নৃপসেনা, হইলেক অশ্রুমনা,
 অশ্ব নিতে না পারিল শ্যালে ॥

মারুতি রুধিল বাট, ত্রাসিত হইয়া তা
 পরস্পর কহে নানাকথা ।
 কিবা হৈল দুর্দৃষ্ট, অকস্মাৎ ঝড়রুষ
 মায়া কৈল এ কোন্ দেবতা ॥
 মনে উপজিল ভয়, এ-কর্ণ অশ্বের না
 অশ্ব নিতে আসে পুরন্দর ।
 শ্রামবর্ণ পীতপুচ্ছে, হেন অশ্ব কোথা আয়
 শিলাঘাতে শরীর জর্জর ॥
 নৃপসেনা হেনমতে, বিষাদ করয়ে চিত্ত
 অঙ্ককারে না দেখে নয়নে ।
 চান্দোয়া-চামর কোথা, খণ্ড-খণ্ড হৈল ছাত
 হাত হৈতে দণ্ড পড়ে ভূমে ॥
 মেঘবর্ণ হেনকালে, ঘোটকে লইয়া কোন্
 দ্রুত গেল পর্ব্বত-উপরে ।

বৃষকেতু-রুকোদর, আনন্দিত বহুতর
 আলিঙ্গন করিল তাহারে ॥
 ভারতের পুণ্যকথা, শুনিলে ঘুচে বাক্য
 কালির কলুষ-বিনাশন ।
 সেবি কৃষ্ণ-পদাশুজ, কহে কৃষ্ণদাসানুজ
 কৃষ্ণপদে থাকে যেন মন ॥

৫। বৃষকেতু ও যুবনাথের যুদ্ধ ।

রাক্ষসের মায়া যত, সব দূর হৈল ।
 শিলাবৃষ্টি-বরিষণ ঝড় কোথা গেল ॥
 দূর হৈল অঙ্ককার, সুপ্রকাশ ভানু ।
 পরস্পর নিরীখে নিজে-নিজে তনু ॥
 কেহ বলে, আরে ভাই, অনর্থ হইল ।
 রাজার যজ্ঞের অশ্ব কেবা ল'য়ে গেল ॥
 কেহ বলে, অশ্বকে ধরিয়া একজন ।
 দেখিলু, আকাশপথে করিল গমন ॥

কি বলিয়া যাব মোরা নৃপ-সম্মিধানে ।
অশ্ব না দেখিয়া রাজা বধিবেক প্রাণে ॥
গন্ধর্ব কিম্বর কেবা অশ্ব নিল হরি ।
ধেয়ে যায় নৃপসৈন্য হাতে ধনুঃ ধরি ॥
আকাশ-পথেতে কেহ করে নিরীক্ষণ ।
কেহ বলে, অশ্ব নিল সহস্রলোচন ॥
কোলাহল করি সৈন্য ধাইল পর্বতে ।
হাও হৈল ভীমসেন ধনুর্বাণ-হাতে ॥
মেঘবর্ণ বলে, শুন বীর বৃকোদর ।
অশ্ব ল'য়ে যাই চল হস্তিনা-নগর ॥
যোগেচরে যাই, যুদ্ধে নাহি প্রয়োজন ।
তবু নাহি পায় যেন নৃপ-সৈন্যগণ ॥

ভীম বলে, মেঘবর্ণ, কি কর বিচার ।

শুনিলে হাসিবে কৃষ্ণ সংসারের সার ॥
উপচাস করিবেক মোরে ধনঞ্জয় ।
চুরি করি বৃকোদর আনিলেক হয় ॥
এ-নব নিলিত-কর্ম্ম আমি না করিব ।
বাহুবলে নৃপসৈন্যে আমি পরাজিব ॥
বক হিড়িম্বক মৈল কিম্বার দুর্ব্বার ।
শতভাই-কীচকেরে করিনু সংহার ॥
বিনাশ করিনু শতভাই-দুর্য্যোধনে ।
লুকাইয়া লব অশ্ব, এ বল কেমনে ॥
অপযশ থাকিবেক অবনী-মণ্ডলে ।
পাণ্ডবের সখা কৃষ্ণ সর্ব্বলোকে বলে ॥

এত যদি বলিলেন বীর-বৃকোদর ।

ঘটোৎকচ-মুত বলে যুড়ি দুইকর ॥
অশ্ব ল'য়ে থাকহ তোমরা দুইজন ।
আজ্ঞা কর, যাই আমি করিবারে রণ ॥

এত বলি ভীমসেনে করিয়া প্রণাম ।

মেঘবর্ণ বীর যান করিতে সংগ্রাম ॥

উপাড়ি পাথরখণ্ড নিল বামহাতে ।
সিংহনাদ করি যায় সংগ্রাম করিতে ॥
এড়িল পাথরখান দিয়া হুহুকার ।
পাথর-চাপনে হৈল সৈন্যের সংহার ॥
চারিগত সেনাপতি গেল যমঘরে ।
দুইশত হস্তী মৈল শিলার প্রহারে ॥
রুক-শিলা আঘাতে পড়িল সেনাচয় ।
একাকী করিছে যুদ্ধ রাক্ষস দুর্জয় ॥
পরস্পর নৃপসেনা মনে বিচারিল ।
সঙ্কট-সংগ্রাম দেখি রণে ভঙ্গ দিল ॥
উজ্জ্বলসে ধেয়ে গেল পুরীর ভিতরে ।
ঘোড়াহাতে বার্তা কহে নৃপতি-গোচরে ॥

শুন রাজা, অশ্ব নিল সহস্রলোচন ।

শিলাবৃষ্টি ঘোরতর হৈল বরিষণ ॥
অন্ধকারে কেহ নাহি চিনে আরম্বর ।
ধরিয়া যজ্ঞের অশ্ব নিল পুরন্দর ॥
অশ্ব ল'য়ে পর্বতে গেলেন অরপতি ।
কুবের বরুণ যম আছেন সংহতি ॥
ভাঁর সহ যুদ্ধ করিলাম প্রাণপণে ।
শরীর জর্জর হৈল দেবতার বাণে ॥
গজবাজী পড়িল বিস্তর সেনাগণ ।
পলাইনু প্রাণ ল'য়ে পরিহারি রণ ॥

শুনিয়া কুপিল যুবনাথ নৃপবর ।

সাজ-সাজ বলি ঘন ডাকে নরেশ্বর ॥
নৃপ-আজ্ঞা পাইয়া যতেক সেনাগণ ।
হরিষেতে গেল সবে করিবারে রণ ॥
গজবাজি-বিমানেতে আরোহণ করি ।
পদাতিকগণ যায় হাতে খড়্গ ধরি ॥
ধনুর্বাণ ল'য়ে হাতে সাজে যতজন ।
কোলাহল করি যায় নৃপ-সেনাগণ ॥

যুঝিতে চলিল যুবনাথ মহাবল ।
 তুঙ্গনাথের ফণা করে টলমল ॥
 আপনি নৃপতি এল যুদ্ধ করিবারে ।
 রুষকেতু কহে কথা ভীমের গোচরে ॥
 আজ্ঞা কর খুড়া, আমি করি গিয়া রণ ।
 আজি যুবনাথে আমি করিব নিধন ॥
 অনুমতি দিল ভীম রুষকেতু-বীরে ।
 কর্ণের নন্দন যায় ধনুঃশর-করে ॥
 আকর্ণ পুরিয়া বীর টঙ্কারিল ধনু ।
 সিংহনাদে কম্পমান নৃপতির তনু ॥
 সিংহনাদে নৃপতির মন উচাটন ।
 ডাক দিয়া বলে রাজা, শুন সেনাগণ ॥
 একেশ্বর আসে মোর সৈন্তের ভিতরে ।
 অসম-সাহস বীর, শঙ্কা নাহি করে ॥
 কিবা ইন্দ্রদেব, কিবা শমন-পবন ।
 মানুষের রূপে এল করিবারে রণ ॥
 সাহস করিয়া সবে কর গিয়া রণ ।
 নৃপাদেশে সাহস করিল সেনাগণ ॥
 মার-মার-শব্দে সবে আরস্তিল রণ ।
 নানা-অস্ত্র বরিষয়ে, না হয় গণন ॥

রাজপুত্র স্তবেগ সে বড় বীরবর ।
 করিপৃষ্ঠে আসে সেই করিতে সমর ॥
 হংসব্যূহ করি সেই আরস্তিল রণ ।
 ব্যূহ ভেদি রুষকেতু মারে সেনাগণ ॥
 একত্রে হইয়া যত নৃপতির সেনা ।
 বাণ-বরিষণ করে, নাহিক গণনা ॥
 রুষকেতু-শিরে পড়ে লক্ষ-লক্ষ বাণ ।
 তথ্যপি সে নহে ভীত, হেন বলবান্ ॥
 কাতর হইল বীর বাণের প্রহারে ।
 জাহা দেখি ভীমবীর কুপিল অন্তরে ॥

ভীম বলে, মেঘবর্ণ, শুনহ বচন ।
 একা গেল রুষকেতু করিবারে রণ ॥
 পর্বতে থাকহ তুমি ঘোটক লইয়া ।
 যুদ্ধ করিবারে আমি যাইব সাজিয়া ॥
 এত বলি ভীমসেন করিল গমন ।
 রুষকেতু-সন্মুখে আসিল সেইক্ষণ ॥
 ভীমে দেখি রুষকেতু হরিষ-অন্তরে ।
 যোড়হাত করি বীর নিবেদন করে ॥
 আপনি আসিলে কেন সংগ্রাম-ভিতর ।
 আমি যুদ্ধ জিনিতে পারিব একেশ্বর ॥
 ভীম বলে, নৃপতির বহুতর সেনা ।

দরশনে আমি বড় হইল উন্মনা ॥
 একাকী করিছ যুদ্ধ, ভয় করি মনে ।
 বিনাশিব নৃপসেনা মোরা দুইজনে ॥
 এত বলি দুইজনে করেন সন্ধান ।
 ঈষৎ হাসিয়া এড়ে শত-শত বাণ ॥
 রুষকেতু-বীরে দেখি বলে নৃপবর ।
 কাহার তনয় তুমি মহাধনুর্ধর ॥
 কিবা নাম ধর তুমি, এলে কি-কারণ ।
 পরিচয় দেহ আগে তোমরা দুজন ॥
 যুবনাথ-বচনেতে রুষকেতু-বীর ।
 পরিচয় দিল নৃপে প্রফুল্ল-শরীর ॥
 রবির তনয় কর্ণ জানে এ জগতে ।
 জনম হইল তাঁর কুস্তীর গর্ভতে ॥
 কর্ণের তনয় আমি, নাম রুষকেতু ।
 তুরঙ্গ লইল যুধিষ্ঠির-যজ্ঞ-হেতু ॥

তাহা শুনি যুবনাথ আনন্দিত-মন ।
 ধন্য-ধন্য মহাবীর কর্ণের নন্দন ॥
 এ নহে উচিত, শুন কর্ণের নন্দন ।
 আমার বচন কর রথে আরোহণ ॥

তবে সে করিব দুইজনে ঘোর-রণ ।
 এত শুনি ডাকি বলে কর্ণের নন্দন ॥
 শুন রাজা, রথে মম নাহি কোন কাজ ।
 তুমি রথে যুদ্ধ কর, শুন মহারাজ ॥
 রুষকেতু-বাক্যে রাজা দুঃখিত-অন্তরে ।
 রথ ত্যজি নামিলেন ধরণী-উপরে ॥
 দৌহে যুদ্ধ-বিশারদ, কেহ নহে উন ।
 দৌহে দৌহাকার কাটি পাড়ে ধনুর্গ ॥
 পুনরপি ধনুক লইল দুইজন ।
 বাণ-বরিষণে দৌহে ছাইল গগন ॥
 বাণে-বাণে দৌহে কৈল অনেক সংগ্রাম ।
 কেহ কারো উন নহে, দৌহে অনুপাম ॥
 তবে রাজা যুবনাথ ক্রোধযুক্ত হৈয়া ।
 অগ্নিবাণ এড়িলেক আকর্ণ পুরিয়া ॥
 এড়িল বরুণ-বাণ কর্ণের তনয় ।
 নির্ঝাঁপ হইল অগ্নি, নাহি আর ভয় ॥
 বায়ু-অস্ত্র নরপতি এড়িলেক রণে ।
 পর্বতান্ত্রে নিবারয়ে কর্ণের নন্দনে ॥
 সর্পবাণ যুবনাথ কৈল অবতার ।
 গরুড়ান্ত্রে কর্ণস্থত করিল সংহার ॥
 হেনমতে দৌহে কৈল অনেক সংগ্রাম ।
 বাণের উপরে বাণ করিল সন্ধান ॥
 তবে রুষকেতু-বীর কর্ণের নন্দন ।
 কোপযুক্ত হ'য়ে করে বাণ-বরিষণ ॥
 নিবারয়ে যুবনাথ ধনুঃশর-হাতে ।
 তাহা দেখি ভীমসেন দুঃখ ভাবে চিতে ॥
 তবে রাজা যুবনাথ মারে দশবাণ ।
 রুষকেতু-উপরে সে করিয়া সন্ধান ॥

মহাকোপে ভীমসেন গদা নিল হাতে ।

গজ-বাজি-রথী ঝাটিলেক যুধে-যুধে ॥

ভীম-গদাঘাতে সেনা হইল চঞ্চল ।
 রণে ভঙ্গ দেয় সবে করি কোলাহল ॥
 সৈন্যভঙ্গ দেখি তবে স্রবেগ আইল ।
 ভীমের সহিত আসি যুদ্ধ আরম্ভিল ॥
 বড়দুঃ দুঃগেস্ত্র যেন গজেন্দ্রে পাইল ।
 গদাঘাতে ভীমসেন রণে প্রবেশিল ॥
 তা' দেখি স্রবেগ-বীর গদা নিল হাতে ।
 আরম্ভিল গদাযুদ্ধ ভীমের সহিতে ॥
 স্রবেগ মারিল গদা ভীমের উপরে ।
 গদাঘাতে ভীমসেন সিংহনাদ করে ॥
 স্রবেগ-উপরে ভীম করে গদাঘাত ।
 হাহাকার করে সৈন্য, স্রবেগ নিপাত ॥
 চৈতন্য পাইল নৃপনৃত কতকণে ।
 পুনঃ গদাযুদ্ধ করে রুকোদর-সনে ॥

যুবনাথ-সনে যুঝে কর্ণের নন্দন ।

দৌহে মহাধনুর্ধর, করে মহারণ ॥
 এড়িল পঞ্চাশ-বাণ বীর রুষকেতু ।
 যুবনাথ-নৃপতির বিনাশের হেতু ॥
 অচেতন হ'য়ে রাজা পড়িল ভূমিতে ।
 তাহা দেখি রুষকেতু দুঃখ পায় চিতে ॥
 ধনুর্বাণ ভূমে রাখি কর্ণের নন্দন ।
 যোড়হাতে নারায়ণে করেন স্তবন ॥
 পাণ্ডবে প্রসন্ন যদি হও চক্রপাণি ।
 তবে রাজা যুবনাথ বাঁচিবে এখনি ॥
 যদি কিছু কর্ণের থাকয়ে পুণ্যবল ।
 তবে নৃপতিরে রক্ষ ভক্ত-বৎসল ॥

এত বলি রুষকেতু ঝাটিলেক বর ।

চৈতন্য পাইয়া রাজা উঠিল সত্বর ॥

নৃপতি চৈতন্য পায়, হরষিত সেনা ।

মহাকোলাহল করি বাজায় বাজনা ॥

যুবনাথ বলে, শুন কর্ণের তনয় ।
 তুমি মোর পিতৃসম, আমি ত তনয় ॥
 বাপের সমান তুমি হও মহামতি ।
 বৃকোদর-সহ মোর করাহ পীরিতি ॥
 যুদ্ধে আর কাজ নাহি কর্ণের নন্দন ।
 লইলাম এবে আমি পাণ্ডব-শরণ ॥
 মারিয়া জীবন দিলে, কি আশ্চর্য্য কথা ।
 মহাধর্ম্মবন্ত ছিল কর্ণ তব পিতা ॥
 তেমতি দেখিনু ধর্ম্ম তোমার শরীরে ।
 মোরে ল'য়ে চল তুমি ভীমের গোচরে ॥

ভীম-স্ববেগের যুদ্ধ অপূর্ব্ব-কথন ।
 গদাযুদ্ধে বিশারদ রাজার নন্দন ॥
 বাহুবলে ভীম তারে তুলিল উপরে ।
 আছাড়িয়া ফেলিলেক নৃপতি-কুমারে ॥
 নৃপতি-নন্দন তাহে ভয় না পাইল ।
 সিংহনাদ করি পুনঃ গদা হাতে নিল ॥
 পুত্রের বিক্রম দেখি স্থখী নরপতি ।
 ডাক দিয়া বলে রাজা আনন্দিত-মতি ॥
 শুন পুত্র, যুদ্ধে আর নাহি প্রয়োজন ।
 প্রাণপণে লইলাম পাণ্ডব-শরণ ॥
 সংগ্রাম ত্যজহ পুত্র, আমার বচনে ।
 যুদ্ধযোগ্য নহ তুমি ভীমসেন-সনে ॥
 ভীমের বিক্রম আমি ক'রেছি শ্রবণ ।
 পাণ্ডবের সহায় আপনি নারায়ণ ॥
 পরাজয় পাণ্ডবের নাহি ত্রিভুবনে ।
 সংগ্রাম ত্যজহ পুত্র, আমার বচনে ॥
 পিতার বচন শুনি স্ববেগ কুমার ।
 আনন্দিত হইয়া ত্যজিল মহামার ॥
 তবে বৃষকেতু বলে ভীমের গোচরে ।
 যুবনাথ পরিবারে ভজিল তোমারে ॥

এই দেখ, নৃপতি মাগিল পরাজয় ।
 অভয়-প্রসাদ দেহ পাণ্ডুর তনয় ॥
 বৃষকেতু-বচনেতে ভীম মহাবলী ।
 ত্যজিল সংগ্রাম বীর হ'য়ে কুতূহলী ॥
 তবে রাজা যুবনাথ আনন্দ পাইয়া ।
 ভীমে প্রণাম কৈল সাক্ষাৎ হইয়া ॥
 রাজারে তুলিল ভীম আলিঙ্গন-দানে ।
 সুবেগ প্রণাম কৈল ভীমের চরণে ॥
 বৃষকেতু-সহিত করিয়া সন্তাষণ ।
 ষোড়হাতে যুবনাথ করে নিবেদন ॥
 নিবেদন করি, শুন ভীম-মহাশয় ।
 আজি সে হইল মোর পুণ্যের উদয় ॥
 পূর্ব্বপুণ্য মানিলাম তোমা-দরশনে ।
 পবিত্র হইল পুরী তব আগমনে ॥
 ধন্য-ধন্য বৃষকেতু কর্ণের কুমার ।
 নয়নে দেখিনু আজি চরণ তোমার ॥
 কতেক আমার ভাগ্য, বলিতে না পারি ।
 পবিত্র হইল আজি ভদ্রাবতী-পুরী ॥
 আমার পুরীতে তুমি চলহ এক্ষণে ।
 অশ্ব ল'য়ে যাব আমি ধর্ম্ম-বিত্তমানে ॥

অনুমতি দিল ভীম রাজার বচনে ।
 প্রীতি পেয়ে যুবনাথ গেল নিকেতনে ॥
 স্ববেগে রাখিয়া রাজা বৃকোদর-সনে ।
 পুরে গিয়া নৃপতি ডাকিল পাত্রগণে ॥
 পূর্ব্বের স্বরাস্ত্র বলি ছিল অনুমান ।
 ভীম-আগমন কহে প্রভাবতী-স্থান ॥
 মঙ্গল সামগ্রী শীঘ্র কর প্রভাবতি ।
 মম পুরে আসিবেন ভীম মহামতি ॥
 পাণ্ডুর নন্দন তাঁরা ভাই পঞ্চজন ।
 যুধিষ্ঠির ভীমার্জুন কুন্তীর নন্দন ॥

সহদেব নকুল যে মাদ্রীর তনয় ।
 কৃষ্ণহেতু পাণ্ডবের নাহি পরাজয় ॥
 দুঃখবিবরণ যত, সকলি কহিল ।
 তাহা শুনি রাজরাণী অদ্ভুত মানিল ॥
 মঙ্গলায়োজন সবে করিল হরিষে ।
 মেঘবর্ণ এল হেথা বুকোদর-পাশে ॥
 অশ্ব ল'য়ে ঘটোৎকচ-সুত মহাবলী ।
 দাণ্ডাইল ভীম-পাশে হ'য়ে কৃতাকুলি ॥
 গজপুষ্ঠে চাপিলেন ভীম কর্ণসুত ।
 তদ্রাবতী পুরে যান আনন্দে বহুত ॥
 আগে যায় মেঘবর্ণ অশ্ব-বাগ ধরি ।
 পিছে যায় সেনাগণ সিংহনাদ করি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

— —

৬। যুবনাথ-গৃহে ভীমের গমন ।

নৃপ হরষিত, অমাত্য-সহিত,
 করিলেক বিবেচনা ।
 আমার বৈভব, কত' আর কব,
 করিল বিধি ঘটনা ॥
 পাণ্ডুর তনয়, ভীম-মহাশয়,
 আসিবে আমার পুরে ।
 নগর-শোভন, কর প্রজাগণ,
 আনন্দ করি অন্তরে ॥
 পেয়ে নৃপাদেশ, যুচে সর্বক্লেশ,
 করে পুরীর সংস্কার ।
 ছড়াইল জল, করি সমস্থল,
 ঘটে শোভে আশ্রয়গার ॥

নগর-শোভন, কৈল প্রজাগণ,
 চান্দোয়া-চামর দোলে ।
 রাগ-তাল-ধরা, নাচিছে অঙ্গরা,
 শত-শত কুতূহলে ॥
 কুসুম-চন্দন, ল'য়ে দ্বিজগণ,
 দাণ্ডাইল রাজপথে ।
 শঙ্খ-বীণা বেণী, বাজে কান্দী-সানী,
 আনন্দিত নগরেতে ॥
 ভূষা শোভে গায়, দেখিবারে ধায়,
 শিশু রুদ্ধ আর সুবা ।
 ভট্ট-রায়বার, পড়িছে সুধার,
 অমর-নগর কিবা ॥
 পথেতে অম্বর, পাতি নরবর,
 ভীম-আগমন-আশে ।
 ঘট বহুতর, রাখিল সশ্বর,
 পথের উভয়-পাশে ॥
 বৃষ্টি যেন বিধু, যত কুলবধু,
 রহিল গবাক্ষদ্বারে ।
 দেখে বুকোদরে, হরিষ-অন্তরে,
 আর রুষকেতু-বীরে ॥
 হেথা নৃপজায়া, হর্ষে পূর্ণকায়া,
 ডাকি সহচরীগণে ।
 সবাই হ্রবেশা, করি বেশ-ভূষা,
 চলে ভীম-দরশনে ॥
 হাতে হেমখালা, নৃপতি-মহিলা,
 শুভসজ্জা তরুপরি ।
 পূরনারী যত, চৌদিকে বেষ্টিত,
 ত্যজি যায় অন্তঃপুরী ॥

রহি সিংহদ্বারে, শুভসজ্জা করে,
 হেথা আসে বুকোদর ।
 প্রবেশি পুরেতে, আনন্দিত-চিত্তে,
 দেখে পুরী মনোহর ॥
 আগে দ্বিজগণ, অগুরু-চন্দন,
 দিল ভীম-মহাবীরে ।
 জিনি রতিপতি, ভীমের নৃততি,
 চারুগতি ধীরে-ধীরে ॥
 নগরের রামা, দেখি তিনজনা,
 দূর করে যত শোক ।
 রাম-আগমনে, হরষিত-মনে,
 যেন অযোধ্যার লোক ॥
 এল রাজদ্বারে, তিন মহাবীরে,
 উঠয়ে পটহধনি ।
 মঙ্গলায়োজন, করি নির্মগ্নন,
 আনন্দ করিল রাণী ॥
 আপনি রাজন্, আনি সিংহাসন,
 বসাইল বুকোদরে ।
 চামর-ব্যজন, করে সখীগণ,
 ভীমসেন-কলেবরে ॥
 কর্ণের নন্দনে, বসায় আসনে,
 নির্মগ্নন কৈল স্নেহে ।
 ঘটোৎকচ-সুতে, হ'য়ে হরষিতে,
 বসায় ভীম-সম্মুখে ॥
 পূজিল পাণ্ডবে, পরম-গৌরবে,
 যুবনাথ-নৃপবর ।
 কহে কাশীদাস, কৃষ্ণপদে আশ,
 ভারত-কথা সুন্দর ॥

৭। যুবনাথ-রাজার হস্তিনা-গমন ও
 শ্রীকৃষ্ণ-দর্শন ।

বলেন বৈশম্পায়ন, শুনহ নৃপতি ।
 কহিসু এ-বিবরণ, যাহে তব শ্রীতি ॥
 শ্রীজনমেজয় বলে, শুন তপোধন ।
 এবে কহ রাজা যুবনাথের কথন ॥
 ভীমেরে পূজিল রাজা অতি-সমাদরে ।
 কহ, সে কেমনে গেল হস্তিনা-নগরে ॥
 কি কহিল নরপতি যুধিষ্ঠির-স্থানে ।
 সে-কথা শুনিব প্রভু, তোমার বদনে ॥
 বলেন বৈশম্পায়ন, শুন জন্মেজয় ।
 সিংহাসনে বসিলেন ভীম-মহাশয় ॥
 নানা-উপহারে রাজা ভীমেরে তুষিল ।
 মহাস্নেহে বুকোদর ভোজন করিল ॥
 যথাযোগ্য-আসনেতে বসে তিনজন ।
 কর্ণ-তাম্বুল শেষে করিল ভক্ষণ ॥
 তবে রাজা যুবনাথ সম্প্রীতি পাইয়া ।
 ভীমের সম্মুখে কহে যোড়হাত হৈয়া ॥
 অবধানে শুন তুমি পাণ্ডুর নন্দন ।
 না বুঝিয়া করিলাম-তোমা-সহ রণ ॥
 এই অপরাধ তুমি ক্ষমা কর মোরে ।
 ল'য়ে চল তুমি মোরে হস্তিনা-নগরে ॥
 দেখিব প্রসাদে তব গোবিন্দ-চরণ ।
 যুধিষ্ঠির-দরশনে পাপ-বিমোচন ॥
 গঙ্গান্নান করিয়া দেখিব নারায়ণ ।
 শুন ভীমসেন, এই যম নিবেদন ॥
 ভীম বলে, চল রাজা, আমার সংহতি ।
 যুধিষ্ঠির-সহিত দেখিবে যত্নপতি ॥
 অপরাধ কিছু তব নাহিক রাজন্ ।
 ক্ষত্রের প্রধান ধর্ম করিলে পালন ॥

ভীমের বচনে হরষিত নৃপমণি ।
মহানন্দে যুবনাথ বঞ্চিল রজনী ॥
প্রভাতে নগরে রাজা দিলেন ঘোষণা ।
কৃষ্ণ-দরশনে সবে যাইব হস্তিনা ॥
আনন্দিত পাণ্ড-মিত্র রাজার বচনে ।
ভূষিত করিল অঙ্গ নানা-আভরণে ॥
তবে রাজা যুবনাথ আনন্দিত হৈয়া ।
মায়ের নিকটে বলে প্রণাম করিয়া ॥
চলহ জননি, যাব হস্তিনা-নগরী ।
গঙ্গাস্নান করি মোরা দেখিব ত্রীহরি ॥
ঘৃচিবে সকল পাপ কৃষ্ণ-দরশনে ।
বিলম্ব না কর মাতা, চল ভীম-সনে ॥

এত যদি कहিলেন যুবনাথ-রাজ ।
কহিতে লাগিল মাতা বুঝিয়া অকাজ ॥
রাজার নন্দিনী আমি, হই রাজরানী ।
দেশান্তরে যাব আমি, কভু নাছি শুনি ॥
পুরের বাহির আমি না হই কখন ।
কি বঝিয়া বল বাপু, এমত বচন ॥

তবে যুবনাথ বলে, শুন গো জননি ।
থাকিলে অনেক ভাগ্য দেখে চক্রপাণি ॥
অনাহারে অহর্নিশ যত ঋষিগণ ।
নানা-ধ্যান করে দেখিবারে নারায়ণ ॥
দেখিব এমন প্রভু পাণ্ডব-মিলনে ।
শুন গো জননি, শীঘ্র এস মম সনে ॥
শিব-শুক-সনকাদি না পায় দেখানে ।
চল গো জননি, কৃষ্ণচন্দ্র-দরশনে ॥
যে-চরণ হইতে জন্মিল ভাগীরথী ।
যে-চরণ-পরশে সানন্দ বনুসমী ॥
দেখিব সে-পদ গিঙ্গা সুমিষ্টির-পাশে ।
শুন গো জননি, কাঙ্ক্ষ নাহি গৃহবাসে ॥

৫১ ছি

কত-জন্ম-ফলেতে করয়ে গঙ্গাস্নান ।
মরিলে গঙ্গার জলে পাইবে নির্বাণ ॥
বধূগণে সঙ্গে ল'য়ে চলহ সত্বর ।
দেখিবে পরমানন্দে হস্তিনা-নগর ॥
শুভকণ্ঠে অশ্বের পালন কৈলু আমি ।
দেখিব তুরঙ্গ হৈতে অখিলের সারী ॥
শুনিয়া পুত্রের কথা বলে আরবাব ।
এত ধন্য না করিল জনক তোমার ॥
একচ্ছত্র ভূজিলেক ভদ্রাবতী-পুরী ।
নানা-যজ্ঞ-দান কৈল বলিতে না পারি ॥
আমা-সবে ল'য়ে কভু না গেল বিদেশে ।
কৃষ্ণনাম না শুনিলু থাকি গৃহবাসে ॥
এ-ধন-সম্পত্তি বাপু, রাখি যাব কোথা ।
তোমার বচনে মনে পাই বড় ব্যথা ॥
কৃষ্ণ-দরশনে বাপু, নাহি কিছু কাজ ।
পুরীর বাহির হ'লে হবে বড় লাজ ॥
কৃষ্ণ দরশনে বাপু না যাইব আমি ।
লোকসুখে গঙ্গা-কথা শ্রবণেতে শুনি ॥

অধোবুখ শুনি রাজা মায়ের বচন ।
পাত্রেরে বলিল, লহ করিয়া যতন ॥
নৃপাদেশে পাণ্ডে তাঁরে বন্ধন করিল ।
দিব্য-চতুর্দোলে করি তাঁহারে লইল ॥
শীঘ্র চতুর্দোলে তবে করিলেক স্বন্ধে ।
মহাপাপী রাজমাতা উচ্চৈঃসরে কান্দে ॥
তবে রাজা যুবনাথ হরষিত হৈয়া ।
চলিল হস্তিনাপুরী গোবিন্দে ভাবিয়া ॥
কৃষ্ণ-দরশন-আশে আনন্দ জন্মিল ।
রাজ্য-ধন-মায়া-মোহ দূরে তেয়াগিল ॥
কত অনুচরে রাজা নিরোজিল পুরে ।
কৃষ্ণ-দরশনে যাব হস্তিনা-নগরে ॥

গজ-বাজী ত্যজি আর অগুরু-বিমান ।
 পদব্রজে যুবনাথ করিল প্রয়াণ ॥
 অর্কোহিণী সেনাপতি করিয়া সংহতি ।
 হস্তিনা-নগরে যায় আনন্দিত-মতি ॥
 দেখিয়া রাজার ভক্তি বীর-রুকোদর ।
 ধন্য-ধন্য বলি প্রশংসিল বহুতর ॥
 সেই অশ্ব ল'য়ে রাজা চলিল আপনি ।
 অগ্রে-অগ্রে চলে ভীম বড় অভিমানী ॥
 রুষকেতু মেঘবর্ণ নৃপতির সাথে ।
 প্রবেশ করিল গিয়া হস্তিনাপুরেতে ॥
 ধর্ম্ম-দরশনে যায় বীর-রুকোদর ।
 ভীমে দেখি যুধিষ্ঠির হরিষ-অস্তুর ॥
 একা ভীমে দেখি কহে ধর্ম্ম-নরপতি ।
 কোথা রুষকেতু, কহ ভীম মহামতি ॥
 কোথা মেঘবর্ণ-বীর, কহ সমাচার ।
 কোথা সে যজ্ঞের অশ্ব না দেখি আমার ॥

ভীম বলে, মহারাজ, কর অবধান ।

অশ্বহেতু নৃপসঙ্গে হইল সংগ্রাম ॥
 পরাভব পেয়ে রাজা লইল শরণ ।
 আমারে লইল পুরে করিয়া যতন ॥
 উৎসব করিল রাজা আমার গমনে ।
 মঙ্গল-বিধান যত, কে কহিতে জানে ॥
 অশ্ব ল'য়ে যুবনাথ আসিছে আপনি ।
 কৃষ্ণ-দরশন-হেতু শুন নৃপমণি ॥
 পরিবার-সহ আসে সেই নরপতি ।
 রুষকেতু-মেঘবর্ণে লইয়া সংহতি ॥

ভীমের বচনে আনন্দিত যুধিষ্ঠির ।
 কোল দেন ভীমসেনে চিত্তে হ'য়ে স্থির ॥
 তবে যুধিষ্ঠির কহিলেন ভীমসেনে ।
 কহ গিয়া এই-কথা দ্রোণদীর স্থানে ॥

যুবনাথে পূজা করি আনহ মন্দিরে ।
 শুন ভীম, এই ভার দিলাম তোমারে ॥
 আচ্ছা পেয়ে চলে স্বরা বীর-রুকোদর ।
 কহিল সকল কথা দ্রোণদী-গোচর ॥
 কুন্তী-যাজ্ঞসেনী-আদি যত নারীগণ ।
 স্বর্ণথালে করিল মঙ্গল-আয়োজন ॥
 ধূপ-দীপ-শঙ্খ-ঘণ্টা-আদি যত দ্রব্য ।
 কুসুম-চন্দন আর নিল হব্য-গব্য ॥
 নৃপতির অভিলাষ বুঝি নারায়ণ ।
 দিব্যাসনে বসিলেন প্রফুল্ল-বদন ॥
 নানামত বাণ্ড বাজে হস্তিনা-নগরে ।
 ভীমসেন গেল যুবনাথে আনিবারে ॥
 আপনি চলিল আর অনেক ব্রাহ্মণ ।
 রথ গজ বাজী নিল আর সৈন্যগণ ॥

হেনকালে যুবনাথ আইল নগরে ।
 আনিলেক ভীম তারে অতি-সমাদরে ॥
 আশু হৈল দ্রোণদী করিতে নির্মঙ্গল ।
 কুসুম-চন্দন নিল নানা-আয়োজন ॥
 রথ-পদাতিক সব রাখিল ছুয়ারে ।
 রাজা যুবনাথ গেল পুরীর ভিতরে ॥
 পরিবার-সহ প্রবেশিয়া নরপতি ।
 যুধিষ্ঠির-চরণেতে করিল প্রণতি ॥
 ষোড়হাত করি রাজা করেন স্তবন ।
 দেখিলাম তোমা হৈতে দেব-নারায়ণ ॥
 নানা-দান-যজ্ঞ করে যাঁর দরশনে ।
 দেখিলু সে নারায়ণে তোমার মিলনে ॥
 ধন্য-ধন্য যুধিষ্ঠির পাণ্ডুর নন্দন ।
 তোমা হৈতে দেখিলাম গোবিন্দ-চরণ ॥
 এত বলি যুবনাথ গলে বস্ত্র দিয়া ।
 পড়িল গোবিন্দপদে ভূমে লোটাঁইয়া ॥

লক্ষ দণ্ডবৎ কৈল গোবিন্দ-চরণে ।
 মানন্দেতে অশ্রু বহে রাজার লোচনে ॥
 রাজ-পুত্র সুবেগ সে তুমিষ্ঠ হইয়া ।
 কৃষ্ণপদ পরশিল দুই-হস্ত দিয়া ॥
 পূরে নৃপনারী আসি করিল প্রণাম ।
 অশীর্বাদ সবারে দিলেন ভগবান্ ॥
 তবে রাজা যুবনাথ মাতারে লটয়া ।
 কৃষ্ণস্থানে কহে কথা বিনয় করিয়া ॥
 আমার মায়ের দোষ ক্ষম চক্ৰপাণি ।
 আপনার গুণে কৃপা করহ আপনি ॥
 জীবের জীবন তুমি, সংসারের সার ।
 তুমি না করিলে কৃপা কে করিবে আর ॥
 পরম-কারণ তুমি পতিত-পাবন ।
 তোমা-দরশনে মহাপাপ-বিমোচন ॥
 উদ্ধারিলে অজামিলে, শুনেছি পুরাণে ।
 পাতকী তারিতে কেবা আছে তোমা-বিনে ॥
 হিংসা করি পাইলেক পুতনা তোমা-রে ।
 স্নেহহেতু পাইলেন তোমা যুধিষ্ঠিরে ॥
 পতিভাবে ব্রজবধু পাইল তোমা-রে ।
 এ-সকল কথা প্রভু, বিদিত সংসারে ॥
 মহাপাপকারী এই আমার জননী ।
 আপনার গুণে কৃপা করহ আপনি ॥
 তবে কৃপাদৃষ্টে চাহিলেন নারায়ণ ।
 তাহার যতেক পাপ হইল মোচন ॥
 তবে রাজা যুবনাথ সম্প্রীতি পাইয়া ।
 করেন কৃষ্ণের স্তব ঘোড়হাত হৈয়া ॥

তুমি ব্রহ্মা, তুমি বিষ্ণু, তুমি ত্রিলোচন ।
 তুমি ইন্দ্র, তুমি যম কুবের পবন ॥
 তুমি সর্গ, তুমি মর্ত্য, তুমি সে পাতাল ।
 তুমি জল, তুমি স্থল, দশদিক্‌পাল ॥

তুমি দিবা, তুমি রাত্রি পর্বত সাগর ।
 তুমি যোগ, তুমি ভোগ, তুমি চরাচর ॥
 মাস তুমি, বার তুমি, তিথি পঞ্চদশ ।
 গন্ধর্ব্ব-কিম্বর তুমি, তুমি সে তাপস ॥
 তোমার মহিমা প্রভু, কে বুঝিতে পারে ।
 এই তত্ত্ব জানি আমি, বিদিত সংসারে ॥
 এক সুবর্ণেতে হয় নানা-অলঙ্কার ।
 একাকী হইলে কত-শত অবতার ॥
 তোমার সকল সৃষ্টি, সর্ব্বভ্রষ্টা তুমি ।
 ব্রহ্মাদি না পায় তত্ত্ব, কি বলিব আমি ॥
 ধন্য রাজা যুধিষ্ঠির পাণ্ডুর নন্দন ।
 দেখিলাম তাঁহা হৈতে অভয়-চরণ ॥
 ধন্য রুষকেতু-বার্ণ কর্ণের নন্দন ।
 গাঁহা হৈতে দেখিলাম গোবিন্দ-চরণ ॥
 আমার যতেক ভাগ্য, বলিতে না পারি ।
 অভয় তোমার পদ দেখিছু শ্রীহরি ॥

এত বলি বাজি-বাগ ধরি নৃপবর ।
 আনিল যজ্ঞের অশ্ব কৃষ্ণের গোচর ॥
 আজি যজ্ঞ সাক্ষ হৈল, শুন ভগবান্ ।
 অশ্ব আনিলাম আমি তোমা-বিদ্যমান ॥
 এত বলি যুবনাথ করিল প্রণতি ।
 আলিঙ্গন দেন তারে ভক্তপ্রিয় অতি ॥
 অশ্ব ল'য়ে রুষকেতু রাখিল যতনে ।
 যুবনাথে তুষিল বিবিধ-আয়োজনে ॥
 পরিবার-সহ রাজা হস্তিনা-নগরে ।
 রহিল পাণ্ডববাসে যজ্ঞ দেখিবারে ॥
 অশ্ব দেখি বড় সুখী পাণ্ডুর নন্দন ।
 যজ্ঞসাক্ষ হবে বলি ঘোষে সর্ব্বজন ॥
 হরিষে আছেন যুধিষ্ঠির-নৃপবর ।
 দ্বারকায় চলিলেন দেব-দামোদর ॥

দ্বারকা গেলেন নাহি কহি পাণ্ডবেরে ।
অপার মহিমা তাঁর কে বুঝিতে পারে ॥
মহাভারতের কথা অমৃত-সমান ।
কাশীরাম দাস কহে, শুনে পুণ্যবান্ ॥

৮। শ্রীকৃষ্ণের অদর্শনে যুধিষ্ঠিরের
উদ্বেগ ও শ্রীকৃষ্ণের
আগমন ।

হেথা রাজা যুধিষ্ঠির রজনী-প্রভাতে ।
ডাক দিয়া অর্জুনেরে আনান সাক্ষাতে ॥
একাকী অর্জুনে দেখি কহেন রাজন্ ।
শুনহ কিরীটি, কোথা বিপদভঞ্জন ॥

অর্জুন বলেন, কৃষ্ণ ছিলেন সভায় ।
তত্ত্ব নাহি জানি আমি, গেলেন কোথায় ॥
ধর্ম বলিলেন, কৃষ্ণ তোমার মন্দিবে ।
সতত থাকেন, ইহা বিদিত সংসারে ॥
না বলিয়া কৃষ্ণচন্দ্র গেলা নিজালয়ে ।
আশঙ্কা জন্মিল ভাই, আমার হৃদয়ে ॥
কি-কারণে গেলেন আমারে না বলিয়া ।
কেমনে রহিব আমি তাঁরে না দেখিয়া ॥

এত বলি অধোমুখে আছেন নৃপতি ।
ভীম-সহদেব তথা আসিল ঝট্টিতি ॥
ধৃতরাষ্ট্র-বিদুর আসিল দুইজন ।
হেনকালে আসিলেন ব্যাস তপোধন ॥
ব্যাসে দেখি যুধিষ্ঠির করেন প্রণতি ।
আশীর্ব্বাদ করিলেন ব্যাস মহামতি ॥
ধৃতরাষ্ট্র-আদি করি যত সভাজন ।
সবাই বন্দিল আসি মূনির চরণ ॥
দ্বিব্যাসনে বসিলেন ব্যাস তপোধন ।
যোড়হাতে কহিছেন ধর্ম্মের নন্দন ॥

অবধান কর ওহে মুনি মহামতি ।
অশ্ব আনিলেক ভীম করিয়া শক্তি ॥
বৃষকেতু মেঘবর্ণ বিক্রম করিল ।
পরিবার-সহ রাজা আমারে ভজিল ॥
আপনি আইল রাজা তুরঙ্গ লইয়া ।
সম্প্রীতি পাইল রাজা আমারে দেখিয়া ॥
মুনি কন, যুধিষ্ঠির, শুনহ বচন ।
আর ভয় নাহি, কর যজ্ঞ-আরম্ভণ ॥
আমন্ত্রিয়া আন যত মুনি-ঋষিগণে ।
যজ্ঞ-আরম্ভণ কর আজি শুভকালে ॥
উত্তম-মধ্যমাদম ত্রিবিধ-প্রকার ।
সবাই পালিবে ধর্ম্ম, যথাশক্তি যার ॥
না করিলে স্বধর্ম্মের হইবে ব্যাঘাত ।
পরিণামে পাবে দুঃখ, শুন নরনাথ ॥
উত্তম যে লোক, তার শুন ব্যবহার ।
অহিংসা পরম-ধর্ম্ম ধর্ম্মের কুমার ॥
লোভ-মোহ-ক্রোধ ত্যজি হরিতে ভক্তি ।
উত্তম সে ভাগবত, শুন নরপতি ॥
শত্রু-মিত্র বলি তত্ত্ব যেইজন জানে ।
ভাগবত মধ্যম বলিয়া তারে গণে ॥
পরনারী পরদ্রব্য হরিবারে মন ।
অধম বলিয়া তারে জানিহ রাজন্ ॥
চণ্ডাল করয়ে যদি বৈষ্ণবের কাজ ।
মহাজন বলিয়া জানিবে মহারাজ ॥
ব্রাহ্মণ করয়ে যদি চণ্ডালের কর্ম্ম ।
চণ্ডাল বলিয়া তারে জানিবে হে ধর্ম্ম ॥
যার যেই নিজহুত্তি, করে যেইজন ।
ধর্ম্মবস্ত বলি তারে জানিহ রাজন্ ॥
নিজহুত্তি ছাড়ি যোবা পরহুত্তি করে ।
সেই সে অধম বলি জানাই তোমারে ॥

পিতৃকার্য্য দেবকার্য্য অতিথি-সেবন ।
 যে-জন করয়ে, সেই হয় মহাজন ॥
 শুচি আর সত্যবাদী পালে নিজধর্ম্ম ।
 ইহার সমান আর নাহি কোন কর্ম্ম ॥
 কহিলাম সংক্ষেপে, শুনহ নরপতি ।
 কৃষ্ণে আনি যজ্ঞ কর, শুন মহামতি ॥
 এ বড় বিস্ময় মম উপজিল মনে ।
 তোমার সংহতি কৃষ্ণে নাহি দেখি কেনে ॥
 যুধিষ্ঠির কহিলেন, ছিলা চক্রপাণি ।
 দ্বারকা গেলেন কেন, তত্ত্ব নাহি জানি ॥
 কৃষ্ণ না দেখিয়া মম মন উচাটন ।
 না কহিয়া আমারে গেলেন নারায়ণ ॥
 সেইহেতু আমি বড় ভয় বাসি মনে ।
 না বলিয়া কৃষ্ণচন্দ্র গেলা কি-কারণে ॥
 ব্যাস বলিলেন, রাজা, শুনহ বচন ।
 দ্বারকা গেলেন কৃষ্ণ, আছে প্রয়োজন ॥
 ভীমে পাঠাইয়া তুমি আনহ কৃষ্ণেরে ।
 আমি যাই তপোবনে তপ করিবারে ॥
 এত বলি ব্যাসদেব করিল গমন ।
 ভীমেরে ডাকিয়া কহে ধর্ম্মের নন্দন ॥
 শুন ভাই বৃকোদর, আমার ভারতী ।
 শ্রীকৃষ্ণে আনিতে তুমি যাহ শীঘ্রগতি ॥
 কৃষ্ণ না দেখিয়া মম উচাটন মন ।
 কৃষ্ণ-বিনা বাঁচে না যে আমার জীবন ॥
 ভীম বলে, যাই আমি কৃষ্ণে আনিবারে ।
 কি-কারণে দুঃখ তুমি করহ অন্তরে ॥
 এখন আনিব কৃষ্ণে, শুনহ রাজব ॥
 এত বলি ভীমসেন করিল গমন ॥
 রথে আরোহিয়া গেল দ্বারকা-নগরে ।
 দূত জানাইল গিয়া গোবিন্দ-গোচরে ॥

ভীম-আগমন শুনি দেব-নারায়ণ ।
 আনন্দে কহেন, আন করিয়া যতন ॥
 ভোজন করিতে স্নুখে বসেন শ্রীহরি ।
 ভীমে আনিলেক দূত সমাদর করি ॥
 ভোজন করেন বসি স্নুখে নারায়ণ ।
 হেনকালে উপনীত পবন-নন্দন ॥
 এস এস বলি কৃষ্ণ ডাকেন ভীমেরে ।
 দাসীগণ পাদ্য-অঘ্য যোগাইল তাঁরে ॥
 গোবিন্দ বলেন, ভাই, করত ভোজন ।
 রুদ্রিণী আনিয়া দিল ওদন-ব্যঞ্জন ॥
 ভোজন করেন ভীম মনের হরিষে ।
 যত দেন, তত খান আখির নিমিষে ॥
 ভীমের ভোজন দেখি হাসে সত্যভামা ।
 ধন্য সে উদর তব, দিতে নারি সীমা ॥
 লজ্জিত হইয়া ভীম গোবিন্দ-মায়ায় ।
 শুনি সেইসব কথা আচমনে যায় ॥
 কপূর তাপুল শেষে করিয়া ভক্ষণ ।
 বিচিত্রে-পালঙ্কোপরি করিল শয়ন ॥
 ভীম বলে, কৃষ্ণচন্দ্র নিবেদি তোমারে ।
 দ্বারকায় এলে তুমি না কহি রাজারে ॥
 তোমা না দেখিয়া রাজা দুঃখ পায় মনে ।
 ব্যাসদেব কহিলেন যজ্ঞ-আরম্ভণে ॥
 আপনি চলহ তথা যজ্ঞ দেখিবারে ।
 আমারে পাঠান রাজা লইতে তোমারে ॥
 গোবিন্দ বলেন, ভাই, বঞ্চহ রজনী ।
 প্রভাতে ভেটিব গিয়া ধর্ম্ম-নৃপমণি ॥
 এত বলি নারায়ণ শয়ন করিল ।
 নানাকথা-কুড়ুহলে রজনী বঞ্চিল ॥
 রজনী-প্রভাতে কৃষ্ণ বিচারি অন্তরে ।
 ডাক দিয়া আনিলেন দেব-হৃদধরে ॥

অক্রুর উদ্ধব আর আসে সর্বজন ।
 গদ-শাস্ত্র-প্রহ্মাদি যত যদুগণ ॥
 কৃষ্ণে প্রণমিয়া সবে বসিল আসনে ।
 গোবিন্দ বলেন কথা সবা-বিদ্যামানে ॥
 অশ্বমেধ-যজ্ঞ করিবেন যুধিষ্ঠির ।
 আমারে লইতে এল ভীম মহাবীর ॥
 যজ্ঞ দেখিবারে আমি করিব গমন ।
 করিবে সকলে মিলি দ্বারকা-রক্ষণ ॥
 রাখিবে দ্বারকাপুরী যতন করিয়া ।
 আমি যাব কৃতবর্মা উদ্ধবে লইয়া ॥
 সন্মতি দিলেন সবে কৃষ্ণের বচনে ।
 ত্বর করিলেন হরি হস্তিনা-গমনে ॥

দারুক অনিল রথ সাজায়ে সত্বর ।
 শুভক্ষণে চাপিলেন কৃষ্ণ তদুপর ॥
 কৃষ্ণের আদেশে হৈল সকলের ত্বর ।
 তেলিনী মালিনী যায় লইয়া পসর ॥
 গোপিকা সাজিল রথে দধি-দুগ্ধ লৈয়া ।
 হস্তিনা চলিল সবে সুবেশা হইয়া ॥
 কিক্বিণী, কঙ্কণ, কণ্ঠে মালা মনোহর ।
 চন্দনে চচ্চিত অঙ্গ, দেখিতে সুন্দর ॥
 কটিতে স্কুদ্রঘণ্টি স্তমধুর বাজে ।
 নানাবেশ করি কত নারীগণ সাজে ॥
 বাজন-নূপুর পায়ে স্তমধুর-ধ্বনি ।
 চলিতে না পারে সবে চারু-নিতম্বিনী ॥
 যজ্ঞ বাজাইয়া সঙ্গে সাজে কত গুণী ।
 নর্তকী চলিল সঙ্গে, লেখা নাহি জানি ॥
 ব্রাহ্মণ ভিক্ষুক ভট্ট কত গোড়াইল ।
 গজ বাজী পদাতিক সাজিয়া চলিল ॥
 সত্যভামা রুক্মিণী প্রভৃতি অষ্টরাণী ।
 সঙ্গে করি লইলেন দেব-চক্রপাণি ॥

ভীমের সহিত কৃষ্ণ চড়িলেন রথে ।
 নানাবাণ্ড বাজায় যাইতে রাজপথে ॥
 অনেক অবলা সঙ্গে দেখি বৃকোদর ।
 হাসিয়া জিজ্ঞাসা করে কৃষ্ণের গোচর ॥
 বুঝিতে তোমার মন নারি যদুপতি ।
 তেলিনী মালিনী কেন তোমার সংহতি ॥
 অষ্টোত্তর-শত বোল-সহস্র রমণী ।
 ব্রজের বনিতা কত লেখা নাহি জানি ॥
 তথাপিহ তেলিনী মালিনী নিলা সাথে ।
 ভয় পাই মনে আমি তোমার চরিতে ॥
 বলেন ঈষদ্ হাসি কমললোচন ।
 পরনারী-রতিসুখ না জান কখন ॥
 এত বলি কৃষ্ণ আঞ্জা দিলেন স্ত্রীগণে ।
 তেলিনী মালিনী গেল ভীম-বিদ্যমানে ॥
 অনেক সুন্দরী গিয়া ভীমেরে বেড়িল ।
 বিলাস-কটাক্ষ-হাসি অনেক করিল ॥
 তাহা দেখি ভীমসেন বলে সবাকারে ।
 মরিতে আইলে কেন আমার গোচরে ॥
 হিড়িম্বা আমার নারী, বিদিত সংসারে ।
 সতিনী বলিয়া ক্রোধে থাকে সবাকারে ॥
 শ্রীতি না পাইবে কেহ আমার মিলনে ।
 সত্বরে চলিয়া যাহ কৃষ্ণ-বিদ্যমানে ॥
 কৃষ্ণ-বিনা এত নারী কাহারে না শোভে ।
 আমারে ভজিলে মনে সুখ নাহি পাবে ॥
 ভীমের বচনে সবে ঈষদ্ হাসিয়া ।
 গোবিন্দের স্থানে সব কহিলেন গিয়া ॥
 তাহা শুনি হাসিলেন সংসারের সার ।
 বিশ্রাম করিয়া কৈল অনেক বিহার ॥
 অবশেষে বিদায় দিলেন সবাকারে ।
 তেলিনী মালিনী গোপী গেল নিজঘরে ॥

এ-সব কৃষ্ণের লীলা, শুন নরপতি ।
 হস্তিনা আসিলা কৃষ্ণ ভীমের সংহতি ॥
 ঝাণ্ড হ'য়ে ভীমসেন আইল সম্মুখে ।
 কৃষ্ণ-আগমন-কথা কহিল রাজারে ॥
 শুনিয়া সানন্দ বড় ধর্ম-নরপতি ।
 কৃষ্ণের আনিতে চলিলেন শীত্রগতি ॥
 মহাদেব নকুল অর্জুন মহামতি ।
 'দ্রুপাদি সর্বজন চলিল সংহতি ॥
 গুণাশ্ব-নরপতি যায় তাঁর সঙ্গে ।
 কৃষ্ণ আনিবারে চলে অতিশয় রঙ্গে ॥
 নানাবাণ্ড-উৎসব করিয়া নরপতি ।
 বনমালা নগরে বাঞ্ছিল শীত্রগতি ॥
 চান্দোয়া-চামর টাঙ্গাইল কতজন ।
 অর্ঘ্যট দ্বারে কেহ করিল স্থাপন ॥
 বাঞ্ছিল পুষ্পের ঝারা আনন্দিত-চিত্তে ।
 দিব্যবস্ত্র পাতিয়া রাখিল রাজপথে ॥
 অগুরু-চন্দন মালা রাখে দুই-সারি ।
 সবে বলে, এই পথে আসিবেন হরি ॥
 হেনমতে আনন্দিত নগরের জনা ।
 কৃষ্ণ-দরশনে যায় সকলে হস্তিনা ॥
 অগ্রগামী যুধিষ্ঠির কৃষ্ণ আনিবারে ।
 হেনকালে আসিলেন শ্রীকান্ত নগরে ॥
 পদব্রজে আসিলেন ধর্ম-নরপতি ।
 দেখিয়া ত্যজেন রথ কৃষ্ণ মহামতি ॥
 কি কব, তুলনা যাঁ দিতে নারে বেদে ।
 সে হরি প্রণাম করে যুধিষ্ঠির-পদে ॥
 আলিঙ্গন কৃষ্ণকে দিলেন নরপতি ।
 হরিষে চলেন কৃষ্ণ পাণ্ডব-সংহতি ॥
 পদব্রজে যান কৃষ্ণ নগর-ভিতর ।
 কৃষ্ণ দেখি সব-লোক সানন্দ-অন্তর ॥

যুধিষ্ঠির-পুরে প্রবেশিলেন শ্রীজানি ।
 রাজসভা সুসজ্জিত করে নৃপমণি ॥
 সভাসদগণ সব বসিল সভাতে ।
 হেনকালে ব্যাস আসিলেন ইচ্ছামতে ॥
 কৃষ্ণ দেখি মহামুনি সানন্দ অপার ।
 প্রশংসা করেন, ধন্য পাণ্ডুর কুমার ॥
 যজ্ঞ দান-ধ্যানে যাঁর না পায় দেখিতে ।
 হেন কৃষ্ণ দেখিলাম তোমার সভাতে ॥
 এত বলি সভাতে বসেন মহামুনি ।
 হেনকালে প্রসঙ্গ করেন চক্রপাণি ॥
 শুন রাজা যুধিষ্ঠির, আমার বচন ।
 উপস্থিত কর যত যজ্ঞ-আয়োজন ॥
 গ্রামে দূত পাঠাইয়া আন হব্য-গব্য ।
 যজ্ঞ করিবারে চাচ্ছি ভাল-ভাল দ্রব্য ॥
 বিলম্ব না কর, আন দূত পাঠাইয়া ।
 যতনে রাখিবে দ্রব্য ভাণ্ডারে পুরিয়া ॥
 রাজারে কহেন তবে ব্যাস তপোধন ।
 অতিশীত্র কর রাজা, যজ্ঞ-আয়োজন ॥
 আমার বচন তুমি শুন নরনাথ ।
 অশ্বমেধ-যজ্ঞে বহু হইবে উৎপাত ॥
 সাধুকর্মে আছে যে বাধক বহুতর ।
 কিন্তু তব সখা এই দেব-দামোদর ॥
 অতএব উদ্বিগ্ন না হবে নরপতি ।
 তোমারে জিনিতে কারো নাহিক শক্তি ॥
 দূত পাঠাইয়া শীত্র আন নৃপগণ ।
 মুনি-ঋষিগণে আন করি আমন্ত্রণ ॥
 ব্যাসের বচনে রাজা ডাকেন অর্জুনে ।
 যজ্ঞ-আয়োজন-হেতু কহেন যতনে ॥
 অর্জুন নিযুক্ত করিলেন যজ্ঞগণে ।
 নানাদ্রব্য আনে তারা পরম-যতনে ॥

পুরীর সংস্কার করে কত-শত জন ।
 যজ্ঞের মণ্ডপ কেহ করয়ে গঠন ॥
 দধিকূল্যা যতকূল্যা দুগ্ধ-সরোবর ।
 মধু-মিষ্টান্নাদি কৈল, দেখিতে সুন্দর ॥
 ক্ষীর-দধি-পুষ্করিণী করে সুবিস্তার ।
 মানাজ্জব্যে পূর্ণ কৈল সকল ভাণ্ডার ॥
 কৃষ্ণ যাহে তুষ্ট, তাহা হইল আপনি ।
 কত দ্রব্য এল, তার সংখ্যা নাহি জানি ॥
 নানাবিধ বাগ্ধ বাজে হস্তিনা-নগরে ।
 মহানন্দে লোক-সব আপনা পাসরে ॥
 কৃষ্ণসঙ্গে যুধিষ্ঠির আছেন সভাতে ।
 হেনকালে উৎপাত হইল আচম্বিতে ॥
 মহাভারতের কথা অমৃত-লহরী ।
 কাশী কহে, শুনিলে তরয়ে ভববারি ॥

২। অমুশাষের যুদ্ধ ।

জিজ্ঞাসেন জন্মেজয়, ওহে মহামুনি ।
 কহ দেখি, কি উৎপাত, তব মুখে শুনি ॥
 বলেন বৈশম্পায়ন, শুনহ রাজন ।
 আরম্ভ না হৈতে যজ্ঞ যুদ্ধের পত্তন ॥
 অমুশাষ-নামে এক দৈত্যের জৈত্বর ।
 কৃষ্ণের উদ্দেশে আসে হস্তিনা-নগর ॥
 গজ-বাজী রথ-রথী সেনাগণ লৈয়া ।
 বহুসৈন্যে অমুশাষ আসিল সাজিয়া ॥
 বেড়িল হস্তিনাপুরী, শঙ্কা নাহি করে ।
 হাট-বাট বেড়িল পদাতি ধরে-ধরে ॥
 উচ্চৈঃস্বরে ডাকে দৈত্য, কোথা গদাধর ।
 পলায়ে আসিলে মারি যোর সহোদর ॥
 আজি তোমা বিনাশিব, ইথে নাহি আন ।
 পাণ্ডবে শরণ নিলে রাখিবারে শ্রাণ ॥

পলাইয়া এলে হেথা দ্বারকা ছাড়িয়া ।
 হস্তিনা আইলু আমি তোমার লাগিয়া ॥
 এত বলি অমুশাষ কহে সৈন্যগণে ।
 কৃষ্ণকে মারিব আমি আজিকার রণে ॥
 ভয় না করিহ কেহ করিতে সংগ্রাম ।
 আমার বিপক্ষ বড় দেব-ভগবান ॥
 আজি কৃষ্ণে আমি যদি দেখিবারে পাই ।
 ক্ষণমাত্রে বিনাশিব, শুনহ সবাই ॥
 যতনে করহ সবে কৃষ্ণ-অধ্বেষণ ।
 লুকাইল যোর ভরে যাদব-নন্দন ॥
 যে মোরে দেখাবে কৃষ্ণে সংগ্রাম-ভিতরে ।
 নানাধন দিয়া তুষ্ট করিব তাহারে ॥
 কৃষ্ণকে জিনিয়া আমি যতধন পাব ।
 সত্য করি কহিলাম, সব তারে দিব ॥
 যে আমারে দেখাইবে গোপের নন্দনে ।
 সেই সে পরম-বন্ধু, শুন সর্বজনে ॥

এত অহঙ্কার করি প্রবেশিল পুরে ।
 দূত গিয়া সমাচার কহে যুধিষ্ঠিরে ॥
 অমুশাষ-দৈত্য আসি বেড়িল নগর ।
 অহঙ্কারে আসিতেছে করিতে সমর ॥
 কুবচন কহিলেক বহু নারায়ণে ।
 সে-সকল কথা রাজা, না শুনি শ্রবণে ॥
 দূতের বচনে যুধিষ্ঠির-নরপতি ।
 সংগ্রাম করিতে আজ্ঞা দেন নীত্ৰগতি ॥
 কৃষ্ণ-নিন্দা শুনি ক্রোধে পাণ্ডু-পুত্রগণ ।
 দৈত্যের সহিত যায় করিবারে রণ ॥
 সহদেব বৃকোদর নকুল দুর্জয় ।
 গাণ্ডীব লইয়া করে সাজে ধনঞ্জয় ॥
 মেঘবর্ণ সাজে আর শুবর্ণ-কুমার ।
 নানা-অস্ত্র লইয়া যতক পুরিবার ॥

নান-অন্ত্র লইয়া পাণ্ডব-সৈন্যগণ ।
দৈত্যের সম্মুখে আসি দিল দরশন ॥
সৈন্তে দেখি অনুশাস্ত বলে উঠেঃসরে ।
কোথা আছে কৃষ্ণ, সবে দেখাহ আমারে ॥
কোথা গেলে গোপ উগ্রসেন-অমুচর ।
আইস আমার সঙ্গে করিতে সমর ॥
পাণ্ডব-সহিত আমি যুদ্ধ নাহি করি ।
প্রতিজ্ঞা আমার আছে মারিব শ্রীহরি ॥

এত যদি অনুশাস্ত বলিল বচন ।
তাহা শুনি কুপিত হইল সর্বজন ॥
রণে প্রবেশিল সবে ধনু টঙ্কারিয়া ।
দৈত্যকে বিক্লি বাণ আকর্ণ পুরিয়া ॥
ভীম-সহদেব দৌহে ধনুক পাতিল ।
দেখি অনুশাস্ত-দৈত্য গজ্জিতে লাগিল ॥
কুপিত হইয়া তবে দৈত্যের ঈশ্বর ।
ভীম-সহদেবে বিদ্ধি করিল জর্জর ॥
দৈত্য-শরে অচেতন হৈল দুইবীর ।
সহিতে নারিল রণ, হইল অস্থির ॥
ভয়ে ভঙ্গ দিল দৌহে পরিহরি রণ ।
মার-মার ডাক ছাড়ে দৈত্যসেনাগণ ॥

দৈত্যের বিক্রম দেখি বীর ধনঞ্জয় ।
লোহিত-লোচন অতি কুপিত-হৃদয় ॥
মহাক্রোধে পার্শ্ববীর করেন সমর ।
তাহা দেখি ডাকি কহে দৈত্যের ঈশ্বর ॥
শুনহ অর্জুন, তুমি আমার বচন ।
তোমার প্রতিজ্ঞা যত জগতে ঘোষণ ॥
আমারে জিনিতে তব নাহিক শক্তি ।
সংগ্রাম করিব আমি কৃষ্ণের সংহতি ॥
আমার বিবাদ-যোগ্য দেব-নারায়ণ ।
তোমার সহিত আমি না করিব রণ ॥

৫২ বি

অশস্ত-জনের সনে না করি সংগ্রাম ।
তুলারশি-সম দেখি তব যত বাণ ॥
এত যদি ডাকিয়া বলিল দৈত্যেশ্বর ।
কহিলেন কুপিয়া গাণ্ডীব-ধনুর্ধর ॥
কি বলিলি ওরে বৃঢ়, নাহি তোমর জ্ঞান ।
আমি কি সংগ্রামে নহি তোমার সমান ॥
থাণ্ডব দহিয়া আমি তুহিনু অনলে ।
নিবাতকবচগণে জিনিমু পাতালে ॥
আমার সংগ্রামে তুচ্ছ হইলা ঈশান ।
চিত্ররথ-গন্ধর্বেশ্বর কৈমু অপমান ॥
ভীম-দ্রোণ-কর্ণ-আদি যত কুরুসেনা ।
সবারে জিনিয়া আমি রাখিমু ঘোষণা ॥
তোমর সম নাহি পাপী, শুন রে বর্ষর ।
কৃষ্ণের সহিত চাহ করিতে সমর ॥
বামন হইয়া চাহ চন্দ্রমা ধরিতে ।
আজি আমি বিনাশিব তোরে সমরেতে ॥
যতপি আমার হাতে পাও অব্যাহতি ।
তবে সে করিহ যুদ্ধ শ্রীকৃষ্ণ-সংহতি ॥

এত বলি অর্জুন গাণ্ডীব ল'ঞ করে ।
অগ্নিবাণ মারিলেন দৈত্যের উপরে ॥
ক্রুদ্ধ হৈল অনুশাস্ত অর্জুনের বাণে ।
সংগ্রাম করয়ে বীর কঠোর সন্ধানে ॥
অর্জুনের যত বাণ নিবারিল শরে ।
দুইবীরে মহাযুদ্ধ সংগ্রাম-ভিতরে ॥
বরুণাস্ত্র সন্ধানিল বীর ধনঞ্জয় ।
বায়ুবাণে নিবারিল দৈত্য দুরাশয় ॥
মারিলেন বায়ুবাণ ইন্দ্রের নন্দন ।
গিরিবাণে দৈত্যবীর করে নিবারণ ॥
সর্পবাণ এড়িল অর্জুন মহামতি ।
গরুড়াস্ত্রে সংহার করিল দৈত্যপতি ॥

অর্দ্ধচন্দ্র-বাণ পার্থ এড়েন তখন ।
 ক্ষুরপা-বাণেতে দৈত্য করে নিবারণ ॥
 হেমমতে যত অস্ত্র অর্জুন এড়িল ।
 অনুশাস্ত্র-দৈত্য তাহা বাণে নিবারিল ॥
 জিনিতে না পারিলেন হৈন্দের তনয় ।
 দৈত্যের সমরে বড় উপজিল ভয় ॥
 তবে অনুশাস্ত্র-দৈত্য বিচারিয়া মনে ।
 অর্জুনে বিক্ষিপ্ত বীর একলক্ষ-বাণে ॥
 মূর্চ্ছিত হইয়া রথে পড়েন কিরীটী ।
 তাহা দেখি ভঙ্গ দিল সেনা কোটি-কোটি ॥

কৃতবর্ষা সাত্যকি হ্রবেগ ধনুর্ধর ।
 অনুশাস্ত্র-সহ গেল করিতে সমর ॥
 বাণাঘাতে বীরসব অচেতন হৈল ।
 সংগ্রাম ত্যজিয়া সবে ভয়ে ভঙ্গ দিল ॥
 তবে রাজা যুবনাথ প্রবেশিল রণে ।
 অনেক সংগ্রাম কৈল অনুশাস্ত্র-সনে ॥
 দৈত্যবাণে নরপতি হইয়া জর্জর ।
 প্রাণভয়ে পলাইল ত্যজিয়া সমর ॥
 গদ-শাস্ত্র-আদ্ধিকরি যত বীর ছিল ।
 অনুশাস্ত্র-দৈত্য-সহ অনেক যুঝিল ॥
 জিনিতে নারিল যুদ্ধে প্রাণপণ করি ।
 ভয়ে পলাইল সবে রণ পরিহরি ॥

চিস্তিত পাণ্ডব-সৈন্য দৈত্যের গ্রহারে ।
 প্রাণ ল'য়ে গেল সবে শ্রীকৃষ্ণ-গোচরে ॥
 সংগ্রাম-বৃত্তান্ত যত শ্রীকৃষ্ণে কহিল ।
 তাহা শুনি শ্রীকৃষ্ণের হাশ্ব উপজিল ॥
 দৈত্যযুদ্ধে পার্থবীর হইল কাতর ।
 শুনিয়া ঈষৎ হাসিলেন গদাধর ॥
 হাতে পান ল'য়ে বলে দেব-নারায়ণ ।
 অনুশাস্ত্র-দৈত্যে ধরি দিবে যেইজন ॥

আসিয়া লউক পান আমার গোচরে ।
 ঘৃষিবে তাহার যশ সংসার-ভিতরে ॥
 বীরপুঞ্জ-সমক্ষেতে কহিলাম আমি ।
 ঘৃষিবে পৃথিবী তার যশের কাহিনী ॥
 এত শুনি প্রহ্মাঙ্গ সাহসে করি ভর ।

লইল কৃষ্ণের পান সবার ভিতর ॥
 অঙ্গীকার করিলেক কৃষ্ণের সাক্ষাতে ।
 সাজিল মকরধ্বজ দৈত্যকে ধরিতে ॥
 ধনুর্বাণ নানা-অস্ত্র নিল যুদ্ধহেতু ।
 স্তম্ভজ হইয়া রথে চড়ে মীনকেতু ॥
 অনুশাস্ত্র দৈত্য যথা আছয়ে সমরে ।
 তথাকারে গেল বীর যুদ্ধ করিবারে ॥
 সৈন্যেতে বেষ্টিত হ'য়ে আটল অনঙ্গ ।
 ছুটবীরে দেখাদেখি হৈল বড় রঙ্গ ॥
 আকর্ণ পুরিয়া কাম পুরিল সন্ধান ।
 অনুশাস্ত্র হৃদয়ে মারিল দশবাণ ॥

বাণাঘাতে ক্রুদ্ধ হৈল দৈত্য-অধিপতি ।
 ডাক দিয়া প্রহ্মাঙ্গে বলয়ে শীঘ্রগতি ॥
 যুঝিতে আটলে তুমি ল'য়ে ধনুর্বাণ ।
 দেখিলে না সংগ্রামে বীরের ভঙ্গিয়ান ॥
 সম্মুখ হইয়া যদি যুঝ মোর সনে ।
 তবে পাঠাইব তোরে যমের সদনে ॥
 চোরবংশে জন্ম তোর, জানহ চাতুরী ।
 গোপঘরে তোর বাপ ননী কৈল চুরি ॥
 উত্থলে নন্দজায়া বাঙ্কিল তাহারে ।
 মিথ্যা নহে এই কথা, বিদিত সংসারে ॥
 গোপিকার বসন যে হরিল শ্রীহরি ।
 রুক্মিণীকে তোর বাপ আনে চুরি করি ॥
 কপট করিয়া সে মারিল যতজন ।
 না বুঝি অযোধ্য-লোক তাহারে বাধানে ॥

কিন্তু সে-সকল কৰ্ম নারিবে করিতে ।
আজি তোরে যমঘরে পাঠাব স্থরিতে ॥
এতেক বচনে কাম জুহু হৈল মনে ।

যুড়িল সহস্র-বাণ ধনুকের গুণে ॥
আকর্ণ পুরিয়া মারে দৈত্যের উপরে ।
অনুশাস্ত-দৈত্য তাহা নিবারিল শরে ॥
তবে দৈত্য কিপ্রহস্তে পুরিল সন্ধান ।
আকর্ণ পুরিয়া কামে মারে শত-বাণ ॥
বাণেতে কাটিল সব কৃষ্ণের কুমার ।
তাহা দেখি দৈত্য-কোপ বাড়িল অপার ॥
দৈত্য-অস্ত্র ধনুকে যুড়িল দৈত্যপতি ।
প্রহস্তে মারিল বাণ করিয়া শক্তি ॥
সারথি-সহিত উড়টিল রথখান ।
পড়িল প্রহস্ত গিয়া কৃষ্ণ-বিচ্যমান ॥

কামদেবে দেখি ক্রোধ হৈল গদাধরে ।
লাথি মারিলেক তার মস্তক-উপরে ॥
দৈত্যবাণে অচেতন ছিল শশ্বরারি ।
চেতন পাইল বীর পরশিতে হরি ॥
তবে কৃষ্ণ কহিলেন প্রহস্তে চাহিয়া ।
রণে ভঙ্গ দিলে তুমি মম পুত্র হৈবা ॥
শুন রে পামর পুত্র, তুমি কুলাধম ।
তোমা হৈতে কলঙ্ক হইল আজি মম ॥
প্রাণভয়ে পলাইলি ত্যজিয়া সংগ্রাম ।
কিসের কারণে হেন রাখহ পরাণ ॥
আমার সম্মুখে গেলে করি অহঙ্কার ।
রণভঙ্গ-অপবশ ঘুষিবে সংসার ॥

এত যদি নারায়ণ কহিলেন ক্রোধে ।
অধোমুখে রহে কাম মনের বিষাদে ॥
পুত্র-অপমান দেখি দুঃখিনী রুস্বিণী ।
চিন্তিত হ'লেন যুধিষ্ঠির-নৃপমণি ॥

অর্জুন আসিয়া তবে প্রহস্তে ভুলিল ।
এ-কর্ম উচিত নহে, শ্রীকৃষ্ণে কহিল ॥
যুদ্ধে জয়-পরাজয় আছে সবাকার ।
আপনি জানহ কৃষ্ণ, সংসারের সার ॥
গরুড়ে চাপিয়া তবে গেলেন শ্রীহরি ।

প্রবেশ করেন রণে গদা-চক্র ধরি ॥
কৃষ্ণ হেরি হবষিত হৈল দৈত্যপতি ।
নানা-অস্ত্র ল'য়ে যুদ্ধ কৃষ্ণের সংহতি ॥
শত শত বাণ দৈত্য কৈল অবতার ।
চক্রে নাশিলেন তাহা দৈবকী-কুমার ॥
তবে গদা সন্ধান করিলা নারায়ণ ।
প্রাণভয়ে পলাইল দৈত্যসংগ ॥
সৈন্য-ভঙ্গ দেখিয়া কুপল দৈত্যেশ্বর ।
ধনু ধরি যুদ্ধ করে কৃষ্ণের গোচর ॥
অপার-মহিমা তাঁর, লুপ্ত কোন্ জন ।
দৈত্য-সহ করিলেন গোরতর রণ ॥
দৈত্যগণে জর্জরিত হ'য়ে দেব-হরি ।
রহিতে না পারিলেন গরুড়-উপরি ॥
জর্জর হইল বাণে বিনতা-নন্দন ।
দৈত্যগণে অচেতন হৈলা নারায়ণ ॥
ক্রোধে অনুশাস্ত-দৈত্য গদা ল'য়ে হাতে ।
সক্রোধে মারিল গদা গরুড়ের মাথে ॥
ব্যথা পেয়ে পক্ষিরাঙ্গ পলায় সম্বরে ।
কৃষ্ণেরে লইয়া গেল ধর্মের গোচরে ॥
অচেতন নারায়ণ গরুড়-উপরে ।
তা' দেখি জম্বিন ভয় রাত্রা যুধিষ্ঠিরে ॥
চিন্তাকুল হৈল বড় পাণ্ডবেয়গণ ।
রণে ভঙ্গ দিয়া আসিলেন নারায়ণ ॥
এই অমঙ্গল কথা শুনিয়া রুস্বিণী ।
কৃষ্ণের সম্মুখে আসি কহে প্রিয়বাণী ॥

বুঝিতে পরের দুঃখ কেহ নাহি জানে ।
ফলিলে আপন-অঙ্গে জ্ঞান হয় মনে ॥
যুদ্ধ করি কামদেব হৈল হীনবল ।
পলাইল সারথি, পাইলে তুমি ছল ॥
চরণ-প্রহারে তারে কৈলে অপমান ।
তুমি কেন ভয়ে ভঙ্গ দিলে ভগবান্ ॥
দৈত্যযুদ্ধ সহিবারে না পারিলে তুমি ।
প্রহুয়ন্তে মারিলে লাথি, কি বলিব আমি ॥

ঈষৎ হাসেন কৃষ্ণ রুষ্ণিণী-বচনে ।
হেনকালে ভীমসেন বলে নারায়ণে ॥
এক নিবেদন মোর শুন চক্রপাণি ।
হাসিয়া কলঙ্ক ঘুচাইতে চাহ তুমি ॥
না বুঝিয়া প্রহুয়ন্তে করিলে তিরস্কার ।
রণভঙ্গ-কথা আমি শুনিবু তোমার ॥
তবে রাজা যুধিষ্ঠির ব্যাসে জিজ্ঞাসিল ।

দৈত্যযুদ্ধে নারায়ণ কেন ভঙ্গ দিল ॥
ব্যাস বলিলেন, শুন ধর্ম্মের নন্দন ।
অনন্ত কৃষ্ণের লীলা, বুঝে কোন্ জন ॥
ব্রাহ্মণের বাক্য কৃষ্ণ সত্য করিবারে ।
ভঙ্গ দিলা জগন্নাথ দৈত্যের সমরে ॥
গর্গমুনি অভিষাপ দিল নারায়ণে ।
অপমান পাবে তুমি অনুশাস্ত-রণে ॥
সে-কারণ রণে ভঙ্গ দিলেন শ্রীহরি ।
শুন রাজা, তোমারে কহিবু সত্য করি ॥
নহে কি কৃষ্ণের ভঙ্গ সংগ্রামে আছয় ।
যাহার ইচ্ছায় হয় সৃষ্টি-স্থিতি-লয় ॥
যস্ত্রের আকার প্রাণী, শুনহ রাজন্ ।
বেদশাস্ত্রে ব্যাখ্যানিল যন্ত্রী নারায়ণ ॥
ব্যাসের বচনে তাঁর বিস্ময় ঘুটিল ।
দৈত্য-সিংহনাদে মনে ভয় উপজিল ॥

হেনকালে বৃষকেতু রাজার সাক্ষাতে ।
অহঙ্কার করি বীর বলে ষোড়হাতে ॥
আজ্ঞা দেহ, যাব আমি করিতে সমর ।
দৈত্যকে বান্ধিয়া আনি তোমার গোচর ॥
কৃষ্ণের প্রসাদে আমি জিনিব সমর ।
ভয় নাই, আজ্ঞা দেহ, শুন নৃপবর ॥
দৈত্য-সিংহনাদ আর না পারি সহিতে ।
আজ্ঞা দেহ, যাই আমি সংগ্রাম করিতে ॥

যুধিষ্ঠির বলিলেন, কর্ণের নন্দন ।
তোমাতে পাঠাতে নাহি লয় মোর মন ॥
রণে ভঙ্গ দিলা যবে স্নয়ং যদুপতি ।
কিমতে জিনিবে তুমি সে দুষ্ক-দুশ্রুতি ॥
ভীমার্জুন সহদেব কামদেব আর ।
না পারিল সহিবারে পরাক্রম যার ॥
শিশু হ'য়ে তুমি যুদ্ধ করিবে কেমনে ।
তাই বৃষকেতু, আমি ভয় পাই মনে ॥
কর্ণশোক পাসরিবু তোমাতে দেখিয়া ।
যুদ্ধেতে নাহিক কাজ, থাকহ বসিয়া ॥
বৃষকেতু বলে, মোর ভয় নাহি মনে ।
আজ্ঞা দেহ, যুদ্ধ আমি করি তার সনে ॥

তবে অনুমতি দেন রাজা যুধিষ্ঠির ।
ধনুর্বাণ হাতে করি যায় মহাবীর ॥
সিংহনাদ করি সাজে বীর-বৃষকেতু ।
গোবিন্দে প্রণমি চলে যুঝিবার হেতু ॥
ধর্ম্মরাজে প্রণমিল আর চারিজন ।
সিংহনাদ করি বীর প্রবেশিল রণে ॥
ধনুর্বাণ হাতে করি কর্ণের কুমার ।
দৈত্যের সম্মুখে যায় বলি মার-মার ॥
শত-শত বাণ বীর এড়ে একেবারে ।
অগ্নিহেন বাণ বিদ্ধে দৈত্যের শরীরে ॥

বাণে বাণ নিবারিল দৈত্য মহামতি ।
 হেনমতে দৌহে কৈল অনেক শক্তি ॥
 তবে বৃষকেতু-বীর কৰ্ণের নন্দন ।
 হৃদয়ে ভাবনা কৈল অভয়-চরণ ॥
 কৃষ্ণপদ ধ্যান করি যুড়িলেক শর ।
 বাণাঘাতে বুচ্ছ পক্ষ্ম দৈত্যের ঈশ্বর ॥
 বুচ্ছ গতি অমুশাস্ত্রে দেখিয়া তখন ।
 ধাটয়া ধরিল তারে কৰ্ণের নন্দন ॥
 অমুশাস্ত্র-দৈত্যেশ্বরে ধরিয়া স্থরিতে ।
 আনিয়া দিলেক শীত্ৰ ধৰ্ম্মের অগ্ৰেতে ॥
 ধনু-ধনু বৃষকেতু, করিয়া বাধান ।
 ধৰ্ম্মপুত্র দেন তারে আলিঙ্গন-দান ॥
 ভগতে রাখিলে তুমি আপনার যশ ।
 বৃষকেতু-গুণে কৃষ্ণ হইলেন বশ ॥
 ভীমাৰ্জুন-নকুলাদি শ্রীতি পায় মনে ।
 আলিঙ্গন দিলা সবে কৰ্ণের নন্দনে ॥

তবে অমুশাস্ত্র-দৈত্য পাইল চেনন ।

মায়া ঘুচাইল তার কমললোচন ॥
 দিব্যজ্ঞান দেন তবে দৈত্যের ঈশ্বরে ।
 কৃষ্ণে দেখি দৈত্যরাজ দণ্ডবৎ করে ॥
 প্রণমিয়া কহে দৈত্য করি ষোড়হাত ।
 প্রসন্ন হইলা মোরে দেব জগন্নাথ ॥
 ধনু-ধনু বৃষকেতু কৰ্ণের নন্দন ।
 ধরিয়া আনিলা মোরে করিয়া যতন ॥
 সে-কারণে দেখিলাম চরণ তোমার ।
 সকল হইল জন্ম আজি সে আমার ॥
 যে-চরণ হইতে জন্মিল ভাগীরথী ।
 যে-চরণ-পূরণে সানন্দা বহুমতী ॥
 যে-চরণ সতত ভাবয়ে যোগিগণ ।
 সে-পদ দেখিহু, মোর সকল জীবন ॥

ধনু যুধিষ্ঠির, তুমি ধৰ্ম্মের কুমার ।
 কৃষ্ণ-দরশন পাই মিলনে তোমার ॥
 আমার অনেক ভাগ্য জন্মে-জন্মে ছিল ।
 সে-কারণে কৃষ্ণ-পাদপদ্ম দেখা গেল ॥
 মদে মত্ত হ'য়ে আমি করিলাম রণ ।
 অপরাধ না লইবে ধৰ্ম্মের নন্দন ॥
 তুমি দোষ ক্ষমা কৈলে আর নাহি ভয় ।
 প্রসন্ন হবেন মোরে কৃষ্ণ কৃপাময় ॥
 দৈত্যের বচনে কহিলেন ধৰ্ম্মরাজ ।
 শুন দৈত্য, ক্ষমিলাম তোমার অকাজ ॥
 এত বলি প্রসাদ দিলেন নরপতি ।
 ধৰ্ম্মরাজে দৈত্যরাজ করিল প্রণতি ॥
 দৈত্যকে কহেন ধৰ্ম্ম মধুর-বচনে ।
 বিদায় দিলাম, তুমি বাহ নিকেতনে ॥

তবে অমুশাস্ত্র বলে করি ষোড়হাত ।

দেশে না যাইব আমি, পাণ্ডবের নাথ ॥
 থাকিব তোমার সঙ্গে হস্তিনা-নগরে ।
 সতত দেখিতে পাব দেব-গদাধরে ॥
 রাজ্য-ধনে কিছু মম নাহি প্রয়োজন ।
 আজ্ঞা কর, কি করিব ধৰ্ম্মের নন্দন ॥

যুধিষ্ঠির বলিলেন, শুন দৈত্যেশ্বর ।

অৰ্জুন-সহিত তুমি যাইবে সশ্বর ॥
 রাখিবে যজ্ঞের অশ্ব করিয়া শক্তি ।
 এই ভার তোমাতে দিলাম দৈত্যপতি ॥
 তুমি আর যুবনাশ্ব অৰ্জুন-সহিত ।
 রাখিবে যজ্ঞের অশ্ব হ'য়ে অবহিত ॥
 তাহা শুনি অমুশাস্ত্র আনন্দিত-মন ।
 নিজসৈন্য আনিলেক করিয়া সাজন ॥
 অশ্ব রাখিবারে দৈত্য কৈল অঙ্গীকার ।
 তাহা শুনি শ্রীতি পান ধৰ্ম্মের কুমার ॥

এই বিবরণ কহি তোমার গোচর ।
 আয় কি শুনিতে ইচ্ছা, কহ নৃপবর ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১০। অশ্বমেধ-যজ্ঞের উদ্যোগ ।

শ্রীজনমেজয় বলে, কহ মহামুনি ।
 যজ্ঞের আরম্ভ-কথা অপূর্ব-কাহিনী ॥
 অৰ্জুন গেলেন যদি অশ্ব রক্ষিবারে ।
 ভ্রমণ করিল অশ্ব পৃথিবী-ভিতরে ॥
 ধরিয়া রাখিল অশ্ব কোন্ বলবান ।
 কার সহ কি-প্রকার হইল সংগ্রাম ॥
 আমারে সে-সব কথা কহ তপোধন ।
 তোমার প্রসাদে শুনি পূর্ব-বিবরণ ॥

বলেন বৈশম্পায়ন, শুন জন্মেজয় ।
 অশ্বমেধ-কথা শুনি হয় পাপক্ষয় ॥
 ব্যাস বলিলেন, তবে ধর্মরাজ-প্রতি ।
 মুনি-ঋষি আমন্ত্রিয়া আন শীঘ্রগতি ॥
 আরম্ভ করহ যজ্ঞ মধু-পূর্ণিমাতে ।
 যজ্ঞের সামগ্রী তুমি আনহ ত্বরিতে ॥
 ব্যাসের বচনে রাজা ভীমে পাঠাইল ।
 মুনি-ঋষি-ব্রাহ্মণেরে নিমন্ত্রণ দিল ॥
 পাণ্ডবের আমন্ত্রণ পেয়ে মুনিগণ ।
 হস্তিনা-নগরে আসি দিলা দরশন ॥
 পাণ্ড-অর্ঘ্যে যুধিষ্ঠির করিয়া পূজন ।
 প্রণাম করিয়া সবে দিলেন আসন ॥
 বসিল আসনে যত মুনি-ঋষিগণ ।
 জটিল যোগীন্দ্র বহু আইল ব্রাহ্মণ ॥
 বসিলেন যুধিষ্ঠির শ্রীকৃষ্ণে স্মরিয়া ।
 ভীমার্জুন-সহদেব-নকুলে লইয়া ॥

নানা-আয়োজন অনুচরে যোগাইল ।
 যজ্ঞের মণ্ডপে সব যতনে রাখিল ॥
 বেদের বিধানে কুণ্ড করিল নিষ্ঠাণ ।
 আশী-হাত গর্ত সেই, দেখিতে স্থচাম ॥
 শাস্ত্রমত কুণ্ড শতহস্ত-পরিসর ।
 নিষ্ঠাইল যজ্ঞবেদী পরম-সুন্দর ॥
 স্বর্ণ-রচিত ঘট আরোপিল তাতে ।
 পুষ্পমালায় বাঞ্ছিল চান্দোয়া চারিভিতে ॥
 দ্রৌপদী-সহিত ধর্মরাজ করি স্নান ।
 বসিলেন দৌহে শুক্লবস্ত্র-পরিধান ॥
 বেদধ্বনি করিল যতেক মুনিগণ ।
 ধোম্য-পুরোহিত করে বেদ-উচ্চারণ ॥
 সঙ্কল্প করেন শুভক্ৰমে নরপতি ।
 তবে ব্যাসদেব নৃপে দেন অনুমতি ॥
 ব্রাহ্মণে বরণ কর বসন-ভূষণে ।
 স্বরায় আনহ অশ্ব যজ্ঞ-সমিধান ॥

ব্যাসের বচনে রাজা সানন্দ হইল ।
 নানাবিধ আভরণ সত্তরে আনিল ॥
 আসন-বসন সব কনকে রচিত ।
 স্বর্ণের ঝাল, ঝারি মাণ্ডতে খচিত ॥
 বিংশতি-সহস্র বিপ্রে করিয়া বরণ ।
 সবারে দিলেন বস্ত্র-আসন-ভূষণ ॥
 বরণ পাইয়া তবে আনন্দিত-চিত্তে ।
 বসিল সকল-দ্বিজ যজ্ঞ আরম্ভিতে ॥
 দ্রৌপদী-সহিত ব্রতী হ'লেন রাজন ।
 মধু-পূর্ণিমাতে হৈল যজ্ঞ-আরম্ভণ ॥
 সর্ব-সুলক্ষণ অশ্বে সাজায়ে সত্তর ।
 আনি প্রক্ষালিলা তার পদ নৃপবর ॥
 কুসুম-চন্দনে অশ্বে করিয়া পূজন ।
 বাঞ্ছিলেন অশ্বতালে সোনার দর্পণ ॥

পৃথিবী নিজ-নাম লিখেন দর্পণে ।
 পৃথিবী ভ্রমিবে অশ্ব আপনার মনে ॥
 যদি কেহ বীর থাকে পৃথিবী-ভিতরে ।
 ধরিলে যজ্ঞের অশ্ব জিনিব তাহারে ॥
 নিজবলে ছাড়াইয়া তুরগে আনিব ।
 তবে অশ্বমেধ-যজ্ঞ সম্পূর্ণ করিব ॥
 অশ্বভালে দর্পণেতে এ-সব লিখিল ।
 ঘোটক-অঙ্গেতে নানা-অলঙ্কার দিল ॥
 সেনার নৃপূর দিল অশ্বের চরণে ।
 চশ্ম-অঙ্গ আচ্ছাদিল রজত-কাঞ্চনে ॥
 কুন্তী আর গান্ধারী প্রভৃতি যত নারী ।
 ভলাভলি মঙ্গল করিল আগুসরি ॥
 সত্যভামা-আদি যত কৃষ্ণের রমণী ।
 মঙ্গল-বিধানে অশ্বে পূজিল তথনি ॥

ধনঞ্জয়ে ডাকিয়া বলেন নৃপবর ।
 অশ্বরক্ষা-হেতু ভাই, সাজহ সজ্বর ॥
 আমি ত্রুতী হইয়া রহিব যজ্ঞস্থানে ।
 দিবানিশি দ্রৌপদী-সহিত একাসনে ॥
 অসিপত্র ত্রুত-আচরণে দিব মন ।
 যতনে করহ ভাই, ঘোটক-রক্ষণ ॥
 অগ্ন চুরি হৈলে যজ্ঞসাক্ষ না হইবে ।
 ত্রুত নষ্ট হবে, আর কলঙ্ক রটিবে ॥
 শুনিয়াছি মুনিমুখে এ-সব কথন ।
 অগ্নহারী হ'য়ে দুঃখ পায় কতজন ॥
 যতনে রাখিবে অশ্ব বীর ধনঞ্জয় ।
 পৃথিবী ভ্রমিলে অশ্ব কার্য্যসিদ্ধ হয় ॥
 নকুল থাকিবে মাত্র আমার সংহতি ।
 সঙ্গিতে লইয়া যাহ যত সেনাপতি ॥
 তোমার বীরত্ব যত জগতে ঘোষণ ।
 কিরাত-শঙ্কর-সনে কৈলে তুমি রণ ॥

খাণ্ডব দহিয়া তুমি তুমিলে অনলে ।
 নিবাতকবচ বিনাশিলে বাহুবলে ॥
 চিত্ররথ-গন্ধর্বে করিলে অপমান ।
 ভীষ্ম-দ্রোণ-কূপ-সহ করিলে সংগ্রাম ॥
 সময় জিনিয়া তুমি রাজ্য দিলে মোরে ।
 অশ্বরক্ষা-হেতু ভার দিলাম তোমারে ॥

অর্জুন বলেন, রাজা, চিন্ত অকাশে ।
 আমারে জিনিতে বীর নাহি ত্রিভুবনে ॥
 পৃথিবী ভ্রমিয়া আমি তুরগে আনিব ।
 যদি কেহ অশ্ব ধরে, তারে নিপাতিব ॥
 কৃষ্ণের প্রসাদে ভয় না করি কাহারে ।
 সত্য কহিলাম আমি তোমার গোচরে ॥
 এত বলি ধনঞ্জয় হ'লেন বিদায় ।

মুনি-ঋষিগণ সবে জয়-জয় দেয় ॥
 অশ্ব-পিছে ধনঞ্জয় করেন প্রয়াণ ।
 বাজায় দামান। ভেরী থমক বিষণ ॥
 মৃদঙ্গ মাদল বাজে পটহ কাঁঝরি ।
 ডম্বুর রবাব বাজে ধুসরি মোহরি ॥
 জয়ঢাক বীরঢাক বড়-বড় দামা ।
 কাঁসর-কিঙ্কণী বাজে অনেক বাজনা ॥
 ভেরী ভয়ানক বাজে, শঙ্খধ্বনি হয় ।
 অশ্ব-আগে-পিছে বাঘ বাজে জয়-জয় ॥
 নর্তক নাচয়ে, কত-শত গুণী গায় ।
 অশ্ব-সঙ্গে চলে সৈন্য, লেখা নাহি যায় ॥

তবে কৃষ্ণ কহিলেন ভীষ্ম-মহাবীরে ।
 অর্জুন-সঙ্গেতে যাহ অশ্ব রক্ষিবারে ॥
 প্রত্যাশে ডাকিয়া বলিলেন নারায়ণ ।
 অশ্ব রক্ষিবারে পুত্র, করহ গমন ॥
 কৃতবর্মা সাত্যকি যতেক ধনুর্ধর ।
 গম-শাশ্বে সঙ্গে ল'য়ে চলহ সজ্বর ॥

রাখিহ তুরঙ্গ সবে মন্ত্রণা করিয়া ।
 যুঝিবে সমর-মধ্যে সাবধান হৈয়া ॥
 এত বলি প্রত্যেকে করে দিলেন বিদায় ।
 প্রণমিয়া নারায়ণে সর্বসৈন্য যায় ॥
 যুবনাথ অনুশাস্ত হ্রবেগ-সহিতে ।
 অৰ্জ্জুনের সঙ্গে যায় তুরঙ্গ রক্ষিতে ॥
 বৃষকেতু-বীর চলে কর্ণের নন্দন ।
 অশ্ব-সঙ্গে চলে সৈন্য, না যায় গণন ॥
 দৈবযোগে তুরঙ্গ চলিল শুভক্ষণে ।
 প্রথমে যজ্ঞের অশ্ব চলিল দক্ষিণে ॥
 পাণ্ডব-বিজয়-কথা অমৃত-লহরী ।
 শুনিলে অধর্ম্ম খণ্ডে, ভবে যায় তরি ॥
 শুন ভাই, ভারতের অপূর্ব্ব-কথন ।
 কাশীরাম দাস কৈল পয়ারে রচন ॥

১১। নীলধ্বজ-রাজের সহিত যুদ্ধ ।

কহেন বৈশম্পায়ন, শুন জন্মেজয় ।
 দক্ষিণ-দিকেতে গেল পাণ্ডবের হয় ॥
 পশ্চাতে চলিল সৈন্য নানা-অস্ত্র ধরি ।
 প্রবেশ করিল গিয়া মাহিষ্মতী পুরী ॥
 মাহিষ্মতী-পুরে রাজা নীলধ্বজ নাম ।
 অস্ত্র-শস্ত্র-বিশারদ বীর গুণধাম ॥
 ধর্ম্মেতে পৃথিবী পালে নীলধ্বজ-রায় ।
 মহানুখে আছে প্রজা, ক্রেশ নাহি পায় ॥
 আপনার ধর্ম্ম রক্ষা করে সর্ব্বজনে ।
 নৃপতি-পালনে ধন বাড়ি প্রজাগণে ॥
 প্রবীর-নামেতে তাঁর প্রধান-তনয় ।
 যৌবনে হইয়া মত্ত ত্যজে ধর্ম্মভয় ॥
 যুবতী লইয়া সেই কেলি করে জলে ।
 নানারঙ্গে রস-জীড়া করে কুতূহলে ॥

হেনকালে সেই-অশ্ব যায় সেই পথে ।
 প্রবীর-বনিতা তাহা পাইল দেখিতে ॥
 মদনমঞ্জরী-নামে প্রধান বনিতা ।
 ষোড়হাত হ'য়ে স্বামি-অগ্রে কহে কথা ॥
 হের দেখ, আসে অশ্ব সর্ব্ব-সুলক্ষণ ।
 অশ্বের অঙ্গেতে কত মুকুতা-রতন ॥
 সোনার নূপুর বাজে অশ্বের চরণে ।
 ভুলিল আমার মন অশ্ব-দরশনে ॥
 অশ্ব ধরি দেহ মোরে প্রাণের ঈশ্বর ।
 নহিলে মরিব আমি তোমার গোচর ॥
 বনিতার বাক্য শুনি রাজার নন্দন ।
 ধাইয়া ধরিল অশ্ব সর্ব্ব-সুলক্ষণ ॥
 অশ্বভালে লিখন পড়িল নৃপসুত ।
 পত্র পড়ি অহঙ্কার বাড়িল বহুত ॥
 অশ্ব ধরি কুমার কহিল নারীগণে ।
 অশ্ব ল'য়ে তোমরা চলহ নিকেতনে ॥
 অশ্বমেধ-যজ্ঞ করে রাজা যুধিষ্ঠির ।
 তুরঙ্গ-রক্ষণে এল ধনঞ্জয়-বীর ॥
 অহঙ্কারে অশ্ব-ভালে ক'রেছে লিখন ।
 ধরিতে আমার অশ্ব আছে কোন্ জন ॥
 যদি কেহ অশ্ব ধরে, বিনাশিব তারে ।
 আনিব যজ্ঞের অশ্ব হস্তিনা-নগরে ॥
 অশ্বভালে এই পত্র আছয়ে লিখন ।
 অবশ্য সংগ্রাম হবে অশ্বের কারণ ॥
 কদাপি তুরঙ্গ আমি না দিব পাণ্ডবে ।
 অশ্ব না পাইলে আসি সংগ্রাম করিবে ॥
 অতএব তোমা-সবে যাহ অন্তঃপুরে ।
 বান্ধিয়া রাখহ অশ্ব ল'য়ে পাক-ঘরে ॥
 এত বলি অনুচরে সেই অশ্ব দিল ।
 প্রবীর-বনিতাগণ পুরে প্রবেশিল ॥

হেথা অশ্ব না দেখিয়া পাণ্ডবেয়গণ ।
নানা-অস্ত্র ল'য়ে ধায় কৰিবারে রণ ॥
আগে আসে পার্শ্ববীর ধনুঃশর-হাতে ।
সাক্ষাৎ হইল তাঁর প্রবীরের সাথে ॥
সৈন্যগণ-সঙ্গে আসে রাজার তনয় ।
জিজ্ঞাসা করেন তারে বীর ধনঞ্জয় ॥
পরিচয় দেহ তুমি, কাহার নন্দন ।
ধরিলে যজ্ঞের অশ্ব কিসের কারণ ॥
অশ্বমেধ-যজ্ঞ করিছেন যুধিষ্ঠির ।
অশ্ব ধরে-পৃথিবীতে আছে কোন্ বীর ॥

প্রবীর বলিল, নাহি কর অহঙ্কার ।
অশ্ব ধরি আমি নীলধ্বজের কুমার ॥
বুঝি তোমার বল পাণ্ডুর নন্দন ।
কেমনে লইবে অশ্ব করি তুমি রণ ॥
অৰ্জুন বলেন, যুদ্ধ কৈল তোর সনে ।

এ-কথা শুনিলে হাসিবেক ক্ষত্রগণে ॥
বিবাদ না করি আমি বালক-সংহতি ।
যুঝিবে তোমার সঙ্গে যত সেনাপতি ॥
অৰ্জুনের বাক্যে রোষে রাজার কুমার ।

আকর্ণ পুরিয়া দিল ধনুকে টঙ্কার ॥
তা' শুনিয়া বুধকেতু প্রবেশিল রণে ।
নানা-অস্ত্র ল'য়ে করে বাণ-বরিষণে ॥
বুধকেতু-সনে বড় বাধিল সময় ।
যুদ্ধবর্তা শুনে নীলধ্বজ-নৃপবর ॥
সসৈন্যে সাজিয়া এল করিতে সময় ।
আগে-পিছে গজবাজী শোভিছে বিস্তর ॥
প্রবেশিল সংগ্রামেতে নীলধ্বজ-রায় ।
যুদ্ধ করিবারে সৈন্য চারিদিকে ধায় ॥
রথি-রথী গজে-গজে পদাতি-পদাতি ।
সন্ধান-সন্ধানে যুদ্ধ বাধে মোর অতি ॥

বুধকেতু যুদ্ধ করে প্রবীরের সনে ।
রবিতেজ আচ্ছাদিল বাণ-বরিষণে ॥
প্রবীরের বাণে মোহ পায় বুধকেতু ।
অশুশাশ্ব-দৈত্য আসে যুঝিবার হেতু ॥
আকর্ণ পুরিয়া দৈত্য একে নানা-শর ।
বাণাঘাতে নৃপনৃত হইল অৰ্জুন ॥
চেতন পাইয়া পরে কর্ণের নন্দন ।
প্রবীর-উপরে করে বাণ-বরিষণ ॥
অশুশাশ্ব-বুধকেতু করেন সংগ্রাম ।
প্রবীর-উপরে দৌড়ে বরিষয়ে বাণ ॥
নিবারয়ে নৃপতি-তনয় একেশ্বর ।
তিনবীরে মিশামিশি বাজিল সময় ॥
বুধকেতু দশবাণ সন্ধান করিল ।
আকর্ণ পুরিয়া বাণ প্রবীরে মারিল ॥
বাণাঘাতে নৃপতি-তনয় অচেতন ।
রথ ল'য়ে সারথি করিল পলায়ন ॥
পুত্রে রণে ভঙ্গ দেখি নীলধ্বজ-রায় ।
ভয় পেয়ে নরপতি চারিদিকে চায় ॥
আপনার পরাভব বুঝিয়া রজন্ ।
সারথিরে বলে, শীত্র কর পলায়ন ॥
ভঙ্গ দিয়া নীলধ্বজ পলাইয়া যায় ।
পলায় নৃপতি-সৈন্য, পাছু নাহি চায় ॥
ধর-ধর বলি ধায় ধনঞ্জয়-বীর ।
তাহা শুনি নীলধ্বজ কম্পিত-শরীর ॥
আগু হ'য়ে পার্শ্ব কৈল বাণের সন্ধান ।
রথধ্বজ সারথি কাটিল ধনুর্ধ্বাণ ॥
কাটিল হাতের ধনু পাঁচগোটা বাণে ।
তাহা দেখি নীলধ্বজ ভীত হৈল মনে ॥
পলাইতে নারে রাজা মনে পায় ভয় ।
সঙ্কট-সময় দেখি এল বৈদ্যনর ॥

আশ্বাসিয়া ফিরাইল নৃপ-সৈন্যগণে ।
 পুত্র-সহ রাজা পুনঃ প্রবেশিল রণে ॥
 নিজরূপ ধরি অগ্নি প্রবেশিল রণে ।
 অর্জুন-কটক সব দহিল আগুনে ॥
 দেখিয়া অর্জুন কহিছেন বৈশ্বানরে ।
 ক্রমা কর অগ্নি, হও সদয় অন্তরে ॥
 ঋণ দহিয়া আমি তুহিছু তোমাতে ।
 অক্ষয় গাণ্ডীব তুমি দিয়াছ আমাতে ॥
 এখন অকৃপা কর কিসের লাগিয়া ।
 ঘোড়াহাত হ'য়ে বলি, যাহ নিবর্তিয়া ॥
 অশ্বমেধ করিবেন পাণ্ডুর নন্দন ।
 তাহাতে করিবে তুমি আছতি-ভক্ষণ ॥

অর্জুন-বচনে অগ্নি সম্প্রীতি পাইল ।
 তেজ-নিবারণ-হেতু অর্জুনে কহিল ॥
 পাইয়া অগ্নির আক্কা বীর ধনঞ্জয় ।
 এড়িলেক বরুণাত্ম হইয়া নির্ভয় ॥
 নির্বাপিত হৈল অগ্নি সলিল-পরশে ।
 মন্দানল হ'য়ে গেল নৃপতির পাশে ॥
 ভয়ে ভঙ্গ দিল যত নৃপ-সেনাগণ ।
 আপনি পলায় রাজা পরিহরি রণ ॥
 প্রবীর রাজার পুত্র আছিল পশ্চাতে ।
 দেখিয়া অর্জুনে সেই আইল স্মৃতিতে ॥
 দিব্য-অস্ত্রে বিজিলেক পার্থের শরীর ।
 বাণে নিবারিলা তাহা পার্থ মহাবীর ॥
 অর্দ্ধচন্দ্র-বাণে পার্থ কাটে তার শির ।
 ভূমিতে লোটায়ে পড়ে কুমার প্রবীর ॥
 পুত্রশোকে নীলধ্বজ বিরস-বদন ।
 ভঙ্গ দিল মনোহুঃখ পাইয়া রাজন্ ॥

নীলধ্বজে কহে অগ্নি মধুর-ভারতী ।
 অর্জুনে জিনিতে নাহি তোমার শক্তি ॥

আমার বচনে তুমি পরিহর রণ ।
 মনুষ্য না হয় পার্থ, নর-নারায়ণ ॥
 অখিল-ব্রহ্মাণ্ড-পতি পাণ্ডুয়ের পক্ষ ।
 পাণ্ডুয়ের সাধ্য সব, নাহিক অশক্য ॥
 তুরগ অর্পিয়া তুমি শীত্র কর প্রীতি ।
 রাজ্য-রক্ষা হবে তবে, শুন নরপতি ॥
 নহে অবশেষে বড় হইবে দুষ্কর ।
 রক্ষিতে নারিব আমি, শুন নৃপবর ॥

জামাতার বাক্য শুনি নীলধ্বজ-রায় ।

অশ্ব আনিবার তরে অন্তঃপুরে যায় ॥
 পুত্রশোকে নৃপতির জর্জর অন্তর ।
 নয়নে স্রলিল-ধারা বহে নিরন্তর ॥
 বিরস-বদনে রাজা গেল অন্তঃপুরে ।
 কহিল সকল-কথা প্রিয়ার গোচরে ॥
 সংগ্রামে পড়িল পুত্র, সমাচার পেয়ে ।
 ক্রন্দন করেন রাণী অচেতন হ'য়ে ॥
 কোথা সে প্রবীর বলি কান্দে নরপতি ।
 পুত্রশোকে অচেতন জনা গুণবর্তী ॥

নৃপতি বলেন, তুমি না কান্দিহ আর ।
 অশ্ব দিয়া রাজ্য এবে রাখি আপনার ॥
 ছিলাম পুরুষ, এবে হইলাম নারী ।
 এ-সব ঈশ্বর-লীলা, বুঝিতে না পারি ॥
 সম্প্রীতি করিব আমি অর্জুনের সনে ।
 সংগ্রামে পড়িল পুত্র, কার্য নাহি রণে ॥
 জনা বলে, কি কথা কহিলে নরপতি ।
 শত্রু-সঙ্গে কেমনেতে করিবে পীরিত ॥
 প্রবীরে মারিয়া পার্থ হৈল মোর অরি ।
 তার সঙ্গে প্রীতি কর, সহিতে না পারি ॥
 সাহস করিয়া তুমি কর গিয়া রণ ।
 অর্জুন-নিধনে মোর শোক-নিবারণ ॥

রাজা নীলধ্বজ বলে, শুন গুণবতি ।

ভ্রামাতা হারিল রণে অর্জুন-সংহতি ॥
যার বাহুবলে আমি জিনি সবাকারে ।
দ্বির হৈতে নারে সেই অর্জুনের শরে ॥
তুমি কি বুঝাবে নীতি, সব আমি জানি ।
পাণ্ডবের সহায় আপনি চক্রপাণি ॥
প্রীতি করি তাঁরে দিব অথ সমর্পিয়া ।
অগরুকা-হেতু প্রিয়ে যাব গোড়াইয়া ॥

এত শুনি জনা বলে, ধিক্ বীরপণা ।
রহিল সংসারে অপযশের ঘোষণা ॥
কুরুকূলে জনমিয়া তাজিলে সংগ্রাম ।
শত্রুর আশ্রয় লবে, রুধা ধর নাম ॥
তোমা-বিগমানে মৈল কোলের কোণ্ডর ।
পুত্রশোক মরি এই তোমার গোচর ॥

এত বলি রাজরাণী কান্দে উচ্চৈঃস্বরে ।
অথ ল'য়ে নরপতি আইল বাহিরে ॥
অর্জুনের অথ দিল নীলধ্বজ-রায় ।
যোড়াহাতে বলে, ক্ষমা করহ আমায় ॥
না জানিয়া পুত্র মোর তুরঙ্গ ধরিল ।
বিধাতা তাহার ফল হাতে-হাতে দিল ॥

এত বলি নীলধ্বজ অর্জুনের সঙ্গে ।
তুরঙ্গ রাখিতে রাজা চলে অতিরঙ্গে ॥
তাহা শুনি রাণী অতিক্রুদ্ধা হ'য়ে মনে ।
অন্তঃপুর তাজি গেল ভ্রাতার সদনে ॥
যে-জন ভারত-কথা শুনে ভক্তি করি ।
কাশী কহে, সে না দেখে শমনের পুরী ॥

১২ । পুত্রশোকে জনায় ভ্রাতৃগৃহে গমন ।

তবে জনা বীরনারী, অন্তরেতে ক্রোধ করি,
তাজি নিজালয় ধন-জন ।
পুত্রশোকে অধোমুখ, মনেতে ভাবিছে দুখ,
স্বামী নিল বিপক্ষ-শরণ ॥
পথে যেতে যুক্তি করে, বিনাশিব অর্জুনেরে,
সহোদরে সহায় করিয়া ।
না পুরিল মনোরথ, দৈবে মোর এই পথ,
কি করিব ঘরেতে বসিয়া ॥
বিনাশিলে অর্জুনেরে, তবে মোর আশা পূরে,
নহে আমি ত্যজিব শরীর ।
ভীত হৈল মহারাজ, অন্তরে নাহিক লাজ,
কোথা গেল পুত্র সে প্রবীর ॥
লাজে অধোমুখ হৈয়া, মনে যুক্তি বিচারিয়া,
ভ্রাতার ভবনে গেল চলি ।
উলুকের বিগমানে, কান্দে জনা সক্রোধে,
পুনঃপুনঃ লোটাইয়া ধূলি ॥
ভগিনীর দশা দেখি, উলুক হইল দুখী,
হাতে ধরি ছুলিল তাহারে ।
না কহিয়া বিবরণ, কান্দে কেন অকারণ,
কোন্ জন দুঃখ দিল তোরে ॥
জনা বলে, ওহে ভাই, কহিবারে চাহি তাই,
প্রবীর নিহত হৈল রণে ।
অর্জুন আইল পুরে, অথ রক্ষিবার তরে,
সে-হেতু সংগ্রাম তার সনে ॥
যুদ্ধ করে ধনজয়, ভ্রামাতা পাইল ভয়,
পরাজয় পাইল নৃপতি ।
পুত্রশোক না ভাবিয়া, তুরগ দিলেন লৈয়া,
পার্শ্ব-সহ করিলেক প্রীতি ॥

শুনিয়া পাইনু তাপ, না ঘুচিল মনস্তাপ,
স্বামী নিল শত্রুর শরণ ।

বিনাশিয়া অর্জুনেরে, যদি রাজ্য দেহ মোরে,
তবে শোক হয় নিবারণ ॥

এ বড় অধিক লাজ, নীলধ্বজ মহারাজ,
পুত্রশোক না করিল মনে ।

জনমিয়া ক্ষত্রকূলে, অথ রক্ষিবার ছলে,
ভয়ে গেল অর্জুনের সনে ॥

ধরিনু চরণ তোর, প্রতিজ্ঞা রাখহ মোর,
অর্জুনের বধিয়া জীবন ।

আমি সে অবলাজাতি, কলঙ্কে আছয়ে ভীতি,
নহে আমি করিতাম রণ ॥

ভাই যে উলুক নাম, ধর্মবুদ্ধি অনুপাম,
লজ্জাতে করিল হেঁটমাথা ।

অবলা প্রবলা হ'য়ে, নিজপুরী তেয়াগিয়ে,
কি-কারণে আসিয়াছ হেথা ॥

পার্থ নর-নারায়ণ, কহে যত মুনিগণ,
রণে কেহ জিনিতে না পারে ।

পাণ্ডবের সখা-গুরু, কৃষ্ণ বাঙ্গা-কল্লতরু,
কেবা তাঁর কি করিতে পারে ॥

আপনার ভাল চাহ, নিজালায়ে চলি যাহ,
তবে সে আমার ক্রোধ নাই ।

কি-কর্ম করিলে তুমি, কছু নাহি শুনি আমি,
প্রতিফল পাবে মোর ঠাই ॥

রহিবেক দুর্ভাষা, নহে কাটিতাম নাসা,
অবলার এত অহকার ।

ভ্রাতৃমুখে কথা শুনি, জনা অপমান গণি,
নাহি গৌর পুরে আপনার ॥

মহাভারতের কথা, শুনিলে থণ্ডয়ে ব্যথ
কলির কলুষ-বিনাশন ।

গোবিন্দ-চরণে মন, নিয়োজিয়া অমুক
কাশীরাম করিল রচন ॥

১০। জনার দেহত্যাগ ও অর্জুনের প্রতি
গঙ্গার অভিশাপ

শ্রীজনমেজয় বলে, শুন তপোধন ।
কি যুক্তি করিল জনা, কহ বিবরণ ॥

বলেন বৈশম্পায়ন, শুন নরপতি ।
দুর্ভাক্য শুনিল বহু জনা গুণবতী ॥

ভ্রাতার নিকটে বড় পেয়ে অপমান ।
মনেতে করিল যুক্তি, ত্যজিব পরাণ ॥

ভাগীরথী-তীরে জনা গেল শীঘ্রগতি ।
যোড়হাত হ'য়ে বলে আপন-ভারতী ॥

শুন গঙ্গাদেবি, আমি করি নিবেদন ।
তোমার সলিলে আমি ত্যজিব জীবন ॥

বধিলেক অর্জুন আমার পুত্র-প্রাণ ।
আপনি করিবা মাতা, ইহার বিধান ॥

সেইহেতু চিন্তে বড় হৈল অপমান ।
কাতর হইয়া বলি তোমা-বিদ্যমান ॥

এত বলি গঙ্গাজলে প্রবেশ করিল ।
পুত্রশোক পেয়ে জনা শরীর ত্যজিল ॥

জনার মরণে শোক পেয়ে ভাগীরথী ।
ক্রোধে অভিশাপ দিল অর্জুনের প্রতি ॥

সতীকন্যা মরে পার্থ, তোমার কারণে ।
সে-সকল ভয় তব নাহি হয় মনে ॥

ভীষ্মে নিপাতিলে তুমি কপট করিয়া ।
ভয় না করিলে পিতামহ যে বলিয়া ॥
কৃষ্ণ-সখা বলি তোর বাড়ে অহঙ্কার ।
না বুঝ দেবের মায়া পাণ্ডুর কুমার ॥
পৌত্র-হস্তে ভীষ্মবীর ত্যজিল পরাণ ।
তুমিহ পুত্রের হস্তে হারাইবে প্রাণ ॥

শাপিলেন গঙ্গাদেবী তবে অর্জুনেরে ।

তাহা শুনি নারায়ণ চিন্তিত অন্তরে ॥
ঈশ্বর হাসেন কৃষ্ণ পাণ্ডব-সভায় ।
বাসদেব বুঝিলেন তাঁর অভিপ্রায় ॥
জিজ্ঞাসেন যুধিষ্ঠির দেব-নারায়ণে ।
কহ কৃষ্ণচন্দ্র, তুমি হাশ্ব কৈলে কেনে ॥

গোবিন্দ বলেন, শুন ধর্ম-নৃপবর ।

অভিশাপগস্ত হৈল পার্শ্ব ধনুর্দ্ধর ॥
গঙ্গা অভিশাপ দেন দুঃখ পেয়ে মনে ।
পার্শ্ব-মৃত্যু হবে বক্রবাহনের রণে ॥

যুধিষ্ঠির বলিলেন, হইল কেমন ।

অভিশাপ দেন গঙ্গা কিসের কারণ ॥

গোবিন্দ বলেন, রাজা, কর অবধান ।

মাহিষ্মতী-পুরে রাজা নীলধ্বজ নাম ॥
ধরিল যজ্ঞের অশ্ব তাহার নন্দন ।
অথহেতু অর্জুনের সঙ্গে হৈল রণ ॥
প্রবীর তাহার পুত্র হত হৈল রণে ।
রাজরাণী তনুত্যাগ কৈল অভিমানে ॥
গঙ্গাতে মরিল সেই পুত্রশোক পেয়ে ।
গঙ্গা অভিশাপ দেন দুঃখিত হইয়ে ॥
নীলধ্বজ অশ্ব দিল ধনঞ্জয়-বীরে ।
আপনি চলিল বীর অশ্ব রাখিবারে ॥
অর্জুন-কারণে ভয় না করিহ তুমি ।
সকটে পড়িলে রক্ষা করিব সে আমি ॥

এত বলি কৃষ্ণ প্রবোধেন যুধিষ্ঠিরে ।

এই বিবরণ রাজা, কহিছু তোমাতে ॥

অমৃত-সমান এই ভারত-কাহিনী ।

আর কি কহিব আমি, বল নৃপমণি ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান ॥

—

১৪। অগ্নির নীলধ্বজ-জামাতা হইবার বিবরণ ।

শ্রীজনমেজয় বলে, শুন তপোধন ।

এই আমি তোমাতে যে করি নিবেদন ॥

রাজার জামাতা অগ্নি হইল কেমনে ।

এইকথা কৃপা করি কহিব আপনে ॥

বলেন বৈশম্পায়ন, শুন নরপতি ।

এবে কহি নীলধ্বজ-রাজের ভারতী ॥

জনা নাম ধরে নীলধ্বজের মহিষী ।

রতি জিনি রূপ তার পরম-রূপসী ॥

জনা-সঙ্গে নীলধ্বজ নানা-কেলি করে ।

দৈবযোগে গর্ভ তার হইল উদরে ॥

লক্ষ্মী-শাপে সেই গর্ভে এল বনুমতী ।

স্বাহা নাম হৈল তার, শুন নরপতি ॥

পরমা হুম্মরী কন্যা বাড়ে দিনে-দিনে ।

চন্দ্রমার শোভা যেন পৌর্ণমাসী-দিনে ॥

কন্যা দেখি নৃপতির আনন্দ অপার ।

স্বাহা বলি নাম রাজা রাখিল তাহার ॥

হইল বিবাহকাল, ভাবে মনে-মনে ।

অনুরূপ যুক্তি করে পাত্র-মিত্র-সনে ॥

কারে কন্যানাম দিব, কোথা পাব বর ।

কালাতীত হৈলে হবে অতি মন্দতর ॥

কন্যা বলে, শুন পিতা, আমার বচন ।

যদুশ্র-লোকেতে মম নাহি লগ্ন মন ॥

দেবপত্নী হৈব আমি, ইথে নাহি আন ।

সত্য কহিলাম পিতা, তব বিদ্যমান ॥

স্বাহাবাক্যে পুছে রাজা হরিষ-অন্তরে ।

কাহারে বরিবা তুমি, বলহ আমারে ॥

কিবা ইন্দ্র চন্দ্র কিবা শমন পবন ।

কুবের বরুণ অগ্নি, কারে তব মন ॥

শিব ব্রহ্মা বিষ্ণু আর যত দেবগণ ।

কার পত্নী হবে তুমি, বলহ বচন ॥

আমার অনেক ভাগ্য, ইথে নাহি আন ।

দেবপত্নী হৈলে তুমি আমার সম্মান ॥

স্বাহা বলে, শুন পিতা, আমার বচন ।

জীবনে-মরণে অগ্নি বলে সর্বজন ॥

শিশুকাল হৈতে মোর অনলে ভকতি ।

শুন পিতা, অগ্নিপূজা করি নিতি-নিতি ॥

অনল আমার স্বামী, কহিনু তোমাতে ।

তঁাহাকে আনিয়া দেহ বিবাহ আমারে ॥

রাজা বলে, কোথা পাব তাঁর দরশন ।

স্বাহা বলে, আসিবেন করিলে স্মরণ ॥

এত বলি রাজকন্যা পূজে বৈশ্বানরে ।

স্তুতি করে স্বাহাদেবী যুড়ি দুইকরে ॥

স্বাহার স্তবেতে বশ হৈল বৈশ্বানর ।

রহিতে না পারি আসি কহেন সত্বর ॥

নিজ-অভিলাষ মোরে কহ গুণবতি ।

কিসের কারণে মোরে পূজা নিতি-নিতি ॥

স্বাহা বলে, তুমি মোরে করহ গ্রহণ ।

তব পত্নী হব আমি, এই নিবেদন ॥

এই হেতু স্তব করি পূজি যে তোমাতে ।

এই অভিলাষ, বর দেহ ত আমারে ॥

‘এবমস্ত’ বলি অগ্নি সেই বর দিল ।

বর পেয়ে স্বাহা মনে সম্ভ্রান্তি পাইল ॥

জানাইল পিতৃদেবে অগ্নি-আগমন ।

শুনিয়া হইল রাজা আনন্দিত-মন ॥

যোড়হাতে বিনয় করেন নরপতি ।

কন্যাদান অগ্নিদেবে করে শীঘ্রগতি ॥

যোড়হাত হ’য়ে রাজা বলিল অগ্নিরে ।

স্বাহা-নামে কন্যা মোর দিলাম তোমাতে ॥

আপনি করিবে তুমি আমার রক্ষণ ।

ধন-জন-রাজ্য তোমা করিনু অর্পণ ॥

বিপক্ষ না আসে যেন আমার নগরে ।

সতত থাকিবে তুমি আমার মন্দিরে ॥

‘তথাস্তু’ বলিয়া অগ্নি সেই বর দিল ।

স্বাহার সহিত তাঁর বিবাহ হইল ॥

বিপক্ষ না যায় কেহ নীলধ্বজ-পুরে ।

ওহে রাজা, কহি শুন অনলের ডরে ॥

কন্যা দিয়া অগ্নিদেবে রাখে নরপতি ।

কহিনু তোমাতে এই পূর্বের ভারতী ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান ॥

১৫। পৃথিবীর প্রতি লক্ষ্মীর অভিলাষ ।

শ্রীজনমেজয় বলে, শুন মহামুনি ।

পূর্ব-বিবরণ-কথা তোমা হৈতে শুনি ॥

লক্ষ্মী কেন পৃথিবীকে অভিলাষ দিল ।

কহ দেখি, পৃথিবীর কি পাপ আছিল ॥

বলেন বৈশম্পায়ন, শুনহ রাজন ।

সংক্ষেপে তোমাতে কহি সে-সব কথন ॥

লক্ষ্মী-সঙ্গে নারায়ণ থাকেন সতত ।

নানাকেলি-কলারস করেন বহুত ॥

অপার মহিমা তাঁর কে বুঝিতে পারি ।

অবিরত কমলা থাকেন বক্ষোপরে ॥

তাহা দেখি বসুমতী কহেন লক্ষ্মীরে ।

তোমার সমান তপ কেহ নাহি করে ॥

না দেখি এমন তপ, না শুনি শ্রবণে ।

নারায়ণ-সঙ্গে তুমি থাক রাত্রিদিনে ॥

বকঃস্থলে তোমাতে ধরেন যত্নপতি ।

তোমার সমান কেহ নহে ভাগ্যবতী ॥

কিন্তু কৃষ্ণ-সঙ্গে তোমা বিচ্ছেদ করাব ।

নারায়ণ-সঙ্গে আমি সতত থাকিব ॥

মহীবাঁক্য শুনি দেবী ফ্রোণেতে জ্বলিল ।

মনোদুঃখ পেয়ে তাঁরে অভিশাপ দিল ॥

জন্মিবে জনার গর্ভে, হবে সাহা-নাম ।

অনল হইবে স্বামী, ইথে নাহি আন ॥

পৃথিবী বলেন, তুমি শাপ দিলে মোরে ।

নারায়ণ-সহ দেখা নহিবে তোমাতে ॥

পৃথিবী পালিতে জন্মিবেন নারায়ণ ।

সতত পাইব আমি তাঁর দরশন ॥

অনুকণ থাকিবেন গোবিন্দ আমাতে ।

এত বলি বসুমতী গেলেন স্রিতে ॥

শাপে বর গণি ভূষ্টা হইলা ধরণী ।

সাহা-নামে হৈল নীলধ্বজের নন্দিনী ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান ॥

১৬। পাষণ হইতে অশ্ব-উদ্ধার ।

যোড়হাতে জিহ্বাসেন শ্রীজনমেজয় ।

তারপর কোথা গেল পাণ্ডবের হয় ॥

মুনি বলে, অশ্ব গিয়া প্রবেশিল বনে ।

দক্ষিণ-মুখেতে যায় আনন্দিত-মনে ॥

সম্মুখে দেখিল শিলা বনের ভিতরে ।

নিজাঙ্গ ঘষিল অশ্ব পাষণ-উপরে ॥

অপল্লপ-কথা শুন রাজা জন্মেজয় ।

পাষণে ধরিয়া রাখিলেক সেই হয় ॥

যাইতে না পারে অশ্ব লজিয়া পাষণ ।

দেখিয়া অর্জুন করে নানা-অনুমান ॥

বিরস-বদন হৈল কৃষ্ণের নন্দন ।

ভাঁম-সহ বিমর্ষ হইল সর্বজন ॥

অর্জুন বলেন, কি হইবে পরিণাম ।

ধরিল যজ্ঞের অশ্ব নিজীব পাষণ ॥

কি বুঝি করিব আমি, কার ঠাই যাব ।

কহ দেখি, কোন্ মতে অশ্ব উদ্ধারিব ॥

প্রত্যাগ্ন বলেন, শুন পাণ্ডুর নন্দন ।

ঐ দেখ সম্মুখে অপূর্ব তপোবন ॥

তপোবনে মূনিস্থানে করহ প্রয়াণ ।

দুঃখ না ভাবিহ তুমি, শুন মতিমান ॥

প্রত্যাগ্ন অর্জুন আর যত রথিগণে ।

মুনি সম্ভাষিতে সবে গেল তপোবনে ॥

সৌভরি বসিয়া আছে আপন-আশ্রমে ।

শিষ্যগণ বসি আছে তাঁর বিদ্যমানে ॥

বেদশাস্ত্র পাঠ দেন হরষিত-মনে ।

ধনঞ্জয় কামদেব গিয়া সেইখানে ॥

প্রণিপাত করিলেন ভূমিষ্ঠ হইয়া ।

নিজ-পরিচয় দেন বিনয় করিয়া ॥

পাণ্ডুর তনয় যুধিষ্ঠির-নরপতি ।

অশ্বমেধ-যজ্ঞ করে শ্রীকৃষ্ণ-সংহতি ॥

আমরা আইনু অশ্ব করিতে রক্ষণ ।

অর্জুন আমার নাম, শুন তপোধন ॥

ভ্রমিতে-ভ্রমিতে অশ্ব আইল কানন ।

পাষণে ধরিল অশ্ব, না জানি কারণ ॥

ভয় পেয়ে নিবেদি যে চরণে তোমার ।

কহ-কহ মহামুনি, কি হবে আমার ॥

জ্ঞাতিবধ-পাপে রাজা উৎকণ্ঠিত-মন ।

না হইল যজ্ঞসাক্ষ, শুন তপোধন ॥

অৰ্জুন কহেন যদি এতেক বচন ।

শুনিয়া ঈষৎ হাসি কহে তপোধন ॥

শুন-শুন পার্থ, তুমি বচন আমার ।

চিন্তের সন্দেহ কেন না ঘুচে তোমার ॥

অখিল-ব্রহ্মাণ্ড-পতি তোমার সারথি ।

তথাপিহ পাপ বলি মনে ভাব ভীতি ॥

কোটি-ব্রহ্মহত্যা যায় যাঁহার স্মরণে ।

হেন কৃষ্ণনাম তুমি নাহি লও কেনে ॥

না দেখি যে ভক্তি কিছু তোমার অন্তরে ।

সখা বলি জান তুমি দেব-গদাধরে ॥

হিংসাতে পুতনা পায় কৃষ্ণের শরীর ।

জ্ঞাতিবধ-পাপে কেন চিন্তে যুধিষ্ঠির ॥

সতত সন্মুখে যেই দেখে নারায়ণ ।

পাপ না থাকয়ে তার পাণ্ডুর নন্দন ॥

তবে যদি অশ্বমেধে করিয়াছ মতি ।

পাইবে যজ্ঞের হয়, না করিহ ভীতি ॥

ব্রহ্মশাপে শিলাতনু হইল ব্রাহ্মণী ।

চণ্ডীনামে উদ্দালক-মুনির রমণী ॥

তুমি পরশিলে তাঁর হইবে মুকতি ।

পাইবে পূর্বের তনু, শুন মহামতি ॥

মুক্ত হইবেক অশ্ব, শুন ধনঞ্জয় ।

গোবিন্দ-বান্ধব তুমি, না করিহ ভয় ॥

শুনিয়া এসব কথা সৌভরি-বদনে ।

অশ্ব-পাশে আসে বার আনন্দিত-মনে ॥

মুনির বচনে তাঁর সানন্দ অন্তর ।

শিলা পরশিয়া উদ্ধারেন অশ্ববর ॥

পরশেন অৰ্জুন শিলাকে হইকরে ।

শিলায় পড়িয়া অশ্ববর নীলবস্ত্রের ।

বহুমতে অৰ্জুনেরে করিল স্তবন ।

তোমার পরশে হৈল পাপ-বিমোচন ॥

তুমি নর-নারায়ণ, ইথে নাহি আন ।

শাপ হৈতে আমারে করিলে পরিত্রাণ ॥

মুক্ত হ'য়ে নিজালায়ে গেলেন ব্রাহ্মণী ।

করিল পাণ্ডব-সৈন্য জয়-জয় ধ্বনি ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান্ ॥

১৭। ব্রাহ্মণীর পাষণ হইবার বৃত্তান্ত ।

রাজা জন্মেজয় বলে, শুন তপোধন ।

ব্রাহ্মণী পাষণ হৈল কিসের কারণ ॥

অভিশাপ কেন মুনি দিলেন তাঁহাকে ।

কৃপা করি সেই কথা কহিবে আমাকে ॥

তোমার অপূর্ব-মুখ পদ্মের সমান ।

তাহে কত মধু শ্রবে, নাহি পরিমাণ ॥

পান করি ভৃগু দূর না হয় আমার ।

কহ-কহ মহামুনি, করিয়া বিস্তার ॥

প্রত্যহ নূতন কৃষ্ণকথা মনোহর ।

কৃপা করি সেই কথা কহ মুনিবর ॥

বলেন বৈশম্পায়ন, ওহে নরপতি ।

মন দিয়া শুন, কহি ব্যাসের ভারতী ॥

উদ্দালক-নামে মুনি ছিল তপোবনে ।

চণ্ডীনামে ভার্য্যা তাঁর বিদিত ছুবনে ॥

চণ্ডীনামে কন্যা এক মুনি-ঘরে ছিল ।

বাল্যকালে উদ্দালক তাঁরে বিদ্যা-শিক্ষা

বিবাহ করিয়া মুনি ছিল নিমিত্ত

চণ্ডীকে মুনিবর করিয়া পুত্র

আনিয়া দিলেন পুত্র-সমাদান

বহুদিন পাণ্ডবের সহিত সমাদান

চণ্ডী বলে, তব বাক্য আমি না শুনিব ।

ভূমি যাহা বল, আমি তাহা না করিব ॥

দুঃখ পেয়ে উদ্দালক তাহার বচনে ।

কহিল সকল কথা মুনিপত্নীগণে ॥

ভার্য্য বলে, অল্পজ্ঞান ধরে বাল্যকালে ।

পালিবে তোমার বাক্য বয়স্কা হইলে ॥

হেনমতে কত গাল বঞ্চিলেন মুনি ।

চণ্ডী নাহি শুনে কিছু উদ্দালক-বাণী ॥

দুঃখ পায় উদ্দালক তাহার মিলনে ।

স্বামীর বচন সে কদাচ নাহি শুনে ॥

কমণ্ডলু আনিবারে বলে মুনিবর ।

দেবত: পূজিব আমি, শুনহ সত্বর ॥

যজ্ঞ করি মনোমত্ত বর মাগি লব ।

চণ্ডী বলে, আমি কমণ্ডলু না আনিব ॥

না আনিব কমণ্ডলু, যজ্ঞে নাহি কাজ ।

কি হবে সেবিলে ত্রীগোবিন্দ দেবরাজ ॥

বরে প্রয়োজন নাহি, প্রাক্তন যে বুল ।

বৃথা উপদেশ দেহ, অন্য সব ভুল ॥

চণ্ডীর বচনে মুনি যন্ত্রণা পাইল ।

বাক্য নাহি শুনে, নানামতে বুঝাইল ॥

ভীর্ণহেতু আসেন কোণ্ডিষ্ঠ মুনিবর ।

উদ্দালক-আশ্রমেতে আইল তৎপর ॥

শিষ্য-সহ আইল কোণ্ডিষ্ঠ মহামুনি ।

প্রীতি পায় উদ্দালক সেইকথা শুনি ॥

চণ্ডীরে ডাকিয়া কহিলেন মুনিবর ।

না আনিব কোণ্ডিষ্ঠেরে করি সমাদর ॥

কোথা পাব ফল-মূল, নাহি তপোবনে ।

নু করিব সম্প্রীতি যে কোণ্ডিষ্ঠের সনে ॥

চণ্ডী বলে, মুনিরে করিব সমাদর ।

ফল-মূল-আদি আনি দিব ত সত্বর ॥

কমণ্ডলু নিয়া দেহ পদ-প্রক্ষালনে ।

ঐষৎ হাসিল মুনি চণ্ডীর বচনে ॥

সমাদর করি:মুনি কোণ্ডিষ্ঠে আনিল ।

পাণ্ড-অর্থ্য যথাযোগ্য কুশাসন দিল ॥

ফল-মূল আনি দিল করিতে ক্ষণ ।

উদ্দালক-সঙ্গেতে বসিল তপোধন ॥

কোণ্ডিষ্ঠ বলেন, শুন উদ্দালক মুনি ।

কহ-কহ কৃষ্ণ-কথা তব মুখে শুনি ॥

উদ্দালক বলে, মোর ভাৰ্য্যা দুৰ্ভমতি ।

আশ্রমে রহিতে আমি না পাট পীরিতি ॥

পিতৃশ্রদ্ধ আসি এবে হৈল উপনীত ।

বাক্য নাহি শুনে চণ্ডী, মনে হই ভীত ॥

কোণ্ডিষ্ঠ বলেন, শ্রদ্ধ করিবে প্রভাতে ।

দেখি, চণ্ডী বাক্য নাহি শুনয়ে কিমতে ॥

রজনী বঞ্চিয়া মুনি প্রত্যা-বিহানে ।

জিজ্ঞাসিল চণ্ডীরে মুনির বিদ্যমানে ॥

আজি মম পিতৃশ্রদ্ধ, শুনহ বচন ।

চণ্ডিকা বলিল, শ্রদ্ধে নাহি প্রয়োজন ॥

তাহা শুনি কোণ্ডিষ্ঠের ক্রোধ উপজিল ।

লোচন আরক্ত করি চণ্ডীরে কহিল ॥

পপিষ্ঠে, স্বামীর বাক্য নাহি শুন কানে ।

শিলারূপা হও গিয়া আমার বচনে ॥

অব্যর্থ মুনির বাক্য জলয়ে ভাবিয়া ।

যোড়হাতে বলে চণ্ডী বিনয় করিয়া ॥

অব্যর্থ তোমার বাক্য শুন তপোধন ।

কতকালে হবে মম শাপ-বিমোচন ॥

দোষ-অনুরূপ দণ্ড দিলে ভূমি মোরে ।

শাপান্ত করহ প্রভু, নিবেদি তোমারে ॥

কোণ্ডিষ্ঠ বলেন, ভূমি থাক গিয়া বনে ।

অভিশাপ-মুক্তা হবে পার্শ্ব-পরশনে ॥

অশ্বমেধ-যজ্ঞ করিবেন যুধিষ্ঠির ।
রাখিতে আসিবে অশ্ব ধনঞ্জয়-বীর ॥
বাহুবলে অশ্ব তুমি ধরিয়া রাখিবে ।
অৰ্জুন-পরশে পাপ সকলি ঘুচিবে ॥

এত বলি নিজালয়ে গেল তপোধন ।
চণ্ডিকা পাষণরূপা হৈল সেইক্ষণ ॥
চিরকাল শিলা হ'য়ে আছিল কাননে ।
শাপমুক্তি হৈল তার পার্থ-পরশনে ॥
অশ্বমেধ-যজ্ঞকথা শুন জন্মেজয় ।
ভদ্রাবতীপুরে গেল পাণ্ডবের হয় ॥
ভারত-মঙ্গল-কথা করহ শ্রবণ ।
কাশীরাম রচে স্মরি গোবিন্দ-চরণ ॥

১৮ । হংসধ্বজ-রাজের নগবে অশ্বের গমন ও
তদুপলক্ষে নানা-সংবাদ ।

ভদ্রাবতীপুরে হংসধ্বজ নৃপবর ।
বড়ই ধার্মিক রাজা, ধস্মেতে তৎপর ॥
সুরথ সুধন্বা তাঁর দুইটি নন্দন ।
বিষ্ণুভক্ত দুই-ভাই বিষ্ণু-পরায়ণ ॥
মহারাজ হংসধ্বজ ধার্মিক বৈষ্ণব ।
অতিথির সেবা করে করিয়া গৌরব ॥
নিরন্তর বিষ্ণুপূজা করে নরপতি ।
সতত থাকেন সাধুজনের সংহতি ॥
পাষণ্ড-জনের শ্রুত না দেখে রাজন ।
আলাপ পাষণ্ড-সনে না করে কখন ॥
কায়মনোবাক্যে রাজা বিষ্ণুতে ভক্তি ।
সগোষ্ঠী বৈষ্ণব রাজা, অশ্ব নাহি মতি ॥
যত প্রজাগণ আছে রাজার নগরে ।
বিষ্ণুপূজা সর্বলোক নিত্য-নিত্য করে ॥

পুণ্যপথ আশ্রয় করয়ে সর্বজন ।
পাপকর্মে কদাচিত্ নাহি দেয় মন ॥
এ-হেন ধার্মিক রাজা হংসধ্বজ নাম ।
ধর্মপথে ধর্ম করে, পাপপথে বাম ॥
মহাবলবান্ রাজা যুদ্ধে মহাবীর ।
সুরথ সুধন্বা দুই পুত্র মহাবীর ॥
উপন্যাত হৈল অশ্ব তাঁহার নগরে ।
দূত গিয়া সমাচার কহিল রাজারে ॥
রাজা যুধিষ্ঠির করে অশ্বমেধ-ক্রতু ।
অৰ্জুন আইল অশ্ব রাখিবার হেতু ॥
নগরে আইল অশ্ব, শুনহ রাজন ।
সঙ্গেতে আইল তাঁর বহু-সেনাগণ ॥

দূতমুখে শুনি কথা রাজা আনন্দিত ।
দূতে আলিঙ্গন দিল মনে হ'য়ে প্রীত ॥
কি কহিলি আরে দূত, শুভ-সমাচার ।
আইল আমার পুরে পাণ্ডুর কুমার ॥
আজি সে আমার জন্ম হইল সফল ।
অৰ্জুন আগত পুরে, বড়ই মঙ্গল ॥
যেখানে অৰ্জুন, তথা দেব-নারায়ণ ।
অতি-সত্যকথা এই, কহে সর্বজন ॥
দেখিব মাধবে আমি পাণ্ডব-মিলনে ।
চিরদিন আছে সাধ কৃষ্ণ-দরশনে ॥
ধরিয়া যজ্ঞের অশ্ব আনহ সত্ত্বরে ।
এত বলি নরপতি ডাকে অনুচরে ॥
পাইয়া রাজার আজ্ঞা অনুচরগণ ।
ধরিল যজ্ঞের অশ্ব করিয়া যতন ॥
অশ্ব ল'য়ে দিল হংসধ্বজের গোচরে ।
মহানন্দে নরপতি আপনা পাসরে ॥
যতন করিয়া অশ্ব রাখিল রাজন ।
অৰ্জুনে ধরিতে পুনঃ করিলেন মন ॥

হংসধ্বজ বলে, শুন ওহে বীরগণ ।
 অর্জুনে ধরিবে সবে করিয়া যতন ॥
 তবে সে পাইব আমি কৃষ্ণ-দরশন ।
 সবাক্ষবে পরশিব তাঁহার চরণ ॥
 এ বড় আছয়ে সাধ আমার অন্তরে ।
 দেখিব সে নারায়ণে আপনার ঘরে ॥
 আমার তপের ফল হইল উদয় ।
 সে-কারণে এল হেথা পাণ্ডুর তনয় ॥
 সাজহ সকল সৈন্য করিতে সংগ্রাম ।
 অর্জুনে ধরিলে পুরিবেক মনস্কাম ॥
 দাক্ষহ যজ্ঞের অশ্ব, আর নাহি ডর ।
 এখনি অর্জুন-সহ হইবে সমব ॥
 অশ্ব নন্দী হৈলে পার্থ কোথাও না যাবে ।
 অর্জুন হইতে সবে গোবিন্দে দেখিবে ॥
 সাজহ আমার যত আছে সেনাগণ ।
 এত বলি হংসধ্বজ দিলেন ঘোষণ ॥

দামামা মৃদঙ্গ ভেরী বাজে রাজপুরে ।
 তাহা শুনি বীরগণ সানন্দ-অন্তরে ॥
 নানা-বেশ করি সবে পরে আভরণ ।
 গলায় পুষ্পের মালা, সর্বদাঙ্গে চন্দন ॥
 বীরবেশ ধরে কেহ, পরে বীরবস্ত্র ।
 ঢাল-খাঁড়া হাতে করি নিল নানা-অস্ত্র ॥
 কেহ ধনুর্বাণ নিল, দিব্য-অস্ত্র হাতে ।
 কবচ পরিয়া কেহ চাপে গিয়া রথে ॥
 গজোপরি আরোহণ কৈল কোন বীর ।
 হয-পৃষ্ঠে কেহ রহে হইয়া স্থস্থির ॥
 পাণ্ডবের সৈন্যগণ প্রবেশে নগরে ।
 যত্ন করি নৃপসৈন্য নিবারিতে নারে ॥
 মহা-কোলাহল হৈল শুনে হংসধ্বজ ।
 লক্ষ-লক্ষ অশ্ব সাজে, লক্ষ-লক্ষ গজ ॥

হংসধ্বজ চন্দ্রককটু চন্দ্রদেব নাম ।
 আরো কত হয়-গজে করিল প্রয়াণ ॥
 রাজা হংসধ্বজ বলে, শুন পুরোহিত ।
 আপনি জানহ তুমি মোর যত নীত ॥
 আজি সে জানিষু মোর সফল জীবন ।
 আসিবেন মম পুরে দেব-নারায়ণ ॥
 অর্জুনে ধারলে তবে আসিবেন হরি ।
 অতথা নাহিক ইথে, কহি সত্য করি ॥
 বহুপুণ্য হ'লে তাঁর দরশন পাই ।
 পুণ্যবন্তে দেখা দেন গোবিন্দ গোসাই ॥
 ন আসিবেন যেহ আজি পার্থের সমরে ।
 তাহাকে ফেলিলে তপ্ত-তৈলের ভিতরে ॥
 আত্মপর ইথে কিছু নাহিক সিচার ।
 শুন প্রভু, নিবেদিষু চরণে তোমার ॥
 উত্তপ্ত করহ তৈল তাত্রের কুণ্ডেতে ।
 শীঘ্র রণে না আসিলে ফেলিলে তাহাতে ॥

এত বলি রাজা দিল দামামা-ঘোষণ ।
 পরস্পর সেই-কথা শুনে সর্বজন ॥
 রাজার আদেশ পেয়ে রাজপুরোহিত ।
 তাত্রের কুণ্ডেতে তৈল করিল পূর্ণিত ॥
 যতনে করিল তপ্ত তৈল মূনিবর ।
 তাহা শুনি ভয় পায় যত ধনুর্ধর ॥
 সম্মুখে আইল সবে নানা-অস্ত্র ধরি ।
 বিমানে চড়িয়া কেহ, তুরগ-উপরি ॥
 নৃপতি-তনয় সে সুধন্বা ধনুর্ধর ।
 শীঘ্রগতি আসে সেই করিতে সমর ॥
 এ-হেন সময়ে তবে সুধন্বার নারী ।
 ষোড়হাত করি বলে লজ্জা পরিহারি ॥
 শুন প্রাণনাথ, তব কোথায় গমন ।
 নানা-অস্ত্র বান্ধিয়াছ কিসের কারণ ॥

হৃদয় বলেন, তবু নাহি জান তুমি ।
 যুদ্ধহেতু আদেশ করেন নৃপমণি ॥
 অর্জুন আইল পুরে তুরগ লইয়া ।
 অশ্বে ধরিলেন পিতা দূত পাঠাইয়া ॥
 অর্জুন-সারথি কৃষ্ণ শুনিয়া শ্রবণে ।
 যুদ্ধ-অভিলাষ পিতা কৈল সে-কারণে ॥
 চিরদিন আছে সাধ কৃষ্ণ-দরশনে ।
 অর্জুনে ধরিতে আজ্ঞা দেন সে-কারণে ॥
 সেইহেতু দিল রাজা নগরে ঘোষণা ।
 সাজিয়া চলিল যুদ্ধে যত রাজসেনা ॥
 যুদ্ধ করি পিতার পুরাব অভিলাষ ।
 আনিয়া দেখাব তাঁরে দেব-শ্রীনিবাস ॥
 যাত্রা করি যাই আমি করিবারে রণ ।
 জয়ধ্বনি দিয়া গৃহে করহ গমন ॥

প্রভাবতী বলে, নাথ, শুন সাবধানে ।
 আজি রতিভাগ তুমি কর মোর সনে ॥
 পতিব্রতা নারী মোরে, জান প্রাণেশ্বর ।
 প্রভাতে যাইবে কালি করিতে সমর ॥
 ঋতুস্নান করিয়াছি, নিবেদি তোমাতে ।
 পুত্রদান দিয়া যাহ যুদ্ধ করিবারে ॥
 পুত্র-আশা সফল করিয়া যেই যায় ।
 সর্বত্র তাহার জয়, কহিনু তোমায় ॥
 অর্জুন-সহিত যাহ করিবারে রণ ।
 এ-কথা শুনিল মম চমকিত মন ॥
 পাণ্ডবের সখা কৃষ্ণ, বিদিত সংসারে ।
 কেমন করিয়া তুমি জিনিবে তাঁহারে ॥
 প্রত্যয় না হয় মনে, শুন গুণমণি ।
 নারায়ণ-দরশনে মুক্ত হয় প্রাণী ॥
 ছাড়িল সংসার-আশা কত মুনিগণে ।
 বিবেক জন্মিবে তব দেখি নন্দায়ণে ॥

পুত্র নাহি, আমারে পুষ্টিবে কেন জনে ।
 বিশেষ আমার ঋতু আজিকার দিনে ॥
 প্রসন্ন হইয়া মোরে দেহ পুত্রদান ।
 কৃষ্ণ-দরশনে ঘর ত্যজে পুণ্যবান ॥
 পুত্র পৌত্র ইত্যাদি করিয়া বিসর্জন ।
 কর্ম নাহি ইথে প্রভু, শুনহ বচন ॥
 এ সব ঈশ্বরলীলা, শুনিয়াছি আমি ।
 নারায়ণ-দরশনে মুক্ত হবে তুমি ॥
 সতত তোমার মন কৃষ্ণ-দরশনে ।
 ছাড়িবে সংসার কৃষ্ণে দেখিলে নয়নে ॥
 আমি সে অবলা-জাতি, তাহে কুলনারী ।
 পুত্র নাহি আমার যে, কোন্‌রূপে তরি ॥
 তোমার ঔরসে মম হইবে তনয় ।
 ঋতুরক্ষা কর তুমি, শুন মহাশয় ॥
 শুন প্রাণনাথ, মোরে না কর নিরাশ ।
 পিতৃলোকে রাখ জল-গণ্ডুষের আশ ॥
 সংসার অসার দেখে, সার নারায়ণ ।
 পুত্রদান দিয়া মোরে করহ গমন ॥

হৃদয় বলিল তবে, শুনহ হৃদয় ।
 মিথ্যা-পুত্রে কোন্‌ কার্য্য, যদি ভুষ্টি হরি ॥
 প্রভাবতী বলে, নাথ, এ নহে বিচার ।

জনম বিফল, অন্ধে পুত্র নাহি যার ॥
 পুন্মাম-নরকে তার নাহিক নিষ্কৃতি ।
 এ-সব শাস্ত্রের কথা, শুন প্রাণপতি ॥
 ব্যাস ও বশিষ্ঠ-আদি যত মুনিগণ ।
 পুত্র জন্মাইল সবে, শুন নিবেদন ॥
 ইথে দোষ নাহি, মোরে দেহ পুত্রদান ।
 তবে গিয়া সংগ্রামে দেখিবে ভগবান ॥

হৃদয় বলেন, শুন আমার বচন ।
 করিল আমার পিতা নিদারুণ পণ ॥

না আসিবে যেইজন স্বরায় সমরে ।
তাহাকে ফেলিব তপ্ত-তৈলের ভিতরে ॥
তপ্ততৈলে ফেলাইবে, বলে নরপতি ।
প্রাণভয়ে সর্বজন গেল শীত্ৰগতি ॥
পশ্চাৎ যাইব আমি, ভাল নহে কাজ ।
ক্রোধ করি তৈলেতে ফেলিবে মহারাজ ॥
শুন প্রভাবতি, তুমি থাক আজি ঘরে ।
সংগ্রাম জিনিয়া আসি তুবিব তোমারে ॥

প্রভাবতী বলে, কথা শুন প্রাণেশ্বর ।
অর্জুনে জিনিবে তুমি, অতি সে দুষ্কর ॥
সখা যঁার নারায়ণ সংসারের সার ।
এ-তিন-ভুবনে নাহি পরাজয় তাঁর ॥
ভকত-বৎসল হরি রাখেন অর্জুনে ।
পূর্ণ করি মম আশা যাহ তুমি রণে ॥
পঞ্চশরে জরজর হৈল কলেবর ।
আলিঙ্গন দিয়া মোরে তোবহ সত্তর ॥
ঋতুভঙ্গ কৈলে নাথ, যত পাপ হয় ।
আপনি জানহ তাহা, শুন মহাশয় ॥
ঋতুর রক্ষণে নাহি দিনের বিচার ।
এ-সকল কথা যত গোচর তোমার ॥

ভার্য্যার বচন বীর নারিল লজ্জিতে ।
হাসিয়া যুদ্ধের সাজ এড়িল ভূমিতে ॥
সুধম্মা শয়ন কৈল খট্টার উপরে ।
ছুজিয়া শৃঙ্গার তুফা করিল ভার্য্যারে ॥
প্রভাবতী গর্ভ ধরে, বীর কৈল স্নান ।
যুঝিতে সুধম্মা-বীর করিল প্রয়াণ ॥
কুবলয়া নামে তাঁর আইল ভগিনী ।
সুধম্মা-গমনে দেয় জয়-জয় ধ্বনি ॥
যাহ-যাহ সাধু ভাই, অর্জুনের রণে ।
তোমা হ'তে কৃষ্ণে আমি দেখিব নয়নে ॥

সুধম্মা-জননী তবে পেয়ে সমাচার ।
পুত্রের সম্মুখে আসে আনন্দে অপার ॥
যাহ শীত্ৰ আরে বৎস, করিবারে রণ ।
তোমা হৈতে আজি সে দেখিব নারায়ণ ॥
যেখানে অর্জুন, তথা দেব-নারায়ণ ।
সত্য বলি এই কথা বলে সর্বজন ॥
বিলম্ব না কর পুত্র, চলহ সত্তর ।
পূর্ব পুণ্যফলে অশ্ব আইল নগরে ॥
চিরদিন আছে সাধ কৃষ্ণ-দরশনে ।
দোখব পরমানন্দে অর্জুন-মিলনে ॥
জনমার বচনে সুধম্মা হরষিত ।
প্রণাম করিয়া মায়ে চলিল স্বরিত ॥

হেথা দেখি সর্বসৈন্য সাজিয়া আইল ।
মহারাজ হংসধ্বজ সবারে দেখিল ॥
সুধম্মারে না দেখিয়া বলে নরপতি ।
কেন দিল নারায়ণ এমত সন্ততি ॥
কোপে হংসধ্বজ কহিলেন পুরোহিতে ।
অশ্ব সুধম্মাকে তৈলে ফেলহ নিশ্চিতে ॥
পুত্র হ'য়ে না পালে যে পিতার বচন ।
হেন ছার পুত্রে মম নাহি প্রয়োজন ॥
পুরোহিত-সঙ্গে রাজা এ-কথা কহিতে ।

সুধম্মা আইল তথা পিতার সাক্ষাতে ॥
প্রণাম করিয়া পুরোহিতের চরণে ।
রাজারে প্রণাম করে রাজ-সম্ভাষণে ॥
সুধম্মাকে দেখি রাজা বলে কুবচন ।
আদেশ্য অমান্ত দুই, কৈলি কি-কারণ ॥
অশ্ব রাখিবারে পার্থ এল মম পুরে ।
যত্ন করিলাম তারে ধরিবার তরে ॥
অর্জুনে ধরিলে পাব কৃষ্ণ-দরশন ।
বুঝিয়া করিলু আমি নিদারুণ পণ ॥

শীঘ্রগতি যেইজন না আসে সমরে ।
তাহারে ফেলিব তপ্ত-তৈলের ভিতরে ॥
ভয়েতে সাজিয়া এল যত সেনাগণ ।
সে ভয় তোমার মনে নহে কি-কারণ ॥
প্রলয় দামামা-ধ্বনি না শুনিলে কানে ।
কহ দেখি, গৃহমধ্যে রহিলে কেমনে ॥

সুধম্বা বলেন, পিতা, কর অবধান ।
অন্ধ ল'য়ে আসি আমি করিতে সংগ্রাম ॥
হেনকালে প্রভাবর্তী সম্মুখে আইল ।
ঋতুর রক্ষণ-হেতু আমারে কহিল ॥
মহাপাপ হয় ঋতু না কৈলে রক্ষণ ।
সেইহেতু বিলম্ব যে হইল রাজন্ ॥ '

ইহা শুনি বলে হংসধ্বজ নরপতি ।
জন্মিলে আমার কুলে তুমি পাপমতি ॥
যুদ্ধের সময় তোর নারীতে যতন ।
আরে ছুট, দেখিব কেমনে নারায়ণ ॥
তুমি সে আমার কুলে কুপুত্র জন্মিলে ।
ছাড়িয়া ক্ষত্রিয়-ধর্ম কামে মন দিলে ॥
কুষেতে বিমুখ হ'লে, যাহ তৈলপাশে ।
উচিত যে শাস্তি, তাহা ভুঞ্জহ বিশেষে ॥

পাত্র-মিত্র বলে, রাজা, এ নহে বিচার ।
ধর্মরক্ষা করিলেক তোমার কুমার ॥
না করিলে ঋতুরক্ষা হয় মহাপাপ ।
কি বুঝিয়া সুধম্বারে দেহ হেন তাপ ॥
সুধম্বা বৈষম্য বড়, জানহ আপনি ।
লঘুপাপে গুরুদণ্ড নহে নৃপমণি ॥

পাত্রের বচনে রাজা বলে পুরোহিতে ।
সুধম্বা আমার পুত্র আসিল পশ্চাতে ॥
ঋতুরক্ষা-হেতু হৈল বিলম্ব তাহার ।
কহ প্রভু, কি করিব বিচার ইহার ॥

জুহু হৈল পুরোহিত রাজার বচনে ।
পাকল করিয়া চক্ষু চাহে রাজপানে ॥
সর্বগুণে গুণী তুমি ওহে নরপতি ।
প্রতিজ্ঞা লজ্জিতে চাহ দেখিয়া সন্ততি ॥
ক্ষত্রের প্রতিজ্ঞা ধর্ম, ঘোষে সর্বজন ।
পুত্রস্নেহে ধর্মপথ করহ হেলন ॥
না থাকিব তব দেশে, শুন নরপতি ।
দেখিনু তোমায় রাজা, এবে পাপমতি ॥
এত বলি সভা হৈতে যায় পুরোহিত ।
মহাক্রোধভরে চলে, অধর কম্পিত ॥

রাজা হংসধ্বজ তবে কহিল পাত্রেরে ।
আমি যাই পুরোহিতে আনিবার তরে ॥
তপ্ততৈলে সুধম্বারে ফেলাইবে তুমি ।
সুধম্বারে পুনঃ যেন নাহি দেখি আমি ॥
অশ্রুর বচনে পুরোহিত না আসিবে ।
যতন করিয়া আমি আনি গিয়া তবে ॥

এত বলি হংসধ্বজ চলিল সত্বরে ।
স্মৃতি পাত্রের পুত্র বলে সুধম্বারে ॥
আপনি শুনিলে তব পিতার বচন ।
তৈলপাশে যাহ শীত্র রাজার নন্দন ॥

সুধম্বা বলেন, তৈলে ত্যজিব জীবন ।
বড় দুঃখ, না দেখিনু কমললোচন ॥
মহাভারতের কথা অমৃত-সমান ।
কাশীরাম দাস কহে, শুদ্ধ পুণ্যবান ॥

১২। সুধম্বাকে তপ্ততৈলে নিক্ষেপ ।

এত বলি সুধম্বা আইল তৈলপাশে ।
ভয় শেরে লোকসব হেঁচকিতে না আসে ॥
তপ্ততৈলে লেগি বীর নাহি করে ভয় ।
গোবিন্দ-চরণ ভাবে রাজার তনয় ॥

ভয়-জয় নারায়ণ পরম-কারণ ।

আমি বুঢ় না দেখিনু তোমার চরণ ॥

এ বড় দারুণ দুঃখ রহিল অন্তরে ।

অর্জুন-সহিত কৃষ্ণে না দেখি সমরে ॥

এই কৃষ্ণ, রক্ষা কর অকাল-মরণ ।

তপ্ততৈলে মোরে রক্ষা কর নারায়ণ ॥

উচ্চৈঃস্বরে সুধম্বা সে ডাকে নারায়ণে ।

সঙ্কটে রাখিতে কেহ নাহি তোমা-বিনে ॥

এত বলি সুধম্বা জপিলে কৃষ্ণনাম ।

তাহা শুনি শোকে লোক হইল অজ্ঞান ॥

স্মৃতি পাত্রের পুত্র ধরি সুধম্বারে ।

ফেলিয়া দিলেক তপ্ত-তৈলের ভিতরে ॥

ভক্ত বুঝি তাহারে রাখেন নারায়ণ ।

তপ্ততৈল হৈতে তার নহিল মরণ ॥

সুধম্বা বসিয়া আছে তৈলের ভিতরে ।

তৈলে বসি কৃষ্ণনাম ডাকে উচ্চৈঃস্বরে ॥

ঘন-ঘন কৃষ্ণনাম ডাকিলে সুধম্বা ।

নৃপতি-সভায় হেথা উঠিল যে কামা ॥

শুন রাজা জন্মেজয়, কহিনু তোমাংগে ।

পড়িল সুধম্বা তপ্ত-তৈলের ভিতরে ॥

ভক্ত বুঝি নৃপসুতে রাখে নারায়ণ ।

তপ্ততৈল হৈতে তেঞি নহিল মরণ ॥

নামের মহিমা আমি কহিনু তোমাংগে ।

পূরজন এল সুধম্বারে দেখিবারে ॥

শ্রীজনমেজয় বলে, কহ মহামুনি ।

কি-কর্ম সুধম্বা কৈল, কহ দেখি শুনি ॥

মহাভারতের কথা পাতক-নাশন ॥

পাঁচালী-প্রবন্ধে কানী রচন ॥

১০। তপ্ততৈলে সুধম্বার পতনে

বাল্য ও রাণীর শোক ।

না দেখিয়া সুধম্বারে, কার্দান্তেছে উচ্চৈঃস্বরে,

ভূমিতে লোটায়ে সর্বজন ।

কেহ মনে দুঃখ পেয়ে, রাজার সম্মুখে গিয়ে,

কাহিলেন সুধম্বা নিধন ॥

তাহা শুনি পুরোহিত, রাজা কহে দুঃখচিত্তে,

সুধম্বা মরিল তৈলে পংশে ।

রক্ষা পান ধর্মপথ, রহিল শাস্ত্রের মত,

দেখিবারে চলহ হরয়ে ॥

তবে হংসধ্বজ রায়, ধরি পুরোহিত-পায়,

তৈলপাশে আঁলিল সঙ্করে ।

তাহারে বেড়িয়া লোক, করে নানাবিধ শোক,

না দেখি বৈমব সুধম্বারে ॥

হংসধ্বজ নরপতি, বিহ্বলে পড়িয়া ক্ষিতি,

পুত্রশোকে ধরিল চেতন ।

কেহ ডল দেয় মুখে, কর্ণমূলে কেহ ডাকে,

পুত্রশোকে স্ফুটিল রাজন ॥

নগর বনিতা ধেয়ে, সমাচার দিল গিয়ে,

সুধম্বার জননী যেখানে ।

শুন-শুন ঠাকুরাণী, সুধম্বা ত্যজে পরাণী,

অগ্নি-তপ্ত-তৈল-প্রবেশনে ॥

পাষাণে বান্ধিয়া হিয়া, দেখিলাম দাশুইয়া,

তৈলে মরে তোমার নন্দন ।

পুত্রশোকে নরপতি, লোটাউয়া পড়ে ক্ষিতি,

দেখিবারে করহ গমন ॥

হেন অমঙ্গল-কথা, শুনি সুধম্বার মাতা,

তাজিয়া চলিল অন্তঃপুরী ।

বধূগণ চলে সাথে, শোকাবল হ'য়ে চিত্তে,

প্রভাবতী সুধম্বার নারী ॥

লজ্জাজয় নাহি করে, কান্দে বামা উচ্চৈঃস্বরে,
কোথা প্রভু বৈষ্ণব সুধম্বা ।

আরোহিয়া রথোপরে, কে ধরিবে অর্জুনেরে,
কৃষ্ণকে দেখাবে কোন্‌জন ।

ধরিয়া রাজার পায়, কান্দে রাণী উভরায়,
কেন কৈলে নিদারুণ পণ ।

রণস্থলে প্রবেশিবে, অর্জুনেরে পরাজিবে,
মিছা তুমি করিলে ভাবন ॥

রাজা বলে, উঠ পুত্র, লহ তুমি নানা-অস্ত্র,
পর্যভব করহ অর্জুনে ।

বাসনা আমার আছে, দেখিবারে শ্রীনিবাসে,
আনিয়া দেখাও নারায়ণে ॥

এত বলি সে রাজনু, পুত্রশোকে অচেতন,
প্রবোধ করয়ে রাজরাণী ।

শোকসিন্ধু তেয়াগিয়া, অর্জুনেরে পরাজিয়া,
আনিয়া দেখাও চক্রপাণি ॥

জন্মিলে মরণ হয়, আছে হেন মহাশয়,
অদ্ব কিংবা শতেক বৎসরে ।

কেহ চিরজীবী নহে, বেদশাস্ত্রে হেন কহে,
আনিয়া দেখাও গদাধরে ॥

পুনঃপুনঃ বাড়ে শোক, চমকিত সর্বলোক,
তৈলদ্রোণী দেখে কোনজন ।

সুধম্বা বসিয়া আছে, যেন পদ্মহৃদ-মাঝে,
কৃষ্ণনাম করিছে স্মরণ ॥

পুলকে পূর্ণিতকায়, নৃপ-আগে পাত্র কয়,
অবধানে শুন মহারাজ ।

সুধম্বা না মরে তৈলে, বসি আছে কুতূহলে,
যেন কুল-পঙ্কজ-বিরাজ ॥

মহাভারতের কথা, শ্রবণে ঘুচায় ব্যথা,
কলির কলুষ হয় নাশ ।

কমলাকান্তের স্মৃত, সুজনের মনঃপূত,
বিরচিল কাশীরাম দাস ॥

২১। তপ্ততৈল হইতে সুধম্বার উত্থান ও
পাণ্ডবদৈত্যের সহিত যুদ্ধ ।

স্মৃতি-পাত্রের মুখে শুনিয়া বচন ।

সুধম্বা দেখিতে রাজা করিল গমন ॥

সুধম্বা বসিয়া আছে তৈলের ভিতরে ।

কাঞ্চন-মুরতি-হেন দেখে মহাবীরে ॥

নাহি মরে সুধম্বা দেখিল নৃপমণি ।

হরিষে করয়ে লোক জয়-জয় ধ্বনি ॥

শঙ্খ ও লিখিত বলে, শুন নরপতি ।

তপ্ত নহে তৈল, তেত্রি হরষিত-মতি ॥

পুত্রস্নেহ-হেতু তুমি ভাণ্ডহ আমারে ।

তপ্ত নাহি হয় তৈল, কহিছু তোমাতে ॥

পরাক্ষা করিয়া তৈল জানিব সকল ।

আমারে আনিয়া দেহ নারিকেল-ফল ॥

অমুচর নারিকেল আনিব সঙ্কর ।

পুরোহিত ফেলে তাহা তৈলের ভিতর ॥

তৈল পরশিতে সেই শতখান হৈল ।

শঙ্খ ও লিখিত-ভালে আসিয়া বাজিল ॥

অর্জুনের হৃদে দৌহে পড়িল ধরণী ।

ভয়-দৈত্যে দৌহারে তুলিল নৃপমণি ॥

কর্তব্যে ছইল পাইল চেতন ।

স্মৃতি-পাত্রের দৌহে জিজ্ঞাসে স্মরণ ॥

তৈল পরশিতে শিশু কি বাক্য বলিল ।

হৃদ্বর্ষ ঔষধ কিছু মুখে দিয়াছিল ॥

পাত্র বলে, অবধান কর হিজবর ।

নারায়ণে সুধ্বা ডাকিল বহুতর ॥

কৃষ্ণ-কৃষ্ণ বলি মুখে তৈলেতে পড়িল ।

সর্ব-সভাজন ইহা নয়নে দেখিল ॥

রক্ষা করিলেন হরি এই সুধ্বায়ে ।

ঔষধ না জানে কিছু, কহিলু তোমারে ॥

পাত্রবোলে দুইজনে হ'য়ে হরষিত ।

আঁপ দিতে তৈলকুণ্ডে চলিল হরিত ॥

আমরা পাবশু বড়, হিংসিনু বৈষ্ণব ।

রাখিলে এ-পাপতনু নরকে ডুবিল ॥

এত বলি তৈলেতে পড়িল দুইজন ।

সুধ্বার অঙ্গ-স্পর্শে এড়ায় মরণ ॥

শত্রু-লিখিতেরে ল'য়ে রাজার কুমার ।

তৈল হৈতে উঠিলেন আনন্দে অপার ॥

হরষিত হংসধ্বজ পুত্র-দরশনে ।

সুধ্বা প্রণাম কৈল পিতার চরণে ॥

তবে দুই পুরোহিত কহিল রাজারে ।

তথ্য-সমান ভক্ত নাহিক সংসারে ॥

বৈষ্ণবে হিংসিয়া মোরা পাইলু যজ্ঞণা ।

শুন হংসধ্বজ, বড় বৈষ্ণব সুধ্বা ॥

সুধ্বা জিনিবে রণ, ইথে নাহি আন ।

দেখাইবে তোমারে আনিয়া ভগবান্ ॥

কৃষ্ণ-দরশন পাবে, শুন নরপতি ।

সকল তপস্বী কৈলে তুমি মহামতি ॥

পুরোহিত-মুখে রাজা শুনিয়া বচন ।

সুধ্বারে তুষিলেন দিয়া আলিঙ্গন ॥

তেনকালে রাজরাণী কহে সুধ্বায়ে ।

শতকণে তোরে আমি ধরিনু উদরে ॥

৫৫৬

শুন পুত্র, যাহ শীঘ্র করিবারে রণ ।

আনিয়া দেখাও মোরে কমললোচন ॥

এত বলি রাজরাণী গেল নিজঘরে ।

করিলে সুধ্বা যায় যুদ্ধ করিবারে ॥

দুইদলে দেখাদেখি বাজিল সমর ।

সিংহনাদ ছাড়ি ঘন বরিসয়ে শর ॥

রবির কিরণ রুদ্ধ হৈল শরজালে ।

চারিদিক্ অন্ধকার, দৃষ্টি নাহি চলে ॥

গজ-বাজি-পদাতিক পড়িল বিস্তর ।

রক্তেতে বহিছে নদী সংগ্রাম-ভিতর ॥

সুধ্বা সংগ্রাম করে হাতে ধনুর্বাণ ।

চঞ্চল পাণ্ডব-সৈন্য, নাহি ধরে টান ॥

তবে বৃষকেতু-বার্ণ কর্ণের তনয় ।

রথ-আরোহণে আসে সমরে নির্ভয় ॥

ধনুকে টঙ্কার দিয়া প্রবেশিল রণে ।

যুদ্ধ অরম্ভিল তবে সুধ্বার সনে ॥

দৌহাকার শরজালে ছাইল গগন ।

দৌহাকার বাণ দৌহে করে নিবারণ ॥

বৃষকেতু যত বাণ পুরিল সন্ধান ।

সুধ্বা কাটিয়া তাহা কৈল থান-থান ॥

পঞ্চশত-বাণ এড়ে রাজার নন্দন ।

বাণাঘাতে বৃষকেতু হৈল অচেতন ॥

সুধ্বা বিদ্রোয়ে তবে কৃষ্ণের নন্দনে ।

আশু হৈল কামদেব ক্রোধ করি মনে ॥

চেতন পাইয়া উঠে কর্ণের কুমার ।

ধনুক পাতিল বীর আসি পুনর্ব্বার ॥

সুধ্বারে ডাকি বলে ক্রোধ করি মনে ।

আমার সহিত যুদ্ধ, বিদ্ধ অশ্বজনে ॥

এ নহে ক্ষত্রিয়-ধর্ম্ম, শুনহ সুধ্বা ।

আজি তোমা বধি আমি রাখিব ঘোষণা ॥

এত বলি রুমকেতু বাণরুষ্টি করে ।
 নিবারে স্তম্ভ তাহা চোখা-চোখা শরে ॥
 রুমকেতু-রথধ্বজ স্তম্ভ কাটিল ।
 সারথির মাথা কাটি ভূমিতে পাড়িল ॥
 বাণ গুণ ধনু তার কাটিলেক পরে ।
 মারিল সহস্র-বাণ রুমকেতু-বারে ॥

ভয়ে ভঙ্গ দিয়া গেল কর্ণের নন্দন ।
 প্রহুয়ন্ত আইল তবে করিবারে রণ ॥
 মহাক্রোধভরে সেই আইল সমরে ।
 বাণাঘাতে পাড়িল যতেক মহাবীরে ॥
 তাহা দেখি স্তম্ভর ক্রোধ উপজিল ।
 একেবারে শতবাণ সন্ধান পুরিল ॥
 প্রহুয়ন্তে বিক্সিল বীর করিয়া যতন ।
 শোণিতে হইল রাঙ্গা রুক্ষিণী-নন্দন ॥
 আকর্ণ পুরিয়া বাণ বিক্ষেপে বার-বার ।
 বাণাঘাতে ক্লান্ত হৈল তনু স্তম্ভর ॥
 স্তম্ভর-সহিত রণ হৈল বহুতর ।
 কেহ পরাভূত নহে, উভয়ে সোসর ॥

হেননতে দৌহে ঘোর হইল সমর ।
 কৃতবর্ণা আইলেন ল'য়ে ধনুঃশর ॥
 স্তম্ভর-সহিত রণ কৈল বহুতর ।
 সহিতে না পারি যুদ্ধ হইল ফাঁফর ॥

বাণাঘাতে কৃতবর্ণা পড়ে গিয়া দূরে ।
 অনুশাস্ত-দৈত্য আসে যুদ্ধ করিবারে ॥
 ধনুক পাতিল স্তম্ভর সম্মুখানে ।
 আবারে আকাশ দৌহে বাণ-বরিষণে ॥
 ডাক দিয়া অনুশাস্ত বলে দর্পবাণী ।
 আজি শেলাঘাতে তোর বধিব পরাণী ॥
 এত বলি শেলপাট এড়ে দৈত্যেশ্বর ।
 স্তম্ভর কাটিল শেল মারি পঞ্চশর ॥

ভয় পায় দৈত্যেশ্বর স্তম্ভর রণে ।
 জিনিতে না পারে বীর বাণের সন্ধান ॥
 পরশু পটিশ গদা এড়ে দৈত্যপতি ।
 স্তম্ভর নিবারে তাহা করিয়া শক্তি ॥
 শিলীমুখ সূচিমুখ অর্দ্ধচন্দ্র বাণ ।
 স্তম্ভর-উপরে দৈত্য পুরিল সন্ধান ॥
 নিবারয়ে রাজসুত বাণের আঘাতে ।
 তাহা দেখি অনুশাস্ত ভীত হৈল চিতে ॥
 তবে সে স্তম্ভর কৈল বাণের সন্ধান ।
 শরজালে কাটিল দৈত্যের ধনুঃবাণ ॥
 কাটিল রথের ঘোড়া, সারথির মুণ্ড ।
 বাণ গুণ ধনু কাটি কৈল খণ্ড-খণ্ড ॥
 মারিল সহস্র-বাণ দৈত্যের উপরে ।
 মুচ্ছা পেয়ে অনুশাস্ত পড়ে গিয়া দূরে ॥

আগু হৈল যুবনাস্ত পুত্রের সংহতি ।
 বাণরুষ্টি করে দৌহে যতেক শক্তি ॥
 স্তম্ভর নিবারে তাহা হাতে ধরি চাপ ।
 বাণরুষ্টি করে দৌহে দুর্জয়-প্রতাপ ॥
 স্তম্ভর বাণ যেন অগ্নির সমান ।
 সহিতে না পারে রাজা, কাতর পরাণ ॥
 স্তম্ভর সাহস করি প্রবেশিল রণে ।
 পিতা-পুত্র অচেতন স্তম্ভর বাণে ॥

রথ হৈতে দূরে গিয়া পড়ে দুইজন ।
 সাত্যকি আইল তবে করিবারে রণ ॥
 সাত্যকি-সহিত তবে যুঝয়ে স্তম্ভর ।
 ভয়েতে কাতর হৈল পাণ্ডবের সেনা ॥
 যুঝিতে নারিল কেহ স্তম্ভর সাথে ।
 পলায় পাণ্ডবসেনা ভয় পেয়ে চিতে ॥
 বিমুখ হইল তবে যত সেনাপতি ।
 তাহা দেখি আইলেন পার্থ মহামতি ॥

ডাকিয়া অর্জুন-বীর বলে অশ্বমারে ।
 তব দিল সৈন্য মম তোমার সমরে ॥
 পশুক্রম যত তব দেখিলাম আমি ।
 নহন করিয়া যুদ্ধ দেহ মোরে তুমি ॥
 অশ্বমার বলেন, শুন বীর ধনঞ্জয় ।
 নব ব তোমার সনে, নাহি মোর ভয় ॥
 'কন্তু এক কথা আমি জিজ্ঞাসি তোমারে ।
 কখনে না দেখি কেন তব রথোপরে ॥
 সার্থি তোমার রথে নাহি নারায়ণ ।
 কখনে করিবে তুমি মম সনে রণ ॥
 কৃষ্ণকৃত্র-যুদ্ধে তুমি জিনিলে সবায় ।
 ন রথে সারথি ছিলেন যতুরায় ॥
 এত কৃষ্ণহীন তুমি কিসের লাগিয়া ।
 নরবে জিনিতে যুদ্ধে, যাহ ত ফিরিয়া ॥
 তোমার প্রতিষ্ঠা আমি শুনি লোকমুখে ।
 পাণ্ডব-দাহন তুমি করিলে কোঁতুকে ॥
 কবাত-শঙ্কর-সঙ্গে করিলে সমর ।
 ত্রুতনে বীর নাহি তোমার সোসর ॥
 'কন্তু সে-সকল যশ গোবিন্দ হইতে ।
 তেন কৃষ্ণ নাহি কেন তোমার রথেতে ॥
 শুনহ অর্জুন, তোমা করি নিবেদন ।
 কোন্‌খানে কৃষ্ণ-বিনা জিনিয়াছ রণ ॥
 সগ্রাম জিনিয়া তব প্রকাশিল যশ ।
 হারিলে আমার যুদ্ধে হবে অপযশ ॥
 বদ যুদ্ধ করিতে তোমার আছে মন ।
 আপন-সারথি লহ দেব-নারায়ণ ॥
 অশ্বমার বচনে অর্জুন ক্রোধবান্ ।
 গাণ্ডাব লইয়া হাতে পুরেন সন্ধান ॥
 অর্কণ পুরিয়া মারিলেন অশ্বমারে ।
 ধংসধ্বজ-স্বত তাহা নিবারিল শরে ॥

মহাক্রোধে মারে বাণ রাজার নন্দন ।
 বাণের উপরে বাণ করে বরিষণ ॥
 অর্জুনের বাণরষ্টি আকাশ ছাটিল ।
 দৌরতর অন্ধকারে রাবি আচ্ছাদিল ॥
 ভয়েতে পলায় যত নৃপসেনাগণ ।
 অর্জুনের বাণে কেহ নহে স্থিরমন ॥
 গজ বার্জী রথ পড়ে, গণিতে না পারি ।
 রূপধরে কন্দম ভূমি, দেখি ভয় করি ॥
 অর্জুনের যুদ্ধ দেখি কম্পমান সেনা ।
 সাহস করিয়া যুদ্ধ করিছে অশ্বমার ॥
 বাটিল সকল অস্ত্র চক্ষুর নিমিষে ।
 অশ্বমার বিক্রম দেখি অর্জুন প্রশংসে ॥
 অশ্বমার সাহস করি করিছে সংগ্রাম ।
 হস্ত-উপরে মারে শত-শত বাণ ॥
 অর্জুনের রথে বীর করে নিরাঙ্কণ ।
 সারথি চালায় রথ, নাহি নারায়ণ ॥
 নৃপতি-জন্য তবে শিচারিল মনে ।
 অর্জুনের সারথিরে কাটি আগে বাণে ॥
 তবে আগিবেন কৃষ্ণ অর্জুনের রথে ।
 এত ভাবি দশবাণ মুড়িল হস্তিতে ॥
 অশ্বমার এড়িল বাণ পুরিয়া সন্ধান ।
 সারথির মাথা কাটি কৈল ছুটখান ॥
 সারথি পড়িল, রথ বাহে ধনঞ্জয় ।
 অশ্বমার বিক্রিছে বাণ হইয়া নির্ভয় ॥
 অর্জুনের অর্জুন-তনু অশ্বমার বাণে ।
 রথ নাহি চলে, বীর যুঝিবে কেমনে ॥
 কায়রে পড়িল বীর পাণ্ডুর নন্দন ।
 স্মরণ করিতে এল দেব-নারায়ণ ॥
 অশ্বমার দেখিল, হরি রথের উপরে ।
 ঘোড়হাত করি বীর নানা-স্তুতি করে ॥ .

আজি সে সফল হৈল আমার জনম ।
 একত্র দেখিনু আজি নর-নারায়ণ ॥
 ব্রহ্মাদি দেবতা যাঁরে না পায় দেখিতে ।
 হেন কৃষ্ণে দেখিলাম অৰ্জুনের রথে ॥
 ধন্য হে অৰ্জুন, তুমি পাণ্ডুর নন্দন ।
 স্মরণে আনিলে তুমি দেব-নারায়ণ ॥
 চিরদিন যোগাসনে ভাবে যোগিগণ ।
 বহু তপ করি নাহি পায় দরশন ॥
 হেন কৃষ্ণ আইলেন স্মরণ করিতে ।
 হাতেতে পাঁচনি ধরি রথ চালাইতে ॥
 ধন্য হে অৰ্জুন, তুমি পাণ্ডুর কুমার ।
 এ-তিন-ভুবনে নাহি তুলনা তোমার ॥
 এখন যুঝিব আমি তোমার সংহতি ।
 প্রতিজ্ঞা করহ তুমি পার্থ মহামতি ॥
 অৰ্জুন বলেন, তোরে পরাজিব রণে ।
 প্রতিজ্ঞা করিনু আমি কৃষ্ণ-বিগ্ৰহানে ॥
 এই তিনবাণ দেখ যম-অবতার ।
 ইহাতে করিব আমি তোমার সংহার ॥
 স্নধ্বা বলেন, শুন বীর ধনঞ্জয় ।
 আমি তব তিনবাণ কাটিব নিশ্চয় ॥
 কাটিয়া তোমার বাণ ফেলাব ভূমিতে ।
 সত্য করি কহিলাম কৃষ্ণের সাক্ষাতে ॥
 স্নধ্বার বাক্য শুনি দেব-নারায়ণ ।
 প্রবোধ করিয়া পার্থে কহেন বচন ॥
 এমত প্রতিজ্ঞা তুমি কর কি-কারণ ।
 এমত প্রতিজ্ঞা কভু না হয় শোভন ॥
 স্নধ্বা বৈষ্ণব বড়, শুন ধনঞ্জয় ।
 কাটিবে তোমার অস্ত্র, কহিনু নিশ্চয় ॥
 তিনবাণে স্নধ্বাকে কাটিবে কেমনে ।
 ভগ্নভূল্য নহ তুমি স্নধ্বার রণে ॥

মহাবলবান্ হংসধ্বজের নন্দন ।
 শুন সখা, প্রতিজ্ঞা করিলে কি-কারণ ॥
 অৰ্জুন বলেন, কৃষ্ণ, তুমি যার নাথ ।
 কখন না হয় তার প্রতিজ্ঞা ব্যাঘাত ॥
 কখন প্রতিজ্ঞা মম ব্যর্থ নাহি হয় ।
 তোমার প্রসাদে মম সর্ববস্ত্রেতে জয় ॥
 ঈষৎ হাসেন কৃষ্ণ অৰ্জুনের বোলে ।
 স্নধ্বা ধনুক হাতে নিল সেই কালে ॥
 অৰ্জুন গাণ্ডীব ধরিলেন হৃষ্টমনে ।
 সাহস করিয়া যুদ্ধ করে দুইজনে ॥
 স্নধ্বা শতেক বাণ পুরিল সন্ধান ।
 বাণেতে অৰ্জুন তাহা করে খান-খান ॥
 অৰ্জুন এড়েন বাণ স্নধ্বা-উপরে ।
 নৃপতি-তনয় তাহা নিবারিল শরে ॥
 হেনমতে করিলেন দৌঁছে যুদ্ধ নানা ।
 দেবাসুরে দিতে নারে তাহার তুলনা ॥
 অগ্নিবাণ স্নধ্বা করিল অবতার ।
 বরুণাস্ত্রে নিবারেন ইন্দ্রের কুমার ॥
 এডিল বায়ব্য-অস্ত্র পাণ্ডুর কুমার ।
 পর্বতাস্ত্রে স্নধ্বা তা' করিল সংহার ॥
 দৌঁছে মহাবলবন্ত, বিক্রমে বিশাল ।
 দুইজনে যুঝে যেন প্রলয়ের কাল ॥
 কোপেতে স্নধ্বা দিব্য-অস্ত্র নিল হাতে ।
 আকর্ণ পুরিয়া মারে অৰ্জুনের মাথে ॥
 বাণাঘাতে হইলেন অৰ্জুন কাঁফর ।
 পড়িলেন কৃষ্ণ-কোলে হইয়া কাতর ॥
 হাত বুলায়েন কৃষ্ণ পার্থের শরীরে ।
 শ্রম দূর হৈল, ধনুর্বাণ নিল করে ॥
 অৰ্জুন মারেন বাণ দিয়া হৃৎকর ।
 পিছাল যোজন-দশ রাজার কুমার ॥

পুনর্ব্বার সুধম্বা আইল কতক্ষণে ।
 মহাক্রোধে দিব্যবাণ মারিল অর্জুনে ॥
 সেই বাণে রথ গেল উভয় যোজন ।
 দেখিয়া কহেন কৃষ্ণ পাণ্ডুর নন্দন ॥
 হে কৃষ্ণ, দেখিয়া কিবা কৈলে নিরূপণ ।
 দৌঁহা-মধ্যে বলবান্ হয় কোন্ জন ॥
 হাসিয়া অর্জুন-বাক্যে কহেন শ্রীহরি ।
 তোমা হৈতে সুধম্বারে আমি ব্যাখ্যা করি ॥
 আমি রথে বিশ্বস্তর, ধ্বজে হনুমান্ ।
 দৌঁহে ঠেলি গেল দুই যোজন-প্রমাণ ॥
 আমি নামি রথ হৈতে, দেখ বীরবর ।
 কিমতে রাখহ রথ আমার গোচর ॥

এত বলি নামিলেন হরি বিশ্বম্ভার ।
 চাক্রোধে মারে বাণ রাজার কুমার ॥
 সেই বাণে রথ গেল চল্লিশ-যোজন ।
 দেখিয়া বিস্ময় মানি অর্জুনের মন ॥
 কতক্ষণে আইলেন ইন্দ্রের নন্দন ।
 কহিলেন বন্দি, প্রভু কমললোচন ॥
 তোমার মায়ায় মুগ্ধ আছে সর্ব্বজন ।
 তোমার মহিমা প্রভু, জানে কোন্ জন ॥
 অনেক সঙ্কটে প্রভু ক'রেছ তারণ ।
 এবারে করহ রক্ষা শ্রীমধুসূদন ॥
 মহাভারতের কথা অমৃত-সমান ।
 কালীরাম দাস কহে, শুনে পুণ্যবান্ ॥

২২। সুধম্বার বৃত্তোদ্ধেদন ও ঐ বৃত্ত প্রয়োগে
 নিক্ষেপ ।

শেলপাট হাতে ল'য়ে পাণ্ডুর কুমার ।
 সুধম্বারে মারিলেন দিয়া হুঙ্কার ॥

সুধম্বা কাটিল শেল মারি দশ-শর ।
 অর্জুন চিন্তিত তার দেখিয়া সমর ॥
 পাঁচ-সাত বাণ ধরি ধনুকে যুড়িয়া ।
 সুধম্বারে মারিলেন সন্ধান পুরিয়া ॥
 সুধম্বারে জ্বিনিতে মারিল ধনঞ্জয় ।
 তিনবাণ লটিলেন হুটয়া নির্ভয় ॥
 সন্ধান করেন পার্শ্ব ধনুকের গুণে ।
 সুধম্বা দেখিয়া তাহা ভীত হৈল মনে ॥
 অর্জুন বলেন, তুমি ভাব অবসান ।
 মরিবে আমার বাণে, নাহি পরিত্রাণ ॥

সুধম্বা বলেন যদি ভাগ্য মম থাকে ।
 শরীর ত্যজিব আমি কৃষ্ণের সম্মুখে ॥
 চিরদিন আছে সাধ কৃষ্ণ-দরশনে ।
 দেখিসু সে নারায়ণে আপন-নয়নে ॥
 ক্ষত্রের প্রধান-ধর্ম্ম সম্মুখ-সংগ্রাম ।
 মরিলে পাট্টিব আমি অক্ষয়-নির্ব্বাণ ॥
 কাটিব তোমার বাণ, শুন ধনঞ্জয় ।
 নারিবে রাখিতে কৃষ্ণ, কহিসু নিশ্চয় ॥

এত যদি সুধম্বা করিল অহঙ্কার ।
 ক্রোধে বাণ এড়িলেন পাণ্ডুর কুমার ॥
 বাণ-শব্দে চমকিত এ-তিন-ভুবন ।
 গন্ধর্ব্ব কিম্বর নাগ কাঁপে দেবগণ ॥
 অনন্তর ভয় হৈল, চঞ্চলা ধরণী ।
 বাণ দেখি সুধম্বা জপিতে চক্রপাণি ॥
 হুঙ্কার দিয়া অস্ত্র এড়েন ফাক্তনি ।
 সুধম্বা সে তিনবাণ কাটিল তখন ॥
 তাহা দেখি পার্শ্ব পাইলেন অপমান ।
 করিলেন হেঁটমাথা ব্যর্থ দেখি বাণ ॥

অগুরু কৃষ্ণের লীলা কে বুঝিতে পারে ।
 ভূমিতে পড়িয়া বাণ উঠিল সত্তরে ॥

মহাবেগে অর্দ্ধশর শীঘ্রগতি বায় ।
 ভগ্নবাণ স্তম্ভস্বাক্ষকে কাটিয়া ফেলায় ॥
 মহাশব্দে হাহাকার করে সেনাগণে ।
 পড়িল স্তম্ভস্বাক্ষ-বীর অর্দ্ধদুর্নের বাণে ॥
 অর্দ্ধদুর্ন কাটেন দেখ স্তম্ভস্বাক্ষ মাথা ।
 কাটামুণ্ড ডাকি বলে, কৃষ্ণ গেলে কোথা ॥
 বিষ্ণু-অনুগত সেই স্তম্ভস্বাক্ষ বৈষ্ণব ।
 হাসিয়া তাহার তেজ নিলেন মাধব ॥
 স্তম্ভস্বাক্ষ প্রবেশ করে হরি-কলেবরে ।
 তাহা দেখি পার্শ্ববীর বিস্মিত অন্তরে ॥
 কৃষ্ণপদতলে তার পড়িল যে শির ।
 সেই শির তুলি নিল দেব-যত্নবীর ॥
 ভক্তের মস্তক দেখি দয়া হৈল মনে ।
 গরুড়ের নারায়ণ ডাকেন তখনে ॥
 বিনতা-নন্দন রহে যোড়হাত হৈয়া ।
 কহিলেন তারে কৃষ্ণ ঈশ্বর হাসিয়া ॥
 স্তম্ভস্বাক্ষ মুণ্ড ল'য়ে চলহ সত্বরে ।
 ফেলিয়া আইস মুণ্ড প্রয়াগের নীরে ॥
 প্রয়াগ পবিত্র হবে মস্তক-পরশে ।
 শুনহ গরুড়, যাহ আমার আদেশে ॥
 পাইয়া কৃষ্ণের আজ্ঞা কশ্যপ-নন্দন ।
 স্তম্ভস্বাক্ষ শির ল'য়ে করিল গমন ॥
 কৈলাসে থাকিয়া দেখে দেব-পশুপতি ।
 রুষভে ডাকিয়া তবে বলেন ঝটিতি ॥
 শুনহ রুষভ, তুমি আমার বচন ।
 গরুড়ের স্থানে তুমি করহ গমন ॥
 স্তম্ভস্বাক্ষ মুণ্ড তুমি আনহ সত্বরে ।
 ফেলিতে না পারে যেন প্রয়াগের নীরে ॥
 বৈষ্ণব-মস্তকে মোর আছে প্রয়োজন ।
 বিলম্ব না কর তুমি, করহ গমন ॥

তাহা শুনি শঙ্করে বলেন ভগবতী ।
 আনিতে নারিবে মুণ্ড রুষ অল্পমতি ॥
 গরুড়ের স্থানে মুণ্ড কে আনিতে পারে ।
 অপমান পাবে প্রভু, কহিনু তোমারে ॥
 শ্রীহরি দিলেন আজ্ঞা প্রয়াগে ফেলিতে ।
 রুষভ অশক্ত, তাহা নারিবে আনিতে ॥
 শিবের হইল ক্রোধ শিবাক্ষ বচনে ।
 স্বরায় রুষভ গেল গরুড়ের স্থানে ॥
 বিনতা-নন্দন জিজ্ঞাসিল রুষভেরে ।
 শিবের বাহন, তুমি যাহ কোথাকারে ॥
 রুষভ বলিল, শুন বিনতা-নন্দন ।
 স্তম্ভস্বাক্ষ মুণ্ডেতে শিবের প্রয়োজন ॥
 মোরে পাঠাইলা তিনি মস্তক লইতে ।
 এটীহেতু আইলাম তোমার সাক্ষাতে ॥
 গরুড় বলিল, মুণ্ড দিতে নাহি পারি ।
 প্রয়াগে ফেলিতে মুণ্ড কহিলেন হরি ॥
 তাঁর বাক্য লজ্জিবারে আমি নাহি পারি ।
 প্রয়াগে ফেলিব মুণ্ড, শুন সত্য করি ॥
 রুষভ বলেন, মুণ্ড নারিবে ফেলিতে ।
 স্তম্ভস্বাক্ষ মুণ্ড আমি লইব বলেতে ॥
 হাসিয়া গরুড় বলে, নাহি তোমার লাজ ।
 শুন নাই শিবমুখে, আমি পক্ষিরাজ ॥
 গরুড়ের বাক্যে রুষভের ক্রোধ হৈল ।
 মস্তক-কারণে দৌহে যুদ্ধ উপজিল ॥
 দৌহার বিক্রম আমি কি বর্ণিতে পারি ।
 স্বর্গ-মর্ত্য-রসাতল কাঁপে তিনপুরী ॥
 গরুড়ের সনে রুষ নারিল যুঝিতে ।
 পরাভব পাইয়া সে লাগিল ভাবিতে ॥
 পাথসাটে বৈনতেয় ফেলাইল তারে ।
 পড়িল রুষভ গিয়া শিবের গোচরে ॥

রুমভেরে অচেতন দেখিয়া ভাবানী ।
মুখে জল দিয়া তার রাখিলা পরাণী ॥
শঙ্করে কহেন ক্রোধে দেবী ভগবতী ।

যতক ভাঙ্গড়গণ তোমার সংহতি ॥
বিক্রম বাহন-পক্ষী মহাবল ধরে ।
রুমভে পাঠাও তুমি মুণ্ড আনিবারে ॥
পাটলে মাদক-দ্রব্য নাহি থাকে জ্ঞান ।
বিক্রম বাহন সঙ্গে যুদ্ধে রুম বান ॥
সে মুণ্ড আনিতে তুমি কর অভিলাষ ।
না লয় আমার মনে, শুন কুণ্ডিবাস ॥

গৌরীর বচনে ক্রুদ্ধ হ'য়ে গঙ্গাপর ।
নন্দারে বলেন, তুমি যাহ ত সঙ্কর ॥
গরুড় জিনিয়া মুণ্ড আনহ সঙ্করে ।
হিমালয়-নন্দিনী আমারে তুচ্ছ করে ॥

এত বলি শূল দেন দেব-পঞ্চানন ।
মহারীর নন্দী তবে করিল গমন ॥
গরুড় দেখিল তবে শিবের কিস্কর ।
মহাবলবান্ নন্দী শিবের সোসর ॥
শীঘ্রগতি পক্ষিরাজ আকাশে উঠিল ।
দেখিয়া শিবের শূল ভয় উপজিল ॥
গরুড় ফেলিল মুণ্ড প্রয়াগের জলে ।
হাত পাতি নন্দী মুণ্ড ধরিল সে-কালে ॥
মস্তক আনিয়া দিল শঙ্করের হাতে ।
তাহা দেখি পার্বতী রহিল হেঁটমাথে ॥
অধস্বা-মস্তক পেয়ে তুষ্ট শূলপাণি ।
মালাতে স্তম্ভের করি রাখে মহাজ্ঞানী ॥
অধস্বা বৈষ্ণব-শ্রেষ্ঠ, আমি তাহা জানি ।
সেই-কথা শিবারে কহেন শূলপাণি ॥
পবিত্র হইল মালা এ-মুণ্ড পরশে ।
সত্যকথা কহিলাম আমি তব পাশে ॥

মহাভারতের কথা অমৃত-সমান ।
বালীরাম দাস কহে, শুনে পুণ্যবান্ ॥

২৩। সুরাঙ্গন যুদ্ধ ও মৃত্যু এবং হংসধ্বজ-স্বাক্ষর
শ্রীকাম-দশঃ ।

শ্রীজনমেষ্ঠ্য বলে, কহ মুনিবর ।
অপার-ভারত কথা শুনেতে স্তম্ভর ॥
মুনি বলে, শুন রাজা, কহিছু তোমায়ে ।
সুদৃশ্য নট্য ত চৈল অঙ্কনের শায়ে ॥
হংসধ্বজ শূন্য এ সব বিবরণ ।
কোথা স্তম্ভদ্বা বাল কান্দল রেদিন ॥
অঙ্কন সারথি রক্ষস না দেখায়ে মোরে ।
আমারে ছাড়িয়া পুত্র, গেলে কোথাকারে ॥
শুনোছি দূতের মুখে যে-সব ঘটিল ।
স্তম্ভদ্বার মাথা কৃষ্ণ-চরণে পড়িল ॥
হেন পুত্র মরে মম অঙ্কনের বাণে ।
কে মোরে আনিয়া দেখাইবে নারায়ণে ॥
এ বড় বিঘ্ন খেদ রঞ্জন সে মনে ।
অঙ্কন-সারথি রক্ষস না দেখি নমনে ॥

পিতার ক্রন্দন দেখি সুরথ সঙ্করে ।
যোড়হাত করি বলে পিতার গোচরে ॥
শুন পিতা, আর তুমি না কর ক্রন্দন ।
আমি তোমা আনিয়া দেখাব নারায়ণ ॥
আশীর্বাদ করি মোরে করহ বিদায় ।
অনুমতি দিল তবে হংসধ্বজ-রায় ॥
সাজিয়া সুরথ চলে করিতে সমর ।
দেবাসুর-নাগ-নর কাঁপে থরথর ॥
সেনাগণে ল'য়ে বীর প্রবেশিল রণে ।
কামদেব আইলেন করি বীরপণে ॥

যুবনাথ অনুশাস্ত নীলধ্বজ রায় ।
 রুষকেতু মেঘবর্ণ শীত্ৰগতি ধায় ॥
 সুরথ-উপরে সবে বরিষয়ে বাণ ।
 নিবারয়ে নরপতি-স্মৃত সাবধান ॥
 বাণে বাণ নিবারয়ে সুরথ প্রচণ্ড ।
 বিক্ষিয়া পাণ্ডবসৈন্য করে লণ্ডভণ্ড ॥
 সুরথ সংগ্রাম করে ভয় নাহি মনে ।
 শরীর জর্জর কৈল বাণ-বরিষণে ॥
 পট্টিশ তোমর গদা মুঘল মুদগর ।
 অর্দ্ধচন্দ্র-বাণ যে ক্ষুরপ্র মনোহর ॥
 রথ-ধ্বজ-সারথি কাটিয়া ফেলে ভূমে ।
 তুণ গুণ শর ধনু কাটে ক্রমে-ক্রমে ॥
 সুরথ সংগ্রাম করে হাতে শর ধনু ।
 বিক্ষিল পঞ্চাশ-বাণে প্রহ্মাশ্বের তনু ॥
 মোহ গেল কামদেব বাণের আঘাতে ।
 সারথি লইয়া রথ পলায় ত্বরিতে ॥
 রুষকেতু-বীরে মারে একশত বাণ ।
 ভঙ্গ দিল রুষকেতু লইয়া পরাণ ॥
 দুইবাণে যুবনাথ হৈল হতজ্ঞান ।
 রথ ল'য়ে সারথি সে হৈল পাছুয়ান ॥
 সুবেগে বিক্ষিল বীর ষাটিগোটা বাণে ।
 ভঙ্গ দিল পার্থ-সেনা ভয় পেয়ে মনে ॥
 কেশরী-ভয়েতে যেন ধায় পশুগণ ।
 সুরথের যুদ্ধে সবে হইল তেমন ॥
 সৈন্যভঙ্গ দেখিয়া কুপিত ধনঞ্জয় ।
 জিজ্ঞাসেন নারায়ণে করিয়া বিনয় ॥
 সংগ্রাম করিতে এল কোন্ মহারথী ।
 ভয়ে ভঙ্গ দিল মম যত সেনাপতি ॥
 কামদেব-আদি কেহ না রহে সমরে ।
 কহ কৃষ্ণ, কে আইল যুঝিবার তরে ॥

গোবিন্দ বলেন, সখা, শুনহ বচন ।
 যুঝিতে আইল হংসধ্বজের নন্দন ॥
 সুরথ উহার নাম, বড় বলবান্ ।
 সংগ্রামে না হয় কেহ উহার সমান ॥
 শমন পবন যে কুবের দিকপাল ।
 এ-সবে জিনিতে পারে, বিক্রমে বিশাল ॥
 সুরথের সহোদর সুরথ প্রচণ্ড ।
 বিক্ষিয়া তোমার সৈন্য কৈল লণ্ড-ভণ্ড ॥
 অর্জুন বলেন, রথ চালাহ শ্রীহরি ।
 আজি সুরথেরে পাঠাইব যমপুরী ॥
 অর্জুনের বাক্যে কৃষ্ণ চালালেন রথ ।
 কিরীটা আইল, যথা যুঝয়ে সুরথ ॥
 পার্শ্বে দেখি সুরথ করয়ে অহঙ্কার ।
 পড়িলে আমার হাতে, নাহিক নিস্তার ॥
 সুরথের বাক্যে পার্থ মহাক্রুদ্ধ হৈয়া ।
 একশত বাণ বীর ধনুকে যুড়িয়া ॥
 মারেন আকর্ণ পূরি সুরথ-উপরে ।
 নৃপতি-তনয় তাহা নিবারিল শরে ॥
 তবে ত সুরথ হংসধ্বজের কোণ্ডর ।
 হুহুকারে এড়ে অস্ত্র অর্জুন-উপর ॥
 আচ্ছাদিল রবিকর, হৈল অন্ধকার ।
 দিব্য-অস্ত্রে সংগ্রাম করয়ে বার-বার ॥
 জর্জর হইল দৌহে দৌহাকার বাণে ।
 দৌহে মহাধনুর্ধর একই সমানে ॥
 নানা-অস্ত্র দুইজনে করে অবতার ।
 সংগ্রাম-ভিতরে নাহি পরাজয় কার ॥
 হেনমতে দুইজনে করিল সমর ।
 সংক্ষেপে কহিমু ইহা; কহিতে বিস্তর ॥
 জিনিতে নারিল যুদ্ধে, সুরথ চিস্তিত ।
 চঞ্চল-নয়নে বীর চাহে চারিভিত ॥

কপিধ্বজ রথখান দেখিয়া সম্মুখে ।
 দুই-হাতে সাপটিয়া ধরিল তাহাকে ॥
 হ্রথ তুলিল রথ নিজ বাহুবলে ।
 ফেলাইয়া দিতে চাহে সমুদ্রের জলে ॥
 তাহা দেখি ঈষৎ হাসিয়া গদাধর ।
 বিশ্বস্তর মূর্তি ধরিলেন রথোপর ॥
 তুলিতে নারিল রথ, ভূমিতে পড়িল ।
 আপনার রথে গিয়া আরোহণ কৈল ॥
 হ্রথের পরাক্রম দেখি ধনঞ্জয় ।
 গাণ্ডীব নিলেন হাতে মনে পেয়ে ভয় ॥
 অজ্ঞান এড়েন বাণ পুরিয়া সন্ধান ।
 হ্রথের মাথা কাটি করে দুইখান ॥
 পড়িল হ্রথ হংসধ্বজের নন্দন ।
 মুণ্ড ল'য়ে শিবদূত করিল গমন ॥
 বৈষ্ণবের মুণ্ড বলি নিলেন শঙ্কর ।
 হ্রথ পড়িল, বার্তা পায় নৃপবর ॥

পুত্রশোকে হংসধ্বজ করেন রোদন ।
 প্রবোধ করয়ে নৃপে পাত্র-মিত্রগণ ॥
 জন্মিলে মরণ আছে কান্দ কি লাগিয়া ।
 কেহ কারো নহে, দেখ মনেতে ভাবিয়া ॥

রাজা বলে, পুত্রশোকে না করি ক্রন্দন ।
 দেখিতে না পাইলাম কৃষ্ণের চরণ ॥
 হৃদয়া আনিয়া কৃষ্ণে দেখাইবে মোরে ।
 আছিল এ-বড়-সাধ মনের ভিতরে ॥
 আপনা তরিয়া গেল পুত্র দুইজন ।
 অর্জুনের রথে দেখি দেব-নারায়ণ ॥
 বুঝিলাম, কারো পুণ্য কেহ নাহি পায় ।
 শুভাশুভ কর্মভোগ-বিনা নাহি যায় ॥
 কেমনে দেখিব কৃষ্ণ, বল না আমারে ।
 পাত্র বলে, মহারাজ, চলহ সমরে ॥

রথ পদাতিক ল'য়ে করহ গমন ।
 অর্জুনের সারথি দেখিবে নারায়ণ ॥
 আপনি যজ্ঞের অথ লহ নরপতি ।
 কৃষ্ণের সম্মুখে রাখি করিবে প্রণতি ॥
 পাত্রের বচনে হৃদী হইল রাজন ।
 যজ্ঞ-অথ ল'য়ে রাজা করিল গমন ॥
 আগে-পাছে গজ-বাজী অপূর্ব বিমান ।
 লক্ষ-লক্ষ পদাতিক করিল যোগান ॥
 নানা-উপহার ল'য়ে চলে নরপতি ।
 দূত গিয়া কৃষ্ণস্থানে কহিল ভারতী ॥
 অথ ল'য়ে আসে হংসধ্বজ নৃপবর ।
 শরণ লইবে তব, শুন গদাধর ॥
 নৃপতির অভিপ্রায় বুঝি যত্নবর ।
 বারণ করেন পার্শ্বে করিতে সমর ॥

হেনকালে হংসধ্বজ আইল স্থরিতে ।
 দেখিলেন নারায়ণে অর্জুনের রথে ॥
 শঙ্খ চক্র গদা পদ্ম চতুর্ভুজ-লীলা ।
 মকর-কুণ্ডল কর্ণে, গলে বনমালা ॥
 নবজলধর জিনি শ্রীঅঙ্গের আভা ।
 দক্ষিণ-বামেতে লক্ষ্মী-সরস্বতী শোভা ॥
 পারিষদগণে তাঁর সঙ্গতে দেখিল ।
 রথ হৈতে হংসধ্বজ ভূমিতে নামিল ॥
 সাক্ষাৎ প্রণাম করি পড়িল ভূমিতে ।
 গোবিন্দ-চরণে রাজা লাগিল লুটিতে ॥
 ঘোড়াহাত হ'য়ে রাজা করিল স্তবন ।
 তুমি ব্রহ্মা, তুমি বিষ্ণু, তুমি ত্রিলোচন ॥
 কুবের বরুণ তুমি, দেব-পুরুন্দর ।
 তুমি সূর্য, তুমি চন্দ্র, তুমি বৈশ্বানর ॥
 তুমি স্বর্গ, তুমি মর্ত্য, তুমি দিবারাতি ।
 সলিল সাগর তুমি, সকলের পতি ॥

অয়ন বৎসর মাস ত্রিধি পঞ্চদশ ।
 তুমি যোগ, তুমি ভোগ, তুমি সে তাপস ॥
 সবাকার মূল তুমি দেব-নারায়ণ ।
 তোমা হৈতে সর্ব-সৃষ্টি লভিল জন্ম ॥
 অপার মহিমা তব কেহ নাহি জানে ।
 বলিতে না পারে ব্রহ্মা সহস্র-বদনে ॥
 আমার মনেতে প্রভু, এই ছিল সাধ ।
 পার্থ-সহ তোমাতে দেখিব কালাচাঁদ ॥
 সে-সাধ সম্পূর্ণ আজি হইল আমার ।
 দয়াময়, দয়া করি করহ নিস্তার ॥
 ধন্য এ অর্জুন-বীর পাণ্ডুর নন্দন ।
 যঁার রথে আছ তুমি ব্রহ্ম-সনাতন ॥
 সফল জনম মোর হৈল এতদিনে ।
 দেখিলাম তব রূপ আপন-নয়নে ॥

এত যদি হংসধ্বজ স্তবন করিল ।
 ভক্তপ্রিয় কৃষ্ণ তারে নিজ-কোল দিল ॥
 কৃষ্ণের প্রসাদ পেয়ে স্থখী নরপতি ।
 অর্জুন-চরণে রাজা করিল প্রণতি ॥
 আলিঙ্গনে নৃপবরে তুষে ধনঞ্জয় ।
 হেনকালে অনুচর আনিলেক হয় ॥

হংসধ্বজ বলে, শুন পাণ্ডুর নন্দন ।
 অশ্ব ধরিলাম দেখিবারে নারায়ণ ॥
 পূর্ণ হৈল অভিলাষ কৃষ্ণকে দেখিয়া ।
 শুনহ অর্জুন তুমি যাহ অশ্ব লৈয়া ॥
 কিন্তু এক ভিক্ষা আমি মাগি যে তোমাতে ।
 আজি তুমি বিশ্রাম করহ মম পুরে ॥
 সম্মত হইল পার্থ রাজার বচনে ।
 কৃষ্ণ-সঙ্গে চলে সবে রাজ নিকেতনে ॥
 সবাঙ্কবে নরপতি দেখি নারায়ণে ।
 যতেক আনন্দ হৈল, না যায় লিখনে ॥

যথাযোগ্য আহারে তুষিল সবাকারে ।
 রজনী বধেন কৃষ্ণ হংসধ্বজ-পুরে ॥
 প্রভাতে লইয়া অশ্ব পাণ্ডুর নন্দন ।
 হংসধ্বজ-নৃপ-সঙ্গে করেন গমন ॥
 নিজপুরে যথাযোগ্য বন্ধু নিয়োজিয়া ।
 অর্জুনের সঙ্গে রাজা চলিল সাজিয়া ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২৪। যজ্ঞাশ্বের ব্যাঘ্ররূপ-ধারণের কথা ।

জন্মেজয় বলে তবে, শুন তপোধন ।
 শুনিলাম হংসধ্বজ-রাজের কথন ॥
 সগোষ্ঠী বৈষ্ণব রাজা বিষ্ণুতে ভকতি ।
 তেমতি তাঁহারে কৃপা করেন শ্রীপতি ॥
 বিবরিয়া কহ, শুনি মুনি-মহাশয় ।
 অশ্বসঙ্গে কোথা গেল বীর ধনঞ্জয় ॥
 মুনি বলে, অশ্ব গিয়া প্রবেশিল বনে ।
 হরিষেতে যান কৃষ্ণ অর্জুনের সনে ॥
 বনের ভিতরে আছে দিব্য-সরোবর ।
 চারিদিকে পুষ্পোতান দেখিতে হৃন্দর ॥
 মল্লিকা মাধবীলতা মালতী চম্পক ।
 কেতকী কুসুম কুরুটক কুরুবক ॥
 কিংশুক কদম্ব আর কপিথ কমলা ।
 জাতী-যুথী পলাশ যে বরুণ আমলা ॥
 আম-জাম শোভা করে সরোবর-পাশে ।
 শাল তাল তমাল পিয়াল সুপ্রকাশে ॥
 নারঙ্গ ছোলঙ্গ টাৰা জম্বীর রসাল ।
 কামরাজ কেন্দু আর করঞ্জ কাঁটাল ॥
 রামরক্তা আছে কত সরোবর-তটে ।
 দৈবযোগে অশ্ববর গেল সেই ঘাটে ॥

জল পরশিয়া অথ অধারূপ হৈল ।
তাহা দেখি অর্জুনের ভয় উপজিল ॥
বোটকীর রূপে অথ সত্বরে চলিল ।
দৈবযোগে এক হ্রদ সম্মুখে দেখিল ॥
ব্যাক্ররূপ হৈল তার জল পরশিয়া ।
তা' দেখি রহেন পার্থ অধোমুখ হৈয়া ॥

গোবিন্দ বলেন, সখা, চিন্তা কর কেনে ।

এখনি পাইবে তব্ব মুনি-বিগ্ধমানে ॥
এই দেখ তপোবনে মুনির কুটীর ।
কি লাগি বিবাদ কর ধনঞ্জয়-বীর ॥
পাইবে ইহার তব্ব মুনিবর-স্থানে ।
ব্যাক্ররূপ হৈল অথ কিসের কারণে ॥
এত বলি অর্জুনে ভূমিয়া বনমালী ।
মুনির আশ্রমে যান হ'য়ে কুতূহলী ॥

কৌণ্ডিন্দ-নামেতে মুনি আছে সেইস্থানে ।

নর-নারায়ণ যান মুনি বিগ্ধমানে ॥
মুনির চরণে দৌড়ে করেন প্রণাম ।
আশীর্ব্বাদ করিলেন মুনি গুণধাম ॥
কৃষ্ণ-দরশনে মুনি সানন্দ-অন্তরে ।
পাণ্ড-অর্থ্য-আসনাদি দিলেন সত্বরে ॥
অর্জুন-সহিত হরি বসেন আসনে ।
অপার মহিমা তাঁর কেহ নানি জানে ॥

তবে কৃষ্ণ কহিলেন, শুন তপোধন ।

আইলাম তব স্থানে, আছে প্রয়োজন ॥
অবধেশ্বর আরস্তিলা রাজা যুধিষ্ঠির ।
অবরুদ্ধ-হেতু আইলেন পার্শ্ববীর ॥
দৈবে এই বনে অথ প্রবেশ করিল ।
জল পরশিয়া অথ ভুরগী হইল ॥
কর অভিষাপ ছিল এই সরোবরে ।
পূর্ব্বকথা মহামুনি, জিজ্ঞাসি তোমারে ॥

কৌণ্ডিন্দ কহেন, শুন দেব-নারায়ণ ।

তুমি জ্ঞোতা, আমি বক্তা, এ নহে শোভন ॥
তবে যদি জানিয়া জিজ্ঞাসা কর তুমি ।
সরোবর-বিবরণ শুন, কহি আমি ॥
বড় রম্য এই স্থান দেখিয়া পার্শ্ববীর ।
তপস্বী করিলা আরামিতে পশুপতি ॥
তপস্বী করেন গৌরী সরোবর তীরে ।
সমাধি করিয়া মনে ভাবেন শত্বরে ॥
হেনকালে এক দৈত্য ভায়া আইল ।
দেখিয়া গৌরীর রূপ মুচ্ছিত হইল ॥
কামে মত্ত হৈল পাণ্ডী দেখি অভয়াগরে ।
বাছ প্রসারিয়া তাঁরে যায় ধরিবারে ॥
বুঝি তাহার মন নগেন্দ্র-নন্দিনী ।
তপোভঙ্গ-হেতু শাপ দিলেন তখনি ॥
পুরুষ হইয়া যেই আসে সরোবরে ।
নারীরূপ হবে সেই, শাপিলাম তারে ॥
নারীরূপ হৈল সেই পার্শ্ববীর শাপে ।
ঘরে নাহি গেল দৈত্য সেই মনস্তাপে ॥
সরোবরে অভিষাপ দিলেন ভবানী ।
পুরুষ হইবে নারী পরশিলে পানী ॥
শাপাস্ত নাহিক জানি, শুন দয়াময় ।
প্রতিকার হবে কিসে, কহ মহাশয় ॥

তবে কৃষ্ণ কহিলেন শুন মহামুনি ।

আর এক কথা তোমা জিজ্ঞাসি যে আমি ॥
অধারূপ হয়ে অথ চলিল সত্বরে ।
জলপান-হেতু প্রবেশিল সরোবরে ॥
ব্যাক্ররূপ হৈল তার জল পরশিয়া ।
কারণ জিজ্ঞাসি মুনি, কহ বিবরিয়া ॥

কৌণ্ডিন্দ বলেন কৃষ্ণ, কর অবগতি ।

কহিব তোমারে আমি ইহার ভারতী ॥

মিত্রসেন নামে মুনি ছিল এই বনে ।
 তার কথা কহি আমি তব বিদ্যমান ॥
 তীর্থ করি পাইল সে মুনি বড় ক্রেশ ।
 চিরদিন পরে আইলেক নিজদেশ ॥
 স্নানের কারণে মুনি হ্রদে প্রবেশিল ।
 স্নানাদি তর্পণ সন্ধ্যা জলেতে করিল ॥
 হেনকালে এক দৈত্য তথায় আইল ।
 ভয়ঙ্কর বেশ ধরি মুনিরে ধরিল ॥
 দেখিয়া দৈত্যের মূর্তি মুনি বলে তারে ।
 ব্যাক্তরূপ হও দৈত্য, শাপিনু তোমারে ॥
 মুনিশাপে সেই দৈত্য ব্যাক্তরূপ হয় ।
 শুনহ শ্রীকৃষ্ণ, এই হ্রদের বিষয় ॥
 অভিষাপ হ্রদকে দিলেন মহামুনি ।
 ব্যাক্তরূপ হবে পরশিলে তোর পানী ॥
 অভিষাপ দিয়া মুনি গেল নিজস্থান ।
 সে হ'তে না হ্রদে কেহ করে জলপান ॥
 শাপাস্ত নাহিক জানি, শুন চক্রপাণি ।
 তুমি পরশিলে অশ্ব হইবে এখনি ॥
 শুন মহাশয়, তুমি জগৎ-ঈশ্বর ।
 যাহা জানি, কহিলাম তোমার গোচর ॥
 তবে কৃষ্ণ কহিলেন, শুন মুনিবর ।
 অলজ্য তোমার বাক্য রাখিব সঙ্গর ॥
 ব্যাক্ত্রে পরশিব আমি তোমার বচনে ।
 ব্রাহ্মণের অভিষাপ ঘুচায় ব্রাহ্মণে ॥
 এত বলি ব্যাক্ত্রে পরশেন গদাধর ।
 ব্যাক্তরূপ ত্যজি অশ্ব হইল সঙ্গর ॥
 প্রণমিয়া মুনিবরে চলে দুইজন ।
 অর্জুনের কহিলেন দেব-নারায়ণ ॥
 অশ্ব রাখিবার হেতু ভ্রম চরাচর ।
 শীঘ্রগতি হাই আমি হস্তিনা-নগর ॥

সঙ্কটে পড়িলে মোরে করিহ স্মরণ ।
 এত বলি বিদায় হ'লেন নারায়ণ ॥
 ভ্রমণ করয়ে অশ্ব আপনার হৃদে ।
 সর্বসৈন্য-সঙ্গে পার্থ চলেন কোতুকে ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২৫। প্রমীলার দেশে অর্জুনের গমন ও
 প্রমীলার কথা ।

বলেন বৈশম্পায়ন, শুন জন্মেজয় ।
 প্রমীলার দেশে গেল পাণ্ডবের হয় ॥
 মহাবনে আছেয়ে প্রমীলা-নামে নারী ।
 পদ্মিনী তাহার সঙ্গে আছে লক্ষ চারি ॥
 আর কত রমণী বিরাজে তার পাশে ।
 পুরুষ নাহিক তথা, কহিনু বিশেষে ॥
 ভ্রমিতে-ভ্রমিতে অশ্ব গেল তার পুরে ।
 ধরিল রমণীগণ দেখিয়া অশ্বেরে ॥
 মহাবলবতী তারা, শুন নরপতি ।
 ধরিল যজ্ঞের অশ্ব করিয়া শকতি ॥
 প্রমীলার বাক্যে অশ্ব রাখিল বাঙ্কিয়া ।
 প্রবেশ করেন পুরে পার্থ পাছু গিয়া ॥
 রমণী ধরিল অশ্ব, শুনিয়া শ্রবণে ।
 পাণ্ডুর নন্দন ভীত হইলেন মনে ॥
 পুরে প্রবেশিয়া দেখে বহু-কণ্ঠাগণ ।
 বিমান দেখেন কত তুরগ-বারণ ॥
 অর্জুন প্রভৃতি সবে ভাবেন বিবাদ ।
 এমন না দেখি কভু, ঘড়িল প্রমাদ ॥
 অশ্ব নাহি দেখি পথে, চৌদিকে রমণী ।
 পুরুষ না দেখি পথে, অবলগল গণি ॥

অবলা প্রবলা হ'য়ে ধরে ধনুঃশর ।
কি বুঝি ইহার সঙ্গে করিব সময় ॥
দরশনে ভয় পাই, যুঝিব কেমনে ।
পরাজয়ে অপযশ থাকিবে ভুবনে ॥

প্রচ্যুত বলেন, অখ আইল সঙ্কটে ।
যুদ্ধে কাজ নাই, চল প্রমীলা-নিকটে ॥
অবলা-সহিত রণ, এ বড় নিশ্চিত ।
লইব যজ্ঞের অখ করিয়া সম্প্রীত ॥

প্রচ্যুতের বচন শুনিয়া ধনঞ্জয় ।
প্রবেশ করেন পুরে মনে পেয়ে ভয় ॥
বৃষকেতু-বীর দিল ধনুকে টঙ্কার ।
তাহা শুনি নারীগণ আনন্দ অপার ॥
নানাবাণ বাজাইয়া চলিল রূপসী ।
নানা-অস্ত্র হাতে নিল যুদ্ধ-অভিলাষী ।
দেখি শুনি অর্জুনের ভয় উপজিল ।

যুদ্ধ না করিয়া বীর ডাকিয়া বলিল ॥
প্রয়োজন আছে মম প্রমীলার সনে ।
তাহা শুনি নিরুত্তর হইল নারীগণে ॥
যুবতীগণের চিত্তে বাড়িল মদন ।
সম্মুখে আছেন কাম কৃষ্ণের নন্দন ॥
মদনে হইয়া মত্ত যতেক বনিতা ।
তাজিল ধনুক-বাণ আর যুদ্ধকথা ॥
বিলাস-কটাক্ষ হাস্য করে কোনজন ।
ধাইয়া প্রমীলা-আগে কহিছে বচন ॥
অর্জুন আইল হেথা অশ্বের কারণে ।
ঈশ্রুগতি ঠাকুরাণি, চল দরশনে ॥

প্রমীলা উদ্ভত হৈলা দাসীর বচনে ।
আপনি সাজিয়া আসে অর্জুনের স্থানে ॥
বর্ণধালে পাণ্ড-অর্ঘ্য লইয়া স্তন্দরী ।
অর্জুন-সম্মুখে এল নানাবেশ করি ॥

প্রমীলা প্রণাম করে অর্জুন-চরণে ।
পাণ্ড-অর্ঘ্য ল'য়ে লাগাইল বিদ্রমানে ॥
পদ্মিনী-সমান রূপ দেখি ধনঞ্জয় ।
বসিতে বলেন তারে মনে পেয়ে ভয় ॥
প্রমীলা বসিল সঙ্গে লইয়া পদ্মিনী ।
জিজ্ঞাসেন ধনঞ্জয় বলি প্রিয়বাণী ॥
শুনহ প্রমীলা, আমি জিজ্ঞাসি তোমাতে ।
পুরুষ না দেখি কেন তোমার নগরে ॥
সকল স্তন্দরী দেখি ভয় পাই মনে ।
তোমাতে জিজ্ঞাসি আমি এই সে কারণে ॥
প্রমীলা বলিল, শুন পাণ্ডুর নন্দন ।

ভাগ্যে আমি পাইলাম তব দরশন ॥
প্রসন্ন আমার চিত্ত তব দরশনে ।
দূর হবে মনস্তাপ তোমার মিলনে ॥
এ-দেশে পুরুষ নাই, সবাই রমণী ।
মন দিয়া শুন, কহি তাহার কাহিনী ॥
পূর্বকথা কহি আমি তোমার গোচরে ।
রমণী হইলু মোরা যেমত প্রকারে ॥
দিলীপ নামেতে রাজা সর্বভূমিপতি ।
শুন হে অর্জুন, আমি তাঁহার সন্ততি ॥
স্বগয়া করিতে পিতা প্রবেশিল বনে ।
গজ বাজী পদাতিক চলে তাঁর সনে ॥
দৈবেতে আইলু আমি স্বগয়া করিতে ।
এই বনে উপনীত জনকের সাথে ॥
পার্বতী সহিত শিব ছিলেন এ-বনে ।
বিহার করেন দৌহে আনন্দিত মনে ॥
হেনকালে পিতারে যে দেখিলেন গৌরী ।
কোপেতে দিলেন শাপ লজ্জা মনে ধরি ॥
সসৈন্তে রমণী হও আমার বচনে ।
সুবতী হইয়া সবে থাক এই বনে ॥

অব্যর্থ দেবীর বাক্য না হয় লঙ্ঘন ।
সসৈন্তে রমণী-রূপ হইল রাজন্ ।
এই পূর্বকথা আমি কহিছু তোমারে ।
পুরুষের নাহি রক্ষা আমার নগরে ॥
গর্ভেতে পুরুষ যদি জন্মে কোন পাকে ।
ষাদশ-বৎসর পরে যায় যমলোকে ॥
শুনহ অর্জুন, আমি কহিছু সকল ।
অবশেষে কহি আমি আপনার বল ॥

আমারে জিনিতে নাহি পারে ত্রিভুবনে ।
মোর ভয়ে কাঁপয়ে যতেক দেবগণে ॥
পার্বতীর বরে কারে ভয় নাহি করি ।
হাতে অস্ত্র কেহ না আইসে মোর পুরী ॥
যতেক অবলা দেখে বিক্রমে বিশাল ।
আমার ভয়েতে কাঁপে অষ্টলোকপাল ॥
আইল তোমার অশ্ব আমার নগরে ।
রমণী-সকলে মিলি ধরিল তাহারে ॥
বাক্সিয়া রাখিল অশ্ব করিয়া যতন ।
না রহ এ-দেশে আর পাণ্ডুর নন্দন ॥
পদ্মিনী সহিত আমি ভজিছু তোমারে ।
সংহতি করিয়া পার্থ, ল'য়ে বাহ মোরে ॥
কৃষ্ণসখা-হেতু সবাচার পূজ্য তুমি ।
বিবাহ করহ মোরে, বলিলাম আমি ॥

অর্জুন বলেন, শুন প্রমীলা-সুন্দরী ।
এখন বিবাহ তোমা করিতে না পারি ॥
যজ্ঞহেতু যুধিষ্ঠির হ'য়েছেন ব্রতী ।
অশ্বসঙ্গে আমি বেড়াইব বহুমতী ॥
হস্তিনা-নগরে বাহ সকল সুন্দরী ।
পুরাণ তোমার আশা যজ্ঞসাক্ষ করি ॥

অর্জুনের বচনে প্রমীলা শ্রীতি পায় ।
সকল সুন্দরী মিলি গেল হস্তিনায় ॥

যুক্ত হ'য়ে যজ্ঞ-অশ্ব যায় বনে-বনে ।
সর্বসৈন্ত ল'য়ে পার্থ চলে অশ্ব-সনে ॥
এই বিবরণ আমি কহিছু তোমারে ।
আর কি করিব রাজা ; বলহ আমারে ॥
মহাভারতের কথা সুধার সাগর ।
কাশী কহে, একমনে শুন সর্বজন ॥

২৬। পাণ্ডব-সৈন্তের বৃক্ষদেশে গমন
ও ভীষণ-রাক্ষস-বধ

শ্রীজনমেজয় বলে, শুন তপোধন ।
অমৃত-সমান এই ভারত-কথন ॥
তোমার সুন্দর-মুখ পদ্মের সমান ।
তাহে কত মধু ঝরে, নাহি পরিমাণ ॥
পান করি তৃষ্ণা দূর না হয় আমার ।
কহ-কহ মহামুনি, করিয়া বিস্তার ॥
অশ্ব-সঙ্গে অর্জুন গেলেন কোন্ দেশে ।
কহ মুনি, সেই কথা, শুনিব বিশেষে ॥
বলেন বৈশম্পায়ন, শুন জন্মেজয় ।
বৃক্ষদেশে প্রবেশিল পাণ্ডবের হয় ॥
বৃক্ষ-নামে সেই দেশ, মহা-ভয়ঙ্কর ।
ভীষণ-নামেতে তথা আছে নিশাচর ॥
ত্রিকোটি রাক্ষস আছে তাহার সংহতি ।
দেবতা-গন্ধর্ব্ব-লোকে নাহি করে ভীতি ॥
হরগৌরী-বরে সেই মহাবলবান্ ।
অমর-অমরগণে করে তৃণজ্ঞান ॥
তপে তুষ্ট হইলেন উমা-মহেশ্বর ।
ভোগ ভুঞ্জিবারে তারে দিয়াছেন বর ॥
অরুণ-উদয়-কালে যত বৃক্ষগণে ।
সুবাসিত পুষ্প তাহে ফুটে দিনে-দিনে ॥

মধ্যাহ্ন-সময়ে নররূপ ফল ধরে ।

আনন্দে রাক্ষসগণ তাহা ভোগ করে ॥

এইহেতু বৃক্ষদেশ নাম মহীতলে ।

নিবসে রাক্ষসগণ তথা কুতূহলে ॥

তাহা দেখি বিস্মিত হইলা ধনঞ্জয় ।

প্রবেশিল সেই দেশে পাণ্ডবের হয় ॥

কামদেব-বৃষকেতু-আদি বীরগণে ।

চমকিত হৈল সবে রাক্ষস-দর্শনে ॥

আশ্বাস করেন তবে পার্থ অনুচরে ।

ভয় না করিহ কেহ দুষ্ট-নিশাচরে ॥

গজ বাজী পদাতিক দেখিয়া নয়নে ।

রাক্ষসের পুরোহিত আনন্দিত মনে ॥

ভীষণে কহিব বলি মনে হরষিত ।

নানাবেশ করিয়া চলিল পুরোহিত ॥

মনুষ্য-নাড়ীতে নবগুণ পৈতা ধরে ।

মনুষ্যের মুণ্ড গলে ভাল শোভা করে ॥

নর-বানরের মুণ্ড কুণ্ডল কর্ণেতে ।

পাশু-অৰ্ঘ্য-আদি দিয়া পূজে পুরোহিতে ॥

ঘোড়াহাতে ভীষণ জিজ্ঞাসে সমাচার ।

কি-কারণে আগমন হইল তোমার ॥

পুরোহিত বলে, শুন রাক্ষসের পতি ।

আজি বড় হৈল মোর আনন্দিত মতি ॥

শ্রবণ হইল এক পূর্বের কথন ।

নরমেধ-যজ্ঞ কৈল রাজা দশানন ॥

তাহাতে মনুষ্যমাংস খাইলু বিস্তর ।

ক্রী-পুত্রের সবাকার পুরিল উদর ॥

সেই হ'তে নরমাংস না পাই খাইতে ।

দুঃখ পেয়ে আসিলাম তোমার সাফাতে ॥

ভূমিও করহ আজি যজ্ঞ নরমেধ ।

তোমার প্রসাদে ছুচে নরমাংস-খেদ ॥

গজ বাজী পদাতিক বহু-সৈন্যগণ ।

সাজিয়া আসিল কোন্ রাজার নন্দন ॥

প্রবেশ করিল আসি তোমার নগরে ।

তা' দেখি আনন্দ বড় আমার অন্তরে ॥

তোমার তপের কথা কহিতে না পারি ।

ভাল বর তোমাতে দিলেন ত্রিপুরারি ॥

ভীষণ বলেন, শুন কুলপুরোহিত ।

যজ্ঞের মণ্ডপ-সজ্জা করহ স্থরিত ॥

কাহার আসন্নকাল করিল বিধাতা ।

আমার আহার-হেতু মিলাইল হেথা ॥

জানিতে উচিত হয় এল কোন্ জন ।

তবে ত করিবে তুমি যজ্ঞ-আরম্ভণ ॥

লম্বোদরী নিশাচরী সম্মুখে দেখিল ।

ভীষণ-রাক্ষস তারে পাঠাইয়া দিল ॥

নরবেশে গিয়া তুমি সৈন্যের ভিতরে ।

জেনে এস, প্রবেশিল কেবা মোর পুরে ॥

ভীষণের আজ্ঞা পেয়ে হইয়া মানুষী ।

সৈন্যেতে প্রবেশ গিয়া করিল রাক্ষসী ॥

একে-একে সবাকারে কৈল নিরীক্ষণ ।

সম্মুখে দেখিল হনু পবন-নন্দন ॥

হনুমানে দেখি ভয় জন্মিল অন্তরে ।

তব্ব ল'য়ে গেল শীঘ্র ভীষণ-গোচরে ॥

লম্বোদরী বলে, শুন রাক্ষসের পতি ।

কটক চচ্চিয়া এনু যেমত শক্তি ॥

তুরগ কুঞ্জর কত দেখিলাম নর ।

বড়-বড় রাজগণ আইল বিস্তর ॥

অৰ্জুন প্রধান তাহে পাণ্ডুর নন্দন ।

আইল যজ্ঞের অধ করিতে রক্ষণ ॥

মহা-মহা বীরগণ দেখিলাম তাতে ।

হনুমানে দেখিলাম অৰ্জুনের রথে ॥

ঘটোংকচ হৃত মেঘবর্ণ মহাবলী ।
 পাণ্ডব-মিলনে আছে হ'য়ে কুতূহলী ॥
 তোমার পিতার বৈরী বীর বুকোদর ।
 অশ্ব রাখিবারে এল ল'য়ে সহোদর ॥
 কিন্তু হনুমানে দেখি উপজিল ভয় ।
 সংগ্রামেতে কাজ নাই, জানাই তোমায় ॥
 হনুমানে দেখি মনে হয় বড় শঙ্কা ।
 হনুমান্ হৈতে প্রভু, নষ্ট হৈল লঙ্কা ॥
 পাণ্ডব-সহায় হৈল হেন হনুমান্ ।
 বুঝিহু, জিনিতে তুমি নারিবে সংগ্রাম ॥
 পলাইয়া যাহ তুমি আমার বচনে ।
 প্রাণ হারাইবে তুমি ভক্ষণ-কারণে ॥

এত যদি লম্বোদরী বলিল ভারতী ।
 তাহা শুনি কুপিল ভীষণ দুষ্কমতি ॥
 দেবের অগম্য ভূমি, নাম বৃক্ষদেশ ।
 মরিতে অর্জুন কৈল ইহাতে প্রবেশ ॥
 ভাল হৈল পিতৃবৈরী আইল আপনি ।
 নিশ্চয় বধিব আজি তাহার পরাগী ॥
 বক ছিল পিতা মোর বিদিত সংসারে ।
 ভীমার্জুন মোর শত্রু, বিনাশিব তারে ॥
 রাক্ষসের বৈরী বটে বীর হনুমান্ ।
 নিশ্চয় বধিব আজি তাহার পরাণ ॥

সাজ-সাজ বলি ডাকে ভীষণ-রাক্ষস ।
 যুদ্ধহেতু নিশাচর করিল সাহস ॥
 শূকরে মহিষে কেহ, সর্পের বাহনে ।
 গজে হয়ে চাপি কেহ, আইল বিমানে ॥
 নানামায়া ধরিয়া চলিল নিশাচর ।
 মত্ত হৈল ভীমসেন পাইয়া সমর ॥
 গদাহাতে রাক্ষসের বধিছে পরাণ ।
 মহাবলবান্ ভীম যমের সমান ॥

যুবকেতু কামদেব বরিষয়ে শর ।
 বিক্রিয়া রাক্ষসগণে করিল অর্জুন ॥
 যুবনাথ অনুশাস্ত বরিষয়ে বাণ ।
 নীলধ্বজ হংসধ্বজ করয়ে সংগ্রাম ॥
 মেঘবর্ণ সহদেব হ্রবেগ-সংহতি ।
 যুধয়ে রাক্ষসগণ, মনে নাহি ভীতি ॥
 অর্জুন যুড়েন বাণ পুরিয়া সন্ধান ।
 নানামায়া করে সেই রাক্ষস-প্রধান ॥
 মেঘরূপ হ'য়ে করে বাণ-বরিষণ ।
 বাণেতে অর্জুন তাহা করে নিবারণ ॥
 শিলবৃষ্টি করে কেহ, মহাবৃষ্টি হয় ।
 বাণে নিবারেন তাহা বীর ধনঞ্জয় ॥
 বৃক্ষ-শিলা-পর্বত বরিষে নিশাচর ।
 যুবকেতু বাণ এড়ি কাটয়ে সত্তর ॥
 ত্রুঙ্ক হৈল ভীমসেন রাক্ষসের বাণে ।
 গদাহাতে ধায় বীর, মরণ না গণে ॥
 কালদণ্ড সম গদা হাতেতে ধরিয়া ।
 ভীষণের মাথে মারে ছন্দার করিয়া ॥
 ভীমের গদার বেগ কে সহিতে পারে ।
 মুচ্ছ'গত নিশাচর দারুণ প্রহারে ॥
 হেনমতে মহাযুদ্ধ হৈল ঘোরতর ।
 পড়িল বিবম-রণে কত নিশাচর ॥
 ভীষণ-রাক্ষস তবে সাহস করিয়া ।
 অর্জুন-মস্তকে মারে মুঘল কেলিয়া ॥
 মোহ যান ধনঞ্জয় মুঘলের ঘাতে ।
 তাহা দেখি ভীমসেন ধায় গদাহাতে ॥
 মারিল গদার বাড়ি ভীষণ-রাক্ষসে ।
 দৈবে প্রাণ পায় সেই, পলায় তরাসে ॥
 যুদ্ধ দেখি হনুমানে আনন্দ বাড়িল ।
 জড়াইয়া লাঙ্গুলেতে রাক্ষসে মারিল ॥

হুমানে দেখিয়া পলায় নিশাচর ।
শরীর ত্যজিয়া কেহ গেল যমঘর ॥
ভ্র দিল নিশাচর রাজ্য পরিহরি ।
প্রাণভয়ে গেল কেহ রসাতল-পুরী ॥
নয়-লক্ষ রাক্ষস যে ছিল শেষ রণে ।
প্রাণভয়ে পলাইল সবে ঘোরবনে ॥
কতৈশ্য ল'য়ে সঙ্গে ভীষণ দুশ্রুতি ।
মায়াতে হইল সেই মূনির শ্রুতি ॥
মায়া পাতি সৃজিল মধুর ফুল-ফল ।
মায়াতে নিস্রাণ কৈল সরোবর-জল ॥
সঙ্গে নিশাচর যত শিষ্যরূপ হৈল ।
অধ্যয়ন-হেতু তারা চৌদিকে বসিল ॥

হেনমতে মায়া করি আছে নিশাচর ।
রাক্ষস জিনিয়া যান পার্শ্ব ধনুর্ধর ॥
কতদূরে বনেতে দেখেন তপোধন ।
মূনিরূপে ব'সে আছে ল'য়ে শিষ্যজন ॥
অন্ধুনে দেখিয়া ভয়ে আদর করিল ।
অতিথি বলিয়া পাত্ত-অর্ঘ্য যোগাইল ॥
দীর্ঘ-নখ জটাভার দেখি ধনঞ্জয় ।
মূনিজ্ঞানে তাহারে কহেন সবিনয় ॥
শুন প্রভু, তব স্থানে চাহি আলীকাদ ।
অথমেধ সাজ হৈলে পুরে মনসাধ ॥

মুনি বলে, শুন ভূমি পাণ্ডুর নন্দন ।
বজ্র সাজ তোমার করিবে নারায়ণ ॥
কিন্তু আজি বিজ্ঞাম করহ এই স্থানে ।
আমার অতিথি হও দিন-অবসানে ॥
পার্শ্ব-ধনুর্ধর তবোজনেতে চিন্তিল ।
রাক্ষস বলিয়া তারে কেহ না জানিল ॥
পশ্চাৎ আইল মেঘবর্ণ মহাবলী ।
তপসীর বেশ দেখি বড় কুতূহলী ॥

মেঘবর্ণ বলে, মায়া না করিহ ভূমি ।
মূনিবেশ ধরিয়াছ, জানিয়াছি আমি ॥
কিন্তু আজি মম স্থানে নাহিক নিস্তার ।
এখনি পাঠাব তোরে যমের দুয়ার ॥
প্রাণভয়ে তপসী হইল নিশাচর ।
বিদিত হইল মায়া আমার গোচর ॥
এত বলি মেঘবর্ণ ধনুর্ধর নিল ।
ভয়েতে রাক্ষস নিজশ্রুতি প্রকাশিল ॥
ভয়ঙ্কর-শ্রুতি দেখি বীর ধনঞ্জয় ।
গাণ্ডাবে টঙ্কার দেন হইয়া নির্ভয় ॥
গাণ্ডাব-টঙ্কার শুনি এল সর্বজন ।
যুবনাথ অনুশাস করণের নন্দন ॥
ভাঁম-হংসধ্বজ-আদি যত বীরগণ ।
স্বরায় আইল সবে করিবারে রণ ॥
রুক-শিলা অর্জুনেরে মাঝে নিশাচর ।
বাণে নিবারেণ তাহা পার্শ্ব-ধনুর্ধর ॥
বহুবল করিলেন ভীষণ-সংহতি ।
তবে গদাঘাত করে ভীম মহামতি ॥
অর্জুচন্দ্র-বাণ পার্শ্ব এড়েন স্বরিতে ।
ভীষণের মাথা কাটি পাড়েন ভূমিতে ॥
ভীষণ-রাক্ষস ছুট গেল যমঘরে ।
সর্গে থাকি দেবগণ পুষ্পরুষ্টি করে ॥
যুবনাথ অনুশাস বীর ধনঞ্জয় ।
ছাড়িয়া দিলেন অশ্ব হইয়া নির্ভয় ॥
তবে আসি কামদেব কহিয়া অর্জুনে ।
একলক্ষ ধেনুদান কৈল সেইস্থানে ॥
শুন রাজা অযোজয়, কহিনু তোমারে ।
পাণ্ডবের হয় প্রবেশিল মণিপুত্রে ॥
মহাভারতের কথা শুধা হৈতে শুধা ।
কালী কহে, শুনিলে ঋগিবে ভব-দুখা ॥

২৭। মণিপুরে বক্রবাহনের সহিত
অৰ্জুনের পরিচয়।

যুনি বলে, শুন পরীক্ষিতের তনয়।
মণিপুরে প্রবেশিল পাণ্ডবের হয় ॥
তথা বক্রবাহন-নামেতে নরপতি।
তিন-বৃন্দ সেনা তার, নবলক্ষ হাতি ॥
একলক্ষ সেনাপতি নৃপে সেবা করে।
নানারত্ন আনে জারা নৃপতি-গোচরে ॥
চিত্রাঙ্গদাস্ত সেই অৰ্জুন-নন্দন।
নবলক্ষ রথ যার আছে সুশোভন ॥
ষষ্ঠিকোটি অশ্ব আছে রণেতে যাহার।
রাজা বক্রবাহন সে বীর-অবতার ॥
তীর্থযাত্রা যেইকালে কৈল ধনঞ্জয়।
সেকালে গন্ধর্ব-কথা করে পরিণয় ॥
তার গর্ভে জনমিল এ-বক্রবাহন।
অৰ্জুন-সমান তারে বলে সর্বজন ॥
নাগকন্যা উলুপী আছেন তার ঘরে।
ইরাবান্ পুত্র তার পড়িল সমরে ॥
কুরুক্ষেত্র-রণে ইরাবান্ হৈল ক্ষয়।
শুনিয়াছ সেই-কথা শ্রীজনমেজয় ॥
লব-কুশ-রামে যেন হইল সংগ্রাম।
তেমনি হইবে, শুন রাজা মতিমান্ ॥
সংক্ষেপে কহি যে আমি সে-সব কথন।
অৰ্জুন-সহিতে বক্রবাহনের রণ ॥
মণিপুরে অশ্ব গিয়া প্রবেশ করিল।
থেয়ে অনুচরগণ রাজারে কহিল ॥
সর্ব-মূলক্ষণ-অশ্ব আইল নগরে।
অশ্ব ধরি আনি, যদি আজ্ঞা দেহ মোরে ॥
দূতবাক্য শুনি কহে সেই নরপতি।
ধরিয়া আনহ অশ্ব করিয়া শকতি ॥

আজ্ঞা পেয়ে অনুচর চলিল সত্বরে।
দশকোটি বীর গিয়া ধরিল অশ্বেরে ॥
তুরগ আনিয়া দিল বক্রবাহনেরে।
অশ্ব দেখি নরপতি সানন্দ অন্তরে ॥
অশ্বভালে লেখা পড়ি তত্ত্ব যে পাইল;
মহারাজ যুধিষ্ঠির যজ্ঞ আরম্ভিল ॥
অৰ্জুন আইল অশ্ব রাখিবার তরে।
পত্রে পড়ি বক্রবাহ হরিষ-অন্তরে ॥
অশ্ব ল'য়ে অন্তঃপুরে করিল গমন।
কহিল মায়ের আগে যত বিবরণ ॥

প্রণাম করিয়া বলে, শুন গো জননি।
যজ্ঞ আরম্ভিল যুধিষ্ঠির নৃপমণি ॥
অৰ্জুন আইল অশ্ব রাখিবার তরে।
দৈবে আসি অশ্ব প্রবেশিল মণিপুরে ॥
তত্ত্ব না পাইয়া আমি তুরঙ্গ ধরিনু।
অবশেষে অশ্বভালে লিখন পড়িনু ॥
ভূমি বল, পিতা মোর পাণ্ডুর নন্দন।
মণিপুরে আসে তিনি দৈবের ঘটন ॥
জন্মদাতা-সঙ্গে মোর নাহি পরিচয়।
চরণ পূজিব তাঁর, কহিনু নিশ্চয় ॥
না জানিয়া যজ্ঞ-অশ্ব ধরিলাম আমি।
কি করি উপায় এবে, কহ গো জননি ॥
চিত্রাঙ্গদা বলে, শুন সুবুদ্ধি কুমার।

যতনে পালন কর বচন আমার ॥
অশ্ব ল'য়ে যাহ ভূমি জনকের স্থানে।
অপরাধ-ক্রমা মাগ তাঁহার চরণে ॥
নানারত্ন আগে থুয়ে করিবে প্রণতি।
পশ্চাতে কহিবে পুত্র, আপন-ভারতী ॥
চিত্রাঙ্গদা-গর্ভে জন্ম কহিবে হারারে।
তনয় বলিয়া তিনি ভূমিবেন তৈয়ারে ॥

বজ্রবাহ বলে, মাতা, করি নিবেদন ।
 শুনিলাম যত আমি তোমার বচন ॥
 ক্ষত্রের এ রীতি নহে, শুন গো জননি ।
 যুদ্ধ করি পরিচয় দিব তাঁরে আমি ॥
 পদানত হৈলে স্থণা করিবে আমারে ।
 শুন গো জননি, আগে না জানাব তাঁরে ॥

চিত্রাঙ্গদা বলে, পুত্র, এ নহে যুক্তি ।
 কেমনে যুঝিবে তুমি পিতার সংহতি ॥
 না শুন লোকের মুখে ইতিহাস-কথা ।
 পূজা কৈলে পিতৃলোকে প্রসন্ন দেবতা ॥
 তারে পুত্র বলি, যে পিতার সেবা করে ।
 স্তপুত্র সে-জন, পিতৃবাক্য যেবা ধরে ॥
 তুমি চাহ পিতৃসঙ্গে করিবারে রণ ।
 কিমতে এ-হেন লাজে ধরিবে জীবন ॥
 অথ ল'য়ে যাহ তুমি পাণ্ডব-গোচরে ।
 লোক-ধর্ম-কথা আমি কহিনু তোমাতে ॥
 যতনে সশস্ত্র-রক্ষা করে যেইজন ।
 সর্বত্র কল্যাণ তার, বলে মুনিগণ ॥

জননীর বাক্যে বজ্রবাহ নরপতি ।
 নানারত্ন নিল সঙ্গে দুশোভন অতি ॥
 অগুরু চন্দন গন্ধ লইল কস্তুরী ।
 সর্গধালে পুষ্পমালা নিল যত্ন করি ॥
 অশ্বে আগে করি চলে পার্থের নন্দন ।
 অর্জুনে ভেটিতে যায় আনন্দিত-মন ॥

দূত গিয়া কহিলেক ধনঞ্জয়-বীরে ।
 রাজা বজ্রবাহ আসে তোমা ভেটিবারে ॥
 পশাতিক আসে, সঙ্গে পাত্রমিত্রগণ ।
 অভিপ্রায়ে যুঝি তব লইবে শরণ ॥

তাহা শুনি সঁজ্ঞতি দিলেন ধনঞ্জয় ।
 দিব্যাসনে বসিলেন সানন্দ-ক্লময় ॥

কামদেব বুঝকেতু যুবনাথ-রায় ।
 হংসধ্বজ নীলধ্বজ বসিল সভায় ॥
 অমুশাষ বৃকোদর সুবেগ-সহিত ।
 অর্জুন সমাজ কৈল মনে হংয়ে শ্রীত ॥
 হেনকালে বজ্রবাহ পাত্রমিত্র-সনে ।
 গলে বস্ত্র দিয়া এল অর্জুনের হানে ॥
 কুশুম-চন্দন অর্জুনের পদে দিয়া ।
 প্রণাম করিল পদে ভূমিষ্ঠ হইয়া ॥
 পঞ্চরত্ন সম্মুখে রাখিয়া নরপতি ।
 অর্জুন-চরণে রাজা করিল প্রণতি ॥
 সম্মুখে রাখিয়া অশ্ব কহে নরপতি ।
 অবধান করি শুন পাণ্ডুর সস্ততি ॥
 অর্জুন-চরণোপাস্তে বসিয়া রাজন্ ।
 আপনার কথা যত করে নিবেদন ॥

তোমার তনয় আমি, শুন মহাশয় ।
 চিত্রাঙ্গদা-গর্ভেতে আমার জন্ম হয় ॥
 যখন করিলে তুমি তীর্থ-পর্যটন ।
 করিলে গন্ধর্ব্ব-সুতা বিবাহ তখন ॥
 তোমার ঔরসে চিত্রাঙ্গদার উদরে ।
 হইল আমার জন্ম, কহিনু তোমাতে ॥
 না জানি ধরিনু ঘোড়া, কমা দেহ ষোড়ে ।
 বজ্রবাহ বলি নাম জানহ আমারে ॥

এত বলি পুনরপি ধরিল চরণে ।
 শুনিয়া অশ্বিল ক্রোধ অর্জুনের মনে ॥
 কাহারে বলিসু পিতা নটীর তনয় ।
 অভিপ্রায়ে বুঝি তোর নাহি লজ্জা-ভয় ॥
 নটী চিত্রাঙ্গদা সেই গন্ধর্ব্ব-দুহিতা ।
 তুই যার পুত্র, তার শুনিয়াছি কথা ॥
 এত বলি করিলেন চরণ-প্রহার ।
 ভূমিতে পড়িল চিত্রাঙ্গদার কুমার ॥

পাত্র-মিত্র ধরি সবে তুলে নৃপবরে ।

তথাপি দাণ্ডায়ে রহি বলে যোড়করে ॥

না করিহ তিরস্কার পাণ্ডুর তনয় ।

আমি ত তোমার পুত্র, কহিহু নিশ্চয় ॥

তবে হংসধ্বজ আর নীলধ্বজ-রায় ।

অৰ্জ্জুনে কহিল, ইহা তব যোগ্য নয় ॥

মহারাজ বক্রবাহ বিদিত সংসারে ।

কুন্তম-চন্দন দিয়া পূজিল তোমারে ॥

চরণ-প্রহার করা না হয় উচিত ।

তোমার তনয় হয়, এ-কথা নিশ্চিত ॥

আপনি আসিয়া বলে তোমার তনয় ।

অন্তে পিতা কহিতে অশ্রের লজ্জা হয় ॥

ইহা শুনি ধনঞ্জয় কহেন বচন ।

অভিমন্যু-বীর ছিল আমার নন্দন ॥

সুভদ্রা-তনয় বীর বিদিত ভুবনে ।

চক্রব্যূহ ভেদি যুঝিলেক দ্রোণ-সনে ॥

দ্রোণ-দ্রোণি-রূপ-কর্ণে সংগ্রামে জিনিয়া ।

স্বর্গে গেল মহাবীর শরীর ত্যজিয়া ॥

সেই পুত্র হয় মম কুলের ভূষণ ।

এই বক্রবাহ দেখ নটীর নন্দন ॥

আগে গর্ব করি মোর ধরিলেক হয় ।

ভয় পেয়ে বলে শেষে তোমার তনয় ॥

এ যদি হইত মম ঔরস-নন্দন ।

যুদ্ধ-বিনা অশ্ব নাহি করিত অর্পণ ॥

কাতর হইল, নহে আমার নন্দন ।

অক্সুরে জানয়ে বীজে, বলে সর্বজন ॥

পিতা হৈতে পুত্র শ্রেষ্ঠ সর্বলোকে জ্ঞানে ।

শাস্ত্রের এ-সব কথা কহে যুনিগণে ॥

এতক বলেন যদি বীর ধনঞ্জয় ।

রাজা বক্রবাহ তবে অধোমুখে রয় ॥

মহাকোপ উপজিল বক্রবাহ-চিত্তে ।

সম্মুখে দাণ্ডায়ে বীর কহে ষোড়হাতে ॥

শুন মহাশয়, তুমি কহিলে বিস্তর ।

শুনিবারে মন্দ, কিন্তু ধর্মেতে গোচর ॥

আপন-জন্মের কিছু জান সমাচার ।

সে-কথা কহিতে হৈল মধ্যোতে সবার ॥

জারজ বলিয়া তুমি গালি দিলে মোরে ।

যে-জন জারজ, তাহা বিদিত সংসারে ॥

মোর মাতা নটী, ইহা বলিলে আপনি ।

কোন্ কর্ম কৈল কুন্তী তোমার জননী ॥

কুমারী-কালেতে কর্ণে করিল প্রসব ।

না জানিয়া নিজকথা করহ গৌরব ॥

কাহার ঔরসে জন্ম, বাপ বল কারে ।

পঞ্চভাই-পঞ্চপিতা, বিদিত সংসারে ॥

ধিক্-ধিক্, জীবন রাখিয়া নাহি কাজ ।

এ-কথা কহিতে তব মুখে নাহি লাজ ॥

ভয় নাহি পাই আমি তোমারে দেখিয়া ।

জননীর বাক্যে অশ্ব দিলাম আনিয়া ॥

সে-কারণে অপমান করিলে আমারে ।

আজি নিজ-পরাক্রম দেখাব তোমারে ॥

এত বলি অনুচরে কহিল নৃপতি ।

বান্ধিয়া রাখহ অশ্ব করিয়া শক্তি ॥

এত বলি অশ্ব দিল অনুচরগণে ।

অশ্ব ল'য়ে গেল তারা পরম-যতনে ॥

যে-আজ্ঞা বলিয়া বীর প্রবেশিল পুরে ।

সেনাগণে আজ্ঞা দিল যুদ্ধ করিবারে ॥

নৃপাদেশে সৈন্যগণ করিল সাজন ।

আনন্দেতে করে কেহ দামাদাম-নিদ্রন ॥

যুদ্ধ মাদল শব্দ শ্রবণে সবারি ।

কাংস্ত-করতাল বাজে পিনাক-ধ্বসরি ॥

সাজ-সাজ বলি পুরে উঠিল ঘোষণা ।
 নানা-অস্ত্র লইয়া চলিল রাজসেনা ॥
 হয়-গজ-বিমানেন্তে করি আরোহণ ।
 ধনুর্বাণ হাতে নিল করিবারে রণ ॥
 তোমর পট্টিশ গদা মুঘল যুদ্ধগার ।
 শেল টাঙ্গি হাতে নিল করিতে সমর ॥
 চিত্রাঙ্গদা পাইলেক যুদ্ধ-সমাচার ।
 পুত্রের সম্মুখে এল করি হাহাকার ॥
 কেন পুত্র, যুদ্ধহেতু করহ সাজন ।
 কি কহিল প্রাণনাথ পাণ্ডুর নন্দন ॥
 শুনিয়া মাতার কথা বক্রবাহ কয় ।
 বিলক্ষণ পাইলাম পিতৃ-পরিচয় ॥
 মহাভারতের কথা অমৃত-সমান ।
 কাশী কহে, শুনিলে বাঢ়য়ে দিব্যজ্ঞান ॥

২৮। জননীর নিকট বক্রবাহনের নিবেদন ।

শুন গো জননি, কহি সত্যবাণী,
 পাইনু যে অপমান ।
 কহিতে সে-কথা, মনে পাই ব্যথা,
 সাক্ষী তার ভগবান ॥
 ল'য়ে অশ্ববর, গেলাম সফর,
 প্রণমিষু তাঁর পাদে ।
 দিয়া রত্ন-ধন, করিয়া স্তবন,
 কহিলাম যোড়হাতে ॥
 তোমার তনয়, শুন মহাশয়,
 বক্রবাহ মোর নাম ।,
 গন্ধর্ব-হৃদিয়া, নাম চিত্রাঙ্গদা,
 তাঁর গর্ভে মোর ধাম ॥

তোমার ঔরসে, জন্মিষু বিশেষে,
 পরিচয় দিষু আমি ।
 না জানিয়া হয়, ধরিষু নিশ্চয়,
 সে-দোষ ক্ষমিবে তুমি ॥
 শুনিয়া বচন, পাণ্ডুর নন্দন,
 জারজ বলিল মোরে ।
 নটী চিত্রাঙ্গদা, তার যত কথা,
 না শুনাও তুমি মোরে ॥
 আরে মহাপাপ, কারে বল বাপ,
 কেবা বটে তোর পিতা ।
 কেমন সাহসে, অপর-পুরুষে,
 ভাজিল তোমার মাতা ॥
 কোপে কাঁপে কায়, কি বলিব তার,
 পদাঘাত মোরে করে ।
 হংসধ্বজ-আদি, যত নরপতি,
 সবে দোষ দিল তাঁরে ॥
 হেন অপমান, কর অবধান,
 সমাজে পাইষু আমি ।
 তবু যোড়হাতে, পাণ্ডবের নাথে,
 কহিষু বিনয়-বাণী ॥
 না শুনিল বাপ, পেয়ে মনস্তাপ,
 অশ্ব ল'য়ে এষু ঘরে ।
 কহি সত্যকথা, জানাব যোগ্যতা,
 তবু সে চিনিবে মোরে ॥
 শুন গো জননি, কহিষু তখনি,
 তুমি না শুনিলে কখন ।
 করিয়া সংগ্রাম, আমি নিজ-নাম,
 জানাব পাণ্ডবের স্থানে ॥

| | | | |
|--------------------------|------------------|------------------------------------|-------------------|
| না শুনিব কথা, | কৈল অক্ষমতা, | যুদ্ধে নাহি কাজ, | ধাকিবেক লাজ, |
| বাথানে হুত্বেদ্রা-হুতে । | | অৰ্জ্জুন দুৰ্জ্জয় রণে । | |
| ধংরেছিলে হয়, | মনে পেয়ে ভয়, | করিয়া সমর, | তুঘিল শঙ্কর, |
| বিনাযুদ্ধে এলে দিতে ॥ | | অগ্নি ভুট্ট ষাঁর বাণে ॥ | |
| হৈলে মম হুত, | না করে এমত, | ভীষ্ম-দ্রোণ-সনে, | কুরুক্ষেত্রে-রণে, |
| ত্রিভুবনে আমি খ্যাত । | | একাকী জিনিব রণ । | |
| অকুর-উদ্ভবে, | বীজে জানে সবে, | হেনজন-সাথে, | যুঝিবে কিমতে, |
| কহিল পাণ্ডব-নাথ ॥ | | সখা ষাঁর নারায়ণ ॥ | |
| পেয়ে অপমান, | সংগ্রাম-সন্ধান, | বলে বক্রবাহ, | ঘরে তুমি যাহ, |
| অবশেষে কৈলু আমি । | | ভয় না করিহ মনে । | |
| ক্রোধের অধীন, | বচন কঠিন, | তোমার আশীষে, | চকুর নিমিষে, |
| না সহে আমার প্রাণী ॥ | | পরাজিব সর্বজনে ॥ | |
| আশীষি আমারে, | যাহ তুমি ঘরে, | ভারত-কখন, | শুন সর্বজন, |
| জানাব আপন বল । | | ভব-ভয় হবে নাশ । | |
| ঘন্য লব-কুশ, | রাখিল পৌরুষ, | কৃষ্ণদাসাত্মজ, | কৃষ্ণ-পদাশ্রুজ, |
| জিনি ভকত-বৎসল ॥ | | বন্দি কহে কাশীরাম ॥ | |
| সে সব ভারতী, | মনে দেয় যুক্তি, | | |
| যুঝিব স্তনক-সনে । | | | |
| না করিহ ভয়, | দিয়া জয়-জয়, | শ্রীজনমেজয় বলে, | শুন তপোধন । |
| যাহ তুমি নিকেতনে ॥ | | বক্রবাহ-অৰ্জ্জুনে কেমনে হৈল রণ ॥ | |
| শুন-শুন মাতা, | জানাব শূরতা, | বিস্তারিয়া সেই কথা কহ মহামুনি । | |
| অৰ্জ্জুন নিম্নিল তোমা । | | তোমার প্রসাদে আমি পূর্বকথা শুনি ॥ | |
| শুনিয়া প্রাণে, | রহিব কেমনে, | বলেন বৈশম্পায়ন, শুন নরপতি । | |
| সবাই নিম্নিবে আমি ॥ | | যুদ্ধ-কথা কহি আমি, কর অবগতি ॥ | |
| পুত্রের বচন, | শুনিয়া তখন, | অনুমতি দিয়া চিত্রাঙ্গনা গেল ঘরে । | |
| চিত্রাঙ্গনা বলে তারে । | | রাজা বক্রবাহ গেল যুদ্ধ করিবারে ॥ | |
| অপমান পেয়ে, | বাড়ল হইয়ে, | দৈবের নির্বাক ইহা, ঘটিবে নিশ্চয় । | |
| বাহ চক্রে ধরিবারে ॥ | | এইহেতু তাহারে নিম্নিলা ধনঞ্জয় ॥ | |

শাপ দিয়াছেন গঙ্গা অৰ্জুন-নিধনে ।
এ-সব ঐশ্বরলীলা কেহ নাহি জানে ॥
হয়-গজ-বিমানতে সাজন করিয়া ।

রাজা বভ্রবাহ রণে প্রবেশিল গিয়া ॥
সিংহনাদ বাজরব শুনিয়া অ্রবেণে ।
পাণ্ডবের সেনা যত প্রবেশিল রণে ॥
ধনুর্বাণ হাতে করি বীর রথকেতু ।
অগ্রে রথ চালাইল যুঝিবার হেতু ॥
অস্ত্রে-অস্ত্রে দুইজনে করেন সমর ।
বাণ-বরিষণ করে দৌহে ধনুর্ধর ॥
রথকেতু বাণ তবে পুরিল সন্ধান ।
অৰ্জুন-তনয় তাহা করে খান-খান ॥
হেনমতে দুইজন অনেক যুঝিল ।
গগন-মণ্ডল দৌহে বাণে আচ্ছাদিল ॥
অন্ধকার হৈল সব, না দেখি নয়নে ।
পরিচয় নাহি, যুদ্ধ করে কার সনে ॥
তবে বভ্রবাহ কৈল বাণ-অবতার ।
রথিকর আচ্ছাদিল, হৈল অন্ধকার ॥
দুইবাণ এড়ে বভ্রবাহ নরপতি ।
রথকেতু-রথধ্বজ কাটে শীঘ্রগতি ॥
পঞ্চবাণ মারি কাটে সারথির যুগু ।
বাণ গুণ ধনু কাটি কৈল খণ্ড-খণ্ড ॥
কাঁকর হইল তবে কর্ণের নন্দন ।
বভ্রবাহনের রণে হৈল অচেতন ॥

তাহা দেখি শাস্ত্রবীর প্রবেশিল রণে ।
অনেক সংগ্রাম করে বভ্রবাহ-সনে ॥
ক্রমে-ক্রমে তাহা আমি কতক কহিব ।
ভারত-সমুদ্র-কথা কতক লিখিব ॥
বভ্রবাহ-রণে কারো নাহিক নিস্তার
হইল অস্থির কাম্বজকীর কুমার ॥

অৰ্জুন হইল তনু, রক্ত বহে স্রোতে ।
কিংগুক-কুসুম যেন শোভে বসন্তেতে ॥
প্রাণভয়ে পদাতিক নাহি রহে রণে ।
অচেতন শাস্ত্র বভ্রবাহনের বাণে ॥
ভীম আর সাত্যকি যে সাহস করিল ।
বভ্রবাহনের সনে অনেক যুঝিল ॥
গজ-বাজী পড়ে রণে, লেখা নাহি জানি ।
রুধির করয়ে পান শকুনি-গৃধিনী ॥
রুধিরে কর্দম ভূমি দেখিয়া নয়নে ।
ভীম-আদি মহাবীর ভয় পায় মনে ॥
তবে বভ্রবাহ করে বাণের সন্ধান ।
পলার পাণ্ডবসৈন্য লইয়া পরাণ ॥
ধাকুক অগ্নের কার্য্য, ভীম ভঙ্গ দিল ।
যুবনাথ অমুশাব্র সবে পলাইল ॥
নীলধ্বজ হংসধ্বজ পরাভব পেয়ে ।
অৰ্জুন-সম্মুখে সবে উত্তরিল গিয়ে ॥
অপমান পায় সবে বভ্রবাহ-রণে ।
তা' দেখি অৰ্জুন-বীর কুপিলেন মনে ॥
গাণ্ডীব লইয়া হাতে বীর ধনঞ্জয় ।
যুঝিতে গেলেন বীর অত্যন্ত নির্ভয় ॥

হেনকালে রথকেতু ধনুর্বাণ ল'য়ে ।
রণে প্রবেশিল পুনঃ সাহস করিয়ে ॥
রথকেতু-বীর করে বাণ-বরিষণ ।
বাণে বাণ নিবারয়ে অৰ্জুন-নন্দন ॥
একবাণে কাটিল সে রথকেতু-ধনু ।
ধ্বজচ্ছত্র কাটি বাণে আবলিল তনু ॥
বভ্রবাহ তবে সৈন্য বিক্লিষ্টক বহু ।
কুপিত অৰ্জুন-বীর যেন এহ রাহু ॥
গাণ্ডীব ধরিয়া বীর করেন সমর ।
কেশপাশ নাহি বাকি বরিষেন পন্ন ॥

ইন্দ্র-চন্দ্র-বরুণ-কুবের-নন্দ বাণ ।
 কোপাশ্রিত ধনঞ্জয় করেন সন্ধান ॥
 রাজা বজ্রবাহ সব নিবারিল শরে ।
 দেখিয়া অর্জুন-বীর কুপিত অন্তরে ॥
 পিতাপুত্র উভয়ে যে সংগ্রাম হইল ।
 বাহুল্য-কারণ সব নাহি লেখা গেল ॥
 অক্ষয় যুগল-তুণ রণে হৈল ক্ষয় ।
 তাহা দেখি চিন্তিত হইলা ধনঞ্জয় ॥

বজ্রবাহ বলে, শুন ইন্দ্রের নন্দন ।
 পাণ্ডুর তনয় তোমা বলে সর্বজন ॥
 ধর্ম্মশূত্র যুধিষ্ঠির বড় ভাগ্যবান ।
 পবন-নন্দন ভীম পবন-সমান ॥
 নকুল ও সহদেব অশ্বিনী-কুমার ।
 ভাল চন্দ্রবংশে জন্ম হইল তেমোর ॥
 আপন-জন্মের কথা মনে না করিলে ।
 জারজ বলিয়া তুমি মোরে গালি দিলে ॥
 সম্মুখ-সংগ্রামে আমি পাইনু তোমাতে ।
 স্মরণ করহ তুমি দেব-গদাধরে ॥
 আজি কৃষ্ণ-সহ তোমা পরাজয় করি ।
 প্রবেশ করিব আমি আপনার পুরী ॥
 শুনেছি প্রতিষ্ঠা তব জননীর স্থানে ।
 তোমার সমান বীর নাহি ত্রিভুবনে ॥
 কিন্তু আজি যশোলোপ হইবে তোমার ।
 কিরিয়া না যাবে গৃহে পাণ্ডুর কুমার ॥

বজ্রবাহ-বাক্য শুনি কহে ধনঞ্জয় ।
 অহঙ্কার না করিহ বেশ্যার তনয় ॥
 তাহা শুনি বজ্রবাহ ক্রোধ কৈল মনে ।
 বাণেতে জর্জর-বীর করিল অর্জুনে ॥
 চঞ্চল হইল রণে বীর ধনঞ্জয় ।
 নর-নারায়ণ মনে পাইলেন ভয় ॥

মঙ্গল না দেখিলেন সংগ্রাম-ভিতরে ।
 উর্দ্ধমুখ হ'য়ে শিবা ডাকে উচ্চৈঃস্বরে ॥
 মুণ্ডহীন ছায়া বীর দেখি আপনার ।
 চিন্তাশ্রিত হইলেন পাণ্ডুর কুমার ॥
 অমঙ্গল দেখে পার্শ্ব, ধ্বজে পড়ে কাক ।
 হইলেন ব্যাকুলিত, মুখে নাহি বাক ॥
 বৃষকেতু-বীরে ডাকি বলে ধনঞ্জয় ।

হস্তিনা-নগরে যাহ কর্ণের তনয় ॥
 ইহার সমরে মম নাহি পরিভ্রাণ ।
 হস্তিনা-নগরে যাহ লইয়া পরাণ ॥
 তোমা-বিনা বংশে আর নাহিক সন্তান ।
 তুমি জিলে পিতৃলোক পাবে পিশুদান ॥
 যুবনাথ হবেগ প্রভৃতি সৈন্যগণ ।
 বজ্রবাহনের রণে না পাবে রক্ষণ ॥

অর্জুনের বাক্য শুনি কর্ণের কুমার ।
 কহিতে লাগিল বীর করি অহঙ্কার ॥
 অমঙ্গল-কথা তুমি কহ কি-কারণে ।
 বজ্রবাহনেরে আমি পন্নাজিব রণে ॥
 এত বলি ধনুর্বাণ লইয়া সজ্বরে ।
 বিক্ষিপ পঞ্চাশ-বাণে বজ্রবাহনেরে ॥

বজ্রবাহ বলে, শুন কর্ণের নন্দন ।
 পুনঃপুনঃ এস তুমি করিবারে রণ ॥
 বুঝিনু মরিবে তুমি আমার সমরে ।
 রাখে তোরে, হেন-বীর নাহি ত্রিসংসারে ॥
 কৃষ্ণে স্তুতি কর তুমি মরণ-সময় ।
 পরকালে দিব্যগতি দিবেন তোমায় ॥

এত বলি বজ্রবাহ হাতে নিল বাণ ।
 আকর্ণ পুরিয়া তাহা করিল সন্ধান ॥
 অর্জুচন্দ্র-বাণ তবে সজ্বরে এড়িল ।
 বৃষকেতু-নাথ্য কাটি ছুমিতে পড়িল ॥

তাহা দেখি প্রত্যাশাদি যত বীরগণ ।
সাহসে আইল সবে করিবারে রণ ॥
অর্জুন-তনয় পরাজিল সবাকারে ।
পড়িয়া রহিল সবে ভূমির উপরে ॥
তাহা দেখি ধনঞ্জয় বিষণ্ণ-বদন ।
রুষকেতু-শোকে কাশ্মি কহেন বচন ॥

মহাবীর রুষকেতু কর্ণের নন্দন ।
অহঙ্কার করি আজি হারাল জীবন ॥
নিষেধ করিলু যত, না শুনিল কানে ।
শরীর তাজিল বক্রবাহনের বাণে ॥
কি বলি যাটব আমি হস্তিনা-নগরে ।
কি বোল বলিব গিয়া রাজা যুধিষ্ঠিরে ॥
কি বলিয়া প্রবোধিব কুন্তীর হৃদয় ।
এই শোকে কি বলিবে কৃষ্ণ-মহাশয় ॥
রুষকেতু-মুণ্ডগোটা ছদয়েতে ধরি ।
বিলাপ করেন পার্থ উচ্চৈঃস্বর করি ॥
কাল্পেন বিষাদ করি ইন্দ্রের নন্দন ।
তাহা দেখি হাসি কহে সে বক্রবাহন ॥

কল্পের এ ধর্ম নহে, শুন মহাশয় ।
এখনি দেখিবে তুমি আপন-সংশয় ॥
হাসিবে নৃপতিগণ দেখিয়া তোমারে ।
ক্রন্দন উচিত নহে সময়-ভিতরে ॥
যুদ্ধ করি রুষকেতু গেল অর্গলোকে ।
গতজীব-হেতু শোক না শোভে তোমাকে ॥
আপনা তরিতে তুমি করহ উপায় ।
সমরে বিষাদ করিবারে না যুয়ায় ॥
অকারণ বিলাপ করহ তুমি শোকে ।
স্মরণ করিয়া শীত্র আনহ কৃষ্ণকে ॥
হরিগত প্রাণ তব, আমি ভাল জানি ।
কৃষ্ণহীন হইলে কেন হারাবে পরাণী ॥

যদি বাঞ্ছা করহ কুশল আপনার ।
স্মরণ করহ শীত্র দৈবকী-কুমার ॥
চিস্তাহ গোবিন্দ-পদ, ওহে ধনঞ্জয় ।
নহিলে আমার বাণে যাবে যমালয় ॥
এত যদি বক্রবাহ বলে ডাক দিয়া ।
অর্জুন চিস্তেন হরি সঙ্কটে পড়িয়া ॥
হে কৃষ্ণ করুণাসিন্ধো দানবদ্বন্দ্বো জগৎপতে ।
গোপেশ গোপিকাকান্ত রাধাকান্ত নমোইস্তু তে ॥
হা কৃষ্ণ করুণাসিন্ধো ওহে ভগবান্ ।
বিসম-স সার-ঘোরে কর প্রভু, ত্রাণ ॥
আইস করুণাময় শীত্র মণিপуре ।
বক্রবাহনের যুদ্ধে রক্ষা কর গোবনে ॥
গজেন্দ্রে করুণা করি উদ্ধারিলা ধরি ।
অপার মহিমা তব, কি বলিতে পারি ॥
দ্রোপদীর লজ্জা তুমি কৈলা নিবারণ ।
জতুগৃহে রক্ষা কৈলে আমা-পঞ্চজন ॥
দুর্বাসার অভিশাপে রাখিলা মোদেরে ।
আপনি করিলা ত্রাণ বিরাট-নগরে ॥
কুরুক্ষেত্র-যুদ্ধে মুক্ত করিয়াছ তুমি ।
সংসারে বিদিত তাহা, কি বলিব আমি ॥
সুরথ-সুধম্মা-যুদ্ধে রাখিলা আমারে ।
এবার আসিয়া রক্ষা কর মণিপуре ॥
গঙ্গার-বচন সত্য করিতে মুরারি ।
অর্জুনে রাখিতে নাহি গেলা স্বরা করি ॥
আপনার রথপানে চাহে ধনঞ্জয় ।
কৃষ্ণে না দেখিয়া পার্থ মনে পান ভয় ॥
বক্রবাহ বলে, তুমি কি ভাবহ মনে ।
না পাবে নিস্তার তুমি আমার এ-রণে ॥
এত বলি করে বীর বাণ-বরিষণ ।
নিবারিতে না পারেন নর-নারায়ণ ॥

অৰ্জুনের হইল বীর বাণের প্রহারে ।
 অৰ্জুনের সর্ব-অঙ্গে রক্ত বহে ধারে ॥
 ব্রহ্ম-অস্ত্র-পাশুপত-আদি যত বাণ ।
 ভয়েতে অৰ্জুন সব করেন সন্ধান ॥
 বীর-বক্রবাহন তা' নিবারণে শরে ।
 প্রাণপথে অৰ্জুন জিনিতে নাহি পারে ॥

বাণবেশে গঙ্গাদেবী আসিয়া সেখানে ।
 কহেন সকল কথা বক্রবাহ-কানে ॥
 তাহা শুনি আনন্দিত হৈল নরপতি ।
 লইলেন গঙ্গা-অস্ত্র করিয়া শক্তি ॥
 তবে সেই অস্ত্র রাজা যুড়িলেন চাপে ।
 বাণ দেখি ইন্দ্র-আদি দেবগণ কাঁপে ॥
 মহাবেগে গঙ্গাবাণ আকাশে উঠিল ।
 অৰ্জুনের মাথা কাটি ভূমিতে পাড়িল ॥
 পড়িল অৰ্জুন-বীর, দেখিল রাজন্ ।
 জয়-জয়-শব্দে হৈল চুন্দুভি-ঘোষণ ॥
 পাণ্ডবের দলে যত শেষ-সৈন্য ছিল ।
 অৰ্জুন-নিধন-হেতু আতঙ্ক পাইল ॥

সংগ্রাম জিনিয়া বক্রবাহ কুতূহলে ।
 পুরে প্রবেশিল বীর জয়-জয় ব'লে ॥
 নানাবাণ নৃত্য-গীত হরিষ-ঘোষণ ।
 মায়ের সম্মুখে গেল সে বক্রবাহন ॥
 ভূমিষ্ঠ হইয়া মায়ে করিল প্রণাম ।
 হাসিয়া বলিল, আমি জিনিষু সংগ্রাম ॥
 নাশিলাম ধনঞ্জয়ে সংগ্রামের স্থলে ।
 যতক পাণ্ডবসৈন্যে জিনিলাম হেলে ॥

পুত্রের মুখেতে কথা শুনিয়া এমন ।
 ভয় পেয়ে চিত্রাঙ্গদা করয়ে রোদন ॥
 ওরে পুত্র, কি কহিলি অমঙ্গল-কথা ।
 কেমনে কাটিলি তুই জনকের মাথা ॥

পিতৃহত্যা কৈলি তুই মহাপাপকারী ।
 এত বলি অচেতনা হইল সুন্দরী ॥
 ভূমিতে পড়িয়া চিত্রাঙ্গদা মহাশোকে ।
 কোথা গেলে প্রাণনাথ ঘন-ঘন ডাকে ॥
 অনেক বিলাপ করি কান্দিল বিস্তর ।
 শুনিয়া উলূপী ধেয়ে আইল সত্ত্বর ॥

মুখে জল দিয়া তারে তোলে হাত ধরি ।
 না জানি বিষাদ কেন করহ সুন্দরি ॥
 কৃষ্ণ-সখা অৰ্জুনের নাহিক মরণ ।
 বক্রবাহনের বাণে হৈল অচেতন ॥
 পূর্বকথা কহি আমি তোমার গোচরে ।
 আপন-মরণ তেঁহ কহিল আমারে ॥
 রোপিল দাড়িম্বরক্ষ করিয়া যতন ।
 আমাকে কহিল কথা পাণ্ডুর নন্দন ॥
 শুনহ উলূপী, আমি যাঁই নিজদেশে ।
 ভদ্রাভদ্র-কথা তুমি জানিবে বিশেষে ॥
 দাড়িম্ব-নিধনে মম জানিহ মরণ ।
 এত বলি নিজদেশে করিল গমন ॥
 ক্রন্দন ত্যজহ তুমি আমার বচনে ।
 দাড়িম্বের রক্ষ গিয়া দেখি ছুইজনে ॥

উলূপীর বোলে চিত্রাঙ্গদা হরষিত ।
 দাড়িম্ব-রক্ষের তলে গেলেন স্বরিত ॥
 মৃততরু দেখি দৌহে হৈল অচেতন ।
 হা হা প্রাণনাথ বলি করয়ে ক্রন্দন ॥
 পতি-দরশনে দৌহে করিল গমন ।
 আগে-পাছে কান্দিয়া চলিল দাসীগণ ॥

হেথা রাজা বক্রবাহ পেয়ে অপমান ।
 বিনাশিয়া জনকেরে ভাবয়ে নিদান ॥
 পাত্র-মিত্রে পাঠাইল জনবীর স্থানে ।
 প্রবোধিতে স্বীয় তারা পরম-বতনে ॥

উলুপী বলেন, শুন গো চিত্রাঙ্গদা ।
 আচম্বিতে স্মরণ হইল এক কথা ॥
 কোরব্য-দুহিতা আমি শুন গো সুন্দরি ।
 মোরে বিভা করি পার্শ্ব গেলা মমপুত্রী ॥
 অর্জুনেরে ভক্তি করি কোরব্য পুঞ্জিল ।
 নানা-ধন দিয়া মোরে অর্জুনেরে দিল ॥
 অর্জুনে দিলেন মোরে পরম-কোঁতুকে ।
 অমৃত-নামেতে মণি দিলেন যোঁতুকে ॥
 পুণ্ডরীক-নাগে দিল আমার সেবনে ।
 তাহাকে আনিব আমি করিয়া যতনে ॥
 মণির কারণে তারে পাতালে পাঠাব ।
 আনিয়া অমৃতমণি পার্শ্ব জীয়াটব ॥

এত যদি নাগকন্যা বলিল বচন ।
 চিত্রাঙ্গদা বলে, মণি আনহ এখন ॥
 অর্জুনের শোকে তনু না পারি ধরিতে ।
 শুন গো ভগিনি, মণি আনহ স্বরিতে ॥
 উলুপী বলেন, তুমি স্থির কর মতি ।
 এখন পরাণ পাবে পাণ্ডবের পতি ॥
 মহাভারতের কথা অমৃত-সমান ।
 কাশীরাম দাস কহে, শুন পুণ্যবান্ ॥

— — —

৩০ । অর্জুনের পুনর্জীবনের জন্য
 মণি-আনয়ন ।

শ্রীজনমেজয় বলে, শুন মহামুনি ।
 অর্জুন-নিধন-কথা অপূর্ব-কাহিনী ॥
 কিমতে আইল মণি পাতাল হইতে ।
 পাণ্ডুর নন্দন প্রাণ পাইল কিমতে ॥
 বলেন বৈশম্পায়ন, শুন নরপতি ।
 একে-একে কহি, শুন সে-সব তারতী ॥

উলুপী স্মরণ কৈল নাগ পুণ্ডরীকে ।
 স্মরায় আইল নাগ উলুপী-সন্মুখে ॥
 শ্রীকৃষ্ণ প্রলয়ঙ্করী বিচারিয়া মনে ।
 আসে বক্রবাহন সে জননীর স্থানে ॥
 অধোমুখে রহে রাজা মায়ের সমনে ।
 চিত্রাঙ্গদা বলে তারে করুণ-বচনে ॥

পিতৃহত্যা কৈলি তুই পাপিষ্ঠ চণ্ডাল ।
 মাঝিল আমার বৃকে এই বড় শাল ॥
 হস্তিনাথ যাব, মনে ছিল অভিশাপ ।
 দেখিব সে যজ্ঞাগার, দেব-শ্রীনিবাস ॥
 দেখিব শ্বশুরী কুন্তী, হস্তদ্রো সতিনী ।
 ধন্যেরে দেখিব, আর ক্রপদ-নন্দিনী ॥
 রুক্ষিণীরে দেখিব, মনেতে ছিল সাধ ।
 সত্যভামা বলরাম দেব-জগন্নাথ ॥
 সকল করিলি নষ্ট আরে ছুরাচার ।
 আর কি দেখিব সেট পুত্রী হস্তিনার ॥

এতেক বিবাদ করি কান্দে চিত্রাঙ্গদা ।
 মারিলি অর্জুনে তুই খেয়ে মোর মাখা ॥
 কি বলে উলুপী, এবে শোন রে জ্ঞাণে ।
 পার্শ্ব সে জীয়াতে চাহে মণির স্পর্শনে ॥
 পাতালে আছয়ে মণি অনন্ত-সমীপে ।
 সত্বরে আনিয়া মণি রক্ষ মনস্তাপে ॥

রাজা বক্রবাহ বলে, শুন গো জননি ।
 পুণ্ডরীক-নাগ থাক আনিবারে মণি ॥
 পরিচয় নাহি মম মাতামহ-সনে ।
 মণি নাহি দিবে নাগ আমার বচনে ॥
 পুণ্ডরীক গেলে যদি নাহি দেয় মণি ।
 সংগ্রাম করিব আমি, শুন গো জননি ॥
 বাণের আগুনে সব নাগে বিনাশিয়া ।
 আনিব অমৃতমণি পাতালেই গিয়া ॥

উলুপী বলিল, পুত্র, कहিলে প্রমাণ ।
 সম্প্রীতে না দিলে মণি উচিত সংগ্রাম ॥
 পুণ্ডরীক-নাগে তবে कहিলা সুন্দরী ।
 মণিহেতু গেল নাগ রসাতল-পুরী ॥
 অনন্তের স্থানে গিয়া कहিল সকল ।
 তাহা শুনি নাগরাজ হইল বিকল ॥
 সর্পগণ-আগে কহে নাগ-অর্ধাধরে ।
 উলুপী মাগিল মণি অর্জুনের তরে ॥
 বক্রবাহনের যুদ্ধে মরে ধনঞ্জয় ।
 মণি ল'য়ে গেলে জীয়ে পাণ্ডুর তনয় ॥
 পাণ্ডবের সখা কৃষ্ণ সংসারে বিদিত ।
 বিলম্ব না কর, মণি পাঠাও দ্বরিত ॥
 অনন্তের কথা শুনি ধৃতরাষ্ট্র কহে ।
 এ-সব অগ্রাহ্য কথা, মোর নাহি সহে ॥
 আপন-মঙ্গল রাজা, নাহি চিন্তি তুমি ।
 গরুড়ের ভয়ে সর্পে রক্ষা করে মণি ॥
 হেন মণি পাঠাইতে চাহ নরলোকে ।
 শুন সর্পরাজ, আমি বলি যে তোমাকে ॥
 ভাল হৈল বক্রবাহ, মারিল অর্জুনে ।
 আমার আনন্দ বড় উপজিল মনে ॥
 মিত্র মোর ধৃতরাষ্ট্র কোঁরবের পতি ।
 অর্জুন মারিল তার শতেক সম্ভতি ॥
 এ-কথা শুনিয়া চিন্তে দুঃখ উপজিল ।
 অর্জুন-নিধনে মম আনন্দ হইল ॥
 না দিব অমৃত-মণি, कहিনু তোমাতে ।
 বক্রবাহনের শক্তি কি করিতে পারে ॥
 মারিল বান্ধব-বন্ধু-গুরু ধনঞ্জয় ।
 সেই-পাশে নষ্ট হৈল পাণ্ডুর তনয় ॥
 নরলোকে মণি আমি কলাচ না দিব ।
 গতজীব জীবে বদ্ধি-মণি রাখিব ॥

গরুড়ের ভয়ে মোরা না পাব নিস্তার ।
 মণি নাহি দিব, শুন বচন আমার ॥
 আমার সম্ভতি নহে, শুন নাগরায় ।
 তবে সে তোমার চিন্তে যেমত যুগায় ॥
 আমরা যতেক নাগ না দিব সম্ভতি ।
 সত্য कहিলাম আমি, শুন নাগপতি ॥
 অনন্ত বলেন, কথা শুন নাগগণ ।
 ধর্মপথ আচরিব, শুনহ কখন ॥
 উত্তম-কর্মেতে মন্দ কখন না হয় ।
 পাশে মতি দিলে নহে ধর্মের উদয় ॥
 অর্জুন পাইবে প্রাণ মণি-পরশনে ।
 স্থখী হবে নারায়ণ এ-কথা-শ্রবণে ॥
 কৃষ্ণ-প্রীতি যে না করে, সে-জন অমর ।
 শরীর ধরিয়া ক্রেশ পাইবে প্রচুর ॥
 কৃষ্ণ-প্রীতে স্থখ-মোক্ষ চতুর্ভাগ পায় ।
 মণি দিয়া রক্ষা কর পাণ্ডুর তনয় ॥
 শুন ধৃতরাষ্ট্র, তুমি আমার বচন ।
 না দিলেও মণি, পার্থ পাইবে জীবন ॥
 সখা যার নারায়ণ, মৃত্যু নাহি তার ।
 মণি দিয়া যশ তুমি রাখ আপনার ॥
 নহে বক্রবাহ-হাতে পাবে অপমান ।
 সত্য कहিলাম আমি তোমা-বিঘ্নমান ॥
 নাগমন্ত্রী ধৃতরাষ্ট্র মণি নাহি দিল ।
 পুণ্ডরীক-মুখে বক্রবাহন শুনিল ॥
 উলুপী বলেন, পুত্র, কি হবে উপায় ।
 মণি আনিবারে যাহ সঙ্গর তথায় ॥
 বক্রবাহ বলে, মণি সম্প্রীতে না পাব ।
 বিক্রম করিয়া মণি শেষেতে আনিব ॥
 পিতৃহত্যা-পাপ মোর হইল যখন ।
 এবে মাতামহ-হত্যা হবে তেকারণ ॥

এত বলি বস্ত্রবাহ সাজন করিল ।
 রথে আরোহিয়া বীর পাতালে চলিল ॥
 অনন্ত না দিল মণি জানিয়া রাজন্ ।
 মণি না পাইয়া রাজা হৈল ক্রুদ্ধমন ॥
 প্রবেশিল পাতালেতে যুদ্ধের কারণে ।
 তাহা দেখি দূত কহে রাজ-বিদ্ভুতমানে ॥
 দূত-মুখে অনন্ত পাইল সমাচার ।
 যুদ্ধ-হেতু আসে চিত্রাপ্রদার কুমার ॥
 অৰ্জ্জুন-সমান বীর জানে নানা-শিক্ষা ।
 অপার বিক্রম তার, নাহি কারো রক্ষা ॥
 ধৃতরাষ্ট্রে ডাকিয়া বলিল নাগপতি ।
 বস্ত্রবাহ হেথা এল, কি করি যুক্তি ॥
 মণি নাহি দিলে তুমি আমার বচনে ।
 পাতালে আইল সেই যুদ্ধের কারণে ॥

ধৃতরাষ্ট্র বলে, মোর কি ভয় মানুষে ।
 বিনাশিব নৃপতিরে আঁখির নিমিষে ॥
 কিসের কারণে তুমি চিন্তা কর মনে ।
 আমি যুদ্ধ করি বস্ত্রবাহনের সনে ॥

এত বলি বাহুকিরে দিল সমাচার ।
 যুদ্ধ করিবার আজ্ঞা হইল তাহার ॥
 স্মরণে আসিল, যত ছিল নাগগণ ।
 বস্ত্রবাহনের সনে আরম্ভিল রণ ॥
 ভীষণ-সংগ্রাম-কথা কহিতে বিস্তর ।
 সংক্ষেপে কহিব আমি, শুন নৃপবর ॥
 গজ বাজী পদাতিক করিয়া সংহতি ।
 রণে প্রবেশিল বস্ত্রবাহন-নৃপতি ॥
 অনল-সমান বাণ বরিষে রাজন্ ।
 আশু হৈতে নাহি পারে যত নাগগণ ॥
 বিষমস্তে নাগগণ দংশয়ে যাহারে ।
 চক্ষুর নিমিষে সেই বায় বম্বরে ॥

অশ্ব হস্তী পদাতিক অনেক পড়িল ।
 তাহা দেখি বস্ত্রবাহনের ক্রোধ হৈল ॥
 ধনুক ধরিয়া করে বাণ-বরিষণ ।
 অগ্নিবাহে পুড়িয়া মরয়ে নাগগণ ॥
 সর্প-মানুষেতে রণ, অগুরু-কখন ।
 বড়-বড় নাগগণ হারায় জীবন ॥
 বাহুকি সংগ্রামে এল ক্রোধ করি চিতে ।
 অনেক যুঝিল বস্ত্রবাহনের সাথে ॥
 নিবারিতে না পারিল অৰ্জ্জুন-নন্দনে ।
 ধৃতরাষ্ট্র গর্জিলেন দুঃখ পেয়ে মনে ॥
 দুই-পুত্র ল'য়ে ধৃতরাষ্ট্র করে রণ ।
 বিংশতি-সহস্র সৈন্য হারাল জীবন ॥
 মহাক্রোধ উপজিল অৰ্জ্জুন-নন্দনে ।
 যুড়িল গরুড়-বাণ ধনুকের গুণে ॥
 হইল গরুড়-মূর্তি দেখি ভয়ঙ্কর ।
 প্রাণভয়ে নাগসব পলায় সত্বর ॥
 প্রমাদে পড়িল নাগ, দেখিয়া নয়নে ।
 ভয়ে গেল ধৃতরাষ্ট্র অনন্ত-সদনে ॥

অনন্ত বলেন, কেন পলাহ এখন ।
 শুন ধৃতরাষ্ট্র, তুমি কর গিয়া রণ ॥
 মণি নাহি দিলে তুমি আমার বচনে ।
 এবে যুদ্ধ কর বস্ত্রবাহনের সনে ॥
 নষ্ট হবে নাগকুল তোমার বিচারে ।
 অৰ্জ্জুন-নন্দনে কেবা জিনিবারে পারে ॥
 অনন্তের বাক্য শুনি বলে নাগগণ ।
 করিবে কি সেই কোপে নাগের নিধন ॥
 আপনি বিদায় কর এ-বস্ত্রবাহনে ।
 আর যুদ্ধে কাজ নাই মণির কারণে ॥

এত বলি দিল মন্ত্রী অনন্তেরে মণি ।
 মণি ল'য়ে নাগরাজ চলিল আপনি ॥

অনন্ত বলেন শুন হে বভ্রবাহন ।
 মণি লহ, যুদ্ধে আর নাহি প্রয়োজন ॥
 এত বলি বভ্রবাহনে মণি দিল ।
 অর্জুন-নন্দন তবে বাণ সংবরিল ॥
 মণি পেয়ে চিত্রাঙ্গদা-হৃত ভূষ্ট হৈল ।
 মণির প্রভাবে মৃতসৈন্তে জীয়াইল ॥

তবে ধৃতরাষ্ট্র-নাগ মনে বিচারিল ।
 আপনার দুই পুত্রে ডাকিয়া কহিল ॥
 শুন পুত্র, আমি বড় পাই অপমান ।
 মণি ল'য়ে বভ্রবাহ করিল প্রয়াণ ॥
 তোমরা করহ যদি কলঙ্ক-ভঞ্জন ।
 তবে সে রাখিব আমি আপন-জীবন ॥
 আন গিয়া বৃষকেতু-অর্জুনের মাথা ।
 তবে মোর দূর হয় যত মনোব্যথা ॥

পিতার বচনে দুই-ভাই কুতূহলে ।
 মণিপূরে গেল শীঘ্র সংগ্রামের স্থলে ॥
 বৃষকেতু-অর্জুনের মস্তক লইয়া ।
 প্রবেশিল পাতালেতে হরষিত হৈয়া ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৩১। শ্রীকৃষ্ণের মণিপূরে আগমন ।

শুন রাজা জম্বেজয়, অপূর্ব-ভারতী ।
 কদাচিত্ খল-জন নহে শুদ্ধমতি ॥
 মণি ল'য়ে বভ্রবাহ গেল নিজপূরে ।
 উপনীত হৈল গিয়া মায়ের গোচরে ॥
 উলুপী কহিল, পুত্র, কহ বিবরণ ।
 আনিলে কি সেই মণি অর্জুন-নন্দন ॥
 রাজা বভ্রবাহ বলে, আনিলাম মণি ।
 শ্রীকৃষ্ণ অর্জুনের মাথা না দেখি জননি ॥

বৃষকেতু-মুণ্ড নাহি, কেবা ল'য়ে গেল ।
 তাহা শুনি চিত্রাঙ্গদা কান্দিতে লাগিল ॥
 কুণ্ডলে মণ্ডিত মুণ্ড নিল কোন্ জন ।
 বিলাপিয়া ভূমে পড়ে অর্জুন-নন্দন ॥
 চিত্রাঙ্গদা উলুপী কান্দেন দুইজনে ।
 তা' দেখিয়া পাত্র-মিত্র দুঃখ পায় মনে ॥
 অশ্বেষণ করি মুণ্ড কোথা না পাইল ।
 ভূমে পড়ি সর্বজন কান্দিতে লাগিল ॥
 পাত্র-মিত্র প্রবোধয়ে সে-বভ্রবাহনে ।
 চিত্রাঙ্গদা উলুপীরে সান্তাইল ক্রমে ॥

অধোমুখে বিলাপ করয়ে নরপতি ।
 পিতৃহত্যা কৈনু আমি হইয়া সন্ততি ॥
 এ-পাপ-শরীর আর না রাখিব আমি ।
 আত্মঘাতী হব আমি, শুন মাতা, তুমি ॥
 বীরবংশে হইলাম হীন কুলঙ্গার ।
 এতে প্রায়শ্চিত্ত কিছু নাহিক আমার ॥
 শরীর ত্যজিব আমি এই পিতৃশোকে ।
 কৃমি হ'য়ে দুঃখভোগ করিব নরকে ॥
 বুঝিহু আমার সম পাপী নাহি আর ।
 বিনাদোষে বিনাশিহু পিতা আপনার ॥
 নাগগণে জিনি আমি আনিলাম মণি ।
 কেবা ল'য়ে গেল মুণ্ড, কি হবে জননি ॥

উলুপী বলিল, তুমি না কর ক্রন্দন ।
 প্রতীকার ইহার করিবে নারায়ণ ॥
 এ-কর্ম্ম অস্ত্রের সাধ্য নহে কলাচন ।
 কৃষ্ণ-বিনা আনিতে নারিবে অশ্রুজন ॥
 ভকত-বৎসল প্রভু আসিবে নিশ্চয় ।
 কৃষ্ণসখা অর্জুনের নাহি কিছু ভয় ॥
 এত বলি প্রবেশিল সে বভ্রবাহনে ।
 চৌদিকে বেড়িয়া সবে রহিল অর্জুনে ॥

অধোমুখে চিত্রাঙ্গদা উলুপা স্তম্ভরী ।
 বিবাদে রহিল সবে স্মৃথ পরিহারি ॥
 শুন রাজা জশ্বেজয়, কহি যে তোমারে ।
 কুন্তীদেবী দেখে স্বপ্ন হস্তিনা-নগরে ॥
 স্বপ্নেতে দেখিল বক্রবাহনের বাণে ।
 বৃষকেতু-অর্জুন নিহত হৈল রণে ॥
 ভয়ে কুন্তীদেবী শীত্র গোবিন্দে ডাকিল ।
 শুন নারায়ণ, মম অমঙ্গল হৈল ॥
 উচাটন চিত্ত মম, শুন নারায়ণ ।
 বৃষকেতু-অর্জুনের হইল নিধন ॥
 মণিপুরে আছে বক্রবাহন নৃপতি ।
 মহাবলবান্ সেই অর্জুন-সন্ততি ॥
 অশ্ব রাখিবারে পার্থ গেল তার পুরে ।
 বক্রবাহ সে-অশ্ব ধরিল অহঙ্কারে ॥
 অশ্বভালে লিখন পড়িয়া নরপতি ।
 অর্জুনে সে ভেটিতে আইল শীত্রগতি ॥
 নানারত্ন অগ্রে রাখি প্রণাম করিল ।
 ক্রোধ করি পার্থ তার পূজা না লইল ॥
 চরণ-প্রহার কৈল মন্তক-উপরে ।
 জারজ বলিয়া গালি দিলেক তাহারে ॥
 তাহে বক্রবাহন পাইয়া অপমান ।
 করিল অর্জুন-সঙ্গে ভীষণ সংগ্রাম ॥
 ভীম-যুবনাশ্ব-আদি যত সেনাগণ ।
 বক্রবাহনের হস্তে হৈল অচেতন ॥
 বৃষকেতু-অর্জুনের কাটিলেক মাথা ।
 তোমারে জানাই কৃষ্ণ বিপদের কথা ॥
 স্বপ্নেতে দেখিলু আমি, শুন নারায়ণ ।
 তুমি গেলে দূর হবে চিত্ত-উচাটন ॥
 এতেক শুনিয়া কৃষ্ণ কুন্তীর বচন ।
 অন্তরে হ'লেন ছুঃখী কমললোচন ॥

অমঙ্গল-কথা পিসি, কহ কি-কারণে ।
 অর্জুনে জিনিবে, হেন নাহি ত্রিভুবনে ॥
 কুন্তীরে প্রবোধ দিয়া মুকুন্দ-মুরারি ।
 গরুড়ের স্মরণ করিলেন দেব-হারি ॥
 কৃষ্ণের স্মরণে এল বিনতা-নন্দন ।
 আজ্ঞা কর, কোন্ কৰ্ম করিব এখন ॥
 তবে কৃষ্ণ কহিলেন, শুনহ গরুড় ।
 মোরে ল'য়ে শীত্র তুমি চল মণিপুর ॥
 তবে বৃষ্ণ গরুড়েরে করি আরোহণ ।
 অতিশীত্র যান প্রভু অর্জুন-কারণ ॥
 উপনীত হইলেন হরি মণিপুরে ।
 যেইখানে চিত্রাঙ্গদা কান্দে উচ্চৈঃসরে ॥
 উলুপা কান্দয়ে আর সে বক্রবাহন ।
 উপনীত সেইখানে হন নারায়ণ ॥
 কৃষ্ণ-দরশনে সবে চেতন পাইল ।
 রাজা বক্রবাহন সে উঠি দাণ্ডাইল ॥
 পাণ্ডব-বিজয়-কথা অমৃত-লহরী ।
 শুনিলে অধর্ম খণ্ডে, পরলোকে তরি ॥

৩২। শ্রীকৃষ্ণের প্রতি বক্রবাহনের বিনয় ।

বক্রবাহ নরনাথ, যোড় করি দুই-হাত,
 নিবেদয়ে কৃষ্ণের চরণে ।
 আমি অতি দুরাশয়, শুন কৃষ্ণ মহাশয়,
 জানিয়া প্ররুত হই রণে ॥
 অশ্ব এল মণিপুরে, কহিলেক অনুরে,
 অহঙ্কারে ধরলাম আমি ।
 অশ্বভালে লেখা যত, পড়িয়া হইলু জ্ঞাত,
 শুন-শুন দেব-চক্রপাণি ॥

পরিচয় পিতৃসনে, ইচ্ছা করিলাম মনে,
বিশেষ কহিল চিত্তাঙ্গদা ।

অশ্বে লগ্নয়ে সাথে করি, কুসুম-চন্দন ভরি,
দূর করি আপন-মর্যাদা ॥

নানারত্ন স্রগ্ধাথে, দিয়া পার্শ্ব-পদভলে,
যথাযোগ্য করিছু প্রণাম ।

জারজ বলিয়া মোরে, লাখি মারিলেন শিরে,
সভাতে পাইনু অপমান ॥

তবু দুঃখ নাহি ধরি, আমি কৃতাঞ্জলি করি,
করিলাম অনেক বিনয় ।

শুন-শুন চক্রপাণি, নটীর তনয় আমি,
কহিলেন পার্শ্ব-মহাশয় ॥

এ-পাঞ্চভৌতিক দেহ, কাম-ক্রোধ-লোভ-মোহ,
সংবরিতে না পারিছু আমি ।

অবশেষে যুদ্ধকার্য্য, করিলাম শুন আৰ্য্য,
বুঝিয়া করহ দণ্ড তুমি ॥

অহঙ্কারে হ'য়ে মত্ত, না বুঝিছু ধর্ম্মতত্ত্ব,
বিনাশ করিছু জন্মদাতা ।

প্রবেশিয়া রসাতলে, নাগগণে জিনি বলে,
মণি আনি না দেখিছু মাথা ॥

আদি-অস্ত-বিবরণ, করিলাম নিবেদন,
কে লইল হরি পার্শ্বশির ।

আমি আপনার প্রাণ, না রাখিব ভগবান্,
ভাল হৈল এলে যদুবীর ॥

এত বলি বভ্রবাহ, ত্যজিয়া সকল মোহ,
দিব্য-অস্ত্র লইল তখন ।

নৃপস্তির হাতে ধরি, বারণ করেন হরি,
না মরিহ অর্জুন-নন্দন ॥

মহাভারতের কথা, শুনিলে ঘুচয়ে ব্যথা
কলির কলুষ হয় নাশ ।

কমলাকান্তের স্মৃত, স্মৃজনের শ্রীতিযুত
বিরচিল কাশীরাম দাস ॥

—

৩৩। মণিম্পর্শে অর্জুনাধিব জীবন-প্রাপ্তি ।

শ্রীজনমেজয় বলে, শুন তপোধন ।

কিমতে অর্জুন-বীর পাইল জীবন ॥

সে-সকল কথা এবে কহ মহাশয় ।

তোমার প্রসাদে শুনি থণ্ডুক বিস্ময় ॥

বলেন বৈশম্পায়ন, শুন নরপতি ।

কহি যে তোমারে আমি সে-সব ভারতী ॥

‘নিজ-পরিচয় দিল শ্রীবভ্রবাহন ।

করিলেন আশ্বাস তাহারে নারায়ণ ॥

গোবিন্দ বলেন, মুণ্ড লইল যেজন ।

তাহার মস্তক খসি পড়ুক এখন ॥

অর্জুনের মুণ্ড আসি স্কন্ধেতে লাগুক ।

ইহা কহিলেন কৃষ্ণ হ'য়ে সর্কোটুক ॥

তবে সেই ছু'-নাগের মস্তক খসিল ।

রাজা বভ্রবাহ তাহা নয়নে দেখিল ॥

বৃষকেতু-অর্জুনের মস্তক লইয়া ।

অনন্ত আপনি এল সানন্দ হইয়া ॥

দৌহাকার স্কন্ধে মুণ্ড করিল যোজন ।

সিঞ্চিলেন অমৃত আপনি নারায়ণ ॥

প্রাণদান পায় সবে মণির পরশে ।

রাখিলেন মণি কৃষ্ণ আপনার পাশে ॥

হস্তী অশ্ব-আদি আর যত যুতলোক ।

মণি হৈতে প্রাণ শেল, দূর হৈল শোক ॥

উঠিয়া বসিল যত নৃপতি-কুমার ।
মহাশঙ্কে সৈন্যসব বলে মার-মার ॥
আখাসিয়া সবাঁকারে দেব-নারায়ণ ।
ধনঞ্জয়ে কহিলেন সকল কথন ॥
যদুমণি মণি দেন অনন্তের স্থানে ।
মণি ল'য়ে গেল নাগ আপন-ভুবনে ॥

গোবিন্দ বলেন, শুন অৰ্জ্জুন-তনয় ।
কল্পধৰ্ম্ম আচরিলে, নাহি পাপভয় ॥
অপরাধ বলি তুমি না ভাবিহ মনে ।
কল্মষ-প্রধান-ধৰ্ম্ম সম্মুখ সংগ্রামে ॥
অৰ্জ্জুনের বুঝাইয়া কহিলেন হরি ।
বক্রবাহনের তোষ আলিঙ্গন করি ॥
কৃষ্ণবাক্যে ধনঞ্জয় সম্প্রীতি পাইয়া ।

বক্রবাহে তুষিলেন আলিঙ্গন দিয়া ॥
আমার নন্দন তুমি, বড় বলবান ।
ত্রিভুবনে বীর নাহি তোমার সমান ॥
সম্প্রীতি পাইয়া সবে দিল আলিঙ্গন ।
সবে বলে, বড় যোদ্ধা শ্রীবক্রবাহন ॥
প্রণমিয়া বক্রবাহ রহে যোড়হাতে ।
একনৃক্ষে নিরীক্ষয়ে পাণ্ডবের নাথে ॥
অনুশাস্ত্র-দৈত্য-সঙ্গে কৈল আলিঙ্গন ।
সবে বলে, ধন্য-ধন্য অৰ্জ্জুন-নন্দন ॥
চিত্রাঙ্গদা উলুপী গেলেন অন্তঃপুরে ।
হেথা কৃষ্ণ কহিলেন বক্রবাহনেরে ॥
তুরগ রাখিতে যাহ অৰ্জ্জুন-সংহতি ।
সঙ্গে লহ সেনাগণ ঘোড়া আর হাতী ॥
রাজা বক্রবাহ তবে হরষিত-চিত্তে ।
তুরগ রাখিতে গেল অৰ্জ্জুনের সাথে ॥
লক্ষধনু সেখানে ব্রাহ্মণে দিল দান ।
তুরগ লইয়া পার্শ্ব করিল প্রয়াণ ॥

এই বিবরণ আমি, কহিমু তোমায়ে ।
আর কি বলিব রাজা, বলহ আমায়ে ॥
মহাভারতের কথা অন্ত-সমান ।
কাশীরাম দাস কহে, শুনে পুণ্যবান ॥

৩৪। তাত্ত্বিকের সচিত অৰ্জ্জুনের যুদ্ধ ।

শ্রীজনমেজয় বলে, শুন তপোধান ।
অশ্ব-সঙ্গে কোথা গেল পাণ্ডুর নন্দন ॥
বলেন বৈশম্পায়ন, শুন জন্মেজয় ।
রত্নাবতীপুরে গেল পাণ্ডবের হয় ॥
রত্নাবতাপুরে রাজা শিখিধ্বজ-নাম ।
বড়ই ধার্মিক সেই, সর্বগুণধাম ॥
তাত্ত্বিক পুত্র তাঁর বীরের প্রধান ।
সংগ্রামে নাহিক কেহ তাহার সমান ॥
তার নামে বীরগণ হয় কম্পমান ।
কহিব সে-সব কথা, কর অবধান ॥
অখমেধ-যজ্ঞ করিবেন নরপতি ।
অশ্বরক্ষা করে তাত্ত্বিক মহামতি ॥
অশ্ব ল'য়ে আছে সেই নরদার তীরে ।
দৈবে অৰ্জ্জুনের অশ্ব গেল সেই পুরে ॥
অশ্ব দেখি তাত্ত্বিক আনন্দিত-মন ।
অশ্বকে ধরিল বীর করিয়া যতন ॥
লিখন পড়িয়া তার হৈল অহঙ্কার ।
পাণ্ডব-সমান বীর কেহ নাহি আর ॥
বীর্যমদে কলেবর কাঁপে অহঙ্কারে ।
ডাক দিয়া বলিল যতেক অনুচরে ॥
বাক্সিয়া রাখহ অশ্ব করিয়া যতন ।
দেখি, কি করিতে পারে পাণ্ডুর নন্দন ॥
অহঙ্কারে অশ্বভালে ক'রেছে লিখন ।
ধরিতে আমার অশ্ব পারে কোন জন ॥

এ-লিপি দেখিয়া ক্রোধ হইল আমার ।

যুদ্ধের কারণে আমি হই আগুসার ॥

শীত্র লহ সেনাগণ, ধনুর্বাণ হাতে ।

সকলে সসজ্জ হও সংগ্রাম করিতে ॥

নৃপাদেশে অনুচর অশ্ব ল'য়ে গেল ।

তাত্ত্বধ্বজ যুদ্ধহেতু সসজ্জ হইল ॥

শিখিধ্বজ-স্মৃত অশ্ব ধরিলেক বলে ।

শুনিয়া অর্জুন আজ্ঞা দিলেন সকলে ॥

আগু হৈল রুষকেতু ল'য়ে ধনুর্বাণ ।

তাত্ত্বধ্বজ-সহ তার বাজিল সংগ্রাম ॥

ডাক দিরা রুষকেতু বলে উচ্চৈঃস্বরে ।

কে ধরিল যজ্ঞ-অশ্ব মরিবার তরে ॥

যুধিষ্ঠির-সহায় আপনি নারায়ণ ।

পাণ্ডবে জিনিতে নারে এ-তিন-ভুবন ॥

তাত্ত্বধ্বজ বলে, কৃষ্ণ সবাচার পতি ।

না বুঝিয়া কহ কেন কুৎসিত-ভারতী ॥

ভক্তের অধীন কৃষ্ণ, ভজনেতে পাই ।

এ-তিন-ভুবনে তাঁর শত্রু কেহ নাই ॥

পাণ্ডবের কৃষ্ণ বলি কর অহঙ্কার ।

শুন রুষকেতু, জ্ঞান নাহিক তোমার ॥

দেখিব, কেমনে আজি জিনিবে সংগ্রাম ।

অশ্ব রাখি নিজদেশে করহ প্রয়াণ ॥

মম পিতা অশ্বমেধ যজ্ঞ আরম্ভিল ।

অশ্ব রাখিবার তরে মোরে পাঠাইল ॥

ভাল হৈল, এই অশ্ব দৈবে দিল আনি ।

লইতে যজ্ঞের অশ্ব না পারিবে তুমি ॥

রুষকেতু বলে, শুন নৃপতি-নন্দন ।

জিনিয়া আনিবু সঙ্গে যত রাজগণ ॥

যুবনাশ্ব-নীলধ্বজ-চংসধ্বজ-আদি ।

পর্যভব পেয়ে সবে আইল সংহতি ॥

বৃথা অহঙ্কার কর, মরিবে এখন ।

নহে অশ্ব অর্জুনে-র কর সমর্পণ ॥

রুষকেতু-বাক্যে বীর ক্রুদ্ধ হৈল মনে ।

যুড়িল পঞ্চাশ-বাণ ধনুকের গুণে ॥

কর্ণের নন্দন তাহা বারিতে নারিল ।

তাত্ত্বধ্বজ-বাণে বীর জর্জর হইল ॥

দৌহে মহাবলবন্ত, উভয়ে সোসর ।

প্রাণপণে কৈল দৌহে অনেক সময় ॥

তবে তাত্ত্বধ্বজ-বীর পাঁচবাণ দিয়া ।

রুষকেতু-রথধ্বজ ফেলিল কাটিয়া ॥

গুণ-ধনু কাটিলেক রথের সারথি ।

বিরথ হইল রুষকেতু মহামতি ॥

দশবাণে তাত্ত্বধ্বজ তাহাকে বিদ্ধিল ।

কর্ণের নন্দন রণে মুচ্ছাগত হৈল ॥

তবে রাজা যুবনাশ্ব স্নবেগ-সংহতি ।

তাত্ত্বধ্বজ-সহ বহু যুঝে মহামতি ॥

পিতা-পুত্রে মুচ্ছিত হইল দুইজনে ।

তবে অনুশাস্ত আসি প্রবেশিল রণে ॥

তাত্ত্বধ্বজ-সহ কৈল অনেক সংগ্রাম ।

ভূমিতে পড়িল দৈত্য হইয়া অজ্ঞান ॥

তবে হংসধ্বজ আর সে বক্রবাহন ।

প্রাণপণে দুইজনে কৈল বহরণ ॥

মহাবীর তাত্ত্বধ্বজ ভয় নাহি করে ।

জিনিতে নারিল কেহ তাত্ত্বধ্বজ-বীরে ॥

প্রাণপণে যুঝে সবে অনেক-প্রকারে ।

অচেতন হ'য়ে পড়ে রথের উপরে ॥

কেহ ভূমে পড়ি গেল হ'য়ে অচেতন ।

তবে রণে প্রবেশিল কৃষ্ণের নন্দন ॥

তাত্ত্বধ্বজ-সনে তেঁহ অনেক যুঝিল ।

বাহুল্য-কারণ তাহা নাহি লেখা গেল ॥

তাত্ত্বজ-বাণে তাঁর জরজর তনু ।
 অচেতন হ'য়ে রণে পড়ে ফুলধনু ॥
 আইল সাত্যকি-ভীম করিতে সমর ।
 ছাইল গগন দৌহে এড়ি নানা-শর ॥
 মহাবীর তাত্ত্বজ ভয় নাহি করে ।
 কাটিল ভীমের গদা দিব্য-পঞ্চ-শরে ॥
 ধনুর্বাণ হাতে ল'য়ে বীর বৃকোদর ।
 তাত্ত্বজ-সহ কৈল ভীষণ সমর ॥
 সাত্যকি সাহস করি এড়ে নানা-বাণ ।
 নৃপতি-তনয় তাহা করে খান-খান ॥
 তবে তাত্ত্বজ-বীর আশীবাণ দিয়া ।
 বিকিলেক ভীমসেনে জর্জর করিয়া ॥
 অচেতন হ'য়ে বীর পড়িলেন রথে ।
 নারথি ফিরাল রথ ভয় পেয়ে চিতে ॥
 সাত্যকি-সহিত তবে বাধে মহারণ ।
 তারে পরাজিল শিখিধ্বজের নন্দন ॥
 এ-সব ঈশ্বরলীলা কেহ নাহি জানে ।
 যতক পাণ্ডব-সৈন্যে পরাজিল রণে ॥
 তাহা দেখি অর্জুনের ক্রোধ হৈল মনে ।
 গাণ্ডাব লইয়া বীর প্রবেশেন রণে ॥
 অর্জুনে দেখিয়া তবে তাত্ত্বজ-বীর ।
 তীক্ষ্ণবাণ দিয়া তাঁর বিকিল শরীর ॥
 অর্জুন যতক বাণ যুড়েন ধনুকে ।
 তাত্ত্বজ নিবারিল বাণ দিয়া তাকে ॥
 নিবারিতে না পারিল তাত্ত্বজ-শরে ।
 অশ্বন জর্জর-অঙ্গ, রক্ত বহে ধারে ॥
 মহাকোপ উপজিল পাণ্ডুর নন্দনে ।
 ভয় পেয়ে জিজ্ঞাসেন দেব-নারায়ণে ॥
 ওহে কৃষ্ণচন্দ্র; আমি না পারি যুঝিতে ।
 সংগ্রামে সমর্থ নহি তাত্ত্বজ-সাথে ॥

ভীষ্ম-দ্রোণ-কর্ণ-বীরে পরাজিনু আমি ।
 নিশাতকবটে বিনাশিনু চক্রপাণি ॥
 থাণ্ডব সহিয়া আমি হুনিমু অনলে ।
 কালকেয়-নিপাত করিনু বাহুবলে ॥
 সংগ্রাম করিয়া আমি ভূষিনু শঙ্করে ।
 'জনিমু কৌরবগণে বিরাট-নগরে ॥
 চিত্ররথ-গন্ধর্বেব কৈমু অপমান ।
 আপনি জানহ তুমি আমার সংগ্রাম ॥
 সুরথ স্তম্ভা আমি নিপাতিনু রণে ।
 যুঝিতে না পারি আমি তাত্ত্বজ-সনে ॥
 বীর নাহি দেখি তাত্ত্বজের সমান ।
 শুন কৃষ্ণ, পাইলাম বড় অপমান ॥
 গোবিন্দ বলেন, সখা, ত্যজহ সমর ।
 মহাবলবান্ শিখিধ্বজের কোঙর ॥
 জিনিতে নারিবে তুমি তাত্ত্বজ-বীরে ।
 বৈষ্ণব উহার পিতা, বিদিত সংসারে ॥
 সারকথা বলি, সখা, কর অবধান ।
 তুমি কিংবা আমি হারি, একই সমান ॥
 তোমাতে আমাতে সখা, কিছু ভেদ নাই ।
 ভক্তের মর্যাদা আমি রাখিবারে চাই ॥
 রাজার সাহস আমি দেখাব তোমারে ।
 চল দুইজনে যাই পুরের ভিতরে ॥
 শিখিধ্বজ-সম দাতা নাচি ত্রিভুবনে ।
 সংগ্রাম ত্যজহ তুমি আমার বচনে ॥
 দ্বিজবেশে যাব আমি শিষ্য করি তোমা ।
 সাক্ষাতে দেখাব শিখিধ্বজের মহিমা ॥
 অথ পাবে, ভয় তুমি না করিহ মনে ।
 সংগ্রাম ত্যজিয়া তুমি এস মোর সনে ॥
 এত শুনি ধনঞ্জয় কৃষ্ণের উত্তর ।
 ঈষদ্ হাসিয়া বীর ত্যজেন সমর ॥

সংসারের সার তুমি দেব-চক্রপাণি ।
 তোমার মহিমা আমি বলিতে না জানি ॥
 পাণ্ডবের কৃষ্ণ বলি জানে সর্বজন ।
 তব পদে ভক্তি মোর নাহি নারায়ণ ॥
 দর্পহারী নাম তব বিদিত সংসারে ।
 সাক্ষাতে সে-সব তুমি দেখাও আমারে ॥

এত শুনি কৃষ্ণচন্দ্র হস্তমুখে কন ।
 তোমা-বিনা সখা মম আছে কোন্ জন ॥
 রণ জিনি তাত্ত্বধ্বজ ছাড়ে সিংহনাদ ।
 চলিল পিতার ঠাই লইতে প্রসাদ ॥
 মহাভারতের কথা অন্ত-সমান ।
 কাশীরাম দাস কহে, শুনে পুণ্যবান ॥

৩৫। যুদ্ধ জিনিয়া তাত্ত্বধ্বজের পিতৃ-সমীপে
 গমন ।

সংগ্রাম জিনিয়া রঙ্গে, নিজসৈন্য ল'য়ে সঙ্গে,
 তাত্ত্বধ্বজ গেল নিকেতনে ।
 বসন ধরিয়া গলে, জনকের পদতলে,
 প্রণমিল আনন্দিত-মনে ॥
 তাত্ত্বধ্বজ ষোড়হাতে, নিবেদন করে তাতে,
 শুন পিতা, মম নিবেদন ।
 নন্দনা-নদীর কূলে, অশ্ব রাখি কুতূহলে,
 সঙ্গে ল'য়ে নিজ-সৈন্যগণ ॥
 অশ্ব এক হেনকালে, উপনীত নদীকূলে,
 অনুচর তাহাকে ধরিল ।
 যুধিষ্ঠির-বজ্র-হয়, সঙ্গে এল ধনঞ্জয়,
 পদ্মে গড়ি সব জানা গেল ॥

নিয়োজিয়া অনুচরে, অশ্ব পাঠাইলু ঘরে,
 যুদ্ধ-আশে রহিলাম আমি ।
 হয়-গজ-চারু-রথে, নানা-অস্ত্র ল'য়ে হাতে,
 সৈন্য এল, লেখা নাহি জানি ॥
 ডাক দিয়া উচ্চৈঃস্বরে, বলে মোরে কটুভরে,
 রুষকেতু কর্ণের নন্দন ।

এ-তিন-ভুবন-মাঝে, হেন বীর কেবা আছে,
 অর্জুন-সহিত করে রণ ॥

পাঁচনি লইয়া হাতে, কৃষ্ণচন্দ্র বীর রথে,
 বাহে রথ হইয়া সারথি ।

আর যত আছে বীর, সংগ্রামেতে অতিদীর,
 জিনিতে না পারে সুরপতি ॥

শুনি তার বাক্যজাল, হৃদয়ে বাজিল শাল,
 উদ্ভিত হইল বীররস ।

বাণের অনল-ভয়ে, সর্গে দেব স্থির নহে,
 তপোবনে কম্পিত তাপস ॥

খাইয়া আমার বাণ, রুষকেতু হতজ্ঞান,
 পড়িয়া লোটায়ে ভূমিতলে ।

আরোহিয়া মত্তহাতী, অনুশাস্ত দৈত্যপতি,
 সংগ্রামে আইল হেনকালে ॥

নানা-অস্ত্র ল'য়ে হাতে, যুঝিল আমার সাথে,
 নিজমায়া করিল বিস্তর ।

বাণাঘাতে জরজর, কৈলু তার কলেবর,
 ভঙ্গ দিল দৈত্যের জঁহর ॥

তবে রাজা যুবনাথ, হাতে ল'য়ে মহাপাশ,
 পুত্র-সহ প্রবেশিল রণে ।

খাইয়া আমার বাণ, পিতাপুত্র হতজ্ঞান,
 ভূমিতে পড়িল ছুইজনে ॥

হংসধ্বজ নরপতি, সাহস করিয়া অতি,
সংগ্রাম করিল বহুতর ।

ভূণ-গুণ-ধনুর্বাণ, কাটি করি খান-খান,
অচেতন হৈল নরবর ॥

রাজা নীলধ্বজ এল, তাহার দুর্গতি হৈল,
ভূমিতে পড়িল অচেতন ।

আরোহিয়া দিব্যরথে, ধনুর্বাণ ল'য়ে হাতে,
রণে এল শ্রীবক্রবাহন ॥

বড় বলবান রাজা, অনল-সমান তেজা.
সংগ্রাম করিল নানামত ।

দুইজনে স্নান, করিলাম নানা-বাণ.
সে-কথা কহিতে পারি কত ॥

অচেতন হ'য়ে রণে, পড়িল আমার বাণে,
ভীম এল করিতে সংগ্রাম ।

সাত্যকি তাহার সাথে, নানা-অস্ত্র ল'য়ে হাতে,
দুইজনে মহাবলবান ॥

অনেক যুঝিল ভীম, প্রতাপেতে সে অসীম,
আগে ভয় জন্মিল অস্তুরে ।

শেষে ভঙ্গ দিয়া বীরে, পলাইল দিগন্তরে,
কহিলাম তোমার গোচরে ॥

তবে এল কৃষ্ণহৃত, মনে বড় হরষিত,
কামদেব মহাবলবান ।

যুঝিল আমার সাথে, ধনুর্বাণ ল'য়ে হাতে,
কি কহিব সে-সব ব্যাখ্যান ॥

অবধান কর তাত, পরাজিত রতিনাথ,
অচেতনে লোটায়ে ধরণী ।

গাণ্ডীব লইয়া হাতে, অর্জুন আইল রথে,
সারথি তাহাতে চক্রপাণি ॥

যুঝিল তাহার সনে, ভয় না করিল মনে,
পরাত্তব পাইল কিরীটী ।

পার্শ্ব হৈল অচেতন, আশ্বাসেন নারায়ণ,
পদাতিক পড়ে কোটি-কোটি ॥

এই যুদ্ধ-বিবরণ, করিলাম নিবেদন,
অশ্ব আনি দেখায় পিতারে ।

শিখিধ্বজ হরষিত, মনেতে হইয়া শ্রীত,
আলিঙ্গনে তুলিল পুত্রেরে ॥

মহাভারতের কথা, শুনিলে ঘুচয়ে ব্যথা,
কলির কলুষ-বিনাশন ।

কমলাকান্তের হৃত, হৃজনের শ্রীতিযুত,
কাশীরাম করিল রচন ॥

৩৬। ব্রাহ্মণবেশে শিখিধ্বজ-রাজের সত্যার
রক্ষাধ্বজের গমন ।

পুত্রের বচন শুনি আনন্দ পাইল ।
আলিঙ্গন দিয়া রাজা পুত্রেরে তুলিল ॥

শুভ-সমাচার পুত্র, কহিলে আমারে ।
আইলেন নারায়ণ রত্নাবতী-পুরে ॥

সার্থক তপস্যা মম হৈল এতদিনে ।
দেখিব পরমানন্দে অর্জুন-মিলনে ॥

বাকিয়া রাখহ অশ্ব, মিলাইল বিধি ।
সবাক্ষবে দেখিব সে কৃষ্ণ গুণনিধি ॥

শিব-ব্রহ্মা ধ্যানে ধীরে দেখিতে না পায় ।
হেন প্রভু আসিলেন আমার আশ্রয় ॥

ধীর পাদপদ্ম হৈতে গঙ্গার জনম ।
আইলেন মম পুরে সেই নারায়ণ ॥

যাঁর পাদ-পরগে সানন্দ। বহুমতী ।
 মুনিগণ যার পদ ভাবে দিবারাতি ॥
 হেন যাদবেন্দ্র আইলেন মম পুরে ।
 পূর্বতপঃফলে আমি দেখিব তাঁহারে ॥
 তুমি পুত্র আমার জন্মিলে শুভক্ষণে ।
 কৃষ্ণ-দরশন পাব অর্জুন-মিলনে ॥
 শুনিলাম তব মুখে যুদ্ধ-বিবরণ ।
 বাহুবলে পরাজিলে শ্রীবক্রবাহন ॥
 একলক্ষ রাজা যাঁর খাটে ছত্রতলে ।
 তাহাকে জিনিলে তুমি নিজ-বাহুবলে ॥
 অনুশাস্ত যুবনাথ বড় বীরবর ।
 সে-সবে জিনিলে তুমি করিয়া সমর ॥
 হংসধ্বজ-নীলধ্বজে পরাভব করি ।
 বিক্রমে জিনিলে তুমি বক-হিড়িম্বারি ॥
 সাত্যকি ও বৃষকেতু বড় বলবান্ ।
 সে-সবে জিনিলে তুমি, বিক্রমে প্রধান ॥
 পরাজিলে রতিনাথে আশ্চর্য্য-কথা ।
 অর্জুন তোমার বাণে হৈল অচেতন ॥
 এ-সব আশ্চর্য্য-কথা, শুনি লাগে ভয় ।
 একাকী করিলে তুমি সবাকারে জয় ॥
 পাণ্ডব-বান্ধব করিবেন আগমন ।
 অশ্বহেতু গোবিন্দের দেখিব চরণ ॥

এত বলি সানন্দ হইয়া নরপতি ।
 সমাজ করিল পাত্র-মিত্রের সংহতি ॥
 পুনঃ আলিঙ্গনে পুত্রে তোষে নৃপবর ।
 সিংহাসনে বসিলেন সভার ভিতর ॥
 হেথা জনার্দন যুক্তি বিচারিয়া মনে ।

দ্বিজরূপ হইলেন অর্জুনের সনে ॥
 বৃদ্ধ-বিপ্ররূপ হৈলা দেব-নারায়ণ ।
 রাজারে করিতে কৃপা করেন গমন ॥

খুদ্বিপুঁথি কাঁথে, শস্যরূপে ধনঞ্জয় ।
 নৃপতির স্থানে যান হইয়া নির্ভয় ॥
 সমাজ করিয়া রাজা আছেন যেখানে ।
 তথা উপনীত কৃষ্ণ অর্জুনের সনে ॥
 ব্রাহ্মণে দেখিয়া রাজা উঠিল সত্বরে ।
 প্রণমিয়া পাণ্ড-অর্থ্য দিল দ্বিজবরে ॥
 ষোড়হাত হ'য়ে রাজা বলেন বচন ।
 কিহেতু আইলা তুমি, কহ বিবরণ ॥

রাজার বচন শুনি দেব-নারায়ণ ।
 কপট করিয়া কৃষ্ণ বলেন বচন ॥
 শুনহ নৃপতি, মম দুঃখের কাহিনী ।
 কহিতে বদনে মম নাহি সরে বাণী ॥
 কৃষ্ণশর্মা-নামে দ্বিজ তোমার নগরে ।
 পুত্রের সম্বন্ধ আমি কৈনু তার ঘরে ॥
 বিবাহ-দিবস দৈবে নিকট হইল ।
 নিমন্ত্রণে ইষ্ট-বন্ধু-কুটুম্ব আইল ॥
 বর ল'য়ে আসিতেছিলাম হরষেতে ।
 দৈবে এক সিংহ আসি আগুলিল পথে ॥
 মম পুত্রে খাইবারে চাহিল কেশরী ।
 ভয়ে আমি জিজ্ঞাসিনু ষোড়হাত করি ॥
 আমারে ভক্ষণ কর ছাড়িয়া পুত্রেতে ।
 এক পুত্র বিনা আর নাহিক সংসারে ॥
 পুত্রশোক সহিবারে না পারিব আমি ।
 শুন সিংহ, আমারে ভক্ষণ কর তুমি ॥
 সিংহ বলে, তোমা খেয়ে প্রীতি না পাইব ।
 নবীন-মাংসেতে আমি উদর পুরিব ॥
 তপশ্চায় শুদ্ধ মাংস তোমার শরীরে ।
 খাইতে নারিব আমি, কহিষু তোমারে ॥
 পুত্রের নিমিত্ত মম হৈল বড় মায়। ।
 পুনঃ সিংহে কহিলাম ষোড়হাত হৈয়া ॥

কি বস্তু পাইলে ছাড় আমার কুমারে ।
আজ্ঞা কর, সেই দ্রব্য দিব যে তোমারে ॥
তবে সিংহ কহিলেন নিদারুণ-বাণী ।
সে-কথা কহিতে মনে বড় ভয় গণি ॥

রাজা বলে, কহ দ্বিজ, সেই ত কখন ।
কি কহিল কেশরী, শুনিব বিবরণ ॥
দ্বিজ বলে, সেই কথা কহিতে না পারি ।
যে নিষ্ঠুর-বাক্য মোরে কহিল কেশরী ॥
শুন বিপ্র, পুত্রের বাঞ্ছা যদি প্রাণ ।
শিখিধ্বজ-অঙ্গ-মাংস শীঘ্র কাটি আন ॥
নানা-ভোগযুক্ত সেই রাজ-কলেবর ।
খাইতে আমার বাঞ্ছা আছেয়ে বিস্তর ॥
তবে সে ছাড়িব আমি তোমার নন্দনে ।
এত বলি আজ্ঞা দিল কঠোর-বচনে ॥
নির্বন্ধ করিয়া আইলাম তব স্থান ।
তুমি অঙ্গ-মাংস দিলে রহে পুত্রপ্রাণ ॥
এই ভিক্ষা মাগি আমি তোমার গোচরে ।
আইলাম হেথা ইহা করিয়া অন্তরে ॥
এতেক বচন বিপ্র বলে বারে-বারে ।
নিজ-তনু দিয়া তুমি রাখহ কুমারে ॥

দ্বিজের শুনিয়া কথা হরিষ রাজন ।
দিব বলি অঙ্গীকার করিল তখন ॥
তাহা শুনি পাত্র-মিত্র করে হাহাকার ।
যোড়হাত করি বলে রাজার কুমার ॥

তাত্ত্বধ্বজ বলে, পিতা, শুন নিবেদন ।
তুমি গেলে শূন্য হবে রাজ-সিংহাসন ॥
আমি যাই দ্বিজসঙ্গে সিংহের সম্মুখে ।
পরম-হরিষে সিংহ খাইবে আমাকে ॥

রাজা বলে, যদি লয় তোমারে ব্রাহ্মণ ।
তবে সত্য হয় পুত্র, আমার বচন ॥

তবে তাত্ত্বধ্বজ বড় সঙ্গীতি পাইয়া ।
দ্বিজ-কাছে কহে কথা যোড়হাত হৈয়া ॥
শুন দ্বিজ, আপনাকে করি নিবেদন ।
যেই পিতা, সেই পুত্র, শাস্ত্রের কথন ॥
আমার নবীন-মাংসে তুষ্ট হবে হরি ।
পুত্র ল'য়ে যাবে তমি আপনার পুরী ॥
সিংহাসন শূন্য হবে রাজার গহনে ।
আমি শিশুমতি, প্রজা পালিব কেমনে ॥
অনুমতি দেহ, আমি যাই সিংহপাশে ।
নিজপুত্রে ল'য়ে তুমি যাহ গৃহবাসে ॥

এত যদি কহিলেন নৃপতি-নন্দন ।
তাহা শুনি হাসি বলে কপট-ব্রাহ্মণ ॥
যেই পুত্র, সেই পিতা, কহিলে প্রমাণ ।
সমান-শরীর, ইথে নাহি কিছু আন ॥
কিন্তু সে সিংহের কথা কহি যে তোমারে ।
নৃপতির অর্দ্ধ-অঙ্গ মাগিল আমারে ॥
নৃপতির অর্দ্ধ-অঙ্গ যদি পাই ভিক্ষা ।
তবে সে আমার পুত্র পাইবেক রক্ষা ॥
শুন রাজা শিখিধ্বজ, আমার বচন ।
সমস্ত-শরীরে মন নাহি প্রয়োজন ॥
অর্দ্ধ-অঙ্গ দিবে যদি বলহ আমারে ।
পুত্রহেতু ভিক্ষা আমি মাগিছু তোমারে ॥

রাজা বলে, অর্দ্ধ-অঙ্গ দিব আপনার ।
ইহাতে জিলেক দুঃখ নাহিক আমার ॥
অর্দ্ধ-অঙ্গ ব্রাহ্মণে দিবেন নরপতি ।
সমাচার পায় পুরে রাণী কুমুদর্তা ॥
তুই-চারি দাসী-সঙ্গে আইল সেখানে ।
যোড়হাত করি বলে দ্বিজ-সম্মুখানে ॥
নৃপতির অর্দ্ধ-অঙ্গ গণি যে আমাকে ।
মোরে সিংহে দিয়া রাখ আপন-বালকে ॥

কেন সিংহাসন শূন্য কর দ্বিজবর ।
 আজ্ঞা দেহ, যাই আমি সিংহের গোচর ॥
 আমা-দরশনে ভুঁষ্ট হইবে কেশরী ।
 পুত্রে ল'য়ে যাহ ভূমি আপনার পুরী ॥
 এত যদি রাজরাণী করিল সাহস ।
 গোবিন্দে নিম্নেন পার্থ হইয়া বিরস ॥

তবে কৃষ্ণ কহিলেন, শুনহ রাজন্ ।
 নারী বাম-অঙ্গ, মোর নাহি প্রয়োজন ॥
 দক্ষিণাঙ্গ-হেতু সিংহ কহিল আমারে ।
 তেঁই এই ভিক্ষা মাগি তোমার গোচরে ॥
 দক্ষিণাঙ্গ-দেহ মোরে, শুন নরপতি ।
 মন দিয়া শুন ভুমি সিংহের ভারতী ॥
 স্ত্রী-পুত্রে করাত ধরি তোমারে চিরিবে ।
 তবে তব অর্দ্ধ-অঙ্গ কেশরী লইবে ॥
 কেশরী কহিল এই নির্ভূর-বচন ।
 তবে সে পাইব আমি আপন-নন্দন ॥
 পরকালে তরিবারে এত যত্ন করি ।
 পুত্র-বিনে পুন্ড্রাম-নরকে ঘুরে মরি ॥
 অতএব এই ভিক্ষা মাগিনু তোমারে ।
 কাতর না হও, অর্দ্ধ-অঙ্গ দেহ মোরে ॥
 দক্ষিণাঙ্গ দিয়া হে পুরাহ অভিলাষ ।
 পরিণামে তোমার হইবে স্বর্গবাস ॥

শিখিধ্বজ বলে, অর্দ্ধ-অঙ্গ দিব আমি ।
 কণেক বিলম্ব কর দ্বিজবর, ভুমি ॥
 রাজা বলে, তাত্ত্বধ্বজ, আর দেবী কেনে ।
 করাত চিরহ মোরে সবা-বিদ্যমানে ॥

এত বলি স্নানদান করিয়া নৃপতি ।
 সভাতে বসিল রাজা দিব্যাসন পাতি ॥
 বসিলেন শিখিধ্বজ পূর্বমুখ হৈয়া ।
 নবীন-ভুলসী-মালা গলায় পরিয়া ॥

স্নান করি তাত্ত্বধ্বজ জননীর সনে ।
 করেতে করাত নিল আনন্দিত-মনে ॥
 ব্রাহ্মণের আজ্ঞা পুনঃ ল'য়ে যোড়হাতে ।
 করাত দিলেন তবে জনকের মাথে ॥
 অর্দ্ধ-অঙ্গ দেয় রাজা, উঠিল ঘোষণা ।

দেখিতে আইল যত নগরের জনা ॥
 শিশু যুবা বৃদ্ধ কেহ না রহিল ঘরে ।
 স্ত্রী-পুরুষ উপনীত নৃপতির পুরে ॥
 পথে যেতে পরস্পর কহে কোনজন ।
 আপনাকে নাশে রাজা ধর্ম্মের কারণ ॥
 কেহ বলে, ধন্য-ধন্য শিখিধ্বজ-রায় ।
 নিজতনু দিয়া রাজা স্বর্গপুরী যায় ॥
 কেহ বলে, ক্রেশ-বিনা নাহি হয় ধর্ম্ম ।
 কেহ বলে, নরপতি কৈল বড় কর্ম্ম ॥
 অনিত্য-শরীর এই, বিচারিয়া মনে ।
 আপনার অঙ্গ কাটি দিলেন ব্রাহ্মণে ॥
 চল-চল দেখি গিয়া নৃপতি-সাহস ।
 ভুবন ভরিয়া রাজা রাখিলেন যশ ॥
 দূর হবে যত পাপ রাজ-দরশনে ।
 দেখিলে সাহস হয়, সত্য জানি মনে ॥

এত বলি সর্বজন তথায় চলিল ।
 নৃপতির পুত্র-পত্নী করাত ধরিল ॥
 রাজা শিখিধ্বজ বলে, শুন কুমুদতী ।
 আমাকে চিরিতে নাহি হবে দুঃখমতি ॥
 করাত ধরহ, আমি ভয় নাহি করি ।
 চিরহ মস্তক মম চিন্তশুদ্ধ করি ॥
 মাতা-পুত্রে আনন্দিত রাজার বচনে ।
 চিরিছে মস্তক তার কৃষ্ণ-বিদ্যমানে ॥
 নৃপতির পুরেতে উঠিল হাহাকার ।
 বামচ'কে রাজার পড়িল জলধার ॥

অন্তর্যামী ভগবান্ জানেন সকল ।
 বলেন ঈশ্বর হাসি ভকত-বৎসল ॥
 আর অর্জু-অঙ্গে মম নাহি প্রয়োজন ।
 অশ্রদ্ধার দান আমি না করি-গ্রহণ ॥
 কান্দিয়া অর্জেক-অঙ্গ দিলে তুমি মোরে ।
 এ-দান লইয়া আমি নারি তরিবারে ॥
 না চিরিহ নৃপতিরে, শুন রাজরাণী ।
 কাতর হইলে দান নাহি লই আমি ॥

এত বলি নারায়ণ ধনঞ্জয়-সাথে ।
 সভা ত্যজি উঠিলেন আপনি স্বরিতে ॥
 কুমুদতী বলে নৃপে যোড়হাত হৈয়া ।
 না নিলেন দান ষ্টিজ কিসের লাগিয়া ॥
 শুনিয়া কহিল রাজা প্রিয়ারে বচন ।
 কাতর দেখিয়া দান না নিল ব্রাহ্মণ ॥

এত বলি শিখিধ্বজ গিয়া ছিন্নশিরে ।
 যোড়হাত হ'য়ে বলে কপট-দ্বিজেরে ॥
 বাম-নয়নেতে মম দেখি জলধার ।
 কাতর হইনু, মনে হইল তোমার ॥
 তোমার সাক্ষাতে সত্যকথা কহি আমি ।
 করাতের ব্যথা নয়, শুন দ্বিজমণি ॥
 যে-কারণে অশ্রুপাত বাম-নয়নেতে ।
 তাহার কারণ আমি কহি যে তোমাতে ॥
 দক্ষিণাঙ্গ তুমি মম করিলে গ্রহণ ।
 অভিমানে বাম-চক্ষু করয়ে ক্রন্দন ॥
 এই আপনার দোষ কহি যে তোমারে ।
 দক্ষিণাঙ্গ ল'য়ে তুমি যাহ ত সত্তরে ॥

এই বাক্য বলে রাজা কৃষ্ণ-বিভ্রমানে ।
 তাহা শুনি শ্রীহরির দয়া হৈল মনে ॥
 হাসিয়া বলেন কৃষ্ণ, অঙ্গ নরপতি ।
 আমি তোমা পরীক্ষিহু অর্জুন-সংহতি ॥

তাঁরধ্বজ-যুদ্ধে বড় সম্প্রাপ্তি পাইয়া ।
 আইলাম পার্থ-সঙ্গে কপট করিয়া ॥
 তোমার সাহস যত দেখিলাম আমি ।
 ঘোষিত হইল বশ, ধন্য রাজা তুমি ॥
 এত বলি বিপ্ররূপ ত্যজিয়া মুরারি ।
 সেইক্ষেণে হইলেন শাস্ত্রচক্রধারী ॥
 গদাপাশ চতুর্ভুজ, বনমালা গলে ।
 মকর-কুণ্ডল কর্ণে বলমল করে ॥
 ভকত-বৎসল হরি জানে নানা-মায়া ।
 মুগ্ধ করিলেন নিজ-মুক্তি প্রকাশিয়া ॥
 তবে রাজা শিখিধ্বজ হরষিত হৈয়া ।

প্রণমিল কৃষ্ণপদে পাশ্চ-অর্ঘ্য দিয়া ॥
 পরশিল নৃপ-শির দেব-জগৎপতি ।
 রাজা শিখিধ্বজ হৈল সুন্দর-মুরতি ॥
 তা' দেখি উঠিল পুরে জয়-জয়কার ।
 প্রণমিল কৃষ্ণপদে রাজার কুমার ॥
 কৃষ্ণপদে প্রণমিল রাজার রমণী ।
 আশীর্ব্বাদ সবাকারে দিলা চক্রপাণি ॥
 যোড়হাতে শিখিধ্বজ করেন স্তবন ।
 পরম-কারণ তুমি দেব-নিরঞ্জন ॥
 ব্রহ্মা বিষ্ণু মহেশ্বর তিনরূপ তুমি ।
 তোমার মহিমা প্রভু, কি বলিব আমি ॥
 করে পরশিলে তুমি আমারে শ্রীহরি ।
 আমার ভাগ্যের কথা কহিতে না পারি ॥
 সিদ্ধ হৈল অশ্বমেধ, শুন নারায়ণ ।
 অথ লহ, যজ্ঞে আর নাহি প্রয়োজন ॥

এত বলি দুই-অশ্ব সেখানে আনিল ।
 কৃষ্ণের সম্মুখে অশ্ব অর্জুনের দিল ॥
 অর্জুনের হাতে ধরি করিল প্রবেশ ।
 ক্রম অপরাধ বল, তুমি মহাবোধ্য ॥

তাত্ত্বধ্বজ যুদ্ধ কৈল তোমার সংহতি ।
 ক্রমহ সকল দোষ পার্থ মহামতি ॥
 অর্জুন বলেন, রাজা, নহে অবিচার ।
 আচরিল ক্ষত্রধর্ম তনয় তোমার ॥

তবে কৃষ্ণ কহিলেন, শুন নৃপবর ।
 যুধিষ্ঠির-যজ্ঞে যাবে হস্তিনা-নগর ॥
 আমন্ত্রণ তোমাতে দিলেন নরপতি ।
 কহিলাম তোমাতে যে, কর অবগতি ॥

শিখিধ্বজ বলে, আমি অর্জুনের সাথে ।
 আচ্ছা দেহ, যাই নাথ, তুরগ রাখিতে ॥
 পুত্র তাত্ত্বধ্বজে ডাকি সকলি কহিল ।
 পুরী রাখিবারে সেই অঙ্গীকার কৈল ॥
 অর্জুনের সঙ্গে রাজা চলিল আপনি ।
 সঙ্গেতে যতেক সৈন্য, লেখা নাহি জানি ॥
 মুচ্ছাংগত সৈন্য যত আছিল সমরে ।
 কৃষ্ণ-আচ্ছা পেয়ে সবে উঠিল সঙ্করে ॥
 কোলাহলে চলে পাণ্ডবের সেনাগণ ।
 অশ্ব-পিছে অর্জুনাঙ্গি করিল গমন ॥
 কাশীরাম দাসের প্রণাম সাধুজনে ।
 সদা যেন রহে মতি গোবিন্দ-চরণে ॥

৩৭। সরস্বতীপুরে অর্জুনাঙ্গির প্রবেশ ও
 যমের সহিত যুদ্ধ ।

শ্রীজনমেজয় বলে, শুন মহামুনি ।
 কোন্ দেশে গেল অশ্ব, কহ দেখি শুনি ॥
 বলেন বৈশম্পায়ন, শুন জনমেজয় ।
 সরস্বতীপুরে গেল পাণ্ডবের হয় ॥
 বীরভ্রম্ম-নায়ে রাজা তার অধিকারী ।
 সেই দেশে যার পার্থ সহিত যুদ্ধি ॥

বীরভ্রম্ম-নৃপতির পুত্র পঞ্চজন ।
 মহাবলবান্ তারা, গুণে বিচক্ষণ ॥
 ধর্মুর্বাণ-হস্তে তারা আছিল নগরে ।
 দৈবে দুই-অশ্ব তারা দেখিল গোচরে ॥
 বীর্য্যমদে অহঙ্কারে তুরগ ধরিল ।
 অনুচরে নিয়োজিয়া পুরে পাঠাইল ॥
 ধর্মুর্বাণ-হস্তে লৈয়া পঞ্চ-সহোদর ।
 সৈন্যেতে বেষ্টিত রহে করিতে সমর ॥
 তুরগ ধরিল বীরভ্রম্মার নন্দন ।
 তাহা দেখি অর্জুনের বিষম বদন ॥
 আশু হৈল বৃষকেতু ধর্মুর্বাণ-করে ।
 ডাক দিয়া বৃষকেতু বলয়ে তাদেরে ॥
 কে ধরিল যজ্ঞ-হয়, দেহ পরিচয় ।
 আশ্রয়শেষ হৈল কার, যাবে যমালয় ॥
 বৃষকেতু-বচনেতে কহে পঞ্চজন ।
 মোরা অশ্ব ধরি বীরভ্রম্মার নন্দন ॥
 যজ্ঞহেতু জনকের আছে অভিলাষ ।
 অশ্বমেধ-যজ্ঞ করি যাবে সর্গবাস ॥
 দৈবে আসি দুই-অশ্ব মিলিল নগরে ।
 কে তোমরা, পরিচয় দেহ আমাদেরে ॥
 বৃষকেতু বলে, আমি কর্ণের নন্দন ।

তব সঙ্গে পরিচয়ে কোন্ প্রয়োজন ॥
 বাক্যজালে দৌহাকার ক্রোধ উপজিল ।
 বৃষকেতু দশবাণ সন্ধান করিল ॥
 বীরভ্রম্ম-পুত্রগণ নিবারিল বাণে ।
 মারিল বিংশতি-বাণ কর্ণের নন্দনে ॥
 বাণাঘাতে বৃষকেতু মনে পায় ভয় ।
 হাতে ধনু, আশু হৈল অর্জুন-তনয় ॥
 চিত্রাঙ্গদা-সুত বীর-বারম্বার বাণ ।
 পঞ্চজনে বিজিয়া করিল খান-খান ॥

যকেতু-বজ্রবাহ বরিষয়ে শর ।
গণাঘাতে ভঙ্গ দিল পঞ্চ-সহোদর ॥
গজ বাজী পদাতিক ক্ষয় হৈল রণে ।
নিবেদয়ে পঞ্চভাই জনকের স্থানে ॥
যুদ্ধ-বিবরণ যত পিতারে कहিল ।
তাহা শুনি বীরব্রহ্মে ক্রোধ উপজিল ॥
জামাতার প্রতি তবে कहিল নৃপতি ।
রাখহ আমার দেশ করিয়া শক্তি ॥
পরাভব পায় মম পুত্র পঞ্চজন ।
আপনি সাজিয়া যাহ করিবারে রণ ॥
তোমার সাহসে কারে ভয় নাহি করি ।
বাহুবলে রক্ষা তুমি কর মম পুরী ॥

শুশুরের বাক্য শুনি সূর্যের নন্দন ।

দশু ধরি মহিষে করয়ে আরোহণ ॥
সংগ্রামে শমন এল দশু ল'য়ে হাতে ।
দরশনে সৈন্যগণ ভয় পায় চিতে ॥
বজ্রবাহনাদি করি যত বীরগণ ।
প্রাণপাণে কৈল সবে বাণ-বরিষণ ॥
শেল টাঙ্গি নানা-অস্ত্র-মুঘল মুদগর ।
ভিন্দিপাল-ক্ষুরপ্রাদি বাণ প্রাণহর ॥
সাহসে করয়ে যত বাণ-বরিষণ ।
দণ্ডেতে শমন সব করে নিবারণ ॥
যুবনাথ অনুশাষ হ্রবেগ-কুমার ।
ধনুক ধরিয়া সবে করে মহামার ॥
হংসধ্বজ নীলধ্বজ বরিষয়ে বাণ ।
সাত্যকি ধনুক ধরি করয়ে সংগ্রাম ॥
গদাঘাতে ভীমসেন প্রবেশিল রণে ।
যমের সংগ্রাম দেখি ভয় পায় মনে ॥
বীরবর প্রত্নেন্দ্র-সে অনেক যুঝিল ।
যমের সংগ্রামে সবে বিধ্বংস হইল ॥

ভয়ে ভঙ্গ দিল সবে রণ পরিহারি ।
যুঝিতে অর্জুন তবে এল ধনু ধরি ॥
সাহস করিয়া করিলেন বহুরণ ।
দণ্ডহস্তে যম সব করে নিবারণ ॥
ব্রহ্ম-অস্ত্র পাশুপত পুরেন সন্ধান ।
সংগ্রামে সমর্থ নহে, মনে ভয় পান ॥
যুদ্ধ ত্যজি পার্থ জিজ্ঞাসেন নারায়ণে ।
সংগ্রামে আটল যম কিসের কারণে ॥
কৃষ্ণ कहিলেন আদি-অস্তুর কখন ।
শুনিয়া প্রবোধ পান কুন্তীর নন্দন ॥
সেই কথা कहি আমি, শুন নরপতি ।
শুনিলে ভারত-কথা কৃষ্ণে হয় মতি ॥
শুন রাজা জন্মেজয়, অপূর্ব-কাহিনী ।

বারব্রহ্ম-কন্যা এক নামেতে মালিনী ॥
পরম-সুন্দরী কন্যা রতি জিনি রূপ ।
কন্যারে দেখিয়া বড় আনন্দিত হুপ ॥
দিনে-দিনে সেই কন্যা বাড়িতে লাগিল ।
পূর্ণিমার চন্দ্র যেন কলাতে পুরিল ॥
বিবাহের যোগ্যা কন্যা দেখিয়া নয়নে ।
মহারাজ বীরব্রহ্ম বিচারিল মনে ॥
বিবাহের যোগ্যা হৈল, ভাল নহে কাজ ।
কন্যা-কালাতীত হৈলে হয় লোকলাজ ॥
স্বয়ংবর-হেতু রাজা বিচারিল মনে ।
ডাকিয়া বলিল যত পাত্রেমিত্রগণে ॥

স্বয়ংবর-উদ্যোগ শুনিয়া রূপবতী ।
যোড়-করে জনকরে বলিল ভারতী ॥
কিসের লাগিয়া তুমি কর স্বয়ংবর ।
যমে বরিয়াছি আমি মনের ভিতর ॥
যমে আনি বিভা দেহ, শুন নরপতি ।
ত্রিভুবনে মম যোগ্য দেখি সেই পতি ॥

মরিলে সকলে যায় যমের নগরী ।
 কাহারে বরিব আর তাঁরে পরিহরি ॥
 ছুহিতার বাক্য শুনি বীরব্রজ-রায় ।
 মহামুনি নারদেহে আনিল সভায় ॥
 নৃপ-আমন্ত্রণ পেয়ে এল তপোধন ।
 পাণ্ড-অর্থ্য দিয়া রাজা বন্দিল চরণ ॥
 কহিল আপন-কথা করিয়া বিনয় ।
 মহামুনি নারদ গেলেন যমালয় ॥
 নারদে দেখিয়া যম করিল আদর ।
 যোগাইল পাণ্ড-অর্থ্য-আসন সত্বর ॥
 যম বলে, কি-হেতু আইলে তপোধন ।
 যম ভাগ্যে তোমার হইল আগমন ॥
 নারদ বলেন, যম, শুন মন দিয়া ।
 রাজা বীরব্রজা মোরে দিল পাঠাইয়া ॥
 মালিনী-নামেতে তাঁর কথা শ্রবণা ।
 তুমি স্বামী হবে, তার আছয়ে বাসনা ॥
 এইহেতু আগমন তোমার গোচরে ।
 আমার বচনে চল সরস্বতী-পুরে ॥
 অলঙ্ঘ্য মুনির বাক্য লজ্জিতে নারিয়া ।
 রবিস্তত যাত্রা কৈল ব্যাধিগণে লৈয়া ॥
 যম-আগমনে ব্যাধি লোকে লেপিল ॥
 ব্যাধিভয়ে লোকসব দুঃখিত হইল ॥

তবে নারদেহে জিজ্ঞাসিল নরপতি ।
 ব্যাধিভয়ে প্রজানাশ, কি করি যুক্তি ॥
 মুনি বলে, ধর্ম-পথে দেহ তুমি মন ।
 ব্যাধি না করিবে বল, শুনহ বচন ॥
 নারদের বাক্যে বীরব্রজা নরপতি ।
 পাত্র-মিত্র-প্রজা সবে ধর্ম দিল মতি ॥
 তবে রাজা জিজ্ঞাসিল নারদের স্থানে ।
 যমের বিলম্ব প্রভু, কিসের কারণে ॥

মুনি বলে, আসিবেন সূর্যের নন্দন ।
 নিশ্চয় তোমার কথা করিবে গ্রহণ ॥
 মালিনীর অভিলাষ বুঝিয়া অন্তরে ।
 শমন আইল বীরব্রজার গোচরে ॥
 আপনার পরিচয় কহিল রাজনে ।
 হরষিত বীরব্রজা যম-আগমনে ॥
 শুভক্ষণ দেখি কথা দিল নরপতি ।
 মালিনীর সঙ্গে হৈল যমের পীরিতি ॥
 তবে বীরব্রজা বলে যমের গোচরে ।
 কৃপা করি আপনি থাকিবা মম পুরে ॥
 যম বলে, শুন রাজা, আমার বচন ।

কতদিন তব পুরে করিব বঞ্চন ॥
 নর-নারায়ণ দৌহে না দেখি যাবৎ ।
 সত্য কহিলাম, আমি থাকিব তাবৎ ॥
 রাজা বলে, হবে মম কৃষ্ণ-দরশন ।
 নিশ্চয় কহিলে তুমি এ-সব বচন ॥
 আমি যবে নারায়ণে দেখিব নয়নে ।
 সেইকালে যাবে তুমি আপন-ভবনে ॥
 যমের বচন তবে না হইল আন ।
 অর্জুন-সহিত পুরে যান ভগবান্ ॥
 জামাতার সঙ্গে যুদ্ধে আইল রাজন্ ।
 কহিলেন অর্জুনে আপনি নারায়ণ ॥

শুন রাজা জন্মেজয়, কহিহু তোমাতে ।
 রাজা বীরব্রজা গেল সংগ্রাম-ভিতরে ॥
 দুইজনে কৈল রণ অর্জুনের সনে ।
 অর্জুন হ'লেন পার্থ দৌহাকার বাণে ॥
 যুদ্ধকালে ক্রোধ করি পাণ্ডুর কুমার ।
 এড়েন বৈক্য-অস্ত্র বিহু-অবতার ॥
 দেখিয়া পলায় বীরব্রজা নৃপমণি ।
 হাতে লগ্ন করি যম যুদ্ধে আসনি ॥

যমে দেখি কুপিত হইল হনুমান্ ।
লাঙ্গুলে জড়ায় তার সর্বপুৰীখান ॥
সাগরে ফেলিব বলি কৈল হেন মনে ।
দণ্ড ত্যজি যম বলে গোবিন্দ-চরণে ॥
হনুমানে আমার নাহিক অধিকার ।
আপনি রাখহ পুরী সংসারের সার ॥

গোবিন্দ বলেন, তুমি বল হনুমানে ।

রাখিবে রাজার পুরী তোমার বচনে ॥

তবে যম হনুমানে করিল বিনয় ।

মহাবলবান্ তুমি পবন-তনয় ॥

তোমার সমান বীর নাহি ত্রিভুবনে ।

বিনাশিলে লঙ্কাপুরী আপন-বিক্রমে ॥

সরস্বতী-পুরীখান দেহ মোরে দান ।

আমার বচন রাখ বীর হনুমান্ ॥

তুলিল লাঙ্গুল বীর ঈষৎ হাসিয়া ।

কৃষ্ণপাশে গেল যম যোড়হাত হৈয়া ॥

প্রণমিয়া কহিলেন দেব-নারায়ণে ।

রাজারে সদয় হও মম নিবেদনে ॥

অনুমতি দেন কৃষ্ণ যমের উত্তরে ।

রাজা বীরভ্রম্মা গেল কৃষ্ণের গোচরে ॥

ভুরগ রাখিয়া অগ্রে করিল প্রণতি ।

নর-নারায়ণ দেখি আনন্দিত-মতি ॥

যোড়হস্তে বীরভ্রম্মা করিল স্তবন ।

হইলেন সুপ্রসন্ন নৃপে নারায়ণ ॥

বিদায় লইয়া যম গেল নিজপুরী ।

তবে নৃপতিরে আজ্ঞা করেন শ্রীহরি ॥

যুধিষ্ঠির-যজ্ঞে তুমি করহ গমন ।

শুন বীরভ্রম্মা, তোমা কৈনু নিমন্ত্রণ ॥

বীরভ্রম্মা বলে, আমি ত্যজিলাম পুর ।

অৰ্জুন-সংহতি যার, শুনহ ঠাকুর ॥

পুত্রে সিংহাসন দিয়া বীরভ্রম্মা-রায় ।

অৰ্জুন-সহিত অশ্ব রাখিবারে যায় ॥

কহিনু তোমাতে আমি এষ্ট বিবরণ ।

অশ্বসঙ্গে আপনি চলেন নারায়ণ ॥

মহাভারতের কথা অমৃত-সমান ।

কাশীরাম কহে, শুনি বাড়ে দিব্যজ্ঞান ॥

৩৮। কোণ্ডিনাপুরে অৰ্জুনাদির প্রবেশ ও

চন্দ্রহংস-রাজের কথা ।

বলেন বৈশম্পায়ন, শুন জন্মৈজয় ।

কোণ্ডিন্য-নগরে গেল পাণ্ডবের হয় ॥

সেইদেশে চন্দ্রহংস-নামে নরপতি ।

পরম-ধাৰ্ম্মিক রাজা, বিদ্যুতে ভকতি ॥

প্রবেশ করিল অশ্ব কোণ্ডিন্য-নগরে ।

দূত গিয়া সমাচার দিলেক রাজারে ॥

তাহা শুনি চন্দ্রহংস অশ্বকে ধরিল ।

লিখন পড়িয়া সব বৃত্তান্ত জানিল ॥

রাজা যুধিষ্ঠির অশ্বমেধ-যজ্ঞ করে ।

অশ্বজ অৰ্জুন-এল অশ্ব রাখিবারে ॥

তাহা শুনি সানন্দ-অন্তরে নরপতি ।

দেখিব গোবিন্দে পার্থ-রথের সারথি ॥

অৰ্জুনের মিলনে দেখিব নারায়ণে ।

সকল আমার জন্ম হৈল এতদিনে ॥

এত বলি ছুই-অশ্ব ধরিয়া সত্বরে ।

বাঙ্কিয়া রাখিল হয় নিজ-অন্তঃপুরে ॥

সেই পুরে প্রবেশিতে যায় নাহি পারে ।

শুনি অৰ্জুনের চিন্তা হইল অন্তরে ॥

হেনকালে আইলেন নারদ সেখানে ।

অৰ্জুন প্রণাম কৈল শুনিল চরণে ॥

আশীর্ব্বাদ করি মুনি বসিল আসনে ।
পাইলেন বহুশ্রীতি কৃষ্ণ-দরশনে ॥
অৰ্জ্জুন বলেন, প্রভু, শুন নিবেদন ।
কোথা গেল দুই-অশ্ব সর্ব্ব-হুলক্ষণ ॥
অশ্বে না দেখিয়া অতি-দুঃখিত-অন্তর !
কৃপা করি ভার তত্ত্ব বল মুনিবর ॥

নারদ বলেন, শুন পাণ্ডুর তনয় ।
চন্দ্রহংস-পূরে দেখিলাম দুই-হয় ॥
অৰ্জ্জুন বলেন, রাজা কাহার সন্ততি ।
ধরিল আমার অশ্বে, কতেক শক্তি ॥
নারদ বলেন, শুন তাহার কথন ।
মহারাজ চন্দ্রহংস বিষ্ণুপরায়ণ ॥
ভাঁর দুইপুত্র আছে অতি অনুপাম ।
মকরাক্ষ পদ্মাক্ষ সে-দৌহাকার নাম ॥
ধরিল তোমার অশ্ব নিজ-অহঙ্কারে ।
চন্দ্রহংস-কথা যত কহিব তোমারে ॥
আত্মোপাস্ত সব-কথা কহে মুনিবরু ।
তাহা শুনি ধনঞ্জয় সম্প্রীত-অন্তর ॥

জিজ্ঞাসেন জন্মেজয়, শুন তপোধন ।
বিস্তারিয়া কহ চন্দ্রহংসের কথন ॥
বলেন বৈশম্পায়ন, শুন নরপতি ।
আদ্যোপাস্ত কহি চন্দ্রহংসের ভারতী ॥
বড় দুঃখী ছিল চন্দ্রহংস শিশুকুল ।
ধার্ম্মিক তাহার সম নাহি ভূমণ্ডলে ॥
তার পিতা দধিমুখ বিষ্ণুপরায়ণ ।
ধর্ম্ম-কর্ষ-বিনা আর না জানে রাজন ॥
অপুলক হ'য়ে রাজা আছে চিরকাল ।
পুত্রের কারণে যজ্ঞ কৈল মহীপাল ॥

কতদিনে চন্দ্রহংস লভিল জনম ।
পুত্র-দরশনে রাজা আনন্দিত-মন ॥
পুত্রের কারণে রাজা কৈল নানাদান ।
গজবাজী বিলাইল বিচিত্র-বিমান ॥
পরকূটে' মৈল দধিমুখ নরপতি ।
স্বামীর মরণে মৈল রাজার যুবতী ॥
তিন-দিবসের শিশু কিছু নাহি জানে ।
ধাত্রীতে পালিল তারে পরম-যতনে ॥
রক্তশূল-রোগে ধাত্রী মরণ লভিল ।
মাতামহ আসিয়া শিশুরে ল'য়ে গেল ॥
পরম-যতনে তারে করয়ে পালন ।
রক্ষা কৈলা চন্দ্রহংসে দেব-নারায়ণ ॥
দিনে-দিনে রাজপুত্র বাড়িতে লাগিল ।
চন্দ্রহংস বলিয়া শিশুর নাম দিল ॥
পঞ্চবৎসরের হৈল কুমার সুন্দর ।
মাতামহ-গৃহে আছে হরিষ-অন্তর ॥
শুন রাজা জন্মেজয়, অপরূপ-কাহিনী ।
চন্দ্রহংসে যেমতে রাখেন চক্রপাণি ॥
ধৃষ্টবুদ্ধি-নামেতে রাজার পাত্র ছিল ।
খাণ্ডে কালকূট দিয়া রাজারে মারিল ॥
আপনি করয়ে রাজ্য বসি সিংহাসনে ।
জন্মিয়াছে চন্দ্রহংস, ইহা নাহি জানে ॥
প্রতিদিন মন্ত্রী করে পুরাণ-শ্রবণ ।
প্রজার পীড়ন কর, ধর্ম্মে নাহি মন ॥
আশ্চর্য্য দেবের মায়া কে বুঝিতে পারে ।
নগর-নিবাসী যত যায় রাজপুরে ॥
শুনয়ে পুরাণ-পাঠ করিয়া যতন ।
শিশুসঙ্গে চন্দ্রহংস করয়ে গমন ॥

বসিয়া সমাজে শিশু শাস্ত্রকথা শুনে ।
 ভক্তির উদয় হৈল পুরাণ-শ্রবণে ॥
 শিশু দেখি আনন্দিত যত দ্বিজগণ ।
 মন্ত্রীকে জিজ্ঞাসে, এই কাহার নন্দন ॥
 নৃপতি-লক্ষণ দেখি ইহার শরীরে ।
 রাজা হবে এই শিশু কৌণ্ডিন্য-নগরে ॥
 অন্যথা ইহাতে নাই, শুন মন্ত্রিবর ।
 কহিনু ভবিষ্য-কথা তোমার গোচর ॥

মন্ত্রী বলে, নাহি জানি কাহার নন্দন ।
 অকস্মাৎ কি-কথা কহিলে দ্বিজগণ ॥
 বিপ্র বলে, এ-শিশুর নিরখিয়া মুক্তি ।
 লক্ষণে জানিনু, হবে রাজচক্রবর্তী ॥
 জন্মিল তোমার রিপু, ইথে নাহি আন ।
 শুন মন্ত্রিবর, ভূমি হও সাবধান ॥

বিপ্রে'র বচনে মন্ত্রী বিস্মিত হইল ।
 শিশুর বৃত্তান্ত লোক-মুখেতে শুনিল ॥
 দধিমুখ-পুত্র চন্দ্রহংস শিশুমতি ।
 শুনিল লোকের মুখে নিশ্চিত-ভারতী ॥
 ধৃষ্টবুদ্ধি দ্বিজ-সঙ্গে করিল বিচার ।
 মনেতে লাগিল প্রভু, বচন তোমার ॥
 এই শিশু বিনাশিতে করিব যতন ।
 বিপ্র বলে, এ-শিশুর নাহিক মরণ ॥

তাহা শুনি ধৃষ্টবুদ্ধি গেল নিজপুরে ।
 বিরলে বসিয়া একা মনেতে বিচারে ॥
 ব্যাধি-ঋণ-রিপু-শেষ থাকিলে বিষম ।
 মিথ্যা নহে এই কথা, কহে সর্বজন ॥
 এইকালে বিনাশিব নৃপতি-কুমারে ।
 নহে অবশেষে দুঃখ বিবেক আমারে ॥
 ধৃষ্টবুদ্ধি মন্ত্রী তবে বিচারিয়া মনে ।
 আদেশ করিল ভাকি চণ্ডালের গণে ॥

চন্দ্রহংসে মার শাস্ত্র করিয়া যতন ।
 ভো'-সবে ভূষিব আমি দিয়া নানাদান ॥
 মন্ত্রীর বচনে তারা করিল স্বীকার ।
 শিশু বিনাশিব প্রভু, কত বড় ভার ॥
 মন্ত্রী বলে, তত্ত্ব যেন কেহ নাহি জানে ।
 ডল করি তারে ল'য়ে যাবে জোরবনে ॥
 আজ্ঞায় চণ্ডালগণ চলিল স্বরিতে ।
 বনে প্রবেশিল চন্দ্রহংসে ল'য়ে সাথে ॥
 দূরে গেল যথা নাহি মনুষ্য-সংসার ।
 বন দেখি ভগ পায় নৃপতি-কুমার ॥
 বৃষ্টিতে ঈশ্বরলীলা কেহ নাহি পারে ।
 দয়া উপজিল দেখে চণ্ডাল-শরীরে ॥
 চণ্ডাল-সকলে মিলি করিল যুক্তি ।
 নয়নে না দেখি যোরা এহেন মুরতি ॥
 কিমতে বধিব এই শিশুর জীবন ।
 কেহ বলে, না মারিব শিশু অলক্ষণ ॥
 বামপদ-কনিষ্ঠ-অঙ্গুলি যে কাটিল ।
 কুহুর কাটিয়া রক্ত নৃপে দেখাইল ॥
 খলমতি ধৃষ্টবুদ্ধি হরিষ-অন্তরে ।
 নিশ্চিন্ত হইয়া মন্ত্রী মুখে রাজ্য করে ॥

কলিঙ্গ-নামেতে তার মন্ত্রী একজন ।
 যুগ্ময়া করিতে সেই করিল গমন ॥
 শুনিল বনের মধ্যে শিশুর ক্রন্দন ।
 কলিঙ্গ শিশুকে দেখি আনন্দিত-মন ॥
 অপুত্রক ছিল, শিশু দেখিয়া নয়নে ।
 হরিষে লইয়া গেল নিজ-নিকেতনে ॥
 চন্দ্রহংস আপনার পরিচয় দিল ।
 শুনিয়া কলিঙ্গ মনে সস্ত্রীতি পাইল ॥
 দিনকত পরে দিল নগরে ঘোষণা ।
 কলিঙ্গের পুত্র হইল শুনে সর্বজন ॥

ধূম্ভবুদ্ধি শুনিলেক এ-সব কাহিনী ।
যাচকে দিলেন দান নানা-ধন-মণি ॥
অপুত্রক ছিল পাত্র, হইল সন্ততি ।
শুনিয়া পাইল মনে অতিশয় ঐতি ॥

হেথা শিশু চন্দ্রহংস বাড়ে দিনে-দিনে ।
অস্ত্র-শস্ত্র নানা-বিদ্যা শিখিল যতনে ॥
ষোড়শ-বৎসরে শিশু হৈল বলবান ।
শয়নে-স্বপনে ভাবে দেব-ভগবান ॥
একাদশী ব্রত করি পূজে গদাধর ।
তাহা দেখি কলিঙ্গ বে হার্ষ-অন্তর ॥
বৈষ্ণব হইল পুত্র, বিমুগ্ধে ভকতি ।
হের দেখে সংসর্গের গুণ নরপতি ॥
কলিঙ্গ-নগরে ছিল যত প্রজাগণ ।
চন্দ্রহংস ডাকি সবে বলয়ে বচন ॥
একাদশী করি সবে পূজ নারায়ণ ।
অন্যাথা না কর, বাক্য শুন প্রজাগণ ॥
যতপি করিবে মোর নগরে বিশ্রাম ।
শুদ্ধচিত্ত হ'য়ে সবে কর হরিনাম ॥
পাষণ্ড-জনের মুখ না দেখিব আমি ।
ব্রত করি আনন্দেতে পূজ চক্রপাণি ॥
একাদশীব্রত যেইজন না করিবে ।
সত্য কহিলাম সেই দেশে না থাকিবে ॥
জীবহিংসা না করিবে আমার নগরে ।
এই নিরূপণ আমি কহিনু সবারে ॥
স্বধর্ম্মে থাকিয়া পূজ দেব-নারায়ণ ।
অস্ত্রেতে পাইবে স্বর্গ, শাস্ত্রের লিখন ॥
কৃষ্ণপদে যেইজন হইবেক বাম ।
কলিঙ্গ-নগরে তারে নাহি দিব স্থান ॥
এত যদি চন্দ্রহংস বলিল বচন !
সম্মতি দিলেক তাহে যত প্রজাগণ ॥

একাদশী করে চন্দ্রহংসের সংহতি ।
কলিঙ্গ কহিছে ধূম্ভবুদ্ধির ভারতী ॥
ধূম্ভবুদ্ধি হইতে আমার ধন-জন ।
ধূম্ভবুদ্ধি হৈতে মম ভুরগ-বারণ ॥
কর যত বাকী আছে, চাহি পাঠাইতে ।
কর নাহি দিলে রাজা হুঃখী হবে চিতে ॥
চন্দ্রহংস বলে, করে নাহি প্রয়োজন ।
ভেটের সামগ্রী দেহ করি সুশোভন ॥
তাহা শুনি কলিঙ্গের সানন্দ অন্তর ।
ভেটের সামগ্রী আনি দিলেক সত্তর ॥
অনুচরগণে তবে কলিঙ্গ ডাকিল ।
রাজ-সম্ভাষণে সবে মোর সঙ্গে চল ॥
ভেটদ্রব্য যত অনুচর-স্বন্ধে দিয়া ।
কলিঙ্গ পাঠায় সব হরষিত হৈয়া ॥
সামগ্রী আনিয়া দিল মন্ত্রী গোচরে ।
এত আয়োজন দেখি সানন্দ অন্তরে ॥
দৈবে একাদশী সেইদিন পুনীত ।
স্নান আচরিতে সবে চলিল ত্বরিত ॥
মন্ত্রী বলে, যাহ কোথা অনুচরগণ ।
রন্ধন-ভোজন-হেতু কর আয়োজন ॥
অনুচর বলে, প্রভু, আজি একাদশী ।
কিছু জাহি খাই মোরা, থাকি উপবাসী ॥
স্নান করি আমরা পূজিব নারায়ণ ।
কৃষ্ণনামে রজনী করিব জাগরণ ॥
একাদশী-প্রভাতে আচরি স্নান-দান ।
খাইব প্রসাদ-অন্ন পূজি ভগবান ॥
মন্ত্রী বলে, আরে বেটা, তোরা অল্পমতি
আমি নাহি জানি, তোরা কবে হৈলি ব্রতী ॥
কে দিলেক এই শিক্ষা, বলহ আমারে ।
শৌচ-আচমন-জ্ঞান নাহি তোরা-স্বারে ॥

অনুচরণ বলে, শুন নৃপবর ।

শুভকণে জন্মিলেন কলিঙ্গ-কোত্তর ॥

শিখাইল ব্রত তেঁহ, বিষ্ণুর পূজন ।

পাষণ্ড নাহিক দেশে তাঁহার কারণ ॥

সর্বজন বিদ্বুভক্ত তাঁহার মিলনে ।

কহিনু সকল-কথা তোমা-বিদ্যমানে ॥

অনুচর-বাক্যে মন্ত্রী বিস্ময় মানিল ।

দিব্যরথে চড়ি কলিঙ্গের পুরে গেল ॥

মন্ত্রী-আগমন শুনি কলিঙ্গ তখন ।

অগ্রসরি আনিলেক করিয়া যতন ॥

বসাইল দিব্যাসনে পাণ্ড-অর্ঘ্য দিয়া ।

পিতা-পুত্র সন্মুখে রহিল দাণ্ডাইয়া ॥

কলিঙ্গ বলিল, এই আমার নন্দন ।

তোমার প্রসাদে শিশু সর্ব-শুলকণ ॥

চন্দ্রহংস-নাম রাখি সুলক্ষ্য দেখিয়া ।

কহিনু তোমারে আমি নিকপট হৈয়া ॥

ধৃষ্টবুদ্ধি বলে, কহ আশ্চর্য্য-কথন ।

আমি বলি, এই নহে তোমার নন্দন ॥

গর্ভে এরে না ধরিল তোমার রমণী ।

কিমতে পাইলে তুমি, বল দেখি শুনি ॥

মিথ্যাকথা না কহিও আমার গোচরে ।

সত্যবাক্য কহ দেখি, জিজ্ঞাসি তোমারে ॥

কলিঙ্গ বলিল, মন্ত্রী, কর অবধান ।

মুগয়া করিতে আমি করিনু প্রয়াণ ॥

দৈবেতে পাইনু শিশু বনের ভিতরে ।

পালন করিনু আমি আনি নিজঘরে ॥

এই ত আমার পুত্র ভাগ্যেতে মিলিল ।

ইহা শুনি মন্ত্রী তবে মনেতে চিস্তিল ॥

ভাণ্ডিল চণ্ডালগণ শিশুকে রাখিয়া ।

কলিঙ্গ-ভবনে এল সঙ্কটে ভরিয়া ॥

কেমনে ইহারে আমি করিব নিধন ।

মনে-মনে ধৃষ্টবুদ্ধি করিল চিস্তন ॥

কপট করিয়া পত্র লিখিব নন্দনে ।

চন্দ্রহংসে বিনাশিব বিষের ভক্ষণে ॥

এই যুক্তি ধৃষ্টবুদ্ধি বিচারিল মনে ।

ইহা-বিনা যুক্তি কিছু না আইসে মনে ॥

এইমত বিচার করিয়া খলমতি ।

কলিঙ্গে বলিল, শুন আমার ভারতী ॥

মদনের স্থানে মোর আছে প্রয়োজন ।

পত্র ল'য়ে যাক তথা তোমার নন্দন ॥

দূতে না পাঠাব আমি এ-কার্য্য-সাধনে ।

মোর পত্র ল'য়ে যাক তোমার নন্দনে ॥

কলিঙ্গ কহিল, ভাল, করহ লিখন ।

পালিবে তোমার আজ্ঞা আমার নন্দন ॥

তবে মন্ত্রী ধৃষ্টবুদ্ধি বিরলে বসিয়া ।

মদনে লিখিল পত্র যতন করিয়া ॥

শুন রাজা জগ্গেজয়, পত্রের লিখন ।

খলের নির্ম্মল মতি নহে কদাচন ॥

স্বস্তি আগে লিখিয়া লিখিল আশীর্ব্বাদ ।

শুনহ মদন, তুমি আমার সংবাদ ॥

চন্দ্রহংসে পাঠাইনু তব বিদ্যমানে ।

যাওয়ামাত্র বিষদান করিবে যতনে ॥

তোমার মঙ্গল হবে এ-কর্ম্ম করিলে ।

নহে পুত্র, মহাদুঃখ পাবে ভাবিকালে ॥

কদাচিৎ না লজ্জিবে আমার বচন ।

বাইব পশ্চাতে আমি নিজ-নিকেতন ॥

আমার অপেক্ষা কদাচিৎ না করিবে ।

যাওয়ামাত্র চন্দ্রহংসে বিষদান দিবে ॥

পত্র লিখি পরে তাহে চিহ্ন এক দিল ।

চন্দ্রহংস-হাতে দিয়া বিশেষ কহিল ॥

শুন চন্দ্রহংস, তুমি বিষ্ণু-পরায়ণ ।
 মদনে লিখিলু আমি বিশেষ-কথন ॥
 না-পড়িবে এই পত্র, নিষেধিলু আমি ।
 মদনেরে পত্র দিয়া তত্ত্ব আন তুমি ॥
 শিব-বিষ্ণু ভেদ কৈলে যত পাপ হয় ।
 এ-পত্র পড়িলে হবে, কহিলু নিশ্চয় ॥

এত বলি পত্র দিল চন্দ্রহংস-হাতে ।
 কলিঙ্গ-নন্দন তাহা রাখিলেন মাথে ॥
 যাত্রা করিলেন চন্দ্রহংস শুভক্ষণে ।
 মস্ত্রীর ভবনে এল আনন্দিত-মনে ॥
 নিদাঘ-সময় সে প্রথম জ্যৈষ্ঠমাসে ।
 দেখিলেন উপবন নগর-প্রবেশে ॥
 চারিদিকে পুষ্পোচ্ছান, মধ্যে সরোবর ।
 বকুলের বৃক্ষ শোভে ঘাটের উপর ॥
 রম্যস্থান দেখি চন্দ্রহংস হরষিত ।
 বসিল বকুল-মূলে মনে হ'য়ে শ্রীত ॥
 পথশ্রমে চন্দ্রহংস বসিল সেখানে ।
 নিদ্রা আসি আকর্ষিল তাহার নয়নে ॥

শুন রাজা জন্মেজয়, অপূর্ব-কথন ।
 দৈবমায়া বুঝিতে না পারে কোনজন ॥
 কন্যা ধৃষ্টবুদ্ধির বিষয়া রূপবর্তী ।
 সখী-সঙ্গে উপবনে আইল ঝটিতি ॥
 পুষ্প ভুলি সেই কন্যা শিবপূজা করে ।
 স্নান-হেতু উপনীত হৈল সরোবরে ॥
 কতদূরে পুষ্প ল'য়ে আছে সখিগণ ।
 একাকিনী এল কন্যা স্নানের কারণ ॥
 বৃক্ষতলে নিদ্রা যায় পুরুষ সুন্দর ।
 কন্দর্প জিনিয়া রূপ অতি-মনোহর ॥
 কামাতুরা হৈল কন্যা তাহারে দেখিয়া ।
 মন্তক-উপরে পত্র দেখিতে পাইয়া ॥

পত্র ল'য়ে পড়িল বিষয়া রূপবর্তী ।
 পিতার লিখন দেখে মদনের প্রতি ॥
 যাওয়ামাত্র চন্দ্রহংসে বিষদান দিবে ।
 কদাচিত্ ইহাতে না বিলম্ব করিবে ॥
 লিখন পড়িয়া কন্যা করে মনস্তাপ ।
 বিষয়া ভাবেন, বড় নিদারুণ বাপ ॥
 দেখিয়া এহেন রূপ দয়া না জন্মিল ।
 বিষদান দিয়া এরে মারিতে লিখিল ॥
 বিষয়া ভাবিল, মোরে মিলাইল ধাতা ।
 নিশ্চয় হইব আমি ইহার বনিতা ॥
 পূজিলাম শিবপদ ইহার কারণে ।
 চন্দ্রহংস হবে পতি, বিচারিলু মনে ॥
 বিষদান দিতে পিতা লিখিলা মদনে ।
 কেমনে পাইবে রক্ষা, ভাবি তাহা মনে ॥
 নয়ন-কজ্জল নিল নখেতে করিয়া ।
 বিষয়া লিখিয়া দিল হরষিত হৈয়া ॥
 মুদ্রিত করিয়া পত্র-রাখে যথাস্থানে ।
 বিষয়া গেলেন ঘরে আনন্দিত-মনে ॥

স্নান করি কন্যাগণ শিবপূজা কৈল ।
 হেথা তবে চন্দ্রহংস-নিদ্রাভঙ্গ হৈল ॥
 দিবাশেষে উত্তরিল মদনের স্থানে ।
 দিলেন মস্ত্রীর পত্র পরম-যতনে ॥
 মদন পড়িয়া পত্র সকলি জানিল ।
 বিষয়াকে দান দিতে লিপি পাঠাইল ॥
 চন্দ্রহংসে সমর্পিব বিষয়া-সুন্দরী ।
 পিতার বচন আমি লজ্জিতে না পারি ॥
 আদেশিল দ্বিজগণে, বাজিল হাঁদলা ।
 অধিবাসে বসিলেন শুভক্ষণ-বেলা ॥
 নানাবাঘ হরিষে বাজায় রাজপুরে ।
 বিষয়াকে সমর্পিল চন্দ্রহংস-করে ॥

নানা-ধন-যৌতুকে তুঘিল তার মন ।
কীরভোগ অবশেষে কৈল দুইজন ॥
কুসুম-শয্যাতে দৌহে রহিলা শয়নে ।
হেথা মন্ত্রী ধূর্তবুদ্ধি বিচারিল মনে ॥
কলিঙ্গে করিল বন্দী, নিল সর্বধন ।
প্রজাগণে মহাপাপী করিল তর্জন ॥

রজনী-প্রভাতে হেথা মদন উঠিয়া ।
বাগ্বেদম করিলেক আনন্দিত হৈয়া ॥
যাচক আইল যত ভিক্ষার কারণে ।
তা'-সবারে মদন তুঘিল নানা-ধনে ॥
কারে দিল পাগ-ঘোড়া বসন-ভূষণ ।
কেহ-কেহ দান পায় তুরগ-বারণ ॥
পথেতে যতেক যায় হরষিত হৈয়া ।
মদন-প্রতিষ্ঠা যত কহিয়া-কহিয়া ॥

হেনকালে আসে মন্ত্রী কলিঙ্গ হইতে ।
নানা-রত্ন গজ-বাজী লইয়া সঙ্গেতে ॥
দেখিয়া মন্ত্রীয়ে আশিষিলা দ্বিজগণ ।
শুভকণ্ঠে তব পুত্র জন্মিল মদন ॥
বিষয়ায়ে দিলা দান চন্দ্রহংস-করে ।
তা'-সম সুন্দর নাহি সংসার-ভিতরে ॥
চক্ষু আছে মদনের বুঝি অভিপ্রায় ।
তুঘিলেন নানাধনে আশা-সবাকায় ॥

তাহা শুনি ধূর্তবুদ্ধি অতিকোপে জ্বলে ।
গৃহে গিয়া পুত্রে ডাকি কটুবাণ্য বলে ॥
ওরে, মোর কুলে তুই কুপুত্র জন্মিলি ।
কার বাক্যে চন্দ্রহংসে মোর কন্যা দিলি ॥
মদন বলিল, তব পাইয়া লিখন ।
চন্দ্রহংসে বিষয়ায়ে ক'রেছি অর্পণ ॥

মন্ত্রী বলে, কোথা পত্র, শীত্র আন দেখি ।
মদন যোগান পত্র হইয়া কোঁতুকী ॥

ধূর্তবুদ্ধি সেই পত্র করে নিরীক্ষণ ।
চন্দ্রহংসে অবিশ্বাস জন্মিল তখন ॥
মদনের দোষ নাই, বিচারিল মনে ।
চন্দ্রহংসে আনিতে কহিল সেইকণে ॥
চন্দ্রহংসে আনিবারে দাসী পাঠাইল ।
ধূর্তবুদ্ধি অশুচরে ডাকিয়া কহিল ॥

শুন অশুচরগণ, আমার ভারতী ।
চণ্ডিকা-আলয়ে সবে যাহ শীত্রগতি ॥
নিশীথে দেখিবে যারে চণ্ডিকার ঘরে ।
যদি মোর পুত্র হয়, কাটিবে তাহারে ॥
ছাড়িয়া না দিবে তারে, কহিলাম আমি ।
এত বলি অশুচরে দিলেক মেলানি ॥

তীক্ষ্ণ-অস্ত্র ল'য়ে তারা চলিল সত্বরে ।
চন্দ্রহংস এল হেথা মন্ত্রীর গোচরে ॥
বিষয়া-সহিত চন্দ্রহংস মহামতি ।
মন্ত্রীর চরণে আসি করিল প্রণতি ॥
আশীর্বাদ না করিল মনে দুঃখ পেয়ে ।
চন্দ্রহংসে কহে মন্ত্রী অধোমুখ হ'য়ে ॥
শুনিয়া, করিলে মোর ছুঁতাতা গ্রহণ ।
কিন্তু নাহি পূজা ছুমি চণ্ডীর চরণ ॥
কুলের দেবতা মোর হন ভগবতী ।
তাহারে পূজিতে তুমি যাহ শীত্রগতি ॥
নানা-উপহার গন্ধ-চন্দন লইয়া ।

চণ্ডিকা পূজিতে যাহ একাকী হইয়া ॥
চন্দ্রহংস বলিল, যেমন আজ্ঞা হয় ।
পূজিব চণ্ডিকা-পদ, জানিহ নিশ্চয় ॥

তাহা শুনি মন্ত্রী দাসীগণে আজ্ঞা দিল ।
নৈবেদ্য লইয়া চন্দ্রহংসে যোগাইল ॥
স্বর্ণথালে ধূপ-দীপ চন্দন-কল্লুরী ।
সুবাসিত-অল দিল ভূস্বারেতে পুরি ॥

চন্দ্রহংস-সম্মুখে আনিল দাসীগণ ।

চণ্ডিকা পূজিতে তবে করিল গমন ॥

ভূঙ্গারে পুরিয়া জল সব্য করে নিল ।

স্বর্ণপাত্র বামকরে লইয়া চলিল ॥

শুন রাজা জন্মেজয়, অপূর্ব-কথন ।

চন্দ্রহংসে যেমতে রাখেন নারায়ণ ॥

অপূর্ব কৃষ্ণের লীলা কে পারে বুঝিতে ।

পথে দেখা হৈল তার মদনের সাথে ॥

মদন বলিল, তুমি যাহ কোথাকারে ।

চন্দ্রহংস বলে, যাই দেবী পূজিবারে ॥

কুলদেবী নাহি পূজি, মন্ত্রী দোষ দিল ।

আয়োজন দিয়া মোরে হেথা পাঠাইল ॥

মদন বলিল, তুমি যাহ নিকেতন ।

আমি গিয়া চণ্ডিকারে করিব পূজন ॥

এত বলি চন্দ্রহংসে পাঠাইল পুরে ।

মদন চলিল হেথা দেবী পূজিবারে ॥

দেবী পূজে মদন হইয়া কৃতাজ্ঞল ।

গন্ধ-পুষ্প-ধূপ-দীপ দেয় কুতূহলি ॥

শঙ্খ-ঘণ্টা বাজায় মদন কুতূহলে ।

শব্দ পেয়ে রাজদূত এল হেনকালে ॥

মন্ত্রীর আদেশে তারা বিচার না কৈল ।

তীক্ষ্ণ-অস্ত্র দিয়া দূত মদনে কাটিল ॥

মন্ত্রীপুত্রে দেখি শেষে মনে পায় ভয় ।

অকস্মাৎ সেইখানে হৈল জয়-জয় ॥

হেথা চন্দ্রহংসে দেখি মন্ত্রী কোপে বলে ।

চণ্ডিকা পূজিতে তুমি কেন নাহি গেলে ॥

চন্দ্রহংস বলে, শুন মোর নিবেদন ।

আমাকে যাইতে তথা না দিল মদন ॥

আপনি গেলেন তথা দেবী পূজিবারে ।

ওঁঙ্কার বচনে আমি আইলাম পুরে ॥

চন্দ্রহংস-মুখে শুনি এতেক ভারতী ।

হা পুত্র বলিয়া তবে ধায় খলমতি ॥

চণ্ডিকা-মণ্ডপে গিয়া চতুর্দিকে চায় ।

কাটা-স্কন্ধ মদন ভূতলে পড়ি রয় ॥

মুণ্ড হাতে ল'য়ে মন্ত্রী করয়ে রোদন ।

আহা মরি, কোথা গেলি পুত্র রে মদন ॥

এত বলি ধূম্ভবুদ্ধি আত্মঘাতী হৈল ।

পুত্রশোকে আপনার মস্তক কাটিল ॥

প্রমাদ দেখিয়া তবে অনুচরগণ ।

চন্দ্রহংসে আসিয়া করিল নিবেদন ॥

মদন-সহিত মন্ত্রী ভূতলে লোটায় ।

তত্ত্ব নাহি জানি, কেবা কাটিল দৌহায় ॥

শুনিয়া দূতের মুখে প্রমাদ-বচন ।

চন্দ্রহংস গেল শীঘ্র চণ্ডিকা-ভবন ॥

বিচ্ছিন্ন-মস্তক দৌহে আছয়ে পড়িয়া ।

ভয় পায় চন্দ্রহংস দৌহারে দেখিয়া ॥

ঘোড়হাতে চণ্ডিকারে করেন স্তবন ।

বিষ্ণুরূপা বর্ণময়ি, শুন নিবেদন ॥

বিষ্ণুজায়া বৈষ্ণবী যে ব্রহ্মাণী কমলা ।

হরপ্রিয়া হৈমবতি, হও অনুকূলা ॥

তোমার মহিমা মাতা, কেহ নাহি জানে ।

নিদ্রারূপা হও তুমি বিষ্ণুর ময়নে ॥

এত বলি চন্দ্রহংস নানা-স্তুতি কৈল ।

তথাপিহ অভয়ার কৃপা না হইল ॥

ভক্ত চন্দ্রহংস তবে বিচারিয়া মনে ।

আপনা কাটিতে খড়্গ লইল তখনে ॥

বৈষ্ণব-বিনাশ দেখি নগেন্দ্র-নন্দিনী ।

আসি চন্দ্রহংস-হস্ত ধরেন তখনি ॥

তবে চন্দ্রহংস বলে চরণে ধরিয়া ।

পিতা-পুত্রে দুইজনে দেহ জীয়াইয়া ॥

চন্দ্রহংস-বাক্যে দেবী দৌড়ে বাঁচাইল ।
মদন-সহিত মন্ত্রী উঠিয়া রুসিল ॥
চন্দ্রহংস-তপোবল দেখিয়া নয়নে ।
মন্ত্রিবর তুষিলেন তাঁরে আলিঙ্গনে ॥

ধৃষ্টবুদ্ধি বলে, মোর রাজ্যে নাহি কাজ ।
আজি হৈতে চন্দ্রহংস হৈল মহারাজ ॥
চলিষু কাননে আমি যোগ সাধিবারে ।
হিংসিষু বৈষ্ণব-জনে, কি কাজ শরীরে ॥
এত বলি বিবেকী হইল ধৃষ্টবুদ্ধি ।
চলি গেল বনেতে করিতে যোগসিদ্ধি ॥

হেথা চন্দ্রহংস তবে কহিল মদনে ।
রাজ্য করহ তুমি বসি সিংহাসনে ॥
মদন বলিল, রাজ্যে নাহি প্রয়োজন ।
শুন চন্দ্রহংস, তুমি লহ সিংহাসন ॥
মন্ত্রী হ'য়ে থাকি আমি তোমার গোচরে ।
রাজ্য-ধন-হস্তি-অশ্ব দিলাম তোমারে ॥
মদন হইল মন্ত্রী, চন্দ্রহংস রাজা ।
তাহা দেখি আনন্দিত যত-সব প্রজা ॥
কলিঙ্গে আনিল চন্দ্রহংস নরপতি ।
নানা-সুখভোগে তাঁর জন্মাল পীরিতি ॥
বিষয়ার গর্ভে হৈল সুগল নন্দন ।

মকরাক্ষ পদ্মাক্ষ যে দৌড়ে বিচক্ষণ ॥
পুনশ্চ কলিঙ্গ গেল আপন-মগরে ।
চন্দ্রহংস রাজ্য-ধন সব দিল তাঁরে ॥
শুন রাজা জন্মেজয়, অপূর্ব-কাহিনী ।
চন্দ্রহংসে রাখিলেন দেব-চক্রপাণি ॥

অর্জুন শুনিয়া কথা নারদের মুখে ।
প্রবেশ করেন পুরে পরম-কোতুকে ॥
আনন্দিত চন্দ্রহংস পার্শ্ব-আগমমে ।
কৃষ্ণ-দরশন পায় অর্জুন-মিলনে ॥

চন্দ্রহংস বলে, শুন পুত্র দুইজন ।
আনহ যজ্ঞের অশ্ব করিয়া যতন ॥
অশ্ব ল'য়ে এল রাজা হরষিত-মতি ।
রাখিলেন দুই-অশ্ব, যথা জগৎপতি ॥
প্রণমিল চন্দ্রহংস লোটায়া ক্রিতি ।
পুলকে আকুল তমু, করিয়া ভকতি ॥
অভয়-চরণে শত প্রণাম করিয়া ।
যোড়হাতে চন্দ্রহংস রহে দাণ্ডাইয়া ॥
চন্দ্রহংসে আশ্বাসেন দেব-নারায়ণ ।
অর্জুন ভূষেন তাঁরে দিয়া আলিঙ্গন ॥
সবাক্ষবে কৈল রাজা কৃষ্ণ-দরশন ।
নিজালয়ে ল'য়ে গেল করিয়া যতন ॥
নানা-উপচারে সবে সন্তুষ্ট করিল ।
কোণ্ডিন্য-নগরে দুই-দিবস বঞ্চিল ॥
কহিলাম তোমা চন্দ্রহংসের ভারতী ।
যেইজন শুনে ইহা, কৃষ্ণে হয় মতি ॥
পাণ্ডব-বিজয়-কথা অমৃত-লহরী ।
শুনিলে অধর্ম খণ্ডে, পরলোকে তরি ॥
কাশীরাম দাস কহে রচিয়া পয়ায় ।
অবহেলে শুনে যেন সকল সংসার ॥

৩২। মণিভদ্র-রাজের দেশে অর্জুনাদির
গমন ।

বলেন বৈশম্পায়ন, শুন জন্মেজয় ।
উত্তর-মুখেতে গেল পাণ্ডবের হয় ॥
দুইগোটা অশ্ব গেল উত্তর-সাগরে ।
প্রবেশিল দুই অশ্ব সলিল-ভিতরে ॥
তাহা দেখি ভয় পায় ঋত সেনাগণ ।
অর্জুন বলেন, কিবা হৈবে নারায়ণ ॥

সলিলেতে দুই অশ্ব করিল প্রবেশ ।
কেমনে পাইব অশ্ব, বল হ্রদীকেশ ॥
গোবিন্দ বলেন, তুমি চিন্তা কর কেনে ।
প্রবেশিব জলমধ্যে অশ্ব-অশ্বেষণে ॥

এত বলি পার্শ্বে ল'য়ে যান জগৎপতি ।
রাজা বক্রবাহ গেল দৌহার সংহতি ॥
ভীম-আদি বীর-সব রহিলেন কূলে ।
বক্রবাহ কৃষ্ণার্জুন প্রবেশিলা জলে ॥
বাগ্দালভ্য-মুনির নিকটে গেল চলি ।
জানেন সকল তত্ত্ব দেব বনমালী ॥
দ্বীপেতে আছেন মুনি বটপত্র শিরে ।
উপনীত তিনজন মুনির গোচরে ॥
প্রণমিয়া মুনিবরে বসে তিনজন ।
নারায়ণে দেখি মুনি আনন্দিত-মন ॥
ঈষৎ হাসিয়া তবে জিজ্ঞাসেন হরি ।
দ্বীপমধ্যে আছ বটপত্র শিরে ধরি ॥
আশ্রম না কর তুমি কিসের কারণে ।
কতদিন মুনিবর, আছ এইস্থানে ॥

বাগ্দালভ্য-মুনি তবে বলেন হাসিয়া ।
কি-কারণে ছুঃখ পাব আশ্রম করিয়া ॥
অল্পকাল পরমায়ু দিল নারায়ণ ।
আজি-কালি মরি, গৃহে কোন্ প্রয়োজন ॥
মুনির বচনে জিজ্ঞাসেন ধনঞ্জয় ।
কতদিন এখানে আছেন মহাশয় ॥

মুনি বলে, এক কল্প আমার জনম ।
শত-মহাস্তর বটপত্র-আচ্ছাদন ॥
পার্থ বলে, মহাস্তর কতদিনে হয় ।
এক কল্প কারে বলে, কহ মহাশয় ॥
বাগ্দালভ্য বলে, শুন ইন্দ্রের নন্দন ।
একান্তর যুগে মহাস্তরের গণন ॥

চতুর্দশ-মহাস্তরে এক কল্প হয় ।
এই পরমায়ু মোর পাণ্ডুর তনয় ॥
এত অল্পদিনে কিবা কার্য আশ্রমেতে ।
অতএব আছি আমি বটপত্র-মাথে ॥
কোথা যাহ তিনজন, বলহ আমারে ।
কি-কারণে আসিয়াছ আমার গোচরে ॥
অর্জুন বলেন, যজ্ঞ করে যুধিষ্ঠির ।
অশ্ব রাখি আমি যে, সঙ্গেতে যতুবীর ॥
না জানি যজ্ঞের অশ্ব গেল কোন্‌খানে ।
অশ্ব-তত্ত্বে আইলাম তোমা-বিদ্যামানে ॥

অর্জুনের বচন শুনিয়া মুনিবর ।
ঈষৎ হাসিয়া তাঁরে দিলেন উত্তর ॥
মিথ্যা অশ্বমেধ কর, ভক্তি নাহি মনে ।
অশুক্ষণ কৃষ্ণচন্দ্রে দেখিছ নয়নে ॥
তথাপি করহ যজ্ঞ, কি বলিব আমি ।
সত্য বলি অর্জুন, জানহ চক্রপাণি ॥
কে বুঝিবে কৃষ্ণলীলা পাণ্ডুর নন্দন ।
শিব-ব্রহ্মা নারিল করিতে নিরূপণ ॥

এত বলি মুনিবর যোড়হাত হৈয়া ।
করিল কৃষ্ণের স্তব বিনয় করিয়া ॥
তোমার মায়ায় স্থির নহে স্বরগণ ।
কিসেতে গণনা করি পাণ্ডুর নন্দন ॥
পূর্ব-তপঃফলে তব দেখিছু চরণ ।
হইল পবিত্রে আজি আমার জীবন ॥

এত বলি ভূষিলেন দেব-নারায়ণে ।
সে দ্বীপ ভ্রমিয়া অশ্ব এল সেইখানে ॥
সলিল ত্যজিয়া অশ্ব কূলেতে উঠিল ।
তাহা দেখি অর্জুনের আনন্দ হইল ॥
মুনিরে প্রণমি চলিলেন তিনজন ।
অশ্ব-আগমনে হুঃখী যত ব্যাজগণ ॥

বলেন বৈশম্পায়ন, শুন জন্মেজয় ।
সিদ্ধুপুরে গেল তবে পাণ্ডবের হয় ॥
তার অধিকারী মণিভদ্র নরপতি ।
দুঃশলার গর্ভে জয়দ্রথের সন্ততি ॥
কুরুক্ষেত্রে পার্শ্ব-হস্তে জয়দ্রথ মৈল ।
তার পুত্র মণিভদ্র রাজ্যে রাজা হৈল ॥
দূতমুখে শুনে অর্জুনের আগমন ।
সসৈন্যে আসেন তিনি করিবারে রণ ॥
শুনি ভয়ে পলাইল রাজ্য পরিহরি ।
অর্জুন দেখেন তবে অরাজক-পুরী ॥
পাণ্ডবের সৈন্য যত প্রবেশিল পুরে ।
তাহা দেখি প্রজাগণ কম্পিত অন্তরে ॥

অর্জুন বলেন এই কাহার নগর ।
প্রজাগণ বলে, শুন সে-সব উত্তর ॥
রাজা জয়দ্রথ ছিল ইথে অধিকারী ।
কুরুক্ষেত্রে-যুদ্ধে সেই গেল স্বর্গপুরী ॥
তাহার তনয় মণিভদ্র নরবর ।
শুনিয়া তোমার নাম পলায় সত্বর ॥
পরিবার-সহ রাজা গেল পলাইয়া ।
কহিলু তোমার ঠাই বিনয় করিয়া ॥

হাসিলেন ধনঞ্জয় এ-কথা-শ্রবণে ।
সাত্যকিরে পাঠালেন আশ্বাস-কারণে ॥
সাত্যকি সন্ধান করি করিল গমন ।
দুঃশলাকে কহিলেন মধুর-বচন ॥
প্রবোধ করিয়া তবে সাত্যকি আনিল ।
পুত্র-সহ দুঃশলা অর্জুন-কাছে গেল ॥

অর্জুন বলেন, ভগ্নি, কিসের কারণ ।
ভয়ান্তা হইয়া তুমি কৈলে পলায়ন ॥
পূর্ব-বিবরণ তুমি মনেতে করিয়া ।
ভয়ে পলাইলে রাজ্য-ধন তোমারিয়া ॥

সে-ভয় নাহিক আর, কহিলাম আমি ।
হস্তিনা-নগরে মম সঙ্গে চল তুমি ॥
তবে মণিভদ্র আসি বন্দিল অর্জুনে ।
অনেক প্রণাম কৈল লোটাওয়ায় তুমি ॥
আলিঙ্গনে তাহারে তুবেন ধনঞ্জয় ।
নির্ভয় হইল জয়দ্রথের তনয় ॥
আমার বচন শুন দুঃশলা ভগিনি ।
অশ্বমেধ-যজ্ঞ করে ধন্য-নৃপমণি ॥
ভুরগ রাখিতে আমি আইলাম হেথা ।
শুন ভগ্নি, পুত্র-সঙ্গে চল তুমি তথা ॥
যজ্ঞেতে যাউতে তোমা হয় যে উচিত ।
আইস আমার সঙ্গে, নাহি হও ভীত ॥
পিতামাতা দৌড়াকার বন্দিবে চরণ ।
যজ্ঞসাক্ষ হৈলে তুমি আসিবে ভবন ॥

এত যদি পার্শ্ববীর আশ্বাস করিল ।
জননী-সহিত মণিভদ্র যাত্রা কৈল ॥
পাত্র-মিত্র সবাকারে নিয়োজিয়া পুরে ।
যাত্রা কৈল মণিভদ্র হস্তিনা-নগরে ॥
সঙ্গে ল'য়ে কত অনুচর অশ্ব-হাতী ।
হস্তিনা-নগরে যায় আনন্দিত-মতি ॥
মহাভারতের কথা অমৃত-সমান ।
কানীরাম দাস কহে, শুনে পুণ্যবান ॥

৪০। হস্তিনার অর্জুনাতির পুনঃপ্রবেশ ও
অশ্বমেধ-যজ্ঞ-সমাপন ।

বলেন বৈশম্পায়ন, শুন জন্মেজয় ।
পৃথিবী ভ্রমণ কৈল পাণ্ডবের হয় ॥
পুনশ্চ আইল অশ্ব হস্তিনা-নগরে ।
এই বিবরণ রাজা, কহিলু তোমাতে ॥

এবে শুন যজ্ঞসাগ্র হইল যেমনে ।
 নিবৃত্ত হইল সবে হরষিত-মনে ॥
 তুরগ ধরিয়া ভীম নিজ-বাহুবলে ।
 হস্তিনা প্রবেশ করে সবে কুতূহলে ॥
 দূত গিয়া সম্রাচার কহে যুধিষ্ঠিরে ।
 অশ্ব ল'য়ে ধনঞ্জয় আইলেন পুরে ॥
 তাহা শুনি যুধিষ্ঠির আনন্দিত-মতি ।
 বলিলেন, অর্জুনেরে আন শীঘ্রগতি ॥
 নৃপাদেশে অর্জুন সহিত-নারায়ণ ।
 যুধিষ্ঠির-সম্মুখেতে করে আগমন ॥
 অসিপত্রব্রত পালি পেয়ে বড় হুঃখ ।
 কোতুকে চাহেন রাজা অর্জুনের মুখ ॥
 প্রণাম করেন দৌহে রাজার চরণে ।
 আশীর্ব্বাদ দেন রাজা আনন্দিত-মনে ॥
 মুনিগণে প্রণাম করেন ধনঞ্জয় ।
 বসিলেন ধর্ম্মপাশে সানন্দ-হৃদয় ॥
 ধর্ম্মরাজ জিজ্ঞাসেন অর্জুনের স্থানে ।
 আত্মোপাস্ত কথা ভাই, কহ সাবধানে ॥
 অর্জুন কহেন কথা করিয়া বিনয় ।
 যথা-যথা ভ্রমণ করিল যজ্ঞ-হয় ॥
 যত রাজগণ-সহ সংগ্রাম বাধিল ।
 অর্জুনের মুখে সব বিবৃত হইল ॥
 শুনিয়া পুলক হৈল রাজার শরীরে ।
 যুধিষ্ঠির কহিলেন, আন সবাকারে ॥
 তবে কৃষ্ণ-ধনঞ্জয় করিয়া গমন ।
 যজ্ঞস্থানে আনিলেন যত রাজগণ ॥
 নিজ-পরিচয় দিল যতেক নৃপতি ।
 সভাতে বসিল ধর্ম্মে করিয়া প্রণতি ॥
 হস্তিনা-নগরে বড় আনন্দ হইল ।
 নানাবিধ-উপাচারে সবারে তুষিল ॥

রজনী বঞ্চিল সবে অতি-কুতূহলে ।
 সমাজ করেন কৃষ্ণ অতি-উষাকালে ॥
 অর্জুন বিদূর ধৃতরাষ্ট্র নরপতি ।
 যুধিষ্ঠির-পাশে সবে বসিলেন তথি ॥
 হংসধ্বজ নীলধ্বজ শিখিধ্বজ রায় ।
 যুবনাথ বীরব্রহ্মা বসিল সভায় ॥
 অনুশাস্ত-বক্রবাহ-চন্দ্রহংস-আদি ।
 আর কত লব নাম, যতেক নৃপতি ॥
 বসিলেন যজ্ঞস্থানে দিব্যাসন লৈয়া ।
 যন্ত্রিগণ গান করে যন্ত্র বাজাইয়া ॥
 ত্রিকোটি পদ্মিনী-সঙ্গে প্রমীলা-সুন্দরী ।
 সভাতে বসিল সবে নানাবেশ করি ॥
 গান্ধারী প্রভৃতি রাণী আর যে রমণী ।
 বসিল উত্তম-স্থানে সঙ্গতে রুক্মিণী ॥
 হস্তিনানগর-মধ্যে যত রাজা ছিল ।
 যজ্ঞ দেখিবারে সবে সত্তরে চলিল ॥

পরিহাস অর্জুনে করেন নারায়ণ ।
 প্রমীলা-সহিত সখা, ভাল কৈলা রণ ॥
 তিনকোটি-পদ্মিনীর সঙ্গতে বঞ্চিলা ।
 মনে ভয় পাই আমি, কেমনে তুষিলা ॥
 অর্জুন বলেন, দেব, নাহি জান তুমি ।
 ষোড়শ-সহস্র আছে তোমার রমণী ॥
 কৃষ্ণ-অর্জুনের কথা অনেক আছিল ।
 বাহুল্য-কারণে তাহা নাহি লেখা গেল ॥
 শেষেতে কহিব আমি এ-সব কথন ।
 এবে যজ্ঞসাগ্র-কথা শুনহ রাজন্ ॥

ব্যাসে জিজ্ঞাসেন তবে ধর্ম্মের নন্দন ।
 যজ্ঞশেষে কত দেবী, কহ তপোধন ॥
 ব্যাস বলিলেন, শুন ধর্ম্মের তনয় ।
 যজ্ঞ-অবশেষ কিছু, পূর্ণ নাহি হয় ॥

যজ্ঞশেষ-আয়োজন করহ নৃপতি ।
 তুরগ আনহ শীঘ্র, শুন মহামতি ॥
 ব্যাসের বচনে রাজা মনে শ্রীতি পায় ।
 অষ্টগোটা দ্বার করি মণ্ডপ সাজায় ॥
 কস্তুরী চন্দন চুয়া মধ্যোতে লেপিত ।
 পতাকা-চামর তাহে উড়ে শত-শত ॥
 অষ্টগোটা কুণ্ড স্থাপিলেন সেইখানে ।
 স্বজদণ্ড-পতাকা শোভিত স্থানে-স্থানে ॥
 যজ্ঞ-উপচার যত সেখানে আনিল ।
 ধোম্য-পুরোহিত আসি সভাতে বসিল ॥

ব্যাস বলিলেন, শুন ধর্ম-নৃপমণি ।
 ভীমে স্নান করিবারে আজ্ঞা দেহ তুমি ॥
 অশ্বস্বতা ভীম-বিনা আর কেহ নয় ।
 শুন যুধিষ্ঠির, আমি কহিনু নিশ্চয় ॥
 ব্যাসের বচনে রাজা ভীমেরে কহিল ।
 গাঙ্গা পেয়ে ভীমসেন স্নান আচরিল ॥
 প্রস্তুত হইয়া ভীম রহিল সেখানে ।
 অশ্ব আনিলেন পার্শ্ব পরম-যতনে ॥
 গান-তীর্থজলে অশ্বে স্নান করাইল ।
 শাস্ত্রমত ক্রিয়া যত মুনিরা করিল ॥
 চারিদিকে জয়ধ্বনি মঙ্গল-ঘোষণা ।
 শশ্ব-ঘণ্টাধ্বনি আর অশেষ বাজনা ॥
 মুনিসব দ্বত ঢালে অগ্নির উপর ।
 অশ্বগলে মালা দেন ধর্ম-নৃপবর ॥

ব্যাস বলে, নিম্পাপ হইল অশ্ববর ।
 অতঃপর খড়্গ লহ বীর বৃকোদর ॥
 হাতে খড়্গ নিল ভীম মুনির বচনে ।
 কাটিল অশ্বের মুণ্ড সবা-বিদ্যমানে ॥
 অগ্নিমুণ্ড মহাবেগে উঠিল আকাশে ।
 জয়ধ্বনি সভামধ্যে হইল বিশেষে ॥

৩২খি.

অশ্ববর-স্কন্ধ হৈতে ছুড় নিঃসরিল ।
 রক্ত না পড়িল, সবে নয়নে দেখিল ॥
 সুবাসিত কপূর তাম্বল পুষ্প নিয়া ।
 যজ্ঞপূর্ণ করে ধোম্য বেদ উচ্চারিয়া ॥
 ইন্দ্র-যম-বরুণেরে দিলেন আহুতি ।
 নৈঋত-কুবের-আদি যত দিক্‌পতি ॥
 ত্রিভুবনে দেবাসুর যত চরাচর ।
 সবারে আহুতি দেন ধর্ম নৃপবর ॥
 অগ্নি বিসজ্জিয়া ধোম্য দক্ষিণা চাহিল ।
 রজত-কাঞ্চন-ধন বিবিধ পাইল ॥

রাজা শিখিধ্বজ তবে নিজ-অশ্ব ল'য়ে ।
 যজ্ঞ করিলেন যুধিষ্ঠির-আজ্ঞা পেয়ে ॥
 যত আয়োজন ধর্ম্য হইতে পাইল ।
 তৃপ্ত হৈয়া শিখিধ্বজ যজ্ঞ সমাপিল ॥
 মুনি-ধামগণ সব যজ্ঞ সমাপিয়া ।
 যুধিষ্ঠিরে কহিলেন মনে প্রীত হৈয়া ॥
 না হৈল, না হবে তেন সংসার-মাঝার ।
 কৃষ্ণ-সখা-ভেদু তব মহিমা অপার ॥
 যজ্ঞোতে কি কাফ্য তব, শুন নৃপবর ।
 শত-শত-যজ্ঞফল কৃষ্ণের গোচর ॥
 নারায়ণ-উদ্দেশ্যেতে নানা-যজ্ঞ করে ।
 তেন কৃষ্ণ অবিরত তোমার গোচরে ॥

এত বলি মুনিগণ প্রশংসা করিয়া ।
 সবে গেল তাপোবনে বিদায় লইয়া ॥
 অতঃপর নৃপগণ বিদায় লইল ।
 তুরগ বারণ ধন সম্মান পাইল ॥
 বিদায় দিলেন যুধিষ্ঠির সবাকারে ।
 রাজা বস্ত্রবাহ তবে গেল মণিপুরে ॥
 যুবনাথ নরপতি বিদায় লইয়া ।
 নিজালয়ে গেল মনে সম্প্রীতি পাইয়া ॥

নীলধ্বজ নিজদেশে করিল গমন ।
 রাজা চন্দ্রহংস গেল আপন-ভবন ॥
 শিখিধ্বজ বীরব্রজা গেল নিজপুরে ।
 মণিভদ্র চলিলেন আপন-নগরে ॥
 আপনার দেশে সবে করিল প্রয়াণ ।
 যুধিষ্ঠিরে কহিলেন দেব-ভগবান ॥
 বহুদিন আছি আমি হস্তিনা-নগরে ।
 অনুমতি দেহ, যাই দ্বারাবতী-পুরে ॥
 যুধিষ্ঠির কন, আমি কহিব কেমনে ।
 দ্বারকায় যাহ, বাক্য না আসে বদনে ॥
 ভীম বলে, অনুমতি দেহ নৃপবর ।
 সম্প্রীতে যাউক কৃষ্ণ দ্বারকা-নগর ॥
 অনুজ্ঞা দিলেন রাজা ভীমের বচনে ।
 স্তরাস্তর নারায়ণ দ্বারকা-গমনে ॥
 শ্রীকৃষ্ণ বিদায় লন সবাকার স্থানে ।
 প্রণাম করেন কৃষ্ণ কুন্তীর চরণে ॥
 যুধিষ্ঠিরে প্রণাম করেন মহামতি ।
 আলিঙ্গন ভীমার্জুন-নকুল-সংহতি ॥
 সহদেবে আলিঙ্গন দিয়া অকপটে ।
 নিলেন বিদায় কৃষ্ণ দ্রৌপদী-নিবন্ধে ॥
 দারুক আনিয়া রথ যোগায় সঙ্করে ।
 আরোহণ করিলেন কৃষ্ণ রথোপরে ॥

ভীষ্মক-দুহিতা-আদি কৃষ্ণের রমণী ।
 দৈবকী-প্রভৃতি করি কৃষ্ণের জননী ॥
 সারথি-সংযুক্ত রথে কৃষ্ণের সহিতে ।
 বিদায় লইয়া সবে গেল দ্বারকাতে ॥
 রহিলেন পঞ্চভাই হস্তিনা-নগরে ।
 রাজ্য-সুখ ভোগ করে পঞ্চ-সহোদরে ॥
 শুন রাজা জন্মেজয়, কহিলু তোমাতে ।
 অশ্বমেধ-যজ্ঞ-কথা পূর্ণ এত দূরে ॥
 অশ্বমেধ-যজ্ঞ-কথা শুনে যেইজন ।
 তাহারে করেন কৃপা দেব-নারায়ণ ॥
 কমলা অচলা থাকে তাহার ভবনে ।
 আয়ুর্ঘণেশ্বরুদ্ভি হয় এ-কথা-শ্রবণে ॥
 কিন্তু যদি বিশ্বাস থাকয়ে নরপতি ।
 অস্ত্রে স্বর্গপুরে যায়, ব্যাসের ভারতী ॥
 স্বরূপ-বচন, ইথে নাহিক অন্যথা ।
 সকল-গ্রন্থের সার ভারতের কথা ॥
 পাণ্ডব-বিজয়-কথা অদ্বৈত-লহরী ।
 কাশী কহে, শুনিলে তরয়ে ভববারি ॥
 কাশীদাস রচিলেন পাঁচালীর গাথা ।
 হইল সমাপ্ত অশ্বমেধ-পর্ব-কথা ॥

কাশীরামদাস-মহাভারত

আশ্রমবাসিকপর্ষ

নারায়ণং নমস্কৃত্য নরপতিং নরোত্তমম ।
দেবীং সরস্বতীং ব্যাসং ততো জয়মুদীরয়েৎ ॥

১। ধৃতরাষ্ট্রের বৈরাগ্য ও বিজয়ের
সাহিত্য কথোপকথন।

‘জজ্ঞাসেন জন্মেজয়, কহ মহামুনি।

তদন্তরে কি কৰ্ম্ম হইল, কহ শুনি ॥

পিতামহ-উপাখ্যান অপূর্ব-চরিত্র।

তানার প্রসাদে শুনি হইব পবিত্র ॥

অথমেধ-যজ্ঞ-শেষে পিতামহগণ।

কি কি কৰ্ম্ম করিলেন, কহ তপোধন ॥

কি করিল অন্ধরাজ-সুবল-নন্দিনী।

নারায়ণ কি করিল, কহ মহামুনি ॥

শুনিতে আগ্রহ বড় হ’য়েছে অন্তরে।

রূপা করি মুনিরাজ, বলহ আমারে ॥

মুনি বলে, নরপতি, কর অবধান।

অতঃপর শুন পিতামহ-উপাখ্যান ॥

যজ্ঞ-কৰ্ম্ম সমাপিয়া ভাই পঞ্চজন।

দিলেন ব্রাহ্মণগণে বহুবিধ ধন ॥

বান্ধব-কুটুম্ব এসেছিল যতজন।

সবে গেল বিদায় লইয়া নিকেতন ॥

হেনমতে পঞ্চভাই হরিষ-অস্তর।

নানা-দান-উৎসবাদি করে নিরন্তর ॥

ধর্ম্ম বিনা সে সবার অন্বে নাহি মতি ॥

ভ্রাতৃ-সহ বঞ্চে সুখে ধর্ম্ম-নরপতি ॥

সত্য-ধর্ম্মশাস্ত্র আর প্রজার পালন।

চুষ্ট-চোর দণ্ডে, করে বৈরি-বিমর্দন ॥

ধর্ম্মপুত্র যুধিষ্ঠির ধর্ম্ম-অবতার।

অনুক্ষণ ধর্ম্ম-বিনা কৰ্ম্ম নাহি আর ॥

দাস-দাসী প্রজা-আদি অনুগত-জন।

রাজার পালনে সবে সদা হৃষ্টমন ॥

ভ্রাতৃগণ-সহ সদা ধর্ম্মের নন্দন।

ইন্দ্রতুল্য ধৃতরাষ্ট্রে করেন সেবন ॥

ভীমার্জুন-সহ দুই মাতৌর নন্দন।

সতত রহেন ধৃতরাষ্ট্রের সদন ॥

যখন যা চাহে বৃদ্ধ, দেন সেইক্ষণে ।

যুধিষ্ঠির-আজ্ঞামত সদা সাবধানে ॥

মহাবীর ভীমসেন পবন-নন্দন ।

পূর্ব-দুঃখ অন্তরে না করে পাসরণ ॥

স্মরিয়া সে-সব দুঃখ ছাড়ি দার্য্যদাস ।

ক্রোধ করি অন্ধরাজে কহে কটুভাষ ॥

কোন কশ্ম-হেতু ভীমে কৈলে অন্ধরায় ।

কশ্ম না করিয়া ভাগ কটু কহে তাঁয় ॥

পূর্বকথা বুঝি প্রায় হৈলে পাসরণ ।

জতুগৃহে পোড়াইলে আমা-পঞ্চজন ॥

খলমতি কদাচারী তুমি কুরুকুলে ।

আমা-সবে হিংসা করি সবংশে মজিলে ॥

শতপুত্র তব আমি করিহু সংহার ।

তবু দুঃখ-পাসরণ নহে ত আমার ॥

এত বলি দুই বাহু করে আশ্ফালন ।

দন্ত কড়মড় করে, অরণ-লোচন ॥

ভীম-বাক্যে ধৃতরাষ্ট্র সর্বদা অস্থির ।

অন্তরে অনল দহে কুরু-মহাবীর ॥

অৰ্জুন-সহিত দুই মাদ্রীর নন্দন ।

ধৃতরাষ্ট্র-আজ্ঞাতে চলেন অনুক্ষণ ॥

ভীম-বাক্যজালে দহে নৃপ-কলেবর ।

দ্বিগুণ পূর্বের শোক দহয়ে অন্তর ॥

পুত্রগণে স্মরি রাজা করেন রোদন ।

হায় বিধি, হেন গতি করিলে এখন ॥

কোথা পুত্র দুর্ঘোষন বীর-চূড়ামণি ।

তোমার বিরহে রহে এ-পাপ পরাগী ॥

এক পুত্র হৈলে লোকে আনন্দ অপার ।

তোমা-হেন শতপুত্র মরিল আমার ॥

হেলায় করিলে বশ পৃথিবীর রাজা ।

ভৃত্যবৎ তোমার চরণ কৈল পূজা ॥

ইন্দ্রের বৈভব কৈলে পৃথিবী-ভিতর ।

এহেন তোমার পিতা হইল কাতর ॥

এইরূপে অনুতাপ করে অনুক্ষণ ।

দুই-একদিন রাজা না করে ভোজন ॥

গান্ধারী প্রবোধ বহু দিলেন রাজারে ।

সত্য-ধর্ম্ম বিচারিয়া বিবিধ-প্রকারে ॥

অকারণে তাপ কেন কর নরপতি ।

কশ্ম-অনুরূপ রাজা, শুভাশুভ-গতি ॥

আপন-কশ্মের ভোগ নাহিক এড়ান ।

জানি অনুশোচন না করে জ্ঞানবান্ ॥

আমারে যেরূপ ভাবে হৃদয় তোমার ।

সেইরূপ তোমা-প্রতি হৃদয় আমার ॥

ভীম-প্রতি যেইরূপ তোমার হৃদয় ।

সেইরূপ ভাবে ভীম, শুন মহাশয় ॥

শিশুকাল হৈতে তুমি ভীমেরে হিংসিলে ।

অনেক মন্ত্রণা করি নানা-দুঃখ দিলে ॥

তুমি দুর্দ্ভাব চিন্তা পবন-নন্দনে ।

তোমারে সদয় ভীম হইবে কেমনে ॥

ধৃতরাষ্ট্র বলে, ভীম বড় দুরাচার ।

একেশ্বর শতপুত্র মারিল আমার ॥

তাহারে দেখিলে মম সর্ব্ব-অঙ্গ দহে ।

দ্বিগুণ বাড়য়ে অগ্নি, হৃদয়ে না সহে ॥

যুধিষ্ঠির-গুণ-কথা না যায় বর্ণন ।

সাধুপুত্র গুণবন্ত ধর্ম্মের নন্দন ॥

ভীমের এমত ভাব সে কিছু না জানে ।

না রহে জীবন মম ভীমের বচনে ॥

এইরূপে কহে অন্ধ গান্ধারী-সহিত ।

হেনকালে বিদূর হইল উপনীত ॥

প্রণমিয়া অন্ধেরে বিদূর-মহামতি ।

জিজ্ঞাসিল, উচাটন কেন নরপতি ॥

কোন দুঃখে দুঃখী তুমি, কহ ত আমারে ।
ইচ্ছদেব-তুল্য তোমা সেবে যুধিষ্ঠিরে ॥
ভ্রাতৃগণে নিয়োজিল তোমার সেবনে ।
অপর আছে যে ত দাস-দাসীগণে ॥
ধর্মপথে যুধিষ্ঠির নহে বিচলিত ।
আর চারি সহোদর তার মনোনিত ॥
রাজ্য-অর্থ-ধন-আদি সকলি তোমার ।
পিতৃতুল্য ভাবে তোমা ধর্মের কুমার ॥
আপন-ইচ্ছায় তব যেই মনে লয় ।
যত-ইচ্ছা দান-ভোগ কর মহাশয় ॥

ধৃতরাষ্ট্র বলে, তুমি কহিলে প্রমাণ ।
বেদতুল্য তব বাক্য, কভু নহে আন ॥
মোরে হিত-উপদেশ যতেক কহিল ।
তোমার বচন না শুনিবু করি হেলা ॥
সেই হেতে এই গতি হইল আমার ।
তবে সুখ-দুঃখ-কথা কি আর বিচার ॥
ধর্মপুত্র যুধিষ্ঠির সর্বগুণাধার ।
কোন দোষে দোষী নহে ধর্মের কুমার ॥
পুত্রের অধিক মম করয়ে সেবন ।
তার গুণে হৈল মোর শোক-নিবারণ ॥
কোন দোষে দোষী নহে রাজা যুধিষ্ঠির ।
কিন্তু দুরাচার ভীম দহয়ে শরীর ॥
কোন কস্ম-হেতু যদি কহি আমি তারে ।
কস্ম না করিয়া সেই দহে কটুভরে ॥
শতপুত্র মারি নহে দুঃখ-নিবারণ ।
দন্ত কড়মড় করে, বাহু-আস্ফালন ॥
ভীমের চরিত্রে দেখি দহে মম কায় ।
কি করিব, কহ মোরে ইহার উপায় ॥
বিদুর বলেন, রাজা, স্থির কর মন ।
ভীম-বাক্যে তুমি নাহি হও উচাটন ॥

যদি যুধিষ্ঠির তোমা করে অনাদর ।
তবে যাচা চিন্তে লয়, কর নরবর ॥
তুমি দুষ্টভাব কর বৃকোদর-প্রতি ।
তোমাতেও দুষ্টভাব করয়ে মারুতি ॥
অন্য-অন্য সমভাব জানিহ রাজন ।
আমারে যেমন ভাব, আমিও তেমন ॥
ইহা জানি ভীম-প্রতি ত্যজহ আক্রোশ ।
যুধিষ্ঠির-প্রতি তুমি নহ অসন্তোষ ॥
তোমাতে বিমনা যদি শুনে ধর্মরায় ।
এইক্ষণে আসিয়া পড়িবে তব পায় ॥
তুমি যদি অসন্তুষ্ট হও নরপতি ।
রাজ্য ত্যাগ বনে যাবে পাণ্ডুবংশপতি ॥
তাহারে প্রসন্নভাব হও নরনাথ ।
এত বলি বিদুর করিল প্রাণপাত ॥

পুনরপি ধৃতরাষ্ট্র সক্রমে কয় ।
যুধিষ্ঠিরে ক্রোধ মম কদাচিত্ নয় ॥
আমি রাজা ধৃতরাষ্ট্র বিখ্যাত ভূবনে ।
মহা-ধনুর্ধর মোর পুত্র শতজনে ॥
সে-সবারে সংহার করিল যেইজন ।
তাহার পালিত হ'য়ে রাখিব জীবন ॥
ধিক-ধিক, এমন জীবনে ছার আশ ।
সংসার বুড়িয়া লজ্জা, লোকে উপহাস ॥
দ্বিতীয় বাসব মম পুত্র হর্য্যোদন ।
তাহা বিনা পাপ-প্রাণ রহে এতক্ষণ ॥

এইরূপে অনুরোধ করি বহুতর ।
পুনঃ বিদুরের প্রতি করিল উত্তর ॥
অবধান কর ভাই, বচন আমার ।
যে বিধান চিন্তে আমি ক'রেছি বিচার ॥
রাজ্যসুখ নানাভোগ করিনু বিস্তর ।
মোর সম সুখ নাহি ছুজে কোন নর ॥

অতঃপর চিন্তে সে-সকল ক্রমা দিব ।
বনেতে পশিয়া আমি যোগ আচরিব ॥
রাজনীতি-ধর্ম হেন আছে পূর্বাপর ।
শেষকালে প্রবেশিবে বনের ভিতর ॥
যোগ-তপ আচরিয়া লভিবে সদগতি ।
বেদের সম্মত আর ক্ষত্রিয়ের নীতি ॥
অস্তিম-সময় মম হৈল উপনীত ।
যোগ-ধর্ম আচরণ হয় যে উচিত ॥
সত্য-সত্য বনে যাব, নাহিক সংশয় ।
যোগ আচরিব গিয়া, কহিনু নিশ্চয় ॥

বিদুর বলেন, রাজা, কর অবধান ।
যতেক কহিলে, সত্য, কছু নহে আন ॥
রাজা হ'য়ে শেষকালে যাবে বনবাস ।
যোগ আচরিবে গিয়া করিয়া সম্মাস ॥
বেদের বচন, ইথে নাহিক সংশয় ।
কিন্তু এক কথা কহি, শুন মহাশয় ॥
আপনি ত বুদ্ধ অতি, শরীর দুর্বল ।
শোকাভুর আত্মা, অন্ধ নয়ন-যুগল ॥
অন্যত্র যাইতে তব নাহিক শক্তি ।
ঘোরবনে কিমতে পশিবে নরপতি ॥
ভয়ঙ্কর বনজন্তু সিংহ-ব্যাঘ্রগণ ।
প্রবল মহিষ গজ ঘোর-দরশন ॥
কিমতে রহিবে তথা, তাহা মোরে কহ ।
আর তাহে মহারাজ, চক্ষু না দেখহ ॥
অপমৃত্যু হয় পাছে, এই বড় ভয় ।
এইহেতু ইথে মোর চিন্ত নাহি লয় ॥
সে-কারণে কহি আমি, শুন মহারাজ ।
গৃহাশ্রমে থাকিয়া না হয় কোন্ কাজ ॥
দ্বিজগণে দান কর নানাবিধ ধন ।
প্রবাল মুকুতা মণি রজত কাঞ্চন ॥

ভূমিদান অন্নদান কর নানা-দান ।
অন্যদান নাহি অন্নদানের সমান ॥
যাহা ইচ্ছা, দান কর আপনার মনে ।
অভয় কৃষ্ণের পদ ভাব একমনে ॥
সর্বকর্ম্য সিদ্ধ তব হবে এইমতে ।
পাইবে উত্তম গতি, শুন নরপতে ॥
ধর্মের নন্দন দেখ রাজা যুধিষ্ঠির ।
ভ্রাতৃ-মন্ত্রি-বন্ধুশোকে আকুল-শরীর ॥
তোমার সেবার তরে করে গৃহবাস ।
তোমার এ-মতি শুনি হইবে নিরাশ ॥
তোমা-বিনা সকল ত্যজিবে ধর্মরায় ।
ব্রহ্মচর্য আচরি কাননে পাছে যায় ॥
এইহেতু রাজা, আমি কহি যে তোমায় ।
গৃহাশ্রমে রহি যোগ-চিন্তা কর রায় ॥
সকল যোগের মূল গোবিন্দের নাম ।
অবহিত-চিন্ত হ'য়ে চিন্তা অবিরাম ॥
ইহা বিনা উপায় নাহিক দেখি আর ।
মম চিন্তে লয় রাজা, এই ত বিচার ॥
ধৃতরাষ্ট্র কহে, তুমি পরম-পণ্ডিত ।

তোমার বচন সাধু, বেদের বিদিত ॥
যতেক কহিলে, কিছু নাহি করি আন ।
কিন্তু এক কথা কহি, কর অবধান ॥
কল্পগান্ধান সেই নন্দের কুমার ।
একমনে ভজিলে সে করয়ে উদ্ধার ॥
যতেক ইন্দ্রিয়গণে করিয়া দমন ।
কায়মনোবাক্যেতে চিন্তিবে নারায়ণ ॥
গৃহাশ্রমে হেন শক্তি নহিবে আমার ।
সে-কারণে বনে যেতে ক'রেছি বিচার ॥
বন্যজন্তুগণ-হেতু কহিলে প্রমাণ ।
আপন-অদৃষ্ট-ফল নাহিক এড়ান ॥

যা' থাকে অদৃষ্টে, তাহা অবশ্য ঘটিবে ।
 পূর্বার্জিত-ফল যাচা, তাহা কে খণ্ডিবে ॥
 অভয়-পদারবিন্দ করিয়া চিন্তন ।
 সর্বভয় হইতে পাইব বিমোচন ॥
 ইহা-ভিন্ন অন্য চিন্তে না লয় আমার ।
 জনবাসে যাইব, কহিনু সাবোদ্ধাব ॥
 ধৃতরাষ্ট্র-মন বন্দি দিছুর স্মৃতি ।
 আশ্বাসিয়া বলে পুনঃ, শুন নবপতি ॥
 তুমি যদি বনবাসে যাউবে শিচয় ।
 আমিহ সংহতি তব যাব মহাশয় ॥
 আমি তব ভৃত্য, তুমি আমার ঈশ্বর ।
 ঈশ্বর-বিহনে কিবা করিবে কিঙ্কর ॥
 যথায় যাউবে তুমি, যাইব সংহতি ।
 তোমার যে গতি রাজা, আমার সে গতি ॥
 যুধিষ্ঠিরে প্রবোধ করিব বিস্মিত ।
 তাঁর অনুমতি-বিনা না পারি যাইতে ॥
 ধৃতরাষ্ট্র বলে, তুমি কৈ যুধিষ্ঠির ।
 বঝায়ে সাস্তুনা দিবে বিবিধ-প্রকারে ॥
 তুমি আমি গান্ধারী সঙ্গ-শাদি করি ।
 নানামতে প্রবোধিব ধর্ম-অধিকারী ॥
 তাতে যদি যুধিষ্ঠির সম্মত না হয় ।
 গুণভাবে যাব তবে, কহিনু নিশ্চয় ॥
 এত শুনি বিছুর চলিল ধর্মস্থানে ।
 বসিয়া আছেন ধর্ম রত্ন-সিংহাসনে ॥
 পাত্র-মিত্র-ভ্রাতৃগণ চৌদিকে বেষ্টিত ।
 ব্রাহ্মণ-গুণী সঙ্গে ধোম্য-পুরোহিত ॥
 সধর্ম্য করেন রাজ্য ধর্মের নন্দন ।
 পুত্রবৎ পালেন যতেক প্রজাগণ ॥
 সর্বজীবে সমভাবে দয়ার শরীর
 ধর্ম-অবতার ধর্মপুত্র যুধিষ্ঠির ॥

যুধিষ্ঠির-গুণে বশ হৈল সর্বজন ।
 শোক-দুঃখ সকল হইল বিস্মরণ ॥
 প্রাতঃকালে উঠি রাজা কর হানদান ।
 পাত্র-মিত্র ভ্রাতৃগণ করেন সম্মান ॥
 তদন্তরে দ্বিজগণ কবিতা সম্মান ।
 'ন ধ-রতন দে', নাহি পরিমাণ ॥
 অশ্বাস গান্ধারী বৎস আর নানা-ধর ।
 ভূমিদান অঙ্গলান বিবিধ বসন ॥
 তেনমতে দান-কর্ম্য কার সমাপন ।
 ধৃতরাষ্ট্র গান্ধারী-কৃষ্ণের সম্মানন ।
 দেবায় নিযুক্ত করি ভ্রাতৃ বন্ধুগণে ।
 হাজি নাগ রাজকার্য্যে যান সৈন্যগণে ।
 নিশান্দে বসিয়া করেন রাস-কাজ ।
 পাত্র-মিত্র-ভ্রাতৃ বন্ধু-সংগিত সমাপন ॥
 রাজকার্য্য-অবসানে আদম্য মন্দিরে ।
 ব্রাহ্মণে করেন পূজা নানা উপচারে ॥
 যাচাতে যাহার পীতি, ভক্ষ্য দ্রব্য-আদি ।
 সবাবে করেন দান সংহিত দ্রোপদী ॥
 তেনমতে সবাকারে করিয়া সাস্তুন ।
 পুনঃ ধৃতরাষ্ট্র-স্থানে করেন গমন ॥
 যথোচিত তপ্ত করে অঙ্গ-নন্দনরে ।
 দেহমত গান্ধারীকে প্রজ্ঞা সাদনে ॥
 দৌহা-অনুমতি ল'য়ে বিদায় লইয়া ।
 নোজন করেন রাজা বন্ধুগণে লৈয়া ॥
 এইমত নিত্যকর্ম্য করে ধর্মরায় ।
 সাধু সর্ব-গুণাধিত অপ্রমত্ত-কায় ॥
 ভারতে আশ্রমপর্ব অপূর্ব-আখ্যান ।
 কাশীরাম দাস কহে, শুনে পুণ্যবান ॥

২। ধৃতরাষ্ট্রের বনগমনেছা শুনিয়া যুধিষ্ঠিরের খেদ ।

জিজ্ঞাসেন জন্মেজয়, কহ মুনিবর ।
কহ শুনি, কি কৰ্ম্ম হইল অতঃপর ॥
মুনি বলে, শুন কুরুকুল-অধিকারি ।
বিদুর আইল যুধিষ্ঠির বরাবরি ॥
রাজার নিকটে বসি বলেন বচন ।
অবধানে শুন রাজা ধর্ম্মের নন্দন ॥
পরম-সুজন তুমি, সাধু সুপণ্ডিত ।
তব গুণে বহুমতী হইল পূর্ণিত ॥
তোমা হৈতে কুরুকুল পবিত্র হইল ।
তোমার সমান রাজা না হবে, নহিল ॥
যত রাজধর্ম্ম-নীতি শাস্ত্রেতে ব্যাখ্যানে ।
সকলি তোমাতে পূর্ণ, পূর্ণ তুমি গুণে ॥
বেই কৃষ্ণ অনাদি-পুরুষ সনাতন ।
গার তত্ত্ব না পায় স্ময়ন্তু পঞ্চানন ॥
আগমে না পায় তত্ত্ব কিঞ্চিৎ ষাঁহার ।
হেন প্রভু বশ হৈল গুণেতে তোমার ॥
ব্রাহ্মণ-সেবার গুণ কে বলিতে পারে ।
সকল-ধর্ম্মের শ্রেষ্ঠ সংসার-ভিতরে ॥
ব্রাহ্মণের প্রীতে প্রীত দেব-নারায়ণ ।
এইহেতু দ্বিজসেবা কর অনুক্ষণ ॥
পাত্র মিত্র প্রজা বন্ধু সুহৃৎ সুজন ।
সদয়-হৃদয়ে কর সবার পালন ॥
এইমত বহুতত্ত্ব কহিয়া রাজারে ।
অবশেষে কহে ধৃতরাষ্ট্রের উত্তরে ॥
ধৃতরাষ্ট্র পাঠাইল তোমার সদনে ।
এই ভিক্ষা দেহ মোরে প্রসন্ন বদনে ॥
রাজার নিয়ম এই আছে পূর্বাপর ।
ক্ষত্রধর্ম্ম বিধিনীতি, বেদের উত্তর ॥

রাজা হ'য়ে করিবেক প্রজার পালন ।
দান যজ্ঞ ব্রত নানা-ধর্ম্ম-উপার্জন ॥
শেষকালে তনয়েরে রাজ্যভার দিয়া ।
বনবাস করিবেক যোগ আচরিয়া ॥
ফলমুলাহারী হ'য়ে করিবে বসতি ।
সমাধি সাধিয়া লভিবেক দিব্যগতি ॥
সে-কারণে ধৃতরাষ্ট্র পাঠাইল মোরে ।
সাস্তুনা-পূর্বক তোমা কহিবার তরে ॥
অন্তকাল দেখ আসি হইল আমার ।
কুলধন্যমত আমি করিব আচার ॥
যথাশক্তি বিধমত যোগ আচরিব ।
তব অনুমতি হৈলে কাননে পশিব ॥
প্রসন্ন-হৃদয় হ'য়ে দেহ অনুমতি ।
এই ভিক্ষা তব স্থানে মাগে কুরুপতি ॥
বিদুর-বচন শুনি যেন বজ্রাঘাত ।
পড়েন অস্থির হ'য়ে পাণ্ডুবংশনাথ ॥
কি বলিলে খুল্লতাত, নিষ্ঠুর-বচন ।
কোন্ দোষে জ্যেষ্ঠতাত করেন বর্জন ॥
জ্যেষ্ঠতাত মোরে যদি ত্যজেন নিশ্চয় ।
তবে আর কিসের আমার গৃহাশ্রয় ॥
আমিহ সম্যাসী হ'য়ে যাব বনবাসে ।
কি করিব ধন-জন-বন্ধু-গ্রাম-দেশে ॥
এত বলি যুধিষ্ঠির আকুল-হৃদয় ।
বিদুর-সহিত যান অন্ধের আশ্রয় ॥
অন্ধের চরণ ধরি কান্দে ধর্ম্মরায় ।
কোন্ দোষে তাত, তুমি ভ্যজহ আমায় ॥
রাজ্য-দেশ-ধন-জন সকলি তোমার ।
তোমা-বিনা পাণ্ডবের কেবা আছে আর ॥
কোন্ দোষে দোষী আমি হৈনু তব পদে ।
বালকেরে ত্যাগ কর কোন্ অপরাধে ॥

আমি রাজা হৈতে যদি দুঃখ তব মনে ।
 আজি অভিষেক করি তোমার নন্দনে ॥
 যুগ্মস্ত্রে অভিষেক করিব এখনি ।
 হস্তিনার রাজপাট দিব রাজধানী ॥
 তোমার কিঙ্কর আমি, তুমি মম প্রভু ।
 তব আজ্ঞা লঙ্ঘন না করি আমি কভু ॥
 যুগ্মস্ত্র আছে যেই তোমার নন্দন ।
 বৈশ্যার কুমার তারে জানে সর্বজন ॥
 তথাপি তাহারে আমি রাজ্যভার দিব ।
 নে-আজ্ঞা করিবে তুমি, এখনি করিব ॥
 এইক্ষণে প্রাণ আমি ছাড়িবারে পারি ।
 তোমার বচন আমি লজ্জিবারে নারি ॥
 কনা কর অপরাধ হ'য়ে সুপ্রসন্ন ।
 নহে আমি এইক্ষণে হই অবসন্ন ॥

এইরূপে যুধিষ্ঠির সহ-ভ্রাতৃগণ ।
 লোটাইয়া ধরিলেন অন্ধের চরণ ॥
 তুচ্ছ হ'য়ে ধ্বতরাষ্ট্র কহে যুধিষ্ঠিরে ।
 আলিঙ্গন করি কহে মধুর-উত্তরে ॥
 কোন দোষে দোষী তুমি নহ মম স্থানে ।
 পরম-সন্তুষ্ট আমি হই তব গুণে ॥
 ইন্দিবে-তুল্য তুমি করহ সেবন ।
 তব গুণে হৈল সব-শোক-পাসরণ ॥
 দুঃখ না ভাবিহ তাত, স্থির কর মন ।
 তোমার অপ্রিয় আমি নুহি কদাচন ॥
 সর্বস্বত্ব ভূঞ্জিলাম তোমার কল্যাণে ।
 শেষ-কাল আসি মোর হৈল এইক্ষণে ॥
 পরকাল চিন্তিবারে হয় ত উচিত ।
 ইথে অসম্মত তাত, নহ কদাচিৎ ॥
 রাজধর্ম-নীতি যাহা বেদের উত্তর ।
 শেষকাল পশ্চিমবক অরণ্য-ভিতর ॥

যথাশক্তি যোগ করিবেক আচরণ ।
 যতেক ইন্দ্রিয়গণে করি নিরোধন ॥
 যত-যত রাজা হৈল এ-মহীমণ্ডলে ।
 এই-অনুসারে কণ্ঠ করিল সকলে ॥
 আমিহ সাধিব যোগ শক্তি-অনুসারে ।
 প্রসন্ন হইয়া তাত, বলহ আমারে ॥
 তুমি সাধু শুদ্ধমতি, তুমি গুণবান ।
 পৃথিবীর মধ্যে তাত, তোমার বাখান ॥
 আগা হৈতে দুঃখ পাটয়াছ বহুতর ।
 সে সব দ্বারে মম বিদরে অন্তর ॥
 বশ্যবলে সকল-সকটে হৈলে পার ।
 শত্রু জিনি উদ্ধারিলে নিজ রাজ্যভার ॥
 দৃষ্টদেব ভুঞ্জহ রাজ্য, আমার পীরতি ।
 নানা-ধন উপার্জন কর রাজনীতি ॥
 বন্ধুগণে পালহ, পালহ প্রজাগণ ।
 উদ্বেগ ছাড়িয়া রাজকাৰ্য্যে দেহ মন ॥
 যুগ্মস্ত্র আছে যেই আমার নন্দন ।
 বৈশ্যার উদরে জন্ম, বিখ্যাত ভুবন ॥
 রাজ্যযোগ্য সেইজন নহে কদাচন ।
 আপনি করিবে তুমি তাহারে পালন ॥
 এই ভিক্ষা মাগি আমি, শুন ধর্ম্মরায় ।
 মায়া-মোহ ছাড়ি মোরে করহ বিদায় ॥

এত বলি করিলেন মন্তক-চূষন ।
 বহু আশীর্বাদ কৈল অধিকা-নন্দন ॥
 কান্দেন চরণে ধরি ধর্ম্মের তনয় ।
 বালকের প্রতি তাত, না হও নির্দয় ॥
 যত ইচ্ছা ধন-রত্ন দ্বিজের দেহ দান ।
 গৃহাশ্রমে থাকি কর যোগ-জপ-ধ্যান ॥
 গৃহাশ্রমে সর্ব ধর্ম্ম পাই নরনাথ ।
 হোম যজ্ঞ ব্রত ধর্ম্ম দান কর তাত ॥

দারুণ ভারত-যুদ্ধে হৈল কুলক্ষয় ।
 সেই তাপে সদা মম দহিছে হৃদয় ॥
 তোমা-দরশনে মম স্থির নহে মন ।
 সর্ব্বতাপ সংবরিলু তোমার কারণ ॥
 তোমার কারণে আমি করি গৃহবাস ।
 পূর্বেতে যাইতেছিলাম লইয়া সম্মাস ॥
 রাজ্যধন-অর্থে মোর নাহি প্রয়োজন ।
 সকল-সম্পদ মম তোমার চরণ ॥
 তোমার বিহনে মোর না রহিবে প্রাণ ।
 এখনি ত্যজিব প্রাণ তোমা-বিদ্যমান ॥
 এইমত ধর্ম্মরাজ করেন মিনতি ।
 সান্ত্বাইতে না হইল কাহারো শক্তি ॥
 মহাত্মারতের কথা স্মৃতিসিদ্ধমত ।
 একমনে সাধু-সব পিয়ে অবিরত ॥

৩। দ্বিতরাই, ও গান্ধারীর কপোশকণন ।

এইরূপে অন্ধরাজ ভাবিতে চিন্তিতে ।
 কাটালেন পঞ্চদশ-বর্ষ হস্তিনাতে ॥
 ভোজনে না রুচে অন্ন, নিদ্রা নাহি হয় ।
 নিরন্তর অন্ধরাজ চিন্তিত-হৃদয় ॥
 কি করিব, কি হইবে, চিন্তা অমুক্ষণ ।
 গৃহবাস হৈল মোর নিগড়-বন্ধন ॥
 যুধিষ্ঠির কদাচিৎ না ছাড়িবে মোরে ।
 কি কৰ্ম্ম করিব সিদ্ধ গৃহকারাগারে ॥
 কিমতে যাইব বনে, না দেখি উপায় ।
 দুই-চক্ষুহীন বিধি করিল আমায় ॥
 হায় বিধি, কোন্ বুদ্ধি করিব এখন ।
 কিরূপে হইবে মোর কারা-বিমোচন ॥
 কোন্রূপে পরলোকে পাইব সদগতি ।
 কোন্রূপে ধর্ম্মপথে যজিবেক মতি ॥

এই অনুশোচ করে দিবস-রজনী ।
 গান্ধারীকে চাহি বলে কুরু-নৃপমণি ॥
 অবধান কর দেবি, বচন আমার ।
 গৃহবাস হৈল মোর মহা-কারাগার ॥
 মহাপাশে বান্ধিয়া রাখয়ে যথা লোকে ।
 তেমতি বন্ধনে আছি দৈবের বিপাকে ॥
 বিধি মোরে বিড়ম্বিল ফেলি নানা-পাকে ।
 মহামায়া-জালে বন্দী করিল আমাকে ॥
 পরবশবর্তী হ'য়ে আজন্ম বন্ধিনু ।
 আপনার বংশ আমি আপনি নাশিনু ॥
 পাপ-চেষ্টা করি জন্ম গেল মিছা-কাজে ।
 কিরূপে পাইব ত্রাণ ভবসিদ্ধ-মাঝে ॥
 না দেখি উপায়, ভবসিদ্ধি ঘোরতর ।
 কিরূপে হইব পার দুঃস্থ সাগর ॥
 এখন না চিন্তি যদি ইহার উপায় ।
 নিশ্চয় ঠেকিব ঘোর শমনের দায় ॥
 সে-ভয়ে তারণকর্তা প্রভু নারায়ণ ।
 ভক্তি-বিনা বশ প্রভু নহে কদাচন ॥
 দান যজ্ঞ ব্রত হোম করে অনুব্রতে ।
 হরিভক্তি-সমান নাহিক ত্রিজগতে ॥
 অভয়-পদারবিন্দে ভক্তি আছে যার ।
 হেলায় তরিবে দেই এ-ভব-সংসার ॥
 হেন প্রভু-ভক্তি আমি করিব কেমনে ।
 উপায় নাহিক মম এ-ছার-জীবনে ॥

গান্ধারী বলয়ে, রাজা, কহি সারোদ্ধার ।
 নিজকর্ম্ম সাধিবারে হয় ত বিচার ॥
 ব্রহ্মচর্য্য-আচরণ হয় ত বিধান ।
 হরিভক্তি-বিনা রাজা, কর্ম্ম নহে আন ॥
 যুধিষ্ঠির ছাড়িয়া না দিবে কদাচিৎ ।
 না মানিব উপদ্রোধ, বাইর নিশ্চিত ॥

তপোবনে প্রবেশিয়া তপ আচরিব ।
 যোগ আচরিয়া ভবসিদ্ধি পারি হব ॥
 ইহা বিনা কিবা আর আছেয়ে উপায় ।
 ইথে অসম্মত কেন হয় ধর্ম্মরায় ॥
 এইরূপ বিচার করয়ে দুইজন ।
 নিশ্চয় যাইব বনে, নহে নিবারণ ॥
 ভারতে আশ্রমপর্ব্ব অপূর্ব্ব-কথন ।
 পয়ার-প্রবন্ধে কাশীদাস-বিরচন ॥

— — —

৪। ধৃতরাষ্ট্র, গান্ধারী ও বিচিবেব অধ্যায়-
 প্রবণে কুন্তী-ব আগমন ।

বজনী প্রভাত, উঠি নরনাথ,
 বিদুরে ডাকিয়া আনি ।
 গদগদ-স্বরে, কহেন বিদুরে,
 ধৃতরাষ্ট্র নৃপমণি ॥
 এস ভাই মোর, প্রাণের দোসর,
 সাধু সর্ব্ব-গুণাশ্রয় ।
 দেবগুরু জিনি, বুদ্ধিমন্ত গণি,
 ক্রিতি-সম ক্ষমাময় ॥
 তুমি মোর মন, আত্মা প্রাণ ধন,
 হিত-উপদেশ কহ ।
 অতঃপর আমি, হব বনগামী,
 এই যুক্তি ভাই, দেহ ॥
 তোমার কল্যাণে, পশিব কাননে,
 সাধিব আপন-কাজ ।
 সাধি যোগ-ভক্তি, পাব অব্যাহতি,
 এ-ভব-সংসার-মাঝ ॥

ধর্ম্মের নন্দন, শুনিলে এমন,
 যাইতে না দিবে মোরে ।
 আপন-উচ্ছ্বাস, যাব-সর্ব্বধায়,
 উপরোধে কিবা করে ॥
 মহা-ঘোর বনে, পশিব কেমনে,
 যুক্তি দেহ তুমি মোরে ।
 শুনি এত কথা, নোয়াইয়া মাথা,
 কহা কহে ঘোড়করে ॥
 আমি তব ভৃত্য, আজন্ম পালিত,
 আমার ঈশ্বর তুমি ।
 তুমি যদি বন, করিবে গমন,
 কি আর করিব আমি ॥
 সংহতি নাইব, বনে প্রবেশিব,
 করিব তথায় সেবা ।
 যে গতি তোমার, সে-গতি আমার,
 স্মারী পরিহরে কেবা ॥
 বিদুর-বচন, শুনিয়া রাজনু,
 প্রশংসিল বহুতর ।
 ত্যজিয়া বসন, বাকল পিছন,
 করিলেন নৃপবর ॥
 গান্ধারী-সুন্দরী, পতি অন্তঃসরি,
 বাকল কৈল পিছন ।
 জটা করি কেশে, তপস্বীর বেশে,
 বসিয়াছে তিনজন ॥
 এ-হেন সময়, আইল সঞ্জয়,
 ধৃতরাষ্ট্র-সন্তাষণে ।
 করি প্রণিপাত, যুড়ি দুই-হাত,
 নিবেদনে সক্রমণে ॥

হের নরপতি, কর অবগতি,
 তোমার কিঙ্কর আমি ।
 তোমার বিহনে, কি কাজ জীবনে,
 সঙ্গে লহ মোরে তুমি ॥
 বিদূর সঞ্জয়, অম্বিকা-তনয়,
 সুবল-নন্দিনী আর ।
 শুভক্ষণ করি, গৃহ পরিহরি,
 বনে কৈল আগুসার ॥
 হেনকালে তথা, ভোজের দুহিতা,
 পাইয়া সে-সমাচার ।
 ত্যজিয়া মন্দির, হইল বাহির,
 ত্যজি-পুত্র-পরিবার ॥
 তপস্বিনী-বেশে, আসি অন্ধপাশে,
 প্রণমিয়া কহে বাণী ।
 ওহে কুরুপতি, তোমার সংহতি,
 কাননে যাইব আমি ॥
 সঙ্গে লহ মোরে, যাহ যথাকারে,
 আমি অনুগত জনা ।
 তোমার প্রসাদে, তরিব আপদে,
 করিব কৃষ্ণ-ভজনা ॥
 শুনিয়া রাজন্, আশ্বাস-বচন,
 দিলেন কুন্তীর তরে ।
 শুনি ভোজমুতা, হৈল হরষিতা,
 গান্ধারী হৃষ্টা অন্তরে ॥
 ভারত-শ্রবণ, তারণ-কারণ,
 এই মোর মনে আশ ।
 কৃষ্ণদাসানুজ, কৃষ্ণপদানুজ,
 বন্দি কহে কাশীদাস ॥

৫। ধৃতরাষ্ট্র, গান্ধারী, কুন্তী, বিদূর ও সঞ্জয়ের অরণ্যবাসী

রাজা ধৃতরাষ্ট্র যায় গহন-কানন ।
 শুনিয়া ব্যাকুলচিত্ত ধর্ম্মের নন্দন ॥
 ভ্রাতৃগণ-কৃষ্ণ-সহ আসি দৌড়াদৌড়ি ।
 ধৃতরাষ্ট্র-গান্ধারী-কুন্তীর পায়ে পড়ি ॥
 ধুলায় ধূসর হ'য়ে করয়ে ক্রন্দন ।
 আজি সে অনাথ হৈল পাণ্ডুপুত্রগণ ॥
 কোন্ অপরাধে তাত, ত্যজহ আমারে ।
 আর কেবা আছে মোর সংসার-ভিতরে ॥
 পিতৃশোক না জানিলু তোমার কারণে ।
 সর্ব্বশোক পাসরিলু তোমা-দরশনে ॥
 তোমার বিহনে সব হৈল অন্ধকার ।
 কোন্ মুখে গৃহেতে রহিব মোর! আর ॥
 কি দেখি ধরিব প্রাণ, উপায় কি হবে ।
 তোমার সহিত তাত, বনে যাব সবে ॥
 ওহে খুল্লতাত, তুমি যাহ কোথাকারে ।
 কিহেতু নির্দয় তাত, হইলে আমারে ॥
 পাণ্ডবের প্রাণদাতা, কৃপার সাগর ।
 তোমার প্রসাদে জীয়ে পঞ্চ-সহোদর ॥
 তোমা-বিনা পাণ্ডবের কি হবে উপায় ।
 কোন্ অপরাধে তাত, ছাড়িবে আমায় ॥
 এইরূপে যুধিষ্ঠির কান্দয়ে অপর ।
 প্রবোধ করেন সবে অশেষ-প্রকার ॥
 বিদূর সঞ্জয় দৌড়ে বিচারিয়া মনে ।
 ডাকিয়া নিভূতে কহে মাদ্রীর নন্দনে ॥
 রাজার নন্দিনী কুন্তী, রাজার গৃহিণী ।
 জনম দুঃখেতে গেল, হেন অনুমানি ॥
 এতদিনে নিষ্কণ্টক হৈল বহুমতী ।
 কতদিন হুখ দুঃখ সবার সংহতি ॥



ସୂତ୍ରାବଳୀ, ନାଟ୍ୟାଦି ଆଦିର ସମ୍ବନ୍ଧ

ଆଦ୍ୟ-ସୂତ୍ର-ଆଦି ଗୋଟିଏ
ସୂତ୍ରାବଳୀ-ସୂତ୍ରାବଳୀ ଆଦି

“ସୂତ୍ରାବଳୀ ସାଧ୍ୟ ଗଣ୍ୟ-କାଳିନୀ ।
ତାହା ବାହ୍ୟାଦି, ସଂସାର ନାଶ ।

তোমরা উভয়ে তাঁর অতি প্রিয়তর ।
কুন্তীরে প্রবোধ দেহ দুই-সহোদর ॥
তোমা-দৌহাকার স্নেহ নারিবে ছাড়িতে ।
যাইতে নারিবে কুন্তী, হেন লয় চিতে ॥

এত শুনি দুই ভাই চলে সেইক্ষণ ।
জনীর গলে ধরি কান্দে দুইজন ॥
কোথাকারে যাহ মাতা, নিষ্ঠুরা হইয়া ।
কিমতে বঞ্চিব মোরা তোমা না দেখিয়া ॥
তোমা-বিনা তিলেক রহিতে নাহি পারি ।
ক্ষণেক না জীব মোরা তোমা পরিহরি ॥
যদি আমা-দৌহে ছাড়ি যাইবে কাননে ।
এখনি ত্যজিব প্রাণ তোমা-বিদ্যমানে ॥

এত বলি কান্দে দৌহে উচ্চৈঃস্বর করি ।
ব্যাকুল হইল চিত্তে ভোজের কুমারী ॥
কি করিব, ইহার উপায় নাহি দেখি ।
কহিতে লাগিল কুন্তী দ্রোপদারে ডাকি ॥
তুমি সাধবী পতিব্রতা লক্ষ্মী-অবতার ।
এই-বাক্য পালন মা, করিবে আমার ॥
এই দুই-পুত্র মোর প্রাণের সমান ।
এ-দৌহে পালিবে তুমি সদা সাবধান ॥
আমারে পাসরে যেন তোমার পালনে ।
অনুমতি কর মাতা, যাই আমি বনে ॥

এত বলি শিরোদেশে করিল চূষন ।
প্রণমিয়া যাক্সসেনী করয়ে রোদন ॥
পঞ্চপুত্র কোলে করি ভোজের নন্দিনী ।
শিরে চুষ দিয়া কহে আশীর্বাদ-বাণী ॥
বিবিধ-প্রকারে প্রবোধিয়া পঞ্চজনে ।
চলিলেন কুন্তীদেবী ধৃতরাষ্ট্র-সনে ॥
উচ্চৈঃস্বরে কান্দে সবে প্রবোধ না মানে ।
শোকের নাহিক অন্ত ভাই পঞ্চজনে ॥

তিলেক না বঞ্চে কেহ কুন্তীর বিচ্ছেদে ।
প্রজাগণ বিলাপ কারছে মনঃ-খেদে ॥
আজি সে হইল শূন্য হস্তিনা-নগরী ।
প্রবল-তিমিরে আচ্ছাদিল আজি পুরী ॥
আজি সে অনাথ হৈল রাজ্য-প্রজাগণ ।
পুরবাঙ্গী আছে বত হস্তিনা-জুবন ॥

যুধিষ্ঠির কান্দিছেন করি হায়-হায় ।
ললাটে শানেন খাত, লোটান ধূল্য ॥
মা মা বলি যুধিষ্ঠির ডাকেন সঘন ।
নিদ্দয়া নিষ্ঠুরা মাতা, হৈলা কি-কারণ ॥
সহদেব নকুল এ ভাই দুইজনে ।
তিলেক না জাবে মাতা, তোমার বিহনে ॥
পূর্বের যবে বনে পাঠাইল দুর্ঘোষন ।
মম সঙ্গ বনে গেল ভাই চারিজন ॥
বারত নয়ন সদা তোমার বিহনে ।
তোমার ভাবনা-বিনা অশ্রু নাহি মনে ॥
তদন্তরে পাইয়া তোমার দরশন ।
তিলেক বিচ্ছেদ নহে ভাই দুইজন ॥
তোমার বিচ্ছেদে তারা না ধরিবে জীব ।
কেমন প্রকারে আমি দৌহে প্রবোধিব ॥
কেমনে চলিলা মাতা, নিদ্দয়া হইয়া ।
এই দুই বালকেরে না দেখ চাহিয়া ॥
আমা-সম হতভাগ্য নাহি তিন-লোকে ।
জনম-অবধি মজ্জলাম দুঃখ-শোকে ॥
ছার রাজ্য-ধন-জন, ছার গৃহবাস ।
তোমা-বিনা হৈলু আমি সকলে নিরাশ ॥

এত বলি যুধিষ্ঠির করেন ক্রন্দন ।
আশীর্বাদ করি কুন্তী করিল চূষন ॥
শোকেতে কাতর তাত, হও কি-কারণে ।
সর্ব-ধন্যধন্য তাত, জানহ আপনে ॥

প্রসন্ন হইয়া মোরে করহ আদেশ ।
 সুকৰ্ম করিতে তাত, কেন ভাব ক্লেশ ॥
 বড়ই শ্রবল তাত, এ-ভব-সাগর ।
 ইহাতে হইতে পার বড়ই দুষ্কর ॥
 ভবার্গবে কর্ণধার দেব-ভগবান্ ।
 তাঁহারে ভজিলে ইথে পাই পরিত্রাণ ॥
 অকারণে গেল কাল সংসারের দায় ।
 এখন সে ভাবিলাম ইহার উপায় ॥
 ভক্তি-বিনা ভগবান্ কভু বশ নয় ।
 কেমনে তরিব ঘোর শমনের ভয় ॥
 পরকালে তিনি-বিনা বন্ধু নাহি আর ।
 ভকত-বৎসল হরি করিবে উদ্ধার ॥
 মায়া-মোহ ত্যজ তাত, তত্বে দেহ মন ।
 ধৰ্ম্মপথে বিচলিত নহ কদাচন ॥
 পুত্রবৎ পালন করহ প্রজাগণ ।
 ব্রাহ্মণের সেবা তুমি কর অনুক্ষণ ॥
 প্রাণতুল্য ভ্রাতৃগণে দেখিবে সদায় ।
 পাত্রমিত্র-দাসদাসী আর সমুদায় ॥
 যতনে করিবে তাত, সবার পালন ।
 অনুমতি কর তাত, যাই আমি বন ॥
 এত বলি সহদেব-নকুলে লইয়া ।
 দ্রৌপদীর হাতে-হাতে দিলা সমর্পিয়া ॥
 সবারে বিদায় করি ভোজের কুমারী ।
 দাঁড়াইল গিয়া ধৃতরাষ্ট্র-বরাবরি ॥
 ধৃতরাষ্ট্র-নৃপতির যত বধুগণ ।
 দুঃশলা-সুন্দরী-আদি কান্দে সর্বজন ॥
 হাহাকার করি সবে কান্দে উচ্চৈঃস্বর ।
 আশা-সবে ছাড়ি কোথা যাহ নৃপবর ॥
 হা হা বিধি, কি উপায় করিব এখন ।
 এত ক্লেশে পাপ-প্রাণ রহে কি-কারণ ॥

পাষণে রচিত দেহ আশা-সবাকার ।
 এতেক আঘাতে তপ্ত না হয় বিদার ॥
 উচ্চৈঃস্বরে কান্দে সবে শিরে মারে ঘাত ।
 তোমা-বিনা আজি মোরা হইলু অনাথ ॥
 গড়াগড়ি যায় সবে ধূলায় ধূসর ।
 চিত্তের পুত্তলী প্রায় ভূমির উপর ॥
 দেখিয়া ব্যথিত হৈল বিদুর স্মৃতি ।
 ডাক দিয়া কহিলেন যুধিষ্ঠির-প্রতি ॥
 শোক ত্যজ, শুন রাজা, আমার বচন ।
 আশা-সবাকার শোক কর নিবারণ ॥
 ইহা-সবাকার প্রতি করহ আশ্বাস ।
 প্রবোধিয়া সবাকারে লহ গৃহবাস ॥
 ধর্ম্মের নন্দন তুমি, ধর্ম্ম-অবতার ।
 তোমার এতেক মোহ, অতি অবিচার ॥
 সবারে সান্ত্বনা দিয়া স্থির কর মন ।
 তোমাতে বুঝায়, হেন আছে কোন্ জন ॥
 এইরূপে বহুতর বিদুর কহিল ।
 অনেক সান্ত্বনা পঞ্চ-সহোদরে দিল ॥
 তবে ধৃতরাষ্ট্র কহে বিদুরের প্রতি ।
 হের অবধান কর বিদুর স্মৃতি ॥
 এ-সময় ব্রাহ্মণেরে দিব কিছু দান ।
 কিছু ধন মাগি আন ধর্ম্মরাজ-স্থান ॥
 অশ্বের বচনে ক্ষত্তা কহে যুধিষ্ঠিরে ।
 কিছু ভিক্ষা চাহে তোমা অন্ধ-নৃপবরে ॥
 ধর্ম্ম বলিলেন, ভিক্ষা কিসের কারণ ।
 তাঁহার সকল রাজ্য প্রজা ধন জন ॥
 আমি-আদি সকলে বিক্রীত তাঁর পায় ।
 হেন বাক্য কহিবারে তাঁরে না যুয়ায় ॥
 এত বলি যুধিষ্ঠির ডাকি ভ্রাতৃগণে ।
 ধন আনিবারে আজ্ঞা দিলেন সঙ্কণে ॥

ধৰ্ম্মরাজ-আজ্ঞা পেয়ে চারি সহোদর ।
 ভাগুর হইতে ধন আনে বহুতর ॥
 প্রবাল মুকুতা স্বর্ণ মণি মরকত ।
 বিবিধ রতন-রাশি আনে শত-শত ॥
 হরষেতে অন্ধরাজ গান্ধারী-সহিত ।
 দ্বিজগণে ধনদান কৈল অপ্রমিত ॥
 ভূমিদান অন্নদান করিল বিস্তর ।
 হস্তী অশ্ব ধেনু বৎস রত্ন বহুতর ॥
 ভীষ্ম-দ্রোণ-কর্ণ-আদি রাজা দুৰ্য্যোধন ।
 সবাকার নাম ধরি দ্বিজ দিল ধন ॥
 বিবিধ বসন দান করিল অপার ।
 রত্ন-সিংহাসন শয্যা বিবিধ-প্রকার ॥
 দানেতে তুষিয়া সব ব্রাহ্মণ-মণ্ডল ।
 বনে যেতে অন্ধরাজ হইল চঞ্চল ॥
 বহু-অশীর্বাদ ভাই-পঞ্চজনে কৈল ।
 আলিঙ্গন শিরোস্ত্রাণ চুষ্মন করিল ॥
 প্রণমিয়া পঞ্চভাই কান্দে উভরায় ।
 কৃতাজলি প্রণমিল গান্ধারীর পায় ॥
 আশীর্বাদ কৈল দেবী প্রসন্ন-বদনে ।
 অঙ্গে হাত বুলাইয়া ভাই-পঞ্চজনে ॥
 একে-একে সবাকারে করিয়া বিদায় ।
 বনবাসে যাত্রা করিলেন কুরুরায় ॥
 গান্ধারীর স্কন্ধে আরোপিয়া যাম্যহাত' ।
 ধীরে-ধীরে চলিলেন কুরুকুলনাথ ॥
 গান্ধারীর যাম্য-ভাগে চলিল সঞ্জয় ।
 আগে-আগে চলিলেন ক্ষত্ৰ-মহাশয় ॥
 হেনমতে অন্ধরাজ চলিল কানন ।
 দেখিবারে আইল যতক প্রজাগণ ॥

বাল বৃদ্ধ যুবা ধায় কুলবধুগণে ।
 দ্বিতরাষ্ট্র-বেশ দেখি কান্দে সর্বজনে ॥
 ওহে অন্ধরাজ, ভূমি যাও কোথাকারে ।
 কিহেতু তপসিবেশ ধ'রেছ শরীরে ॥
 দুই-চক্ষু অন্ধ তব, অথর্ব শরীর ।
 কিমতে ছাড়েন তোমা রাজা যুধিষ্ঠির ॥
 বাহুড়-বাহুড় রাজা, না যাও কাননে ।
 তোমার বিহনে আর জঁবে কোন্ জনে ॥
 ধন্যপুত্র যুধিষ্ঠির ধর্ম্ম-অবতার ।
 সেবিবে তোমায় তেঁহ ধর্ম্মের আচার ॥
 এইরূপে চতুর্দিকে কান্দে সর্বজন ।
 প্রবেধিয়া দ্বিতরাষ্ট্র চলিল কানন ॥
 পথ দেখাইয়া ক্ষত্ৰ আগে-আগে যায় ।
 কুরুক্ষেত্র-সম্মিকটে এল কুরুরায়
 তথা হৈতে চলি গেল জাহ্নবীর কূলে ।
 স্নান-দান করিলেন নামি গঙ্গাজলে ॥
 হরসেতে স্নান কারি করিল তর্পণ ।
 তদন্তরে কূলেতে উঠিল পঞ্চজন ॥
 বসিয়া গঙ্গার তীরে কপোপকথনে ।
 সেট নিশা বঞ্চিল জাহ্নবী-জলপানে ॥
 রজনী প্রভাত হৈল, সূর্য্যের উদয় ।
 প্রভাতে উঠিল তবে বিদুর-সঞ্জয় ॥
 গঙ্গার পশ্চিমে বন, নাম দ্বৈপায়ন ।
 নানাবিধ-রক্ষণতা-শোভিত কানন ॥
 অশোক চম্পক-বৃক্ষ পলাশ কাঞ্চন ।
 অর্জুন খর্জুর আশ্রু জম্বুতরু-বন ॥
 রাজবৃক্ষ শাল তাল আর আমলকী ।
 কণ্টকী দাড়িম্ব নারিকেল হরীতকী ॥

শিরীষ কদম্ব ঝাঁটি বদরী খদির ।
 তিস্তিভী বহেড়া আর নারঙ্গী জম্বীর ॥
 দেবদারু ভদ্রদারু নিম্ব-তরুণবর ।
 বিচিত্র কদলী-বৃক্ষ দেখিতে সুন্দর ॥
 নানা-পুষ্প-সৌরভে বাসিত বনস্থলী ।
 ভ্রমর গুঞ্জরে তাহে, কোকিল-কাকলী ॥
 বিচিত্র তুলসী-বৃক্ষ অতি-সুশোভন ।
 বিচিত্র মঞ্জরী তাহে, নব-দলগণ ॥
 আমোদে পূর্ণিত হয় সকল কানন ।
 পুষ্পভরে অবনত যত তরুগণ ॥
 মল্লিকা মালতী ঘৃথী জাতি নাগেশ্বর ।
 করবী বকুল জবা রঙ্গন টগর ॥
 সৈঁউতি মাধবী-লতা কুটজ কিংশুক ।
 শেফালিকা সারি-সারি দেখিতে কোঁতুক ॥
 নব-নব-দলেতে পূর্ণিত ফল-ফুল ।
 তার গন্ধে মকরন্দে ধায় অলিকুল ॥
 কোকিলেরা মধুসরে করে কুল্লরব ।
 মন্দ-সমীরণ বহে, অতীব সৌরভ ॥

বন দেখি আনন্দিত বিদুর-সঞ্জয় ।
 হেথায় বঞ্চিব, হেন চিস্তিল হৃদয় ॥
 দুইখানি কুটার রচিল সেইখানে ।
 মুনিগণ নিবসয়ে তার সম্মিধানে ॥
 সম্ভাষিয়া মুনিগণে করিয়া বিনয় ।
 অন্ধের নিকটে গেল বিদুর-সঞ্জয় ॥
 ধৃতরাষ্ট্র গাফারী সহিত-ভোজহুতা ।
 সবে ল'য়ে কুটারে আইল পুনঃ ক্ষত ॥
 এক গৃহে কুন্তী-সঙ্গে শ্রবল-নন্দিনী ।
 আর গৃহে বিদুর সঞ্জয় নৃপমণি ॥
 কানন-নিবাসী যত মুনি-ঋষিগণ ।
 আসিল করিতে ধৃতরাষ্ট্রে সম্ভাষণ ॥

যথাবিধি পূজিয়া সাদরে সবাকারে ।
 নিজ-অভিলাষ রাজা জানায় সবারে ॥
 মহামুনি-ঋষিগণ ধৃতরাষ্ট্র-প্রীতে ।
 আশ্রম করিয়া রহিলেন চতুর্ভিতে ॥
 দেখিয়া পাইল প্রীতি অন্ধ-নৃপবর ।
 ব্রহ্মচর্য্য আচরিল শুদ্ধ-কলেবর ॥
 নিকটে জাহ্নবী-নীরে স্নান-দান করি ।
 হোমকর্ম্ম সমাপিল কুরু-অধিকারী ॥
 গৃহমধ্যে কুশাসন করিয়া স্থাপন ।
 পূর্ব্বমুখে বসে রাজা করি যোগাসন ॥
 হৃদয়ে পরম-পদ চিস্তিয়া সাদরে ।
 মন্ত্র জপ করে অন্ধ ভক্তি-পুরঃসরে ॥
 নিকটে বিদুর আর সঞ্জয় স্মৃতি ।
 যোগাসন করি দৌহে করিলেন স্থিতি ॥
 এইরূপে সকলে বসিল যোগাসনে ।

মন্ত্র-ধ্যান করিয়া জপেন সুলক্ষণে ॥
 দিনশেষে বিদুর-সঞ্জয় দুইজন ।
 ফল-মূল আনি সবে করিল ভক্ষণ ॥
 পুণ্যকথা-আলাপনে বঞ্চিলা রজনী ।
 হেনমতে কাননে রহিলা নৃপমণি ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

— — —

৬। ধৃতরাষ্ট্রের আশ্রমে যুধিষ্ঠিরাদির আগমন
 ও বিদুরের দেহত্যাগ ।

মুনি বলে, শুন জন্মেজয় নরপতি ।
 গৃহে যান ধর্ম্মরাজ শোকাকুল-মতি ॥
 ভীমাঙ্কন মাদ্রীসুত পাঞ্চাল-কুমারী ।
 ধৃতরাষ্ট্র-বধুগণ দুঃশলা-সুন্দরী ॥

শোকাকুল হইয়া কান্দয়ে সৰ্বজন ।
 দিবস-রজনী শোক নহে নিবারণ ॥
 নাহি রুচে অন্ন-জল, সদা অরে আঁখি ।
 শোকাকুল-মন সবে হৈল বড় দুঃখী ॥
 ধন্থ-আগে কান্দি কহে মাদ্রীর তনয় ।

এতদিনে যুড়্যকাল হইল নিশ্চয় ॥
 ধরিতে না পারি প্রাণ জননী-বিহনে ।
 দশদিক্ অন্ধকার লাগে রাত্রিদিনে ॥
 ভোজনে না রুচে অন্ন, শুন মহাশয় ।
 দিবস-রজনী চ'ক্ষে নিদ্রা নাহি হয় ॥
 এইক্ষণে যদি মোরা নাহি দেখি মায় ।
 অবশ্য মরিব দৌহে, কহিনু নিশ্চয় ॥

এত বলি দুই-ভাই কান্দে উচ্চৈঃস্বরে ।
 মূৰ্চ্ছিত হইয়া পড়ে ভূমির উপরে ॥
 দেখিয়া ব্যাকুল-চিত্ত রাজা যুধিষ্ঠির ।
 প্রবোধিতে না পারিয়া হ'লেন অস্থির ॥
 ভীমসেন অৰ্জুন কান্দেন দুইজন ।
 দ্রুপদ-নন্দিনী কৃষ্ণা কান্দে অনুক্ষণ ॥
 ধৃতরাষ্ট্র-বধুগণ করে হাহাকার ।
 রাত্রিদিন শোক-বিনা অশ্রু নাহি আর ॥
 কান্দিয়া রাজার প্রতি কহে সৰ্বজন ।
 নিশ্চয় না রহে প্রাণ, শুনহ রাজন ॥
 কুরুকুলনাথ অন্ধ সুবল-নন্দিনী ।
 বিহুর সঞ্জয় আর কুন্তী ঠাকুরাণী ॥
 তাঁহা-সব-বিহনে জীবন নাহি রয় ।
 ইহার বিধান শীঘ্র কর মহাশয় ॥
 এ-শোক-সাগরে কেহ তিলেক না জাঁবে ।
 যথা গেল অন্ধরাজ, তথা যাব সবে ॥

এইরূপে নৃপতিরে কহে সৰ্বজন ।
 শুনিয়া চিন্তিত-চিত্ত ধর্ম্মের নন্দন ॥

দিবস-রজনী কান্দে মাদ্রীর তনয় ।
 ভ্রাজ্জিবে শরীর দৌহে, হেন মনে লয় ॥
 কোনমতে প্রবোধ না মানে দুই-ভাই ।
 পুরজন-আদি শোকে কাতর সবাই ॥
 অশ্রুমতে নহে এই শোক নিবারণ ।
 জ্যেষ্ঠতাত-নিকটেতে যাইব-কানন ॥
 সবারে কাতর দেখি হবেন সদয় ।
 বাহুড়িয়া আসিবেন, হেন মনে লয় ॥
 কদাচিৎ বাহুড়িয়া যদি নাহি আসে ।
 সেইরূপে সবাই রহিব তাঁর পাশে ॥
 এই অনুমান করি ধর্ম্মের নন্দন ।
 সবারে আশ্বাস করি প্রবোধিয়া কন ॥
 শোক-দুঃখ ছাড়ি সবে স্থির কর মন ।
 সেই বনে সবে মোরা করিব গমন ॥

রাজার বচনে সবে হৃষ্ট হৈয়া মনে ।
 সেইক্ষণে বহির্গত হৈল সৰ্ব্বজনে ॥
 যুধিষ্ঠির-পঞ্চভাই দ্রোপদী-সহিত ।
 রৌহিণ্যেী সুভদ্রা উত্তরা পরীক্ষিৎ ॥
 ধৃতরাষ্ট্র-বধুগণ দুঃশলা-সুন্দরী ।
 লিখনে না যায়, যত চলে পুরনারী ॥
 বিবিধ-বাহনে চলে আর পদভ্রজে ।
 সপ্ত-স্নরে সঘনে বিবিধ-বাণ্ড বাজে ॥
 বাণ্ডে হৃষ্টমতি নহে শোকাকুল-মন ।
 চলিল অনেক রাজা, না যায় গণন ॥
 পূর্বেতে ভারতযুদ্ধে সৈন্যের সাজনী ।
 তেমনি সাজিল অষ্টাদশ-অকৌহিণী ॥
 তাহা-সবাকার যত ছিল নারীগণে ।
 সবাই চলিল ধৃতরাষ্ট্র-দরণনে ॥
 অষ্টাদশ-অকৌহিণী, হেন অনুমানি ।
 মহাশব্দে কম্পমানা হইল মেদিনী ॥

হেনমতে ধর্মরাজ চলেন স্থিরিত ।
 হৈপায়ন-বনে আসি হৈলা উপনীত ॥
 গঙ্গাজলে স্নান করি প্রবেশি কাননে ।
 চলিলেন পঞ্চভাই সহ-নারীগণে ॥
 বসি আছে ধৃতরাষ্ট্র কুটীর-ভিতর ।
 মৌনভাবে একাসনে রুড়ি ছুই-কর ॥
 প্রণমিয়া পঞ্চভাই অন্ধের চরণে ।
 জ্যেষ্ঠতাত বলিয়া ডাকেন পঞ্চজনে ॥
 সমাধি ভাঙ্গিয়া অন্ধ শুনিবারে পায় ।
 কে তুমি বলিয়া জিজ্ঞাসিল কুরুন্ময় ॥
 শুনি যুধিষ্ঠির কহিলেন সবিনয় ।
 তব ভৃত্য যুধিষ্ঠির, শুন মহাশয় ॥
 এত শুনি অন্ধ যুধিষ্ঠিরে কোলে নিল ।
 অঙ্গে হাত বুলাইয়া শুভ জিজ্ঞাসিল ॥
 কহ তাত, পুরের কুশল-সমাচার ।
 কুশলে আছে ত সব বন্ধু-পরিবার ॥
 যুধিষ্ঠির কহে, তাত, কি কহিব আর ।
 তোমার সাক্ষাতে এই সব পরিবার ॥
 আপনি রহিলে আসি কানন-ভিতরে ।
 তোমা না দেখিয়া সব-হৃদয় বিদরে ॥
 কহ তাত, কোথা মম গান্ধারী জননী ।
 কোথা কুম্ভী মাতা মম ভোজের নন্দিনী ॥
 কোথা খুল্লতাত সে বিদুর-মহাশয় ।
 তাঁ'-সবারে না দেখিয়া প্রাণ বাহিরায় ॥
 এত শুনি কহিতে লাগিল কুরুপতি ।
 ও কুটীরে তব মাতা গান্ধারী-সংহতি ॥
 বিদুরের সমাচার নিশ্চয় না জানি ।
 জীয়ে কি না জীয়ে ভাই দ্রুপদ গুণমণি ॥
 অনশন-ব্রত করি ত্যজিয়া আহার ।
 একেশ্বর গেল দ্রুপদ নিকটে গঙ্গার ॥

চারিদিন আমা-সহ নাতি দরশন ।
 জীয়ে কি না জীয়ে ভাই, কর অবেশন ॥
 শুনিয়া ব্যাকুল ধর্মপুত্র যুধিষ্ঠির ।
 চলিলেন গঙ্গাতীরে অন্তরে অস্থির ॥
 গঙ্গাতীরে বটমূলে দেখে একেশ্বর ।
 দীর্ঘ-জটাবার পড়িয়াছে পৃষ্ঠোপর ॥
 করপুটে বসিয়া আছেন মহাশয় ।
 প্রণাম করেন গিয়া ধর্মের তনয় ॥
 আছে কি না আছে প্রাণ, না জানি নিশ্চয়
 উচ্চৈঃস্বরে ডাকে পঞ্চ পাণ্ডুর তনয় ॥
 ওহে খুল্লতাত, বলি ডাকে ঘনে-ঘন ।
 কুতাজলি করি ডাকে ভাই পঞ্চজন ॥
 ওহে মহাশয়, পাণ্ডবের প্রাণদাতা ।
 ভৃত্যগণ ডাকে তোমা, উঠি কহ কথা ॥
 বিষম-সঙ্কটে রক্ষা কৈলে পুনঃপুনঃ ।
 যুধিষ্ঠির ডাকেন, উত্তর নাহি কেন ॥
 তোমা-বিনা পাণ্ডবের কেবা আছে আর ।
 সদয় হইয়া তাত, চাহ একবার ॥
 ওহে খুল্লতাত, কেন না শুন শ্রবণে ।
 কোন্ অপরাধে এত কোপ কৈলে মনে ॥
 এইরূপে পঞ্চভাই করেন রোদন ।
 আকাশে বিমানে থাকি দেখে দেবগণ ॥
 ছুই আঁখি নিয়োজিল যুধিষ্ঠির-পানে ।
 বিদুরের তেজ নিঃসরিল সেইক্ষণে ॥
 দেখয়ে দ্বিতীয় যেন রবির কিরণ ।
 যুধিষ্ঠির-অঙ্গে লিপ্ত হইল তখন ॥
 আকাশে অমরগণ পুষ্পরষ্টি করে ।
 জয়-জয় শব্দ হৈল অমর-নগরে ॥
 ভ্রাতৃগণে কহিলেন রাজা যুধিষ্ঠির ।
 পাইল দ্বিগুণ তেজ আমার শরীর ॥

পূৰ্বেৰ যতেক তেজ অঙ্গে মম ছিল ।
অকস্মাৎ এখন দ্বিগুণ তেজ হৈল ॥
মহাভারতের কথা অমৃত-সমান ।
কাশীৰাম দাস কহে, শুনে পুণ্যবান ॥

৭। বিহুৱেৰ দেহভ্যাগে সকলৰ বিলাপ
ও ব্যাসেৰ সান্তনা-দান ।

বিহুৱে লইয়া কান্দে ভাই পঞ্চজন ।
হেনকালে আসে তথা মুনি দ্বৈপায়ন ॥
মুনি দেখি প্ৰণমিল পঞ্চ-সহোদৰে ।
খুল্লতাত বলি কান্দে অতি-উচ্চৈঃস্বৰে ॥
প্ৰবোধিয়া মুনিবৰ কহেন বচন ।
কি-কাৰণে শোক কৰ ধৰ্ম্মেৰ নন্দন ॥
আপনি কি নাহি জান রাজা যুধিষ্ঠিৰ ।
তুমি ও বিহুৱ হও একই শৰীৰ ॥
মাণ্ডব্য-মুনিৰ শাপে ধৰ্ম্ম-মহাশয় ।
বিহুৱ-ৰূপেতে তাঁৰ ক্ষিতিতে উদয় ॥
তুমিহ আপনি ধৰ্ম্ম, জানিহ নিশ্চয় ।
ধৰ্ম্ম-অংশ হও তুমি, ধৰ্ম্মেৰ তনয় ॥
বিহুৱেৰ তেজ যেই হইল বাহিৰ ।
সেইৰূপে প্ৰবেশিল তোমাৰ শৰীৰ ॥
কহিলাম তোমাৰে এ-সব সমাচাৰ ।
শোক-তাপ দূৰ কৰ ধৰ্ম্মেৰ কুমাৰ ॥

ব্যাসেৰ বচনে পঞ্চ পাণ্ডৱ কুমাৰ ।
বিধিমতে বিহুৱেৰ কৰেন সংকাৰ ॥
ধৃতৰাষ্ট্ৰে আসিয়া কহেন সমাচাৰ ।
বুজিত হইয়া পড়ে অম্বিকা-কুমাৰ ॥
আপনি ধৰেন তাঁৰে ব্যাস মহামুনি ।
নানাকূপে প্ৰবোধিয়া কহে তত্ববাণী ॥

অন্ধ বলে, বিহুৱ ছাড়িয়া গেল মোৱে ।
তথাপি ৱহিল প্ৰাণ পাপ-কলেবৰে ॥
দুৰ্য্যোধন-শোক মম চৈল পাসৱণ ।
কিকপে বিহুৱ-শোকে ৱহিব এখন ॥
এত বলি কান্দে রাজা অম্বিকা-নন্দন ।
পাণ্ডৱ-প্ৰভৃতি কান্দে আৰ সৰ্বজন ॥
বিপন্নীত শব্দ হৈল পুনঃ সেইস্থলে ।
দেখিতে আটল বন নিবাসী সকলে ॥
ধৃতৰাষ্ট্ৰ-পাশে বসি ব্যাস মহামুনি ।
প্ৰবোধ কৰিয়া কহিছেন তত্ববাণী ॥
অনধান কৰ রাজা, পূৰ্বেৰ কাহিনী ।
দৈত্যভাৱে পীড়ায়ুক্ত হটল মেদিনী ॥
ধেনুৰূপ ধৰি গেল ব্ৰহ্মাৰ সদন ।
কান্দিত-কান্দিতে ক্ষিত কৰে নিবেদন ॥
দৈত্যভাৱ আমি আৰ সহিতে না পাৰি ।
কি কৰিব, আজ্ঞা দেহ সৃষ্টি-অধিকাৰি ॥
শুনি ব্ৰহ্মা ক্ষিত্তিৱে আশ্বাসি ততক্ষণ ।
কঁৱোৱেৰ তাঁৰে গিয়া সহ-দেবগণ ॥
প্ৰণমিয়া কৰপুটে কৰিলেন স্তুতি ।
তুষ্ট হৈয়া হইলেন প্ৰত্যক শ্ৰীপতি ॥
দৈত্য বিনাশতে যুক্তি কৰি নিৰূপণ ।
দেবগণে আদেশেন কমললোচন ॥
নিজ-নিজ অংশে সবে হও অবতাৰ ।
লালায় কৰিব ক্ষয় পৃথিবীৰ ভাৱ ॥
আপনি জন্মিব আমি বনুদেব-ঘৰে ।
নাশিব পৃথিবী-ভাৱ কহি সৰ্বাকারে ॥
এত বলি সস্থানে গেলেন নাৰায়ণ ।
দেবগণ-সহ ব্ৰহ্মা গেলেন ভবন ॥
দৈবকাঁৱ গৰ্ভে জন্মিলেন নাৰায়ণ ।
অনন্ত অগ্ৰজ তাঁৰ ৱেবতী-ৱমণ ॥

ধর্ম-অংশে যুধিষ্ঠির ধর্ম-অবতার ।
 বায়ু-অংশে বৃকোদর পবন-কুমার ॥
 ইন্দ্র-অংশে জন্মিলেন বীর ধনঞ্জয় ।
 অশ্বিনী-কুমার-অংশে মাত্রীপুত্র-দ্বয় ॥
 অগ্নি-অংশে ধৃষ্টদ্যুম্ন পাঞ্চাল-নন্দন ।
 লক্ষ্মী-অংশে পাঞ্চালী যে বিখ্যাত ভুবন ॥
 আপনি আছিল। তুমি গন্ধর্বের পতি ।
 তব পুত্র দুর্ঘোধান কলির আকৃতি ॥
 অপর তোমার পুত্র রাক্ষস-সকল ।
 সূর্য-অংশে জন্মে বীর কর্ণ মহাবল ॥
 বসু-অবতার ভীষ্ম তব জ্যেষ্ঠতাত ।
 বিদুর আপনি ধর্ম, শুন নরনাথ ॥
 বৃহস্পতি-অংশে জন্মে দ্রোণ-মহাশয় ।
 রুদ্র-অংশে অশ্বখামা, জানিহ নিশ্চয় ॥
 চন্দ্র-অংশে অভিমন্যু অর্জুন-কুমার ।
 কহিলু তোমারে রাজা, সর্ব-সমাচার ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৮। ব্যাসদেবের নিকটে গান্ধারী-প্রভৃতির
 দুর্ঘোধানাদির দর্শন-কামনা ।

এইরূপে অঙ্করাজে কন মুনিবর ।
 মাযের নিকট যান পঞ্চ-সহোদর ॥
 গান্ধারীয়ে প্রণাম করেন পঞ্চজনে ।
 আশীর্বাদ কৈলা দেবী প্রসন্ন-বদনে ॥
 কুন্তীরে প্রণাম কৈল পঞ্চ-সহোদর ।
 বসেন কুন্তীর কোলে মাত্রীর কোণ্ডর ॥
 পুত্রে কোলে করি কুন্তী করিল চুম্বন ।
 প্রণাম করিল আসি যত বধুগণ ॥

এইমতে সর্বজনে পুরিল কানন ।
 হেনকালে কহিলেন মুনি দ্বৈপায়ন ॥
 দ্বারকা-নগরে আমি যাব শীত্রগতি ।
 বরে কার্য থাকে যদি, মাগ নরপতি ॥
 গান্ধারী স্তবলশ্রুতা শুনি হেন কথা ।
 করযোড় করি বলে সতী পতিব্রতা ॥
 কৃপার সাগর তুমি মুনি-মহাশয় ।
 তোমার মহিমা যত মুনিগণে কয় ॥
 তোমার অসাধ্য দেব, নাহি ত্রিজগতে ।
 সে-কারণে এই বর মাগি যে তোমাতে ॥
 পুত্রশোক-সম আর নাহি ত্রিভুবনে ।
 শতপুত্র আমার সংহার হৈল রণে ॥
 সেই-শোকে দহে মোর সকল শরীর ।
 তিলেক নাহিক ছাড়ে নয়নের নীর ॥
 শোকের সাগরে ভাসি, নাহিক উপায় ।
 সে-কারণে মুনিরাজ, নিবেদি তোমায় ॥
 বারেক তাদের যদি পাই দরশন ।
 এ-শোক-সাগরে তবে হইবে মোচন ॥
 প্রসবিয়া আমি না দেখিলু পুত্রমুখ ।
 এই মোর হৃদয়ে আছয়ে বড়-দুখ ॥
 এই বর মাগি দেব, তব পদতলে ।
 কৃপায় দেখাহ মোরে তনয়-সকলে ॥

ধৃতরাষ্ট্র বলে, মম এই মনোনীত ।
 কৃপা কর মুনিরাজ, কহিলু নিশ্চিত ॥
 তবে কুন্তীদেবী বলে যুড়ি দুইকর ।
 মম মনস্কাম সিদ্ধ কর মুনিবর ॥
 পুত্র-কর্ণে নয়নে দেখিব একবার ।
 অভিমন্যু ঘটোৎকচ পঞ্চ-পৌত্র আর ॥
 কৃপা করি দেখাও যদ্যপি মহাশয় ।
 হৃদয়ের শেল মোর তবে দূর হয় ॥

অনন্তরে পাঞ্চালী পাঞ্চাল-রাজহুতা ।
 প্রণাম করিয়া কহে মনোহুঃখযুতা ॥
 মোর সম হতভাগী নাহি তিনলোকে ।
 পিতৃকুল-ক্ষয়-হেতু স্থজিল আমাকে ॥
 ধৃষ্টদ্যুম্ন শিখণ্ডী প্রভৃতি ভ্রাতৃগণ ।
 সবংশে মজিল পিতা পাঞ্চাল-রাজন্ ॥
 মোর পঞ্চ-পুত্র মৈল দৈবের বিপাকে ।
 শোক-সিদ্ধু-মধ্যে বিধি ডুবাইল মোকে ॥
 যদি পুনঃ তা'-সবারে করি দরশন ।
 এ-শোক-সাগরে তবে হইবে মোচন ॥
 কান্দিয়া স্নুভদ্রা কহে যুড়ি ছুট-কর ।
 মোর নিবেদন অবধান মুনবর ॥
 আমি-হেন হতভাগী নাহি ত্রিভুবনে ।
 অভিমন্যু-হেন পুত্র হত হৈল রণে ॥
 দ্বিতীয় কুমুদবন্ধু রূপের বর্ণনা ।
 ধনুর্ধর-মধ্যে কেহ নাহিক তুলনা ॥
 জনক অর্জুন যার, মাতুল শ্রীহরি ।
 জ্যেষ্ঠতাত ভীমসেন, ধর্ম্ম-অধিকারী ॥
 সবা-বিদ্যমান পুত্র হইল সংহার ।
 আমি-সম অভাগিনী কেবা আছে আর ॥
 মৎস্যদেশে গেল পুত্র বিবাহ-কারণ ।
 পুনঃ আমি-সহিত নহিল দরশন ॥
 সকলে নিরাশ বিধি করিল আমারে ।
 কেমনে ধরিব প্রাণ এ-পাপ-শরীরে ॥
 কৃপার সাগর মুন, কর প্রতিকার ।
 অভিমন্যু আমারে দেখাও একবার ॥
 ধৃতরাষ্ট্র-বধুগণ দুঃশলা-সুন্দরী ।
 প্রণমিয়া কহে কথা মুন-বরাবরি ॥

কম্পিত-বননা রামা পরিহরি লাজ ।
 করযোড়ে কহে, অবধান মুনরাজ ॥
 আমি-সবাকার তাপ কর বিমোচন ।
 আমি-পুত্র-সহিত করাও দরশন ॥
 যুধিষ্ঠির বলে, শুন মুন-মহাশয় ।
 খণ্ডাহ সস্তাপ মম হইয়া সদয় ॥
 ঈশ্ব বন্ধু বান্ধব কুটুম্ব মিত্রগণ ।
 ভারত-যুদ্ধেতে হত হৈল যতজন ॥
 যদি পুনঃ তা'-সবারে দেখিব নয়নে ।
 শোকসিদ্ধু হৈতে পার হইব আপনে ॥
 ভীষ্ম দ্রোণ কণ শল্য রাজা দুহ্যোধন ।
 বিরাট-দ্রুপদ-আদি যত বন্ধুগণ ॥
 সবার সহিত দেখা করাহ আমার ।
 তোমা-বিনা একর্ম্ম করিতে শক্তি কার ॥
 পূর্বে পিতামহ-মুখে শুনিয়াছি আমি ।
 বেদ প্রকাশিতে নারায়ণরূপে তুমি ॥
 এত বলি নিবর্তিল ধর্ম্মের নন্দন ।
 নিজ-নিজ কামনা কহিল সর্বজন ॥
 কণেক চিন্তিয়া তবে ব্যাস তপোধন ।
 আশ্বাসিয়া সবাকারে বলেন বচন ॥
 যে বাসনা করিলে আমার কাছে সবে ।
 আজি নিশাযোগে পূর্ণ সে বাসনা হবে ॥
 হৃষ্টচিত্ত হৈল সবে মূনির বচনে ।
 নিশ্চিত হইবে দেখা, করিলেক মনে ॥
 কতকণে দিন যাবে, হইবে রজনী ।
 ভাবিতে-ভাবিতে অন্ত গেল দিনমণি ॥
 হেনমতে গেল দিন, রজনী প্রবেশে ।
 কুতূহলে সর্বজন হরিষ-বিশেষে ॥

করষোড়ে স্তব করে মুনির গোচর ।
 মনের বাসনা পূর্ণ কর মুনিবর ॥
 তবে সত্যবতীসুত ব্যাস মহামুনি ।
 অদ্ভুত ষাঁহার কশ্ম, কি দিব নিছনি' ॥
 উৰ্দ্ধদৃষ্টি করি ডাকি কহে মুনিরাজ ।
 ছুই-হস্ত তুলি ডাকে যতেক সমাজ ॥
 ভীষ্ম দ্রোণ কর্ণ বলি ডাকে মুনিবর ।
 দুর্যোধন-শল্য-আদি যত ধনুর্ধর ॥
 কোরব-পাণ্ডবে অষ্টাদশ অক্ষৌহিণী ।
 ধনুর্বাণ-গদা-খড্গ-সহিত বাহিনী ॥
 সত্বরে আইস সবে আমার বচনে ।
 বিলম্ব না করি এস আমার এখানে ॥
 ধ্যান করি মুনিবর ডাকে ঘনে-ঘন ।
 কার শক্তি লজ্জিবেক ব্যাসের বচন ॥
 ইন্দ্রপুত্র নিবাস করয়ে যত বীর ।
 দেব-সঙ্গে বৈসে সবে দেবতা-শরীর ॥
 ব্যাসমুনি স্মরে সবে জানিয়া কারণ ।
 সত্বরে মুনির আগে চলে সর্বজন ॥
 কোরব-পাণ্ডবে ছিল যত বীরগণ ।
 ব্যাসমুনি-অগ্রেতে আসিল সর্বজন ॥
 মহাভারতের কথা সুধাসিকুমত ।
 পাঁচালি-প্রবন্ধে কাশীরাম-বিরচিত ॥

৯। ব্যাসের আজ্ঞায় স্বর্গ হটতে দুর্যোধনাদিব
 আগমন ও ধৃতরাষ্ট্রাদির সহিত
 সাক্ষাৎকার ।

বলেন বৈশম্পায়ন, শুনহ রাজন্ ।
 মুনি-স্থানে স্পর্গ হৈতে এল সর্বজন ॥

অষ্টাদশ অক্ষৌহিণী একত্র মিলিয়া ।
 ব্যাসের নিকটে সবে মিলিল আসিয়া ॥
 দেখিয়া সন্তুষ্ট-চিত্ত হ'য়ে মুনিবর ।
 সবাকারে কহিলেন ডাকিয়া সত্বর ॥
 মনের বাসনা পূর্ণ হৈল সবাকার ।
 ইচ্ছা-মিত্র-বন্ধু সবে দেখে আপনায় ॥
 মুনির বচনে সবে একদৃষ্টে চায় ।
 দেখিল অদ্ভুত-কশ্ম, লিখনে না যায় ॥

দিব্যরথে আরোহিয়া সারথি-সহিত ।
 গঙ্গার নন্দন ভীষ্ম সংগ্রামে পণ্ডিত ॥
 দিব্য-শরাসন হাতে দিব্য-শর-ভূণ ।
 মালতীর মালা গলে শোভে চতুর্গ ॥
 দিব্য শস্ত্ররবে পূরে গগন-মণ্ডলী ।
 এইরূপে দেখা দেন ভীষ্ম মহাবলী ॥

দিব্য-ধনুর্বাণ করে দ্রোণ-মহাশয় ।
 দিব্যরথ-সজ্জা রক্তবর্ণ চারি হয় ॥
 সপ্ত-কুম্ভ-কমণ্ডলু-ধ্বজ মনোহর ।
 দিব্য-শঙ্খ-শঙ্কেতে পূরিত চরাচর ॥
 শুর-বস্ত্র পিঙ্কন, ভূষণ মলয়জ ।
 স্কন্ধেতে উত্তরী, অঙ্গে ভূষিত কবচ ॥

দিব্যরথে আরোহিয়া কর্ণ মহাবল ।
 অক্ষয় কবচ অঙ্গে, মকর-কুণ্ডল ॥
 অশুর-চন্দন অঙ্গে, পদ্ম-পুষ্প-মাল ।
 আজানুলব্ধিত ভূজ, বিক্রমে বিশাল ॥
 দিব্যরথে সারথি, বিজয়-ধনুর্বাণ ।
 অখণ্ড-মণ্ডল-বিধু জিনিয়া বয়ান' ॥
 সিংহনাদ-শঙ্খনাদে পূরে রণস্থলী ।
 প্রফুল্ল-বদনে আশ্বাসয়ে সবে বলী ॥

ভগদত্ত জয়সেন জয়দ্রথ রাজা ।
 দুঃশাসন দুঃশথ বিকর্ণ মহাতেজা ॥
 শতভাই-সহিত আইল দুর্ব্যোধন ।
 মাতুল শকুনি সঙ্গে, তনয় লক্ষ্মণ ॥
 নারায়ণী-সেনাসহ স্তম্ভা প্রভৃতি ।

সোমদত্ত ভূরিশ্রবা শল্য মহারথী ॥
 প্রতিবন্ধ অনুবিন্দ আর জলসন্ধ ।
 কাশীরাজ কষোজ সহিত নৃপহৃদ ॥
 দণ্ড-ধনুর্বাণ করে স্তম্ভে নৃপতি ।
 কলিঙ্গ-ঈশ্বর শত-অনুজ-সংহতি ॥

অলম্বুষ অলায়ুধ রাক্ষস-সকল ।
 বিপরীত-গর্জনে পুরিছে রণস্থল ॥
 দিব্যরথে আরোহিয়া ঘটেওকচ-বার ।
 মকর-কুণ্ডল কর্ণে, প্রকাণ্ড-শরীর ॥

মহারীর অভিমন্যু স্তম্ভদ্রা-নন্দন ।
 দিব্যরথে আরোহিয়া হাতে শরাসন ॥
 বিচিত্র মুকুট-অগ্নি মকর-কুণ্ডল ।
 কবচ-ভূষিত অঙ্গ অতি স্তকোমল ॥

ক্রপদ-নৃপতি পুত্রগণ-সংবলিত^১ ।
 ধৃষ্টদ্যুম্ন শিখণ্ডী সহিত-সত্যজিৎ ॥
 সপুত্র বিরাট-রাজ সহ-দুই-ভাই ।
 দ্রৌপদীর পঞ্চপুত্র দেখে একটাই ॥
 জরাসন্ধ-সুত সহদেব ধনুর্ধর ।
 শিশুপাল-তনয় চেদির নৃপবর ॥
 পূর্বে কুরুক্ষেত্রে সবে ভারত-সমরে ।
 মহাযুদ্ধ করিলেন যেমত প্রকারে ॥
 সেই ধনুর্বাণ, সেই রথ-আরোহণ ।
 সেই-সব সারথি মাতঙ্গ অশ্বগণ ॥

রথ-রথী অশ্বের উপরে আসোয়ার ।
 গজোতে মাহুতগণ পর্বত-আকার ॥
 পামুক^২ ধনুক-হাতে, অগ্নি-চক্ষু ঢালী ।
 হস্তাদ-অর্কোহিণী একটাই মিলি ॥

নিজ-নিজ বান্ধবের লভি দরশন ।
 আনন্দ সাগরে ভাসিলেন সর্বজন ॥
 ধৃতরাষ্ট্রে দিব্যচক্ষু দিল। মুনবর ।
 আশ্রয় সকলে দেখে অন্ধ-নৃপবর ॥
 আনন্দ সাগর ভাসে কুরু নরপতি ।
 হরিষে চক্ষুর জলে তিত' বস্ত্রমর্তা ॥
 দুর্ব্যোধন-আদি একশত সহোদর ।
 প্রণমিয়া লাগাইল অশ্বের গোচর ॥
 পুত্রগণে কোলে করি অধিকা-নন্দন ।
 অনিঘিষ-নয়নে করয়ে নিরীক্ষণ ॥
 দূরে গেল শোক-দুঃখ, আনন্দ অপার ।
 কোলে করে ধৃতরাষ্ট্রে শতেক কুমার ॥
 তালিঙ্গন শিরোস্ত্রাণ বদন-চুম্বন ।
 মনের মানসে করে কথোপকথন ॥
 ভীষ্ম দোণ ভগদত্ত শল্য নরপতি ।
 কর্ণ ভূরিশ্রবা জয়দ্রথ মহামতি ॥
 ধৃতরাষ্ট্রে-নিকটে বসিল সর্বজন ।
 কানন-ভিতরে হৈল হস্তিনা-ভবন ॥
 পূর্বমত সভা করি বাসে অন্ধরাজ ।
 পাত্র মিত্র ঈষ্ট বন্ধু সকল সমাজ ॥
 ব্যস্ত ত'য়ে গান্ধারী ধরিল পুত্রগণে ।
 প্রণমিল শতপুত্র মাযের চরণে ॥
 শতপুত্র কোলে করে সুবল-নন্দিনী ।
 হরিষে চক্ষুর জলে তিতিল মেদিনী ॥

ঘন-ঘন চুম্ব দেন পুত্রগণ-মুখে ।
 অনিমেষ-নয়নে পুত্রের মুখে দেখে ॥
 আনন্দ-সাগরে সবে হইল পূর্ণিত ।
 পরস্পরে কহে কথা মনের পীরিত ॥
 পুলকে পূর্ণিত পঞ্চ পাণ্ডুর নন্দন ।
 খণ্ডিল সকল তাপ, আনন্দিত মন ॥
 ভীষ্ম-দ্রোণ-চরণে করিল নমস্কার ।
 মদ্ররাজে সম্ভাষে মাতুলে আপনার ॥

কর্ণেরে প্রণাম করে পঞ্চ-সহোদর ।
 আনন্দে চক্ষুর জল বহে খরতর ॥
 ভ্রাতৃগণ-সঙ্গে কর্ণ করে আলিঙ্গন ।
 কুন্তীর নিকটে যান ভাই ছয়জন ॥
 প্রণাম করিল কর্ণ কুন্তী-পদতলে ।
 আনন্দে ভাসিল কুন্তী, পুত্রে নিল কোলে ॥
 ঘন-ঘন চুম্ব দেন বদন-কমলে ।
 বার-বার অনিমেষ-নয়নে নেহালে ॥
 খণ্ডিল সকল তাপ, আনন্দিত-মনে ।
 কোলে করি বসে কুন্তী পুত্র ছয়জনে ॥
 কথোপকথন করে মনের হরিষে ।
 সব পাসরিল, যত দুঃখ-শোক-ক্লেশে ॥
 বৃষসেন-আদি যত কর্ণের কুমার ।
 ঘটোৎকচ অভিমন্যু পঞ্চ-পৌত্র আর ॥
 নিকটে আসিয়া সবে হৈল উপনীত ।
 পাঞ্চাল বিরাট বঙ্কুগণের সহিত ॥
 পুত্রগণে পেয়ে কুন্তী হৃদয়ে লইল ।
 হরিষে নয়নজলে স্নান করাইল ॥
 ঘটোৎকচে পেয়ে তবে ভীমসেন-বীর ।
 আলিঙ্গন করিলেক পুলক-শরীর ॥

অভিমন্যু কোলে করে বীর ধনঞ্জয় ।
 আসিয়া হুভদ্রাদেবী পুত্রে কোলে লয় ॥
 মাতা-পিতা সম্ভাষিয়া অভিমন্যু-রথী ।
 পুত্র-পরীক্ষিতে কোলে নিল শীত্ৰগতি ॥
 বসিল উত্তরাদেবী অভিমন্যু-পাশে ।
 নানাকথা আলাপন করে মহাতোষে ॥
 দুর্যোধন-আদি করি ভাই শতজন ।
 পঞ্চভাই পাণ্ডবে করিল সম্ভাষণ ॥
 পূর্বমত শত্রুভাব নাহিক এখন ।
 পরস্পরে সম্ভাষণ করে হৃষ্টমন ॥
 পঞ্চপুত্র পেয়ে তবে দ্রুপদ-কুমার ।
 আনন্দে পূর্ণিত হৈল পুত্রে কোলে করি ॥
 ধৃষ্টদ্যুম্ন শিখণ্ডী দ্রুপদ-নরপতি ।
 ভ্রাতা পিতা দেখি কৃষ্ণ আনন্দিত-মতি ॥
 করযোড়ে প্রণমিল পিতার চরণে ।
 যথাবিধি সম্ভাষণ কৈল ভ্রাতৃগণে ॥
 ধারিয়া পিতার হস্ত দ্রৌপদী-সুন্দরী ।
 শোক-দুঃখ সোড়রি' বিলাপ বহু করি ॥
 আনন্দে পূর্ণিত, মনস্তাপ গেল দূরে ।
 নানাকথা আলাপেন হরিষ-অন্তরে ॥
 দ্রুপদ-বিরাট-আদি যত বঙ্কুগণ ।
 পঞ্চভাই পাণ্ডবে করিল সম্ভাষণ ॥
 অতিহৃষ্টচিত্ত হ'য়ে ভাই পঞ্চজন ।
 সম্ভাষিয়া তোষেন যতেক বঙ্কুগণ ॥
 নিজ-নিজ-পতি দেখি যত নারীগণ ।
 সম্মুখে পতির পাশে আইল তখন ॥
 হরষিত হ'য়ে স্বামী বসাইল পাশে ।
 ইষ্টকথা-আলাপনে সবারে সন্তোষে ॥

পেয়ে নিজ-নিজ-পতি-পুত্র-দরশন ।
 আনন্দ-সাগরে মগ্ন হৈল সর্বজন ॥
 দুঃখোদন-পাশে বসে ভাসুমতা নারী ।
 তনয়-লক্ষ্যণে কোলে করিয়া হৃন্দরী ॥
 দুঃশাসন-সহ উনশত ভাই আর ।
 নিজ-নিজ-পত্নী ল'য়ে বসে যে যাহার ॥
 এমত প্রকারে সবে বঞ্চিল রজনী ।
 নহিল, নহিবে হেন অপূর্ব-কাহিনী ॥
 এইরূপে হৈল সব তাপ-বিমোচন ।

সাধু-সাধু মুনিবর, কহে সর্বজন ॥
 এইমত নারীগণ মনেতে ভাবয় ।
 এমত রজনী যেন প্রভাত না হয় ॥
 পাছে পুনঃ স্বামি-সনে হয়-বা বিচ্ছেদ ।
 এইহেতু সবার হৃদয়ে বাড়ে খেদ ॥
 চরণ চাপিয়া ধরে নিজ-নিজ-পতি ।
 দেখিয়া ব্যথিত হৈল ব্যাস মহামতি ॥
 ডাকিয়া বলেন মুনি, শুন বধুগণ ।
 সতী পতিব্রতা ইথে হও যেইজন ॥
 স্বামীর সহিত এবে করহ প্রয়াণ ।
 সর্ব-শোক-দুঃখ তার হবে অবসান ॥

মুনিবাক্য শুনি সবে সানন্দ অপার ।
 দৃঢ় করি স্বামি-পদ ধরে আপনার ॥
 তবে ধৃতরাষ্ট্র-পাশে বসি সর্বজনে ।
 বিদায় মাগিল সবে অন্ধের চরণে ॥
 শোক করি কান্দে অন্ধ গান্ধারী-সহিত ।
 বিচ্ছেদ করিতে আর নাহি চায় চিত ॥
 দেখিয়া সকলে ভবে প্রবোধিয়া কয় ।
 অকারণে শোক কেন কর মহাশয় ॥
 কতদিন বনে যোগ কর আচরণ ।
 অচিরে পাইবে আশা-সবার মর্শন ॥

ধৃতরাষ্ট্র গান্ধারী সত্বে ভোজশুভা ।
 পঞ্চভাই পাণ্ডুপুত্র ক্ষুণ্ণ-দুহিতা ॥
 সবারে প্রবোধ করি মাগিল বিদায় ।
 নিজ-নিজ-পত্নীগণে ল'য়ে সবে যায় ॥
 উত্তরা-হৃন্দরী যায় অভিমুখ্য-সাথে ।
 দেখি যুধিষ্ঠির হৈলা চিন্তায়ুত চিত্তে ॥
 ব্যাসের চরণে কন করিয়া প্রণতি ।
 উত্তরা চলিল অভিমুখ্য সংহতি ॥
 মাড়ান হইবেক রাজা পরীক্ষিত ॥
 উত্তরার যাউবারে নহে ত উচিত ॥
 যুধিষ্ঠির-বাক্য শুনি চিন্তিয়া হৃদয় ।
 উত্তরারে রাখিলেন মুনি-মহাশয় ॥
 অপর সকল নারী স্বামীর সংহতি ।
 অগপূরে চলে সবে পতিব্রতা সতী ॥
 সংসারের মায়া কেহ না করিল আর ।
 মুনির প্রসাদে ভবসিদ্ধি হৈল পার ॥
 হেনমতে অবসান হইল রজনী ।
 দশদিক্ প্রসন্ন, প্রকাশে দিনমণি ॥
 বিচিত্র ভারত-কথা ব্যাসের-বচন ।
 সকল আপনৈ তরে, শুনে যেইজন ॥
 দিব্যজ্ঞান জন্মে, সব পাপের বিনাশ ।
 আশ্রমবাসিক-পর্ব কহে কাশীদাস ॥

১০। যুধিষ্ঠিরাদির হস্তিনায় প্রত্যাগমন ও
 তপোবনে ধৃতরাষ্ট্র, গান্ধারী, স্ত্রী এবং
 সত্বেয় বজ্রাঘাতে মর্শন ।

মুনি বলে, শুন জন্মেজয় নরনাথ ।
 এইরূপে হৈল সেই রজনী প্রভাত ॥
 যুধিষ্ঠির-প্রতি কন ব্যাস তপোধন ।
 হস্তিনা-নগরে রাজা, করহ গমন ॥

না ভাবিহ শোক-দুঃখ, হৃষ্টচিত্ত হৈয়া ।
 ভ্রাতৃসঙ্গে রাজ্যের পালন কর গিয়া ॥
 ধৃতরাষ্ট্র কুন্তী আর গান্ধারী সঞ্জয় ।
 সবার বিদায় লয় মুনি-মহাশয় ॥
 প্রদক্ষিণ করি সবে মুনিরে বন্দিল ।
 সন্তুষ্ট হইয়া মুনি নিজ-স্থানে গেল ॥

তবে ধর্ম-নরপতি সঙ্গে ভ্রাতৃগণ ।
 ধৃতরাষ্ট্র-গান্ধারীর বন্দন চরণ ॥
 আশীর্বাদ কৈল দৌহে প্রসন্ন-বদন ।
 ওহে তাত, নিজ-রাজ্যে করহ গমন ॥
 কুরুকুলে তোমা-বিনা কেহ নাহি আর ।
 তুমি পিণ্ড দিবে, আশা আছে সবাকার ॥
 ভুবনে অগুরুব তাত, তোমার চরিত্র ।
 তোমা হৈতে কুরুকুল হইবে পবিত্র ॥
 দুঃখ না ভাবিহ তাত, থাক হৃষ্টমন ।
 রাজ্য-দেশ পাল গিয়া ভাই পঞ্চজন ॥
 পঞ্চভাই বন্দিলেন মায়ের চরণে ।
 ছাড়িয়া যাইতে তারা নাহি চাহে মনে ॥
 আশীর্বাদ করি কুন্তী তনয়-সকলে ।
 সহদেব-নকুলেরে লইলেন কোলে ॥
 দ্রৌপদীরে চাহি কুন্তী বলয়ে বচন ।
 এই দুই-পুত্র-তুমি করিবে যতন ॥
 লক্ষ্মী-অবতার তুমি সতী পতিব্রতা ।
 মহিমাতে হৈলে তুমি জগতে পূজিতা ॥
 তব কীর্তি ঘূষিবেক যাবৎ ধরণী ।
 এত বলি আশীর্বাদ কৈলা হৃদয়নি ॥

প্রণমিয়া পঞ্চভাই পাঞ্চালী-সহিত ।
 ভ্রাতৃরা উত্তরা আর রাজা পরীক্ষিৎ ॥
 সকলে মেলানি করি আরোহিয়া রথে ।
 মলিন-বদনে সবে চলে হস্তিনাতে ॥

বহু-সৈন্যগণ সঙ্গে, বিবিধ-বাজন ।
 স্মৃগন্ধি-সহিত বয় মন্দ-সমীরণ ॥
 জাহ্নবী-সলিলে স্নান করিয়া তর্পণ ।
 চলেন হস্তিনাপুরে পাণ্ডুর নন্দন ॥
 নানা-বান্ধ বাজে, নাচে গায় বিদ্যাদরী ।
 পঞ্চভাই প্রবেশ করেন নিজপুরী ॥
 পাত্র-মিত্র-ভ্রাতৃসঙ্গে করে রাজকাজ ।
 পুত্রবৎ প্রজাগণে পালে ধর্মরাজ ॥
 অনুক্ষণ ধর্ম-বিনা অস্ত্রে নাহি মন ।
 সর্বদা করেন রাজা অস্ত্রের ভাবন ॥
 জননী আমার কুন্তী, গান্ধারী জননী ।
 সঞ্জয়-সহিত বনে অন্ধ-নৃপমণি ॥
 অনাথের প্রায় বনে আছে চারিজন ।
 নাহি জানি, কোন্ কর্ম হইবে এখন ॥
 এইমত ভাবে ধর্ম দিবস-রজনী ।

দৈবযোগে আইল নারদ মহামুনি ॥
 পাশ্চ-অর্ঘ্য দিয়া প্রণমেন পঞ্চজন ।
 করমোড়ে দাণ্ডাইল বিষম-বদন ॥
 বসিতে করিল আঞ্জা মুনি-মহাশয় ।
 নিকটে বসেন পঞ্চ পাণ্ডুর তনয় ॥

মুনি বলে, কহ রাজা, ভদ্র আপনার ।
 অসন্তুষ্ট চিত্ত কেন দেখি যে তোমার ॥
 করযোড়ে কন রাজা, শুন মুনিবর ।
 জনক-জননী মম অরণ্য-ভিতর ॥
 অনাথের প্রায় নিবসয়ে ঘোরবনে ।

এই গতি হৈল আমা-পুত্র-বিগ্ৰহানে ॥
 মুনি বলে, নৃপতি, শুনহ সাবধানে ।
 রাজা ধৃতরাষ্ট্র যজ্ঞ কৈল একদিনে ॥
 অগ্নির নির্বাণ নাহি করিল রাজন ॥
 যেই অগ্নি লাগিয়া লহিল তপোবন ॥

ধৃতরাষ্ট্র গান্ধারী সঞ্জয় তব মাতা ।
 চারিজনে যোগাসনে আছিলেন তথা ॥
 অগ্নি দেখি অস্তুর না হৈল চারিজন ।
 সেই সে অগ্নিতে সবে হইল দাহন ॥
 নিজ-কৃত অগ্নিতে পুড়িল অন্ধরাজ ।
 শ্রাক্ষ-আদি কর রাজা, না করিহ ব্যাজ ॥
 এত শুনি পঞ্চভাই লোটান ধরণী ।
 চাহাকার করি কান্দে ধর্ম-নৃপমণি ॥
 দ্রৌপদী-সহিত পুরে কান্দে সর্বজন ।
 বহু-অনুতাপ করি করিল রোদন ॥
 তবে রাজা যুধিষ্ঠির আনি দ্বিজগণে ।
 শ্রাক্ষ-কর্ম সমাপিয়া তুলিলেন ধনে ॥

নানা-দ্রব্য দান দেন, না যায় লিখন ।
 ভাগুর ভাঙ্গিয়া দিজে দেন সর্বধন ॥
 হস্তী অশ্ব গাভী দেন দেশ আর গ্রাম ।
 পৃথিবী পূর্ণিত হৈল ধর্মরাজ-নাম ॥
 মহাভারতের কথা অমৃত-সমান ।
 যাহার শ্রবণে নর হয় পুণ্যবান ॥
 সকল আপনু খণ্ডে, ভ্রম্মে দিব্যজ্ঞান ।
 ব্যাসের রচিত দিব্য-ভারত-পুরাণ ॥
 কাশীরাম রচিলেক পাঁচালীর মত ।
 আশ্রমবাসিক-পর্ব হইল সমাপ্ত ॥

কাশীরামদাস-মহাভারত

মুঘলপর্ব

নারায়ণং অমলকৃত্য নরকৈব মরোত্তমম্ ।
দেবীং সরস্বতীং ব্যাসং ভক্তো জন্মমুর্খারয়েৎ ॥

১। যত্ন-বালকদিগের প্রতি ব্রহ্মশাপ এবং
শাষের মুঘল-প্রসব ।

শ্রীজনমেজয় বলে, কহ তাপোধন ।
কি-কি কস্ম করিলেন রুক্মিণী-রমণ ॥
ভার-নিবারণ-হেতু হ'য়ে অবতার ।
একে-একে নাশিলেন পৃথিবীর ভার ॥
তবে কোন্ কস্ম করিলেন যত্নমণি ।
বিবরিয়া কহ তাহা, শুনি মহামুনি ॥

ভারত শুনিতে রাজা বড় হৃষ্টমন ।
পরাগে করয়ে যেন ঘটপদ ভ্রমণ ॥
প্রশ্ন করি তত্ব রাজা লয় মুনিস্থানে ।
সাধু-সঙ্ক-গুণে রাজা পূর্ণ সর্বগুণে ॥
নহিল, নহিবে হেন সাধু ক্ষিত্তিভলে ।
যাঁর যশ প্রচারিল এ-মহীমণ্ডলে ॥

নৃপতির প্রশ্ন শুনি মুনি-মহাশয় ।
সাধু-সাধু বলিয়া রাজারে প্রশংসয় ॥
বলেন বৈশম্পায়ন, শুন কুরুপতি ।
দ্বারকায় বিহরয়ে কমলার পতি ॥
বৈকুণ্ঠ ছাড়িয়া কৃষ্ণ অবনী-মণ্ডলে ।
নালাস্বর'-সহিত লীলায় কুতূহলে ॥
একদিন বেদী-'পরে বসি নারায়ণ ।
রুক্মিণী-প্রভৃতি নারী সেবয়ে চরণ ॥
সত্যভামা নাগজিতী ভদ্রা জাম্ববতী ।
মিত্রবিন্দা লক্ষ্মণা ও কালিন্দী শ্রীমতী' ॥
এই অষ্ট পাটরাণী শ্রীকৃষ্ণ-মোহিনী ।
যোড়শ-সহস্র আর কৃষ্ণের রমণী ॥
নিজ-মনোরথে সবে সেবয়ে শ্রীহরি ।
চামর ব্যজন করে নিজহস্তে ধরি ॥

তাম্বুল যোগায় কেহ মনের হরিষে ।
রাতুলচরণ কেহ চাপে পরিতোষে ॥
হেনমতে সেবে সবে প্রভুর চরণ ।
বিবিধ-সুখেতে লিপ্ত কমল-লোচন ॥

ব্রহ্মা-আদি দেবগণ একত্রে হইয়া ।

একদিন সবে যুক্তি করেন বসিয়া ॥
ভাজিয়া বৈকুণ্ঠ-নাথ বৈকুণ্ঠ-বসতি ।
পৃথিবীতে রহিলেন, না করেন স্মৃতি ॥
নরদেহ ধরি নিবারিতে ক্ষিতিভার ।
মহা-মহা-দৈত্যগণে করিলা সংহার ॥
করিলেন বহুকশ্ম কেলি-অনুসারে ।
যাহা স্মরি পাপিলোক যায় ভবপারে ॥
চিরদিন পৃথিবীতে করেন বিহার ।
বৈকুণ্ঠে আসিতে এবে হয় সুবিচার ॥
বৈকুণ্ঠ কুণ্ঠিত অতি বৈকুণ্ঠ'-বিহনে ।
সলিল-বিহনে যেন জলচরণগণে ॥
হেনমতে দেবগণ করয়ে ভাবন ।
জানিলেন সব অন্তর্যামী নারায়ণ ॥
বেদী'-পরে বসি কৃষ্ণ তুলিয়া নয়ন ।
স্বারকার বসতি করেন নিরীক্ষণ ॥
স্থানে-স্থানে বসতি লোকেতে পূর্ণ সব ।
নগর-ভিতরে সব লোক-কলরব ॥
ঠেলাঠেলি যাতায়াত, পথ নাহি পাই ।
পথ-ঘাট লোকেতে পূর্ণিত সবঠাই ॥

দেখিয়া চিন্তিত হন দেব-নারায়ণ ।
কি উপায় করিবেন, ভাবেন তখন ॥
পৃথিবীর ভার আমি করিব সংহার ।
আমা হৈতে হৈল আরো চতুর্গ ভার ॥

অদ্ভুত বদ্ধিত হৈল যদুবংশগণ ।
কাহা হৈতে এ-সব হইবে নিবারণ ॥
মম বংশ ক্ষয় করে, কাহার ক্ষমতা ।
কিরূপে হইবে ক্ষয় এ-মহাজনতা ॥
গান্ধারীর শাপ তবে হইল স্মরণ ।
যদুবংশ-শেষ না রহিবে একজন ॥

এত চিন্তি নারায়ণ করিলা উপায় ।

মাতা-পিতা-স্থানে যান লইতে বিদায় ॥
প্রণমিয়া করপুটে কহেন বচন ।
অবধান কর পিতা, করি নিবেদন ॥
ধন-জন অতুল, অতুল পরাক্রম ।
তিন-লোক-মধ্যে আছে কেবা তব সম ॥
দান যজ্ঞ ধর্ম তাত, কর আচরণ ।
দান দিয়া পরিভুষ্ট কর দ্বিজগণ ॥
যজ্ঞারম্ভ কর তাত, আমার বচনে ।
ধর্ম-বিনা ধন-জন ব্যর্থ ভাবি মনে ॥

কৃষ্ণবাক্যে বহুদেব করিয়া স্বীকার ।

যজ্ঞারম্ভ করিলেন করিয়া বিস্তার ॥
দ্বিজগণে নৃপগণে কৈল নিমন্ত্রণ ।
চতুর্দ্ভিক্ হৈতে আসে যত মুনিগণ ॥
শিশ্য-সহ এল মার্কণ্ডেয় তপোধন ।
লোমশ বশিষ্ঠ পরাশর দ্বৈপায়ন ॥
নারদ পর্বত আর ঋষি ধনঞ্জয় ।
পৌলস্ত্য অঙ্গিরা ক্রতু ভৃগু-মহাশয় ॥
সান্দীপন শাস্তিপন জয়ন্ত তপন ।
বাহ্লীক অগস্ত্য বিশ্বামিত্র তপোধন ॥
ইত্যাদি অনেক মুনি শিষ্যের সহিত ।
স্বারকা-নগরে আসি হৈল উপনীত ॥

প্রণমিয়া বহুদেব পান্য-অৰ্থ্য দিয়া ।

পূজা করিলেন সবে আদর করিয়া ॥
মুনিগণ নৃপগণ আসিল সকল ।
দেশ হৈতে আসিলেক কুটুম্ব-মণ্ডল ॥
ধ্বজচ্ছত্র-পতাকায় ছাইল আকাশ ।
দিনকর আচ্ছাদিল, না হয় প্রকাশ ॥
সবাকারে বহুদেব পূজিয়া বিধানে ।
রহিবারে দিব্য-গৃহ দেন প্রতিজনে ॥
চৰ্ব্য চূষ্য লেহ্য পেয় নানা-উপচারে ।
পূজিলেন সবাকারে বিবিধ-প্রকারে ॥
খাও-খাও লও-লও হৈল মহারব ।
পাইল পরম-প্রীতি নিমন্ত্রিত-সব ॥
নানাধনে বসুদেব পূজেন সবারে ।
ধন রত্ন বসন বিবিধ-পুরস্কারে ॥
যত রাজগণ গেল যে যাহার দেশ ।
মুনিগণ গেল, যথা দেব-হৃদীকেশ ॥
মুনিগণে দেখি উঠি দেব-নারায়ণ ।
কহেন মধুর-বাক্যে, শুন মুনিগণ ॥
আমার কুমারগণ খেলে যেই ভিতে ।
তোমরা গমন কর সবে সেই পথে ॥

এত বলি মুনিগণে করেন মেলানি ।
কৃষ্ণ-আজ্ঞা পাইয়া চলিল সব মুনি ॥
কতদূরে যাইতে পাইল দরশন ।
কেলিরসে আছে যত কৃষ্ণের নন্দন ॥
কামদেব-শাস্ত্র-আদি কুমার-সকল ।
নানা-ক্রীড়ারসে ভাসে, করে কুতূহল ॥
মুনিগণে দেখি যত যত্নশিশুগণ ।
পরস্পর বিচার করয়ে সর্বজন ॥

শুন-শুন ওরে ভাই, অগূৰ্ব-কথন ।
সবে বলে, বড় জ্ঞানী যত মুনিগণ ॥
ভূত ভারী বর্ডমান জানে সর্বজন ।
ইহার পরীক্ষা লহ করিয়া যতন ॥

এত বলি শিশু-সব একত্র হইয়া ।
জাম্ববতীসূত শাস্ত্রে আনিলা ডাকিয়া ॥
অনুপম-রূপ জাম্ববতীর নন্দন ।
শাস্ত্র-সম রূপবস্ত্র নাই কোনজন ॥
তাহারে লইয়া যত যাদব-কুমার ।
দ্রাবিষ্য করিয়া সাজাইল চমৎকার ॥
ছুটকরে শঙ্খ দিল অতি-মনোহর ।
নানা-অলঙ্কারে সাজাইল কলেবর ॥
দিব্য-পট্টবস্ত্র করাইল পরিধান ।
অলকা-তিলকা দিল বিবিধ-বিধান ॥
কবরী বাঙ্কিল মনোহর নানা-ফুলে ।
কটাক্ষেতে চাহিলে মুনির মন ভুলে ॥
বিচিত্র কাঁচলি' দিয়া সাজাইল স্তন ।
হটল রমণীবেশ ভুবন-মোহন ॥
লৌহপাত্র দিয়া কৈল গর্ভের আকার ।
দেখি সব-মুনিগণে লাগে চমৎকার ॥

করযোড়ে কহে যত কৃষ্ণের নন্দন ।
হের অবগতি কর যত মুনিগণ ॥
চিরদিন গর্ভবতী এই ত অঙ্গনা ।
না হয় প্রসব, বড় পাউছে যন্ত্রণা ॥
কতদিনে প্রসবিবে, কি হবে অপত্য ।
আপনারা মহাজ্ঞানী, কহিবেন সত্য ॥
এত শুনি মুনিগণ কুমারের বাণী ।
ধ্যানস্থ হইয়া জানি কহিল তখন ॥

জানিলাম, শুন ওহে কৃষ্ণের কুমার ।
 লৌহপাত্রে করিয়াছ গর্ভের আকার ॥
 অবজ্ঞা জানিয়া ক্রোধ হৈল মুনিগণে ।
 ক্রোধমুখে কহিতে লাগিলা ততক্ষণে ॥
 কৃষ্ণের নন্দন তোরা যত্নকুলোদ্ভব ।
 উপহাস ব্রাহ্মণে করিস্ তোরা-সব ॥
 যেই লৌহপাত্রে কৈলি গর্ভের আকৃতি ।
 উত্তম-সন্তান তাহে লভিবে উৎপত্তি ॥
 তাহা হৈতে তোরা-সবে পাবি বড় ভয় ।
 যত্নকুল-ধ্বংস হবে, কহিষু নিশ্চয় ॥

এত বলি ক্রোধ করি মুনিগণ যায় ।
 শুনিয়া কুমারগণ কাম্পিত-হৃদয় ॥
 এ-হেন সময়ে সেই জাম্ববতীসুত ।
 মুঘল প্রসব এক কৈল আচম্বিত ॥
 চিন্তিত হইল দেখি যতক কুমার ।
 কি করিব, কি হইবে, করেন বিচার ॥
 মুঘল দেখিয়া সবে বিষাদিত-মন ।
 সকল কুমার হৈল মলিন-বদন ॥
 আপনার দোষে হৈল কুলের নিধন ।
 কুল-অস্ত হবে, হেন বুঝায় কারণ ॥
 অজ্ঞান হইয়া কৈলু দ্বিজে উপহাস ।
 রক্ষা নাহি, নিশ্চয় হইবে সর্বনাশ ॥
 শুনিয়া কি বলিবেন দেব-গদাধর ।
 না জানি কি কহিবেন দেব-হলধর ॥
 কিহেতু কুবুদ্ধি আজি হৈল মো'সবার ।
 কোনমতে হইবে ইহার প্রতিকার ॥
 কোন্ লাজে লোকে আর দেখাব বদন ।
 শুনিলে এখনি ক্রুদ্ধ হবে নারায়ণ ॥
 বড় লজ্জা-ভয় আজি হৈল মো'সবার ।
 বাহুড়িয়া গহে পুনঃ না যাইব আর ॥

এত অনুতাপ করে যত শিশুগণ ।
 জানিলেন সব অন্তর্যামী নারায়ণ ॥
 পুত্রগণ-সম্মিলিত আসি গদাধর ।
 কহেন সবার প্রতি মধুর-উত্তর ॥
 কি-কারণে মৌনভাব দেখি পুত্রগণ ।
 কোন্ দুঃখে দুঃখী হৈলে, কহ ত কারণ ॥

কৃষ্ণের বচনে কহে যতক কুমার ।
 দৈবেতে কুবুদ্ধি তাত, হৈল মো'সবার ॥
 কুকর্ম হইল আজি, হৈল বুদ্ধি-হ্রাস ।
 মুনিগণে দেখি মোরা কৈলু উপহাস ॥
 তার প্রতিফলে এই জন্মিল মুঘল ।
 কোপে শাপ দিয়া গেল ব্রাহ্মণ-সকল ॥
 ইহা হৈতে হইবেক যত্নবংশ-ক্ষয় ।
 এইহেতু মো'সবার হৈল বড় ভয় ॥
 লজ্জা-ভয় হইয়াছে, ব্যাকুল পরাণ ।
 বুঝিয়া যে হয় দেব, করহ বিধান ॥

কুমারগণের কথা শুনিয়া শ্রীহরি ।
 পুত্রগণে আশ্বাসেন করিয়া চাতুরি ॥
 এইহেতু চিন্তা কেন কর সর্বজন ।
 যাহা কহি, তাহা শুন, যদি লয় মন ॥
 মুঘল লইয়া যাহ প্রভাসের তীরে ।
 ঘষিয়া করহ ক্ষয় পাষণ-উপরে ॥
 ঘর্ষণে করিলে ক্ষয় ভয় কিবা আর ।
 সত্বর-গমনে যাহ যতক কুমার ॥

শুনিয়া কৃষ্ণের কথা সানন্দ হইয়া ।
 চলিল কুমার-সব মুঘল লইয়া ॥
 আসিয়া প্রভাসজলে করি স্নান-দান ।
 পাষণে ঘর্ষয়ে সবে আনন্দ-বিধান ॥
 ঘর্ষণে করয়ে ক্ষয় কুমার-সকল ।
 ঘষিতে-ঘষিতে ক্ষয় পাইল মুঘল ॥

অবশেষে অল্পমাত্র রহিল কিঞ্চিৎ ।
দেখিয়া কুমার-সব হইল বিস্মিত ॥
হাতে ধরি ঘষিতে আয়ত্ত নাহি হয় ।
কেমনে করিব ইহা পাষণেতে ক্ষয় ॥
খণ্ডিল মনের ত্রাস কৃষ্ণ-উপদেশে ।
কি আর করিব ভয়, অল্প অবশেষে ॥

এতেক কুমার-সব মনে অনুমানি ।
শেষ-লৌহ প্রভাস-সলিলে ফেলে টানি ॥
হরিষেতে স্নান করি প্রভাসের জলে ।
দ্বারাবতী চলি গেল কুমার-সকলে ॥
গোবিন্দের আগে আসি কহিল কাহিনী ।
পুত্রগণে আশ্বাসেন দেব-চক্রপাণি ॥
ভারতে মুঘলপর্ব্ব অপূর্ব্ব-আখ্যান ।
কাশীরাম দাস কহে, শুনে পুণ্যবান ॥

— — —

১। যতকুল ক্ষয়ার্থে কৃষ্ণ বলয়ামেব যুক্তি ।

মুনি বলে, শুন পরীক্ষিতের নন্দন ।
মুঘল-বৃত্তান্ত কহি, শুন দিয়া মন ॥
মুঘল ঘনিয়া ক্ষয় কৈল শিশুগণ ।
সেই-হ্রদে হৈল নল-খাগ ড়ার বন ॥
শেষ-লৌহ জলে যেই টানিয়া ফেলিল ।
জলে ছিল মৎস্যরাজ তাহারে গিলিল ॥
ধীবর আসিল ধরিবারে মৎস্যগণ ।
জালে বদ্ধ হৈল মৎস্য দৈবের কারণ ॥
লৌহ-শেষ পায় মৎস্য কাটিবার কালে ।
জরা নামে আখ্যেটিক' এল সেই-স্থলে ॥
মাগিয়া লইল লৌহ ধীবরের স্থানে ।
কঙ্গিগৃহে' ফলা গড়াইয়া নিল বাণে ॥

এখানে দ্বারকাপুরে দেব-নরহরি ।
যত্ববংশ বিনাশিতে জনয়ে বিচারি ॥
বলভদ্রে ডাকিয়া বসায় নিজ-ভিত্তে ।
বিশেষ বৃত্তান্ত-সব লাগিল কহিতে ॥
অবধান কর দেব-রেবতী-রমণ ।
ভারাবতরণে আইলাম ঐ-ভুবন ॥
ডাক্ত-দৈত্য মারিয়া খণ্ডিত পুণ্ড্রভার ।
ততোধিক যত্নকুল চইল আবার ॥
ইহা-সবা-নিগুমানে নহে ভার-শেষ ।
অধিক যাতনা ক্ষতি পায় ত বিশেষ ॥
ইহার উপায় দেব, চিন্তিয়াছি আমি ।
যত্নকুল-ক্ষয় করি তব সর্গগামী ॥
গোর বংশ-ক্ষয় করে, আছে কোন্ জন ।
ব্রহ্মশাপ লক্ষ্য করি করিব নিধন ॥
প্রভাসে যাইব চল স্নান করিবারে ।
সঙ্গে করি লহ যত্ববংশ-সবাকারে ॥

এই যুক্তি করি দৌড়ে উঠিয়া স্বরায় ।
মাতাপিতা-আগে-যান লইতে বিদায় ॥
হেনকালে অমঙ্গল দেখি অপ্রমিত ।
ভূমিকম্প উল্কাপাত অতি-বিপরীত ॥
সঘনে নির্ঘাত-শব্দ দশদিকে হয় ।
দিবসেতে ধূমকেতু হইল উদয় ॥
দ্বারকায় জলচর হয় বৃষ্টিমান ।
টলমল করয়ে দ্বারকা-পুরীধান ॥
কার্ঠ-শিলা-মৃত্তিকা-প্রতিমা যত ছিল ।
কেহ অট্ট হাসে, কেহ বিদারি পড়িল ॥
নৃত্য করি বলে কেহ নগর-ভিতরে ।
অকস্মাৎ ভাঙ্গি পড়ে দেউল-মন্দিরে ॥

১। ব্যাধ । ২। কর্ণকারের বাড়ীতে ।

বিনা-অগ্নি নয় যত হয় ত দাহন ।
 চালে বসে কপোত-পেচক-পক্ষিগণ ॥
 শৃগাল-কুক্কুর ডাকে বিপরীত-স্বরে ।
 প্রিয়-প্রিয়া হৃন্দ হয় নগরে-নগরে ॥
 অকালে উদ্ভিত হৈল দেব-রবি-শশী ।
 সিংহিকা-তনয় তাহে অপূর্ব গরাসী ॥
 হাহাকার-শব্দ করে নগরের লোক ।
 স্বর্গের দেবতাগণ করে মহাশোক ॥

এইরূপ উৎপাত হইল হুবিস্তর ।
 দেবগণ-সংহতি আইল সৃষ্টিধর ॥
 অন্তরীক্ষে থাকিয়া যতেক দেবগণ ।
 বিবিধ-প্রকারে করে কৃষ্ণের স্তবন ॥

নমস্তে কমলাকান্ত বিশ্বরূপ হরি ।
 নমস্তে ক্ষীরোদশায়ী মধুকৈটভারি ॥
 নির্লেপ নিগূঢ় নিরাকার নিরঞ্জন ।
 অনন্ত-আকার বিশ্বরূপ সনাতন ॥
 সত্ত্বরজস্তমোগুণ এ-তিন-প্রকার ।
 লীলায় করহ সৃষ্টি; লীলায় সংহার ॥
 চন্দ্র সূর্য আকাশ পৃথিবী জলনিধি ।
 পবন বরুণ ইন্দ্র সর্ব নদ-নদী ॥
 সকলি তোমার অঙ্গ, ভিন্ন কেহ নহে ।
 অনুরূপে তোমার বিলাস সর্বদেহে ॥
 অপার তোমার লীলা কে বুঝিতে পারে ।
 আপনি করিলা লীলা দানব-সংহারে ॥
 ভার-হেতু ক্ষিতি পূর্ব করিলা গোহারি' ।
 সেইহেতু পৃথিবীতে এলা দ্বরা করি ॥
 অহর বধিয়া খণ্ডাইলা পৃথ্বীভার ।
 ধর্ম-সংস্থাপন আর অনুর-সংহার ॥

চিরদিন শূন্য আছে বৈকুণ্ঠ-ভুবন ।
 সবাই প্রার্থনা করে তব আগমন ॥
 ভূমি নিজ-স্থানে এলে সবে হই স্থখী ।
 জলহীন মীন যেন আছি মহাদুঃখী ॥
 নররূপ ধরিয়া রহিলা ক্ষিতিতলে ।
 কৃপায় অবনীলোকে কৃতার্থ করিলে ॥
 দারুণ দুঃস্থ দৈত্যগণ দুষ্কৃতি ।
 লীলায় সংহারি ভার খণ্ডাইলা ক্ষিতি ॥
 অপার তোমার লীলা, কহে বেদকৃতী ।
 রিপুভাবে দৈত্যগণে দিলা উদ্ধগতি ॥
 এমত তোমার কৃপা, কে বুঝিতে পারে ।
 মিত্রামিত্র-ভাব নাহি তোমার বিচারে ॥
 কৃপায় করিলা পার কত পাপিগণে ।
 পতিত-পাবন নাম এই সে কারণে ॥

এইরূপে বিধাতা কহিল স্তুতিবাণী ।
 হাসিয়া উত্তর দেন দেব-চক্রপাণি ॥
 অচিরে বৈকুণ্ঠে যাব, শুন সৃষ্টিধর ।
 আপন-আলয়ে বাহ যতেক অমর ॥
 ভার নিবারিতে আমি আইনু ক্ষিতিতে ।
 অধিক হইল ক্ষিতি-ভার আমি হৈতে ॥
 যদুবংশ-বৃদ্ধি হৈল আমার কারণ ।
 অনুরূপে নাহি হয় সব নিবারণ ॥
 ব্রহ্মশাপ লক্ষ্য করি সংহারিব ভার ।
 অচিরে যাইব আমি স্থানে আপনার ॥
 অতএব নিজস্থানে করহ গমন ।
 যথাস্থে বিহার করহ দেবগণ ॥
 শুনিয়া সানন্দ ব্রহ্মা-আদি দেবগণ ।
 প্রদক্ষিণ করি বন্দে কৃষ্ণের চরণ ॥

তবে যত দেবগণে লইয়া সংহতি ।
 গেলেন বিদায় হ'য়ে দেব-প্রজাপতি ॥
 বলভদ্র-সহ কৃষ্ণ করিয়া বিধান ।
 পুত্রগণে ডাকি করিলেন আজ্ঞাদান ॥
 বিবিধ উৎপাত দেখে হৈল যারোবার ।
 সবে মিলি করহ ইহার প্রতিকার ॥
 প্রভাস-তীর্থেতে সবে করহ প্রয়াগ ।
 আপদ খণ্ডিবে তাহে কৈলে স্নানদান ॥
 শীত্ৰগতি সজ্জা কর যত পুত্রগণ ।
 সবে চল, যদুবংশে আছ যতজন ॥
 স্ত্রীগণ কেবলমাত্র রহিবেক ঘরে ।
 কৃষ্ণের আদেশে সবে চলিল সত্বরে ॥
 প্রভুর আদেশ পেয়ে যত যদুগণ ।
 প্রভাসে যাইতে সজ্জা করে সর্বজন ॥
 পুত্রগণে আদেশ করিয়া দুই-ভাই ।
 শীত্ৰগতি আটলেন মাতাপিতা-ঠাই ॥
 তদ্বকথা নিম্নেতে কহেন দুইজন ।
 মায়াজাল ছাড়ি দেহ, শুনহ বচন ॥
 পুত্র পরিবার বন্ধু দেখে যতজন ।
 মহামায়া-কাঁস এই নিগড়-বন্ধন ॥
 হেন মায়াজাল ছাড়ি তত্ত্বে দেহ মন ।
 সংসারের মায়া-মোহ ত্যজ দুইজন ॥
 নিজ-কর্ম্মার্জিত ফল ভুঞ্জে এইকালে ।
 স্থখ-দুঃখ আপন-অর্জিত-কর্ম্মফলে ॥
 ইহা জানি ব্রহ্মজ্ঞান কর আচরণ ।
 পাইবে উত্তমগতি, শুন দুইজন ॥
 এত বলি প্রবোধিয়া জনক-জননী ।
 প্রভাসেতে যাত্রা কৈল দেব-চক্রপাণি ॥
 উগ্রসেনে সন্তানিয়া দেব দামোদর ।
 দারুকে বলেন, রথ সাজাহ সত্বর ॥

আজ্ঞামাত্র আনিল সে রথ-সজ্জা করি ।
 শুভকণে আরোহণ করেন শ্রীহরি ॥
 মুঘল-পর্বের কথা অমৃত-সমান ।
 কাশীরাম দাস কহে, শুনে পুণ্যবান ॥

—

৩। সপরিবারে শ্রীকৃষ্ণের প্রভাস তীর্থে গমন ।
 কৃষ্ণ-সঙ্গে চলিল যতেক যদুগণ ।
 বলভদ্র কৃতবন্ধ্যা সাত্যকি সারণ ॥
 কামদেব চারুক্ষেপ স্তদেক্ষ স্তচাক্ষু ।
 চারুদেহ চারুগুণ ভদ্রচারু চাক্ষু ॥
 চারুচন্দ্র বিচারু, এ দশটি নন্দন ।
 রুদ্রাঙ্গীর গর্ভে এরা লভিল জনম ॥
 সুভানু সর্ভানু আর চন্দ্রভানু ভানু ।
 প্রভানু বিভানু বৃহত্তানু প্রতিভানু ॥
 ভানুমান্ অবিভানু, এই পুত্র দশ ।
 সত্যভামা-গর্ভে জন্মে শ্রীকৃষ্ণ-ভরস ॥
 শ্রীশাম্য স্মিত্রে শতজিৎ চিত্রকেতু ।
 পুরুজিৎ বিজয় সহস্রজিৎ ক্রতু ॥
 বসুমান্ নবম যে দ্রবণ দশম ।
 জাম্ববর্তী-নন্দনের জান এই ক্রম ॥
 বীরচন্দ্র অশ্বসেন রুষ বেগবান্ ।
 আম শকু বসু কুন্তি চিত্রগুণ আখ্যান ॥
 নাগজিহী-উদরে হইল এই দশ ।
 কৃষ্ণের সন্তান ধরে কৃষ্ণের সাহস ॥
 শুক কবি রুষ বীর হুবাছ-নামক ।
 ভদ্র শান্তি দর্শ পূর্ণমান্ শ্রীসোমক ॥
 কালিন্দী-দেবীর পুত্র এই দশজন ।
 শ্রীকৃষ্ণের পুত্র এরা বিখ্যাত সুবন ॥
 শ্রীধোষ ওজস সিংহ উর্জগ প্রবল ।
 গাত্রবান্ মহাশক্তি সহ আর বল ॥

আর সে অপরাঞ্জিত, এই দশজন ।
 লক্ষ্মণার গর্ভে জাত শ্রীকৃষ্ণ-নন্দন ॥
 বৃক হর্ষ গৃধ বহ্নি অনল পবন ।
 বহ্নম্ন অন্নাদ ক্ষুধি এই নয়জন ॥
 দশম মহাংশ, এই গোবিন্দ-নন্দন ।
 মিত্রেবিন্দা-দেবীর আনন্দ-বিবর্দ্ধন ॥
 বৃহৎসেন প্রহরণ শুর অরিজিৎ ।
 সুভদ্র সত্যক রাম শ্রীসংগ্রামজিৎ ॥
 আয়ু আর জয়, এই দশটি সন্তান ।
 ভদ্রার সহিত কৃষ্ণ সদা সুখবান্ ॥
 অষ্ট-মহিষীর পুত্র করিল গমন ।
 সবার প্রধান এই কৃষ্ণের নন্দন ॥
 গোবিন্দের নারী বোল সহস্রেক আর ।
 জনে-জনে দশ-পুত্র হৈল সবাকার ॥
 একলক্ষ-আটাইশ-সহস্র নন্দন ।
 অষ্ট-মহিষীর পুত্র আর আশিজন ॥
 কৃষ্ণের নন্দন এই করিনু লিখন ।
 তা'সবার পুত্র-পৌত্র কে করে গণন ॥
 অপর যাদব-বংশ গণিতে অপার ।
 বলিয়া ছাপান্ন-কোটি করয়ে বিচার ॥
 হুসজ্জ হইয়া রথে কৈল আরোহণ ।
 নানা-অস্ত্র-ধনুর্বাণ করিল ধারণ ॥
 শঙ্খনাদ সিংহনাদ ধনুক-নির্ঘোষ ।
 চলিল যাদবকুল পরম-সন্তোষ ॥
 অপূর্ব কৃষ্ণের মায়া, কে বুঝিতে পারে ।
 নগর-বাহির হৈলা হরি অতঃপরে ॥
 দ্বারকা ত্যজিয়া হৈল কৃষ্ণের গমন ।
 দিবসে আঁধার হৈল দ্বারকা-ভুবন ॥

চিত্রের পুতুলি-প্রায় রহে সব নারী ।
 মৌনভাবে নিষ্পন্দে নিষ্পন্দে' নেত্রবারি ॥
 হেনমতে দ্বারকা ত্যজিয়া নারায়ণ ।
 করেন প্রভাস-তীরে সঙ্ঘরে গমন ॥
 মুঘল-পর্বের কথা ব্যাস-বিরচিত ।
 কাশীরাম দাস কহে রচিয়া সঙ্গীত ॥

৪। বহুবালকগণের জলক্ৰীড়া।

আসিয়া প্রভাস-তীরে যাদব-মণ্ডলী ।
 জলে নামি স্নান-দান করে কুতূহলী ॥
 পরম-আনন্দে জলে করেন বিহার ।
 সলিলেতে কেলি করে যতেক কুমার ॥
 কূল হৈতে ঝাঁপ দিয়া কেহ পড়ে জলে ।
 পরস্পরে কেহ ভাল সিঞ্জে কুতূহলে ॥
 জলেতে সাঁতারি কেহ যায় দূরাদূর ।
 বহুক্ষণ জলে ডুবি রহে কোন শূর ॥
 নানামতে ক্রীড়া করে যাদব-সকলে ।
 হিল্লোলে কল্লোল তুলে প্রভাসের জলে ॥
 স্বর্গে থাকি কৌতুক দেখেন দেবগণ ।
 বিধি শিব ইন্দ্র যম সূর্য্য হুতাশন ॥
 অক্ষবসু নবগ্রহ অশ্বিনী-কুমার ।
 কুবের বরুণ যম যত দেব আর ॥
 জয়-জয়-শব্দেতে অমরগণ ডাকে ।
 সকল যাদব মিলি খেলয়ে কৌতুকে ॥
 টান মারি গোঁড়ু কেহ ফেলে বহুদূরে ।
 সাঁতারিয়া গিয়া কেহ আনয়ে সঙ্ঘরে ॥
 পুনঃ সেই গোঁড়ু ল'য়ে খেলে শিশুসব ।
 পরস্পর হাতাহাতি সকল যাদব ॥

দেখিয়া অপূর্ব ক্রীড়া সবে পায় প্রীতি ।
রাম-কৃষ্ণ-সাত্যকি দেখিয়া ক্ষুণ্ণমতি ॥

হেনমতে বহুক্ষণ বিহরিয়া জলে ।

জ্ঞানকণ্ঠ সমাপিয়া যাদব-সকলে ॥
হরষেতে কূলে উঠি পরিল বসন ।
চিনিয়া পরিল নিজ-বস্ত্র-আভরণ ॥
একত্র বসিল সব যাদব-মণ্ডলী ।
নানা-উপচার-দ্রব্য ভুঞ্জে কুতূহলী ॥
একে অপরের মুখে দেয় জনে-জনে ।
পরম-হরিষে সবে করেন ভোজন ॥
ঘড়রস ভুঞ্জিয়া মনের পরিতোষে ।
যার যাহে অভিলাষ, ভুঞ্জিলেক শেষে ॥
বারুণী-মদিরা-ভাণ্ড ল'য়ে হলধর ।
হরষেতে তুলে ধরে তুণ্ডের উপর ॥
পরম-মানন্দ সবে বারুণীর পানে ।
শত-শত কলসী ভুঞ্জয়ে ক্ষুণ্ণমনে ॥
রুতবন্দ্য সাত্যকি প্রভৃতি যদুবীর ।
আনন্দে বসিয়া সবে প্রভাসের তীর ॥
কৃষ্ণে বেড়ি বসিলেন যাদব-সকল ।
ইন্দ্রে বেষ্টিয়া যেন অমর-মণ্ডল ॥
আসন করিয়া সেই প্রভাসের তীরে ।
সেই ঠাই বসিলেন যত যদুবীরে ॥
হরিষে বসিয়া সবে কথোপকথনে ।
নানা-কথা বিচার করয়ে সর্বজনে ॥
দেখিয়া অপূর্ব-সভা ধরণী-মণ্ডলে ।
বিস্ময় মানিয়া চাহে অমর-সকলে ॥
বসিয়া যাদবগণ নিজ-মনোরথে ।
যাহার যেমন বীৰ্য্য, কহে সেইমতে ॥
পরস্পর সমর হইল যথা-যথা ।
কুরুক্ষেত্র-আদি যত সময়ের কথা ॥

এইসব-আলাপনে আছে সর্বজন ।

হেনকালে শুন তথা দৈবের ঘটন ॥

অপূর্ব কৃষ্ণের মায়া বুঝিতে না পারি ।

সাত্যকিরে সম্বোধিয়া কহেন শ্রীহরি ॥

কহ-কহ সাত্যকি, সবার বরাবর ।

কোনমতে কুরুক্ষেত্রে করিলে-সমর ॥

বহুবিদ্যা জ্ঞান তুমি, বলে মহাবল ।

তোমার প্রসঙ্গ করে যাদব-সকল ॥

তোমার বীর্য-গুণ জানিয়া বিশেষে ।

পাণ্ডব বরিল তোমা যুদ্ধ-অভিলাষে ॥

ভীষ্ম-দ্রোণ অশ্বখামা কর্ণ দুর্যোধন ।

কৌরবের দলে যত মহারথিগণ ॥

ইতিমধ্যে কার সনে করিলে বিরোধ ।

রণ করি কার সনে করিলে প্রবোধ ॥

পঞ্চভাই পাণ্ডব অতুল পরাক্রম ।

এ-তিন-ভুবন জিনিবারে হয় ক্ষম ॥

তাহার সহায় তুমি পাঞ্চাল-ঈশ্বর ।

ধ্রুতদ্যুম্ন শিখণ্ডা বিরাট-নৃপবর ॥

অপর যতক রাজা সসৈন্য-সহিত ।

পাণ্ডবের পক্ষে রণ কৈল অপ্রমিত ॥

যুদ্ধ করি প্রাণ দিল পাণ্ডব-কারণে ।

কহ তুমি, কবে যুদ্ধ কৈলে কার সনে ॥

কৃষ্ণের বচনে শিনিপৌত্র বলে বাণী ।

আমার যুদ্ধের কথা শুন চক্রপাণি ॥

পাণ্ডবের কার্য আমি কৈলু প্রাণপণে ।

শক্তিমত করিলাম সমর যতনে ॥

ভীষ্ম-দ্রোণ-আদি সবে প্রহারিল ঘোরে ।

যথাশক্তি প্রবোধিলু রণে তা'-সবারে ॥

বহুসৈন্য-ক্ষয় হৈল কৌরবের দলে ।

ভূরিভ্রবা নৃপতিরে বধিলাম বলে ॥

প্রাণপণে যুঝিলাম, নাহি নিবারণ ।
 আপনা-জ্ঞানতঃ কার্যে না করি হেলন ॥
 আর-আর কত বীরে করিছু সংহার ।
 যা' পারিছু, করিছু পাণ্ডব-উপকার ॥
 আপনিহ তখন সে-স্থানেতে আছিলা ।
 মম পরাক্রম যত সাক্ষাতে দেখিলা ॥
 মহাত্মারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৫। সাত্যকির সহিত ক্রীকৃষ্ণের বান্দ্যবাদ ।

সাত্যকির বচনে হাসেন নারায়ণ ।
 পুনরপি সাত্যকিরে বলেন বচন ॥
 জানি আমি সাত্যকি, তোমার বীরপণা ।
 কুরু-পাণ্ডবের দলে জানে সর্বজন ॥
 কর্ণের সহিত রণ কৈলে একবার ।
 প্রাণ-ল'য়ে পলাইলে করি পরিহার ॥
 দ্রোণ-সঙ্গে যুঝিয়া পাইলে পরাভব ।
 কেহ-কেহ না যুঝিল করিয়া গৌরব ॥
 সিংহনাদ করিয়া বুলিলে রণস্থলে ।
 হীনশক্তি-জন পেয়ে সংহার করিলে ॥
 ভয়াঙ্কিত হীনশক্তি হীন-অস্ত্র-জন ।
 তোমার যুদ্ধের যোগ্য এইসব জন ॥
 সোমদত্ত-সুত ভুরিশ্রবা-নরপতি ।
 যুঝিতে আসিয়াছিল তোমার সংহতি ॥
 নিজশক্তি না জানিয়া যুদ্ধে দিলে মন ।
 যে গতি করিল তব, হয় কি স্মরণ ॥
 অস্ত্রহীন কৈল তোমা সংগ্রাম-ভিতরে ।
 কেশে ধরি উন্নয়ম করিল কাটিবারে ॥
 হেনকালে কহিলাম অর্জুন-নিকটে ।
 হের দেখ, শিনিপোজ পড়িল সঙ্কটে ॥

ভুরিশ্রবা কাটে দেখ, সাত্যকির শির ।
 স্থিরিতে করহ রক্ষা ধনঞ্জয়-বীর ॥
 আমার বচনে তবে কুন্তীর কুমার ।
 খড়গ-সহ-হস্ত কাটি পাড়িলেক তার ॥
 হস্ত কাটা গেল তার অর্জুনের বাণে ।
 ভূমে লোটাইয়া বীর পড়ে সেইক্ষণে ॥
 ভূমিতে পড়িল, প্রায় ত্যজিল জীবন ।
 খড়গ ল'য়ে তুমি তারে কাটিলে তখন ॥
 এই বীরপনা তুমি করিলে সমরে ।

দর্প করি কহ কথা সভার ভিতরে ॥
 কোন্ পরাক্রমে ভুরিশ্রবাকে মারিলে ।
 বড়-কপ্প কৈলে বলি মনে বিচারিলে ॥
 কোন্ পরাক্রমে দর্প কর লোকমাঝে ।
 ইহার অধিক পাপ আর কিবা আছে ॥
 পাপীর সংসর্গে পাপ বাড়ে নিতি-নিতি ।
 এখানে উচিত নহে তোমার বসতি ॥
 মর্যাদা থাকিতে উঠি করহ গমন ।
 অশ্রু-চাঁই বৈস তুমি, যথা লয় মন ॥

শুনিয়া কৃষ্ণের মুখে এতেক বচন ।
 বিস্ময় মানিয়া চাহে যত যত্নগণ ॥
 শুনি মনে-মনে সবে করে অনুভব ।
 কৃষ্ণের পরম-প্রিয় সাত্যকি-উদ্ধব ॥
 এতদিনে সাত্যকি-বিচ্ছেদ হৈল প্রায় ।
 নহে কটুভর কেন কহে যত্নরায় ॥

কৃষ্ণের উত্তর শুনি সত্যক-নন্দন ।
 মহাকোপে গর্জিয়া উঠিল সেইক্ষণ ॥
 বাক্রণী-মদিরা-পানে ঘূর্ণিত-লোচন ।
 দীর্ঘশ্বাস ছাড়ে বীর মহাকোপ-মন ॥
 করপদ কম্পায়ে, কম্পায়ে ওষ্ঠাধর ।
 কড়মড় দশন, কচালে করে কর ॥

গর্জন করিয়া বলে গোবিন্দের প্রতি ।
 আমারে এমন বাক্য কহ রে দুর্মতি ॥
 তোমার দুর্কর্ম যত, কেবা নাহি জানে ।
 কপটে নাশিলে পাণ্ডবের বন্ধুগণে ॥
 অবোধ পাণ্ডব-সব তোমার উত্তরে ।
 রণজয় করিয়া রহিল স্থানান্তরে ॥
 যদি সবে এক-ঠাই বঞ্চিত রজনী ।
 তবে কেন সর্বনাশ করিবেক দ্রোণি ॥
 তুমি আমি পঞ্চভাই পাণ্ডুর-নন্দন ।
 তব বাক্যে স্থানান্তরে রহি সপ্তজন ॥
 ধৃষ্টদ্যুম্ন-আদি পঞ্চ-দ্রোপদী-কুমার ।
 রহিল শিবিরে গিয়া অনাথ-আকার ॥
 নিশাযোগে ছিল সবে নিদ্রায় বিহ্বলে ।
 চোররূপে তিনজন গেল সেইকালে ॥
 রূপ কৃতবর্মা আর দ্রোণি-দুষ্কমতি ।
 নিদ্রিত-জনেরে মারে দুর্জন-প্রকৃতি ॥
 যদি আমি থাকিতাম কিংবা পাণ্ডুস্নুতে ।
 কার শক্তি দ্রোপদীর পুত্র বিনাশিতে ॥
 তোমার কপটে হৈল পাণ্ডুবংশ-ক্ষয় ।
 তোমা-সম কপটী কে আছে দুরাশয় ॥
 কৃতবর্মা রূপ দ্রোণি তিন-দুরাচার ।
 ইহা হৈতে পাপকারী কেবা আছে আর ॥
 না বলিয়া অস্ত্র যদি প্রহারয়ে প্রাণে ।
 অস্ত্রহীন-জনে আর হীনশক্তি-জনে ॥
 অবিরোধী জনে যেই করয়ে প্রহার ।
 তাহা-সম পাপী নাহি, বেদের বিচার ॥
 সকল অধর্মপথ যে-জন সৃজিল ।
 সে-জন ধার্মিক হ'য়ে সভাতে বসিল ॥
 তোমা-সম কপটী কে পাপী দুরাচারী ।
 সকলি করিল নষ্ট তোমার চাতুরী ॥

কপট তোমার যত ধর্মের বিচার ।
 কোন ঠাই বীরপনা না দেখি তোমার ॥
 জরাসন্ধ-ভয়েতে ত্যজিয়া যথুপুরী ।
 সমুদ্র-ভিতরে বৈস দ্বারকা-নগরী ॥
 ক্ষুদ্র-জন, বড়-জন, কেবা নাহি জানে ।
 নন্দের নন্দন তুমি, বাস বৃন্দাবনে ॥
 গোপ-অন্ন খাইয়া বঞ্চিত গোপগৃহে ।
 গোপাল বলিয়া নাম তেঁই লোকে কহে ॥
 জন্মের নির্ণয় তব কেহ নাহি জানে ।
 বহুদেব-দৈবকারী পশিলা শরণে ॥
 পিতা বনুদেব হৈল, দৈবকা জননী ।
 বনুদেব-তনয় বলিয়া সবে জানি ॥
 বাহুদেব নাম দিল করিয়া আদর ।
 সভামধ্যে কৈল তোমা যাদব-ঈশ্বর ॥
 বনুদেব-পুত্র বলি মান্য করি সবে ।
 দোষাদোষ নাহি লই তাহারি গৌরবে ॥
 এইহেতু হৈল তব বড় অহঙ্কার ।
 আমারে করহ নিন্দা, আরে দুরাচার ॥
 পৃথিবীতে যত মহারাজগণ ছিল ।
 ক্ষত্র-সভা-মধ্যে তোরে বসিতে না দিল ॥
 রাজা-যুধিষ্ঠির যবে রাজসূয় কৈল ।
 একলক্ষ নৃপতিরে বরিয়া আনিল ॥
 গৌরব করিয়া ভীষ্ম কহিল তাহাতে ।
 রাজগণ-মধ্যে আগে তোমারে পূজিতে ॥
 ভীষ্মের বচনে ধর্ম পূজিল তোমারে ।
 সেইহেতু রুঘিল যতেক নৃপবরে ॥
 বলিল সকল রাজা যত কুবচন ।
 সে-সকল কথা তব হয় কি স্মরণ ॥
 দৈবেতে কহিলে তুমি কটুবাচ্যয় ।
 তোমার সভায় বসে মোর যোগ্য নয় ॥

পরম-কপটী তুমি, শুন দুরাচার ।
 তোমার চাতুরি কেহ নারে বুঝিবার ॥
 নিঞ্চলঙ্ক নির্দোষ নিষ্পাপ সত্যব্রতী ।
 হেনজনে নিন্দে যেই, সেই দুষ্কৃতি ॥
 আপনি নিন্দিত হৈলে নিন্দে সবাকারে ।
 সাধু হৈলে সকলে আপনা-সম করে ॥
 তোমার জনক পূর্বে, কেবা নাহি জানে ।
 গিয়াছিল দৈবকীর সয়ংবর-স্থানে ॥
 দেবক-রাজের কন্যা তোমার জননী ।
 পরম-রূপসী বিদ্যাধরী-রূপ জিনি ॥
 দেখিয়া মোহিত হৈল জনক তোমার ।
 কন্যা লইবার হেতু করয়ে বিচার ॥
 বহু-রাজা আসিয়াছে সয়ংবর-স্থানে ।
 রথে তুলি লয় বসু সবা-বিগ্ৰহানে ॥
 সম্বর-গমনে যায় কন্যারে লইয়া ।
 চৌদিকে নৃপতিগণ বেড়িল আসিয়া ॥
 দেখিয়া হইল বসু ভয়ে কম্পমান ।
 কি করিব, কেমনে পাইব পরিত্রাণ ॥
 কন্যার কারণে আজি জীবন-সংশয় ।
 পলাইতে নাহি শক্তি, মজিনু নিশ্চয় ॥
 ভয়ান্ত জানিয়া যত সাধু-রাজগণ ।
 ক্রোধ সংবরিয়া গেল, না করিল রণ ॥
 দুষ্ক-রাজগণ-সঙ্গে বাহুলীক-নন্দন ।
 বসুর উপরে করে অস্ত্র-বরিষণ ॥
 দেখিয়া কুপিল শিনি পিতামহ মোর ।
 সোমদত্ত-সহিতে করিল রণ ঘোর ॥
 রথ-অশ্ব-সারথি কাটিল ধনুগুণে ।
 হাতাহাতি সমরঃ হইল দুইজনে ॥
 কোপে পিতামহ মোর ধরে তার চুল ।
 চড় নারি দস্ত ভাঙ্গি করিল নির্মূল ॥

যতেক নৃপতিগণ কৈল উপরোধ ।
 সোমদত্তে ছাড়িলেন সংবরিয়া ক্রোধ ॥
 ভয়েতে সকল রাজা নিরুত্ত হইল ।
 আপন-আপন-দেশে সবে চলি গেল ॥
 পিতামহ-স্থানে সোমদত্ত লাজ পেয়ে ।
 শিব-আরাধনা করে ঘোরবনে গিয়ে ॥
 স্তবে তুষ্ট হ'য়ে বর যাচৈ পশুপতি ।
 বর মাগে সোমদত্ত হরে করি স্তুতি ॥
 শিনির প্রহারে মম দহে কলেবর ।
 বড় অপমান কৈল সভার ভিতর ॥
 তেমতি আমার পুত্র হ'ক বলবান্ ।
 শিনিপৌত্রে মম-পুত্র করে অপমান ॥
 সোমদত্ত-বচনে শঙ্কর দিল বর ।
 সেইহেতু ভূরিশ্রবা হৈল বলধর ॥
 অপমান আমার করিল সভামাঝে ।
 আমি কি কহিব, ইহা জানে সর্বরাজে ॥
 এইহেতু করিল আমার অপমান ।
 না হইল ক্ষম তবু বধিতে পরাণ ॥
 যেকালে আমার কেশ ধরিল দুর্গতি ।
 কুমারের চক্র-হেন ফিরিলাম তথি ॥
 কত শক্তি ধরে সেই সোমদত্ত-সুত ।
 দৈববলে এই কর্ম করিল অদুত ॥
 যেইজন করিল এতেক অপমান ।
 ছলে-বলে-প্রকারে লইব তার প্রাণ ॥
 আমার সাহায্যে পার্থ কাটে তার হাত ।
 আমি তার মুণ্ড কাটি করিনু নিপাত ॥
 ইহাতে পাতকী বড় হইলাম আমি ।
 বড় ধার্মিকেরে ল'য়ে বসিয়াছ তুমি ॥
 পাণ্ডব তোমার প্রিয়বন্ধু, সবে জানে ।
 তার সর্বনাশ করিলেক বেইজনে ॥

পুত্র-মিত্র-বন্ধু নাশিলেক যেইজন ।
নিদ্রিত-জনে রে গিয়া করিল নিধন ॥
হেনজন হৈল তব পরম-বান্ধব ।
জানিনু, তোমার প্রিয় কেমন পাণ্ডব ॥
কপট করিয়া মজাইলে পাণ্ডবেরে ।
পরম-কুটিল তুমি, কে জানে তোমারে ॥
মহাভারতের কথা অমৃত-লহরী ।
কাশীরাম কহে, শুনি ভব-ভয়ে তরি ॥

৬। যত্নবৎস-ধ্বংস ও বলরামের বেহত্যাৎ ।

এইরূপে বলাবলি হইল বিস্তর ।
গর্জিয়া উঠিল কৃতবর্মা ধনুর্ধর ॥
হাতে খড়্গ করি ধায় কাটিবার আশে ।
গর্জন করিয়া বলে বচন-কর্কশে ॥
আরে ছুরাচার পাপি সত্যক-নন্দন ।
এতক করিস্ গর্ব, না বুঝি কারণ ॥
গোবিন্দের নিন্দা কর দুষ্ক-অধোগামি ।
ইহার উচিত ফল দিব তোরে আমি ॥
ভূরিজ্ঞা চাল-খাড়া ল'য়ে বীরদাপে ।
উগ্রম করিল তোরে কাটিতে প্রতাপে ॥
নৃপতি-সমূহ-মধ্যে কৈল অপমান ।
কোন্ লাজে ধর দুষ্ক, এ-পাপ-পরাণ ॥
অপমান হৈতে মৃত্যু শ্রেষ্ঠ শতগুণে ।
ধিক্-ধিক্ আরে দুষ্ক, নিল্গজ্জ-জীবনে ॥
আমারে নিন্দিস্ দুষ্ক, না বুঝি কারণ ।
পাণ্ডবের সর্বনাশ কৈল কোন্ জন ॥
দ্রোণপুত্র প্রবেশিল শিবির-ভিতর ।
সকল করিল ক্ষয় দ্রোণী একেশ্বর ॥
যোরা-দৌহে আছিলাম লাণ্ডাইয়া দ্বারে ।
রে দুষ্ক, আমারে গালি দিস্ অহঙ্কারে ॥

৬৭ বি .

এত বলি খড়্গ ল'য়ে কাটিবারে যায় ।
গর্জিয়া সাত্যকি বলে জ্বলদগ্নি-প্রায় ॥
উচিত কহিতে ক্রোধ হইল তোমার ।
আমারে মারিতে এস আরে ছুরাচার ॥
তোমার দর্প ঘুচাব কাটিয়া তোমার শির ।
এত বলি খড়্গ ল'য়ে ধায় মহাবীর ॥
খড়্গের প্রহারে বীর কাটে তার শির ।
ভূমিতে লোটায় কৃতবর্মার শরীর ॥
হাহাকার-শব্দে ডাকে যতেক যাদব ।
মার-মার বলিয়া ধাইল যত সব ॥
দেখিয়া অমৃত-কর্ণ সবিস্ময়-মন ।
আত্ম-আত্ম-বিবাদী হইল সর্বজন ॥
কৃতবর্মা হত হৈল দেখিয়া নয়নে ।
সাত্যকিরে মারিবারে যায় যত্নগণে ॥
নানা-অস্ত্র ফেলি মারে সাত্যকি-উপর ।
মুঘলধারায় যেন বর্ষে জলধর ॥
স্নেহ করি কেহ হৈল সাত্যকির ভিত ।
অস্ত্ররুষ্টি করে কেহ অতি-ক্রোধচিত ॥
সহোদরে-সহোদরে হইল ছুঁদল ।
মার-মার-শব্দেতে হইল কোলাহল ॥
প্রলয়-সময়ে যেন উথলে সাগর ।
দেবাসুরে হয় যেন যুদ্ধ ঘোরতর ॥
পূর্বের যেন যুদ্ধ হৈল শ্রীরাম-রাবণে ।
কুরুক্ষেত্রে যেমন পাণ্ডব-দুর্যোধনে ॥
ঘোরতর গর্জন, সঘনে সিংহনাদ ।
ঝাঁকে-ঝাঁকে বাণরুষ্টি, নাহি অবসাদ ॥
ধনুকে যুড়িল বাণ করি মার-মার ।
হাতে অস্ত্র বীর-সব করয়ে প্রহার ॥
অস্ত্রে-অস্ত্রে নিবারণ করে জনে-জনে ।
সর্ব-অস্ত্র ক্ষয় হৈল, অস্ত্র নাহি তুণে ॥

ক্রোধমনে যুদ্ধ করে, নাহি অবসান ।
 দাণ্ডাইয়া কোঁতুক দেখেন ভগবান্ ॥
 অদ্ভুত দেখিয়া রাম বিসম্ব-বদন ।
 বৃন্তান্ত জানিয়া স্থির হ'লেন তখন ॥
 যুঝয়ে যাদব-সব আপনা-আপনি ।
 খড়্গ ল'য়ে কেহ-কেহ করে হানাহানি ॥
 ধনুক-ধনুক যুদ্ধ, অস্ত্র-বরিষণ ।
 বঙ্কনা পড়য়ে যেন ভীষণ-দর্শন ॥
 ধনুক-টঙ্কার-শব্দে পুরিল গগন ।
 ভয়ে ভীত তিন-লোক শুনিয়া গর্জন ॥
 রণস্থলে গালাগালি করে ভাই-ভাই ।
 ইস্ট-বন্ধু কারো পানে কেহ নাহি চাই ॥
 শক্তি তুলি হানে কেহ কাহারো উপর ।
 শেল-শক্তি-জাঠা মারে ভূমণ্ডী-তোমর ॥
 আপনা পাসরি সবে কোপে অচেতন ।
 পাথর তুলিয়া মারে ঘোর-দরশন ॥
 মুদগর তুলিয়া কেহ মারে কারো নাথে ।
 রথ-অশ্ব-সারথি মারয়ে এক-ঘাতে ॥
 আঁকাড়ি করিয়া কেহ ধরে রথখান ।
 সিংহনাদ ছাড়ি ফেলে দিয়া একটান ॥
 ধনুক ধরিয়া মারে দোহাতিয়া বাড়ি ।
 একজনা-হাত হৈতে অন্ত্র লয় কাড়ি ॥
 প্রহারে না করে ভয়, অভেদ-শরীর ।
 অতুল-সাহস সবে, রণে মহাবীর ॥
 হেনমতে যুঝে যত যাদব-কুমার ।
 শূন্য-কর হৈল, কারো অস্ত্র নাহি আর ॥
 যতক বিক্রম কৈল, কিছু না হইল ।
 তিল-মাত্র যত্নগণ-অঙ্গ না ভেদিল ॥
 উপায় করেন তবে দেব-ভগবান্ ।
 নিকটে খাগড়ার বন দেখি বিচ্যমান ॥

ঘর্ষণে মুঘল পূর্বে সলিলে মিশিল ।
 নল-খাগড়ার বন তাহে জনমিল ॥
 যত্নগণে দেখাইয়া ক'ন দামোদর ।
 নলরক্ষ ফেলি সবে মার পরস্পর ॥
 এই উপদেশ যদি যত্নগণে পায় ।
 ধাওয়াধাই নল উপাড়িতে সবে যায় ॥
 নল-খাগড়ার গাছ ধরি যত্নগণ ।
 পরস্পর প্রহার করয়ে জনে-জন ॥
 অস্ত্রেতে না ভেদে যেই যাদব-শরীর ।
 নল-খাগড়ার ঘায়ে পড়ে সব বীর ॥
 অঙ্গে পরশিবামাত্র পড়ে সেইক্ষণ ।
 ব্রহ্মশাপে ধ্বংস হয় যত যত্নগণ ॥
 জনে-জনে মারামারি অতিশয় ক্রোধ ।
 ভাই-ভাই-খুড়া-জ্যোঠা, নাহি উপরোধ ॥
 হেনমতে যত্নগণে হয় মহারণ ।
 দারুকে ডাকিয়া কন শ্রীমধুসূদন ॥
 সহরে দারুকে, যাহ মথুরা-নগরে ।
 মম রথে করি লহ বজ্র-মহাবীরে ॥
 মথুরায় রাখ ল'য়ে প্রপৌত্র আমার ।
 অস্ত্র গেল যত্নকুল, কিবা দেখ আর ॥
 সে-কারণে বজ্রে ল'য়ে যাহ মথুরায় ।
 স্ত্রীগণে লইয়া পিছে যাইবে তথায় ॥
 আমিহ পৃথিবী ছাড়ি যাব নিজ-স্থানে ।
 আজি হৈতে সপ্তম-দিবস-পরিমাণে ॥
 কার্ত্তিকী-পূর্ণিমা হবে কৃত্তিকা-নক্ষত্র ।
 সেইদিনে দ্বারাবতী আসিবে সমুদ্রে ॥
 এইসব বিবরণ কহিবে সবারে ।
 ব্রহ্মশাস্ত্র বুঝাইবে শোক নাশিবারে ॥
 তথা হৈতে হেথায় আসিবে শীত্ৰগতি ।
 পুনরপি যেতে হবে হস্তিনা-বসতি ॥

পাণ্ডবগণেরে দিয়া মম সমাচার ।
আনিবে হে প্রিয়সখা অর্জুনে আমার ॥

এত বলি দারুকেরে দিলেন বিদায় ।
বজ্রে ল'য়ে দারুক গেলেন মধুরায় ॥
প্রহ্মাশ্বের পৌত্র, অনিরুদ্ধের তনয় ।
উষার উদরে জন্ম বজ্র-মহাশয় ॥
মধুপুরে রাখি তারে প্রভুর আদেশে ।
সবাকারে সমাচার দিলেক বিশেষে ॥
দারুক-বচনে সবে লাগে চমৎকার ।
আকাশ ভাঙ্গিয়া পড়ে শিরে সবাকার ॥
অস্থির হইয়া সবে ভূমিতলে পড়ি ।
চিত্রের পুত্তলি-প্রায় বায় গড়াগড়ি ॥
আছে কি না আছে প্রাণ দেহের ভিতর ।
বদনে নাহিক ভাষা, শুষ্ক কলেবর ॥
সচেতন করিয়া দারুক সবাকারে ।
ব্রহ্মশাস্ত্র বুঝাইল বিবিধ-প্রকারে ॥
ব্রহ্মে মন নিযুক্ত করিয়া সবাকার ।
কৃষ্ণের নিকটে চলি গেল পুনর্ব্বার ॥
আসিয়া দেখিল সেই প্রভাসের তীর ।
ভূমিতলে পড়িয়াছে যত যতুবীর ॥
একজন নাহি কেহ, বৃষ্টি-যত্নকুল ।
পরম্পর যুঝি সবে হইল নিশ্চল ॥
ধূলায় ধূসর-তনু, লোটায়ে ভূতল ।
রাম-কৃষ্ণ দুই-ভাই আছেন কেবল ॥
শোকেতে আকুল হৈল দারুক-সারথি ।
বৃষ্টিত হইয়া সেই পড়ি গেল ক্ষিতি ॥

প্রবোধিয়া গোবিন্দ কহেন দারুকেরে ।
সহরে দারুক, যাহ হস্তিনা-নগরে ॥
আমার পরম-বন্ধু পাণ্ডুর নন্দন ।
অর্জুনে আনিতে শীঘ্র করহ গমন ॥

কৃষ্ণ-আজ্ঞা পেয়ে পুনঃ দারুক-সারথি ।
হস্তিনা-নগরে গেল বিষাদিত-মতি ॥

বলভদ্রে কহিলেন, দেব-নারায়ণ ।
অবধান কর দেব, করি নিবেদন ॥
এইখানে আপনি থাকুন একেশ্বর ।
দ্বারকা হইতে আমি আসি ত্বরাপর ॥
মাতা-পিতা-পুরজন না পায় বারতা ।
সবে সম্ভাষিতে আমি শীঘ্র যাই তথা ॥
যাবৎ না আসি আমি দ্বারকা হইতে ।
তাবৎ আপনি হেথা থাকুন এমতে ॥
কৃষ্ণবাক্যে বলভদ্র করেন স্রীকার ।
তোমা-বিনা গতি ভাই, কে আছে আমার ॥

রামেরে রাখিয়া কৃষ্ণ করেন গমন ।
দ্বারকা-নগরে আসি দেন দরশন ॥
জনক-জননী-পুরনারীগণ যত ।
সবাকারে প্রবোধ করেন সমুচিত ॥
পূর্ব্ব যত অমঙ্গল হইল অপার ।
প্রভাসে গেলাম করিবারে প্রতিকার ॥
স্নান করি একত্রে বসিল সর্ব্বজন ।
কথায়-কথায় হৃদয় করিল সৃজন ॥
সেই হৃদয়ে মহাকোপ হৈল সবাকার ।
আত্ম-আত্ম যুদ্ধ করি হইল সংহার ॥
যত্নকূলে আর একজন কেহ নাই ।
কেবল আছি যে রাম-কৃষ্ণ দুই-ভাই ॥
শোকেতে আকুল রাম, না আসেন ঘরে ।
তপ আচরেন তিনি প্রভাসের তীরে ॥
আমিহ শোকেতে প্রাণ ধরিতে না পারি ।
গৃহবাস ছাড়িলাম, হব তপস্চারী ॥
সংসার অসার-মাত্র, সব মায়াজাল ।
ইহাতে মোহিত হৈলে বৃথা যায় কাল ॥

এমত সংসার-ধনু, ভাবি দেখ মনে ।
 স্থিরবুদ্ধি হ'য়ে মন দেহ তত্ত্বজ্ঞানে ॥
 বিষাদ ত্যজিয়া সবে ধর্মে দেহ মন ।
 এত বলি মেলানি মাগেন নারায়ণ ॥

সবার জীবন হরি নিলা নারায়ণ ।
 চিত্তের পুত্তলি-প্রায় রহে সর্বজন ॥
 স্বাসমাত্র শরীরে আছেয়ে সবাকার ।
 ভূতলে লোটায় সবে শবের আকার ॥
 রামের নিকটে আসি শ্রীমধুসূদন ।
 দুই-ভায়ে মিলিয়া করেন আলিঙ্গন ॥
 প্রভাসের তীরে রাম যোগাসন করি ।
 হৃদয়ে পরম-ব্রহ্মে চিন্তে ধ্যান করি ॥
 যুগল-নয়নে হেরি কৃষ্ণের বদন ।
 যোগে তনু ত্যজিলেন রোহিণী-নন্দন ॥
 মুঘল-পর্বেতে যদুবংশের সংহার ।
 কাশীরাম দাস কহে রচিয়া পয়ার ॥

—

৭। শ্রীকৃষ্ণের বেহত্যাগ ।

জয় দৈবকী-নন্দন, অখিল-জীবন-ধন,
 কোঁতুকেতে অবনী-বিহারী ।
 যাঁহার কটাক্ষে হয়, সৃজন-পালন-লয়,
 ভকত-বৎসল চক্রধারী ॥
 বাঁর নাম-গুণ গাই, সর্বপাশে ত্রাণ পাই,
 নাহি রহে শমনের ভয় ।
 ক্রিতিভার নাশ করি, ব্রহ্মশাপ লক্ষ্য করি,
 নিজ-বংশ করি সব ক্ষয় ॥

একজন নাহি শেষ, হৃদে চিন্তি হৃষীকেশ,
 নিজদেহ ত্যজিতে বিচারি ।
 প্রভাস-তীরের তীরে, উঠিলেন শাখি'পরে,
 বসিলেন শাখায় শ্রীহরি ॥
 বসিয়া শাখার 'পর, চিন্তিলেন দামোদর,
 নিজদেহ-ত্যাগের কারণ ।
 একপদ তরুপর, আরোপিয়া গদাধর,
 নত্র করি দ্বিতীয় চরণ ॥
 আপনা চিন্তিয়া মনে, বসি বৃক্ষ-শাখাসনে,
 মৌনেতে আছেন গদাধর ।
 হেনকালে দৈবগতি, ব্যাধ এক এল তথি,
 যুগয়ার ছলে একেশ্বর ॥
 জরাব্যাধ ধরে নাম, ধনুর্বেদে অনুপাম,
 হাতে ধরি দিব্য-শরাসন ।
 যুগ মারিবার ছলে, ব্যাধ এল সেইস্থলে,
 দেখিলেক কৃষ্ণের চরণ ॥
 ধ্বজ-বজ্রাঙ্কুশ-পদ, রবিবিশ্ব-কোকনদ,
 শতপত্র যেন স্ত্রুশোভন ।
 রাতুল-চরণ দেখি, ব্যাধস্তুত হৈল স্ত্রুখী,
 যুগকর্ণ-হেন নিল মন ॥
 মুঘলের শেষ পাই, যেই বাণ নিরমাই,
 দৈবে সেই বাণ নিল হাতে ।
 টানিয়া ধনুকথান, সন্ধানিয়া মারে বাণ,
 চরণ ভেদিল জগন্নাথে ॥
 বাণ মারি ব্যাধস্তুত, বৃক্ষতলে এল দ্রুত,
 অপূর্ব দেখিয়া হৈল ভীত ।
 কিরীট-কুণ্ডল-হার, নানা-রত্ন-অলঙ্কার,
 হৃদয়ে কোঁতুত স্ত্রুশোভিত ॥

ନି:କ୍ଷୟ ଓ ବଳବାୟବ ଦେହଭାଗ

१३ विष्णु भः स्व ष म्
प्रज्ञानिन् प्रोक्तवान्

..! kDl : kDl nikhre kDl

२५-१०-६३

१०२५-१०२६ १०२७ १०२८ १०२९

যোগে তুমি ভাস্কর্য্যেণ ব্রে'হ্মি-বস্ক'ন ।”

পাঞ্চজন্ম-সুদর্শন,
চতুর্ভুজ, গলে বনমালা ।

শ্রীবৎসলাঞ্ছন দেহে,
মণি-বিভূষণ তাহে,
নব-মেঘে যেমন চপলা ॥

আজ্ঞানু-তুলসীমাল,
আকর্ণ-লোচন ভাল,
অলকা-তিলকা ভালে সাজে ।

পরিধান পীতবাস,
মুখচন্দ্র-সুপ্রকাশ,
শোভা কত-শত দ্বিজরাজে ॥

ভয়ার্ত হইয়া ব্যাধ,
কহে, ক্ষম অপরাধ,
প্রণমিয়া প্রভুর চরণে ।

কৃপাময়-অবতার,
অনাদি-পুরুষ সার,
তুমি হরি, এ-তিন-ভুবনে ॥

আমি পাপী দুরাশয়,
অজ্ঞানেতে নৃতিময়,
অপরাধ করিছু গোঁসাই ।

শুন প্রভু চক্রপাণি,
যে-কর্ম করিছু আমি,
আমার নিকৃতি কছু নাই ॥

শুনিয়া ব্যাধের বাণী,
আত্মাসেন চক্রপাণি,
শুন ব্যাধ, না করিহ ভয় ।

মম দেহত্যাগ-কালে,
নয়নেতে নিরখিলে,
স্বর্গে যাবে, কহিছু নিশ্চয় ॥

রামচন্দ্র-অবতারে,
পিতৃসত্য পালিবারে,
প্রবেশিছু অরণ্য-ভিতর ।

সীতা-নামে মম নারী,
লইল রাবণ হরি,
অশ্বেষিতে দুই সহোদর ॥

সাক্ষাৎ হইল বনে,
আর চারি কপি-সনে,
সখ্য হৈল সহিত আমার ।

বধ করি বালি রাজা,
সুগ্রীবে করিছু রাজা,
ছিলে তুমি বালির কুমার ॥

মারিয়া লঙ্কার পতি,
উদ্ধারিছু সীতা-সতী,
বর দিতে যাচিছু তোমারে ।

পিড়বৈরী মারিবারে,
বর মাগি নিলে মোরে,
আমিহ করিছু অঙ্গীকারে ॥

সেই প্রয়োজন-ফলে,
জন্ম হৈল ব্যাধকূলে,
মুক্ত হ'য়ে যাহ স্বর্গপুরে ।

হেনকালে আচম্বিত,
পুষ্পরুষ্টি অপ্রমিত,
রথ এল ব্যাধের গোচরে ॥

চাহিয়া গোবিন্দ-পদ,
রথে আরোহিয়া ব্যাধ,
স্বর্গপুরে করিল গমন ।

শ্রীমধুসূদন হরি,
হৃদয়ে ভাবনা করি,
নিজদেহ ত্যজেন তখন ॥

জ্যোতির্ময় নিজ-অঙ্গে,
প্রবেশে পরম-রঙ্গে,
দেবগণ করে স্তুতিবাণী ।

স্বর্গে দুন্দুভি বাজে,
অঙ্গরী-কিম্বদী নাচে,
উলু দেয় অমর-রমণী ॥

পুষ্পরুষ্টি করে সবে,
পারিষদগণ সেবে,
স্তুতি করে সুর-মুনিগণ ।

চতুর্নুখে স্থপ্তিধর,
পঞ্চনুখে মহেশ্বর,
করপুটে করয়ে স্তবন ॥

নিখিল হইল দীপ্ত,
ভুবন হইল তৃপ্ত,
আনন্দিত যত দেবগণ ।

শুন রে ভকত ভাই,
স্বর্গে মুক্তি পাই,
এড়াই শমন-দরশন ॥

ভক্তবশ গুণনিধি,
ভক্তবাস্তা করে সিদ্ধি,
নাহি আর ভক্তির সমান ।

কাশীরাম বলে, যদি,
তরিবে এ-ভবনদী,
ভজ ভাই, দেব ভগবান্ ॥

৮। অর্জুনের দ্বারকায় আগমন এবং প্রত্যাসে
রামকৃষ্ণের মৃতদেহ-দর্শন।

হস্তিনা-নগরে এল দারুক-সারথি।
করঘোড়ে কহে কথা ধর্মরাজ-প্রতি ॥
অবধান কর রাজা পাণ্ডুর নন্দন।
শ্রীকৃষ্ণ পাঠান মোরে তোমার সদন ॥
গোবিন্দের প্রিয়বন্ধু তোমা-পঞ্চভাই।
তোমাদের চিন্তা-বিনা মনে অশু নাই ॥
সে-কারণে তিনি মোরে পাঠালেন হেথা।
দ্বারকা লইয়া যেতে পার্থ মহারথা ॥
বহুদিন তাঁর সহ নাহি দরশন।
সেইহেতু লইতে কহেন নারায়ণ ॥
তিলেক বিলম্ব রাজা, না হয় বিচার।
শীঘ্রগতি অর্জুন করুন আগুসার ॥
কৃষ্ণের বারতা শুনি পঞ্চ-সহোদর।
দারুকেরে বসালেন করিয়া আদর ॥
বসিয়া সুস্থির-চিন্তা না হয় দারুক।
হৃদয় দহিছে শোকে, বসে হেঁটমুখ ॥
দারুকের চিত্ত রাজা দেখি উচাটন।
বিস্ময় মানিয়া ভাবিছেন মনে-মন ॥
এই ত দারুক হয় কৃষ্ণের সারথি।
যেই কৃষ্ণ অনাদি-পুরুষ লক্ষ্মীপতি ॥
তাঁহার আশ্রিত-জন কি দুঃখে দুঃখিত।
ইহার কারণ কিছু না হয় বিদিত ॥

এত চিন্তি জিজ্ঞাসেন ধর্মের নন্দন।
কিহেতু দারুক, তব চিত্ত উচাটন ॥
কৃষ্ণের আশ্রিত তুমি, কেন ভাব শোক।
কিহেতু ত্রাসিত হৈলে, কহ ত দারুক ॥
সাত্যকি প্রদ্যুম্ন শাস্ত্র যাদব-সকল।
কেমন আছেন অনিরুদ্ধ মহাবল ॥

কেমন আছেন সবে, কহ সত্যবাণী।
কহ দেখি, কৃষ্ণের কুশল-বার্তা শুনি ॥
তব উচাটন-চিত্ত দেখিয়া নয়নে।
প্রাণাধিক ভ্রাতা মম ধৈর্য্য নাহি মানে ॥
কৃষ্ণের কুশল কহ দারুক-সারথি।
কেমন আছেন প্রিয়বন্ধু যত্নপতি ॥

শুনিয়া দারুক কহে, শুন নরনাথ।
সে-সকল অবগত হইবে পশ্চাৎ ॥
হ্রিতে অর্জুনে রাজা, করহ বিদায়।
বন্ধুজন দেখিতে চাহেন যত্নরায় ॥

শুনি অনুমতি দেন পাণ্ডুবংশপতি।
হুসজ্জ হইয়া পার্থ যান শীঘ্রগতি ॥
হ্রিত-গমনে আসি দ্বারকা-নগরী।
বিস্ময় মানেন পার্থ দ্বারাবতী হেরি ॥
পূর্বরূপ শোভা কিছু না দেখেন আর।
শূন্যাকার পুরীখণ্ড, দিবসে আঁধার ॥
পুরেতে পুরুষ নাহি, কেবল রমণী।
চিত্রের পুতলী-প্রায়, সবে অনাথিনী ॥
শুষ্ক ওষ্ঠ, শুষ্ক মুখ, শুষ্ক সর্ব-অঙ্গ !
নাহিক আনন্দ-বাগ্য নৃত্য-গীত-রঙ্গ ॥
মনুষ্যের শব্দ নাহি দ্বারকা-নগরে।
কপোত পেচক শিবা চৌদিকে বিহরে ॥
গৃধ্র কঙ্ক নানা-পক্ষী উড়ে পালে-পালে।
ঘোরতর শব্দ করি উড়ি বসে চালে ॥

এই-সব দেখি পার্থ হ'লেন চিন্তিত।
চক্ষুতে পড়য়ে জল, প্রাণ বিচলিত ॥
বহুদেব দৈবকী রোহিণী তিনজন।
প্রাণহীন-জন-হেন স্মৃতিতে শয়ন ॥
প্রণমিয়া জিজ্ঞাসেন অর্জুন বারতা।
শুষ্ক-তনু সবার, বদনে নাহি কথা ॥

পুনঃপুনঃ সবাকারে করেন জিজ্ঞাসা ।
 হরি বলি কান্দে সবে, নাহি অন্ত-ভাষা ॥
 কৃষ্ণ-বিনা প্রাণ নাহি, বলে সর্বজন ।
 চিন্তাশ্রিত হইলেন কুস্তীর নন্দন ॥
 দারুণ বলেন, পার্থ, কি কর ভাবনা ।
 প্রভুরে দেখিবে যদি, চল সর্বজন ॥
 প্রভাসের তাঁরেতে আছেন দুই-ভাই ।
 সকল-বাদবগণ আছেন তথাই ॥
 এত শুনি সত্বরে চলিল সর্বজন ।
 শৃণুগয় হইল সে দ্বারকা-ভুবন ॥
 পদব্রজে যায় সবে অতি ধীরে-ধীরে ।
 আসিয়া মিলিল সবে প্রভাসের তাঁরে ॥
 দেখিল তথায় যত্নকুলের সংহার ।
 ভূমে গড়াগড়ি যায় অঙ্গ সবাকার ॥
 হাহারবে কান্দিছেন ইন্দ্রের নন্দন ।
 করেন বিলাপ বহু মহাশোক-মন ॥
 রামের শরীর দেখি প্রভাসের তাঁরে ।
 বিলাপ করেন পার্থ লুপ্তিত-শরীরে ॥
 হায় যত্নকুলপতি বীর হলধর ।
 মুঘল লাঙ্গল কেন ভূমির উপর ॥
 সকল ত্যজিয়া প্রভু, যোগে দিলে মন ।
 দুষ্ক-দৈত্য-বিনাশ করিবে কোন্ জন ॥
 ভারাবতরণ-হেতু আসি ক্ষিতিতলে ।
 পৃথিবীর ভার হরি যোগ আচরিলে ॥
 বারেক উত্তর দেহ রেবতী-রমণ ।
 কান্দিয়া আকুল তব বন্ধু-পরিজন ॥
 তবে ধনঞ্জয় যান বৃষ্কের তলায় ।
 প্রাণনাথ-কৃষ্ণদেহ দেখেন তথায় ॥
 কৃষ্ণদেহ কোলে করি কান্দিছেন বীর ।
 পৃথিবী পুরিল তাঁর নয়নের নীর ॥

মুঘল-পর্বের কথা অতীব করুণ ।
 কাশী কহে, অবিরত কান্দেন অর্জুন ॥

২। অর্জুনের বিলাপ ।

হায় কৃষ্ণ প্রাণধন, বন্ধুরূপে নারায়ণ,
 করুণা-সাগর-অবতার ।
 পাণ্ডবের প্রাণধন, সব হৈল অকারণ,
 তোমা-বিনা দিবসে আঁধার ॥
 করুণা-নিধান হরি, বৃষ্ণিকূলে অবতরি,
 দুষ্কে নাশি শিষ্কের পালন ।
 নীলাশ্বর-সহ লীলা, করিলে অনেক খেলা,
 দেবকার্য্য করিলে সাধন ॥
 ধরণীর ভার হরি, ধর্ম্মের স্থাপন করি,
 বশুমর্তী করিলে তোষণ ।
 অনাথ-পাণ্ডবগণে, কৃপা কৈলে নিজগুণে,
 বন্ধুগণে করিলে পালন ॥
 আমি সখা প্রিয়তম, সারথ্য করিলে মম,
 নাম হৈল অর্জুন-সারথি ।
 ওহে প্রভু কৃপাসিদ্ধ, পাণ্ডবগণের বন্ধু,
 দ্বারকা-নিবাসী যত্নপতি ॥
 পূর্বে যে কহিলে তুমি, এক আত্মা তুমি-আমি,
 কৃষ্ণ-ধনঞ্জয়ে নাহি ভেদ ।
 পাণ্ডুপুত্র পঞ্চজনে, ভেদ নাহি মম সনে,
 অজ শিব জানে চারিবেদ ॥
 নিজ-চন্দ্রানন-বাণী, বিশ্বারিলে যত্নমণি,
 ভ্রাতৃগণে না কর স্মরণ ।
 চারিবেদে গায় তোমা, গুণের নাহিক সীমা,
 কৃপাসিদ্ধ ভক্তের জীবন ॥

অনাথ-দুর্বল-জনে, তুমি নাথ, অমুক্কে,
 বিষম-সঙ্কটে কর পার ।
 যেই ভক্তজন হয়, চরণে শরণ লয়,
 তিনলোকে সম নাহি তার ॥
 মোরা-সবে অল্পমতি, না করিনু ভক্তিস্তুতি,
 না ভজিনু তোমার চরণ ।
 তোমা-হেন ধন পেয়ে, ভক্তি-চ'ক্ষে নাহি চেয়ে,
 বন্ধুরূপে কৈনু সম্ভাষণ ॥
 কৃপায় আপন-গুণে, আমা-ভাই-পঞ্চজনে,
 সঙ্কটে রাখিলে বারে-বার ।
 অনাথ-পাণ্ডবগণে, কি করিবে তোমা-বিনে,
 বন্ধুরূপে কে রাখিবে আর ॥
 রাজ্য-ধন-বন্ধু-জায়া, ত্যজিয়া সকল-মায়া,
 নিজ-স্থানে করিলে গমন ।
 এমত করিবে যদি, মো-সবার গুণনিধি,
 না কহিলে কিসের কারণ ॥
 মুঘল-পর্বেষের কথা, বিচিত্র ভারত-গাথা,
 সর্ব-দুঃখ শ্রবণে বিনাশ ।
 কমলাকান্তের স্মৃত, সৃজনের প্রীতি যুত,
 বিরচিল কাশীরাম দাস ॥

১০। অর্জুন-কর্তৃক শ্রীকৃষ্ণাদির ঔজ্জ্বল্য-
 কাব্য-সম্পাদন ।

কৃষ্ণের শরীর পার্থ কোলেতে করিয়া ।
 বিলাপ করেন বহু কান্দিয়া-কান্দিয়া ॥
 কৃষ্ণ-প্রাণ, কৃষ্ণ নাথ, কৃষ্ণ ধন-জন ।
 কৃষ্ণ-বিনা পাণ্ডবের আছে কোন্ জন ॥
 এতদিনে পাণ্ডবেরে বঞ্চিলেন বিধি ।
 কোন্ দোষে হারাইনু কৃষ্ণ-গুণনিধি ॥

আসিতাম পূর্বে আমি এই দ্বারাবতী ।
 মোরে পেলে হৈতে কত আনন্দিত-মতি ॥
 সখা-সখা বলি মোরে করি সম্বোধন ।
 ভুজ প্রসারিয়া আসি দিতে আলিঙ্গন ॥
 পূর্বেতে কহিলে তুমি সভার ভিতর ।
 কৃষ্ণার্জুন এক-তনু, নহে ভিন্ন-পর ॥
 পাণ্ডুপুত্রগণ মোর প্রাণের সমান ।
 পাণ্ডবের কার্যেতে বিজ্ঞীত মম প্রাণ ॥
 সারথি স্বকরিয়া সঙ্কটে কৈলে পার ।
 দুর্ব্যোধন-ভয় হৈতে করিলে উদ্ধার ॥
 আমি তব সখা, প্রাণসখা যাক্সেনী ।
 পরম-বান্ধবরূপে রাখিলে আপনি ॥
 পক্ষ যেন রক্ষা করে পক্ষীর জীবন ।
 সলিল-রক্ষিত যেন জলচরগণ ॥
 সেইরূপে পাণ্ডবে রক্ষিতে নারায়ণ ।
 তোমা-বিনা কোন্ মতে রহিবে জীবন ॥
 ওহে প্রভু যদুনাথ, নাহি শুন কেনে ।
 কোন্ দোষে দোষী হৈনু তোমার চরণে ॥
 তব প্রিয়সখা আমি সেই ধনঞ্জয় ।
 সখারে বিমুখ কেন হৈলে দয়াময় ॥
 একবার চাহ প্রভু, মেলিয়া নয়ন ।
 সখা বলি করহ বারেক সম্বোধন ॥
 বারেক দেখাও চাঁদমুখের স্নহাস ।
 বারেক বদনচাঁদে কহ স্নহাভাষ ॥
 রত্ন-সিংহাসন ত্যজি ভূমিতে শয়নে ।
 চাঁদমুখ শুকাইল রবির কিরণে ॥
 কোন্ মুখে যাব আমি হস্তিনা-নগরে ।
 কি বলিব গিয়া আমি রাজা যুধিষ্ঠিরে ॥
 কি বলিব ভ্রাতৃগণে দ্রৌপদারে আর ।
 কেমনে ধরিবে প্রাণ ধর্ম্মের কুমাৰ ॥

হায় বিধি, এতদিনে করিলে বিনাশ ।
কোন দোষে হারাইল বন্ধু শ্রীনিবাস ॥
বিস্মরিলে সব কথা স্বীকার করিয়া ।
সঙ্গে নিলে নিজ-জনে পাণ্ডবে ত্যজিয়া ॥
ভাগ্যবস্ত যদুকুল, নাহি পুণ্যসীমা ।
ইহলোকে পরলোকে পাইলেন তোমা ॥
যোরা সব হতভাগ্য পাপিষ্ঠ দুশ্রুতি ।
কোন গুণে হবে সেই কৃষ্ণপদে মতি ॥
হা কৃষ্ণ কমলাকান্ত করুণা-নিধান ।
তোমা-বিনা রহে মম হৃদয় পাষাণ ॥
কি বৃদ্ধি করিব আমি, কোথাকারে যাব ।
সে-চাঁদ-বদন আর কোথা দেখা পাব ॥

শিরেতে হানিয়া ঘাত কান্দে উচ্চৈঃসরে ।
গড়াগড়ি যান পার্থ ভূমির উপরে ॥
দারুক-সারথি বোধ করায় অর্জুনে ।
স্থির হও ধনঞ্জয়, ত্যজ শোক মনে ॥
অকারণে শোক কৈলে কি হইবে আর ।
আমি যাহা কহি, তাহা শুন সারোদ্ধার ॥
বিধিমত আছে যেই ক্ষত্রিয়ের ধর্ম ।
করহ সবার তুমি দাহ-প্রেতকর্ম ॥
পূর্বেতে আমারে কহিলেন গদাধর ।
সবা হৈতে প্রিয় বড় পার্থ ধনুর্ধর ॥
যোগ আচরিয়া পিছে পাইবে আমারে ।
এই কথা দারুক, কহিবে পাণ্ডবেরে ॥
সে-কারণে এই কর্ম হয় ত বিহিত ।
সবার সংকার-কর্ম কর যথোচিত ॥
বহুমতে সাস্তুনা সে দিলেক অর্জুনে ।
সংকার করিতে পার্থ করিলেন মনে ॥

চন্দ্রনের কাষ্ঠ তথা আনি ভারে-ভারে ।
জ্বালিলেন চিতা, অগ্নি পরশে অশ্বরে ॥
দৈবকী রোহিণী বনুদেবের সহিতে ।
অগ্নিকুণ্ডে প্রবেশ কলিলা হরষেতে ॥
রেণতী রামের সঙ্গে প্রবেশে আগুন ।
অগ্নিকার্য্য সবা-কার করেন অর্জুন ॥
সবা-কার অগ্নিকার্য্য করি সমাপন ।
বিধিমতে করিলেন শ্রাদ্ধাদি তর্পণ ॥
মুঘল-পার্ব্বতে যদুবংশের বিনাশ ।
ব্যাস-বিরচিত গাথা গায় কালীদাস ॥

১১। দহাগণ কতক যতনরীদের হরণ ও
পাষাণ হইবাব কথা ।

পুনশ্চ দারুক কহে অর্জুনের প্রতি ।
অর্জুন, বন্ধুর কর্ম করহ সম্প্রতি ॥
স্ত্রীগণে লইয়া যাহ হস্তিনা-নগরে ।
প্রভুর রমণীগণ লিঙ্গিত সংসারে ॥
তোমা-বিনা কার শক্তি পারে রক্ষিবারে ।
সমুদ্রে গ্রাসিবে এই দ্বারকা-পুরীয়ে ॥
আজ্ঞা কর, বনে আমি যাই মহাশয় ।
শুনিয়া স্বীকার করিলেন ধনঞ্জয় ॥
এতেক বৃত্তান্ত পার্থে কহি মহামতি ।
চলিল দারুক, যথা বনের নিভৃতি ॥
কৃষ্ণের রমণীগণে লইয়া সংহতি ।
গেলেন হস্তিনা-পথে পার্থ মহামতি ॥
দ্বারকা গ্রাসিল আসি সমুদ্রের জল ।
প্রভুর মন্দিরমাত্র জাগয়ে কেবল ॥

একশত-পঞ্চ-বর্ষ শ্রীমধুসূদন ।
 মর্ত্যপুত্রে নিবসেন দ্বারকা-ভুবন ॥
 শ্রীগণে লইয়া পার্থ করেন গমন ।
 হাতে ধরি অক্ষয় গাণ্ডীব-শরাসন ॥
 হেনকালে দম্ভ্যগণ আছিল কোথায় ।
 কৃষ্ণের রমণীগণে দেখিবারে পায় ॥
 একত্র হইয়া যুক্তি করে সর্বজন ।
 কৃষ্ণের রমণীগণে হরিব এখন ॥
 অর্জুন লইয়া যায় যতক সুন্দরী ।
 কাড়িয়া লইব, হেন হৃদয়ে বিচারি ॥
 পার্থে আগুলিল আর সকল রমণী ।
 হাতে ধরি নারীগণে করে টানাটানি ॥
 দেখিয়া কুপিল অতি বীর ধনঞ্জয় ।
 গণ্ডীব ধরেন শীঘ্র ক্রোধে অতিশয় ॥
 অমিদত্ত অক্ষয় গাণ্ডীব-শরাসন ।
 যাহাতে করেন পার্থ ত্রৈলোক্য-শাসন ॥
 দেবের বাঞ্ছিত ধনু অতি-মনোহর ।
 খাণ্ডব-দাহনে যাহা দিলা বৈশ্বানর ॥
 ধনু ধরি হেলায়ে হেলায় দিত গুণ ।
 এবে গুণ দিতে শক্ত নহেন অর্জুন ॥
 মহাভার হৈল ধনু, তুলিতে না পারে ।
 কতকষ্টে গুণ দেন বহুশক্তি করে ॥
 টানিতে না পারে ধনু আকর্ষণ পুরিয়া ।
 অল্প-কিছু টানি বাণ দিলেন ছাড়িয়া ॥
 মহাকোপে এড়িলেন বজ্র-সম বাণ ।
 দম্ভ্য-অঙ্গে ঠেকি পড়ে তুণের সমান ॥
 বাছিয়া-বাছিয়া বাণ বিক্ষেপ প্রাণপণে ।
 ছাট দিয়া অস্ত্র ব্যর্থ করে দম্ভ্যগণে ॥
 এড়েন অক্ষয় অমিবাণ ধনঞ্জয় ।
 যত অস্ত্র এড়িলেন, সব ব্যর্থ হয় ॥

যত বিদ্যা পাইলেন দ্রোণ-গুরু-স্থানে ।
 যত বিদ্যা পাইলেন অমর-ভুবনে ॥
 এ-তিন-ভুবন ঘারে মানে পরাজয় ।
 দম্ভ্যসহ রণে সর্ব-অস্ত্র ব্যর্থ হয় ॥
 ব্রহ্ম-অস্ত্র অর্জুনের হৈল পাসরণ ।
 বিস্ময় মানিয়া চিস্তিলেন মনে-মন ॥
 গাণ্ডীব-ধনুক বীর ধরি ছুই-করে ।
 প্রহার করেন দম্ভ্যগণের উপরে ॥
 ইতর-মনুষ্য যথা করে ধরি বাড়ি ।
 দম্ভ্যগণে অর্জুন করেন তাড়াহুড়ি ॥
 দম্ভ্যগণ অর্জুনেরে পরাজিয়া রণে ।
 শ্রীগণে লইয়া যায় সচ্ছন্দ-গমনে ॥
 দম্ভ্যগণ-পরশে প্রভুর নারীগণ ।
 পাষণ-শরীর হৈল ত্যজিয়া জীবন ॥
 পরাজিত হ'য়ে পার্থ বিষম-চিস্তিত ।
 কান্দিতে-কান্দিতে যান পরম-দুঃখিত ॥
 বদরিকাগ্রমে গিয়া ব্যাসের নিকটে ।
 দণ্ডবৎ প্রণাম করেন করপুটে ॥
 অর্জুনেরে মলিন দেখিয়া অতিশয় ।
 জিজ্ঞাসা করেন তাঁরে ব্যাস-মহাশয় ॥
 কিহেতু হইলে দুঃখী কুন্তীর নন্দন ।
 আজি কেন দেখি তব মলিন-বদন ॥
 দুঃস্বপ্ন করিলে কিবা, কহ ত আমারে ।
 পরাজিত হৈলে কিংবা সংগ্রাম-ভিতরে ॥
 দেব-দৈত্যে হিংসিলে, কি হুজনে পীড়িলে ।
 দুর্জনে-সেবনে কিংবা হীনতা পাইলে ॥
 এত বলি আশ্বাসিয়া মুনি-মহাশয় ।
 করে ধরি বসালেন বার ধনঞ্জয় ॥
 কান্দিয়া কহেন পার্থ মহাধনুর্ধর ।
 কি কহিব মুনি, সব তোমাতে গোচর ॥

এতদিনে পাণ্ডবেরে বিধি হৈল বাম ।
 গোলোক-নিবাসী হইলেন কৃষ্ণ-রাম ॥
 ধীর অনুগ্রহে আমি বিজয়ী সংসারে ।
 হেলায় গাণ্ডীব-ধনু ধরি বামকরে ॥
 বম-সম বৈরিগণে না করিষু ভয় ।
 পরাক্রমে করিলাম তিন-লোক জয় ॥
 মম পরাক্রম দেব, সব জান তুমি ।
 একরথে চড়িয়া জিনিষু মর্ত্যভূমি ॥
 সেই তুণ, সেই ধনু, সেই ধনঞ্জয় ।
 সকলি নিষ্ফল হৈল, শুন মহাশয় ॥
 দম্ভগণ আসি মোরে পরাজিল রণে ।
 কৃষ্ণের স্ত্রীগণে কাড়ি নিল মম স্থানে ॥
 প্রভু-বিনা এই গতি হইল এখন ।
 এ-পাপ-জীবনে মম কোন্ প্রয়োজন ॥
 বিক্রম বিজয় মম সব দামোদর ।
 তাঁহার অভাবে ধরি পাপ-কলেবর ॥
 কহ মুনি, কি উপায় করিব এখন ।
 কেমনে পাইব আমি শ্রীমধুসূদন ॥
 উচ্চৈঃস্বরে কাল্পেন, সঘনে বহে শ্বাস ।

অৰ্জুনেরে আশ্বাসি কহেন মুনি ব্যাস ॥
 স্থির হও ধনঞ্জয়, শোক পরিহর ।
 আমি যাহা কহি, তাহা শুন বীরবর ॥
 যা' কহিলে ধনঞ্জয়, তাও সব জানি ।
 বল-বুদ্ধি-পরাক্রম সব আমি জানি ॥
 অনাদি-পুরুষ তিনি ব্রহ্ম-সনাতন ।
 উৎপত্তি-প্রলয়-স্থিতি সেই নারায়ণ ॥
 নির্লেপ নিষ্ঠুর নিরঞ্জন নিরাকার ।
 অক্ষয় অব্যয় তিনি, অনন্ত-আকার ॥
 জল স্থল শূন্য তিনি, সকল সংসার ।
 সর্বভূতে আত্মরূপে নিবাস তাঁহার ॥

আত্ম-পর নাহি তাঁর, সর্ব সমজ্ঞান ।
 কীট-পক্ষি-মনুষ্যাদি সকলি সমান ॥
 তিনি ব্রহ্মা, তিনি বিষ্ণু, তিনি পঞ্চানন ।
 ইন্দ্র-চন্দ্র-সূর্য্য তিনি পবন-শমন ॥
 চরাচর বিধে সর্বভূতে যেইজন ।
 পরমাত্মরূপে সেই ব্রহ্ম-সনাতন ॥
 কে জানিতে পারে সেই প্রভুর মহিমা ।
 চারিবেদে কিছু নাহি পায় ধীর সীমা ॥
 শতকোটি-কল্প যোগী ধ্যানেন্তে মগন ।
 তবু নাহি পায় সেই প্রভু-দরশন ॥
 কত পুণ্যফলে পাই সে-হেন বান্ধব ।
 কৃষ্ণ-বিনা অন্ম নাহি, জান তুমি সব ॥
 ভক্তের অধীন হন প্রভু-নারায়ণ ।
 ভক্তিযোগে পাই সেই-প্রভু-দরশন ॥
 ত্যজিয়া মনের ধন্ধ ভজ গিয়া তাঁহে ।
 ভক্তিবশ হরি ভকতের দূরে নহে ॥
 অচিরে অৰ্জ্জুন, সেই কৃষ্ণকে পাইবে ।
 প্রিয়জন মনে করি সতত চিন্তিবে ॥
 নিকটে থাকিলে তাঁর যত ভক্তি ধরে ।
 দশকোটি-গুণ বাড়ে থাকিলে অন্তরে ॥
 বুঝিয়া অৰ্জ্জুন, তুমি স্থির কর মন ।
 যাহ চলি নিজ-গৃহে জানিয়া কারণ ॥

পুনশ্চ বলেন পার্থ, শুন মহাশয় ।
 এক কথা কহি আর, খণ্ডাহ বিষয় ॥
 দম্ভ কেন হরি নিল যত্ননারীগণ ।
 ইহার কারণ মোরে কহ-তপোধন ॥
 পূর্ব-পুণ্যে কৃষ্ণে পতি পাইল স্ত্রীগণ ।
 সদাকাল সেবিলেক প্রভুর চরণ ॥
 তাঁহা-সবাকার কেন হৈল ত্যক্ত গতি ।
 কহিবে ইহার হেতু মুনি অব্যাহতি ॥

অৰ্জুনের বাক্য শুনি কহে মহামুনি ।
 কার শক্তি হরিবেক হরির রমণী ॥
 পূর্বের রত্নাস্ত্র কহি, শুন ধনঞ্জয় ।
 বিত্യാধরীগণ ছিল ইন্দ্রের আলায় ॥
 প্রভুর প্রকাশ যবে হইল অবনী ।
 তাহা-সবাকারে আচ্ছা কৈলা পদ্মযোনি ॥
 পৃথিবীতে গিয়া জন্ম লহ তোমা-সবে ।
 ভাগ্য-পুণ্যবশে সবে কৃষ্ণে পতি পাবে ॥
 লক্ষ্মী-অংশ পেয়ে হবে লক্ষ্মীর সোসর ।
 ভক্তিতে করিবে বশ জগৎ-ঈশ্বর ॥
 বিধির আদেশ কন্যাগণ শিরে ল'য়ে ।
 পৃথ্বীতে চলিল সবে হৃষ্টমতি হ'য়ে ॥
 স্নান করিবারে গেল পুণ্যনদী-তীরে ।
 অষ্টাবক্র-নামে মুনি তথা তপ করে ॥
 ভক্তি করি কন্যাগণ প্রণতি করিল ।
 ভূষ্ট হ'য়ে মুনিবর আশীর্বাদ দিল ॥
 পৃথিবীতে গিয়া সবে পাবে কৃষ্ণে পতি ।
 মনোবাঞ্ছা পূর্ণ হ'ক সর্ব-গুণবতি ॥

আশীর্বাদ পেয়ে চলে যতেক রমণী ।
 হেনকালে জল হৈতে উঠে মহামুনি ॥
 অষ্ট-ঠাই কুজ বক্র, খর্ব্ব কলেবর ।
 পদযুগ বন্ধিম, বন্ধিম দুই-কর ॥
 শ্রবণ নাসিকা কর্ণ সব বিপন্নীত ।
 দেখিয়া অগুরু সবে হইল বিস্মিত ॥
 মুনিরূপ দেখি সবে উপহাস কৈল ।
 তাহা দেখি মুনিবর কুপিয়া কহিল ॥
 মোরে দেখি উপহাস কর নারীগণ ।
 সে-কারণে দিব শাপ, শুন সর্বজন ॥
 পৃথিবীতে গিয়া সবে কৃষ্ণে পতি পাবে ।
 এই অপরাধে সবে দম্য হরি লবে ॥

মুনির বচনে সবে কম্পিত-শরীর ।
 নিবেদন করে তবে চরণে মুনির ॥
 অবলা স্ত্রীজাতি মোরা, সহজে চঞ্চলা ।
 অপরাধ ক্ষম মুনি, দেখিয়া অবলা ॥
 প্রসন্ন হইয়া কর শাপ-বিমোচন ।
 ধর্ম্মে মতি রহে, আচ্ছা কর তপোধন ॥
 ভূষ্ট হ'য়ে পুনরপি মুনিবর কহে ।
 কহিলাম যে কথা, সে ব্যর্থ কভু নহে ॥
 অবশ্য হরিবে দম্য, না হবে এড়ান ।
 দম্যর পরশে সবে হইবে পাষণ ॥
 পূর্বের রত্নাস্ত্র এই জানাই তোমারে ।
 এইহেতু যত্ন-নারীগণে দম্য হরে ॥
 পাষণ হইল তারা দম্যর পরশে ।
 প্রভুর রমণীগণ গেল তাঁর পাশে ॥
 না ভাবিহ চিন্তে দুঃখ, যাহ নিজঘরে ।
 ভোগ-অভিলাষ ত্যজি ভজহ কৃষ্ণে ॥
 এত বলি অৰ্জুনের দিলেন বিদায় ।
 প্রণমিয়া ধনঞ্জয় যান হস্তিনায় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

১২ । অৰ্জুন-কর্তৃক যুধিষ্ঠিরের নিকটে যজ্ঞবংশ-
 ধ্বংস-কীর্তন ।

ত্রীজনমেজয় কহে, শুন তপোধন ।
 অতঃপর কি হইল, কহ বিবরণ ॥
 পাণ্ডুপুত্র পঞ্চভাই কৃষ্ণের বিয়োগে ।
 কিমতে ধরিল প্রাণ এত বড় শোকে ॥
 বিশেষিয়া কহ মোরে মুনি-মহাশয় ।
 খণ্ডাহ মনের মম এ-দুঃখ-সংশয় ॥

তব মুখে শ্রুত-বাক্য শ্রুধা হৈতে স্রুধা ।
 শ্রবণেতে আমার খণ্ডিল ভব-স্রুধা ॥
 পিতামহ-উপাখ্যান অগূর্ব-আখ্যান ।
 তব মুখে শুনিলে জন্মিবে দিব্যজ্ঞান ॥
 বিখ্যাত বৈশম্পায়ন মহাতপোধন ।
 ব্যাস-উপদেশে শাস্ত্রে অতি-বিচক্ষণ ॥
 নৃপতির বাক্য শুনি আনন্দিত-মনে ।
 কহিতে লাগিল মুনি জন্মেজয়-স্থানে ॥
 মুনি বলে, শুন কুরুবংশ-চূড়ামণি ।
 অনন্তর কহি পিতামহের কাহিনী ॥
 বসিলেন ধর্ম্মরাজ রত্ন-সিংহাসনে ।
 শিরেতে ধরিল ছত্র পবন-নন্দনে ॥
 চামর ঢুলায় দুই মাদ্রীর তনয় ।
 পাত্র-মিত্র-অমাত্য চৌদিকে বেড়ি রয় ॥
 সভায় বসিয়া রাজা ধর্ম্ম-অবতার ।
 হরষে সবারে ল'য়ে করেন বিচার ॥
 হেনকালে অমঙ্গল দেখে বিপরীত ।
 দিবসেতে শিবাংগণ ডাকে চারিভিত ॥
 অন্তরীক্ষে গৃধ্রপক্ষী উড়ে ঝাঁকে ঝাঁকে ।
 বিপরীত-শব্দ করি ঘন ডাকে কাকে ॥
 বিনা-মেঘে হয় ঘন ভীষণ-গর্জ্জন ।
 বিপরীত বহে বায়ু, ভস্ম-বরিষণ ॥
 প্রবল প্রলয়, যেন অগ্নি-বরিষণ ।
 ঘোরতর-শব্দে ডাকে পশুপক্ষিগণ ॥
 ঘরে-ঘরে নগরে লোকের কলরব ।
 পরস্পর কোন্দল করয়ে লোক-সব ॥
 পিতা-পুত্রে বিরোধ শাশুড়ী-বধু-সনে ।
 ভ্রাতৃগণ-সহিত দ্বন্দ্ব করে শূদ্রগণে ॥

জনকের কেশে ধরি মারয়ে তনয় ।
 ভাল-মন্দ নাহি, মুখে বাহা আসে, কয় ॥
 দেউল-প্রাচীর ভাঙ্গে, দেবের দেহর' ।
 প্রতিমা-সকল নাচে-গায় মনোহর ॥
 অবিশ্রান্ত ক্ষণে-ক্ষণে কম্পে বসুমতী ।
 ত্রিবিধ উৎপাত বহু, হইল অনীতি ॥
 দেখিয়া বিস্মিতচিত্ত ধর্ম্মের নন্দন ।
 চিন্তাযুক্ত হ'য়ে মনে করেন ভাবন ॥
 না জানি, কিহেতু হয় এত অমঙ্গল ।
 মন স্থির নহে মম, হৃদয় বিকল ॥
 দ্বারকা-নগরে গেল পার্থ মহারথ ।
 তার ভদ্রাভদ্র কিছু না পাঠি বারতা ॥
 না জানি, কি বিরোধ করিল কারো সনে ।
 নাহি জানি, কি কর্ম্ম করিল সেইখানে ॥
 কিংবা পার্থ সমরে পাইল পরাজয় ।
 এত অমঙ্গল দেখি, অকারণ নয় ॥
 কিরূপে স্থিরিতে পাই পার্থের বারতা ।
 শীঘ্রগতি দূত পাঠাইয়া দেহ তথা ॥
 কি-কারণে আজি মম ব্যাকুল পরাণ ।
 বাম-অঁথি নাচে, ইহা বড় অকল্যাণ ॥
 এইরূপে যুধিষ্ঠির করেন চিন্তন ।
 বিবাদ করেন রাজা, চিন্তাকুল মন ॥
 হেনকালে আসে পার্থ দ্বারকা হইতে ।
 হস্তিনায় প্রবেশেন কান্দিতে-কান্দিতে ॥
 হায় কৃষ্ণ বলিয়া কান্দেন ঘনে-ঘন ।
 কিমতে যাইব আমি হস্তিনা-ভুবন ॥
 কি বলিব গিয়া আমি ধর্ম্ম-নৃপবরে ।
 হায় প্রভু, তোমা-বিনা কি হবে মোদেরে ॥

নয়ন-যুগলে বারি বহে অনিবার ।
 শুষ্কমুখে কৃষ্ণ বলি করে হাহাকার ॥
 গাণ্ডীব ধরিতে নাহি হইলেন ক্ষম ।
 কৃষ্ণের সহিত গেল বীরস্ব-বিক্রম ॥
 রথেষ্ট্রে গাণ্ডীব রাখি বীর ধনঞ্জয় ।
 পদব্রজে চলিলেন অতি-দীনপ্রায় ॥

দূরে দেখি ধর্ম্ম জিজ্ঞাসেন বুকোদরে ।
 হের দেখ, পার্থ বুঝি আসিতেছে দূরে ॥
 অর্জুনের রথ যেন পাই দরশন ।
 অর্জুন আইসে, হেন লয় মম মন ॥
 কিহেতু এতেক ধীরে চলে রথবর ।
 বিষাদ-গমন, হেন বুঝি যে অন্তর ॥
 অর্জুনের দেখি আজি বড়ই মলিন ।
 কৃষ্ণবর্ণ শুষ্কমুখ, যেন অতি-দীন ॥
 দারুক আইল পূর্বের কৃষ্ণের আদেশে ।
 অর্জুনে লইয়া গেল গোবিন্দের পাশে ॥
 কতবার যায় পার্থ দ্বারকা-ভুবন ।
 আনন্দ-সাগরে ভাসি আসে নিকেতন ॥
 আজি কেন অমঙ্গল দেখি অপ্রমিত ।
 কলহ করিল বুঝি কাহারো সহিত ॥
 কিংবা কোন অপরাধ কৈল প্রভু-স্থানে ।
 সেই দোষে বিষাদিত কৃষ্ণের ভ্রম সনে ॥
 বলভদ্র-সহ কিংবা করিল বিবাদ ।
 না জানি ঘটিল অর্জুনি কেমন প্রমাদ ॥
 যদি পার্থ হ'য়ে থাকে কৃষ্ণের বর্জিত ।
 নিরাশ হইল তব পাণ্ডব নিশ্চিত ॥
 কৃষ্ণ-বিনা পাণ্ডবের কে আছেয়ে আর ।
 সকল সম্পদ মম চরণ তাঁহার ॥

তাঁহার বর্জিত হৈলে কে ধরিবে দেহ ।
 কি করিবে রাজ্য-ধন, কি করিবে গেহ' ॥

এইমতে যুধিষ্ঠির করেন চিন্তন ।
 নিকটে আইল পার্থ ইষ্টের নন্দন ॥
 চিত্র-পুত্তলিকা-প্রায়, মুখে নাহি বোল ।
 ধরণীতে পড়িলেন হইয়া বিভোল ॥
 হা কৃষ্ণ বলিয়া বীর লোটান ধরণী ।
 অর্জুনের নেত্রজলে তিতিল অবনী ॥

রাজা জিজ্ঞাসেন, কহ কুশল-সংবাদ ।
 পাণ্ডবের ভাগ্যে কিবা ঘটিল প্রমাদ ॥
 কি দোষ করিলে তুমি কৃষ্ণের চরণে ।
 গোবিন্দ-বর্জিত কিবা হৈলে এতদিনে ॥
 স্বরূপেতে বলহ কুশল-সমাচার ।
 কি-কারণে এত দুঃখ হইল তোমার ॥
 উঠ-উঠ ধনঞ্জয়, কহ বিবরণ ।
 কি-প্রকার আছেন সে শ্রীমধুসূদন ॥
 কি-কারণে স্থরিত দারুক এসেছিল ।
 ভাল-মন্দ-সমাচার কিছু না কহিল ॥
 তোমাকে লইয়া গেল দ্বারকা-নগরী ।
 কহ তুমি, কিরূপে ভেটিলে দেব-হরি ।
 জগতের হর্ষা কর্তা দেব-নারায়ণ ।
 এক লোমকূলে তাঁর বৈসে ত্রিভুবন ॥
 কত শিব-ইন্দ্র ষাঁর এক লোমকূপে ।
 তাঁহারে সম্ভাষ তুমি করিলে কিরূপে ॥
 মাতুল-নন্দন হেন বিচারিলে মনে ।
 সেই দোষে কৃষ্ণ কি না চাহিলা নয়নে ॥
 কিংবা বলভদ্র সহ কৈলে অবিনয় ।
 কি'দোষ করিলে তুমি ভাই ধনঞ্জয় ॥

চারিভিতে চারি-ভাই মলিন-বদন ।
 ধূলায় লোটান বীর ইন্দের নন্দন ॥
 অর্জুন কহেন, রাজা, কি কহিব আর ।
 এতদিনে কৃষ্ণহীন হইল সংসার ॥
 পাণ্ডবের বন্ধুরূপী সেই নারায়ণ ।
 তাঁহাতে বঞ্চিত হৈলে, শুনহ রাজন্ ॥
 ব্রহ্মশাপে যদুবংশ হৈল সব ক্ষয় ।
 দ্বন্দ্বযুদ্ধ করি সবে করিল প্রলয় ॥
 কামদেব-আদি যত কৃষ্ণের নন্দন ।
 কৃতবর্মা সাত্যকি প্রভৃতি যদুগণ ॥
 পরস্পর যুদ্ধ করি হইল সংহার ।
 যদুকুলে একজন না রহিল আর ॥
 যোগে তনু ত্যজিলেন রেবতী-রমণ ।
 নিম্বরক্ষে আকুট ছিলেন নারায়ণ ॥
 ব্যাধ এক আসি বাণে বিক্লি চরণ ।
 তাহে ত্যজিলেন দেহ শ্রীমধুসূদন ॥
 পাণ্ডব-কুলের নাথ শ্রীমধুসূদন ।
 তাঁহার বিয়োগে হৈল সবার মরণ ॥
 কি করিব রাজ্য-ধনে, কি কাজ জীবনে ।
 সকলে নিরাশ হৈল গোবিন্দ-বিহনে ॥
 গাণ্ডীব ধরিতে মম শক্তি নাহি আর ।
 দশদিক্ শূন্য দেখি, সকলি আঁধার ॥
 মুঘল-পর্বের কথা অপূর্ব-ঘটন ।
 পয়ার-প্রবন্ধে কাশীরাম-বিরচন ॥

১০। যুধিষ্ঠিরের বিলাপ ।

অর্জুনের বাক্য শুনি, যুধিষ্ঠির নৃপমণি,
 হুঁচি পড়ে ধরণী-উপর ।
 ভীমসেন-মাত্রীশ্রুত, ভদ্রা কৃষ্ণা পরীক্ষিত,
 লোটাইয়া ধূলায় ধূসর ॥

চিত্রের পুতলি-প্রায়, ভূমে গড়াগড়ি যায়,
 প্রাণধন-গোবিন্দ-বিহনে ।
 কণে ধর্ম্ম-অধিকারী, ক্রমে সংজ্ঞা-লাভ করি,
 কান্দি কহে করুণ-বচনে ॥
 হা কৃষ্ণ করুণাসিদ্ধ, পাণ্ডবগণের বন্ধু,
 পার্শ্বরূপ-পক্ষীর জীবন ।
 বিবিধ-সঙ্কট-ঘোরে, রক্ষা কৈলে বারে-বারে,
 কুরুক্ষেত্র-আদি মহারণ ॥
 খাণ্ডব-দাহন-কালে, ইন্দ্র-আদি দিকপালে,
 তোমার রূপায় কৈল জয় ।
 নিবাত-কবচ-আদি, যত দেবগণ-বাদী,
 একাকী জিনিল ধনঞ্জয় ॥
 উত্তর-গোগৃহ-রণে, ভীষ্ম-আদি-বীরগণে,
 একেখর জিনিল ফাল্গুনী ।
 দুর্ব্যোধন-ভয় হৈতে, রক্ষা কৈলে কুরুক্ষেত্রে,
 সারথি করিলে আপনি ॥
 পূর্বেতে পাশায় জিনি, সভামধ্যে যাজ্ঞসেনী,
 ধরিত্রা আনিল দুর্ব্যোধন ।
 বিবস্ত্রা করিতে তারে, দুষ্ট দুঃশাসন ধরে,
 বস্ত্র ধরি টানে ঘনে-ঘন ॥
 পঞ্চস্রামী বিজ্ঞমান, কিছুতে না দোষ জ্ঞান,
 ডাকিল তোমার নাম ধরি ।
 অনাথের নাথ তুমি, তখন জানিহু আমি,
 রক্ষা কৈলে দ্রুপদ-কুমারী ॥
 দ্বিতীয় প্রহর নিশি, আইল দুর্কাসা-ঋষি,
 ঘোরতর অরণ্য-ভিতর ।
 সে-সমুদ্রে পাতুশ্রুতে, কেলাইল কুরুনন্দন
 তাহাতে রাখিলে দাবোদন ॥

বিরাট-নগর হৈতে, দুৰ্য্যোধন-কুরুস্থিতে,
 হস্তিনা আইলে দূতপনে ।
 তোমার মুখের বাণী, না শুনিয়া কুরুমণি,
 মজিলেক ঘোরতর-রণে ॥
 কৃপাসিদ্ধু-অবতার, সঙ্কটে করিলে পার,
 বন্ধুরূপে পাণ্ডুর নন্দনে ।
 পুনঃ আমি শোকান্তরে, অরণ্যে যাবার তরে,
 স্থিরচিন্তা করিলাম মনে ॥
 প্রবোধিয়া বিধিমতে, আমারে রাখিলে তাতে,
 বুঝাইয়া অশেষ-প্রকার ।
 হায় দুঃখ-বিমোচন, পাণ্ডবের প্রাণধন,
 তোমা-বিনা কে আছে আমার ॥
 যুধিষ্ঠির নৃপবর, ধনঞ্জয় বৃকোদর,
 সহ দুই মাদ্রীর নন্দন ।
 শোক-সিদ্ধু-মধ্যে পড়ি, ধরণীতে গড়াগড়ি,
 কৃষ্ণ-কৃষ্ণ ডাকে ঘনে-ঘন ॥
 ভারত-অমৃত-কথা, ব্যাসের রচিত গাথা,
 সর্বদুঃখ শ্রবণে বিনাশ ।
 কমলাকান্তের হৃত, স্নুজনের প্রীতিযুত,
 বিরচিল কাশীরাম দাস ॥

১৪। দ্রৌপদীসহিত পঞ্চ-পাণ্ডবের
 মহাপ্রস্থান ।

রাজা কন, ভাই-সব, কি ভাবিছ আর ।
 ব্রাহ্মণে আনিয়া দেহ সকল ভাণ্ডার ॥
 কৃষ্ণ-বিনা গৃহবাসে নাহি প্রয়োজন ।
 কৃষ্ণের উদ্দেশে যাব, নিশ্চয় বচন ॥
 সকল সম্পদ মম সেই জগৎপতি ।
 তাঁহা-বিনা জিলেক উচিত নহে স্থিতি ॥

যথায় পাইব দেখা ক্রীনন্দ-নন্দনে ।
 কৃষ্ণ-অনুসারে আমি যাইব আপনে ॥
 বুঝিয়া রাজার মন ভাই চারিজন ।
 কৃতাজ্ঞলি হইয়া করেন নিবেদন ॥
 পাণ্ডবের পতি তুমি, পাণ্ডবের গতি ।
 তুমি যেই পথে যাবে, সব সেই পথি ॥
 তোমা-বিনা কে আর করিবে কোন্ কাজ ।
 কৃপায় সংহতি করি লহ ধর্ম্মরাজ ॥
 আজন্ম তোমার পদে আছি অবস্থিত ।
 আমা-সবে ত্যজিবারে নহে ত উচিত ॥
 এত শুনি আশ্বাসেন ধর্ম্ম-নরপতি ।
 প্রণমিয়া করপুটে কহেন পার্শ্বতী ॥
 আমি ধর্ম্মপত্নী তব ভাই পঞ্চজনে ।
 আমারে ছাড়িয়া সবে যাইবে কেমনে ॥
 তোমা-সবা-সঙ্গে আমি যাইব নিশ্চয় ।
 অনুগত-জনে নাহি ত্যজ কৃপাময় ॥
 তোমার যে গতি রাজা, আমার সে গতি ।
 অনুগত-জনে রাজা, করহ সংহতি ॥
 শুনি আশ্বাসেন তবে ধর্ম্মের নন্দন ।

দ্রুপদ-নন্দিনী হৈল হরষিত-মন ॥
 নানা-রত্ন সবারে বিলান অপ্রমিত ।
 মথুরা-নগরে দূত পাঠান ছরিত ॥
 উষা-অনিরুদ্ধ-সুত বজ্র-নামধর ।
 যদুবংশ-শেষ-মাত্র তিনি একেশ্বর ॥
 সত্বরে আনিতে তাঁরে হস্তিনা-নগরে ।
 ধর্ম্মের সংবাদ জ্ঞাত কৈল বজ্রবীরে ॥
 যুধিষ্ঠির-আশয় বুঝিয়া বজ্রবীর ।
 সত্বরে আইল তথা, যথা যুধিষ্ঠির ॥
 বজ্রবীরে পেয়ে পঞ্চ পাণ্ডুর কুমার ।
 আলিঙ্গন করি হৈল সানন্দ অপার ॥

ইন্দ্রপ্রস্থ-পাটে তাঁরে অভিষিক্ত করি ।
 ছত্রদণ্ড অঁপিলেন ধর্ম-অধিকারী ॥
 তাঁহারে কহেন তবে ধর্ম-নৃপবর ।
 কৃষ্ণের প্রপৌত্র তুমি বৃষ্ণিবংশধর ॥
 এই ইন্দ্রপ্রস্থ তুমি কর অধিকার ।
 হস্তিনাতে পরীক্ষিত পাবে রাজ্যভার ॥
 তোমার প্রপিতামহ শ্রীমধুসূদন ।
 করিলেন বন্ধুরূপে আমারে পালন ॥
 এত কহি যুধিষ্ঠির সত্ত্বর হইয়া ।
 বজ্রহস্তে ইন্দ্রপ্রস্থ দেন সমর্পিয়া ॥
 তবে রাজা যুধিষ্ঠির হস্তিনা-ভুবনে ।
 পরীক্ষিতে বসালেন রাজ-সিংহাসনে ॥
 পঞ্চতীর্থ-জল আনি করি অভিষেক ।
 সমর্পিল পাত্র-মিত্র-অমাত্য যতেক ॥
 চতুর্দিকে ঘন-ঘন হয় হরিধ্বনি ।
 হস্তিনায় পরীক্ষিত হৈল নৃপমণি ॥
 শুভক্ষণ করিয়া পাণ্ডব পঞ্চবীর ।
 পাঞ্চাল-নন্দিনী-সঙ্গে হ'লেন বাহির ॥
 শ্রীহরি শ্রীহরি বলি ডাকে উচ্চৈঃস্বরে ।
 বিদায় দিলেন যত বন্ধু-বান্ধবেরে ॥
 কৃপাচার্য্য-গুরুপদে প্রণাম করিয়া ।
 ধর্ম্য-পুরোহিত-স্থানে বিদায় লইয়া ॥
 চলিল পাণ্ডব সহ-ক্রপদ-নন্দিনী ।
 হৃদয়ে ভাবিয়া সেই দ্বেষ-চক্রপাণি ॥
 চতুর্দিকে লোক-সব করে হাহাকার ।
 নাগরিক পুরবাসী যত পরিবার ॥
 হাহাকার করিয়া ডাকয়ে ঘনে-ঘন ।
 কোথা যাহ পঞ্চভাই পাণ্ডুর-নন্দন ॥

ওহে মহারাজ, তুমি যাহ কোথাকারে ।
 কোথা যাহ ভীমসেন, পার্শ্ব মহাবীরে ॥
 কোথা যাহ মাত্রীসুত, ক্রপদ-হুহিতা ।
 কোন্ দোষে মোরা-সবে হইল বঞ্চিতা ॥
 জনক-জননীরূপে করিলে পালন ।
 তোমা-সবা-বিহনে মরিবে সর্বজন ॥
 রাজ্যের যতেক লোক ল'য়ে পরিবার ।
 চতুর্দিকে ধায় সবে পেয়ে সমাচার ॥
 পাণ্ডুপুত্র ছাড়ি যায় দ্রৌপদী-সহিত ।
 শুনিয়া সকল লোক হৈল বিষাদিত ॥
 ঘর হৈতে বাহির হইল কুলনারী ।
 উর্দ্ধ্বাশ্রমে ডাক ছাড়ি হাহাকার করি ॥
 ত্যজে কেহ রত্ন-ধন-আসন-শয়নে ।
 কেহ স্বামিসেবা ত্যজে, কেহ শিশু-স্তনে' ॥
 কেহ গৃহমধ্যেতে আছিল নানা-কাজে ।
 আলাপনে ছিল কেহ বন্ধুজন-মাঝে ॥
 আচম্বিতে সমাচার শুনিল হুরন্ত ।
 মূচ্ছিত হইয়া পড়ে, শোকে নাহি অন্ত ॥
 ঘোরসিদ্ধু-মধ্যে যেন ডুবিল তরঙ্গী ।
 ঘোরবন-মধ্যে যথা বেড়িল আগুনি ॥
 পলায়ে যাইতে চোর যেন ধর্মহাতে ।
 পিছলে আছাড়ে যথা পাষণের পথে ॥
 সেইমত নিরাশ হইল প্রজাগণ ।
 উর্দ্ধ্বাশ্রমে চারিভিতে ধায় সর্বজন ॥
 আপনা পাসরি লোক উভরড়ে ধায় ।
 ধাওয়াধাই উভরড়, পথ নাহি পায় ॥
 শ্বশুরে এড়িয়া পাছে বধু ধায় আগে ।
 লাজ-ভয় তাজিয়া ধাইল বায়ুবেগে ॥

রমণী-পুরুষ সব ধায় রড়ারড়ি' ।
 চতুর্দিকে কান্দে লোক পাণ্ডবের বেড়ি ॥
 মহাভারতের কথা অপূর্ব-কথন ।
 পয়ার-প্রবন্ধে কাশী করিল রচন ॥

১৫। প্রভাগণের খেদোক্তি ।

হায় ধর্ম-ব্রহ্মদেব, ধনঞ্জয় বীরবর,
 সহদেব নকুল কুমার ।
 দ্রোণদী পাঞ্চাল-মৃত্যু, সতী-সাধবী-পতিব্রতা,
 স্বরূপে লক্ষীর অবতার ॥
 দ্রুপদ তোমার তাত, পাঞ্চালের নরনাথ,
 তোমা-কন্যা হৈতে হৈল স্মৃতি ।
 তব স্বয়ংবর-কালে, পৃথিবীর মহীপালে,
 তোমাতে দেখিল শশিমুখি ॥
 ধৃষ্টদ্যুম্ন সহোদর, অতুল-বিক্রম-ধর,
 যজ্ঞেতে জন্মিলা দুইজন ।
 সবে বলে মহাতেজা, এল একলক্ষ রাজা,
 দ্রুপদ ভাবেন মনে-মন ॥
 এ-কন্টার যোগ্যপতি, অণু নাহি দেখি ক্ষিতি,
 পাণ্ডুর তনয় বিনা আর ।
 অপূর্ব ভাগ্যের বশে, উপনীত সেই-দেশে,
 কুন্তীসহ পাণ্ডুর কুমার ॥
 সভামধ্যে লক্ষ্য হানি, লইল তোমাতে জিনি,
 দ্বিজরূপে ইন্দ্রের নন্দন ।
 অনাথ দেখিয়া তারে, যত দুর্ক-নৃপবরে,
 বেড়িল যতক বিপ্রগণ ॥

১। দোহাদোক্তি ।

একলক্ষ নরপতি, সবে হৈল এক-মতি,
 প্রহারয়ে নানা-অস্ত্রগণ ।
 ভীম-পার্শ্ব দুইধীরে, জিনিলেক সবাকারে,
 তোমা ল'য়ে করিল গমন ॥
 তুমি এলে পাণ্ডুকূলে, তোমার আশ্রয়-ফলে,
 পাণ্ডবের সম্পদ অপার ।
 জিনিল সকল পৃথ্বী, রাখিল অনেক কীৰ্ত্তি,
 সখ্য-বল করিয়া তোমার ॥
 দুর্যোধন-নরপতি, পাশায় জিনিল তথি,
 সভামধ্যে আনিল তোমায় ।
 তাহে লজ্জা-নিবারণ, করিলেন নারায়ণ,
 সর্বজন দেখিল সভায় ॥
 সেই অপরাধে যত, গান্ধারী-তনয় শত,
 একে-একে হইল সংহার ।
 তুমি সর্ব-গুণবতী, সাধবী-পতিব্রতা-সতী,
 জননী-সমান মো'সবার ॥
 প্রত্যক্ষ সকলে জানে, তোমার এ-স্বলক্ষণে,
 দয়াময়ী জননী-রূপিনী ।
 তুমি লক্ষ্মী সরস্বতী, স্বাহা স্বধা শচী রতি,
 সাবিত্রী পার্বতী কাত্যায়নী ॥
 তুমি ত জগৎ-মাতা, সবে জানে তব কথা,
 বিষ্ণুর প্রেয়সী সহচরী ।
 স্বামিগণে সঙ্গে করি, ত্যজিয়া হস্তিনাপুরী,
 কোন্ স্থানে চ'লেছ সুন্দরি ॥
 প্রায় হেন লয় মন, পুনরপি দুর্যোধন,
 কপটে আনিয়া পাশা-সারি ।
 জিনিলেক রাজ্য-ধন, তোমা-সবে যাহ বন,
 আমা-সবাকারে পরিহরি ॥

না ত্যজ না ত্যজ মাই, তোমা-বিনা গতি নাই,
আমরা চলিব সর্বজন ।

ওহে ধর্ম-মহারাজা, ভীম-পার্থ মহাতেজা,
ওহে ছুই মাদ্রীর নন্দন ॥

তোমা-বিনা গৃহবাস, আর যত অভিলাষ,
ছাড়ি পাপ জীবনের সাধ ।

মহারাজ, তোমা হৈতে, সদা সুখ পৃথিবীতে,
আজি কেন এতেক প্রমাদ ॥

বাছড়-বাছড় রায়, তোমারে এ না যুয়ায়,
নির্দয় হইতে কদাচিৎ ।

ভূমি ধর্ম-পারাবার, কৃপাময়-অবতার,
ভূমি সর্ব-জগতে বিদিত ॥

তোমার এমন কাজ, যুক্ত নহে মহারাজ,
শোকবশে ত্যজহ সংসার ।

পূর্বে মহাশোক করি, তপস্বীর বেশ ধরি,
বনে যেতে করিলে বিচার ॥

মহাদেব চক্রপাণি, ভীষ্মদেব ব্যাসমুনি,
প্রবোধ দিলেন যে-প্রকার ।

এবে শোক-নিবারণ, করাইবে কোন্ জন,
কেহ আর নাহিক তোমার ॥

ওহে ভীম-ধনঞ্জয়, মাদ্রীর তনয়দ্বয়,
প্রবোধ করহ নৃপবরে ।

সবে হৈলে লোকান্তর, শুন বীর বৃকোদর,
শোক ত্যজ, বুঝাহ সবারে ॥

এইমত প্রজাগণে, পাত্র-মিত্র-পূরজনে,
সর্বলোক কান্দিয়া কাতর ।

দেখিয়া এমন কাজ, সদয় পাণ্ডবরাজ,
প্রবোধেন বাক্যে বহুতর ॥

কমা দেহ সর্বলোক, আর না করহ শোক,
মায়াময় এই ত সংসার ।

বুঝিয়া কার্যের গতি, সবে স্থির কর মতি,
অসার সংসার, কৃষ্ণ সার ॥

পাণ্ডবের ইস্ট-বন্ধু, সেই কৃষ্ণ কৃপাসিদ্ধু,
তাজিলেন দ্বারকা-নিবাস ।

সে-হেন বান্ধব-বিশু, নিম্ফল হইল তনু,
বিফল সকল অভিলাষ ॥

মহাভারতের কথা, ব্যাসের রচিত গাথা,
শ্রবণে কলুষ-বিনাশন ।

শিরেতে বন্দিয়া নিজ, দ্বিজগণ-পদরঞ্জন,
কাশীরাম করিল রচন ॥

১৬। প্রজাগণের প্রতি যুধিষ্ঠিরের প্রবোধ-
বাক্য এবং অর্জুনের গাতীব-ধনু
ও অক্ষয়-তুণীরদ্বয়-পরিভাষা ।

ধর্ম বলিলেন, শুন আমার বচন ।
শোক না করহ সবে, যাহ নিকেতন ॥

এই পরীক্ষিৎ হৈল রাজ্যেতে রাজন ।
আমা-সম তোমা-সবে করিবে পালন ॥

মোর বাক্য অশ্রুধা না কর সর্বজন ।
নিজ-নিজালায়ে সবে করহ গমন ॥

সংসার অসার, সার নন্দনের নন্দন ।
মনেতে চিন্তহ সেই কৃষ্ণের চরণ ॥

কৃষ্ণে ভজ, কৃষ্ণে চিন্ত, কৃষ্ণে কর সার ।
ভাবি দেখ, কৃষ্ণ-বিনা গতি নাহি আর ॥

কি বলিব কৃষ্ণ-গুণ, কি কব মহিমা ।
চতুর্বেদে ব্যাসমুনি দিতে নারে সীমা ॥

কৃষ্ণ-কৃষ্ণ করি সদা কাটায় যেজন ।
 অক্লেশে বৈকুণ্ঠে যায়, ব্যাসের বচন ॥
 পরকালে বন্ধু তেঁহ নন্দের নন্দন ।
 তেঁহ-বিনা বন্ধু আর নাহি কোনজন ॥
 সদা কৃষ্ণপদে মতি রাখে যেইজন ।
 অন্যাসে তরি যায় এ-ভব-বন্ধন ॥

এইরূপে প্রবোধ করিয়া বহুতর ।
 চলিলেন কৃষ্ণ-সহ পঞ্চ-সহোদর ॥
 জাহ্নবীর জলে স্নান করিয়া তপর্ণ ।
 বহুতে খেদ করিলেন পঞ্চজন ॥

এইমতে পঞ্চভাই যান পূর্বমুখে ।
 হেনকালে বৈশ্বানরে দেখেন সম্মুখে ॥
 প্রচণ্ড-শরীর, দীপ্ত নয়ন-মুগল ।
 কনক-মুকুট শোভে, মকর-কুণ্ডল ॥
 ধনঞ্জয়ে চাহিয়া বলেন বৈশ্বানর ।
 আমার বচন শুন পার্থ ধনুর্ধর ॥
 আমি ছত্ৰাশন, শুন ইন্দ্রের নন্দন ।
 মম হেতু করিয়াছ খাণ্ডব-দাহন ॥
 তোমা পঞ্চ-সহোদর দেব-অবতার ।
 বিষ্ণুসহ পৃথিবীতে করিলা বিহার ॥

করিলা অনেক কৰ্ম্ম, বিনাশিলা ভার ।
 পাইল পৃথিবী ইথে সন্তোষ অপার ॥
 অতঃপর কিছু আর নাহি প্রয়োজন ।
 স্বর্গবাসে চলিলে তোমরা পঞ্চজন ॥
 অক্ষয় যুগল-ভূগ গাণ্ডীব-ধনুক ।
 দেহ ত আমারে তবে, এ নহে কোঁতুক ॥
 এত শুনি পঞ্চভাই পাঞ্চালী-সহিত ।
 প্রণিপাত করিলেন হ'য়ে হরষিত ॥
 গাণ্ডীব-ধনুক আর ভূগ পূর্ণ-শর ।
 অগ্নি-বিঘ্নমানে দেন পার্থ-ধনুর্ধর ॥
 ধনুক লইয়া অগ্নি কৈল অন্তর্দ্বান ।
 করপুটে পঞ্চজন করেন প্রণাম ॥

তবে পূর্বমুখ হ'য়ে যান ছয়জন ।
 বনে-বনে চলিলেন ভাই পঞ্চজন ॥
 পুণ্যকথা ভারতের শুনে পুণ্যবান ।
 ব্যাসের রচিত দিব্য-ভারত-পুরাণ ॥
 একমনে যেবা ইহা করয়ে শ্রবণ ।
 সর্বদুঃখ হরে তার, পাপ-বিমোচন ॥
 কাশীরাম দাস কহে, শুনে পুণ্যবান ।
 এতদূরে মুঘল-পর্বেঁর সমাধান ॥



পাণ্ডবগোব মণ্ডাপ্তান
“হার মন কারলেন গজপতি পান
উচি হ য়ে স্বগপণে করেন প্রমাণ ।

কাশীরামদাস-মহাভারত

স্বর্গারোহণপর্ব

নারায়ণং নমস্কৃত্য নরকৈব মরোত্তমম্ ।
দেবীং সরস্বতীং ব্যাসং ভক্তো জয়মুদীরয়েৎ ॥

১। পাণ্ডবগণের মেঘনাদ-পর্বতে আবেশণ ।

জন্মেজয় বলে, মোরে কহ তপোধন ।
কোন্ পথে স্বর্গে গেল পিতামহগণ ॥
কোন্-কোন্ পর্বতে পড়িল কোন্ বীর ।
কিরূপে স্বকায়ে স্বর্গে গেল যুধিষ্ঠির ॥
তব মুখে শুনিবারে বড়ই আনন্দ ।
পিতামহ-স্বর্গ-কথা যেন মকরন্দ ॥
কেমনে দারুণ-বনে করিল প্রবেশ ।
কৃপা করি বিবরিয়া কহ ত বিশেষ ॥
সগোত্র-সহিত মোরে করিলে নিস্তার ।
অবনী-মণ্ডলে খ্যাতি রহিল তোমার ॥
যুনি বলে, শুন-শুন রাজা জন্মেজয় ।
ধোঁম্যেরে বিদায় দিয়া পাণ্ডুর তনয় ॥
কাম-ক্রোধ-লোভ-মোহ-কাস্ত করি মন ।
হ'লেন কেবল ত্রিগোবিন্দ-পরায়ণ ॥

পুণ্য-ভাগীরথী-জলে করি স্নানদান ।
সূর্য-অর্য্য দিলেন হইয়া সাবধান ॥
গঙ্গা-যুতিকায় অঙ্গ করিয়া ভূষিত ।
শুক্রবস্ত্র-পরিধান উত্তরী-সহিত ॥
হরি স্মরি করিলেন গঙ্গাজল-পান ।
শুচি হ'য়ে স্বর্গপথে করেন প্রয়াণ ॥
পার হৈয়া বহুবন অনেক-পর্বত ।
দিবানিশি যান হরি চিস্তি অবিরত ॥
কত-শত মুনি-ঋষি দেখি নানা-স্বাসে ।
মেঘনাদ-পর্বতে গেলেন কতদিনে ॥
পরম-সুন্দর গিরি সুরপুরী-সম ।
অনেক তপস্বি-মুনি-ঋষির আজ্ঞাম ॥
পর্বতে উঠিয়া রাজা দেখে জম্বুদ্বীপ ।
ভয়ঙ্কর নদ-নদী দেখেন সমীপ ॥
অনেক তপস্বি-ঋষি আছে গিরিধরে ।
পর্বত-গহ্বরে কেহ, বৃক্ষের কোটরে ॥

কেহ তরঙ্গিনী-তীরে, কেহ গঙ্গাতীরে ।
 ফলাহার নীরাহার পবন-আহারে ॥
 তাত্ত্বজটা, গলে পাটা, তেজে গ্রহরাজ ।
 তপ-জপ সাধে নিত্য আপনার কাজ ॥
 মেঘবর্ণ মেঘনাদ-গিরি মনোহর ।
 দ্বিতীয় সুরেশ্বর-সম হৃন্দর-শিখর ॥
 অতিশয় উজ্জ্বল পর্বত সুরেশ্বর ।
 দানব-ঈশ্বর বৈসে, নাম পঞ্চানন ॥
 দানব-নৃপতি-দেশে দানব-রক্ষক ।
 পঞ্চজনে দেখে যেন জলন্ত-পাবক ॥
 মনুষ্য আইল দেশে, এ-সব দেখিয়া ।
 রাজার সাক্ষাতে সবে জানাইল গিয়া ॥
 পঞ্চজন নর আসে, সঙ্গে এক নারী ।
 তব যোগ্য হয় রাজা, পরম-হৃন্দরী ॥
 আইসে লইতে রাজ্য, হেন লয় চিতে ।
 শুনি মেঘনাদ-দৈত্য সাজিল ছুরিতে ॥
 সৈন্যের সহিত সাজি আইল বাহির ।
 তিন-লক্ষ কিরাত ধনুকে যুড়ি তীর ॥
 দানবের রূপ যেন কন্দর্প-আকার ।
 নীলবর্ণে সাজিয়া করিল অঙ্ককার ॥
 কেহ গদা ধরে, কেহ মুঘল মুদগর ।
 বামহাতে ধনুক, দক্ষিণ-হাতে শর ॥
 যেই পথে পঞ্চভাই আইসে পাণ্ডব ।
 সেই পথ আগুলিয়া রহিল দানব ॥
 অঙ্ককার করিলেক বাণ-বরিষণে ।
 দেবতা বরিষে যেন আষাঢ়-প্রাণে ॥
 নানা-বাণবৃষ্টি করে প্রচণ্ড কিরাত ।
 পবন রুধিল, নাহি দেখি দিননাথ ॥
 মহাসিংহনাদ করে, শব্দ বিপন্নীত ।
 দেখিয়া পাণ্ডবগণ হ'লেন বিস্মিত ॥

মেঘনাদ-দৈত্য জিজ্ঞাসিল যুধিষ্ঠিরে ।
 কে তোমরা পঞ্চজন, যাবে কোথাকারে ॥
 যুধিষ্ঠির বলে, শুন দানব-প্রধান ।
 চন্দ্রবংশ-সমুদ্ভব পাণ্ডুর সন্তান ॥
 ভ্রাতৃত্বভেদে বংশ মম হইল সংহার ।
 অতএব স্বর্গপথে করি আগুসার ॥
 আশীর্বাদ কর রাজা, তুমি পুণ্যবান ।
 তোমার প্রসাদে দেখি প্রভু-ভগবান ॥
 তবে মেঘনাদ বলে, শুন যুধিষ্ঠির ।
 যুদ্ধ কর পঞ্চভাই, না হও অস্থির ॥
 যুদ্ধ নাহি দিয়া যদি করিবে গমন ।
 যাইতে নারিবে স্বর্গে, শুনহ রাজন ॥
 আমার সহিত যুদ্ধে যদি পাও প্রাণ ।
 তবে স্বর্গপুরে তুমি করিবে প্রয়াণ ॥
 মো'সবার অস্ত্রে তব না দেখি নিস্তার ।
 এইখানে দেখাইব স্বর্গের দুয়ার ॥
 শুনিয়াছি, পৃথিবীতে সোমবংশ হৈতে ।
 নিকল হইল পৃথ্বী ভীমার্জুন-হাতে ॥
 তিন-কোটি কিরাত, দানব তিন-কোটি ।
 ভীমার্জুন, কর দেখি যুদ্ধ পরিপাটি ॥
 দানবের বচনেতে হৈল মনে দুখ ।
 পঞ্চভাই যান করি উত্তরেতে মুখ ॥
 দেখিল, পাণ্ডবগণ করিল প্রয়াণ ।
 কুপিয়া দানব হৈল অগ্নির সমান ॥
 হাতে অস্ত্র করি সবে বেড়ে চতুর্ভিত ।
 দেখিয়া দ্রৌপদী-দেবী হৈলা চমকিত ॥
 মেঘনাদ-দৈত্য বলে, যাক্ পঞ্চভাই ।
 ইহা-সবাকার ভাষ্যা আন মোর ঠাই ॥
 এত শুনি ধর্মরাজ কিছু না বলিল ।
 দ্রৌপদীরে দৈত্যগণ ধরিয়া লইল ॥

দেখি বৃকোদর বলে ধর্ম ডাক দিয়া ।
 দ্রৌপদীয়ে দৈত্যগণ লইল ধরিয়া ॥
 শুনিয়া চাহেন রাজা পাঞ্চালীর ভিতে ।
 ক্রুদ্ধ হৈল বৃকোদর, নারিল সহিতে ॥
 জলন্ত-অনল যেন দ্ব্যতযোগে বাড়ে ।
 অশেষ-প্রকারে দৈত্যগণে গালি পাড়ে ॥
 গদা নাহি, শালবৃক্ষ দেখি বিচ্যমান ।
 উপাড়িল বৃক্ষবর দিয়া এক-টান ॥
 নাড়া দিয়া পাতা ঝাড়ি হাতে নিল ডাল ।
 জ্যোৎস্না করি ধায় বীর যেন মহাকাল ॥
 ঘূর্ণিত করিয়া বৃক্ষ ডাকে হান-হান ।
 দেখি মেঘনাদ-দৈত্য হৈল কম্পমান ॥
 ভীম বলে, শুন রে কিরাত-দৈত্যগণ ।
 দ্রৌপদীয়ে ছাড়, যদি পাইবে জীবন ॥
 ইহা বলি প্রহারিল দৈত্যের উপর ।
 অসংখ্য কিরাত-দৈত্য গেল যমঘর ॥
 অবশিষ্ট পলাইল লইয়া জীবন ।
 মস্তক ভাঙ্গিল কারো, ভাঙ্গিল দশন ॥
 খেদাড়িয়া যায় বীর দানব-কঙ্করে ।
 মুণ্ডে-মুণ্ডে চুকাইয়া মারে কত বারে ॥

দেখি মেঘনাদ বলে মনে ভয় পেয়ে ।
 তুমি রাজ্য কর ইথে নরপতি হ'য়ে ॥
 লহ তব নারী, মোর প্রাণরক্ষা কর ।
 এত বলি পরিহার করে দৈত্যেশ্বর ॥
 দেখি চিস্তে ক্ষমা দিল বীর-বৃকোদর ।
 দ্রৌপদীয়ে ল'য়ে গেল ধর্মের গোচর ॥
 তুষ্ট হ'য়ে যুধিষ্ঠির ভীমে দেন কোল ।
 স্বর্গপথে যান রাজা, মুখে হরিবোল ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

২ । পাণ্ডবদিগের কৈদার-পর্বতে আরোহণ ও
 দানব-ঈশ্বর-শিব-দর্শন ।

মুনি বলে, শুন পরীক্ষিতের নন্দন ।
 চলেন উত্তরমুখে পাণ্ডুপুত্রগণ ॥
 দানব-ঈশ্বর-শিব রচিত সুবর্ণে ।
 নানা-ধাতু বিচ্যমান, শোভে প্রতিবর্ণে ॥
 মস্তকে শোভিত মণি-মুকুতার পাতি ।
 অঙ্ককারে দাঁপ্ত করে, যেন দিনপতি ॥
 দিব্য-সরোবর তথা সুবাসিত-জল ।
 হংস-চক্রবাক শোভে, প্রফুল্ল-কমল ॥
 তাহা দেখি পঞ্চভাই জলেতে নামিয়া ।
 করেন তর্পণ-স্নান পিতৃ-উদ্দেশিয়া ॥
 স্নান করি কুণ্ড হৈতে উঠি ছয়জন ।
 দানব-ঈশ্বর-শিবে করিল পূজন ॥
 কেহ স্তব করে, কেহ শিব-সেবা করে ।
 সাক্ষাৎ প্রণাম কেহ করে লুটি শিরে ॥
 ভক্তিভাবে ভোলানাথে মাগে এই বর ।
 তোমার প্রসাদে যেন দেখি দামোদর ॥

এত বলি প্রণমিয়া করি জলপান ।
 উত্তর-মুখেতে পুনঃ করেন প্রয়াণ ॥
 কতদূরে যাইতে দেখেন সরোবর ।
 জল দেখি তুষ্ট হন পঞ্চ-সহোদর ॥
 জলপান করি স্নিগ্ধ হৈল পঞ্চজন ।
 ত্যজিলেন মেঘনাদ-পর্বতের বন ॥
 কৈদার-পর্বতে তবে করি আরোহণ ।
 বড়-সুখ পাইলেন দেখি উপবন ॥
 কৈদার-পর্বতে সেই অতি-সুশোভন ।
 যাহাতে শুভেন কর্ণে স্বর্গের বাজন ॥
 পর্বতে উঠিয়া রাজা ভাবে হৃদীকেশ ।
 পৃথিবীর পানে চাহি না পান উদ্দেশ্য ॥

অতিশয়-উচ্চ গিরি, বড় ভয়ঙ্কর ।
 লক্ষ-গজ-পরিমাণ বিস্তার উপর ॥
 পর্বতের চারি-পাশে শোভে নানা-বৃক্ষ ।
 গন্ধর্ব্ব-কিম্বর-কন্যা আছে লক্ষ-লক্ষ ॥
 জিনিয়া সাবিত্রী-সতী সুন্দরী-কামিনী ।
 ভ্রমর গুপ্তরে, যেন প্রফুল্ল-পদ্মিনী ॥
 পাণ্ডবের রূপ দেখি মোহে নারীগণ ।
 কহিতে লাগিল সবে মধুর-বচন ॥

কোথা হৈতে আগমন, যাবে কোথাকারে ।
 কিবা নাম, কোন বর্ণ, কহিবে আমারে ॥

ধর্ম্ম বলিলেন, চন্দ্রবংশেতে উৎপত্তি ।

যুধিষ্ঠির নাম মম, পাণ্ডুর সম্ভূতি ॥
 জ্ঞাতিবধ-পাতকে অস্থির মম মন ।
 স্বর্গে যাব, কৃষ্ণ আজ্ঞা দিলেন যেমন ॥
 অতএব রাজ্য ছাড়ি যাই স্বর্গপুরে ।
 এই পরিচয় কন্যা, জানাই তোমারে ॥

এত শুনি, পুনরপি বলে কন্যাগণ ।

পৃথিবী ছাড়িয়া যদি আইলে রাজন্ ॥
 কিহেতু পাইয়া ছুঃখ যাহ সুরপুর ।
 এইদেশে থাক হ'য়ে রাজ্যের ঠাকুর ॥
 দেখহ আমার পুরী পরম-সুন্দর ।
 রোগ-শোক-জরা-ব্যাদি নাহি নৃপবর ॥
 চন্দ্র-সূর্য্য জিনি শোভা আবাস-উদ্যান ।
 কিম্বর-নগরে রাজা হও মতিমান ॥
 তিন-লক্ষ কন্যা মোরা হ'ব তব দাসী ।
 ঢুলাব চামর তোমা চারি-পাশে বসি ॥
 কিছুকাল এইদেশে স্বর্গভোগ কর ।
 আমরা ভেটাব ল'য়ে প্রভু গদাধর ॥

এত শুনি ধর্ম্মরাজ বলেন তখন ।

কৃষ্ণের আজ্ঞায় যাই অমর-ভুবন ॥

বান্ধব-কুটুম্ব-জ্ঞাতি বধিষু বিস্তর ।
 সে-পাপ নাশিতে যাই বিষ্ণুর গোচর ॥
 দ্বাপর হইল শেষ, কলি-আগমন ।
 যদুবংশ লইয়া গেলেন নারায়ণ ॥
 তাঁর দরশন-বিনা রহিতে না পারি ।
 অতএব স্বর্গে যাই দেখিতে মুরারি ॥
 করিলাম সঙ্কল্প, যাবৎ প্রাণ থাকে ।
 না করিব রাজ্যভোগ, যাব স্বর্গলোকে ॥

শুনি কন্যাগণ পুনঃ কহে যুধিষ্ঠিরে ।

কেমনে যাইবে স্বর্গে মানব-শরীরে ॥
 মনুষ্য-দুর্গম স্বর্গ, শুন নরপতি ।
 ত্যজিয়া শরীর স্বর্গে গেল যদুপতি ॥
 এইদেশে গঙ্গাতীরে থাকি কতকাল ।
 দেবদেহ পেয়ে স্বর্গে যাবে মহীপাল ॥
 আমা-সবাকার সঙ্গে হান্ত-রঙ্গ-রসে ।
 কতক-দিবস কাল কাট অনায়াসে ॥

রাজা বলিলেন যে, তোমরা মাতৃসম ।

তোমা-সবাকার মায়া বুদ্ধির অগম্য ॥
 কুন্তী-মাদ্রী হৈতে তোমা-সবে গুরুতর ।
 আলীকাদ কর মাতা, পাই গদাধর ॥
 নিষ্ঠুর বচন শুনি গেল কন্যাগণ ।
 চলেন উত্তর-মুখে পাণ্ডুর নন্দন ॥
 দেখেন পর্বতে বীর অতি-মনোহর ।

বিরাজিত অর্দ্ধ-অঙ্গ শঙ্করী-শঙ্কর ॥
 নানা-রত্ন-বিভূষিতা আসীনা গভীর ।
 অঙ্ককার আলো করে যেন চন্দ্র-তারা ॥
 তাহে বিরাজিত কুণ্ডলিভূবন-সার ।
 স্ফটিক-সমান শুভ্র, চন্দ্রের আকার ॥
 কুণ্ডে নামি স্নান-দান করি ছয়জন ।
 দুই-কুল কোঁরবের করেন তর্পণ ॥

স্নান করি তিনবার প্রদক্ষিণ কৈল ।
 মণিময় মহেশে দেখিয়া ভুষ্ঠ হৈল ॥
 বিমল ঈশ্বর শিব সাক্ষাতে দেখিয়া ।
 প্রণাম করেন সবে অঙ্গ লোটাইয়া ॥
 অর্দ্ধচন্দ্র শোভা করে শিবের মস্তকে ।
 ধর্মরাজ বিধিমতে পূজেন তাঁহাকে ॥
 কুমি-কীট-পশু-পক্ষী তথা যদি মরে ।
 রুদ্ররূপ ধরি তারা যায় রুদ্রপুরে ॥
 এ-সকল তত্ত্ব শুনি, লোকের বদনে ।
 পুনঃপুনঃ প্রণাম করেন ছয়জনে ॥
 ভক্তিভাবে ভোলানাথে মাগিলেন বর ।
 ভূতনাথ ভূতাদীশ, তুমি ভূতেশ্বর ॥
 কৃতিবাস কালীকান্ত দেহ এই বর ।
 তোমার প্রসাদে যেন দেখি দামোদর ॥
 বর মাগি ছয়জন চলে তথা হৈতে ।
 কেদার-পর্বত পার হৈল মহাশীতে ॥
 বাইতে উত্তরমুখে পাণ্ডুর নন্দন ।
 দুই জলাশয় দেখিলেন স্নানোভন ॥
 ধর্মের নির্মাণ, তাহে প্রফুল্ল-কমল ।
 হংস-চক্রবাক ক্রীড়া করে অবিরল ॥
 অঙ্গরী-কিম্বদন্তি নাচ্য-গীত করে ।
 মুনিগণ তাঁহাদের তীরি-তীরে ॥
 খেলয়ে মকর-মি-মাখী-পরে ।
 বিবিধ-বিধানে পশু-পক্ষী ক্রীড়া করে ॥
 ভ্রমর-ঝঙ্কার, আর কোকিলের গান ।
 আনন্দিত সবে দেখি মনোহর-স্থান ॥
 কতক্ষণ বিশ্রাম করিয়া তার তীরে ।
 জলহেতু ভীমেতে পাঠান সরোবরে ॥
 ভারত-পঞ্চজ-রবি মহামুনি-বাস ।
 তাঁহার প্রসাদে রচে কালীদাস ॥

৩। ধর্ম-কর্তৃক হলনা ।

মুনি বলে, শুনহ নৃপতি জন্মোজয় ।
 উত্তর-মুখেতে যান পাণ্ডুর তনয় ॥
 যুধিষ্ঠির-প্রভৃতি আইসে স্বর্গপথে ।
 সমাচার জানি ধর্ম আসিল ছলিতে ॥
 জলচর-পক্ষী হ'য়ে রহে সরোবরে ।
 বসিলেন যুধিষ্ঠির পর্বত-উপরে ॥
 পথশ্রমে তৃণায়ুক্ত রাজা যুধিষ্ঠির ।
 জলহেতু চলিলেন বৃকোদর-বীর ॥
 আচ্ছা পেয়ে সরোবরে গেল বৃকোদর ।
 তারে দেখি বলে তবে পক্ষী জলচর ॥
 কিবা বার্তা, কি আশ্চর্য্য, কিবা সারবত্তা ।
 কেবা সদা স্নেহে থাকে, কহ চারি-তত্ত্ব ॥
 পক্ষীর বচন ভীম না শুনিল কানে ।
 শিলারূপ হইলেন জল-পরশনে ॥
 এইরূপে অর্জুন-নকুল-সহদেবে ।
 উত্তর কহিতে নারি শিলা হয় সবে ॥
 তদন্তরে যাক্সসেনী-দেবী যদি গেল ।
 জলের পরশমাত্র শিলারূপা হৈল ॥
 অবশেষে আপনি চলেন ধর্মরূপ ।
 তাঁরে জিজ্ঞাসেন ধর্ম মায়া-পক্ষিরূপ ॥
 কিবা বার্তা, কি-আশ্চর্য্য, কি-পথ, কে স্মৃতি ।
 জল থাকে পিছে, আগে তত্ত্ব কহ দেখি ॥
 ধর্ম বলিলেন, বার্তা এই, আমি জানি ।
 মান-বর্ধরূপে কাল পাক করে প্রাণী ॥
 দিনে-দিনে যমালয়ে যায় জীবগণ ।
 শেষের জীবন-আশা আশ্চর্য্য-লক্ষণ ॥
 শ্রুতি-স্মৃতি-আগম অশেষ ধর্মপথ ।
 সেই পথ সার, যাহা সজ্জন-সম্মত ॥

ফল-মূল-শাক যেবা খায় দিবা-শেষে ।
 অপ্রবাসী অঞ্চলী, সে সদা সুখে বৈসে ॥
 এই চারি-তত্ত্ব আমি জানি মহাশয় ।
 শুনিয়া সন্তুষ্ট ধর্ম দেন পরিচয় ॥
 চমৎকৃত হ'য়ে রাজা পড়িলেন পায় ।
 ভ্রাতৃগণে উদ্ধারিয়া আনন্দিত-কায় ॥
 আশীর্বাদ করি ধর্ম বলিলেন তবে ।
 সর্ব-ধর্ম-শ্রেষ্ঠ তুমি একা স্বর্গে যাবে ॥
 আর সব-জন পথে পড়িবে নিশ্চয় ।
 এত বলি অন্তর্হিত ধর্ম-মহাশয় ॥
 মহাভারতের কথা অমৃত-সমান ।
 কাশীরাম দাস কহে, শুনে পুণ্যবান ॥

৪। মেঘবর্ণ-পর্বতে পাণ্ডবের গমন ও ভীমের
 হস্তে ভীষণ-রাক্ষসীর মৃত্যু ।

মুনি বলে, শুনহ নৃপতি জন্মেজয় ।
 গেলেন উত্তরমুখে পাণ্ডুর তনয় ॥
 মেঘবর্ণ-নামে গিরি অতি-ভয়ঙ্কর ।
 আরোহিলা ছয়জন তাহার উপর ॥
 ছত্রিশ-যোজন সেই পর্বত-প্রসর ।
 অতি-অনুপম, যেন হুমেরু-শিখর ॥
 তথায় থাকিয়া ষেখ বর্ষে চারি-মাস ।
 নানা-শব্দে কোলাহল, শুনিতে তরাস ॥
 সেই ত পর্বত রক্ষা করে দেবগণ ।
 পূর্ণচন্দ্র সদা তথা করে সুরশোভন ॥
 মেঘগণ আছে তথা অতি-ভয়ঙ্কর ।
 দিবা-রাত্রি নাহি জানি পর্বত-উপর ॥
 শুবাক কাঁটাল ভাল তমাল পিয়াল ।
 করুণা জর্জীর টাণা নারঙ্গ রসাল ॥

ছোলঙ্গ চন্দন গিলা জাতী জায়কল ।
 হরিতকী রক্তা আত্ম কদম্ব ত্রীফল ॥
 পাকড়ি সেহড়া বট বহেড়া গান্তারী ।
 শিউলি শিরীষ চাঁপা কামরান্ধা গিরি ॥
 নাগেশ্বর নারঙ্গ কেশর সুরশোভন ।
 কুসুম কিংশুক আর পাটলি কাঞ্চন ॥
 বৃক্ষ-মূল লতা-গুল্ম অতি-ভীম ডাল ।
 ভ্রমর গুঞ্জরে, ডাকে কোকিল রসাল ॥
 মেঘবর্ণ-গিরিবর মেঘের আকার ।
 বৃক্ষচ্ছায়া-বিরাজিত, দিবসে আঁধার ॥
 পঞ্চনারী বৈসে তথা স্বর্ণের পুরে ।
 কিন্নরী জিনিয়া শোভা করে অলঙ্কারে ॥
 যুধিষ্ঠিরে দেখি বলে, নারী পঞ্চজন ।

কোথা হৈতে আসিয়াছ পুরুষ-রতন ॥
 মনুষ্যের শ্রেষ্ঠ তুমি, বুঝিনু কারণে ।
 বহুদুঃখ পাইয়াছ, হেন লয় মনে ॥
 নবকোটি কণা ল'য়ে থাক এই ভূমি ।
 আপন-ইচ্ছায় স্বামী করিলাম আমি ॥
 আমার নগর দেখ অতি-রম্যপূরী ।
 তুমি স্বামী হইলে সেবিব কোটি-নারী ॥
 দ্বিতীয় স্বর্গের স্রুথ পাইবে, স্বর্গ-রাজ্য ॥
 রাজ্য কর, যতদিন চন্দ্র-যাত্রী ॥
 কন্ধ্যার বচন শুনি ধর্ম-সুখ-সুখ ॥

ষোড়হাতে কহিছেন অতি-সবিনয় ॥
 সঙ্কল্প করিনু আমি সবার সাক্ষাতে ।
 স্বর্গপূরী যাইব, দেখিব জগন্নাথে ॥
 কলি-আগমন হয়, ইহার কারণ ।
 স্বর্গে যাই, অমুজা দিলেন নারায়ণ ॥
 দয়া করি মোরে বর দেহ কন্ধ্যাগণ ।
 স্বর্গে গিয়া দেখি যেন বিষ্ণুর চরণ ॥

এত বলি তথা হৈতে করিয়া গমন ।
 উত্তর-মুখেতে যান পাণ্ডুর নন্দন ॥
 হেনকালে সেই পথে ভীষণ-রাক্ষসী ।
 মুখ মেলি পর্বত-শিখরে আছে বসি ॥
 স্বর্গ-মর্ত্য যুড়ি কায় অতি-ভয়ঙ্কর ।
 বদন দেখিয়া ভয় করে দিবাকর ॥
 বিশাল-রাক্ষসী পথ আগুলিয়া রহে ।
 মনুষ্য আগত দেখি খাইবারে চাহে ॥
 ধর্ম বলিলেন, দেখে ভাই বৃকোদর ।
 মুখ মেলি খেতে চায় দুই-নিশাচর ॥
 অতি-ভয়ঙ্কর বৃষ্টি, দেখি লাগে ডর ।
 চারি-ক্রোশ পথ যুড়ি দীর্ঘ-কলেবর ॥
 কিরূপে যাইব পথে, করিল আটক ।
 দীপ্তিমান্ তেজ, যেন জ্বলন্ত-পাবক ॥
 কিরূপে পাইব রক্ষা, কহ ত এখন ।
 দেখি যে, না হৈল বুঝি স্বর্গ-আরোহণ ॥
 দ্রোণদীর ভয় হৈল রাক্ষসী দেখিয়া ।
 ভয়েতে অর্জুন-বীরে ধরিল চাপিয়া ॥
 শঙ্খপাণি-নামে মুনি বৈসে সেই বনে ।
 যুধিষ্ঠির জিজ্ঞাসা করেন তাঁর স্থানে ॥
 কি-হেতু রাক্ষসী বাস করে স্বর্গপথে ।
 সর্বকাল আছে, কিংবা এল কোথা হ'তে ॥
 শুনি মুনিবর বলে, বচন গম্ভীর ।
 রাক্ষসীর বিবরণ, শুন যুধিষ্ঠির ॥
 চিত্রা-নামে স্বর্গপুরে আছিল অঙ্গরী ।
 চূর্বাসা-মুনির শাপে হৈল নিশাচরী ॥
 ক্ষুধায় না রাখে কিছু মায়াবী রাক্ষসী ।
 যারে পায়, তারে খায়, কিবা যোগি-ঋষি ॥
 তপস্বী সন্ন্যাসী মুনি যুগ পক্ষী নরে ।
 পাইলে সানন্দ-মনে সদা আস করে ॥

কণেকে অঙ্গরা হয়, সুর-মন যোহে ।
 নররূপ, পক্ষিরূপ, ইচ্ছা হয় যাহে ॥
 বকাসুর নামে ছিল রাক্ষস-চুরন্ত ।
 তাহার ভগিনী এই, শুনহ তদন্ত ॥
 শক্তি যদি থাকে, কর দুষ্ঠারে সংহার ।
 নহে ধরি নিশাচরী করিবে আহার ॥
 এত শুনি বৃকোদর হৈল আগুয়ান ।
 দস্ত করি কহিল রাক্ষসী-বিদ্যমান ॥
 বকাসুর-নামে যেই তোর জ্যেষ্ঠ-ভাই ।
 তারে মারিয়াছি আমি, তোরে না ডরাই ॥
 এত বলি মহাক্রোধে বীর-বৃকোদর ।
 পর্বতের দুই-শৃঙ্গ ভাঙ্গিল সত্তর ॥
 টান দিয়া একখান মারে রাক্ষসীরে ।
 মুখ মেলি রাক্ষসী গিলিল কোপভরে ॥
 দেখি কোপে আর শৃঙ্গ মারে বৃকোদর ।
 লুফিয়া রাক্ষসী ধরে পর্বত-শিখর ॥
 রক্তাক্ষী-রাক্ষসী কোপে চাহে চারিপাশে ।
 বড়-বড় বৃক্ষ ভাঙ্গে নাসার নিঃশ্বাসে ॥
 ভীমের সাক্ষাতে শব্দ করে ভয়ঙ্কর ।
 দেবাসুর কম্পমান, সিঁদু ধরাধর ॥
 রাক্ষসীর ঘোর-শব্দ ঘন হুহুকার ।
 কোপে ধরহর-অঙ্গ পবন-কুমার ॥
 সম্মুখে দেখিল দীর্ঘ-শাল-তরুবর ।
 তিন-শত-গজ উচ্চ, সরল-পুষ্পর ॥
 উপাড়িল সেই বৃক্ষ দিয়া এক-টান ।
 পদভরে পর্বত হইল কম্পমান ॥
 ভীম বলে, নিশাচরি, দেখে এই বৃক্ষ ।
 বজ্রসম প্রহারে ভাঙ্গিব তোর বক্ষ ॥
 এত বলি এড়ে গাছ, আসে বায়ুবেগে ।
 রাক্ষসী কাটিল গাছ নশনের আগে ॥

না মরে রাক্ষসী সেই, নাহি ছাড়ে পথ ।
 সূচিস্থিত ধর্মরাজ ভাবি ভবিষ্যৎ ॥
 বীর-রুকোদর পুনঃ গোবিন্দে ভাবিয়া ।
 সুররাজ-পর্বতে আনিল টান দিয়া ॥
 রাক্ষসীয়ে বলে ভীম, শুনহ ভীষণা ।
 মনে না করিহ আর বাঁচিতে বাসনা ॥
 যুনি-ঋষি থেয়ে তোর বেড়েছে রসনা ।
 আজি যুদ্ধে দেখাইব যমের যাতনা ॥

এত বলি দুই হাতে পর্বত ধরিয়া ।
 রাক্ষসীয়ে প্রহারিল ছকার ছাড়িয়া ॥
 আইসে পর্বত দেখি গগনের পথে ।
 লাফ দিয়া রাক্ষসী ধরিল বামহাতে ॥
 বলবতী নিশাচরী শঙ্করের বরে ।
 ফেলাইয়া দিল গিরি দক্ষিণ-সাগরে ॥

দেখিয়া বিস্ময়াপন্ন হৈল ভোমবার ।
 কি করিব, চিন্তা করিলেন যুধিষ্ঠির ॥
 তবে রুকোদর বড় বিষন্ন-বদনে ।
 আকুল হইল বীর রাক্ষসীর রণে ॥
 নাহি মানে পরাজয়, নাহি ছাড়ে পথ ।
 মুখ মেলি খেতে চাহে আদিত্যের রথ ॥
 মনে ভাবি ভীমসেন মানিল বিস্ময় ।
 জনক পবনে চিন্তে সঙ্কট-সময় ॥
 পুঞ্জ পার কর পথে পিতা প্রভঞ্জন ।
 তোমার প্রসাদে তবে দেখি নারায়ণ ॥

এত বলি রুকোদর ডাকিল পবনে ।
 ডাক দিয়া পবন বলিল ভীমসেনে ॥
 শুন পুঞ্জ রুকোদর, না হও চিন্তিত ।
 কি-কার্য্য তোমার রণে করিব বিহিত ॥
 বোড়হাতে বলে ভীম বন্দিয়া চরণ ।
 রাক্ষসী মারিলে হয় স্বর্গ-আরোহণ ॥

এই কন্ম কর পিতা, হর তার বল ।
 ঘুষিবে তোমার যশ অবনী-মণ্ডল ॥
 এত শুনি হাসি তবে বলেন পবন ।
 তব তেজ হ'ক পুত্র, আমার মতন ॥
 বাহুবলে রাক্ষসীয়ে করহ সংহার ।
 মহাসুখে সুরপুরে কর আগুসার ॥

এত বলি নিজ-তেজ দিল রুকোদরে ।
 মহাবলবন্ত ভীম পবনের বরে ॥
 ক্রোধ করি উপাড়িল দিব্য এক শাল ।
 রাক্ষসীয়ে মারে বাড়ি যেন দণ্ড-কাল ॥
 মহাভয়ঙ্কর শব্দ হইল তুমুল ।
 সসাগরা-মহী-শৈল হৈল ছলছল ॥
 নাসার নিঃশ্বাসে বৃক্ষ ভাঙ্গে মড়-মড় ।
 মহাপ্রলয়ের কালে বহে যেন ঝড় ॥
 তৃতীয়-প্রহর যুদ্ধ হৈল হেনমতে ।
 সর্বভাঙ্গেতে ক্ষত হৈল নখের আঘাতে ॥
 অগুরু হইল শোভা পর্বত-মণ্ডলে ।
 অশোক-কিংশুক যেন বসন্তের কালে ॥
 বৃক্ষ ল'য়ে রুকোদর মারে মালসাট ।
 চালাইয়া দিল বৃক্ষ নাসিকার বাট ॥
 রাক্ষসী নিস্তেজ হৈল ভীমের প্রহারে ।
 লোটাইয়া পড়ি ভূমে ছটফট করে ॥
 দেখিয়া হইল ভীম প্রফুল্ল-অন্তর ।
 লক্ষ দিয়া উঠে তার বৃকের উপর ॥
 নাসাপথে উঠে বৃক্ষ ভেদি তার মুণ্ড ।
 হস্ত-পদ ছিঁড়িয়া করিল খণ্ড-খণ্ড ॥
 আকর্ষণ করি করে উপাড়িল স্তন ।
 বজ্রমুষ্টি মারি ভাঙ্গে দুপাটি দশন ॥
 মস্তক ঢুকায় তার পেটের ভিতরে ।
 গলা চাপি ধরিয়া বধিল রাক্ষসীয়ে ॥

মাংসপিণ্ড-সম কৈল কচ্ছপ-আকার ।
 কীচকে নাশিল পূর্ব্বে যেমন প্রকার ॥
 কুশ্মাণ্ড-সমান কৈল রাক্ষসীর কায় ।
 মহাকোপে পদাঘাত করে তার গায় ॥
 ঘোর-শব্দ করিয়া মরিল নিশাচরী ।
 আনন্দিত ব্রহ্মকোদর বিক্রমে কেশরী ॥
 অন্তরীক্ষে তোলে তারে ব্রহ্মে জড়াইয়া ।
 ঘন-পাক দিয়া ফেলে ভূমে আছাড়িয়া ॥
 দেবাস্তর-নাগ-নর দেখি বিচ্যমান ।
 যেন গন্ধমাদন লুফিল হনুমান ॥
 অন্তরীক্ষে শত-পাক দিয়া রাক্ষসীরে ।
 ফেলাইয়া দিল তারে দক্ষিণ-সাগরে ॥
 যেন মহাপর্ব্বত সাগরে দিল ঝপ্প ।
 ধ্যানভঙ্গ মুনিগণে, হৈল মহাকম্প ॥
 দেব-দৈত্য দেখি হৈল হরিষ-অন্তর ।
 রহিল যাবৎ কীৰ্ত্তি চন্দ্র-দিবাকর ॥
 ভীষণ-রাক্ষসী মারি ভীম-মহাবীর ।
 শীঘ্রগতি গেল, যথা রাজা-যুধিষ্ঠির ॥
 ভাতৃগণ মিলি সবে করে আলিঙ্গন ।
 বন্দনা করিল ভীম ধর্ম্মের চরণ ॥
 আনন্দিত হ'য়ে কহে শঙ্খপাণি-মুনি ।
 শুন যুধিষ্ঠির, এই রাক্ষসী-কাহিনী ॥
 পর্ব্বতের জীবজন্তু সকলি খাইয়া ।
 সূর্য্য-রথ গিলিবারে যায় ত খাইয়া ॥
 আকাশ-পাতাল মুখ রোধে শৃংগপথ ।
 নাসার নিঃশ্বাসে ডেঁড়ে চন্দ্র-সূর্য্য-রথ ॥
 লক্ষ্যক যোজন দিয়া ভয়ে সূর্য্য যায় ।
 তাই সে রাক্ষসী সূর্য্যে গিলিতে না পায় ॥

মঙ্গল হউক তব পবন-তনয় ।
 এ-হেন রাক্ষসী মারি খণ্ডাইলে ভয় ॥
 আশীর্ব্বাদ করি তবে গেল তপোধন ।
 পাণ্ডব উত্তরমুখে করেন গমন ॥
 স্বর্গ-আরোহণ শুনি সর্ব্বপাপ হরে ।
 ইহকাল পরকাল দুই-কালে তরে ॥
 পাণ্ডব-বিজয়-কথা অমৃতের ধার ।
 একমনে শুনিলে বিপদে হয় পার ॥
 ভারত-পঞ্চজ-রবি মহামুনি-ব্যাস ।
 পাঁচালী-প্রবন্ধে বিরচিল কাশীদাস ॥

৫। ভদ্রকালী-পর্ব্বতে পাণ্ডবদিগের গমন ও
 চারপর্ব্বতে দ্রৌপদীর মৃত্যু ।

মুনি বলে, শুন পরীক্ষিতের নন্দন ।
 চলেন উত্তরমুখে ভাই-পঞ্চজন ॥
 দেখেন অগূর্ব্ব এক পর্ব্বত-উপর ।
 অতি-অপরূপ শিবলিঙ্গ মনোহর ॥
 চন্দ্র-সূর্য্য-স্ফটিক জিনিয়া শুভ্রকায় ।
 স্তব করিলেন রাজা মহেশ্বরের পায় ॥
 তোমার প্রসাদে করি স্বর্গে আরোহণ ।
 এত বলি প্রণমিয়া করেন গমন ॥
 বহু-কষ্টে রাক্ষস-আশ্রয় এড়াইয়া ।
 ভদ্রকালী-নামে গিরি আরোহেন গিয়া ॥
 দেখেন পর্ব্বতে উঠি পাণ্ডুর নন্দন ।
 সপ্তরথে সূর্য্য-আদি ঐহদেবগণ ॥
 তাহা দেখি ছয়জন হরিষ-অন্তরে ।
 ভদ্রকালী-দেবী দেখিলেন গিরি-পরে ॥
 বিচিত্র হৃন্দর ঘর কাঞ্চনে রচিত ।
 অ্চারণ-চন্দনকার্ভ-পাটী চারিভিত ॥

নানা-পুষ্প-কানন উদ্যান জল-স্থল ।
 ভদ্রকালী পূজে তথা দেবতা-সকল ॥
 করালবদনা কালী, গলে মুণ্ডমালা ।
 পদক পাশুলী' শঙ্খ কুণ্ডল মেখলা ॥
 চাঁচর-চিকুর যেন জলধর-ঘটা ।
 জবামালা গলে দোলে, রক্তবর্ণ ফৌটা ॥
 উজ্জ্বল দশন, জিহ্বা করে লহ-লহ ।
 খরখাণ্ডা করে ধরে, শুষ্ক সর্বদেহ ॥
 সরস্বতী গীত গান সুযন্ত্রে সুস্বর ।
 দেখিয়া সানন্দ বড় পঞ্চ-সহোদর ॥
 প্রণাম করিয়া বর মাগেন যতনে ।
 এই বর দেহ মাতা, মাগি তব স্থানে ॥
 যুধিষ্ঠির ক'ন, দেবি, কর মোরে দয়া ।
 কলিকালে জাগ্রতী থাকিবে মহামায়া ॥
 রাজা-প্রজা অনায়াযে করে অবিচারে ।
 খণ্ড-খণ্ড হবে তারা তোমার খর্পরে ॥
 এই বর মাগি যান ধর্ম-নৃপবর ।
 নানা-জাতি বৃক্ষ দেখে পর্বত-উপর ॥
 অতীব প্রশস্ত গিরি, লঙ্কক যোজন ।
 নানা-পুষ্প-বৃক্ষ-লতা চন্দন-কানন ॥
 কাঁটাল গুবাক তাল কদম্ব কেশর ।
 পারিজাত চম্পকাদি জাতি নাগেশ্বর ॥
 আমলকী ধাত্রী যুথী পাচনী পারণী ।
 লবঙ্গ অশোক গিলা কর্কটী' ব্রাহ্মণী ॥
 কতশত বৃক্ষ শোভে নানা-ফলফুলে ।
 পুষ্পগন্ধে মকরন্দে অলিবৃন্দ বুলে ॥
 তথা পাণ্ডবেরা করিলেন আরোহণ ।
 পর্বত-উপরে গেল দেব-দৈত্যগণ ॥

বিচিত্র-উদ্যান বন, সুবর্ণের পুরী ।
 সূর্য্যের কিরণ যেন, চাহিতে না পারি ॥
 সুবর্ণের পুরী, তাহে সুবর্ণের ধাম ।
 বিশ্বকর্মা-বিরচিত অতি-অমুপাম ॥
 অমরনগর-সম সুন্দর-শোভন ।
 বিদ্যধরী অপ্সরী জিনিয়া কন্যাগণ ॥
 লীলাবতী-নামে কন্যা ভূপতি তাহাতে ।
 পাট অধিকার করে পুরুষ-বর্জিত ॥
 পঞ্চভাই পাণ্ডবে দেখিয়া নিজ-পুরে ।
 আশু হ'য়ে কহে কথা সবার গোচরে ॥
 রাজ্য নিতে এল কিবা কোন নরপতি ।
 আমার পর্বতে এল, অপক্লপ-গতি ॥
 সর্বকাল এইরাজ্যে মোর অধিকার ।
 যেবা হ'ক সমরে করিব মহামার ॥
 এত বলি হাতে অস্ত্র-ধনুক লইয়া ।
 যুধিষ্ঠিরে রাখিল পর্বতে বসাইয়া ॥
 কোন নারী জিজ্ঞাসা করয়ে পাণ্ডবে ৱে ।
 কেবা ভূমি, কোথা যাবে, কেন এই-পুরে ॥
 রাজা বলে, কন্যাগণ, না হও অস্থির ।
 পৃথিবীর রাজা আমি, নাম যুধিষ্ঠির ॥
 কি-কারণে তোমা-সবে ভাব অন্য-কথা ।
 রাজ্য-দেশ লইতে না আসি আমি হেথা ॥
 কলি-আগমন হবে এ-মর্ত্য-ভুবনে ।
 স্বর্গপুরে যাই মোরা তথির কারণে ॥
 এত শুনি কন্যাগণ চলিল ধাইয়া ।
 লীলাবতী-রাণীকে বারতা দিল গিয়া ॥
 শুনি লীলাবতী কন্যা ত্যজি ধনুর্বাণ ।
 লক্ষনারী সঙ্গে করি বিবিধ-বিধান ॥

বিচিত্র কুন্তমমাণ্যে বাঞ্ছিত কবরী ।
 অগুরু-চন্দন-চূয়া অঙ্গভূষা করি ॥
 চন্দ্র-সূর্য্য-আভা জিনি অর্ঘ্য-অলঙ্কার ।
 কণ্ঠমালা কুণ্ডল অমূল্য-রত্নহার ॥
 নানা-অলঙ্কারে অঙ্গ সাজন করিয়া ।
 যুধিষ্ঠির-আগে কহে হাসিয়া-হাসিয়া ॥
 অঙ্গ-ভঙ্গী দেখায় বন্ধের বস্ত্র ভুলে ।
 কটাক্ষের চাহনিতে মুনি-মন ভুলে ॥
 জিতেন্দ্রিয় রাজা, তুমি মহাপুণ্যবান্ ।
 সেইহেতু এতদূরে করিলে প্রয়াণ ॥
 মোর ভাগ্যে এলে রাজা, আমার নগরে ।
 আমি দাসী হ'ব, তুমি থাক এই-পুরে ॥
 ভদ্রকালী-পর্ব্বতের আমি অধিকারী ।
 হীরা-মণি-মাণিক্যে মণ্ডিত মম পুরী ॥
 যাবৎ থাকিবে ভদ্রকালীর পর্ব্বতে ।
 তাবৎ থাকিব মোরা তোমার সেবাতে ॥
 জরা-মৃত্যু-ব্যাদি-ভয় নাহি কোন পীড়া ।
 স্বর্গ হৈতে এখানে আনন্দ পাবে বাড়ি ॥

যুধিষ্ঠির বলিলেন, শুন লীলাবতি ।
 নিঃশত্রু করিয়া আমি ছাড়িলাম ক্ষিতি ॥
 কলি-আগমনে আভা দেন নারায়ণ ।
 রাজ্য ত্যজি কর গিয়া স্বর্গ-আরোহণ ॥
 সঙ্কল্প করিলু আমি তথির কারণ ।
 রাজ্য না করিব, যাব অমর-ভুবন ॥
 অতএব ক্ষমা মোরে কর কন্যাগণ ।
 আশীর্ব্বাদ কর, যেন দেখি নারায়ণ ॥
 যুধিষ্ঠির-নৃপতির চরিত্রে দেখিয়া ।
 পুনরপি কহে কন্যা ঈষৎ হাসিয়া ॥
 যুধি নাই কিছু তব ধর্ম্মের নন্দন ।
 কি-সুখ পাইবে স্বর্গে দেখি নারায়ণ ॥

মো'-সবার সঙ্গে তুমি থাক নরবর ।
 স্বর্গের অধিক সুখ পাবে নিরন্তর ॥
 যুধিষ্ঠির বলিলেন, কৃষ্ণ-সঙ্গ হৈতে ।

অন্য-সুখ ভাল নাহি লাগে মম চিতে ।
 কৃষ্ণের বিচ্ছেদে মরি, শুন কন্যাগণ ।
 অতএব যাব আমি অমর-ভুবন ॥
 রাজার বিনয়-বাক্য শুনি নারীগণ ।
 নিবর্ত্তিয়া গেল সবে যে যার ভবন ॥
 লীলাবতী কন্যা গেল পেয়ে মনোহুখ ।
 পঞ্চভাই কৃষ্ণ চল উত্তরাভিমুখ ॥

কতদূরে দেখিলেন পাণ্ডুর নন্দন ।
 ভদ্রেখর-নামে লিঙ্গ অতি-সুশোভন ॥
 ত্রৈলোক্য-বিখ্যাত শিব অতি-মনোহর ।
 নানা-রত্নে বিরচিত প্রবাল-প্রস্তর ॥
 তাহা দেখি পাণ্ডবের হরষিত-মন ।
 পঞ্চভাই করিলেন প্রণাম-স্তুতন ॥
 স্নান-দান করি সবে ফল-পুষ্প লৈয়া ।
 পূজা করি স্তব করে চৌদিকে বেড়িয়া ॥
 বর মাগিলেন অতি মনের কৌতুকে ।
 যাত্রা করিলেন তবে উত্তরাভিমুখে ॥

হরি-নামে পর্ব্বতে করেন আরোহণ ।
 দেখেন পর্ব্বতে মণি-মাণিক্য-রতন-॥
 নানা-বৃক্ষ-লতা শোভে বন-উপবন ।
 লক্ষ্মীর সমান রূপ যত নারীগণ ॥
 দেবের দুর্গভ স্থান, নাহি মৃত্যু-জরা ।
 বীণা-বংশী বাজে, গায় নাচয়ে অঙ্গরা ॥
 কেহ নাচে, কেহ হাসে, কেহ গায় গীত ।
 দেখিয়া বনের শোভা পাণ্ডব বিস্মিত ॥
 পৃথিবীর মধ্যে নাহি দেখি হেন পুরী ।
 স্বর্গের অধিক এই অপূর্ব্ব-নগরী ॥

বহুবিশ প্রশংসিয়া যান ছয়জন ।
 পর্বতের শোভা দেখি আনন্দিত-মন ॥
 ঐরাবত-সম হস্তী ফিরে পালে-পালে ।
 দেব-যক্ষ মরে অঙ্গ হিমেতে ভেদিলে ॥
 মহাহিমে শীত ভেদি যান কতদূর ।
 পিছে পড়ি দ্রৌপদীর অঙ্গ হৈল চূর ॥
 বিষম-দারুণ-হিমে শীর্ণ-কলেবর ।
 মুচ্ছিত হইয়া পড়ে পর্বত-উপর ॥
 অন্তকাল জানি দেবী চিস্তে নারায়ণ ।
 স্নানিগণ-মুখ চাহি ত্যজিল জীবন ॥
 পাঞ্চালীর পতন পর্বত হরিনামে ।
 অত্রগামী রাজা নাহি জানেন প্রথমে ॥
 দেখি বৃকোদর-পার্শ্ব হ'য়ে শোকাধিত ।
 ডাক দিয়া যুধিষ্ঠিরে বলেন হরিত ॥
 পাঞ্চালী পড়িয়া পথে ত্যজিল শরীর ।
 শুনিয়া আকুল বড় রাজা যুধিষ্ঠির ॥
 মহাভারতের কথা রচিলেন ব্যাস ।
 পাঁচালী-প্রবন্ধে গায় কাশীরাম দাস ॥

— —

৬। দ্রৌপদীর শোকে পাণ্ডবদিগের বিলাপ ।

যুধিষ্ঠির-নৃপমণি, কোলে ল'য়ে যাক্সসেনী,
 কান্দিছেন সক্ররুণ-ভাষে ।
 শোক-দুঃখে অচেতন, আর ভাই চারিজন,
 অশ্রু-মুখে বসে চারি-পাশে ॥
 দ্রৌপদীর মুখ চেয়ে, কান্দে সবে বিলাপিয়ে,
 কোথাঃগেলে দ্রুপদ-নন্দিনি ।
 অজ্ঞাতে তোমার তরে, বধিষু কীচক-বীরে,
 তুমি পাণ্ডবের ধন মানি ॥

তব স্নয়ংবর-কালে, জিনি লক্ষ-মহীপালে,
 পঞ্চজনে করিলাম বিভা ।
 তোমার সহায়-হেতু, হৈল রাজসূয়-ক্রতু,
 তুমি লক্ষ্মী পাণ্ডবের শোভা ॥
 যেকালে দ্রুপদরাজে, পণ কৈল সভামাঝে,
 রাধাচক্র বিক্ৰিতে যে পারে ।
 অঘোনি-সম্ভবা কন্যা, ত্রিভুবন-মাঝে ধন্যা,
 সম্প্রদান করিব তাহারে ॥
 প্রতিজ্ঞা-বচন শুনি, এক-লক্ষ নৃপমণি,
 ছড়াছড়ি বিক্ৰিবার তরে ।
 দুর্জয়-ধনুক ধ'রে, গুণ দিতে নাহি পারে,
 তবু বাঙ্খা পাইতে তোমারে ॥
 রক্ত উঠে কারো মুখে, কারো হস্ত-স্কন্ধ বাঁকে
 না পারিয়া ক্ষান্ত হৈল সবে ।
 চারিবর্ণে যে বিক্ৰিবে, তারে রাজা কন্যা দিবে.
 দ্রুপদ ডাকিয়া কৈল তবে ॥
 তোমা-জিনি পঞ্চভাই, গেলাম জননী-ঠাই,
 ভিক্ষা বলি কৈনু, মাতৃহানে ।
 না দেখিয়া না শুনিয়া, জননী সানন্দ হৈয়া,
 কৈল 'বাঁটি লও পঞ্চজনে' ॥
 আজ্ঞা দিল মুনিগণে, বিভা কৈনু পঞ্চজনে,
 লক্ষ্মীরূপা সুলক্ষী পাঞ্চালী ।
 দ্বাদশ-বৎসর বনে, পুষিলে ব্রাহ্মণগণে,
 পর্বতে পড়িলে অঙ্গ ঢালি ॥
 মর্ত্যে করিলাম পাপ, তেঁই এত পাই তাপ,
 কেন তুমি পড়িলে পর্বতে ।
 কেমনে যাইব পথে, কান্দেন ভূপতি চিত্তে,
 নাহি কেহ প্রবোধ করিতে ॥

কান্দে ভীম-ধনঞ্জয়, যমজ সোদরদ্বয়,
শোকাকুল করে হাহাকার ।
বিস্তর বিলাপ করি, বলে পুনঃ পরিহরি,
আগে হৈল মরণ তোমার ॥
মো'সবার সঙ্গ ছাড়ি, পর্বতে রহিলে পড়ি,
তোমা এড়ি যাইব কিমতে ।
এতেক ভাবিয়া তবে, কিছু শাস্ত হয় সবে,
প্রিয়বাক্য কহে ধর্মস্বতে ॥
এইহেতু দেশে পূর্বে, রহিতে বলিহু সর্বে,
দৃঢ় করি না ছাড়িলে সঙ্গ ।
তোমা-হেন নারী-বিনে, শৃণু দেখি রাত্রিদিনে,
বিধাতা করিল স্থখ-ভঙ্গ ॥
ভারতের পুণ্য-কথা, শ্রবণে বিনাশে ব্যথা,
হয় দিব্য-জ্ঞানের প্রকাশ ।
কমলাকান্তের হৃত, হেতু সৃজনের শ্রীত,
বিরচিল কাশীরাম দাস ॥

৭। যুধিষ্ঠিরের প্রতি ভীমের প্রশ্ন ।

মুনি বলে, শুনহ নৃপতি জন্মেজয় ।
তবে শোকে ক্ষমা দিয়া পাণ্ডুর তনয় ॥
দ্রৌপদীকে বেড়িয়া বসেন পঞ্চজন ।
ধর্মরাজ বলিছেন গদগদ-বচন ॥
মো'সবার সঙ্গে এলে ছাড়ি মর্ত্যলোক ।
এখন পাণ্ডবগণে দিলে বহুশোক ॥
তোমার বিচ্ছেদ প্রাণে সহিতে না পারি ।
হায় প্রিয়ে, মোরে ছাড়ি গেলে কোন্ পুরী ॥
শয়ন করিলে কেন পর্বত-উপরে ।
তোমার শয়নে মম পরাণ বিদরে ॥

৭১ বি.

উত্তর না দেহ কেন স্বামী পঞ্চজনে ।
সঙ্গ ছাড়ি কেন বা রহিলে মহাবনে ॥
কপট-পাশায় আমি করিলাম পণ ।
তব অপমান কৈল দুঃখ-দুঃশাসন ॥
তোমার কারণে ভাঁন প্রতিজ্ঞা করিল ।
দুঃশাসন-বন্ধ চিরি রক্ত-পান কৈল ॥
উরু ভাঙ্গি মারিল নৃপতি দুর্ঘোষনে ।
নিঃক্ষত্রা হইল ক্ষিতি তোমার কারণে ॥
তোমা-হেতু জয়দ্রথ পায় অপমান ।
গোবিন্দের প্রিয়া তুমি, পাণ্ডবের প্রাণ ॥
তোমার বিহনে দিনে দেখি অন্ধকার ।
এত বলি কান্দে রাজা, চ'ক্ষে জলধার ॥
রুকোদর কহে, শুন ধর্ম-নৃপমণি ।
কোন্ পাপে পর্বতে পড়িল যাক্সসেনী ॥
পতিব্রতা হ'য়ে স্বর্গে নাহি গেল কেনে ।
'এত শূনি ধর্মরাজ বলে ভীমসেনে ॥
দ্রৌপদীর পাণ্ড শুন, কহি যে তোমারে ।
সবা হৈতে অমুরাগ ছিল পার্থবীরে ॥
এই পাপে দ্রৌপদী রহিল এই-টাই ।
জানাই ব্রতাস্ত, শুন রুকোদর ভাই ॥
এত বলি ক্ষমা দিয়া যত দুঃখ-শোকে ।
পঞ্চভাই চলিলেন উত্তরাভিমুখে ॥
জ্ঞাতিবধ-পাপে সন্না স্থলিছে আগুনি ।
স্বতের আহুতি তাহে হৈল যাক্সসেনী ॥
মহাভারতের কথা স্মৃধা হৈতে স্মৃধা ।
কর্ণপথে পান কৈলে খণ্ডে ভব-স্মৃধা ॥
কাশীরামদাস-প্রভু নীলশৈলারূঢ় ।
দক্ষিণে অনুজ্ঞাগ্রজ, সম্মুখে গরুড় ॥

৮। পাণ্ডবদের বদয়িকাশ্রমে গমন
ও সহদেবের বৃহা ।

বলেন বৈশম্পায়ন, শুন জন্মেজয় ।
দ্রোপদীয়ে তেয়াগিয়া পাণ্ডুর তনয় ॥
কাম-ক্রোধ-লোভ-শোক-মোহ-মদ ছাড়ি ।
পঞ্চভাই গঙ্গাভীরে যান স্বর্গপুরী ॥
যাইতে উত্তর-মুখে পাণ্ডুপুত্রগণ ।
তাত্ৰচূড়-গিরিবরে করে আরোহণ ॥
পর্বত দেখিয়া হুখী পাণ্ডুর তনয় ।
শঙ্খনাদে পুন্নিল সর্বত্র জয়-জয় ॥
আকাশ পরশে চূড়া অতি-ভয়ঙ্কর ।
সপ্ত-অশ্ব-রথে যায় দেবতা-ভাস্কর ॥
কালচক্র ফিরে সদা আপনার কাজে ।
বৃক্ষলতা নাহি তথা ভাস্করের তেজে ॥
জীব-জন্তু-পশু-পক্ষী নাহি এক-জনা ।
সদাই বিচরে দন্দশূক' কতজনা ॥
পাপিষ্ঠ-পরাণী যদি যায় তথাকারে ।
আরোহণ-মাত্রে সেই জ্বলি-পুড়ি মরে ॥
দেখিয়া বিস্ময়াপন্ন ভাই পঞ্চজন ।
কালাগ্নি রুদ্রের পুরী ভয়ঙ্কর-বন ॥
অতিশয় প্রচণ্ড-প্রতাপ তেজ তাঁর ।
নিকটে যাইতে শক্তি নাহিক কাহার ॥
আছেন ঈশ্বর তথা দশ-মূর্তি ধরি ।
দ্বারে থাকি পঞ্চভাই নমস্কার করি ॥
স্তুব করি বর পেয়ে করেন গমন ।
ক্রোধ-নায়ে পর্বতে করেন আরোহণ ॥
ক্রোধের নিশ্চিত পুরী অতিশয়-শোভা ।
ইন্দ্রের ঋগুণ জিনি কাননের প্রভা ॥

স্বর্গ হৈতে নামে তাহে গঙ্গা-সরস্বতী ।
হংস-চক্রবাক জলে চরে হস্তমতি ॥
স্বর্ণপক্ষ-যুত পক্ষী আছে বহুতর ।
জল-স্থল-আবাস-উদ্যান মনোহর ॥
নির্মল-উজ্জ্বল জল স্ফটিক-আকার ।
ভীরে তপ করে মুনি জ্ঞান-অমুসার ॥
দেখিয়া সানন্দ বড় পাণ্ডুপুত্রগণ ।
স্বর্গের মণ্ডপ তথা দেখে সুশোভন ॥
অতি-অপরূপ পুরী প্রাসাদ-মন্দির ।
অন্ধকার আলো করে জিনিয়া মিহির ॥
পুষ্করাক্ষ-নামে শিব মণ্ডপ-ভিতর ।
তাঁর পূজা করে দেব-দানব-ঈশ্বর ॥
কিমরের রাজ্য, পুরী অতি-অভিরাম ।
স্থাপিয়াছে দেব-দেব মহাদেব নাম ॥
বীণা-বংশী বাজে, কেহ গায় শিবগীত ।
গন্ধর্ব্ব-কিম্বর-যক্ষ সবে আনন্দিত ॥
চারি-পাশে নানা-ছাঁদে নাচয়ে নর্ত্তনী ।
নাহি অন্য-জাতি নারী, সকলি ব্রাহ্মণী ॥
কেহ গন্ধ-চূয়া দেয় পুষ্প-পারিজাত ।
বিস্তৃপ্তে গালবাণ্ডে পূজে বিশ্বনাথ ॥
স্তুব-পাঠ করে কেহ শিবের সাক্ষাতে ।
এক-পদে স্তুব কেহ করে ষোড়হাতে ॥
সেবিলে সকল পাপ হয় তার ক্ষয় ।
অনেক তপস্বি-ঋষি করয়ে আশ্রয় ॥
নিরবধি সেবে সবে শিবের চরণ ।
অন্তরীক্ষে আছে কেহ যোগ-পরায়ণ ॥
হেঁটমুণ্ডে উর্দ্ধপদে কেহ আছে তথা ।
এইরূপে বামদেবে সেবয়ে দেবতা ॥

দেখি পঞ্চভাই করিলেন স্নান-দান ।
লোভ-মোহ ছাড়ি পাইলেন দিব্যজ্ঞান ॥
স্নান করি পাণ্ডবেরা হৈল কুতূহলী ।
পিতৃলোক উদ্দেশিয়া দেন জলাঞ্জলি ॥
প্রবেশ করেন সবে মণ্ডপ-ভিতরে ।
বিধিমতে পঞ্চভাই পূজেন শঙ্করে ॥
করঘোড়ে প্রভু-রুদ্রে মাগিলেন বর ।
পুনর্জন্ম নাহি হয় মর্ত্যের ভিতর ॥

এত বলি প্রণমিয়া যান তথা হৈতে ।
দেবপুঙ্গ পড়ে আসি নৃপতির মাথে ॥
দেখিয়া তপস্বিগণ প্রফুল্ল-অন্তরে ।
আদর করিল বড় রাজা-যুধিষ্ঠিরে ॥
এই তীর্থে থাক রাজা, মো'সবার সাথে ।
কোথাকারে কোন্ হেতু যাবে কোন্ পথে ॥

এত শুনি যুধিষ্ঠির বলেন হাসিয়া ।
নিষ্কণ্টক নিজ-রাজ্য সকলি ত্যজিয়া ॥
সঙ্কল্প ক'রেছি আমি মর্ত্যের ভিতর ।
স্বর্গপুরে যাইব, দেখিব দামোদর ॥
আশীর্বাদ কর যোরে যত মুনিগণ ।
স্বর্গে গিয়া দেখি যেন দেব-নারায়ণ ॥

এত শুনি বলে তাঁরে ক্রোধ-মুনিবর ।
পৃথিবীতে রাজা নাহি তোমার সোসর ॥
সকলি ত্যজিয়া যাহ স্বর্গের বসতি ।
দেখিবে গোবিন্দ-পদ, পাবে দিব্যগতি ॥
নমস্কার করি তাঁরে ধর্ম্মের নন্দন ।
উত্তর-মুখেতে যাত্রা করেন তখন ॥
বদরিকাশ্রম দেখে জাহ্নবীর কূলে ।
বদরিকা-বৃক্ষ তথা শোভে ফলকূলে ॥
অমৃত জিনিয়া স্বাদু, পিক নাদে ডালে ।
জরা-যুত্মঃভয় নাহি তথায় থাকিলে ॥

দুর্ব্বাসার বরে বৃক্ষ অক্ষর অব্যয় ।
নানা-বর্ণে নানা-স্থানে দিব্য-দেবালয় ॥
করয়ে তপস্যা তীরে শত-শত মুনি ।
নির্ম্মল-তরঙ্গ বহে গঙ্গা-মন্দাকিনী ॥
দুর্ব্বাসা গোঁতম ভরদ্বাজ পরাশর ।
অশ্বত্থামা আশ্বিনিস আর সোমেশ্বর ॥
বিখ্যামিত্র মাণ্ডব্য মার্কণ্ড-মুনিবর ।
তপ-জপে রত সবে আছে নিরন্তর ॥

ঋষিগণ বলে তবে রাজাকে দেখিয়া ।
হেথায় থাকহ রাজা, আমা-সবে লৈয়া ॥
দেবতা-গন্ধর্ব্ব হেথা আছে শত-শত ।
পঞ্চভাই থাক স্থখে সবার সহিত ॥
অশ্বত্থামা আসিয়া মিলিল পঞ্চজনে ।
পূর্ব্বশোক স্মরিয়া কান্দয়ে দুঃখমনে ॥

অশ্বত্থামা বলে, থাক বদরিকাশ্রমে ।
পাপমুক্ত হ'য়ে হরি পাবে পরিণামে ॥
এতেক শুনিয় বলিলেন যুধিষ্ঠির ।
না করিব স্থিতি মোরা থাকিতে শরীর ॥
সঙ্কল্প করিলু আমি কৃষ্ণের সান্নাতে ।
যাইব অমরপুরী সুরেন্দ্র-পর্ব্বতে ॥

সঙ্কল্প লজ্জিলে হয় ব্রহ্মবধ-ভয় ।
অতএব কহি, শুন গুরুর তনয় ॥
যে হোক সে হোক, থাকে যায় বা জীবন ।
যাইব বৈকুণ্ঠ-পুরী, যথা নারায়ণ ॥

অশ্বত্থামা বলে, কোথা দ্রুপদ-নন্দিনী ।
যুধিষ্ঠির ক'ন, পথে ত্যজিল পরাণী ॥
শুনি হাহাকার করি কান্দে দ্রোণশুত ।
হা হা কৃষ্ণা হৃবদনা রূপ-গুণযুত ॥
তবে গুরুপুত্র বন্দিলেন সর্ব্বজন ।
উত্তর-মুখেতে যান পাণ্ডুর নন্দন ॥

কতদূরে গঙ্গাতীরে দেখে নৃপবর ।
 পর্বত রৈবত-নামে অতি-মনোহর ॥
 স্বর্গ-মর্ত্যে দুর্ভেদ বিচিত্র-উপবন ।
 সেই সে পর্বতে আরোহেন পঞ্চজন ॥
 রেবা-নামে পুণ্যনদী পর্বত-উপর ।
 অতি-সুনির্মল জল শোভে মনোহর ॥
 তীরে রেবানাথ বিষ্ণুমূর্তি চতুর্ভুজ ।
 প্রণমেন যুধিষ্ঠির সহিত-অনুজ ॥
 মণি-মরকতে পুরী অতি-শোভা করে ।
 চৌরাসী-যোজন তার বিস্তার উপরে ॥
 রক্ষে অক্ষকার, নাহি জানি দিবা-রাতি ।
 তিন-লক্ষ কিরাত কুৎসিত-মূর্তি অতি ॥
 নানা-বর্ণ-অস্ত্র ধরে, প্রচণ্ড-কিরণ ।
 মণি-রত্নে বিভূষিত লোহিত-বরণ ॥
 পিঙ্গন গাছের ছাল, তাত্রবর্ণ কেশ ।
 কর্ণে রামকড়ি সাজে, ভয়ঙ্কর-বেশ ॥
 ধনুর্বাণ ধরি শীঘ্র ধাইল গর্জিয়া ।
 পাণ্ডবে মারিতে আসে মহাক্রুদ্ধ হৈয়া ॥
 কেহ মালসাট মারে, কেহ দেয় লক্ষ ।
 কেহ অস্তরীক্ষে, কেহ জলে দেয় ঝপ্প ॥
 বাণবৃষ্টি করি করিলেক অক্ষকার ।
 ভাবেন, না দেখি পথ পাণ্ডুর কুমার ॥
 মহাহিমে কাঁপে তনু, পদে বাজে শিলা ।
 বিষণ্ণ হইয়া সবে ভাবিতে লাগিলা ॥
 তিন-লক্ষ কিরাত করিল বাণবৃষ্টি ।
 প্রলয়-কালেতে যেন সংহারিতে সৃষ্টি ॥
 সত্যবাদী পাণ্ডুপুত্র, গোবিন্দ সহায় ।
 একগুটি বাণ তার না লাগিল গায় ॥
 দেখিয়া কিরাতগণ অদ্ভুত মানিল ।
 ত্যজিয়া ধনুক-বাণ চরণে পড়িল ॥

জিজ্ঞাসিল, তোমা-সবে কোন্ মহাজন ।
 কিবা নাম, কোথা ধাম, কোথায় গমন ॥
 যুধিষ্ঠির বলেন, শুনহ পরিচয় ।
 চন্দ্রবংশে জন্ম মম, পাণ্ডুর তনয় ॥
 দ্বাপর হইল শেষ, কলি-আগমন ।
 স্বর্গপুরী বাই মোরা তথির কারণ ॥
 রাজার বচনে বলে কিরাত-প্রধান ।
 এইদেশে রাজা হও তুমি পুণ্যবান ॥
 স্বর্গস্থ পাবে ইথে, শুনহ রাজন্ ।
 নিরস্তর তোমা-সেবাবে দেবগণ ॥
 তা-সবারে যত্নভাবে বিদায় করিয়া ।
 স্বর্গপথে যান রাজা গোবিন্দে ভাবিয়া ॥
 যাইতে পর্বত-মধ্যে দেখেন রাজন্ ।
 করয়ে শিবের সেবা কিরাত-ব্রাহ্মণ ॥
 অগুরু দেখিয়া ভাবিলেন মনে-মন ।
 বর মাগি নিলেন শঙ্করে পঞ্চজন ॥
 মহাশীতে হিম ভেদি যান কতদূর ।
 সহদেব-বীর পড়ি হাড় হৈল চূর ॥
 অন্তকাল জানিয়া চিন্তিল নারায়ণ ।
 অজ্ঞান হইয়া পড়ি ছাড়িল জীবন ॥
 যুধিষ্ঠিরে জানাইল বৃকোদর-বীর ।
 পর্বতে ত্যজিল প্রাণ সহদেব-বীর ॥
 পড়িল কনিষ্ঠ ভাই, শুনহ রাজন্ ।
 দেখি শোকে কান্দিছেন ধর্ম্মের নন্দন ॥
 কোথাকারে গেলে ভাই, পরাণ আমার ।
 জ্যোতিষ-শাস্ত্রের গুরু, বুদ্ধির-আধার ॥
 মো'সবারে ছাড়ি ভাই, গেলে কোথাকারে
 বিপদে পড়িলে বুদ্ধি জিজ্ঞাসিব কারে ॥
 পরম-পণ্ডিত ভাই মন্ত্রিচূড়ামণি ।
 যার বুকে রাজ্য পাই কুরুগণে জিনি ॥

হেন-ভাই চলি গেল ত্যজিয়া আমারে ।

সর্গে না যাইব, প্রাণ ছাড়ি শোকভরে ॥

এত বলি পড়ে রাজা আছাড় খাইয়া ।

হায় সহদেব বলি ভূমে লোটাইয়া ॥

ভারত-সমরে জয় কৈলে কুরুগণে ।

শকুনিরে সংহারিলে সব-বিঘ্নমানে ॥

দিশিভ্রম করিয়া করিলে মহাজ্ঞতু ।

মোরে ছাড়ি পর্বতে পড়িলে কোন্ হেতু ॥

বিষম-সঙ্কটে বনে পাইয়াছ ত্রাণ ।

পর্বতে পড়িয়া ভাই, হারাইলে প্রাণ ॥

জননী কুন্তীর তুমি বড় প্রিয়তর ।

হেন-ভাই পর্বতে রহিলে একেশ্বর ॥

ধবল-পর্বতে কৃষ্ণা, কৃষ্ণ বিষ্ণুলোকে ।

কে জানিবে দুঃখ মম, কহিব কাহাকে ॥

দশদিক্ অন্ধকার দেখেন নয়নে ।

স্থিরচিত্ত হ'লেন নৃপতি কতক্ষণে ॥

বৃকোদর বলে, রাজা, কহিবে আমাতে ।

কোন্ পাপে সহদেব পড়িল পর্বতে ॥

যুধিষ্ঠির বলেন যে, শুন সাবধান ।

সহদেব জ্ঞাত ভূত-ভাবি-বর্তমান ॥

পাশাতে আমারে আহ্বানিল দুর্ব্যোধন ।

বিগ্ৰহান ছিল ভাই মাত্রীর-নন্দন ॥

হারিব জিনিব কিবা, ভাই তাহা জানে ।

জানিয়া না করিল আমারে নিবারণে ॥

যখন বারণাবতে দিল পাঠাইয়া ।

মো'সবারে কপটে মারিতে পোড়াইয়া ॥

জানি না বলিল ভাই কুলের বিনাশ ।

অধঃ হইল কেঁই, পাপের প্রকাশ ॥

এই পাপে ষাইতে নারিল স্বর্গপুরে ।

শুন ভাই বৃকোদর, জানাই তোমারে ॥

এত বলি যান রাজা করিয়া ক্রন্দন ।

ভীমার্জুন নকুল পশ্চাতে তিনজন ॥

পথমধ্যে সরোবর দেখি বিগ্ৰহমান ।

করিলেন যুধিষ্ঠির তাহে শ্রান-দান ॥

দেব-ঋষি-পিতৃলোকে করিয়া তর্পণ ।

শুচি হ'য়ে করিলেন সর্গে আরোহণ ॥

সহদেব দ্রোপদী চলিল স্বর্গপুরে ।

ভেটিল গোবিন্দ-পদ সানন্দ-অন্তরে ॥

জ্ঞাতি-গোত্রগণ-সঙ্গে হইল মিলন ।

যুধিষ্ঠির-পথ চাহি আছে সর্বজন ॥

ভারত-পঞ্চজ-রবি মহামুনি ব্যাস ।

পাচালি-প্রবন্ধে বিরচিত কাশীদাস ॥

— — —

৯। চন্দ্রকালী-পর্বতে নকুলের এবং নক্ষিষোধ্য-
পর্বতে অর্জুনের দেহত্যাগ ।

মুনি বলে, শুনহ নৃপতি জন্মেজয় ।

চলেন উত্তরমুখে পাণ্ডুর তনয় ॥

যাইতে উত্তরমুখে দেখেন রাজন্ ।

সরোবর-তীরে লিঙ্গ অতি-সুশোভন ॥

গঙ্গার সদৃশ দেখে মুনিম্বল-জল ।

প্রফুল্ল সহস্র কোকনদ-শতদল ॥

সরোবর আছে শত-যোজন-বিস্তার ।

জল দেখি নৃপতির আনন্দ অপার ॥

মৃগ পক্ষী হংস চক্র বিহরে বিস্তর ।

ভ্রমর ঝঞ্ঝারে বনে, জলে জলচর ॥

অপরূপ দেবের দুর্ভেদ সেই-স্থান ।

বসন্ত-পবন-মত্ত-কোকিলের গান ॥

পদ্মে আচ্ছাদিত সর, নাহি দেখি নীর ।

নিত্য-শ্রান হয় যাহে ইস্র-ইস্রাণীর ॥

সেই সর্বোবরে স্থান করি চারিজন ।
 শোক-দুঃখ ছাড়ি কিছু স্থির কৈলা মন ॥
 তাহার পশ্চিমে গিরি চন্দ্রকালী নাম ।
 স্ফটিক জিনিয়া দীপ্ত, চন্দ্রের সমান ॥
 ভুবনের সার সে পর্বত সুশোভন ।
 তাহাতে পাণ্ডব চারি কৈলা আরোহণ ॥
 হিমে অঙ্গ জর-জর গিয়া হিমালয় ।
 তাহে উঠি চারি-ভাই দিলা জয়-জয় ॥
 ধীরে-ধীরে যান, হিমে পদ নাহি চলে ।
 মুনি-ঋষি-তপস্বী দেখেন গঙ্গাকূলে ॥
 ষোড়শ-সহস্র লিঙ্গ দেখি পঞ্চানন ।
 ভক্তিভাবে প্রণাম করেন চারিজন ॥
 বিচিত্র-মণ্ডপ, নানা-দেবের আবাস ।
 মুনি-ঋষি তপ-জপ করে চারি-পাশ ॥
 নৃসিংহের মূর্তি দেখে পর্বত-উপরে ।
 দেবকন্ঠাগণ তাঁরে নিত্য পূজা করে ॥
 চারি-ভাই প্রণাম করেন তাঁর পায় ।
 নৃসিংহ, উচ্চার কর, ঘন বলে রায় ॥
 হিরণ্যকশিপু মারি রাখিলে প্রহ্লাদে ।
 স্বর্গপথে পাণ্ডবে রাখিবে অপ্রমাদে ॥
 অভয় নৃসিংহ-নাম যে করে স্মরণ ।
 জলে-স্থলে ভয় তার নাহি কদাচন ॥
 এত বলি বর মাগি নৃসিংহের ঠাই ।
 বিষাদ-সন্তাপ-শোকে যান চারি-ভাই ॥
 কতদূরে দেখিলেন গিরি মনোহর ।
 নানা-ধাতু-বিরচিত প্রবাল-প্রস্তর ॥
 পশ্চাৎ করিয়া গিরি চলেন উত্তরে ।
 হিমেতে মছর-পদ, চলিতে না পারে ॥
 নকুলের অঙ্গে পড়ে শোণিত বহিয়া ।
 পর্বতে পড়িল বীর-আছাড় খাইয়া ॥

গোবিন্দে চিস্তিয়া চিতে ত্যজিল পরাণ ।
 স্বর্গপুরে প্রবেশিল কৃষ্ণ-বিশ্রামান ॥
 ধর্ম্মেরে কহিল তবে ভীম-মহামতি ।
 পড়িল নকুল-বীর, শুন নরপতি ॥
 পিছে দেখি ধর্ম্মরাজ ভাবিলেন চিতে ।
 ছয়জন-মধ্যে তিন রহিল পর্বতে ॥
 তিনলোকে দুর্জয় নকুল-মহাবীর ।
 যাহার সংগ্রামে দেবাসুর নহে স্থির ॥
 হেন-ভাই পড়ে মম পর্বত-উপরে ।
 কোন্ সুখে কি বলিয়া যাব স্বর্গপুরে ॥
 কোঁরব-সহিত যুদ্ধ করিল অপার ।
 হেন-ভাই ছাড়ি গেল, না দেখিব আর ॥
 তাপের উপরে তাপ, শোকে মহাশোক ।
 কাহারে কহিব দুঃখ, হরি পরলোক ॥
 যে-ভাই পশ্চিমদিক্ জিনিয়া সবলে ।
 ধন আনি দিল যজ্ঞ করিবার কালে ॥
 স্বর্গে নাহি গেলে ভাই, পড়িলে পর্বতে ।
 তোমার বিচ্ছেদে প্রাণ ধরিব কিমতে ॥
 কাঁদিয়া জিজ্ঞাসে ভীম নৃপতির স্থানে ।
 কোন্ পাপে নকুল পড়িল এইখানে ॥
 যুধিষ্ঠির ক'ন, শুন ভাই বৃকোদর ।
 কুরুক্ষেত্রে হৈল যবে ভারত-সমর ॥
 সমর হইল মোর কর্ণের সহিতে ।
 সেইকালে নকুল আছিল মম ভিতে ॥
 কর্ণের সংগ্রামে যবে মোর বল টুটে ।
 সহায় না হৈল সেই বিষম-সঙ্কটে ॥
 যুদ্ধ না করিল ভাই আমার রক্ষণে ।
 এই পাপে পর্বতে পড়িল পরিণামে ॥
 এত বলি, যুধিষ্ঠির কান্দিতে-কান্দিতে ।
 চলেন উত্তরস্থখে ভাবিতে-ভাবিতে ॥

মহাহিম্মে কতদূর যান তিনজন ।
 নন্দিঘোষ-গিরিবরে কৈলা আরোহণ ॥
 পদ্মরাগে বিরাজিত গিরি মনোহর ।
 নানাজাতি নর-নারী পরম-সুন্দর ॥
 মণি-বিভূষিত যত দেবের বসতি ।
 সেবা কৈলে অক্ষয়-অব্যয় হয় গতি
 তিন-ভাই করি তথা গোবিন্দ-পূজন ।
 ষোড়হাতে করিলেন কৃষ্ণের স্তবন ॥
 ভক্তিভাবে স্তুতি করে হ'য়ে কৃতান্তলি ।
 জলপান করি যান হ'য়ে কৃতুহলী ॥
 ভয়ঙ্কর নন্দিঘোষ-পর্বত বিশাল ।
 হিমাগমে মহা-শীত বহে সর্বকাল ॥
 পশু-পক্ষী বৃক্ষ-লতা নাহি সেই-দেশে ।
 হিমের প্রতাপে নাশ হ'য়েছে বিশেষে ॥
 হিম ভেদি অর্জুনের হরিলেক জ্ঞান ।
 গোবিন্দে ভাবিয়া চিন্তে ত্যজিলা পরাণ ॥
 দেবাসুরে দুর্জয় যে পার্থ মহাবীর ।
 পতনে পর্বত কম্পে, পৃথিবী অস্থির ॥
 উল্কাপাত হয়, বহে প্রাণের ঝড় ।
 ভল্লুক বরাহ খড়্গী দেয় সবে রড় ॥
 ভীমসেন বলে, শুন ধর্ম্মের নন্দন ।
 পর্বতে পড়িয়া পার্থ ত্যজিল জীবন ॥
 যার পরাক্রমে যক্ষ-নর নহে স্থির ।
 হেন-ভাই পড়ে, শুন রাজা-যুধিষ্ঠির ॥
 প্রাণ দিল নন্দিঘোষ-পর্বত-উপরে ।
 এত বলি বৃকোদর কান্দে হাহাকারে ॥
 স্তম্ভিত হইয়া চিন্তে চান ধর্ম্মরায় ।
 না চলে চরণ, চ'ক্ষে নীর বহি যায় ॥
 ভারত-পঞ্চজ-রবি ব্যাস-তপোধন ।
 পাঁচালী-প্রবন্ধে কাশী করিল রচন ॥

১০। যুধিষ্ঠিরের বিলাপ ।

ভীমের বচন শুনি, শোকে ধর্ম্ম-নৃপমণি,
 কান্দিছেন বিলাপ করিয়া ।
 ঘন হাহাকার মুখে, চাপড় মারেন বুকে,
 পর্বতে পড়েন লোটাইয়া ॥
 হায় পার্থ মহাবল, পাণ্ডবের বুদ্ধি-বল,
 পর্বতে পড়িলে কি-কারণে ।
 স্বর্গপুরে আরোহণ, না হইল কদাচন,
 প্রাণ দিব তোমার বিহনে ॥
 ত্রিভুবন কৈলে জয়, মহাবীর ধনঞ্জয়,
 নররূপে বিষ্ণু-অবতার ।
 অষ্টাদশ-অর্কোহিণী, কৌরব-বাহিনী জিনি,
 মোরে দিলে রাজ্য-অধিকার ॥
 রাজসূয়-যজ্ঞকালে, তুমি নিজ-বাহুবলে,
 করিলে উত্তরদিগ্ জয় ।
 শ্রীকৃষ্ণের আজ্ঞা নিয়া, সুরাসুরপুরী গিয়া,
 নিমন্ত্রিয়া আনিলে সভায় ॥
 স্বর্গে যত দেবগণ, হইয়া সদয়মন,
 দিল অস্ত্র মস্ত্রের সহিতে ।
 তাহাতে সর্বত্র জয়, করিলে শত্রুর ক্ষয়,
 তব তুল্য নাহি পৃথিবীতে ॥
 (লঘু ত্রিপদী)
 প্রবেশি কাননে, দেব-পঞ্চাননে,
 ভূষিলে বাহু-যুদ্ধেতে ।
 মারিলে অজস্র, কিরাত-সহস্র,
 একা তুমি কাননেতে ॥
 অমর-সোসর, জিনিলে শঙ্কর,
 স্নেহ-কিরাতের বেশ ।
 হ'য়ে হৃদচিৎ, অস্ত্র শাণ্ডক্য,
 দিলা প্রহু ব্যোমকেশ ॥

| | | | |
|-------------------------|-----------------|---------------------------------------|---------------|
| কালকেয়-আদি, | যত হ্রবদানী, | ভূমে রাজা পড়ি, | যান গড়াগড়ি, |
| হেলায় করিলে নাশ । | | না বাঞ্ছন কেশপাশ । | |
| যত দেবচয়, | করিলে অভয়, | ভারত-সঙ্গীত, | প্রবণে অমৃত, |
| পুরাইয়া অভিলাষ ॥ | | বিরচিল কাশীদাস ॥ | |
| তাহে দেব-অস্ত্র, | পাইলে সমস্ত, | | |
| তোমার অজেয় নাই । | | | |
| দিব্য-ধনুঃশর, | দিল্য বৈশ্বানর, | ১১। সোমেশ্বর-পর্বতে ভীমের তনুভাগ ও | |
| থাগুব দহিলে ভাই ॥ | | যুধিষ্ঠিরের বিলাপ । | |
| জিনি দেবগণ, | দৈত্য অগণন, | বলেন বৈশম্পায়ন, শুন কুরুবীর । | |
| অগ্নির সন্তোষ কৈলে । | | অর্জুনের শোকে কান্দে রাজা যুধিষ্ঠির ॥ | |
| ছাড়ি গেলে তুমি, | কিসে জীব আমি, | বৃকোদর বলে, শুন ধর্ম্ম-অধিপতি । | |
| প্রাণ দিব শোকানলে ॥ | | কোন পাপে পড়িল অর্জুন মহামতি ॥ | |
| প্রাণাধিক বীর, | তাজিলে শরীর, | ভূপতি বলেন, শুন পবন-তনয় । | |
| নন্দিঘোষ-গরিবরে । | | আমা হৈতে দ্রৌপদীর বশ ধনঞ্জয় ॥ | |
| আমি পুনর্ব্বার, | না দেখিব আর, | সবে হেয়জ্ঞান তার ছিল মনোগতে । | |
| পড়িছু শোক-সাগরে ॥ | | এইহেতু পার্থবীর পড়িল পর্ব্বতে ॥ | |
| ভারত-সমরে, | কর্ণ-মহাবীরে, | এত বলি দুইজন বিষম-বদনে । | |
| বিনাশিলে ভীষ্ম-দ্রোণে । | | চলেন উত্তরমুখে চিন্তি নারায়ণে ॥ | |
| যাহার সহায়, | যার ভরসায়, | বৃকোদর বলে তবে করিয়া ক্রন্দন । | |
| জিনি সে-কৌরবগণে ॥ | | হ্রপুয়ে চল যাই মোরা দুইজন ॥ | |
| তুমি মম প্রাণ, | বীরের প্রধান, | এত বলি গঙ্গাতীরে যান দুইজন । | |
| সব শূন্য তোমা-বিনে । | | তথা হৈতে শুনা যায় স্বর্গের বাজন ॥ | |
| মহাবীর তুমি, | ঘন ডাকি আমি, | উঠেন পর্ব্বতে দুই পাণ্ডুর নন্দন । | |
| উত্তর না দেহ কেনে ॥ | | ছয়জন-মধ্যেতে আছেন দুইজন ॥ | |
| নিদ্রা যাহ হুখে, | আমি মরি শোকে, | উখিত পর্ব্বতে শত-যোজন-প্রমাণে । | |
| উঠিয়া উত্তর দেহ । | | বিবিধ-বৃক্ষের মূল মণ্ডিত রতনে ॥ | |
| কুরুগণে জিনি, | লহ রাজধানী, | হিমাগমে হুশীতল অতি অনুপাম । | |
| তাহার যুক্তি কহ ॥ | | তার তলে দুই-ভাই করেন বিজ্ঞাম ॥ | |

কতকণ বসি পুনঃ করেন গমন ।
 বাইতে দেখেন রাজা নদী সুশোভন ॥
 রেবা-নামে নদী সেই পাপ-বিনাশিনী ।
 স্বর্গ হৈতে নামে তাহে ত্রিপথ-গামিনী ॥
 নানারত্নে বিরচিত ছই-কুল তার ।
 দেখিতে সুন্দর নদী, মহিমা অপার ॥
 স্নান-দান কৈলা ধর্ম-ভীম মহাবল ।
 ভ্রাতৃগণ-উদ্দেশে দিলেন কুশ-জল ॥
 স্বর্গপথ-গমনে দুর্গমে হ'য়ে পার ।
 সোমেশ্বর-নামে গিরি উত্তরে তাহার ॥
 নানা-রত্নময় গিরি দেখিতে সুন্দর ।
 সুবর্ণের শৃঙ্গ, মণি-মাণিক্য-প্রসূতর ॥
 অতিশয়-উচ্চ গিরি অতি-সুশোভন ।
 চন্দ্র-সূর্য্য-সমাগম গ্রহ-তারাগণ ॥
 সঙ্কল্প করিয়া রাজা যান একচিতে ।
 না জানেন ভ্রমগুল আছে কোন্ ভিতে ॥
 তথা জলে নরপতি করেন তপণ ।
 তুষ্টমনে পঞ্চাননে পূজেন রাজন্ ॥
 পুণ্যহেতু চলিলেন স্বর্গের উপরে ।
 দর্শন করেন রাজা শিব-সোমেশ্বরে ॥
 কৃমি-কীট-পক্ষি-আদি তথা যদি মরে ।
 রুদ্ররূপ হ'য়ে তারা যায় স্বর্গপুরে ॥
 গন্ধর্ব্ব-কিম্বদ তথা গান করে নিত্য ।
 সহস্রেক সোমকন্যা করে বাগ্ন-নৃত্য ॥
 সোমেশ্বরে পূজি রাজা কৈল নমস্কার ।
 বর মাগে, মর্ত্যে জন্ম না হ'ক আমার ॥
 এত বলি স্তুতি করি আর প্রণিপাত ।
 শিবের প্রসাদে পান'মাল্য-পারিজাত ॥
 দিব্যমালা অঙ্গে শোভা পাইল রাজার-।
 হরষেতে নারী দেয় জয়-জয়কার ॥

প্রাণসা করিয়া তবে সোমকন্যাগণ ।
 হুললিত-সরে কহে মধুর-বচন ॥
 পুণ্যহেতু ভূপতি, আইলে এতদূরে ।
 এক বোল বলি রাজা, শিবের মন্দিরে ॥
 সোমেশ্বর-রাজ্যে তুমি হও দণ্ডধর ।
 যাবৎ থাকিবে পৃথ্বী চন্দ্র-দিবাকর ॥
 মো'-সবার সামী হ'য়ে থাকহ আনন্দে ।
 স্বর্গস্থ থাকে, অস্ত্রে দেখিবে গোবিন্দে ॥
 মর্ত্যে রাজা হ'য়ে তুমি পেলে বড় দুঃখ ।
 সোমেশ্বরপুরে থাকি পাবে স্বর্গস্থ ॥
 ছয়জন মধ্যে মাত্র আছ দুইজন ।
 বাইতে হইবে পথে ভীমের মরণ ॥
 একাকী বাইবে স্বর্গে কোন্ স্থ-হেতু ।
 বিচারে যে আসে, আজ্ঞা কর ধর্ম্মসেতু ॥
 কন্যাগণ-বচনে বিস্মিত যুধিষ্ঠির ।
 করঘোড়ে বলে' বচন স্নগস্তীর ॥
 কি-কারণে অনুচিত কহ কন্যাগণ ।
 আশীর্ব্বাদ কর, যেন দেখি নারায়ণ ॥
 যথা মাতা কুম্ভীদেবী, তথা তোমা-সবে ।
 অধাশ্মিক বলি মনে না জান পাণ্ডবে ॥
 শুনিয়া রাজার মুখে নিষ্ঠুর-ভারতী ।
 কন্যাগণ গেল সবে যে যার বসতি ॥
 সোমেশ্বরে বন্দি রাজা চলেন উত্তরে ।
 মহাহিম ভেদিলেক বীর-ব্রহ্মকোদরে ॥
 সোমেশ্বর পার হৈতে নারে প্রাণপণে ।
 ভেদিল শরীর, বীর পড়িল অজ্ঞানে ॥
 পর্ব্বত পড়িল যেন পর্ব্বত-উপর ।
 ভীমসেন পড়ে, ঘন কম্পে ধরাধর ॥
 সমুদ্রে হুমেয়-গিরি দিল যেন কম্প ।
 কুশপুর্ন্তে থাকি বাহুবীর হৈল কম্প ॥

পড়িলেন রুকোদর পর্বত-বিশালে ।
 চরাচর কম্পমান, সাগর উথলে ॥
 বাহুবী এড়িল বিষ, যোদ্ধা এড়ে বাণ ।
 চমকিত পশু-পক্ষী, ছাড়িল পরাণ ॥
 স্বর্গ-মর্ত্য-পাতালে লাগিল চমৎকার ।
 চারিদিকে সাট' লাগে লঙ্কার দুয়ার ॥
 ইন্দ্র শঙ্কা পান স্বর্গে বিষম-আস্ফালে ।
 ভূমিকম্প উল্কাপাত গগন-মণ্ডলে ॥
 প্রচণ্ড পবন বহে নির্ঘাত দুর্বীর ।
 শব্দে সেতুবন্ধে হৈল তরঙ্গ অপার ॥
 মুনি-ঋষি-তপসীর ভাঙ্গিলেক ধ্যান ।
 বন এড়ি ধায় পশু লইয়া পরাণ ॥
 স্বর্গ-মর্ত্য-পাতালে লাগিল চমৎকার ।
 রুকোদর পড়ে খণ্ডাইয়া ক্ষতিভার ॥
 যুধিষ্ঠির দেখিল, পড়িল ভীম ভাই ।
 নুর্চ্ছিত হইয়া শোকে পড়িল তথাই ॥
 কতক্ষণে চেতন পাইয়া নৃপবর ।
 হাহাকার করিয়া ডাকেন রুকোদর ॥
 মরিবারে কৈলে ভাই, স্বর্গ-আরোহণ ।
 প্রাণের অধিক ভাই, অতুল বিক্রম ॥
 সংসার হইল শূন্য তোমার বিহনে ।
 শুনি বড় ভয় পায় গিরিবাসিগণে ॥
 যার পরাক্রমে তিনলক্ষ হস্তা মরে ।
 হেন-ভাই পড়ে মম পর্বত-উপরে ॥
 কারে ল'য়ে যাব স্বর্গে দোষিত মুরারি ।
 কেবা জিজ্ঞাসিবে পথে বচন চাতুরী ॥
 ক আর তারিবে বনে দুষ্ক-দৈত্য-হাতে ।
 কে আর করিবে গর্ব কোরব মারিতে ॥

কিবা ল'য়ে যাব স্বর্গে দোষিত মুরারি ।
 ভাই-সব মরে মম, বুধা প্রাণ ধরি ॥
 যবে জতুগৃহ কৈল দুষ্ক দুর্ব্যোধন ।
 পাপ পুরোচন পুরী করিল দাহন ॥
 চলিতে না পারি ছড়ঙ্গের পথ-ঘোরে ।
 পঞ্চভায়ে কাঁধে ল'য়ে গেলে একেশ্বরে ॥
 হিড়িম্বেরে মারিয়া হিড়িম্বা কৈলে বিভা ।
 কত দৈত্য পলাইল দেখি তব প্রভা ॥
 ব্রাহ্মণেরে রক্ষা কৈলে বিনাশিয়া বকে ।
 লক্ষ-রাজা জিনিয়া লভিলে দ্রৌপদীকে ॥
 ইন্দ্রপ্রস্থে রাজা হৈনু তোমার প্রতাপে ।
 মরিল কাঁচক-বীর তব বীরদাপে ॥
 বিরাটেরে মুক্ত কৈলে সশস্ত্র ঠাই ।
 মম বাক্য-বিনা কিছু না জানিতে ভাই ॥
 জরাসন্ধে বধ কৈলে মগধ-প্রধান ।
 জটাসুরে মারি বলে কৈলে পরিত্রাণ ॥
 নিঃকল্যা করিলে ক্ষতি ভারত-সমরে ।
 উরু ভাঙ্গি বিনাশিলে কোঁরব-বর্ষরে ॥
 দুঃশাসন-বন্ধ চিরি কৈলে রক্ত-পান ।
 আর যত কৰ্ম্ম, তাহা কে করে ব্যাখ্যান ॥
 তবে কেন ত্যজি মোরে পড়িলে পর্বতে ।
 উত্তর না দেহ কেন, ডাকি স্নেহমতে ॥
 পর্বতে পড়িলে ভাই, ছাড়িয়া আমারে ।
 কে পথ-বৃত্তান্ত জিজ্ঞাসিবে বারে-বারে ॥
 বনবাসে বঞ্চিলাম তোমার সাহসে ।
 অকীর্ণী-সহস্র দ্বিজ ভুঞ্জে যুগমাংসে ॥
 কিস্মীরাদি বিনাশ করিলে ঘোরবনে ।
 যুদ্ধ দেখি দ্রৌপদী সন্তুষ্টা হৈল মনে ॥

আমরা নিদ্রিত হৈলে থাকিতে জাগিয়া ।
 আগারে ত্যজিয়া কেন রহিলে শুইয়া ॥
 বড়-ছুঃখ দিয়া গেলে আমার অন্তরে ।
 উঠহ প্রাণের ভাই, এস করি কোলে ॥
 মম বাক্যবণ ভাই, মম বাক্যে স্থিত ।
 তোমা-সবা-বিনা ভাই, জাঁতে যুত্বাবৎ ॥
 যে-কালে আইনু ধৃতরাষ্ট্রে ভেটিবারে ।
 অন্ধের আছিল ক্রোধ তোমা মারিবারে ॥
 গোবিন্দ রাখেন তোমা লৌহভাঁম দিয়া ।
 হেন-ভাই নিদ্রা যায় পর্বতে পড়িয়া ॥
 এত বলি ভূপতি কান্দেন উচ্চৈঃস্বরে ।
 চারি-ভাই-ভার্যা ভাবি আকুল অন্তরে ॥
 লক্ষ্মণ পড়িল যবে রাবণের শেলে ।
 ক্রন্দন করেন রাম ভাই ল'য়ে কোলে ॥
 সেইমত কান্দিলেন ভীমে ল'য়ে কোলে ।
 হিমে তনু কাঁপে, কান্দিছেন উতরোলে ॥
 প্রবোধ করিবে, আর নাহি হেনজন ।
 ধর্মরাজ করিলেন অরণ্যে রোদন ॥
 জননীয়ে স্মরিয়া কহেন শোক পাই ।
 এ-হেন দুঃখীয়ে কেন গর্ভে দিলে ঠাঁই ॥
 শৈশবে মরিল পিতা, না পড়ি সে শোকে ।
 পিতামহ ভীষ্মদেব পালিল সবাকৈ ॥
 হিংসা-হেতু বিষলাড়ু ভীমে খাওয়াইল ।
 পাঁপা দুর্ষ্যোধন যারে ভাসাইয়া দিল ॥
 উদ্দেশ না পেয়ে কান্দে জননী আমার ।
 সাতদিন মাতা মোর না কৈল আহার ॥
 বাহকি করিয়া কৃপা দিল প্রাণদান ।
 তাহে না মরিলে ভাই, পেলে পরিত্রাণ ॥
 দেখিবারে গোবিন্দে আইলে স্বর্গপুরী ।
 না পাইলে দেখিতে সে দয়াময় হরি ॥

হায় বীর পার্থ কৃষ্ণা হৃদয়ের নকুল ।
 হায় সহদেব-বীর বিক্রমে অতুল ॥
 তোমা-সবা-বিনা প্রাণ না রহে আমার ।
 তোমা-সবাকারে চ'ক্ষে না দেখিব আর ॥
 হায় বিধি মম ভাগো কি আছে, না জানি ।
 মম ভালে এত দুঃখ লিখিলে আপনি ॥
 কোন জন্মে আছিল আমার কোন পাপ ।
 সে-কারণে দহে তনু, শোকে পাঠি তাপ ॥
 কি করিষু, কি হইল, আর কিবা হয় ।
 এত বলি কান্দিছেন ধর্মের তনয় ॥
 হায় কুন্তী, পিতা পাণ্ডু, কোথা গেলে ছাড়ি ।
 হায় দুর্ষ্যোধন অন্ধ বিদুর গান্ধারী ॥
 হায় ভীষ্ম দ্রোণ কর্ণ পাঞ্চালবিকারি ।
 তোমা-সবাকার শোক সহিতে না পারি ॥
 হায় ভীমার্জুন, মার্কণ্ডেয় দুই-ভাই ।
 হায় কৃষ্ণা প্রাণপ্রিয়া, গেলে কোন্ ঠাঁই ॥
 একদণ্ড কোথাও না যেতে আত্মা-বিনে ।
 তবে মোরে একা রাখি ছাড়ি গেলে কেনে ॥
 সব-ছুঃখ যায়, যদি পাপ-আত্মা ছাড়ি ।
 এত বলি কান্দিছেন ভূমিতলে পড়ি ॥
 কতক্ষণে স্থির হ'য়ে ধর্মের তনয় ।
 ক্রন্দন সংবরি রাজা ভাবেন হৃদয় ॥
 কোন পাপে বৃকোদর স্বর্গে নাহি গেল ।
 এইকথা যুধিষ্ঠির মনেতে ভাবিল ॥
 বৃকোদর ভাই মোর ছিল লুক্কমতি ।
 ভক্ষণে আছিল তার বড়ই পিরীতি ॥
 ভক্ষ্য-দ্রব্য দেখিলে না থাকে স্থিরমম ।
 দৃষ্টিমাত্র ইচ্ছা হয় করিতে ভোজন ॥
 এইহেতু পাপ হৈল বীর-বৃকোদরে ।
 নারিল স্বকায়ে যেতে স্বর্গের উপরে ॥

এই চিন্তা করে রাজা দুঃখিত-অন্তরে ।
 একান্তে গোবিন্দে চিন্তি চলেন উত্তরে ॥
 ভারত-পঙ্কজ-রবি মহামুনি ব্যাস ।
 যাহার চরিত্রে তিন-ভুবনে প্রকাশ ॥
 ভীমের প্রয়াণ যেবা শুনে শুদ্ধভাবে ।
 কৃষ্ণের পরম-পদ সেইজন পাবে ॥
 কাশীরাম দেব কহে গোবিন্দে ভাবিয়া ।
 তরিবে শমন-দায়, শুন মন দিয়া ॥

১২। যুধিষ্ঠিরের সহিত বিপ্ররূপী ইন্দ্রের ও
 কুব্জরূপী ধর্ম্মের হলনা ।

মুনি বলে, শুনহ নৃপতি জন্মেজয় ।
 উত্তরাস্থে চলিলেন ধর্ম্মের তনয় ॥
 কতদূরে দেখে গন্ধমাদন-পর্বত ।
 যাহার সৌরভ যায় যোজনেক পথ ॥
 তাহে উঠি শুনিলেন স্বর্গের বাজনা ।
 ভূপতি করেন মনে, পুরিল কামনা ॥
 স্বর্গের দুর্লভ ভোগ সেই গিরিবরে ।
 আরোহণ করিলেন হরিষ-অন্তরে ॥
 পর্বতে দেখেন তবে ধর্ম্মের তনয় ।
 অগুরু মহেশ-লিঙ্গ মরকতময় ॥
 অত্যন্ত নির্জ্ঞান স্থান, লোক-মনোহর ।
 কোটি-চন্দ্র জিনিয়া উজ্জ্বল মহেশ্বর ॥
 হীরা-মণি-মাণিক্যে মন্দির অনুপাম ।
 দেখি রাজা ভক্তিভাবে করেন প্রণাম ॥
 ভ্রাতা-ভার্য্যা-জ্ঞাতি-পুত্র সকলের শোকে ।
 কঁরষোড়ে স্তব-স্তোত্র করেন সম্মুখে ॥

হরিহর এক-তনু, ভিন্ন কছু নয় ।
 হরিভক্ত মোরে হর হবেন সদয় ॥
 এত বলি বর মাগি যান ধীরে-ধীরে ।
 কতকালে হব পার দুঃখের সাগরে ॥
 বিষাদ ভাবেন মনে ধর্ম্মের নন্দন ।
 কারে ল'য়ে যাব আমি ত্রিদিব-ভুবন ॥
 কে মোরে করাবে দেখা কৃষ্ণের সহিতে ।
 হিমে যদি যায় তনু, তরি দুঃখ হ'তে ॥
 বংশকয় করিলাম স্বর্গে আরোহিয়া ।
 চারিভাই-ভার্য্যা রহে পর্বতে পড়িয়া ॥
 পৃথিবীতে কত আমি করিলাম পাপ ।
 কোন দেব-মুনি-ঋষি দিল মোরে শাপ ॥
 কান্দেন ভূপতি স্মরি দ্রৌপদী-হৃন্দরী ।
 হেনকালে এল যত গন্ধর্ব্বের নারী ॥

কন্যাগণ বলে, রাজা, কান্দ কি-কারণ ।
 দ্বিতীয় স্বর্গের সম এ-গন্ধমাদন ॥
 স্বর্গে আসি কান্দ কেন, কহ বিবরণ ।
 এ-স্থানে না হয় কেহ দুঃখের ভাজন ॥
 কন্যাগণ-বাক্য শুনি কন নৃপবর ।
 চারি-ভাই-ভার্য্যা মৈল পর্বত-উপর ॥
 ছয়জন-মধ্যে আমি আছি একজন ।
 মহাহিমে স্বর্গপথে মৈল পঞ্চজন ॥
 মহাবীর-ভাই-ভার্য্যা না দেখিব আর ।
 এইহেতু কান্দি কহে, শুন সমাচার ॥

রাজার বচন শুনি কন্যাগণ হাসে ।
 প্রবোধ-বচন কিছু কহে যুছভাবে ॥
 চিন্তিত না হও রাজা, ভার্য্যা-ভ্রাতৃশোকে ।
 তব অগ্রে তারা সবে গেছে স্বর্গলোকে ॥
 কি-কারণে কান্দ রাজা, হ'য়ে বিচরণ ।
 স্বর্গেতে সবার সঙ্গে হইবে মিলন ॥

স্বর্গপথে আসিতে পড়িল যারা-সব ।
 তারা-সবে আগে গেল, শুনহ পাশুব ॥
 উপেন্দ্র জলেন্দ্র ইন্দ্র যোগীন্দ্রের প্রায় ।
 তুমি মহারাজ, তেঁই আইলে হেথায় ॥
 আর এক বলি রাজা, শুন সাবধানে ।
 এতদূরে এলে তুমি পুণ্যের কারণে ॥
 মনুষ্যের শক্তি নাহি, এতদূর আসে ।
 অতএব একবাক্য বলি যে বিশেষে ॥ ১
 রাজা হ'য়ে থাক গজ্ঞমাদন-পর্বতে ।
 স্বর্গের অধিক সুখ ভুঞ্জ আনন্দেতে ॥
 যুধিষ্ঠির বলিছেন, শুন কন্যাগণ ।
 কৃষ্ণের আজ্ঞায় করি স্বর্গ-আরোহণ ॥
 সঙ্কল্প করিনু আমি অবনী-ভিতরে ।
 রাজ্য না করিব, যাব অমর-নগরে ॥
 প্রাণতুল্য ভাই-ভার্য্যা পড়িল বিষাদে ।
 কি কার্য্য রাজ্যেতে মম বিপুল সম্পদে ॥
 এত শুনি নিবৃত্ত হইল কন্যাগণ ।
 যুধিষ্ঠির করিলেন স্বর্গ-আরোহণ ॥
 কতদূরে দেখিলেন কিম্বরের পুরী ।
 পদ্মিনী-রমণীগণ আর বিদ্যাদরী ॥
 যুধিষ্ঠিরে বলে, তুমি কোন্ পুণ্যবান্ ।
 আলিঙ্গন দিয়া রাখ মো'-সবার প্রাণ ॥
 আমা-সবাকার স্বামী হও মহামতি ।
 যাচিকা হইয়া বলে যতেক যুবতী ॥
 পুরুষ নাহিক রাজা, রাজ্যেতে আমার ।
 তুমি রাজা হও, দাসী হইব তোমার ॥
 অকাল-মরণ নাহি, জরা-মৃত্যু-ভয় ।
 নানা-সুখ পাবে রাজা, জানিহ নিশ্চয় ॥
 অবশেষে মহামন্ত্র শিখাব তোমারে ।
 গীত ভেদি অনায়াসে যাবে সুরপুরে ॥

শুনি কন্যাগণ-বাক্য বলেন রাজন্ ।
 মুখ-অভিলাষ নাহি করে মম মন ॥
 আশীর্ব্বাদ কর মোরে দেবকন্যাগণ ।
 স্বর্গপুরে গিয়া যেন দেখি নারায়ণ ॥
 ছাপরের শেষ হৈল, কলি-অনতার ।
 সত্য-ধর্ম্ম-বিবর্জিত, অতি অনাচার ॥
 সে-কারণে যাই স্বর্গে ইন্দ্রের ভুবন ।
 করিলেন শ্রীমুখে অনুজ্ঞা নারায়ণ ॥
 করিয়াছি সঙ্কল্প, যাউব স্বর্গপুরী ।
 ইহা জানি কমা মোরে কর সব-নারী ॥
 কন্যাগণ বলে, রাজা, তুমি মৃত্যুজন ।
 কি ফল পাইবে স্বর্গে দেখি নারায়ণ ॥
 হেথা ফল কত পাবে, কি কব তোমারে ।
 না শুনিয়া নরপতি চলেন উত্তরে ॥
 পাইলেন হিমালয়-গিরি মনোহর ।
 নারীগণ আসে তথা পূজিতে শঙ্কর ॥
 ত্রিভুবন-সার বিশ্বকর্মা-বিরচিত ।
 চতুর্দশ-সহস্র শিবের লিঙ্গ স্থিত ॥
 পরম-সুন্দর গিরি, কি কহিতে পারি ।
 হ্রমেক-কৈলাস জিনি মহেশ্বর-পুরী ॥
 বিচিত্র নগর-ঘর অতি-মনোরম ।
 কন্যাগণ আসে নিত্য শিবের আশ্রম ॥
 শুক্ল-বস্ত্র-পরিহিতা, চন্দ্রসম কান্তি ।
 রূপ দেখি মূনির মানসে হয় ভ্রান্তি ॥
 নানা-অলঙ্কারে শোভা, ত্রৈলোক্য-মোহিনী ।
 মুখপদ্ম করপদ্ম সকল পদ্মিনী ॥
 বিচিত্র-চম্পক-দাম শোভিছে গলায় ।
 কেহ-কেহ নৃত্য করে, কেহ গীত গায় ॥
 যুধিষ্ঠির নরপতি আসে সেই-পথে ।
 পাণ্ড-অর্ষ্য ল'য়ে এল তাঁহার সাক্ষাতে ॥

মুনি-ঋষিগণ শুনি ধর্মের প্রয়াণ ।
 দেখিবারে এল সবে আনন্দ-বিধান ॥
 পৃথিবীর রাজা হেথা এল পুণ্যভাগে ।
 ঝটিতি আইল সবে যুধিষ্ঠির-আগে ॥
 দেব-ঋষিগণ আসি করিল সম্ভাষ ।
 অঙ্ককার ঘুচিল, হইল সুপ্রকাশ ॥
 প্রণাম করেন রাজা মুনিঋষিগণে ।
 নৃপতিরে আশীর্ব্বাদ কৈল সর্ব্বজনে ॥
 শোভা পায় বৈতরণী পার্ব্বত্য-সরিৎ ।
 অতি-অপরূপ তীর, নীর সুললিত ॥
 পর্ব্বতে বেষ্টিত জল অতি সুশোভন ।
 তপ করে অষ্টাশী-সহস্র তপোধন ॥
 ক্রীড়া করে জলেতে বিবিধ জলচর ।
 সুন্দর কনকপদ্ম ফুটে নিরন্তর ॥
 অষ্টাশী-সহস্র ঋষি দেখি মতিমান ।
 ঘোড়হাতে নরপতি করেন প্রণাম ॥
 যুধিষ্ঠিরে দেখিয়া প্রশংসে মুনিগণ ।
 ধন্য-ধন্য রাজা, ভূমি হরি-পরায়ণ ॥
 তোমা-সম পুণ্যবান্ নাহি ত্রিভুবনে ।
 স্বকায়ে চলিয়া এলে অমর-ভুবনে ॥
 এই বৈতরণী নদী পরম-নির্ম্মল ।
 উত্তর হইতে বহে দক্ষিণ-মণ্ডল ॥
 দক্ষিণে শমনপুরে বড়ই তরঙ্গ ।
 পাপী পার হৈতে নারে, দেখি দেয় ভঙ্গ ॥
 মর্ত্যোতে গো-দান করে যেই পুণ্যজনে ।
 সুখে পার হ'য়ে যায় নৌকা-আরোহণে ॥

ভূপতি বলেন, আমি পাপী নরাধম ।
 মুনিগণ বলে, ভূমি মহাপুণ্যতম ॥
 এত বলি মুনিগণ কৈবর্তে ডাকিয়া ।
 নৃপতিরে পার কৈল নৌকাতে করিয়া ॥

ঋষিগণে বন্দি রাজা, হ'য়ে নদী পার ।
 পুণ্যহেতু দেখিলেন স্বর্গের দুয়ার ॥
 চন্দ্র-সূর্য্য-দেবগণে দেখেন প্রত্যেক ।
 স্বর্গ-আরোহণ হৈতে আছে যোজনেক ॥
 পার হ'য়ে বৃক্ষতলে বৈসে নরেশ্বর ।
 স্বর্গ দেখি হইলেন চিন্তিত-অন্তর ॥
 অদৃত স্বর্গের দ্বার দেখি বিগ্ৰহমান ।
 নানা-ধাতু-বিরাজিত প্রবাল-পাষণ ॥
 হাতে অস্ত্র দ্বারপাল চৌদিকে বেষ্টিত ।
 কত-লক্ষ পুণ্যবান্ র'য়েছে বারিত ॥
 ইন্দ্র-আজ্ঞা-বিনা দ্বারী দ্বার নাহি ছাড়ে ।
 বৃকে-বৃকে দাণ্ডাইয়া আছে করযোড়ে ॥

যুধিষ্ঠিরে দেখিয়া লইল আশুসরি ।
 দ্বারপালগণ কহে করযোড় করি ॥
 তোমার জনক পূর্ব্ব পাণ্ডু-নরপতি ।
 যুগধ্বি-শাপে তাঁর না হ'ল সম্ভুতি ॥
 বিমুখ হইয়া রাজা সংসারের স্থখে ।
 কুন্তী-মাদ্রী-ভার্যা-সহ আইল হেথাকে ॥
 অপুত্রক-হেতু ইন্দ্র আজ্ঞা নাহি দিল ।
 হেথা হৈতে পুনঃ তেঁহ মর্ত্যপুরে গেল ॥
 দেব হৈতে জন্ম হৈল তোমা পঞ্চভাই ।
 পুত্রবান্ হইয়া বৈকুণ্ঠে পেল ঠাই ॥
 তাঁর ক্ষেত্রে জন্ম তব ধর্ম্মের ঔরসে ।
 মহাধর্ম্মশীল ভূমি, জানি সবিশেষে ॥
 মুহূর্ত্তেক বৈস রাজা, শৃঙ্খল-সিংহাসনে ।
 ইন্দ্রে জানাইয়া স্বর্গে লইব এক্ষণে ॥

দ্বারপাল গিয়া বার্তা দিল পুরন্দরে ।
 যুধিষ্ঠির আইলেন স্বর্গের দুয়ারে ॥
 শুনিয়া দেবতা-সবে কহে ইন্দ্র-প্রতি ।
 রথে করি যুধিষ্ঠিরে আন শীঘ্রগতি ॥

এত শুনি দেবরাজ বিপ্ররূপ ধরি ।
যুধিষ্ঠিরে ছলিবারে এলা শীত্র করি ॥
ব্রাহ্মণে দেখিয়া রাজা করেন প্রণতি ।
আশীর্বাদ করিলেন কপট দ্বিজাতি ॥
জিজ্ঞাসিলা যুধিষ্ঠিরে কপট ব্রাহ্মণ ।
বড় পুণ্যবান্ তুমি এলে কোন্ জন ॥
কোন্ দ্বীপে রাজা ছিলে, কৈলে কত দান ।
কোন্ পুণ্যে সন্দেহে আইলে দেবস্থান ॥

এত শুনি নৃপতি কহেন ষোড়হাত ।
পরিচয় মগাশয়, কহি তোমাতে ॥
জম্বুদ্বীপ-নামে স্থান আছে পৃথিবীতে ।
যাহে জন্মিলেন ব্রহ্ম ভার নিবারিতে ॥
চন্দ্রবংশে দেব-অংশে হস্তিনায় ধাম ।
পাণ্ডুপুত্র ঋষিগোত্র যুধিষ্ঠির নাম ॥
রাজ্যলোভে স্ববান্ধবে বখিলান্ রণে ।
লোভে পাপ, পাছে তাপ হৈল মম মনে ॥
জ্যেষ্ঠতাত-সহ মাতা গেল তপোবনে ।
পঞ্চভাই দুঃখ পাই আমি নানাস্থানে ॥
আমার বিবাদ দেখি দেব-নারায়ণ ।
অজ্ঞা দেন, কর রাজা, স্বর্গ-আরোহণ ॥
কলি অতীর্ণ হবে, দ্বাপরের শেষ ।
এত বলি স্বস্থানে গেলেন হৃষীকেশ ॥
যজুবংশ করি ধ্বংস ব্রহ্মশাপ-ছলে ।
আপনি বৈকুণ্ঠে বিষ্ণু গেলেন কোণলে ॥
তবে মোরা পঞ্চভাই করিয়া বিচার ।
পৌত্রে সমর্পণ করি রাজ্য-অধিকার ॥
পঞ্চভাই ভার্য্যা-সহ আসি স্বর্গপথে ।
হিম ভেদি পঞ্চজন পড়িল পর্বতে ॥
শোক-দুঃখ-সস্তাপে তাপিত মম মন ।
এই নিজ-তত্ত্ব দ্বিজ, করি নিবেদন ॥

একেশ্বর দ্বিজবর, যাব স্বর্গপুরী ।
সুমেরু-পর্বতে গিয়া দেখি মুরাতি ॥
এই প্রাণ যাক, কিংবা যাই স্বর্গপুণী ।
আসনু সঙ্কল্প এই করি এতদূরে ॥
কতদূরে আছে স্বর্গ, কত দ্বিজবর ।
যাইতে পারি, কিংবা যাবে কালবর ॥
ব্রাহ্মণ বলেন, শুনি ধর্ম্ম নৃপ র ।
এখনি দেখিবে তব পদ সঙ্কটদর ॥
কুরুক্ষেত্রে ছিল নে আচার অশৌচিণী ।
সংস্কারে কণেকেক দেখিবে নৃপনি ॥
এড়াইয়া এলে দুঃখে, আর চিন্তা নাহি ।
আমি ল'য়ে যা। তোমা ঈশ্বরের ঠাই ॥
নিকট হইল স্বর্গ, যাবে মুহূর্ত্তেকে ।
শোক-দুঃখে ক্ষমা দেহ, জানাই তোমাকে ॥

ইন্দ্র-যুধিষ্ঠিরে কথা হয় এইমতে ।
আইলেন ধর্ম্ম তথা কুকুর রূপেতে ॥
শব্দ করি ব্রাহ্মণে থাইতে স্থান যায় ।
দণ্ড ল'য়ে ব্রাহ্মণ প্রহারে তার গায় ॥
নির্বাত প্রহার করে কুকুরের দেহে ।
পরিত্রাণি ডাকি স্থান যুধিষ্ঠিরে কহে ॥
ওহে পৃথিবীর রাজা মহা-পুণ্যবান্ ।
নির্দয় ব্রাহ্মণ বধে, কর পরিত্রাণ ॥
দণ্ডের প্রহারে মোর কম্পমান তনু ।
উদ্ধার করিতে কেহ নাহি তোমা-বিনু ॥

কুকুরের বাক্যে রাজা উঠি ষোড়হাতে ।
বলেন বিদ্রোহ করি বিপ্লব সাফাতে ॥
নাহি মার কুকুরে, শুনিহ দ্বিজবর ।
শুনিয়া বিপ্লবের ক্রোধ বাড়িল বিস্তর ॥
হাতে দণ্ড করি সলে নৃপতির প্রতি ।
মোর হাতে কুকুরের নাহি অব্যাহতি ॥

পুণ্যহীন কুকুরের নাহি পরিজ্ঞাণ ।
 পুণ্য-বিনা স্বর্গে বাস নহে মতিমান্ ॥
 ভূপতি বলেন, রাখ কুকুরের প্রাণ ।
 মর্ত্যের অর্দ্ধেক পুণ্য দিব আমি দান ॥
 যুধিষ্ঠির-বাক্য শুনি ধর্ম্য হাসি মনে ।
 ধরিলেন নিজ-মূর্তি রাজ-বিগ্ৰহমানে ॥
 তদন্তরে দেবরাজ নিজ-মূর্তি হৈয়া ।
 পরিচয় कहিলেন হাসিয়া-হাসিয়া ॥
 ধর্ম্ম ইন্দ্রে দেখি রাজা আপন-নয়নে ।
 লোটাইয়া অষ্ট-অঙ্গ পড়েন চরণে ॥
 কোলে করি ধর্ম্ম সাধু বলেন তাঁহাকে ।
 তুমি পুত্র যুধিষ্ঠির, না চিন আমাকে ॥
 ধর্ম্ম বলি মর্ত্যলোকে বলয়ে তোমারে ।
 তোমারে জন্মানু আমি কুন্তীর উদরে ॥
 ইনি ইন্দ্র দেবরাজ স্বর্গ-অধিপতি ।
 এস পুত্র, কোলে করি, কেন হুঃখমতি ॥
 তোমার চরিত্র প্রচারিল ত্রিভুবনে ।
 স্বর্গপুরে চল চড়ি পুষ্পক-বিমানে ॥
 পদব্রজে পর্বতে পেয়েছ বড় পীড়া ।
 একে স্নুকোমল-তনু, শোক-চিন্তা-বেড়া ॥
 সর্ব্বহুঃখ হৈল দূর, চল স্বর্গপুরে ।
 দেখিতে পাইবে মাতা-পিতা-সহোদরে ॥
 এতেক কহেন যদি ধর্ম্ম-মহাশয় ।
 আনন্দিত হইলেন ধর্ম্মের তনয় ॥
 ভারতে অপূর্ব্ব-কথা স্বর্গ-আরোহণে ।
 যুধিষ্ঠির স্বর্গে যান, কাশীরাম ভণে ॥

১৩। যুধিষ্ঠিরের ইন্দ্রপুরী-দর্শন ।
 ধর্ম্ম-আদি দেবচয়, দেখি রাজা সবিস্ময়,
 প্রণাম করেন সবাকারে ।
 মাতলি ইঙ্গিত পেয়ে, দিব্য-পুষ্পরথ ল'য়ে,
 যোগাইল রাজা যুধিষ্ঠিরে ॥
 ধর্ম্ম-ইন্দ্র দুইজনে, গন্ধমালা-আভরণে,
 যুধিষ্ঠিরে করেন ভূষিত ।
 বিবিধ-বন্ধন-ছান্দে, মস্তকে মুকুট বান্ধে,
 গন্ধর্ব্ব-কিন্নর গায় গীত ॥
 পারিজাত-পুষ্পমালা, শোভিল রাজার গলা,
 বাজে শঙ্খ-মৃদঙ্গ-কাহাল ।
 উর্ব্বশী প্রভৃতি নাচে, কেহ আগে, কেহ পাছে,
 জয়-শব্দ কাংস্ত-করতাল ॥
 মাতলি-সারথি রথে, ধর্ম্ম-ইন্দ্র-আদি-সাথে,
 বায়ু চন্দ্র বরুণ হতাশ ।
 কেহ ছত্র শিরে ধরে, হলাহলি-জয়-স্বরে,
 কেহ করে চামর-বাতাস ॥
 কেহ আগে যায় ধেয়ে, পঞ্চবাণ বাজাইয়ে,
 বর্ষে পুষ্প আনন্দে প্রচুর ।
 মুনিগণ বেদ গান, ধর্ম্মপুত্র স্বর্গে যান,
 মুহূর্ত্তে গেলেন সুরপুর ॥
 প্রথমে দেখেন চারু, পারিজাত-পুষ্পতরু,
 নানাবর্ণে দেবের নগর ।
 চারিপাশে সারি-সারি, অতি-মনোহর পুরী,
 হাট-বাট নাহি পাঠাস্তর ॥
 দেখে রাজা পুণ্যকারী, সকল সুবর্ণ-পুরী,
 সর্ব্বগৃহে কিন্নরের গান ।
 সদা মহানন্দময়, নাহি জরা-মৃত্যু-ভয়,
 কোড়ুকে বিহরে পুণ্যবান্ ॥

স্বর্গগত নরবর, দেখি তাঁরে পুরন্দর,
বসাইল স্বর্ণ-সিংহাসনে ।

পদ প্রকালিতে বারি, পুরিয়া স্বর্ণ-বারি,
যোগাইল যত দাসগণে ॥

ইন্দ্র-আজ্ঞা পেয়ে পরে, নানাদ্রব্য-উপচারে,
ভোজন করায় নরনাথে ।

কপূর-তাম্বুল দিয়া, পালঙ্কেতে বসাইয়া,
ইন্দ্র আশ্বাসিল ধর্ম্মসুতে ॥

বিদ্বাদধরী শত-শত, স্বর্গে বৈসে যত-যত,
নৃত্য করে রাজার সমীপে ।

তুঙ্গুর-গন্ধর্ব্ব-আদি, গায় গীত স্বর সাধি,
স্বরপুরী মোহিত আলাপে ॥

ইন্দ্র বলে, যুধিষ্ঠির, তুমি পুণ্য-আশ্রা ধীর,
নরদেহে এলে স্বর্গপুরে ।

এ-পুরী অমরাবতী, হও তুমি অধিপতি,
যুক্তি আসে আমার বিচারে ॥

শুনিয়া ইন্দ্রের বাণী, যুধিষ্ঠির নৃপমণি,
কহিলেন বিনয়-বচন ।

তব বাক্যে পাই ত্রাস, কেন কর উপহাস,
আমি মূঢ়মতি অকিঞ্চন ॥

সত্য কৈনু মর্ত্যপুরী, বৈকুণ্ঠে দেখিব হরি,
তুমি মোর সব দুঃখ জান ।

তুমি পিতা দেব আর্ধ্য, কর মম এই কার্য্য,
স্বর্গস্থখে নাহি মম মন ॥

শুনি ইন্দ্র বলে বাণী, অম্বাদশ-অক্ষৌহিণী,
পঞ্চভাই শতক-কৌরবে ।

জ্যেষ্ঠ-ধ্রু-তাতপিতা, জ্ঞাতি-গোত্র মাতা ভ্রাতা,
সবা-সঙ্গে বৈকুণ্ঠে মিলিবে ॥

এত বলি সেইক্ষণে, পুষ্পরথ-আরোহণে,
পাঠাইল স্বর্গ-পরকাশ^১ ।

পবিত্র-ভারত-গীত, হেতু নৃজনের ঐত,
বিরচিল কালীরাম দাস ॥

১৪। যুধিষ্ঠিরের বৈকুণ্ঠে গমন ও
প্রীতিক্ষ-দর্শন ।

বলেন বৈশম্পায়ন, শুন জন্মেজয় ।

নিজপুণ্যে স্বর্গে যান ধর্ম্মের তনয় ॥

পুষ্পরথে আরোহিয়া যান বিষ্ণুপুরে ।

আগে-পাছে মুনিগণ জয়-শব্দ করে ॥

রজাবতী-তিলোত্তমা-আদি বিদ্বাদধরী ।

কেহ গীত গায়, কেহ নাচে তাল ধরি ॥

কেহ ছত্র ধরে, কেহ চামর-বাতাস ।

দুইদিকে সারি-সারি দেবের আবাস ॥

ব্রহ্মলোকে দেখি রাজা ব্রহ্মা চতুর্মুখে ।

প্রণমিয়া সম্ভাষণ করিল। কোঁতুকে ॥

সমাদর করি ব্রহ্মা করি আলিঙ্গন ।

চারি-মুখে প্রশংসেন ধর্ম্মের নন্দন ॥

তথা হৈতে নরপতি নানা-স্বর্গ দেখে ।

অপূর্ব্ব কৈলাসপুরী দেখিল। কোঁতুকে ॥

ইন্দ্রুথগু জিনি পুরী পরম-উজ্জ্বল ।

দিবারাত্র জ্ঞান নাহি, সদা ঝলমল ॥

গণেশ কার্তিক নন্দী ভৃঙ্গী মহাকাল ।

সবে দেখি আনন্দিত ধর্ম্ম-মহীপাল ॥

হরগৌরী দৌহে দেখি অভিন-আসনে ।

ভক্তিতাবে দণ্ডবৎ করেন চরণে ॥

আইসহ নৃপতি, বলেন শূলপাণি ।
 ভাল হৈল, এলে স্বর্গে ত্যজিয়া অবনী ॥
 তোমা-হেন পুণ্যবান্ নাহি ত্রিভুবনে ।
 সকায়ে চলিয়া এলে অমর-ভুবনে ॥
 এত বলি করিলেন প্রেম-আলিঙ্গন ।
 প্রণাম করিয়া যান পাণ্ডুর নন্দন ॥

কতক্ষণে বৈকুণ্ঠে হইয়া উপনীত ।
 পুরী দেখি নরপতি হ'লেন বিস্মিত ॥
 কিরূপে নিষ্কারণ করিলেন নারায়ণ ।
 ত্রিভুবনে নাহি পুরী ইহার মতন ॥
 রত্নের মন্দির-ঘর শত-সূর্য্য-তেজে ।
 কলস-পতাকা-নেত চামর বিরাজে ॥
 সকল আশ্রয় মণি-মরকতময় ।
 চাক্র-চক্র বিরাজিত সকল সময় ॥
 প্রবেশ করেন পুরী জয়-জয় দিয়া ।
 রত্নাসনে নারায়ণে দেখিলেন গিয়া ॥
 রথ হৈতে নামি পুরে যান পদব্রজে ।
 প্রণাম করেন গিয়া বিষ্ণু চতুর্ভুজে ॥
 বিভ্রমানে নারায়ণে দেখিয়া নৃপতি ।
 চমৎকৃত হৈল দেখি অঙ্গের বিভূতি ॥
 হস্ত-পদ-হুশোভিত, করে শতদল ।
 মকর-কুণ্ডল কর্ণে করে ঝলমল ॥
 শ্রাম-অঙ্গে পীতাম্বর হাটক-নিছনি' ।
 নবজলধর-মাঝে যেন সৌদামিনী ॥
 শঙ্খ চক্র গদা পদ্ম শোভে চারি-হাতে ।
 শ্রীবৎস-কৌন্তভমণি শোভয়ে বক্ষেতে ॥
 বামদিকে কমলা, দক্ষিণে সরস্বতী ।
 এই-বেশে হৃদীকেশে দেখেন নৃপতি ॥

সাক্ষাৎ লোটায়ে রাজ্য পড়েন চরণে ।
 বলিছেন নারায়ণ আনন্দিত-মনে ॥

আইসহ ধর্ম্মপুত্র ধর্ম্ম-নরপতি ।
 বহুদিন না দেখিয়া আছি দুঃখমতি ॥
 আগুসরি উঠিয়া করেন আলিঙ্গন ।
 বসিবারে দেন দিব্য-কনক-আসন ॥
 পদ প্রক্ষালিতে বারি যোগায় দেবতা ।
 চামর বাতাস করে ইন্দ্র-চন্দ্র-ধাতা ॥
 কেহ পদ প্রক্ষালয়ে, কেহ পদ মুছে ।
 গন্ধর্ব্ব-কিম্বরী গায়, বিভাধরী নাচে ॥
 সুখাসনে দুইজনে বসিল কৌতুকে ।
 জিজ্ঞাসেন গোবিন্দ ব্রতাস্ত হস্তমুখে ॥

যুধিষ্ঠির কহিলেন সব সমাচার ।
 পরীক্ষিতে সমর্পণ করি রাজ্যভার ॥
 দ্রৌপদী-সহিত পঞ্চ আসি স্বর্গপথে ।
 মহাহিমে পঞ্চজনে পড়িল পর্ব্বতে ॥
 শোকে-দুঃখে একাকী আইলু স্বর্গলোকে ।
 নয়ন সার্থক হৈল দেখিয়া তোমাকে ॥

রাজার বচন শুনি কন নারায়ণ ।
 আগে আসিয়াছে তারা আমার সদন ॥
 শুনি করযোড়ে কয় ধর্ম্মের তনয় ।
 নয়নে দেখিলে তবে হয় সে প্রত্যয় ॥

শুনি নারায়ণ তবে সঙ্গিতে লইয়া ।
 চলেন দক্ষিণমুখে দ্বার খসাইয়া ॥
 দক্ষিণেতে শমনের হয় অধিকার ।
 চর্ম্মচ'ক্ষে দেখে তথা সব অন্ধকার ॥
 সেই পুরে প্রবেশিয়া ধর্ম্ম-নরপতি ।
 দেখিতে না পান চাহি, কেবা আছে কথি' ॥

যুধিষ্ঠিরে পেয়ে তবে জ্ঞাতি-গোত্রগণ ।

চতুর্দিকে ডাকে সবে হরষিত-মন ॥

ভীষ্ম দ্রোণ কর্ণ শতভাই-দুর্যোধন ।

ধৃতরাষ্ট্র বিদুর শকুনি দুঃশাসন ॥

ভীমার্জুন সহদেব নকুল শূন্দর ।

ঘটোৎকচ জয়দ্রথ বিরাট উত্তর ॥

অভিমন্যু বিকর্ণ পাঞ্চালী-পুত্রগণে ।

কুন্তী মাদ্রী দুই পত্নী পাণ্ডুরাজ-সনে ॥

দ্রৌপদী-গান্ধারী-আদি যত কুরুনারী ।

অষ্টাদশ-অকৌহিণী আছে সেই পুরী ॥

সবে বলে, যুধিষ্ঠির, তুমি পুণ্যবান্ ।

স্বকায়ে দেখিলে স্বর্গে দেব-ভগবান্ ॥

অন্ন-পাপ-হেতু মোরা পাই বড়-ক্লেশ ।

স্বাকারে উদ্ধারিয়া লহ নিজদেশ ॥

তোমা-দরশনে দুঃখ হইল বিনাশ ।

চন্দ্রের সদৃশ যেন তোমার প্রকাশ ॥

এত শুনি যুধিষ্ঠির চান চারি-পানে ।

দেখিতে না পান, মাত্র শুনেন শ্রবণে ॥

নরক দেখিয়া রাজা মনে পেয়ে ভয় ।

অনুমানে বুঝিলেন, এই যমালয় ॥

চিস্তিত হইয়া রাজা জিজ্ঞাসে কৃষ্ণেরে ।

কেন কৃষ্ণ, নাহি দেখি জ্ঞাতি-বান্ধবেরে ॥

কেন বা হইল মম নরক-দর্শন ।

বিশেষ कहিয়া কৃষ্ণ, শাস্ত কর মন ॥

গোবিন্দ বলেন, রাজা, করহ শ্রবণ ।

অন্নপাপ-হেতু হৈল নরক-দর্শন ॥

জ্ঞাতি-গোত্র নাহি দেখ তথির কারণে ।

পাপক্ষয় হৈল এবে, ভয় ত্যজ মনে ॥

ভারতে অপূর্ব-কথা স্বর্গ-আরোহণ ।

পয়ারের ছন্দে কাশী করিল রচন ॥

১৫ । যুধিষ্ঠিরের নরক-দর্শনের হেতু ও খেতবীপে

গমন এবং কুরুপুত্রের স্বজনাদি-দর্শন ।

জিজ্ঞাসিল জন্মেজয়, কহ মুনিবর ।

কোন পাপ করিলেন ধর্ম-নৃপবর ॥

আজ্ঞা তপস্বী জিতেদ্রিয় সত্যবাদী ।

দান-ধন্যে মতি সদা, পাতক-বিবাদী ॥

ঠাঁহার হইল পাপ কেমন প্রকারে ।

বিস্তারিয়া মুনিবর, কহিবে আমারে ॥

মুনি বলে, জন্মেজয়, শুন সাংখ্যানে ।

যুধিষ্ঠির-পাপ হৈল যাহার কারণে ॥

ভারত-সমরে যবে হৈল মহারণ ।

পার্শ্বের সারথি হইলেন নারায়ণ ॥

মারিলেন বহু-সৈন্য উপায় করিয়া ।

ভীষ্মে বধে পার্শ্ব-রথে শিখণ্ডী রাখিয়া ॥

তবে সেনাপতি হৈল দ্রোণ-মহাশয় ।

অশ্বখামা পুত্র তার সমরে দুর্জয় ॥

অনেক-প্রকারে দ্রোণ না হয় বিনাশ ।

দেখিয়া উপায় করিলেন শ্রীনিবাস ॥

কপটে মারেন হস্তী অশ্বখামা-নামে ।

‘অশ্বখামা হত’ শব্দ হইল সংগ্রামে ॥

শুনি চমৎকার লাগে দ্রোণের অন্তরে !

‘অশ্বখামা হত’ হরি কহেন সমরে ॥

প্রত্যয় না যায় দ্রোণ কৃষ্ণের উত্তরে ।

সত্য-মিথ্যা জিজ্ঞাসিল রাজা যুধিষ্ঠিরে ॥

দ্রোণবাক্য শুনিয়া চিস্তিত নৃপমণি ।

কিরূপ কহিব আমি এই মিথ্যাবাদী ॥

কৃষ্ণ বলিলেন, রাজা, না বলিলে নয় ।

মিথ্যা না কহিলে দ্রোণ নাহি হয় ক্ষয় ॥

পুনঃপুনঃ দস্ত করি বলে যুকোদর ।

‘অশ্বখামা হত’ দ্রোণে কহ নৃপবর ॥

মিথ্যা-বাক্যে ভয় যদি করহ অন্তরে ।
 'ইতি গজ' তারপরে বল লঘুস্বরে ॥
 সঙ্কটে পড়িলা রাজা, না कहিলে নয় ।
 ডাকিয়া দ্রোণেরে বলিলেন মহাশয় ॥
 অশ্বখামা হত হৈল, ইহা আমি জানি ।
 লঘুস্বরে 'ইতি গজ' বলেন আপনি ॥
 অশ্বখামা হত শুনি ধর্ম্মের বদনে ।
 পুত্রশোক দ্রোণাচার্য্য প্রাণ দিল রণে ॥
 এই পাপ করিলেন ধর্ম্মের নন্দন ।
 তোমারে জানাই এই পূর্ব্বের কথন ॥
 জন্মেজয় বলে তবে, कह মুনিবর ।
 পিতামহে লইয়া কি করিলা শ্রীধর ॥
 পুনি বলে, শুন পরীক্ষিতের কুমার ।
 এইরূপে যুধিষ্ঠির দেখি অন্ধকার ॥
 শ্রীগোবিন্দে জিজ্ঞাসেন পাপের কারণ ।
 কপট করিয়া कहিলেন নারায়ণ ॥
 কোরব-সহিত যবে হইল সমর ।
 চক্রবৃহ করি যুঝে দ্রোণ ধনুর্ধর ॥
 তীক্ষ্ণ-অস্ত্রে জর্জরিত করিল তোমারে ।
 অভিমন্যু-বীরে ডাকি कहিলে তাহারে ॥
 পিতার সমান তুমি মহা-যোদ্ধপতি ।
 বৃহ ভেদি মার পুত্র, দ্রোণ মহারথী ॥
 গুরুবধে আজ্ঞা দিলে হ'য়ে ক্রোধমন ।
 দ্বিতীয় অবধ্য-জাতি হয় সে ব্রাহ্মণ ॥
 গুরুবধ মহাপাপ, শুন নরপতি ।
 সেই মহাপাপ তব হৈল মহামতি ॥
 পাপেতে নরক রাজা, দেখ অন্ধকার ।
 রাজা বলিলেন, কর সঙ্কটে উদ্ধার ॥
 তবে হরি অনুজ্ঞা দিলেন খগেশ্বরে ।
 বেদব্রত-সরোবরে লহ নৃপবরে ॥

পূর্ব্বের প্রতিজ্ঞা পূর্ণ করিব আপনি ।
 দেখাইব ধর্ম্মে অকালশ-অকোহিণী ॥
 বিষ্ণুর বচন শুনি খগ মহাবীর ।
 যুধিষ্ঠিরে ল'য়ে গেল সরোবর-তীর ॥
 পাখসাটে পর্ব্বত উড়িয়া যায় দূরে ।
 মুহূর্ত্তেকে সেই দ্বীপে গেল খগেশ্বরে ॥
 দেখিলেন সরোবরে ধর্ম্মের নন্দন ।
 দেবতা গন্ধর্ব্ব যক্ষ বিদ্যাধরগণ ॥
 জলে জলচরগণ নানা-ক্রীড়া করে ।
 ঋষি মুনি মুনীন্দ্র যোগীন্দ্র চারি-তীরে ॥
 বিচিত্র উদ্যান বন নগর চত্বর ।
 বৈকুণ্ঠ-সমান পুরী অতি-মনোহর ॥
 বিহরে দেবতা তথা দেবকন্যা ল'য়ে ।
 কেহ হরি-হরে পূজে হরষিত হ'য়ে ॥
 অনেক ঈশ্বর-মূর্ত্তি সর্ব্বদেব-স্থান ।
 ভ্রমর ঝঙ্কারে, মত্ত-কোকিলের গান ॥
 মনুষ্য হইয়া যদি তাহে স্নান করে ।
 দেবদেহ লাভি যায় বৈকুণ্ঠ-নগরে ॥
 হেন সরোবর দেখি ধর্ম্মের নন্দন ।
 পূতজলে স্নান করি করেন তর্পণ ॥
 মানব-শরীর ছাড়ি পান দেব-ঋদ্ধি ।
 দুঃখ-শোক পাসরিয়া লভে সর্ব্বসিদ্ধি ॥
 নরদেহ ত্যজি রাজা দেবদেহ ধরে ।
 পুষ্ঠে করি গরুড় উড়িল বায়ুভরে ॥
 মুহূর্ত্তেকে গেল, যথা দেব-নারায়ণ ।
 ধর্ম্মরাজে চতুর্ভুজে কৈল সমর্পণ ॥
 রাজারে দেখিয়া কৃষ্ণ কহেন হাসিয়া ।
 নিমেষ নাহিক আর, নাহি অজ্ঞান্য ॥
 কিরূপে আছিলে রাজা, হইলে কিরূপ ।
 বিচারিরা মনে ভাব আপন-স্বরূপ ॥

ভূপতি বলেন, শুন অনাদি গোসাঁই ।
 তোমার প্রণামে মম পূর্বরূপ নাই ॥
 দেবত্ব পাইছু, হেন হয় মম জ্ঞান ।
 তোমার অসাধ্য কিছু নাহি ভগবান ॥
 মর্ত্যেতে রাখিলে হরি, অশেষ-সঙ্কটে ।
 নিজপুরী ছাড়ি ছিলে ভক্তের নিকটে ॥
 রাজসূয় করাইলে দিয়া বজুবল ।
 শিশুপাল দন্তবক্র দিলে প্রতিফল ॥
 রক্ষিলা দ্রৌপদী-লজ্জা কোঁরব-সমাজে ।
 দ্বাদশ-বৎসর রক্ষা কৈলে বনমাঝে ॥
 দুর্ব্বাসারে দুর্ঘ্যোধন পাঠাইল যবে ।
 সেইদিন সমাধান করিত পাণ্ডবে ॥
 নিশাকালে রক্ষা কৈলে কাননেতে গিয়া ।
 মোহিলে মুনির মন বিষ্ণুমায়া দিয়া ॥
 তদন্তরে সান্দীপন মুনির আশ্রমে ।
 আত্মহেতু সঙ্কটে তারিলে পথশ্রমে ॥
 অজ্ঞাত-বৎসর এক বিরাট-ভবনে ।
 শত্রু হৈতে রক্ষা কৈলে চক্র-আচ্ছাদনে ॥
 তাহার অন্তরে মম রাজ্যের লাগিয়া ।
 আপনি হস্তিনাপুরে গেলে দূত হৈয়া ॥
 আমারে বিভাগ দুর্ঘ্যোধন নাহি দিল ।
 বাক্সিয়া রাখিতে তোমা মনে বিচারিল ॥
 আপনি বিরাট-মূর্ত্তি দেখাইলে তারে ।
 সমূলে করিলে ক্ষয় ভারত-সমরে ॥
 জ্ঞাতিবধ-পাপে মম চিত্ত স্থির নয় ।
 অশ্রমেধ করাইলে হইয়া সহায় ॥
 পুত্রহন্তে মণিপুরে অর্জুন মরিলে ।
 প্রাণ দিয়া গদাধর, যজ্ঞ পূর্ণ কৈলে ॥

তোমার অসাধ্য কল্প নাহিক গোসাঁই ।
 কত নৈত্য-দানব নাশিলে কত ঠাই ॥
 কংস কেদী অঘ বক ধেনুক বারণ' ।
 ভৃগাবর্ত পুতনার হরিলে জীবন ॥
 নরকে মারিয়া খণ্ডাইলে ক্ষিত্তিভার ।
 অনন্ত তোমার নাম অনন্তাবতার ॥
 মৎস্য কুর্ম বরাহ হইয়া খর্ব-রূপে ।
 পাতালে রাখিলে তুমি ছলি বলি-ভূপে ॥
 ভৃগুরাম রামচন্দ্র কামপাল রাম ।
 বুদ্ধ কর্কা নারায়ণ নরসিংহ শ্রাম ॥
 বারে-বারে জন্ম লহ দুই বিনাশিতে ।
 যুগে-যুগে অবতার দেবতার হিতে ॥
 তোমার চরিত্র চারি-বেদে না নিরখি ।
 জ্ঞাতি-গোত্র দেখাইয়া কর মোরে স্বর্গী ॥
 রাজার বিনয়-বাক্য শুনি নারায়ণ ।
 আশ্বাসিয়া কহিলেন মধুর-বচন ॥
 সর্ব্বদুঃখ গেল রাজা, না কর সন্তাপ ।
 সবস্তু কুটুম্ব গোত্র দেখহ মা-বাপ ॥
 এত বলি যান হরি ভূপতিরে লৈয়া ।
 কুরুপুরে প্রবেশেন দ্বার ঘুচাইয়া ॥
 রাজারে কহেন হরি, শুন ধর্ম্মপুত্র ।
 অনুপম দেখহ দ্বিতীয় কুরুক্ষেত্র ॥
 হস্তি-ঘোড়া-রথ-রথি-পত্তি-পরিকর' ।
 একে-একে প্রত্যক্ষ দেখহ নরেশ্বর ॥
 দেখ রাজা, পিতা পাণ্ডু জননী কুন্তীকে ।
 শ্বেতচ্ছত্র বিরাজিত রাজার মস্তকে ॥
 বামে বসিয়াছে মাত্রী মঞ্জের কুমারী ।
 দ্বতরাষ্ট্র বসিয়াছে সহিত-গাঙ্গারী ॥

দেখহ বিকর্ণ কর্ণ কোরব-কুমার ।
 দুৰ্য্যোধন শতভাই-সহ-পরিবার ॥
 ভগদত্ত মদ্ররাজ শল্য জয়দ্রথ ।
 অভিমন্যু ঘটোৎকচ ভরত সুরথ ॥
 বিরাট দ্রুপদ দেখে অপুত্র-সহিতে ।
 পাঞ্চালীর পঞ্চপুত্র দেখেহ সাক্ষাতে ॥
 শিশুপাল হুশান্না মগধ-নৃপমণি ।
 একে-একে দেখে অষ্টাদশ-অক্ষৌহিণী ॥
 শকুনি উত্তর পুণ্ড্র দ্রোণাচার্য-গুরু ।
 কুরু-পিতামহ ভীষ্ম শাস্ত্র ভীম-উরু ॥
 পঞ্চজন পড়িল আসিতে স্বর্গপথে ।
 দেখে রাজা, চারি-ভাই দ্রোণদী-সহিতে ॥
 বিশ্বয় মানিয়া রাজা কৃষ্ণের বচনে ।
 চিত্রের পুতলি-প্রায় চান চারি-পানে ॥
 পাসরিয়া সকল মর্ত্যের শত্রু-কার্য্য ।
 যথাযোগ্য সম্ভাষণ কৈলা ধরি ধৈর্য্য ॥
 আনন্দ-সাগরে মত্ত হৈল তনু-মন ।
 যুধিষ্ঠিরে দেখিয়া সানন্দ জ্ঞাতিগণ ॥
 কেহ আশীর্ব্বাদ করে, কেহ প্রণিপাত ।
 পিতা-মাতা-জ্যেষ্ঠতাতে বন্দে নরনাথ ॥
 ভীষ্ম-দ্রোণ-কর্ণ-বীরে কৈল দণ্ড-নতি ।
 মহা-আনন্দিত রাজা দেখি গোত্র-জ্ঞাতি ॥
 ভারত ব্যাসের গাথা অতি-মনোহর ।
 পাঁচালীতে কহে কাশী, শুনে সাধু নর ॥

১৬। যুধিষ্ঠির-কর্তৃক শ্রীকৃষ্ণের স্তব ।

কৃষ্ণপদে পড়ি রাজা করেন স্তবন ।
 স্তব শ্রবণে বুঝিতে কে পারে নারায়ণ ॥

সৃষ্টি-স্থিতি-প্রলয়ের তুমি হর্ভা কর্তা ।
 প্রধান-পুরুষ তিন-ভুবনের ভর্তা ॥
 মীনরূপে বেদ-উদ্ধারিলে তুমি জলে ।
 কূর্্মরূপে ধরণী ধরিলে অবহেলে ॥
 ধরিয়া বরাহকায় দস্তে খৈলে ক্ষিতি ।
 হিরণ্যকশিপু-হস্তা নৃসিংহ-মুরতি ॥
 বলিরে বামন-রূপে রসাতলে নিলে ।
 তিন-পদে ত্রিভুবন সকলি ব্যাপিলে ॥
 নিঃকল্মা করিলে ভৃগুরাম-অবতারে ।
 রামরূপে সবংশে নাশিলে রাবণেরে ॥
 বলরামরূপে সূর্য্যস্তুতা আকর্ষিলে ।
 বুদ্ধরূপে আপন কারুণ্য প্রকাশিলে ॥
 কঙ্কিরূপে বিনাশ করিলে য়েচ্ছ-ভূপে ।
 প্রতিকল্পে অবতার হৈলে এইরূপে ॥
 মুনি-ঋষি-যোগী বার না পায় তদন্ত ।
 চারি-বেদে ষাঁহার ক্রিয়ার নাহি অন্ত ॥
 মোরে উদ্ধারিলে মহা-বিপদ-তরণী ।
 রহিল অদ্বৈত-কীৰ্ত্তি, যাবৎ ধরণী ॥

এইরূপে স্তুতি রাজা করে নারায়ণে ।

সন্তুষ্ট করেন হরি তাঁরে আলিঙ্গনে ॥

গোবিন্দ বলেন, রাজা, তুমি পুণ্যবান্ ।

শরণীরে আইলে আমার বিত্তমান ॥

অভেদ শরীর আমা-সহিতে তোমারে ।

সকটে তারিয়া আনিলাম স্বরপুরে ॥

কৃষ্ণের আদেশে রাজা পরিজন ল'য়ে ।

রহেন হরির পুরে হরষিত হ'য়ে ॥

এতদূরে সাক্ষ হৈল স্বর্গ-আরোহণ ।

পাইল পরম-পদ পাণ্ডুপুত্রগণ ॥

মহাভারতের কথা অমৃত-সমান ।

কাশীরাম দাস কহে, শুনে পুণ্যবান্ ॥

১১। মুক্তারত্ন-শ্রবণে ব্রহ্মহত্যা-পাপ হইতে
রাজা জনসেবকের মুক্তি।

বলেন বৈশম্পায়ন, শুন জন্মেজয়।

অষ্টাদশ-পর্ব সাজ পাণ্ডব-বিজয় ॥

ব্রহ্মবধ-পাপে মুক্ত হৈলে অতঃপরে।

দান কর, দ্বিজ সেব, পূজ বৈশ্বানরে ॥

চরবর্ণ চান্দোয়া দেখহ বিভ্রমানে।

যবর্ণ দূর হৈল ভারত-শ্রবণে ॥

দেখি সভাসদগণে হরিশ-বিস্ময়।

ব্রহ্মহত্যা-পাপে মুক্ত হৈল জন্মেজয় ॥

ধু-শব্দ জয়-শব্দ হৈল দশদিকে।

কাশে কুহুম-বৃষ্টি করে দেবলোকে ॥

গন্ধ পান বহে, ঝরে মকরন্দ।

ভারত সম্পূর্ণ হৈল দেবের আনন্দ ॥

শংসিয়া জন্মেজয়ে গেল-দ্রুতগণ।

কবি-কিম্বদন্তে নাচে-গায় হুটমন ॥

হুতি যদঙ্গ শব্দ কাংস্থ করতাল।

ঝরি মুহুরী বাজে, শুনিতে রসাল ॥

হি ভিমক ঢকা শানি বীণা বেণু।

চন্দনের ছড়া দিয়া নিবারিল রেণু ॥

তবে রাজা জন্মেজয় পাণ্ড-অর্ঘ্য দিয়া।

মুনির চরণে পড়ি কহে লোটায়া ॥

নিস্তার করিলে মোরে মহাপাপ হৈতে।

রহিল তোমার কীৰ্ত্তি বিখ্যাত জগতে ॥

লক্ষ-লোক ভারত রাখিলে কলিযুগে।

কত পাপী পার হবে এই পাপভোগে ॥

এত বলি পদে পূজা কৈল কায়মনে।

বস্ত্র-অলঙ্কার-যাদু-কিঙ্কর-চন্দনে ॥

শাদোদক-পান

বিদায় হইয়া গেল যত মুনিগণ।

তপোবনে চলিলেন ক্রীবৈশম্পায়ন ॥

মুক্ত হ'য়ে কৈল-রাজা পঞ্চতীর্থে অগ্নি।

দ্বিজগণে দিল স্নান-গাভী-ভূমি-দান ॥

অনলে ঢালিল দ্রুত সহস্র-কলস।

মিষ্টান্ন ভুজ্জায়ে বিপ্রগণে কৈল বশ ॥

দিলেন অপূর্ব-বস্ত্র দিব্য-আভরণ।

দক্ষিণা পাইয়া গৃহে গেল দ্বিজগণ ॥

করাইল জ্ঞাতি-গোত্র সবারে ভোজন

রাম-নাম-মহামন্ত্র করিল কীৰ্ত্তন ॥

দ্রুত-শব্দেতে নৃত্য করে বিভাধরী।

ভারত সম্পূর্ণ হৈল, বল হরি-হরি ॥

নিষ্পাপ-শরীর রাজা পাত্রে-মিত্র ল'য়ে

রাজ্য করে জন্মেজয় হরযিত হ'য়ে ॥

অধিকারে চোর-দস্যু নাহি একজন ॥

পাণ্ডবের রাজ্যে সবে হরি-পরাক্রম ॥

সদা সাধু-সঙ্গ করে, হরিকথা শুনে।

সকলে হইল বশ নৃপতির গুণে ॥

অষ্টাদশ-পর্ব সাজ হৈল এতদূরে।

যাহার শ্রবণে পঞ্চ-মহাপাপের

শুদ্ধমতি হ'য়ে যেবা এক-পর্ব শুনে ॥

অশ্বমেধ-ফল পায় ব্যাসের বচনে

যার গৃহে থাকে এহ সম্পূর্ণ-কাল ॥

লক্ষ্মী-সঙ্গে নারায়ণ থাকেন সতত ॥

অগ্নিভয় স্বর আর চোর-মুহুরী

পাপ-তাপ-শোক-হুঃখ সব হয় ॥

রাজদণ্ড যমদণ্ড অকাল-মরণ ॥

ভূত-প্রেত-মারী-যক্ষ-গন্ধক

সম্পূর্ণ ভারত-এক থাকে কাল ॥

জা-নারী পুত্র পায় একাত্রে শুনিলে ।
 নরকি, বলরকি, তরে পরকালে ॥
 প্রের বিজ্ঞান বাড়ি, স্বর্গের রাজ্য ।
 র যার যেই বাহা, সিদ্ধ সর্বকর্ম্য ॥
 শ্র-শ্রু শুনিলে বাড়য়ে ধন-ধাত্তে ।
 শিজন শুনি সর্গে যায় মহাপুণ্যে ॥
 করি লোক শুনয়ে ভারত ।

রন পূর্ণ তার মনোরথ ॥
 ইথে নাহিক অত্যাধা ।
 সার ভারতের কথা ॥
 কিত্তে শুনে যেইজন ।
 পুরে দেখে নারায়ণ ॥
 দাচিল মহামুনি ব্যাস ।
 আমি করিছু প্রকাশ ॥
 গোবিন্দের শ্রীতে ।
 পুরে যাবে আনন্দেতে ॥
 হরি-নাম দি-অকর ।
 হি যার, বেদে অগোচর ॥
 ত মজিবে কৃষ্ণে দেহ ।
 নাহিক সন্দেহ ॥

পাঁচালী বলিয়া মনে মা করিই হৈল ।
 অনায়াসে পাশ নশে গোবিন্দের লীলা ॥
 নীচগৃহে থাকিলে ভারত নহে ছুট ।
 শুনিলে পাতক হয় অনায়াসে ছুট ॥
 সম্পূর্ণ হইল, হরি বল সর্বজন ।
 এতদূরে সাজ হৈল স্বর্গ-আরোহণ ॥
 কালীদাস-বিরচিল গোবিন্দে ভাবিয়া ।
 পাইবে পরম-সুখ, শুন মন দিয়া ॥

গ্রন্থকারের পরিচয় ।

ইন্দ্রাগী-নামেতে দেশ পূর্বাপর-স্থিতি ।
 দ্বাদশ-তীর্থেতে যথা বৈসে ভাগীরথী ॥
 কায়স্থ-কুলেতে জন্ম, বাপ সিজিগ্রাম ।
 প্রিয়করদাস-পুত্র অধ্যাকর নাম ॥
 তৎপুত্র কমলাকান্ত কৃষ্ণদাস-পিতা ।
 কৃষ্ণদাস-পুত্র গদাধর-জ্যেষ্ঠভ্রাতা ॥
 পাঁচালী-প্রবন্ধে কহে কালীদাস দাস ।
 অলি হব কৃষ্ণদাসপদেয় অভিলাষ ॥

স্বর্গারোহণপর্ব সম্পূর্ণ ।

সমাপ্ত ।



শ্রীভগবানের দশাবতার

“হীরুপে বেদ উদ্ধারিলে তুমি মলে।

... হৈলে এইরূপে।

... হীরুপে।